





3.9.7.7

R. P. FERDINANDI
 D E
CASTRO PALAO,
LEGIONENSIS,
 SOCIETATIS IESV,
 SACRÆ THEOLOGIÆ PROFESSORIS,
Et sanctæ Inquisitionis Qualificatoris Et Consultoris,
OPERIS MORALIS,
 DE VIRTUTIBVS, ET VITIIS CONTRARIIS, IN
 varios Tractatus, & Disputationes Theologicas distributi,
PARS PRIMA.

Continet tractatus de Conscientia, de Peccatis, de Legibus, de Fide,
 Spe, & Charitate,

PRODIT NVNC PRIMVM



L V G D V N I,
 EX OFFICINA LANDRIANA.
 Sumptibus **CLAVDII DV-FOVR.**

M. DC. XXXV.
 CVM PRIVILEGIO REGIS.

11. 11. 1900

THE
OFFICE OF THE
SECRETARY OF THE
NAVY
WASHINGTON
D. C.

S. g. 7/1

OPVS
MORALE

R. P. FERDINANDI

DE CASTRO PALAO
LEGIONENSIS,
SOCIETATIS IESV.

34

1. The first part of the book is devoted to a general survey of the history of the world from the beginning of time to the present day. It is a very interesting and useful work, and is highly recommended to all who are interested in the history of the world.

2. The second part of the book is devoted to a detailed account of the history of the world from the beginning of time to the present day. It is a very interesting and useful work, and is highly recommended to all who are interested in the history of the world.

3. The third part of the book is devoted to a detailed account of the history of the world from the beginning of time to the present day. It is a very interesting and useful work, and is highly recommended to all who are interested in the history of the world.



MAGNO APOSTOLICI

INSTITVTI, PIETATIS, LITERARVM

Instauratori, Orbe vtroque Catholicæ fidei
Propagatori, Hæreseon omnium Debellatori
acerrimo, Miraculorum gloriâ Thaumaturgo,
Sanctissimo **IGNATIO DE LOYOLA**,
Societatis **I E S V** Fundatori, Parenti Optimo,

FERDINANDVS DE CASTRO PALAO,

natorum minimus Maximo, quo potest

obseruantia affectu,

O. D. C.



VOTVS QVIS QVE

Scriptorum (**GLORIO-
SISSIME PARENS**)

monumēta posteritati trans-

*mittenda, non antea Mæcenati destinarit,
quàm patriâ curâ & potestate emancipata, sui
iuris in vulgus emittat? Hic (ipso tanquam
in vestibulo facem) eum fronti Patronum in-*
scribit, è cuius splendore in reliquum operis ni-

* 3 tor

tor scintillet: ille eum, sub cuius tutelâ anhe-
los irruentium calamorum & linguarum acu-
leos, ô nimium fatales declinet: Pleriq; eum,
cui affectus, cultusque monumentum in omne
æuum abiturum consecratum iri volunt. Ho-
rum ego (Parens Beatissime) non unum,
vnâ omnes æmulatus, Patronum Te unum
instar omnium, huic operi, illud Tibi inscri-
ptum volui, debui, & verò utrique. A quo
enim alio Sole pertenui huic inscriptioni lu-
cem, nisi à Te, conciliarem, qui sanctimoniæ,
doctrinæ tuæ, Natorum radiis sæculi noctem
dispulisti, hisce radiis æternū exulaturam: qui
literas ipsas vel consopitas excitasti, vel penè
emortuas scælici redanimatione in meliorem
vitam reuocasti? Quem alium Herculem ad-
sciscerem aduersus liuoris Hydram plenis buc-
cis calumnias scribentibus insufflantem: cui
vno execto plura è vulnere velut è semine
colla succrescunt, quàm Te, à quo tanquam
marmore inuidiæ tela hebetata, retorta, effra-
cta

Et a omnia, nullumne minimum admissum?
Testes Hispania, Gallia, Venetia, Europa to-
ta. Cui tandem hominum celerumve (hæc
summa inscriptionis causa) hoc quidquid est
muneris appenderem, quam cui ipsum me to-
tum, reliqua mea deberi, mihi conscius sum:
cuius ab ineunte ætate cultum in adyta pectoris
admissi? in cuius Societatem, disciplinamque
iam tum adscriptus, utinam vel nunc excul-
tus: in qua ad literas capeffendas, edocendas
institutus, cuius benignè adspirantis aura, me
in omni vitæ meæ studio, conatu, consilio fouit,
& largo de super beneficiorum imbre perpluit.
Quæ orbi testata volui publico hoc voto, quod
sentio in tam augustam aram quam humile!
Sed farre & fictili non semel ad Capitolium
superis litatum. Nec minus propitij
erant mola falsa supplicantibus, imo vero,
ut palàm est, placatiores. Nam ad aram
Gratiarum (sic habet vetus Paræmia) ani-
mus, non hostia censetur. Quid? quòd

Plin. lib.
 12. c. 18.

Quintus
Curtius
in vita
Alex.

*vel maxime te dignum, quod modicum, quia
exiguum. Mirum enim vero, sed verum,
quod & de se ille Magnus, magno, an vero præ-
conio? Nulla, inquit, munera Alexandro
digna sunt, si quæ vero, leuiora, quæ ab
Alexandro momentum accipiant, ipsi
Alexandro consecrata. Humanitate er-
go (P A R E N S A V G V S T I S-
S I M E) qua reliquum orbem, excipe na-
tum, dignare munusculum ab animo certè
commendandum, de se exiguum, à Te, si ad-
miseris, momentum habiturum. Idque (ut
cetera tua) ad Dei maiorem Gloriam,
animarumque profectum, luce Tua in
lucem abeat, aliqualem aliis allaturum. Sic
voui. Tu velis. Faxo ô Numen.*

INDEX



AD LECTOREM.

SCIAS velim (benigne & studiose Lector) laboris mei, quem hisce lucubrationibus Theologicis videbis impensum, & tempus, & intentionem. De primo id tantum affirmo, me postquam in nostro D. Ambrosij Vallesoletano Collegio Philosophiam docui, Superiorum iussu, duodecim annos in Theologiæ moralis difficultatibus auditoribus è suggestu enodandis consumpsisse. Cui studio quidquid in me virium fuit (exiguas semper fuisse fateor) id totum contuli. O utinam expectationi & desiderio fecerim satis. Cùm enim moralis Theologia ferè omnes conclusiones ex Pontificio & Cæsareo iure eliciat, exigit in Doctore suo non mediocrem vtriusque cognitionem; quam absque ingentis laboris assiduitate obtineri non posse, nemo est qui ambigat. An ego illam fuerim consequutus? penes te erit iudicium. Hoc credas, me nec Cæsarei, aut Pontificij iuris decretum, aut Sanctorum Patrum & Doctorum, tam Scholasticorum, quàm iuris vtriusque prudentium referre sententiam, quàm non ipse viderim, & qua potui diligentia intelligere curauerim. Nouitatem sententiarum, aut resolutionum veritate destitutam

* 5 non

non ſector, qui id ſemper oculis præfixum habui, vt Sanctorum Patrum & Doctorum veſtigiiſ in- hærerem, conſilium illud ſatis tutum (in re adeò du- bia) tenens, ſcilicet, Ne tranſgrediaris terminos anti- quos, quos poſuerunt Patres tui, Prouerb. 22. 28. Id tamen non inficiabor, me maioris ſemper habuiſſe pretij Societatis noſtræ Doctores, tum quia ſemper illos habui Magiſtros, tum quia domeſticos. Nec hoc mihi vitio vertendum, cùm legi ſit naturæ conſonum, vt propria quiſque amicabiliora repu- tet. Ergo quidquid per tam longi temporis ſpatium ex his ſacris fontibus hauſi, & nunc ebibo, (neque enim prælegendi labore liber ſtudio ſuperſedeo,) hiſce meis tractatibus Theologicis tibi offero. An vt alios habeas rerum moralium Commentarios hocce præſertim ſæculo horum librorum abun- dantia, & quidem doctiſſimorum, ſcaturienti? minimè. Sed alumnus cùm ſim Societatis I E S V, & ſanctiſſimi Patriarchæ I G N A T II filius, etſi in- dignus, à meipſo deſciſcere iudicaretur meritò, ſi quod in me eſt, id non referrem totum ad Dei Optimi, Maximi gloriam, proximorumque vtilitatem. En mei laboris fructum, en mei ſtudioſi intentio- nem: quæ ſi aſſequor, nihil eſt, quod deſiderem. Quare ſi in hiſ diſputationibus aliquid, quod non diſpliceat, repereris, id Dei honori, & tuæ vtilitati di- catum intelligas?

Elegi de virtutibus tractationem moralem, & præcipuè de Religione, quia mihi ſemper formoſior arrit. Diuido illam in tria volumina, quorum
Primum

Primum nos continet tractatus Theologicos: de Conscientia, de Peccatis, de Legibus ad vniuersam de moribus disputationem præuios; utpote summi ponderis & utilitatis: tres reliquos de Fide, Spe, & Charitate, & vitiis contrariis. In tractatu de Fide multa disputo de Sacrae Inquisitionis iurisdictione, Inquisitorum officio & exercitio, tum ut tractatui grauiissimo & utilissimo nihil desit, tum ut quamplurimis, & quidem grauiissimis in hac materia difficultatibus emergentibus lucem aliquam apponam, qui per multos annos consultationibus sanctæ Inquisitionis inseruio. Volumen alterum proferet disputationes de Oratione, de Horis Canonicis, Adoratione, Sacrificio, Observatione festorum, Decimis, Immunitate Ecclesiarum, personarumque Ecclesiasticarum, de Beneficiis, de Iuramento, de Voto, statumque Religioso. Tertium verò volumen Sacramentorum thesauros disputationibus referabit, agatque de Censuris, Bulla cruciata, necnon de vitiis Religioni oppositis; quibus vniuersam de Religionis virtute tractationem absoluemus. Si verò Deus spatij vitam, (quam ægra semper valetudine dego) prorogabit, aliud nostrum habebis volumen, vniuersam de Iustitia eiusque comitibus, de Prudentia, Fortitudine & Temperantia, disputationem complectens. Ecce laborem meum: illo frui felicitate; quod ut facias, claritatem & breuitatem, qua cura & diligentia possum, affecto. Vtinam
Dei

Dei laudi & tuæ semper cedat vtilitati. Si quid er-
 ratum in his commentariis repereris, id Romanæ
 Ecclesiæ correctioni, sanctorum Patrum, & Do-
 ctorum iudicio lubens submitto. VALE.



APPRO

4

A P P R O B A T I O.

IOANNES CLAVDIUS DE VILLE in sacra Theologia Doctor, Custos sanctæ Crucis in Ecclesia Lugdunensi, & in hac Diœcesi Vicarius Generalis substitutus Domini D. Alphonfi Ludouici du Plessis de Richelieu, eminentissimi Cardinalis Archiepiscopi & Comitis Lugdunensis: fidem facimus, nos hoc Opus Morale de virtutibus, & vitiis contrariis, in varios Tractatus & Disputationes Theologicas distributum, à R. P. Ferdinando de Castro Societatis IESV compositum, euoluisse, omniâque in eo iuxta Catholicæ, Apostolicæ, & Romanæ Ecclesiæ, Sanctorumque Patrum sanam doctrinam summa cum eruditione, singulari ingenij acumine, & eximia mentis perspicuitate exposita comperisse. Lugduni Non. Ianuariis 1631.


DE VILLE.

NOs quoque subsignati Doctores Parisienses, fidem eandem facimus, & attestamus omnibus ad quos quomodocunque spectabit, præfatum Opus Morale de virtutibus, & vitiis contrariis, in varios Tractatus & Disputationes Theologicas distributum, à R. P. Ferdinando de Castro Societatis IESV compositum, vidisse, & nihil in eo reperientes fide indignum Catholica, vt in lucem ederetur dignum iudicasse. Lugduni in Conuentu sancti Bonauenturæ, die quarta mensis Februarij. Anni Domini 1631.

FR. DESIDERIVS RICHARD
Guardianus præfati Conuentus.

FR. BERNARDINVS MOLLIASSON.

S V M M A P R I V I L E G I I
Regis Christianissimi.

 VDOVICVS XIII. Dei gratiâ Galliarum & Nauarræ Rex Christianissimus, singulari priuilegio sanxit, ne quis per vniuersos Regnorum suorū fines, intra sex annos, à die finitæ impressionis computandos, imprimat, seu typis excudendum curet, & venalem habeat librum, qui inscribitur, R. P. Ferdinandi de Castro Palao Opus Morale de virtutibus & vitiis, præter Claudium Landry, Bibliopolam Lugdunensem, aut illos, quibus ipsemet concesserit. Qui secùs faxit, præter librorum confiscationem, mille librarum illatione mulctabitur; vti latiùs patet in litteris, datis Parisiis 7. Martij 1631.

Ex mandato Regis

Signatum

LELONG.

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

37

38

39

Summa Priuilegij Regis Christianissimi.




VDOVICVS XIII. Dei gratiâ Galliarum & Nauarræ Rex Christianissimus, singulari priuilegio sanxit, ne quis per vniuersos Regnorum suorum fines, intra sex annos, à die finitæ impressionis computandos, imprimat, seu typis excudendum curet, & venalem habeat librum, qui inscribitur, R. P. Ferdinandi de Castro Palao Operis Moralis de virtutibus & vitiis Tomus Primus, præter Claudium Du-Four, Bibliopolam Lugdunensem, aut illos, quibus ipsemet concesserit. Qui secùs faxit, præter librorum confiscationem, mille librarum illatione mulctabitur; vti latiùs patet in litteris, datis Parisiis die 11. Augusti 1632.

Ex mandato Regis

Signatum

THOMASSIN.

Hoc Opus finitum fuit die 20. Maij 1635.



INDEX


Tractatum , Disputationum , & Punctorum
huius primæ partis operis moralis de virtu-
tibus , & vitiis contrariis.

TRACTATUS I.

De Conscientia.

DISPUTATIO I.

De Conscientia errante.

- Punct. 1.  V I D sit conscientia , & quoru-
plex. 1
2 An sit obligatio obediendi con-
scientiæ erranti 2
3 Quod peccatum sit conscientiæ erranti non pa-
rere 3
4 An sit peccatum agere contra conscientiam non
actu errantem, sed habitu ibid.
5 An peccet sequens conscientiam errantem , si di-
cet vtramque partem contradictionis esse ma-
lam? 4
6 Expediuntur aliquot leuiore difficultates de con-
scientia errante? ibid.

DISPUTATIO II.

De conscientia opinante, seu de opinione.

- Punct. 1. Quæ sit opinio probabilis, quæ probabilior,
quæ communis, & an communis singulari
sit præferenda? 5
2 An liceat tibi opinionem probabilem, & minus
tutam sequi, relicta tua tutiori, & probabiliori 7
3 An possit Doctor, vel Confessarius consulere, vel
docere opinionem minus probabilem, relicta
probabiliori propria 8
4 An Confessarius possit, & debeat contra propriam
opinionem penitentem sequentem opinionem
probabilem absolueret? 9
5 An in administratione Sacramentorum liceat vti
opinione probabili, & in re minus tuta relicta
probabiliori, & tutiori, vel omnino certa? 10
6 An subditus contra propriam opinionem possit, &
debeat superiori præcipienti obedire? 13
7 An Rex in bello inferendo moueri possit ex opi-
nionem probabili, dicente sibi illud regnum perti-
nere? 15
8 Quam probabilitatem de iusticia belli debeat ha-
bere miles, vt possit, teneaturque militare? 17
9 Quam opinionem debeat sequi Medicus in medi-
camentis adhibendis? 18
10 Quam opinionem iudex possit, teneaturque sequi in
iudicando? 21
11 Quam opinionem sequi possit Aduocatus? 21

DISPUTATIO III.

De conscientia dubia.

- Punct. 1. An operari ex conscientia dubia peccatum

- fit? 22
2 An possessio legitima sit materia iustitiæ sufficiens
titulus sit deponendi dubiam conscientiam, &
honestandi operationem? 23
3 An possidens mala fide teneatis rem integram re-
stituere, cum dubius ad quem pertineat? 24
4 An consulens homicidium, vel furtum, vel furem,
aut homicidam socians, aut alio modo adiuuans,
dubitas tamen, an alius absque tuo consilio, vel
adiutorio furtum, homicidiumue præstaret, teneas
de damno sequuto? 25
5 Dubius an sis legitimus, naturalis, vel spurius, quis
debeas reputari, & quis te alere teneatur? 26
6 An in aliis materiis à iustitia possessio sit sufficiens
titulus deponendi dubiam conscientiam? 28
7 An dubius de lege, vel præcepto tenearis illo? 29
8 Aliqua notari digna ex supradicta doctrina infe-
runtur 30
9 Dubius de voto, iuramento, vel promissione, an te-
nearis? 31
10 An tenearis voto, promissione, vel iuramento, si du-
bites habuisse animum iurandi, aut promittendi,
vel vouendi? ibid.
11 An tenearis promissione, voto, vel iuramento, si
dubites adfuisse deliberationem? 33
12 An dubius de materia voti, iuramenti, aut promiss-
ionis sit ne licita, tenearis voto, iuramento, aut
promissione? 35
13 An subditus dubitans rem sibi præceptam licitam
esse, seu superioris potestatem excedentem, pos-
sit, & teneatur exequi? ibid.
14 An milites dubitantes de iusticia belli possint, &
debeant principi obedire? 39

DISPUTATIO IV.

De conscientia scrupulosa.


- 1 Quis sit scrupulus, & an contra illum quis agere
possit? 40
2 Quæ remedia scrupulosis sint adhibenda? 41

TRACTATUS II.

De peccatis, & requisitis ad illa.

DISPUTATIO I.

*De libertate summanarum actionum, & impedimentis
illis, scilicet vi, metu, & ignorantia.*

- Punct. 1.  Vid sit voluntarium, quid liberum, &
quoruplex? 42
Qua

Index Tractatum,

2	Qua ratione voluntas cum non sit, permanere dicatur?	
3	An effectus, vel ommissio illius ex aliqua actione voluntaria proueniens imputetur ad culpam, quando actu vitari non potest?	ibid.
4	An voluntas in se, & in potentiis sibi subiectis pati possit aliquam vim?	45
5	An ira, concupiscentia, aliæ passio causet inuoluntarium?	ibid.
6	Quid sit metus, & an causet in voluntarium, vel saltem illud diminuat?	46
7	Quæ conditiones requirantur ad metum iustum?	46
8	Vtrum metus grauis iniuste incussus ad extorquendum contractum reddat contractum iure naturæ nullum?	50
9	An metus grauis irritet contractus iure positio, vel veniant irritandi?	52
10	Vtrum metus cui causam dedisti, obstat obligationi contractus?	55
11	Aliqua inferuntur pro elariori intelligentia superioris doctrinæ de metu graui.	57
12	An metus leuis irritet contractus?	58
13	An metus mortis, vel alterius grauis damni à præceptorum transgressione excuset?	59
14	Qualiter metus probandus sit?	62
15	De ignorantia quid sit, & quoruplex, quæque causet inuoluntarium?	64
16	An ignorantia, obliuio, vel inaduertentia præcepti, quando inuincibilia sunt, minuant culpam, vel ab illa excusent?	66
17	An ignorantia legis, vel pænæ impositæ per legem excuset à pænâ incurrenda?	67
18	An ad incurrendam pœnam à lege impositam sufficiat ignorantia quælibet mortaliter culpabilis?	69
19	An ignorantia excusans legis transgressionem allegari possit in foro externo, & qualiter probanda sit?	70

DISPUTATIO II.

De peccatis, ubi eorum essentia, & natura explicatur.

Punct. 1	Quid sit peccatum originale?	72
2	Quos effectus habeat peccatum originale?	73
3	Quas personas peccatum originale afficiat?	74
4	Quod sit peccatum mortale, & veniale, actuale, & habituale, & qua ratione inter se differant?	ibid.
5	Qua ratione peccatum mortale à veniali differat?	76
6	An peccatum ex genere suo mortale fieri possit veniale ex defectu plenæ libertatis?	77
7	An mortale ex genere in veniale transeat ratione paruitatis materiæ, & quæ hæc sit?	78
8	An ex voluntate Legislatoris peccatum mortale possit fieri veniale?	80
9	Quibus modis veniale peccatum transeat in mortale?	81
§.1.	Qua ratione peccatū veniale in mortale transeat ratione finis?	82
§.2.	An ratione contēptus veniale transeat in mortale?	ibid.
§.3.	An peccatum veniale fieri possit mortale ratione periculi?	84
§.4.	An peccatum veniale fiat mortale, si sæpius multiplicetur, & quid de scandalo?	87
10	An libera complacentia, & delectatio de obie-	

cto malo, quæque dicitur delectatio morosa absque proposito exequendi illud sit peccatum mortale?

§.1.	Proponuntur aliqua certa.	ibid.
§.2.	An delectari de obiecto materialiter malo, verbi gratia, de coitu cum femina, v.g. de comestione carnis die Veneris sit mortale?	91
§.3.	An delectatio, & desiderium obiecti mali sub conditione auferente eius malitiam mortale peccatum sit?	95
§.4.	An delectatio morosa de turpi obiecto habeat omnes species, quas haberet desiderium illius.	96
§.5.	An delectatio appetitus sensitiui cum commotione corporis peccatum sit mortale, si voluntas in talem delectationem expresse non consentiat?	97
11	Qua ratione pecces si te iactes, aut iactari permittas de peccato, de donis naturalibus, & de virtutibus?	99
12	An repræsentatis duobus peccatis voluntati, v.g. homicidio, & leui mendacio teneatur voluntas vtrumque respondere, vel possit absque peccato vnum præ alio amplecti?	100

DISPUTATIO III.

De peccatis, quæ est de eorum distinctione, grauitate, & pœnis eis annexis.

1	Vnde distinctio peccatorum sumenda sit?	101
2	Vnde distinctio numerica peccatorum non solum in esse physico, sed morali, & in ordine ad confessionem desumenda sit?	103
3	Inferuntur aliqua pro clariiori intelligentia distinctionis specificæ, & numericæ?	104
4	Vnde grauitas, & malitia peccati desumenda sit?	108
5	Quos effectus peccatum actuale habeat?	109

TRACTATUS III.

De Legibus.

DISPUTATIO I.

De lege in communi, eiusque causis.

Punct. 1	Vnde dicatur lex, & quid sit?	111
2	Quoruplex sit lex?	113
3	Quid sit ius gentium, & qua ratione à iure naturali, & ciuili distinguatur?	114
4	Quot, & qui sint legis actus?	115
5	An materia legis, seu eius obiectum necessario debeat esse honestum, & virtuti conforme, & de differentia inter legem canonicam, & ciuilem?	ibid.
6	An leges ciuiles, & canonicæ possint imperare actus internos?	116
7	An lex vt obliget requirat scripturam, vel aliam formam, & quæ hæc sit?	118
8	An ex prolatione sententiæ datæ à Principe in aliqua causa intelligatur lex constituta ad similes causas decidendas?	119
9	Quibus verbis lex, seu præceptum constitutum intelligatur?	120

Quæ

& Disputationum, &c.

10	Quæ promulgatio legis necessaria sit, & sufficiat ad obligationem inducendam?	122
11	Quæ promulgatio in legibus ciuilibus requiratur	ibid.
12	Quæ solemnitas publicationis requiratur in lege canonica?	124
13	Vtrum acceptatio populi necessaria sit ad legis ciuilis, & canonice obligationem?	126
14	Vtrum lex ciuilis, & ecclesiastica inducant obligationem in conscientia, & sub peccato?	129
15	Vnde colligendum est legem ciuilem, & canonicam obligare in conscientia ad actum cui est pœna impolita, vel solum obligare ad sustinendam pœnam, si imponatur?	133
16	An lex humana obliget cum periculo cuiuscunque grauis nocuenti?	136
17	Quæ intentio requiratur in subdito, vt legi, & præcepto satisfaciatur?	137
18	An actus, qui sit peccatum possit legi, vel præcepto satisfieri?	140
19	Vtrum possis vnico actu pluribus præceptis, & obligationibus satisfacere?	141
20	Vtrum pluribus actibus eodem tempore factis possis satisfacere pluribus præceptis?	143
21	Quando censeatur peccare impedimentum apponens, vel non tollens legi, vel præcepto adimplendis	ibid.
22	In quibus sit potestas leges ciuiles condendi	145
§. 1	Quid dicendum est de Pontifice, & Imperatore comparatione totius orbis?	ibid.
§. 2	Quid dicendum de Rege, Regina, aliisque subditos habentibus?	147
23	In quibus sit potestas canonicas leges condendi	149
24	Qui teneantur legibus tam ciuilibus, quam Ecclesiasticis?	155
§. 1	Legislator an suis legibus obligetur?	ibid.
§. 2	Infideles, pueri, ebrii, ignorantes, & amentes, qua ratione legibus teneantur?	156
§. 3	De peregrinis & forensibus an teneantur legibus loci, qua transeunt?	159
§. 4	Quid dicendum de vagis, qua ratione legibus teneantur?	164
§. 5	An peregrinus, & forensis teneatur legibus suæ patriæ, quando alibi est, vbi non vigent?	ibid.
§. 6	Qua ratione legibus ciuilibus obligentur clerici, & religiosi?	169

DISPUTATIO II.

De Lege pœnali & irritante.

1	An lex pœnalis possit transgressores illius obligare in conscientia ad subeundam pœnam ante iudicis sententiam?	172
2	An sint aliquæ pœnæ impositæ à legislatore, tam Ecclesiastico, quam ciuili annexæ delictis ante omnem iudicis sententiam?	173
3	An pœna appositæ ex mutuo contrahentium consensu debeat ante sententiam iudicis?	177
4	Quas pœnas teneatur exequi delinquens post latam sententiam	ibid.
5	Vtrum iudex teneatur pœnam imponere lege præscriptam	178
6	An pœnæ solos delinquentes ligent	179
7	De effectu legis, qui est irritatio, quæ sit, quoruplex, & an lex irritans dicatur pœnalis, vel fauorabilis?	ibid.
8	An eo ipso, quo lex actum prohibeat: censeatur illum irritare?	180
9	Quando lex irritet actum ob non seruatum for-	

	mam à lege præscriptam?	181
10	An lex irritans actum ipso iure indigeat sententia, vt effectum sortiatur?	182
11	An lex eo ipso, quo irritat actum, prohibeat in conscientia illius executionem?	183
12	Quibus modis irritatio impediri possit	184
13	An ommissio levis formæ substantialis reddat irritum actum?	185
14	An lex irritans incipiat habere effectum à puncto publicationis?	186
15	Quando pœna appositæ actui efficiat inualidum, quando non?	ibid.
16	Quando lex censeatur pœnam imponere ipso iure?	187
17	Quæ sint verba, quibus lex censeatur annullare actum, aut pœnam imponere ipso iure	ibid.

DISPUTATIO III.

De lege non scripta, qua Consuetudo appellatur.

1	Quid sit consuetudo, & quoruplex	188
2	De conditionibus requisitis ad consuetudinem	189
§. 1	Quæ vocetur rationalis consuetudo?	ibid.
§. 2	De tempore requisito ad consuetudinem	190
§. 3	Examinatur tertia conditio de frequentia, & qualitate actuum	192
§. 4	Expenditur quarta conditio de consensu legislatoris ad consuetudinem requisito	196
3	Qui possint consuetudinem introducere?	ibid.
4	Quos effectus consuetudo habeat?	197
§. 1	Expenditur primus effectus consuetudinis, qui est obligatio	ibid.
§. 2	Qua ratione consuetudo abroget legem præ-existentm, qui est secundus effectus consuetudinis	198
§. 3	De tertio effectu consuetudinis, qui est legem interpretari	201
§. 4	De quarto effectu consuetudinis, qui est irritatio	ibid.
5	An consuetudo abrogari, mutuarique possit, & qua ratione	202
§. 1	De abrogatione consuetudinis per legem	ibid.
§. 2	De abrogatione consuetudinis alia consuetudine	204
6	Quomodo probetur consuetudo	205

DISPUTATIO IV.

De Lege concedente priuilegium, seu de priuilegiis.

1	Quid sit priuilegium, & qua ratione à lege, dispensatione, gratia, & rescripto distinguatur	206
2	Quoruplex sit priuilegium	208
§. 1	De priuilegio personali, & re aliquid sit, & qua ratione distinguantur	ibid.
§. 2	De priuilegio perpetuo, & temporali	209
§. 3	De priuilegio gratuito, & remuneratorio, conuentionali, & puro	210
§. 4	De priuilegio affirmatiuo, communi, & singulari, fauorabili, & odioso	211
§. 5	De priuilegio scripto, & non scripto pro foro conscientie, & externo	ibid.
§. 6	De priuilegio ad instantiam partis, vel moru proprio concessio	213
§. 7	De priuilegio absolute, vel sub conditione, aut modo concessio	214
** 2	§. 8 De	

Index Tractatum,

§.8 De priuilegio ad instar	215
§.9 De priuilegio per communicationem concessio	216
§.10 De priuilegio concessio in forma communi, vel ex certa scientia	ibid.
3 De priuilegiarum conditionibus	218
§.1 An requiratur scriptura ad priuilegium?	ibid.
§.2 An promulgatio, seu notitia priuilegij ad priuilegium requiratur?	219
4 A quo, & cui priuilegia concedi possunt?	223
5 An in concessione priuilegij causa aliqua requiratur?	ibid.
6 Possit ne priuilegiatus vti suo priuilegio in quolibet loco etiam extra territorium concedentis?	ibid.
7 Vtrum priuilegiatus teneatur suo priuilegio vti?	225
8 Vtrum priuilegiatus vti possit suo priuilegio aduersus pariter priuilegiatum?	226
9 Qua ratione priuilegium interpretandum sit?	ibid.
10 Quod priuilegium late, vel strictè interpretandum sit	227
11 An priuilegium, seu potestas dispensandi, ab soluendi à referuatis late, vel strictè interpretanda sint?	229
12 An priuilegium fauorabile extendatur ad alios præter expressos?	231
13 Extendaturne priuilegium ad casus alios, vel personas, in quibus & similes, vel efficacior ratio	232
14 De priuilegij amissione, an inquam amitti possit priuilegium ex solo lapsu temporis?	233
15 Qua ratione priuilegium cesset cessante causa finali ob quam fuit concessum?	236
16 Vtrum cesset priuilegium, rescriptum, & dispensatio morte concedentis?	239
§.1 Quando rescripta iustitiæ, & gratiæ dicantur esse in statu integro, quando dicantur esse incæpta?	ibid.
§.2 Quando dicatur gratia facta, quando facienda?	242
§.3 An rescriptum iustitiæ, seu iurisdictio de legata expiret finita iurisdictioe in delegante?	243
§.4 An rescriptum gratiæ absolute concessum expiret finita iurisdictioe concedentis?	244
§.5 An rescriptum gratiæ pro limitato tempore concessum expiret morte concedentis?	246
§.6 An rescriptum gratiæ, & iustitiæ morte delegati, vel eius officio finito spiret?	247
§.7 Quæ dignitas successorem habeat?	248
§.8 An si delegatus, cui sunt commissa rescripta Pontificia remoueatur à dignitate v. g. Canonicus à canonicatu, Vicarius à vicariatu possit eas litteras expedire?	251
17 An priuilegium, & dispensatio cessent renuntiatione ipsius priuilegiati?	252
18 An priuilegium, & dispensatio amittatur per non usum?	254
19 An priuilegium amittatur per actum contrarium illius?	256
20 An priuilegium amittatur per illius abusum?	257
21 De amissione priuilegij per reuocationem	258
§.1 An priuilegium gratis concessum reuocari possit?	259
§.2 Reuocari ne possit priuilegium onerosum, & remuneratorium?	260
§.3 Quis possit supradicta priuilegia gratuita, onerosa, & remuneratoria reuocare, casu quo reuocabilia sint	261
§.4 Qua ratione facienda est reuocatio priuilegij, vel dispensationis, vt censeatur effectum ha-	

bere.	ibid.
§.5 Quæ publicatio reuocationis necessaria sit, vt priuilegium reuocatum censeatur?	265

DISPUTATIO V.

De cessatione legis, eiusque interpretatione.

1 De cessatione legis ex cessatione causæ finalis	266
2 De cessatione legis per eius abrogationem	268
§.1 Quæ conditiones seruandæ sunt in legis abrogatione	ibid.
§.2 Qui possint legem abrogare, vel derogare	270
3 De interpretatione legis	272
§.1 Qui possint legem interpretari authentice	ibid.
§.2 An cuilibet liceat legem doctrinaliter interpretari, vbi de Epicheia?	273
§.3 Quæ regulæ seruandæ sunt in legis interpretatione	275
§.4 An lex extendatur ad casum sublata verborum forma non comprehensum ob similitudinem, vel identitatem rationis?	277
§.5 An lex extendatur ad præterita?	290
§.6 Quam vim fortiantur verba, & litteræ commendatiuæ alicuius	283

DISPUTATIO VI.

De dispensatione legis.

1 Qui sit dispensatio	284
2 An dispensatio cadere possit in his, quæ iuris naturalis, & diuini sunt?	285
3 An in iure diuino positiuo dari possit dispensatio, & à quo danda sit?	287
4 An lege humana legis lator illius possit dispensare?	288
5 An sint aliqui casus, in quibus inferiores potestatem habeant dispensandi in superiores legibus?	291
6 Qui habeant potestatem dispensandi in pœnis à lege statutis, vel ab homine latis	293
7 Circa quos dispensatio exerceri potest	295
§.1 Quilibet superior secum dispensare potest	ibid.
§.2 Vagine, & forenses possint dispensari à superiore illius loci, in quo de præsentis resident?	296
§.3 Quid dicendum de subditis suffraganeis, An possint à Metropolitano dispensari?	298
§.4 Cum religiosis quinam possunt dispensare in votis, iuramentis, & pœnis	ibid.
8 De causa requisita ad dispensationem	299
§.1 Quæ causa requiratur pro dispensatione propriæ legis	ibid.
§.2 Quæ causa requiratur pro dispensatione legis superioris	301
9 An liceat habentibus potestatem dispensandi imponere aliquam mulctam pecuniariam, vel onus personale dispensaturis?	303
10 An asserenti se habere potestatem dispensandi debeas fidem adhibere?	304
11 Quæ forma seruanda sit in dispensatione expressa	305
12 Quæ conditiones seruandæ sunt in dispensatione tacita	ibid.
13 An cognitio causæ debeat præcedere dispensationem faciendam, ita vt dispensatio facta absque remissa causæ cognitione nulla sit?	307
14 An credi debeat Prælato dispensanti præmississe dispensationi causæ cognitionem, præcipue si id asseruerit?	308
Quas	

& Disputationum, &c.

- 15 Quas condiciones seruare debent ij, quibus committitur dispensationis expeditio 309
- §.1 Explicantur clausulæ, quæ communiter apponi solent in dispensatione pro foro conscientie. ibid.
- §.2 Explicantur clausulæ apponi solitæ in dispensationibus pro foro externo. 319
- 16 De causis, ex quibus dispensationis rescriptum reddatur nullum 313
- §.1 Quid de consensu per metum? ibid.
- §.2 Quid de consensu per ignorantiam, vel errorem? ibid.
- §.3 Quid de suppressione veritatis, vel falsitatis expressione circa causam finalem? 315
- §.4 Expenduntur causæ, quæ iure, & consuetudine debet exprimi in dispensationibus obtinendis, quarumque taciturnitas vitiat rescriptum 316
- §.5 Expenduntur ea, quorum falsæ expressio vitiat rescriptum 321

TRACTATUS IV.

De Fide, eiusque contrariis.

DISPUTATIO I.

De Fide, eiusque obligatione.

- Punct. 1 Quid sit fides, & quotuplex? 324
- 2 Quodnam sit obiectum: formale fidei 325
- 3 An diuina reuelatio, quæ est obiectum formale fidei habeat omnimodam certitudinem 326
- 4 Quod, qualèque sit obiectum materiale fidei? ibid.
- §.1 Sit ne obsecritas de ratione obiecti fidei? 327
- §.2 Sit ne obiectum fidei euidenter credibile ib.
- §.3 Quæ sint obiecta fidei 328
- 5 An obiectum fidei indigeat Ecclesiæ propositione, & quam efficaciam, & authoritatem habeat Ecclesia in obiecto fidei proponendo? 329
- §.1 Quid sit Ecclesia, & quæ eius proprietates ib.
- §.2 An Romanus Pontifex regula sit infallibilis veritatis, ita vt errare nullo modo possit in rebus fidei proponendis? 331
- §.3 An in legibus ferendis pro tota Ecclesia, vel aliqua illius parte errare Pontifex possit? 336
- §.4 An sit de fide Pontificem errare non posse in canonizatione sanctorum? 337
- §.5 Quid dicendum de beatificatione sanctorum, An inquam in ea Pontifex errare possit, & quoufque liceat eorum veneratio? 338
- §.6 Quid dicendum de religionum approbatione, An inquam, Pontifex errare possit? 340
- §.7 An Concilia generalia, & prouincialia errare possint in rebus fidei definiendis ibid.
- §.8 Quid dicendum de vnanimi consensu Patrum, & Doctorum: An inquam errare possit? 342
- 6 In quonam subiecto fides diuina resideat? 343
- 7 Quæ requirantur ad actum fidei, & qualis ille sit? 344
- 8 An sine fide supernaturali iustificari possit? 345
- 9 Quorum mæsteriorum debet quis actualem fidem habere ex necessitate mediij 346
- 10 Quorum mysteriorum debeat vnusquisque habere fidem ex necessitate præcepti? 348
- 11 Quando quilibet fidelis supradicta mysteria fidei teneatur addicere, & parochi, alique, quibus cura instruendi incumbit sibi subditos teneantur docere 351
- 12 Quo tẽpore obligatus sis fidei actũ exercere 353
- 13 An sit præceptum de externa fidei confessione, &

- quando obliget? 356
- 14 An cum de tua fide interrogaris, tenearis illam fateri? 357
- 15 Quando possis, vel tenearis fugere tyrannum in Christianos sœuientem? 358
- 16 Licitum ne sit celare fidem verbis, vel signis contrariam religionem significantibus, casu quo non instat præceptum positium manifestandi fidem? 359
- 17 Possis ne vti vestibus, & signis propriis infidelium, vel hæreticorum, vt fidem occultes, cum non vrget præceptum fidei confitendæ? 360
- 18 An liceat tibi omittere signum ex præscripto regis impositum ad significandum te fidelem esse? 363
- 19 De professione fidei ex decreto Trid. faciẽda 364

DISPUTATIO II.

De Infidelitate, quæ est vitium contrarium fidei.

- 1 Quid infidelitas sit, & quotuplex? 368
- 2 Vtrum infidelis possit habere ignorantiam inuincibilem omnium illorum, quæ fides proponit credenda? 370
- 3 Sint ne opera omnia infidelis, & hæretici peccatum, vel possint esse aliqua opera bona? 371
- 4 Vtrum liceat cum infidelibus, & hæreticis de fide præsertim publicè disputare? 372
- 5 Vtrum infideles compelli possint ad audiendam fidem? 374
- 6 Cõpelli ne possit infidelis ad recipiendã fidem? 376
- 7 An indeles cogi possint, & debeant, vt errores deponant, & falsum cultum relinquunt? 378
- 8 Priuari ne sint infideles, vel priuari possint potestate, & dominio circa fideles 380
- 9 Quoufque communicatio fidelis cum infidelibus prohibita sit? 382
- 10 Sub qua censura infidelium, hæreticorumque libros Ecclesia suis fidelibus prohibeat? 386
- §.1 Expenditur prima difficultas de qualitate librorum prohibitorum ibid.
- §.2 Expenduntur actiones prohibite in bulla Cœnæ, aliisque decretis circa supradictos libros 388
- §.3 Circa quas personas cadat hæc prohibitio legendi, & retinendi hæreticorum libros 391
- §.4 De pœnis impositis harum legum transgressoribus ibid.

DISPUTATIO III.

De Hæresi, & apostasia à fide.

- 1 Quod sit obiectum hæresis, & apostasiæ à fide 393
- 2 Quid sit hæresis? 394
- 3 An omnis hæresis, aut apostasia pœnis Ecclesiæ subiecta sit, & quotuplex sit hæreticus 398
- 4 An possis, & tenearis omnes apostatantes à fide iudicibus fidei denunciare? 400
- 5 Qui reputentur credentes, fautores, receptatores, defensores hæreticorum, aduersus quos in bulla Cœnæ clausula prima lata est excommunicatio? 404
- 6 Quæ sint pœnæ fautorib. hæreticorum impositæ? 407

DISPUTATIO IV.

De pœnis spiritualibus hæreticorum, excommunicatione scilicet, infamia, priuatione beneficiorum & officiorum.

- 1 Qua ratione excommunicatio, quæ est prima hæretico

Index Tractatum,

- reticorum pœna, hæreticos afficiat? 408
- 2 An hæc excommunicatio ab hæresim comprehen-
dat perseverantem in excommunicatione per
annum 410
- 3 Qui possint ab excommunicatione propter hære-
sim incurta absolvere 411
- §. 1 Expenditur facultas concessa Episcopis 412
- §. 2 Expenditur facultas absolvendi ab hæresi con-
cessa inquisitoribus 418
- §. 3 Quid dicendum de religiosorum, privilegiis 419
- §. 4 Expenditur facultas absolvendi ab hæresi per
bullam, aut iubilandum concessa 420
- §. 5 De facultate absolvendi ab hæresi, aliisque re-
servatis pro articulo mortis 421
- §. 6 Possit ne aliquando absolui hæreticus à prin-
cipato sacerdote de peccatis non reservatis tacita
hæresi 426
- 4 Explicatur pœna irregularitatis, & infamiae hæreti-
cicis imposita ibid.
- 5 De pœna priuationis beneficiorum, & officiorum 427

DISPUTATIO V.

De pœnis temporalibus hæreticorum præcipue de confiscatione bonorum.

- 1 Sit ne pœna confiscationis bonorum hæreticis im-
posita? 430
- 2 An omnia bona hæretici cadant sub confiscatione 431
- 3 An bona donata sub conditione, & acquisita post
delictum confiscationem subiaceant? ibid.
- 4 An bona sub conditione futura debita confiscen-
tur? 433
- 5 An publicatis bonis hæretici ius patronatus Eccle-
siastici, & pensionis publicetur? 434
- 6 An maioratus, & fideicommissum sub confiscatio-
nem cadat? 436
- 7 An veniat in confiscationem maioratus, quando
illius institutor delinquit? 441
- 8 Emphyteusis, & census qua ratione sub confisca-
tionem cadere possint 443
- 9 Qua ratione feudum sub publicatione bonorum
comprehendatur 446
- 10 Qua ratione peculium profectitium, ad ventitium,
Castrense, legitima sub confiscatione facta filio
familias ob eius crimen comprehendatur. 447
- 11 Quæ peculia filij ob crimen parentis confisca-
tione dignum publicantur 453
- 12 Quæ bona vxoris censentur publicata publicatis
bonis mariti, 458
- 13 Quæ vxoris bona ob eius delictum publicentur 461
- 14 Quæ bona publicentur publicatis bonis alicuius
clerici 462
- 15 An bona delinquentis existentia in alieno territo-
rio à iudice confiscante comprehendantur in
confiscatione ab illo facta 463
- 16 Ad quas personas confiscatio bonorum ob hære-
sim, & alia crimina extendatur ibid.
- 17 An confiscatio imposita ipso iure ob crimen læsæ
maiestatis præcipue diuinæ priuet delinquentem
ipso facto dominio suorum bonorum ibid.
- 18 An confiscatio obliget delinquentem, cui bona
sunt ipso iure confiscata, ea fisco tradere ante
sententiam? 465
- 19 An confiscatio ipso iure delicto imposita impedi-
at ne delinquens alienare sua bona possit, & fa-
ciat, vt fiscus ea sic alienata possit recuperare
467
- 20 Quem modum seruare fiscus debeat in his alie-
nationibus rescindendis, & bonis sic alienatis
recuperandis 471

- 21 Valeat ne alienatio facta à delinquente, cuius bona
non publicantur ipso iure, sed per sententiam,
ita vt à fisco reuocari non possit 474
- 22 An confiscatio bonorum delinquentis condem-
nati in contumaciam ob causam fidei sit faci-
enda à tempore læsæ sententiæ, vel à tempore, quo
probationes signant delictum commissum 477
- 23 Cui debeant bona confiscata applicari 479
- 24 An excuset hæreticus supradictam pœnam con-
fiscationis bonorum, eo quod resipuerit, vel
misericordiam postulauerit? 481
- 25 Qualiter fiscus satisfacere debeat creditoribus
delinquentis, cuius bona publicantur, ipseque
delinquens liber maneat ab obligatione eis
satisfaciendi ibid.
- 26 Quæ sint alia pœnæ temporales præter confisca-
tionem bonorum hæretico impositæ 484

DISPUTATIO VI.

De pœnis corporalibus hæreticorum.

- 1 De pœna carceris 489
- 2 De pœna fustigationis, exilij, tritremis, & mortis
hæreticis imponenda 490
- 3 De pœna portandi sacrum benedictum, & omit-
tente pœnitentias sibi impositas 494

DISPUTATIO VII.

De pœnis suspecti hæretici, filiorumque hæretici.

- 1 Hæresis suspecti quam pœnam incurrant? 495
- 2 Filij, & nepotes hæreticorum quas pœnas incur-
rant? 498
- 3 Quæ pœnæ impositæ sunt filiis parentum commu-
nentium crimen læsæ maiestatis humanæ? 503

DISPUTATIO VIII.

De modo iudicialiter procedendi in causis fidei.

- 1 Qua ratione in crimine hæresis sumariæ, & sine fi-
gura iudicij procedatur? 505
- 2 De modo procedenti in crimine hæresis via accu-
sationis 507
- 3 De modo procedendi in hæresis crimine per de-
nunciationem 508
- 4 Qua ratione per inquisitionem procedatur 509
- 5 De citatione facienda reo ibid.
- 6 De defensionibus concedendis reo, antequam
condemnetur, vel absoluat 510
- 7 De appellatione, an & quando in crimine hæresis
interponi, & admitti possit? 511
- 8 De recusatione inquisitoris, quando fieri possit à
reo 512
- 9 De tortura inferenda in crimine hæresis 513
- 10 De probatione requisita in crimine hæresis 516
- 11 De sententia ferenda in crimine hæresis 518
- 12 In crimine hæresis qui sint iudices, & qua ratione
possint procedere 521
- §. 1 De Pontifice, Episcopo, & Capitulo se de va-
citate, qua ratione sint iudices in causa fidei ibid.
- §. 2 De Inquisitore, eiusque commissariis, & de
eorum potestate 522
- 13 Quem modum seruare debent inquisitores, &
Episcopi in hæreticis inquirendis, & punien-
dis 520
- 14 Qua ratione iudex secularis se gerere debeat in
causa hæresis 535
- 15 De testibus in causa hæresis 537
- §. 1 Qui possint esse testes in causa fidei ibid.
- §. 2 Quomodo supradicti testes aliaz inhabiles de-
ponere

& Disputationum, &c.

- ponere debeant § 39
- §.3 Qua ratione examinandi sunt supradicti testes, eorumque testimonium publicandum § 41
- §.4 Testes criminoli, & alijs inhabiles, & singulares, qua ratione in hoc delicto probent? § 43
- §.5 An duo testes testes omni exceptione maiores ad probationem plenam huius delicti sufficiant? § 46
- §.6 Qua pœna afficiendus est testis in hoc tribunali falsum deponens § 47
- 16 De reo hæretico § 50
- §.1 De reo confitente, & reuocante ibid.
- §.2 De obligatione hæretici dicendi verum, cum à iudicibus fidei interrogatur. ibid.
- §.3 De hæretico absente contumace. § 51
- §.4 De hæretico defuncto, qua ratione aduersus illum procedi possit? § 52
- §.5 De reo adorante dæmonem, seu de lamijs, vulgo bruxas § 54
- §.6 De Iudæis, Mauris, alijsque infidelibus non baptizatis ibid.
- §.7 De fautoribus hæreticorum impediens, & usurpatibus sanctæ inquisitionis officium § 55
- §.8 De reo ducere secundā vxorē viuēte prima § 56
- §.9 De reo non sacerdote missam celebrante, aut aliud sacramentum ministrante ibid.
- §.10 De transmittentibus arma, & quos bellicæque tormenta hostibus nostræ religionis § 57

DISPUTATIO IX.

De Confessario ad Venerem incitante.

- 1 Quid in hac re à Pontificibus, & ab inquisitoribus statutum sit § 57
- 2 An sacerdos fœminam, vel virum ad nefandum congressum inducens, vel ad alios actus inhonestos denunciandus sit inquisitoribus § 59
- 3 An confessarius sollicitans fœminam, vel virum ad actus venialiter inhonestos denunciandus sit sub graui culpa? § 60
- 4 An si pœnitenti tribuas cartam postea legendam, in qua ad Venerem incites, censearis sollicitator in confessione, ac proinde denunciandus, & puniendus ibid.
- 5 Explicantur aliqui casus, in quibus dubium, an interueniat sollicitatio comprehensa in bullis § 61
- 6 An sola sollicitatio ad Venerem sit denuncianda inquisitoribus? § 62
- 7 Quæ sollicitatio censenda sit facta, ante vel post immediatè ad confessionem, vt denunciari debeat inquisitoribus ibid.
- 8 An sollicitatio facta simulando confessionem denuncianda sit § 63
- 9 Qui nomine confessarij, seu sacerdotis sollicitantis veniant intelligēdi ex supradictis decretis § 64
- 10 Quando cesset obligatio denunciandi sacerdotem ob crimen sollicitationis committentem § 65
- 11 Quibus pœnis, & qua ratione inquisitores in hoc crimine procedant ibid.

TRACTATUS V.

Et

DISPUTATIO VNICA.

De virtute spei, & eius contrariis.

- 1 Quid sit spes, quod eius obiectum, & quomodo à fide distinguatur § 67
- 2 Qui sint actus spei § 68

- 3 In quibus habitus spei, & timoris insit § 69
- 4 An sit, & quando obliget præceptum spei § 71
- 5 De desperatione spei virtuti contraria § 72
- 6 De præsumptione, quæ virtuti spei contraria est § 74

TRACTATUS VI.

De Charitate, & ei annexis, &

contrariis.

DISPUTATIO I.

De præcepto charitatis.


- 1 Quid sit charitas, quod eius obiectum, & qua ratione à fide, & spe distinguatur § 75
- 2 An sit speciale præceptum dilectionis Dei? § 76
- 3 An hoc præceptum dilectionis sit præceptum de dilectione naturali, vel supernaturali § 78
- 4 Quo tempore hoc præceptum dilectionis obliget. ibid.
- 5 Vtrum teneamur ex charitate proximum diligere § 81
- 6 Qua ratione cum inimicis, & peccatoribus procedere debeas, ne charitatis præceptum offendas, ib.
- 7 Vtrum in bonis spiritualibus teneamur nos ipsos in amore à preciatius præferre omnibus proximis? § 84
- 8 Vtrum in temporalibus bonis debeamus nos ipsos magis diligere quàm proximum § 85
- 9 An ex charitate obligeris, & quando salutem spiritualem proximorum bonis propriis temporalibus fortunæ, & vitæ præferre? § 86
- 10 An possis, vel tenearis vnum proximum præ alio diligere § 88

DISPUTATIO II.

De externo effectu charitatis, qui est eleemosyna.

- 1 Quid sit eleemosyna, & quotuplex § 92
- 2 Quando obliget præceptum eleemosynæ ibid.
- 3 An in casibus, in quibus obligaris eleemosynam facere, tenearis ex iustitia, an solum ex charitate § 95
- 4 Vtrum satisfacias obligationi eleemosynæ, si rem, qua proximus indiget, mutuas, vel dilata solutione vendas, vel dones sub conditione, vt reddat acceptum, si ad pinguiorem fortunam venerit? § 96
- 5 Qua ratione Ecclesiastici arctius obligentur, quàm sæculares ad eleemosynam § 98
- 6 An beneficiatus peccet contra iustitiam, & ad restitutionem teneatur, si quæ ex fructibus beneficij suæ congruæ sustentationi supersunt in profanos vsus insumat? § 100
- 7 An quæ dicta sunt de beneficiariis intelligi debeant de pensionariis? § 102
- 8 Quid dicendum est de beneficiariis religiosis ibid.
- 9 An pauperi patienti extremam, vel grauem necessitatē liceat aliena surripere, eaq; cōsumere § 103
- 10 An consumens rem alienam in necessitate tenearis restituere, si ad pinguiorem veneris fortunam § 105
- 11 Vtrum existens in necessitate tenearis rem alienam restituere creditori necessitatē simili laboranti, vel possis restitutionem omittere? ibid.
- 12 Ex quibus bonis facienda est eleemosyna § 106
- 13 Qui eleemosynam facere possunt § 107
- 14 Quibus danda sit eleemosyna § 109
- 15 De eleemosynarum quæstoribus § 111

DISPV




OPVS MORALE DE VIRTVTIBVS, ET VITIIS CONTRARIIS,

IN VARIOS TRACTATVS, ET DISPUTATIONES
Theologicas distributum.

TRACTATVS PRIMVS DE CONSCIENTIA.

PROOEMIUM.



AGGRESSVRVS explicationem virtutum, & vitiorum, placuit initium sumere à conscientia, vtpote quæ est regula humanarum actionum. Diuidóque eius tractatum in quatuor Disputationes, iuxta varias qualitates, quibus conscientia vestiri potest.

Prima erit de conscientia errante.

Secunda de probabili.

Tertia de dubia.

Quarta de scrupulosa.

DISPUTATIO I.

De conscientia errante.

PUNCTVM I.

Quid sit conscientia, & quotuplex.

- 1 Definitur conscientia.
- 2 Quotuplex est, explicatur, & qualibet speciatim definitur.
- 3 Quæ sit conscientia practica, quæ speculativa, & an inter se pugnent.

1 **V**ARIAS conscientia acceptiones referunt Doctores cum Magist. in 2. distinct. 39. & D. Thom. 1. 2. quæst. 19. art. 5. & 6. de quibus specialiter videri potest Salas tract. 8. disp. unic. in princ.

Azo: tom. 1. instit. moral. lib. 2. cap. 8. quæst. 1. illis tamen omissis, Conscientia, prout in præsentī sumitur, est
Ferd. de Castro Sum. Mor. Pars 1.

dictamen rationis, iudicans aliquid esse sequendum, vel fugiendum. sic omnes Doctores. Dixi esse dictamen rationis, quia est actus intellectus non quicumque, sed iudicativus, quo intellectus iudicat, quid debeat voluntas fugere, quid amplecti.

2 Hoc dictamen rationis, seu hæc conscientia est multiplex, certa, errans, opinativa, dubia, scrupulosa. Conscientia certa est iudicium certum saltem moraliter, id est, de quo prudenter dubitari non potest. Quod si nitatur auctoritati Dei, omnem habet certitudinem, & vocatur fides diuina: si nitatur auctoritati humanæ, varios habet gradus certitudinis, iuxta testimonium dicentium, & fides humana appellatur. Errans conscientia dicitur, quæ proponit sequendum, vel fugiendum, quod re vera non est. Opinativa est iudicium infirmum, seu non certum alicuius partis cum formidine alterius. Dubia, quando non valet intellectus se in alteram partem inclinare, sed anceps est; quod si in aliquam partem se magis inflectat, dummodo illi non assentiat, erit suspicio. Scrupulosa conscientia est apprehensio ex leuibus rationibus orta, quæ iudicium certum, vel opinativum oppositæ partis non excludit. Du-

A bia

bia autem, & scrupulosa conscientia propriè non est conscientia, cum non sit iudicium, & dictamen rationis, sed est dispositio ad illud; apprehensio enim, & investigatio rationum disponit ad iudicium; in quo iudicio conscientia propriè sita est. In iis ferè omnes Doctores conveniunt. Azor *suprà*. Salas *sect. 2. n. 12*. Valq. *1. 2. disp. 67. c. 2. n. 7*. Thom. Sanchez *lib. 2. de matr. disp. 41. n. 2. & lib. 1. in Decalog. c. 9. n. 1*. Ioan. Sanchez *in suis select. & pract. disp. 41. n. 2*.

3 Rursus conscientia, seu iudicium sumi potest in genere, vel in specie, quod aliis terminis solet dici conscientia practica, & speculativa. Iudicium, seu conscientia speculativa vocatur quæ in communi dictat aliquid esse faciendum, vel non faciendum. v.g. esse audiendam Missam die festo, non esse diebus festis laborandum, surripere alienum esse malum, accipere ultra sortem in mutuo, esse usuram. Iudicium, seu conscientia practica est, quæ in particulari, & in specie dictat quid sit hic, & nunc faciendum, vel fugiendum. v.g. esse hodie Missam audiendam ex obligatione, non esse laborandum: hanc acceptionem ultra sortem esse usurariam, & cuitandam. Dicunt tamen communiter Doctores cum iudicio speculativo certo de aliqua veritate, posse, imò sæpius stare iudicium practicum oppositum, ut in exemplis allatis contingit: potes enim iudicare die festivo Missam debere audire ex obligatione præcepti, & iudicare simul te hic, & nunc propter infirmitatem, vel alias circumstantias non esse obligatum. At si bene perpendatur, hoc iudicium speciale contrarium non est illi generali iudicio, quia illud generale iudicium ad huiusmodi casum nunquam se extendit, nunquam enim verè, etsi generaliter iudicatum est die festo obligationem esse infirmo, & impedito audiendi Missam, sed potius iudicari debet oppositum, ut optimè ex Corduba *lib. 3. qq. 9. §. 1*. notavit Valquez *1. 2. disp. 65. cap. 1. n. 2. & 3*. Sed quidquid sit de contrarietate, vel conformatione huius practici iudicii, cum iudicio speculativo, iudicium practicum, & in particulari est quod præcipit actiones regulat, & quod sequi tenemur, ut innumeris aliis relatis docet Thom. Sanch. *lib. 2. de matr. disp. 41. n. 8*. His positis quæ communia sunt, ad conscientiam errantem deveniamus.

PUNCTUM II.

An sit obligatio obediendi conscientiæ erranti.

- 1 Nullam esse obligationem obediendi conscientiæ erranti, quæ ratione probetur.
- 2 Est obligatio illi obediendi, dum non deponitur vera sententia,
- 3 Procedit doctrina de conscientia errante inuincibiliter.
- 4 Proponitur quedam obiectio, & fit illi satisfactio.
- 5 Satisfactio argum. num. 1. adductæ.
- 6 Operans ex conscientia inuincibiliter errante, operatur in eadem specie virtutis, quæ operaretur, si à Deo res esset præcepta.

1 **N**on defuerunt, qui negarent hanc obligationem. Primò, quia conscientia errans in re morali est contraria legi diuinæ. Sed teneris legem diuinam sequi. Ergo non poteris teneri sequi conscientiam errantem. Secundò, Deus non potest esse sibi contrarius; at videretur esse, si mandat obedire conscientiæ erranti. Ergo. Probo minorem. Deus imperat sua lege ob nullum casum, etiam ob saluandam vitam, esse mentiendum: conscientia errans dictat ob saluandam vitam alterius debere mentiri. Ergo si Deus mandat obedire conscientiæ erranti, contrarius est sibi ipsi. Tertio, Deus author esse non potest alicuius mali morales, aut alicuius falsi. Ergo non potest esse author illius iudicii errantis esse mentiendum ob saluandam vitam alterius. Quod si author illius non est. Ergo non est obligatio sequendi illud:

quia in tantum sequi tenemur conscientiam, in quantum est quedam regula à lege æterna derivata.

2 Nihilominus certa sententia est, obligationem esse obediendi conscientiæ erranti, & dictanti aliquid ut præceptum; etsi contrarium sit alteri præcepto diuino, dum non deponitur. Est omnium Catholicorum, ita ut contrarium non possit sine temeritate, & periculo erroris affirmari. ita Valquez *1. 2. q. 19. art. 6. disp. 59. c. 2. n. 6*. Salas *q. 21. tract. 8. disp. unic. sect. 6. n. 16. fin.* Ioan. Sanchez *select. disp. 41. n. 2*. Salas & Valquez plures Doctores referunt, probantque conclusionem, tum Scriptura, tum Patribus, & decretis Pontificum. Ratio est manifesta. Nostra voluntas non alio modo obligatur præceptis obedire, nisi quatenus ab intellectu obligatio repræsentatur, quia ipsa est cæca potentia, quæ non potest ferri in incognitum. Si ergo ab intellectu errante repræsentatur voluntati aliqua obligatio, quia repræsentatur aliquid ut præceptum, iam voluntas ad illud amplectendum censetur ligata.

3 Conclusio intelligitur de conscientia errante inuincibiliter; si enim vincibiliter errat, non teneris illam sequi, si dictat aliquod malum; aliàs teneris facere peccatum, cum conscientia non te excuset: supponimus enim esse vincibilem. Neque inde fit te posse contrarium efficere, stante illa conscientia erronea vincibili, cum non habeas iudicium dictans tibi, contrarium esse faciendum. Quod ergo efficere debes, est deponere illam conscientiam errantem; cum enim vincibilis sit, vinci, & deponi potest; ac proinde nunquam absolute perplexus es, & obligatus facere malum.

4 Dices, Sæpè non potero conscientiam errantem vincibiliter deponere; tum quia non se mihi offert, qui errorem tollat, tum & præcipue, quia non dubito de errore, licet alio tempore dubitauerim.

Respondeo in tali casu errorem reddi inuincibilem, & licet à principio vincibilis fuerit; at cum operationem dirigit, inuincibilis est; siquidem vinci non potest. Quando autem error est inuincibilis, teneris illum sequi, neque peccas te illi conformando: & ita tenet Thomas Sanchez *lib. 1. in Decal. cap. 11. num. 12. in fin. & Ioan. Sanchez in select. disp. 41. num. 26*.

5 Argumenta in contrarium non obstant.

Ad primum dic conscientiam errantem, contrariam non esse formaliter legi diuinæ, quia lex illa diuina, cui videtur contrariari, tunc non obligat, cum non sit in iudicio intellectus, quod necessarium erat ad obligationem inducendam.

Ad secundum nego Deum sibi esse contrarium, & ad probationem respondeo Deum non imperare non esse mentiendum in omni casu tam per se, quam per accidens, sed solum in casu, quo ab intellectu repræsentatur absque errore eius lex de non mentiundo. In legibus enim latis à Deo immediate nulla est contrarietas; at in legibus, quas sibi homo præscribit, medio dictamine rationis contrarietas esse potest, ob contrarietatem in iudicando: sed illa contrarietas materialis est, non formalis, cum semper conformentur legi diuinæ dictanti conscientiam esse sequendam, nullaque alia præcepta nisi media conscientia obligare.

Ad tertium respondeo Deum non posse physicè, neque moraliter ad malum morale, vel ad falsum inclinare: & ita neque consulit, neque præcipit esse mentiendum, neque determinat intellectum, ut errorem illum habeat, sed tanquam causa vniuersalis ad illum concurrat. At posito errore, bene potest præcipere esse mentiendum, non quidem absolute, sed ex suppositione, quod conscientia errans id dictet.

6 Ex iis inferitur operantem secundum conscientiam errantem inuincibiliter, operari in ea specie virtutis, quæ operaretur, si res esset à Deo præcepta. v.g. furaris, vel mentiris, ut proximo subuenias, furtum, & mendacium etic

erit actus misericordiae : quia tunc furtum , & mendacium nullam habet formalem malitiam ; & ex alia parte recipit bonitatem à fine prætensio. Ergo. Et ita docet Thomas Sanchez lib. 1. in Decalog. cap. 11. num. 17. Azor lib. 2. cap. 8. q. ult. Salas 1. 2. tract. 8. disp. unic. sect. 3. n. 20.

PUNCTUM III.

Quod peccatum sit conscientiae erranti non parere.

- 1 *Est peccatum mortale , vel veniale iuxta naturam actionum , quae exercentur , & in illa specie , in qua est obiectum.*
- 2 *Quid si cogitatione non distinguis speciem.*
- 3 *Quid si non distinguis , an mortale , vel veniale sit.*
- 4 *Refertur sententia Vasquez , & Thomae Sanchez.*
- 5 *Qui sentiant solum culpam venialem supradicto casu committi.*
- 6 *Quid sentiendum sit.*

1 **O**Mnes conveniunt esse mortale , vel veniale iuxta naturam actionum , quae exercentur. Itaque esse peccatum illius speciei , cuius est obiectum. v. g. conscientia errans dicitur hodie , (qui est dies ferialis) esse præceptum audiendi Missam ; omittis , peccas mortaliter , & contra religionem ; si dicitur mentiumdum esse ob salvandam vitam alterius , & omittis , peccas contra charitatem ; & sic de aliis.

2 Difficultas est , quando solum in genere existimas aliquid esse malum , neque cognitione distinguis speciem. Mihi difficile est talem dari cogitationem , cum conscientia practica sit , & ad opus dirigat. Sed dato contingere posse , dicendum est peccatum tunc commissum esse in ea specie , in qua est actus , quo velles in genere Deum offendere : hic enim actus in aliqua specie infima debet constitui. Non enim omnes species vitij debet habere , aliàs esset gravius peccatum odio Dei , & infidelitate.

3 Sed quid si conscientia non distinguit , an veniale sit , vel mortale , sed solum sub confusione tibi proponitur esse malum : qualiter solet rusticis hominibus proponi , cum in Deum iurant , creaturas execrantur , die festo laborant , verbum otiosum , inhonestum , aut detraclorium dicunt ; raro enim illis proponitur dubium , an mortale , vel veniale sit , sed solum in genere malum esse representatur.

4 In hac re Vasquez 1. 2. q. 19. art. 6. disp. 59. cap. 3. n. 10. Thom. Sanchez lib. 1. in Decal. cap. 11. n. 7. existimant , si in aliqua materia determinata feratur voluntas , ut in exemplis allatis contingit , ex materia illa desumendam esse gravitatem , vel levitatem peccati. Vnde dicunt te peccare venialiter , si veniale est obiectum ; mortaliter , si mortale est. Quia illa cognitio de malitia obiecti non distinguit , an sit mortalis , vel venialis , sufficit ad utramque malitiam denominandam , eiusque indifferentia ex obiecto debet determinari. Verum si voluntas non feratur circa aliquod speciale obiectum , sed solum in genere malum velit efficere , affirmat Vasquez , & Sanchez supra , & Azor tom. 1. instit. moral. lib. 2. cap. 8. quest. 6. & Sayrus in clavi regia lib. 1. cap. 4. n. 17. esse peccatum mortale , quia illa voluntas amplectens malum absque sufficiente examine qualitatis culpæ , manifesto periculo se exponit amplectendi malitiam mortalem. Item illud obiectum , prout à voluntate amplectitur , indifferens est ad mortale , & veniale. Ergo voluntas quantum est ex se mortale amplectitur.

5 Alij e contra affirmant in supradicto casu committi solum culpam venialem. ita Nauarr. summ. lat. pralud. 9. n. 9. Ludovic. Lop. 1. part. instruct. conf. cap. 3. vers. prater ea. Valent. 1. 2. disp. 2. quest. 14. p. 4. q. 3. sine. Salas ibi , q. 21. tract. 8. disp. unic. sect. 3. n. 33. & tract. 3. disp. 4. sect. 3. n. 36. Ferd. de Castro Sum. Mor. Pars I.

§. rogas utrum. Anton. Perez certam. 10. scholast. num. 29. Man. Rodr. 1. tom. sum. cap. 71. sine. 2. edit. Ratio , quia voluntas appetens malitiam in communi , non appetit malitiam excedentem culpam venialem ; aliàs si excederet , non esset veniali , & mortali communis.

6 Ego verò dicendum existimo , etsi supradictæ sententiæ probabiles sint , probabilius esse in supradictis casibus peccatum mortale reperiri. Et quidem , quando voluntas nullum speciale obiectum amplectitur , sed solum in genere vult , sic probò ; quia tunc voluntas quantum est ex se mortale amplectitur , cum ad mortale , & veniale indifferens sit. Neque obstat ex parte obiecti malitiam in communi maiorem non esse malitia veniali determinatè , quia sufficit quòd indeterminatè maior sit : siquidem mortalem comprehendit , & ratione huius indeterminationis voluntas illam malitiam amplectens , debet censeri mortalem amplecti. Quòd si voluntas in obiectum venialiter malum feratur , neque cognoscens eius modicam malitiam , sed solum cognoscens esse malum absque distinctione malitiæ mortalis , vel venialis , etiam probabilius existimo fore mortale : quia illa voluntas iam se exponit amplecti peccatum mortale ; per accidens enim fuit , quòd obiectum veniale solum esset ; eodem enim modo illud amplecteretur , si mortale fuisset. Et confirmo , cum amplecteris obiectum venialiter malum , dubitans an sit mortale , peccas mortaliter secundum omnium sententiam ; quia te exponis periculo mortale committendi. Sed quando tibi representatur obiectum malum , & prohibitum , neque distinguens an sit mortale , vel veniale , illud amplecteris ; iam quantum est ex tua voluntate , periculo mortale committendi te exponis. Ergo. Et ita ex communi sententia supponit Ioan. Sanch. in select. disp. 18. n. 1. & dixerat Thom. Sanchez lib. 1. in Decal. cap. 11. n. 9. Bonacina disp. 2. de peccatis , quest. 2. punct. 3. num. 14.

PUNCTUM IV.

An sit peccatum agere contra conscientiam non actu errantem , sed habitu.

- 1 *Explicatur questio.*
- 2 *Plures affirmant te peccare , quoties non revocasti primum erroneum dictamen.*
- 3 *Probabilius est oppositum.*

1 **V**erbi gratia , errasti existimans esse peccatum ius canonicum , vel physicam audire , ex huiusmodi errore physicam audis , immemor conscientiae errantis , & dictantis esse peccatum. Item errasti , vincibiliter putans in hac hebdomada nullum esse diem festiuium , vel ieiunij , cum tamen sit , adueniente die festo , vel ieiunij , Missam , vel ieiunium omittis , quin tibi dubium occurrat esse diem festiuium , vel ieiunij , peccas omittens Missam , vel ieiunium.

2 Affirmant plures te peccare , quoties dictamen prius non revocasti , quia tale iudicium cum revocatum non sit , moraliter manere censetur. ita Med. 1. 2. q. 19. art. 6. vers. sed nunquid. Rodriq. 1. tom. sum. cap. 71. n. 2. Villalobos tom. 1. sum. tract. 1. diff. 1. n. 2. Hæc tamen sententia limitatur à Medina , dummodo dictamen rationis antiquum non fuerit , quia quod antiquum est , non censetur manere.

3 Probabilius existimo contrarium , nempe te in physica audienda , vel in omissione facti , aut ieiunij non peccaturum actu , nisi actu sit conscientia dictans esse peccatum , vel actu dubites de eius obligatione. ita Azor tom. 1. instit. moral. lib. 2. cap. 8. q. 12. Vasquez disp. 60. cap. 3. sine. Salas disp. unica. sect. 3. num. 29. Thom. Sanchez lib. 1. in Decal. c. 11. n. 7. Probatur. Opera illa externa nequaquā possunt oriri à voluntate , & iudicio præterito ,

cùm neque illa voluntas, neque iudicium præteritum adsint, neque aliquis effectus ab illis productus, qui opera externa cauet. Ergo non possunt in illis operibus malitiam aliquam deriuare. Confirmo. Ideo cùm venenum tribuis alicui, quo vita illum prius, censeris homicidium committere, etiam si doleas, antequam venenatus è vita discedat: quia illa voluntas antiqua occidendi in aliquo effectū manet. At in præsentī illa intentio procedens non audiendi Missam, & iudicium errans de obligatione, non manent in se, neque in aliquo effectū. Ergo secundò si actus censetur manere moraliter, & denominare opera subsequētia, dum non retractatur. Ergo infidelis, qui omnia sua opera in honorem idoli referret, peccaret semper peccato infidelitatis, quod videtur absurdissimum.

Respondet Med. primò non peccare. Nam exercendo aliquod bonum opus, v. g. eleemosynam ob subleuandam pauperi miseriam, voluntatem priorem censetur retractare.

Secundò respondet, simul dum tempus præcessit, non est censenda manere moraliter. Sed vtramque solutionem optimè impugnat Salas *suprà*. Prima enim stare non potest. Non enim potest censeri infidelis retractare priorem voluntatem, qua vult omnia sua opera in honorem idoli referri, ex eo quòd opera ex obiecto misericordiæ, vel iustitiæ exercent; cùm hæc exercitatio, & intentio contraria non sit priori voluntati. Secunda etiam solutio non subsistit, non enim dilatio præcisè perseverantiam moralem iudicij, & voluntatis potest auferre.

PUNCTUM V.

An pecces sequens conscientiam errantem, si dicat vtramque partem contradictionis esse malam.

- 1 Proponitur punctus controversia.
- 2 Resolvitur nullum peccatum in supradicto casu committi.
- 3 Proponitur quadam obiecto.
- 4 Solvitur.
- 5 Quid inde inferatur.

1 **P**onimus te inuincibiliter errare, obligatum esse audire Missam, cùm infirmum curas; & inuincibiliter errare existimans peccare, si infirmum deferas ob Missam audiendam. Item ex istis excommunicatus, neque potes ab excommunicatione absolui, credis si audis Missam peccare, si illam omittis etiam peccare, committis ne peccatum cuiusvis partis electione?

2 Breuiter dicendum existimo cum Thom. Sanchez lib. 1. in Decalog. cap. 11. n. 14. Ioan. Sanchez *select. disp.* 41. num. 27. *fine*. Adrian. *quest. de rebus. qua incipit: quia dictum est*. Man. Rodr. 2. tom. sum. cap. 51. num. 6. in tali casu nullum peccatum committi, quia non adest libertas sufficiens ad peccatum: cùm enim vna ex illis contradictoriis sit tibi necessariò eligenda, & in illa repræsentetur peccatum, iam peccatum erit necessariò eligendum: quod est absurdum.

3 Dices, Etsi vna ex illis contradictoriis est mihi necessariò eligenda: at cùm vnam determinatè eligo, liberè eligo; poteram enim illam omittere, & contrariam eligere. Ergo pecco amplectens illam, credens esse malam. Et confirmo. Si prædeterminatus essem, & necessitatus ad obedientiam Deo præstandam, qualiter Christus Dominus dicitur necessitatus fuisse obedire suo æternò Patri: si tamen hunc, vel illum actum liberè exercerem, sufficiens libertas adesset ad meritum. Ergo similiter ad demeritum sufficiet libertas ad hunc, vel illum actum determinatè, etiam cum necessitate ad vnum ex illis.

4 Respondeo te liberè eligere vnam ex illis partibus contradictoriis, nego tamen inde peccatum: non enim sufficit ad peccatum amplecti malum, quod determinatè vitari potest, sed necessariò requiritur amplecti malum, quod etiam æquivalenter vitari possit. At in supradicto casu etsi vnum malum euites, aliud æquè malum tibi est necessariò eligendum. Ergo illud malum quod eligis, non potes saltem æquivalenter vitare. Ad confirmationem dic non sufficere ad meritum libertatem ad hunc, vel illum actum obedientiæ, si vterque est æquè bonus, quia non es dignus laude, eliciens vnum, si alium æquè bonum teneris elicere in Christo Domino, etsi determinatio esset ad bene operandum, at quia erat libertas ad plures actus inæquales, ideo meritum in illis rectè constitui potest.

5 Ex hac doctrina à fortiori inferitur, hominem carere detentum, & existimantem peccare non audiendo Missam, nequaquam peccare. Quia illa omissio sacri non est libera vllò modo. Neque illud iudicium causa est illius omissionis, cùm omissio à causis aliis extrinsecis procedat. Solum enim est iudicium speculatiuum falsum, quo iudicas in tali omissione esse peccatum, cùm tamen non sit, & ita tenet expressè Ioan. Sanchez *suprà*. Thomas Sanchez num. 3.

PUNCTUM VI.

Expediuntur aliquot leuiiores difficultates de conscientia errante.

- 1 Siue maius peccatum sequi conscientiam errantem vincibiliter, quàm illam non sequi.
- 2 Resolvitur aliquando esse grauius, aliquando leuius.
- 3 Idem dicendum de operante contra conscientiam errantem, vel contra præceptum superioris.
- 4 Siue obediendum conscientia erranti, vel superiori contrarium præcipienti.
- 5 Non potes pro libito conscientiam errantem deponere.

1 **P**rima difficultas, an sit maius peccatum sequi conscientiam errantem vincibiliter, quàm illam non sequi, posito te nolle diligentiam facere, vt deponas?

2 Respondeo aliquando esse grauius peccatum, aliquando leuius, pro materiæ grauitate, vel leuitate. Si enim existimas debere mentiri, vt vitam alterius conserues, & omittas, peccas mortaliter, cùm tamen in mentiando venialiter tantum peccares: si tamen existimas te debere furari, ad eleemosynam alicui pauperi largiendam, & omittas, minus videris peccare, quàm si furtum commisisses. Ratio est, quia, vt bene dixit Syluester *verbo conscientia, quest.* 1. ex D. Thomam 2. *distinct.* 39. conscientia non ligat virtute propria, sed præcepti superioris, quod repræsentat, quod præceptum etsi à superiore latum antea non sit; media tamen conscientia fertur, & promulgatur, ac proinde eodem modo obligat, ac si à Deo latum antea fuisset. Ex quo solvitur fundamentum Basilis in 2. *distinct.* 38. & 39. *quest. unica, artic.* 3. affirmantis semper esse maius peccatum sequi conscientiam vitiosè errantem, quàm illam non sequi, quia in sequenda conscientia contemnitur præceptum superioris; in illa sequenda contemnitur præceptum Dei, & rectæ rationis. Dicimus namque semper contemni præceptum Dei, & rectæ rationis dictantis contra conscientiam operandum non esse illa durante, & ita relatis Durando, Almain. Cordub. docet Azor tom. 1. *instit. moral.* lib. 2. cap. 8. q. 9. Sayrus in clauis regia lib. 1. c. 24. n. 24. & seqq. Thom. Sanchez lib. 1. in Decal. cap. 11. n. 15. Vasquez 1. 2. q. 19. *disp.* 60. c. 3. n. 10. Salas tract. 8. *disp.* vn. *sect.* 3. n. 27. Syluest. q. 2. *verb. consulta.*

3 Secunda difficultas, an sit maius peccatum operari contra conscientiam errantem, quam contra præceptum superioris.

Respondeo iuxta supradicta pro qualitate materiz metiendam esse obligationem, & grauitatem. Aliquando enim transgredi præceptum superioris erit grauius, quam transgredi præceptum conscientiz, si materia præcepta à superiore grauior sit. Verùm si superior, & conscientia circa eandem materiam versantur, grauius erit transgredi præceptum superioris, quam præceptum conscientiz mala fide errantis. Quia in hac transgressione conscientiz inuoluitur aliqua ignorantia, quæ voluntarium minuit, ac proinde grauitatem peccati. Dixi grauius esse regulariter loquendo: nam aliquando error est ita crassus, & supinus, & affectatus, ut scientiz de præcepto æquiualeat.

4 Tertia difficultas, an obediendum sit conscientiz erranti, vel superiori contrarium præcipienti.

Respondeo, si conscientia inuincibiliter errat, absque dubio ei est obediendum: at rarò contingit inuincibiliter tunc errare, præsumi enim debet pro superioris præcepto, ac proinde deponenda conscientia, & obediendum Prælato. Ita Vasquez *disp. 61. cap. 1.* & Azor *lib. 2. cap. 8. 9. 10.*

5 Quarta difficultas, an possit pro libito conscientiam errantem deponere.

Respondeo nullo modo posse, cum manifesto periculo te exponas veram conscientiam deponendi: illa enim falsa conscientia tibi apparet, ut vera. Si ergo veram pro libito deponere non potes, quia non potes pro libito te legibus diuinis exuere, neque poteris conscientiam errantem pro libito depellere. Secundò, vel illa conscientia ex rationibus probabilibus errat, vel ex rationibus moraliter certis secundum tuam æstimationem: quocumque modo sit, ut prudenter deponatur, debent adesse rationes saltem probabiles in contrarium, aliastemerè procedes, neque poteris honestare actionem, cum oriatur ex iudicio absque vlla ratione efformato; & ita docet contra Caietanum 1.2. *quest. 19. art. 5. & 6.* Salas *ibid. tract. 8. disp. unica, sect. 3. n. 30.* Vasquez *disp. 67. cap. 1. ad fin.* & aliis pluribus relatis Thomas Sanchez *lib. 1. in Decal. cap. 11. num. 10.*

DISPUTATIO II.

De conscientia opinante, seu de opinione.

PUNCTUM I.

Quæ sit opinio probabilis, quæ probabilior, quæ communis, & an communis singulari sit præferenda.

- 1 Qui de his agant latè.
 - 2 Quæ sit opinio probabilis.
 - 3 Sufficiat ne vnus authoris dictum opinionem probabilem constituere? Respondetur cum distinctione.
 - 4 Propositio alicuius Doctoris neoterici, samet si videatur contra communem, non debet ut improbabilis iudicari.
 - 5 Debet tamen hac propositio non incidenter, & perfunctoriè esse prolata.
 - 6 Factum vnius Doctoris non videtur opinionem probabilem constituere.
 - 7 Opinio probabilior est, quæ firmiori ratione fulcitur.
 - 8 Regulariter quæ à pluribus approbatur, probabilior est indicanda.
 - 9 Sape sententia probabilior non talis tibi apparet.
- Ferd. de Castro Sum. Mor. Pars I.

10 Opinio communis est, quæ communiter à Doctoribus rem ex professo tractantibus defenditur.

11 Hac opinio regulariter singulari est præferenda.

12 Aliquando singularis communi præferetur.

1 DE his igitur latissimè Azor *tom. 1. institut. moral. lib. 2. cap. 9.* Vasquez 1.2. *quest. 19. disp. 62.* Anton. Perez *in sua laurea certam. 10. scholast. dub. 2. a. 6. vsque ad 9.* & alij in discursu referendi.

2 Primò igitur dicendum est opinionem probabilem eam esse, quæ firma ratione fulcitur, neque contra se habet rationem conuincentem: si enim illam habet, iam non opinio, sed error erit, ut bene dixit Ioan. Sanchez *in select. disp. 14. num. 8.* Contingere autem poterit, ut tibi probabiliter opinanti ratio aliqua in contrarium videatur conuincens, sed non inde probabilitatem opinio amittit: nam licet tu soluere illam rationem non possis; alius tamen soluere poterit, & hoc tibi debes persuadere; cum sæpè multæ rationes tibi insolubiles repræsentantur, quæ ab aliis facillimo negotio soluantur. Quare imprudenter procederes, si ob hanc causam, aliorum opiniones, quæ ut probabiles circumferuntur, improbables iudicares: consentit Ioan. Sanchez *suprà.* Thom. Sanch. *in Decal. lib. 1. cap. 9. num. 6.* Sayrus *in clauis regia lib. 1. cap. 6. num. 7.* Vasquez *disp. 62. cap. 4. num. 8.*

3 Solum est dubium, an vnus authoris dictum sufficiat opinionem probabilem constituere?

Respondeo cum distinctione, si res pro qua est opinio, ab authoribus agitata non sit, nemini potest esse dubium, dictum vnius grauis, & pij Doctoris, qui ratione firma intelligitur moueri, sufficere ad opinionem probabilem constituendam tam sibi, quam aliis: si vero res controuersa sit à paucis, potest vir doctus aduersus illos sentire, si rationem firmam in contrarium habeat. Quòd si à multis sit ex professo res agitata, & omnes perpenfis rationibus vnum sentiant, adhuc existimat Ioan. Sanchez *in select. disp. 44. num. 62.* posse virum doctum, contrarium probabiliter opinari, si videat aliquam rationem pro sua parte stare ab aliis insufficenter solutam, hoc enim modo opiniones probabiles in scholis fuerunt introductæ. Verùm etsi hoc in aliquo casu contingere possit, rarò tamen: potius enim talis Doctor credere debet se errare, quam aliorum iudicio præponi; timere enim debet, ne lumen, quod sibi esse videtur, tenebræ sint: prudentiz enim, & humilitas petit, aliorum iudicio se subiicere, & conformare; ut rectè colligit Nauarr. *cap. 27. num. 186. & 189. ex cap. prudentia, de officio delegati, & cap. de quibus, distinct. 20.* Aliquando tamen quod multis reconditum, & abstrusum erat, alicui manifestatur. Quot enim veritates tempore D. Thomæ, & Bonauenturæ elucidatæ sunt aduersus communem, & receptam sententiam? Ecclesia enim Dei quotidie illuminatur; & ut bene dicit gloss. *in cap. ad nostram de consuetud. verb. incipientibus*, interdum reuelatur minori, quod maior nescit: & est optimus text. ad id probandum, *cap. si habes, 24. quest. 3.* quod est August. & *cap. esto subiectus*, quod est Hieronymi, *ante finem, 95. dist.* Et ita vnus Doctoris grauis dictum, si firma ratione muniatur, sufficere ad probabilem opinionem asserendam aduersus communem docuit Azor. *tom. 1. cap. 17. quest. 6.* Gabriel Vasquez 1.2. *tom. 1. disp. 62. cap. 4. num. 12.* Thomas Sanchez *lib. 1. in Decalog. cap. 9. num. 9.* Villalobos *summ. tom. 1. tract. 1. diff. 4. n. 17.* Henriquez *de Pontif. leg. lib. 4. cap. 18. num. 13.*

4 Ex his inferitur manifestè, si in libro alicuius Doctoris neoterici inuenias aliquas propositiones absolute affirmatas, quæ aduersus communem videntur, non illas ut improbables debes iudicare; imò potius illas debes censere probabiles, dum tibi non constat à Sede Apostolica esse ut improbables indicatas. Si enim ex

consilio illius Doctoris verbo tenus prolato moueri poterat ad agendum, qualiter mouetur discipulus, & secure procedit sententiam magistri pij, & grauis sequens, vt tenet Panormitanus in *cap. Capellanus, de ferijs*. Imola *cap. per tuas, el 2. de simonia*, & tradit Villalobos *tom. 1. summ. tract. 1. diff. 6. num. 1.* Nauarr. *consil. 2. de poenit. & remiss.* à fortiori poteris ex consilio typis, mandato, cum tunc maiori circumspeditione proferatur, & ab aliis doctis sit prius approbatum: sic docuit Azor *lib. 2. c. 17. quest. 4. & 5.* Villalobos *suprà*. Dixi, alicuius Doctoris neoterici, pij, & grauis. Nam de Doctore antiquo maior dubitatio esse potest, an eius opinio etsi suo tempore probabilis fuerit, antiquata iam sit, & à Sede Apostolica censeatur communiter reprobata; ac proinde vir rudis, & indoctus eius dictis tantum fidere non debet. quæ omnia optime docuit, sicut solet, Thomas Sanchez doctrinæ moralis lumen, *lib. 1. in Decal. cap. 9. n. 10. & 11.* & consentit Vasquez *disp. 62. cap. 4. num. 17. & 18.* Villalobos *tom. 1. summ. tract. 1. diff. 6. num. 1.*

5 Aduerte tamen, vt opinio alicuius Doctoris aduersus communem probabilis censeatur, non sufficit, si perfunctorie, & incidenter, & occasione alicuius argumenti dicta sit: (etsi ita placeat Ioan. Sanchez *disp. 44. num. 62. fine.*) Nam, vt bene dixit Mascardus *de probationib. conclus. 1143. num. 11.* quæ dicuntur incidenter, fortè ad colorem, non ad probationem dicuntur; sicut confessio incidenter facta, vel quæ sit ad alium finem, non præiudicat contenti; vt asserit glossa in *cap. penitentibus 50. dist. per Doctores in cap. at si clerici, in princ. de iud.* Requiritur ergo, vt resolutorie dicatur. Et multò minus sufficit, si in indice libri dicatur: non enim indices ea cura ab authoribus sunt inspecti, & sæpè ipsius authoris non sunt, sed ab alio tertio. Quando autem in indice ratio conclusionis adducitur, placet Ioan. Sanchez *disp. 44. num. 69.* posse tunc talem opinionem, vt probabilem amplectari, quia tunc ferè idein est, ac si in corpore libri diceretur.

6 Nunquam tamen existimo sufficere ad probabilem opinionem constituendam factum vnius Doctoris etiam pij. Nam sæpè ad factum moueri potest, vel ex aliqua dispensatione sibi facta in lege, quam alius non cognoscit, vel ex aliqua passione, aut inaduertentia. Non enim semper religiosus operatur quod honestum est: & ita tradit Ioan. Sanchez *disp. 44. num. 71.* Existimarem verò sufficere, si plures religiosi id viderentur efficere absque scrupulo: tunc enim præsumendum est licere. sic Saz in *edition. Romana, & Complutensi, verbo, dubium, num. 3.*

7 Dico secundò, Opinio probabilior est, quæ firmiori, & efficaciori fundamento fulcitur, non quæ à pluribus Doctoribus defenditur: sic docet Nauarr. *summ. cap. 27. n. 289.* Thomas Sanchez *lib. 3. de matrim. disp. 44. num. 2.* Ioan. Sanchez *disp. 44. num. 68.* Villalobos *tom. 1. summ. tract. 1. diff. 4. num. 2.* Azor *lib. 2. instit. moral. cap. 10. quest. 2. post medium, & quest. 4.* & multis allegatis docet Mascard. *de probationib. conclus. 1143. num. 3. & 5.* & constat ex text. vulg. in *l. 1. §. neque, C. de veteri iure enucleand.* ibi, *Sed neque ex multitudine authorum, quod melius, & equius est, iudicari debet, cum possit vnus forsan, & deterius sententia, & multos, & maiores aliqua in parte superare.* quem textum commendat maxime Abbas *cap. 1. de constitutionib. vers. secundo casu principali*, & ibi Ioan. Andr. & alij relati à Mascard. *suprà*. Et ex iure canonico est pro hac parte textus expressus in *cap. Capellanus, de ferijs*: vbi duæ fuerunt opiniones Pontifici propositæ, & posterioriorem elegit, quia (inquit Pontifex) *meliori, & subtiliori ratione iucebatur.*

8 Regulariter tamen loquendo, ea sententia probabilior est iudicanda, quæ à pluribus defenditur, & à doctioribus: vt dixit Philosophus *1. topic. cap. 1.* Probabiliora sunt, quæ videntur omnibus, vel plurimis, vel sa-

pienibus, & iis, vel omnibus, vel plurimis, vel maxime notis, & illustribus. Non præcisè, quia ab iis defendatur, sed quia præsumi debet efficacior rationem pro se habere, cum plures ad eam defendendam concurrerint. Quare si firmo fundamento carent, eorum sententia non est iudicanda probabilior; imò, vt dicit Ioan. Lup. *cap. per vestras, de donationib. inter virum & uxorem, notab. 3. §. 20. num. 12.* illis non est credendum, si fundamento carent.

9 Aduerte sæpè contingere aliquam sententiam probabiliorē esse, non tamen tibi ita apparere, vel quia eius fundamentum, & patronos ignoras; vel quia tibi contraria fundamenta probabiliora videntur. At ad actiones regulandas non tam attendi debet, quid opinio in se habeat, sed qualis tibi appareat, vt bene notauit Anton. Perez, ex Caietan. *Sala certam. scholast. 10. num. 41.* & Villalobos *tom. 1. summ. tract. 1. difficult. 4. n. 8.*

10 Dico tertio, Communis opinio est, quæ à Doctores eam ex professo tractantibus communiter defenditur. Nam si perfunctorie solum de illa tractent, etiam si plures sint, non æquivalent paucis eam ex professo disputantibus, vt optime aduertit Menoch. *de presump. lib. 2. presump. 71. num. 39.* Alciat. *de presump. regula 1. presump. § 1. num. 2. versic. item intellige.* Nauarr. *cap. 27. num. 289.* Azor *lib. 1. instit. cap. 13. circa fin.* Ioan. Sanchez *disp. 44. num. 68. & disp. 29. num. 7.* Debent tamen ij Doctores ex professo quæstionem disputantes certi Doctoris doctrinæ non esse ita addicti, vt eum tanquam oues, & volucres vnā præcuntem sequantur. Nam tunc non communem opinionem, sed singularem efficiunt. quod bene docuit Azor *suprà ibi cap. 13. cum Nauarr. Decio, Alexandro, & aliis.* Inter Doctores verò ex professo quæstionem disputantes plures reperies, qui suam opinionem communem esse adstruant; cum tamen alij oppositam communem esse asseruerint: & ideo non facile discerni potest quæ sit communis opinio, vt dixit Azor *suprà*, nisi fortè Doctores euoluas, & videas multo plures, & doctiores pro vna parte stare, quam pro alia. Quando autem facile cognosci non potest quæ sit communis opinio, tunc plurimum conduceret iudicem habere propitium, cum is possit tunc adherere, vtri opinioni maluerit, nec tenebitur in syndicato, vt ex Abbate, Baldo, & aliis docet Mascard. *de probationib. conclus. 1143. num. 20.* imò neque quoties sequitur opinionem probabilem relicta probabiliori, quia prudenter operatur. docet Ioan. Sanchez *disp. 44. n. 72. fin.* & infrà latius dicemus.

11 Dico quartò, Communis opinio regulariter præferenda est particulari, nisi fortè particularis ita efficacem, ac firmam rationem habeat, vt meritò multorum sententiis præponi debeat, iuxta textum in *cap. Capellanus, de ferijs*, & tradit ita Azor *lib. 2. cap. 13. fin.* Henriquez *lib. 4. de Pontif. legib. cap. 18. num. 3.* Villalobos *tom. 1. summ. tract. 1. diff. 4. num. 19.*

12 Ex qua doctrina probat Thomas Sanchez *lib. 1. de matrim. disp. 18. num. 7.* & Mascard. *suprà num. 12.* opinionem singularem alicuius Doctoris probabiliori ratione nitentem præferendam esse, si valorem matrimonij defendat, plurium sententiæ illud impugnantium, & adducunt pro se Hostiens. Abbatem, Felinum, Decium, & alios: idemque dicendum existimant, si opinio singularis fauet causæ piz, testamento, libertati, dori, & similibus: idemque docuit Nauarr. *cap. 27. num. 287.* Villalobos *tom. 1. summ. tract. 1. difficult. 7. num. 3.* & generaliter quælibet opinio defendens valorem actus præferenda est contrariæ sententiæ, etiam si sit contra reum in fauorem actoris, vt ex multis allegatis docet Nauarr. & Villalobos *suprà*. Et ratio omnium est, quia stat pro omnibus præsumptio iuris, & veritatis pro omnibus illis causis; vt probat Barbatia in *conf. 6. scriptum est præclare, col. 2. vers. est nonum, vol. 1.*

PUNCTUM II.

An liceat tibi opinionem probabilem & minus tutam sequi relicta tua tutiori, & probabiliori.

- 1 Qui negent, & quibus suam sententiam probent.
- 2 Probabilius est eligi posse opinionem probabilem, relicta probabiliori.
- 3 Satisfit 1. & 2. argum. contrario.
- 4 Tertium fundamentum dissolvitur.
- 5 Non solum potes relicta probabiliori opinione secundum probabilem aliorum operari, sed in casu gravis necessitatis teneris.

1 **N**Egant plures primò, quia sic operans errare vis, non tutiorem viam eligens cum possis; eaque de causa in cap. inuenis, de sponsalib. cap. ad audientiam, cap. significasti et 2. de homicidio, dicitur in dubiis tutiorem partem esse sequendam, ne errandi periculo aliquis se exponat. Secundò in cap. Capellanus, de feriis, sequutus est Pontifex secundo loco propositum, eo quod meliori, & subtiliori ratione nitetur. Sentit ergo probabilior sequendam esse, relicta semper probabili. Tertio non videtur qua ratione id fieri possit: nam sequens opinionem probabilem aliorum, vel retines propriam, quæ tibi tutior, & probabilior apparet, vel non? Si retines, impossibile videtur te operari secundum opinionem aliorum: nam ad hoc ut opereris bene, efformare debes iudicium practicum de bonitate obiecti, hoc est, iudicare debes hic & nunc tibi esse licitum operari: hoc autem iudicium contradictorium est alteri iudicio probabiliori, quod habes tibi talem operationem non esse licitam; & licet quodlibet ex iis iudiciis causas, seu motiua diuersa habeat, in causa non est, quominus iudicia inter se contradictoria sint. Ergo simul esse non possunt. Si dicas te relinquere propriam opinionem, cum secundum opinionem aliorum vis operari, præterquam quod est contra plures, grauesque Doctores affirmantes id necessarium non esse, videtur hoc ferè impossibile: nam intellectus non faciliè dimouetur ab assensu, quem verum existimat, cum in hac parte libertatem non habeat proposita veritate obiecti. Ergo absolute non potes relicta probabiliori tua opinione aliorum opinionem probabilem sequi: & ita defendit Conrad. de contract. tract. 7. quest. ult. conclus. 1. Corduba lib. 2. quest. 3. Armilla verb. opinio, §. 1. & seqq. Syluest. eodem quest. 1. & 2. & verb. dubium, quest. 2. Burgos de Paz in proemio legum Tauri num. 162. & 163. at num. 409. dicit eligi posse opinionem æquè probabilem, sed non dicit minus probabilem.

2 Nihilominus communis sententia est, & mihi probabilior (et si supradicta sit satis probabilis) eligi posse opinionem minus probabilem, & tutam, relicta probabiliori propria, & tutiori: sic tenet Valent. 1. 2. disp. 2. quest. 14. part. 4. Valquez disp. 62. cap. 4. & seqq. Salas ibi, innumeros referens tract. 8. disp. unic. sect. 6. num. 66. §. hac opinio. Petr. Nauarr. lib. 3. de reitut. cap. 1. dub. 13. n. 237. in noua edit. Nauarr. cap. 27. num. 280. & 288. Sayrus in clani regia lib. 1. cap. 5. num. 4. & 8. Thomas Sanchez pluribus (ut mos est) relatis lib. 1. in Decalog. cap. 9. num. 14. Ioan. Sanchez illos, & alios plures allegans disput. 42. num. 12. Probo primò, cum ex opinione probabili aliorum operaris, prudenter operaris: tum quia alij ex illa operantur prudenter, tum & præcipuè, quia sæpe opinio, quæ alicui probabilior, & tutior apparet, probabilior non est, & tutior. Ergo poteris relicta tua opinione probabiliori aliorum probabilem amplecti. Secundò si teneris sequi opinionem, quæ tibi probabilior apparet, neque potes ex probabili aliorum sententia operari, mille scrupulis agitari debes, & singulis horis obli-

gaberis opus variare, cum iam vni opinioni ut probabiliori adhaereas, iam contrariæ, ut bene expendit Salas supra num. 68. in confirm. 2. 6. arg.

3 Neque obstant contraria adducta.

Ad primum respondeo te operantem ex opinione probabili aliorum errare non velle, cum æquè tutam viam eligas, ac si ex tua probabiliori sententia operareris: nam, ut bene probat Ioan. Sanchez disp. 44. num. 66. inter probabiles opiniones nulla datur formaliter tutior, & securior altera: omnes enim sunt æquè secure, securitas enim opinionis in eo sita est, ut operans ex illa nullo modo Deum offendant. Cum ergo operans ex opinione probabili nullo modo Deum offendant; efficitur æquè securum esse, ac si ex opinione probabiliori operaretur. Quando autem dicitur à Doctores vnam opinionem securiorem, & tutiorem esse alia, non de securitate formali, sed materiali loquuntur: hoc est, sequens opinionem probabilior, & tutiorem non solum non attingit formaliter culpam, sed nec materialiter, ut contingit cum est opinio probabilior obligans ad restitutionem, & est alia opinio probabilis deobligans; in restitutione enim facienda nulla esse potest nec formalis, nec materialis dissonantia ad rationem: at si non restituatur, esse poterit materialis dissonantia menti diuinæ, quæ dictabat in tali casu restitutionem esse faciendam. Nunquam tamen obligaris sequi quod in te tutius est. Præterea cum operaris ex opinione probabili, operaris similiter ex probabiliori: nam probabilior opinio est te posse ex opinione probabili, relicta probabiliori operari. Ergo cum ex illa operaris, ex opinione probabiliori operaris: probabilis enim opinio concurrat, v.g. ad te excusandum à restitutione facienda, & probabilior opinio concurrat ad te excusandum ne obligeris eligere opinionem probabilior, quæ tibi dicebat esse restitutionem faciendam: sic Sanchez supra num. 72. Ex iis respondetur ad textum in cap. inuenis, cap. ad audientiam, & cap. significasti, mandatur enim in dubiis tutiorem partem esse eligendam; quia cum dubium propriè est, sola vna pars est tuta: at cum ex opinione probabili operaris, cum tunc dubius propriè non sis, utraque pars est æquè tuta.

Ad secundum respondeo te debere sequi ex consilio opinionem, quæ meliori, & subtiliori ratione nititur; non tamen ad id obligaris, si oppositæ sententiæ rationem probabilem habcas, ut bene dixit Syluest. verb. opinio, in fine, quest. 1.

4 Ad tertium, quod est difficilius, respondet Azor tom. 1. institut. moral. lib. 2. cap. 16. quest. 2. & 3. & cap. 17. quest. 7. Valquez 1. 2. quest. 19. art. 6. disp. 62. cap. 3. n. 10. & cap. 4. num. 18. & 19. præcipuè circa finem, necessarium non esse relinquere opinionem propriam probabilior, ut possis operari secundum opinionem probabilem aliorum; sed simul te habere posse illos duos assensus, alium nitentem principiis intrinsecis ipsius rei, alium nitentem principiis extrinsecis, scilicet auctoritati Doctorem. Doctissimus noster Thomas Sanchez lib. 1. in Decalog. cap. 9. num. 12. & 15. absolute affirmat posse esse illos duos assensus probabiles simul, etiam si à principiis intrinsecis provenirent, quia intellectus (inquit) non affirmat utramque sententiam esse certam, sed utramque esse probabilem, seu probabiliter sustineri posse. Mihi tamen dicendum videtur nequaquam simul esse posse illos duos assensus, siue ab intrinsecis, siue ab extrinsecis principiis proveniant, ratione in argumento facta, quam sic explico. Iudicas probabilius si ad beneficium eligas dignum omisso digniori, te esse obligatum restituere; alia opinio affirmat te non esse obligatum: esse, & non esse obligatum manifestam contradictionem inuoluit. Ergo non potest simul ab vno intellectu iudicari. Bene tamen stat te iudicare tuam opinionem esse probabilior, & alteram esse

esse probabilem: at hoc iudicium nec dirigit opus se solo, neque est iudicium probabile de quo loquimur; sed est iudicium euidens: euidenter enim iudicas tibi probabilius apparere obligatum esse ad restitutionem, & aliorum sententiam deobligantem probabilem apparere. Quodd autem insufficiens sit ad regulandam actionem te solo, probo. Nam si probabilius iudicabas te esse obligatum restituere, vt ab hac obligatione eximaris, debes iudicare te non esse obligatum: non enim sufficit si iudices alios sentire te non esse obligatum, nisi tu sentias te obligatum non esse; aliàs contra propriam conscientiam faceres ex aliorum opinione operando. Ergo si retineas tuam probabilem, vel probabilior sententiam de obligatione, nequis simul assentiri obligatum non esse, sed ad summum poteris assentiri alios iudicare te obligatum non esse, quod non est sufficiens ad honestandam actionem. Quapropter cum secundum opinionem aliorum vis operari, iudicium tuum probabile, seu probabilius de obligatione suspendere debes, & potes, cum non sit euidens, & clarum, & consequenter non necessarid rapiens intellectum: & ita docet Thom. Sanch. immemor suorum dictorum lib. 1. in Decal. c. 9. num. 42. in Medico consulente contra propriam opinionem: vbi postquam dixerat non esse licitum, subiungit. Quod intelligo retento eo dictamine, nam attendens doctiores contrarium asserere, posset prudenter id deponere, ac iam medicinam confu cre.

5 Ex supradictis infertur non solum secundum probabilem aliorum opinionem te posse operari, relicta probabiliori propria, sed in casu grauis necessitatis te teneri aliorum opinioni parum aliàs probabilis conformare. Quia ratione illius grauis necessitatis, & periculi opinio aliàs parum, vel nihil probabilitatis habens redditur maximè probabilis, & secuta. ita docet Thom. Sanch. lib. 2. de matrim. disfut. 36. num. 8. & in Decal. lib. 1. cap. 9. num. 25. cum Soto de secreto regendo membro 3. q. 2. concl. 3. & Nauarr. cap. inter verba in 2. edit. coroll. 33. n. 135. & Villalobos tom. 1. sum. tract. 1. diff. 8. Explicantque doctrinam variis exemplis. Primò, putas iudicem legitime interrogare de crimine alicuius grauis, & honestæ personæ, & reipublicæ non mediocriter necessaria: non tamen tibi omnino constar, sed habes aliquem scrupulum, & dubium, poteris tunc tacere, neque ad sensum illius respondere, iudicans in tali casu probabile esse, te posse tacere. Secundò, si mulier contrahens bona fide matrimonium inualidè, postea non possit nouum consensum expressum à marito extorquere, sufficere, si affectu maritali accedat. Tertid, exhibet moriturus signa contritionis sacerdote absente, poterit postea veniens in præsentia illum absolueret: quia in iis casibus grauis necessitas probabilem opinionem facit, quæ aliàs probabilis non esset.

PUNCTUM III.

An possit Doctor, vel Confessarius consulere, vel docere opinionem minus probabilem, relicta probabiliori propria.

- 1 *Posse consulere etiam in materia iustitie.*
- 2 *Propositur obiectio, & soluitur.*
- 3 *Limitans aliqui, vt intelligatur, quando interrogantem deobligas.*
- 4 *Si rogans intelligat sibi esse obligationem consultam ex aliorum opinione probabili, bene potes consulere.*
- 5 *Quid dicendum in casu quo sentires opinionem esse improbabilem; at defendis vt probabilem ab aliquibus, poteris ne interrogatorem remittere ad illos?*
- 6 *Potest interrogans, cui grata non est resolutio vnius Doctoris, alium adire, si recta intentione procedat.*

- 7 *Doctores, seu rectores cathedra non tenentur docere qua sibi probabiliora videntur.*
- 8 *Improbabiles opiniones docens ex malitia, vel ignorantia culpabilis peccatum esse lethale.*
- 9 *Si non vt magister, sed vt quidam specialis Doctor opiniones improbabiles in Logica, vel Grammatica haberet, non videsur excedere culpam venialem.*
- 10 *In rebus ad mores persueniendis mortale attingit.*

1 **R**espondeo consulere posse in qualibet materia, etiam in materia iustitiæ, & sæpè conueniens esse. ita Sayrus in clauis regia lib. 1. cap. 6. num. 11. Salas tract. 8. disp. unica sect. 6. num. 69. & sect. 9. n. 84. Valquez disp. 62. cap. 9. num. 47. Thom. Sanch. lib. 1. in Decal. cap. 9. num. 19. Ioann. Sanch. disp. 41. num. 7. Ratio est, quia si ex opinione aliorum, vt ex puncto precedenti constat, sufficienter regulas tuas actiones, cur non poteris aliorum actiones regulare?

2 Dices. Interrogans non rogat de aliorum opinione, sed de tua. Ergo vt ad eius mentem respondeas, propriam opinionem teneris manifestare.

Respondeo primò, interrogantem non tam inquirere tuam, vel aliorum opinionem, quàm quid ipse efficere possit, siue ex tua, siue ex aliorum opinione. Secundò, esto interrogaret de tua, non semper es obligatus illam manifestare; sæpè enim inconuenientia ex tali manifestatione oriuntur.

3 Hanc conclusionem limitat Salas supra sect. 9. n. 85. & Valquez illo num. 47. Ioann. Sanch. disp. 43. num. 42. & disp. 44. num. 50. vt intelligatur quando interrogantem deobligas, secus si illi obligationem imponis. Tunc enim dicunt ij Doctores te non posse secundum opinionem probabilem aliorum consulere: cum enim ipse non de aliorum opinione roget, sed de tua, immeritò illi obligationem imponis. At Thom. Sanch. lib. 1. in Decal. cap. 9. num. 21. cum Salas supra, & sect. 10. num. 95. sentit te posse consulere tam exemptionem legis, quàm obligationem illius ex aliorum opinione, nisi expressè rogans inquirat, an aliqua ratione excusari valeat à restitutione, v. g. facienda, tunc, inquam, teneris aut à consilio dando abstinere, aut aliorum opinionem probabilem excusantem declarare, & in hoc casu nemini est dubium.

4 Sentio igitur te posse ex aliorum opinione obligationem consulere, si rogans intelligat solum ex probabili opinione sibi esse obligationem consultam; tunc enim veritatem manifestas, neque illi iniuriam facis; siquidem tacitè dicis contrarium esse probabile, & posse illud tutè sequi. At si rogans intelligat id sibi vt indubitatum consuli; qualiter solent rudes, & ignorantes intelligere, iniuriam illi facis, si ab ignorantia non remoueas, & veritatem non manifestes. Præterea omnes petentes consilium esto expressè non rogent, an aliqua ratione excusari à restitutione valeant, tacitè rogant, cum dicunt, an obligati sint restituere? Si ergo cum expressè rogant, an aliqua ratione à restitutione excusentur, teneris manifestare aliorum, vel tuam probabilem sententiam excusantem; sic teneris cum absolute de obligatione interrogant. Nullus enim præsumi debet sibi velle imponere obligationem, cum ab illa possit excusari.

5 Sed quid si opinionem deobligantem à restitutione sentires improbabilem, posses ne remittere interrogantem ad Doctorem, quem scis illam vt probabilem defendere?

Respondet Thom. Sanch. lib. 1. in Decal. cap. 9. num. 23. te posse, si Doctor ille non ignorantia ductus, sed aliis rationibus, quæ sibi, & aliis probabiles videntur, sententiam defendat. At hoc dictum subsistere non potest: nam vel illam sententiam, quam Doctor ille defendit, euidenter iudicas esse falsam, vel nò iudicas euidenter?

si euidenter iudicas esse falsam, simul etiam iudicare debes defendentem illam, ignorantia laborare; ac proinde in te defendi non posse. Non ergo poteris esse occasio, ut aliquis eam amplectatur. Quod si non euidenter iudicas improbabilem, imprudenter procedis, si eam ut probabilem non reputes. Nam licet tibi per intrinseca principia non probetur, per extrinseca tamen probari debet, & sic interrogantem poteris ad illum Doctorem fauorabilem remittere, sicuti & tu poteris secundum opinionem illius Doctoris interroganti respondere. Quapropter Vasquez *disp. 62. cap. 9. num. 48.* & Salas *tract. 8. disp. unic. sect. 9. num. 84. fine*, solum dicunt te non posse remittere interrogantem ad Doctorem alium, cuius sententiam falsam euidenter reputas; secus dicendum, quando non euidenter reputares falsam.

6 Ex his infero cum Thom. Sanchez *cap. 9. num. 24.* & Zumel. *1. 2. quest. 76. art. 2. disp. 4. fine*, posse interrogantem, cui grata non est resolutio vnius Doctoris, alium, & alium adire, quousque inueniat placitam resolutionem, modò recta intentione procedat. Quia in hac inuestigatione utitur iure à natura sibi concessio, cum solum inuestiget scientiam de obligatione, hoc est, an sit aliquis Doctor, qui cum legitime excuset ab obligatione, quam alij ei imponunt. Timendum tamen est periculum errandi, ne forte putans quærere lumen, quærat tenebras, & inueniat cæcum loco Doctoris, qui eum in foueam deiiciat. Propter quam causam hunc sic inuestigantem reū esse mortalis, affirmarunt Adrian. *4. mat. de restitut. quest. de prescript. dub. ult. vers. his præmissis.* Nauarr. *cap. 17. num. 83.* & Sum. Hisp. *cap. 28. addit. ult. ad cap. 27.*

7 Dico secundò, Doctores, seu Rectores alicuius cathedræ non tenentur docere quæ sibi probabiliora videntur; sæpe enim talia solent esse minus recepta, & probata, & scandalum generarent, graueque iugum magistris imponeretur, si obligationem haberent legendi quæ sibi probabiliora apparerent. Nam ex vi huius obligationis debebant satis inuestigare rationes pro vtraque parte, & sæpe opinio, quæ sibi probabilior heri apparuit, hodie minus probabilis apparebit, cogerenturque quotidie mutare in scriptis sententiam. Quapropter sufficit, si quæ sibi probabilia videntur, doceant: & ita tenet Salas *disp. unica, sect. 6. num. 69.* & Thomas Sanchez *lib. 1. in Decalog. cap. 9. n. 26.* quamuis dicat esse veniale, si nulla ratione excusante doceas, quæ tibi probabilia sunt, relictis probabilioribus. At credo nullum esse peccatum, quia semper est ratio excusans, scilicet graue iugum, quod Doctoribus imponeretur, & obligatio mutandi sæpe sententiam.

8 Quod si magister improbabiles opiniones doceat vel ex malitia, vel ex ignorantia culpabili: si sit in rebus pertinentibus ad fidem, vel mores, nemini potest esse dubium, esse graue peccatum; cum occasionem grauissimam errandi tribuat, & ipse erret. At si opiniones sint in rebus parui momenti, Logicæ scilicet, & Grammaticæ, alicui videbitur peccatum non esse illas docere, ex textu in *cap. in quibus 22. quest. 2.* ubi August. dicit: In quibus nihil interest ad capessendum regnum Dei vtrum credantur, aut non; vtrum vera putentur, aut falsa; in iis errare, aliud pro alio putare, non est arbitrandum esse peccatum; aut si est, minimum est, atque leuissimum. Sed dicendum est, opiniones improbabiles docere communiter in rebus parui momenti, lethale esse, tum quia officio magistri, cui se ingerit, non satisfacit; officium enim illius est, veritatem firmare, & errores depellere. Tum etiam, quia grauem iniuriam auditoribus infert in eorum intellectibus errores seminando: propter quæ sentit Petr. Nauarr. *lib. 2. de restit. cap. 2. dub. 1. num. 81.* obligatos esse magistros restituere, hoc est, deceptionem tollere.

9 At si non ut magister, sed ut quidam specialis Do-

ctor opiniones improbabiles in Grammatica, vel Logica sequaris causa ingenij exercendi, leue peccatum tantum erit, iuxta doctrinam Augustin. *suprà*, qui non de docente publicè has opiniones falsas locutus est, sed de assentiente illis: & ita tradit Salas, & Thomas Sanchez *suprà*.

10 Quod verò addit Salas *illo tract. 8. disp. unic. sect. 5. num. 44. circa medium*, scilicet per se loquendo. Si quis non in praxi, sed in solo assensu temerè circa res morales opiniones improbabiles amplecteretur, non peccaturum mortaliter, secluso scandalo aliorum, & proprio periculo amplectendi eas in praxi, sed venialiter tantum; mihi nullo modo probatur, sed peccatum esse mortale affirmo. Primò, quia ex malitia, vel ignorantia culpabili de rebus ad fidem, vel mores pertinentibus malè sentire, graue malum est. Secundò, quia non videtur posse carere periculo amplectendi talem opinionem in praxi, cum sic illi adhæreat. Tertiò, quia hæc videtur opinio August. *suprà*, cum enim dixerit nullum vel leue peccatum esse sequi opinionem falsam in rebus, in quibus nihil interest ad capessendum regnum Dei; tacitè insinuat in iis rebus, quæ ad capessendum regnum ordinantur, peccatum graue esse.

PUNCTVM IV.

An Confessarius possit, & debeat contra propriam opinionem pœnitentem sequentem opinionem probabilem absoluerè.

- 1 De Confessario delegato negant aliqui.
- 2 Affirmandum est de ordinario, & delegato posse.
- 3 Adde vtramque esse obligatum posita causa iudicij, seu confessione incepta.
- 4 Secus dicendum ante iudicium de eo qui obligatus non est confessiones audire. Et de qua opinione hoc verum sit.
- 5 Obligatus pœnitentis opinioni probabili se conformare, sub qua obligatione hoc sit variant Doctores.
- 6 Probabilis est sub obligatione mortali teneri.
- 7 Pœnitens credens ex aliorum opinione probabili contra-ctum licitum esse, absolueudus est, tamen si Confessarius tali opinioni non assentiatur.

1 **D**E Confessario delegato negant aliqui posse; ideo affirmant de parochio. ita Antonin. *3. part. tit. 17. cap. 20. §. 2.* Syluest. *verb. Confessor 3. quest. 7.* Angel. *confessio 4. num. 13.* Conrad. *tract. 7. de contrah. quest. 100. conclus. 3.* ex parte consentit Ioan. Medina C. *de confess. quest. 19. in fine.* Eman. Saa *in edit. Romana*, quatenus affirmant posse Confessarium cogere pœnitentem, ut suæ opinioni probabili adhæreat. Ratio esse potest; quia delegatus cum non teneatur ministrare sacramentum petenti, solum videtur posse illud ministrare secundum propriam opinionem, & non aliorum. At parochus cum teneatur ministrare, esset graue onus, si aliorum opinioni se conformare non posset.

2 Dicendum tamen est cum communi sententia, quemlibet Confessarium, siue ordinarium, siue delegatum, posse pœnitentem sequentem opinionem probabilem, v. g. opinionem deobligantem à restitutione absoluerè, quamuis ipse Confessarius tali opinioni non assentiatur, modò assentiatur esse probabilem: docet Nauarr. *cap. 27. num. 280. & 288.* & in *cap. si quis autem, de pœnit. dist. 6. num. 66.* Tolet. *lib. 3. cap. 20. num. 4.* Sayrus *de sacramento pœnitentie cap. 35. num. 2. & lib. 1. in clauis regia cap. 9. à num. 13.* Suarez *tom. 4. in 3. part. disp. 32. sect. 5.* Vasquez *disp. 62. cap. 7.* Azor *lib. 2. cap. 17. quest. 10.* Anton. Perez *certam. 10. scholast. dub. 2. à num. 93.* Villalobos *tom. 1. summ. tract. 1. diff. 12.* Thom. Sanchez *lib. 1. in Decalog. cap. 9. à num. 28.* Salas *quest. 21. tract. 8. disp. unica, sect. 9. à num. 82.* Valent. *2. 2. disp. 5. quest. 7. punct. 4. in fine.* Ioan.

Ioan. Sanch. innumeros congerens *disp. 33. n. 54. & disp. 44. num. 35*. Ratio est manifesta: nam quilibet Confessarius, siue proprius, siue delegatus, nihil aliud à pœnitente exigere potest, ut absolutionem impendat, quàm confessionem omnium peccatorum, cum vero dolore, & proposito non peccandi, quibus nullo modo obstat pœnitens adhærens suæ opinioni probabili. Ergo capax est absolutionis, utpote ritè dispositus.

3 Difficultas autem est, an non solum possit, sed etiam debeat absolutionem impendere?

Respondeo debere, siue sit parochus, siue delegatus, quia esto delegatus voluntarie se ingesserit ad iudicandum; ac posita iam causa iudicij, scilicet accusatione peccatorum, necessariò sententiam debet ferre, & cum pœnitens ritè sit dispositus absolutioni, nequit eam denegare: & ita tradunt Valent. Azor. Salas, Suarez, Vasquez, & uterque Sanchez *suprà*.

4 Dixi, posita causa iudicij, seu confessione incepta: nam ante illam sicuti Confessarius delegatus non tenetur audire confessionem pœnitentis, neque etiam tenetur eius sententiæ se conformare; aliàs obligari posset Confessarius sentiens privilegium Bullæ regularibus non prodesse ad effectum absoluendi à reſervatis, audire confessionem, & absolvere regularem sententiam prodesse, quod non est dicendum: & ita tenet Ioann. Sanch. *disp. 44. num. 10. §. sed valde notandum*. & addit obligationem Confessarij absoluendi pœnitentem sequentem opinionem probabilem esse, quando opinio probabilis est de aliqua re facta, vel efficienda ab ipso pœnitente, non de re quæ se tenet ex parte Confessarij, qualis est de iurisdictione, vel approbatione ipsius: tunc enim negata absolutio non arguit indispositionem, & indignitatem in pœnitente, sed defectum iurisdictionis in Confessario; ac proinde nulla pœnitenti irrogatur iniuria, sed potius eam sibi irrogat Confessarius, & consentit Basil. de Leon. *lib. 4. de matrim. cap. 25*.

5 Casu autem quo tenetur Confessarius pœnitentem absolvere, non est concursus Doctorum sententia, sub qua obligatione teneatur? Sayrus, Vasquez, & Salas *suprà*, & Montefinos *1.2. disp. 29. quæst. 5. num. 199*. affirmant delegatum solum sub veniali teneri, & sæpè ex bona fide, & zelo suæ opinionis excusari. Anton. Perez *suprà*, nec veniale agnoscit, si suam opinionem Confessarius longè probabilior reputet: habet enim (inquit) causam suspendendi absolutionem, scilicet, ut vires sua opinio accipiat. Excipit casum, in quo pœnitens ex præcepto Ecclesiæ communicare teneatur. tunc, inquam, graue onus pœnitenti imponeretur ex donegata absolutione, cum ritè dispositus accedat. Suar. solum dicit esse grauem obligationem, non tamen semper sub mortali. Consentit Thom. Sanch. dicens ex paruitate materiæ veniale esse negare absolutionem, ut si confessio esset ita brevis, aut de solis venialibus facta; quia tunc non videtur graue onus pœnitenti imponi, alium confessorem aduocandi. Ioann. Sanch. *disp. 33. num. 54. sine*. dicit esse mortale, si sit de mortalibus confessio: unde tacitè innuit esse veniale, si de venialibus esset facta.

6 Ego verò in hac opinionum varietate existimo probabilius semper esse peccatum mortale negare absolutionem pœnitenti, quem credis esse ritè dispositum, si ipse in tali negatione non consentiat, siue confessio sit de mortalibus, siue de venialibus facta. Et de mortalibus videtur clarum: nam obligare pœnitentem ad iterum confitendum peccata grauiora, habendumque dolorem, est graue onus. De peccatis autem venialibus sic probò. Nam negando absolutionem priuas pœnitentem magno beneficio sacramenti, ad quod habes ius. Ergo peccas grauiter. Quòd autem huiusmodi priuationem ipse possit facillè reparare, eadem peccata venialia iterum confitendo, non te excusat à peccato, cum hæc reparatio per accidens sit: sicuti non te excusaret

à graui iniustitia, si dignum aliquo beneficio Ecclesiastico, illo priuaret, sciens facillimo negotio aliud æquè bonum posse consequi: quia ad grauitatem culpæ non debet attendi, an possit damnificatus damnum reparare: sufficit si damnum factum graue sit. Quod autem priuatio absolutionis, & fructus sacramenti in confessione venialium graue damnum sit, & grauis materia, sic probò. Quia si ex voto teneris confessionem venialium efficere, & omitteres, absque dubio grauiter peccares. Ergo signum est esse materiam grauem, obligare pœnitentem, vel carere fructu ipsius confessionis, vel illam iterum efficere.

7 Ex his infero à fortiori pœnitentem bona fide existimantem, contractum aliquem sibi licere, quique verè licitus est ex aliorum opinione probabili, esto Confessarius tali opinioni non assentiatur, esse necessariò absoluendum, quia accedit ritè dispositus: sic tradit Villalobos *tom. 1. sum. tract. 1. diff. 12. num. 2*. & tenentur omnes supradicti Doctores consentire. At si pœnitens existimet ex ignorantia contractum illum licitum, illicitum esse; tenetur Confessarius pœnitentem monere licitum esse secundum aliquorum opinionem, ut sic à periculo peccandi pœnitentem remoueat; sic ex Salon. *2.2. quæst. 62. art. 2. controuerf. 4. paulo ante solut. argum.* docet Thom. Sanch. *lib. 1. in Decal. cap. 9. num. 31*. Quòd si ille contractus omnino est illicitus, debet Confessarius pœnitentem monere, & si ab illo desistere non vult, in absolutum remittere, utpote indispositum: sic tradit Bartholom. de Ledesm. in sua *sum. tit. de sacram. pœnit. diff. 14*. Villalobos *suprà num. 4*.

PUNCTVM V.

An in administratione Sacramentorum liceat uti opinione probabili, & in re minus tuta, relicta probabiliori, & tutiori, vel omnino certa.

- 1 Quando pro utraque parte est opinio probabilis de licito usu, potes cuiuslibet te conformare. Quæstio procedit quando ex una parte est opinio valere sacramentum, ex alia est certus eius valor.
- 2 Sacramentum inualidum esse potest ex defectu materiæ, vel formæ à Christo instituta, vel ex defectu iurisdictionis ab Ecclesia non concessa.
- 3 Proponitur prima sententia negans licere uti opinione probabili, relicta probabiliori, vel certa de valore sacramenti: & quibus probetur.
- 4 Apponitur supradictæ sententiæ limitatio, ut non procedat in casu grauis necessitatis.
- 5 Secunda sententia ut probabilior defenditur licitum esse opinione probabili, relicta probabiliori, vel certa in administratione Sacramentorum, nisi ab Ecclesia per consuetudinem, vel speciale præceptum prohibitum sit.
- 6 Explicatur doctrina, & casus, in quibus apparet Ecclesiam fecisse prohibitionem.
- 7 Non licet ministrare Baptismum sub nomine genitoris, &c. tamen si baptizatus consentiat.
- 8 Apponitur quadam limitatio, sed necessaria non videtur.
- 9 Probatur non esse necessarium sacerdoti monere suscipientem sacramentum se uti opinione probabili in eius administratione.
- 10 Satisfit argum. num. 5. adductis.

PRO intelligentia huius quæstionis aduerto primò non esse quæstionem, quando pro utraque parte esset opinio probabilis, an licitè fiat: tunc enim ex supradictis manifestè constat cuiuslibet licere eligere quam maluerit, neque se periculo morali errandi exponit, ut contingit in casu controuerso, an morituro exhibenti solum signa contritionis danda sit absolutio aliis

aliis negantibus, aliis rectius affirmantibus. Sed questio est, quando ex vna parte est opinio de valore sacramenti, ex alia parte non est opinio, sed certitudo valere. v. g. est opinio validum esse Baptismum ministratum sub forma genitoris, geniti, & procedentis ab utroque. At est omnino certum valere, si ministraretur sub nomine Patris, Filij, & Spiritus sancti. Item est opinio valide consecrari in typho, vulgò *zenreno*: at in pane triticeo est omnino certum. Matrimonium valere, si contrahatur coram paroco contrahentium, & in propria parochia, admittunt omnes. At si ipse in aliena parochia assistit, opinio est non valere. Confessio facta simplici Sacerdoti valere proprio in articulo mortis, nemini est dubium valere; at si præsens sit proprius Sacerdos, opinio est: aliisque innumera exempla adduci possent. Difficultas autem est, an tunc liceat uti opinione probabili, relicta certa, & secuta.

2 Aduerto secundò, inualidum posse reddi sacramentum vel ex defectu materiae, & formae à Christo Domino institutae, quem defectum ipsa Ecclesia supplere non potest, vel ex defectu iurisdictionis ab Ecclesia non concessae, qualiter irritatur sacramentum matrimonij celebratum coram Sacerdote, qui non sit parochus contrahentium, & sacramentum poenitentiae si ministraretur à Sacerdote, habente potestatem ordinis, & non iurisdictionis in poenitentem. His ergo positis,

3 Prima sententia negat, siue inualidum sit sacramentum ex defectu alicuius à Christo Domino requisiti, vel ex defectu alicuius requisiti ab Ecclesia, licere uti opinione probabili, relicta certa, & secuta in eius administratione. ita Franciscus Suarez 3. tom. in 3. part. disput. 16. sect. 2. & disput. 21. sect. 4. ad finem, & disput. 45. sect. 1. in fine, & disput. 60. sect. 1. in fine, & tom. 4. disput. 26. sect. 6. num. 5. Henriquez 1. tom. lib. 1. de sacrament. cap. 9. num. 15. Bartholom. de Ledesin. de sacrament. in genere, dub. 5. conclus. 4. Petrus de Soto lib. 1. de institut. sacerdot. lect. 2. de Eucharist. Valentia 3. part. disp. 6. quest. 2. punct. 1. Salas 1. 2. tract. 8. disput. unic. sect. 5. num. 86. & alij. Mouentur primò, quia facis irreuerentiam sacramento, cum sine virgati causa te exponis periculo illud irritum faciendi, quod periculum non adest, cum vteris opinione probabili circa aliquod præceptum: quia tunc non te exponis periculo illud violandi formaliter, etiam si in re violes; at si in usu sacramentorum tutam, & certam sententiam de eorum valore relinquis, & probabili tantum vteris, periculo te exponis irritum efficiendi sacramentum: quam irritationem ex probabili opinione non poteris evitare, sicut potes evitare malitiam. Et confirmo. Si debens centum aureos soluere creditori in moneta dubia, nullo modo satisfacere; quia debito certo non potest fieri satis solutione dubia; at constitutus minister sacramentorum debet Ecclesiae illa integrè ministrare, cum ad hunc finem ab Ecclesia sit constitutus. Ergo non satisfacis, si sub opinione minitres, cum possit certò ministrari. Secundò, usus Ecclesiae prohibens ne forma, & materia minus tuta vtrius in sacramento Baptismi, Confirmationis, & Eucharistiae, ex aliquo fine prohibet, non ex alio, nisi ex reuerentia sacramentis debita. Ergo ex hac reuerentia prouenit, ut nullus possit uti materia probabili, relicta certa. Tertiò in rebus ad salutem animae pertinentibus, hoc ipso grauiter quis peccat, quod certis incerta præponit, ut dixit August. 1. de Baptismo, contra Donatistas, cap. 3. Sed qui vritur materia, & forma sacramentorum probabili, relicta certa, iam certo incertum præponit. Ergo peccat.

4 Doctores supradicti dicunt intelligendum esse, neminem scilicet posse uti opinione probabili de valore sacramenti, relicta sententia certa sine graui necessitate: nam illa interueniente licitum esse dicunt uti ma-

teria probabili, relicta certa. Qua ratione licet Baptismum in digito paruulo ministrare, quando timetur paruulus ex vtero egrediens moriturus. Item licet confirmationem ministrare ex oleo benedicto; non mixto balsamo, cum nullatenus balsamus inueniri potest, & vrget occasio. Item licet, & debitum est poenitentem exhibentem signa contritionis, & iam moriturum absolueret, etsi nullum peccatum in specie manifestaret. Item licet ministrare Baptismum sub nomine genitoris, geniti, & procedentis ab utroque, si ex prolatione formae certae, Patris scilicet, Filij, & Spiritus sancti mors ministro immineret. In quibus omnibus consensit Ioan. Sanchez disp. 44. num. 12. fine, & in princ. cum Anton. Perez certam. 10. scholast. cap. 10. & 13. Salas sect. 27. num. 285. Suarez de poenit. disp. 26. sect. 6. fine. Periculum enim irritandi sacramentum sufficienter honestatur ratione necessitatis.

5 Secunda sententia, & mihi probabilior asserit in administratione sacramentorum per se licere uti, sicut in aliis materiis, opinione probabili, relicta probabiliori, seu certa, nisi ab Ecclesia per consuetudinem, vel speciale aliquod decretum prohibitum sit. Hanc probat, & defendit latè, & eruditè Gabr. Vasquez 1. 2. quest. 19. art. 6. disp. 63. cap. 2. & 3. Salas ex eodem, quest. 21. tract. 8. disput. unica, sect. 10. num. 96. sentit esse valde probabile, quamuis sect. 5. num. 96. absolute oppositam sententiam videatur defendisse. Anton. Perez laurea Salam. certam. 10. cap. 12. & 13. Thomas Sanchez lib. 3. de matrim. disput. 20. num. 4. & lib. 1. in Decalog. cap. 9. num. 33. Villalobos tom. 1. summ. tract. 1. diff. 13. num. 1. & 2. Sayrus clauis regia lib. 1. cap. 7. num. 4. Basil. de Leon. lib. 4. de matrim. cap. 25. num. 9. Salon. 2. 2. quest. 63. art. 4. controuers. 2. ad 3. probabilem reputat Ioan. Sanchez disput. 44. num. 10. & alij ab eisdem relati. Moueor præcipue ex ratione ab inconueniente desumpta: si enim non liceret materia probabili in administratione sacramentorum uti, sed necessariò adhibenda esset omnino tuta, cum id fieri possit, graue onus ministrantibus sacramentum imponeretur. Primò enim in sacramento poenitentiae non liceret poenitenti cum attritione cognita accedere, neque Sacerdoti absolutionem impendere; cum hæc non sit omnino certa materia. Item si poenitens cognoscit se effecisse confessionem informem, neque vult illam repetere, non liceret sacramentum ministrare, quia confessio secundum probabilem opinionem non est integra formaliter, cum secundum probabilem opinionem est confessio informis repetenda. Similiter non liceret simplici Sacerdoti in articulo mortis præsente proprio Sacerdote absolutionem impendere; neque in sacramento matrimonij possent coniuges contrahere præsente proprio paroco non Sacerdote, vel existente in aliena parochia: quia in iis casibus, & aliis multis adhibetur materia probabilis, relicta omnino certa, & secuta.

6 Hoc argumentum, meo iudicio, conuincit ex præcisa religione debita sacramentis, licere quidem uti in eorum administratione opinione probabili; hoc est, materia, & forma probabili, relicta certa, & secuta: quia sic operans prudenter operatur, cum non exponatur culpabili periculo irritandi sacramentum, sed viam moraliter certam teneat. Neque est fundamentum, vi cuius affirmemus obligatos esse semper ministros materiam, & formam omnino certam apponere. At quia plurimi sunt casus, in quibus Ecclesia vel per consuetudinem, vel per speciale decretum mandauit uti materiis, & formis certis, relictis probabilibus, ideo qui in huiusmodi casibus auderet materia probabili uti, relicta certa, grauiter contra religionem peccaret. Qua ratione, etsi probabile sit Baptismum valere sub forma genitoris, geniti, & procedentis ab utroque: at ex usu Ecclesiae ministrandus est sub nomine Patris, Filij,

&

& Spiritus sancti, neque est probabile stante hoc usu licitum esse relinquere hanc formam, & alia probabiliter. Item etsi probabile sit in Philosophia, aquam ex herbis extractam non differre specie ab elementaria; at non est probabile licere sub illa Baptismum ministrare. Similiter etsi probabile sit in sacramento confirmationis balsamum non requiri; at probabile non est non esse apponendum. Item in sacramento Eucharistiæ probabile est typhum, vulgò *zenteno*, specie non differre à tritico, sed esse triticum degeneratum; at probabile non est posse in illo consecrari. Quapropter in hac materia, certa regula præscribi non potest, sed per singula sacramenta examinandum est, quæ sint ab Ecclesia ratione consuetudinis, vel specialis præcepti prohibita, quæ non.

7 Ex his infero aduersus Anton. Perez, & Salas *scilicet* 10. num. 96. nullo modo licere sacerdoti ministrare adulto Baptismum, sub nomine genitoris, geniti, & procedentis ab utroque, quantumcunque ipse consentiat, quia usus illius formæ non solum ex charitate debita proximo debitus est, sed ex præcepto Ecclesiæ ob publicationem fidei, & notitiam claram ipsius. Cum enim Baptismus tanua sit Ecclesiæ, oportebat in illo notitia Trinitatis exprimi clarioribus verbis. Similiter etiam infero aduersus eundem Doctorem, grauiter peccaturum sacerdotem consecrantem calicem, & limitantem intentionem ad solâ illa verba, *Hic est calix sanguinis mei*, reliquis verbo tenus prolatis: quia obstat vsui communi Ecclesiæ nomine Christi illa dicentis, & intendentis omnibus illis consecrationem fieri, quia fortè omnia illa necessaria sunt.

8 Nostram sententiam limitat Vasquez, Villalobos, Anton. Perez, & uterque Sanchez *suprà*, vt intelligatur, quando pars probabilis contraria non sit charitati, & misericordiae proximi. Dicunt namque te vti non posse materia, & forma probabiliter in administratione sacramentorum, si inde aliquod damnum suscipienti sacramentum imminet. Nam si certum, & securum remedium posses sine difficultate indigenti ministrare, quo titulo debes dubium, & incertum adhibere, illumque sacramento fortè necessario ad salutem frustrare ob sequendam tuam opinionem? Fateor dictum esse legitimum, at limitatio necessaria non est, nullus enim mihi se offert casus, in quo ob charitatem proximi teneraris vti sententia omnino certa, & sine periculo irritandi sacramentum, cum aliàs posses illa non vti, quod optimè notauit Montinos 1. 2. *disput.* 29. *quest.* 5. num. 232. Nam quod dicit Ioann. Sanch. *disp.* 44. *num.* 13. 5. *Fateor ingenuè*, mihi nullo modo probatur, affirmat namque ministrum peccaturum mortaliter, non solum contra charitatem, sed etiam contra iustitiam, quotiescunque habens iurisdictionem sub opinione probabiliter sacramentum ministrat, quin suscipientem moneat de incertitudine sacramenti, vt possit alium ministrum habentem iurisdictionem certam adire: quia videtur esse contra charitatem suscipientis ministrare sacramentum dubium, cum possit habere certum. Ex qua doctrina infert innumeros casus, in quibus minister peccaturus est, si suscipientes sacramentum non moneat de incertitudine, quales sunt, si parochus assistat matrimonio contrahentium in aliena parochia, vel non sacerdos; vel matrimonium per metum reuerentialem contractum absque minis. Item si obtemperat approbatione ab alio ordinario, quàm loci, in quo ministratur poenitentia, auscultet confessiones; si præsentem proprio sacerdote simplex sacerdos moriturum absoluat. In his omnibus casibus, & aliis similibus ab ipso relatis affirmat ministrum peccaturum & contra charitatem, & contra iustitiam. Solum excipit in sacramento poenitentiae se posse excusare ministrum, iurisdictione probabiliter utentem, si suscipiens sacramentum confiteatur aliqua ve-

nialia simul cum mortalibus, cum enim circa venialia sit certum, & non sub opinione quemlibet sacerdotem iurisdictionem habere, efficitur absoluentem de peccatis venialibus, & gratiam conferentem, consequenter peccata mortalia remissurum, ac proinde nullum emolumentum suscipiens amittit ex facta confessione, quod ex alio quolibet sacerdote obtinere posset.

9 Hanc igitur doctrinam nullo modo probandam censeo; destruit enim opinionem communem asserentem in omnibus illis casibus posse sacramentum non solum validè, sed licitè ministrari, neque vllus Doctor, qui talem sententiam docet, exegit à ministro, vt certiores suscipientes faceret de incertitudine opinionis, & periculo irritandi sacramentum. Quia quando adest probabilis opinio absoluenti à reuerentiis, à censuris, assistendi matrimonio, nullo morali periculo se exponit minister irritum efficiendi sacramentum. Quia licet ex privilegio iurisdictionem non habeat, habet tamen ex tacito consensu Ecclesiæ, & ratihabitione de præsentem supplet iurisdictionem, ne tot actus irriti sint: ita docuit Suarez 4. *tom.* in 3. *part.* *disp.* 26. *sect.* 6. num. 7. & seqq. Lessius lib. 2. *de instit.* cap. 29. dub. 8. num. 68. Villalobos 1. *tom.* *sum. tract.* 1. *diff.* 13. num. 5. *fine.* Henriquez lib. 5. *de poenitent.* cap. 14. num. 3. & 4. & in *com. lutt.* G. Thom. Sanch. lib. 3. *de matrim.* *disp.* 22. num. 65. & in *sum.* lib. 1. in *Decal.* cap. 9. num. 35. Batil. de Leon. lib. 5. *de matrim.* cap. 19. num. 8. & cap. 20. num. 7. Aegid. de *Sacram.* *disp.* 8. dub. 3. *conclus.* 6. num. 22. & dub. 6. n. 47. Bonac. de *Sacram.* *disp.* 5. *quest.* 7. §. 4. num. 4. Filiucius *tom.* 1. *matr.* 7. cap. 9. num. 227. Omnes enim ij, & alij affirmant operantem ex opinione probabiliter se habere iurisdictionem, illam habere certissimam, sicuti habet qui ex errore vulgi, & titulo præsumpto operaretur; ac proinde nullo periculo morali irritandi sacramentum exponi. Neque vllus ex iis Doctoribus à ministro requisivit, vt moneat poenitentem de incertitudine opinionis: quia ipsi ministro non debet aliud onus imponi in administratione sacramenti, quàm vt ministret omni certitudine qua potest; qui autem solum iurisdictionem probabilem habet, solum ex illa potest sacramentum ministrare; vt quid ergo aliud onus est illi postulandum? ipse enim suscipiens sibi imputet, si sacramentum validè non recipiat, cum possit querere ministrum certam omnino iurisdictionem habentem, & accedere ad dubium. Quod si dicatur suscipientem ignarum esse talis incertitudinis, ac proinde à ministro monendum; nescio qua ratione ministro tale onus imponitur magis, quàm cuiuslibet alteri fidei, cum ipse minister non cogat suscipientem ad se accedere, & accedenti ministret sacramentum omni certitudine qua potest. Præterea lege charitatis, & præcepto correctionis non tenemur ab intellectibus hominum ignorantias depellere, quæ non obstant medio necessario ad salutem: atqui monitus à Confessario de incertitudine opinionis non tenetur alium ministrum certorem adire. Ergo illa ignorantia incertitudinis non est de aliquo medio necessario ad salutem, ac proinde nullus tenetur ex charitate illum docere. Denique aduersus Ioann. Sanch. vrgeri possumus: quia illa via assecutandi sacramentum poenitentiae, si suscipiens confiteatur venialia non est omnino certa. Nam esto quilibet sacerdos habeat circa venialia iurisdictionem (quod in sententia Salas 1. 2. *tract.* 8. *disp.* *vnica*, *sect.* 10. num. 101. & *sect.* 27. num. 286. non est omnino certum) adhuc non est certum fieri sacramentum, quia sæpè dolor de peccatis à poenitente adductus venialibus non obstat, quia non est ita purus, & perfectus. Ergo in tali casu monendus esset poenitens, & cum hic casus semper contingat, semper debet esse monendus poenitens. Præterea cum Confessarius ante factam confessionem nesciat quæ peccata tibi dicenda sunt, & an veniale aliquod, cuius dolorem habeat poenitens

nitens

nitens manifestaturus, teneretur sanè semper pœnitentem monere de incertitudine sacramenti: quod quidem esset graue onus ministris sacramentorum imponere, & contra receptam, & communem sententiam.

10 Ad argumentum pro prima sententia adducta respondeo.

Ad primum operantem ex opinione probabili de valore sacramenti non se exponere morali periculo irritandi illud, ac proinde sacramentum non offendit, neque Deum, qui solum petit, ut minister inculpabiliter procedat: procedit namque quando ex probabili opinione operatur, aliud Ecclesia non præcipiente. Ad confirmationem respondeo ministrum obligatum non esse operari absque ullo periculo irritandi sacramentum, sed obligatum esse operari absque periculo morali irritationis: qui autem cum probabili opinione operatur, nulli se periculo morali exponit, ac proinde integre debito satisfacit.

Ad secundum respondeo Ecclesiam in aliquibus casibus prohibere uti materia, & forma probabili, relicta certa, non tam ob reuerentiam sacramenti, quam ob alios fines tum religionis, tum necessitatis fidelium. Et dato quòd in aliquibus ob specialem solum reuerentiam sacramenti sit ita mandatum; non inde mandatum ad omnes casus debet extendi absq; manifesta ratione.

Ad tertium dico, D. August. loqui in casu necessitatis grauis, secus in communiter contingentibus. Secundò dico, qui opinionem probabilem certæ præponit, non incertum, sed certum moraliter certò præponit.

PUNCTUM VI.

An subditus contra propriam opinionem possit, & debeat superiori præcipienti obedire.

- 1 *Quid sit certum, quid sub controuersia.*
- 2 *Licetum tibi est obedire sequendo opinionem probabilem superioris.*
- 3 *Debes iudicare opinionem superioris probabilem esse.*
- 4 *Communis sententia docet te obligatum esse obedire superiori præcipienti, tamen si imperet rem, quam probabiliter seu probabilius existimas illicitam esse, vel esse extra eius iurisdictionem.*
- 5 *Contrarium videtur satis esse probabile.*
- 6 *Satis fundam. num. 4. adducto.*
- 7 *Si sub opinione probabili sit superiorem non esse legitimum, adhuc affirmas Sanchez, te esse obligatum in supradicto casu obedire.*
- 8 *Probabilius est oppositum.*

1 **N**ON est controuersia, quando daretur opinio probabilis ex parte subditi, quòd non teneatur obedire, etiam si contraria sit probabilior: tunc enim licitum est ex supradictis amplecti, quæ sibi gratior fuerit, & ita notauit in præsentī Thomas Sanch. lib. 6. in Decal. cap. 3. n. 7. Sayrus clauī regia, lib. 1. cap. 12. num. 6. Torres de iustit. disp. 50. dub. 5. n. 9. Ioan. Sanchez disp. 33. num. 28. Petr. de Navarra lib. 3. de restit. p. 3. dub. 13. n. 239. fin. Neque obstat superiorem tunc iuste præcipere, ut tu tenearis obedire, quia non vndeque iuste præcipit, sed probabiliter, ac proinde tu probabiliter solum obligatus eris obedire, & probabiliter deobligatus. Ex ignorantia enim, & diuersitate opinionum hæc diuersitas in operando oritur, ratione cuius datur bellum iustum ex utraque parte. Controuersia ergo solum est, an quando existimas probabiliter rem tibi imperatam illicitam esse, possis, & tenearis obedire?

2 Negat te posse in supradicto casu obedire Adrian. quodl. 2. p. 3. quia ageret contra propriam conscientiam.

Sed hæc sententia meritò ab omnibus reiicitur. Si enim, ut supradictum est, relicta propria opinione pro-

Ferd. de Castro Sum. Mor. Pars I.

babiliore licet tibi amplecti aliorum opinionem probabilem, quare non poteris opinionem probabilem superioris amplecti? Et ita tenet Cordub. 99. lib. 3. q. 9. Anton. Perez certam. 10. scholast. n. 115. Valquez disp. 62. c. 6. Azor lib. 2. cap. 1. q. 9. & cap. 19. q. 6. Thomas Sanchez lib. 6. in Decal. cap. 3. n. 6. Salas 2. 2. tract. 8. disp. vnic. sect. 8. n. 76. & constat manifestè ex August. relato in cap. quid culpatur, 23. quest. 1. ibi, *Vir iustus si forte sub rege homine, etiam sacrilego, malisset, rectè potest illo iubente bellare, si quod sibi iubetur vel non esse contra Dei præceptum certum est; vel virum sit, certum non est.* Ecce qua ratione dicit August. posse subditum superiori obedire, quoties illi certò non constat esse contra Dei præceptum. Idemque probari posset argum. cap. si virgo, 34. q. 2. ibi, *Si virgo nupserit nesciens viro alieno, si semper nesciat, nunquam ex hoc adultera erit; si autem sciat, ex tunc adultera esse incipit.* Ergo scientia de nullitate iuris alterius requiritur, ut non possis illi conformare.

3 Debestamen, ut possis contra propriam opinionem operari, efformare iudicium practicum de probabilitate opinionis superioris: quia necessariò debes iudicare saltem probabiliter, tibi esse licitum hîc, & nunc obedire; aliàs contra propriam conscientiam regulantem actiones procederes: & ita docuit Vasquez disp. 62. c. 6. num. 32. & 33. & Azor lib. 2. cap. 17. q. 9. Hoc autem iudicium existimant supradicti Doctores non debere subditum desumere, ex eo quòd superior sit, & præcipiat: neque enim dignitas præcipientis facit probabilem opinionem eius quod præcipit; sed quia aut subditus scit ab aliis Doctoribus illud ut probabile haberi, vel superiorem doctum, & prudentem esse, qui nisi probabiliter ductus rem illam non præciperet: quod semper existimandum est, quotiescumque de iniustitia præcepti non constat: consentit Villalobos 1. tom. sum. tract. 1. diff. 11. num. 3. neque dissentit Thomas Sanchez supra num. 6. et si videatur contrarius.

4 Maior difficultas est, an tenearis obedire, cum tibi superior imperat rem, quam probabiliter, seu probabilius existimas esse illicitam, vel esse ex his, quæ sunt extra eius iurisdictionem: Communis sententia est te obligatum esse obedire. ita Vasquez 1. 2. disp. 62. cap. 6. cum Corduba lib. 3. q. 9. initio. Salas tract. 8. disp. vn. sect. 8. n. 76. Syluest. verb. conscientia, q. 3. Sayrus lib. 1. in clauī regia, cap. 12. à num. 2. Anton. Perez certam. 10. scholast. n. 115. Thom. Sanch. lib. 1. in Decal. c. 3. num. 6. Villalobos tom. 1. summ. tract. 1. diff. 11. n. 3. Azor tom. 1. lib. 2. in iustis. cap. 17. quest. 9. & alij.

Hanc sententiam probant Doctores communiter. Primò, in supradicto casu potes obedire. Ergo teneris: quia subditus tenetur parere, quoties absque peccato id facere potest. Et confirmo. Superior habet ius præcipiendi, cum saltem ex probabili ratione moueatur. Ergo teneris ei obedire; aliàs non leuis esset confusio inter superiorem, & subditum, nullaque communitas gubernari posset, si ob probabilem opinionem subditus excusandus esset ab obedientia, tenerenturque superiores nunquam præcipere, nisi euidenti iustitia ducti, eaque inferioribus manifestata, quod videtur esse contra August. in cap. quid culpatur, 23. q. 1. Hæc tamen rationes efficaces non sunt, æquè enim militant in casu quo subditus probabiliter opinaretur non esse obligatum obedire, tunc, inquam, & superior præcipere potest, & tamen ipse tenetur parere, neque obinde confusio aduenit communitati, cum quilibet iure proprio utatur, & casus non sint ita frequentes: non enim ita frequenter contingit probabile esse, rem imperatam illicitam esse, vel excedentem superioris iurisdictionem, ut possit subditus ab obedientia excusari. Ratio efficax huius sententiæ ea est. Superior eo ipso, quo superior est, ius imperandi habet non solum quæ clarè sunt licita, & honesta; sed ea quæ sub opinione honesta sunt.

B

Quod

Quod constat ex supradicto *cap. quid culpatur*, ubi Augustinus solum expostulat, ut possit superior præcipere, & possit subditus obedire, quod certum non sit rem imperatam esse contra Dei præceptum. Ergo si certum est superiorem in tali casu habere ius imperandi, etiam debet esse certum, obligandum esse subditum, cum hæc correlatiua sint. Et confirmo. Et si probabile sit coniugi matrimonium bona fide contractum inualidum esse, non tamen videtur probabile deobligatum esse reddere debitum petenti, aliàsliceret spoliare possidentem iure acquisito ob probabilem opinionem. Ita videtur dicendum in præsentī. Et si probabile sit rem imperatam illicitam esse, vel excedentem limites rerum, quas superior imperare potest. At non videtur probabile te posse non obedire, si imperetur; sicuti si probabile tibi esset rem à me possessam esse tuam, non tamen ex hac probabilitate me poteris illa spoliare.

Verum et si hæc communis sententia in praxi semper consulenda sit, audeo tamen affirmare valde probabile esse te obligatum non esse superiori præcipienti obedire, quando opinionem habes probabilem illicitam esse rem imperatam, vel excedentem eius iurisdictionem. Moueor primò, licitum subdito est non parere superiori præcipienti, quando est opinio probabilis non esse obligatum parere, sed quando est opinio probabilis, non esse licitum quod imperat, vel esse extra eius iurisdictionem, est opinio probabilis non esse obligatum parere. Ergo. Probo minorem: quia probabilitas opinionis deobligantis subditum obedire, in nullo alio capite efficaciori fundari potest, quàm in eo, quod probabile sit rem imperatam illicitam esse, vel extra superioris iurisdictionem. Et confirmo: ideo quando est probabilis opinio non teneri subditum obedire, deobligatur subditus ab obedientia in sententia Thom. Sanchez, quia possessio superioris in illa materia vocatur in dubium, sed similiter vocatur in dubium potestas superioris, cum probabilis est opinio illicitum præcipere, aut eius iurisdictionem excedens. Ergo. Secundò, nunquam superior fuit in possessione imperandi illicitum, aut excedens eius iurisdictionem, ut ex ipsis terminis constat. Sed est probabile hoc esse illicitum, vel excedens eius iurisdictionem. Ergo est probabile non habere superiorem ius præcipiendi. Ergo est probabile non teneri subditum obedire. Tertiò, non potest superior strictius obligare subditos suo præcepto, quàm Christus Dominus, & Ecclesia obligat suis præceptis; sed quoties aliquis iudicat probabiliter sub materia præcepta rem aliquam non contineri, illa non obligatur: hac enim ratione non tenetur quis fateri peccatum, quod probabili ratione credit non esse mortale, vel esse iam confessum, ut multis allegatis docet Thomas Sanchez *lib. 1. in Decalog. cap. 10. num. 76.* quia licet præceptum de confessione integrè facienda possideat, ab illo tamen excusatur sequendo opinionem probabilem: quia in tali casu probabiliter existimat non possidere. Ergo licet superior ius habeat præcipiendi, quia tamen non habet ius certum præcipiendi, quod est probabiliter illicitum, sed solum habet ius probabile, ideo subditus probabiliter deobligatur.

Ex iis patet solutio rationis adductæ pro communi sententia. Dicimus namque superiorem habere ius præcipiendi quod est licitum certò, & indubitabiliter; quod verò sub opinione tantum licitum est, etiam sub opinione ius habet. Quapropter D. Augustinus in *cap. quid culpatur*, nunquam dixit teneri subditum Regi præcipienti obedire, quoties certum sibi non est esse contra Dei præceptum; sed posse obedire: tacitè insinuans contingere posse casum, in quo et si possit obedire, non teneatur. Exemplum de spolio non obstat: quia possessio rei, & proprietates illius distin-

guitur: stat enim optimè aliquem habere ius proprietatis in aliqua re, carere tamen illius possessione; & contra: ac proinde potest aliquis probabiliter opinari rem ad se pertinere, non tamen probabiliter opinari habere illius possessionem, aut alium à possessione deturbare: quia sunt omnino distincta. At in præsentī idem omnino est dubitare, seu probabiliter opinari rem imperatam esse illicitam, vel excedentem superioris iurisdictionem, ac opinari non habere potestatem circa illam. Eodem modo satisfacere possemus exemplo de matrimonio: aliud enim est opinari matrimonium inualidum fuisse, & aliud opinari alterum coniugem corpus tuum non possidere; possessio enim videtur certa, et si proprietates ster sub opinione: & ratione possessionis certæ alterius teneris reddere debitum petenti, quantumvis opinaris matrimonium non esse, ut multis allegatis probat Thomas Sanchez *lib. 2. de matrimonio, disput. 44. num. 3.* & nos ibi dicimus. Secundò & clariùs respondere possemus admittentes coniugem probabiliter opinantem de valore matrimonij, non teneri reddere debitum petenti, et si possit: quia videtur idem esse opinari de valore matrimonij, ac opinari de legitima possessione alterius; cum nullus possit possidere coniugem alienum, sed proprium; ac proinde si alicui coniugi probabile est non esse coniugem alterius, probabile est alterum non legitimè possidere, & consequenter reddere non teneri: ideoque in *cap. inquisitioni, de sentent. excommunicat.* notanter omissum est hunc coniugem probabiliter opinantem teneri reddere; solum enim dicitur debitum reddere posse, sed postulare non debere. Efficitur ergo ex omnibus iis esse satis probabile subditum probabiliter opinantem mandatum superioris esse illicitum, vel excedens eius iurisdictionem, non esse obligatum exequi. Et eam absolūtè defendit Ioan. Sanchez in *select. disput. 33. à num. 32.* & Ledesma *tractat. de los estados, ubi de religiosos en comun, cap. 4.* consentit ex parte Suarez *5. tom. in 3. part. disput. 4. sect. 6. num. 6, in fine.* ubi dicit teneri subditum obedire Prælato, quando æquè sunt rationes probabiles pro utraq; parte. At si manifestè probabilius est non esse licitum mandatum, vel extra eius iurisdictionem, valde probabile esse subditos excusari: & clariùs id docet *lib. 6. de legib. cap. 8. n. 3. & 6.* ubi probat licitum esse ut epukeia, hoc est, interpretatione, seu emendatione legis ex probabili iudicio, quoties superior conveniri non potest: imò etiam si conveniri posset, refert idem Suarez *num. 4.* plures modernos asserere necessarium non esse recursum ad superiorem, si dubium sit de potestate eius, non de voluntate: quia tunc non debet interpretatio fieri ex voluntate superioris, & in casu quo dubium sit, contrariari eius præceptum alteri legi superiori, consentit non esse necessarium obedire. Henriquez *lib. 12. de matrim. cap. 6. num. 7.* favere videtur, quatenus dicit coniugem debere reddere debitum petenti, dum non est certus per consensum opinionarium probabiliorum matrimonium non esse, à fortiori idem diceret de subdito respectu Prælati, & clariùs *lib. 14. de irregular. cap. 3. num. 3. com. list. X.* ubi dicit in dubio esse locum epukeiæ. Idem tenet Corduba *lib. 3. qq. 9. 13. ante regul. 1. fol. 205.* Sylvest. *verb. Papa, quest. 16. disput. 2.* & consentit Thomas Sanchez *lib. 2. de matrim. disput. 41. num. 37.* ubi dicit, cum supradicti Doctores dicunt esse locum epukeiæ in dubio, intelligendi sunt non de dubio æquilibrio, sed de formidine, quando scilicet est probabile iudicium, licet cum formidine opposita. Sentit ergo ex probabili iudicio uti posse subditum epukeia, ac proinde non teneri obedire. Sayrus *lib. 1. in clavi regia, cap. 13. num. 41.* dicit, quando est dubium probabile, an licitum sit, quod superior præcipit, non semper esse illi obediendum. Ergo iam admittit casum,

casum, in quo ex probabili iudicio de iniquitate rei præceptæ excusetur subditus ab obedientia. Eandem sententiam à fortiori defendere tenentur omnes illi, qui affirmant in casu dubio an sit licitum, vel illicitum, vel excedens superioris iurisdictionem, non teneri subditum exequi, quos disput. seq. referemus.

7 Sed inquires quid dicendum sit, quando opinio non tam oritur ex re præcepta, quam ex potestate superioris, ut si opineris superiorem non esse legitimum, quia non est legitime electus, an tunc sit certum te non teneri obedire?

Thomas Sanchez lib. 6. in Decalog. cap. 3. num. 29. etiam in hoc casu affirmat te esse obligatum obedire, & meo iudicio, procedit consequenter: cum enim tua opinio, & dubitatio impedire possessionem superioris non possit, sed illa opinione, & dubitatione non obstante ille est reputatus superior, nequis illum iure imperandi spoliare, ac proinde etsi opineris non esse superiorem, non potes opinari tibi imperare non posse, eum hæc potestas à tua opinione non dependeat, sed omnino certa, & indubitata sit, quoties non constet de nullitate.

8 Verum in huiusmodi casu mihi probabilius apparet te obligatum non esse obedire: quia tunc non est possessio certa superioris, cum de eius possessione probabiliter dubitetur. Tua ergo opinio etsi non impediat possessionem superioris, & quod superior non tibi possit imperare: at reddit possessionem illius dubiam, & incertam, hoc est, solum probabilem, & consequenter ius imperandi probabile tantum. Hoc autem iure imperandi probabiliter non potes superiorem spoliare: at ex illo non sequitur te obligatum esse obedire absolute; sed solum obligatum esse probabiliter obedire, & consequenter posse probabiliter non obedire: & ita in huiusmodi casu defendunt, etsi non satis, consequenter te non esse obligatum obedire. Vasquez disput. 62. cap. 6. fine. cum Gerion tom. 3. tract. de vita spirituali, sect. 4. corol. 10. alphab. 62. litt. N. Salas 1. 2. tract. 8. disput. unic. sect. 8. num. 78. Sayrus in clavi regia, lib. 1. cap. 12. Lessius lib. 2. de iustit. cap. 4. dub. 9. num. 77. fine. Lorca 1. 2. tom. 2. disput. 26. §. adverte præterea. Ioan. Sanchez disput. 33. num. 31.

PUNCTUM VII.

An Rex in bello inferendo moveri possit ex opinione probabili, dicente sibi illud regnum pertinere.

- 1 Si habet Rex opinionem probabilem, sibi licere urbem ab alio possessam occupare, poterit bellum pro illius occupatione movere.
- 2 Si probabilitas sit ex parte facti, aut iuris, nequit possessor a possessione ante datam sententiam deturbari.
- 3 Proponitur quadam obiectio.
- 4 Apud quem est movenda lis, & controversia definienda. Examinantur varia Doctorum placita.
- 5 Non approbantur.
- 6 In hac controversia regnum esse dividendum aliqui affirmant. Sed eorum dictum non probatur.
- 7 Resolvitur controversia, definiendam esse litem iudicibus regni præsentibus, quando non est controversia inter supremos Principes.
- 8 Explicatur amplius doctrina.
- 9 Idem dicendum, quando est inter supremos Principes.
- 10 In supradicto casu probabile est regnum manere liberum, & posse se modo reipublica exempta gubernare.
- 11 Applicato regno à iudicibus designatio, potest is cui est applicatum illud intrare, & bellum movere, si impediatur. Ferd. de Castro Sum. Mor. Pars I.

tur. Excipe nisi sententia illa haberet appellationem, vel supplicationem, ut videtur admittendum.

- 12 Quod est ius probabile, & litigiosum, neque armis definiendum.
- 13 Quando alicui competit regnum certò, & aliud est in possessione, monendus primo est, & rationes allegande, ansequam bellum inferatur.

1 SI attento iure est probabilis opinio licere Regi urbem ab alio Rege possessam occupare, nemini esse potest dubium posse tunc intentare possessionem, etsi ab alio possidente impediatur, bello vindicare. ita Ioan. Sanchez disput. 44. num. 58. Et consentire tenentur omnes illi, qui affirmant licitum esse opinionem probabilem sequi. Neque obstat alium iuste possidere; quia non iuste possidet absolute, sed solum probabiliter, ac proinde deturbari potest à possessione: quia spoliator probabiliter existimat alium non habere ius possidendi.

2 Verum si probabilitas sit ex parte facti, seu iuris, quia scilicet ex scripturis, vel testibus, vel alia via colligit sibi urbem competere, si post factam diligentiam res est solum probabilis, & alter est in possessione, nullo modo potest illum à possessione deturbare. ita Franciscus Viç. de iure belli, relect. de Indis, à num. 27. Vasquez 1. 2. disput. 64. cap. 3. num. 13. Salas tract. 8. disput. unic. sect. 13. num. 128. Molin. tom. 1. tract. 2. disp. 103. Villalobos tom. 1. summ. tract. 1. diff. 17. num. 7. Ioan. Sanchez pluribus relatis supra, num. 58. Ratio est, quia alius iuste possidet, & ratione possessionis efficacius ius habet in urbem, quam alius, qui possessione caret. Item in pari causa, seu dubiis melior est conditio possidentis, & pro illo daretur sententia. Iniustum ergo esset illum à possessione deturbare.

3 Dices, Princeps ille supremus, qui ius solum probabile habet ad urbem ab alio possessam, non debet ius illud omittere: non enim debet esse inferioris conditionis quolibet particulari. Si ergo quilibet particularis cum ius habet probabile ad maius ab alio possessum, potest litem movere adversus possidentem, ut causa examinata applicetur maius habenti efficacius ius, etiam poterit hic Princeps supremus ius probabile habens in urbem ab alio possessam, litem movere adversus possidentem; & data sententia in sui favorem poterit possidentem à possessione expellere; quod si resistat, armis vindicare.

4 Respondeo posse litem movere. At difficultas est apud quem sit movenda lis, & controversia definienda? Nam quod aliqui dicunt quemlibet supremum Principem ius habere pronunciandi sententiam, & sententia in sui favorem pronunciata, & adiudicata sibi regno posse regnum occupare, & armis, si opus est, propugnare, mihi nullo modo probatur, si de sententia proprie dicta sermo sit. Primò, quia ipse supremus Princeps superior non est alio Principe de regno contentente. Ergo non potest iudex esse illius, illumque sua sententia ligare. Secundò alius contendens non tenetur apud hunc rationes suæ iustitiæ allegare, quomodo ergo contra inauditam partem poterit iustam ferre sententiam? & ita tenet Vasquez illo cap. 3. num. 11. & Salas num. 123. reputantque contrarium improbabile. Quapropter alij dicunt supremum Principem de regno cum alio tertio contententem, etsi non possit adversus illum sententiam ferre, poterit tamen iurisperitos sui regni consulere. Quod si ipsi dicant efficacius ius habere ad regnum, virtute huius maioris probabilitatis posse regnum possidere: & si impediatur à possessione, armis iniuriam vindicare. ita tenet Victoria supra, etiam quando alius est in legitima possessione, & Suarez de charit. disput. 13. de bello, sect. 6. num. 2.

Villalobos *tom. 1. summ. tract. 1. diff. 17. num. 7. & 8.* Ratio esse potest, quia iudex pro illo, qui ius efficacius habet, debet sententiam ferre: est enim sententia actus iustitiæ distributiue, in qua dignior est præferendus. Est autem dignior, cui probabilius ius fauet. Ergo pro illo erat sententia ferenda. Loco autem sententiæ ferendæ in supremis Principibus succedit declaratio maioris iuris, & probabilitatis. Ergo facta hac declaratione quasi per sententiam, sibi est regnum adiudicatum. Posterit ergo tunc illud tentare possidendum, & impediendum armis oppugnare. Item facta hac declaratione iura non sunt paria, ut melior sit conditio possidentis.

5 Verum hic modus dicendi (et si probabilis) mihi non satisfacit. Negari enim non potest alteri Principi suos etiam Consiliarios dicturos efficacius ius habere in regnum, præcipue, cum illi faueat possessio. Quod ergo consilium ex his est executioni mandandum? Nulla ratio est, quare magis vnum, quam aliud: verumque autem mandari executioni non potest, neque ratio naturalis dicere potest, ut manderetur executioni consilium illius, qui potentior fuerit; aliàs ius regnandi ex armis metiendum esset: quod barbarum est, & contra naturam rationalem, illique diceretur efficacius ius habere, qui potentior armis esset.

6 Propter hæc dicit Bannes 2.2. *quest. 40. art. 1. dub. 4. & dub. 5. conclus. 3.* & Eman. Rodriq. in *summ. cap. 124. num. 3. conclus. 2.* Villalobos *tom. 1. tractat. 1. difficult. 17. num. 4.* pro qualitate dubij regnum diuidendum esse, & vnum Principem alteri recompensationem facere debere, quod si diuisioni, seu recompensationi non consentiat alius, oppugnari possit. Sed neque hæc mihi probatur. Nam, ut bene ait Molin. *tom. 1. de iustit. tractat. 2. diff. 103. §. mihi verò.* Salas *suprà num. 130.* qui est in possessione legitima, nunquam cogitur rem cum alio diuidere, aut recompensationem facere, neque iudex qui non est arbiter ad hanc diuisionem, seu recompensationem solet litigantes cogere; non est ergo cogendus, qui regnum possidet. Et licet iuste possidens cognoscat aduersarium efficacius ius ad regnum habere (quod difficile est, & raro contingit) si tamen ei certum non est facta diligentia requisita, & semota omni passione; adhuc existimo probabilius obligatum non esse regnum diuidere (et si contra affirmet Molin. *§. illud libenter.*) quia ratione possessionis vincit quodlibet ius alterius probabile, neque tenetur se à regno, vel parte illius spoliare, quousque sententia adueniat, quæ ut lites vitentur, & pax conseruetur, solet vni potius, quam alteri rem applicare; et si vterque ferè æquale ius habeant. Item esset non leuis controuersia in assignanda parte, quæ tradenda esset contrario. Adde regnum diuidere contra consensum ipsius regni, graue malum, & perniciosum regno esset; non est ergo admittendum. Quæ ratio etiam probat neque ante vilius possessionem esse regnum diuidendum, sicut nec maioratus diuiditur, cum duo super illo contendunt. Est ergo controuersia alio modo definienda.

7 Dicendum igitur est; si litigantes super aliquo regno, partes sunt ipsius regni, illique subditi, tenentur iudicio regni stare: quia ipsum regnum iudex est talis controuersię. sic Vasquez *suprà, num. 19.* Molin. *§. quando autem.* Villalobos *suprà, num. 7. circa finem.* Si verò vnus sit supremus Princeps, & alius qui fortè possidet, pars regni prætensi, existimat Vasquez *suprà, & Perez num. 109. circa finem,* litem decidendam esse ab ipso regno, hoc est, ab ipsis, qui mortuo Rege ex electione ciuitatum habent ius gubernandi. Nam cum illa controuersia definiri debeat legibus ipsius regni, & legum illarum nullus videatur legitimus interpres præter regnum ipsum, ab ipso regno debet definiri. Ne-

que obstat esse supremum Principem nemini subiectum; nam in illa causa regno subiaci debet, sicuti subiicitur Gallus legibus, & iudicibus Hispaniæ, cum contra Hispanum de aliqua hæreditate Hispana contendit. Huic modo dicendi non acquiescit Molin. *§. aduerte.* neque Suarez *de charis. disp. 13. de bello, sect. 6. num. 6.* quia sæpe Princeps supremus suspectos habet iudices externos, neque tenetur stare iudicio eorum, quos ipse non constituit ad iudicandum. Affirmat ergo Molin. non esse definiendam rem iudicio regni, sed tractandam esse, ac si inter duos Principes supremos, vel duas respublicas exemptas ageretur: quia ille Princeps supremus non videtur teneri se subiicere sententiæ latæ à republica. Mihi tamen sententia Vasquez magis probatur adhibita eius moderatione, scilicet quemlibet ex litigantibus posse iudices ordinarios regni recusare, si eos suspectos sibi esse prodenter existimat: neque enim ius, quod quælibet persona particularis habet, negandum est iis litigantibus: quod si in tali recusatione, & assignatione aliorum iudicum non velit alius consentire, poterit iniuriam sibi factam armis vindicare.

8 Ex his à fortiori inferitur, si ius moueatur super aliquo comitatu subdito alicui regno, vel Regi, omnes litigantes, etiam si sint Principes supremi, teneri stare iudicio illius regni, vel Regis, sub cuius ditione comitatus ille est positus. Nam cum controuersia hæc definiti debeat aliqua regula, & hæc non possit esse alia, nisi leges ipsius comitatus; harum autem interpres non possit esse alius magis legitimus, quam qui eas condidit; efficitur sanè iudicio illius standum esse. Deinde occupans comitatum, subditus efficitur illius regni, sub cuius ditione est. Ergo debet Regi ostendere titulum sufficientem occupandi eius terram; aliàs dum Regi non ostenditur, potest Rex illum à suo territorio expellere. Est ergo res definienda ab ipso Rege, & ita tradit Vasquez *illa disp. 64. num. 18.*

9 Quod si controuersia sit inter Principes supremos, aut respublicas superiorem non agnoscentes, & nullus est in legitima possessione regni, & pro vtraque parte sunt varię rationes, neque est euident, cuiam sit regnum adiudicandum: affirmat Suarez *sect. illa 6. num. 4.* communio sententiam esse, vnumquemque habere ius ad primò occupandum, neque esse inconueniens fieri bellum iustum ex vtraque parte, cum interponatur ignorantia. Ratio adducitur, quia in tali casu posset iudex, cui vellet regnum applicare. Ergo quilibet supremus Princeps sibi applicat. Verum hic modus dicendi à Suarez non probatur, nec mihi probandus venit. Nam esto iudex ob seruandam pacem reipublicæ possit vni ex litigantibus rem applicare, etiam si efficacius ius non habeat, sed solum æquale, (quod non est certum.) At quilibet Rex applicare sibi non potest, quia vnus applicatio non excludit alterius applicationem. Ergo ratio naturalis non potest vtrique tribuere ius integrè rem sibi vindicandi. Debent ergo Reges ij ab aliquo tertio spectare definitionem. Neque quilibet Rex ex consilio sapientium sui regni moueri potest ad regnum occupandum, quidquid dicat Suarez *num. 6.* quia sequitur idem inconueniens, ac si quilibet Rex sibi regnum applicaret. Quocirca, ut *suprà* dicebam, definienda est controuersia iudicibus ipsius regni vacantis; vel si aliquis ex litigantibus eos suspectos habeat, & recuset; debent iudices arbitri designari, quorum iudicio standum est, neque interim bellum moueri potest; cum nullus alteri iniuriam faciat, quæ debeat bello vindicari: sic Vasquez *suprà n. 18.* Ioan. Sanchez *disp. 44. num. 56.* Quod si durante huiusmodi dubio neque res decisa per sententiam arbitri, aut per compositionem vnus tentaret regnum occupare, aliumque excludere; hoc ipso iniuriam alteri faceret, quam

quam posset iuste repellere, & eo titulo iusti belli rem totam occupare: sic Suarez *sect. 6. num. 4.*

10 Aduerto in huiusmodi casu probabile esse regnum manere liberum, & posse se modo reipublicæ exemptæ gubernare, aut Regem alium à litigantibus eligere: ita docuit Salas *1. 2. tract. 8. disp. unic. sect. 13. num. 128.* Ratio videtur esse: cum enim litigantes ius incertum habeant, videtur respublica succedere, utpote carens certo successore: neque tenetur alteri illorum regnum adiudicare, cum non sit certum illi debere. Diuidere autem regnum inter litigantes, in grauem perniciem reipublicæ cederet, cuius damnum præferendum est cuilibet speciali.

11 Causa igitur apud iudices regni vacantis, vel arbitros agitata, & adiudicato regno vni ex litigantibus, poterit ipse, pro quo sententia lata est, illud occupandum intrare, etsi condemnatus resistat, bellum aduersus illum mouere: quia tunc ius est illi certum euidencia legali. An autem debeat expectare vltimam sententiam, variant Doctores. Perez *certam. 10. scholast. n. 105.* affirmat non esse obligatum expectare vltimam sententiam, etsi danda esset, sed eo ipso, quod pro illo est data sententia aliqua, efficitur ius firmitus habere: quando autem certum est pro aliquo ius firmitus esse, potest rem intrare possidendam, & tenetur in idem consentire Suarez *disp. 13. sect. 6. n. 2.* Mihi tamen probabilius apparet, si sententia illa appellationem, seu supplicationem admitteret, non posse virtute illius regnum intrare possidendum, aliàs ut quid expectanda est vltima sententia? Et appellatio executionem sententiæ non suspenderet, si non obstante supplicatione, vel appellatione armis exequitur.

12 Sed inquires quod ius censendum est probabile, & litigiosum, neque armis definiendum?

Respondeo, quando apud iurisprudentes probabile censetur; etsi negotium inter particulares ageretur, nullus censetur contra iustitiam litem mouere: ita tradit Vasquez *illo cap. 3. fin.* & Villalobos *tom. 1. summ. tract. 1. diffie. 17. num. ult. fine.*

13 Vltimò pro hac materia dicendum est, quando alicui certum est regnum sibi competere, & alius in legitima possessione existit, monere debet possessorem, ut dimittat allegatis causis, & rationibus sui iuris: tenetur enim vitare bellum in quantum possit. Quòd si monitus noluerit acquiescere, poterit oppugnari. Nam in huiusmodi casu datur iusta ratio bellandi, quæ est iniuriam imminuentem propulsare, vel factam vindicare: in tali casu possessor facit iniuriam, esto illam non cognoscat. Ergo habet supremus Princeps ius illam propulsandi, seu vindicandi; & cum nulla alia via id efficere possit, nisi bellando; bellum illi concessum est: sic omnes Doctores, Vasquez, Molin. Salas, Villalobos, Perez, Victoria, *suprà.*

PUNCTUM VIII.

Quam probabilitatem de iustitia belli debeat habere miles, ut possit, teneaturque militare.

- 1 *Vbi non constat de belli iniustitia, possunt subditi milites obedire, & qui n. sent.*
- 2 *Non tenentur inquirere de iustitia belli, si nulla eis dubitandi ratio sit proposita. Secus si gravis dubitandi ratio proponatur.*
- 3 *Milites non subditi pugnare non possunt, nisi eis de iustitia belli constet secundum communem sententiam.*
- 4 *Valde probabile est eodem modo hos milites bellare posse, ac subditos.*

1 **S**ermo potest esse de militibus subditis Regi bellum inferenti, vel de militibus non subditis. Si *Ferd. de Castro Sum. Mor. Pars I.*

sermo sit de militibus subiectis, quoties illis non constet de belli iniustitia, possunt obedire; quia tunc præsumere debent bellum esse iustum. Estque expressa decisio August. *in cap. quid culpatur, 23. quæst. 1.* & ita docent de hoc casu alii allegatis Valent. *2. 2. q. 40. ar. 1. diff. 3. q. 16. p. 2.* Vasq. *1. 2. q. 19. disp. 66. cap. ult.* Molin. *tom. 1. de iustit. tract. 2. disp. 113. concl. 3.* Nauarr. *lib. 2. de resur. cap. 3. in noua edit. 2. p. dub. 12. n. 260.* Thom. Sanchez. *lib. 6. in Decal. c. 3. n. 15.* Salas *1. 2. tract. 8. disp. unic. sect. 26. n. 266.* Villalobos *tom. 1. tract. 1. diffie. 18.* Suarez *de charit. disp. 13. de bello, sect. 6. num. 8.* Nomine subditorum, ut in bello possint pugnare, & teneantur ad superioris præceptum, communiter intelliguntur milites alienigenæ mercede conducti, qui continuis stipendiis sub eodem Principe degunt tam tempore belli, quam pacis: ij enim reputantur tanquam famuli, qui suis dominis tenentur parere, cum de iniustitia non constat. ita docent Nauarr. *summ. cap. 15. num. 15.* Caietan. *in summ. verb. bellum, in fin. & 2. 2. q. 169. ar. 1. circa solut. ad 4. dub. 2.* Valent. *suprà, vers. si autem milites.* Salas *n. 268.* Thom. Sanchez *n. 16.* Molin. *suprà.* Villalobos *tom. 1. summ. tract. 1. diffie. 18. num. 2.*

2 Maior difficultas est, an ij subditi teneantur inquirere de iustitia belli antequam militent?

Respondeo cum Suarez *suprà sect. 6. num. 9.* si dubium sit negatiuum, hoc est, si nulla specialis ratio de iniustitia illis representatur, possunt autoritate sui Principis militare, imò tenentur si præcepto cogantur nulla facta inquisitione; quia bellum indictum à Principe supremo præsumi debet iustum, ut tradit Mascardus *verbo bellum, num. 5.* Menochius *de præsumpt. lib. 6. præsumpt. 96. num. 7.* Neque executor sententiæ tenetur de eius iustitia inuestigare: graueque onus impositum esset subditis, si iustitiam tenerentur examinare; & ferè illis esset impossibile veritatem assequi, cum rarò conueniat rationes bellandi omnibus manifestare. Verum si subditi dubium habent positium, hoc est, rationes probabiles pro vtraque parte de iustitia belli, possunt se illis conformare; non tamen existimo teneri, ob ea quæ suprà diximus, subditum obedire, quando probabilem opinionem habet iniustum esse præceptum. Quòd si rationes ita sunt vrgentes de iniustitia belli, ut subditi nequeat illas soluere, teneretur tunc aliquo modo veritatem inquirere, ne se periculo inoralis iniustitiæ exponat. ita Suarez *suprà,* & addit hoc onus non esse facile subditis imponendum.

3 Verum si milites subditi non sunt, clarum est non teneri obedire. An autem possint causa non examinata, difficultas est.

Communis sententia docet non posse, nisi certitudine morali illis constet bellum iustum esse. ita Thomas Sanchez *suprà.* Molin. *disp. 114. in princ. Syluest. verb. bellum, 1. q. 9.* & Caietan. *ibi.* Ratio est, quia ex bello grauissima damna oriuntur. Ut autem illa possint inferri, debet in inferente moralis adesse certitudo de iustitia. Ij autem milites cum subditi non sint, non tam executores, quam inferentes debent nominari. Item probari potest ex *reg. 19. de reg. iur. in 6. ibi, Non est sine culpa qui rei, quæ ad eum non pertinet, se immiscet;* rei, inquam, periculosa, & quæ alteri damnum infert.

4 Nihilominus valde probabile est eodem modo huiusmodi milites bellare posse, ac possunt subditi, neque aliquam esse inter illos differentiam, tenet expressè Vict. *n. 24.* Suarez *disp. 13. sect. 6. n. 12.* Vasquez *illo cap. 3.* & inclinatur Nauarr. *illo dub. 12.* Ratio est, quia cuilibet licitum est alterum iuuare in re, quæ præsumitur iusta, præcipue cum non leue emolumentum inde accipiat. Cum igitur bellum præsumatur iustum, dum de iniustitia non constat, efficitur posse quemlibet in illo iuuare. Et ex iis soluitur supradicta ratio. Fateor enim ex bello grauissima damna oriri, ideoque in auctore illius moralem requiri certitudinem de iustitia; at in iuuante sufficit,

sufficit, si probabile sit hanc certitudinem in authore esse. Debet autem esse probabile, quoties de iniustitia non constat: & Princeps vir Christianus, bonæque æstimationis habetur.

Ad reg. 19. respondeo cuilibet militi importare locare operas suas in bello, neque se immiscet rei periculosa moraliter, cum ex probabili opinione operetur. Quæ omnia à fortiori procedunt in bello non purè aggressiuo, sed defensivo: in hoc enim clarum est sufficere militibus iustitiam aggredientis incognitam esse, ut merito probabiliter iudicent adiuuare posse se defendentem: ideoque cautè dixit D. Ambrosius relatus in cap. denique, 14. quæst. 5. si non potest subueniri alteri, nisi alter lædatur, commodius esse neutrum iuuare: non dixit non posse te iuuare alterum, sed commodius esse abstinere. Quod si in adiutorio per intercessionem, de quo ibi, consultius est abstinere à subuentione vnius cum læsione alterius, à fortiori in adiutorio per bellum. In neutro tamen est obligatio.

P V N O T U M I X.

Quam opinionem debeat sequi Medicus in medicamentis adhibendis.

- 1 Tenetur Medicus medicinam certam, relicta probabili, & dubia adhibere infirmo.
- 2 Quando nullum medicamentum est certum, tenetur Medicus probabile adhibere, & illo deficiente, applicare dubium.
- 3 Illicitum est experientiam facere in infirmis, an sint medicamenta salutaria, vel nocua.
- 4 Affirmant aliqui licere medicinam, de qua æquè dubitatur an profutura, vel nocitura sit, applicare infirmo desperato.
- 5 Negatiua sententia communior est, & probabilior.
- 6 Satisfit fundam. num. 4. adducto.
- 7 Negant plures licere Medico uti medicina, quam minimè probabiliter credit profuturam, relicta ea, quam probabilius credit.
- 8 Contrarium ut probabilius defenditur.
- 9 Potest Medicus agris consulere medicinam, quam alij doctiores saluiferam putant, etsi ipsi eis non assentiantur.
- 10 Assistentes infirmo peccant, si relictis remedijs à Medico assignatis, utuntur ijs, quæ sibi videntur.

IN medicinis adhibendis aliæ reputantur certò alaturæ salutem, aliæ solùm probabiliter, aliæ sub dubio. Ut ergo certa ab incertis separemus, primò certum est, apud omnes teneri Medicum adhibere ægrotò, si potest, medicinam certam, relicta probabili, & dubia: quia tenetur ratione sui officij, & charitatis ægrotantis salutem prospicere, & nullo modo eum periculo exponere; meritoque infirmus conquereretur de Medico potente securum medicamentum applicare, si applicet solum probabile. Neque obstat quemlibet posse sequi opinionem probabilem, ut possit Medicus relicto medicamento certo, uti probabili: non enim est opinio probabilis de tali usu, etsi sit opinio probabilis de utilitate medicamenti.

2 Secundò, quando nullum est medicamentum certum, tenetur Medicus probabile adhibere, & quando nullum est probabile, tenetur dubium, modò certum sit medicamentum minimè nociturum: quia tunc nulli periculo infirmum exponit, & ex alia parte potest illo remedio adhibito ab infirmitate liberari. Ergo est applicandum. ita Thomas Sanchez lib. 1. in Decalog. cap. 9. n. 42. cum Valent. 2. 2. disp. 3. q. 10. punct. 2. col. 665. vers. altero modo. Quando dubium æquè est, an nociturum, vel profuturum sit medicamentum, dicemus statim.

3 Tertio est certum, illicitum esse Medicis experientiam facere de medicamentis, an sint salutaria, vel nocua, etiam in ægrotis desperatis. Tum quia nemini licet morte proximi scientiam consequi. Tum etiam quia sic operans dubius est, an mortem acceleraturus sit medicamento. Ergo quantum est ex se acceleratiorem intendit. Ergo peccat. sic docet Azor lib. 2. instit. moral. cap. 17. quæst. 11. Corduba lib. 3. quæst. 5. Anton. Perez certam. 10. scholast. num. 87. Villalobos tom. 1. summ. tract. 1. diffie. 16. num. 1. & 4. Valquez 1. 2. disp. 64. cap. 4. Salas ibid. tract. 8. disp. vnic. sect. 14. num. 136. circa finem. Thomas Sanchez lib. 1. in Decalog. cap. 9. num. 38. Nauar. summ. cap. 25. num. 61. Sayrus lib. 1. in clauis regia, cap. 10. num. 6.

4 Duplex tamen est difficultas. Prima, an liceat ægrotò, de cuius salute desperatur, medicinam dubiam applicare, id est, de qua æquè dubitatur profuturane, an nocitura sit? Affirmant ut probabilius Thomas Sanchez lib. 1. in Decalog. cap. 9. num. 19. cum Valent. 2. 2. disp. 3. quæst. 10. punct. 2. vers. non improbo, col. 664. Mouentur, quia ex applicatione huiusce Medici solùm sequi potest periculum accelerandi mortem ægrotò, qui re ipsa moriturus erat. At hoc periculum sufficienter compensari videtur spe, etsi dubia de eius salute. Ergo poterit Medicus tale remedium applicare; imò, ut sentit Sanchez, tenetur. Explico supradictam rationem. Damnum, quod euenire potest ex tali applicatione, est, quod infirmus breuiori tempore moriatur. v. g. moriturus erat intra tres dies, intra duos moriatur. Utilitas autem quæ sperari potest, est vita plurium annorum. Ergo non fit contra charitatem infirmo debitam, si periculo ita exiguo exponatur ob tam grauem utilitatem. Et confirmo exemplo correctionis fraternæ, quam diximus peccatori constituto in extremis adhibendam esse cum dubio an profutura, vel nocitura sit, eo quod damnum quod timetur, videtur esse longè minus utilitate sperata: timetur enim ægrotus ob nouum peccatum condemnandus, qui aliàs condemnandus erat, utilitas autem, quæ speratur, est vitatio æternæ condemnationis. Ergo similiter, &c.

5 Nihilominus communissima sententia, & mihi, quia communior, probabilior, negat licitum esse Medico applicare medicamentum, de quo dubius omnino est, an nociturum, vel profuturum sit, sed necessariò requiri, vel quod certus sit non obfuturum, vel quod probabile sit profuturum: tenet hanc sententiam Abbas in cap. tua nos, de homic. 5. ad ult. n. 4. Innoc. ibi. n. 1. Anton. n. 15. Syluest. verb. Medicus, q. 4. dicto 1. Angel. n. 2. Sayrus in clauis regia lib. 1. cap. 10. n. 9. 10. & 11. Salas 1. 2. tract. 8. disp. vnic. sect. 14. n. 136. Valquez q. 19. art. 6. disp. 64. cap. 4. num. 22. Azor lib. 2. instit. moral. cap. 17. quæst. 11. Anton. Perez certam. 10. scholast. num. 88. §. mihi. Villalobos tom. 1. summ. tract. 1. diffie. 16. num. 1. ideò, meo iudicio, tenet Corduba lib. 3. qq. q. 5. post 2. propos. vers. pro declar. Man. 1. tom. summ. cap. 51. num. 6. conclus. 4. quamuis à Thom. Sanchez referantur pro sua sententia, sed immerito, cum necessariò postulent probabilitatem de fructu medicamenti, etsi non ita certam. Ratio est, quia applicans medicamentum, de quo nullam probabilitatem habet esse profuturum, sed potiùs dubitat, an nociturum sit, quantum est ex se applicat causam efficacem mortis. Ergo non est licita talis applicatio. Confirmo. Ideo omnes Doctores negant Medicis licitum esse infirmis desperatis medicamenta experiri, quia per hanc experientiam, manifesto periculo infirmum exponunt eius mortem accelerandi. Sed idem prorsus est in præsentis casu. Ergo. Adde, qui dubius est, an nociturum, vel profuturum sit medicamentum, non format iudicium de eius nocimento, vel utilitate, sed hæret suspensus, ac proinde propriè, & in rigore nescit an utile sit, an damnosum? Ergo cum applicat, applicat

ad experiendum. Experientiam autem facere de medicamentis, est omnino illicitum. Ergo. Verum si utcumque Medico probabile sit remedium profuturum, poterit illo uti, ut ferè omnes Doctores suprà relati tenent: quia tunc non morali periculo mortis infirmum exponit, sed probabili spei salutis. Tandem ipsemet Thomas Sanchez videtur retractasse sententiam *num. 42. in fine*. Ait enim, quando est par, aut ferè par mortis periculum, siue adhibeatur medicamentum, siue non, non licet. Quod credo, quando non adest probabilitas aliqua, fore ut prosit.

6 Ex his respondeo ad rationem, & primam confirmationem oppositæ sententiæ. Admitto in hominum existimatione leuioris considerationis esse, exponere ægrotum priuandi periculo vno, vel altero die vita, quàm exponere spei consequendi vitam per multos annos. At non debent fieri mala, ut inde eueniant bona: qui enim infirmum exponit periculo accelerandi mortem, periculo mortis exponit, quod intrinsecè malum est.

Ad secundam confirmationem respondeo correctionem non esse causam per se illius noui peccati, & maioris condemnationis, quod in peccatore timetur, quod omnino est per accidens, ac proinde nunquam dici potest corripiens exponere peccatorem periculo maioris condemnationis. At medicamentum per se est causa accelerationis mortis, illudque applicans censetur morali periculo mortis infirmum exponere.

7 Secunda difficultas, an liceat Medico uti medicamento, quod credit minus probabile esse, profuturum infirmo, relicto eo quod probabilius credit, profuturum? Supponitur non esse medicamentum aliud certum.

In hac quaestione existimat Thomas Sanchez *lib. 1. in Decalog. cap. 9. num. 41*. ex obligatione charitatis, non tamen iustitiæ, teneri Medicum applicare medicamentum, quod probabilius credit profuturum. idem tenet absolute non distinguens de qua obligatione, Sotus *lib. 3. de iust. quest. 6. art. 5. ad 4. Salon. 2. 2. quest. 63. art. 4. controuers. 2. ad 2. Villalobos tom. 1. summ. tract. 1. diff. 16. num. 6. Vasquez 1. 2. disput. 64. cap. 4. finit. Suarez tom. 3. in 3. part. disput. 21. sect. 4. finit. & tom. 4. disput. 26. sect. 6. num. 5*. Ratio esse potest, quia charitas proximi obligat Medicum, ut certiori modo, quo possit, eius saluti prospiciat. Si ergo omisso probabiliori medicamento, probabile tantum applicet, non curat infirmum meliori modo, quo potest. Ergo.

8 Verum contraria sententia mihi probabilior apparet, scilicet non teneri Medicum applicare infirmo medicamentum, quod sibi videtur securius, & probabilius profuturum, sed posse applicare illud quod existimat probabile, & in aliorum opinione probabilius, & securius, ita docet Arag. 2. 2. quest. 63. art. 4. dub. penult. Azor *lib. 2. instit. moral. cap. 17. quest. 11. Salas tract. 8. disp. vnic. sect. 14. num. 136*. referens verba Azor. Montefinos *disput. 29. quest. 5. num. 114*. Ioan. Sanchez *in select. disp. 44. num. 36*. Moueor primò, quia alij Medici applicantes illud medicamentum ritè operantur, cum existiment probabilius esse profuturum. Ergo ex aliorum opinione poteris tu operari. Secundò, non semper quod tibi probabilius apparet, est probabilius, & in re securius, sæpe conueniens esset ob salutem ægrotantis alieno te iudicio conformare. Tertiò, graue onus tibi esset impositum, si semper deberes sequi quod probabilius tibi apparet, tenereris enim examinare causas probabilitatis maioris, cogererisque quolibet momento medicamentum variare, cum in hoc iudicio de maiori probabilitate variatio continua soleat esse. Quod enim modò probabilius apparet, sequenti die non sic repræsentatur. Item potes pro libito tibi imponere, vel auferre obligationem, cum possis quod modò iudicas probabilius, iudicare minus probabile. Quartò applicatio talis me-

dicamenti non est contra obligationem Medici ratione sui officij, ut Thomas Sanchez fatetur, quia neque est temeraria, neque imprudens, sed secundum regulas artis. Ergo neque est contra charitatem. Charitas enim solum obligare potest Medicum, ut suo officio satisfaciatur. Quapropter existimo si charitas obligaret Medicum, ut certiori modo, qui sibi videtur, infirmum curaret, etiam ad id ex iustitia obligari. Efficitur ergo ex neutro capite obligatum esse curare infirmum certiori modo, qui sibi videtur, sed solum esse obligatum ex charitate, & iustitia, ut certiori modo, quo possit, vel secundum suam sententiam, vel secundum sententiam aliorum infirmum curet.

9 Ex quo fit posse ægris consulere medicinam, quam alij doctiores salutiferam putant, etsi ipse eis non assentiatur, quia potest deponere propriam opinionem, & aliorum sententiæ se conformare. Sic Thomas Sanchez *suprà num. 42. cum Nauarr. cap. si quis autem, de pœnit. dist. 7. n. 74. & 75. in solut. ad 3.*

10 Aduertit optimè Villalobos *tom. 1. summ. tract. 1. diff. 16. circa finem*, assistentes infirmo sæpe peccare posse mortaliter, quando relictis remediis assignatis à Medico, aliis pro sua voluntate vtuntur, & aquam, & vinum infirmo propinant, ut eius voluntati satisficiant. Exponunt enim infirmum absque ratione manifesto periculo moriendi saltem citius.

PUNCTUM X.

Quam opinionem iudex possit, teneaturque sequi in iudicando.

- 1 *Casus proponitur.*
- 2 *Si probationes efficaciores habeas tam iuris, quàm facti, pro te est sententia ferenda, si æquales, inter utrumque est diuidenda, tamen si alij sentiant penes iudicem esse applicare cui volueris.*
- 3 *Explicatur doctrina.*
- 4 *Quando sub opinione est positum, an probationes ex parte facti æquales sint, vel sub opinione est positum, cui magis ius faueat, negant plures posse iudicem, cui volueris applicare.*
- 5 *Contraria sententia communis est, & amplectitur.*
- 6 *Stantibus diuersis opinionibus de iure patrium aliqui affirmant se posse relicta sua opinione probabiliori, probabilem aliorum amplecti, si iudex supremus sis; secus si inferior.*
- 7 *Probabilius posse iudicem quemlibet iuxta opinionem aliorum probabilem iudicare.*
- 8 *Satisfit contrario fundamento num. 6. adducto.*
- 9 *Sententiam debet ferre iudex secundum ea, qua allegata sunt, non qua allegari poterant.*

1 **P**onendum est posse esse opiniones tam circa factum, quàm circa ius ex facto ortum. v. g. contendis cum Petro super hæreditate, probas ad te pertinere, probat ipse similiter; poterunt esse opiniones circa probationes factas quænam ex illis efficacior sit, an tua, an Petri? Poterunt etiam circa ius ipsum versari opiniones nulla de facto dubitatione posita. v. g. certum est tibi relictum esse legatum in testamento minus solemnibus, controuersum est inter Doctores, an tibi sit applicandum: factum, inquam, est certum, ius tamen sub opinione. Item controuertis de hæreditate cum Petro, eo quòd tu consanguineus sis Ioannis, qui decessit absque liberis, Petrus similiter contendit eodem titulo consanguinitatis, licet non in eodem ordine, factum est certum, ius tamen sub opinione. Item accusaris de delicto, capitur informatio, possunt esse opiniones supposita informatione de quantitate, & qualitate pœnæ delicto irroganda. Iis positis,

2 Dico primò, Si certum sit te efficaciores probationes habere, tam iuris, quàm facti, necessariò debet iudex pro te sententiam ferre, quia debet iudicare secundùm allegata, & probata: quæ cum certum sit pro te efficaciora esse, pro te est sententia ferenda. sic omnes Doctores. Verùm si ex parte facti constat probationes æquales esse, & ius æqui tibi, & alteri fauet, affirmat Ioann. Sanch. *disp. 44. num. 51.* & Petr. de Ledesm. *de matrim. quest. 45. art. 1. dub. 2. ad 3.* integrum esse iudici rem applicare cui maluerit: sicuti cum duo contendunt de beneficio Ecclesiastico, & pro vtrique parte sunt æquales probationes, seu præsentationes, & æqualis dignitas, liberum est iudici cui maluerit applicare. Nihilominus communissima sententia docet in supradicto casu debere iudicem, si res diuisibilis est, diuidere, aut si vtiliter diuidi non potest, debet partes inter se componere, & vtrique satisfacere. Nam iudex non est dominus rei, sed illius distributor. Debet ergo distribuere pro qualitate iuris, quod vnaquæque habet; cum ergo vnaquæque habeat ius in rem illam æqualiter, nulla est ratio, quare potius vni, quàm alteri tribuat: sicut enim vnaquæque pars non potest sibi rem illam integrè vindicare, neque etiam iudex poterit ei integram adiudicare. Debet ergo diuidere, aut si diuidi non possit, alio modo satisfacere parti, cui rem non tribuit. Neque obstat exemplum de beneficio Ecclesiastico: nam ad beneficium Ecclesiasticum nullus habet inæsertiam iustitiæ distributiæ, quousque eligatur, sed potius hæc iustitia dicat, vt ex litigantibus vni tantùm conferatur: at extra materiam beneficiorum, vtrique pars ante sententiam iudicis habet ius iustitiæ ad rem illam, quia vtriusque est: neque iudex aliud facit, quàm declarare, cui tale ius competat, & cum vtrique æquè competat, pro vtrique parte est declarandum: & ita tenet Salon. *2.2. quest. 63. art. 4. conclus. 2.* Bannes *ibi. dub. 1. circa solut. ad 2.* Sayrus *clani regia lib. 1. cap. 11. n. 21.* Thom. Sanch. *lib. 2. de matrim. disp. 41. num. 16.* & *lib. 1. in Decal. cap. 9. num. 45.* malè allegatus à Ioann. Sanch. pro sua sententia, cum dicat expresse rem esse diuidendam, quando ex parte facti æquales essent probationes, idem docet Salas *1.2. tract. 8. disp. unica, sect. 12. n. 118.* & *sect. 23. n. 240.* Villalobos *tom. 1. sum. tract. 1. diff. 15. num. 2.* Franc. Suar. *de charit. disp. 13. de bello sect. 6. num. 4.* Ægid. de Coninch *de matrim. disp. 34. dub. 10. num. 94.*

3 Dixi, quando ius vtrique parti fauet, rem diuidendam esse, si æquales sunt probationes facti. Quia solet contingere, vt probationes æquales sint, ius tamen non æquè vtrique litiganti faueat: fauet enim potius possidenti, quàm non possidenti, vt constat ex *cap. ex litteris, de probationib.* ibi, *Quòd si ambarum partium testes sint æquè idonei, possessoris testes præferuntur.* & ex *reg. iuris in 6. Cum sunt partium iura obscura, reo fauendum est potius, quàm alicui.* Et in causis ciuilibus reus dicitur qui possidet. Hoc tamen intelligendum est, modò non sit contra matrimonium, dotem, libertatem, pupillum, peregrinum, viduam, aliàmque causam piam, pro qua, cæteris paribus, etiam si actores sint, est iudicandum: vt videtur decidi in *cap. fin. de sentent. & re iudic.* Dixi, cæteris paribus. Nam si opinio verior, & magis probata esset in contrarium, non deberet tunc iudicari pro matrimonio, & aliis fauorabilibus causis. ex *text. in l. si pars, ff. de inofficioso testament.* fauorabilibus enim causis, vt benè dicit Mascard. *de probationib. ver. opinio, num. 14. conclus. 1143.* debitores sumus, vt alij iniustitia non fiat. *cap. ex tenore, de foro competentis, & cap. ult. de donationib. inter vir. & vxor.* In criminalibus autem esto accusator probationes æquales cum accusato protulerit, imò etiam si efficaciores sint, si tamen non sunt conuincentes, non debet iudex contra reum pronuntiare sententiam, quia ad condemnationem debent esse probationes luce clariore, vt benè Salas *sect. 12. num. 115.*

conclus. 2. Villalobos *suprà num. 2.* Salon, *conclus. 2.* & multis allegatis docet Mascard. *de probationib. verbo delictum, conclus. 497. num. 1.*

4 Sed quid si probationes ex parte facti non constat æquales esse, sed hoc sit sub opinione, vel casu quo probationes sint æquales, sub opinione positum est, cui magis ius arrideat, vel denique casu quo vnus excedat alium in probationibus facti, alius excedit in probationibus iuris: in iis enim casibus poterit ne iudex applicare hereditatem cui maluerit? negat Bannes *suprà 2.2. quest. 63. art. 4. dub. 1. circa solut. ad 2.* Villalobos *diff. 15. num. 2.* & 4. Ægid. de Coninch *num. 94.* Suarez non distinguens de probabilitate facti, aut iuris, *sect. 6. num. 4.* Ratio est, quia in supradictis casibus æquale ius est ex parte vtriusque, sicut cum constat æquales probationes de facto habere. Ergo iudex, qui non est dominus rei, sed dispensator, & distributor, non potest vni applicare, altero omnino excluso, cum videatur æquale ius cum alio habere. Debet ergo rem diuidere, aut si diuidi non potest, alia via vtrique parti satisfacere. Et hæc sententia est satis probabilis.

5 Nihilominus sententia communis (vt ipsemet Suarez *suprà* testatur) affirmat posse iudicem cui voluerit hereditatem applicare: sic docent expresse Sayrus in *clani regia lib. 1. cap. 11. à num. 4.* Medina *1. 2. quest. 19. art. 6. conclus. 2. fol. 309.* Salas *quest. 21. tract. 8. disput. vnic. sect. 12. num. 115.* Salon. *2.2. quest. 63. art. 4. controuers. 2. conclus. 1. pag. 1086.* Aragon *dub. ult. in fine.* Valent. *disp. 5. quest. 7. punct. 4. dub. 3.* Petr. de Ledesm. *2. tom. sum. tract. 8. cap. 21. post 11 conclus. diff. 1. fol. 745.* Man. *1. tom. sum. cap. 6. num. 1. conclus. 1.* Thom. Sanch. *lib. 1. in Decal. cap. 9. num. 45.* Ioan. Sanch. *disp. 44. num. 51.* tenet glossa in *cap. per venerabilem, verbo fauere, de electione, & cicili potestate.* ibi, cum causa fuerit ambigua, iudicem cui parti fauere voluerit iuste posse. & *reg. in iudicijs, de reg. iuris in 6. in fine,* dicit, *Vtile est in arbitarijs iudicem gratiosum habere.* Vnde Iason *l. 1. post datem, num. 105. ff. soluto matrim.* ait huiusmodi causas decidi posse pro amico, & in talibus bonum est iudicem propitium habere, vt dixit Decius *cap. 1. de constitut. in fine.* & tradit in *l. si quis seruum, §. si inter duos, ff. de legat. 2.* Ratio huius sententiæ esse potest, quia iudex tenetur sententiam ferre in illa causa, & cum non sit maior ratio fauendi vni potius, quàm alteri, poterit cui voluerit fauere. Quòd verò non teneatur rem diuidere, aut alio modo satisfacere parti, cui hereditatem non applicat, sicut tenetur cum probationes ex parte facti æquales sunt, & ius vtrique parti æquè fauet, sic probò: quia cum sint æquales probationes facti, & ius æquè vtrique fauet, indubitatum est esse æquale ius in vtroque litigante, ac proinde iniustum esse vni illorum integram rem adiudicare, alio æquale ius habente excluso. At cum de æqualitate probationum, vel iuris non constet, sed sub opinione est positum, quisnam vincat, simul etiam sub opinione positum est, cui debeat hereditas adiudicari; ac proinde poterit iudex cui voluerit fauere, cum opinionem probabilem de iure sequatur. Deinde cum probationes ex parte facti æquales sunt, & ius vtrique parti æquè fauet, ius ipsum diuisionem, seu compositionem (si fieri potest) consulit, vt tradit cum Sayro, Salon, & communi sententia Ioann. Salas *suprà n. 118. ex l. & hoc Tiberius, ff. de heredib. instit. l. sed et si lege, §. adeò, in fine. ff. de petit. heredit. l. Titius, ff. ad Trebell.* At cum opiniones sunt, quisnam ex parte facti probationes efficaciores habeat, vel efficaciora iura, ius ipsum non consulit diuisionem, vel compositionem, cum ipsum ius dicat, iuxta diuersas probabiles sententias Doctorum quemlibet habere integrum ius ad hereditatem. Poterit ergo iudex applicare cui maluerit, cum in hac applicatione se conformet sententiæ probabili, dicenti illam partem integram ius habere in hereditatem, integrèque illi debitam esse.

6 Maior difficultas est, an stantibus diuersis opinionibus de iure partium, possis relicta opinione, quæ tibi probabilior apparet, probabilem aliorum amplecti.

In hac difficultate Vasquez 1.2. *quest. 19. ar. 6. disp. 64. cap. 2.* distinguit inter iudicem supremum, & inferiorem, & affirmat iudicem supremum semper iudicare debere iuxta id quod sibi probabilius est: quia eo ipso, quo iudex est, iudicio ipsius committitur res iudicanda. Si autem ex aliorum opinione, & iudicio sententiam proferret, non tam ipse, quàm alij iudices forent. Si verò iudex sit inferior, & videat suam sententiam non esse ita receptam in praxi, timeatque à superioribus iudicibus reuocandam, affirmat posse iuxta aliorum opinionem, relicta sua probabiliori, sententiam ferre. Tum quia non committitur iudici res iudicanda cum tanto dispendio sui honoris. Tum etiam, quia eius sententia cum debeat reuocari, nullius effectus videtur esse. In iis ex toto consentit Anton. Perez *laurea Salamant. certam. 10. scholast. dub. 2. cap. 16. num. 71. & seqq.* Torres de *iustit. disput. 48. num. 9.* & Thomas Sanchez *lib. 1. in Decalog. cap. 9. num. 47.* Et de quolibet iudice debere sequi opinionem, quæ sibi probabilior apparet, docent Valent. Bannes, & Man. *relati num. 4. & 5.* & Villalobos *diffic. 15. num. 4. & 5.* Et ratio esse potest, quia iudex tenetur sententiam ferre in fauorem illius, qui firmitus ius censetur habere: firmitus autem ius censetur habere, eo ipso quod probabilius ita putatur. Ergo, & hoc est satis probabile.

7 Mihi tamen probabilior apparet quemlibet iudicem siue inferiorem, siue supremum, posse iuxta opinionem aliorum probabilem, & quæ ab aliis reputatur probabilior, sententiam ferre. Sic tenent Medin. 1. 2. *quest. 19. ar. 6. dub. penult. ad ult.* Salas *ibi. quest. 21. tract. 8. disput. unica, sect. 12. num. 118.* Sayrus *lib. 1. in clauis regia. cap. 11. num. 8.* Aragon. 2. 2. *quest. 63. ar. 4. dub. penult. ad ult.* Salas *ibi. contron. 2. concl. 4.* dicens esse plurimum Doctorum Salmant. Petr. de Ledesma. 2. *tom. summ. tract. 8. cap. 22. post 11. conclus. diffic. 2. pag. 746.* Garcia 2. *tom. de benefic. pars. 11. cap. 5. num. 362.* Ioan. Sanchez *disput. 44. num. 50.* & Thomas Sanchez *suprà.* reputat probabilem. Moueor quia nulla est ratio, quare non possis aliorum opinioni conformari in iudicando, cum opinio aliorum fortè in re probabilior, & verior sit, & praxi conformior. Si ergo alij iudices ex illa iudicantes ritè procederent, etiam tu procedis illis te conformando. Et confirmo, quilibet Doctor interrogatus potest respondere ex aliorum sententia, si responsum fauet interroganti, ut ipse Vasquez *disput. 62. cap. 9. num. 47.* docet. Cum ergo iudex etiam si supremus sit, interrogetur à colligantibus de suo iure, potest ex aliorum opinione respondere, cum eius responsum vni parti debeat necessariò fauere.

8 Neque obstant in contrarium adducta. Committitur enim tuo iudicio res iudicanda, sed non secundum opinionem, quæ tibi probabilior appareat, sed secundum eam, quæ pluribus, & doctioribus probabilior videtur. Hoc enim est quod populo, & litigantibus conuenientius est, & regno, & Regi magis placet, ut bene dixit Salas *suprà num. 114. & num. 120.* Quare si constaret tuam opinionem probabiliorem ab omnibus reputari (quod ferè est impossibile) in tali casu censerem iuxta illam esse iudicandum, quia tunc pro illa parte esset ius non solum firmitus, & probabilius, sed omnino certum. At cum solum ex tua opinione tibi probabiliori visa, alter ius firmitus habeat, non censetur absolute firmitus ius habere, ac proinde non cogeris pro illo sententiam ferre.

9 Aduertit autem optimè Vasquez *suprà*, & ex illo Sanchez *cap. 9. in Decalog. num. 48.* iudicem in eligendis opinionibus attendere solum debere quæ allegata sunt, non quæ allegari possunt. Neque posse alteri parti quæ

allegare, vel probare debeat, aperire, cum hoc sit officium non iudicis, sed Aduocati.

PUNCTVM XI.

Quam opinionem sequi possit Aduocatus.

- 1 Qui censeant, & qua ratione, te non posse esse Aduocatum actoris contra reum in causa probabili.
- 2 Contrarium approbatur.
- 3 Potest Aduocatus in causis probabilibus iam vnā, iam alteram partem defendendam suscipere. At in regno Castella suscepto patrocinio vnus, non potest contrarium suscipere patrocinium.
- 4 Limitant aliqui in causa sanguinis, vel in causa gravis momenti.
- 5 Non approbatur limitatio.

1 **N**oster Valent. 2. 2. *disput. 5. quest. 15. punct. 14. conclus. 1. & 2.* dixit te non posse in causa æqui probabili Aduocatum esse actoris contra reum, attento iure positiuo. idem sentit Syluest. *verbo Aduocatus, quest. 13.* mouetur ex *reg. 11. iur. in 6.* cum sunt partium iura obscura præcipitur fauendum reo potius, quàm actori. Quod si dicas textum loqui de iudice, non de Aduocato, præterquam quod non est certum, cum absolute loquatur, hinc desumitur non leue argumentum. Nemini licet petere, & persuadere, quod alius efficere non potest, sed cum est causa æqualis, tenetur iudex sententiam pro reo dare, & non potest illam præstare in fauorem actoris. Ergo Aduocato non licet id postulare.

2 Verum communis sententia est posse Aduocatum causam sibi probabilem, etiam relicta probabiliori, patrocinari, tam attento iure naturæ, quàm attento iure canonico. Munus enim Aduocati est, veritatem partis, quam defendit, elucidare, & rationibus, ac allegationibus iudicem ad sententiam in fauorem sui clientis inflectere; quod ubi est causa probabilis, fieri pro libito potest. Nam licet sibi ius contrariæ partis probabilius appareat, fortè iudici non apparebit. Quare Aduocatus non petit à iudice sententiam in fauorem actoris contra reum, casu quo iudex illam dare non possit, sed repræsentat iudici ius actoris, ut ipse examinet, & videat an possit pro illo sententiam ferre, ipsæque Aduocatus existimat posse, eo quod pars, quam defendit, habeat probabile ius, & fortè aliis probabilius: & ita tenet, & late probat Burgos de Paz *in proœmio legum Tauri, num. 409. & seqq.* Gutierrez. *canon. 99. lib. 1. cap. 13. num. 24.* Lessius *lib. 2. de iustit. cap. 31. dub. 9.* Sayrus *clauis regia lib. 1. cap. 11. num. 17.* Salas 1. 2. *quest. 21. tract. 8. disput. unica, sect. 11. num. 104.* Thomas Sanchez *lib. 1. in Decalog. cap. 9. num. 51.* Ioan. Sanchez *disput. 44. num. 54. sine.* Vasquez *disput. 64. cap. 1. num. 3.* Nauarr. *summ. cap. 25. num. 28.* Azor *tom. 1. lib. 2. in iustit. cap. 17. quest. ult.* Villalobos *tom. 1. summ. tract. 1. diffic. 14. num. 3.* & affirmat esse communem Anton. Perez *certam. 10. scholast. dub. 2. cap. 15. num. 67. & seqq.* & probabilem reputat Valent. *suprà, conclus. 4.* & insinuat in *cap. si virgo 34. quest. 2.* & colligitur ex *l. rem non nouam. §. patroni. C. de iud.* ubi lex solum causam desperatam præcipit Aduocato deserere.

3 Ex quo fit attento iure naturæ, & canonico posse Aduocatum inter causas probabiles iam vnus partis, iam alterius patrocinium suscipere, & in diuersis articulis, & diuersa instantia, puta aduocando pro vna in causa principali, & pro alia in causa appellationis. Est res certa, ut tradit Ioan. Andr. & Præposit. in *cap. disciplina, distinct. 46.* Speculator *tit. de Aduocatis.* Syluest. *suprà, quest. 13.* Verum etiam in eadem causa (si absit scandalum) quia dum pro vtraque parte est probabilitas, neque apparet iustitia, vtraque pro libito defendi potest: neque

neque enim maior ratio est, quare potius possit vnam, quam aliam defendere. Si dicas arctatum esse defendere eam, quam primò suscepit, eo quòd allegans contraria non sit audiendus. l. 1. C. de furto. l. cum precum. C. de liberali causa, facile responderetur allegantem contraria facta non esse audiendum, secus allegantem contraria iura. Verùm etsi hoc ita sit, attento iure naturæ, & canonico, vt suprà relati Doctores docent. At attento iure nostri regni nulli Aduocatorum licet vnus litigantis causa suscepta alterum in eadem causa patrocinari, ex d. 13. sit. 16. lib. 2. noua compilat. & hoc non solum in eadem instantia, sed neque in diuersis, vt probat Azcuedo ibi, cum aliis, & Burgos de Paz in prozmo legum Tauri, num. 410. Salas sect. 12. num. 119. Addit tamen Azcuedo l. 17. num. 5. & 6. lite nondum cœpta, & actibus nondum factis per Aduocatum posse de rigore pro contraria parte aduocare, si ei salarium non soluatur: at indecens esse ob non solum salarium partem susceptam relinquere, & in aliam inflectere, nisi de licentia iudicis; & placet dictum.

4 Supradictam doctrinam limitant aliqui, ne habeat locum in causa criminali, sanguinis, & honoris, & in causa ciuili maximi momenti, qualis esset alicuius insignis maioratus, vel possessionis omnium bonorum. In iis enim existimant te non posse causam minus probabilem defendere, in reliquis verò minoris momenti posse. ita tradit Sotus lib. 5. de iustit. quest. 8. art. 5. Bannes 2. 2. quest. 71. art. 4. in 1. pars. dub. 6. Salon. 2. 2. quest. 62. art. 3. conuers. 2. Aragon. ibi. Mercado lib. 6. de contract. c. 8. Burgos de Paz suprà num. 421.

5 Verùm hæc limitatio necessaria non est, vt rectè Vasquez suprà, ex quo Salas, Thom. Sanch. Villalobos, Anton. Perez, & alij suprà relati desumpserunt. Quia Aduocatus ideo in rebus minoris momenti causam probabilem patrocinari potest, quia eius munus solum est merita clientis sui allegare; & iudici examinanda, & decidenda proponere, & si iusta sunt, rogare, & persuadere, vt pro illo sententiam ferat: quæ ratio æquè probat siue res sit maioris, siue minoris momenti, siue ciuilis, siue criminalis. Neque item limitanda est doctrina, vt limitat Thom. Sanch. suprà num. 54. ad causam parum probabilem. Nam dato quòd probabilis sit, poterit absolute eius patrocinium Aduocatus suscipere, sicuti potest cliens illam intentare. Quotiescunque enim potes contra aliquem mouere litem, poteris & Aduocatum habere, vt benè dixit Vasquez num. 4. & consentiunt reliqui Doctores absolute loquentes.

Aduertunt Syluest. verbo Aduocatus quest. 10. Salas sect. 11. num. 103. Thom. Sanchez num. 51. Ioann. Sanch. num. 54. Vasquez cap. 1. num. 3. & alij debere Aduocatum clienti suo veritatem aperire, neque illi firmitus ius, quam habeat, proponere. Quòd si illum decipiat, existimat, & benè Thom. Sanch. suprà, & Syluest. obligatum esse restituere, casu quo cliens cognito dubio causæ non esset litigaturus.

- 3 Aliud dubium est speculatiuum, aliud practicum.
- 4 Cum dubio speculatiuo stare iudicium practicum de recta operatione.
- 5 Operari cum dubio practico est intrinsecè malum.
- 6 Dubitans speculatiue de aliquo precepto, si rationabiliter dubium non deponat, obligatus est partem tutiorem eligere.
- 7 Quæ sit pars tutior.
- 8 In quibus sita sit difficultas.

1 **S**uppono ex dictis in princ. huius tractatus, dubiam conscientiam dupliciter se habere. Primò, si rationibus hinc inde perpensis, non valet intellectus iudicium etiam probabile efformare, sed hæret anceps. Secundò, si reflexè iudicet sibi incertum esse, an res illa ita sit, vel non sit.

2 Suppono secundò, hanc conscientiam dubiam esse posse vel de aliquo iure, vel de aliquo facto. De iure, vt si dubites, an lata sit lex, vel præceptum: de facto, vt si dubites an occideris, vel alterius damni causa fueris, ex cuius occisione, vel damnificatione obligatus es restituere.

3 Suppono tertio, aliud esse dubium speculatiuum, aliud practicum, v. g. dubitare potes, an hæc res, quam possides, tua sit, non tamen dubitas, an illam possis retinere; imò de retentione es certus ratione possessionis, etsi de proprietate dubites. Item certum est diebus festis esse præceptum audiendi Missam, dubitas tamen, an excuseris ob aliquam circumstantiam. Ad regulandas actiones attendi debet dubium practicum, quod contingit, quando hic, & nunc dubitas, an aliquo præcepto tenearis.

4 Suppono quarto, cum dubio speculatiuo stare optimè posse iudicium practicum de recta operatione, vt in exemplis allatis constat. Requiritur autem, vt quis cum dubio speculatiuo rectè operetur, aliquam rationem efficacem, seu probabilem habere, quæ tale dubium practice deponat, hoc est, quæ sibi persuadeat hic, & nunc talem operationem licitam esse; aliàs contra rationem operaretur, iudicio illi speculatiuo non se conformando. Si enim generaliter iudicas nemini licere die festo seruilia opera facere; causa aliqua debet adesse, ob quam iudices tibi licitum esse: aliàs peccabis illa exercendo. & ita tenet Cordub. lib. 3. qq. quest. 5. dub. 5. post 1. proposit. Suarez 5. tom. in 3. part. disp. 40. sect. 5. num. 14. Vasquez 1. 2. quest. 19. art. 6. disp. 65. cap. 1. num. 2. & 3. Thom. Sanch. lib. 2. de matrim. disp. 41. num. 5. & lib. 1. in Decal. cap. 9. num. 3. & cap. 10. num. 7. & 8. Ioan. Sanch. disp. 42. num. 1. Ex quo fit ad variandum iudicium speculatiuum necessariò requiri diligentiam aliquam, vt benè dixit Thom. Sanch. suprà illo cap. 10. num. 7. & 8. quia non pro libito variari potest. At diligentia est ad inuestigandam rationem aliquam probabilem; illa autem inuenta nihil amplius desideratur. Iis positis,

5 Dicendum est operari cum conscientia practice dubia, hoc est, cum dubio, an hic, & nunc aliquo præcepto tenearis, esse intrinsecè malum, & peccatum. Est conclusio ab omnibus recepta. Primò, quia sic operans manifesto periculo transgrediendi præceptum, & legem Dei te exponis. Secundò, facis contra amicitiam Dei, siquidem eius voluntati præfers tuam, vel aliorum vilitatem, ob cuius gratiam facis opus, de quo dubitas gratum, vel ingratum sit Deo, nihil æstimans sit ne illi ingratum. Tertio, talis operatio bona esse non potest, ad rectam enim operationem cognitio de bonitate obiecti requiritur, aliàs voluntas non dicitur bonum amare. Qui autem dubitat de bonitate, non potest dici obiecti boni cognitionem habere. Ergo non potest talis cognitio communicare bonitatem operationi. Malitiam autem benè potest communicare: quia ad hoc sufficit cognoscere malum sub dubio, bonum enim ex integra

DISPUTATIO III.

De conscientia dubia.

QUÆ in disput. præcedenti desiderari poterant, inuenies in præsentì.

PUNCTUM I.

An operari ex conscientia dubia peccatum sit.

- 1 Quæ ratione conscientia dubia esse possit.
- 2 Conscientia dubia esse potest, vel de iure, vel de facto.

integra causa, malum ex quolibet defectu. Neque ad hanc malitiam necessarium est iudicium reflexum, quo iudices incertum esse an sit malum id de quo dubitas, sufficit enim dubitare esse incertum, ut bene probat Vasquez 1.2. *disput.* 65. *cap.* 1. *num.* 4. & Thomas Sanch. *lib.* 1. *in Decalog.* *cap.* 10. *in princ.* Suarez 5. *tom.* in 3. *part.* *disp.* 40. *sect.* 5. *num.* 2.

6 Hinc fit dubitantem speculatiue de obligatione alicuius præcepti, si rationabiliter dubium non deponat, obligatum esse eligere partem tutiorem. Est conclusio euidens ex supradictis. Nam dubium speculatiuum infert necessariò dubium practicum per se, nisi ex aliqua circumstantia deponatur. Ergo ut peccatum non committatur, debet sic dubitans pro viribus periculum peccandi vitare. Teneatur ergo eligere partem tutiorem; & in hoc casu regula iuris, *In dubijs tutior pars est eligenda*, non est consilium, sed præceptum, ut bene aduertit Thom. Sanch. *lib.* 2. *de matrim.* *disput.* 41. *num.* 9. & Azor *tit.* 1. *instit.* *moral.* *lib.* 2. *cap.* 16. *in fine.* & videtur decidi *illud dominus, de clerico excommunic.*

7 Illa autem dicitur pars tutior, in qua nihil mali repræsentatur, quòd si duo præcepta incompatibilia concurrant, quæ dicenda sit tunc pars tutior, non est facile definire. Firma enim regula tradi non potest, cum semper præceptum diuinum positium naturali præferatur ob bonum commune. Præceptum enim seruandi sigillum confessionis, consecrandi in duplici specie, cuiuslibet alio præcepto seruandi vitam, & honorem cuiuslibet præualeat. E contra verò præceptum naturale seruandi vitam, honorem, diuitias proprias, vel alienas, præcepto diuino seruandi festum, communicandi, & similibus aliis antefertur. Quapropter quòd alicui attentis circumstantiis, & examinatis rationibus pro temporis opportunitate minus malum sese obtulerit, illud respectu illius dicendum est pars tutior, ac proinde eligendum, iuxta textum *in cap. duo mala*, 13. *dist.* & *in cap. neri testicularum, eadem dist.* Quòd si discernere non valeat, quodnam ex illis præceptis præualeat, quodlibet eligere potest, cum non sit maior ratio vnius, quàm alterius, & vtrumque impleri nequit, ut relato Corduba, Medina, docet Thom. Sanchez *lib.* 1. *in Decal.* *cap.* 9. *num.* 19.

8 Difficultas solùm est, qua ratione dubium speculatiuum, & practicum deponi possit, ut licita sit operatio, siue vnum, siue duo præcepta incompatibilia concurrant, quod in sequentibus punctis examinare pergitur.

PUNCTUM II.

An possessio legitima in materia iustitiæ sufficiens titulus sit deponendi dubiam conscientiam, & honestandi operationem.

- 1 Explicatur questio.
- 2 Quid sentiat Adrian.
- 3 Quid Sotus, & alij.
- 4 Possidens rem bona fide, & facta sufficienti diligentia, an sit sua, si vincere dubium non potest, eam poteris retinere.
- 5 Proponitur obiectio.
- 6 Soluitur.
- 7 Suborta dubitatione debet fieri diligentia ad inuestigandum verum dominum.
- 8 Si hanc diligentiam omittas, cum dominus comparere poterat, teneris ad restitutionem.
- 9 Probabile est oppositum.
- 10 Si præmissa debita diligentia propendes magis rem illam alienam esse, affirmant plures se obligatum esse restituere, vel saltem diuidere.

- 11 Probabilium est se obligatum non esse.
- 12 Possessio legitima titulus est sufficiens non solum ad retinendam rem, sed etiam ad illam alienandam.
- 13 Alienans contractu oneroso, debes monere emptorem de dubio.
- 14 Si cerò tibi constat debitum contraxisse, dubium tamen est, an solueris, teneris soluere.

1 Verbi gratia, dubitas de re, quam legitimè possides, an tua sit, poterisne retinere, & alienare?

2 In hac re Adrian. 4. *de restit.* *quest.* *de prescript.* 5. *hoc supposito, & quodlib.* 2. *art.* 2. *ad 2. confirmat.* *primi argument.* asserit factò examine sufficienti, si adhuc permanes dubius, debere rem illam restituere. Quia in dubiis pars tutior est eligenda, *cap. iuuenis, de sponsalib.* *cap. ad audientiam, de homicid.* Constat autem tutius esse restituere, quàm retinere: quia in restitutione nullum potest esse peccatum, neque iniustitia, in retentione verò esse potest.

3 Sotus in 4. *de instit.* *quest.* 5. *art.* ult. *prope finem.* Martin. de Ledesma. 2. *part.* 4. *q.* 18. *art.* 1. *dub.* 14. *fol.* 231. Aragon. 2. 2. *quest.* 62. *art.* 1. *tract.* *de domino ante.* 5. *his constitutis.* & reputat probabile Corduba *lib.* 3. *qq.* 6. *ad 3. in 1. solut.* dicunt te teneri diuidere rem cum persona, de qua dubitas, an eius sit, si persona est tibi cognita, si illam non cognoscis, cum pauperibus est diuidenda. Quia stante æquali dubio, æquale ius videtur esse vtriusque partis. Ergo res diuidi debet.

4 Alij tamen Doctores (quibus libenter assentior) absolute docent, si rem bona fide possedisti, & postea dubitas cuius sit; factaque sufficiente diligentia ad inuestigandum verum dominum, vincere dubium non potes, te posse retinere. Quia possessio est sufficiens titulus deponendi dubiam conscientiam, & honestandi retentionem: sic Couarr. *reg. possessor*, 2. *part.* 5. 7. *num.* 4. & *reg. peccator*, 3. *part.* *initio*, *num.* 4. Molin. *tom.* 1. *de instit.* *tract.* 2. *disp.* 35. *fine.* & *disp.* 36. *conclus.* 1. Villalobos *tom.* 1. *summ.* *tract.* 1. *diffic.* 20. *num.* 1. Thomas Sanchez *lib.* 2. *de matrim.* *disp.* 41. *num.* 12. & *lib.* 1. *in Decalog.* *cap.* 10. *num.* 9. Salas 1. 2. *tract.* 8. *disput.* *unica*, *sect.* 23. *num.* 223. Vasquez *disp.* 66. *cap.* 7. à *num.* 36. Saytus *lib.* 1. *in clauis regia*, *cap.* 13. *num.* 13. Anton. Perez *in sua laurea*, *certam.* 10. *scholast.* *num.* 127. Azor *tom.* 1. *lib.* 2. *cap.* 19. *quest.* 5. & *quest.* 8. *ad primam rationem.* Agid. de Coninch *de sacram.* *disp.* 34. *dub.* 10. *num.* 93. Ioan. Sanchez *disput.* 43. *num.* 12. & alij plures possent referri. Probo primò ex *reg. iur.* in 6. 65. & *reg.* 170. *ff. eodem.* In pari causa, & delicto melior est conditio possidentis. Cum ergo æqualiter dubites, an tua, vel aliena res sit, & ex alia parte tu possideas, melior est tua conditio, ut possis retinere. Secundò in foro externo spoliandus non esses in tali dubio re illa, siquidem cum sunt partium iura obscura, reo potius fauendum est, quàm actori, ex *reg.* 11. *de regul. iur.* in 6. & quia possessor bonæ fidei sine plena, & euidenti probatione in contrarium remoueri non debet. *l.* 1. *in fin.* *C. de condusionib.* *insertu.* & probat Salas *suprà*, *num.* 226. & Molin. *de primogen.* *Hispan.* *lib.* 3. *cap.* 4. *num.* 32. Sed forum internum semper externo conformari debet, quando externum falsa præsumptione non innititur, ut docent Bald. *authent.* *ingressi*, *num.* 49. *C. de sacrosanct.* *Eccles.* Sotus *lib.* 4. *de instit.* *quest.* 5. *art.* 3. *vers.* *quartò arguitur.* Couarr. *in cap. cum esses*, *num.* 7. *de testament.* Vasquez 1. 2. *tom.* 1. *disp.* 66. *cap.* 1. *n.* 3. Salas *quest.* 21. *tract.* 8. *disp.* *unic.* *sect.* 18. *n.* 166. & *n.* 171. & *n.* 226. Garcia 2. *tom.* *de benefic.* *part.* 9. *cap.* 1. *n.* 10. Thomas Sanchez *lib.* 1. *de matrim.* *disp.* 5. *n.* 20. *ad medium.* & *lib.* 2. *de matrim.* *disp.* 41. *num.* 12. & *lib.* 1. *in Decalog.* *cap.* 10. *num.* 9. & *num.* 11. & *lib.* 2. *cap.* 23. *num.* 40. *in fine.* Suarez *de censur.* *disput.* 40. *sect.* 5. *num.* 16. Ioan. Sanchez *in selett.* *disput.* 42. *num.* 4. *circa finem.* & *disp.* 48. *num.* 55. & alij ab ipsis relati. Ergo cum in foro externo spoliandus re possessa non esses, neque etiam in foro interiori

interiori te debes spoliare. Tertiò, esto æquale sit dubium, an tua, an aliena res sit, at non est dubium te illius esse possessorem. Ergo nulli facis iniuriam in possidendo. Quartò, duplex ius superare debet vnum: ex parte tua est duplex ius in re, quam possides, alterum ius dubium proprietatis, alterum ius certum possessionis. Ex parte alterius est solum ius dubium proprietatis. Ergo tuum ius superius est iure alterius. Ergo non est, cur rem, neque aliquid illius à te debeas expellere.

5 Dices, ex tali dubitatione possessionem interrumpi, cessat enim bona fides in possidente, quæ consistit in eo quòd æstimet rem, quam possidet, suam esse, quod non potest æstimare qui dubitat: cessante autem possessione, iam æquale ius est utriusque partis. Ergo res retineri non potest ab vno, sed vel relinqui debet à dubitante, vel diuidenda inter vtrumque.

6 Facile obiectioni sit satis. Dubitatio namque impedit bonam fidem in incipiente possidere, quia iniuste rem sibi arrogat, quam non magis æstimat ad se, quàm ad alium pertinere. At in continuatione possessionis solum requiritur, vt ignoret esse alienam, quia dum non probatur esse alienam, pro possidente est præsumptio, vt definitur expressè *cap. si viro. 34. q. 1. ibi, in iure prædiorum tamdiu vnusquisque possessor bona fidei dicitur, quandiu possidere se ignorat alienum*, & tradit multis relatis Couarruu. *ad reg. possessor. 2. p. §. 7. num. 3. & seqq.* Ioann. Med. *Cod. de restitut. q. 17.* Lessius *lib. 2. de iust. cap. 6. dub. 1.* Quocirca dum de veritate non constat, semper possidenti fauendum est, neque obligandum aliquid restituere, iuxta *l. u. qui destinant, ff. de rei vindicat. & §. retinenda, Instut. de iurdictiois*, & consonat *lex 27. tit. 2. part. 3.*

7 Apposui notanter in conclusione, factò examine ad inuestigandum verum dominum, te posse rem, de qua dubitas, retinere, si ille non comparet. Requiritur enim suborta dubitatione diligentiam facere ad inuestigandam veritatem. Hæc namque inuestigatio necessaria est, vt vnicuique quod suum est reddatur. Ita Doctores *num. 4. in princ.* relati. Illa autem inuestigatione durante, non potes vti re, quæ usu consummatur, alioqui frustra dominus quæreretur. Poteris tamen vti illa usu, quo non consummatur. Si enim esset equus, vel mancipium, posses illo vti dum adhibes diligentiam animo soluendi domino pretium illius usus, deductis alimentorum expensis. sic Thom. Sanchez *lib. 2. de matrim. disp. 41. quest. 2. conclus. 3. num. 21.* Salas *disput. vnic. sect. 23. num. 228.* Villalobos *tom. 1. summ. tract. 1. diff. 20. num. 4.*

8 Si omittas inuestigare dominum, quando ipse posset comparere, & ea de causa postea non compareret, communis sententia tenet te ea de causa possessorem malæ fidei constitui. Quia ex aliqua omissione contra iustitiam sequitur dominum non comparere. Teneris ergo tanquam possessor malæ fidei rem & fructus pro qualitate dubij restituere. ita Mol. *tom. 1. de iustit. tract. 2. disp. 36. concl. 1.* Thom. Sanchez *disp. 41. num. 13.* Villalobos *num. 2.* Salas *num. 238.*

9 Probabile est, si dominus non compareret, te non esse obligatum ad aliquam restitutionem. Nam esto peccaueris contra iustitiam in omittenda inuestigatione veri domini, cum comparere probabiliter poterat; at non obinde te malæ fidei possessorem constituisti. Quia nunquam certus fuisti rem alienam possidere: quod videbatur necessarium ad amittendam possessionem antea acquisitam: & ita docet Rebell. *de obligat. iustit. (esto turtus, & probabilis reputet oppositum) 1. part. lib. 2. quest. 5. de restit. num. 12. §. sed quid.*

10 At quid dicendum, si præmissa debita diligentia & dubius sis, propendens tamen magis rem illam esse alienam, teneris ne restituere, vel diuidere?

Affirmant plures te teneri diuidere, si diuisibilis est, sin minus, recompensationem facere tantundem in æstimatione præbendo. sic tenet Salon. *2. 2. q. 62. art. 6. controuers. 4. conclus. 4.* Bannes *ibi in præamb. ad quest. 62. dub. vlt. conclus. 2. & quest. 40. art. 1. dub. 5. conclus. 4.* Valent. *2. 2. disp. 3. quest. 16. p. 2. col. 5. vers. si autem.* Thom. Sanchez *lib. 2. de matrim. disp. 4. concl. 2. num. 19.* Egid. de Coninch *disp. 34. de sacram. matrim. dub. 10. num. 93.* Quia tunc non est par causa tua, & aliena, vt possessio tibi suffragetur: imò illa maior propensio videtur æquiualeat possessioni.

11 Nihilominus probabilius existimo te non teneri diuidere rem legitimè possessam, etiam si magis propendeas alienam esse, & etiam si id probabiliter iudices, modò certus moraliter non sis, alienam esse. Possessio enim præponderat omnibus rationibus non conuincentibus: & ita docet Vasquez *disp. 66. cap. 7. num. 42.* Salas *sect. 23. num. 231.* Thom. Sanchez. mutans sententiam *lib. 1. in Decal. cap. 10. num. 9.* Qui benè aduertit te debere etiam probabiliter iudicare esse tuam, vt possis retinere; aliàs retinens operareris contra conscientiam.

12 Non solum possessio legitima est titulus sufficiens, vt dubitans, sit ne res tua, vel aliena, eam possis retinere, sed etiam vt eam possis alienare. Quia inutilis tibi esset possessio, si te possessa vti non liceret, imò potius esset onerosa, si illam intactam seruare deberes. ita Vasquez *num. 38.* Salas *num. 227.* Thom. Sanchez *de matrim. lib. 2. disp. 41. q. 2. conclus. 4. num. 22.* Couarr. *reg. peccatum, 3. part. in princ. num. 4.* Ioann. Sanchez *disp. 43. n. 12.* Perez, & Villalobos *suprà.*

13 Aduertunt tamen Couarr. vterque Sanchez, Salas, & alij, si vendas rem, sic sub dubio possidens te debere monere emptorem de dubio, quod habes, quando probabilis spes est dominum compariturum. Quia vendis rem vitiosam, expositamque periculo, vt comparente vero domino ab emptore extrahatur. Hoc enim vitio, & periculo detecto vel emptor non emeret, vel emeret viliori pretio. Quòd si spes moralis non est, vt certò verus dominus compareat, non teneris monere de dubio, quia tunc emptor morali periculo non exponitur. sic vterque Sanchez *suprà.* Bannes *2. 2. quest. 62. art. 6. dub. 5.* Fachin. *lib. 1. controuers. cap. 65. in paruis fol. 118.*

14 Obseruandum denique est supradictam doctrinam non procedere in debitis certò contractis, & solutione dubia: si enim certò tibi constat debitum contraxisse, dubius tamen es, an solueris, teneris soluere; quia possidet alius actionem debiti contra te, quia illum in dubio priuare non potes. Dubia enim exceptio non potest excusare excipientem, ex *l. Titia textores, ff. de legat. 1.* & ex his, quæ notat Bald. *l. non solum. §. sed vt probari, ff. de noui operis nunciat.* Deinde quia iustitia petit æqualitatem, & debito certo non est æqualis dubia solutio. ita Vasquez *disp. 66. cap. 7. fine, num. 43.* Salas *num. 231. fine.* Thom. Sanchez *lib. 1. in Decal. cap. 10. n. 12.* Suarez *tom. 2. de relig. lib. 2. de iuram. cap. 33. num. 7.* Ioann. Sanchez aliis relatis *disp. 42. num. 9.*

PUNCTVM III.

An possidens mala fide tenearis rem integram restituere, cum dubius es ad quem pertineat.

- 1 Si à possessore bona fidei rem furto accepisti, & dubitas, an eius sit, teneris integram ei reddere.
- 2 Si titulo emptionis, vel donationis rem sub dubio fortinam possederis, & facta diligenter dubium persisterit, aeneris diuidere inter eos, de quibus dubitas.
- 3 Limmandum est, nisi à possessore bona fidei acceperis.

4 Emens

- 4 *Emens rem furtiuam, ut domino reddas, non peccat.*
- 5 *Emptor bonæ fidei dicaris, cum nulla ratio convincens se sibi offert rem emptam esse furtiuam.*

1 **E**X dictis superiori puncto constat, si à possessore bonæ fidei rem furto accepisti, & dubitas an sit eius, teneri te ei integrè reddere. Quia iniuste illum spoliasti, neque habes titulum, ratione cuius possis rem, aut partem illius retinere. & ita tradit Nauarr. *cap. 17. num. 217.* Cordub. *in summ. quest. 111. art. 2. concl. 3.* Molin. *tom. 1. de iust. tract. 2. disp. 35. §. verum.* Nauarr. *de restit. lib. 3. cap. 1. dub. 8. num. 350.* Salas *tract. 8. disp. unica, sect. 23. num. 234.* Thomas Sanchez alios referens *lib. 2. de matrim. disp. 41. conclus. 6. num. 26.* Villalobos *tom. 1. summ. tractat. 1. diff. 20. num. 6.* Ioan. Sanchez *disp. 43. num. 13.*

2 Verùm si dubitas, an res sit furtiva, & titulo emptionis, aut donationis possedisti, teneris facta diligentia, & dubio persistente rem diuidere inter te & eos de quibus dubitas. Quia tunc pro nullo stat præsumptio, ac proinde omnes æquale ius habent. Pretium autem à te datū in causa esse non potest, quominus debeas aliis, qui non acceperunt, & de quibus dubitas, an eorum sit res, satisfacere. Sicut si compareret verus dominus, teneris illi integram restituere, etiam si pretium dedisses, quia mala fide illud dedisti. sic Salas *illa disp. unic. sect. 23. n. 232.* Thom. Sanchez *concl. 5. n. 24.* Villalobos *num. 5.* Molin. *illa disp. 35. §. verum, & disp. 36. sine.*

3 Limita supradictam doctrinam, nisi à possessore bonæ fidei acceperis; tunc enim etsi dubius acceperis, at non comparante domino post factam diligentiam, poteris retinere rem, & illa uti, quia succedis loco possidentis, à quo accepisti titulo emptionis, vel donationis. Quia ratione emens mancipia ab asportantibus, etsi dubius emeris, an fuerint furtiva; at facta diligentia pro inuestigando verum dominum, si spes moralis sit, fore, ut compareat, illòque non comparante potes retinere. Quia tunc non est possessio pro libertate mancipij, sed pro possessore bonæ fidei, qui illud vendit, & cuius loco tu successisti. sic Molin. *disp. 36. concl. 1. & 3.* ex quo desumpserunt Sanchez *ill. disp. 41. de matrim. num. 28.* Ioan. Sanchez *disp. 43. num. 14.* Salas *num. 236.*

4 Sed inquires primò, an emens rem furtiuam, ut verum dominum inquiras, & eam illi tradas, pecces.

Respondeo te non peccare, imò gratum domino fore, qui nunquam alia via rem esset habiturus. sic Couar. *reg. peccatum, 3. part. initio, num. 4.* Bannes *2. 2. q. 62. art. 6. dub. 5. concl. 1.* Salon *ibid. controu. 4. concl. 2.* Thom. Sanch. *lib. 2. de matrim. disp. 41. num. 29.* Salas *1. 2. tract. 8. disp. un. sect. 23. n. 237.* Villalobos *diff. 20. num. 8.* Quòd si dominus non comparuerit, teneris rem in pios usus conuvertere, deducto pretio. Quod similiter deducere potes domino comparante, cum vtiliter eius negotium gesseris, ac proinde non est æquum te in amissione pretij condemnare. sic Salon. Bannes, Sanch. & Villalob. *supra.*

5 Inquires secundò, quid requiratur, ut emptor bonæ fidei dicaris, sufficiatne ignorare rem esse furtiuam, & credere non omnia ab aliquo vendita furtiva esse, esto rumor, seu vehemens suspicio sit illum multa furtiva vendere? Negat Molin. *illa disp. 35. in fine, concl. 2. & conclus. 4. in princ.* Mercado *lib. 2. de contract. cap. 20. fol. 104.* Thom. Sanchez *disp. 41. num. 27.* Salas *n. 235.* Villalobos *diff. 20. n. 7.* Mouentur, quia periculo te exponis rem alienam retinendi, ac proinde bonæ fidei possessor dici non potes. Hoc tamen intelligerem, quando rationes efficaces, seu moraliter conuincentes adessent venditorem vendere rem furtiuam, non quando dubia sunt, & probabiles: tunc enim deponere debes dubium, & intelligere, alium ritè vendere, quia nemo præsumitur malus, nisi probetur, neque in dubiis delictum committit, ex reg. iuris, & ex *l. merito. ff. pro socio.*

Ferd. de Castro Sum. Mor. Pars 1.

An consulens homicidium, vel furtum, vel furem, aut homicidam socians, aut alio modo adiuuans, dubitas tamen an alius absque tuo consilio, vel adiutorio furtum, homicidium, vel præstaret, teneris de damno sequuto.

- 1 *Affirmatiuam partem defendit Thomas Sanchez.*
- 2 *Oppositum alij Doctores non contemnendi docent.*
- 3 *Conciliantur opiniones.*
- 4 *Depositarius, vel commodatarius, si dubitat, an sua culpa perierit res deposita, vel commodata, non tenetur ad restitutionem. At in foro externo condemnabitur, dum non purget præsumptam negligentiam.*

1 **T**homas Sanchez *lib. 2. de matrim. num. 17. disp. 41.* affirmat te teneri primò, quia in dubio nemo præsumitur delictum admissurus, ex *l. merito. ff. pro socio.* & tradit Felin. *cap. 1. de off. deleg. n. 13. vers. virum autem, & cap. si quis dignum, de homicid. n. 11. concl. 3.* Decius *in reg. consilij 47. n. 9. ff. de reg. iur.* Non ergo homicida ille, vel fur præsumi debet admissurus delictum, nisi tuum consilium, vel adiutorium staret. Secundò in hoc dubio possessio est contra te, non pro te. Constat enim de tua actione iniusta, quæ apta est damnum causare; constat item de damno causato. Ergo tibi incumbit onus probandi non causasse. Ergo dum non probas, necessariò iudicandus es causauisse, ut docet Bald. *in l. data opera, n. 52. C. qui accusari non possunt.* Ananias *in cap. ad audiendam, n. 10. de homicid.* Angel. *l. 1. in princ. vers. ultimum est videre, ff. de eo per quem factum erit.*

2 Alij Doctores oppositum docent. Affirmant namque in casu dubij te non teneri. Quia in dubiis (præcipuè in materia iustitiæ) melior est conditio possidentis. *l. si ob turpem causam, ff. de condit. ob turpem causam.* Syluest. *restitutio, 3. quest. 6. dicto 2. initio.* Ioan. Med. *C. de restitu. q. 7. ante vers. si autem consilium.* Petr. de Nauarra *lib. 3. de restit. cap. 4. dub. 4. num. 48. vers. tertio colligo.* Hentiq. *lib. 14. de irregular. cap. 3. num. 4.* Villalobos *tom. 1. summ. tractat. 1. diff. 20. n. 9.* Sayrus *in clauis regia lib. 10. tract. 2. cap. 8. n. 1. sine.* Rebell. *de obligat. instis. 1. p. lib. 2. q. 14. sect. 2. n. 5. & 7.* & Tabiena *verb. restitutio, q. 23. n. 24. ubi solum consulentem obligat restituere, quando credit consilium fuisse efficax.* Eman. Saa *verb. restitutio, n. 35. alias 36.*

3 Existimo in hac re non posse Doctores dissidere, affirmo namque in casu dubij (quod verè dubium sit) an ex tua actione damnum subsecutum fuerit, te nullo modo teneri satisfacere. Non enim æquum est te obligare satisfactionem certam exhibere, cum certum non sit damnum dedisse. Verùm ex eo solum, quòd consuleris, vel associaueris furem, vel homicidam, tibi moraliter constare debet causam esse damni facti, quia communiter sic consulentes, vel associantes cooperatores sunt, ut bene dixit Carbon. *tract. de restit. q. 66. vers. quartum delictum;* & ita in consulentem transfertur onus probandi suo consilio damnum non fecisse, quia dum constat de malo consilio, præsumit ius causam fuisse, ut ex Felino, & Decio *in cap. 1. de off. deleg. & Baldo, & aliis in l. data opera, ff. qui accusari non possunt,* docet Mascard. *de probat. tom. 1. concl. 419. num. 9.* Thomas Sanchez *lib. 1. in Decal. cap. 10. num. 44. circa medium.* Quare, ut dubius esse possis de damno dato, rationes debes habere efficaces, quales sunt, si delictum admittens esset inimicus capitalis, vel necem antea minatus fuerit, vel præparauerat omnia necessaria ad homicidium: in iis enim casibus te non esse obligatum, affirmat Thomas Sanchez *lib. 2. de matrim. disp. 41. num. 17. & lib. 1. in Decalog. cap. 10. num. 44. in fine.* Ioan. Sanchez *disp. 42. num. 14. consentis Salas, cui confusè, 1. 2. tract. 8. disp. unica, sect. 23. num. 242.*

C

fine.

fine. Quod verò addit Henriquez *lib. 14. de irregularit. cap. 16. num. 3.* & Sayrus *de censuris, tom. 1. lib. 7. cap. 3. num. 2.* sufficere, si homicida huic consulenti allerat se neque ad actus substantiam, neque ad accelerationem motum fuisse eius consilio, nullo modo probat Thomas Sanchez *illo cap. 10. num. 44.* nisi homicida sit ita fide dignus, aut tales alix coniecturæ concurrant, ut prudens arbitretur fidem illi habendam esse; & placet mihi. Hæc de consulente. De associante verò, cum immediatius delicto concurrat, ratò, vel nunquam dubius esse poterit de damno facto non concurrisse saltem præbendo animum principali operanti.

4 Depositarius item, vel commodatarius, si dubius sit, an sua culpa depositum, vel commodatum perierit, non tenetur ad restitutionem. Quia non est præsumendus delictum commisisse, nisi probetur. ita Thomas Sanchez *disput. 41. num. 18.* Salas *num. 243.* Villalobos *tom. 1. tract. 1. diff. 20. num. 10.* Ioan. Sanchez *disput. 43. num. 11.* In foro tamen externo, si res depositarij appareant incolumes, præsumitur in dolo, ex textu in *cap. 2. de deposito.* & ibi Abbas *num. 2.* & sic depositario incumbit onus probandi casu periisse; vel non posse simul seruasse res suas, & depositas ob imminens incendium; maluisseque res suas incolumes tueri, quam alienas: tunc enim cessat dicta præsumptio de dolo, & non tenetur, etiamsi res suæ viliores essent: ita alijs relatis docet Mascardus *de probat. verb. depositarius, concl. 509.*

PUNCTUM V.

Dubius an sis legitimus, naturalis, vel spurius, quis debeas reputari, & quis te alere teneatur.

- 1 In casu dubio de legitimitate communis sententia docet te reputandum legitimum.
- 2 Alij oppositam docent.
- 3 Conciliantur opiniones.
- 4 Pretendens ordines, aut beneficium, reputandus est legitimus, dum de contraria non fuerit infamatus.
- 5 Satisfit argum. num. 1. & 2. adducto.
- 6 Cuius reputandus sit filius vidua quæ intra nonem menses à contracto matrimonio peperit, an primi, an secundi mariti.
- 7 Reputandus est filius illius, qui actualiter in possessione matrimonij est.
- 8 Ille est filius legitimus, qui nascitur ex uxore in domo mariti cohabitantibus simul.
- 9 Ex tractatu parentum sumitur sufficiens signum ad reputandum filium legitimum.
- 10 Qua ratione nominatio constituat sufficiens signum reputandi filium legitimum.
- 11 Fama alijs coniecturis fulcita est signum legitimationis.
- 12 Institutio illius tanquam filij facta à patre significat esse eius filium.
- 13 Si una coniectura non præbet sufficientem probationem, alijs adiunctis probari potest.
- 14 Proponitur dubium, quis alere teneatur filium illegitimum, de quo dubitatur, quis sit eius parens determinand.
- 15 Quilibet parens tenetur filium alere.

1 **P**rima sententia, & communis inter Theologos asserit in casu dubio de legitimitate reputandum esse legitimum, & in dubio, an sit spurius, vel naturalis, reputandum naturalem. ita tradunt Gregorius Lopez *l. 1. tit. 14. part. 2.* Valquez *disp. 66. cap. 8.* Salas *tractat. 8. disp. unica, sect. 24. n. 245.* Sayrus in *clavi regia, cap. 13. n. 19.* Villalobos *tom. 1. sum. tract. 1. diff. 2. quin fine.* Azor *tom. 1. lib. 2. cap. 19. q. 7.* Tellus Fernandez *l. 11. Tauri. n. 3.* Menoch. *de arbit. iudic. lib. 2. cent. 2. casu 194. num. 32.* Mant-

ca *de coniect. ult. volum. lib. 6. cap. 11. n. 33.* Mouentur, quia nemo damnandus est, & puniendus ob culpam dubiam: pœna enim certa peccato certo adhiberi debet. Si autem ille filius excluderetur ab hereditate tanquam verè illegitimus, ipse, & eius parentes punirentur, quin eorum culpa esset probata. Ergo. Item quia in dubio præsumi debet, quod honestius est, ut declarat Bald. in *l. filium, n. 11. ff. de ijs, qui sum sui, vel alien. iur. & ex l. miles, §. de functo, ff. de adult.*

2 Secunda sententia docet in casu dubio de illegitimitate reputandum esse illegitimum, ita Alciat. *de præsumpt. reg. 2. præsumpt. §. n. 8. pag. 158. in parnis.* Matienzo *l. 9. tit. 8. lib. 5. noua compil. glossa 3. n. 6.* Menchaca *controu. illustr. cap. 85. n. 14. & 15.* Mascard. *de probat. verb. illegitimus, conclus. 782. & tom. 2. concl. 1090.* Probant; quia non præsumitur matrimonium, nisi probetur; est enim quid factum, & factum non præsumitur, nisi probetur. *cap. cum Ioannes, §. verum, de fide instrum.* & latè probat Mascard. *concl. 732. tom. 1. de probat.* Cum ergo esse non possit legitimus, nisi matrimonio stante, efficitur non præsumpto matrimonio, nec legitimus præsumendum.

3 Existimo facili negotio supradictas sententias in concordiam redigi posse, prout illas redexit Azevedo *lib. 5. noua recopil. tit. 8. l. 9. à num. 14.* ut scilicet prima opinio procedat casu quo filius sit reus, & possessor, & non possideat contra iuris præsumptionem: tunc enim actori incumbit onus probandi, & dum non probat contrarium, pro possidente standum est. Secunda verò opinio procedat, si filius actor sit, & contendat hæreditatem habere: debet enim tunc legitimitatem probare; quia est fundamentum suæ intentionis. Aliàs iniquum esset alios à possessione, vel iure certo, quod habent, expellere. Non enim ius incertum, & dubium aliorum certum vincere debet. Et idem est si existit in possessione, & tamen ius possessioni resistit: quia tunc possessio non suffragatur, ut in *cap. ad decimas, de restit. spoliati. in 6.* ubi Canonici spoliati à decimis parochiæ S. Nicolai non restituuntur, nisi euidenter docuerint, quod earum possessionem legitime assequuti fuissent, quia eas occupasse iniuste verosimiliter præsumuntur, cum proueniant ex prædijs infra alienam parochiam constitutis, sitque manifestum (nisi aliud ostendatur) eas de iure communi ad Ecclesiam pertinere. Hinc fit, si filius naturalis est à patre institutus, ascendentiibus præteritis, & statim in possessionem bonorum missus, si auus petat ab eo hæreditatem, sufficiet si prober esse auum legitimum, & reo incumbet probatio filiationis naturalis, quia ius resistit naturalem filium hæredem esse. ita Matienzo *suprà d. l. 9. tit. 8. lib. 5. compil. 11.*

4 Quando autem nulla lis vertitur inter aliquos, sed quidam præten dit ordines, aut prælaturam, tunc reputandus est filius legitimus, quoties de contrario non fuerit diffamatus. traditur in *cap. transmissæ, & in cap. peruenit, qui filij sint legitimi,* & docet Mascard. *verbo illegitimus, num. 8. conclus. 882. de probationib.* Neque obligandus est hic se iuramento purgare, ut docet Lancelot. *Galia in rubr. ff. de verbor. obligat. num. 161.* & tradit Mascardus *suprà n. 10. & n. 11.* infert doctorandum, vel licentian dum grauandum non esse ad iurandum super natalibus, & eo minus ad probandum, si non sit diffamatus. Quod si diffamatus sit, esse illegitimum, ac proinde excludendum à beneficio; siue possideat, siue non, debere se purgare. iuxta *cap. accedens, de purgat. canonic.* & ibi Abbas *num. 4.* Ioan. Andr. in *cap. veniens, de presbytero non baptizato.* Paleotus in *lib. de nobis, & spuris, cap. 20.* Tellus Fernand. *l. 11. Tauri, num. 7.* Matienzo *suprà num. 13.* Ratio est, quia tunc subiit vicem actoris, & debet qualitatem probare.

5 Ex iis respondetur argumento primæ sententiæ, quatenus nostræ conclusioni videtur contrarium: non enim filius punitur, quando ei negatur hæreditas, filiatione

non

non probata, imò potius alij hæredes certi punirentur, si absque probatione filiationis hæreditate priuarentur. Ad confirmationem respondeo cum Mascard. de probat. verb. *illegitimus*, concl. 882. num. 6. in dubio præsumi quod honestius est, quando quis id allegat se defendendo, ne ex delicto puniatur, secus si dicat agendo, & ad consequendam alteri condemnationem: tunc enim non debet capi præsumptio delicti exclusiua, nisi probetur, quia est in damnum tertij. ita Decius in *l. emancipati*, post num. 3. vers. *non obstat alia ratio*, C. de collation. cum Barr. post glossam in *l. qui iurasse*, §. *si pater*, ff. de iur. iurando.

Ad argumentum secundæ sententiæ respondeo, esto matrimonium non præsumatur: at matrimonio constante filium inde natum legitimum, & non illegitimum præsumi, præcipue cum ipse filius actor non est, sed reus, neque aliqua contra laborat infamia.

6 Sed quid si mulier aliqua effecta vidua illico alteri nubat, & intra nouem menses à contracto matrimonio secundo pariat, filius inde natus cuiusnam est reputandus, an primi mariti, vel secundi? In hac re Syluest. verbo *filij*, quest. 17. Mascard. de probationib. conclus. 788. num. 24. affirmant cum Barr. in *l. Gallus*, num. 13. ff. de liberis, & posthumis, inspicienda esse signa conceptionis, quod si non appareat, standum consuetudini mulieris tempore quo parere consuevit, quod si neque hoc apparet, standum iudicio peritorum Medicorum, vel obitetricum. argument. *l. 1. §. 1. ff. de ventre inspiciendo*. In quo casu non esse leuem coniecturam matris assertionem dicit Alciat. de præsumpt. regul. 3. præsumpt. 37. num. 15. Item (et si reproberetur à Barr. supra) videri potest, cui filius assimilatur, an marito viuente, an defuncto. Nam esto assimilatio contingere possit ex cogitatione mulieris tempore conceptus: at ratio ex hac causa oritur, & regulariter à generante procedit, & cum in præsentia per coniecturas procedatur, sufficit assimilatio, quæ faciat probabilitatem, cum in pluribus sit vera, & consensit Alciatus supra. Tandem affirmat Syluester, si nullo probabili modo veniri possit in notitiam veritatis, debere reputari filium eius, in cuius domo natus sit; vel ex utraque hæreditate ei provide-re, cum non appareat quæ magis obligetur, & filius, & mulier non debeant subsidiis priuari. Decius vero in cap. per tuas, de probationibus, vers. *quartus*, & ultionum. & videtur approbare Mascardus supra, dicit in hoc casu debere iudicari quod esset favorabilis ipsi filio, nempe si primus maritus esset ditior, illius sit præsumendus.

7 Mihi quidem dicendum videtur, posito, quod supradictæ omnes coniecturæ non tollant dubium, neque aperiant certò veritatem, reputandum esse filium eius, in cuius domo natus est, seu eius, qui actualiter est in possessione matrimonij. Nam in casu dubij possessio actualis debet præualere. & tradit Bald. *l. si mater*, C. de suis, & legitimis hæredibus. Vasquez 1. 2. disput. 66. cap. 8. in princip. Salas tractat. 8. disput. unica, sect. 24. num. 245.

8 Signa autem ad dignoscendum, quisnam reputari debeat filius legitimus, optimè tradit Panormitanus in cap. per tuas, de probat. Bartol. in *l. quidam quasi*, ff. de probationib. & ex illis Couarr. in epitome cap. 8. §. 3. num. 9. part. 2. Menoch. de arbitr. iudic. casu 89. à num. 60. Syluest. verbo *filij*, quest. 12. Mascard. tom. 1. de probationib. verbo *filiationis*, conclus. 788. Et ex iis accipe primum signum ad cognoscendum aliquem esse filium legitimum. Et si natus ex vxore in domo mariti, cohabitantibus simul, in hoc omnes conveniunt, ex *l. filium*, ff. de his, qui sunt sui, vel alieni iuris, & ex cap. per tuas, de probationib. & ex cap. transmissa, qui filij sint legitimi. Quod signum extendi debet, etiam si vxor tempore conceptus adulteret, si eo tempore maritus cum vxore cohabitabat, repu-

Ferd. de Castro Sum. Mor. Pars I.

tandum inquam esse filium mariti, & legitimum. per textum in *l. miles*, §. *defuncto*, ff. ad legem Juliam de adulteris. Bald. in rubr. C. de probationib. col. ult. & *l. si mater*, C. de suis, & legitimis. Abbas, Felin. & Doctores communiter in cap. per tuas, de probationib. Alciat. de præsumpt. in regul. 3. præsumpt. 37. in princip. & aliis multis relatis docet optimè Couarr. in epitome 2. part. cap. 8. §. 3. num. 8. Mascard. de probationib. conclus. 788. num. 6. Ratio est, quia præsumendum est, quod est favorabilis, & honorabilis filio, cum enim possit esse filius mariti, & adulteri, iniquum esset si in fauorem filij præsumptio non esset. Item hæc præsumptio est in fauorem matrimonij. Ergo est asserenda. Qua ratione, & quibus casibus hæc præsumptio possit cessare optimè per Mascard. supra.

9 Secundum signum ad probandam legitimitatem sumitur ex tractatu parentum, quando parentes ita filium tractant, ut proprium, & legitimum, ipsæque illos ut tales veneratur. Hic tractatus ita efficax est, ut infirmari non possit negatione parentum etiam iurata: sicut enim confessio filiationis facta à parentibus non potest reuocari ab ipsis in præiudicium filij, ut testatur glossa in cap. per tuas, de probat. multò minus reuocari poterit tractatus, qui efficacior est nominatione, ita Abbas in cap. per tuas, de probat. num. 3. & 4. & ibi Felin. num. 14. Bald. in *l. non ignorat*, C. qui accusari non possunt. Couarr. in epitome 2. part. cap. 8. §. 3. à num. 6. Menoch. de arbitr. iud. casu 89. à num. 60. Mascard. de probat. concl. 789. à num. 3. & tradit glossa in cap. transmissa, qui filij sint legitimi.

10 Tertium signum adductum à Doctoribus est nominatio: hæc tamen, ut bene explicat Mascard. conclus. 790. per se non sufficit constituere filium in quasi possessione filiationis; cum sæpè ob significandum amorem, & blandum affectum, hoc vocabulo filij solamur uti, eosque sic appellemus, qui verè non sunt. At si nominatio filij à parentibus esset facta seridè, & ex proposito, & præcipue coram aliquo Notario, & maxime in iudicio, & testamento; absque dubio constitueret filium in quasi possessione filiationis, ita ut aduersario incumbat onus probandi contrarium, & dum non probatur, reputandus talis est, ita glossa in cap. Michael, de filijs presbyter. Abbas cap. per tuas, num. 8. & ibi Decius num. 2. Menoch. casu 89. num. 28. in princ. de arbitr. iud. Couarr. 4. decret. 2. part. cap. 8. §. 3. num. 7. & alij innumeri relati à Mascard. supra.

11 Quartum signum, seu coniectura ad probandam filiationem est fama, & communis populi opinio. Sed hæc ut probet perfectè, aliis adminiculis, & coniecturis debet fulciri, ut bene dixit Abbas in cap. transmissa, qui filij sint legit. Anton. de Butrio in cap. per tuas, verb. communiter, de probationib. Felin. ibid. num. 15. Couarr. epitome decret. cap. 8. §. 3. num. 9. in fine, p. 2. Mascardus conclus. 791. à num. 7. Et ratio est, quia fama solum semiplenè probat, ex cap. 1. de appellat. & cap. veniens, el 2. de testib. Requiritur ergo alia, ex quibus probatio integra coalescat.

12 Quintum signum est, si à patre, vel filius instituat: nam licet sit institutio communis filio, & extraneo; tamen quando facta est alicui ut filio, eum in possessione filiationis constituit, donec contrarium probetur. Quia per hanc institutionem taliter factam pater filium tractat ut filium, & ratione tractatus, & institutionis optimè filiatio probatur; aliàs institutio nulla esset, ex *l. si pater*, *l. neque apud*, C. de hæredibus instituendis. & tradit multis relatis Mascardus conclus. 793.

13 Alia signa, & coniecturas adducit Mascardus segg. conclusionibus, ad filiationem probandam, qualis est scriptum manu parentis, in quo nominat quo die talis filius suus natus sit, & per alias nominationes. Item ex

educatione, & alimentis præstitis filio, coniecturis aliis concurrentibus: quia sic tractatur ut filius. Aduertendum tamen est, et si una, aut altera coniectura dubium non tollat, & probationem sufficientem filiationis non constituat; si tamen plures concurrant, illam constituere posse, sic Accurs. in l. 2. in princ. ff. de excus. tui. Anchar. consil. 225. & seq. vol. 1. Gozad. consil. 22. num. 23. Burlat. consil. 88. num. 7. fine. & alij plures relati à Mascard. conclus. 796.

14 Tandem dubitari potest, quis filium illegitimum alere teneatur, casu quo dubitetur de eius parente, quoniam sit determinatè? Cognoscitur enim esse eius parentem hunc, vel illum; at ignoratur, quis sit determinatè. Et quidem si ex vno patre sit spurius, & ex alio naturalis, probabilius est omnem obligationem patri constituenti naturalem conuenire; quia in casu dubij potius naturalis, quàm spurius præsumendus est filius, utpote quid honestius, & filio fauorabilius. At quando uterque parens dubius æqualiter reddunt filium naturalem, vel spurium, non deerit qui affirmet neminem esse obligatum præbere alimenta. Primò, quia in casu dubij nullus debet possessione propriæ pecuniæ spoliari, ut in alimenta tribuat. Secundò debitum incertum non est æquum satisfieri solutione certa, & determinata.

15 Nihilominus dicendum est quemlibet teneri filium alere. Habet enim filius actionem aduersus patrem, ut sibi alimenta præbeantur. Cum ergo determinatè sciri non possit eius pater, ne talis actio, & debitum inutile reddatur, inter utrumque debet diuidi. Confirmo. Quando ignoras, cuius sit res aliqua; scis tamen certò esse huius, vel illius, debes inter utrumque diuidere, quia uterque ius habet, similiter in præsentia ignoratur cuius filius sit hic puer; cognoscitur tamen esse huius, vel illius; debet inter utrumque debitum alimentorum diuidi. sic Vasquez 1. 2. disp. 66. cap. 8. num. 7. Salas tractat. 8. disput. unica, sect. 24. num. 247. Azor lib. 2. instit. moral. cap. 19. quest. 8. Villalobos tom. 1. summ. tract. 1. diff. 20. in fine. Addunt tamen Azor, & Villalobos quolibet patre deficiente, vel nolente filium alere, alium esse obligatum in integrum. Quod non credo: quia aduersus quemlibet non habet filius integrum ius, & sic tradit Salas supra num. 248. Qui bene aduertit, si patres inæquales in diuitiis, & nobilitate sint, posse matrem à ditiori, & nobiliori plus exigere: quia ditior, & nobilior meliora alimenta tenebatur filio suo ministrare. Esto Vasquez supra videatur contrà sentire.

PUNCTUM VI.

An in aliis materiis à iustitia possessio sufficiens titulus sit deponendi dubiam conscientiam.

- 1 Probabilius est sufficere.
- 2 Possessio est, pro qua est iuris præsumptio.
- 3 Extra materiam iustitiæ plures affirmant nihil possessionem prodesse.
- 4 Satisfit prædictis text. & rationibus.

1 **R**espondeo probabilius esse sufficere, siue sit in materia religionis, siue temperantiæ, siue alterius virtutis. Quia eo ipso quòd pro illa parte sit possessio (si cætera paria sunt) melior est eius conditio, cum habeat aliquem titulum, quo alia pars caret. Ideo enim in materia iustitiæ, cum dubium est æquale inter duos; cui fauet possessio, rem retinere potest, etiam si partem minus tutam sequatur; quia est melior eius conditio; sed similiter cum inter voluntatis libertatem & præceptum superioris est dubium, quòdnam vincat? Si constet pro qua parte sit possessio, illius partis melior

est conditio, ac proinde illam partem et si minus tutam securè sequi poteris. sic expressè Suarez tom. 5. in 3. part. disput. 40. sect. 5. à num. 14. & 2. tom. de relig. lib. 4. cap. 5. num. 7. Thomas Sanchez lib. 2. de matrim. disp. 41. num. 32. & lib. 1. in Decalog. cap. 10. num. 11. fine. Ioan. Sanchez disput. 42. num. 7. Trecuño in praxi examina. fol. 257. Garcia 2. tom. de benefic. part. 7. cap. 2. num. 14. Villalobos tract. 1. de consciens. diff. 21. Filiucius 2. tom. tractat. 21. cap. 4. num. 165. insinuat Petr. de Nauart. lib. 3. de restit. cap. 4. dub. 4. num. 48. in noua edit. & generaliter omnes illi qui dicunt in dubio legis, aut voti nullam esse obligationem, id affirmare tenentur, quos infra referemus.

2 Difficile tamen est assignare in causis dubiis pro qua parte sit possessio. Nam quod dicit Thomas Sanchez lib. 1. in Decalog. cap. 10. num. 13. cum Soto lib. 7. de iustit. quest. 3. art. 2. col. 3. versic. hic verò. Aragon 2. 2. q. 88. art. 8. paulò post princip. notab. 2. possessionem esse pro qua est iuris præsumptio, eo quòd ius non sine causa debeat præsumere, necius præsumptio temeraria sit. Et si hoc verissimum sit, non plenè satisfacit. Nam sæpè videmus non stare præsumptionem iuris pro possidente, si ius commune possessioni resistit, ut constat ex cap. ad decimas, de restitut. spoliat. in 6. & ex cap. ex insinuatione, de procuratorib. & ex cap. constitutus, de elect. & aliis multis relatis à Mascardo verbo possessio, conclus. 1200. num. 65. Matienzo lib. 5. compilat. 8. l. 9. glossa 3. num. 13. Azeuedo ibi 4. num. 15. Non ergo clara regula ad cognoscendam possessionem est iuris præsumptio, cum æquè, imò maior difficultas sit in cognoscendo, pro qua parte sit præsumptio iuris, quàm in cognoscendo, pro qua sit possessio. Fateor tamen, si de præsumptione iuris constat, pro ea in foro interno standum esse, ut docet Thomas Sanchez supra. Molin. tom. 1. de iustit. disput. 196. col. 3. Menoch. de præsumpt. lib. 4. præsumpt. 83. num. 62. cum forum internum externo debeat conformari, quando falsæ præsumptioni non nititur, ut sæpè diximus. Nam ubi est certa præsumptio iuris pro aliqua parte, ea pars debet iudicari vera, dum non probatur contrarium, cuius probatio incumbit contrariæ parti, ex traditis à Menoch. lib. 1. de præsumpt. quest. 4. num. 3. & seqq. & quest. 8. num. 1. Simanc. de Catholic. institut. tit. 50. num. 6. Verùm si præsumptio pro aliqua parte est dubia, seu sub opinionem; iudicandum est, ac si nulla esset, sicuti cum dubium est de legitima possessione, possessio non reputatur, ut aliis relatis docet Salas 1. 2. tractat. 8. disput. unic. sect. 23. num. 233. quia tunc pro utraque parte est par causa. Inuestigare autem pro quibus rebus sit certa præsumptio iuris, pro quibus non, longissimum est, neque potest regula aliqua definiri. Ex dicendis tamen in sequentibus punctis aliquo modo constabit, pro quibus regulariter sit præsumptio, & pro quibus etiam sit possessio.

3 Restat satisfacere aliquibus, qui extra materiam iustitiæ nihil prodesse possessionem autumant; ij sunt Azor tom. 1. instit. moral. lib. 2. cap. 19. q. 10. & lib. 11. cap. 15. q. 2. Vasquez 1. 2. disput. 65. cap. 3. num. 13. Anton. Perez certam. 10. scholast. num. 132. Sayrus in clauis regia. lib. 1. cap. 13. num. 36. Salas tractat. 8. disput. unica, sect. 17. num. 162. & sect. 25. num. 252. Limitat tamen suam doctrinam Salas, ut non procedat, quando cum incommoditate, & detrimento sui, vel alterius priuandus est aliquis libertate. Idemque tenentur affirmare, qui in dubio voti obligationem imponunt, quos postea referemus. Hi enim omnes dicunt extra materiam iustitiæ tutiorem partem eligendam esse in dubiis, ne aliquis se exponat periculo peccandi. Mouentur ex aliquibus textibus, præcipuè ex cap. ad audientiam, cap. significasti, et 2. de homicidio, ubi in dubio an occiderit Sacerdos, censetur irregularis: quia in hoc casu (ait Pontifex) tatiùs est cessare ab officio, quàm temerè celebrare pro eo, quòd in altero nullum,

An dubius de lege, vel præcepto tenearis illo.

- 1 Si facta sufficienti diligentia adhuc dubius es de lege, vel præcepto, non teneris illo.
- 2 Idem est, si dubites, an se extendat ad aliquem casum.
- 3 Si dubitas, an sit lex usu recepta, probabilius est te illa teneri.
- 4 Satis est probabile oppositum.
- 5 Si certus sis de lege, & dubitas an ratione alicuius necessitatis eximaris, affirmant aliqui non teneri: si lex est incommoda.
- 6 In tali casu obligaris lege.
- 7 Certus de lege, & dubius, an satisfeceris, teneris illa.

1 **R**espondeo, si facta sufficienti diligentia ad inuestigandam veritatem, adhuc dubius manes, non teneris lege, aut præcepto. ita Henriquez lib. 8. de Eucharist. cap. 45. n. 3. in comm. litt. P. Suarez s. tom. in 3. p. disp. 40. sect. 5. n. 15. Thom. Sanchez lib. 2. de matr. disp. 41. n. 36. & lib. 1. in Decal. cap. 10. n. 32. Villalobos tom. 1. sum. tract. 1. diff. 21. n. 4. Eman. Saa verb. dubium, n. 2. Quamuis Valquez 1. 2. disp. 64. cap. 3. & disp. 66. cap. 1. initio, teneat oppositum, & ex parte illi contentiat Salas tr. 8. disp. vn. sect. 25. n. 258. Ratio nostræ conclusionis est, quia in hoc dubio est possessio pro libertate. Quilibet enim suarum actionum est dominus, & liberè in illis procedere potest, dum se ligatum non cognoscit; qui igitur post factam diligentiam dubius est de præcepto, non se cognoscit ligatum.

2 Idem prorsus dicendum est, quoties dubium fuerit, an lex, vel præceptum ad aliquem casum se extendat, quia tunc perinde est, ac dubitare de lege, an sit imposita. ita Thomas Sanchez in Decalog. cap. 10. num. 33. Salas supra num. 258.

3 Sed quid dicendum, si dubitas, an sit lex usu recepta? Thomas Sanchez lib. 1. in Decal. cap. 11. n. 35. existimat in hoc dubio te esse obligatum lege, quia cum de lege constet, pro eo stat possessio, & iuris præsumptio. Ergo ut ab eius obligatione eximaris, tibi incumbit onus probandi non esse usu receptam. Fateor hoc esse probabilius: & ita tenet, etsi non satis consequenter, Bonac. disp. 1. de leg. q. 1. p. 4. n. 44. & disp. 2. de pecc. q. 4. p. 7.

4 Nihilominus valde probabile est te in supradicto casu lege non teneri. ita Azor tom. 1. instit. moral. lib. 2. cap. 19. quest. 12. Salas illa disp. vnic. sect. 18. n. 169. dicunt enim dubitantem an aliqua lex excommunicationem, suspensionem, vel irregularitatem imponens sit usu recepta, posse reputare non esse usu receptam, & non obligare. Mouentur, quia in legibus pœnalibus benigniorem partem sequi debemus. Friuola ratio, si pro lege esset possessio. Quare ratio nostræ conclusionis ea debet esse; quia tunc non constat de lege imposita, ac proinde non possidet: ubi enim dubium est, an aliquando fuerit usu recepta, est dubium, an aliquando obligauerit; quia ad hoc ut obliget, debet necessariò recipi secundum probabilem sententiam, ut tradit Dominie. in cap. in istis, §. leges, 4. dist. & in cap. 2. de constit. & Felin. in cap. 2. de treuga, & pace, à n. 12. & ex illis Nauarr. in summ. cap. 23. n. 41. Rebell. de oblig. instit. 1. p. lib. 1. q. 5. n. 7. & alij plures referendi, tr. 3. de legib. disp. 1. p. 13. Si ergo dubium est, an aliquando obligauerit, dubium est, an aliquando fuerit vera lex, & consequenter non possidet. Idem dicendum est à fortiori; quoties dubitas de promulgatione legis, an fuerit facta, quia lex esse non potest sine promulgatione. §. 1. in authent. ut facta noua constitutiones, & §. in is autem, Instit. de contrahend. empt. & probat optimè Decius in rubr. de constit. post num. 36. versic. vltimus tamen videtur.

C 3 s Quid

in reliquo magnum periculum timeatur. Item in cap. illud dominus, de cleric. excomm. ministr. Episcopus quidam excommunicatus fuit, quia suam Ecclesiam reliquerat, & aliam occuparat, qui tamen sic excommunicatus diuinis se immiscuit, postea verò excessum suum recognoscens in præsentia Papæ constitutus inter alia in sua excusatione proposuit, se non credere, quòd Episcopus posset monitione non præmissa aduersus eum procedere; quia non erat iudex ordinarius, sed delegatus. Item proposuit se non credere priuatum esse, officia diuina celebrare, cum ab eo commonitorias non accepisset, & cum ei non nisi per famam de sententia excommunicationis constaret. Cui allegationi responderet Innocentius III. quod licet in hoc non videatur culpabilis omnino extitisse; quia tamen in dubijs via est tutior eligenda, etsi de lata in eum sententia dubitaret, debuerat tamen potius se abstinere, quam sacramenta Ecclesiastica pertractare. Vbi aduerto huiusmodi Episcopum videri habuisse sufficientem rationem dubitandi se excommunicatione non ligari, & nihilominus quia id dubium erat, ut culpabilis à Pontifice declaratur nulla alia ratione, nisi quia in dubijs tutior pars est eligenda. Deinde in cap. iuuenis, de sponsalib. iuuenis, qui puellam nondum septennam accepit, & cum illa consummare tentauit, etsi non potuit, & postea consobrinam illius duxit, mandatur separari ratione impedimenti publicæ honestatis contracti. Quòd impedimentum sanè dubium erat, quia dubium erat, an talia sponsalia valerent, imò præsumptio iuris pro eorum nullitate stabat, sed quia in hoc dubio temerè se matrimonio copulauit, cum in dubijs, quod certius est tenere deberet, ideo mandatur à Pontifice separari. Sequitur ergo ex iis omnibus partem tutiorem esse sequendam, neque prodesse possessionem.

4 Verùm huiusmodi textus non conuincunt. Concedo Pontificem in casu homicidij dubij statuisse irregularitatem ob reuerentiam, & decentiam sacrarum rerum, innixum illi principio, in dubijs tutiorem partem esse eligendam, non tanquam obligatorio, sed tanquam optimo consilio.

Ad cap. illud dominus, respondeo debuisse illum Episcopum abstinere, quia orto dubio de excommunicatione debebat aliquam diligentiam facere ad illud vincendum, nullamque legitur fecisse; ac proinde tanquam temerarius violator puniri posset. Stante enim dubio, & non facta diligentia ad illud deponendum, tutior pars necessariò est eligenda, ut diximus puncto 1. huius disp. Adde ex fama sicut probantur matrimonij impedimenta, poterat & excommunicatio probare, saltem ut abstineret à celebratione.

Ad cap. iuuenis, dico possessionem matrimonij nihil iuueni fauere posse, cum matrimonium contraxerit dubius de valore sponsalium, & consequenter mala fide. Iudicauit autem Pontifex matrimonium esse nullum, quia priora sponsalia fuisse valida iudicauit: & autem iudicauit valere, quia vidit malitiam iuuenis suppluisse eius ætatem, quod non leuiter collegit ex eo quod tentauit consummare, & ex aliis coniecturis, quæ licet non essent omnino evidentes, erant tamen moraliter certæ; ut meritò Pontifex potuerit vi illorum declarare sponsalia valida fuisse. sic glossa, & Præposit. in supradicto cap. Thomas Sanchez lib. 1. in Decalog. cap. 10. num. 15. §. ad 3. Suarez tom. 2. de relig. lib. 4. de voto, cap. 5. num. 12. Adde cum Panormit. & communi, ibi iuuenem illum maiorem esse septennio, & puellam septennio proximam esse: quando autem iuuenis maior septennio duxit minorem septennio, & eam traduxit ad domum,

oritur ex tali contractu impedimentum publicæ honestatis, secundum communem, etsi aliquo modo dubiam, sententiam.

Ferd. de Castro Sum. Mor. Pars I.

5 Quid si certus sis de lege imposita, dubites an ratione alicuius necessitatis, vel alterius circumstantiæ ab ea eximaris? Salas *illa fclt. 25. num. 259.* existimat te non teneri, si lex est tibi incommoda, & molesta. Mouetur, quia libertati fauendum est, quantum possumus. Debemus ergo pro libertate iudicare, quoties dubium est, an lex obliget.

6 Dicendum tamen omnino est in hoc casu, te obligatum esse. Quia constat legem ipsam possidere, & eius obligationem. Ergo ut censearis ab ea excusatus, probare debes exceptionem: immeritò ergo ab obligatione certa te volebas eximere excusatione dubia. sic Medina *1.2. quæst. 96. art. 6. ad fin. propos. 3.* Ioan. Sanchez *disput. 43. num. 8. in princ.* Thomas Sanchez, relatis Decio, Alciato, Surdo, Neuiz. & aliis, *lib. 1. in Decal. cap. 10. num. 34. & lib. 2. de matrim. disput. 41. num. 27.* Idem dicendum est, si dubites, an abrogata sit lex, vel in ea dispensatum; quia lex possidet, & probare debes exceptionem, ut eximaris. sic uterque Sanchez *suprà*, & Salas (et si non multum consequenter) *illa disput. unica, fclt. 26. num. 265.* Ratio in contrarium non obstat: libertati enim fauendum est, quoties non constat ligatam esse; ac cum constat de lege, constat de vinculo, & illi ut possidenti in casu dubio debemus fauere.

7 Hinc à fortiori constat te esse obligatum lege, si certus sis de illa, & dubius an satisfeceris, v.g. certus es te esse obligatum quotidie horas canonicas recitare, dubitas an obligationi satisfeceris, teneris, dum non deponis dubium, recitare, quia obligationi certæ, non potest solutione dubia fieri satis. Ita Medina *C. de orat. quæst. de horis iterandis.* Ledesm. *2. part. 4. quæst. 16. art. 6. in 2. part. dub. 3.* Navarr. *cap. si quis autem, de penitent. distinct. 7. num. 76. vers. 17.* Thomas Sanchez *lib. 1. in Decal. cap. 10. n. 12.* Rebell. *de obligat. iustit. part. 1. lib. 2. quæst. 14. fclt. 2. n. 9. & 10. in fin. pag. 119. & 2. p. lib. 1. q. 2. fclt. 2. n. 13. §. qua etiam ratione.*

PUNCTUM VIII.

Aliqua notatu digna ex supradicta doctrina inferuntur.

- 1 Quid sit *epikeia*, & an detur in casu dubio.
- 2 Non licet vis *epikeia* in casu dubio, si consuli potest superior.
- 3 Quando superior consuli non potest, affirmans aliquis.
- 4 Seruanda tamen est lex.
- 5 Apponitur quadam limitatio, sed non approbatur.
- 6 Quid de dubitante, an sonuerit 12. hora noctis, ut possit cœnare, vel carnes comedere.
- 7 Dubitans an expleuerit 21. annum, ieiunio non tenetur.
- 8 Dubitans, an comederit, vel biberit post 12. horam noctis, secundum aliquorum opinionem communicare potest.
- 9 Probabilius est sic dubitantem communicare non posse.
- 10 Satisfit fundam. num. 8. adductis.
- 11 Dubitans ob tenuitatem beneficij de obligatione recitandi, tenetur recitare, defenditur ut probabilius.

1 PRIMò inferitur, quid dicendum sit, an in casu dubij detur locus *epikeia*. *Epikeia* voco emendationem legis, seu interpretationem, quando scilicet aliquis interpretatur legislatorem vel non potuisse, vel noluisse ad aliquem actum, et si sub verbis legis comprehensum, obligare ob occurrentes circumstantias. Ex qua interpretatione, si voluntas operetur, dicetur uti *epikeia*, ac proinde *epikeia* actus est intellectus, & voluntatis, ut bene dixit Suarez *lib. 6. de leg. cap. 6. num. 2. & 5.*

2 Hanc autem interpretationem, seu emendationem legis nullo modo licere in casu dubio, si consuli potest superior. Est communis sententia cum D. Thom. 2. 2.

quæst. 120. art. 1. in corp. & ad 3. & quæst. 96. art. 6. ad 2. & ibi Caietan. & alij. Medin. C. de penit. tract. de ieiunio, quæst. de ijs, qui tenentur ad ieiunia. Sorus *lib. 1. de iustis, quæst. 6. art. 8. §. tertia verò conclusio, & §. ad huius rei intellectu.* Thomas Sanchez *lib. 2. de matrim. disput. 41. n. 37.* Suarez *lib. 6. de leg. cap. 8. num. 10.* Ioan. Sanchez *disput. 43. num. 8. circa medium.* Vasquez *de Eucharist. disput. 219. cap. 4. num. 43.* Ratio est evidens, quando dubium est de voluntate superioris, an scilicet voluerit ad illum casum legem suam extendere. Quia operari cum conscientia dubia, quando ipsa deponi potest, est peccatum ob periculum. Sed cum dubium est, an voluerit superior obligare, in tali casu deponi potest dubium ex eius consilio. Ergo non licet in tali dubio operari superiore inconsulto. Si verò dubium sit de potestate superioris, an, inquam, potuerit obligare; cum clarè non constet eius impotentia, iniquum videtur, interpretari non posse obligare, & legem deficere, cum pro lege, & potestate superioris sit possessio.

3 Difficultas autem est, an in casu urgente, in quo superior consuli non potest, possis uti *epikeia*?

Affirmat Syluest. *verb. Papa, quæst. 16. dicto 2. sine, & verb. dispensatio, quæst. 4.* Cordub. *qq. lib. 3. quæst. 13. ante reg. 1. fol. 205.* Henriq. *lib. 14. de irregul. cap. 3. num. 3. litt. X.* consentit Salas, quoties adimpletio legis est molesta, & incommoda, *tract. 8. disput. 25. n. 260.* Ratio, quia videtur nimis durum obligare homines legibus non certis, sed dubiis; in tali casu videtur lex dubia, cum de eius obligatione dubitetur.

4 Tenenda tamen est communis sententia, seruandam esse legem. ita D. Thom. Soto, Medin. Vasquez, uterque Sanchez, & Suarez *suprà*, & affirmant Syluest. Cordub. & Henriq. intelligendos esse non de dubio æquilibri, sed de formidine, quando scilicet est probabile iudicium, licet cum formidine, vel non potuisse, vel noluisse superiorem in tali casu obligare. Ratio est, quia in tali casu lex non est dubia, sed certa, cum constet verba eius talem casum comprehendere. Solùm autem est dubium, an legislator voluerit, vel potuerit illum casum comprehendere. Ergo dum non probatur impotentia eius, vel nolitio, pro lege stare debet præsumptio, utpote possidente.

5 Limitat autem supradictam doctrinam Suarez *illo lib. 6. de leg. cap. 8. num. 12.* ut procedat, nisi alteri legi grauiori dubitetur contrariari. Tunc enim (inquit) liceret grauiorem legem exequi, omittà minori, quia illa concurrentia est sufficiens ratio deponendi practicè dubiam conscientiam, ne homo sit perplexus. Mihi autem supradicta limitatio non placet. Existimo namque seruandam tunc esse legem, & præceptum certum, omittà lege, & præcepto dubio: quia possidet præceptum certum, dum non constat alteri legi superiori contrariari. Qua ratione coniux dubius de obitu prioris coniugis tenetur præfenti reddere debitum, et si redditio debiti contraria sit tam iuri prioris coniugis, quàm temperantiæ: quia lex temperantiæ, & iuris prioris coniugis est dubia, & lex dubia non potest prævalere aduersus legem certam, & possidentem, qualis est de reddendo debitum petenti coniugi. Item quando est dubium, an materia iuramenti, vel voti licita sit, sentit D. Thom. 2. 2. *quæst. 89. art. 9. ad 3.* obligare, siquidem dicit posse Episcopum tunc dispensare. Ergo à fortiori obligabit præceptum certum, cum dubium solum est alteri contrariari.

6 Secundò inferitur dubitantem, an fuerit elapsa 12. hora noctis, non posse cœnare, si illa dies sit ieiunij. Quia possidet ieiunij præceptum, dum non constat de probabili excusatione. Econtra verò, si crastina dies est ieiunij, dubitas, an 12. noctis sonuerit, potes hodie carnem comedere, quia certò possides libertatem, & solùm sub dubio stat priuatio illius. Quòd si diuersa horologia

gia sint, poteris cuilibet te accommodare, quia sequeris quasi opinionem probabilem, nisi forte aliquod sit communiter, ut errans reputatum. In iis conveniunt communiter Doctores, Vega lib. 3. summ. casu 213. Thomas Sanchez lib. 2. de matrim. disput. 41. num. 40. Salas 1. 2. tract. 8. disput. unica, sect. 25. num. 264. Ioan. Sanchez disp. 42. num. 3. & disp. 43. num. 5. Villalobos tract. 1. de conscient. diff. 21. n. 6. & 7.

7 Tertiò infertur dubitantem an expleverit 21. annum, ieiunio obligatum non esse. Quia ante dubium est in libertate non ieiunandi, qua libertate privari non debet ob præceptum dubium. At non poterit ad ordines, vel beneficia promoueri, dum dubius est, an habeat ætatem requisitam: quia toto tempore antecedenti dubium, obligatus erat non ascendere ad ordines, vel beneficia ante ætatem. Ergo non poterit illo præcepto deobligari, dum non probat ætatem, sic Thomas Sanchez supra num. 38. & Ioan. Sanchez num. 6. & 7.

8. Quattò infertur quid dicendum sit, si dubites, an post 12. horam noctis comederis, aut biberis, possisne communicare? Et dubium esse potest non de actione comedendi, vel bibendi, sed de tempore; certa enim esse potest comestio, vel potus; at dubium, fueritne post 12. horam noctis? Secundò potest esse dubium de comestione, vel potu, non de tempore; ut cum quis ad lauandum se hora matutina assumit aquam ad ablucendum os, dubitat tamen, an aliquid deglutierit, in iis enim casibus acriter pugnat Ioan. Sanchez in select. disput. 42. à num. 1. & præcipue num. 9. posse sic dubitantem ad Eucharistiam accedere, & Confessarios sic debere consulere. adducit pro se Medin. in summ. in declarat. 3. præcipue Ecclesiast. §. 42. non longe à princip. ubi ait: *Ne sint fideles nimium scrupulosi, si abluendo os illis videatur aliquam guttam transgessisse, nisi enim manifestè cognoscant fuisse transiectam in stomachum, non abstineant à communione.* Lucium in summ. fol. 145. en el precepto 4. de la Iglesia de comulgar. dicens: *El que sta en duda, si trago una gota de agua, y no lo he claro, pue de comulgar.* Favet huic opinioni non leuiter Eman. Saa verbo Eucharistia, num. 28. edit. Complutens. 1609. quatenus dicit: *Traiectum aliquod contra voluntatem, ut parum aqua dum os abluatur, non impedit communionem.* Probarique potest hæc opinio primò. Homo habet ex se libertatem, & potestatem communicandi. Ergo ob dubiam comestionem privari non debet tali potestate. Secundò qui cœnat carnes die Iouis, dubitans, an sit hora 12. noctis, non aduersatur præcepto ieiunij, quia est dubium, an tunc urgeat tale præceptum. Ergo similiter talis cœna non aduersabitur præcepto ieiunandi ad communionem, quia est dubium, an tunc urgeat tale præceptum. Et confirmo. Si quis haberet præceptum ieiunandi crastina die ieiunio naturali, sine vilo prorsus potu, & cibo, & hodie dubitans an sit hora 12. noctis, comedat, talis comestio ieiunium naturale non violat: quia non intelligitur pro tunc possidere præceptum. Ergo ex tali comestione non reddetur inhabilis ad communionem, quia in tantum reddi potest inhabilis, in quantum intelligitur ieiunium naturale soluisse: at per illam comestionem non intelligitur ieiunium naturale soluisse. Ergo. Tertiò coniux, cui dubium de valore matrimonij superuenit, & facta diligentia dubium vincere non potest, potest petere debitum, quia ante dubium fuit in possessione, quòd illa vxor esset propria, qua possessione ob superueniens dubium privari non debuit; sed cui dubium superuenit, an comederit post 12. horam noctis, erat in possessione communicandi. Ergo non debet tali possessione ob dubium spoliari.

9 Nihilominus probabilius existimo sic dubitantem non posse communicare. ita docet Thomas Sanchez lib. 2. de matrim. disput. 41. num. 40. Salas de conse. sect. 25.

num. 264. Villalobos tract. 1. diff. 21. num. 7. & Doctores communiter. Probo primò. Præceptum sumendi Eucharistiam ieiunè semper obligat. Ergo si cum accedis sumere Eucharistiam, dubitas, an sis ieiunus; dubitas an præcepto sumendi Eucharistiam ieiunè aduerferis; & cum nulla sit pro tua parte possessio præcepto antecedens, sit sanè in casu dubij pro præcepto standum esse. Secundò, qui dubius est, an sit ieiunus, dubius est, an sit dignus. Ergo ne indignè manducet, probare debet se ieiunum esse. Tertiò qualitas non præsumitur, nisi probetur, ut optimè docet Menochius consil. 35. num. 31. & consil. 1. num. 121. Ergo non præsumitur ieiunus, nisi probet. Probare autem non potest qui dubius est. Ergo quattò vnusquisque probare debet fundamentum suæ intentionis, alias succumbet. *Lei qui dicit, ff. de probat. l. actor quod assenerat, C. eod. l. qui accusare, C. de edend. & tradit Decius consil. 564. num. 1. Socin. iunior consil. 12. num. 3. lib. 1. & aliis relatis Mascard. de probat. verb. qualis, concl. 1253. num. 3. & 4.* At fundamentum exigentis communionem ab Ecclesia est esse ieiunum à culpa in anima, & à cibo, & potu in corpore. Ergo dum non probat hoc fundamentum, immeritò exigit communionem.

10 Neque obstant superiùs allegata pro Ioan. Sanchez.

Ad primum dico neminem habere libertatem communicandi, nisi probata dignitate, sicut neque habet libertatem accipiendi beneficium Ecclesiasticum, aut ordines, nisi probata ætate, & legitimitate ad illa requisitiis. Quare dum dubius est de ætate, aut legitimitate beneficium, neque ordines recipere potest, ita neque Eucharistiam, cum dubius est, an comederit.

Ad secundum respondeo cœnam illam non contrariari præcepto ieiunij Ecclesiastici, aut naturalis per se, at contrariari communioni postea sequendæ, non contrariatur præcepto ieiunij, quia non constat tale præceptum esse, at contrariatur sequendæ communioni, quia communioni, & præcepto certo bene potest dubia comestio contrariari. Aliud enim est ius acquisitum tollere, aliud de nouo acquirere, ex vi enim præcepti ieiunij tollitur homini ius acquisitum comedendi, cum voluerit, quod ius tolli non potest, nisi præcepto certo, & indubitato. At cum homo communicare intendit, beneficium intendit acquirere. Non ergo illi irrogatur iniuria, si non detur tale beneficium, dum non probat sufficientiam.

Ad tertium respondeo ob superueniens dubium non impediri coniugem petere debitum, quia habuit ius iustitiæ acquisitum ad petitionem. At nullus habet ius iustitiæ acquisitum, ut sibi sacramenta donentur, nisi priùs probet se nullum impedimentum habere. Ergo. Adde etsi cuilibet licitum sit matrimonio copulari, non tamen licitum illi est, si dubius sit habere impedimentum, quia nunquam habuit ius se matrimonio copulandi, nisi probando impedimentum non esse: ita similiter, etsi quilibet ius habeat Eucharistiam sumendi, non tamen illud habet, quin priùs probet se dignum esse. Aduerito tamen horam 12. noctis compleri, cum primus pulsus sonat, quia tunc iudicatur horam completam esse, & quia non potest vno pulsu indicari; ideo multiplicantur. Quare si quis post primum pulsus biberit, sine dubio communicare non potest. ita Thomas Sanchez illa disp. 41. n. 40. Villalobos diff. 21. Salas n. 264. Ioan. Sanchez disp. 42. n. 19. Garcia de benefic. 1. sem. p. 5. cap. 1. à num. 524.

11 Quintò infertur, quid dicendum de habente beneficium tenue, & ob id dubitante an obligatus sit recitare? Salas 1. 2. tract. 8. disput. unica, sect. 17. num. 154. sine. affirmat non teneri, quia est dubium iuris, & præcipue ex suo sæpè repetito principio. Præceptum, inquam, onerosum, & molestum implendum ex obligationem non

esse in casu dubij. Mihi quidem probabilius videtur dicendum in tali dubio obligationem esse recitandi. tenet expressè Valsq. 1.2. *diff. 65. cap. 3. num. 11*. Ratio est, quia est certum te habere beneficium, ac proinde obligationem officij illi annexam. Dubium autem est, an ab hac obligatione ob paruitatem fructuum excuseris; quando autem obligatio est certa, & excusatio dubia, teneris obedire. Adde in foro externo te fore condemnandum, si dubia esset excusatio, quia pro Ecclesia est certa lex, à cuius obligatione ut excusari posses, debebas excusationem probare, quod constat ex doctrina tradita à Couart. *lib. 2. var. cap. 12. num. 14*. Tiraquell. *de retract. lignag. §. 1. gloss. 9. num. 211. vers. quibus adde*. Gonzal. *reg. 8. cancellar. gloss. 8. num. 72*. Euerard. *in suis topicis loco ab exceptione ad regulam, num. 12*. vbi omnes probant, cum de lege constat, & ab illa vis te eximere, probandam tibi esse causam excusationis, alioqui pro lege iudicandum est.

PUNCTVM IX.

Dubius de voto, iuramento, vel promissione,
an tenearis.

- 1 Affirmant plures, & qua ratione probent.
- 2 Probabilius est te esse excusatum.
- 3 Satisfit fundamentis oppositis.

1 **A**ffirmant plures, gravesque Doctores, Azor. *tom. 1. instit. moral. lib. 2. cap. 19. q. 10. & lib. 11. cap. 15. q. 2*. Valsq. 1.2. *q. 19. art. 6. diff. 65. cap. 3. fine*. Anton. Perez *certam. 10. scholast. dub. 2. num. 132*. Cordub. *summ. q. 147*. Sayrus *in clavi regia lib. 1. cap. 13. num. 36*. Salas, quoties votum, vel iuramentum non est de re nimis incommoda, & molesta, 1.2. *tractat. 8. diff. unica, sect. 17. num. 162. & sect. 25. num. 252. & 253*. Mouenter, quia extra materiam iustitiæ eligi debet tutior pars, cum extra illam non detur possessio. Secundò, etsi in dubio iuris non sit necessarium partem tutiorem eligere; at in dubio facti necessariò eligenda est, præcipuè in foro conscientiæ, ut tenent Ioan. Andr. Cardin. Anan. & Socin. *cap. ad audientiam, de homicid. num. 46*. Panormit. *ibi num. 2*. Felin. *num. 17*. ideòque in dubio homicidij facti censetur quis irregularis; sed dubium, an votum emisseris, est dubium facti, ut de se constat. Ergo.

2 Nihilominus probabilius multo est dubitantem, an votum, vel iuramentum, aliàve promissionem emisserit, illis non teneri, si facta diligentia vinci dubium non potest. ita Soto *lib. 7. de iust. q. 3. art. 2*. Grassi *decis. lib. 2. cap. 31. in fine*. Hentiq. *lib. 11. de matrim. cap. 11. n. 5. & lib. 8. de Euchar. cap. 45. num. 3. in com. list. P. Man. tom. 2. sum. cap. 99. num. 5*. Saa *edit. Complut. & Rom. verb. dubium, num. 1*. Reginald. *in pract. tom. 2. lib. 18. num. 176*. Villalob. *tract. de cons. diff. 21*. Thom. Sanch. alijs allegatis *lib. 1. de matrim. disput. 9. num. 11. & lib. 2. disput. 41. num. 32. & in Decal. lib. 1. cap. 10. num. 36. & lib. 4. cap. 1. num. 16*. Ioan. Sanch. alijs allegatis *disput. 43. num. 1*. Rebell. *de iust. p. 2. lib. 1. q. 2. num. 13. §. qua etiam ratione*. Suar. *5. tom. in 3. p. diff. 40. sect. 5. num. 15. latius tom. 2. de relig. lib. 4. de voto, cap. 5. num. 7*. Salas *suprà*, quoties votum est de re molesta, & onerosa, ut ferè semper contingit, fauèrque glossa *in cap. ex parte, de censibus*.

Ratio est, quia videtur iniquum cogi promittentem ad certam solutionem, quin probetur promissor extitisse. Quare in foro externo & iudiciali nemo promissus cogitur stare, dum de promissione non constat: si enim alicui volenti nubere, obicias vouisse castitatem, dum non probas votum, non cogitur à matrimonio desistere. Ergo neque in foro conscientiæ cogendus est votum seruare, si in illo foro conscientiæ non constat. Item vbi tractatur de obligatione contrahenda, facien-

da est stricta interpretatio, ex *l. quidquid adstringendi. ff. de verbor. obligat. & cap. 1. de iureiur. in 6*. fauèrque *reg. 11. de reg. iur. in 6*. Vbi partim sunt iura obscura, reo fauendum est, potius quàm alicui. Cum ergo vouens, & promittens reus sit, illi in casu dubij fauendum est.

Hæc ratio probat te non esse obligatum, etiam si propendeas magis te vouisse, dummodo semper maneas dubius. sic vterque Sanchez *suprà*. At si probabile tibi sit vouisse, & de contrario solum sit formido, neque vales assensum præstare, teneris promissione, quia iam est moraliter certum, te debitorem esse. Si autem pro vtraque parte probabiles rationes habeas, poteris sequi, quam malueris, ut de se constat. sic Thom. Sanch. *lib. 1. de sponsal. disp. 9. num. 11. fine*. Suarez *lib. 4. de voto c. 5. num. 5*. Ioan. Sanchez *disp. 43. num. 2*.

3 Ad primam oppositæ sententiæ respondet optimè Suarez *suprà num. 8. & seqq.* illam regulam, *In dubijs melior est conditio possidentis*, non solum in materia iustitiæ, sed cuiuscunque virtutis habere locum. Tum quia iura ex quibus desumitur, sine vlla restrictione loquuntur, & constat ex *reg. in pari 65. de reg. iur. in 6*. Tum etiam, quia quilibet habet ius latè sumptum circa suas proprias actiones, ut possit illas liberè, & sine obligatione exercere. Ergo dum non probatur illas debere, pro libertate stat præsumptio.

Ad secundam, neque in dubio iuris, neque in dubio facti, si dubium speculatiuum sit, obligationem esse semper sequendi partem tutiorem, sed id esse conuenientius. In materia autem irregularitatis, homicidij ob specialem reuerentiam rerum sacrarum pars tutior sequenda est, ut diximus.

PUNCTVM X.

An tenearis promissione, voto, vel iuramento,
si dubites adfuisse animum iurandi, promittendi, vel vouendi.

- 1 Oriri potest dubium ex verbis, & ex intentione.
- 2 Si dubium oriatur ex verbis, non teneris.
- 3 Si oriatur ex intentione, proponitur ratio difficultatis.
- 4 Resolvitur te esse obligatum.
- 5 Apponitur quadam limitatio de iuramento metu extorto. Sed non approbatur.
- 6 Si dubites, an cum ambiguitate illo in casu iuraueris, non teneris.

1 **P**otest hoc dubium oriri ex duplici capite. Primò ex eo quod verba prolata ambiguum sensum habeant; cum aliquando accipiuntur in sensu verè promissorio, & aliquando non: aliquando denotant promissionem veram, aliquando propositum: aliquando denotant iuramentum, aliquando simplicem assertionem, ut si dicas: Per fidem, vel conscientiam meam hoc faciam. Secundò oriri potest dubium ex intentione, an scilicet habueris intentionem promittendi, vel solum simulandi.

2 Et in primo casu affirmo perseverante dubio te voto, iuramento, aut promissione non teneri. Quia tunc dubium est, an sit votum: in quo casu fauendum esse libertati diximus; & meo iudicio, de iuramento decisum est *in cap. clericus, de iureiurando*, vbi clericus qui iuravit seruare statuta suæ Ecclesiæ, præstito iuramento, aliud denuo statutum factum est, promissique per idem iuramentum factum se seruaturum nouum illud statutum. Et responder Pontifex. Licet transgredi non debuérat, quod promissit, non tenetur ad illius obseruantiam ex debito præstiti iuramenti, cum tamen dubium esset, an iuramentum antiquum ad præsentem materiam extenderetur. & ita docet Suar. *tom. 2. de relig. lib. 2. de iuram. cap. 33. n. 3. & lib. 4. de voto cap. 6. num. 2*.

3 De secundo casu, quando verba probata non patiuntur dubiam significationem, sed certam, & dubitatur, an habueris intentionem iurandi, promittendi, & vouendi, vel potius simulandi; vel dubitas, an sciueris promissionem, votum, vel iuramentum obligare; alicui posset videri in tui fauorem faciendam esse interpretationem. Quia possides tuam libertatem, dum non constat ligatum fuisse; at cum dubius sit de intentione promissionis, non tibi constat ligatum esse, quia non constat de voto, iuramento, aut promissione, quæ ad eorum constitutionem, & essentiam requirunt intentionem. Et confirmo. Dubius an sit imposita lex, vel an factum fuerit votum, lege, & voto non tenetur, sed qui dubitat de intentione, dubitat de voto, promissione, & iuramento, cum sine intentione non sint. Ergo non tenetur.

4 Nihilominus in hoc dubio tenendum est pro certo te obligatum esse promissione, voto, & iuramento. Primum, quia delictum præsumi non debet nisi probetur, ex cap. absit, l. 1. quest. 3. ibi, *absit ut quidquam sinistrum de his arbitremur qui Apostolico gradu succedentes Christi corpus sacro ore conficiunt*; & tradit Vlpian. in l. merito, ff. pro socio, & ibi Doctores, & abundè confirmat Menochius consil. 99. num. 12. consil. 82. num. 105. & consil. 101. num. 54. Alciat. in tractat. de præsumpt. regul. 3. præsumpt. 1. num. 1. Mascard. de probat. verb. delictum, conclus. 496. num. 1. Si autem in tali dubio animus adfuisse præsumatur, iam delictum præsumitur. Ergo non est præsumendus abfuisse. Secundò verba signa sunt intentionis, dum contrarium non probatur; nemo enim dicere præsumitur, quod non sentit. l. Labro 7. ff. de suppellect. legat. quo loci Celsus ex Tuberonis sententia dixit nomina esse, ut demonstrent voluntatem dicentis, & quemquam non dicere, quod non sentit: & tradit Bald. in cap. mandatum, de præscript. in princ. & in rubr. de testib. & in l. voluntas, C. de fideicommiss. & multis allegatis Menochius de præsumpt. lib. 6. præsumpt. 35. à num. 2. & lib. 3. præsumpt. 1. à num. 37. Tiraquel. l. si unquam, verb. libertas, n. 17. & seqq. Ergo dum non probas defuisse intentionem, præsumendum est ex verbis te habere. Tertiò probato facto præsumuntur adfuisse omnia requisita ad illum, ut docet Thomas Sanchez lib. 1. de sponsalib. disp. 9. num. 13. ex Panormit. in cap. 1. de his, quæ vi, num. 9. & ex cap. in presentia, de probat. ubi probata professione, præsumitur profitens habuisse legitimam ætatem, & neganti incumbit onus probandi. Ergo cum constet de promissione, voto, & iuramento, præsumi debet animus requisitus adfuisse; & ita tenet Suarez loquens de iuramento, lib. 2. cap. 33. num. 4. & lib. 4. de voto, cap. 6. num. 4. Thomas Sanchez lib. 1. de sponsalib. disp. 9. num. 13. Nauarr. lib. 3. consil. sit. 34. de voto, consil. 4. sine. Corduba sum. q. 147. Syluest. iuramentum 4. q. 7.

5 Supradictam doctrinam limitant Panormitanus in cap. si verò, de iurjur. in fine. & Angel. verb. iuramentum 5. num. 10. Syluest. iuramentum 4. quest. 7. dicto 4. Seraphin. de privileg. iurament. privileg. 110. num. 16. ut non intelligatur de iuramento metu extorto. De hoc enim dicunt, in casu dubio non præsumi iurantem habuisse intentionem iurandi, aut se obligandi. Quia cum habeat sufficientem causam dissimulandi intentionem ob violentiam sibi factam, potest ius præsumere talem simulationem adfuisse.

Limitatio mihi non probatur, quia præsumere simulationem in iurante, est præsumere delictum, cuius præsumptio vitanda semper est, præcipuè cum non cedat in fauorem promittentis, cui magis faues affirmando esse obligatum promissione, quam esse delinquentem ex simulatione. Et ita tenet Felin. cap. si verò, de iurjur. in fine. Alex. ibid. num. 41. Imola in cap. ad audiendam, de his, quæ vi, num. 5. Couarr. 4. decret. 2. part. cap. 3. §. 3. num. 3. sine. Gutier. de iuram. 1. p. cap. 57. num. 20. Sua-

rez lib. 2. de iuram. cap. 33. n. 6. Thomas Sanchez lib. 1. de sponsal. disp. 9. num. 13.

6 Aduertit tamen, & bene Suarez num. 6. circa finem, si dubius sis, an cum ambiguitate verborum, vel restrictione mentis iuraueris, te non teneri iuramento, quia tunc dubius es de iuramento. Neque in tali casu præsumitur te delictum commisisse, cum habeas sufficientem causam æquiocatione vtendi. Ut autem tale dubium cum fundamento habere possis, debes prius nosse illos occultandi modos, alias quomodo confugere posses ad restrictionem, si restrictionem apponere ignorabas.

PUNCTUM XI.

An tenearis promissione, voto, vel iuramento, si dubites adfuisse deliberationem.

- 1 Ex quibus causis deesse possit deliberatio.
- 2 Ex impedimento ætatis non desumitur efficax argumentum ad annullandam promissionem.
- 3 Dubius, an expleueris septennium existimas Thom. Sanchez, te debere reputare expleuisse.
- 4 Probabilitate non caret oppositum.
- 5 De dubio oritur ex somno, ebrietate, vel phrenesi.
- 6 Quid sentias Thomas Sanchez.
- 7 Dubius an fuerit perfecte liber ad votum, iuramentum, vel promissionem factam in somno, ebrietate, vel phrenesi, credere potest non fuisse.
- 8 Quæ ratione teneatur voto, iuramento, aut promissione, si dubites tempore amentia, somni, vel ebrietatis facta esse.
- 9 Fit satis argum. num. 7. adductis.
- 10 Regulariter subita passio iracundia non tollit deliberationem requisitam ad votum, iuramentum, & promissionem.
- 11 Quod cessante calore iracundia peniteas promissionis factæ, non inferi validam non esse promissionem.

1 EX multiplici causa deesse potest deliberatio. Primum ex tenera ætate. Secundò ex impedimento naturali, & accidentario, quale est somnum, phrenesis, vel ebrietas. Tertiò ex subita passione.

2 De primo impedimento ætatis dicendum est ex sola illa præcisè desumi non posse efficax argumentum ad annullandam promissionem. Potest enim puer ante septennium doli esse capax, ut colligitur ex cap. iuuenis, de sponsal. ac proinde votum, & iuramentum, sicut & sponsalia valere. At quia ante septennium rarò, vel nunquam perfectus usus rationis contingit; ideo regulariter nec votum, nec iuramentum, nec promissio facta ante illam ætatem valida reputantur. Et in casu dubio ut inualida reputari possunt, quia est coniectura non levis defecisse rationis usum. Econtra verò transacto septennio, quia ius præsumit perfectum usum rationis, nisi aliunde contrarium probetur, valida debent iuramenta, & promissiones reputari. Et ita tenet aliis relatis Thomas Sanchez lib. 1. de matrim. disp. 9. num. 12. & 14. & lib. 4. de voto, cap. 1. num. 14. Suarez tom. 2. de relig. lib. 4. de voto, cap. 6. à num. 6.

3 Quod si dubium sit, an expleueris septennium, existimas Thomas Sanchez illo lib. 4. de voto, num. 14. cap. 1. præsumendum esse te expleuisse, & votum valere. Primum, quia sic communiter accidit: rarò enim sunt vota, aut iuramenta ante septennium, & præsumptio ex communiter contingentibus debet sumi. Secundò, quia constat de voto, & promissione; excusatio autem est dubia. Ergo pro voto est iudicandum. Tertiò in casu dubij semper defendendus est valor actus, pro quo est possessio. Quartò non leue argumentum desumitur ex cap. in presentia, de probat. ubi alleganti votum emisisse in

in minori ætate, neque probanti sufficienter declaratur valuisse. Quintò ex doctrina Bald. in l. si maior, in fine. C. communis diuidendo. vbi ait, cum quis velit elidere edictum propter inhabilitatem ætatis, debeat omnino probare talem inhabilitatem, & in consil. 66. num. 5. volum. 3. dicit, ei, qui ex ætate petit restitutionem de aliqua latione, vel alicuius contractus rescissionem, incumbere onus probandi dictam minorem ætatem, ex qua rescinditur talis actus. Ergo qui vult allegare non fuisse eius promissionem validam, eo quod promiserit ante septennium, illi incumbit onus probandi, & dum non probat, sed dubius est, pro promissione est standum.

4 Nihilominus, etsi supradicta doctrina probabilior mihi sit, probabilitate tamen non caret contraria sententia, nempe dubitantem de perfecto vsu rationis, & nescientem expleuisse septennium, non teneri voto, vel alia quacunque promissione. tenet expressè Sotus lib. 7. de iust. g. 3. art. 2. docum. 2. § sed est hic, vbi dicit quoties votum est factum ante legitimum tempus pubertatis, non obligare in conscientia, nisi vouens sit ita certus, quod tunc habuerit vsum rationis, vt nulla, aut tenuissima apud viros prudentes reliqua fiat dubitatio contrariæ opinionis. consentit Vega lib. 4. sum. cas. 417. Capua lib. 2. decis. cap. 31. fine. Beza casu 49. in sum. fol. 233. Moueor nõ ob rationes Sori, quæ si aliquid probarent, probarent post septennium toto tempore ante pubertatem valida vota non reputanda esse. Sed moueor primò, quia tunc non supponitur votum, iuramentum, aut promissio, cum de constituentibus illa dubitetur. Secundò, iuramentum, votum, & promissio semper debent in casu dubij in fauorem iurantis interpretari, ex l. quidquid astringenda, ff. de verb. oblig. & colligitur ex cap. ex parte, de censib. & ibi Panormit. & glossa. Tertiò, quia esto pro valore actus deberet esse præsumptio. cap. Abbatro, de verbor. significat. l. quoties, ff. de reb. dubijs. At hoc intelligi debet, quando esset damnosus, & onerosus, ex text. in l. qui iurasse, § si pater, ff. de iureiurando, & glossa ibi. Panormit. & communis, & Felin. in cap. fin. num. 13. de præsumpt. Neque obstat text. in cap. in præsentia, de probat. ibi enim in fauorem actus iudicatum fuit. Quia ab ipso proficiente religionem exhibiti fuerunt testes ad probandum in minori ætate professionem fecisse: qui testes cum essent inducti ab ipso proficiente, debebant plenè probare, vt dicit glossa, & cum in probatione defecerint, ideo Pontifex valorem professionis præsumit. Adde fauore religionis, cui erat ius acquisitum, debebat iudicari professionem valere, quia in dubiis possessio fauet.

5 Secundum impedimentum, quod solet vsu rationis tollere, est somnus, ebrietas, vel phrenesis. Quæritur ergo, an in casu dubij debeamus iudicare votum, iuramentum, & promissionem valere?

Et quidem dubium esse potest, an hæc facta fuerint tempore somni, ebrietatis, vel phrenesis, vel tempore sanæ mentis? Secundò posito, quod tempore somni, ebrietatis, vel phrenesis facta fuerint, pollet dubitari, an tunc fuerit plena ebrietas, vel phrenesis, vel somnus tollens libertatem?

6 De primo dubio Thom. Sanch. lib. 4. in Decal. cap. 1. num. 15. affirmat præsumendum esse, votum, iuramentum, & promissionem tempore sanæ mentis esse gesta, ac proinde valere. Probat primò, quia somnus, ebrietas, vel phrenesis breui tempore durant; ergo non possunt eo tempore hæc gesta præsumi. Quod secus est in amentibus, quando amentia continuo aliquo tempore durauerit, vt probat idem Sanch. lib. 1. de matrim. disp. 8. num. 17. Secundò dum constat de voto, & promissione, excusatio est dubia. Ergo possidet votum. Tertiò qualitas, quæ homini naturaliter inest, semper præsumitur adesse, dum de contrario non constat.

Glossa in cap. si forte, de elect. in 6. glossa, & Doctores, in cap. in qui fidem, de sponsalib. Franc. Marc. in decis. 139. lib. 1. latè Alciat. in tract. de præsumpt. reg. 1. in princ. Menoch. lib. 1. de præsumpt. g. 14. num. 3. Mascard. de probat. verbo qualitas, conclus. 1254. num. 86. Quartò ex communiter contingentibus præsumptio sumenda est, ex l. nam ad ea, ff. de legib. & tradit Mascard. de probat. verbo præsumptio, conclus. 1230. num. 42. cum Decia, resp. 1. num. 256. lib. 1. & Riminald. Senior. conf. 2. num. 8. volum. 1. Cum autem contingere non soleat vota, iuramenta, aliæve promissiones tempore somni, ebrietatis, aut phrenesis emitti, sed tempore sanæ mentis, iudicandum est in casu dubij tempore sanæ mentis emissâ esse, ac proinde obligare. De secundo dubio credit idem Sanch. vota, iuramenta, & promissiones non obligare, quia cum ebrietas (& idem est de somno, & phrenesi) soleat à mente alienare, stat præsumptio pro alienatione.

7 Dicendum primò est, in hoc secundo dubio verisimam esse sententiam Sanch. quàmque cõfirmat Suar. lib. 4. de voto, cap. 6. num. 9. exemplo illius, qui noctu habet pollutionem, quique dubitat an habuerit perfectum vsum rationis, de quo non præsumitur mortaliter peccasse ob defectum perfectæ libertatis; similiter ob eiusdem defectum, non est præsumendus validè voluisse, aut promisisse.

8 Circa primum dubium dico granes, & efficaces rationes debere adesse vt dubium reddat promittentem, tempore ebrietatis, vel phrenesis, facta esse iuramenta, & promissiones. Quia pro contraria parte stat præsumptio sumpta ex communiter contingentibus. At si daremus promittentem verè dubium existere, eo quod nec recordatur benè de promissione, neque actus ostenditur ita bene gestus, vt tollat dubium, iuxta tradita à Couattu. 4. decret. 2. p. cap. 2. num. 7. existimo promissionem, votum, & iuramentum non valere, sed posse sic dubitantem deposito dubio agere contra illa. ita Suar. loquens de voto, lib. 4. cap. 6. num. 9. Ratio, quia tunc verè dubitatur, an sit votum, iuramentum, & promissio; cum dubitetur an sit aliquid essentialiter requisitum ad illa, quale est libertas. Ergo in fauorem libertatis est iudicandum.

9 Neque obstant contraria. Admittimus iuramentum, votum, & promissionem regulariter loquendo, præsumenda esse facta tempore sanæ mētis, nisi ex aliis coniecturis contrarium colligatur. Neque est necesse, vt certò colligatur; sufficit, si ita colligatur, vt dubium vinci non possit. In casu autem dubio præsumendus est vsus rationis in iis, quæ spectant ad fauorem personæ, non tamen in iis, quæ ei oneris, & obligationis sunt, ex reg. iuris in 6. Quod in gratiam alicuius conceditur, non debet in eius odium retorqueri; & docet Suar. supra.

10 De tertio impedimento subitæ passionis, iracundiæ, aut alterius perturbationis, an si dubium sit, priuare promittentem deliberatione requisita, censendus sit obligatus?

Respondeo cum Suar. illo cap. 6. num. 10. si daremus sic promittentem verè dubium existere de suo vsu rationis, non esse obligatum: quia est dubius de valore actus, ac proinde de obligatione. Sed affirmo regulariter non posse huiusmodi dubium habere; quia rarò, vel nunquam calor iracundiæ vsu rationis impedit, quin operatio inde orta sufficientem libertatem ad bonum, & ad malum habeat. Aliàs occidens alium iratus excusaretur à mortali, cõsentit Thom. Sanch. lib. 1. de sponsal. disp. 8. num. 10. cum Panormit. cap. dudum, de conuers. coniugat. num. 8. Alex. de Neuo cap. sicut ex litteris, de iureiur. num. 18. & Felin. aliis relatis num. 13. Basil. de Leon. lib. 4. de matr. cap. 1. num. 1.

11 Verùm si cessante iracundiæ calore, nullo modo promissionem faceres, sed potius factæ poenites, etsi Anton. cap. sicut ex litteris, de iureiur. num. 9. & Panormit. cap.

cap. si vero, eod. tit. n. 7. affirmant te obligatum non esse; non credo. Nam, ut bene dicit Thomas Sanchez *suprà* num. 8. & Basilius num. 6. multa calore itacundiae sunt deliberatione sufficienti ad culpam lethalem, quae eo calore secluso minimè admitterentur. Est tamen probabilis coniectura, ut in casu dubio intelligatur defuisse deliberationem. sic Sanchez *suprà*, cum Tabiena *verbo votum* 1. q. 1. n. 2. in 2. edit.

PUNCTUM XII.

An dubius de materia voti, iuramenti, aut promissionis, sitne licita, tenearis voto, iuramento, aut promissione.

- 1 Teneris, si potes, superiorem consulere.
- 2 Secus si consuli non potest, & urgeat tempus promissionem exequendi.

1 **C**ertum est te teneri (si potes) superiorem consulere, ab illoque dispensationem petere. est decisio textus in *cap. venerabilem, de elect. §. idem, iuncta gloss.* ubi dicitur: Non valet ad plenam excusationem ipsius, si iuramentum illud dicatur illicitum; cum nihilominus super eo nos prius consulere debuisses, quam contra ipsum propria autoritate venire. Et de iuramento docet Felin. *cap. 1. de iureiur. num. 19.* Panorm. in *cap. cum contingat, num. 15.* Innocent. in *cap. debitores, & ex Theologis D. Thom. 2. 2. quest. 89. art. 9. ad 3.* quatenus dicit requiri dispensationem, quando est supradictum dubium. Sylvest. *iuramentum, §. q. 1.* Suarez tom. 2. *de relig. lib. 2. de iuram. cap. 33. in §. & loquens de voto, lib. 4. cap. 6. num. 12.*

Ratio est, quia dubius de honestate materiae promissae, dubitat, an Deo grata sit talis materia. Ergo tenetur diligentiam facere, ut hoc dubium vincat. At cum nulla efficacior, aptiorque diligentia esse possit, quam consulere superiorem, qui loco ipsius Dei assistit, ipsum tenetur consulere. Et haec est differentia inter huiusmodi dubium, & dubium, an feceris promissionem, vel votum, quia quando dubitas, an feceris promissionem, dubitas de exercitio tuae libertatis, & sic non est necesse ad superiorem recurrere. At quando dubitas de honestate materiae promissae, non dubitas de aliqua conditione se tenente ex tua parte, sed dubitas de conditione, quae se tenet ex parte Dei. Ergo Deum, vel eum qui loco ipsius est, teneris consulere, & ab illo remissionem impetrare. Et confirmo. Qui sic dubitat, non dubitat fecisse votum saltem sub conditione, si res illa grata Deo fuerit, hoc enim sibi certò constat. Ergo tenetur inquirere, an fuerit grata Deo, aliàs transgressionis periculo se exponit.

2 Verum si prudentis arbitrio, aut superioris consilio, vel dispensatione reddi non possis certus de honestate materiae promissae, & ex alia parte urgeat tempus promissionem exequendi, existimo te non teneri exequi, sed posse te iudicare liberum ab hac obligatione: ita docet expressè Suarez loquens de voto, *lib. 4. cap. 6. num. 13.* & consentit Sanchez *lib. 4. de matrim. cap. 5. num. 32. & cap. 6. num. 6.* Ratio est, quia non placent Deo ea, in quibus periculum prauitatis imminet. Secundò qui dubius est de honestate materiae promissae, neque potest dubium vincere, dubius formaliter est de lege, & voto; cum dubitet de essentiali requisito ad illa: necessariò enim honestatem in materia promissa requirunt. Sed qui dubius est de voto, & lege, iam diximus illis non teneri. Ergo similiter non tenetur, qui dubius de honestate materiae promissae, neque dubium vincere potest.

PUNCTUM XIII.

An subditus dubitans rem sibi præceptam licitam esse, seu superioris potestatem excedentem, possit, & teneatur exequi.

- 1 Non esse obligatum obedire affirmant plures.
- 2 Communis sententia stat in contrarium.
- 3 Quoties præceptum superioris impleri facile potest, obligaris illo.
- 4 Satisfit argum. num. 1. adductis.
- 5 Duo corollaria notanda ex supradicta doctrina inferuntur.
- 6 Proponuntur variae dubitationes pro intelligentia superioris doctrinae.
- 7 Examinatur, an religiosi, in casu dubio de honestate præcepti, teneantur Prælati præcipienti obedire.
- 8 Non videtur improbabile deobligatos esse.
- 9 Teneaturne subditus dubitans de honestate præcepti consulere viros doctos? Qui affirmant non esse obligatum.
- 10 Probabilius est teneri.
- 11 Dubius superior, an res præcepta excedat suam iurisdictionem, si præcipiat post factam diligentiam ad vincendum dubium, tenetur subditus obedire.
- 12 Si nulla diligentia facta præcipiat, quibus probetur subditum obligatum esse obedire.
- 13 Probabilius est non esse obligatum.
- 14 Fit satis rationibus num. 12. adductis.
- 15 Teneaturne subditus in hoc dubio obedire, si damnum graue ei ex obedientia resulset? Affirmat quidam neo-tericus.
- 16 Affirmandum est oppositum.
- 17 Dissoluitur ratio num. 15. adducta.
- 18 Si præceptum superioris sit nimis molestum, & durum, & dubites, an possit imponere, probabile est te illa non obligari.

1 **A**drian. quodlib. 2. p. 1. & p. 2. litt. D. & in responsione ad 2. Man. Rodriq. in summ. verb. obedientia, 2. part. cap. 9. conclus. 2. 3. & 4. & tract. de ordin. iudic. cap. 7. conclus. 12. num. 12. Vasquez 1. 1. quest. 19. art. 6. disp. 66. cap. 9. a num. 1. usque ad fin. Ij omnes Doctores absolute affirmant, quoties dubium est de honestate præcepti posse subditum non obedire, ex parte consentit Salas 1. 2. tract. 8. disp. unic. sect. 17. num. 52. in med. & num. 157. & num. 183. sect. 20. quatenus affirmat non esse obediendum præcepto superioris, si dubitetur maius Dei præceptum violandum fore, casu quo obediat.

Moueri possunt primò, quia Prælati non est in possessione præcipiendi ea, quae sunt illicita, vel supra eius potestatem, ut de se constat. Ergo subditus dubitans præceptum sibi impositum de illicitis esse, simul etiam dubitat, an Prælati talia præcipere possit. Ergo repugnans illi obedire, non spoliatur Prælatum iure acquisito præcipiendi, cum nunquam acquisierit ius præcipiendi ea, in quibus periculum est de honestatis. Secundò subditus dubitans, an præceptum sibi impositum sit, illo non tenetur, ut suprà diximus. Sed qui dubitat, an præceptum sit de materia licita, vel illicita; dubitat in re, an sit impositum præceptum, quia dubitat de aliquo, quod ad eius valorem, & essentiam necessariò est requisitum. Ergo. Tertiò præceptum superioris non potest facere licitum, quod alioqui illicitum est; sed operari quòd dubitas an sit illicitum, est intrinsecè malum. Ergo non potest accedente superioris præcepto fieri licitum. Quòd si dicas accedente superioris præcepto deponendam esse dubiam illam conscientiam, & existimandum esse licitum. In hoc est difficultas; non enim illa conscientia ex solo præcepto superioris deponi posse videtur, cum ob præceptum non videat subdi-

tus aliquam specialem rationem honestatis in te præcepta.

2 Communis tamen sententia affirmat in hoc dubio obedire subditum debere. Quia superior, eo ipso, quo superior est, est in possessione præcipiendi, & subditus est in obligatione obediendi. Ergo ut in aliquo particulari casu subditus à præcepto superioris excusetur, ostendere debet superiorem non rectè præcipere. Ergo dum non ostendit, obedire tenetur, sic docet glossa *cap. quid culpatur, verbo iniquitas* 23. q. 1. & *cap. nervi, verbo formidat, dist. 13. cap. dilecti, in fin. de maioris. & obediens. & cap. ad aures, verbo obediens, de temporib. ordinand. & cap. ex senore, verbo mandato, de sentent. excommunicat.* Innocent. *cap. sicut, el 3. num. 1. de iureiurando.* & ibi Ioan. And. *num. 5. Hostien. num. 3. Bald. num. 8. Abbas num. 16. Alexand. de Neuo num. 79. Sylvest. verbo bellum, 1. q. 9. concl. & verbo conscientia, q. ult. & verbo obediens, quæst. 2. & verbo religio, 6. q. 6. Maldet. de virtut. q. 40. art. 1. dub. 3. fol. 251. Lorca 2.2. sect. 3. dist. 53. num. 8. & 9. & 1.2. sect. 2. dist. 38. §. de dubio circa præceptum. Nauarr. *cap. si quis autem, de penit. dist. 7. num. 114. & in summ. cap. 23. num. 37. Tolet. in summ. cap. 15. num. 6. vbi de peccatis mortalib. Valen. 1.2. disput. 2. q. 14. p. 4. q. 4. vers. peculiariter. & 2.2. dist. 3. q. 169. p. 2. conclus. 5. §. sexto certum est. Mol. tom. 1. de iust. dist. 113. concl. 3. Azor. tom. 1. lib. 2. cap. 19. quæst. 9. Nauarr. de resit. cap. 3. dub. 12. à num. 252. lib. 2. Saa verbo bellum, num. 1. Sayrus in clavi regia, lib. 1. cap. 13. num. 4. Thom. Sanch. lib. 6. in Decal. cap. 3. num. 3. fine. Villalob. tom. 1. summ. tract. 1. dist. 26. Garcia de benef. 2. tom. p. 11. cap. 5. num. 366. Ioan. Sanch. dist. 33. num. 37. & alij plures, quos referunt supradicti Doctores, specialiter uterque Sanch.**

3 In hac igitur gravissima questione dicendum existimo cum Doctoribus nuper relatis, quoties præceptum superioris facillimo negotio impleri potest, hoc est, absque detrimento tui, vel alterius, exequi te debere, etsi dubius sis de eius honestate. Quia tunc nullus apparet titulus honestatis omissionem præcepti, & subiectionis debetæ superiori: quod enim illud præceptum videatur tibi contrarium diuino; hoc te excusare non potest, dum non probes esse contrarium. Tibi enim incumbit onus probandi illicitum esse, non autem superiori incumbit onus probandi esse licitum, & honestum. hoc enim ius semper præsumit, & supponit. Item superior præcipiens existimandus est iudicare se præcipere posse. Cur ergo iudicium tuum dubium superioris iudicio certo vis antepone?

4 Neque contra hanc conclusionem obstant argumenta pro sententia Vasquez adducta. Non primum. Nam esto superior non habeat ius præcipiendi illicita; habet tamen ius præcipiendi quæ sibi licita videntur, dum non constat de turpitudine, etsi tibi illicita esse offerantur; ac proinde cum dubitas de honestate materis imperatæ, non ex tuo iudicio, sed potius ex eius iudicio honestas præcepti, & eius obligatio metienda est.

Ad secundum respondeo dubitantem de præcepto, an sit impositum, illo non teneri, quia non sufficienter proponitur, ac dubitans de eius honestate teneretur: quia honestas præcepti non ex tuo iudicio dubio, sed ex superioris iudicio certo sumenda est.

Ad tertium fateor præceptum superioris non posse per se facere licitum, quod aliàs illicitum erat; & consequenter non posse facere, ut licitè obedias, si practicè dubitas illicitum esse obedire. Sed quia stante præcepto habes rationem efficacem deponendi dubiam illam conscientiam, & existimandi esse licitum, quod tibi illicitum sese offerebat, ideo possumus dicere præceptum superioris posse per accidens facere licitum, quod aliàs illicitum erat. teneri autem deponere hanc conscientiam docet optimè Nauarr. *c. si quis autem, de penit. dist. 7. à num. 81. & in summ. cap. 16. num. 40. & cap. 23. num. 36.*

5 Ex iis infero cum Thom. Sanch. lib. 6. in Decal. cap. 3. num. 10. Soto de secreto, memb. 3. q. 2. concl. 1. Salas 1.2. q. 21. tract. 8. dist. unica. sect. 17. num. 155. Si tibi valetudinario, vel alio impedimento laboranti, & dubitanti, an tenearis ieiunare, vel officium diuinum persolvere, Prælatus præcipiat, ne ieiunes, aut ne recites, te posse, & debere non ieiunare, quia præceptum superioris in eo dubio interpretatur te obligatione legis Ecclesiasticæ non teneri. Secundò infero teneri te obedire Prælato, in iis, in quibus dubium est solùm, an excedat suam potestatem, quia, ut benè dicit Sanch. *suprà num. 4.* minorem potestatem habet superior in ea, de quorum honestate dubitatur, quàm in ea de quibus dubitatur solùm, an excedant limites suæ iurisdictionis.

6 Ad plenam intelligentiâ supradictæ doctrinæ multiplex dubitatio enodari debet.

Prima, an intelligatur de omnibus subditis.

Secunda, an subditus dubius de honestate præcepti, teneatur inquirere doctos, ut dubium deponat.

Tertia, an si superior simul dubitet, teneatur subditus dubius obedire.

Quarta, an subditus teneatur obedire, quoties ex obedientia timetur magnum malum proprium, vel alienum.

Quinta, quid si malum, quod timetur, non sit distinctum à re præcepta, sed ipsa res præcepta molesta, & onerosa sit?

7 Circa primam dubitationem, an scilicet obedientiam in casu dubio teneantur omnes subditi præstare, est difficultas de religiosis, nam religiosi solùm sunt subditi ratione professionis emissæ, seu votorum simplicium constituentium religionem, Prælatusque nihil aliud præcipere potest, nisi ea, ad quæ religiosus per obedientiam votum se voluit adstringere. Ex quo videntur sequi in casu dubio non teneri subditum obedire. Quia, ut ex materia de voto suppono, cum communi sententia nemo tenetur exequi rem illam, de qua dubitat, an votum ad illam extendatur, quia hoc est idem, ac dubitare de voto, in quo casu libertas possidet, & tradit Thom. Sanch. lib. 2. de matrim. dist. 41. num. 33. & in summ. lib. 4. de voto, cap. 1. num. 32. Ioan. Sanch. disput. 43. num. 3. & 4. At religiosus dubitans rem sibi præceptam extra iurisdictionem Prælati esse, dubitat an suum votum ad illam se extenderit. Ergo non tenetur obedire.

Dices teneri obedire, quia vota religiosi habent adiunctam traditionem, ratione cuius religio habet ius, & dominium in religiosum, & ratione huius dominij, & potestatis obligatur obedire in casu dubio, est enim melior conditio Prælati præcipientis, cum sit in possessione.

Sed contrà. Tota hæc possessio ortum habet ex voluntate religiosi. Ergo non se extendit ad alia, quàm ad ea, ad quæ voluntas religiosi se extendit. Cum ergo eius voluntas nunquam videatur extensa ad casum dubium, dicendum est, in illo obligari non posse. Neque obstat, si dicas, Prælatum non præcipere religioso ex iurisdictione accepta per votum, sed ex iurisdictione data à Pontifice: (nullus enim per votum, quantumvis solemne, potest alteri iurisdictionem in se ipsum dare, tum quia non potest per votum dare alteri vim coercitivam, sine qua nulla est iurdictio, ut tradit Anton. Fab. in l. magistratib. 12. ff. de iurisdic. omn. iud. & conflat ex l. ult. ff. de officio eius cui mand. est iurdictio. Tum etiam, quia facta regnorum, & publicatum rerum diuisione, potestas ius dicendi, & iurdictio tota residet penes principes. §. sed & quod principi. Instit. de iure naturali. l. 2. §. hæc autem, de veteri iure enucleando, l. fin. ff. de legib. & consuetud. princip. & tradit optimè Vasq. 1.2. tom. 2. disput. 165. num. 16. & 28.) præcipit ergo Prælatus religioso ex iurisdictione aliunde accepta, quàm ex voto, scilicet ex iurisdictione data à Pontifice, quia iurisdictione non videtur

videatur priuandus Prælatus in casu dubio. Non, inquam, obstat huiusmodi dictum, ut religiosus in casu dubio debeat obedire. Nam esto Prælati regulares habeant in suos subditos iurisdictionem spirituales datam à Pontifice; non tamen illam habent ad alias materias, præter eas, ad quas religiosorum vota se extendunt. Cum ergo probatum sit vota nunquam se extendere ad res dubias, efficitur neque ad illas esse obligationem ex iurisdictione Pontificis.

8 Hæc ratio videtur probabile reddere, religiosum verè, & propriè dubitantem de honestate rei præceptæ, vel an excedat superioris iurisdictionem, obligatum non esse obedire. fauet Suarez *tom. 3. de relig. lib. 10. c. 3. in prima responsione cuiusdam obiectionis facta*, ubi dicit, fortasse non deerunt, qui totum concedant, neque enim improbabile videtur Abbatissam non posse ex voto obedientiæ obligare monialem ad aliquid faciendum in casu dubio de honestate operis iniuncti. Et confirmat ex differentia voti, & legis: nam obligatio legis cum oriatur ex alterius voluntate, & potestate, ex eius iurisdictione metienda est. At obligatio voti, & consequenter ex illo dimanantis præcepti, seu iurisdictionis in illo radicata, cum pendeat ex propria voluntate, & intentione, & hæc non videatur extensa, nisi ad materiam certam, quando aliud non constat, neque etiam eius obligatio extenditur. Probarique potest, quia actus præsumitur ita gestus, ut minus quam fieri possit, sit agenti onerosus, tradit Menochius multis relictis *de præsumpt. lib. 6. tota præsumpt. 9.* Ergo professio religiosi non est præsumenda extendi ad obedientiam in casu dubio. Item in imponenda obligatione stricta est interpretatio faciendi, ex *l. quidquid astringenda*, ff. *de verbor. obligat.* ibi, *Quidquid astringenda obligationis causa dictum est, id nisi palam exprimatur, omissum esse intelligendum est, aut certe secundum promissorem interpretamur.* idemque desumitur ex *cap. ex parte, de censibus.* ubi Abbas *num. 2. & 4.* ait præsumi vouentem se minus quam possit, grauare; & ideo glossa ibi fin. dixit faciendam esse pro vouente bonam interpretationem. Si ergo pro vouente facienda est interpretatio, non debemus affirmare ad casum dubium se extendisse, & consequenter neque iurisdictionem à Pontifice datam ad illum dubium casum se extendere, cum non det iurisdictionem ad alia, quam ad ea, ad quæ vota se extendunt.

9 Secunda dubitatio est, an teneatur subditus dubitans de honestate præcepti consulere doctos, si commodè possit, ut videat an honestum sit?

Respondet Thomas Sanchez *lib. 6. in Decalog. cap. 3. num. 19.* non teneri; consensit Nauarr. *lib. 2. de reſtit. cap. 3. dub. 12. num. 261. & num. 266. in nona edit.* Valent. latè probans *2. 2. disput. 7. quest. 3. punct. 2. corollar. 2. pag. 1570.* Mouentur, quia officium subditi non est præcepta examinare, sed exequi. Superior enim tenetur videre quid imperat, quasi pro subditis rationem redditurus; subditi autem non tenentur nisi obedire obedientiæ illa cæca tanto à sanctis Patribus commendata.

10 Verùm (etsi hoc probabile sit) probabilius existimo, teneri subditum, si commodè potest, diligentiam facere, ut certior de honestate præcepti existat, quando Prælatus non ea scientia, auctoritate, probitateque pollet, quæ subditos obligaret, probabiliter opinari rem imperatam honestam esse. Nam in hoc casu clarum est non teneri, aliam inquisitionem facere. Moueor primò, quia hæc inquisitio non obstat obedientiæ debiti, cum ex illa non omitatur, neque etiam repugnat eius perfectioni, quæ solum in eo consistere potest, ut integrè, promptè, & sine vlla dilatione præceptum executioni mandetur, quando tempus vrget præceptum exequendi. Ergo dum non vrget tale tempus, sed datur locus inquisitioni, ratio naturalis dicat, ut

Ferd. de Castro Sum. Mor. Pars I.

apponatur. Nam ea posita fortè comperiet subditus Prælato non esse obediendum, ac proinde iam inquisitio prodest ad vitandum malum, saltem materialiter. Secundò negari non potest talem inquisitionem veritatis bonam esse, dirigitur enim non ad querendas excusationes præcepti, sed ad securius illud implendum, & certius deponendum dubium de illius honestate. Ergo non potest esse contraria obedientiæ perfectioni, cum vna virtus alteri contraria non sit. Dices talem inquisitionem bonam esse, non tamen subditum obligatum esse illam facere. Quia munus subditi non est inquirere, & examinare præcepta, sed illa exequi. Sed contrà, licet munus subditi non sit examinare præcepta superioris, quando de illis dubium non habet, at in casu dubio quis ab illo hanc obligationem abstulit; cum hæc obligatio cuiuslibet dubitanti de honestate præcepti insita sit, ut prudenter operetur. Et confirmo. præceptum superioris efficacius esse non potest præcepto diuino, sed quando quis dubitat de obligatione præcepti diuini, eo quòd videtur alteri præcepto naturali repugnare, debet necessariò inquirere, & inuestigare, quantum commodè potest, quòdnam sit exequendum: neque talis inquisitio obedientiæ obstat. Ergo etiam quando dubitat, an præceptum superioris honestum sit, vel contrarium alteri præcepto diuino, debet illud examinare. Item superior non habet in subditum efficacius imperandi, neque subditus maiorem obligationem obediendi, quam habent coniuges inter se, sed cum alter illorum dubitat de matrimonij valore, tenetur prius quam debitum reddat, diligentiam facere, ut veritatem cognoscat, & tradit ipsemet Sanchez. Ergo etiam similiter tenebitur subditus. Quòd si dicas proprium coniugis esse examinare, an matrimonium validum sit, non tamen esse subditi proprium examinare, an rectè superior præcipiat. Est gratis dictum, cum de hoc sit quæstio, & cum in utroque casu sit eadem obligatio. Ideo enim coniux dubitans tenetur examinare (si potest) valorem matrimonij, antequam reddat, ne se exponat periculo accedendi ad non suam, ac proinde faciendi aliquid in re illicitum. Sed subditus dubitans de honestate præcepti, illudque non examinans exponitur periculo efficiendi aliquid illicitum in re. Ergo ratione præcepti excusari non potest ab hac diligentia præstanda. Adde quando executio rei præcepti differri potest, & minus malum timetur ex dilatione, quam ex prompta executione, differendam esse executionem mandati, donec examinetur an obediendum sit: docet expressè Thom. Sanchez *lib. 6. in Decal. cap. 3. n. 25.* cum Couarr. *reg. peccatum, 1. p. n. 5. ad fin.* Ergo à fortiori examinari debet præceptum, quando eius executio sine vlla transgressionem differri potest. & ita tenet Alex. de Neuo *cap. sicut, et 3. num. 98. de iureiur. Hostiens. summ. tu. de pœnit. 5. quid de rapina, vers. quòd si probabiliter dubitat.* Angel. *verb. bellum, n. 8.* Rosella *ibid. n. 4.* Syluest. *cod. 1. q. 2. conclus. 3. & verb. obedientia, q. 2.*

11 Tertia dubitatio est, an casu quo superior dubitet de re præcepta, sitne licita, vel excedens limites suæ potestatis, teneatur subditus sciens talem dubitationem ei obedire?

Et quidem si hoc dubium perseueret post factam diligentiam à Prælato de veritate inuestiganda, verius esse debet teneri subditum obedire. Quia tunc Prælatus legitime imperat, cum & habeat possessionem imperandi, & dubium subortum vincere non possit, sicut coniux, qui bona fide matrimonium contraxit, & postea dubitat de eius valore, facta diligentia ad veritatem inuestigandam, si adhuc dubius manet, potest petere, & tenetur alter reddere, ut ex communi sententia dicimus in *disput. de obligatione coniugum.* Limitanda tamen est hæc doctrina ad actiones, quæ alteri à subdito molestant, & onerosæ non sunt. Non enim cum hac dubita-

D

tione

zione superior indicere bellum poterat, & subditus debebat obedire. debet enim superior in rebus damno-
sis moraliter esse certus de iustitia.

12 Verùm si nulla facta diligentia Prælatus dubius de honestate rei præceptæ, vel de excessu suæ iurisdic-
tionis imperet; alicui videri potest etiam in hoc casu teneri subditum obedire. Primò, quia ex huiusmodi dubio non interruptitur possessio Prælati in subdi-
tum. Non enim ex eo, quòd dubitet, an res, quam vult imperare, sitne licita, vel illicita, vel eius iurisdic-
tionem excedens, definit esse superior; neque obinde sub-
ditus subiectionem amittit. Ergo ratione huius posses-
sionis imperare poterit subditis in casu dubio. Secun-
dò, sic dubitans non dubitat de dominio, & possessione in subditum, sed an eius dominium, & possessio exten-
datur ad talem materiam. At quando coniux, v.g. non dubitat de matrimonij valore, sed an possit, vel non possit petere, eo quòd dubitat, an habeat aliquod impe-
dimentum castitatis, vel affinitatis denuò contractum, alter non dubitans reddere tenetur, si debitum ab illo petatur, quia nihil iniustum ab illo postulat, & quia alter non tenetur in hac dubitatione se impeditum re-
putare, vt multis relatis docet Thom. Sanch. lib. 9. de de-
bitis coniug. disp. 6. à n. 4. & præcipue à n. 7. Tertio subditus dubitans, sitne licita res sibi mandata, obedire tenetur, etiam nulla diligentia facta ad cognoscendam verita-
tem secundum probabilem sententiam: quia possessio Prælati excusat subditum ab hac diligentia. Ergo etiam poterit excusare Prælatus à simili diligentia præstanda. Quartò demum teneri Prælatus diligentiam facere ad inuestigandam veritatem; sicut possidens aliquam rem, & dubitans an sua, vel aliena sit, tenetur diligentiam fa-
cere, antequam rem alienet. Sed sicut si huiusmodi du-
bitans de facto rem alienaret, teneret alienatio, quia possessionem, & dominium incertum, quod habet, trans-
fert in emptorem. ita similiter etsi superior malè faciat imperans subdito absque præmissa diligentia de cognos-
cenda veritate; at imperium tenebit. Quintò obliga-
tio subditi obediendi Prælati desumi non debet, ex eo, quòd Prælatus dubitet, vel non dubitet de honestate rei præceptæ. Nam si subdito constat honestissimam rem, & nullo modo superioris iurisdictionem exceden-
tem præcipi, tenetur obedire, vt optimè dixit Thomas Sanchez lib. 6. in Decal. cap. 3. n. 21. etiam si superior dubi-
tando imperet, quia dubium illud procedit ex errore, qui ob stare non potest obligationi subditi, sicut si vir existimans ex errore subesse matrimonio impedimen-
tum, petat debitum ab vxore, malè petit; at vxor cer-
tò sciens impedimentum non esse, reddere tenetur, vt probat Couarr. 4. decretal. 2. part. cap. 3. §. 1. num. 6. & Sanchez supra num. 4. E contra verò si superior imperet rem inhonestam, etiam si ipse existimet honestissimam esse, non debet subditus obedire. Ergo obligatio subditi ex re ipsa, & ex eius iudicio, potius quàm ex iudicio superioris metienda est. Hanc sententiam tenentur (meo iudicio) docere qui coniugi dubitanti de mat-
rimonij valore, & debitum petenti ab altero coniuge, docent reddendum esse. Ij sunt Corduba sum. quest. 45. p. 3. fol. 113. Henriquez lib. 12. de matrim. cap. 6. num. 5. comment. litt. T. Bartholom. de Ledesm. dub. 20. de ma-
trim. conclus. 2. Ludouicus Lopez 1. part. instruct. 2. edit. cap. 297. §. sed si iniquitas. Petrus de Ledesm. de matrim. 9. 45. art. 1. ad finem, §. ad hoc dubium.

13 Nihilominus verius existimo in hoc casu subdi-
tum non esse obligatum obedire, imò neque posse, si ipse subditus etiam dubitet. Ratio ea est, quia officium superioris est examinare honestatem, & æquitatem rei præceptæ, cum de illa dubitat, ne se errandi periculo exponat, imperans quæ non licent. Ergo si absque hoc examine præceptum imponat, cum temerarius imposi-
tor sit, subditus non tenetur parere, imò nec potest, si

temeritatem agnoscat, quia non tenetur parere præce-
pto, tam ex parte rei præceptæ, quàm ex parte præci-
pientis temerario, & periculoso. & ita docent Petrus de Ledesma 2. tom. summ. tract. 11. 3. cap. 13. conclus. 21. Bannes 2. 2. quest. 40. art. 1. dub. 6. conclus. 3. Thomas San-
chez lib. 6. in Decalog. cap. 3. num. 21. Salas 1. 2. quest. 21. tractat. 8. disp. unic. sect. 26. in fine, num. 275. Man. Rodriq. 1. tom. summ. cap. 126. concl. 4. num. 5. 2. edit.

14 Neque obstant in contrarium adducta. Non pri-
mum. Admitto enim non interrupti possessionem su-
perioris in subditum ex tali dubitatione, quia illa du-
bitatio non attingit possessionem, quam superior habet: hæc enim nunquam fuit in subditum ad res, quas superior dubitat esse licitas, vel eius iurisdictionem excedere.

Ad secundum respondeo, eo ipso, quo superior dubi-
tat de honestate rei, vel an sit excedens suam iurisdic-
tionem, dubitat de dominio, & potestate in subditum, imò certum superiori debet esse carere dominio, & po-
testate, cum hæc limitata sit ad præcipiendum ea, quæ honesta sunt, sibi que sic apparent.

Ad tertium dico, subditum ratione obedientiæ supe-
riori debet, & in eius reuerentiam posse habere suffi-
cientem rationem deponendi dubium, quam rationem non habet superior in imperando. Item cum ex parte subditi, & ex parte superioris præcipientis est conten-
tio, & dubium de honestate præcepti, & obligatione il-
lius; ius præsumit pro superiore, non pro subdito.

Ad quartum dico, superiorem non solum debere dili-
gentiam facere ad cognoscendam honestatem præce-
pti, sed dum sibi de tali honestate moraliter non constet, non posse præcipere; quia solum potest ea quæ honesta sunt, quæque sibi talia apparent.

Ad quintum respondeo, ad valorem præcepti ex par-
te materiæ vnum è duobus necessariò requiri. Primò requiritur honestas illius certò cognita à subdito, & hoc sufficit, vt præceptum teneat. & in hoc casu ex iudicio subditi insurgit obligatio præcepti. Secundò re-
quititur, & sufficit ad obligationem, quòd superior co-
gnoscat probabiliter rem, quam præcipit honestam esse, & suam iurisdictionem non excedere, etiam si subditus id adæquatè non cognoscat, quia dum nihil in contra-
rium apertè cognoscit, non habet ius se eximendi à su-
perioris præcepto.

15 Quarta dubitatio est, an subditus teneatur obedi-
re, quoties ex obedientia timetur non leue damnum proprium, vel alienum in honore, fama, diuitiis, vel vi-
ta, vt contingit si superior te interroget de delicto tuo, vel alterius, & dubius sis, an iuridicè interroget?

Ioan. Sanchez disp. 43. n. 28. affirmat te teneri: quia iam illud damnum præsumitur est à superiore, & illo non obstante præcipit. Ergo debes obedire: quia præsume-
re debes superiorem iuste præcipere, ne sis iudicij temerarij reus. Item si certò tibi constaret superiorem iuridicè præcipere, tenebaris veritatem faceri. Ergo etiam cum dubitas, teneris: quia in vitroque casu supe-
rior est in possessione præcipiendi.

16 Nihilominus dicendum est, in tali dubio te non esse obligatum præcepto. ita alijs relatis Lessius lib. 2. de iust. cap. 31. dub. 3. n. 10. & cap. 41. dub. 9. n. 77. Sayrus lib. 1. in clauis regia, cap. 13. n. 41. Salas 1. 2. q. 21. tract. 8. disp. unic. sect. 17. n. 155. Thom. Sanchez plures referens lib. 6. in Decal. cap. 3. n. 24. Villalobos tom. 1. summ. tract. 1. diff. 26. n. 1. Pitigianis in praxi crim. cap. 3. fol. 241. Rodriq. 2. tom. summ. cap. 9. n. 3. & de ord. iudic. cap. 7. n. 12. & tom. 3. qq. re-
gul. q. 19. art. 4. & 6.

Ratio est, quia subiectio, & obedientia debita supe-
riori non tollit ius, & possessionem tuam, & alterius in bonis fortunæ, honoris, & corporis. Ergo non est æquum te obligare hanc possessionem amittere in re magni momenti ob obedientiâ, quam dubitas, si debeas.

Possessio

Possessio enim tua, & alterius certa prævalere debet iuri, & possessioni aliquo modo dubiæ superioris. Item sæpe præcepta Ecclesiastica certa cum graui detrimento proprio, vel alieno non solent obligare, à fortiori non obligabunt dubia. Imò addendum existimo, si obedientia in alterius graue damnum vergit, non solum re non obligari, sed neque obedire posse; secus est, si solum in damnum tuum cedat; tunc enim quia potes cedere iuri proprio, et si obligatus non sis, poteris obedire. Sicut enim superior possidet ius imperandi, etiam alius possidet ius in suis bonis iniquum. Ergo est obseruandum ius superioris dubium, lædere ius certum alterius. Et confirmo. Quilibet habet ius iustitiæ, ne lædatur in bonis absque manifesto titulo, qui tibi non est, cum dubitas, an superior habeat ius imperandi.

17 Ad rationem in contrarium respondeo, et si superiorem præsumas iuste præcipere, cum tamen de hoc non sis moraliter certus, non teneris possessionem certam in tuis bonis amittere ob seruandam superioris possessionem in materia dubia.

Ad confirmationem respondeo superiorem in utroque casu iuridicè præcipere, & possessionem præcipiendi habere; at te non esse obligatum obedire in casu dubio. Quia possessio tua, vel alterius certa in bonis fortunæ, honoris, & corporis præualet superioris possessioni de materia dubia. Item pro superiore est iudicandum, & non pro subdito, quando cetera paria sunt, quod in præsentis non contingit; cum damnum tibi, vel alteri ex obedientia obueniens graue sit, & certum. At superiori ferè nullum obueniatur ex eius obedientiæ omissione.

18 Quinta dubitatio est, an si præceptum superioris sit tibi nimis molestum, & durum, & dubites, an possit imponere, tenearis illo?

Videris teneri, quia onus, & molestia illa non est aliena à præcepto, sed idem cum te præcepta, & ab illa indistinctum. Ergo cum in casu dubio obedire debeas superiori ob possessionem, quam habet præcipiendi, obligatus es in præsentis obedire; aliàs nulla esset certa regula obediendi in casu dubio. Et confirmo, ideo quando damnum graue tibi, vel alteri obuinit ex obedientia, excusaris obedire in casu dubio, quia possides res illas, in quibus damnum pati debebas, & possessio certa non debet amitti ob seruandam superioris dubiam: at in præsentis tibi non fauet possessio vlla, cum non sit alicuius distincti ab ipsomet præcepto, quod possidet. Ergo.

Verum (et si hoc sit satis probabile) acquiescere poteris communi sententiæ te excusanti obedire. Quia non videtur consonum te onus graue certò subire, de quo dubitas, an tibi possit imponi, iugum enim Christi suauis est, & onus eius leue. Non videretur autem ita esse, si te dubitantem de potestate præcipientis obligaret in angustias conici obseruandam eius possessionem dubiam. Et ex hac ratione soluitur contrarium fundamentum. Non enim possessio in re dubia seruanda est cum graui onere, & molestia. & ita tenet relatis Medina, Aragon, Lopez, Sayro, Soto, Vega, Rodriguez, Salas tractat. 8. disput. unica, sect. 17. num. 154. Thomas Sanchez lib. 6. in Decalog. cap. 3. num. 23. Villalobos tract. de conscient. diff. 26. num. 2.

PUNCTUM XIV.

An milites dubitantes de iustitia belli possint, & debeant Principi obedire.

1 Subditi milites obligati sunt obedire, secus alienigenæ, ex communi sententiâ.

2 Nullus miles tenetur militare dubius de iniustitia belli, quousque examen præmittat.

Ferd. de Castro Sum. Mor. Pars I.

3 Si subditus non habet aliquam rationem dubitandi, debet dubium deponere, & militare.

4 Proponuntur quadam obiectiones, & fit illi satis.

1 A Ppono hanc questionem, ut clariùs innotescat quæ diximus diff. 2. p. 8. huius tractatus.

Communis sententiâ huic questioni respondet subditos posse, obligatosque esse obedire; secus verò alienigenas, quia in subditis adest sufficiens ratio deponendi dubiam conscientiam, scilicet præceptum superioris, quæ ratio non adest in militibus alienigenis, & consequenter milites non subditi tenentur inuestigare iustitiam belli, antequam se dedissent; secus verò subditi, ita tenet expressè Abbas cap. sicut, el. 3. de iur. iur. num. 16. & ibi Bellamera quest. 6. Alexand. de Neuo num. 98. Nauarr. sum. cap. 15. num. 15. Molin. tom. 1. de iust. diff. 113. circa finem. Valent. 2. 2. diff. 3. quest. 16. puncto 2. § si autem miles. Azor tom. 1. instit. moral. lib. 2. cap. 19. quest. 9. & plures alij, quos refert, & sequitur Thomas Sanchez lib. 6. in Decal. cap. 3. num. 15.

2 Verum in hac re existimo primò, tam subditos, quam non subditos, si dubium habeant fundatum de iniustitia belli non teneri, imò nec posse militare, quousque examen, quantum commodè possint, præmittant. Moueor tum ob rationes superius dictas, quæ in præsentis casu, utpote grauiori militent. Tum & præcipue, quia quando certum est ex tua obedientia damnum tibi, vel alteri graue esse sequendum, non teneris superiori obtemperare, si dubitas, an legitimè præcipiat, ut puncto præced. dub. 4. diximus. Sed ex bello grauissima tibi, & alijs damna debent obueneri, non igitur debes obedire, si dubitas, an Princeps legitimè præcipiat. Et confirmo, si subditi rationabiliter dubitantes de iniustitia belli nullam diligentiam præmittere tenentur, sed possunt audito præcepto superioris statim acquiescere; sanè Turcæ, & Sarraceni sequentes Principes suos in bello contra Christianos à peccato, & iniustitia excusarentur, & carnifices martyrum, & milites crucifigentes Christum, quod nullo modo est dicendum, & in hac conclusione credo neminem dissentire posse.

3 Secundò existimo, quoties subdito non te offert aliqua grauis, & bene fundata ratio dubitandi de iniustitia belli, tenetur dubium, utpote friuolum, & inane deponere, & iustitiam belli præsumere, & militare. Et in hoc sensu dixit D. August. cap. quid culpatur, 23. q. 1. in fin. virum iustum bellare posse sub Rege etiam sacrilego, si quod tibi iubetur, vel non est contra Dei præceptum, vel utrùm sit, certum non est. Quia dum certus non est subditus contrariari diuino præcepto, præceptum superioris, præsumere debet illi esse conforme. Et in hac materia belli est res clarior, cum enim grauissima sit, raro est præsumendum absque sufficiente examine iustitiæ intentari: quæ iustitia, et si non appareat militibus, præsumenda est. Aliàs tenerentur Principes rationes bellandi omnibus manifestare; quod est grauissimum inconueniens.

Hæc ratio (meo iudicio) probat non solum subditum, sed etiam non subditum bellare posse, quoties non se illi offert grauis aliqua ratio dubitandi de iniustitia belli. Et ita in hac re nullam esse distinctionem de militibus subditis, & non subditis, diximus illo puncto 8. num. 4. esse valde probabile, cum Vasquez 1. 2. quest. 19. diff. 66. cap. 9. à num. 51. Salas quest. 21. tract. 8. disput. vnic. sect. 27. num. 272. Suarez de charit. disput. 13. de bello. sect. 6. num. 12. & Nauarr. lib. 2. de reſtit. cap. 3. par. 2. dub. 12. à num. 160. Et insuper probo nullam esse posse distinctionem. Nam vel uterque miles tam subditus, quam non subditus habet rationes dubitandi de iniustitia bene fundatas, vel non habet? Si primum dicas, nullus potest absque examine facto obedire, quia spoliare alios bonis fortunæ, honoris, & vitæ obseruandum

D 2 ius

ius superioris dubium, iniustitia maxima esse videtur. Si secundum dicas, cuilibet licet rationem minus fundatam, seu scrupulum deponere, & contra illum operari, & confirmo in sententia Caietan. 2. 2. *quest.* 169. *art.* 2. *circa solut.* ad 4. *dub.* 2. quem sequitur Thomas Sanchez *lib.* 6. *in Decal. cap.* 3. *n.* 17. ut subditi dubium deponant, & militare possint, non indigent præcepto expresso superioris, sed sufficit velle superiorem, ut omnes milites necessarij bello se adscribant. Ex sola enim hac voluntate (quam vocat Sanchez tacitum præceptum) possunt subditi dubium deponere, & militare. Sed hæc voluntas non ardeat subditos ire bellum, cum quilibet possit absque peccato illius executionem omittere. Ergo si subditi est efficax ratio deponendi dubium, etiam efficax erit non subditis.

4 Obiicies primò, Ergo quilibet miles poterit iam vni patri se adscribere, iam alteri, si præsumere potest, quemlibet Principem præliantem iuste præliari.

Respondeo hoc intelligi non posse de militibus subditis; enim in adversam partem inclinare non possunt ob crimen læsæ maiestatis, & inobedientiæ. Solum ergo de militibus utriusque parti prælianti alienigenis potest esse dubium. Et tunc distinguendum est, aut bellum est aggressivum, aut defensivum. Si aggressivum sit, efficaciores rationes, & ferè convincentes debent milites habere, ut se possent ei parti adscribere. Quia stat pro contraria parte possessio, & in dubio non debet spoliari; secus verò dicendum, quando bellum est solum defensivum.

Obiicies secundò, Nemini possessionem suffragari, cum Princeps eo ipso, quòd bellum indicit, priuat alterum Principem iure possidendi, & ad executionem sententiæ à se prolata procedit bello.

Respondeo sententiam, & iudicium vnius Principis, alteri non subiecto præiudicare non posse, neque tale iudicium dicendum est proptiè sententia, cum sit contra inauditam partem, & quæ non tenetur coram ipso comparere. Ex quo fit ex vi illius non tolli possidenti possessionem, ut latius *illo puncto 7. super disput.* dictum est, & docet Salas *tom.* 2. *tract.* 8. *disput. unic. sect.* 13. & 26. *circa finem.*

Pro pleniori intelligentia huius disputationis de dubia conscientia inquiri posset, an dubium iuris, vel facti sufficiat in materia irregularitatis, ut quis irregularis censetur. Sed quia hæc dubitatio in materia irregularitatis sibi vendicat proprium locum, ibi discutendam remitto.

DISPUTATIO IV.

De conscientia scrupulosa.


PUNCTUM I.

Quis sit scrupulus, & an contra illum quis agere possit.

1 *Definitur scrupulus.*

2 *Contra scrupulum agere licitum, & laudabile est.*

3 *Proponuntur quædam obiectiones. Fit illis satis.*

1  **MISSIS** variis sententijs dicendum est cum communi, scrupulum esse leuem suspicionem, seu existimationem ex leuibus rationibus ortam, quæ quis inducit ad credendum, vel dubitandum esse peccatum, quod reuera non est. ita Vasquez 1. 2. q. 19. *disp.* 67. *cap.* 2. *n.* 8. Salas q. 21. *tract.* 8. *disput. unic. sect.* 29. *n.* 291. Valcut. *disp.* 2. q. 14. *punct.* 4. *in fin.* Anson.

Perez *certam.* 10. *scholast.* *n.* 40. Ioñ. Sanchez *disp.* 41. *n.* 2. Thomas Sanchez *lib.* 1. *in Decal. cap.* 9. *n.* 2. & *lib.* 2. *de matrimonio. disp.* 41. *n.* 2. & alij ab eisdem relati.

2 Agere contra scrupulū non solum licitum, sed laudabile esse est ferè omnium sententia, ut constat ex Doctoribus nuper relatis, & ex Nauarr. *sum. prælud.* 9. *n.* 9. & *cap.* 27. *n.* 283. & *cap. si quis autem, de penit. disp.* 7. *num.* 64. Thom. Santh. *in Decal. lib.* 1. *cap.* 10. *n.* 80. Ioan. Sanchez *disp.* 41. *n.* 7. Ratio quia scrupulus non tollit iudicium certum, vel probabile de honestate actus, saltem per principia extrinseca, seu ex autoritate aliorum; licet illud iudicium suffocet aliquo modo, & quasi densis tenebris obnubilet. Aliàs si tolleretur iudicium, iam non esset scrupulus, sed dubium. Stante ergo iudicio certo, vel probabili de honestate actus, clarum est stare firmam regulam honestæ operationis. Ergo potest se illi scrupulosus conformare. Quòd autem hoc sit laudabile, ex eo conuincitur; quia oportet huiusmodi dubitationes, & formidines, utpote friuolas, & sine ratione subortas sedare: nullum autem efficacius remedium inueniri potest, quàm si illis scrupulosus nõ acquiescat. Ergo. Adde non solum licitum, & laudabile esse, sed aliquando obligatorium, agere contra scrupulum, videlicet, si ex anxietate scrupulorum graue damnum salutis scrupulosus pateretur, aut se officio proprio, & stando inutilem redderet, aut à communione, vel confessione, aut alia actione sub præcepto obligante retraheretur. ita Sayrus *in clauis regia. lib.* 1. *cap.* 14. Valent. *supra.* Salas *n.* 298. Thom. Sanchez *n.* 33. Ioan. Santh. *n.* 7. *fin.* Montel. 1. 2. *disp.* 29. q. 6. *n.* 255.

Ex hac doctrina constat necessarium non esse deponere scrupulum, ut recta sit operatio: cum enim scrupulus (ut dictum est) non constituat dubium formaliter, neque tollat assensum oppositæ partis, nihil obstat rectæ operationi. & ita tradunt Nauarr. Vasquez, Valent. uterque Sanchez & alij *supra.*

3 Sed obiicies primò, *cap. per tuas, de simon.* ubi quidam ordinatus ab Episcopo, qui dicebatur Simoniacus, permittitur in suscepto ordine ministrare; non tamen ab eodem ulterius promoueri, nisi deponat errorem, qui error ex conscientia nimis scrupulosa ortum habuit, ut ibidem dicitur. Ergo facere contra scrupulum, illo non deposito, non licet.

Respondeo sic ordinatum non habuisse scrupulum, sed errorem, etsi talis error ex conscientia scrupulosa ortum habuerit. Agere autem contra conscientiam erroneam, errore non deposito malum est, quia tollit iudicium certum, vel probabile de honestate actus, ut in 1. *disp.* huius tract. diximus. Non tamen est malum agere contra scrupulum, illo non deposito, quia scrupulus, cum non sit iudicium, sed quædam leuis suspicio, & formido, non tollit assensum. Ut autem scrupuli non veniant in errorem, debemus illis in principio obistere.

Obiicio secundò *cap. inquisitioni, de sentent. excom.* ubi coniux dubitans de matrimonij valore, si ex leui, & temeraria credulitate dubitat; dicitur debere conscientiam hanc leuem, & temerariam explodere, ut licite possit non solum reddere, sed exigere debitum. Ergo iam scrupulus ad rectè operandum est deponendus.

Respondeo primò cum gloss. *ibid.* deberi huiusmodi conscientiam leuem, & temerariæ credulitatis explodi: quia illa conscientia non scrupulus, sed dubium, vel potius error erat, tollens contrarium iudicium de honestate actus.

Secundò respondendo cum Thom. Sanchez *in Decal.* 10. *n.* 81. conscientiam ex leui, & temeraria credulitate subortam debere explodi quoad tollendum in illam; non enim iustum est illi acquiescere. Ac non est necessarium illam explodere quoad sensum, id est, illam non sentire; vix enim possibile est agiturum scrupulis, illos ita à se explodere, ut eorum vexationem non sentiat.

Quæ remedia scrupulosis sint adhibenda.

- 1 Oportet scrupulum cognoscere, & quomodo cognoscendum sit.
- 2 Si scrupulus sit in rebus efficiendis, non debet scrupulosus in earum examinatione detineri.
- 3 Si de rebus præteritis, non debet casum facere, nisi res clara sit.
- 4 Non debent confessiones repeti ab scrupulosis.
- 5 Nec illorum dubia Confessarius semper audire.
- 6 Eorum dubitationes in mitiorem partem interpretande sunt.
- 7 Alia remedia videri possunt apud Doctores.

1 **V**T remedia scrupulosis adhibeamus, curandum est, ut se scrupulosos esse cognoscant. Ut autem sic lætos se cognoscere possint, non suo iudicio, sed iudicio Confessoris, vel alterius viri docti, cui suam conscientiam sapius declararunt, stare debent. Confessarius, vel vir doctus cognoscit aliquem scrupulis vexari, si deprehendat sapius illum sine fundamento firmo existimare esse peccatum, quod re vera non est, ut notat ferè omnes Doctores suprà relati. Item scrupuli possunt esse in vna materia tantum, vel in pluribus; sed de omnibus est idem dicendum, ut ex sequentibus constabit.

2 Si scrupuli sint de rebus efficiendis, eo quòd scrupulosi suspicantur se illa efficiendo peccare mortaliter, debet Confessarius scrupulosos monere, ne se in eorum examinatione detineant, sed si primo aspectu, ut illicita non cognoscunt certò, & sine formidine, credant licita esse. ita Vasquez *disput. 67. cap. 2. ad finem. Azor lib. 2. cap. 20. quest. ult. Salas conclus. 3. Thomas Sanchez cap. 10. num. 82.* qui optimè addit cum Vasquez, aliquando posse aliquem ita scrupulis vexari, ut consuli possit, ne quid ut mortale reputet, quin iureiurando possit affirmare ita esse. Ratio est, quia scrupulosus capax non est examinandi rationes, cum leues, & friuolæ, ut grauissimæ illi offerantur, & quanto intentius, & accuratius examinationi incumbit, tanto magis densissimis tenebris obuoluetur, ut experientia docet. Quòd si aliquando contingat hunc scrupulosum aliquid illicitum efficere, non illi est culpæ tribuendum, cum ex recta intentione ob vitanda grauissima inconuenientia processerit, nullo modo facturus, si existimaret ibi aliquod malum adesse, ita ex Caietan. Cordub. & communi notauit Villalobos *tom. 1. summ. tract. 1. diffic. 26. vers. y notese mucho.*

3 Si verò scrupuli sint, ut sapius esse solent de rebus præteritis, an scilicet consenseris in aliquam cogitationem turpem, blasphemiam, desperationis, vel quid simile; tunc eadem regula seruanda est, ut nisi certò, & absque inuestigatione tibi constet consensisse, reputare potes non præbuisse consensum. ita Thomas Sanchez *suprà. Azor lib. 2. cap. 20. quest. 7.* Peccata enim mortalia de se ita manifesta sunt, ut primo aspectu, præcipuè à timoratis, cognosci possint.

4 Quòd si non de peccatis scrupuli sint, sed de obligatione inde consurgente, an scilicet confessiones factæ fuerint legitimè, hoc est, de omnibus peccatis, vel cum sufficiente examine, & dolore; nullo modo Sacerdos permittat repetere confessiones, quando constat mediocrem diligentiam in confessione facta adhibitam esse. Quia probabiliter, imò moraliter certò præsumere debet præcepto confessionis scrupulosum satisfecisse. Aliàs si confessionem permittet repeti; scrupulos in infinitum augebit, & facta vna confessione, de eadem ipsa vehementiori scrupulo agitabitur, an fuerit cum vero dolore, sufficiente examine, &c. Quapropter bene dixit Eman. Saa *verbo dubium, num. 5. edit. Complut. & Rom.* scrupulosum non teneri fateri, nisi quæ potest iurare, & fuisse peccata mortalia, & se nunquam illa fuisse confessum: cui doctrinæ consentit Thomas Sanchez *suprà num. 85.* Ioan. Sanchez aliis relatis *disput. 41. num. 18. & 20. fine.*

5 Aduertit Azor *suprà q. 7.* Thomas Sanchez *num. 83.* Ioan. Sanch. *n. 29.* non debere Confessarium frequenter, & in plurimum dubitationes scrupulosi admittere, sed illum repellere etiam verbis asperis, uti Christus *Matth. 8.* discipulis timentibus naufragium dixit, *Quid timidi estis modica fidei?* id est, modicæ fiduciæ, siue confidentiæ; aliàs nunquam fons scrupulorum extingueretur.


6 Tandem dicunt, & bene supradicti Doctores, specialiter Azor, & Sanchez, debere Confessarium dubitationes scrupulosi hominis semper in mitiorem partem interpretari. Tum quia dubia in mitiorem partem interpretanda sunt, ex text. *in cap. estote, de reg. iur.* Tum & præcipuè, quia ipsemet scrupulus, & formido grauiora omnia repræsentat, quàm in se sunt, facitque trepidare, ubi nulla est occasio trepidationis, vel timoris.

7 Alia remedia videri possunt contra scrupulos in Laurent. Iustinian. *de disciplina Christiana relig. cap. 12.* Gerson *p. 2. tract. de preparat. ad Missam, confid. 3.* Syluest. *verbo scrupulus.* Villalobos *tom. 1. summ. tract. 1. diffic. 27.* Rodriq. *tom. 3. qq. regul. q. 66. art. 3. per totam.* Salas *1. 2. tract. 8. de conscientia, disput. unie. sect. 29. circa finem,* & aliis ab eisdem relatis.



TRACTATUS SECVNDVS DE PECCATIS, ET REQUISITIS AD ILLA.

PROOEMIUM.



VNC tractatum triplici disputatione absoluemus.

In prima agemus de voluntario, & libero, & impedimento illius, scilicet vi, metu, & ignorantia. Peccatum enim esse non potest, quin voluntarium, & liberum sit, vt optimè tractat. D. Augustinus *disput. 2. contra Manichæos, & lib. de vera religione cap. 14.*

In secunda disp. agemus de peccati natura, & essentia.

In tertia, de grauitate, & multiplicitate ipsius, & eius inter se distinctione; de quibus D. Thomas 1.2. *quest. 71. vsque ad 88.*

DISPUTATIO I.

*De libertate humanarum actionum,
& impedimentis illius, scilicet,
vi, metu, & ignorantia.*

PVNCTVM I.

Quid sit voluntarium, quid liberum,
& quoruplex.

1. *Definitur voluntarium, & liberum,*
2. *Quoruplex sit voluntarium.*

VOLUNTARIUM (vt dicit Philosoph. 3. *Ethic. c. 1.* & ex illo ferè omnes Theologi cum D. Thom. 1.2. *q. 6. art. 1.* & ibi eius expositor) est à principio intrinseco cognoscente singula, in quibus est actio. Cognoscunt enim bruta animantia, conuenientiam, & disconuenientiam cibi, aliarumque rerum, & ratione illius cognitionis fugiunt nociua, prosequuntur conuenientia: fuga enim, & prosecutio illius voluntaria illis est, quia fit ab ipsis media cognitione conuenientiae, vel disconuenientiae; secus verò nutritio, & respiratio, quia esto fiat ab ipsis, non fit media cognitione: neque enim ad nutriendum aliqua cognitio requiritur. At ad amorem, odium, fugam, & prosecutionem, tristitiam, & gaudium alicuius obiecti necessariò cognitio est requisita. Et licet ipsa cognitio non sit in voluntate, vel appetitu, casu quo potentiae hae ab anima distinguantur, non obest, quominus actus elicited ab appetitu, & voluntate, sit voluntarius: quia est à principio cognoscente. Principium enim illarum operationum, non solum sunt potentiae illae distinctae, sed etiam ipsa ani-

ma, & cum anima immediatè ad omnes potentiarum actiones concurrat, efficitur procedere illam actionem voluntatis, & appetitus, à principio intrinseco cognoscente.

Liberum autem superaddit voluntario expeditionem potentiae ad agendum, & non agendum: quare, vt voluntas libera sit, requirit necessariò taliter ferri in obiectum: cognitum, vt possit non ferri. Ex quo fit omne liberum voluntarium esse; quia est à principio intrinseco cognoscente: & insuper potente ab actione cessare, non tamen omne voluntarium liberum esse, quia non omnes voluntatis, & appetitus actiones nobis subduntur, sic Azor *lib. 1. institut. moralium cap. 3. num. 4.*

In communi tamen modo loquendi, cum de actionibus humanis sermo est, pro eodem usurpantur, vt constat ex D. Bernard. *in libello de lib. arbit.* & D. Thom. *quest. 77. art. 6.* & August. 3. *de lib. arbit. cap. 18.*

2. Voluntarium, & liberum stat dupliciter, aliud directè voluntarium, aliud indirectè, aliud in se, aliud in causa. Directè voluntarium dicitur, obiectum immediatè à voluntate amatum, vel odio habitum. Indirectè, quod medio hoc obiecto appetit voluntas, v.g. vis inebriari? & hac ebrietate cognoscis pollutionem, vel homicidium sequendum: ebrietas est tibi directè, & in se voluntaria, pollutio, vel homicidium, solum indirectè, & in causa. Debes tamen cognoscere effectum sequendum esse ex primo obiecto voluto, aliàs, etsi sequeretur, tibi voluntarium non esset: qua ratione cum pisces capiuntur hamo, captio illis voluntaria non est, quia non est cognita, etiam si necessariò sequatur ex appositione cibi.

Est tamen maximè aduertendum, vt aliquid dicatur voluntarium indirectè, necessariò requiri, vt directè voluntarium causa sit physica, vel moralis illius indirectè, vt in exemplo allato contingit: ibi enim ebrietas, causa fuit physica, & moralis pollutionis, & homicidij. At quando aliquis effectus sequitur ex commissione aliqua directè voluta, talis effectus non est voluntarius

omit

omittenti, nisi aliqua lege teneatur non omittere. v.g. Scis submergendam nauim, ni auxiliaris, omittis auxilium, submergitur nauis, nauis submersio tibi voluntaria non est, nisi aliqua lege tenearis non omittere auxilium: quia vt esset tibi voluntaria submersio, debebas, vel esse causa physica, vel moralis illius: physica esse non potes, cum nihil physicum producas, quo nauis submergatur: neque etiam esse potes causa moralis; cum nullum sit præceptum, neque lex, vt suppono, quæ tibi submersionem prohibeat. Ergo non potes esse causa.

Deinde si tibi dicenda esset submersio nauis voluntaria, eo quod posses impedire, & non impedisti, etiam Deo nostra peccata, vt peccata sunt, dicentur voluntaria, siquidem potens impedire, illa non impedit. Requiritur ergo, vt euentus ortus ex omissione aliqua, dicatur voluntarius omittenti, & quod præuideatur sequendus ex omissione, & omittens possit, & teneatur impedire: & ita tradit S. Thomas 1. 2. *quest. 6. art. 3. in corp.* Vasquez *ibid. disput. 24. cap. 3. à num. 5.* Valent. *disput. 5. num. 1.* Salas *tractat. 1. disput. 1. sect. 4.* Caietanus, Lorea, Medin. Zumel *in cod. art.* Ioan. Sanchez *disput. 21. select. num. 5.*

Insuper est aliud voluntarium, quod vocatur expressum, & aliud interpretatiuum: seu iuris fictione, & interpretatione, quia scilicet ius ipsum interpretatur te expressè consentire, etsi non consentias, quod contingit, cum in præsentia alicuius efficitur actus ad ipsum pertinens, ipsèque tacer, consentire censetur: ex *reg. iur. in 6. Qui tacet, &c.* & ex *l. qui tacet, ff. de regul. iur. de quo multa glossa ibi*, Baldus, Abbas, & Felin. *in cap. nonne bene, de presumpt.* Bart. *in l. que doris, ff. solus. matrim. & multis exornat* Azor *100 cap. 4. lib. 1. instit. moral.*

PUNCTVM II.

Qua ratione voluntas, cum non sit, permanere dicatur.

- 1 Quid est permanere voluntas in virtute.
- 2 An permaneat voluntas, ex eo, quod retractata non sit.

1 **D**Vpliciter permanere voluntas potest, cum non sit. Primò, si permaneat in virtute, id est, in aliquo effectu ab ipsa voluntate priori producto, ex quo tanquam ex effectu ad aliud agendum excitamur. Exemplis explico. Vis celebrare, sacrum petis. Ornamenta induis, sacrum incipis: adueniente tempore consecrationis omnino es distractus, consecrasti. Quia prior illa voluntas consecrandi virtute, & potestate perseuerauit, quia perseuerauit in aliquo effectu à te producto. Idem est cum officium diuinum vis persolvere; & ex hac intentione librum accipis, etiam si postea cum recitas, animo diuageris, officio satisfacis. Hac ratione voluntarius quis Romam pergit, etiam si dum comedit, & dormit, & iter facit Romæ non recordetur, quia à principio voluntatem eundi Romam habuit, & ex illa voluntate iter incipit, ex qua inceptioe reliqua fuerunt subsecuta: & in hoc ferè omnes conueniunt, Gabr. 2. d. 4. 1. *quest. 1. art. 3. dub. 2.* Altisiodor. *in sum. lib. 2. tract. 29. cap. 3. quest. 3.* Bonauent. 2. *sentent. d. 4. art. 1. q. 3. ad vltimum argumentum.*

2 Secundò dici potest permanere voluntas, ex eo præcisè, quod non fuerit retractata, si voluntas absoluta sit. Vt si absolute velis omnia opera in Deum referre, talis voluntas censetur permanere, quousque per contrarium actum eam retractes. Verum si absoluta non sit voluntas, sed pro aliquo determinato tempore, aut determinatis personis, censetur voluntas permanere, quousque tempus finiatur, & executioni res mandetur, vt si ex affectu charitatis in Deum promiseris omnibus pau-

peribus tibi occurrentibus in aliqua peregrinatione eleemosynam largiri, & oblitus talis voluntatis pauperi indigeno ex affectu subleuandi eius miseriam tribuas eleemosynam; talis actus non solum in specie pietatis, sed etiam charitatis censeri debet constitutus. ita Altisiodor. *in sum. lib. 2. tract. 29. cap. 3. quest. 3.*

Hic secundus modus permanentiæ mihi non probatur absolute; aliàs si idololatra omnia sua opera in idolum referret, censendus esset semper peccare, etiam cum opera aliàs bona, & honesta vel indifferentia efficeret. Quapropter distinctione opus est in hac materia: sunt enim aliqua opera, quæ solum in recipiente requirunt interpretatiuum consensum, & respectu horum voluntas permanere dicitur, etiam si actu non sit, neque in aliquo effectu producto: qua ratione qui voluntatem habuit baptizari, confirmari, vngi, & repente priuatus est sensu, potest baptizari, absolui, & vngi, iuxta *cap. agrotantes, & cap. paruuli, de consecrat. distinct. 4. & cap. maiores, §. vlt. de baptismo.* At alia opera, quæ non tam in receptione, quam in actione consistunt, non sufficit habuisse voluntatem, & non retractasse, vt censetur semper perseuerare, sed necessariò debet esse aliquis effectus immediatè, vel immediatè ex tali voluntate dimanans, ratione cuius censetur voluntas durare, & opera subsequenter denominare. ita Azor *lib. 1. instit. cap. 3. quest. 2. §. tertio diuiditur, & cap. 6. circa finem, & cap. 7. post medium, & cap. 8. per totum.*

PUNCTVM III.

An effectus, vel omisio orta ex aliqua actione voluntaria imputetur ad culpam, quando actu vitari non potest.

- 1 Proponitur status questionis.
- 2 Pœnas iuris contrahit, qui causam voluntariam dedit homicidio. Vbi apponuntur limitationes.
- 3 Euenius contingens, quando vitari non potest, non addit malisiam causa prius apposta.
- 4 Retractata voluntate, non censetur voluntarius.
- 5 Euenius ortum ex causa voluntaria, qui impediri non potest, non esse peccatum, qui dicant.
- 6 Probabilius est esse peccatum.
- 7 Hos effectus, vel omissiones censendas esse.
- 8 Respondetur argum. num. 5. adductis.

1 **P**ercussisti Petrum. Moritur, cum iam mortem impedire non potes. mors ne Petri tibi culpæ imputanda est? Noluisti scire, cum posses, obligationem tui officij: adueniente tempore obligationis aliud diuagaris, immemor prorsus obligationis, omissione illa est tibi imputanda? Item inebriaris sciens inebrietate pollui, blasphemare, maledicere, occidere. Sûntne omnes illæ actiones verè tibi culpabiles.

2 In hac questione, vt certa ab incertis separemus, conueniunt omnes Doctores talem effectum, quoad pœnas iuris tibi imputari, & quoad obligationem reparandi damna inde prouenientia. Vnde si homicidio, pollutioni, aut alteri crimini sit pœna excommunicationis, suspensionis, aut irregularitatis annexa, & in effectu sequuta ex actione voluntaria, suspensionem, excommunicationem, aut irregularitatem contrahis. Quia illa pœna non tam propter affectum voluntatis, quam propter effectum ex praua voluntate ortum imponitur. sic Azor *tom. 1. lib. 1. cap. 7. vers. quod si obijcias.* Vasquez *disput. 94. cap. 4. in fine.* Thomas Sanchez *lib. 1. in Decalog. cap. 16. fine.* Villalobos *tom. 1. sum. tractat. 3. difficult. 6. num. 5.* Salas 1. 2. *tractat. 7. disput. 6. sect. 8. & alij.*

Ab hac regula generali excipiunt aliqui pœnam excommunicationis (& idem est de suspensione, & inter-

dicto quatenus censuræ sunt) casu quo doleas, & pœnitentia causa data, quia tunc contumax non es, neque inobediens Ecclesiæ mandatis. Non igitur debes excommunicari, excommunicatio enim solum ob contumaciam, & inobedientiam imponitur.

Et confirmo. Existens in excommunicatione, si pœniteres, statim deberes absolui: quia excommunicatio solum imponitur ad reprimendam contumaciam, quæ cessante, tollenda est: si ergo antequam contrahatur, iam non es contumax; ut quid ergo medicinalis pœna tibi est applicanda, cum medicina non indigeas. Et hæc limitatio saltem pro foro interiori mihi satis probabilis apparet, quàmque tenet Ioan. Andr. & alij, quos refert, & sequitur glossa in cap. cum quis, de sententia excommunicationis. in 6. Innocent. in cap. mulieres, de sententia excommunicat. Tabiena excommunicat. 5. casu 1.

Secundò limitanda est doctrina ad aliqua peccata, quæ necessariò actualem libertatem requirunt: quales sunt hæresis, contumeliæ, iuramenta, & similia: hæc enim facta in ebrietate, neque hæresis, neque contumelia, neque iuramenta formaliter sunt, ac proinde sic proferentes ligari non possunt pœnis illis annexis. & ita docet Ioan. Sanch. *disp. 20. num. 5.* Vasquez *1. 2. disp. 127. cap. 3. num. 11.* Thom. Sanch. *lib. 1. in Decalog. cap. 16. fine.* Suarez *tom. 2. de religione lib. 3. de iuram. cap. 8. num. 6.* Verùm etsi hæresis, aut iuramenti falsi, vel blasphemix propriè rationem non habeant; habent tamen cuiusdam moralis irrisionis, & irreuerentiæ Deo factæ, ratione cuius voluntas illas causandi, est mala & peccaminosa; ut idemmet Ioan. Sanch. notat *num. 2.* & Thom. Sanch. in *Decalog. cap. 16. num. 44.* cum Toletus in *sum. post 7. lib. tract. de sept. peccat. mort. cap. 61. num. 5.* Solum excipi possunt contumeliæ homini dictæ in ebrietate, quæ si nullum secretum peccatum, aut defectum detegant, potius ut facietur, quàm ut contumeliæ reputantur, etiam ab his, aduersus quos dicuntur, ut benè Thom. Sanchez in *Decalog. supra num. 44.* aduertit.

3. Secundò conueniunt Doctores (paucis exceptis) euentum contingentem eo tempore, quo euitari non potest, nullam addere grauitatem, vel malitiam causæ prius appositæ. Nam cum nullam addat denuò libertatem, quæ fundamentum bonitatis, & malitiæ est, nullam potest addere malitiam. ita D. Thom. *4. distinct. 27. q. 2. art. 2. quest. 4. ad 1.* Zumel *quest. 71. art. 5. disp. 6.* Salas aliis relatis *1. 2. tract. 13. disp. 2. sect. 9. m. 114.* Suarez *1. tom. de relig. lib. 3. de iuram. cap. 7. num. 7.* Vasquez *1. 2. disp. 94. cap. 3. n. 9.* Thom. Sanchez *lib. 9. de matrim. disp. 45. loquens de pollutione in somnis num. 28. & lib. 1. in Decalog. cap. 16. num. 45.* idemque fateri tenentur, qui dicunt hos euentus non esse peccata, etiam determinatiuè à causa, sed esse effectus peccati, quos statim referemus.

4. Terriò certum esse debet retractata per pœnitentiam priori voluntate, effectum sequutum naturaliter ex causa prius liberè apposita, non esse imputandum culpæ. sic Thom. Sanchez pluribus relatis *lib. 9. disp. 45. supra num. 29.* Azor *lib. 1. instit. cap. 7. quest. unica, §. in hac ro.* Salas *supra num. 116.* Villalobos *tract. 3. diff. 6. num. 4. conclus. 3.* Ratio est, quia tunc causa apposita voluntaria non est, cum iam sit reuocata. Ergo licet effectus oriatur ex causa apposita, non oritur ex illa tanquam ex causa voluntaria, ac proinde voluntarius non est. Exemplo rem declaro. Dediti mandatum alicui, ut nomine tuo matrimonium contraheret, pœniteret mandati, illudque reuocas, at intimare non potes mandatario reuocationem; sed potius ille virtute prioris mandati contractum celebrat, ille contractus etsi à causa voluntaria ortum habuerit, tibi voluntarius non est. Ergo optimè potest causa in ratione voluntarij reuocari, etiam si effectus eodem modo naturaliter sequatur, ac si reuocata non esset.

5. Difficultas ergo est, an euentus ortus ex causa vo-

luntaria, quando reuocata non est, neque impediri potest, censendus sit peccatum, eo modo, quo censetur actus exterior cum interiori idem peccatum constituere?

Negat Vasquez *1. 2. disp. 94. cap. 3.* aliis relatis, & *disp. 73. cap. 9. num. 46. & 47.* Couarr. *Clem. si furiosus, 3. p. initio, num. 4.* Sayrus *lib. 2. cap. 6. num. 15.* Azor *lib. 1. cap. 7. quest. unica post medium, & lib. 4. cap. 3. quest. 4.*

Fundamentum huius sententiæ est, quia non potest dici aliquis peccare actu, quin actu possit impedire peccatum; aliàs ex necessitate peccabit. Quod videtur absurdum, & contra naturam peccati; sed pro illo tempore, quo dormit, non habet potestatem homicidium, vel pollutionem impediendi. Ergo non potest illo tempore peccare, etiam per denominationem extrinsecam à causa apposita. Et confirmo. Ideo actus exterior etsi malitiam non habeat distinctam ab actu interiori, est peccatum, quia absolute cum sit, impediri potest; sed hic euentus, (ut supponimus) impediri non potest. Ergo non est peccatum etiam per denominationem extrinsecam à causa data, sed ad summum erit effectus peccati. Adde, quod si euentus ortum habeat ex causa, vel aliunde impediatur, per accidens est causæ datæ. Ergo tota ratio peccati in appositione causæ sita fuit, neque inde in euentum derivari potest.

Quod si aduersus hanc sententiam obicias inferri ex illa nullam esse obligationem confitendi euentus ortos ex causa voluntaria, etiam non retractata, quando impediri non possunt, si quidem nullus tenetur confiteri effectus peccati, sed peccatum. Non reuincit Vasq. *disp. 94. cap. 4. num. 26.* concedere illationem. Idem concedit Ioan. Sanch. loquens de iuramentis falsis, blasphemis, & hæresibus tempore ebrietatis factis, *disp. 20. m. 5. fine.* Suarez similiter de iuramentis indeliberatè factis, *tom. 2. de religione lib. 3. cap. 8. num. 5.* & sententiam Vasq. probabilem reputat Thom. Sanchez *lib. 1. in Decalog. cap. 16. num. 46. circa finem.*

6. Verùm contraria sententia mihi probabilior apparet. Affirmo namque euentum ortum ex causa voluntaria apposita, etiam si tunc impediri non possit, peccatum esse, & demeritum, non in se, sed in causa, hoc est, denominatione extrinseca à causa. sic glossa *cap. quia verò, fine, dist. 6.* Sotus *4. dist. 12. quest. 1. art. 7. §. primum omnium, propositione 1. & 2.* Med. *1. 2. quest. 71. art. 5. dub. ult. conclus. 1. & 4.* Valent. *disp. 6. quest. 1. p. 4. dub. 3.* Henriquez *lib. 8. summ. cap. 51. num. 2. in comm. litt. I.* Thom. Sanchez *tom. 3. de matrim. lib. 9. disp. 45. num. 28.* Salas in numeros referens *tract. 13. disp. 2. sect. 9. num. 109.* Villalobos *tract. 3. diff. 6. num. 3.*

Ratio est, quia ut peccare quis dicatur denominatione aliqua extrinseca, non est necessaria actu libertas, sufficit esse moraliter, & in virtute, sicuti ad consecrandum, & administrandum quodlibet aliud sacramentum, & satisfaciendum præcepto recitandi, non requiritur actualis intentio, sed sufficit in virtute. Et confirmo exemplis. Seruus, qui contra mandatum domini dormiret, verè diceretur peccare in tali somno, etiam si postquam causam dedit, non fuerit in sua potestate excitari. Item procurans pollutionem in vigilia, & causam apponens, ut sequatur, tunc diceretur peccare in tali somno, etiam si postquam causam dedit, non fuerit in sua potestate excitari. Item procurans pollutionem in vigilia, & causam apponens, ut sequatur, tunc diceretur peccare, cum se polluit, quia semel posuit causam, esto causa posita pollutio impediri non possit. Idemque est de mandante occidere alium, si homicidium à mandatario exequatur, quando mandans dormiret, vel alia via impotens esset impedire; & à fortiori cum emittit sagittam, vel propinat venenum, non dicitur peccare cum percutit, & occidit, quia projecta sagitta, & propinato veneno, non est in voluntate percussio

percussionem, vel mortem impedire. Quæ omnia concessu sunt difficilia, & ferè contra communem sensum. Ergo affirmandum est verè esse peccata non in se, sed in causa, & per malitiam à causa derivatam.

7 Ex qua doctrina infero obligationem esse confitendi huiusmodi euentus ortos ex causa voluntaria non retractata. Aliàs ferè nunquam quis teneretur confiteri pollutionem, & occisionem alterius, sed solum dedisse causam pollutioni, vel occisioni: quia data causa pollutio, vel occisio impediri non potest, quod est contra communem sensum. & ita hæc esse fatenda supponit Sotus in 4. d. 12. quest. 1. artic. 7. versic. hinc fit. Ludouic. Lopez 1. part. instrum. cap. 31. §. præterea quia omnibus, & 2. part. cap. 76. de Eucharist. §. sequitur etiam 2. Ledesma 1. p. 4. quest. 21. art. 7. dub. 1. §. & ad argumenta. Thomas Sanchez tom. 3. de matrim. lib. 9. disput. 45. n. 30. Si tamen reuocata fuerit voluntas, quando homicidium, vel pollutio sequitur, existimo non esse obligationem confitendi, ut docet Azor lib. 1. cap. 7. fine. & ut probabile, & securum reputant supradicti Doctores, quia tunc neque pollutio, neque homicidium apponenti causam tribuenda sunt, tanquam voluntaria, cum voluntatem retractauerit.

8 Ex his facile respondetur argumentis pro sententia Vasquez adductis, peccare enim potest aliquis non in se, sed denominatiuè à causa, etiam si pro tunc impediri non possit peccatum, sufficit enim potuisse impedire, & non fecisse.

Ad confirmationem dico actum exteriorem peccatum esse, non quia potest pro tunc impediri, sed quia à causa in se voluntaria ortum habet.

Ad secundam confirmationem dico euentum contingentem per accidens esse causæ appositæ, & malitiæ illius, sine illo enim non esset malitia, sic enim esset tota malitia peccati in actu interiori, etiam si exterior diuinitus impediretur. At cum non impeditur malitia actus interioris, informatur; sic similiter ex euentu orto ex causa voluntariè appositæ tota malitia residet in causa, neque ex euentu sequuto aliquid causæ accrescit. At posito euentu à malitia causæ, malus ipse denominatur.

PUNCTUM IV.

An voluntas in se & in potentiis sibi subiectis pati possit aliquam vim.

- 1 Quoad naturam inclinationem non potest pati vim.
- 2 Quoad appetitum elicitum vim pati potest.
- 3 A nullo agente creato voluntas necessarii potest.
- 4 Vis, & violentia non presumitur.

1 **C**Lara est resolutio voluntatem quoad naturam inclinationem nullam in suis actionibus vim pati posse. Quia vis est, quod est à principio extrinseco passo non conferente vim, ut dicit Aristot. 3. Ethic. cap. 2. sed cum voluntas consentit, vel dissentit, iam ipsa voluntas confert vim, siquidem elicit illum actum. Ergo non est ei vis illata in tali actu. Quod si dicamus aliquem actum amoris, vel odij à solo Deo effectum imprimi voluntati, adhuc neque voluntas quoad naturam eius inclinationem pateretur violentiam, illum recipiendo; quia non esset talis actus contra inclinationem ipsius voluntatis, cum voluntas non magis vnum, quam alium actum appetat, sicuti materia prima, quia indifferens est ad quamlibet formam, in nullius receptione patitur violentiam. ita Vasquez. 1. 2. disp. 26. cap. 2. n. 12. Azor lib. 1. instrum. cap. 9. quest. 1. Salas pluribus relatis q. 6. art. 3. tract. 3. disp. 2. sect. 4. conclus. 4. n. 66.

2 Verum si voluntas consideretur secundum suum appetitum elicitum, potest & in alijs facultatibus, &

potentiis sibi subiectis, & in se ipsa violentiam pati; si enim renuente voluntate alius tuam manum moueat, talis motio violenta est voluntati: quia est ab extrinseco principio voluntate non conferente vim, sed potius renitente; & in hoc non potest esse dissensio. Hac igitur ratione potest voluntas pati violentiam in actibus à se elicitis; si enim voluntas vellet non habere amorem alicuius obiecti, & à Deo talis amor infunderetur; amor ille violentus esset voluntati, quoad appetitum elicitum, etsi non esset violentus, quoad appetitum naturalem, ut probat Salas supra conclus. 2. num. 66. Hæc tamen non est propriè violentia, ut benedicit Vasquez supra cap. 2. num. 14. quia non est ita ab extrinseco, quin passum conferat aliquam vim.

3 Vnum autem est certum, & rebus moralibus necessarium, à nullo agente creato voluntatem cogi, aut necessitari posse; etsi cogi, & necessitari possint aliæ facultates sibi subditæ. Quare cum peccatum in voluntate consistat, & sine illius consensu esse non possit, efficitur neminem cogi posse ad peccandum. ideoque rectè dixit Augustinus relatus in cap. de pudicitia, 32. q. 5. Corpus mulieris non vis maculat, sed voluntas; & in cap. ad Deum, eadem causa, & quest. tantum enim in mente valet integritas castitatis, ut illa inuiolata, neque in corpore possit pudicitia violari, cuius membra potuerunt superari; aliæque multa in hanc partem, ex Ambrosio. & alijs pluribus adduci possent, quæ relato loco videnda sunt.

4 Aduerto tamen nunquam violentiam præsumi, nisi probetur, cap. causam matrimonij, de offic. deleg. & ex L. merito, ff. pro socio. Si enim delictum nunquam præsumitur, à fortiori neque hoc delictum, quod naturæ contrarium est, erit præsumendum. & ita tradit Menochius consil. 2. num. 326. Alciat. respons. 504. num. 7. & alij quos refert, & sequitur Mascardus verbo violentia, conclus. 1416. num. 2.

PUNCTUM V.

An ira, concupiscentia, aliæve passio causet inuoluntarium.

- 1 Non causare inuoluntarium.
- 2 Minus liberum, anget voluntarium.
- 3 Contractus facti spe acquirendi premium validi sunt.
- 4 Extoria blandius obnoxia non sunt restitutioni.

1 **S**ANCTUS THOMAS 1. 2. quest. 6. art. 7. respondet iram, concupiscentiam, & quamlibet aliam passionem non causare inuoluntarium, sed magis voluntarium. Et quidem si voluntarium pro libero accipiatur, nemini dubium esse potest, regulariter loquendo, iram, concupiscentiam, aliæve passionem non ita deturbare mentem, quin voluntas libera relinquatur, ut possit passioni resistere: eaque de causa rectè dixit D. Thom. concupiscentiam non causare inuoluntarium, sed magis voluntarium.

2 Dubitant tamen Doctores, an posito quoddam inuoluntarium non causet concupiscentia, minuat tamen illud?

Breuius respondeo, si voluntarium pro libero accipiatur, sine dubio minuitur ex concupiscentia antecedenti voluntatem; concupiscentia enim alicuius obiecti non finit intellectum difficultates considerare, quæ possent ab eius prosecutione remouere, & consequenter non reddere voluntatem ita expeditam ad operandum. Ideoque dixit Philosophus, *Trahit sua vnumquemque voluptas*. Qua ratione leuiora iudicantur peccata, quæ ex aliqua passione fiunt, quam quæ solum ex malitia, & iuramenta, vel vota facta passione aliqua prædominante facilius relaxantur, quia non censentur ita liberè facta. Inferitur ergo iram, & concupiscentiam, &

& quamlibet aliam passionem voluntarium liberum minuere. & ita docet D. Thom. *supra*. Valentia, Valquez, & Medina *ibi*. Azor *lib. 1. c. 17. quest. 1*. Salas *tratl. 3. disp. 3. sect. 1. num. 47. §. dico 3*. Villalobos *tratl. 3. disp. 7. num. 5*.

Verum si voluntarium non sumatur pro libero, sed pro eo, quod oritur à principio intrinseco cum cognitione, concupiscentia, ira, & quolibet alia passio voluntarium augebit potius, quàm minuet: quia experimento constat ea, quæ ex passione appetimus, efficacius appetere. & ita docuit Nauarr. *sum. pralud. 6. num. 7*. Villalobos, Valentia *supra*. Salas *num. 49. conclus. 4*.

3 Ex hac doctrina infero contractus factos spe acquirendi aliquod præmium validos esse, & firmos; quia talis spes non minuit voluntarium, sed potius augeat, & liberum non tollit: qua ratione si proficereis religionem spe consequendi prælatiam, valida est professio, ut docet Nauarr. *com. 2. de regularib. num. 67. vers. Adde decemortuò*. Item si instituaris hæres, si Mariam duxeris, valet matrimonium, ut latè probat Sanchez *lib. 1. de matrim. disp. 3. num. 7*. quia non obligaris ad matrimonium pœna amittendi lucris, ad quod habeas ius, sed potius spe, & concupiscentia præmij tibi non debiti.

4 Secundò infero, extorrea blanditiis, & amatorijs verbis obnoxia restitutioni non esse, ac proinde si meretrices ultra stipendium sibi debitum, blandis, & amatorijs verbis extorqueant, restituere non debent, quia non inferunt inuoluntarium; secus verò si dolo, & fraudibus, ut si dicerent se à nemine esse cognitæ, vel non nisi à Principe, sic tenent Sotus *lib. 4. de iustitia quest. 7. art. 1. in solut. ad 2*. Mol. *com. 1. de iustit. tratl. 2. disp. 94. §. si fornicariæ*. Gutier. *qq. canon. lib. 1. cap. 37. num. 19*. Bau. *2. 2. q. 62. art. 5. dub. 5. conclus. 2*. Salon *ibi controuersia 4. post 3. concl.* Thom. Sanch. plures alios referens *lib. 4. de matrim. disp. 1. 1. num. 2*. Ex qua doctrina infert etiam ipse Sanchez, cum Gregor. Lop. Auiles, Montalro, Menoch. & aliis, non vitari testamentum, quod vir ductus blanditiis vxoris in ipsius fauorem confecit, quia non efficiunt inuoluntarium.

PUNCTUM VI.

Quid sit metus, & an causet inuoluntarium, vel saltem illud diminuat.

- 1 *Extenditur definitio metus.*
- 2 *Quotplex sit metus.*
- 3 *An electio minoris mali, ut minus vitetur, sit aliena à viro constante.*
- 4 *Qua ratione metus causet inuoluntarium.*
- 5 *Explicatur in quo consistat inuoluntarium.*

1 **M**etus est instantis periculi, vel futuri causa mentis trepidatio. ita Vlp. in l. 1. ff. de eo quod metus causa. Debet enim esse malum instans, seu mox futurum: remotum enim (et si graue sit) mentem non turbat, quia non apprehendimus efficaciter euentum, & tradit optimè glossa in cap. ad audientiam, de his qua vi, metusue causa fiunt, verbo causa. Si tamen daremus malum probabiliter euenturum fore etiam post longum tempus, neque facile occurrere posse, satis esset, ut vir constans timere illud possit. Et ratio est, quia tunc non tam malum, quàm suspicio probabilis illius metum inducit. iuxta l. nouissime ff. quod falso tutore. *ibi*. quid epim si metu compulsus, aut metuens ne compelleretur, & tradit Sanch. innumeros referens *lib. 4. disp. 1. num. 17*. Basil. de Leon *lib. 4. disp. 1. num. 17*. Neque obstat l. metum presentem ff. de eo quod metus causa. vbi negatur suspicionem metus sufficere, sed intelligi debet de suspicionem vana, & non benè fundata, ut Basil. & Sanch. *supra* explicant.

2 Duplex est metus, alius grauis, alius levis, alius iustus, alius iniustus, alius probabilis, alius improbabili-

lis, alius cadens in virum constantem, alius in inconstantem. Metus grauis, iustus, probabilis, cadens in virum constantem idem est diuersis modis appellatus. Dicitur grauis, quia est de graui malo; iustus, & probabilis, quia iuste, & probabiliter leges sic operantem excusant. Cadens in virum constantem, seu constantissimum, (quod idem est) ut dixit Iuriconsultus in l. metum la 2. ff. de eo quod metus causa, qui fortitudini, & constantiæ non obstat. non enim sic operans amittere debet constantiæ, & fortitudinis laudem, cum timore maioris mali minus malum subeat, si enim quis pariat iacturam bonorum, ne vitam amittat, & vitam, ne peccatum perpetret, fortis, & constans debet reputari. E contra metus levis, & vanus dicitur, qui de leui malo, & non timendo habetur; iniustus, & improbabilis, quem nec iura approbant, sed potius improbant, ut iniustum, & motum ex illo, ut inconstantem censent.

3 Hinc oritur difficultas, an si eligas maius malum, ut vites minus, v. g. peccatum, ut vites infamiam, vel amissionem bonorum, vel mortem, censearis moueri metu viri constantis? Communis sententia negat, saltem si admittas peccatum mortale, quia contra virtutem constantiæ facis, cum maius malum minori præponas, & iacturam animæ præferas iacturæ corporis. ita docent innumeri relati à Sanchez *lib. 4. de matrim. disp. 2. num. 1*. Valent. 3. part. disp. 10. quest. 3. p. 2. Comitol. *lib. 2. respons. mor. quest. 2. §. quintum quasi ius*. Verum mihi dicendum videtur grauem metum secundum leges, & iura, & in ordine ad contractus non esse considerandum comparatione electionis, sed comparatione obiecti: atque adeò si obiectum graue sit, & de se sufficiens mouere quemlibet virum constantem, etiam si minus malum sit, quàm quod de facto eligis. Sine dubio erit metus cadens in virum constantem, saltem legaliter, quia leges civiles, & Ecclesiasticæ rescindentes contractum ex metu, non attendunt, an constanter, vel inconstanter secundum mores patiens metum procedat, sed an grauius lædatur eius voluntas: cum autem hæc grauis læsio contingat, siue eligas peccatum, siue non, dicendum est esse metum sufficientem viri constantis. & ita docet Thom. Sanchez *lib. 4. disp. 2. num. 3*. Basilus de Leon *lib. 4. cap. 3. num. 2*.

4 An verò metus causet inuoluntarium?

Respondeo cum D. Thom. & communi Theologo- rum sententia 1. 2. quest. 6. art. 6. facta ex metu voluntaria esse simpliciter, & absolute, & secundum quid inuoluntaria. Quia ea, quæ fiunt ex metu, absolute ex voluntate fiunt, cum possent non fieri. Eligitur enim, v. g. ad vitandam mortem iactura bonorum, quæ poterat non eligi; eligitur voluntariè, & liberè simpliciter. At quia cum tristitia, & displicentia eligitur, eo quod incommoda, & molesta reputatur, ideo talis electio mixta est inuoluntario. Qua de causa in l. cum proponas. C. de hered. instit. dicitur: potuit enim quamuis iubente domino nolle adire. Et in l. si mulier 21. §. si metu coactus el 2. ff. de eo quod metus causa, dicitur, quia quamuis si liberum esset, noluisse, tamen coactus voluit. Ergo voluntas coacta, voluntas est, ut dicitur in cap. merito 1. §. q. 1.

5 Sed adhuc non videtur satis explicatum in quo sita sit ratio huius inuoluntarij; non enim consistere potest in electione minoris mali, ex affectu vitandi maius: nam vitare maius malum, bonum quid est, & à voluntate appetendum. Ergo etiam est appetendum medium necessarium ad consecutionem huius finis: cum autem electio minoris mali sit medium necessarium; efficitur sanè hanc electionem appetendam esse, ac proinde non posse esse vlllo modo inuoluntariam, sed summè voluntariam.

Dices, verum esse electionem minoris mali non posse esse inuoluntariam, ex affectu vitandi maius malum, seu quatenus est medium ad vitandum illud. At esse inuolun-

uoluntariam secundum se, eo quod non eligeretur, si malum illud vitari alia via posset: non enim proiiceret merces in mare, si mortem sperares vitandam absque illa iactura; neque potionem sumeres, si ab infirmitate æquè liberareris.

Sed contrà. Nam vel habes hunc actum; non facerem bonorum iacturam, nisi ad vitandam mortem, vel non habes. Si non habes, iam electio minoris mali non erit vilo modo inuoluntaria formaliter, cum non sit repugnans voluntari, etiam secundum actum elicito, sed ad summum erit inuoluntaria, virtualiter, & interpretatiuè; quatenus censetur voluntas sibi relicta, secluso illo timore maioris mali non factura talem electionem: si verò habes illum actum conditionatum, præterquam quod non videtur necessarius, ut voluntas inuoluntaria aliquo modo sit, est repugnans honestati debite, & rectæ rationi, ut si quis ex timore æternæ pœnæ obseruaret diuina præcepta, aliàs non obseruaturus, peccaret quidem mortaliter, & in illam pœnam incideret medio illo actu conditionato, quam obseruando præcepta intendebat vitare. Quapropter existimo ad rationem inuoluntarij secundum quid sufficere, si quis prosequatur obiectum, in quo per simplicem displicentiam displicet. Negari enim non potest Susannam à peruersis iudicibus incitatam, ut in libidinem consentiret, electionem mortis sibi imminentem, grauem illi, & molestam esse, ac proinde posse simplici affectu in illa displicere: sed quia huiusmodi displicentiam, præcepto Domini, & timore mortis æternæ vicie, ideo talis electio voluntaria, & meritoria fuit, neque ex inuoluntario adiuncto ratio meriti fuit illi minuta. sic explicant voluntarium Vasquez 1.2. disp. 27. cap. 2. Salas tract. 3. disp. 3. sect. 2. n. 40.

PUNCTUM VII.

Quæ conditiones requirantur ad metum iustum.

- 1 Apponuntur conditiones ad metum.
- 2 Quæ inducant grauem metum ex communi sententia.
- 3 Examinatur an timor infamiae iuris, vel facti cadat in virum constantem.
- 4 Quid dicendum de metu excommunicationis.
- 5 An timor reuerentialis cadat in virum constantem? Proponuntur variae sententiae.
- 6 Resolutio questionis.
- 7 An preces importuna inducant metum grauem.
- 8 Vnde praesumitur executurum malum, qui minatur? Proponitur communis sententia.
- 9 Resolutio dubij.
- 10 Gravisne metus, an secundum se, an per ordinem ad personam desumatur.
- 11 Resolvitur questio.
- 12 Malum, quod timeatur, sufficit, si in persona filiorum, nepotum, &c. timeatur.
- 13 Arbitrio prudentis gravisne metus desumitur.

TRes conditiones sunt necessariæ requisitæ. Prima, ut malum, quod timeatur, graue sit. Secunda, ut executiens potens sit, & praesumatur probabiliter executurus. Tertia, ut patiens metum resistere facile non possit.

1 Circa primam conditionem ferè omnes Doctores conueniunt, timorem mortis, mutilationis, verberationis, grauis seruitutis, captiuitatis, carcerationis diuturnæ, stupri, seu violenti coitus, propter periculum consentiendi, amissionis nobilitatis, vel instrumentorum, quibus nobilitas defendi possit, amissionis status bonorum omnium, vel maioris partis illorum esse timorem cadentem in virum constantem. Hæc enim

omnia, & quodlibet illorum grauissimum damnum est, meritoque timeri potest à viro constante. Quæ omnia constant ex l. nec timorem 7. ff. de eo quod metus causa, l. isti quidem, l. ego puto, eodem tit. & l. 7. tit. 33. part. 7. & ex cap. cum dilectus, de his qua vi; & tradit innumeros referens, & latè probans Thomas Sanchez lib. 4. de matrim. disp. 5. Mascardus de probationib. verbo metus, conclus. 1055. Basilius de Leon. lib. 4. cap. 4. num. 3. Menoch. de arbit. lib. 2. cent. 2. casu 135. circa finem. Syluest. verbo metus, q. 2. 3. & 4.

Aduertendum tamen est amissionem bonorum, quæ metum inferit, esse amissionem bonorum, quæ tibi sunt propria, vel aliquo modo debentur: aliàs amissio talium bonorum non posset habere rationem pœnæ rescindentis contractum. Non enim habet rationem pœnæ, sed præmij, si tibi relinquatur legatum ea conditione, ut matrimonium celebres, vel religionem profitearis aliàs perdendum: vel si nolim tuus esse amicus specialis, vel tibi in negotiis fauorem præstare, nisi contractum celebres: quia in his omnibus non proponitur tibi perdendum aliquid, ad quod habeas ius, ac proinde non habet amissio illius rationem pœnæ, sed potius inuitaris illius consecutione: & ita tradit Basilius de Leon. lib. 4. de matrim. cap. 4. num. 10. ex l. Titio, §. 1. & l. si ius legatum sit, vers. si Titio, ff. de condit. & demonstr. Haberet tamen rationem pœnæ, si cogereris ex tuis bonis iacturam facere, nisi contrahas. Vnde si vi impediaris, ne alicui beneficio, vel cathedræ opponaris, quousque contractum celebres, cum ius habeas te opponendi, contractus celebratus est metu cadente in constantem virum: hac enim ratione renunciatio quorundam iurium facta à quodam Archidiacono, timore ne possessione Archidiaconatus impediretur, rescinditur, & reuocatur, cap. cum venissent, de institutionib. quia ius habebat possidendi Archidiaconatum. Similiter etiam cuidam athletæ mandatur restitui pecuniam, quam ultra debitum contulit fœneratori, ne à certaminibus impediretur. l. fin. §. si fœnerator, ff. de eo quod metus causa, quia talis athleta ius habebat certaminibus vacare, ac proinde contra ius impediebatur. & ita notauit Thomas Sanchez lib. 4. de matrim. disp. 5. n. 28. Basilius supra cap. 4. num. 4.

3 Item timor infamiae grauis, & quæ non facile vitari potest, siue sit infamia facti, siue iuris, cadit in virum constantem: si enim deprehensio in graui delicto mineris te accusaturum, vel alio modo publicaturum, non est dubium, quin malum graue sit, quia melius est bonum nomen, quàm diuitiæ multæ, & sæpè bonum vita ipsa præfertur. Item ex tali manifestatione etiam non leuis iactura diuitiarum, & fortè vitæ timeri potest: cadit ergo in virum constantem; & ita tenet glossa in l. nec mortem, ff. de eo quod metus causa. Syluest. supra. Sanchez num. 14. & 15. Bonacina de matr. quest. 3. punct. 8. num. 6. Basilius de Leon. lib. 4. cap. 4. Vnde cum in l. nec timorem, ff. de eo quod metus causa, dicitur: nec timorem infamiae hoc edicto contineri Pedius dicit, intelligi debet de timore infamiae leuis, & cui facile occurri potest. ita cum Accurs. Gothofred. & aliis explicat Basilius supra, & affirmat hoc modo intelligendos esse plures Theologos, specialiter Comitolum lib. 3. respons. mor. quest. 2. §. pertinet, affirmantem metum infamiae non esse grauem; infamiae namque, cui facile occurri potest.

4 De metu excommunicationis variant Doctores, an cadat in virum constantem? Aliquibus placet non cadere; nam vel est iusta, & tunc sibi imputet excommunicatus, quod ligetur; vel est iniusta, & tunc non ligatur. Ergo non est malum, quod debet timeri; & ita tenet glossa in cap. cum dilectus, verbo violentia, de his qua vi. Socinus senior cap. sacris, num. 501. de sententia excommunicat. Barbatius cap. ab excommunicato, de rescript. Sotus in 4. d. 29. quest. 1. art. 2. in fin. Villalobos sum. tract. 3. diff. 8. num. 5.

num. 5. Aliis verò probatur esse metum grauem, quia semper est grauis poena. sic Bartholom. de Ledefina de *matrim. dub. 23. fundamento 3. Seraphin de priuileg. iuram. priuileg. 29. num. 4.*

Dicendum tamen est metum excommunicationis instæ non cadere in virum constantem, ob rationem dictam: secus verò excommunicationis iniustæ, cui de facili occurrere non potest, quia esto non liget quoad Deum, ligat tamen quoad Ecclesiam: in foro enim externo, vt verè excommunicatus se gerere debet, ex *cap. nobis. de sentent. excommunicat.* quod graue malum est: & ita docet Couarr. 4. *decret. 2. p. 5. 4. cap. 3. num. 11. vers. 8. Mascard. verbo metum. conclus. 1055. num. 50. Flamin. lib. 13. de resignat. q. 1. num. 129. Bonac. supra num. 6. Sanch. disp. 5. num. 16. Basil. lib. 4. de matr. cap. 4. num. 7.*

5 Timor reuerentialis contractuum rescisuius non est verecundia, & pudor, qui filiis respectu parentis, & vxori respectu mariti, & subditis respectu Prælati inest, vt cõstat ex *cap. unico §. porro, de desponsat. impub. in 6.* Aliàs quidquid filius expostulatus à patre, vel vxor à marito faceret, occupatus pudore, diceretur ex metu facere, quod non est concedendum. Neque etiam sufficit, vt quis non audeat præ pudore, & reuerentia contradicere præcipienti, tamen si velit, obediâtque repugnante voluntate. De hoc ergo metu dubitatur, an sit viri constantis. Plures Doctores tenent inducere metum grauem. Cæterum probabilius existimo solum metum reuerentialem non sufficere, inducere metum grauem, nisi aliquod malum timeatur, v. g. Vultus asperitas, rigida tractatio, & exprobratio continua, aut horum timor probabilis. Quare metus reuerentialis in eo debet consistere, in timore scilicet alicuius mali imminuentis, eo quòd non serues reuerentiam ei cui debes: nam cum metus sit mentis trepidatio, quilibet metus trepidationem alicuius mali debet habere.

Ex his venit decidenda quæstio, an metus reuerentialis cadat in virum constantem? Thom. Sanch. *disp. 6. num. 7.* plures referens Molin. *de primogenijs lib. 2. cap. 3. num. 9.* Duaren. *in comment. ad tit. de eo quod metui causa.* Donell. *lib. 15. comm. cap. 39. §. in primis voluntatem inferendi.* Fachin. *lib. 2. controu. iuris.* Lessius, & alij infra, existimant talem metum, si absint minæ, vel verbera, vel alterius grauis mali timor, non cadere in virum constantem. Ratio est, quia sola reuerentia parentibus, marito, & consanguineis debita, non videtur tanti momenti, vt meritis à constante viro timeri possit. Ideoque in *cap. ex litteris, de desponsat. impub.* vbi redduntur ob metum parentum sponsalia irrita, aduertitur puellam minis parentum impulsam concessisse, tacite innuens deficientibus minis sponsalia valitura, licet valet renuntiatio facta à filia in fauorem patris, quando vi, & dolo præstita non fuit. *cap. 2. de pactis in 6.* Aliàs si solus metus reuerentialis caderet in virum constantem, ferè nullus contractus, filij, vxoris, clerici, subditi esset firmus, cum probare facile possent parentem, maritum, Episcopum, & dominum, contractum suasisse, & contrahentes ita consensisse contractibus, vt non ausi fuerint præ pudore, & reuerentia contradicere. Affirmandum ergo est, timorem reuerentiæ non esse sufficientem, nisi alterius mali grauis adiungatur, quod non est sola præceptio, tamen si maledictione inisceatur, non enim ex maledictione malum necessariò oritur, esset tamen si timeretur infensum superiorem habere continuò, & obiecturum passum illam inobediẽtiam, quia hoc ita graue malum est, vt vix repeririatur potens sustinere.

Alij affirmant metum reuerentialem semper cadere in virum constantem, tenet hanc sententiam Menoch. *de arbitrar. lib. 2. casu 136. cent. 2.* Nauarr. *in editione Lugdunenfi, lib. 1. tit. de his qua vi, cons. 10. num. 4.* & alij plures relati à Sanch. *de matrim. lib. 4. disp. 6. num. 4.* Præcipuum fundamentum sumitur ex variis textibus, in quibus

metus reuerentialis dicitur tollere consensum, & libertatem ad contractum requisitam. Primò ex *reg. velle 4. de reg. iur.* ibi; *velle non creditur, qui obsequitur imperio patris, vel domini.* Ergo imperium patris, vel domini tollit voluntatem, saltem omnino liberam. Secundò ex *l. 1. §. que oneranda. ff. quarum rerum actio non datur,* conceditur actio liberto, si liquidò appareat metu solo, vel nimia patroni reuerentia se subieciisse, vt vel pœnali stipulationi se subiiceret. Ergo non solum metus, sed nimia reuerentia defendit contractum. Quòd si dicas, nimiam reuerentiam intelligi metum reuerentialem minis adiunctum, aliàs non diceret nimiam reuerentiam, sed reuerentiam, facile eludi potest, quia censeretur debet tunc nimia reuerentia, cum metu mortis, aut aliàs grauis damni, ac proinde non vt quid distinctum à metu proponeretur patroni reuerentia. Tertiò, si patronus præsentem liberto furtum committat, non obinde censetur libertus consentire, sed actione furti agere potest, quia, vt dicit *l. penult. ff. de furtis,* magna verecundia ei, quem in præsentia pudor ad resistendum impedit, furtum facere solet; id est, non obstat, cum furtum fiat. Tandem si ad metum reuerentialem minæ essent requisitæ, nulla esset differentia inter metum eius, cui deberetur reuerentia, & alium extraneum, cum minæ semper metum grauem inducant.

Tertia sententia docet metum reuerentialem solum censeretur grauem, quando patiens metum celebrat contractum cum incutiente, secus si cum alio tertio metus ignaro.

Quarta docet solum reuerentiam debitam patri inducere metum grauem, quia est persona, cui maxima debetur reuerentia, Doctores huius 3. & 4. sententiæ refert Sanch. *disp. 6. num. 5. & 6.*

6 Ergo verò in hac quæstione distinguendum censeo. Vel metus reuerentialis sumitur pro pudore, & verecundia, quam subditus pati timet, si neget petiitum à superiore; vel sumitur pro vultus asperitate, rigida tractatione, exprobratione continua, quæ subditus pati timet, si superiori contradicat. Si metus reuerentialis primo modo sumatur, non videtur metus sufficiens vt cadat in constantem virum. Non enim pudor, & verecundia ita subditum occupare debet, vt eius liberam dispositionem impediat; neque pati illum pudorem, & verecundiam, quæ statim transeat, est malum tantæ considerationis, vt obinde contractus rescindendus sit. Verum si non solum timet hanc verecundiam pati, cum negat, sed continuò, quia continuò sibi obici timet, timetque vt offensum, austerum, & implacidum, superiorem habiturum, talis timor sine dubio cadit in virum constantem. Et ab hoc modo dicendi nullo modo discrepat Thom. Sanch. nam cum *disp. 6. num. 7.* dicat metum reuerentialem non cadere in virum constantem, intelligit de metu reuerentiali pudoris, & verecundiæ, quem patitur subditus superiori contradicens, vt notat ex his quæ dicit *disp. 9. num. 12.* quando verò intelligit ob negatam obedientiam passurum esse subditum, rigidam superioris tractationem, implacidum vultum, & similia, &c. tunc affirmat esse metum cadentem in virum constantem. sic dicit *disp. 6. num. 14.* Quare immeritò Basilius de Leon *lib. 4. cap. 5. num. 7.* Thom. Sanchez, splendidissimum lumen Theologiæ moralis, & nostræ religionis decus, inconsequentia, vel imperitiæ arguit, cum potius ipse reprehensione dignus fuerit, eo quòd non attenderit metum reuerentialem sumi posse, & propriè, pro timore pudoris, & verecundiæ, & non pro sola indignatione superioris. Nostræ sententiæ etiam adscribit Lessius *lib. 2. de virtut. cap. 17. dub. 6. num. 35.* affirmans, si leniter offendatur superior ex repugnantia suæ voluntatis, eo quòd eius indignatio citò transiit, non cadere in virum constantem, secus verò, si indignatio diuturna sit.

Neque

Neque argumenta primæ & secundæ sententiæ nobis obstant. Primæ enim sententiæ argumenta de metu pudoris, & verecundiæ citò transeuntis intelligi debent. Secundæ sententiæ argumenta de metu indignationis diuturnæ.

7 Item preces importunas, & sæpiùs repetitas ab his, quibus reuerentia debetur, ut probabilius defendo cum Thom. Sanchez *disp. 7. num. 7.* Lessio *lib. 2. cap. 17. dub. 6. n. 35.* cadere in virum constantem, quia molestissimum est has preces sustinere, & vix est, qui possit diu resistere: graue enim est, & intolerabile subdito habitare cum superiore, cuius voluntatem continuò despiciat; ex tali enim despectu necessariò superior implacitum, & inoffensum se subdito ostendet. quod certè de se graue malum est. Non tamen probo, quod dicit Basilus de Leon *lib. 4. de matrim. & alij ab eodem relati, cap. 5. num. 17. & cap. 12. n. 5.* has preces à quacumque persona oriantur, inducere grauem metum, alias nihil Principes voluntariè efficerent, cum omnia rogati faciant, & sæpè velint esse rogati, & puella precibus amasij agitara coacta diceretur, & pater si petitione importuna filij donationem concederet. quæ omnia, meo iudicio, aliena sunt à veritate, eo quòd censeam huiusmodi precum molestiam facilè vitari posse, quoties non oriuntur à superiore persona, & cuius habes dependentiam. Adde, esto indignatio diuturna patris, & superioris sufficiat constituere metum grauem reuerentialem. Non tamen hunc metum constituit, si sit aliorum hominum, qui ad nos non attingunt, ut dicit ipse Basilus *suprà cap. 5. num. 7.* Ergo similiter, esto preces importunæ superioris, & quorum habemus dependentiam, metum grauem constituent, non tamen si sint aliorum, qui ad nos non attingunt, vel potiùs nobis sint subditi. Neque rationem, aut textum pro se efficacem adducit, posset tamen adducere, quæ congerit doctissimus Sanchez *disp. 7. num. 4.* Nam esto preces hæ molestiam, & violentiam inferre dicantur, *extranag. execrabilis, de prabendis*, non debet censi tanta, quæ in virum constantem cadat: neque enim Samson *Iudic. 16.* constanter egit, dum victus amore, & importunatione Dalidæ secretum fortitudinis propalauit, esto molesta ei esset, & per multos dies iugiter adhæreret, spatium ad quietem non tribuens, sibi enim impurare debebat, quod non tribueret spatium ad quietem, cum facile illam repellere posset.

8 Circa secundam conditionem dubitari potest, quæ requirantur, ut incutiens metum præsumi probabiliter possit executurus malum? Dicendum igitur est ex circumstantiis hoc esse pensandum, si enim potens sit, qui minatur, & durè fert suæ voluntati repugnari, meritò timeri potest executurus: eaque de causa dixit Iuriconsultus in *l. famosi, ff. ad leg. Jul. maiest.* personam spectandam, & an potuerit facere, & an antè quid fecerit, quasi totus metus ex conditione personæ minantis desumendus sit.

Hinc inferunt communiter Doctores requiri necessariò, ut metum incutiens solitus sit minas exequi, imò oportere solitum esse exequi in eodem genere mali, ex doct. Baldi in *l. fin. ad fin. ff. de hered. instit.* dicentis, ex dissimilibus non sumi coniecturam, ita relato Cyno, & Alexand. *l. metum, n. 2. C. de his quæ vi*, docet Sanchez *lib. 4. disp. 1. num. 21.* addens hoc verum esse, nisi solitus sit minas exequi in alio genere veri ita atroci, ac est illud quod minatur. Explicatque deinde Sanchez, quid requiratur, ut possit dici, solitum esse exequi minas, meritòque timeri possit executio, & asseruit non sufficere alios malè tractasse vna vice, nisi pluries tractauisset, quia vnicus actus consuetudinem non facit; si verò te iam tractauit malè, sufficienter te posse timere, ut iterum faciat.

9 Ceterum existimo ad incutiendum metum non

Ferd. de Castro Sum. Mor. Pars I.

esse necessarium solitum esse minantem minas exequi, sed sufficere minari. Probo. Verba sunt signa conceptus, & intentionis. *cap. humane aures, 22. q. 5. & l. Labeo, ff. de supellect. legat.* cum ergo verba minantis promittant malum inferendum; meritò illud timere poteris. Secundò, si homo armatus vndeque tibi aliquid præcipiat, timere iustè potes mortem, vel aliquid simile, si non obtemperas, ex *l. 3. in princ. vers. qui armati, ff. de vi, & vi armata.* ibi, *sufficit enim terror armorum, ut videantur armis deuicti.* & ex *l. 1. §. tit. 2. part. 4.* ibi, *como si viesse armado*, & tradit ibi Gregor. Lopez, Ioannes Garcia de nobilitate, *glossa 17. num. 16.* Nam licet re vera non inferatur vis, tamen satis est ad timorem iustum, timere ne inferatur, ex text. in *l. nouissimè, ff. quod falso tutore.* ibi, *aut metuens ne compelleretur*, & ex *l. si donationis, C. quod metu causa*, & in *l. interpositas, C. de transactionib.* & aliis multis allegatis à Mascard. *de probat. verb. metus, conclus. 1055. num. 49.* Imò etiam si ferens arma, illa deponat, causabit grauem metum, cum enim possit illis armis uti, nihil obest depositio, ex *l. quoties, §. qui in potestate*, & *l. in delictis, in princ. ff. de noxalib.* & tradit Thomas Sanchez *lib. 4. de consensu coacto, disp. 5. num. 5. cum glossa super dict. l. 3. verbo, sed deiecerunt*, & ibi Angel. Gregor. Lopez *super verbo, suuicissim.* Anton. Gabriel *2. tom. commun. opin. verbo metus, fol. 106. col. 1.* Anton. Cucus *lib. 5. instit. maiorat. tit. 12. num. 159.* Gutierrez *consil. 16. num. 10.* Ergo etiam si minans nunquam alicui malum intulerit, potest metum cadentem in constantem virum causare, ex eo præcipuè, quòd armatus præcipiat. Tertio, esto verum sit delictum factum non debere præsumi, nisi probetur, ex *l. meriti, ff. pro socio.* At efficiendum bene potest præsumi, si ipsemet reus efficiendum proponat: si enim ex eo quòd reus dixerit se delictum commisisse, infertur ad minimum semiplena probatio delicti commissi, & indicium sufficiens ad torturam, ut tradit Decius in *cap. ai si clerici, de iudic.* Imola in *cap. post inquisitionem, de elect.* & alij, quos refert, & sequitur Mascard. *de probat. verb. delictum, conclus. 498. num. 1.* Ergo etiam inferretur semiplena probatio, & præsumptio non leuis delicti committendi, ex eo quòd minetur se commissurum.

Quare cum Doctores dicant ad incutiendum metum grauem requiri necessariò incutientem solitum esse minas exequi, intelligi debent, quando solitus est minari, tunc enim minis superiactatis, & executioni mandatis, infertur morale iudicium, idem ipsum effecturum. Si verò non sint executioni mandata minas, colligetur illas non proferte ex animo exequendi, sed ad terrorem, iuxta *l. metum, C. de his quæ vi.* At si non constat alia vice minatum fuisse, nulla esse potest ratio, quare ex ministerio iactatis à potente illas exequi non concipiatur grauis timor. Et in casu dubio an aliquis atrox sit, & minas executioni mandaturus, dicit Thomas Sanchez *lib. 4. disp. 6. num. 22.* cum Veroio *cap. 1. de officio delegati, num. 19.* incutere iustum metum. Idem tenet Bonacina *quæst. 3. de matrim. punct. 8. num. 7. sine.* Ochagauia *tractat. 3. de matrim. quæst. 24.* ibi, *quòd si sit persona incognita, timeri debent minas, ne incaute in periculum quis incidat*, & adducit Abb. *cap. 1. num. 3. de off. deleg.* Felin. *ibi num. 2.* Decium *n. 11.* Henriquez *lib. 11. de matrim. cap. 9. num. 3.* idem docet Basilus de Leon *lib. 4. de consensu coacto, cap. 2. num. 8.*

10 Tertia conditio requisita ad metum grauem, ut scilicet patiens metum non facilè resistere possit, est manifesta. Nam si facilè malum vitare potest, iustè non timet, sibi enim imputare debet, si malum eueniat, cum facili negotio potuerit vitare. & ita tradunt Syluest. *verb. metum, quæst. 1.* Anton. Cucus *lib. 5. instit. maior. tit. 12. n. 155.* Thom. Sanchez *lib. 4. de matrim. disp. 1. n. 23.* Cunninch *de matr. disp. 28. dub. 2. n. 23.* Bonacina cum aliis *suprà.* Basil. de Leon *lib. 4. de matrim. cap. 2. num. 6.*

E

Circa

Circa supradictas conditiones duo sunt aduertenda.

Primum est grauitatem metus, non secundum se tantum sumendam esse, sed per ordinem ad personas patientes metum. nam, vt bene dixit Menoch. lib. 2. cent. 2. casu 135. n. 2. non omnes vnius conditionis sumus, aliqui enim constantissimi sunt, quos nullum periculi, nullum tormenti genus terret, aliqui verò mustela ipsa timidiore Austri leues status verentur. Negari enim non potest mulieres timidiore esse viris, & pueros hominibus maturæ ætatis, faciliusque terri, ac proinde malum quod adolescentibus iminatum, sufficiens non esset incutere metum grauem, fore puero, vel mulieri sufficiens, quod latè probat Tiraquel. de legib. connub. l. 9. gloss. 1. n. 160. Menoch. de arbit. lib. 2. cent. 2. casu 135. n. 4. & 5. Nauarr. cap. 22. n. 51. Molin. lib. 2. de primog. cap. 3. n. 10. Couarr. 4. decret. 2. p. cap. 3. §. 4. n. 2. Flamin. lib. 13. de resign. q. 1. n. 58. & alij plures, quos refert, & sequitur Thomas Sanchez disp. 3. à n. 2.

Hinc oritur non leuis difficultas; si enim malum, quod timeri debet, per ordinem ad personam patientem metum sumendum sit, contingere potest, esse aliquem ita timidum, cui malum leue, & faciliè vitatu grauius moueat, velitque potius contractum celebrare, quam metui subiaceret, quod quidem est contra decisionem text. in l. metum, l. 2. ff. de eo quod met. caus. vbi dicit Confultus, Metum non vani hominis, sed qui merito, & in hominem constantissimum cadat, ad hoc edictum pertinere dicimus. & l. nec timorem 7. vers. proinde. l. 1. ff. de eo quod met. caus. dicitur, si quis metuculosus rem frustra metueret, per hoc edictum non restituitur. Infertur ergo non esse sumendam grauitatem metus ex imaginatione patientis, sed ex ipsa rei grauitate, & ita tenet Sanch. lib. 4. de matr. disp. 1. n. 14. cum Palac. 4. disp. 29. disp. 1. fol. 160. col. 2. vers. ad hac.

11 Cæterum distinguendum censeo: vel loqui possumus de metu, quatenus annullat contractum, vel quatenus inuoluntarium reddit. Si enim loquamur de metu quatenus inuoluntarium reddit, fateor malum leue, & insufficientem constantem virum mouere, si sub graui malo apprehendatur causare inuoluntarium. Sicuti potest causare graue aliquod malum; quia in tantum graue malum mouet ad sui fugam, in quantum vt tale apprehenditur. Si ergo leue malum vt graue apprehendatur, eodem modo mouebit, & inuoluntarium causabit. Verum ne litibus occasio detur, solus metus de re graui, & quod grauius constantem mouere potest, voluit ius canonicum, & ciuile, vt contractus rescindat, & alius metus leuis pro nihilo habeatur, & ita notauit expressè Lessius lib. 2. cap. 17. dub. 6. n. 45. in 2. edit.

12 Secundò aduerto non esse necessarium timere malum in propria persona, sufficit si in filiis, & alijs sanguine iunctis, & affinibus ortis ex matrimonio timeatur, quia horum malum, vt proprium reputandum est, & quia iuste potest quis timere, sibi inferendum malum, si ob eam causam sibi sanguine iunctis infertur. & ita tradunt alijs relatis Mascard. de probat. concl. 1055. n. 24. Flamin. de resign. lib. 13. q. 1. n. 158. Matien. lib. 5. recap. tit. 1. rubr. gloss. 1. n. 189. Thom. Sanchez plures referens lib. 4. disp. 4. n. 8. & 11. Hi consanguinei vel affines debent esse intra quartum gradum, vt metus illis incussus censetur propius, quia extra illum non reputantur consanguinei, ex text. in c. non debes, de consang. & affin. & tradit Thom. Sanchez sup. n. 12. Ochagauia tract. 3. de matr. q. 25. n. 2. Idem est, si metus esset incussus tibi amicissimo, quia bona amici, propria censentur. Sanch. n. 9. & Ochagauia n. 2. Lessius lib. 2. cap. 17. dub. 6. in princ. n. 35. ac denique idem est dicendum de metu incusso domesticis alicuius, iuxta cap. quicumque, de sent. excom. in 6. iuncta gloss. verbo suorum, & ex Clem. 1. de excess. prel. verb. seruientes, & tradit Sanchez n. 10. & Ochagauia supra, & consentit in omnibus Basilius de Leon lib. 4. de matr. cap. 3. n. 4.

13 Tertiò aduerto, arbitrio iudicis, & prudentis me-

tiendum esse metum grauem, ita probat l. metus autem causa, ff. ex quib. caus. maior. ibi, non sufficit quolibet terrore adductum timuisse, sed huius rei disquisitio iudicis est. Non enim certa regula definiri potest: nam licet malum imminatum graue sit, potest tamen faciliè repelli, vel quia incutiens metum non valet exequi, vel quia patiens illum validior est; quocirca horum cognitio ex arbitrio prudentis dependet; similiter etiam dependet ex prudentis arbitrio iudicare, plura mala an attingant terminum requisitum ad grauem metum incutiendum. v. g. amissio diuitiarum, incarcerationio, precum molestia cum metu reuerentiali, & alia huiusmodi. ita glossa in l. interpositas, verb. cruciatum, C. de transact. & ibi Bald. & gloss. in cap. penult. de his que vi, metusve causa sunt. & multis relatis docet Couarr. optimè de sponsal. p. 2. cap. 3. §. 4. n. 8. Syluest. verb. metus, q. 2. Menoch. de arbit. lib. 2. cent. 2. casu 135. n. 3. Thom. Sanchez lib. 4. disp. 5. n. 1. & seqq. Basilius de Leon lib. 4. cap. 4. n. 2.

Aduerto tamen cum Basilio, & Sanchez supra, hoc iudicis arbitrium non solum desiderari iure Cæsareo, & canonico, sed etiam iure regni Castellæ, quidquid dicat Villalobos in antinomia iuris ciuili, & regij, verbo metus, num. 14. tum ob rationes factas, quia sæpe grauitas mali, & potestas vitandi, non est ita comperta, quin iudicis arbitrium desideretur, tum etiam, quia l. 7. tit. 33. part. 7. post enumerata aliqua mala grauem metum inducentia additur, de tal miedo como esse, o otro semejante. Vt ergo decernatur an simile, vel æquale malum sit illi, quod in iure est expressum, iudicis arbitrium requiritur, & in foro conscientie prudentis Confessoris.

PUNCTVM VIII.

Vtrum metus grauis, iniuste incussus ad extorquendum contractum, reddat contractum iure naturæ nullum.

- 1 Distinguitur multiplex metus.
- 2 Proponitur prima sententia affirmans metum iniuste incussum iure naturæ contractum irritare.
- 3 Secunda sententia distinguit inter contractus lucrativos, & onerosos.
- 4 Omnis contractus tam onerosus, quam lucrativus, est validus iure naturæ, venit tamen rescindendus.
- 5 Satisfit rationibus primæ & secundæ sententiæ.

1 **P**onendum est metum grauem prouenire posse à causa naturali, vel à libera, & ab hac dupliciter iuste, vel iniuste. Si à causa naturali proueniat, certum est nullum contractum, vel promissionem annullare, alijs promissiones, vota, & iuramenta facta timore mortis imminenti in tempestate, vel infirmitate essent irrita: quod non est dicendum. Si verò à causa libera proueniat metus, cum possit iuste, vel iniuste prouenire, videndum est, an utroque modo annullat contractus ex tali metu celebratos. In præsentem agemus de metu iniuste incusso; in sequenti de metu iuste illato.

2 Prima sententia docet metum grauem iniuste incussum ad extorquendum contractum, contractum annullare ipso iure naturæ, tenent hanc sententiam Molin. tom. 2. de iust. disp. 267. & disp. 326. in sol. ad 2. Ioan. Salas plures referens 1. 2. q. 6. art. 6. tract. 3. disp. 3. sect. 1. n. 8. Couarr. 4. decret. 2. p. c. 3. §. 5. n. 6. Matienzo lib. 5. recap. tit. 1. rubr. gloss. 1. num. 189. & alij apud Thom. Sanchez lib. 4. de matrim. disp. 14. num. 1. & disp. 8. num. 2. Probatum primò, si extorqueas consentium ab alio per metum grauem, iniuriam, & iniustitiam illi facis. Ergo non est iustum, vt commodum ex tali iniustitia reportes, reportares autem maximum, si iniuriarum tibi obligares, & contractus celebratus firmus esset. Secundò acquisita per metum obligatis restituere, vt est communis

omnium

omnium sententia, & habetur in l. 28. §. 1. p. 5. ergo non habes illorum dominium, dominium enim est ius, & potestas utendi re pro libito. Si ergo teneris illam reddere donanti, lignum est tibi non esse translatum dominium. Et ita tenet Fortunius *tr. de vlt. fin. illat.* 2. 1. n. 449. P. Molin. *tom. 2. de iust. tract. 2. disp. 3. 26. in sol. ad 2.* Tertio, si promittas Petro ex metu aliquam rem, non potest Petrus illam recipere. Ergo neque tu es obligatus illi donare. Quarto, quia nullum est ius, in quo contractus metu facti irritantur, sed potius supponuntur irriti, vel irriti declarantur. Ergo signum est iure naturæ esse irritos. Quinto communis est omnium sententia vota simplicia metu extorta irrita esse, & tamen non sunt irrita aliquo iure positivo, cum nullum appareat, in quo talia vota irritentur. Ergo sunt irrita iure naturæ. Ergo idem erit dicendum de aliis promissionibus.

3 Secunda sententia distinguit inter contractus lucratiuos, & onerosos, & affirmat onerosos esse ipso iure naturæ validos, quia est titulus sufficiens ad illorum valorem, scilicet dati, & accepti, qua ratione dicit emptionem, venditionem, locationem metu factam validam esse, neque obligationem esse restituendi rem, neque fructus, quousque patiens metum petat rescissionem contractus, quia est translatum dominium. At contractus lucratiuos, in quo nihil rependitur, ut promissio, donatio, testamentum, legatum, commodatum, precarium, nullos esse, quia ibi nullus alius est titulus ad transferendum dominium præter voluntatem, quæ cum non sit liberalis, & gratuita, sed metu coacta, non videtur sufficere ad transferendum dominium; sicut solutio vsurarium nulla est ipso iure naturæ, quia deficit voluntas liberalis, & titulus sufficiens ad eius valorem. Confirmo efficaciter ex l. donationis, ff. de donat. ibi, *donat aliquis ex mente, ut statum velut accipientis fieri, & in nullo casu ad se reuerti. Et tantum, ut liberalitatem, & munificentiam exercent, hæc verè donatio est.* Sed qui donat ex metu, non vult in nullo casu ad se reuerti, sed potius cum donat, vult, ut sibi reuertatur. Ergo talis donatio, donatio non est. ita tenet Vasquez 1. 2. *disp. 27. in fine.* Azor lib. 1. cap. 11. §. 7. §. nono. Basilius de Leon lib. 4. cap. 6. n. 4. & cap. 7. n. 4. ubi affirmat acquisita per metum in contractu oneroso non esse restituenda, quousque patiens metum petat rescissionem contractus: secus verò acquisita contractu lucratiuo; hæc enim cum fructibus restituenda debent. Ex qua doctrina infertur cap. 11. n. 9. concessionem vestigialium, aut novi tributi Regi factam metu reuerentiæ, aut quouis alio graui valere in conscientia, neque Principem obnoxium esse restitutioni, quia illa concessio non est liberalis donatio, quæ exigit plenum voluntarium, sed est contractus onerosus, cum detur ad tuitionem regni, & ad regni hostes debellandos, alijsq; publicis necessitatibus subueniendū.

4 Tertia sententia (cui tanquam probabiliori adhæreo) docet contractus per huiusmodi metum celebratos validos esse, venireque rescindendos à patiente metum actione quod metus causa, si res integra non sit: potest enim agere aduersus iniustum detentorem, ut sibi res translata reddatur: si autem res integra sit, exceptione metus potest se tueri. Ita tenent Sorus 4. *dist. 29. q. 1. art. 3. vers. ad 2. & vers. ad 3.* Henricus lib. 11. *de matrim. cap. 9. n. 4.* Carbon de *restit. q. 46. concl. 4.* Perr. de Ledefina de *matrim. q. 47. art. 3. dub. 1. in sol. ad 3. & 4. fol. 214. col. 2.* Lessius lib. 2. cap. 17. *dub. 6. n. 42.* Azor lib. 1. cap. 11. §. 6. & 7. Thom. Sanchez lib. 4. *de matrim. disp. 8. n. 4. & disp. 14. n. 2.* & alij innumeri ab eisdem relati. Præcipuum fundamentum est, quia non obstante iniuria per metum illata datur, quidquid ad rationem contractus necessariò requiritur. Ad valorem enim contractus solum requiritur iustus titulus, & voluntarius consensus, sed metus non tollit voluntarium absolutè, ut supra diximus, neque excludit titulum dati, & accepti, donati, promissi,

Ferd. de Castro Sum. Mor. Pars I.

& similium. Ergo talis contractus iure naturæ validus est. Secundò probò à simili. Contractus, cui dolus causam dedit, non est irritus iure naturæ, ut patet in matrimonio contracto ex errore, quo putabas nobilem, & diuitem esse uxorem, cum tamen ignobilis, & pauper sit. Et generaliter de omnibus contractibus stricti iuris, dolo, vel metu contractis definitur esse validos, debereque actionem exceptione doli mali, vel metus elidi. *Inst. de except. in princ. & l. dolo. C. de inutil. stipul.* qua de causa deceptor non potest rescire à contractu, si deceptus velit stare contractu, ut colligitur ex cap. 1. *de eo qui duxit in matrim. & ex l. 13. ff. de act. empt. in princ.* sed metus, & dolus æquiparantur in iure, ex l. dolo, C. de inutil. stipul. ibi, *dolo, vel metu adhibito actio quædam nascitur, si subdita stipulatio sit, per doli mali tamen, vel metus exceptionem submoueri petitio debet.* Idem constat ex l. si dolo, ff. de inutil. stipul. & cap. cum contingat, de iureiur. & cap. 2. de pactis, in 6. in fine. Ergo si dolus non reddit iure naturæ irritum contractum, cui causam dedit, neque metus. Tertio metus levis non reddit irritos contractus iure naturæ, ut est communior sententia. Aliàs in foro externo deberent irriti declarati, quod nullo modo fit, neque admittitur actio, neque exceptio de huiusmodi metu, ut constat ex l. vani timoris, ff. de reg. iur. & l. metum, ff. de eo quod metus causa. sed per metum leuissimum etiam fit iniuria contrahenti, cum eius voluntas iniuste cogatur. Ergo si hæc iniuria levis non reddit irritum contractum, neque etiam grauis debet irritare, cum in utroque reperitur iniustitia. Quarto sacramenta recepta metu graui valida sunt, matrimonio excepto. habetur de sacramento Baptismi cap. maiores, §. item quaritur, de Baptismo; & de reliquis sacramentis est communis sententia, quia est eadem ratio. Ergo metus non tollit libertatem requisitam ad valorem actus iure naturæ.

5 Neque obstant argumenta contraria.

Ad primum primæ sententiæ respondeo parum utilitatis accrescere iniurianti ex contractu metuloso, cum teneatur rescindere, si solubilis est, & res in pristinum statum restituere.

Ad secundum fateor te acquirere dominium tam in contractu oneroso, quam lucratiuo, ut tradit gloss. in cap. unic. de his que vi, in 6. not. 1. & cap. super hoc, de renunt. verb. resignat, Nauar. cap. accepta, de *restit. fol. onerosis.* §. n. 21. Thom. Sanchez *lib. 4. de matrim. disp. 8. n. 4. & 11. Lessius lib. 2.*

Acquisitum est nimis infirmum, cum tenearis amittere, & rem ad pristinum statum reddere. Neque hæc obligatio obstat dominio, non enim dominium est potestas utendi re in quemcumque usum, aliàs possidens maioratum, non diceretur illius habere dominium, cum non possit alienare, neque obligare. Est igitur dominium tentio rei iusto titulo, id est, titulo à iure non annullato. §. per traditionem. *Inst. de rer. diuis. & l. traditionibus. C. de pact.* At cum huiusmodi contractus, etsi per iniustitiam sint extorti, non reperiantur à iure annullati, efficitur sanè validos esse. Cui valori non obstat te obligatum esse reddere rem primo possidenti, sicuti non obstat dominio, quod habes in tuis bonis, ut tenearis aliqua ex eis Petro donare, si promissisti, quod enim promissio acceptata efficit, id ipsum præstat iniuria illata. Imò addendum existimo, si rem sic per metum acceptam in tertium possessorem transferas, posse patientem metum, non solum à te, sed etiam ab illo tertio possessore rem vindicare. l. si cum exceptione, §. in hac actione, ff. de eo quod metus causa, quia vitiosè translata est, quod colligitur aperte ex l. metum autem præsentem 9. §. volenti, ff. de eo quod metus causa, ubi dicitur, *Volenti* (scilicet per metum) *detur & in rem actio, & in personam, & §. licet.* dicitur etiam *actionem in rem dandam existimamus*, quia res in bonis eius est, qui vim passus est, non quia propriè res sit patientis metum, sed quia qui habet actionem ad rem, rem ipsam habere

E 2

habere videtur. *reg. qui actionem* 15. ff. de *reg. iur.* habet ergo patiens metum actionem, non solum aduersus metum inferentem, sed etiam aduersus quemcumque possessorem pro vindicanda re; & ratio est, quia patiens metum ob iniuriam sibi illatam ius habet rescindendi contractum factum, quia habet ius, ut sibi satisfactio detur, & iniuria facta reparetur, quæ non potest alia via reparari, quam si contractus factus rescindatur, & res in suum pristinum statum reddantur. hæc tamen actio non obstat dominio per contractum acquisito, ut ex supradictis constat.

Ad tertium respondeo; etsi Petrus extorquens à te legatum non possit illud recipere ratione iniuriæ, potest tamen illud recipere ratione contractus; ita tu obligatus es ratione contractus illi tradere; cetero ratione iniuriæ excuseris, ac proinde exceptione iniuriæ repellere potes illum à legato, stat enim optimè te obligatum esse ex vno capite ad aliquid faciendum, & deobligatum esse ex alio. v. g. ex contractu potes alicui debere centum, at si tibi iniuriam intulit, poteris debitum retinere, quousque satisfactionem exhibeat, & si petat, poteris exceptione iniuriæ repellere.

Ad quartum dico, etsi nullus textus sit, in quo plures contractus metu injiti, irriti declarentur, quia tamen sunt plures textus, in quibus validi declarantur, efficitur manifestè iniuriam ex metu factam insufficientem esse ad annullandos contractus iure naturæ.

Ad quintum vota simplicia per metum esse irrita non iure positivo scripto, sed traditione, & consuetudine Ecclesiæ vim legis obtinente, sicuti matrimonium metu contractum, vel fidelis cum infideli irritum est hoc modo secundum probabilem sententiam.

Ad rationem autem secundæ sententiæ respondeo quamlibet donationem metu factam validam esse: nam esto nõ sit omnino liberalis, & gratuita, sed coacta; quia tamen non est simpliciter inuoluntaria, sed potius simpliciter voluntaria, & libera; ideo simpliciter, & absolute valet. & ideo in l. vi. C. de his quæ vi, præcipiuntur eodem modo donationes, ac venditiones, & transactiones per potentiam extortæ infirmari. Non igitur sunt omnino irriti, & ita tenet Lessius lib. 2. c. 17. dub. 6. n. 37. §. sed verius est. Neque est simile de usuris; nam ibi deficit titulus, datur enim in pretium mutui, quod dignum pretio non est. Ad confirmationem, quam ita extollit Basil. de Leon, minus modè cæcutientes, & cæcos appeller esse, quia illa non conuincuntur, facile respondetur primò legem illam loqui de donatione pura, & perfectissima, de qua etiam locutus fuit Arist. 4. topic. cap. 4. dicens donum esse datum irredibile, id est, animo, & affectu ne vnquam tibi reddatur. At non loquitur de quacumq; donatione, hæc enim solum ad eius valorem requirit liberum consensum, cui non obstat metus, aliàs neque donatum Deo, aut promissum ex metu esset validum, cum simplici affectu velis non fieri, & tibi reddi.

Secundò respondeo ex vi donationis, qui donat etiam coactè, vult simpliciter, & absolute fieri accipientis, neque sibi vnquam reddi: ac simplici affectu vult non dare, & sibi reddi, sicuti contingit in proiciendo merces in mare, simpliciter enim, & absolute vult merces à se abdicare, & à mari possideri, & nunquam sibi reddi; ac simplici affectu nec vult proicere, neque à se abdicare, imò potius reddi.

PUNCTUM IX.

An metus grauis irritet contractus, iure positivo, vel veniant irritandi.

1. *Propositur communis sententia non esse irritos, sed venire irritandos.*
2. *Aliqua excipiuntur ab hac regula secundum omnium sententiam.*

3. *Quid dicendum de contractu sponsalium.*
4. *Quid de promissione dotis.*
5. *Quid de constitutione procuratoris.*
6. *Quid de iurisdictione data, vel prorogata.*
7. *Quid de sententia per metum lata.*
8. *Quid de renuntiatione beneficij.*
9. *Quid de metu incusso ad contrahendum matrimonium cum aliqua indeterminati.*

1. **C**ommunis est sententia non esse irritos, sed venire irritandos, ita Nauarr. in cap. accepta, de rest. spol. oppos. §. n. 7. & summ. cap. 22. n. 50. Lessius lib. 2. cap. 17. dub. 6. n. 36. Thom. Sanchez lib. 4. disp. 8. n. 4. Gutierr. de iuram. 1. p. cap. 57. n. 11. Flamin. de resignat. lib. 13. q. 2. n. 9. Gregor. Lopez l. 56. verb. defecho, tit. 5. p. 5. Hentiq. lib. 11. de matrim. cap. 9. n. 4. Bonacina de matr. q. 3. p. 8. n. 8. §. dixi, iure Ecclesiastico, & alij plures, quos ipi referunt, specialiter Thom. Sanchez innumeris congerit. Præcipuum fundamentum sumitur ex aliquibus text. vbi facta per metum veniunt rescindenda; specialiter in cap. Abbas, de his quæ vi, dicitur renuntiationem factam per metum debere in irritum reuocari. Ergo signum est, validam esse, quod enim irritum est, non indiget, ut in irritum reuocetur, & in cap. ad audientiam, de his quæ vi, dicitur, quæ vi, metu, & causa sunt carere debent robore firmitatis, siquidem possunt, & debent rescindi. Item Instit. de except. in princ. dicitur, si metu coactus, aut dolo inductus, aut erroris lapsus stipulans Titio promissisti, quod non debueras promittere, palam est iure civili te obligatum esse, & actio qua intenditur dare te oportere, efficax est, vbi glossa obligatum esse, scilicet inspecto iuris rigore, & efficax est, scilicet in sui substantia. Item in l. vi. C. de his quæ vi, dicitur, venditiones, donationes, transactiones, quæ per potentiam extorta sunt, præcipimus infirmari. Ergo erant aliquo modo validæ, & iuris remedio infirmandæ sunt. Idem traditur in l. 9. §. volenti, & §. sed & quod prator, & l. si mulier, §. penult. ff. de eo quod metus causa, & l. interpositas, C. de transact. l. dolo §. 1. C. de inutit. stipulas, & l. 56. §. tit. 1. p. 5. Neque obstat l. 28. tit. 11. p. 5. vbi dicitur, por miedo, o por fuerza, o por engaño que fuesse, prometiendo vn hombre a otro de dar o de facer alguna cosa, maguer se obligue soçierta pena, iurado de cumplir loque promete, decimos que no es tenuto de cumplir lo prometido, ni de pechar la pena. Ergo per metum extorta promissio nullam inducit obligationem iure nostri regni. Non, inquam, obstat: nam, ut bene Gregor. Lopez ibi, verb. tenuto, intelligi debet cum effectu, hoc est, non esse obligatum promissionem implere, non ratione promissionis, sed ratione iniuriæ sibi factæ, & quoties quis habet exceptionem aduersus petentem, habet etiam ius retinendi, quod non obstat valori contractus, ut in puncto antecedenti diximus. Aduertendum tamen est, ad rescissionem contractus sufficere si ab aliquo tertio tibi sit metus illatus, etiam si is, quo cum contrahis, conscius non sit iniuriæ; quia ex eo, quod tertius causa fuerit iniuriosa illius contractus, contractus absolute coactus est, ac proinde infirmus, & rescindendus. quod constat ex cap. ad aures, cap. Abbas, de his quæ vi, cap. veniens, et 2. de sponsal. in quibus text. à tertio erat metus illatus, & cui dabatur Ecclesia resignata fortè ignarus erat vitij commissi. Clariusque deciditur in l. item si cum exceptione, §. in hac actione, ff. quod metus causa, ibi, in hac actione non queritur, verum ut qui conueniuntur, an alius metum fecit, sufficit enim hoc dicere metum tibi illatum, vel vim. tradit alijs relatis Sanchez lib. 4. de matrim. disp. 8. & disp. 12. num. 19. Lessius lib. 2. cap. 17. dub. 6. num. 39.

2. Ab hac regula generali aliqua excipit glossa in cap. Abbas, de his quæ vi. Syluest. verb. metum, q. 8. Rebell. 2. p. de oblig. iust. lib. 1. q. 5. n. 12. Azor lib. 1. cap. 11. q. 5. 6. & 7. Salas 1. 1. r. 3. disp. 3. sect. 1. n. 27. Lessius lib. 2. cap. 17. dub. 6. n. 30. Basil. de Leon lib. 4. cap. 8. n. 7. quæ sunt irrita iure Eccle

Ecclesiastico. Primò in quo omnes conveniunt, est matrimonium. *cap. significavit, de eo qui duxit in matr. cap. requiritur, cap. gemma, de sponsal.* Secundò votum solemne in religione, *cap. per laicum, de his qua vi.* & ex hoc ad quodlibet votum extenditur. Tertio testes adhibiti in testamento, si coacti sint. *l. qui testamentis, §. vlt. ff. de testam.* & tradit glossa ibi, & in *cap. sacris, verb. per coactionem, de his qua vi.* Quarto omnis promissio, vel obligatio facta in gratiam eius, qui aliquem metu graui in carcerem coniecit, vel detinet. *l. qui in carcerem, ff. de eo quod metus causa, ibi, qui in carcerem aliquem intrusit, ut aliquis de exitu queret, quidquid ob hanc causam factum est, nullius momenti est, hoc est, nullius vigoris, hunc enim esse eius particulæ sensum, constat ex cap. ordinarij, in fine, de off. ord. in 6. ibi, aliter, inquit, facta collatio nullius sit momenti.* sic explicat alios referens Farinac. *1. p. pract. crim. q. 35. n. 4.* requiritur tamen, ut ad huiusmodi finem in carcerem coniecerit. Nam si aliunde ob aliquod delictum in carcerem iuste coniectus sis, & tibi offeratur libertas, si renuncies; probabilius est, renunciationem valere, ut optimè docet Flamin. *de resign. lib. 13. q. 1. n. 161. & 165.* Thom. Sanch. *lib. 4. disp. 12. n. 6.* Gutier. *de iuram. 1. p. c. 57. n. 4. & 5.* alique ab eisdem relati. Si tamen cum alio ab eo, qui te in carcerem detinet, contractum in eas, non, inquam, ad instantiam incarcerantis, nullo modo dicendus est contractus metu celebratus, quia tunc incarceration est per accidens, tradit alios referens Flam. *lib. 13. q. 1. n. 120.* Farinac. *supr. n. 3.* Basil. *de Leon lib. 4. de matr. cap. 10. n. 9.* Quintò nulla est absolutio ab excommunicatione, suspensione, vel interdicto, vel eorum reuocatio. *cap. unic. de his qua vi, in 6. ibi, absolutiois beneficium ab excommunicationis sententia, vel quacumque reuocationem ipsius, aut suspensionis, seu etiam interdicti, per vim, vel metum extorta presentis constitutionis auctoritate omnino viribus vacuum.* Sextò promissio, vel traditio rerum Ecclesiæ ex metu. *cap. pervenit, de iureiur. & cap. 1. 2. q. 6.* Septimò assignatio tutoris, vel curatoris metu facta, ex *l. 1. §. vlt. ff. de auctor. tut.* Alia sunt, in quibus est controversia inter Doctores, an sint ipso iure irrita, vel veniant, sicut reliqui contractus, rescindenda. Primò dubitatur de sponsalibus, de quibus tenent plures DD. invalida esse, ex *cap. ex litteris, de despons. impub.* ubi puellæ contrahenti per metum cum impubere, datur facultas accipiendi alium virum, si noluerit spectare, ut puer 14. attingat. Signum ergo est sponsalia valida non fuisse, aliàs ratione impedimenti publicæ honestatis, non daretur libera facultas contrahendi cum alio quolibet. & ita tenet Couarr. *4. decret. 2. p. c. 3. §. 1. n. 1.* Thom. Sanch. defendit pluribus relatis, ut probabilius, *lib. 4. disp. 19. n. 3.* Azor *lib. 1. cap. 11. q. 7. in 1. casu.* Salas *tract. 3. disp. 3. sect. 1. n. 27.* Gutier. *de matr. c. 76. n. 42.* Regin. *lib. 3. n. 88.* Bonacina *q. 3. p. 8. n. 31.* Verùm hic textus non satis probat sponsalia fuisse irrita, nam esto valida fuissent, poterat Pontifex ob iniuriam factam infirmare, & licentiam puellæ contrahendi cum alio quolibet concedere, cum quo impedita non esset, impedimento publicæ honestatis. Item hoc impedimentum publicæ honestatis non videtur nasci ex sponsalibus ita infirmis, quæ possunt pro voluntate partis irritari: hæc enim iure reputantur quasi irrita, ut tenet Lessius *lib. 2. cap. 17. dub. 6. n. 37.* Deinde quia illa puella non solum coactum consensum, sed nec consensum videtur habuisse, ait enim text. *nolens, & inuita minis parentum impulsu;* denotat ergo minas parentum non solum effecisse illam inuitè consensisse, verùm nec consensisse, aliàs illi duo termini non satis explicantur, docet ibi gloss. *verb. desponsati,* & Innocent. *ibi, in princ.* Addere aliquis poterat, ex Alex. de Neuo in *suprad. cap. ex litteris, n. 5. & 6.* metum incussum non esse in contractu sponsalium, sed in traductione ad domum, & consequenter in matrimonio. Ait enim text. *Puellæ quædam anno 12 iurata fuit, & desponsata cuidam puero, nouem,*

Ferd. de Castro Sum. Mor. Pars I.

vel decem annorum, & tempore procedente, de voluntate parentum, potius quàm de sua, sicut asserit, ad domum patris pueri adducta, ubi nolens, & inuita minis parentum impulsu, moram fecit per annum. Metus ergo fuit in traductione ad domum, & detentione, non autem in sponsalibus prioribus. Verùm, ut rectè ait Thom. Sanch. *lib. 4. disp. 19. n. 3.* si coactio nulla præcessisset in sponsalibus, sed solum ad matrimonium; nulla esset occasio sponsalia irritandi, præcipuè cum puer causa non fuerit coactionis, ac proinde non debebat iure acquisito priuari. Præsumendum ergo est metum non solum in traductione, sed etiam in sponsalibus contigisse, sed non ob id sunt irrita, sed irritanda, & ita tenet Lessius *supr.* Ochagau. *tract. de matr. q. 33. n. 1.* Henricq. *lib. 11. de matr. cap. 9. n. 6.* Petr. de Ledesin. *de matr. q. 47. art. 3. circa 3. arg. dub. 2.* 4 Secundò dubitatur de dote, an eius promissio, & solutio metu extorta sit iure positio irrita? Negat Barbosa. *rubr. ff. sol. matr. 4. p. n. 31. & 32.* casu quo dos absolute absque determinatione quantitatatis promitteretur. Bart. in *l. si mulier, §. si dos, ff. de eo quod metus caus.* & Alex. de Neuo *cap. cum locum, n. 28. de sponsal.* nisi promissioni dotis stipulatio adiungatur. Mouentur, quia esto dos accessoria sit matrimonio, eo quod sine matrimonio esse non possit. *l. 3. ff. de iur. dos. l. fin. verb. sicut, C. de donat. ante nupt.* At non semper accessorium sequi debet naturam principalis, aliàs assistentia matrimonio parochi, & testium coacta non valeret, quia matrimonium per metum non valet, solum enim accessorium debet sequi naturam principalis, quando eadem ratio militat in accessorio, ac in principali. *l. etsi is, C. de præd. min.* At in dote non militat eadem ratio; ratio enim quare matrimonium per metum ab Ecclesia irritum redditur, est, quia si semel validum esset, irritari non posset, at dotis promissio, & solutio irritari, & annullari posset, quantumcumque valida prius esset. Ergo.

Communis sententia tenet irritam esse (& idem est de archarum promissione, & solutione.) ita gloss. *cap. 2. verb. coactus, de his qua vi.* Abbas *n. 9.* Anchar. *n. 3.* Hostien. *ad fin.* Gregor. *Lop. tit. 11. p. 3. l. fin. verb. promissionem.* Padilla *l. interpositas, n. 9. C. de transact.* Thom. Sanch. *lib. 4. de matrim. disp. 12. n. 23.* Azor *lib. 1. cap. 11. q. 7. §. secundus casus.* Lessius *lib. 2. cap. 17. dub. 6. n. 37.* Salas *tract. 3. disp. 3. sect. 1. n. 27.* Probatur ex *l. si mulier 2. §. si dos, ff. de eo quod metus causa.* ibi, si dos metu promissa sit, non puro nasci obligationem, nec talem promissionem dotis ullam esse. Idem habetur *l. fin. tit. 11. part. 3.* Ratio quare motus fuit Consultus ad irritandam dotis promissionem, est, quia est accessoria matrimonio, quod per metum est irritum, & licet non militet eadem ratio in dote, ac in matrimonio, ut bene probat supradicta ratio contraria. Hoc solum probat non fore irritam promissionem dotis, eo quod matrimonium irritatum sit: at non probat sufficientem causam non adesse, ut Consultus morus fuerit irritare promissionem dotis, sic enim fauet irritationi matrimonij factæ ab Ecclesia.

5 Tertiò dubitatur de constitutione procuratoris ad negotia, an sit irrita, vel irritanda, si fiat ex metu? Affirmat irritam esse Flamin. *de resign. lib. 9. q. 7. n. 42.* ubi testatur esse communem & *lib. 13. q. 1. n. 47.* Basil. *de Leon lib. 4. cap. 8. n. 15. & cap. 14. n. 16.* Sarmiento *de redditib. p. 1. c. 4. n. 8.* & alij quos ipsi referunt. Mouentur ex *cap. accedens, de procur.* ubi mandatur cuidam detinenti in sua potestate nobilem mulierem plenæ libertati restituere, ut sic existens libera, procuratorem liberè ordinare valeat. Verùm, ut rectè ait Thomas Sanchez *lib. 4. de matrim. disp. 12. n. 22.* cum Couarr. *4. decret. 2. p. cap. 3. §. 5. n. 9. ad fin.* Padilla *l. interpositas, n. 7. C. de transact.* Ludou. Rom. *sing. 124.* supradictu text. non probare irritam esse constitutionem procuratoris, cum nullum sit verbum annullans, solum enim cauetur liberè efficiendam esse, quod verum est: cum autem nullus textus in iure sit,

in quo constitutio procuratoris per metum irrita censetur, affirmandum est validam fore, & venite rescindendam, & ita tenent supradicti Doctores, Azor lib. 1. cap. 11. quest. 10. Excipitur tamen solum constitutio procuratoris ad matrimonium, hæc enim si coacta fiat, nulla est, quia nihil matrimonio deferuire potest. Assignans enim procuratorem, non alia ratione matrimonio celebrato per procuratorem consentit, nisi quatenus procuratorem assignat, & vices suas tribuit. Si igitur consensus in matrimonio metu præstitus est nullus, & assignatio procuratoris ad illud etiam nulla erit, & ita tenet Couarr. & Padilla, & Thomas Sanchez supra. Hostiens. cap. cum locum, paulo post princip. de sponsalib. vbi Ioan. Andr. num. 1. Imola cap. 2. de his que vi, n. 5. fine. Basilius de Leon lib. 4. cap. 14. n. 16. quamvis contrarium teneat Azor illa quest. 10.

Aduertit tamen Flamin. lib. 13. quest. 1. num. 48. ad reuocationem procuratoris ad resignationem, metu graui assignati, non requiri intimationem fieri ipsi procuratori, vel resignatario, sed sufficere, si clam fiat, quia ille diminutus consensus, quo assignatus fuit, qualibet reuocatione potest tolli. idem tradit Ruinus consil. 171. num. 21. limitans hoc modo Clement. 1. de renuntiat. vt quando procurator fuit constitutus metu, possit etiam clam reuocari.

6 Quartò dubitatur de iurisdictione data, vel prorogata per metum, de qua docent glossa cap. 2. de his que vi, verbo coactus, non valere, vbi Abbas num. 12. & 17. fin. Anton. num. 10. Anchar. num. 3. Imola num. 4. Bart. tractat. de tyrann. num. 14. Bald. l. decernimus, num. 5. C. de sacrosanct. Eccles. Azor lib. 1. cap. 11. quest. 7. §. tertius casus. Salas 1. 2. tract. 3. disput. 3. sect. 1. num. 27. Basilius de Leon lib. 4. cap. 8. num. 14. Mouentur primò ex l. 2. ff. de indic. vbi resiliens quidam ex litigantibus tribuere iurisdictionem cuidam iudici, & compulsus concessit, dicitur nullam esse iurisdictionem. Secundò electio prælati metu facta nulla est, ex cap. vbi periculum, §. ceterum, in princ. de elect. in 6. ibi, cessat electio, dum libertas admittitur eligendi. Nam, vt ait glossa, electio procedit ex consensu; liber ergo debet esse, iuxta cap. cum locum, de sponsalib. Ergo iurisdicatio per metum non datur, neque prorogatur.

Verum probabilius cenfeo iurisdictionem metu concessam, vel prorogatam valere, quia nullus est textus, vbi expressè irrita declaretur, ac proinde debet fori forum, quæ fortuantur gesta per metum, quæ valida sunt; ita tenet Cardinal. cap. 2. de his que vi, num. unico, versic. quintus casus, & cap. licet 31. de elect. Thomas Sanchez lib. 3. de matrim. disp. 39. num. 13. Lessius lib. 2. cap. 17. dub. 6. num. 37. Neque obstant contraria.

Ad primum dico, ibi esse casum specialem, cogebantur enim litigantes consentire in iudicem non suum, ideoque talem consensum nullum esse decernitur, ac proinde quotiescumque à partibus litigantibus datur, vel prorogatur iurisdicatio alicui, cui aliàs partes non sunt subiectæ, talis iurisdicatio, collatio, & prorogatio per metum facta nulla est, & gesta ex illa nullius sunt roboris; secus de aliis actibus.

Ad secundum dico, si integrè adimatur libertas, cessat electio: at cum per metum, non integrè, sed secundum quid adimatur; non enim metus tollit omnino libertatem, sed illam diminuit, ideo nec tollit electionem, sed tollendam, & cassandam inducit. Aliàs & concupiscentia, & prauus animi affectus cassaret electionem, cum ab utroque dicatur debere eligentem liberum esse.

Ex quo infertur electionem factam per metum validam esse, cum in nullo textu inueniatur irrita ipso iure. Esto contrà teneat Nauarr. cap. accepta, de restitu. spoliat. opposit. §. num. 8. & 23. Flamin. de resignat. lib. 13. q. 2. num. 14. cum glossa in cap. bone, 1. de elect. Innocent. in

cap. quod sicut, eod. tit. Azor lib. 1. cap. 11. q. 11. Couarr. 4. decret. 2. p. cap. 3. §. 5. num. 8.

7 Quintò dubitatur de sententia per metum lata, an sit iure irrita.

Affirmat Hostiens. summ. tit. de his que vi. Salas 1. 2. tractat. 3. disput. 3. sect. 1. num. 27. Verius tamen est valere, vt tenet Azor lib. 1. cap. 11. quest. 8. cum glossa, Archidiacono, & Panormitano, quia nullibi inuenitur irrita.

8 Sextò dubitatur de renuntiatione beneficii. Esse nullam, si fiat ex metu graui, docet Bonifac. in Clement. multorum, num. 27. de penis. Anton. de Butrio in cap. super hoc, de renuntiat. Staphileus de literis gratias, de varijs mod. vacat. num. 24. & seq. Probus in addit. ad Ioann. Monach. in rubr. de renuntiat. Anton. in cap. ad aures, de his que vi, quest. 6. num. 2. inclinans Hostiens. in summ. tit. de renuntiat. §. qualiter. Innocent. in cap. ad aures, & in cap. super hoc, de renuntiat. & longo tempore docuit Nauarr. vt ipse testatur, in cap. accepta, de restitu. spoliat. opposit. §. num. 1. & seqq. Basilius de Leon lib. 4. cap. 8. num. 16. Mouentur primò, qui renuntiat Ecclesiam ex metu, restituitur ad illam sine noua collatione, quod constat ex cap. ad aures, de his que vi. Ergo signum est beneficii titulum non amisisse. Secundò in cap. ad audiendam, dicitur renuntiationem beneficii metu factam, robore firmitatis carere debere. Tertiò in Clement. multorum, 2. de penis, decernitur renuntiationes modo supradicto extortas (id est, per captionem, & detentionem iudicis secularis), licet à resignantium ipsorum Prælati receptæ, aut ratæ habitæ fuerint; nullius omnino decernimus esse firmitatis. Ergo non valent ipso iure. Verbum enim decernimus, vt optimè probat Nauarr. supra n. 8. & Flamin. n. 3, & 4. decretum nouum inducit.

Verum probabilius existimo resignationem beneficii metu graui factam valere, sicut & alia metu gesta valent, quousque rescindantur. tenet plures referens Flamin. lib. 13. de resignat. benefic. quest. 2. num. 8. Nauarr. in cap. accepta, de restitu. spoliat. opposit. §. num. 7. Azor lib. 1. cap. 11. quest. 9. Lessius lib. 2. cap. 17. dub. 6. num. 37. §. notum.

Probo primò, etsi iuramentum metu extortum valeat, cap. rerum, de iureiurand. at si apponatur actui, qui nullus est, & à iure reprobatus, non valet, cap. cum contingat, de iureiurand. cap. quamuis pactum, de pactis in 6. cap. licet, eodem lib. auctens sacramenta puberum, C. si aduersus venditionem; at iuramentum de renuntiatione beneficii metu facta valet; itémque iuramentum de beneficio renunciato non repetendo, cap. si verò, de iureiurand. & tradunt ibi glossa, & Doctores. Ergo illa renuntiatio valida est.

Secundò, quia in nullo textu inuenitur talis resignatio irrita, quod videri potest, si expendamus textus in contrarium adductos, & primò supradicto cap. ad aures, non dicitur renuntiationem illam non tenere, sed solum dicitur, non impediri, quominus is qui renuntians Ecclesie, ad cuius regimen prius fuerat electus, præficiatur eidem, vbi non indicatur debere præfici sine noua collatione. Adde etsi absque noua collatione præficiatur, non inde inferri non auisisse titulum per renuntiationem, quia quando restituitur Ecclesie, simul etiam confertur titulus: illa enim restitutio est tacita beneficii collatio, quæ rescissa renuntiatione omnino sufficit, sicuti si absque titulo canonico obtineres beneficium, & dispensationem de impedimento obtineres, posses collationem antiquam, sine alia nouè facta continuare, vt ex Gemin. in cap. fin. 61. dist. tradit Nauarr. supra num. 18. Ita poteris redire ad beneficium pristinum, rescissa renuntiatione prius facta absque noua illius collatione; illa enim rescissio, & beneficii restitutio est tacita beneficii collatio, sic tenet alijs relatis Flamin. supra num. 23. Nauarr. num. 15. & seqq. Rebuff. de pacifico possess. n. 328.

& num. 181. Limitat tamen Flamin. n. 28. Rebuff. n. 18; nisi alteri fuerit beneficium collatum, tunc enim videtur desinere lerari noua collatio, quia ius extinctum reuiuiscat, & collationem alteri factam annullat. Item in cap. ad audientiam, solum dicitur renuntiationem metu factam carere debere robore firmitatis; quæ verba optimè adaptantur carentiæ, & priuationi faciendæ per sententiam. Solum autem Clement. mulierum, de penis, est quæ in præsentem difficultatem ingerit, propter verba illa, nullum omnino decernimus esse firmitatis; quæ videntur ipso iure annullare resignationem sic factam, sed quia ille est casus specialis, non debet ad alias resignationes extendi; quare solum ex resignationes, quæ fuerint per metum, & detentionem, seu incarcerationem iniustam, nullæ erunt; secus de aliis, quæ solum per metum extorquentur absque captione. sic glossa in supradicta Clement. Bonifac. num. 27. Hostiens. in cap. ad aures. Ruin. consil. 121. num. 14. vol. 4. & num. 19. vers. sed & premissis. Nauarr. supra num. 3. Flamin. num. 18.

Ex dictis infero cum Nauarr. supra à num. 20. & Flamin. à num. 19. ante restitutionem faciendam per iudicem non posse sic renuntiantem ministrare in beneficio, & eius fructibus uti, quia non habet titulum, sufficit tamen si iudex competens parte non citata restituat. iuxta cap. Abbas, de his quæ vi. Panormit. notab. 2. & cap. si verò, de rei iurando, & ibi Panormit. & Felin. Secundò infero renuntiantem metu non posse ordinari ad titulum illius beneficii, ita Nauarr. num. 22. Flamin. num. 32. quia per renuntiationem titulum amisit. Tertiò non teneri ad horas canonicas, si alia ratione non adstringitur, sicuti non tenetur electus ante confirmationem, præsentationem, & institutionem, quia absolute non habet beneficium. Nauarr. & Flamin. supra. Quartò sic renuntians, etsi remanserit in beneficii possessione per triennium, non tamen iuuatur decreto de pacificis possessoribus, quia possidet absque titulo, sic Rebuff. tractat. de pacifico possessore, num. 355. Flamin. num. 35. At si spoliatus beneficio, postea sit in illo restitutus, tempus intermedium, quo caruit beneficio, non obstat, quominus tempus præcedens, quo possedit beneficium, coniungatur cum tempore postea subsequuto. v.g. si per annum possedit iuste præcedente titulo, & renuntiant metu, postmodum fuit restitutus ad dictum beneficium sine noua collatione, illudque possedit per biennium, utique hæc tempora coniunguntur, ut iuuatur decreto de pacifico possessore. ita ex Rebuff. supra num. 328. docet Flamin. num. 63.

9 Septimò dubitatur, an si metu cogaris contrahere matrimonium cum aliqua ex filiabus Petri, teneat matrimonium?

Affirmat tenere Azor lib. 1. cap. 11. quest. 11. Sylua nuptialis lib. 2. num. 119. Cosma pragmat. sanctio. tit. de electione, §. ad tollendum, vers. liberè. Ioan. Lupus cap. per vestras, de donat. inter virum & uxorem, notab. 3. §. 11. n. 1. Abbas, Felinus, Imola, Iason, & alij, quos refert Couarr. 4. decret. 2. p. cap. 3. §. 5. n. 8.

Probatum primò, quia illud matrimonium dici non potest coactum, sed omnino liberum, & voluntarium, cum nulla sit coactio facta electionem illius sceminae, esto sit facta circa electionem absolute. Secundò si cogaris regimen Ecclesiæ assumere, relicta tibi facultate eligendi, quam malueris Ecclesiam, electio valida est, sicuti valet electio, si electores cogerentur non certam personam, sed aliquam ex certis eligere in regimen alicuius Ecclesiæ, ut tradit Azor, & Couarr. supra, cum Panorm. & communi sententia. Ergo similiter debet valere matrimonium, si non certam personam, sed vnā ex certis cogaris assumere, quia substantia electionis videtur non coacta, sed libera.

Verum probabilius existimo tale matrimonium non valere; ita tenet Couarr. supra, cum Bart. Bald. Decio,

& Philippo, Ioan. Salas 1. 2. tract. 3. disput. 3. sect. 1. n. 27. Thomas Sanchez plures referens lib. 4. disput. 12. n. 20. Padilla in l. interpositas, num. 6. C. de transact. Rebellus 2. p. lib. 2. quest. 11. sect. 1. num. 11. Basilius de Leon lib. 4. cap. 14. num. 14. Moueor, quia sic coactus vere, & propriè dicitur ex metu, & coactione assumere matrimonium, aliàs non assumpturus. Ergo tale matrimonium comprehendere debet sub decreto irritanti matrimonia coacta. Tum quia verè est coactum, tum quia ex illo infelices exitus possunt timeri, sicuti ex quolibet alio matrimonio coacto, quæ fuit ratio irritationis. Argumenta adducta pro prima sententia non obstant.

Ad primum patet solutio ex probatione nostræ conclusionis. Ad matrimonium enim liberum non sufficit electio huius, vel illius personæ, sed requiritur, ut electio talis status libera plenè sit, & non coacta.

Ad secundum respondeo primò, si electio coacta irrita esset, ex cap. 3. §. ceterum, de elect. lib. 6. sicuti irritum est matrimonium metu contractum, ex cap. cum locum, de sponsalib. probabilius iudicarem, etsi tibi optio daretur eligendi vnā ex determinatis personis, vel Ecclesiis, si tamen per metum iniustum ad electionem cogereris, fore electionem irritam, quia talis electio coacta est absolute.

Secundò respondeo cum Sanchez esse disparatam rationem de electione, & de matrimonio: ad electionem enim faciendam inter duos, obligari poteris ex lege, & præcepto superioris. At ad matrimonium nulla lege obligari potes, nisi prius ex tua voluntate obligeris. Ergo licet metus incuriatur, ut fiat electio, si tamen libera optio detur inter personas, non videtur coactio sufficiens irritandi electionem, quia non cogeris ad id, quod aliàs ex præcepto obligari non poteris. Fateor hanc solutionem mihi non satisfacere.

Probatum enim ex illa nullam electionem futuram esse irritam, quia de qualibet esse potest lex, & præceptum obligans fieri. Quapropter retinendam existimo priorem solutionem.

PUNCTUM X.

Utrum metus, cui causam dedisti, obstat obligationi contractus.

- 1 Omnes contractus extra matrimonium, & professionem esse validos.
- 2 Præfertur prima & secunda sententia probabilis matrimonium non valere.
- 3 Defenditur ut probabilius ex hoc metu non irritari matrimonium.
- 4 Satisfit argumentis prima & secunda sententia.
- 5 An si minueris malum absque animo inferendi, retinere possis, quæ sic extorques.

1 **E**Xtra contractum matrimonij, & professionem ferè nullus Doctor est, qui affirmet obstat obligationi contractus, quia cum tota ratio rescindendi contractus validos, sit iniuria, & hæc absit, cum tu metui causam dedisti; non est, unde contractus rescindatur, & traditur expresse in l. metum 9. in princ. l. si mulier 21. ff. de eo quod metus causa, ubi mulier contra patrum ingratam, & aliquid ei promittens, ne in servitutem redigatur, tenet promissio, quia hunc sibi metum (ait Consultus) ipsa infert. & ita docent Syluest. verbo metus, quest. 6. Flamin. de resignat. lib. 13. quest. 1. num. 121. Lessius lib. 2. cap. 17. dub. 6. num. 41. Thomas Sanchez lib. 4. disp. 8. num. 8. & 9. & eleganter Donell. lib. 15. comment. cap. 39. §. non est satis.

2 Solum de matrimonio (& idem est de professione) est controuersia inter Doctores, an metus iustus, cui causam dedisti, annullat matrimonium? v. g. Repertus

es in delicto, minatur tibi inuentor occupationem, vel denunciationem, nisi eius filiam ducas; accusatio enim, vel denunciatio iusta est, tu fuisti illius causa. Dubium ergo est, an teneat matrimonium celebratum timore ne accuseris. Hanc questionem optimè, et claritate, & eruditione, qua solet, omnia explicuit Thom. Sanch. *lib. 4. de consensu coactio disp. 13*. Triplicem sententiam refert, duas probabiles. Tertiæ ut probabiliori adhæret.

Prima negat valere matrimonium, quia metus, siue iuste, siue iniuste inferatur, æquè adimit libertatem. Ergo si ob defectum libertatis irritatur, cum metus incutitur iniuste, etiam cum iuste incutitur irritabit. Confirmo, quia æquè ex utroque matrimonio infelices exitus sperari possunt, cum contra voluntatem illius patientis metum fiat. Secundò, in *cap. veniens el. 2. de sponsalib.* iudicatur matrimonium irritum cuiusdam adolescentis, qui à parentibus cuiusdam puellæ repertus cum ea in lecto, coactus fuit eam ducere, cum tamen videatur talis metus iuste incussus. Ergo metus iuste incussus matrimonium irritat. sic docet Couarr. *4. decret. 2. part. cap. 3. §. 4. num. 15*. Manuel *2. tom. sum. cap. 93. num. 3*. Gutierr. *de iuram. 1. part. cap. 57. num. 9*.

Secunda sententia distinguit. Si metus sit lege incussus ad illum finem extorquendi matrimonium, matrimonium valet: si autem non sit à lege incussus, sed iudex, vel alius propria auctoritate incutit metum, irritum reddit matrimonium, v.g. violasti puellam. potes enim ex lege obligari ducere, vel solum dotare. si ex lege obligatus es ducere, valet matrimonium, secus si ex lege non obligaris. Priorem partem probat Sanch. quia tunc non ab alio, quàm à te metus incutitur; si enim tu commisisti delictum, cui annexa est obligatio ducendi puellam, cum eà ducere obligaris, obligaris ad id quod iam es obligatus, aliàs celebrans sponsalia, cogi non posset perficere, quod falsissimum est: tum quia talis coactio debita est nolenti promissis stare, ac proinde irritare contractum non potest: tum etiam, quia iudex iuridicè procedens, non dicitur metum inferre. *l. continet. §. sed vim. ff. de eo quod metus causa*. & in hac parte ferè nullus est, qui dissentiat, ut videri potest in Farinacio *1. part. pract. crim. quest. 5. num. 17*. Basil. de Leon *lib. 4. cap. 13. num. 5*. Neque obstat textus in *cap. fin. de appellationib.* ubi patiens metum à iudice excusatur, ne appellationem interponat, quia ibi erat metus iniustus, de iure enim non debet iudex appellationem impedire: si autem metus iustus esset, non excusaret, ut bene ex Decio, Imola, & aliis docet Basilus *num. 6. & cap. 19. n. 7*. Secundam partem sic probat. Primò, quia nemo ab alio quàm à se ipso obligari potest ad matrimonium, vel professionem, sunt enim status summam libertatem requirentes: at ex delicto commissio non est delinquens obligatus ad matrimonium, vel professionem, ut suppono. Ergo si de facto obligatur ex metu graui, iniuste obligatur, non enim iustum est matrimonium extorquere ab eo qui iuste renuere poterat. Secundò si habens ius accusandi de delicto, ut cedas accusationi, extorqueas à delinquente summam aliquam, quæ excedat pretium iustæ accusationis ultra dimidium; vel ut concedas latebras latroni fugienti, extorqueas ab illo contractum nimis damnosum, committis iniusticiam, & contractus rescindi potest, vel ad æqualitatem reduci, ut docet Lessius *lib. 2. cap. 17. dub. 6. num. 45*. quia obligas delinquentem cessionem iuris emere plus iusto. Ergo etiam erit iniustitia, si ob hanc cessionem extorqueas matrimonium ab eo aliàs non celebraturo, quia petis rem non solum ultra dimidium, sed infinitum excedentem cessionem iuris accusandi, & cuilibet alteri actioni. Ergo matrimonium ex tali contractu celebratum est nullum. Probo hanc ultimam consequentiam, quia metus, & dolus sufficiens ad rescindendos alios contractus, reddit contractum matrimonij nullum, eo

quòd semel validum rescindi non potest. & ita supponit pro certo Sanch. *lib. 4. de matrim. disp. 6. num. 2*. cum Couarr. *4. decret. 2. part. cap. 3. §. 6. num. 4*. docente ab omnibus esse receptum. Nauarr. Ludon. Lop. & alij. Tertiò accusatio delicti ad punitionem delicti ordinatur, non ad matrimonium. Ergo iniuste facis, si per accusationis minas in matrimonium extorqueas. ita Sotus *4. d. 29. q. 1. art. 3. vers. hinc primò colligitur*. Cord. *sum. q. 171. p. 1*. Bonacina *de matrim. q. 3. p. 8. prop. 1. num. 11. & seqq.*

3 Verum probabilius censeo nunquam matrimonium irritari ob metum iuste incussum ad extorquendum matrimonium, quia tu propriè non incutis metum, sed metu aliunde incusso offers matrimonium in remedium illius. Explico hanc rationem: comprehensus es in delicto, ratione delicti iuste timere potes, ut accuseris; qui ergo à te petit matrimonium, ne accuseris, tibi offert matrimonium, ut extinguat timorè accusationis iam conceptum. Ergo iniuste non procedit, cum non timorem apponat, sed remedium. Deinde minans tibi accusationem, nisi matrimonium celebres, non te obligat, si renuas matrimonium subire, aliquod malum, quod aliàs subire non tenereris. Ergo nullam iniusticiam tibi facit extorquendo matrimonium, cum non extorqueat inferendo aliquod malum. Tertiò non potest dici tale matrimonium coactum, cum nullus te cogat celebrare, sed à te ipso, & à tuo delicto coactio oritur, siquidem ab illo oritur metus accusationis. ita Thom. Sanch. plures referens *lib. 4. disp. 13. num. 3*. Lessius *lib. 2. cap. 17. dub. 6. num. 40*.

4 Argumenta verò primæ & secundæ sententiæ non obstant.

Ad primum primæ sententiæ nego irritari matrimonium metu iniuste incusso ob defectum libertatis, vicunque, sed ob defectum libertatis provenientis ex iniuria, vel, ut melius dicam, potius ob iniuriam, quàm ob defectum libertatis. Ad confirmationem dico eodem modo matrimonium irritari, non quia infelices exitus ex illo sperantur: sed quia sperantur ex illo tanquam ex causa iniusta.

Secundò respondeo generaliter loquendo ex matrimonio, metu iuste incusso, non sperari infelices exitus, sicut ex matrimonio iniuste petito: quia si iuste infero tibi metum, iam tu causa illius es, ac proinde matrimonium non est tibi ita inuoluntarium, cum saltem in causa voluntarium, & omnino liberum fuerit.

Ad textum in *cap. veniens 2. de sponsalib.* respondetur, tale matrimonium irritari, non quia parentes minari fuerint delinquenti accusationem, sed quia minati fuerint mortem, vel aliud damnum propria auctoritate inferendum: quod malum iniuste minabantur, cum secundum canones inferre non possent. Et licet ex text. talis comminatio non colligatur, sed absolute dicatur valere matrimonium, nisi coactio fuerit metu cadente in constantem virum, hoc sufficit, ut intelligamus, debere esse metum alicuius grauis mali iniuste inferendi, quia metus mali, quod delinquens sibi infert, non cadit in virum constantem, neque virtute illius dici potest delinquens coactus, ut constat ex *l. si mulier 21. in princ. ff. de eo quod metus causa*.

Secunda sententia quoad primam partem nobiscum consentit; quoad secundam, quæ nobis non probatur, respondeo neminem obligari posse ad matrimonium, vel professionem ab alio, quàm à se ipso absolute: potest tamen sub conditione obligari, scilicet, si velit, ut tu cedas alicui iuri, quod habes aduersus illum, ob cuius cessionem expostulas matrimonium, vel professionem. tunc enim non cogis ad matrimonium, sed ipse se cogit, qui vult cessionem impetrare.

Ad secundum respondeo concedendo metu iniuste incussum, qui sufficiens sit ad rescindendos alios contractus, annullare matrimonium, sed quia metus iuste

iuste incussus etiam cum enormi læsione, non rescindit cæteros contractus ratione metus, sed ratione læsionis, ea de causa non annullat matrimonium.

Dices, Et si non annullat ratione merus, debet annullare ratione læsionis.

Respondeo, si læsio sit circa substantiam contractus, fateor annullare; at si sit circa accidentia, nullo modo annullat. Læsio autem circa substantiam in contractu matrimonij, solum contingit, quando est error in persona, vel conditione serui, ut si contrahas cum Maria putans esse Catalinam; vel contrahas cum ancilla, putans esse liberam. Existimare autem esse nobilem, diuitem, vel virginem, non ad substantiam contractus, sed ad accidentia illius pertinent, ac proinde non annullat talis læsio. At in reliquis contractibus bonæ fidei, quælibet læsio in pretio, est læsio in substantia, eaque de causa rescindi contractus potest, vel ad æqualitatem reduci, & ita docuit Sanchez lib. 4. disp. 6. n. 15.

Ad tertium concedo delicti accusationem non ad matrimonium de se ordinari, sed ad punitionem. Nego tamen te committere iniustitiam extorquendo matrimonium, ut ab accusatione cesses, quia non extorques matrimonium absolute, sed sub conditione, quod alius velit te cedere iuri accusandi.

Sed inquires, an si minans alicui malum sine animo inferendi, et si posses iuste inferre, valeas retinere, quod sic extorques?

Molin. tom. 2. de iustis. tractat. 2. disp. 5. § 14. sine, negat retinere posse. Primò, quia alius non donat, nisi in quantum intelligit sibi necessarium esse ad vitandum malum comminatum, aliàs non donaturus. At ad hunc finem non est necessarium; siquidem et si non donaret, adhuc malum non fieret. Ergo donatio est nulla.

Credo tamen probabilius retineri posse sic donatum, nec posse repeti. Probo, quando petis alicui pretium, ne accuses, carens animo accusandi, aliùque tibi pretium donat, donat pretium, ut cesset accusatio, non utcumque, sed ut cesset certò, securè, & irrevocabiliter. Ad cuius modum cessionis necessariò requiritur pretium esse donatum. Et confirmo, pretium expetis, non solum ne accuses, sed ut ne possis accusare, et si velis; ac proinde, ut cedas iuri accusandi, cui cessionis impertinens est te habere, vel non habere animum accusandi. Neque obstat ratio in contrarium. Fateor delinquentem non daturum pretium, si cognosceret minantem malum non habere animum inferendi, at quia non dat, ut deponat talem animum, sed ut deponat certò, & securè accusationem, & hæc depositio non fiat sine obligatione, ideo donatio tenet. sic docet Sanchez lib. 4. de matrim. disp. 9. num. 9. Lessius lib. 2. cap. 17. dub. 6. num. 42.

PUNCTUM XI.

Aliqua inferuntur pro clariori intelligentia superioris doctrinæ de metu graui.

- 1 Valere matrimonium condemnati ad mortem, cui offertur libertas, si ducat filiam, aut consanguineam occisi.
- 2 Quid dicendum de Medico nolente mederi, nisi ducat eius filiam.
- 3 Quid de iudice extorquente iuste matrimonium secundum allegata, & probata, iniuste tamen secundum rem.

Primò infero, validum esse matrimonium condemnati ad mortem, cui libertas offertur, si ducat meretricem, vel filiam, aut consanguineam occisi, quia tunc matrimonium non extorquetur per metum, sed metu mortis iam per delictum incusso, offertur ma-

trimonium, ut medium purgandi metum. ita Sanchez aliis pluribus relatis disput. 18. num. 9. & 10. quæ ratio non solum probat validum esse matrimonium à capto, condemnatoque iuste ad mortem, sed etiam ab eo qui iniuste captus, condemnatusque sit; (modò tamen non capiatur, vel condemnetur sine extorquendi matrimonium,) quia semper offertur matrimonium, ut medium purgandi metum aliàs incussum. sic Sanchez supra num. 11. Valent. tom. 4. disput. 10. q. 3. punct. 2. vers. decimus. Bonacina de matrim. quest. 3. punct. 8. proposit. 2. num. 20. Coninch disput. 28. de matrim. dub. 1. num. 10. Nauarr. lib. 1. conf. tit. de his quæ vi, conf. 8. in fine, 2. edit. Basilius de Leon lib. 4. cap. 19. § 4. num. 2. esto num. 13. aliqua ex parte contradicat.

2 Secundò infero Medicum nolentem te mederi, nisi ducas eius filiam, valere matrimonium, quia non timore mortis à Medico incussa matrimonium celebras, sed pretium curationis. Quod esto excessuum sit, non annullat contractum, quia non est error & dolus in contractus substantia, sed in accidentibus, & ita tenet Cordub. summ. quest. 171. p. 1. Coninch supra n. 11. Sanchez disp. 12. n. 15. Bonacina n. 23.

Limitarem tamen huiusmodi doctrinam, nisi Medicus obligatus esset, vel ex iustitia, vel ex charitate te mederi pretio communiter taxato, tunc enim minans non curare, nisi ob matrimonium, minatur metum iniuste inferendum, ac proinde sub metu, iniuste matrimonium extorquet. ita Basilius de Leon cap. 13. num. 3. & 9. & cap. 19. num. 15. Egidius disp. 28. dub. 1. conclus. 3. num. 11. & 12.

3 Tertio inferitur, quid dicendum sit ad illam questionem, an sit validum matrimonium, si iudex cogat iuste secundum allegata, & probata, iniuste tamen secundum rem; ut si te cogat matrimonium contrahere cum scemina post promissionem datam fornicante. Thomas Sanchez lib. 4. disput. 14. num. 8. Bonacina de matrim. quest. 3. punct. 8. num. 14. existimant validum esse matrimonium, quia huiusmodi compulsio, & coactio iuridica est, & iusta formaliter. Ergo non est credendum matrimonium ex illa contractum esse reprobatum à iure, si enim ius coactionem non reprobat, sed potius approbat, quomodo potest matrimonium ex coactione confurgens reprobare? E contra verò dicunt supradicti Doctores, matrimonium non valere, si iudex cogat iniuste, secundum allegata, & probata.

Nihilominus probabilius existimo ad irritationem contractus non esse attendendum, sitne coactio iusta, & licita ex parte iudicis, sed potius sitne iusta ex parte patientis coactionem. Fateor, inquam, quando iudex procedit secundum allegata, & probata, falsò tamen probata, iustam esse coactionem ex parte sua; at ex parte patientis iustam non esse, sed iniustam, iniuste enim cogitur, cum ipse non dederit causam tali coactioni. Ergo ius irritans contractum ex coactione iniusta hunc casum non excludit. Secundò si pater alicuius puellæ minaretur adolescenti cum ea reperto, mortem, nisi duceret, nullum esset matrimonium, ut omnes Doctores docent in cap. veniens, et 2. de sponsalib. quamvis ex errore existimaret pater sibi licitam esse coactionem, quia in re, & respectu patientis metum iniusta est: at quando iudex cogit ob allegata, & probata, quæ falsa sunt, in re, & respectu patientis metum, iniusta est coactio. Ergo rescindit contractum. Tertio si tibi falsò probetur te dedisse fidem puellæ de matrimonio contrahendo, & cogaris carcere, vel excommunicatione contrahere, nequis dici causa talis metus, quia non tu, sed malitia, vel ignorantia testium illius est causa. Ergo rescindendus est talis contractus. Probo consequentiam ex l. si mulier 21. in princ. ff. de eo quod metus causa, ubi mulier contra patrum suum ingrata facta, timens ob ingratitudinem reducendam esse in seruitutem, ex hoc timore aliquid

quid dedit, donatio non reuocatur: quia hunc sibi metum ipsa intulit. Ergo ne rescindatur contractus, requiritur necessitudo patiens metum, sibi metum intulisse: cum autem in presenti non sibi inferat metum, qui cogitur iniuste secundum rem, etsi iuste secundum allegata, efficitur contractum rescindendum fore. Quarto talis coactio iudicis in falsa presumptione fundatur. sed ea quæ falsæ presumptioni innituntur, non habent locum in foro animæ, quæ veritati debet stare. *cap. iua. cap. is qui fidem. de sponsalib.* ergo talis coactio in foro animæ non potest matrimonium approbare. Neque obstat ratio in contrarium. Dico enim illam coactionem iniustam esse ex parte patientis, licet non sit iniusta ex parte iudicis inferentis, ac proinde ius ipsum non reprobatur inferri, reprobatur autem sustineri. quod mirum non est cum in falsa presumptione fundetur. sicque tenet Basil. de Leon *lib. 4. cap. 19. n. 11.*

PUNCTUM XII.

An metus levis irritet contractus.

- 1 *Metus levis neque iure natura, neque positio irritat contractus.*
- 2 *An officio pratoris, vel in foro conscientia rescindendi sint.*
- 3 *Mulier, vel filius metu reuerentiali consentiens non tenetur implere contractum.*
- 4 *Idem est dicendum de consentiente precibus importunis.*
- 5 *Proponuntur aduersus dicta aliqua obiectiones, & solvuntur.*

1 **Q**ui dicunt iure naturæ metum grauem iniuste illatum irritare contractum, consequenter dicere tenentur metum leuem irritare, quia etiam iniustitia in tali metu intercedit. At quia probabilius existimamus metum grauem non annullare contractum iure naturæ, absolute dicimus metum leuem neque contractum rescindere, neque matrimonium, vel professionem annullare. Ratio omnium est, quia metum leuem, pro nihilo reputat ius. quod constat ex *l. nec timorem 7. ff. de eo quod metus causa. & l. metus. cod. tit. ibi, metus vani hominis non est spectandus, sed ut qui in constantissimum cadit. & reg. vani timoris. ff. de reg. iur. ibi, vani timoris nulla est excusatio. & tradit Bonifac. clem. 1. num. 3. de foro compet. glossa in cap. unic. de his qua vi. in 6. verbo subiacere, & ibi Francus in fine. Lessius *lib. 2. cap. 17. dub. 6. num. 46.* & Doctores passim.*

2 Ex quo inferitur iure Ecclesiastico, neque ciuili non venite rescindendum contractum leui metu celebratum, actione quod metus causa, quia hæc actio solum datur ob metum grauem, ut constat ex supradicta *l. nec timorem, & ex cap. 1. 3. & 4. de his qua vi.* esset enim occasio magna litium, si ob metum leuem daretur actio rescindendi contractum.

Aliquibus Doctoribus placet, esto non detur patienti metum leuem actio ad rescindendum contractum iure positio, dari tamen officio pratoris, quia æquum non est iudicem permittere, ut metum inferens commodum ex iniuria reportet. sic docet Thom. Sanch. *disp. 9. num. 5. & 6.* Verum raro metum leuem patienti subuenitur officio iudicis (etsi possit) ne litibus ostium aperiat. quæ ratio est sufficiens, ut iudices iuste hanc leuem iniuriam permittant. sic Basil. de Leon, relato Paulo Comit. *lib. 4. de matr. cap. 10. fine.*

Verum etsi hoc ita sit, nihilominus in foro conscientie, omnes contractus tam lucrativos, quam onerosos factos per metum leuem rescindi probabilius existimo, si eos rescindere velit metum passus, quia cogens tali metu contrahere iniustitiam inferri; tenetur ergo iniustitiam illam repellere in quantum possit. ergo tenetur, si potest, res in pristinum statum reducere, reducit

autem, si coactum constituat, in statu, in quo possit libere probare, vel reprobare contractum. Nam usque hunc statum illi concedat, non manet reparatum eius ius, sed potius læsum. ita Couarr. *reg. peccatum 2. p. 5. 3. num. 7.* Nauarr. *summ. cap. 17. num. 30. in 110.* Nauarr. *de restitut. lib. 3. cap. 1. dub. 7. num. 332.* Molin. *tom. 2. de instit. tract. 2. disp. 267. fin.* Thom. Sanch. *lib. 4. disp. 9. num. 4.* Lessius *supra num. 46.* Rebel. *2. p. de obligat. lib. 1. q. 5. n. 9. & 16.* & alij plures, quos ipsi referunt.

3 Ex hac doctrina inferitur primò, si mulier, vel filius metu reuerentiali ductus fideiubeat, non teneri in conscientia soluere ex fideiussione, etiam si fideiussio solemnitates habeat à iure requisitas. Item si promittat soluturum debita patris, vel mariti morientis, non teneri soluere. & generaliter nullus tenetur stare contractui per metum leuem celebrato, sed potest se tueri exceptione iniuriæ factæ, & is qui aliquid ex tali contractu accepit, restituere debet. Ratio est, quia metu reuerentiali consentiens, per iniuriam consentit; potest ergo libertatē suam oppressam recuperare, & stando in iure naturali se tueri exceptione iniuriæ factæ. sic Lessius *num. 48.* Sanch. *lib. 4. disp. 9. num. 13. & 14.* Quare si donasti aliquid tali metu ductus, tibi que non restituitur, potes occulta compensatione uti; si tamen iurasti, debes prius iuramenti relaxationem impetrare, quam potest Episcopus concedere.

4 Secundò infero, idem esse dicendum de consentiente precibus importunis, quæ crebrò, & vehementer urgent consentientem, & quantum molestiam non potest minore incommodo repellere. quia preces importunæ inuoluntarium mixtum constituunt, ut optimè probat Sanch. *lib. 4. de matrim. tota disp. 10.* Quare & si metus illatus non cadat in virum constantem, quia levis est; at quia iniuriosus est, ideo patiens illum non tenetur promissis stare, & inferens metum non potest accepta ex tali contractu retinere. sic Lessius & Sanch. *supra.*

Dixi consentientem inuoluntariè precibus debere taliter consentire, ut molestiam illarum non possit facile, seu sine difficultate repellere; si tamen facile molestiam illarum repellere possit, uti possunt Prælati, & Principes beneficia, & officia concedentes precibus agitatis, censeri non debent per iniuriam concedere. ita Lessius *num. 48.* qui dicit sæpè contingere concedentem aliquid precibus importunis, etsi in concessione fuerit inuitus, at in retentione non esse, sed concessione facta, nullo modo vult sibi donatum reddi. & tradit Basil. *lib. 4. 5. 12. num. 3. & 10.* sæpè enim Principes grauati precibus supplicantium volunt, differuntque, ne minor sit rogantium turba, ut dicebat Senec. plurisque sacrificium æstimetur.

5 Sed aduersus supradicta obstat Ioann. Med. *Cod. de restitut. q. 3. causa 2. vers. si fiat remissio.* asserens metu leui extorta obnoxia restitutioni non esse. Idem docet Basil. de Leon *lib. 4. de matrim. cap. 10. num. 5.* solum ea ductus rationes, quod metus levis facile repelli potest. Sed probari videntur potest. Primò, quia in iure negatur actio patienti metum sic donata recuperandi. Ergo cares iure recuperandi, aliàs ius negans actionem cooperaretur iniustitiæ illatæ, seu illam continuaret. Confirmo. Iniquum est innocentem punire, nocente manente indenni: at si accepta per metum leuem restituenta sunt in foro conscientie, iniquum est patienti metum denegare actionem ea recuperandi. Secundò forum internum conforme debet esse externo, quando externum falsæ presumptioni non innititur, ut sæpè diximus; sed externum cognito metu leui adhuc negat restitutionem eorum, quæ sic sunt acquisita. Ergo in foro conscientie non debent restitui. Tertiò matrimonium sic contractum validum est. Ergo & alij contractus firmi esse debent. Probo consequentiam. nam metus

metus qui alios contractus rescindendos constituit, matrimonium nullum reddit, quia maior libertas in matrimonio est requisita, quam in aliis contractibus. Ergo econtra metus, qui matrimonij valori non obstat, non obstat firmitati aliorum contractuum. Quarto si acquisita per metum leuem restitui deberent ratione iniuriæ factæ, non solum inferens metum ea restituere deberet, sed etiam quilibet illorum possessor; siquidem patiens metum semper habet ius, ut sibi detur satisfactio de iniuria illata, quæ satisfactio nequit fieri, nisi recuperando rem sibi ablata per metum; potest ergo à quolibet possidente recuperare. Hoc autem videtur falsum, quia si possidens non tenetur sic accepta patienti metum reddere, quia non tenetur ratione iniuriæ acceptionis, cum ipse nullam iniustitiam commiserit, ignarus enim fuit, ut suppono, metus illati, neque etiam tenetur ratione rei acceptæ, cum hæc non sit patientis metum, sed possidentis. Ergo ex nullo capite est obligatio sic accepta restituendi. in his ex parte consentit Azor lib. 1. cap. 1. quest. 16. dum dicit extorta per metum leuem, qui est causa actus, & sine quo actus non fieret, esse restituenda, secus si solum sit causa impulsiva, seu excitativa, & qua non intercedente actus fieret.

4 Verum his argumentis facile respondetur.

Ad primum aduizto patientem metum leuem care- re iure forensi recuperandi sic donata, esto non careat iure naturali, neque proinde Ecclesia, & respublica negans hanc forensi actionem cooperatur iniustitiæ factæ, sed illam permittit ob bonum commune, scilicet ne respublica litibus perturbetur. Ex quo fit nihil iniquum facere priuando innocentem forensi recuperatione.

Ad secundum, forum internum externo conformatur. Externum autem non negat restitutionem faciendam esse, sed negat faciendam esse compulsionem iudicis. Adde. esto non detur actio quod metus causa, ad rescindendas donationes, & quoslibet contractus metu leui celebratos. At bene potest officium iudicis implorari, & officio iudicis tales contractus rescindi, & æquum est, ut ita fiat, ne inferens metum commodum aliquod reportet ex sua malitia, vel ne patiens metum damnum iniuste patiatur. sic glossa cap. cum dilectus, de his que vi. & ibi Panormit. num. 9. Anton. num. 16. Ancharan. num. 2. & tradit Garcia de nobilit. gloss. 17. num. 20. Thomas Sanchez lib. 4. disput. 9. num. 5. Lessius lib. 2. cap. 17. dub. 6. in fine. & alij plures à Sanchez & Garcia relati.

Ad tertium respondeo, metum qui valori matrimonij non obstat, non obstat firmitati forensi aliorum contractuum, obstat autem firmitati naturali, quia ceteri contractus rescindi possunt, etsi validi sint; at matrimonium nequit rescindi, si semel validum fiat.

Ad quartum respondeo probabile esse sic possidentem non teneri sic acquisita restituere. ita docet Ioan. Garcia de nobilit. glossa 17. num. 29. Lessius lib. 2. cap. 17. dub. 6. num. 39. & dub. 5. num. 33. Verum probabilius existimo ratione rei acceptæ teneri ex iure naturali. Nam esto dominium rei translaturum sit, est tamen infirmum, & reuocabiliter translaturum ob iniuriam commissam, ac proinde quoties voluerit translator sibi rem reddi, debet possidens reddere. sic Sanchez lib. 4. disput. 9. num. 6.

PUNCTVM XIII.

An metus mortis, vel alterius grauis damni à præceptorum transgressione excuset.

- 1 Premittitur differentia actionum prohibitarum.
- 2 Metum mortis, & cuiusvis damni minuit culpam.

- 3 Non excusat culpam in his que sunt intrinsecè mala.
- 4 Quid dicendum de homicidio.
- 5 Quid de comestione carnis humane.
- 6 Quid de tyranno minante mortem, nisi comedas carnem humanam.
- 7 An metum mortis excuset ab obseruantia præcepti diuini.
- 8 Quid dicendum de exercitio potestatis Ecclesiastica.
- 9 Metus grauis damni excusat sapè, non semper ab obseruatione humani præcepti, & quando hoc contingat.

1 **A**ctiones prohibite sunt in multiplici differentia. Aliæ sunt ita prauæ, ut nulla ratione etiam per diuinam potentiam honestari queant; quales sunt mendacium, idololatria, odium Dei, pollutio voluntaria, fornicatio, & similia. Aliæ actiones sunt, quæ honestatem admittere possunt, ut est acceptio rei alienæ inuito possidente, si enim tibi concedatur à Deo facultas surripiendi, nullum in acceptione peccatum committis. sicuti non committis, cum ex graui, vel extrema necessitate alienum accipis; similiter accessus ad mulierem, si facta sit propria, nullum est peccatum. Aliæ sunt actiones, quæ ex se nullam honestatem, vel dehonestatem habent, habent tamen illam ex diuino, vel Ecclesiastico præcepto. Hæ sunt consecratio in duplici specie, mixtio aquæ ad consecrationem calicis, ritus communis celebrandi sacrificium, integritas confessionis, &c. His positis,

2 Dico primò, Metus mortis, & cuiuslibet grauis damni, esto nunc excuset à culpa, illam diminuit. Conclusio expressa est in cap. sacris, de his que vi. ibi, licet metus extenuet culpam. Et ratio est manifesta, quia metus extenuat libertatem ad culpam requisitam; tardò tamen, vel nunquam illam in tantum extenuat, ut ex peccato mortali faciat veniale, sed res intactas relinquit. sic Salas 1. 2. q. 6. art. 6. tract. 3. disp. 3. sect. 1. n. 28. Syluest. verbo metus, q. 7. Sanchez lib. 4. de matrim. disp. 1. n. 6. Villalobos tract. 3. disp. 7. n. 46.

3 Dico secundò, Metus mortis non excusat in his, quæ sunt intrinsecè mala, quæque nulla ratione honestari possunt. habetur supra dicto cap. sacris. ibi, cum ob nullum metum peccatum fieri debeat, & ex terminis liquet, si enim actio intrinsecè mala est, metus, cum libertatem non tollat, tollere eius malitiam non potest. hæc enim ratione non licet mentiri ob tuendam vitam, neque adulterari, neque fornicari, neque pollutionem procurare, neque homicidium facere, quia omnes hæ actiones intrinsecè malæ sunt.

4 De homicidio non defuerunt Doctores, qui assererent, licere tibi occidere innocentem, si à tyranno mineris occidendum, nisi occidas. sic docuit Iason & simonius, num. 17. Instit. de actionib. & Cynus l. 1. C. unde vi, quest. penult. excusat seruum occidentem uxorem adulteram, mandato domini minantis mortem. Salicet. l. 1. C. unde vi. Bart. l. si seruus, ff. de noxal. actionib. quia in ea l. aperte dicitur seruum nihil deliquisse, qui domino iubenti obtemperauit. & Ioan. Anan. cap. interfecisti, n. 18. de homicid. excusat illum, qui metu tyranni alium occidit. Cardinal. cap. sacris, de his que vi. Ratio esse potest, quia si te fugiente hostes, adsit in itinere innocens, quem pedibus debes conculcare, si transeas; non obligaris te detinere, sed pro defendenda tua vita potes cursum prosequi, etsi in cursu innocentem interficias. Ergo pro defendenda tua vita potes innocentem vita priuare.

Nihilominus Catholica sententia est ob nullum metum licere directe innocentem vita priuare. habetur Exod. 23. Insonem, & innocentem non occides, quia auersor impium. Ratio est, quia nemini datum est dominium vitæ alterius. Ergo nemini licet alterum occidere. Neque obstat ratio contraria. Fateor, inquam, te posse fugere, etsi in fuga innocens sit occidendus, quia tunc

inno

innocentis occisio non intenditur, sed per accidens, tam respectu tuæ intentionis, quàm fugæ, contingit. sic Lessius *lib. 2. cap. 9. dub. 6. num. 59*. Hac enim ratione tibi licet in defensionem tui, vel alterius aggredientem interficere, quia non interfectionem, sed defensionem per se intendis. ideoque in *l. vi vim. ff. de iustit. & iure*, dicitur, *qui ad tutelam sui corporis aliquid facit, id iure fecisse videtur*. quare sola occisio innocentis per se intenta, est quæ prohibetur taliter, ut nulla ratione valeat honestari, non tamen occisio indirecta, unde etsi respublica singulorum dominium habeat, possitque pro communi bono innocentis vitam periculo exponere, vel tyranno occidendum tradere, quia etiam ipse innocens vel ex pietate, vel ex iustitia legali pro communi bono obligationem habet se tradendi. At nullo modo licet reipublicæ per se, & directè innocentem occidere, etsi sciat tyrannum occisione illius fore contentum, quia occisio innocentis de se mala est, neque est medium per se ordinatum ad reipublicæ defensionem, sed ex malitia tyranni, cui non licet cooperari, ut optimè probat Lessius *lib. 2. de iustit. cap. 9. dub. 7. num. 37*.

5 Secunda actio, quæ vocatur in dubium, an sit intrinsecè mala, est comestio carnis humanæ, hominum, inquam, qui aliàs sunt interfecti.

Valent. 2. 2. *disput. 9. quest. 3. p. 1. col. 3*. absolute defendit esse intrinsecè malam, neque honestari posse timore mortis. Probabile reputat Victor. *relect. de temperamen. num. 6*. Azor *tom. 1. lib. 7. instit. moral. cap. 33. quest. 4*. Ratio est, quia natura ipsa hanc comestionem execrat, utpotè barbaram, & ferocem, illaque vrentes barbaros, & brutis feriores appellamus. signum ergo est, esse intrinsecè malam.

Nihilominus probabilius existimo hanc comestionem, non esse ita malam, quin ex grauissima necessitate honestari possit. sic Nauarr. *cap. 23. num. 122*. Emanuel Saa *verbo comedere, num. 1. in editione Complut. & Roman.* Caietan. *quest. 148. artic. 2. ad 2. Toler. post lib. 7. de pecc. mortal. cap. 60. num. 3*. Lessius *lib. 4. cap. 3. dub. 2. num. 10*. Thom. Sanch. *lib. 1. Decalog. cap. 18. num. 12*. Bonacina *disp. 2. de pecc. q. 8. p. 2. num. 13*. Ratio est, quia horror insitus in comestione carnis humanæ honestari satis videtur extrema necessitate, & horrore mortis, horror enim mortis alium horrorem vincit, magis enim durum, & horridum apparet te velle morti tradere, & fame perire, cum facile possis vitare, quàm horridum sit vesci carnibus, quæ feris, & auiibus comedendæ relinquuntur. Secundò tota malitia huius comestionis sita est in indecentia, & horrore, quem secum trahit comestio carnis eiusdem naturæ cum comedente. Sed hæc indecentia non obstat, quominus in medicinam sumatur caro humana vnguentis condita, ut contingit in medicamento, quod medici *momiam* appellant. Ergo neque etiam debet obstat quominus sumatur in medicis nam vrgentis necessitatis, siue caro sit condita, siue non; condimentum enim non videtur variare naturam cibi, & ex alia parte necessitas vrgens est, quasi quædam naturæ infirmitas. Poterit ergo in huius remedium applicari.

6 Ex his patet quid tibi faciendum sit, si tyrannus minetur mortem, ut comedas carnem humanam? si enim tali comestione intendit detestari huius abstinentiam quasi malam, vel inutilem, & superfluum, debes omnino abstinere, & mortem subire; aliàs irrationabilem contumaciam comedendi carnes approbares, & illius abstinentiam detestabilem reprobares, quod est intrinsecè malum. quia tunc non licet idolothytis vesci, sic docet Lessius *lib. 4. cap. 3. dub. 2. num. 11*. Quocirca quotiescunque in odium religionis, vel legis aliquid faciendum imperatur sub comminatione mortis, aliàs licitum, nullo modo licet tibi illud efficere, quia

religionem, & legem sanctam facto ipso reprobares. Quapropter sanctissimi Machabæi, cum compellerentur à Rege Antiocho carnem porcinam manducare, obedire noluerunt, quia in odium sanctæ legis talis comestio imperabatur, 2. *Machab. cap. 6. 7*. Verùm si alio fine de se honesto tibi comestio carnis humanæ imperatur, sub comminatione mortis, poteris iuxta supradicta ad vitandam mortem comedere, quia tunc verè adest extrema necessitas, quæ est ratio excusans hanc comestionem. ita Thom. Sanch. *lib. 1. in Decal. cap. 18. num. 13*. cum Victor. *relect. de temper. num. 6*. Laudabilius tamen procederes, si mortem subires, non enim teneris medio ita de se indecenti, & horribili vitam conferuare, ut multis exemplis probat Lessius *suprà num. 12*. Bonacina *num. 15*. Idem quod dictum est de comestione carnis humanæ, dicendum est de cibis idolo immolatis, non enim licet vllò timore vesci illis, si in odium, & contemptum nostræ religionis imperetur, secus verò cessante tali fine: ita Vasq. 1. 2. *disput. 162. cap. 5*. Bonac. *disp. 2. de pecc. q. 8. p. 2. in fine*.

Aliæ sunt actiones iure naturæ prohibitæ, vel imperatæ extra casum necessitatis, illo tamen adueniente honestari dicuntur, qua ratione famuli intercedentes dominis, illòsque comitantes in executione turpis amoris, remigantes in tritemibus Turcarum, debitores, & depositarij in soluendis debitis, vel depositis excusantur, de quibus, & aliis multis exemplis suis locis erit sermo, præcipuè *tract. de charit. disput. de scandalo*.

7 Dico tertio metus mortis excusat etiam ab obseruantia præcepti diuini positiui respicientis vtilitatem propriam, & specialem operantis, secus verò respicientis bonum commune. Vtramque partem tradit Salas *tract. 3. disp. 3. sect. 1. num. 35. & 36*. Prioris partis exempla sunt integritas confessionis, confessio ipsa præmittenda Eucharistiæ communioni. Non enim lex diuina cum eo rigore videtur obligare. Vasq. 1. 2. *disput. 162. cap. 2*. Sanch. *lib. 1. cap. 18. num. 4*. Suarez de censuris *disp. 6. sect. 3. num. 7*. plures referens Bonacina *disp. 2. de pecc. q. 8. p. 1. num. 3*. Suar. *lib. 3. de legib. cap. 30. num. 6*. & probati poterat illo 1. *Reg. 21*. vbi Dauid manducauit panes propositionis, quos non licebat laicis manducare, & tamen in illo facto nullum peccatum commisit, ut constet ex *Matt. 12*. Discipuli die Sabbati spicas colligebant, Machabæi pugnabant. quæ omnia ex necessitate vrgenti honestabantur, ut tradit D. Thom. 2. 2. *q. 100. art. 8. & 3. p. q. 40. art. 4. ad 3*.

Ex quo fit habentem votum simplex castitatis, posse timore mortis, vel alterius grauissimi damni matrimonium contrahere, quia votum non obligat cum tanto rigore: non tamen poterit sic contractum consummare, quia ratione metus matrimonium non contraxit. Vnde consummans accederet ad non suam.

Solum de susceptione communionis, vel baptismi existimat Azor. *tom. 1. lib. 1. instit. cap. 11. quest. 1*. obligare cum vitæ discrimine, quia teneris certam reddere quoad possis tuam æternam salutem, quod fieri non potest absque horum sacramentorum receptione; vera enim contritio difficilis est, & ignotas an illam consequaris. Verùm existimo probabilius te cum vitæ discrimine non teneri illa sacramenta suscipere, quia nec teneris ratione præcepti diuini. Aliàs cum vitæ discrimine deberes confessionem communioni præmittere, integritateque confiteri, quod omnes reprobant, neque teneris ratione periculi amittendi vitam æternam, tum quia hoc periculum moraliter non inest, quoties moraliter tibi constat de contritione. Item suscepto sacramento etiam remanet idem ferè periculum, non enim scis an ritè susceperis, an ritè fuerit administratum: non ergo teneris omne periculum amittendi salutem vitare; sed solum morale, & probabile periculum, aliàs esset obligatio impossibilis. Item si esses obligatus securam salutem

lutem reddere, quoad posses, suscepto sacramento confessionis, deberes Eucharistiam suscipere; & suscepta Eucharistia, extremam unctionem, vel aliud sacramentum: ut si forte in vno fuit defectus, alio recompensetur. Adde cum non sis in extremis, quando obligat confessio, & Eucharistia præceptum diuinum, sed locus concedatur ea alio tempore sumendi, cessat omnino periculum propositum amittendi æternam salutem; quia usque periculum sic mortis, non periclitatur æterna salus. & ita docet Thom. Sanchez *lib. 1. cap. 18. n. 10.* cum Soto *lib. 1. de iust. q. 6. art. 4. ad fin. corp.* Cordub. *sum. q. 137. dicto 4.* Aragon *2. 2. q. 62. art. 3. in 1. dub. circa solutionem ad 4.*

Exempla posterioris partis conclusionis sunt, sigillum confessionis, consecratio in duplici specie, illius consumptio, rita sacramentorum confectio, scilicet Eucharistia in pane triticeo, absolutio sacramentalis ritè disposito, vel cum debita iurisdictione, extrema unctio infirmo, & non sano, & alia huiusmodi. hæc enim omnia nullo modo licent fieri, etiam si obinde mortem deberes subire, quia bonum commune religionis, quod his præceptis attenditur, præponi debet cuilibet particulari damno. sic colligitur ex Sanchez *suprà num. 8.* Suarez *tom. 5. in 3. p. disp. 6. sect. 3. n. 3.* Sed obijcies, metu cadente in constantem virum poteri; contrahere matrimonium absque peccato (dummodo illud non consummes) ut optime probat Thom. Sanchez *lib. 4. disp. 16. n. 6.* aliàs si peccares in tali contractu, non permettereris ab Ecclesia contrahere ob vitandum temporale periculum, sicuti permittitur *cap. cum locum, cap. veniens, de sponsal.* sed qui contrahit metu, efficit sacramentum nullum, sicut efficit, qui indispositum absoluit, vel in materia indebita consecrat. Ergo non omne prohibitum ratione boni communis debet præferri cuilibet particulari damno.

Respondetur esse claram differentiam inter sacramentum matrimonij, & reliquorum sacramentorum confectioem, sacramentum enim matrimonij habet pro materia, & forma esse contractum legitimum. At quando contrahis metu, non efficis contractum, non quidem tua culpa dum metum non intuleris, sed culpa inferentis, illa autem culpa interueniente irritatur ab Ecclesia contractus in tui fauorem, ac proinde sic contrahens non peccas, quia non apponis materiam, neque formam indebitam sacramento, cum ibi non sit contractus legitimus, in quo materia, & forma huius sacramenti consistit. At in reliquis sacramentis, cum determinatæ sint eorum materix, & formæ, si de facto absolutionem in disposito impendas, vel verba consecrationis super aquam proferas, iam formam, quæ de se forma est, super indebitam materiam constituis, ideoque grauiter peccas, & in his consentit Thom. Sanchez *lib. 1. in Decal. cap. 18. n. 4.* Valent. *disp. 12. gener. q. 3. p. 2. §. respon. de ad primum argumentum.* Aegid. *de sacram. disp. 28. dub. 3.* Basil. de Leon *lib. 4. cap. 16. n. 4.*

8 Ab hac regula excipit Thom. Sanch. *suprà n. 8.* exercitium potestatis Ecclesiasticæ. Affirmat namque excommunicate absque potestate non esse tanti momenti, quin timore mortis honestari possit, præcipue cum nullum damnum ex tali excommunicatione, utpote irrita excommunicato proueniat. Mihi tamen hæc exceptio non probatur. Affirmo. namque tale exercitium illicitum esse, nec timore mortis posse honestari, quia est fictio, & simulatio potestatis, & quasi in opere mendacium, ac proinde etsi nullum damnum alicui inferas, sicuti non infert iocosum mendacium, habet tamen de se malitiam, quæ timore mortis nullo modo tollitur, & ita docuit Suarez *suprà num. 3.*

Ioan. verò Sanchez *disp. 35. select. num. 6.* aliam limitationem adducit, quæ audaciam, & temeritatem viderur redolere: affirmat namque ob grauem causam in adm-

Ferd. de Castro Sum. Mor. Pars I.

nistratone sacramentorum vti posse simulatione, & huius simulationis varia exempla adducit. Primò inquit, si hæreticus minaretur mortem, si non consecrasses omnem panem in foro extantem, poteris vti æquiuocatione, & intentionem non habere consecrandi. Secundò poterit Confessarius verba absolutionis sine intentione proferre circa indispositum, si alia via malum comminatum vitare non potest. Tertiò poterit ob solatium scrupulosi anxie petentis absolutionem, cum tamen indispositus sit, verba sine intentione proferre. Quartò licere Sacerdoti ministrare hostiam non consecratam, pro consecrata mulieri, quam cogit maritus ad communicandum, quæ sine iactura opinionis non potest communionem omittere, quia in omnibus his datur sufficiens causa vtendi æquiuocatione, & simulatione. Et idololatria, quam inde sequitur, est solum materialis, & non formalis. Hæc tamen mihi nullo modo probantur. Tum quia illa simulatio non obstat, quin verè actum iurisdictionis exerceas circa rem diuinam, & supernaturalem. Tum etiam, quia in foro externo sacramentorum fictus vsus videtur esse, quasi quædam exterior idololatria. Adde etsi alij ob ignorantiam ab idololatria excusentur, tu verò excusati non potes, cum materialis illorum idololatria tibi sit voluntaria. Manet ergo certum in his quæ pertinent ad communem, & generalem ritum sacramentorum ob nullum timorem omitti posse, immutari, aut simulari, & ita tradit Suarez *3. tom. in 3. p. disp. 67. sect. 4. circa fin.* Vasquez *de Euchar. disp. 209. n. 41. & alij.*

9 Dico vltimò, metus mortis, & alterius grauis damni excusat aliquando ab obseruatione legis humanæ tam ciuilis, quàm Ecclesiasticæ, aliquando non. Examine autem quando hoc in particulari contingat, & cuius malimetis sufficiat, esset omnes materias præsentis tractatui immiscere. Breuiter tamen dico, si lex humana prohibeat, vel imperet actum aliquem respicientem de se ritum communem, obligat ad sui obseruantiam periculo mortis, quia tale bonum commune præferri debet cuilibet utilitati particulari. hæc enim ratio non licet ob cuiuslibet necessitatem conficere sacramentum Eucharistia, sine vestibus sacris, neque sine mixtione aquæ, & aliis huiusmodi, quia sunt actiones respicientes ritum communem. Video tamen contrarium sentire Bonac. *disp. 2. de pecc. q. 2. p. 2. n. 9.* cum Anton. *3. p. tr. 13. c. 6.* Salas *de legib. disp. 11. sect. 1. n. 8. vers. secundo adde.* Vasq. *disp. 161. c. 3.* Valent. *disp. 7. q. 5. p. 8. quæstione. 4.* Becan. *tom. 2. tract. 3. c. 6. q. 4. n. 8.* consentit Suarez ex parte *lib. 3. de legib. c. 30. n. 15.* vbi dicit cessante scandalo, & contemptu, posse ob vitandam mortem fieri sacrum absque vestibus sacris, & adducit Ledesm. *2. p. q. 10. art. 5. & q. 25. art. 3.* Medin. *1. 2. q. 96. art. 4.* Nauarr. *c. 25. n. 84.* Mouentur, quia leges humanæ non obligant cum tanto dispendio. Addunt tamen, nisi ita exposulet bonum commune, quod ego semper existimo adesse in his actionib. Verùm si actiones non respiciant de se bonum commune, sed potius singulorū utilitatem; nunquam obligant cum discrimine vitæ, habetur *cap. consilium, de obseru. ieiun.* vbi præceptum ieiunij non obligat cum detrimento salutis, & idem est de solutione decimarū, & auditione Missæ, & *cap. inter, de sent. excom. cap. quoniam multos, 1. q. 3.* excusantur communicantes cum excommunicato ob necessitatem. Et ratio est, quia neque Ecclesia, nec respublica censetur proximè intentionem habere obligandi, debet enim in suis legibus Christi legibus cõformari, cuius iugum suauis est, & onus leue. Adde Ecclesiæ, & respublicæ concessam non esse potestatem obligandi subditos cum eo discrimine, nisi communi bono necessarium fuerit, non enim cogere potest subditos bellum aggredi, nisi defensio respublicæ instet, ut rectè dixit Salas *tract. 3. disp. 3. sect. 1. num. 33.* Hinc fit timore mortis, vel alterius grauis damni licere tibi matrimonium contrahere cum

F

impe

impedimento impediēte, vel dirimente, quia non est credendum cum eo rigore velle Ecclesiam te esse obligatum, præterquam quod in tali casu matrimonium non est, & ita docet expresse Suar. lib. 3. de legib. c. 30. n. 13.

Solum obici potest aduersus hanc doctrinam cap. sacris, de his que vi. vbi Pontifex credit communicantem excommunicatis, si per coactionem adstrictus fuerit communicare, ab excommunicatione liberum esse: at si per metum communicet, excommunicationis labe teneri: & redditur ratio, quia licet metus attenuet culpam, non tamen eam prorsus excludit. Ergo metus non excludit culpam in prohibitis lege Ecclesiastica, qualis est communicatio cum excommunicato.

Hunc textum variè explicant Adrian. mas. de excomm. §. quoad materiam. D. Thom. 4. d. 28. quest. 2. art. 4. quest. 3. Syluest. verbo metus, quest. 7. Angel. excommunicatio 8. §. 18. Nauarr. sap. 27. num. 33. Suarez tom. 5. in 3. p. disp. 6. sect. 3. n. 10. & disp. 15. sect. 2. num. 13. & lib. 3. de legib. cap. 30. fine. Sanchez lib. 1. in Decal. cap. 18. num. 4. Salas tract. 3. disp. 3. sect. 1. n. 34. Couarr. cap. alma, 1. p. §. 3. num. 9. Mihi tamen ea explicatio magis probatur, quæ affirmat loqui text. non de qualibet communicatione cum excommunicatis, sed de communicatione cum excommunicatis in crimine criminoso, seu de communicatione, quæ cederet in contemptum religionis, vel legis Ecclesiæ, quæ communicatio cum intrinsicè mala sit, ob nullum metum honestari potest.

PUNCTUM XIV.

Qualiter metus probandus sit.

- 1 Metum allegans probare debet.
- 2 Probatis his, quæ inducunt grauem metum metus probatur.
- 3 Coniecturis metus probatur.
- 4 Sufficiens coniectura est, si præcessisset tractatus de te cogendo.
- 5 Non si fuisse reclusus.
- 6 Pœnitentia actus facti indicat aliquantulum coactè factum fuisse.
- 7 Probatio metus iudicis arbitrio relinquitur.
- 8 An duo testes deponentes de metu præferendi sint multis negantibus.
- 9 Quando cessatur metus purgatus.

1 **P**rimò certum est, metum alleganti incumbere onus probationis; tum quia nemo præsumitur delictum commisisse, nisi probetur ex vulgari, l. merito, ff. pro socio, & tradit plures referens Flam. lib. 13. de sign. 9. l. n. 71. tum quia metus est res facti, & factum nõ præsumitur, nisi probetur. cap. cum Ioannes, §. verum responsionem istam, de fide instr. l. in bello, §. facta, ff. de capt. & postum. reuerf. & tradit Menoch. conf. 111. n. 301. Mascard. alios allegans, verb. facta, concl. 732.

2 Secundò certum est, si quodlibet illorum, quæ supra diximus, metum grauem inducere probetur legitimè, metus sufficienter erit probatus. v. g. celebras contractum cum Petro. probat Petrus te illi, vel eius consanguineis, aut amicis nimis coniunctis, minatum fuisse mortem, amissionem bonorum, vel aliud graue damnum, contractusque statim celebratus est, præsumitur ex huiusmodi metu celebratus, ac proinde rescindendus colligitur ex l. si donationis, C. quod metus causa, & tradunt communiter DD. in cap. quamuis pactum, de pact. in 6. docet Mascard. pluribus relatis, verb. metus, concl. 105 §. n. 44. Ratio est. Timere namque iuste poterat damnum minatum tibi esse inferendum, si voluntati minantis nõ consentire. Adde ibi constat de metu, & constat de contractu celebrato. Vt ergo non iudicetur fuisse appositum ad extorquendum contractum, debet incutiens metum probare, & dum non probat, succumbit.

3 Tertiò est certum coniecturis posse metum probari, cum enim metus raro soleat publicè inferri, sed communiter secretò, efficitur coniecturis agendum esse ad illius probationem, vt multis relatis docet Mascard. verb. metus, concl. 105 §. n. 3. Flam. lib. 13. q. 1. n. 99. hæc tamen coniecturæ, vt bene Mascard. notat n. 91. Flamin. n. 102. debent esse legitimè, exactè, ac plenè probatæ, ex l. non est, ff. quod metus causa, & tradit Alciat. in conf. 504. n. 7. & conf. §. n. 27. Et ratio est clara, quia cum de delicto non constet, nisi mediis coniecturis, si coniecturæ non probantur integrè, delictum improbatum manebit. Quocirca ad cuiuslibet delicti probationem, ad minus necessarium est clara cognitio illarum coniecturarum, quæ validæ, & à iure approbatæ sunt, delictum inferre docuit Foller. in sua præct. crim. in vers. capiat in forma, n. 18. & loquens de metu tradit Bursat. conf. 72. num. 18. vol. 1. Hæc clara cognitio non erit, quousque per duos testes omni exceptione maiores fuerit coniectura probata, quia omne indicium sic debet probari ex sententia Bart. in l. fin. n. 7. vers. quæro qualiter debeat, ff. de quest. & notauit aliis relatis Mascard. concl. 498. n. 17.

4 Ex hac doctrina inferitur. Si probas præcessisse tractatum de te cogendo ad contrahendum, & contractus sequatur, probare satis contractum fuisse metu factum, quia iam probas voluntatem minantis rebellionem, & iniusticiam; dum ergo ipse minans non probauerit à tali voluntate recessisse, in illa iudicatur perseverasse. Adde idem esse aliquid coactè facere, vel metu ne cogatur, ex l. nouissime, ff. quod falso tut. auct. & tradit Bald. ibi. Decius conf. 690. vers. visis dubitationib. col. 2. n. 10. Paris. conf. 139. n. 17. vol. 4. Sed si contrahas cum eo, qui tractauit damnum tibi inferre, nõ contraheres, metum iustum habes, ne cogaris. Ergo coactè contrahis, & ita tenet Scapola conf. 2. col. 2. vers. 1. coniectura. Crauetta conf. 115. num. 6. Mascard. alios referens concl. 105 §. n. 44.

5 Secundò inferitur esse sufficientem coniecturam ad probandum metum, si probes in aliqua domo etiam priuata te retentum fuisse clausum. præsumitur enim metu actum quidquid agis, habetur l. succurrat, ff. ex quib. caus. maior. l. 1. §. pen. ff. de vi, & vi arm. & tradit Paris. conf. 60. n. 15. vol. 4. Corn. conf. 41. vol. 2. Mascard. n. 45. Flamin. lib. 13. q. 1. n. 126. Ratio est, in illè enim timere potes graue damnum, si voluntati retinentis resistas. Neque obstat retinentem minatum non fuisse carcerationem diuturnam, vel aliud damnum graue. Sufficit, inquam, quod satis probabiliter timere possis inferendum, si resistas: hac enim ratione, cum probatur strepitus, & fragor armorum, et si non probetur vim fuisse illatam, probatur sufficienter metus, quia satis probabiliter malum timetur, vt est decisum in l. nouissime, ff. quod falso tut. auct. l. si donationis, C. quod met. caus. l. interpositas, C. de transact. & tradit Paris. supra n. 13. Mascard. n. 49. Flam. n. 127. Hæc tamen retentio, vt suppono, debet esse iniusta, si enim iuste ad petitionem alicuius partis, vel ex officio iudicis clausus retinereris, non obinde contractus rescindendus esset, quia non debet præsumi metu factus, tum quia talis incarceration est executio iuris. Executio autem iuris nec metum, neque iniuriam inducit, l. iniuriarum, §. 1. ff. de iniur. l. quemadmodum, §. magistratus, ff. ad legem Aquil. glossa cap. cum dilectus, de his que vi. Tum etiam, quia tua culpa incarcerationem pateris, atque adeò non alius, sed tu ipse tibi metum inferis. Denique ex actione iusta non debet præsumi iniustum; ergo ex tali carceratione iusta non debet præsumi tibi aliquod malum iniuste inferendum. Atqui solus metus de malo iniuste inferendo rescindit contractus, vt constat ex l. 3. §. sed vim, l. si mulier, in princ. l. qui in carcerem, ff. quod metus causa. Ergo. Ex his reprobat, vt inutilis consuetudo quorundam iudicum Ecclesiasticorum extrahentium à carcere stupratorem, vt stupratam ducat, existimant enim non liberè, sed

sed coactè contrahere, si carcere detentus contrahat, quod omnino est alienum à veritate, cum talis detentio iniusta non sit. Adde casu quo necessarium esset stupratorem à carcere exire, ut liberè posset matrimonium celebrare; deberet sanè ita à carcere exire, ut libera ei facultas daretur eundi, quo vellet, aliàs non intelligeretur à carcere exisse formaliter, ut expressè habetur in *l. qui neque*, 48. iuncta gloss. verb. *seruauit*, ff. de verb. signific. & tradit multos referens Sigismund. inter consilia feudalia, conf. 17. num. 10. & seq. Gutier. de iuram. 1. p. cap. 51. num. 10. Thom. Sanchez lib. 4. de matrim. disp. 13. num. 4. Flamin. lib. 13. q. 1. n. 128. Farinac. lib. 1. pract. crimin. q. 35. n. 5. Basil. lib. 4. cap. 19. n. 8.

6 Tertiò infero esse coniecturam sufficientem ad præsumptionem metus, esto non ad illius integram probationem, si post actum gestum fugias, ne illius exequaris, fuga enim indicat te inuitè, & contra voluntatem consensisse. cap. constat, 1. q. 1. vbi Innocent. de ordinato ab hæreticis dicit, *Si statim discedentibus illis, à pessimo conciliabulo eorum abrenuntiauit, & ad Ecclesiam rediit, iste talis potest habere colorem aliquem excusationis*. expende, colorem aliquem, non integram excusationem. Idem probatur argumento à contrario, ex cap. ad id, 21. de sponsal. & ibi glossa, Archid. Cardin. & alij, quos sequitur Mascard. n. 46. Item est coniectura ad præsumptionem, quando in contrahente, vel aliud agente, dignosceretur præter morem pallor in vultu, aut vox tremula, aut aliud huiusmodi, quia huiusmodi accidentia effectus sunt timoris. sic Mascard. supra n. 47. & colligit ex *l. minore*, §. *tormenta*, ff. de quest. Deinde est coniectura ad præsumptionem actus sufficiens, si renunciaret quis iuri suo abs re, quia nullus præsumitur rem sibi damnosam voluntariè facere, & colligitur ex cap. super eo, de renunt. Abbas ibi, Alciat. de præsumpt. reg. 3. præsumpt. 7. n. 2. Mascard. alios referens, num. 42.

7 Restant aliquæ difficultates examinandæ.

Prima est, an probatio metus iudicis arbitrio relinquatur?

Affirmo relinqui (esto nullus textus id clarè probet.) Nam *lex, metus autem causa* 3. ff. ex quib. caus. maior 25. ann. rest. quam adducit Decius in *l. in omnib. causis*, n. 7. ff. de reg. iur. solum probat iudicis arbitrio relinqui qualitatem metus, non autem qualitatibus probationem, ut optimè considerauit Menoch. lib. 2. de arbit. cent. 2. casu 136. n. 2. Mascard. concl. 1056. n. 11. Moueor tamen ad affirmandum iudicis arbitrio sæpe relinqui, quia sæpe non constat testes deponentes de metu esse omni exceptione maiores, neque etiam constat, an probationes pro metu vincant probationes factas pro spontanea voluntate. In his ergo, & aliis casibus decidenda res est per iudicem. & ita tenent Menoch. & Mascard. supra glossa, Innoc. & DD. in cap. cum dilectus, de his que vi. Couarr. 4. decr. 2. p. cap. 3. §. 5. n. 10. Anton. Cucus lib. 5. instit. maior. tit. 12. n. 167. & 168. Thom. Sanchez lib. 4. de matrim. disp. 27. n. 3. Nauar. conf. 10. n. 3. & 8. tit. de his que vi, lib. 1. in 2. edit.

8 Secunda difficultas, an magis credendum sit duobus testibus deponentibus metum fuisse illatum, quam mille negantibus?

Affirmat communis sententia. Innoc. in cap. super hoc, de renunt. in gloss. que incipit, & hoc unum. Alciat. de præsumpt. reg. 3. præsumpt. 7. n. 5. & conf. 162. n. 12. Couarr. rubr. de sponsal. 2. p. cap. 3. §. 5. n. 10. Bursat. conf. 72. n. 48. & alij plures relati à Flamin. lib. 13. q. 1. n. 85. Mascard. verb. metus, concl. 1057. n. 1. Mouentur, quia deponentes de spontanea voluntate, deponunt de actu mentali, & inuisibili, qui soli Deo notus est: at qui deponunt de metu, deponunt de minis, verberibus, & tormentis, quæ sensu corporis percipiuntur: præferri ergo ij debent.

Verùm ut hæc sententia communis vera sit, deponentes de metu deponere debent, non in genere, sed in specie, & in indiuiduo, aliàs non probarèt, ut bene Sali-

Ferd. de Castro Sum. Mor. Pars I.

cet. Bart. & alij, in *l. interpositas*, C. de transact. & Bald. ibi, inferens non satis esse ad rescindendum contractum fœneratitium contrahentem fuisse fœneratorem, nisi etiam probetur in illo met contractum fœneratum fuisse, & tradit aliis relatis Flamin. lib. 13. q. 1. num. 110. Intuper etiam deponentes de spontanea voluntate deponere debent absolutè, non restringentes eius depositionem ad tempus, & locum, in quo contractus affirmatur fuisse factus ex metu: hoc enim modo clarum est dictis deponentium de spontanea voluntate, non infirmari dictum deponentium de coactione, cum vtrumque dictum veritatem habere possit.

Aduerto tamen cum Farinac. multos referente lib. 1. prax. q. 35. à n. 13. clausulam appositam à patiente metum, quod spontè facit actum, nullaque vi compulsus, non probari inde spontè factum esse, eodem enim timore, quo induci potuit ad contrahendum, induci poterat ad affirmandum, quod spontè faciat.

Verùm si deponentes de spontanea voluntate, hoc est, de carentia coactionis restringant depositionem ad tempus, & locum, in quo coactum esse alij testes affirmant, tunc probantes coactionem præferendi nullo modo sunt probantibus non interuenisse, si alioqui testes numero, & qualitate pares sint. Et ratio, meo iudicio, est manifesta, quia vtrique testes de re exteriori, & quæ sensibus obicitur, deponunt, scilicet de coactione, vel de illius carentia. Ergo non est, cur de coactione deponentes præferantur deponentibus de carentia illius, & ita tenet Thom. Sanchez lib. 4. de matr. disp. 27. num. 3. cum Decio cap. fin. de appellat. num. 28. Sigismundo inter consilia feudalia, conf. 48. num. 18. Flamin. lib. 13. quest. 1. num. 89. imò cæteris paribus deponentes de spontanea voluntate, hoc est, de carentia coactionis, præferri debent deponentibus de coactione, tum quia deponunt de non delicto, cuius carentia semper præsumitur, tum etiam quia deponunt de modo operandi voluntati consentaneo, & ita tenet Cepol. conf. crim. 1. vers. ne videtur ex alio, & conf. civil. 60. Mascard. concl. 497. n. 15. Flamin. supra n. 89. & 90. Item deponentes de carentia coactionis in contractu celebrato, etsi non deponant coarctando depositionem ad locum, & tempus, in quo testes de coactione deponunt, adhuc possunt illis æquare, quia possunt deponere de talibus circumstantiis, & coniecturis, quæ omnino præsumptionem metus tollant: stare enim optimè potest metum alicui illatum fuisse ad extorquendum contractum; postea verò cum contractus celebratur metum purgatum esse, & ita tenet Decius supra n. 25. & reg. in omnibus 39. n. 8. ff. de reg. iur. Sanchez disp. 27. n. 2. Alciat. conf. 104. n. 8. & conf. 5. n. 27. Cepol. conf. civil. 2. n. 14. & seq. Mascard. plures referens concl. 1057. num. 8. & 9.

9 Tertia difficultas est, quando censeatur metus purgatus?

Communis sententia est, non censeari purgatum, dum non cessat omnino timoris causa, quamvis in actu externo appareat libertas. tradit Menochius lib. 3. præsumpt. 4. num. 12. Mascard. supra num. 36. Anton. Gomez 2. variat. cap. 14. num. 27. Flamin. lib. 13. quest. 1. num. 123. & præcipue num. 226. Sanchez lib. 4. de matrim. disp. 18. num. 7. Basilus de Leon lib. 4. cap. 17. num. 3. & alij ab eisdem relati. Durat autem timoris causa, ut tradit Sanchez alios referens, Mascard. optimè conclus. 1055. num. 36. quoties durat subiectio timorem incutienti, ut si iudex metum inferat, dum durat officium, si tyrannus, dum durat tyrannis, si vir, dum durat matrimonium, si pater, dum durat patri subiectio. Hinc infert Flamin. num. 17. & seq. primò carceratum, & coactum præstare cautionem de soluendo, licet postea liberatus sit à carceribus, & cum intervallo solutionem faciat, solutio dicitur facta ex metu, nam si non soluisset, posset rursus carcerari, & seuerius tractari. Secundò

F 2

infert,

infert, si contractus venditionis fuit celebratus per metum, & traditio rei venditæ fuerit facta ex intervallo, durante causa metus, traditio dicitur metu facta. Tertiò, si maritus verberavit uxorem, quia non consentiebat cuidam instrumento, si postea vxor assentiat etiam ex intervallo, dicitur consensisse metu mariti. Quartò, si mulier intrauit in monasterium per metum, ibique per plures annos perseuerauit, non purgatur metus, si viget eadem causa, vel si non cessant impedimenta, vt possit reclamare, & tradit etiam Sanchez lib. 4. diff. 18. n. 8. Basilius de Leon lib. 4. cap. 17. n. 3. cum Nauarr. 4. comment. de reg. cap. statumini, n. 19. quest. 3. n. 71. Quocirca vt metus censeatur purgatus, debet adesse aliquis actus spontaneam voluntatem demonstrans, quia causa semel posita, semper durare præsumitur, dum aliqua ratione non probatur perire, traditque optimè Menoch. lib. 6. præsumpt. 37. Azor lib. 1. cap. 11. quest. 18. Ideoque quod metu factum est ab initio, etsi postea fuerit confirmatum, nullas vires habet, præsumitur enim metu confirmatum. *l. si per impressionem, C. quod metus causa.* & multis relatis docet Mascard. conclus. 1055. num. 34. Actus autem purgandi metum debet integrè, & liquidè spontaneam voluntatem demonstrare; quare si aliam interpretationem recipit, metum non purgat, vt bene docuit Ioan. Garc. de nobilitate, glossa 17. num. 46. Nauarr. lib. 1. cons. 118. de his qua vi, cons. 4. num. 9. in 2. edit. Azueved. lib. 4. recap. 11. l. 1. num. 195. Basil. de Leon lib. 4. cap. 17. n. 3. Ex qua doctrina infert aliis allegatis Sanchez lib. 4. diff. 18. n. 10. Basil. de Leon & Nauarr. solutionem illius quod per metum soluere iurasti, fore rescindendam, etsi solutio spontanea sit, quia non præsumitur spontanea, sed facta timore perituri incurrendi, iuxta cap. debitores, de iureiurand. vbi iurans soluere vsuras potest reperere, quia non censetur sponte soluissè. Qui autem sint actus spontaneam voluntatem demonstrantes, quibus metus purgetur, non est facile dictu. aliquos referunt Doctores, neque difficultate carent. Primus est præsentia iudicis, seu magistratus, hanc enim sentiant purgare metum, eo quòd fauore iudicis possit agens quemlibet metum repellere. ita Batt. in l. ult. ff. quod metus causa. Iason consil. 72. col. 2. vol. 1. Crauet. consil. 114. num. 11. vol. 1. & consil. 253. num. 4. Thomas Sanchez lib. 4. diff. 27. num. 2. Mascard. de probat. concl. 1055. num. 5. Verùm huiusmodi præsentia solùm inducit præsumptionem, quòd metus sit purgatus, non tamen inducit probationem claram; stat enim optimè aliquem ita metu esse adstrictum, vt non solùm non audeat contractum repellere, verùm neque coactionem manifestare, & tunc contractus etiam si sit factus in præsentia iudicis, erit metu celebratus, & tradit ex Batt. & Bald. Flam. lib. 13. q. 1. num. 194. Secundò quo censetur metus purgatus, est, si fiat actus coram consanguineis, vel amicis patientis metum, præsumitur enim tunc liberè consentire. ita Batt. in l. transactionem, C. de transact. Iason ibi, & in l. interpositas, num. 5. C. eod. Felin. in cap. causam matrimony, col. 3. vers. quarta declaratio, de offic. delegat. Decius cap. ult. col. ult. vers. postremò notandum, de appellat. Sanchez lib. 4. de matrim. diff. 27. num. 2. At hoc intelligendum est, vt rectè Mascardus supra num. 24. casu quo consanguinei, vel amici sufficientes essent resistere violentiæ eius, qui infert metum, secus econtra. Quapropter Batt. supra, dicit ex consanguineorum præsentia non cessare metum, vel metus præsumptionem; imò Thomas Sanchez lib. 4. de matrim. diff. 12. num. 21. Anton. Gomez tom. 2. variar. cap. 14. num. 27. sine. Gutierrez. consil. 16. num. 24. & alij docent, neque hanc præsumptionem cessare, sed tantùm cogi allegantem metum, vt prober grauiorem illatum fuisse, & clariore probationes asserre. Tertiò censetur metus purgatus ex cohabitatione spontanea cum inferente metum, qui enim fugere faciliè coactionem potest, neque fugit, voluntariè

iam consentit, sic enim censetur matrimonium, & professio metu facta ratificari, si contrahentes non fugiant, vel reclament, cum faciliè possint, habetur expresse cap. ad id, de sponsalib. & ibi glossa, & tradit Mascard. multis relatis supra num. 35. Sanchez lib. 4. diff. 18. num. 3. Quod autem tempus requiratur, vt sic habitans censeatur coactionem fugere potuisse, prudentis arbitrio metiendum est. cap. de causis, de officio delegat. & l. 1. ff. de iure deliber. quia non est à lege tempus præscriptum. Sanch. supra n. 6. Vnde placet mihi, quod dicit Mascard. concl. 1055. n. 39. non præsumi purgatum metum in matrimonio, etsi mulier in domum viri traducatur, ibique habiter modico tempore, si statim ad domum patris reuertatur; præsumitur enim non habitasse spontaneè cum fugerit, cum primum potuit, & consentit in his Basilius de Leon lib. 4. cap. 17. num. 17.

PUNCTVM XV.

De ignorantia quid sit, & quotuplex, quæque causet inuoluntarium.

- 1 Definitur ignorantia.
- 2 Qua sit ignorantia vincibilis, & inuincibilis.
- 3 An detur ignorantia vincibilis, quæ nō sit crassa, & supina.
- 4 Triplex ignorantia culpabilis distinguitur.
- 5 Quando dicatur ignorantia vincibilis.
- 6 Quaru rerum censeatur habere ignorantia inuincibilem.
- 7 Quid dicendum de parochiano ignorante festa, & ieiunia in hebdomada occurrentia.

1 **V**arias acceptiones ignorantie tradunt Doctores cum D. Thom. 1. 2. q. 6. art. 8. Illa tamen nostro instituto deseruit, quæ est illarum rerum, quas quisque scire tenetur. Quapropter ignorantiam definiere possumus esse carentiam cognitionis debita. Hæc carentia multiplex esse potest, alia autis, alia facti, alia vincibilis, alia inuincibilis. Ignorantia iuris est, qua ius ignoras, vt si ignores contractum vsurarium esse illicitum, omnia peccata mortalia etiam dubia necessariò esse confitenda, diebus festiuis audiendum esse sacrum. Ignorantia facti est, qua ignoras hunc contractum esse vsurarium; hoc peccatum mortale esse necessariò confitendum; hac die audiendum esse sacrum.

2 Hæc ignorantia iuris, vel facti vincibilis esse potest, & inuincibilis. Vincibilis dicitur, quia illam viribus tuis vincere poteras. Inuincibilis, quia nullo modo illam superare potuisti. Poteris autem circa vnum, & eundem actum scientiam, & ignorantiam inuincibilem habere: cognoscere enim potes accessum ad consanguineam, vel affinem esse peccatum intemperantiæ, non tamen esse incestum. Item ignorare potes fornicari esse nuptam, vel habere votum castitatis, cum tamen cognoscas illius accessum tibi esse prohibitum: tunc talis actus, quatenus ex ignorantia procedit, non est peccatum, etsi peccatum sit, quatenus à scientia, vel ignorantia vincibili procedit, tradit S. Thom. 1. 2. q. 76. art. 3. & ibi omnes eius expolitores.

Hinc fit ignorantiam inuincibilem vocari antecedentem, iustam, & probabilem. Vocatur antecedens, quia antecedit actum: est enim causa illius, quatenus si ipsa non adesset, actus non fieret: sicuti absentia nauis, causa est submersionis nauis, quia si naua non abfuisset, nauis non submergeretur. Vocatur iusta, & probabilis, quia eam canones, & leges probant, & operantem ex illa excusant. Vincibilis ignorantia dicitur consequens improbabilis, & iniusta. Consequens dicitur, quia aliquem actum voluntatis consequitur. v. g. dubitasti an hac hebdomada dies aliquis sit ieiunij, omisisti inuestigare: ecce ignorantiam consequutam esse ad illam voluntariam omissionem. Talis ergo ignorantia, iniusta est, &

& à iure improbat, & operantem ex illa non excusat, sed acculat. De ignorantia comitante nihil est, quod dicamus, quia neque accusat, neque excusat actum. hæc enim cum solum consistat in quodam habituali affectu voluntatis, quo quis paratus est actum eodem modo præstare, si ignorantia careret, ac præstitit ignorans, & affectibus nec mereamur, neque demereamur, efficitur sanè ignorantiam comitantem, si in consequentem non transit, non inducere peccatum, quia non potest inducere, quin fuerit aliquo modo voluntaria, ut optime probat Salas 1.2. tractat. 13. disput. 8. sect. 5. num. 35. Sanchez disput. 32. num. 26. Item, quia licet ille affectus peccaminosus sit, non tamen est causa actus, & consequenter non potest actus ratione illius puniri. Insuper vincibilis ignorantia dicitur affectata, crassa, & supina. Affectata, quia ignorare affectas, & intendis. Crassa, quia more crassi hominis & pinguis, deses, & piger es in ea depellenda; crassi enim homines, & pingues desides solent esse. Eodem modo dicitur supina, quia more iacentis supinè in lecto, qui de nulla re curat, sic non curas ignorantiam expellere; in his omnes conveniunt. Ex hac doctrina infero non sufficere ad ignorantiam vincibilem adstruendam alicuius effectus, te cognoscere illius causam, nisi simul cognoscas saltem sub dubio causam esse illius effectus, docet Vasquez illa disput. 107. cap. 3. & Sanchez num. 25. & specialiter n. 38. ubi probat danti operam rei illicitæ effectus inde sequutos non imputari, nisi aliqua cognitio de connexionne effectus cum tali causa occurrerit.

3 Difficultas est, an detur aliqua ignorantia vincibilis, & culpabilis mortaliter, quæ tamen non sit crassa, & supina?

Thomas Sanchez lib. 1. Decalog. cap. 16. num. 7. & lib. 9. disput. 32. num. 32. & seqq. Salas tractat. 13. disput. 8. sect. 10. num. 76. Bonacina disput. 1. de censuris, quest. 2. punct. 1. aliis relatis, num. 4. affirmant sufficere ad ignorantiam vincibilem mortaliter, si diligentiam mediocrem non apposueris: at ad ignorantiam crassam, & supinam summam negligentiam requiri. Ergo distinguuntur.

Fateor tamen me non posse percipere hanc distinctionem: si enim ignorantia vincibilis mortaliter necessariè expostulat non esse appositam mediocrem diligentiam in veritate inuestiganda, necessariè expostulat nullam, vel modicam diligentiam esse adhibitam: qui enim mediocrem diligentiam non adhibuit, & aliquam adhibuit, modicam sanè adhibuit; sed qui modicam diligentiam fecit, obligatus facere mediocrem censet Thomas Sanchez habere ignorantiam crassam, & supinam. Ergo ignorantia crassa, & supina à mortali culpabilis distingui non potest: & ita sentit Suarez 1. tom. in 3 p. disp. 4. sect. 10. à n. 7. Coninch disp. 13. de censur. dub. 11. num. 95.

4 Quocirca (si placet) triplicem ignorantiam culpabilem agnosco. Primam directe voluntariam. Secundam indirectè, in qua nulla diligentia adhibita est ad illam vincendam. Tertiam, in qua aliqua diligentia, modica tamen, & insufficiens est adhibita. Ignorantia directe voluntaria est eadem ac affectata, de qua glossa in cap. eos, verbo affectum, de tempor. ordin. in 6. & in cap. ult. §. tu autem, verbo scienter, de offic. delegat. in 6. Affectata autem ignorantia scientiæ æquiparatur, ex cap. quasitum, de pænit. & remiss. ibi, si illis procurantibus, aut studiosè negligentibus filii reperiuntur oppressi ab officio altaris, debent perpetuò abstinere, & tradit Menochius de arbitr. lib. 2. cennr. 4. casu 316. Mascardus verbo ignorantia, conclus. 379. n. 31. Ignorantiam indirectè voluntariam, in qua nulla diligentia adhibita est ad illam vincendam, appellarem ignorantiam crassam, & supinam. Et in hoc sensu verum est dicere ignorantiam crassam, & supinam summam negligentiam expostulare, ex l. regula 9. §. sed facti,

Ferd. de Castro Sum. Mor. Pars I.

ff. de iur. & facti ignor. ibi, sed facti ignorantia ita demum cuique non nocet, si non ex summa negligentia obieratur. At ignorantiam, in qua aliqua diligentia, etli modica ad illam vincendam adhibita sit, nullo modo crassam, & supinam appellarem: quia qui facit aliquam diligentiam, iam non videtur procedere ex lata culpa, neque videtur integrè habere animum omittendi: & hac ratione optime intelligitur, quomodo potest esse ignorantia mortaliter culpabilis, quin fuerit crassa, & supina.

Quæ dicta sunt de ignorantia, intelligenda sunt de obliuione, & inaduertentia. Obliuio enim, & inaduertentia quædam ignorantia est, & eodem modo cum actu comparari debet, ac comparatur ignorantia. Quare obliuio, & inaduertentia inuincibilis operantem excusat, vincibilis verò accusat, sicut de ignorantia dictum est. & ita tradit Thom. Sanchez lib. 1. cap. 16. n. 8. Suarez 1. tom. in 3 p. disp. 4. sect. 8. num. 5. & 8. Azor 1. tom. 1. lib. 1. instit. cap. 16. quest. 3.

5 His positis restat explicandum, quid requiratur, & sufficiens sit, ut ignorantia vincibilis dicatur, vel inuincibilis, potens humana diligentia superari, vel non potens superari: Aliquibus placet sufficere te esse obligatum aduertere, etiam si neque dubitationem, aut scrupulum de malitia habuisses: sic tenet Zúmel 1.2. quest. 76. art. 3. disput. 2. dict. 4. Valent. 1.2. disp. 6. quest. 6. p. 1. Mouentur, quia præceptum impleri non potest sine aduertentia, & cognitione illius. Ergo præceptum obligans ad illius executionem, obligat ad illius aduertentiam. Ergo si hanc omittis, peccas eodem peccato, ac si omitteres præceptum, ut diximus in tract. de conscientia, disput. de conscientia errante. Secundò idem est (quoad peccatum) præceptum scire, ac illud debere scire, ex l. quod te mihi §. ff. de rebus credit. ibi, sed etiam si aliqua iusta causa sit, propter quam intelligere deberes; quando ergo scis præceptum, & non exequeris, peccas. Ergo etiam peccas, quando debes scire, cap. si culpa, de iniurijs. Tertiò communiter Doctores tradunt ignorantiam iuris vincibilem esse, secus verò ignorantiam facti: quod nulla ratione verum esse potest, nisi quia iura, & leges tenearis scire; secus verò facta. Ex quo oritur illud commune axioma, Ignorantia facti excusat, secus ignorantia iuris.

Mihi tamen magis probatur ad ignorantiam vincibilem, & culpabilem, non sufficere te ex statu, vel officio obligatum esse, nisi aliqua cognitio, dubitatio, vel scrupulus sit de tali obligatione, quia usque talis dubitatio sit voluntaria, esse non potest illius aduertentiæ omisso: prima ergo cognitio, qua voluntas moueri debet, necessaria est, & non libera.

Dices; Ergo omittens præceptum semper omittit ex scientia illius, & non ex ignorantia; ergo nunquam datur peccatum ex ignorantia.

Respondeo facile: omittere ex scientia illius clara, & distincta nego: ex scientia illius confusa, vel dubia concedo. Ignorantia enim vincibilis huiusmodi cognitioni confusa, & dubia non opponitur, imò potius illam requirit; consistit enim malitia ipsius ignorantiae in eo quod nolueris illam dubitatione & cognitionem confusam de præcepto examinare. ita Sanch. lib. 1. Decalog. c. 16. n. 21. Vasquez 1.2. disp. 107. c. 3. à n. 6. & disp. 123. cap. 2. Salas tract. 3. disput. 4. sect. 5. num. 8. Lanius tract. 13. disp. 8. sect. ult. num. 87. ubi reputat supradictam sententiam improbabilem.

Argumentum in contrarium non obstat.

Ad primum dico, quamlibet legem obligare ad sui aduertentiam, & considerationem, posteaquam tibi proposita est, non antea; proponitur tamen, cum dubitas, vel scrupulum habes de illa.

Ad secundum concedo, idem esse quoad culpam scire præceptum, ac debere scire. At nego te debere actu scire, quousque dubites de tali obligatione.

I ;

Ad

Ad tertiam respondeo regulariter ignorantiam facti, non iuris excusare, facilius enim ignoratur factum, quam ius, si enim ius naturale sit, à natura ipsa habetur, si positivum sit, passim, solemnique ritu promulgatur: eaque de causa in foro externo alleganti ignorantiam iuris incumbit onus probandi, quia præsumptio est in contrarium, semper enim quis præsumitur scire quod publicum est, ut bene norant Doctores in *cap. 1. de postul. prelat. & cap. fin. §. aliqui, qui matronarum accus. poss.* & tradit gloss. *cap. nulli, verbo verisimiliter, de elect. in 6.* At si daremus (ut bene dari potest) ignorantiam iuris inuincibilem, eodem modo excusat à peccato, ac excusat ignorantia inuincibilis facti, ita tradit Sanchez *lib. 1. cap. 16. num. 26.* Valquez *disput. 123. cap. 2. num. 5.* Azor *lib. 1. cap. 13. quest. 13. & cap. 16. quest. 1.* Quod autem in pluribus casibus ignorantia inuincibilis iuris dari possit, nemini esse potest dubium, aliàs nullus esset fidelis, qui ignorare posset inculpabiliter, mysteria fidei, & præceptorum Ecclesiæ, nullusque Confessarius, vel iudex esset, qui ignorantia inuincibili laboraret eorum, quæ ex officio scire tenetur, quod est prorsus à veritate alienum. Concedo tamen in foro externo rarò præsumi, neque admitti ignorantiam inuincibilem iuris communis, esto admittatur ignorantia probabilis legis municipalis, *cap. ut animarum, de consis. in 6.*

6 Sed inquires, quarum rerum ignorantiam inuincibilem habeas?

Respondeo illorum omnium, quorum neque scrupulus, neque dubitatio tibi occurrit, quia hæc est prima radix veritatem inuestigandi. Azor *lib. 1. cap. 16. q. 5.* Bonacina *disput. 2. de peccat. quest. 8. punct. 3. num. 3.* Ex quo fit posse te ignorare plura, quæ iure Ecclesiastico, diuino, & naturali prohibentur. latè probat Salas multis relatis 1. 2. *tract. 3. disput. 8. sect. 4.* potes enim inuincibiliter ignorare percussorem clerici esse specialiter prohibitam, effusionem seminis, vel sanguinis violare Ecclesiam, habere copulam cum affine esse incestum, & similia. Ex iure diuino ignorare potes plurima mysteria fidei, integritatem confessionis, receptionem Eucharistiæ. Ex iure naturali plurima possunt inuincibiliter ignorari, etiam toto vitæ tempore, ut bene docet Valquez *disput. 122. cap. 2.* Sanchez *lib. 1. in Decalog. cap. 16. num. 33.* eo quod eorum malitia non ita clara sit, & manifesta: hac enim ratione ignorare potes vsuras esse illicitas, & periurum honestari non posse ad defendendam propriam, vel alterius vitam, pollutionem esse intrinsecè malam, & alia huiusmodi, quæ passim vidi à multis inuincibiliter ignorari.

Dubitatione tamen suborta de prohibitione aliqua, non est ita facilè concedendum te laborare ignorantia inuincibili. Nam in primis debes diligentiam facere inuestigandi veritatem, aliàs ignorantiam affectas: diligentiam autem non summam, sed quæ communiter fieri solet in re graui, & salutem animæ spectante, colligitur ex *l. regula. ff. de iuris & facti ignorant. & l. lata culpa, ff. de verborum signific. illa autem facta, si veritas non cognoscatur, inuincibilis ignorantia censetur, ita Valquez *disput. 123. cap. 2. num. 5.* Sanchez *num. 34.* Suarez *5. tom. in 3. part. disput. 4. sect. 8. num. 12. 16. & seqq.* Azor *lib. 1. cap. 16. quest. 6.* Salas *tract. 13. disput. 8. sect. 4.* Bonacina *supra num. 3.* aduertit tamen, & bene, Valquez *disput. 123. cap. 2. num. 6.* & Sanchez *num. 27.* Azor *cap. 16. quest. 5.* ignorantiam rerum proprium officium, & statum spectantium rarò esse inuincibilem, quia rarò definit quis aduertere se ratione, officij aliquibus obligationibus teneri, quæ cognitio sufficienter viam aperit inuestigandi obligationem: at legum, & præceptorum communium facilius ignorantiam inuincibilem concedi posse, quia non ita occurrit tibi dubitatio omnium præceptorum.*

7 Ex his deducitur parochianum ignorantem ieiunia, & festa in illa hebdomada occurrentia excusari, si

die Dominica Missæ maiori adfuit, neque parochus, ut solet, publicauit, vel si abfuit, alios interrogauit, neque monitus fuit, quia hic præstauit diligentiam inuestigandi veritatem, quæ communiter præstari solet. sic Azor *lib. 1. cap. 12. quest. 1. diffus. 3.* Manuel *1. tom. summ. cap. 23. conclus. 7. num. 9. in fine.* Sanchez *lib. 1. cap. 16. n. 37.* quod si neque interfuit, neque alios interrogauit, censendus est vincibili ignorantia laborare, quia non præstitit diligentiam, quæ solet præstari. At hoc bene limitat Sanchez *supra*, intelligendum esse casu quo parochianus aliquem scrupulum, vel dubium habuerit illa hebdomada aliqua ieiunia, vel festa occurrere. Nam si nihil horum occurrit, censendus est inuincibiliter ignorare. & tradit in simili Salas *tract. 13. disput. 8. sect. 4. num. 23. §. 6. regula.* Bonacina *disput. 2. de peccat. quest. 8. punct. 3. num. 28.* Signum autem efficax ad cognoscendum te laborasse in aliqua re ignorantia inuincibili, est, si firmum propositum formale, vel virtuale habeas satisfaciendi tuæ obligationi, quia hoc propositum omnino excludit negligentiam mortaliter culpabilem, ut ex se constat, & tradit aliis relatis Salas *1. 2. tract. 13. disput. 8. sect. 4. num. 13. §. 1. regula.*

PUNCTVM XVI.

An ignorantia, obliuio, vel inaduertentia præcepti, quando vincibilia sunt, minuane culpam, vel ab illa excusent.

- 1 Non excusare à culpa.
- 2 Minuere culpam, si non sit affectata.
- 3 An ignorantia vincibilis possit ex mortali veniale facere.

1 **P**rimò certum est ignorantiam illorum, quæ ratione tui officij, vel status teneris scire, esse peccatum. Ea autem, quæ teneris scire, in duplici sunt differentia; alia, quarum cognitio per se imperatur, ut sunt mysteria fidei; alia, quæ solum ratione operis, ut est scientia Decalogi, & aliorum præceptorum. Si ignores culpabiliter mysteria fidei, aduersus fidem peccas; si ignores præcepta seruanda, & ob illorum ignorantiam aliqua transgredieris, vel te periculo transgressionis illorum exponis, peccas eadem specie peccati, ac si scienter illa præcepta violares. ita docet Valquez 1. 2. *disput. 119. cap. 2. & 3.* & Azor *1. tom. 1. lib. 1. cap. 12. quest. 5.* Sanchez *lib. 1. in Decalog. cap. 17. n. 11. & 12.*

2 Secundò certum est ignorantiam culpabilem minuere culpam, quia minuit rationem voluntarij; minus enim voluntaria est transgressio præcepti ex ignorantia, quàm ex scientia: nam ex scientia est transgressio directè voluntaria, ex ignorantia verò etiam si affectata sit, est solum indirectè, quatenus negligit præceptum inuestigare. Verùm si huiusmodi negligentiam affectes, ut liberiùs, & sine remorsu præcepta transgrediaris, esto transgressio actualis illius præcepti minus voluntaria sit, quàm si ex scientia præcepti procederet; hoc non obstat quominus grauius delinquas: non quia illud peccatum multiplicem habeat circumstantiam, quod videtur insinuare Azor *lib. 1. cap. 14. quest. 1.* Sanchez *lib. 1. in Decalog. cap. 17. num. 5.* quatenus dicit peccatum adulterij, v. g. scienter factum, solum adulterium esse: at cum ignorantia affectata esse temerarium, & periculosum, & aliis grauioribus peccatis, incestus scilicet, & sacrilegij expositum; hoc enim per se falsum est: nam etiam adulterium commissum ignorantia solum crassa, seu mortaliter culpabili est temerarium, & periculosum, & illis criminibus committendis expositum; sed quia non est expositum moraliter, eo quod illarum circumstantiarum ignorantiam probabilem habueris, ideo

ideo illud delictum non habet aliam malitiam præter malitiam adulterij. Ergo ex hac parte non potest peccatum ex ignorantia peccatum scientiæ superare. Ratio igitur efficax, quare grauius delinquas, si ex ignorantia supradicta affectata liberius peccandi pecces, quàm si ex scientia, ea est, quia in hoc affectu virtute omnia transgredieris præcepta ob animum deprauatum, siquidem remouere à te vis impedimentum à Deo positum, ne violentur sua præcepta: medio enim conscientie remorsu detinet Deus peccatores, ne in peccata labantur: si igitur hoc affectu pœnam à te excutere vis, tacite vis liberè in peccata vagari.

3. Difficultas autem in eo sita est, an ignorantia vincibilis, quæ non sit affectata, aut crassa, minuat culpam, vt quæ aliàs deberet esse mortalis, reddat venialem? Neque est controuersia de culpa aduersus ius diuinum, & naturale; hoc enim si ab ignorante ignorantia culpabili mortaliter violetur, mortale erit. Controuersia est de violatione legis humanæ, quæ non videtur ita strictè obligare, vt eius violatio ex ignorantia non affectata, crassa, aut supina mortalis sit, etiam si ignorantia culpabilis mortaliter fuerit. sic docet Thom. Sanchez lib. 1. cap. 17. à num. 19. & adducit pro se Valent. Vasquez, Armillam, Nauarrum, Sotum, & alios Doctores, contenditque explicari non posse de ignorantia venialiter culpabili; hæc enim culpam mortalem, à cuiusvis præcepti transgressione excusat secundum omnium sententiam. ita tenet Bonacina *disp. 2. quest. 8. punct. 3. num. 21.* videtur tamen loqui de ignorantia venialiter culpabili. Sed fateor tenuitatem ingenij mei: non enim percipere possum, quomodo detur ignorantia mortaliter culpabilis, & transgressio præcepti ex tali ignorantia mortalis non sit. Nam tota materia transgressionis consistit in negligentia culpabili sciendi præceptum, imò potius non est alia malitia omissionis, v.g. ieiunij, vel Missæ præceptæ, quàm est in illa culpabili negligentia. Si ergo illa negligentia est culpabilis mortaliter, ommissio culpabilis mortaliter erit. Nequit ergo negligentia culpabilis mortaliter reddere violationem venialiter culpabilem. ita Suarez 3. tom. in 3. p. disp. 82. sect. 3. col. pen.

Ex his infero peccatum ex ignorantia culpabili, vel scientia commissum non ita variare naturam ipsius, vt necessariò debeas in confessione explicare fuisse ex ignorantia culpabili, vel scienter commissum, non enim notabiliter auget, aut minuit peccatum. ita Nauarr. summ. cap. 6. num. 12. Suarez 4. tom. in 3. part. disp. 22. sect. 4. num. 14. At si fortè procederet peccatum ex ignorantia affectata liberius peccandi, & sine remorsu, ille enim affectus videtur necessariò declarandus, quia non solum auget malitiam, vt dicit Sanchez lib. 1. cap. 17. fine. sed, meo iudicio, aliam specialem constituit aduersantem voluntati Deo seruienti.

PUNCTUM XVII.

An ignorantia legis, vel pœnæ impositæ per legem excuset à pœna.

1. *Propositur casus.*
2. *Ex ignorantia legis imponentis pœnam, pœna non contrahitur.*
3. *Idem est si adest ignorantia facti.*
4. *Quid dicendum si solum ignores pœnam à lege impositam.*
5. *Deciditur questio, & approbatur ignorantiam pœna in censuris excusare.*
6. *Probabile est ad irregularitatem extendi.*
7. *Probabile etiam est excusare ab alijs pœnis delicti grauitatem secundum se excedentibus.*
8. *Aliqua inferuntur ex superiori doctrina.*

9. *Satisfit argumentis num. 4. positis.*

1. Si nulla alia lege actus prohibitus est, nisi ab illa, à qua est pœna imposita, ignorans inuincibiliter legem illam, pœnam non contrahit, quia non peccas. Ergo non es à lege puniendus, ex *reg. sine culpa*, 23. de *regul. iur. in 6. & cap. 2. de constit.* & est res omnino manifesta. Difficultas autem est, quando actus prohibitus est alia lege, præter illam, quæ pœnam imponit, & ignoras legem imponentem pœnam; cognosces tamen actum alia lege prohiberi, & illum efficis, v.g. cognoscis percussorem clerici esse prohibitum iure diuino, & naturali: ignoras tamen adesse Ecclesiæ prohibitionem sub excommunicatione; contrahisne, si clericum percutias, excommunicationem, vel irregularitatem, aliãve pœnam?

2. Respondeo probabilius esse te nullo modo contrahere, quia non deliquisti contra legem Ecclesiasticam, vtote ignarus illius. Ergo non debes pœnis illius puniri. Nec enim pœna est vterius protrahenda, quàm delictum fuerit, vt dicitur in *cap. 2. de his que sunt à maiore parte capit. & in cap. felicitis, versic. illud autem, de pœnis, in 6.* iudex enim pœnam metiri debet ex culpa. Confirmo. Grauius delinquit qui percutit clericum, cognoscens percussorem illius non solum esse prohibitum iure naturali, & diuino, sed etiam Ecclesiastico, & sub censura, quàm qui solum cognoscit prohibitionem iuris naturalis. Ergo non debet vterque eisdem pœnis puniri. Secundò in censuris est res, meo iudicio, manifesta. Non enim contrahi potest censura absque monitione. *cap. reprehensibilis, de appellat. cap. Romana, cap. constitutum, de sentent. excomm. in 6.* atqui non censetur quis monitus, quousque legem comminantem censuram agnoscat. Ergo. Item censura instituta est ad reprimendos rebelles, & inobedientes Ecclesiæ, sed qui eius præcepta ignorat, nequit inobediens iudicari. Ergo non potest censura reprimi. Tandem censura est medicinalis pœna, id est, pœna non punitiua tantum delicti, sed potius præseruatiua committendi, *cap. 1. de sentent. excomm. in 6.* præseruari autem non alia ratione potes, nisi quatenus timore illius præseruariis à delicto committendo. Ergo necessariò debes illius habere notitiam.

Hæ rationes non solum probant ignorantiam legis municipalis, sed etiam Pontificiæ, & cuiuscumque sit, à pœna per ipsam imposita excusare. Quare cum in *cap. ut animarum, 2. de constit. in 6.* dicit Pontifex se nolle, vt ignorantes ligentur statutis quorumcunque ordinario- rum, non inde infertur legibus à se latis velle ignorantes ligare, imò ex ratione decidendi illius textus, quæ est, *ut animarum periculis obuietur*, supponit contrarium. Grauius enim periculum animarum adesset, si Pontificiis legibus ligarentur ignorantes, quàm si legibus municipalibus ligarentur: tum quia grauiores sunt: tum quia minus cognitæ. Quòd si dicas, cur ergo Pontifex de solis sententiis latis ab ordinario loquutus fuit, & non absolutè de omnibus statutis? Item si nouum ius concedere nolebat, sed antiquum declarare, cur vsus est verbo *nolumus*, debebat enim vti verbo *declaramus*? Facile responderetur, quia solum de statutis ordinario- rum poterat esse difficultas, an ignorantes ligarentur. Legem ergo tulit de difficultatibus, ex qua quod facilius erat, colligi poterat. Non autem vsus est verbo *declaramus*, sed verbo *nolumus*, quod indifferens est ad nouum ius statuendum, vel antiquum declarandum, vt sic daretur locus opinioni affirmanti ignorantiam censuræ ex se ab illa incurrenda non excusare, & ita tenet plures referens Sanch. lib. 9. de *matr. disp. 32. n. 9.* Nauarr. cap. 27. n. 272. Suarez tom. 5. in 3. p. disp. 4. sect. 8. n. 20. Valq. de *excomm. dub. 16. n. 6.* Bonacina de *censur. disp. 1. q. 2. p. 1. n. 7.* Azor lib. 1. in *stit. mor. cap. 15. q. 3.* Coninch *disp. 13. de censur. dub. 10. n. 91.* & alij.

3 Idem quod dictum est de ignorantia iuris, dicendum est à fortiori de ignorantia facti: si enim ignoras inuincibiliter hunc, quem percussis, esse clericum, censuram percussioni clerici annexam non incurris: esto scias percussioni clerici censuram esse annexam. Ratio est eadem, & efficacior, quia talis ignorantia facti reddit actum illum, cui censura annexatur, omnino inuoluntarium: ac proinde incapacem censuræ, vel alterius pœnæ; ideoque *in cap. si verò 2. de sentent. excommunicat.* excusatur ab excommunicatione occidens clericum, eo quod ignorarit clericum esse, quia gestabat comam, & docent Doctores suprà relati. Salas *de legib. disp. 15. sect. 9. num. 110.* Vasq. *suprà dub. 14. num. 2. & 7.* Bonacina *num. 8.* Molina *tom. 4. disput. 53. num. 1. & 3.* Sanch. *n. 23.* Et hoc verum est, etiam si animum haberes percutiendi clericum, quia licet talis animus malus sit; at percussio illa ex tali animo non proficiscitur, quia semper intelligebas te non percutere clericum, sed solum feram, aut laicum. Ergo percussio illa clerici, quatenus clericus est, tibi non fuit voluntaria, nec peccaminosa, & consequenter nec censura punienda. & ita docet Sanch. *suprà n. 26.* Bonacina *disp. 1. de cens. q. 2. p. 1. n. 14.* Molin. *tom. 4. disp. 53. n. 2. & tom. 6. tr. 5. disp. 71. n. 8.* Vasq. *1. 2. disp. 126. à n. 4. & de excom. dub. 14. n. 4. & alij.*

Sed quid si proiciens sagittam intendas occidere Petrum clericum, & casu occidas Franciscum similiter clericum, crine excommunicatus, & irregularis.

Respondeo te non esse excommunicatum, neque irregularem ob ignorantiam facti; excommunicatio enim, & irregularitas non ob intentionem, sed ob malum opus externum contrahi debet: at occisio Francisci peccaminosa non fuit: intentio autem occidendi Petrum inducere non potest excommunicationem, aut irregularitatem. Ergo excusaris ab illis; secus verò dicendum est, si non casu, sed ex voluntate percutias Franciscum clericum, credens esse Petrum, quia tunc percussio illa tibi est voluntaria, etiam si non sit voluntaria, quatenus Francisci est: ita aliis relatis docet Sanch. *disp. 32. n. 27.* Bonacina *disp. 1. q. 2. p. 1. num. 20.*

4 Maior difficultas est, an ignorantia solius pœnæ à lege impositæ, sufficiat ab ea excusari.

Et quidem non sufficere probatur. Quia tota ratio delicti merentis pœnam, in transgressione legis sita est: hæc autem transgressio solum expostulat notitiam legis, non pœnæ. Ergo ignorantia pœnæ, à pœna non excusat. Aliàs inuincibiliter ignorans esse pœnam inferni positam peccato mortali, illam non incurreret: quod omnino est falsum. Nam, ut dicitur *in l. 15. tit. 13. p. 2. elque face el yerro el mesmo se mete en serui dombre de la pena.* Secundò vel pœna imposita est proportionata delicto, vel est illi improportionata: si hoc secundum dicas, erit iniusta, & iniuste infligetur: si primum, eo ipso quod committas delictum, teneris subire pœnam proportionatam. Ergo cognitio pœnæ necessaria non est ad illam incurrendam, & ita tenet Matienz. *lib. 5. recap. tit. 12. l. 1. gloss. 1. num. 3.* Iulius Clarus *lib. 5. recept. §. fin. q. 85. vers. 2. est casus* Couarr. dicens oppositam esse errorem, *cap. alma mater 1. p. §. 10. n. 9.* Cordub. *in quest. lib. 1. q. 25. in princ.* Ledesin. *2. p. 4. q. 24. art. 6. ad fin.* Auila *2. p. cap. 5. disp. 5. dub. 10. concl. 2. & alij.*

5 Verum etsi supradicta sententia probabilis sit, probabilis tamen existimo ignorantiam pœnæ à lege impositæ excusare ab illa incurrenda ipso iure, etsi per iudicis sententiam imponi possit. De pœnis, quæ *medicinales* vocantur, quales sunt excommunicatio, suspensio, & interdictum, est res clarior, quia nulla alia ratione dicuntur *medicinales*, nisi quatenus sui timore retrahunt homines à delictis committendis. Ergo necessariò expostulant cognosci, ut sui timore possint delinquentes detinere. Secundò ad incurrendam excommunicationem, & idem est de suspensione, & interdi-

cto, quatenus censuræ sunt, requiritur competens monitio, ex *cap. sacro, de sentent. excommunicat.* at non censetur quis competenter monitus, quousque sub comminatione censuræ moneatur. Ergo terribis censura non fertur, nisi quando alia via delinquens corrigi non potest, ex *cap. nemo Episcoporum 11. q. 3. ibi, illis qui aliter non potuerunt corrigi, &c.* & satis colligitur ex Trident. *sess. 25. cap. 3. de reformat.* Ergo quousque delinquens corrigi nolit per monitionem censuræ, non debet censura affici.

Quartò violans legem Ecclesiasticam, ignorando censuram annexam, non est contumax, & rebellis, quantum esse potest, potestati Ecclesiasticæ, siquidem adhuc restat contumacia, & rebellio talis potestatis, sub comminatione, & notificatione pœnæ impositæ. Ergo quousque ei notificetur, ligari non potest tali pœna. Probo cōsequentiam; quia censura est vltima pœna vltimam contumaciam puniens: non autem puniret vltimam contumaciam, sed potius primam, si non expectaret notitiam censuræ, quia *in cap. 2. de constitut. in 6.* dicitur ignorantes statuta ordinum ligandos non esse illorum pœnis: quod decretum, cum in animarum fauorem latum sit, extendi debet ad ignorantes non solum statutum, sed & pœnam per statutum appositam. Ergo ignorantes censuras excusantur ab illis: & ita de his pœnis, quæ censuræ sunt, docet Suar. *5. tom. in 3. p. disp. 4. sect. 9. num. 19.* Sanch. *lib. 9. de matrim. disp. 32. num. 13. & 21.* Bonacina *disput. 1. de censuris quest. 2. p. 1. num. 13.* Coninch *disput. 13. de censur. dub. 10. num. 90.* Flamin. *de confid. q. 21. num. 17.*

6 Hanc doctrinam extendit Sanch. & Bonacina *suprà* & Coninch *disp. 18. dub. 4. num. 31.* & Suar. *num. 22.* ad irregularitatē, existimantque esse satis probabile ignorantem alicui actui impositam esse irregularitatem excusari ab illa, quia irregularitas, quæ est pœna, similis valde est aliis censuris. tum in eo quod reus in se illam exequi debet. tum etiam & præcipue, quia nunquam imponitur, nisi ad puniendam alicuius contumaciam, & singularem rebellionem aduersus potestatem Ecclesiasticam, vel ob grauissima crimina, qualis est irregularitas imposita exercenti actum ordinis censura ligato, violanti interdictum, occidenti hominem, & similia. Denique probari hoc potest ex *cap. proposuisti 82.* vbi venia conceditur clericis ignorantibus constitutionem Syricij Papæ, quæ deponebat clericos incontinentes. Ergo ignorantia pœnæ à pœna per legem imposita excusat.

Næque obstat text. *in cap. cum illis 7. de sententia excommunicationis*, vbi percutientes clericum, si postea ordines recipiant scienter, deponuntur perpetuò si clerici seculares sint: si autem sint regulares, ab executione ordinis suspenduntur; at si ignoranter processerint, eo quod non recordentur se in excommunicationem incidisse, vel prorsus ignorasse impeditos esse ordines sic suscipere, cum eis poteris dispensare: si ergo admittitur dispensatio, contrahitur impedimentum etiam ignoranter: & ita motus hoc textu docet Azor *lib. 1. instit. moral. cap. 15. quest. 7.* Non, inquam, obstat supradictus textus: nam ibi loquitur Pontifex non de ignorantia inuincibili, sed vincibili, & crassa, loquebatur enim pro foro externo, ut dixit Hostiensis, & Abbas ibi *num. 15.* In foro autem externo nemo præsumi poterat laborare ignorantia inuincibili iuris ita clari, & manifesti, & ita docet Nauarr. *sum. cap. 27. num. 241.* Suar. plures referens *tom. 5. in 3. p. disp. 31. sect. 1. num. 59. §. vltimus autem.*

7 De aliis pœnis, à censuris, & irregularitate, sentit Nauarr. *summ. cap. 23. num. 47. & latius cap. 27. num. 274. vers. 13.* ignorantes non ligari, nisi sortē pœnæ fuerint ita leues, & delicto proportionatæ, ut nulla ratione videantur excedere. Idem tenet Saa *verbo ignorantia. num. unico, in editione Complutensi.* vbi dicit: Ignorantia iuris, & facti excusat à pœna legis humanæ, etiam cum non excusat

excusat à peccato, ut cum quis peccat, sed ignorat ob id positam à lege pœnam: abest enim contemptus legis. Probabile reputat Suarez tom. 5. in 3. part. disput. 4. sect. 9. num. 12. Sanchez lib. 9. de matrim. disput. 32. num. 21. Bonacina disput. 1. de cens. quest. 2. punct. 1. num. 13. Ratio Nauarri ea est, quia delinquens obligari non potest ad pœnam subeundam, nisi aliquo modo in illam consentiat: at ex ipso delicto solum censetur consentire in pœnam, quæ delicto proportionata sit iuxta prudentium æstimationem, non autem in pœnam extraordinariam, exorbitantem, & auctam ob talis delicti frequentiam, vel alias circumstantias personæ, temporis, loci, &c. Ergo ad pœnam extraordinariam non censetur delinquens obligatus. Deinde violans legem gravissimis, & extraordinariis pœnis munitam, ignorando illas probabiliter, minus peccat, quam si eas sciret; sicut minus peccat, qui causa furandi ingreditur hortum nullo, vel levi cespite septum, quam si alto pariete esset cinctus, sed qui sciens violat legem gravissimis pœnis munitam, illas incurrit. Ergo cum violatore ignorante mirius est agendum. Hic discursus Nauarri probat non posse iudicem ignoranti pœnam extraordinariam legis, illam ei imponere, si delinquat, sed solum cum illo est agendum, ac si nulla esset pœna imposita, quia ratione ignorantie non fuit formaliter illius transgressor. Deinde probat supradictus discursus sic ignorantem non contrahere pœnam, si debeat ipse pœnam in seipso exequi; quia pœna, cuius executio ab ipso delinquente debet fieri, nullo modo est annexa delicto, ac proinde delinquens in illam non consensit; non igitur subire illam debet. Item illam executio est res gravis, & extraordinaria, & tanquam à pœna extraordinaria, & exorbitante excusari debet, sic videtur sentire Coninch disp. 18. de irreg. dub. 4. concl. 1. n. 29. in fin. Molina tom. 1. de iustit. disp. 92. §. observa.

8 Ex hac doctrina inferitur primò ignorantem inuincibiliter delicto à se commissio annexam esse excommunicationem, suspensionem, interdictum, vel irregularitatem pœnalem, non incurrit has pœnas, quia sunt pœnæ tum medicinales, tum gravissimæ, tum ab ipso delinquente exequendæ. Poterit tamen iudex arbitrio prudentis delictum punire, constat ex Doctoribus suprà relatis.

Secundò infero reservationem absolutionis factam in odium alicuius peccati non contrahi ab ignorante; secus verò si ob commune bonum Ecclesiæ, & rectam illius gubernationem reservetur: tunc autem intelligi debet reservari ob commune bonum præcisè, quando per se, & ratione sui reservatur, nulla speciali constitutione peccatum illud prohibente: at quando reservatur constitutione aliqua specialiter prohibita, & punitiva delicti, ut fecit Sixtus V. contra malè promotos ad ordines, & Gregorius XIII. contra dantes, & recipientes pecunias, pro gratia à Sede Apostolica obtinenda, non contrahitur ab ignorante talem pœnam, sic Sanchez lib. 9. de matrim. disput. 32. num. 18.

Tertiò inferit idem Sanchez suprà, cum Anton. cap. 2. de constit. num. 19. versic. hac vera, annullationem actus, quando non est solemnitatis defectus, sed in delinquentis pœnam, non incurri à legis ignavis, Aliàs ipse delinquens esset propriæ pœnæ executor: quod durum, difficileque admodum est; & sentit Flamin. de confid. q. 21. n. 33. quoad forum conscientie, esto quoad forum exterius, & iudiciale affirmet incurri.

Quartò infero coniugem habentem rem cum consanguineis alterius coniugis in secundo gradu, ignorando hunc accessum esse specialiter ab Ecclesia prohibitum, non impediri à debiti petitione, quia non committit incestum. Idem est si teneret, vel baptizaret filium alterius coniugis, ignorans hoc esse ab Ecclesia prohibitum, quia in his casibus est ignorantia iuris,

quæ si inuincibilis est, à pœna excusat ex supradictis, & tenet aliis relatis Sanchez lib. 9. de matrim. disp. 32. à n. 43. Idem existimo dicendum de ignorante solam pœnam, hoc est, de ignorante sibi esse prohibitam debiti petitionem ob incestum commissum, etsi sciat specialiter prohiberi.

9 Restat satisfacere argumentis probantibus ignorantiam solius pœnæ non excusare ab illa.

Ad primum dico, adæquatam rationem delicti merentis pœnam delicti extraordinariam sitam esse in transgressione legis imponentis talem pœnam, non utcumque, sed cum sufficiente illius cognitione, aliàs non censetur delinquens esse subiectus. Neque obstat exemplum de pœna inferni, quam quilibet peccator meretur, esto illam inuincibiliter ignoret, quia hæc pœna non est extraordinaria peccato mortali, sed potius ordinaria illius, & leuior ea, quam peccatum meretur. Deinde non est pœna, quam ipse delinquens in se debeat exequi, sed potius in illo est exequenda. Ad executionem autem pœnæ proportionatæ quilibet delinquens subiicitur eo ipso, quòd delinquens sit.

Ad secundum dico plures esse pœnas extraordinarias, & exorbitantes impositas delictis, si delicta in se considerentur; at non esse exorbitantes, attenda delicti multiplicatione, & aliis circumstantiis, quibus iudex motus est ad pœnam illam extraordinariam constituendam. Ex quo fit delinquentem ignarum obligatum non esse talem pœnam subire, bene tamen subire eam, quæ delicto secundum se fuerit proportionata.

PUNCTUM XVIII.

An ad incurrendam pœnam à lege impositam sufficiat ignorantia quælibet mortaliter culpabilis.

- 1 Non contrahis pœnam, si lex petat scientiam, presumptionem, aut temeritatem; peccatum tamen committis.
- 2 Si lex factum prohibeat verbis simplicibus, excusaris à censuris.
- 3 Ab alijs pœnis non excusaris.

1 **R**espondeo nequaquam sufficere, si lex scientiam legis exoptulet: ut si dicat, qui scienter actum talem fecerit, excommunicatus, suspensus, aut irregularis sit; tunc enim necessarid requiritur ignorantia affectata, quæ scientiæ equiparatur, neque alia sufficit; qualibet enim alia data, non verè diceretur scienter fecisse, sed ignoranter. Item cum lex petit in delinquentem scientiam legis, & pœnæ, petit dolum in delinquentem, ut pœna illius afficiatur: at dolum non committitur, nisi cum ex ignorantia affectata procedit, ut optime probat Sanchez lib. 9. de matrim. disput. 32. num. 36. Ergo absque hac ignorantia non contrahitur pœna lata aduersus scienter facientes; ideo enim dicitur in l. 1. ff. de dolo, ignorantem in dolo non versari, quia non quælibet ignorantia constituit dolum, sed affectata.

Dices, Ergo ignorantia vincibili, & crassa actum prohibitum à tali lege efficiens non pecco; siquidem solum aduersus scienter facientes lata lex est.

Respondeo te peccare, etsi pœnam non contrahas, nam quoad peccatum idem est te debere scire, ac si scires, ex l. quod te mihi §. ff. de reb. cred. at quoad pœnam non est idem: & ita hanc sententiam sustinent Syluest. verbo ignorantia, quest. 8. dicto 4. Nauarr. cap. 27. num. 141. declarat. 4. Covarr. 4. decret. 2. part. cap. 6. §. 8. num. 11. & cap. alma, 1. p. §. 10. num. 17. vers. eadem sanè ratione. Sanchez plures alios referens lib. 9. disp. 32. n. 35. Bonacina de cens. disp. 1. q. 2. p. 1. n. 10.

Idem quod dictum est de lege lata aduersus scienter facien

facientes, intelligi debet, si feratur aduersus temere consulto violantes, vel præsumentes violare, vel audentes violare; hæc enim omnia necessariò expostulant scientiam in delinquente, vel saltem ita affectatam ignorantiam, quæ scientiæ æquiparetur. ita Suarez tom. 5. in 3. p. disp. 4. sect. 10. num. 3. Sanchez supra num. 37. & 38. & lib. 6. in Decalog. cap. 8. num. 43. Bonacina supra num. 11. ubi neque affectatam ignorantiam in prædictis casibus existimat sufficere, nisi cum ingenti temeritate fuerit coniuncta, sed necessariò ex certa scientia debere actum procedere.

2. Difficultas autem est, an casu quo lex non utatur verbis supradictis, scientiam, præsumptionem, & temeritatem importantibus, sed absolute dicat, qui deliquerint, tali poena puniantur, aliqua ignorantia vincibilis, & mortaliter culpabilis delinquentes excuset?

Thom. Sanch. pluribus relatis lib. 9. de matrim. disp. 32. num. 30. & seqq. existimat ad contrahendas censuras, & irregularitatem non sufficere ignorantiam vincibilem mortaliter, sed necessariò desiderari crassam, & supinam, quàmque vocat ius ignorantiam ex lata culpa. Præcipuum fundamentum desumitur ex cap. 2. de consuet. in 6. ubi Pontifex excusat ignorantes à poenis latis per statuta ordinariarum, nisi eorum ignorantia crassa fuerit, & supina. Quod decretum, etiam de statutis ordinariarum expresse loquatur, potiori ratione de legibus Pontificiis intelligendum est, ut supra diximus. Ergo aliqua ignorantia mortaliter culpabilis, dummodo crassa non fuerit, & supina, à poenis excusat, aliàs nihil Pontifex decerneret, in quo esse posset difficultas: nam ignorantia, quæ leuiter est culpabilis, & quæ negligentiam mortalem non attingit, in omni sententia à censuris, & qualibet poena graui excusat, siquidem excusat à peccato mortali.

Hæc sententia in censuris, & irregularitate probanda mihi videtur, eo quòd sint poenæ, quæ contemptum legis requirunt, ut optimè probat Nauarr. cap. accepta, de restitut. spoliat. opposit. 81. illar. 9. num. 35. & cap. cum contingat, causa 14. nullitatis, remedio 2. num. 7. Sed contemptus non videtur adesse, ubi aliqua diligentia est adhibita: hæc enim diligentia excusat à dolo, cum quaerit et causa, siue iusta, siue iniusta sit, ab illo excuset, ut multis exornat Flamin. de confident. quest. 46. num. 8. Ergo, & ita tenet Bonacina de cens. disp. 1. q. 2. punct. 1. num. 10.

3. De al is autem poenis existimarem sufficere ad illas contrahendas, diligentiam non fuisse adhibitam sufficientem, eo quòd de illis nihil videam specialiter decretum, nisi solum in poena imposita coniugibus, non petendi debitum ob copulam cum consanguineis sui coniugis habitam, vel si absque necessitate baptizauit, vel leuauit filium coniugis ex sacro fonte, in quibus casibus necessariò requiritur scientia delicti, & neque sufficere ignorantiam crassam, sed necessariò debet esse affectata: quod satis in affinitate probatur ex cap. 1. de eo qui cognouit consanguineam. ibi, si quis cum filiastra sua scienter fornicatus fuerit, neque à matre debitum petere, neque filiam unquam habere potest uxorem. Et in impedimento cognationis probatur ex cap. si vir, de cognat. spiritual. ibi, si ex ignorantia factum est, eos ignorantia excusare videtur, ubi ignorantiam non quancunque, sed affectatam intelligit, ut optimè probat Sanchez lib. 9. de matrim. disp. 32. a num. 47. An peccans ex ignorantia committat peccatum eiusdem speciei, ac si sciens peccaret, iam diximus superiori tract. de conscientia, cum in de errore esset sermo. Item an euentus ortus

ex ignorantia culpabili imputandus sit, & sit verè peccatum, latè discussimus

hac disputatione

punct. 4.

PUNCTVM XIX.

An ignorantia excusans legis transgressionem, allegari possit in foro externo, & qualiter probanda sit.

- 1 Proponitur non posse allegari.
- 2 Defenditur allegari posse.
- 3 Satisfis argumentis num. 1. positis.
- 4 Apponitur modus probandi ignorantiam.
- 5 Iuramentum non sufficit ad ignorantia probationem, si alia via ignorantia probari potest. Et quid specialiter in lege sufficienter promulgata.
- 6 Allegari, & probari potest ignorantia, si alia via præter iuramentum fieri potest.
- 7 Ignorantia facti sufficienter probatur iuramento.
- 8 Aliqua notabilia inferuntur.

1. Non posse allegari, probatur primò, quia allegaret latam culpam, qualis est ignorare iuris dispositionem, quam omnes scire debent. l. leges sacratissima, ff. de legibus. Secundò, contra præsumptionem iuris, & de iure non admittitur probatio ignorantiae, ut tradit Felin. in cap. cognoscentes, num. 13. de consuet. & multis exornat Flamin. de confident. quest. 76. At cum lex est solemniter publicata, est præsumptio iuris, & de iure pro eius scientia. Ergo nemini permissum est allegare ignorantiam. Tertio non toleratur ignorantia eorum, quæ quis tenetur ratione sui officij scire, & inuestigare, ex cap. innotuit, de elect. glossa ibi, verbo ignorantiam. Sed quilibet tenetur leges, & obligationes sui muneris scire. Ergo non es admittendus allegare in contrarium: hac enim ratione Episcopus allegans ignorante vacationem beneficij, repellitur, quia cum præsens diocesi debeat esse, præsumitur omnia ibi suo muneris pertinentia scire, ex glossa in l. si tutor, super verbo, ostenderis. C. de pericul. tutor. & ex cap. qui & humanis, 12. quest. 2. Quocirca Mascard. verbo ignorantia, conclus. 379. num. 22. 23. & 24. probat multis allegatis, nemini patrocinari ignorantiam decreti publici, edicti ordinarij publicati, & cuiuscunque statuti quoad homines loci illius.

2. Nihilominus certa sententia est, ignorantiam legis allegari, & probari posse. tradit Abbas in cap. cognoscentes, num. 9. de consuet. & glossa ibi in fine. Syluest. verbo lex, quest. 7. Menoch. de arbitrar. ind. lib. 2. cent. 2. casu 186. & supponunt omnes. Et ratio est clara, quia notitia legis positivæ non est à natura insita, sed diligentia cuiusque, & aliorum disciplina haberi debet: hæc autem possunt ex multis capitibus impediri, & impossibilia reddi. Ergo potest allegari, & probari.

3. Neque obstant rationes in contrarium. Fateor, inquam, aduersus ignorantem ius, statutumque commune esse præsumptionem, ideoque illi incumbere onus probandi, & præsumptionem elidendi.

Ad primum dico. Qui allegat ignorantiam legis, ut à transgressionem legis excusetur, non allegat latam culpam, quia non allegat ignorantiam vincibilem, sed inuincibilem, & probabilem.

Ad secundum dico aduersus præsumptionem iuris & de iure debere non admitti probationem simplici verbo, imò nec iuramento, ut dicemus, benè tamen si alia via ignorantiam probare contendat, scilicet allegando causas, ex quibus efficaciter præsumitur. Adde pro scientia legis solum esse præsumptionem iuris, non de iure; cum solum verosimiliter, seu probabiliter, non necessariò omnibus insit, in quo præsumptio iuris sita est, ut optimè dixit Alciat. de præsumpt. 3. p. in præludio. num. 9. Præsumptio iuris (inquit) est probabilis coniectura ex certo signo proueniens, quæ alio non adducto pro veritate habetur; & multis exornat Flamin. de confident. quest. 77.

num. 12.

num. 12. ubi à num. 8. probat aduersus hanc præsumptionem admitti probationem.

Ad tertium eodem modo respondemus efficaciorē probationem ignorantie requiri, quoties de scientia est ita vehemens præsumptio.

4. Modus autem probandi ignorantiam duplex est. Primus est coniecturis, iuxta textum in *cap. cum in tua, qui matrim. accusare possunt*, glossa ibi, & in *cap. præsumitur*, vers. 3. quando probatur, de reg. iur. in 6. Bald. & Abbas in *cap. cognoscentes, de constitut. num. 10.* Felin. num. 19. Coniecturæ sunt, si probes absentiam tempore publicationis, si detinearis infirmitate, si in tenera ætate eas constitutus, & his similia, ex *supradicto cap. cum in tua*, & tradit alijs relatis doctissimus Menoch. de *arbitr. iud. lib. 2. cent. 2. casu 186. num. 16.* Mascard. de *probat. verb. ignorantia, conclus. 880.* ubi num. 1. aduertit hanc probationem ignorantie per coniecturas non esse plenam, non enim de his quæ sunt in animo, constare certò potest; ac proinde iudicis arbitrio debet relinqui. Menochius *suprà*. Secundus modus probandi ignorantiam est iuramentum, cum enim ignorantia in mente consistat, solo videtur testimonio ignorantis probari posse. sic glossa in *cap. proposuisti*, 82. dist. *cap. qui diuinis, verbo, & humanis*, 12. quæst. 2. *cap. si vero*, el 2. de sentent. excommunicat. verbo, propria. Abbas dict. *cap. cognoscentes, num. 9.* Couarr. 2. var. *cap. 10. num. 1.* vers. tertio admittenda est, & alij plures, quos refert, & sequitur Mascard. de *probat. concl. 881. n. 1.* & 2. Menoch. *suprà* n. 3. vers. primus est modus. Gregorius Lopez l. 12. tit. 1. p. 7. verb. *que lo non supiera*.

5. Difficultas autem est, an hoc iuramentum sufficiat ad probandam ignorantiam legis?

Et quidem quando alia via præter iuramentum ignorantia probari potest, omnes conueniunt iuramentum insufficiens esse, colligitur ex *cap. præsentium, de testibus, cap. ex litteris, de præsumpt.* & tradit alijs relatis Felin. *cap. 2. num. 12. de constitut. vers. fallit primò.* Mascard. *suprà* num. 23. Iuramentum enim in defectum alterius probationis subrogatur; est enim probatio hæc priuilegiata, cui locus est tantum cum alie probationes deficiunt. tradit Menoch. num. 7. ex l. 2. §. diuinus, el 1. de iure fisci. Secundò non sufficit iuramentum, si agatur tam de probanda ignorantia, quam de probanda ignorantie iustitia, vt si allegas ignorantiam ex causa absentie, vel infirmitatis, debes absentiam, vel infirmitatem legitimis probationibus probare. ita Felin. *suprà* num. 19. Menoch. num. 15. Mascard. num. 15. plures referens. Rationes adducit Menoch. & Mascard. quia actus isti ignorantiam iustificantes non consistunt in animo allegantis, sed sensibus obteciuntur. Debent ergo alijs testimonijs probari. Tertio non probatur ignorantia solo iuramento ignorantis, quando aduersus eum esset maxima iuris præsumptio, vel ex publica fama, vel ex facti notorietate, vel ex longi temporis præscriptione, aliòve simili. ita Decius in *supradicto cap. cognoscentes, num. 18.* vers. similiter arbitrari. Felin. num. 17. Couarr. reg. possessor. 3. p. 5. 3. num. 4. vers. 10. Gratian. reg. 270. n. 7. Menoch. *suprà* num. 7. & 8. & traët. de recup. possess. rem. 16. num. 36. ubi probat allegantem se ignorasse sui antecessoris vitiosam possessionem, non esse audiendum, quando publicè notum est illum antecessorem suum vitiosè possedisse. Ignorantia enim illorum, quæ publicè nota sunt, non præsumitur, imò præsumitur contrarium, & aduersus iuris præsumptionem solo iuramento non videtur standum.

Hinc oritur dubitatio, an ignorantia legis sufficienter promulgata probetur iuramento? Non enim videtur probari posse: nam aduersus iurantem semper est iuris præsumptio, eo quòd lex publica sit, & publicè omnibus nota post duos menses à publicatione. In contrarium autem est, quia non est præsumendus quis ita immemor suæ salutis, vt peierare veller. Item quia ea

quæ sunt in animo latentia, non possunt efficaciori via probari, quàm testimonio ipsius dicentis: illi est ergo fides adhibenda.

Vtraque sententia est probabilis, & quælibet plures habet patronos. At probabilior, & magis recepta sententia est in ignorantia legis, seu iuris non admittendam esse probationem iuramenti: ita docet Menoch. *suprà*. & lib. 1. de præsumpt. præsumpt. 77. à num. 3. Thomas Sanchez lib. 9. de matrim. disput. 32. num. 5. Mascard. *concl. 881. num. 17. & 16.* & alij. In duplici casu hæc nostra sententia veriùs procedit. Primò, si lex aut statutum prohibeat ignorantiam allegari: tunc enim nullo modo admittenda est probatio ex iuramento, quia statutum valet, & aliquid debet operari. tradit Bald. l. 1. ff. de legib. num. 6. Felin. in *cap. cognoscentes, num. 15. de constit.* Menoch. n. 10. Mascard. num. 20.

6. Verùm si alia via probari potest ignorantia inuincibilis legis, admittenda est probatio, etsi lex prohibeat ignorantiam allegare, quia intelligi debet prohibere ignorantiam culpabilem, crassam, & supinam, non tamen prohibere allegare ignorantiam iustam, & probabilem. Nam si prohiberet iustam, & probabilem ignorantiam allegare, prohiberet iustam innocentis defensionem, & intenderet innocentem, ac si esset nocens punire. Dices, ergo nihil speciale prohibet: nam quælibet lex prohibet allegare ignorantiam vincibilem. Ergo huiusmodi statutum de inuincibili est intelligendum: & sic tenet Felin. dict. *cap. cognoscentes, num. 15.* Farinac. plures referens 1. part. fragment. verbo *constitutio, num. 701.*

Respondeo tamen quamlibet legem repellere ignorantiam vincibilem, & crassam, admittereque probationem ignorantie probabilis, & iustam; ac cum hac differentia. Quia, quando lex non repellit probationem ignorantie, admitti potest eius probatio simplici iuramento ex probabili sententia, cui se potest iudex conformare. At quando lex ignorantiam allegari prohibet, nullo modo admitti potest eius probatio simplici iuramento, sed aliunde petenda est, & sic iam lex aliquid operatur. Secundò dici potest statutum nihil in hac parte speciale operari, sed ad maiorem claritatem, & expressionem illius, quod ex natura rei inest, illa verba esse apposita: sic alijs relatis explicat Menochius à num. 12. Minus enim inconueniens est negare legem aliquid speciale operari, quàm affirmare iniquitatem continere, contineret autem iniquitatem, si iuste ignorantem puniret. Ergo. Secundus casus, in quo nullo modo aduersus legem admittitur probatio per iuramentum, est, quando agitur de tertij præiudicio, non enim iustum est alterum præiudicari solo tuo dicto; cum pro illo ster legis præsumptio. ita Menoch. *suprà* num. 9. Mascard. num. 12. qui limitant procedere in præiudicio graui, non leui.

7. Rursus si loquamur de probanda ignorantia facti, censet statuumdum esse regulam generalem probari sufficienter iuramento ignorantis, quia ignorantia facti regulariter præsumitur: propterea dicitur, Ignorantia facti, non iuris excusat. *cap. ignorantia, de regul. iur. in 6.* Hæc regula colligitur ex *cap. si vero, el 2. de sent. excomm. cap. cum in tua, qui matrim. accus. poss.* & ibi glossa. & multis exornat Mascard. *concl. 81. n. 4.*

8. Ex qua regula infero primò, cum Mascard. num. 3. referente Abbatem, Hippolyt. & alios non soluentem vectigal impositum mercibus, quas refert, propter quod incidit in commissum, excusari sufficienter, si iuret se nescisse impositum esse vectigal, & tali iuramento facto absolendus est, neque res eius cadunt in commissum. Secundò infero, hæredem alicuius non soluentem canonem per biennium, ob cuius negligentiam cadit in commissum, purgari sufficienter, si iuret, se ignorasse rem illam esse emphyteuticam. ita Accurs.

in

in l. 2. gloss. ult. vers. sed quid si ille, qui solvere debuit. C. de iure emphyteutico. Marfil. in rub. C. de probationib. num. 137. vers. & dixit multum egregie. Mascard. plures referens num. 4 & 5. Tertio infero, si dominus recepit canonem, id est, pensionem, & censum ab emphyteuta, postquam cecidit à iure suo ob negligentiam solutionis, eam redintegrat, iuxta l. 2. C. de iure emphyteutico. Hoc tamen intelligendum est, casu quo dominus sciuerit emphyteutam à iure suo cecidisse, secus si ignorauerit. nam si ignorans recepit solutionem pensionis, non redintegrat. hæc tamen ignorantia, cum sit ignorantia facti, & non iuris, iuramento domini probatur sufficienter, tradit Marfil. supra n. 138. vers. Adde quod ista probatio ignorantia. Mascard. num. 6. Quarto infero vasallum allegantem feudi vacantis ignorantiam, offerentemque iurare, debere admitti, quod si non admittatur, appellare potest, itaque grauatus, sic aliis relatis Mascard. num. 7. Infero quinto procuratoris ignorantiam probari sufficienter iuramento ipsius, nisi à domino habuerit speciale mandatum. sic Mascard. num. 8. Sexto infero receptantem in domo hæreticum purgari sufficienter, si iuret se nescisse hæreticum esse, quia cum sit de facto alieno, & occulto, præsumitur ignorasse. sic Simanc. lib. catholic. instruat. tit. 15. num. 19. Menoch. lib. 9. præsumpt. 23. num. 54.

Ab hac regula excipi debet factum, pro cuius scientia est à iure præsumptio, ut si sit publicum, si in tua præsentia: tunc enim non probatur satis iuramento, sed alleganda, & probanda est causa ignorantie; est enim eadem ratio de hoc facto, ac de lege, siquidem legis ignorantia ideo non probatur satis iuramento, quia eorum, quæ publica sunt, qualis est lex, scientia præsumitur. Quæ autem sint facta, pro quibus à iure est præsumptio scientie, vel ignorantie, optime expendit Menoch. lib. 6. præsumpt. 23. & 24.

DISPUTATIO II.

De peccatis. Ubi eorum natura, & essentia explicatur.



PECCATUM aliud est originale, aliud actuale, aliud habituale, aliud mortale, aliud veniale, de omnibus est sigillatim dicendum: sed quia à peccato originali omnia peccata originem trahunt, ideo de illo placet prius agere, & breuiter inquirimus, An sit? Quid sit? & quas personas afficiat, & quos effectus habeat?

PUNCTUM I.

Quid sit peccatum originale.

- 1 Fide tenendum dari peccatum originale.
- 2 Prima sententia peccatum originale esse peccatum Adæ moraliter quemlibet denominans.
- 3 Refellitur supradicta sententia, & asseritur esse priuationem iustitiæ debitæ.
- 4 Proponuntur obiectiones aliquot, & solvuntur.
- 5 Quid sit priuationem gratiæ debitam esse paruulis.

1 **N**emini Catholicorum esse potest dubium dari peccatum originale; cum hæc veritas expressè definita sit à Trident. sess. 5. de peccat. origin. cap. 3. ex illo loco Pauli ad Roman. 5. Per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccauerunt. Notanda enim sunt verba Pauli dicentis ab Adamo pec-

catum in hunc mundum intrasse, quod non potest intelligi de introitu per imitationem, quia paruuli non peccant imitando; ergo debet intelligi per realem propagationem. Nam eodem modo dicit intrasse peccatum, ac intrauit mors comes illius, quæ certè non imitatione, sed veritate, omnes afficit. Deinde probatur ex Baptismo, qui institutus est ad paruulos in Christo regenerandos, iuxta Paulum ad Rom. 6. Signum ergo est mortuos esse ob peccatum, non quidem actuale, quod habere non possunt, sed originale. Idem traditur ad Ephes. 2. Eramus natura filij iræ. & 1. Corinth. 15. num. 22. Omnes in Adam moriuntur.

2 In quo autem hoc peccatum consistat, variant Doctores, eorum opiniones refert, & errores latè impugnat Azor. lib. 4. instit. moral. cap. 26. Vasq. 1. 2. disp. 132. Salas 1. 2. tom. 2. tractat. 13. diffur. 11. sect. 2. illis tamen omisissis,

Duplex est sententia, quæ veritati accedit. Prima affirmat peccatū originale nihil aliud esse, quàm peccatum Adæ moraliter, & intrinsecè inhærens, & denominans quemlibet hominem peccatorem. Cum enim peccatum originale debeat esse voluntarium, & nihil appareat, quod voluntarium sit præter Adæ peccatum, effici videtur in ipso, ut moraliter denominante peccatorem, sitam esse rationem peccati: quod exemplo peccati habitualis explicatur, peccatū enim habituale nihil aliud esse videtur, quàm peccatum actuale, dum non est sufficienter retractatum, aut à Deo condonatum, quia sic existens moraliter censetur perseverare, & intrinsecè peccatorem denominare: ita similiter in peccato Adæ, dum tale peccatum non est sufficienter retractatum, aut à Deo pro omnibus hominibus condonatum, censetur illis inesse moraliter. ita doctus Salmeron ad Rom. 1. disp. 45. & 46. & plures moderni illi consentiunt. Fateor tamen me non posse illi acquiescere, redolet enim errorem Alberti Pighij controuerf. 1. & Catharini opusculo de casu hominis cap. 8. & ult. & lib. cui titulus est, summa doctrina, ad sacros Theologos, de peccato orig. §. 3. qui incipit, Est igitur mea propositio, qui asserunt peccatum originale solum esse peccatum Adæ nobis imputatum, ac proinde quid extrinsecum ei, non vnicuique proprium, contra Concilium sess. 5. can. 3. Sed probo non posse peccatum originale consistere in peccato Adæ moraliter, & intrinsecè denominante paruulum: quia peccatum Adæ tam actuale, quàm habituale est omnino remissum. Ergo non potest moraliter in paruulis perseverare, quia perseverantia moralis alicuius rei, tunc est, quando prudenter homines censent illam rem perseverare, & reputant, ac si physicè existeret, quod esse non potest, destructo totaliter fundamento huius denominationis: at quia totum fundamentum huius denominationis moralis, est peccatum actuale, & habituale Adami, quod per eius pœnitentiam, & gratiam animo fuit destructum. Ergo. Secundò per gratiam Christi in Baptismo collatam tollitur in paruulo totum id, quod veram, & propriam peccati rationem habet: ut dicit Concil. Trident. sess. 5. can. 5. sed non tollitur peccatum Adæ; hoc enim iam erat sublatum per eius pœnitentiam. Ergo aliquid aliud debet tolli, quod sit fundamentum illius moralis denominationis. Tertio nequit intelligi, quia ratione multiplicetur peccatum originale in quolibet paruulo, si peccatum originale non sit aliud præter Adæ peccatum moraliter paruulo inhærens: nam cum peccatum Adæ vnum sit, vnum debet reputari, & non multiplex formaliter, quod est contra Concil. sess. 5. can. 3.

3 Quapropter tenenda mihi videtur communis sententia, quæ affirmat peccatum originale consistere in priuatione singulis debita iustitiæ, & sanctitatis, cuiuslibet enim debebatur iustitia Adamo non peccante: at quia ipse peccauit, & omnes in illo, quia in illius voluntatem

luntatem nostræ erant refusæ, ideo nobis debita est priuatio gratiæ, & iustitiæ. In hac ergo priuatione debita peccatum originale consistit. ita Azor *cap. illo 26. circa finem*. Vasquez *cap. 8. Salas sect. 3. n. 38. Bonacina disp. 2. de peccat. q. 1. p. 2.* Ratio est, quia peccatum originale ita est vnicuique proprium, vt verè illum peccatorem constituat, sed nihil est, quòd singulis inest, quòd possit illos peccatores intrinsecè constituere, præter hanc priuationem. Ergo in hac priuatione peccatum originale consistit. Minorem probo, quia neque est peccatum Adæ, vt *suprà* probatum est, neque est aliqua qualitas, vt bene probat Azor, Salas, & Vasquez *suprà*, neque aliquis reatus ad pœnam; hic enim potius est effectus peccati, quàm peccatum. Restat ergo, vt solùm sit priuatio debita gratiæ.

Dices hanc priuationem non esse paruulis voluntariam, & liberam, quod est ad peccatum requisitum.

Respondeo esse quidem liberam in Adamo; ibi enim omnes hominum voluntates refusæ erant, ac proinde cum ipse peccauit, omnes nos peccamus, & priuationem gratiæ meruimus habere. Ergo in hac priuatione debita peccatum originale consistit.

4 Verùm aduersùs hanc sententiam obstat, primò, quia priuatio sanctitatis debita paruulis fit à Deo, Deus enim priuat hominem gratia sua, & iure ad gloriam, quia peccator est. Ergo priuatio gratiæ non est peccatum, sed effectus peccati. Secundò quilibet homo non solùm est priuatus iustitia originali, quatenus iustitia originalis est gratia sanctificans, sed quatenus est donum quoddam, virtute cuius passionibus sensitiuæ in Adamo subiectæ erant rationi, quia Deus Adamum condens, promisit illi, si mandatum seruaret, omnibus eius posteris, non tantùm gratiam, sed iustitiam originalem daturum. Ergo in vtraque priuatione consistit peccatum originale, ac proinde non remittitur integrè per Baptismum. Tertiò ipsemet Adamus, postquam peccauit, mansit priuatus iustitia originali, & tamen non habuit originale peccatum. Ergo peccatum originale non potest in hac priuatione consistere?

Hæc tamen argumenta non obstant, quominus firma debeat esse communis sententia.

Ad primum dico, priuationem gratiæ fieri à Deo, sed non quatenus paruulis talis priuatio est debita: peccatum enim originale non in priuatione vtriusque gratiæ consistit, sed in priuatione debita, cuiuslibet enim homini per feminalem propagationem procreato, debetur priuatio gratiæ, & sanctitatis, ob peccatum, quod Adamus commisit, & cui ipse homo virtualiter, & moraliter consentit.

5 Sed inquires. In quonam consistit, priuationem gratiæ esse cuiuslibet debitam, seu quemlibet mereri priuari gratia. Nam in peccato Adami non videtur posse consistere, cum hoc vnum sit, & priuatio debita multiplex. Item peccatum Adami est extrinsecum paruulis: deberi autem priuari gratia illis est intrinsecum, aliàs præcipua ratio peccati originalis in extrinsecis sita esset. Quid ergo est in paruulis vltra carentiam gratiæ debitum carenti illa.

Respondeo non esse facile explicatu. Dico tamen necessariò recurrentum esse ad moralitates; peccatum enim Adami non solùm fuit peccatum ipsius, sed etiam peccatum omnium posterorum; in illo enim omnes posterius peccauerunt, iuxta Paul. *ad Roman. 5.* Quid ergo mirum, si singuli peccauerunt, singuli habeant debitum contrahendi priuationem gratiæ? hoc tamen debitum etsi ortum sit ex peccato Adæ, formaliter non est peccatum Adæ, sed ab illo quasi resultat moraliter, vel potest dici non esse peccatum Adæ, prout est peccatum ipsius, sed secundum quod est peccatum posterorum, & omnes in illo peccauerunt, & secundum hanc rationem etsi physice extrinsecum singu-

Ferd. de Castro Sum. Mor. Pars I.

lis sit: at moraliter intrinsecum est, & omnes intrinsecè afficit.

Ad secundum concedo non tantùm inesse singulis priuationem gratiæ, sed etiam subiectiones suarum passionum rationi rectæ; at nullo modo in hac priuatione subiectionis consistit neque partialiter peccatum originale: tum quia Concil. *sess. 5. can. 5.* dicit per Baptismum totum peccatum originale tolli, & tamen hæc priuatio subiectionis non tollitur: tum etiam, quia hæc subiectio non constituit gratum Deo: ergo neque eius priuatio ingratum constituere potest, ac proinde non potest esse peccatum, aliàs priuatio scientiæ, aliorumque donorum, quæ Adamo non peccante haberemus, essent peccatum originale, & sic peccatum originale non esset vnum, sed multiplex in quolibet subiecto, quod non est dicendum.

Ad tertium concedo Adamum habuisse priuationem gratiæ post peccatum, non tamen habuisse originale peccatum; requiritur enim ad originale peccatum priuatio gratiæ non vtriusque, sed debita origine, & seminali propagatione, debita, inquam, non ratione culpæ propriæ, seu propria persona commissa, sed ratione culpæ capitis, in cuius voluntate omnium voluntates refusæ erant.

PUNCTUM II.

Quos effectus habeat peccatum originale.

- 1 Priuat regno Dei.
- 2 Contrahimus mortem, & rebellionem appetitus.

1 **C**onueniunt omnes Catholici priuare regno Dei, taliter quòd decedentes in peccato originali, nunquam visuri sunt Deum, secundum illud Ioan. 3. *Nisi quis renatus fuerit ex aqua, & Spiritu sancto, non potest introire in regnum Dei*; non tamen inde sequitur habituros esse aliquam pœnam sensus, vt rectè, & eruditè probat Salmeron *ad Rom. 5. disp. 48.* Suarez *in 3. p. tom. 2. disp. 57. sect. 6.* Salas *tract. 13. disp. 11. sect. 6. num. 74. & num. 83.* Azor *lib. 4. cap. 33. q. 1. & 2.* sed non ob carentiam huius pœnæ, & fructum rerum naturalium, & perfectam illarum notitiam dicendi sunt esse in beatitudine naturali; nam, vt bene probat Azor *q. 5.* Salas *disp. 11. sect. 6. n. 92.* beatitudo naturalis exposulat naturam rectam, sanam, integram, & puram, quæ si peccato mortali originali afficiatur, talis non est: nam caret perfectionibus, quæ secundum legem ordinariam ei fuerunt possibiles. Deinde qui in peccato originali est, Deo est inuisus, & inimicus, ac proinde miser; non ergo potest dici beatus. Item non essemus immortales, neque appetitus subditus rationi esset, sed sæpè in malum inclinaret: plurimum etiam haberemus ignorantiam; quæ ratione bene comparat Sotus *lib. 1. de nat. & grat. cap. 13.* hominem in pura natura homini nudo, qui nunquam fuit vestitus, & hominē in natura lapsa comparat spoliato, qui antea vestitus erat. Sed quid dicendum, si aliquis originali infectus, cum solo peccato veniali decedat? & posse decedere probat latè Salas *q. 89. tract. 13. disp. 18. sect. 6. & 7.* quia obligatio se conuertendi ad Deum, & potest ignorari inuincibiliter, & casu quo ignoretur potest illi non satisfieri absque culpa. Item potest tunc homo aliquod mendacium leue, verbumve otiosum committere, & subitò mori. In tali ergo euentu decedens in originali, & veniali, quam pœnam sensus habebit?

Respondeo habituram aliquam, sed non pœnam æternam, sed temporalem, qua purgetur peccatum veniale commissum: locus autem, in quo purgandum est, vel est infernus non cum societate damnatorum, sed separatim ab illis: vel est limbus, in quo decedentes cum

G

origi

originali residunt; non enim repugnat in limbo esse aliquem locum ignotum, quo animæ decedentes cum originali, & veniali purgantur, & purgatæ à veniali statim coniunguntur aliis, quæ cum solo originali decellerunt. Quod si dicas, quare Patres, & Concilia nihil de hoc loco dixerint; facile responderetur, quia pauci sunt, qui sic decedunt. Vide Salas *sup.* & Suarez *1. 4. m. 3. p. disp. 11. sect. 2.*

2. Secundò est de fide ob peccatum Adam mortem incurrere, ad Rom. 5. *Per unum hominem peccatum in hunc mundum intravit, & per peccatum mors, &c.*

Tertiò ob peccatum incurrimus rebellionem appetitus, & gentitudines, labores, & alias innumeras miseras, de quibus latè Vasquez *1. 2. disp. 134. cap. 1.* Suarez *3. p. tom. 2. disp. 57. sect. 6.*

Aduertendum tamen est mortem corporis, rebellionem appetitus, ignorantiam, & alia similia, quæ per peccatum incurrimus, etiam in natura pura creati habere deberemus, neque obinde sit per peccatum non fuisse hominem vulneratum in naturalibus: fuit equidem, quia dono gratiæ, & iustitiæ originalis illi prauis affectus naturales erant impediti, & per peccatum homo perdidit hanc gratiam, & rediit ad id quod de se habebat. Ergo verò vulnerata est in naturalibus. Vide D. Thom. *9. 85. art. 3.* Caiet. *ibi.* Vasquez *disp. 138. c. 2.* Salas *tract. 13. cap. 13. sect. 1.*

PUNCTUM III.

Quas personas peccatum originale afficiat.

1. Omnes descendentes per seminalem propagationem, excepta B. Virgine Maria, peccatum originale contraxerunt.
2. Aliqui affirmant Virginem sanctissimam non solum exceptam fuisse ab originali culpa, sed etiam à debito illam contrahendi.
3. Defenditur, ut probabilius immunem non fuisse B. Virginem à debito contrahendi peccatum.

DE fide est omnes descendentes ab Adamo per seminalem propagationem tale peccatum incurrere, cum primum eorum corpori animæ uniuntur: ita Trident. *sess. 5. can. 5.* nisi aliquis speciali privilegio eximatur, quod dico propter Beatissimam; & nunquam satis laudatam Virginem Mariam; hæc enim mater Dei, & Regina mundi sub hac regula generali non comprehenditur, fuit enim diuinitus excepta: decebat enim dignitatem matris, ut rota fieret pulchra, & decora absq; macula, & ruga. Neque obinde sit ab eius filio Christo Domino redemptam non esse; redempta enim fuit, ne incurreret captiuitatem peccati, non liberata post incursum, qui modus redemptionis nobilior, & efficacior est. Negari enim non potest B. Virginem ex meritis Christi præseruatam, ne vllum peccatū veniale committeret, & plures Sanctos præseruatos esse, ne mortale cōmiserint, qui in toto rigore dici possunt redempti à captiuitate peccati incurrenda, nisi gratia præuenirentur. ita B. Virgo dici potest redempta de peccato originali, nō quod contraxit, sed quod de facto cōtraheret, nisi à gratia per Christum præuenta fuisset. Testimonia Scripturæ, Patrum, & rationum in fauorem huius piæ, & debitæ sententiæ videri possunt in Salmer. *ad Rom. 5. disp. 49. & 50.* Azor *lib. 4. c. 34. q. 3.* Suarez *tom. 2. tota disp. 3. sect. 5. & 6.* Belarmin. *4. de amiss. grat. c. 15.* Vasq. *tom. 2. ad 3. p. disp. 116. & 1. 2. disp. 130. c. 1.* Beia *tr. 2. c. 9. q. 10.* Salazar, & alii, qui latissimè hanc veritatem confirmarunt; nobis tamen sufficiat cōsensus fere vniuersalis Ecclesiæ defendentis hanc sententiam, quam Sixtus IV. & Pius V. non leuiter promouere voluerunt, concedentes singulares gratias, & indulgentias hoc festum celebrantibus. Et est nouissima Pauli V. constitutio, quæ incipit, *Sanctissimus Dominus noster*, quam refert Barbosa *in remiss. ad Conc. sess. 5. fol. 50.* Naldus verbo *Alaria conceptio*, quæ silentium con-

trarium opinantibus imposuit, sanciuirque, & meritò, ne publice in concionibus, lectionibus, conclusionibus, & aliis quibuscumque actibus publicis, assereretur Beatiss. Virginem culpa originali fuisse conceptam: quibus decretis veritas immaculatæ conceptionis Virginis est ita stabilita, ut potuerit à Summo Pontifice tanquam dogma fidei definiri.

2. Rursus aliqui neoterici sequentes Catherinum *lib. de pecc. orig. c. vlt. & lib. de concept. Virg. ad Synod. Conc. Trid. p. 1. c. 1. & lib. 4. contra Caiet. & Galati. de arcan. lib. 7. c. 10.* & Salmeron *ad Rom. 5. disp. 45.* existimant Virginem non solum exceptam fuisse ab originali peccato gratia præueniente, verum exceptam fuisse à debito contrahendi illud; eo quod non peccauerit in Adam. Dicunt enim in decreto illo, quo Deus statuit peccante Adamo omnes posteros concipiendos fore sine gratia, & iustitia, ex-emisse B. Virginem absolutè, si decreuerat incarnari ante præuisum peccatum; vel sub conditione, si præuiso Adæ peccato incarnari veller. quæ exceptio videtur & dignitatem Christi, & matris commendare; matris, quia non solum à peccato, sed etiam à debito contrahendi liberatur; Christi, liquidem ex meritis ipsius hæc gratia matri confertur. Probabilem reputat hanc sententiam Valent. *disp. 6. q. 21. p. 2. ad 1.* Hentiq. *lib. 3. sum. cap. 11. §. 3.* Salas *1. 2. aract. 13. disp. 11. sect. 5. q. 11. à n. 68.* Azor *tom. 1. lib. 4. cap. 34. q. 3. circa finem*, licet oppositam reputent probabiliorē, & ita mihi videtur.

3. Ratio, quare non eximam B. Virginem à debito cōtrahendi peccatum originale, est, quia ante peccatum originale non fuit Christus Dominus præuisus saltem in statu passibili, & meritorio, quem de facto habuit; hic enim status assumptus fuit in remedium, & satisfactionem peccati commissi. Ergo non potuit esse causa meritoria præseruandi Virginem à debito contrahendi peccatum Adæ; hæc enim præseruatio, p̄uisionē ipsius peccati antecedit. Secundò, si B. Virgo in Adamo non peccauit, eius voluntas in Adami voluntatem non fuit refusa. Ergo Adam non fuit caput morale B. Virginis. Ergo etiam Adamo non peccante B. Virgo non haberet gratiam, & originalem iustitiam ex promissione Dei facta Adamo, sed aliunde illi concedenda erat: quod non videtur, neque in Scriptura, neque in Patribus fundamentum habere. Tertiò habere B. Virginem debitum contrahendi peccatum, & non contrahere potius extollit, quàm minuit eius dignitatem; debitum enim cōtrahendi peccatum non est peccatum, sed est obligatio illud contrahendi: quod cum non contrahatur, gratiorē reddit animum, utpote qui clariùs se videt redemptum. Quartò hoc modo rectè explicantur aliqua loca Scripturæ, quæ affirmant omnes nos in Adamo peccasse, *ad Rom. 5. & 1. Corinth. 15.* scilicet, *in Adam omnes meriuntur, ita & in Christo omnes viuificabuntur.* Ergo si B. Virgo per Christū fuit viuificata, ita & in Adam fuit mortua, ac proinde debitum habuit cadendi per peccatum, &

PUNCTUM IV.

Quod sit peccatum mortale, & veniale, actuale, & habituale, & qua ratione inter se differant.

1. Definitur peccatum.
2. An omne peccatum sit contra legem. Proponitur, & resoluitur. *ibid.*
3. Obiectiones contra dictam resolutionem proponuntur, & diluuntur.
4. Conuenit supradicta peccati definitio tam mortali, quàm veniali. Et quid sit peccatum habituale. *ibid.*

Peccatum definit August. *22. contra Faust. c. 27.* esse dictum, factum, vel concupitum contra legem diuinam. hanc definitionem approbāt omnes Scholastici cum

cum Mag. 2. dist. 35. & D. Thom. *quæst.* 71. art. 6. coincidit cum ea, quam tradit Ambros. *lib. de parad.* c. 8. Peccatum (inquit) est diuinæ legis præuaticatio, & celestium inobedientia mandatorum. Dicitur dictum, factum, vel concupitum, ut explicarentur peccata cordis, oris, & operis, esto malitia propriè in actibus voluntatis resideat, in actibus verò aliarum potentiarum denominatiue tantum, sicuti & libertas. Item comprehenduntur peccata tam commissionis, quam omissionis: ommissio enim actus debiti, etiam si pura sit, est quædam moralis effectio, facit enim id omittendo, quod facere non debebat. Item comprehenduntur peccata, quæ sunt contra legem naturalem, diuinam, & humanam; omnia enim sunt contra legem diuinam indirectè. Deus enim præcipit obedire legibus hominum, iuxta illud ad Hebræos 13. *Obedite præpositis vestris, & subiaccite eis.* Ideoque Lucæ 10. dixit, *Qui vos audit, me audit, & qui vos spernit, me spernit.*

2. Difficultas autem est, qua ratione peccatum sit contra legem Dei? Et ratio difficultatis est, quia lex diuina sæpè mala prohibet, quia mala sunt; prohibet enim mendacium, adulterium, quia ex se mala sunt. Ergo antecedenter ad prohibitionem est in rebus prohibitis malitia, quæ sufficit constituere peccatum. Et confirmo. Primò secludamus legem diuinam, & committas mendacium, verè facis aliquid indecorum, & inhonestum. Ergo peccas; hac enim ratione dixit Paulus ad Rom. 2. *Cum enim gentes quæ legem non habent, naturaliter ea quæ legis sunt, faciunt, ostendunt opem legis scriptum in cordibus suis, testimonium reddere illis conscientia ipsorum.* Confirmo secundò, Deus sibi legem imponere non potest: nihilominus tamen non potest mentiri, nec se odio habere; quia ex se mala sunt. Ergo seclusa eius lege malitiam habent.

Propter hæc existimo dicendum malitiam moralem, & peccatum in his quæ de se mala sunt, consistere immediatè, & formaliter in dissonantia cum natura rationali: sed quia hæc dissonantia semper est prohibita à lege diuina; ideo omne peccatum verè, & propriè dicitur esse contra legem diuinam. sic Vasquez 1. 2. *disp.* 96. & 97. Salas *tract.* 13. *disp.* 2. *sect.* 4. n. 59. & 71. & *disp.* 3. *sect.* 3. n. 28. in *prin.* Azor *lib.* 4. *cap.* 1. q. 2. n. fin. & q. 4. & 5. Bonacina *disp.* 2. de *pecc.* q. 2. p. 1. n. 2. & 4. Suar. *lib.* 2. de *legib.* *cap.* 6. n. 5. & 11. Moueor ad affirmandum essentiam peccati non esse immediatè contra legem diuinam, sed contra naturam rationalem: nam stare optimè potest aliquem mentiri, quin aduertat mendacium esse ab aliquo superiore prohibitum; sed solum cognoscat esse indecens, & indecorum naturæ rationali. Ergo tale mendacium peccatum erit, seu malum morale, esto non sit contra legem superioris.

Secundò alij probant. Lex diuina prohibens mendacium libera esse videtur in Deo: nam est actus quidam diuinæ voluntatis, respiciens creaturas, & illas obligare intendens: qui actus nequeunt esse necessarij in Deo, etiam supposita voluntate producendi creaturas. Vnde enim talis necessitas oriri potest? Demus ergo suspendere Deum huiusmodi legem: at tunc mendacium non esset aduersus legem illam, esset tamen aduersus naturam rationalem. Ergo in dissonantia cum natura rationali peccatum consistit.

Sed hæc ratio mihi non probatur, quia esto omnis actus diuinæ voluntatis ad extra liber sit, tamen hic actus, quo omnia intrinsecè mala prohibet, necessarius non absolutè, sed ex suppositione, quo voluit mundum creare, & creaturas ratione vtentes subditas habere: nam eo ipso obligatus fuit esse illarum legislatorem, & prohibere, quæ prohibenda sunt, alias non haberet providentiam illarum consentaneam suæ bonitati, ut rectè dixit Suarez *lib.* 2. de *leg.* *cap.* 6. n. 14. circa fin. Quare prima ratio sustinenda est de contrarietate cum natura rationali. Quod intelligendū est tam de peccato com-

Ferd. de Castro Sum. Mor. Pars I.

missionis, quàm omissionis; omittere enim actum debitum, qui verè debitus est, rationi naturali aduersatur, & in hac contrarietate peccati malitia consistit. Dixi peccatum consistere in dissonantia cum natura rationali, non cum sensitua. Nam licet plura peccata tam rationi naturali, quàm sensitua disconuenientia sint, ut est bestialitas, sodomia, & pollutio, quæ ideo vocantur contra naturam, quia sunt non solum naturæ rationali, sed etiam sensitua disconuenientia. At plurima alia peccata solum rationi naturali, & non sensitua disconuenientia sunt, ut bene notauit Bonacina *disp.* 2. de *pecc.* q. 2. p. 1. n. 9.

3. Sed obiici potest primò illud ad Rom. 4. *Vbi non est lex, nec præuaticatio,* & 1. Corinth. 15. *Virtus peccati lex.* Ergo contrarietas legis, est quæ peccatum constituit. Secundò peccatum est inobedientia, & offensio superiori facta, ut dixit Ambros. sed inobedientia, & offensio necessariò requirunt cognoscere legem superioris, cuius voluntati inobediens repugnat. Ergo in hac contrarietate ad legem consistit peccatum. Non enim dici potes te offendere superiorem, cuius voluntatem non cognoscis. Terriò si ex dissonantia cum natura rationali peccatum desumitur; qui mendacium committeret aduersus lege diuinam esse prohibitum, grauius multò peccaret, quàm qui solum aduerteret esse dissonum naturæ rationali, tenereturque in confessione hanc circumstantiam, ut notabiliter aggravantem, vel forè mutantem speciem explicare, quod certè inauditum est.

Ex solutione harum obiectionum nostra sententia dilucidabitur.

Ad primum respondeo cum Anselm. *ibi,* & Vasquez *disp.* 97. *cap.* 4. non esse præuaticationem, nec peccatum in multis, vbi nō est lex Moylis, quia nec sunt aliàs prohibita, neque dissona naturæ rationali: si tamen generaliter velis loqui Paulum de quacumque lege, respondeo verum esse, non esse præuaticationem, vbi non est lex Dei, indicans, vel præcipientis aliquid esse malum, quia eo ipso quoddam malum sit, indicatur à Deo malum esse, ac proinde nunquam est peccatum, quin sit contra legem Dei indicantem esse malum. Deinde affirmo, cum peccatum est contra rationem, esse etiam contra legem Dei præcipientem saltim mediātè, quia omne quod est contra rationem, est contra Dei præceptum: quod si aliquando huius rationis præceptum non cognoscitur, non tollit, quominus verè peccatum sit, & dignum pœna, ut bene dixit Azor *lib.* 4. q. 4.

Ad secundum respondeo peccatum esse inobedientiam, & offensam Deo factam, non formaliter, sed materialiter, & indirectè, seu consequenter. Ad rationem enim inobedientiæ formalis requirebatur transgressio legis ex voluntate non obediendi, & ad rationem offensiæ formalis cognitio ipsius superioris præcipientis, quæ cum possit non haberi, cum peccas, poteris non esse inobediens formaliter, etsi materialiter, & absolutè inobediens sis, quia rationem naturalem violas.

Ad tertium concedo, grauiorem esse culpam illius, qui aduertit ad legem, & violat præceptum, quàm si nullam illius aduertentiam haberet: at quia rarè, vel nunquam accidit te ignorare legem esse illorum, quæ sunt intrinsecè mala, ideo non est necessarium distinguere in confessione, an pecces ex ignorantia legis, an ex illius cognitione: si tamen casus daretur, in quo inuincibiliter ignores, vel non aduerteres legem diuinam esse prohibentem ea, quæ sunt intrinsecè mala, existimarem necessariò tibi esse explicandū in confessione, iuxta sententiam afferentium circumstantias notabiliter aggravantes, vel diminuentes esse necessariò explicandas.

4. Supradicta definitio peccati, esse scilicet præuaticationem legis, seu esse voluntatem, locutionem, operationemve contra legem, non solum conuenit peccato mortali, sed etiam veniali. Veniale enim peccatū etiam

G 2 est

est contra legem: tum quia aduersatur rectæ rationi: tum quia eodem præcepto sæpe peccata venialia, & mortalia prohibentur, ut patet in furto graui, & leui; & ita tener plures referens Salas 1.2.9.88. tract. 13. disp. 16. sect. 9. n. 27. Vasquez disp. 143. cap. 4. & alij communiter. Quare cum Doctores dicunt peccata venialia non esse contra legem, sed præter legem, intelligenda sunt non absolute, sed cum addito, hoc est, non esse magnopere, & notabiliter contra legem, vel non esse contra legem necessariam gratiæ, & amicitie diuinæ. Non enim peccatis venialibus gratia, & amicitia diuina dissoluitur, esto infirmetur, & remittatur.

Peccatum habituale est macula moralis relicta in anima ex peccato actuali præterito, quæ macula dum non remittitur à Deo, vel non retractatur, reddit hominem dignum odio diuino, & pœnæ æternæ destinatum. Hæc macula neque est peccatum præteritum, aliàs nunquam deleri posset, neque est carentia diuinæ condonationis, quia hæc in Deo existit, & à Deo est intenta. Ergo non potest neque partialiter peccatum constituere, sed est quid resultans ex peccato actuali præterito, quod dum non condonatur, semper censetur perseuerare. Sed de his latius in materia de gratia.

PUNCTUM V.

Qua ratione peccatum mortale à veniali differat.

- 1 Declaratur in quo conueniant, & in quo differant.
- 2 Expenditur an veniale peccatum priuet gloria pro aliquo determinato tempore.
- 3 Proponitur quadam obiectis aduersus supradicta, & soluitur.
- 4 Peccatum ex genere suo mortale aliquando potest esse veniale.

1 **N**on differunt formaliter ex obiecto, cum utrumque rationi naturali, & legi diuinæ aduersetur, ac proinde esse possunt, etiam in genere mortis eiusdem speciei, ut bene probat Salas 1.2. tract. 13. disp. 16. sect. 21. Vasquez disp. 144. cap. 2. & 3. Valent. disp. 6. q. 2. p. 2. & 9. 18. p. 2. differunt tamen ex modo tendendi in obiectum, quia veniale leuiter aduersatur rationi naturali, & legi diuinæ, mortale grauius: in effectibus autem maximè differunt, quia mortale destruit amicitiam Dei, secus veniale; mortale meretur carentiam perpetuam diuinæ visionis, & pœnam inferni, veniale autem minimè, sed solum aliquam pœnam temporalem.

2 An verò veniale mereatur carentiam diuinæ visionis pro aliquo tempore breui? Quæstio videtur de nomine, certum enim est existentem in peccato veniali exclusum esse à diuina visione, quousque illius pœniteat, vel pro illo satisfaciatur, quia nihil coinquinatum in illam ciuitatem intrabit.

Sed dicunt aliqui hoc non contingere, quia peccatum veniale mereatur carentiam illius visionis, sed quia illa visio cum tali peccato incompatibilis sit, sicuti existens in peccato mortali habere non potest amorem Dei, non quia peccatum mereatur huius amoris carentiam, sed quia cum amore habet incompatibilitatem. Ita similiter videtur dicendum de peccato veniali, non mereri quidem carentiam diuinæ visionis, sed cum illa esse incompatible. Quod autem non videatur mereri carentiam diuinæ visionis, etiam pro determinato tempore, inde probatur, quia peccatum veniale non meretur etiam pro breui tempore priuationem gratiæ, & iustitiæ, quæ est semen gloriæ, seu ius ad gloriam. Ergo neque etiam potest mereri ipsam gloriæ priuationem.

Alij verò dicunt, & mihi verius apparet, peccatum veniale mereri priuationem gloriæ, & visionis diuinæ

pro aliquo determinato tempore. Quia ideo Deus negat gloriam existentem in peccato veniali, quia se indignum illa constituit. Item talis negatio gloriæ à Deo facta, pœna est delinquentis venialiter, & est pœna iusta. Ergo venialiter peccans pœnam hanc meretur, aliàs iniuste Deus gloriam negaret. Adde peccatum veniale mereri pœnam aliquam in purgatorio. Ergo meretur carere diuina visione toto tempore, quo necessariò fuerit ad illam pœnam subeundam, quia illa pœna cum visione diuina esse non potest.

Ex quibus rationibus patet solutio rationis oppositæ sententiæ; carentiam enim diuinæ visionis non infert peccatum veniale ex incompatibilitate utcumque quam cum visione habet, sed ex incompatibilitate inerioria, ideòque huiusmodi carentiam infert Deus in pœnam illius. Carentia autem diuini amoris, cum aliquis Deum odio habet, non infertur à Deo, sed ab ipso meretur peccatore haberi: eaque de causa non potest esse propriè pœna, quia illud quod debet habere rationem præmij, vel pœnæ, ab alio ab ipso merente, debet principaliter effici.

Ad replicam de merito priuationis gratiæ pro aliquo tempore, dicimus peccatum veniale non mereri priuationem gratiæ, mereri tamen dispositionem illius, quod sufficit, ut gloria non data, sed danda mereatur pro aliquo determinato tempore carere; facilius enim te indignum facis beneficio acquirendo, quam acquisito; peccatum enim veniale non priuat gloria habita, sed impedit habendam ob status excellentiam, & perfectionem: ac non priuat gratia habita, neque habenda in hac vita ob statum multis imperfectionibus abundantem.

3 Sed obicitur. Carentia diuinæ visionis ob aliquod breue tempus est maius malum, quam pœna æterna sensus, eo quod priuet maiori bono; sed peccatum veniale huiusmodi pœnam sensus non meretur. Ergo neque illam.

Respondeo primò, carentiam diuinæ visionis iam habitæ esse maius malum concedo: carentiam diuinæ visionis, seu retardationem illius nego.

Secundò respondeo cum Salas tract. 13. disp. 16. sect. 8. num. 27. negandum absolute assumptum; non enim carentia diuinæ visionis ob breuissimum tempus est maius malum passione longissima, seu æterna tormentorum inferni, aliàs magis purgaretur anima per breuissimam retardationem visionis, quam per grauissima tormenta, quæ in hac vita, vel in alia pati posset, cum decedens in peccato mortali, & veniali, ob solum peccatum veniale posset puniri pœna sensus æterna, quantumcunque æterna, quia carentia diuinæ visionis non punitur, cum hæc peccato mortali corresponsdeat. Quæ omnia, & alia, quæ adducit Salas supra num. 23. concedi non debent.

4 Rursus peccata alia sunt ex genere suo mortalia, alia venialia, alia verò per accidens mortalia, alia ex accidenti venialia. Ex genere suo peccatum mortale est homicidium, adulterium, furtum, falsum testimonium, & similia. Ex genere suo veniale dicitur ociosum verbum, inanis gloria, impatientia laborum, & similia: hæc tamen, quæ ex genere suo sunt mortalia, fieri possunt venialia, tum ex imperfecta deliberatione, tum ex paruitate materiæ, si enim in homicidium, adulterium, vel furtum semiplena deliberatione consentias, carebis mortali culpa. Item si consentias in furtum non in magna quantitate, sed leui, & in falsum testimonium non graue, sed leue, peccatum veniale solum committes. Econtra verò, quæ ex genere sunt venialia, fieri possunt mortalia ex accidenti, si occasio sint, & periculum vel tibi, vel alteri grauioris culpæ committendæ. Neque in his potest esse inter Doctores dissensio, sed indigent explicatione.

PUNCTUM VI.

An peccatum ex genere suo mortale, fieri possit veniale ex defectu plenæ libertatis.

- 1 *Aligua supponuntur.*
- 2 *Negant aliqui peccatum mortale ex se fieri posse veniale ex defectu plena deliberationis.*
- 3 *Sententia affirmans defenditur.*
- 4 *Satisfit contrarijs.*
- 5 *Quæ sint indicia plena, vel semiplena deliberationis.*

1 **T**RACTATU de conscientia *disput. 1. punct. 2. num. 6.* probavi ad peccatum mortale sufficere, si aduer-
tas malitiam in communi, etsi non distinguas, an mor-
talis, vel venialis sit. Item hanc malitiam mortalem po-
tes dupliciter cognoscere. Primò clarè, & distinctè, se-
cundò confusè, & quasi densis tenebris obuolutam.
Quando clarè, & distinctè cognoscis, valésque perfectè
voluntatem ab eius prosecutione prohibere, diceris
plenè liber; quando autem confusè, ut contingit, quan-
do non es integrè à somno excitatus, vel es semiebrius,
vel aliò distractus, tunc diceris imperfectè liber. ita
Nauarr. *summ. prelud. 9.* Thomas Sanchez *lib. 1. c. 1. n. 10.*
Valquez *1. 2. disput. 127. cap. 4. num. 11.* Bonacina *disp. 2.*
de pecc. q. 2. p. 3. n. 2. & alij.

2 Dubium autem est, an hæc imperfecta libertas pec-
catum, quod aliàs mortale esset, reddat veniale? Sunt
aliqui, inter quos est Ioan. Sanchez *in suis disput. select.*
disp. 18. qui maximè inclinent non posse dari peccatum
veniale ex semiplena deliberatione, sed necessariò esse
mortale, vel nullum esse. Mouentur primò, quia Deus
non imponit sua præcepta semihomini, sed homini in-
tegro, & suarum facultatum domino. Ergo dum non
est integrè dominus suarum actionum, non videtur à
Deo obligatus. Secundò committens furtum, vel adul-
terium ex semiplena deliberatione, vel potuit plenè
deliberare, vel non: si non potuit, non videtur peccare;
si potuit, iam est in culpa. Tertiò, si semiplena aduer-
tentia potest peccatum, quod aliàs erat mortale, excu-
sare à mortali, & facere veniale. Ergo poterit si circa
veniale peccatum feratur excusare ab illo. v. g. si ioco-
sum verbum, vel leue furtum ex semiplena aduertentia
amplectaris, excusabit te à peccato, aliàs semiplena de-
liberatio fauorabilior erit peccato mortali, quàm veni-
ali, siquidem à mortali excusat, & non à veniali.
Quartò, non satis explicatur, in quo consistat hæc se-
miplena aduertentia in peccato; non enim consistere
potest in difficultate cessandi à peccato: nam cum ma-
xima difficultate cessandi à peccato, stare potest plena
libertas, ut patet in homine malè inclinato: nèq; etiam
consistere potest in remissa cognitione, seu aduertentia
obiecti, nam in gradu quantumcunque remisso dari po-
test cognitio sufficiens reddere voluntatem plenè libe-
ram. Ergo non est in quo hæc semiplena aduertentia
consistere possit.

3 Nihilominus certa omnium sententia, omniumque
Doctorum autoritate confirmata, (à quibus Ioan. San-
chez non ausus fuit recedere, etsi animum manifesta-
uerit,) affirmat ex semiplena deliberatione reddi pecca-
tum aliàs mortale, veniale. Ratio est clara, nam qui se-
miplena libertate in peccatum consentit, liberè consen-
tit. Ergo peccat. Quòd verò non peccet mortaliter, in-
de colligitur; quia peccatum mortale diuinam amicitia
dissoluit, & hominem æternis cruciatibus destina-
t. At non est æquum ob actum semiplenè liberū ita grauiter
hominem punire. Ergo signum est non esse in illo ma-
litiam mortalem. Item ad rationem peccati requiritur
liber consensus. Ergo ad rationem peccati mortalis, quod
propriissimè peccatū est, perfectus consensus requiritur.

Ferd. de Castro Sum. Mor. Pars I.

4 Neque obstant contraria.

Ad primum Deum imponere præcepta homini ab-
solutè: si autem ipse semiebrius, vel semidormiens ea
transgrediatur, reus erit culpæ non grauis, sed leuis.
Neque parua merces reputanda est excusatio à graui
culpa, & ab integra præcepti transgressionem. esto leuis
committatur.

Ad secundum concedo non potuisse plenè delibera-
re, sed non obinde ab omni culpa excusari, sed à mor-
tali, quia semiplena deliberatio libertatem constituit.

Ad tertium semiplena aduertentia potest à mortali
excusare, & reddere veniale, non tamen potest à veni-
ali omnino excusare, quia ad excusandum à mortali,
sufficit quòd plena libertate non aduersetur legi: at ad
excusandum à veniali, necessarium erat omnino liber-
tate carere; quod omnino repugnat, cum semiplenè li-
berum sit: erit tamen intra terminos venialis peccati
leuissimum.

Ad quartum fateor esse difficile explicatu, in quo
hæc semiplena deliberatio sita sit; non enim consistit
in difficultate voluntatis recedendi ab obiecto prohi-
bito, neque in cognitione intensa, vel remissa de mali-
tia obiecti, ut bene probat obiectio, sed consistit in co-
gnitione distincta, vel confusa huius malitiæ, ut dixi-
mus in princ.

5 Sed inquirentes, quæ indicia habebis, ut cognoscas ple-
nè, vel semiplenè aduertisse, libertatèque plena, vel
semiplena operatum esse?

Respondeo nulla esse, quæ semiplenam deliberatio-
nem à plena distinguant, ita certò, ut nulla relinquatur
dubitatio; cum enim hæc in animo insint, solus Deus
ea perfectè distinguere potest: ideoque dixit Augusti-
nus *in Enchirid. cap. 78.* quæ sunt grauias, & leuia pecca-
ta, non humano, sed diuino sunt pensanda iudicio; ali-
quibus tamen coniecturis hæc distinguere possunt, de
quibus diximus *tract. de conscient. disp. 3. punct. 11.*

Prima coniectura inferendi semiplenam deliberatio-
nem sumitur ex defectu ætatis, quia non attigisti se-
ptennium, tunc si dubites habuisse plenam libertatem,
præsumere poteris non habuisse. Idem est si dubites,
an perfectè à somno fueris excitatus, vel ebrietatem
depuleris, quia hæc cum perfecta sunt, libertatem tol-
lunt; ergo cum imperfectè existunt, illam diminuunt.
sic Sanchez *lib. 1. in Decal. cap. 1. n. ult.* Bonacina *disp. 2. de*
peccat. q. 2. p. 3. in fine.

Secunda coniectura est si animum firmum habeas,
& sæpè repetitum nunquam committendi mortale,
præsumere poteris peccato non plenè consensisse; illa
enim quæ odio multoties sunt habita, quando aman-
tur plenè, faciliè, & sine difficultate cognoscuntur.

Tertia est, si faciliè potes peccatum exequi, illudque,
cum tui compos es, pro viribus respis, præsumere po-
teris antea non plenè consensisse; non enim ita faciliè
affectus mutatur. tradit Sanchez *suprà num. 17.* Bonaci-
na *num. 19.*

Quarta coniectura sumitur ex communiter contin-
gentibus, quæ efficacissima est, ut tradit Menoch. *lib. 1.*
presumpt. 18. & lib. 3. presumpt. 32. Quare si aliquis sit ti-
moratæ conscientia, peccatumque mortale abhorreat,
præsumendus est non plenè consensisse, cum de con-
sensu dubitat; secus dicendum, si perditis moribus sit,
hic enim cum peccatum, velut aquam bibit, cum illo
angitur, præsumere potest verè commisisse. sic docet
Sanchez *suprà num. 20.* Bonacina *num. 19.* Sayrus *in clauis*
regia, lib. 8. cap. 7. n. 6.

Supradictæ coniecturæ, ut dixi, veritatem non osten-
dunt, nec dubium tollunt, ac proinde illis non obstan-
tibus teneris in confessione manifestare, cum dubijs
existis, an plenè consenseris, secus si opinionem habue-
ris probabilem, qualem regulariter facit quilibet ex
supradictis coniecturis.

G 3

P V N

PUNCTUM VII.

An mortale ex genere in veniale transeat
ratione paruitatis materiæ,
& quæ hæc sit.

- 1 *Quæ peccata non possint leuia esse ex paruitate materiæ.*
- 2 *Proponitur difficultas, & soluitur.*
- 3 *Vnde desumenda sit grauitas, vel leuitas materiæ in peccatis? Proponitur dubium.*
- 4 *Desumitur ex obiecto, quatenus fini intento à legislatore conducit, & exemplis explicatur.*
- 5 *Limitatur à Sanchez in legibus prohibentibus aliquod causa vitandi damnum reipublicæ.*
- 6 *Excluditur hæc limitatio.*
- 7 *Non est verum affirmare grauem materiam esse, quæ est totius præcepti violatio, leuem, quæ est partis illius.*

1 **P**rimò in hac re est certum apud omnes esse aliqua, in quibus non admittitur paruitas materiæ, & alia esse in quibus admittitur. Quæ autem hæc sint, non est facile definire. Suarez lib. 2. de legibus, cap. 28. num. 23. Bonacina disp. 2. de peccat. quest. 3. punct. 3. n. 11. Thomas Sanchez lib. 1. in Decal. cap. 4. num. 1. affirmant nullam dari paruitatem materiæ in his, quæ directe, & immediatè, circa Deum, & eius honorem versantur: & hac ratione in odio Dei, contemptu ipsius, & infidelitate, nulla est paruitas materiæ. item in iuramento assertorio falso, in simonia, & aliis. Rationem reddunt, quia in his omnibus, quantumvis sit parua materia, inuenitur integra irreuerentiæ, & offensionis ratio. Nam si neges aliquem minimum fidei articulum, veritatem diuinam negabis: si odisti Deum, infinitam Dei bonitatem odisti; si contemnis Deum, infinitum esse Dei contemnis; si falsum iuras, mendacem Deum facis; si simoniam committis, pretio temporali rem spirituales æstimas. Ergo graue peccatum committis.

2 Sed hæc doctrina difficultate non caret, inquiri enim potest, quare integra Dei offensa, & irreuerentia in materia parua odij, infidelitatis, contemptus, & iuramenti assertorij falsi inuenitur; & non inueniatur in iuramento promissorio, comminatorio, voto, sacrilegio, & aliis religionis actibus? Item non caret difficultate, quare in odio Dei, & contemptu dari non possit paruitas materiæ: siquidem non vis Deum absolutè contemni, & offendi, sed contemni, & offendi leuiter, quod sic explico. Quodlibet peccatum veniale est Dei offensa, & inobedientia, & qui illud committit, re ipsa offendit Deum, eiusque præceptum transgreditur. Ergo si hoc velit ex expressa voluntate, & animo Deum offendendi, eiusque præceptum in illa materia transgrediendi, non obinde Deum in graui materia offendit, aut contemnit. Ergo solum venialiter peccat. Deinde, esto concederemus, (vt verè concedendum est,) in respicientibus Deum, eiusque honorem non posse dari paruitatem materiæ. Quæ ergo regula erit in respicientibus naturam humanam, eiusque honorem? Nam in his aliqua sunt, in quibus non admittitur paruitas materiæ, vt in homicidio, fornicatione, pollutione, &c. In aliis admittitur, vt in contumelia, percussione, furto, cum in omnibus his inueniatur integra ratio sacrilegij. Et explicatur in iuramento iniurto, quod diuinam bonitatem videtur offendere, æquè ac si esset in materia graui. Æquè enim diuina bonitas pugnat cum peccato veniali, ac cum mortali, sicut diuina veritas cum falsitate graui, ac leui. Item in furto paruo integra ratio iniustitiæ reperitur, sicut & in furto magno: hæc enim adæquatè consistit in contrectatione rei alienæ inuito domino. Aliàs furtum aureorum decem non dicitur habere integram ratio-

nem iniustitiæ, cum possit dari iniustitia grauior, & grauior.

Propter hæc dicendum existimo ex communi sensu Ecclesiæ, & fidelium desumendam esse grauitatem aliquarum rerum, & leuitatem aliarum. Quæ autem hæc sint, suis locis examinandum est: fundatur autem hic sensus Ecclesiæ in naturis ipsarum rerum, aliqua enim ita de se inordinata sunt, vt in qualibet materia reputentur grauissima: quælibet enim idololatria, simonia, iuramentum falsum, infidelitas, desperatio, odium, & contemptus Dei, irritatio sacramentorum, homicidium, pollutio, fornicatio, & similia de se grauem inordinationem habent, & in quacumque materia constituentur, non variant iudicium; alia verò ita leuia sunt, vt nisi ex aliquo accidenti extrinseco graua esse non possint, vt verbum otiosum, scurrilitas, & alia huiusmodi. Alia verò, quæ esto de se graua sint, non semper æqualem deordinationem habent, vt furtum, si fiat in magna, vel parua quantitate, variat enim multum iudicium.

3 Rursus est difficultas explicare, vnde desumenda sit grauitas, vel leuitas materiæ, in his, in quibus dari non potest; nam vel sumenda est ex ipsis rebus, vel ex fine intento à legislatore, vel ex voluntate ipsius: neque est imaginabile aliud caput, vnde desumatur. Ex ipsis rebus desumi non potest, cum sæpè venialia, vel indifferentia ob aliquem specialem finem à legislatore intentum, sub graui culpa prohibeantur, vt dicemus. Neque sumitur ex fine intento à legislatore; hic enim grauissimus semper est, & idem respectu materiæ leuis & grauis. Deinde ex voluntate legislatoris desumi non potest: aliàs rem grauem sub leui culpa, & contra locum sub graui, imperare posset. Item inquiri posset, vnde hæc voluntas cognoscenda foret, quando expressè explicata non est.

4 Dicendum igitur est, grauitatem, vel leuitatem materiæ præceptæ desumendam esse non ex ea secundum se spectata, sed secundum quod conducit ad finem intentum à legislatore: si enim materia præcepta grauius conducit fini legislatoris, erit peccatum graue illius transgressio, esto materia leuis sit; si leuiter conducit, erit peccatum veniale, esto grauis materia sit, vt tradit, & optimè probat Vasquez 1. 2. tom. 2. disp. 158. cap. 6. num. 59. & 60. Thomas Sanchez lib. 1. in Decalog. cap. 4. num. 2. & 6. Suarez de legib. lib. 3. cap. 25. num. 4. & 12. Exemplis conclusionem declaro: præcipit legislator, ne alienum contra voluntatem domini accipias, vel retineas; finis huius præcepti est, ne dominus damnum patiatur in bonis suis: accipis contra eius voluntatem centum aureos; talis acceptio grauius conducit fini præcepti, siquidem tali acceptione grauius dominum lædis: at si alium acciperes, non esset acceptio grauius conducens fini præcepti. Item multiloquium, de se leuis est materia; at si obseruantia religiosa minuat grauius, & ob id superior silentium præcipiat, violatio silentij peccatum graue erit, quia grauius conducit fini intento: & tradit Sanchez lib. 1. cap. 4. num. 3. & Bonacina disp. 1. de legib. quest. 1. p. 7. §. 4. num. 21. Item ingressus vnus religiosi in cubiculum alterius gratia loquendi, materia leuis est de se: at si superior ingressum prohibeat, vt aliqua inconuenientia cuitet, quæ ex tali ingressu oriuntur, sine dubio ingressus grauis materia erit, & peccatum mortale. Item si scholastici tormentum igneum, vel alia arma secum deferri prohibeantur ob pacem reipublicæ, & aliquis vna hora cum illis incedat, sine dubio lædit grauius finem à legislatore intentum, qui est vitatio occasionis rixarum; secus verò dicendum, si breuissimo tempore deferret, sublata omni occasione, etiam remota rixæ. ita Bonacina supra n. 18. Deinde si prohibitum esset scholasticis, ne cum armis in scholas intrent, & aliquis illa deferens solum trans-

cunter

eunter illac intret, quando nullo modo apparet occasio rixæ, non videtur grauius læsisse finem à legiflatore intentum; secus verò si ibi per horam commoraretur. Colligitur ex his, quæ dicit Bonacina *suprà n. 19.* Deinde inferes quantitatem, quæ pro furto materiam grauem constituit, non constituere illam pro donatione prohibita: pro furto enim sex, vel octo drachmæ censentur grauis materia in communi sententia. At si hæc dones, non censeberis grauem donationem facere, sed omnino leuem: quocirca pro donationis grauitate expendenda est persona donantis, & donatarij, & aliæ circumstantiæ: & secundum illas iudicanda est grauis, vel levis donatio, vt rectè dicitur *in cap. et si questionibus, de simonia*, vbi pensata qualitate donantis, & donatarij, non reputatur magna vnus equi donatio, etsi pro tempore reputetur: regulariter ergo pro donatione materia grauis duos, vel tres aureos debet excedere. sic Molin. *tom. 1. de iustis. tract. 2. disput. 88. circa finem, versic. illud admonuerim.* Azor *tom. 1. lib. 5. cap. 28. § sciendum est.* Sæpe eadem materia respectu vnus finis est grauis, respectu alterius est levis. Deinde auditio sacri singulis diebus, si ob religionem, & spiritualem cuiusque profectum imperetur, vt potest imperari à Prælato religioforum; non est dubium esse grauem materiam: at si imperetur à Prælato Ecclesiastico, vel sæculari, ob rectam alicuius vniuersitatis, vel collegij gubernationem: sicuti solet Rector vniuersitatis scholasticis sibi subiectis imperare aliquibus diebus sub pœna præstiti iuramenti; materia grauis non videtur omissio vnus, vel alterius diei. sic Bonacina *suprà de legibus, num. 16.* Vasquez *1. 2. disput. 158. cap. 6.* Thomas Sanchez *in Decal. lib. 1. cap. 4. num. 2. & 6.* Couarr. *cap. quamuis pactum, 1. p. § 7. fine.*

Ex his constat attendendum præcipuè esse fini præcepti an grauis sit, & an res præcepta grauius ad illum finem, quod ex circumstantiis colligendum est, conducatur: nulla enim certior regula in hac materia præscribi potest. sic Valent. *1. 2. disput. 7. quest. 5. punct. 6. col. 957.* Suarez *tom. 5. in 3. part. disput. 4. sect. 6. num. 11. & 12. & disput. 18. sect. 3. num. 16. & 17.* Sanchez *lib. 1. in Decalog. cap. 4. num. 3.* Bonacina *disput. 2. quest. 3. punct. 3. num. 12.* & optimè Suarez *lib. 3. de legib. cap. 25. num. 7.* Vnum tamen est certum, in casu dubio, an grauius conducatur, grauisque sit finis, præsumi debere, & esse finem grauem, & grauius conducere: quia præsumptio stat pro communiter contingentibus, & raro, vel nunquam præceptum imponitur, nisi ob finem grauem, & de materia illi maximè necessaria: & ita tenet Suarez *5. tom. in 3. p. disp. 4. sect. 6. n. 11. & de legib. suprà n. 4.* Thom. Sanchez *lib. 1. in Decal. cap. 4. n. 3.*

5 Supradictam conclusionem limitat Thom. Sanchez *lib. 1. in Decalog. cap. 4. num. 8.* & Victoria *de potestate ciuili, num. 19.* vt non procedat in legibus prohibentibus aliquid causa vitandi damni in republica: qualis est lex, ne arma, neq; pecuniæ, aut aliæ merces ex regno extrahantur, nève triticum coctum vendatur: existimat enim, si in graui quantitate hæc fiant ab vno, peccatum illum mortaliter, quamuis damnum graue ex tali facto non proveniat reipublicæ. Mouentur, quia non debet spectari, quale damnum sequatur vno contraueniente, sed quale si à multis, & communiter fiat. Secundò, in furto datur quantitas notabilis, etiam si parum alicui noceat, vt si centum aureos à Rege accipias. Ergo in his non est attendendum damnum, sed quantitas: aliàs furari mille aureos à diuersis furando à quolibet vnum dipondium, non esset lethale. Tertio, quia aliàs finis legis frustraretur; nunquam enim quilibet tantam quantitatem extrahit, vt ex ea solùm ingens reipublicæ damnum sequatur. Quarto, quia ideo iuste suspenditur prædo in itinere accipiens à viatore 50. nummos aureos, quia etsi id damnum non sit notabile

semel illatum, at magni momenti est grauius id delictum punire, ne passim fiat.

6 Verùm hæc limitatio mihi non probatur. Existimo namque asportationem mercium, diuitiarum, armorum, & similium ex ciuitate, tunc solùm peccatum mortale esse, quando ex tali asportatione ciuitas damnum graue pateretur. Moueor ad id affirmandum, primò quia tota ratio huius prohibitionis est vitatio damni reipublicæ (vt suppono.) Ergo dum respublica grauius non damnificatur, non fit grauius aduersus huiusmodi prohibitionem. Confirmo. Tunc violatur lex grauius, quando violatur grauius finis intrinsecus ipsius legis: at finis intrinsecus huius legis, non est alius quàm vitatio damni in republica. Ergo dum hic non violatur grauius, non violatur grauius ipsa lex. Secundò sequeretur ex opposita sententia asportare quantitatem de se sufficientem ad furtum, esse peccatum mortale aduersus hanc legem: quod videtur ridiculum, quia illa quantitas de se grauis est, etsi passim, & communiter à multis asportaretur, non est dubium ciuitatem fore accepturam graue damnum. Ergo peccaretur grauius aduersus hanc legem.

Neque obstant rationes contrariæ.

Ad primam dico spectasse legiflatorem in ferenda lege, ne damnum sequatur reipublicæ ex tali asportatione, non tamen intendisse sub graui culpa prohibere asportationem mercium factam ab vno, quæ graue damnum reipublicæ non causet, tamen si à multis fieret, graue damnum respublica ex illis pateretur; aliàs asportatio vnus aurei, imò drachmæ esset mortalis: si enim hæc à multis, & passim fieret, sine dubio graue damnum reipublicæ proueniret.

Ad secundam nego ex graui furto non accepturum quemlibet etiam ditissimum graue damnum, & quando à multis aufertur, tota illa communitas per modum vnus damnificatur. Sed gratis admissio non damnificari dominum grauius ex quantitate graui de se, v.g. decem aureorum, non obstat, quominus furtum graue non committas, quia retines alienum inuito domino, in materia graui, quæ est ratio, & finis immediatus huius prohibitionis, & non damnum ipsius domini.

Ad tertiam nego finem legis frustrari tua culpa adæquare, & perfectè, siquidem in culpa non es, vt damnum graue respublica patitur.

Ad quartam concedo rectè suspendi prædonem arripientem à viatore 50. aureos, non tam ob damnum illatum, quàm ob iniuriosam actionem. In præfenti autem supponimus adæquatum finem legis esse vitare damnum in republica, quod si graue non sit, non apparer, vnde peccatum mortale nasci possit. & ita tenet Mercado *lib. 3. de contractib. cap. ult. §. esto supuesto.* vbi solùm dicit esse mortale extrahere à regno triticum in magna quantitate anno sterili. Idem tenet Margarita Confessorum *in questionib. moral. quest. an licet possit transferri frumentum, & equi contra legis interdictum, fol. 246.* & Sanchez *suprà num. 7.* refert plures viros doctos sentire non esse mortale vendere panem coctum contra pragmatice regni interdictum, nisi sit in ea quantitate, ex qua ingens damnum reipublicæ sequatur, cariori multo reddito ob id tritici pretio.

Sed inquires. Ex qua mercium asportatione censeberis damnum graue reipublicæ facere?

Respondeo non posse certa regula definiri, sed pensandum esse prudentis arbitrio, regulariter loquendo, centum aureos, vel merces illius valoris, seu arma decem militum existimarem esse grauem materiam, ex qua damnum respublica pati posset: secus in minori quantitate, nisi fortè respublica oppressa esset ab inimicis, vel penuriam pateretur, tunc enim non est dubium minorem quantitatem sufficere.

7 Ex his inferitur decipi Doctores asserentes grauem

materiam illam esse, quæ est tota præcepti; leuem, quæ comparatione totius materiæ præcepti levis est. Nam, ut constat ex exemplis allatis, totalis materia præcepti levis esse potest, si leuiter ad finem à legislatore intentum conducit. Item levis esse potest materia comparatione totius rei præceptæ: at secundum se grauis, ut si habeas obligationem dandi eleemosynam millium aureorum, & 50. omittas: omissio 50. comparatione millium levis est materia; at quia secundum se & in ordine ad finem intentum, qui est subleuatio alienæ miseriæ, vel exercitatio pietatis, grauiter conducit: ea de causa grauis materia censetur; & peccatum mortale illius omissio. Econtra si obligationem ex præcepto, vel voto habeas recitandi coronam virginis, & decennarium duplex omittas comparatione totius rei præceptæ grauis est materia, quia est tertia pars: at quia ad finem intentum, scilicet deuotionem excitandam, virginem colendam, non videtur grauiter conducere, sed solum leuiter; peccatum solum veniale erit illius omissio. Idemque censeo de tertia parte cuiuslibet horæ minoris. sic tenet Bonacina *disp. 2. de peccat. quest. 3. punct. 3. num. 14.* Sanchez *num. 5.* esto contrarium videatur sententia *num. 18.*

PUNCTUM VIII.

An ex voluntate legislatoris peccatum mortale possit fieri veniale.

- 1 *Proponitur questio.*
- 2 *In materia leui non potest legislator grauem obligationem imponere.*
- 3 *Limitant aliqui in seculari Principe, secus in Ecclesiastico. Reijciunt tamen.*
- 4 *Ex intentione legislatoris circa materiam grauem potest esse venialis obligatio.*
- 5 *Contraria sententia proponitur, & probatur.*
- 6 *Satisfit eius rationibus.*

1 **C**UM quodlibet peccatum mortale transgressio legis sit, & transgressio ex voluntate legislatoris pendeat: dubium est, an possit legislator efficere, ut materia de se grauis, & grauiter conducat ad finem præceptum, obliget solum sub veniali culpa; & econtra, an possit materiam leuem, & leuiter fini præcepto conducentem, sub graui culpa imperare? v.g. ex motiuo temperantiæ imponit tibi ieiunium, ex motiuo religionis, & spiritualis profectus imperat auditionem sacri; ieiunium enim & grauis materia est, & grauiter conducit fini à legislatore intento. Idem est de sacri auditione, poteritne solum ad culpam venialem obligare? econtra verò verbum otiosum, mendacium leue, leuia sunt, & leuiter virtuti opponuntur; poteritne obligare sub graui culpa, ne proferantur?

2 In hac re certum est, nullo modo posse legislatorem in materia leui obligationem grauem imponere, quantumvis velit, & intendat; ita communis sententia. Suarez *lib. 3. de legib. cap. 25. num. 2.* Vasquez *1. 2. tom. 2. disp. 158. cap. 4. num. 34.* Sanchez *lib. 1. in Decalog. cap. 4. num. 3.* Valent. *1. 2. disp. 7. p. 6. col. 957.* Azor *tom. 1. lib. 5. cap. 6. q. 5.* Salas *tom. 2. quest. 71. tract. 13. disp. 2. sect. 11. num. 30.* & alij innumeri, quos superuacaneum est recensere. Ratio est, quia talis intentio, & obligatio esset iniqua, & iniusta: quid enim magis iniquum, & iniustum, quam leuis præcepti transgressioni culpam grauem, & poenam æternam adiungere? Non igitur est concedendum superiori talis potestas.

3 Hanc assertionem limirat Sayrus *in clari regia, lib. 3. cap. 7. num. 17.* ad legislatorem sæcularem; & dicit Ecclesiasticum posse sub graui culpa rem leuem imperare. Quod posset probari ex vsu religionum, in quibus res

leues sub poena excommunicationis prohibentur: & ex præcepto nostris primis parentibus imposito, quod videbatur leuissimum, & ex *l. 1. ff. de constitut. princip. ibi, quod principi placuit, legis habet vigorem.*

Sed reprobanda est hæc limitatio, quam reprobant Sanchez *supra*, & Suarez *num. 7.* & tenenda communis sententia: quia ratio facta tam de Principe sæculari, quam Ecclesiastico probat; in utroque enim grauitas materiæ desideratur, ut fundamentum necessarium grauis obligationis. Neque obstat vsus religionis, ibi enim si aliqua res levis in virtute obedientiæ, vel sub excommunicatione mandatur, credendum est ob aliquem finem grauem, redditam esse grauem, ut diximus de silentio seruando, de ingressu in cellas; secus verò quando omnino constaret leuem esse materiam: & hoc modo explicanda est *Clement. exim. de verborum significat. & cap. ex his, eodem tit. in 6.* dum dicunt verba præceptiua in regula sancti Francisci indicare obligationem sub mortali. Minus obstat præceptum nostris parentibus impositum de abstinencia à cibo verito, quæ licet in se spectata videatur levis: ad finem autem à Deo intentum, grauissima res fuit, siquidem erat præcepta in recognitionem diuinæ autoritatis, & humanæ subiectionis. Dictum verò legis primæ loquitur non de Principe Ecclesiastico, sed de sæculari, de quocunque tamen loquatur, intelligi debet seruata prudentia, & iustitia, quod enim Principi placet, rationabiliter, & iuste legis habet vigorem.

4 Rursus circa materiam grauem, an possit superior sub veniali obligare? Mihi probabilius multo est posse, & ita tenet & late probat Suarez *lib. 3. de legib. cap. 27. num. 7.* Valent. *1. 2. disp. 7. quest. 5. p. 2. quest. inc. 2.* Castro *lib. 1. de leg. pæn. cap. 5. document. 4. statim in principio. & cap. 11. paulo post princip. in probatione 2. p. conclus. Thom. Sanchez lib. 1. de matrim. disp. 9. num. 6. & lib. 6. in Decalog. cap. 4. num. 25.* Nauarr. *sum. cap. 23. num. 49.* Ioann. Sanch. *disp. 15. num. 16.* Salas *de legib. disp. 10. sect. 7. num. 33.* Bonacina *disp. 1. de legib. quest. 1. punct. 7. §. 4. num. 23.* & valde probabile reputat Lessius *lib. 2. cap. 41. dub. 9. num. 96. §. tertio*, & alij plures ab eisdem relati. Nam obligatio legis ex voluntate legislatoris est. Ergo si legislator non vult ad mortale obligare, lex obligare non potest, quia nequit extendi obligatio ultra mentem legislatoris, ex *l. si quis nec causam, & l. non omnis, ff. si certum petatur.*

Dices, superiorem habere intentiones repugnantes; ex vna parte vult obligare sua lege, (ut suppono,) siquidem obligat ad culpam venialem; ex alia parte non vult obligare ad mortale: hæc autem intentiones videntur repugnantes, & vna aliam excludere.

Respondeo huiusmodi intentiones repugnantes non esse: nam de ratione legis solum est obligatio ad culpam; non verò obligatio ad mortale. Ergo intendens obligare, & nolens ad mortale, non committit repugnantiam. Præterea hic modus obligandi in materia graui aliquando potest esse conueniens, præcipue in religionibus, ubi ne multiplicentur obligationes graues, & quia leues sufficiunt, possunt superiores præcipere aliqua grauia, v.g. ut Missa singulis diebus audiat obligando sub veniali culpa: quæ indecentia in hac constitutione esse potest, quæ iniustitia, aut quis excelsus? Affirmandum ergo est hunc modum imperandi & possibilem esse, & sæpe esse conuenientem, & ita dixit Suarez *illo cap. 27. n. 12.* cum D. Thom. *2. 2. q. 106. art. 9. ad 1.* in aliquibus religionibus obseruari.

5 Verum aduersus hanc sententiam pugnat acriter Vasquez *1. 2. tom. 2. disp. 158. cap. 3. num. 17. & cap. 4. à num. 32.* probans in potestate legislatoris esse imponere præceptum: at illo posito non esse in eius voluntate obligationem coarctare, sed necessarium metiendam esse obligationem iuxta materiæ qualitatem. Idem tenet Bellarm.

Bellarmin. tom. 1. controu. part. 2. controu. 5. de membr. Eccles. milit. lib. 3. cap. 11. in solut. ad pen. Salmeron tom. 4. Enang. part. 3. tractat. 12. §. differ. autem. Mexia pragmat. panis, conclus. 1. num. 111. Victor, relect. de potest. ciuili, num. 19. Aragon 2. 2. quæst. 62. art. 3. col. 5. §. secundo est aduertendum. Salon. quæst. 77. art. 1. controu. 8. col. 2. §. tertio, quia non possunt. Ochagauia tract. ult. de satisfact. sacram. q. 8. num. 7. Zapata tract. de iust. distrib. 2. p. cap. 3. fol. 114. Reginald. lib. 15. à num. 44. Becan. tract. 3. cap. 6. q. 3. num. 10. & de legislatore sæculari, quod non possit imperare sub culpa veniali, vel mortali, sed necessariò iuxta qualitatem materiæ debeat procedere, tenet Grassis 1. p. decis. lib. 2. cap. 57. n. 6. Sotus lib. 1. de iust. q. 6. art. 4. Salon 2. 2. q. 77. art. 1. controu. 4. §. tertio, quia.

Mouentur primò, quia voluntas superioris solum requiritur ad imponendam obligationem: qualis autem obligatio sit, ex grauitate, vel leuitate rerum, quæ præcipiuntur, debet sumi. Ergo non stat in voluntate superioris hanc obligationem extendere, vel coarctare. Et confirmo primò, peccatum esse veniale, vel mortale, non pendet ex voluntate imperantis, sed ex ipsis rebus præceptis, quæ posito præcepto grauem, vel leuem deordinationem habent. Ergo pro voluntate superioris non potest fieri veniale, quod aliàs est mortale. Confirmo secundò, superior sua lege, & præcepto rem præceptam in aliqua virtute constituit. v. g. cum imperat ieiunium in materia temperantiæ, & cum imperat sacram facere in materia religionis. Ergo hæc omittens, si graui sunt, grauitè lædit virtutem. Ergo non potest venialiter tantum peccare. Secundò lex diuina, & naturalis obligare non potest sub culpa veniali in materia graui. Ergo neque lex humana. Tertiò non potest legislator ad culpam mortalem obligare in materia leui, quia est irrationabilis, & iniusta talis obligatio: sed etiam est irrationabilis, & iniusta obligatio leuis in materia graui, siquidem non proportionatur materiæ. Ergo. Quartò obligatio est quali effectus consecutus ad legem; ideo enim subditi legibus superioris obligantur, quia leges legitimæ sunt, & validæ: sed effectus consecutus ex causa naturali impediri non potest. Ergo neque potest impediri obligatio, posita lege. Ergo neque obligatio grauis, posita lege de re graui. Quintò si votum, vel iuramentum facias de re graui, teneris sub culpa graui adimplere, quantumuis te volueris obligare sub culpa veniali. Ergo similiter teneris obedire sub mortali lege à superiore lata de re graui, etsi ipse velit tantum sub veniali. Sextò in sacramento pœnitentiæ pœnitens tenetur sub mortali pœnitentiam grauem pro grauib. peccatis implere, etsi Confessarius dicat se velle ad venialem tantum culpam obligare. Ergo etiam si legislator velit ad veniale subditum obligare, obligabitur ad mortale.

6 Verum hæ rationes non obstant, quominus tenenda firmiter sit nostra sententia.

Ad primum dico, voluntatem superioris non solum requiri ad imponendam obligationem, sed ad qualitatem illius: quando autem ipse superior voluntatem non coarctat, censetur velle obligare iuxta materiæ qualitatem: & tunc ex grauitate, vel leuitate materiæ pensanda est obligatio. Ad confirmationem primam fateor peccatum veniale à mortali non distingui ex voluntate legislatoris immediatè, sed ex ipsis rebus imperatis; distinguit tamen mediatè, quatenus voluntas legislatoris intendens ad imponendam veniale obligare facit, vt res imperata, etsi grauis sit, non grauitè lædat legem, neque grauem deordinationem habeat. Ad confirmationem secundam admitto antecedens, & nego consequentiam, non enim grauitè læditur virtus, cuius omisso non est graui præcepto prohibita.

Ad secundum argumentum concedo libenter legem naturalem obligare non posse in materia graui ad cul-

pam leuem; secus verò lex positua, diuina, vel humana. Et ratio differentię est, quia obligatio legis naturalis ex ipsis rebus, & deordinatione, quam habent immutabilem cum recta ratione, oritur: at obligatio legis posituæ cum auferri omnino possit pro voluntate legislatoris, potest etiam pro eadem voluntate limitari.

Ad tertium concedo non posse legislatorem ad culpam mortalem obligare in materia leui: nego tamen non posse in materia graui non obligare ad culpam mortalem, quia prior voluntas est iniusta, & iniuriosa subdito, non verò secunda, esto aliquando fuerit imprudens: magis enim requiritur ad imponendam obligationem, quàm ad illam minuendam; ad obligationem enim imponendam requiritur necessariò, vt limites potestatis nõ excedat superior, ne subdito iniuriosus sit: at ad tollendam obligationem, vel minuendam, sufficit potestas superioris, quia inde nulla iniuria subdito provenit.

Ad quartum admitto obligationem subditi obseruandi legem esse quasi effectum legis; nego tamen hunc effectum coarctari non posse pro voluntate legislatoris; legislator enim ferre potest legem obligantem, secundum totum quod potest, vel solum obligantem leuiter, & secundum minorem obligationem, quam potest imponere.

Ad quintum negari posset consequentia; posito enim voto, & iuramento, non pendet ex voluntate vouentis, & iurantis obligatio, sed ex iure acquisito Dei, ac proinde non mirum si vouens, vel iurans non possit se ad venialem culpam obligare in materia graui; secus verò possit legislator, cuius voluntate sicuti potest tolli obligatio, potest & diminui. Secundò respondeo negando vouentem non posse se ad venialem culpam in materia graui obligare, quia sicut omnis obligatio à sua voluntate ortum habuit, ita potuit ortum habere limitato modo, & non secundum omnem materiæ capacitatem, & ita docet Thom. Sanchez lib. 1. de matrim. disp. 9. n. 6. Secus dicendum existimo de iuramento, in quo Deum in testem, & fideiussorem rei promissæ adducis: in hoc enim non potes limitare obligationem ad veniale, si materia grauis est; quia non pendet à tua voluntate obligatio implendi promissum. Nam etiam si ab initio haberes animum non implendi, vel non te obligandi, si tamen iuras, debes implere.

Ad sextum respondeo primò negando antecedens, quod negat Suarez tom. 4. de pœnitent. disp. 38. sect. 7. n. 5. Medina C. de confess. tract. 2. quæst. 48. Diximus namque pro voluntate Confessoris coarctari posse obligationem pœnitentiæ, quia est quædam lex, & præceptum: & conditiones legis, & præcepti humani sortiri debet. Secundò respondeo concedendo antecedens, & negando consequentiam. Et ratio diuersitatis est, quia Confessarius non imponit nomine proprio satisfactionem, sed nomine Christi, & vices illius gerens: Christus autem non præsumitur velle grauem satisfactionem leui obligatione adstringere. Ergo. Item pœnitens non obligatur satisfactionem exequi virtute solius præcepti à Confessario impositi, sed etiam virtute sacramenti recepti, ne sacramentum imperfectum relinquat: hæc autem obligatio si materia grauis est, non videtur esse posse venialis. & ita tenet Coninch de sacram. disp. 10. de pœnit. dub. 8. num. 65. Bonacina disp. 5. de sacram. pœnit. q. 5. sect. 3. p. 4. n. 4. fin. Ioan. Sanchez disp. 15. sect. 1. num. 16. Ochagau. tract. de satisfact. q. 8. n. 7. & alij.

PUNCTUM IX.

Quibus modis veniale peccatum transeat in mortale.

Multipliciter hoc contingit. Primò si vltimus finis in peccato veniali constituatur, vel ei mortalis sit

sit adiunctus. Secundò ratione contemptus. Terriò si occasio, & periculum proximum sit incidendi in mortale. Quarto si sæpe multiplicetur. Quintò si proximum scandalizet. de his omnibus sigillatim est dicendum.

§. I.

Qua ratione peccatum veniale in mortale transeat ratione finis.

- 1 Si finis est mortalis, mortale est.
- 2 Si finis est venialis, & medium mortale, peccatum esse mortale.
- 3 Distinctio Suarez & Sanchez non admittitur.
- 4 Sufficit explicare in confessione malitiam mortalis medij, tacito sine veniali.

Certum est apud omnes peccatum esse mortale, si quis ex affectu fornicationis mentiat, vel aliud veniale committat, quia habet affectum, & voluntatem peccandi mortaliter: at quia huiusmodi affectus extrinsecus est, & peccatum veniale, quod ut medium assumitur, non immutat: ideo declarato in confessione affectu, veniale peccatum declarari non est necesse. docet Sanch. lib. 1. in Decal. cap. 5. num. 7. Reginald. lib. 6. num. 129. Bonacina de pœnit. disp. 5. quest. 5. sect. 2. p. 2. diff. 3. num. 27. §. decimo octavo.

2 Econtra si ob studium, vel iactantiam, vel alium vanum finem, omittas sacrum, forniceris, vel occidas, videris non solum peccatum fornicationis, vel homicidij committere, sed etiam iactantiæ grauis necessariò in confessione explicandæ. Probo, quia amorem illius obiecti creati præfers amicitia diuinæ: liquidem ob illius consecutionem nihili pendes peccare mortaliter. Ergo talis amor inordinatus est: ergo non solum peccas peccato fornicationis, quod ob illius consecutionem admittis, sed etiã alio speciali peccato; & confirmo, qui furatur, ut fornicetur, magis est inhonestus, quàm fur: quia malitia potius ex fine, quàm ex medijs desumitur. Ergo qui ob studium, vel iactantiam, vel alium vanum finem, sacrum omittit, fornicatur, aut occidit, magis est censendus curiosus, vanus, aut superbus, quàm sacrilegus, intemperans, vel iniustus. Ergo magis ex amore finis, quàm ex amore mediorum debet malitia desumi.

3 In hac re Suar. 4. tom. in 3. p. diff. 22. sect. 4. n. 11. & ex illo Thom. Sanch. lib. 1. in Decal. cap. 5. num. 15. affirmant dupliciter ex fine veniali te operari posse. Primò ex vehementi, & inordinato ad illum affectu. Secundò ex tua libertate, & facilitate. Si primo modo operaris, debes (inquiunt) circumstantiam finis fateri: secus si secundo modo. Probant priorem partem, eo quòd veniale efficiatur mortale, quoties in eius obiecto ultimus finis constituitur. Secundum probant; quia tota malitia in præcepti omissione consistit, atque ex ea in finem redundat: quare explicata omissionis malitia tota culpa explicatur.

4 Fateor tamen hanc distinctionem nõ percipere, non enim intelligere possum in quo vehemens, & inordinatus ille affectus consistit: quia non consistere potest in aliqua graduum intensione. hæc enim de peccato veniali nunquam mortale constituit: & ad præsens institutum esse omnino talem intentionem impertinentem, tradit ipse Sanch. supra num. 140. Ergo solum consistere potest in eo, quòd ex eius amore non dubites peccatum mortale committere: satis enim inordinate procedis; & nescio quo modo possit esse maior inordinatio. Ergo vel dicendum est circumstantiam finis venialis semper fatendam esse; ut probant rationes num. 1. allatæ; vel nunquam esse necessariò fatendam, quod

probabilius existimo; sed sufficere explicare malitiam medij assumpti: ita videtur sentire Bonacina disp. 2. de peccat. q. 3. p. 5. num. 2. ubi eodem modo loquitur, quando peccato veniali finis mortalis adiungitur: æquando fini veniali mortalis electio copulatur, & in materia de pœnitentia loco citato de viroque casu dicit non esse necessarium in confessione fateri malitiam venialis, sed mortalis malitia declarata satis esse: idem tenet expressè Azor. tom. 1. lib. 4. instr. mor. cap. 3. quest. 7. sine vlla distinctione. Ratio est efficacissima: nam vel ille affectus, qui est causa amplectendi peccatum mortale, versatur circa obiectum bonum, vel indifferens, vel malum: si circa obiectum bonum, vel indifferens, nullam inde recipit malitiam. Ergo tota malitia est ex electione medij. Ergo declarata tali electione in confessione, manifestissime tota malitia declaratur: si verò versatur circa obiectum malum, elatum est declarari debere, si graue sit; secus si solum venialiter delinquit. Et confirmo si ex affectu vehementi, & inordinato studendi, vel equitandi, vel furandi leuem quantitatem, sacrum omittes; rogo an talis affectus sit irreligiosus, sacrilegus distincto ab omissione sacri, vel non? Dici non potest esse sacrilegum sacrilegio distinctum; cum equitatio, vel studium, vel factum ad religionem nullo modo pertineant: & alijs cum aliquis furaretur rem grauem, ut fornicaretur, non solum in furto, sed etiam in fornicatione duplex esset malitia mortalis, altera iniustitiæ, altera intemperantiæ; quod certè est inaudium: non enim multiplicari debent peccata absque necessitate. Ergo dicendum est affectum finis solum esse malum, vel ex malitia propria, vel denominatiuè ab electione. Malitia autem propria esse non potest mortalis; cum circa rem bonam, vel indifferentem, vel leuiter malam versetur, ut suppono. Ergo solum malitia medij est declaranda in confessione necessariò, & non malitia finis venialis.

Neque obstat quod dicit D. Thom. 1. 2. quest. 88. art. 5. ab omnibus receptus, veniale transire in mortale, quando in eo ultimus finis constituitur: concedo enim transire in mortale; sed non malitia distincta ab eo, ratione cuius transit.

§. II.

An ratione contemptus veniale transeat in mortale.

- 1 Transgressio legis contemptus est, & qua ratione contingat.
- 2 Si iungitur transgressioni legis, duplex peccatum facit.
- 3 In qua specie peccati contemptus sit.
- 4 Circa præceptum & consilia versatur contemptus.
- 5 An possit dari contemptus formalis, qui solum peccatum veniale sit? proponitur ratio dubitandi, cui assentiunt plures Doctores.
- 6 Resoluitur contemptum formalem semper esse mortale peccatum.

Certum est quamlibet legis transgressionem, siue mortalem, siue venialem, esse aliquem contemptum; contemnit enim legem, qui delinquit in legem: postponit enim eius obseruantiam propriæ voluntati, & vilitati. At hic contemptus vocatur materialis; quia in ipsa materia, & opere peccaminoso imbibitur, & quia nõ habet malitiam distinctam ab ipsa legis transgressione, sed per omnes transgressiones vagatur, ut benè dixit D. Thom. ab omnibus receptus in 4. dist. 9. art. 3. quest. 3. De huiusmodi contemptu non loquimur in præsentem, cum ratione huius peccati veniale non transeat in mortale, sed immutatum perseuerat. Alius est contemptus formalis, de quo in præsentem, hic procedit ex intentione formali despiciendi aliquam perso

personam, eiusve præcepta, & consilia. Hic autem contemptus, ut bene dixit Suarez *lib. 3. de legib. cap. 28. n. 15*, potest esse in intellectu, & in voluntate; in intellectu est, quando sine ullo fundamento, & ratione iudicatur res aliqua, vel persona minori æstimatione digna, quam par est: qui actus si circa Deum versetur, erit blasphemus: si circa homines, erit iudicium temerarium, cuius grauitas ex grauitate obiecti metienda est. At ad peccatum contemptus hic error intellectus non requiritur; in voluntate autem est contemptus si velis personam aliquam, vel eius præcepta, & consilia, pro nihilo habere: hanc voluntatem subsequitur opus, quo intendis personam illam, vel eius præcepta, & consilia ostendere parum æstimari debere.

2 Ex hac doctrina inferitur primò contemptum legis esse speciale peccatum, distinctum ab illius transgressionem; ac proinde est necessariò explicandum. colligitur ex D. Thom. communiter recepto *2. 2. quæst. 186. artic. 9.* v. g. si omittas sacrum die festo ex contemptu legis, duplex peccatum committis, & omissionem sacri debiti, & contemptum præcepti. Probo, quia violans ex contemptu legem, non solum peccas peccato congratio legis violatæ: sed etiam peccas, quia ex contemptu illam violas. Nam si hic contemptus, etiam sine voluntate legem transgrediendi, adesset, quis dubitat peccatum graue fore? Ergo ex eo quòd transgressionem legis iungatur, non amittit malitiam. Neque potest malitiam transgressionem habere, cum indifferens sit iungi cuiuslibet legis transgressionem. ita tradit Valent. *1. 2. disput. 7. quæst. 6. punct. 6. casu 1.* Thomas Sanchez *lib. 1. in Decalog. cap. 5. num. 9.* Bonacina *disput. 2. de peccat. quæst. 3. punct. 5. num. 16.*

3 Sed inquirentes, in qua specie peccati contemptus sit?

Respondeo si circa Deum, & eius præcepta, & consilia contingat, peccatum erit contra religionem; religio enim Dei te obligat debitum cultum, & honorem Deo exhibere, & consequenter illum non despicere: si circa parentes contemptus sit, erit peccatum contra pietatem eadem ratione; pietas enim virtus est obligans reuereri parentes, & consanguineos: si circa Prælatos, & superiores, erit aduersus obseruantiam, & obedientiam illis debitam: nullo tamen modo est formaliter contra obedientiam; potest enim despici superior, quin eius præcepta despiciantur. Quare inobedientia formalis, non est formalis contemptus, sed aliquando contemptum præsupponit, aliquando non: si enim nascatur ex superioris despectu, & abiecta illius æstimatione, ut regulariter solet, contemptum supponit; si tamen ex indignatione illius, præsupponit odium: si ex propria æstimatione, & arrogantia, arguit superbiam; semper enim inobediens formaliter habet aliquod ex his motibus: nam præcisè ob inobedientiam moueri non poterat; nemo enim intendens ad malum operatur. Quòd si contemptus versetur circa alias personas minoris, quam par est, illas æstimando, est actus iniustitiæ; ex iniustitia enim cuilibet debetur reuerentia, honor, & æstimatio iuxta eius qualitatem: si tamen velis illum aliter tractare, iniuriam illi irrogas.

4 Inferitur secundò contemptum non solum versari posse circa præcepta, sed etiam circa consilia; hæc enim contemni possunt, ut vana, & inutilia. Quòd si ita contemnantur, quis dubitat, peccatum committi? & ita tradit Suarez *lib. 3. de legib. cap. 28. num. 13.* Azor *tom. 1. instit. moral. lib. 12. cap. 13. quæst. 1.* Thom. Sanchez *lib. 6. in Decal. cap. 1. num. 3. & 4.* Suarez *de legib. lib. 3. cap. 28. in fine.* Bonacina *suprà num. 13.* Ex quo fit latius patere contemptum, quàm inobedientiam formalem, cum hæc solum sit circa præcepta; contemptus esse poterit circa consilia, & circa personam, ut tenent supradicti Doctores.

5 Difficultas præcipua est, an possit dari contemptus formalis, qui solum veniale peccatum sit.

Ratio dubitandi est, quia potest contemptus versari circa materiam leuem; potes enim contemnere legislatorem, eiusque præcepta non absolute, sed quatenus sunt in hac materia leui, v. g. in silentio seruando: sed tunc contemptus non videtur grauis, sed leuis; leuem enim iniuriam videris legislatori irrogare, leuia eius præcepta contemnens, grauiæ æstimans.

Propter hanc rationem plures Doctores affirmant dari posse peccatum veniale contemptus, sicut & inobedientiæ formalis, si præceptum superioris contemnas, non absolute, sed quatenus est in materia leui: tenet Caietanus *summ. verb. contemptus, vers. aduersus hic, ibi Armilla num. 3.* Bartholom. de Medina *1. 2. quæst. 88. artic. 4. fine.* Valent. *1. 2. disput. 7. quæst. 5. punct. 6. in 1. casu, & 2. 2. disput. 7. quæst. 3. punct. 3. vers. ceterum.* consentit Leonardus Lessius *lib. 2. de instit. cap. 46. dub. 6. num. 45. & 46.* loquens expresse non solum de legislatore humano, sed etiam diuino: & affirmans, si nolis illis parere in rebus minimis, ut ostendas eorum minima præcepta te parui facere, non esse mortale. consentit Thomas Sanchez *lib. 1. in Decal. cap. 5. n. 11. & 13. fin. in legislatore humano, secus in diuino.*

6 Dico igitur primò formalem contemptum Dei, seu de Deo indignam æstimationem habere, aut illam aliquo signo ostendere, semper esse mortale; continet enim tacitam blasphemiam. in hoc omnes conueniunt, Suar. *num. 23.* Bonacina *disput. 2. de pecc. quæst. 3. p. 5. num. 10.* Salas *de legib. disput. 10. sect. 8. num. 38.* Idem est si nolis Deo in re leui obedire, ne illum solatio afficias, neue eius beneplacitum facias; est enim actus odij, grauiusque iniuria, & ostendit satis animum deprauatum. sic Ioan. Sanch. *disput. 7. sect. 8. num. 13.* Suar. *lib. 3. cap. 28. num. 23.*

Dico secundò, formalis contemptus diuini præcepti etiam leuissimi, & cuiusvis consilij est semper mortale. Thom. Sanch. *suprà num. 11. fine.* Ratio est, quia tacitè ipsum Deum despicias, cuius præcepta, consiliaue contemnis. Item si præcepta diuina, & consilia contemnis, quia vana, & inutilia, nemini esse potest dubium esse grauius peccatum, ut ipsemet Leonardus fatetur. Suar. *lib. 3. de legib. cap. 28. num. 22.* sed non videtur esse posse circa illa alius formalis contemptus. Dicere namque te illa contemnere, eo quòd vis ostendere te illa parui facere, non satisfacit. Rogo enim in quo stat te velle ostendere, parui facere præcepta diuina leuissima, seu consilia. Non enim consistit in eo quòd illa transgrediaris; quia velle ostendere te transgredi præceptum diuinum, non est contemptus formalis: aliàs quoties te laudas de peccato commisso, vel vis peccatum committere in præsentia aliquorum, dicereris præcepta diuina formaliter contemnere, quod non est concedendum. Neque etiam stare potest in eo, quòd velis ostendere præcepta illa leuia necessaria non esse ad salutem, & multo minus consilia: nam hoc est verissimum, & in hac ostensione contemptus esse non potest; contemptus enim non est, quoties est vera rei æstimatio. Restat ergo, ut contemnens præcepta, vel consilia diuina, illa contemnas ut vana, & inutilia, vel saltem ut minus vtilia, minusque conuenientia, quàm de facto sunt: sed hoc, meo iudicio, continet tacitam blasphemiam, derogat enim æstimationi debita præceptis diuinis, & consiliis. Ergo est peccatum mortale.

Dico tertio, contemptus legislatoris humani, quatenus legislator est, seu violatio cuiuscumque legis, præcepti, & consilij ipsius, ex tali contemptu semper reputo esse peccatum mortale, non solum in graui materia, ut ferè omnes dicunt, sed etiam in leui. Ratio est, quia esse rem leuem, quæ tibi imperata est, non obstat, quominus tibi imperetur ex eadem potestate, qua imperatur

tur res gravis. Ergo si ex contemptu huius potestatis præceptum leve violas; ita graviter peccas, ac si violas præceptum grave. Item potestas imperandi tibi rem leuem, à Deo dimanat, sicuti dimanat potestas imperandi rem gravem. Ergo eum illam contemnens, bonum ipsius Dei contemnis. Ergo Deo irrogas iniuriam; tacite enim Deum temnis, temnendo eius potestatem: hac enim ratione dixit Christus Lucæ 10. *Qui vos audis, me audis, & qui vos spernit, me spernit.* ita Bonacina num. 10. Suarez num. 24. & in hoc sensu explicari potest, quod dixit Augustinus relatus in cap. unum orarium, distinct. 25. §. *hinc autem*, nullum scilicet esse peccatum veniale, quod non fiat mortale, si placet; quando placet, inquam, ex legis contemptu: sic explicat Sanchez lib. 1. cap. 5. num. 16. vel quando placet ex contemptu Dei, ut explicat Suarez num. 23. fin. Verum si superior temnatur, non quatenus superior est, sed quatenus est infimæ sortis, indoctus, imprudens, & ex huiusmodi contemptu nolis ei obedire in re levi, non erit peccatum mortale, quia tunc non contemnitur formaliter eius potestas, contemnitur enim eius persona ob defectus, quos habet: potest ergo huiusmodi contemptus venialis esse, sicut & murmuratio, & detractio. Item si ex indignatione levi, & pravo aliquo affectu, erga superiorem nolis illi obedire in re levi, non est mortalis talis inobedientia, neque talis indignatio, & pravius affectus charitatem graviter lædit, ut tenet Lessius num. 46. Sanchez num. 12. Bonacina num. 13. Ergo neque etiam supradictus contemptus superioris lædit graviter reverentiam illi debitam. & ita tenet Sanchez in sum. lib. 1. cap. 5. num. 8. 12. & 13. Suarez de legib. lib. 3. cap. 28. num. 24. Lessius num. 46. Bonacina num. 10. & 12. Castro lib. 1. de leg. penal. cap. 5. conclus. 2. Ioann. Sanchez disp. 7. select. num. 13.

Ex qua doctrina infert Bonacina num. 11. excusari à mortali clericos seminarii, vel aliorum collegiorum, nolentes obedire suis præfectis, ex quodam ipsorum contemptu, quia tales præfecti veram potestatem non habent, nec verè superiores sunt, & sic potius videntur contemni, ut particulares homines, quàm aliquas ipsorum imperfectiones, quàm ut superiores.

Dico ultimò contemnere alias personas, quæ superiores non sunt, aliquando est mortale, aliquando veniale pro materiæ gravitate, vel leuitate; cum enim peccatum hoc iniustitiæ sit, recipit magis, & minus: colligitur ex Doctoribus supra relatis.

§. III.

An peccatum veniale fieri possit mortale ratione periculi.

- 1 *Esse peccatum mortale, si sit occasio proxima illius.*
- 2 *Quod sit periculum proximum peccandi.*
- 3 *Propositum triplex agitata questio.*
- 4 *Propositum committendi omnia venialia esse mortale.*
- 5 *Refellitur supradicta sententia.*
- 6 *Solvitur fundamentum num. 4. positum.*
- 7 *Qui dicant non esse licitum ob ullam causam se periculo peccandi exponere, & quomodo probent.*
- 8 *Exponitur quomodo liceat se periculo peccandi exponere.*
- 9 *Solvitur fundamentum num. 7. adductum.*
- 10 *Quid dicendum de accessu ad predicandum Evangelium infidelibus, & conversionem meretricibus cum periculo peccandi?*
- 11 *Infertur parentem posse alere filios ex concubina domi rentis, chirurgum mederi verenda femina, custodem carceris ministrare cibaria femina incarcerata.*
- 12 *Neque filiusfamilias tenetur parus domum deserere, neque scribas officium relinquere.*
- 13 *Item parochus non debet officium parochi deserere.*

- 14 *Quid de domino, cui debet concubina centum aureos?*
- 15 *Absolvendum sapè esse qui est in occasione proxima peccandi, si proponit non peccare, affirmavit Ioann. Sanch. & refellitur.*
- 16 *Si cessat periculum, tamen si non cesset occasio, absolui potest.*
- 17 *Si non tenetur penitens occasionem deserere, absolui potest.*
- 18 *Si tamen tenetur, non debet Confessarius absolvere, quin prius penitens occasionem fugiat, tamen si semel, vel iterum possit.*
- 19 *Quæ dicta sunt procedunt tam in vero peccatore, quàm in eo, qui sic reputatur.*

1 **C**onstat apud omnes non solum peccatum veniale, sed etiam rem de se indifferentem fieri mortalem; si occasio moralis, & proxima tibi sit incidendi in mortale. Ratio est manifesta, quia eodem præcepto, quo teneris peccatum mortale non admittere, teneris & proximum illius periculum vitare, quia si non euitas, cum possis, convinceris sanè amare peccatum illud, cuius amas periculum. sic Suarez tom. 5. in 3. p. disp. 18. sect. 3. num. 16. Ex quo fit te obligatum esse in confessione manifestare peccatum cum omnibus suis circumstantiis, cuius periculo te exposuisti: sic Alcozer sum. cap. 20. fol. 74. Thom. Sanchez lib. 1. in Decalog. cap. 8. num. 4.

2 Illud autem dicitur periculum proximum, & mortale peccandi, quod frequenter ad peccatum inducit, vel attenta tua fragilitate te in peccatum inflectit, & passim sese offert: sic Suarez 4. tom. in 3. p. disp. 32. sect. 2. ad finem. Nauarr. sum. cap. 3. num. 14. Thom. Sanch. lib. 1. in Decalog. cap. 8. num. 1. Neque ad hanc occasionem, & periculum proximum requiritur domi concubinam habere, si alibi habeas pro tua voluntate, liberque tibi sit aditus ad illam, ac si tecum habitaret, sicut lenones solent efficere, ut liberiùs absque metu iudicis concubinariam vitam transigant. sic Ioann. Sanchez disp. 10. select. num. 3. Neque necesse est peccatum esse opere consummatum, sufficit esse solum in voluntate, ut tenearis occasionem illius vitare, quia iam illud est peccatum mortale: quare si domi retines feminam, ex cuius præsentia moveris illam lascivè desiderare, ab eius confortio te debes separare. sic Grassi 1. p. decis. lib. 1. cap. 26. num. 16. Nauarr. in sum. cap. 3. num. 23. Chapiau tract. de casib. reservat. in examine confessar. fol. 386. Ioann. Sanchez num. 13.

Dixi, si te frequenter ad peccatum inducit; nam si semel, aut iterum peccasti, pluries verò restitisti, non videtur occasio proxima, & moralis peccati. sic Ioann. Sanchez disp. 10. select. num. 17. cum Anton. Fernand. in instruct. confessar. document. 6. num. 1. fol. 29. & colligitur ex Nauarr. sum. cap. 14. num. 42. vers. decimo nono, ubi requirit ad hoc ut tactus dicatur peccatum mortale, ut quasi semper mortaliter peccare faciat personas, quæ sunt eiusmodi qualitatibus.

3 Triplex est pro intelligentia huius materiæ tractanda questio. Prima, an sit occasio proxima peccandi mortaliter, propositum committendi quodcunque veniale, quod se tibi vitale obtulerit? Secunda, an ita malum sit te exponere periculo peccandi mortaliter, ut nulla ratione honestari possit? Tertia, an existens in periculo peccandi, ex eo quod proponat non peccare, quin se à tali periculo removeat, possit, & debeat absolui.

4 Circa primam questionem Thom. Sanchez lib. 1. in Decalog. cap. 5. n. 4. & Bonacina disp. 2. de pecc. q. 3. p. 5. n. 17. affirmant propositum committendi omnia venialia, quæ se tibi obtulerint, esse peccatum mortale. Mouentur, quia peccata venialia ad mortale disponunt, ut tradit S. Thom. ab omnibus receptus 1. 2. q. 83. art. 3. & colligitur

gitur ex Ecclesiast. 18. *Qui spernit modica, paulatim decider.* Ergo qui illa vult committere, in manifestum periculum committendi mortale se exponit: ergo peccat mortaliter. Additque Sanchez non solum propositum generale committendi omnia venialia, quæ se tibi obrulerint, mortale esse, sed etiam propositum committendi omnia venialia in materia periculosa, vt luxuriæ: nam si in hac materia habeas propositum admittendi confabulationes, aspectus, tactus, quoties solum venialia fuerint, peccas (inquit) mortaliter, eo quod certum libidinis mortalis periculum sit.

5 Verum supradicta sententia mihi semper difficilis apparuit. Fateor namque habentem longo tempore propositum committendi venialia quæcumque, meritò timere posse esse à Deo despiciendum, & relinquendum in mortale incidere: at ex vi talis propositi, præcipue si longo tempore in illo non perseuerat, non credo esse in peccato mortali. Moueor primò, quia peccata venialia, etsi ad mortale disponant, non disponunt proximè, & moraliter, sed remotè, cum sæpè videamus homines, qui de fugandis venialibus nihili curant, mortale non committere. Ergo venialia de se non sunt dispositio proxima mortalis. Ratio est, quia licet venialia peccata animum labefactent, & charitatem refrigerent, hominèque in interitum adducant: at propositum non committendi mortale, exercitiūve operum pietatis, & religionis detinent, firmumque reddunt animum, ne corruat; quod enim ex vna parte deperditur, alia via reparatur. Secundò propositum faciendi venialia, ideo esse potest peccatum mortale, quia est propositum periculi, & occasionis proximæ committendi mortale; sed hac ratione esse non potest. Ergo ex nullo capite esse potest mortale. Probo minorem. Vel illud morale periculum, & occasio proxima committendi mortale consistit in omnibus venialibus simul sumptis, vel in aliquibus? Non in aliquibus tantum: aliàs propositum committendi aliqua venialia in qualibet materia diceretur esse propositum committendi mortale, quod est plusquam falsum: præterquam quod signari non possit, quæ venialia hæc debeant esse. Neque etiam consistere potest hoc periculum in omnibus venialibus simul sumptis, cum nunquam dari possit casus, in quo hæc committantur. Ergo propositum illa committendi, non est propositum alicuius periculi, & occasionis moralis, quæ de facto esse possit. Tertiò ex opposita sententia sequeretur quemlibet obligatum esse sub graui peccato vitare aliqua venialia; nam si omnia sunt occasio proxima mortale committendi, & quilibet tenetur non se exponere occasione proximæ committendi mortale, efficitur teneri peccata aliqua vitare. Rogo ergo, quot, & quæ hæc sint? Certè signari non poterunt. Item nostra salus non consisteret solum in obseruatione præceptorum obligantium sub mortali, sed etiam in obseruatione præceptorum obligantium sub veniali, siquidem vitatio venialium, ad vitiationem mortalis necessariò requiritur. Tandem tenetur quis ad contritionem habendam, non solum conteri de mortalibus, sed etiam de venialibus, utpote illorum dispositionibus proximis, quæ certè concedi non debent; sed potiùs concedendum est propositum non vitandi venialia compati posse cum proposito firmo non admittendi mortale.

6 Ex his solum manet argumentum adductum in fauorem Thomæ Sanchez. Fateor namque propositum committendi venialia disponere ad mortalia, sicut & quodlibet aliud veniale disponit. Non

Ferd. de Castro Sum. Mor. Pars I.

enim dubium est veniale ex indeliberatione ad mortale deliberatum disponere; & veniale ex paruitate materiæ, ad graue eiusdem, furtum enim leue disponit ad furtum graue; sed non quia veniale disponit ad mortale, te constituit in magno, & aperto, vel probabili periculo illius, ac proinde non efficitur mortale ratione periculi præuisi, vt optimè notauit Salas 1. 2. tom. 2. *quæst.* 88. *tractat.* 13. *disputat.* 16. *sect.* 23. *num.* 67. *fine.* Quare solum propositum committendi illa venialia, quæ occasiones proximæ fuerint mortalis peccati, erit mortale, vel propositum committendi illa venialia, quæ simul sumpta mortale constituunt, vt si proponas multa furta committere in parua quantitate, licet enim quodlibet furtum per se leue sit: at coniunctum cum aliis non leue, sed graue est, vt statim dicemus. Extra huiusmodi casus propositum committendi venialia, non est peccatum mortale, vt tenet Salas *disputat.* 16. *sectio.* 26. *num.* 84. §. *sed auctores.*

7 De secunda quæstione non desunt Doctores, qui affirmant ob nullam causam temporalem, licitum esse te exponere certo, vel probabili periculo peccandi, docet Lorca 2. 2. *sect.* 3. *disput.* 28. *num.* 9. affirmans ob bonum spirituale proximi non licere tibi exponere tali periculo. Grassi in *decisionib.* lib. 1. *cap.* 28. Ludouicus Lopez 1. *part. instruct.* *cap.* 21. §. *ad secundam rationem,* & *cap.* 21. §. *tertium notabile,* & *collario ultim.* & alij. Mouentur, quia bona spiritualia, cuilibet temporali bono præferenda sunt. Ergo præferendum est periculum lapsus quolibet alio bono. Ergo ob conseruationem famæ propriæ, vel alienæ non poteris te exponere peccandi periculo. Item si tua, & alterius salus periclitatur, non erit legitimus ordo charitatis, si tuam deferas, & alienam respicias: deferis autem, si ob vitandum alterius peccatum te peccato exponas. Ergo non erit tibi licita talis expositio.

8 Nilominus communis, veræque sententia docet licitum esse ob grauem, honestamque causam te periculo peccandi exponere, vel si iam expositus es, periculum non deferere. docet Nauarrus *summ.* *cap.* 3. *num.* 14. Suarez 4. *tom. disput.* 32. *sect.* 1. *circa finem.* Thomas Sanchez lib. 1. in *Decalog.* *cap.* 8. *num.* 3. Emanuel Saa verbo *peccatum,* *num.* 6. Salas 1. 2. *quæst.* 6. *artic.* 6. *tractat.* 3. *disput.* 3. *sect.* 1. *num.* 31. §. *inferunt aliqui, circa finem.* Basilus de Leon lib. 5. *de matrim.* *cap.* 35. *num.* 4. Ioannes Sanchez innumeros reficiens, & videtur expressè tradi in *cap. consultationi. de frigidis,* vbi permittuntur coniuges, quorum matrimonium ob impotentiam est irritum simul habitare, vt fratres. At constat apertè ex tali cohabitatione periculum tactus necessariò esse. Ergo ob rationem vrgentem, scilicet, ne detur scandalum periculum peccati permittitur. Ratio huius conclusionis est manifesta; quia periculum peccati, non est peccatum formaliter, sed solum occasio illius. Ergo potest aliqua ratione honestari. Item in tantum periculum peccati, peccatum est, in quantum est tibi integrè voluntarium, seu in quantum censeris illud gratis amare: at si vrgente aliqua occasione illud suscipis, non tam dici potes amare periculum, quàm illud subire, prout egregiè docuit Basilus in *constitut. monastic.* *cap.* 4. *pag.* 489. vbi inquit, qui vrgente aliqua causa, & necessitate se periculo obicit, vel permittit se esse in illo, cum tamen aliàs noller, non tam dicitur amare periculum, quàm inuitus illud subire, & ideo magis prouidebit Deus ne in illo pereat.

9 Neque obstat ratio in contrarium adducta. Fate-mur namque bona spiritualia cuilibet temporali bono

H præfe

præferenda esse, non tamen inde sequi vitiationem periculi peccati præferendam esse cuilibet alio damno temporali certo, quia periculum peccati non est peccatum in se, nisi quatenus sine necessitate amatur, neque etiam inducit necessariò peccatum: aliud damnum temporale est certum, & inevitabile, ut supponimus. Ergo hoc est præferendum illi.

Ad secundum respondeo, si salus alterius, æquè ac tua periclitatur, concedo te non teneri tuam periculo exponere. At si alterius salus necessariò periclitatur, tua verò solùm contingenter, ut contingit, quando infans existens apud infideles moriturus est sine Baptismo, si tu non accedis: at si accedis, timere potes subuersionem; existimo certè non solùm te posse, sed etiam debere te illi periculo exponere ob infantis salutem. Non enim infans spoliari debet iure suo, quod habet ad Baptisimum ob infidelium malitiam, vel fragilitatem baptizaturi: & ita tenet Bannes 2.2. *quæst.* 16. *art.* 5. §. & si *quæras*. Azor 2. *tom.* lib. 1.2. *cap.* 4. *ante finem*. Valentia 1. *tom.* 3. *disput.* 3. *quæst.* 4. *fol.* 658. Suarez de *charitate*. *disput.* 9. *sect.* 2. *num.* 3. plures referens Ioann. Sanchez *disput.* 10. *selectar.* *num.* 9. Neque obstat locus ille Christi Domini Matth. 16. Marc. 8. Lucæ 9. *Quid prodest homini, si uniuersum mundum lucretur, anima vero sua perit: nuntium patitur: aut quam dabit homo commutationem pro anima sua?* Non enim sensus huius loci est, nihil prodesse homini lucrari totum mundum; si alicuius peccati periculo se exponat urgente causa, sed potiùs sensus est nihil prodesse homini lucrari totum mundum, si aliquod peccatum committat; peccatum enim est detrimentum animæ, non periculum peccati, quo stante peccatum vitari potest.

20 An verò possis ad infideles accedere gratia illos conuertendi cum periculo subuersionis, & ad prædicandum metetricibus cum periculo peccandi? Mihi probabilius multo est te posse, quia tunc est sufficiens causa honestandi tale periculum, cui tu te exponis: neque censendum est tunc fore verè periculum, sed diuino auxilio factià vincendum: & ita docet D. Thomas 2.2. *quæst.* 10. *art.* 9. *in fine corporis*. Salas 1.2. *tractat.* 8. *disput.* unica. *sect.* 5. *num.* 60. §. *ad secundum argumentum*, & late pluribus relatis 1. *tom.* 2. *quæst.* 74. *tract.* 13. *disput.* 6. *sect.* 17. *num.* 105. & 106. & Sotus lib. 5. de *iust.* *quæst.* 1. *art.* 6. *in fine* 2. *concl.* Ioan. Sanchez *disput.* 10. *select.* *num.* 8.

21 Ex his infero primò, posse, imò teneri parentem alere filios ex concubina, qui nec separari possunt à matre, neque alia via possunt victum quærere, etsi periculum habeat lapsus cum concubina. sic Ioannes Sanchez *suprà* *num.* 9. *circa medium*. Item chirurgus potest verenda fœminæ curare cum periculo consensus: idem est si aliqua fœmina inclusa sit in aliquo secreto loco, ut sit in carceribus, inquisitionis, ad cuius sustentationem solus custos carceris occurrat, potest officium exercere, etsi periculum habeat peccandi cum illa, si alius non sit per quem cibaria ministret. Ratio omnium est, quia damnum, quod proximiè euenit ex omissione harum actionum, est graue, & inevitabile: damnum autem, quod tu incurris, vitare potes auxilio Dei, quod non deerit, præcipuè cum non tua voluntate, sed ob eius beneplacitum in tale damnum, hoc est, periculum peccandi incideris.

22 Infero secundò, filium familiæ non teneri domum patris deferere, in qua adest occasio peccandi, nec mercatores, & scribas ab officiis propriis abstinere, etsi in illis habeant occasionem peccandi: quia tunc non est illis voluntaria occasio, sed inuiti in illam incidunt, quam cum graui detrimento vitare nequaquam tenentur. ita Nauarr. *summ.* *cap.* 3. *num.* 4. Grassi lib. 1. *decis.* *cap.* 28. *num.* 25. Anton. Fernand. *instruct.* *con-*

fessar. *document.* 6. Ioannes Sanchez *disput.* 10. *num.* 10. & 11.

23 Infero tertio, neque parochum esse obligatum deferere officium, etsi experiatur voluntariè pollui occasione desumpta ex auditu in confessione; sufficit enim si proponat firmiter amplius non consentire: at Confessarius qui liberè confessiones audit, & faciliè potest illas fugere, tenetur fugere, ne se periculo exponat, quia ob opus consilij non grauitè necessarium, non debet peccandi periculo se exponere. Dixi, si faciliè potest: nam si ex desertione officij confitendi, sequitur aliqua nota honoris, & famæ Confessarij, non debet abstinere: in his consentit Ioann. Sanchez *suprà* *disput.* 10. *num.* 18. cum Lopez 1. *part.* *instruct.* *cap.* 25. §. *per hoc vlt.* Nauarr. *summ.* *cap.* 3. *num.* 26.

24 Tandem infero Ioannes Sanchez *num.* 20. non teneri dominum expellere domo concubinam, cui dedit mutuos centum aureos, quorum recuperandorum spes nulla est, si illam è domo expellat: neque econtra ipsam teneri à domo exire, si exiens non recuperatura est, quæ sibi debentur. Verùm huiusmodi illationem non faciliè admitterem; pensanda enim est occasio: si enim diuturna sit, & grauitè moueat, censere amittendum esse debitum, ex cuius amissione non graue damnum tibi veniat. Nam quilibet tenetur salutis propriæ consulere etiam cum aliquo temporali detrimento.

25 De tertia quæstione, an debeat absolui, qui est in occasione proxima peccandi, ex eo quòd proponat firmiter non peccaturum? Ioannes Sanchez *illa disput.* 10. *num.* 4. ausus est affirmare non solùm semel, sed ter, & quater posse absolui, & loquitur, quando liberè potest occasionem deferere, adducit pro sua sententia aliquos Doctores: qui in casu occasionis proximæ nihil minus dicunt, præcipuè adducit Suarez 1. *tom.* 4. de *pœnitent.* *disput.* 32. *sect.* 3. *num.* 3. qui dicit posse pœnitentem absolui, antequam exequatur id, quod facere teneretur: quia satis est habere firmum propositum suam obligationem implendi, cui credendum est, præsertim, si tunc primùm incidit in eam occasionem, & non est inuentus infidelis, seu inconstans in similibus propositis, neque ex aliis coniecturis potest talis suspicio probabiliter concipi: ex eo igitur, quod dicit *præsertim*, infero Sanchez sentire Snarium posse ter, aut quater absolui: quis non videat, quàm leuiter inferat, & quàm iniuste, cum potiùs inferri debeat secunda vice non esse absoluendum, si iam inuentus fuit infidelis, & inconstans in similibus propositis: imò si Ioannes Sanchez vellet attendere Snarium, paulò inferiùs vidisset non esse absoluendum ter, vel quater. Aliquando, (inquit Suarez,) oportet remittere pœnitentem, & illum non absoluerè, donec suam obligationem impleat; præsertim, quando iterum, atque iterum illam confessus est, & implere promisit, neque impleuit, quia aliàs relinquitur in morali occasione peccandi, & eius propositum moraliter non potest iudicari efficax, quandoquidem conuincitur esse in magna mora & posse, & non facere: quapropter oportet Confessores in hoc esse cautos, & constantes, ne grauentur peccatis alienis: quod notauit Caietanus *verbo restitutio*, *cap.* 6. & Anton. 2. *part.* *tit.* 2. *cap.* 8. Nauarr. *cap.* 17. *num.* 54. & *cap.* 26. *num.* 5. hæc Suarez. Quid ergo clariùs dici posset?

26 In hac ergo re primò certum est: si iam res sint mutata, ita ut censi moraliter possit occasionem peccati cessare, sine dubio absoluendus est: hoc contingit, cum puella deformis facta est: sic Grassi lib. 1. *decis.* 1. *part.* *cap.* 28. *num.* 9. Ioan. Sanchez *disput.* *illa* 10. *selectar.* *num.* 12. vel si cognatio inter ipsos esset suborta, quæ

quæ ab ipsis contemni non creditur, aut noua alia inter sunt obstacula. Sanchez *suprà*, cum Ludouic. Lopez 1. part. instruct. cap. 2. in princ. Anton. Fern. in instruct. confess. docum. 6.

17 Dico secundò, in casibus, in quibus pœnitens non tenetur fugere occasionem peccandi, eodem modo debet Confessarius cum illo procedere, ac procedit cum habente consuetudinem iurandi falsò, vel murmurandi, vel se polluendi; sicut enim hos absoluit, quoties intelligit firmum se emendandi animum habere, ita absolvere debet occasione ligatum. Expediet tamen (vt bene aduertit Suarez *suprà* num. 4. Reginaldus tom. 2. praxi, lib. 8. num. 19. Grassis 1. part. decis. lib. 1. cap. 28. num. 23. Nauarr. summ. cap. 3. num. 21. Coriolanus de casibus reservatis, fol. 76. Lopez 1. part. instruct. cap. 2. §. tertium notabile,) videre an aliqua emendatio sit: nam si nulla apparet, differenda erit absolutio; non quia necessariò sit differri, si de firmo proposito probabiliter constat, sed vt illo intermedio tempore se amplius disponat, aliquàmque pœnitentiam faciat: quando autem nulla adest emendatio, sed fortè maior in dies peccatorum numerus augetur: satis certò potest Confessarius inferre non habere pœnitentem rerum propositum se emendandi; quia in peccatum graue non ita faciliè labitur quis, quando illud ex animo execratus est, maiorique diligentia se præcauet, quidquid in contrarium sentiat Ioan. Sanchez *suprà* num. 16.

18 Dico tertio, quando pœnitens tenetur deferre occasionem peccandi: etsi possit Confessarius semel, aut iterum absolutionem concedere, antequam de facto expellat, eo quòd fudit expulsurum: rarò tamen illam concedere debet, sed potiùs cogere pœnitentem, vt à se peccati periculum expellat, & sic liberum velit absolui. Moueor ad id affirmandum experientia magistra: rarò enim pœnitens (præcipuè si ex illis est, qui semel in anno ad confessionem accedunt) occasionem expellit iam absolutus; sed iterum eisdem, & grauioribus peccatis se implicat, & Confessarius non solum officium iudicis, sed Medici debet exercere, circa pœnitentem: ac proinde esto iudicet esse ritè dispositum ad absolutionem ratione firmi propositi, quod de præsentis habet, ideòque possit ex officio iudicis illi absolutionem concedere: at ex officio Medici tenetur medicamentum apponere, quod videt esse vnice necessarium ad præcauendum futura peccata, timere enim iussè potest, non fore remouendam occasionem, si absolutionem non remota occasione concedat. In hac conclusione à fortiori conueniunt Doctores affirmantes, nec prima vice concubinarium esse absoluedum, quin priùs expellat concubinam: hi sunt Rodriquez tom. 2. summ. cap. 46. num. 17. Nauarr. cap. 16. num. 20. Anton. Fernand. instruct. confess. document. 5. num. 4. fol. 32. Margarit. confessor fol. 30. Chapiauil de casibus reservatis in fine, fol. 386. Syluester verbo concubinarium, quest. 2. & certè meo iudicio videtur ferè decisa hæc controuersia à D. Augustino in cap. satisfactio, de pœnitent. dist. 3. ibi, satisfactio pœnitentia est peccatorum causas excidere, neque earum suggestionibus aditum indulgere: & ibi gloss. verbo causas, ait, vitiorum radicem, nec sufficit ramos incidere, & opportunitates, vel occasiones peccandi, & cap. valet interdum, 9. dist. 81. ibi, Congruum est enim inde corporaliter auelli, vbi quisque illecebris deseruiuit. & cap. legatur, 24. quest. 2. Gelasius Papa admonet Faustum, absoluedos non fore, qui in errore, & occasione peccandi sua culpa immergi sunt.

19 Dico vltimò idem quod dictum est de vero concubinario, dicendum esse de eo, qui ita est in hominum opinione, ac proinde eodem modo esse, vel non esse absoluedum: quia quilibet tenetur non solum à se re-

mouere occasionem peccandi, sed quæ talis existimatur esse ob scandalum. Syluester verbo concubinarium, quest. 2. Nauarr. summ. cap. 3. num. 10. & cap. 16. num. 20. Grassis lib. 1. decis. 1. part. cap. 28. num. 8. Chapiauil tractat. de casibus reservatis in examine confessoriorum, qui habetur in fine libri, fol. 386. Ioannes Sanchez disput. 10. selectar. num. 15. Villalobos summ. tractat. 21. difficult. 25. num. 4.

§. IV.

An peccatum veniale fiat mortale, si sæpiùs multiplicetur, & quid de scandalo.

- 1 Ex sola multiplicitate nullum peccatum veniale fit mortale.
- 2 Proponuntur aliqua in contrarium.
- 3 Soluuntur supradicta.
- 4 Peccata, quæ vniuntur in aliquo tertio, fieri possunt mortalia, si multiplicentur, secus si nullam habeant unionem.
- 5 Comedens sæpè die ieiunij, tametsi singulis vicibus parum, violare grauius potest ieiunium, secus si pluribus distinctis diebus.
- 6 Intemperanter comedens peruenire potest ad mortale peccatum.
- 7 Laborans die festo pluries, tametsi singulis vicibus parum, violare potest festum.
- 8 Quid dicendum de eo, qui causa est, vt plures modicum quid accipiant die ieiunij, vel modicum laborem die festo.
- 9 Quid de omitte singulis diebus orationem Dominicam recitare, quam tenetur ex voto.
- 10 Quid si plura leuia vota violes eodem die. Proponitur prima sententia se peccare mortaliter.
- 11 Probabilius est oppositum.
- 12 Respondetur fundamentis num. 10. adductis.
- 13 Si peccatum de se veniale grauius proximum scandalizat, peccatum est graue. Reliqua de scandalo remittuntur tractanda tract. de charis.

1 **C**ertum est apud omnes Catholicos, nullum peccatum veniale ex genere suo fieri mortale ex sola multiplicatione: quare si verbum otiosum est solum peccatum veniale, etiam si sæpiùs multiplicetur, veniale semper constituet, & idem est de alijs peccatis. Ratio est manifesta: quia multiplicatio non constituit actum in alia specie, neque augeat peccati grauitatem intensiuè, sed solum extensiuè, hoc est, plura peccata eiusdem rationis constituit: vt bene probat Suarez lib. 3. de legibus, cap. 28. num. 9. Azor lib. 4. instit. moralium, cap. 9. quest. 11.

2 Contrarium huius conclusionis videtur docere Vasquez 1. 2. quest. 96. disput. 158. cap. 6. num. 60. vbi ait, transgressionem legis frequentem esse mortalem, quia notabiliter læditur finis legislatoris, etsi aliàs venialis esset. Et confirmari potest in religiosis, quorum regulæ communes non solent ad culpam grauem, imò neque leuem obligare, quas tamen si passim transgrediantur, peccant lethalius, eo quòd videantur illa contemnere, & periculo transgrediendi vota exponi. tradit Abbas cap. nam concupiscentiam, num. 4. & 5. de constitut. & ibi Felin. num. 11. in fine. Syluest. religio, 1. quest. 12. dist. 4. Valentia 2. 2. disput. 10. quest. 4. punct. 5. versic. atque ita est.

3 Verùm hæc non obstant, quominus verissimum sit ex consuetudine, & multiplicatione venialis ex genere nunquam fieri mortale: quia finis legislatoris eodem modo læditur actibus repetitis, ac si repetiti non essent; quia, vt suppono, illi actus non vniuntur inter se, neq; in

H 2 obie

obiecto, & consequenter non est, unde mortale peccatum possunt constituere. Exemplum autem de religioso nobis non contradicit. Fatemur namque, si ex transgressione plurium regularum ad culpam non obligantium exponeretur religiosus periculo transgrediendi vota, ob periculum esse mortale: ac non video qua ratione huic periculo exponatur. Nihilominus tamen credo peccatum mortaliter, non ob supradictum periculum, sed ob scandalum aliorum, & specialem religionis ruinam, quæ sine dubio oriretur ex illo tepido, & defectuoso procedendi modo; quis enim dubitare potest religiosum, qui passim silentium violaret, cubacula ingrederetur, epistolas sine licentia scriberet, & hæc paruipenderet, scandalum fore aliis religiosis, & ruinam religioni non mediocrem allaturum, & tanquam pestem esse omnino à cætu, & communicatione aliorum excludendum: ergo peccat mortaliter, si hæc faciat, vel propositum habeat ea faciendi, quia religiosus teneretur sub mortali ita viuere, & mores suos componere, ut merito in religione sustineri possit: ita tradit aliis relatis Thomas Sanchez *lib. 6. in Decal. cap. 4. n. 18. & seqq.*

4 Quod si de peccatis venialibus, quæ ex paruitate materiæ talia sunt, loquamur, distinguendum est; alia enim inter se, & in ordine ad aliquem tertium, seu obiectum vniuntur, alia verò non. Quæ in aliquo tertio non vniuntur, qualia sunt iuramenta vera, sed indeliberata, hoc est, iudicio carentia, quantumvis multiplicentur, semper retinent eandem malitiam. At peccata, quæ in aliquo tertio vniuntur, ita accrescit eorum malitia ex multiplicatione, ut peccatum, quod aliàs veniale foret, mortale sit ob peccata venialia, quæ iam facta supponit. Explico conclusionem. Furaris à Petro nummum regalem, committis peccatum veniale, reperis furtum aliquoties, sine dubio deuenies ad furtum; quod verè peccatum mortale sit: non quia ex venialibus peccatis, mortale aliquod fiat; sed quia illud peccatum furti, quod aliàs veniale foret, si alia furta facta non supponeret, sit mortale: quia illo furto completur damnum notabile, quod verè tale esse iudicatur: quod clarissimè constat, quando rem acceptam retines; pono enim quantitatem sufficientem ad peccatum mortale esse quatuor nummos argenteos; accepisti tres, si postea vnum, vel duos accipias, quis dubitat te peccatum mortaliter, cum duos accipis; siquidem verè es acceptor, & possessor grauis quantitatis alienæ: & idem est, etiam si de facto illos tres nummos argenteos non possideres, quia sufficit te possidere obligationem illa restituendi, quia hæc est possessio in virtute. Ratio est, quia materia præcedentium peccatorum venialium, vnitur moraliter cum materia huius ultimi peccati: ac proinde hoc furto ultimo voluntariè amplecteris totam illam materiam; siquidem intendis grauem quantitatem à Petro accipere, graueque damnum illi inferre. Quocirca quoties obiecta peccatorum venialium vniuntur, & moraliter vnum efficere, poteris peccando venialiter ad mortale peccatum peruenire. sic Vasquez *1. 2. disp. 146. cap. 2. Sanchez lib. 1. in Decal. cap. 4. num. 9. & 10. Bonacina disp. 2. de pecc. q. 3. p. 5. n. 10. Suarez lib. 3. de legib. cap. 18. num. 11.*

5 Ex his infero primò, te comedentem sæpius die ieiunij, violare ieiunium vltima illa comestione, quæ ad notabilem quantitatem peruenit; quia illa vltima comestio, etsi per se sumpta, leuiter temperantiam læderet: at ut coniuncta aliis, & illas supponens, grauiter lædit; moraliter enim illis coniungitur, & quasi esset simul cum aliis facta, reputari debet. ita Vasquez *supra, num. 4. & disput. 158. cap. 6. num. 60. Sanchez num. 11. & 15. Bonacina num. 27. Suarez lib. 5. de voto cap. 5. num. 12. Secus dicendum, si diuersis ieiunij die-*

bus parum aliquid comedas, vel propositum habeas parum aliquid singulis diebus comedendi, quia vnum ieiunium cum alio non continuatur, neque comestio vno die facta, cum alterius diei comestione. sic supradicti Doctores. Neque propositum fertur in omnes illas comestiones coniunctim sumptas, sed in omnes separatas, & singulis diebus debitas, & prout debite sunt: quæ cum solum sint debite sub peccato veniali, nunquam est propositum de mortali. ita docet optimè Suarez in simili *lib. 5. de voto, cap. 5. num. 16. & difficultas.*

6 Infero secundò, si intemperanter cibum sumas, & vltima comestione agnoscas tibi notabile damnum inferri: peccas mortaliter, quia iam amplecteris obiectum grauiter dissonum rationi; quod etsi secundum se graue non esset: at graue est redditum ob multiplicem præcedentem comestionem, sic Vasquez, Sanchez, & Bonacina *supra.*

7 Infero tertio te laborantem similiter die festo aliquoties, etsi singulis vicibus parum tempus consumas, peccas mortaliter, quando peruenis ad quantitatem notabilem, verbi gratia, duarum horarum: quia omnes illi labores moraliter vniuntur, & quasi in eodem tempore facti reputantur: siquidem verum est dicere te laborasse illo die festo ultra duas horas; secus verò, si per quadrantem singulis festis labores: quia tunc sicut festa diuersa sunt, ita & labores sunt diuersi, neque vnum cum alio continuatur. sic Sanchez *cap. 4. num. 12. Bonacina num. 25.*

8 Infero quarto, non peccatum mortaliter, qui eodem die ieiunij in causa est, ut plures modicum quid accipiant, & in die festo per breue spatium similiter laborent: quia actiones cuiuslibet personæ cum actionibus alterius nullo modo continuantur. sic Bonac. *n. 26. Sanchez n. 11. & 12.*

9 Infero quintò, quid dicendum sit, si omittas plures dies recitare orationem Dominicam, vel dare eleemosynam paruam, quam singulis diebus dare promissisti, an pecces mortaliter? Et quidem si in honorem illius diei, vel remedium alicuius necessitatis singulis diebus facta est promissio, cenfeo te non peccatum mortaliter, etsi pluries omittas; quia quilibet omissio non continuatur moraliter cum alia, neque vnum quid efficiunt: secus verò dicendum, quando intentio vouentis non determinat tempus, ut finiat obligationem, sed potius ut illam augeat: ut contingit in solutione debitorum, tempus enim præfigitur debito soluendo, non ut extinguat debita, si de facto non fiat solutio, sed ne ulterius protrahatur solutio; ac proinde adueniente termino, & debito non soluto, magis debitor est: quando autem hoc modo recitatio, vel eleemosyna promittitur, nemini est dubium posse peruenire ad aliquem diem, in quo omissio eleemosynæ, vel recitatio sit grauis, quia tunc non solum omittitur eleemosyna, vel recitatio illius diei, sed recitatio, & eleemosyna omnium dierum præcedentium, quæ debita tunc est, ac proinde est grauis. & ita tener Bonacina *disp. 2. de peccat. quest. 3. punct. 5. num. 23. Sanchez lib. 1. in Decal. cap. 4. n. 14. Suarez lib. 5. de voto, cap. 5. num. 29. & 10.*

Sed inquires, quando censetur vouens annexere obligationem ad diem, quando non?

Respondeo, quoties aliquod motiuum in singulis diebus relucet, quale solet relucere in recitando quotidie calculo virginico, nullo modo censetur vouens in diem sequentem prorogare obligationem: & in votis personalibus ita semper est intelligendum, dum aliud non constat, ut bene dixit Sotus *lib. 7. de iustit. quest. 2. artic. 1. col. 4. versic. conclusio ergo. Aragon 2. 2. quest. 88. artic. 3. paulo post principium, conclus. 3. Quapropter Suarez lib. 5. de voto, cap. 5. num. 12. & 13. & alibi sæpe, dicit*

dicat raro contingere in votis personalibus obligationem factam pro vno die in sequentem prorogari: in votis autem realibus facilius potest præsumi intentio prorogandi obligationem, eo quod videatur non solum attendi religiosum seruitium, sed etiam necessitatis alicuius remedium, quod semper habet eandem opportunitatem. Quapropter Medina 1.2. *quest. 88. art. 4. ad 4.* Petrus de Ledesma 2. *sum. summ. tractat. 10. cap. 3. dub. 1.* & multis relatis Garcia de *benefic. 3. part. cap. 1. num. 171.* sentiunt in votis realibus obligationem in sequentem diem semper prorogari; credo tamen sic præsumi, dum aliter non constat: constaret autem, si in honorem Virginis promissa esset elemosyna danda singulis Sabbatis, vel in eius festiuitatibus: non enim ad sequentes dies transiret, sed eodem modo iudicandum esset de tali elemosyna, ac de ieiunio tunc promisso.

10 Maior difficultas est, an pecces mortaliter, si violes plura vota eodem die, quorum quodlibet de re leui sit, & omnia simul grauem materiam constituent? Verbi gratia, promissisti Deo in honorem Virginis septies salutationem Angelicam recitare; alio voto in honorem passionis quinquies orationem Dominicam, & alio voto alias orationes in honorem alicuius Sancti, pecces ne mortaliter, si omnia hæc omittas.

Bonacina *disput. 2. quest. 3. punct. 5. num. 29.* existimat te peccaturum mortaliter, & idem tradit Sanchez *lib. 1. in Decalog. cap. 4. num. 16.* non solum in votis, quæ sunt eiusdem rationis, sed etiam in votis diuersis, vt si vno voto promissisti aliquas leues orationes recitare, & alio elemosynam, alio opus aliquod leuis charitatis. Mouentur primò, quia omnia illa vota eiusdem rationis sunt: obligant enim sub materia religionis. Ergo violans illa, violat virtutem religionis grauiter. Secundò per accidens est omnes illas orationes multiplici voto esse Deo promissas, poterant enim vnico voto promissæ esse. At si vnico voto promissæ fuissent, & de facto omitterentur, peccatum foret mortale: ergo etiam est mortale, quando multiplici voto fuerint promissæ. Confirmo. Si Petro magnam pecuniæ summam promississes promissionibus diuersis, quarum singulæ promissiones leuem materiam continerent; eodem modo peccares omittendo pecuniæ solutionem, ac si vnica promissione pecunia illa promissa sit, quia per accidens est promissam esse vnica, vel multiplici promissione: ita similiter in promissionibus Deo factis videtur dicendum, cum ad eius honorem, & cultum parum referat, multiplici, vel vnico actu omnes illas orationes promissas esse.

11 Verum et si supradicta sententia probabilis sit, mihi probabilior videtur opposita: nempe in supradicto casu non esse peccatum mortale, omissionem illorum votorum: ita colligitur ex Francisco. Suarez *lib. 5. de voto, cap. 5. num. 11. & 12.* vbi affirmat, si promissisti singulis horis eleuare mentem ad Deum, vel quoties Missam audires, nihil leue ex illa omittere, et si toto die non eleuares mentem ad Deum, & in pluribus Missis leue quid omitteres, nunquam te peccaturum mortaliter; & reddit rationem, quia vna materia cum alia non colligatur; secus verò si promississes recitare officium diuinum integrè, & in prima omitteres Psalmum, in tertia, & sic in singulis horis, quia omnes illæ horæ vnum officium diuinum constituunt, & omnes illæ omissiones in vnum adunantur. At in supradicto casu illa vota non vniuntur in aliquo tertio, sed quodlibet ex illis est separatam, & distinctum. Ergo violatio vnus non potest augere violationem alterius. Neque obstat illa vota vni in virtute religionis: nam etiam si promississes Dominicis singulis Dominicam orationem recitare, & multis diebus omitteres, non

Ferd. de Castro Sum. Mor. Pars I.

peccares; quia esto omnes illæ recitationes aduersus religionis virtutem sint, quia tamen inter se non vniuntur, ideo grauiter virtus religionis non læditur; sed omnia illa vota (et si sint vno die implenda) non tamen vniuntur inter se, sed ita distincta sunt, ac si quodlibet illorum quolibet distincto die præstandum esset. quod exinde probatur: quia quodlibet votum in specialem reuerentiam, & honorem alicuius Sancti, vel mysterij diuini factum est, in quo aliud votum non conuenit. Ergo sunt inter se omnino disparata. Ergo non peccas mortaliter, esto omnia illa omittas.

12 Ad rationem contrariam facile respondetur. Admitto omnia illa vota vni in virtute religionis, sed hæc vnio non sufficit, vt ex omissione illius grauitas alterius accrescat: debebant enim inter se vota vni.

Ad secundum respondeo impossibile esse vnico formali voto promitti, esto vnico actu omnes illæ orationes promitterentur; est enim ille actus virtualiter multiplex, & de re multiplex, sicuti est, quando vnico actu promittis singulis Sabbatis recitare salutationem Angelicam, quolibet enim Sabbato absoluitur promissum illius diei, neque vltra progreditur, neque recitatio vnus Sabbati cum recitatione alterius coniungitur: secus verò est in promissione pecuniæ homini facta, quæ cum in eius vtilitatem cedat, omnes illæ pecuniæ promissæ in huiusmodi finem, qui est immediatus, adunantur, siue vnica promissione, siue multiplici promissæ sint, siue vnico die præstandæ, siue multis diebus: at verò recitationes non vniuntur, cum quælibet cedat in honorem particularis Sancti, vel mysterij.

13 An peccatum veniale, vel opus indifferens mortale reddatur ob scandalum? Certum est reddi mortale, si enim tuo dicto, vel facto inducas ad peccatum mortale, peccas mortaliter, quia particeps es peccati alterius: & ita docet D. Thomas 1.2. *quest. 88. art. 5. corp.* & ibi interpretes, Toletus *lib. 3. sum. cap. 2. n. 3. in fin.* Suarez 5. *sum. in 3. part. disput. 18. sect. 3. num. 17.* Thom. Sanchez *lib. 1. in Decal. cap. 6. num. 11.* Vasquez de *scandalo, quest. 43. art. 8. dub. 2. num. 17. versic. vera autem.* Quæ autem ratione hoc contingat, & quibus modis scandalum mortale sit, cum opus sit tantum veniale, vel indifferens, latè dicemus tractat. de charitate, disput. de scandalo.

PUNCTUM X.

An libera complacentia, & delectatio de obiecto malo, quæque dicetur delectatio morosa absque proposito exequendi illud, sit peccatum mortale.

§. I.

Proponuntur aliqua certa.

- 1 Explicatur differentia inter delectationem de obiecto, & eius desiderium.
- 2 Delectatio de cogitatione obiecti mali, mala non est.
- 3 Idem est dicendum, si delecteris de modo aliquo mirabili, & artificioso.
- 4 Limitantur supradicta.
- 5 Quomodo cognoscendum sit, procedat ne delectatio ex artificio, ex cogitatione, vel ex obiecto malo.
- 6 Delectatio de obiecto formaliter malo, semper est mala.

1 PRIMò certum est magnam esse differentiam inter delectationem de aliquo obiecto, & eius desiderium;

H 3

rium;

rius, sēpē enim licita est delectatio de aliquo obiecto, cum tamen non est licitum desiderium: licitum enim est de ludis, qui sunt causa omissionis Missæ, non tamen licet illud desiderare; & licet displicere, & trahi de auditione Missæ facta in die festo ob laborum annexum, non tamen licet desiderare Missam non ad illud. Ratio est, quia desiderium, seu voluntas efficax alicuius obiecti tendit ad ponendum obiectum cum omnibus suis circumstantiis. Ergo ab obiecto taliter circumstantiis vestito separari non potest malitia, neque etiam à voluntate separari poterat; accipit enim voluntas malitiam ab obiecto: at delectatio non tendit ad ponendum obiectum, sed quasi supponit iam positum, illudque secundum se respicit, ac proinde facile negotio denudari potest à malitia: siquidem neque directe, neque indirecte in illam fertur, cum nihil ponat, ex qua malitia sequatur. Econtra verò potest esse aliquod desiderium ab obiecto licito, cuius tamen complacentia non sit licita, desiderare enim potes copulam habere cum Maria, casu quo sit tua legitima uxor, neque tu sis aliquo vinculo impeditus: at complacere in tali copula, non est ita certum licere. Quæ omnia probant desiderium, & voluntatem efficacem sumere suam bonitatem, & malitiam ab obiecto: complacentiam autem ex conformitate, vel deformitate immediata cum virtute, sic Valquez 1.2 disp. 111. cap. 3. Salas tract. 13. disp. 6 sect. 5. n. 50. Basilus de Leon lib. 10. de matrim. cap. 16. §. 1. n. 7. Bonacina de matrim. q. 4. p. 8. n. 3. 15. & 16.

2. Secundò certum est delectationem de cogitatione obiecti mali, malam non esse: nam cognoscere obiectum malum, malum non est. Ergo neque delectari de tali cogitatione malum esse potest. Et confirmo. Deus cognoscit omnia mala, & peccata, & delectatur de tali cognitione: non igitur potest esse ibi aliqua malitia.

3. Tertiò certum est delectationem de aliquo modo mirabili, & artificioso in obiectis pravis relucere non esse mortalem, quia non est delectatio de obiecto malo, quatenus malum est, neque quatenus fundat malitiā, sed potius quatenus ab illa præscindit. Obiectum enim talis delectationis bonum quid est, scilicet dexteritas, velocitas, ingenium, fortitudo, inopinatus euentus, & similia, quæ licet pravis actionibus adiungantur, non tamen fertur delectatio, ut illis sunt coniuncta, sed potius ut ab illis præscindunt. Hac enim ratione cum videmus aliquem ex præcipitio cadere, & graviter vulnerari, ridere, & lætari solemus, non quidem de malo illius, sed de modo quo cecidit. Item cum narrantur fraudes, furta, duella, aliæque similia, delectari solemus, quia imbibunt in se inusitatum modum, dexteritatem notabilem, sic Azor tom. 1. instit. mor. lib. 4. cap. 6. quest. 1. & alij statim referendi.

4. Aduerte supradicta intelligi per se loquendo: nam per accidens sæpē est peccatū mortale, vel veniale, delectari de cogitatione, vel de aliquo artificioso peccato. Erit namque peccatum veniale, si cogitatio sit vana, & otiosa: erit mortale, si periculum ad sit consentiendi in aliquo mortali. sic relato D. Thom. Angel. Syluest. & aliis docet Salas 1.2. quest. 74. tractat. 13. disp. 6. sect. 7. num. 61. 62. & 64. & sect. 35. num. 230. circa finem. Thom. Sanchez lib. 1. in Decalog. cap. 2. à num. 2. Lessius lib. 4. de virtutib. cap. 3. dub. 15. num. 109. Bonacin. de matr. quest. 4. punit. 8. num. 7.

5. Sed inquires, quomodo cognoscas, an delectatio ex cogitatione, vel ex aliquo artificio oriatur, an verò oriatur ex re mala cogitata?

Respondeo difficillimum esse cognitu, & periculosissimum. Primò enim certum est, ut delecteris de cogitatione debere te necessariò advertere cogitare, aliàs conuinceris de re cogitata delectari, & non de cogitatione, quia voluntas ferri non potest in incognitum.

Posito autem quòd supra cogitationem reflexeris, non inde inferitur manifestè de sola cogitatione delectari; nam potes & de cogitatione, & de re cogitata delectari. Secundum signum licet non evidens, clariùs tamen sumitur ex occasione unde orta est cogitatio: nam si ex honesta occasione cogitas de obiecto prauo, ut quia audis confessiones, legis, studes, prædicas, præsumeris delectari de cogitatione, non de re cogitata, & licet in appetitu sensitivo oriatur delectatio, censeris ei non consentire: at si ex occasione praua, ut ex affectu turpi, & otioso, locutione inutili, lectione vana oriatur: non leue indicium est ex re cogitata esse potius delectationem, quàm de ipsa cogitatione. Tertiū & mihi apertum indicium est ad cognoscendum, unde oriatur delectatio, attendere, an artificium in rebus piis relucens quæ te delectet, ac in pravis, & inhonestis; nam si cum honesta sint, & si sint elegantiora, & subtiliora, non te ita delectant. Signum est non ex artificio tantum, sed ex re cui est annexum artificio, sumi delectationem: hac ratione optimè aduertit Salas 1.2. tract. 13. disp. 6. sect. 8. quest. 74. num. 65. conuinci plurimos consentire in delectatione rerum turpium sub prætextu artificiosi carminis, vel suavis musicæ, qui tamen carmina elegantiora rei piæ, & honestæ audire, & legere recusant, vel saltem minori aviditate legunt, & audiunt, & quasi minus lepida, & artificiosa sibi videntur; indicium sanè non leue rux prauæ affectionis.

Secundò conuinci latenter delectatione carnis ferri, qui frequentius, & libentius loquuntur de occultis partibus corporis, de ægrotudinibus, medicinis, vestibus, & aliis ad eas pertinentibus, quarum memoria irumpit in risum incompolitos testes alicuius delectationis latentis.

Tertiò inquit Salas similis peccati argui, qui metaphoris rerum turpium gaudent, quasi artificiosè loquantur, & qui facile multa detorqueant ad turpes sensus, & celebrant minus inconsideratè dicta sub specie ostentandi acumen ingenij, & loquentis imperitiam, qui potius gaudeat rebus turpibus cogitatis: & quamuis hæc sæpē à mortali excusentur ex inaduerentia, aut ignorantia, aut quia obiectum non est adedò obscenum; sæpē tamen ob delectationem formalem rei turpis mortali sunt, quare omnino vitanda.

6. Quartò certum est delectationem de obiecto formaliter malo etiam sub ratione delectabilis esse mortale: loquimur de obiecto non venialiter malo, sed mortaliter, hoc est, de peccato mortali (nam delectatio de aspectu curioso sceminae, de furto leui, de verbo otioso, veniale est in omni sententia, sicut & ipsum obiectum.) Suppositum existimo ita certum, ut nulla ratione stante fide dubitari possit: qui enim se iactaret, vel delectaretur de fornicatione habita, de furto commissio, de ieiunio violato siue à se, siue ab alio, voluntate sua amplectitur obiectum grauiter prohibitum. Ergo peccat mortaliter, & idem est, etiamsi de facto nec commisisset, nec commissurus esset, sed fugeret committi, & sic de illo delectaretur, quia iam per voluntatem amplectitur obiectum formaliter malum: parum enim refert esse obiectum verum, vel fictum, ut malitiam tribuat. Basilus de Leon lib. 10. de matrim. cap. 16. num. 2. & 3.

Ex quo fit si coniuges copulam maritalem habentes, se delectarentur de copula fornicaria, mortaliter peccaturos, quia approbant obiectum mortaliter malum: contingit enim sæpē coniux accedens ad uxorem, cogitationem habere in alia scemina, & in illius congressu, quasi in præsentem delectari, nemini potest esse dubium tunc peccare mortaliter: ita Syluest. verbo debitorum, quest. 2. in fine. Sanchez alios referens lib. 9. de matr. disp. 17. num. 6.

§. II.

An delectari de obiecto materialiter malo, v.g. de coitu cum fœmina, de comestione carnis die Veneris, sit mortale.

- 1 *Proponitur sententia negans.*
- 2 *Contraria affirmans.*
- 3 *Tertia distinguit de prohibito iure naturali, vel positivo.*
- 4 *In materia luxurie nulla est delectatio deliberatè quaesita de obiecto graui in personis solutis, quæ ex leuitate materia venialis sit.*
- 5 *An delectari de copula sub conditione, si licita sit, sit mortale? Negat Sanchez de delectatione voluntatis; secus de delectatione appetitus.*
- 6 *Admittenda non est talis distinctio.*
- 7 *Vidui nullo modo licet de copula habita durante matrimonio delectari.*
- 8 *Proponuntur aliquot obiectiones.*
- 9 *Soluntur.*
- 10 *Mortale est delectari de pollutione naturaliter contingente, tamen si liceat illi, ut aliquem honestum finem desiderare, aut de ea sit contingente ob eundem finem honestum gaudere.*
- 11 *Idem est dicendum de alijs materijs.*
- 12 *Quid dicendum de coniugibus ligatis voto castitatis.*
- 13 *Quid si ex alio impedimento extrinseco illicita copula sit coniugibus, an possint de copula delectari.*
- 14 *Quid quando dubium habens de valore matrimonij, & ratione dubij interdicta est debiti petitio. Proponitur sententia affirmans esse licitam talem delectationem.*
- 15 *Probabilior opposita.*
- 16 *Respondetur argumentis num. 14. adductis, & resoluitur tactus in absentia coniugis absque periculo pollutionis licitos esse.*
- 17 *Quid dicendum, quando coniux dubium non est de valore matrimonij.*
- 18 *Quid dicendum de delectatione in coitu aliorum, proponitur quedam sententia.*
- 19 *Resoluitur esse mortale tam delectationem de coitu licito, quam illicito.*
- 20 *In alijs materijs à Venere licita est delectatio de opere bono.*
- 21 *Si de opere ex aliqua circumstantia malo delecteris, quatenus tale est, peccas.*
- 22 *De obiecto iure positivo prohibito potest esse delectatio absque peccato.*

1 **V**ariæ sunt sententiæ. Prima negat ullam delectationem de obiecto materialiter malo, etiam si sit in re venerea, esse mortalem, sed solum venialem: tribuitur Martino de Magist. tractat. de temperantia, quest. 3. de luxuria, ad 17. clariùs illam docet quest. de pollutione, post probationem 4. conclusionis. Corduba lib. 1. quest. 23. dub. 1. §. igitur, illam reputat probabilem. Medina 1. 2. quest. 74. art. 6. non audet illam condemnare. Fundamentum huius sententiæ est; quia ferè nullum est obiectum, à quo separari malitia per apprehensionem non possit. Ergo de illo ut sic apprehensio delectari potest absque peccato saltem mortali: nam licet virtus castitatis omnes motus, & delectationes circa rem veneream reprimat: at non videtur sub mortali reprimere inefficaces, sed solum illas, quæ efficaces sunt, & causa operis.

2 Secunda præcedenti opposita affirmat omnem delectationem, de obiecto mortali, siue prohibito iure naturali, siue positivo in quacumque materia sit, esse mortale. ita Medina C. de restit. quest. 21. §. mihi tamen. Valent. 1. 2. disp. 6. quest. 4. punct. 4. ad finem. Azor tom. 1.

instit. moral. lib. 4. cap. 6. quest. 1. fauet D. Thom. quest. 74. art. 8. ubi probat delectationem veneream de opere mortali, mortalem esse, quia mortale est conformari per affectum peccato mortali. quæ ratio æquè probat de obiecto contra castitatem, ac contra quamlibet aliam virtutem, & de prohibito iure naturali, vel positivo.

3 Tertia, & communis sententia est, omnem delectationem morosam de opere mortali prohibito iure naturali mortalem esse, non item de prohibito iure positivo. tradit D. Thom. 1. 2. quest. 74. art. 8. in corp. & ad 5. siquidem solum in prohibitis iure naturali exemplum ponit. L. ius lib. 4. de inst. cap. 3. dub. 1. §. n. 109. & 115. Corduba 2. 2. q. 30. dub. 1. Sanchez alios referens lib. 1. cap. 2. num. 9.

Priorem huius sententiæ partem probant Doctores; quia à prohibitis iure naturali separari non potest malitia, quia sunt intrinsecè mala: at à prohibitis iure positivo optimè potest separari; siquidem ab illis separari potest prohibitio, quæ facit, ut mala sint. Ergo bene potest de illis, non quatenus prohibita sunt, sed quatenus in se sunt delectabilia, delectari: si enim die Veneris videas ægrotum comedentem carnem, & de tali comestione delecteris; delectaris, inquam, de comestione bona, & non mala; siquidem non delectaris de comestione violante legem. Verum, ut distinctè procedamus, priùs dicendum est de delectationibus in materia luxuriæ, postea de reliquis.

4 Dicendum ergo primò est in materia luxuriæ nullam esse delectationem deliberatè quaesitam in solutis hominibus in re venerea de obiecto graui, quæ ex leuitate materiæ excusetur à mortali. ita communis sententia, neque contraria ullam habet probabilitatem. Vasquez disp. 109. cap. 3. Salas innumeros referens tractat. 3. disp. 6. sect. 4. num. 45. Basilus de Leon lib. 10. de matrim. cap. 16. §. 2. num. 8. Lessius lib. 4. cap. 3. dub. 1. §. num. 109.

Ratio huius conclusionis est, quia delectatio de obiecto venereo est causa per se, & suapte natura coitus, vel pollutionis, commouet enim appetitum sensitium, & spiritus vitales subseruientes generationi vocat. Ergo per se est mala, & prohibita. Oscula, tactus, & amplexus nulla honesta ratione accepti peccata sunt, quia initium sunt, & causa per se coitus, vel pollutionis. Quodd verò hæc delectatio mortalis sit, esto sit actus inefficax ex eodem principio, probò; quia magis quàm tactus, oscula, vel amplexus appetitum delectat, maiorique impetu, & efficaciori ad coitum, vel pollutionem promouet, & tardè abest à tali delectatione consensus in opus; ut notant D. Thom. de verit. q. 15. art. 4.

5 Ex hoc fundamento inferitur nemini soluto licere delectari de copula sub conditione cogitata, si esset licita; quia illa cognitio, & delectatio præsens est, & causa, & initium coitus præsentis. ita Sanchez, Basilus de Leon, & Vasquez supra. Limitat tamen Sanchez tom. 3. de matrim. disp. 47. num. 1. & seq. & lib. 1. in Decal. cap. 2. à num. 31. hanc doctrinam ad solam delectationem appetitus sensitui, & non voluntatis, quia appetitus sensituius ferri non potest in obiectum conditione vestitum, scilicet sub conditione matrimonij, quia imaginatiua non potest repræsentare appetitui obiectum vestitum aliqua conditione, sed absolute, ideo (inquit) appetitum non posse ferri in obiectum licitum, sed in obiectum secundum se, & cum copula in se mala sit in solutis, ideo mala erit talis delectatio, secus delectatio voluntatis: probat autem non posse imaginatiuam repræsentare appetitui obiectum sub conditione, quia in repræsentatione obiecti conditionalis, est quidam tactus discursus, qui imaginatiuæ cum brutis communi non est tribuendus: videtur enim in repræsentatione obiecti conditionalis affirmatio, & negatio, ut cum

H 4 dicitur

dicitur, si homo est animal, est sensibilis: æquivaleret enim huic, est animal, ergo sensibilis.

6 Verum huic doctrinæ acquiescere non possum. Existimo enim delectationem voluntatis de copula sub conditione auferente eius malitiam, si fiat in solutis, malam esse: non quia ex parte obiecti mala sit, sed quia de facto excitat appetitum, & commouet ad copulam præsentem, quæ nullo modo solutis licita est: si enim castitas delectationem appetitus sensitiui refrenat in solutis, quare non debet refrenare delectationem voluntatis? Deinde falsum est appetitum non posse, sicut & voluntatem delectari de obiecto sub aliqua conditione, imaginatiua enim repræsentare potest obiectum vestitum aliqua conditione: nam ad hanc repræsentationem non requiritur discursus, affirmatio, vel negatio, sed sola simplex apprehensio, qualis est in brutis; brutis enim sæpe repræsentantur cibi conuenientes, vestiti tamen aliqua conditione, quæ illos assumendo remouet, & verè comederent illos, nisi timor Domini castigantis adesset; habent ergo appetitum sub conditione. sic Ioann. Salas *tract. 13. disp. 6. sect. 28. num. 189. & sect. 30. num. 200.* Quod verò in voluntate detur, non solum gaudium, sed etiam delectatio, videtur necessariò affirmandum exemplo Christi, qui summum gaudium viso Deo habebat: imò gaudebat vehementer se pro redemptione mundi pati, & mori, non tamen de illa morte habebat delectationem, sed potiùs tristitiam, iuxta illud, *tristis est anima mea usque ad mortem*, quæ tristitia non solum in appetitu, sed etiam in voluntate residebat. In quo autem differant gaudium, & delectatio voluntatis, non est facillè explicatu. Dico ergo gaudium esse quandam complacentiam approbatiuam boni possessi, qua voluntas vult ita esse, & complacet, ut ita sit; tendit enim ad rem, prout est in se; delectatio verò non respicit rem, prout est in se, sed prout sibi est utilis, & conueniens, & de illa ut sic delectatur: quare delectatio ex gaudio sequitur; at non semper gaudium infert delectationem. Adde difficillimo negotio distinguere posse delectationem voluntatis à delectatione appetitus; habent enim huiusmodi potentia talem inter se annexionem, ut vix eorum actus distinguere possint, ut experientia constat.

7 Secundò infero non esse licitam viduis delectationem tam voluntatis, quàm appetitus sensitiui orram ex cogitatione copulæ habitæ tempore matrimonij, neque sponsis de futuro delectari de copula habenda tempore coniugij: quia talis delectatio non sumit suam bonitatem, vel malitiam ab obiecto, quod bonum quidem est, sed ex oppositione, quam de præsentem habet cum virtute castitatis, eo quòd de præsentem exciter, & commoueat spiritus subseruientes generationi, & pollutioni, vel coitus præsentis initium sit. & ita tenet Sanchez plures referens *lib. 9. de matrim. disp. 47. num. 4.* Bonacina *quest. 4. de matrim. punct. 8. num. 13.* Vasquez *1. 2. disp. 114. num. 3.* Basil. de Leon *lib. 10. de matrim. c. 16. §. 2. num. 10. & 11.* Lessius *lib. 4. de inst. cap. 3. dub. 15. num. 120.*

8 Sed obiicies. Eiusdem bonitatis, & malitiæ est operatio, & eius delectatio, teste Aristot. communiter recepto *lib. 10. Ethic. cap. 3. ad finem, & cap. 5.* sed operatio, quam delectatio habet pro obiecto, est licita. Ergo. Secundò delectari de copula, est copulam approbare, & de illa gaudere; sed gaudium, & approbatio copulæ licitæ licita est. Ergo licita est talis delectatio. Tertiò coniugibus licitum est, delectari de copula tunc habita, quia delectantur de obiecto bono, sed idem est obiectum, cum vidui sunt. Ergo licet de eodem delectari; diuersas enim temporum speciem moralem non variat, si in obiectis non sit variatio. Quartò licitum est delectari de comestione carnis tempore quo licet, de occisione latronis à iudice facta, de distributione pecu-

niæ alienæ, casu, quo esset propria. Ergo etiam erit licitum delectari de copula: & ita tenet de sponsis de futuro Medina referens *Vict. 1. 2. quest. 74. art. 8. dub. 3.* & ibi Zumel *disp. 4. dub. 3.* Paludan. *in 4. dist. 9. quest. 3. art. 1. num. 9.* & probabilem reputat Corduba *lib. 1. q. 23. dub. 13.* & de viduis docuit idem Medina *dub. 2.* Paludan. Zumel *supra.* Valent. *1. 2. disp. 6. quest. 4. p. 4.* Syluester *verbo delectatio. quest. 3.* Emmanuel Saa *verbo luxuria. n. 13.* Salas *tract. 13. disp. 6. sect. 28. num. 190.* probabile reputat delectationes etiam appetitus sensitiui de obiecto turpi sub conditione auferente eius malitiam licitam esse, & *sect. 29.* loquens de sponsis de futuro, solum ut probabilius defendit non esse eis licitas tales delectationes, & *sect. 30. num. 201.* in viduis reputat probabilius posse delectari de copula habita.

9 Verum retinenda est nostra sententia affirmans delectationem veneream tam voluntatis, quàm appetitus sensitiui in personis solutis esse mortalem. Dixi, tam voluntatis, quàm appetitus sensitiui: quia delectatio voluntatis excitat delectationem appetitus propter sympathiam naturalem, neque valet distinguere, quando delectatio est voluntatis solum; quando verò sit etiam appetitus, ut bene probat Vasquez *disp. 113. c. 2. & disp. 108. cap. 2.* Salas *disp. 6. sect. 30. num. 200.* Quocirca

Ad primum dico eiusdem bonitatis, & malitiæ esse delectationem cum operatione, quam causat, non cum operatione, quam habet pro obiecto. Cum autem delectatio de copula licita causat illicitam, quia causat copulam de præsentem, quæ illicita est; ideo ipsa delectatio illicita est. Secundò respondeo eiusdem bonitatis, vel malitiæ esse delectationem cum opere, quod habet pro obiecto: at obiectum delectationis non est copula præterita, quatenus præterita, sed quatenus vi apprehensionis modò sit præsens, & quasi modò sit exercita, & cum de præsentem illicita sit, efficitur illicitam esse eius delectationem.

Ad secundum nego delectari de copula esse formaliter copulam approbare, aut de illa utcumque gaudere: nam in omni sententia licitum viduæ est, gaudere, quòd debitum marito reddiderit, & cuilibet licitum est gaudere, quod coniuges sibi inuicem debitum reddant: quia hic actus totam suam bonitatem, & malitiam sumit per ordinem ad obiectum sicuti actus desiderij, & voluntatis efficacis: at delectatio inefficax cum non respiciat obiectum, ut præteritum, neque ut futurum, sed abstrahat ab illo, eius malitiæ, & bonitas non per ordinem ad obiectum, ex quo originem sumpit, sed ex effectu, quem causat, desumenda est. Et fortè hoc est quod voluit dicere Lessius *lib. 4. cap. 3. dub. 15. num. 120.* Bonacina *quest. 4. de matrim. punct. 8. num. 14.* Salas *1. 2. tract. 13. disp. 6. sect. 29. fine, & sect. 30. num. 199.* Cum dixerunt sponsis de futuro non licere delectari de copula futura, neque viduis de copula præterita apprehensa per imaginationem, ut præsentem, & nunc exercita; secus verò de illa, ut futura, vel præsentem.

Ad tertium nego coniugibus licitum esse delectari de copula tunc habita, quia delectantur de obiecto bono, sed quia delectationes non sunt eis tunc prohibitæ; cum enim licita eis copula sit, & licita esse debet causa illius.

Ad quartum admitto licitas esse illas delectationes, quia non habent specialem deformitatem cum virtute: nego tamen licere delectationem de copula ob rationem sæpe dictam.

10 Tertiò infertur nullo modo tibi licere delectari de pollutione in somnis habita, vel coitu sine peccato contingente: quia talis delectatio causa est excitatiua pollutionem coitus præsentis, & ob eam causam prohibetur à castitate. ita Zumel plures referens *1. 2. q. 74. artic. 8. disp. 4. dub. 2. & 4.* Salas *tract. 13. disp. 6. sect. 32. num. 219.* Basilii de Leon *lib. 10. cap. 16. §. 2. num. 12.*

At

At dictum est de illa pollutione gaudere ob effectum inde sequutum, & ob eandem causam desiderare, quia tunc non est propriè delectatio de pollutione, sed de effectum inde sequuto. Verbi gratia, licet desiderare, vt pollutio naturaliter contingat ob tentationes sedandas, & ob eundem effectum de illa gaudere: hac enim ratione Ecclesia gaudet de Adæ peccato, cum dicit: *O felix culpa, quæ talem, ac tantum merui habere Redemptorem.* sic Vázquez *dispur.* 115. *cap.* 2. & 3. Basilus *suprà.* Lessius *lib.* 4. *cap.* 3. *dub.* 14. *num.* 105. Saa *verb. luxurie.* *num.* 12. Salas plures referens *tractat.* 13. *disp.* 6. *sect.* 32. *num.* 217. & *sequenti.* Sanchez *lib.* 1. *in Decalog.* *cap.* 2. *num.* 18.

11 Quod dictum est de pollutione ob huiusmodi finem, dicendum est de homicidio, fornicatione, & aliis peccatis, licitam esse, inquam, delectationem non illorum præcisè, sed quatenus fuerunt causæ alicuius boni effectus. sic Basil. *lib.* 10. *de matrim.* *cap.* 16. *num.* 2. *fine.* & *num.* 12. *fine.* Salas *tract.* 13. *dispur.* 6. *sect.* 32. Bonacina *de matrim.* *quest.* 4. *punct.* 8. *num.* 8. Neque obstat, si dicas te non posse procurare pollutionem, homicidium, fornicationem: ergo neque de illis contingentibus delectari, quia procurare pollutionem est esse causam illius: at delectari de illa naturaliter contingente ob effectum relictum non est esse causam illius. Ergo non est, unde talis delectatio vitietur. Verum si loquamur de desiderio: esto Emanuel Saa *verbo peccatum.* *num.* 13. *in editione Complutensi.* affirmet licitum esse desiderare illud, de quo est licitum gaudere. Et idem docet Lessius *lib.* 4. *cap.* 3. *dub.* 14. *num.* 105. *verb. dico quartò.* At mihi videtur id verum non esse; licitum enim est gaudere, quod aliquis fuerit interfectus non ex displicentia personæ, sed ob hæreditatem inde provenientem: at interfectionem eius desiderare non videtur licitum. Item nullo modo licet desiderare, vt aliqui nefariè copulentur, ad habendos filios, quia licet desideret finem bonum, desiderat illum medio peccato: at posito iam peccato licitum esse videtur de illo, secundum quod causabit liberos gaudere. Quare solum licebit desiderare ob bonum finem illud obiectum, quod sine peccato effici potest, licebit, inquam, desiderare pollutionem naturaliter contingentem, non voluntariè contingentem mortem naturalem alicuius, vt à peccato cesset, vel rempublicam non turbet. In omnium enim sententia certum est nullo modo licere supradicta procurare: non enim quidquid licet desiderare, licet efficere, quia alio modo tendit desiderium in obiectum, ac tendit operatio: desiderare enim potest clericus, vt latrones interficiantur, non tamen potest illos interficere, quia non desiderat interfici à se, sed ab alio: quæ omnia notavit Sorus 1. *de iust. quest.* 12. *art.* 1. *versus finem.* Nauarr. *summ.* *cap.* 16. *num.* 17. *rat.* 6. Salas alios referens 1.2. *tract.* 13. *dispur.* 6. *sect.* 32. *num.* 220. Lessius *lib.* 4. *cap.* 3. *dub.* 14. *num.* 104. *verb. dico secundò.*

12 Quartò inferitur non esse licitum coniugibus ligatis voto castitatis delectari de copula legitime habita, vel habenda; quia licet obiectum bonum sit: at delectatio bona non est, eo quod aduersetur voto castitatis, quod prohibet omnem delectationem sensibilem veneream: sic Basilus de Leon *num.* 12. Sanchez *lib.* 9. *de matrim.* *dispur.* 44. *num.* 25. Vázquez *dispur.* 112. *num.* 10. Temperant tamen aliqui hanc doctrinam, Coninchus *disp.* 34. *de matrim.* *dub.* 11. *num.* 109. ne habeat verum in coniuge, qui votum castitatis emisit absque consensu alterius coniugis, & ratione cuius non deobligatur à debiti redditione. Nam tunc delectatio non videtur prohibita, siquidem absolutè copula non est prohibita, cuius ipsa potest esse causa: at cenfeo cum Sanchez, Coninchus *num.* 115. & Vázquez *suprà.* talem delectationem tibi esse prohibitam ratione voti castitatis, quia ratione illius obligatus es abstinere ab omni carnali delectatione, quantum est ex te, seu quæ sine iniuria alterius con-

iugis omitti potest: at talis delectatio omitti potest sine iniustitia coniugis. Ergo. Neque obstat illam delectationem initium esse posse copulæ licitæ, quia non prohibetur ratione copulæ, cuius initium esse potest, sed ratione sui ob votum castitatis. Adde initium esse non copulæ licitæ, sed illicitæ: nam est initium copulæ petitiæ à delectante, non copulæ redditæ, ratione enim delectationis, ipse qui delectatur, copulam petit. sic Lessius *num.* 106. Vázquez 1.2. *disp.* 115. *cap.* 2.

13 Sed quid si ex alio impedimento extrinseco copula coniugalis illicita sit, vt quia vterque, vel alter affinitatem contraxerunt, vel prohibiti sunt copulari, vel ex copula damnum est sequendum proli, an tunc licita sit delectatio de copula?

Negar Basilus de Leon *lib.* 10. *de matrim.* *cap.* 16. §. 2. *num.* 12. quia delectatio tunc initium est copulæ illicitæ. Probabilius tamen existimo oppositum; quia esto copula ex accidente illicita sit, at per se licita est. Ergo delectatio licita erit, cum delectatio non respiciat copulam secundum quod ex circumstantia vitatur, sed secundum quod de se habet. Et confirmo, si votum castitatis fecisset coniux non absolutum, sed limitatum, scilicet non accedendi ad uxorem: certum est non peccaturum aduersus votum in delectatione morosa. Ergo delectatio morosa non sumit suam bonitatem, vel malitiam ex copula, quam de præsentī potest causare, attendendo ad circumstantias extrinsecas, sed de copula, quam potest causare per se. Adde in impedimento affinitatis esse rem manifestam, cum ratione huius impedimenti solum arceatur coniux à debiti petitione. Ergo non à delectatione illius. ita docet Sanchez *lib.* 9. *de matrim.* *disp.* 44. à *num.* 21.

14 Maior dubitatio est, quando coniugi dubium est de valore matrimonij, & ratione dubij interdicta est debiti petitio, an tunc licita sit delectatio? Videtur licita: tum, quia copula coniugi dubitanti absolutè licita est: tum quia delectatio non infert copulæ petitionem, potius quàm redditionem, sed est indifferens. Ergo ratione huius indifferentiæ licita erit talis delectatio. Et confirmo. Tactus, qui ab vno coniuge in absentia alterius haberetur, non est mortalis, vt defendit Sanchez *dispur.* illa 44. *num.* 16. quia de se est indifferens ad copulam licitam, vel illicitam, neque delectatio morosa copulæ cum coniuge absente, quia referri potest ad copulam coniugalem, licet actu non dirigatur. Ergo similiter delectatio de copula à coniuge dubio excusabitur à mortali, quia ordinari potest ad copulam licitam, qualis est petita ab altero coniuge.

15 Dicendum tamen existimo prohibitam esse talem delectationem: quia in solutis omnis delectatio carnalis tam extrinseca, quàm intrinseca prohibita est, eo quod aduersatur castitati cohibenti omnes has delectationes: sed qui dubius est de matrimonij valore, non habet ius percipiendi has delectationes, nisi in quantum necessarium fuerit ad seruandum ius illæsum alterius partis bona fide contrahentis: at ad conseruandum ius alterius comparris nunquam est necessarium coniugem dubium se in morosè cogitando delectari, sicut neque se in absentia coniugis tactibus prouocare. Ergo nullo modo talis delectatio est illi licita: & ita tenet Sanchez *lib.* 9. *de matrim.* *disp.* 44. *n.* 24. Coninchus *disp.* 34. *de matrim.* *dub.* 11. *n.* 115.

16 Ad rationem oppositam respondeo, cum copula solum licita sit, casu quo petatur: at sublata tali petitione illicita sit, efficitur delectationem, quæ non supponit, neque supponere potest, petitionem semper illicitam esse: quia non habet conditionem, quæ illam possit honestare. Ad confirmationem, et si Nauar. Saa, Corduba, & alij, quos refert Sanchez *disp.* 44. *num.* 2. & Basilus de Leon *lib.* 10. *de matrim.* *cap.* 16. *num.* 11. existiment tactus, & delectationem appetitus sentientis in coniuge

coniuge absente mortalia esse; quia cum non possint esse causa, & principium liciti coitus, eo quod sit impossibilis, sunt causa, & principium coitus illiciti, vel pollutionis. Nihilominus existimo tales delectationes, & tactus absque periculo pollutionis non esse peccata mortalia, eo quod ratione matrimonij omnes delectationes carnales, quæ ad copulam per se ordinantur, à mortali sint excusatae. Quod verò copula sit impossibilis, cum impossibilitas sit per accidens, non tollit quominus delectatio ad illam ordinetur, ideòque licita sit, & ita tenet Vasq. 1. 2. *disput.* 113. *cap.* 2. Sanch. *num.* 3. Coninch *disp.* 34. *dub.* 11. *num.* 113. At in coniuge dubitante de valore matrimonij, cum nullam causam habeat honestandi delectationes carnales, nisi ad petitionem compartis carentes dubitatione: nullo modo illi est licita talis delectatio, aut tactus.

17 Quod si coniux dubius non est de matrimonij valore, neque aliquo impedimento voti, affinitatis, aut similis ligatus est: probabilius existimo licitum ei esse delectari de copula maritali habita, vel habenda, ac si præiens esset, modò absit periculum pollutionis: quia omnes hæc delectationes coniugibus sunt licitæ, eo quod principium, & dispositio sint copulæ conjugalis, quæ illis licita est. ita Vasq. 1. 2. *disput.* 113. *cap.* 2. Sanch. *lib.* 9. *de matrim. disp.* 44. *num.* 3. Coninch *num.* 113. Neque redditur mortalis, etiam si inde consurgat membri pudendi alteratio, & commorior absque pollutionis periculo, quia hæc omnia ad copulam maritalem de se ordinantur; si tamen propter eorum delectationem appetantur, erit culpa venialis, quia extrahitur à suo fine. sic Vasq. *num.* 4. Sanch. *num.* 5. Salas *tract.* 13. *disput.* 6. *sect.* 30. *num.* 206. Quod verò Salas *ibi num.* 205. affirmat mortale esse, si coniuges se delectentur de copula maritali imaginaria, & ficta, mihi non probatur; quia parum refert copulam esse fictam, vel veram, si delectatio absolute illis prohibita non est, & non fertur ad obiectum formaliter malum, & ita tenet Sanch. *disput.* 44. *num.* 22.

18 Quintò infertur quid dicendum sit de delectatione in coitu aliorum, & quidem si coitus aliorum malus sit, & de illo sic apprehenso delecteris, nemini est dubium te peccare, quia placet tibi, & approbas obiectum malum. At si coitus aliorum à culpa excusetur, eo quod fuerit in amentia, Herrera *disput.* 31. *quest.* 17. existimat non esse mortale, quando abest periculum propriæ libidinis, & iniuria proles; quia amentibus, inquit, nulla est lex posita, & idem est de eorum coitu delectari, ac delectari de coitu brutorum. Verùm si coitus aliorum à culpa excusetur ob ignorantiam, somnum, aut ebrietatem, existimat mortale esse de illo sic apprehenso delectari; quia hi peccantes lege adstringuntur, licet ab illa ob ignorantiam excusentur. Ergo delectari de illorum coitu, est delectari de actu prohibito. Adde, hos ignorantes non licet coniungere, nec consulere, ut coniungantur. Ergo nec licet de illorum coniunctione delectari.

19 Ego verò existimo de omnibus esse mortale. sic Corduba *lib.* 2. *q.* 30. *fine.* Salas *tract.* 13. *disput.* 6. *sect.* 31. *num.* 218. Azor *tom.* 1. *instit. moral. lib.* 4. *cap.* 6. *quest.* 9. Moncor, quia omnes tam ebrij, quam amentes lege tenentur, licet ab illa ob ebrietatem, vel amentiam fuerint excusati. Ergo delectari de illorum coitu per se, est delectari de obiecto malo, & solum per accidens excusato à malitia. Ergo est mala delectatio. Confirmo. Nemini licet amenem ad necem hominis invitare, neque ebrios inter se coniungere, neque desiderare, ut iudex erret in proferenda sententia, aut testes falsum testimonium dicant, etiam ignoranter, quia mala illa, & peccata, à quibus amentes, & ebrij per ignorantiam excusantur, tibi erunt voluntaria, & grata. Deinde in venereis est specialis ratio, quare de his obiectis nequeas

delectari, quia delectationes de his obiectis non solum sunt prohibita, quia ad obiecta prohibita referuntur, sed etiam ratione sui, & ob repugnantiam, quam habent cum castitate, excitant enim, & commouent de se appetitum ad coitum. Ergo siue obiectum excusetur à malitia, siue non, delectatio de illo mala erit. Vnde non solum delectatio de coitu à malitia per accidens excusato mala est, sed etiam delectatio de coitu matrimoniali aliorum; quia talis delectatio excitat in habente illum, fluxum seminis. Et licet aliquando non excitet, hoc est per accidens, ex se habet excitare, ac proinde à culpa excusari non potest, esto contra teneat Salas *suprà num.* 215. tam de delectatione voluntatis, quam appetitus sensitiui, friuola (inquit) est talis distinctio.

20 Verùm si de delectatione in aliis materiis à Venere loquamur, dicendum est primò licitam esse delectationem de quolibet opere bono, siue à se, siue ab alio factum sit. Probo; quia obiectum bonum est, & nulum prauum affectum mouet. Ergo licet de illo delectari, sicut desiderare. Qua ratione licitum est te delectari de suspensio latrone, de inimicis iure vastatis. sic omnes Doctores.

21 Dico secundò, Si opus ex aliqua circumstantia malum sit, & de illo, ut est sub tali circumstantia, delecteris, delectatio peccaminosa est, sicut & ipsum opus. sic Basilius de Leon. *lib.* 10. *de matrim. cap.* 16. *num.* 16. Ratio, meo iudicio, est euident, quia delectatio vel est approbatio obiecti, vel supponit illius approbationem; sed approbare obiectum malum, malum est. Ergo de illo ut sic delectari malum erit. Explico conclusionem. Apprehendis te sanum comedere carnes in Quadragesima, si de tali comestione delectaris, proculdubio delectaris de obiecto formaliter malo; similiter si te iudicem fingis, & sub hac apprehensione contemplaris vindicari de inimico, quis dubitare potest te peccaturum; cum obiectum formaliter malum approbes.

22 Dico tertio, de quolibet obiecto iure positio prohibito potest absque mortali delectatio esse, dummodo intellectus repræsentet voluntati obiectum denudatum conditione vitiantem, & voluntas, & appetitus in illud ut sic repræsentatum feratur. Hæc conclusio est communis, Lessius *lib.* 4. *cap.* 3. *dub.* 15. *num.* 11. & seqq. Vasq. 1. 2. *disput.* 110. *cap.* 2. Sanch. alios referens *lib.* 1. *in Decal. cap.* 2. *num.* 10. Ratio videtur aperta, quia obiectum, ut sic repræsentatum, non inuoluit malitiam. Ergo nequit illam delectationi tribuere: posse autem tale obiectum denudari per intellectum à conditione vitiantem, apertum est, cum ab extrinseco habeat malitiam, sicuti & prohibitionem. hac ratione tibi non est mortale, si in Quadragesima delecteris de esu carnis absolute, quia esus carnis in se malus non est, neque in se inuoluit prohibitionem; esset tamen mortale si delectatio esset de esu carnis in Quadragesima facto, ita ut obiectum delectationis illammet circumstantiam comprehenderet.

Dices. Sanè nullo modo licet velle in Quadragesima comedere carnes, etiam si non velit illas comedere, quatenus sunt prohibita. Ergo neque etiam licebit in Quadragesima de esu carnis delectari.

Respondeo negando consequentiam. Ratio disparitatis est, quia voluntas efficax tendit ad exequendum opus, & cum ab opere sic exercito separari non possit malitia, neque à voluntate efficaci separari potest: ac delectatio cum operis executiva non sit, potest in opus denudatum à conditione vitiantem ferri, ac proinde mala non esse, ut bene notauit Coninchus *disput.* 34. *dub.* 11. *num.* 110. Bonac. *de matrim. quest.* 4. *p.* 8. *num.* 11.

Dico quartò, de obiecto iure naturali prohibito mala est delectatio, quoties ab illo præsciendi non potest malitia; at si ab illo obiecto in aliqua circumstantia facto

facto separari potest malitia, non erit mortalis eius delectatio. In priori parte huius conclusionis omnes conueniunt: nam tunc delectatio non habet, unde honestari possit, cum malum semper approbet. Qua ratione nunquam potest esse licita delectatio de idololatria, odio Dei, mendacio, infidelitate, & similibus, quia in nulla circumstantia hæc licita esse possunt. Secunda pars paucis arridet, eo quod existiment à prohibitis iure naturali separari non posse malitiam, & prohibitionem. Verum si rectè expendatur, clara est: furtum enim licitum esse potest necessitate graui vrgenti, homicidium autoritate publica factum: si igitur quis delectaretur de horum actuum substantia, non infertur delectari de illis, quatenus mali sunt; siquidem, & mali, & boni esse possunt, secundum diuersas circumstantias in quibus fiunt; hac enim ratione, vt bene dicit Azor statim allegandus, non peccat mortaliter, qui se ducem fingens in bello iniusto delectatur, quod strenuè pugnaverit, mirificè se defenderit, aliaque huiusmodi fuerit operatus. Item ipsemet Thomas Sanchez, qui lib. 1. cap. 2. num. 11. affirmauit, delectationem de prohibitis iure naturæ semper esse malam, num. 35. nobiscum videtur consentire, siquidem admittit non esse culpam lethalem, si laicus se apprehendat Sacerdotem, & iurisdictionem habentem, delectetur in confessionibus audiendis, quia audire confessiones non est malum, nisi quatenus sit à non habente potestatem; quare dum non delectatur de huiusmodi conditionis absentia, non delectatur de aliquo malo, sic dicendum in duello, homicidio, & similibus, quæ licita, & illicita esse possunt. ita tenet Basilius de Leon lib. 10. de matrim. cap. 16. num. 19. Azor tom. 1. instit. moral. lib. 4. cap. 6. quæst. 1. in fin. & Thomas Sanchez lib. 1. in Decalog. cap. 2. num. 16. fine. Coninch supra num. 110.

§. III.

An delectatio, & desiderium obiecti mali sub conditione auferente eius malitiam mortale peccatum sit.

- 1 Explicatur questio.
- 2 De prohibitis iure positio non est peccatum.
- 3 Quid dicendum de prohibitis iure naturæ? Proponitur quedam sententia non posse honestari ealem delectationem.
- 4 Probabile est honestari posse.
- 5 Satus sit argumentis num. 3. positis.
- 6 Aliqua aduertuntur pro superioris doctrina intelligentia.

1 **D**esideras comedere carnes die Veneris, occidere, mentiri, vindicare, idololatrare, si tibi licerent; & de illis sub tali conditione apprehensis delectaris, committisne peccatum, ac si conditionem non apposuissem.

2 Si de prohibitis iure positio loquamur, recepta omnium sententia est, te non peccare, si apponas conditionem excusantem à malitia, & sub ea obiectum velis, vt si velis in Quadragesima comedere carnes, casu quo Ecclesia permitteret, stante enim Ecclesiæ permissione talis comestio licita est. Ergo velle comestionem sub tali conditione est velle obiectum bonum nulla ex parte maculatum.

3 Quod si de prohibitis iure naturæ loquamur, distinguendum est. Aliqua enim sunt, à quibus separari potest malitia: alia à quibus malitia est inseparabilis. Prioris generis sunt, coitus, homicidium, furtum, infamatio, quæ stante aliqua conditione licita sunt. coitus enim licitus est, si cum vxore propria fiat, homicidium, si autoritate publica, furtum, si vrgente necessitate,

infamatio, si honesta causa intercedat. Alia sunt, à quibus malitia separari non potest, quia nullus casus dabilis est, in quibus hæc liceant, vt mendacium, fornicatio, vindicta, idololatria, odium Dei, & similia. Si voluntas fertur in prioris generis obiecta sub conditione auferente eius malitiam, existimo peccatum mortale non esse, quia fertur in obiectum denudatum à malitia; hac enim ratione non peccat mortaliter religiosus, qui vellet ducere vxorem, casu quo liber esset à voto, & occidere latrones casu, quo iudex esset, & alienum accipere necessitate vrgente. sic Caietanus in summa, verbo cogitatio. Emanuel Saa verbo peccatum. Man. 1. tom. sum. cap. 212. num. 2. in 2. edit. Basilius de Leon lib. 10. de matrim. cap. 16. num. 20. Thomas Sanchez alios referens lib. 1. in Decalog. cap. 2. num. 24. & alij Doctores statim referendi. Quod si voluntas fertur in posterioris generis obiecta, quæ in nullo euentu licita esse possunt, affirmat Thomas Sanchez num. 23. Basilius de Leon supra. Azor tom. 1. instit. moralium, lib. 4. cap. 6. quæst. 10. te peccare mortaliter, quomodocumque ea velis, etiam si ea velis sub conditione, si tibi licerent, vel si non essent mala, vel prohibita. Nam cum impossibilis sit talis conditio, pro non adiecta debet haberi, ex text. in cap. fin. de conditionib. apposis. at si conditio non esset appolita, sed absolute in talia obiecta motus fuisset, nemini est dubium te peccaturum grauiter. Ergo etiam si conditionem apposueris. Secundò cum dicis te velle mendacium, si esset licitum, conuinceris desiderare licitum esse mendacium. Ergo desideras, vt naturæ rerum mutantur, & iure naturæ vetita liceant. Ergo peccas. Tertio nemini esse potest dubium, hunc actum esse culpam lethalem, si esset licitum, destruerem Deum, cum tamen conditio rationem malitiæ auferre videatur.

4 Nihilominus existimo satis probabile non esse peccatum mortale hæc obiecta intrinsecè mala desiderare, vel de illis delectari, sub conditione, si licita essent, vel si Dei offensa non essent; sic tenet expressè Valques 1.2. disput. 116. cap. 2. Sayrus in clauis regia, lib. 8. cap. 7. num. 28. & 29. Salas tractat. 13. disput. 6. sect. 27. num. 180. Emanuel Saa in edic. Complut. & Rom. verbo peccatum, n. 2. Bonacina de matrim. q. 4. p. 8. n. 20.

Probo primò, quia sic desiderans illa obiecta, non absolute, & efficaciter illa desiderat, cum videat esse impossibilia, solum enim ostendit propensionem suæ voluntatis in tale obiectum; quando enim dicit se mendacium committiturum, si liceret, scit nec esse, neque posse esse licitum mendacium. Ergo non habet voluntatem committendi mendacium; cum hac enim voluntate mentiendi, si liceret, stat optimè voluntas nunquam mentiendi, quia non est licitum. Ergo solum illa voluntas est, quædam voluntas inefficax, seu, vt melius dicam, est quædam propensionis in obiectum significatio: at quando ita est, ipsemet Thomas Sanchez num. 25. affirmat malam non esse. Ergo nunquam est mala talis voluntas. Secundò, qui vult mentiri, casu quo liceret, non vult obiectum prauum, siquidem mendacium licitum malum non est, & licet nunquam possit esse licitum mendacium, hoc non obest quominus voluntas in illud sub ea conditione feratur; in apprehensione enim, & affectu mendacium licitum est.

5 Neque obstant rationes contrariæ. Admitto enim conditionem impossibilem in matrimonij contractu favore ipsius pro non adiecta haberi: at non in aliis contractibus, ex § si impossibile, Institut. de iur. lib. stipulat. & l. impossibile, 7. ff. de verborum obligat. & l. non solum, 30. ff. de actionib. & obligat. Ex quibus legibus constat apponentem conditionem impossibilem non habere voluntatem contrahendi, sed potius irridendi.

Ad

Ad secundum nego volentem mentiri, casu quo liceret, velle ut licitum sit mendacium, quia circa bonitatem, vel malitiam mendacii non fertur eius voluntas, sed negatiue se habet: sicuti si voluntatem haberes occidendi latrones, si iudex esses, non infertur te habere voluntatem assumendi officium iudicis. Neque religiosus, qui diceret: Si solutus essem à voto, ducerem uxorem; infertur habere voluntatem se à votis liberandi, sed solum dicit, quid in illo statu faceret, sibi que gratum foret. Ergo ex tali voluntate non infertur velle, ut rerum naturæ mutentur. Secundò respondeo concedendo te velle, ut illa omnia essent licita, & naturæ rerum mutentur; sed quia non vis illud efficaciter, sed inefficaciter, & per simplicem affectum, & ob finem bonum, non est cur peccati mortalis talis affectus damnandus sit, ut bene dixerunt Vasq. & Salas *suprà*.

Ad tertium respondeo illam voluntatem, si esset licitum, destruerem Deum mortalem esse non ex formali obiecto, quod respicit, sed quia videtur effectus esse alterius voluntatis Deum odio habentis: qui enim ferio id diceret, manifestè conuinceretur Deum sibi displicere, & ex displicentia ipsius esset mortale; non ex obiecto.

Pro maiori intelligentia supradictæ doctrinæ aduerto aliquos esse casus, in quibus à mortali aliqui se existimant excusatos ob conditionem appositam, cum tamen non sint, eo quod conditio illa non tollat malitiam integrè. Si enim dicas, vindicarer, fornicarer, aut aliud malum facerem, si infernus non esset, vel si non essem sacerdos, religiosus, &c. sine dubio peccas, quia esse, vel non esse infernum, esse, vel non esse sacerdotem, non tollit malitiam vindictæ, fornicationis, & aliorum peccatorum; tolleret tamen aliquam circumstantiam: ut si diceres, si non essem religiosus, fornicarer, & constitueret peccatum solum contra temperantiam, non contra votum, ut bene notauit Bonacin. *de matrim. q. 4. p. 8. num. 27.* Sanch. *lib. 1. in Decal. cap. 2. n. 28.* qui *num. 29.* aduertit, cum aliquis dicit, si hoc mihi alio tempore accideret, vindicarer, esse peccatum, si potentiam exequendi vindictam desiderat: at si solum enuntiatiue proferat, enuntiando, inquam, quid tunc faciendum fuisse existimat, culpa vacat. Nunquam tamen est peccatum velle relinquere peccatum ob timorem inferni, vel ob amissionem honoris, ob quemcunque enim finem peccatum relinquatur, peccatum non est.

§. IV.

An delectatio morosa de turpi obiecto habeat omnes species, quas haberet desiderium illius.

- 1 *Explicatur questio, & declaratur, in quo sita est difficultas.*
- 2 *Si delectatio sit de copula cum coniugata, quatenus talis est, speciem habet adulterij, secus si de copula cum coniugata præciso per intellectum coniugio.*
- 3 *Proponitur quedam obiectio, & soluitur.*
- 4 *Aliqua aduertuntur notanda.*

Constat primò, desiderantem fornicari cum soluta contra temperantiam peccare; si cum nupta, idere iniustitiam ob adulterium; si cum religiosa, vel voto castitatis ligata, peccare contra religionem; si cum consanguineis, peccare contra pietatem, quantumvis vellet non esse coniugatam, religiosam, vel consanguineam, quia desiderium peccati tendit ad exequendum peccatum, & cum à peccato illo separari non possint illæ circumstantiæ, necessariò illarum malitiam habere debet desiderium, seu voluntas efficax.

Difficultas autem est, an etiam illas habere debeat

delectatio: siquidem delectatio non tendit ad executionem operis, sed potiùs ipsum opus, quasi exercitum supponit, & in illo delectatur.

2 Et quidem si delectatio sit de copula habita, vel habenda cum coniugata, quatenus coniugata est: ita ut obiectum tuæ delectationis non solum sit copula cum illa fœmina, quam cognoscis coniugatam, sed copula cum coniugata, taliter quòd esse coniugatam te delectet, nemini esse potest dubium talem delectationem non solum contra temperantiam, sed etiam contra iustitiam esse: siquidem iniustitia tibi placet, & grata est, & tradiderunt Azor. Vasq. & Salas infra allegandi. At verò, vel nunquam hoc contingit, quia fœminam esse coniugatam, vel alio impedimento ligatam, parum delectationi deseruit, imò potiùs temperat delectationem, non illam excitat. Ergo cum de illius concubitu delectaris, non delectaris de illo, quatenus est concubitus coniugatus, vel religiosus, sed ab omnibus his circumstantiis præscindis. Posse autem delectationem ab omnibus his circumstantiis præscindere, videtur manifestum: fœmina enim illa esse poterat sine coniugio, vel voto castitatis. Ergo bene potes apprehendi, quin apprehendatur affecta coniugio, vel voto castitatis (esto alia cognitione cognoscatur affectam esse coniugio, vel voto castitatis.) Ergo apprehendere potes copulam cum illa, ut sic apprehensa. Ergo si delecteris in tali copula, non delectaris in copula adulterina, vel sacrilega: quia copula illa prout est in tua apprehensione ab omnibus his malis præscindit. Ergo delectatio de copula cum coniugata, religiosa, vel consanguinea, eiusdem esse potest speciei, nisi formaliter delectatio fiat de illis, quatenus tales sunt, ita tenet, & latè probat Vasq. *1. 2. dispnt. 112. cap. 2.* Azor *lib. 4. instr. mor. cap. 6. q. 3.* Sayrus *in clauis regia lib. 8. cap. 7. num. 19. & 20.* Thom. Sanch. *lib. 1. in Decal. cap. 2. num. 12.* attenta eius limitatione, quam apponit conclusioni. probabilem reputat Lessius *lib. 4. de virt. cap. 3. dub. 15. num. 123.* Saa *verbo luxuria num. 13.* Salas *1. 2. tract. 13. disp. 6. sect. 6. num. 56. & 57.* Ægidius de Coninch *dispnt. 34. dub. 11. num. 108.* Bonacin. *de matrim. q. 4. p. 8. num. 9.*

3 Sed obiicies, cum delectaris de obiecto prauo, v.g. de copula habita cum coniugata, copula cum coniugata tibi placet, & grata est. Ergo tibi grata est copula adulterina, quia ab illa copula cum coniugata si parari non potest adulterij malitia.

Respondeo, si per approbationem voluntatis tibi placeat copula cum coniugata, certum est, malitiam adulterij talem approbationem habere; illa enim voluntas est voluntas operis: at si per delectationem tibi placeat, non est necessarium, quòd tibi placeat copula cum coniugata, quatenus cum coniugata est, sufficit, si placeat illa copula, quæ cum coniugata est facta, quatenus est cum fœmina pulchra, & à te amata; stat enim optimè non posse ab aliquo opere separari plures malitias, & in delectatione illius operis omnino separari. Exemplis probat Coninchus, Lessius, & Salas *suprà*, si in loco sacro malè tractetur tuus inimicus, & tamen de illius calamitate delecteris absque consideratione loci sacri: talis delectatio malitiā sacrilegij non habet, etiam si opus externum sacrilegum fuerit. Item audis verba facetiæ, sed contumeliosa, impura, detractoria, delectari de illis potes, non quatenus contumeliam causant, sed quatenus risum excitant; item non quatenus detractoria, sed quatenus impura. Ergo non est necessarium delectationem integrè obiecto conformari, & omnem eius malitiam in se recipere, sed poteris solum ex parte turpitudinem ab illo accipere.

4 Aduertendum tamen est, si delectatio contingat de copula sodomitica, vel bestiali, necessariò fatendum esse, quia omnino sunt distincta à copula fornicaria, & specialem cum virtute castitatis oppositionem habent: huc

sive hæc oppositio illis proueniat à turpitudine obiectorum, quæ respiciunt, siue à se ipsis per ordinem ad obiecta, sic Vasquez *cap. 2. Lessius num. 122. Salas num. 60.*

Secundò aduertendum est, si delectatio fiat ab habente votum castitatis, esse non solum contra temperantiam, sed etiam contra votum, quia votum omnes delectationes carnales excludit. Solum est difficultas, an delectatio coniugis cum scemina aliena habeat non solum malitiam contra castitatem, sed etiam contra iustitiam? Affirmat Bonacina *quest. 4. punct. 8. de matrim. num. 19. versic. secundum casum*; quia coniux per matrimonium non solum corpus, sed etiam affectus alteri coniugi obligauit. Ergo si in alteram à coniuge inclinat, iniuriam irrogat. Hæc tamen ratio non caret difficultate, supposita nostra sententia affirmante delectationem non accipere malitiam omnem obiecti, sed quatenus ab intellectu voluntati representatur. Cum autem à circumstantia coniugij possit intellectus præscindere, & seipsum quasi solummodo considerare; non videtur circumstantiam coniugij, posse malitiam tali delectationi tribuere. Quòd autem per coniugium non se coniuges obligauerint ab his delectationibus abstinere, sicuti obligantur vouentes castitatem; inde probatur, quia hæc delectationes sunt per se incognitæ alteri coniugi. Ergo non potest ratione illarum iniuriam pati, neque ob illas priuatur copula sibi debita. Ergo non sunt contra iustitiam, sed solum contra temperantiam, quod dubitando dictum sit.

§. V.

An delectatio appetitus sensitiui cum commotione corporis peccatum sit mortale, si voluntas in talem delectationem expresse consentiat.

- 1 *Qua ratione in his motibus consentire possit, & de quo consensu sit controuersia.*
- 2 *Motus appetitus sensitiui non reſſanati à voluntate, cum possit, qui affirmans esse mortale.*
- 3 *Probabilior est sententia opposita.*
- 4 *Soluuntur fundamenta num. 2. posita.*
- 5 *An sit peccatum veniale hos motus non reprimere? Proponitur sententia non esse.*
- 6 *Defenditur cum communi esse veniale peccatum, & soluuntur contraria rationes.*
- 7 *Quid si ob causam honestam non reprimat.*

DVPLICITER voluntas in huiusmodi motibus consentire potest. Primò expresse appetendo illos, & in illis se delectando, & de hac voluntate nemini est dubium esse peccatum mortale. Secundò consentire potest tacitò, & virtualiter, quatenus non reprimat, neque coërcet, cum possit. Et de hac secunda voluntate est controuersia, an sufficiat, ut motus appetitus sensitiui sint peccata mortalia, etiam, quando abest periculum pollutionis, vel alterius consensus mortalis.

1 Prima sententia affirmat, sic Azor *idm. 1. lib. 4. cap. 6. quest. 5. & cap. 21. quest. 5.* Petrus de Ledesma *2. part. sum. cap. 27. initio.* Valent. *1. 2. disput. 6. quest. 4. punct. 3. vers. nihilominus contraria.* Lessius *lib. 4. de iustit. cap. 3. num. 117.* Vasquez *1. 2. disput. 108. cap. 2.* Sayrus *lib. 8. cap. 7. num. 3.* referunt pro se D. Thom. Bonauent. Alenf. Richard. & alios, sed immeritò, ut rectè expendit Salas *1. 2. tract. 13. disp. 6. sect. 3. in princ. num. 14. & 25.*

Probari potest primò, quia voluntas tenetur rege-
re appetitum, & omnes alias potentias, ne rationi pu-
Ford. de Castro Sum. Mor. Pars I.

gnent; ideo enim constituta est domina, & regina potentiarum. Ergo si cum appetitus, aliæque inferiores potentie oppugnant rationem, voluntas non se opponit, & appetitum reprimat, obligationi non satisfacit. Ergo peccat: & cum sit materia grauis, excusari non potest à mortali. Secundò, si voluntas in huiusmodi motus expresse consentiat, omnes affirmant, peccare mortaliter. Ergo etiam peccabit, si virtualiter consentiat, tacitus enim, & expressus consensus pro eodem reputantur, ex *l. de quibus, in fine, ff. de legibus, & l. cum quid, ff. si certum petatur.* & late Luesard. *loco ab expresse ad tacitum.* Confirmo, quia vix distinguere potest, an voluntas se negatiuè habeat, an expresse consenserit: nam cum appetitus secum trahat voluntatem, difficile erit discernere, consentiente appetitu voluntatem non consentire. Terriò, si aliquis huiusmodi motus per tactus, & amplexus in te excitaret, obligatus esses sub mortali illum reprimere. Ergo etiam cum à natura excitantur, cum eodem modo ad seminatorem prouocent. Neque valet dicere te esse obligatum repellere huiusmodi tactus, ne peccato alterius consentias: nam etiam si alter non peccaret, eo quòd ebrius, aut amens esset, teneretis illum à te repellere, neque tales tactus permittere; quia talis irritatio à quocumque proueniat, castitati obstat. Quartò, velle hos motus, & delectationes inde confurgentes, ideo est mortale, quia hæc delectationes initium sunt, & causa proxima pollutionis, vel coitus, sed siue apponatur expresse, siue tantum interpretatiuè, eodem modo sunt initium, & causa pollutionis, vel coitus. Ergo eodem modo erunt peccata, cum consensus interpretatiuus verus consensus sit. Quintò, si voluntati licet hos turpes motus non reprimere, sed illorum delectationem recipere, contenta erit tali delectatione, & de matrimoniali copula non curabit. Obstat ergo talis licentia fini matrimonij.

3 Nihilominus etsi supradicta sententia valde probabilis sit: probabilior mihi videtur non peccare mortaliter voluntatem, quæ non reprimat hos turpes motus, sed merè negatiuè se circa illos habet, dummodo absit periculum pollutionis, aut vltioris grauis consensus. tenet hanc sententiam Caietan. *1. 2. quest. 74. art. 3. & in summ. verb. delectatio, versic. magna tamen.* Nauarr. *cap. 11. num. 9. vers. 11. partic. 4. & cap. 16. num. 9. partic. 5.* Tolet. *summ. lib. 5. cap. 14. num. 2.* Philarchus *tom. 1. part. 2. summ. lib. 4. cap. 18.* & alij plures, quos refert Salas *tractat. 13. disput. 6. sect. 3. num. 25.* Et licet ipse noluerit suam mentem declarare, satis insinuat esse pro hac sententia, ut legenti patebit. Probabilissimam esse affirmat Thomas Sanchez *lib. 3. de matrim. disp. 45. num. 25. & lib. 1. in Decalog. cap. 2. num. 13.* vbi hanc reputat probabiliorē in rigore metaphysico, practicè tamen aliam dicit esse veram.

Præcipua ratio, quæ me mouet, est, quia huiusmodi motus à natura proueniunt, ita ut omnes coërcere sit impossibile, aliquos difficillimum. Non est igitur credendum de diuina bonitate salutem æternam hominum his periculis exposuisse; esset enim salus æterna cuiuslibet hominis non leui periculo exposita, si eum à natura sit in malum procliuus, arctatus sit non solum non admittere hos motus, sed etiam illos reprimere, & coërcere. Item si obligatus esset homo hos motus reprimere, cum possit, obligaretur sanè media apponere non difficilia ad reprimendum. Ergo si videat hos motus confurgere, eo quòd in lecto tali, vel tali modo decumbit, tenebitur à tali cubitu abstinere, imò surgere, & se aliquantulum verberare, quod certè est durissimum, & pauci admittunt. Deinde peccabit mortaliter, si non euitat causas, ex quibus cognoscit huiusmodi motus prauos insurgere: nam si postquam excitati sunt, tenetur illos reprimere, à fortiori tenebitur

I impo

impedire ne excitentur; tenebitur ergo sub mortali foeminam non alloqui, nec videre, aliæque similia omittere, quæ in omnium sententia vel bona sunt, vel solum venialia.

4 Denique argumenta contrariæ sententiæ non videntur.

Ad primum dico, voluntatem obligatam esse sub mortali regere appetitum, ne ita cum ratione pugnet, ut ex eius pugna ipsa consentiat: at impedire quamlibet pugnam, non videtur obligata voluntas saltem sub mortali.

Ad secundum admitto gratis in contractibus idem esse iudicium taciti, & expressi propter præsumptum consensum: at in peccatis nequaquam; nunquam enim tibi licet aliorum peccata velle; licet tamen illa non impedire, & Deus peccata permittit, non tamen illa vult. Quare si recte expendatur hic consensus tacitus, qui solum est permissio, non debet dici propriè consensus voluntatis, cum voluntas, quantum est de se, illos non velit, & in tali appetitus delectatione displiceat. Aliàs diceretur Deus tacitè velle nostra peccata, & virtualiter in illis consentire, siquidem illa permittit potens cohibere, quo nihil absurdius. Ad confirmationem, difficile quidem est discernere voluntatem non consentire, consentiente appetitu: at experientia constat ita contingere, præcipuè cum in voluntate adest displicentia formalis de tali delectatione, quæ displicentia efficaciter detinet voluntatem, ne consentiat, esto inefficax sit ad prauos illos motus reprimendos.

Ad tertium concedo obligatum te esse sub mortali repellere excitantem turpes motus: at non obligari eodem modo, quando à natura excitantur, esse enim excitatos à natura, diminuit obligationem, sicut in pollutione contingit, quæ permitti potest fluere, quando à natura pronenit: at si alius in te excitaret, omnino debbas illam repellere.

Ad quartum concedo velle hos turpes motus, illòsque procurare, esse peccatum mortale, quia initium sunt, & causa pollutionis. Nego tamen inde inferri illos permittere esse mortale; quia aliud est velle causam pollutionis, aliud permittere illam. Qui enim permittit causam pollutionis à natura provenientem, non dicitur illius causa: at qui illam vult, causa illius est. Adde si prævideatur futura pollutio, etiam si non prævideatur illius consensus, communiter Doctores fatentur teneri tunc voluntatem resistere, nec posse solum negativè se habere, quia tenetur causas notabiliter ad pollutionem influentes auertere, si commodè possit: sic Sanchez *suprà lib. 9. de matrim. disput. 45. num. 25. & in Decal. lib. 1. cap. 2. n. 14.* Salas *1. 2. tract. 13. disp. 6. sect. 18. num. 121. fine, & sect. 9. num. 74. fine*, quamvis difficultate non careat.

Ad quintum nego talem permissionem obstatè graviter fini matrimonij, cum enim voluntas non possit horum motuum delectationem procurare, vel in illa gaudere, sed ad summum illam pati, cum acciderit, non potest periculum esse, quòd his delectationibus contenta sit.

5 Ex dictis oritur non levis difficultas, an sit peccatum veniale hos motus non reprimere, cum possis?

Ratio difficultatis est. Nam si est peccatum veniale non reprimere hos motus, ideo est, quia est obligatio reprimendi, & carentia illius repressionis aduersatur alicui præcepto: at nullum præceptum esse videtur, cui aduersetur: nam illud præceptum, non concupiscas, non de appetitus concupiscentia, ubi non est libertas, sed de concupiscentia voluntatis, latum est. Ergo dum ipsa voluntas non concupiscit hos motus, nullum peccatum esse potest. Deinde si ad sit præceptum reprimendi hos motus, cum hæc sit materia gravis, obligatio erit

sub mortali. Ergo vel dicendum est nullum esse peccatum hos motus non reprimere, vel esse mortale. Denique non reprimere hos motus, ideo esse potest peccatum veniale, quia ipsi excitant, & movent ad pollutionem, cuius causas debes auertere, si commodè possis. Ergo hæc ratio probat non esse peccatum veniale, sed mortale. Quia non auertere causas in materia luxuriæ notabiliter influentes in pollutionem, mortale est, ut expendit Sanchez *lib. 9. de matrim. disput. 45. num. 25.* Confirmo, pollutio præiusta, & non intenta, intantum est peccatum, in quantum est peccatum causa illius, sed quando ex huiusmodi delectationis appetitu prævidetur pollutio, delectatio appetitus peccatum mortale est. Ergo etiam erit mortale, quando non prævidetur. Probo consequentiam, quia causa pollutionis esse mortale, vel non esse, non provenit ex effectu sequuto, sed ex eo quòd ipsa per se talem effectum habeat. Ergo vel dicendum est nullum esse peccatum hos motus non reprimere, etiam stante pollutionis periculo, vel semper esse peccatum mortale. Quapropter plures Doctores asserentes hanc delectationem mortalem esse, non tam de periculo pollutionis, quàm de periculo consensus in ipsam sunt locuti: quocirca Alensis, Bonavent. & alij, quos refert Salas *1. 2. tract. 13. disput. 6. sect. 3. num. 30. & sect. 35. circa finem, num. 6.* sentiunt nullum esse peccatum has delectationes permittere, si absit periculum consensus, & expressè docet Ioann. Sanchez in *select. disp. 21. num. 3.*

6 Verum omnino retinenda est communis sententia, quam docet Salas *suprà sect. 3. num. 30. fine, & sect. 9. in princ.* ubi plures refert Thomas Sanchez in *Decal. lib. 1. cap. 2. num. 13. fine*, & omnes communiter: permittere, inquam, hos turpes motus, & delectationem appetitus absque aliqua causa honesta, esse peccatum veniale, quia de se sunt inordinati, & ad copulam incitant. At à copula prohibitus es abstinere: ergo etiam prohibitus es abstinere ab iis motibus, sub gravi culpa, ne illos velis; sub leui, ne illos permittas. Nec mirum est hos diuersos modos consentiendi, non eadem gravitate culpæ prohiberi, sicuti non eadem gravitate culpæ prohibetur resistere tepidè tentationi, ac illam velle. Ex his patet ad primam & secundam rationem dubitandi. Ad ultimam dico te obligatum esse auertere causas per se ad pollutionem notabiliter influentes, quando commodè pores; obligaris, inquam, sub mortali, si tibi voluntariæ sint; sub veniali, si à natura sine appositæ, vel si intelligantur probabiliter pollutionem causaturæ. Vnde cum Doctores dicunt causam dare pollutioni, absque vlla necessitate mortale esse, etiam si pollutio non sequatur, si causa per se refertur ad pollutionem, optimè dicunt: at qui permittit huiusmodi motus, non dat causam per se pollutioni, sed permittit causam à natura datam: hæc autem permissio non videtur sub gravi culpa prohibita, quando pollutio non intelligitur prouentura: sufficit, si tunc sub veniali intelligatur prohibita.

7 Notandum item est, si ob causam necessariam, vel vtilem tibi, aut alteri non reprimis huiusmodi motus, quales sunt, audire confessiones, legere, studere, locutio urbana cum foemina, equitatio, timor incidendi in turpiores delectationes, vel vrgentiùs tentandi, nullum peccatum committis: etiam si adsit periculum pollutionis, modò absit periculum consensus, quia tunc pateris has delectationes, non agis: ita Azor *10m. 1. institutionum moralium, lib. 4. cap. 6. quest. 5.* Salas plures referens *1. 2. tractat. 13. disput. 6. sect. 3. num. 31.* Sanchez *lib. 1. in Decalog. cap. 2. num. 12.* Vasquez *disput. 108. cap. 3. fine.* Coninchus *disp. 34. de matrim. dub. 11. num. 111.* Lessius *lib. 4. cap. 3. dub. 14. num. 94. & dub. 15. num. 118.*

PUNCTUM XI.

Qua ratione pecces, si te iactes, aut iactari permittas de peccato, de donis naturalibus, & de virtutibus.

- 1 *Iactantia de peccato, peccatum est.*
- 2 *Si de dexteritate, aliisque circumstantiis iacteris, idque audientes intelligant, à peccato mortali excusari potes.*
- 3 *Si alius te de peccato laudas, & laudes accipias, mortaliter peccas.*
- 4 *Idem est si alium tu de peccato laudas, vel quod non commiserit exprobras.*
- 5 *An iactantia in peccatum eandem habeas malitiam, ac ipsum peccatum.*
- 6 *Iactantia immoderata in donis naturalibus per se est veniale peccatum.*
- 7 *Aliquando est mortale, ut si in damnum tertij vergat.*
- 8 *Querere ab hominibus estimationem, & gloriam in virtute aliquando licet.*
- 9 *Humanas laudes propter se appetere illicitum est.*
- 10 *Sed quid si ob gloriam humanam capiendam fingeres opera virtutum.*

1 **S**ine controuersia est, iactantiam de peccato peccatum esse, quia iactantia & est complacentia in peccato, & ex illo laudem querit. Vnde si peccatum fuerit mortale, mortalis erit iactantia, si veniale, venialis. Neque refert, si ne peccatum verum, vel falsum, de quo te iactas, quia iactantia eadem esse potest, siue peccatum verum sit, siue falsum, sic omnes doctores cum D. Thom. 2. 2. q. 132. art. 1. & 3.

Sed quid si non tibi placeat peccatum, imò potius illud detesteris; at ne condemnaris ab aliis, neve exproberis, te iactas de peccatis commissis, vel fingis commississe.

Respondeo in iactantia de peccato communiter dupliciter peccari, primò per complacentiam, & gaudium de peccato, de quo te iactas. Secundò per extollentiam prauam, & elationem inordinatam. Si in peccato, de quo te iactas, non complaceas, excusaris à peccato complacentiæ, & delectationis illius: at non excusaris à peccato elationis, seu inanis gloriæ, quæ consistit in quærenda laude, & honore ex peccatis. sic D. Thom. *suprà* art. 3. Nauarr. *summ. cap. 23. num. 12.* Sanchez *lib. 1. in Decalog. cap. 3. num. 5. & 10.* Azor *tom. 1. instit. lib. 4. cap. 13. quest. 2. & 5.*

2 Verùm si in peccato narrato non complaceas, neque ratione illius laudem quæras, sed solum te iactes, de ingenio, dexteritate, virilitate incommittendo, affirmat Lessius *lib. 2. de iustit. cap. 47. dub. 6. num. 42.* Sanchez *num. 4.* Bonacina *quest. 4. de matrim. punct. 8. num. 10.* non esse mortale casu, quo audientes intelligant te neque complacere in peccato, neque laudari de illo, sed solum de modo, qui in committendo adfuit: nam si id non intelligunt, peccas inanis gloriæ peccato, siquidem opere saltem externo exultas in rebus pessimis. Et ita præsumendum est contingere, quoties tuus animus in contrarium manifestè non declaratur, sumitur enim præsumptio ex communiter contingentibus, ex *l. nam ad ea. ff. de legib.* Negari item non potest talem narrationem periculosissimam esse.

3 Quòd si alius te de peccato iactet, & laudes accipias, illisque congaudeas, clarum est te peccare mortaliter, ut bene dixit Nauarr. & Sanchez *suprà*: at si tibi displicerent, & præ verecundia taceres, existimat Sanchez non esse mortale, nisi talis esset laudatus, qui tacendo stantibus scandalum præberet. Ego verò, ut te

Ferd. de Castro Sum. Mor. Pars I.

excusem à peccato, semper existimo necessarium, ut aliquo modo displicentiam, quam habes in corde, exterius manifestes; alioquin censeberis laudes ex malefactis accipere, & in illis consentire.

4 At si tu alium de peccato commissio laudas, vel exprobras, quòd non commiserit, clarum est te peccare pro gravitate peccati, de quo laudas, vel exprobras, tum quia excitas alium, ut de peccato gaudeat; vel contineat non commississe, exciteturque ad committendum, tum quia significas laudem, & honorem ex malefactis esse quærendam, idque procuras. sic Nauarr. *cap. 23. num. 13.* Caietan. *summ. verb. iactantia.* Sanchez *num. 6. & seqq.* ubi bene aduertit aliquando oriri obligationem restitutionis, si tua exprobratione, vel iactantia motus aliquis fuerit damnum inferre. Quòd si solum dexteritatem, ingenium, & vires in peccato laudare intenderis, id ut excuseris à peccato explicare debes, & cauere omnino, nec in te, vel in alio periculum sit iactantiæ, & gaudij de mortali admissio: ratione cuius bene dixit Sanchez *num. 12.* frequentissimè hanc laudationem mortalem esse.

5 Sed inquires, an iactantia eiusdem sit specificæ malitiæ cum peccato, de quo te iactas, ac proinde in confessione tenearis dicere, & declarare peccatum, de quo fuit iactantia, si fuit, inquam, iactantia de furto, vel de fornicatione.

Affirmat Sanchez *illo cap. 3. num. 13.* Mouetur, quia virtus non solum prohibet peccatum sibi formaliter contrarium, sed etiam delectationem, & iactantiam de illo. Quæ sententia vera omnino est, si iactantia sit cum gaudio de peccato commissio: at si gaudium excludas, & solum peccatum iactantiæ committas, existimo probabilius non variari eius malitiam ex varietate peccati, circa quod versatur; ac proinde te non esse obligatum declarare peccatum, cuius fuit iactantia, sed sufficienter satisfacere dicendo te de mortali culpa iactasse. Probo, quia tota iactantiæ malitia consistit in capienda gloria, & honore ex malè factis; quòd verò malè facta sint latrocinia, homicidia, aut fornicationes, materiale quid est, & per accidens ad iactantiæ malitiam, sicuti ad violationem voti, & iuramenti, materiale quid est, quòd violatio sit in castitate, vel in paupertate. ita tenet expresse Nauarr. *summ. prælud. 9. num. 4.* Neque verum est quamlibet virtutem prohibere iactantiam de peccato tibi contrario, sicut prohibet delectationem, gaudium, & desiderium illius, quia iactantia de peccato, quodcumque sit, per se prohibetur à virtute humilitatis; est enim iactantia filia superbiæ, seu inanis gloriæ, ut dixit Gregor. *lib. 3. mor. cap. 31.* & D. Thomas communiter receptus 2. 2. q. 132. art. 4. ac proinde humilitati contraria: at delectatio, gaudium, & desiderium de peccato solum ab ea virtute prohibetur, quæ prohibetur ipsum peccatum.

6 Verùm si de iactantia in donis naturalibus, nempe ingenio, nobilitate, robore, & fortitudine loquamur, & de his te iactes, plusquam oportet, peccatum veniale per se tantum est. Esse peccatum constat, siquidem appetit excellentiam, & honorem indebitum. Esse tantum veniale ex eo probatur, quia res quæ appetitur bona est, scilicet honor, & gloria humana: modus autem appetendi non est cum damno tertij, ut suppono. Ergo non videtur esse grauis culpa. Et confirmo, qui acrioris ingenij, nobilioris prosapiæ, præstantioris doctrinæ opinionem assecutus est, quam sua merita postulant, non tenetur manifestare veritatem, sed poterit hanc opinionem, etsi falsam, permittere; dummodo non vergat in detrimentum aliorum. Ergo procurare opinionem excedentem meritis, non est mortale, siquidem non est peccatum illam conservare.

7 Dixi non esse mortale per se appetere excellentiam, & honorem indebitum, quando non vergit in aliorum

1. 1. graue

grave detrimentum. Nam si iactatio horum bonorum, eo quod falsa sit, in aliorum grave detrimentum vergit, nemini est dubium esse mortale. Vnde si ignarus iuris canonici, vel medicinæ teingas peritum Medicum, vel Aduocatū, & obinde exponaris periculo medendi infirmos, vel dissoluendi lites, nemini est dubium peccare mortaliter, cum obligatione restituendi, si damnum fuerit sequutum. sic Nauarr. *cap. 23. num. 13. & 16.* Lessius *lib. 2. cap. 47. dub. 6. num. 42.* Sanchez alios referens *lib. 1. in Decalog. cap. 3. num. 2.* ubi à peccato mortali excusat generaliter competitores cathedræ, qui se coram electoribus plus iusto extollunt, & laudes, & facinora fingunt, vt competitoribus aliis præferantur, quia huiusmodi dictis ferè nulla fides adhibetur.

8 Quod si de iactantia in virtute loquamur, dicendum est narrare rectè facta, & ab omnibus gloriam, & æstimationem ob illa querere, fieri posse aliquando absque peccato, iuxta illud Ecclesiast. 41. num. 15. *Curam habe de bono nomine; hoc enim magis permanebit tibi, quam mille thesauri.* & Apostolus ait, *providentes bona non tantum coram Deo, sed etiam coram hominibus.* Debet tamen huiusmodi recta æstimatio non propter se appeti, sed vt melius Deo ratione illius obsequaris, vel causa sis, vt alij obsequantur; qua ratione dixit Matth. 5. *Sic luceat lux vestra coram hominibus, vt videant opera vestra bona, & glorificent Patrem vestrum, qui in celis est.* sic Azor *tom. 1. institutionum moralium lib. 4. cap. 13. quest. 3.*

9 Qui enim solum humanam laudem ex operibus bonis captaret, peccaret sanè, vt optimè expendit Nauarr. *in cap. minister, 23. quest. 5. num. 30. & 44.* & Azor *lib. 4. institut. cap. 13. quest. 1.* tum quia omnia creata non sunt propter se appetenda: tum quia inordinatio est virtutem, quæ excellentior est, ad humanos honores dirigere, & propter illos appetere: tum etiam, quia virtus per se solum est laude digna, & dignissima, vt per se appetatur. Deinde non leuiter demonstrat Christus Matth. 6. *Attendite (inquit) ne iustitiam vestram faciatis coram hominibus, vt videamini ab eis.* Nam de illis qui hoc faciunt, subiungit *recepisse mercedem suam*, quasi diceret, iam illis est satisfactum: cum eorum opera præmium à Deo non meruerint, cum non propter ipsum fuerint facta. At hæc culpa etiam si sit in administratione, vel receptione sacramentorum, solum est venialis, quia non videtur grauis inordinatio ex bono opere humanam laudem captare, & ita tenet Nauarr. *cap. 23. num. 13. versic. 4. qui res principaliter.* Syluest. *verbo vana gloria, quest. 2. sine.* Henriquez *lib. 4. de penitentiæ cap. 36. num. 4. in comment. lit. R.* Sanchez *lib. 1. in Decalog. cap. 3. num. 1.* Bonacina *de matrim. quest. 4. p. 8. num. 10.* colligitur ex Azor *tom. 1. lib. 4. instit. mor. cap. 13. quest. 1. & 4.*

10 Sed quid si ob gloriam humanam captandam fingeres opera virtutis, adhuc existimo te solum venialiter peccare, si inde damnum aliquod graue aliis non obuenit, quia non videtur grauis inordinatio, quod expressè docuit Azor *tom. 1. institut. moralium, lib. 4. cap. 13. quest. 5.* ubi postquam dixit hypocrisim, qua quis factis vitæ integritatem, & sanctimoniam fingit, ac simulat, cupiens, & studens bonus haberi, & prædicari, subinnuit in his tunc lethalem culpam inesse, cum proximo graue damnum infertur, aut grande aliquod imminet peccati periculum, aut cum in deprauatum finem, animum, & mentem intendimus. Ergo iis exclusis sentit solum esse veniale Leonardus Lessius *lib. 2. cap. 47. dub. 6. num. 45.* dicit esse solum veniale, sicut mendacium, & iactantia: & solum ex adiunctis esse mortale, colligitur ex Nauarr. *cap. 23. num. 13.* & Sanchez *lib. 1. in Decalog. cap. 3. num. 2. & 3.* ubi falsò laudatum peccati mortalis condemnant, si aduersus inde

grave damnum oriri taceat, imò aliquando subdunt Sanchez, & Nauarr. nec veniale esse falsis laudibus non contradicere: dummodo illis, quæ falsæ sunt, non delecteris, sed quia per opinionem, etsi falsam, quam habent alij de tua virtute, quæ tuo statui necessaria erat, vitatur scandalum.

PUNCTUM XII.

An repræsentatis duobus peccatis, voluntati, v.g. homicidio, & leui mendacio, teneatur voluntas vtrumque respuere, vel possit absque peccato vnum præ alio amplecti.

- 1 *Propositur dubitatio.*
- 2 *Licitam esse electionem minoris mali comparatione maioris probat Sanchez.*
- 3 *Peccatum est electio minoris mali in supradicto casu.*
- 4 *Non est peccatum aduersus electionem, sed aduersus virtutem, qua cum pugnat malum electum.*
- 5 *Qui maius malum eligeret secluso minori, aduersus illam virtutem peccaret, aduersus quam est malum electum.*
- 6 *Soluuntur argumenta num. 2. posita.*

1 **C**ertum est voluntatem vtrumque respuere debere, si id sibi est possibile, quia vtrumque malum est, ac proinde vitandum. Controuersia igitur est, an casu, quo determinata sit, vtrumque respuere, possit elicere absque peccato hunc actum; si peccatum à me admittendum esset, eligerem potius leue mendacium, quam homicidium?

2 Affirmat Sanchez *lib. 1. in Decalog. cap. 10. à num. 25.* licitam esse hanc electionem, seu præelectionem minoris mali, comparatione maioris; iniquam tamen, si maius malum eligeret. Mouetur primò, quia hic non absolute vult eligere minus malum; hoc enim esset iniquum, sed vult eligere, casu quo fragilitate sua vnum è duobus illis peccatis esset determinandus eligere: sed eligere minus malum comparatione maioris, est recta electio. Ergo. Confirmatur. Licitum est determinato, vnum è duobus peccatis efficere; consulere, vt minus eligat; quia tunc non consulitur absolute malum, sed electio minoris, quæ bona est. Secundò etsi charitas te obliget vitare in proximo quodcumque peccatum, at ubi ipse determinatus est vnum è duobus eligere, teneris arctiori vinculo maius vitare. Ergo etiam teneris in te ipso arctiori vinculo maius peccatum vitare. Ergo voluntas, eligendi minoris mali potius quam maioris, bona est, & sub præcepto. Tertio hic actus, si mihi mientendum esset, aut neganda fides, eligerem negare fidem, esset grauissimum peccatum: at non esset peccatum, nisi quatenus opponitur præcepto de minoris mali præelectione: siquidem voluntas firmiter ad non peccandum est determinata. Quarto, quando duo præcepta incompatibilia concurrunt, datur præceptum eligendi, quod grauius est, & quod grauius malum euirar. Ergo idem erit, quando ex voluntate se quis conicit in has angustias; quia necessitas non efficit præceptum de vitando grauiori malo, sed illud supponit. Hæc sunt præcipua argumenta, quibus Thomas Sanchez mouetur, contendit pro sua sententia adducere Sotum 4. *distinct. 17. quest. 2. artic. 4. in 5. conclus.* Bartholom. à Ledesm. *in summ. sacrament. tractat. de penitentiæ, ubi de contritione, difficult. 6. col. penult.* Martinum de Ledesm. 2. *part. 4. quest. 2. art. 3. paulo post principium, in 4. propos.* Suarez *tom. 4. in 3. part. disput. 3. sect. 10. num. 6.* Petrum de Ledesm. *in summ. tractat. de peni*

pœnitent. cap. 6. post 9. conclus. fol. 438. versic. de lo dicho se sigue. Qui tamen, meo iudicio, non negant electionem minoris peccati, etiam facta illa suppositione, peccatum esse: sed solum dicunt non esse peccatum distinctum, neque habere malitiam distinctam ab ea, quam haberet, si per se eligeretur, & nulla comparatione facta: consentit sententia Sanchez integre Bonacina *disput. 1. de peccat. quest. 4. punct. 4. proposit. 5. num. 25.*

3 Triplici conclusione meam sententiam declarabo.

Affirmo primò dicentem, si furtum, vel leue mendacium ego determinare committere, eligerem potius mendacium, quàm homicidium; peccare peccato mendacij, quantumvis habeat voluntatem utrumque vitandi. Probo, quia etsi eligit minus malum, ad vitandum maius; at absolute malum eligit, sed electio libera mali nunquam potest esse bona. Ergo. Quod longè aliter se habet in consulente, in cuius potestate non est, dimouere proximum ab utroque peccato, ideo rectè facit consulens, ut minuatur malum illud: at in eligente, ut bene dixit Suarez *tom. 4. in 3. part. disput. 3. sect. 10. num. 3.* semper habet in potestate sua utrumque vitare, neque fieri potest, ut commissio leuioris peccati, sit necessaria ad vitandum grauius, quia est aperta contradictio, & ideo in ipso eligente nunquam ille actus potest esse bonus. Confirmo illa suppositio, si determinandus esses ad mendacium leue, vel ad homicidium, nullo modo tollit malitiam ab illo actu, quo dicis te electurum esse mendacium, quia non tollit malitiam mendacij; determinatio enim tuæ voluntatis ad vnum è duobus committendis, non immutat obiecta, neque illa aliter quàm sunt, supponit. Ergo. Item cum dicis: si essem laicus, & non Sacerdos, me vindicare, peccas peccato vindictæ, quia esto habeas voluntatem absolutam nunquam te vindicandi, habes tamen voluntatem illius, sub conditione non auferente eius malitiam, ac proinde peccas, ut omnes fatentur: sed eodem modo te habes in presenti; sub conditione enim, quod determinandus esses ad vnum è duobus ad homicidium, vel ad leue mendacium, dicis te electurum mendacium, peccas quidem eligendo mendacium, quia illa suppositio tuæ determinationis, non tollit mendacij malitiam, quia & libera est, & mendacio extrinseca.

4 Dico secundò, posita fictione supradictæ comparationis, in qua minus peccatum relicto maiori eligitur, talis electio minoris peccati non habet malitiam aliam distinctam ab ea, quam habet minus peccatum. Hæc conclusio à nemine negari potest: imò hoc est solum, quod Doctores relati à Sanchez videntur docere; cum tantum dicant facta illa comparatione ficta, potius minus malum, quàm maius est admittendum, nunquam tamen dicunt in illa electione libera minoris mali malum non esse, sed non esse malum aduersus præceptum electionis.

5 Dico tertio, qui sub illa comparatione homicidium eligeret, omisso leui mendacio, peccaret sanè mortali peccato homicidij: at non credo aliam malitiam habere. Quod peccet mortaliter, constat ex prima conclusione, & expresse omnes Doctores admittunt; quod verò non haberet aliam malitiam, inde probo: nam si aliquam haberet, maxime aduersus præceptum, quo cauetur ex duobus illis malis minus esse eligendum, sed in presenti nullum est tale præceptum: siquidem qualibet suppositione facta utrumque vitari imperatur. Ergo. Deinde vitare homicidium, potius quàm leue mendacium, ipsamet iustitiæ virtus obligat, quælibet enim virtus, quo grauior est, & excellentior, eo strictius obligat ad sui obiecti obseruationem. Ergo non est necessaria alia obligatio distincta. Ergo qui vult committe-

Ferd. de Castro Sum. Mor. Pars I.

re homicidium, potius quàm leue mendacium aduersus iustitiam peccat.

Sed quid dicendum, cum inter duo peccata mortalia eligis?

Respondeo semper te peccare mortaliter, quia semper teneris vitare utrumque qualibet suppositione facta. At peccas solum aduersus illam virtutem, cui opponitur peccatum, si de facto committeretur: vnde pro qualitate virtutis est maior, vel minor obligatio; semper enim fides, v. g. fidelitate excellentior est. At cum te determinas vnum è duobus violare, & resoluis violare fidem, solum aduersus fidem peccas, quia fides est, quæ te dictabat magis esse ipsam seruandam, quàm fidelitatem. Neque enim necessaria est alia virtus, quæ hoc diceret.

6 Argumenta pro sententia Sanchez ex dictis manent soluta; qualibet enim determinatione facta semper est malum eligere peccatum leuius; non tamen est malum consulere eligendum, quia non consulitur eligendum minus malum absolute, sed diminutionem maioris, cum in potestate consulentis non sit utrumque vitare, sicuti est in potestate electoris.

Ad secundum concedo te teneri ætiori vinculo peccatum grauius vitare, quàm leuius, non tamen inde inferri, si eligas leuius, non peccaturum; peccabis, inquam, sed leuius.

Ad tertium concedo illum actum negandi fidem esse grauissimum, & aduersus fidem, quia sufficit sub conditione non auferente malitiam velle fidem negare.

Ad quartum quando duo præcepta incomparabilia concurrunt, si rectè expendatur, non datur præceptum eligendi, quod grauius est, quia ibi tunc non sunt duo præcepta, sed vnum tantum; aliud enim cessat, quia ponitur aliqua circumstantia, qua posita cessat obligatio. Verbi gratia, adest præceptum audiendi Missam, & simul necessitas succurrendi infirmo, cessat omnino præceptum audiendi Missam, quia ponitur aliqua circumstantia, qua cum non obligat: at in presenti casu supponimus utrumque præceptum de facto obligare, neque vnus obseruantia alterum excludere. Ergo utrumque est seruandum. Ergo si vnum ex illis violas, peccabis.

DISPUTATIO III.

De peccatis, quæ est de eorum distinctione, grauitate, & pœnis eis annexis.

PUNCTUM I.

Vnde distinctio peccatorum sumenda sit.

- 1 *Proponitur questio.*
- 2 *Multiplicatas ex parte præcipientis non multiplicat peccata.*
- 3 *Obiectiones aliquot proponuntur, & diluuntur.*
- 4 *Quoties est distinctio formalis, non materialis rei præceptæ, est peccatum distinctum.*
- 5 *Proponuntur obiectiones, aduersus dictam doctrinam, & illis sit satis.*



PRINCIPIUM constitutum cuiuscumque rei est principium distinctionis illius, ex Philosopho: cum autem constitutum peccati, ut ex præcedenti disputatione constat, sit dis-

nantia cum natura rationali, quotiescumque hæc dissonantia numero, vel specie diuersa est, diuersum est peccatum numero, vel specie; ita Azor *tom. 1. institut. moralium, lib. 4. cap. 1. quest. 5. 6. & 7.* Valentinus *1. 2. disp. 6. quest. 1. punct. 1.* Vasquez *disp. 98. cap. 2. & 3.* Salas *1. 2. tract. 13. disp. 3. sect. 2. num. 16.*

Difficultas autem est, an quoties multiplicantur præcepta, multiplicentur dissonantia, & consequenter peccata?

Et dicendum est præceptum multiplicari posse, vel ex parte præcipientis, vel ex parte rei præceptæ: ex parte præcipientis multiplicatur, quando ab eadem persona pluries præceptum repetitur: à diuersis, quando eadem res à diuersis prælatis præcipitur, vel à Deo, & creaturis. Ex parte rei præceptæ multiplicatur præceptum, quando multiplicantur res, quæ præcipiuntur.

2 Dico ergo primò, sola multiplicitas ex parte præcipientis, non multiplicat grauitatem dissonantiam rationis, ita ut sit necessariò confitenda. Probo, quia hæc multiplicitas non facit esse præceptum multiplex, formaliter, sed solum facit præcipientes esse multiplices. Ergo non potest hæc multiplicitas diuersam obligationem constituere; ac proinde neque diuersum peccatum necessariò in confessione manifestandum. ita tenet Azor *quest. 5.* Vasquez *cap. 2.* Salas *num. 9.* Bonacina alios referens *disp. 2. de peccat. quest. 4. punct. 3. n. 5. 10. & seq. coroll.*

Ex hac conclusione infero omittentem ieiunium in vigilia alicuius Sancti concurrentis in Quadragesima, & sacrum die S. Petri occurrentis in Dominica non peccare duplici peccato necessariò manifestando, sed satisfacit præcepto confessionis, si dicat semel violasse ieiunium, vno die festiuo sacrum omisisse: sicuti satisfaceret clericus, qui diceret se omisisse recitare vno die, etiam si ratione ordinis sacri, & vnius, vel plurium beneficiorum obligatus fuerit. Ratio omnium est, quia omnia illa præcepta eandem rem præcipiunt, ita Vasq. *disp. 98. cap. 3.* Salas *tract. 13. disp. 3. sect. 2. num. 17.* Azor *lib. 4. cap. 2. quest. 6.* Sanchez alios referens *lib. 9. de m. ar. disp. 15. n. 5. & 6. & lib. 1. in Decal. cap. 14. num. 9.* Henriquez *lib. 5. summ. cap. 5. §. 6.*

3 Sed obieciens. Præceptum est actus intellectus, & voluntatis præcipientis, sed non potest esse idem actus intellectus, & voluntatis, quando præcipientes sunt diuersi, v.g. homo, & creatura Pontifex, & Episcopus. Ergo neque potest esse idem præceptum. Ergo est multiplex. Ergo violator illorum violat multiplicia præcepta. Ergo multiplex peccatum committit, ac proinde tenetur confiteri.

Secundò quando tibi ab vno superiore præcipitur audire Missam, & alius independenter ab illo id ipsum tibi præcipit, quodlibet mandatū ex his te integrè obligat: siquidem quolibet deficiente maneres obligatus. Ergo omittens Missam, vtrumque præceptum violas; non enim est maior ratio de vno, quàm de alio. Ergo dupliciter peccas.

Tertiò negari non potest omittentem sacrum à Deo, & ab Ecclesia præceptum inobedientem esse Deo, & Ecclesiæ. Ergo grauius peccat, quàm si solum Ecclesiæ, vel Deo inobediens foret. Ergo saltem ratione huius grauitatis tenebitur manifestare in confessione à quibus fuerit sibi præceptum impositum.

Facilis est horum solutio.

Ad primum dico esse quidem diuersum præceptum Pontificis, & Episcopi, non formaliter, sed materialiter, quia vnus alteri non superaddit obligationem nouam, sed eandem vrget.

Ad secundum concedo quodlibet mandatū ex his te integrè obligare: at quia ad idem formaliter obligat, non peccas duplici peccato, sed vno, sicuti si ab Epi-

scopo, & Pontifice lata esset excommunicatio ob furtum in Ecclesia commissum; si committeres furtum, non duplicem excommunicationem, sed vnam contraheres.

Ad tertium concedo omittentem sacrum à Deo, & ab Ecclesia præceptum, esse inobedientem Deo, & Ecclesiæ, non formali inobedientia, sed generali, quatenus omnia peccata dici possunt esse contra obedientiam, vel charitatem, aut gratitudinem: at quia pluribus est inobediens, concedo te aliquo modo grauius peccare, sed non est grauitas tantæ considerationis, ut necessariò manifestanda in confessione sit, quamuis concederemus circumstantias notabiliter aggrauantes esse in confessione manifestandas.

4 Dico secundò. Nulla est alia distinctio peccatorum, nisi secundum distinctionem præceptorum. Vnde si ex parte rei præceptæ sit solum diuersitas numerica, peccatum solum numero multiplicatur, si diuersitas specifica, peccatum diuersum erit in specie. Conclusio est manifesta: nam cum peccatum sit transgressio legis, & lex sit diuersa, quoties res præcepta diuersa est, efficitur sanè omittentem quamlibet rem præceptam distinctum peccatum efficere. Hoc autem intelligi debet de distinctione rei præceptæ formaliter, non materialiter: non enim ex diuersitate materiali obiectorum, videtur diuersificari peccata; qui enim prodigus esset expendendo aurum, non committeret diuersum peccatum specie, si expenderet argentum. Idem in plurium sententia contingit in intemperantia ex diuersitate ciborum, non enim attendi debet materiale obiectum, sed formale præcepti, diuersitas enim materialis conducit ad diuersitatem numericam actus, nõ ad speciem: ita communis sententia Azor *tom. 1. lib. 4. cap. 2. quest. 5.* Vasquez *disp. 98. cap. 2.* Valent. *1. 2. disp. 6. §. 2. p. 1.* Salas *tract. 13. disp. 2. sect. 2. num. 9. & 14.*

5 Sed obieciens primò. Vnico præcepto plura diuersa mandati possunt, præcepto enim iurandi prohibetur iuramentum falsum, iniustum, otiosum; & præcepto non fornicandi, prohibetur fornicatio, adulterium, pollutio, bestialitas, & tamen hæc omnia differunt specie. Ergo diuersitas peccatorum non requirit diuersitatem in præceptis, sed solum diuersitatem in re præcepta.

Secundò obiecio. Eadem res duplici via prohiberi, vel præcipi potest, titulo, inquam, religionis, & iustitiæ, ut contingit in præcepto prohibente furtum rei sacræ, titulo pietatis, & temperantiæ, ut in fornicatione cum consanguinea, titulo castitatis, & iustitiæ, ut in fornicatione cum vxorata; sed tunc committens furtum rei sacræ, vel fornicationem cum consanguinea, duplex peccatum committis necessariò in confessione manifestandum. Ergo multiplicitas peccati non requirit multipliciter in re præcepta.

Tertiò contingit multiplicari rem præceptam formaliter, & non multiplicari peccatum numero, ut contingit, si sceminam inlequens, alloquaris, deosculeris pluries, & rem cum illa habeas; quodlibet ex antecedentibus est peccatum distinctum, & tamen non est necessariò in confessione manifestandum, ut tenet communis sententia. Ergo non ad multipliciter rei præceptæ peccata multiplicantur.

Ad primam obiectionem concedo vnico præcepto materiali, seu vnica propositione plura diuersa prohiberi, sed hoc non tollit, quin æquivalenter, & formaliter plura præcepta dicantur: alias omnia, quæ Deus prohibet, dicerentur vnico præcepto prohiberi, siquidem vnico indiuisibili actu prohibet; sufficit enim, ut dicantur esse plura præcepta, si res præceptæ ita distinctæ sunt, ut quælibet seorsim possit suo præcepto prohiberi.

Ad secundam, ibi esse duplicem rem præceptam, vel vnam

vnā rem sub aliqua diuersa circumstantia ; ratione enim iustitiæ prohibetur furtum cuiuslibet rei, siue sacræ, siue profanæ, ratione enim religionis prohibetur specialiter furtum rei sacræ, quod certè distinctum est: nam respectu iustitiæ, rem sacrā esse, vel non esse, est per accidens; solum enim respicit, ne alienum, contra voluntatem domini accipiatur: at respectu religionis est quidem per se esse rem sacrā, quia religio non prohibet furtum rei sacræ, quatenus furtum est, sed quatenus illo causatur irreuerentia, & indecentia rei sacræ, & Deo dicatæ. Idem est in præcepto non fornicandi cum consanguinea; castitas enim prohibet quamlibet fornicationem cum aliena. Quod verò sit consanguinea, vel non, non pertinet ad castitatem: at pietas, & reuerentia consanguineis debita expostulat, ne te illis turpiter immisceas, ac proinde, quod est per accidens respectu castitatis, est per se respectu pietatis. Similiterque dicendum est de fornicatione cum vxorata, quæ est aduersus castitatem prohibentem accessum ad non suam, quæcumque sit, & simul est aduersus iustitiā prohibentem cuiuslibet iniuriā. Quare dicere possumus in omnibus his duplicem esse rem formaliter præceptam; ea enim, quæ sunt per accidens prohibita respectu vnus virtutis, sunt per se prohibita respectu alterius.

Ad tertiam respondeo, ex his quæ latius dicemus in tractat. de penitentia, disput. 2. de his quæ necessariò sunt confitenda. Fateor, inquam, quodlibet ex illis peccatum esse, & peccatum physicè distinctum: at quia moraliter, & secundum communem æstimationem non distinguuntur, sed ad idem sunt, ideo declarata copula, omnia illa, quæ communiter contingunt, censentur declarata, & de osculis, & tactibus copulam præcedentibus ferè omnes affirmant, non esse necessariò fatenda, vt videre est apud Nauarrum cap. 6. num. 18. §. infertur. Vasquez 1. 2. tom. 1. disput. 75. cap. 2. fine, & de penitent. quest. 91. art. 1. dub. 5. num. 33. Azor tom. 1. institut. moralium, lib. 4. cap. 4. quest. 6. Suarez tom. 4. in 3. part. disput. 22. sect. 5. num. 26. At de osculis, tactibus, & colloquutione subsequente copulam, esto Vasquez, & Suarez supra, existiment necessariò esse fatenda, quia sunt initium alterius copulæ: at si absque animo illius fiant, existimo satis probabile non esse necessariò fatenda, quia videntur esse complementum copulæ præteritæ, & non initium alterius: & sic declarata copula, omnia, quæ regulariter euenire solent, intelliguntur declarata; & licet aliquando id non contingat, est per accidens. ita Nauarr. in cap. consideret, de penitent. distinct. 5. num. 46. & in summ. cap. 6. num. 17. generaliter dicit actus, qui præcedunt, vel subsequuntur communiter ad actum principalem peccati, non esse necessariò in confessione manifestandos, vt si quis alterum occidat, & statim gaudeat, letetur, vel de illo colloquatur, aliisq; ostendat sibi placere, quia hæc communiter contingunt. Henriquez lib. 5. summ. cap. 5. §. 5. vbi in comment. dicit esse communem, & cap. 8. num. 3. Azor tom. 1. institut. moralium, lib. 4. cap. 4. quest. 6. fine. Salas tractat. 13. disput. 5. sect. 8. num. 91. circa finem. Quod verò Ioan. Sanchez disput. 6. selectar. num. 3. addit supradicta esse vera, etiam si magna intercellerit interruptio temporis inter copulam, & consequentia ad illam; dummodo ad alia negotia, qui commisit fornicationem, non se diuertat, sed in eodem statu, & situ permaneat, detinens feminam, ad deosculandum illam, & colloquendum, vel si ferrè femina discessit, ex vtriusque conventionione expectet reditum, ad iterum deosculandum illam: nullo modo mihi probatur, neque Nauarr. quem pro se adducit in cap. consideret, id dicit, sed solum dicit in summ. iuxta edit. Lugdunens. 1597. cap. 6. num. 17. versic. infertur septimò, semel tantum peccare quoad necessitatem confitendi, qui post vnā fornicationem cum amica habitā, eam

sæpius osculatur, non ad iterandam fornicationem, sed ad maiorem delectationem, quia omnia illa oscula videntur consequentia fornicationis, & rei iam habitæ, & in cap. consideret, num. 48 fine, æquauit præambula, & consequentia ad copulam, & ea, in quæ quis vno impetu fertur, quæ omnia intelligi debent de immediatè consequentibus copulam, quæque potius sunt copulæ complementum, quàm alterius initium: at tactus, & oscula longo tempore post copulam subsequentia, nescio qua ratione possint dici esse complementum illius, & non via alterius.

Vnum tamen est omnino indubitatum apud omnes, coitum vnum non esse viam ad alium, ac proinde etiam si mox post alium sequatur, necessariò est peccatum distinctum in confessione manifestandum.

PUNCTUM II.

Vnde distinctio numerica peccatorum non solum in esse physico, sed morali, & in ordine ad confessionem desumenda sit.

- 1 Proponitur ratio dubitandi.
- 2 Resolvitur.
- 3 Respondetur rationi dubitandi.

1 **N**on levis est difficultas, quando peccata quoad numerum moraliter censentur multiplicata, vt tenearis in confessione ea manifestare, & declarare. Ratio dubitandi est, quia peccatum præcipue consistit in voluntate, quàm in opere externo. Ergo multiplicata voluntate, etiam si opus externum non multiplicetur, multiplicari debet peccatum. Ergo cum quis pergit hominem occidere, & ex hac voluntate parat equum, assumit arma, quærit inimicum, multiplicat peccata, nec in confessione satisfacit, si dicat hominem occidisse, nisi huiusmodi voluntates declarauerit; necessarium enim est eas multiplicare, præcipue si aliquo tempore in ea durauit. Et confirmo. Demus te post aliquos dies penitere voluntatis habitæ, & omnino ab illa cessare: satisfacies ne si dicas te voluisse hominem occidere, quin dicas, quoties voluisti, vel quo tempore perseverasti in tali voluntate? Nemo credo audebit id affirmare, cum quælibet ex illis voluntatibus peccatum distinctum sit. Ergo etiam cum sequitur occisio, sunt hæ voluntates manifestandæ, siquidem eorum malitia non obinde immutatur. Adde declarata occisione non sufficienter hæ voluntates declarantur; non enim ad quamlibet occisionem necessarium est tanto tempore in depranata voluntate perseverare: aliàs qui toto anno in ea persisteret, & in fine illius eam executioni mandaret, satisfaceret dicendo se hominem occidisse, quin declarauerit in tali voluntate integro anno perseverasse.

Fateor pressum me esse hac difficultate. Nam, vt rectè dixit Nauarr. in cap. consideret, in princ. distinct. 5. num. 13. versic. pone item. si quis velit occidere hominem subitanea quadam voluntate, sed deliberata, mortaliter peccat, si continuauit paululum illam, certum est ex praxi communi nondum teneri ad illam extensionem confitendam, neque si continuauit vnā horam, neque duas, neque tres, si tamen octo dies, vel mensem, vel annum continuaret, tenebitur sanè; quis ergo determinabit temporis illam quantitatem, post quam tenetur, & intra quam non tenetur?

2 Pro resolutione supponendum est aliqua esse peccata, quæ interiùs consummantur, vt odium, superbia, inuidia, hæresis, delectatio morosa: alia, quæ exteriùs perficiuntur, vt iuramentum falsum, idololatria, homicidium, fornicatio, furtum, &c. Si de peccatis, quæ interiùs

terius consummantur, sermo sit, communiter Doctores trahunt multiplicata voluntate, multiplicari peccatum, quia cum illae voluntates inter se non vniantur, neque vniuntur in aliquo effectu, qui causa sit talis peccati, non est vnde vnum peccatum dici possint. Ergo sunt plura peccata, ita docet Azor *tom. 1. lib. 4. cap. 4. quest. 4.* contentit Salas *1. 2. tract. 13. diff. 5. sect. 8. num. 89.* Valquez *diff. 75. cap. 1. num. 2.* Nauarr. *summ. cap. 6. num. 16.* Si vero de peccatis, quae exterius consummantur, loquamur, dicendum est, si voluisti occidere hominem, & in te reuersus decreuisti à praua illa voluntate cessare, si postea iterum velis occidere, peccas, & necessarium est manifestanda talis multiplicitas; quia postrema voluntas cum priori non continuatur, etiam in aliquo opere externo, cum fuerit per contrariam voluntatem retractata, ita Nauarr. *cap. consideret. in princ. diff. 7. num. 48. circa finem.* Emanuel *verbo confessio cap. 5. 2. num. 6.* Salas alios referens, *1. 2. quest. 73. tract. 13. diff. 5. sect. 8. num. 84. & tract. 7. diff. 6. sect. 6. num. 35. conclus. 1.* Quid si non mutasti voluntatem occidendi, sed perseuerasti in illa, quousque occideris, tunc distinguendum est: si durante illa voluntate ad alia opera te diuertisti, quae via non erant occisionis; interrupisti sane voluntatem non solum interius, sed etiam exterius; ac proinde tenberis in confessione declarare, quoad poteris, quoties interruptam voluntatem assumpisti, neque satisfacies dicendo te occidisse; quia omnes illae voluntates occidendi, cum non fuerint in aliquo opere, quod via fuerit occisionis continuatae, censeri non possunt continuatae, ac proinde neque vnum peccatum cum occisione efficere, docet Syluest. *verbo peccatum, 1. §. 2.* At nulla *verbo peccatum §. 4.* & plures recentiores, prout refert Salas *tom. 1. in 1. 2. tract. 7. diff. 6. sect. 6. num. 28. fine.* & 31. *fine.* Bonacin. *diff. 2. de peccat. quest. 4. punct. 2. n. 5.* Valquez *diff. 75. cap. 2. & 3.* ubi quatuor modos apponit interrompendi voluntatem. Primò per contrarium actum. Secundò per somnium. Tertiò per inadvertentiam. Quartò per diuersionem ad alia opera. Qui omnes mihi probantur, nisi somnus fuerit assumptus, vt in illis ad prauam intentionem exequentiam; cetero Emanuel *verbo confessio. cap. 5. 2. num. 6.* Lopez *1. panis tract. cap. 3. 1. c. 1. lib. 1. cap. 20. num. 14. & seqq.* & alij, quos sequitur Salas *1. 2. quest. 73. tract. 13. diff. 5. sect. 8. num. 84.* dicant solam interruptionem per actum contrarium, & non per somnium, & etiam efficere nouum peccatum necessarium confitendum. Si vero voluntas occidendi non fuit interrupta alia voluntate contraria, neque aliquo opere externo, quod via non fuerit ad occisionem, sed perseuerasti moraliter, quousque hominem occideris, existimo te satisfacere obligationi confessionis, confitendo occisionem, quin declares quo tempore durasti in illa voluntate, & quae opera ad illius executionem assumpisti; suppono enim omnia illa opera non habere aliam malitiam, nisi à voluntate occisionis. Ratio est, quia quando est vnum propter aliud, non censetur, nisi vnum, vt tradit S. Thom. *1. part. quest. 5. art. fin. ad 2. argum.* Omnia autem illa opera, & omnes illae prauae volitiones, etiamsi in genere entis, & peccati (physice loquendo) plura sint; at quia ad occisionem ordinantur, & cum illa vnum constituunt, quia fuerunt illius causae, sicut lapides, columna, & ligna, sunt causae domus, ideo declarata occisione, censetur omnia declarata, facitque ad id textum in leu. qui. ff. de usufructu. & ita tenet Nauarr. *in summ. cap. 6. num. 16. 17. & 18. & in cap. consideret. in princ. diff. 5. num. 48. 2. c. ex hac limitatione.* Henriquez *lib. 2. de penit. cap. 5.* Bonacin. *diff. 2. de peccat. quest. 4. punct. 2. num. 8 §. 3.* Tolet. *lib. 2. c. 7.* Syluest. *verbo peccatum, 1. §. 2.* Salas *tract. 13. diff. 5. sect. 8. num. 87.* Aduertit autem cum Henriq. hoc esse intelligendum, quando inter hos actus modica est distantia; & bene: quia quando proxima est, non potest voluntas ad alia

non diuertere, quae media non sint finis exequenti, ac proinde est facta interruptio moralis.

Verum si occisio non fuerit sequuta, eo quod retractasti voluntatem, vel fuit tibi impossibilis, cum tota illius peccati malitia sita fuerit in voluntate, necessario obligatus es voluntatis multiplicitem, declarare, quia non habent, vnde tales voluntates vniantur, & moraliter vnum sint: & cum talis multiplicitas declarari facile non possit, cum singulis mentientis voluntas renouetur, debes declarare te toties habuisse voluntatem occidendi, quoties opera aliqua externa diuersa ad illum effectum assumpisti, vel quoties voluntatem intelligis renouare. Quod si id tibi videtur arduum, & scrupulis expositum, declara tempus, quo in voluntate illa perdurasti, quia hac via videris voluntates exprimere. sic Nauarr. *cap. 6. num. 18.* Salas, Valquez *locus citatus.* Bonacin. *num. 9.* & in simili tradit Azor *1. tom. lib. 4. cap. 4. quest. 4. fine.*

3 Ad rationem dubitandi respondeo præambula illa, etsi in esse physico peccata distincta sint, tamen in secundum communem hominum estimationem non reputantur distincta, sed idem peccatum cum occisione facta, quia fuerunt via, & causa illius, & nullo modo interrupta. Ad confirmationem, concedo antecedens te obligatum esse manifestare voluntates, quas habuisti occidendi, quando occisionem non fuisti executus; quia tunc illae voluntates non habent tertium, in quo sint vnum: at quando occisio sequuta fuit, etsi eodem modo mala fuerint ea peccata, quia habent, in quo continuantur, ideo non debent necessario explicari.

Ad aliam confirmationem, concedo non esse necessarium ad quamlibet occisionem multiplicari tot opera, & voluntates, sed non obinde sit integro anno, imò neque mente in eadem voluntate perseueratum, quin debeat manifestare: nam ferè impossibile est, quod ad alia opera, quae via non erant occisionis, non se diuerterit: quando autem interruptit voluntatem, vel per contrariam voluntatem, vel per opus ad executionem illius non ordinatum, iam diximus manifestari tunc debere, & esse peccatum, non solum physice, sed moraliter omnino distinctum necessarium in confessione manifestandum.

PUNCTVM III.

Inferuntur aliqua pro clariori intelligentia distinctionis specificae, & numericae.

- 1 *Examinatur, an accipiens rem alienam, & apud se retinens plura distincta peccata committat necessario in confessione manifestanda, & proponitur sententia affirmans.*
- 2 *Resolvitur questio cum distinctione.*
- 3 *Satisfit fundamentis contrariis.*
- 4 *Proponitur te plura peccata committere necessario in confessione manifestanda, si eodem tempore plura iuramenta falsa proferas ad eandem rem confirmandam, pluribus maledictionibus, vel plagis inimicum afficias.*
- 5 *Defenditur contraria sententia.*
- 6 *Quid dicendum, si diuersis contumeliosis verbis Petrum eodem tempore afficias?*
- 7 *Quid si pluribus in peccato existentibus sacramenta ministras, vel iratus plures eodem impetu vulneres?*
- 8 *Defenditur esse plura peccata necessario manifestanda in confessione.*
- 9 *Coniugatus, si cum coniugata adulterium committat, utrumque coniugium tenetur manifestare.*
- 10 *Religiosus, sacerdos, non tenetur vtrumque manifestare, cum peccatum luxuria commisit, sed sufficit si sacerdotium, vel votum declaret.*
- 11 *Quid si votum castitatis est simplex?*

12 *Reli*

- 12 Religiosus transgrediens superioris praeceptum dupliciter peccat.
- 13 Idem est de scholastico, cui res aliquam obligatoria praestitur, in virtute praestitum iuramenti.
- 14 Causa peccati qua ratione declaranda in confessione sit.
- 15 Quid dicendum de eo, qui in plures Sanctos blasphematur, vel alicui familia maledicit.
- 16 Qui in die festo sapè proponit non audire Missam, qui dicant non committere plura peccata.
- 17 Contrarium est dicendum.
- 18 Satisfit rationi contraria.

EX his inferitur resolutio illius difficultatis, an accipiens rem aliquam, neque restituens multo tempore, teneatur declarare, quo tempore acceperit, & perduravit in illo peccato? Et videtur esse obligatum declarare, neque satisfacere dicendo se rem alienam accepisse, neque adhuc restituisse. Primò, quia perseverans in concubinato multo tempore tenetur declarare. Secundò, quia perseverantia in peccato commissio augere peccatum. Tertiò, quia gaudere de peccato commissio peccatum est distinctum; sed qui rem alienam vult non restituere, gaudet de eius retentione. Ergo. Quartò, sequeretur eum, qui rem furatus fuerit, etiam si eam saepius contrectaverit, imò etiam si ab alio fure, qui eam rem furatus fuerit, recuperaverit, diuersum peccatum non committere, cum semper eandem habuerit obligationem restituendi, & noluerit restituere.

Propter hæc aliqui dicunt, quoties vteris realia, vel renouas voluntatem non restituendi, vel aduertis alienum possidere, esse distinctum peccatum necessariò in confessione manifestandum: sic Nauarr. *summ. cap. 17. num. 55. §. ex quo inferitur primò*. E contra verò docet Henriquez lib. 2. de penitent. cap. 5. §. 5. Aragon 2. 2. *quæst. 62. art. 5. dub. circa 2. argumentum, dicto 2*. Ouand. 4. *distinct. 16. proposit. 23*. Si toto eo tempore, quo rem alienam retinui, potuisti restituere, & nolui: satisfacere, si dicas, te alienum accepisse, neque restituisse; quia non commisisti diuersum, & distinctum peccatum, sed vnum longo tempore continuatum, retentio enim illa toto illo tempore vna est, & non diuersa, & ab eadem voluntate moraliter existente provenit. At duratio in peccato non est circumstantia necessariò fatenda, quia neque mutat speciem, neque auget numerum, cum à re durante non distinguatur, tamen si grauissima sit, & in gravitate æquiualeat pluribus peccatis: indicat Azor *tom. 1. instit. lib. 4. cap. 3. quæst. 5. fine*, quatenus solum cum vendit, & alienat rem furtivam, censet peccare furem, quia tunc se se impedit à restitutione facienda, & videtur esse Nauarr. *in summ. Lugdunens. 1597. cap. 6. num. 17. versic. addimus secundò*, ubi dicit, qui furatus est infantem, qui apud eum adoleuit, vnum furtum fecisse dicitur, ex *l. infans ff. de furi.*

2 Ego verò existimo dicendum primò, si decreuisti restituere, & postea honi propositi penitens perstas in retentione, manifestum est te peccatum diuersum committere; quia iam cessauit illa retentio esse voluntaria. Secundò, si impotens factus es restituere, & postea potens non restituis, committis peccatum distinctum, quia per impotentiam restitutionis discontinuata fuit prior voluntas, cum iam retentio non fuerit peccaminosa, ut antea; & in his ferè omnes conueniunt. Tertiò, si postquam rem accepisti animo retinendi, ad alia te diueras, neque cogites de retentione, & iterum recordatus retentionis, adhuc non restituis, credo te de nouo peccare, & tanquam nouum peccatum manifestandum fore in confessione. Probo, quia tunc voluntas retentionis est noua, neque cum priori continuata. Ergo est nouum peccatum. Et confirmo: toto illo tempore, quo non aduertis, neque potes ad-

uertere te alienum retinere, retentio non est tibi actualiter voluntaria: neque est voluntaria in aliquo effectu, qui sit causa illius. Ergo cum de nouo fiat voluntaria, de nouo fit peccatum, ac proinde necessariò confitendum. Dices, si post furtum dormiam, & post somnum aduertam retinere, somnus interruptit retentionem: nam durante somno retentio fuit inuoluntaria. Concedo totum: neque obinde fit semper somnus interrumpere voluntatem. nam aliquando sumitur, ut medium exequendi illam: at in retentione nunquam, ut medium assumi potest, quia non indiget positiuo influxu, ut sit, eaque de causa, quælibet inaduertentia voluntatem interruptit: & ita tenet Vasquez 1. 2. *disp. 75. num. 14. & 15*. Suarez *tom. 4. in 3. part. disp. 22. sect. 5. num. 32*. optimè Ferdinand. Rebell. *de oblig. instit. 1. part. lib. 2. de restit. quæst. 17. sect. 2. præcipue conclus. 2. num. 7. & 8*.

3 Rationes contrariæ leues sunt.

Ad primam dico, perseverantiam in concubinato manifestandam esse, quia non perseveratur in vna copula, sed in pluribus, quælibet enim copula ab alia est distincta, neque vna cum altera continuatur.

Ad secundam concedo perseverantiam in peccato augere peccatum, sed quando augmentum non constituit peccatum diuersum, non est necessariò in confessione manifestandum.

Ad tertiam concedo gaudere per delectationem morosam de furto commissio esse nouum peccatum: at gaudere per voluntatem efficacem non esse peccatum distinctum à voluntate retinendi, nisi adfit aliqua interruptio.

Ad quartam concedo contrectantem saepius rem furtivam in sua, inquam, potestate existentem, non esse peccatum distinctum, sed idem continuatum, quando ex contrectatione non redditur res deterior: imò etiam probabile est non esse peccatum distinctum, sed idem, quando à fure, qui tibi rem surripuit, recuperasti, quia semper est eiusdem rei retentio, seu non restitutio, videturque decisum in *l. ei qui, & l. infans ff. de furiis*, & tradit expressè Azor *tom. 1. instit. moral. lib. 4. cap. 4. quæst. 5. fine*. Ioan. Sanch. 2 *disp. 6. select. num. 1. Salas 1. 2. traët. 13. disp. 5. sect. 8. n. 90*.

4 Secundò inferitur, quid dicendum, si eodem tempore plures maledictiones in alium iactes, plura iuramenta falsa ad aliquam rem confirmandam proferas, pluribus plagis inimicum afficias, pluries scæminam eodem tempore deosculeris, an, inquam, tunc plura peccata numero distincta efficias necessariò confitenda? Ratio dubij est: quia quodlibet ex his iuramentis, plagis, & maledictionibus, & osculis, etiam si aliud non sequeretur, esset peccatum consummatum interiùs, & exteriùs. Ergo quodlibet ex his est distinctum ab alio, neque cum alio continuatur. Et confirmo: si hæc maledictiones, & iuramenta prolata essent diuersis temporibus, quælibet ex illis maledictionibus, & iuramentis constitueret peccatum consummatum distinctum. Ergo quod facta fuerint successiue vnum post aliud, non impedit hanc multipliciter, sicuti in pollutione, & fornicatione, non impedit eorum multipliciter, esto successiue fiant.

5 Verum communis sententia est, hæc non reputari peccata distincta, sed idem peccatum numero: sic Azor 1. *part. instit. moral. lib. 9. cap. 18. quæst. 15*. Ratio est, quia omnia illa iuramenta confirmant eodem tempore vnicam falsitatem, maledictiones idem malum inimico imprecantur, percussiones vnum vulnus constituunt: quod non leuiter confirmari potest ex negatione D. Petri; ter enim dictus est negasse Christum: neque absque temeritate, aut errore, ut dicit noster doctissimus, & omnibus sæculis meritò laudandus Ioannes Maldonatus *Matth. 26. num. 71*. dici potest saepius, quàm ter

ter negasse; attamen singulis vicibus plura iuramenta, & attestations protulit, vt optimè ipse Maldonat. expendit *num. 70. 72. & 74.* Primò enim interrogatus, quali dubitanter ab ancilla, an esset ex discipulis Christi, respondit: *non sum*; vt dicit Ioann. at cum ancilla instaret, & diceret affirmanter, *Et tu cum Iesu Galileo eras.* Respondit ipse: *neque noni illum, neque scio, quid dicas,* vt Matth. Marc. & Lucas scribunt. Secundò verò interrogatus adhibuit iuramentum. Tertiò examinatus superaddit execrationem illam, quam sæpè ingeminauit, quod constat ex illis verbis, *caput detestari*; quasi sæpè, & multis modis execratus fuerit: ideòque dixit Marcus *execratione usum fuisse.* Secundò probatur ex *cap. cum pro causa, de sentent. excommunication.* vbi ob verberationem clerici factam in dormitorio, & continuata per claustrum, vnica excommunicatio contrahitur ratione verberationis: esto pluries quàm semel percussus sit, quia omnes illæ percussiones reputantur vna. Et licet in textu videatur duplici excommunicatione illum ligatum esse: hoc non est ratione solius percussionis, sed ratione violationis Ecclesiæ; vide glossam. Confirmat hanc sententiam Ioan. Andreas *reg. delictum, col. penult. de reg. iuris lib. 6.* affirmans eum, qui ter pugione clericum percussit, continuatis vulneribus, vnā tantum excommunicationem contrahere, quia reputatur vna percussio: facit *cap. Lotharium,* adiuncta glossa *verbo appellauit, 31. quæst. 2.* vbi dicitur eum, qui vno, & continuo impetu appellauit bis, vel ter à sententia, semel appellasse dicitur. & *l. cum quæstio. C. de legatis. §. sed & alia,* dicitur, qui eandem rem cuiuspiam in testamento, bis, aut ter legauit, perinde est, ac si semel legauerit: & ita hanc sententiam docet expressè Nauarr. in *summ. cap. 6. num. 17. & in cap. consideret, in princip. de penitent. dist. 5. num. 48. vers. ex quibus.* Henriquez 2. *de penitent. cap. 5. §. 6. & cap. 8. §. 3.* Bonacin. *disp. 2. de peccat. quæst. 4. punct. 2. num. 11.* Simancas *de Catholic. institut. cap. 8. fine.* Couarr. 2. *variæ. cap. 10. num. 8.* Salas alios referens 1. 2. *tratl. 13. disp. 5. sect. 8. n. 86. & 90. & tom. 1. tratl. 7. disp. 6. sect. 6. num. 39. §. dico septimò.* Azor 1. *tom. lib. 4. cap. 4. quæst. 5.* Ioann. Sanchez in *selecl. disp. 6. num. 1. 2. 3. & 6.* indicat Vasquez *tom. de penitent. quæst. 91. art. 1. dub. 4. num. 8.* quatenus dicit vnum peccatum committere, qui alium lancea ter vulnerauit, vno, inquam, ictu, id est, vno iracundiæ impetu, & *tom. 1. in 1. 2. disp. 75. cap. 2. fine,* dixit vnum esse peccatum pluries fornicatam deosculari lasciue, vel tangere in eodem tempore, quia in vno opere exteriori continuatur, videlicet in perseuerantia conuersationis cum fornicaria permanente periculo.

6 Sed quid si Petrum diuersis verbis contumeliosis afficias eodem tempore, vt si nomines illum latronem, adulterum, homicidam: eritne diuersum peccatum, quælibet ex his contumeliis? Communis est sententia esse plura peccata, & necessariò in confessione manifestanda, quia est diuersa species iniuriæ, sicut si vocares latronem, & simul percuteres. sic Azor *tom. 1. lib. 4. cap. 4. quæst. 5.* consentit Salas *tratl. 13. disp. 5. sect. 8. n. 90.* Ioann. Sanch. in *selecl. disp. 6. num. 1.* Suarez *tratl. 3. disp. 6. de charitate oppositis sect. 2. num. 3.* Nauarr. *cap. 6. summ. num. 18. vers. inferitur secundò.*

Nihilominus Bonacina *disp. 2. de pecc. quæst. 4. punct. 2. num. 12.* censet non esse plura peccata, neque in confessione debere explicari; quia esto, essent iniuriæ diuersæ rationis, tamen in ratione iniuriæ, & contumeliæ conueniunt: sicut si à Petro furatus esses equum, vestem, & arma, non teneris explicare ea in confessione, sed satisfaceres sufficienter declarando quantitatē; quia in ratione furci, omnia illa eiusdem rationis sunt, sic videntur esse in ratione contumeliæ; aliàs semper deberes in confessione explicare, quibus nomini- bus proximum dehonestaisti: quod certe non est apud

confessarios satis receptum; & hæc sententia probabiliter sustineri potest.

7 Tertiò inferitur, quid dicendum sit, si existens in peccato mortali, pluribus eodem tempore sacramenta ministros, vel itatus plures vulneres, etiam eodem ictu, vel prohibitus ludere, ludas cum pluribus continuatè per noctem?

Fortè placebit alicui hæc omnia vnum esse peccatum, neque obligationem habere sic operantem distinguendi in confessione, quot fuerint personæ, quibus malè sacramenta ministravit, quæque vulnerauit, quibus cum lusit; sed satisfacere, si dicat, malè semel administrasse sacramenta, vulnerasse hominem graiter, lusisse, cum prohibitus fuerit: & de hoc vltimo casu id tenet Azor 1. *tom. summ. lib. 4. cap. 4. fine.* Ioan. Sanch. *disp. 6. selecl. num. 1.* Nauarr. in *cap. consideret, in princip. de penit. dist. 5. num. 48. vers. ex quibus,* & docuit Barr. in *l. inficiando. ff. de furtis.*

8 Verum tam in hoc, quàm in aliis casibus tenendum est, esse plura peccata necessariò in confessione manifestanda, tenet Vasq. 1. 2. *disp. 98. cap. 3. num. 9.* Probo, quia ad multiplicatam personarum multiplicantur actiones, neque vna cum alia vnum efficiunt, quis enim dicet administrationem sacramenti Petro factam, vnum componere posse cum administratione facta Ioanni, & vulnus Ioanni inflictum pertinere aliquo modo ad vulnus Petri? Et idem est de ludo; quælibet enim ex his actionibus omnino independens est ab alia in esse peccati, & totam in suo genere malitiam completam habet, sicuti habet fornicatio cum diuersis personis, & probari potest ex doctrina Bartoli in *l. inficiando. §. infans. ff. de furtis, num. 5.* eum qui vendit certi vini mensuram decem nummis, stante lege, quòd solis octo vendatur, toties delinquere, quoties vendit etiam eodem die.

9 Quartò inferitur, an coniugatus habens em cum alia vxore, debeat vtrumque coniugium expl. care, vel satisfaciatur dicendo in confessione adulterium commisisse? Probabile reputat Saa in *editione Complutensi. verbo confessio, num. 30.* non esse necessariò manifestandum: & posset probari; quia esse vtrumque coniugatum, aut esse vnum, non variat speciem adulterij, neque numerum illius, sed solum auget eius grauitatem. Ergo non est necessariò manifestandum in confessione. Tenenda tamen est contraria sententia, tanquam certissima, debere, inquam, te manifestare vtrumque coniugium, quia esto actus sit vnus numero in esse physico, & morali fornicationis: at in ratione adulterij, seu iniustitiæ duplex est, & duplicem malitiam continet, eo quòd duplex iniuria, duabus personis inferatur. ita Vasquez 1. 2. *disp. 98. cap. 3. num. 9.* Salas plures referens *tratl. 13. disp. 3. sect. 2. num. 19.* Nauarr. *sum. cap. 6. num. 5. vers. quariò inferitur, fine.*

10 Quintò infero, quid dicendum de religioso habente ordinem sacrum, & violante castitatem?

Respondeo non esse obligatum manifestare vtrumque, sed sufficere, si dicat se esse religiosum, vel ordinem sacrum habere; quia ordo sacer non obligat ad castitatem seruandam, nisi ratione voti in eo inclusi, quæ est obligatio eadem cum obligatione voti in professione facti. Ergo declarata qualibet illarum, sufficienter declaratur tota malitia peccati. ita Medina 1. *tom. summ. cap. 14. §. 18. vers. 3.* Manuel Rodr. 1. *tom. cap. 53. conclus. 4. num. 5. & cap. 195. conclus. 2. num. 2.* Azor *tom. 1. lib. 4. cap. 2. quæst. 6. fine.* Salas 1. 2. *quæst. 72. tratl. 13. disp. 3. sect. 2. n. 21.* vbi alios refert.

11 Sed quid si habeat votum simplex castitatis & insuper solemne ratione ordinis sacri, satisfaciatur ne, si dicat se peccasse aduersus votum castitatis, tacens esse solemne?

Respondeo satisfacere: tum quia votum simplex à solemni

solemni non differt essentialiter, sed solum accidentaliter, ut latius in materia de religione: tum & precipue, quia est votum solemne castitatis differat specie à simplici, eo quod inhabilem reddat hominem ad matrimonium, & ob alios fines: at ad seruandam castitatem eodem modo, & sub eodem fine obligat; scilicet ne irreuerentia Deo fiat, si non seruetur, quod ei promissum est: quapropter in cap. rursus, qui clerici, vel uouentes, ait Celestinus votum solemne non magis obligare apud Deum, quam simplex. Idemque traditur in l. 2. tit. 8. part. 1. & ibi Gregor. Lopez alios refert: & ita tenet, & latius probat Salas *supra* num. 22. Vnum tamen est omnino certum, in quo fere omnes conueniunt, Sacerdotem violentem castitatem, satisfacere, si dicat se ordine sacro esse insignitum, quia idem votum reperitur in omnibus ordinibus, aduersus quod peccat.

12 Sexto infero, religiosum transgredientem præceptum superioris intendentis sub mortali obligare, duplicem culpam committere, necessariò in confessione manifestandam; alteram aduersus illam virtutem, in qua res præcepta est constituta; alteram aduersus obedientiæ votum. Quod ut rectè intelligatur supponendum est superiorem præcipientem constituere rem præceptam in ea virtute, ex cuius amore mouetur præceptum imponere, seu quam intendit, ut subditi executione rei præceptæ consequantur. Hæc autem virtus aliquando est eadem cum ea, quam ipsæ res præceptæ iure ipso naturali respiciunt, ut contingit, cum furtum, & homicidium prohibetur, ne fiat alieni iniustitia; & tunc non constituit præceptum superioris distinctum peccatum: aliquando est distincta, ut cum furtum rei sacræ prohibetur ob speciale loci sacri reuerentiam, & tunc iam diximus peccatum constituere speciale contra virtutem religionis; aliquando verò res mandatur, quæ iure naturali mandata non erat: ut ieiunare, audire Missam; aliquando prohibentur, quæ iure ipso prohibita non erant; videlicet ne religiosi domo egrediantur, ne inter se loquantur, ne uisus in alterius cubiculum ingrediatur; in quibus præceptis attendendus est finis immediatus legislatoris, & dicendum rem præceptam in ea virtute esse, in qua fuerit finis immediatus, siquidem ad illum consequendum, ut medium assumitur. Hoc supposito probò manifestè religiosum transgredientem superioris præceptum peccare dupliciter. Primò aduersus illam virtutem, in qua est præceptum. Secundò aduersus votum: nam cum superior habeat hanc vim constituendi rem præceptam in aliqua virtute, ac si iure naturali ab ipsa virtute esset mandata, violans tale præceptum, violat ipsam virtutem: ex alia etiam parte religiosus habet votum obediendi superiori in his, quæ sibi sub obedientia fuerint imperata. Ergo peccat aduersus huiusmodi votum, cum obedire renuit. Quocirca Franciscanus, qui feria 6. Quadragesimæ non ieiunat, dupliciter peccat. Primò contra præceptum Ecclesiæ, & superiorum, per regulam id sibi præcipientium. Secundò ratione voti obedientiæ, quoad obseruantiam regulæ obligantis sub mortali se astrinxit: & ita tenet Vasquez 1.2. *disp.* 98. cap. 3. num. 7. & 9. Azor *tom.* 1. lib. 4. cap. 2. *quest.* 6. Salas alios refertens *trac.* 13. *disp.* 3. *sect.* 2. num. 16. & 17. Non tamen ex hac doctrina inferitur religiosum omittentem horas canonicas ab Ecclesia præceptas, & Missam die Dominica, & alia, quæ communiter aliis à religiosis sunt imperata, peccare aduersus votum obedientiæ; quia ratione illius solum obedire teneretur in his, quæ sibi, ut religioso fuerint imperata, ut bene notauit Thomas Sanchez *lib.* 6. in *Decal.* cap. 1. n. 9.

13 Septimò infero scholasticum omittentem præceptum sibi impositum in virtute præstiti iuramenti; si res aliqui sibi erat præcepta, peccat dupliciter, & contra iuramentum, & contra virtutem, in qua erat res præ-

cepta. sic Azor, & Salas *supra*. Dixi, si res aliqui sibi erat præcepta: nam si præcipitur sub virtute præstiti iuramenti res non sibi aliqui præcepta; existimo solum contra iuramentum delinquere, eo quod videatur superior nullam illi obligationem imponere, et si possit. Quando tamen aliquis verè superior non est, quia non habet vim obligandi aliunde, nisi ex voto: tunc certum est violentem rem sibi imperatam à superiore aliqui non præceptam, solum peccare contra votum, ut contingit in seculari uouente obedire suo Confessario in omnibus, quæ iudicauerit suæ spirituali saluti maximè conuenire. ita Salas *disp.* 3. *sect.* 2. num. 16. Vasquez *disp.* 98. cap. 3. num. 7.

14 Inferitur octauò, te non teneri declarare in confessione omnia illa, quæ causa fuerunt peccati omissionis, v.g. Missæ audiendæ, si nullam aliam malitiam in se habent, præter eam, quam contrahunt ex omissione, quia declarata omissione, declaras integram illorum malitiam: quapropter non teneris dicere ob voluntatem studendi, ludendi, &c. Missam reliquisse, sufficit, si dicas te Missam omisisse, cum audire deberes. At si ob fornicationem, vel furtum reliquisti sacrum, teneris id declarare, ut constat. sic Sayrus *lib.* 2. in *clauis regie*, cap. 6. num. 10. Valent. *tom.* 2. *disp.* 6. q. 1 p. 4. dub. 2. Bonacina *disp.* 2. de peccat. q. 4 p. 4. *fine*, num. 27. Azor *tom.* 1. lib. 4. cap. 3. *quest.* 7.

An verò ludus, vel studium, qui causa fuit omissionis, dici debeat omissionis peccatum, vel omissionis? res est parui momenti: existimo peccatum esse commissionis, licet sit contra præceptum affirmatiuum, quia non est contra illud directè, sed indirectè; quodlibet enim præceptum affirmatiuum habet adiunctum negatiuum, prohibens omnia illa, quatenus impediunt præcepti affirmatiui executionem.

15 Infero nonò, quid dicendum de illo, qui in plures Sanctos blasphematur, vel alicui familiæ maledicit, committit ne tot peccata, quot sunt Sancti, vel tot peccata, quot sunt personæ in familia? Videtur id affirmandum; quia si omnes illos Sanctos specialiter malediceret, & omnes illius familiæ de facto occideret, etiam si vno impetu faceret, tot iniurias, & homicidia committeret, quot essent personæ maledictæ, & occisæ. Ergo etiam in voluntate maledicendi, & occidendi, tot debent esse peccata, quot sunt personæ. Item si aliqua persona ex illa familia esset clericus, haberet malitiam sacrilegij ille actus. Ergo quælibet persona secundum se tribuit suam malitiam: sic affirmat Azor *tom.* 1. *inst.* moral. lib. 4. cap. 4. *quest.* 3. & 5. Salas 1.2. *quest.* 73. *trac.* 13. *disp.* 5. *sect.* 6. num. 65. *fine*. Verùm Nauarr. cap. 6. num. 18. in *nota* ed. Lugdunens. *vers.* inferitur quariò, contrarium defendit, eo quod in iure tota vna familia, vna persona reputatur. l. 1. ff. si familia furum fuisse dicatur. idemque tradit Bonacina *disp.* 2. de peccat. q. 4 p. 1. n. 1.

Dicendum tamen est, voluntatem occidendi totam vnâ familiam sumptam per modum vnus, vnicum esse formaliter peccatum: at virtute multiplex esse, iuxta multipliciter personarum, quæ appetuntur occidi. Quod sit vnum peccatum formale, probat ratio Nauarti, & quia vnus est indiuisibilis actus: aliàs qui vellet homines infinitos occidere, malitias infinitas formaliter haberet? Quod verò sit in virtute multiplex, inde probatur, quia habet in voluntate formaliter plures occisiones, atque adeò est voluntas plura peccata committendi. Ergo saltem in virtute illa voluntas plura peccata continet. Adde qui intendit familiam occidere, non satisfaciet confessioni, si dicat habuisse voluntatem homicidij; quia non est voluntas vnus homicidij, sed plurium, sicut non satisfaceret confessioni, qui diceret habuisse voluntatem fornicandi, si habuit voluntatem fornicandi cum omnibus, qui in vna domo residebant. Ergo signum est illam voluntatem

tatem in re esse multiplicem. Quocirca Bonacina, qui tenet vnum esse peccatum, vnicamque malitiam habere, nihilominus affirmat in confessione exprimendum esse obiectum huius peccati, quod nescio an sit satis consequenter dictum, cum solum numerum, & speciem teneatur quis confiteri, cui obligationi satisfacere videtur, si dicat habuisse semel voluntatem homicidij, si in illa voluntate non est nisi vna numero malitia. Aliàs si obiectum peccati declarare debebat, solum quia pertinet ad constitutionem huius numero peccati, etiam teneretur declarare, si voluit occidere Ioannem potius, quam Franciscum. Item si furtum fuit pecuniarum, vel suppellectilis, si intemperantia fuit in cibo, aut in potu; cum omnia hæc ad constituendum peccatum concurrant. Item teneretur declarare intensionem, & durationem ipsius peccati, quia ipsum peccatum constituunt. Neque est simile de voluntate furandi omnes libros alicuius bibliothecæ, vel destruendi aliquam domum; hic enim actus formaliter, & in virtute vnus est, quia solum vnicum furtum, vnicamque destructionem causat; at voluntas occidendi familiam, continet, & causat plures occisiones, quarum quælibet est peccatum distinctum.

16 Inferitur decimò quid dicendum de illo, qui eodem die festo proponit sæpius non audire Missam, & de facto non audit, an peccet vno, vel pluribus peccatis, quot sunt voluntates omittendi.

Negare tenentur omnes illi qui dicunt peccata, quæ opere externo consummantur, tunc tantum multiplicari, quando voluntas peccandi, quæ fuit interdicta per contrarium actum, multiplicatur: nam si per contrarium actum non fuit interdicta, censetur semper moraliter manere, & consequenter licet physicè reperatur, non constituit diuersum peccatum necessariò in confessione manifestandum: tenet expressè Caietan. tom. 1. opuscul. 31. & 17. respons. in 15. dub. 2. Nauarr. cap. 6. num. 16. & 17. Grassi lib. 1. cap. 20. num. 14. & seqq. & alij, quos sequitur Salas tract. 13. disp. 5. sect. 8. num. 85. adhibita hac limitatione, nisi inter ipsos actus voluntatis multum temporis intercedat: quæ limitatio in præsentī casu non potest habere locum. Ratio liuius est, quia voluntas non retractata semper censetur moraliter manere. Ergo cum alia similis superadditur, eadem est moraliter cum illa. Deinde cum vna voluntas ab alia non multum distat, moraliter loquendo, continuari censetur, præcipue cum vtraque ad idem obiectum tendant, & eundem effectum causent. Præterea, qui vult occidere inimicum, & ex hac voluntate parat arma, & ex alia iter arripit ad occisionem, illæ voluntates neque inter se vniuntur, vt constat, neque vniuntur in medijs, sed ad summum vniuntur in effectu; hanc autem vniōem in effectu etiam habent illæ voluntates, omittendi Missam. Ergo sunt vnum peccatum, & non plura.

17 Dicendum existimo, si ex voluntate alicuius operis impossibilis cum præcepto Missæ, Missam omittas, vnum peccatum censeri committere, quantumcunque renoues voluntates, quia omnes illæ in illo opere radicanter, & sunt medio illo causæ impediētes præcepti adimplerionem: neque in hoc est maior difficultas, quàm in voluntate occidendi Petrum: ex cuius voluntate paras, media apponis. At si propositum habes omittendi Missam, neque ex illo proposito apponas medium aliquid impossibile, sed ibi stas, & post sacrum renoues idem propositum, & postea adueniente tempore vrgenti præcepti eandem renoues voluntatem, censo te multiplex peccatum commisisse; quia omnes illæ tres voluntates non habent, in quo sint vnum; non enim sunt vnum inter se, cum non inter se vniantur, neque in aliquo effectu productò, cum nihil producant, neque in omissione Missæ, quia omis-

sio audiendi Missam non incipit nisi ab eo tempore, in quo Missa audiri non potest. Ergo necessariò illæ voluntates debent reputari multiplex peccatum. Confirmo. Si voluntatem haberes crastina die Petrum occidendi, neque ex hac voluntate medium aliquod apponeres, sed easdem voluntates sæpius repeteres, quousque crastinus dies accederet, in quo & appositio medijs, & occisio simul iunguntur omnes illæ voluntates antecedentes, & repetitæ iuxta nostram sententiam peccata essent, quia non habent, in quo vniuntur; non inter se, neque in aliquo effectu, cum nullus sit, quando ipsæ sunt; sed similiter voluntates repetitæ toto manè non audiendi Missam hora 12. non habent, in quo vniantur, & vnum sint. Ergo etiam debent censeri distinctæ: & ita tenet Vasquez 1. 2. disp. 75. cap. 3. fin. num. 15.

18 Ad rationem dubitandi respondeo voluntatem non retractatam manere moraliter habitualiter, sed non actualiter, & in virtute; ideòque constituit voluntas de nouo adueniens diuersum numero actuale peccatum; neque in hoc attendi debet distantia, vel propinquitas temporis inter vnā, & aliam voluntatem; sed an illæ voluntates causæ sint alicuius effectus communis, vt contingit in casu de inimico occidendo: tunc enim media, quæ apponis, inter se vniuntur ad consequentiam finis intenti, sicuti vniuntur lapides, & ligna collecta ad ædificationem domus, ob quam vniōem moralem, & accidentalem collectio lapidum, & lignorum, etiam si physicè multiplex sit, moraliter tamen vna censetur, quia ad vnum finem ordinatur, & ab eadem voluntate ædificandi prouenit.

PUNCTVM IV.

Vnde grauitas, & malitia peccati desumenda sit.

- 1 Peccata esse in grauitate inæqualia.
- 2 Ex varijs capitibus desumitur grauitas peccati.
- 3 Peccatum inferioris speciei superare potest aliud peccatum grauius ex obiecto.

BReniter me ab hac difficultate expediam, omittis varijs dicendi modis. De fide enim certum est non omnia peccata æqualia esse in grauitate, sed vnum peccatum alio grauius esse: constat ex Genes. 13. vbi Sodomitæ pessimi iudicantur, & peccatores coram domino nimis, & Genes. 37. Ioseph accusauit fratres de crimine pessimo: & clariùs Christus Dominus Ioannis 19. dixit Pilato, qui me tradidit tibi, maius peccatū habet. Ergo peccata æqualia esse non possunt. Ratio est manifesta, quia licet omnia peccata in eo conueniant, vt sint contra rationem: at ipsammet rationem naturalem grauius offendit vnum peccatum, quàm aliud; grauius enim offendit bestialitas, quàm simplex fornicatio, & simplex fornicatio diu desiderata, quàm casu contingens. Deinde, quia omnes essent æquè puniendi, quod est contra illud Deuteronom. 25. pro mensura delicti, erit & plagarum modus; & Matth. 10. & 11. terra Sodomorum remissius eris in die iudicii. & Luc. 20. hi accipient damnationem maiorem. Neque obstat rectitudinem non suscipere magis, & minus, vt dicamus peccata, quæ videntur priuare rectitudine, non suscipere magis, & minus; quia non priuant rectitudine priuatiuè, sed positiuè, & in formis positiujs datur locus inæqualitati. licet enim frigus priuet subiectum calore, quia tamen priuat per formam contrariam, potest suscipere magis, & minus. Item licet rectitudo alicuius lineæ in indiuisibili consistat: at ab hac rectitudine magis, & minus linea recedere potest; de quo latè Valq. 1. 2. disp. 99. & Salas tract. 13. disp. 5. sect. 1. Azor tom. 1. lib. 4. cap. 19.

Præcipua

1 Præcipua peccati grauitas, & malitia sumitur ex obiecto directo, quia inde sumit speciem: tradit D. Thom. 1. 2. q. 73. art. 3. Secundò ex circumstantiis. Tertio ex continuatione, & duratione. Quarto ex intensione. Explico in homicidio facto in loco sacro, cuius prima grauitas sumitur ex iniustitia facta. Secunda ex circumstantia sacrilegij. Tertio ex continuatione voluntaris. Quarta ex eius intensione.

3 Contingit autem sæpe grauiorem malitiam peccati esse ex circumstantia, quam ex obiecto, vt si quis cognosceret sceminam religiosam, vel nuptam, grauius ex circumstantia, quam ex obiecto peccaret.

Difficultas autem est, an peccatum ex obiecto minus graue, possit ratione intensiōis, vel durationis, vel extensionis obiectiuz fieri grauius, alio grauiori ex obiecto; quia nunquam videtur species inferior superiorem vincere posse. At tenendum est tanquam omnino certum peccatum inferioris speciei superare posse aliud peccatum grauius ex obiecto, & quidem si cum peccatis venialibus superioris speciei fiat comparatio, res est indubitata; quis enim negabit furtum, pollutionem, & adulterium superare iuramentum otiosum, vel falsum non plenè deliberatum? Ex quo non leue argumentum sumitur ad probandum aliquod peccatum mortale inferioris speciei superare posse aliud de superiori specie. Exemplis res manifestatur. Detractio, & contumelia ex obiecto, & specie leuiora peccata sunt homicidio: at si quis vnam nobilem, & illustrem familiam de prodicione, vel hæresi diffamaret, sine dubio grauius peccaret, quam si vnum ex infima plebe occideret. Ergo. Item si quis dilapidaret ærarium publicum, & reipublicæ maximè necessarium, grauius peccaret, quam omitendo Missam, vel occidendo plebeium. Ratio est, quia cum quodlibet peccatum habeat grauitatem limitatam, & finitam absolutè, potest aliud peccatum leuioris speciei ita multiplicari, & intendi, vt eius grauitatem adæquet, sicuti contingit in argento, quod licet secundum materiam suam inferius sit auro: at in æstimatione, & valore ob eius quantitatem crescere, & superare aurum potest. Neque est inconueniens, quòd indiuiduum alicuius speciei inferioris, superet indiuiduum altioris speciei; cœlum enim ratione incorruptibilitatis, & aliarum qualitatum, quæ sibi sunt propria, superat in perfectione plura viuientia sublunaria: & ita tenet, & latè probat Sayrus lib. 5. cap. 4. num. 9. Azor tom. 1. lib. 4. q. 4. fin. Suarez tom. 3. in 3. p. disp. 66. sect. 2. Salas q. 73. tract. 13. disp. 5. sect. 2. à num. 14. Herrera in 2. disp. 32. q. 3. & videtur clarè esse sententia Augustini relati in cap. quæro, 6. q. 1. vbi inter ignorantem hæreticum, & scienter avarum, & inter hæreticum bene moraliter viuentem, & Catholicum sceleribus plenum, non audet ferre sententiam, quis grauius delinquat. Supponit ergo Augustinus peccatum minus graue ex suo genere ita aggruari posse ex multiplicatione, vel intensiōe, vt vincere possit peccatum grauius ex suo obiecto.

PUNCTUM V.

Quos effectus peccatum actuale habeat.

- 1 Diminuit inclinationem naturam ad virtutem.
- 2 Priuat gratia, & virtutibus infusis.
- 3 Destinât peccatorem ad pœnam æternam.
- 4 Arguitur effectum peccati venialis esse pœnam æternam.
- 5 Defenditur non esse proprium effectum peccati venialis.
- 6 Quomodo vnum peccatum sit effectus, seu pœna alterius peccati.
- 7 Nota, & infamia peccatoris effectus est peccati.

DE his agit D. Thomas 1. 2. à quest. 85. vsque ad 88. & latè Valent. Salas, & Vasquez ibi, exponam præcipuos ea breuitate, qua in omnibus studeo.

Ford. de Castro Sum. Mor. Pars I.

1 Primus effectus peccati est diminuerè inclinationem naturam ad virtutem: sic D. Thom. quest. 85. art. 2. Caietan. Conrad. Zumel ibi. Vasquez disp. 132. Salas disp. 13. sect. 2. Azor tom. 1. lib. 4. cap. 2. q. 2. Quod vt rectè intelligatur, aduertendum est, inclinationem naturalem ad virtutem ab ipsamet potentia voluntatis non distingui; quare cum in seipsa substantialiter voluntas non immutetur, efficitur nullo peccato intussecè eius inclinationem diminui posse: verum quia voluntas non ita inclinatur ad virtutem, quin liberè possit vitium amplecti; sit multiplicato vitio, multiplicari habitum, & qualitatem ad vitium inclinantem: ac proinde inclinantem voluntatem, vt virtutem relinquat, & vitium amplectatur: & hac ratione dicitur diminui per peccatum inclinationem ad virtutem, extrinsecè quidem, & accidentaliter; quia quo magis voluntas in vitium inclinatur, eo magis à sequenda virtute impeditur. Nunquam tamen ita impeditur quin voluntas libera maneat, & potens sit, virtutem sequi, & naturam suam inclinationem opere complere, vt dixit Trident. sess. 6. can. 5. Ratio est manifesta; quia cum omnis hæc diminutio sit per habitus vitiosos inclinantes ad vitium virtute oppositum, & omnes hi habitus non necessitent voluntatem, sed potius illi subdantur; nunquam potest ita inclinatio ad virtutem diminui, vt finiatur; semper enim intrinseca, & libera potestas ad virtutem, ac proinde natura inclinatio substantialis integra manet.

2 Secundus effectus peccati mortalis est priuari hominem gratia, & virtutibus infusis; cum enim peccatum constituat hominem Deo inuisum, & inimicum, necessariò debet excludere ab illo gratiam, qua amicus reddebatur.

3 Tertius effectus peccati mortalis est destinatio ad pœnam æternam, quam necessariò omnes peccatores decedentes in mortali subibunt, iuxta illud, *Ita maledicti in ignem æternum, Matth. 25. Marc. 3. & 9. & 2. ad Thes. salomenses 1. & 1. Corinth. 6. & alijs in locis*, vbi passim Scriptura æternitatem pœnæ peccatoribus comminatur. Solùm autem est difficultas in reddenda ratione, quomodo hæc pœna æterna proportionata sit culpæ, imò leuior, quam culpa ipsa meretur, cum receptum sit ab omnibus Theologis cum Mag. 4. d. 46. & ibi D. Thomas q. 1. art. 2. q. 1. ad 1. & 1. p. q. 21. art. 4. ad 1. Deum punire citra condignum, & difficultas in eo sita est. Nam peccatum mortale non habet grauitatem infinitam, quia neque illam habere potest, ex Dei infinitate, aduersus quam peccatur, neque ex vilitate personæ peccantis, quia hæc omnia extrinseca sunt, ideòque non possunt refundere in actum infinitatem; aliàs quodlibet peccatum veniale haberet infinitam grauitatem, & æternitatem pœnæ mereretur. Item quodlibet mortale contineret grauitatem omnium mortalium, neque vnū mortale esset grauius alio, & æqualiter pro vno, ac pro multis deberet peccator puniri, quod est absurdum. Quæ ergo est ratio, quare peccatum finitum in grauitate puniatur citra condignum pœna æterna? Plures rationes ad hanc veritatem confirmandam adducuntur à D. Gregor. 4. dialog. cap. 44. D. Thom. 1. 2. q. 87. art. 3. 4. & 5. & ibi Vasquez, Salas, Zumel, Valenr. Sayrus lib. 2. cap. 13. num. 8. Anton. Perez in sua laur. certam. 9. cap. 10. num. 86. Ea tamen mihi videtur efficacior, quia pœna, quæ in intensiōe est finita, & solùm in duratione non habet finem, absolutè finita est, & secundum quid infinita, sicuti Angelus: & anima rationalis finita entia sunt, etiamsi finem non sint habitura; sed quodlibet peccatum mortale, esto simpliciter finitum sit, aliquam tamen habet infinitatem, eo quòd sit contra Deum infinitum. Ergo pœna in duratione æterna non excidit eius meritum.

4 Sed inquires, an pœna æterna sit etiam effectus peccati venialis.

K Et

Ex videtur, quodd sic. Nam decedentes cum mortali, & veniali, non solum ratione mortalis, sed etiam ratione venialis perpetuo puniuntur: nam cum semper in illo perseverent, efficitur semper ob illud debere puniri; ideo enim D. Thom. Vasquez, Zumel, Salas, & alij nuper relati affirmant pœnam inferni æternam esse, quia æternum futurum est peccatum, ob quod infligitur; sed veniale peccatum in damnatis etiam erit æternum. Ergo etiam pœna illi correspondens æterna debet esse.

5 Dicendum tamen est, pœnam æternam non esse effectum proprium peccati venialis, quia peccatum veniale de se illam non meretur, sed solum meretur temporariam. Conclusio est omnium Catholicorum: decedentes namque in gratia cum peccato aliquo veniali non remisso, non puniuntur æternaliter, sed aliquo tempore in purgatorio, & postea gloriam consequuntur; aliàs peccatum veniale gloriæ consecutionem in æternum impediret, quod est contra fidem. Si verò peccatum veniale in damnatis existat, etiam si ex se pœnam æternam non mereatur, punitur tamen æternaliter. est communior, & probabilior sententia, quam latè defendit cum D. Thom. 1. 2. quæst. 87. art. 5. ad 2. & 3. Vasquez disp. 141. Valent. disp. 6. q. 17. p. 4. Salas plures referens tract. 13. disp. 15. sect. 11. n. 70. & 73. Azor tom. 1. lib. 4. c. 10. q. 5. Suarez 3. p. tom. 4. disp. 11. sect. 2. num. 11. & seqq. Probo efficaciter primò, quia illa pœna, quam damnati in inferno sustinent, et si de se esset sufficiens extinguere debitum peccati venialis, si voluntariè acceptaretur: at quia non solum inuitè, sed etiam impatienter, & blasphemè sustinetur, non videtur villo modo sufficiens extinguere debitum peccati. Ergo post vnā pœnam toleratam potest Deus aliam, & aliam infligere. Secundò illius pœnæ toleratio non poterat culpam, & debitum illius extinguere, quin à Deo acceptaretur, & acceptaretur ex meritis Christi: quia nullum peccatum hominibus remittitur, nisi ex Christi meritis, vt traditur Trident. sess. 15. cap. 8. & docuit Suarez tom. 4. in 3. p. disp. 11. sect. 2. n. 7. Azor tom. 1. lib. 4. cap. 10. q. 3. sed merita Christi iam non operantur in damnatis; sunt enim membra abscissa à Christo in perpetuum. Quartò de damnatis dicitur, *ubi cecideris lignum, ibi manebis*, hoc est, manebunt in eadem pœna, in quam ceciderunt. Ergo non possunt pro peccato veniali satis pati. Quintò, quia peccatum veniale aliquo modo habet infinitatem, cum sit contra Deum. Ergo saltem pro aliquo statu meretur pœnam aliquo modo infinitam, qui status non potest esse alius, nisi quando cum mortali coniunctus esset.

6 Quartus effectus, seu pœna peccati solet enumerari

aliud peccatum; & quidem secundum quod peccatum est, nequit esse pœna, quia non fit à Deo, neque appeti ab eo potest; non enim appetere potest sibi fieri offensam, & iniuriam, neque rationabiliter procederet, si vellet iniuriam sibi factam alia iniuria vindicare. Pœna autem, vt tradit August. de lib. arbit. cap. 1. est à Deo, & placere ei aliquo modo potest, siquidem procedit ab illo, vt à supremo iudice iniuriam factam vindicante. Peccatum autem secundum quod est permissum, hoc est, permissionem ipsam peccati posse, & sæpè esse pœnam peccati, negari non potest, cum id constet ex variis locis Scripturæ, præcipuè ex Paulo ad Rom. 1. à n. 24. *Propter quod tradidit illos Deus in desideria cordis eorum, in immunditiam, &c.* id est, permisit illos in sua desideria defluere, denegando auxilia specialia, quam denegationem potest Deus velle, cum nihil in ea malum sit. Vide D. Thom. 1. 2. quæst. 87. art. 2. Caietan. Medin. Zumel, ibi. Vasquez disp. 129. cap. 9. & disp. 140. Salas tract. 13. disp. 15. sect. 1. Valent. disp. 6. quæst. 17. punct. 3. Bonacina disp. 1. de peccat. quæst. 7. punct. 2. Neque obstat aduersus hanc doctrinam Augustin. 1. confess. cap. 12. vbi dicit: *Iussisti Domine, & sic est, vt omnis inordinatus animus sibi ipsi pœna sit.* quia August. loquitur causatiuè, non formaliter; quia non est formaliter pœna, quatenus est inordinatus, sed ratione tristitiæ, damni, infamiæ, & aliorum effectuum, quos inordinatio causat.

7 Quintus effectus peccati est nota, & infamia peccatoris; sed hic effectus non sequitur quodcumque peccatum, sed peccatum publicum; illo tamen semel posito, semper præsumitur durare, ex text. in cap. semel malus, de regul. iur. lib. 6. & tradit August. in cap. nonnulli, 46. dist. propter quod dixit Vlpian. in l. si cui, §. ydem ff. de accusat. quod ille qui semel est calumniatus, in futurum calumniari præsumitur: & semel periurus, in futurum peieraturus, ob quod à iuramento præstando repellitur. cap. paruuli, 12. quæst. 5. & cap. literas, de præsumpt. & aliis multis exemplis probat Menoch. de præsumpt. lib. 5. præsumpt. 32. & Malcard. de probationib. concl. 1006. à num. 54. Purgari tamen censetur huiusmodi nota, & infamia ex facto proueniens, si per triennium ab illo delicto perpetrando abstineas, præcipuè, si occasiones committendi illud tibi fuerint oblata, vt tradit Alberic. in l. omnimodo, num. 3. C. de inoffic. testam. & probat text. in §. hinc autem nobis, versic. nam et si vitium, in Authent. de monach. Imò addendum existimo cum Menoch. n. 33. per pœnitentiam sacramentalem omnino tolli infamiam, & notam, & præsumptionem simile delictum committendi; quia & tollitur peccatum, quod infamiam causabat, & retractatur voluntas, ex qua præsumptio oriebatur.



TRACTATVS TERTIVS DE LEGIBVS.

PROOEMIUM.



STVDIOSVS rerum moralium præ oculis habere debet dicenda in hoc tractatu, utpote principia communia omnibus, quæ de vitiis, & virtutibus in sequentibus dicenda sunt. Claritatis gratia hunc tractatum in sex disputationes diuidam.

In prima explicabo naturam legis, eiusque conditiones, & causas.

In secunda specialem sermonem institutam de lege irritante, & poenali: hoc est, de lege imponente poenam, & irritante actum contra ipsam factum.

In tertia de lege non scripta, quæ est consuetudo.

In quarta de lege speciali, quæ priuilegium vocatur.

In quinta de cessatione legis, eiusque interpretatione.

In sexta de illius dispensatione.

DISPUTATIO I.

De lege in communi, eiusque causis.

PUNCTVM I.

Vnde dicatur lex, & quid sit.

- 1 Expenditur etymologia legis.
- 2 Definitur lex.
- 3 Apponitur eius differentia à consilio, petitione, & precepto.
- 4 Semper debet esse iusta, rationalis, & bono communi conueniens.
- 5 Respicit commune bonum.
- 6 Proponitur quadam obiectione.
- 7 Satisfit obiectioni.
- 8 Lex ferenda est ab eo, qui curam communis habet.
- 9 Debet esse promulgata.
- 10 Expenduntur alie conditiones.

1 **E**x dicitur primò à legendo, secundum Isidorum 2. *etymol. cap. 10. & lib. 5. cap. 3.* quia in ea legitur quid faciendum sit, quidve vitandum. Secundò dicitur à deligendo, eo quòd ex multis eligat, quæ aptiora videntur, ad rectum viuendi vsum: ut tradit Cicero lib. 2. *de natura Deorum*, vel, ut dixit Augustinus in *quest. ex nouo Testamento, quest. 15.* ut de multis, quid eligas, scias. Tertiò dicitur à ligando, quia ligat homines ad sui obseruantiam: sic D. Thomas 1. 2. *quest. 90. art. 1.* Variis autem nominibus solet lex appellari, iuxta varias factiones, quas habet, cum enim lex doceat, instituat, præscribat, quid sit agendum, vel omittendum, aliquando solet appellari doctrina, insti-

Ferd. de Castro Sum. Mor. Pars I.

tutio, præscriptio: specialiter tamen dicitur, *iur. constitutio statutum, & sanctio.* Dicitur *iur.* quia iubet, & imperat, vel quia intendit tribuere unicuique quod suum est: dicitur *constitutio, & statutum*, quia constituit, & statuit, quæ sunt facienda: dicitur *sanctio*, quia sancit poenam non obtemperantibus, ex *l. sanctio. ff. de poenis.* Hæc autem nomina in eo differunt, quia leges Principis supremi sæcularis, Regis, vel Imperatoris vocantur iura; Pontificis verò decreta, vocantur constitutiones. Inferiorum verò Principum, ciuitatum, & populorum decreta, vocantur statuta. Vide Azor tom. 1. *inslu. mor. lib. 5. q. 1. & 2.* Suarez *de legib. lib. 1. cap. 1. & 2.* Salas 1. 2. *tract. 24. disp. 1. sect. 1. 2. & 3.*

2 S. Thomas receptus ab omnibus 1. 2. *quest. 90. art. 4.* definit legem, ut sit ordinatio rationis ad bonum commune ab eo, qui curam communitatis habet promulgata. Dicitur *ordinatio*, quia ordinat, & præscribit quid sit faciendum, vel vitandum: dicitur *rationis*, quia à ratione provenit hæc ordinatio, & quia non tam respicit bonum speciale subditorum, quàm reipublicæ, ideo *ad commune bonum dicitur ordinata ab eo, qui curam communis boni habet*; & insuper requirit lex promulgationem, ut ex sequentibus videbimus.

Ut autem hæc definitio plenius intelligatur, supponendum est quemlibet legislatorem, antequam ferat legem, iudicare debere legem illam conuenientem esse reipublicæ; aliàs imprudenter, & iniuste legem ferret absque hoc iudicio, illòque deficiente lex nulla esset, quia nullam vim haberet obligandi, utpote, quæ iusta non esset. Hoc iudicio supposito accedit secundò voluntas, quia vult subditos obligare ad legis obseruationem. Tertiò signo aliquo manifestat eius voluntatem. Ex quo fit legem esse actum intellectus, & voluntatis; intellectus, inquam, iudicantis rem imperatam per legem esse conuenientem bono communi; voluntatis, intendentis obligare subditos ad eius obseruationem. Nam sine quolibet horum actuum non erit lex; sine

K 2 primo

primo non erit iusta, & rationabilis, & sine secundo non obligabit. Requiritur insuper tanquam conditio, & applicatio, ut hæc manifestetur subditis; alias non poterunt obligari. sic Suarez *lib. 1. de legibus, cap. 4. num. 6. & cap. 5. per totum, præcipue num. 22.* Bonacina *disput. 1. de legibus, quæst. 1. punct. 1. num. 1.* & alij apud ipsos.

3 Ex his constat primò, quia ratione lex differat à consilio, à petitione, & præcepto. Nam licet per hæc ordinetur quis, & dirigatur ad rectè operandum, non tamen dirigitur per ipsa, tanquam per aliquem actum alicuius superioris respicientis bonum commune. Consilium enim, & petitio non est formaliter actus superioris, cum ab æquali, & inferiori possint procedere. Præceptum verò, etsi necessariò petat à superiore oriri, non tamen à superiore respiciente bonum commune, cum præceptum speciali bono illius, cui præceptum imponitur, contentum sit. Præterea præceptum spirat morte imponentis: at lex cum sit perpetua, eius morte non finitur. quam differentiam notavit Menochius *lib. 1. de arbitrio, quæst. 69.* Valquez *1. 2. disput. 151. cap. 3.* Sanchez *lib. 8. de matrim. disput. 28. q. 2. n. 47.* Suarez *de legibus, lib. 1. cap. 10. n. 9.*

4 Secundò constat legem iniustam, inutilem, non convenientem bono communi legem non esse, neque obligationem inducere. ita Valquez *1. 2. disput. 151. cap. 2.* Salas *de legibus, disput. 2. sect. 8. num. 50.* Bonacina *disput. 1. de legibus, quæst. 1. punct. 1. num. 9.* Suarez *lib. 1. cap. 9. num. 11.* In casu autem dubio an sit conveniens, inutilis, vel iniusta, præsumi debet iustam esse, & obligationem inducere; ut relato Panormitano, Felino, & aliis docet Suarez, Bonacina, & alij *suprà*. Vide quæ diximus *in tractat. de conscient. disput. 3. punct. 7.* ubi de casu dubio legis.

5 Prima ergo conditio requisita ad legem, est respicere bonum commune, ex Papiniano *in l. lex est, ff. de legibus, ibi, Lex est commune præceptum*, & ex Ildoro relato *in cap. erit autem lex, distinct. 4.* ubi inter condiciones requisitas ad legem ait esse, ut nullo proprio commodo, sed pro communi civium utilitate conscripta sit. & tradit D. Thom. communiter receptus *1. 2. quæst. 90. art. 2.* Suarez *cap. 6. n. 8.* Ratio est manifesta: quia leges sunt de se regulæ perpetuæ humanarum actionum. Non ergo personas particulares, & bonum illarum, quod finem habent, debent respicere. Item sunt à persona publica, quatenus publica est.

6 Dices plures esse respicientes bonum speciale, & non commune, quales sunt leges minorum, pupillorum, militum, quæ respiciunt bonum harum personarum, non communitatis. Secundò quodlibet privilegium, quod lex priuata dicitur *in cap. privilegium, dist. 3.* in bonum tantum privilegiati cedit, non commune. Tertiò lex tributorum, & vectigalium solum respicit utilitatem Regis, non communitatis; imò potiùs est in damnum illius. Quartò lex præscriptionis, quæ aliquibus est utilis, pluribus est damnosa. Ergo non omnis lex cedit in bonum commune. Tandem, quia si leges hæc, quæ bonum speciale aliquorum civium respiciunt, leges propriè nuncupantur, eo quòd bona civium sint bona communitatis; quia bonum partis est bonum totius: quodlibet præceptum latum cuilibet personæ particulari, dici poterit lex: quia eius bonum cedit in bonum commune. Ergo hæc indirecta cessio non sufficit ad legem.

7 Respondeo leges pupillorum, minorum, militum, nobilium, &c. bonum commune respicere; quia non attendunt bonum cuiuslibet personæ singularis, quatenus talis est, sed quatenus inducit rationem communem pupilli, minoris, militis, &c. Præterea bonum harum personarum cedit in bonum totius reipublicæ, cui maximè convenit supradictis personis favere.

Ad secundum dico, si privilegium sit pro aliquo ge-

nere personarum latum, lex in rigore erit: si autem sit pro singulari persona concessum, à lege propria distinguitur; quia tunc non respicit bonum commune, sed speciale.

Ad tertium leges vectigalium, si vectigalia iusta sunt, utiles esse reipublicæ; quia nihil reipublicæ utilius esse potest, quàm esse defensam, ad cuius finem tributa imponuntur.

Ad quartum legem præscriptionis utilem esse reipublicæ, quia vitat lites, & pacem constituit, esto alicui damnosa sit: sicuti lex puniriua damnosa est delinquenti, utilis tamen reipublicæ.

Ad ultimum concedo indirectum illum & remotum respectum boni communis non sufficere ad legem, ut probat exemplum de præcepto lato personæ singularis. Quare ad rationem legis necessariò requiritur, ut per ipsam legem immediatè respiciatur bonum commune, quod non potest esse, nisi circa ipsam communitatem, vel partem principalem illius feratur lex. In intentione autem legislatoris non est curandum, esto ipse legislator malo animo procedat, si tamen lex ipsa iusta est, quia bono communi est conveniens; sufficit ad obligationem inducendam. Si tamen lex per legem damnum alicuius intendit, quòdque in bonum commune non cedit, iniusta erit lex, & nullam obligationem inducet, & ab illa ut iniqua licebit appellare, vel exceptione doli contra eam agere, ut rectè dixit Panormitanus *in rubr. de constitut. num. 2.* Felinus *in cap. cum omnes, de constitut. num. 5.* Bart. *in l. omnes populi, ff. de iust. & iur. quæst. 5. num. 53.*

8 Secunda conditio requisita ad legem est, esse latam ab eo, qui curam communitatis habet, non qualemcumque curam, sed curam politicam, & jurisdictionis. Pro quo advertendum est, dupliciter re curam communitatis habere posse. Primò per potestatem dominatiam, & æconomicam. Secundò per potestatem politicam. Primam potestatem dominatiam habent parentes in filios, domini in seruos, mariti in uxores; & hæc potestas non sufficit ad ferendam legem: cum quia ex vi illius nihil possunt exigere, quod sibi non debeatur: tum etiam, quia ex vi huius potestatis non attenditur semper bono subditorum, sed proprio. Restat ergo ad ferendam legem necessariò requiri potestatem politicam, seu jurisdictionis, qua scilicet legislator potens sit subditos coërcere, & bonum non proprium, sed commune respicere. sic D. Thomas *1. 2. quæst. 90. art. 3. ad 2.* Salas *de legibus, disput. 1. sect. 9. num. 54.* Sayrus *in clavi regia, lib. 3. cap. 1. num. 7.* Bonacina *disput. 1. de legibus, quæst. 1. punct. 1. num. 1. & punct. 3. n. 2.* Suarez *lib. 1. de legibus, cap. 8. n. 2. & n. 6.* pluribus exornat.

9 Tercia conditio requisita ad legem est, esse promulgatam, seu intimatam subditis; sine hac enim promulgatione vim obligandi habere non potest, cum non possit de illa subditis constare. Debet autem hæc promulgatio communitati fieri, quia pro bono communitatis fertur, & quia singuli non obligantur, ut singulares personæ, sed quatenus partes sunt communitatis; ac proinde ipsa communitas debet quasi priùs obligata esse. sic D. Thomas *1. 2. quæst. 90. art. 4.* & tradit Ildor. *in d. cap. erit autem lex, dist. 14.* Sayrus *n. 12.* Suarez *lib. 1. cap. 11.* Castro *lib. 1. de leg. pæn. cap. 1.*

10 Aliæ autem conditiones à Doctoribus enumerantur, quæ vel in superioribus continentur, vel non sunt necessariæ. Expostulatur, inquam, ad rationem legis scriptura; sed hanc probabilius est necessariam non esse, sed convenientem; voce enim manifestari voluntas legislatoris potest, ut rectè dixit Ioan. Andr. *in reg. nemo potest, de reg. iur. in 6.* Panormitanus, Decius, & Felinus *in rubr. de constitut.* & multis relatis tradit Suarez *lib. 1. de legibus, cap. 11. fine, & lib. 3. cap. 35. num. 6.* Azor *tom. 1. institutionum moralium, lib. 5. cap. 2. quæst. 5.* & constat ex cap. institum

institutionis, 2. 5. quest. 2. ibi, Institutionis nostre decreta, siue que scripto decernimus, siue que in nostra presentia videntur esse disposita. & cap. 1. de iurando in 6. ibi, iuramenta statuta, consuetudines Ecclesiarum, scripta, aut non scripta inuolabiliter obseruare. Idem constat ex cap. in istis, distinct. 4. & cap. consuetudo, distinct. 1. Secundò requiritur acceptio populi, sed hoc ex benignitate legislatoris, vt postea dicemus. Tertiò requiritur perpetuitas, si enim pro determinato tempore lex feratur, potius præceptum, quàm lex dici debet. Nam cum lex pro bono communitalis feratur, & communitas de se perpetua sit, lex etiam debet esse perpetua: & ita tradidit gloss. in cap. à nobis, 1. de sentent. excommun. & Panorimitanus ibi num. 12. Nauarrus summ. cap. 27. num. 74. Suarez plures referens lib. 1. cap. 10. num. 5. in illo num. 16.

PUNCTUM II.

Quotuplex sit lex.

- 1 Lex triplex est, alia diuina, alia naturalis, alia humana.
- 2 Quæ sit lex diuina.
- 3 Quæ naturalis.
- 4 Quæ positiua, & quotuplex.
- 5 Expenduntur alie legis diuisiones.
- 6 Quæ sit lex odiosa, quæ fauorabilis.

Lex alia est diuina, alia naturalis, alia humana, seu positiua. Diuisio hæc recepta est ab omnibus Theologis, & iuris peritis.

1 Lex ergo diuina est Deus ipse, quatenus iudicat, quid faciendum sit, quidve omittendum, & voluntatem habet obligandi homines, & Angelos ad sui obseruationem. Ex hac igitur lege omnes leges dimanant, illique conformari debent; quia est prima regula, & mensura, ad quam omnia tanquam ad finem ordinantur, conueniuntque illi perfectissimè definitio legis in superiori puncto constituta; est enim actus rationis, seu actus ab eo, qui est ratio per essentiam, & potestatem habet in omnes creaturas, quibus suam legem lumine rationis indicat, & manifestat.

2 Lex naturalis propriè sumpta dicitur illa, quæ rationali naturæ insita est, quaque natura rationalis discernit honestum à turpi; in qualibet enim creatura rationali datur dictamen quoddam rationis, consistens in cognitione eorum, quæ honesta, vel inhonesta sunt, conuenientia, vel disconuenientia suæ naturæ.

Difficultas autem est, an hoc dictamen debeat dici lex? Ratio difficultatis est, quia non est à superiore, sed ab ipsomet proponente. Item quia nihil aliud facit, nisi proponere malitiam, vel bonitatem in obiecto. Ergo supponit iam obiectum esse malum, & prohibitum. Ergo ipsum cognitio non prohibet; aliàs ipsemet Deus respectu sui ipsius haberet propriè legem naturalem, siquidem etiam habet hoc dictamen rationis. Neque etiam disconuenientia, vel conuenientia obiectorum cum rationali natura legem constituere potest, sed est fundamentum ipsius legis prohibentis; ideo enim prohibetur mendacium, quia est dissonum; & ideo mandatur subuenire egeno, quia est conueniens. Item si in hac disconuenientia, vel conuenientia lex naturalis consisteret, diceretur Deus legem naturalem habere, non minus, quàm homo, quia non minus, imò magis naturæ diuinæ, quàm humanæ est dissonum mendacium.

Propter hæc multi dicunt legem naturalem non esse propriè legem præceptiuam, sed esse legem indicatiuam, quia indicat, quid faciendum sit, quidve omittendum: sic docuit Corduba lib. 3. de conscientia, Ferd. de Castro Sum. Mor. Pars I.

quest. 10. ad 2. & alij relati à Suarez lib. 2. de legibus, cap. 6. num. 3. Sed hoc nullatenus est admittendum, cum lex naturalis, lex propriè appelletur à Patribus, & Doctoribus, & illius transgressores, verè peccatores dicuntur, & sunt. Quocirca existimo legem naturalem, seu dictamen rationis includere simul legem æternam Dei, quia procedit à Deo tanquam à supremo legislatore. Deus enim cum naturas rationales creare voluit, simul voluit illas regere, & gubernare, ad cuius gubernationem necessarium erat leges illis imponere. Imposuit ergo illis legem de vitandis his, quæ intrinsecè sunt inhonesta, & disconuenientia rationali naturæ; vt autem hanc disconuenientiam, & inhonestatem cognosceret rationalis natura, lumen rationis ei indidit, quo illuminatur, & regitur, ac proinde hoc dictamen quatenus repræsentat ea, quæ à Deo sunt prohibita, habet rationem propriæ legis; eaque de causa dixit D. Thomas 1. 2. quest. 92. art. 2. legem naturalem esse participationem legis æternæ, & quest. 94. art. 6. adducit D. Augustinum 2. confess. cap. 4. dicentem, *Lex tua scripta est in cordibus hominum.* Ergo lex naturalis referri debet ad legem Dei, vt sit propriè lex. & ita tradit Gerson tractat. de vita spiritali, lect. 2. per totam, præcipuè corollar. 5. Victoria relect. de præueniente ad usum rationis, num. 8. Suarez lib. 2. de legibus, cap. 6. num. 5.

3 Rursus lex positiua, vt distinguitur à lege naturali, & diuina, est, quæ à superiore accidentaliter ponitur: & hæc est duplex, alia est diuina, alia humana. Diuina positiua est, qua Deus homines regit, & gubernat, quatenus corpus quoddam politicum constituunt. Sic præcepta veteris legis de ritu sacrificiorum, & ordine iudiciali leges positiuæ diuinæ dicebantur: & in præsentia præcepta de administratione sacramentorum, & illorum receptione à Christo Domino lata, leges diuinæ dicuntur. Lex humana dicitur, quia ab hominibus proximè, & immediatè prouenit. Deus enim sua prouidentia voluit homines per homines gubernari, & alios aliorum superiores esse: qui ergo superiores sunt, & supremam habent potestatem, leges condere possunt, quibus inferiores gubernentur. Sed quia hi superiores alij sunt Ecclesiastici, alij sæculares, alij recipiunt à Christo Domino potestatem condendi legem; alij verò ab ipsa republica. Ideo lex humana in Ecclesiasticam, & ciuilem diuiditur. Ecclesiastica est, quæ à Christo Domino tanquam ab eius authore primo prouenit, & subditos in supernaturalem finem dirigere intendit. Ciuisilis præcipuè attendit gubernationi politicæ, & subditos in pace conseruare.

4 Hæc sunt diuisiones legis præcipuæ: nam alie, quæ dantur ex varietate obiectorum, satis notæ sunt; dicitur enim lex alia affirmatiua, alia negatiua. Affirmatiua est, quæ imperat aliquid positiuum, & reale, esto verbis negatiuis imperet, vt est lex de audiendo sacro diebus festis, de communione recipienda in Paschate. Negatiua lex est, quæ negationem imperat, & actum positiuum prohibet, qualis est lex de non furando, de non occidendo, de non fornicando, &c. Insuper alie sunt leges merè præceptiuæ, alie purè pœnales, alie irritantes contractum, alie prohibentes fieri. de quibus omnibus in sequentibus latè agendum est. Vide Azorium tom. 1. lib. 5. cap. 1. quest. 5. Suarez lib. 1. cap. 3. fine. & latius lib. 5. cap. 1. & 2. Bonacina disp. 1. quest. 1. punct. 2. fine. Salas de legibus, disp. 2. sect. 1. Valquez tom. 2. disp. 152. cap. 5.

5 Sed inter has diuisiones illa est præcipua, qua diuiditur lex in legem odiosam, & fauorabilem. Odiosa dicitur, non quia odio digna sit, est enim iusta, & sancta; sed quia imponit grauamen aliquod, vel pœnam, quam

merito recusat subire humana natura. Favorabilis dicitur lex, quæ favorem continet. At difficultas non levis est, in cognoscendo, quæ lex dicatur gravamen continere, quæ favorem? Sæpè enim lex, quæ gravamen alicui imponit, alteri beneficium confert, ut contingit in lege imponente tributum, quæ solventibus gravis est, & odiosa; ei autem cui soluitur, favorabilis. Item privilegium alicui concessum, quo eximitur ab obligatione legis communis, favorem continet respectu privilegiati: at respectu communitatis gravamen habet; sentit enim communitas, quod aliquis ex illa eximatur, eique non conformetur. Deinde lex poenam delinquentibus imponens odiosa censetur respectu illorum, quibus imponitur: at respectu aliorum, in quorum defensionem lata fuit, favorabilis est. Qua ratione multi dicunt, legem latam in cap. si quis suadente diabolo, qua perculsores clericorum excommunicantur, esse favorabilem, quia licet respectu delinquentium odium contineat: at respectu status clericalis, in cuius defensionem lata fuit, favorem continet.

Propter hæc Tiraquel, in prefat. ad retract. lignag. n. 65. existimat legem odiosam dici illam absolutè, quæ gravamen alicui imponit, etiamsi aliis favorabilis sit; quia absolutè favorabilis dici non potest, & bonum ex integra causa. At dici potest absolutè odiosa, quia ad hanc denominationem sufficit, ex parte odium continere. Deinde, quia ne odia extendantur, ratione odij semper est restringenda lex.

Verùm hæc doctrina absolutè probanda non est, aliàs nulla esset lex, quæ odiosa non esset censenda, cum quælibet lex eo ipso, quod præceptiva sit, onus, & gravamen imponat, eis, quibus præcipit. Quocirca dicendum existimo, ut lex aliqua dicatur favorabilis, vel odiosa, spectanda est materia præcepta, quæ si conveniens sit his, quibus præcipit, favorabilis est censenda: si autem onerosa sit, censenda est odiosa. Exempla legis favorabilis sunt, lex apponens contractibus solemnitatem aliquam, ut fraudes evitentur, item signans taxam mercibus, ne ultra debitum valorem vendantur. Exempla verò legis odiosæ, sunt leges quæ imponunt vectigalia, vel poenas transgredientibus aliquas leges; quia his, quibus vectigal solvendum mandatur, vel poena subeunda est, onus est, & præiudicium, esto cedat in alterius utilitatem, vel in utilitatem boni communis: nam hoc est per accidens, aliàs omnes leges favorabiles essent; cum omnes tam poenales, quàm præceptivæ ad bonum commune dirigantur. Non igitur spectandus est finis legis, sed solum attendenda est materia legis primò, & per se intentæ. Colligitur satis apertè ex gloss. cap. si propter, de rescript. in 6. verbo primi anni, ubi appellat favorabilem illam constitutionem, quæ reservat fructus vacaturæ Episcopo mortuo, quia cedit in favorem Episcopi defuncti, ut solvat debita, quod erat præcipue intentum, etiamsi inde damnum obveniat iis, quibus aliàs debebant illi fructus provenire, sic Couarr. 2. var. cap. 11. num. 5. Thom. Sanchez plures referens lib. 1. de marim. disp. 1. num. 4. Ioan. Salas disp. 2. 1. de legib. sect. 4. num. 10.

Quando autem dubium est, an lex aliqua dicenda sit odiosa, vel favorabilis, quia non apparet, quid præponderet, iudicanda est favorabilis, quia de Principe potius beneficium, quàm odium præsumendum est: & ita tradit Suarez lib. 5. de legib. cap. 2. num. 13. cum gloss. & Bald. in l. 2. C. de his, qui non possunt ad libertatem pervenire, verbo interrogaverit. Bald. in l. penult. C. de pactis, circa finem. Alexan. 1. lib. 7. consil. consil. 197. Vide de hoc Emanuel Rodriguez tom. 1. regulæ.

quæst. 11. art. 6. ubi optime explicat
quæ sit lex favorabilis,
& odiosa.

PUNCTUM III.

Quid sit ius gentium, & qua ratione à iure naturali, & civili distinguatur.

- 1 Distinguitur ius gentium à iure naturali, & civili.
- 2 Explicatur differentia.

1 **D**istingui ius gentium à iure naturali, & civili, supponunt Doctores ex l. 1. §. huius studij, ff. de insti. & iure, ubi traditur ius coalescere ex præceptis naturalibus, gentium, & civilibus. Idem habetur Insti. de iur. natur. gent. & civili. §. 1. & 2.

Difficultas autem est, qua ratione distinguatur? Nam quælibet lex, vel est lex necessariò adstringens homines ad sui observationem, vel solum accidentaliter. Si necessariò est lex adstringens homines ad sui observationem, pertinebit ad ius naturale; si accidentaliter, ad ius civile. Ergo non est medium inter ius naturale, & civile. Dicendum igitur est, ius gentium medium esse inter ius naturale, & civile, & cum utroque convenientiam habere. ita omnes Doctores infra referendi, & manifestè constat ex cap. 6. dist. 1. ubi dividitur ius in naturale, gentium, & civile.

2 Pro declaratione suppono legem naturalem, seu ius naturale illud esse, quod est insitum cuilibet à natura, supposita humana societate, & communicatione politica: nam hac societate, & communicatione politica posita, insitum est seruo, obedire domino, & promitti reddere promissum, & contrahenti non defraudare in contractu; quæ omnia sunt de iure naturali. Quocirca quotiescumque aliqua ita sunt prohibita, ut nulla ratione possint non prohiberi, eo quod de se mala sint, à iure naturali prohibentur. Ius autem civile est, quod Princeps statuit ad regimen suorum subditorum, sed ita statuit, ut possit illud non statuere, quia liber fuit in iure illo ferendo, illoque solum obligare potest sibi subditos. Ius autem gentium, quod est medium inter ius naturale, & civile, affirmo esse ius, quod neque à natura est insitum necessariò, neque à determinato aliquo Principe, aut regno ortum habet: sed serè ab omnibus gentibus introductum est, non scriptura, sed usu, & consuetudine gentium. Quod probo inductione illorum, quæ dicuntur de iure gentium. Principio discretio gentium, & regnorum divisio iure gentium introducta est. Lex hoc iure, ff. de iustitia, & iure. nam iure naturali stante bene poterant omnia esse communia. Item bella, contractus, servitutes, legatorum admissio, paces, fœdera, & alia, quæ refert Ilidor. 5. etymolog. cap. 4. & 6. & traduntur in cap. ius gentium, dist. 1. iure gentium sunt introducta, quia ius naturale non necessitabat ad illa commercia, bella, servitutes, &c. alia enim via gubernari homines possent, & de iniuriis sibi factis satisfactionem recipere, ut bene expendit Suarez lib. 2. de legibus, cap. 19. à num. 7. & ex alia parte non sunt ab aliquo Principe in aliquo speciali regno stabilita, sed communi usu genti unæ determinata. Ergo ius gentium est medium inter ius naturale, & ius civile, naturali, & civili maxime conforme, & ita tradidit Iustinian. in §. ius autem, Insti. de iure naturali, gentium, & civili. ubi dicit, *Ius gentium omni humano generi commune est: nam usu exigente, & humanis necessitatibus, gentes humana iura quadam sibi constituerunt.* Ergo non à natura erant talia iura constituta, sed homines sibi, usu, & consuetudine ob necessitates occurrentes constituerunt. Idem habetur cap. omnis lex. Quapropter ius gentium, etsi naturali rationi conforme sit, in illoque fundetur, proximè tamen, & immediatè positivum est, & humanum; quia ab hominibus oritur, ipsique usu, & consuetudine sibi met constituerunt. sic Suarez supra lib. 1. cap. 18. 19. & 20. Molina de iustit. tractat. 1. disp. 3. & 5. & tractat. 5. de

de iurisdic. disput. 69. ad finem. Valent. tom. 2. disput. 7. quest. 5. punct. 2. Salas de legib. disput. 2. sect. 3. num. 21. Bannes 2. 2. quest. 57. art. 3. Bonacina disp. 1. de legib. quest. 1. punct. 1. num. 15.

PUNCTUM IV.

Quot, & qui sint legis actus.

- 1 Quatuor enumerantur.
- 2 Proponitur obiectio.
- 3 Satisfit obiectioni.
- 4 Quomodo inhabilitas, & irritatio sit actus legis.

1 **R**espondeo quatuor enumerari à Modestino in l. legis virtus ff. de legibus. Legis (inquit) virtus hac est, imperare, vetare, permittere, punire. D. Thomas 1. 2. q. 92. art. 1. & communiter Doctores. Ex his verbis colligunt nullam esse legem, quæ vel non imperet, aut vetet, aut permittat aliquid faciendum, aut factum puniri. & ita probat, & variis textibus exornat Azor tom. 1. in sit. moral. lib. 5. cap. 5. quest. 5. Suarez lib. 1. de legib. cap. 15. & seqq.

2 Sed obijci potest: quia aliqui ex his actibus non distinguuntur; alij verò ad legem non pertinent. Primum enim imperare, non videtur distinguì à vetare. Nam prohibens aliquid fieri, imperat ne fiat. Ex alia etiam parte permissio, & punizio non sunt actus legis: nam permissio non inducit obligationem, quatenus permissio est. Ergo non potest esse actus legis permissio. Item punizio fit propter legem violatam. Ergo iam supponit totam legem. Ergo non est actus ipsius: aliàs etiam collatio præmij actus legis enumerabitur, & sic plures actus legis erunt, quam quatuor enumerati.

3 Respondeo imperare, & vetare distinguì, tanquam affirmatiuum, & negatiuum: nam etli omnis lex si in rigore sumatur, verè, & propriè imperet; ex communi tamen acceptione accommodatur solum legi imperanti aliquid positium. Verbi gratia, auditionem Missæ, largitionem eleemosynæ: econtra vetare, accommodatum est legi prohibenti actum, & imperanti negationem, quales sunt leges prohibentes furta, fornicationes, homicidia, & alia huiusmodi. De permissione autem, siue sit de bono actu, siue de malo: qua ratione ad legem pertinere possit? Dico non pertinere ad legem per se, sed consecutiue, quia non est lex respectu illius, cui est facta permissio, est tamen lex respectu aliorum. Nam eo ipso, quo tibi permittitur aliquid malum absque punitione facere, prohibentur iudices, & omnes alij, ne te obinde puniant, aut molestant. Quod si permissio non de aliquo malo sit, sed de aliquo bono; similiter etiam prohibentur alij, ne te in eius usu perturbent. De punitione similiter dicendum est obligare iudices ad eius executionem, & subditos, ut punitionem sustineant. Neque est simile de præmio, nam licet aliquando procedat à superiore ferente legem; non tamen est necessarium, ut ab illo semper procedat, potest enim sicut & consilium ab æquali, & inferiori oriri; ideoque punizio est semper actus legislatoris, non tamen præmij collatio.

4 Solum de inhabilitate personarum ad aliquos actus, & de illorum irritatione, dubitari potest, an sit actus legis? Ratio dubitandi est: quia ignorantes afficit; quod de præceptis dici non potest. Sed dicendum est inhabilitatem personarum ad contrahendum, & irritationem actuum à lege oriri; quia lex ipsa prohibet, ne subditi tales actus validos efficiant: & licet ignorantes ligentur, quoad valorem actus, non tamen ligantur, quoad culpam. Quocirca lex irritans duo habet; & habet obligare subditos, ne efficiant tales

actus, & habet obligare, ne validos illos efficiant. Hoc secundum verum habet, etiam si ignoranter procedant. sic Suarez lib. 1. de legib. cap. 17. num. 10.

PUNCTUM V.

An materia legis necessariò debeat esse honesta, & virtuti conformis, & de differentia inter legem canonicam, & civilem.

- 1 Proponitur ratio dubitandi.
- 2 Statuitur omnem legem debere esse de actu virtutis, & satisfit rationi dubitandi.
- 3 Expenditur differentia inter legem canonicam, & civilem.
- 4 Quando Ecclesiasticus uti debet lege civili.

1 **R**atio dubitandi est; quia plures sunt leges gubernationi politicæ attendentes potius, quam morum honestati: qualis est lex prohibens actionem aduersus defraudantem infra dimidium iusti pretij: concedens præscriptionem possidenti bona fide aduersus proprium dominum: permittens meretrices, non puniens occisionem adulteræ, & alia similes. Item sæpè res indifferentes prohibentur. Ergo non est de ratione legis, quod sit de materia virtutis.

2 Certa tamen sententia est, omnem legem, siue naturalem, siue canonicam, & civilem necessariò esse de aliquo actu virtutis; quia lex omnis debet esse honesta, & rationi conformis: ut dixit Isidorus lib. 5. etymolog. cap. 2. & refertur in cap. omnis lex, distinct. 3. & tradit D. Thomas 1. 2. quest. 95. art. 3. sed ea quæ sunt honesta, & rationi naturali conformia, ad virtutem pertinent. Ergo. Item finis cuiuslibet legis est, facere subditos bonos, ut tradit D. Thomas receptus ab omnibus 1. 2. quest. 92. art. 1. Sed non potest subditos efficere bonos, nisi id, quod imperat, bonum sit. Ergo. Item lex humana intendit ciues suos, bonos ciues efficere, qui esse non possunt tales, nisi bonis moribus præditi sint. Ad rationem autem dubitandi facile respondetur, omnia illa ad pacem, & tranquillitatem reipublicæ pertinere; quia lex civilis accommodatur humanæ conditioni, & fragilitati, cui est conueniens, & honestum impunita relinquere aliqua minora mala, ne in maiora prolabor.

Ex quo fit lege humana non prohiberi omnes actus vitiosos, imò attenta hominum conditione, neque prohiberi posse; quia attenta hominum conditione est conueniens ad rectam gubernationem aliqua mala permittere, & impunita relinquere. Ergo non potest esse conueniens omnia mala prohibere, & punire: & ita docuit Salas disp. 9. de leg. sect. 3. num. 39. Suarez lib. 3. de leg. cap. 12. n. 12. & lib. 4. cap. 11. n. 3.

Neque obstat omnes actus vitiorum à lege naturali, & diuina prohiberi; quia lex naturalis, & diuina attendit, quid unicuique conueniat, lex verò positiua, quid communitati: & cum communitati hominum conueniens sit attenta eorum fragilitate, aliqua minora mala permitti, non potest esse conueniens omnia prohiberi.

Dices. Lex positiua prohibens ea, quæ naturali, vel diuina lege sunt prohibita, non addit specialem malitiam. Ergo si à lege naturali sunt prohibita, poterit lex positiua, & omnia prohibere, cum nullum grauamen subditis inde imponat. Adde qui peccat aduersus legem naturalem, & diuinam, dignus est non solum pœna apud Deum, sed etiam apud homines; ad iudicis enim pertinet cura, ut omnes leges naturales seruent.

Respondeo legem positivam non addere specialem malitiam legi naturali: addere tamen specialem subiectionem ad poenam, cui non est subiectus delinquens adversus legem naturalem. Et licet de quolibet particulari peccato verum sit committentem dignum esse poenam non solum æternam, sed temporalem, posseque à republica imponi; at de omnibus collectivè non est dicendum conveniens esse, ut imponeretur, imò potius est conveniens impunita relinqui.

Ad illud verò, quod addebatur de rebus indifferentibus, respondeo res indifferentes, qua ratione indifferentes sunt, non esse materiam legis; esse tamen quatenus necessaria, vel utiles sunt ad finem à legislatore intentum: semper enim legislator finem habet honestum in lege ferenda; & ex huiusmodi honestate, res de se indifferentes honestatem recipiant, ut bene dixit Suar. lib. 3. de legib. cap. 12. à num. 17. Bonacina disp. 1. de leg. q. 1. p. 5. num. 4.

3 Aduertenda tamen est differentia intra leges canonicas, & civiles: nam licet omnes leges tam canonicas, quam civiles honestatem, & virtutem respiciant, leges tamen canonicas primò, & per se virtutem respiciunt, quatenus media virtute ad finem supernaturalem homines diriguntur. leges autem civiles respiciunt virtutem, & honestatem, quatenus ad rectam, & convenientem gubernationem conducunt: eaque de causa materia legis civilis temporalis est; materia verò legis canonicæ spiritualis, ut colligitur ex cap. solita, de maiorib. & obed. & cap. bene quidem, cap. si Imperator, & alijs 96. dist. & tradunt Doctores in cap. Ecclesia, de constitutionibus. & in l. omnes populi, ff. de iustit. & iure. Neque obstat lege civili prohiberi clandestina matrimonia, iuramenta, vsuras, incestus, & alia, quæ etiam lege canonica sunt prohibita, & spiritualia sunt: quia non prohibentur, quatenus impediunt homines à fine supernaturali consequendo, sed quatenus impediunt pacem, & rectam reipublicæ gubernationem, & sic harum materia temporalis est. Adde huiusmodi leges civiles punientes hæc delicta iuvare maximè canonicas leges, & in eorum subsidium sunt admittendæ. Vide Couarruu. 4. decret. in princip. num. 18. & seq. Thom. Sanch. lib. 3. de matrim. disp. 47. num. 12. Suarez lib. 4. de lege canonica cap. 11. à num. 6. & seqq.

4 Secundò aduerto sæpè iudices Ecclesiasticos uti in litibus definiendis, & poena delinquentibus imponenda, legibus civilibus. Primò si lex civilis sit iam ab Ecclesia canonizata, hoc est, acceptata: nam tunc non obligat virtute civilis legis, sed quia est lex canonica, ut contingit in c. 1. & 2. de possess. & propr. & cap. in primis. §. gloriosus, dist. 11. & ibi glossa. Aduertit optimè Suarez, lib. 4. de leg. c. 11. n. 15. cum Abbate in cap. super eo, de restit. num. 4. & Felino ibi num. 3. Rebuffo, Guttierrez, & alijs non censi approbatam ab Ecclesia legem civilem, ex eo quòd Gratianus in suo decreto illam inseruerit, sed necessariò ab aliquo ex Pontificibus debet approbari. quia Gratianus non habuit auctoritatem leges canonicas condendi; ac proinde neque civiles leges canonizandi.

Secundò uti debent iudices Ecclesiastici legibus civilibus in litibus definiendis, in poenis imponendis, quando non habent leges proprias canonicas, secundum quas possint iudicare; tunc enim earum loco subrogantur leges civiles, ex cap. 1. de novi operis nuntiatione. ibi, sicut leges non dedignantur sacros canones imitari: ita & sacrorum statuta canonum Principum constitutionibus aduuantur; & paulo inferius; secundum legum, & canonum statuta negotiorum non differat terminare. Ratio est, quia leges civiles sunt rationi conformes: congruum ergo est, ut illas Ecclesiasticus sequatur, quando proprias non habet; sic maiori rectitudine, & æquitate procedet: & ita tradunt Doctores in supradict. cap. Panormit. in cap. 2.

de desponsat. impub. Dubium tamen est, an leges proprii regni præferendæ sint legibus imperialibus? Affirmat Bernard. Diaz, & Salzedo in practica criminali cap. 14. fine. concedit Suarez de consilio, non de necessitate, lib. 4. de legib. cap. 11. num. 14. quia in iure canonico talis prælatio non præcauetur. Ego verò existimo obligatum esse iudicem Ecclesiasticum in supradicto casu præferre leges proprii regni, legibus imperialibus. Nam ex supradicto cap. 1. de operis novi nuntiatione, tenetur iudex Ecclesiasticus deficientibus canonicis legibus sequi civiles. Ergo tenetur sequi civiles, quæ obligant, in toto regno: Imperiales autem non obligant, nisi cum deficiunt propriæ. Ergo.

PUNCTUM VI.

An leges civiles, & canonicæ possint imperare actus internos.

- 1 Proponitur difficultas, ob quam Doctores affirmant legem humanam circa actus internos versari.
- 2 Nulla lex humana circa actus merè internos versatur.
- 3 Indirectè bene possunt præcipi actus interiores.
- 4 Actus internus, qui ad actum exteriorem præceptum, neque physicè, nec moraliter necessarius est, præcipi non potest.
- 5 Satisfit rationibus num. 1. adductis.

1 **D**E lege æterna, & naturali nulla est dubitatio, cum tam potentia exteriores, quam interiores intellectus, & voluntatis Deo subiectæ sint. Solum de lege humana civili, & canonica est controuersia, an circa actus interiores versari possit. Ratio dubitandi est, quia quælibet lex humana, tam canonica, quam civilis, imperat, vel prohibet actus humanos, & liberos: sed actus humani, & liberi esse non possunt sine exercitio voluntatis. Ergo imperat, & prohibet actus interiores voluntatis. Et confirmo. Cum lex prohibet, ne pro mercedibus accipiatur ultra pretium taxatum, prohibet voluntatem accipiendi tale pretium. Ergo iam lex versatur circa actus voluntatis. Item reseruat peccata interiora. Secundò, si lex civilis solum versari posset circa actus externos, & non circa actus internos: ideo est, quia lex civilis imperare, aut prohibere non potest, nisi eos actus, qui rectæ gubernationi, & communi paci reipublicæ possunt conducere, quia solum ad hunc finem data est hæc potestas. Sed ex hoc inferitur, non posse imperare, neque prohibere actum externum, nisi ut notorium, & manifestum, quia solus hic actus perturbare reipublicam potest, & communi bono obesse, quod sanè est falsum, & contra receptam sententiam. Ergo dicendum est, posse actus internos imperare. Tertiò homicidium, vsura, adulterium, quantumvis occultum, à lege civili prohibetur, etiam si puniri non possit. Ergo etiam si de interioribus actibus iudicare non possit legislator, poterit nihilominus eos prohibere, aut imperare. Quartò specialiter de lege canonica; iudices enim Ecclesiastici non à populo, sed à Christo Domino habent potestatem: sed Christus Dominus non solum in actus externos, sed etiam in internos potestatem habuit. Ergo potuit hanc potestatem suis successoribus relinquere, imò credendum est relictam esse. Probo hanc consequentiam, quia verba, quibus reliquit hanc potestatem, generalia sunt: Quodcumque ligaueris super terram, erit ligatum in celo. & quodcumque solueris super terram, erit solutum in celo. Ergo non debent limitari ad actus externos, cum potestatis concessio latè sit interpretanda, utpote fauor Principis non in destructionem, sed in ædificationem animarum concessus. Itq̃m absoluit peccata interiora, dispensat in votis merè internis, excom

excommunicat delinquentes, si odio, vel amore iniuste procedant, ut constat ex *Clement. 1. §. verum, de hereticis*, ubi Inquisitores omittentes ex odio, vel amore turpis lucri, procedere contra aliquem ex causa fidei, excommunicantur, & in *Clement. 1. de statu monachorum*, excommunicantur monachi Benedictini ad curiam accedentes animo accusandi Prælatum: quæ conditiones omnino esse possunt interiores, & nemini manifestæ. Item præcipit Ecclesia sacramenta recipi cum recta dispositione, hoc est, absque conscientia peccati mortalis. Ergo præcipit contritionem, qui actus merè internus, & supernaturalis est. Denique præcipit Ecclesia recitantibus officium diuinum attentionem in oratione, ex *cap. dolentes, de celebratione Missarum*, & recipientibus beneficium curatum, intentionem assumendi sacerdotium intra annum, aliàs fructibus beneficii eos priuat, ex *cap. commissa, §. ceterum, de elect. in 6.* Denique potestas Ecclesiæ, est potestas spiritualis, quæ respicit bonum animarum, & supernaturalem finem, à quo per peccata merè interna maxime separantur.

Propter hæc multi censent legem humanam versari posse circa actus merè internos, specialiter si canonica sit. docuit glossa in *cap. cogitationis, de pœnit. dist. 1. & in Clement. 1. de heret. §. verum, verb. de eo ipso*. Medina C. de oratione, *quæst. 15. de hac re*. Rosella *verbo absolutio 1. num. 28. & 29.*

Alij Doctores sub distinctione procedunt. Affirmant namque non posse humanam legem, circa actus merè internos versari, si per se sumantur: at quoties actui exteriori coniunguntur, etiam si per accidens, & ex arbitrio operantis coniuncti sint, posse circa illos versari. sic docuit Soto *lib. 10. de iustis, quæst. 5. art. 5.* Corduba *lib. 4. quæst. 13.* Couarr. in *regul. peccatum, 2. part. num. 7.* Caetan. *summ. verbo excommunicatio, cap. 3. & verbo hora, §. 3.* Angel. *verb. hereticus, num. 2.*

2 Dicendum tamen est primò, non posse ciuilem, aut canonicam legem circa actus merè internos versari. Et de lege ciuili certum existimo, cum hæc à potestate populi ortum habeat, & populus non possit dare iurisdictionem supra id, quod tibi est omnino incognitum, & in quo nullam inter se ciues communicationem habent, neque bono communi obesse, aut prodesse possit: propter quæ dixit Seneca 3. *de benef. relatus à D. Thoma 2. 2. quæst. 104. art. 5. corp.* obnoxia esse, & adscripta dominis, mentem autem sui iuris esse; quasi diceret, in actibus mentis nulli hominum deberi subiectionem. De lege autem canonica probabilius censeo, non posse versari circa actus merè internos, non quia Christus Dominus non potuerit suæ Ecclesiæ hanc potestatem relinquere, sed quia credo relictam non esse, quod mihi persuadet: quia potestas hæc ferendi legem data est primò, & per se ad rectam Ecclesiæ gubernationem, sed Ecclesia visibilis non rectè gubernatur actu inuisibili. Ergo non pertinet ad rectam Ecclesiæ visibilis gubernationem actus interior inuisibilis. Item potestas legislatiua coniuncta esse debet cum potestate punitiua, ut dixit Aristot. 10. *Ethic. cap. 5.* qui enim leges ferre potest, potestatem debet habere puniendi transgressores illarum: puniendi, inquam, non solum per ipsam legem, imponendo pœnam ipso facto transgressoribus: sed per sententiam cognoscendo de delicto, & de pœna imposita; hoc enim conueniens est, & maxime necessarium ad obseruationem legum, sed in Ecclesia non est potestas puniendi per sententiam actus merè internos, quia nequit illos Ecclesia cognoscere, & iudicare; homo enim videt solum ea, quæ patent. Deus autem intruetur cor: & ita traditur in *cap. tua nos, cap. sicut tuus, de simonia*, & alibi sæpè. Ergo cum cognitio delicti, & iudicium ipsius ad punitionem debeat necessariò præcedere, efficitur, non posse actum interiorem, Ecclesiam punire, & consequenter neque imperare: sic docuit

D. Thom. communiter receptus 1. 2. *quæst. 91. art. 4. & quæst. 100. art. 9.* Nauarr. *summ. cap. 27 num. 17. & in cap. cogitationis, de pœnitent. distinct. 1. num. 9. & in cap. si quis non dicat, eadem distinct. num. 8.* Suarez plures reficiens, & late probans, *lib. 4. de legib. cap. 12. num. 4. & lib. 3. cap. 13. à num. 1.* Salas *disput. 9. sect. 1. num. 30.* Azorius *tom. 1. institut. moralium, lib. 7. cap. 10.* Vasquez 2. *tom. disput. 160. cap. 2. Valent. tom. 2. disput. 7. quæst. 3. punct. 2. & 7.* Bonacina *disput. 1. de legib. quæst. 1. punct. 5. num. 8. & alij plures ab eisdem relati.*

3 Dico secundò, potest humana respublica, & Ecclesia suis legibus actus interiores indirectè præcipere; si per se coniuncti sunt, cum actibus exterioribus præceptis: dupliciter autem esse possunt coniuncti. Primò, si necessarij sint ad actus externos imperatos faciendos, vel omittendos: & secundum hanc rationem clarum est posse præcipi actum internum; si enim lex præcipiat vendere merces, contractum celebrare, tributa soluere, tacitè præcipit voluntatem habere hæc omnia faciendi; quia sine tali voluntate hæc fieri non possunt, & in hoc nullus est, qui dissentiat, quia tunc non præcipitur actus internus per se, sed per accidens, quatenus ad externum efficiendum necessarius est. Adde talem actum internum sufficienter externo manifestari. Secundo modo coniunctus esse potest actus internus cum externo, quatenus necessarius est, ut actus externus non in esse phylico, sed in esse morali constitutur; sæpè enim actus interior ad exteriorem hoc modo necessarius est: ad contractum enim legitimum requiritur intentio contrahendi, & secundum probabilem satis sententiam voluntas se obligandi: ad orationem vocalem intentio, & attentio, ad ministrationem sacramenti intentio faciendi, quod facit Ecclesia. Quando ergo actus exterior actum interiorem hoc modo requirit, si Ecclesia, vel respublica præcipiat talem actum exteriorem, simul & interiorem censetur præcipere, & tunc præceptum non solum in rem exteriorem cadit, sed etiam in interiorem non per se, sed quatenus forma est actus exterioris. Quod autem præceptum talis actus exterioris facultatem Ecclesiæ, vel reipublicæ non excedat, inde probatur, quia huiusmodi actus exteriores pertinent vel ad humanam, & politicam gubernationem, vel ad religiosum cultum Deo debitum; quis enim negare potest obesse reipublicæ contractus fictos, & fraudulentos esse? & quis negabit ad cultum religiosum pertinere veras orationes fundere, & non fictas? & sacramentorum consecrationem veram esse, & non irritoriam? Ergo cum ad hæc omnia actus interior necessarius sit, ex præcepto actus exterioris & interior censetur præceptus: & ita tenet, & late procat Suarez *lib. 4. de legibus, cap. 13. à num. 5.* Salas *num. 14.* Vasquez *cap. 5.* Bonacina *num. 8. & 9.* & videtur manifestè definiti in *cap. dolentes, de celebratione Missarum*, ubi mandatur officium diuinum, studiosè, attentè, & deuotè dicere.

4 Dico tertio, quoties actus interior necessarius non est ad actum exteriorem physicum, neque moralem efficiendum, sed per accidens cum illo coniungitur, nequit Ecclesia talem actum interiorem imperare. sic Suarez *suprà num. 14.* Ratio. Quia tunc verè, & propriè, & directè præciperet actum interiorem; siquidem externus tam in esse phylico, quam morali independens est ab illo actu interiori. Imperare autem talem actum internum non videtur necessarium ad rectam Ecclesiæ gubernationem, neque in illo fideles communicare possunt communionem visibili. Ex quo fit nunquam Ecclesiam præcipere fidelibus, ut in oratione fundenda hanc, vel illam intentionem habeant; quia hoc esset præcipere directè actum internum: solum enim præcipit in necessitatibus orationes fundere, ieiunia sustinere, eleemosynas erogare, sed nihil de speciali intentione,

tione, & fine. Quod constat: nam si quis ieiunaret, oraret, & alia bona opera faceret ob vanam gloriam, vel ob alium prauum finem, non peccaret aduersus legem Ecclesiasticam. Ergo lignum est numquam præcipi actum internum, qui per accidens est externo coniunctus.

5 Neque obstant in contrarium adducta.

Ad primum cum eius confirmatione respondeo legem humanam prohibere posse actum internum, non per se, & directe, sed indirecte, & per accidens, & quatenus est causa actus exterioris; prohibens enim actus exteriores, prohibet consequenter apponere causas efficaces illius: & contra imperans actum exteriorem fieri, imperat apponi causas ad illius executionem necessarias, & remouet illius impeditiuas: quod non est propriè habere iurisdictionem in actum internum.

Ad secundum nego solum actum externum, notorium, & manifestum perturbare rempublicam posse, & comuni bono obesse: quia quilibet actus exterior malus, quantumvis occultus, hunc effectum habere per se potest, esto de facto non habeat, quod est per accidens, & extra eius naturam, quæ cognoscibilis est. At actus interior non solum de facto comuni bono non obest, sed neque per se obesse potest; cum per se ab hominibus incognoscibilis sit. Quæ autem per se, & natura sua cognosci ab hominibus possunt, rectè eius iurisdictioni subduntur; secus verò, quæ per se, & natura sua incognoscibilia sunt.

Ad tertium dico usuram, adulterium, & homicidium occultum prohiberi à lege humana, & puniri per se posse, esto per accidens non puniatur, dum est occultum.

Ad quartum nego Christum Dominum concessisse Ecclesiæ potestatem præcipiendi actus merè internos, quia non erat hæc potestas necessaria ad rectam Ecclesiæ gubernationem, sicut neque tradidit potestatem illos puniendi, quia non erant per se cognoscibiles: tradidit autem potestatem ligandi, & soluendi sacramentaliter delinquentes actu merè interno; quia hæc potestas ad rectam Ecclesiæ gubernationem pertinebat; quia Ecclesia non solum attendit bonum, quod est commune fidelium, quatenus inter se communicant, sed quatenus bonum est cuiuslibet; ad cuius respectum erat maxime necessaria potestas ligandi, & soluendi actus interiores, quibus à fine supernaturali homines recedunt. Hæc tamen potestas non est potestas iurisdictionis contentiosæ, sed voluntariæ, quæ in commodum subditi, & ex consensu illius habetur: potestas autem legem ferendi, quia non requirit consensum subditi, neque bonum illius speciale respicit, sed commune, ea de causa non potest circa actus internos versari.

Ex qua doctrina facilè obiectionibus satisfieri potest. Concedo, inquam, directe absolueri sacerdotem peccata merè interna, etsi non sint signo aliquo externo manifesta, dummodo ea confessori pœnitens declararet, quia absoluit iurisdictione data à Christo in bonum fidelium: similiter etiam dispensat in votis, & iuramentis merè internis; quia nomine ipsius Dei dispensat, & in causa, quæ inter hominem, & Deum agebatur: quod non est consequens ad legem. Ad illud verò de excommunicatione respondeo, etsi moueri odio, vel amore, cognosci ab hominibus non possit certò; probabiliter tamen, & moraliter cognosci potest, quod sufficit, ut puniatur, Vasquez *disp. 160. cap. 3. Salas de legib. disp. 9. sect. 1. num. 8. & 9.* existimant puniri non posse censura, nisi quatenus exteriùs moraliter manifestatur. Adde non puniri delinquentem ob actum interiorem præcisè, sed ob actum exteriorem tali conditione affectum, scilicet procedentem ex odio, vel amore: quod non est extensio potestatis, sed potiùs restrictio illius; poterat enim ob actum exteriorem præcisè puniri, cum malus sit, ut suppono. Ergo cum ad punitionem ex-

postulatur, ut actus exterior malus ex odio, vel amore procedat, potius limitatur pœna, quàm extenditur; siquidem non omnem actum exteriorem afficit, sed illum, qui tali conditione affectus est: sicut limitatur, cum excommunicatio fertur in delinquentes scientes, poterat enim ferri: etsi non scienter deliquissent, sed contra delinquentes absolute. Eodem modo responderetur ad exemplum monachi Benedictini accedentis ad curiam intentione accusandi Prælatum; poterat enim excommunicari, etiam si hac intentione careret. Ergo non extenditur, sed potiùs vsus potestatis limitatur.

Ad illud de sacramentorum receptione, existimo probabilius non præcipere Ecclesiæ suis fidelibus rectam dispositionem habere; hoc enim relinquit diuino præcepto, quod obligat sancta sanctè tractare. Recipientibus præcipit attentionem; quia non potest esse oratio exterior, sine intentione, & attentione; sicut in recipientibus beneficium curatum, postulat intentionem recipiendi intra annum sacerdotium, non in vi solius præcepti, sed in vi conditionis, ut applicet fructus, & beneficium retineat; cum enim Ecclesia domina, seu administratrix sit beneficiorum, potest sub illa, vel illa conditione beneficia conferre: una autem ex conditionibus est, ut voluntatem efficacem habeant assumendi sacerdotium, qui beneficium recipiunt. Si ergo illa voluntate carent, deficiunt in conditione requisita, neque facient fructus suos, neque possunt beneficia retinere; sicuti cum Ecclesia indulgentias distribuit operantibus aliqua opera, sub hac, vel illa intentione, si illa carent, non lucrantur indulgentias: & hoc non est legem ferre de actu interiori; sed nolle beneficium tribuere, nisi sub conditione alicuius actus interioris: quod optimè probant Azor, & Suarez *suprà*. Adde cum ex præcepto diuino teneatur beneficiarius aliquo tempore ordinari, poterit Ecclesia determinare diuinum præceptum, ut intra annum ordinetur, sicuti facit in præcepto confessionis, & Eucharistiæ.

Ad vltimum fateor potestatem Ecclesiæ ad ferendas leges, esse potestatem spiritualem; tum quia à Christo Domino processit: tum quia ad bonum animarum ordinatur, & in materia sacramentorum, & virtutum supernaturalium versatur. Sed non inde inferitur esse potestatem ad actus merè internos, quia hæc omnia respicit hæc potestas, quatenus fideles inter se conueniunt, & vnum corpus componunt, ad illiusque rectum regimen conducere potest: quæ omnia exteriora debent esse, & per se cognoscibilia.

PUNCTUM VII.

An lex ut obliget, requirat scripturam, vel aliam formam, & quæ hæc sit.

- 1 *Legem exposulare scripturam ad sui constitutionem, qui affirmant, & quomodo probent.*
- 2 *Defenditur communis sententia necessariam non esse scripturam.*
- 3 *Limitatur, nisi ex consuetudine, aut alia lege anteriori aliter statutum sit.*
- 4 *An consultatio legem præcedere debeat.*
- 5 *Deciditur necessarium non esse.*

1 **D**E lege æterna, & naturali nihil est dicendum, cum certum sit legem æternam solo actu diuini intellectus, & voluntatis constitui: naturalem verò cognitione honestatis, vel turpitudinis. Solum de lege humana canonica, & ciuili est controuersia, quo signo sensibili constituenda sit?

Et quidem signo aliquo sensibili constituendam esse nemini est dubium: quia est præceptum humanum ab homine in hominem directum, quod nisi sensibile sit, cognosci

cognosci non potest. Hoc autem signum debere esse scripturam, tradidit Albericus, Salicet. glossa, & Archidiacon. relati à Felino in rubr. de constitutionib. Beronius in supradicta rubr. testatur esse communem iuris civilis interpretum: & tradidit plures referens Turrecremata in cap. lex, distinct. 1. art. 2. Mouentur, quia lex diuiditur in scriptam, & non scriptam. §. constat, Instit. de iure naturali, gentium, & civili; quia alia est lex vsu, & consuetudine introducta; alia quæ sit per constitutionem. Lex ergo, quæ per consuetudinem introducit, scripturam non requirit, ut de se constat, & traditur in §. sine scripto, ibi, sine scripto ius venit, quod vsus approbauit. at lex quæ constitutione, & decreto Principis fit, scripturam requirit, ex cap. lex est, cap. ius generale, distinct. 1. ibi, lex est constitutio scripta. Idem traditur in cap. consuetudo, & alijs. Ratione autem probatur, quia lex debet esse permanens, & stabilis; sed si voce, vel alio signo transiente proferatur, stabilis esse non potest. Ergo. Item debet esse clara, & distincta, & regula actionum, quod vocibus, vel alijs signis non facile accommodatur. Ergo.

2 Nihilominus communis sententia Canonistarum, & Theologorum est, ad legem constituendam non esse necessariam scripturam, sed vocibus, vel alijs signis posse Principem ferre legem: esto conueniens maximè sit, ut nunquam ferat nisi scriptam; sic docuit Felinus, & Beronius supra. Azor tom. 1. instit. moral. lib. 5. cap. 2. §. 4. Suarez lib. 1. de legib. cap. 11. fine, & lib. 3. cap. 15. num. 6. & lib. 4. cap. 14. initio. Selua tract. de beneficijs, cap. 22. n. 14. Valent. tom. 2. disp. 6. quæst. 1. punct. 2. Salas disp. 1. de leg. sect. 9. n. 64. Bonacina disp. 1. de legib. q. 1. p. 4. n. 39. & alij plures ab eisdem relati.

Probo, quia ad rationem legis, requisita non est scriptura ex natura rei; quia solum potest requiri, ut subditis voluntas legislatoris manifestetur: ac manifestari optimè potest voce, vel alio signo sensibili. Ergo scriptura non est simpliciter necessaria. Quod videtur manifestè probari ex præceptis latis à Christo Domino, & ab Apostolis tempore nascentis Ecclesiæ, quæ sine scriptura, sed sola prædicatione, & publicatione illorum inceptum obligare. Neque etiam est necessaria ex iure aliquo positiuo; nullibi enim extat tale ius. Nam quæ referuntur ex Isidoro cap. lex, cap. consuetudo, solum probant legem constitutione latam frequenter scriptura ferri: non tamen esse hoc necessarium; cum in supradicto cap. consuetudo, dicatur de lege, non differre legem sine scriptura, siue ratione consistat: quæ ratio legem commendat. Neque conditio de stabilitate hoc probat, siquidem in hominum mentibus moraliter permanere lex potest solo verbo prolata, sicuti permanet præceptum superioris, etiam si per actum transeuntem latum fuerit, & non leuiter colligitur ex cap. 1. de inreuerando, in 6. ubi iuramenta, statuta, & consuetudines Ecclesiarum, siue scripta, siue non scripta, præcipiuntur obseruari. & cap. institutionis, 25. quæst. 2. dicitur, Institutionis nostra decreta, siue quæ scripto discernimus, siue quæ in nostra presentia videntur esse disposita; nolimus ex quavis occasione conuelli, aut irritari. consentit ibi glossa verbo presentia. Adde ex iure etiam civili non requiri scripturam ad legem: nam in §. sed & quod constitutum est. Instit. de iure naturali, gentium, & civili, dicitur: Quodcumque ergo Imperator per epistolam constituit, vel cognoscens decreuit, vel edicto præcepit, legem esse constat. Ergo ad rationem legis neque ex iure canonico, neque civili scriptura necessariò requiritur. Argumenta pro contraria sententia solum probant, ut diximus, legem frequentius, & conuenientius ferri scripto, quàm voce, vel alio signo.

3 Limitanda tamen est hæc doctrina, nisi ex consuetudine aut alia lege anteriori decretum sit legem non valere, nisi scriptura proferatur; tunc enim non erit constituta lex, quouique scriptis mandetur, nisi fortè

legislator potestatem habeat derogandi consuetudinem, & veller sua lege non scripta derogare, quod necessariò debet manifestare; aliàs vim non habebit. sic Suarez lib. 3. de legib. cap. 15. num. 6. fine. Bonacina disp. 1. q. 1. p. 4. n. 50. Salas n. 68. ad finem.

De priuilegijs verò, rescriptis, & gratijs à Principe concessis, qua ratione expostulent concedi in scriptis, ut effectum sortiantur, cum de priuilegijs erit sermo, dicetur.

4 Rursus dubitari posset, an Princeps necessariò debeat consulere prudentes, & doctos, priusquam legem ferat? Ratio dubitandi est, quia leges ferre, est res magni momenti, & quæ indiget magna consideratione, ne error committatur, imperando ea, quæ honesta non sunt, neque reipublicæ conuenientia. Quapropter in l. humanum, C. de legibus, dicitur, si in posterum noua lex statuatur, eam ab omnibus proceribus tractari debere, & si vniuersis placuerit, tunc dictari, & collectis omnibus recenferi, & cum omnes consenserint, in sacro imperatorio consistorio recitari poterit. Requiritur ergo consilium virorum prudentum ad legem ferendam.

5 Dicendum tamen est absque consilio, & consultatione prudentum, posse Principem ferre legem; quia consilium solum requiritur ut medium, ad investigandum, siue talis lex reipublicæ conueniens: sed hanc conuenientiam ipse Princeps attingere potest per se ipsum. Ergo non necessariò expostulat consilium prudentum. Dices ex iure positiuo hoc esse postulat, ex supradicta l. humanum, C. de legibus. Sed contrà, quia, (ut dicit Suarez lib. 3. de legib. cap. 15. num. 3.) si prædicta lege non arctantur Imperatores ex necessitate, sed ex benignitate: tum quia ipsi suis legibus arctari non possunt: tum quia possent secum dispensare: tum etiam, quia possent talem legem mutare, vel abrogare. In iure autem canonico nullus extat textus tale consilium necessariò expostulans. Ergo non est affirmandum, & ita docet Suarez supra cum Bartolo, in l. omnes populi. ff. de legibus, & Iason in l. 1. ff. de constitutionibus Principum, num. 1.

PUNCTUM VIII.

An ex prolatione sententiæ datæ à Principe in aliqua causa intelligatur lex constituta ad similes causas decidendas.

- 1 Sententia declaratiua legis vim legis habet.
- 2 Sententia decisiva litis non habet vim legis, quomodo probetur.
- 3 Proponitur communis sententia affirmans sententiam decidentem litem habere vim legis.
- 4 Apponitur limitatio, ut intelligatur de sententia definitiua.
- 5 Quid sit dicendum.
- 6 Idem quod dicitur de sententia, intelligendum est de epistola, & rescripto Principum.
- 7 Quid de sententijs magistratuum Principi inferiorum.

1 **D**upliciter legislator sententiam ferre potest in aliqua speciali causa; alia quæ sit declaratiua legis à se latæ, alia quæ solum sit decisiva litis, secundum leges à se, vel à iure diuino, & naturali statutas. Si sententiam ferat declaratiuam legis à se, vel à suis prædecessoribus latæ; & si tali declaratione legem nouam non constituat: at efficit, ut lex illa declarata obliget secundum sensum sic expressum; quia lex obligat secundum voluntatem, & intentionem expressam legislatoris, quæ voluntas, & intentio illa declaratione sufficienter manifestatur. & in hoc omnes conueniunt.

2 Solum

2 Solum est difficultas de sententia decisiva litis, an eo ipso ad similes causas decidendas pro lege habenda sit? Negat Couarr. 4. decret. 1. p. cap. 7. §. 4. num. 15. quia in decidenda lite alicuius causæ particularis non attendit Princeps bonum commune, sed speciale aliquorum. Ergo ex vi illius decisionis non est censendus legem statuere. Deinde, quia lex præceptiva non versatur circa materiam præteritam, sed circa futuram, quia inducit obligationem in subditis aliquid efficiendi. E contra verò decisio litis semper est de re præsentis, quia semper declarat ius præexistens inter partes, non de nouo constituit. Ergo non potest esse lex; quia lex est iuris constitutio, non declaratio, facitque lex 2. C. de legibus, ubi dicitur, *quod ex relationibus, vel suggestionibus iudicantium procerum introducto negotio statuimus, &c. generalia iura non sunt.* Neque aduersatur (ait Couarr.) lex ult. C. de legibus, ubi sententia inter partes data cum cognitione causæ pro lege habenda deciditur, quia loquitur hæc lex ultima de sententia declaratoria legis, non de sententia decisiva litis. Quod videtur constare ex illis verbis: *qui tante superbia fastidio tumidus est, ut regalem sententiam contemnat.*

3 Nihilominus communis est sententia vtriusque iuris interpretum, sententiam decisivam litis cum cognitione causæ inter partes legem constituere ad similes causas decidendas. sic plures referens Ludovic. Gomez in proemio ad reg. cancellaria. Felin. in rub. de rescriptis. n. 1. Iason l. 1. ff. de constitut. princip. num. 1. & in l. 1. ff. de feriis, num. 23. & 24. gloss. l. 2. C. de legibus. Mouentur præcipue ex supradicta leg. ult. quæ non videtur posse intelligi solum de sententia declaratoria legis, sed necessario intelligenda est de sententia decisiva litis: tum quia requirit cognitionem causæ, & partium præsentiam, quæ ad declarandam legem necessaria non erant; cum in absentia partium, & sine cognitione illius facti lex declarari poterat.

Responderi posset, verum esse legis declarationem non ex postulare illam causæ cognitionem, & partium præsentiam: at ex illa, occasionem legislatorem sumpsisse, ad suam legem declarandam. Sed contra, quia legislator decidens litem, raro legem suam interpretatur, sed potius legem naturalem, & iuxta illam sententiam fert. Ergo si sententia decisiva inter partes vim legis habere debet, de sententia decisiva litis intelligenda est, vtpote frequentiori. Quando autem lex 2. C. de legibus, affirmat statutum Principis vim legis non habere, (dicit communis sententia) intelligi debere de statutis privilegiatis, quæque in fauorem particularium personarum conceduntur, quæ nullo modo legis vim sortiri possunt, cui modo dicendi consentit Suar. lib. 3. de leg. cap. 15 num. 14. fine.

4 Hanc communem sententiam limitant aliqui, vt solum procedat in sententia decisiva, & vltimò definitiva litis, non in sententia interlocutoria. Sed friuola est hæc distinctio: nam etiam sententia interlocutoria procedit ex causæ cognitione, & inter partes. Ergo haberi debet pro lege, siquidem sententia definitiva litis ideo vt lex habetur, quia procedit cum cognitione causæ, & inter partes. Adde sententiam interlocutoriam esse etiam in illo puncto decisivam, & vltimò definitivam. Item sæpè sententia interlocutoria in corpore iuris inseritur, & tanquam lex constituitur. Denique hoc videtur decisiu in l. 1. ff. de constitut. princip. ubi dicitur, *quod Princeps de plano interlocutus est, legem esse.*

5 Mihi verò dicendum videtur, opinionem Couarr. in rigore veram esse, nullam scilicet sententiam decisivam, ex eo præcisè, quòd decisiva sit, pro lege esse habendam: sic sentit Suarez num. 16. Hoc mihi persuadet ratio suprà allata, quia sententia decisiva non respicit commune bonum, sed speciale, & non futurum, sed præteritum, vel iam præexistens inter partes, vel vt cla-

rius dicam, sententia decisiva litis est applicatio iuris vni parti, potius quàm alteri, non constitutiva alicuius obligationis in populo. Adde sæpè sententiam decisivam, si ex propria opinione procedat, poterit errorem continere, qualem continebat illa sententia, in qua iudicatum fuit matrimonium ratum dissolui per subsequens consummatum, cuius mentionem fecit Alexand. l. 1. in cap. licet, de sponsa duorum. & qualem continebat illa sententia, cuius meminit Innocent. l. 1. in cap. quanto, de diuortijs. ubi definit matrimonium inter fideles baptizatos nõ dissolui per hæresim, aut apostasiam à fide, licet quidam prædecessor noster sensisse aliter videatur. Ergo sententia lata à Pontifice nõ habet ex se vim legis. Quocirca, vt sententia decisiva litis vim legis sortiatur, debet Princeps aliquo alio signo id declarare, quale esset, si in corpore iuris mandaret sententiam illam inseri, aut alia solemni forma publicari, hæc enim ratione dubium non est sententiam decisivam habere posse vim legis; siquidem leges iuris canonici ex huiusmodi sententiis præcipue constituuntur; & deciditur expressè in cap. causis, de re iudicata. ibi, *cum in similibus causis ceteri teneantur similiter indicare;* & hoc modo sententia lata à Pontifice, & vniuersali Ecclesiæ propalata errorem non poterit continere.

6 Quæ dicta sunt de sententia, eodem modo locum habent in epistola, & rescriptis Principis, habere quidem vim legis, si declarant proprias leges, vt deciditur in l. 1. ff. de constitut. princip. ibi, *Quodcumque Imperator per epistolam constituit, vel edicto præcepit, legem esse constat.* & sumitur ex secunda parte suprà dictæ leg. ult. C. de legibus; sic aliis relatis docet Suar. lib. 3. cap. 15. fine. Si verò opinione propria interpretante ius naturale, aut diuinum, respondeat Princeps consultationi, legis vim non habent eius rescripta, nisi aliquo signo sufficienter manifestet se tale responsum velle pro lege haberi, quod præcipue locum habet, quando tale responsum aduersaretur iuri communi; tunc enim præsumendus est Princeps non voluisse legem statuere, sed privilegium concedere, & cum aliquibus dispensare, fauèrque cap. pastoralis, de fide instrument.

7 Sed inquirens, an quæ dicta sunt de Principis, & legislatoris supremi sententia, & rescripto, dicendum etiam sit de sententia alicuius magistratus illi subiecti casu, quo potestatem habeat pro sua prouincia leges ferre, qualem habent Episcopi in suo Episcopatu? Breuiter respondeo cum Suarez suprà illo cap. 15. num. 18. & lib. 4. cap. 14. fine, num. 13. Si sententia, vel responsum magistratus sit declaratiuum iuris totius regni, nequaquam vim habet legis, etiam in sua prouincia, quia talis interpretatio nequit esse communis omnibus prouinciis, cum non procedat ab habente in omnes potestatem. Inordinatum autem est legem communem in vna prouincia vnum sensum habere, & non in alia. Ergo non est credibile talem potestatem à legislatore supremo concedi. Si verò responsum, seu sententia sit non contraria iuri communi, neque illius declaratiua, sed explicet solum quid sibi videatur in illa causa iuri naturali, diuino, vel communi regni conforme: tunc dicendum est, legis vim habere posse, si ipse velit: explicare autem debet hanc voluntatem aliquo signo publico; aliàs intra limites cuiusdam particularis sententiæ, vel responsi manebit.

PUNCTVM IX.

Quibus verbis lex, seu præceptum constitutum intelligatur.

- 1 Debent esse, quæ sufficienter expriment voluntatem legislatoris.
- 2 Expenduntur verba præceptum indicantia.

3 Quid

- 3 *Quid dicendum de verbis imperatiui modi, & in actu exercito præceptum indicantibus.*
 4 *Ex recepta consuetudine aliqua verba inducunt grauem obligationem, quæ ex se non videbantur inferre, & aliqua non inferunt, quæ ex se inferre videbantur.*

1 **C**ertum est apud omnes, ea verba esse debere ad legis constitutionem, quæ sufficienter exprimant voluntatem legislatoris intendentis obligare, quia est res grauis, & subditis onerosa. Quapropter in casu dubio, an verba aliqua præceptum, & legem importent; an consilium, & exhortationem: reputanda sunt consilium, & non legem, vt docet Castro lib. 1. de lege pænali, cap. 5. docum. 4. & docet Sanchez lib. 6. in Decalog. cap. 4. num. 27. & 66. & nos diximus tract. 1. de conscient. disp. 3. p. 7. Et generaliter quoties verba legis intelligi possunt de obligatione veniali, non debent ad mortale extendi; quia semper in dubio, & in pœnis benignior interpretatio facienda est. *Interpretatione, & l. si Praeses, ff. de pœnis, & habetur regul. in pœnis, de regul. iur. in 6. & tradit Sayrus lib. 3. claus regia, cap. 7. num. 29. Nauarr. summ. cap. 23. num. 50. Sanchez lib. 6. in Decal. cap. 4. n. 66. His politis,*

2 Verba, quæ præceptum, & legem affirmatiuam significant, sunt, *præcipio, iubeo, impero, mando*; quæ legem prohibentem, sunt, *prohibeo, intibeo, veto, interduco*. sic Azor tom. 1. institutionum moralium, lib. 5. cap. 6. quæst. 5. Vasquez 1. 2. disput. 158. cap. 3. num. 22. Suarez lib. 3. de legibus, cap. 15. num. 6. plures referens Thomas Sanchez lib. 6. in Decalog. cap. 4. num. 33. & constat ex cap. ex his, de verborum signific. in 6. & Clement. exiit de paradiso, de verborum signific. Neque audiendus est Emanuel Saa verbo lex, num. 6. Azor supra, dicentes verbum *iubeo, vel mando*, præceptum graue non importare, quia, vt bene probat Thomas Sanchez, Vasquez, & alij supra. Idem prorsus significant, ac *præcipio, & impero*.

Alia sunt verba supradictis æquipollentia, quæque præceptum de se important: hæc sunt cum dicitur, *teneantur omnes, obligentur omnes, nemini liceat, nemo possit*, & generaliter omnia illa verba, quæ necessitatem important: tradit Vasquez cap. 3. num. 21. Suarez num. 6. Sanchez num. 38. quia cum his verbis non intendat legislator inducere necessitatem naturalem, sed solum moralem, & obligatoriam, infertur velle præceptum imponere.

De verbo *debeo*, etsi aliqui Doctores sentiant debitum honestatis, & non necessitatis importare: at communior sententia docet necessitatem imperij proprie significare. sic Vasquez disput. 158. cap. 3. num. 21. Sanchez lib. 4. de matrim. disp. 23. num. 22. & lib. 6. in Decalog. cap. 4. num. 36. Secus verò dicendum est de verbo *oportet*; hoc enim honestatem, & conuenientiam rei declarat, non imperium. Suarez num. 10. Sanchez num. 37. et si Nauarr. summ. cap. 23. num. 53. Saa verb. lex, num. 6. Toler. in fin. summ. de peccat. mort. cap. 20. num. 2. & alij relati à Sanchez supra, contrà sentiant.

Verba communia, & indifferentia præcepto, & exhortationi, sunt; *voluntus, decernimus, ordinamus, statui- mus, monemus, hortamur, intendimus, sancimus, inuocamus*, & similia: prout bene probat Sanchez num. 40. Azor, Vasquez, Suarez supra.

3 De verbis autem imperatiui modi, & in actu exercito præceptum indicantibus, dubium est inter Doctores; an absolute prolata præceptum contineant: Hæc sunt, *facite, caute, soluite, abstineant omnes, nemo audeat*, &c. Castro lib. 1. de lege pæn. cap. 5. docum. 4. Caietan. 2. 2. q. 166. art. 9. circa solut. ad 2. Carbon de leg. lib. 7. disp. 4. ad fin. existimant præceptum non continere. Nauarr. verò cap. 23. n. 49. Emanuel Saa verbo lex, n. 6. Sayrus in claus regia, lib. 3. cap. 7. n. 16. solum importare obligationem sub veniali, non sub mortali.

Ferd. de Castro Sum. Mor. Pars I.

Mihi placet sententia Thomæ Sanchez num. 39. standum in hac parte esse consuetudini regionis: quod si de hac consuetudine non constat, attendendam esse materiam grauitatem, & necessitatem, quæ si magna sit, & grauitate à legislatore fuerit ponderata; censenda sunt illa verba præceptiua esse. In decretis autem Conciliorum, & summorum Pontificum, ferè semper accipienda sunt, vt dixit Vasquez 1. 2. disput. 158. cap. 2. num. 24. Bonacina disput. 1. quæst. 1. punct. 7. §. 4. num. 10. Et probari efficaciter potest primò, ex Clement. exiit, de verborum signific. §. item quia, versic. nos itaque; vbi ex materiam grauitate, ex huiusmodi verbis, ait Pontifex, colligendum esse præceptum, & tradidit Abbas, Felin. Imola, Anton. & alij in cap. nam concupiscentiam, in fine, de constitution. Secundò probatur ex decreto Trident. sess. 13. cap. 5. & 7. vbi Sacerdoti celebranti non præmissa confessione, ob inopiam Confessoris, præcipitur quamprimum possit confiteri. Quod præceptum non aliis verbis statuitur, quàm imperatiuis, ibi, *Quod si necessitate urgente Sacerdos absque præmissa confessione celebrauerit, quamprimum confiteatur*. Tertiò in decreto Clement. 8. de casuum reservatione, latum est præceptum, ne superiores pro tempore existentes vtantur scientia confessionis ad exteriorem gubernationem. Quod præceptum his verbis imperatiuis pronuntiatum fuit. Dicitur enim ibi, *Caneant diligentissimè, ne ea notione, quam de aliorum peccatis in confessione habuerint, ad exteriorem gubernationem vtantur*. In quibus verbis esse præceptum docuimus in tract. de pœnit. disp. ult. de sigillo.

4 Aduertendum tamen est, quotiescumque verbis etiam indifferentibus, alia adiunguntur, ex quibus iuxta receptam consuetudinem, iudicatur animus superioris intendentis obligationem imponere; in omnium sententia, illa verba indifferentia legem, vel præceptum constituunt. Hæc sunt, si dicat superior, *Ordinamus hoc faciendum in virtute obedientie; sub pœna præstui iuramenti, in virtute Spiritus sancti*. quia hæc verba indicant obligationem obedientie ex voto, vel iuramento. Idem est, *sub interminatione maledictionis aeternæ, vel gehennæ, vel indignationis Apostolorum*; quia absque culpa graui, hæc maledictio, & indignatio non contrahitur. sic Azor tom. 1. institut. moralium, lib. 5. cap. 6. quæst. 5. Vasquez disput. 158. cap. 5. num. 46. Sanchez plures referens lib. 6. in Decalog. cap. 4. num. 43. E contra verò possunt esse verba rigore præceptiua, neque præceptum continere, quia ex vsu communi religionum constat præcepta superiorum non obligare ad culpam, quibuscumque verbis proferantur, nisi eis addatur, *in virtute sanctæ obedientie, vel in virtute Spiritus sancti, vel in nomine Iesu Christi*. Sic habetur in Societate Iesv, 6 p. constitut. cap. 5. fine, quia vsque hæc verba addantur, non censentur superiores suam voluntatem obligandi satis explicare; & ita tradit Vasquez disput. 158. cap. 3. n. 24. Lessius de iust. lib. 2. cap. 41. dub. 9. num. 76. Thom. Sanchez lib. 6. in Decalog. cap. 4. num. 70. vbi bene aduertit idem esse, si superior præciperet, *sub excommunicatione, vel maledictione aeterna*, quæ tunc etsi non adderet, in virtute obedientie, vel in nomine Christi, satis explicat suam voluntatem obligandi.

Parentes verò respectu filiorum, & Abbatissæ respectu monialium, qui iurisdictionem spiritualement non habent, ac proinde non possunt in virtute Spiritus sancti, vel obedientie præcipere, si præcipiant sub maledictione aeterna, vel sub aliis verbis sufficienter explicantibus suam voluntatem: & materia præcepta grauis sit, quia grauitate gubernationi domesticæ conducit, absque dubio obligabunt sub mortali. sic

Sanch. supra.

L

P V N

PUNCTUM X.

Quæ promulgatio legis necessaria sit,
& sufficiat ad obligationem
inducendam.

- 1 Publicari debet ea publicatione, quæ sufficiat, ut ad notitiam communitatis deueniat.
- 2 An possit quis vii notitia legis publicande in damnum aliorum.
- 3 Non est necessarium cuiuslibet in particulari legem publicari.
- 4 Omnia, quæ vim legis habent, publicari solemniter debent.
- 5 Lex reuocatoria antiqua publicanda similiter est.
- 6 Quid dicendum de regulis Cancellariæ.

1 **P**rimò constat ex dictis in definitione legis dari non posse legem, quin publicetur, publicatione sufficienti, ut ad notitiam totius communitatis deueniat; quia lex est regula operationum non vnius, vel alterius personæ, sed omnium, quæ in communitate resident: debet ergo lex ita publicari, ut in notitiam omnium illorum possit deuenire: tradique videtur in l. leges sacratissime, C. de legibus. vbi Iustinian. ait: *Leges sacratissime intelligi ab omnibus debent, ut vniuersi præscripto earum manifestus intellectus prohibita declinent, & faciant præcepta. & Authent. ut facite noua constitutiones, collat. 5. & de legibus canonicis traditur in cap. 3. distinct. 4. vbi Gratianus, leges institui, cum promulgantur, firmari autem quando moribus recipiuntur. Quocirca dupliciter lex solemniter constituitur; sicut fit in consistorio Pontificis, vel in congregatione alicuius consilij: si tamen illa solemnitas non sufficiat, ut in notitiam communitatis deuenire possit, nullo modo censetur lex constituta, seu vim obligandi habere etiam respectu illorum, ad cuius notitiam deuenit; quia vsque tunc non est regula communis, sic Suarez lib. 3. de lege humana, cap. 16. num. 2. Salas de leg. disp. 12. sect. 1. n. 6. Bonacina disp. 1. quæst. 1. punct. 4. num. 10.*

Neque obstat cap. 1. de postulat. prælat. vbi dicitur legem obligare, si solemniter editur, aut publicè promulgatur. Ergo non requirit lex promulgationem publicam, sufficit si solemniter edatur, & ita sentit Panorm. ibi, & Reginald. lib. 13. n. 155. Non, inquam, obstat, quia illa particula *aut*, quæ disiunctiua videtur, in re non est disiunctiua, sed copulatiua, faciens hunc sensum. Lex obligat, si solemniter edatur, & publicè promulgetur. sic Salas disp. 12. sect. 1. n. 6. Nauart. cap. 23. n. 40. Bonacina disp. 1. q. 1. p. 4. n. 6. vel, ut ait Suarez, idem esse significari per solemnem editionem, aut publicam promulgationem, sed solemnis editio respicit legislatorem, promulgatio respicit subditos, non tamen in re distinguuntur, sicuti non distinguitur actio, & passio, nisi ex terminis. ita Suarez lib. 3. de leg. cap. 16. n. 2.

2 Aduertunt tamen aliqui Doctores scientem legem esse factam à Principe, & statim publicandam non posse vii notione illius legis in fraudem, & damnum alterius. Exemplum est, quod tradit Bart. in l. quæro. ff. de act. empt. de versante in palatio, & sciente pragmaticam esse publicandam, quodd frumentum villiori pretio vendatur, ipse verò statim frumentum emptori non certiorato de lege promulganda, maiori pretio vendidit, illicitè vendere, & contra legem: tradit etiam Roman. singul. 282. Felin in cap. cognoscetes, col. 4. vers. secundo limita, de constitutionib. Farinac. fragment. 1. p. verb. constitutio, num. 647. Credo tamen contrarium esse dicendum, quia vendens non carius vendit triticum, quàm valet, esto minus valiturum sit facta legis publicatione. Ergo nullam iniuriam committit. Monere autem emptorem de publi-

catione facienda legis, ipse non tenetur: esset tamen officium perfectionis; & ita tenet alios referens Menoch. lib. 2. de arbit. casu 185. n. 22.

3 Publicatio autem multipliciter fit, vel voce præconis, vel affigendo scripturam loco publico: ita supradicti Doctores. Nullo autem modo requiritur, ut singulis iuridicè intimetur. cap. 1. de postulat. prælat. quia hoc regulariter est impossibile, & quia sufficienter per communem promulgationem in singulorum notitiam deuenire potest. Lex enim non circa singulos in particulari, sed quatenus vnum corpus communitatis componunt, versatur: ac proinde secundum illam rationem debet esse promulgatio; sic Molin. tractat. 5. de iurisdic. disp. 70. n. 2. Bonacina n. 9. & alij supra.

4 Ex his infertur, ea omnia, quæ in puncto 2. diximus vim legis sortiri, necessariò publicanda esse, publicatione ad legem requisita. Quocirca interpretatio legislatoris suæ legis antea factæ, ut secundum illum sensum lex obligationem accipiat, debet necessariò iuridicè publicari, & idem est de rescriptis, seu epistolis, & responsis Principum. ita Suarez lib. 3. cap. 15. n. 17. & lib. 4. c. 14. Bonacina disp. 1. q. 1. p. 4. n. 12.

5 Secundò infero, legem reuocantem antiquam eodem modo publicandam esse, ac quælibet alia lex: tum quia est lex, & lex tollens possessionem alterius. Item quia res per causas, quas nascitur, per eas dissolui debet: & ita tradit Azor tom. 1. instit. lib. 5. cap. 3. quæst. 7. Vasquez disp. 156. cap. 4. num. 25. Bonacina disp. 1. quæst. 1. punct. 4. num. 13.

Dices, si legislator voluntatem non habeat obligandi, lex non obligat, sed cum reuocat legem, etiam si reuocationem non publicet, non censetur velle legem reuocatam obligare. Ergo ut lex reuocatoria suam vim sortiatur, non requirit publicationem.

Respondeo nunquàm censeri legislatorem velle suam legem non obligare, quousque reuocationem publicet, eo modo, quo lex fuit publicata: quodd si daremus hoc velle, cessaret quidem lex prior, sed non authenticè, & per legem reuocatoriam, sed per defectum alicuius requisiti ad legem.

6 Tertiò infertur, quid dicendum sit de regulis Cancellariæ.

Dico ergo, si legis vim habere debent, ut verè habent, sunt necessariò, sicut & aliæ leges publicandæ, ut autem obligent officiales Cancellariæ in vi præcepti non expostulant publicationem. At credo regulas Cancellariæ nõ tam in vi legis scriptæ, quàm in vi consuetudinis, seu styli curialis obligare omnes; ille enim stylus, & vsus ex consensu Principis est illarum publicatio: quocirca non obligant, antequam tempus currat præscriptioni, vel consuetudini inducendæ necessarium. sic Bonacina n. 14. Sed de his latius, cum de consuetudine habeatur sermo; ibi enim examinabimus, qua ratione stylus curiæ legis vim sortiatur.

PUNCTUM XI.

Quæ promulgatio in legibus ciuilibus
requiratur.

- 1 Explicatur quæstio.
- 2 Leges late pro vna prouincia sufficiunt, si in ciuitate metropoli publicentur.
- 3 Si pro diuersis prouincijs leges fiant, in qualibet prouincia debent publicari solemniter, & tunc non nisi post duos menses incipiant obligare.
- 4 Excipe. Nisi aliter expresse constet de legislatoris voluntate.
- 5 An lex lata à Principe in curia, & intendens statim obligare, sortiatur effectum? Proponitur communis sententia.
- 6 Suarez distinctione vitatur.

- 7 *Approbatur sententia Suarez, aequaliter explicata.*
 8 *Apponitur quaedam obiectio, & soluitur.*
 9 *Satisfit argumentis num. 5. adductis.*

1 **V**ariæ sunt leges civiles, aliæ dantur pro vna provincia, seu paruo regno, aliæ dantur pro pluribus provinciis, seu regnis. Aliæ procedunt ab Imperatore, Rege, vel communitate nemini subiecta. Aliæ à magistratu iis subiecto.

2 Si leges ferantur pro vna tantum provincia, vel paruo regno, siue à magistratu Imperatori subiecto, siue ab ipsomet Imperatore, & Rege, sufficit promulgatio facta in præcipua ciuitate, neque requiritur publicatio in qualibet ciuitate, neque transitus duorum mensium, vt incipiant obligare, nisi aliud in lege expressè caueatur. ita Syluest. *verbo lex, quest. 3. & 6.* Azorius *tom. 1. instit. moral. lib. 5. cap. 3. quest. 2.* Salas *de legib. disp. 12. sect. 2. num. 11.* Suarez *lib. 3. de legib. cap. 16. n. 7. & cap. 18. num. 6.* Bonacina *disput. 1. quest. 1. punct. 4. num. 16.* & alij ab eisdem relati.

Ratio est, quia ex iure naturali, neque ex iure positiuo amplior publicatio requisita est. Non ex iure naturali: nam illa est sufficiens, vt in omnem provinciam notitia legis deueniat. Ex iure autem positiuo nullibi est assignata amplior promulgatio, neque temporis prorogatio, quia solum de legibus latis pro diuersis provinciis expostulatur, vt in qualibet fiat publicatio, & terminus duorum mensium, in *Authent. vt facta noua constituitur*. Ergo.

3 Quod si leges pro diuersis provinciis latæ sint, in qualibet provincia debet fieri sua sollemnis promulgatio, & post duos menses ab illius publicatione incipit lex in illa provincia obligare. ita Nauarr. *consil. 1. de constitut. quest. 4. num. 19.* Valent. *tom. 2. disp. 7. quest. 5. punct. 5.* Suarez plures referens *lib. 3. cap. 16. num. 8. & seqq.* Bonacina *num. 16.* Mouentur ex *Authent. vt facta noua constitutiones*, vbi id statuitur expressè: habetur enim, *vt facta noue constitutiones post insinuationes earum, post duos menses valeant*. Dices illa esse verba rubricæ, seu tituli illius *Authenticæ*; non autem esse verba legis: in lege autem non de qualibet constitutione, sed de constitutionibus ad testamentum pertinentibus sermo habetur, quod constat ex *cap. 1. illius Authenticæ*. ibi, *Sancimus igitur ex illis nostras constitutiones, quæ pro testamentis fiunt, valere, ex quo in communi facta sunt manifesta, in provinciis autem ex quo directè per metropoles palam facta sunt*. Ergo ex iure positiuo leges non testamentariæ non expostulant hanc multiplicem promulgationem, & terminum duorum mensium: tum quia ex vno singulari, non debet vniuersalis inferri: tum quia in testamentis est specialior ratio, vt hæ publicationes fiant; nempe, vt omnino tollatur ignorantia, ne propter illam deficientiam infringatur voluntas, vt ibidem dicitur: & ita tenet Vasquez *1. 2. disput. 156. cap. 3.* Adde, etsi titulus generalis fuerit omnibus legibus; cum in lege ad solas testamentarias leges arctetur: ex huiusmodi coarctatione titulus explicandus est, & limitandus: nam, vt eruditò probat Menochius *lib. 6. de presump. tota presump. 1.* rubrica per leges subscriptas, quæ claræ sunt, & distinctè explicanda est, & limitanda.

Adde rubricam non disponere tanquam legem, nec posse pro textu allegari, sed est index legis, & demonstrat, quæ in textu habentur, vt ex Decio, & Alciato probat Menochius *ibi*. Ergo etiam si generalis fuerit, non obligabit generaliter, cum textus ad particulares leges arctetur.

Verum retinenda est communis sententia affirmans ex huiusmodi præfatione, seu rubrica iuncto textu omnes leges Imperatoris latas pro diuersis provinciis esse in qualibet illarum publicandas, vt in qualibet obligent, & duos menses prætereundos esse, vt incipiant

obligare. Moucor, quia ita tenet communis sententia, affirmans textum infra scriptum appositum esse non ad limitandam rubricam, sed exempli gratia, quod inde colligunt: tum, quia rubrica habet sentum perfectum: tum, quia est fauorabilis dispositio, & non contraria textui. Ergo. Adde omnes leges tam vltimarum voluntatum, quam aliarum rerum requirunt, si pro diuersis provinciis ferantur, terminum duorum mensium, vt obligent; quia ita in illa *Authent. statutum est*. quod declarauit Pius IV. in *Bulla edita pro observando Concilio Tridentino*, quæ incipit, *sicut & sacrorum*: vbi mentionem faciens huius *Authenticæ* dixit iure communi statutum esse, vt constitutiones nouæ non nisi post certum tempus obtineant. Ergo non obstat locutio particularis de legibus vltimarum voluntatum, vt doctrina generaliter de omnibus legibus iuxta rubricam intelligatur.

4 Limitant autem supradicti Doctores, Suarez, Salas, Bonacina, Nauarr. Valent. Menoch. *de arbit. lib. 2. casu 185. num. 2.* & alij, nisi legislator, qui legibus Imperatoriis subiectus non est, manifestet voluntatem obligandi ex sola vna publicatione in curia facta. Nam cum iure naturæ illa sufficiens sit ad obligationem subditis inducendam, poterit legislator illa sola contentus esse, cum leges imperatorias non teneatur obseruare. Semper tamen necessarium est, vt legislator tempus concedat sufficiens, vt in totius communitatis notitiam lex deuenire possit, aliàs communitatem non obligabit.

5 Ex quo oritur difficultas, an lex lata à Principe intendente, statim ac illam in curia promulget, omnes sibi subditos obligare de facto sortiatur effectum, & subditos obliget?

Affirmat communis sententia cum Panormit. Felin. Decio, & aliis in *cap. 2. de constitut.* Salas *disput. 12. de leg. sect. 2.* Suarez *lib. 3. cap. 16. sine num. 14.* Bonacina *disput. 1. q. 1. p. 4. n. 16.*

Probatur, quia lex constituitur in suo esse integro, quando promulgatur; sed lex esse non potest sine obligatione, qui est eius effectus. Ergo. Et confirmo, si esset lex irritatoria contractuum, & vellet Princeps à puncto publicationis omnes contractus irritare, sine dubio manerent irriti, quantumvis contrahentes notitiam legis habere non possent. Ergo signum est promulgatione solemniter sufficiens legem constitui.

Ex quo inferunt Salas *disp. 12. de legib. sect. 9. num. 34.* Bonacina *disput. 1. quest. 1. punct. 4. num. 28. & 29.* si facta promulgatione solemniter statim aliquis subditus in remotissimis partibus existens miraculosè notitiam legis haberet, obligatus esset illam seruare; quia adest quidquid ad obligationem inducendam necessarium esse videtur, scilicet legem esse publicatam solemniter, & notitiam illius. Ergo publicatione solemniter sufficiens lex constituitur.

6 Suarez *lib. 3. cap. 17. n. 5.* distinctione vitur: affirmat namque legem publicatam in loco debito, nullamque habentem temporis determinationem, ex voluntate Principis, statim incipere obligare eos, qui illius habent, seu habere possunt notitiam, in quo cum communi sententia conuenit; illos verò, ad cuius notitiam deuenire tunc non potest, sed necessarium est aliquod tempus, intra illud tempus, quod moraliter necessarium fuerit, affirmat obligare: pro quo modo dicendi adducit Nauarr. *consil. 1. de constitut. quest. 4. in respons. ad 4. objectionem*. Panorm. & Felin. in *supradicto cap. 2. de constitut. num. 7. & 8.* & Bart. in *l. omnes populi, ff. de instit. & iure, quest. 5.* D. Thom. *1. 2. quest. 90. art. 4.* & ibi Caietan. Priorem partem huius sententiæ probat Suar. fundamento pro communi sententia allegato: & quia potius censetur lex pro vno populo publicata, quam pro tota prouincia. Secundam partem probat ex *c. 1. de concess. prob. in 6. vers. neque obstat*: vbi dicitur, *lex, seu constitutio*.

& mandatum nullos astringunt, nisi postquam ad notitiam peruenierint eorundem, aut ipsi post tempus, intra quod ignorare minimè debuissent. Ex quo infertur. Ergo lex non obligat, nisi post sufficiens tempus elapsum, intra quod moraliter sciri posset: nam illud est, in quo ignorare minimè debuisset. Secundò probari potest, quia impossibile est notitiam publicationis ad remotas partes eodem die peruenire. Ergo illa publicatio non est sufficiens, ut lex eo die, quo est publicata, obliget existentes in illis remotis partibus. Probo consequentiam; quia ad obligationem inducendam necessaria est notitia legis: sed lex Matriti, v.g. publicata, non potest illo die causare notitiam sui existentibus Hispali. Ergo non potest Hispanenses obligare eo die: debet ergo concedi tempus moraliter necessarium, ut lex in notitiam subditorum, vel per se, vel per alios possit peruenire. Quocirca promulgatio legis, etsi videatur in instanti fieri, & coram paucis personis: at re vera non fit in instanti, sed successu temporis; toto enim tempore, quod necessarium est, ut illa promulgatio ad notitiam totius communitatis obligatæ ad legem deueniat, verè, & propriè lex promulgata dicitur, neque ante hoc tempus censi debet integrè promulgata. Ex hac doctrina infert Suarez cap. 17. num. 14. si legis publicatio in notitiam absentis deueniat miraculoso modo, cum tamen humano modo venire fuerit impossibilis, nullo modo obligare ad illius obseruationem, quia respectu illius non est lex publicata.

7 Placet mihi hæc sententia Suarez quoad secundam partem ob rationes factas: circa primam addendum existimo, nunquam legem obligare posse aliquos, quin eius publicatio in notitiam communitatis, quæ arctari possit lege, deueniat. Explico, promulgator Matriti aliqua lex pro toto Castellæ regno; eius publicatio, quæ in foro fit, non potest simul, & in eadem hora per totum regnum diffundi, imò neque per totam ciuitatem, ut de se constat. Quousque igitur elaboratur tempus, ut per totam ciuitatem diffundi possit, neminem illius ciuitatis arctat; etiam si publicationi præsens extiterit. Probo, quia lex prius arctat communitatem, quàm singulos illius; singuli enim communitatis in tantum arctantur lege, in quantum partes sunt communitatis lege obligatæ; hæc enim est vna ex differentiis legis à præcepto, quòd præceptum respicit singulos, quia in bonum ipsorum ordinatum est: lex verò communitatem, quia in ipsius bonum primò, & per se ordinata est. Sed ad maioris partis ciuitatis notitiam non potuit lex deuenire in eodem puncto, & momento, quo in foro publicatur. Ergo singuli illius ciuitatis non arctantur, quousque tota ciuitas arctetur, eaque de causa stylus communis legislatoris est, cum intendit legibus suis obligare prius præsentem, quàm absentes, apponere terminum competentem, intra quem moraliter in omnium notitiam lex deuenire potest.

8 Dices, cum Rex Hispaniæ fert legem pro toto Castellæ regno, illamque Matriti promulgat, neque declarat se velle prius obligare curiales, quàm absentes, non videntur curiales obligati esse, quousque totum regnum obligatum esse censeatur; quia curiales non obligantur, quatenus sunt partes curiæ, sed quatenus partes sunt totius regni: siquidem pro toto regno lex fertur. Ergo prius debet esse regnum obligatum.

Fateor ex natura rei hoc esse dicendum. At si Princeps legis tenore significet se velle subditos, quamprimum possit, obligare, cum possit propinquiorem ciuitatem, priusquam remotam, obligare, tacitè innuit se ita velle, ac proinde prius curiales, quàm absentes lege illa obligantur: & ita docet Suarez lib. 3. cap. 17. n. 10.

9 Restat satisfacere argumentis pro communi sententia.

Ad primum dico, legem publicatione solemniter con-

stitui: at regulariter hæc publicatio, etsi physicè in vna hora finiatur, non tamen moraliter, & modo necessario, ut in notitiam totius communitatis deueniat; ad hoc enim necessaria est temporis prolongatio: in quo tempore possit lex per præsentem in absentium notitiam deuenire, ac proinde communitatem, quæ lege arctari possit.

Ad secundum dico facta publicatione optimè posse legem irritare contractus, & taxam mercibus constitutere, etiam si obligationem ciuibus non inducat, quousque eam scire possint, quia effectus irritationis, & taxa mercium procedit à Principe, non ex potestate legislativa, sed dominatiua, quæ non indiget ad sui integritatem notitia subditorum: colligitur à simili ex his, quæ tradit Suarez lib. 1. de legib. cap. 17. num. 11. & docet expressè Nauarr. summ. cap. 23. num. 44. Azor tom. 1. lib. 5. cap. 3. quest. 9. Ex quo fit ignorantem legem taxantem pretium mercibus, si eas vendat altiori pretio, quàm sunt taxatæ, obligatum esse restituere, non quia peccauit, sed quia accepit quæ sibi non debentur: sic Bonacina disp. 1. de legib. q. 1. p. 4. n. 22.

PUNCTVM XII.

Quæ solemnitas publicationis requiratur in lege canonica.

- 1 Proponitur prima sententia eandem seruari debere, quæ in ciuilibus legibus, nisi expressè aliud constet statuere Pontificem.
- 2 Sufficit publicatio Roma facta, ut certum defenditur.
- 3 An lex Roma publicata statim Romanos obliget, vel post duos menses? Defenditur ut probabilius statim obligare.
- 4 Qualibet lex municipalis statim subditos obligare potest, & qualibet constitutio Principis, si id velle.
- 5 Satisfit argum. num. 1. adductis.
- 6 An lex obliget ignorantes.

1 **P**rima sententia docet seruandam esse eandem solemnitatem, quæ in ciuilibus legibus iure communi seruandam esse diximus; scilicet, si leges sint pro diuersis provinciis, hoc est, Episcopatibus, in quolibet esse publicandas, & non obligare, nisi post duos menses à publicatione, nisi aliud expressè Summus Pontifex declaret. sic docet Soto lib. 1. de iustit. quest. 1. art. 4. vers. ac verò. Nauarr. in summ. cap. 23. num. 44. Medina 1. 2. quest. 90. art. 4. vers. sed queritur. Panorm. in cap. cognoscentes, de constitut. num. 7. ad finem. Decius lect. 2. num. 6. Felin. num. 7. Anton. Butrio, Imola, Ioan. Lignapùs, Cardinalis, Zabarella in supradicto cap. cognoscentes, num. 4. q. 6. & alij plures apud Farinac. fragm. 1. part. verb. consuetudo, num. 656. vbi hanc sententiam censet probabilem. Mouentur, quia vbi ius canonicum nihil disponit, seruandum est ciuile, si bonis moribus non repugnet. cap. 1. de noni operis nuntiatione, vbi dicitur: Sicut leges non dedignantur sacros canones imitari: ita sacrorum canonum statuta constitutionibus Principum adiuvantur. & in cap. si in adiutorium, dist. 10. dicit Augustinus, Si in adiutorium vestrum etiam terreni imperij leges assuendas putatis, non reprehendimus. fecit hoc Paulus, cum aduersus iniuriosos ciuem Romanum se esse testatus est: vbi glossa dicit, non sunt alleganda leges ciuiles, & in causis Ecclesiasticis recipienda, nisi in defectum canonum. Ergo cum canones tempus obligationis legis non determinent, & id determinent leges ciuiles, ex harum determinatione colligenda est determinatio temporis in obligatione legum Ecclesiasticarum. Adde huiusmodi determinationem conuenientissimam esse, tum ut obligati legum ignorantiam allegare non possint: tum ut faciliore, & suauiore modo lex Ecclesiastica obli-

obligationem inducat. Secundò, *cap. cum infirmitas*, de pœnit. & remiss. dicitur, *lege Medicos non teneri, nisi postquam eam Prælati promulgauerint*. Ergo promulgatio Prælati requiritur, ut in sua diœcesi lex habeat vim obligandi. Tertiò, quia nimis durum est facta publicatione in Romana curia alicuius decreti, statim omnes Christi fideles per orbem dispersos obligari ad illius observationem.

2 Nihilominus certa, & omnino tenenda sententia est, sufficere publicationem Romæ factam, ut lex Pontificia omnes Christi fideles adstringat, nec opus esse in singulis Episcopatibus publicari, nisi aliter in ipsa Bulla habeatur. Panorimitanus in *cap. noneris*, de sentent. excommunic. Nauarr. *consil. 1. de constitut. num. 19.* & Syluest. *verbo lex, quest. 6.* Suarez lib. 4. de legibus, *cap. 15. num. 3.* Azor tom. 1. lib. 5. *cap. 3. quest. 3. circa medium.* Salas *disput. 12. sect. 2. num. 10.* Vasquez *disput. 156. cap. 2.* Menoch. lib. 2. *casu 185. num. 8.* Farinac. *suprà, num. 653.* Bonacina *disput. 1. quest. 1. punct. 4. num. 16.* & alij plures ab eisdem relati.

Ratio præcipua est, quia Pontifex non tenetur seruare modum publicationis iuris ciuilibis in suis decretis, quia eius legibus non arctatur; neque Authenticam, et facta nona constitutiones, inuenitur se acceptasse. Ergo quoties suam constitutionem Romæ promulgat, neque mandat alibi publicari, sed potius illa promulgatione contentus est, intendit Christi fideles obligare. Ergo de facto obligabuntur; quia adest quidquid necessarium est ad legem. Et confirmo, quia plura decreta iuris canonici, Decreti, Decretalium, Sexti, Clementinarum, Extrauagantium, Concilij Tridentini, non sunt in multis prouinciis promulgata. Item Bulla Cœnæ Romæ tantum solet publicari, & tamen arctat omnes Christi fideles. Item regulæ Cancellariæ Romæ publicantur, & secundum illas causæ ex toto orbe deciduntur. quod iustum non esset, si illæ leges non obligarent. Ergo non est necessaria publicatio in qualibet prouincia ad obligationem legis Pontificiæ inducendam. Quod ita verum est, ut censet Azor *suprà* relatus contrariam sententiam probabilitate carere. Nam Soto, & alij Doctores affirmantes decreta Pontificis in quolibet Episcopatu publicanda esse, mouentur ex præsumptione, quia præsumunt Pontificem non aliter velle obligare. At hæc præsumptio omnino cessat ex usu, & consuetudine satis recepta. Ergo.

3 Maior dubitatio est, an Romæ publicata lex, quæ nullum tempus determinat, incipiat statim obligare Romanos, & vicinos illius? An necessaria sit præteritio duorum mensium ad eius obligationem?

Probabilius, imò certum existimo, statim obligare: sic Azor, Salas, Vasquez, Bonacina, Suarez *suprà*. Farinacius plures referens 1. *part. fragment. verbo constitutio, num. 663. aduersus Nauarr. cap. 23. num. 44.* Valent. *disp. 7. quest. 5. punct. 5.* Reginald. lib. 13. *num. 152.* Menoch. *de arbitr. lib. 2. casu 185. num. 19.* & alios relatos à Farinac. *suprà*, negantes obligare saltem in foro conscientiæ, sed ad summum in foro externo. Ratio nostræ conclusionis est eadem, quia Pontifex in modo ferendi legem suam, & obligationem inducendi, non acceptauit Authenticam illam, quod constat ex superiori puncto, ubi probamus non acceptasse illam, quoad publicationem faciendam in qualibet prouincia. Ergo neque acceptauit quoad terminum duorum mensium in illa assignatum, quia non est, unde hæc acceptatio colligi possit: præcipue cum sæpè in Bullis Pontificum non expectetur ad obligationem inducendam spatium duorum mensium, ut in Bulla Cœnæ, & aliis, & supponitur in *cap. cum singule, de præbend. in 6. ubi dicitur, circa eos autem, qui plures Prioratus, vel Ecclesias huiusmodi nunc detinent, prouidemus, ut infra mensem, postquam præsentis constitutio peruenierit ad eosdem, unum ex ipsis, quem retinere voluerint,*

Ferd. de Castro Sum. Mor. Pars I.

reliquis dimissis eligere teneantur, alioquin ex tunc pœnia subiaceant supradictis. ubi gloss. verbo *peruenit*, inquit, *si peruenit ante duos menses, a tempore publicationis, statim incipit eis tempus currere.* Aliquando verò ultra duos menses spatium prorogatur, ut in Bulla Pij IV. de euulgatione Concilij Tridentini, ubi trium mensium spatium assignauit. Item, quia Authentica illa spatium duorum mensium requirebat ad legis obligationem inducendam in qualibet prouincia, quia illud erat sufficiens, ut in omnium notitiam lex illa deueniret: at hoc spatium nullo modo est sufficiens regulariter, ut lex lata Romæ, & ibi tantum publicata, in notitiam veniat Hispanorum, & Indorum. Ergo per se ad obligationem inducendam spatium duorum mensium non requirit, sed pro distantia prouinciæ extendi, vel coarctari tempus debet. Denique Nauarr. & alij affirmant, si Romani transgrediantur constitutionem Pontificiam ibi publicatam, & non habentem determinatum tempus ad obligationem, condemnari, & puniri in foro iudiciali, ut transgressores illius, etiam si duo menses non præterierint. Ergo signum est obligatos esse ad illius observationem, cum primum publicatur, alias inique punirentur, cum nullam culpam neque præsumptam commiserint, si lex ante duos menses nullam in conscientia inducit obligationem.

4 Ex his infertur primò, constitutionem Principis supremi, qualis est Rex, aut Pontifex, ligare subditos, in quorum notitiam deuenire potest, cum primum publicatur, si expresse id in constitutione notetur, quia id lex efficere potest, & nihil est, quod obstat. Ita tradit Menoch. *de arbitr. lib. 2. casu 185. num. 3.* Farinac. alios referens 1. *part. fragment. crimin. verbo constitutio, num. 666. in cdo num. 669.*

Infertur secundò, legem municipalem, seu statutum alicuius ciuitatis, non indigere ad obligationem inducendam termino duorum mensium; sed statim ab ipsa publicatione ligare omnes illos, in quorum notitiam deuenire potest: quia neque Authentica, *ut facta nona constitutiones*, de his constitutionibus loquitur, neque iure naturæ tempus aliud requiritur, præter illud, quod necessarium est, ut in notitiam illorum, qui obligandi sunt, deueniat: & ita tradit alios referens Farinacius *fragm. crim. 1. part. verb. constitutio, n. 659.* Menoch. lib. 2. *casu 185. num. 5.*

5 Ad rationes autem, quibus probabat prima opinio leges canonicas in qualibet prouincia publicandas esse, & ultra duos menses à publicatione obligare, ut in Authentica, *ut facta nona constitutiones*, habetur. Respondeo leges ciuiles acceptari ab Ecclesia in causis decidendis, quando neque repugnant rationi, neque adsunt canonicæ leges, quibus tales causæ decidi possunt, quia hæc acceptatio erat moraliter necessaria, cum causæ decidendæ aliqua regula decidi deberent, quæ nulla videtur aptior lege ciuili, si canonica deficiat. At in modo ferendi suas leges Ecclesia, non est necessarium, quod seruet modum præscriptum legibus ciuilibus, cum & superiorem auctoritatem habeat, & maiorem inter se vnitionem; omnes enim fideles vnum corpus mysticum efficiunt, cuius caput est Pontifex: quod non ita esse videtur in Rege diuersa regna gubernante. Ad *cap. cum infirmitas*, respondeo, illam publicationem necessariam esse in illa lege, quia ita cauetur: tum propter pœnam ibi appositam, tum & præcipue, quia est res summè necessaria, in qua nulla ignorantia debet prætendi: at ex hoc textu non debet sumi argumentum ad reliquas leges: sicut neque sumitur argumentum ex lege irritante matrimonia clandestina, quæ in qualibet parochia debet publicari. Trident. *sessio 24. cap. 1. de reformat.* ut dicamus omnes leges Pontificias irritantes contractus debere sic publicari. Ad illud verò,

L 3 quod

quod addebatur, scilicet esse durum obligare fideles per totum orbem dispersos vnica promulgatione, facile responderetur, dicendo non obligari, nisi intra tempus, in quo moraliter illius legis publicata habere possunt notitiam: cum ergo aliqui ante duos menses, alij non nisi post quatuor menses habere legis notitiam possunt, iuxta huiusmodi possibilitatem erit obligatio.

6 Ex quo fit solutio illius difficultatis, an dicendum sit legem obligare ignorantes? Obligat quidem ex se, quando ita est publicata, vt moraliter ad illorum notitiam possit deuenire; per accidens autem non obligat, quia illius notitiam de facto non habent inculpabiliter. Sed, vt melius dicam, ab obligatione tunc ob ignorantiam excusantur. Quando autem lex ita est publicata, vt impossibile sit in omnium notitiam deuenire statim; tunc lex neque ex se ignorantes obligat, quia non adest ex parte eius, quidquid ad obligationem inducendam requiritur. Et ita in concordiam rediguntur Doctores asserentes legem ignorantes obligare, quod asseruit Medina 1. 2. *quest. 90. art. 4.* & Soto lib. 1. *de iustit. quest. 1. art. 4.* contra glossam cap. 2. *de rebus Ecclesie non alienand. in 6. verbo, hactenus.* Bald. in *l. leges sacratissime, C. de legibus.* Panormitanus, Innocentius, Felinus *cap. cognoscen. de constitut.* qui affirmabant non obligare. sic in concordiam redigit Suarez lib. 3. *de legibus, cap. 18. fine.* Azor tom. 1. *institut. moralium, lib. 5. cap. 3. quest. 9.* alios referentes.

PUNCTUM XIII.

Vtrum acceptatio populi necessaria sit ad
legis ciuile, & canonicæ
obligationem.

- 1 Potest Pontifex fideles suis legibus obligare, tametsi contradicant.
- 2 Plures affirmant requiri de facto acceptationem, expenduntque rationes pro illorum sententia.
- 3 Si tempus instat obseruandi legem, non potest eius observatio præteriri sub prætextu, quod à populo acceptata non fuerit.
- 4 Supradicta sententia limitatur in legibus difficultis obseruationis.
- 5 Si à maiore parte populi lex non obseruetur tempore ad præscriptionem requisito, lex cessat obligare.
- 6 Satisfit argum. num. 2. adductis.
- 7 Probatur in lege ciuili acceptationem populi necessariam ad legem requiri.
- 8 Proponitur, & probatur argumentis non esse necessariam acceptationem populi.
- 9 Si de facto lex vsu recepta non est, cessat eius obligatio.
- 10 Explicatur quid necessarium sit ad non vsu inducendum.
- 11 Dum lex vsu, vel desuetudine abrogata non est, obligat.
- 12 Si maior pars populi resistit legi, & princeps permittit, reliqui à lege excusantur.
- 13 Satisfit argum. num. 7. adductis.
- 14 Facta supplicatione, vel appellatione ad principem pro legis renouatione lex durat.
- 15 Si tacet princeps audita petitione, censetur legem renouare.

1 **V**T à clarioribus incipiamus. Primò certum est posse Pontificem obligare fideles ad obseruantiam legis à se latæ, quamuis populus contradicat. sic Castro lib. 1. *de lege pæn. cap. 1.* Suarez 4. *de legibus, cap. 16. num. 2.* Bonacina *disp. 1. quest. 1. punct. 4. num. 28. & 29.* & Vasquez 1. 2. *disp. 156. cap. 5.* Salas *disp. 13. de leg. sect. 1.* & alij aduersus Nauarr. *cap. 23. num. 41.* & Valent. *disp. 7. quest. 5. punct. 5. questum. 4.* exultantes non

posse, quia non esset lex iusta, & in commune bonum condita, quia esset occasio perturbationis. Sed ratio nostræ conclusionis est, quia Pontifex non à populo, sed à Christo Domino potestatem accepit ligandi, atque soluendi, in cuius potestatis concessione non apposuit Christus Dominus conditionem de populi acceptione, sed absolute dixit, *Pasce oues meas. Quodcumque ligaueris super terram, erit ligatum & in celo, &c.* Ergo poterit populum obligare independentem ab eius acceptione, quoties id sibi conueniens visum fuerit. Aliàs potestas data Pontifici inefficax esset, si populum Christianum ad legum obseruantiam cogere non posset, nisi ipsomet populo consentiente: hoc enim esset Pontificem non habere potestatem absolutam in populum Christianum, siquidem non potest suis legibus illum cogere, cum vellet, si necessarium est, vt populus velit se alligari. Neque obinde dicenda est lex iniusta, & occasio perturbationis, quia iniquè ex talis potestatis vsu perturbarentur subditi.

Secundò, Episcopi legati, aliique inferiores Prælati legem ferentes possunt ad illius obseruantiam subditos obligare, quamuis ipsi contradicant. sic Suarez, & Castro nuper relati. Ratio ferè est eadem, quia tota potestas Ecclesiastica à Christo in eius vicarium dimanauit, & ex illo ad omnes Prælatos inferiores. Sed potestas, quam habet Christi Vicarius in legibus ferendis, est independens à populo. Ergo sic intelligendus est Prælati inferioribus communicasse.

2 Difficultas est, an quoties Pontifex, vel alij Prælati leges ferunt, expectari possit, seu de facto expectetur consensus populi, & illius acceptatio, vt vim, & obligationem fortiantur. Affirmat glossa cap. 1. *de treuga, & pace, verbo frangere.* Couarr. lib. 1. *variarum, cap. 16. à num. 16.* Nauarr. *cap. 23. num. 41.* & consil. 1. *de constitut. quest. 5.* Maior in 4. *distinct. 15. quest. 4. in argum. contra secundam conclusionem.* Driedo lib. 1. *de libertate Christiana, cap. 9. docum. 2.* Henriquez *tract. de Synodi potest. 3. part. art. 2. num. 62.* Armilla *verbo lex, num. 11.* Angelus *num. 4. in fine.* & videtur tenere Azor tom. 1. *institut. lib. 5. cap. 4. q. 3. & seqq.* Salas *de legibus, disp. 13. sect. 1. & 5.* Reginald. lib. 13. *num. 160.* Bonacina *disp. 1. quest. 1. punct. 4. n. 27.* Fundantur primò in illo dicto Gratiani communiter recepto §. *leges, cap. 3. distinct. 4. Leges constituuntur, cum promulgantur; firmitur, cum moribus vtentium approbantur.* Ergo sine moribus vtentium lex firmitatem non habet. Secundò, quia præsumitur Pontificem legem condere sub intellecta conditione, si populo placuerit, quia hoc ad suauem regimen Ecclesiæ videtur pertinere. Tertiò multæ sunt constitutiones Pontificiæ deobligantes, eo quòd nunquam fuerint receptæ, imò à principio non videntur habuisse obligationem, eo solum, quòd à populo non recipiebantur. Ergo.

3 Nihilominus dicendum est primò, si tempus instat obseruandæ legis iustæ à Pontifice, vel Episcopo latæ, nemini licitum esse, illam violare, sub prætextu, quòd populus adhuc non consenserit. hanc expressè docet Corduba in *qq. lib. 4. q. 7.* Suarez lib. 4. *cap. 16. num. 4 & 8.* & tenent omnes illi, qui dicunt receptionem populi ad legis obligationem necessariam non esse, neque legem tollere, nisi in vi consuetudinis, quos in puncto sequenti referemus. Probo conclusionem. Nullibi habetur hanc populi approbationem ad legis naturam requiri, neque enim requiri potest ex potestate in populo residente, quia potestas Pontificis à populo non dependet, vt dictum est: neque etiam requiri potest ex concessione ipsius Pontificis, nullibi enim talis concessio reperitur. Ergo lex canonica independentem à populi acceptione constituitur. Ergo vim habet obligandi. Deinde ipsa acceptio populi ad legem requisita, vel est obseruantia ipsius legis, vel est quædam illius approbatio. Nullum ex his ad legem constituendam requiri potest.

Non

Non primum, quia obseruantia legis legem supponit. Ergo non constituit. Non secundum, quia aliàs populus esset conlegislator cum Pontifice, si eius iudicia approbatio requisita est ad legem. Præterea hæc approbatio vel debet esse à populo in communitate constituto, vel ab ipso diuiso: à populo autem in communitate constituto, raro, vel nunquam fit approbatio, vel reprobatio legis canonicæ. Ergo hæc requisita non est à populo diuisim sumpto: nulla alia approbatio, vel reprobatio legis, præter eius obseruationem, vel transgressionem inuenitur. Ergo. Adde. Ponamus latam esse aliquam legem à Pontifice, & instare tempus illius obseruationis, in quo tempore neque est à populo reprobata, neque acceptata: si de facto non obseruas, peccas, quia in tantum excusari poteras ab obseruatione legis, in quantum populus sciens legem, illam non acceptauit; cuius acceptatio cum non sit per aliquod iudicium commune, raro cognosci potest.

4. Limiranda tamen est hæc doctrina in legibus, quæ difficultis sunt obseruationis, vel quæ aduersantur consuetudini receptæ: in his enim ex benigna interpretatione legislatoris, credimus quemlibet excusari ab obseruatione legis, quousque Princeps informetur de difficultate, vel recepta consuetudine, quia prudenter præsumere potest præcessisse legem ex ignorantia difficultatis, quæ in illius obseruatione inuenitur, vel ex ignorantia consuetudinis in contrarium receptæ: & ita tradit Suarez *lib. 4. cap. 16. num. 4. sine, & num. 7. & 8.* & loquens de legibus civilibus, *lib. 3. cap. 19. n. 12.* id affirmat, fauētque *cap. certificati, de sepulchris. & cap. 1. de constitut. in 6.*

Sed inquires, quando probabiliter præsumere poteris legem esse difficilem, & grauem, vt meritò excusari posses ab illius obseruatione, quousque Pontifex de difficultate informetur? Respondeo non ex tuo cerebro tantum hoc esse meriendum, sed ex consilio prudentum, vel timoratorum facto; si enim videas plures tractare de interponenda supplicatione, vel appellatione legis, argumentum est difficultatem non leuem habere, quam Pontifex creditur ignorasse.

5. Dicendum secundò est, si de facto lex canonica à maiori parte populi non acceptetur, hoc est, non obseruetur, & hæc non obseruatio legis duret tempore requisito ad præscriptam desuetudinem, seu non vsum: tunc poterunt aduersus legem procedere subditi absque culpa; quia desuetudo vim habet abrogandi legem, seu impediendi eius obligationem, vt tenet communis sententia in *cap. vlt. de consuetud. lib. 6.* & tradit Azor *tom. 1. instit. lib. 5. cap. 4. quest. 1.* Suarez *lib. 4. cap. 16. à num. 9.* Quod autem tempus, & quæ conditiones ad hanc præscriptionem requirantur, in §. sequenti dicemus, quia communes sunt legi tam civili, quam canonicæ.

Quòd si roges, quid nomine communitatis intelligatur? Respondet optimè Bonacina *disp. 1. de legibus, quest. 1. punct. 4. num. 33.* non solum intelligi totam communitatem, cui lex dirigitur, sed etiam intelligi communitatem particularem, quæ per se capax legis esse potest. Quocirca si Rex, aut Pontifex legem ferat pro tota Ecclesia, aut regno, & aliqua ciuitas, seu maior pars illius, vel ex ignorantia, vel ex scientia legis, legem non obseruet, reliqui illius ciuitatis excusantur à culpa, quia in illa ciuitate lex recepta non est, etsi in omnibus aliis partibus lex obliget, quia recepta fuit. sic Nauarr. *consil. 1. de constitut. q. 5. & q. 9.* Salas *de legib. disp. 13. sect. 2. n. 10. & 11.* Azor *tom. 1. instit. moral. lib. 5. c. 4. q. 3.* Bonacina *supra.*

6. Argumenta pro priori sententia non vrgent.

Ad primum dico, leges ex vfu, & moribus subditorum firmari, seu stabiliri, in obligatione, quam habent, non tamen ab vfu obligationem accipere. Vel, vt dixit

Turrecremata in illo §. *leges, distinct. 4.* cum Hugone, & Archidiacono, leges moribus firmantur de facto, non de iure. Quapropter in supradicto §. *leges*, dicit Gratianus; sicut enim moribus vrentium in contrarium nonnullæ leges hodie abrogatæ sunt, ita moribus vrentium ipsæ leges confirmantur: sed mores contrarij legi abrogant legem latam. Ergo mores conformes legem latam, & obligantem confirmant, seu stabilunt.

Ad secundum negamus ad suauem, & rectum regimen Ecclesiæ pertinere, vt in omni lege ferenda Pontifex subintelligat illam conditionem, si populo placuerit; derogaret enim suæ authoritati, & occasionem tribueret suspicandi dependentiam habere à populo in sua potestate: sufficit, si hæc conditio subintelligatur in lege difficultis obseruationis, & quæ consuetudini receptæ opponitur: quam difficultatem, & consuetudinem præsumitur probabiliter Pontifex ignorare, cum legem tulit. Ex quo patet ad tertium, fateor, inquam, aliquas esse constitutiones pontificias deobligantes, eo quòd non fuerint vnquam receptæ. An verò primò transgressores culpæ rei fuerint; decidendum est iuxta dicta: si probabiliter præsumpserunt ignorasse Pontificem difficultatem legis, vel consuetudinem in contrarium; quam si sciret, non fore laturum legem, à culpa excusantur: secus verò si hanc probabilem præsumptionem non habuerunt.

7. Maior difficultas est, an in lege civili necessaria sit ad eius constitutionem acceptatio populi, quia legislator secularis quicumque sit à populo mediare, vel immediate accepit potestatem leges ferendi. §. *sed & quod, Instit. de natur. gent. & civili.* Ergo credendum est illam authoritatem accepisse dependenter ab ipso populo, quia hoc videtur populo conuenientius: siquidem posita hac dependentia, longè erit populus ab iniuria, & grauamine recipiendo à legislatore. Secundò legislator legem ferre non potest, quæ in bonum commune subditorum non cedat; sed cum maior pars subditorum legi resistit, non cedit lex bono communi ipsorum; ideo enim tali legi repugnant, quia intelligunt sibi disconuenire. Ergo iudicium totius populi, vel maioris partis præualere debet iudicio legislatoris de conuenientia. Et confirmo. Negari non potest tantorum iudicium de disconuenientia legis, & illorum contradictionem, reddere probabile, imò moraliter certum legem illam disconuenire. Sed quando certum est, legem esse populo disconuenientem, non potest legislator illam ferre, etsi de facto ferat, quia de iure non fert, non inducit obligationem. Ergo similiter cum probabile, vel moraliter certum est, legem disconuenire, erit probabile, vel moraliter certum, legem non obligare. Tertio, si legislator sub expressa hac conditione, *si populus acceptauerit*, ferat legem; nemini est dubium ante acceptationem legem non obligare: at hic modus ferendi aptior est populo, cuius bonum ipse tenetur respicere in lege ferenda: siquidem populus melius cognoscet, quid sibi vtile, vel inutile sit, quàm legislator. Ergo credendum est sub hac ferre conditione. Quarto posita, & promulgata lege sæpè populus contradicit, & ab illa appellat, vel supplicat. Ergo durante supplicatione, vel appellatione, licebit illam non obseruare. Ergo signum est, legem non obligare ante acceptationem. Quintò consuetudo populi efficaciam habet abrogandi legem. Ergo à fortiori habebit efficaciam impediendi eius obligationem. Sextò decidi videtur in l. *de quibus, ff. de legibus*, vbi dicitur, *cum ipsa leges nulla alia ex causa ius teneant, quàm quòd iudicio populi recepta sunt.* & infra. *Illud receptum est, quòd leges non solum suffragio legislatoris, sed etiam tacito consensu hominum per desuetudinem abrogentur.*

Propter hæc communis est sententia, acceptationem populi ad obligationem legis necessariam esse. Abbas,

L 4 Felin.

Felin. Hostiens. Innocent. Ioan. Andreas *cap. 1. de treuga, & pace*. Couarr. *lib. 1. var. cap. 16. num. 6*. Nauarr. *cap. 23. num. 4. & consil. 1. de constitut. quest. 5. & 6*. Azor *tom. 1. lib. 5. cap. 4. quest. 1. & quest. 5. in fine*. Driedo *lib. 1. de libertate Christiana cap. 9. docum. 2.* & alij, quos refert Suarez *lib. 3. de legib. cap. 19. in princ.* & Azor *suprà*. Bonacina *disp. 1. quest. 1. punct. 4. num. 27*. Salas *de legib. disp. 13. sect. 1. & 3.*

8 Nihilominus secunda sententia affirmat non esse necessariam ad legis obligationem acceptationem populi, sed posse Principem, cui commissa est potestas regendi populum, legem ferre obligantem subditos ad illius obseruationem: tenet hanc sententiam Turrecremata *in §. ideo, dist. 4.* Cardin. Zabarella *in proemio Clement. verbo universitari. quest. 2.* Giegor. Lopez *leg. 16. tit. 1. p. 1. num. 4.* Castro *lib. 1. de leg. panali. cap. 1.* Ioan. Medina *C. de rebus, quest. 36. ad quintum.* & de potestate tenet Salas & Bonacina *suprà*, & Vasq. *1. 2. disp. 156. cap. 5.* Suar. *lib. 3. de legib. cap. 19. & lib. 4. cap. 16.* & alij. Mouentur primò, quia vel Princeps potest populum adstringere ad acceptandam legem à se laram, vel non? Si non potest, diminuta est eius potestas, & inefficax ad regendum populum; si potest populum adstringere, iam acceptatio populi necessaria non est. Ergo. Secundò, quia Rex, Imperator, & quilibet alius legislator supremus, punit transgressores suæ legis, neque admittit excusationem, quòd populus nondum eam acceptauerit, quia hanc acceptationem populi intendit legislator stabilire. Ergo signum est acceptationem populi ad legis essentiam necessariam non esse.

9 Ut ergo cum distinctione procedamus. Primò affirmandum est, cessare legis obligationem, si de facto non sit vsu recepta. Ita communis sententia: neque secunda contradicit, ut notauit Suar. *lib. 4. cap. 16. num. 9.* Difficultas autem est, quando censeatur lex non esse vsu recepta: non enim cum proponitur populo obseruanda, neque instat tempus obseruationis, potest dici tunc non recepta; quia actus simpliciter negatiuus non inducit non vsum, vel desuetudinem: ut cum omnibus Doctoribus tradit Azor *tom. 1. lib. 5. cap. 4. quest. 7.* Salas *disp. 13. sect. 2. num. 11.* Nauarr. *de constitut. consil. 1. quest. 6. num. 25.* Bonacina *disp. 1. quest. 1. p. 4. num. 48.* Man. Rodr. *reg. 99. tom. 1. quest. 6. art. 12.* Dicitur ergo lex non esse vsu recepta, quando instat tempus obseruandi illam, & de facto non obseruatur: illa ergo non obseruatio, seu transgressio dicitur legis non receptio, quia in vsu, & obseruatione lex non recipitur. Hæc autem non obseruatio si completa, & perfecta sit, efficax est ad legis obligationem impediendam: nam si consuetudo legis contraria tollere legem receptam potest. *cap. ult. de consuetudine.* non minus desuetudo, seu non vsus legis, efficax erit impediendi obligationem legis non receptæ.

10 Sed inquirens, quæ requirantur ad hunc non vsum inducendum? Primò requiritur, ut hic non vsus introductus sit à tota communitate, vel saltem à maiore illius parte, quia consensus maioris partis, est consensus communitatis. *l. quod maior. ff. ad municipalem*, & tradit cum Panormin. Antonio, & alijs Suar. *lib. 4. cap. 16. n. 9.* Azor *tom. 1. lib. 5. cap. 4. quest. 3.* Secundò requiritur ab aliquibus còsensu saltem tacitus legislatoris, quo censeatur in desuetudinem consentire: hic autem consensus tacitus tunc habetur, cum lex non obseruatur sciente legislatore, & non puniente transgressionem: ita Syluest. *verbo lex. q. 6. vers. 4.* Probabilius multo est, imò certum ex ignorantia Principis posse desuetudinem, seu non vsum introduci, qui sufficiens sit legis obligationem impedire: ita relato Felino *in cap. 1. de treuga, & pace num. 13. vers. considera secundo.* & Dominico *cap. in istis §. leges dist. 4.* Nauarr. *consil. 1. de constitut. q. 5. num. 23.* docet Azor. *tom. 1. institut. moral. lib. 5. cap. 4.* supponit Suar. *lib. 3. cap. 19. num. 10. in fine, & præcipue lib. 4. cap. 17.*

num. 10. Bonacina *disp. 1. quest. 1. p. 4. num. 35. & præcipue num. 45.* Ratio est manifesta: si enim consuetudo etiam ignorante Principe abrogare eius legem potest, ut dicemus loquentes de consuetudine; à fortiori desuetudo eius efficaciam poterit impedire. Adde cum Azor, & Nauarr. *suprà*, leg. statorem habere hanc voluntatem, ut eius leges obligationem retineant, dum non est desuetudo, siue non vsus contrarius, sicuti habet voluntatem, ut eius leges obligent, dum in contrarium non est præscripta consuetudo. Testidò requiritur, ut pro aliquo tempore daret hic non vsus, seu desuetudo, quia debet contra legem præscribere. Quod autem tempus requiratur, variant Doctores: alij tempus 40. annorum expostulant, præcipue ut aduersus legem canonicam præscribatur: alij decennium: alij nullum assignant tempus determinatum; sed prudentis arbitrio iudicandum esse. Dicendum ergo est decennium sufficere, siue vsus, & desuetudo procedat ignorante Principe, siue sciente. Decennium reputatur in iure longum tempus, ex glossa recepta *in cap. ult. de consuetud. in 6.* Sed consuetudo longi temporis sufficit ad tollendam legem receptam. Ergo à fortiori ad impediendam obligationem legis non receptæ requiri debet: & ita docet alijs relatis Couarru. *lib. 2. var. cap. 16. num. 6.* Azor. *tom. 1. institut. lib. 5. cap. 4. quest. 4.* Suar. *lib. 4. de legib. cap. 16. num. 12.* Adde sciente Principe eius legem non obseruari à maiori parte populi, & ex alia parte non puniente transgressores, cum possit, censetur tacite in eius abrogationem consentire: neque necessarium est tunc decennium, sed breuissimo tempore, vno, vel altero actu tolerato, lex cessabit: ita alijs relatis docet Suar. *lib. 4. de leg. cap. 16. num. 11.* Nauarr. *consil. 1. de constitut. q. 5. num. 24.* Azor *tom. 1. lib. 5. cap. 4. q. 5.* Quòd si Princeps desuetudinem ignoret, etsi Azor *quest. 4. 5. & 6.* dicat decennium necessariò requiri, nec minus sufficere: at probabilius existimo cum Suarez *cap. 16. num. 12.* minus tempus sufficere, præcipue in lege civili, quia decennium sufficit ad abrogandam legem vsu receptam. Ergo minus debet requiri ad impediendam eius obligationem.

11 Dico secundò. Dum lex desuetudine, vel non vsu abrogata non est, obligat subditos ad sui obseruationem, quia non habent, unde excusentur; excusari enim poterant, vel quia legislator non intendit eos obligare, quod non est credendum, cum potius intendat legem suam stabilire: vel quia vsus, & desuetudo est in contrarium; sed hic vsus, & desuetudo non excusat, quousque decurrat tempus præscriptionis. Ergo. ita Suarez *lib. 4. cap. 16. num. 9.* Quocirca mihi non probatur, quod dicit Azor *suprà quest. 5.* ex Nauarr. *consil. 1. de constitut. quest. 5. num. 24.* primos transgressores non peccare, si transgressionem sciat legislator, & non puniat: quia ad hoc, ut sciat transgressionem legislator, supponitur transgressionem esse. Ergo ex scientia subsequente honestari transgressio non potest.

12 Aduertendum tamen est, regulariter loquendo, si maior pars communitatis legi resistat, idque sciat Princeps, neque puniat, excusari reliquos ab obseruatione legis, etiam si non præterierit tempus sufficiens ad desuetudinem præscribendam, quia tunc adest in minori parte populi probabilis opinio de voluntate Principis nolentis obligare. Deinde, quia talis obseruatio non cedit in bonum communitatis, cum non obseruet maior pars communitatis, sed minor, & ita tenet Nauarr. & Azor *suprà*, & consentit ex parte Suarez *illo cap. 16. num. 9. & 12. & lib. 3. cap. 19. fine num. 13.* Quæ autem censenda sit maior pars communitatis, iam *suprà* diximus. Secundò aduertendum est, si lex nimis dura, & grauis sit, vel consuetudini contraria, poterunt tunc excusari omittentes eius obseruationem: quia probabiliter præsumere debent, vel ignorare legislatorem

difficul

difficultatem, vel apposuisse legem non cum intentione obligandi ad eius obseruantiam, sed potius cum intentione experiendi, quid circa illam senserint, constat ex dictis in puncto antecedenti.

13 Restat satisfacere argumentis num. 7. adductis.

Ad primum concedo legislatorem à populo potestatem accepisse; sed nego accepisse cum illa limitatione: populus enim iudicauit conuenientius sibi esse omnem potestatem regendi, in vnum caput transferre, nec sibi partem reseruare; quia sic magis subditus erit, & magis cum suo capite vnitus. Aliàs si populi acceptatio, & consensus ad legem requireretur, populus se regeret, non Rex regeret adæquatè populum.

Ad secundum sepè communitatem resistere legi, non quia iudicat sibi disconuenientem esse, sed quia sentit subiectionem, & grauamen impositum. At si legi resistat, quia iudicat sibi esse disconuenientem, vel quia iniusta, vel quia nimis grauis, tunc iam diximus probabile esse excusari ab illius obseruatione, & per hæc patet ad confirmationem.

Ad tertium negamus illum modum ferendi legem esse aptiorem, quia derogat potestati legislatoris, quæ cedit in bonum communitatis. Adde: ex illo modo ferendi legem plures sequerentur dissensiones, quia non facillè populus vnitur, vt exploretur eius consensus, præcipuè cum per non obseruantiam legis debet introduci.

In quarto argumento petitur, qua ratione possit populus à lege appellare, vel supplicare? Dicendum ergo est, à lege lata ab inferiore legislatore appellari posse ad superiorem: non quia sit iniusta, suppono enim iustam, & validam esse legem, sed quia onerosa sit; hæc enim ratio sufficit ad interponendam appellationem, quia est causa rationabilis: à lege autem supremi Principis appellari nullo modo potest; quia appellatio debet esse ab inferiore ad superiorem, quia habet effectum deuolutiuum, & suspensiuum: at poterit supplicari à lege, hoc est, rogare legislatorem, vt legem tollat; in hoc enim nullum est inconueniens: & sic de facto vsus obtinuit, præcipuè in legibus Pontificiis, quæ quia feruntur pro toto orbe, & sæpè alicui prouinciæ, & regno disconuenientes sunt, neque talem disconuenientiam Pontifex agnouit, merito interponitur supplicatio. sic Castro lib. 1. de leg. penal. cap. 1. Panormit. & Felin. in cap. 1. de treuga, & pace. Suarez lib. 4. de legibus, cap. 16. à num. 6.

Ad quintum admittimus consuetudinem, & desuetudinem habere vim abrogandi legem, & impediendi eius efficaciam, si præscripta sit.

Ad vltimum desumptum ex l. de quibus, dico legibus non alia ratione nos firmiter teneri, nisi quia vsu receptæ sunt: absolutè autem ad earum obseruationem ex sola voluntate legislatoris tenemur.

14 Sed inquires primò, an facta supplicatione, vel appellatione ad Principem pro lege lata reuocanda, liceat subditis interim aduersus eam procedere, ac si lex lata non esset?

Respondet Suarez lib. 4. de legibus, cap. 16. num. 8. durante supplicatione nihil faciendum esse contra legem: quòd si id fieri non potest sine scandalo, vel graui rerum mutatione, ex benigna interpretatione Principis iudicandum est cessare legis obligationem. Et hic modus dicendi mihi probabilior apparet, quia supponimus legem tunc obligare, ac proinde subditos excusari non posse, nisi ex epiikeia, quia credunt legislatorem illum casum non comprehendere. Verùm Bonacina disp. 1. quest. 1. punct. 4. num. 41. Salonijs de contractib. tom. 2. de censibus, art. 3. disp. 4. conclus. vlt. Salas disp. 18. sect. 4. num. 21. Castro lib. 1. de leg. penal. cap. 1. Manuel Rodriguez tom. 4. qq. regul. q. 6. art. 7. non ita stricte loquuntur: affirmant namque, quoties populo est iusta, & ra-

tionabilis causa supplicandi pro legis reuocatione, interim posse agere, ac si lex posita non esset, quia sic videtur vsu receptum; & quia hoc est conueniens suauit Ecclesiæ, & reipublicæ gubernationi, ne scilicet subditi pro tunc legis onere premantur, donec legislator mentem suam magis explicuerit. Fateor hoc esse probabile, sed quod diximus probabilius, quia non est sufficiens ratio præsumendi legislatorem nolle obligare subditos, quando subditi habent rationabilem causam supplicandi pro reuocatione legis; stare enim optimè potest adesse causam sufficientem, vt petatur reuocatio, & adesse efficacior, vt non concedatur, quare certa legis obligatio ex dubia causa cessare non videtur.

15 Inquires secundò, an si Princeps audiat petitionem, & supplicationem communitatis pro reuocanda lege, & taceat, censetur legem reuocare?

Probabilius existimo reuocare, quia tenebatur legi insistere, & subditos ad illius obseruationem vigere, si animum habebat obligandi; cum igitur nihil horum faciat, censetur petitioni illorum annuere: & ita docet Bonacina disp. 1. de legibus, quest. 1. punct. 4. num. 43. Salas disp. 18. sect. 4. num. 21. Limitant tamen, nisi ex coniecturis colligeretur clarè, taciturnitatem Principis non ad tollendam legem dirigi; sed potius ad illam firmandam, eo quòd suauit, & benigno modo intendit subditos ad sui obseruationem pertrahere.

PUNCTUM XIV.

Vtrum lex civilis, & Ecclesiastica inducat obligationem in conscientia, & sub peccato.

- 1 Quæ probent non posse obligare in conscientia, & sub peccato.
- 2 Certa est sententia obligare sub peccato.
- 3 Satisfit argum. num. 1. adductis.
- 4 Ad omnem legem civilem, & canonicam hæc obligatio extenditur.
- 5 Proponuntur aliquot obiectiones.
- 6 Fui supradictis obiectionibus satis.
- 7 Sed quid dicendum de lege iniusta, explicatur, quoniam esse potest iniusta.
- 8 Si est iniusta ex parte rei præcepta nullam inducunt obligationem, quia non est lex.
- 9 Idem iuris est de legibus latis à carente potestate.
- 10 Quid dicendum de tyranni legibus.
- 11 Examinatur, an peccet tyrannus condens legem, & ferens sententiam.
- 12 Cessat obligatio legis, si ex parte subditorum sit iniusta; & lex fundata in presumptione non obligat.
- 13 Secus dicendum, si non in presumptione facti, & delicti, sed in periculo illius fundetur, quia tunc obligat.
- 14 Quid dicendum de lege inaequaliter subditos grauante.

DE lege diuina, & naturali nullus dubitat. De lege humana tam Ecclesiastica, quàm civili ausus est Gerson 3. part. tract. de vita spirituali, lect. 4. alphab. 62. affirmare non obligare ex se, & in foro conscientie, sed quatenus solum declarat legem diuinam. Idem sensit Almain. de lege civili, lib. de potest. Ecclesia, cap. 12.

Moueri possunt primò ex illo Pauli ad Timoth. 1. Iusto non est lex posita. Ergo his, qui iustitiam per Baptismum adepti sunt, lex imponi non potest in conscientia obligans. Similis locus est ille ad Galat. 5. Si spiritu ducimini, non estis sub lege. Ergo lege arctari non possunt, qui spiritu ducuntur. Secundò omne peccatum definitur Augustinus esse dictum, factum, vel concupitum contra legem Dei. Ergo non contra legem hominum. Tertiò propter peccatum mortale est pœna inferni constituta; sed homo non potest talem pœnam imponere.

nere. Ergo non potest sub illa pœna obligare. Ergo non potest obligare sub peccato. Quartò lex humana præcipue ciuili solum respicit bonum commune politicum reipublicæ: sed ad hunc finem non videtur necessaria obligatio conscientie, quæ est interior, & bonum cuiusque proprium. Ergo. Quintò homo non potest cognoscere ea, quæ in conscientia alterius geruntur, cum scilicet ex perfecta scientia, & ex perfecta libertate procedat, quia solum videt ea, quæ patent: Deus autem intuetur cor. Ergo non poterit illum in conscientia obligare.

2 Nihilominus certa sententia est, tam legem Ecclesiasticam, quam ciuilem habere vim, & efficaciam obligandi subditos in conscientia; ita ut transgressores illarum peccent mortaliter: sic omnes expositores cum D. Thom. 1. 2. *quest.* 96. *artic.* 4. Castro *lib.* 1. *de leg. pœn.* *cap.* 4. & 5. Nauarr. *summ.* *cap.* 23. *num.* 54. Suar. *lib.* 3. *cap.* 21. *num.* 6. & *lib.* 4. *cap.* 17. Azor. *tom.* 1. *lib.* 5. *cap.* 6. *q.* 1. 2. & 3. Salas *disput.* 10. *de legib. sect.* 1. *num.* 6. Bonacina *disput.* 1. *quest.* 1. *p.* 7. *num.* 1. Valq. 1. 2. *disput.* 158. *cap.* 2. & 4. Sayrus *lib.* 3. *cap.* 4. & 7. Valent. *tom.* 2. *disput.* 7. *quest.* 5. *p.* 6. Reginald. *summ.* *lib.* 13. *num.* 174. Molina alius referens de Hispanorum primogeniis *lib.* 2. *cap.* 1. *num.* 7. *fol. mibi* 202. & alibi plures ab eisdem relati: & videtur conclusio definita a Paulo ad Rom. 13. *Omnis anima potestribus sublimioribus subdita sit*; & taliter subdita est, ut si potestati resistat, Dei ordinationi resistit: sed qui Dei ordinationi resistit, peccat, & sibi damnationem acquirit, ut ipsemet Paulus dicit. Ergo qui resistit potestati, peccat, & damnationem acquirit. Item qui non audit Ecclesiam, reputatur ut ethnicus, & publicanus, *Matth.* 18. Ergo committit peccatum.

Ratio autem præcipua est, quia quicumque legislator humanus, etsi à republica accepit potestatem regendi ipsam, à Deo illam immediatè accepit, posita electione reipublicæ, iuxta illud Prouerb. 8. *Per me Reges regnant, & conditores legum iusta decernunt.* & Sap. 6. *Audite Reges: quoniam data est à Domino potestas vobis.* Ergo cum imperant, nomine Dei imperant. Ergo contententes eorum mandata, Dei mandata spernunt. iuxta illud Lucæ 10. *Qui vos audit, me audit, & qui vos spernit, me spernit.* Quocirca eo ipso, quod legislator humanus legem imponit, Deus obligat illam seruare, & pœnam æternam transgressoribus constituit, quia nomine ipsius, & per potestatem ab ipso Deo acceptam legem imponit. Dices, ergo transgressor legis humanæ non est reus ei ipsæ, quatenus legem humanam violat, sed quatenus violat legem diuinam ibi inclusam. Neganda est consequentia, quia lex Dei de seruanda lege humana, non adesset, nisi humana poneretur. Quapropter intelligi non potest peccare contra hanc legem diuinam, nisi humanam violando, ac proinde vtramque legem inseparabiliter violat. Adde, posse legislatorem obligare suis legibus in conscientia, est maximè necessarium gubernationi reipublicæ, & bonis moribus subditorum, qui si hanc obligationem in conscientia habere non possunt, sed solum timore pœnæ, debent duci ad legem seruandam, nullam legem perfectè seruarent, solum enim obseruationi illius attenderent, quando viderent esse iudicibus manifestandos, & pœnam illis esse imponendam. Quod esset aperire viam hypocrisis, & simulationi.

3 Ex his facile est respondere argumentis, pro sententia Gerson.

Ad locum Pauli, *Iusto non est lex posita*; respondeo primò cum D. Thom. in illum locum, non esse impositam legem, tanquam onus; quia illæ non grauantur: habitus enim illorum interior ad seruandam legem inclinatur; ideòque ipsi sibi sunt lex. Secundò respondeo non esse impositam iusto legem pro ipso iusto, sed pro iniustis, quasi diceret Paulus: Si omnes essent iusti, nulla

necessitas esset imponendi legem, quia ipsi sibi essent lex. Imponitur lex ad coercendos malos: at semel posita omnes tam iustos, quam iniustos alligat. Tertiò iusto non est posita lex; ut sub illa tanquam sub pædago contineatur, siquidem spiritu charitatis in bonum dirigitur, & à malo arcetur. Eodem ferè modo respondere possumus ad locum illum, *Si spiritu ducimini, non estis sub lege.* Id est, non estis sub lege, tanquam sub onere: neque legis pœna vos urget, aut premit, cum spiritu charitatis ducamini. Hieronymus verò explicat: Si spiritu ducimini, hoc est, si spiritu Christi induti estis; non estis sub lege antiqua, sed liberi estis à iugo legalium caeremoniarum. D. Thom. dicit: Si spiritu ducimini, non estis sub lege, id est, non estis contrarii legi.

Ad secundum admitto omne peccatum esse contra legem Dei, sed non inde inferitur non esse contra legem hominum, cum illa quæ sunt contra humanam legem, necessariò sunt contra legem diuinam.

Ad tertium concedo non posse hominem sub pœna inferni directè obligare, ut seruentur eius mandata, potest autem obligare indirectè, quatenus cum eius obligatione coniuncta est obligatio legis æternæ de seruandis mandatis humanis sub pœna inferni: quod apposito exemplo explicat Suar. *illo cap.* 21. *num.* 3. potest enim Princeps aliquam pœnam sibi propriam, & seruaturam suæ iurisdictioni, assignare transgredientibus leges suorum gubernatorum, tunc enim gubernatores obligare non possent directè ad seruandas suas leges, sub pœna illa à Principe assignata, quia illam imponere non possunt: at obligant indirectè, siquidem ex eorum obligatione, sequitur obligatio, quam Princeps imponit, & pœna, quam transgressoribus impositurus est.

Ad quartum nego, necessariam non esse hanc obligationem in conscientia ad bonum commune, cum in bonitate morali, bonum commune politicum fundari debeat.

Ad quintum neganda est consequentia; benè enim potest homo hominem obligare in conscientia ad actus externos, etiam si ea, quæ in conscientia geruntur, non agnoscat, quia non obligat per se ad ea, quæ in conscientia fiunt, sed ad ea, quæ exterius procedunt.

4 Sed inquires, an hæc obligatio ad omnem legem extendenda sit?

Respondeo ex recepta omnium Theologorum, & Iuristarum sententia, cum D. Thom. 1. 2. *quest.* 92. *art.* 2. *ad 1.* & *quest.* 93. *art.* 2. & in *cap. omnis, dist.* 3. & in *l. legis virtus, ff. de legibus*, nullam legem esse posse, quæ vim obligandi non habeat: nam si lex est vera, iusta, & rationabilis, à superiore procedit, quatenus superior est, & quatenus potestatem habet, & cum intentione obligandi. Ergo de facto obligat. Nequit ergo intelligi præceptum impositum esse subditis, & subditi obligati non esse parere; quia, ut superiori puncto diximus, ex lege diuina, & naturali talibus præceptis obediendum est.

5 Verùm ut hæc doctrina clariùs innotescat, placet aliqua aduersus illam proponere. Et quidem plures in iure videntur esse leges, nullam obligationem inducentes. Primò lex est iure gentium statuta, homines in bello captos reducere in seruitutem, bella mouere aduersus occupantes terras nostras: quæ tamen neminem videntur obligare; nemo enim cogitur captiuos in seruitutem redigere, neque bella, aduersus occupantes iniuste eius bona, mouere. Secundò plures sunt leges permittentes aliqua mala in republica, ut maiora vitentur, ut constat ex *cap. omnis, dist.* 3. iuncta glossa. Aliæ item leges bona permittunt, non tamen obligant; permittuntur enim secundæ nuptiæ: nemo tamen ad illas obligatur. Tertiò priuilegium est lex priuata, *cap. priuilegium, dist.* 3. & tamen non adstringit priuilegiatum ad eius

eius vsum, siquidem potest ei renunciare: *cap. cum ad monasterium, de regularib.* Quartò leges pœnales verè leges sunt, & tamen non obligantur subditi ex illis, ad summum enim obligantur ad sustinendas pœnas, si imponantur. Quintò constitutiones plurium religionum, leges sunt, & tamen ad nullam culpam obligant; imò, neque etiam videntur obligare posse ad sustinendam pœnam: nam pœna nunquam potest imponi, nisi pro culpa. Sextò consilium inter leges enumeratur, ex *legis virtus, ff. de legibus*, & tradunt ibi communiter Doctores, & tamen consilium non obligat. Septimò lex fundata in præsumptione, vera lex est, & tamen non obligat in conscientia, vt est communis Doctorum sententia. Octauò obligatio legis à legislatore pender. Ergo potest ipse pro voluntate sua limitare obligationem. Ergo poterit omnino tollere, & solum ad subiectionem pœnæ obligare. Ergo non est de ratione cuiuslibet legis hanc obligationem inducere. Vltimò sanctiones plurium religionum ad nullam culpam obligant, & tamen leges sunt. Ergo.

6 Facilis est horum solutio.

Ad primum dico, posse homines in bello iusto captos redigi in seruitutem, legem propriè non esse, sed facultatem vtilè concessam, bellanti iustè; ideoque huic facultati renunciare optimè potest. At quia ad huiusmodi facultatem iure ipso sequitur obligatio in omnibus aliis, ne sic vincentem, & captorem in seruitutem victos redigentem perturbent, ideo respectu illorum lex propriè est, & dici potest.

Ad secundum & tertium eodem modo responderetur, permissionem, & priuilegium quatenus particulari personæ concessum, seu quatenus permissio, & priuilegium est, non esse propriè legem: at esse legem, quod ex illis proximè, & immediatè consequitur, consequitur enim in omnibus subditis illius, qui permissionem, vel priuilegium concessit, obligatio non perturbandi vtem permissione, vel priuilegio.

Ad quartum & quintum concedo, leges purè pœnales esse veras leges, etiam si non obligent in conscientia ad actum immediatum, ratione cuius pœna imponitur; sufficit enim, si ex illis obligentur iudices ad pœnas imponendas, vel subditi ad solvendas pœnas supposita legis transgressionem, vel ad sustinendas pœnas casu, quo imponantur à iudicibus; hoc enim vltimum ad minus est necessarium; quia aliàs non poterit superior efficaciter subditum punire, si subditus obligatione cateat sustinendi pœnam, seu non resistendi: cum verò dicitur non posse esse obligationem sustinendi pœnam, nisi præcedat culpa; respondeo, nisi præcedat culpa quoad Deum, nego: sufficit, si præcedat culpa, quoad homines, & in foro illorum.

Ad sextum consilium latè dici legem, non propriè, habet enim cum lege quandam similitudinem, quia dirigit, & docet, quod faciendum sit.

Ad septimum dico legem fundatam in præsumptione facti, seu delicti esse veram legem, si præsumptio cum veritate conueniat: secus verò, si à veritate discorder; tunc enim non erit vera lex, sed præsumpta, & ideo tunc solum præsumptiuè erit quis lege obligatus, non propriè.

Ad octauum concedo posse legislatorem limitare pro sua voluntate obligationem legis, vt diximus in superiore tractatu de peccatis, *disput. 2.* & obligare ad culpam venialem in materia graui: at tollere omnimodam obligationem perseverante lege, esse impossibile, quia si perseverat lex, perseverare debet præceptum, & obligatio, quæ de ratione illius est; si verò solum ad pœnam sustinendam obligat, non verò ad actum immediatè præceptum, solum erit lex propriè quoad pœnam, & vocabitur lex purè pœnalis.

Ad vltimum concedo esse constitutiones plurium

religionum ad nullam culpam ex se obligantes; quia ita voluerunt illarum religionum fundatores: & leges humanæ pro voluntate legislatorum obligant; unde si legislator non intendit in conscientia obligare, nullam in conscientia obligationem inducere potest; & ita sancitum est in constitutionibus nostræ Societatis 6. p. c. 5. & de regulis Ordinis Prædicatorum docet D. Thomas 2. 2. *quest. 186. art. 9. ad 1.* & ibi Caietan. *circa solut. ad 1. dub. 1.* Sylvest. *verbo religio, 1. quest. 12. dicto 1.* & de constitutionibus ordinis D. Francisci idem Sylvest. *quest. 13.* Corduba in *reg. D. Francisci. cap. 10. quest. 3.* Passarellus in *primil. minist. cap. 25.* & generaliter de his omnibus docuit Thomas Sanchez plures referens *lib. 6. in Decalog. cap. 4. num. 11.* Suarez *lib. 3. de legib. cap. 22. num. 5.* Vasquez *disput. 158. cap. 3. num. 15.* Bonacina *disput. 1. quest. 1. punct. 7. §. 2. num. 5.* An verò dicendæ sint hæ constitutiones leges, aut consilia, questio est levis momenti: placet tamen mihi modus dicendi Thom. Sanchez, & Suarez. Bonacina *suprà*, neque esse leges propriè, neque propriè consilia: assimilari tamen legibus, ac proinde leges esse dicendas. Non sunt leges propriè, quia non ligant, cum de ratione legis sit vinculum, & obligatio: vt latè probat Suarez *lib. 3. cap. 20. à num. 3.* Neque propriè consilia, quia etsi de rebus ad perfectionem pertinentibus sint, imperatiuo modo procedunt, & à superiore habente auctoritatem condendi veras leges, & præcepta, & ad bonum commune ordinantur: insuperque transgredientibus illas constitutiones imponitur pœna. quæ omnia sunt aliena à consilio, & affinia legi: eaque de causa leges dici debent, seu, vt placet Bonacina, dicuntur regulæ, seu ordinationes, quæ ordinant, & dirigunt ad bonum, ostendendo, quid faciendum sit, quid vitandum.

7 Sed quid dicendum de lege iniusta, an obliget in conscientia?

Tripliciter lex, seu præceptum iniustum esse potest. Primò ex parte rei præceptæ. Secundò ex parte legislatoris. Tertiò ex parte subditorum. Ex parte rei præceptæ est iniusta lex, si rem contrariam bonis moribus, vel contrariam bono communi imperet. Ex parte legislatoris est iniusta, si potestatem non habeat ferendi illam. Ex parte subditorum potest esse lex iniusta, si deficiat fundamentum, & ratio, ob quam lex, & præceptum illis imponitur.

8 Dico ergo primò, si lex sit iniusta ex parte rei præceptæ, quia præcipit rem bonis moribus contrariam, clarum est non obligare, quia esset obligatio ad peccatum. Item lex humana est participatio legis naturalis, & diuinæ: non ergo potest esse illi contraria. quòd si aliquando aduersetur, ea in parte non est lex, neque illi est obediendum: quia *præstat magis obedire Deo, quam hominibus*, Actorum 4. Quòd si bono communi reipublicæ aduersetur, etiam si quod præcipit malum in se non sit, non est illi obediendum, quia non est lex. Legislator enim quicumque sit, non habet potestatem condendi leges, nisi quatenus reipublicæ vtilis sunt: nam si legislator sit Ecclesiasticus, non est illi data potestas à Christo Domino, in destructionem Ecclesiæ, sed in eius ædificationem; si verò sit legislator civilis, cum à republica acceperit potestatem, non potest dici in destructionem ipsius reipublicæ accepisse, sed potius in illius ædificationem, & commodum: sic omnes Doctores.

9 Dico secundò, si lex iniusta sit ex defectu potestatis in legislatore, certum est non obligare, quia deficit fundamentum legis, debet enim procedere à superiore, qui verè superior sit, vel taliter existimetur.

10 Hinc oritur non levis difficultas, an legibus talis à tyranno obediendum sit? Videtur enim illis non esse obediendum, quia caret potestate leges ferendi: neque verè superior est, neque talis existimatur; supponimus enim

enim tyrannicè regnum usurpasse, ac proinde iurisdictionem. Item non adest communis error populi cum titulo colorato; sed potius adest communis omnium cognitio de usurpatione iniusta iudicij.

Nihilominus dicendum est legibus latis à Rege tyranno, dum pacificè possidet regnum, neque à republica expellitur, obediendum esse. sic Salas alios referens *disp. o. sect. 1. num. 14. Lessius lib. 2. de iust. cap. 29. dub. 9. num. 70. Bonacina de iust. lib. 1. quest. 1. p. 7. §. 3. num. 12.* Ratio præcipua est, quia in præsumendum est rempublicam dare tyranno potentia cum leges, & sententias ferendi, dum potestate caret expellendi illum à regno, ne incommoda multiplicentur, & omnia sint confusione, & perturbatione plena: & ita dicendum est esse superiorem, dum occupat regnum, & habere potestatem, quæ necessaria à republica indicatur ad rectam sui gubernationem; in hac enim concessione respicit respublica utilitatem propriam, non tyranni.

11 Dices. Ergo tyrannus ferendo leges, & sententias non peccat; si quidem videtur facultate sibi data. Consequens videtur falsum, quia illa facultas non est data à republica voluntariè, sed quasi coactè, & ad redimendam vexationem. Ergo usus illius est tyranno illicitus, sicut usus pecuniæ est illicitus usurario. Item, quia utendo illa facultate, se quasi firmat in regno, & potestate usurpata. Huic objectioni respondet Lessius *lib. 2. de iust. cap. 29. dub. 9. num. 7. & Suarez lib. 3. de legib. cap. 10. num. 9.* peccare quidem tyrannum leges, & sententias ferentem ob rationem dictam, etsi magis peccaret, si sententias, & iudicia non ferret: ob quam rationem licitum est subditis (inquit Lessius) petere à tyranno leges, quibus gubernentur, & sententias, quibus in pace custodiantur; quia petunt ab illo non absolute, sed ex suppositione, quod velit in regno persistere, quod est petere, & consulere minus malum.

Verum mihi dicendum videtur probabilius cum Bonacina, & Salas *suprà.* tyrannum non peccare in sententia ferenda, & legibus condendis, supposito, quod velit in usurpatione regni persistere. Tum quia posita illa voluntate obligatur ius petentibus dicere. Ergo non peccat dicendo: tum etiam, quia si ipse peccaret, facta illa suppositione, quod velit in regno persistere, peccarent subditi petendo, quia licet minus malum esset, est tamen malum: at nemini licet malum, ut malum petere. Neque verum est talem potestatem inuoluntariè à republica esse datam: nam supposita violenta occupatione regni, non inuoluntariè, sed nimis voluntariè, & liberè habuit facultatem ferendi leges, & sententias; quia hoc non est in bonum ipsius tyranni, sed rei publicæ; scus verò & de pecunia data usurario, cuius datio immediate est inuoluntaria, quia non cedit in utilitatem dantis, sed recipientis.

12 Dico tertio, si ex parte subditorum cesset fundamentum, & ratio imponendi eis legem, & præcepta, cessat illorum obligatio, hac enim de causa lex, quæ fundatur in præsumptione, non obligat, si veritas præsumptioni non conveniat. sic Nauarr. *cap. 17. num. 284. & cap. 23. num. 62. Covarruv. cap. cum esses, de testament. num. 9. & in epitome decret. 1. p. cap. 4. §. 1. num. 9.* Suarez plures referens *lib. 3. de legib. cap. 23. num. 1. & lib. 5. cap. 24.* Sayrus *clavi regia lib. 3. cap. 7. num. 8.* Valquez *1. 2. disp. 163. cap. 2. & 3.* Salas *de legib. disp. 10. sect. 4. & disp. 16. sect. 7. num. 14. & 15. & seqq.* Bonacina *disp. 1. quest. 1. p. 7. §. 3. num. 1. & 6.* Basil. de Leon *lib. 5. de matrim. cap. 5. num. 6.* Manuel Rodr. *tom. 1. regular. qq. quest. 67. art. 3. & seqq.* Verum, ut hæc conclusio, & doctrina communis rectè intelligatur, supponendum est cum supradictis Doëtoribus, Salas, Bonacina, Suarez, & Valquez, Basilio *suprà.* duplicem esse præsumptionem, aliam, quæ fundatur in aliquo facto, seu delicto; aliam, quæ fundatur in periculo illius, seu, ut alij vocant, alia

est præsumptio iuris de quolibet casu singulari; alia de communiter in illo contingente. Quando ergo lex, seu præceptum fertur ob præsumptionem alicuius facti, seu delicti, seu propriè ob præsumptionem iuris de aliquo singulari casu: tunc si præsumptio veritati non conveniat, cessat obligatio legis, & in hoc sensu est vera communis sententia affirmans esse legem iniustam, & deobligantem, quæ in præsumptione fundatur. Et ratio est manifesta, quia tunc cessat adequatus finis legis, & præcepti, & consequenter debet ipsa lex cessare. Quare si superior iniustat in lege ferenda, quia veritatem ignorat, subditus deobligatus erit obedire, quia solum in præsumptione est lex, non in veritate. Explico aliquibus exemplis. Primò, contraxisti matrimonium impedimento dirimente, cogere excommunicatione reddere debitum vxori petenti, non teneris, imò nec potes obedire, ex *cap. tua nos. cap. is qui, de sponsalibus, & cap. inquisitioni, de sententia excommunicat.* Secundò, si per falsos testes conuincaris esse Petri debitorem, & compellaris soluere, non teneris; quia tota ratio præcepti, & obligationis tibi impositæ, est, quia præsumit legislator te debitorem esse; sed tu verè debitor non es. Ergo corrumpit tota ratio obligationis, & ita tenet Sanchez *lib. 4. in Decal. cap. 15.* Nauarr. *cap. 17. num. 283.* Valent. *tom. 2. disp. 7. quest. 5. p. 6.* Salas *de legib. disp. 10. sect. 4.* Quocirca si de facto soluas, poteris uti occultata compensatione, quia iniuria tibi est illata in re, etsi in foro externo non præsumatur. Habes ergo ius quoad possis, illum repellendi. & ita docet Azor *1. part. lib. 5. cap. 6. quest. 4.* Valquez *tom. 2. disp. 163. cap. 2. & 3.* Sayrus *in clavi regia lib. 3. cap. 7. num. 8.* Suarez *de legib. lib. 3. c. 23. & lib. 5. cap. 10. num. 3.* Bonacina *disp. 1. de legib. quest. 1. p. 7. §. 3. num. 1. fine, & num. 6.* Nauarr. Valent. Sanchez, & Salas *suprà.* Tertio, si priuatus es officiis, inuneribusve honorificis, eo quod descendas à patre condemnato, & criminoso, quia ipse timore tormentorum tibi crimen imposuit, vel per falsos testes sic probatum fuit: si tibi constat veritas in contrarium, poteris in foro conscientie uti officiis, & muneribus, quia non teneris illi sententiæ, ut potè fundatæ in falsa præsumptione delicti obedire. sic Basilus de Leon *suprà. n. 10.* Manuel Rodr. *tom. 1. regular. qq. quest. 67. art. 3. vers. ex dictis.*

Sed obicies, legislator iuste procedit, quia procedit secundum allegata, & probata. Ergo eius sententia legitima est. Ergo teneris obedire. Ergo soluere. Ergo non poteris uti occultata compensatione. Item ratio præcipiendi non est debitum à parte rei, sed in existimatione iudicis, & probatione legitimè facta: hæc autem ratio semper perseverat. Ergo semper perseverat finis, & ratio præcepti. Ergo obligat præceptum. Deinde si excusaris à solutione ob iniustam in re sententiam. Ergo non poteris soluere spontè, nisi velis donare, quia cooperareris peccato alterius.

Respondeo legislatorem iuste procedere quoad se, & secundum suam conscientiam, non tamen quoad rem ipsam, cæque de causa non teneris obedire. Ad confirmationem dico aliam esse rationem finalem præcipiendi aliam occasionem imponendi præceptum: præsumptio, & probatio legitima occasio est, qua mouetur legislator ad imponendum præceptum. At ratio finalis, seu finis ipsius præcepti, quique intenditur obtineri, est satisfactio partis, & cum hæc non sit, quia nihil debetur, efficitur finalem rationem præcipiendi in illo casu omnino cessare. Ad aliam confirmationem respondeo te non cooperari peccato, etsi non animo donandi soluas, sed potius recuperandi sic solutum, quia illa solutio de se non est mala: sicuti non est mala solutio usurarium, etsi acceptio sit iniqua. Habes tamen sufficientem causam efficiendi illam actionem, cui acceptio iniqua coniungitur, nempe ad redimendam tuam vexationem, ne amplius non obediendo graueris. Item ad vitandum

scanda

scandalum, quod ferè semper oritur ex inobedientia sententiæ in foro externo legitimæ: & ita docet Bonacina, Salas, & Sayrus *supra*. Tertium exemplum sit. Constitutus fuisti hæres Ioannis, non fecisti inuentarium, ob cuius causam condemnaris soluere debita Ioannis, quæ tamen debita excedunt hæreditatem, non teneris secundum satis probabilem sententiam soluere; quia talis sententia, & præceptum fundatur in præsumptione delicti committi, scilicet te occultare bona Ioannis, hæreditatemque sufficientem esse ad omnia debita soluenda: & ita docet Suarez *lib. 3. de legib. cap. 23. num. 9.* Sayrus *lib. 3. cap. 7. n. 8.* Syluest. *verbo lex, quest. 9.* Bonacina *disp. 1. q. 1. p. 7. §. 3. n. 8.*

13 Verum si lex, & præceptum non in præsumptione facti, & delicti, sed in periculo illius fundatur, quantumvis in aliquo casu speciali cesset, quia non cessat generaliter, & absolute, ea de causa non cessat lex, & præceptum; hac enim de causa contractus minoris, & pupilli sine autoritate tutoris, & aliis conditionibus requisitis, donatio vxoris facta marito, obligatio dotis, renuntiatio illius, aut legitimæ, confectio testamenti, electio, & alia plura sine solemnitate irritantur, quia talem contractum sine solemnitate iudicatur habere periculum fraudis, & ob tale periculum annullatur; & licet in aliquo casu periculum non habeat, quia tamen ex natura rei illud habet, ea de causa à iure irritatur. Quocirca matrimonium clandestinum, alienatio bonorum Ecclesiæ, sine solemnitate à iure requisita, inualida sunt, quia in modo illo contrahendi præsumitur, seu potius iudicatur periculum adesse fraudis: esto in hoc, vel illo casu nullum sit; semper enim verum est dicere talem contractum sic factum periculosum esse: ita latè explicat Suarez, Salas, Bonacina, Basilii de Leon, & alij *supra*.

Ex hac conclusione colligit Basilii de Leon *n. 11.* religiosorum præcepta prohibentia in virtute obedientiæ ingressum in cellas ob aliqua incommoda euitanda, obligare etiam in casu, in quo aliquis certò sciat non adesse ibi periculum, ratione cuius præceptum impositum fuit, quia esto non adsit periculum in illo casu, adest tamen generaliter, & in plurimum, & hoc sufficit, quia hæc fuit causa imponendi præceptum. Item tenet Manuel Rodriguez *supra*, ex alia tamen ratione.

14 Rursus lex iniusta esse potest, quia inæqualiter subditos afficit, quod potest contingere in impositione tributorum, & vectigalium: si enim sine iusta, & rationabili causa alij præ aliis grauentur, poterunt illa in parte ab obseruatione legis excusari, quia lex debet esse æqualis, & legislator non debet committere in illa ferenda vitium acceptionis personarum. Dixi, *sine rationabili causa*: nam sæpè alij præ aliis grauantur in tributis, rationabili, & legitima causa intercedente: plebei enim, & rurales potius, quàm nobiles, mercatores potius, quàm equites, diuites potius, quàm pauperes. Quare non facillè iudicandum est, legitimam, & rationabilem causam non adesse, & in casu dubio semper ita præsumi debet. Aduerto item tributum posse ex parte iustum esse, & ex parte iniustum: & tunc lex soluendi illud non erit absolute iniusta, sed solum ex parte, quia vtile per inutile non vitiatur. & tradit Suarez *lib. 1. de legibus, cap. 9. num. 26.* Bonacina *disp. 1. de legibus, quest. 1. punct. 7. §. 3. num. 2.*

& latius dicendum est in
disputatione de
vectigal.

Ferd. de Castro Sum. Mor. Pars I.

Vnde colligendum est legem ciuilem, & canonicam obligare in conscientia ad actum, cui est pœna imposita, vel solum obligare ad sustinendam pœnam, si imponatur.

- 1 Explicatur distinctio pœne spiritualis, & temporalis.
- 2 Excommunicatio minor solum est signum obligationis ad veniale, excommunicatio maior semper ad mortale.
- 3 Excommunicatio ferenda non videtur sufficiens signum mortalis obligationis.
- 4 Idem quod dictum est de excommunicatione, dicendum est de suspensione, interdicto, & irregularitate pœnali.
- 5 Idem iuris est de pœna depositionis, degradationis, & priuationis beneficii.
- 6 De lege temporalem pœnam imponente non obligare ad culpam, qui defendant, & quomodo probent.
- 7 Proponitur sententia affirmans ad culpam obligare.
- 8 Distinctione apposita resoluitur questio de lege lata sub verbis præceptiuis.
- 9 Si superior declaras se nolle ad culpam obligare, non obligat lex, tamen si præceptiuis verbis apponatur.
- 10 Si verba legis indifferentia sunt, probabilius est ad culpam non obligare. Excipe nisi de consuetudine, & vsu aliter fuerit declaratum.
- 11 Ex grauiate pœna temporalis plures Doctores censent sumi sufficiens indicium obligationis ad mortale.
- 12 Contrarium probabilius videtur.
- 13 Proponitur aduersus hanc doctrinam quadam obiectio, & soluitur.
- 14 Satisfit argum. num. 6. & 7. adductis.

1 **N**on leuis est difficultas cognoscendi, quando lex ciuilis, & canonica obliget subditos ad actum immediatè intentum, vel quando solum obliget ad sustinendam pœnam casu, quo legem illam transgrediantur. Nam esto legislator obligare posset subditos ad actum, cui pœnam imponit, tamen sæpè contentus est impositione pœnæ absque alia obligatione. Quæritur ergo vnde hoc sit cognoscendum.

2 Pro quo supponendum est alias esse pœnas spirituales, alias temporales: spirituales voco, excommunicationem, suspensionem, interdictum, irregularitatem, depositionem, & similes. Temporales, priuationem pecuniæ, exilium, infamiam, mortem, &c.

Si de pœnis spiritualibus loquamur, cum distinctione est procedendum, quia non omnes pœnæ vniformes sunt: si pœna sit excommunicatio minor, non est sufficiens signum condemnandi transgressorem legis ad culpam grauem; bene tamen ad venialem, quia excommunicatio minor solet ob culpam venialem contrahi, etsi aliquando ob mortalem contrahatur, vt in tractat. de excommunicatione latius est dicendum. sic Suarez *lib. 4. de legibus, cap. 18. num. 4.* & *lib. 5. cap. 3. num. 2.* Sanchez *lib. 6. in Decalog. cap. 4. num. 48.* Vasquez *1. 2. disp. 158. num. 40.* Si autem pœna spiritualis sit excommunicatio maior, & hæc sit ipso iure lata, absque dubio lex, cui hæc pœna est annexa, obligat sub mortali; & ita tradit Sanchez *lib. 6. cap. 4. num. 49.* Suarez *lib. 4. de legibus, cap. 18. num. 4.* & plures alij, quos refert, & sequitur Bonacina *disp. 1. quest. 1. punct. 7. §. 4. n. 30.* Salas *de legib. disp. 10. sect. 9.*

3 Quod si excommunicatio ferenda est, tunc plures Doctores affirmant, esse signum sufficiens transgressionis sub mortali. Et quidem si excommunicatio sine vlla alia monitione, & contumacia posset inferri, censco certissimum. At quia existimo, cum censura annexa non est peccato, indigere semper alia monitione, vt

M impo

imponatur: ea de causa non est sufficiens signum mortalis obligationis. sic Petrus de Soto *lect. 3. de excommunicatione*. §. primo igitur. Valent. 1. 2. *disput. 7. quest. 5. punct. 6. q. 3. in signo 4.* Driedo *lib. 2. de libertate Christiana, cap. 1. pan. ante 3. propositionem*. consentit ex parte Suarez *lib. 4. cap. 18. num. 18. sine*. ubi dicit, ex vi talis censuræ, non satis colligi legem obligare per se, sub mortali, inquam, regulariter loquendo: & nisi lex ipsa debeat, ut excommunicatione feratur, nulla alia monitione præmissa. Thomas Sanchez *supra num. 50.* etiam existimet excommunicationem ferendam esse signum sufficiens mortalis obligationis: temperat tamen *num. 51. & seq.* nisi ad terrorem excommunicationis appositum sit, & non animo statim illam sine ulla monitione inferendi; & ita passim fieri à iudicibus Ecclesiasticis credit; & generaliter quotiescumque ex consuetudine, vel ex usu, trina monitio requiritur, non est (inquit) sufficiens signum mortalis obligationis: consentit Castro *lib. 1. de lege pæn. c. 5. docum. 4.* Vasquez *disp. 158. cap. 5. n. 45.* Henriquez *lib. 13. de excomm. cap. 17. n. 2.*

Dices, posita monitione noua imponitur censura ob factum præteritum. Ergo factum ipsum peccatum erat mortale?

Respondeo non imponi præcisè ob factum præteritum, sed ob illud noua resistentia, & contumacia vestitum. Nam, ut optimè dicunt Vasquez, Suarez, & Sanchez *supra*, bene potest fieri mortale factum illud post monitionem Prælati, quod tamen antea non erat, quia resistere monitioni nouæ cedit in maiorem contemptum non solum legis, sed etiam superioris, ratione cuius causa talis excommunicationis completur.

4 Idem quod dictum est de excommunicatione, dicendum est de suspensione, & interdicto, & irregularitate pænali, quæ si absolute proferantur, & sint censure, ipso facto semper sunt signum mortalis obligationis, secus verò si ferendæ sint. sic Vasquez *cap. 5. num. 48. & seqq.* Thomas Sanchez *num. 54.* Suarez *num. 14.* Azor *tom. 1. institut. moralium, cap. 6. quest. 5.* Bonacina *disput. 1. quest. 1. punct. 7. §. 4. num. 30.* Salas *disp. 10. sect. 9. num. 54. & 62.* esto contrà teneat Nauarr. *cap. 23. n. 53.* eo quod suspensio, interdictum, & irregularitas imponantur aliquando absque culpa. Temperat autem Sanchez, & Suarez *supra*, nisi suspensio, & interdictum leuia essent, ut alicuius specialis actus ad breue tempus: tunc enim non esset indicium obligationis grauis, sicut dictum est de excommunicatione minori.

5 Pœna item depositionis, degradationis, & priuationis Ecclesiasticæ sepulturæ indicium sunt obligationis mortalis, quia sunt pœnæ grauissimæ nunquam impostæ, nisi ob grauem culpam: sic aliis relatis Sanchez *num. 55. & 56.* aduertit cum Vasquez *disp. 159. cap. 3. n. 22.* Azor *tom. 1. institut. moral. lib. 5. cap. 6. quest. 5.* supradicta procedere, etiam si verba legis indifferentia sint, ut statumus, ordinamus, &c. quia magnitudo pœnæ spiritualis indicat sufficienter esse in legislatore voluntatem obligandi ad actum immediate ordinatum, & cui pœnam imponit.

6 Maior autem difficultas est de legibus siue civilibus, siue canonicis imponentibus temporales pœnas: an, inquam, hæc leges obligent in conscientia transgressores ad actum immediate præceptum.

In qua re est prima sententia affirmans, nullam legem, siue civilem, siue canonicam, pœnam temporalem imponentem transgressoribus, obligare ad culpam mortalem, nisi id expresse sit legislator, quantumcunque per verba præceptiua procedat: sic Nauarr. late probans *summa. cap. 23. n. 55. & lib. 1. consil. cons. 3. de constitut. & adducit pro se Imol. & Felin. plures adducit Couarr. regul. peccatum. p. 2. §. 5. n. 2.* docet Menchaca *1. controu. cap. 29.* ubi dicit Principes seculares nec velle, nec posse suis legibus, & præceptis obligare ad pœnam æternam, seu

in conscientia, reputant valde probabile Valent. 1. 2. *disp. 7. q. 5. p. 6. post 6. signum, à vers. alterum signum.* & Salon 2. 2. *q. 77. ar. 1. controu. 7. §. hac opinio.* Limitat tamen, dummodo pœna grauis non sit, & Azor *tom. 1. institut. lib. 5. c. 6. q. 4. vers. qua verò*, ubi dicit non esse condemnandum, qui hanc sententiam amplecteretur. Item Bonacina *disput. 1. quest. 1. punct. 7. §. 2. num. 3.* reputat probabilem; siquidem contrariam solum dicit probabiliorē, & §. 1. num. 2. affirmat legem vetantem venationem, piscationem sine præiudicio proximi, delationem quorundam vestium, aut armorum nocturno tempore, ad culpam mortalem non obligare: & consentit Salas *disp. 10. sect. 9. num. 47. & disput. 15. sect. 1. num. 17. & seqq.* ubi etiam extendit ex aliorum doctrina ad venantes in nemoribus, vel fluminibus alienæ communitatis, vel priuatorum dominorum, etiam si prohibeatur venatio, & piscatio certis temporibus, vel instrumentis, quia multi pisces capiuntur, solum esse obligationem sub veniali: & idem est de lege, qua prohibentur merces à ciuitate extrahi, vel illuc in portum: & de lege registrandi, & alia similia. Mouentur variis rationibus. Primò, quia subditis non sunt vincula, & onera imponenda sine manifesta necessitate: atqui non videtur necessarium illos obligare ad culpam, si transgrediantur legem, cui pœna temporalis est imposita; sufficienter enim timore solius pœnæ, arcetur à transgressione. Ergo. Secundò ignorare non potest legislator huius opinionis probabilitatem. Ergo si illa non obstante, non exprimat se velle ad culpam obligare transgressores, censetur consentire illos deobligatos esse; ergo de facto deobligantur. Tertiò, consuetudo est optima legum interpret; sed Nauarr. testatur consuetudinem esse receptam has leges non obligare ad culpam, sed ad pœnam. Ergo. Quartò negare non possumus legislatorum posse pœnam æternam, & temporariam imponere; temporalem directe, æternam indirecte, imponendo, inquam, obligationem in conscientia ad actum immediate ordinatum, sed cum legem pœnalem statuit, solum pœnam temporalem exprimit, nihil curans de obligatione conscientia. Ergo obligatio in conscientia censetur exclusiua ex *cap. nonne, de presumptionib.* ubi qui vnum exprimit, & aliud tacet, censetur excludere quod tacet. Quintò generales legumlatores nihil curarunt de obligatione conscientia, & æterna pœna, quia illam non cognouerunt: sed eodem modo Principes Christiani has leges politicas promuntiant, Ecclesiastici verò cum possent pœnas spirituales apponere, & non apponant, nisi temporales, eadem via videntur procedere. Ergo nullæ leges obligant in conscientia. Tandem quia in dubio obligationis, & pœnarum mitior interpretatio facienda est.

7 Secunda sententia affirmat omnes leges pœnales, siue Ecclesiasticas, siue civiles obligare subditos ad culpam, & ad pœnam. ita Syluest. *verbo gabella, 3. q. 8. §. 22. & verbo inobedientia, sine.* & ibi Armilla *num. 1.* Azor *tom. 1. lib. 5. cap. 6. quest. 4.* Tolet. *de peccat. mort. cap. 20. num. 4.* Carbon *de legib. lib. 8. disput. 5. proposit. 6.* Ioan. Medina C. *de reitut. quest. 36. art. 6.* Arragon 2. 2. *quest. 62. art. 3. conclus. 1. ad 2.* Salon *quest. 77. art. 1. controuers. 7. paulo ante 1. conclus.* Manuel Rodriguez *tom. 1. quest. regul. quest. 6. art. 7.* & plures alij, quos referunt, & sequuntur Sanchez *lib. 6. in Decalog. cap. 4. num. 59.* Couarr. *regul. peccatum, 2. part. §. 5. num. 2. & 3.* Salas *disput. 10. sect. 5. & disput. 15. sect. 1.* Bonacina *disput. 1. de legibus, quest. 1. punct. 7. §. 2. num. 2.* Fundamentum huius sententia est, quia de natura legis, & præcepti est inducere obligationem. Ergo si leges pœnales, sunt verè leges, veram in conscientia obligationem inducunt. Ergo non solum obligant ad pœnam, sed ad culpam. Secundò omnis pœna est propter culpam, ut dixit D. Augustinus

1. *retiaft. cap. 9. ibi, Omnis pœna si iufta eft, peccati pœna eft, & fupplicium nominatur*, vt tradit D. Thomas 2. 2. *quæft. 108. artic. 4.* & colligitur ex *cap. 2. de conftitut. in 6. & cap. non afferamus, 24. quæft. 1.* Sed leges pœnales pœnam imponunt transgrefloribus illarum. Ergo fupponunt culpam. Et confirmo: transgrediens legem pœnalem inuincibili ignorantia non eft dignus pœna; fed hoc nulla alia ratione, nifi quia non committit culpam. Ergo neceffariò culpa debet præcedere, vt ei pœna à lege taxata imponi iufte poffit. Tertio legislator impofitione pœnæ intendit actum, cui pœnam annectit prohibere. Pœna enim imponitur ne actus aliquis fiat. Sed facere contra prohibitionem tacitam, vel expreffam fuperioris, eft culpa. Ergo. Quarto leges pœnales non procedunt vniuformiter; fed aliquando leues, aliquando graues pœnas transgrefloribus imponunt. Ergo fignum eft leuiorem, vel grauiorem culpam agnofcere.

8 In hac grauiffima quæftione cenfeo diftinctione vtendum efle. Dupliciter enim lex ferri poteft. Primò per verba præceptiua, feu præcepto æquipollentia. Secundò per verba indifferentia. Si lex fiue Ecclefiaftica, fiue ciuilis fit, feratur verbis præceptiuis. Exiftimo probabilius femper obligare ad culpam mortalem, fi materia grauis fit, & legislator aliud non expreffit. fic Suarez *lib. 5. de legibus, cap. 3. num. 6.* & testatur efle communem Theologorum, eamque latè probat Castro *lib. 1. de lege pœnali, cap. 8.* Driedo *lib. 2. de libertate Chriftiana, cap. 1. post fecundam propofitionem, & lib. 3. cap. 3. ad 5.* Sanchez *lib. 6. in Decalog. cap. 4. num. 60.* Valquez *diffut. 159. cap. 2. & 3.* Bonacina *diffut. 1. quæft. 1. punct. 7. §. 4. num. 3. 4. & 6.* Couarr. *regul. peccatum 2. p. §. 5. num. 4.* & à fortiori eam defendunt omnes Doctores pro fecunda fententia relati. Ratio eft, quia lex vtens verbis præceptiuis, fufficienter indicat voluntatem legislatoris efle imponere præceptum: fed pofito præcepto, neceffariò refultat obligatio in conscientia obediendi illi pro materiæ grauitate. Ergo. Confirmo primò, fi lex illa absque comminatione pœnæ promulgaretur verbis præceptiuis, obligaret in conscientia transgreflores, quia materia capax eft obligationis, vt fuppono, & verba obligationem significant: fed ex appofitione pœnæ diminui non poteft hæc obligatio, imò potius augetur, quia appofitio pœnæ contraria non eft obligationi in conscientia, neque indicat intentionem legislatoris efle tollere talem obligationem, imò potius declarat velle illam appofitione pœnæ munire, & roborare. Ergo. Confirmo fecundò assertionem duplici exemplo relato à Suarez *illo cap. 3. num. 9. & 10.* lege Ecclefiaftica imperatur clericis pensionariis fub obligatione reftituendi fructus, recitare quotidie officium paruum Beatæ Virginis; fed appofitio huius pœnæ non impedit conscientiæ obligationem, neque excufat culpam commiffam, omittendo officium. Ergo. Item ideo lex taxans pretia rerum, obligat in conscientia ad fui obferuationem, quantumcumque pœnam transgrefloribus imponat, quia conftituit medium in materia iuftitiæ, fed quælibet lex, eo ipfo, quo lex fit, & regula præceptiua alicuius actus virtutis, conftituit medium in illa materia. Ergo obligat in conscientia ad fui obferuationem.

9 Dixi in confectione, nifi legislator fuam intentionem declarauerit fe nolle ad culpam obligare; tunc enim erit verbis præceptiuis vtatur, præceptum non continebunt, quia præceptum, & lex propriè efle non poteft fine obligatione, vt dictum eft, & expreffè notat Sanchez *lib. 6. cap. 4. num. 70.* De præceptis impofitis per fuperiorem religioforum, quæ ad culpam non obligant, nifi eis addatur in virtute obedienciæ, vel Spiritus fancti, vel fub excommunicatione, vel fub in-

terminatione maledictionis æternæ, & fimilium.

10 Quòd fi lex pœnalis feratur per verba indifferentia, quæ præceptum fufficienter non indicant. Exiftimo probabilius, nullam inde in conscientia obligationem oriri, nifi confuetudine, & vfu declaratus fit in aliqua lege animus legislatoris intendentis ad culpam obligare: tenet expreffè Sanchez *suprà.* Bonacina *num. 4.* Azor *tom. 1. lib. 5. cap. 6. quæft. 5.* Suarez *lib. 5. cap. 4. num. 9.* qui dicunt in hoc cafu Nauarri fententiam efle intelligendam. Ratio præcipua eft, quia legislator potuit fufficienter intentionem fuam obligandi declarare. Ergo cum illam non declarauerit, præfumere debemus non habere talem intentionem, quia hæc præfumptio benignior eft, & fubditis fauorabilior. Aduerto tamen tunc legem propriè non ferri in actum immediatum, fed in pœnam; cum enim lex dicit: Ordinamus, ne aliquis è regno pecunias, vefteſ, & arma extrahat, fub illorum amiſſione: extractio armorum, pecuniarum, & veſtium non prohibetur, rigoroſo præcepto, & lege; fed transgreflores illius ſubduntur pœnæ infligendæ, taliter, quòd vi, & armis reſiſtere ei non poſſint.

Notanter appoſui, *nifi confuetudine, & vfu declaratum ſit animus legislatoris intendentis ad culpam obligare.* nam confuetudo eft optima legum interpres, l. *minimè, ff. de legibus, & cap. cum dilectum, de confuetudine.* ita tradit expreffè Suarez *num. 8.* Nauarri *cap. 23. num. 58. ſine.*

11 Alij præter confuetudinem, & vſum affirmant ex grauitate pœnæ ſumi ſufficiens indicium obligationis mortalis, dicunt enim: ſi lex pœnam mortis, mutilationis, exilij perpetui, flagellationis, infamiæ, carceris diuturni, & ſimilium inferat, obligare ſub mortali; quia hæc pœnæ iuſtæ debent efle, fed efle non poſſunt iuſtæ, nifi ob culpam grauem imponantur. Ergo. Et de pœna mortis docet Couarruias *regul. peccatum, 2. part. §. 5. num. 3.* Castro *lib. 1. de lege pœnali, cap. 5. document. 4.* Valquez *diffut. 159. cap. 3. num. 23.* Azor *lib. 5. cap. 6. quæft. 5.* Tolet. *ſumm. de peccat. mortali, cap. 20. num. 4.* Driedo *lib. 2. de libertate Chriftiana, cap. 1. poſt 2. propoſit.* Arragon *2. 2. quæſt. 62. art. 3. col. 7.* Bonacina *diffut. 1. quæſt. 1. punct. 7. §. 4. num. 26. & 27.* Thomas Sanchez plures alios referens *lib. 6. cap. 4. num. 64.* Suarez *lib. 5. cap. 4. num. 11.*

De pœna mutilationis alicuius membri idem tradunt ferè omnes Doctores; quia mutilatio eft mors inchoata, & pœna grauiffima. De pœna grauis infamiæ, flagellationis, trirremis, exilij perpetui, carceris ita diuturni, vt reputaretur perpetuus, amiſſionis bonorum, vel magnæ illius partis, non ita conſtat apud Doctores. An ſit indicium ſufficiens obligationis ſub mortali. Communior tamen ſententia affirmat, quia ſunt pœnæ grauiffimæ, quas pro culpa leui imponi iniquum eſſet. & ita docet alios referens Sanchez, Azor, Bonacina, Suarez, Castro *ſuprà.* Quòd ſi obſticias effraкторibus carceris cauſa fugandi, hæc pœnæ imponuntur, & tamen, vt eſt communior ſententia, culpam non committunt. Ergo non eſt ſignum ſufficiens culpæ mortalis impoſitio harum pœnarum: Reſpondet Suarez *ſuprà lib. 5. cap. 4. num. 11.* talem pœnam vel non efle nimis grauem reſpectu talis perſonæ, vel à republica iudicatam efle proportionatam ad coactionem neceſſariam pro tali prohibitione, & quaſi ad deſenſionem ſui iuris, & publicæ iuſtitie. Sanchez verò *lib. 6. cap. 4. n. 64.* reſpondet effraкторibus carceris hanc pœnam imponi, quia lex præſumit culpam, aut quia ſequitur opinionem affirmantem culpam committi in tali effractione.

12 Verùm, (ſi dicere licet, quod ſentio) probabilis exiſtimo nullam pœnam temporalem indicium efle ſufficiens obligationis mortalis ad actum, cui pœna imponitur,

nitur, docet, & latè probat Nauarr. *illo cap. 23. num. 57. & seqq.* Reginald. *lib. 15. num. 50.* Probo, quia potest optimè respublica transgressores suarum legum obligare ad pœnam sustinendam, quin obliget sub culpa mortali in actu immediatè ordinato. Quid enim vetat legem hoc modo statuere? Nam ad impositionem pœnæ quantumvis grauis videtur sufficere, si culpa politica, & ciuilis committatur, etiam si non committatur mortalis; custodibus enim murorum in bello lex imponi potest de vigilia sub pœna vitæ; quin ad vigilandum sub mortali obligentur: neque tunc priuatio vitæ est propriè pœna, sed damnum. Exemplum item de pœna imposita effractoribus carceris hanc partem videtur omnino confirmare: nam vel illa pœna flagellationis, & infamiae ob carceris effractionem imponitur à republica in defensionem sui iuris, & ne scilicet malefactores audeant illud violare, quin in violatione culpa mortalis committatur; sed eadem ratione dici potest de qualibet pœna imposita: imponi, inquam, à republica in defensionem sui iuris, ne scilicet subditi audeant illud violare. Ergo impositio pœnæ non arguit culpam. Si dicas cum Sanchez præsumi à republica culpam, sustineri non potest, quia aduersus communio-rem sententiam lex præsumere non potest, iniqua enim esset talis præsumptio. Neque stare potest legem præsumere culpam; & propter culpam, quam sentit committi in effractione carceris, imponere pœnam flagellationis, & infamiae: & esse communio-rem sententiam, & verio-rem, nullam culpam mortalem ibi committi. Quocirca Vasquez *disput. 159. cap. 3. de nulla alia pœna, nisi de pœna mortis, & membri mutilatione existimat esse iudicium sufficiens obligationis sub mortali.* Sed, ut bene dicit Nauarr. nihil speciale reperitur in pœna mortis, & mutilationis, ratione cuius culpam mortalem debeat necessariò præsupponere; & ita de omnibus est vni-formiter dicendum: consentit Philarchus *de officio Sacerdotis, tom. 1. p. 2. lib. 3. cap. 2. dicto 4. 13.* Sed obieci-tes, exponere se aliquem periculo mortis, vel mutilationis, est peccatum; sed tali periculo exponitur, qui transgreditur legem, cui est imposita hæc pœna. Ergo peccat.

Respondens primò cum Nauarr. negando transgressorem huius legis exponere se periculo mortis, quia potest ea circumspèctione transgredi legem, ut pœnam euitet. Secundò dico subire periculum mortis aliquando licere, si ex rationabili causa fiat; potest enim aliquis ob aliquam grauem necessitatem sui, vel alterius transgredi legem prohibentem sub pœna mortis, ne cibaria extrahantur è ciuitate, & tunc non peccare, etiam si periculo mortis se exponat. Addo tertio horum obligationem ex lege naturali prouenire, qua tenemur fugere periculum mortis non ex vi legis positivæ.

Ex his inferet aliquis vectigalia iusta non deberi in conscientia, si lex pœnam imponat non soluentibus; sic Nauarr. *cap. 23. num. 60.* & Angelus *verbo pedagium, num. 6.* & quidem si verbis præceptiuis immediatè directis ad solutionem vectigalium lex feratur, nullo modo sustinenda est talis sententia, quia est præceptum de re iusta, & debita Regi; si verò non per verba præceptiua, sed indifferentia statuantur, adhuc existimo esse soluenda non in vi legis humanæ, sed in vi legis naturalis determinatæ illa ordinatione, & decreto Principis; iure enim naturali tenentur subditi ad Principis sustentationem concurrere: quo autem modo debeant concurrere, assignat Princeps suo decreto. Facta ergo tali assignatione debentur illa vectigalia Principi, quia sunt eius, sicuti vendenti merces debetur pretium à lege taxatum. neque ipse potest extorquere maius, neque illi minus reddi, quin peccetur contra iusticiam, & aduersus legem naturalem prohi-

bentem alienum accipere: & ita tenet Sanchez *lib. 6. in Decal. cap. 4. num. 102.* Vasquez *disput. 159. cap. 2. num. 15.* Syluest. *verbo gabella, 3. quest. 8. num. 22.* Castro *lib. 1. de lege pœn. cap. 8.*

14 Restat satisfacere argumentis pro prima & secunda sententia, quatenus nostræ aduersantur.

Ad primum primæ sententiæ concedo non esse vincula subditis imponenda absque necessitate: at cum legislator verbis præceptiuis vtitur, iudicauit necessariò duplici vinculo subditum ad obseruationem legis alligare, & timore pœnæ, & horrore culpæ.

Ad secundum dico ex cognitione probabilitatis vtriusque opinionis non inferri subditos deobligatos, vel obligatos esse absolute, sed solum sub probabilitate, quam probabilitatem non intendit tollere legislator, sed illam immutatam relinquere.

Ad tertium fateor consuetudinem esse optimam legum interpretem: nego tamen esse talem consuetudinem in legibus latis verbo præceptiuo; siquidem eam Doctores non agnoscunt.

Ad quartum & quintum respondeo non esse necessariam in legislatore humano cognitionem pœnæ æternæ; quia non imponitur immediatè ab homine, sed à Deo propter transgressionem humani præcepti, & diuini in illo inclusi, ut in superiori puncto dictum est.

Ad vltimum concedo mitiorem interpretationem in dubio faciendam esse: at cum lex præceptiuis verbis procedit, excludit dubium obligationis, & illam pro certo constituit.

Argumenta verò secundæ sententiæ nostram primam conclusionem probant: at quatenus videntur aduersari secundæ, illis satisfaciendum est.

Ad primum dico de ratione legis esse obligationem in conscientia, vel ad actum immediatè ordinatum, vel ad sustinendam pœnam propter eius transgressionem, si imponatur, ut dictum est.

Ad secundum dico pœnam regulariter imponi propter culpam mortalem: at aliquando propter solam ciuilem, & politicam, sæpè enim conuenit reipublicæ cogere subditos solo timore pœnæ, ut contingit in religionibus, in quibus virtute obedientiæ obligantur subditi acceptandi, seu non repugnandi pœnæ à superioribus imponendæ ob transgressionem regularum.

Ad tertium nego esse expressam, vel tacitam probabilitatem, cum per verba communia, & indifferentia lex imponitur.

Ad quartum diuersitatem pœnarum non prouenire ex diuersitate culpæ moralis; sufficit, si adsit diuersa culpa, ciuilis, & politica.

PUNCTVM XVI.

An lex humana obliget cum periculo cuius-cumque grauis nocimenti.

- 1 Cum periculo vitæ lex humana obligare potest.
- 2 Declaratur, quando hac potestas principi data sit.
- 3 Respondetur questionibus sub distinctione, quando periculum non est annexum actioni præceptæ.

1 **C**ertum est legem humanam te obligare posse ad actum, cui est periculum vitæ annexum; potes enim tempore pestis obligari assistere inermis, & bello ingruente custodire ciuitatem, quia bonum commune præferendum est particulari. Quocirca Princeps, penes quem est potestas regendi populum, poterit te exponere periculo mortis, ne tota gens pereat, & taliter expositus teneris subire illud periculum, quia si ab illo periculo, & præcepto te excusare posses,

eo quod non videris esse magis obligatus, quam quilibet alius, non posset Princeps efficaciter providere bono communi. Ut ergo huic bono provideatur, obligaris obedire cum periculo vitæ facta assignatione. Nam esto ante assignationem, & præceptum non esses obligatus specialiter, posita assignatione obligaris, sine dubio, & ita tenent alios referens Couarr. in cap. alma, 1. part. §. 3. num. 9. Soto lib. 1. de iustis. quest. 6. art. 4. in fine. Suarez lib. 3. de legibus, cap. 30. num. 4. & est communis.

2 Aduertendum tamen est hanc potestatem non posse legislatorem exercere, nisi cum bonum commune urget: itaque non potest legislator obligare subditos ad actum grauiter periculofum, nisi id necessarium sit bono communi; quia respublica non est domina vitæ fuorum subditorum, sed gubernatrix: & iniqua esset gubernatio, si vitam priuatorum periculo exponeret, absque necessitate boni communis.

Dices sæpe ad conseruandam alterius vitam, est necessarium alterum se periculo exponere. Ergo tunc poterit respublica te obligare, ut tali periculo exponaris: præcipue si tua vita non sit ita reipublicæ necessaria. Exemplum est in humano corpore, ubi membra vnius principalis periculo exponuntur ob conseruationem principalioris.

Respondeo concedendo totum: casu, quo illius vita esset reipublicæ maximè necessaria, tua verò minimè: neque hoc est exponere tuam vitam ob alterius vitæ conseruationem, sed ob conseruationem boni communis; quia scilicet alterius vita bono communi est necessaria, tua verò non. Aduerto tamen non ob quamcumque conuenientiam posse reipublicam te periculo vitæ exponere: est enim hæc obligatio summè ardua, & difficilis, & idè non faciliè imponenda, sed solum ob extremam, vel grauem boni communis necessitatem. Tu verò esto obligatus non sis exponere vitam ob alterius vitæ conseruationem: poteris tamen id præstare, quia est opus magnæ charitatis, cedere proprio commodo temporali, ut alterius damnum vitetur. sic Suarez lib. 3. de legib. cap. 30. num. 10.

3 Quod si periculum vitæ annexum non sit actioni præceptæ, sed vel à natura, vel ab extrinseco incurritur; tunc distinguendum est, uti distinximus tract. 2. de peccat. disp. 1. p. 9. §. 3. si enim res aliqua intrinsecè mala sit, non poterit timore mortis honestari; hæc enim de causa mentiri non potes, neque fornicari, neque occidere: etsi scias mortem subiturum, ni facias. Eodem modo non licet tibi manducare idolo oblata, vel cessare ab auditione Missæ, vel ieiunium violare: si in contemptum religionis hæc actiones expostulentur, quia tunc esset religionem contemnere, quod est intrinsecè malum. Aliæ verò actiones sunt solo iure positivæ, siue diuina, siue Ecclesiastico præceptæ: & hæc aliæ sunt speciales, aliæ communes, si speciales sunt, quæque singulos respiciant, non obligant cum graui detrimento vitæ, imò neque honoris, aut rei familiaris. Non enim teneris cum graui horum detrimento, ieiunare, audire Missas, soluere decimas, communicare in Paschate, &c. At si actiones communes sint, hoc est pertinentes ad communem ritum sacramentorum: ut est obseruatio sigilli, consecratio in vtraque specie, & in pane azymo in Ecclesia Latina, celebrare vestibus sacris, miscere aquam vino, & similia: existimo cum periculo vitæ obseruandas esse, quia hæc obseruatio pertinet ad bonum commune religionis, quod præferendum est cuilibet speciali temporali cuiusvis: & de aliquibus actionibus est res omnino certa, ob nullum enim periculum, violari potest sigillum confessionis, neque consecratio fieri in vna specie: sed hoc nulla alia ratione, nisi quia pertinet ad ritum communem, & rectam sacramentorum administrationem. Sed hæc ratio etiam militat, etiam non ita

efficaciter in aliis actionibus. Ergo. Vide dicta loco allegato.

PUNCTUM XVII.

Quæ intentio requiratur in subdito, ut legi, & præcepto satisfaciat.

- 1 Præcepta alia sunt affirmatiua, alia negatiua.
- 2 Non potest esse intentio faciendi rem præceptam, & non satisfaciendi præcepto.
- 3 Si ita rem præceptam exequeris, ut velles non exequi, si posses, peccas.
- 4 Aliud est non violare præceptum, aliud illud implere.
- 5 Si coactus facias rem præceptam coactione non tollente libertatem, præcepto satisfacis, secus si illam tollis.
- 6 Proponitur quedam obiectio, & fit ei satisfactio.
- 7 Pro clariori superioris doctrina intelligentia duo inferuntur.
- 8 Non est necessarium habere intentionem expressam satisfaciendi præcepto, ut præcepto facias satis.
- 9 Proponitur quedam obiectio, ob quam plures sentiunt se non satisfacere præcepto, absque intentione satisfaciendi illi.
- 10 Satisfactio obiecti.
- 11 Quid dicendum, si animo expresso non satisfaciendi illa Missa, aut recitatione præcepto, Missam audis, & horas canonicas recitas? qui sentiunt, & quibus probent se non satisfacere.
- 12 Probabilius est se satisfacere.
- 13 Proponitur duplex obiectio, ut doctrina data eluceat, & soluitur.
- 14 Soluuntur argumenta num. 11. adducta.

1 **S**uppono primò, Præcepta, seu leges, alia sunt affirmatiua, alia negatiua. Affirmatiua sunt, quæ actum aliquem positivum imperant: negatiua, quæ negant.

2 Suppono secundò, aliquos distinguere duplicem intentionem, aliam faciendi, vel omittendi rem præceptam; aliam satisfaciendi præcepto imposito: dicunt enim te posse habere intentionem audiendi sacrum die festo, quod est res præcepta; non tamen habere intentionem satisfaciendi præcepto imposito. At credo hoc esse impossibile, nisi ex ignorantia procedas: nam si semel habeas intentionem efficacem faciendi rem præceptam, simul etiam habes intentionem præcepto satisfaciendi: nam præcepto fit satis formaliter in actu exercito efficiendo, quicquid præcipitur.

3 Tertiò suppono te peccare, & in voluntate transgredi præceptum, si ita rem imperatam exequeris, ut velis non exequi, si posses, aut nisi timor pœnæ adesset; quia talis voluntas est voluntas contraria præcepto. Secus verò dicendum est, quando eam conditionatam voluntatem non habes, sed solum absolutam implendi præceptum: esto in intellectu diuino verum sit secluso timore pœnæ te non exequuturum præceptum; quia Deus neminem condemnat propter voluntatem, quam habiturus foret, sed propter voluntatem, quam de præfenti habet contrariam legi.

4 Quartò suppono aliud esse non violare præceptum, aliud implere illud. Ad non violandum præceptum, nulla per se intentio requiritur, secus verò ad illud implendum. Explico tam in præceptis negatiuis, quàm affirmatiuis; ebrius enim, dormiens, & omnino oblitus nullam habet intentionem, & tamen non violat præceptum, siue negatiuum, siue positivum sit; quia violari non possunt absque cognitione, & libertate. At dici non potest, illa præcepta implere, quia ad præcepta implenda, sicuti ad violanda requiritur libertas; humanæ enim actiones, non animales præcipiuntur.

tur. Ergo requiritur voluntas saltem faciendi opus præceptum.

Est autem maxima differentia inter præcepta negativa, & positiua: nam negativa cum non requirant actionem, impleri possunt sine vlla intentione, & voluntate; eo enim ipso, quo quis furtum non committit, dicitur præceptum non furandi implere: at si præceptum est affirmatiuum, cum requirat actionem liberam, impleri non potest absque voluntate: & in his omnes Doctores conueniunt, & videri potest Vasquez 1.2. quæst. 100. art. 9. in expositione litteræ. Azor tom. 1. lib. 7. cap. 2. quæst. 6. Thomas Sanchez lib. 1. in Decalog. cap. 13. Suarez lib. 2. de legib. cap. 10. & lib. 3. cap. 29. Bonac. disp. 1. g. 1. p. 10. His positis,

5 Prima difficultas est in præceptis affirmatiuis, an inuitus, & sine voluntate possis illa implere, ita ut maneat deobligatus. Verbi gratia, assistis coactus sacrificio Missæ, attentione requisita ad implendum præceptum, manes ne deobligatus? (& idem est de voto, iuramento, & pœnitentia, si ex vi horum esses obligatus audire Missam: ut bene notauit Sanchez *suprà*; quia sunt quasi quædam speciales leges, & præcepta.) Et quidem si coactio non tollat libertatem, sed illam diminuat, ut contingit, quando procedit ex metu; cenfeo tanquam certum præcepto fieri satis, quia est actio simpliciter libera, & ita tenet Azor tom. 1. institut. moralium, lib. 10. cap. 12. quæst. 9. Thomas Sanchez lib. 1. in Decalog. cap. 13. num. 7. Salas disput. 9. de legib. sect. 2. num. 33. & 34. Suarez tom. 2. de relig. lib. 4. cap. 26. num. 12. Bonacina disput. 1. quæst. 1. punct. 10. num. 5. ubi bene dicit pueros satisfacere Missæ præcepto, si audiant cum debita attentione, quamuis nollent illam audire, nisi flagella timerent, & num. 8. absoluit dicit metum grauem non obstat adimplerioni præcepti. At si coactio omnino libertatem tollit, ita ut verè inuitus, & coactus sacrificio assistas, existimo probabilius te non satisfacere præcepto, neque deobligatum manere audiendi sacrum: ita tenet Molin. tractat. 5. de iustit. disput. 56. à num. 2. Azor tom. 1. lib. 7. cap. 2. quæst. 6. & lib. 10. cap. 12. quæst. 9. Suarez 3. tom. in 3. part. disput. 88. sect. 3. versic. circa posteriorem partem, & lib. 2. de legib. cap. 10. num. 4. & lib. 3. cap. 29. in princ. Bonacina *suprà*, num. 6. Salas disput. 9. de legib. sect. 2. num. 32. Thomas Sanchez lib. 1. in Decalog. cap. 13. n. 5. Ratio est, quia impleri non potest præceptum, quin efficiatur opus præceptum: at præceptum non est tibi impositum de opere aliquo necessario, sed de opere, quod in tua situm sit voluntate. Ergo dum non efficis opus, quod omittere possis, præceptum non implet.

6 Dices illa actione coacta te non implere præceptum moraliter, hoc est, in voluntate, implere tamen re ipsa, ita ut excusatus maneat iterum Missam audire: sicuti si tibi esset præceptum ieiunandi impositum, & inuitus ieiunares, & si in voluntate præcepto non satisfaceres, satisfaceres tamen rei re ipsa; liquidem in re ipsa non transgredieris præceptum ieiunij: ac proinde si non ieiunantibus censura esset imposita, illam nullo modo contraheres. Item si præceptum haberes erogandi eleemosynam, & inuitus dares, deobligatus esses iterum dandi, sicuti si deberes restitutionem facere, & inuitus, aut alienus mente restitueres, cessaret tibi obligatio restituendi. Ergo.

Respondeo neque in voluntate, neque in re te implere præceptum; quia non fecisti rem præceptam: quæ est auditio libera sacri. In præcepto ieiunij secus dicendum est, quia non requirit actum, sed negationem; idcirco potest sine vlla voluntate re ipsa impleri, etsi non impleatur moraliter. Præceptum verò eleemosynæ, etsi non impleas, quando inuitus tribuis, at facis ut res ita mutantur, ut cesset omnino obligatio illius: nam obligatio dandæ eleemosynæ proueniebat

ex necessitate pauperis, supposita in te facultate succurrendi: quando autem aliqua ex his circumstantiis deficit, cessat præceptum. Idem prorsus est in restitutione: nam licet ei non satisfaceres inuitè reddendo ablatum: at reddito ablato, cessat tibi obligatio aliud reddendi, quia iam cessat retentio rei alienæ, quæ erat conditio necessaria ad restitutionis obligationem; ad summum enim obligari potes te esse contentum de tali redditione.

7 Ex quo fit ebrium, vel dormientem recitantem orationem aliquam debitam ex voto, vel præcepto, præcepto non satisfacere, quia non est actio illa, quæ imperatur: ita omnes Doctores, ut dicit Salas de legib. disput. 9. sect. 2. num. 32. consentiunt Suarez, Bonacina, & Sanchez *suprà*.

Secundò inferunt Sanchez lib. 1. in Decalog. cap. 13. num. 3. Bonacina punct. 10. num. 4. accedentem, ad Ecclesiam animo meditando res diuinas, si Sacerdos interim adeat altare, ad celebrandum Missæ sacrificium, non satisfacere præcepto audiendæ Missæ, quia non habuit intentionem audiendi sacrum, vel solum meditando. At crederem verè præcepto satisfacere, si attentione requisita sacro interfuit: quia interfuit sacro non violenter, sed liberè. Ergo habuit voluntatem audiendi sacrum; hæc enim voluntas separari non potuit ab illa morali, & religiosa præsentia. Neque obstat cum primò accessit ad Ecclesiam non habuisse animum audiendi sacrum; putabat enim vel non esse faciendum sacrum, vel non fore illi præsentem debita attentione: sed factò iam sacro si ipse debita intentione assistit, iam vult sacrum audire, neque intentio meditando obesse illi intentioni potest.

8 Secunda difficultas est, an necessariò debeas habere intentionem satisfaciendi præcepto, ut præcepto satisfacias, & deobligatus maneat?

In qua re existimo necessarium non esse te habere voluntatem expressam satisfaciendi præcepto: nam etiam si ex ignorantia præcepti, rem præceptam exequaris, præcepto satisfacis, taliter, quòd deobligatus illo maneat. Verbi gratia, ignoras esse diem festum, & hac ignorantia stante audis sacrum; postea verò cognoscis esse diem festum, non teneris aliud sacrum audire, sed poteris reputare te præcepto satisfecisse: ita expressè Azor tom. 1. lib. 7. cap. 2. quæst. 6. & lib. 10. cap. 12. quæst. 9. Suarez tom. 3. in 3. part. disput. 88. sect. 3. & lib. 3. de legibus, cap. 29. circa princip. Vasquez 1. 2. quæst. 100. art. 9. in expositione litteræ, num. 5. Valent. 2. 2. disput. 6. quæst. 2. punct. ult. sine. Bonacina disput. 1. de legib. quæst. 1. punct. 10. num. 9. Henriquez lib. 9. de Missa, cap. 25. n. 6. Thomas Sanchez lib. 1. in Decalog. cap. 13. num. 9. Ratio est, quia impletio præcepti, est exequutio rei præceptæ, sed ignorans esse impositum præceptum, exqueris liberè rem præceptam. Ergo satisfacis præcepto.

9 Dices. Præceptum impleri non potest sine cognitione. Ergo si ignorans præceptum, fecisti rem præceptam, præcepto non satisfacis. Antecedens probò. Tum quia præceptum obligat ad sui notitiam: qui enim negligens est in cognoscendis præceptis sibi impositis, peccat; sed hoc nulla alia ratione verum est, nisi quia impleri non possunt sine cognitione. Ergo tum etiam, quia ignorans præceptum non facit actum obedientiæ. Ergo præceptum non implet. Item si deberes restituere centum pauperibus ob malè parat, & huius obligationis immemor totidem in eleemosynas tribuas, adhuc non extinguis debitum. Ergo signum est ad præcepti adimplerionem necessariam esse præcepti cognitionem: & ex voluntate illi satisfaciendi executionem procedere. Propter hanc obiectionem Syluest. verb. bona, quæst. 111. dicto 5. num. 14. & Ludouic. Lopez lib. 1. de contract. cap. 53. fol. 198. censent te debere intentionem habere

habere satisfaciendi præcepto, saltem in virtute, & reputat probabile Petrus de Ledefma *summ. de sacrament. tract. de Eucharistia, cap. 27. post 10. conclus.*

10 Facile tamen respondetur præceptum per se, & regulariter impleri non posse sine cognitione, ideoque obligat ad sui notitiam: per accidens tamen, & casu impletur absque cognitione illius, solum ex cognitione, & noticia rei, quæ præcepta est, & voluntate faciendi illam; quin sit voluntas faciendi, quatenus præcepta est. Cum verò vrgetur non esse tunc opus obedientiæ, concedo non esse opus obedientiæ formalis, esse tamen opus obedientiæ materialis, quod sufficit ad præcepti adimpletionem, taliter, quod deobligatus omnino maneat, neque enim præcepta obligant ad opus externum ex moriuo obedientiæ faciendum, aliàs qui audiret Missam ob vanam gloriam, præcepto non satisfaceret; sed solum obligant ad rem præceptam exequendam, quæ cum exequi possit absque cognitione præcepti, præcepto fit satis. In obligationibus autem iustitiæ secus est dicendum; non enim sine cognitione obligationis exequi rem præceptam potes, quia res præcepta est solutio, non donatio: solutio autem necessariò inuoluit cognitionem obligationis, & voluntatem satisfaciendi, quibus deficientibus erit donatio liberalis, ac proinde debitum non extinguit. & ita tenet Sanchez *lib. 1. in Decalog. cap. 13. num. 11.* cum Ludouic. Lopez *lib. 2. de contractib. cap. ult. col. antepenult.* Bonacina plures referens *disp. 1. quest. 1. punct. 10. num. 13.* & *tract. de restit. disp. 1. quest. ult. punct. 2. §. 2. quest. 3.* Aduerto tamen in prædicto casu te sufficienter satisfacere posse, etsi in particulari ignores obligationem: neque voluntatem specialiter habeas satisfaciendi, si tamen aliquando in genere voluisti, ut si casu aliquam obligationem habeas restituendi, eleemosynæ à te faciendæ loco illius subrogentur. Nam tunc illæ eleemosynæ non propriè eleemosynæ, & donationes liberales sunt, sed solutiones debiti, cum ex voluntate satisfaciendi debito procedant.

11 Sed quid dicendum, cum non solum ignarus præcepti, rem præceptam exequeris, sed animo expressò non satisfaciendi præcepto per talem rem; satisfacis ne tunc præcepto? Verbi gratia, audis Missam, vel recitas horas canonicas, nolens illa Missa, vel recitatione præcepto satisfacere, sed potiùs intendens iterum recitare, vel aliam Missam audire. Manes ne obligatus, ac si Missam non audisses, vel horas non recitasses?

Plures sentiunt te obligatum manere. sic Nauarr. *cap. quando, de consecras. distinct. 1. cap. 13. num. 15. 27. & 28.* & *cap. 16. num. 73. & seq.* Azor *lib. 10. cap. 8. q. 7. & cap. 12. quest. 8.* Henriquez *lib. 9. de Missa, cap. 25. num. 6. fine.* Ioan. Medina *C. de oratione, quest. de horis canonicis iterandis, dub. ult.* Man. *1. tom. summ. in 2. edit. cap. 144. num. 2.* Petrus de Ledefma *summ. tract. de Eucharist. cap. 27. post 10. conclus. & 2. tom. tract. 9. cap. 4.* Thomas Sanchez eam valde probabilem reputat *lib. 1. in Decalog. cap. 13. n. 13.* & est quidem probabilis satis. Primò, quia præcepti satisfactio, qua talis est, debet esse voluntaria, & libera, quia præceptum est de actione humana: sed qui non vult illa recitatione præcepto satisfacere, non habet voluntatem implendi præceptum. Ergo. Secundò actus non operatur ultra agentis intentionem. *l. non omnis, ff. si certum petas. l. in agris, ff. de acquirend. domin.* Sed intentio huius agentis est, non satisfacere præcepto illa actione. Ergo de facto non satisfacit. Tertiò executio rei præceptæ est executio rei debitæ: cum autem ex deuotione audis Missam, aut horas recitas, non potes dici rem debitam exequi: nam illa Missæ auditio, & recitatio prout à te procedit, non procedit, ut debita, sed Deo liberaliter donata. Ergo præcepto non satisfacis.

Dices verum esse, à te non procedere, ut debita: at quia in se debita est, admitti à Deo, ut debitā. Sed com-

trà: quia illa numero actio non erat debita. Ergo non est necessarium, quod Deus, ut debitam illam admittat. Item Deus non admittit nostras actiones, nisi quatenus à nobis procedunt, sed illæ actiones à te procedunt animo liberali, & gratuito. Ergo non admittuntur à Deo, ut debitæ. Et confirmo variis exemplis: si enim ex voto, & iuramento deberes Missam audire quotidie, & tempore, quo audis Missam, haberes animum non satisfaciendi illa Missa, sed alia, quam existimas audire, de facto satisfacis; quia non impleas promissionem Deo factam, sed alium cultum liberalem Deo præstas. Item si ex poenitentia à Confessario iniuncta, deberes Missam audire, & audis Missam, non ut poenitentiae satisfacias, sed ut amico placeas, qui à te Missam exposculauit; non satisfacis præcepto. Deinde si debeas centum Petro, & totidem dones animo liberali, nolens, ut illa donata computentur pro debito, debitum integrum manet. Idemque est si pro Missa dicenda stipendium accepisses, & velles gratis Missam dicere, non extingueres debitum. Ergo signum est non posse satisfacere præcepto, sine voluntate satisfaciendi illi. Tandem quia leges, & præcepta obligant subditos illa implere: ergo obligant, ut id velint, quia implenda sunt humano, & voluntario modo.

12 Nihilominus probabilius existimo te illa Missæ auditione, & recitatione satisfacere: ita tenet Valent. *2. 2. disp. 6. quest. 1. punct. ult. fine.* Suarez *tom. 3. in 3. part. disp. 88. sect. 3. vers. circa posteriorem partem, latius tom. 2. de relig. lib. 4. de horis canon. cap. 26. num. 8.* Vasquez *1. 2. quest. 100. art. 9. in expositione litterar. i. num. 5.* Lessius *lib. 2. de iustis. cap. 37. dub. 10. num. 59. & cap. 46. dub. 6. num. 42.* Bonacina *disp. 1. quest. 1. punct. 10. num. 19.* Thomas Sanchez *lib. 1. in Decalog. cap. 13. num. 13.* reputat æquè probabilem, ac contrariam sententiam Arragon *2. 2. q. 83. art. 13. vers. sed dubitabit aliquis.* Ratio efficax est, quia illa voluntas, qua vis non satisfacere præcepto inefficax est, & nullo modo obstat, quominus præcepto, satisfacias, quia tibi præceptum imponitur tantum de Missæ auditione, & recitatione libera tali die facienda. Non enim tibi imperatur audire sacrum, aut horas canonicas recitare, ex intentione satisfaciendi præcepto, nulli enim extat præceptum de tali intentione. Et confirmo. Si lata esset censura aduersus illos, qui die festo Missam non audiunt, vel horas canonicas non recitant: qui hoc modo audiret Missam, & horas canonicas recitaret, censuram vitaret, quia verè Missam audiuit, & horas recitauit. Ergo signum est illam voluntatem non obstatæ præcepti satisfactioni. Quocirca aduertendum est aliqua præcepta positiua esse, quæ licet sint de actibus exterioribus, aliquam specialem intentionem, & voluntatem necessariò ad sui constitutionem exposculant; alia verò non, recitatio enim horarum requirit intentione colendi Deum illa actione: quare si breuiarium legeres gratia addiscendi, vel docendi alios, non satisfaceres præcepto, quia illa recitatio non est oratio. Idem est in administratione sacramentorum; si absque intentione faciendi, quod facit Ecclesia, verba proferas; esset enim talis prolatio, ficta, & verbalis, non vera sacramentorum ministratio. In his ergo non solum actio exterior, sed etiam intentio pertinet ad rem præceptam: at in præcepto audiendi Missam, nulla alia intentio præter voluntatem audiendi, seu assistendi sacrificio, exposculatur. Vnde si habeas voluntatem audiendi Missam, vel recitandi horas canonicas ex motiuo colendi Deum, etiam si expressam habeas voluntatem non satisfaciendi, illa recitatione, & Missæ auditione, verè satisfacis, quia efficis quicquid tibi præcipitur.

13 Dices, si exequendo opus, quod mihi præceptum est, præcepto satisfacio. Ergo non possum habere voluntatem non satisfaciendi: at in præseni casu supponitur me habere illam voluntatem, & experientia con-

stat plures habere. Ergo signum est illo opere præcepto non fieri satis.

Respondeo voluntatem, quam habes non satisfaciendi, procedere ex ignorantia, qua credis illa voluntate exequendi rem præceptam, non fieri satis præcepto, ac proinde ex se efficacem non esse, nec destruere priorem voluntatem, qua rem præceptam exequeris, & qua præcepto satisfacis.

Obiicies secundò. Ergo non teneor mutare illam voluntatem non satisfaciendi præcepto, ut præcepto satisfaciam, sed potero toto die illam habere: siquidem non obstat præcepti satisfactioni.

Respondeo non obstat præcepti Ecclesiastici satisfactioni, atque adeò ex vi illius te non esse obligatum mutare voluntatem: at obstat præcepto diuino, quo tibi prohibetur nolitio non implendi Ecclesiasticum præceptum: quapropter debes ab illa voluntate cessare, & ita docet Suarez illo *lib. 4. cap. 26. num. 11. & 12. Salas de leg. disp. 9. sect. 2. num. 33. Bonacina disp. 1. q. 1. punct. 10. sine. Sanchez lib. 1. cap. 13. num. 14.* Ex quo patet solutio ad illam interrogationem, an scilicet peccatum committas audiens Missam, vel recitans horas intentione non satisfaciendi: si enim nulla alia Missa tibi restaret audienda, neque tempus, in quo iterum posses horas canonicas recitare, sine dubio peccares, non quidem in re, sed in affectu; quia scilicet affectum habes non satisfaciendi præcepto Ecclesiastico: at si restaret alia Missa, & tempus superesset iterum recitandi, & haberes voluntatem audiendi illam Missam, & iterum horas recitandi, nullum peccatum committis: & ita tenet Suar. *suprà*, & Thom. Sanchez *num. 14. & 15.*

14 Neque obstant argumenta pro prima sententia.

Ad primum dico, præcepti satisfactionem, qua talis est, liberam esse debere: neque huic libertati obstat nolitio satisfaciendi præcepto procedens ex ignorantia, si de facto datur absoluta libertas exequendi quicquid præceptum est.

Ad secundum concedo actum non operari ultra intentionem agentis, sed quando voluntatem habes audiendi Missam, & non satisfaciendi præcepto, duplicem voluntatem habes, aliam inefficacem non satisfacendi, & quæ ex ignorantia procedit, aliam efficacem satisfaciendi: in concursu autem huius duplicis voluntatis, vincit voluntas efficax, utpotè principalior.

Secundò respondeo actum non operari ultra intentionem agentis, quando ab ipso pendet actus, & effectus: at satisfacere præcepto, si semel exequaris, quicquid tibi præceptum est, non est in tua potestate.

Ad tertium concedo executionem præcepti esse executionem rei debitæ, non tamen esse necessarium, ut à te procedat formaliter, ut debita, quia præceptum non obligat, ut formalem intentionem obediendi habeas, sufficit, si à te procedat, quæ debita est, & licet illa actio numero absolute non sit debita; quia tamen prima est, ideo debita est. Huic modo operandi non obstat affectus ille tuus inefficax non satisfaciendi præcepto: tum quia procedit ex ignorantia, qua credis non satisfacere: tum & præcipue, quia non destruit affectum efficacem ponendi quicquid tibi mandatum est. Eodem modo Deus acceptat illud opus: acceptat, inquam, illud opus tanquam debitum, & sic in re executum; non tamen tanquam debitum in tuo affectu inefficaci.

Ad confirmationem de Missa debita ex voto, & iuramento respondet Suarez *lib. 4. de horis canonicis cap. 26. num. 8.* Si audias voluntate non satisfaciendi voto, sed intendas aliam Missam audire, ut voto satisfacias, tacite te prorogare votum, vel novum votum facere, quia cum obligatio voti à te dependeat, potest pro libito illam tibi de nouo imponere: at obligatio præcepti Ecclesiastici, cum à superioris voluntate oriatur, neque in tua potestate sit illam prorogare: si semel illi satisfe-

cisti, nihil manet satisfaciendum: & hoc est probabile, sed probabilius est, quod dicit Sanch. *lib. 1. in Decal. cap. 13. sine num. 18.* te integrè satisfecisse voto, quantumvis habeas intentionem alio opere satisfaciendi, quia verè præstas quicquid vouisti, neque tu cum illam voluntatem habes non satisfaciendi voto, per illud opus, intendis de nouo vouere et si possis, sed solum intendis priori voto per aliud opus à te faciendum satisfacere. Ergo si iam satisfecisti, nihil restat tibi satisfaciendum.

Ad exemplum de pœnitentia iniuncta distingui potest: vel offers Missam pro amico, vel in tuorum peccatorum satisfactionem. Si in tuorum peccatorum satisfactionem, etiam si non habeas animum satisfaciendi obligationi tibi impositæ, integrè satisfacis, quia efficis quicquid tibi est mandatum, & ita docet Sanch. *num. 17.* At si in satisfactionem peccatorum amici offeras, videris non satisfacere, quia non præstas, quicquid tibi mandatum est: tibi enim non solum mandatum est Missam audire, sed audire in satisfactionem tuorum peccatorum, quia pro tuis, & non pro alterius peccatis Missa in pœnitentiam iniuncta est. Verum si Confessarius expressè tibi non præcepit pro tuis peccatis Missam offerri, sed absolute Missam iniunxit in pœnitentiam; existimo, esse satis probabile te satisfacere præcepto pœnitentiæ audiendo Missam; quantumvis pro amico offeras, quia efficis quicquid tibi mandatum est. Offerre autem pro tuis peccatis, non inuoluitur in pœnitentia; nam licet pro tuis peccatis opus pœnale sit iniunctum, poterat iniungi, ut illud pro animabus purgatorii offerres. Item aliud est finis præcepti; aliud res præcepta. Fateor, inquam, pœnitentiam iniungi, ut tuis peccatis satisfacias; non tamen satisfactionem tuorum peccatorum cadere sub præcepto, quia non est materia præcepti, sed finis præcepti: aliàs si in statu mortalis peccati pœnitentiam adimpleres, præcepto non censereris satisfecisse: quod est contra communem sententiam.

Ad exemplum de debito iam dictum est in superiori difficultate non extinguì liberali donatione, quia ex debito non debetur donatio, sed solutio.

Ad vltimum. Concedo leges obligare subditos, ut illis satisfaciant, & consequenter, ut habeant voluntatem satisfaciendi, quam tamen habet quicumque rem præceptam exequitur, et si ex ignorantia ipse credat non habere.

PUNCTVM XVIII.

An actu, qui sit peccatum, possit legi, vel præcepto satisfieri.

- 1 Proponitur dubitandi ratio.
- 2 Opere ex se bono, vitiatò tamen aliqua circumstantia, satisfieri præcepto potest.
- 3 Satisfit rationi dubitandi.
- 4 Si ex voto, aut pœnitentia tenearis Missam audire, vel eleemosynam facere, & ex fine vanitatis hac præstes, voto, & pœnitentia satisfacis.

1 **R**atio dubitandi est, quia omne præceptum est de opere bono. Ergo ut ei fiat satis, opus bonum debet exequi, quia debet exequi opus, quod est imperatum. Ergo non potest fieri ei satis opere malo, quia opus malum non est imperatum. Neque obstat si dicas præcepto satisfieri debere opere bono ex se, non tamen est necessarium esse bonum ex circumstantiis; auditio enim Missæ, & largitio eleemosynæ bona sunt, illisque videtur præcepto Missæ, & eleemosynæ satisfieri, etiam si ob prauum finem vitientur. Non, inquam, obstat, quia si opus externum prauo fine vitiatum, absolute vitiosum est, & peccatum; sed de peccato nunquam est præceptum.

præceptum. Ergo illa auditione Missæ, & eleemosyna non fit satis præcepto, quia non est opus præceptum. Et confirmari potest ex *regul. 8. extranag. de regul. iur.* vbi dicitur, *quis ex timore facit præceptum, aliter quam debeat, facit, & ideo iam non facit.* Ergo à fortiori non faciet præceptum, qui malo fine facit.

Secundò confirmo ex *l. non dubium, C. de legib. & l. contra legem, ff. eod. tit.* vbi dicitur, *Is in legem delinquit, qui legis verba amplectens, contra legis nititur voluntatem, & intentionem.* Sed finis omnis legis est facere subditos bonos, & Deo obsequentes, cui fini obstat manifestè actus vitiosus etiam ex circumstantia extrinseca. Ergo. Et ita tenet Anton. 2. part. tit. 9. cap. 10. §. 2. vbi dicit non satisfacere præcepto audiendi Missam, qui accedunt ad Ecclesiam, ut videant, vel videantur ab amatoribus suis, sed debent (ait) accedere ad orandum, & tunc à se removere debent cogitationes temporales ad Deum orandum: consentit Maior in 4. distinct. 15. quest. 3. paulo post princ. Adrian. 4. vbi de confessione, q. 5. dub. 4. Carthusian. 2. dist. 17. q. 1. & 2. dist. 17. q. 1.

2 Nihilominus tenenda est ut certa communis sententia, opere, inquam, ex se bono, vitiatum tamen ex fine, vel ex alia circumstantia extrinseca fieri satis posse præcepto humano, quia præceptum humanum, solum imperat actus substantiam, non modum, qui necessarius non est ad eius exteriorum honestatem. Tum quia actus sic factus pertinet sufficienter ad cultum Dei extrinsecum, & ad rectam Ecclesiæ, & reipublicæ gubernationem: modus autem alius operandi extrinsecus, etsi maximè sit interior, per accidens est operi præcepto, & fortè extra humanam iurisdictionem. Ergo quicumque ille sit, obitare non potest executioni operis præcepti.

Dixi legem, & præceptum imperare actus substantiam, non modum, qui non sit necessarius ad substantiam actus præcepti: nam aliquando aliquis modus pertinet ad substantiam præcepti, & tunc non solum res extrinseca per se, sed vestita illo modo mandatur. Exempli causa, mandatur alicui recitatio horarum, consequenter mandatur intentio colendi Deum, & attentio requisita ad orationem, quia sine hac intentione, & attentione, non est recitatio, quæ vera sit: ut bene dicit Suarez tom. 2. de relig. lib. 4. cap. 26. Item mandatur alicui sacramentum confessionis recipere, simul mandatur intentionem habere illud recipiendi, & dolorem de peccatis confessis, quia sine his non recipiet sacramentum. Aliquando verò modus est extrinsecus operi præcepto. Verbi gratia, præcepto audiendi Missam, dandi eleemosynam, communicandi, extrinsecus est finis vanæ gloriæ. Quocirca si ob vanam gloriam, vel turpem amorem audias sacrum, eleemosynam tribuas, communices, satisfacis præcepto, quia rem præceptam exequeris. Non enim ex vi talis præcepti ille primus finis adiunctus prohibetur, sed aliunde: & ita tenet Nauarr. cap. 21. num. 7. & in enchirid. de orat. cap. 20. num. 29. Almain. 4. dist. 17. quest. unica, circa finem. Soto lib. 2. de iustit. quest. 3. art. 9. & 4. distinct. 13. quest. 2. art. 1. in fine. Suarez lib. 3. de legib. cap. 19. num. 6. Sanchez lib. 1. in Decalog. cap. 14. num. 1. Azor tom. 1. lib. 7. cap. 6. quest. 1. Couarr. cap. alma mater, 1. part. §. 5. num. 2. versic. præter hæc. Bonacina disp. 1. de legibus, quest. 1. punct. 9. num. 1. & seqq.

3 Neque obstat ratio dubitandi. Fateor, inquam, auditionem Missæ, & eleemosynam ob finem prauum vitiosam esse, sed non esse vitiosam intrinsecè, sed extrinsecè: vitium autem extrinsecum non obstat præcepti satisfactioni, quia non obstat, quominus auditio Missæ, & eleemosyna de se bona sit, quæ solum est materia præcepti.

Ad confirmationem ex *reg. iur. 8.* dico facientem ex timore præceptum, aliàs non facturum, non implere præ-

ceptum in affectu, & quoad Deum, bene tamen in effectu, & quoad Ecclesiam.

Ad illas verò leges respondeo cum D. Thom. relato à Sanchez num. 4. & à Suarez lib. 3. de legibus, cap. 20. n. 3. duplicem esse voluntatem, seu intentionem legislatoris, aliam de re præcepta, aliam de fine obtinendo per præceptum. Prima intentio, & voluntas est forma intrinseca legis, & ideo qui aduersus illam procedit, peccat in legem. Secunda verò est extrinseca, & ideo peccans in illam non censetur legem transgredi.

4 Ex his inferitur, si ex pœnitentia, voto, aut iuramento obligatus sis, eleemosynam facere, vel Missam audire, & ob vanam gloriam hæc præstes, te satisfacere voto, iuramento, & pœnitentiæ, quia hæc omnia obligant instar cuiusdam legis, & præcepti, & de pœnitentia docet Suarez 4. tom. in 3. part. disput. 38. sect. 8. num. 1. fine. & de voto. Vasquez 1. 2. quest. 100. art. 9. in expositum litteræ, n. 11. & de omnibus Sanchez lib. 1. in Decal. cap. 14. n. 2. & 3. Bonacina supra.

Sed obiicies, voto intendisti rem gratam Deo offerre, quia est actus religionis. Pœnitentia intendit Confessarius, ut satisfacias Deo pro peccatis: sed hæc obtineri non possunt actu vitioso. Ergo non satisfacis voto, & pœnitentiæ per actum vitiosum.

Respondeo te non satisfacere fini intento per votum, & pœnitentiam, ut conuincit obiectio; satisfacere autem materiæ voti, & pœnitentiæ, si rem de se gratam Deo, & honestam offeras, etsi vitiatam extrinseca circumstantia: quia finis extrinsecus voti, & pœnitentiæ sub votum, & pœnitentiam non cadit, sicut neque cadit sub lege finis extrinsecus legis; aliàs qui laurè, & delitiosè in die ieiunij comederet, seruans formam statutam ab Ecclesiâ, non seruaret ieiunium, quia non seruat finem eius extrinsecum, qui est, carnem aliqua inedia macerare: quod est omnino falsum.

PUNCTVM XIX.

Vtrum possis vnico actu pluribus præceptis, & obligationibus satisfacere.

- 1 Si obligationes sunt iustitiæ, non potes pluribus vnico actu satisfacere; secus si sint obligationes diuersarum virtutum.
- 2 Vouens ieiunare in Quadragesima satisfacis præcepto Ecclesiæ, & voto.
- 3 Explicatur, quando superueniens obligatio petit distinctum actum, quando cadit super debitum.
- 4 Confessarius imponens pœnitentiam censens est ad actum, qui aliàs obligatorij non sunt, obligare, nisi contrarium explicet.
- 5 Vouens dare eleemosynam, non satisfacis voto, restituens debitum.
- 6 Idem iuris est, si parentibus, & fratribus in gravi necessitate subuenias.
- 7 Quid dicendum de eleemosyna data extremè, vel grauiter indigenti.
- 8 Probabilis est fieri satis voto, & pœnitentiæ.
- 9 Quid dicendum si actum facias, qui pluribus obligationibus sigillatim tantum satisfacere potes? Sub distinctione respondetur.

SI obligationes sunt iustitiæ, certum est apud omnes vnico actu satisfieri non posse diuersis obligationibus; implicat enim rem debitam titulo iustitiæ, alio titulo iustitiæ deberi, quia si ex iustitia debita est, alio titulo deberi non potest, cum super eandem rem duo tituli iustitiæ cadere non possint. Ex quo fit si debes Petro centum ex promissione acceptata, vel ex contactu, & insuper committis delictum, quo teneris centum dare Petro, non satisfacis vtrique obliga

obligationi dando centum, sed necessariò debes dare ducentos.

Verùm si obligationes sint diuersarum virtutum, seu ex diuersis præceptis, vnico actu pluribus obligationibus fieri potest satis; quia non implicat rem debitam vno titulo, alio diuerso deberi: non enim implicat rem debitam titulo iustitiæ, deberi etiam ex voto, & pœnitentiæ præcepto, & debitam ex præcepto temperantiæ, deberi etiam ex voto. Ratio est, quia obligatio voti, pœnitentiæ, & alterius præcepti positiui ex legislatoris intentione pendet, quæ rebus iam debitis alio titulo alligari potest. At cùm debitum iustitiæ ex ipsa rei natura oriatur, & in æqualitate rei ad rem fundetur, nequit duplex obligatio iustitiæ super eandem rem cadere. sic Medina *Cod. de satisfact. quest. 4. vers. corollarie sequitur*. Thom. Sanchez. *lib. 1. in Decal. cap. 14. num. 5*. Bonacina *disp. 1. quest. 1. p. 9. num. 4*. & in hoc ferè omnes conueniunt, & nemo discrepat.

Ex hac doctrina inferitur, si voueas ieiunare in Quadragesima, satisfacere & præcepto Ecclesiæ, & voto. Item si voueas restituere debitum, dare eleemosynam indigenti, satisfacis vnico actu duplici obligationi: sicuti obligatus recitare officium diuinum ratione ordinis sacri, & beneficii, vtrique titulo satisfacit vnica recitatione; quia super eandem materiam illa duplex obligatio cecidit. Quæ omnia clara sunt, & manifesta.

3 Dubium tamen est explicare, quando de facto superueniens obligatio cadat super actum debitum, quando verò expostulet alium.

Respondeo certa regula definiri non posse, sed ex circumstantiis colligendum esse, quia ex voluntate, & intentione legislatoris pendet: si enim circumstantiæ denotent legislatorem velle exigere actum non debitum, manebis tunc obligatus illum præstare, neque poteris actu debito satisfacere. At si circumstantiæ denotent contentum esse actu aliàs debito, satisfacis illo vtrique obligationi, & obligationi denuò impositæ, & præcedenti. sic Suarez *tom. 4. in 3. p. disp. 37. sect. 6. num. 5*. Thom. Sanchez *lib. 1. in Decal. cap. 14. num. 6*. Regulariter tamen, quoties distincta obligatio superuenit, distinctum actum expostulat, quia sic communiter legislatores intendunt, vt benè dicit Sanchez *suprà*. Et in casu dubio sic est interpretandum, quia interpretatio fieri debet ex communiter contingentibus.

4 Ex his infero primò. Si tibi à confessario esset impositum præceptum recitandi bis calculos virgineos, & haberes votum quotidie, vel diebus festis illos recitandi, non satisfaceres præcepto confessarij recitatione debita ex voto, quia confessarius nisi clarè se explicet, ad rem non debitam intendit te obligare, præcipuè cùm obligatio illa à confessario imposita, non sit alligata diei; sed potes, quando tibi placuerit, satisfacere. Idem est si aliqua ieiunia absolutè imponeret, non satisfaceres ieiuniis ex præcepto Ecclesiæ, aut voto debitis, quia intendit tibi obligationem imponere de re aliàs non debita, vt potè maximè satisfactoria, & ita tradunt Sanchez, & Suarez *suprà*. Nauarr. *cap. 26. num. 23. & cap. 1. in princ. num. 44. de pœnitent. dist. 6*. Azor *tom. 1. lib. 11. cap. 14. quest. 1. fine*. Sayrus *in clauis regia sacerdot. lib. 6. cap. 3. n. 22*. Henriquez *lib. 5. de pœnitent. cap. 19. num. 5. & cap. 21. num. 3*. & alij ab eisdem relati. Verùm si confessarius dicat: Singulis diebus hoc mense audias sacrum; ex benigna interpretatione censetur Missa debita ex præcepto diebus festiuis, contentus esse: neque enim censendus est obligare ad audiendum duplex sacrum diebus festis, quia est graue onus: quod non est credendum imposuisse, nisi manifestet, ac proinde diebus festis, vnico sacro audito, satisfacies vtrique obligationi. & ita tenet Sanchez *suprà* *cap. 14. num. 6*. Bonacina *disp. 1. de leg. quest. 1. p. 1. num. 7*.

5 Secundò infero. Si voueas dare eleemosynam, vel

illam ex pœnitentia debeas, non satisfacere dando ea, quæ debes restituere ob incertorum ablationem, quia illa elargitio non est donatio liberalis, & consequenter neque eleemosyna. Sed est solutio, & restitutio debiti. sic Sanchez *num. 6*.

6 Tertiò infero cum eodem Sanch. te non satisfacere voto, vel pœnitentiæ, de danda eleemosyna, si des fratribus, auis, & parentibus taliter indigentibus, vt tenearis illis subuenire, quia illa non erit propriè eleemosyna, sed solutio debiti legalis, ad quam per iudicem potes compelli, casu quo diues sis. Item quia non est elargitio pauperi; pauper enim non est, qui ius habet postulandi alimenta; vt ex alijs probat Surdus *de aliment. lit. 7. quest. 37. à num. 1. vsque ad 11*. Verùm si aliis consanguineis à suprà relatis eleemosynam tribuas, satisfacis voto, & pœnitentiæ iniunctæ, quia non teneris ex debito legali illis alimenta præbere, vt probat Molina *lib. 2. de primog. cap. 15. à num. 37*.

7 Quartò infero, quid dicendum sit de eleemosyna data pauperi grauiter, aut extremè indigenti: an, inquam, tali eleemosyna satisfacias eleemosynæ debitæ ex voto, vel pœnitentia? Videris quidem non satisfacere, quia illa eleemosyna est debita ex præcepto misericordiæ; sed quæ debita sunt alio præcepto, non censeris vouere, neque tibi in pœnitentiam iniungi, nisi exprimantur. Ergo. Et confirmo. Ideo prima Missa audita in die festo, non satisfacis pro Missa debita ex voto, & pœnitentia, etsi velis pro voto & pœnitentia applicare, quia illa Missa non cecidit sub voto, & pœnitentia; siquidem non est in tua potestate situm, facere, quòd non sit debita, & quòd illa non fiat satis præcepto Ecclesiæ. Sed similiter non est in tua potestate facere, quòd pauperi extremè, vel grauiter indigenti eleemosyna non debeat ex præcepto misericordiæ. Ergo illa eleemosyna non potest fieri satis eleemosynæ debitæ ex voto, & pœnitentia. sic Medina *Cod. de satisfact. quest. 4*. Suar. *tom. 4. in 3. p. disp. 27. sect. 6. num. 5*. Sayrus *in clauis reg. lib. 6. cap. 3. num. 12*. Paludan. *4. dist. 15. q. 1. art. 2. num. 8*.

8 Verùm in hoc casu probabilius censeo satisfieri pœnitentiæ, & voto illa eleemosyna data extremè indigenti. sic tradit Henric. *lib. 5. de pœnit. cap. 21. num. 3. in comm. lit. Q*. Azor *tom. 1. lib. 11. cap. 14. q. 1. in fine*. Eman. Saa *sum. verbo satisfactio dub. 9. fine*. Thom. Sanchez. alios referens *lib. 1. in Decal. cap. 14. num. 6*. Moueor, quia non est debita illa eleemosyna ex præcepto misericordiæ absolutè, sed ex suppositione, quòd non possis alia via necessitati pauperis subuenire. Quod constat manifestè. Nam si debita restituenda pauperibus tali pauperi tribueres, cessaret tibi obligatio dandi eleemosynam: quia hæc solum adest, dum non potes alia via eius necessitati providere. Sed in casu præsentis potes necessitati pauperis subuenire eleemosyna debita ex voto, & pœnitentia. Ergo alia eleemosyna ex præcepto misericordiæ non debetur. Ex quo manet soluta ratio in contrarium; Missa enim in die festo absolutè est debita, etiam quacunque suppositione facta; secus de eleemosyna indigenti.

9 Quintò inferitur quid dicendum, cùm pro multiplicatione tituli res multiplicanda est, v. g. debes dare pauperibus centum ob iniuste ablata, alia centum ex voto; alia ex pœnitentia: si centum largiaris, cuiusnam ex his obligationibus satisfacies. Omnibus est impossibile, quia non debes solum centum, sed ter centum.

Et quidem si decreuisti vni illarum obligationum satisfacere, illi satisfacies; quia illud opus de se est integrè satisfactorium, pro qualibet illarum obligationum; solum ergo indigebat determinatione, vt potius vni obligationi præ aliis satisfaceres: hanc autem determinationem à tua intentione habet. Ergo. Et videtur hoc decisum in *l. cum pluribus. ff. de solutionib.* sic Sanchez *lib. 1.*

lib. 1. in Decalog. cap. 14. num. 8. Bonacina diff. 1. de legib. quest. 1. punct. 10. num. 12. Limitanda tamen est hæc doctrina, ne superioribus contradicat pro obligationibus, quæ à loco, & tempore absoluntur, & à tua voluntate pendet illorum satisfactio. Aliàs tua intentio, & applicatio nihili deseruieret. Quod dixerim, ut intelligas, si die festiuo audias sacrum, intentione satisfaciendi voto, intendens aliud audire intentione satisfaciendi Ecclesiæ præcepto, voto non satisfacis, sed Ecclesiæ præcepto; quia illa Missa non sub voto comprehensa fuit, sed sub præcepto, utpote debita.

Quod si decreuisti omnibus obligationibus satisfacere, cum sit impossibile satisfacere integrè, satisfacis eo modo, quo possis: nam actus, qui non valet, ut agitur, debet valere meliori modo, quo potest, ut tradunt Doctores in *cap. unico, §. idem quoque, de desponsat. impuber. n. 6.* & constat ex ipso textu. Quocirca in præsentis distinguendum est: aut opus est diuisibile, aut indiuisibile; si opus est diuisibile, ut elemosyna, & largiaris centum, cum debeas ter centum, pro furto, voto, & pœnitentia, satisfacis pro rata parti cuiuslibet debiti: manebit tamen cuiuslibet debiti pars insoluta, cui onus habebis, satisfaciendi: quia cum illa largitio pecuniæ non possit omnibus debitis integrè satisfacere, & potest cuiuslibet parti, illa pars manebit satisfacta. Si verò opus indiuisibile sit, ut ieiunium, vel Missa, & intendis omnibus obligationibus vno solo sacro satisfacere, cum tria debeas, reputandus es vrgentiori obligationi satisfacere, ob rationem dictam: quia cum illa Missa non possit diuidi in satisfactionem plurium obligationum; sed necessariò vni tantum debeat impendi: & ex tua expressa intentione non signetur vna præ alia, affirmandum est, vrgentiori obligationi satisfacere: quia sic valet actus, meliori modo, quo potest. Quare cum præceptum Ecclesiasticum præualeat voto, & votum præualeat præcepto Confessarij, censeberis priùs Ecclesiastico præcepto, deinde voto satisfacere, & terriò pœnitentia.

Quod si nulli obligationi decreuisti satisfacere, sed illarum immemor opus debitum variis obligationibus exequeris; tunc sequenda est decisio legis, cum ex pluribus. ff. de solutionib. vbi dicitur: *Si debita sunt omnino equalia, nec quisquam decreuit, cui debito satisfacere velit, censetur omnibus pro rata satisfacere; si autem alterum sit grauius, censetur grauiori.* Excipe debitum ex iustitia: huic enim necessariò requiritur intentio satisfaciendi: aliàs erit donatio liberalis, & non solutio, ut sæpè in superioribus dictum est. Consentiant in his Sanchez, & Bonacina *suprà*.

PUNCTVM XX.

Vtrum pluribus actibus eodem tempore factis possis satisfacere pluribus præceptis.

- 1 *Affirmatiuè respondetur.*
- 2 *Explicatur conclusio, & refellitur quedam Doctorum limitatio.*

Respondeo posse, si actus facias, quales exiguntur à quolibet præcepto; quia efficit, quidquid per præcepta exigitur. Ergo satisfacis illis: diuersitas enim temporum nullibi in præceptis exigitur, & ita tenet Nauarr. *summ. cap. 21. num. 8. & cap. quando, de consecr. dist. 1. cap. 19. num. 178.* Henriquez *lib. 9. de Missa, cap. 25. n. 5.* Azor *tom. 1. lib. 10. cap. 12. q. 10. & lib. 7. cap. 5. q. 3.* Valent. *2. 2. disp. 6. q. 1. punct. ult. coroll. 1.* Suarez *de sac. cr. em. disp. 38. sect. 6. n. 5.* Bonacina *disp. 1. de leg. q. 1. p. 9. n. 8.* Thomas Sanchez *lib. 1. in Decal. cap. 14. num. 11.* & alij plures ab eisdem relati.

2 Dixi te posse eodem tempore satisfacere pluribus præceptis per plures actus, si actus facias, quales exiguntur à præceptis. Nam plures Doctores existimant regulariter hoc esse impossibile: quia non potes pluribus actionibus incumbere ea attentione, quæ à præceptis exigitur: quæ de causa dicunt te non posse satisfacere præcepto audiendi Missam, si simul velis satisfacere præcepto recitandi horas canonicas, quia attentio vnius actionis, attentionem alterius impedit. sic Syluest. *verbo Missa 2. sine. Angelus verbo serua. num. 46.* Armilla *verbo festum, num. 11. & verbo Missa, n. 39.* Rosella *verb. Dominica, num. 7.*

Verum iure optimo hæc doctrina ab aliis Doctoribus, præcipuè Nauarr. Azor, Henriquez, Suarez, Sanchez, & Bonacina non admittitur: non enim potentia intellectiua ita limitata est, nequeat duplici actioni simul attendere, & experientia constat recitantem calculum virgineum, vel horas canonicas posse sufficienter testificari de omnibus, quæ in Missa contigerunt. Signum ergo est manifestum attendisse sufficienter. Adde non requiri in supradictis actionibus diuersam attentionem, sed vnâ: non enim necesse est, ut ad verba, & sensum illorum, quæ in Missa, vel horis canonicis proferuntur, attendas, sufficit si attendas ad Deum; quæ attentio vtrique operi conuenit, & sufficiens est.

PUNCTVM XXI.

Quando censeatur peccare impedimentum apponens, vel non tollens legi, vel præcepto adimplendis.

- 1 *Propositur dubitandi ratio.*
- 2 *Respondetur questioni sub distinctione, & affirmatur præcepta naturalia per se obligare omnia impedimenta tollere, secus præcepta positiua.*
- 3 *Explicatur doctrina.*
- 4 *Propositur obiectio, & fit satisfactio.*

Semper videris peccare, quoties impedimentum apponens executioni præceptæ, vel iam impedimentum appositum non tollis, vel apponendum non remoues: quia superior præcipiens finem, simul etiam, & media censeatur præcipere. Sed est medium necessarium remouere impedimenta, quæ executioni præceptæ obstant, vel iam posita remouere. Ergo si id non facis, peccas.

2 Cæterum hæc doctrina ita generaliter sumpta vera non est: non enim excommunicatus tenetur ex vi præcepti audiendi Missam, absolutionem quætere excommunicationis, ut plures Doctores docent, quos refero in materia Eucharistiæ in fine, vbi de præcepto audiendi Missam: neque tenetur diues non laborare, ut possit ieiunium seruare, neque peregrinationem in alium diem differre, ut censent plures. Quocirca distinguendum est inter præcepta naturalia, & positiua; & affirmandum præcepta naturalia per se obligare omnia impedimenta illorum executioni obstantia remouere: & media, quæ ad illorum executionem per se necessaria sunt, apponere; quia cum obligatio horum præceptorum ex ipsis rebus nascatur, nequit limitata esse obligatio pro vno, vel altero medio, aut impedimento, & non pro omnibus. Vnde exequens officium iudicis, Confessarij, Aduocati, tenetur addiscere, quæ necessaria sunt ad illius rectam executionem, & remouere impedimenta, quæ obstat visa fuerint. Et obligatus lege charitatis succurrere indigenti, elemosyna corporali, vel spiritali correctione, tenetur media necessaria apponere, & impedimenta, quæ videt obstat, remouere, quia hæc obligatio ex ipsa rei natura nascitur: & si natura præscribit absolute finem, & media necessaria ad illum præscribere debet.

debet. Quare nisi iusta aliqua causa intercedat excusationis, præceptum ad hæc omnia ponenda, vel remouenda obligat. Neque in horum præceptorum impedimenti video esse inter Doctores dissensionem; solum enim est dissensio pro sufficienti causa excusationis.

At in præceptis positivis secus dicendum est: non enim ex vi horum præceptorum teneris omnia media, quæ videntur aliquo modo necessaria ad illius executionem apponere, vel impedimenta remouere; quia non obligant cum tanto grauamine: cum enim horum obligatio ex voluntate legislatoris procedat, poterit legislator illorum obligationem statuere sub conditione, quod liber, & expeditus existas, non verò imperare tibi expeditionem. Quod exemplo de excommunicatione pro præcepto audiendi Missam, & exemplo peregrinationis pro præcepto ieiunij illustrari potest. Quæ autem sint media apponenda, quæve impedimenta remouenda pro executione horum præceptorum, non videtur posse certa regula definiri; aliqua enim sunt grauiora præcepta, alia leuiora, & sic media apponunt, vel impedimenta remouent proximiora, vel remotiora: quare ex modo, quo quodlibet præceptum receptum est, peti debet hæc obligatio. sic docet Thom. Sanch. *lib. 1. in Decalog. cap. 15. num. 4. Salas 1. 2. q. 71. tract. 13. disp. 2. sect. 9. num. 117. & 118.*

3 Verum et si hoc ita sit, credo omnia illa media, quæ per se, & intrinsecè, seu ex natura rei necessaria sunt ad illorum executionem, te obligatum esse apponere, & omnia illa impedimenta, quæ per se, & ex natura rei obstant, remouere. Cætera verò petenda sunt ex consuetudine, & modo, quo præceptum receptum est. Primam partem probō. tum ratione superius posita; præcipiens enim finem, consequenter præcipere censendus est, quæ ad illius executionem necessaria sunt: aliàs non efficaciter finem intendet, sed diminutè procedet: tum exemplis. Si enim die festiuo nolis à lecto surgere, & Ecclesiam adire, sed ludo occupari, peccas contra præceptum audiendi Missam. Item si obligatus horas canonicas recitare, proicias Breviarium, aut nolis habere, peccas: quia hæc omnia sunt media per se, & intrinsecè necessaria ad illorum præceptorum executionem: & sic tenent supradicti Doctores. Qua ratione dicunt, si aliquis die festiuo, vel nocte proxima se inebriaret, præuidens impediendum esse à Missæ auditione, peccare, cum se inebriat, contra præceptum audiendi Missam, quia apponit impedimentum per se obstant præcepti executioni.

Dixi, si die festiuo, vel nocte proxima te inebriares: quia tunc iam censetur moraliter adesse præceptum, ac proinde efficaciam habere remouendi impedimenta obstantia illius executioni. At si antequam dies præcepti adueniat, vel quasi in proximo sit, te inebriares, vel cibum nocivum sumeres, ex quo præuideres infirmitatem tibi obuenturam, & impedimentum apponendum recitationi horarum, Missæ, & ieiunio; non videris, tunc aduersus hæc præcepta peccare; quia non videntur extendi ad media, & impedimenta ita remota: & docet Salas, & Sanch. *supra.* Adde aliquos Doctores, et si concedant te inebriantem die, quo est præceptum audiendi sacrum, vel recitandi horas, ex qua inebriatione impeditur eorum executio, peccare aduersus hæc præcepta. At admittunt sumentem vinum, aut nocivum cibum, præuidentem ob morbum se omitturum Missas, horas, & ieiunia aduersus hæc præcepta non peccare. sic Hentiq. *lib. 9. cap. 25. num. 11. in com. lit. P.* quamuis non exprimat, si id faciat eo die, quo vrget præceptum. At Med. *1. 2. q. 77. art. 7. & in summ. in declarat. 3. præcepti. cap. 14. §. 10. fol. 101.* de eodem die loquitur, & dicit non peccare contra præceptum ieiunij, cum qui iter facit, ut inuisit concubinam, seu amicam, vel laborat in venatione, vel in ludo pilæ, præuidens inde fore, ut die

illo non possit ieiunare. & Thom. Sanch. *lib. 1. sum. cap. 15.* referens hanc sententiam, non videtur ab illa dissentire, solum enim dicit obligare, ne hæc impedimenta in fraudem ieiunij apponantur, hoc est ex intentione violandi illud: consentit Ioan. Sanch. *disp. 54. sect. 1. num. 20.* & addit, etiam si fiant ex intentione non seruandi ieiunium, adhuc non peccare, quia illa non est intentio violandi ieiunium, cum obligat, sed intentio excusandi se à ieiunij obligatione, seu apponendi causam excusantem: quære autem causam excusantem ab obligatione præcepti, non videtur esse contra præceptum.

Ego verò huic extensioni acquiescere non possum, sicut neque Salas *supradicto loco 1. 2. sect. 13. disp. 2. sect. 9. num. 118.* acquiescit: imò absolute dicit esse falsam sententiam Medinæ, & ab omnibus reprobam: (intellige ab antiquis Doctoribus: nam recentiores aliqui eam approbant.) Moueor, quia nullam differentiam inuenio inter inebriantem se, & ex proposito dormire volentem die, quo debet audire Missam, & inter edentem cibum noxium, ex quo præuidet impedimentum esse apponendum, quo minus Missam audire possis, utrumque enim impedimentum æquè obstat præcepti executioni: si igitur in eo, qui se inebriat, vel dormire vult, omnes admittunt omissionem Missæ imputari in causa, ita debet imputari ei, qui cibum sumit, ex quo infirmitas, & impedimentum nascitur, quominus audire Missam possit. Item nullam ferè differentiam inuenio in eo, qui die festiuo vult ludere, tempore, quo Missa dicenda est, vel in eo qui vult ludo pilæ, vel alio labore non necessario, neque honesto occupari: ex quo violatio ieiunij est sequenda. In utroque enim casu impedimentum apponitur præcepti executioni per causam, cuius positio nulla ratione honestatur. Neque hoc rigidum, & durum alicui debet videri, sed rationi multum conforme. Ratio enim dicit, ut quando vrget præceptum, vel iam est in pendentia, ut vrgeat, remoueantur quæ illius executionem impediunt, & apponantur quæ ad illius executionem necessaria sunt. Quando verò præceptum non actu obligat, neque proximè est ut obliget, facilius permitti potest non prohibere causas obstantes illius executioni: & in hoc sensu sustineri potest comedentem cibum noxium, vel exercentem actionem, ex qua actione executio præcepti Missæ, ieiunij, recitationis impedienda est, non peccaturum aduersus hæc præcepta; si, inquam, ille faciat, non eo die, quo præceptum occurrit, vel in proximo est, ut occurrat, sed aliquibus diebus antecedentibus.

4 Dices. Ergo agricola, vel alius officialis non poterit laborare die ieiunij, neque peregrinationem aliquam facere, aut honestum aliquod opus, & pium exercere, si inde sciat impotentem reddi ad ieiunandum; & si hoc potest, poterit etiam ludo pilæ, & venationi se committere, quin peccet, poterit etiam illa omnia exercere, sciens impediendum esse ab auditione Missæ, & recitatione horarum: Hæc obiectio probat secundam partem nostræ conclusionis, scilicet plura esse impedimenta, quæ ex consuetudine, & communi Doctorum sententia apponi absque culpa possunt executioni præcepti: neque illa sunt censenda impedimenta, sed exemptiones ipsiusmet præcepti, præceptum enim ieiunij, v.g. obligat vacantes otio, non laborantes: quare qui die ieiunij laborat, etiam in labore sibi non necessario, non videtur comprehensus sub præcepto. Aliàs dicendum esset teneri agricolas, fabri lignarios, & ferrarios diuites, quique facile laborem excusare possunt à labore cessare, ut ieiunium seruent: quod est contra receptam sententiam, ut tradit Ioan. Sanchez *disp. 54. in sect. 1. num. 14.* Eadem ratione peregrinantes, vel si flagellantes, aliæque opera pia exercentes, quibus cum compati non potest ieiunij observatio, videntur excusati.

fat. sic Ioann. de Friburg in *summ. Confessor. lib. 1. tit. 12. quest. 19. & 20.* Ariost. in *Enchirid. 2. p. de ieiunio, fol. 89.* Aitenf. 1. par. tit. 28. quest. 3. Ioann. Sanchez disp. 54. n. 21. & 22. quia præceptum hoc solùm illum laborem vide- tur remouere, qui neque necessarius est, neque honestus. Vnde cenſeo non excusatum eum, qui ludo pilæ, & venationi se committit. A præcepto autem audien- di Missam, & horarum recitatione, cùm vrget, cenſeo excusatum non fore eum, qui labori quantumvis pio se exerceat: nisi ad illud exercendum obligatus ex cha- ritate sit: præcepta enim illa remouent omnia impedi- menta, quæ absque graui detrimento tui, vel proximi omitti possunt.

PUNCTUM XXII.

In quibus sit potestas leges ciuiles condendi.

- 1 Certum est hanc in omnibus esse potestatem.
- 2 Hæc potestas non est à natura, sed à republica.
- 3 Qua ratione hæc potestas sit à Deo.

Hucusque de obiecto legis, de eius publicatio- ne, & obligatione, quam inducit, sermonem fecimus: pergamus inuestigare causam eius suffi- cientem.

Primò supponendum est vt omnino certum, esse in hominibus potestatem leges ferendi, quia sine illa com- munitas hominum gubernari non posset: nam (vt dixit Sapiens *Proverb. 11.*) vbi non est gubernator, corrumpit pop- ulus; sed gubernator exercere officium non potest, nisi mediis legibus. Ergo vel ab aliis debet illas recipere, vel ipse, si supremus sit, debet illas condere.

2 Hanc autem potestatem ferendi legem nullus ha- bet à natura, quia natura omnes homines fecit liberos, nemini enim potestatem, & iurisdictionem politicam in alium concessit. Restat ergo, vt solùm ipsa commu- nitas hominum habeat à natura hanc potestatem: hanc autem habent, eo ipso, quo plures familiæ velint se se inuicem iuuare, & inter se vinculo societatis vniri: nam sine potestate ferendi leges, non possunt in pace, & iustitia gubernari, & conseruari. Quapropter per vllam potentiam non potest impedi hanc potestas. Verùm quia communitas iudicauit se rectius guber- nari posse, aliquo singulari, vel aliquibus, quàm omni- bus; quia si omnes ad regimen sui concurrerent, esset non leuis confusio, & continua perturbatio, præcipuè si esset magna hominum multitudo; ideo totam suam potestatem tranſtulit in vnum, vel in plures aliquos de- terminatos, qui regere, & gubernare rempublicam pos- sent, potestate ab illa accepta: & in his omnes ferè con- ueniunt cum D. Thom. 1. 2. quest. 90. art. 3. ad 2. & q. 97. art. 3. ad 3. & tradit Nauarr. in cap. noui, de iudic. notab. 3. num. 119. Castro lib. 1. de lege penali, cap. 1. §. postquam. Suarez lib. 3. de legibus, cap. 2. num. 3. Couarr. pract. cap. 1. conclus. 1.

Ex his infertur, quemlibet Regem potestatem habe- re condendi leges à republica immediatè: constat ex supradictis Doctoribus, & deciditur in l. 1. ff. de consti- tutionib. Principum, & l. 3. §. nouissime, ff. de origine iuris, & tradunt ibi Doctores, & Canonistæ in cap. per vene- rabilem, qui filij sint legitimi. Ratio est manifesta, quia non habet à propria natura, cùm hæc omni- bus communis sit, & nulla sit ratio, quare magis vni, quàm alteri hanc potestatem, & iurisdictionem po- liticam concesserit. Habet ergo ab ipsamet commu- nitate.

3 Dices habere à Deo immediatè, iuxta illud Pauli ad Rom. 13. *Non est potestas, nisi à Deo; & qui potestati resistit, Dei ordinationi resistit;* & Ioann. 19. dixit Christus Pilato, *Ferd. de Castro Sum. Mor. Pars I.*

Non haberes in me potestatem vllam, nisi tibi data esset desu- per. & *Proverb. 8.* dixit Sapient. *Per me Reges regnant, & conditores legum iusta decernunt.* Secundò, si à republica haberet hanc potestatem, esset respublica superior Re- ge, & posset Regem pro libito hac potestate priuare, quod videtur falsum. Ergo signum est à Deo haberi.

Respondeo omnem potestatem regiam à Deo esse immediatè, sed non inde infertur in alio priùs imme- diatè non fuisse, fuit quidem immediatè in ipsa com- munitate, à qua in Regem translata fuit. Sed hæc prio- ritas non obstat, quominus in Rege immediatè à Deo sit potestas. tum quia non est alia potestas in Rege, quàm illa potestas, quæ fuit in communitate: tum quia ipsemet Deus sua speciali providentia hanc translatio- nem, seu successionem ordinauit. Adde supposita pote- state in Rege, Rex gerit vicem Dei, quia quidquid Rex imperat, Deus imperat exequi.

Ad secundum nego absolutè rempublicam manere superiorem illo, in quem tranſtulit potestatem, hac enim translatione & abdicauit à se dominium, & se Re- gi subiecit: sicuti si te venderes alicui in seruum, ma- neret quidem supposita venditione inferior, etsi antea non esses, neque posses facta venditione illum dominio tui priuare: sic proportionaliter in republica contin- git, facta suæ potestatis translatione.

Sed quia hæc potestas in variis personis residere po- test, ideo expendendæ sunt, in quibus dubium est resi- dere. Dubitatur, inquam, primò de Pontifice, & Im- peratore respectu totius orbis, Rege, & Regina, cui ius regni competit; de communitatibus nemini subiectis, de aliis qui Regi subduntur, de magistratibus, de patre- familias, de marito respectu vxoris. De singulis ergo examinandum est qua ratione ius habeant condendi leges ciuiles.

§. I.

Quid dicendum de Pontifice, & Imperatore respectu totius orbis.

- 1 Pontificem non habere potestatem condendi leges ciuiles totum orbem obligantes.
- 2 Neque huic dæcisioni obstat derogatio, quam sæpè facit, legum Imperatoris, aliorumque Principum.
- 3 Pontifex in terris sibi subiectis leges ciuiles condere po- test.
- 4 Idem dicendum est de Imperatore legitimè electo, compa- ratione regnorum, qua sibi subduntur.
- 5 Extra illa regna non valet leges ferre.
- 6 Bene potest leges ferre obligantes illis in regnia, in qua habet directum dominium, tamen si immediatè non gu- bernet.
- 7 Deficientibus legibus proprijs, ditionis Pontificia, & Lu- sitania; leges imperatoria in causis decidendis obligant, secus in Hispania, & Gallia.
- 8 Qui negent etiam ex consuetudine non esse obligatos iu- dices Hispanos sequi ius ciuile deficiente proprio.
- 9 Probabilius credo oppositum.
- 10 Satisfi rationibus num. 8. adductis.
- 11 Ob transgressionem legum ciuiliu, si non procedat ad- uersus ius naturale, nulla pœna debetur.
- 12 Quid dicendum cùm ius ciuile contrarium est Pontificio ciuili.

Comunis, & vera sententia est, Pontificem non habere potestatem ferendi leges ciuiles obli- gantes totum orbem, neque totum populum Christia- num, sed solùm habere potestatem ferendi leges obli- gantes terram sibi temporaliter subiectam. sic Bellarm. lib. 5. de Pontif. cap. 2. 3. & seqq. Nauarr. cap. noui, de iudic. notab. 3. n. 19. Couarr. reg. peccatum, 2. p. §. 9. n. 7. Mol. tr. 2.

N de

de iust. diff. 29. Suarez de leg. lib. 3. cap. 6. n. 3. & 3. p. 1000. diff. 48. sect. 2. sine. Bonacina diff. 1. de leg. q. 1. p. 3. n. 5. Salas diff. 7. de leg. sect. 4. n. 30. & alij plures ab eisdem relati. Et quidem non habere potestatem ferendi leges obligantes infideles, constat ex Paulo 1. *Corinth.* 15. dicente, *de his qui foris sunt, quid ad nos?* quasi nihil circa illos Pontifex statuere possit. & in cap. *gaudentius*, de *divortijs*, deciditur constitutionibus canonicis non obligari paganos. Ergo à fortiori obligari non poterunt legibus civilibus. Circa fideles verò committentes in terris Imperatori, & Regibus, aliisque Principibus subiectis, inde probatur; quia inuicemodi Principes habent supremam potestatem civilem, & temporalem, in suos subditos, ut constat ex cap. *duo sunt*, cap. *cum ad verum*, 96. distinct. & cap. *per venerabilem*, qui filij sunt legitimi, cap. *solite*, de *maioris*. & *obediunt*, cap. *nonit*, de *iudic.* Ergo Pontifex supremam iurisdictionem non habet, aliàs derogaret iurisdictioni supremæ illorum Principum. Sed sine hac iurisdictione, & potestate non potest leges temporales condere, quæ subditos Imperiales, Hispanos, & Gallos, & eorum Principes obligarent. Ergo. Adde Christum Dominum solum spirituales iurisdictionem Pontifici tribuisse, non temporalem, ut ferè omnes Doctores exponunt illis verbis dictis Petro, *Tibi dabo claves regni cælorum. Pasce oves meas.* Quocirca ut Pontifex temporalem iurisdictionem haberet, sicuti reliqui Principes sæculares, indiguit illius donatione, quam illi Principes fecerunt, ut constat ex cap. *ego Ludovicus*, 63. distinct. & cap. *Constantinus*, 96. distinct. & cap. *fundamenta*, de *elect.* in 6.

2 Neque obstat Pontificem sæpè derogare leges Imperatoris, & Principis supremi, ut patet ex cap. *vigilanti*, & cap. *fin. de prescript.* & *regul. possessor.* de *reg. iur.* in 6. ubi Pontifex abrogauit legem civilem permittentem prescriptionem cum mala fide: & in cap. *cum haberet*, de *eo qui duxit in matrimonium*, concedit, & mandat filiis illegitimis præbere alimenta, quæ legibus civilibus negata erant. Non, inquam, hoc obstat, quia hæc leges latæ à Pontifice sunt leges canonicæ, salutem animarum spectantes; quando enim Pontifex videt Principes sæculares ferre leges æquitati contrarias, potest, & debet suis legibus abrogare, sicuti in supradictis exemplis factum est: lex enim illa de prescriptione mala fide fouebat fraudes, & latrocinia; lex item negans filiis alimenta pietati naturali aduersabatur: meritò ergo reprobari debebant ab illo, cui animarum cura commissa est. Item quando Pontifex videt Principes sæculares negligentes esse in statuendis his, quæ ad rectum regimen suorum subditorum pertinent, ob cuius negligentiam peccata grassantur, poterit ea suis legibus præcauere: neque enim hoc est directè potestatem habere temporalem in subditos imperiales, & regios, sed solum habere in illos spirituales potestatem, illorum conscientias spectantem: ratione cuius prouidere, & statuere potest quidquid necessarium, & conueniens iudicatur: & in hoc sensu Bonifac. VIII. in *Extravag. unam sanctam*, de *maior.* & *obed.* dixit, *oportere gladium esse sub gladio*, hoc est, temporalem Principum iurisdictionem spirituali Pontificis subiaci.

3 Quòd verò Pontifex in terris sibi subiectis habeat temporalem iurisdictionem, nemini dubium esse potest, cum spiritualis iurisdicatio temporalem non excludat, ut habetur in supradicta Extravag. Bonifac. VIII. Adde Reges, & Principes transfuisse in Pontificem potestatem gubernatiuam. Ergo & legislatiuam, quæ gubernatiuæ necessariò coniuncta est.

4 Quòd si de Imperatore loquamur, constat apud omnes Imperatorem legitime electum posse leges ferre in prouinciis, & regna sibi subdita, quia in illis habet supremam potestatem, & iurisdictionem, deciditurque

in l. 1. *C. de vet. iur. enuel.* & l. *bene à Zenone*, *C. de quadrien. prescript.* & l. 1. & *ult. C. de legib.* Item Imperatores antiqui potestatem habebant condendi leges obligantes totum suum imperium, ut constat ex supradicta leg. & ex iure Cæsareo, qui autoritate imperiali constitutus est, & specialiter ex l. 2. *C. de vet. iur. enuel.* ubi dicitur soli imperiali auctoritati leges condere, & interpretari esse concessum: sed eandem potestatem habet nunc Imperator Romanus legitime electus in terris sibi subditis. Ergo. Dixi, legitime electus: nam si caret legitima electione, caret potestate legislatiua, sicuti careret, qui per vim, & iniustitiam regnum occuparet. Contingere autem potest, ut bene dicit Suarez infra referendus, successu temporis populum admittere talem principatum, & tunc ratione consensus populi, potestatem habere legislatiuam. Adde, dum expelli non potest, censendus est illam habere, ne maiora mala proueniāt; esset enim maius malum carere populum gubernatione vlla, quàm permitti gubernari à tyranno, quem à se expellere non potest: & ita tradunt Salas diff. 7. de *legib.* sect. 12. Molina de *iust. tract.* 2. diff. 13. Suarez lib. 3. de *leg.* cap. 4. n. 4. Bonac. diff. 1. q. 1. p. 3. n. 5. circa *med.*

5 Nullo autem modo potest Imperator legitime electus extra regna, & prouincias sibi subditas leges ferre, quia non habet potestatem, & iurisdictionem illis in locis: nam vel illam habere debet à Christo Domino, vel iure belli, vel electione populi. A Christo Domino illam non habet: nam si Pontifici data non est, ut diximus, minus censetur Imperatori concessa. Adde nulum reperi locum in Scriptura, vnde talis potestas concessa intelligatur. Ergo sine fundamento hæc affirmanda sunt: iure autem belli constat Imperatorem nunquam occupare terras, quæ Regibus aliis subditæ sunt: quales sunt Hispaniæ, Galliæ, & Belgicæ; electione tamen minus id constat. Ergo non est vnde censi debet in totum orbem iurisdictionem habiturum. Adde Pontificem in terris subditis sibi potestatem temporalem supremam habere, Regem Hispaniæ, & Regem Galliæ in suo regno, & sic de aliis. Ergo non potest Imperator illam habere: & ita ferè omnes Doctores sentiunt, ut videre est in Molin. *tract.* 1. de *iust.* diff. 24. 29. & 30. Suar. lib. 3. cap. 7. n. 8. Vasq. 1. 2. diff. 153. cap. 1. Bonacina diff. 1. de *leg.* q. 1. p. 3. n. 5. vers. *dixi.*

6 Aduerto tamen Imperatorem habere dominium directum in aliqua regna, & prouincias, etsi ab alio, tanquam à supremo domino gubernentur. Nam esto Imperator illa regna per se immediatè non gubernet: at recognoscitur à Ducibus illorum regnorum tanquam supremus Princeps iure feudi, vel alio simili titulo. Et in his prouinciis, & regnis leges Imperatoris vim, & obligationem habent, & obseruari debent; quamuis non solæ: quia possunt habere proprias leges à suis Principibus latas. tradit Bonacina *suprà*. Salas diff. 7. sect. 8. num. 46. Vasquez cap. 2. num. 24. Suarez cap. 8. num. 2. An autem ipsi Principes imperio subiecti possint imperatorias leges suis legibus derogare? Respondet optimè Suarez, ex consuetudine, & vso colligendum esse: potuit enim à principio dari illis dominium prouinciæ ea conditione, ut legibus imperatoriis gubernarentur: neque possent aliquas facere, quibus earum obseruantia diminueretur, sed potius foueretur; vel posset dari ea conditione, ut legibus imperatoriis gubernarentur, cum proprias non haberent: quæ sit autem fuerit concessum, colligendum est ex ipso vso, & consuetudine.

Extra has verò prouincias, & regna leges Imperatoris per se non obligant. Vnde non obligant in regno Hispaniæ, Galliæ, Lusitanæ, Flandriæ, & sin. illi; quia neque Imperator est illorum regnorum gubernator, neque iure feudi, aut alio titulo simili ei subiecta sunt.

7 Sed dubium est, an deficientibus legibus propriis horum regnorum, gubernari debeant legibus imperatoris, in causis, inquam, decidendis.

Et quidem de prouinciis Pontifici temporaliter subiectis id affirmandum est, quia ita Pontifex statuit, *cap. 1. de noui operis nuntiat.* quod pro causis spiritualibus decidendis vim habet in tota Ecclesia: pro temporalibus autem solum in terris temporaliter Pontifici subiectis, sic Suarez *lib. 3. cap. 8. num. 3.* Bonacina *num. 5.* Vasquez *disput. 153. cap. 2.* Salas *disput. 7. sect. 8. num. 46.* Idem dicendum est de regno Lusitanæ; deficientibus enim propriis legibus, decidendus casus est legibus iuris ciuilibus, non Pontificij, etiam si Pontificium contrarium sit, ex *lib. 3. ordinam. tit. 64.* In regno autem Galliarum, & in Hispania nullo modo tenentur iudices deficientibus propriis legibus leges ciuiles sequi in causis decidendis, quia in legibus illorum regnorum, nullibi est statuta talis obligatio.

8 Solum est dubium, an ex consuetudine teneantur iudices sequi decisiones iuris ciuilibus deficiente iure proprii regni, præcipue in Hispania? Negat Suarez *num. 5.* & adducit Gregor. Lopez *l. 6. tit. 4. part. 3.* Franc. Varg. *tract. de potest. Pontif. axiom. 7. num. 10.* Bernard. Diaz *prædic. quest. 144. circa fin.* vbi Salcedo. Mouetur, quia non constat de tali consuetudine, quæ fuerit introducta consentientibus, vel scientibus Regibus. Item quia Philippus II. nouissimè renouauit *l. 1. & l. 2. Tauri*, in qua deciditur causas decidendas esse per leges horum regnorum, & non per alias: habetur *l. 1. & l. 2. lib. 2. noua compilat.* Quod non videtur dicendum, si deficientibus legibus nostri regni leges ciuiles sequendæ forent. Item non probatur consuetudo, & vsus, ex eo, quod iudices frequentius iudicent per leges ciuiles, deficientibus propriis, quia id fieri potest non obligatione, sed imitatione, quia scilicet æquitati proximiores videntur.

9 Verum mihi probabilius est teneri iudices Hispanos leges ciuiles sequi in causis decidendis, si deficient leges propriæ: probat latè, & eruditè Burgos de Paz in *l. 1. Tauri, a num. 520.* Anton. Gomez *ibi num. 10.* Didacus à Castillo *ibi verbo, no se use de ella, & in l. seq. in verb. pues por ella, y no por otras, & infra l. 3. verb. siete testigos, col. 8.* Mouetur primò, quia leges ciuiles sæpissimè allegantur in tribunalibus, cum propriæ deficiunt, easque iudices sequuntur: si autem iudices eas non tenerentur sequi, nullius utilitatis esset illas allegare. At videmus, & testatur Burgos de Paz iudices etiam supremos non audere his legibus contraire, nisi cum nostris legibus aduersantur. Ergo ex obligatione habent illas sequi. Secundò ex *l. 2. tit. 9. lib. 3.* quæ fuit edita Barcinonæ anno 1493. vbi sancitur nullum iudicem effici posse, absque eo, quod iuri canonico, & ciuili per decem annos studuerit: si autem ius ciuile ad causas decidendas non deseruit, etiam deficientibus propriis, vt quid tanta cura apponenda erat in eius studio? Tertiò, quia leges ciuiles, quæ peccatum non nutriunt, in maxima æquitate fundantur. Ergo cum conueniens sit iudices regulam aliquam habere in causis decidendis, ne se periculo errandi exponant, & ex iure regio illam non habent, mutuari debent ab imperiali iure. Et confirmo ex *cap. fin. de transactionib.* vbi cauetur, cum iudex ius expressum non habet in causis decidendis, æquitate causam dirimat; & probat textus in *l. quod si Ephesi, in fine, ff. de eo quod certo loco.* Sed ad hanc æquitatem seruandam nullus modus aptior esse potest, quam lex imperialis deficientibus propriis. Ergo. Adde causam decidere ex proprio cerebro, prætermisissis iuris ciuilibus sanctionibus, etrandi periculo non leui est expositum: quod damnat textus in *l. 2. §. mirabile, C. de veteri iure enucleando, ibi, & propter ipsam conscientiam, & voluntatem iudicum, magis quam legitimam auctoritatem lites dirimebantur.* Quartò non leui

Ferd. de Castro Sum. Mor. Pars 1.

ter probatur hæc sententia ex præludio legum Marriti anno 1502. vbi loquens Rex de causis decidendis, affirmat decidi debere *por las lezes de las partidas, e de los fueros, e ordenamientos, e pragmaticas, y por derecho comun.* In quibus vltimis verbis ius ciuile intelligitur. Ergo iure ciuili causæ decidi debent deficientibus legibus propriis.

10 Neque obstant superius allegata; solum enim probant, stantibus legibus nostri regni, per illas, & non per alias leges decidendas esse causas; vel probant non esse in Hispania causas decidendas per leges ciuiles, & imperiales, deficientibus propriis, tanquam per leges per se obligantes, sed tanquam per solidas quasdam rationes, & æquitati, & rationi naturali maximè conformes. In quo sensu probat Burgos de Paz *num. 546.* ex Hostiensis, & aliis, in Gallia vtendum esse legibus ciuilibus, cum propriæ deficiunt: neque contrarium esse textum in *cap. super speciali, de privileg.* quia interpretandus est, quod Galli eas non vt leges observant, sed vt rationes, & decisiones iuri naturali conformes, vel quod non observant imperiales extantibus propriis.

11 Placet tamen mihi sententia Suarez, Gregor. Lopez, & aliorum *suprà*, neminem esse puniendum propter transgressionem legum ciuiliū, si actus non sit contra ius naturale, vel regni: neque contractum fore irritum, etsi à iure ciuili irritetur; si tamen iure naturali, vel regio non irritatur: quia si hos effectus leges ciuiles haberent, obligarent sanè Hispanos, sicuti propriæ, quod non est dicendum.

12 Sed aduersus supradicta obstat: quia si deficientibus legibus nostri regni, sequendum est ius ciuile non in vi legis per se obligantis, sed in vi rationis, & directionis iustæ. Ponamus iuri ciuili Pontificium esse contrarium. Quod ergo sequendum erit? Suarez *num. 6.* facile ab hac dubitatione se eximit: affirmat namque neutrum ex obligatione esse sequendum, ex consilio, & æquitate Pontificium. Verum Greg. Lopez *lib. 8. tit. 14. part. 5.* & Salcedo *prædic. quest. 144. lit. C.* affirmat sequendum esse ex obligatione Pontificium. At crederem præferendum esse ciuile Pontificio: (loquor de Pontificio ciuili, non canonico.) Moueor, quia ius Cæsareum ideo vocatur commune, quia commune est omnibus regnis, cum proprium deficit. Secundò, quia ius Cæsareum permittitur allegari in causis decidendis: at ius speciale Pontificium nullo modo. Tertiò, quia ipsemet Pontifex mandat ius Cæsareum sequi in suis prouinciis, cum proprium deficit. Ergo si Rex Hispaniæ idem intendat, & velit, vt deficiente proprio iure commune sequatur; rationabiliter, & iustè videtur procedere.

§. II.

Quid dicendum de Rege, Regina, aliisque subditos habentibus.

- 1 Rex, & supremus Princeps leges ferre potest.
- 2 Aliquando illas ferre non potest independentè à regno.
- 3 Regina si domina est viro soluta, leges ferre potest.
- 4 Proponitur obiectio, & fit solutio.
- 5 Matrimonio adstricta dum est an gaudeat hac potestate, vel illam integrè transferat in maritum.
- 6 Probabilius est hanc potestatem retinere.
- 7 Soluitur ratio dubitandi *num. 5. adducta.*
- 8 Qui subditos habent ratione domini, & non iurisdictionis, leges ferre non possunt.
- 9 In quo potestas domini, & iurisdictionis distinguuntur.
- 10 Communitates perfectæ, seu supremam habentes iurisdictionem, leges ferre possunt.

N 2

11 Secus

11 *Secus quæ in Principem potestatem transtulerunt, nisi ex privilegio, vel usu contrarium constet.*

1 **C**ertum est quemlibet Regem supremum habere potestatem ferendi leges in suo regno; quia habet potestatem gubernativam, quæ sine legislativa esse non potest. Bart. in l. vi. C. de legibus. Bald. cap. 1. de consuet. Nauarr. cap. novit. de iudic. notab. 2. num. 110. Suarez lib. 3. cap. 9. n. 2. Bonacina disp. 1. q. 1. p. 3. n. 7. Salas disp. 7. sect. 11. n. 51. & ferè omnes expositores cum D. Thom. 1. 2. q. 90. art. 3.

Idem dicendum est de aliis Principibus supremis, qui superiorem non agnoscunt quoad temporalem iurisdictionem, quocumque nomine nuncupentur, Duces, Marchiones, Barones, &c. Qui verò superiorem agnoscunt, examinare debent qua ratione illis concessa est facultas gubernandi, & leges ferendi; an, inquam, dependenter à Principe supremo; an independenter ab illo; & pro modo concessionis erit potestas ferendi leges. sic Suarez n. 3. Bonacina supra. Salas sect. 8. num. 46. Vasquez disp. 1. § 3. cap. 2. § 3. Idem cum proportionem dicendum est de magistratibus, seu gubernatoribus, quibus regimen provincie incumbit; possunt enim hi vel ex lege, vel ex consuetudine, vel ex speciali voluntate Principis leges ferre: quia potestas leges ferendi delegabilis est à Principe, cum sit potestas iurisdictionis. Videre tamen debent, quam habeant potestatem. sic præcitati DD. Bonacina, Suarez, Salas supra. In Hispania autem nulli Gubernatores, Duces, Comites & Dynastæ habent potestatem leges ferendi; quia in l. 12. tit. 1. par. 2. expressè illis prohibetur.

2 Aduerto tamen aliquando Regem, etiam si supremus sit, non habere potestatem ferendi leges independenter à regno: ut dicitur de regno Aragonie, quod sub hac conditione Regi se tradidit gubernandum; cum enim tota potestas legislativa sit prius in communitate, & ex illa in Regem fuerit translata, potuit communitas sub hac, vel illa conditione potestatem tradere, & tunc communitas legislativa erit simul cum Rege, & Rex cum communitate. Ita Suarez lib. 3. c. 9. n. 3. & c. 19. n. 6.

3 Sed inquires, quid dicendum sit de Regina?

Respondeo: si ipsa domina est regni, & matrimonio alligata non est, leges ferre potest, sicuti quilibet alius Rex supremus; quia ratione dominij in regnum habet in se potestatem legislativam, cum alio modo regnum gubernare non posset. Secundò, quia ipsa fœmina capax est regie iurisdictionis. cap. dilecti, de arbit. cap. ex parte, et 2. de privileg. Ergo capax est præcipui actus illius, qui est leges condere. Tertiò sequeretur peccaturum, qui regni fœminæ relinqueret, siquidem tribueret potestatem ei, qui eam exercere non potest. Quocirca Regina regni domina poterit leges condere, & causas cognoscere, & sententias ferre; quia hæc omnia non excedunt potestatem sibi concessam: & ita tradunt Innoc. & Panorm. in cap. dilecti. Suarez lib. 3. de leg. cap. 9. n. 9. Bonac. disp. 1. q. 1. p. 3. n. 8. Salas disp. 7. sect. 11. & ferè omnes.

4 Sed obiicies, Paulum 1. ad Timoth. 2. dicentem, docere mulierem non permisso, neque dominari viro; sed cum leges ferat mulier, docet viros, quæ debeant facere, illisque dominatur. Ergo non est illi permissum. Secundò in l. fœmina. ff. de reg. iur. habetur fœminas ab omnibus officiis publicis remotas esse: quare neque iudices esse possunt, neque magistratum gerere. Ergo à fortiori neque leges ferre. Tertiò ad ferendas leges, & iudicandum de illarum transgressione, requiritur scientia, & prudentia. Sed hanc fœminæ nequaquam habent. Ergo.

Respondeo Paulum non permittere mulieri docere publicè doctrinam fidei, non quia incapax est, sed quia est indecens, & indecorum: quæ tamen indecentia non inuenitur in legibus ferendis; siquidem potest secretè legem ferre, & postea voce præconis promulgare. Do-

minari autem viro in statu matrimonij non permittit Paulus, quia est contra naturam, quæ mulierem in matrimonij usu, & regimine familiæ inferiorem effecit: at natura non efficit mulierem inferiorem homini in gubernatione politica, siquidem hanc potest ab ipsismet hominibus habere. Ergo.

Ad secundum dicas fœminas communes, seu quæ iurisdictionem non habent, exclusas esse ab officiis publicis, non verò eas, à quibus ipsamet officia publica pendent. Adde supradictam legem non posse regie potestati derogare, quia est supra ipsam legem.

Ad tertium casu, quo Regina scientia, & prudentia necessaria ad condendas leges caret, posse defectum supplere consilio prudentum; neque enim omnia per se ipsum gubernator scire potest.

5 Verum si Regina matrimonio iuncta est, dubitare meritò potes, an retineat potestatem condendi leges, vel transferat in maritum necessariò. Ratio dubitandi est locus ille Pauli 1. ad Timoth. 2. ubi non permittitur mulieri dominari viro, & 1. Corinth. 12. dicitur vir caput vxoris. Si autem ipsa posset leges ferre, & Regem illis obligare, dominaretur viro, & caput illius esset: quod non est dicendum. Et confirmo. Primò ratione matrimonij mulier ita est subdita viro, ut vir dominium habeat tam in corpus vxoris, quàm in eius voluntatem; ac proinde in omnes actiones, quas exercere potest. Ergo poterit prohibere ne condatur legem, & à fortiori facere, ne ipse obligetur lege condita. Confirmo secundò ex l. 9. tit. 1. p. 2. ubi habetur dominium regni acquiri matrimonio; quando scilicet prius matrimonio iungitur fœminæ dominium regni habenti. Ergo tunc vir est dominus regni. Ergo potest leges ferre.

6 Nihilominus tenenda est communis sententia affirmans stante matrimonio adhuc Reginam retinere potestatem condendi leges. Primò, quia retinet ius, & dominium regni, cui dominio necessariò sequitur administratio, & gubernatio illius. Ergo leges condere, quibus gubernetur. Quòd autem retineat ius, & dominium regni, inde probatur, quia regnum transferri non potest sine consensu regni; nullibi autem constat consensisse regnum in hac translatione, aliàs mortua Regina sine liberis, maneret maritus dominus regni: quod est omnino falsum.

Dices transferri administrationem non proprietatem; sicuti in dote vxoris transfertur administratio in maritum durante matrimonio, non tamen proprietas illius. Sed contrà: quia neque hæc translatio administrationis fieri potest sine consensu regni, neque regnum censetur consensum præbere in tali alienatione, quia est contra naturam ipsiusmet regni; regnum enim cum in aliquem transfert dominium sui, transfert in illum potestatem gubernationis: nequit ergo vnū ab aliò separari. Neque est simile de dote, quæ ad subeunda onera matrimonij data est, & ideo illius administratio penes maritum debet esse: at regnum non ad subeunda matrimonij onera, sed ad regendos subditos concessum est. Ergo.

Adde vxorem habentem ius patrónatus præsentare posse sine consensu mariti. Ergo etià poterit leges ferre conuenientes regno, sine illius consensu. Maritus autem tanquam Rex honorabitur, & nomine Regis nuncupandus est, non tamen regimen, & administrationem illius habet: & ita docet Bald. in cap. significauit, de rescript. n. 3. Tiraq. de nobil. c. 18. n. 3. Greg. Lop. in l. 1. gl. 9. & in l. 9. gl. 4. tit. 1. p. 2. Bonac. disp. 1. de leg. q. 1. p. 3. n. 5. Suar. lib. 3. de legib. c. 9. n. 10. Salas de leg. disp. 7. sect. 9. n. 63. Valq. 1. 2. d. 1. § 3. c. 3.

7 Ad rationem dubitandi respondeo sub diuersa ratione virum esse caput vxoris, & illi subditum. Est caput vxoris in his quæ pertinent ad matrimoniū, ad domus, & familiæ gubernationem, & educationem filiorum: est tamen vxoris subditus in administratione politica, si vxori competit ius, & dominium regni.

Ad

Ad primam confirmationem dico, virum non habere absolutam potestatem, & dominium in omnes actiones uxoris, sed tantum in eas, quæ ad regimen familiæ pertinent, ac proinde non potest prohibere, ne leges ferat, neve ipse illis obligetur: lex verò adducta ex parte, et si Palazio Rub. relato à Gregor. Lopez suprà videatur probare administrationem, & dominium in Regem per matrimonium transferri: at, ut bene notat Gregor. Lopez in ipsamet lege continetur limitatio, & declaratio: siquidem solum ratione coniugij conceditur marito nomen Regis, & honoris regni.

8 De aliis personis singularibus habentibus subditos ratione dominij, videbitur alicui leges ferre posse. v.g. maritos respectu uxoris, dominos respectu servorum, patrem respectu filiorum, & totius familiæ. Sed hoc omnino falsum est, et si possint præcepta imponere; quia ad rationem legis necessarium requiritur potestas iurisdictionis, non dominij, & potestas gubernativa reipublicæ, & communis perfectæ, non potestas gubernativa alicuius imperfectæ communis: qualis est specialis aliqua domus, & familia, & ita docent ferè omnes Doctores, Bart. in l. omnes populi. ff. de iust. & iur. in 1. quest. & in l. imperium, ff. de iurisd. omnium iudic. n. 8. Canonistæ communiter in cap. cum Ecclesia S. Mariae, de constitutionib. & cap. solita, de maiorib. & obedientia. D. Thom. communiter receptus q. 90. art. 3. Suarez plures allegans lib. 1. cap. 8. n. 5. & 6 Bonac. disp. 1. q. 1. p. 3. n. 3.

9 In quo autem potestas dominativa, & iurisdictionis distinguantur, optimè explicant supradicti Doctores. Primò differunt ex obiecto, quòd potestas iurisdictionis respicit communem perfectam, quia ad illius politicam gubernationem ordinatur: secus potestas dominativa, quæ per se respicit imperfectam communem, aut partes illius: communis autem perfecta non potest esse una specialis familia, sed multiplex; quia non potest esse communis perfecta, nisi quæ ex consensu plurium unica est, & sibi sufficiens. Secundò differunt ex fine, quia potestas dominativa solum respicit utilitatem propriam imperantis, vel utilitatem personæ, cui præceptum imponit, ut videre est in præceptis latis à patre, domino, & marito circa suos subditos: at postea politica, seu iurisdictionis, non spectat per se utilitatem alicuius personæ singularis, sed rectum regimen communis, & bonum illius. Tertio ex origine; potestas enim iurisdictionis residet in communione, ex eo solum, quòd communi sensu ad componendū vnum corpus politicum coniunguntur: transfertur autem in aliquem non iure naturæ, sed consensu ipsiusmet communis, & pro voluntate ipsius. At potestas dominij aliquando est iure naturæ, per naturalem originem, ut in patre respectu filij; aliquando est iure naturæ, supposito tamen aliquo contractu, ut in marito respectu uxoris, in ordine ad domus gubernationem, & personæ custodiam: aliquando est ex iure gentium, & civili, ut in domino respectu servi bello capti; aliquando ex contractu, pacto, vel promissione, ut si te vendas in servum, vel votum obedientiæ alicui præstes. Quarto differunt in modo cogendi subditos: dominativa enim potestas non potest subditos punire pœna sanguinis; non enim licet dominis lauire in servos; solum enim moderatum supplicium inferre possunt: at potestas politica potest pœna sanguinis subditorum delicta punire, quia totum hoc est necessarium ad vitia coercenda.

10 Tandem restat dicendum de communitatibus per se gubernationem exercentibus. De his ergo certum est, communitates illas perfectas, seu ciuitates, quæ supremam habent iurisdictionem, qualis est, Veneta, Genuefis, habere potestatem condendi leges pro suis subditis, quia non possent subditos gubernare sine hac potestate, & constat ex l. omnes populi. ff. de iust. & iur. & §. sed naturalia. Inst. de iur. natur. & tradunt communiter DD. Ferd. de Castro Sum. Mor. Pars I.

Solum aduerto aliquando hanc communitatem, & rempublicam transfuisse suam potestatem in aliquem Principem, & tunc videndum est, qua ratione transfulerit; quia pro potestate iurisdictionis est potestas leges ferendi: ut bene probat Bald. in d. l. omnes populi; si enim integrè transfudit suam potestatem in Principem, poterit Princeps, Dux, seu Marchio nuncupatus leges ferre independentem ab ipsa republica: at si ipsa respublica non integrè, sed diminutè potestatem concessit, eo quòd voluit Principem comitari in lege ferenda: neque poterit ipsa respublica sine Principe, neque Princeps poterit sine republica leges ferre. sic Suarez lib. 3. cap. 9. num. 19. Bonacina disp. 1. q. 1. p. 3. n. 10.

11 Aliæ autem communitates, seu ciuitates, quæ supremo Principi subditæ sunt, & in quem suam potestatem gubernativam integrè transfulerunt, nequeunt condere leges aliquas, nisi ex privilegio Principis, vel ex usu, & consuetudine sic receptum sit; solent enim ex privilegio, vel ex usu, & consuetudine hæ communitates condere leges, quæ municipales appellantur. habetur in §. constat, Inst. de iure natur. & colligitur ex l. leges. C. de legib. ibi, neque his, quæ specialiter concessa sunt ciuitatibus, vel provinciis, vel corporibus, &c. Requiritur ergo concessio Imperatoris, ut hæ ciuitates illi subiectæ possint leges ferre. Et in Hispania est res manifesta: nemini enim à Rege concessum est leges ferre, ut traditur in l. 1. tit. 1. part. 1. & l. 8. tit. 1. lib. 7. nona compilat. Ex quo à fortiori constat minores populos, quales sunt, villæ, castra, & similes, nullam habere potestatem condendi leges: tum quia non habent altam, & supremam iurisdictionem, quæ ad leges ferendas requiritur: tum quia neque forum causarum regulariter habent, iuxta l. si deus. ff. de excus. tut. vel si aliquod habent, est in causis levis momenti, & cum maxima dependentia à ciuitate, vel alio superiore iudice; ita Bonacina, & Suarez suprà.

An verò possint facere aliqua statuta pertinentia ad rectam, & politicam eorum administrationem, quæque leges civiles, & municipales nuncupentur? Affirmat Bart. in d. l. omnes populi. Sylvest. verb. lex. q. 4. Marius Burgenfis, & alij relati à Salas disp. 7. sect. 14. quia cum commissa sit illis potestas gubernativa, & legislativa videtur concessa. At tenendum est cum Bonacina, Suar. & Salas suprà, non posse facere statuta, quæ vim legis habeant, quia hoc esset habere integrè potestatem condendi leges, ac habere respublica, supremam potestatem habens: hæc enim nullas alias leges statuere potest, nisi quæ ad rectam subditorum gubernationem conducunt. Si igitur illi populi minores hanc etiam potestatem haberent pro suis incolis, nullam à republica suprema differentiâ haberent, nisi in extensione subditorum. Poterunt tamen huiusmodi populi conventiones aliquas facere inter se, quibus in vi contractus obligentur; poteruntque aliqua præcepta subditis imponere, sicut potest pater familias pro sua domo, non perpetua, sed temporalia, & quæ à Principe reuocari poterunt. sic Suarez cap. 6. n. 17. Bonacina disp. 1. q. 1. p. 3. n. 11. fin. cum D. Thom. q. 90. art. 3.

PUNCTUM XXIII.

In quibus sit potestas canonice leges condendi.

- 1 Pontifex hanc potestatem habet à Christo.
- 2 Non pendet Pontifex in usu huius potestatis à Concilio.
- 3 Neque item pendet à consilio, vel consensu Cardinalium.
- 4 Episcopus in suo Episcopatu leges ferre potest ex potestate à Pontifice accepta.
- 5 Proponitur quadam obiectio, quod quam sentit l'asquez, Episcopos immediatè à Christo accipere facultatem.
- 6 Satis obiectio præcedenti.
- 7 Episcopus electus, & confirmatus, hanc habet potestatem.

- 8 *In rebus grauioribus non potest Episcopus inconsulto Pontifice leges ferre, & quæ res grauioribus dicantur.*
- 9 *Quando Pontifex consuli non potest, potest dispensare, non legem Pontificiam abrogare.*
- 10 *Consensu cleri, aut capituli non indiget Episcopus ad legem ferendam.*
- 11 *Quid dicendum de Archiepiscopo, Patriarcha, aliisque Prælati Episcopo superioribus.*
- 12 *Legatus Summi Pontificis non solum pro tempore legationis, sed illo finito leges ferre potest.*
- 13 *Sanctis Patribus, & Doctoribus non est data potestas condendi legem.*
- 14 *Concilium viuente Pontifice congregatum absque eius auctoritate, nullam potestatem habet ferendi leges.*
- 15 *Congregatum eius nomine probabilis censeo non habere potestatem leges ferendi obligantes Ecclesiam, quousque Pontifex eas approbet.*
- 16 *Quid dicendum de Concilio congregato tempore schismatis, vel mortuo Pontifice.*
- 17 *A Concilio ad Pontifrem datur appellatio.*
- 18 *Quid dicendum de Concilijs provincialibus, nationalibus, & diocesani.*
- 19 *Congregatio Cardinalium qua ratione leges ferre possit.*
- 20 *Remanente uno Cardinali in conclavi, alijs decedentibus, probabilis censeo non posse Pontificem eligi ab eo.*
- 21 *Capitulum Sede vacante non posse leges ferre, quibus probetur.*
- 22 *Probabilis est leges ferre posse.*
- 23 *Satisfit rationibus num. 21. adductis.*
- 24 *Capitulum viuente Episcopo, nullam videtur habere potestatem condendi leges obligantes etiam ipsos capitulares.*
- 25 *Tenendum tamen est oppositum, & sit satis rationi contraria.*
- 26 *Qua ratione Ecclesia collegiata, vniuersitates, collegia, confraternitates leges ferre possint.*
- 27 *Religiosorum communitates habent potestatem leges ferendi.*
- 28 *Abbatissa, & Monialium Præfata, an habeant iurisdictionem.*
- 29 *Quibus delegari possit à Pontifice potestas leges ferendi protota Ecclesia? Proponuntur varij dicendi modi.*
- 30 *Quid tenendum.*
- 31 *An faminis hac potestas delegabilis sit.*

1 **N**Emini Catholicorum dubium esse potest esse hanc potestatem in Pontifice Petri successore, quia illi commissæ est potestas gubernatiua Ecclesiæ, quæ sine legislatiua esse non potest. Habet autem Pontifex hanc potestatem immediatè à Christo Domino: non enim pro solo Petro dictum est, *Super hanc petram edificabo Ecclesiam meam*; sed pro omnibus eius successoribus: omnibus enim dictum est, *Quodcumque ligaueris super terram, erit ligatum & in cælis: & quodcumque solueris, erit solutum*. Ratio est manifesta, quia est potestas supernaturalis. Ergo solum à Christo haberi potest. Dices, habere quidem à Christo; sed medio Concilio, seu Cardinalium congregatione. Sed contrà, quia Christus non contulit Ecclesiæ hanc potestatem, ut in Petrum transferret, sed immediatè contulit Petro, & ex illo in successores deriuatur: *cap. noui. de indic. cap. significasti, de elect.* & deciditur in Concil. Trident. sess. 14. c. 7. & alia plura congerit Suarez lib. 4. de legibus, cap. 3. Salas disp. 8. sect. 3. Bellarm. lib. 4. de Roman. Pontif. cap. 23. & seq. Requiritur tamen, ut persona, cui est conferenda à Christo hæc potestas, ab hominibus eligatur; quia neque eligitur à Christo immediatè, neque iure sanguinis succedit.

2 Ex quo fit manifestè. Primò Pontificis potestatem à Concilijs non pendere. Tum quia est à Christo im-

mediatè; tum quia Pontifex est supra Concilium etiam generale: tota enim authoritas Concilij est dependens à Pontifice, ut ostendit Card. Bellarm. 2. de Concil. cap. 14. Azor tom. 2. lib. 5. cap. 12. q. 1. Valent. 2. 2. disp. 3. q. 1. p. 7. Molin. de iustit. tractat. 2. disp. 21. Salas disp. 7. de legibus, num. 25. & 70.

3. Fit secundò, neque pendere Pontificem in usu huius potestatis à Concilio, vel consensu Cardinalium: sine consensu enim ipsorum, imò ipsis contradicentibus, potest Pontifex leges valide ferre. Nam Pontifex habet eandem potestatem, ac habuit Petrus, cuius est immediatus successor. Sed Petrus independentè ab alijs Apostolis potuit leges ferre. Ergo à fortiori Pontifex independentè à Concilio Cardinalium idipsum poterit. Adde nullibi à Christo Domino hæc dependentia fuit insinuata, sed potius contrarium, cum soli Petro dictum sit, *Super hanc petram edificabo Ecclesiam meam*, &c. & satis videtur decisum in *cap. cuncta*, q. 3. ubi dicitur, *Apostolica Sedes sine ulla Synodo præcedente soluendi, & damnandi habuit potestatem*. Quare si aliquando Concilium Cardinalium Pontifex expostulat ad leges ferendas, non est ex necessitate, sed ex æquitate, eo quòd conueniens est, ut omnes intelligent summa maturitate, & prudentia Ecclesiam gubernare: & ita tenet larè probans Felinus in rubr. de constitutionibus, num. 2. Decius ibi lect. 1. quest. 3. & alij, quos refert, & sequitur Suarez lib. 4. de legibus, cap. 3. num. 14. Neque villo modo probanda est contraria sententia, quam pro viribus defendit Andreas Siculus tractat. de præstand. Cardin. par. 1. quest. 1. Cardinalis consil. 118. Ioan. Monachus, & Ancharan. in cap. super eo, de heret. in 6. Sed nullum pro se adducunt firmum fundamentum: nam illud, quod sumitur ex usu, & consuetudine, præterquam, quòd nulla est, cum sæpè Pontifex absque consilio Cardinalium leges ferat, Pontificis potestatem, quæ est de iure diuino, altringere, aut limitare nullo modo potest.

4 Quòd si de Episcopis loquamur, certum est Episcopos in suo Episcopatu leges ferre posse. habetur expressè *cap. 2. de maiorit. & obedient. cap. 2. de constitut. in 6.* & tradunt communiter Doctores in rubr. & in cap. cum omnes, cap. cum accessissent, de constitutionib. Hæc autem potestas à Pontifice, tanquam à primo fonte manauit: non enim illam à Christo Domino immediatè acceperunt. Soli enim Petro, & eius successoribus dictum est, *Pascite oues meas*. Ergo solus Pontifex eam immediatè à Christo recepit, reliqui verò medio Pontifice. Item si à Christo immediatè reciperent alij Prælati potestatem legislatiuam, non posset Pontifex illorum potestatem minuire, aut tollere, sed esset à Pontifice omnino independentè, utpote à superiore concessa. Consequens est omnino falsum. Ergo. Denique, quia id est definitum à Leone in *cap. ita Dominus*, 19. distinct. ubi de potestate Petri dicitur, à Christo Domino fuisse illi donatam, ut ab ipso, quasi à quodam capite, dona sua, velut in omne corpus diffunderet. Et Gregorius in *cap. decreto*, 2. q. 6. inquit, *Romana Ecclesia vires suas ita alijs impertit Ecclesijs, ut in partem sint vocata solitudine, non in plenitudinem potestatis*; aliæque plura congerit in huius confirmationem Bellarm. lib. 2. de Roman. Pontif. cap. 15. & lib. 4. cap. 14. Valent. tom. 2. disp. 2. quest. 1. punct. 7. Suarez de censur. disp. 1. sect. 2. n. 7. & de penitent. disp. 16. sect. 3. & specialius lib. 4. de legib. cap. 4. à num. 6. Salas disp. 8. sect. 3. Bonacina disp. 1. q. 1. p. 3. n. 5.

5 Sed obiicies primò, Episcopos esse successores Apostolorum *cap. in nouo, distinct. 21*. Sed Apostoli omnes immediatè à Christo acceperunt potestatem legislatiuam. Ergo etiam Episcopi à Christo accipiunt. Confirmo ex verbis Christi Matth. 18. *Quodcumque ligaueris super terram, erit ligatum & in cælo*. quæ non solum ad Petrum, sed ad omnes Apostolos dicta fuisse. Ergo omnes Apostolorum successores habent potestatem ligandi

di per leges à Christo. Secundò Episcopi constituti sunt à Christo Domino, vt specialiter Ecclesiam gubernarent, quia Pontifex per se, & immediatè toti orbi præsens esse non poterat: qua ratione dixit Paulus *Actuum* 20. esse à Spiritu sancto positos Episcopos regere Ecclesiam Dei; sed Ecclesia regi, & gubernari non potest sine potestate legislatiua. Ergo si à Christo constituti fuerunt Episcopi, & Rectores Ecclesiarum, constituti fuerunt & legislatores. Tertiò Episcopi habent potestatem ordinariam. Ergo non delegatam à Pontifice. Quartò stare optimè potest Episcoporum potestatem dependentem esse à Pontifice, & nihilominus à Christo recipi, quia potest dependere à Pontifice in assignatione materiæ, & subditorum, non in ipsamet potestate, & illius vsu, materia iam assignata. Quare quilibet Episcopus, eo ipso, quòd Episcopus est, & successor Apostolorum, dici potest iurisdictionem habere in potentia, seu in habitu, dependere tamen à Pontifice in materiæ assignatione. Sicuti elementum ignis verè habet in se potentiam comburendi: at comburere non potest, nisi materia ei applicetur.

Propter hæc Vasquez 1. 2. *disput.* 152. *cap.* 2. sequutus à Castro *de iusta hereticorum puni.* *cap.* 24. affirmare ausus est omnes Episcopos immediatè à Christo Domino potestatem iurisdictionis accepisse, dependentem tamen à Pontifice, quoad materiæ, & subditorum assignationem.

6 Sed, vt optimè expendit Suarez *lib.* 4. *cap.* 4. leuia sunt hæc fundamenta, vt à communi & recepta Theologorum, & Iurisperitorum sententia recedendum esset. Fateor, inquam, Episcopos successores esse Apostolorum non in Apostolatu, sed in Episcopatu, hoc est, in consecratione, non in iurisdictione, aliàs æqualem cum Pontifice haberent potestatem, & eodem modo respondeo ad locum *Matth.* 18.

Ad secundum respondeo Episcoporum consecrationem à Christo esse immediatè institutam, gubernationem à Pontifice, cui, inquam, præcepit, vt Episcopos crearet, & iurisdictionem conferret, prout illi conueniens visum fuerit. Neque obstat Episcopos sic à Pontifice positos, esse positos à Spiritu sancto, siquidem Spiritus sanctus inspirauit, & prouidit, vt sic ponerentur. Neque ex hoc quòd Rectores constituti sint Ecclesiarum, inferitur necessariò debere esse legislatores; poterant enim regere, imponendo temporalia præcepta: sicuti gubernatores sæculares supremo Principi subiecti.

Ad tertium concedo habere potestatem ordinariam, sed à Pontifice: dicitur autem ordinaria, quia ratione officij conceditur, & cum potestate delegandi.

Ad quartum nego intelligi posse potestatem Episcoporum recipi à Christo immediatè, & dependere à Pontifice in assignatione materiæ, & subditorum. Nam illa dependentia tollit omnimodam potestatem antecedentem: quæ enim iurdictio, & potestas esse potest sine subditis? Aliàs quilibet homo potest dici habere potestatem regiam in habitu, quia habet potestatem vt in Regem eligatur.

Adde vel illa potestas in habitu, quam Episcopi habent à Christo immediatè, est ratione consecrationis Episcopalis, vel ratione electionis, & confirmationis. Non ratione consecrationis Episcopalis, aliàs haberent potestatem sine vlllo termino, & æqualem Pontifici; quia non est, vnde limiteretur. Quod est omnino falsum, & contra vsu; cum sæpè videamus ipsos, consecratos nullam habere iurisdictionem, dum non est illis Episcopatus assignatus, seu iurdictio à Pontifice concessa, ex *cap. inter corporalia, de translatione Episcopi.* Quòd autem per electionem, & confirmationem illam non habeant à Christo, est manifestum: aliàs quilibet Prælati illam haberet, habent ergo illam à Pontifice.

7 Dubium tamen est, an eo ipso, quòd Episcopus sit electus, & confirmatus, habeat hanc potestatem, vel indigeat speciali concessione à Sede Apostolica?

Respondeo nulla indigere concessione speciali, sed iure ipso esse illi concessum leges condere conuenientes suo Episcopatu, habetur *cap.* 2. *de maior. & obedi.* & *cap.* 2. *de constitut. in 6.* & tradunt omnes. Leges tamen debent esse non repugnantes legibus Pontificiis; quia inferior leges superioris abrogare non potest. Quocirca non poterit leges condere repugnantes iuri communi, aut statutis à Pontifice confirmatis: colligitur ex *cap.* 1. & 2. *de reliq. & venerat. Sancti.* & *cap.* 1. *de translat. Episcopi.* & tradit Nauarr. *tit. de regul. lib.* 3. *consil.* 26. *num.* 8. Suarez *lib.* 4. *cap.* 5. *num.* 2. Salas *disput.* 8. *de leg. sect.* 6. *n.* 4. Sanchez *lib.* 8. *de matrim. disp.* 17. *n.* 30. Bonacina *disp.* 1. *g.* 1. *p.* 3. *n.* 23. & alij innumeri apud præcitatos Doctores.

8 Ex hac doctrina fit, non posse Episcopos leges condere in rebus grauioribus: tum quia hæc ex generali regula sunt Pontifici reseruata. *cap. maiores, de Baptismo, cap.* 1. *de translat. Episcopi.* Reseruantur, inquam, hæc in signum supremæ potestatis, & vt maturiori consilio fiant: tum etiam, quia hæc causæ grauiores sæpè aduersantur iuri communi. sic Doctores suprà relati. Quæ autem dicantur hæc causæ grauiores, optimè explicuit Suarez, & Salas *suprà*; sunt enim quæ ad vniuersalem Ecclesiam ex se pertinent, qualis est definitio alicuius veritatis fidei, canonizatio Sanctorum, Sacerdotum continentia, reuocatio consuetudinis, vel priuilegij vniuersalis, & communis, vnam Ecclesiam alteri subiungere, aut Episcopatus vnire, aut diuidere, &c.

9 Poterit tamen, vt bene aduertit Bonacina *suprà*, cum Decio *cap. ut si clerici, g. de adulterijs, num.* 81. *de iudicijs*, & aliis relatis à Salas *disput.* 8. *de legibus, sect.* 6. *n.* 40. in aliquo particulari casu dispensare in iure communi, dum superior consuli non potest. Sed hoc non est legem contrariam iuri communi ferre, sed ius commune interpretari, aut in illo pro aliquo casu singulari dispensare.

10 Sed inquires. Indigebitne Episcopus consensu cleri, aut Capituli ad leges ferendas?

Respondeo non indigere, quia potestas nullibi inuenitur concessa cum hac dependentia, & limitatione, solum pro festis statuendis requiritur consensus cleri, aut etiam populi. *cap. ult. de ferijs*, & pro alienandis rebus Ecclesiæ consensus Capituli. *cap. vestra, de locat. cap. nouit, cap. quanto, de his que fiunt à pralato sine consensu capituli.* Ex his non est delumendum argumentum ad alios casus, vt arguit Panoimit. *cap. ult. de offic. deleg.* & ita tenet alios referens Salas *sect.* 7. *n.* 41. Suarez *cap.* 5. *n.* 2. Bonacina *n.* 24. Vasquez *disp.* 153. *cap.* 2.

11 Ex his inferitur, quid dicendum sit de alijs Prælati superioribus, Archiepiscopis, Patriarchis, seu Primatibus. Et quidem in sua diocesi posse leges ferre, vt dictum est de Episcopo. nemini est dubium, quia ibi habent propriam iurisdictionem. Condere autem leges obligantes totam provinciam, seu Metropolim, non possunt, nisi in prouinciali Concilio, & de consensu comprouincialium Episcoporum. habetur expressè in *cap. nullus Primas, g. quest.* 3. ibi, *nullus Primas, vel metropolitanus diocesani Ecclesiam, vel parochiam, aut aliquam de eius parochia presumat excommunicare, vel iudicare, vel aliquid agere absque eius consilio, vel iudicio*; & infra: *Si quis Metropolitanus Episcopus sine consilio, & voluntate omnium comprouincialium Episcoporum aliquid agere tentauerit, gradus sui periculo subiacet, & quod egerit, irritum habeatur, & inane.* Idem habetur *cap. sicut olim, de accusat.* Salas *de legib. disput.* 8. *sect.* 9. *num.* 48. Sanchez *lib.* 8. *de matrim. disput.* 17. *num.* 36. Suarez *lib.* 4. *de legibus, cap.* 5. *num.* 3. Bonacina *disput.* 1. *quest.* 1. *punct.* 3. *num.* 25. qui excepit sub dubio tempus visitationis; sed tunc non leges, sed

præcepta imponere potest, cum non sint perpetuò duratura, quod ad rationem legis necessariò requiritur, ut bene probat Suarez *lib. 1. cap. 10. num. 7.*

12 De legato Summi Pontificis, quod leges ferre possit obligantes totam prouinciã, non solum tempore legationis, sed illo finito, donec à Pontifice, vel alio legato renocetur, constat ex *cap. ult. de officio legati.* ubi hæc potestas illi conceditur. Cardinalis Romanus ex vi sui tituli, & dignitatis solum potest ferre leges obligantes suam Ecclesiam; quia solum ibi habet iurisdictionem: colligitur ex *cap. his qua. de maior. & obedient. cap. quadam, de electione.* & ibi Panormit. Bonacina *p. 3. num. 26.* Suarez *lib. 4. de leg. cap. 5. num. 4.* Salas *disp. 8. sect. 8. num. 45.* Sebastian. Medicis *de leg. p. 1. quest. 10.* & alij plures ab eisdem relati. Alij Prælati exempli, quales sunt Abbates aliqui iurisdictionem Episcopalem habentes, possunt leges ferre; nisi eis aliquo modo sit prohibitum, aut ex consuetudine requirant consensum clerici, vel Capituli. sic Suarez *suprà*; quia hæc potestas legislatiua est potestas iurisdictionis, non consecrationis.

13 Solum de sanctis Patribus, & Ecclesiæ Doctõribus, potest esse dubium, an illis sit data potestas condendi leges: Et quidem non esse illis datam hanc potestatem, tradit optime glossa *dist. 20. in princip.* & Felin. Panormitan. & Decius *in cap. ne imitatis, de constitution.* & colligitur ex Hostiensis *cap. solite, de sententia excommunicat. in 6.*

Dices. Esto illis data non sit talis potestas; at cum eorum sententiæ in decreto inseruntur à Gratiano, vim legis habere debent ex tacito consensu Pontificis?

Respondeo negando assumptum, (quamuis contra teneat Felinus cum aliis *cap. 2. de rescriptis, num. 45.*) quia nullibi inuenitur Pontificem approbasse ut leges ea, quæ in Decreto à Gratiano referuntur. Alias etiam dicta Imperatorum, & leges ciuiles insertæ in Decreto vim legis canonicæ haberent. Præterea nonnulla inseruit Gratianus in Decreto, ut bene aduertit Suar. propriis originalibus difformia, ac proinde emendata sunt. Non ergo est inferendum vim legis habere ex eo, quod in Decreto Gratiani contineantur: habent tamen magnam authoritatem, ratione cuius sequendæ sunt ex æquitate; & ita tenet glossa *cap. 1. de rebus Ecclesiæ non alienandis, verbo tractatus.* Decius, Panormit. & alij *cap. 2. de rescriptis.* Nauarr. *de redditib. Ecclesiasticis, quest. 3. moni. 17. num. 5.* Sanchez *lib. 9. de matrim. disp. 12. num. 3. circa medium, & num. 5.* Bonacina *punct. 3. circa finem.* Suarez *lib. 4. cap. 5. num. 7.* Salas *de leg. disp. 8. sect. 13.* Valent. *2. 2. disp. 6. quest. 6. punct. 6.* & alij plures ab eisdem relati. Aduertunt tamen supradicti Doctores aliquando sententias Patrum, & leges ciuiles à Pontifice canonizari, hoc est, tanquam leges proprias promulgari, & in Decretalibus inseri, & tunc clarum est vim legis habere ex voluntate Pontificis. Secundò aduertunt sæpe sanctos Patres lege, & præcepto aliquo, naturali, aut diuino, à Christo, vel Apostolis tradito, aut Ecclesiæ traditione introducto testari, & tunc illis credendum est non tanquam legislatoribus, sed tanquam testibus fide dignis iuxta maiorem, vel minorem, consensum sanctorum Patrum in ea re.

Ex his infero non habere vim legis vniuersalis decreta particularium Episcoporum, aut Conciliorum, etiam si à Pontifice allegentur, si tamen non fuerint ab illo, vel alio Pontifice approbata; retinent enim solum primariam suam dispositionem, & authoritatem, ut bene tradit Valent. Thom. Sanch. Bonacina, & Salas *suprà*, & Suar. *cap. 6. num. 10.*

14 Rursum de Conciliis videndum est, an potestatem habeant condendi leges.

Si generale Concilium viuentis Pontificis non fuerit eius autoritate, & consensu congregatum, certum est nullam authoritatem habere leges condendi obligau-

tes Ecclesiam: ut optimè tradit Bellarm. *2. de Concil. cap. 14.* Salas *disp. 8. de leg. sect. 3.* Molina *de iust. tract. 2. disp. 21.* Suar. *lib. 4. de leg. cap. 6. num. 3.* quia nullibi inuenitur hæc potestas à Christo concessa. Hæc enim potestas leges canonicas ferendi data fuit Petro, & eius successoribus, & ex illis tanquam ex capite ad reliqua membra deriuanda est. Item hoc Concilium cum non sit legitime congregatum, non est verum Concilium; deficit enim illi caput.

15 At si Concilium autoritate Pontificis congregatum sit, placet Bonacina *disp. 1. quest. 1. p. 3. num. 13.* posse leges, & statuta generalia facere; quia sic illis à Pontifice est concessa facultas. Idem significauit Soto *4. dist. 20. quest. 1. art. 4. ad 2.* Viêt. *in relect. 2. de potestate Papa quest. 1. num. 6.* Probatur ex eo, quod frustra conuocarentur ad leges ferendas, si leges ferre nõ possunt.

Mihi tamen probabilius est non posse Concilium leges ferre obligantes totam Ecclesiam, antequam à Pontifice approbentur; quia nullibi inuenitur talis facultas à Pontifice concessa, & ex usu contrarium constat: siquidem omnia Concilia generalia à summo Pontifice postularunt suorum decretorum confirmationem, ut fecit Trident. *sess. 25. in fine.* Ergo ante hanc confirmationem iudicauit Concilium leges, & decreta à se facta obligationem toti Ecclesiæ imponere non posse: & ita tenet Nauarr. *lib. 1. cons. tit. de constit. cons. 1. num. 4.* Caietan. *opusc. de comparat. Papa, & Concilij.* Turrecremata *lib. 2. sum. cap. 71.* Suar. *lib. 4. de leg. cap. 6. num. 2.* Salas, Molin. & Bellarm. *suprà.*

16 Sed quid dicendum de Concilio congregato ob defectum Pontificis, vel quia ipse (quod Deus auertat) hæreticus factus est, vel est schisma inter electos, & ignoratur, quis fuerit legitimus?

Respondeo in tali calu posse Concilium ea statuere, quæ rectæ Ecclesiæ gubernationi pro illo tempore visa fuerint, quia hoc naturali iure illi conuenit, ne Ecclesia omni remedio destituta videatur. Non tamen poterit leges condere perpetuò duraturas, quia nullibi inuenitur concessa talis potestas. sic Suar. *suprà num. 4.*

17 Ex his inferitur à Concilio, cui Pontifex non assistit, dari posse appellationem ad Pontificem, quia datur appellatio ad superiorem: sic docet Sebastian. Medicis *de leg. 1. p. quest. 9.* Salas *disp. 8. sect. 14. circa finem.* Bonacina *disp. 1. quest. 1. punct. 3. num. 13.* & colligitur ex *l. 1. ff. quis, & à quo, & ex cap. super questionum. vers. porro, de officio delegati.* At si Pontifex ei Concilio assistit, dari non potest appellatio, quia esset appellatio eiusdem ad idem tribunal, quod nullo modo licet, ex *cap. nemo, cap. cuncta. 9. quest. 3.*

18 Alia verò Concilia particularia sunt in triplici differentia, Nationalia, Prouincialia, & Diocesana. Nationalia, quando omnes Episcopi, & Archiepiscopi alicuius nationis, sub vno Primatu, seu Patriarcha congregantur. Prouincialia, ubi sub vno Archiepiscopo Episcopi suffraganeo conueniunt. Diocesana, in quo Rectores Ecclesiarum, Abbates, & priores iunguntur cum suo Episcopo: quod Concilium vocatur Synodus Diocesana. Et quidem omnia hæc Concilia habere potestatem leges ferendi pro suo territorio, est res indubitata: nam si quilibet Prælatus seorsim à suo clero potest leges ferre, à fortiori ex eius consensu, & colligitur ex *cap. Catholica. 11. dist. & cap. Concilia, dist. 17. cap. regula. dist. 3. & cap. placuit, 12. quest. 2.* At nullo modo possunt leges ferre obligantes totam Ecclesiam, quia non possunt obligare extra territorium. Aliquando tamen à Pontifice decreta Concilij prouincialis approbantur pro tota Ecclesia, & tunc ratione approbationis vim legis vniuersalis habent, non verò, ut à tali Concilio emanarunt. Hæc autem approbatio, ut dixi, non est colligenda ex eo, quod in Decreto Gratiani contineantur, sed ex aliis decretis Pontificum, vel ex traditione:

tione : & in his conuenit Suarez *lib. 4. de legibus , cap. 6. num. 8.* Bonacina *disp. 1. quest. 1. punct. 3. num. 14.* Salas *disp. 8. sect. 15. num. 79.* Valent. 2. 1. *disp. 1. quest. 1. punct. 7.* Bannes *ibi quest. 1. art. 10. dub. 3.* ubi notant, quæ fuerint hæc Concilia à Pontifice approbata, & aduertunt, Concilia non generalia errare posse in suis decretis ; quia non sunt leges vniuersales, neque de rebus grauioribus. At si à Pontifice pro sua Ecclesia approbentur, carere omni errore ; quia Pontifex in his, quæ pertinet ad vniuersale regimen Ecclesiæ, errare non potest, vipote, qui infallibilem habet diuini Spiritus assistentiam.

19 Rursus dicendum est de congregatione Cardinalium, de quibus certum est nullam habere potestatem condendi leges excedentes suum territorium, neque viuente Pontifice, neque vacante Sede. Solum enim illis conceditur Sede vacante, vt ea statuunt, quæ pro electione Summi Pontificis, & pro Ecclesiæ defensione, & periculorum occurrentium visa fuerint expeditæ, ex *cap. ubi periculum, de elect. in 6.* Et cauetur ne se in alio negotio intromittant, & quidquid aliud fecerint, irritum, & inane decernitur in *Clement. ne Romani, de elect.* Quare cum præceptorum impositione sufficienter provideatur periculis occurrentibus, nequeunt legem statuere, quia lex est statutum permanens : & ita tradunt alios referens Salas *disp. 8. sect. 8.* Suarez *lib. 4. cap. 6. num. 5.* Bonacina *disp. 1. quest. 1. punct. 3. num. 26.* Neque obstat collegium Cardinalium assimilari Senatui Romano, ex *cap. Constantinus 2. 96. distinct.* quia non assimilatur Senatui in potestate leges condendi, sed in honore, & dignitate : non enim Constantinus hanc potestatem, cum sit spiritualis, dare poterat Cardinalibus, sed à Pontifice necessariò debebat provenire. Item non obstat collegium habere potestatem eligendi Summum Pontificem, & consequenter creandi legislatorem vniuersalem, vt dicamus habere potestatem leges condendi, quia solum ad electionem Pontificis est illi concessa facultas : facultas autem concedi potest ad actum nobiliorem inferiori denegato, sicut à Christo conceditur omnibus Sacerdotibus potestas consecrandi eius corpus, non tamen consecrandi calices, vt rectè expendunt glossa in *Clement. 2. de elect. verb. potestatis.* Suarez *lib. 4. cap. 6. num. 5.* Bonacina *disp. 1. q. 1. p. 3. m. 26.* Salas *disp. 8. sect. 8.*

20 Aduertit tamen Bonacina : si omnes Cardinales, vno excepto, è conclaui decedant, posse ab eo, qui remansit, Pontificem eligi, quia omnes alij reputari debent, ac si è vita decedissent. Probabilius credo non posse, sed reputandum est, ac si nunquam in conclaui fuissent Cardinales congregati ; fauetque *cap. ubi periculum, & Clement. ne Romani*, quæ semper loquuntur de numero plurali, imò de collegio, & cætu, qui non videtur esse vnus, neque duo, sed ad minus tres. *L. Veratim ff. de verb. signif.*

21 Insuper dubitari potest de Capitulo Ecclesiarum, quod sumi potest Sede vacante, vel Episcopo viuente : si sumatur Capitulum Sede vacante, plures Doctores sentiunt leges ferre non posse obligantes totam diocesi. sic Sebastian. Medicis. 1. *part. de legibus, quest. 16.* Salas *de legib. disp. 8. sect. 16. num. 86.* Primò, quia solum illi conceditur administratio temporalium, & spiritualium rerum pro limitato tempore. Ergo non conceditur illi potestas condendi leges, quæ de se sunt perpetuæ. Secundò Capitulo conceditur ea facultas, quæ necessaria est ad Ecclesiæ gubernationem Episcopo absente : quia Capitulum, vt dicit glossa *Clement. 1. de heret. verbo Capituli*, est necessarius, non voluntarius administrator : sed ad hanc gubernationem voluntariam non videtur necessaria facultas condendi leges, per præceptorum enim impositionem sufficienter provide-ri poterat, sicut diximus de collegio Cardinalium, &

Concilio generali Pontificis, Sede vacante. Ergo. Tertio, si leges condere potest, poterit & antiquas latas ab Episcopis abrogare, quia poterunt esse illis contrariæ. Sed hoc videtur esse contra *cap. 1. ne Sede vacante aliquid innoetur*, & contra glossam *cap. si qua de rebus, 12. quest. 2.* ubi dicit, non posse Capitulum Sede vacante mutare statutum Episcopi ; id est, statutum, vt legit Felin. *cap. cum omnes, de constitut. num. 10.* Quartò, Capitulum Sede vacante non potest præbendas conferre. *cap. 2. ne Sede vacante, ibi, cum nunquam inueniatur can- tum in iure, quòd Capitulum vacante Sede fungatur vice Episcopi in collationibus præbendarum.* Ergo non ex eo, quòd illi concessa sit administratio temporalium, & spiritualium rerum, censetur concessa potestas leges ferendi.

22 Nihilominus probabilius censeo cum communi sententia, Capitulum Sede vacante posse leges ferre obligantes totam prouinciam, quouque à Pontifice, vel Episcopo successore reuocentur. sic Panormitanus *cap. cum olim, de maior. & obedi. num. 24.* Felinus *cap. cum omnes, de constitut. num. 9.* Syluest. *verbo Capitulum, quest. 6.* Bonacina *disp. 1. quest. 1. punct. 3. num. 29.* Suarez *lib. 4. de legibus, cap. 6. n. 14.* Pauin. *de potestate Capituli Sede vacante, q. 6.* Ratio præcipua est, quia Capitulum Sede vacante succedit in administratione temporalium, & spiritualium rerum totius diocesis. *cap. cum olim, de maior. & obedi. & cap. vnic. eod. tit. in 6. cap. si Episcopus, & cap. ult. de supplenda neglig. pralat. in 6. & Trident. sess. 24. cap. 16.* Sed administratio esse non potest sine iurisdictione. Ergo succedit in iurisdictione Episcopi. Ergo in potestate ferendi leges. Probo hanc consequentiam ; quia fauor, & potestas restringi non debet, sine manifesto textu, & ratione : atqui nullus est textus, neque ratio firma denegans Capitulo potestatem leges ferendi, & ex alia parte in generali administratione potest seruata proprietate verborum contineri. Ergo. Et confirmo. Capitulum Sede vacante præstat omnia officia iurisdictionis, quæ præstat Episcopus, nisi ei specialiter sit prohibitum : & sic dispensat in irregularitate, in denuntiationibus matrimonij, in interdictis, in illegitimitate ad ordines, & ad beneficium simplex, vt ex propriis materiis constat, & tradit Bonacina, Salas, & alij *suprà.* Sed potestas condendi leges, est potestas iurisdictionis, & ex alia parte non est denegata Capitulo. Ergo potest. Adde exercitium huius potestatis non esse Ecclesiæ, neque Episcopo successori damnosum, potius quàm potestatem imponendi præcepta, quam nullus dubitat Capitulum habere, quia legem esse per modum statuti, vel præcepti, parum Ecclesiæ interest, dum durat præceptum ; aduersante autem nouo Episcopo, iam liberum illi est statutum abrogare, si expediens esse non iudicat.

23 Neque obstant contraria.

Ad primum dico, etsi Capitulo concedatur pro limitato tempore administratio : at pro eo tempore conceditur tota potestas Episcopi : sicuti Vicario Episcopi ad tempus signato concedit Episcopus potestatem suam, & Legato Pontificis ad tempus misso concedit Pontifex potestatem ferendi leges in perpetuum duraturas.

Ad secundum admitto Capitulum esse administratorem necessarium diocesis, quia necessariò succedit, & iurdictio Episcopi in illum transmissa necessariò est. Nego tamen inde inferri leges ferre non posse, quia esto per præceptorum impositionem poterat malis occurrentibus provide-ri : at non ita bene. Adde esse necessarium gubernatorem, quoad potestatem, quia necessariò illam habet, non tamen quoad modum gubernandi : non enim arctatum est Capitulum in modo gubernationis, sed potest aliquando per præcepta, aliquando per leges, aliquando solum impositione pœna- rum

rum delicta subditorum coercere. Neque est simile de collegio Cardinalium, & Concilio generali; in quibus non potuit potestas legislativa Pontificis, quæ est de iure diuino, transferri: ex iure autem humano potius denegata est ex *Clement. ne Romani, de elect.* & solum concessa in his, quæ ad electionem Pontificis pertinent, & præcauenda mala, quæ Ecclesiæ accidere possunt illo tempore: at contra accidit in Capitulo sede vacante, cui à iure est potestas absoluta concessa ad omnia, & solum in aliquibus casibus limitatur: non igitur extendenda est limitatio ultra illos.

Ad tertium concedo, posse leges latas ab Episcopo prædecessore abrogare: neque hoc obstat textui in *cap. nouit, ne sede vacante*; quia ibi solum dicitur, ne sede vacante aliquid de bonis pertinentibus ad Ecclesiam, & dignitatem Episcopalem innouetur, sicuti neque Episcopus bona Ecclesiæ vacantis sibi subiectæ alienare potest. *cap. si quis Episcopus, 10. quest. 2.* Non tamen aliquid dicitur de inuolutione legum; quapropter immerito nomen status Episcopi, mutauit Felinus in statutum.

Ad quartum concedo non posse præbendas Episcopo pertinentes Capitulum conferre, quia expressè cauetur iura Episcopalia referuari debere successoribus: ut tradit bene glossa in *cap. cum olim, & cap. his quæ de maior. & obediunt.* & aliis. At omnia alia, quæ ad iudicium, absolutionem, & condemnationem pertinent, bene potest, ut in suprad. cap. notatur.

24 Verum si Capitulum sumatur viuentis Episcopo, dubium aliquod est, an absque eius consensu possit aliquas leges ferre, obligantes ipsos capitulares: nam extraneos certum est obligari non posse, quia Capitulum non habet in diocesanos iurisdictionem, nisi per mortem Episcopi.

Plures tenent non posse vllam legem ferre, neque præceptum, sed solum regulam, & directionem, qua possit, si iurent, vel promittant Canonici eam seruare, tenebuntur, ex iuramento, vel promissione, non ex vi legis, aut præcepti, quia Capitulum absque Episcopo non videtur vllam habere iurisdictionem: si enim illam haberet, quæ necessitas erat expostulandi Canonici iuramentum de seruandis statutis? Quia ergo in statutis nulla agnoscebatur obligatio, expostulatur iuramentum ad illorum obseruationem. Adde Episcopum esse caput Capituli, & cum illo vnum efficere. Ergo non potest Capitulum sine Episcopo habere vllam iurisdictionem: alias sine Episcopo esset integrum corpus, siquidem sine illo se posset regere, & gubernare.

25 Tenenda tamen est communis sententia, Capitulum posse absque consensu Episcopi leges, & statuta ferre obligantia suos capitulares in his, quæ pertinent ad rectam, & ordinariam gubernationem Ecclesiæ, quia absque Episcopo in his rebus procedunt. Ergo signum est habere in illis iurisdictionem, atque aded imponere posse leges, seu præcepta. Nam gubernatio sine vi coactiva fieri rectè non potest: & colligitur ex *cap. cum omnes, de constitut.* ubi supponi videtur posse Canonicos irrequisito Episcopo ius in se ipsos statuere; quia tamen ius, quod ibidem statuerunt, omnibus commune non erat, ideo à Papa reuocatur: in rebus autem grauioribus, quales sunt abrogatio aliquarum constitutionum, & alienatio, vel venditio alicuius fundi, necessarius est consensus Episcopi, & sæpe Pontificis, ex *cap. cum accessissent, de constitut.* & ita tenet Panormit. *cap. cum omnes, de constitut. num. 4.* & Felin. *ibi num. 8. glossa cap. 2. §. 1. verbo statutum, de verbor. significat. in 6.* Syluest. *verbo lex, quest. 4.* Sebastian. Medicis *quest. 16.* Salas *disp. 8. sect. 16. num. 84.* Bonacina *disp. 1. quest. 1. p. 3. n. 31.* Suar. *lib. 4. de leg. cap. 6. num. 11. & 12.*

Neque obstat argumentum in contrarium: expostu-

latur enim iuramentum, ad maiorem statuti obseruationem, & obligationem: non quia simpliciter ratione statuti obligati Canonici nõ sint. Item ratione iuramenti obligantur absque dubio, secluso illo, solum ex maiori probabilitate.

Ad confirmationem respondeo Capitulum secluso Episcopo esse corpus integrum, quia caput habet immediatum, scilicet Decanum, taliter, quod in Capitulo Episcopus, non est caput, sed Decanus.

26 Supradictam doctrinam extendit Felin. & Panormit. in *cap. cum omnes, & cap. cum accessissent, de constitut.* & Syluest. *verbo lex, quest. 5.* Salas *disp. 8. sect. 17. num. 89.* Albericus *tratt. de statutis, quest. 3. & 6.* ad alias Ecclesias collegiatis, vniuersitates, & societates, ac collegia: de omnibus enim dicunt posse in rebus leuioris momenti leges ferre; secus verò in grauioribus. Bonacina verò *p. 3. num. 31.* & Suar. *cap. 6. num. 19.* negant hanc potestatem. Et quidem si ex vsu, & consuetudine non habent, & iure certum est non habere, quia nullibi inuenitur illis concessa, & potestas iurisdictionis, cum sit res facti, præsumenda non est, nisi probetur. Poterunt tamen, ut bene aduertunt supradicti Doctores, constitutiones, & ordinationes facere tam dispositiuas, quàm poenales, quæ ad culpam obligent, vel ratione potestatis dominatiuæ, quam communitas acquirere potest ex traditione, quam vnusquisque de se communitati, vel illius rectori facere potest, ut gubernetur, & puniatur; si non obdierit; vel ratione promissionis, & iuramenti; quod solent præstare de seruandis statutis communitatis.

27 Tandem venit dicendum de communitatis religionis, in quibus non solum est potestas dominatiua ex vi voti obedientiæ, & traditionis vnus cuiusque ad se gubernandum; sed etiam est potestas iurisdictionis à Pontifice concessa ad gubernandum religiosos iuxta præscriptum regulæ, tradit Suar. *lib. 4. de leg. cap. 6. num. 21.* cum Innocent. *cap. in singulis, de statu Monach.* Salas *disp. 8. sect. 18.* Bonacina *disp. 1. quest. 1. p. 3. num. 31. fine.* Sebastian. Medicis *de leg. 1. p. quest. 9. & 15.* In quibus autem resideat hæc potestas iurisdictionis, an scilicet in Capitulo generali tantum, an etiam in ipso generali, vel etiam in provincialibus, aut in conuentibus? spectanda sunt particularia cuiusque religionis statuta; nam secundum illa iurdictio concessa est.

28 Abbatibus autem, & monialium præfectis concessam esse potestatem præcipiendi non solum ex voto, & promissione, sed etiam ex iurisdictione à Pontifice, videtur necessariò dicendum; alias non possent moniales delinquentes punire: & ita tradit Bonacina *supra*, Salas *disp. 8. sect. 19. num. 90.* Vasq. *1. 2. disp. 166. cap. 4. num. 28.* Thom. Sanch. *lib. 6. in Decal. cap. 1. num. 27.* Numquam tamen possunt præcipere, nisi ea, quæ ad rectam, & politicam gubernationem domus, sibi visa fuerint conuenire, quia ad alia imperanda iurisdictione carent.

29 Inquires, quibus delegari possit à Pontifice hæc potestas ferendi leges? Et quidem delegari posse nemini est dubium; cum sit pars iurisdictionis: habetur *cap. grauem, de sentent. excommunicat.* & tradit ibi Panormit. *num. 1.* Suar. *lib. 4. cap. 6. fine.* Salas *disp. 8. sect. 19. num. 92.* Bonacina *num. 33.*

Difficultas est, an alicui possit delegari pro tota Ecclesia? Salas *n. 93.* existimat posse Concilio generali, personæ autem particulari expediens non esse; Bonacina verò, & Suar. affirmant delegabilem non esse, quia non est delegabilis infallibilis assistentia Spiritus sancti, in quo fundatur potestas obligandi totam Ecclesiam, alias tota Ecclesia errare posset.

30 Ego verò distinguendum censeo: aliquæ enim sunt leges immediate ad mores pertinentes, quæque si rectè expendantur, potius sunt definitiones fidei, & conclusiones, deductæ ex principiis naturalibus, vel reuelatis, quàm positivæ constitutiones: & de his censeo nullum

nullum alium præter Pontificem posse aliquid firmiter statuere, ob rationem dictam, quia non est delegabilis assistentia Spiritus sancti requisita ad huiusmodi leges: & hæc est lex prohibens matrimonia eunuchorum, bigamiam, coitum vagum, mutuum dare sub vfuris, & forte præscriptionem rei mala fide possellæ. Aliæ autem sunt leges remotè tamen pertinentes ad salutem, quia sine illis & salus obtineri posset, imò etiam si aliud diuersum disponderetur. Et in his non video, quia ratione requiratur assistentia diuini Spiritus, præcipuè in delegato, & quare non possit aliquis pro tota Ecclesia potestatem habere ferendi has leges: neque mihi se offert inconueniens, in eo quòd Concilium generale, vel aliqua persona particularis possit ieiunia aliqua statuere, vel modum specialem præscribere, in resignandis, vel acquirendis beneficiis, vel in sacrificio Missæ aliquas cæremonias superaddere, præcipuè cum Pontifici semper liberum sit, legem illam à suo vicario factam abrogare, ratione potestatis à Christo concessæ, quæ inamissibilis est.

31 Secundò dubitari potest de fœminis, an capaces sint iurisdictionis Ecclesiasticæ?

Negat Victoria *relect. 2. de potestate Ecclesiæ, quest. 2. n. 3. 4. & 5.* Mouetur ex illo loco Pauli 1. Corinth. 14. *Mulieres in Ecclesijs taceant; turpe enim est mulieres loqui in Ecclesijs.* Sed hoc fundamentum infirmum est ad probandam sententiam Victoriz, cum Paulus solum de publica expositione doctrinæ loquatur, non de legislatione. Adde posse legem secretò condere, & alteri publicandam dare. Item licet mulieri turpe sit in Ecclesia loqui ex proprio motu: at ex potestate speciali Pontificis ob aliquem casum grauem, turpe esse non videtur: ut de S. Catharina Senensi refert Bonacina *disput. 1. quest. 1. punct. 3. num. 35.* admissam fuisse ad concionandum coram Pontifice, & Cardinalibus Ecclesiæ Romanæ. Quocirca nulla se mihi offert repugnantia, quominus Pontifex possit mulieri hanc potestatem delegare, sicut & potestatem imponendi censuras. sic Bonacina *suprà. Salas disput. 8. sect. 19. num. 44.* & alij, quos in tract. de censuris retuli.

PUNCTUM XXIV.

Qui teneantur legibus, tam ciuilibus, quam Ecclesiasticis.

Variæ sunt personæ, de quibus dubitari potest, an legibus teneantur.

Primò de ipso legislatore.

Secundò de pueris, ebriis, & amentibus.

Tertiò, de peregrinis, & forensibus.

Quartò de residentibus extra territorium.

Quintò de Ecclesiasticis personis respectu legum ciuiliū.

§. I.

Legislator an suis legibus obligetur.

1 Distinguitur duplex obligatio.

2 Obligatur directiua obligatione.

3 Unde nascatur hæc obligatio.

4 Hanc obligationem esse grauem, qui censeant, & quibus probetur.

5 Probabilis est secluso scandalo, aliæ uero ratione extrinseca solum esse venialem.

6 An hæc obligatio insit Principi respectu legum, quæ ab inferioribus feruntur, & ab ipso confirmantur.

7 Proponitur obiectio, & soluitur.

8 Testamentum, & institutio hæredis facta à Principe absque solemnitate valet, non tamen valet testamen-

tum in fauorem Principis factum, nisi ipse prius dispensauerit.

9 Obligari ad pœnam nullus legislator potest.

10 Vxor legislatoris, beneficio legislatoris exempta præsumitur.

DVpliciter obligari potest. Primò ad culpam. Secundò ad pœnam. Prima obligatio vocatur directiua, quia dirigit lex, quid faciendum sit. Secunda obligatio est coactiua, quia cogit legislator pœnæ impositione ad legis obseruationem.

2 De obligatione ad culpam communis est sententia cum D. Thom. 1. 2. *quest. 96. art. 3. ad 3.* legislatorem suis legibus obligari, quando leges respiciunt materiam communem, & accommodatam subditis, & legislatori, indecens enim est legislatorem non se conformare suis subditis: & aliud prædicare verbo, aliud docere exemplo; poterat enim illi obici, quod obiciebatur Pharisæis, nempe alligare alius onera grauiā, & importabilia; cum tamen ipse nolit digito suo ea mouere. Quapropter in cap. cum omnes, de constitutionib. dicitur, *patere legem, quam ipse tuleris.* nam ius, quod quisque in alterum statuit, ipse eodem vti debet: sic Nauarr. in cap. si quando, de rescript. except. 1. & consil. 18. de penit. & remiss. Couarr. in cap. alma mater, 1. part. §. 1. num. 5. Suarez lib. 3. de legibus, cap. 3 §. num. 4. Salas disput. 14. de legibus, sect. 2. num. 15. & seq. Lessius lib. 2. de iustit. cap. 3 §. dub. 5. Bonacina disput. 1. de legib. q. 1. p. 6. n. 19. Azor lib. 5. cap. 11 q. 1. & alij plures ab eisdem relati.

3 Difficultas autem est, unde hæc obligatio oriatur, an ex lege ipsa, qua ceteros adstringit, an ex lege aliqua naturali? Ex lege enim ipsa non videtur oriri posse: tum quia nemo in se ipsum exercere iurisdictionem potest, quia non potest esse superior, & inferior. Tum, quia obligatio legis positivæ à voluntate legislatoris pendet. Poterit ergo legislator velle alios suis legibus obligare, & se ab obligatione eximere: & ita credendum est fieri, quoties legem à se latam transgreditur. Efficitur ergo solum ex ipsa rei natura oriri talem obligationem. Quapropter cum legislator absque causa transgreditur legem aliis impositam, non peccat aduersus suam legem; sicuti non peccaret quilibet alius, quem legislator absque causa à legis obseruatione eximeret: peccat tamen aduersus legem naturalem dictantem legislatorem debere verbo, & exemplo subditos ad virtutem promouere.

4 Quanta autem sit hæc obligatio, grauis, an levis? Couarr. cap. alma mater, 1. part. num. 5. & 7. Vasquez plures referens 1. 2. disput. 167. cap. 7. Sayrus in clauis regia, lib. 12. cap. 9. num. 2. Syluest. verbo lex, quest. 14. existimant esse grauem, quia grauis est materia per legem præcepta; quia ipse tenetur illam exequi, vel ex obligatione suæ legis, vel ex obligatione iuris naturalis: sed à quocumque oriatur obligatio, debet esse grauis, siquidem respicit materiam grauem. Ergo. Et confirmo, cum legislator omittit ieiunium, vel Missam à se generaliter præceptam, peccat aduersus illam virtutem, aduersus quam subditi peccant, omittendo præcepti obseruationem: ut tenet Suarez lib. 3. cap. 3 §. num. 8. Lessius lib. 2. cap. 3 §. dub. 5. Bonacina punct. 6. num. 14. & alij relati à Salas disput. 14. sect. 2. num. 17. Sed subditi ideo peccant grauiter, quia materiam grauem alienius virtutis omittunt. Ergo etiam legislator eandem omittens grauiter peccabit. Adde si ex præcepto naturali teneretur quis seruare ieiunium, vel Missam audire, cui dubium esse potest peccaturum grauiter omittentem: Sed legislator imponens legem ieiunij, ex lege naturali tenetur ieiunium seruare, neque potest se absque causa ab illius obligatione eximere. Ergo peccat generaliter, si omittat.

5 Nihilominus probabilius censeo solum esse peccatum

um veniale secluso scandalo, vel alia ratione extrinseca: sic docet Lessius *cap. 35. dub. 5. Bonacina num. 23. Azor lib. 5. cap. 11. quest. 1. Salas de leg. diffut. 14. sect. 2. num. 17. & seq. & diff. 20. sect. 12. num. 104. Moucor, quia non videtur grauis deordinatio legislatores in vno, vel altero actu subditis non se conformare, quia ex illa deformitate non sequitur perturbatio in republica, neque aliquod graue inconueniens: cum autem tota ratio obligationis in legislatore inde nascatur, efficitur sanè grauem non esse. Quapropter non est attendenda grauitas materię secundum se, sed in ordine ad finem præceptum; concedo enim ieiunium in ordine ad temperantiam, & Missam in ordine ad religionem, esse grauem materiam, ac proinde illorum vnicam omissionem culpam grauem efficere: at in ordine ad regimen reipublicę rectum, & pacem in illa conseruandam nequaquam grauem esse. Cum ergo legislatore præcipiente ieiunium, non præcipiatur illi ieiunium ob temperantiam, sicuti præcipitur subditis, sed ob regimen rectum reipublicę, non peccat grauitur, etsi illud vna, vel altera vice transgrediatur, sed solum, quando scandalum graue, & graue inconueniens inde timere potest. Ex quo fit non peccare legislatorem non obseruantem suas leges contra virtutem, quam peccant subditi, vt voluerunt Suar. & Bonac. *supra*, & alij relati, sed contra virtutem potestatiuam.*

6 Sed inquires, an hæc leuis obligatio fit in legislatore superiore respectu legum ab inferiori latarum, præcipue cum in illa provincia, ac ciuitate commoratur, vbi vigent. Quod est inquirere, an summus Pontifex, dum in aliqua diocesi speciali existit, teneatur legibus illius? & idem est de Imperatore, & Rege, an teneatur legibus municipalibus prouinciarum? Videtur teneri, quia indecorum est, non se omnibus conformare: quæ fuit ratio supradictę obligationis. At dicendum est minimè teneri, etiam si illæ leges ab ipso fuerint confirmatę: tenet expresse Suar. *lib. 3. de leg. cap. 35. num. 14. & adducit Felin. cap. 1. de constitut. num. 30. Tiraquell. de viroque retractu. lib. 1. gloss. 1. §. 3. num. 38. consentit Bonacina p. 6. dum non fuerint à legislatore confirmatę. Salas diffut. 14. sect. 2. num. 23. & seq. Ratio est, quia legislator non solum est caput illius specialis prouincię, seu ciuitatis, in qua de facto commoratur, sed etiam aliarum, in quibus illæ leges non obseruantur. Ergo ex ratione capitis, non tenetur se aliquibus subditis præstare vniformem, cum alij subditi contrarij sint. Dixi, etiam si ab ipso legislatore confirmatę sint; quia non confirmantur pro toto tuo territorio, sed aliqua illius parte. Limitat tamen Suar. *num. 14.* hanc doctrinam in loco proprio, & domiciliario legislatoris, qualis est curia Principis, in hoc enim affirmat debere legislatorem leges illius oppidi accommodatas suę personę, & dignitati obseruare; quia aliàs occasionem præberet suo exēplo illas temnendi: crederem tamen leniorem causam sufficere ad honestandam harum transgressionem, quàm transgressionem legis communis à se latę.*

7 Solum video obiici posse aduersus supradicta Principem obligatum esse, sicut obligantur subditi, sequi taxam mercium à se factam: item stare legibus contractuum à se latis, si de facto contrahat. Ergo obligatur grauitur legibus.

Respondeo negando consequentiam, quia sequi taxam mercium, obligatur ex iure naturali, quo cauetur, ne pluri vendatur res, quàm valer communiter: at posita taxatione, iam res illa communiter non valet plus, quàm taxata est. Ergo idem dicendum est in contractibus, in quibus ex iure naturę expostulatur æqualitas in vtroque contrahentium; quapropter si contrahens cum legislatore, obligatur legibus legislatoris, & ipse legislator stare illis debet, non quia leges illius sunt, sed quia sunt conditiones, sub quibus contractus est celebratus.

Quocirca si legislator celebret contractum cum aliquo, qui aliàs suis legibus est irritus, censetur in suis legibus dispensare, quia præsumitur velle actum fieri meliori modo, quo potest: vt dicit Suar. *lib. 3. cap. 35. n. 25. Salas diffut. 14. sect. 3. num. 32. Bonacina diffut. 1. quest. 1. p. 6. num. 16.* vel dicendum est neutrum obligatum esse, quia impossibile est legislatorem deobligatum manere, alio manente obligato: vel sub vna conditione aliquem ex contrahentibus celebrare, quæ ab altero non acceptetur.

8 Ex his inferitur, si Princeps condar testamentum, sine solemnitate à se requisita, & instituat aliquem hæredem, validum esse testamentum; quia præsumitur causam habere legitimam omittendi illam solemnitatem, & secum quasi dispensando; cum in hac dispensatione nemini irroget iniuriam: & ita traditur in l. ex imperfecto. C. de testament. At si aliquis instituat Principem hæredem, vel legatarium in testamento, in quo iuris forma seruata non est, nequit Princeps consequi legatum, aut hæreditatem ex illo, quia non præcessit dispensatio testamento condendo; & dispensatione non facta, testamentum illud nullum est, ac proinde Principi ius non potest tribuere: & ita deciditur in supradicta l. ex imperfecto, & §. ult. Instit. quibus modis testamenta infirmantur, & tradit glossa ibi. Suar. *cap. 35. num. 25. & seq. Bonacina p. 6. num. 17. Salas diffut. 14. sect. 3. num. 32.* Et hæc de prima obligatione legis, quæ est obligatio ad culpam.

9 Quod si de secunda obligatione legis, quæ est ad pœnam, loquamur, communis, & satis clara est decisio nullum legislatorem ligari posse pœna à se statuta, quia nemo à se ipso cogi potest: neque etiam à lege imponente pœnam; quia est superior ipsa lege, & præcipue, quia in nostra sententia pœna imponitur ob transgressionem legis positę à legislatore: at legislator non est suę legis transgressor, sed solum legis naturalis dictantis conformationem ipsius cum reliquis membris. Ergo: & ita tenent alios referens Azor *tom. 1. lib. 5. cap. 11. quest. 2. Sayrus in clauis regia lib. 3. cap. 4. num. 5. Valent. tom. 2. diff. 7. q. 5. p. 4. Bonacina diffut. 1. q. 1. p. 6. num. 14. Suar. lib. 3. cap. 35. num. 15. Salas de leg. diff. 14. sect. 2. n. 8. Vasq. diffut. 167. cap. 1. Lessius lib. 2. de iust. cap. 35. dub. 5. & deciditur expresse in l. Princeps. ibi, Princeps legibus solutus est. & §. ult. Instit. quibus modis testamenta infirmantur. ibi, licet legibus soluti simus; attramen legibus vinum, hoc est, etsi nos leges non astringant, attramen ob bonum exemplum legibus conformamur: & licet videantur hæc leges sub titulo limitato comprehendendi, quia de legatis caducis, & testamentis erat titulus: at decisio generalis est, & decisioni est standum potius, quàm rubricę, vt bene explicuit Menoch. *lib. 6. præsumpt. 1.**

10 Aduerto vxorem legislatoris, etsi legibus à legislatore latis subdatur: at beneficio legislatoris exempta præsumitur, ex l. Princeps. ff. de legibus. & ita tradit alios referens Sayrus in clauis regia *lib. 3. cap. 4. Salas de legib. diff. 14. sect. 3. num. 36. Bonacina diff. 1. quest. 1. punct. 6. num. 10. Suarez lib. 3. cap. 35. num. 28.*

§. II.

Infideles, pueri, ebrij, ignorantes, & amentes, qua ratione legibus teneantur.

- 1 Infideles nullis legibus Ecclesiasticis tenentur.
- 2 Ebrij, amentes, ignorantēque inuincibiliter legem, à lege excusantur.
- 3 Pueri ante rationis usum, qui regulariter est septennio completo, legibus Ecclesiasticis non tenentur.
- 4 Post usum rationis ante pubertatem Ecclesiasticis legibus non teneri, qui doceant.

5 Certa

- 5 Certa sententia est obligari pueros habentes perfectum
vsum rationis.
- 6 In præcepto Eucharistia esse aliquid speciale, qui sentiant.
- 7 Quid sit tenendum.
- 8 Censuris ab homine latis non astringuntur pueri ante
pubertatem.
- 9 Imò neque videntur censuris à iure excepta excommuni-
catione ob percussione clericorum.
- 10 Qui non comprehenduntur sub præcepto, poterunt submi-
nistrare, & adiuvare in actione prohibita. Secus qui
excusantur.
- 11 Licet infidelibus, pueris, amentibus cibos vetitos submi-
nistrare: non tamen licet infideles in monasteria monia-
lium introducere.
- 12 Non licet ignorantibus esse diem ieiunij cibos vetitos mi-
nistrare, & ad comedendum inducere.
- 13 Potest pueros ante septennium in monasteria monialium
introducere, secus amentes.
- 14 Non licet tibi innuare ad copulam amentes, ebrios, nec
pueros rationis usu carentes.

1 PRæmittamus, quæ in hac materia sunt omnino
certa, ut gradum faciamus ad ea, quæ aliquam
dubitationem habent. Primum certum est infideles nul-
lis legibus Ecclesiasticis teneri, quia sunt extra Eccle-
siam, & in illos nullam Ecclesia habet iurisdic-
tionem. *cap. gaudemus, de divor.* at tenentur legibus natu-
ralibus, & divinis; quia Deo, & rationi subduntur. Ex
quo infertur, an teneantur Eucharistiam sumere, &
peccent morientes non solum in non suscipiendo Ba-
ptismo, sed etiam in non recipienda Eucharistia: utra-
que opinio est probabilis. Quid autem sit probabilius,
in tractatu de Eucharistia definiemus.

2 Secundò certum est ebrios, & amentes, sicut & igno-
rantes inuincibiliter legem, tempore amentia, & ebrie-
tatis, & ignorantia excusari à legis transgressione; quia
illius rei esse non poterant sine libertate, qua omnino
carent. At dicendi sunt legibus affici; sicut & afficiun-
tur dormientes, quia suapte natura legem intelligere
possunt, & ad illos, ut ad subditos, per se dirigitur. sic
Sanchez *lib. 1. in Decal. cap. 12. n. 3.*

3 Tertiò certum est pueros ante vsum rationis, qui
regulariter habetur completo septennio, nullis legibus
Ecclesiasticis teneri, quia fundamentum harum obliga-
tionum, est rationis usus. Quapropter possunt lactici-
niis, & carnibus vesci, divinis interesse tempore inter-
dicti, monialium claustra ingredi: sic Salas *disp. 14. de leg.*
sect. 13. Sayrus *clausi regia, lib. 6. cap. 8. n. 21.* Azor *tom. 1.*
lib. 7. cap. 40. q. 6. Sanchez *lib. 1. in Decal. cap. 12. n. 2.* Sua-
rez *tom. 3. in 3. p. disp. 40. sect. 2. vers. & iuxta hanc.* Bonaci-
na *disp. 1. de legib. q. 1. p. 6. n. 6.* & alij plures ab eisdem re-
lati. Videntur tamen teneri legibus naturalibus, quia
harum obligatio cum ipsa natura ortum habet, quæ de
se capax rationis est; excusantur tamen à transgressio-
ne, & peccato, donec perfectum vsum rationis obti-
neant: sicut de perpetuo amentibus dicendum est, si
enim legibus tenentur, excusantur tamen ab illarum
obligatione ob amentiam. Quando verò dubium est,
an ratio nis vsum habuerint, præsumendi sunt habere,
si compleverint septennium, secus antea; ut diximus
tract. de conscientia, loquentes de conscientia dubia, quia
præsumptio desumenda est ex communiter contingen-
tibus. Additque Ioan. Sanchez *in suis selectis, disp. 51.*
num. 3. 1. sine; celsi constaret puerum ante septennium
habere vsum rationis, non obinde obligari legibus iu-
ris positiui, quia leges positiuæ attendunt ad ea, quæ
communiter contingunt. *l. nam ad ea ff. de legib.* & cum
communiter non contingat vsum rationis ante septen-
nium, non debet ante illam ætatem, cui ex accidenti
provenit, obligari.

4 Post vsum verò rationis ante pubertatem non de-
beret, de Castro *Sum. Mor. Pars 1.*

fuerunt Doctores, qui affirmarent legibus Ecclesiasti-
cis non teneri: nam D. Antonin. *2. part. tit. 9. cap. 8. §. 2.*
affirmat præcepto confessionis non teneri pueros, vs-
que ad decimum, & dimidiatum annum, & aliquantul-
um ultra, & feminas, vsque ad nonum, & dimidiatum
annum, & aliquantulum ultra. Sorus *4. dist. 12. quest. 1.*
art. 11. ad fin. corp. dicit vsque ad duodecimum non tene-
ri pueros vllis Ecclesiæ præceptis, nec confessionis.
Enianuel Saa *verb. confessio, num. 3.* consentit præceptum
confessionis non obligare vsque ad pubertatem; addi-
tur verò in summis reformatis ad pœnas non consiten-
tibus impositas. Henric. *lib. 8. de Euchar. cap. 42. n. 4. init.*
censet Ecclesiæ præceptis non obligari pueros, statim
ac vsum rationis habent, & *lib. 13. de excomm. cap. 49. n. 2.*
in comm. lit. N. dicit dari his lacticia, & carnes aliquo
tempore post vsum rationis, in diebus ieiunij. Quod
autem hoc tempus sit, non determinat.

5 Vera tamen sententia, & omnino tenenda, est pue-
ros, cum ad vsum rationis peruenerint, qui communiter
intelligitur aduenire septennio completo, obligari le-
gibus Ecclesiæ, quæ expresse tempus obligationis non
determinant: sicut determinat in præcepto ieiunij, te-
net expresse Thom. Sanchez plures referens *lib. 1. c. 12.*
n. 6. Bonac. *disp. 1. q. 1. p. 6. n. 8.* Salas *de leg. disp. 14. sect. 13.*
specialiter de præcepto confessionis, & Milisæ, docet
Suarez *4. tom. in 3. p. disp. 36. sect. 2. n. 3.* Azor *tom. 1. lib. 7.*
cap. 2. q. 1. & cap. 40. q. 6. & de abstinencia à carnibus, &
lacticiis, docet idem Suarez, Azor, & alij relati à San-
chez *suprà.* Ratio efficax est, quia eo ipso, quod vsum
rationis quis habeat, capax est legis humanæ obligatio-
nis, siquidem capax est obligationis legis naturalis, &
diuinæ. Ergo si expresse non inuenitur exceptus lege,
obligabitur illa. Et de præcepto confessionis videtur
res indubitata, cum in *cap. omnis utriusque sexus*, præcipia-
tur omnibus fidelibus cum ad annos discretionis per-
uenerint, confiteri, cuius præcepti transgressores erunt
pueri, si discretionem habentes confessionem omittant,
conscij peccati mortalis. Neque alia via ab hoc præcep-
to, & aliis se excusare possunt, nisi affirmando discre-
tionem perfectam ad illius obseruantiam non habere:
est enim res indubitata non æqualiter vsum rationis
omni materię aduenire, aliqua enim sunt clariora, alia
difficiliora: ut bene dicit Vasquez *1. 2. disp. 149. per totam.*
& Zumel *ibi quest. 89. art. 6.* sicuti non omnibus eodem
tempore aduenit; pueris enim nobilibus, & inter vr-
banos, & politicos educatis, citius vsum rationis proue-
nit, quàm rusticis, & agrestibus: ut tenet Reginaldus
tom. 2. lib. 29. n. 82. Quocirca dicere quis poterit puerum
septennio completo peccare posse iurando, mentiendo,
non tamen comedendo carnes die Veneris, aut omit-
tendo annuam confessionem; quia discretionem suffi-
cientem in his materiis non habet. At, ut diximus *in*
tractat. de conscientia, disp. 3. de conscientia dubia, quoties
dubium est puerum habere vsum rationis, præsumen-
dum est habere, & esse obligatum, si impleuit septen-
nium, quia regulariter illo completo in omni materia
vsum rationis habetur, & alleganti contrarium incum-
bit onus probandi, cum aduersus præsumptionem or-
tam ex communiter contingentibus procedat.

6 Limitant tamen hanc sententiam communiter DD.
in præcepto communionis, de quo affirmant non teneri
statim, ac vsum rationis habent, sed expectari posse, &
debere vsque ad decimum, vel duodecimū annum, quia
vsque ad illud tempus regulariter non videntur pueri
habere discretionem, ut tenerenter Christi corpus su-
mant. Quapropter in *cap. omnis utriusque sexus*, ubi hoc
præceptum imponitur, Confessoris iudicio remittitur
temporis prorogatio: at quilibet Confessor ex iudicio
prudens, & consuetudine Ecclesiæ satis recepta
hanc prorogationem facit. Ergo illa facta iam puer Ec-
clesiæ præcepto non tenetur.

O 7 Fateor

7 Fateor hanc limitationem veram esse stante prorogatione Confessoris : at si Confessor sic differendam communionem non consulit expresse, summopere inclinor affirmare quemlibet puerum, cum ad annos discretionis venit, & obligatus est lege confessionis, obligatum etiam esse recipere Eucharistiam, neque expectandum esse ad hanc obligationem longius tempus: tenet hanc sententiam expresse Ioan. Sanchez in *selecl. disp.* 26. n. 5. & adducit Anton. 2. p. tit. 9. cap. 8. p. 2. circa marginem, & 3. p. tit. 14. cap. 12. §. 5. in princ. & Paludan. in 4. dist. 12. q. 1. n. 25. qui expresse id affirmat, colligitur ex Tabien. in *sum. verb. communicare*, n. 3. Valent. 4. tom. disp. 6. q. 8. p. 2. quatenus solum requirit, ut pueri sciant discernere hunc cœlestem cibum à cæteris: quod si vsum rationis habeant ad confessionem, sufficienter id præstabit: alij etiam Doctores adduci in fauorem huius piæ opinionis possent, qui nullam ætatem pueris determinant, sed solum dicunt obligandos esse suscipere Eucharistiam, cum Confessario visum fuerit rationis vsum sufficienter habere: facit non leuiter Trident. sess. 13. can. 9. & Pius V. in *catechismo de Eucharistia*, n. 63. Ratio præcipua est, quia in *cap. omnis viriusque sexus*, omnibus fidelibus æquanimiter imponitur, & præceptum confessionis, & communionis in Paschate: ut notat ibi glossa. Additur tamen communionem differri posse ex consilio Confessoris, non quia obligatus non sit communicare, qui obligatus est confiteri, sed quia possunt esse plures causæ prorogandi tempus communionis, cum tempus signatum communioni determinatum sit, quod non est determinatum confessioni. Item puer discretionem habens, & obligatus præcepto confessionis, vel indiget prorogatione Confessoris, ut excusetur à communionis præcepto, vel non? Si indiget Confessoris prorogatione. Ergo signum est illa non stante obligatum esse; si verò illa non indiget, ergo iam *cap. omnis viriusque sexus*, non æqualiter de præcepto confessionis, & communionis loquitur: quod videtur falsum, cum verba vniformia sint, neque ex parte fidelium ad hanc obligationem amplius expostulat, quàm discretionem. Adde non minorem discretionem requiri ad recipiendam absolutionem sacramentalem, quàm ad recipiendam reuerenter Eucharistiam: nam ad recipiendam absolutionem sacramentalem, non solum requiritur, quod scias distinguere inter bonum, & malum; sed ut scias te debere omnia peccata cum intimo dolore Confessori manifestare: at hoc non minus difficile est, quàm scire te non debere communicare, nisi purgatum peccatis, & ieiunum. Ergo. Denique in articulo mortis, pueris doli capacibus, & aptis confiteri, posse dari viaticum, tenent Armilla *verbo communicatio*, num. 10. Caietan. *verbo minister communionis, in fine*, Viuald. *de Eucharistia*, num. 160. Salas *de legib. lib.* 14. sect. 13. num. 127. Reginald. 2. tom. *praxis*, lib. 19. n. 82. Henriq. lib. 8. cap. 42. num. 4. *fine*. Suarez tom. 3. in 3. p. disp. 70. sect. 1. in *fine*. Arboled. *præf. sacram. de Eucharist. not.* 13. Zambra *de Eucharist. cap.* 3. dub. 2. num. 14. Nuño *de Eucharistia*, q. 80. art. 9. difficult. 2. ad 3. *argum.* Nauarr. *summ. cap.* 21. n. 57. Plures ex his Doctoribus tenent non solum posse dari, sed debere dari viaticum pueris morituris capacibus pœnitentiæ. Ergo signum est habere discretionem ad Eucharistiam, & consequenter ligari præcepto illius etiam extra illum articulum.

8 Sed quid dicendum de censuris, & pœnis?

Respondeo, si ab homine latæ sint, non adstringuntur pueri, quousque ad pubertatem deueniant: habetur expresse *cap. 1. de delictis puerorum*, & in *cap. referente, eod. tit.* ubi etiam pueri possint ante pubertatem peccare: at ex benignitate Ecclesiæ à pœna peccato imposita excusantur, sic Azor tom. 1. lib. 7. cap. 40. quest. 6. Sotus 4. dist. 18. q. 1. art. 3. ad fin. corp. Valquez tom. de pœnitent. q. 90. art. 2. dub. 4. n. 3. Cordub. *summ.* q. 60. dicto 4. Thom. San-

chez lib. 1. in *Decal. cap.* 12. n. 7. Ioan. Sanchez *disput.* 26. sect. n. 18. & alij ab eisdem relati.

Dixi, excusari pueros ante pubertatem à pœnis, & censuris ab homine latatis: nam à censura iuris communiter Doctores tradunt non excusari, si doli capaces sunt: mouentur ex *cap. super eo*, *cap. pueris*, *cap. quamuis, de sent. excommun.* & tradit Vgol. *de censur. cap.* 17. §. 3. num. 5. Suarez tom. 5. de censuris, disp. 5. sect. 1. n. 19. Azor tom. 1. lib. 7. cap. 41. quest. 10. Henriquez lib. 8. de Eucharistia, cap. 42. comm. 8. Thomas Sanchez num. 8. & Ioan. Sanchez n. 18. Et rationem differentię, quare censura iuris comprehendat pueros doli capaces; secus verò ab homine lata, assignat Suarez, & Vgol. *suprà*, quia impuberis ætas non censetur apta ad ordinem iudicarium intelligendum: ac proinde neque de iure citari impubes potest, neque ad agendum, vel defendendum se in iudicio admitti, iuxta *cap. vlt. de indic. in 6.* quod ad incurrendam censuram ab homine latam necessarium est. Verùm hæc solum probant non incurri censuram specialiter ab homine latam; quæque indiget citatione speciali: at non probat in censura, quæ generaliter ab homine fertur, quæque videtur conformis censuræ à iure latæ.

9 Quocirca dicendum existimo solum sententiam excommunicationis ipso iure latam ob percussione clericis propter eius grauitatem contrahi à pueris doli capacibus ante pubertatem, quia in supradictis textibus ita habetur: aliz autem censuræ, & excommunicationes ab homine latæ etiam generaliter non comprehendunt pueros ante pubertatem; sed sequenda est communis decisio in *cap. 1. de delictis puerorum*; quia odia debent restringi. Quare omittentes confessionem, & communionem, non contrahunt excommunicationem ab Episcopo latam aduersus non communicantes in Paschate, & confitentes in anno, ita Ioan. Sanchez n. 18. Filliucius tom. 1. tract. 11. cap. 5. n. 130. & puerum impuberem occidentem non contrahere irregularitatem, testatur Auila *de censur. 7. p. disp. 6. sect. 1. dub.* 13. Henriquez *de irregul. cap.* 3. n. 4. lit. Z. Ioan. Sanchez *suprà*; quamuis contrà teneat Thomas Sanchez cum Syluest. lib. 1. cap. 12. n. 8. in fin. Neque hinc fit posito interdicto in aliquo loco non comprehendendi pueros impuberes doli capaces: comprehenduntur namque ratione præcepti in interdicto lati, non in aliqua pœna ipsis imposita, ob alicuius præcepti transgressionem, & ita cum communi sententia docet Suarez tom. 5. de censur. disp. 5. sect. 1. n. 19. Corduba *summ.* q. 60. dicto 3. Syluest. *verb. interdictum* 2. n. 18. Azor tom. 1. lib. 7. cap. 41. q. 10. Thomas Sanchez lib. 1. in *Decal. cap.* 12. n. 8.

10 Tandem inquires, an liceat tibi omnibus excusatis à præcepto cooperari in actione per præceptum prohibita? v. g. an liceat tibi, pueris, infidelibus, ebriis, amentibus, ignorantibus, subministrare die ieiunij carnes, aliósque cibos veritos?

Distinguendum est dupliciter aliquos excusari posse à præcepto. Primò tanquam non comprehensos sub illo. Secundò tanquam comprehensos. Priori modo excusantur infideles à legibus Ecclesiasticis, & infirmi à præcepto ieiunij, & pueri ante vsum rationis ab omnibus legibus saltem p. sitiuis. Secundo modo excusantur, ebrij, ignorantes, dormientes, & amentes; hi enim sub præcepto comprehenduntur: at ratione ebrietatis, ignorantie, dormitionis, & amentie transgressio præcepti illis non imputatur: qui modus excusationis non est propria excusatio à præcepto, sed à transgressione culpabili illius: quapropter dicuntur transgredi præceptum sibi impositum, etsi illis non imputetur transgressio. Quotiescumque ergo aliqui excusantur à præcepto primo modo, scilicet, quia sub præcepto non comprehenduntur, bene poteris illos in actione prohibita per præceptum ministrare, quia non mini

ministras in actione, quæ eis sit aliquo modo prohibita; sed in actione honesta, & de se bona: ac proinde neque formaliter, neque materialiter illa actio mala est; non ergo habet unde malitiam accipiat. At si solum à transgressionem, & non à præcepto excusantur, nullo modo poteris illos ad talem actionem mouere; quia moueres ad rem materialiter malam, & de se prohibitam: sic colligitur ex Thom. Sanchez lib. 1. in Decalog. cap. 12. præcipue à n. 9. Bonacina disp. 1. de legib. q. 1. p. 6. à n. 2. & seqq.

11 Ex his inferitur primò, licere tibi subministrare cibos veritos die Veneris, carentibus rationis usu, infidelibus, pueris infirmis, amentibus; quia nec ipsi comedendo peccant etiam materialiter, neque tibi specialiter talis subministratio interdicta est, sic Sanchez, & Bonacina supra.

Notanter apposui, talem subministrationem tibi interdictam non esse, quia potest contingere actionem aliquam, prout ab aliis fit, interdictam non esse, tibi verò esse interdictam; interdictum enim non est infidelibus iure Ecclesiastico ingredi in monialium monasteria; quia nullis Ecclesiasticis legibus tenentur: at si tu illos ibi introduceres, peccares sanè, quia non solum ingressus, sed & cooperatio ad ingressum est tibi specialiter interdicta, vt constat ex allegatis à Sanchez lib. 6. in Decal. cap. 16. sicuti pueri ante usum rationis capaces non sunt ullis legibus Ecclesiæ: at si in ea ætate decedant, sepeliri non possunt in loco interdicto, quia hæc prohibitio non tam ipsos, quàm sepelientes respicit. Suarez de censur. 5. tom. disp. 35. sect. 1. n. 2. Henrici lib. 13. cap. 42. n. 3. Sanchez cap. 12. lib. 1. n. 21. Bonacina num. 7. Salas disp. 14. de legib. sect. 13. n. 126.

12 Infero secundò, non licere tibi ignorantibus esse diem ieiunij, neque ebriis cibos veritos ministrare, & comedendos consulere; quia absolute tenentur lege ieiunij, esto ab illius transgressionem excusentur. Item coopereris ad actum de se malum; liceret tamen tibi illos cibos subministrare amentibus: non quia carent ratione, sed quia amentia infirmitas est excusans à ieiunio, ita Sanchez n. 16. Bonac. n. 5.

13 Infero tertio, licere tibi pueros non habentes usum rationis, quales sunt non septennis regulariter, intromittere in monasteria monialium; & feminas similiter non septennes in virorum monasteria, quia neque ipsi ingredientibus peccant, neque vllò iure videtur prohibita hæc intromissio; cum ex illa non sequantur inconuenientia, quæ sequuntur, si amentes, vel infideles puberes introduceres: sic docet plures allegans Sanchez lib. 6. in Decal. cap. 16. n. 5. Bonacina num. 6. Salas disp. 14. sect. 13. n. 126. Barbosa remiss. Concil. sess. 25. cap. 1. de reform. & alij.

14 Infero quarto, non licere tibi pollicere ad copulam ebrios, perpetuò amentes, neque pueros carentes rationis usu; quia illa actio est de se omnibus illis prohibita, esto ob defectum rationis, & discursus culpæ illis non imputetur. Qui verò dicerent pueros non septennes nullis legibus etiam naturalibus teneri; consequenter debent affirmare, consulere horum congressum non esse de se malum, sicuti non est malum belluas coniungere. Quapropter nos diximus, etsi à legum transgressionem, & peccato excusentur, dū rationis usum non habent, non tamen eximi à legibus, sed leges naturales cum ipsis, vt pote rationis capacibus, loqui.

§. III.

De peregrinis, & forensibus, an teneantur legibus loci, qua transeunt.

- 1 Forensis accedens animo ibi perpetuò manendi, legibus illius loci tenetur statim.

Ferd. de Castro Sum. Mor. Pars I.

- 2 Idem iuris est, si maiori anni parte intendas ibi commorari.
- 3 Legibus statuentibus solemnitate in contractibus teneris.
- 4 Ab hac doctrina excipitur à Sanchez, & alij contractus dotalis, sed non probatur eius exceptio.
- 5 Explicatur supradicta doctrina, & declaratur, vbi quis est conueniendus.
- 6 Teneris legibus loci, qua transis, si eadem vigent in tuo territorio.
- 7 Idem iuris est de legibus bonum speciale ciuitatis respicientibus.
- 8 Idem de legibus iuris communis, tamen si in tuo territorio vigorem non habeant ex consuetudine recepta.
- 9 Proponitur obiectio, & soluitur.
- 10 Qui censeant, & quomodo probetur extra supradictos casus, legibus loci, qua transis, se deobligatum esse.
- 11 Probabilius existimo te obligari.
- 12 Liminant aliqui nostram sententiam, vt procedat de transitu, cum aliqua perseverantia, sed repellitur.
- 13 Intelligenda est obligatio peregrinorum, tam quoad culpam, quàm quoad poenam.
- 14 Procedit resolutio, tamen si lex pro solis aduenis lata esset.
- 15 Idem iuris est de sententia, & præcepto, ac de statuto, & lege.
- 16 Delinquens in suo oppido, si aliò accedat, non potest à iudice illius loci puniri, quidquid dicat Basil. de Leon.
- 17 Satisfit argum. num. 10. allatis.

1 IN hac re sunt aliqua, in quibus Doctores communiter conueniunt, alia in quibus est dissensio.

Primò conueniunt omnes forenses accedentes aliqui loco, animo ibi manendi in perpetuum, teneri statim legibus illius loci, quia tunc non est forensis, & peregrinus, sed incola, vt pote, qui acquisiuit domicilium, ratione cuius quis subditus est, vt tradit Farinacius 1. part. prax. quest. 7. num. 1. & ita tenet plures referens Sanchez lib. 3. de matrim. disp. 18. num. 9. & lib. 1. in Decalog. cap. 12. num. 42. Suarez tom. 1. de relig. lib. 2. cap. 14. num. 15. Salas disput. 14. sect. 4. in princ. Lessius lib. 4. de iustit. cap. 2. dub. 7. num. 47. & alij referendi. Domicilium acquiritur eo ipso, quo quis incipit habitare aliquem locum animo ibi perpetuò manendi, l. domicilium, ff. ad municipalem, & tradit glossa, & Sanchez plures referens lib. 3. de matrim. disput. 23. num. 2. Neque requiritur decennij habitatio, nisi ad præsumendum animum perpetuum: vt bene Sanchez num. 1. & 2. Semel autem domicilio constituto non deperditur; nisi & habitatio, & animus ibi perpetuò manendi mutentur, quia cum vtrumque, & habitatio, & animus ad domicilium constituendum concurrerunt, vtrumque est necessarium ad illud amittendum: quia res per quascumque causas nascitur, per eas dissolvitur, cap. 1. de regulis iuris. ita relati Doctores. Neque audiendus est Ioan. Sanchez disput. 54. in select. num. 35. dicens, non acquiri domicilium, quousque maiori anni parte perseveret quis in voluntate illo in loco perpetuò manendi, quia gratis, & sine autoritate asseritur.

2 Secundò conueniunt communiter Doctores, si intendas maiori anni parte in aliquo loco commorari, sicuti solent scholastici in vniuersitate studentes, sollicitatores in curia, locantes operas ad longum tempus, teneris legibus illius, quia esto domicilium non fueris consecutus; consequeris tamen quasi domicilium; hoc enim dicitur assidua, & diuturna habitatio, ratione cuius potes conueniri, iuxta l. 2. in princ. ibi, & assidue versatur, C. vbi senatores, vel alij clarissimi, & l. hares abfens, §. proinde, in fine, ff. de iudicijs, & l. 2. C. vbi de crimine agi oportet, & ibi glossa verbo elegit, & tradit Tiraquellus de retract. lignag. §. 9. glossa 1. num. 16.

O 2 Fari

Farinac. *suprà* n. 5. Thomas Sanchez *lib. 3. cap. 23. n. 12.* Item ratione quasi huius domicilij potes ibi recipere omnia sacramenta præter ordinem, ordo enim excipitur. *cap. cum nullus, de temp. ordin. in 6.* Item ibi es sepeliendus, nisi alibi eligas sepulchrum. Molin. *de iust. 17. 2. disp. 214. vers. quando quis.* Ergo absolute censeris subditus, & legibus illius loci obligatus: docet plures referens Sanchez *lib. 3. de matrim. disp. 18. n. 9.* Lessius *lib. 4. de iust. cap. 2. dub. 7. num. 47.* Bonacina *disp. 1. de legibus, q. 1. p. 6. n. 43.* Basilii de Leon *lib. 5. de matrim. cap. 7. §. 1. n. 4.* quamvis non desint plures Doctores relati à Sanchez *lib. 3. de matrim. disp. 18. num. 8.* dicentes requiri animum perpetuo manendi, ut legibus, & consuetudinibus illius loci subdatis. Sed non videtur vilo modo admittendum.

3 Tertiò conueniunt Doctores teneri in contractibus seruare conditiones, & solemnitates à legibus illius loci, in quo contrahis, constitutas: quia ratione contractus sortiris forum, ibique ad standum contractui poteris conueniri, ex *cap. dilecti, cap. fin. de foro compet. l. quòd si nolis, §. quia assidua, ff. de adilit. edict. l. si heres absens, §. si quis tutelauit, ff. de iudic.* & in nostro iure, *l. 32. tit. 2. part. 3.* docet plures referens Sanchez *num. 10. & seq.* Molina *tract. 2. de iust. disp. 260. in iure.* Basilii *num. 21.* Bonacina *num. 51.* Salas innumeros referens *disp. 14. sect. 4. n. 52.* Quare si in contractu non seruetur solemnitas à lege locali præscripta, omnino est irritus, & nullus: ut tenet Felin. *cap. 1. de sponsalib. num. 23.* Bonacina, Salas, & alij *suprà.* Hinc fit te teneri pretium mercibus signatum seruare: quia lex de pretio est, quæ præcipue pertinet ad contractum. Item quia teneris æquitatem seruare, quæ maximè in pretio procedit. Deinde teneris solne se gabellam, vel aliud quodcumque onus contractui annexum; quia est pars contractus, vel accessorium illius. Quæ omnia vera sunt, etiam si per epistolam, vel nuntium contractus celebretur, docet Felin. & Basilii *suprà.*

4 Ab hac doctrina excipit Thomas Sanchez, Salas, Bonacina, Suarez *de legib. cap. 33. n. 13.* contractum dotalem, in quo dicunt non attendi solemnitatem loci, in quo celebratur, sed loci, in quo vir habet domicilium, probantque ex *l. exigere, ff. de iudic. ibi, mulier debet, vbi maritus domicilium habet, non vbi instrumentum dotale scriptum est.* Verùm hæc exceptio mihi non probatur, sed absolute existimo contractum etiam dotalem, quoad luctum, & alia onera, & conditiones, fieri debere, iuxta leges loci, in quo celebratus est. Moueor, quia nullo iure videtur exceptus hic contractus: nam supradicta lex non loquitur de solemnitate in hoc contractu requisita, & conditionibus illius, sed de exactione, & repetitione illius, quod longè diuersum est. Fateor, inquam, cum dos repetenda est, debere repeti, vbi vir domicilium habet, non vbi dotis contractus celebratus est, quia bona viri obligata sunt doti soluendæ: at contractus secundum leges loci, in quo celebratus est, iudicari debet: & ita in iure nostri regni videtur decisum. *l. 24. tract. 11. p. 4. ibi, cala costumbre de aquella tierra dofiçieren el casamiento, debe valer quanto en las dotes, en las arras, en las ganancias que ficieron, e non la de aquel lugar, do se cambiaron.* & ita tenet, & optimè probat Salas *disp. 16. de leg. sect. 4. n. 36.* cum Gregor. Lopez *in supradict. l. Simancas de catholic. instit. tit. 9. n. 143.* Basil. de Leon *lib. 5. de matrim. cap. 7. n. 22.*

5 Dixi, ad standum contractui te conueniri posse, vbi contractus celebratus est, quia sortiris forum illius ex supradictis legibus: & *l. omnem obligationem, ff. de iudic.* & tradit alios referens Salas *num. 45.* Excipi tamen debet, nisi ex voluntate contrahentium, & natura contractus, executio in alium locum designata sit: quod contingit, cum incola alicuius loci cum aduena contrahit, quem scit statim discessurum; tunc enim non potest

aduena conueniri in loco, vbi contractus est celebratus, sed vbi habet domicilium, quia ibi intendit se soluendo obligare, ex *l. contraxisse, ff. de oblig. & act. ibi, contraxisse unusquisq; eo loco intelligitur, in quo vi seruierit, se obligauit;* alias durum esset, quotquot locis quis nauigans, aut iter faciens delatus est, tot locis se pefendere, ut dicitur *in l. si heres absens, 19. §. proinde, de iudic.* Et hac ratione dicimus contractum dotalem repetendum esse in loco, vbi vir habet domicilium, quia ex natura talis contractus, & ex voluntate contrahentium ille locus solutioni designatus est. Aliquas huic doctrinæ limitationes adhibet Matienzo *lib. 5. recopil. tit. 9. l. 2. gloss. 1. a. n. 71.* quæ omnia videnda sunt, quia optimè hanc materiam, & supradictam legem explicant.

6 Quartò conueniunt Doctores te teneri legibus loci, qua transis, si illæ leges obligent simul, vbi ipse habes domicilium. sic Sanchez *de matrim. lib. 3. disp. 18. n. 3. & 24. & lib. 4. in Decal. cap. 12. n. 21.* Salas *disp. 14. sect. 4. n. 40.* Suarez *tom. 1. de relig. lib. 2. cap. 14. n. 15.* Bonacina *disp. 1. q. 1. p. 6. n. 52.* & contrarium dicere reputant absurdum. Ratio, quia iure communi per consuetudinem introducto, lex propria tui domicilij, vel lex illius loci, vbi resides, te obligat, quod certè æquum esse videtur, cum ex hac obligatione non graueris amplius, quàm si in tuo proprio domicilio existeres. Quamvis contra teneat Ioan. Sanchez *in select. disp. 54. n. 31. ad fin.*

7 Quintò conueniunt DD. si leges latæ sint in bonum illius loci, qua transis, te obligatum esse illas seruare: ut sunt leges prohibentes, ne aliqua merces ex oppido extrahatur, ne peregrini ultra tot dies commorentur, quia aliter populus defendi non potest: & ita tradit plures referens Sanchez *lib. 3. de matrim. disp. 18. n. 14. & lib. 1. in Decal. cap. 12. n. 36.* Salas *sect. 4. n. 54.* Bonacina *disp. 1. q. 1. p. 6. n. 53.* Suarez *lib. 3. de leg. cap. 32. n. 8.* Quapropter in iure nostri regni, eadem incolis, & forensibus præscribuntur, ut constat ex *l. 12. tit. 12. lib. 1. noua compilat. & l. 12. tit. 10. lib. 5. & l. 5. tit. 18. lib. 6.*

8 Sextò ferè omnes conueniunt te obligatum esse seruare leges oppidi, qua transis, si leges sint iuris communis, & vbiq; obligantes, etiam si in loco tui domicilij vigorem non habeant ex contraria consuetudine. Ratio videtur manifesta, quia tu subiectus es illarum legislatori, neque habes aliquam causam te excusantem ab illius obedientia: siquidem consuetudo tui oppidi, quæ te excusabat, non excedit territorium, non enim facit priuilegium personale, sed locale. sic Henricq; *lib. 9. de Massa, cap. 25. n. 2.* Nauarr. *cap. 23. n. 120.* Sanch. *lib. 1. in Decal. cap. 12. n. 39.* mutans sententiam, quam docuerat *lib. 3. de matrim. disp. 18. n. 7.* Sayrus *clauis regia, lib. 3. cap. 4. n. 15. dub. 2.* Salas *de leg. disp. 14. sect. 4. circa fin.* Bonacina *disp. 1. q. 1. p. 6. n. 55.* Suarez *tom. 1. de relig. lib. 2. c. 14. n. 27. & 28.* Ex quo infertur Castellani transuentem per Lusitaniam non posse vefci die Sabbati animalium intestinis, sicut in Castella; quia iure communi obligatur abstinere, & solum ex consuetudine Castellæ excusabatur. Et idem est de incolis illorum locorum, in quibus non incipit quadragesimale ieiunium à die quarta Cinerum, qui si transcant illac, vbi ieiunium seruatur, tenentur ieiunare. sic supradicti DD. quamvis contra teneat Sanchez *in loco allegato de matrim. cum Palacios 4. disp. 15. disp. 8 post 6. concl. fol. 126. vers. at verò,* & Petr. de Ledesm. *de matrim. q. 45. art. 5. p. 3. dub. ult.*

9 Sed obiciet hinc sequi ieiunia, & festa, & quilibet alias leges latas ab Episcopo, in cuius diocesi commoraris, vel à tuo Principe, te obligare transuentem per totam diocesim, etiam si in loco, vbi domicilium habes, vigorem non habeant?

Respondeo, si latæ sunt generaliter pro tota diocesi, idem esse dicendum, ac diximus de legibus iure communi latis, obligare, inquam, omnes diocesanos, dum sunt in diocesi, neque posse excusari, nisi ob contrariam consue-

consuetudinem : quia non excedit terminos alicuius oppidi , extra illud non excusabit. At si leges non sint latæ pro tota diœcesi, sed pro aliqua ciuitate : tunc qui dicunt non teneri peregrinos legibus municipalibus illius loci , qua transeunt ; consequenter de his legibus dicendum est : quia non ad omnes subditos, sed ad subditos in illo loco feruntur. His ergo positis,

10 Prima sententia docet extra supradictos casus te deobligatum esse, legibus loci , qua transis , seu in quo maiori anni parte residere non vis. sic Sanchez plures referens *lib. 3. de matrim. disp. 18. n. 6. & lib. 1. in Decalog. cap. 12. n. 38.* Sayrus in *clauis reg. lib. 3. cap. 4. n. 15.* Lessius *lib. 4. de iust. cap. 2. dub. 7. n. 49.* Azor *tom. 1. lib. 7. c. 30. q. ult.* Tolet. *lib. 6. sum. c. 5. n. ult.* Bonac. *disp. 1. de leg. q. 1. p. 6. n. 36.* Ioan. Sanchez *disp. 54. select. n. 31.* vbi innumeros refert. Mouentur, quia nullus fit alteri subditus, vt obligari, & puniri possit, nisi ratione originis, domicilij, vel delicti, vt multis comprobat Farinac. *lib. 1. sua praxis, q. 7. a. n. 1.* Sed domicilium , aut quasi domicilium, non acquiritur ex eo, quod minori parte anni alicubi commoretis. Ergo non habes fundamentum, quo obligeris legibus loci, qua transis. Secundò Episcopus , v. g. illius loci, qua transis, neque te potest coniungere matrimonio, neque in votis dispensare, neque alios fauores conferre, præter sacramentum poenitentiae , & Eucharistiæ, ex tacita tui Episcopi concessione. Ergo neque poterit suis legibus te alligare. Tertiò adducitur à Sanchez decretum Leonis VIII. vulgo noni, in *epist. aduersus Michaëlem Imperatorem Constantinop.* cap. 28. vbi statuit, vt vnusquisq; iuxta ritum suæ Ecclesiæ celebret. Ergo non teneris loci consuetudinibus te conformare. Quartò probant ex Augustino relato in *cap. illa, dist. 12. ibi, Alia, qua per loca terrarum, regionisque variantur, sicut est, quod alij ieiunant Sab- bato, alij non ; totum hoc genus rerum liberas habet obseruationes.* vbi glossa ait, verbo *liberas*, quod liberum est Sab- bato ieiunare, quantum ad extraneos, non quantum ad illos, vbi consuetudo seruata est. Quintò adducunt *lib. 4. res absens, ff. de ind.* vbi probatur viatores non sortiri forum loci, qua transeunt. Sextò probant, ex eo, quod qui transit, aut breui tempore diuertit ad locum, non dicitur moraliter in eo esse. *l. quæsitum, 76. §. fin. ff. de legat. 3.* ibi, *rebus, que in fundo sunt legatis, non accedunt, que casu illic fuerunt, & l. si ita, 86. ff. eod. tit.* ibi, *nec quod casu ibi sit, magis esse legatum.* & *cap. nam & ego, de verb. signif.* vbi statim obiens, quasi non natus reputatur, & eadem de causa dicitur Salomon vnigenitus , quia frater vterinus, quem habuit, citò obiit, & in *cap. ad vestram, de regularib.* dicitur, *qui triduo tantum fuit habitu regulari indutus, non dicitur habitum induisse ;* quia, vt ait ibi glossa, non dicitur factum, quod non durat: quam glossam sequitur Felinus *cap. in presentia, n. 32. de probat.* sic non debet dici præsens esse alicubi, vbi non longo tempore commoraris. Septimò probant ex text. in *cap. à nobis, de sent. ex com.* vbi Clemens III. dicit sententiam latam generaliter, in eos qui furtum fecerint, tantum comprehendere subditos. Ergo tantum comprehendit subditos incolas, non extraneos. Ergo extranei subditi non sunt. Denique variis exemplis nituntur hanc sententiam confirmare. Primò infideles transeuntes per Hispaniam non obligantur legibus illius. Secundò regulares non obligantur legibus territorij, neq; nouitij legibus professorum; neque Græci Sacerdotes legibus Latinorum. Ergo extranei non subduntur legibus loci, qua transeunt.

11 Nihilominus et si supradicta sententia probabilis sit , probabilior multo mihi visa est affirmans peregrinum, & forenses teneri legibus loci , qua transit, dum tempore obligationis in illo persistit: sic Nauarr. *cap. 23. n. 120.* Couarr. *4. var. cap. 20. n. 8.* Henriq. *lib. 7. de indulg. cap. 13. n. 8.* Suarez *tom. 1. de relig. lib. 2. de festis, cap. 14. & lib. 3. de leg. c. 33. a. n. 33.* Salas *disp. 16. de leg. sect. 4. concl. 4.* Gabr. Valsq. *3. tom. in 3. p. disp. 184. c. 3. n. 28.* Basil. de Leon

Ferd. de Castro Sum. Mor. Pars I.

lib. 5. cap. 7. §. 1. n. 6. consentit ex parte Lessius *lib. 4. cap. 2. dub. 7. n. 47.* quatenus affirmat, si peregrinus, & forensis aliquibus diebus in loco commoretur , quia ille locus terminus est viæ , teneri legibus : & alij plures relati à Sanchez *illà disp. 18. de matr. n. 4.* Salas, Suarez *locis cit.*

Ratio præcipua est , quia conformari consuetudini- bus , & legibus loci omnes , qui ibi resident, dum præ- sentes sunt, & commorantur, conuenientissimum est, & rectæ gubernationi , paci , & tranquillitati reipublicæ maximè necessarium : vt colligitur ex August. *cap. quis- quis, dist. 41. cap. in noua, 16. q. 7. cap. illa, dist. 12. cap. que con- tra, dist. 8.* Ergo debemus agnoscere esse aliquè in rerum natura, qui omnibus obligationem inducat ad seruandam hanc vniformitatem ; sed nullus alius esse potest aptior præter gubernatorem illius loci : ergo gubernator illius loci ex iure ipso naturali , vel gentium pote- statem habet obligandi omnes in suo territorio existen- tes, dum ibi existunt. Et confirmo: si ibi peregrinus delinquat contra ius naturale, omnes conueniunt puniri à superiore illius loci posse ; sed hoc nulla alia ratione contingit , nisi quia ad rectam reipublicæ gubernatio- nem conuenit , vt vbi quis commisit delictum , ibi pu- niatur , & malum exemplum punitione reparetur , sed æquè ad rectam gubernationem conuenit, ne mala exem- pla præbeantur, nève aliis occasio transgrediendi leges præbeatur. Ergo iustum est quemlibet obligari, se legi- bus illius loci conformare. Secundò si leges illius oppi- di, qua transit peregrinus, in suo territorio obligant, ad- mittunt communiter DD. etiam contrariæ sententiæ inducere obligationem, quia ex iure communi, consue- tudine, & praxi recepta, leges eam vim habent; sed hæc consuetudo , & praxis recepta ostendi non potest , spe- cialiter in hoc casu. Ergo dicendum est, esse generalem ad omnes leges, siue communes sint in oppido peregrini, siue diuersæ. Et confirmo, quia in præsentī casu, ideo obligatur peregrinus, quia ex peregrinatione non gra- uatur, siquidem existens in suo territorio obligatus maneret : at ex eo , quod forensis legibus territorij , qua transit, obligetur , non inde grauatur : nam grauamen, quod illi imponitur obligatione illarum legum , com- pensatur aliunde exemptione legum sui territorij. Ergo. Tertiò si cum leges sunt communes domicilio , & loco , qua transis , dicis te esse obligatum ex iure com- muni non scripto , etiam ex iure communi scripto man- nes obligatus seruare omnes ferè leges , & consuetudi- nes loci, qua transis , etiam si in tuo loco non obligent: nam vniuersalis est lex lata in *cap. fin. de ferijs*, obligans celebrare omnes festiuitates , quas Episcopus cum suo clero in sua diœcesi celebrandas statuerit. & *cap. 2. de obseru. ieiun. §. item,* dicitur in festiuitatibus , & abstinen- tiis seruandam esse consuetudinem regionis ; sed in his capitibus nihil distinguitur inter viatores , & incolas. Ergo omnes manent comprehensi. Ergo ex iure comu- ni adstringuntur viatores loci consuetudinibus. Quar- tò cum lex municipalis est de re ad bonum illius loci pertinente, conueniunt Doctores, vt diximus, viatorem obligatum illa esse ; sed omnis lex ad bonum reipubli- cæ , & in vtilitatem illius refertur. Ergo ex hac parte omnis lex habebit vim obligandi viatores. Et confir- mo, pax, tranquillitas , & bonum exemplum, non minus bonum est reipublicæ , quàm abundantia tritici, & co- pia armorum, & cuiusvis mercis. Sed quando lex pro- hibet , ne arma , vel triticum extrahatur , nève aliunde merces in rempublicam inuehantur , obligantur foren- ses ob bonum reipublicæ. Ergo etiam obligari debent omnibus legibus, ex quibus perturbari pax, & tranquil- litas potest. Tandem probari potest ex supradictis locis August. quæ referuntur à Sanctio, Basilio, Salas, Suar. & aliis suprà, specialiter ex *cap. que contra, dist. 8.* ibi, *que contra mores hominum sunt flagitia, pro morum diuersitate sunt vitanda, vt paulum inter se gentes, aut ciuitatis, consuetu- dine,*

dine, vel lege firmatum, nulla ciuis, aut peregrini libidine violatur; turpis enim est omnis pars, vniuerso suo non conueniens. Vbi expendenda est ratio, quare August. obligat viatores se conformare consuetudini loci, qua transeunt, quia scilicet turpe est partem non se conformare vniuerso.

12 Aliqui Doctores hanc nostram sententiam limitant, vt solus transitus non sufficiat ab obligationem hanc inducendam, sed necessariò requiri, vt aliquo modo ibi viator sistat. sic Emanuel Saa verbo *Missæ auditio*, num. 6. Lessius *suprà* num. 47. Nauarr. cap. 13. num. 5. Ludouicus Lopez 1. part. instrum. cap. 52. §. nec peccant. Sed reprobanda est limitatio, & dicendum obligatos esse viatores, ac sunt incolæ illius loci, & teneri legibus municipalibus, si instet tempus adimplendi illas: & ita docet Salas num. 50. Basilius num. 14. Suarez n. 22. & seqq. cum enim ratione accessus, & habitationis pars sint illius reipublicæ, subditi fiunt gubernatori illius. Ex quo fit, si ibi seruatur ieiunium, te non posse carnisibus vesci; quia abstinentia carnis toto tempore diei obligat. Idem est de Missæ auditione, si instat tempus audiendi, eo quòd non sit alia Missa, præter vnā, quæ dicitur, cum tu ibi commoraris, teneris sanè illam audire, sicut & incolæ tenentur. Hoc tamen intelligendum est, casu, quo ibi maneat tempore proportionato audiendi sacrum, scilicet toto manè, vel magna illius parte; si enim solum ad cibos sumendos ibi persistas, non videtur obligatio tibi esse imponenda, quia non est tempus proportionatum ad satisfaciendum huic obligationi. sic Salas *disp.* 14. de legibus, sect. 4. num. 50. versic. & quamuis. At si sunt plures Missæ dicendæ, & tu antequam siniantur, vis à loco, in quo est festum, exire, existimo te non esse obligatum audire sacrum; quia dum ades illi loco, non te instat obligatio audiendi sacrum, potes enim illam, vsque ad vltimam Missam differre; exiens verò iam eximeris ab obligatione, quæ ratione existentie in loco te tenebat; ergo nunquam gesseris obligatus; sic docet Sanchez lib. 3. de matrim. *disp.* 18. num. 21. Lessius lib. 4. cap. 2. dub. 8. num. 56. & Salas num. 50. vbi bene aduertunt, si dum es in illo loco, non celebratur sacrum, te non teneri illic expectare, quia dum ades ibi, non te instat obligatio ob defectum Missæ, expectare autem nulla lege videris adstringi. Ergo. & de his postea latius dicemus.

13 Supradicta nostra sententia de obligatione viatorum legibus municipalibus, quæ transeunt, non solum intelligenda est de obligatione directiua, sed etiam pœnali. Quapropter si pœna transgredientibus legem imponatur, afficiuntur illa aduenæ transgressores: tum quia committunt delictum in illa transgressionem, vt supponimus; ergo debent ibi puniri: nam ratione delicti superioris illius loci subduntur. l. 15. tit. 1. part. 1. & ex authent. que in prouincia, C. vbi de crimine agi oportet. & cap. fin. de foro compet. & aliis pluribus relatis à Farinac. lib. 1. praxi, quest. 7. num. 1. Tum etiam, quia vis præceptiua, siue coactiua inefficax esset, & inutilis: & ita tenet alios referens Salas *disp.* 14. de legibus, sect. 4. n. 49. Basilius num. 15. Suarez lib. 3. de legib. cap. 33. num. 9.

14 Secundò intelligenda est doctrina, etiam si lex pro solis aduenis, & peregrinis feratur, potest enim casus contingere, vt ad bonum commune reipublicæ spectet aliqua statuere solis peregrinis conuenientia, vt quòd non deferant arma, neque in tali loco recipiantur, neque sint tot dies, quin se manifestent, & alia huiusmodi. Ergo concedenda est in republica potestas ad hanc obligationem inducendam: aliàs non posset respublica se incolumem, & indemnem seruare: & ita tenet contra Innocent. cap. à nobis, el. 1. de sentent. excommunic. Panormit. & Hostiens. ibi. Syluester excommunicatio 1. num. 5. Suarez de legibus, lib. 3. cap. 33. num. 7. Salas *disp.* 14. sect. 4. num. 49.

15 Ex supradictis fit, si lata sit excommunicatio ad-

uersus ferentes arma, vel colloquentes cum monialibus sine licentia, vel furtum committentes, incurrere excommunicationem. Sed hoc limitant Doctores, quando excommunicatio lata est per statutum, non per sententiam generalem: & sic explicant cap. à nobis, el. 1. de sentent. excommunic. vbi interrogatus Pontifex, an forenses comprehenderentur in excommunicatione lata ab Episcopo pro futuris delictis? respondet solos subditos comprehendi: dicunt ergo forenses esse exclusos, & ita tenet cum communi sententia Suarez de legib. cap. 33. num. 9. & 10. redditque rationem, quare statutum, & lex comprehendat forenses, non verò præceptum, quia leges afficiunt personas ratione territorij: at præceptum directè ad ipsas personas fertur; & cum aduenæ solum ratione territorij sint subditi, solum legibus, & statutis videntur posse ligari. Deinde, quia leges, vt pote firmæ, & stabiles, sunt magis cognoscibiles: at præcepta non tam facile cognosci possunt; meritò ergo viatores ab obseruatione præceptorum debent esse immunes, obligari tamen legum obseruatione. Ego verò dicendum existimo posse, forenses præceptis specialibus ligari, quia rectæ gubernationi reipublicæ hæc potestas videtur conuenientissima. Item omnes rationes, quæ militat de legum obligatione, procedunt in præceptis; præcipua enim ratio, ob quam legum obligatio tenet forenses, est conformatio cum reliquis de republica, quæ in præceptis æquanimiter procedit, neque illa distinctio legis à præcepto, scilicet legem ferri ad personas pro territorio, præceptum verò ad solas personas, est satis fundata. Lex enim, & præceptum extra territorium operari non potest. Quocirca non solum posse, sed de facto obligari peregrinos sententiis generaliter latis, credo probabilius cum glossa in supradicto cap. à nobis, de sentent. excommunic. Et licet Pontifex expressè non dixerit aduenas ibi comprehendi: non tamen illos exclusit, sed quasi rem indecisam reliquit, vt locus daretur opinionibus; qui enim dicunt aduenas comprehendi, debent explicare, voluisse Pontificem comprehendere omnes subditos tam incolas, quàm aduenas, dum ibi existunt, secus dum terminos territorij egrediuntur, iuxta cap. vt animarum, de constitut. in 6. Adde supradictum caput à nobis posse optimè, non de sententia, sed de statuto, & lege explicari, quia eodem modo procedit, ac cap. vt animarum, de constitut. in 6. quod esse statutum omnes affirmant: sic aliqui relati à Salas n. 44. Basilius de Leon n. 19. & 30.

16 Neque hinc fit delinquentem in suo oppido, si alio accedat, posse ibi puniri, vt intulit aduersus communem sententiam Basilius de Leon num. 15. leui fundamento adductus. Mouetur, inquam, quia viator est subditus iudici illius loci, sicut & legibus illius: quod probat ex Clement. Postoralis, de sentent. & re iudic. ibi, quòd si punitio criminis intra districtum imperialem commissi, ad Imperatorem forsitan pertinuisse asseratur, verum est quidem, si in eodem districtu fuisset inuentus delinquens, vel ad illum de more remissus; quare si cum fines transgrediat, cessat potestas. Ex quo ipse Basilius infert: ergo delictum causa non est subiiciendi delinquentem iudici; aliàs vbicumque delinquens maneret subditus esset. Et confirmat suam sententiam ex praxi curiæ Romanæ, quæ alibi delinquentes punit.

Verum hoc fundamentum leue est, vt à communi sententia recedamus: viatores enim subditi non sunt iudici loci, quæ transeunt, nisi in his, quæ ad rectam illius reipublicæ gubernationem pertinent, quia cum domicilium non acquisierint, neque ibi delictum commiserint, non habent fundamentum integræ subiectionis. Quapropter tota illorum subiectio est indirecta, & quatenus ad bonum commune reipublicæ pertinet: at ad bonum illius reipublicæ, quæ transeunt, non pertinet punire delicta alibi commissæ, sed ad summum re-

mittere delinquentem puniendum. Ergo. Et *Clement. Pastoralis* hoc ipsum probat, siquidem dicit, non posse iudicem ordinarium punire delinquentem existentem extra territorium suæ iurisdictionis, nisi fuerit illi de more remissus. Supponit ergo Pontifex de more, & consuetudine esse remittendum: mos autem cum non sit specialis alicuius prouinciæ, sed generalis, constituit ius, atque aded de iure est remittendus. Ergo non potest iudex illius loci illum punire. Adde, etsi delictum integra causa sit subiectionis, non obinde sequitur existentes extra territorium posse à iudice puniri, quia constituit subiectionem, dum est intra territorium, secus extra: sicut domicilium, quod est causa integra constituendi subiectionem, non dat actionem iudici extra territorium. Quod autem alibi delinquens non possit à iudice loci illius, qua transit, puniri, tenet innumeros referens, & latè probans Farinacius *lib. 1. praxis, quest. 7. à num. 6. & 7.* & ad consuetudinem Romanam optimè respondet *num. 12.* id prouenire ex præscripta consuetudine; cum enim à principio fuerit totius orbis domina, & ratione sui imperij omnes ei subiicerentur, delinquentes alibi ipsa puniebat: & hæc potestas ex tacita aliorum Principum concessione videtur prorogata. Aduertit tamen Farinacius non pœna ordinaria, sed extraordinaria puniri. Plures limitationes huius doctrinæ adducit Farinacius de fure reperto cum re furata, de hæretico, de bannito, de assassino, de latrone publico. Sed si bene expendantur, hæc non sunt limitationes, sed declarationes regulæ generalis, quæ dicit ratione delicti delinquentem subiectum esse iudici illius loci, in quo delictum commissum est: nam omnes hi censentur continuare delictum, & illud, quasi de nouo, vbi resident, præstare.

17 Restat argumentis num. 10. allatis satisfacere.

Ad primum dico, domicilium, & delictum reddere subditum ad inquisitionem de delicto faciendam: de quo loquitur cum communi sententia Farinac. at ad obligationem ei imponendam sufficit habitatio, quæ si permanens sit, permanenti obligationem inducit, secus transeunti. Quæ solutio necessariò est ab aduersariis admittenda in legibus, & præceptis, quæ ob bonum commune reipublicæ feruntur, quæque diximus adstringere peregrinos, & in legibus, quæ æquanimiter obligant in loco peregrinationis, ac in domicilio. Nam ex aliquo capite oritur tunc subiectio, & obligatio, non ex domicilio, neque ex delicto. Ergo ex transeunte obligatione. Ergo habitatio transiens sufficit ad subiectionem constituendam in his, quæ ad bonum commune reipublicæ pertinent.

Ad secundum facilis esset solutio, si concederemus posse, Episcopum loci, qua transeunt peregrini, illos matrimonio iungere, & in votis dispensare: vt cum aliis defendit Basilius de Leon *lib. 5. de matrim. cap. 13. num. 4.* Sed dato non posse, non inde inferitur, non habere iurisdictionem, ad subiiciendum viatorem suis legibus, sicut & habet ad subiiciendum legibus bonum reipublicæ spectantibus; quia ad hanc iurisdictionem solum requiritur habitatio, etsi modica sit; at ad dispensandum, & coniungendum matrimonio, & reliqua alia sacramenta, quæ necessaria non sunt, potest non solum habitatio pro maiori anni parte, sed quæ verè domicilium constituat, requiri, vt docet Azor *tom. 1. lib. 5. cap. 11. quest. 3. sine*, & alij multi relati à Sanchez *illa disput. 18.* Adde non ex eo, quod Episcopus non possit ordinare, & confirmare viatorem, nisi residentem maiori anni parte, inferitur non posse suis legibus illum adstringere. Ergo neque etiam ex eo, quod non possit coniungere matrimonio, vel dispensare, debet inferri; ex vna enim potestate ad aliam non procedit argumentum. Et ratio omnium est, quia potestas obligandi legibus, ex bono reipublicæ, in qua forensis moratur, pro-

cedit: quod bonum cum adsit, etiam si brevissimo tempore ibi existat, tribuit potestatem: at potestas dispensandi, & coniungendi matrimonio, respicit bonum ipsorum, qui coniungendi, vel dispensandi sunt. Non ergo est mirum si remittantur ad proprium pastorem, & denegetur facultas ei, qui ex accidenti solum proprius est.

Ad tertium fatemur quemlibet Sacerdotem debere celebrare iuxta morem suæ patriæ, vel in azymo, vel in fermentato, quia ita specialiter est constitutum in Concilio Florentino sub Eugenio IV. obseruandam pacem, & vniõnem inter Ecclesiam Græcam, & Latinam: ex quo ad alios casus non licet arguere; imò potiùs ex hoc priuilegio licet inferre obligandos esse viatores se conformare legibus loci, qua transeunt, in omnibus illis casibus, in quibus non est speciale priuilegium; quia exceptio firmat regulam in contrarium.

Ad quartum reicienda est expositio glossæ dicentis, ieiunare in Sabbato, vel non ieiunare, liberam esse obseruationem, quatenus ad extraneos, non quantum ad incolæ; omnes enim adstringuntur, vt diximus, consuetudine recepta: quare expositio legitima est. S. August. ait, hoc genus rerum liberam habere obseruationem, quia liberum est cuilibet populo sine præiudicio fidei, quod in hac parte libuerit, obseruare; cum tamen in rebus ad fidem pertinentibus hæc libera obseruatio admitti non debet.

Ad quintum iam constat, qua ratione viatores non sortiuntur forum loci, qua transeunt, vt possint, inquam, ibi conueniri, quando scilicet ex mutuo consensu, vel ex natura contractus, alibi est destinata solutio; secus verò dispendium de solemnitatibus, & conditionibus in contractu requisitis.

Ad sextum concedo legato fundo, non legati seruos, qui ibi casu sunt; non enim ex eo, quod quis habet dominium alicuius rei, debet illud habere omnium illarum rerum, quæ ibi existunt: at vbicumque aliquis sit, necessariò iurisdictioni illius reipublicæ subiici debet, quia ad rectam gubernationem hæc subiectio pertinet. Ea autem, quæ adducuntur ex *cap. nam & ego*, & *cap. ad vestram*, de regularib. optimè explicat Suarez *illo cap. 14. de relig. num. 25.* ait enim cum Panormit. dici per quandam metaphoram, & improprietatem non durare ea, quæ breui tempore durant, non quia verè non durent: sicut Pontifex vnus diei, verè Pontifex est, & inter Pontifices numeratur; etsi possit reputari per metaphoram quandam, ac si non fuisset: cum autem in præsentia non de metaphora, & improprietate, sed de veritate sermo sit, an scilicet legibus loci teneatur, qui verè in loco existit, dum ibi permanet, non debemus ad metaphoras recurrere. Adde Salomonem dici vnigenitum, quia ex legitimo matrimonio vnigenitus fuit. textus verò in *cap. ad vestram*, de regularib. fundabatur in præsumptione, præsumebatur enim monachum illum non consensisse in professione, cum tam breui tempore ab ea resiliere: at obligatio viatorum ad leges loci, qua transeunt, non in præsumptione animi, sed in vera loci existentia, & vniõne cum reliquis de ciuitate fundatur.

Ad septimum iam diximus non solum statutum, sed etiam sententiam comprehendere subditos intra territorium existentes, secus extra morantes.

Ad vltimum nego infideles non teneri legibus politicis loci, qua transeunt; concedo tamen non teneri legibus Ecclesiasticis, quia sunt extra iurisdictionem Ecclesiæ. Idem dicendum est de regularibus, quia exempti sunt, non obligari legibus cuiuslibet Episcopatus, nisi in casibus à iure expressis: at obligantur legibus illius conuentus, qua transeunt. Nouitj autem, etsi non teneantur legibus professorum, quia non sunt professi: at adstringuntur aliquibus legibus propriis, quæ statum

suum respiciunt. De sacerdotibus celebrantibus more suæ patriæ iam dictum est.

§. IV.

Quid dicendum de vagis : qua ratione legibus teneantur.

- 1 *Quis sit vagus.*
- 2 *Hos non teneri legibus loci qua transeunt, sicut peregrini, & forenses, affirmant aliqui.*
- 3 *Reprobatur hæc sententia.*
- 4 *Vagus puniri potest à iudice loci, in quo capitur, tamen si forensis non possit.*
- 5 *Probabilius est remittendum esse ad locum delicti, si petatur à iudice illius.*

1 **V**agus est, qui nullibi habet certam sedem; quare qui alicubi habuit domicilium, & ab illo exiit animo non redeundi, sed alibi assistendi, vagus est, quousque domicilium figat. sic Thom. Sanchez lib. 3. de matrim. cap. 25. à num. 1. usque ad 4. & lib. 1. in Decal. c. 12. num. 23. sine, & multis allegatis Fatinac. lib. 1. praxis quæst. 7. num. 15.

2 De his ergo vagis sentit Leonardus Lessius lib. 4. cap. 2. dub. 7. num. 49. & Sayrus in clavi regia lib. 3. cap. 4. num. 8. idem esse dicendum ac de peregrinis, & viatoribus, cum affirmet peregrinos & viatores nullis legibus oppidi, qua transeunt, adstringi; & de vagis censet esse idem dicendum: & ita tenet Ioan. Sanch. in suis select. disp. 54. num. 34.

3 At merito ab omnibus aliis Doctoribus reicitur hæc sententia, etiam ab illis, qui affirmant peregrinos, & forenses exemptos esse à legibus municipalibus, & Episcopalibus. Nam in vagis est specialis ratio, cum enim nullibi habeant domicilium, debent illud fortiri ex præsentanea habitatione, aliàs omnibus legibus particularibus essent exempti, quod à recta eorum gubernatione dissidet: & ita tenet Sanchez lib. 3. de matrim. disp. 18. num. 15. & in Decalog. lib. 1. cap. 12. num. 23. Azor tom. 1. lib. 5. cap. 11. quæst. 13. Salas disp. 14. de leg. scilicet. 4. num. 55. Bonacina disp. 1. de leg. quæst. 1. punct. 6. num. 54. Suarez tom. 1. de relig. lib. 2. cap. 14. n. 20. Basilus de Leon lib. 5. de matrim. cap. 7. Lorca 1. 2. tom. 2. disp. 25. in fine, in tract. de leg.

4 Ex quo inferitur vagum puniri posse à iudice loci, in quo capitur de delicto alibi commissio: sic probat textus cum glossa in l. 1. C. ubi de criminibus agi oportet, quam ait Fatinac. lib. 1. praxis quæst. 7. num. 13. esse communiter receptam.

5 Difficultas autem est, an debeat remitti ad iudicem, ubi commisit delictum, si petatur? in qua re Fatinac. lib. 1. praxis quæst. 7. alios referens, docet, non esse remittendum necessario, si iurisdictiones sint sub diuersis Principibus, secus si sub vno Principe. Nam quando sunt sub diuersis Principibus, verè iudex capiens vagabundum habet iurisdictionem in illum ex præsentanea habitatione; sicut si ibi figeret domicilium. At quando sub eodem Principe versatur iurdictio, censetur Princeps nolle delinquentem alibi puniri, nisi in loco, ubi commisit delictum. Cæterum probabilius credo semper delinquentem remittendum esse ad locum delicti, ut ibi puniatur, si à iudice loci illius petatur remissio; quia iudici illius loci ratione delicti subiectus est: neque videtur subiectus iudici loci, qua transit, in punitione delictorum, quæ alibi sunt commissæ: nisi ad summum in defectum iudicis, ubi delictum commissum est, quia punicio est ob exemplum, & reparationem scandalati dati: quod cum datum solum sit, ubi delictum commissum est, ibi est puniendum. quæ ratio probat, siue domicilium acquiratur, siue non. sic Decian. in tract.

crim. tom. 1. lib. 4. cap. 13. num. 17. & seq. Couarr. pract. qq. cap. 11. num. 7. Iulius Clarus lib. 5. recept. sentent. in pract. crim. quæst. 32. num. 7. consentit Azor tom. 1. lib. 5. cap. 11. quæst. 3. sine.

§. V.

An peregrinus, & forensis teneatur legibus suæ patriæ, quando alibi est, ubi non vigent.

- 1 *Nullus adstringitur legibus extra territorium.*
- 2 *Quid ex eo inferatur.*
- 3 *Si animo non seruandi legem, à territorio exeat, negant plures te deobligatum manere.*
- 4 *Probabilius est oppositum, licet àmque esse talem fugam.*
- 5 *Satisfis argum. num. 3. adductis.*
- 6 *Si in tua parochia sit dies festiuus, & extra non; non teneris Missam audire, si non dicitur, dum ibi assistis, neque illam expectare.*
- 7 *Si tamen dicuntur plures Missæ à mane, usque ad 12. non potes hora octaua exire Missa non audita, secundum satus probabilem sententiam.*
- 8 *Probabilius censeo oppositum.*
- 9 *Quid dicendum de ieiunio? affirmant plures te posse ieiunium sumere manè ubi ieiunium obligat, si nocte peruenitur ad locum, in quo nulla est obligatio.*
- 10 *Probabilius censeo oppositum.*
- 11 *Cum manè deobligatus fuisti à ieiunio, non teneris vesperare illud seruare, defenditur, ut probabilius.*
- 12 *Si iam impleuisti præceptum communionis, ieiunij, & festi: in loco tui domicilij non teneris illud seruare, secluso scandalo, cum peruenisti ad locum, ubi tunc viget.*
- 13 *Leges respicientes delictum in territorio commissum ligant subditum extra existentem, quidquid immerito contradicat Basil. de Leon.*
- 14 *Beneficiarij absentes absque legitima causa ligantur excommunicatione lata aduersus absentes.*
- 15 *Fur existens extra territorium ligatur excommunicatione lata aduersus illum ob delictum in territorio commissum.*
- 16 *Statuto municipali obligari potest subditus absens, ad id quod cedit in utilitatem grauent municipij.*
- 17 *Excommunicatione lata aduersus colloquentes cum monialibus, ligat beneficiarios, tamen si monasteria extra diocesim existant, asseritur, ut probabile.*
- 18 *Proponitur obiectio, & resolvitur, quid sit tenendum.*
- 19 *Ratione rei sita ligari potest absens statuto municipali.*
- 20 *Communis sententia docet statuto municipali, specialiter in damnum communitatis non cedentes absentes non ligari.*
- 21 *Contrarium censeo satis probabile.*
- 22 *Satisfis tacita obiectioni.*
- 23 *Quod dictum est de lege, dicendum est de pena, qua ad sui executionem officium iudicis non requirit.*
- 24 *Si censura imposita est alicui delicto, & illud inchoat in tuo territorio, perficis extra, censura non ligat, tamen si alij contra sentiant.*
- 25 *Pæna, qua officium iudicis requirit, extra territorium imponi non potest.*
- 26 *Potest imponi à iudice, in quo delictum consummatum est, & etiam ab eo, in quo fuit inchoatum, si ibi habeat domicilium.*
- 27 *Item, esto domicilium non habeat, communis sententia docet posse puniri delinquentem à iudice, in quo delictum fuit attentatum, non solum ob attentionem, sed ob delictum, quod alibi consummavit.*
- 28 *Proponitur quadam obiectio, & fit ei satis.*
- 29 *Quæ dicta sunt de territorio alieno, dicenda sunt de locis exemptis.*
- 30 *Quæ dicantur loca exempta?*

1 Communis, & recepta sententia est, neminem extra territorium adstringi legibus illius, etiam si leges sint iuris communis; quia extra territorium ius dicenti non paretur impune, ut est decisio textus in *cap. ut animarum, de consuet.* in 6. & tradunt ibi Doctores, & in *cap. à nobis, de sentent. excommunic.* sic Sanchez lib. 3. *disp.* 18. *de matrim.* num. 18. & in *Decalog.* lib. 1. *cap.* 12. num. 26. Couarr. 4. *variaturum, cap.* 20. num. 8. & in *cap. alma, 1. part.* §. 10. num. 3. Azor tom. 1. lib. 7. *cap.* 30. *fine.* Suarez lib. 2. *de festiuit.* *cap.* 13. num. 2. & *cap.* 14. n. 25. & lib. 3. *de legibus, cap.* 32. num. 3. Basilus de Leon lib. 5. *cap.* 8. num. 1. Bonacina *disp.* 1. *de legibus, quest.* 1. punct. 6. num. 59. Salas innumeros referens *disp.* 14. *de legibus, sect.* 5. num. 60. Lessius lib. 4. *de iustit.* *cap.* 2. dub. 8. Sayrus in *clani regia, lib.* 7. *cap.* 3. num. 11. Ratio est, quia Princeps in lege ferenda bono suæ ditionis attendit. Ergo extra suam ditionem nihil imperare potest.

2 Ex quo fit peregrinum, & forensem accedentem ad locum, ubi ieiunium non seruatur, sicuti si veniret Mediolanum, primis quatuor diebus Quadragesimæ, in quibus carnes vescuntur, posse moribus illius se conformare. Idem est, si Lusitanus veniret Castellam, posset die Sabbati intestinis animalium vesci. Et idem est de vicinis vnius parochiæ, si transeant in aliam parochiam. sic supradicti DD. Suarez, Bonacina, Salas, Sanchez, Basilus *supra*.

3 Sed restant enodandæ aliquæ difficultates.

Prima, an si animo eximendi te ab obligatione, qua in tuo territorio adstrictus es, peregrineris, possis tunc privilegio uti?

Negat Petr. de Ledesma *de matrim. quest.* 45. *art.* 5. p. 3. *dub.* ult. *concl.* 1. & 3. fol. 198. Man. 1. tom. *summ.* *cap.* 219. num. 2. *fine.* Rebellus *de iustis.* 2. *part.* lib. 2. *quest.* 7. *sect.* 3. num. 16. & inclinatur Salas *disp.* 14. *de legibus, sect.* 5. n. 63. circa *finem.* & Sayrus in *clani regia, lib.* 7. *cap.* 3. num. 12. & specialiter, cum quis ob confessionem faciendam alteri à proprio Sacerdote proficiscitur: tenet Gabr. Vasquez in 3. *part.* *quest.* 98. *art.* 2. Mouentur ex *cap. sedes, cap. ex tenore, de rescript.* ubi fraus, & dolus nemini patrocinari debent: at hic dolum, & fraudem committit. Deinde in l. 1. §. *idem aiunt, ff. de aqua pluuiæ arcenda,* prohibetur fodiens agrum proprium, si id fecerit animo nocendi alteri, scilicet auertendi fontem vicini, quod si animo fecit meliorem suum agrum reddendi, ei permittitur: at hic animo nocendi legislatori proprio fugit à loco. Ergo ei non est licitum.

4 Nihilominus tenenda est contraria sententia, scilicet licitum esse fugere hanc præcepti obligationem, & exire à loco, ubi ieiunium, vel festum viger, animo solum in alio loco, ubi præceptum non est, laborandi, vel comedendi. Ratio efficax est, quia in hac fuga vitur iure sibi concessio; neque enim præceptum, quod in aliquo loco viger, obligat ibi vicinos persistere, sed solum obligat, ut dum ibi adsunt, seruent illud: postquam autem ex illo loco exierint, iam cessat eius obligatio: & ita tenet alios referens Sanchez lib. 3. *de matrim.* *disp.* 18. num. 29. & lib. 1. in *Decalog.* *cap.* 12. n. 35. Basilus de Leon lib. 5. *de matrim.* *cap.* 9. num. 4. Suarez tom. 1. *de relig.* lib. 2. *cap.* 13. num. penult. Bonacina *disp.* 1. *quest.* 1. punct. 6. num. 64. qui omnes docent intendentem contrahere sine parochio, & testibus, seruata tamen antiqua forma, posse se conferre ad locum, ubi non est acceptum Tridentinum: etiam si eo animo faciat, neque obinde peccare, quia non potest dici fraudem committere, utens iure sibi concessio, ex *reg. nullus videtur, ff. de regul. iur.* & l. 3. §. *ic tamen, ff. de libero homine exhibendo.* qua ratione optime aduertit Sanchez *illa disp.* 18. num. 29. cum Couarr. & Sarrient. contrahentem cum concubina in articulo mortis, ea intentione, ut filios legitimos faciat, non peccare, etiam si in fraudem substituti fecerit, quia non potest dici fraudem committere.

re, qui iure vitur proprio: colligi etiam licet, licere peregrinum habentem casus relictos, vel alia causa intendentem alteri, quam parochio domicilij confiteri, peregrinari ea intentione, quia vitur iure sibi concessio, tempore peregrinationis, confiteri, inquam, cui voluerit, non ex concessione proprii parochi domiciliaris, sed ex concessione iuris communis. sic expressè Basilus num. 6.

5 Argumenta contraria ex dictis manent soluta: non enim committitur fraus, dum quis iure suo vitur. Neque in præfenti facis aliquam iniuriam legislatori, ex eo, quod eius obligationem fugias; ipse enim non habet potestatem obligandi, nisi dum in suo territorio extiteris: at egressus ex illo, iam cessat eius iurisdictio. Adde supradictam l. 1. prohibere fissionem agri, cum constat nullo alio fine fieri, nisi damnicandi vicino: at in præfenti non potest constare fugam esse ob minuendam iurisdictioem superioris, sed potius ob commodum tibi inde proveniens. Ergo.

6 Secunda difficultas est, an si in tua parochia sit dies festiuitas, & extra non, tenearis audire Missam, antequam exeat tua parochia?

Et quidem si nullum est sacrum, antequam exeat, etiam si postea futurum sit, cenfeo te non esse obligatum expectare, quia præceptum Missæ non obligat ad expectandum in loco, sed ad audiendum sacrum, cum audiri potest. Econtra verò si solum vnum sacrum est, quodque celebratur, cum tu præfens es loco, sine dubio obligatus es audire, quia obligaris præcepto, & est commoditas adimplendi, nec apparet ratio, unde excuseris: in his conueniunt Doctores statim referendi.

Difficultas est, an quando in tua parochia plures sunt Missæ celebrandæ. v. g. à manè vsque ad duodecimam, possis non audito sacro egredi hora octaua ad locum, in quo Missa dicenda non est, neque illius est obligatio?

7 Negat Suarez lib. 2. *de festis, cap.* 5. *circa finem, num.* 9. & 10. quem sequitur Basilus de Leon lib. 5. *de matrim.* *cap.* 8. num. 6. Mouentur; quia dum es illo in loco, afficeris præcepto, & obligatione audiendi sacrum: contracta autem obligatione, non illam pro tuo libito excutere potes, sed illam debes necessariò adimplere. quia est præceptum affirmatiuum, quod obligat implere, quam primum possit, neque suppetit postea via implendi. Et confirmo. Si stante illo in loco scires impediendum fore, audire sacrum, necessariò hora nona, tenebaris hora octaua sacrum audire, & impedimentum præuenire: & idem est de recitatione horarum, & de communione paschali, & generaliter de quolibet præcepto, quo semel fuisti ligatus, si scias impedimentum tibi esse apponendum, teneris ante implere: at in præfenti scis apponendum tibi esse impedimentum, ne audias sacrum, & hoc à tua voluntate; ergo debes antequam impedimentum apponas, sacrum audire.

8 Nihilominus, etsi hoc sit satis probabile: at probabilius credo te non teneri audire sacrum in supradicto casu: docet Sanchez lib. 3. *de matrim.* *disp.* 18. n. 21. & lib. 1. in *Decalog.* *cap.* 12. num. 42. Salas *disp.* 14. *de legibus, sect.* 5. num. 66. Ioan. Sanchez in *select. disp.* 5. n. 29. Probo, quia dum ades in illo loco, & sunt plures Missæ celebrandæ, quibus potes satisfacere præcepto, non te urget præcepti obligatio: at præceptum non te obligat à loco non exire. Ergo non te obligat audire sacrum, si non vis exire. Probo consequentiam, quia exiens à loco, iam exemptus es ab obligatione. Et confirmo: si scires tibi esse concedendam dispensationem hora decima à præcepto audiendi Missam, illo die non tenebaris Missam præuenire: sicuti si scires tibi esse concedendam dispensationem recitandi horas canonicas

nica illo die, non tenebaris præuenire tempus dispensationis, sed egrediens à loco, conceditur tibi dispensatio, & egressus nullo iure tibi prohibetur: ergo non teneris Missam præuenire. Secus verò dicendum, si ad locum, ubi obligat præceptum, proficisceris, in quo tamen scis celebrandum non esse sacrum; tunc enim tenebaris audire sacrum, antequam exires, quia tunc illa Missa, quæ dicitur, quando vis exire, est reputanda ultima, & unica, & obligatoria præcepti. Quocirca est aduertendum duplex esse genus impedimentorum præcepti adimplendi: alia sunt impedimenta, quæ omnino liberant à præcepto, alia, quæ excusant. Impedimenta, quæ liberant à præcepto, non teneris præuenire, neque impedire, etsi possis: quia ratione non teneris impedire dispensationem, quæ te omnino liberat à præcepto: at impedimenta, quæ solum excusant à præcepto, quia præcepto manes subiectus, ut sunt infirmitas, ignorantia, obliuio, detentio, & similia, tenebaris præuenire, ut præcepto satisfaceres, neque tibi licitum erat quærere hæc impedimenta, ut ab obligatione præcepti liberareris: at dispensationem præcepti, & egressum à loco ubi obligat, nullo iure cauetur te non posse quærere. Ergo. Et per hæc solum manet argumentum contrarium.

9 Tertia difficultas est, an idem dicendum sit de ieiunio? in tuo enim oppido est dies ieiunij, extra non est; poterisne in tuo oppido carnes, & ientaculum sumere manè, si scias vespere futurum esse in loco, ubi ieiunium non seruatur?

Et quidem omnes conueniunt te existentem in loco, ubi ieiunatur, non posse carnes comedere, quia obligatio abstinendi à carnibus obligat pro singulis momentis, & quolibet momento integrè adimpleri potest: ergo teneris illa obligatione, dum es in tuo oppido. Dubitatio solum est de ientaculo sumendo, an, inquam, sumere illud possis manè, sciens vespere deobligatum esse à ieiunio? Affirmat Sanchez *disp. 18. num. 22. & in Decal. lib. 1. cap. 12. num. 34.* Lessius *lib. 4. cap. 12. dub. 8. num. 57.* Salas *disp. 14. sect. 5. num. 68.* Suarez *lib. 2. de relig. tom. 1. cap. 13. fine, & lib. 3. de leg. cap. 32. num. 3.* Ioann. Sanchez innumeros referens *disp. 54. de ieiunio, num. 27. & 30.* Mouentur, quia obligatio ieiunij est indiuisibilis, consilens in vnica comestione; quare semel ieiunio violato, nulla est obligatio: at ieiunium nocte obligatum non est. Ergo neque obligabit summo manè. Neque obstat causam nondum adesse, sufficit moralis illius certitudo; sicut iturus exercendum opus seruire, potest cibos sumere, antequam exeat, non obstante ieiunij præcepto, quamuis causa excusans nondum extet, impediri que posset.

10 Cæterum hæc sententia mihi non probatur, quia nullus potest excusari à præcepto ob moralem certitudinem superuenientis dispensationis, quia non spes dispensationis, sed dispensatio ipsa obligationem præcepti tollere potest: atqui existens in loco ubi ieiunium seruatur, obligatur ieiunio. Ergo non potest ab illo excusari ob spem existentie in loco priuilegiato postea futura: aliàs non existentia in loco priuilegiato, sed spes, & voluntas illius priuilegium concederet. Neque est simile de laborante, cui enim labor est necessarius, eo ipso à ieiunio excusatur, non ob laborem existentem, sed ob necessitatem illius: quocirca dicimus communiter laborantes deobligatos esse ieiunare diebus festiuis, non solum ob defatigationem laboris præcedentis diei, sed ob necessitatem ad laborandum die sequenti. Sed necessitas, aut voluntas obtinendi dispensationem, aut existendi in loco priuilegiato, non eximit à ieiunio. Ergo manes illo obligatus: & ita tenet Basil. de Leon *lib. 5. cap. 8. num. 3.*

11 Sed quid dicendum, si manè deobligatus fuisti à ieiunio, vel quia non impleuisti 21. annos, vel quia fuisti in loco, ubi non seruatur ieiunium, & absque illius

violatione peruenis ad locum domicilij, ubi ieiunium seruatur, poterisne in reliqua parte diei ieiunium non seruare? Negat Thom. Sanchez *lib. 1. cap. 12. n. 33.* Lessius *lib. 4. cap. 2. dub. 8. num. 57.* Basil. de Leon *lib. 5. de matrim. cap. 8. num. 3.* Mouentur, quia absolutè potes præceptum seruare, & illo teneris, cum es in loco domicilij. Cæterum credo esse satis probabile in præsentī casu te non esse obligatum, docet Ioann. Sanchez *disp. 54. sect. 4. n. 4. & 28.* Quia præceptum ieiunij, seu abstinentiæ à duplici comestione, respicit totum diem integrum, ut indiuiduum obiectum: non enim per mandatum ieiunij, præcipitur dimidium diei, vel quartam partem ieiunare, sed totum diem. Igitur exemptus à ieiunio per aliquam partem, totaliter liberatur illo die, cum præceptum illud, vel totum diem comprehendere debeat, vel nullam partem illius. Et confirmat ex principiis, Sanchez, Lessius, & aliorum dicentium, si accessurus sis ad locum, ubi non seruatur ieiunium, posse in loco domicilij, ubi seruatur, prandium sumere, quia sufficit, quòd nocte cænare possis. Si ergo quòd nocte debeas esse exemptus ab obligatione, honestat comestionem in loco domicilij, ubi viget præceptum, etiam similiter honestabit, quòd fueris manè exemptus.

12 Quarta difficultas est de eo, qui existens in suo oppido, præceptum confessionis, & communionis ieiunij Quadragesimalis, & festi expleuit, peruenit tamen ad locum, ubi tunc obligat, quod sæpè contingere potest ob non receptum nouum Kalendarium Gregorianum: an, inquam, hic sit obligandus consuetudine illius loci, præcipue si ibi figat domicilium? Basil. de Leon *lib. 5. de matrim. cap. 8. fine.* A præcepto communionis, & confessionis excusat; scæus verò à præcepto ieiunij, & festi: & rationem differentie reddit, quia præceptum communionis, & confessionis personas alligat independentè à loco; quare qui illi obligationi fecerit satis, non videtur amplius teneri, aliàs ad bis communicandum in anno obligaretur; scæus verò dicit esse dicendum de ieiunio, & festo, quæ personam in ordine ad locum adstringunt. Verum in utroque casu idem censeo dicendum, neminem scilicet, secluso scandalo, teneri obseruare festum, & ieiunium, sicuti neque communicare, si iam in sua pàrochia tali festo, & ieiunio, & communioni paschali satisfecit, quia hoc præceptum adstringit fideles non bis, sed semel in anno. Ergo fideles, qui iam semel illi præcepto satisfecerint, amplius illo teneri non possunt, sic docet Lessius *lib. 4. de iust. c. 2. dub. 7. num. 52.* Sanchez in *Decal. lib. 1. cap. 12. num. 22.* Bonacina *disp. 1. quest. 1. punct. 6. num. 57.* Salas *de leg. disp. 14. sect. 4. in princ. num. 37.* Azor *tom. 1. lib. 5. cap. 25. quest. 2.*

13 Quinta difficultas est, quid dicendum sit de legibus, & præceptis respicientibus delictum in territorio commissum, an ligent subditum extra existentem? Negat Basil. de Leon *lib. 5. cap. 7. num. 20.* cum Gabr. in *4. dist. 28. quest. 2. conclus. 6.* neque aliam rationem adducit præter textum in *cap. vi. animarum, de constitution. in 6.* ubi extra territorium ius dicenti non pareretur impune. Quocirca dicit Episcopum non posse sententiam excommunicationis ferre, contra subditum suum existentem in alieno territorio, etiam pro delicto commissum in suo territorio.

Relicienda tamen est hæc sententia, ut potè contraria expressis iuribus, consuetudini & rationi, & amplectenda communis affirmans posse subditum extra territorium existentem, ligari legibus territorij, si delinquit in territorio. Quare ut extra territorium subditus ligari non possit, debet ipse, & res circa quam operatur, & operatio ipsa extra territorium esse. nam si aliquod ex his intra territorium existit, ligari legibus territorij potest; sic docent communiter Doctores, Syluest. *verbo excommunicatio. 2. num. 8.* Angelus *num. 10.* Vgolinus *de censur. tab. 1. cap. 9. §. 3. fine.* Suarez *tom. 5. in 3. p. disp. 5. sect. 4.*

sect. 4. & 5. & lib. 3. de legibus, cap. 32. num. 8. Bonacina disput. 1. quest. 1. punct. 6. num. 67. Couarr. cap. alma, 1. part. §. 10. num. 3. Salas de legibus, dispnt. 14. sect. 5. à num. 71. Conclusionem probo, quia existens in alieno territorio potest delinquere in territorio. Ergo potest à iudice territorij punire eius delictum: si enim iudex territorij potestatem non habet hæc puniendi, plenam potestatem non habet præcauendi sibi noxia: ne ergo dicamus imbecilem, & inefficacem potestatem esse, affirmare debemus posse sudditum existentem extra territorium, delinquentem tamen in illo punire. Quod autem sudditus existens in alieno territorio, possit in territorio delinquere, constat, quia extra territorium existens potest emittere sagittam, & occidere hominem in territorio existentem. Ergo delinquit tunc in territorio: & si in illo est excommunicatio lata aduersus occisores, ligabitur illa: sicuti si esset excommunicatio lata aduersus occidentes in Ecclesia, & existens extrà sagittam mitteres, qua aliquem existentem in Ecclesia occideres, quis dubitare potest te excommunicatum fore? quia delictum plene est factum in Ecclesia, etsi extrà fuerit inchoatum.

14 Ex his inferitur primò. Si in Episcopatu Salmanticensi sit censura lata etiam per statutum ipso facto aduersus beneficiarios à sua Ecclesia sine legitima causa absentes, ligare beneficiarium extra diocesim existentem, quia delictum commisit in diocesi: cum enim in diocesi deberet esse præsens, cap. ex tua, de clericis non residentibus. & omittat præsentiam, ibi censetur omittere, ubi præsens esse debebat, iuxta l. qui non facit, ff. de regulis iuris. ibi, qui non facit, quod facere debet, videtur facere aduersus ea, qua non facit. & colligitur ex cap. 1. de infuria, in 6. iuncta glossa, & cap. 1. ut lue non contestata, & tradunt Syluest. Angel. Suarez, Bonacina, Salas, & alij supra.

15 Inferitur secundò, ligari furem existentem extra territorium excommunicatione lata aduersus furantes, nisi intra mensem satisfecerint, vel se sistant iudici delicti, vel domicilij, in quo est lata excommunicatio; quia tunc delinquit domicilium non se præsentando iudici illius, ex suppositione, quod iudici delicti non se præsentauit, neque satisfactionem fecit. tradit expressè Azor quest. 2. Angel. & Syluest. supra, & Salas num. 76. fine.

16 Inferitur tertio, statuto municipali obligari posse absentem sudditum ad id, quod cedit in vtilitatem grauem municipij, & puniri si id non faciat, quia tunc non punitur propter delictum, extra territorium commissum, sed intra; iniuria enim, & offensa, & damnum municipio proueniens intra, censetur factum moraliter, etsi physicè extrà fiat. sic Couarruias, Suarez, Salas, & reliqui communiter: qua ratione ligabitur censura lata per statutum, aduersus extrahentes triticum è ciuitate, vendentes arma barbaris, & alia similia qui hæc fecerit, quia esto actiones materiales, & physicæ extra diocesim sint, at damnum, & iniuria diocesi irrogatur, & in illa moraliter existit: ea de causa merito puniri potest, & deciditur in l. nemo, 2. C. quæ res exportari non debeant, ubi prohibentur arma illa, aut ferrum vendere barbaris, hoc est, hostibus Romani imperij, & in l. fin. C. de pœnis, cauetur, ne scientia subiciendarum nauium hostibus communicetur. Idem est si Princeps caueret, ne sudditus extra prouinciam mercaturam exerccat, quia videtur in damnum, & iniuriam reipublicæ cedere, vt tradit Roman. singul. §. 16. facitque l. 2. C. de eunuchis, ubi cauetur, ne eunuchi Romani, ad dominium cuiusque transferantur, quod intelligi debet, quando is, qui transfert, sudditus est Romanorum Principi: hoc dixi vt conciliarem diuersas sententias communiter versantes in intellectu legis Lusitanæ, quæ prohibet, ne mancipia se vendant: nam

Salas num. 77. affirmat nequaquam se vendi posse, etiam si existant in loco, ubi est consuetudo, vt qui vult, se vendat; contrarium sentit Molin. tom. 1. de iustis. disput. 33. versic. sciendum est, in fine. Dicendum ergo est, si mancipium amittit domicilium, vt verè censendum est amittere, cum se vendat alteri à Lusitano, non tenebitur lege, quia tunc non est sudditus; secus verò si se vendat Lusitano, quia non videtur amisisse domicilium.

17 Quartò posset aliquis inferre, si statutum sit in hac diocesi Salmantina, ne vllus clericus, sine specialia licentia sui Episcopi monasteria monialium, vbi-cumque sint, accedat, & ibi colloquatur, ligari excommunicatione eò accedentes, etiam si monasteria extra diocesim existant, quia delictum est aduersus dignitatem, & decentiam status clericalis huius Episcopatus, quam decentiam, & honestatem illa lege intenditur præcaueri, quia illo accessu, & colloctione labefactari censetur: facitque ad id l. mercatores, C. de mercis, & mercatoribus, ubi prohibentur ciues Romani habere commercium cum Persis, quia non erant imperio Romano subiecti: & l. fin. ff. de decret. ab ordine faciend. habetur, ne extra municipium eat aliquis ad commercia. Ergo iam lege municipali, possunt sudditis aliquæ actiones prohiberi cedentes in damnum municipij, & ita tradit Bart. in l. cunctos populos, C. de summa Trinit. Azor tom. 1. lib. 5. cap. 25. quest. 4. Salas disp. 14. sect. 6. num. 86. Aduerto tamen sufficienter debere explicari actionem extra territorium factam, vt lege comprehendendi censetur.

18 Sed aduersus hoc corollarium obiiciet: Quia ex eo videtur inferri nullam esse legem, quæ sudditos existentes extra proprium territorium ligare non possit, cum quælibet lex bonum communis respiciat, & de violante illam. Dici posset iniuriam, & damnum, vel in fortuna, vel in opinione reipublicæ facere. Consequens autem videtur esse contra expressam decisionem textus in cap. ut animarum, de constitut. in 6. ubi extra territorium ius dicenti non paretur impune: quem textum, etsi Bart. explicet in l. 1. C. de summa Trinit. num. 45. & 46. de legislatore absolute ferente legem, neque explicante an velit extra territorium extendere, & dicat talem legem debere ad territorium restringi: at si expresserit suam voluntatem, vt extra territorium procedat, affirmat sudditos ligari posse. Cæteri verò Doctores, vt videre est in Couarr. cap. alma, 1. part. §. 10. num. 3. Nauarr. cap. 17. num. 272. Suarez tom. 5. in 3. part. disp. 5. sect. 5. num. 17. & de legibus, lib. 3. cap. 32. num. 4. hanc interpretationem omnino reiciunt: & affirmant nullum iudicem extra proprium territorium posse ius dicere, quantumvis velit; quod si dicere attenter, posse illi non parere absque delicto, & merito punitionis. Quocirca respondeo dupliciter actionem prohibitam per legem, & in territorio alieno exercitam, cedere posse in iniuriam, & damnum reipublicæ, à qua prohibetur, vel generaliter, vel specialiter. Si specialiter, cedat in iniuriam, & damnum reipublicæ, vt contingit in lege prohibente extractionem frumenti à ciuitate, venditionem armorum exteris, & similia, absque dubio cenfeo existentes in alieno territorio ligari posse supradicta lege. At si solum generaliter cedat in iniuriam, & damnum reipublicæ, quæ tulit legem, quia scilicet non magis cedit in eius iniuriam, quàm in iniuriam alterius reipublicæ, vt contingit in lege, & statuto prohibente furtum, stuprum, homicidium, & etiam in statuto prohibente clericis accessum ad monasteria monialium, comitatum sceminarum: hæc enim omnia æquè labefactant decentiam, & honestatem status clericalis illius reipublicæ, quæ tulit legem, quàm alterius cuiuslibet, ac proinde his statutis, & legibus non ligantur absentes.

19 Infertur quintò ratione rei sitæ ligari posse absentem statuto municipali, quia ratione rei sitæ sortitur quis forum. *cap. fin. de foro competentis.* & probat text. in *cap. Romana. §. contrahentes, eodem tit.* Quocirca fieri potest statutum, ne res aliqua, domus, ager, &c. vendantur, nisi tali forma, & solemnitate, ligat enim tunc vendentes, etiam si extra territorium sint, iuxta *l. 1. ff. de fundo dotali.* & præterea, quia harum legum observatio cedit in utilitatem reipublicæ, & illarum violatio in graue illius damnum, ac proinde delictum committi censetur in diœcesi, non extrà.

20 Sexta difficultas, an possit dari statutum ligans delinquentes subditos extra territorium, etiam si delictum non cedat specialiter in damnum reipublicæ statuentis?

Communis est sententia dari non posse, ex *supradict.* *cap. vi. animarum,* ubi non attenditur factum, sed potentia; redditur enim ratio, quare existentes extra territorium statutis Episcoporum suorum non ligentur, quia ius dicenti extra territorium non paratur impunè, hoc est, attentanti dicere ius extra territorium, absque punitione non paratur: sic ferè omnes Doctores in *prin. huius §. relati.*

21 Verùm si liceat mihi dicere, quod sentio, existimo esse satis probabile, posse ligari lege, & statuto delinquentes in alieno territorio: atque adeò posse sub excommunicatione ipso facto incurrenda, prohiberi subditis, ubicunque existant, furtum, homicidium, adulterium, & quamlibet aliam actionem prohibitione dignam. Probo, quia per sententiam, & generale præceptum hæc prohiberi possunt, vt cum communi sententia docet Suarez *3. p. tom. 5. disp. 5. sect. 5.* Bonacina *de censur. disp. 1. quest. 1. punct. 11. num. 11.* Ergo etiam prohiberi possunt per legem, & statutum. Probo consequentiam: nam qui sententiam, & præceptum generale imponit, ius dicit, sicuti cum legem imponit: si igitur per præceptum dicere potest ius in existentes in alieno territorio, cur non dicere poterit per legem? Affirmare namque legem altringi territorio, secus verò præceptum, hoc est, quod euertere conamur, & rationem huius petimus; vtrumque enim tam generale præceptum, quàm legem ob bonum territorij feruntur. Præterea nullum sequitur inconueniens, ex eo quòd existentes extra territorium ligentur lege, potius, quàm præcepto. Non enim ex hoc specialiter labefactatur iurisdictio iudicis, in cuius territorio delinquens existit: siquidem in eius territorio, & ditione nullum actum iurisditionis contentiosæ legislator exercet. Nam ibi non citat reum, neque comprehendit, neque punit punitione, quæ secum delictum non trahat, quæque præcepto imponi non possit.

22 Neque obstat, si obicias extra territorium neminem posse exercere iurisditionem contentiosam; at imponendo legem exercetur iurisdictio contentiosa, quia iurisdictio contentiosa illa est, quæ in inuitum redditur, vt dixit Accurs. communiter receptus in *l. 2. ff. de officio Praefectus.* & semper censetur quis inuitus sustinere obligationem legis sibi impositam. Ergo. Non, inquam, obstat, quia hoc argumento probaretur neque præcepto generali, neque speciali posse existentem extra territorium ligari, cum obligatio præcepti, sicut & legis, censetur inuitum adstringere. Quocirca dicendum est, contentiosam iurisditionem non esse, quæ redditur in inuitum præcisè, sed quæ indiget testibus, citatione, aut alia iuris solemnitate. Quando ergo solùm à voluntate obligantis pendet, vt contingit in præceptorum impositione, non contentiosa iurisdictio, sed voluntaria potius appellanda est. Adde aliud esse legem imponere, aliud lege obligare; omnia enim illa, quæ ad legis impositionem necessaria sunt, extra territorium exercere nulla ratione possunt, quia extra terri-

torium lex promulgari non potest: at effectus ipsius legis, qui est obligatio extra territorium, esse potest, cum afficiat insensibiliter personas, sine strepitu aliquo iudicij. Censeo ergo in omnibus illis casibus, in quibus præceptum generale imponi subditis potest extra territorium existentibus, & legem imponi posse. Et econtra in omnibus illis casibus, in quibus statutum ferri non possit aduersus extra territorium delinquentes, neque præceptum posse ferri, sic docuit Salas *disp. 14. de leg. sect. 7. num. 90.* & insinuauit *sect. 5. num. 80.* & *seqq.* & Basil. de Leon *lib. 5. de matrim. cap. 7. §. 2.* qui *num. 19.* dicit se nullam differentiam inuenire in excommunicatione lata per sententiam, vel per modum statuti.

23 Septima difficultas, an ea, quæ dicta sunt de lege, dicenda sint de pœna per legem imposita?

Et quidem si pœna iudicis executionem non requirat, sed ipso facto contrahatur, vt contingit in censuris ipso iure latis, eodem prorsus modo dicendum est, ac diximus de lege, & præcepto; illos enim omnes, quos lex, seu præceptum comprehendere potest, poterit & censura comprehendere. Et econtra qui extra territorium existentes lege non ligantur, neque censura per legem imposita ligari possunt, quia censura est pœna transgressionis legis, & ubi nulla est transgressio, nulla esse potest pœnæ impositio, & in hoc nulla potest esse dissensio.

24 At contingere potest, vt in tuo territorio inchoes delictum, & in alieno consummes: vt si existens in tuo territorio occideres existentem in alieno. Item decepti in territorio proprio virginem, extraxisti à territorio, & in alieno violasti.

In hoc ergo casu placuit Vgolino *lib. de censur. tab. 1. cap. 9. §. 3. fine,* te contrahere censuram homicidio, & stupro impositam, quia sufficit inchoare delictum, vt ratione illius subditus sis iudici illius loci, ubi inchoatur.

Cæterùm tenenda omnino est contraria sententia re nullo modo contrahere censuram ipso facto, quia censura non est imposita ob inchoationem delicti, sed ob eius consummationem: at consummatio est extra territorium, & consequenter extra iurisditionem iudicis legem imponentis. Ergo, sic Suarez *tom. 5. de censur. disp. 5. sect. 4. num. 8. & 9. & lib. 3. de leg. cap. 32. num. 5 & 6.* Sylvest. *excommunicatio 2. num. 8.* Angel. *ibi num. 10.* Salas *disp. 14. sect. 5. num. 71.*

25 Quòd si de pœna, quæ iudicis executionem requirat, loquamur, primò certum est nullum iudicem extra territorium illam imponere posse, quia est actus iudicij, & iurisditionis contentiosæ, siue ob delictum inchoatum, siue consummatum imponatur.

26 Quis autem iudex illam debeat imponere, an iudex loci, in quo delictum fuit inchoatum, an iudex illius, in quo fuit consummatum?

Recepta est omnium sententia puniri posse à iudice loci, in quo delictum est consummatum, etiam si ibi non habeat delinquens domicilium, quia verè ibi delictum est commissum, & ratione illius læsum territorium. Ergo gubernator illius habet potestatem iniuriam sibi factam vindicandi. Deinde conueniunt Doctores, si in loco, in quo delictum est inchoatum, habeat delinquens domicilium, poterit ibi puniri, non solùm pœna debita delicto attentato, sed etiam consummato, quia ratione domicilij subdita est persona delinquentis iudici domiciliario.

27 Quæstio ergo solùm est, an casu, quo delinquens non subdatur iudici loci, in quo delictum attentauit, nisi ob attentionem delicti abibi consummati, possit talis iudex delinquentem punire ob delictum consummatum, v.g. Castellæ vulnerasti Petrum, occidisti Lusitanæ. Castellæ rapuisti puellam, violasti Lusitanæ, potè sine

poterit à iudice Castellæ ob occisionem, & stuprum puniri. Communis sententia docet re puniri posse. sic tradit Felin. in cap. fin. de foro competentis, num. 13. Abbas in cap. postulasti, eodem tit. num. 25. Bart. in l. dominum, ff. de furtis. Marfilus in l. unica, num. 150. C. de raptu virginum. Bald. in l. si quis non dicam rapere, num. 3. C. de Episcopis, & clericis. Suarez de censuris, disput. 5. sect. 4. num. 8. & 9. Salas de legibus, disput. 14. sect. 5. num. 72. Farinacius lib. 1. praxi, tit. 1. quest. 7. num. 45. Ratio est, quia cum inchoatio delicti sit consummationi coniuncta, ubi delictum est inchoatum, ibi etiam reputatur consummatum, ac proinde tanquam consummatum puniri potest. Deinde inchoatio, & consummatio delicti vnum delictum censeri debet utroque loco factum, ac proinde in utroque loco æquè punibile.

28 Ceterum hæc communis sententia non leuem patitur difficultatem, quia in re ipsa, & in rigore iuris, aliud est inchoare delictum, aliud illud consummare. Quapropter sæpè delicto inchoato non imponitur ea pœna, ac delicto consummato. Ergo si delictum consummatum est extra tuam iurisdictionem, non poteris ob illius consummationem delinquentem punire; quia solum potes illum punire ob iniuriam tibi factam: at non fecit iniuriam in delicto, prout est consummatum, sed solum prout est attentatum. Ergo solam attentionem, & non consummationem poterit iudex punire. Confirmo. Si mandares alicui occidere Petrum, & Petrus à mandatario esset occisus in alio territorio; ab eo, in quo dedisti mandatum, secundum communio-rem sententiam, non posses in loco mandati puniri pœna debita occisioni, quando mandato talis pœna imposita non est, sed es remittendus ad locum, in quo occisio facta fuit, ut docent Abbas in cap. fin. de foro competentis. Iulius Clarus in pract. quest. 38. versic. item quero. & alij plures relati à Farinac. num. 47. etsi ipse plenè non assentiat. Sed hoc nulla alia ratione contingit, nisi quia obligatio in mandante, non ex mandato, sed ex delicto ex mandato sequuto oritur; sed etiam obligatio homicidij, & stupri, non ex attentione homicidij, & stupri oritur, sed ex huiusmodi delictis in re executis. Ergo non potest delinquens in loco attentionis ob delictum alibi consummatum puniri. & ita tenet Bart. in l. libellorum, ff. de accus. Felin. in cap. fin. de foro competentis, num. 14. Alexand. plures referens consil. 75. num. 6. vol. 3.

Retinenda tamen est communis sententia, posse, inquam, iudicem loci, in quo delictum fuit inchoatum, punire eius consummationem. Mouetur ratione consuetudinis iure gentium introductæ, quæ ne delicta maneant impunita, utrique iudici delictum integrè subdit. facitque l. 1. C. ubi de crimine agi oportet, ibi, commissæ, vel inchoatæ sunt. Neque obstat ratio in contrarium adducta, quia inchoatione delicti via paratur consummationi: & licet consummatio, quoad actionem physicam sit in alio territorio; at moraliter in eodem territorio fieri censetur. Præterea esto non lædatur consummatione, potest ius ratione inchoationis subdere personam puniendam quoad totum delictum, quod fortè non subdidit in mandante. Esto Farinacio non absque probabilitate videatur mandantem, & recipientem mandatum in loco mandati puniri posse de delicto consummato. Neque obligatum esse iudicem mandati remittere delinquentem ad iudicem delicti consummati, etiamsi petatur, sed debere tunc consulere Principem.

29 Octaua difficultas, an quæ dicta sunt de territorio alieno, intelligi debeant de locis exemptis, etiamsi intra diœcesim existant?

Respondeo debere: ita ex communi sententia docet Suarez supradicti loco de censuris, & lib. 3. de legibus, cap. 32. fine, num. 9. Bonacina disput. 1. quest. 1. punct. 6. num. 65. Ferd. de Castro Sum. Mor. Pars 1.

Azor tom. 1. lib. 5. cap. 25. quest. 4. Salas plures referens disput. 14. sect. 6. in princ. num. 85. Ratio est, quia ideo vocantur exempta, quia eximuntur à iurisdictione illius; cuius sunt exempta. Ergo ille non poterit iurisdictionem contentiosam ibi exercere, nisi in casibus à iure expressis, & deciditur in Clement. Archiepiscopo, de priuilegiis. facitque cap. cum Episcopus, de offic. ordin. in 6. ubi communiter Doctores. & cap. 1. de priuilegiis, eod. lib. & cap. unico, §. fin. de statu regularium, in 6. Quod si ad obligandum legibus, & præceptis exerceri deberet iurisdic-tio eo in loco, in quo obligatio imponitur, nullo modo posset exerceri in locis exemptis, extra casus à iure exceptos. Atiam diximus legibus, & præceptis obligari posse subditos extra territorium existentes, quia hæc obligatio cum insensibiliter fiat, neque indigeat citatione, & notificatione facta in loco exempto, optimè poterit subditos ibi existentes afficere.

30 Sed inquires, quæ dicantur loca exempta?

Respondeo loca exempta esse illa, in quibus iudex territorij exercere iurisdictionem non potest, sed alterius iurisdictioni subduntur. Monasteria monialium, & conuentus religiosorum, in quibus sui superiores Episcopalem iurisdictionem non habent, nullo modo reputo exempta, quia illa non sunt exempta, sed persone ibi habitantes exemptæ dicuntur. Quapropter censeo subditos territorij illuc accedentes ligari præceptis, & statutis latis pro suo territorio: & ita docet Suarez de censuris, disput. 5. sect. 4. num. 10. & Salas de legibus, disput. 14. sect. 6. num. 85.

§. VI.

Qua ratione legibus ciuilibus obligentur clerici, & religiosi.

- 1 Legibus Ecclesiasticam libertatem violentibus ligari non possunt; secus legibus, quæ eorum statui conuenientes sunt.
- 2 His legibus ita graniter, ac laici obligantur clerici, quidquid Nauarr. sentiat.
- 3 Hæc obligatio secundum plurimum sententiam nascitur ex conformitate, quam clerici debent habere cum laicis eiusdem reipublicæ.
- 4 Alij dicunt ex sola approbatione Pontificis.
- 5 Refelluntur supradicti modi dicendi.
- 6 Probabilius est has leges per se, & directè, clericos obligare quoad vim directiuam.
- 7 A potestate coercitiua, & punitiua omnino clerici exempti sunt.
- 8 Proponitur quedam obiectio.
- 9 Supradicta obiectio fit satis.
- 10 Religiosi legibus ciuilibus eodem modo obligantur, & deobligantur, sicut clerici.
- 11 Constitutionibus Episcopalibus deobligantur, exceptis casibus à iure expressis.

1 QVæstio non procedit de legibus Ecclesiasticam libertatem lædentibus, quales essent illæ, quæ clericos solum, & eorum bona respicerent; cõstat enim his legibus, utpote iniustis, minimè ligari, ex cap. quamquam, de censuris, in 6. cap. Ecclesia, cap. quæ in Ecclesiis, de constitut. cap. nouerit, de sententi. excommuni. cap. vbi de immuni. Ecclesiarum, in 6. cap. diligenti, cap. significasti, de foro competentis. & tradit Trident. sess. 25. cap. 20. de reformat. Sed quæstio solum est de legibus, quæ clericorum statum non dedeant, communèque sunt clericis, & laicis, & rectæ gubernationi ciuitatis conuenientes. Talis est lex, quæ prohibet arma noctu deferri, merces ex ciuitate extrahi, vel, quæ signat pretia rebus vendendis, & contra tribus formam imponit. Ab his ergo legibus, & eorum obseruatione conueniunt Doctores, aduersus

P

Nauarr.

Nauarr. *conf. 3. de constitut. concl. 3. num. 4.* clericos exemptos non esse: sic docent Valquez 1.2. *dispur. 167. cap. 4.* Sayrus in *clauis regia. part. 1. lib. 3. cap. 4. num. 16.* Salzedo in *practic. canon. cap. 55.* Couart. in *practic. cap. 33.* Suarez de *legibus. cap. 34. num. 6.* Salas *dispur. 14. sect. 8. num. 94.* Bonacina *dispur. 1. quest. 1. punct. 6. num. 29.* Molin. *tom. 1. de iustu. tractat. 2. dispur. 31. sub fin. conclus. 6.* Bellarm. *lib. 1. de clericis. cap. 28.* & alij plures ab eisdem relati.

2 Difficultas autem est, quanta sit hæc obligatio, & vnde nascatur?

Et quod ad primum attinet Nauarr. *conf. 3. de constitut. conclus. 3. num. 4.* existimat nullam esse obligationem, quia non tenentur his legibus, vtpote non fauorabilibus, sed potius odiosis, & præiudicialibus, quia non de contractibus, sed de delictis loquuntur. consentit ex parte Bonacina *disp. 1. de legibus. quest. 1. punct. 6. num. 33.* dicens non peccare mortaliter, sed tantum venialiter, posito, quod indirectè solum teneantur legibus civilibus. Verum reliqui omnes Doctores affirmant teneri his legibus eadem obligatione, ac tenentur laici, quia non apparet, vnde minuatur eis obligatio, si semel ponamus legibus illis astringi.

3 Quoad secundum verò, vnde nascatur hæc obligatio? Valquez *dispur. 167. cap. 4.* existimat nasci solum ex conformitate, qua teneri debent clerici cum laicis, vtpote partes eiusdem reipublicæ, non ex eo, quod legibus civilibus directè astringi possint. idem tenet Azor *tom. 1. lib. 5. cap. 12. quest. 3. & tom. 2. lib. 9. de imperat. cap. 7. quest. 8. & 9.* Salzedo in *pract. canon. cap. 55. versic. non tamen intelligat.* Mouentur, quia potestati civili nulla est attributa potestas imperandi personis Ecclesiasticis, vt expressè dicitur in *cap. Ecclesia S. Mariae, de constitut. cap. decernimus, de iudicijs, cap. seculares, de foro competenti, in 6.* Sed sine potestate imperandi, obligatio obediendi esse non potest. Ergo Ecclesiastici nullam habent obediendi obligationem legibus civilibus, qua leges civiles sunt. Et confirmo, quia iudices laici nullam habent potestatem puniendi clericos transgredientes suas leges. Ergo signum est non habere potestatem directam illos obligandi, quia potestas coercitiua semper est directiue coniuncta. Restat ergo, vt aliunde oriatur obligatio: at ex nullo alio capite videtur posse oriri, nisi ex conformitate, quam omnes partes reipublicæ debent inter se habere. Ergo ex illo capite oritur.

4 Propter hæc Suarez *lib. 3. de legibus, cap. 3. & cap. 34. num. 13.* concedit has leges civiles, quatenus tales sunt, non obligare Ecclesiasticas personas, sed solum quatenus à Pontifice approbantur, & canonizantur ad hunc effectum, adducitque pro se Decium in *cap. Ecclesia, de constitution. num. 27.* & ibi Marius Mantua *num. 23.* & Petrus Gregorius *num. 16.* Fortunus Garcia de *vlum. fine, illat. 10. princip. num. 155. & illat. 13. num. 223.* Maranta *dispur. 8. num. 17. & 47.* Rebuffus in *commentar. ad constitut. Gallie, tom. 1. in procemio. gloss. 1. num. 62.* Qui omnes solum dicunt huiusmodi leges civiles approbari à Pontifice: nullus autem dicit seclusa hac approbatione vim obligandi habere, imò potius supponunt ideo esse approbatas, quia verè leges erant, & approbatione dignæ. Probat autem Suarez suam sententiam ex *cap. 1. de noni operis nuntiatione.* vbi mandatur demoliri ædificium, quod post nuntiationem factum erat: & redditur ibi ratio, quia legalibus constitutionibus demoliri debet. Signum ergo est legales constitutiones à Pontifice approbari, & assumi in causis definiendis. Secundò probat ex *cap. innotuit, de arbit.* vbi excommunicatio declaratur nulla, quòd lata fuerit aduersus eum, qui secundum leges civiles non tenebatur stare sententiæ latæ ab arbitris. Tertiò adducit *cap. 1. cap. si in adiutorium, cap. de capitulis,*

dist. 10. & aliis, in quibus Pontifices promittunt facturi, vt leges Imperatorum seruentur.

5 Mihi verò supradicti modi dicendi non probantur: & quod attinet ad primum, plura ex illo inconuenientia sequuntur. Primò enim sequitur Ecclesiasticos transgredientes leges has civiles, vel nullum peccatum committere, vel ad summum veniale. Non enim peccant ciues, qui legitime exempti sunt ab obligatione alicuius legis ex eo, quod aliis ciuibus non conformentur, sicuti non peccant legitime dispensati, hæc enim conformatio obligat, quando nulla est rationabilis causa excusans. Secundò esto clerici partes sint cum laicis vnus reipublicæ: at nulla est dissonantia, etsi in illis in modo procedendi non conformentur, in qualibet enim republica non omnes personæ eodem modo obligatæ esse debent, imò potius varietas in hac parte est quadam vniformitas: qua ratione Equites, & Nobiles non subeunt eadem onera, & tributa, ac plebeij, neque proinde dissonantiam causant. Ita ergo in personis Ecclesiasticis philosophandum est; solum enim dissonantia esset, si personæ Ecclesiasticæ nulla legitima causa intercedente, inter se non conuenirent. Tertiò si leges civiles imponentes pretia tritico, & oleo, aliisque mercibus, personas Ecclesiasticas non ligarent, possent vendere Ecclesiastici absque iniustitia, & obligatione restituendi ultra pretium taxatum. Probo, quia illa taxa non ligat Ecclesiasticos, sed seclusa illa poterant Ecclesiastici vendere triticum, & oleum ultra pretium taxa signatum. Ergo etiam poterunt stante taxa. Taxa enim solum est pro tritico, & oleo laicorum, non Ecclesiasticorum. Neque valet dicere posita taxa, siue à lege, siue à consuetudine, siue à natura, iam triticum, & oleum ultra non valer: siquidem ultra æstimari non potest, quia hoc est verum, quando pro omni tritico, & oleo, & pro omnibus personis esset taxa imposita; tunc enim omnes eandem de mercibus æstimationem facerent: at quando solum pro mercibus aliquarum personarum taxa est imposita, mercibus aliarum plurium personarum intactis relictis, hæc merces valorem habent, ac si nulla taxa facta fuerit. Quartò sequeretur non teneri Ecclesiasticos seruare leges formam contractibus imponentes, quia illis non subduntur: quod est contra omnium sententiam, & exprellam decisionem textus in *cap. innotuit, de arbitris.* Dices teneri seruare, quia irritant actus taliter factos. Contrà hæc irritatio provenit ex potestate superiori: at si civilis gubernator, nullam in clericos potestatem habet, sed ipsi integrè sint ab eo exempti, non habebit potestatem irritandi eorum actus. Efficacior enim iurisdictio requisita est ad irritationem, quam ad simplicem obligationem. Hæc ratio clarè conuincit in contractibus factis à clericis inter se: nam si clericus cum laico contrahat, tunc enim quia claudicaret contractus ex parte laici, etiam ex parte clerici reddebatur infirmus: sicuti contingit in contractu matrimonij Christiani cum infideli; ratione enim inhabilitatis positæ Christiano, redditur contractus infidelis nullus: in testamentis autem est specialis ratio; si enim leges civiles formam testamentis imponentes testamenta clericorum non comprehendunt, possent illis non seruatis, non solum alios clericos, sed etiam laicos instituere hæredes, quia laicus capax est hæreditatis ex legitimo testamento relictæ; sicuti capax esset hæreditatis relictæ ex testamento; quod secundum leges suæ patriæ nullum esset, est tamen firmum secundum leges proprias patriæ, in qua conditum fuit. Ne ergo hæc inconuenientia sequantur, probandus non est modus dicendi Valquez.

Neque etiam mihi probatur integrè modus dicendi Suarez. Nam ex supradictis *cap. 1. de noni operis nuntias. & cap. innotuit, de arbit.* potius colligitur has leges civiles obligare clericos ratione sui, quam ex approbatione

ne Pontificis, ibi enim deciduntur casus, ea solùm ratione, quia legali constitutioni aduersabantur. Supponebat ergo Pontifex legalem constitutionem ex se vim habere. Dices, habere vim ex antecedenti approbatione Pontificis; sed contrà nulla approbatio Pontificis ostendi potest, quæ sit constitutiva obligationis, & illam non supponat. Ergo. Deinde, quia si leges civiles ex se non habent vim obligandi, sed solùm quatenus approbantur à Pontifice, cùm approbatio Pontificis generalis sit, censentur approbatæ non solùm quoad actum imperatum, sed etiam quoad pœnam illius transgressionis impositam; præcipuè cùm ex hac approbatione nullum speciale inconueniens sequatur; non enim ex hoc sequitur potestatem civilem habere iurisdictionem puniendi Ecclesiasticos, cùm non puniat ratione sui, sed quatenus per potestatem canonicam talis punitio approbatur. Consequens autem non admittitur à Doctoribus. Ergo signum est leges civiles aliunde habere vim obligandi, quàm ex approbatione Pontificis.

6 Quocirca mihi probabilius apparet, has leges civiles, de quibus in præfenti est sermo, per se, & directè clericos obligare: tenent hanc sententiam, & modum dicendi ferè omnes Doctores in princip. relati, & eam probat latè Salas *disp. 14. de legibus, sect. 8. à num. 94.* Ratio præcipua est, quia clerici ciues sunt, & partes præcipuæ ciuilibus reipublicæ, ac proinde gubernatori politico reipublicæ debent esse subiecti. Sed gubernator politicus, quique iurisdictionem temporalem habet, in illa reipublica non est, vt suppono, Pontifex, sed Rex. Ergo Regi in temporalibus subiecti sunt. Poterit ergo Rex illas leges imponere, quæ tam eorum statui, quàm reipublicæ conuenientes sint. Confirmo. Neque iure diuino, neque humano clerici exempti sunt à gubernatione politica reipublicæ. Ergo tenentur eius legibus respicientibus communem gubernationem, ac tenentur reliqui ciues. Antecedens proba. Nam ex iure diuino potius constat contrarium ex illo loco Pauli ad Rom. 13. num. 1. *Omnis anima potestatibus sublimioribus subdita est.* quæ verba expendens Chrysostom. *homil. 23. ad Rom.* etiam ad clericos extendit; ait enim, etiam si Apostolus sis, Euangelista, Propheta, siue quisquis tandem fueris; nec enim pietatem subuertit ista subiectio: & paulo superius dixerat Christum leges suas non ad hoc induxisse, vt politicas euertat, sed vt ad melius instituat. Ex iure autem canonico constat potius huiusmodi leges sæpè præcipi obseruandas; non ergo ab illarum obseruatione eximuntur. Quare cùm personæ Ecclesiasticæ dicuntur exemptæ à iurisdictione laicorum, intelligi debet, quoad vim coercitiuam, seu punitiorem, & quoad vim directiuam: in rebus tantùm spiritualibus, & quæ eorum immunitatem spectant. Adde clericos obligari legibus communiter latis, neque illis præiudicium afferentibus, vt cum Abbate in *cap. Ecclesia S. Maria; de constitutis.* & Felino ibi num. 37. Decio num. 27. tradit Molina *de Hispan. primogen. lib. 2. cap. 10. num. 82. pag. mibi 315.* Sed ex hac directâ obligatione nullum detrimentum clerici patiuntur. Ergo.

7 Verùm si de potestate coercitiua, seu punitiua loquamur, certum est clericos iure canonico exemptos esse, ex *cap. ut si clerici, cap. clerici, cap. qualiter, de iudicijs, cap. Ecclesia S. Maria, de constitutionib. cap. decernimus, de re iudicata, cap. faculares, de foro competentis.* & alijs, quæ passim referuntur à Doctoribus, quæ non solùm probant de punitiõne, quæ causæ cognitionem requirit, sed etiam de punitiõne, quæ ipsi delicto annexa est. Nam etiam hæc punitio est quædam virtualis sententia lata non aduersus communitatem, sed aduersus quamlibet personam delinquentem; cùm autem clericus, quâ clericus est, & quatenus est persona particularis, exemptus sit à iurisdictione laica, vt ex supradictis textibus constat,

Ferd. de Castro Sum. Mor. Pars I.

efficitur sanè ligari non posse pœna per iudicem laicum statuta.

Neque obstat potestati præcipiendi coniunctam per se esse potestatem puniendi, quia hoc est per se: at ex ratione, & ex priuilegio possunt separari, & in diuersis personis existere; per se enim & ex natura rei tam clerici, quàm laici transgredientes leges politicas puniri à Rege poterant: at ex priuilegio, & exemptione illis concessa à Christo, vel à summis Pontificibus puniri non possunt ab alio, quàm ab Ecclesiastico iudice, qui potest eandem pœnam imponere, quæ imposita erat laicis transgredientibus leges politicas; non tamen tenetur, sed potest pro libito pœnam moderari: & in his conueniunt Suarez *lib. 3. de legibus, cap. 34. num. 15. & 18.* Salas *disp. 14. sect. 9. & 10. num. 106.* Bonacina *disp. 1. q. 1. p. 6. n. 29.* Valquez *disp. 167. cap. 4. n. 30.* Couarr. in *pract. cap. 33. num. 7.* & Salzedo in *pract. canonica, cap. 55. versic. tertio minimè, & seqq.* Bellarm. *lib. 1. de clericis, cap. 28.* & alij innumeri per eosdem relati.

8 Sed obijciens consuetudinem satis v̄sitatam puniendi clericos transgredientes has leges: si enim clericus arma noctu ferat, aduersus civilem legem prohibentem sub priuatione armorum, ne ferantur, iudex secularis arma tollit, neque restituit, esto id intendat iudex Ecclesiasticus: tradit Couarr. 1. *variacionum, cap. 20. n. 18. ad finem.* Iulius Clarus *lib. 5. recept. sentent. §. fin. quest. 35. num. 26.* Plaça 1. *de delictis, cap. 8. num. 26.* supponit Salzedo in *pract. cap. 55. pag. 166.* Emanuel Saa *verb. clericus, num. 6.* consentit Valquez *disp. 167. cap. 4.* quando arma sunt prohibita, quæ neque domi retineri possunt. Item si clericus syluas, & nemora ingrediatur ad venationem sub aliqua prohibitione pecuniaria, vel eius animalia aliqua damna fecerint, ab illo exigitur pœna, & si opus est ex eius bonis accipitur illo tenuente, aut pignora capiuntur, dum ipse non soluit. sic tradit Salzedo alios referens *cap. 55. pag. 173.* Item signata contributione pro reparatione viarum, pontium, &c. quæque clericis vel ex iure, vel ex permissione Pontificis imponuntur, si de facto negligentes sunt, obligantur soluere saltem per bonorum apprehensionem, etiam si beneficiorum fructus sint: sic Ioannes de Platea in *l. fin. C. quibus muneribus, lib. 10.* Rebuff. *cap. 1. tit. de sententia, art. 3. glossa 6.* Auiles in *capitulis pratorum, cap. 23. in glossa ad verbum, den orden.* Ludouicus Mexia *ad pragmatic. taxa panis, conclus. 5. num. 43.* Salzedo alios referens, *cap. 55. pagina 172. col. 2.* Ergo iam clerici puniuntur à iudice seculari.

9 Respondeo nullo modo posse iudicem secularem arma tollere ab Ecclesiastico, neque pecuniam pro reparatione damni illati, & solutione vectigalium, si ad hæc faciendâ cognitio causæ prærequiratur: nam tunc coram iudice Ecclesiastico, & non seculari clericus conueniendus est. tradit Gregorius Lopez in *l. 24. tit. 15. part. 7.* Castillo *l. 70. Tauri, num. 18.* Auiles in *cap. pratorum, cap. 17. glossa 1. num. 12.* Salzedo in *pract. cap. 55. pag. 172. col. 2.* Ioannes Andreas, Felinus, Abbas, & alij in *cap. Ecclesia, de constitutionib.* (quidquid contra sentiat Bartholom. Cassa. in *consuetudin. Burgundia, rubr. 1. §. 5. num. 90.* Mexia in *pragmatic. taxa panis, conclus. 5. num. 29.* Ioan. Faboz in *l. adductos ex textu, ibi, in verbo, ultro procedat, C. de episcop. aud. & alij,*) quia clericus exemptus est à potestate ciuili, quoad tribunalia, & iudicia, ex *cap. 2. de foro competentis, cap. clerici, cap. ut si clerici, de iudicijs,* & alijs relatis. Ergo absque speciali permissione Summi Pontificis subdi in hac parte non potest. Hanc autem permissionem apud Gallos inualuisse defendit Petrus Rebuffus in *l. armorum, versic. primo, ff. de verborum significat.* Sed an hæc sit reuocata constitutione Bullæ cœnæ, iudicandum relinquo Summo Pontifici, prout reliquit Nauarr. *c. 27. n. 70.* Salzedo *supr. vers. apud Gallos, pag. 168.* Valquez *disp. 167. cap. vlt. n. 32.* Salas *disp. 14. sect. 9. n. 108.*

P 1 Verùm

Verum si pœna exigenda est de plano, absque aliqua controuersia iudiciali, qualiter solent iudices exigere ob solam declarationem ministrorum, qui signati sunt ad has pœnas, seu contributiones exigendas, tunc licet videtur posse sœculares iudices ab Ecclesiasticis exigere, quod si soluere noluerint, poterit ab illis aliqua in pignus accipere solutioni præstandæ, quia hæc non tam in pœnam violatæ legis accipiuntur, quam in reparationem damni dati, seu in contributionem debitam: sic docet Auendaño *de mandatis regum*, 2. part. cap. 14. num. 13. Gregorius Lopez l. 1. tit. 6. versic. per rason, part. 1. Azueto l. 1. tit. 13. lib. 1. *nona compilationis*, num. 2. quos refert, & sequitur Salzedo in *pract. cap. 55. pag. 173.* Et idem dicendum est de sublatione armorum, non, inquam, tolluntur arma in pœnam transgressionis legis, sed potius ne clericus prosequatur in legis violationem.

Dices hoc verum esse, si clerico postea redderentur, at tolluntur, ut fisco regio applicentur. Ergo in pœnam delicti commissi, ac proinde iam puniuntur clerici à sœcularibus iudicibus.

Respondeo hoc argumentum conuincere non posse spoliari armis clericum à iudice sœculari, nisi ei postea reddatur eorum valor, aut à iudice Ecclesiastico in illorum priuatione condemnatur. sic Salas *diff. 14. sect. 9. num. 107.* & sic explicat Couarr. & Emanuel Saa supra relatos.

Sed inquires, qui clerici exempti sint à potestate laicali in punitione?

Respondeo omnes illos, qui privilegio fori gaudent: qui autem hi sint, latius dicemus in tractatu de immunitate Ecclesiæ, & Ecclesiasticarum personarum.

10 Religiosi comparari possunt ad leges ciuiles, & ad constitutiones Episcopi, in cuius diœcesi versantur, si comparentur ad leges ciuiles. Idem dicendum est de illis, ac diximus de clericis, teneri, inquam, seruare illas leges, quæ neque eorum lædunt immunitatem, neque statui religioso opponuntur. Quocirca tenentur non extrahere triticum, vel alias merces à ciuitate, quando ob bonum commune prohibetur talis extractio, tenentur etiam seruare formam, & solemnitatem in contractibus, & alia similia. Non tamen obligati possunt ad pœnam, sicuti neque clerici obligantur.

11 Quodd si religiosi ad constitutiones, & præcepta Episcopalia comparentur, nulla ratione, exceptis casibus à iure expressis, obligantur ea seruare, si exempti sunt à iurisdictione Episcoporum; qualiter iam omnes ferè religiosi sunt. constat ex cap. 1. *de privilegijs*, in 6. & ex Trident. *sess. 25. cap. 12. de regularibus*, ubi solum eis præcipitur obedire in festorum obseruatione, & in interdictione, & cessatione à diuinis. Ergo ab aliis sunt prorsus exempti; & ita tradit Felinus in cap. *dilectus*, de officio ordinarij. Suarez de legibus, lib. 4. cap. 20. *sine*. ubi bene aduertit, neque ex debito vniformitatis teneri has leges seruare, nisi ad sit scandalum, quia habent sufficientem causam excusationis ab hac vniformitate; cum enim obligationibus statui religioso annexis arctentur, cogi non debent alia sustinere. Adducit Suarez in huius confirmationem exemplum de nouitijs, qui non tenentur seruare leges, & præcepta professis imposita; quia nec tenentur ex voto obedientiæ, cum nullum fecerint, neque etiam ex vniformitate, quia hæc non ligat nisi illos, qui in eodem statu, & professione sunt. At nouitij non sunt in eodem statu cum professis,

sed potius sunt in probatione illius status, illumque intendunt experiri. Multo minus videntur teneri religiosi conformari sœcularibus in eorum obseruantis.

DISPUTATIO II.

De lege pœnali, & irritante.



Væ superiori disputatione diximus, communia sunt cuilibet legi. Sed quia de lege irritante actum, & pœnam imponente, sunt speciales difficultates, placuit de illis specialem disputationem instituire.

PUNCTVM I.

An lex pœnalis possit transgressores illius obligare in conscientia ad subeundam pœnam ante iudicis sententiam.

- 1 Pœna alia est priuatiua, alia positiva, alia ipso iure lata, alia ferenda.
- 2 Sotus affirmat nullam pœnam præter censuras incurri posse ante iudicis sententiam.
- 3 Alij distinguunt inter pœnas positivas, & priuatiuas, & priuatiuas affirmant incurri posse ante iudicis sententiam, secus positivas.
- 4 Ad utramque pœnam potest humana potestas obligare ipso facto per legem.
- 5 Intelligenda est conclusio de pœna moderata, non de ea, in qua vita, fama, aut honor periclitatur.
- 6 Satisfit argum. num. 2. & 3. adductis.

1 PRæmitto primò, duplex esse genus pœnarum. Aliæ sunt priuatiuæ, aliæ positivæ: seu aliæ sunt, quæ nullam requirunt actionem, aliæ verò, quæ illam requirunt. Priuatiuas pœnas voco, quæ in priuatione consistunt: quales sunt omnes censuræ, inhabilitates, irritationes, & annulationes actuum. Positivæ pœnas voco, quæ actionem aliquam expostulant ad sui executionem, siue actio faciendâ sit ab ipso delinquente, siue ab alio tertio. Hæc sunt flagellatio, exilium, solutio pecuniæ, mutilatio membri, priuatio vitæ, & similia.

Secundò præmitto pœnam aliam dici latam ipso iure, aliam ferendam. Illa dicitur lata ipso iure, quæ ad positionem delicti consequitur: illa dicitur ferenda, quæ posito delicto ferenda est à iudice.

2 Quæstio ergo procedit de pœnis tam priuatiuis, quam positivis. An possit legislator suis legibus obligare transgressores ad subeundum illas ipso facto ante sententiam saltem declaratoriam criminis?

In qua re est prima sententia Soti lib. 1. *de iust. quest. 6. art. 6. conclus. 1. & ad 1. 2. & 4. & lib. 4. quest. 6. art. 3.* qui ausus est affirmare nullam pœnam præter censuras incurri posse ante iudicis sententiam. fauet Victoria *relect. 1. de iudic. num. 14.* & Angel. in 4. *in quest. de iustitia legis pœnalis*. Probari potest hæc sententia. Quia non videtur data reipublicæ potestas ad hanc obligationem inducendam, quia tota potestas reipublicæ est ad politicam gubernationem. Ergo ad coercenda delicta, quæ politicæ gubernationi obstant. Sed hæc non videntur esse alia, quam quæ publica sunt, publicatione facti, vel sententiæ. Ergo ob alia delicta pœna incurri non potest. Et hinc nascitur differentia inter leges latas à potestate Ecclesiastica, & ciuili; potestas enim Ecclesiastica bonum spirituale subditorum attendit, in quoque potest secreta delicta pœnis suis spiritualibus coercere: at ciuilis potestas cum potius attendat politicum regimen, non videtur peccatis secretis pœnam afficere posse. Et confirmo. Pœnæ Ecclesiasticæ sunt medicinales, quæ

quæ statim, ac quis cessat à delicto, tollendæ sunt. At pœnæ temporales semel imposita non tolluntur, quantumvis de delicto resipiscas. Ergo ex impositione pœnarum Ecclesiasticarum ad civiles non valet argumentum, præcipue cum potestas imponendi Ecclesiasticas pœnas manuerit à Christo Domino, qui potuit ob præcauenda secreta peccata hanc potestatem concedere. At potestas ad civiles pœnas ferendas manauit à republica, quæ solum delicta gubernationi politicæ aduersantia præcauere intendit. Secundò, quia exequi pœnam est officium iudicis. Ergo sine interuentu iudicis pœna exequi non potest.

3 Secunda sententia affirmat priuatiuas pœnas contrahi posse ante iudicis sententiam, secus verò pœnas positiuas, quæ actionem ad sui executionem requirunt. ita Caiet. 2. 2. q. 62. art. 3. & in summa, verb. pœna. Bannes 2. 2. q. 12. art. 2. ad 1. & ult. Arragon 9. 41. art. 3. & 9. 62. art. 3. Valent. 1. 2. disp. 7. q. 5. p. 6. q. 3. prope finem. Medina 1. 2. q. 96. art. 4. Contrad. de contrah. q. 7. & Corduba lib. 1. q. 36. & alij ab eisdem relati. Probat Caietan. quia lege tantum obligari quis potest ad sustinendam pœnam, cum pœna in passione consistat, non ad agendum illam.

4 Dicendum ergo est posse legem humanam obligare ad pœnam tam priuatiuam, quàm positiuam subeundam ante iudicis sententiam, modò sit moderata pœna, & humanæ conditioni non admodum difficilis. sic tenent communiter Doctores. Valquez disput. 168. cap. 2. & seqq. Castro 2. de lege pœnali, cap. 5. 8. & seqq. & lib. 2. de iusta hær. punit. cap. 6. & seqq. Nauarr. cap. 23. num. 67. & cap. 25. num. 117. Couarr. 2. part. de sponsalib. cap. 6. §. 8. num. 10. Suarez tom. 5. in 3. part. disp. 3. sect. 1. & lib. 5. de legib. cap. 5. à num. 15. Salas de legib. disp. 15. sect. 2. num. 25. Bonacina disput. 1. quest. 1. punit. 7. §. 2. n. 8. & 9. Et quidem de pœnis priuatiuis est res manifesta: si enim potest Ecclesia priuare sacramentorum receptione, & administratione, & communione politica, & alijs bonis ad quæ Christianus habet ius; quare non poterit respublica dominio pecuniarum priuare, & inhabilem delinquentem efficere ad officia publica, alijs munera subeunda; De pœnis autem, quæ actionem requirunt, sic probò. Quia obligatio ad huiusmodi actiones pœnales efficiendas non excedit potestatem præceptiuam reipublicæ; potest enim respublica ob bonum commune præcipere alicui ieiunium, eleemosynam, remigationem. Quare ergo non poterit hæc eadem præcipere in pœnam, ob aliquod delictum commissum?

5 Dixi posse rempublicam obligare suis legibus ad pœnam subeundam, modò sit moderata, & humanæ conditioni non admodum difficilis. Nam si pœna sit acerba, & nimis grauis, non est expediens illam imponere, quia pauci illam exequerentur. Sed quod communiter expediens non est, non potest præcipi à legislatore. Ergo.

Ex hac doctrina fit non posse legislatorem obligari delinquentem ipso facto ad aliquam actionem efficiendam, ex qua grauitur eius vita, fama, & honor peticlitetur, quia non esset obligatio naturæ humanæ accommodata, neque rectæ gubernationi conueniens, & ita docet Salas disp. 15. sect. 2. specialiter n. 37. Suarez de legib. lib. 5. cap. 5. n. 12. & 16. fine.

6 Neque obstant argumenta contraria.

Ad primum pro sententia Soti respondeo negando sola crimina publica posse prohiberi à republica, quia etiam secreta obstant rectæ gubernationi; gubernator enim ciuitatis non solum latrocinia, & quælibet alia crimina publica, sed secreta præcauere debet. Nullus autem aptior modus præcauendi esse potest, quàm impositione pœnæ. Poterit ergo pœnam per legem imponere.

Ad primam & secundam confirmationem dico pro-

Ferd. de Castro Sum. Mor. Pars I.

bare optimè pœnas Ecclesiasticas, præcipue censuras, aptius, & frequentius ipso facto imponi posse, non tamen probare reliquas pœnas non posse tam à iudice Ecclesiastico, quàm civili imponi, si causa exigat.

Ad secundum concedo exequi pœnam, secundum quod importat actionem esse officium iudicis, & sine interuentu iudicis exequi non posse: at cum iudex, seu legislator delicto annectat pœnam, officium iudicis exercet, ipsæque reos, ut minister iudicis in se ipsum pœnam exequitur. At quia hæc executio non est forensis, & iudicialis, sed secreta, & in foro conscientie, ideo non requirit alios testes, & accusatores præter ipsum delinquentem; ipse enim sibi ipsi est accusator, testis, & minister, qui pœnam imponit, quando pœna actionem eius requirit.

Ad fundamentum Caietani facilis est solutio. Nam etiam si demus pœnam in passione consistere, obligari quis poterit ad agendam actionem, ex qua talis passio, seu pœna oriatur. Quod necessariò dicendum est post latam sententiam condemnatoriam, qua quis condemnatur ad solutionem pecunie, vel ad pergendum in exilium. Adde pœnam dici optimè posse quamlibet actionem grauem, & molestam naturæ.

PUNCTUM II.

An sint aliquæ pœnæ imposita à legislatore tam Ecclesiastico, quàm civili annexæ delictis ante omnem iudicis sententiam.

- 1 Censura excommunicationis, suspensionis, & interdicti, & irregularitatis pœna sæpe incurruntur.
- 2 Irritatio actus, & inhabilitas ad illum sæpe est non ut pœna, sed ut forma: aliquando inducitur ut pœna, & quando hæc contingant.
- 3 Pœna conditionalis ante iudicis sententiam obligat.
- 4 An admissus ad collegium, in quo est statutum, si tale delictum committat, priuilegijs priuetur? maneat ipso iure priuatus.
- 5 Proponitur communis sententia nullam pœnam præter censuras, & irregularitatem reo imponi ante sententiã.
- 6 Pœna ad sui executionem postulantes actionem, non contrahuntur ante sententiam saltem declaratoriam.
- 7 Pœnæ impediens ius querendum absque sententia contrahuntur.
- 8 Ferè nulla est pœna priuans iure quesito, qua ante sententiam declaratoriam contrahatur.
- 9 Excipienda est pœna, qua coniuges incestuosi debiti petitione priuantur.
- 10 Obijciuntur aliqua aduersus supradicta.
- 11 Satisfit supradictis obiectionibus.
- 12 Firmatur conclusio probabile esse nullam pœnam, qua propriè pœna sit, contrahi absque sententia criminis declaratoria, exceptis censuris, & irregularitate.
- 13 Satisfit cuidam obiectioni.

1 **G**rauiissima est hæc difficultas, ad cuius decisionem aliqua præmittenda sunt, in quibus ferè omnes Doctores conueniunt.

Primò conueniunt Doctores censuras excommunicationis, suspensionis, & interdicti, & irregularitatis pœnam ipso facto, nulla spectata iudicis sententia, sæpe incurrere, ex cap. si quis suadente, 17. q. 4. & ex toto tit. de sent. excomm. & de homicid. & tradit ipsemet Sotus 1. de iustit. q. 6. art. 6. concl. 2. Salas plures referens disp. 15. de legib. sect. 2. n. 29. vers. inhabilitas. Sanchez lib. 9. de matr. disp. 30. n. 1. & 2. Suarez de legib. lib. 5. cap. 5. Ratio præcipua est, quia ita est usu receptum, & quia conueniens erat, ut Ecclesia, quæ spirituales subditorum profectum spectat, aliquas pœnas haberet, quibus à contrahendis delictis, quantumcunque occultis, arceret.

2. Secundò conueniunt Doctores sæpe induci annulationem actus, & inhabilitatem ad vltimum, non vt pœnam, sed vt formam: qua ratione matrimonia clandestina sine parcho, & testibus requisitis à Trident. celebrata, redduntur nulla, alienatio rerum Ecclesiæ sine debita solemnitate, testamentum minus solemne, contractus pupilli sine consensu tutoris, & alia innumera, quæ pœnæ non sunt, sed solemnitates à iure requisitæ. Aliquando verò annullatio actus inducitur in pœnam delicti commissi, qualiter in omnium sententia inducitur ei, qui cognouit consanguineam vxoris intra secundum gradum, ne scilicet habilis sit ad contrahendum, nisi ex dispensatione Pontificis, et si est coniugatus, ne possit debitum petere, ex *cap. transmissa, de eo qui cognouit consanguineam vxoris*. Item si aliquis coniugatus sub fide data de matrimonio contrahendo, cum aliqua adulterium commisit, inhabilis redditur mortuæ vxore ad contrahendum, ex *cap. super hoc, cap. significasti, cap. fin. de eo, qui duxit in matrimonium, quam polluit per adulterium*. quæ pœnæ nulla spectata iudicis sententia contrahuntur, vt tenent omnes Doctores. Vt autem sciatur, quando inhabilitas apponitur, vt pœna, quando non? Attendendum est, an imponatur ob punitionem, & detestationem alicuius delicti, aliàs non erit pœna, textus in *cap. pœnitentia, de pœnitentia, distinct. 3.* & tunc cessante delicto, cessabit & pœna, & inhabilitas: at si non ob punitionem delicti, sed ob bonum regimen, & fraudes præcauendas apponatur inhabilitas, qualis est in matrimonio clandestino, & intra gradus prohibitos, in alienatione rerum Ecclesiasticarum, in contractibus, in quibus forma non seruatur, tunc non est pœna, neque requirit iudicis sententiam, sed eo ipso actus est nullus, & irritus, vt probat Marienzo *lib. 5. recopil. tit. 4. l. 1. gloss. 10. num. 35.* & Azuëdo *eodem lib. tit. 1. l. 1. n. 13.* Thomas Sanchez alios referens *lib. 3. de matrim. disput. 4. num. 9.* Salas *disput. 16. sect. 2.* Farinac. 2. *pari fragment. crim. vbi de lege, num. 160. p. 8. 203.*

3. Tertiò conueniunt Doctores pœnam conditionalem, seu legem sub conditione positam obligare ante iudicis sententiam, quia hæc non est pœna, sed conditio, sub qua aliquid conceditur, qua non impleta, cessat fauor factus. Qua ratione in Trident. *sess. 23. cap. 6. de reformat.* statuitur vt clericus minorum ordinum carentes beneficio, si non gestat habitum clericalem, non gaudeat privilegio fori: neque coniugatus si non contraxit cum vnicâ, & virgine, & alicuius Ecclesiæ seruitio sit addictus, quia non apponit conditionem, sub qua hoc privilegium conceditur. Item in *cap. fin. §. si quis verò, de clandestina desponsatione*, declarantur illegitimi filij nati ex matrimonio clandestino inualido; vt pote quibus deficit conditio requisita, vt filij nati ex matrimonio legitimi essent. & ita tradit Sanchez *lib. 3. de matrim. disput. 53. num. 8.* & *lib. 8. disput. 21. num. 77.* Valent. 1. 2. *disput. 7. quest. 5. punct. 6. §. 3.* Suarez *lib. 5. de legibus, cap. 6. num. 10.* Clauis regia *lib. 3. cap. 9.* Bonacina *disput. 1. quest. 1. punct. 7. num. 24.* Idem contingit in legatis sub conditione & forma, qua non impleta cessat legatum; vt si fœminæ relinquatur legatum sub conditione, *si castè vixerit*, ea turpiter viuente, nullo modo retinere in conscientia legatum potest, sed debet ad hæredes transmitti, quia ibi non priuatur legato in pœnam fornicationis, sed quia conditionem, sub qua fuit concessum, non impleuit. sic Molin. *tom. 1. de iustit. tract. 2. disput. 96. fine.* Thomas Sanchez innumeros referens *lib. 7. de matrim. disput. 91. num. 2. & 3.* Valquez *part. 2. disput. 173. cap. 1.* Valent. 1. 2. *disput. 6. quest. 5. punct. 6. versic. item intelligendum est.* Bonacina *de legibus, disput. 1. quest. 1. punct. 7. §. 2. num. 24.* Salas *de legibus, disput. 15. sect. 3. circa finem.* Suarez *lib. 5. de legib. cap. 6. num. 10.*

4. Hinc infertur quid dicendum sit de eo, qui admissus

est ad aliquod collegium, in quo est statutum, si tale delictum commiserit, privilegium collegij priuetur, & obligetur restituere, quidquid à collegio accepit: an, inquam, obligatus sit in conscientia à collegio desistere, & ea omnia, quæ accipit, nulla spectata sententia restituere docet Sayrus in *clauis regia, lib. 3. cap. 9.* Sotus *lib. 1. de iustit. quest. 6. art. 6. ad 4.* Reginaldus *lib. 13. num. 176.* quia videntur privilegia, & alia bona collegij sub conditione concedi, & sub ea ab ingredientibus acceptari.

Ceterùm plures Doctores defendunt hanc priuationem pœnam propriè esse, ac proinde non incurri ante iudicis sententiam, & delicti probationem. sic Molin. *tract. 2. de iustit. disput. 96. circa finem.* Nauarr. *cap. 23. n. 63.* Azor *lib. 5. cap. 8. quest. vit.* Valquez 1. 2. *tom. 2. disput. 173. cap. 1.* reputat probabile Bonacina *disput. 1. de legibus, quest. 1. punct. 7. §. 2. num. 26.* Mouentur, quia receptio in collegio videtur absoluta, & non conditionalis. Item quia illa est propriè pœna, quæ priuat privilegiis iam acquisitis, non quæ priuat acquirendis; vt bene dixit Sanchez *lib. 8. de matrim. disput. 21. num. 77. ad fin.* sed pœna propriè dicta non incurritur ante sententiam, vt dicemus. Ergo.

Ego verò dicendum existimo, ex consuetudine, & vsu hoc esse colligendum, negari enim non potest sub hac conditione te posse in collegium admitti, & privilegia collegij concedi, dum à delicto abstinueris, sicuti conceditur legatum vxori sub conditione, *si castè vixerit*; & in tali casu renuntiare debes collegio, & restituere, quæ ab illo accepisti, quia non priuaris iure tibi integrè concessio, sed concessio sub conditione, qua non seruata, cessat. At si in collegium absolute fuisti admissus, neque clavis, & expressis verbis, tibi declaratum est sub illa conditione admitti, obligandus non es renuntiare collegio, neque restituere, quæ ab illo accepisti, quousque sententia declaratoria saltem intercedat, quia est propriè pœna, & ad eius executionem, vt diximus, hæc sententia requiritur.

5. His ergo positis, est difficultas, an de facto sint aliquæ pœnæ annexæ delictis, nulla expectata iudicis sententia?

Rationem dubitandi fecit communis sententia Doctorum asserentium nullam pœnam reo imponi absque sententia iudicis præter censuras, & irregularitatem, quia hoc non videtur necessarium ad rectam reipublicæ gubernationem: & quia aliàs sæpè obligaretur reus ad manifestandum proprium delictum exequendo pœnam: ita docuit D. Thomas communiter receptus 1. 2. *quest. 62. art. 3. in corpore, & ad 3. & glossa in cap. fraternitas, verbo cum augmento, 12. quest. 2.* Sanchez dicens esse omnium Theologorum, & iuris vtriusque professorum, *tom. 1. de matrim. lib. 3. disput. 53. num. 2. & 6. & lib. 7. disput. 89. num. 11.* Anton. Gomez 3. *variaram, cap. 14. n. 3.* Didacus Perez *ad leg. fin. verbo, que en ellas cayero, tit. 13. lib. 2. ordinam. regij.* Molin. *tom. 1. de iustit. tract. 2. disput. 176. §. illud vniuersis.*

6. Pro resolutione reuocanda est in memoriam distinctio suprâ posita de pœnis, quæ actionem ad sui executionem requirunt, & de pœnis, quæ nullam actionem expostulant.

Dico ergo primò, si sermo sit de pœnis, quæ actionem ad sui executionem requirunt, non video vllam esse, quæ taliter delicto annexa sit, vt absque sententia iudicis saltem declaratoria criminis incuratur: & in hoc casu communis sententia amplectenda est, quam tenet vltra Doctores suprâ relatos Salas *disput. 15. de legibus, sect. 3. num. 49.* vbi dicit leges nostri regni obligantes reum soluere pœnam ante sententiam, qualis videtur esse *lex 2. tit. 9. & lex 4. tit. 4. & lex 30. tit. 15. & lex 15. tit. 21. lib. 2. ordinam. regalis*, non esse consuetudine receptas, vt ante sententiam saltem declaratoriam crimi

criminis reos adstringant. In iure autem civili, vel canonico, nulla est lex, quæ ad huiusmodi pœnas ante sententiam obliget. sic Suarez *lib. 5. cap. 7. n. 6.* & pluribus aliis exornat Farinac. *2. part. fragm. ubi de lege, num. 157. pag. 102.*

7 Quod si de pœnis priuatiuis loquamur, aduertendum est, esse in duplici differentia. Aliæ, quæ impediunt translationem dominij, seu iuris acquirendi: aliæ, quæ priuant iure quæsito, seu incepto possideri, & hæc vltimæ pœnæ propriæ sunt, vt bene alios referens dixit Sanchez *lib. 3. de matrim. disput. 53. num. 8. circa finem.* Si de pœnis, quæ impediunt ius acquirendum, loquamur,

Dicendum est secundò, plures esse in iure tam canonico, quàm civili, quæ absque iudicis sententia contrahuntur: cum enim respublica suorum bonorum domina sit, iustissimè potest nolle ea donare his, qui leges eius non obseruant: sic recipiens beneficium parochiale sine sacerdotio, si intra annum non ordinetur sua culpa, illud dimittere obligatur, ex *cap. licet canon. de elect. in 6. ibi, si intra idem tempus promotus non fuerit, Ecclesia sibi commissæ, nulla etiam præmissa monitione, sit presentis constitutionis auctoritate priuatus.* Idem dicendum est de Episcopis, qui intra sex menses à confirmatione sua non consecrantur, priuantur enim Episcopatibus adeptis, quia sub hac tacita conditione illis sunt concessi. habetur in Trident. *sess. 23. cap. 2. de reformat.* Idem est de beneficiariis non residentibus in suis Ecclesiis, qui pro rata absentia fructus non faciunt suos, nec tura conscientia, alia etiam declaratione non sequuta, illos detinere possunt, vt habetur in Trident. *sess. 23. cap. 1. de reformat.* Idem de beneficiariis non recitantibus horas canonicas: nam ex motu proprio Pij V. incipiente, ex proximo Lateranensi Concilio, Romæ edito anno 1571. 12. Kalend. Octobris, & refertur à Nauarro *cap. 25. num. 122.* non faciunt fructus suos, sed tenentur pro rata illos restituere, si acceperint, quia sub hac conditione illis dati sunt. Item *sess. 22. cap. 4. de reformat.* priuantur Canonici voce actiua in Capitulo, si in sacris non existant. & in Clement. *vt is qui, de etate, & qualitate,* priuantur præbendati voce actiua in Capitulo, si intra annum non receperint ordinem suis præbendis annexum. Hoc tamen dubium est, si adsit in sacris; existimo enim esse satis probabile requiri sententiam, quia priuantur iure quæsito. Item consequentes secundum beneficium incompatible cum primo, ipso iure illo priuantur, & redduntur ineligibiles, si non dimiserint: ex *cap. cum singula, de præbend. in 6. & ibi glossa.* Et idem est de inhabilitate ad matrimonium impolita coniugi, qui vxorem interfecit, vt concubinam ducat, vel sub promissione futuri coniugij cum illa rem habeat, ex *cap. 1. cap. super eo, cap. significasti, de eo, qui duxit in matrimonium, quam polluit per adulterium.*

8 Verùm si de pœnis priuantibus iure quæsito loquamur,

Dicendum est tertio, satis probabile esse ferè nullam esse pœnam, quæ iudicis sententiam non requirat ad sui plenam executionem, quantumuis lex dicat, ipso facto, vel ante declarationem: quia semper debet intelligi ante declarationem pœnæ, & non ante declarationem delicti. Moueor, quia in pœnis semper est benignior interpretatio facienda. *regul. in pœnis, de regulis iuris in 6.* Præterea, quia hæretici priuantur ipso iure bonis possessis à die commissi criminis, ex *cap. cum secundum leges, de hæret. in 6.* & tamen non tenentur bona fisco tradere, & contractus, & alienationes factæ ab ipsis validæ sunt, vt communis tenet sententia. Ergo bene infertur pœnam non integrè incurri. Item simoniaci spoliuntur beneficiis obtentis, & inhabiles redduntur ad alia obtinenda, ex Trident. *sess. 24. cap. 18. de reformat.* & ex constit. Pij IV. aduersus committentes simoniam;

& tamen non obligantur renuntiare beneficiis, aliàs obligarentur sapè ad manifestandum se ipsos, vel ad patiendam grauem necessitatem. Ergo signum est priuationem tituli non esse delicto annexam, aliàs priuato non liceret sacramenta ministrare, & alia iura, & munia, quæ ratione beneficij conceduntur, exercere, neque fructus beneficij recipere. Ergo in his pœnis priuantibus iure quæsito, expectanda est sententia declaratoria criminis, vt integrè incuratur. sic Emanuel Saa *verbo lex, num. 11.* Perez *lib. 2. ordin. regij, tit. 9. l. 2.* Couarr. *2. p. sponsalium, cap. 6. §. 8. num. 8. & 10.* Vasquez *de legibus, disput. 178. cap. 4. num. 25.* Castro *lib. 2. de iusta hæret. puniri, cap. 9.* Lessius *lib. 2. de iustit. cap. 29. dub. 8. cap. 34. dub. 34. & cap. 35. dub. 26. & 27.* Salas *de legibus, disput. 5. à num. 46.* Sanchez *lib. 3. de matrim. disput. 53. à num. 5. & seqq. & lib. 7. disput. 89. num. 11.* vbi dicit, communissimum Doctorum axioma esse, pœnam non deberi ante iudicis sententiam saltem declaratoriam criminis: imò quamuis textus dicant incurri absque alia declaratione, intelligi debent de declaratione pœnæ. Vnde adhuc desiderabitur declaratio criminis facti per iudicis sententiam, vt sustinet verior opinio, quam refert Couarr. *4. decret. 2. part. cap. 6. §. 8. num. 10. vers. tertio.* atque in strictioribus legis verbis docent hoc ipsum Azevedo *lib. 5. recopilat. tit. 11. l. 5. n. 11.* & ibi Matienzo *glossa 1. num. 4.* cum enim illa lex dicat hæc verba, *por ese mismo echo, sin proceder a ello, ni para ello otro conoçimiento de causa, ni otra sentençia, ni declaracion alguna ayan perdido las mercedurias;* dicunt adhuc requiri sententiam: quare Molin. *tom. 1. de iustit. tract. 2. disput. 96. fol. 591.* docet exigere verba legislatoris luce clariora explicantia ipsius mentem esse, nullam desiderari sententiam. Hæc Sanchez. Et aduertendum est ex eius sententia *lib. 3. de matrim. disput. 53. fine,* illam dici pœnam, quæ est priuatio iuris quæsitæ, seu incipientis possideri, non acquirendi.

9 Dixi ferè nullam esse pœnam, vt exciperem pœnam, qua coniuges incestuosi priuantur debiti petitione, nulla expectata iudicis sententia, etiam declaratoria criminis: vt testatur de communi sententia Sanchez *lib. 9. de matrim. disput. 30. num. 1.* quia in hac pœna, sicut in pœna excommunicationis, suspensionis, interdicti, & irregularitatis, praxis, & vsus obrinuit ligari delinquentes nulla expectata sententia.

10 Sed aduersus supradicta obiici potest primò textus in *cap. pro humani, de homicid. in 6.* vbi occidentes alios per assassinos, qui subiecti erant dominis temporalibus, priuantur officio, & beneficio ipso facto, taliter, quòd liberè aliis possint conferri. Sed hic textus nihil contra nos vrget: nam ibi adduntur verba, quæ clarè indicant sententiam iudicis; ait enim textus, *postquam probabilibus constiteris argumentis aliquem tam execrabile scelus commississe.* quæ verba ad noticiam publicam, & iudicalem debent referri. Quapropter quousque in iudicio constet de tali delicto, non videtur priuatis officiis, & beneficiis: & ita sentit Suarez *lib. 5. de legibus, cap. 8. num. 15.* cum Felino in *cap. 2. de fide instrument. n. 9.* Vasquez *disput. 166. cap. 4.* cum Syluest. *verbo assassinus, in fine.* Sor. *1. de iustit. quest. 6. art. 6. ad 8.* Salas *de legibus, disput. 15. sect. 2. num. 30. vers. octauò.*

Secundò adducitur textus in *Extraneam Ambitione, de rebus Ecclesie non alienand.* vbi Prælati inferiores, & Rectores Ecclesiarum alienantes bona suorum beneficiorum contra præscriptum illius legis, priuantur ipso facto beneficiis per hæc verba: *priuati existant ipso facto, & absque alia declaratione in eam censeantur.* Si ergo ad vacationem opus esset sententia declaratoria criminis, iam verba legis vera, & effectiua non essent, intendunt enim vacationem absque alia declaratione: & ita tenet Suar. cum Caiet. Nauarr. & Cordub. *lib. 5. de legib. c. 8. n. 14.* Sed addunt illas pœnas non esse vsu receptas.

Terriò adducitur constitutio Pij IV. aduersùs committentes simoniam confidentialem, quam refert Nauarr. cap. 23. num. 110. vbi simoniacos confidentiales priuat beneficiis obtentis, ipso facto; quòd autem non requiratur sententia declaratoria criminis, docet idem Nauarr. & Suarez *supradicto loco de leg. num. 16. retrahens sententiam, quam docuerat tom. 1. de relig. lib. 4. vers. nota decimò cap. 43. in fine.* Et mouetur, quia Pontifex intendit hac constitutione præcludere viam committendi tale delictum spe subterfugiendi iudicium, quod pater ex illis verbis vltimis dictæ constitutionis, *Sed ne quisquam vana fiducia fretus, non intendendi contra se iudicij in crimine perseueret, vtque hoc malum grauioris censura stimuletur, neque quæque prohibeatur; omnes, & singulos, &c. & quicquid tale aduaserint in futurum, omnibus beneficijs, & offijs, &c. presentium autoritate priuamus, & ad futurum inhabiles decernimus, & in iuris subsidium excommunicatio- nis sententia innodamus.* Si autem hæc pœnæ non contraherentur, vsque crimen esset declaratum, iam fiducia vana fretus iudicium contra se non esse intendendum, in crimine perseuerare posset, quod est contra mentem Pontificis. Verùm non credo hanc constitutionem quoad pœnam priuationis beneficiorum, & inhabilitatem ad alia contrahi ante sententiam declaratoriam criminis, quia sufficienter satisficit intentioni Pontificis si delinquens à die commissi criminis obnoxius priuationi maneat, neque aliud expostuletur, quàm declaratio delicti, vt priuatus existat. Et ita interpretanda est lex Bonifacij VIII. quam confirmauit Gregor. XIII. priuans beneficiis obtentis, recipientes in curia aliquid pro gratia, & iustitia, eodémque modo debemus explicare Trident. sess. 24. cap. 18. de reformat. priuans beneficiis antea obtentis examinatores, simoniam in examine committentes, vt scilicet absolui non possint à peccato simoniæ, nisi dimissis beneficiis, quæ quomocunque antea obtinebant, subintelligitur, si fuerit eorum crimen declaratum. sic Salas de leg. disp. 15. sect. 2. num. 31. Lessius lib. 2. de iust. cap. 35. dub. 26 num. 147. & generaliter nullam legem etiam in beneficiis incurri ante sententiam declaratoriam criminis, etiamsi dicatur ipso facto, nulla declaratione præmissa; docet Valsq. disp. 168. cap. 4. Couarr. 2. p. de sponsalib. cap. 6. § 8. num. 8. Eman. Saa verbo pœna. num. 1. Sanchez lib. 9. de matrim. disp. 53. num. 1. Mol. tom. 1. de iust. tract. 2. disp. 96. pag. 590. & alij ab eisdem relati.

Quartò obiici potest pœna inhabitationis vocis acti- uæ, vel passiuæ ad aliquam cathedram, officium, vel bene- ficiu; sæpe enim ob crimen commissum priuatur quis potestate eligendi. cap. cum inter, de electione. cap. 1. de postulat. Prælatorum. cap. cum in cunctis, de electione. cap. quia diuersitatem, de concessione præbende. cap. fin. de excessibus Prælatorum, cap. unico. §. 1. ne sede vacante in 6. Et in mul- tis vniuersitatibus fiunt ipso iure inhabiles ad cathedras obtinendas, qui aliquos suffragatores corruperint, vel cum alijs competitoribus pactum fecerint de ces- sione faciendi oppositione, vt ipsi etiam vicissim in alia oppositione cedant. Item quia ipsi corrupti inhabiles nulla expectata sententia fiunt: quod constat ex statu- tis huius Salmanticensis vniuersitatis tit. 3. à num. 4. & seqq. præcipuè 20. 21. 22. & de vniuersitate Complutensi testatur Valsquez 1. 2. disp. 168. cap. 6. Suarez lib. 5. cap. 9. à num. 7.

11 Verùm supradicti textus non satis probant; con- cedo enim priuationem, quæ incurritur per censuras, hanc vim habere; secus verò priuationem, quæ ratione delicti imponitur. Et supradicti textus de ligatis cen- sura loquuntur. Item debet censura esse denunciata, vt non solum vsu, sed etiam potestate eligendi quis priue- tur: at si censura eligendum adstringit, etiamsi occulta sit, reddit eius electionem passiuam nullam. ex cap. postu- latis, in princ. de clerico excommunic. ministr. Solum cap. cum

in cunctis, de electione, potest ingerere difficultatem, quia ibi priuantur Canonici potestate eligendi, si eligant scienter indignum. Sed non habemus efficax argumen- tum ad negandum requiri priùs sententiam declarato- riam criminis; imò potiùs nobis fauet communis regu- la de pœnis, quæ temperandæ sunt, quoad fieri possit: cum autem hæc sit propria pœna, quia priuat iure quæ- sito, scilicet potestate iam habita priùs eligendi. Cen- seo satis probabile requiri sententiam declaratoriam criminis. Et idem censeo de supradictis statutis vniuer- sitatum priuantibus voce actiua, & passiuæ ad aliquam electionem. Nam licet dicant, ipso facto inhabiles sint, de- bent tamen temperari facta per iudicem declaratione: tenet hanc sententiam Sotus lib. 1. de iust. quæst. 6. art. 6. ad 4. & lib. 4. quæst. 6. art. 3. ad finem. Ledesma 2. p. 4. q. 18. art. 2. conclus. 3. Eman. Saa verbo lex, num. 11. & verbo pœ- na, num. 1. in vtraque editione. Thom. Sanchez lib. 9. de ma- trim. disp. 50. num. 1. & lib. 2. in Decal. cap. 22. num. 19. & 20. Molin. tom. 1. de iust. tract. 2. disp. 99. pag. 591.

12 Ex his ergo constat satis probabile esse vltra cen- suras, & irregularitatem, nullam aliam pœnam contra- hi ipso facto ante sententiam declaratoriam criminis. Si de propria pœna loquamur, qualis est priuatio ali- cuius iuris quæsitæ, seu incepti possideri; etiam si lex, aut statutum dicat contrahi ipso facto, absque alia de- claratione, & processu; quia ita habet praxis, & vsus, & pluribus exornat vltra allegatos suprà Prosper Fari- nac. 2. p. fragment. crimin. num. 157. & num. 164. pag. mihi 202. & 203. Quod in tantum verum est, vt nullo modo possit talis pœna mandari executioni, nisi talis declara- toria interueniat. Ad quam declaratoriam faciendam citatio partis requiritur, vt testatur Iulius Clarus in pract. §. fin. quæst. 31. num. 3. vers. item adde. Cardin. Tuscus in verbo declaratio, conclus. 98. num. 62. Farinacius suprà num. 167. & num. 168. plures referens docet ab hac de- claratoria dari appellationem.

13 Sed obiicies. Ergo frustra apponuntur in lege pœ- nali verba ipso facto, & absque alia declaratione, si pœ- na non contrahitur commissio delicto, sed expectanda est iudicis sententia, neque differentia vlla erit inter le- gem statuentem pœnam ipso facto, & legem statuentem pœnam ferendam; sed omnis lex pœnalis dicitur esse de pœna ferenda, & non lata.

Respondeo negando assumptum; cum enim pœna ipso facto à lege imponatur, non requirit sententiam condemnatoriam, sufficit declaratoria criminis; secus verò est in sententia ferenda. Secundò omnes actus, qui post commissum delictum fiunt, veniunt irritandi, si irritabiles sint: quare si ipso facto ob delictum, pri- ueris officio, beneficio, vel bonis, teneris post senten- tiam fructus restituere fisco petenti, & si alienaueris, potest rescindi contractus, si in damnum fisci celebratus fuerit, quia omnia transeunt cum illo onere. Terriò hæ- redes possunt conveniri ad persoluendam pœnam rea- lem, quam debebat defunctus, quia transit res ad illos cum illo onere. Secus verò est in pœnis ferendis, vt la- tiùs dicemus, cum de confiscatione bonorum sermo habeatur. Ratio omnium est, quia lex, quæ pœnam im- ponit ipso facto, priuat quantum est de se delinquentes bonis, sub conditione tamen, quòd delictum declare- tur: quare non indiget, vt iudex sententiam ferat de priuatione, sed de declaratione delicti. At lex quæ im- ponit pœnam ferendam, non priuat, sed remittit iudi- ci, vt priuet. Ergo est clara differentia inter vnā, & aliā legem: & ita explicat, & pluribus exornat Salas disp. 15. de leg. sect. 3. sub num. 47. Thom. Sanchez lib. 2. in Decal. cap. 22. n. 28. Bonacina disp. 1. de leg. q. 1. punct. 7. §. 2. num. 8. Valsquez disp. 170. §. 4. Mol. tom. 1. de iust. tract. 2. disp. 95. Gratias 1. p. decis. lib. 2. cap. 11. num. 26. & 29. & seq. Henriquez lib. 13. cap. 56. n. 2. lit. N. in com. Sayrus in claus regia lib. 3. cap. 9. Anton. Gom. 3. var. cap. vlt. num. 2.

PUNCTUM III.

An pœna appolita ex mutuo contrahentium consensu debeat ante sententiam iudicis.

- 1 Si expressè ad id se obligarunt, debetur.
- 2 Cum non est hac expressa obligatio ex solo contractu, prima sententia affirmat deberi in conscientia.
- 3 Secunda dicit deberi, casu quo ab alio petatur.
- 4 Tertia quam approbo probabilior, defendit non esse debitam, quousque à iudice declaretur.
- 5 Inferitur dari posse præscriptionem pœnæ conditionalis.
- 6 Soluuntur rationes primæ & secundæ sententiæ.

L Oquimur de pœnæ appositione non reprobata per textum in cap. gemma, de sponsalib. sed de pœna, ad cuius solutionem licet possunt contrahentes se obligare.

Et quidem cum omnis hæc obligatio ex intentione contrahentium pendere debeat: si ipsi se expressè obligauerint ad soluendam pœnam ante iudicis sententiam, imò etiam, antequam ab alio petatur, dicendum est obligatos manere. sic sentit Suarez lib. 5. de leg. cap. 6. n. 9. & alij statim referendo.

Difficultas autem est, quando non exprimunt hanc obligationem, sed solum dicunt se obligare stare contractui, quod si resiliant, soluturos esse talem pœnam: an tunc, inquam, pœna debeat in conscientia?

2 Triplex est sententia.

Prima affirmat deberi in conscientia, etiam parte non petente, sic Felin. cap. 1. de constitut. num. 46. & Decius ibi lect. 2. num. 20. & lect. 1. num. 78. Palud. 4. dist. 27. quest. 1. art. 2. num. 13. indicat Nauarr. lib. 3. de restit. cap. 2. dub. 10. num. 274. in 2. edis. Mouentur, quia obligatio ad pœnam fit ex contractu, sed quod ex contractu debetur, in conscientia debetur: qua ratione in l. rescriptum, §. si pacto, ff. de pactis, datur actio adversus debitorem pœnalem; dicitur enim ibi, si quis in pacto pœnam stipulatus est, posse postea agere, vel ex pacto, vel ex stipulatione suo arbitrio. Ergo signum est debitorem pœnæ in conscientia esse obligatum. Confirmo argumento desumpto ex voto pœnali, ad cuius obligationem vouens tenetur, nulla expectata sententia, si principali promissio non sterit: ergo etiam debet teneri homini, si à principali obligatione destitit.

3 Secunda sententia docet, teneri resilientem à contractu soluere pœnam, casu quo ab alio contrahente petatur, nulla expectata iudicis sententia: sic docet Menochius de arbit. lib. 2. cent. 3. casu 260. num. 40. Gutierrez de matrim. cap. 18. num. 19. & de iurament. 1. part. cap. 36. num. 11. sine. Couarr. lib. 4. decret. cap. 6. §. 8. n. 11. Azcuedo lib. 2. recopil. tit. 1. in rubr. num. 28. & seq. Bonacina de legib. disp. 1. quest. 1. punct. 7. §. 2. num. 23. & de contract. disp. 3. quest. 3. punct. 7. num. 4. Suarez de legibus, lib. 5. cap. 6. num. 8. Salas de legibus, disp. 15. sect. 3. num. 51. Molin. tom. 1. tract. 2. disput. 97. sine. Emanuel Saa verb. pœna, num. 2. & alij ab eisdem relati. Mouentur, quia hæc videtur esse intentio contrahentis, ut petitio partis loco sententiæ succedat, aliàs si contrahentes intelligerent iudicis sententiam expectandam esse, hoc explicarent. Præterea obtinere sententiam iudicis non leuem patitur difficultatem. Ergo non est obligandus innocens hoc grauamen subire, ut sibi debitum recuperet, nisi ad id se expressè obligauerit.

4 Tertia sententia, cui tanquam probabiliori adhæreo, etsi duæ præcedentes sint satis probabiles, affirmat, non deberi hanc pœnam, quousque à iudice declaretur, ex contrario fundamento. Quia mens contrahentium, nisi aliud verbis exprimat, non videtur esse obligare ad pœnam, nisi facta condemnatione. Tum,

quia hæc obligatio est ob transgressionem legis sibi impositæ. Sed quando quis transgreditur legem à iure communi impositam, non contrahit pœnam, præcipue si requirat actionem absque sententia iudicis. Ergo neque etiam contrahere debet pœnam, quam sibi ipsi imponit ob transgressionem suæ legis sine sententia iudicis: tum etiam quia has pœnas sæpè moderatur iudex, quia exuberantes sunt, imò ex stylo curiæ, non fit condemnatio harum pœnarum, nisi quatenus interest, ut testatur Sanchez loco statim referendo, cum Auedaño in suo dictionario, verbo pœna, & Gutierrez de iurament. 1. part. cap. 36. num. 10. Ergo oportet, ut ad earum obligationem inducendam sententia iudicis accedat, qui aduertat, an sint pœnæ exorbitantes, an etiam damnum aliquod innocenti sequutum fuerit: nam seclusis his casibus, non debet ad pœnam condemnare. Tandem in casu dubio intelligi debent contrahentes apponere pœnam, iuxta regulam pœnarum iuris communis, quæ non obligat ante latam sententiam saltem declaratoriam: & ita tenet plures referens Thomas Sanchez, scriptorum moralium princeps, lib. 1. de sponsalib. disput. 37. num. 4. Nauarr. cap. 23. num. 67. Valquez disput. 173. cap. 1. Beça 1. part. casu 41. Lessius lib. 2. cap. 20. dub. 15. Gutierrez canon. quest. lib. 2. cap. 20. num. 13. Vide Tuscum verbo declaratio, concl. 98. n. 9. 15. & 26.

5 Ex his infero cum Sanchez, & Gutierrez locis citatis, debitorem pœnæ conuentionalis præscribere posse solutionem, si non petatur coram iudice, ex l. omnes, C. de prescript. 30. ann. quia dum non petitur, possidet bona fide. Imò addendum existimo cum Rebuffo in præm. constit. regal. glossa 1. num. 47. hanc pœnam, & quamlibet aliam legis præscribi posse post condemnationem, si à parte interessente non petatur spatio 30. annorum, quia credere potest debitor creditorem nolle iure suo uti, sed gratis remittere; sicuti contingit in hærede, à quo legatarius non petit legatum, & in domino, qui scit feudatarium cecidisse in commissum, & non petit; consentit Valquez disput. 173. cap. 3. Salas de legibus, disput. 15. sect. 3. num. 52. Reginald. lib. 13. num. 283. Bonacina alios referens disput. 1. q. 1. p. 7. §. 2. n. 30.

6 Argumenta verò in contrarium non obstant.

Ad primum primæ sententiæ respondeo, debitorem pœnæ esse obligatum ex pacto soluere posita condemnatione, non antea; & hoc sufficit, ut possit creditor agere adversus illum.

Ad confirmationem concedo, vorum pœnale statim obligare; quia in voto non est imaginabilis alia sententia præter eam, quam sibi quisque imponit, secus verò in debitis homini factis.

Ad argumentum secundæ sententiæ nego esse illam intentionem contrahentium, sed potius contrariam, ut constat ex probatione nostræ conclusionis.

PUNCTUM IV.

Quas pœnas teneatur exequi delinquens post latam sententiam.

- 1 Non potest condemnatus iudici resistere, quid si in falsa presumptione sententia fundetur.
- 2 Non potest obligari ad executionem pœnæ mortis, mutilationis, &c.
- 3 Qua teneatur prestare condemnatus ad mortem.
- 4 Pœnam verberationis, exilij, carceris, communis sententiæ docet se obligatum esse exequi.
- 5 Temperatur communis sententia.
- 6 In pœnis pecuniarijs tenenda est communis sententia te obligatum esse.

Primò est certum delinquentem resistere non posse iudici infligenti pœnas legis, post legitimam

mam sententiam, esto possit sine resistentia fugere, cum pœna gravissima est; quia ad fugam habet ius à natura, ad resistendum nullum ius habet; quia nulla ei irrogatur iniuria, ut suppono. Si autem ex præsumptione falsa damnatus sis ad graue supplicium, non est improbabile, posse te armis defendere à ministris iustitiæ, si aliquam spem habeas euadendi; quia re ipsa tibi inferitur iniuria, quam potes vi repellere, sicuti si inuassus esses à furioso, docuit Lessius lib. 2. de iust. cap. 31. dub. 4. fine. Valquez disp. 174. cap. 1. Sotus 1. de iustit. quest. 6. art. 6. & lib. 5. quest. 6. art. 4. Salas disp. 15. sect. 7. num. 87. Aduertunt tamen non posse te ministros vulnerare, sed solum armis terrere, quia non licet tibi iniuriam facere, cum iudex iniuriam non inferat. At Bannes 2. 2. quest. 69. art. 4. cum Victor. & alij relati à Couarr. 1. var. cap. 2. num. 13. etiam admittunt te illos vulnerare posse, si hac via spem habeas euadendi: & videtur approbari à Lessio exemplo furiosi, quem licet tibi vulnerare, si alia via eius inuassiones declinare non potes; sufficit enim tibi in re fieri iniuriæ, etiam si inferens ut talem non reputet.

2. Secundò credo etiam certum delinquentem, neque per legem, neque per sententiam condemnatoriam obligari posse ad pœnam mortis, mutilationis, verberationis grauis, & infamis sibi inferendam, quia bono communi non expedit delinquenti hanc obligationem ita grauem imponere, ut ipse sui ipsius vindex sit; sufficienter enim fit satis bono communi, & pœnæ debitæ pro delicto, si cum ab alio imponitur, patienter sustineat. ita Suarez lib. 5. cap. 7. ad finem. & cap. 10. num. 12. Valquez disp. 173. Bonacina disp. 1. quest. 1. punct. 7. §. 2. num. 29. Graffis 1. p. lib. 2. cap. 11. num. 40.

Hinc fit, non posse reum obligari sumere venenum, vel abstinere à cibo oblato, quia nunquam hoc est necessarium bono communi, ut ipse suæ mortis sit executor: & ita docuit Suarez lib. 5. de leg. cap. 7. num. 13. & cap. 10. num. 14. Valquez disp. 173. cap. 3. Salas disp. 15. sect. 7. num. 82. & 85. Lessius lib. 2. cap. 9. dub. 6. num. 26. Reginaldus lib. 13. num. 288. quamuis contra teneat Bonacina disp. 2. de restit. quest. vlt. punct. 5. num. 3. cum Aragon. 2. 2. quest. 69. art. 4. Eman. Saa verbo iudicialis actus, num. 54.

3. Vnum tamen mihi certum videtur facta condemnatione ad mortem, vel exilium, quam condemnationem fugiendo vitare non potes, te posse, imò & debere ad locum destinatum proficisci, collum præparare, manus apponere, & alias actiones efficere, quæ ab alio ministro iustitiæ commodè fieri non possunt; quia hæc cooperatio ad mortem, censetur remota cooperatio, & de se indifferens, mortemque non inducens, & ex alia parte honestatur sufficienter præcepto iudicis, & exemplo adstantium, qui si te ire violenter viderent, indicarent te impatienter mortem subire, & velle iustitiæ resistere; & ita tradit Sotus 1. de iustit. quest. 6. art. 6. concl. 2. Couarr. 2. p. 4. cap. 6. §. 8. num. 10. Arag. 2. 2. quest. 62. art. 3. Salas disp. 15. de leg. sect. 7. num. 82. Sayrus lib. 3. cap. 9. n. 41. Suarez ubi testatur de communi lib. 5. cap. 10. num. 14. Bonacina disp. 1. quest. 1. punct. 7. §. 2. num. 34. Valquez disp. 173. cap. 3.

4. De aliis pœnis, nempe verberatione, exilio, carcere diuturno, communis sententia docet, teneri pœnam exequi, si ad executionem condemneris sententia vltima, quam appellatione, vel alio remedio iuris non potes infirmare. Vnde non potes à carcere fugere, ab exilio exire, & seruitute liberari, quia est iusta sententia, & præcepto iusto parendum est. sic D. Thom. 2. 2. q. 62. art. 3. Tiraquellus plures referens in l. si unquam, C. de renouandis donation. verbo renouatur, n. 291. Nauarr. cap. 23. num. 66. Salas disp. 15. sect. 2. n. 32. Clauis regia lib. 3. c. 9. n. 4. Bonacina disp. 1. q. 1. p. 7. §. 2. n. 33. Azor tom. 1. lib. 5. cap. 8. q. 6. Suarez plures referens lib. 5. cap. 10. n. num. 5.

5. Verùm cenſeo hanc ſententiam communem temperandam eſſe: quare ſi carcer ſit durus, & triſtis, non videris obligatus ibi perſiſtere, & à fortiori, ſi ibi malè traſteris: quòd docet Suarez ſuprà num. 16. Et idem cenſeo, ſi condemneris ad exilium terræ inſalubris, & longo tempore ad triremes, & ad quamlibet aliam actionem de ſe nimis moleſtam; præcepta enim humana, humana debent eſſe: at inhumanum videtur, ſi obligeris, ut in pœna aded moleſta ipſe ſis miniſter iudicis contra te ipſum. Ergo dicendum eſt te non poſſe ad hoc obligari. Et confirmo. Communis ſententia tenet, (ut videbimus loquendo de conſiſcatione bonorum) non teneri delinquentem deferre bona fiſco, ſed ſatisfacere non impediendo fiſcum poſſidere. Ergo etiam ſatisfacies non impediendo iudicem, ut exequatur in te ſententiam.

Quod ſi dicas: iam impedio executionem, cum fugam ab exilio, & carcere arripio.

Reſponderi poteſt impedire executionem, vtendo iure proprio deſenſionis, non tamen inferendo vim. Adde omnibus his condemnatis præcipi obedire ſententiæ, ſub comminatione grauioris pœnæ. Ergo ſignum eſt ſolo timore pœnæ velle iudicem te adſtringere, ut obtemperes; quare ſi in aliquo caſu lex pœnalis cenſenda eſt ad ſolam pœnam obligare, hic debet eſſe, cum præcipiatur res ita ardua, & difficilis: & ita ſentit probabile Lessius lib. 2. cap. 31. dub. 5. num. 39. Salas disp. 15. sect. 7. num. 88.

6. In pœnis autem pecuniariis tenenda eſt communis ſententia te obligatum eſſe ſoluere pœnam facta condemnatione, vel declarato delicto, quando pœna delicto eſt annexa; facta, inquam, declaratione, quam appellatione, vel alio remedio iuris infirmare non potes: ſic docet Bonacina ſuprà num. 30. Valq. de legib. disp. 173. cap. 3. Salas disp. 15. sect. 7. num. 82. & num. 106. Suarez lib. 5. cap. 7. num. 7. Graffis 1. p. deciſ. lib. 2. cap. 11. num. 40. Requiritur tamen, ut petatur ab eo, cui eſt ſoluenda; quia ita habet praxis, & vſus communis: quare dum non petitur, retinere eam potes, & ſufficienter præſumere tibi condonari, ut in puncto antecedenti diximus.

Aliæ autem quæſtiones de conſiſcatione bonorum, de reo fugiente à carcere, declinante iudicium, negante veritatem, cum de hæreſi, & de reo ſermo habeatur, aptius explicabuntur: neque enim omnia in vnum locum coaceruanda ſunt, cum ſua loca habeant deſtinata.

PUNCTUM V.

Vtrum iudex teneatur pœnam imponere lege præſcriptam.

1. Princeps ſupremus, ſeu legiſlator poteſt, ſi tamen abſque cauſa faciat, venialiter peccat.
2. Iudex inferior ſub graui culpa eſt obligatus.
3. Proponuntur obiectiones, & ſoluntur.

1. Loqui poſſumus de Principe ſupremo, ſeu de ipſo legiſlatore, vel de iudice inferiori. Si de Principe ſupremo, ſeu legiſlatore loquamur, D. Thom. communiter receptus 2. 2. quest. 67. art. 4. non eſſe obligandum pœnam taxatam delinquenti imponere, ſed poſſe remittere, & arbitrari: conſentient iuriſtæ in nulla iuris ratio. ff. de legibus. Ratio eſſe videtur; quia cum ipſe ad imponendam illam pœnam non poſſit arctari niſi ex ſua lege, & lex non arctat legiſlatorem: ſit ſanè non eſſe obligatum. Verùm ſi abſque legitima cauſa rigorem legis temperaret, peccaret ad minus venialiter, quia ſine cauſa excipit ſubditum ab obligatione legis communis: quòd ſi ab omni pœna delinquentem liberaret ſine cauſa, idque conſtaret, cenſeo grauiter peccaturum, non aduerſus propriam legem, ſed aduerſus poteſtatem ſibi

sibi à republica concessam, qua abutitur in eius perniciem, præbet enim illa remissione occasionem multiplicandi delicta. At hic casus rarus est, & non moraliter contingens; semper enim præsumendus est Princeps remissionem concedens, moueri causa legitima; plures enim causæ esse possunt hanc remissionem concedendi, quæ in inferiori iudice locum non habent: quales sunt benignitatis, & liberalitatis ostensio, intercessio alicuius magnatis, remuneratio, & gratificatio obsequiorum delinquentis, vel eius progenitorum, & similes; aliqua enim ex his causis interueniente cedit remissio in commune bonum, ac proinde licita est: sic Salas *disp. 15. sect. 8. n. 109.* Suarez *lib. 5. cap. 11. n. 9.*

2 Quod si de iudice subdito legislatori loquamur, communis sententia docet, teneri pœnam taxatam delinquenti legitimè conuicto imponere, siue pœna sit pecuniaria, siue corporalis. ita Suar. *suprà*, plures referens, & Salas, qui suppresso nomine, Suarez, hanc quæstionem ferè iisdem verbis explicat. Ratio est manifesta: nam vel lex imponit pœnam ipso facto, vel signat ferendam, si constituit ipso facto, iudex declarans delictum, eo ipso declarat pœnam incursum, neque hanc incursum potest ipse impedire, aliàs legislatore esset superior: si autem est ferenda pœna, & iudex procedit ad punitionem delicti, cum necessariò aliqua regula regi debeat, ut æquitatem seruet, & hæc nulla alia aptior esse possit, quàm lex, legi debet conformari? Adde legem illam de pœna imponenda aliquem astringere, quia est lex: at nullum alium præter iudicem astringere potest, quia nec delinquens ante impositionem tenetur illam subire, neque alius præter iudicem illam imponere. Ergo.

3 Sed obieciēs primò. Aliquando pœnas iudices augent, aliquando minuant ultra taxam legis. Ergo si- gnum est non teneri seruare leges in hac parte. Secundo sæpe timorati, & religiosi interpellant iudices pro delinquentibus; ut constat ex *tota causa 23. quæst. 1.* si autem ipse neque augere, nec minuire possit pœnam pro suo arbitrio, sed lex seruanda esset, inutilis, & vana, imò illicita esset talis interpellatio. Ergo.

Respondeo ad primum. Concedo sæpe iudices augere, vel minuere pœnas delicto secundum se impositas: nego tamen id fieri ultra taxam legis absolutè, esto sit ultra taxam talis legis in particulari; lex enim aliqua specialis imponit pœnam delicto, ut frequenter committi solet: at si specialem grauitatem, & deformitatem habeat, ob illam grauitatem, augeri pœna potest; quia ita est aliis legibus præscriptum: ut sumi potest ex *l. quidquid ergo, §. pœna. ff. de his qui notantur infam. & ibi gl.* Econtra verò si delictum non attingat grauitatem communiter contingentem; quia fuit prouocatus, & subita ira accensus, temperari potest pœna, ex *l. absentem, ff. de pœnis.* Item ratione ætatis, vel senilis, vel puerilis, ex *l. auxilium, ff. de minorib.* Et de pœnis pecuniariis paupertas est sufficiens occasio temperandi pœnam, ex *l. illicitas, §. ult. ff. de offic. præsid.* Ex quibus constat solutio secundæ obiectionis: cum enim in horum consideratione multum possit affectus, meritò interpellari potest iudex, ut mitiorem partem eligat.

PUNCTUM VI.

An pœnæ solos delinquentes ligent.

- 1 Nullus pro delicto alterius puniri potest.
- 2 Proponitur obiectio de filijs priuatis legitima ob crimen patris.
- 3 Soluitur obiectio.

1 PRIMò in hac quæstione est regula generalis, nullum pro delicto alterius puniri debere, quia pœ-

na suos tenet authores, neque ulterius contra eos progreditur, qui procul sunt à delicto, ex *l. sancimus, C. de pœnis.* tradit, pluribusque exornat Farinacius *lib. 1. prax. tit. 3. quæst. 24. num. 1.* Couarruias 2. *variarum, cap. 8. num. 7.*

2 Difficultas autem est, quia ob crimen læsæ maiestatis præcipuè diuinæ, filij priuantur legitima, quæ illis debebat obuenire ob patris delictum. Item excluduntur ab officiis, & beneficiis. Deinde vnus pro alio se obligare potest ad pœnam subeundam, ut optimè tradit Decius *cap. que in Ecclesiarium, de constit. & cap. 2. eodem tit. Rom. constit. 15. & in singul. 128.* Ergo iam vnus pro alio puniri potest.

3 Respondeo filium priuari legitima, quia non erat filij, sed patris, priuatur tamen officiis iam habitis, & iure consequendi alia ob delictum patris; quia est aliquid illius: quare non tam priuatur tunc filius, quàm pater filij priuatione, sicuti contingit in David, quem Deus ob homicidium, & adulterium priauit filio, qui ei natus erat: & in hoc sensu vera est sententia glossæ in *cap. cum homo, 23. quæst. 5. vers. supple.* quam receptam esse omnium consensu affirmat Felin. *cap. 2. de constitut.* dicens valere statutum, quo vxor seruitute, vel alia pœna puniatur pro culpa mariti: nam tunc illa seruitus non tam est pœna vxoris, quàm mariti, siquidem in vindictam delicti à marito commissi imponitur. Ut autem hoc verum esse possit, debet delictum mariti talis conditionis esse, ut non censeatur sufficienter punitum pœna marito imposita, sed requiratur ad coniunctos extendi. Nunquam tamen valeret statutum, ut delictum vnus in alio etiam coniuncto puniatur, ipso delinquente relicto incolumi. Videtur enim esse contra rationem delinquentem à pœna liberare, & innocentem, quia ei coniunctus est, illa afficere. Ex voluntate autem propria optimè potest aliquis puniri ob delictum alterius, si ipse se pœnæ obiecit, cessit enim iuri proprio, & obligationem alterius in se accepit. sic Bonacina *disp. 2. de peccat. quæst. 7. punct. 3. circa finem.*

PUNCTUM VII.

De effectu legis, qui est irritatio, quæ sit? quotuplex? & an lex irritans dicatur pœnalis, vel fauorabilis.

- 1 Legislator humanus potestatem habet annullandi actum.
- 2 Dupliciter lex irritare contractum potest, vel ipso iure, vel expectata sententia.
- 3 Irritatio alia implicita, alia explicita.
- 4 An irritatio dicenda sit lex fauorabilis, vel non.

1 LEGISlator humanus non solum habet vim obligandi subditos, sed etiam annullandi eorum actus, quando bono communi expediens iudicauerit, ita ut censeantur taliter, ac si facti non essent; quia hæc potestas æquè reipublicæ est necessaria ad commune bonum, sicut potestas obligandi. Adde quemlibet ciuem posse suis contractibus conditionem apponere, sub qua se velit obligare, & non aliter. Quare ergo non poterit reipublica, cui omnes voluntates subditæ sunt, signare condiciones, sub quibus, & non aliàs valeant gesta per ipsos? Denique ab effectu constat hanc potestatem esse in republica civili, & Ecclesiastica; plures enim sunt contractus in vtraque republica irriti, qui seclusa lege irritante validi forent.

2 Dupliciter lex irritare contractum potest, vel ipso iure, vel expectata sententia. Contractus irritus ipso iure est ille, qui ita est nullus, ut nulla indigeat iudicis irritatione: hic est contractus matrimonij clandestini, vel intæ gradus prohibitos, contractus impuberum, alienatio rerum Ecclesiæ non seruata forma, & alia huiusmodi,

iustmodi, de quibus in sequentibus; contractus verò, qui ipso iure non est irritus, sed per sententiam venit irritandus, est contractus, in quo est deceptio ultra medietatem iusti pretij, ex l. 2. *C. de rescindenda vendit.* Vide de his plura exempla apud Vasquez *disp.* 163. & 164. & Lessium *lib.* 2. *cap.* 17. *dub.* 6. Salas *de legib. disp.* 16. *sect.* 1. & 4. Sanchez *de matrim. lib.* 3. *disp.* 4. *num.* 3.

3 Item irritatio alia est implicita, alia explicita: ut dicunt Doctores in l. *actus legitimi*, ff. *de reg. iuris.* & *cap. actus legitimi*, eodem tit. in 6. Irritatio explicita est, quæ verbis explicitis habetur; ut si lex prohibeat actum, & insuper addat, quod si fiat, non valeat, sed careat robore firmitatis, iuxta *cap. decet*, §. *ordinarij. de immunit. Ecclesiæ in 6.* Implicita irritatio est, quæ per verba æquivalentia fit, qualis à Doctorebus connumeratur illa, in qua præscribitur forma seruanda in contractibus; deficiente enim forma, quæ dat esse rei, corrumpitur actus, ex *Clement. unica, de rebus Ecclesiæ non alien. cap. quia propter, de electione, cap. vlt. de restit. spoliat. cap. cum dilecti. de rescript.* & aliis pluribus, in quibus ob non seruata formam actus redditur nullus, & in his omnes conueniunt.

4 Ex quibus constat, an irritatio dicenda sit pœnalis lex, vel non?

Dicenda, inquam, est pœnalis, quoties in pœnam aliquis delicti imponitur, ut contingit in lege irritante matrimonio ob vxoricidij, & adulterij crimen cum promissione futuri matrimonij, ex toto tit. *de eo, qui duxit in matrimonium, quam polluit per adulterium*, & in lege irritante electionem ad beneficium ob simoniam commissam, & generaliter quoties lex irritationem assignat in odium transgredientis legem, & ob solam legis prohibitionem lex pœnalis est; sic tradit Sanchez *lib.* 3. *de matrim. disp.* 4. *n.* 9. Salas plures referens *disp.* 16. *sect.* 2. Suarez *lib.* 5. *cap.* 19. *num.* 7. Et ratio est clara, quia priuare aliquem potestate contrahendi, vel acquirendi, quam aliàs habebat, onus graue est, & aptum, ut in pœnam delicti meritis apponi possit. At si irritatio non ob commissum delictum, sed ob bonum commune religionis, reipublicæ, vel aliquorum priuatorum apponitur, siue irritatio sit directa, seu indirecta, implicita, seu explicita, non debet censi pœnalis: talis est lex irritans actum ob non seruata formam præscriptam; ut contingit in matrimonio ob defectum parochi, & testium, & in testamento non habente testes requisitos, & in alienatione rerum Ecclesiæ sine solemnitate præscripta in *Clement. 1. de rebus Ecclesiæ non alienand.* Item lex, quæ directe, & explicitè irritat, si irritat actum ob bonum commune religionis, vel reipublicæ, non debet censi pœnalis; talis est lex irritans matrimonia religiosorum, clericorum, affinium, & consanguineorum; attendit enim debitam honestatem, & religionem. Deinde si irritet ob bonum priuatorum, non debet censi pœnalis; non enim censenda est lex pœnalis, quæ irritat professionem ante 16. annum completum, neque contractus pupilli sine auctoritate tutoris, imò potius videtur fauorabilis. Neque obstat aliquando his legibus irritantibus grauari contrahentes, quia illud grauamen non per se intenditur à lege; solum enim lex bonum commune, & rectam reipublicæ gubernationem intendit, ob cuius consecutionem aliqua onera suis ciuibus imponere potest: & ita tenent Sanchez, Suarez, & Salas *suprà*, conciliantes Doctores affirmantes, & negantes legem irritantem esse pœnalem.

PUNCTUM VIII.

An eo ipso, quo lex actum prohibeat, censetur illum irritare.

1 Proponitur dubitandi ratio.

2 Non ex eo, quod prohibeatur, fit actus nullus.

3 Quid dicendum in nostro regno?

4 Satisfit rationi dubitandi.

1 **R**ationem dubitandi fecit l. *non dubium. C. de legibus*, ubi dicitur, nullum pactum, nullam conventionem, nullum contractum, inter eos valere volumus subsequutum, qui contrahunt lege contrahere prohibente: quod ad omnes legum interpretationes, i. m. veteres, quam nouellas trahi generaliter imperamus, ut legislator, quod fieri non vult, tantum prohibuisse sufficiat, cetera quasi expressa ex legis licet voluntate colligere. hoc est, ut ea, quæ legis fieri prohibentur, si fuerint facta, non solum inutilia, sed etiam pro infectis habeantur: licet legislator prohibuerit tantum, neque specialiter dixerit inutile esse debere, quod factum est. Neque valet dicere hanc esse legem civilem, & solum in terris Imperatori subiectis vim habere posse, quia hoc esset verum, si aliis legibus, Hispaniæ, Galliæ, repugnaret: quod non constat. Deinde iure canonico videtur talis lex approbata. *cap. imperiali. 25. quest. 2.* ibi, *imperiali constitutione aperte sancitum est, ut ea, qua contra leges fiunt, non solum inutilia, sed etiam pro infectis habenda sunt.* Item in *reg. 64. de reg. iuris in 6.* dicitur, *qua contra ius fiunt, debent pro infectis haberi.* Et ratione probatur, quia aduersus voluntatem superioris, inferioris voluntas nihil efficere potest; sed voluntati superioris prohibenti actum, aduersatur voluntas inferioris efficiens illum. Ergo. Propter hanc rationem dubitandi tenent communiter lucisperiti contractus, & alios actus simpliciter prohibitos esse irritos ipso iure, quamuis lex non addat irritos esse. sic Panormit. *cap. nulli, de rebus Ecclesiæ non alienand.* & in *cap. ad Apostolicam, de regularib. num.* 11. Syluest. *verbo lex. quest.* 28. glossa, Bald. & alij in *supradicta l. non dubium.* Tiraquell. plures referens *l. 16. connub. glossa 4. num.* 5. & 6. & alij.

Scio huic sententiæ varias limitationes, & distinctiones à Doctorebus adduci, eo quod multa prohibita sint, quæ tamen si fiant, factum tenent. *cap. ad Apostolicam, de regularib. cap. unico, de voto lib.* 6. & alij, easque adducunt Suarez *lib.* 5. *de legib. c.* 25. & Salas *disp.* 16. *sect.* 8. & optime impugnant: quapropter illis omisiss, quid dicendum sit, paucis exponam.

2 Dicendum ergo est ex eo solum, quod lex prohibeat actum, non censetur actus nullus in conscientia, sed insuper necessarium esse, si velit nullitatem causare, uti verbis id explicantibus, docet Suarez *num.* 11. & Salas *num.* 26. Mol. *tom.* 1. *de iustit. tract.* 2. *disp.* 88. Thom. Sanchez plures referens *lib.* 7. *de matrim. disp.* 2. *num.* 10. Ferdinand. Medonça 1. *de pactis cap.* 4. *num.* 41. Bonacina *disp.* 1. *quest.* 1. *punct.* 7. §. 5. *num.* 8. videtur consentire Farinac. 2. *p. fragment. ubi de lege, num.* 189. *p.* 206. & ferè omnes Theologi. Ratio est, quia prohibere, & irritare sunt omnino distincta: quia prohibere actum, est obligare, ne fiat, irritare est inefficacem reddere voluntatem in illius effectione. Ergo sola prohibitionem legis non significatur irritatio. Ergo neque illam inducere potest: quia solum inducere potest id quod significat. Dices non significari irritationem, si lex, *Non dubium*, canonizata à Pontifice non adesset: at supposita illa lege irritante actum à lege prohibitum, iam lex prohibens simul irritat. Sed contra, quia illa lex ad summum habere potest vim in terris imperio subiectis, non in aliis, quia est nimis odiosa, & onerosa. Ergo non est cur obliget Italos, Hispanos, & Gallos. Præterea quia in his terris imperio subiectis, non videtur in illo rigore accepta, ut contractum reddat ipso iure nullum, sed annullandum, iuxta *cap. vides, dist.* 10. ibi, *quidquid contra leges accipitur, per legem dissolui meretur*, scilicet à iudice, & pro infectis habeatur, supposita sententia, ita tradit Molina illa *disp.* 88. ad confirmationem primi argumenti. & Salas *num.* 23. Suarez *lib.* 5. *cap.* 28. *num.* 7. & seqq. Sæpe enim actus est nullus, non quia re vera nullus sit ipso iure,

iure, sed quia ope exceptionis, & sententiæ à iudice late fieri nullus debet à puncto, in quo fuit factus, casu, quo actus capax sit huius irritationis, & pœnæ. Deinde quia Ecclesia olim prohibuit matrimonia clandestina. cap. cum inhibitis, de clandestina desponsatione. quæ tamen non erant irrita; ut constat ex Trident. sess. 24. cap. 1. de reformat. Item adstrictus voto simplici castitatis prohibitus est contrahere: at si contrahat, matrimonium tenet. Prohibitus est quis donare rem alteri promissam; si tamen donet, valida est donatio. Ergo non ex prohibitione directa, & per se sequitur irritatio: & alia plura in confirmationem huius sententiæ adduci possunt, quæ libens omitto, quia per se est manifesta.

3 Sed quid dicendum in nostro regno?

Respondeo ex sola prohibitione facta non inferri annulationem ipso iure, quia nulla est lex, quæ hanc vim simplici prohibitioni tribuat; imò potius contrarium colligitur ex consuetudine satis recepta: sunt enim plures leges prohibentes ministris iustitiæ munera accipere, quæ si accipiant, acceptio valida est, dum non infirmatur. Item prohibentur acquirere ludo vetito, & tamen dum non repetuntur acquisita, retineri possunt. Quapropter cum lex irritationem intendit, non est contenta simplici prohibitione, sed addit clausulam irritantem, ut videre licet in l. 1. tit. 2. lib. 5. recopilationis. quam optimè explicat Azuvedo ibi, & num. 23. & sequent. ubi ponderat necessitatem illius verbi, lo aya perdido y pierda, y por el mismo caso pase el derecho de la demasia a los herederos. sic Suarez lib. 5. cap. 30. Molin. supradicta disput. 88. Valquez de legibus, disp. 164. cap. 3. Salas disp. 16. sect. 8. vers. dico quartò, facitque ad hæc Farinacius 2. part. fragment. ubi de lege, pag. 208. num. 200.

4 Ex his constat solutio rationis dubitandi, dicimus enim l. non dubium, neque in terris imperio subiectis habere vim ipso facto, sed ope exceptionis, & per sententiam, quia non videtur expediens esse alio modo receptam. Adde etiam illam irritationem pœnalem, ut constat ex illis verbis legis initio propòsitis, nec pœnas insertas legibus evitabit, qui se contra legis sententiam seu prerogativa verborum contra legem excusat. In irritatione autem pœnali, etiam si sit ipso iure, potest expectari sententia declaratoria criminis, uti diximus in pœnis impositis ipso iure, & dicemus. Caput autem imperiale, loquitur de quodam testamento, quod erat secundum leges imperiales irritum ipso iure, & licet ibi subdat generalem rationem, quia erat contra legem, intelligi debet non de lege prohibente præcisè, sed irritante, vel de irritante in pœnam. Regula autem illa 64. de regulis iuris, ubi cautetur habenda esse pro infectis, quæ contra ius fiunt. Sanchez lib. 3. de matrim. disput. 5. num. 4. ad 4. censet intelligi de his quæ fiunt contra ius dans formam actui. At neque hoc est necessarium: nam etiam si solum sit contra ius prohibens tantum, potest à iudice pro infecto haberi, si iudicet esse conveniens ob transgressionem legis talem irritationem apponere. debet tamen actus capax esse irritationis: nam aliqui actus semel validi capaces non sunt huius effectus, ut matrimonium, ordinatio, & alij similes. Ad argumentum ex ratione petitum, dico inferioris voluntatis contraire non posse voluntati superioris: at voluntas superioris si tantum

prohibet actum, non resistit illius valori,
sed eius honestati, eaque de causa
potest à subdito validè,
licet illicitè
effici.

Ferd. de Castro Sum. Mor. Pars I.

PUNCTUM IX.

Quando lex irritet actum ob non servatam formam à lege præscriptam.

- 1 Quid sit forma, & quæ duplex, alia substantialis, alia accidentalis.
- 2 Quomodo cognoscitur an sit forma substantialis, vel accidentalis.
- 3 Limitatur, ut non procedat, cum datur potestas, & præcipitur forma apponi, quæ de iure inest.
- 4 Episcopum excommunicans non servata forma præscripta in cap. 1. de sentent. excommunicat. in 6. validè, esto illicitè excommunicat.
- 5 Processus factus omisso iuramento, valet.
- 6 Si habens potestatem audiendi confessiones indifferenter præcipiat superior, ne audiat faminarum, valet confessio, esto illicitè facias Sacerdos.
- 7 Quid dicendum, cum committitur tibi facultas, ut facias actum ex consilio peritorum, sicut actus nullus omisso consilio.
- 8 Quid quando statutum mandat fieri actum certo loco, & tempore.
- 9 In casu dubio, an forma inducta sit substantialis, vel accidentalis, præsumi debet substantialis.

1 Formam definit Decius cum Bald. in l. hac consuetissima, num. 10. C. qui testamenta facere possunt. Alciat. lib. 5. paradox. cap. 16. in princ. esse quandam ordinatam seriem, qua res perficitur. Exemplis manifestari potest, tum in sacramentis, tum in contractibus, & ultimis voluntatibus, in quibus omnibus signatur talis series rerum, quæ sacramenta, contractus, & testamenta ad suam perfectionem deducit.

Duplex est forma, alia substantialis, alia accidentalis. Substantialis est, quæ dat esse rei, accidentalis illud supponit; ob defectum enim formæ substantialis perit actus substantia: secus ob non servatam formam accidentalem. Exemplum utriusque formæ videri potest in matrimonio; præsentia enim parochi, & testium requiritur, ut forma substantialis, quia illa deficiente, deficit contractus: denunciationes autem, & alie solemnitates Ecclesiasticæ non requiruntur, ut forma substantialis, sed tanquam accidentalis: nam esto non serventur, adhuc perseverat actus, & in cap. quia propter, de elect. præscribitur forma substantialis, & accidentalis.

2 Tota ergo difficultas est, quomodo cognoscenda sit forma substantialis, & distinguenda ab accidentali? Et omittis variis dicendi modis forma substantialis inducitur, quoties lex dicit hoc esse servandum pro forma, quia tunc forma stat pro famosiori significato, ac proinde pro forma, quæ dat esse rei: sic docet alios referens Farin. 2. p. fragm. ubi de leg. n. 203. pag. 209. vers. dic primò. Secundò quando aliàs irritatur actus. Tertiò si loquatur conditionaliter. sic Farinac. ex communi sententia. Quartò quoties lex tribuit facultatem actus faciendi, & simul modum præscribit, talis modus censetur inductus, ut substantialis forma, probatur ex cap. cum dilecti, de rescripti. cap. venerabili, iuncta gloss. de offic. deleg. quia censetur dans potestatem, dare illam limitatam: hoc est, sub illa forma servanda, & non aliàs, & cum ex defectu potestatis actus ruat, ruit actus ob non servatam talem formam: & hoc est verum, etiam si non apponatur clausula irritans: & ita tradit gloss. in Clem. 1. de iure patron. verbo inhibentes. Felin. in cap. ex parte, de constitut. in princ. Panorm. ibi n. 5. & probatur ex ipso textu, ubi Pontifex dedit facultatem conferendi certas præbendas ex consilio Episcopi: & quia hoc omisum fuit, declaratur collationem esse nullam. Thomas Sanchez lib. 5. Decal. c. 4. n. 26. Suarez lib. 5. de leg. c. 31. n. 6. & 32. n. 9. Salas disp. 16. sect. 9.

Q

sect. 9. ad fin. Farinac. 2. p. fragm. ubi de lege, n. 204. pag. 209. & n. 225. pag. 211. Bonacina disp. 1. quest. 1. punct. 7. §. 5. num. 17. Sylvest. verb. consilium, quest. 3. Rodriguez tom. 2. quest. regul. quest. 45. art. 2. fine. Saa verb. lex, n. 14.

Quod si habenti alias potestatem, signetur forma seruanda, non debet censi irritus actus ob non seruandam formam, nisi à lege ipsa irritetur expresse: docent Doctores supra relati moti à contrario fundamento, quia talis actus procedit à potestate antea habita, quæ non debet censi restricta, nisi expresse de tali restrictione constet; non autem constat ex eo præcisè, quod manderetur seruari talis forma.

3 Hæc doctrina limitanda est, ut non procedat, quando datur potestas, & simul præcipitur forma apponi, quæ de iure communi inest accidentaliter, & non substantialiter; nam tunc non debet præsumi, ut substantialem exposculari. Exemplum est manifestum in contractu matrimonij: si enim alicui des mandatum, ut contrahat tuo nomine, præmissis denunciationibus, ipse tamen omittat denunciations, contractus legitimus est, quia non censetur illam conditionem alio modo exposculare, quàm à iure exposculata est: cum autem à iure solum de solemnitate accidentali, & non substantiali sit requisita, ut bene probat Sanchez lib. 3. de matrim. disp. 5. efficitur sanè, neque à te alio modo exposculari, nisi clarè explices. Idem est si Sacerdoti licentiam concedas assistendi matrimonio, diligenti examinatione præmissa, an sint contrahentes impediti; quia de iure inest talis inquisitio, ut forma accidentalis: sic docet Sanchez ibi num. 4. Basilus de Leon lib. 5. de matrim. cap. 39. num. 6. Salas disp. 16. sect. 9. num. 39. versic. unde hæc differentia. Farinac. 2. p. fragm. ubi de lege, n. 203. pag. 209. vers. septimo.

4 Hinc fit primò Episcopum excommunicantem non seruata forma à iure requisita, cap. 1. de sentent. excomm. in 6. hoc est, sine scriptura, & sine expressione causæ, validè excommunicare, illicitè tamen, quia præcepto apponendi talem formam, non censetur potestas restricta: sic glossa, Salas, Bonacina, Suarez, Emanuel Saa supra. Sanchez lib. 3. de matrim. disp. 5. num. 4.

5 Fit secundò processum factum, in quo omissum est iuramentum, quod iudicibus præstanda erat in principio litis, iuxta litem non nouam, C. de iudic. validum esse, ut ibi glossa notat, & Suarez lib. 5. cap. 32. num. 3. quia lex exposculans iuramentum illud, non restringit potestatem iudicis, sed instruit, quid facere debeat.

6 Fit tertio, si tibi habenti potestatem, audiendi confessiones, præcipiat superior, ne audias scæminarum, aut mercatorum, nisi expresse restringat potestatem; integra tibi ad omnes personas manebit, esto licitè uti illa non possis respectu scæminarum, & mercatorum. Ita Salas sect. 10. num. 43. qui idem dicit de acquisitis ludo prohibito, & de muneribus receptis à ministris iustitiæ, qui non tenentur ea in conscientia restituere, quia esto prohibeantur recipere, non tamen sub clausula irritante, & cum alias habeant potestatem validè illa recipiendi, non debet censi restricta, nisi expresse constet.

7 Fit quarto, quid dicendum sit ad illam quæstionem, an cum tibi datur potestas ad aliquem actum, & apponitur clausula, ut fiat de consilio aliquorum, si secus facias, teneat factum?

Respondeo iuxta supradicta, si aliunde non habes potestatem; sed simul cum appositione illius clausulæ potestas conceditur, magnum indicium est nullum esse actum, non petito consilio. est communis sententia Doctorum, ex cap. cum in veteri, de elect. ubi irritatur electio ob omissum consilium: & idem habetur in cap. nouit, de his qua sunt à Prælate ita Sylvest. consilium, quest. 1. & 3. Panormitanus cap. ad Apostolicam, de regularibus, circa finem, & cap. fin. de Ecclesiis edificandis. Azor tom. 1.

disp. 12. cap. 5. quest. 3. Bonacina disput. 1. quest. 3. punct. 4. §. 2. num. 3. Molin. tract. 5. de inst. disp. 21. n. 2. At si aliunde habenti potestatem mandatur consilium peti, ob illius omissionem non debet censi actus nullus: tenet Sylvest. supra, & Panorm. cap. ex parte, de constitut. circa fin. Salas disp. 16. sect. 10. num. 43. Ratio est, quia tunc præsumitur consilium mandari, ut rectè actus præstetur, non ut validè.

8 Fit quintò, quid dicendum sit, quando statutum mandat fieri aliquid certo loco, & tempore, an actus contra factus irritus sit, & nullus?

Plures Doctores affirmant nullum esse, quia inducit formam substantialem: sic Felin. cap. cum dilecti, de re scriptis, col. 8. versic. octauum signum. per textum in l. scire oportet. §. consequi, ff. de excusat. tutorum. Bald. in authent. quæ supplicatio, prope finem, C. de precibus Imperatori offerendis. Roland. consil. 72. num. 7. lib. 3. fauet Tuscus verbo forma, conclus. 414. num. 14. 15. 18. & sequentibus. At tenendum est, generaliter loquendo, actum validum esse, nisi lex, aut statutum vterius procedat annullando actum: docuit aliis relatis Farinacius 2. part. fragment. ubi de lege, num. 216. Suarez de legibus, lib. 5. cap. 25. num. 10. & cap. 28. num. 17. & 18. quia tunc non intelligitur circumstantia temporis, & loci, ut forma appositæ.

9 Aduerto, quoties dubium est, an forma inducta, sit substantialis, vel accidentalis, præsumi debere substantialem, præcipuè si fauorem contineat: tradit Farinac. num. 121. cum Mathesilao singul. 130. & seqq. Roland. consil. 43. num. 13. lib. 2. & consil. 30. n. 1. & consil. 55. n. 26. lib. 2. Vantius in tract. de nullit. rubr. quot. & quibus modis nullitas in iudicio proponatur, num. 52.

PUNCTUM X.

An lex irritans actum ipso iure indigeat sententia, ut effectum sortiatur.

- 1 Si irritatio succedit actui iam factò ob omissionem forma accidentalis, non habet effectum, quousque à iudice declaratur.
- 2 Quando irritatio comitatur actum, vel illum antecedit, & in odium transgredientis imponitur, probabile est non habere effectum ante sententiam.
- 3 Quadam diligenter notanda, quoties dec. v. r. v. r.
- 4 An lex irritans actum, v. g. testamentum, electionem non seruata solemnitate, aliquem habeat effectum in conscientia. Proponitur prima sententia non habere, si nihil contineat aduersum naturalem iustitiam.
- 5 Secunda sententia docet effectum habere.
- 6 Tertia distinguit inter actum publicæ potestatis, vel propriæ.
- 7 Præfertur secunda sententia.

1 Dico primò, si irritatio succedat actui iam factò ob non seruandam aliquam accidentalem conditionem, censeo non habere effectum integrum, quousque à iudice declaratur, sicuti diximus de pœna à lege imposita. Exemplum sunt, si à lege irritaretur donatio, venditio, & alij actus; ex quibus gabella non soluitur, quia tunc actus præsupponuntur ritè facti, & sine vlla legis resistentia; irritatio verò postea subsequens pœna est in odium delicti commissi. Ergo debet sequi naturam legis pœnalis, quæ indiget sententia saltè declaratoria criminis: & ita ut probabile defendit Suarez lib. 5. cap. 32. n. 2. & 3. Sanchez lib. 3. de matrim. disp. 4. n. 9. Farinac. 2. p. fragm. ubi de lege, n. 102. pag. mihi 196. lauris n. 157. 160. 161. & 232. pag. 212.

2 Dico secundò, quando irritatio comitatur actum, seu illum antecedit, & imponitur ob solam legis prohibitionem, & in odium transgredientis, probabile etiam est

est indigere sententia declaratoria, docet Suar. *supr. n. 5.* & indicat Sanchez *num. 9.* & Farinacius *locis citatis.* & probari videtur ex *cap. si religiosus, de elect. in 6.* ibi, & in *pœnam presumptionis illius electio eadem viribus vacatur.* Idem habetur in *cap. nouit, de his que sunt à Prælat.*

Excipiendus est contractus incapax irrationis, si semel validè fiat, hic enim statim irritus fit; etsi in pœnam apponatur irritatio, constat in matrimonio prohibito ei, qui cognouit consanguineam vxoris, vel commisit adulterium sub promissione coniugij, vel mortem intulit vxori animo ducendi concubinam; quibus etsi in pœnam delicti commissi irritatio fiat, statim habet effectum, cum matrimonium attentatur, quia alio tempore habere non potest. & tradit Sanchez *lib. 3. de matrim. disp. 4. sine.*

3 Aduertendum tamen est ex Farinac. *num. 167.* quoties declaratoria requiritur ad executionem pœnæ impositæ ipso iure, citandum esse delinquentem, vt pœna executioni mandari possit. consentit Clarus in *prællie. § fin. quest. 3. num. 3. versicem adde.* Tuscus verbo *declaratio, conclus. 96. num. 3. & 98. num. 61.* Ratio esse potest, quia illa declaratio est actus iudicij, & sententiæ, qui sine citatione fieri non potest.

Secundò aduerto cum eodem Farinacio, Tusco, & aliis ab huiusmodi declaratione dari appellationem, quia nihil est, quod obiter. Excipe, nisi factum esset notorium, vel periculum in mora; sic Felin in *cap. 2. de sponsalibus, num. 4. & in cap. Rodolphus, num. 43. de re scriptis.*

4 Difficultas autem est, an in contractibus, & electionibus, quæ irritari possunt per sententiam, esto à principio valida sint, si lex requirat aliquam solemnitatem, & addat verba irritantia, ommissio illius solemnitatis, & conditionis reddat actum nullum in conscientia, vel tantum in foro externo, & mediante iudicis sententia. Exemplum est in testamento minus solemnni, quod leges infirmant. *cap. cum esses, de testam. l. hac consultissima, C. qui testamenta facere possunt.* Item in electione facta sine consensu Capituli, & in alienatione rerum Ecclesiæ? In qua re inuenio plures sententias.

Prima affirmat; si actus nihil contineat contra naturalem iustitiam, & æquitatem, esse ipso iure validum, quousque rescindatur, quia lex irritans illum, fundatur in falsa præsumptione, qua putat electionem esse alicuius indigni, alienationem in damnum esse Ecclesiæ, hæreditatem fraudulenter esse relictam. Si ergo electio est digna, & alienatio cedit in utilitatem Ecclesiæ, & in testamento nulla est fraus commissa, credibile videtur legem nolle talem actionem irritare: ita docet Nauarr. multis relatis *comment. de alienatione rerum Ecclesiasticarum, notab. 1. num. 19. & comment. de spoliis, num. 6.* Anton. in *cap. quia plerique, de immunitate Ecclesiarum,* & ibi Pannorm. & in *cap. 1. de constitut. vbi Felinus, Innocent. in cap. quia propter, de elect. & Archidiacon. regul. beneficium, de regulis iuris in 6.* consentit Couarr. *cap. cum esses, de testament. num. 5.* loquens de testamento; cum hæredi constat de libera voluntate testatoris, posse, inquam, in conscientia hæreditatem accipere, & retinere, quousque hæredibus ab intestato applicetur à iudice. idem docet Medina *C. de restit. num. 23 sine.*

5 Secunda sententia docet huiusmodi leges irritantes statim sortiri suum effectum, neque indigere sententia aliqua. sic Salas *disp. 16. sect. 9. circa finem.* Suarez alios adducens *lib. 5. cap. 34. num. 3.* Mouentur, quia causa irrationis harum legum, non est fraus, vel dolus, qui in singulis casibus interuenit, sed illorum peticulum, quod adesse communiter recognoscitur. Quæ ratio semper subsistit, etiam si in aliquo casu particulari, nulla fraus, nec dolus intercefferit.

6 Tertia sententia distinguit inter actus factos virtute publicæ potestatis, & inter actus factos virtute po-

testatis propriæ, & dominij. Actus publicæ potestatis vocat electionem Prælati, alienationem rerum Ecclesiæ, actus priuatæ potestatis, & dominij, institutionem hæredis in testamento, venditionem, & alienationem propriarum rerum. Si actus sit publicæ potestatis, censet hæc sententia ipso facto esse irritos, si lex irritos esse decernat, neque indigere sententia; quia cum eorum valor à publica potestate pendeat, & hæc potestas media lege illi resistat, si non seruetur talis conditio, & forma, absolute actus nullus est censendus. At si actus à priuata potestate pendeat, non debet censeri irritus in conscientia, ex eo solum, quod lex irritum esse decernat, quia bono communi per legem intento sufficienter satisfiat, si reddantur irriti accedente sententia.

7 Inter has sententias secunda mihi magis probatur. Existimo enim Principem media sua lege habere efficaciam inhabilitandi personam ad donandum, & contrahendum alia forma, quam ipse præscribit, quia hoc pertinet ad commune bonum: quare si hanc intentionem sufficienter explicet, sine dubio habebit effectum, & irritam reddet donationem. Aduertenda tamen sunt verba legis, & rigorose pensanda, an reddant actum nullum in se; an solum in fauorem alicuius partis, an solum reddant actum nullum in exteriori foro: hoc est, ne ex illo aliquid in iudicio, vel extrà probari possit? Si verba legis irritant actum in fauorem vtriusque contrahentis, certum existimo habere vim nulla expectata sententia; si verò in fauorem alicuius, vt contingit in alienatione rerum Ecclesiæ, & minoris, consentiente Ecclesia, & minore contractus dissoluitur.

Tandem potest fieri irritatio solum quoad probationem externam, & fidem faciendam, vti dicit Molin. *tom. 1. de iustit. disp. 81. pag. 297. vers. in hac graui, & difficili.* & Suarez *lib. 5. de legibus, cap. 32. num. 6. & 7. circa fin.* contingere in testamentis. Affirmant namque testamenta minus solemnna non esse inuadata à lege, quo ad naturalem obligationem, sed solum quoad civilem, & forum exterius: quapropter concludunt hæredem sic institutum posse retinere hæreditatem, dum non exigitur ab eo; attamen si per iudicem applicetur hæredi ab intestato, qui certè id expostulare potest, extingui eo ipso ius hæredis instituti, quia ob commune bonum lex habere potest hanc efficaciam, auferendi ab vno dominium, & applicandi alteri. Sed hæc latius, cum de testamentis fuerit sermo.

PUNCTUM XI.

An lex eo ipso, quo irritat actum, prohibeat in conscientia illius executionem.

- 1 Lex irritans actum, non prohibet illius executionem formaliter.
- 2 Proponitur obiectio, & soluitur.
- 3 Quid dicendum de irratione facta in fauorem alicuius.
- 4 Cum lege irritante sapè prohibitum coniungitur.

Respondeo ex eo præcise, quod lex irritet actum, non prohibet illius executionem; quia irritatio est effectus distinctus ab obligatione. Exemplis res declaratur. Matrimonium, & professio irritantur, si fiant graui metu, & tamen non peccat sic contrahens ex communi sententia; ratione enim metus excusatur à peccato. Item testamentum conditum sine debita solemnitate est irritum: & tamen sic condens non videtur peccare, quia nulli facit iniuriam. non instituto, poterat enim illum prætermittere. non hæredibus ab intestato; siquidem nullam illis obligationem habet. Ergo vitur iure suo liberè de propriis bonis disponens. Neque obstat ex illo actu aliquam deceptionem, aut

Q 2 inimi

Ferd. de Castro Sum. Mor. Pars I.

inimicitiam oriri, quia hoc est per accidens, quod sufficienter honestari potest, si ob rescindendas iniquas querelas, importunas preces, & vexationes ita disponas: sic tenet Salas *disput. 16. sect. 6.* Suarez *lib. 5. cap. 20. præcipue num. 8. & 11.*

2 Dices, si contraheres matrimonium clandestinè, & professionem sine debita forma faceres, peccares graviter, esto solum esset decretum irritans. Ergo sufficit irritatio actus, ut prohibitionem indicat?

Respondeo, distinguendo consequens, sufficit irritatio actus, ut prohibitionem inducat per ipsam legem: nego. At si aliunde ex lege ipsa naturali oritur prohibitio, transeat. In supradictis casibus de matrimonio clandestino, & professione sine debita forma nascitur prohibitio ex lege ipsa naturali, qua teneris actus pertinentes ad religionem, & iustitiam validè præstare, nisi aliqua legitima causa excuseris.

3 Item si irritatio facta est in favorem alicuius, cui favori ipse cedere potest, non peccat inualidè actum faciens: sic filia renuncians hæreditati paternæ contenta dote non peccat, esto inualidè renunciet. Vxor alienans fundum dotalem cum licentia mariti, quia hæ irrationes non sunt absolutæ, sed dependenter ab ipsis, possunt enim iuramento illas firmare. Ergo non sunt censendæ peccare in tali renuntiatione, & alienatione: & ita tradit Salas *n. 8.* Suarez *supra n. 11.*

4 Dixi in principio legem irritantem actum non prohibere illius executionem ex eo præcisè, quod irritans sit: ut adverteres sæpè cum lege irritante coniungi prohibitionem, quod tum ex verbis legis, tum ex materia colligendum est. Si enim verba sint præceptiva, directæ ad personas, clarum est esse legem præcipientem: si autem materia ita sit execrata à lege, ut in ipsius odium irritatio fiat, tunc certè præceptum de illa vitanda intelligendum est adesse, quod optimè explicuit Suarez *lib. 5. de legibus, cap. 20. num. 10.* sic enim (inquit) lex irritans collationem beneficii per confidentiam in conscientia prohibet illam; & lex irritans electionem religiosi ad Episcopatum acceptatum sine licentia sui Prælati, prohibet talem acceptionem: sic etiam turpia legata, dum irritantur, in odium scribentis, prohibentur, vel saltem prohibita esse supponuntur, in *l. turpia, ff. de legat. 1.*

PUNCTUM XII.

Quibus modis irritatio impediri possit.

- 1 Si ferenda sit à iudice, omnibus illis modis impeditur, quibus impeditur sententia.
- 2 Si iniquis mediis impediatur irrationis sententiam, probabilis tenet Suarez, te obligatum esse rescindere, tamen si non condemneris.
- 3 Qua debeant supponi ad nostram sententiam.
- 4 Teneris contractum rescindere, si per actionem iniustam, adversus emptorem impedis rescissionem.
- 5 Secus si per actionem iniustam adversus iudicium.
- 6 Quid dicendum in casu beneficii à te possessi, cuius collatio irritari potest.
- 7 Irritatio ipso iure imposita in pœnam delicti commisi, cessante delicto cessat.
- 8 Secus de irratione ob bonum publicum, qua nulla ratione etiam ob ignorantiam impeditur.
- 9 Irritatio in favorem privatae persona illa renuntians cessat.

1 **R**euocanda est in memoriam distinctio supradicta, de irratione ipso facto, & incurrenda per iudicem. Si irritatio sit ferenda à iudice, impediri omnibus illis modis potest, quibus potest impediri aliqua sententia; cum enim hæc dari non possit nisi causa pro-

bata, & sæpè probationes deficiant, hac via optimè impediri potest irritatio.

2 Difficultas autem est, si hunc defectum probationis inquis mediis obtineas, scilicet incutiendo metum parti læsæ, ne rescissionem intenter, vel si intenter, negas veritatem, aut subornas iudicem, aut falsos testes inducis; an tunc tenearis in conscientia contractus rescindere, etiam si à iudice non fuerit irritatus?

Suarez *lib. 5. disp. 21.* probabilis existimat te teneri. Probat, quia per iniustitiam impedisti, ne rescinderetur contractus. Ergo obligaris illum rescindere, cum possis, & confirmat: nam vel teneris restituere aliquid actori, eo quod impedisti actus rescissionem, vel non? Dicere autem te nihil restituere esse obligatum, affirmat esse incredibile: si autem obligatus es aliquid restituere, necessariò dicendum est, te esse obligatum restituere rem ipsam, & contractum dissolvere, quia alia recompensatio non est facienda, cum debitum restitui potest in propria specie.

3 Verùm ut meam sententiam pronuntiem, suppono iure naturæ te obligatum non esse rescindere contractum, sed solum reparare damnum factum. v.g. vendidisti rem ultra dimidium iusti pretij, teneris, inquam, iure naturæ reddere emptori partem illam pretij, in qua excessisti iustitiæ æquitatem, & insuper damna, si aliqua evenerunt ex dilatione huius restitutionis. Ad rem autem reddendam nunquam teneris, nisi posita sententia, & applicatione iudicis, qui valet rescindere contractum in pœnam excessus, & iniustitiæ commissæ: emptor autem ius non habet recuperandi rem, nisi adveniente sententia, & applicatione iudicis.

Secundò suppono dupliciter te posse impedire hanc irrationem, vel per actionem iniustam adversus emptorem, vel per actionem iniustam adversus iudicium: actio iniusta adversus emptorem, est, si dolo, vi, metu, & fraude emptorem detineas, ne contractus rescissionem procuret, vel iudicem impediās, ne sententiam pronuntiet. Actio verò iniusta adversus iudicium est, si interrogatus in iudicio, negas veritatem; ad idem reduci potest, si precibus, aut donis, absque aliqua vi iudicem persuades ne rescissionem faciat. His ergo positis,

4 Dico primò, si per actionem iniustam adversus emptorem impedis rescissionem contractus, teneris contractum rescindere, quia damna, quæ ex iniustitia facta alicui obveniunt, debent reparari. Item emptor, & quilibet alius habet ius à natura concessum, ne iniuriòse impediatur à consequitione legati, hæreditatis, muneris, vel alterius cuiusque beneficii: qua ratione dicunt communiter Doctores te teneri ad restitutionem, si vi, dolo, aut fraude impedis alicui legatum, quod defunctus intendebat relinquere. Nam licet ad legatum non habeat ille ius ullum in re, supposita declaratione voluntatis defuncti: habet ius ne illi hæc declaratio iniuriòse impediatur. Ita similiter in præsentī dicendum est neminem habere ius ad rescissionem contractus validi, nisi supposita sententia iudicis: quia tamen habet ius, ne iniuriòse hæc sententia sibi impediatur; ideo si illam impedis, obligatus es iniuriam reparare: & cum possis rescindendo contractum integrè reparare, ad eius rescissionem teneris. Et hæc doctrina non solum habet verum in rescissione contractus, sed etiam in quolibet pœna applicanda actori: nam licet actor non habeat ius ad pœnam, nisi supposita sententia, & applicatione iudicis; habet tamen ius, ne iniuriòse impediatur talis applicatio.

5 Dico secundò, si per actionem iniustam adversus iudicium impediās contractus rescissionem, non teneris rescindere: sic videtur sentire Nanarrus *cap. 18 n. 48.* & Vasquez *de legibus, disput. 175. cap. 2.* quatenus affirmant, nullum rem obligatum esse ad restitutionem pœnæ debitæ post condemnationem, etiam si iniquè,

& iniuste impediatur. Probo, quia tunc non committis iniustitiam aduersus emptorem, quia emptor ante sententiam non habet ius iustitiæ, ut sibi pretium reddatur, sed solum habet ius à lege illud intentandi, & procurandi. Ergo cum in iudicio negas veritatem, non committis iniustitiam aduersus emptorem, quia ipse emptor non habet ius iustitiæ, ut in iudicio veritatem manifestes; hoc enim ius oriri poterat ex eo, quod haberet ius iustitiæ ad rescindendum contractum: at hoc non habet ante sententiam, sed solum habet ius ad procurandum, quod est ius legale. Ergo nulla iniustitia aduersus emptorem committitur, ac proinde nulla est obligatio reparandi. Confirmo. Si denunciatori delinquentis applicanda est aliqua pecunia ob denunciationem factam, & tu impedias illius consecutionem; communior sententia, quam etiam approbat Suarez *lib. 5. cap. 2. num. 7.* tenet te non esse obligatum, quia ipse non habebat ius iustitiæ ad pœnam antecedenter ad iudicis applicationem: sed similiter emptor non habet ius iustitiæ ad rescissionem contractus, nisi applicatione facta. Ergo. Ad intentandam autem, & procurandam pœnæ applicationem à lege habet ius denunciator, sicuti habet emptor ad rescindendum contractum, sed hoc ius non præstat negationem veritatis in iudicio esse contra iustitiam commutativam. Ergo. Neque etiam ius, quod habet emptor ad contractus rescissionem: nam quod vnum ius concessum sit ob bonum commune reipublicæ, aliud ob speciale partis læsæ, accidentarium est, si utrumque ius est eiusdem rationis, scilicet legale.

6 Ex quo inferendum est, si consequutus fuisti beneficium validè, siue per alicuius resignationem, siue per ordinarij prouisionem; & alius, quia cognouit aliquem defectum, ratione cuius cassari electio potest, intenet cassationem; tu verò negando veritatem in iudicio, vel alia via, quæ non sit actio iniuriosa, impedias irritationem, non teneris ad ullam restitutionem, quia nullam iniustitiam aduersus procurantem irritationem committis; illa enim irritatio tanquam lex pœnalis iudicanda est: sic docet Suarez de beneficio non per resignationem acquisito, sed vacanti absolutè, & ab ordinario tibi concessio.

7 Restat loqui de irritatione ipso iure imposita. Supponimus ex sæpè dictis hanc irritationem imponi posse, vel in pœnam delicti commissi, vel in fauorem reipublicæ, aut membrorum eius. Si irritatio imposita est in pœnam delicti commissi, quacumque via delictum excusetur, excusabitur irritatio, quia cessante adæquata causa legis, debet cessare lex. Cum ergo adæquata causa sit culpa, & hæc esset, cessabit irritatio: & ita docet alios referens Suarez *lib. 5. de legibus, cap. 22. num. 3.* Difficultas autem est, an ignorantia irritationis pœnalis excuset ab illa incurrenda, si delictum, cui est annexa, commissum est. Huic difficultati satisfacimus, cum de ignorantia pœnæ constitutæ per legem loquuti sumus; ibi enim, ut probabile, defendimus non contrahi pœnam.

8 Si autem de lege irritante ob bonum commune loquamur, qualis est illa, quæ testamentis, electionibus, matrimonio contrahendo formam præscribit, ob nullam viam, neque ob ignorantiam, neque ob vigentem aliam causam, impediri irritatio potest, quia effectus irritationis à sola lege causatur, & cum illa de se efficax sit, operari talem effectum non poterit à subdito impediri. Confirmo, quia actus non potest habere valorem, nisi ex voluntate legislatoris: at legislator resistit valori, quando non seruatur forma ab eo præscripta. Ergo. Neque obstat legem humanam cum grani detrimento non obligare; quia lex non obligat ad irritationem, sed illam imponit; & ita tenet cum communis sententia Sanchez plures referens *lib. 3. de matrim.*

Ferd. de Castro Sum. Mor. Pars I.

disp. 17. num. 10. Gutierrez de *matrim. cap. 61. num. 7.* Salas *disp. 16. sect. 3.* Suarez *lib. 5. disp. 22. à num. 4.* Nauarr. *cap. 23. à num. 44.* Bonacina *disp. 1. quest. 1. punct. 7. num. 22.* Henriquez *lib. 11. cap. 5. num. 5.* Contrarium huius conclusionis videtur tenere Tiraquel. alios referens de *legib. connubialib. glossa 6. num. 34.* Alderan. Mascard. de *generalib. statut. interpretand. conclus. 9. num. 78.* & 82. Farinac. citans plures 2. *part. fragment. verb. lex. n. 222.* & 223. dicunt enim necessitate compullos non implere formam præscriptam, non vitare obinde actum, sed firmum esse, ex præsumpta, inquam, voluntate legislatoris nolentis in eo casu obligare. At hæc doctrina vera esse non potest, nisi cum irritatio sit in pœnam, vel est irritatio ferenda per iudicem, & non ipso facto.

9 Quod si lex non absolutè irritet actum, sed in fauorem alicuius priuatæ personæ; tunc certum est irritationem impediri posse ipsa persona renunciante, ex *cap. ad Apostolicam, de regularib. & cap. suis, de testib.* quia tunc lex non intendit causare irritationem, nisi in quantum alteri commodum fuerit. Qua ratione contractus pupilli sine autoritate tutoris, & religiosi sine licentia Prælati, esto irriti sint, si tamen cedant in utilitatem pupilli, & religionis, debent valere; quia in eorum specialem fauorem irrita decernuntur. & quod in fauorem alicuius introductum est, non debet in eius dispendium retorqueri, ex *regul. 61. de regulis iuris, in 6.* sic docuit Nauarr. *comment. 2. de regularib. num. 32.* Salas *disp. 16. sect. 3. fine.* Suarez *lib. 5. cap. 33. num. 7.*

PUNCTUM XIII.

An omissio levis formæ substantialis reddat irritum actum.

- 1 *Varia sunt Doctorum placita.*
- 2 *Dicendum est leuissima forma substantialis omissionem reddere actum nullum.*
- 3 *Forma ad vnguem, est specificè seruanda.*

1 **V**ARIA sunt placita Doctorum, ut videre est apud Suarez *lib. 5. cap. 32. num. 8.* Bonacin. *disp. 1. quest. 1. punct. 7. num. 21.* Molinam de *iustit. disp. 81. in fine.* & Molin. de *primog. lib. 2. cap. 6. num. 33.* Azor 1. *part. lib. 5. cap. 28. vers. animaduertendum.* Gregor. Lopez in *l. 5. tit. 6. p. 6.* Salas de *leg. cap. 21. sect. 3. vers. decima quarta.* Alij affirmant leuem formæ substantialis omissionem vitare actum, sic Suarez, & alij. Alij negant, vterque Salas, Molina, Bonacina, & alij.

2 Dicendum tamen est videri implicatum dari leuem omissionem formæ substantialis: nam si aliquid formæ substantialis omittitur, vel illud quod omittitur pertinet ad substantialem formam actus, vel non; si non, iam non est pars formæ substantialis, & de illo non est questio: si autem pertinet ad substantialem formam, implicat sine illo substantialem formam esse, & consequenter actum, quia ex illa constituitur: ac proinde non est leuis, sed grauis omissio, & probatur efficaciter ex *l. cum hi, §. si prator, ff. de transactionib.* ubi transactio censetur nulla, si non de omnibus inquisieris, quæ oratio mandat, hoc est, de causa, de modo, & de personis, quamuis de quibusdam quæsierit. Adde vix posse contrarium opinantes assignare, quæ formæ substantialis leuis omissio sit: nam in sacramentis omissio vnius litteræ, si mutat sensum, non est leuis omissio: in testamento, & in contractu matrimonij omissio vnius testis, non reputatur leuis omissio: in inquisitione, si non præcedat infamia, & sic de aliis. Quæ ergo signari potest leuis omissio; ergo non est concedenda, & sic tradit plures referens Farinac. 2. *part. fragment. ubi de lege, pag. 210. num. 208.* Tuscus verbo *forma, conclus. 415. num. 13. & 421. num. 7.*

3 Ex hac doctrina fit primò, formam ad vnguem, & vt iacet, exequi debere, neque ei aliquid addi, aut minui potest, quin corrumpat actus: sic Cardin. Tuscus *practic. conclus. verbo forma, conclus. 415*. Tiraquellus *de retractu lignagier*, §. 1. glossa 21. sub num. 11. & *de retractu conuentionali*, §. 4. glossa 6. sub num. 31. Farinacius 2 p. *fragment. vbi de lege*, num. 214. Alderan. Mascard. *de general. statut. interpret. concl. 9. num. 56*.

Fit secundò, quando lex, seu statutum aliquid pro forma exigit, illa specificè adimplenda est, & non sufficit per æquipollens, tradit Roland. *conf. 30. num. 4. lib. 3. & consil. 72. num. 54. & seqq.* Alderan. Mascard. *suprà* num. 62. Farinacius num. 209. Tuscus *verbo forma, conclus. 415*.

PUNCTVM XIV.

An lex irritans incipiat habere effectum à puncto publicationis.

- 1 *Proponitur ratio dubitandi.*
- 2 *Resolvitur ante tempus publicationis non habere effectum, nisi expressis verbis declaretur.*

1 **R**atio dubitandi est; quia huiusmodi effectus à sola lege emanat, afficitque ignorantes. Ergo optimè potest à puncto publicationis causari. Et confirmo. Lex prohibens concedit tempus subditis post eius publicationem; quia obligationem illis inducit, quam obligationem subire non possunt, sine eius notitia: ac lex quatenus est irritans, nullam subditis inducit obligationem, sed tendit ad annullandum actum, siue scienter, siue ignoranter fiat. Ergo ex eo puncto, in quo lex constituta est, poterit irritare; & ita de legibus canonicis sentiunt Nauarr. *cap. 23. n. 44. & lib. 3. consil. tit. de regularib. consil. 31. num. 5.* Menoch. *de arbit. lib. 2. cent. 2. casu 185. num. 2.* Sylvest. *verbo lex. quest. 6. dicto 3.* & alij plures relati à Suarez *lib. 5. de legibus, cap. 33. n. 5.* & à Sanchez *lib. 3. de matrim. disp. 17. n. 10.* Farinac. 1. *par. fragment. verbo constitutio, num. 672.*

2 Dicendum tamen est nullam legem civilem, aut canonicam irritare actum, antequam transeat tempus, in quo possit obligationem inducere, nisi id expressis, & manifestis verbis legislator declaret. Probo, quia ante illud tempus non censetur sufficienter applicata lex, vt in notitiam subditorum deueniat, sed irritare actum, antequam possit in subditorum notitiam deuenire, obstat rectæ gubernationi: quid enim magis contrarium rectæ gubernationi esse potest, quàm existimare subditos se validè contrahere, cum tamen inualidè contrahant: sequerentur enim ex hoc non leuia incommoda, vt de se patet. Ergo. Dixi, nisi id manifestis verbis legislator declaret: nam tunc procedit ratio dubitandi facta, in qua probatur hunc effectum irritationis non pendere à notitia subditorum, sed à lege causari, ac proinde posse ipsam legem, eo ipso, quo est constituta, illum efficere: sic Sanchez, & Suarez *suprà*.

PUNCTVM XV.

Quando pœna imposita actui, efficiat inualidum, quando non.

- 1 *Pœna imposita actui, qui non obstante prohibitione fieri validus potest, non efficit inualidum.*
- 2 *Contrahentes matrimonium clandestinum inualidum, non contrahunt pœnas iure antiquo latis.*
- 3 *Prælati excommunicati nulliter, non contrahunt pœnam suspensionis, cap. 1. de sentent. excommunicat. in 6.*
- 4 *Pœna imposita actui inualido, inualidum facit.*

5 *Debet tamen esse inualidus ex illa ratione, qua imponitur pœna.*

1 **R**espondeo consideranda esse verba legis: si enim lex puniat actum, qui valide fieri potest, non obstante prohibitione, non incurritur pœna ob actum inualidum. Et ratio est, quia non censetur tunc prohiberi illa lege actus inualidus, sed validus. Nomine actus, non venit regulariter intelligendus actus nullus, sed verus, vt probat Tiraquellus *de retractu lignagier*, §. 1. gl. 2. num. 5. & 6. & *lib. 5. hoc sermone, tota l. in. q. 1. ff. de verbor. signific. Seraphin. de privilegiis iuramenti, privileg. 71. fine.* quia idem est non esse, & esse nullum. *l. duo sunt Titij, ff. de testament. tutel. & ita tenet alios referens Suarez lib. 5. cap. 34. num. 13. Sanchez lib. 3. de matrim. disp. 2. num. 2. & 5.*

2 Ex quo infero primò contrahentes matrimonium clandestinum inualidum, non incurrit pœnas latis ab antiquo iure contra celebrantes matrimonia clandestina, quia illæ erant latis contra celebrantes matrimonia clandestina valida, non inualida, vt constat ex verbis Concilij, *cap. 24. cap. 2.* vbi reddit rationem, quare irritauerit matrimonia clandestina antiquitus valida, quia ex illis ad alias nuptias transibant, & in perpetuo concubinato vivebant. Supponebat ergo Concilium esse valida matrimonia. Ergo ob inualida matrimonia non imponuntur illæ pœnæ. sic Sanchez alios referens num. 5. Suarez num. 12.

3 Secundò inferre possumus Prælatos sola voce, & non scriptis excommunicantes contra *cap. 1. de sentent. excommunicat. in 6.* non contrahere suspensionem illo cap. impositam, si excommunicatio aliunde fuit nulla; vel si de facto non habuit effectum, eo quòd subditus appellauit, aut paruit mandato; quia tunc Prælati non commisit actum, cui est annexa suspensio; suspensio enim non cuiusque excommunicationi, sed excommunicationi latis fuit imposita: non enim est lata excommunicatio, quousque aliquis illam contrahat, etsi tentauerit; & ita tenet Sanchez *lib. 3. de matrim. disp. 2. n. 5.* cum Lapo *allegat. 73. de sentent. excommun. paulo post princ. vers. sed de secundo.*

4 Quòd si pœna imposita sit actui aliàs inualido, vel qui sit inualidus lege illa, quæ pœnam imponit, tunc ob actum inualidum contrahitur pœna: sic Sanchez, Suarez, & alij *suprà* relati. Ratio est manifesta, quia tunc solum factum, & deprauatum animum intendit lex punire, non iuris effectum, vel, vt clariùs dicam, intendit lex punire attentionem actus, non ipsum actum verum. Quapropter si aliqua via excusetur nullitas actus, pœnæ hæc euitabuntur, quia non est factum id, cui pœnæ sunt annexæ.

5 Limitat autem Suarez num. 10. hanc doctrinam, in casu, quo actus non sit aliàs inualidus, nisi ob eam causam, quæ à lege punitur. Nam si aliunde inualidus est, affirmat non contrahi pœnas impositas: hac ratione excusat emphyteutam, qui inconsulto domino vendit, vt non cadat in commissum, si venditio aliàs nulla sit. Item excusat Notarium conscientem instrumentum falsum, vt non cadat in pœnas falsario impositas, si instrumentum ex alio capite nullum sit. Idem est de rebaptizante, si de facto primus Baptismus nullus extiterit, non contrahere pœnas rebaptizanti impositas; quia tunc re vera non est rebaptizatio: etsi ipse ex conscientia erronea sic esse existimet. Idem est de nubente secundò, si ex alio capite nullum sit secundum matrimonium, vel primum fuerit nullum. Ratio omnium est, quia cum hæc leges sint pœnales, & odiosæ, strictè sunt interpretandæ. Placet hæc sententia.

PUNCTUM XVI.

Quando lex censeatur pœnam imponere ipso iure.

- 1 Non censeatur imponere, cum loquitur per verba indifferentia.
- 2 Aliqui limitant in pœna infamiae, sed repellitur limitatio.
- 3 Secundo limitant, nisi duplici constitutione idem esset statutum, sed non approbatur.
- 4 Tertiò limitant in constitutione verbis geminatis prolata.
- 5 Lex pœnam imponens sub verbis de presenti, intelligitur ipso iure.
- 6 Inducit nullitatem in omnibus subsequentibus.
- 7 Si sub verbis imperatiui directis in iudicem feratur, non censeatur pœna ipso iure imposita; secus si directâ sine in reum speciali aliqua circumstantia.

Dico primò, quoties lex per verba indifferentia pœnam imponit, non censeatur pœna ipso iure imposita esse, sed per sententiam imponenda, quia leges pœnam imponentes in mitiorem partem sunt interpretandæ: ita Cardin. Tuscus *prælic. conclus. verbo pœna, conclus. 238. num. 4.* & in verbo *privatio, conclus. 719. num. 7.* Suarez *lib. 5. de legibus, cap. 6. num. 2.* & *cap. 7. num. 5.* Salas *de legibus, disp. 15. sect. 6. num. 79.* Farinacius *fragm. crim. 2. p. verb. lex, n. 59. pag. mibi 189.*

Ex quo fit, si statutum intendat aliquid fieri sub pœna capitis, tritemis, exilij, excommunicationis, privationis honorum, &c. non incurri has pœnas, nisi adveniat sententia: sic Tuscus *suprà.* Suarez *cap. 6. num. 4.* Salas *sect. 3. num. 4.* & *sect. 6. num. 77.* Tiraquellus in *l. si unquam, C. de renocand. donat. verbo reuertatur, num. 254.* Farinacius *num. 69.*

1 Limitant aliqui supradictam conclusionem in pœna infamiae, quæ non ab homine, sed à lege imponitur. At, ut optimè expendit Suarez *lib. 5. cap. 6. num. 17.* & *seq.* & Salas *disp. 15. sect. 6. num. 77. ad finem.* & Valquez *disp. 73. cap. 1.* non semper delicto annexa est; & dato esse annexam alicui delicto, & illo commissio incurri, indiget sententia declaratoria criminis; secus verò est de propria irregularitate, quæ nunquam ab homine, sed à iure imponitur; consentit Farinacius *num. 77.* & *num. 85.*

3 Limitant secundò, nisi duplici constitutione idem esset statutum; tunc enim affirmant, ne frustratoria sit, & inutilis constitutio pœnam ipso iure imponere, etiam si per verba de futuro, aut indifferentia procedat, & verba extrahi à propria significatione, tradit plures referens Tiraquel. in *l. si unquam, C. de renocand. donat. verbo reuertatur, num. 343. 44. 45.* & videtur consentire Farinacius *num. 90. 91.* & aliquantulum Suarez *lib. 5. c. 6. num. 14.* & *15.* quatenus dicit servandam legem, & si non addat pœnam ipso iure, posse aliquem effectum habere specialem, si prima lex in desuetudinem venit. Sed tunc iam non esset secunda lex, sed prima, si prima non obligabat. At ex sola geminata constitutione efficax argumentum non desumitur, cum possit ob maiorem rei observantiam, & recommendationem pluribus constitutionibus idem mandari.

4 Limitant tertiò, nisi verbis geminatis constitutio procederet; tunc enim & annulationem actus, & pœnam ipso iure incurri, tradunt communiter scribentes: ut videre est apud Tiraquel. *num. 64.* Farinacium *n. 72.* Tuscum *prælic. conclus. 719. num. 12.* At si rationi inhærendum est, non videtur hæc geminatio sufficere, ut defendit Suarez *lib. 5. de legibus, cap. 6. num. 12.* Salas *num. 78.*

5 Dico secundò, lex pœnam imponens sub verbis de presenti, aut præteriti temporis, intelligitur ipso iure, ut si dicat: Excommunicatus, suspensus, privatus sit, non teneat, nullius sit roboris, nullius momenti; sic docet innumeros referens Farinacius *num. 73.* & *74.* consentit Tiraquellus, Tuscus, Francisc. Suarez, Salas, & alij. Fateor tamen hæc verba sæpè futurum tempus significare. Quapropter, nisi aliquid addatur, denotans præsens tempus, non debent intelligi pœnam ipso iure imponere, ut ex his, quæ *num. 7.* dicimus, colligi potest; semper enim in pœnis benigna interpretatio facienda est.

6 Ex hac conclusione infert Farinac. *num. 83.* cum Tiraquel. in *l. si unquam, C. de renocand. donat. verbo reuertatur. num. 212.* & *seqq.* Cardin. Tuscus *conclus. 719. n. 25.* & *27.* & aliis, si per statutum, aut sententiam alicui denegantur iudicia: ut si dicat, non audiat bannitus, aut excommunicatus sit, inducere nullitatem ipso iure in omnibus gestis per ipsum. Et idem est, si statutum præfigat terminum ad probationem aliquam faciendam, & transacto termino iubeat, ut non audiat, audiri non poterit, neque admitti ad probandum: & omnes probationes transacto illo termino esse nullas.

7 Excipe tamen ab hac conclusione legem, quæ fertur per verba imperatiui modi directâ in iudicem: ut si dicat lex, *Petrus si hoc fecerit, excommunicetur, privetur, deponatur, interdiciatur, spoliatur, abiciatur, repellatur;* tunc enim non contrahitur pœna ipso iure, sed est ferenda per iudicem: illa enim lege non obligatur reus, sed iudex instruitur quid debeat facere cum reo, si tale delictum commiserit; sic docet cum communi Salas *disp. 15. sect. 3. num. 41.* & *sect. 6. num. 78. conclus. 3.* Tuscus *verbo privatio, conclus. 719. num. 13.* Farinac. *2. part. fragm. crim. verbo lex, pag. 191. num. 67.* & facit, quod dicit *num. 78.* & *num. 131.* & *seqq.* At si verba sint directâ ad reum, ut amittat ius, careat iure, perdat, incidat in excommunicationem, subiaceat excommunicationi, censenda sunt pœnam ipso iure contrahere, præsertim si addatur aliqua ex illis particulis, *mox, incontinenti, statim, illico, extunc, continuo, proinus, & similia.* sic Salas *de legib. disp. 15. sect. 6. num. 78.* Et quidem de excommunicationis pœna illis verbis additis certum existimo. De privatione iuris quæsitum non probo, ut rectè probat Tiraquellus in *l. si unquam, C. de renocandis donat. verbo reuertatur, à num. 151.* Farinacius *part. 2. fragment. verbo lex, pag. 199. à num. 125.*

PUNCTUM XVII.

Quæ sint verba, quibus lex censeatur annullare actum, aut pœnam imponere.

- 1 Si verbis expressis irritatio fiat, nulla est dubitatio.
- 2 Quid de verbis, nullius sit momenti, nullius valoris, & efficacie.
- 3 Quid de illis, careant omni robore firmitatis.
- 4 Quid de illis, non potest, non possit.

DE verbis expressis id declarantibus nulla est controuersia: ut si lex dicat, talis actus irritus sit ipso iure, ipso facto, eo ipso, ex tunc; quia cum lex ipso iure possit annullare actum, nullis verbis clarioribus id significare potest. De aliis verò verbis est aliqua inter Doctores controuersia, an actus nullitatem ipso iure inducant?

2 Et primò dubitatur de illis verbis, nullius sit momenti, nullius sit efficacie, & valoris, de quibus Tiraquel. in *d. l. si unquam, C. de renocand. donat. verbo reuertatur, num. 97.* Salas *disp. 15. sect. 6. sub num. 79.* docet ipso iure nullitatem inducere. Cui modo dicendi assentior, quando nullitas præcedit actum: at si actus supponitur factus,

factus, & ob alicuius omissionem postea sequutam irritatur, non cenſeo irritationem eſſe ipſo iure. Explico. Prouiſus fuiſti in aliquo beneficio; imperatur tibi reſidere; aliàs gratia facta nullius ſit momenti, non inducitur irritatio ipſo iure, quia ſolùm intelligitur pœnam vacationis tibi eſſe comminatam, quia illa irritatio eſt propria pœna, cùm tendat ad tollendum ius quæſitum: ſic docet Oldrad. *conf.* 155. quem reſert, & ſequitur Tuſcus *verbo comminatio concl.* 477. num. 1. Farinac. 2. *p. fragment. verbo lex.* num. 100. & 102. & Tiraq. num. 238. & ſeqq.

3 Secundò dubitatur de illis verbis, careat omni robore, omni iure, firmitatem non habeat, &c. Distinguendum ſimiliter eſt, ſi hæc verba cadunt ſuper actum faciendum, de quo dicitur, vt careat omni robore, omni iure, omni firmitate, omnibus viribus: probabilius exiſtimo inducere nullitatem ipſo iure, quia eſt ſerè omnium ſententia. Ratio eſſe poteſt, quia illa verba denotant nullam firmitatem habere actum: nam ſi aliquam habet, iam non caret omni robore firmitatis, eſto pollet reſponderi actum irritabilem etiam carete omni firmitate, ſiquidem irritabilis eſt: ſic colligitur ex *cap. de cet. §. ult. de immunit. Eccleſ. in 6. & in Clement. quia contingit, §. vt autem, de religioſis domibus.* & tradit Salas *diſp.* 16. ſect. 8. ſup. num. 29. Farinac. *p. 2. fragment. crimin. verb. lex. pag. mibi* 198. num. 120. Verùm ſi illa verba non ſuper actum, ſed ſuper rem, qua quis priuari debet, cadunt, non cenſentur importare annullationem ipſo iure: vt ſi lex dicat, priuetur omni iure, omni commodo, omne ius amittat; hæc enim verba indifferentia ſunt, & reſerri poſſunt, æquè ad iudicem, & ad reum: quando autem verba reſerri poſſunt ad iudicem, & importare ſententiam, debemus hanc partem, vt benigniorem amplecti, & ita docent Doctores ſuprà relati.

4 Tertiò dubitatur de verbis, quæ reſiſtunt actus potentia: qualia ſunt, non poteſt, non poſſit, quæ inducunt nullitatem ipſo iure: tradit plures referens Tiraquell. *de legibus communalib. gloſſ.* 4. num. 1. & ſeqq. ſed, vt bene expendit Suar. *lib. 5. cap. 32. num. 11.* Salas *diſput.* 16. ſect. 8. num. 32. Couarr. *cap. quamuis pactum. p. 2. §. 4. num. 4.* non ſemper hoc verum eſſe, quia aliquando ſolùm inferunt licitum vſum non validum. *cap. litteris, de reſtitut. ſpõliat & cap. faciat homo 22. quaſt. 2.* nam quod licitè fieri non poteſt, abſolutè verum eſt, re facere non poſſe. Regulariter autem ſemper cenſenda ſunt hæc verba nullitatem inducere: nam ſi materia legis pender ab ipſo Principe, & lege, vt eſt electio, adminiſtratio bonorum communium, ſententia, tutoris officium, & ſimilia, & in his dicatur, vt aliter fieri non poſſit, omnes conueniunt tolli potentiam, ac proinde ex defectu poteſtatis reddi actum nullum, quia cùm ab ipſamet lege detur poteſtas faciendi actum, cenſetur dari ſub illa forma, qua non ſeruata corrumpit actus; ſi verò materia ſit proprii dominij, qualis eſt alienatio, donatio proprii patrimonij, & lex dicat, non poſſit aliter alienare, donare, & ſimilia, etiam regulariter cenſendum eſt tolli potentiam aliter faciendi, quia hæc poteſtas limitari, & auferri poteſt pro voluntate reipublicæ. Ex quo ſit leges prohibentes donationes inter coniuges, meliorationes filiorum, contractus minoris, omiſſis conditionibus, quæ à lege præſcribuntur, reddere actus irritos ipſo iure, & docet aliis relatis Farinac. 2. *p. fragment.*

ubi de lege, num. 181. pag. 206. Alia verba referuntur à Farinacio, Tiraquello, Tuſco, & aliis Doctõribus, in quibus parua eſt controuerſia, an inducant ſententiam ipſo iure, an ſerendam.

DISPUTATIO III.

De lege non ſcripta, quæ conſuetudo appellatur.

EXPLICAVIMVS legem ſcriptam, & eius conditionem, reſtat explicare aliam legem non ſcriptam, quæ conſuetudo appellatur.

PUNCTVM I.

Quid ſit conſuetudo, & quotuplex.

- 1 *Definitur conſuetudo.*
- 2 *Propõnitur obiectio, & ſoluitur.*
- 3 *Quomodo differat conſuetudo ab vſu, ab ſtylo, à præſcriptione.*
- 4 *Quotuplex ſit conſuetudo. Alia eſt canonica, alia civilis; alia totius Eccleſiæ, alia alienius provincie, ſeu diocæſis; alia ſecundum legem, alia præter legem, alia contra legem.*

1 **C**onſuetudo ſumi poteſt pro facto, vel pro iure. Si ſumatur pro facto, vt ſumitur in *cap. 1. de conſtitut. in 6.* & ab Iſidoro in *cap. mor. diſt. 1.* eſt idem, ac frequens vſus: vt tradit Greg. Lop. in *l. 1. tit. 2. part. 1.* ſi ſumatur pro iure, vt ſumitur in *cap. ult. de conſuetudine*, definitur ab Iſidoro communiter recepto; & relato in *cap. conſuetudo, diſt. 1.* eſſe ius quoddam moribus conſtitutum, quod pro lege ſuſcipitur, cùm deficit lex, & conſonat *lex 4. tit. 2. part. 1.* vbi Alſonſus Rex definiens conſuetudinem, dicit eſſe ius non ſcriptum, quod ex longo, & continuo vſu ortum eſt; quam definitionem recipiunt Iuriſtæ communiter in *rubric. de conſuetudine*; & in *l. de legib. ff. de legibus.* Dicitur autem eſſe ius quoddam moribus inſtitutum, quia à moribus hominum, & vſu frequenti illorum, ius illud obligans inſtituitur; & que de cauſa vocatur ius non ſcriptum, quia ſcripturam non requirit, ſed ex more, & vſu frequenti, qui in facto, & non in ſcriptura conſiſtit, ortum habet. Additur deinde conſuetudinem eſſe ius, quod pro lege ſuſcipitur: non quia verè non ſit lex, ſed quia loco legis ſcriptæ ſuſcipitur, & eandem cum illa obligationem inducit. Vltimò dicitur hoc contingere, cùm deficit lex, hoc eſt, cùm lex non adeſt, quæ obligationem inducere poſſit.

2 Sed obiicies aliquando conſuetudinem aduerſari legi, aliquando eſſe legi ſcriptæ conformem: ergo non ſemper introducitur conſuetudo in defectum legis?

Reſpondeo, quando conſuetudo conformatur integre cum lege ſcripta, tunc non conſtituit ius, ſed potius ius conſtitutum exequitur; ſi verò aliquid ſuperaddit, aut immutat, illa in parte poterit nouum ius conſtituere, quia in illa parte iam deficit lex. Quòd ſi conſuetudo opponatur legi, tunc manifeſtum eſt deficere legem in eo circa id, quod eſt conſuetudo, cùm lex de oppoſito ſit. Adde cum Bartolo, in *l. de quib. ff. de legib. 9. tit. 6.* conſuetudinem perfectam nunquam aduerſari legi ſcriptæ, quia derogat legi, ac proinde non habet legem, cui aduerſetur; non enim duo iura poſſunt eſſe ſibi contraria: ſed ſolùm aduerſari legi, dum non eſt perfecta conſuetudo, ſed inchoata.

3 Ex hac definitionis explicatione colligi poteſt, quæ ratione diſtinguatur cõſuetudo ſumpta pro iure ab vſu frequenti, ab ſtylo fori, & præſcriptione. Diſtinguitur namque hæc conſuetudo ab vſu, tanquam effectus à cauſa; ex vſu enim frequenti naſcitur hoc ius. Ab ſtylo tamen diſtinguitur, tanquam includens ab incluſo, quia ſtylus eſt conſuetudo, ſed eſt conſuetudo limitata ad iudicia

iudiciales actus, quia stylus significat modum procedendi alienius reipublicæ in suis iudiciis, & sententiis: sic tradit Bald. in l. ult. C. qua sit longa consuetudo. & Cynus in l. 1. eodem tit. Bart. in repetitione legis de quibus, ff. de legibus, num. 10. in fine, & in l. 2. C. qua sit longa consuetudo. Rochus de Curte in tract. de consuetudine, n. 33. Burgos de Paz l. 1. Tauri, num. 200. Ex quo communiter dicitur stylum curiæ Romanæ facere legem, quia ex frequenti usu, quo causæ deciduntur in Romana curia, siue decidentur aliqua sententia, siue rescripto, aut bulla, nascitur consuetudo obligans modum illum seruare. Eadem ratione consuetudo à foro distinguitur; est enim forum, ut alias acceptiones omittam, consuetudo de usu iurisdictionis, in iudiciis seruando, qui usus si legitimè fuerit introductus, vim legis sortiri potest; ac proinde latius pater consuetudo, quam forum: sic Salas disput. 19. sect. 1. num. 5. & Suarez lib. 7. cap. 5. & num. 9. Gregorius Lopez l. 7. tit. 2. part. 1. Burgos de Paz in l. 1. Tauri, n. 385. Differt autem consuetudo à præscriptione variis modis, ut videre est in Panormit. cap. fin. de constitut. num. 20. Rochus de Curtis in cap. ult. de consuetudine. Azor tom. 1. lib. 5. cap. 18. quest. ult. Molin. lib. 2. de primogen. cap. 6. n. 10. & 11. Matienzo l. 1. glossa 6. num. 3. tit. 7. lib. 5. noua collectio. Salas disput. 19. sect. 1. num. 6. Suarez lib. 7. cap. 1. & num. 10. Primò consuetudo est lex obligans communitatem ad aliquem actum efficiendum, vel omittendum: at præscriptio non attendit communitatem, sed inter particulares personas esse potest. Quando autem vna communitas aduersus aliam præscribit, habet se, ac si persona particularis esset. Secundò consuetudo sæpè inducit obligationem legalem in his, qui vtuntur consuetudine, vel à legali obligatione eximit: at præscribens non inducit obligationem legalem in eo, aduersus quem præscribit, nec se eximit ab obligatione legali, sed inducit obligationem iustitiæ, vel à iustitiæ obligatione se eximit, quia præscriptio parit dominium, consuetudo legem. Tertiò differt, quia in præscriptione requiritur semper bona fides: at in consuetudine non semper est necessaria: nam esto mala fide incepta sit consuetudo, præscribere aduersus legem potest. Quartò ad præscriptionem non requiritur nec expressus, nec tacitus consensus eius, aduersus quem præscribitur. Ad consuetudinem autem requiritur saltem consensus tacitus Principis. Ex quo sit consuetudinem aduersus nullum præscribere: nam si aduersus aliquem præscriberet, is esset Princeps, & aduersus Principem non præscribit, cum potius ex eius consensu consuetudo inducatur, & vires obtineat, ut rectè dixit Gabriel Vasquez disput. 177. cap. 5. num. 43. Adde ad præscriptionem requiri titulum, ad consuetudinem nullum esse necessarium, tacitus enim populi, vel Principis consensus sufficit pro titulo. Denique ad consuetudinem inducendam, diuersum tempus requiritur, ac requiritur ad præscriptionem, ut inferiùs dicemus. Ergo differt consuetudo à præscriptione.

4 Cum consuetudo propriissimè habeat rationem legis, ut dicemus, easdem diuisiones patitur, ac lex. Primò enim diuidi potest in consuetudinem canonicam, & ciuilem. Canonica est, quæ frequenti usu clericorum est introducta. Ciuilis, quæ laicorum usu dimanat; aliquando verò clerici, & laici in eadem re conueniunt, & communem usum habent, & tunc ciuilis consuetudo appellanda est, ut rectè dixit Suarez lib. 7. cap. 5. n. 2. quia est de communi bono politico ciuitatis, & ad rectum illius regimen temporale pertinet, nequè in hoc distinguuntur clerici à laicis, quia non inducunt illam consuetudinem, quatenus clerici sunt, sed quatenus ciues sunt, & partes communitatis.

Secundò diuidi potest consuetudo canonica, & ciuilis iuxta communitates, à quibus ortum habet: si enim sit totius Ecclesiæ, vel regni, dicetur ius commune ca-

nonicum, vel ciuile: si vnius provincie, nationale; si vnius ciuitatis, municipale.

Tertiò, & præcipuè solet diuidi consuetudo in eam, quæ est secundum legem, præter legem, & contra legem. Ut autem hæc diuisio rectè intelligatur, aduerte loqui nos posse de lege naturali, diuina, & humana. De omnibus his dubitari potest, qua ratione consuetudo esse possit aduersus illas leges, præter illas, & secundum illas? Et quidem si consuetudo est secundum legem, siue lex naturalis sit, siue diuina, & humana, non ponit, nec tollit legem; quia ipsa est obseruatio legis iam positæ, & ex intentione obseruandi legem habetur, non ex intentione introducendi nouam. Adde Principem nunquam intendere obseruatione suæ legis nouam legem inducere, sed eandem firmare, & facilem esse eius obseruationem ostendere: & in hoc sensu dixit Gratian. in cap. in istis, distinct. 4. §. leges, leges institui cum promulgantur, firmari autem, cum moribus vtentium comprobantur. Non quia per usum aliqua firmitas noua legi accrescat; sed quia remouentur ea, quæ legem tollere poterant, remouetur enim contraria consuetudo, & allicitur voluntas legislatoris ad suam legem firmandam; & hæc est consuetudo, quæ dicitur optima legum interpret, cap. sum dilectus, de consuetudine, interpretatur enim legem, & illius sensum, qui fortè dubius foret, ea non interueniente consuetudine. Quòd si de consuetudine contraria legi loquamur, distinguendum est: si enim contraria sit legi naturali, clarum est non esse consuetudinem, quæ vim legis habere possit, sed corruptelam, cum sit de actu malo, & peccaminoso, in quem nulla obligatio cadere potest. cap. si consuetudo, cap. qua contra mores, distinct. 8. Si autem sit contraria legi diuinæ, idem est affirmandum, quia semper erit peccatum, & consequenter inefficax ad inducendam obligationem. Erit, inquam, peccatum, quia lex diuina semper perseverat, neque Deus censetur consentire in eius abrogatione, ex eo quòd multo tempore contra illam homines pugnaverint: sic omnes Doctores cum D. Thom. quest. 97. art. 3. At si consuetudo contraria sit legi humanæ, optimè poterit aduersus illam præualere, & obligationem inducere, quia non obinde sequitur obligationem inducere ad aliquid malum, ut latius infra. Verum si de consuetudine, quæ sit præter legem, loquamur, nemini dubium esse potest efficaciam habere inducendi obligationem. Nam si hæc consuetudo obligationem non inducit, nulla est, quæ inducere possit.

PUNCTUM II.

De conditionibus requisitis ad consuetudinem.

Plures conditiones ad consuetudinem inducendam exigunt Doctores, cum glossa in cap. fin. de consuetudine, & in l. de quibus, ff. de legibus, & l. 2. C. qua sit longa consuetudo. Omnes tamen comprehenduntur duplici illa conditione assignata in cap. fin. de consuetudine, scilicet esse rationabilem, & legitimè præscriptam, quia nihil aliud ibi exigitur, ut consuetudo vim legis habere possit.

§. I.

Quæ vocetur rationabilis consuetudo.

- 1 Deciditur rationabilem consuetudinem esse, quæ est de re honesta, & vtili reipublica.
- 2 Proponuntur quedam obiectiones.
- 3 Illæ sit satis.
- 4 Quando censeatur bono communi consuetudo expandre.

5 *In dubio præsumenda est bono communi expedire.*

6 *An peccent introducetes consuetudinem contra legem.*

1 **V**ariant Doctores in explicatione huius termini, ut videre est apud glossam in cap. fin. de consuetudine, & Panormit. ibi, num. 5. Nauarr. comment. de spolijs §. 14. num. 7. Menoch. de arbit. lib. 2. cent. 1. casu 82. & consil. §. 2. num. 131. Rochus de Curte tract. de consuetud. sect. 2. à num. 20. Salas de legib. disput. 19. sect. 5. Suar. lib. 7. cap. 6. Valq. 1. 2. disput. 177. Sed omnis variis dicendi modis, ille mihi verior, & probabilior apparet, qui affirmat consuetudinem rationabilem esse, quæ est de re honesta, & utili reipublicæ. Ratio est manifesta: nam consuetudo pro lege suscipitur. Ergo eandem cum lege æquitatem habere debet. quare cum nulla lex ferri possit, quæ non sit de re honesta, & utili reipublicæ, efficitur manifestè consuetudinem nullam esse posse rationabilem, nisi quæ hanc æquitatem contineat: sic Sanchez lib. 7. de matrim. disput. 4. num. 14. Salas supra num. 50. & sect. 11. num. 89. Suarez num. 14. Basil. de Leon lib. 6. de matrim. cap. 5. num. 2. Bonacina disput. 1. quest. 1. punct. ult. §. 3. num. 46. & alij ab eisdem relati.

2 Sed obieciens supradictam doctrinam solum procedere posse de consuetudine, quæ sit præter legem, non autem de consuetudine, quæ legi aduersetur. nam cum lex necessariò debeat esse rationabilis, hoc est conformis rationi, & bono communi expediens. cap. erit autem lex, distinct. 4. & l. leges sanctissima. C. de legibus, consuetudo illi aduersa rationabilis esse non poterit. Quomodo enim potest esse rationabilis, si peccatum continet?

Secundò obieciens te præscribere non posse aduersus aliquam personam priuatam, nisi illius rei, quam intendis præscribere, titulum legitimum existimes habere: bona enim fides requiritur ad præscriptionem. Ergo neque communitas aduersus legem præscribere poterit, nisi bonam fidem habeat: at hoc est impossibile in consuetudine aduersa legi, cum lex à communitate cognoscatur, & consequenter cognoscitur illius transgressio, qua firmari intenditur consuetudo.

3 Respondeo ad primam obiectionem, non solum de consuetudine præter legem, sed de consuetudine contraria legi positivè intelligendam esse. Fateor enim legem, dum durat, esse rationabilem, sed hoc non obstante, potest esse consuetudo illi aduersa rationabilis, non quidem dum legi aduersatur, sed cum legem tollit; fiat enim optimè consuetudinem incipere, & procedere irrationabiliter: at si multo tempore perseveret reddi rationabilem, quia iam est rationi consonum, & reipublicæ expediens, ne culpa ultra progrediatur, néve ciues ad obseruantiam rei difficilis tanto tempore adstringantur: sic docuit Suar. lib. 7. cap. 18. n. 24. Bonac. num. 45. & 46.

Ad secundam obiectionem concedo præscriptionem nunquam posse esse cum mala fide, quia non dicebat furta, & latrocinia fouere: fouerentur autem, si mala fide rem alienam possidenti præscriptio faueret. At consuetudo induci potest cum mala fide, quia non obinde transgressiones legis fouentur, cum facile possit Princeps consuetudinem interrompere, & legem suam renouare. Adde præscriptionem priuare aliquem iure proprio, & dominio acquisito, & hoc irreparabiliter ob vitandas lites, quod non erat conueniens concedi mala fide possidenti. At consuetudo aduersa legi neminem iure suo priuat, sed solum remouet obligationem legis, quam facile potest legislator renouare, & denuo stabilire, si id expediens iudicauerit.

4 Sed inquiris, quando censeatur consuetudo bono communi expedire, ac proinde esse rationabilem?

Respondeo si consuetudo nulli legi aduersetur, sed præter legem, clarum est bono communi expedire eius

obseruationem, quia bono communi videtur expedire id, in quod communiter omnes conueniunt: quod notauit Menoch. statim referendus. At si legi aduersetur, tunc relinquendum est arbitrio prudentis, ut tradit glossa in cap. 1. de constitutionib. in 6. verbo rationabile. Panormit. Ioan. Andr. cap. ult. de consuetud. & alij plures, quos refert, & sequitur Menoch. lib. 2. cent. 1. de arbit. casu 82. in princ. Thom. Sanch. lib. 7. de matrim. disput. 4. num. 14. circa finem. Aduerto tamen minorem causam, ad tollendam legem esse necessariam, quam ad statuendam de nouo, ut rectè ponderauit Suar. lib. 7. de leg. cap. 18. num. 9. & 10.

5 In dubio autem, an consuetudo contraria legi sit rationabilis, hoc est, expediens communi bono, præsumenda est rationabilis, & communi bono expediens, quia in dubio in fauorem consuetudinis iam introductæ firmandum est: tradit Sanch. ibi. Suar. lib. 7. cap. 6. num. 15. Vtùm si consuetudo non solum sit contraria legi, sed etiam à lege prohibita, aut reprobata, tunc in dubio pro lege firmandum est, & iudicandum consuetudinem esse irrationabilem: hoc tanquam certum dicit Sanch. & Suar. supra Salas disp. 19. sect. 18. cum Roch. de Curtis tract. de consuetud. sect. 7. num. 24. & probatur optimè ex cap. 3. de eo, qui mittitur in possessio. ibi, si laudabilem esse constiterit. Et ratio est clara, quia reprobatio consuetudinis facta à lege, est certa: ergo non potest ab honestate dubia vinci. Insuper notat bene Sanch. & Salas supra, cum Caietan. 1. 2. quest. 97. art. 3. supplement. Gabr. 4. dist. 42. quest. 1. art. 3. dub. 6. Valent. 1. 2. disput. 7. quest. 5. p. 8. Ex quo patet posteros consuetudinem à suis maioribus introductam obseruantes à culpa excusari, nec inuestigare teneri de illius iustitia, sed posse illam præsumere. In quo sensu dixit Basil. de Leon in l. de quib. ff. de legibus; quod ab omnibus fit, rectè fieri præsumitur. Intelligendum tamen est, quando toto tempore necessario ad præscriptionem, consuetudo præualuit. Denique si consuetudo immemorialis fuerit, præsumenda est iusta, & rationabilis, etiam si esset contra dispositionem legis anterioris; quia ratione temporis diuturni, præsumitur in ea iustus titulus, sic docuit Alexand. cap. quo iure. dist. 8. Auendan. de exequend. mandat. cap. 6. num. 8. Salas disp. 19. sect. 18. fine.

6 Ex his venit decidenda questio, an introducetes consuetudinem aduersus legem peccent, toto eo tempore, quo consuetudo introducta non est? Et dicendum existimo peccare, quia à legis obseruatione excusari non poterant, nisi ob consuetudinem legitimè præscriptam. Ergo si consuetudo nondum præscripta est, nulla est ratio excusans. Item dum non est introducta consuetudo, lex obligat, sed facere contra legem obligantem est peccatum. Ergo, & ita tenet Suar. illo cap. 18. n. 24. Bonac. disput. 1. quest. 1. p. ult. §. 3. num. 45. Sanch. lib. 7. de matrim. disp. 4. num. 14. circa finem.

§. II.

De tempore requisito ad consuetudinem.

- 1 *Proponitur prima sententia tempus immemoriale requirens.*
- 2 *Sententia distinctione vitatur præter legem, vel contra legem civilem decennium dicit sufficere, contra legem canonicam, quadragenarium expostulat.*
- 3 *Nullum tempus determinat tertia sententia, sed arbitrio prudentis relinquit.*
- 4 *Aduersus hanc sententiam proponitur obiectio, & soluitur.*
- 5 *Placet mihi quarta sententia affirmans decennium sufficienter consuetudinem præscribere.*
- 6 *Limitant aliqui in consuetudine introducta præsentem Principem.*

- 7 Reijciur supradicta limitatio.
 8 Alij limitant, ut in lege civili procedant, non in canonica.
 9 Non admittitur hac limitatio.
 10 Apponitur tertia limitatio, ut procedat de consuetudine, quæ ex superveniente consensu Principis introduciuntur. Reijciuntur.
 11 Consuetudo non debet interrumpi, & quando censeatur interrupta.

1 **S**ecunda conditio necessaria ad consuetudinem inducendam, est temporis diuturnitas, sed quanta hæc debeat esse, non constat inter Doctores. Prima sententia affirmat requiri tempus immemorabile; sic videtur sentire Duaren. ad tit. de legibus, cap. 1. 1. & Baldinus Institut. de iure naturali, verbo diuturni. & probant, quia ad legem inducendam videtur requiri consuetudo inueterata, ut probat l. de quibus, 3. ff. de legibus. at consuetudo inueterata est illa, de cuius initio non est memoria. l. ult. C. quæ sit longa consuetudo. Item inueteratum dicitur, quod fuit 40. annis stabilitum, l. ult. C. de fund. rii priuata, lib. 1. 1. & ibi gloss. Ergo. Item consuetudo sæpè appellatur illa, quæ excedit hominum memoriam. l. hoc iure, §. ductus aqua, ff. de aqua quotidiana, & æstiva. at hoc tempus centum annos comprehendit, vel paulo minus, ut tradit Crauet. tractat. de antiq. tempor. 2. part. tit. 4. part. princ. num. 1. Curtius iunior consil. 158. n. 16. Adde ad consuetudinem, quæ legem introducat, longum tempus requiri. cap. ultim. de consuetudine; sed longum tempus comprehendit centum annos. l. ult. C. de sacrosanctis Eccles. Ergo.

2 Secunda sententia distinctione utitur, si consuetudo sit præter legem, vel contra legem civilem, decennium affirmat compleri: si contra legem canonicam, quadraginta annos expostulare. sic Panormit. cap. fin. de consuetud. num. 11. Azor tom. 1. lib. 5. cap. 4. quæst. 4. Gregorius Lopez l. §. gloss. 4. tit. 2. part. 1. Covarr. lib. 1. variarum, cap. 17. num. 8. §. quarto. Molin. tom. 1. de iustis. disp. 77. & alij plures relati à Salas disp. 19. de legibus, sect. 4. Fundamentum huius opinionis est, quia leges ad inducendam consuetudinem solum expostulant longum tempus. l. 1. C. quæ sit longa consuetudo, l. de quibus, l. sed ea quæ, ff. de legibus, l. 1. in fine, ff. de aqua pluvia arcenda, & alijs. at secundum ius civile decennium est longum tempus requisitum ad præscriptionem. toto tit. C. de præscript. longi tempor. & §. 1. Instit. de usucapionib. & l. super longi temporis, ff. de præscript. secundum verò ius Ecclesiasticum quadrigennium expostulatur, authent. quas actiones, C. de sacrosanctis Eccles. Ergo hoc tempus erit ad consuetudinem requisitum.

3 Tertia affirmat nullum tempus determinatum esse ad consuetudinem inducendam, sed arbitrio prudentis hoc pensandum esse, qui pro negotij qualitate, & pluralitate actionum limitare, vel extendere tempus debet. sic tradit doctissimus Menochius de arbitrar. lib. 2. cent. 1. casu 83. num. 6. Corraf. in l. de quibus, ff. de legibus, num. 8. & in comment. de iure civili in artem redigendo, p. 2. cap. 19. Cuiac. lib. 2. observat. cap. 1. Anton. Faber ad leg. 38. ff. de legib. Duaren. de legib. cap. 1. 1. Gabriel Vasquez 1. 2. disp. 177. cap. 5. Medin. quæst. 97. art. 3. §. sed dubitatur. Valent. disp. 7. quæst. 5. punct. 8. Sotus 1. de iustis. quæst. 7. artic. 2. Basilius de Leon lib. 6. de matrim. cap. 5. num. 9. Lessius lib. 2. de iustis. cap. 6. dub. 14.

Fundamentum huius sententiae est, quia consuetudo ut legem præexistentem abroget, aut denuò constituat, aliquod tempus requirit: quod autem hoc sit, non est determinatum iure naturæ, ut de se constat, neque etiam iure civili, aut canonico: ergo relinquendum est arbitrio prudentis. Quod autem iure civili, vel pontificio determinatum non sit, probo: quia in iure civili, aut canonico non inuenitur textus loquens de consuetudine legali, qui hoc tempus determinet. Nam si aliquis

textus est, qui hoc tempus in consuetudine determinet, non de consuetudine legali, sed de consuetudine requisita ad præscriptionem rerum mobilium, & immobilium aduersus priuatas personas, vel communitatem loquitur, ut expendenti totum titulum de consuetudine patebit.

4 Dices, cap. ult. de consuetud. quod expressè loquitur de consuetudine legali, tacitè determinat tempus requisitum ad inducendam consuetudinem; cum enim ibi dicat Pontifex non esse vilis auctoritatis consuetudinem longæuam, si sit rationalis, & legitimè præscripta, tacitè illis verbis, longæua, & legitimè præscripta tempus requisitum ad consuetudinem determinauit. siquidem solum expostulauit tempus sufficiens, ut dicatur longæua, & legitimè præscripta. Sed contrà, quia longum tempus, & diuturnum non est in iure determinatum, aliquando enim biennio comprehenditur, argum. textus in l. 56. ff. locati; aliquando quinquennio. l. 2. §. 2. ff. de re milit. iuncta l. 13. §. ult. eod. tit. aliquando 40. annos amplectitur. l. 57. §. 1. ff. de ritu nuptiarum, l. 12. C. de præscript. 30. annorum. & tradit Cuiac. lib. 18. observat. cap. 28. Ergo ex verbo longæuo quod denotat longum tempus, tempus non determinatur. Deinde neque ex verbo legitimè præscriptio id inferri potest. Tum quia non omnibus præscriptionibus idem tempus signatur legitimum; aliquando enim decennium sufficit, aliquando vigesimum requiritur, aliquando trigessimum, aliquando quadragessimum, aliquando centesimum, seu immemorabile, ut constat ex Institut. de usucapionibus, §. 1. l. cum in longi, C. de præscriptionibus, cap. sanctorum, cap. de quarta, de præscript. authent. quas actiones, C. de sacrosanctis Ecclesiis. Tum etiam, quia etsi præscriptioni tempus signatum sit, non inde inferretur consuetudini in legali signatum esse, quia consuetudo legalis non est præscriptio, præscriptio enim acquirit ius præscribenti, aduersus quem præscribit: at consuetudo legalis non semper acquirit ius, sed aliquando à iure obediendi se eximit, & tunc non præscribit aduersus aliquem; nam si aduersus aliquem præscriberet, is esset Princeps, seu legislator: contra hunc autem non præscribit, cum potius ex eius consensu tacito, vel expresso vim legis consuetudo fortietur. Ergo ex ratione præscriptionis tempus signari non potest.

5 Quarta sententia, quæ mihi probabilior apparet, quia communior, affirmat consuetudinem esse longæuam, legitimèque præscriptam, sufficientemque ad abrogandam legem, vel denuò constituendam, si decennium perseveret. tradit plures referens Franciscus Suarez lib. 7. de legibus, cap. 8. num. 7. iuncto cap. 15. num. 5. & cap. 18. num. 12. Donell. lib. 1. cap. 10. & in Oluald. in notat. lit. E. Bonacina disp. 1. quæst. 1. punct. ult. §. 3. n. 31. Mascard. de probat. conclus. 424. à num. 24. Emanuel Saa verbo consuetudo, num. 3. Ratio qua mouet est, quia iura solum requirunt ad consuetudinem inducendam longum tempus, sed decennium est longum tempus, & infra illud non reputatur. l. ult. C. de præscript. long. temp. §. 1. Instit. de usucap. Præterea requirunt, ut consuetudo sit legitimè præscripta. cap. ult. de consuetud. sed quæ per decennium durat, legitimè est præscripta: nam licet multæ aliæ sint præscriptiones longius tempus exigentes, quia tamen hoc est sufficiens, standum est huic temporis, cum agatur de re omnino fauorabili, & nemini contraria: non enim est contraria Principi, cum ex eius voluntate consuetudo vim habeat, neque etiam subditis; cum ab eorum consensu pendeat. Ergo. Et per hæc soluuntur fundamenta contraria.

6 Supradictam conclusionem aliqui limitant in consuetudine, quæ habetur in præsentem Principe, seu legislatore; secus verò illo absente: cum enim legislator absens est, existimant requiri non decennium, sed vicennium ad inducendam consuetudinem.

Probant

Probant primò longum tempus esse decennium inter præsentem: at inter absentes est vicennium, ex *supradicta l. ult. C. de præscript. longi tempor.* Ergo cum legislator absens est, requiritur vicennium ad præscribendum aduersus illum. Ergo non semper consuetudo constituit legem, vel abrogat præexistentem decennio: confirmarique potest ex *l. 5. tit. 2. part. 1. vbi Alphonsus Rex, declarans vim consuetudinis dicit, el tal pueblo como es, o la mayor parte del si usaren diez, o veinte años a hacer alguna cosa en manera de costumbre, &c. puedan la hacer, e dala ser sennda, e guar dada por tostumbre.* vbi sub disiunctione apposuit decem, aut viginti, vt tacitè insinueret absente legislatore 20. requiri, præsentem illo decem. Aliàs cur dixit decem, aut 20. potius, quàm 10. vel 15. vel 30. 7 Sed reicienda est supradicta limitatio, quam reicit Suar. illo *cap. 15. num. 6. & cap. 18. num. 11. Salas disp. 19. sect. 4. num. 31.* cum Vasq. *1. 2. disp. 177. cap. 3. num. 33.* Quia consuetudo non introducit legem, neque abrogat præexistentem ex consensu subsequente Principis, sed ex consensu eius lege iam stabiliro, quæ declarat consuetudinem longi temporis auctoritatem habere inducendi legem, ac proinde imper: inens est esse Principem absentem, vel præsentem consuetudini.

Ad confirmationem respondeo primò cum Gregor. Lop. in *d. l. & Burgos de Paz 1. l. Tauri, à n. 105.* illam particulam, aut esse disiunctiuam, & respectu eiusdem applicari, faceréque hunc sensum, si consuetudo siue absente Principe, siue præsentem inualuit decem, aut 20. annis, obseruanda est: quasi diceret, si consuetudo decem annorum est sufficiens, multo magis, si 20. annis, vel 30. durauerit: quem sensum tradidit glossa in rub. *C. quæ sit longa consuetudo, & alij relati à Burgos de Paz supra.*

Responderi secundò posset, dictionem illam 20. annos, importare consuetudinem, quæ habetur in absentia legislatoris, ac proinde iure Hispano requiri in consuetudine inducente legem decem annos, si fuerit præsens legislator; 20. verò, si fuerit absens. Cæterum legem illam iam hodie in Hispania non vigere, sentit Gabr. Vasq. *1. 2. disp. 177. cap. 3. Suar. lib. 7. de leg. cap. 15. num. 7. Basil. de Leon lib. 6. de matrim. cap. 5. num. 7. fine.*

8 Secundò limitant plures supradictam conclusionem, vt procedat in lege ciuili tantum. nam in canonica affirmant 40. annos requiri, quia aduersus Ecclesiam non datur præscriptio, nisi post 40. annos. *cap. de quarta, cap. ad aues, de præscriptionibus.* Sed consuetudo abrogans legem canonicam suo modo præscribit contra Ecclesiam. Ergo tempus necessarij requisitum ad præscribendum contra Ecclesiam, erit etiam requisitum ad præscriptionem consuetudinis Ecclesiæ: & ita tenet Suarez plures referens *lib. 7. cap. 18. num. 12. Salas disp. 19. sect. 4. num. 42. Reginald. lib. 13. num. 247. Rebelus 1. p. lib. 1. quaest. 5. num. 12. Bonacina disp. 1. quaest. 1. p. ult. §. 3. num. 32. Mascard. verbo consuetudo, conclus. 424. num. 32.*

9 Sed neque admittenda est hæc limitatio, quam non admittit Lessius *lib. 2. cap. 6. dub. 14. num. 46. Azor 1. p. lib. 5. cap. 1. quaest. 6. Eman. Saa verbo consuetudo. num. 6.* quia consuetudo abrogans legem Ecclesiasticam, non est contra Ecclesiam, sed potius pro illa, cum ex consensu ipsius Ecclesiæ tradito in *cap. ult. de consuetudine,* hæc abrogatio procedat, sed præscriptiones, quæ sunt in fauorem Ecclesiæ, & contra illam, non indigent spatio 40. annorum; sed decennio perficiuntur, vt tradit Rota in *missimis p. 2. decis. 375. num. 8. apud Farinac.* Ergo. Deinde si ob similitudinem desumptam à præscriptione propria, expostulantur in consuetudine canonica 40. anni, etiam debent expostulari centum, vel tempus, cuius initij non sit memoria. Probo, quia aduersus Ecclesiam Romanam non datur præscriptio, nisi spatio centum annorum. *auth. quas actiones, C. de sacro-*

sanct. Eccles. Ergo consuetudo, quæ legem latam à Romano Pontifice abrogat, spatium centum annorum ad præscriptionem exigit. Deinde aduersus referuata Principi non præscribitur, nisi consuetudine immemoriali: ex *cap. super quibusdam. §. præterea, de verbor. significat. & tradit multos allegans Mascard. de probation, concl. 424. num. 40.* Sed lex lata à Principe, sibi est eius dispensatio referuata. Ergo non solum spatium 30. annorum, sed immemoriale requireretur, si ex proportionem ad præscriptionem esset desumenda præscriptio in consuetudine legali. Item vna Ecclesia aduersus aliam præscribit decem annis, nisi obster ius. Ergo aduersus legem municipale, vel statutum decem annis præscribitur. Ergo consuetudo canonica abrogans legem, non expostulat 40. annos.

10 Tertiò limitant aliqui, vt procedat de consuetudine, quæ vires habet ex superueniente consensu Principis; de hac enim dicunt decennium expostulare, secus de consuetudine, quæ in ratione consuetudinis vim habet introducendi legem.

Sed neque hanc limitationem probo; dico enim consuetudinem ex consensu Principis introductam inducere legem, vel abrogare antiquam, eo ipso, quo constet Principem ad eiusmodi effectum consuetudinem approbare, quia tunc non in vi consuetudinis, sed in vi approbationis, & consensus Principis lex abrogatur, vel denuo constituitur. Ita autem abrogatio non censetur facta ex eo quod consuetudini non contradicat, cum possit, vt non rectè dixit Lessius *lib. 2. cap. 6. dub. 14. num. 46. Valen. disp. 7. quaest. 5. p. 8. Bonac. disp. 1. q. 1. p. ult. num. 33. vers. addit Lessius.* Nam potest Princeps habere aliquas causas permissionis, seu dissimulationis, vt manifestè constat ex *cap. super eo, de cognitione spirituali.* ibi, *Verum si de consuetudine habeatur, vt talia coniugia permittantur in Ecclesia tua, dissimulare poteris: ita quod nec contradicere, nec sament videaris præstare assensum, &c.* Requiritur ergo manifesta approbatio, quæ legi æquiualeat, vel æquiualeat legitimæ abrogationi legis factæ: & ita tradit Suar. *lib. 7. cap. 12. circa finem. Basil. de Leon lib. 6. de matrim. cap. 6. num. 6.*

11 Aduerto tamen consuetudinem decennalem, quæ ad constituendam legem nouam, vel antiquam abrogandam necessaria est, non debere interrumpi: sic docuit alios referens Suar. *lib. 7. de leg. cap. 8. n. 14.* Et probatur; nam si interruptitur, iam non durat decennio. Secundò à præscriptione excluditur interruptio; ergo & à consuetudine. Tertiò tempus requisitum à iure ad aliquem effectum de tempore continuo, & non interrupto intelligitur, vt notauit Lapus *allegat. 47. & Syluest. verbo religio. 3. quaest. 5. Nauarr. consil. 87. de regularib. num. 1.* Tunc autem censetur interrupta consuetudo, si à tota communitate, vel à maiori illius parte contra consuetudinem agatur, etiam si vnico actu fiat: sic docuit Panormit. *cap. ult. de consuetudine, num. 19. Reginald. lib. 10. num. 249. Bonac. disp. 1. quaest. 1. p. ult. n. 33. Salas disp. 19. sect. 11. num. 93.* Item si à Principe introducentes consuetudinem puniantur, tacitè tunc resistit eius introductioni, & consuetudinem interruptum: sic Suar. *lib. 7. de leg. cap. 8. num. 15.*

§. III.

Examinatur tertia conditio de frequentia, & qualitate actuum.

- 1 Requiritur ad consuetudinem actuum frequentia.
- 2 Quot actus sint requisiti, examinatur.
- 3 Vnum, neque duos actus non sufficere ad consuetudinem.
- 4 Limitatur, nisi legislator consuetudinem sciens, non resistat; sed non approbatur limitatio.
- 5 Explicantur Doctores, qui videntur contrarium sentire.

- 6 *Actus tametsi iudiciales sint, non sufficiunt ad consuetudinem inducendam, nisi decennio durauerint.*
- 7 *Decisiones Rota, & declarationes Cardinalium vim legis non habent, esto magna sint auctoritatis.*
- 8 *Quid de stylo curia.*
- 9 *Non est necesse consuetudinem in contradictorio iudicio approbatam esse.*
- 10 *Proponuntur quaedam obiectiones, & solvuntur.*
- 11 *Ad stabilendam consuetudinem actus voluntarij requiruntur, & consequenter non ex errore, aut ignorantia.*
- 12 *Debent procedere ex intentione introducendi consuetudinem, hoc est, introducendi obligationem.*
- 13 *Quomodo cognoscitur consuetudo induita ex obligationis intentione, vel ex intentione liberali.*
- 14 *Actus introducetes consuetudinem debent esse externi, uniformes, & pacifici.*

Tertio ad consuetudinem requiritur actuum frequentia, seu usus crebro iteratus. Probari potest tum ex definitione consuetudinis, tum ex *l. 1. C. quae sit longa consuetudo*. ibi, *Probatu his, quae in oppido frequenter in eodem controuersiarum genere seruata sunt*. Idem habetur in *§. ex non scripto*, *Insti. de iure natur. & l. 3. C. de aedificijs priuatis*.

2 Difficultas est, quor actus requirantur?

Aliqui affirmant vnum continuatum sufficere. sic Panormit. *cap. ult. de consuetud. n. 17.* & Azor *tom. 1. lib. 5. cap. 17. quest. 9.* & *cap. 18. quest. 15.* quia ratione continuationis ille actus pluribus aequiualet. Alij dicunt duos, vel tres actus efficaces esse ad abrogandam legem; maxime si fiant sciente Principe, & non contradicente, dum commodè potest contradicere, quia tunc censetur consentire. Deinde, quia quod bis, vel ter fit, dicitur fieri frequenter, *cap. ita nos, 25. quest. 2.* sic Lessius *lib. 2. cap. 6. dub. 14. num. 45.* Syluest. *verb. consuetudo, quest. 4.* Saa *eodem num. 3.* Mascard. pluribus relatis *concl. 424. à num. 16.* & indicat Sanchez alios referens *lib. 4. de matrim. disp. 1. num. 12.* Alij supradictam sententiam veram esse existimant, si actus iudiciales fuerint; secus verò si sint extraiudiciales: nam de iudicialibus dicunt constituere stylum, qui bino actu perficitur, ac proinde consuetudinem in illa materia. Adde his, quae auctoritate publica fiunt, maior vis, & efficacia danda est; quàm his, quae solùm à communi populo operantur; & ita tenet glossa in *l. de quibus, ff. de legibus, verbo innuenerat*. Bart. *ibi in repetit. quest. 4.* & loquentes de stylo docent Rebuff. *tract. de consuetud. art. 2. gloss. 13. n. 10.* & 17. Decius *in rubr. de consuetud. num. 35.* & alij plures, quos refert Osuald. *in epitome Don. lib. 1. cap. 10. lit. S.* Alij tandem hanc frequentiam relinquunt iudicis arbitrio: sic pluribus relatis Menochius *lib. 2. de arbitrar. cent. 1. casu 81. num. 4.* Duaren. *de leg. cap. 11.* Basilus de Leon *lib. 6. cap. 6. num. 1. fine.* & ex parte sentit Suarez *lib. 7. de legibus, cap. 10. num. 4.* Ratio esse potest, quia ad inducendam consuetudinem habentem vim legis ea frequentia necessaria est, quae sufficienter ostendat populi consensum, & Principis voluntatem; sed voluntas Principis, & populi consensus aliquando paucioribus, aliquando pluribus manifestatur. Ergo relinquendum est prudentis arbitrio.

3 Cæterùm dicendum est primò, vnum, neque duos actus non sufficere ad consuetudinem. Tum quia quod semel, aut bis fit, non dicitur fieri frequenter, ex *litem apud Labeonem, §. aliud est, ff. de iureiurando*. Tum etiam, quia consuetudo, quae ex ratione consuetudinis vim habet legis, debet esse longæua, & legitime præscripta, vt ex dictis constat. Vnico autem, vel duobus actibus longæua, & legitime præscripta esse non potest; quia ad hanc longitudinem, & præscriptionem requiritur decennium. Ergo si actus eo tempore non durauerint, consuetudo non erit longæua, nec legitime præscripta:

Ferd. de Castro Sum. Mor. Pars I.

& ita docet Suarez *lib. 7. cap. 10. num. 3.* Bonacina *disp. 1. quest. 1. punct. ult. num. 32.* Salas *disp. 19. sect. 8. num. 71.* Basilus de Leon *lib. 6. de matrim. cap. 6. num. 1.*

4 Limitant tamen supradicti Doctores conclusionem, nisi legislator consuetudinem sciens ei non resistat. Sed iam dixi ex non resistantia præcisè non inferri approbationem. Quòd si legislator indicetur approbare consuetudinem, in tali casu consuetudo non habet vim legis ratione sui, cum non sit propria consuetudo, sed inchoata, sed habet vim ex approbatione legislatoris: quæ approbatio sicut se sola potest legem statuere, & præexistentem abrogare; idem efficere potest annexa vnico, vel duobus actibus.

5 Quando autem Panorm. & Azor ad consuetudinem vnum actum permanentem sufficere dicunt, non de consuetudine legali, sed de præscriptione dominij loquuntur; hoc enim dominium præscribi potest, vnico actu perseverante, vnica enim collatione beneficij, cui tibi non opponitur lis, poteris aduersus quemlibet præscribere. *cap. cum de beneficio, de prob. in 6.* & possessione domus domum præscribere: in præsentia autem non loquimur de præscriptione iuris, & dominij, sed de consuetudine vim legis inducente, quæ in actuum frequentia necessariò consistit. Neque obstat *cap. ita nos, 25. g. 2. & l. 3. C. de episcop. aud.* In quibus geminatio actus vocatur consuetudo, & frequentia: non vocatur consuetudo, & frequentia, quæ ad legem inducendam sufficiat, sed quæ sufficiat ad grauiorem criminis punitionem, ad cuius effectum quælibet imperfecta consuetudo, seu assuefactio sufficit: & ita explicat Bonacina *disp. 1. g. 1. punct. ult. n. 32.* Suarez *lib. 7. cap. 10. n. 3.* cum Bart. in *l. 1. C. quae sit longa consuet.*

6 Dico secundò. Actus tametsi iudiciales sint, non sufficiunt ad consuetudinem inducendam, nisi decennio durauerint: sic alios referens docuit Suarez *cap. 11. num. 12.* quia quòd sint in iudicio, vel extra, non extendit longitudinem, & præscriptionem consuetudini requisitam: & ex alia parte illi actus iudiciales non faciunt ius; quia non procedunt ab habentibus potestatem illud constituendi, vt suppono. Ergo ex nullo cap. vim legis habere possunt. Quapropter sicut extra iudicium requiritur decennia frequentia actuum, similiter etiam in iudicio, neque alio modo inducetur stylus necessariò obseruandus. Excipe, nisi actus iudicialis sit à supremo legislatore: tunc enim eius sententia, etiamsi vnica sit, loco legis habenda est, vt diximus in principio huius tractatus; quia tunc non ratione consuetudinis, sed ratione suæ voluntatis sufficienter declarata vim legis habet.

7 Ex his constat decisiones Rotæ, & declarationes Cardinalium, & sententias Cancellariæ, & regij Senatus non esse necessariò habendas pro lege, quia non procedunt à iudicibus habentibus auctoritatem legis constituendæ: & ita tradit Suarez *lib. 7. cap. 11. circa fin.* Vaquez *1. 2. disp. 177. cap. ult. num. 75.* Sanchez *lib. 8. de dispensat. disp. 2. n. 10. circa fin.* Salas alios referens *disp. 19. sect. 19. sub n. 109.* Habent tamen hæc omnia maximam auctoritatem; quapropter ab illis recedendum non est, nisi in contrarium obster vrgentissima ratio, vt præcitati Doctores aduertunt.

8 Si autem de stylo curiæ Romanæ, Bullis, & decretis Pontificum manifestato loquamur, certum debet esse ius continere, neque indigere ad sui vigorem diuturnitate: constat ex *cap. quam graui, de crimine falsi*, & tradit alios referens Sanchez *lib. 8. de matrim. disp. 21. num. 16.* vbi optimè probat stylum curiæ Romanæ seruandum esse. Quapropter si ex stylo curiæ aliqua sunt in dispensatione necessariò manifestanda, & contra fiat, dispensatio subrepticia erit. Idem tradit Mascard. *de probat. conclus. 1317. num. 51.* Salas *disp. 19. de legibus, sect. 19.* Bonacina *disp. 1. de legibus, quest. 1. punct. 4. n. 14.*

R

9 Sed

9 Sed inquires primò, an consuetudo debeat esse in contradictorio iudicio approbata, vt vim legis habeat?

Respondeo cum communi sententia debere esse necessariò approbatam, quia consuetudo eo ipso, quo rationalis sit, & legitimè præscripta, vim legis habet, ex *l. de quibus ff. de legibus, & cap. vlt. de consuetud.* neque vllus est textus, in quo amplius exposculetur. Ergo approbatio iudicialis sine fundamento fingitur: & ita tenet Suarez *lib. 7. cap. 11. num. 2.* Salas *disput. 19. sect. 11. n. 93.* Gabriel Vasquez *disput. 177. cap. 6.* Basilus de Leon *lib. 6. de matrim. cap. 6. num. 2.* Mascard. *concl. 427. num. 3.* Bonacina *disput. 1. quæst. 1. punct. vlt. §. 3. num. 25.* Salas *disput. 19. sect. 11. sub num. 93.* & alij plures apud præcitos Doctores.

10 Sed his obstat textus in *cap. Abbate, de verb. signific.* vbi quædam consuetudo eligendi iudicatur insufficiens, quia non fuit in contradictorio iudicio probata. Verùm huiusmodi textus non loquitur de consuetudine vim legis habente, sed de præscriptione iuris eligendi, quod est longè diuersum: & concessio, quòd de consuetudine loquatur, solum probat consuetudinem ex allegatis à parte aduersa non esse sufficienter probatam, siquidem pro consuetudine non fuit data in contradictorio iudicio sententia mota lite super consuetudinem; non tamen probat huiusmodi sententiam ad firmandam consuetudinem necessariò requiri, imò nec probat sententiam necessariam esse ad probandam consuetudinem, siquidem ad illam sententiam probatio consuetudinis supponenda est. Adde totum hoc allegatum esse pro parte aduersa, neque à Pontifice approbatum. Secundo obstat *lex cum de consuetudine 34. ff. de legibus*, vbi cauetur in allegante consuetudinem primò inspiciendum esse an in contradictorio iudicio firmata sit. Sed respondeo esse quidem inspiciendum non de necessitate, sed de vtilitate, quia maximè vtile est ad probationem consuetudinis esse firmatam in contradictorio iudicio: nam ex hac probatione releuatur allegans ab onere probandi consuetudinem, quod notauit Donell. *lib. 1. comment. cap. 10.* Tertio obstat textus in *l. 5. tit. 2. part. 1.* vbi videtur requisitus non vnus tantum, sed duplex actus iudicialis pro firmanda consuetudine; inquit enim *lex, debe ser tenida, y guardada por costumbre, si en este tiempo mismo fueren dados conseruamente dos iuicios por ella de b. mes sabidores, e entendidos de iugar.* Huic legi repulsis alijs explicatoribus responderet Burgos de Paz in *l. 1. Tanri, num. 247.* Gabriel Vasquez *1. 2. disput. 177. cap. 6.* assentiendo iuri nostri regni duas illas sententias esse necessarias ad consuetudinem, esto iure communi, & ciuili nulla fuerit necessaria: quam explicationem, vt absurdam, & repugnantem, refellit Suarez *lib. 7. cap. 11. num. 7.* Basilus de Leon *lib. 6. cap. 6. num. 4.* Ea, inquam, ratione, quia si duæ illæ sententiæ necessariæ sunt ad stabiliendam consuetudinem, prima sententia non posset ferri pro consuetudine, sen secundum consuetudinem, quia nondum est consuetudo, cum prima sententia profertur; sed fateor hanc rationem conuincere dari non posse sententiam decisiuam alicuius litis in vi consuetudinis, si consuetudo contraria sit legi; quia tunc æquitas non patitur dari sententiam contrariam legi in vi consuetudinis non constitutæ. At hinc non infertur non posse ad consuetudinem stabiliendam, sententiam declaratoriam consuetudinis, requiri; cum enim consuetudo ex voluntate legislatoris vires habeat, poterit legislator supremus statuere non valere consuetudinem, quantumuis longæuam, nisi in iudicio contradictorio declarata fuerit: & ita sentit Burgos de Paz *num. 247.* factum esse in iure Hispano. Sed addit ad consuetudinem triginta, vel quadraginta annorum, vel immemorabilem, hos actus iudiciales non requiri, sed solum in consuetudine decennia, vel vi-

cennia, quod ipse optimè probat à *num. 25 1.* Suarez verò *lib. 7. cap. 11. num. 7.* reiecta interpretatione supradicta, subiicit aliam: affirmat namque supradictam legem duplicem partem habere; in prima statui quid necessarium sit ad consuetudinem stabiliendam, & hoc sit cum dicitur debere decennio, aut vicennio durare. In secunda tradi, quid requiratur, vt irreuocabilis sit consuetudo, & affirmatur ex virtute, & ordinatione talis legis fieri irreuocabilem, & firmam omnino consuetudinem, si pro illa duo actus iudiciales lati fuerint. Verùm hæc interpretatio mihi non probatur; quia eo ipso, quòd consuetudo introducta est, irreuocabilis est ex se, sicut & quælibet alia lex: at sicut quælibet alia lex quantumuis firma, reuocari potest, alia lege superueniente, vel consuetudine contraria, ita & consuetudo etiam si actibus iudicialibus firmata fuerit, reuocari hoc modo poterit. Quapropter dicendum existimo actus illos iudiciales non exigi ibi ex necessitate, sed ex vtilitate, neque pro conditione, sed pro abundantia; ita vt faciat hunc sensum, consuetudo, quæ decennio, vel vicennio durauit, seruanda est, maxime si illo tempore bis pro illa iudicatum fuerit. sic Basilus de Leon *lib. 6. de matrim. cap. 6. num. 4.* Item poteris dicere legem illam loqui pro foro externo, & iudiciali: ita vt sensus sit, postquam in Senatu regio iudicatum fuerit, consuetudinem habere vim, non posse iam in iudicio controuerti, sed pro consuetudine esse iudicandum: facitque *lex cum de consuetudine, ff. de legibus*, vbi dicitur in consuetudine primò explorandum esse, an fuerit in iudicio firmata, & ita explicat Salas *disput. 19. sect. 6. num. 67. circa finem.* Neque puto ab hac interpretatione dissentire Suarez, sed hoc ipsum, etsi obscure voluit intendere esse consuetudinem irreuocabilem.

11 Inquires secundò, quales actus ad stabiliendam consuetudinem requirantur?

Respondeo primò, requiri actus esse voluntarios his, qui consuetudinem introducere debent; quia ex eorum consensu libero debet introduci, aliàs vim legis habere non poterit, & ita docet cum communi sententia Suarez *lib. 7. tit. 10. cap. 12. & cap. 18. num. 8.* Salas *disput. 19. sect. 11. num. 9.* Bonacina *disput. 1. quæst. 1. punct. vlt. §. 3. num. 12.* & alij ab eisdem relati. Quapropter si per vim, aut metum grauem, obligetur populus actionem aliquam præstare, & in ea longo tempore persistere, numquam censendus est præstare consensum sufficientem consuetudini introducendæ, quia præsumi non potest velle stabilire ius actibus ita sibi repugnantibus. sic alios referens Suarez *illo cap. 12. fine, & cap. 18. num. 8.* Si autem illi actus ex ignorantia, aut errore circa substantiam consuetudinis procedant, mihi etiam est manifestum, non posse illis consuetudinem introduci, quæ firmas vires habeat. sic Suarez, & alij *suprà*; quia nihil magis voluntati contrarium, quàm ignorantia, & error. Quapropter, etsi durante errore, aut ignorantia intelligatur consuetudo vires habere; at illis sublatis omnino corrui. Et explicio in hunc modum: si ignorat populus legem latam, & ex illa ignorantia violat, nullo modo potest aduersus legem præscribere, quia non habet talem intentionem: si autem credit legem esse, cum tamen non sit, & obseruat, non potest legem statuere, quia non habet animum statuendi legem, sed seruandi eam, quam seorsò existimat, quòd si legem illam existimatam violat, tunc illa violatio non est derogatiua legis, cum nulla sit lex, cui derogetur. Ergo numquam ignorantia, & error vim legis habere potest. Neque obstat *lex quod non ratione 39. ff. de legibus*, vbi dicitur, quod non ratione introductum est, sed errore primum, deinde consuetudine obtentum, in alijs similibus non obtinet, quæ hunc sensum videtur habere: ea, inquam, quæ non ratione, id est,

cogni

cognitione, sed errore à principio introducta sunt, consuetudine ipsa vim obtinere in eadem materia, non in aliis similibus. Ergo iam ex errore introduci potest consuetudo. Adde lege non limitari prescriptionem ad consuetudinem ortam ex scientia; ergo etiam si ex errore procedatur, habebit effectum, & ita sentit, vt probabilius, Salas *disput. 19. sect. 6. num. 61.* Non, inquam, obstat, quia supradicta lex (vt communis docet sententia) non loquitur de consuetudine legali, sed prescriptiva, & non de quacunque prescriptione, sed de ea, cui ius naturale resistit, eo quod per errorem introducatur; secus verò, vbi non est fundamentum prescriptionis error. Et hæc explicatio probatur optimè communi exemplo, quo glossa in *supradicta leg.* & Panorm. in *cap. fin. de consuetud.* vtuntur. Videlicet, si consuetudo sit aurigam obligatum non esse de periculo vini, quod in plaustris deferret, si dominus vini plaustrum comitetur, eo quod existimet nullum ius habere, nulla est consuetudo, quia fundamentum illius est error, quo cessante euanescebat consuetudo; secus verò, si ex alio errore introducta foret. Et hac ratione dicit Suarez *num. 5.* aduersus Rochum, si populus consuevit non extrahere frumentum à ciuitate, quia credebatur id sibi esse prohibitum, non ideo consuetudinem obligantem inducere, quia non abstinuit ab illa actione, animo inducendi consuetudinem, sed animo obseruandi legem, quam sibi esse positam existimabat. Quod si supradicta lex de consuetudine legali loquatur, tunc sensus illius est, quod non ratione, sed errore introductum est, & consuetudine obtentum, manifestato errore, neque iure, neque in similibus obtinere, quia per huiusmodi consuetudinem nullum ius acquisitum est ad similes actus exercendos. Ad illud quod addatur, leges non limitare prescriptionem ad consuetudinem ortam ex scientia, negamus, si loquatur de consuetudine legali ob rationem dictam, quia esto leges non limitent clare, & verbis expressis, tacite id significant, cum expostulant consuetudinem debere esse rationabilem, & legitimè prescriptam, quod per actus inuoluntarios nunquam fieri potest.

12 Dico secundò. Non solum actus, quibus introducitur consuetudo, debent esse voluntarij, sed etiam debent esse ex intentione introducendi consuetudinem; nam absque hac intentione auctoritatem, & efficaciam habere consuetudo non potest. Consuetudo enim pro lege suscipitur: ac proinde, sicut ad rationem legis requiritur in legislatore intentio ferendi illam; sic ad consuetudinem requiritur in his, qui illam introducere possunt, intentio introducendi illam. Hæc tamen intentio duplex esse potest in populo; potest enim populus intendere consuetudinem, vt deuotioni, & pietati, gratitudini, aut vrbانيتati faciat satis, absque animo se obligandi; & potest intendere consuetudinem, animo se ad illius obseruationem obligandi. Vel si consuetudo est contraria alicui legi, potest intendi illa consuetudine legem abrogari, vel solum voluntati deprauatæ satisfacere. Consuetudo ergo, quæ legem abrogare debet, vel nouam statuere, necessariò procedere debet ex speciali intentione abrogandi legem, & ex speciali intentione statuendi nouam; quæ alia via statui non potest, nisi procedat ex intentione se obligandi ad illius obseruationem, quia iuxta intentionem populi talis est consuetudo, & in his ferè omnes Doctores conueniunt, vt videre est in Suarez *lib. 7. cap. 14. num. 6. & cap. 15. num. 10.* Salas *disput. 19. sect. 11. num. 92.* Saa *consuetudo, num. 3.* Rochus de Curte *tract. de consuetud. sect. 4. num. 36.* Bonacina *disput. 1. quest. 1. punct. ult. §. 3. num. 19.* Vasquez *1. 2. disput. 177. cap. 2. ad finem.* Azor *tom. 1. lib. 5. cap. 18. quest. 5.* & alij plures ab eisdem relati. Ex quo fit ad iudicium ferendum de consuetudine necessariò attendendum esse, quæ intentione fuerit incepta, &

Ferd. de Castro Sum. Mor. Pars I.

continuata. Requiritur enim, vt tempore requisito ad prescriptionem continuata fuerit consuetudo animo inducendi obligationem, etiam si à principio ex deuotione fuerit incepta. At si solum ex deuotione incepta, & continuata est, nullam obligationem inducit, vt non inducit consuetudo salutandi Virginem, ad hignum campanæ noctis, ieiunandi in eorum vigiliis, sumendi aquam benedictam in ingressu Ecclesiæ, panem benedictum diebus Dominicis, & Cinerem benedictum primo die Quadragesimæ, & ramum in Dominica palmarum, recitationem maturini ante Missam, & alia exempla his similia congerit Bellarm. *lib. 4. de Roman. Pontif. cap. 18.* Suarez *lib. 7. cap. 14. num. 6.* Salas *disput. 19. sect. 11. sub num. 92.* Azor *tom. 1. lib. 5. cap. 18. quest. 5.* Idem est, si ex vrbانيتate, aut liberalitate, alicui obsequium, vel beneficium præstaret populus etiam multo tempore, non inde ex necessitate obligatus manet continuare, quia cum solum ex vrbانيتate, & liberalitate introducta sit consuetudo, non potest aliam in continuatione obligationem inducere: sic Menochius *de arbitrar. lib. 2. centur. 5. casu 494. num. 4.* & probat ex *l. credentes, C. de pignori. l. ciuile, C. de furt. & cap. potuit, de locat.* consentit Syluest. *consuetudo, num. 4.* Bonacina *supra num. 19. & 20.* Molin. *tom. 1. tract. 2. disp. 77.* Salas *disput. 19. sect. 11. num. 92. & alij.*

13 Difficultas autem est, quomodo cognoscetur quod consuetudo inducta sit ex intentione inducendi obligationem; vel solum ex deuotione, & liberalitate.

Respondeo breuiter, si de consuetudine legali loquamur, reliquendum hoc esse prudentis arbitrio, qui pensatis circumstantiis sententiam de consuetudine proferet. Nam cum actus, quibus consuetudo inducta est, indifferentes sint, vt ex deuotione, vel ex obligatione fiant, aliunde quàm ex illis colligenda est intentio. Quapropter Suarez *lib. 7. de legibus, cap. 15. num. 13. sine*, quatuor coniecturas assignat, ex quibus deduci potest consuetudinem obligare. Prima, si consuetudo sit rei grauis, difficilis, & communiter seruata à populo; quia non solet populus vniformiter conuenire in his actibus, nisi quando se obligatum sentit. Secunda, si viri timorati malè sentiant de his, qui non seruant consuetudinem, vel communiter populus scandalizatur. Tertia, si Prælati, & superiores puniant violantes consuetudinem. Quarta, si materia consuetudinis, & illius obligatio multum conferat reipublicæ. Quælibet enim ex his coniecturis non leue indicium est obligationis. In casu autem dubio semper præsumendum est consuetudinem ex deuotione, & non ex obligatione inductam esse. tum quia ea, quæ sunt facti, & non iuris, non præsumuntur, & lex non præsumitur, nisi probetur: tum etiam, quia nemo præsumitur sibi velle onus, & obligationem imponere, nisi id manifestè constet: & ita tenet Suarez *lib. 7. cap. 15. num. 13.* Bonacina *disput. 1. quest. 1. punct. ult. §. 3. num. 21.*

14 Dico tertio. Actus, quibus inducitur consuetudo, debent esse externi, quia de consuetudine externa loquimur. Insuper debent esse manifesti maiori parti communitatis introducendis consuetudinem, quia ab illa maiori parte communitatis debent procedere. Item consuetudo pro lege suscipitur, & cum non indigeat alia promulgatione à se ipsa, efficitur re ipsa esse manifestam. sic Vasquez *tom. 2. disp. 177. cap. 7. num. 56.* Bonacina *disput. 1. quest. 1. punct. ult. §. 3. num. 26.* Suarez *lib. 7. cap. 10. num. 5.* Item addi potest debere esse actus vniformes, pacificos, & non controuersos. sic Rota *decis. 65. n. 13. & 16. in nouissimis*, apud Farinac. Sed hoc de prescriptione intelligitur, non de consuetudine legali. Nam etiam si minor pars populi consuetudini resistat, maior pars præualere debet.

R 2

§. IV.

§. IV.

Expenditur quarta conditio de consensu
legislatoris ad consuetudinem
requisito.

- 1 Consensum legislatoris esse requisitum, constat.
- 2 Aliqui affirmant requiri consensum alium, præter eum, qui in cap. ult. de consuetud. exprimitur.
- 3 Sufficit consensus contentus in supradicto textu.
- 4 Satis sit fundamento num. 2. adducto.

1 **R**equiri consensum legislatoris ad inducendam consuetudinem, quæ vim legis habeat, vel antiquam derogat, est constans sententia desumpta ex l. de quibus, l. sed & cass. de legib. Et ratione probatur manifestè, quia nullus potest statuere legem, & statutam abrogare, nisi qui potestatem habeat leges ferendi. Ergo absque huius consensu, non poterit induci consuetudo, quæ vim legis habeat.

2 Difficultas autem est, an huiusmodi consensus legislatoris sit satis expressus in cap. fin. de consuetud. in quo dicitur consuetudinem rationabilem, & legitime præscriptam legi derogare posse. An insuper requiratur consensus alius expressus, seu personalis legislatoris, quo approbet consuetudinem introductam?

Non desunt Doctores, qui hunc novum consensum expostulent: sic Basilii de Leon lib. 6. de matrim. cap. 6. num. 7. Vasquez 1. 2. disp. 177. cap. 2. & 3. Mouetur Basil. quia non omnis consuetudo approbatur à Principe, sed multæ consuetudines permittuntur tantum, aliæ approbantur. Ergo non potest ob vniuersalem illam doctrinam cap. fin. de consuetud. præsumi in quavis consuetudine approbatio. Item consuetudo specialis, specialis est lex. Ergo specialem consensum legislatoris prærequirit, qui esse non potest sine speciali scientia, & approbatione consuetudinis.

3 Cæterum tenenda est communis, & receptissima sententia, nullum alium consensum, præter traditum in cap. ult. de consuetud. & l. de quibus, ff. de legib. requiri. sic Panormit. cap. ult. de consuetud. num. 13. Rochus de Curte tract. de consuet. sect. 4. n. 14. Thomas Sanchez lib. 7. de matrim. disp. 4. n. 11. & 14. & disp. 82. n. 20. Suarez lib. 7. de leg. cap. 13. à n. 6. Salas disp. 19. sect. 3. n. 20. & 37. & sect. 4. n. 39. & 40. & sect. 5. n. 58. & sect. 6. n. 62. Bonacina disp. 1. q. 1. punct. ult. §. 3. n. 34. Azor tom. 1. lib. 5. cap. 18. q. 1. & alij innumeri ab eisdem relati.

Fundamentum est, quia Princeps supremus, scilicet, Rex, aut Pontifex, optimè poterat lege sua stabilire, ut quoties populus in aliqua consuetudine rationabili decennio durauerit, ea consuetudo pro lege suscipiatur: facta autem hac lege nemini dubium esse potest consuetudinem rationabilem decennio durantem vim legis habere ex approbatione legali supremi Principis: neque alia est approbatio expostulanda. Sed hoc ipsum factum iam est iure canonico, & civili. Ergo. Iure autem canonico constat hoc factum esse in cap. ult. de consuetud. ubi stabilitur consuetudinem rationabilem, & legitime præscriptam iuri positiuo derogare: quod autem sit rationalis, non pender ex scientia, & voluntate legislatoris, sed ex natura ipsius rei, cuius est consuetudo: esse autem legitime præscriptam, habetur ex cursu temporis. Ergo cum nulla alia conditio ad stabilendam consuetudinem requiratur iure canonico, gratis, & sine fundamento expostulatur scientia Principis, & eius nouus consensus. Item iure civili constat eadem doctrina ex l. de quibus, ff. de legibus, ubi dicitur, *relictissime receptum est, ut leges non solum suffragio legislatoris, sed etiam tacito consensu omnium per desuetudinem abrogentur*, id est, non solum suffragio legislatoris expref-

so, & personali, quæ consuetudini introductæ superueniat; sed consensu populi ex facultate accepta à legiflatore, & l. ult. C. quæ sit longa consuetudo, dicitur, *probatam, & seruata tenaciter consuetudinem, perpetua legis vicem habere statumur*. Idem habetur in l. 1. C. eodem tit. quibus legibus non obstat l. 2. C. quæ sit longa consuetudo, relata in cap. consuetudinis, distinct. 11. ubi dicitur, *consuetudinis, vsusque longæ non vilius auctoritas est, sed non vsque adeo sui valitura momento, ut aut rationem vincat, aut legem*. Non enim consuetudo sua auctoritate vincit legem, sed ex auctoritate legislatoris, & illius consensu, non quidem exercitus postquam iam est consuetudo introducta, sed antecederet ad ipsam consuetudinem manifestatus.

4 Neque obstat fundamentum Basil. de Leon. Concedimus non omnem consuetudinem approbari à Principe, sed solum rationabilem, & legitime præscriptam: & hæc est, quæ in supradicto cap. fin. de consuetud. approbatur, & non alia. Cum verò dicitur consuetudinem specialem, specialem esse legem. Ergo specialem consensum legislatoris expostulare: distinguendum est de speciali consensu, & dicendum requiri specialem consensum proprium, & manifestum; non tamen ita singularem, ut solum vnam consuetudinem comprehendat, potest enim vnus, & specialis consensus pluribus consuetudinibus deferri.

PUNCTVM III.

Qui possint consuetudinem introducere.

- 1 Ab vna persona consuetudo introduci non potest.
- 2 Imperfecta communitas introducere consuetudinem non potest.
- 3 Communitas perfectæ optimè potest.
- 4 Regnum, & provincia superiorem recognoscens, neque habens auctoritatem leges condendi, potest introducere consuetudinem.
- 5 Est introducenda consuetudo à maiori parte communitatis, quæ consuetudinem introducere potest.
- 6 Aliqua inferuntur pro horum clariori intelligentia.

1 **I**N primis certum est ab vna tantum persona, etiam si potestatem legislatiuam habeat, qualis est Princeps, non posse consuetudinem suis actibus introduci, quæ vim legis habeat: tum quia ad consuetudinem consensus plurium, & conuenientia in actibus expostulatur: tum & præcipue, quia Princeps non censetur præceptum, aut legem imponere subditis, ex eo, quod hoc, vel illo modo operetur: sic docuit Suarez lib. 7. de legibus, cap. 3. num. 8. cum Rocho de Curte tract. de consuetud. in præf. num. 16. & 12. & tenent omnes. Ex quo à fortiori fit, nullam aliam priuatam personam id efficere posse. Neque obstat aliquando priuatam personam consuetudine à se introducta se eximere ab obligatione legis; sicuti Episcopus obligatus erat in correctione subditorum procedere ex consilio Capituli. cap. 1. de prescriptionibus, in 6. & tamen consuetudine à se introducta se eximere potest ab hac obligatione, cap. non est, de consuetud. in 6. Non, inquam, obstat, quia hæc exemptio non est exemptio directa à communi lege, sed indirecta, quatenus tollit materiam illius legis præscriptione aduersus Capitulum: consuetudo autem præscriptiva iuris dari potest à priuata persona; secus verò consuetudo legalis, quia sicut priuata persona capax non est legis, ideo sua consuetudine introducere legem non potest. Adde esse nimis irrationabile, & contra bonum commune, si subditus transgrediendo legem, aut præceptum posset se ab obligatione illius eximere, daretur enim iura leges violandi.

2 Secun

Secundò est certum, imperfectam communitatem, qualis est familia quædam, non posse consuetudinem legalem introducere, quia non est capax ferendi legem: consuetudo autem legalis, lex quædam est. sic supradicti Doctores, & colligitur manifestè ex *l. de quibus, l. sed ea ff. de legibus.*

3 Tertiò certum est communitatem perfectam, qualis est respublica, provincia, regnum superiorem non recognoscens, posse consuetudinem legalem statuere, quia potest legem ferre; ergo potest consuetudinem, quæ pro lege suscipitur, introducere.

4 Difficultas nonnulla est de populo superiorem recognoscente, neque habente authoritatem condendi legem, qualis est generaliter Hispaniæ regnum: an, inquam, hoc regnum, & quælibet provincia illius, possit consuetudinem introducere, quæ vim legis habeat? Et eadem difficultas est de quolibet Episcopatu, an possit consuetudinem legalem introducere? cum ipse non habeat potestatem condendi legem; sed hæc potestas tota resideat penes superiorem, Pontificem, scilicet, aut Episcopum?

Dicendum ergo est habere quidem potestatem introducendi consuetudinem derogatiam legis antiquæ, aut nouæ constitutiuiam, quia ad hanc potestatem sufficit de se posse legem introducere, etsi ex accidenti id non possit. Adde solum requiri ad hanc consuetudinem introducendam esse communitatem, cui lex possit imponi, esto non sit capax ferendi illam; quia consuetudo talis communitatis non introducit legem, ut suam, sed ex consensu Principis, qui consuetudini communitatis capacis legis recipiendæ applicatus est, & ita docet Salas *disp. 19. de legibus, sect. 6. num. 59. & sect. 11. num. 90.* Bonacina *disp. 1. quest. 1. punct. ult. §. 3. num. 13. & 28.* Suarez *lib. 7. cap. 9. a num. 7.* probatque late Burgos de Paz *l. 3. Tauri, conclus. 4. num. 601. pag. 246.*

5 Aduerter tamen, consuetudinem introducendam esse à maiori parte communitatis, qui illam introducere potest; quia tunc tota illa communitas censetur consentire, consentiente maiore illius parte: & ita tradit Salas *disp. 19. sect. 6. num. 60.* ex glossa *l. consuetudinis, C. qua sit longa consuetudo.* Suarez dicens esse communem omnium *lib. 7. cap. 9. num. 12.* Non tamen requiritur, ut duæ partes communitatis consentiant; hoc enim ad aliquas electiones est specialiter requisitum, non ad consuetudinem, ex *l. quod maior, ff. ad municipalem, & cap. 2. de his qua sunt à maiori parte capituli.* Hæc maior pars debet esse ex personis habilibus, & capacibus legis; unde amentes, & infantes, & omnes illi, qui legibus non tenentur, non possunt sua consuetudine legem abrogare, aut nouam constituere.

6 Ex hac doctrina fit primò laicos non posse sua consuetudine eximere clericos ab obligatione clericis imposita, neque e contra: & generaliter consuetudine vnius communitatis non potest alia deobligari; quia actus vnius communitatis ad aliam non pertinet: sic Suarez *num. 11. & cap. 16. num. 9.* Salas *num. 91. & sect. 15. num. 105.* Bonacina *disp. 1. quest. 1. punct. ult. num. 16.* Verùm si laici consuetudinem aliquam introducerent, non quatenus laici sunt, sed quatenus ciues sunt, & circa materiam clericorum propriè, ut contingit in ieiuniis, & festiuitatibus seruandis; tunc eorum consuetudo clericos etiam adstringit, quia illa consuetudo est consuetudo ciuitatis; ergo adstringit omnes ciues illius: Ergo clericos, quatenus ciues illius sunt; & ita docet Suarez *lib. 7. cap. 16. num. 12.* contra Paludan. & alios relatos à Suarez *ibi*, quibus fauet Salas *disp. 19. sect. 15. num. 105. circa finem.*

Fit secundò, moniales posse consuetudine à legibus sibi impositis eximere, quia sunt capaces legis recipiendæ: sic docuit Suarez *suprà num. 11.* Salas *sect. 11. num. 91.* Bonacina *num. 15.*

Ferd. de Castro Sum. Mor. Pars I.

Fit tertiò, communitates mercatorum consuetudine posse à lege sibi imposita se eximere, & nouam constituere, quia est communitas capax obligari lege. Ergo etiam se à lege eximendi per consuetudinem, quia non se eximit vi sua, sed ex consensu legislatoris; & ita tenet Bonacina *n. 30.* Salas, & Suarez *suprà.*

PUNCTUM IV.

Quos effectus consuetudo habeat.

Multipliciter consuetudo humanas actiones afficere potest. Primò obligationem imponendo. Secundò abrogando obligationem legis antea positæ. Tertiò interpretando illam. Quartò irritando actum contra factum.

§. I.

Expenditur primus effectus consuetudinis, qui est obligatio.

- 1 *Examinatur, possint introduci consuetudo obligans tantum ad pœnam determinatam? Resoluitur posse.*
- 2 *Consuetudo vnius ciuitatis aliam non obligat.*
- 3 *Quando in vna ciuitate non est lex, nec consuetudo, recurrere debet iudex ad vicinas ciuitates, non ex obligatione, sed ex equitate.*

1 **D**E priori effectu consuetudinis, qui est obligatio, satis superque dictum est; cum enim consuetudo pro lege suscipiatur, & de ratione legis sit obligationem inducere, infertur manifestè consuetudinem hanc vim obligandi habere. Quocirca sicut lex pro materiæ gravitate obligat ad culpam; sic consuetudo, quæ est vera lex, ad eam obligabit.

Difficultas ergo prima est, an consuetudo introduci possit, quæ solum ad pœnam obliget, & ad pœnam determinatam?

Et quidem mihi videtur certum id fieri posse; quæ enim est repugnantia, ut consuetudo introducatur puniendi transgressores alicuius legis, hac vel illa pœna determinata? cum enim id lege fieri possit, cur non poterit fieri consuetudine, quæ pro lege suscipitur? Item introduci potest consuetudo, ut tali pœna mulctetur transgressor alicuius constitutionis, etiam si constitutio ad culpam moralem non obliget. Ergo iam potest consuetudo ad pœnam tantum obligare: & ita tenet Suarez *lib. 7. de legibus, cap. 16. num. 2. & 3.* cum Roch. de Cuit *tract. de consuet. sect. 4. n. 20.*

2 Secunda difficultas est, an consuetudo vnius ciuitatis aliam obliget?

Respondeo obligare non posse, quia consuetudo, & præscriptio tantum habet de potestate, quantum de usu, & actu, ut ex Baldo, & aliis probat Menochius *de retinenda possess. rem. 5. num. 92.* & Rota in nonisimis *decis. 288. num. 4. tom. 1.* ad Farinac. Quocirca non extenditur de loco ad locum, nec de persona ad personam, nec de casu ad casum. sic Salas *disp. 19. sect. 14.* Suarez *lib. 7. cap. 16. num. 6.* & alij plures ab eisdem relati. Ratio est, quia Princeps solum censetur velle consuetudine obligare communitatem, quæ illam introduxit, non aliam; communitas item illam introducit ex intentione se obligandi tantum. Ergo nunquam ex consuetudine vnius communitatis alia obligatur.

3 Nihilominus tamen, si in aliqua ciuitate non fuerit statutum, aut lex, aut consuetudo, quibus causa decidatur, recurrere debet iudex ad consuetudinem vicinarum ciuitatum, si rationabilis est, iuxta *cap. cum eo, de censibus, & cap. cum olim, de consuetud.* & tradit Panormit. *ibi num. 1.* Et idem est in eadem ciuitate circa diuersum

R 3 casum,

casum, si subest eadem ratio, & æquitas. Conceditur enim tunc extensio, & vsus præscriptionis, ut relatis aliis docet Menochius *suprà num. 65.* Verum, ut rectè aduertit Salas *disput. 19. sect. 14. num. 102.* hoc intelligendum est non de obligatione, sed de conuenientia, & æquitate; quia consuetudo vnius ciuitatis ad aliam authenticè non extenditur, neq; de vno casu ad alium, ut dictum est. Neque obstat textus in *cap. super eo, de cognat. spirituali*, vbi videtur præcipi Episcopo consuetudinem suæ metropolitanæ Ecclesiæ, vel aliarum circumpositarum inquirere, & diligentius imitari: tum, quia hoc non videtur iniungi ex præcisa obligatione, sed ex æquitate: tum & præcipue, quia illa inquisitio, & inuestigatio consuetudinis metropolitanæ Ecclesiæ, vel vicinarum ciuitatum fit ad inuestigandam consuetudinem propriæ Ecclesiæ, quæ ignorabatur; quare consuetudo vicinarum ciuitatum, vel metropolitanæ Ecclesiæ non obligat suffraganeum, quia est metropolitanæ Ecclesiæ, vel ciuitatum vicinarum; sed quia præsumitur eandem esse consuetudinem in propria Ecclesia, licet ignoretur. Ut autem plenè cognoscatur, (ait Pontifex) consulendos esse vicinos Episcopos, & maxime metropolitanum: an, inquam, consuetudo suæ Ecclesiæ, sit consuetudo communis totius diocesis, sic explicat Suarez *suprà num. 7.*

§. II.

Qua ratione consuetudo abroget legem præexistentem, qui est secundus effectus consuetudinis.

- 1 Consuetudo legitimè præscripta abrogat legem.
- 2 Quod intelligitur de lege præcipiente, & pœnali.
- 3 Potest consuetudo abrogare pœnam legis, manente legis obligatione.
- 4 Potest consuetudo contra abrogare legem manente obligatione ad pœnam.
- 5 Potest abrogare legem irritantem.
- 6 Quid dicendum de lege prohibente consuetudinem contrariam? Proponitur ratio dubitandi abrogari non posse.
- 7 Proponitur distinctio Suarez, & aliorum, sed non admittitur.
- 8 Lex improbens consuetudinem per generalia verba, non solum de consuetudine præterita, sed etiam futura intelligitur.
- 9 Proponitur obiectio, & soluitur.
- 10 Si lex improbet consuetudinem, ut reipublica inconuenientem, non potest aduersus illam consuetudo præualere; nisi res ita mutantur, ut prudenter possit legislator velle legi derogare.
- 11 Potest consuetudo præualere aduersus legem vrsantem circa sacramentalia.
- 12 Aduersus ius gentium communis sententia tenet consuetudinem præualere non posse.
- 13 Contrarium probabile est.
- 14 Aliqua notantur in huius probabilitatis confirmationem.

Tenet communis sententia consuetudinem rationabilem, & legitimè præscriptam efficaciam habere abrogandi legem, seu tollendi eius obligationem, ex *cap. ult. de consuetud. & l. de quibus, l. sed ea, ff. de legib.* neque opus est in re manifesta authores coaceruare. Ratio est, quia ad bonum commune, & rectam reipublicæ gubernationem pertinet, ne Princeps suis legibus adstringat populum diu earum obseruationi repugnantem; sed potius conuiueat, & consentiat consuetudini à populo introductæ. Ergo ex huiusmodi consensu efficaciam habet consuetudo tollendi legem.

2 Ad plenam tamen intelligentiam huius communis sententiæ, aliquæ expodiendæ sunt difficultates. Prima est, an intelligatur supradicta doctrina non solum de lege purè præcipiente, sed etiam pœnali: Deinde, an consuetudo valeat abrogare pœnam, relicta obligatione ad culpam? Et circa primum omnes affirmant consuetudinem præualere posse aduersus quamlibet legem positivam, quia potest esse rationalis, & legitimè præscripta: imò circa legem pœnalem potest excogitari maior conuenientia, eo quod populus efficacius eius obseruationi repugnare potest.

Circa secundum verò Castio *lib. 2. de lege pœn. cap. 12.* alios referens existimat consuetudinem abrogare non posse pœnam lege impositam, nisi simul abroget ipsam legem, seu eius obligationem. Mouetur, quia faciens contra legem committit culpam; ergo astringitur pœna, quia pœna est propter culpam. Ergo consuetudo non potest abrogare pœnam legis, manente legis obligatione.

3 Nihilominus dicendum est posse consuetudinem abrogare pœnam non solum ferendam à iudice (de hac enim nullus dubitat) sed etiam ipso iure latam, manente legis obligatione, sic docuit Nauarr. *comment. 3. de regularib. num. 55. & in summ. cap. 27. num. 106.* Suarez *lib. 7. cap. 19. num. 3.* Salas *disput. 19. sect. 9. num. 76.* cum Panormi. *cap. 1. de treuga, & pace.* Syluest. *consuetudo. quest. 3. & 11.* Azor *tom. 1. lib. 5. cap. 18. quest. 10.* Ratio est manifesta, quia esto transgressioni legis debeat pœna, sed non debetur hæc pœna determinata, cum potuerit alia imponi; vel relinqui arbitrio iudicis imponenda. Ergo optimè potest consuetudo pœnam abrogare manente legis obligatione. Et confirmo. Nemini dubium est, posse Principem abrogare pœnam in lege positam, manente legis obligatione; sed quod sit lege expressa, fieri potest consuetudine. Ergo. Item in *Extrauag. 1. de rebus Ecclesiæ non alienand. & in Clement. ambitiosa, eodem tit.* & in aliis multis decretis, variz pœnæ sunt impositæ, quæ iam vsu cessarunt, manente legis obligatione, ut testatur Nauarr. *cap. 27. num. 150.* Suarez, & Salas *suprà.* Ad fundamentum contrarium respondeo, violantem legem committere culpam, & pœnæ obnoxium esse, non tamen huic pœnæ determinatæ, sed arbitrio iudicis relinqui.

4 Secunda difficultas est contra, an consuetudo possit abrogare legem obligantem, manente obligatione ad pœnam?

Respondeo breuiter posse, nisi pœna talis conditionis sit, ut culpam præsupponat. sic tradit Salas *disput. 19. de legibus, cap. 9. num. 77.* cum Nauarr. in *cap. fraternitas, 12. quest. 2. num. ult. considerat. 3.* Suarez *lib. 7. cap. 19. n. 12.* Ratio est, quia dari possunt leges purè pœnales, quæ solum ad pœnam obligent, non ad culpam propriam. Ergo etiam consuetudine hoc ipsum introduci potest. Dixi, nisi pœna talis conditionis sit, quæ culpam propriam supponat. quod dixi propter censuras, quæ nunquam imponuntur, nisi contumacibus, & inobedientibus Ecclesiæ, ac proinde culpam propriam committentibus.

5 Tertia difficultas est de lege irritante, an, inquam, consuetudo possit abrogare huiusmodi legem?

Respondeo posse, quia per legem id fieri posse nemo dubitat. Ergo etiam per consuetudinem fieri potest, quæ loco legis succedit. Item potest inueniri causa honestans legem, quæ derogat priori irritanti, ut de facto à Trident. factum est in variis impedimentis matrimonij iure antiquo positis. Ergo etiam potest inueniri causa honestans consuetudinem, quæ simili legi deroget. sic docuit Sanchez *lib. 7. de matrim. disput. 4. n. 11. & 14.* Suarez *lib. 7. cap. 19. num. 10.* Salas *disput. 19. sect. 10. n. 78.* Basilius de Leon *lib. 6. de matrim. cap. 4. num. 6.* & alij plures ab eisdem relati. Ex qua resolutione inferunt supradicti

dicti Doctores, posse consuetudine introduci impedimenta matrimonium irritantia, & introducta iure humano aboleri. Neque obstat textus in *cap. quod super his, de consanguinit. & affinit. in fin.* vbi Pontifex cauet ne intra gradus prohibitos matrimonium contrahatur, & presumptores Ecclesiastica distictione puniendos esse, non obstante consuetudine, quæ dicenda est corruptela. Loquitur enim de consuetudine non legitime præscripta, hæc enim non habet vim legis abrogandæ; secus verò de consuetudine rationabili, & legitime præscripta, quæ esse potest, etiam si à principio reprobata fuerit, vt statim dicemus.

6 Quarta difficultas est de lege prohibente consuetudinem contrariam, an, inquam, abrogari consuetudine possit?

Ratio difficultatis est, quia prohibens consuetudinem futuram, prohibet illius efficaciam, alijs nullius effectus erit talis prohibitio; qualibet enim lege prohibentur actus illi contrarij; ac proinde prohibetur introduci consuetudo facta. Ergo si specialiter consuetudo prohibetur introduci, de consuetudine iuris, seu de efficacia consuetudinis intelligenda est prohibitio. Et confirmo. Consuetudo vi sua non habet authoritatem derogandi legi, sed ex consensu, & voluntate legislatoris: at legislator expressè manifestat se nolle consuetudinem huic legi præualere. Ergo nullo modo præualeat. Confirmo secundo à simili ex præscriptione, si enim lex prohibeat præscriptionem alicuius rei, vel saltem intra tempus quadraginta annorum: tunc aduersus talem legem vel omnino non præscribitur, vel non, nisi tempore quadragenario, idque esto interueniat bona fides, & titulus, vt constat ex *l. vbi lex, ff. de usufructu. vbi dicitur, vbi lex tollit præscriptionem, non præscribitur.* traditque optimè Molin. *tom. 1. de iustis tract. 2. disput. 77. fine.* Salas *disput. 19. sect. 7. num. 70.* & alij, sed cum lex prohibet consuetudinem introduci, prohibet, ne præscribatur contra legem. Ergo talis consuetudo nullam vim, & efficaciam habere potest: & ita tenet Molin. Salas *ibi*, & alij innumeri apud ipsos, & apud Azor *1. part. lib. 5. cap. 17. quest. 10.* Bonacina *disp. 1. q. 1. punct. ult. §. 3. proposit. 2.* Couarr. *3. variarum, cap. 13. num. 3. & 4.*

7 In hac re Suarez *lib. 7. cap. 7. à num. 2. & cap. 19. n. 18.* & Salas *disput. 19. sect. 7. num. 71.* distinguunt inter legem prohibentem introduci consuetudinem, & inter legem improbantem illam; dicuntque aduersus legem prohibentem consuetudinem futuram, præscribi posse consuetudinem; secus verò aduersus legem improbantem consuetudinem, quia non obstante prohibitione consuetudinis, potest esse consuetudo rationabilis, & legitime præscripta: at consuetudo improbata, vt irrationabilis, rationabilis esse non potest. Ergo.

Ceterum supradicta distinctio vera quidem est, si quoties reprobat consuetudo, reprobaretur, vt dissona rationi, & contraria legi naturali, aut diuinæ, aduersus quam legem nulla consuetudo præualere potest. At quia non semper reprobat consuetudo, vt sit irrationabilis, sed quia reipublicæ, aut Ecclesiæ non censetur conueniens, ideo existimo supradictam distinctionem necessariam non esse; sed idem esse dicendum de lege sic improbante consuetudinem, ac de lege consuetudinem prohibente, quia si prohibet legislator consuetudinem, ideo illam prohibet, quia iudicat esse reipublicæ inconuenientem: cum enim iudicat legem latam conuenientem esse, necessariò iudicare debet consuetudinem illi contrariam inconuenientem esse. Ergo in idem redit prohibitio, & reprobatio consuetudinis inconueniens: & ita eodem modo loquuntur ceteri alij Doctores; vt videre est apud Sanchez *lib. 7. de matrimonio disp. 4. n. 14.* Couarr. *lib. 3. var. cap. 13. n. 4.* Basilius de Leon *lib. 6. de matrim. cap. 6. n. 9.*

8 Dicendum ergo est primò, si lex improbet consuetudinem per generalia verba, & indifferentia ad præteritam, & futuram consuetudinem, qualia sunt, non obstante contraria consuetudine, de vtraque consuetudine debet intelligi, quia est fauor legis constitutæ. Et videtur satis probari ex *cap. ad nostram, 3. de consuetud.* vbi illis verbis, *premissa consuetudine non obstante*, non solum comprehenditur præterita, sed etiam futura: & *cap. cum inter, eod.* vbi consuetudo non seruandi interdictum generale irritatur, ad futuram consuetudinem extenditur, vt tenent in supradicto *cap. ferè omnes Doctores, & tradit Molin. tom. 2. de iustis disput. 79.* & consentit Suarez infra referendus. Neque valet dicere ideo extendi prohibitionem ad futuram consuetudinem, quia erat irrationabilis, & disciplinæ Ecclesiasticæ contraria, quia semper consuetudo prohibetur, vt irrationabilis, hoc est, vt minus rationi consona, & aliquo modo disciplinæ Ecclesiasticæ, vel bono communi contraria. sic tradunt innumeros referentes Tiraquel. *de retract. in præfat. num. 18. & 19.* Couarr. *3. variarum, cap. 13. num. 4.* Burgos de Paz *l. 1. Tauri, num. 464. & num. 479.* Cxuallos in suis *quest. prælat. quest. 704.* Salas *disput. 19. sect. 7. fine.* Thomas Sanchez *lib. 7. de matrim. disput. 4. num. 13. aduersus glossam in Clement. statutum, verbo consuetudini, de elect.* affirmantem ad solam præteritam consuetudinem illa verba se extendere, neque improbare futuram.

9 Sed obieci primò, improbare consuetudinem est quid odiosum. Ergo non est extendenda, sed limitanda. Secundo quia illis verbis solum intendit legislator tollere consuetudinem contrariam suæ legi: consuetudo autem, quæ nondum est, non est legi contraria. Ergo de illa lex non loquitur. Tertiò, quia sæpè legislator verbis clavis consuetudinem futuram prohibet, vt si dicat, nolumus contra legem hanc aliquam consuetudinem valere. Ergo cum id non exprimit, censendus est solum præteritam consuetudinem improbare. Propter hæc Suarez *lib. 7. de legibus, cap. 7. à n. 2.* cum glossa in *Clement. statutum, verbo consuetudine, de elect.* & alij Doctores existimant verba illa generalia, *non obstante contraria consuetudine*, solum ad præteritam consuetudinem se extendere, neque futuram respicere. Sed retinenda est nostra sententia, vt communior. Et

Ad primum dicimus reuocare consuetudinem, esse odiosum consuetudini: at legi fauorabile; ideoque reuocatio extendenda, non limitanda.

Ad secundum concedo solum consuetudinem existentem contrariari legi formaliter: at quia etiam futura ei contrariari potest, si introducatur, ideo lex eam præuenire, & impedire vult.

Ad tertium concedimus aliquando legislatorem verbis expressis, & clavis futuram consuetudinem improbare; sed non obinde infertur, si verbis indifferentibus procedat, non improbare illam, sed solum infertur non esse certum, & indubitatum improbare illam, vt contingit, cum verbis expressis improbat, at esse satis probabile illam improbare.

10 Dico secundo, quoties lex prohibet, vel improbat consuetudinem contrariam, vt inconuenientem reipublicæ, non potest consuetudo aduersus legem præuallere, nisi res ita mutantur, vt prudenter possit legislator velle legi derogari consuetudine: sic tradit Sanchez *supra num. 14.* Nauarr. *comment. de sponsis §. 15. n. 8.* Couarr. *3. variarum, cap. 13. num. 4.* Azor *tom. 1. lib. 5. cap. 17. quest. 10.* Salas *disput. 19. sect. 7. sub num. 71.* Suarez *lib. 7. cap. 19. num. 21. & 24.* Basilius de Leon *lib. 6. cap. 6. num. 9.* Bonacina *disput. 1. quest. 1. punct. ult. §. 3. num. 37.* Priorem partem conclusionis mihi probat ratio dubitandi cum suis confirmationibus. Non enim existimo esse sufficientem rationem reprobandi consuetudinem, vt dixit Suarez *num. 22.* specialiter aduer-

tere iudices, & gubernatores, ne permittant vsum contrarium; satis enim hoc ipsa lege aduertitur. Sed credo ideo reprobati consuetudinem, vt vires non assumat aduersus legem; intendit enim legislator legem firmare, & roborare quoad potest: videt autem consuetudine contraria posse infirmari, & destrui; cauet sua prohibitionem hanc destructionem.

Secundam partem conclusionis sic proba, & explico: si enim res ita mutantur, vt prudenter possit legislator legi velle derogare, tunc consuetudo aduersus legem reprobantem consuetudinem praualescere potest; quod contingit, quando est aliqua ratio bonum commune attingens, quæ legislatorem latuit, cum legem tulit, vel quando denuo se offert, quam ipse excogitare non potuit. Tunc, inquam, rationabiliter posset legislator legem suam abrogare. Ergo optimè potest consentire, vt per consuetudinem abrogetur.

Dices, non obstante illa ratione quæ denuo se offert, lex in suo robore persistit, & persistit etiam reprobatio consuetudinis illi contrariæ. Ergo non praualeat aduersus legem.

Respondeo legem in suo robore persistere, non enim ipso iure cessat lex, ob quamlibet rationem, quæ sufficiat, vt illam legislator mutet. At reprobatio consuetudinis, vt credo, non persistit, quia illa consuetudo, quæ denuo introducit, iam non est irrationabilis, sicuti à principio excogitata fuit, sed potius est rationi consona, & apta, vt legislator ei consensum præbeat: quod probatur à simili ex l. si hominem 30. ff. mandati. vbi dicitur, generalem procuratorem posse reuocare à domino prouisa specialiter, si habuerit iustam causam reuocandi, hoc est, si habuit causam nouam, vel de nouo cognitam, quæ dominum præsumitur latuisse. Ergo similiter non potest obstat consuetudinem esse reprobam, quominus vires assumat aduersus legem noua causa superueniente, quo argumento vtitur Sanch. innumeris relatis lib. 7. de matr. disput. 40. num. 14. non longè à principio.

Quinta difficultas est de lege versante circa sacramentalia, an, inquam, hæc lex derogari consuetudine possit.

Respondeo posse, etiam si à legislatore non cognoscatur talis consuetudo, quia in cap. fin. de consuetud. nulum datur fundamentum excipiendi consuetudinem aduersus legem sacramentalem, neque expositulandi scientiam Principis de consuetudine. Item legislator sæpe leges sacramentalium à se statutas mutat pro aduersitate temporum: vt videre est in matrimonio, in ordine, Eucharistia administranda. Ergo consuetudo poterit idipsum efficere ex consensu legislatoris, & fauere videtur tex. in cap. 1. de cognat. spirituali, & cap. super eo, eodem tit. in postrema sui parte: vbi standum esse consuetudini Ecclesiæ deciditur, præcipuè, si consuetudo sit, quæ scandalum generat, hoc est, ex cuius violatione præsumatur scandalum generandum esse. Si ergo consuetudo valet introducere legem attingentem sacramentorum administrationem, à fortiori poterit legi latæ derogare: & ita tenet Conarr. 4. decret. 2. p. cap. 6. §. 10. num. 19. Sanchez plures referens lib. 7. de matr. disp. 82. num. 20. Suar. lib. 7. de leg. cap. 19. num. 26. Nauar. cap. 22. num. 83. Salas disp. 19. de leg. sect. 5. num. 58.

Neque obstat Clement. fin. de etate, & qualitate, vbi Clemens V. decernens ætatem seruandam in suscipiendis ordinibus sacros, dicit; *generalem Ecclesiæ obseruantiam volentes antiquis iuribus in hac parte præferri decernimus*, &c. Ergo signum est obseruantiam Ecclesiæ non derogasse antiqua iura, siquidem indignum hac speciali constitutione; verbum enim *decernimus* nouum ius insinuat constitui, vt tradit ibi glossa, non declarat iam constitutum. Adde particulam illam *in hac parte*, denotare illam obseruantiam, & consuetudinem Ecclesiæ

velle Pontificem antiquis iuribus præferri, non tamen aliam obseruantiam, & consuetudinem. Non, inquam, obstat, quia Pontifex non ex speciali indigentia firmandi consuetudinem illam, prætulit antiquis iuribus, sed vt clariùs constaret præferendam esse, cuiusque voluntatem esse sic præferri; cum enim posset Pontifex illam obseruantiam, & consuetudinem abrogare, sicuti abrogauit consuetudinem suscipiendi ordines extra quatuor tempora, cap. 2. de temporib. ordinat. non solum hanc abrogationem noluit præstare, sed potius illam consuetudinem, vt valde rationabilem approbauit.

Sexta difficultas est de iure gentium, an possit consuetudo aduersus illud praualescere?

Communis sententia negat: sic Panormit. cap. ult. de consuetud. Rochus ibi sect. 5. num. 16. Azor. t. 1. lib. 5. cap. 17. quæst. 4. Salas disp. 19. sect. 6. n. 65. Mouentur, quia ius gentium est ius naturale, & aduersus ius naturale non datur præscriptio. Sed hæc ratio nullius est ponderis, cum ius gentium à naturali distingatur, vt constat ex his, quæ diximus in principio huius tractatus. Quapropter ratio efficax ea est, quia ius gentium ab omnium communitate introducitur, & acceptatum; sed ab hominum communitate nulla est facta lex de præscriptione aduersus illud. Ergo. Et confirmo: vel consuetudo præscribens aduersus ius gentium est singularis, hoc est, alicuius regni, vel prouinciæ; vel est consuetudo omnium nationum. hoc secundum est ferè impossibile, quia impossibile videtur convenire omnes nationes in consuetudine opposita iuri, quod est naturæ rationali maximè conforme, quodque à principiis naturalibus deriuatur. Primum verò non videtur satis ad derogandum iuri gentium, etiam in illa prouincia, vbi est consuetudo: tum ob rationem dictam, quia nulla datur lex efficaciam præbens consuetudini aduersus ius gentium: tum & præcipuè, quia consuetudo non potest habere vim aduersus ius gentium, nisi de consensu illius, qui ius gentium condidit, vel de consensu alicuius, qui sit illo superior; inferior enim non potest legem superioris abrogare: atqui condens ius gentium non tribuit hanc efficaciam consuetudini: Deus autem, qui solus est illo superior, non apparet hanc efficaciam concessisse. Ergo ex nullo capite illam potest habere. Adde nullum specialem Principem habere potestatem ferendi statuta contraria iuri gentium, quia est inferior condente illud, quod tradit Bald. tit. de natura feudi, c. 1. & tit. qui feudum dare possunt. cap. 1. §. 2. li. & Iason in l. quominus, ff. de fluminib. in repetit. n. 3. Ergo neque poterit consuetudini hanc potestatem tribuere; quod enim sua lege expressa facere non potest, minus poterit tacita.

Verum satis probabile existimo & posse singularem Principem aliqua statuere, in sua republica contraria iuri gentium, si ita expediens visum fuerit rectæ reipublicæ gubernationi, & consuetudinem ipsam ex eiusdem Principis consensu, idipsum posse præstare. Quia habere Principem hanc potestatem, videtur maxime conueniens reipublicæ administrationi. Quare dicendum est illam habere ex tacita hominum concessione, ius enim gentium dicitur illis hanc potestatem concedi debere: ita tradit glossa in l. si locus. ff. quænam mod. seru. amov. Suar. lib. 7. de leg. & cap. 4. n. 6. conuenit ex parte Azor. & Salas supra.

Ex his fit posse in aliqua prouincia consuetudine, vel statuto firmari, captiuos in bello non esse redigendos in seruitutem, sed relinquendos in libertate. Item potest introduci, si causa iusta, & communis subsistat, vt ciues aliqui priuentur possessionibus suis, etiam non soluto pretio à republica. Item vt vendant domum, vel agrum, vel mutuo concedant, vel soluat vnus pro alio pecuniarium debitum, & similia; quæ licet de iure gentium sint, potest tamen consuetudo, vel statutum Principis

capis ob bonum suæ reipublicæ aliter statuere. Adde si hæc omnia rectè inspiciantur, nunquam iuri gentium sit derogatio; ius enim gentium nunquam obligabat captiuos in seruitutem redigere, sed id permittebat, dum contrarium à gubernatore reipublicæ non statuitur. Item ius gentium nunquam prohibuit priuationem dominij in particularibus ciuibus, si illa priuatione respublica indigebat ad sui gubernationem, sed solum prohibuit priuationem nulla communi causa intercedente, & alias priuationes permittit. Quapropter nunquam videtur consuetudo aduersus ius gentium directè procedere.

§. III.

De tertio effectu consuetudinis, qui est legem interpretari.

- 1 *Clarum est consuetudinem posse interpretari legem.*
- 2 *De interpretatione authentica, vel probabilis, quomodo differant.*
- 3 *Item consuetudo interpretatiua authentica requirit decennium, seu probabilis seu coniecturalis.*
- 4 *An secundum consuetudinem, vel secundum legem debeat iudicare arbiter, in quem est compromissum factum de iudicio ferendo secundum ius.*
- 5 *Secundum consuetudinem sunt regulandi contractus.*
- 6 *Iudicium internum, & externum iudicandum est secundum consuetudinem.*

1 **C**onstans est omnium sententia, consuetudinem habere hunc effectum, & traditur sufficienter in l. minime, l. si de interpretatione, ff. de legib. & cap. cum dilectus, de consuetud. ibi enim dicitur, consuetudo est optima legum interpret. Ratio autem est manifesta: nam si consuetudo habet vim introducendi legem, & abrogandi institutam; à fortiori habere debet efficaciam interpretandi illam, præcipue cum hic effectus magis necessarius esse videatur, quàm alij; sæpe enim leges obscuræ sunt, & ambiguæ, tum in obligatione, tum in materia, ad quam se extendunt, neque legislator suam mentem declarat: consuetudine autem huiusmodi obscuritas, & ambiguitas tollitur. Ergo est maximè necessaria talis interpretatio.

2 Obseruandum tamen est dupliciter consuetudinem posse interpretari legem. Primò authenticè, & necessariò. Secundò coniecturaliter, & probabiliter. Quando consuetudo legem interpretatur authenticè, ipsamet interpretatio habet vim legis, & necessariò est seruanda, vt traditur in l. nam imperator, ff. de legib. ibi, in ambiguitatibus, quæ ex legibus proficiuntur, consuetudinem, aut verum perpetuò similiter iudicatarum auctoritatem, vim legis obtinere debere. Cum enim legislator legem à se latam, alia denuo lata lege interpretari soleat, quæ interpretatio sequenda est, vt lex, quia verè est lex: ita consuetudo legitimè præscripta eandem vim habere debet, quia pro lege suscipitur. Quocirca omnia quæ requiruntur, vt consuetudo vim legis habeat, eadem requiruntur, vt legem authenticè interpretetur, quia in hac interpretatione legis rationem sortitur. Verùm si consuetudo interpretans legem non est legitimè præscripta, tunc solum coniecturaliter, & probabiliter legislatoris mentem interpretatur; sicuti Doctores solent leges interpretari: altiori tamen ratione, eo quòd plures in vnum conueniant. Quapropter ad hanc interpretationem faciendam, tam consuetudo subsequens legem, quàm antecedens deservire potest, vt rectè dixit Suarez lib. 7. cap. 17. num. 2. cum glossa in cap. nonnulli, de rescript. Bart. in l. omnes populi, ff. de iustitia, & iure, & Panormitanus in cap. certificari, de sepulchris, quia lex non intelligitur derogare consuetudini, nisi id expressè cauea-

tur, imò potius secundum consuetudinem solet institui.

3 Notanda tamen est differentia inter consuetudinem interpretatiuam, coniecturalem, & authenticam. Nam authentica, quia vim legis habet, ex postulat tempus decennij ad sui valorem: at coniecturalis, quia eam non habet auctoritatem, minori tempore contenta est. Quapropter dixit Menochius lib. 2. de arbitrar. centur. 1. casu 83. num. 10. si agatur de consuetudine interpretatiua, possè iudicem æstimare eam satis stabilitam paruo tempore, quia temporis diuturnitas in his non requiritur; intellige ad probabilem, & satis efficacem coniecturam faciendam. Excipit ipse Menochius cum aliis, nisi sit consuetudo interpretatiua contra iuris communis dispositionem, intellige claram; tunc enim, dum non est consuetudo præscripta, corruptela est, non consuetudo; ac proinde non debet mouere iudicem, vt secundum illam sententiam ferat.

4 Ex qua doctrina fit satis illi quæstioni, quid debeat facere iudex arbiter, in quem compromittunt partes, vt secundum iura sententiam ferat, si aliud lex, aliud consuetudo habeat: Et dicendum est, dum consuetudo legitimè præscripta non est, secundum legem debere iudicare: at si consuetudo præscripta est, quia habet vim legis abrogandæ, secundum illam ferenda est sententia. Neque obstat compromissum esse factum, vt secundum iura detur sententia, quòminus dati possit secundum consuetudinem præscriptam, quia consuetudo præscripta ius est, & sub iure continetur, & à iure imperatur seruari: sic ex Panorm. & Syluest. notauit Salas disp. 19. sect. 13. n. 104.

5 Fit secundò, secundum consuetudinem introductam regulandos esse contractus, quia secundum illam intelliguntur facti, nisi aliud fuerit expressum. l. semper stipulationibus, ff. de regulis iuris, l. quod si nolit, §. qui assidua, ff. de edictio edicto. Salas disput. 19. sect. 19. sub num. 103.

6 Fit tertio, regulandum esse tam iudicium internum, quàm externum secundum consuetudinem introductam, quia iudices debent secundum leges iudicare; sed nulla firmior, & solidior illarum interpretatio esse potest, quàm ea, quæ per consuetudinem habetur. Ergo debet secundum illam iudicare.

§. IV.

De quarto effectu consuetudinis, qui est irritatio.

- 1 *Vim habet irritandi consuetudo.*
- 2 *Aliqui limitant, vt procedat ex scientia Principis, sed non admittitur.*
- 3 *Debet esse mixta laicorum, & Ecclesiasticorum, qui sentiant.*
- 4 *Neque hac limitatio approbatur.*
- 5 *Alij limitant, vt procedat in consuetudine, quæ scandalum generat, si non obseruetur.*
- 6 *Non admittitur limitatio.*

1 **C**onstat ex supradictis in difficultate tertia, consuetudinem vim habere derogandi legem irritantem, si rationabilis, & legitimè sit præscripta. Ergo etiam habere potest vim introducendi legem aliquam irritantem, quia non minorem auctoritatem requirit ad abrogandam legem, quàm ad legem introducendam: & cum hæc omnia ex consensu Principis pendeant, sicut potest consuetudini vim dare abrogandæ legis, potest etiam dare illam constituendi. Quòd autem sic factum sit, constat ex cap. fin. de consuetud. & l. de quibus, ff. de legibus, vbi cuilibet consuetudini rationabili, & legitimè præscriptæ datur potestas legalis, neque ibi

ibi fit aliqua limitatio. Adde, consuetudine redditur quis inhabilis ad beneficium, *cap. cum olim, de cleric. consugat.* & reddi potest inhabilis ad matrimonium contrahendum, *cap. super eo, in postrema sui parie, de cognat. spiritu. al.* Item & ad electionem, *cap. Cumana, de elect. cap. cum Ecclesia, de causa poss. & proprius.* Ergo iam consuetudo legem irritantem inducere potest, & ita tenet innumeros referens Sanch. lib. 7. de matrim. disp. 4. n. 11. Suar. lib. 7. cap. 16. num. 4. & cap. 19. num. 14. Salas disp. 19. sect. 10. num. 86. iuncto num. 84.

2 Limitant tamen aliqui primò supradictam doctrinam, modò adfit scientia Pontificis de tali consuetudine. Verùm, ut rectè Sanch. Salas, & Suar. *suprà*, hæc limitatio non est necessaria, quia in *supradict.* cap. *fin. de consuetud.* & *l. de quibus*, nulla mentio fit huius scientiæ, solum enim ibi petitur consuetudinem esse rationabilem, & legitime præscriptam, hoc est, durantem tempore necessario ad præscriptionem, talique consuetudini autoritas legis tribuitur. Neque obstat introducentes consuetudinem inferiores esse Pontifice, quo minus possint legem Ecclesiasticam irritare matrimonium, electionem, & alios contractus introducere, quia non vi sua, sed ex Pontificis consensu dato in *cap. fin. de consuetud.* procedunt.

3 Limitant alij secundò in consuetudine irritante matrimonia, seu inducente impedimenta irritantia, ut talis consuetudo mixta sit laicorum, & clericorum: sic docuit Sanch. *illo lib. 7. disp. 4. num. 11. circa finem*, cum Couarr. 4. decret. 2. p. cap. 6. §. 10. num. 18. Ludovic. Lop. 2. p. instr. de matrim. cap. 46. col. 5. §. deinde dubitare. quia in legibus Ecclesiasticis nil possunt laici. Ergo consuetudo laicorum præcisè non valebit impedimenta matrimonij statuere. Qua ratione consuetudo Gallica allegata in *cap. 1. de sponsalib.* non obstat valori matrimonij; quia erat à laicis, & non à clericis introducta. sic Sanch. *suprà*, cum Anton. in *supradict.* cap. 7. & 8. Abbas num. 6. Alexand. de Næuo num. 10. 11. 21. 22. Felino num. 2.

4 Sed neque hæc limitatio necessaria est, ut docet Salas *disp. 19. sect. 10. num. 86.* quia laici absque clericis introducere possunt consuetudinem Ecclesiasticam, si ad laicos pertinet materia consuetudinis; quia non introducunt ex auctoritate, quam ipsi habent à se, sed ex consensu Pontificis, ut videre est in ieiuniis, & festiuitatibus; consensus verò Pontificis applicatur illis, quibus conuenit consuetudo: at consuetudo matrimonialis laicis conuenit, esto eius cognitio ad Ecclesiæ forum spectet, *cap. tuam, de ord. cogn.* Ergo possunt laici consuetudinem in hac materia introducere. Neque obstat text. relatus in *cap. 1. de sponsal.* tum quia illa consuetudo fortè non erat rationabilis, & legitime præscripta: tum & præcipue, quia non erat de substantia matrimonij; sed de quadam solemnitate accidentali, ut ibi explicat glossa, & alij relati à Salas *suprà*.

5 Tertiò alij limitant, ut consuetudo, quæ has vires obtinere debet, secum ferat scandalum, id est, eius violatio scandalum generet: sic Couarru. Ludovic. Lop. Henriq. relati à Sanch. *illa disp. 4. num. 7.* Mouentur ex *cap. 1. de cognat. spiritu. al.* ibi, *nisi consuetudo Ecclesiæ, quæ scandalum generet, aliter se habere noscatur.* Vbi consuetudini Ecclesiæ scandalum generanti, hæc efficacia introducendi impedimenta matrimonij tribuitur, non consuetudini, quæ scandalum non generet.

6 Sed neque hæc limitatio admittenda est: nam etiam si nullum sequeretur scandalum ex violatione talis consuetudinis, si consuetudo est rationabilis, & legitime præscripta, hanc efficaciam habebit, ex *cap. fin. de consuetud.* E contra verò, si rationabilis non est, aut non est legitime præscripta, etiam si scandalum ex eius violatione sequatur, seruanda non erit. Quapropter non scandalo, sed consuetudini rationabili, & legitime

præscriptæ hæc efficacia tribuenda est. Illa autem verba Pontificis solum indicant id quod communiter accidit; consuetudo enim legitime præscripta, & rationabilis scandalum generat, si non obseruetur. Adde Pontificem ibi velle consuetudinem tollere, nisi scandalum inde sequatur. Quapropter timore scandali ducitur ad approbandam illam consuetudinem, & relinquendam in sua vi, iuxta *cap. quod dilecto, de consanguinit. & affinit.* ibi, *Vnde in hac parte consilium duximus multitudini, & obseruantia consuetudini deferendum, quam aliud in diffensionem, & scandalum populi statuendum, quadam adhibita nouitate.* hic Sanchez *suprà* num. 11. post medium. Salas *disp. 19. sect. 10. n. 85.* Suar. lib. 7. cap. 16. num. 4. Basil. de Leon lib. 6. de matr. c. 6. num. 10.

PUNCTVM V.

An consuetudo mutari, abrogarique possit, & qua ratione.

DVpliciter mutari, seu abrogari consuetudo potest. Primò, lege expressa. Secundò, alia consuetudine.

§. I.

De abrogatione consuetudinis per legem.

- 1 Potest lege consuetudo abrogari.
- 2 Nulla lex abrogat consuetudinem, nisi consuetudini contraria sit.
- 3 Lege vniuersali abrogari consuetudo vniuersalis potest.
- 4 Lege vniuersali non censetur derogata consuetudo alium loci, neque statutum.
- 5 Explicatur text. in *cap. vnic. de fendi cognit.*
- 6 Lege speciali facta à Principe pro aliqua prouincia, probabile est non derogari illius prouincia consuetudinem; nisi lex contineat clausulam derogatoriam.
- 7 Qualis debeat esse consuetudo, ut non censetur lex illam abrogare? Probabile censet Suar. intelligi de consuetudine præscripta, & qua tendit ad præscriptionem.
- 8 Probabilius est de sola consuetudine præscripta esse intelligendum.
- 9 Satisfundamentis num. 7. adductis.
- 10 Sub clausula reuocatoria generali consuetudinis, non venit immemorialis.

1 **P**OSse consuetudinē rationabilem, & legitime præscriptam lege expressa abrogari, nemini esse potest dubium, cum sit expressa decisio tex. in *cap. 1. de constitution. in 6. cap. cum consuetudinis, de consuetudine.* Ratio est clara, quia tota consuetudinis vis, & efficacia à legislatoris voluntate saltem tacita pender. Ergo si legislator ei resistit, nullam vim, & efficaciam habebit. Adde consuetudine non arctari potestatem superioris, ut non possit contrarium disponere, si videat conuenire; cederet enim in perniciem communitatis. Denique legem à se latam potest superior abrogare alia lege, & constitutione. Ergo & consuetudinem, quæ pro lege suscipiatur. Explicandum tamen est, quando id fieri censetur.

2 Dico primò. Nulla lex consuetudinem abrogat, nisi clarè ex diametro illi contraria sit; quare si obseruantia consuetudinis compati potest, etiam si ad hunc effectum verba legis restringenda sint, non debet censeri consuetudo abrogata. Ratio est manifesta, quia iuris correctio vitanda est, quoad fieri potest, ex *l. præcipimus, C. de appellat.* Sed consuetudo legitime præscripta ius quoddam est. Ergo Item legislator in statuenda lege moribus subditorum censendus est potius se accommodare, quàm resistere, ex text. in *cap. etiam autē lex dist. 4. ibi, secundum patriam consuetudinem.* sic omnes Doctores.

3 Dico secundò lege vniuersali abrogari consuetudinem æquè vniuersalem illi oppositam, etiam si illius non fuerit facta mentio, neque lex habuerit clausulam derogatoriam: & hoc siue lex procedat à supremo Principe, qualis est Pontifex, aut Rex, siue ab Episcopo, aut gubernatore ciuili; quicumque enim sit, qui legem vniuersalem comprehendentem totam suam ditionem instituit, eo ipso & consuetudinem illi oppositam abrogat. Est communis sententia, quam tradit Pannotit. *cap. fin. de consuetud. num. 24.* Azor *tom. 1. lib. 5. cap. 16. quest. 7.* Bonacina *disp. 1. de legib. quest. 1. punct. ult. §. 3. num. 39.* Salas *disp. 19. sect. 13. num. 98.* Suarez *lib. 7. cap. 20. num. 7.* Reginald. *praxi panitenti lib. 13. num. 247. ad finem*, & alij ab eisdem relati; & sumitur apertè ex *cap. 1. de consuetud. in 6.* vbi solùm singularium consuetudines censentur exceptæ à generali lege. Ratio est, quia consuetudo vniuersalis non præsumitur ignorata à Principe, vt dicitur in *supradicto cap. 1.* Ergo cum legem illi contrariam statuit intelligitur velle illi derogare.

4 Dico terriò, lege vniuersali non censetur derogari consuetudo alicuius loci, neque statutum ius commune non continens, nisi talis statuti, aut consuetudinis fiat mentio specialis, vel saltem in genere apponatur clausula derogatoria cuiuscumque statuti, aut consuetudinis contrariæ. sic *supradicti Doctores*; & constat ex *dicto cap. 1. de consuetud. in 6.* vbi redditur ratio conclusionis, qui a Pontifex, vel alius Princeps, specialium locorum consuetudines, & statuta ignorare probabiliter censetur. Ergo censetur nolle illis derogare, præcipuè cum derogatio consuetudinis iuri communi obstet, ex *l. inum de ff. de legib.* Et in hoc sensu est verum illud axioma, *Consuetudo Principum leges, & rescripta silere facit*, quod probat ex alijs Menoch. *de arbitrar. lib. 1. quest. 71. num. 9.* vbi dicitur, si alicui committatur à Principe potestas iudicandi, semper intelligitur, salua consuetudine, præcipuè municipali. Item si mandaret Rex proprio ex ætore compellere debitorem, quocumque modo sibi visum fuerit, numquam censetur velle derogare consuetudini, & legi municipali in exigendis tributis. Ergo signum est statuta, & consuetudines municipales lege vniuersali non derogari.

5 Ex his facillè intelligitur textus in *cap. unica, de fendi cognitione*, vbi Obertus filio suo Anselmo scribit: *Legum Romanarum non est vilis auctoritas, sed non adeò vim suam extendunt, vt vsum vincant, aut mores.* Intelligendus, inquam, est textus, leges Romanorum non vincere vsum, aut mores particularium prouinciarum, cum vniuersales sunt, vel non vincere vsum, aut mores titulo præscriptionis comparatos. Nam quod dicit Cuiac. in *supradicto textu* leges Romanorum non vincere vsum, & mores, si sint in contradictorio iudicio confirmati, optimè refellitur à Vasquez *disp. 177. num. 63.* eo quòd quælibet consuetudo quantumcumque in contradictorio iudicio firmata sit, potest abrogari lege superueniente. Quòd verò ipse Vasquez, & Salas *disp. 19. sect. 7. num. 72.* dicunt textum intelligendum esse de consuetudine Longobardorum, & facere hunc sensum, leges Romanorum, licet apud Longobardos auctoritatem non leuem haberent, quia ex parte seruabantur, non tamen adeò vim suam extendebant, vt vsum Longobardorum vincerent, aut mores, sustineri posset, nisi textui videretur ob stare, qui non de qualibet consuetudine, sed de consuetudine feudali loquitur; quam consuetudinem, siue sit Longobardorum, siue Romanorum, non abrogant leges, vt docuit Bald. *ibi*, & constat ex illis verbis textus, *iudicium de feudis etiam legibus nostris contrarium dici solet.* Neque etiam mihi probatur, quod dicit Suarez *lib. 7. cap. 20. num. 4.* leges vniuersales non vincere consuetudines proprias in materia feudorum. nam vel intelligit leges vniuersales loquentes de feu-

dis non vincere consuetudines specialium locorum, & prouinciarum: & si hoc dicit, nobiscum conuenit, vel intelligit leges vniuersales non loquentes de feudis, neque oppositas consuetudini feudali, non habere vim aduersus consuetudinem; & sic nihil speciale diceret, & sententiam friuolam contineret: præterquam quòd expresse textui opponitur, siquidem dicit, *iudicium de feudis etiam legibus nostris contrarium dici solet.* Ergo signum est consuetudinem, in qua iudicium illud fundabatur, contrariam esse legibus.

6 Dico quartò, lege speciali facta à Principe superiore, v. g. Rege, aut Pontifice, pro aliqua ciuitate, vel prouincia suæ ditionis, probabile est non derogare consuetudinem illius prouinciæ, nisi expresse apponatur clausula derogatoria: sic Suarez *lib. 7. cap. 20. num. 15.* Emanuel Saa *verbo lex, num. 19.* Bonacina *disp. 1. quest. 1. punct. ult. §. 3. num. 42.* Ratio sumitur ex *supradict. cap. 1. de consuetud. in 6. ibi*, non enim censetur derogata consuetudo specialis generali lege, quia præsumitur Princeps ignarus talis consuetudinis. Sed idem fundamentum ignorantie est, siue legem vniuersalem, siue specialem statueret; hæc enim ignorantia fundatur, in eo quòd Princeps non potest omnibus sui imperij partibus assistere, neque pro varietate negotiorum, & multitudine occupationum omnia singularia cognoscere. Neque obstat legem illam reddi frustraneam, & inutilem, vt pote quæ neminem ligat, quia hoc est per accidens ob consuetudinem ignoratam. Adde dici non posse esse frustraneam, & inutilem; quia verè obligantur illa subditi, esto illius obligatio suspendatur, dum ad legislatorem accedunt, & certiores faciunt de consuetudine contraria: quòd autem illa obligentur, patet; quia certior factus legislator de consuetudine, non tenetur legem de nouo statuere, & publicare. Ergo antea erat lex, ac proinde obligationem inducebat, esto excusarentur subditi consuetudine contraria. Ex qua doctrina inferitur, idem esse dicendum de statuto facto ab aliqua ciuitate, vel populo, ad cuius valorem Principis consensus requiritur, nempe tale statutum non derogare consuetudinem contrariam, nisi Princeps consensum fiat talis consuetudinis derogandæ; fortè enim si sciret consuetudinem, non præstaret consensum statuto derogatorio; ac proinde ignorantia consuetudinis, cui opponitur statutum, reddit consensum inualidum: sic docet Suarez *lib. 7. de legib. cap. 20. num. 8.*

7 Sed inquires primò, qualis debeat esse consuetudo, vt lex non censetur illam abrogare ex præcisa positione legis, sed addenda sit clausula derogatoria; an, inquam, debeat esse consuetudo præscripta, vel sufficiat ea, quæ tendit ad præscriptionem?

Suarez *lib. 7. cap. 20. num. 12.* probabiliter censet non esse restringendam regulam illam, *cap. 1. de constitutionibus, in 6.* ad solam præscriptam consuetudinem, sed posse extendi ad quamlibet aliam rationabilem, & honestam, & tanto tempore firmatam, vt posset Princeps pro illa legem ferre. Mouetur primò, quia in *supradicto cap.* solùm mentio fit de rationabili consuetudine, nihil de conditione præscriptionis. Ergo non est nobis talis conditio ex postulanda. Secundò, quia lex semper præsumitur ferri iuxta consuetudinem patriæ, & non econtra. Ergo. Tertiò, quia si sciret legislator talem consuetudinem, fortè contrarium disponderet, vel saltem à lege abstineret. Ergo ex præsumpta voluntate legislatoris, non derogat eius lex tali consuetudini.

8 Fateor his rationibus meritò motum esse doctissimum Suarez, iudicare probabile de vtraque consuetudine, præscripta scilicet, & non præscripta intelligendam esse regulam *cap. 1. de consuetud. in 6.* Verùm etsi hoc probabile sit, probabilius tamen existimo de sola consuetudine præscripta intelligendam fore. Mouetur, quia consuetudo, quæ præscripta non est, non est ius, neque facul-

facultatem tribuit illa utendi, ut constat ex superioribus, & omnes admittunt. Ergo illa excusari non possunt subditi à legis observatione. Secundò, sola consuetudo præscripta prævalet aduersus legem latam. Ergo sola illa impedit obligationem legis ferendæ. Tertiò, derogatio propriè est alicuius iuris, & facultatis: at ex consuetudine non præscripta nullum resultat ius. Ergo nulla indiget derogatione talis consuetudo. Quartò, consuetudo introduci non potest resistente Principe: at qui legem contrariam instituit, resistit eius introductioni. Ergo. Quintò, impediri legem consuetudine res est odiosa, & in legislatoris detrimentum. Ergo non debet extendi ad omnem consuetudinem. Sextò, consuetudo est stricti iuris, strictèque est interpretanda: ut tradit Rota in nouissimis p. 2. apud Farinac. decis. 112. num. 4. Ergo sola præscripta debet ob stare legis efficaciam, quia sola hæc est, quæ propriè dicitur consuetudo, & ita hanc nostram sententiam eruditè probat Mascard. de probationib. verbo consuetudo, conclus. 423. num. 17. ubi dicit cum se verba facere de consuetudine, intelligere de præscripta, iuxta glossam in cap. mos, 1. dist. ex textu ibi, & tradit Bald. in cap. 1. de feudi cognit. col. 1. ubi inquit, quod dicitur de consuetudine, intelligitur de præscripta. nam antequam sit præscripta, non dicitur consuetudo, sed voluntas inducendi consuetudinem. Item appellatione consuetudinis venit intelligenda propria consuetudo, quæ solum dicitur, cum præscripta est, ut tradit alios referens Mascard. suprà.

9 Neque obstant fundamenta contraria. Concedo, inquam, in supradict. cap. solum fieri mentionem consuetudinis rationabilis, sed non obinde excludi debere esse legitimè præscriptam, imò potius hoc supponebatur, quia de derogatione illius erat sermo, & non est derogatio, nisi ubi est ius quæsitum. Adde solo illo verbo rationabilis videri exclusam consuetudinem non præscriptam. Nam posita lege, & valore illius, iam illa consuetudo censenda non est rationabilis, quia bono communi non expedit.

Ad secundum dico, legem semper præsumi ferri iuxta consuetudinem receptam patriæ; non tamen iuxta consuetudinem non receptam: de hac enim non curat legislator.

Ad tertium æquè dubium, & contingens est, legistatorem cessare à legis institutione, ac illam ferre, si sciret consuetudinem inchoatam, sæpe enim conuenit his initiis resistere, & contrarium disponere.

10 Inquires secundò, an sub clausula generali reuocatoria consuetudinis, comprehendatur consuetudo immemorialis, vel longissimi temporis?

Respondeo cum communi sententia non comprehendendi, etiam si dicatur, non obstante quacunque consuetudine, sed debet addi immemoriale, vel aliquid simile: sic Tiraquell. de utroque retract. tract. 2. §. 1. glossa 2. num. 25. Couarr. lib. 3. var. cap. 13. num. 5. Suarez lib. 7. c. 20. num. 18. Bonacina disp. 1. quest. 1. punct. ult. §. 3. n. 43. Salas disp. 19. sect. 11. sub num. 95. circa finem, explicans Eman. Saa. Ratio est, quia pro consuetudine immemoriali titulus iustus præsumitur; consuetudo enim immemorialis habet vim priuilegij à Principe concessi, ut tradit Mascard. de probation. conclus. 419. à num. 3. ex l. hoc iure, §. ductus aqua. ff. de aqua quodid. & aestua. & cap. super quibusdam, §. præterea, de verbor. significat. & docuit Decius consil. 11. num. 9. Abbas consil. 71. volum. 2. & aliis pluribus allegatis à Salas diffinit. 17. de legib. sect. 2. sub num. 23. Sed priuilegium non derogari censendum est ex clausula generali derogante consuetudinem. Ergo. Et confirmo argumento à simili de præscriptione, quæ si immemorialis fuerit, non censetur exclusa, cum præscriptio generaliter excluditur, quod constat ex l. 3. §. ductus aqua, ff. de aqua quodid. & aestua.

§. II.

De abrogatione consuetudinis alia consuetudine.

- 1 *Posse abrogari non est dubium.*
- 2 *Debet consuetudo abrogans contraria esse præexistenti, & quomodo hoc contingat?*
- 3 *Proponitur quadam obiectio de tempore requisito ad consuetudinem, maxime Ecclesiasticam abrogandam.*
- 4 *Affirmat Suarez esse quadragenarium.*
- 5 *Probabilius defenditur decennium sufficere.*
- 6 *Qui non usus censeatur legem abrogare?*

1 **R**es est indubitata consuetudinem abrogari consuetudine posse; sicuti lex abrogari potest alia lege: colligiturque ex l. pacta nouissima. C. de pactis. & l. 2. C. de inofficiosis doib. & tradit Medicis tract. de legib. p. 1. q. 14. n. 5. Suarez lib. 7. c. 20. n. 19. Salas disp. 19. sect. 13. n. 99. Bonacina disp. 1. quest. 1. punct. ult. §. 3. n. 44. & omnes.

2 Ut autem consuetudo subsequens hanc vim habeat abrogandi præexistentem, primò debet esse illi contrariè opposita. quare si consuetudo est vniuersalis, abrogari debet alia vniuersali: particulari autem abrogari non potest vniuersalis, nisi eo in loco, in quo cum generali habuerit oppositionem. Ratio est, quia consuetudo non introducit ius, nisi usu, & facto. Ergo non potest contrarium ius introducere, nisi usus, & facta contraria sint. Secundò requiritur in consuetudine derogatoria idem tempus, quod consuetudo præexistens requisit ad sui constitutionem: nam cum utraque habeat vim legis, & eius efficacia fundetur, in cap. ult. de consuetud. & l. de quibus ff. de legib. & ibi nullum diuersum tempus consuetudini deroganti legem scriptam, & deroganti consuetudinem assignetur, efficitur idem esse assignandum.

3 Sed obijcies, consuetudo præexistens in materia Ecclesiastica, si fuit præter ius decennio, habebit vim obligandi: at abrogans illam consuetudinem requirit tempus quadragenarium, quia procedit contra ius per consuetudinem stabilitum. Ergo non expostulatur idem tempus in consuetudine abrogante, ac in consuetudine abrogata. Item si consuetudo prior, fuit contra ius commune, indiguit quadragenario tempore, ad sui præscriptionem, ut tenet communior sententia. At si hæc consuetudo non fuit vniuersalis, sed particularis, decennio abrogari potest; quia consuetudo abrogans non procedit contra ius commune, sed potius reducit res ad terminos iuris communis.

4 Propter hæc Suarez lib. 7. cap. 20. num. 21. censet in materia Ecclesiastica regulariter consuetudinem abrogantem semper requirere quadragenariū tempus. Nam si consuetudo abrogata erat vniuersalis, iam ius per illam erat constitutum; si est particularis, & non opposita iuri communi, etiam constituit ius. Ergo consuetudo abrogans contra ius procedit. Ergo requirit tempus quadragenarium. Solum autem censet probabile decennium sufficere in consuetudine abrogante particularem consuetudinem aduersam iuri communi, obreptionem dictam; quia talis consuetudo abrogans non procedit contra ius commune, sed res reducit ad terminos illius.

5 Nihilominus de omni consuetudine legali retinenda est, ut probabilior, nostra doctrina, idem tempus esse necessarium ad abrogandam consuetudinem consuetudine, ac fuit requisitum ad illius introductionem: cum autem ad introducendam consuetudinem, siue abrogatiuam legis, siue illius constitutionem dixerimus decennium sufficere tam in materia ciuili, quam Ecclesiastica, efficitur sanè idem tempus decennij sufficiens esse ad abrogandam consuetudinem: rationem reddimus,

qui a

quia consuetudo abrogans legem, & ius constitutum, non est contra ius, sed potius iuri conformis, quia ex ipso iure habet hanc efficaciam nemine repugnante: leges autem expostulantes tempus quadragenarium ad prescriptionem, loquuntur de prescriptione iuris contra Ecclesiam, Ecclesia contradicente: at consuetudo legalis non prescribit contra Ecclesie mandatum ex repugnantia Ecclesie; sed potius ex eius consensu, & voluntate. Ergo non est idem tempus expostulandum.

6 Aduertendum tamen est pro intelligentia superioris doctrinae consuetudinem abrogantem legem, consistere aliquando in facto positiuo, aliquando in omissione alicuius facti positiuo, in facto consistit: ut si obliget consuetudo audire Missam, soluere decimas, &c. in omissione consistit; quando lex mandat actum positiuum. v.g. audire sacrum, & populus voluntarie omittit, ipsa omissione praeualet contra legem; quia tunc illa omissio est quaedam consuetudo, seu defuetudo, & non usus legis. Quapropter ad abrogandam legem, consuetudine, defuetudine, seu non usu, necessarium requiritur violatio legis, & consuetudo, seu non usus illi contrarius: unde si casus legis non accidat, nunquam non usus abrogare potest: & in hoc sensu est verum, quod Iurisperiti dicunt, defuetudine, seu non usu abrogante legem, non venire actus negatiuos, sed priuatiuos; quia non veniunt actus, qui legi non opponuntur, sed potius qui illi sunt oppositi: sic docuit Azor *tom. 1. lib. 5. cap. 4. quest. 7.* Salas *disp. 19. sect. 20. num. 114.* Suarez *lib. 7. cap. 5. num. 14. & cap. 18. num. 7.* Bonacina *disp. 1. quest. 1. punct. ult. §. 3. num. 27.* Rebellus *1. part. lib. 1. quest. 5. n. 23.* Reginald. *lib. 13. num. 250.* Mascard. *verb. consuetudo, conclus. 424. sub num. 3.* & alij ab eisdem relati.

PUNCTUM VI.

Quomodo probetur consuetudo.

- 1 Allegans consuetudinem tenetur probare.
- 2 Excipitur consuetudo notoria.
- 3 Item consuetudo de ordine procedendi in iudicio.
- 4 Idem est de stylo fori, & curiae.
- 5 Tandem excipitur consuetudo, de qua est dubium, an sit rationalis.
- 6 Consuetudo, quae ab allegante probanda est, plenè probari debet.
- 7 An unus testis semiplenè consuetudinem probet.
- 8 Duobus testibus plenè consuetudo probatur; debent tamen deponere, de frequentia actuum, & diuturnitate temporis.
- 9 Doctore excellenti de consuetudine testanti credendum est presumptiuè non concludenter secundum Mascard.
- 10 Testantes communiter Doctores de consuetudine integrè illam probant.
- 11 Vni Doctore in foro conscientiae, dum alij non contradicunt, integrè fides adhibenda est.

1 **A**lleganti consuetudinem legalem, siue prescriptionem (hæc enim Doctores inter se sæpè confundunt) incumbere onus probandi, est recepta omnium sententia; quia ea, quæ consistunt in facto, non præsumuntur: & tradit Parilius *conf. 31. num. 14. vol. 1. & conf. 10. num. 14. vol. 4.*

2 Solùm excipi debet primò consuetudo notoria; hæc enim propter ius notorietatem, non indiget probatione, sed sufficit eam allegare: ut multis relatis docuit Mascard. *de probat. verbo consuetudo, conclus. 423. num. 27.* & Tiraquel. *tract. de prescript. §. 1. gloss. 2. fol. 8. verbo sed questionis est.*

3 Secundò excipit Mascard. *num. 33.* cum Decio, Bart. & alijs, consuetudinem, quæ respicit ordinem proce-

dendi; quia hæc est modici præiudicii, idèoque illam allegans, non est cogendus probare: secus est de consuetudine decisionem causæ respiciente. Exceptioni assentior; sed non, quia sit modici præiudicii hanc, vel illam consuetudinem in prosecutione litis seruare; sæpè enim ex vna consuetudine prægrauatur litigans, & causæ decisio prolongatur, & aduersæ sententiæ exponitur; ex alia verò consuetudine hæc omnia inconuenientia cessant. Sed ratio præcipua est, quia consuetudo in prosecutione litis nota debet esse iudici, quòd si de illa dubius fuerit, ipse se tenetur informare.

4 Tertiò excipit Mascard. *num. 34.* consuetudinem, quæ vocatur stylus fori, & curiæ: tum quia hæc non à populo, sed à iudice ipso, vel illius superiore introducta est: tum & præcipuè, quia hæc pertinet ad ipsum iudicem, cui obligatio incumbit sciendi ea, quæ ad rectam sui officij executionem pertinent.

5 Quartò excipi debet consuetudo, in qua dubitatur, an rationalis, & honesta sit: tunc enim si de qualitate consuetudinis agatur, cum non sit res facti, sed iuris: ad iudicem pertinet discernere, an honesta, vel inhonesta sit: sic docuit Rochus de Curte *tract. de consuetud. sect. 7. num. 24.* cum Panormit. *cap. fin. de consuetud. num. 5. ad finem.* & Salas *disp. 19. sect. 18. num. 108. versis. oppositum.*

6 Consuetudo autem, quæ ab allegante probanda est, plenè probari debet: sic Bart. *in l. de quibus, num. 22. ff. de legib. & in repetit. l. 2. quest. 27.* C. quæ sit longa consuet. Rochus de Curte *tract. de consuetud. num. 644. & seqq.* Mascard. plures referens *suprà num. 19.* Ratio est, quia sæpè ex consuetudine pendet causæ decisio. Quapropter si de consuetudine principaliter non agatur in iudicio, sed secundariò, & incidenter, tunc semiplena probatio videtur sufficere: sic ex Bart. & Guid. Papa tradit Mascard. *concl. 423. num. 6.*

7 Aduerto tamen non probari etiam semiplenè consuetudinem, si vnicus solus testis inducatur; imò neque in hac parte deferri iuramentum suppletiuum. sic ex Bald. & alijs docuit Mascard. *num. 21.* Ratio est, quia cum consuetudo debeat esse pluribus nota, consistit enim in facto, & in populi consensu; si vnus tantum inueniatur eam cognoscens, eo ipso eius cognitio suspecta censetur, & eius testimonium fallax. Duas tamen limitationes adducit Mascard. huic aduertentiæ. Prima, ut depositio sit de consuetudine vigente illo in loco, vbi testis commoratur; secus si de probanda consuetudine alterius loci tractaretur, quia tunc vnus testis videtur semiplenam probationem præstare, quia est probabilis ignorantia illius consuetudinis. Sed hæc limitatio mihi non probatur, si in loco illo, de quo probanda est consuetudo, non adsint alij testes illam testificantes: nam tunc à fortiori cognitio absentis suspecta censi potest, & eius testimonium fallax. Secundò limitat Mascard. ut non procedat, quando ageretur de probanda consuetudine multum antiqua, quia tunc vix est, qui illius recorderetur, & vnus testis iuratus semiplenam constituit probationem, ex *authent. sed cum testator, C. ad legem Falcid. & l. si arbiter. ff. de probat.* cui limitatio assentior.

8 Plenè autem probatur consuetudo, si duo testes de illa deponant: sic Guid. Papa *consil. 116. num. 9. & consil. 171. num. 3.* Bart. *in l. 2. C. quæ sit longa consuet. quest. 26. & in l. de quibus, in 4. q. in princ.* Rochus de Curte *tract. de consuetud. sect. 14. n. 66.* Mascard. alios referens *concl. 424. n. 4. & n. 13.* Salas *disp. 19. sect. 18. num. 108.* Hi autem testes debent deponere de usu populi, frequentia actuum, & diuturnitate temporis illius actus, quia hæc omnia ad consuetudinem præscriptam requiruntur, ab alijs non probant consuetudinem. sic Guid. Papa *consil. 231.* Rebuff. *tract. de consuetud. n. 196. tom. 1.* Mascard. *suprà n. 2.* Quocirca debent testes deponere se vidiisse sic obserua-

tum esse illo in loco, scientibus, & presentibus multis toto temporis spatio, quod ad introducendam consuetudinem requiritur: vt eleganter tradit Rota *decif. 255. in nouiss.* apud Farinac. *pag. mibi 291. tom. 1. decifionum nouissimarum, & decif. 5. & 6. num. 7. fine, & part. 2. decif. 497. num. 2.* neque sufficit, si testentur esse consuetudinem, nisi illius rationem reddant, vt optimè tradit Decius *consil. 215. num. 3.* Rochus de Curte *in tract. de consuetud. num. 617. versic. & quod testis.* Bart. *in l. de quibus, col. 9. versic. sed quid si testis.* Ratio est, quia consuetudo est vsus frequens populi longo tempore durans. Ergo qui de consuetudine testari debet, de vsu frequenti longo tempore durante debet ferre testimonium. Verum, si de immemoriali consuetudine testes deponant, sufficit, si testentur, se ita vidisse, & à maioribus audisse obseruatum, quin viderint, aut audierint aliquid contra fieri.

9 Sed inquires, an consuetudo probetur sufficienter per assertionem alicuius excellentis Doctoris, de consuetudine testificantis?

Varia sunt Doctorum placita in hac re, vt videre est apud Thomam Sanchez *lib. 7. de matrim. disp. 17. num. 8.* & Mascard. *de probationib. conclus. 426. num. 1. & seqq.* Salas *disp. 19. sect. 18.* Illos tamen in concordiam redigit Mascard. *n. 11.* affirmans, Doctori excellenti testanti in suis scriptis esse consuetudinem, credendum esse præsumptiue, non concludenter. Et probat præsumptiue esse credendum, quia testis etiam non iuratus facit præsumptionem: vt obseruat glossa *in cap. nuper, de testibus.* Item dictum honesti viri inducit credulitatem; vt obseruat Accurs. *in l. Titio fundus, ff. de condit. & demonstrat. & Decius consil. 540. & consil. 691. fine.* Item pro indice præsumitur *cap. in nostra, de procuratoribus, & in cap. in presentia, de renuntiat.* quin etiam pro Notario præsumitur. *cap. ad audientiam, de prescript.* Ergo etiam præsumendum est pro dicto excellentis Doctoris, donec contrarium probetur. Quod autem dictum excellentis Doctoris non faciat concludentem probationem, probat optimè Mascard. primò, quia consuetudo est quid facti: in his autem, quæ ad factum pertinent, nihil magis Doctori, quàm aliis credendum est; secus verò fieret in his, quæ ad eius professionem spectarent. Secundò, quia ea, quæ sunt facti, plerumque etiam prudentissimi fallunt. *l. 2. ff. de iuris & facti ignorantia.* Ergo non concludit dictum prudentissimi. Tertio testi cuiuscumque sit qualitatibus, non creditur absque iuramento, vt in religiosis patet *cap. tuis, de testibus.* Et de Episcopo constitutum est *in cap. fin. de iurament. calumn.* quinimo, neque etiam S. Romanæ Ecclesiæ Cardinali creditur, si deponat absque iuramento, vt docuit glossa *cap. cum olim, 1. in verbo fratrum, & ibi Abbas de priuilegiis, & idem Abbas in cap. nuper, de testibus.* Ergo multo minus videtur credendum Doctori etiam præstantissimo absque iuramento. Quartò probat idem Mascard. quia aliàs sequeretur duplicem specialitatem circa idem concurrere. Prima quòd admitterentur testes non iurati. Secunda quòd admitterentur testes, qui deponerent per scripturam; quod non licere sancitum est *in cap. testes, 3. quæst. 9. & in l. 3. §. idem diuini. ff. de testib.* Sed istud non debet admitti, quia duplex specialitas circa idem concurrere non debet. *l. 1. & quod ibi notat Bart. C. de inofficiosis dotib. & in l. si is qui pro emptore, ff. de vscap.* Ergo vni Doctori fides integra non est adhibenda.

10 Verum si communiter Doctores consuetudinem testentur, & nullus sit, qui contradicat, credo fidem eis integrè habendam esse, quia tunc videtur probata consuetudo notoria, & dicta illorum Doctorum habentur tanquam publica instrumenta. sic docuit Mascard. plures referens *conclus. 426. num. 17.* Sanchez *lib. 7. de matrim. disp. 17. num. 8.* Salas *disp. 19. sect. 18. num. 108.*

Debet tamen consuetudo iuri communi esse conformis, & non aduersa: nam si iuri communi aduersatur, dicta illorum Doctorum plenè non probant; omnibus enim illis ius commune præponderat: vt rectè ex alijs Doctoribus docuit Mascard. *ibi num. 24.* Qua etiam ratione, etsi ex autoritate vnus glossæ consuetudo probetur, vt censet Bald. *cap. cum dilectus, col. 2. de consuetud. & Decius consil. 540. num. 9. & 10. & glossa in l. dos à patre, C. soluto matrimonio.* hoc intelligendum est, si communi non aduersetur: vt ex alijs notat Mascard. *n. 29.*

11 Hæc omnia intelligenda sunt de probatione fori externi, & iudicialis. Si enim de foro conscientie loquamur, existimo vni excellenti Doctori asserenti consuetudinem esse, dummodo alij non contradicant, posse integrè fidem adhiberi; quia facit rem moraliter certam, ac proinde aptam, cui fides in foro conscientie meritò habenda sit. sic Salas *disp. 19. sect. 18. n. 108.* Suarez *lib. 7. de legib. cap. 11. n. 8.*

DISPV TATIO IV.

De lege concedente priuilegium, seu de priuilegijs.



D perfectam legis notitiam pertinet priuilegiorum cognitio, vt pote quæ extrahunt subditos à legis communis obseruatione.

Multipliciter priuilegium nuncupatur; quælibet enim gratia, beneficium, fauor, prærogatiua, exemptio, indulgentia, & facultas alicui specialiter concessa, priuilegium dicitur: & quia hæc solent per rescriptum Principis, diploma, seu bullam Pontificis concedi; ideo illud præscriptum, diploma, seu bulla, solet priuilegium appellari, non quia sine priuilegium, sed quia priuilegium continent; qua verò ratione differant, statim videbimus.

PVNCTVM I.

Quid sit priuilegium, & qua ratione à lege, dispensatione, gratia, & rescripto distinguatur.

- 1 Definitur priuilegium.
- 2 Qua ratione dicatur lex priuata.
- 3 Inferuntur aliqua valde notanda.
- 4 Leges penales priuilegia dici non debent.
- 5 Explicatur, quomodo priuilegium differat à lege, dispensatione, gratia, & rescripto.

1 **D**Octores communiter definiunt priuilegium, vt sit priuata lex aliquod speciale beneficium concedens. sic sumitur ex Isidoro relato *in cap. priuilegia, dist. 3. & cap. in his, de priuileg. cap. Abbate, cap. olim, de verborum significat.* Dicitur lex non proprie, tum quia sæpè priuilegium non est perpetuum, sed temporale: tum etiam, quia necessitatem non imponit priuilegiato vtendi priuilegio; sæpè enim illum liberum relinquit vtendi priuilegio, vt contingit, quando priuilegium est in fauorem priuatæ personæ, & non in fauorem communitatis: dicitur tamen lex, quia dum durat, aliis necessitatem importat, ne priuilegiato vsum priuilegij impediant; ideo huiusmodi necessitas etiam ex iure ipso naturali ortum habeat, quia ius ipsum naturale dicitur ne priuilegiati iure, & facultate sibi à superiore concessa priuentur; quare priuilegium respectu aliorum est lex, non respectu priuilegiati.

2 Vocatur autem *lex priuata*, quia regulariter priuata personæ conceditur, ei dato, quoddam cui communitati concedatur, & tanquam parti communitatis superioris, quæ erat lege communi obligata, conceditur; præcipue tamen appellatur *lex priuata*, quia priuatum aliquod beneficium priuilegiato concedit; si enim nihil speciale concederet, quod ex iure communi concessum non esset, inutile, & frustraneum esset priuilegium, ut dicitur in *cap. in his, de priuilegijs, cap. Abbate, eodem tit. & tradit Gratian. §. ult. 25. quest. 1.* Neque obstat sæpè reputari priuilegia concessionem factas à Principe illarum rerum, quæ aliàs iure communi concessa erant; ut constat ex *cap. quia in causis, de procuratoribus*; ubi conceditur vniuersitati Parisiensi, ut possit procuratorem creare, quod de iure communi, ut ibidem dicitur, fieri poterat: & in *cap. eisi Christus, §. fin. de iur. iurando*, religiosis conceditur potestas iurandi in propriis causis alia probatione deficiente, quod iure etiam naturali facere poterant. Non, inquam, obstat: tum quia hæc non sunt propriè priuilegia concessiua, de quibus loquimur; nihil enim speciale his personis concedunt, quod aliàs concessum non esset: sunt tamen priuilegia declaratiua, quia declarant quod fortè illis erat dubium, & obscurum: quæ declaratio meritò reputari potest priuilegium, quia causat securitatem, & certitudinem in operante: & ita docet glossa in *supradicto cap. Azor tom. 1. lib. 5. cap. 23. quest. 3. Nauarr. consil. 5. de statu monachali, num. 5. Salas disp. 17. sect. 1. num. 4. Suarez lib. 8. cap. 1.* Quod si his concessionibus non solum securitas, & certitudo concedatur, sed etiam licentia, & facultas faciendi aliquid, quid possit ab aliquo inferiori Prælato impediri: tunc clarum est esse propriè priuilegium concessiuum. Semper tamen, quoad fieri potest, intelligendum est priuilegium, de priuilegio concessiuo, non declaratiuo; quia hoc est propriissimè priuilegium, ut sumitur ex *cap. in his, de priuilegijs. & tradit Panormit. & Felin. in cap. 1. de rescript. Azor supra. Salas num. 4. Suarez num. 8.*

3 Ex qua doctrina inferit Azor *quest. 3. & ex illo Salas num. 5.* priuilegium concessum Episcopo, ut testari queat, intelligendum esse de bonis ratione Ecclesiæ, cui præest, quæ sitis, non de patrimonialibus, de quibus iure communi testari potest. Secundò si concedat priuilegium, ut procedat in causa appellatione remota, intelligitur, non de iniusta appellatione, sed de iusta, quia procedere semota iniusta, & friuola appellatione quilibet iudex potest; quod sentit Manuel Rodriguez *tom. 1. regul. quest. quest. 18. art. 13.* Tertiò facultas data Episcopo creandi nouam dignitatem in Ecclesia, censetur data sine consensu Capituli. Quartò mandatum Pontificis de conferendo beneficio in certa Ecclesia, protenditur vsque ad canonicatum, si in ea Ecclesia non sint alia beneficia. Quintò, si Princeps concedat alicui ius inquirendi, & animaduertendi in aliquos homines, intelligitur de his, in quos inquirere, & animaduertere aliqui non poterat. Sextò, si concedat, ut agnoscat delicta, quæ aliqui antea poterat, intelligitur, ut de his delictis procedere queat, etiam fama publica non præcedente. Adde quando priuilegium solum concederet id, quod iure communi concessum esset, rectè poterat vocari priuilegium concessiuum, non quidem noui iuris, & facultatis, sed eiusdem, etiam habitæ nouo titulo, quæ concessio nouo titulo facta, reputari potest priuilegium, ut docet Suarez *lib. 8. cap. 22. num. 3. Naldus verbo priuilegium, num. 3. Bonacina disp. 1. quest. 3. punct. 4. num. 2.* Deseruit autem hæc concessio, ne per simplicem prohibitionem impediri possit illius usus, sed necessaria sit reuocatio priuilegij concessi, ut aliis relatis docuit Suarez *supra.*

4 Dixi in definitione, priuilegium concedere speciale aliquod beneficium, ut excluderem à ratione priuile-

gij leges omnes pœnales, quæ licet in defensionem aliquarum personarum, vel immunitatis Ecclesiæ late sint, priuilegij naturam non obtinent, quia non per se concedunt beneficium, licet ex impositione pœnæ, & delinquentis punitione aliquo modo resultet. sic Salas *sect. 1. num. 2. & sect. 2. num. 17.* cum Vasquez *disp. 151. cap. 3. num. 19.* Suarez *lib. 8. cap. 6. num. 6.* ubi optimè notant non esse priuilegium decretum, quo aliqui excluduntur ab aliqua congregatione, & collegio ob defectum aliquem; quia licet decretum cedat in fauorem communitatis, quia tamen hoc non est per se, sed ex consequenti; siquidem materia illius decreti non est fauor, sed pœna, & priuatio; ideo non est priuilegium; sicut nec priuilegia dici debent decreta Pontificis, quibus aliqua genera personarum ab ordinibus suscipiendis arcantur; nullum enim beneficium tali statuto alicui directè confertur.

5 Ex his constat, qua ratione priuilegium à lege, à dispensatione, à gratia, & rescripto differat. Differt enim à lege primò, quia lex respicit ius commune, & publicum; priuilegium ius speciale. sic Vasquez *disp. 115. cap. 1. num. 2. & 3.* Secundò, quia lex semper astringit ad sui obseruationem eos, in quos fertur; priuilegium à legis obseruatione excipit priuilegiatum. Tertiò lex aliquando imponit pœnam transgressoribus, priuilegium non item.

Differt autem à dispensatione, quia latius patet, quàm dispensatio; dispensatio enim semper est alicuius legis: at priuilegium non semper dispensationem legis continet; quando scilicet priuilegium non est aduersum iuri communi, sed præter illud. Item dispensatio ad vnum solum actum conceditur. v.g. ad vnicam excommunicationem, vel irregularitatem, vel impedimentum matrimonij tollendum: & tunc certè talis facultas dici in rigore non potest priuilegium, quia non est priuata lex; non enim ad modum legis permanet, sed potius ad modum præcepti transit: ius autem, & facultas per priuilegium concessa, debet esse aliquo modo permanens, & stabile. A gratia autem, & beneficio Principis differt, tanquam inferius à superiore; omne enim priuilegium gratia est, & beneficium Principis: at non omnis gratia, & beneficium priuilegium est, siquidem datur gratia, qualis est absolutio alicuius excommunicationis incurse, & dispensatio alicuius irregularitatis, quæ priuilegium non est. Denique differt priuilegium à rescripto, quia rescriptum, si nomen propriè attendamus, significat responsum Principis scriptum ad decissionem alicuius dubij iuris; vel iuris, inquam, communis, vel specialis: ac proinde à priuilegio est omnino distinctum, quod non constituit ius, sed potius regulariter à iure eximit. Verùm communiter iam rescriptum sumitur pro scriptura, qua gratia, vel iustitia alicui conceditur. Rescriptum iustitiæ est rescriptum datum, ut ius alicui seruetur; ac proinde priuilegium differt multo ab illo, quia priuilegium gratiam, & non iustitiam continet. A rescripto autem gratiæ differt, quia sæpè hoc rescriptum pro solo vnico actu conceditur, ut contingit in rescriptis dispensatiuis, alicuius impedimenti canonici, & inhabilitatis. Rescriptum autem, quod priuilegium continet, facultatem ad plures actus concedit. Item rescriptum gratiæ, sæpè est alicuius gratiæ quoad factum, non quoad ius; hoc est, est alicuius gratiæ, quæ consistit in facto esse, seu quæ vnico facto completur, ut contingit in rescriptis concedentibus beneficia, dignitates, & officia. At priuilegium propriè est facultas de aliqua gratia, quæ non absorbetur vnico facto, sed relinquit facultatem exercendi actiones plures iuri communi contrarias, vel saltem distinctas.

PUNCTUM II.

Quotuplex sit priuilegium.

Multiplex est priuilegium, aliud reale, aliud personale, aliud remuneratorium, aliud gratiosum, aliud putum, aliud sub conditione. Aliud ob bonum commune, aliud ob priuatum, aliud fauorabile, aliud odiosum, aliud temporale, aliud perpetuum, aliud scriptum, aliud non scriptum. De quibus omnibus sigillatim est dicendum.

§. I.

De priuilegio personali, & reali, quid sint, & qua ratione distinguantur.

- 1 *Explicatur utrumque priuilegium.*
- 2 *Duo notabilia inferuntur pro clariori intelligentia superioris doctrina.*
- 3 *Priuilegium concessum alicui ob aliquam illius excellentiam, quando censeatur reale, quando personale.*
- 4 *Apponitur quedam limitatio.*
- 5 *Quid quando est dubium, an sit reale, vel personale? Placet aliquibus debere intelligi personale.*
- 6 *Sub distinctione responderetur.*
- 7 *Si tibi probabilius sit esse priuilegium personale, & non reale, tametsi Suarez, & alij sentiant te debere stare parti maioris probabilitatis: at secure potes probabilis parti adhaerere.*
- 8 *Si tibi possidentis priuilegium, ut reale suborietur dubium, siue personale, neque potes vincere, reale poteris reputare.*

Primò diuiditur priuilegium in personale, & reale, secundum omnium sententiam, ex *l. priuilegia, ff. de regul. iur.* ibi, *Priuilegia quedam cause sunt, quedam persona. & cap. mandata, de presumptionib.* dicitur: *non loco tributum, sed persona.* Personale priuilegium est, quod personæ ratione ipsius conceditur. Reale quod personæ conceditur ratione alicuius rei ab ipsa distinctæ; semper enim priuilegium siue personale sit, siue reale, personam respicit, quia sola illa capax est fauoris, & beneficii per priuilegium concessi: at quia hoc beneficium, loco, officio, dignitati, aliisque similibus solet annecti, priuilegium tunc reale dicitur, quia immediatè rei conceditur, & ratione illius personæ. Hæc distinctio est maximè aduertenda ob diuersos effectus priuilegij personalis, & realis. Nam priuilegium personale cum persona finitur. *cap. priuilegium, de regulis iuris, in 6. l. unica, §. ne autem, C. de caducis tollendis, l. cum quis, §. l. fin. ff. de verborum obligat. §. finitur, Institut. de usufructu.* Priuilegium verò reale durat toto eo tempore, quo durat res, cui annectitur. *l. Imperatores, ff. de publicanis.* & tradit alios referens Ioannes Garcia de nobilitate, glossa 6. num. 38. versic. 8. Gutierrez de gabellis, quest. 166. num. 3. Barbosa in *l. quia tale, 14. ff. soluto matrimonio, num. 77. sine.* Donell. de iure eligendi, lib. 1 §. comment. cap. 2. Res autem, quibus solet annecti priuilegium reale, sunt in duplici differentia: alia vocantur corporea, alia incorporea. Corporea vocantur Ecclesiæ, monasteria, agri, aliæque similia. Incorporea, Episcopatus, Clericatus, Doctoratus, officium, & munus iudicis, scholæ, militis. Quodcumque ergo priuilegium alicui fuerit concessum ob aliquam rem, & qualitatem, ex his supradictis, priuilegium reale dicendum est.

2 Ex quo fit primò, priuilegium concessum religioni, vniuersitati, ciuitati, collegio, monasterio, ut ipsa communitas, quatenus talis est, illo vtatur, priuilegium reale propriè dici debere; quia tunc non descendit ad

singulares personas, sed ipsi communitati, qua talis est, conceditur. Tum etiam, quia de se est priuilegium perpetuum, sicuti ipsa communitas de se perpetua est. *l. proponebatur, 76. ff. de iudicijs.* Quæ est ratio sufficiens, ut priuilegium reale dicatur, ex *l. forma, §. quamquam, ff. de censibus.* Si verò priuilegium communitati sit concessum, ut singuli ex illa communitate illo frui possint, etiam reputo priuilegium reale dici debere; quia esto descendat ad singulares personas, non qua tales sunt, sed ob qualitatem communem sibi adhaerentem, scilicet, quia sunt ex tali communitate.

Fit secundò, priuilegium concessum minoribus, & absentibus, ut in aliquibus casibus institui possint, & priuilegium concessum filiis familias, ne ratione mutui possint obligari, & concessum fœminis, ne pro fideiussione obligentur, priuilegium reale dici debet; quia illas personas singulares respicit, non qua tales sunt, sed ratione qualitatis communis illis adhaerentis: & in his omnes ferè Doctores conueniunt, ut videre est in Azor lib. 5. cap. 22. quest. 2. & seqq. Salas disp. 17. sect. 2. à num. 9. Suarez lib. 8. cap. 3. à num. 3. Basil. de Leon lib. 8. de matrim. cap. 18. à num. 4. & num. 6.

3 Difficultas autem est, quando priuilegium alicui personæ conceditur ob aliquam illius excellentiam? Verbi gratia, ob labores in bello factos, ob ingentem victoriam, ob singularem scientiam; an tunc priuilegium illud sit personale, vel reale? Et quidem si priuilegium illud ob materiæ incapacitatem, ad successores, vel hæredes illius transire non potest, priuilegium personale erit, quantumcumque verba aliud indicent; quia verba debent rebus accommodari: sic ex Panormit. Anchoran. & aliis docet Suarez lib. 8. de legibus, cap. 3. à num. 13. Menochius lib. 3. presump. 103. num. 1. & 16. Basilus cap. 18. §. 1. num. 6. Sanchez lib. 8. disp. 27. num. 3. At si priuilegium illud ad successores, vel hæredes transmitti potest; tunc, inquam, attendenda sunt verba, quibus priuilegium conceditur, ut ex illis intentio concedentis colligatur. Nam si verba priuilegij dirigantur ad dignitatem, officium, & munus illius personæ, quod munus, & dignitas ad successores transit, regulariter priuilegium reale iudicari debet, & ad successores transmitti. Ut si dicat Princeps: Concedo Episcopo Salmanticensi, Comiti Benauenti, Duci Sidoniz hanc, vel illam facultatem, &c.

Dixi, regulariter, quia ex verbis, & materia priuilegij, potest constare non fuisse priuilegium concessum dignitati, sed personæ, etiam si persona nominata non fuerit. Ut si Episcopo Salmantino concedatur potestas aliqua dispensandi, & addatur in priuilegio, id illi concedi ob eius prudentiam, & singularem scientiam, & sanctitatem, concessio personalis erit, neque ad successores transmittenda, ut multis allegatis docet Thomas Sanchez lib. 8. de dispensat. disp. 27. num. 3. & probatur satis ex *cap. mandata, de presumptionibus.* Verùm si dicas: Concedo tibi Petro Francisco, &c. regulariter personale priuilegium est reputandum: tum quia concessio ad personam dirigitur: tum quia non nominat officium, cum possit: ita Panormitanus, & Felinus in *cap. quoniam Abbas, de officio delegati.* glossa in *cap. tunc, de his, que sunt à prelato, & 25. quest. 2. in princip.* Baldus in *cap. 1. de his, qui solum dare possunt, §. Marchio, num. 4.*

4 Limitanda tamen est hæc doctrina, nisi addantur aliqua verba, quæ perpetuitatem, & transmissionem priuilegij ad successores denotent: tunc enim reputandum est priuilegium, non personæ singulari, sed officio, vel familiæ concessum. Ut si priuilegium dicat, tibi, & successoribus tuis hæc facultas conceditur. Et idem est, si diceret: Tibi in perpetuum concedo hanc facultatem: ratione illius particulæ, in *perpetuum*, ad successores priuile

privilegium transit. Nam si ad successores non transiret privilegium, nihil illa particula operaretur, sed esset inutilis, & frustranea: quod in legibus, & privilegiis omnino vitandum est, ut deciditur in cap. si Papa, de privilegiis, in 6. ibi, cum verba aliquid operari debeant, & l. 3. in princip. ff. de iurciurand. nec frustra adicitur. Quod adeo verum est, ut etiam quælibet syllaba aliquem effectum debeat fortiri: & tradit Staphileus de litteris gratiarum, de vi, & effectu clausula, §. 1. num. 6. Simon de Præcis de interpret. ultim. volunt. lib. 2. interpret. 3. dub. 2. solut. 5. & glossa cap. solus, de maioribus, & obed. verbo tanquam. Sed ex eo præcisè, quod privilegium dicat: Concedo tibi hanc facultatem, sine vlla temporis restrictione, intelligitur tibi concessa toto tempore vitæ tuæ. Ergo ut aliquid operetur, particula illa in perpetuum, ad successores debet extendi. Neque obstat concessionem tibi tantum esse factam, quia tibi tantum est facta sub expresso nomine, & successoribus, sub nomine implicito, & virtuali: sic Felin. in cap. quoniam Abbas, de offic. delegat. num. 11. Suarez lib. 8. cap. 3. num. 12. Basil. de Leon lib. 8. cap. 18. num. 5. Menochius de præsumptionibus, lib. 3. præsumpt. 103. num. 38. Ioan. Garcia de nobilit. glossa 1. §. 1. num. 25. Neque obstat l. 1. ff. pro socio, ubi contractus societatis, etsi dicatur factus in perpetuum, non extenditur ultra vitam, quia non possunt socii obligare hæredes ad societatem, ex l. cum duobus, §. 2. §. idem respondit, l. adeo, 60. ff. pro socio.

5 Sed inquires, quando pensatis verbis privilegij, & illius materiæ dubium est, an privilegium reale sit, an personale, quod reputandum sit; verba enim privilegij simul & ad personam, & ad officium dirigi possunt. Ut si dicat privilegium: Concedo tibi Episcopo Salmanticensi facultatem, &c. illa enim verba tum ad dignitatem, tum ad personam diriguntur, ambiguumque sensum reddunt, an ad personam ratione ipsius, vel ratione dignitatis dirigantur: quid ergo dicendum tunc est? Aliquibus videtur reputandum esse privilegium personale, quia duplici præsumptione concurrente, alia speciali, alia generali, prævalet specialis, ut ex multis probat Menochius de arbitrar. lib. 2. casu 472. num. 14. & de præsumptionibus, lib. 1. quest. 29. num. 7. Sed personalis præsumptio magis specialis est, quam realis. Ergo pro personalis in casu dubio standum est: sic tenet relato Decio cap. quoniam Abbas, num. 36. de officio delegati, in nova editione. Thomas Sanchez lib. 8. de matrim. disp. 27. num. 4.

6 Verum sub distinctione respondendum cenfeo. Si privilegium est omnino favorabile, quia nec iuri communi, neque iuri tertij contrarium est, reputari debet reale in casu dubio, & extendendum. sic ex Bart. & Bald. Barbosa, Rodriguez, & aliis docet Suarez num. 18. Bonacina disp. 1. de legibus, quest. 3. punct. 1. num. 7. & innumeros referens Thomas Sanchez lib. 8. de dispens. disp. 1. num. 1. in fine, & num. 4. Basil. de Leon lib. 8. de matrim. cap. 18. §. 1. num. 7. Ratio est, tum quia beneficium Principis latè est interpretandum, ex l. ult. ff. de constit. Princip. tum etiam, quia beneficium concessum à Principe debet esse mansurum, ex reg. decet, l. 6. de regul. iur. in 6. Verum si privilegium iuri communi derogat tantum, etsi plures Doctores sentiant latè interpretandum esse, ac proinde, ut reale iudicandum: at meritò Thomas Sanchez pluribus relatis, Suarez, & Bonacina, Basilii supra, sentiunt limitandum esse, & personale iudicandum. Et ratio desumitur ex cap. §. ille verò, de filiis presbyterorum, in 6. ubi ea de causa restringitur dispensatio illegitimi, quia à iure communi exorbitat. Si autem privilegium præter ius commune sit, vergit tamen in præiudicium aliorum, ea parte, qua in præiudicium vergit, strictè est interpretandum; ac proinde reputandum erit tunc personale, & non reale. sic Sanchez, Bonacina, Suarez, & alij apud ipsos. Debet tamen præiudicium

cium grave esse, aliàs non debet in considerationem venire; sic ex glossa fin. cap. olim, de verb. signific. & aliis, docet Sanchez supra num. 4. circa finem. Neque obstat adversus hanc doctrinam regula illa, quod præsumptio specialis generalem cellare faciat, quia hoc intelligitur, quando specialis generali opponitur. Secus verò de præsumptione speciali, quæ si in generalem transeat, favorabilior erit.

7 Aduertit tamen Suarez, & Bonacina supra; si tibi maior probabilitas est, privilegium personale esse, & non reale, vel econtra; pro parte maioris probabilitatis stare debes, etiam si probabile iudices oppositum, quia illa maior probabilitas est quædam moralis certitudo, & maius ius confert: ac proinde non solum in foro interno, sed externo sic iudicandum est. Verum, ut constat ex dictis in tract. de conscientia probabili, etsi tibi sententia aliqua probabilior appareat, non teneris illi adherere, sed probabilem sequi pores: tum quia non est certum illam sententiam, quæ tibi probabilior apparet, esse probabiliorem; ubi aliis enim, ut minus probabilis iudicabitur, ac proinde cautè dixit Suarez lib. 8. de legibus, cap. 3. circa finem. sententiam probabiliorem sequendam esse, si excessus probabilitatis certus sit. quod ferè est impossibile: tum etiam, quia id quod verè est probabile, in ea ratione, qua probabile est, prudenter te illi conformas. Ergo non teneris probabiliorrem partem sequi.

8 Aduerto secundo, si tibi possidenti privilegium, ut reale, suboritur dubium, an fuerit personale, & te diligenter examinata, dubium vincere non potes, reale esse poteris reputare; iuxta vulgatam regulam, In dubijs melior est conditio possidentis. sic Bonacina, & Suarez supra.

§. II.

De privilegio perpetuo, & temporali.

- 1 Explicatur privilegium perpetuum, & illius conditio.
- 2 Explicatur temporale, & quotupliciter contingat.

1 **S**ecundò diuiditur privilegium in perpetuum, & temporale. Privilegium perpetuum est, quod durare perpetuò potest, nisi à concedente reuocetur. Temporale econtra, quod de se tempore limitato finitur. Privilegium perpetuum semper est reale, ac proinde tunc solum contingit, quando adheret rei de se perpetuæ, & concessum est absque vlla temporis limitatione. Sic dicitur privilegium perpetuum, quod conceditur monasterio, Ecclesiæ, alterique loco pio, quia hæc loca de se perpetua sunt. cap. qua semel, 19. quest. 3. Item quod vniuersitati, collegio, & religioni primò est concessum; quia communitas illa semper manet, etsi singulares finiantur. Idem est de privilegio concessio dignitati, officio, & muneri, quod ad successores transit, quia successione ipsa perpetuatur, & durat.

2 Privilegium autem temporale tripliciter contingit. Primò ex parte eius conceditur. Secundò ex parte concedentis. Tertio ex parte ipsius privilegij. Ex parte eius, cui conceditur, contingit, si personæ tantum concedatur, quodque vocatur privilegium personale, singulare. Nam licet hoc aliquo modo dici possit perpetuum, sicut exilium pro tota vita perpetuum dicitur: comparisone tamen facta cum privilegio alio reali perpetuo, temporale est, quia pro tempore signato, qualis est hominis vita, durat; hac enim finita, & privilegium finitur, ex cap. privilegia, de regulis iuris, in 6. & l. privilegia, l. in omnibus causis, ff. eodem. Ex parte concedentis est privilegium temporale, quando pro sola eius vita conceditur, vel pro limitato aliquo tempore. Nam licet privilegium, quia gratia est, & fævor, non finiatur de se

S ; morte

morte concedentis, quando absolutè conceditur, ex cap. gratum, de offic. deleg. v. & cap. si super gratia, eodem tit. in 6. At si concedens limitauerit intentionem suam, ut solum pro tanto tempore, vel pro sua vita vim habeat, ultra illam extendi non poterit, quia non potest extendi priuilegium ultra intentionem concedentis illud. Quando verò hoc censetur contingere, ex verbis ipsius priuilegij desumendum est, & nos explicabimus, cum de cessatione priuilegij loquamur. Ex parte verò priuilegij est temporale, si concedatur sub aliqua conditione, quæ lapsu temporis finitur: nam ultra illam extendi non poterit, quia non extenditur priuilegium ultra intentionem concedentis illud.

§. III.

De priuilegio gratioso, & remuneratorio, conuentionali, & puro.

- 1 Explicantur hac priuilegia.
- 2 Quodlibet ex his priuilegijs potest esse reale, & personale.
- 3 Proponuntur aliquot obiectiones.
- 4 Soluuntur.
- 5 In casu dubio, an hac censenda sint priuilegia personalia, an realia.

Tertio diuiditur priuilegium in gratiosum, & remuneratorium. Remuneratorium priuilegium dicitur, quod alicui conceditur in præmium, & satisfactionem meritorum eius, vel suorum parentum, vel consanguineorum. Gratiosum verò, in quo non habetur respectus ad vlla merita tanquam merita. Concedens enim priuilegium dupliciter se gerere potest in illius concessione. Primo purè gratiosè, cui gratiæ non obstat respectus ad merita priuilegiati, tanquam ad causam impellentem, & mouentem ad concessionem; obstat tamen, si respiciat merita, tanquam merita, & pretium; pro quibus, & in quorum satisfactionem, & præmium intenditur priuilegium concedi. Si ergo priuilegium merita, ut merita non respiciat, erit priuilegium gratiosum: si autem illa, ut merita spectet, & priuilegij concessione velit illa remunerari, & quodammodo satisfacere, censetur priuilegium remuneratorium; in hac enim explicatione omnes Doctores conueniunt.

Quarto, diuiditur priuilegium in conuentionale, & purum. Conuentionale autem priuilegium, ut ex ipsis terminis constat, est, quod ex conuentione, & pacto conceditur. Non conuentionale, seu purum, quod omni conuentione, & pacto caret.

Dices conuentionem priuilegio stare, quia quæ debentur ex conuentione, sunt debita; priuilegium autem est gratia, ut diximus: gratia autem debito opponitur. Ergo.

Respondeo, de ratione priuilegij solum est facultas alicui concessa extra id, quod à iure habet, quæ de te gratia est: quod autem hæc facultas, & gratia concedatur ex debito, vel ex liberalitate, nihil interest ad priuilegium: ut bene dixit Suarez lib. 8. de priuileg. cap. 4. num. 9.

2 Sed inquires, an quodlibet ex his priuilegijs possit esse reale, vel personale?

Respondeo & posse esse reale, & personale. quia siue purè, siue ex pacto, siue in remunerationem, siue gratiosè priuilegium concedatur, potest concedi personæ, vel officio limitato tempore, vel in perpetuum. Ergo ex se indifferens est, ut personale sit, vel reale; quare attendenda sunt verba priuilegij, & materia circa quam versatur, ut inde colligatur, an priuilegium reale sit, vel personale.

3 Sed obieciēs, quia priuilegium remuneratorium non videtur posse esse reale; e contra verò priuilegium conuentionale non videtur esse posse personale. Ergo supradicta doctrina non subsistit: quod autem priuilegium remuneratorium non possit esse reale, hoc est, ad hæredes, & successores transire, inde probatur; quia ad ipso non transeunt merita, ob quod priuilegium est concessum. Ergo neque priuilegium transire potest; priuilegium enim remuneratorium debet habere merita, quæ remuneret. Ergo ubi non habet merita, quæ remuneret, priuilegium remuneratorium esse non potest. Et confirmo ex l. 69. ff. de regul. iur. ibi, in omnibus causis id obseruatur, ut ubi persona conditio locum facit beneficio, ubi deficiente ea, beneficium quoque deficiat. & ex l. 1. ff. de constitut. Princip. ubi Vlpian. dicit, Quæ Princeps alicui ob merita indulget, vel si quam pœnam irrogauit, vel si cui sine exemplo subuenit, personam non egreditur. Ergo priuilegium concessum ob merita alicuius, illius personam non egreditur: siquidem conditio ipsius locum fecit beneficio, ac proinde ea deficiente, beneficium deficere debet. Quod autem priuilegium conuentionale personale esse non possit, inde probatur, quia fundatur in pacto, & non in persona. & ratione pacti neque ab ipso concedente reuocari potest. Ergo est priuilegium reale, & de se perpetuum.

4 Facilis est horum solutio. Dico ergo priuilegium remuneratorium non exigere actum merita, quando est, sufficit, si aliquando præcellerint; propter merita enim præterita tibi priuilegium remuneratorium concedi potest; imò propter merita tuorum parentum, vel consanguineorum: illa enim merita in te remunerantur, & illud priuilegium remuneratorium est, non tuorum meritorum, sed aliorum, quæ tibi applicantur.

Ad confirmationem desumptam ex regul. 69. concedo, ubi personæ conditio locum facit beneficio, taliter, quod beneficium à conditione personæ pendeat in esse, & conseruari, deficiente ea, beneficium quoque deficere. Quia tunc est priuilegium personale, qualitatem personalem respiciens. At quia læpè personæ conditio locum fecit beneficio, quod beneficium non dependet in sui conseruatione à conditione, quæ illius fuit occasio; ideo tale beneficium non semper finitur deficiente persona, sed ad successores transire potest. Ad legem illam primò concedo priuilegia, quæ Princeps alicui ob merita indulget, vel gratis donauit, personam illius cui sunt concessa, non egredi; per consequentiam, inquam, similitudinem, & exemplum, quia in regul. 74. de regulis iuris, in 6. dicitur, Quod alicui gratiosè conceditur, trahi non debet ab alijs in exemplum. Hoc tamen non obstat, quominus per identitatem possint personam egredi, & ad successores transire. Quod si rectè expendatur, non est propriè egredi personam, cui sunt priuilegia concessa; siquidem à principio non fuerunt vni, & singulari personæ concessa, sed multis, scilicet omnibus ex familia, vel successoribus in dignitate. Alia verò obiectio de priuilegio conuentionali difficultatem non habet. Concedo ergo priuilegium conuentionale fundari in pacto, tanquam in occasione, & causa, ob quam est concessum: non tanquam in fundamento, cui annectatur ipsa concessio; est enim pactum occasio concessionis, non materia illius.

5 Sed vterius inquires, quid in casu dubio censendum sit, an priuilegium reale, an personale? Et quidem de priuilegio conuentionali regulariter censendum est reale, ex l. 2. ff. de iure immunitatis. Ratio est, quia huiusmodi priuilegium rationem contractus sortitur, qui regulariter ad hæredes transit, ex l. iurisdictionum, §. pactorum, ff. de pactis. Menochius de præsumpt. lib. 3. præsumpt. 103. num. 22. Barbosa in l. quia tale, ff. soluto matrimonio, num. 6. ad finem. De priuilegio autem remuneratorio cenſeo probabilius in casu dubio personale esse, quia merita,

merita; in quibus fundatur, personalia sunt: sic Menochius plures referens *supra* num. 12. Barbosa n. 6. Basil. lib. 8. cap. 18. §. 1. n. 9.

§. IV.

De priuilegio affirmatiuo, & negatiuo, communi, & singulari, fauorabili, & odioso.

- 1 *Explicatur affirmatiuum, & negatiuum, & quomodo distinguantur.*
- 2 *Priuilegium commune, & singulare expenditur.*
- 3 *Fauorabile, & odiosum declaratur.*

1 **Q**uintò priuilegium sicut & lex, & præceptum diuidi solet in affirmatiuum, & negatiuum. Diuisio est ratione materiæ priuilegij. Affirmatiuum priuilegium vocatur, quod facultatem concedit ad aliquid efficiendum: negatiuum, quod concedit facultatem ad omittendum. Multipliciter autem hæc differunt. Primò differunt, quia priuilegium affirmatiuum aliquando est contra ius commune, aliquando est præter illud, quia in actione consistit, quæ potest esse, & iuri communi aduersa, vel saltem ab illo non concessa: sic priuilegium concessum ingrediendi monialium monasteria, est contra ius commune, & priuilegium lucrendi indulgentias, eligendi Confessorem præter ius commune. At priuilegium negatiuum semper est contra ius certum; vel saltem dubium; quia esse non potest priuilegium, nisi concedat facultatem aliàs non habenti: at quilibet habet potestatem omittendi ea, ad quæ facienda nullo iure tenetur. Ergo ad hæc omittenda non datur priuilegium. Dixi, contra ius certum, vel dubium, ut comprehenderem omne priuilegium tam declaratiuum facultatis, quàm concessiuum illius, quando enim ius dubium est, & non obligat nisi ex ignorantia, & scrupulo alicuius; tunc priuilegium, quod illi conceditur, non est propriè priuilegium, quia non est concessio alicuius facultatis aliàs non habenti, sed est declaratio facultatis incognitæ, quam habebat. Hinc est secunda differentia priuilegij affirmatiui à negatiuo; quia negatiuum semper est oppositum positiuo præcepto: at affirmatiuum non semper est oppositum præcepto, & quando ei opponitur, negatiuo præcepto opponitur. Alij tertiam differentiam addunt, quia priuilegium negatiuum amitti non potest per non usum, seu omissionem; secus verò affirmatiuum. Quod verum habet, si non usus intelligatur de non usu, seu omissione legis communis, quia per talem omissionem, & non usum legis priuilegium seruetur. Quomodo ergo amitti potest? At si intelligatur de non usu, & omissione ipsius priuilegij, potest sicut & affirmatiuum priuilegium deperdi.

2 Sextò dididit priuilegium in commune, & singulare. Voco priuilegium commune, quod ob finem boni communis, immediatè conceditur. Singulare, quod ob bonum alicuius singularis est immediatè concessum. Notanter apposui particulam *immediatè*: nam omne priuilegium siue concessum communitati, siue concessum singulari personæ, semper est ob finem communis boni ultimari, quia ad bonum commune spectat priuilegia indigentibus, & benemeritis concedi: sed non obinde debent dici priuilegia communia, & ob finem boni communis immediatè concessa, sed singularia; quia licet multis cõcedantur, cuilibet tamen conceditur, quatenus talis est. At priuilegium, quod ob finem boni communis immediatè conceditur, primò, & per se communitati conceditur, & inde ad singulos deriuatur, non qua singuli sunt, sed qua partes sunt illius communitatis. Exemplum est manifestum in pri-

uilegio concessio clericis, ne ad tribunal sæculare trahantur, quod est concessum statui clericali primò, & inde ad quoslibet clericos deriuatur, quatenus partes sunt illius status. Huic ergo priuilegio communi nemo potest renuntiare, ex cap. *si diligenti*, de foro compet. cap. *contingit*, de sentent. excommun. & *l. ius publicum*, ff. de pactis. quia nemo potest renuntiare, quod sibi directè concessum non est, esto illo fruatur. bonum enim commune pendere non debet à cuiusque voluntate. Item ipse non potest renuntiare esse partem illius communitatis, cui concessum est priuilegium. Ergo nec priuilegio, quod illi aduenit, quatenus est pars, & membrum communitatis. Priuilegio autem in commodum vniuscuiusque introducto cedere quiuis potest, ex cap. *ad Apostolicam*, de regularibus, & *l. si quis in conscribendo*, C. de pactis. tum quia non decet beneficium inuito concessum & præcipuè, quia si in commodum ipsius est priuilegium, ipse constituitur illius dominus, ac proinde renuntiare poterit. Limitanda tamen est hæc doctrina, nisi priuilegium concessum in gratiam vnius, respiciat etiam commodum alterius, & vnum ab alio separari non possit, quia tunc ab vno tantum non poterit renuntiare; aliàs posset renuntiare priuilegio alterius. Qua ratione dicitur vxorem non posse renuntiare priuilegio senatus-consulti Velleiani, non se obligandi fideiussione sine consensu mariti; quia tam in fauorem vxoris, quàm mariti hoc priuilegium est vxori concessum. Idem est, si priuilegium concessum in fauorem tui, esset etiam directè concessum in vindictam alterius; quia tunc tali priuilegio renuntiare non posses, eo quod non possis intentionem legislatoris, quæ tuum consensum non respicit, impedire. sic Bonacina *disp. 1. quæst. 3. punct. 1. num. 10.* Suarez *lib. 8. cap. 6. à num. 1.* Salas *disp. 17. sect. 2. num. 24.*

3 Septimò diuiditur priuilegium in fauorabile, & odiosum. Fauorabile est, quod ita fauorem continet, ut nemini incommodum afferat. Tale est priuilegium audiendi Missam tempore interdicti, vescendi lacticia, vel carnes tempore Quadragesimæ, faciendi testamentum sine iuris solemnitate, & alia similia. hæc enim etsi obseruationi iuris communis opponantur; quia tamen nemini specialiter præiudicium afferunt, fauorabilia priuilegia absolute dicenda sunt. Odiosum verò priuilegium è contra dicitur, quod ita fauet priuilegiato, ut simul alteri noceat: tale est priuilegiu, quo exemptus es à decimarum solutione; nocet enim illi, cui decimæ debebantur, etsi tibi prosit. Item priuilegium, quo capax es habendi plura beneficia, cedit enim in præiudicium aliorum. Simile est priuilegium concessum ad lites, & maximè si datur, ut procedat iudex appellatione remota, quia hæc omnia etsi tibi faueant, aliis damnosa sunt. sic Panormit. *in cap. quia*, de priuileg. & cap. *olim*, de verb. signific. Bald. *in l. 1. ff. de constit. Princip. Tiracquel. de utroque retractu*, in *præf. num. 62.* Azor *lib. 5. cap. 23. quæst. 2.* Bonacina *disp. 1. quæst. 3. punct. 1. num. 21.* Suarez *lib. 8. cap. 6. num. 5.*

§. V.

De priuilegio scripto, & non scripto pro foro conscientie & externo.

- 1 *Quid sit priuilegium scriptum, & an transumpto fides habenda sit? quid non scriptum.*
- 2 *Consuetudine comparari potest priuilegium.*
- 3 *Proponitur quedam obiectio, & soluitur.*
- 4 *Explicatur priuilegium pro foro conscientie, & pro foro externo.*
- 5 *An priuilegium pro foro conscientie intelligatur pro foro sacramentali? approbatur non intelligi.*
- 6 *Imò neque concessum pro foro penitentia importat necessariò*

cessario forum sacramentale, quidquid contra sentiat Sanchez & alij.

O Ctraud diuiditur priuilegium in scriptum, & non scriptum. Scriptum priuilegium est, quod per scripturam conceditur. Debet autem scriptum esse authenticum, & obsignatum Principis sigillo, ut fidem saltem in foro externo faciat. Si autem velis transumptum aliquod deducere, debes citare partem, cuius interest, alias nullam fidem facit transumptum, sic deductum ex originali.

At si priuilegium nulli specialiter opponitur, debes edicto generali vocare; si aliquis forte est, cui interest tale priuilegium, ut compareat ad contradicendum. sic Covarr. *quest. practic. cap. 2. circa finem*. Baptista de Salas *in sum. verbo priuilegium, fol. 199. col. 1.* Emanuel Rodriq. *quest. regul. quest. 8. art. 16.* & probant omnes, ex *cap. Albericus, de testib. Verum post Clementem V. ferè semper in omnibus priuilegiis specialiter religionibus concessis, apponunt Pontifices clausulam, ut transumptis, etiam impressis habeatur integra fides, modò sint manu Notarij publici subscripta, & sigillo personæ in dignitate constitutæ munita, ut videri potest in omnibus bullis. Imò Iulius II. ut refert Emanuel Rodriq. tom. 1. *regul. qq. quest. 8. art. 16.* vnum sufficere concessit, vel transumptum obsignati manu Notarij publici, vel sigillo personæ in dignitate constitutæ. quod priuilegium non censetur reuocatum, ait Eman. etiam si Pontifices subsequentes vtrumque ad fidem expostulent, subintelligitur enim, nisi aliud sit specialiter concessum. Priuilegium non scriptum est, quod verbotenus à Principe est concessum, vel consuetudine est introductum. Supponimus modò ex dicendis in puncto seq. scripturam non esse de substantia priuilegij, sed consensum Principis, quomodocumque manifestetur, sufficere.*

2 Difficultas autem est, an huiusmodi consensus in consuetudine inueniatur, ac proinde priuilegium consuetudine comparari possit?

Respondeo cum communi omnium sententia posse. sic glossa *in cap. super quibusdam. §. praterea, verbo non extat, de verbor. significat. & in cap. nouis, de iudicijs, verbo consuetudinem, & in cap. conquestus, §. quest. 3.* Innocent. *cap. constitutus, de rescriptis.* Suarez *lib. 8. cap. 7. à num. 5.* Bonacina *disp. 1. quest. 3. punct. 1. num. 3.* Salas *disp. 17. sect. 2. num. 21.* Ratio est, quia consuetudo legalis vim habet abrogandi legem in totum, vel in parte, si de communitate procedat, sed talis abrogatio verè priuilegium est. Si autem consuetudo non sit ab aliqua communitate, quæ legem introducere possit, sed ab aliqua familia, vel singulari persona; tunc idem est, ac præscriptio: præscriptione autem acquiruntur varia iura, & facultates, & iurisdictiones, ut constat ex *cap. cum contingat, de foro competentis*, ubi id notat glossa, & Panormit. Felin. *cap. auditis, num. 17. de prescription. & cap. super questionum. §. si verò, de officio delegati, num. 17.* Callanzos *in consuetudinib. Burgundie rub. 1. §. 6. verbo du prince, num. 13.* Hæc autem reputari debent, & verè priuilegia sunt. Consensus autem Principis ad huiusmodi consuetudinem legalem, vel præscriptionem subsequens non requiritur. Sufficit enim datus *in l. de quibus, ff. de legib. & cap. ult. de consuetud.* ut loquendo de consuetudine diximus. Quocirca omnes conditiones, quæ ad consuetudinem legalem, vel præscriptionem requiruntur, et omnes requiruntur ad hoc priuilegium, siquidem media consuetudine legali, vel præscriptione debet introduci. Cum autem ad consuetudinem legalem, & ad præscriptionem diuersæ conditiones requirantur, ut constat ex supradictis de consuetudine, ad consuetudinem legalem diximus sufficere decennium, ad præscriptionem non semper, sed pro qualitate rei præscribendæ. Ad

consuetudinem introducendam non expostulatur bona fides, secus ad præscriptionem. Diuersæ etiam conditiones requiruntur ad priuilegium consuetudine legali, vel præscriptione comparatum.

3 Sed obieciæ sequi ex hac doctrina, quoties reuocantur alicui priuilegia, reuocari ea, quæ consuetudine, & præscriptione comparauit; siquidem verè, & propriè priuilegia sunt. Consequens autem communiter non admittitur. Ergo non sunt verè priuilegia.

Respondeo negando sequelam, & ad probationem dico, etsi iura, & facultates consuetudine, vel præscriptione comparatæ verè, & propriè priuilegia sint, quia tamen nomen priuilegij pro priuilegio specialiter à Principe concessio sumitur communiter: ea de causa in materia odiosa, qualis est reuocatio, non debent venire intelligenda, quæ consuetudine, vel præscriptione comparata sunt. sic docuit Salas *disp. 17. sect. 2. num. 21.* Bonacina *disp. 1. quest. 3. punct. 1. num. 3.* Suarez *lib. 8. cap. 7. à num. 10. & præcipue num. 15.* Et fauent omnes illi, qui dicunt, priuilegium hoc esse præsumptum, seu fictum fictione iuris, quos refert Suarez *supra num. 6.* Verum si sermo sit de augmento, & extensione aliqua fauorabili, optimè possunt consuetudines, & præscriptiones sub nomine priuilegij comprehendi, quia verè sunt priuilegia; & nulla apparet ratio, quare talis fauor illis competere non possit.

4 Nona diuisio priuilegij in priuilegium pro foro conscientie tantum, & in priuilegium pro foro externo, est satis vtitata, & cognitu necessaria. Priuilegium datum pro foro conscientie tantum, ita prodest priuilegiato in illo foro, ut non possit in exteriori foro virtute illius operari, sed debet se exterius gerere, ac si nullo priuilegio gauderet. At priuilegium datum absolute, seu datum pro foro externo, non solum in illo foro prodest, sed etiam pro foro conscientie. nam securus in conscientia procedit, qui virtute talis priuilegij operatur. Quod intelligendum est, quando verè priuilegium est, & non præsumptum, seu subreptitiè acquiritum: nam tunc licet in exteriori foro videatur esse priuilegium; re tamen ipsa nullum est, sed solum præsumitur.

5 Difficultas autem est, an idem sit priuilegium datum pro foro conscientie, & pro foro pœnitentie? Negat Eman. Rodriq. *tom. 1. quest. regular. quest. 61. art. 10.* & Thom. Sanchez *lib. 8. de matrim. disp. 34. num. 29.* hi enim Doctores distinguunt cum Præposito *cap. praterea, el. 2. num. 5. de sponsalib. triplex forum*; primò contentiosum; secundò pœnitentiale; tertio quasi pœnitentiale, quod est medium inter hæc, quodque vocatur conscientie: quando ergo priuilegium concessum est pro conscientie foro; existimant ij Doctores extra sacramentum Pœnitentie exerceri posse: at si concessum sit pro foro pœnitentie, solum in foro sacramentalis pœnitentie exercendum esse. Assentior his Doctoribus, qua parte dicunt priuilegium concessum pro foro conscientie non expostulare forum sacramentale, cum multa ad conscientiam pertineant, quæ extra sacramentum exerceri possint, ut benè dixit etiam Nauarr. *lib. 5. consil. tit. de priuilegijs, consil. 11. num. 2. in 2. editione, & in summ. cap. 27. num. 41.* Idem docet Eman. *Saa verbo excommunicatio*, ubi de absolutione, *num. 1.* Quare priuilegium pro conscientie foro concessum, solum importat vsum occultum illius, minimè deseruientem iudiciali foro, nullòque modo expostulantem sacramentalem confessionem, nisi materia priuilegij aliud indicet.

6 Dissentio tamen à Thom. Sanchez, Eman. Rodr. & Præposito, quatenus affirmant priuilegium concessum pro foro pœnitentie, seu pœnitentiale, importare confessionem necessariam. Pœnitentia enim Ecclesiastica sæpè extra confessionem sacramentalem imponitur, ut cum aliquis ab excommunicatione solemniter absoluitur,

tur, talis absolutio pœnitentialis est, & in foro pœnitentiz datur, & tamen non datur in foro sacramentali. Quocirca forum pœnitentiz à foro conscientiz in eo solum existimo distinguendum, quod forum conscientiz comprehendit quidquid ad conscientiam pertinet, quod non solum est remotio cuiuscumque mali, & peccati, sed etiam cuiuscumque boni concessio. Vtile enim est conscientiz, non solum tollere ab illa mala, quæ habet, sed etiam fauores aliquos, & bona, quibus capax est, concedere. At forum pœnitentiz solum comprehendit culpam, vel malum aliquod, & vinculum, pro quo tollendo pœnitentia facienda est; cum autem hoc vinculum, & malum sæpè possit tolli extra sacramentum Pœnitentiz; manifestè videtur inferri priuilegium concessum pro foro pœnitentiz, non semper importare forum sacramentale, sed solum quando malum, quod tollendum est, alia via tolli non possit, quàm per sacramentalem confessionem, quod malum solum est culpa, & peccatum, non censura, & pœna; & ita docet Suarez, adducens Syluest. Rosellum, Antoninum, & Tabien. lib. 8. de legibus, cap. 6. num. 15. insinuat Basilii de Leon lib. 8. cap. 21. num. 17. Quod aded verum est (inquit Suarez) ut etiam si indultum committatur Sacerdoti confessori, vel qui audit confessiones, non debeat ob id intelligi exercendum necessariò in sacramento Pœnitentiz; quia illis verbis solum indicatur qualitas personæ eligendæ, non actualis vsus confessionis. Idem docet Thomas Sanchez lib. 8. de matrim. disput. 34. num. 29.

Ex qua doctrina infero cum ipso Suarez num. 16. indultum datum Episcopis in Trident. sess. 24. cap. 6. de absolutione à qualibet censura, & impedimento occulto in foro conscientiz, iniuncta pœnitentia salutari, non indigere ad sui executionem sacramento Pœnitentiz, sed extra illud imponi posse pœnitentiam salutarem. Idemque esse in foro conscientiz iniuncta pœnitentia salutari, ac in foro pœnitentiz, vel pœnitentiali.

§. VI.

De priuilegio ad instantiam partis, vel motu proprio concessio.

- 1 *Qua sint hæc priuilegia.*
- 2 *Probari ne possit testibus priuilegium esse motu proprio concessum.*
- 3 *Clausula motus proprii in priuilegio tollit vitium subreptionis, ex communi sententia.*
- 4 *Intelligitur, si nulla à te facta sit supplicatio.*
- 5 *Tamen si supradicta gratia careat vitio subreptionis, potest ex alijs capitibus infirmari.*
- 6 *Si concedens priuilegium exprimit in concessione falsitatem, nullum est.*
- 7 *Quid si supplicationem facias diminutam, & concedens apponat clausulam ex motu proprio? probabilis censetur valere, esse doctissimus Suarez contrarium defendat.*

Illud dicitur priuilegium concessum ad instantiam partis, quando propter instantiam priuilegiati, vel alterius, qui eius partes gerit, conceditur, aliàs non concessurus. E contra verò illud dicitur motu proprio concessum, in cuius concessione Princeps à se ipso mouetur independenter à qualibet alia intercessione. Sed quia hæc motio, & voluntas Principis constare non potest, nisi ipse eam declararet, imbibit enim vniuersalem negatiuam ex nullo alio motum esse, cuius probatio moraliter impossibilis est: ea de causa nunquam censetur priuilegium, & gratia motu proprio concessa, nisi in ipsa concessione sic exprimat: deciditur in

cap. si motu proprio, de prabendis, in 6. Neque inde sit excludi à tali gratia, & priuilegio petitionem priuilegiati; poterat enim petiisse priuilegium, & nihilominus priuilegium non ob eius petitionem, tanquam ob causam finalem, sed ex voluntate Principis esse concessum, quia concedit ex sua voluntate, sicut petiitum est, non quia petiitum est. & ita ex Baldo, Decio, Felino, & alijs tradit optimè Menochius lib. 2. de arbitrar. centur. 3. casu 201. num. 79. Rebuff. in concord. in forma mandati Apostol. verbo motu proprio, versic. notandum est. & praxi beneficiaria tit. de mandat. Apostol. in clausulis mandatorum, num. 21. Thomas Sanchez lib. 8. de dispens. disp. 1. num. 6. Suarez de legib. lib. 8. cap. 12. n. 6. & 7. & alij apud præcitatos Doctores.

2 Ex qua doctrina inferit bene Suarez, & Sanchez supra, alios allegans, & Mascard. de probat. conclus. 845. num. 34. non posse testibus probari gratiam esse motu proprio concessam; quia non possunt testificari de illa vniuersali negatiua, à nullo moueri Principem in concessione. At si Princeps semel id expresse, & rescriptum deperdatur, possunt testes deponere in illo appositam esse clausulam motu proprio. sic Sanchez supra. Mascard. num. 24. Addo etiam posse probari testibus, si gratia verbo tenus concessa fuisset, & testes deponerent concedentem dixisse se motu proprio concedere.

3 Sed inquires, an clausula motus proprii appositæ in priuilegio tollat vitium subreptionis?

Communis sententia affirmat tollere vitium subreptionis, quæ prouenire potest ex taciturnitate veritatis, alioqui necessariò explicandæ; secus verò ex falsæ expressionis. sic Menochius lib. 2. de arbitrar. centur. 3. casu 201. num. 80. Thomas Sanchez lib. 8. de dispensat. disput. 21. num. 47. & 51. Mouentur, quia ex tacita veritate non colligitur, an concedens bene, vel malè informatus gratiam proprio motu concesserit: at quando falsa causa exprimitur, satis constat illa informatum esse, & cum ex falsa informatione motus fuerit ad concessionem, concessio nullius momenti erit.

4 Cæterùm dicendum est primò, si nulla à te, vel pro te facta est supplicatio, sed Princeps motus est à se priuilegium concedere, & in concessione nullam falsitatem exprimit, & si taceat ea, quæ alioquin exprimenda essent, gratia firma est, neque vllum habet vitium subreptionis: sic Doctores supra relati, & tradit Suarez lib. 8. de legibus, cap. 12. num. 14. & est expressa decisio textus in cap. si motu proprio, de prabendis, in 6. & Clement. si Romanus, eodem tit. Ratio est manifesta, quia ubi nulla à te, vel pro te facta est supplicatio, nulla surreptio interuenire potest; ad summum enim interuenire potest ignorantia ex parte concedentis, quæ non debet præsumi.

5 Nihilominus, etsi gratia sic concessa vitio subreptionis careat: at non inde inferitur semper firmam, & validam esse, potest enim ex alijs capitibus irritari. Primò enim irrita redditur, si alioqui inhabili concedatur; ut si illegitimo, excommunicato, aut irregulari concedatur beneficium, non impetrata prius dispensatione illius impedimenti: quia hæc clausula motus proprii solum significat moueri concedentem à se, & non ab alio in priuilegiij concessione; non autem significat se dispensare in impedimentis, & inhabilitatibus illius, sic glossa in supradicto cap. si motu proprio, verbo ob hoc, per textum ibi. Rebuff. in concordat. tit. de forma mandati Apostolici, in clausula motus proprii, in 6. 7. & 10. effectibus. Menoch. de arbitrar. lib. 2. centur. 3. casu 201. num. 81. & 82. Thomas Sanchez lib. 8. disput. 21. quest. 3. num. 49. Suarez lib. 8. cap. 12. num. 14. fine. Secundò inuadatur gratia, si cedat in præiudicium tertij, quia non censetur concedens iuri acquisito derogare, nisi illius faciat mentionem; item si sit aduersus constitutum municipale,

pale, & consuetudinem receptam ob eandem rationem. sic Rebuff. Menoch. Thom. Sanchez *suprà*. Gigas *de pensionib. quæst. 9. num. 4. & 5. & quæst. 29. num. 4. & 5.* in quibus alia exempla videri possunt, quæ quia materiam de beneficiis Ecclesiasticis attingunt, omitto, latius in proprio tractatu dicturus.

6 Dicendum secundò, si concedens priuilegium falsitatem exprimit in concessione, qua non extante non solet priuilegium sic concedi, siue tu illius falsitatis fueris occasio, siue aliunde in mentem concedentis obuenerit, gratia irrita redditur, esto addat clausulam, *Adiut proprio*; quia tunc non censetur Princeps concedere priuilegium, nisi quatenus intelligit rem sic se habere. Cum ergo aliter sit, ac ipse existimat, efficitur non habere intentionem concedendi: & ex defectu intentionis gratia est irrita. Neque obstat se dicere proprio motu concedere, concedit enim proprio motu, posita veritate talis relationis. Ex quo fit inuolidam esse dispensationem concessam in impedimento consanguinitatis, si in tali dispensatione ipse Pontifex referat puelam pati iacturam honoris, & innuptam mansuram; cum tamen hoc falsum sit, esto addat clausulam motus proprii, quia hæc subintelligitur posita veritate supradictæ relationis, quæ cum non sit, non subsistit concessio. Idem est in collatione beneficii Ecclesiastici, cuius valorem falsò expressit Pontifex, non valet utique, quantumuis habeat clausulam motus proprii. & alia plura exempla his similia adduci possent, quia, ut benè dicit Menoch. *num. 83. ex Rota decis. 10. n. 2. de rescriptis in nouis*, & ex communi sententia, multa expressa nocent, quæ tacita nocere non possent, & ita tenet Staphileus *de litteris gratia, tit. de vi, & effectu clausularum, in clausula, motu proprio, effectu 7. num. 3.* Menoch. *suprà num. 83. & seq.* Sanchez *num. 52.* Suarez *num. 15.* & alij ab eisdem relati.

7 Verùm si supplicationem facias diminutam pro priuilegio obtinendo, & Princeps ex illa moueatur concedere priuilegium, aliàs cognita veritate non concessurus, esto addat clausulam motus proprii, existimat Suarez *suprà num. 16.* cum Panormit. & aliis irritam esse concessionem, quia deficit intentio concedentis. Crederem tamen in præsentem validam esse, quia omnes Doctores, qui supponunt taciturnitatem veritatis non vitare gratiam ex motu proprio concessam, supponunt petitam esse: & videtur apertè constare ex *Clement. si Romanus, de prebendis, & ex supradicto cap. si motu proprio.* Ergo si ex petitione diminuta redditur concessio nulla, nullus est casus, in quo propriè ex taciturnitate veritatis facta à priuilegiario valeat gratia. Neque clausula motus proprii aliquid speciale operaretur in priuilegio, ubi priuilegiatus supplicationem fecit, quod est contra communem sententiam, ut videre est in Menochio, Sanchez, & aliis *suprà*. Quocirca et si Princeps fortè non concessurus esset priuilegium, si veritatem integrè cognosceret; at absolutè vult concedere, & hunc defectum supplere, eo ipso, quòd addit ex motu proprio se concedere. Aduerte aliquando ob diminutam relationem priuilegij concessionem esse nullam; quod contingit, cum relatiò est occasio, ut res diuersa ab ea, quæ conceditur, intelligatur; si enim petens beneficium Ecclesiasticum raceas esse regulare, vel hospitale, vel vnitum alteri, concessio nulla est, etiam si fiat motu proprio, non tam ob taciturnitatem veritatis, quàm ob defectum intentionis in concedente; intendit enim concedere beneficium commune, quia ita per se fuit representatum; non tamen intendebat concedere illis qualitatibus affectum: atque adeò rem diuersam concessit ab ea, quam intendeabas, eaque de causa fuit concessio nulla. Vnde cum dicimus taciturnitatem veritatis, non vitare gratiam, intelligitur de taciturnitate veritatis extrinsecæ rei, & quæ illam non mutat, non de qua-

litate aliqua intrinseca, quæ rem esse facit diuersam, & ita tenet Abbas *cap. ad aures, num. 3. de rescriptis.* Rebuff. *in concordatiis, tit. de forma mandati, in clausula, motu proprio, in 5. effectu.* Sanchez *lib. 8. disp. 21. num. 51.* Menoch. *de arbur. lib. 2. cent. 3. casu 201. num. 80. & seqq.*

§. VII.

De priuilegio absolutè, vel sub conditione, aut modo concessio.

- 1 *Quid sint explicatur.*
- 2 *Quando omisio operis, sub cuius onere priuilegium fuit concessum, irritet eius usum? sub distinctione respondetur.*
- 3 *Si detur tibi facultas dispensandi, absoluendi, puniendi cum consilio alicuius, si omittas consilium petere, nulla est dispensatio, absolutio, &c.*
- 4 *Intelligitur doctrina de opere expostulato, quod de iure non inest.*

1 **S**atis communis, & vulgaris est diuisio priuilegij in absolutè concessum, vel sub conditione, aut modo. Illud dicitur concessum absolutè, quod sine vllò onere priuilegiarij conceditur. E contra illud sub conditione, aut modo, quod conceditur sub onere alicuius operis efficiendi.

2 Difficultas ergo est, quando omisio operis, sub cuius onere priuilegium conceditur, irritet eius usum? & quidem si opus iniunctum possit fieri post priuilegij usum, nequaquam illius omisio irritum reddit priuilegij usum, quia iam supponitur usus legitimus priuilegij: hac ratione valida est absolutio à referuatis, quam obtinuisti cum obligatione comparendi, cui obligationi, etsi non satisfacias, absolutio data, valida est; peccas tamen, quia sub illo onere tibi fuit hoc priuilegium absolutionis concessum. Idem est in facultate concessa per iubilæum, etsi illud postea non lucreris; absolutio tamen prius data tenet, quia opus subsequens expostulatur, ut onus priuilegij concessi, non pro conditione ad illud concedendum. At quando opus iniunctum antecedere debet priuilegium, communis sententia docet, nullum esse usum priuilegij, si tale opus omittatur, quia tunc censetur concedens priuilegium, sub conditione illius operis concedere, & ex defectu intentionis priuilegium non operatur effectum. sic Suarez *lib. 5. cap. 13. num. 4. & seqq.*

3 Ex qua doctrina infert, si detur tibi priuilegium dispensandi, absoluendi, vel puniendi aliquem, cum consilio alicuius, & omittas petere, nullam esse dispensationem, absolutionem, vel punctionem à se factam, quia consilium natura sua antecedit actum: ut colligitur ex *cap. cum in veteri, de electione.* ubi id notat glossa, Innocent. & Panormit. *in fine.* quare debes consilium prius petere, non tamen obligaris sequi, quia in petitione consilij hoc non includitur; aliud enim est petere consilium, aliud consilio assentiri. Neque semper mandatur consilium expostulari, ut id ipsum sequaris, sed ut melius instructus possis prudentius operari. At si tibi data esset facultas aliquid faciendi de consensu, vel cum consensu alterius; tunc necessariò sequi debebas beneplacitum illius: aliàs non de consensu, sed potius ex dissensu illius fieret opus. sic Suarez *suprà num. 6.* & adducit glossam *in cap. si pro te, de rescriptis in 6. verbo assensu, & in cap. 1. ne sede vacante in 6. & Felinum in cap. ex parte, de constitution. in princ.* Federicum Senensem *consil. 1. num. 4.*

4 Aduerte tamen supradicta intelli gi debere de opere expostulato, quod iure ipso non inest priuilegio concessio; hoc enim si necessariò antecedere debeat priuilegij usum, præsumi debet peti sub conditione, & sub illa

illa priuilegij vsum concedi. Verum si opus expos-
latur, quod alioquin ex iure ipso tenetur priuilegiatus
facere, si vti priuilegio velit, tunc videndum est, an à
iure exposculatur tale opus, vt substantialis forma, an
vt solum accidentalis? igitur eo modo, quo à iure ex-
postulatur; sic præsumentum est concedentem priui-
legium, exposculare illud à priuilegiato; neque aliud
intendere per expressionem illius operis, quàm monere
priuilegiatum, quid teneatur facere. Quæ omnia con-
stant ex his, quæ diximus de lege irritante, quæ in præ-
senti accommodanda sunt.

§. VIII.

De priuilegio ad instar.

- 1 *Quid sit.*
- 2 *Debet habere effectum priuilegium, ad cuius similitudi-
nem est concessum, aliàs non tenet concessio.*
- 3 *Proponitur quadam obiectio, & soluitur.*
- 4 *Quadam limitationes supradictæ sententia apponuntur.*
- 5 *An sub illa forma, Concedo tibi cathedram, seu canonica-
tum, sicuti tuus prædecessor habuit, censeantur tibi con-
cessa facultates personales prædecessoris? Sub distin-
ctione respondetur.*

1 **P**riuilegium ad instar vocatur, quod ad similitu-
dinem, & exemplum alterius concessum est: si
enim Princeps concessio alteri priuilegio dicat: Con-
cedo tibi priuilegium idem, ac Petro concessi; tunc
priuilegium tibi concessum vocatur priuilegium ad in-
star, quia est ad instar, & similitudinem priuilegij Petro
concessi: ita vt omnem limitationem, vel extensionem,
quam habuerit Petri priuilegium; habeat priuilegium
ad instar: aliàs non erit perfecte ad instar illius. ita do-
cet Nauarr. *comment. de subleuo, notab. 26. num. 2.* Bonaci-
na *disput. 1. quest. 3. punct. 7. §. 1. num. 20.* Suarez *lib. 8.*
cap. 15. num. 2. cum Bald. in *l. omnia, C. de Episcop. & cleric.*
Mandof. *tract. de priuileg. ad instar, quest. 4.*

2 Quapropter ad huius priuilegij valorem requiri-
tur necessariò, vt priuilegium illud, ad cuius similitudi-
nem est concessum, habeat effectum, & valorem, & sit
verè priuilegium, aliàs nulla erit concessio. Nam cum
totum suum esse, sit esse aliud, si aliud priuilegium effe-
ctu caret, etiam priuilegium ad instar carebit effectu.
Neque obstat Principem expressisse satis voluntatem
concedendi tibi priuilegium; cum enim non expresse-
rit, quid concesserit, concessio eius fuit nulla, quia pri-
uilegium debet esse de re certa, & determinata: facit
que ad id *lex si sic legatum, 75. §. si mihi ff. de legatis 1. ibi,*
si quantitas non sit adiecta, euidenti ratione nihil debetur;
quia non apparet, quantum fuerit legatum. sic docet Sua-
rez alios referens *lib. 8. cap. 15. num. 6.* Bonacina *disput. 1.*
quest. 3. punct. 7. num. 20.

3 Sed obicies *legem in testamento, 2. ff. de conditionibus,*
& demonstrat. vbi cauetur, si testator iusserit fieri mo-
numentum instar existentis in tali loco, & ibi nullum
reperiatur, adhuc teneri hæredem monumentum sta-
tuere, iuxta vires hæreditatis; quia satis expressit velle
monumentum construere; esto non appareat, quomodo
sit construendum. Ergo idem erit in priuilegio, cum
satis expresserit Princeps se velle priuilegium con-
cedere.

Respondetur esse longè diuersam rationem, primò,
quia testator mandans monumentum construere, satis ex-
pressit, quid faciendum sit; potest enim fieri monu-
mentum, esto non fiat simile alteri; ac proinde satisfie-
ri voluntati testatoris in substantia, etsi non fiat satis in
modo: at priuilegio vti non potes, nisi scias in qua ma-
teria, & quomodo vti illo debeas, ac proinde qui tibi
per generalia verba priuilegium concessit simile alteri,

quod nullum est, nullam tibi facultatem concessit, sed
solum nomen priuilegij dedit, & animum concedendi
significauit. Secundò est diuersa ratio in illo casu tes-
tamenti, ac in priuilegio; quia esto testator non ex-
presserit, quid faciendum sit; ipse tamen hæres inter-
pretari debet eius voluntatem, cum vices illius gerat:
at priuilegiato non committitur potestas interpretan-
di voluntatem concedentis, quia ad concedentem, vel
eius successorem adire potest. Quapropter hæres tene-
tur monumentum facere, vt sibi ex coniecturata men-
te mandantis, visum fuerit; priuilegiatus verò non po-
test villo priuilegio vti, quin ad concedentem, vel eius
successorem adeat pro priuilegij explicatione.

4 Aduerto tamen, si aliquo modo Princeps in hoc
priuilegio ad instar expresserit, quid concedat; vt si di-
cat, Concedo tibi hanc vel illam facultatem dispensan-
dandi in votis, eligendi Confessorem, &c. sicuti habet
Petrus: tunc priuilegij concessio tenet, etsi Petri priui-
legium nullum sit; quia per illam particulam, ad simili-
tudinem priuilegij Petri, non irritatur concessio facta,
& satis explicata; quia non apponitur vt conditio, sed
exempli gratia: sic tradit alios referens Felin. in *cap.*
quoniam Abbas, de officio delegati, num. 11. Mandof. in
tractat. de priuilegijs ad instar, quest. 5. Suarez *num. 7.* Bo-
nacina *num. 20.*

Aduerto secundò, si priuilegium Petri fuit aliquan-
do validum, & firmum, vsu verò, vel renuntiatione
amiserit, & Princeps concedat tibi priuilegium, sicuti
habet Petrus: probabiliter existimare poteris tuum
priuilegium valere; quia videtur facta concessio de
priuilegio ad similitudinem illius, quod Petro conces-
sum fuit, & quod existimabas habere.

Aduerto tertio, si augeatur, vel diminuatur, aut om-
nino tollatur Petri priuilegium post concessum tibi
priuilegium ad instar illius, non obinde augeri, & di-
minui tuum priuilegium; quia Petri priuilegium fuit
tantum adductum in exemplum, & similitudinem, ad
determinandam voluntatem concedentis; facta iam
determinatione, & concessione tuum priuilegium ex
alio non dependet. Item voluntas concedentis priui-
legium ad instar, solum attendit priuilegium Petri in
exemplo secundum statum, quem habebat tempore
concessionis, quia solum ad instar illius est facta con-
cessio. Ergo ex varietate postea subsequenti in exem-
plari non variatur priuilegium ad instar. Quæ omnia
satis confirmari possunt, argumento *legis in testamento,*
2. ff. de condit. & demonstrat. & docuit Mandof. *supra q. 6.*
& 9. Suarez *num. 3. & 4. & cap. 16. num. 17. fine.* vbi de
priuilegij communicatione, quod idem est, ac priui-
legium ad instar, vt statim dicemus. Bonacina *num. 20.*
Eman. Rodriq. *tom. 1. qq. regul. q. 9. art. 9.*

5 Sed quid dicendum de illa forma: Concedo tibi
cathedram, canonicatum, & beneficium, sicuti habuit
tuus antecessor: an, inquam, succedas non solum in
his, quæ iure ordinario cathedræ, & beneficio sunt an-
nexa, sed etiam in priuilegijs personalibus, si fortè illa
habebat?

Ratio dubitandi est, quia in priuilegijs personalibus
non datur successio, sed cum ipsa persona extinguitur,
ex *regul. priuilegium, de reg. iur. in 6.* Nihilominus dicen-
dum est, si modus concessionis tibi factus nouus fuit,
neque antea vsitatus, credendum est voluisse Princi-
pem transferre tibi non solum canonicatum, & præ-
bendam, cum his, qui ex iure ordinario ei erant anne-
xa, sed etiam quæ ex particulari priuilegio illi annece-
bantur, quia aliàs ille specialis modus, & forma con-
cessionis frustra esset appositus: & ita docet aduersus
Barbos. in *l. quia tale ff. solui. matrim.* Suarez *lib. 8. cap. 15.*
num. 11. Quam doctrinam aliquo modo confirmatam
vidi in Ecclesia Compostellana: vbi Ludouicus Henri-
quez obtinuit cantoriam, quæ etsi dignitatem teneret,
verè,

verè, & in re est canonicatus in illa Ecclesia, & simul etiam obtinuit alium canonicatum, obiit, & eius frater Antonius de Castro petiit à Pontifice utramque præbendam, eo modo, quo suus frater obtinuerat; annuit Pontifex supplicationi: & licet controuersum fuerit, an ex vi illius clausulæ, sicut prædecessor suus obtinuit, fuerit satis dispensatum, de facto iudicatum fuit in eius fauorem.

§. IX.

De priuilegio per communicationem concessio.

- 1 *Quotupliciter hoc contingat.*
- 2 *Numquam priuilegium uni religioni concessum, censetur alteri communicari, si obseruantia regularis inde minuitur.*
- 3 *Quid si in ipsis priuilegijs caneatur, ut non censeantur alijs communicata.*
- 4 *Restrictio facta religiosis Societatis IESV, ne possint suis priuilegijs uti, nisi à Præposito generali fuerint communicata, non communicatur alijs religiosis, tametsi priuilegia communicentur.*
- 5 *Priuilegia Iubilæa, & gratia concessa alicui religioni in honorem alicuius sancti proprij ad alias transfertur, in communicatione proportione seruata.*

Priuilegium per communicationem, est quando communicatur tibi priuilegium, quod alteri est concessum. Tripliciter autem hæc communicatio contingere potest. Primò, per quandam quasi extensionem eiusdem priuilegij, ita ut vnum, & idem priuilegium, quod aliquibus personis erat concessum, ad alios æquè extendatur, non per nouam concessionem, sed per aggregationem plurium subiectorum: ita ut concessio potius tendat ad applicationem eiusdem priuilegij ad plura subiecta, quàm ad noui priuilegij concessionem: & tunc cum sit idem priuilegium, aucto, vel diminuto in his, quibus fuit primò concessum, augetur, & diminuitur in omnibus alijs. Secundo modo contingit communicatio priuilegij concessi, non per communicationem, & applicationem priuilegij ad plura subiecta æquè primò, & principaliter, sed secundariò; qua ratione priuilegium concessum religiosis extenditur ad moniales: & priuilegium concessum domino, extenditur ad eius seruos, non quidem æquè primò, sed accessoriè; cum autem accessorium sequatur naturam principalis, aucto, vel diminuto principali, augetur, vel diminuitur accessorium. Tertiò, & principaliter contingit communicatio priuilegij per nouam priuilegij concessionem; sed quia illud priuilegium, quod denuo conceditur, est eiusdem rationis cum priuilegio antea concessio; ideo per quandam similitudinem, & imitationem dicitur priuilegium concessum communicari. & in hoc sensu communicantur priuilegia vnus religionis alteri religioni: neque inter huiusmodi priuilegium, & priuilegium ad instar inuenio aliquam in se differentiam, sed solum secundum maiorem, vel minorem explicationem. Quapropter omnia illa, quæ dicta sunt de priuilegio ad instar, intelligi debent de hac priuilegij communicatione. Sæpè tamen non solum priuilegium concessum communicatur, sed etiam concedendum: ut patet ex Bulla Pij V. Societati concessa, quæ incipit, *Cum indefesse*; ubi non solum priuilegia concessa alijs religionibus, sed & concedenda communicantur; debet tamen hoc exprimi, aliàs non intelligetur communicari priuilegium nisi secundum statum, quem habet tempore communicationis.

2 Sed circa hanc priuilegiorum communicationem est primò aduertendum, non communicari priuilegia

alicuius religionis alteri, si ex eius communicatione obseruantia regularis labefactetur; quia Pontifex non intendit religionem destruere, sed potius fouere. Quocirca priuilegia concessa ordinibus militariibus habendi proprium, testandi, &c. siue concessa sint per modum dispensationis, siue ob aliquos fines superiores religionibus mendicantibus non communicantur; quia sui monasterij rectæ gubernationi obessent; sic Manuel Rodriq. *tom. 1. qq. regul. quest. 55. art. 2. Suarez lib. 8. cap. 17. num. 3. & 4.*

3 Secundò aduerto: si in ipsis priuilegijs communicandis cauetur, ne censeantur alijs communicata, qui priuilegio communicationis gaudent: sicuti in Bulla Gregorij XIII. edita anno 1584. quæ incipit, *factis superque*; & in Bulla Gregorij XIV. de instituto Societatis cauetur: necessaria est, ut postea alteri hæc priuilegia concedantur, specialis clausula huius derogationis; aliàs hæc specialis prohibitio non censebitur derogata: & ita tradit Suarez *lib. 8. cap. 17. num. 8.*

4 Tertiò aduerto restrictionem factam religiosis Societatis de suis, & aliorum priuilegijs, ne scilicet illis uti possint: nisi in quantum à Præposito generali fuerint communicata: ut concessit Gregor. XIII. anno 1575. in Bulla incipiente, *Ad futuram*, non obstat, quominus aliæ religiones suis priuilegijs uti possint, quamuis per suos præpositos non fuerint communicata, quia illa restrictio non est in priuilegio, sed in ipsius vsu ob specialem modum, quem habet Societas in suo regimine; dependet enim tota eius gubernatio à suo primo capite: & sic erat conueniens, ut etiam in vsu suorum priuilegiorum dependeret; quod tamen alijs religionibus, quæ hoc gubernationis modo carent, non videtur necessarium: atque ita possunt alijs religionibus nostra priuilegia communicari, quin communicetur hæc restrictio: & ita tenet Manuel Rodriq. *tom. 1. regul. quest. 55. art. 17. vers. secundum dubium. Suarez lib. 8. c. 17. num. 6.*

5 Quartò aduerto priuilegia, gratias, & indulgentias concessas alicui religioni in honorem aliquorum Sanctorum sui ordinis transferri ad omnes alias religiones, quæ cum illa religione in priuilegijs communicant, proportione seruata; ut sicut illa prima religio habet facultatem non seruandi interdictum, vel lucrandi Iubilæum die vocationis suæ Ecclesiæ, & in festiuitate sui fundatoris, & aliorum Sanctorum: pari ratione alia religio communicans his priuilegijs gaudeat in die vocationis suæ Ecclesiæ, & in festiuitate sui fundatoris supradictis priuilegijs; hoc enim operatur illa communicatio priuilegiorum: sic optimè explicat Ewan. *tom. 1. reg. qq. quest. 55. art. 20.* adducens Bullam Iulij II. in qua hoc fuit declaratum. Suarez *lib. 8. de leg. cap. 17. num. 7.*

§. X.

De priuilegio concessio in forma communi, vel ex certa scientia.

- 1 *Explicantur supradicta.*
- 2 *Quando censeatur in forma communi, quando ex certa scientia priuilegium confirmari.*
- 3 *Si ex certa scientia fiat, renouat priuilegium iam amissum.*
- 4 *Non censeatur confirmatum priuilegium subreptione impetratum. Neque derogatum Concilio generali.*
- 5 *Si inferatur priuilegium confirmandum in confirmatione, tametsi nullum sit, valet confirmatio, defenditur, ut probabilius.*
- 6 *Clausula, ut omnes defectus iuris, & facti suppleantur, æquiualeat clausula, ex certa scientia.*
- 7 *Quid operetur clausula, ut brachium seculare innocari possint.*

3 *An debeat index secularis certificari de iustificatione causa, ut teneatur auxilium prestare? Negant aliqui. Sed probabilius est ostendendam esse per summariam informationem, vel authenticam ostensionem literarum.*

1 **H**æc non habent locum nisi in priuilegiis iam concessis confirmatione; solet enim Princeps concessum tibi priuilegium confirmare, duplici tamen forma: alia ex certa scientia, cognoscendo, inquam, qualitatem & circumstantias priuilegij, quod confirmat: alia sine tali scientia, & notitia. Si primo modo priuilegium confirmet, dicitur confirmare illud ex certa scientia; si secundo modo, dicitur confirmare illud in forma communi.

2 **U**t autem censeatur Princeps confirmare priuilegium suum ex certa scientia, id debet explicare, vel in actu signato, affirmando expressè ex certa scientia priuilegium confirmare: tunc enim illi credendum est, vel per verba æquiualentia, qualia censenda sunt, si dicat se confirmare, non obstante qualibet alia lege contraria, seu de plenitudine potestatis: vel debet explicari in actu exercito, inferendo in confirmatione tenorem priuilegij, quod confirmat: sic docet glossa in *cap. venerabilis, de confirmatione utili*. Batt. in *l. priuilegia, C. de sacrosanct. Eccles.* Felin. in *cap. cum inter, de except. in princ. & in cap. nonnulli, de rescript.* Suarez alios referens *lib. 8. de leg. cap. 18. num. 5. & seqq.* Quando autem sic non explicat, censeatur confirmare priuilegium in forma communi, hoc est, confirmare priuilegium eo modo, quo est concessum, & usu obseruatum. Quod si contingat priuilegium vim non habere, illa confirmatio in forma communi nullius est effectus; quia non intendit priuilegium de nouo concedere, casu quo non existat, sed solum intendit approbare, roborare, & sub sua speciali protectione accipere, quod factum est, si fortè sit aliquid, quod possit accipi. Quapropter sæpè Princeps cum priuilegia in forma communi confirmat, addere solet ad maiorem explicationem suæ voluntatis, se confirmare, sicuti factum est; quæ clausula, ut bene expendit Suarez *suprà num. 7.* necessaria non est, sed ex eo solum, quod cognoscatur ex perfecta cognitione, priuilegij confirmationem non processisse, intelligi debet esse confirmatum in forma communi, hoc est, confirmare priuilegium, seu illud approbare, ut de præsentis existit. & ita tradit Riccius in *rubr. de confirm. utili, vel inutili, dub. ult.* Felin. in *cap. inter dilectos, de fide instrument. num. 13. & in cap. cum uenisset, de testib. num. 2.* & sumitur ex *cap. 1. cap. quia diuersitatem, de concess. prob. cap. examinata, de confirmat. utili, vel inutili;* & aliis.

3 **V**erùm si Princeps ex certa scientia priuilegium confirmat, habet talis confirmatio vim, & efficaciam renouandi, seu concedendi priuilegium, si fortè usu, vel alia via amissum fuit. Probo, quia vel Princeps cognoscit defectum, & nullitatem priuilegij confirmandi, & illa non obstante confirmat: & tunc clarum est talem confirmationem nouæ concessionis æquiuale, quia intendit dare illi firmitatem, quoad possit, aliàs intenderet facere actum superfluum, inutilem, & frustraneum; qui omnino præcipue in legibus, & dispositionibus Principum vitandus est: si autem Princeps nullitatem priuilegij non cognouerit, vel de illa dubius existat, præterquam quod hoc præsumi non debet contra verba ipsius confirmantis, qui dicit ex certa scientia confirmare: adhuc censendus est velle dare priuilegio vim, & efficaciam, ne cogamur dicere apposuisse illa specialia verba, *ex certa scientia*, inutiliter, & frustraneè, siquidem non præstant in eo casu aliquem specialem effectum: quod si addat, *de plenitudine potestatis*, intelligendus est, se velle confirmare in quantum potest, & necessarium est. sic Tuscus *verbo confirmatio*

Ferd. de Castro Sum. Mor. Pars I.

ex certa scientia, per totam conclusionem. Suarez lib. 8. de legibus. cap. 18. num. 12. & alij plures ab eisdem relati.

4 **S**ed circa hanc confirmationem priuilegiorum ex certa scientia,

Aduerto primò non censenda esse confirmata priuilegia, quæ subreptione, & falsa causa impetrata sunt, nili expressè Princeps diceret se confirmare, non obstante surreptione priori: tum quia hic est defectus commissus in ipsa priuilegij consecutione, qui non præsumitur cognitus à Principe: tum etiam, quia Princeps non intendit confirmare, nisi priuilegium concessum: priuilegium autem subreptione impetratum, nunquam concessum fuit, & ita docet Panorm. in *cap. inter dilectos, de fide instrum. num. 8.* Felin. *ibi num. 6. & in cap. 1. de rescript. num. 42.* Rota *decif. 2. in nouis, tract. de confirm. utili, vel inutili.* Suarez *lib. 8. de legib. cap. 19. n. 3.*

Aduerto secundò non censeretur confirmata, quæ generali Concilio reuocata sunt: nisi expressè derogatio huius reuocationis addatur, quia non præsumitur velle legi à Concilio stabilitæ derogare ob concessionem ita generaliter factam: quod enim multorum consensu stabilitum est, maiori authoritate est firmatum, ac proinde maiori, & speciali reuocatione indiget: ita Suarez *num. 5.* Eman. Rodriq. *tom. 1. regul. qq. 8. art. 10. in medio,* ubi alios allegat.

5 **A**duerto tertio, si priuilegium confirmatur inferendo in confirmatione priuilegium confirmandum, & hoc nullum sit, vel quia reuocatum est à Principe speciali reuocatione, vel quia renuntiatum à priuilegiato: existimat Suarez *lib. 8. cap. 19. n. 4.* non censeretur confirmatum, nisi fiat mentio reuocationis eius, vel addatur clausula generalis, *non obstantibus,* &c. quia non præsumitur Princeps scire illam reuocationem, aut renuntiationem, quia est de re, & facto speciali, quod Princeps præsumitur ignorare, iuxta *cap. 1. de constit. in 6.* secus verò affirmat esse dicendum, si Princeps diceret expressè se ex certa scientia, vel ex plenitudine potestatis priuilegium confirmare. Verùm probabilius existimo in omnibus his casibus priuilegium manere confirmatum: tum quia diximus in princ. huius §. & consentit ipse Suarez *cap. 18. n. 5.* tenorem priuilegij insertum in confirmatione æquiuale clausulæ ex certa scientia: quodque satis probatur ex *cap. venerabilem, de confirm. utili, vel inutili,* & ibi glossa & Panorm. Ergo debet æquiuale in valore, & efficacia: tum quia si huiusmodi scientia reuocationis, aut renuntiationis non præsumitur, quia est de re speciali ad factum pertinente, & obinde non censetur renouatum priuilegium: neque etiam censetur renouatum, & confirmatum, quando per non usum fuerit amissum, quia etiam hic defectus est specialis, & pertinet ad factum, ac proinde in nullo casu renouabitur priuilegium nullum, quod est contra communem sententiam.

6 **A**duerto quarto, in confirmatione priuilegiorum solere apponi clausulam, qua suppleantur omnes iuris, & facti defectus, si qui interuenerint in iisdem, hoc est, in priuilegiis, quæ confirmantur: sic apposuit Sixtus V. & Paulus I V. in confirmatione priuilegiorum minoribus facta, prout refert Eman. Rodriq. *tom. 1. qq. reg. q. 8. ar. 15.* & pro nostra Societate in Bulla edita à Greg. XIV. & à Paulo V. eadem clausula habetur. quæ verba nihil speciale videntur addere confirmationi ex certa scientia, sed solum apponi ad maiorem claritatem, & euidenciam, quia nec suppletur defectus subreptionis, si qui interuenit, quia hoc est contra naturam priuilegij confirmatorij, & tradit Eman. Rodriq. *suprà n. 15.* Suarez *cap. 20. circa fin. n. 12.* neque etiam supplet defectus, & inhabilitates priuilegiatorij: ut si sit spurius, excommunicatus, & irregularis; quia hæc specialem notitiam requirunt, & clausula generali non videntur sublata: neque etiam supplet alios defectus naturales, quia vel hi sup-

T pleri

pleri non possunt, vel saltem non possunt licite; vt bene dicit Host. in cap. 1. de transact. & Felin. in cap. sciscitatis, de rescript. num. 4. Suarez, & Emanuel supra. Ergo nihil est, quod per illam clausulam specialiter suppleatur, quod per confirmationem ex certa scientia suppletum non sit.

7 Aduerto quintò in supradictis priuilegiis sæpè concedi, vt possint inuocare brachium sæculare: quæ quidem concessio ad maiorem abundantiam est. nam iure ipso tenentur indices sæculares Ecclesiastico fauere; si is suo officio impediatur, & auxilium expostulet, vt constat ex his, quæ tradit Roland. à Valle in consil. 39. lib. 1. Menoch. lib. 2. de arbitr. cent. 5. casu 452. n. 4. & alij ab eisdem relati. Quapropter iudex delegatus, & virtute priuilegiorum ad eorum obseruationem electus, si viderit priuilegiatos à sæcularibus impedi, poterit inuocare auxiliũ sæcularis iudicis: quòd si parere noluerit, poterit censuris compellere, aliàs inutiles esset inuocandi concessio, si simul non daretur potestas compulsiua renuentis: sic alijs relatis docet Emanuel Rodriq. tom. 1. quest. 8. art. 14.

8 Difficultas autem est, an debeat sæcularis iudex certificari de iustificatione causæ, vt teneatur auxilium præstare, antequam censuris possit compelli à iudice Ecclesiastico? Negat Eman. supra, cum Aualos in direct. iudic. Ecclesiast. 2. p. cap. 13. n. 13, quia si hæc informatio, & certificatio requiritur, faciliè poterit à iudice sæculari repelli auxilium, affirmans non esse satis iustificatam causam. Item in competentia iurisdictionis, & præoccupatione inter Ecclesiasticum iudicem, & sæcularem, Ecclesiasticus debet sententiam pronuntiare, & tenetur ei obedire sæculari: vt multis relatis docet Couarr. pract. qq. cap. 33. n. 1. vers. quibus & suffragatur. Ergo impertinens est quælibet ostensio litterarum, & informatio, siquidem semper standum est pro iudice Ecclesiastico. Verùm probabilius credo debere iudicem Ecclesiasticum ostendere sæculari iudici, à quo petit auxiliũ, facultatem, quam habet, & iustitiam ad petendum, vt sic prudenter omnes procedant: aliàs pluribus vexationibus res esset exposita. Hæc tamen manifestatio per ostensionem authenticam litterarum, aut per informationem summariam factam ab ipsomet iudice Ecclesiastico, fieri debet. quòd si his non credit iudex sæcularis, & ob id renuit auxilium præstare, poterit tunc Ecclesiasticus illum excommunicatione, alijsve censuris cogere; quia sufficiẽter manifestauit se iuste procedere.

Aduerto sextò, in pluribus religiosorum priuilegiorum confirmationibus, habere hanc clausulam, dummodo decretis Concilij Tridentini contraria non sint; per quam exceptionem solũ intelliguntur excepta ea, quæ Concilij Tridentini decretis specialiter reuocantibus sunt contraria. Quare omnia priuilegia, quæ per Concilium specialiter reuocata non sunt, illa confirmatione censentur confirmata; quia non sunt simpliciter contraria Concilio: & ita tradit alios allegans, & bene probans Eman. Rodriq. reg. qq. tom. 1. q. 8. art. 6. & 7. expendit, quæ priuilegia derogentur per Tridentin. regulis.

PUNCTUM III.

De priuilegiorum conditionibus.

DVplex conditio videtur expostulanda ad priuilegium. Prima scriptura. Secunda promulgatio. Necessitatem harum conditionum in præsentì examine intendimus. Et quidem si de priuilegio consuetudine comparato loquamur, certum est nullam aliam scripturam, & promulgationem in illo esse posse, præter ipsos actus, quibus consuetudo inducitur. Quare solum de priuilegio à Principe concessò controuerti potest.

§. I.

An requiratur scriptura ad priuilegium.

- 1 Non est necessaria.
- 2 Propenitur quadam obiectio, sit illi satis.
- 3 An habeat locum in beneficijs.
- 4 An in facultate residendi.
- 5 An in facultate ingrediendi monialium monasteria.
- 6 An in iudicijs à Romano Pontifice designatis.
- 7 An in remissionibus delictorum in nostro regno.
- 8 An in gratia, quæ consistit in iure ad agendum, qui affirmant ad hanc gratiam necessario requiri scripturam.
- 9 Probabilis est oppositum.

COMMUNIS est sententia, scripturam per se necessariam non esse ad gratiæ valorem: sic sumitur ex Clem. dudum, verb. in quibus per ipsos, de sepultur. ibi, vniuersa priuilegia, gratias, vel indulgentias, verbo, seu scripto, seu quacumque forma concessa. & ex Extravag. c. si domini, de penit. & remiss. ibi, tam verbo, quam scriptu confectis litteris. & ex cap. institutionis, 25. q. 2. quod est ex Gregor. sine qua scripto decernimus, sine qua in nostra presentia videntur esse disposita. & tradit glossa in suprad. Clem. Salas disp. 17. sect. 2. n. 20. Bonacina disp. 1. q. 1. p. 4. circa finem. Nauarr. lib. consil. in 2. edit. tit. de priuileg. cons. 1. n. 1. Molin. lib. 2. de primog. cap. 7. n. 55. noster Molina tom. 3. de iustit. disp. 599. n. 1. Mascard. de probat. verb. gratia, conclus. 845. art. 14. Suarez lib. 8. de leg. cap. 2. n. 2. Thom. Sanchez lib. 3. disp. 35. n. 10. & lib. 8. de matr. disp. 29. n. 2. & alij innumeri ab eisdem relati. Probatur, quia totus valor priuilegij pendet ex voluntate concedentis, quæ verbis sicut scriptura manifestari potest. Secundò nemo potest arctari lege lata à Principe contra Principis voluntatem. Ergo si Princeps vult te non arctare, eo ipso liber existis. Vt autem hæc libertas tibi constet, scriptura non est necessaria; sed verbo, aut alijs signis id fieri potest. Tertiò, quia priuilegium est quædam donatio: donatio autem perfecta est, etiam si litteræ non expediantur.

2 Sed obiicies. Ante expeditionem litterarum, censetur gratia informis, & imperfecta, vt colligitur ex regul. 25. Cancell. vbi dicitur, ne iudicetur iuxta formam supplicationum signatarum super quibuscumque impetrationibus, & concessionibus, sub scripto verbo, placet, vel fiat, quia gratia Apostolica informis censetur, & imperfecta. Et confirmo. Officiales Pontificis possunt expeditionem litterarum impedire. Ergo signum est gratiam non esse plenè consummatam ante illarum expeditionem. Confirmo secundò ex reg. Cancell. 53. aliàs apud Rebuff. pract. benef. 56. vbi cauetur dispensationes non suffragari, nisi litteris expeditis. & Gregor. XIII. reg. 50. Cancell. sic disponit: Nulla talis dispensatio, cuiquam in iudicio, vel extra suffragatur; antequam super ea litteræ Apostolicæ sint confectæ.

Respondeo ex communi sententiâ gratiam, & facultatem concessam à Pontifice verbotenus censeri informem, & imperfectam in ordine ad iudicium; quia non habet perfectionem necessariam, vt ex illa iudicetur: at in se formalis, & perfecta est, & in foro conscientiæ omnino valida, & ius impetranti acquiritur, ex cap. si probè, de rescriptis, in 6. cap. fin. de concess. prebend. in 6. & ex alijs in principio relatis. Ad confirmationem primam concedo officiales posse impedire expeditionem litterarum, sed non obinde sequitur perfectam gratiam non esse; sed non esse perfectam ad iudicium, & forum externum, & eodem modo explicandæ sunt regulæ illæ Cancellariæ, quibus cauetur gratias à Pontifice factas litteris non expeditis, non suffragari in iudicio, neque extrà, hoc est, neque in iudicio contentioso, neque extra iudicium; in foro tamen externo publico non suffragari. Quapropter si aliquis incapax alicuius

alicuius muneris, officij, vel beneficij, virtute huius dispensationis, viuz vocis oraculo impetratæ se opponat, poterit non solum in iudicio contentioso, sed etiam nullo iudicio præcedente repelli; quia tam in foro iudiciali, quam publico non suffragatur gratia sic obtenta. Dixi, gratiam à Pontifice concessam, litteris non expeditis, non suffragari in foro externo (et si in se perfecta sit.) Nam gratia aliæ concessa ab inferioribus Prælati, à Rege, & aliis sæcularibus Principibus, non solum in foro conscientie, sed etiam iudiciali suffragari potest, si per testes sufficienter probetur; quia nullo iure cautum est oppositum: & ita tenet alios referens Mascard. de probat. concl. 845. n. 11. Azevedo l. 2. tit. 25. lib. 8. noua recop. n. 2. Quæ verò ratione debeat probari, consulendi sunt Mascard. Azevedo, & Matienzo ibi. Cevallos 99. præct. q. 722.

3 Supradictæ doctrinæ plures limitationes adhibentur à Doctoribus. Prima est in beneficiis collatis, confirmatis, vel vnitis à Sede Apostolica, quorum possessionem nullus apprehendere potest, nisi litteris expeditis: alioquin totum est irritum, nec facit fructus suos, & beneficiis obtentis priuatur, nec iuari potest annali, biennali, aut triennali possessione; quia est intrusus, & violentus possessor: & ex Extrauag. incurrit, de elect. iuncta constitutione Pauli III. quæ incipit, cum nobis, & Iulij II. quæ incipit, Romani Pontificis, quæ constitutiones ad beneficia ab ordinariis impetrata non extenduntur; ac proinde litteris non expeditis poterit impetrans capere possessionem, & fructus accipere, vt docuit Azor tom. 1. lib. 5. cap. 2. q. 5. circa fin. Bonacina disp. 1. q. 1. p. 4. n. 50. Aduerto tamen, etsi non possis beneficij collari à Sede Apostolica capere possessionem litteris non expeditis: at facta gratia poteris commutare cum alio, quia est tuum. sic ex Rebuff. Ioan. Monach. & aliis tradit Mascard. de probat. concl. 845. n. 18. & colligitur ex Sanchez, & aliis ab ipso relatis, lib. 8. de matr. disp. 29. n. 5.

4 Secundò limitant Doctores in facultate non residendi in beneficiis curam animarum habentibus: quæ vt valida sit, vltra causam exigit dari in scriptis ab ordinario. sic Trident. sess. 23. cap. 1. de reform.

5 Tertiò in facultate ingrediendi intra septa monasterij, quæ valida non est sine Episcopi, vel superioris licentia in scriptis obtenta. Trident. sess. 25. c. 5. de reform.

6 Quartò in iudicijs signatis à Romano Pontifice, quique ad iudicandum eliguntur, qui non possunt inchoare iudicium, quousque litteræ iurisdictionem concedentes expendantur: constat ex suprad. reg. Cancellariæ 25. de non iudicando iuxta formam supplicationis, & tradit ibi Gomezius q. 6. n. 1. Molin. lib. 2. de primog. cap. 7. n. 56. & 57. noster Molin. tom. 3. de instit. disp. 499. n. 2. Thom. Sanchez lib. 8. de matrim. disp. 29. n. 10. Alij verò iudices à sæculari Principe, vel Episcopis signati hac regula non tenentur.

7 Quintò limitatur ex legibus nostri regni, in remissionibus delictorum; inualida enim est delicti remissio à Rege facta, quousque Rex suo nomine, & sigillo ob signauerit remissionem, & insuper duo Consiliarij; constat ex l. 2. tit. 25. lib. 8. noua compilat. tradit, & pluribus exornat Azevedo ibi à n. 2.

8 Sextò, & præcipue limitatur in gratia, quæ consistit in factis, non in iure ad agendum, hoc est, quæ consistit in sola concessione Principis, non in potestate ad aliquid ex concessione faciendum. Quapropter dicunt Doctores statim referendi, dispensationem factam alicuius irregularitatis, & inhabilitatis, remissionem obligationis contractæ, confirmationem alicuius facti validam esse litteris non expeditis: at verò gratia, seu facultas facta alicui, vt aliquid operetur, quod aliàs efficere non poterat, nulla est, quousque litteræ expendantur. sic Bald. in l. falsus, n. 21. C. de furtis, & ex illo tradit Molin. lib. 2. de primogen. cap. 7. n. 57. & seqq. Gutier. quest. canon.

Ferd. de Castro Sum. Mor. Pars I.

lib. 2. cap. 17. n. 4. & quest. præct. lib. 2. q. 75. n. 2. Auendaño l. 43. Tauri. gl. 1. n. 2. Man. Rodriq. 99. reg. tom. 2. q. 46. art. 8. Matienzo lib. 5. compil. tit. 7. l. 1. gl. 2. 3. 4. & 5. & indicat (licet obscurè) Azevedo ibi n. 11.

Ex qua doctrina infert supradictus Molin. Matienz. & Azeved. non esse validam licentiam concessam à Rege nostro instituendi maioratum, quousque subscribat, & litteris expediat concessionem: & inclinare videtur in hac parte noster Molin. tom. 3. disp. 599. n. 3. non ob rationem generalem gratiæ, & priuilegij ad aliquid agendum, sed ob peculiaria illa, quæ in hac gratia cernuntur. Secundò infert Gutier. ead. q. 75. n. 2. & Man. art. 8. licentiam concessam à Pontifice Episcopis ad testandum, non valere, quousque litteræ expendantur, quia est ad aliquid agendum. Tertiò inferunt supradicti DD. omnes illas gratias, quæ ad aliquid faciendum sunt concessæ, quousque, vt ipsi dicunt, non habent esse perfectum, petire mortuo concedente, neque à successore posse expediri.

9 Verum admittenda non est hæc limitatio, sicut neque illam admittit noster Molin. disp. 599. n. 4. Suarez lib. 8. cap. 2. n. 4. Azor tom. 1. lib. 5. c. 2. q. 5. circa fin. Thom. Sanchez lib. 8. c. 29. n. 7. quia iure naturæ ad committendam alicui iurisdictionem, & facultatem ad aliquid agendum, non requiritur scriptura, vt de se constat; iure autem positiuo non inuenitur talis exigentia ad omnes actus, sed solum ad iudicandum: & hoc non ex iure communi, sed ex reg. 25. Cancell. Ergo sine fundamento firmo hæc conditio expostulatur. Quapropter infero cum Azor, & nostro Molin. validam esse facultatem ad testandum, ad instituendum maioratum, ad eligendum Confessorem, qui absoluat à reservatis, ad non seruandum ieiunium, ad celebrandum tali hora, & tempore sacrificium, ad suscipiendos ordines non seruatis interstitiis, vel extra tempora, vel ante legitimam ætatem, ad lucrandas indulgentias, & alia similia; etiam si litteræ non expendantur, sed solum verbo placet, sit facta concessio: consentit Nicol. Garc. 6. p. de benef. cap. 2. circa fin. à num. 350.

§. II.

An promulgatio, seu notitia priuilegij ad priuilegium requiratur.

- 1 Requiritur promulgatio, vt alij priuilegiatum non impediant, & quæ sufficiat.
- 2 Quid dicendum de priuilegio, quatenus fauor est priuilegiati? Notatur distinctio priuilegiorum pro declaratione.
- 3 Non censetur priuilegium concessum, quousque illius notitiam habeat.
- 4 Satisfit cuidam obiectioni.
- 5 Limitatur ab aliquibus, vt intelligatur de priuilegijs gratiosis, non remuneratorijs. Sed non admittitur.
- 6 Secundò limitatur, vt ante acceptationem, seu notitiam priuilegiati non habeat suam vim integram, tamen si non possit renouari à concedente? Non admittitur.
- 7 Priuilegium non expostulat notitiam illorum, in quorum damnum cedit.
- 8 Excipe nisi priuilegio tollatur alicui tertio ius quæsitum.
- 9 Scientia priuilegij requiritur in priuilegiato per se, & directè, secus in indirectè priuilegiato.
- 10 Quæ acceptatio sufficiat? Sufficit facta per procuratorem, nuntium, &c.
- 11 Limitant aliqui, vt non intelligatur de priuilegijs, quæ seculum inuolunt dispensationem.
- 12 Non admittitur limitatio.
- 13 Proponitur obiectio quadam, & soluitur.

1 EX superioribus constat priuilegium habere rationem legis, non quidem respectu illius, in cuius

ius fauorem est concessum, sed respectu aliorum, quia ipsi vel ex iure ipso naturali, vel ratione præcepti in priuilegio lati, tenentur non impedire priuilegij vsum.

Si ergo de priuilegio, quatenus inducit obligationem in his, qui formaliter priuilegiati sunt, loquamur; certum esse debet indigere promulgatione, quæ sufficienter priuilegium manifestet: tum quia in hac parte priuilegium habet rationem legis, seu præcepti: tum quia præcepti, & legis obligatio esse non potest, vbi non est illius notitia. Hæc autem notitia non debet dari publicatione solemnī, nisi priuilegium sit vniuersali lege constitutum: quale est latum in *Extravag. 1. de reliq. & venerat. Sanctor. & Clement. unica, de Baptismo*, & aliis, quia priuilegia, quæ non vniuersali lege, sed particulari indulto, & rescripto conceduntur singularibus personis, & communitatibus, singularem commoditatem, & fauorem respiciunt. Ergo singularis publicatio sufficit; ea enim quæ sufficit priuilegiatis ad vtendum priuilegio, eadem per se sufficit aliis, ne illius vsum impediunt, quia ex vno aliud necessariò sequitur. At quia sæpè occultè conceditur priuilegium, & solùm priuilegiato innotescit: ideo necessarium est hanc concessionem aliis etiam manifestari, vt teneantur illius vsum non impedire. Manifestanda tamen est ostensione publici instrumenti, quia publico instrumento fuit facta concessio, vel saltem manifestari debet per testes omni exceptione maiores, qui de concessione facta, & litteris expedita nullum vitium habentibus testentur, vel saltem testentur publicè, & coram omnibus priuilegiatum vsum fuisse priuilegio, aliàs fidem perfectam in iudicio non facient. sic Syluest. *verb. exemptio, q. 5. & 7.* Suarez *lib. 8. de legib. cap. 24. n. 10.* Mascard. *de probat. conclus. 845. n. 24.* in foro tamen conscientie tanta probatio requiritur, sed sufficit ea, quæ prudentem hominem certum reddere potest de priuilegio concessio, qualis est censenda ea, quæ à solo priuilegiato habetur, etiam si ipse sub iuramento affirmet se habere priuilegium; quia, vt bene dicit Suarez *supra n. 9.* nullus in propria causa est testis omni exceptione maior, cui ex obligatione fides sit adhibenda, esto ex urbanitate aliquando credi possit.

2 Verùm, si de priuilegio, quatenus fauor, & beneficium est priuilegiati, loquamur, certum est, si sit priuilegium per modum legis concessum indigere promulgatione, sicut & ipsa lex indiget, & consequenter expostulat notitiam illius in priuilegiato, esto non debeat singulorum auribus intimari: sic omnes DD. referendi; hoc enim non est tam ratione beneficii, quàm ratione obligationis inductæ ex lege. At si loquamur de priuilegio concessio per modum rescripti singularibus personis, vel communitatibus, in quorum commodum, & fauorem cedit, varia sunt Doctorum placita. Nam esto communiter dicant non valere priuilegium, quousque priuilegiatus illius notitiam habeat, & priuilegium acceperit, tot limitationes adhibent, vt ex illis potius videatur pro regula generali esse statuendum, valere priuilegium absque notitia priuilegiati. Vt ergo cum distinctione procedamus, distinguenda sunt priuilegia, alia sunt priuilegia præter ius, alia contra ius. Priuilegia præter ius voco ea, quibus aliqua iurisdictio, & facultas tibi conceditur, quæ communi iuri nõ repugnat; contra ius voco omnes dispensationes, & facultates, quibus à iuris communis obseruatione eximeris. Et quidem posse Principem de plenitudine suæ potestatis alicui priuilegium concedere inuito, & nolenti, res debet esse indubitata: quæ enim repugnantia ostendi potest, in eo, quod Pontifex habiliter clericum ad matrimonium contrahendum, si causa communis expostulet, vel dispenseret cum illegitimo ad ordines etiam nolente dispensationem, & obligationem decimandi, & ieiunandi auferat? Impedimenta enim hæc, cum à potestate Pon-

tificis tantum fuerint introducta, ab illo solum auferri possunt, & dispensari, nec consensus subditi requiri necessariò debet. sic Bonac. *disp. 1. q. 3. p. 3. n. 4.* Salas *disp. 20. sect. 14. num. 13.* Suarez alios referens *lib. 8. cap. 25. n. 15.* Aduerto tamen, nunquam sic intelligendum est factam esse concessionem, nisi clarè constet,

3 Quapropter regula. Et si Princeps supremus possit priuilegium quoddam tibi concedere, nulla illius notitia à te habita: attamen nunquam sic censetur concedere; sed eius concessio imbibit tacitam conditionem, dummodo non resistas. Probo, quia hoc expedit rectæ gubernationi, ne beneficia, & mercedes Principis exprobrentur, & contemnantur: neve dentur nisi indigentibus & petentibus. Secundò, quia priuilegium est quædam donatio, quæ absque acceptatione donatarij non censetur habere effectum: sic Menoch. *lib. 2. de arbitrar. centur. 2. casu 185. num. 31.* Sanchez *lib. 1. de matrim. disp. 6. num. 10. & 29. & lib. 3. disp. 30. num. 13. & disp. 36. per totam.* Bonacina *disp. 1. de legib. quest. 3. punct. 3. num. 5.* Suarez *lib. 8. de legib. cap. 25. n. 13. & seq. 7.* Vasquez *disp. 156. cap. 4. n. 30. & 31.* Salas *disp. 20. sect. 14.* Azor *rom. 1. lib. 5. cap. 3. q. 7. & cap. 23. q. ult. & alij plures ab eisdem relati.*

4 Neque obstat aduersus hanc regulam, quòd priuilegium æquiparari solet legato. *authent. de nupt. §. disponat, collat. 4.* Sed legatum relictum à testatore acquiritur legatario, etiam ignoranti à tempore mortis testatoris. *l. cum pater, §. furdo ff. de leg. 2.* Ergo & priuilegium. Non, inquam, obstat; quia solum æquiparatur in eo, quòd vtrumque seruandum sit, & priuilegium, & testamentum: at quodlibet diuerfas condiciones expostulat ad sui valorem; testamentum enim morte testatoris firmatur, priuilegium verò acceptatione priuilegiarij. Neque item obstat *l. 2. §. 1. ff. de iudic.* vbi ignorans sibi esse prorogam iurisdictionem, illam de facto habet; sed prorogatio est quoddam priuilegium. Ergo. Non, inquam, obstat, quia iurisdictione prorogata eadem est cum principali, ac proinde non est mitum, si ad prorogationem specialis scientia, & acceptatio non requiratur.

5 Supradictæ conclusionis plures limitationes adhibentur. Prima vt intelligatur de priuilegiis gratiosè concessis, non verò de priuilegiis remuneratoriis; hæc enim etsi expressè non acceptes, neque illorum notitiam habeas, valida iudicantur, quia tacitè videris illa acceptare, cum rem dignam præmio operaris: sic alios referens Menoch. *lib. 2. de arbitrar. centur. 2. casu 185. n. 45. 49. & 50.* Bonacina *disp. 1. quest. 3. punct. 3. num. 15.* Sanchez *lib. 3. de matrim. disp. 36. num. 3.* quibus fauet Bart. *in l. omnes populi, ff. de iust. & iur. num. 37. & 38.* dicens statutum priuilegiarium continens commodum habere effectum absque notitia priuilegiarij; & sic bannitum capientem habere debere præmium à statuto propositum, etsi ignorauerit statuti dispositionem.

Sed hæc limitatio admittenda non est: tum quia nullus est textus, qui hæc exceptionem assignet: tum etiam, quia sola acceptatio, quæ fundatur in dignitate operis, est nimis remota, & confusa; ex illa enim solum sequitur ad summum te sic bene operantem velle, vt detur præmium opere dignum: at quod sit hoc, vel illud, non infertur. Ergo cum tibi hoc determinatum præmium offertur, acceptatione indigebat: aliàs cogeris acceptare, quod fortè tibi conueniens non est, nec meritis æquale. Deinde expendo modum, quo dari potest hoc priuilegium remuneratiuum sine scientia, & cognitione priuilegiati: dari, inquam, potest generali edicto, quo à Principe constitutum est, faciendū tale opus, tali priuilegio esse afficiendum, vel ipso facto afficiatur tali præmio: vel denique, si pro opere iam facto in illius satisfactionem, & remunerationem tali præmio afficiatur. Si primo modo præmiū constitutū est, facto opere, non conse-

consequeris præmium statim, sed solum obligationem in Principe te præmiandi: si autem præmium ipso iure constitutum sit, consequeris quidem illud, sed non in vi meriti, quia non potes mereri, quod nescis esse concedendum, sed consequeris illud ex conditione appositâ, sub qua Princeps intendit privilegium concedere. Ergo si intentio absoluta Principis in privilegiis gratiosis non sufficit sine notitia, & acceptatione privilegiarij: neque etiam videtur sufficere in huiusmodi privilegiis sub conditione concessis; sed in omnibus æquæ scientia, & notitia privilegij requirenda est. Quod idem à fortiori constat, quando privilegium conceditur ob opus iam factum: tum quia tale opus nullo modo fuit factum ex respectu ad tale privilegium: tum quia esse privilegium remuneratorium illius operis, non tollit debitam illius acceptationem; ideo enim hæc acceptatio in privilegiis gratiosis expostulatur, ne privilegia Principis repellantur, & contemnantur. Quapropter ipse non censetur intentionem habere faciendi gratiam inuito, & nolenti; sed eadem prorsus ratio, imò efficacior militat in remuneratiis privilegiis, si Princeps ea concedit ignoranti, & non acceptanti: siquidem facta concessione repellere potest privilegium remuneratorium, ut sibi non conveniens, neque meritis dignum. Ergo excludenda est hæc limitatio conclusionis de privilegiis remuneratiis: sicuti eam excludit Decius *cap. 2. de constit. in 1. de l. num. 44.* & ibi Panorm. *num. 7.* Alexand. de Nevo *n. 29.* Felin. *num. 7. versic. tertio limita.* Berouius *num. 48.* & latè Suarez *lib. 8. de legibus, cap. 25. à num. 18.* solumque in eo sensu vera est hæc doctrina, quatenus Princeps offerens privilegium bene operanti, tenetur vi suæ promissionis concedere, si operans acceptaverit; & in eo casu non caret difficultate, an requiratur etiam sententia declaratoria operis meritorij: sicuti in legibus ipso facto pœnam imponentibus, dicimus requiri sententiam declaratoriam criminis ante pœnæ incursionem.

6 Secundò limitatur, ut privilegium ante acceptationem, & notitiam privilegiati, non habeat suam vim integram, & valorem, habere tamen aliquem effectum, scilicet, ut non possit à concedente reuocari: sic Decius, Alexand. & Felin. *suprà.* Bald. *in l. beneficium, n. 15. ff. de constitut. Princip.* Cardin. *in proœm. Clementinarum, verbo universitatis, quest. 5.* & fundatur in *cap. si tibi absenti, de præbend. in 6.* vbi collatio beneficii absenti facta, esto non habeat effectum integrum, quousque acceptetur, reuocari tamen non potest.

Verùm neque hæc limitatio admittenda est, quia aliud est beneficii Ecclesiastici collatio, aliud privilegij concessio, concedere namque privilegium non tenetur Princeps: at beneficium conferre tenetur; cum igitur conferendo etiam absenti functus fuerit officio suo, non est mirum, ut non possit beneficii collationem reuocare, sed debeat expectare consensum eius, cui facta est: at privilegij concessio, cum sit quædam liberalis donatio, quousque à privilegiato acceptatum non sit, poterit à donante reuocari: & ita tenet alios referens Couarr. 3. *variæ, cap. 16. num. 1.* Menoch. *casu 185. num. 46. & 47.* Thomas Sanchez *lib. 3. de matrim. disp. 36. num. 4.* Bonacina *disp. 1. quest. 3. punct. 3. num. 12. & 13.* Suarez *lib. 8. cap. 25. num. 7.* Adde dispositionem illius *cap. si tibi absenti*, esse specialem in beneficiis, propter eorum perpetuitatem. Ergo non est extendenda ad privilegia, imò neque ad alia munera, & officia Ecclesiastica, & sæcularia, quamvis concedens obligatus sit illa conferre: aliàs Princeps assignans Petrum pro gubernatione alicuius provincie, assignationem reuocare non posset, quousque Petrus acceptet, quod falsum est: sicut enim post acceptationem potest illum reuocare, poterit à fortiori ante acceptationem. Item hæc obli-

Ferd. de Castro Sum. Mor. Pars I.

gatio non reuocandi privilegium oriri poterat, vel ex iure naturali, vel positivo: non ex iure naturali; quia ex illo non censetur facta donatio irrevocabilis, quousque acceptet donatarius, quia sub hac conditione censetur facta: ut multis probat Sanchez *lib. 1. disp. 6. à num. 3.* Ergo siue donatio sit faciendâ ex obligatione, siue ex mera voluntate, nunquam censetur facta irrevocabiliter, quousque donatarius acceptet, quia respectu illius, cui sit, semper est gratuita: ex iure autem positivo solum in beneficiorum collatione disponitur, quod ius supremum Principem non ardeat, sed illo non obstante, poterit reuocare privilegium non acceptatum: de aliis materiis nulla est dispositio à iure. Ergo non est ad alias materias extendendum, & ita sentire videtur Azor *tom. 1. lib. 5. cap. 23. quest. ult.* Salas *disp. 17. sect. 5. sub num. 37.* Suarez *cap. 25. num. 7. in princ.*

7 Tertiò limitatur, ut privilegium requiratur scientiam, & acceptationem privilegiati; secus verò illorum, in quorum damnum cedit: sic Menoch. *lib. 2. de arbitrar. casu 185. num. 28.* Decius & Felin. *suprà.* Roman. *consil. 130.* Sanchez *disp. illa 36. num. 5.* Bonacina *disp. 1. de legib. quest. 3. punct. 3. num. 14. & 15.* Suarez *lib. 8. cap. 25. num. 28. & 30.* Mouentur ex *cap. 1. de concess. præbend. in 6. versic. dicebat autem, ad finem.* ibi, *Nam si alicui à Sede Apostolica concedatur, quod excommunicari non possit, licet id forsitan suum ignoret Episcopus, non tamen propter hoc eius ligatur sententia.* Et paulo inferius: *si alicui conferendi præbendam aliquam à Sede Apostolica tribuatur potestas, ex hoc ipso videtur, quod sit Episcopo conferendi tunc iam penitus interdicta facultas.* Verùm hæc limitatio, non est limitatio nostræ conclusionis; quid enim mirum, quod privilegium non expostulet notitiam, in quorum damnum cedit, cum illorum acceptationem non requirat, neque respectu illorum sit privilegium?

8 Aduerto tamen, licet ex ratione privilegij non petatur notitia illius in alio, quàm in privilegiato: at si per privilegium reuocetur ius quæsitum tercio, censo notitiam privilegij illi dandam esse, quia non debet præsumi velle Principem priuare aliquem inscium iure suo; est enim bono communi, & suavi gubernationi non leuiter damnificatiua talis priuatio, & ex alia parte est valde expediens damnificatum monere, ut possit, si velit, se opponere. Quod, meo iudicio, expressè deciditur in *cap. cum persona, de privileg. in 6.* vbi ligatur excommunicatione ordinarij, & delegati exemptus, qui privilegij, seu præscriptionis, quibus ab ordinarij iurisdictione se defendit, non fecerit plenam fidem: & in *cap. si duobus, de appellat.* vbi ex privilegio appellans ad Rom. Pontificem ligatur excommunicatione ordinarij, nisi iudex cognouerit eum ad audientiam Romani Pontificis appellasse: vbi glossa *verbo tenebit*, dicit, quia debuit ire, & allegare privilegium suum, ex *cap. cum parati, eodem tit. de appellationibus, & l. si quis ex aliena ff. de re iud.* ex quacumque enim causa quis vocetur, debet ire ad prætorem. *l. 2. ff. si quis in ius vocatus non irit.* Neque obstat textus in *cap. 1. de concess. præbend. in 6.* vbi ignorante Episcopo eximitur quis ab eius censura: nam, ut bene explicat Suarez *illo cap. 25. num. 30. sine.* hoc intelligendum est, quando iudex non petiit ostensionem privilegij, & sufficiens tempus elapsum est, in quo posset illius notitiam consequi, & per illum stetit, vel casu accidit, ut non haberet.

9 Quartò limitari potest ad privilegiatum directum, etiam per se; secus verò de privilegiato indirecto, & per accidens; in hoc enim non requiritur scientia, notitia, & acceptatio privilegij. Explico limitationem. Concessum est privilegium alicui communitati pro omnibus sociis illius lucrândi indulgentias, absoluedi à peccatis, quilibet ex illa communitate illo privilegio gaudet, etsi ignorantiam illius habeat. Item clericus coniugatus si habeat omnes condiciones à iure

T 3 requi

requisitas, priuilegio fori gaudet, etsi illius ignarus sit. Item obtinuisti dispensationem de affinitate, consanguinitate, alioue impedimento communi cum puella, quam nucere intendis, puella etiam censetur dispensata, etsi ignara sit. Et ratio omnium est, quia per quandam consequentiam, & necessariam illationem hoc priuilegium in his personis ignorantibus sequitur; & ita docet Suarez lib. 8. cap. 25. num. 17. Bonacina disp. 1. quest. 3. punct. 3. num. 2. in 2. edit. Henriquez lib. 11. de matrim. cap. 3. num. 6. in comment. lit. H. Sanchez lib. 8. de matrim. disp. 16. n. 6. Hæc tamen limitatio, seu potius explicatio conclusionis verissima est.

10 Sed inquires, quæ scientia, notitia, & acceptatio priuilegij sufficiat, vt verè priuilegium tibi concessum valorem habeat?

Communis sententia docet sufficere, si acceptes per te, vel per tuum nuntium, aut procuratorem, aut per epistolam à te missam, qua beneficium petis; illa enim est anticipata acceptatio, & sub conditione si Princeps consenserit, & vltra dictas acceptationes nullam esse sufficientem. sic docet Bonacina disp. 1. quest. 3. punct. 3. num. 5. Salas disp. 17. sect. 5. sub num. 38. concl. 2. & disp. 20. sect. 14. num. 109. Suarez lib. 8. cap. 25. num. 13. & 14. Sanchez lib. 1. de matrim. disp. 6. num. 3. & 20. & lib. 3. disp. 36. num. 8. & lib. 4. in Decalog. cap. 48. Ratio quare hæc acceptatio sufficiat est, quia hæc sufficit ad constituendam validam, & firmam quamlibet aliam donationem. Ergo & priuilegium. Consequentia est legitima, quia priuilegij concessio est quædam donatio. Antecedens probatur, quia inter voluntatem donantis priuilegium, & recipientis illud, debet esse aliqua vnio, & respectus: at hic sufficienter intercedit, si nomine tuo alius acceptet; ea enim, quæ alius nomine tuo facit, tu facere censetur. Quapropter in l. 4. tit. 4. p. 5. hoc necessariò ad donationem, vel promissionem requiritur, ibi, *mensajero cierto, que le imbie a decir señaladamente lo que le da.* & in l. 3. tit. 11. part. 5. ibi, *embiando a prometer, o decir por su carta firmada, o por su mensajero cierto.* & multis allegatis docet Sanchez illo lib. 1. de matrim. disp. 6. num. 3. Ex quo fit validum esse priuilegium à puncto acceptationis per te, vel per tuum nuntium, procuratorem, aut litteras factæ. Quòd autem alia acceptatio non sufficiat, probatur, quia acceptatio, quæ à te immediatè, vel mediatè per nuntium, aut procuratorem non fit, tibi tribui non potest. Quocirca si tibi absenti Titius concederet priuilegium aliquod, & Petrus, qui neque est tuus nuntius, neque procurator, neque habet ad id mandatum, ac aptaret, nulla esset talis acceptatio, quia reputari non potest tua, eo quòd nomine tuo facta non fuerit: si autem ipse Petrus non missus à donante, sed sua sponte tibi nuntiaret concessionem à Titio factam, & tu acceptares, etsi Gregorius Lopez l. 4. verbo *no lo pudes*, tit. 4. part. 5. & Azuendo lib. 5. recopil. tit. 16. l. 2. n. 20. assument valere: at cum communi sententia tenendum est esse inuálidam, nec sortiri effectum, quia illa non est acceptatio donationis factæ, non enim censetur facta, quousque donans, donatario, vel alicui nomine ipsius manifestet. sic Capicius multis relatis decis. 180. num. 9. Sanchez lib. 1. disp. 6. num. 3. Ex his plures illationes inferunt Sanchez, & Bonacina *supra*, sed & ex doctrina posita manifestæ sunt.

11 Temperat tamen supradictam doctrinam Vasquez de legibus, disp. 156. cap. 4. num. 31. & 32. Suarez lib. 8. de legibus, cap. 25. num. 25. vt procedat in priuilegiis, quæ fructum habere possunt sine operatione priuilegiarij; secus verò de priuilegiis, quæ secum inuoluunt legis communis dispensationem; de his enim censent non valere, quamuis nuntius, vel procurator acceptet, quousque priuilegiarius notitiam illius habeat. Probant, quia hoc priuilegium, & dispensatio legis est, vt licitè facias, quod alias tibi illicitum erat, sed hoc obtinere

non potes, quousque illius priuilegij notitiam habeas. Ergo non censetur vsque tunc priuilegium concessum.

12 Sed reiicienda est hæc limitatio, vt eam reiicit Sanchez lib. 4. in Decalog. cap. 48. num. 9. & Bonacina disp. 1. quest. 3. punct. 3. num. 15. cum Syluest. verbo *priuilegium*, quest. ult. Ratio est, quia concedens tibi priuilegium dispensatiuum legis, non intendit te à legis obseruatione eximere per se, & vi priuilegij. Sed hæc exemptio fieri potest, etsi tu illam ignores. Ergo ignorantia tua valori priuilegij obstare non potest. Minorem probo. Lex legitime publicata potens est ligare ignorantes, etsi ipsi à legis obseruatione excusentur. Ergo priuilegium legitime publicatum, & acceptatum eximit ignorantes à legis obligatione, etsi ipsi ob ignorantiam legè obligentur. Hæc enim ignorantia est per accidens, & non per se, quam Princeps non attendit. Et confirmo ex his quæ admittunt Suarez, & Vasquez; hi enim dicunt, si tibi concedatur priuilegium, ne excommunicatione ordinarij ligari possis, esse validum priuilegium, à tempore, quo tuus procurator acceptauit, etsi tu illius ignarus sis; quia hoc priuilegium non petit in se aliquem vsum, sed potius tollit vsum facultatis ordinarij te excommunicandi. Item dicunt, si tibi concedatur facultas colligendi decimas ex aliquo loco, valere priuilegium à tempore concessionis, & acceptationis factæ per tuum procuratorem, quia vt illarum sis dominus, non est necesse, vt decimas colligas ante notitiam priuilegij. At ex his exemplis non leuiter confirmatur nostra sententia, & contraria infirmatur. Fundamentum enim contrarium eò tendebat, vt probaret non esse intentionem concedentis priuilegium dispensatiuum legis, quousque illius notitiam habere possis; quia illo priuilegio legislator intendit licitum, & honestum vsum in priuilegiato. Sed hæc ratio in supradictis exemplis æquè procedit; ideo enim eximeris ab excommunicatione ordinarij, vt licitè procedere possis illa non seruata: & habes ius decimandi, vt sine peccato colligere decimas possis; sed hæc intentio etsi de facto non habeat effectum ob ignorantiam priuilegiati, non obstat horum priuilegiorum valori. Ergo neque etiam obstat priuilegiis dispensatiuis. Et confirmo: matrimonium contractum per procuratorem validum est, & ad licitum copulæ vsum ordinatur; & tamen illo vti non potes, quousque perfectam illius notitiam habeas: & generaliter quælibet donatio per procuratorem acceptata ius tribuit donatario vtendi re donata; & nihilominus illa vti non potest, quando ignorat donationem. Ergo sicut hæc impotentia non obstat valori donationis: ita neque valori cuiusvis priuilegij, quia semper censetur hæc impotentia per accidens, & non orta ex ratione priuilegij, & manifestationis illius. sicque fit satis fundamento contrario.

13 Sed obicies. Priuilegium tibi concedens exemptionem à lege, nullius effectus est, dum priuilegium ignoras, quia de facto à lege non eximeris. Ergo non est verisimile valorem habere, quousque ad tuam notitiam deueniat?

Respondeo idem argumentum fieri posse in lege, probariq; legem non habere valorem in subditis ignorantibus. quare cum ibi necessariò dicendum sit ignorantiam esse per accidens à legis valore: sic dicendum est in priuilegio acceptato. Præterea multiplex effectus ex valore priuilegij oritur. Primò, si lex in qua dispensatur, non solum erat prohibens, sed irritans actum, & de facto posito priuilegio actum operaris, valet actus, quamuis ex ignorantia peccatum commiseris. Hac enim ratione, si tibi habenti impedimentum contrahendi matrimonium concedatur dispensatio Romæ, & tuus procurator acceptet, & sub probabilitate illius, etsi ignarus contrahis, peccas; at matrimonio-

nium tenet. Et idem est de iurisdictione concessa ad absolvendum, & de omni alio privilegio. Si autem privilegium solum det licitum usum, quia lex, in qua dispensatur, solum erat prohibens, potest deferuire, si habeat excommunicationem, aut reservationem annexam, ne in illam incurras, & dato non obtineri effectum à superiore intentum, id est, per accidens ex tua ignorantia, non ex ratione privilegij, quod sufficienter censetur promulgatum, dum tuo procuratori intimatum fuit, & ab illo tuo nomine acceptatum.

PUNCTUM IV.

A quo, & cui privilegia concedi possint.

- 1 *Nullus alius præter legislatorem privilegium concedere potest.*
- 2 *Neque alij, nisi subditis possunt privilegia concedi.*

1 **R**egula est, nullum alium præter legislatorem posse privilegia concedere. Et quidem de privilegio dispensatio legis res est manifesta, quia nullus alius præter legislatorem, aut superiorem illo, potest propria autoritate in lege dispensare. Si autem de privilegio concessio facultatis extra ius commune, vel municipale loquamur, probatur non posse ab alio concedi, quàm à legislatore; quia nullus alius potest legem ferre obligantem subditos præter legislatorem: at concedens hoc privilegium, simul etiam fert, vel ferre potest legem obligantem, ne privilegiatus impediatur in usu privilegij, aliàs privilegium non erit lex privata: ergo necessariò dimanare debet privilegium à legislatore, & ita tenet alios referens Suarez lib. 8. cap. 8. n. 2. Salas disp. 17. sect. 3. à n. 17. Bonacina disp. 1. q. 3. p. 3. n. 1. Azor 1. p. lib. 5. cap. 22.

Quocirca omnes illi, & soli, qui potestatem habent legislativam, possunt privilegia concedere; & hæc circa materiam sibi subiectam, & circa quam legem ferre possunt. Quapropter Pontifex, & Rex potest concedere privilegium derogans iuri communi; Episcopus verò, & magistratus iuri solum à se statuto. Item Pontifex, & Rex possunt concedere privilegia circa materiam sibi subiectam, quæ latissima est; Episcopus verò, & magistratus solum in materia, quæ illis subiicitur, & circa cuius observationem subditos cogere possunt: sic tenent supradicti Doctores.

2 Ex quibus constat, quibus personis concedi possint privilegia; si enim privilegia sint dispensativa legis, solum subditis, qui lege arctantur, possunt concedi: si autem sint facultatis concessiva, non solum subditis, sed etiam non subditis, concedi possunt; potest enim Rex clericis, tam naturalibus, quàm exteris, & quibuscumque forensibus, permittere aliquos contractus in suo regno, qui aliis sunt prohibiti. Item potest permittere extrahere ex regno arma, cibos, & alia, quæ subditis prohibentur. Ergo privilegium concessivum facultatis non subditis dari potest. Ratio est, quia per huiusmodi facultatem, & privilegium non arctatur privilegiatus ad usum illius, sed liberè omittere potest. Ergo sicut est capax cuiusvis donationis, capax etiam est huius privilegij. At quia privilegium involuit respectu aliorum, qui privilegiati non sunt, rationem legis obligantis, ne privilegiatum in usu privilegij impedian; ideo hæc privilegia concessa à Principe non subditis, debent esse de materia, quæ

Principi est subiecta, & circa quam subditos cogere potest: sic Doctores suprà relati.

PUNCTUM V.

An in concessione privilegij causa aliqua requiratur.

- 1 *Ad licitam concessionem semper causa requiritur.*
- 2 *Secus ad eum valorem, nunquam tamen sic datum præsumitur.*

1 **S**ermo esse potest de valore privilegij, vel de licita illius concessione loquamur, semper causam habere debet. Nam vel privilegium est dispensativum legis communis, & tunc omnes concedunt ratione dispensationis causam adesse debere, ut licitè legislator procedat: aliàs non servaret iustitiam distributivam, si pro sua voluntate, nulla alia causa intercedente, aliquem à communi lege eximeret. Si autem est purum beneficium Principis, nec pro alieni tertio, nec iuri communi derogans, etiam causam honestam habere debet, ut licitè concedatur: aliàs prodigalitatis, & vitij acceptionis personarum argueretur, & occasionem dabit invidiæ, & perturbationis reliquæ aliis non privilegiatis: & ita tenet Suarez lib. 8. cap. 21. num. 2. Salas disp. 17. sect. 4. sub num. 29. esto contrà teneat Sanchez lib. 8. de dispensat. disp. 1. num. 1. Causa autem concedendi privilegium, non est necesse, ut immediatè bonum commune respiciat, quia privilegium est lex privata, & primariò bonum privatum respicit; quare si in remunerationem alicuius virtutis, scientiæ, vel laboris privilegiarij conceditur privilegium, sufficienter honestatur eius concessio; quia hæc causa particularis mediatè ad bonum commune dirigitur, quatenus fovet religionem, pietatem, vel iustitiam. sic Salas disp. 17. sect. 4. fine.

2 Quòd si de valore privilegij loquamur, si legislator velit dare absque causa, validum est privilegium, quia semper est de re, quæ solum à voluntate legislatoris pendet. nam si privilegium est purum beneficium, est de bonis illi subiectis, & quorum ipse est dominus: si autem est dispensativum suæ legis, sicut potest legem totam abrogare, ita potest limitare illius obligationem, & ratione illius limitationis aliquas personas eximere. sic Suarez, Salas, & Sanchez suprà cum communi sententia. Quòd secus est de indulgentiarum concessione, quia tunc disponit nomine Christi, de eius meritis, & reliquorum Sanctorum: cui dispositioni Christus non censetur consentire, nisi quando rationalis est, & ex iusta causa procedit. Dixi valere privilegium, si legislator velit dare absque causa, quod nunquam est præsumendum, quia nunquam debet delictum præsumi, præcipuè in Principe; & ex dictis constat esse delictum, si absque causa concedatur. Ex quo fit sæpè in validum esse privilegium, quia causa, ob quam fuit concessum, verè non est, sed falsò allegata, ut infra dicemus: quando autem privilegiatus bona fide processit, vel Princeps motu proprio privilegium concessit, semper præsumi debet, esse ritè concessum; quia stat præsumptio pro superiore. sic Salas suprà sect. 4. num. 30.

PUNCTUM VI.

Possitne privilegiatus uti suo privilegio in quolibet loco, etiam extra territorium concedentis.

- 1 *Pro omni loco concedentis valet privilegium.*
- 2 *Si à concedente limitatur pro aliquo loco, extra illum non potest extendi.*
- 3 *Si privilegium sit dispensatio alicuius impedimenti, se habilem reddit pro omni loco, ac si impedimentum non habuisset.*

- 4 Si usus tui priuilegij non est extra territorium concedentis prohibitus iure communi, aut speciali constitutione illius loci, vis illo poteris.
- 5 Secus est, si obstat legibus, & constitutionibus contractum respicientibus.
- 6 Expenditur, vis ne possis priuilegio ab Episcopo concesso; si eius usus obstat legibus communibus, vel municipalibus illius loci, qua transis? Defenditur, ut probabiliter, te uti non posse, si usus aduerseat speciali constitutioni illius loci, secus si communi.
- 7 Proponuntur aliquot obiectiones.
- 8 Illu sis satis.

1 **P**rimò certum est priuilegium concessum absolute, & sine vlla limitatione valere pro omni loco, & territorio concedentis; quia non est maior ratio de vno loco, quàm de alio. Ergo ne inutile sit, ambiguum, & incertum pro omni loco intelligendum est. Adde, si legislator non velle pro determinato loco priuilegium valere, ipse se debebat explicare: cum autem non se explicauerit, prudenter intelligimus pro omni loco concessisse, præcipue cum sit reg. iuris ss. *contra eum, qui legem apertius docere potuit, est interpretatio facienda*. sic Suarez lib. 8. cap. 26. num. 2. Bonacina disp. 1. quæst. 3. punct. 5. num. 1.

2 Secundò certum est, si ab ipso concedente priuilegium limitetur pro aliquo loco, extra illum extendi non posse, quia non potest extendi vltra intentionem concedentis, cum ex eius intentione, totus valor priuilegij pendeat: hæc autem limitatio colligi potest, vel ex verbis, quibus priuilegium conceditur, vel ex fine, ob quam conceditur, vel ex materia, circa quam conceditur. Quando ex verbis priuilegij limitatio constat, tunc conclusio est clara, vltra illa extendi non posse; si verò verba sint indifferentia, & ex fine, aut ex materia concessionis appareat pro aliquo determinato loco priuilegium concedi, vltra illum extendendum non est. Hac ratione dicunt plures Doctores priuilegium Bullæ cruciatæ concessum Hispanis comedendi lacticia tempore Quadragesimæ, non posse extra Hispaniam extendi; quia ob inopiam piscium Hispanis conceditur. Credo tamen non esse hunc finem, sed ieiunij rigorem temperare sumentibus Bullam, ob subsidium, & eleemosynam ab ipsis datam; alias habitantes in locis maritimis, ut sunt plures in Hispania, priuilegio illo uti non possent. Sed quidquid sit de hoc exemplo, regula est certissima, vndeunque constet finem concessionis esse pro loco limitato, non debere vltra illum extendi. Hic autem finis ex tenore ipsius priuilegij cum antecedentibus, & consequentibus, & ex materia ipsius coniecturandus est.

3 Tertiò certum est, si ratione alicuius impedimenti, inhabilitatis, irregularitatis impediatis functionibus communibus, & dispenseris in supradicto impedimento, vbilibet poteris uti functionibus communibus, ac si impedimento nunquam fuisses ligatus; hoc enim non est concedere priuilegium pro omni loco, sed tollere impedimentum, quod tuam habilitatem impediabat: sic vxoratus impeditus ob votum castitatis, vel ob affinitatem contractam petere debitum, si dispensationem impedimenti obtineat, vbilibet debitum petere potest: & irregularis, suspensus, & excommunicatus, qui ratione excommunicationis, suspensionis, aut irregularitatis impeditus erat ordines, aut beneficium suscipere; si dispensationem obtineat, habilis vbique manebit. sic Thom. Sanchez lib. 8. de dispensat. disp. 31. num. 17. aduersus aliquos num. 16. relatos.

4 Quartò certum est, si usus tui priuilegij illo in loco, qua transis, non est prohibitus iure communi, neque aliqua synodali, aut municipalis constitutione, te illo uti posse, quia aliunde, quàm ex iure communi, constitu-

tione, aut mandato speciali superioris illius loci impediri non potest. Neque obstat, concedentem tibi priuilegium exercere iurisdictionem extra territorium suum; quia non exercet iurisdictionem contentiosam, cum strepitu iudicij, sed voluntariam, quam vbique exercere potest.

5 Quintò est certum, si priuilegij usus obstat legibus, & constitutionibus respicientibus contractus, vel bonum commune illius loci, qua transis: quibus legibus diximus in omnium sententia peregrinos, & forenses teneri, te illo priuilegio uti non posse extra locum concedentis, quia concedens non habet potestatem (ut suppono) te à iurisdictione superioris illius loci eximere, quia non est superior illo: ac proinde non potest te liberare ab obseruatione illarum legum, qua reliqui peregrini, & forenses tenentur. In his consentiunt Doctores, ut constat ex Suarez, & Bonacina *suprà*.

6 Difficultas est, an uti possis priuilegio à tuo Episcopo concesso, quando in alieno territorio existis; si eius usus obstat legibus communibus, vel specialibus constitutionibus, aut mandatis illius loci, qua transis? v. g. Obtinuisti priuilegium eligendi confessorum, comedendi carnes diebus prohibitis, non recitandi horas, laborandi festis diebus, legendi libros hæreticorum: quæ omnia possunt esse & prohibita lege communi, & speciali aliqua constitutione, aut mandato. Difficultas ergo est, an possis uti illo priuilegio, vbicumque existas?

Censeo resolutionem huius difficultatis pendere ex illa, an forenses teneantur legibus, constitutionibus, & mandatis loci illius, qua transeunt. Nam in sententia illorum, qui dicunt non teneri, manifestè infertur uti te posse priuilegiis supradictis: siquidem mandato, lege, aut constitutione locali impediri non potes. At quia nos, ut probabilius, resolvimus, forenses non solum legibus per modum statuti, sed etiam per modum sententiarum, hoc est, constitutionibus, & mandatis localibus ligari, sicuti ligantur vicini, & naturales; ideo censeo te supradictis priuilegiis uti non posse, si illo in loco, qua transis, est speciali aliqua constitutione, aut mandato prohibitus illorum usus; quia ab obligatione illius constitutionis, & mandati, quam contrahis ratione transeuntis habitationis, exemptus esse non potes virtute priuilegij alibi tibi concessi, quia priuilegium illud non est ab aliquo, qui potestatem habeat remittendi obligationem impositam tibi per superiorem illius loci, qua transis; quia non est superior illo. & ita docet Suarez lib. 8. cap. 26. à num. 7. Salas disp. 17. sect. 10. num. 54. Bonacina disp. 1. quæst. 3. punct. 6. num. 4. Aduerte, etsi Bonacina, & Suarez, cum de obligatione forensium legibus loci, qua transeunt, loquerentur, affirmarent, non teneri mandatis, & sententiis superioris illius loci; nihilominus in præsentia dicunt priuilegiatum his teneri: neque uti posse priuilegio eligendi confessorum, aut comedendi carnes, si specialiter prohibeatur à superiore illius loci, quod non videtur satis consequenter dictum. Aduerte secundò ex benigna interpretatione voluntatis superioris illius loci, qua transis, præsumere potes te obligatum non esse eius legibus, à quibus in tuo territorio exemptus es, & quæ specialiter loci illius non sunt propriæ. sic Salas disp. 17. sect. 10. n. 56. Bonacina disp. 1. quæst. 3. punct. 7. num. 6. Suarez *suprà*.

Si autem usus tui priuilegij non sit contra aliquam specialem constitutionem, aut mandatum loci illius, qua transis, sed solum aduerseat legi communi æquæ in tuo, ac in alieno territorio obliganti; probabilius existimo te exemptum esse, liberèque uti posse tuo priuilegio, quia obligatio illius legis eadem est in tuo, ac in alieno territorio; sed ab obligatione illius legis exemptus es virtute priuilegij: ergo vbique exemptus es. Et confirmo. In lege communi, & generali non dispensat

fat Episcopus, nisi ex commissione Pontificis; sed si Pontifex dispensaret, valeret dispensatio, & privilegium, pro omni loco. Ergo etiam valet, quando dispensat Episcopus. Qua ratione dicunt communiter Doctores dispensatum ad plura beneficia à legato Sedis Apostolicæ, posse vbilibet ea retinere, & accipere, quia nomine Pontificis dispensatio in iure communi facta est: & ita docet Suarez lib. 8. cap. 26. à num. 15. & seqq. Salas disput. 17. sect. 10. Bonacina disput. 1. quest. 3. punct. 6. num. 4. Sanchez lib. 8. de matrim. disp. 31. num. 17. Azor lib. 5. cap. 23. quest. 6. & alij plures ab eisdem relati.

7 Sed obiicies primò. Si ea, quæ sunt prohibita iure communi, speciali etiam constitutione, & mandato superioris illius loci prohiberentur, privilegiū te liberare non poterat ab illorum obligatione: ergo neque liberat, quando solum iure communi sunt prohibita. Probo consequentiam, quia prohibitio specialis non addit specialem obligationem; aliàs grauius delinquerent subditi, quoties à pluribus superioribus illis materia prohiberetur. Secundò Episcopus illius loci tibi prohibere potest vsum privilegij à tuo Episcopo concessi, quia constitutionibus, & mandatis illius Episcopi, vbi resides, obligaris, sicut cæteri commorantes. Item si est privilegium de non ieiunando diebus prohibitis ab Ecclesia, potest tibi imperare ieiunium, cui præcepto debes obedire. Ergo signum est privilegio non integrè liberatum te esse à præcepto. Tertio ideo teneris seruare statuta, & leges loci, qua transis; quia per habitationem etiam transeuntem factus es pars illius loci; & est inconueniens, quòd pars discordet à toto; sed eadem ratio, imò efficacior militat in lege vniuersali. Ergo. Quartò ideo privilegium tui Episcopi non ieiunandi, non te eximit à constitutione, & lege ieiunij alterius Episcopi, quia est diuersa lex, & diuersa obligatio ab ea, à qua dispensationem obtinnisti; sed lex communis, & generalis, etsi physicè vna, & eadem in omni loco videatur esse: at moraliter, & secundum obligationem, in quolibet loco distincta est, quod ex eo sufficienter constat, quia abrogari potest consuetudine in vno loco, perseverando in alio. Ergo licet tuus Episcopus tibi privilegium concesserit in lege communi, non inde infertur in omni illius obligatione concessisse, sed solum in obligatione sui territorij. Ergo obligatio alterius territorij, qua transis, te ligat.

8 Verum etsi hæc argumenta, & præcipuè quartum satis probabilem reddant sententiam affirmantem privilegium à tuo Episcopo concessum non te liberare ab obligatione legis communis, quandiu in alio Episcopatu commoraris: nihilominus, quia contrarium est communiter receptum, ideo retinendum est. Quare ad primum dicimus prohibitionem factam per statutum speciale, non addere supra communem legem specialem obligationem in his, qui lege communi ligantur; quia omnem obligationem, quam inducere potest, habent iam à lege communi: at in his, qui à lege communi exempti sunt, valet obligationem inducere, quia non est vnde impediatur.

Ad secundum nego Episcopum illius loci, in quo transeuntem resides, tibi impedire posse vsum privilegij à tuo Episcopo concessi, nisi ex subreptione arguatur, neque imperare ieiunium, quo iam exemptus es, nisi aliquam specialem, & honestam causam habeat: poterit tamen tibi impedire vsum privilegij, quousque illi privilegium manifestes, quia ad manifestationem te obligare potest. sic Suarez illo cap. 26. num. 17. Ex quo fit, si licentiam habeas celebrandi, administrandi sacramenta, eligendi Confessorem, comedendi carnes diebus prohibitis, &c. debere Episcopum examinato privilegio tibi liberum vsum relinquere.

Ad tertium concedo ideo forenses obligari constitutionibus loci, qua transit, quia est factus pars illius, & non habet privilegium exemptionis ab illorum obligatione: at quia ab obligatione legis communis habet privilegium exemptionis, ideo lege communi non tenetur.

Ad quartum concedo te obligari lege, & constitutione municipali, quia est diuersa lex à diuerso legislatore proueniens, à quo non habes exemptionem; at non obligaris lege communi, quia esto in diuersis locis habeat distinctam obligationem, ab omnibus illis exemptus es per privilegium concessum ab ipso net legislatore; nomine enim ipsius tuus immediatus Prælatas privilegium, & dispensationem concessit: & cum dispensatio fuerit facta absolute, pro omnibus locis debet intelligi.

PUNCTUM VII.

Utrum privilegiatus teneatur suo privilegio vti.

- 1 *Nemo tenetur suo speciali privilegio vti.*
- 2 *Excipitur, nisi per privilegium legi subiiciatur, cum antea subiectus non esset.*
- 3 *Explicatur supradicta limitatio.*

1 **R**esolutio communis est neminem teneri suo speciali privilegio vti, cap. si de terra, de privileg. quod enim in fauorem alicuius factum est, non debet in graueni eius retorqueri, ex regul. 61. de regulis iuris, in 6. Neque contra hanc resolutionem obstat, quòd clericus debeat vti privilegio fori, & canonis, si casus occurrerit; quia non cogitur vti privilegio sibi specialiter concessio, sed privilegio concessio statui clericali: & cum ipse statum clericalem à se abdicare non possit, neque etiam privilegium poterit abdicare.

2 Aliqui limitant supradictam resolutionem, dummodo per privilegium non fiat actus licitus, qui antea illicitus erat, & legi subiiciatur: nam in huiusmodi casu tenetur privilegiatus suo privilegio vti. Exemplum adhibent in præcepto audiendi Missam tempore interdicti, quo ratione interdicti excusaris: at si privilegium habeas audiendi Missam tempore interdicti, illam audire teneris. Ecce quare ratione privilegio vti cogeris: sic Bonacina disput. 1. quest. 3. punct. 4. sine. Idem est in coniuge votum castitatis habente, qui ob matrimonij ius tenetur reddere debitum petenti: at si alter coniux adulterium commiserit, iam ratione illius excusatur à redditione, & non solum excusatur, sed neque potest reddere, quia tunc votum castitatis seruari potest, ut docet Sanchez lib. 9. de matrim. disp. 6. num. 15.

3 Verum, ut rectè notauit Suarez lib. 8. de legib. cap. 23. num. 9. circa finem, hæc non est limitatio communis resolutionis, quia obligatio in supradictis casibus non prouenit ex privilegio, sed ex voto, aut Ecclesiæ præcepto. nam in illo casu interdicti privilegium tollit interdictum respectu privilegiati: sublato autem interdicto, præceptum Ecclesiæ manet, quo privilegiatus obligatur. Ergo non ex privilegio, sed ex præcepto Ecclesiæ nascitur obligatio. Et idem est in illo coniuge votum castitatis habente, impediebatur enim ab obseruatione voti ob ius alterius coniugis petentis debitum, quo iure priuatur per adulterium; & sic cessat impedimentum, quod coniux innocens habebat, seruandi

integrè votum: tenetur ergo posito adulterio illud seruare. quæ obligatio non oritur formaliter ex privilegio oborto per adulterium, sed ex voto facto.

PUNCTUM VIII.

Utrum priuilegiatus uti possit suo priuilegio
aduersus pariter priuilegiatum?

- 1 Affirmatiue respondetur.
- 2 Quid dicendum, si in re diuersa alius priuilegiatus sit?

1 **C**onclio hio est affirmatiua, & ratio euidens; quia si tuum priuilegium æquale est alteri priuilegio, illo non derogabitur: uti ergo illo poteris, non obstant alterius priuilegio. Explico conclusionem. Exemptus es à decimis soluendis: alius item similiter exemptus est, exemptio alterius non potest tuam impedire, sed est omnino per accidens; aliàs implicaret simul pluribus idem priuilegium exemptionis concedi, si vnus priuilegium alterum impedire posset: sic Couarr. in reg. possessor. 2. p. 5. 2. num. 4. Suarez lib. 8. cap. 23. num. 3.

2 Difficultas ergo solum est, an uti possis tuo priuilegio aduersus illum, qui in re non simili, sed diuersa est pariter priuilegiatus; v. g. exemptus es à decimis soluendis: alius habet priuilegium accipiendi decimas à quocunque, qui in tuo territorio existit. Item habes priuilegium, ne ob debita possis vinculis alligari; alius verò habet priuilegium comprehendendi quemlibet sibi debitorem, potestne uti tuo priuilegio: nam si illo uteris, iam tuum priuilegium superius est alio, siquidem præualet aduersus illud.

Dicendum ergo est in supradicto casu te uti posse tuo priuilegio, nisi per priuilegium alterius sit specialiter derogatum; quia cum tuum priuilegium sit speciale, & aliud sit generale, speciale præualet: quia generi derogatur per speciem, ex reg. 34. de reg. iuris. Neque obinde sit tuum priuilegium præualere aduersus aliud generale; quia in generali subintelliguntur excepti priuilegiati specialiter: sicuti in omni lege generali subintelliguntur excepti, qui priuilegium exemptionis habuerint: & ita non sunt privilegia formaliter contraria, licet videantur esse; sed vnum est generale, & aliud speciale, non specialiter oppositum generali, sed ab illo exceptum. & ita tradit Eman. Rodriq. tom. 1. qq. regul. quest. 9. art. 11. ubi duplici exemplo conclusionem illustrat, quæ ibi videri possunt, & tradit optimè Salas disp. 17. sect. 14. sub num. 74. Quod si privilegia reperiantur contraria, neque aliqua via appareat, quomodo in concordiam reduci possint, ut utrumque valeat, tunc examinandum est, quod sit antiquius, vel ab altiori Prælato concessum, & illud iudicandum est præualere; aliud verò illi contrarium cessare. sic Suarez lib. 8. cap. 23. num. 5. & 6. Ex quo colligit Emanuel Rodriq. supra. Si aliquod monasterium ædificatum priuilegio gaudeat, ne aliud intra certas cannas ædificetur, & alteri sit concessum intra cannas illas ædificari; nisi supradicto priuilegio derogetur, non censetur habere priuilegium aduersus monasterium prius priuilegiatum; quia non censetur Princeps velle iuri alterius acquisito derogare, nisi illius expresse meminerit.

PUNCTUM IX.

Qua ratione priuilegium interpretandum sit.

- 1 Priuilegium verbis clavis concessum interpretatione non indiget; in dubio potius menti, quam verbis inherendum est. & ex supplicatione colligenda concessio.
- 2 Priuilegium derogans iuri communi, vel alteri nocens, secundum hanc partem odiosum est; aliquando quod vni est odiosum, alteri est fauorabile, & tunc est mixtum.
- 3 In egi interpretatione seruanda est verborum proprietas: qua desumenda est ex usu, & stylo concedentis.

4 Non est facienda ita stricte privilegij interpretatio, ut reddat priuilegium inutile, & priuilegium extenditur ad necessario connexa.

5 Qua sit lata interpretatio. Qua stricte?

1 **A**liqua sunt, in quibus Doctores conveniunt. Primum, Doctores conveniunt, si priuilegium feratur verbis clavis sufficienter intentionem concedentis exprimentibus, interpretatione non indigere; quia interpretatio est ad inuestigandam voluntatem concedentis, ex qua tota efficacia privilegij pendet. Si ergo hæc ex ipsis verbis apparet, superuacanea erit alia diligentia. At sæpè contingit aliud sonare verba, aliud constare ex manifestis coniecturis, esse ex mente concedentis; tunc potius menti, quam verbis inherendum est, ex cap. in his, de verbor. significat. ibi, non sermoni res, sed rei est sermo subiectum, & non intentio verbis, sed verba debent intentioni seruire. Idem colligitur ex cap. Martinus, 1. quest. 1. cap. sedulo, 38. dist. & aliis, & tradit Azor lib. 5. cap. 23. quest. 2. Syluester priuilegium, quest. 3. Salas disp. 17. sect. 8. num. 45. & disp. 20. sect. 10. num. 90. §. quarto. Si verò verba indifferentia sunt obscura, & incerta, tunc attendenda est supplicatio: nam Princeps precibus sibi factis se solet accommodare, ex l. si preces, ff. de legib. cap. inter dilectos, §. ceteri, de fide instrument. & tradit Matienz. lib. 5. recopil. 11. 2. leg. 1. glossa 2. num. 3. Guierri. lib. 3. pract. quest. 17. & 18. num. 42. & 43. Salas disp. 7. sect. 9. Bonacina disp. 1. quest. 3. punct. 7. num. 3. Suarez lib. 8. cap. 28. num. 19. Deinde attendi debet initium ipsius indulti, quia iuxta illud reliqua solent adiungi. l. ult. C. de hered. instit. Item materia, circa quam priuilegium versatur; quia ex re, & materia subiecta optimè intentio Principis inuestigatur: ac denique possumus spectare aliud simile priuilegium, & ex illo interpretationem sumere. Quod si adhuc res sit dubia, nec probabiliter per receptam doctrinam definiri potest, (inquit Suarez, Salas, & Bonacina supra alios referentes;) consuli debet Princeps, nisi aliquod sit periculum in mora: nam si est, uti licebit, quod secundum prudentiam visum fuerit pro loco, & tempore convenire.

2 Deinde duplex est priuilegium, aliud directe derogans iuri communi, vel alicuius tertij; aliud, quod nemini nocet. Priuilegium, quod derogat iuri commune, vel alicuius tertij, secundum hanc rationem odiosum est, quia nocumentum, & grauamen continet. Priuilegium verò, quod nemini nocet, fauorabile est, quia fauorem, & gratiam continet nullo grauamine mixtum: solet autem priuilegium vni fauere, nocendo alteri; & tunc priuilegium est mixtum ex odio, & fauore, quale est priuilegium exemptionis à decimarum solutione: ut autem hoc priuilegium reputandum sit absolute fauorabile, vel absolute odiosum, spectanda est causa, ob quam conceditur, quæ si bono communi, & religioni maxime faueat, censendum est priuilegium fauorabile.

3 Item in privilegij interpretatione seruanda est verborum proprietas, quoad fieri possit. Quia si ad improprias significationes liceret recurrere, nihil in privilegiis esset firmum: sic glossa in Clem. literas. de prebendis, verbo dilectus. Bonacina disp. 1. quest. 3. punct. 7. §. 1. num. 2. Salas disp. 17. sect. 8. num. 47. & 49. Suarez lib. 8. cap. 28. num. 15. & 16. Thom. Sanchez lib. 8. de dispensar. disp. 1. num. 5. ubi alios refert.

Hæc autem proprietas verborum attendenda est penes usum, & styllum concedentis: ut si priuilegium sit regium, attendendus est stylus Regis; si Pontificium, attendendus est stylus Pontificis; quia inde aptius cognoscitur intentio concedentis, quæ per interpretationem inuestigatur. sic ex Bald. l. si quando. 1. C. de bonis vacantib. lib. 10. Syluest. verbo priuilegium, quest. 3. Azor lib. 5. c. 23. quest. 2. tradit Salas num. 49. Bonacina num. 2. Suarez n. 16. ubi variis exemplis doctrinam declarat; inquit

inquiunt enim, si privilegium concedatur Episcopo pro suis familiaribus, ut conceditur in Trident. intelligi debet de familiaribus, qui actu famulantur, non de illis, qui per litteras ad famulatum recepti sunt, iuxta *cap. ult. de verborum significat. in 6.* quia hi in rigore, & proprietate famuli non sunt, sed electi in famulos. Item si concedatur facultas minuendi numerum ministrorum Ecclesie ob penuriam reddituum, non intelligitur concessa ad augendum numerum, etiam si redditus crescant, quia minuire non significat propriè augere. Item privilegium circa modum seruandi interdictum, non extenditur ad cellationem à diuinis; quia illa duo diuersa sunt. Et ob eandem rationem privilegium ascendendi ad maiorem dignitatem, non intelligitur ad accipiendam æqualem. *cap. licet, de translat. Episcopis*; sicut privilegium datum regularibus transeundi ad arctiorem religionem, *cap. licet, de regularib.* non intelligitur transeundi ad æquè arctam. Similiter facultas concessa prouidendi primam præbendam vacantem per decessum, non intelligitur data, si vacauerit per renuntiationem, vel cessionem; quia vacare per decessum, vel per renuntiationem distincta sunt. *cap. susceptum, de præbendis, in 6.*

4 Rursus nunquam est facienda interpretatio privilegij ita strictè, ut reddat privilegium inutile. *l. non dubium, C. de legibus*, quia inutilem, & frustraneam actionem efficere, non decet Principem. Quapropter cum privilegium tendat ad concedendum aliquid privilegiato, quod aliàs ei non liceret, semper extendenda est interpretatio, quantum fieri potest, ut hunc effectum operetur; neque contenti esse debemus, ut confirmet, quod aliàs licet privilegiario, nisi ad id manifesta ratio cogat: sic tradit Nauarr. *summ. cap. 12. n. 79.* & in apologet. *de redditibus, quest. 3. membr. 6. num. 3.* Salas *de legibus, disput. 17. sect. 8. num. 46.* Suarez *lib. 8. de legibus, cap. 28. num. 2.* Ex quo fit privilegium, seu dispensatio, quantumuis odiosa sit, extendi debere ad ea, quæ illi sunt necessariò connexa, & sine quibus effectum habere non potest; quia dans formam, dat consequenter, quæ ad illam requiruntur. sic Angel. *verbo dispensatio, num. 9.* Syluest. *quest. 5. num. 9.* Bonacina *disp. 1. quest. 3. punct. 7. §. 1. num. 5.* Suarez *lib. 6. cap. 11. num. 10.* Sanchez *lib. 8. de matrim. disput. 1. num. 19.* vbi pluribus relatis docet dispensatum ad plura beneficia, simul esse dispensatum in residencia vtriusque; & dispensatum in minori ætate, ut beneficium parochiale habeat, esse dispensatum in obligatione assumendi intra annum sacerdotium: & parochum dispensatum, ne intra annum ordinetur, simul esse dispensatum, ne eius beneficium vacari possit, quia non vacatur, nisi ob culpam, quæ nulla est stante dispensatione; & idem aliis relatis docet Sanchez *num. 24.* de Episcopo, cui est dispensatio concessa differendi consecrationem ultra tres menses à iure præscriptos; non, inquam, eius beneficia vacari posse, quia nullam committit culpam. Aliud etiam exemplum adducit *num. 27.* quod mihi optimè probatur; inquit enim, si cum illegitimo, vel aliàs irregulari dispensetur ad omnes ordines, vel ad sacros ordines, dispensari simul ad beneficium aliquod simplex, quo possit ordinibus insigniri; quia sine huiusmodi titulo nequit promoueri in sacris, ex Trident. *sess. 21. de reformat.* Neque obstat habere patrimonium, seu pensionem; quia pensio, aut patrimonium non per se sufficiunt ad ordines sacros recipiendos, nisi adsit necessitas, vel utilitas Ecclesie.

5 Tandem latè interpretatio privilegij illa est, quæ extendit privilegium, tam quoad rem concessam, quàm quoad personas, quantum verba patiuntur; illa verò stricta, quæ restringit privilegium, quantum fieri potest: sic omnes Doctores.

PUNCTVM X.

Quod privilegium latè, vel strictè interpretandum sit.

- 1 *Privilegium in nullius præiudicium cedens latè est interpretandum.*
- 2 *Privilegium derogans iuri communi regulariter est strictè interpretandum.*
- 3 *Explicatur exemplis.*
- 4 *An extendatur hæc doctrina ad privilegium derogans statuto, vel consuetudini speciali.*
- 5 *Limitatur doctrina in privilegio cedente in fauorem religionis, vel pia causa.*
- 6 *Item in privilegio inserto in iure communi.*
- 7 *Item in privilegio ex certa scientia concessio.*
- 8 *Privilegium derogans alterius iuri strictè interpretandum est. Quid de privilegio ad lites, ad beneficia, &c.*
- 9 *Privilegium derogans iuri communi, an debeat continere clausulam derogatoriam expressè? Resoluitur negatiue.*
- 10 *Limitatur doctrina, dummodo ius commune privilegijs non resistat.*
- 11 *Derogans iuri alterius debet habere clausulam expressam derogatoriam.*

1 Dico primò. Privilegium, quod in nullius præiudicium cedit, latè est interpretandum, ex *cap. olim, de verborum significat.* tum quia est purum beneficium Principis, quod latam admittit interpretationem. *l. beneficium, ff. de constitut. Princip.* tum etiam, quia fauor, & gratia semper amplianda est, ex *l. hoc modo, ff. de condit. & demonstrat. & l. cum quidam, ff. de liberis, & posthumis*, & ex regula iuris, *Odia restringi, fauores conueniunt ampliari.* Neque obstat, si dicas privilegium nunquam esse ita fauorabile, quin etiam aliquod præiudicium afferat; assert enim præiudicium concedenti, qui privilegij concessione priuatur potestate, aliis idiplum donandi: præiudicat item aliis sua singularitate, & exceptione. Ergo ex hac parte limitandum est. Non, inquam, obstat; quia præiudicium concedentis est ab ipsomet concedente intentum; eo enim ipso, quo concedit beneficium, & suam mentem non satis explicat, præsumitur concedere amplè, quia sic decet eius liberalitatem: singularitas autem, & exceptio privilegiarij, si ex iusta, & rationabili causa facta est (ut semper præsumi debet fieri) aliis non nocet, sed potius utilis est; quia illa incitantur ad simile privilegium merendum. sic Salas *disput. 17. sect. 6. num. 44.* Bonacina *disp. 1. quest. 3. punct. 7. §. 1. num. 4.* Suarez *lib. 8. cap. 27. num. 3.*

2 Dico secundò. Privilegium derogans iuri communi regulariter est strictè interpretandum, ex *cap. sanè, cap. porro, de privilegijs.* Ratio est manifesta, quia qua parte derogat legi communi, includit dispensationem, quæ strictè est interpretanda. Adde bonum commune regulariter esse particulari præferendum; ac proinde in casu dubio pro iure communi, & non pro particulari privilegij est iudicandum: & ita docet Panormitanus in *cap. quod dilecto, de consanguinit. & affinit.* *cap. quia circa, de privileg. cap. olim, cap. abbate, de verborum significat.* Syluest. *verbo privilegium, quest. 3.* Suarez *lib. 8. cap. 27. num. 5.* Thomas Sanchez *lib. 8. disp. 1. num. 1. & 5.* Bonacina *num. 5.* Salas *num. 44.* & alij plures ab eisdem relati.

3 Ex his fit, si illegitimo concedatur privilegium ad ordines, intelligendum est de minoribus ordinibus; tum, quia permissio in genere mediocritatem respicit, ex *l. fin. §. 1. C. communia de legatis, & l. legato generaliter, ff. de*

ff. de leg. 1. at ordines minores sunt medij inter consuetudinem, & sacros. Ergo. Tum etiam, quia est odiosa dispensatio: & sic quoad minus fieri possit, debet laedere ius commune. sic Doctores statim referendi. Excipe, nisi iam illegitimus minoribus esset insignitus; quia tunc ne priuilegium esset frustraneum, & inutile, de maioribus debet intelligi. sic Syluest. *verbo clericus*, 1. *quest.* 4. & *verbo priuilegium*, *quest.* 3. Salas *disp.* 17. *sect.* 8. *num.* 49. & 50. Bonacina *disp.* 1. *quest.* 3. *punct.* 7. §. 1. *num.* 10. Azor *lib.* 5. *cap.* 23. *quest.* 2. Suarez *lib.* 8. *cap.* 28. *num.* 16. Sanchez *lib.* 8. *disp.* 1. n. 26. qui hoc limitat cum Bellamera, quando Pontifex dispensans nouit illegitimum minoribus initiatum, secus si id ignorabat. idem docet Salas *disp.* 20. *sect.* 10. *num.* 91. Quod si Pontifex dicat. Dispenso cum illegitimo ad omnes ordines, de minoribus, & maioribus est intelligendum; quia cautè addita est illa particula, *omnes*, ut ordines etiam sacri intelligerentur. sic glossa *cap. fin. verbo ad omnes, de filiis presbyter. in 6.* & alij relati à Sanchez *suprà*, quos ipse sequitur. Item si cum illegitimo, vel aliàs irregulari dispenseretur ad beneficia, priuilegium, & dispensatio intelligenda est de simplicibus, non de dignitatibus, & curatis. sic Salas *disp.* 17. *sect.* 8. *num.* 50. Bonacina, Sanchez, & Suarez *suprà*. Si verò dicat Princeps: Dispenso cum irregulari in irregularitate, quam habet, censetur tollere vinculum omne, ac proinde habilem reddere ad omnes ordines, & beneficia. Adde in illis verbis non esse fundamentum ullum, ut possit magis de ordinibus, quàm de beneficiis intelligi. Ergo de utroque est intelligenda dispensatio, ne ambigua, & incerta, ac inutilis reddatur. sic Sanchez *suprà* *num.* 28.

4 Sed inquires, an extendenda sit hæc doctrina ad priuilegium derogans statuto, vel consuetudini speciali.

Respondeo. Probabilius est extendi debere, modò statutum, vel consuetudo non contrarietur iuri communi. sic Suarez *suprà* *num.* 16. Bonacina *num.* 8. esto contrà teneat Salas *sect.* 8. *num.* 52. Azor *cap.* 23. *quest.* 2. Ratio est clara, quia tale statutum, & consuetudo est in iure communis iuris. Ergo præferendum est iuri speciali priuilegio. Ex quo fit dispensatus ab oneribus, debet intelligi de oneribus extraordinariis, & non ordinariis. sic Syluest. *verbo priuilegium*, *quest.* 9. Suarez *suprà* *num.* 16. cum Bart. *in l. 1. ff. de iure immunitatis*. Ratio omnium est, quia priuilegium, quod secum trahit dispensationem in iure communi, strictè est interpretandum: ita ut quoad minus fieri possit, ius commune laedatur, ex *cap. cum dilectus, de consuetud.* & ibi glossa.

Dixi, modò statutum, aut consuetudo non contrarietur iuri communi. nam si contrariatur, tunc priuilegium latè explicandum est; quia eius explicatio lata fauet iuri communi. sic Salas *disp.* 20. *sect.* 10. *num.* 90. Sanchez *lib.* 8. *disp.* 1. *num.* 12. Bonacina *num.* 9. Henriquez *lib.* 7. *cap.* 30. *num.* 3.

5 Supradicta conclusio aliquas patitur limitationes.

Prima & principalis est, ut non intelligatur, quando priuilegium cedit in fauorem religionis, aut piæ causæ, tunc enim, etsi aliquo modo derogat ius commune, latè explicandum est; quia summum ius est, quod pro religione facit. *l. sunt persona, ff. de religiof. & sumpt. funerum*. Quia ratione priuilegium concessum filiis familias contra commune ius strictè est explicandum; ita ut solum pro filiis legitimis intelligatur, iuxta *l. ult. C. de his, qui veniam a patre impetrauerunt.* & Bart. *in l. omnes populi, ff. de iustit. & iure*, *num.* 60. & 62. At si priuilegium cedat in fauorem religionis, & piæ causæ, ad legitimatos per priuilegium extenditur: tradit Suarez *lib.* 8. *c.* 27. *num.* 7. Salas *disp.* 17. *sect.* 6. *num.* 43. cum Bart. *in l. si constanter, ff. soluto matrim.* *num.* 44. & videri potest Tiraquell. *trac.* de pia causa, *num.* 160. Tale est priuilegium concessum militibus, religiosis, & aliis similibus; expedit enim maximè reipublicæ, religioni, & communi bono his

personis fauere; quo bono compensatur sufficienter vulneratio iuris communis per dispensationem facta. sic Suarez *suprà*. Salas *sect.* 8. *num.* 52. & *disp.* 20. *num.* 90. *vers. sexto*. Bonacina *disp.* 1. *quest.* 3. *punct.* 7. §. 1. *num.* 5. Sanchez *lib.* 8. *de matrim.* *disp.* 1. *num.* 33. Eman. Rodriq. *tom.* 1. *regul. qq. quest.* 11. *art.* 6. *vers. decima regula*. Hinc infert Sanchez *num.* 14. Salas *sub num.* 90. *vers. sexto*. Si tibi Episcopus dispensationem concedat colligendi fructus in absentia causa studij, esse latè interpretandum; quia non tam ob personam, quàm ob causam publicæ utilitatis conceditur dispensatio.

6 Secunda limitatio est ad priuilegium non insertum iure communi; quia si in iure communi insertum sit, latè est interpretandum. Ratio est manifesta, quia non est priuilegium contra ius absolutè, sed potius iuri conforme, cum ius commune constituat. sic Suarez *lib.* 8. *cap.* 27. *num.* 8. Bonacina *suprà*. Sanchez *lib.* 8. *de matrim.* *disp.* 1. *num.* 7. Hinc infertur, priuilegia omnia, quæ in perpetuum religionibus conceduntur, latè esse explicanda: tum, quia fauent religioni: tum, quia reputantur ob eorum perpetuitatem, ac si corpori iuris inserta forent. sic Sanchez *lib.* 8. *disp.* 1. *num.* 13. Henriquez *lib.* 7. *de indulg.* *cap.* 22. *num.* 3. & *cap.* 24. *num.* 4. *fine*. Bonacina *disp.* 1. *quest.* 3. *punct.* 7. §. 1. *num.* 6. & 7. & alij apud ipsos. Extenditur hæc limitatio ad priuilegium de materia iuris communis; quia tunc secundum ius commune debet intelligi. qua ratione dicit alios referens, Salas *disp.* 20. *sect.* 10. *num.* 90. & Sanchez *suprà* *num.* 8. Bonacina *num.* 7. etsi dubitanter, dispensationem in tertio consanguinitatis gradu extendi ad secundum cum tertio; quia est conforme iuri communi, ut gradus defumatur ab eo, qui à stipite remotior est, *cap. fin. de consanguinit.* & licentiam testandi concessam Episcopis prodesse ut testamentum ante illam factum conualescat; quia est conforme iuris dispositioni, ut testamentum valeat, si facultas testandi tempore mortis existat. *l. si quis filio exheredato, §. irritum, ff. de iniustis, rupto testamento*. Matien. *lib.* 1. *recopil. tit.* 4. *leg.* 3. *glossa* 3. *num.* 4. Bart. Anton. Gom. & alij apud Sanchez *num.* 9. Salas *disp.* 20. *sect.* 10. *num.* 90.

7 Tertia limitatio est de priuilegio proprio morn, vel ex certa scientia concessio; hoc enim latè explicandum est, quantumuis sit contra ius commune, iuxta *cap. si motu proprio, de prabendis, in 6.* quia tale priuilegium sic concessum, est proprium beneficium Principis, ac proinde decet eius honorem, & liberalitatem lata interpretatio. sic plures referens Sanchez *lib.* 8. *disp.* 1. *num.* 5. & 6. Suarez *lib.* 8. *de legib.* *cap.* 27. *num.* 8. Bonacina *disp.* 1. *quest.* 3. *punct.* 7. §. 1. *num.* 7. Salas *disp.* 20. *sect.* 10. *num.* 89.

8 Dico tertio. Priuilegium derogans iuri alterius restringendum est, quantum patitur proprietas verborum, quia non præsumitur Princeps velle huic iuri derogare, nisi id expresse sit, sumitur ex *l. 2. §. 1. verbo merito, ff. ne quid in loco publico, l. nec anim. C. de emancipat. libero. cap. licet in corrigendo, de officio ordin. cap. ex iuratum, de authorit. & vsu pallij.* & tradit Panormit. *in cap. 1. de iudicijs, cap. seruificari, de rescriptis, num.* 9. Sanchez *lib.* 8. *disp.* 7. n. 6. Suarez *lib.* 8. *de leg.* *cap.* 27. *num.* 9. & *cap.* 28. *num.* 10. Salas *disp.* 17. *sect.* 8. *ad finem*. Bonacina *disp.* 1. *quest.* 3. *punct.* 7. §. 1. n. 33. & alij plures apud ipsos.

Ex his fit priuilegium ad lites concessum strictè explicandum esse; quia præbet occasionem litigandi, & vexandi alios, ac frequenter minuit inferiorum iudicum potestatem: sic communiter Doctores. Et idem est de priuilegio ambizioso, quale reputatur ad plura beneficia obtinenda; semper enim hæc derogant vel ius commune, vel alterius tertij, ac proinde strictè sunt explicanda. Idem est de priuilegio concessio ad beneficia vacantia conferenda, quod non est intelligendum de beneficiis providendis ab ordinario, nisi exprimat. sic Sanchez *lib.* 8. *disp.* 2. *num.* 3.

9 Sed

9 Sed inquires, quibus verbis ferendum est priuilegium derogans ius commune, vel tertij, vt intelligatur derogare iuri communi, vel alicuius tertij?

Respondeo de priuilegio derogante ius commune, et si probabile sit requiri clausulam expressam derogatoriam iuris communis, cui priuilegium opponitur: at probabilius existimo sufficere ipsius priuilegij concessionem, nulla derogatione superaddita. Probo, quia Princeps non præsuntur ignorare ius commune, sed potius illud scire, *cap. 1. de constitutionibus. in 6.* Ergo dans priuilegium derogatiuum iuris communis, præsuntur velle illud derogare; aliàs præsumeretur nihil velle concedere, sed tantum actionem inutilem efficere: & confirmari optimè potest ex *cap. in his, de priuilegiis. vbi priuilegium datum minoribus celebrandi in altari portatili absque clausula derogatoria iuris communis requirentis licentiam Episcopi, vim habet absque illa: sic glossa in dicto cap. 1. de constitutionibus. in 6. verbo noscitur. Felin. alios referens in cap. nonnulli, de rescriptis. regul. 2. fallent. 2. num. 11. Bald. in l. item lapidi, ff. de rerum diuis. num. 8. Suarez lib. 8. cap. 14. num. 4. & 5. Ex quo infertur, si tibi concedatur priuilegium aduersus priuilegium in corpore iuris insertum, valebit priuilegium ob rationem iam dictam; quia præsuntur Princeps scientiam huius priuilegij in corpore iuris inserti habere, & quia idem iudicium faciendum est de illo, ac de iure communi. sic Suarez num. 8.*

10 Limitanda tamen est hæc doctrina, dummodo ius commune priuilegiis non resistat; si enim resistit derogando, seu reuocando illa, debet priuilegium, vt effectum habeat, huic iuri sic fortificato derogare, aliàs nullius valoris erit. Ratio est, quia omnis efficacia priuilegij derogatur clausula illa iuris communis. Ergo dum illius clausulæ efficacia non tollitur, effectum non potest habere priuilegium. Et confirmo: si priuilegium absque clausula derogatoria valeret derogare legem sic fortificatam, cuius utilitatis erat illa roboratio, si eodem modo, ac si non esset roborata per priuilegium, derogeretur? Neque obstat illam resistantiam priuilegiorum esse de iure communi, ac proinde non esse præsumentum à Principe ignorari; quia esto non præsuntur ignorari; potest tamen præsumi nolle illi derogare, cum priuilegium verbis communibus concedit absque clausula derogatoria, sed satisfacere tantum importunitati petentium. sic Felinus, & Suarez *supra.*

11 Verum si priuilegium sit contrarium iuri alterius, vel consuetudini, aut statuto speciali; nullo modo vim habebit, nisi addatur clausula reuocatoria talis iuris, consuetudinis, aut statuti, etiam si priuilegium sit proprio motu concessum. Quia nunquam præsuntur Princeps iuribus specialibus derogare, nisi illorum faciat mentionem, eo quod ignorare illa præsuntur, ex *cap. 1. de constitutionibus. in 6.* sic Suarez lib. 8. cap. 14. num. 8. & cap. 22. fine, & cap. 28. num. 9. & 10. vbi alios refert. Emanuel Saa verbo *gratia*, num. 12. in *utraque editione.*

PUNCTUM XI.

An priuilegium, seu potestas dispensandi, absoluendi à reſeruatis latè, vel strictè interpretanda sint.

- 1 Proponitur ratio dubitandi.
- 2 Potestas dispensandi personis non expressis, latè est interpretanda.
- 3 Soluitur ratio dubitandi.
- 4 Si potestas dispensandi concedatur expressa persona, distinctione utitur Sanchez.

Ferd. de Castro Sum. Mor. Pars I.

5 Semper esse strictè interpretandum resoluitur, vt probabilius.

6 Potestas concessa Episcopis in Trident. sess. 24. cap. 6. latè est interpretanda.

7 Quid de potestate concessa per Iubileum, & Bullam cruciata? Resoluitur latè interpretandam esse.

8 Quid de potestate concessa alicui eligendi Confessorem? An sit intelligendum de peccatis commissis, vel committendis? Resoluitur de commissis, si in bonum ipsius concessa sit potestas.

1 **R**atio dubitandi est, quia hoc priuilegium in ordine ad actum, & propter illum conceditur: actus autem, qui est dispensatio, seu à reſeruatis absolutio stricti iuris est. Ergo etiam debet esse ipsamet potestas; debet enim imitari naturam illius, propter quod est: vt tradit Barr. in l. constitutionibus, num. 1. ff. ad municipalem. Adde, quidquid derogat iuri communi, strictam admittit interpretationem; sed hæc potestas dispensandi, & absoluendi à reſeruatis, derogat ius commune, commune enim ius est neminem dispensari posse, aut à reſeruatis absolui, nisi à proprio iudice. Si ergo aliis datur facultas dispensandi, & absoluendi, iam læditur huiusmodi ius. Ergo ex hac parte strictè interpretandum est hoc priuilegium: & ita sentire videtur glossa in *cap. 1. de rescriptis. in 6. verbo processus. & in cap. soles, de sentent. excommunicat. in 6. verbo per superiorem.* Anton. de Rosella tractat. de legitimis. lib. 2. §. de causa materiali, num. 10.

2 Nihilominus tenenda est communis sententia, potestatem dispensandi, & absoluendi à reſeruatis, non expressis personis absoluendis, vel dispensandis, latè esse interpretandam. Ratio est, quia nulli iuri est contraria talis potestas; nullum enim est ius prohibens ordinario delegare facultatem, quam habet, imò potius iuri est maxime conformis hæc delegatio, quia sic occurrentibus necessitatibus facilius subuenitur. Item hæc facultas delegata nemini nocumentum affert. nam si alicui afferret, afferret iudici ordinario: at huic non potest dici afferre nocumentum, cum potius nomine ipsius habeatur, & exerceatur; & dato quod ipsi nocumentum aliquod afferret, cum in illud voluntariè consentiat, non est reputandum alicuius considerationis, vt ob eam causam restringenda sit facultas. Adde. Potestas ordinaria dispensandi latè est interpretanda, ex *cap. per venerabilem, qui filij sunt legitimi, & cap. fin. de simonia.* Ergo etiam delegata, quia ideo ordinaria latè interpretatur, quia nec respicit personam aliquam specialem, sed communitatem, cui necessaria & utilis est hæc potestas; sed potestas delegata nullis expressis personis respicit communitatem, ad cuius regimen multum interest talis potestas. Ergo. Et ita tenet innumeros referens Sanchez lib. 8. de matrim. disp. 2. num. 1. Salas de legibus, disp. 10. sect. 11. num. 110. Saa verbo *dispensatio*, num. 7. Bonacina disp. 1. quest. 3. punct. 7. §. 1. num. 14. Molin. tractat. de iustis. disp. 173. versic. observandum est. Suarez lib. 8. de legibus, cap. 17. num. 11. Covarr. 4. decret. 2. part. cap. 8. §. 8. num. 6. & alij apud ipsos.

3 Neque obstat ratio dubitandi. Fateor, inquam, absolutionem, & dispensationem esse strictè interpretandam, quia ius commune vulnerat: nego tamen potestatem dispensandi eiusdem rationis esse, quia non datur propter dispensationem aliquam specialem, & determinatam, sed pro omnibus illis, quæ communi bono, & rectæ gubernationi visæ fuerint expedire. quod certe beneficium est & reipublicæ necessarium, & iuri conforme. Aliàs etiam potestas ordinaria dispensandi esset strictè interpretanda, cum sit propter dispensationem. Ad confirmationem dico, ius commune dictare, neminem absolui, aut dispensari posse, nisi à proprio iudice,

iudice, vel ab illo, qui vices illius gerat, qualis est, qui potestatem habet delegatam.

4 Verùm si persona, aut personæ absoluendæ, vel dispensandæ exprimentur, distinctione vitur Sanchez *illa disput. 2. num. 6.* Salas *disput. 20. sect. 11. num. 110.* Bonacina *disput. 1. quest. 3. §. 1. versic. quarta, num. 19.* dicunt enim si in gratiam dispensandi concedatur facultas dispensandi, late esse interpretandam; secus verò si in gratiam eius, cui est concedenda dispensatio. Et mouentur ex cap. si cui nulla, de prabendis, in 6. ubi facultas alicui concessa providendi de beneficiis vacaturis, nulla expressa persona, non expirat morte concedentis; secus verò si super prouisione certæ personæ facienda sit data potestas eidem, non ob suam, sed eius, cui prouideri mandatur, gratiam, vel fauorem; illa verò expirat omnino, si concedens re integra moriatur.

5 Cæterum probabilius cenleo, in utroque casu idem esse dicendum, nempe facultatem dispensandi cum determinata persona, siue in gratiam dispensantis, siue in gratiam eius, cui est facienda dispensatio, strictè interpretandam esse: sic docet doctissimus, & nunquam satis laudatus P. Franciscus Suarez nostræ Societatis, & religionis Christianæ optimè meritis *lib. 6. de legib. cap. 17. num. 7.* & adducit Angel. *verbo dispensatio, num. 9.* Syluest. *quest. 5. num. 9.* Gambaria *de auctoritate legati, lib. 10. num. 200.* Francisc. *in cap. is qui, de filiis presbyter. in 6.* Tabien. *verbo beneficium, 2. num. 16.* Sayro *tom. 1. cap. 11. num. 8. fine.* Ratio est; quia dati facultatem dispensandi cum determinata persona in gratiam dispensaturi, vel in gratiam eius, cui est concedenda dispensatio, non immutat facultatem, cum huiusmodi finis sit extrinsecus; sed cum datur in gratiam eius, cui est concedenda dispensatio, est strictè interpretanda, eo quòd sit inchoata, & quasi virtualis dispensatio. Ergo similiter interpretanda est, cum datur in gratiam dispensaturi, quia etiam tunc est inchoata, & virtualis dispensatio. Et confirmo: sæpè dispensandus potest esse æquè dignus fauore, & gratia, ac est dispensans. Ergo in illo casu æquè erit fauorabilis, & amplianda, vel restringenda facultas alicui data in gratiam eius, vel in gratiam eius, cui est danda dispensatio. Caput autem, si cui, de prabendis, in 6. non tendit ad decidendum, an gratia, & facultas concessa exprimendo personam, sit latè, vel strictè interpretanda; sed solum an expiret morte concedentis, & ibi affirmatur: si gratia sit in fauorem eius, cui prouideri mandatur, expirare re integra; secus verò erat dicendum, si esset in gratiam eius, qui prouidere debebat; quia tunc gratia sortita erat suum effectum. Ex hoc autem non inferitur, siue gratia strictè, vel latè interpretanda, cum ipsemet Sanchez *lib. 8. disput. 28. num. 87. & sequentib.* affirmet mandatum ad dispensandum dispensatione necessaria non perire mortuo mandante, & tamen est strictè interpretandum. Ergo durare priuilegium post mortem concedentis non infert latam eius interpretationem.

6 Ex his inferitur primò, potestatem concessam Episcopis in Trident. *sess. 24. cap. 6. de reformat.* esse latè interpretandam: tum, quia est facultas data non expressis personis, & ob bonum commune Ecclesiæ, & in corpore iuris inclusa. Ergo est latè interpretanda, & ita sentit Henriquez *lib. 10. de sacrament. ordinis, cap. 20. num. 2. & lib. 14. cap. 18. num. 2.* Bonacina *disp. 1. quest. 3. punct. 7. §. 1. num. 19.* Sanchez *lib. 8. disp. 2. à n. 10. & seqq. & in summ. lib. 4. cap. 54. num. 7.*

7 Secundò infero, quid dicendum sit de potestate concessa per Iubilæum, & Bullam cruciatæ eligendi Confessarium, qui absoluat à reservatis, vel dispense in votis, & aliis canonicis impedimentis? Sanchez *lib. 8. disput. 2. num. 7.* Nauarr. *lib. 2. consil. iiii. de inreiuand. in 2. edus. consil. 1. n. 6.* Salas *disput. 20. sect. 11. num. 100.*

fine. existimant strictè interpretandam esse, quia est beneficium, & fauor accipientis Bullam, & obrinentis Iubilæum. Item est inchoata dispensatio; siquidem tenetur electus, si causa sublit dispensationis, dispensationem concedere, ut bene probat ipse Sanchez *disput. 28. num. 93.* Verùm etsi attenta hac ratione hæc facultas esset strictè interpretanda; at ob fines, & circumstantias huius concessionis late explicanda est; sicuti de dispensatione in fauorem piæ causæ, & religionis diximus. Nam, finis præcipuus huius facultatis non est aliquod priuatum commodum sumentis Bullam, & obtinentis Iubilæum, sed est commune bonum Ecclesiæ, & subuentio illius in aliqua publica necessitate. Ergo ex hac parte latam accipit interpretationem. Item hæc potestas dispensandi, & absoluendi ordinatur ad lucrandum efficacius indulgentiam, & remissionem peccatorum concessam: indulgentia autem, & remissio cum sit Principis beneficium nemini nocens, nec iuri communi aduersum, late est explicandum. Ergo etiam & hæc potestas: & ita tenet Suarez *lib. 6. de voto, cap. 16. n. 3.* Bonacina *disp. 1. quest. 3. punct. 7. §. 1. num. 17. & de indulgent. punct. 7. ad finem.* Henriquez *lib. 7. de indulg. cap. 30. in princ.* Ludouic. Lopez *2. p. su. de clauis, cap. 9. col. 6.*

8 Tertiò inferitur, quid dicendum sit de potestate alicui concessa eligendi Confessorem, qui cum absoluat à censuris, & calibus referuatis? Azor *lib. 5. cap. 23. quest. 2.* affirmat strictè interpretandam esse, ac proinde limitari ad censuras, & peccata præcedentia facultatem, nisi aliter constet de mente concedentis. Mouetur, quia si pro peccatis committendis daretur, ansam præberet liberiùs peccandi. Ergo non est extendenda ad illa. Friuola ratio, cum hoc per accidens sit, & non à facultate proueniens, sed à malitia abutentis. Quapropter Bonacina *disput. 1. quest. 3. punct. 7. §. 1. num. 11.* Salas *disput. 17. sect. 8. num. 51.* existimant late esse interpretandam hanc facultatem, comprehendereque non solum commissà, sed committenda: tum, quia verba generaliter prolata, generaliter sunt intelligenda: tum, quia fauet animæ saluti, ne peccator in peccatis sordescat. Mihi tamen absolute dicendum videtur hanc facultatem strictè interpretandam esse, si ob bonum priuatum ipsius absoluendi concessa fuerit: ac proinde ad solas censuras contractas, & peccata commissà extendi posse, non ad committenda, quia est fauor singularis personæ derogans legi communi reservationis; est enim illa facultas inchoata dispensatio, & exemptio à lege communi, qua cæteri adire superiorem tenentur pro absolutione; ipse verò ab illa obligatione eximitur. Ergo tanquam dispensatio in lege est strictè interpretanda. Ergo non debet extendi ad omnes casus, quibus verba adaptari possunt. Notanter apposui strictè interpretandam esse, si ob bonum priuatum absoluendi concessa fuit facultas: nam si ob bonum commune, vel ob aliquod singulare ita graue, & necessarium, ut eius grauitas præponderet derogationi legis communis, concessa facultas late tunc interpretanda erit; eaque de causa Salas *illa disput. 17. sect. 8. num. 51.* sibi contrarius his quæ dixerat *disput. 20. sect. 11. fine,* dicit facultatem eligendo Confessorem per Bullam cruciatæ ampliandam esse, ut non solum extendatur pro peccatis commissis ante summptionem

Bullæ, sed etiam pro committendis, quantumvis fuerint in confidentiam Bullæ.

PUNCTUM XII.

An priuilegium fauorabile extendatur ad alios præter expressos.

- 1 Non extenditur ad alios præter expressos. Explicatur exemplis. In aliquibus priuilegijs qui censentur expressi.
- 2 Proponitur quedam obiectio; soluitur.

Regula generalis est non extendi ad alios præter ibi expressos, quia tota efficacia priuilegij pendet ex intentione significata concedentis, quæ intentio verbis significatur. Ergo ultra expressionem verborum non potest extensio fieri. Hinc est, quod communiter dicitur, priuilegia valere tantum, quantum sonant. Aliquibus exemplis regula illustratur. Priuilegium concessum religiosis etiam sub nomine masculino, comprehendit religiosas illius ordinis, in his, quorum sunt capaces, quia in illo priuilegio satis exprimuntur, siquidem non attenditur sexus, sed qualitas. Manuel Rodriguez tom. 1. regul. qq. q. 13. artic. 22. Bonacina disput. 1. quest. 3. punct. 7. §. 2. num. 2. Suarez lib. 8. cap. 10. num. 7. Verum si in priuilegio dicatur, *viris religiosis*, ut dicitur in cap. pastoralis, de priuilegijs; tunc ad feminas non extenditur, quia ratione illius nominis viri, feminæ non exprimuntur, sed potius excluduntur. sic Suarez, & Bonacina supra. Item priuilegium concessum filiis, filias comprehendit; quia nomine filij, & filiz sunt intelligendæ, ex l. iusta, l. filij, l. cognoscere, ff. de verborum significat. & tradit optimè Matienzo lib. 5. recopilat. tit. 7. l. 11. à num. 5. Secus verò si dicatur filiis masculis, feminæ tunc manent exclusæ. sic Rebuff. in l. 1. ff. de verborum significat. verbo masculos. Suarez, Bonacina supra. Esto contrà videatur tenere Emanuel Saa verbo gratia, num. 11. in utraque editione; ibi in priuilegio nomine marium comprehenduntur etiam feminæ: & verbo interpretatio, num. 3. dicit in fauorabilibus masculinum comprehendere femininum; secus in contractibus. Item priuilegium fratribus, sororibus est commune, nisi aliunde appareat restrictio; quia sub nomine fratrum sorores veniunt intelligendæ, ex l. Lucius, 93. §. quæsitum, ff. de legat. 3. vbi dicitur, nomine fratrum in testamento sorores intelligi, nisi aliud de mente testatoris constet. Idem habetur in l. tres fratres ff. de pactis, & tradit Tiraque. lib. 1. de retract. lignagier, §. 1. glossa 9. num. 200. Suarez lib. 8. cap. 10. num. 7. Bonacina num. 4. Nomine autem filiorum non veniunt nepotes, regulariter loquendo, quia sub nomine filij in rigorosa significatione non comprehenduntur. sic Rebuff. in l. liberorum, 220 ff. de verborum significat. Barbosa in l. maritum, num. 80. ff. soluto matrimonio. Quare, ut priuilegium concessum filiis, ad nepotes extendatur, debet ex iuris dispositione, vel alia via de mente concedentis constare. sic Suarez lib. 8. de legibus, cap. 11. num. 6. & sic intelligit authent. si quid, C. qui potiores in pignore habeantur, & l. iusta, 201. ff. de verborum obligation. in quibus locis nomine filiorum solent nepotes intelligi.

2 Sed obici potest primò. Priuilegium concessum Sacerdoti celebranti tempore interdicti, conceditur ministro eius, & domino, conceditur seruis: at nec minister sub nomine Sacerdotis, nec seruis sub nomine domini exprimuntur. Ergo iam priuilegium extenditur ad alios præter ibi expressos. Secundò priuilegium nobilitatis concessum marito ad vxorem extenditur, & concessum patri, ad filios: at vxor sub nomine mariti non comprehenditur, neque filius sub nomine patris. Ergo.

Ferd. de Castro Sum. Mor. Pars I.

Facilis est horum solutio.

Ad primum dico. Dupliciter aliqua in priuilegio exprimi possunt, formaliter, vel virtualiter: quocumque autem modo in priuilegio exprimantur, ad illa priuilegium extenditur. Exprimuntur autem virtualiter omnia illa, sine quibus priuilegium inutile redderetur. Nam concedens priuilegium, intendit commodum eius vsum concedere, & consequenter omnia illa, quæ huiusmodi vsui, vel ex præcepto, vel ex consuetudine annectuntur: cum autem celebrationi annectatur minister, si conceditur priuilegium Sacerdoti, & ministro virtualiter conceditur: sic priuilegium concessum Sacerdoti ad celebrandum, vel cui libet alteri ad audiendi diuina tempore interdicti; conceditur etiam familiaribus, qui cum comitari solent, cap. licet, de priuilegijs, in 6. quia aliàs inutilis redderetur concessio, siquidem ex consuetudine haberet, cum pergit ad audienda diuina deferre illum comitatum. Hinc infert Suarez lib. 8. cap. 11. num. 7. & 8. & ex illo Bonacina disput. 1. quest. 3. punct. 7. §. 2. num. 6. si Sacerdoti concedatur priuilegium recitandi matutinum statim post meridiem (ut ipsemet Suarez habebat) concedi consequenter socio cum illo recitanti; quia conceditur priuilegium iuxta vsum ab Ecclesia receptum: at vsum Ecclesiæ est recitare cum socio. Ergo socio conceditur, aliàs ferè inutile esset priuilegium, siquidem cogere sæpè recitare solus, cum raro inueniret socium, qui recitare velleret, sciens obligationi propriæ non satisfacere. Indicat Saa verbo gratia, num. 30.

Ad secundum fateor priuilegium nobilitatis marito concessum, ad vxorem extendi, & concessum patri ad filios, non ex vi illius priuilegij, quo maritus, & pater nobilitantur, sed ex alia iuris dispositione, qua cauetur, quoties marito, aut patri priuilegium nobilitatis conceditur, vxorem, & filios illo gaudere, ex l. femina, ff. de Senatoribus, & l. 1. C. de dignitatibus, lib. 12. Hæc autem nobilitas communicatur vxori, & filiis, sicuti communicatur marito. Quocirca, si nobilitas marito ingenta sit, vxor per participationem, tam viuente marito, quam illo mortuo nobilis permanet; & idem est de filiis: si autem nobilitas non ex sanguine, sed ex officio, & munere marito adueniat, tunc distinguendum est: si perpetua sit in marito etiam renuntiante officium, ad vxorem, & filios transit, illo etiam mortuo: si autem cum officio coniuncta sit nobilitas solum dum illud durat, nobiles existent maritus, & filij: sic Suarez lib. 8. de legibus, cap. 11. num. 2. 3. & 4. consentit ex parte Azor lib. 5. cap. 23. quest. 4. cum Panormitan. in cap. licet, de censibus, & Cyno in l. 2. C. de Episcopis, & clericis. Syluest. priuilegium, quest. 5. Salas disput. 17. sect. 11. Bonacina disput. 1. quest. 3. punct. 7. §. 2. num. 10. Efficitur ergo ex his veram esse regulam positam, nunquam priuilegium extendi ad alios præter expressos formaliter, vel virtualiter in priuilegio: siquidem, ut priuilegium nobilitatis extenderetur ad vxorem, & filios, necessaria fuit noua iuris dispositio. Quapropter, si priuilegium exemptionis à tri. utis concedatur marito, ob eius necessitatem, aut aliam rationem, excepta nobilitate, non extenditur ad vxorem, neque ad filios. sic Azor, Salas, & Suarez supra. Sicuti priuilegium canonis, & fori concessum clerico coniugato non extenditur ad eius vxorem, & filios; quia nec iure habetur talis extensio, neque etiam erat conueniens, siquidem clerico conceditur ob dignitatem clericalem, quæ vxori communicari non potest: ac tandem ratione matrimonij in ipso clerico eius priuilegium coarctatur; ut constat ex cap. unico, de clerico coniugato, in 6. & Trident. sess. 23. cap. 6. de reformat. eo quod non sit ita ad diuinum obsequium expeditus, ac si liber existeret. Ergo longè erit ab ex-

V 2 tentione

tensione in ordine ad alios : sic Sanchez plures refertens lib. 7. disp. 47. num. 1. & 3. Suarez lib. 8. de legibus, cap. 11. num. 3. Bonacina disp. 1. quest. 3. punct. 7. §. 2. num. 9.

PUNCTUM XIII.

Extendaturne priuilegium ad casus alios,
vel personas, in quibus est similis,
vel efficacior ratio.

- 1 Negatiue respondetur.
- 2 Proponuntur quadam obiectiones.
- 3 Quid sentiat Sanchez.
- 4 Defenditur non esse extensionem faciendam etiam in fauorabilibus de casu ad casum, nec de persona ad personam.
- 5 Satisfit positis obiectionibus.
- 6 Quid dicendum de potestate legitimandi adulterinum, & incestuosum, si utrumque vitium in eadem persona concurrat? Proponitur dubitandi ratio.
- 7 Resoluitur se posse legitimare.
- 8 Quomodo limitet Sanchez. Explicatur eius limitatio.

EX supradicta regula in puncto precedenti appositae liquidd videtur constare, priuilegium extendi non posse ad casus alios, vel personas ob similitudinem, vel maiorem rationem. tenet expresse Salas disp. 20. de legibus, sect. 11. num. 110. Suarez lib. 8. cap. 28. num. 11. Bonacina disp. 1. de legibus, quest. 3. punct. 7. §. 1. num. 15. & §. 2. num. 11. & 12. & alij plures, quos ipsi referunt. Ratio est manifesta, quia tota efficacia priuilegij ex voluntate concedentis significata pendet: ipse autem concedens verbis exprimit suam voluntatem; cum igitur hæc verba casum, vel personam similem non comprehendant, ad illos priuilegium extendi non potest. Item priuilegium est, quædam lex priuata, quam Princeps alicui concedit ob specialem rationem. Ergo etiam si eadem, & efficacior ratio sit in alio, non obinde infertur Principem illi priuilegium concessisse, ac proinde neque priuilegium habere, sed solum infertur esse priuilegio dignum. Deinde etiam si in alio similis ratio sit, ut Princeps priuilegium concedat; si prius priuilegium concessum non fuisset: at posita iam prior concessione, sæpe non videtur sufficere; efficacior enim ratio requiritur, ut pluribus communicetur idem priuilegium, quam si tantum vni concedatur. Denique si ob similitudinem rationis liceret priuilegia extendere, nihil esset in priuilegiis firmum, & plures contra voluntatem priuilegiantis priuilegium haberent; concessio enim patri priuilegio, esset concedendum filio, imò extraneo, si in eo eadem ratio militat: & concessio alicui speciali religioni, omnibus aliis æqualibus esset concedendum, & vni militi, omnibus aliis militibus æqualibus. quæ omnia sunt absurda: non igitur est extendendum ad casus similes.

1 Sed obiici potest primò, quia in lege datur extensio ob similitudinem rationis. Ergo etiam in priuilegio. Et confirmo ex cap. cum dilecta, de confirmat. vili, vel inuili, ubi ex eo, quod admittuntur testes alias non admittendi, arguit Pontifex se moueri ad concedendam innouationem priuilegiorum, eiusdem æquiritatis similitudine prouocatus. Ergo datur in priuilegiis extensio ob similitudinem rationis.

Secundò probatur ex cap. ex parte tua, 27. de decimis, ubi priuilegium concessum percipiendi decimas de laboribus terræ parochiarum suarum, extenditur ad noualia; quia ubi maius conceditur (inquit Pontifex) minus concessum esse videtur, fauētque regula in-

vis §. 3. in 6. Cui licet quod est plus, licet utique, quod est minus.

Tertiò ex cap. per venerabilem, qui filij sint legitimi, ubi Pontifex probat dispensationem illegitimo concessam ad actus spirituales, extendi ad temporales; quia quod in maiori conceditur, licitum esse videtur, & in minori.

Quartò priuilegium ad dispensandum in votis, extenditur ad vota iurata, quia est eadem ratio, item extenditur ad illa commutanda: & priuilegium testandi extenditur ad faciendum codicillum, vel donandi causa mortis. Et facultas concessa clerico beneficiario accipiendi fructus in absentia causa audiendi Theologiam, extenditur etiam si ius canonicum audiat. Ergo iam priuilegium extenditur ad casum similem.

3 Propter aliqua ex his argumentis Sanchez lib. 8. disp. 1. num. 33. & sequentib. etsi admittat in dispensationibus odiosis, non valere argumentum à paritate rationis, vel à maiori ad minus: at in fauorabilibus admittit valere quidem, & num. 34. dicit valere argumentum à maiori, quando casus, in quo dispensatur, rationem expressam concessionis continet, & num. 36. concedit valere argumentum à maiori ad minus in his, quæ à canone, vel lege inducuntur; secus verò in dispensationibus ab homine concessis. & disp. 2. num. 2. dicit potestatem dispensandi non extendi ad casus, qui non comprehenduntur sub lata forma concessionis, extendi tamen ad consecutiuam, etiam separabilia, in quibus est eadem, vel maior ratio. Et Emanuel Saaverbo gratia, num. 18. dicit absolute priuilegia extendi ad casus similes.

4 Cæterum retinenda est indemnis conclusio posita, non solum in dispensationibus, & priuilegiis odiosis, in quibus est regula iuris in 6. Quæ à iure communi exorbitant, non sunt ad consequentiam trahenda; sed etiam in fauorabilibus, quantumuis sint à iure concessis, & in eis exprimat ratio concessionis: nullo modo, inquam, valere argumentum à paritate rationis, neque extensionem faciendam esse de casu ad casum, vel personam similem. Quæ ratio superior assignata æquè de omnibus probat. Non enim extendi potest dispensatio, aut priuilegium, quantumuis fauorabile, nisi ex voluntate concedentis, quam si verba priuilegij non manifestant, nullo modo efficaciam habet. Quòd autem in priuilegio exprimat ratio concessionis, non facit concessionem ad plura se extendere; talis enim expressio solum declarat motuum concedentis, non extendit concessionem. Probatque potest exemplis; si enim Petro ob eius merita in priuilegio expressa concedatur pluralitas beneficiorum, vel priuilegium non decimandi, vel non soluendi tributum, vel habendi oratorium, non obinde infertur tecum dispensatum esse, & omnia illa priuilegia concessa, etiam si tua merita æqualia, vel maiora existerent. Item si moniali ob eius infirmitatem in priuilegio expressam concedatur e monasterio egressus, non obinde est concessus aliis æquè infirmis: & ita tenet Felinus cap. postulasti, num. 9. limitat. 3. de rescriptis. Salas disp. 20. sect. 10. num. 95. Basilius de Leon lib. 8. cap. 21. num. 8. & seq.

5 Quapropter ad obiectiones factas respondeo.

Ad primum concedo gratis legem fauorabilem extendi ad casum, in quo est eadem ratio; quia lex pendet à ratione: at priuilegium non à ratione, sed à voluntate concedentis.

Secundò dico nunquam legem extendi ad casum non comprehensum, etiam si in illo sit similis ratio; sed ex vno casu per legem deciso, alius à iudicibus decidendus venit, non ex necessitate, sed ex quadam æquitate,

& conuenientia. Confirmatio ex *cap. cum dilecta*, solum probat, quoties adest similis ratio, sufficiens esse, vt Princeps idem decernat, & simile priuilegium concedat; quod satis innuit illis verbis, *ob eiusdem aequitatis similitudinem prouocatus*; id est, prouocatus fuit priuilegium inuolutionis concedere, non tamen de se concessum erat.

Ad caput *ex parte*, concedo priuilegium concessum illi Abbati percipiendi decimas extendi ad noualia; quia ubi maius conceditur, concessum est minus, quod est in maiori inclusum; in illa enim priori concessione, attenta verborum proprietate noualia includebantur; siquidem noualia terra erat illius Abbatis. Ergo si illi Abbati concessæ erant decimæ ex laboribus terræ parochiarum suarum, & noualia conceduntur secundum latam interpretationem; ac proinde non est extensio de vno casu ad alium, ob similem rationem, sed est casus in priuilegio comprehensus. Et eodem modo intelligenda est *l. neque ea*, 22. ff. *ad legem Iuliam, de adulter.* vbi dicitur, qui occidere potest adulterum, multo magis contumelia poterit iure eum afficere; quia contumelia in ipsamet occisione videtur inclusa. Quapropter habens potestatem in vitam alicuius, & in eius bonis videtur habere, quia & sunt accessoria vitæ, & tacite inclusa; sic bannitum spoliare potes, quia potes interficere: sic glossa *cap. litteris, verbo prado, in fine, de restit. spoliat.* Salas, Sanchez *supra*.

Caput *per venerabilem*, fateor esse difficile, vt dixit glossa.

Primò responderi potest esse allegationem patris, valere argumentum de maiori ad minus à legitimatate in spiritualibus, ad legitimatatem temporalem; non de censionem Pontificis.

Secundò respondeo in illo casu valere, si penes concedentem legitimatationem in spiritualibus, sit potestas legitimandi in temporalibus, non quia priuilegium de vno casu ad alium extendatur, si casus sunt separabiles: at quando ex decencia, & æquitate separari non possunt; sed vnius concessio aliam secum trahit: tunc in concessione vnius aliud virtualiter continetur. Quia ratione diximus priuilegium concessum alicui audiendi diuina tempore interdicti extendi ad eius familiares: in præfenti autem legitimatio in temporalibus, annectitur legitimatati in spiritualibus, ne legitimatio in spiritualibus indecens esset, & monstruosa, siquidem (vt dicit Pontifex) monstruosum videretur, vt qui legitimus ad spirituales fieret actiones, circa sæculares actus illegitimus remaneret.

Ad quartum permitto priuilegium dispensandi in votis, extendi ad vota iurata, quia est accessorium, & extendi ad ea commutanda, quia commutatio, qua ratione deficit ab æqualitate pars dispensationis est. Item priuilegium testandi extendi ad codicillum, vel tanquam accessorium testamento, vel tanquam sub nomine testamenti comprehensum; excepto enim vsu, & vulgari significatione, quælibet dispositio causa mortis testamentum vocatur, vt dicitur in *l. Marcellus*, ff. *de donationibus causa mortis*. ibi, *Nam & mortis causa donare poterit, cui testari concessum est.* atque adeò non est extensio ad alium casum extra priuilegium, sed ad casum in priuilegio comprehensum: sic Mandos. in *praxi signature gratis, verbo licentia, versic. alia etiam ambiguitas.* Molin. *tom. 1. de iustis, tractat. 2. disput. 141. ad finem.* Suarez *lib. 8. de legibus, cap. 28. num. 15.* Sanchez alios referens *lib. 8. disput. 1. num. 38.* Bonacina *disput. 1. quest. 3. punct. 7. §. 2. num. 11.* Salas *disput. 20. sect. 10. n. 96.* Eadem ratione infert Sanchez, Salas, & Bonacina *supra*, licere lacticia comedere habenti priuilegium comedendi carnes die ieiunij, quia est accessoria prohibitio: & dispensatione facta in principali, censetur facta in accessorio. Similiter habenti priuilegium co-

Ferd. de Castro Sum. Mor. Pars I.

medendi oua, & lacticia esse licita; quia nec lacticia, neque oua prohibentur, quatenus talia sunt sed quatenus sementinam trahunt originem à carnibus vt dicitur in *cap. denique, 4. distinct.* Quapropter dispensatione facta in aliquo ex illis, in omnibus facta est; quia ratio prohibitionis eadem, & non similis in omnibus originatis à carne inuenitur.

6 Ex vis venit decidenda questio, an habens potestatem legitimandi adulterinum, & incestuosum, possit legitimitate, si vtrumque vitium in eadem persona concurrat?

Ratio dubitandi est, quia esset extendere potestatem ad casum in priuilegio non comprehensum, laborans enim vtroque vitio non comprehenditur sub illo, qui aliquo tantum laborat, quia diuersum est mixtum à simplici. Item magis odiosus, & execrandus est natus ex adulterio, & incestu simul, quam natus ex adulterio tantum, vel ex incestu tantum. *l. adulterinum cum incestu, in princip.* vbi Bart. ff. *ad legem Iuliam, de adulter.* Ergo ex facultate legitimandi adulterinum, & incestuosum, non venit vtroque vitio laborans: & confirmo ex *cap. porro, de priuilegiis*, vbi non censetur concessum maius ex concessione minoris: at legitimare vtroque vitio laborantem, maius est, quam legitimare laborantem vnico tantum. Ergo in concessione legitimandi laborantem vnico vitio, non est concessa facultas legitimandi laborantem vtroque.

7 Ceterum dicendum est tanquam probabilius, te posse legitimare laborantem vtroque vitio, si habeas potestatem legitimandi adulterinum, & incestuosum seorsim sumptos. Ratio præcipua est, quia illa vitia, siue in diuersis subiectis, siue in vno existant, eadem sunt; sed cum in diuersis subiectis existunt, potes illa tollere. Ergo etiam cum in vno existunt. Et confirmatur ex *l. si ita, in princip. ff. de liberis, & posthumis*, vbi sub simplici mixtum comprehenditur, præcipue in materia fauorabili, qualis est potestas legitimandi non expressis personis concessa: & ita tenet Mandos. *regul. 10. Cancellaria, quest. 3. num. 10.* Emanuel Saa in *veraque editione, verbo dispensatio, num. 7.* Henriquez *lib. 14. de irregularitate, cap. 14. num. 10.* Syluest. *verbo dispensatio, num. 10.* Thomas Sanchez plures referens *lib. 8. disput. 2. num. 28.* Neque obstat ratio dubitandi, quia laborans vtroque vitio simul, esto non æquualet laboranti vno tantum: at æquualet pluribus, qui singulis laborant.

8 Limitat tamen Thomas Sanchez cum multis aliis, vt non intelligatur, si de præiudicio tertij tractetur. Sed ego hanc limitationem intelligendam puto, quando potestas data esset pro personis expressis, tunc enim quia est dispensatio, quasi inchoata, limitari debet iuxta dicta: at quando hæc potestas conceditur personis non expressis, latè interpretari debet, esto exercitium potestatis strictè interpretandum sit, si in præiudicium alicuius vergat.

PUNCTUM XIV.

De priuilegij amissione. An, inquam, amitti possit priuilegium ex solo lapsu temporis.

- 1 *Multis modis amittitur priuilegium.*
- 2 *Priuilegium pro limitato tempore concessum illo transacto finitur.*
- 3 *Idem est, quando deficit conditio priuilegio inherens.*
- 4 *Quando priuilegium conceditur ad aliquid agendum, non finitur actu inualido.*
- 5 *Neque etiam vnico aliu, si verba sint indifferentia. Probat Sanchez, Suarez, Salas.*

V 3

6 Com

6 *Communis sententia docet unico actu finiri.*

7 *Quid sentiendum sit.*

8 *Explicantur plures casus difficiles, in quibus unico actu videtur priuilegium finiri.*

1 **C**ertum est multis modis priuilegium amitti. Primò cessatione causæ finalis. Secundò morte priuilegiati, vel concedentis priuilegium. Tertiò renuntiatione expressa. Quartò renuntiatione tacita, scilicet non usu, vel usu contrario, vel abusu. Quintò per reuocationem concedentis, de quibus in seqq. In præsentem autem dubitamus, an ex solo lapsu temporis amittatur?

2 Certum est priuilegia pro limitato tempore concessa, finito eo tempore finiri; quia cum tota virtus, & efficacia priuilegij pendeat ex voluntate concedentis, & hæc non extendatur ultra tale tempus in priuilegio signatum, efficitur sanè neque priuilegium extendi posse, sumiturque ex l. 2. & 4. C. de precibus Imperatori offerend. & cap. de causis, de officio delegati. Idem est de priuilegio concessio dependenter ab aliqua conditione, illa enim sublata priuilegium euanesceat, ratione supradicta, quia concedens priuilegium annectit illud conditioni apposita. Qua ratione priuilegium clerico, & monacho concessum petibit, si mutat statum, quia sub conditione clericatus, vel monachatus conceditur.

3 Aduertendum tamen est eum Suarez lib. 8. cap. 29. num. 5. conditionem appositam posse se tenere, vel ex parte concessionis, vel ex parte priuilegij, vel ex parte usus, & exercitij priuilegij: si ex parte concessionis se teneat conditio, priuilegium ab illa in conseruari non pendet, sed solum in fieri; quia solum ad dandum priuilegium fuit conditio requisita, non ad illud conseruandum. Exemplo res illustratur. Concedit Pontifex monasterio priuilegium non soluendi decimas, si Episcopus consentiat, consentiente Episcopo semel, priuilegium manet firmum, quamuis postea mutet voluntatem, & dissentiat, quia eius consensus requisitus fuit ad effectum priuilegij, non ad illius conseruationem. At si ex parte priuilegij conditio insit, quia videlicet concedens significat concedere priuilegium, quamdiu illa conditio existat. Verbigraria, quamdiu fueris monachus, sis à tributo exemptus, quamdiu Episcopus consenserit, non soluas decimas, tunc perente conditione priuilegium perit. Verum si conditio ex illis est, quæ semel sublata facile possunt redire, vt in casu de consensu Episcopi: tunc existimo priuilegium non omnino perire, sed suspendi, quoad eius usum. Quod à fortiori constat, quando conditio vsui priuilegij esset appositæ, vt si diceret Pontifex, Concedo tibi ne soluas decimas, possis ministrare sacramenta, concionari, consentiente Episcopo; æquiualeat enim huic, ne soluas decimas, concioneris, ministres sacramenta; quamdiu, vel quoties Episcopus consenserit. Quocirca his conditionibus, quæ varietatem communiter recipiunt, non censetur priuilegium, quoad suum esse annecti, sed quo ad usum, ac proinde redeunte conditione, priuilegio vt priuilegiarium posse.

4 Hinc venit decidenda quæstio illa, an priuilegium absolutè concessum, ad aliquid agendum, vel omittendum vnico actu finiatur?

Et quidem quando verba priuilegij clara sunt pro vnico actu, nemini est dubium illis inhærendum esse, neque ultra esse extendendum: debet tamen actus esse validus. nam irritus reputatur, ac si non esset appositus, ex regul. vulg. *Quod nullum est, nullum fortis potest effectum*: & tradunt Doctores statim referendi, & Emanuel Saa verbo interpretatio, num. 12. in vtraque editione. Excipe, nisi ex voluntate, & scientia nullitatis factus fuerit à priuilegiario, quia tunc ne commodum ex sua

iniquitate reportet, eo actu priuilegium finitur: sic multis relatis docet Tiraquel. in l. boues, §. hoc sermone, limit. 2. à num. 1. & seqq. præcipue num. 29. Ancharan. cap. 1. quæst. penult. de filiis presbyter. in 6. & ibi Dominic. num. penult. Francus num. 13. Quare difficultas est, quando verba sunt ambigua, & indifferentia, ita vt possint ad vnum actum limitari, vel ad plures extendi, quæ regula sit seruanda?

5 Sanchez lib. 8. de matrim. disput. 31. num. 8. Salas de legibus, disput. 20. sect. 19. num. 127. Suarez lib. 8. de legibus, cap. 29. num. 8. Bonacina disp. 1. quæst. 3. punct. 8. §. 2. num. 2. existimant vnico actu non finiri tale priuilegium, nec dispensationem; excipit tamen Sanchez, nisi cesset omnino causa, ob quam fuit concessum. Mouentur, quia quando dispensatio, & priuilegium pro vnico actu tantum conceditur, clarè significatur. Addi enim solet, pro hac vice dumtaxat, semel in vita, vel in morte, & similia, quæ clarè denotant restrictionem. Ergo quando hæc significatio non est clara, sed dubia, non debet ad vnicum actum limitari. Ex quo infert Sanchez num. 10. cum Ioan. Andr. cap. 1. de filiis presbyt. in 6. & cap. non potest, num. 5. de præbendis, in 6. Angel. verbo beneficium, num. 24. & ibi Armilla num. 29. Syluest. verbo beneficium, 3. quæst. 11. num. 14. Tabiena cod. 1. q. 17. num. 19. illegitimum dispensatum absolutè ad beneficium, posse illo dimisso aliud accipere; quia illa dispensatio tendit ad reddendam personam habilem ad vnum beneficium, quæ habilitate supposita beneficium retinere potest. Secundò infert, si cum habente votum castitatis dispensetur ad matrimonium, dispensationem intelligi non de solo vnico matrimonio, sed de aliis priori dissoluto. Tertiò infert, si cum religioso, vel sacris ordinato dispensetur ad matrimonium, non solum prima vice, sed secunda, posse matrimonio iungi, perseverante causa dispensationis; secus verò si ea causa non perseverat; vnde si ob successionem in regno fuisset dispensatum, & haberet sobolem, vel in ea ætate esset matrimonium dissolutum, vt generare non posset, nequit ad aliud transire. Quartò infert, si cum habente votum castitatis dispensetur, ad hoc tantum, vt possit cum Maria contrahere, eo quòd ipsa famæ iacturam patiatur, nisi nubat, mortua illa, vel aliunde matrimonio dissoluto, non licebit sic dispensato aliud matrimonium inire, quia tota causa dispensationis cessauit.

6 Communis tamen sententia docet facultatem, & priuilegium faciendi aliquid, finiri primo actu in rebus odiosis; secus in fauorabilibus: sic Felinus cap. 2. de treuga, & pace. Nauarr. cap. placuit, de penitent. distinct. 6. num. 166. Azor lib. 5. cap. 23. quæst. 5. Rochus de iure patronatus, verbo honorificum, quæst. 10. consentit Henriquez lib. 2. de matrim. cap. 5. à num. 7. in comment. litt. F. fauet Barr. l. ult. ff. de constitut. Princip. num. 6. dicens priuilegium ad agendum in iudicio, finiri illo iudicio finito; secus verò ad excipiendum, quia priuilegium ad agendum est odiosum, vt pote contra alium; secus verò ad excipiendum, quia est in defensionem propriam.

7 Ceterum in hac re difficile est ferre iudicium, & regulam generalem tradere; quia tota perseverantia priuilegij, vel eius decisio pendet ex intentione, quæ fuit concessum. Hanc autem intentionem inuestigare cum verba ipsa clara non sunt, vel ex se, vel ex stylo, aut consuetudine, difficultatem habet. Crederem tamen satis probabiliter inuestigari posse ex motiuo, & causa, ob quam priuilegium fuit concessum. Non quia cessante causa priuilegij cesset priuilegium, hoc enim non est vniuersaliter verum, vt videbimus; sed quia ex ipsa causa concessionis inuestigari potest animus concedentis. Causa autem dupliciter esse potest, alia, quæ alicui determinato vsui priuilegij annectatur, alia quæ illi annexa

annexa non est, quando causa ob quam priuilegium conceditur, est annexa alicui speciali vsui priuilegij, neque aliis communis: tunc priuilegium finito illo vsu cessat, quia solum pro illo vsu præsumitur concessum: quod probatur efficaciter exemplo illo adducto à Thoma Sanchez in 4. illatione, quia illa non est dispensatio voti, sed potius suspensio illius obligationis, vt satisfieri posset damno Mariæ illato. At si priuilegium concedatur ob finem, qui pluribus actibus communis esse potest: tunc existimo non esse limitandum priuilegium, quantumuis odiosum ad vnicum actum, nisi ex verbis, aut alia circumstantia constet id manifestè Principem voluisse. Quia licet priuilegium odiosum restringendum sit, quoad fieri possit: at non extra proprietatem verborum, & materiam subiectam. Limitatio autem ad vnum actum extra proprietatem verborum est, quando verba plures comprehendunt: & in hoc sensu Suarez, Salas, Sanchez, & Bonacina sunt loquuti.

8 Sed vt clariùs nostra doctrina intelligatur, placet discurrere per casus, quos adducit Felin. in cap. 2. de tregua, & pace. & ex illo Azor lib. 5. cap. 23. quest. 5. Salas de legibus, diffus. 17. sect. 13. num. 62. Balilius de Leon lib. 8. cap. 20. num. 12. Primò dicunt dotis promissionem pro primis tantum nuptiis intelligendam esse; ex l. dotis promissio, ff. de iure dotium, & ex eo, quod habetur in l. bonus, ff. de verborum significat. ibi, hoc sermone dum nupta erat, vbi primæ nuptiæ significantur. Quæ doctrina verissima est, quia dos semel concessa, de se perpetua est: & non solum pro primis, sed etiam pro secundis nuptiis deferuire potest: extendere autem promissionem dotis, vt non solum pro primis nuptiis, sed etiam pro secundis, & tertiis multiplicetur, est extra verborum proprietatem, & materiam subiectam, quæ solum exigunt, vt concedatur scemina dos competens eius qualitati, non plures dotes, quæ simul sumptæ qualitate eius excedunt. Secundò dicunt, si datur alicui facultas, vt duo simul beneficia curam animarum habentia obtinere queat, ad duo prima protenditur. cap. non potest, de prebendis, in 6. quod verum est; quia hæc facultas non est propriè priuilegium, sed dispensatio in pluralitate beneficiorum iuri communi maximè contraria, ac proinde strictissimè interpretanda. Item est impedimentum ex parte beneficiorum, non ex parte obtinentis illa. Quocirca si illegitimo detur facultas obtinendi beneficium, non obtentione prioris beneficii finitur, sed eo dimisso aliud poterit obtinere, vt ex Sanchez supra retulimus; quia est impedimentum ex parte personæ: neque causa dispensationis alicui beneficio speciali annectitur. Tertiò si facultas data est, vt veniat in urbem, is qui publicè proscriptus est, semel tantum venire potest: adducunt Bart. in l. 1. ff. ad legem Iuliam, de adulter. At credo attendendam esse causam concessionis; cui si illo primo aduentu satisfactum sit, vltèriùs non esse extendendam concessionem; secus verò si causa communis sit tam primo, quàm secundo aduentui. Quartò potestas data arbitro in compromisso, de prorogando termino compromissi, finitur prima prorogatione. Ratio esse potest, quia causa dispensandi se tenet ex parte compromissi, vt illa prorogatione finiatur. Quintò potestas ingrediendi in cœnobium sanctimonialium primo ingressu finitur; intelligi debet, si datur ob occurrentem necessitatem: secus si per modum priuilegij. Idem est si daretur moniali facultas ingrediendi cœnobium, spectanda, inquam, est causa concessionis, quæ si sit infirmitas, aut alia occurrentis necessitas, prima vice finitur. Sextò facultas data patrono laico, qua possit, postquam vnum clericum nominauit, alium nominare, vno actu finitur, ex cap. quod autem, de iure patronatus. At hoc intelligendum est, postquam nominatus fuerit institutus, nam ante institutionem variare potest, vt constat ex su-

prædicto textu, & glossa ibi. Septimò facultas data Patribus Concilij generalis, de eligendo locum, in quo Concilium celebretur, prima electione finitur; quia ea electione facta, non potest dici integrè satisfactum non esse priuilegio; præcipuè si illo in loco expediri potest Concilium, & acceptatur à Patribus electo. Octauò, si quis emit fructus, qui ex prædio aliquo percipiuntur, intelligitur emisisse primos tantum; sed hoc ex pretio dato colligendum est. Nonò, potestas data arbitrandi, censetur data ad semel arbitrandum; intellige si pro speciali negotio data fuerit. Decimò, si testator instituit, vt eleemosyna erogaretur in die S. Laurentij, prima erogatione finitur, nisi adderet, vt quotannis fieret. Vndecimò, facultas data monacho, vt procurator sit, intelligitur data, vt semel tantum: quod intellige, si causa concessionis fuerit aliquod speciale negotium; secus si causa communis. Duodecimò, si promitto dare Kalendis, intelligitur de proximo venturis, quia promissio, quamprimùm fieri potest, adimplenda est. Decimotertiò, si Princeps priuilegium confert tibi, & hæredi, in primo hærede extinguitur: intelligendum est de priuilegio personali, non reali, & quæ ex subiecta materia aliud expostulat, vt optimè alios referens docet Matienzo lib. 5. recopil. tit. 7. l. 1. §. gloss. 8. num. 3. Molin. de primogen. cap. 5. num. 21. & seqq. vbi explicant testamentum factum ab Henrico II. in quo dixit donationes à se factas velle firmas esse in illis personis, quibus concessæ fuerunt, & in suo filio primogenito: nomine autem filij primogeniti non solum intelligunt primum successorem, sed reliquos in perpetuum. Decimoquartò, promissio facta de reparanda domo, prima reparatione finitur, quia integrè promissioni satisfacit. Decimoquintò, si Episcopus priuilegium habeat adepta possessione Ecclesiæ nominandi vnum in canonicum, & hic postquam fuit institutus, canonicatum deposuit, alium nequit nominare; quia iam satisfactum est priuilegio: aliàs haberet potestatem non vnum, sed plures canonicos nominandi. Decimosexto locator relinquens scienter conductorem in re conductâ, censetur renouare conductionem, & illam eisdem conditionibus, ac erat antea, prorogare: constat, quia aliud non explicat. Decimoseptimò, Princeps promittens præmium, ei qui vexillum hostibus eripuerit, creditur primo eripienti tantum promississe; quia stat vexillum pro famosiori, quod est primum; reliqua verò erepto primo facile habentur. Decimoctauò, si promittis iudici dare centum, prima datione satisfacis, aliàs non centum, sed 200. promitteres. Item promittis dare Petro, quidquid iactu retis ceperis; de primo iactu videtur intelligendum. Insuper addit Felin. Salas, & Azor supra, in his, quæ odium, pœnam, onus, aut detrimentum non continent, facultatem datam non finiri primo actu. Probant primò ex facultate data alicui eligendi Confessarium, qui eum absoluat. Sed hoc intelligendum est, quando datur facultas per modum priuilegij, & pro peccatis non tantum commissis, sed committendis. At si occasione alicuius peccati commissi daretur simplex facultas alicui, prima absolutione illorum peccatorum finiretur; quia annectitur concessio causæ, quæ ad plures actus non extenditur. Secundò probant ex facultate legendi libros prohibitos, edendi carnem diebus ieiunij, sacrificium offerendi in domo priuata; sed in his spectanda maximè est causa concessionis, quæ ad vnicam lectionem, & comestionem, & sacrificium arctari potest. Quando autem causa, ob quam conceditur priuilegium, non ita limitatur, ad plures actus extendi potest. Qua ratione priuilegium concessum alicui, & eius familiaribus, vt tempore interdicti diuinis assistant, non solum extenditur ad familiares, qui de præsenti sunt, quando conceditur priuilegium, sed ad alios, qui fuerint successu temporis. sic Matienzo

suprà num. 5. Addunt tertio Salas, Azor, & Felin. quando res aliqua natura sua, vel more postulat iterationem, primo actu non finitur. Probant primò, testator præcipiens heredi, vt vestiatur, & alat viduam, intelligitur toto tempore viduitatis, nec sufficit semel vestire. Probo, quia illa verba, vestiatur, & alat, continuationem denotant, alias mandaret testator, dari illi vnicam vestem. Secundò, si legasti vxori Titij alimenta, præsumi potest te legasse secundæ vxori, quod intelligo, si causa legandi fuit Titius: secus si ex parte vxoris se tenebat, quia tunc legatum cum illa finitur. quod satis probatur ex his, quæ supradicti Doctores statim subiungunt; dicunt enim, si Titius vxori suæ alimenta legauit, intelligi legata vxori, quam de præsentibus habebat, non alteri; quia causa legandi videtur ex parte vxoris stare. Tertio, si quis instituat posthumum, censetur instituisse plures si fuerint; quia non est maior ratio de vno, quàm de alio. Quarto, si testator reliquit domum suam, vt in ea habitaret filia sua vidua, quoties ipsa vidua fuerit, gaudet priuilegio; imò probabile mihi videtur, etiam si nuptæ, gaudere; dummodo, non ratione viduitatis capta, sed pater relinqueret domum, sed apposuerit nomen viduæ ad significationem, & denotationem filia, cui legatum relinquebat.

PUNCTVM XV.

Qua ratione priuilegium cesset, cessante causa finali, ob quam fuit concessum?

- 1 Si priuilegium nondum sit integrè concessum, cum cessat causa finalis, cessat priuilegium.
- 2 Expenditur illa gravis difficultas. An causa priuilegi, & dispensationis Roma concessa verificanda sit tempore concessionis, vel tempore, quo ab ordinario expeditur? Resoluitur vtroque tempore.
- 3 Priuilegia non habentia tractum successuum, si tempore concessionis adest causa finalis, valent, tamen si postea cesset.
- 4 Quando dispensatio, seu priuilegium ad effectum integrum productum non est, si cessat causa, defendit Sanchez, cessare dispensationem.
- 5 Non aduertitur supradicta sententia.
- 6 Priuilegium, & dispensatio de obligatione diuina, & ob causam similiter diuinam, cessat cessante causa.
- 7 Si causa concessionis integrè existit, cum conceditur priuilegium, vel dispensatio, non cessat, cessante causa successu temporis.
- 8 Quoties ex aliqua causa redditur priuilegijs vsus iniquus, cessat priuilegium.
- 9 Satisfit argum. num. 4. adductis.
- 10 An peccet vtens dispensatione, cessante causa illius.

PREmittenda sunt aliqua, in quibus ferè omnes conueniunt, vt gradum faciamus ad ea, in quibus est specialis difficultas.

Primò, conueniunt Doctores: si priuilegium nondum sit integrè concessum, quando omnino cessat causa finalis concessionis, nullam esse illius concessionem; quia cessat intentio concedentis, quæ est concedere priuilegium ob illum finem. sic Tiraquell. plures referens in tract. cessante causa, tota limit. 12. Menoch. lib. 4. de præsumpt. præsumpt. 189 circa finem, num. 196. & 197. Sanchez lib. 8. disp. 30. num. 8. & 9.

2 Hinc deciditur grauis illa difficultas, quando debeat verificari causa finalis priuilegi, & dispensationis, quæ Romæ obtinetur ad contrahendum matrimonium: an, inquam, sufficiat verificari, quando Romæ impetratur dispensatio, an quando ab ordinario, vel confessore expeditur, an vtroque tempore simul? Cui difficultati respondeo, vtroque tempore verificandam esse

causam dispensationis, & quidem de tempore, quo Romæ impetratur, (quamuis Nicol. Garcia 6. p. de benefic. cap. 2. num. 283. affirmet non requiri tunc verificari, sed solum tempore quo ab ordinario, vel confessore expendantur,) probabilius censo oppositum, quia tunc est vera concessio, donatio, seu dispensatio ob finem, & causam allegatam, quæ si falsò allegetur, nulla est concessio ex defectu intentionis in concedente: & est decilio textus in cap. quia circa, de consanguinit. vbi nulla est dispensatio secundum glossam, & Doctores ibi, in gradibus prohibitis ad matrimonium contrahendum, eo quòd fuerit falsò allegata proles, siquidem vnica filia, quam habebat ille nobilis, cum quo dispensabatur, iam erat mortua; clarius deciditur in cap. si eo tempore, de rescriptis, in 6. vbi nulla est promissio de beneficio curato facta ei, qui tempore datæ carebat legitima ætate, quamuis tempore collationis illam habebat.

De tempore autem, quo ab ordinario, vel confessore expeditur dispensatio, an tunc debeat causa finalis verificari?

Negat Mascard. de probation. conclus. 1128. num. 22. vbi in hæc verba dicit. Quintò conclusionem declarabis, vt tunc impetranti necesse sit probare narrata esse vera tempore impetrationis, per cap. quia circa, de consanguinit. & affinit. vbi habetur: si quis narret habere filiam, & habeat tempore impetrationis, quæ postea tempore comprobationis mortua sit, sufficiat probare se habuisse tempore impetrationis, sicut dicitur de læsione probanda tempore contractus, in l. 2. l. si voluntate, C. de rescind. vendit. sic asseuerauit Rebuff. in præfat. de rescriptis, num. 56. vers. 14. consentit Eman. Saa in vtraque editione. verbo gratia, num. 6. & 10. Et ratio esse potest, quia ordinario, vel confessori committitur executio dispensationis. Ergo dispensatio iam ante illorum expeditionem facta est.

Verum probabilius existimo illo etiam tempore, quo ab ordinario, vel confessore expeditur dispensatio, verificandam esse causam concessionis; quia verè ordinarius, vel confessor dispensat. Quod constat tum ex verbis indulti, quæ dicuntur in decretis, si preces veritati nitantur, cum illis dispenles, &c. Tum etiam, quia ante hanc expeditionem dispensationis, si matrimonium contraheretur, nullum erat. Ergo signum est non esse dispensatum antè; ergo si tunc dispensatur, tunc debet adesse causa dispensationis: sic Couarr. 4. decret. 2. p. cap. 6. §. 9. num. ult. Mandos. praxi signaturæ tit. de dispensation. vers. dispensatio est. Gallego de cognat. spirituali, c. 23. num. 2. & cap. 4. num. 17. & alij, quos refert, & sequitur Thom. Sanchez lib. 8. disp. 30. num. 12. Nicol. Garcia illa 6. p. cap. 2. à num. 270. & num. 289.

3 Secundò, certum esse debet, si priuilegium sit ex illis, quæ actione ipsius concedentis perficiuntur, neque habent tractum successuum, si tempore concessionis vera fuit causa finalis, ob quam fuit concessum, etiam si postea cesset, non perit priuilegium. Exemplis rem declaro. Absolutus fuisti ab excommunicatione, dispensatus in irregularitate, in voto, vel alio impedimento, si tempore dispensationis, vera fuit causa allegata, etiam si postea cesset, non cessat dispensatio, ex reg. 73. de regul. iuris, in 6. ibi, factum legitime retractari non debet, licet causa postea eueniat, à quo non potuit inchoari. Item donasti Petro centum ob paupertatem, quam habuit tempore donationis, venit postea ad pinguiorem fortunam, non cessat donatio. Ratio est, quia effectus iam consummatus non dependet à causa concessionis; causa enim solum ad productionem illius, non ad conseruationem necessaria fuit. Adde similia priuilegia absolute concessa cessare non possunt ipso facto, sed indigent reuocatione concedentis. Ergo dum non adest talis reuocatio, ipsa priuilegia, & dispensationes perseverant. Denique aliqua ex supradictis nec reuocatione cessare possunt;

possunt; omnia enim illa privilegia, & dispensationes, quæ consistunt in remotione alicuius impedimenti, si semel illud impedimentum tollatur, iam redire non potest; non enim redire potest excommunicatio, irregularitas, votum sine voluntate vouentis, si semel sublata sint; & ita relato Barr. lasone, & aliis docet Menochius lib. 4. *presumpt.* 189. *circa finem*, num. 197. Tiraquel. in tract. *quod cessante causa, cesset effectus*, 2. part. *limit.* 12. Suarez lib. 8. *de legibus*, cap. 30. a num. 4. Sanchez lib. 8. *de dispensat. disput.* 30. num. 10. Emanuel Saa *verbo gratia*, num. 6. Ex quo fit, si cum irregulari dispensetur ob eius paupertatem ad beneficium, & ordines; & ordinibus susceptis, & beneficio acquisito diues factus est, non cessat, nec cessare potest eius dispensatio, quia iam habuit suum consummatum effectum: sic Doctores supra relati. Et idem est de matrimonio contracto virtute dispensationis ob paupertatem factæ. nam etiam si postea puella diues effecta est, matrimonij dispensatio non reuocatur. Neque in his, & similibus est dispensatio.

4 Quare difficultas est, quando dispensatio ad effectum integrum perducta non est, & cessat integrè causa dispensationis, antequam perducatur, an tunc cesset dispensatio?

Sanchez plures referens lib. 8. *de dispensat. disput.* 30. num. 14. existimat cessare dispensationem, ita ut eius usus non solum illicitus, sed inualidus sit. Addit tamen num. 17. non ita cessare, quin si postea redeat causa, ob quam fuit concessa dispensatio, & ipsa dispensatio redire non possit. Quocirca affirmat non propriè cessare, sed suspendi eius valorem, quousque causa concessionis præexistat, variis argumentis suam sententiam probat. Primò ex cap. *generaliter*, 16. *quest.* 1. & cap. *sua*, *de cleric. non resident.* & cap. *Abbate*, in *fine*, *de verbor. signif.* ubi reuocat gratia, & privilegium cessante causa. Secundò ex l. *Pranius*, 72. *versic. sed cum duo*, ff. *de fideiussorib.* ubi quædam fideiussoris obligatio extinguitur, & redditur ratio his verbis: *ut quemadmodum incipere alius non possunt, ita nec remanent.* ubi glossa verbo *remaneat*, inde infert, quod impedit faciendum, destruere quoque iam factum; quod impedit, inquam, faciendum per modum causæ finalis, impedire iam factum quoad illum effectum, qui non est in esse productus, vel si partim productus est, impedit effectum successiuum, qui commodè diuidi potest. Terriò, quia faciliùs tollitur privilegium, seu ius extraordinarium, & speciale, quale est dispensatio, quamuis commune. *l. ius militis*, §. 1. & *ibi gloss. verbo quocumque modo*, C. *ad senatusconsult. Velleianum*, & docent multi alij, quos refert, & sequitur Tiraquel. in tract. *cessante causa*, *limit.* 11. *fine*. At ius commune cessat, cessante causa eius finali, ut apud omnes est comperitum. Ergo à fortiori ius speciale. Et confirmat, quia lex generalis indulgens privilegium aliquod cessat, cessante causa eius finali. Ergo à fortiori, privilegium, & dispensatio priuata cessabit. Tum quia maior infirmitate gaudere debet privilegium omnibus per legem indultum, quæ tanta consultatione fit, quàm privilegium priuatum personæ, quæ passim conceditur. Tum etiam, quia privilegium per legem indultum latè est interpretandum; secus verò privilegium, & dispensatio communi iuri derogans. Quarto probat, quia actus non operantur ultra agentium intentionem; cap. *quemadmodum*, *de iur. iurand.* at in omni dispensatione subintelligitur conditio, si causa permaneat, aliàs iniquus esset dispensator, si vellet dispensationem extendi ad eum casum, quo causa prorsus cessaret. Et confirmat ex l. *facto*, in *princ.* ff. *de vulgar. & pupill. substit.* ubi deciditur privilegium patri concessum substituendi filio furioso, cessare filio sanæ mentis effecto, & euanesce substitutionem illi antea factam; cum tamen privilegium iam esset ad effectum deductum: quia is reuocabilis erat, & reddit

textus rationem his verbis, *etenim iniquum incipit fieri beneficium Principis, si adhuc id valere auiamus, auferret enim testamenti factionem homini sana mentis.* sic ergo in nostro casu, cum cessante causa, incipiat esse iniqua dispensatio; utpote quæ absque vlla ratione ex tunc eximit priuatum à iure communi, vel naturali diuino, in præiudicium communitatis, cui id scandalo est, cessabit tunc quoad effectum, qui commodè reuocabilis est. Et confirmat ampliùs, quia paria sunt nullam ab initio fuisse causam, & fuisse aliquam, sed illam omnino finitam esse, ut expressè probatur ex l. 1. ff. *de cōditione sine causa*, & *l. nihil interest*, ff. *de nautico favore.* & docet Afflictis, quem refert, & sequitur Tiraquel. tractat. *cessante causa*, in *princ.* num. 14. At quando à principio nulla esset causa, dispensatio irrita esset, vel illicita. Ergo eodem vitio afficietur, si postea perseueret: at credendum non est, velle dispensantem peccare intendendo, ut dispensatio vim habeat in eo casu, in quo dispensatio aut irrita esset, aut illicita. Quintò probat, quia *regul. in ambiguis pro doli*, 85. §. *non est nouum*, num. 3. ff. *de regulis iuris*, probat, actum legitimè retractari, quando res ad eum casum peruenit, ut causa finalis deficiat. Tandem probat, quia absurdum videtur, ut is cum quo est legitimè dispensatum ad carniū esum ratione debilitatis dubiæ, & quæ ex se non excusabat seclusa dispensatione, possit eis vesci, si integram & firmam valetudinem recipiat.

5 Cæterum hæc sententia sic vniuersaliter posita mihi probari non potest; contradicit enim formæ dispensationis absolutæ, & facit omnes dispensationes fieri conditionatas, ut statim videbimus. Quocirca distinguendum cenfeo inter causas dispensationis; aliz enim sunt integrè existentes, quando conceditur dispensatio; aliz verò habent tractum successiuum, sicut & ipsa dispensatio habet. Exemplo distinctionem manifestò. Dispensat tecum Pontifex in voto castitatis ob carnis tentationem, & in impedimento matrimonij ob paupertatem, & in pluralitate beneficiorum ob munus, quod geris; integra causa dispensationis adest, quando conceditur dispensatio, quia non conceditur dispensatio in voto castitatis ob tentationem præteritam, neque futuram; neque dispensatur in matrimonij impedimenti ob paupertatem, quæ non est; sed ob illam, quæ de præsentì existit. Verùm si Pontifex tecum dispense in esu carniū ob dubiam infirmitatem, & in recitatione horarum, ob imminentes occupationes; causa dispensationis non integrè existit, sed succedit, sicuti succedit usus dispensationis, & cum illo commensuratur; dispensat enim Pontifex tecum in esu carniū hoc mense, propter infirmitatem huius mensis: at ob hanc non potest dispensare ut sequenti mense carnes comedas, sed ob infirmitatem, quam tunc habebis, quia infirmitas huius mensis parum deferuit ad honestandum esum carnis in mense sequenti. quod si infirmitatem mense sequenti non habes, iam cessat causa dispensationis pro illo mense, pro quo dispensatio illam requirebat. Hoc posito,

6 Dico primò. Quotiescumque privilegium, & dispensatio de obligatione diuidua, & successiua est, & est concessa ob causam similiter diuiduam, & successiuam, cessante causa, cessat dispensatio, quia dispensatur in obligatione, quandiu fuerit causa, & cum sit multiplex obligatio, multiplicem causam requirit ad illius exemptionem: & in hoc sensu vera est. sententia Sanchez supra relata, quam etiam docet Suarez lib. 8. cap. 30. num. 18. & Tiraquel. plures referens in dict. tract. *cessante causa*, *limit.* 23. num. 11. Et satis apertè confirmatur de dispensatione ieiunij, & recitatione horarum, ob infirmitatem dubiam, quamuis Salas statim allegandus etiam in hoc exemplo affirmet non cessare dispensationem, quod non probò.

7 Dico secundò. Quoties dispensatio, aut priuilegium conceditur ob causam, quæ integrè tunc existit, nullo modo definit, aut suspenditur ob causæ cessationem: sic docet Suarez *lib. 8. de legib. cap. 30. à num. 12. Salas disp. 10. sect. 6. num. 67. & seq. Gutierr. canon. quest. lib. 1. cap. 15. num. 22. initio & fine. & lib. 2. cap. 15. num. 30. & 132. Tiraquell. tractat. cessante causa, in princip. num. 92. & 94. Syluest. verbo dispensatio, quest. 6. Eman. Saa verbo gratia, num. 6. & alij plures relati à Sanchez *lib. 8. disp. 30. n. 13.* quam licet ipse Sanchez non sequatur, affirmat esse probabilem. Probo primò, quia tota causa, quam priuilegium, & dispensatio ad sui valorem requirit, est cum priuilegium, & dispensatio conceditur, ut suppono. Ergo quòd in posterum cesset, nihil interest priuilegio, & dispensationi; quia non propter futuram causam, sed propter actum præsentem fuit concessum. Secundò per priuilegium, & dispensationem legitime factam, est ius priuilegiario acquisitum; quia eo ipso, quòd est legitima dispensatio, & legitimum priuilegium, habet ius utendi illo: at ius semel quæsitum non reuocatur ex cessatione causæ, ob quam fuit prius concessum, ut optimè alijs relatis docet Menoch. *lib. 4. præsumpt. 189. n. 197. Gutierr. & Tiraquell. supra.* Ergo. Tertio, communis est distinctio dispensationis, & priuilegij in absolutum, & conditionatum: & priuilegium conditionatum vocatur, quod dependenter ab aliqua conditione conceditur, ita ut priuilegij duratio commensuretur cum causæ duratione, ut sumi potest ex *cap. Abbate, de verbor. signif.* ubi tandiu monasterium prærogatiua ibi præscripta debet gaudere, donec in illo vigerit obseruantia regularis. Priuilegium verò absolutum est, quod non arctatur durationi alicuius conditionis, sed ob causam semel positam conceditur. Ergo quòd postea cesset causa, priuilegium cessare non debet; causa enim temporalis, & transiens honestare potest concessionem aliquam, & priuilegium perpetuum. Quarto, probo aliquibus exemplis; si enim cum muliere ob eius paupertatem dispensetur in impedimento consanguinitatis, & antequam matrimonium contrahat, diues facta sit, non ex eo amittit dispensationem, neque eius usus suspenditur, quia non fuit concessus sub conditione, si paupertas perseverauerit toto tempore ante matrimonium; neque hoc inuestigatur à contrahentibus, effectque occasio non levis scrupulorum: ut bene dicit Nicol. Garcia *6. p. de benefic. cap. 2. num. 291.* Item datur puellæ dispensatio in voto castitatis, ob periculum incontinentiæ, ex vi huius dispensationis absolute concessæ soluitur vinculum voti. Ergo illa non solum semel, sed pluries potest habere, etiamsi iam periculum incontinentiæ non habeat; quia aliàs non fuisset facta relaxatio voti, & obligationis ad Deum, sed suspensio. Deinde priuilegium concessum religioni accipiendi, vel non soluendi decimas, ob eius regularem obseruantiam, & singularem fructum in proximos, etiamsi postea cesset huiusmodi causa, & deueniat ad statum, in quo Pontifex tale priuilegium minimè concederet, non obinde cessat priuilegium ipso facto; quia non fuit concessum sub illa expressa conditione; sicuti in *cap. Abbate, de verbor. signif.* fuit concessum.*

8 Dico tertio. Quotiescunque ex aliqua circumstantia priuilegij usus reddetur iniquus, cessat pro tunc priuilegium. Conclusio est omnium, & ex terminis liquet, aliàs liceret, quod illicitum est. Qui modus cessandi priuilegium vocatur à Suarez *lib. 8. cap. 30. num. 6.* per cessationem causæ finalis contrariæ; quia contrariatur causæ, ob quam fuit concessum: quod non mihi plenè satisfacit, quia priuilegium decimandi ex aliqua Ecclesiæ concessum alicui ob specialem seruitutem Romanæ Ecclesiæ factam, suspendi potest, si Rector illius Ecclesiæ non habet congruam sustentationem, & tamen tunc non cessat ratio concessionis; hæc enim cessare non po-

test, siquidem non potest non esse factum illud seruitium Ecclesiæ Romanæ: necessitas autem rectoris non est contraria illi speciali seruitio, sed exemptioni. Ergo non bene explicatur hic modus cessationis, per cessationem causæ finalis contrariæ. Sed est quæstio de nomine, ac proinde parui momenti; quod enim ab omnibus admitti debet, est cessare usum priuilegij, quoties redditur ex aliqua circumstantia iniquus.

At dices, quando cessat causa finalis concessionis priuilegij, priuilegij usus est iniquus. Ergo semper cessat priuilegium, cessante causa finali illius.

Respondeo negando antecedens, quando propter causam integrè existentem cõcessionis fuit priuilegium, aut dispensatio concessa, quia tunc iam habet usus dispensationis sufficientem honestatis rationem, scilicet dispensationem legitime factam, & vtilitatem ipsius priuilegiati: unde si ex alia circumstantia non vitiatur, licitus erit illius usus. Dixi cessare pro tunc priuilegium, quia non extinguitur, sed sopitur, argum. *cap. Abbatis, de verbor. signif.* in fine. & tradit ibi glossa verbo *donec.* Suarez *lib. 8. cap. 30. num. 22.* Sanchez *lib. 8. disp. 30. num. 17.* cum Mencha. *lib. 1. controuers. illustr. cap. 46. n. 3. & lib. 1. de successionum progressu, in præfatione, num. 67.*

9 Argumenta pro sententia Sanchez adducta nobis non aduersantur; probant enim cessare priuilegium cessante causa concessionis, quando concessio petit causam successiuam cõcessionis commensuratam; vel quando concessio redditur iniqua ex aliqua circumstantia superueniente. Sed ut clariùs veritas constet, placet omnia argumenta percurrere.

Ad primum ex *cap. generaliter*, quod desumptum est ex Cod. Iustiniani, constat, dari priuilegium immunitatis ab omni tutela, & cura cuiuscunque generis, & cuiuscunque personæ, omnibus Episcopis, Presbyteris, Diaconis, & Subdiaconis, & Monachis, qui apud sanctas Ecclesias, vel monasteria permaneant non diuagantes: quare si diuagantes officiis diuinis non intersint, perdunt huiusmodi immunitatem, quia propter hoc ipsum conceditur, ut ibidem dicitur. Ecce quomodo causa concessionis est successiua, scilicet permanentia. Eodem modo respondemus *cap. tua, de clericis non residentibus.* ibi enim studiorum gratia erat canonicis indultum, ut in absentia fructus percipiant præbendarum suarum; ipsi verò accepta licentia ad villas se transferunt. Dicit, inquam, Pontifex Innocent. præfatam indulgentiam illis competere non debere, & meritò; quia ob causam successiuam, scilicet assistentiam in studiis, illis fuerat concessa, quæ expositio clariùs competit *cap. Abbati, de verbor. signif.* ubi conceditur cœnobio sancti Bertini, ut ex illo Alciatensi. monachi sibi eligant personam idoneam in Abbatem tamdiu, donec ibidem vigerit obseruantia regularis. Ecce priuilegium dependens à viridi obseruantia, quæ est causa successiua.

Ad secundum ex *l. Præmii*, respondeo illam obligationem omnino extingui; quia peruenit ad statum, à quo incipere non potuit, non propter cessationem causæ finalis, sed propter circumstantiam aduenientem, quæ reddit illius obligationis usum iniquum: & cum glossa dicit, quod impedit faciendum, destruere iam factum, intelligendum est, quando est impedimentum honestati contrarium; secus verò, quando est impedimentum per præcisam cessationem causæ.

Ad tertium cum eius confirmatione concedo facilius mutari posse priuilegium, quàm legem: tum reuocatione, tum decisione; quia faciliùs à Principe reuocari potest, & faciliùs suboriri potest aliqua circumstantia, quæ usum priuilegij impediatur: at non inde sequitur debere cessare ex omni causa, quæ lex cessat; lex enim cessat deficiente causa eius finali adæquata, quia ex huiusmodi defectu redditur inutilis: at iniustum est obligare subditos ad obseruantiam legis inutilis. Ergo.

Priuile

Privilegium verò, & dispensatio, etiam si cesset causa, ob quam fuerunt concessa, vtilia esse possunt privilegiato, & ex alia parte non obligantur ad illius usum. Ergo.

Ad quartum concedo privilegium non operari ultra concedentis intentionem: at intentio concedentis absolute privilegium, est, ut utatur privilegiarius illo, etiam cessante causa, ob quam fuit concessum. Neque obinde fit peccare privilegiatum, neque peccare concedentem: non peccat privilegiatus, quia privilegio rite concessio utitur, neque peccat concedens privilegiū, cum ob legitimam causam concedat, quæ causa non requiritur, ut semper existat, quoties fuerit usus privilegij. Neque obstat tunc non adesse causam, ex qua posset privilegium incipere, quia plus requiritur ad inceptionem privilegij, quam ad eius continuationem, ut optime ipsemet Sanchez probat *illa dispus. 30. num. 8.* Ex qua doctrina infert ipse non cessare dispensationem, si causa finalis non omnino cessavit, quamvis reliquæ manentes non iudicarentur sufficientes ad priorem dispensationis concessionem. Ergo idem debet dicere, etiam si omnino causa cesset.

Ad confirmationem ex *lex facto*, respondeo substitutionem illam evanescere, si filius sanæ mentis efficiatur, quia ex subiecta materia constat fuisse conditionalem, nempe si filius in furore usque ad mortem perseveret, aliàs, ut bene dicit textus, iniqua esset substitutio: & ratione circumstantiæ, quæ reddit substitutionem iniquam, cessat substitutio.

Ad secundam confirmationem ex *l. 1. ff. de conditione sine causa, & ad l. nihil interest*, respondeo, sicut ad quartum dixi magis requiri ad honestam inceptionem privilegij, & dispensationis, quam ad illorum continuationem, ad inceptionem enim requiritur legitima causa; secus verò ad illius continuationem, decet enim concessum à Principe beneficium esse mansurum: *reg. decet. 16. de regul. iur. in 6.*

Ad quintum ex *regula in ambiguis*, dico probare, cessante causa concessionis posse sæpè à Principe reuocari privilegium; at non probat Decius ipso facto privilegium cessare.

Ad ultimum negat Salas *dispus. 20. sect. 6. fine*, absurdum esse sic dispensatum vesci carnibus, etiam si iam causa infirmitatis cessauerit; quia retinet dispensatio suum valorem, eo quod data fuerit ob infirmitatem non solum præsentem, sed quam probabiliter concedens existimabat futuram. At credo in tali casu cessare dispensationem, quia dependenter à causa futura fuit concessa, quæ cum cesset, cessabit dispensatio.

10 Ex his patet decisio illius questionis, an peccet utens dispensatione cessante causa illius?

Respondeo iuxta supradicta non peccare, si dispensatio fuit concessa ob causam actu existentem, quia verè manet dispensatus, legibusque solutus: at peccare si dispensatio fuit ob causam successivam, & usum dispensationis commensuratum, quia cessat dispensatio; creditur enim dependenter ab illa causa fuisse concessum, siquidem præsens infirmitas non est sufficiens causa concedendi perpetuam dispensationem in ieiunio: concedere autem dispensationem sine causa, vel sine causa sufficienti, etiam in propria lege non est præsumendum de Principe. Ergo affirmandum est dispensationem esse dependentem ab existentia causæ, ac proinde illa cessante cessare dispensationem, cetero contrà teneat Salas *suprà dicta dispus. 20. sect. 6. à num. 66.*

verse. ego in hac re, & seqq. & num. 65.

refert aliquos recentiores
id probabile existimare.

PUNCTUM XVI.

Utrum cesset privilegium, rescriptum, & dispensatio morte concedentis.

EX huius puncti enodatione pendet decisio plurium difficultatum, ideo placet exactius rem explicare, neque brevitatis solitæ obliuiscar: si enim privilegium, rescriptum, & dispensatio, non fuerint in statu integro, morte concedentis non pereunt, ut dicemus ex omnium sententia. Quapropter inuestigandum est, quando dicantur esse in statu integro, quando in statu incompletionis: & primò loqui debemus de rescriptis iustitiæ, & ex ibi dictis facile erit inferre, quid dicendum sit de rescriptis gratiæ.

§. I.

Quando rescripta iustitiæ, & gratiæ dicantur esse in statu integro, quando dicantur esse incepta.

- 1 Triplicem sententiam refert Sanchez, qui sentit per solam citationem iuridicam desinere rem esse integram, & perpetuari iurisdictionem in rescriptis iustitiæ.
- 2 Censet probabilius sufficere iudicem iurisdictione inceptisse uti, tamen si citationem non fecerit. Sed quia commune est citationem requiri, illud est sequendum.
- 3 Sufficit citationem egressam esse à delegato, tamen si parò intimata non fuerit, defendit Sanchez, ut probabilius.
- 4 Censeo probabilius oppositum.
- 5 An requiratur tria citatio in casibus, in quibus per edictum citari quis potest, ut perpetuetur iurdictio? Probabilius videtur sufficere unam citationem.
- 6 Perpetuetur ne iurdictio, ex eo quod delegatus subdelegaverit? Probabilius est non perpetuari, tamen si partibus presentibus fiat.
- 7 Per rescripti presentationem non firmatur iurdictio.
- 8 An per unam citationem firmetur iurdictio rescripti plures causas continentis? Sub distinctione respondetur.
- 9 Quid si constitutus iudex delegatus ad universitatem causarum, & citationem in una causa faciat? Affirmo cum Sanchez firmatam esse circa omnes iurisdictionem.
- 10 Si causa commissa non indiget citatione, prima muneris executione facta, firmatur iurdictio.
- 11 In rescriptis gratiæ ex vocatione partis dicitur negotium ceptum.

1 DE rescriptis iustitiæ refert Sanchez *lib. 8. disp. 28. à num. 8.* triplicem sententiam.

Prima affirmat desinere rem esse integram, eo ipso, quo iudex coeperit iurisdictione sibi data uti, etsi citationem non fecerit. Quia modus firmandi, & radican- di iurisdictionem est per usum ipsius. Si igitur ante citationem uti iurisdictione potest, iam iurisdictionem firmat. Adde iurdictio delegata tunc dici potest esse integra, quando nullum illius usum habuisti. Ergo si in virtute illius aliquem usum exercuisti, qualis est signare locum iudicij, nominare Notarium, testes percipere, redigi litteras in publica forma, verè iurdictio integra non est, sed potius cepta. Favet huic sententiæ *cap. licet undique, de officio delegati, & cap. si à subdelegato, eodem tit. in 6.* in quibus solum expostulatur ad perpetuandam iurisdictionem, quod delegatus iurisdictione delegata uti non coeperit, seu in aliquo ex illa processum non fecerit: neque ibi arctatur ad usum per citationem, vel per litis contestationem, vel per sententiam, vel per nominationem

minationem Notarij, aut designationem loci. Ergo non est cur aliquis determinatus vsus exposculetur, & pro hac sententia adducit Sanch. plures Doctores, & videri potest Syluester *verbo delegatus, quest. 6.*

Secunda sententia docet iurisdictionem delegatam integram esse, quousque lis contestata sit. Mouetur ex *cap. relatum, de officio delegati*; vbi deciditur expirare iurisdictionem delegati lite non contestata; & idem habetur in *l. regia. 21. tit. 4. part. 3.* & ultra Doctores, quos Sanch. allegat. potest allegari Salas *disp. 20. sect. 17. num. 125.* ibi, *erit autem causa saltem capta, quando lis fuerit contestata.* August. de Barbosa *de potestate Episcopi, 2. p. allegat. 39. num. 29.* vbi tenet delictum non dici deductum ad forum contentiosum, quousque lis contestata fuerit, quia forus contentiosus dici non potest, nisi inter partes contentio fiat: non est autem perfecta contentio, quousque contestetur lis. Ergo neque forus contentiosus, quousque lis sit contestata. Ergo neque iurisdicatio contentiosa exercita ante litis contestationem. Adde iudicium propriè esse post litis contestationem; omnia enim alia præambula illius dicuntur ex resolutis per Alin. in *praxi Florent. §. 1. cap. 1. num. 14. & seqq.* Lancelot. *de attentat. in prefat. n. 7.* Peregrin. *var. lib. 2. sub rub. de conditionib. num. 54.* & tradit alios referens Sigismund. Scaccia *de iudic. cap. 2. num. 22. & cap. 8. num. 15.* Ergo iurisdicatio iudicialis non erit exercita, nisi post litis contestationem. Item lis non mouetur, quousque contestata non fuerit, ex text. in *cap. ex parte 30. de verb. significat.* & tradit Maranta *de ordin. indic. p. 5. tit. & omnia fiant durante instantia, n. 64.* Surd. *de aliment. tit. 5. quest. 8. n. 4.* Ergo neque iurisdicatio ad iudicandum concessa firmata, seu exercita censetur, quousque lis mota sit, & immediatè delegatus cœperit.

Tertia sententia, cui tanquam probabiliori adhæret ipse Sanch. docet per solam citationem iuridicam desinere rem esse integram, & perpetuari iurisdictionem, ducitur ex *cap. gratum, de officio delegati.* vbi ad firmandam iurisdictionem solum petit citationem, ibi, *cum citatione facta, negotium sit quasi ceptum, & cap. ult. de officio legum.* dicitur petire iurisdictionem, si citatio non præcessit, per quos textus affirmat explicandos esse relatos pro prima & secunda sententia; quia correctio iurium vniuersa est: nam textus qui generaliter dicunt requiri vltimam iurisdictionem, intelligendi sunt de vsu, qui ad minus sit per citationem, quia citatio est primus actus iudicij. *cap. quoniam contra, de probationibus.* Textus autem dicentes per litis contestationem rem non esse integram, non id tanquam necessarium petere, sed tanquam maxime conueniens. pro hac sententia plures Doctores adducit.

2. Mihi verò maximè arridet prima sententia, quam ipsemet Sanch. valdè probabilem dicit; tum ob rationes, quas ibi adduxi: tum quia decet beneficium Principis esse mansurum: tum, quia licèt citatio sit primus actus iudicij, non est tamen primus actus iurisdictionis; eùm ante citationem pluries exerceri iurisdicatio possit. Verùm, quia video communi Doctorum sensu probatum citationem requiri, vt res desinat esse integra, ideo in praxi indico hoc esse sequendum, quòdque defendit Mol. *tract. 5. disp. 9. num. 12. & 14. & disp. 19. num. 3.*

3. Sed dubium est, an sufficiat citationem egressam esse à delegato, etiam si parti intimata non fuerit, vt censetur res non integra?

Sanch. alios referens *num. 13.* probabilius censet sufficere. Mouetur, quia in *cap. gratum, de officio delegati,* solum requiritur, vt negotium sit quasi ceptum, quod propositum sit citationis edictum. Deinde, quia citatio tribus partibus constat, ex mandato iudicis, & ex parte citanda, seu ex euictione nuntij, & ex illius assertionem citationem scilicet, at ex his tribus solum mandatum est vsus iurisdictionis. Ergo solo illo iurisdictione radica-

tur. Item solus iudicis actus est pensandus ad perpetuandam iurisdictionem, qui perfectus est per solum actus mandatum.

4. Ceterùm retenta sententia, non per quemcunque actum iurisdictionis, sed per citationem desinere rem esse integram ad effectum perpetuandi iurisdictionem in delegato, probabilius cenleo non sufficere citationem egressam esse à iudice, nisi parti intimetur: sic docet Mol. *illa disput. 19. num. 3.* Ratio est, quia vsque parti intimetur, non est vera citatio, sed expeditio citationis, neque enim dici potest pars citata, ex eo quòd mandet iudex eam citari. Deinde, quia in *cap. gratum,* non expeditionem citationis, sed ipsam citationem factam exposculat Pòtifex, vt negotium sit quasi ceptum, inquit Urbanus III. *Nos autem inquisitioni tue taliter respondemus, quòd cum in casu priori citatione facta negotium sit quasi ceptum.* Et licèt in principio dicatur, proposito citationis edicto, hæc verba non indicant citationem non esse factam, sed potius indicant esse factam: nam si propositum fuit citationis, edictum alicui fuit propositum, atque aded aliquis fuit citatus. Adde illa verba, à parte fuerunt dicta, non à Pontifice approbata; ipse enim absolute dicit, *citatione facta.* Deinde iura exposculantia citationem, de citatione perfecta, & consummata debent intelligi: argumento sumpto ex *cap. quia propter, & cap. cum post petiitum, de electione*; sed in ratione citationis non est perfecta, & consummata, quousque ad partis notitiam deuenire possit. Ergo. At dices mandatum citationis esse citationem perfectam, quoad effectum inchoandi in iudice delegato iurisdictionem, ad cuius effectum fuit requisita. Sed respondeo non esse perfectam, quoad hunc effectum, eo ipso, quòd petatur citatio ad inchoandum iurisdictionem. Fateor, inquam, per mandatum citationis aliquo modo inchoari iurisdictionem, imperfectè quidem; sed quia non inchoatur per citationem, quæ est primus actus iudicij, ea de causa non dicitur propriè inchoari iurisdictionem ad eum effectum, vt perpetuetur mortuo delegante. Et per hæc patet responsio ad rationes oppositas. Dico ergo, nò solum iudicem exercere iurisdictionem, quando pronuntiat citationem faciendam, sed etiam quando ipse Notarius illam facit. Non enim Notarius est, qui citat, sed iudex est, qui citat partes medio Notario, sicut voce præconis legislator legem promulgat.

5. Insuper dubitari secundò poterat, an si hæc citatio fiat per edictum, seu proclama, in his casibus, in quibus de iure fieri potest, debeat esse trina, vt censetur iurisdicatio perpetuata, & res inchoata? Alicui videri posset trinam requiri, eo quòd nullus censetur citatus per edictum, quousque trina fuerit publicatio illius, iuxta *Authent. qui semel. & l. tres denuntiationes. C. quomodo, & quando iudex.* & tradit Menoch. *lib. 2. de arbitrar. cent. 5. casu 464. num. 4.* Ceterùm probabilius cenleo sufficere vnã citationem, etiam per edictum, vt intelligatur iurisdicatio delegata esse incepta; tum quia in *cap. gratum, & cap. si à subdelegato, & alijs relatis,* non exposculatur, nisi citatio: at verò illa vocatio per edictum, et si vnica sit, citatio est, licèt non sufficiens, vt condemnetur citatus. Ergo firmatur ex illa delegati iurisdicatio; & ita alijs relatis docet Sanch. *num. 14. & num. 16.* aduertit optimè citationem illam debere esse validam: nam si ex aliquo capite irrita fuerit, reputatur, ac si non facta; quod enim nullum est, nullum potest producere effectum.

6. Tertiò dubitatur, an ex eo quòd delegatus subdelegauerit causam, vel partem illius, censetur perpetuata iurisdicatio?

Pluribus, quos recenset Sanch. *num. 18.* placet esse perpetuatam, quia verè delegatus vsus fuit iurisdictione: subdelegatio enim illa facta actus iurisdictionis est. At mihi: cum eodem Sanch. ibi, & Mol. *disput. illa 9.*

num. 3. probabilius videtur firmatam non esse iurisdictionem : tum quia subdelegatio non est usus iurisdictionis delegatæ, sed est usus iurisdictionis à lege concessæ. Lex enim concedit in his, & illis casibus subdelegare : ac proinde est usus iurisdictionis non delegatæ, sed potius ordinariæ. Excipit tamen Sanchez *ibi*, nisi præsentibus partibus subdelegatio facta fuisset; quia tunc existimat talem subdelegationem citationi æquivalere. At credo hoc concedendum non esse. Nam *cap. si à subdelegato, de officio, & potestate iudicis delegati*, quo mouetur ipse ad affirmandum subdelegationem præcisè non firmare iurisdictionem delegati, non distinguit, an fuerit præsentibus partibus facta, vel absentibus, imò potius supponit ex consensu partium factam fuisse. Item subdelegatio siue sit præsentibus, siue absente, non est usus iurisdictionis delegatæ, sed à lege concessæ. Ergo semper manet res integra. Adde iura ad minus citationem ex postulare pro forma, ad firmandam iurisdictionem delegati, ut ipsemet Sanchez num. 10. fatetur. Sed cum aliquid ex postulatur pro forma, non impletur per æquipollens : ut tradit Gutierrez *canon. 99. lib. 2. tom. 2. cap. 15. à num. 112. cum seq.* Bart. in *l. nemini, C. de aduocatis diuersi iudic.* Iason in *l. si procurator, C. de procuratoribus. num. 2.* confirmat Beronius in *cap. cum sit Romana, de appellationibus. n. 78.* Denique ipsa subdelegatio non potest dici æquivalere citationi, eo quòd fiat præsentibus partibus; siquidem partes citandæ sunt denuo, ut ipse subdelegatus possit in causa procedere.

7 Quarta dubitatur, an per rescripti præsentationem desinat res esse integra, & firmetur iurisdiction?

Respondeo cum Sanchez *lib. 8. disput. 28. num. 19.* & aliis ab eo relatis, nullo modo firmari iurisdictionem; quia acceptans rescriptum, non illo utitur, sed potius se disponit ad utendum, ut manifestè constat ex *cap. in qui, de procuratoribus. in 6. ibi, post mandatum susceptum, etiamsi eo usus non fuerit.* At rescriptum firmari non potest, nisi aliquem illius usum habueris. Ergo.

8 Quinto dubitatur, quando multæ causæ distinctæ tibi in vno rescripto delegantur, vel circa vnam, vel circa diuersas personas, & vnam citationem facis, an eo ipso incepta sit quoad omnes iurisdiction?

Respondeo breuiter, si citatio illa communis fuit, eo quòd citaueris vniuersaliter, ut compareant coram te partes interessentes, tunc clarum est circa omnes causas firmatam esse iurisdictionem; quia omnes illas causas citatio comprehendit; ac proinde verum est esse illarum omnium citationem factam; si verò circa vnam tantum causam citatio facta sit, etsi non desint Doctores, qui affirmant perpetuari iurisdictionem quoad omnes, eo quòd usus sis rescripto tibi concessò, & iurisdictione data per illud. Nam esto sit citatio de vna tantum causa, videtur sufficiens ad verificandum absolutum usum illius rescripti. At probabilius censeo non perpetuari iurisdictionem, quoad reliquas, sed solum quoad illam, de qua fuit citatio facta. Quia illud rescriptum, etsi materialiter vnicum sit; at formaliter multiplex est iuxta multipliciter causarum, seu personarum, quæ in illo rescripto continentur: ac proinde ex usu illius rescripti circa vnam causam, non videtur probari illius usus absolutus quoad reliquas. Et confirmari potest ex *l. scire debemus, in princip. ff. de verborum obligat.* ubi statuitur multiplicari stipulationes ad multipliciter rerum specialiter designatarum; secus verò, si nulla specialiter designetur, etiamsi plures sub vniuersalitate comprehendat: & ita tenet Bart. in *l. more, num. 14. ff. de iurisdic. omnium iudic.* Imola *cap. pastoralis, §. quoniam, num. 9. de rescriptis.* Sanchez alios referens *lib. 8. disput. 28. num. 15.* Molin. *tractat. 5. de iustit. disput. 19. num. 4.* Excipe, nisi vna causa sit alteri annexa: nam tunc ex citatione illius perpetuatur

Ferd. de Castro Sum. Mor. Pows I.

in altera annexa iurisdiction ob connexionem, ex *l. fin. C. de duobus reis*, & tradit Panorm. *cap. licet, de off. deleg. num. 5.* Molin. *suprà.* Sanchez *n. 21.*

9 Sexto dubitatur, si constituaris iudex delegatus ad vniuersaliter aliquarum causarum, an tunc citatione facta circa vnam causam, cœpta sit iurisdiction circa omnes?

Affirmat Sanchez referens plures *num. 27.* & Molin. *disput. illa 19. num. 4.* Mouentur, quia tunc est vnicæ commissio, vnicæque iurisdiction plures causas comprehendens. Ergo utendo iurisdictione circa vnam causam, censeris uti illa circa omnes; cum enim in rescripto, & commissione facta, nulla causa specialiter designetur, efficitur sanè quando aliquam causam specialem iudicas, illam iudicare ex iurisdictione tibi vniuersaliter tradita: ac proinde iam firmas iurisdictionem communem.

Sed obiicies, ex citatione, & contestatione litis circa vnam causam, non inferitur citationem esse factam circa aliam. Ergo neque negotium quasi cœptum circa illam: ergo neque firmatam iurisdictionem respectu illius. Item parum referre videtur ad rem moralem causas singulariter esse positas in rescripto, vel vniuersaliter esse datam commissionem respectu illarum. Tum quia iurisdiction in vtraque delegatione per modum vnius datur, & potest esse æquè vniuersalis: siquidem possunt enumerari omnes causæ, quæ contigerunt illo anno in tali territorio, respectu cuius constitueris iudex delegatus vniuersalis. Tum etiam, quia in *l. quid tamen, in princip. ff. de arbitr.* plura compromissa reputantur, si compromissum plures causas comprehendat?

Respondeo ex citatione circa vnam causam non inferri esse citationem factam circa alias: at inferri te usum esse iurisdictione, quam habes circa illas; quia est eadem iurisdiction omnium. Ad confirmationem nego parum referre ad perpetuandam iurisdictionem circa omnes causas esse commissionem per modum vnius, vel plurium; siquidem quando nominantur causæ, non est vnica, sed plures formaliter commissiones: at quando causæ non nominantur, etsi æquivalenter sint plures commissiones, formaliter tamen vnica est, & consequenter incepta iurisdiction ratione vnius causæ, circa omnes censetur incepta. Ad legem *quid tamen*, respondet optimè Decius in *cap. pastoralis, §. quoniam, num. 19. de rescriptis.* reputari, inquam, plura compromissa, non verè, & propriè, sed virtualiter. Quapropter textus non dicit absolute esse plura compromissa, sed quali plura, denotans solum virtualiter esse plura.

10 Aduerte tamen cum Molin. *illa disput. 19. num. 4.* si tibi aliquod munus delegetur, cuius exercitium citatione non indiget, quale reputari solet, munus visitandi prouinciam aliquam religiosorum; tunc prima muneris illius executione circa aliquid eorum, ad quæ id munus se extendit, dicitur iurisdiction incepta, quia non habet alium modum inceptionis.

11 Ex his deducitur, quando rescripta gratiæ dicantur esse in statu integro, & quando in statu inceptionis; cum enim in his rescriptis non habeat locum citatio iudicialis, sed loco illius succedat vocari partem, cum qua est dispensandum, eo ipso, quo authoritatiuè illam voces, censetur iurisdiction incepta. Item si mandes informationem fieri de veritate precum, quia iam est usus authoritatiuus rescripti. Nullo tamen modo per præsentationem rescripti censeo rem inceptam esse, quia præsentatio rescripti non est usus iurisdictionis per illud concessæ, sed est dispositio ad illius usum. sic Felin. *cap. pastoralis, §. quoniam, num. 3. de rescriptis.* Sanchez *lib. 8. de dispensationibus, disput. 28. num. 20.*

X

Sed

Sed quid si rescriptum plures personas contineat, censetur ne ex dispensatione vnius res incepta, quoad alias?

Respondeo iuxta superius dicta censi, si vocasti communiter omnes, vel aliquem alium actum communem omnibus feceris; secus verò si totum negotium circa vnam personam actum est, & rescriptum plures personas continebat. sic relato Felin. Angel. Syluest. & aliis docet Sanchez num. 29.

§. II.

Quando dicatur gratia facta, quando facienda.

- 1 Sumitur decisio ex cap. si cui, de prebend. in 6.
- 2 Obstat Suarez.
- 3 Defenditur, ut probabilior modus dicendi Sanchez. Et rationibus contrariis fit satis.
- 4 Limitatur doctrina, ut procedas de facultate, & mandato prouidendi certa persone, & de certo beneficio.
- 5 Neque intelligitur gratia facta, quousque acceptata sit.

VT videamus, quando rescripta gratiæ permanent morte concedentis, præsupponendum est, quando dicantur habere rationem gratiæ factæ, quando faciendæ.

Resolutionem huius facultatis colligunt DD. ex cap. si cui, de prebend. in 6. ubi deciditur facultatem alicui concessam prouidendi personas idoneas de beneficiis vacaturis esse factam gratiam; quia cum prouidendæ personæ non nominentur, tota gratia videtur esse illius, cui conceditur facultas, ac proinde non expirat morte concedentis; secus verò si super prouisione certæ personæ faciendæ, sit data potestas eidem non ob suam, sed eius, cui prouideri mandatur, gratiam, vel fauorem: illa quidem expirat omnino, si concedens re integra moriatur. Quia illa facultas non censetur gratia illius, qui de beneficiis prouidere debet; quia non datur ei libera facultas prouidendi, quem voluerit, vel de beneficiis, quæ voluerit; sed potius censetur gratia illius, qui prouidendus est, quia in eius utilitatem, & commodum cedit: quæ cum non reputatur facta, sed faciendæ, ea de causa perit morte concedentis re integra, circa quem textum obseruat Sanchez lib. 8. disp. 28. n. 87. illam facultatem, quæ tibi datur de prouisione certæ personæ in aliquo beneficio, vel de absolutione, aut dispensatione aliqua faciendæ in fauorem eius, qui prouidendus, aut dispensandus est, esse gratiam faciendam, si liberè uti possis illa facultate: at si tenearis ex præcepto, & mandato (inquit) illam gratiam præstare, erit gratia facta. probat quia in priori casu nemini est ius quæsitum per illas litteras non dispensaturo, quia in eius fauorem illa facultas non conceditur, ut suppono, non dispensando, quia relinquitur arbitrio dispensantis, vel ut ne dispensare? Ergo non habet ius ad dispensationem, ac proinde non est gratia ei facta: at si minister necessarius sis, iam censetur gratia facta dispensando, & solum exigitur tunc executio, quam negare non potes.

2 Sed aduersus hunc modum dicendi insurgit Suarez lib. 8. de leg. cap. 3 n. 13. quia esse ministerium necessarium, seu ex obligatione, potius videtur ob stare gratiæ factæ, quàm illam statuere. nam illa necessitas transit in mandatum: mandatum autem perit morte mandantis re intacta, ex cap. gratum, cap. relatum, de off. deleg. & l. mandatum, C. mandatis. Et confirmat, quia difficile creditur est, ut licentia data Sacerdoti ad te absolvendum in tui fauorem sit gratia faciendæ, & pereat, si nullum Sacerdoti præceptum de tali confessione audienda imponatur, & sit gratia facta, & duret, si præceptum imponatur, cum præceptum pereat morte mandantis. Propter hæc Suarez n. 18. censet spectandum esse, ad quem rescriptum

directè referatur. Nam si dispensaturo referatur directè, ut te à peccatis absoluat, vel tecum dispense, etiam si in fauorem tui datum illi sit rescriptum, affirmat non esse gratiam tibi factam, sed faciendam, quia per tale rescriptum solum videtur tibi paratam esse causam, quæ gratiam illam debet conferre. At si rescriptum ad te referatur, ut ratione illius eligas Confessorem, qui tecum dispense, vel absoluat, vel de beneficio prouideat, gratia censetur tibi facta, siue Confessor teneatur dispensare, absolueret, & prouideret, siue non; quia illa facultas tibi per rescriptum concessa, est quasi dispensatio facta in re. Et idem tenet noster Molin. tract. 5. de iustit. disp. 20. num. 4. D. Sahagun de Villafranc. in cap. relatum, de off. deleg. n. 14.

3 Cæterum retinendus est, ut probabilior, modus dicendi Sanchez, quem sequitur Nicol. Garc. 6. p. de benefic. cap. 2. §. 3. n. 304. Non enim attendendum est, ad quem rescriptum gratiæ referatur, sed cui gratia in effectu fiat: in effectu autem fit gratia dispensando, siue rescriptum referatur ad dispensantem, siue ad dispensandum, cum in fauorem solum dispensandi latum sit. Quid enim tua interest dari huic Sacerdoti licentiam, & mandatum te absolvendi, & dispensandi, &c. in tui fauorem, si volueris ad illum accedere, & elegeris in Confessorem, quàm dare tibi potestatem eligendi illum in Confessorem, qui tecum dispense, &c. Imò, si bene aduertis, in utroque casu datur potestas Sacerdoti ad tuam electionem. Ergo si in vno casu est gratia facta, in utroque debet esse. Quocirca existimo non solum rescriptum, in quo tibi conceditur beneficium primò vacaturum, esse gratiam factam, si mandetur ordinario ut te prouideat, sed etiam si econtra dirigatur mandatum ad ordinarium, ut te de primo beneficio vacaturo prouideat, quia in utroque casu non tam ordinarius tibi confert gratiam, quàm exequitur gratiam à Pontifice factam. Neque obstant rationes adductæ pro modo dicendi Suarez. Fateor enim mandatum expirare morte mandantis, & minuere gratiam, si fieret illi, cui imponitur mandatum: at cum gratia non fiat ei, sed alteri, & ut firmitatem habeat, imponitur executuro mandatum, mandatum non minuit gratiam, sed potius auget. Neque difficile creditur est facultatem in tui fauorem Sacerdoti concessam ad te absolvendum, imposito præcepto de excipienda tua confessione esse gratiam factam tibi; secus verò si nullum sit illi præceptum impositum, quia quando nullum est præceptum impositum, non habes ius ad illum cogendum, ut tuam confessionem excipiat; secus verò posito præcepto.

4 Supradictam doctrinam limitant Rota, Gigas, Mandos. Grassis, & alij. quos refert, & sequitur Nicol. Garc. d. 6. p. de benefic. cap. 2. §. 3. n. 301. & docet Molin. tract. 5. disp. 20. n. 2. circa fin. ut intelligatur de facultate, & mandato prouidendi certæ personæ de certo beneficio. Et idem est de facultate cum aliquo dispensandi in re certa, & determinata: alijs dicunt non esse gratiam factam, sed faciendam; quia cum non determinetur, in quo gratia fiat, non potest dici facta, sed faciendæ, & videtur probari ex supradicto cap. si cui nulla, vers. sicus, ubi non censetur gratia prouidendi facta, potestas data alicui super eius prouisione, quia non determinatur, cuiusnam beneficii debeat esse prouisio. Neque obstat, quod Hieronym. Paulus in pract. Cancell. vers. prestantissime Doctor. & Rebuff. in concord. rubr. de mandato Apostolicis, §. 1. verbo fuit purificatus. Gutierrez, lib. 2. canon. qq. cap. 17. num. 5. Thomas Sanchez alios referens illa disp. 28. num. 87. excludant hanc limitationem, & affirmant supradictum textum si cui, debere intelligi de facultate simplici absque mandato prouidendi certam personam de beneficio siue certo, siue incerto; quia, ut bene aduertit Nicol. Garcia num. 302. violatur illa interpretatione littera textus: siquidem ibi dicitur mandatur.

5 Secundò limitari non potest, ut non intelligatur gratia facta, quousque acceptata sit ab eo, cui gratia sit; quia hæc est quædam donatio, quæ non censetur facta, quousque interueniat donatarij acceptatio: sic docet Bonacina *diffus. 1. quæst. 3. punct. 8. §. 1.* Cæterum reicienda est hæc limitatio, & affirmandum est, esse integrè gratiam factam, quatenus est ex parte concedentis, etsi acceptatio non interuenerit; acceptatio enim requiritur, non ut gratia fiat, sed ut fiat firma, neque reuocari possit pro libito: & ita docet Sanchez *lib. 8. diffus. 28. num. 43. & 69.* Suarez *lib. 8. cap. 31. num. 21.* & ferè nullus est, qui hanc acceptationem requirat, ut gratia facta dicatur.

§. III.

An rescriptum iustitiæ, seu iurisdicção delegata expiret finita iurisdicção in delegante.

- 1 Si res delegata integra sit, perit; secus si non sit integra. Quid procedit, tametsi delegatus ignoret iurisdicçãoem delegantis expirasse.
- 2 Quid si ignorantia populi comitatur.
- 3 Extenditur doctrina, etiamsi sit delegatus à Principe: & etiamsi dixerit delegas, quousque reuocauero, imò etiam si partes consentiam.
- 4 Quid si delegatus aliquem subdelegauit, peribit ne iurisdicção in subdelegato morte delegantis, si superest primus delegans? Proponitur triplex sententia.
- 5 Eligatur secunda sententia, ut probabilior expirare iurisdicçãoem in subdelegato.
- 6 Quid si primus delegans moriatur, postquam subdelegatus uti incepit iurisdicçãoem? Sub distinctione respondetur.
- 7 Apponuntur aliqua declarationes superioris doctrina.

1 **S**I res delegata integra sit, perit rescriptum iustitiæ, & iurisdicção delegata; secus verò si non sit integra: decisio est expressa in *cap. gratum, cap. relatum, cap. licet undique, de off. deleg. cap. vit. §. vit. de off. legat. cap. si cui nulla, de prebendis, in 6. & l. & quia, 6. ff. de iurisdic. omnium iudic. l. 21. tit. 4. part. 3.* Ratio est, quia esto delegatus iurisdicçãoem acquirat per rescriptum, non radicatur in illo, quousque illa uti cœperit, neque quando illa incepit uti, utitur ut iurisdicçãoem sibi propria, sed ut quid delegantis, quod satis constat ex *cap. quamuis, de officio delegati, in 6. ibi, cum iurisdicção, ex quo ipse usus non exiit, non censetur in eum efficaciter transiisse.* Ergo pereunte iurisdicçãoem perit iurisdicção delegata, si res sit integra. Dubitant tamen aliqui, an pereat ipso iure cessare. Tum quia textus, & ratio allegata id probat, & in officio conseruatorum expresse deciditur, in *cap. hac constitutione, versic. officium, de offic. delegat. in 6.* Quod adeò verum est, ut etiamsi delegatus ignoret iurisdicçãoem in delegante expirasse, & ex hac ignorantia citationem faciat, & sententiam pronuntiet, citatio, & sententia nullam vim habeant: sic Couarr. *quest. practicar. cap. 11. num. 2.* & testatur esse omnium Maranta *de ordin. iudic. 4. part. distinct. 5. tit. an sit iudicium ordinarium.* Gregorius Lopez *l. 21. tit. 4. part. 3. glossa 1. in fine.* Panormitanus *cap. gratum, de officio deleg. num. 10.* Molin. *tractat. 5. diffus. 19. num. 2.* ubi testatur esse communem.

2 Quod intelligendum est, dummodo ignorantiam delegati, non comiteretur ignorantia populi. Nam si adest communis error, & ignorantia cessat iurisdicçãoem in delegante, sufficit, ut gesta per ipsum delegatum valeant, ut multis relatis docet doctissimus Thomas Sanchez *lib. 3. de matr. diffus. 22. n. 59.* Molin. *diff. 21. num. 2.* Basilius de Leon optimè *lib. 5. de matrim. cap. 24. Ferd. de Castro Sum. Ador. Pars 1.*

num. 2. Aduerto tamen per citationem, aut contestationem licet illo tempore factam non firmari iurisdicçãoem in delegato, quia firmari non potest iurisdicção, quæ iam non est; delegatus enim nullam, ex rescripto habet iurisdicçãoem, solum enim illam habet ex communi errore vulgi in ordine ad validitatem actuum, quos fecerit ob communem vtilitatem, ex *l. Barbarus, ff. de officio prator. & tradit plures referens Richard. §. sed cum aliquis, Inst. de testam. num. 10.* & Basilius de Leon *lib. 5. cap. 24. num. 4.*

3 Extenditur autem supradicta doctrina, siue delegatus sit à Principe, siue sit ad vniuersitatem causarum; semper enim perit iurisdicção, pereunte in delegante, quia ratio facta, & textus allegati id probant, ut bene tradit Maranta *de ordin. iudic. 4. part. distinct. 5. an iudicium sit ordinarium, vel delegatum, n. 61.* Sanchez *lib. 8. diffus. 28. de matrim. num. 33. & 34.* Basilius de Leon *lib. 5. de matr. cap. 23. num. 14. & 16.* & alij ab eisdem relati. Secundò extenditur, etiamsi dixerit, quousque reuocauero habeam hanc potestatem; cessat enim in te delegato, morte delegantis, si res sit integra; secus verò, si uti cœpisti iurisdicçãoem. Sanchez *supra n. 54.* At si tibi commissæ est facultas, & rescriptum iustitiæ ad beneplacitum concedentis; cessat etiamsi illo uti cœperis, quia deficit conditio, scilicet voluntas concedentis, sub qua fuit iurisdicção concessa, ut ipsemet Sanchez notat. Tertiò extenditur perire iurisdicçãoem delegati; etiamsi partes consentiant, quia partes non dant iurisdicçãoem, neque possunt prorogare iam extinctam; ad summum enim possunt in illum consentire, tãquam in arbitrum, constat ex *l. priuato, C. de iurisdic. ibi, sanè si partes actis ab hoc legato (scilicet, qui iam priuatus est) consentiant, valent illa non in vim sententia, sed contractus.* & tradit innumeros referens Thom. Sanchez *diff. 28. num. 41.* Morla *l. 2. in pralud. num. 98.* Basilius de Leon *lib. 5. de matrim. cap. 23. n. 17.*

4 Sed quid si delegatus aliquem subdelegauit, expirauit ne iurisdicção in subdelegato, morte delegati, superstiti primo ordinario delegante, si res sit tam in subdelegato, quàm in delegato integra? Quadruplex sententia refertur à Sanchez *lib. 8. n. 36.* & omnes sentit esse probabiles. Prima affirmat, non expirare iurisdicçãoem in subdelegato, quia iurisdicção in primo delegante non expirauit, & in illo specialiter debet radicari iurisdicção in subdelegato. Secunda censet expirare iurisdicçãoem, quia non fuit in subdelegatum efficaciter transiit: illa: siquidem illa uti non cœpit, ac proinde manet penes delegatum. Ergo pereunte in illo, perit in subdelegato. Tertia distinguit, si subdelegatio facta est in totum, scilicet committendo omnes vices suas, tunc censet non perire in subdelegato; secus verò si solum partem delegationis commiserit, quia committendo omnem causam, abdicauit à se iurisdicçãoem, ac proinde radicatur in primo delegante; secus verò committendo partem, ex *cap. super questionum §. porro, de off. deleg.* Quarta sententia, cui ipse Sanchez ut probabiliori adhæret, sentit, si delegatus subdelegauit ex commissione sibi facta à primo delegante, non perire iurisdicçãoem subdelegati, morte delegati: superstiti primo ordinario delegante, siue commiserit partem causæ, siue rotam causam; quia tunc subdelegatus non videtur esse substitutus delegati, sed primi ordinarij delegantis: at si nomine proprio subdelegauit, sine speciali commissione, censet perire iurisdicçãoem subdelegati.

5 Inter has sententias, quæ verè probabiles sunt, mihi magis placet secunda, scilicet spirare omnino iurisdicçãoem in subdelegato, quam tenuit Anchar. in *cap. licet undique, de off. delegat. quæst. 5.* Molin. *tract. 5. diffus. 21. versic. si priori modo.* Moueor ratione pro illa sententia adducta, quia dum subdelegatus uti non cœpit

iurisdictione sibi commissâ à delegato delegante, non fuit in illo radicata iurisdictione; sed penes delegatum delegantem manet, ita ut pro libito possit subdelegationem reuocare, vel causam reassumere, si subdelegatus moriatur, ut habetur expressè *cap. quamuis, de off. deleg. in 6.* Ergo si perit delegati iurisdictione, peribit & subdelegati, quæ alia non est, & hoc siue nomine proprio, siue ex commissione expressâ ordinarij subdelegauerit; quia hæc commissio impertinens esse videtur ad perpetuandam iurisdictionem, si aliunde ab ipso iure habeat delegatus eam facultatem subdelegandi, quam ab speciali commissione recipit. Solum excipio, si ordinarius dixerit, ex nunc illi delego, cui tu delegatus vires commiseris; tunc enim ipsemet ordinarius subdelegare, vel potius delegare intelligitur; & ille signatus non tam erit subdelegatus, quam delegatus, ac proinde iuxta regulas delegati merienda est eius iurisdictione, & tradit alios referens Basilius de Leon *lib. 5. de matrim. cap. 26. à num. 14. sed præcipue num. 16.*

6 Quid si primus delegans moriatur, postquam subdelegatus uti incipit iurisdictione sibi commissâ, sed antequam delegatus illa usus fuerit?

Respondeo, si subdelegatio fuit absoluta, neque aliquam iurisdictionem in causa sibi delegatus seruauit, tunc perseverat iurisdictione in subdelegato. Ratio est manifesta, quia per usum iurisdictionis radicata fuit in subdelegato iurisdictione, & consequenter facta fuit independens à primo delegante, & à delegato, & videtur colligi argumento à contrario ex *cap. si à subdelegato, de off. deleg. in 6.* sed clarè deciditur in *cap. si delegatus, eodem tit. in 6.* ibi, nam talis commissio, per quam censetur etiam sententia prolatio committi, nequaquam morte committentis expirat, ex quo res integra non existit. & tradit alios referens Sanchez *lib. 8. disput. 28. num. 37.* Molin. *tract. 5. disput. 21. num. 4.* At si subdelegatio non fuisset absoluta, sed sub hac forma, usque ad beneplacitum meum, vel quousque ego voluero, aut fuerit mea voluntas; tunc morte delegati expiraret iurisdictione in subdelegato, etiam re non integra, quia defecit conditio subdelegationis: constat ex *cap. si gratiosè, de rescript. in 6.* & affirmat gloss. in *cap. si delegatus, de officio delegati, in 6.* & tradit Molin. *supra*, & est communis.

Quod si delegatus uti cœperit iurisdictione commissâ, antequam subdelegauerit, & subdelegatione facta, priusquam subdelegatus subdelegatione usus fuerit, moriatur primus delegans, non obinde extinguitur iurisdictione in subdelegato, sed illa uti poterit, quia illam non habet à primo delegante, sed à delegato, cuius iurisdictione firmata fuit in delegato per usum illius: sic colligitur ex *cap. si delegatus*, & tradit Sanchez alios referens *num. 38.*

7 Quadrupliciter temperatur supradicta doctrina de cessatione iurisdictionis delegatæ morte delegantis re integra, à Sanchez *lib. 8. disp. 28. num. 42. 43. & 44.* Primò ut intelligatur, quando datur noua potestas per delegationem. Nam si solum excitatur per commissionem potestas antea habita, non peribit morte delegantis. & bene, quia non habet ex delegatione potestatem, sed solum mandatum exercendi iurisdictionem, quam habet. Ergo solum mandatum peribit, & non iurisdictione. Secundò temperat, nisi iurisdictione delegata sit accessoria gratiæ iam factæ. cum enim, ut postea dicemus, non pereat gratia facta, morte concedentis, neque iurisdictione data ad illius executionem perire potest: tum, quia accessorium sequitur naturam principalis: tum, quia gratia redderetur inutilis, si simul cum illa non concederetur potestas, quæ accessoria est ad illius executionem. Tandem quia ita deciditur in *cap. si super gratia, de off. deleg. in 6.* Tertio temperat, nisi ea potestas delegata, commissâ sit nomine dignitatis: nam cum hæc semper

permaneat, & iurisdictione ab illa concessa semper permanere debet. Quando autem intelligatur facultas data nomine dignitatis, quando nomine personæ, ex supradictis constat, & ex dicendis statim ampliùs elucidabitur. Adde si delegatus lege aliqua constitutus sit, perseverat delegatio, quando lex perseveret. sic Molin. *tom. 5. de iustit. disp. 19. num. 5. sine.* cum Panorm. & aliis in *cap. irrefragabili, §. ceterum, de off. ordin.* Ex qua doctrina infert Molin. ut quotiescumque in Concilio Tridentino, aut alibi Episcopis committitur, ut procedant tanquam Sedis Apostolicæ delegati, etiam si nunquam processerint, quia casus non occurrit, poterunt mortuo Pontifice conditore illius canonis procedere, quia lex perseverat, & consequenter iurisdictione data per illam. Quartò imperari potest in delegatis ad res fidei cognoscendas, cuius iurisdictione non perit morte concedentis re integra ob fauorem fidei, & religionis: habetur expressè *cap. ne aliqui, de heret. in 6.* & tradit Decius *cap. pastoralis, §. quoniam, num. 18. de rescript.* lafon *l. more, num. 65. ff. de iurisdic. omnium iudic.* Sanchez *lib. 8. de matrim. disp. 28. num. 27.*

§. IV.

An rescriptum gratiæ absolutè concessum
expiret finita iurisdictione
concedentis.

- 1 Si gratia facta sit non expirat, secus si sit facienda.
- 2 Licentiam tibi datam in fauorem penitentium ad audiendas illorum confessiones, qui affirmant perire morte concedentis.
- 3 Probabilius est oppositum, & sit satis contraria rationi.
- 4 Quod si indultum sit de absolutione facienda alicuius certæ personæ, communis sententia docet perire morte concedentis re integra.
- 5 Non videtur carere probabilitate oppositum, tamen si in praxi non consulendum.
- 6 Satisfit rationi communis sententia.
- 7 Quid de facultate tibi concessa eligendi Confessorem? Resoluitur non perire.
- 8 Idem procedis in dispensationibus, quæ committuntur ordinarijs, si preces veritati nuntiant.
- 9 Quid de mandato, ut providearis in aliquo beneficio tunc vacante? Qui censeant expirare.
- 10 Probabilius est oppositum.
- 11 Idem dicendum de facultate, & licentia testandi Episcopis concessa.
- 12 Item de facultate à Rege concessa instituendi maiora-tum.
- 13 Dupliciter gratia, & priuilegium concedi potest. Primò cum aliqua limitatione. Secundò absolutè, si priuilegium, & gratia absolutè concedantur.

1 **R**egula communis est, & omnino certa, si gratia facta sit, non expirare finita iurisdictione concedentis; secus verò si sit facienda; colligitur ex *cap. si super gratia, de off. deleg. in 6.* & *cap. si cui nulla, de prebend. in 6.* & tradunt ex supradictis textibus, præcipue ex *cap. si cui nulla, gloss. ibi, notab. 1.* Archidiaz. ad fin. vers. secus facienda. Decius in *cap. relatum, de offic. deleg. n. 3.* & in noua edit. n. 21. Nauarr. *cap. 27. n. 253. vers. 9.* & *lib. 1. consil. in 2. edit. tit. de off. deleg. consil. 2. n. 1.* Gutierrez. *lib. 1. canonic. 99. cap. 15. n. 24.* & *lib. 2. cap. 17. à princ.* Molin. *lib. 2. de primogen. cap. 7. n. 63.* Rebuff. in *pract. tit. de gratia, 2. p. §. rationi congruit.* Thom. Sanchez *lib. 8. de matrim. disp. 28. num. 64.* Suarez *lib. 8. de leg. cap. 31. n. 1.* & alij plures ab eisdem relati. Quando autem sit gratia facta, quando facienda, iam supra diximus. Sed ut res clarior fiat, ad aliquos casus, in quibus potest esse aliqua difficultas, deueniamus.

2 Primus est de licentia, & facultate tibi data à Pontifice, Episcopo, vel parcho audiendi confessiones in fauorem pœnitentium, an pereat morte concedentis, vel finita eius iurisdictione?

Perire affirmat Philiar. *de offic. Sacerd. tom. 1. p. 2. lib. 2. c. 24. ad fin.* & de licentia data per Episcopum, seu alium Papa inferiore, docet Nauarr. *summ. Hispan. cap. 27. num. 264.* D. Antonin. 3. p. 111. 17. cap. 9. fin. Vgolm. *de off. Episc. cap. 36. §. 10. n. 3.* & alias *cap. 26. §. 21. n. 21.* & de licentia data à parcho alteri Sacerdoti, docet noster Molin. *ur. §. de iustu. disp. 20. n. 5.*

Præcipuum fundamentum est, quia iurisdictione delegata perire morte concedentis, si res fuerit integra, quia non raditur in delegato, sed manet penes delegantem, quousque delegatus ea vi cœperit. Ergo similiter hæc iurisdictione ad audiendas confessiones, ad dispensationes faciendas, perire concedentis morte; siquidem est iurisdictione delegata. Item hæc facultas semper videtur data in gratiam pœnitentium; sed illis non est gratia facta, sed faciendæ. Ergo perire morte concedentis.

3 Cæterum longè probabilius est licentiam concessam Sacerdoti, audiendi confessiones pœnitentium, per Pontificem, vel Episcopum, vel parochum, non perire morte concedentis. Quia est gratia, & fauor factus, præcipue ipsi Sacerdoti, potius quàm pœnitentibus, cum non sint ipsi expressi, & nominati, & ad ipsorum petitionem: gratia autem facta non perire concedentis morte, ut diximus. Ergo. Et ita tenet Thomas Sanchez *illa disp. 28. num. 72.* Nicol. Garcia 6. p. de *benefic. cap. 2. n. 321.* Salas *de legibus, disp. 20. sect. 17. vers. dico sexto.* Suarez *lib. 8. cap. 31. num. 3.* & *cap. 32. n. 9.* Aegid. de Coninch *disp. 8. dub. 10. num. 72.* Saa *verbo gratia, num. 4.* Basil. de Leon *lib. 8. de matrim. cap. 19. §. 1. n. 1.* & alij plures, quos ipsi referunt. Et licet aliqui ex illis solum in generali de licentia concessa loquantur; alij verò expressè dicunt, etiam si à parcho concessa fuerit, non perire; quia nulla est in hoc ratio differentie. Et exempli gratia, de privilegiis, & gratiis Pontificum iura loquuntur, non quia ad sola privilegia Pontificis sit limitandum. sic Nicol. Garcia, Basiliius, Aegidius, Sanchez *suprà.* Suarez *cap. 32. num. 9.*

Neque obstat fundamentum contrarium. Fatemur iurisdictionem delegatam, si sit in materia iustitiæ, perire morte concedentis; quia ita deciditur in *cap. gratum, cap. relatum, cap. licet, de off. deleg.* at cum in materia gratiæ nihil determinetur, non debet morte concedentis perire. Adde in materia iustitiæ totam iurisdictionem delegatam censi factam in fauorem, qui iudicandi sunt, non in fauorem ipsius iudicis; secus verò in delegatione gratiosa.

Ad confirmationem respondeo non solum in gratiam pœnitentium, sed Confessoris datam esse, quando persona non determinatur.

4 Secundus casus est, si detur tibi indultum, ut absoluas aliquas determinatas personas, vel cum illis dispenses ob illarum fauorem: an tunc si res integra sit, expiret morte concedentis à Sanchez *lib. 8. disp. 28. num. 73.* ex communi sententia sentit expirare, consentit Garcia 6. p. *cap. 2. n. 327.* Bonacina *disp. 1. q. 3. p. 8. §. 1. n. 25.* Moventur, quia tunc est gratia faciendæ, & non facta, quæ expirat morte concedentis re integra, ex *cap. si cui nulla, de præbend. in 6.*

5 Fateor hanc esse communem sententiam, & in praxi consulendam: at reputo satis probabile, & securum in conscientia tibi indultum non perire; censeo enim potestatem tibi datam ad dispensandum, vel absolvendum, non solum esse gratiam illius, cui est absolutio, vel dispensatio concedenda, sed etiam tui, siquidem tu ut magis idoneus electus es ad illam dispensationem concedendam: & ita tenet Emanuel Saa *verbo dispensatio, num. 6.* in editione genuina, & reformata, & indi-

Ferd. de Castro *Sum. Mor. Pars I.*

cat *verbo gratia, num. 4.* Salas illum referens *disp. 20. sect. 17. fin.* & in potestate ad absolvendum probabilius censet Suarez *cap. 31. num. 18. ad finem.* inclinari maximè, & securum reputat Basiliius de Leon *lib. 8. de dispensat. cap. 19. §. 1. n. 5. & n. 8.* absolute eam tenet.

6 Neque obstat textus in *cap. si cui nulla, de præbendis, in 6.* ibi enim solum deciditur, facultatem concessam alicui super provisione cœpæ personæ faciendæ expirare, si non ob suam, sed eius, cui provideri mandatur, gratiam, & fauorem sit concessa: quare si non solum ob gratiam eius, cui provideri mandatur, sed etiam ob provisionem facultas concedatur, gratia non expirat. At cum facultas absolvendi, & dispensandi videatur, non solum in fauorem dispensandi, & absolvendi, sed etiam in fauorem absolventis, & dispensantis fieri, perseverare dicendum est; quia saltem ex vna parte iam est gratia facta, scilicet ex parte dispensantis: & cum hæc perseverare non possit, nisi simul perseveret gratia faciendæ dispensando, utraque perseverat, ut multis allegatis probat Sanchez *lib. 8. disp. 28. num. 80. & 81.* Adde satis probabile videri, quamlibet facultatem datam alicui ad effectum causandum in alio esse gratiam factam illi, cui data est talis facultas, etiam si ex speciali intentione ad alium referatur, ac proinde non perire morte concedentis, nisi in his casibus, in quibus ex iure aliud colligitur, qui solum duo sunt. Primus in materia ambiciosa, qualis est beneficalis, ex *dicto cap. si cui nulla, & cap. si super gratia, de officio delegat. in 6.* Alius in materia fori contentiosi; ut in *cap. gratum, cap. relatum, de officio delegat.* ad quem reducuntur externi contractus, & negotia humana, & aliæ leges, quæ statuunt mandatum expirare morte mandantis. sic Suarez *lib. 8. cap. 31. n. 14.* & ex illo Basil. de Leon *lib. 8. cap. 19. §. 1. n. 5.*

7 Tertius casus est de facultate tibi concessa eligendi Confessorem, siue determinatum, siue indeterminatum, qui à reservatis absoluat, vel tecum dispense: an, inquam, hæc facultas pereat morte concedentis re integra? Et dicendum est nullo modo perire, quia est gratia iam facta tibi, & beneficium legitime à te possessum, ratione cuius potes Sacerdotem eligere; sic tenet Nauarr. *cap. placuit, de pœnitent. distinct. 6. num. 35. & 161.* Henriquez *summ. lib. 7. cap. 21. §. 6.* Suarez 4. tom. de *pœnitent. disp. 26. sect. 3. num. 7.* & *lib. 8. de legibus, cap. 31. num. 3. & 19.* Sanchez *lib. 8. disp. 28. num. 72. & 75.* Nicol. Garc. 6. p. de *benefic. cap. 2. n. 315.* Basiliius de Leon *lib. 8. cap. 19. §. 1. num. 7.* & alij, quos ipsi referunt, quamvis contra teneat Angel. Philiar. cus, Gomezius, & alij relati à Garcia *num. 316.* in licentia concessa per Episcopum, aut alium Papa inferiore. Quæ doctrina procedit à fortiori in facultate eligendi Confessorem data per Iubilæum; quia huiusmodi facultas est accessoria indulgentiæ, seu facultas lucrandi indulgentiam, quæ cum sit gratia iam facta, & morte concedentis non expirat, ut est communis sententia; neque etiam potestas eligendi Confessarium, quæ illi est accessoria. Item in facultate concessa eligendi Confessorem per Bullam Cruciatæ, constat non expirare morte Pontificis concedentis: tum quia est gratia iam facta Regi, in cuius fauorem, pro expeditione belli contra infideles conceditur, tum quia conceditur pro tempore determinato: sic Sanchez alios referens *num. 78.* Basiliius de Leon *num. 9.* Garcia *num. 317. & 318.* Item in facultate recipiendi ordines extra tempora, vel non servatis interstitiis, celebrandi in privato oratorio, comedendi carnes diebus prohibitis, & aliis similibus, quia hæc omnes sunt gratiæ factæ ipsi, cui tales facultates conceduntur, ac proinde perire non possunt morte concedentis, ut supradicti Doctores autumant.

X ;

8 Quar

8 Quartus est de dispensationibus, quæ committuntur ordinariis, si preces veritati nitantur; dicendum, inquam, est expediri posse ab ordinariis, quia est gratia facta ipsi dispensando, etiam si res fuerit integra, quando Sedes Apostolica vacauerit, sic Basilus num. 7. Sanchez num. 87. Garcia num. 312. Molin. tract. 5. disput. 20. num. 4. Salas disp. 20. sect. 17. num. 125. Suar. lib. 6. de leg. cap. 17. num. 9.

9 Quintus est, si pro te à Pontifice, vel eius Legato detur mandatum, ut providearis in aliquo beneficio tunc vacante, an hæc gratia, & mandatum expiret morte concedentis re integra? Videtur expirare, quia mandatum morte mandantis expirat. l. mandatum, C. mandati, & §. recte. Instit. eodem tit. cap. gratum, cap. relatum, de officio delegati. Item quia text. in cap. si cui nulla, videtur id decidere: siquidem dicitur, si super prouisione certæ personæ faciendæ detur potestas alicui, & res fuerit integra, cum concedens moritur, perire gratiam: & ita tradit Staphileus de literis gratiæ, tit. quibus modis spirent litteræ ad beneficia, in princ. num. 1. & 2. Zerola 2. p. praxis Episcopalis, verb. delegatus, §. 1. Thom. Sanch. inclinatur lib. 8. disp. 28. num. 43. 64. & 81. Emar. Rodriq. qq. reg. tom. 1. quest. 9. art. 1.

10 Nihilominus, etsi supradicta sententia sit probabilis, probabilior mihi videtur non perire tale mandatum. Quia eo ipso, quo de prouisione certi beneficii obtinuisti mandatum, acquisisti ius ad rem ad supradictum beneficium, quod ius maxima gratia reputari debet; ac proinde non cessat morte concedentis re integra, ex cap. si super gratia, de officio deleg. in 6. & tradit Gigas de pensionib. q. 91. n. 4. Gutier. lib. 2. can. qq. cap. 17. n. 5. Henric. sum. lib. 14. cap. 17. num. 7. Thom. Sanch. supra n. 87. Mandos. reg. 10. q. 2. num. 4. Nicol. Gar. 6. part. de benefi. cap. 2. n. 300. & alij plures ab eisdem relati. Et ad rationem in contrarium facile responderetur, expirare quidem mandatum morte mandantis, quando non est gratiæ factæ annexum; secus verò, si datum sit pro illius executione. Textus autem in cap. si cui nulla, loquitur quando non pro certo beneficio, sed incerto, & posito in electione mandatarij conceditur mandatum, quia tunc non videtur gratia facta certa, & determinata, sed faciendæ, ut ex Rota, Gigas, Mandos. Rodriq. & aliis docet Garc. num. 30. vel potest dici loqui text. quando non datur propriè mandatum, sed solum licentia, & facultas, quia tunc non est executor necessarius, sed voluntarius; ac proinde cessat morte concedentis re integra: sic ex Hieronym. Paulo, Rebuf. & aliis docet Sanch. num. 87. 95. Adde supradictam doctrinam procedere, etiam si detur mandatum de prouisione certæ personæ, ad certum beneficium cum causæ cognitione, & citatione partis. Quia semper habet rationem gratiæ factæ, & executoris potestas accessoria gratiæ reputatur, sic ex Paulo, Rebuf. Gutier. Sanch. num. 88. Garcia n. 303. Quocirca si tibi sit gratiæ rescriptum concessum, ratione cuius assignatur certa pensio super aliquod beneficium, non spirat hoc rescriptum morte Pontificis concedentis; sed executor poterit ad illius executionem procedere: sic Gigas de pensionibus, q. 91. Gutier. lib. 2. can. qq. cap. 17. n. 5. Sanch. num. 88. Garc. num. 310. si tamen committeretur assignatio pensionis, quæ executori videbitur, tunc in opinione Garciz, Mandosij, Roderici, & aliorum expirat, quia non censetur gratia facta, siquidem non est de re certa, & determinata. At in opinione Sanch. quæ satis probabilis videtur, non expirat; quia non est levis gratia habere mandatum super prouisione incerti beneficii.

11 Sextus est de facultate, & licentia testandi concessa Episcopis à Papa; quæ cum sit gratia facta, non spirat morte Papæ concedentis re integra: sic Ioann. Gutier. lib. 2. pract. q. 75. noster Mol. de iustit. 1. tom. tract. 2. disp. 241. ad finem. Sanch. lib. 8. disp. 28. num. 82. Couarr.

in noua edit. in cap. cum in officiis, de testament. n. 8. Garcia 6. p. de benefic. cap. 2. num. 328. Fachin. lib. 5. controuers. cap. 99. & alij ab eisdem relati. Adde hoc verum esse, etiam si litteræ expeditæ non fuerint, quia est gratia perfecta eo ipso, quod Pontifex dixit, fiat: sic Sanch. disp. 29. n. 7. González super reg. 8. cancellar. glossa 12. num. 45. Mol. tom. 3. de iustit. disp. 599. num. 6. Garcia num. 334. Saa verbo gratia, num. 11.

12 Septimus est de facultate data à Rege faciendi maius, vel alienandi bona ipsius. & dicendum est non expirare morte concedentis re integra: & est expressa decisio leg. 43. Tauri. & leg. 2. tit. 7. lib. 5. nouæ compilationis. & tenent omnes: quod non solum habet verum, quando litteræ huius facultatis sint expeditæ, sed etiam litteris non expeditis: ut tradit Garcia num. 351. Sanch. disp. 29. num. 7. González reg. 8. cancellar. glossa 12. a. n. 45. Mol. de iustit. tom. 3. disp. 599. num. 6. Ratio est, quia, ut supra diximus, gratia, & priuilegium non petit ad sui valorem scripturam. Si verò facultas faciendi maius concessa esset à ministris, & Regis consiliariis, dependenter tamen à Principis subscriptione; quæ tamen subscriptio non esset facta, quando Princeps moritur; tunc gratia facta à ministris Regis expirat, neque illa uti poteris ad instituendum maius, etiam successore Principe subscribente: nisi de plenitudine suæ potestatis vellet concessionem ministrorum supplere; quia tunc gratia non est perfectè facta, sed potius est in fieri: sic intelligendus est Mol. de primog. lib. 2. cap. 7. num. 64. Gutier. lib. 2. pract. q. 74. in princ. & q. 75. num. 2. & lib. 2. canon. qq. cap. 17. num. 14. Matien. leg. 2. recap. tit. 7. lib. 5. gloss. 2. n. 1. sine, ibi Azeued. num. 11. Auend. leg. 43. Tauri. gloss. 1. num. 2. & alij qui affirmant facultatem concessam instituendi maius litteris non expeditis à Principe perire; loquuntur enim non de facultate à Principe, sed ab ipsius ministris concessa, quæ est dependens à subscriptione Principis, ut rectè explicuit noster Mol. 3. tom. disp. 599. num. 6. Thom. Sanch. lib. 8. disp. 29. num. 7. González gloss. 12. a. num. 45. Garcia num. 333.

§. V.

An rescriptum gratiæ pro limitato tempore concessum spiret morte concedentis.

- 1 Non perire, quousque tempus finiatur.
- 2 Sed quid si concessum sit sub hac forma, ad annum, ad meum beneplacitum? Affirmant plures prorogari post annum, si Princeps viuit.
- 3 Censeo oppositum probabilius.
- 4 Quid de gratia, dum fuerit nostra voluntas, ad beneplacitum nostrum? Probabilius est perire.
- 5 Non caret probabilitate oppositum.

1 **C**ontingere potest, ut rescriptum gratiosum sit concessum pro aliquo tempore limitato. v. gr. pro tempore vnus anni: si intra illum annum concedens moriatur, non perit, sed valet, quousque annus finiatur; & hæc est vna ex rationibus, quare priuilegia Bullæ cruciatæ non pereunt morte concedentis intra illum annum contingente; quia pro duratione vnus anni fuerunt concessa, & sic sunt gratia facta pro illo anno. sic Basil. de Leon lib. 8. cap. 19. n. 7. Sanch. disp. 28. a. n. 50. & specialiter de Bulla n. 78. Suarez lib. 8. cap. 32. num. 10. Henric. lib. 7. de indulg. cap. 21. num. 4.

2 Sed quid si dicat Princeps: Concedo tibi licentiam ad annum, ad meum beneplacitum, peribit ne licentia, si intra annum moriatur, vel ultra annum prorogabitur, si Princeps viuit? Affirmat Sanch. num. 51. prorogari post annum, consentit Henric. lib. 7. de indulgent. cap. 21. num. 4. Anton. Gabriel tom. 3. commun. opin. lib. 6. tit. de prabend. concl. 2. n. 31. Quia illa concessio facit hunc sensum:

sensum : Concedo tibi licentiam ad annum, & ulterius ad meum beneplacitum.

3 Cæterum probabilius cenſeo non prorogari poſt annum, etiamſi uiuat concedens. Quia illa verba, ad beneplacitum meum, non videntur extenſiua prioris facultatis, ſed potiùs reſtrictiua illius : & facere hunc ſenſum, ad beneplacitum meum tibi concedo licentiam per annum : id eſt, licentiam tibi conſeſſam per annum volo eſſe dependentem à mea voluntate. Et confirmatur. Si Princeps concederet licentiam per annum, & adderet, niſi reuocauero, clarum eſt non prorogari ultra annum : ergo neque cùm dicit ad beneplacitum. Præterea quia ſenſus ille pro ſententia Sanchez allatus extra proprietatem verborum eſſe videtur, facit enim duplicem conſeſſionem, ſcilicet ad annum, & ulterius ad beneplacitum ; cùm tamen verba eam non admittant : non enim eſt conſeſſio facta per propoſitionem hypotheticam, ſed categoricam, neque per copulatiuam, ſed per ſimplicem : & ita tenet Suarez cap. 3. 2. num. 11. & 12. Ex quo mihi etiam ſatis probabile videtur, ſi intra annum moriatur concedens, perire licentiam ſub illis terminis datam ; quia datur per annum ad beneplacitum : & cùm beneplacitum pereat, pereunte perſona, perit conſeſſio. Poſſet tamen non incongruè habere hunc ſenſum ſupradicta propoſitio ; ſcilicet concedo tibi licentiam ad beneplacitum meum, id eſt, ex beneplacito meo, qui ſenſus non denotat conditionem conſeſſionis, ſed potiùs cauſam illius : ac proinde perſeuerat pro toto anno, etiam mortuo concedente intra illum. ſic Suarez illo cap. 3. 2. in fine, & Henriquez cap. 21. num. 4.

4 Quando autem Princeps concedit gratiam, apponendo illam dictionem, *ad beneplacitum meum*, vel quandiu voluero, aut fuerit noſtra voluntas, dubitari poteſt, an pereat concedentis morte : Et quidem perire probabilius eſt ; quia poſt mortem neque eſt voluntas, neque vllum velle, nec beneplacitum ; ac proinde ceſſat conditio, ſub qua fuit gratia facta : cap. *ſi gratioſe, de reſcriptis*, in 6.

Dices, ergo ſi non adderentur illa verba, ſed abſoluta eſſet conſeſſio, periret gratia, ſiquidem perit voluntas, & beneplacitum, ex quibus habet gratia efficaciam.

Reſpondeo ex voluntate poſitiua concedentis habere gratiam efficaciam, vt ſit, non tamen, vt conſeruetur ; non enim indiget ad ſui conſeruationem poſitiua voluntate concedentis ; ſolùm enim requirit, ne adſit contraria voluntas, ſcilicet reuocatio. At quando ſub illis terminis conceditur ; tunc indiget poſitiua voluntate conſeruante, quia ſub illa conditione conceditur : quare ſi hæc abſolutè ceſſet, ceſſat & gratia : ſic docent Sanchez plures referens diſp. 17. num. 5. 2. Menoch. lib. 1. de arbitrar. quaſt. 69. num. 2. & ſeq. Couart. 3. var. cap. 15. num. 3. Baſilius lib. 8. cap. 19. §. 1. n. 9. & 10. Suarez lib. 8. de legibus, cap. 3. 2. num. 3.

5 Addendum tamen exiſtimo, non carere probabilitate, ex illis verbis non limitari gratiam ad vitam concedentis, ſed prorogari poſt illam, quouſque reuocetur ; quia videntur in communi loquendi modo æquiuale- re illa verba, ad beneplacitum meum, illis verbis, donec reuocauero, ſeu aliter ordinauero, quia dum aliter non ordinatur, ſemper videtur eſſe, & perſeuerare eadem voluntas. Et confirmari poteſt ex vſu, & conſuetudine ordinariorum, cùm facultatem religioſis, & aliis perſonis concedunt adminiſtrandi ſacramenta ; ſubiungunt ſerè ſemper, ſe velle, vt illa licentia efficaciam habeat, dum fuerit noſtra voluntas : at ex his verbis non reputantur licentiæ ceſſare, quouſque reuocentur ; ergo. & ita tenet Emanuel Saa verbo *gratia*, num. 7. in vtraque editione genuina, & reformata : ibi, gratia, in qua dicitur, donec voluero, vel donec aliter ordinauero, vel ad

beneplacitum Sedis Apoſtolicæ, durat mortuo concedente. Ecce qua ratione pro eodem uſurpat illa verba, donec voluero, vel donec aliter ordinauero : & in editione genuina ſubiungit (erſi contrà habeatur in reformata) quòd ſi dicat Papa, ad noſtrum beneplacitum, ſpirare eo mortuo quidam putant, alij negant : & remittit ſe ad id, quod dixerat verbo *delegatum*, vbi in num. 3. inquit : Delegatio non expirat delegante excommunicato, aut ſuſpenſo, neque ipſo mortuo, ſi eſt data ad eius beneplacitum.

§. VI.

An reſcriptum gratiæ, & iuſtitiæ morte delegati, vel eius finito officio ſpiret.

- 1 *Delegatio perſonalis ſpirat ſecus realis.*
- 2 *Si ſub nomine proprio delegatio fiat, regulariter cenſenda eſt perſonalis.*
- 3 *Si ſub nomine dignitatis realis, & ad ſucceſſores tranſit.*
- 4 *Extenditur, ſiue res integra ſit, ſiue non.*
- 5 *Item etiamſi nudum factum comitatur.*
- 6 *Item eſſo ſit conſanguineus delegantis.*
- 7 *Si in commiſſione exprimat nomen proprium, & nomen dignitatis, cenſenda eſt commiſſio perſonalis.*
- 8 *Apponuntur due limitationes : vna approbatur, altera reſcitur.*

1 **O**Mnes conueniunt delegationem perſonalem ſpirare ; ſecus verò realem. Quando autem commiſſio ſit perſonalis, quando realis, non eſt facile explicatu ; quia contingere poteſt, eſſe commiſſionem perſonalem, etiamſi ſolùm dignitas delegati exprimat : ſi in commiſſione addantur tales circumſtantiæ, quæ indicant ſufficienter electam eſſe induſtriam perſonæ, vt ſuprà diximus latiùs, cùm de priuilegio reali, & perſonali loqueremur, & videri poteſt de hac re doctiſſimus Menochius lib. 1. de arbitrar. quaſt. 68. à num. 1. uſque ad 25.

Sed claritatis gratia notandum eſt tribus modis fieri delegationem poſſe. Primò expreſſo nomine delegati tantùm. Secundò illo tacito, expreſſo tamen officio, & dignitate. Tertio expreſſo vtroque nomine, & proprio, & dignitatis.

2 Dico primò, ſi commiſſio nomine proprio fiat, v. gr. Petri, regulariter cenſenda eſt perſonalis : niſi ex circumſtantiis, & ſubiecta materia aliud manifeſtè colligatur. Concluſio eſt ſerè omnium Doctorem, quos ſtatim referemus. Et ratio eſt clara, quia ad ſucceſſorem non poteſt tranſire, niſi ex voluntate delegantis explicata : cùm autem id non explicuerit, ſed potiùs ſignando perſonam contrarium ſignificauerit, efficitur ſanè commiſſionem eſſe perſonalem ex vi illius.

3 Dico ſecundò, ſi commiſſio ſub nomine dignitatis facta ſit, v. g. Epifcopo Salmantino, Decano talis Eccleſiæ, realis eſt, & ad ſucceſſorem in dignitate tranſit ; quia tunc commiſſio non eſt facta perſonæ, ratione illius, ſed ratione dignitatis ſibi inhærentis : & cùm hæc perpetua ſit, & ad ſucceſſores tranſit, tranſit & commiſſio : habetur expreſſè cap. *quoniam Abbas*, de offic. delegat. ibi, *quia ſub expreſſis nominibus locorum, & non perſonarum commiſſio emanauit* ; & ita tenet gloſſa ibi, Abbas num. 8. Menoch. lib. 1. q. 68. de arbitrar. n. 21. Salas diſp. 20. de legib. ſect. 17. concl. 1. Sanchez lib. 8. diſp. 27. n. 6. Bonacina diſp. 1. q. 3. p. 8. §. 1. n. 3. verſ. *reſpondeo ſecundò*.

4 Extenditur concluſio, ſiue res integra ſit, ſiue non ; quia eſſe rem integram, vel non eſſe, non immutat conſeſſionem : & cùm hæc dignitati potius, quàm perſonæ facta ſit, cum illa tranſit. ſic Panormit. in cap. *quoniam Abbas*, num. 12. Menoch. num. 12. Sanchez num. 7. Salas,

Bonacina *suprà*, & reliqui omnes Doctores; excepto Angelo, vt testatur Menoch. & Sanchez *suprà*.

5 Extenditur secundò, vt locum habeat, etiam si solum nudum factum committatur; quia nudum factum minus exigit industriam personæ: ergo facilius potest ad successorem transire. Adde cum iurisdictio exercenda committitur, quæque transit ad successores, plures actus ibi committuntur, qui nudum factum respiciunt. Ergo iam commissio nudi facti transire ad successores potest: sic cum Abbate, & Decio defendit vt probabilius Menoch. *dicto lib. 1. quest. 68. num. 23*. Sanchez alios referens, *num. 14*. Bonacina *disp. 1. quest. 3. punct. 8. §. 1. num. 16*.

6 Extenditur tertio conclusio, vt habeat locum, etiam si ille, cui committitur delegatio sub nomine dignitatis, sit consanguineus, aut amicus delegantis: adhuc censenda est commissio realis, si commissio sit ex illis, quæ solum personis constitutis in dignitate regulariter fiunt, iuxta *cap. statutum, de rescript. in 6*. quia tunc qualitates illæ consanguinitatis, vel amicitie non principaliter spectantur: ac verò si commissiones sint ex illis, quæ nudo ministerio contentæ sunt, tunc præsumptio non levis est esse commissionem personalem, & ad successores non transire; quia videtur spectata qualitas amicitie, vel consanguinitatis potius, quam dignitatis: sic legatum relictum Archiepiscopo consanguineo, vel amico, præsumitur relictum personæ, non dignitati. *cap. requisisti, de testamentis*. Et idem est si illum in executorem nomines; quia ad executionem testamenti potius amicitia, quam dignitas prodest: sic docet Menoch. *lib. 1. de arbitr. quest. 68. num. 25*. & adducit pro se Iason in *L. more, num. 65. vers. quarto limita. ff. de iurisdict. omni. ind.* Couarr. in *cap. requisisti, de testamentis*. & glossam in *cap. religiosus, in glossa penult. de testamentis, in 6*. Sanchez *lib. 8. disp. 27. num. 15*. Secus verò dicendum, si in Archiepiscopo non esset illa qualitas amicitie, vel consanguinitatis, quia tunc præsumitur legatum ad successorem transire, vt optimè probat Menoch. *lib. 4. præsumpt. 121. num. 5*.

7 Dico tertio, si in commissione exprimat nomen proprium delegati, & simul eius dignitas, reputanda est commissio personalis, & non realis, etiam si nomen proprium fuerit postpositum nomini dignitatis: sic docent alios referentes Flamin. *de resignat. lib. 1. quest. 11. n. 12*. Salas *disp. 20. de leg. sect. 17. num. 124. conclus. 2*. Sanch. *lib. 8. disp. 27. num. 20*. Bonacina *disp. 1. q. 3. p. 8. §. 1. num. 3*. Gutierrez *de matrim. cap. 125. num. 1. & 9*. Ratio est, quia nomen personæ in commissione positum restringere videtur vniuersalem significationem prouenientem ex nomine dignitatis; ac proinde facit, vt solum vnice personæ communicetur commissio, & non pro omnibus habentibus illam dignitatem: aliàs si omnibus communicatur, nomen personæ in rescripto positum esset inutile, & confusionem causaret; quod non est dicendum, quia verba in rescripto semper debent habere effectum, ex *l. si quando. ff. de legatis 1*.

Dices, etiam nomen dignitatis, inutiliter ponitur, si quidem ratione illius non extenditur rescriptum amplius, quam si solum sub nomine personæ latum esset.

Respondeo negando esse inutiliter positum, quia licet nomen dignitatis non deferuiat ad extendendam commissionem, deferuiat tamen vt clariùs, & euentius cognoscatur persona, cui est facta commissio: non enim tunc nomen dignitatis gratia disponendi fuit appositum; sed potius gratia demonstrandi, cui dispositio concedebatur. At si commissio esset generalis facta omnibus habentibus talem dignitatem, nomen speciale, & proprium vnus personæ in commissione positum ad nihil aliud, nisi ad confusionem posset deferuiat.

8 Limitant plures Doctores hoc esse intelligendum, quando delegatus cognitus erat deleganti; secus verò

si illi esset incognitus, quia tunc videtur nomen proprium non esse in consideratione; ac proinde nomen dignitatis, vt potentius, & firmitus præualere: sic docent Bart. in *l. si seruus communis ff. de stipulas. seruor. per textum ibi*. Abbas in *cap. quoniam Abbas, num. 8. de officio deleg. Beronius ibi num. 91*. & dicit esse communem Greg. Lop. *leg. 47. fin. tit. 18. part. 3*. Menoch. *de arbitr. lib. 1. q. 68. num. 16. & 17*. & alij relati à Sanch. *lib. 8. disp. 27. num. 19*. Verùm hæc limitatio mihi non probatur: tum quia rationes supradictæ in hoc etiam casu militant, scilicet inutiliter fore appositum tunc nomen personæ: tum etiam, quia in *cap. quoniam Abbas, de officio delegati*, vbi declaratur quænam sit commissio realis, dicitur esse in qua sub expressis nominibus locorum, & non personarum sit. Ergo à contrario, vbi sub expressis nominibus personarum sit commissio, non realis, sed personalis censenda est: & ita tenet Sanch. Bonac. Flamin. Salas, & alij *suprà* relati nihil distinguentes.

Secundò limitat Sanch. Bonac. Salas, & alij *suprà*, vt intelligatur commissio esse personalem, nisi ex circumstantiis redderetur, vel damnosa alteri, iniusta, vel inutilis, quia semper in casu dubio præsumendum est delegantem non velle suam dispositionem iniustam, vel inutilem esse.

§. VII.

Quæ dignitas successorem habeat.

- 1 Proponitur questio, & distinguuntur dignitates.
- 2 Commissiones factæ legato non transiunt ad successorem.
- 3 Commissiones factæ canonico, qui existimant non transire ad successorem, Probabilium censeo oppositum in Ecclesia, vbi est certus numerus canonicorum.
- 4 Iudici synodali facta commissio ad successorem non transit.
- 5 Vicariis Episcopis non habet dignitatem perpetuam.
- 6 De rigore iuris commissionis illi facta non debebant ad successorem in officio transire; ac transiunt ex consuetudine.
- 7 Nomine vicarij, seu officialis non comprehenditur Episcopus, etiam mortuo, seu remoto ab officio vicario.
- 8 Neque nuntius seu legatus Apostolicus.
- 9 Neque auditor camere Apostolicæ.
- 10 De vicario capituli sede vacante, qui affirmant nomine officialis, & vicarij diocesani intelligi, ac proinde expediri posse commissiones diocesano factas.
- 11 Quid dicendum.
- 12 Sed quid si duo sint officiales? principalior eligi debet; si aequè sint principales in gravioribus rescriptis, quilibet eligi potest, in contentiosis variant Doctores: censeo probabilius recurrendum esse ad delegantem.
- 13 Electo vno officiali in rescriptis pro foro externo, non potest alius adiri, secus in foro poenitentiae.
- 14 Non potest Episcopus ab vno hæc commissiones auferre, & alteri committere, si in officio vicariatus illum teneat.
- 15 Sub nomine vicarij diocesani intelliguntur vicarij pralatorum habentium iurisdictionem, quasi Episcopalem.
- 16 Vicarij foranei non possunt commissiones factas diocesano expedire.

PRO intelligentia superioris doctrinæ restat explicare, quæ dignitas intelligatur successorem habere; vt sic commissio facta alicui ratione dignitatis ad successorem illius transeat. Et ratio difficultatis est. Nam commissio facta Vicario, Legato à latere, Canonico, & iudici synodali, videtur ad successorem transire; cum tamen hæc dignitates propriè successorem non habeant.

Vt ergo cum distinctione procedamus,

Primò dicendum est de Legato.

Secundò de Canonico.

Tertio

Tertiò de iudice synodali.

Quartò de vicario.

2 Et primò de Legato dicendum est, commissiones illi factas etiam sub nomine solius dignitatis, non transire ad successorem in legatione, sed esse personales: ac proinde finito eius officio extingui. Ratio est clara, quia dignitas Legati successorem non habet, quia non est dignitas permanens in Ecclesia, sed ad voluntatem Pontificis constituitur: ac proinde quoties alicui legatio committitur, de nouo creari Legatus dicitur, non succedere præterito. Quapropter prouisiones, & reservationes beneficiorum à Legato factæ, si effectum sortitæ non sunt, finita legatione expirant: vt habetur in *cap. presenti, de off. legat. in 6.* & tenet Sanchez alios referens *lib. 8. disp. 27. n. 11.* Gutierrez *de matrim. cap. 125. n. 4.* Bonacina *disp. 1. q. 3. p. 8. §. 1. n. 15.*

3 Secundò de Canonico dubitari potest, an commissio illi facta, etiam sub nomine solius dignitatis, transeat ad successorem?

Respondet Sanchez aliis relatis, *lib. 8. disp. 27. num. 12.* siue in Ecclesia sit certus numerus Canonicorum, siue non; commissio facta Canonico ad successorem non transit de rigore iuris; quia non habet successorem, bene tamen ex benigna interpretatione voluntatis Pontificis, sicuti de vicario dicemus: consentit Bonacina *disp. 1. quest. 3. p. 8. §. 1. num. 14.*

At mihi probabilius est, si in Ecclesia sit certus numerus Canonicorum, quorum quilibet habet suum titulum, vt in multis Hispaniæ Ecclesiis contingit, commissio facta Canonico S. Petri, v. g. sub nomine dignitatis ad successorem transit. Moueor, quia verè huiusmodi canonicatus est beneficium perpetuum, quod petit successorem, siquidem tenetur Prælati de illo prouidere, neque potest diuidere, aut extinguere. Caput autem dilecto, de *præbend. §. præterea*, vbi deciditur canonicatum cum Canonico nasci, & desinere cum defuncto, loquitur quando in Ecclesia non est certus numerus præbendarum; quia tunc per mortem vnus Canonici nulla dignitas vacat, siquidem liberum est electoribus de nouo illum creare: at in Ecclesia vbi est certus numerus præbendarum, præbenda verè dicitur vacare, vt colligitur ex illis verbis, *uno individuo iure vacante*. sic tenet relato Anastasio Germonio, Nicol. Garc. *6. p. de benefic. cap. 2. num. 37.*

4 Tertiò dubitari potest de iudice synodali, an, inquam, ad successorem transeat? Et breuiter dicendum est, nullo modo transire, sed cum ipso extingui: tum, quia huiusmodi iudices debent designari nominatim, & in particulari: vt colligitur ex Trident. *sess. 25. de reformat. cap. 10.* vbi statuitur designari personam, quæ qualitates habeat, iuxta *cap. statutum, de rescript. in 6.* quibus causæ à Romano Pontifice delegari possint. Ergo eorum assignatio non transit ad successorem in præbenda: tum quia esto assignarentur in genere, & sub nomine dignitatis, verbi gratia, sit iudex synodalis Decanus huius Ecclesiæ, illo mortuo non transit ad successorem decanatus, quia non transit iudicatura, sed cum primo assignato spirat. sic docet Garcia *9. p. de benefic. cap. 2. à num. 349.* cum Michaele Acolta in *cap. quoniam Abbas, de off. delegat.* & refert ita declaratum fuisse in regia Cancelleria Pintia, & à sacra Congregatione super Concilium illo *cap. 10.* quam declarationem refert Barbosa super *Concil. in noua edit.* Flamin. de *resign. benefic. lib. 1. quest. 11. num. 14.* Cæuallos *commun. contra comm. quest. 666.*

5 Quartò dubitatur de vicario: & quidem statuendum est vicarium Episcopi non habere dignitatem perpetuam, quia vicariatus non est dignitas, quæ successorem expostulat. Non enim tenetur Episcopus mortuo vicario alium substituere, sed pro libito illum substituere: sicuti & pro libito illum in officio conseruat; po-

terat enim ab officio remouere, quæ omnia constant ex *cap. 1. & 2. de off. vicar. in 6.* & Clement. 2. de *rescript. tradit Rebuff. tit. de forma vicar. num. 192.* Barbosa de *potestate Episcopi, 2. part. allegat. §. 4. num. 170.* & multis citatis *num. 145.* Quapropter vicarij dignitas, quæ nulla alia est, quàm iurisdicctio ab Episcopo delegata, perit morte vicarij, vel remotione illius ab officio: & quando alius loco illius assumitur, non debet dici subrogari in eadem prorsus dignitate, sed in alia simili: & sic propriè est de nouo creatus, non tamen est propriè successor. Ex qua doctrina videbatur inferri necessariò commissiones factas vicario Episcopi, etiam sub nomine dignitatis, tantum esse personales; quia eius dignitas personalis est, & non perpetua, neque illi per se inherens, sed ex voluntate alterius contingens: sic tradit *inq. probans*, & alios allegans Menochius *lib. 4. præsu. 25. n. 21.* à *num. 5.* & de *arbitrar. lib. 1. quest. 68. num. 24.* Mantica de *coniecturis, lib. 8. tit. 17. num. 3.* Flamin. de *resignat. lib. 7. quest. 24. num. 76.* & alij plures relati à Garcia *6. part. de benefic. cap. 2. num. 32.* Sanchez *lib. 8. disp. 27. num. 8.*

6 Nihilominus etsi hoc de rigore iuris verum sit: at attenta consuetudine, & stylo curiæ commissiones factæ vicario sub nomine dignitatis ad successorem in vicariatu transeunt; præsumitur enim intentionem Pontificis ita esse, ne passim rescripta vicariis Episcoporum commissæ pereant, & ne sumptus in nouis expeditionibus multiplicentur; nève conscientia multorum diu sint vinculis alligatæ, & grauata dilatione nouæ expeditionis. sic docuit Abbas in *cap. quoniam Abbas, num. 11.* de *off. delegat.* Cardinal. ibi, & in *Clement. 2. de rescript. quest. 5.* vbi gloss. verbo *principalis.* Hieronym. Gabr. *consil. 33. lib. 2.* Thom. Sanchez *num. 10. & 31.* Bonacina *disp. 1. quest. 3. punct. 8. num. 5.* Salas *disp. 20. sect. 17. sub n. 124. versic. ex dictis.* Gutierrez de *matrim. cap. 125. num. 14.* Nicol. Garc. de *benefic. 6. part. cap. 2. num. 34.* & alij apud ipsos.

7 Sed adhuc est difficultas, qui veniant nomine vicarij Episcopi, seu officialis diocesanæ intelligendi, vt possint dispensationes, & commissiones factas vicario Episcopi, seu officiali diocetano expedire?

Et primò dicendum est, nullo modo venire intelligendum ipsummet Episcopum, etiam mortuo, vel remoto ab officio vicario, quia Episcopus non est vicarius, neque dignitas Episcopi est dignitas vicariatus, sed omnino distincta: vt constat ex *cap. venerabilibus, in princ. de sentent. excommun. in 6.* Neque obstat esse idem tribunal Episcopi, & vicarij, vt possit Episcopus causas commissas vicario expedire, quia est idem tribunal in his, quæ competunt vicario ex commissione Episcopi & iure ordinario, non ex commissione, & delegatione Pontificis: sic Nauarr. *lib. 1. consil. in 2. edit. tit. de off. delegat. cons. 5. num. 4.* Sanchez plures referens *lib. 8. disp. 27. num. 30.* Bonacina *disp. 1. quest. 3. punct. 8. §. 1. num. 12.* Gutier. de *matrim. cap. 125. num. 11.* Salas *disp. 20. sect. 17. versic. ex dictis.*

8 Nec videtur intelligendus nomine vicarij, seu officialis diocesanæ, Nūtius, seu Legatus Apostolicus, tum quia Legatus Apostolicus non est vicarius, neque officialis diocesanus, cui est commissæ talis facultas: tum quia Legatus non potest se intromittere in his, quæ à Sede Apostolica specialiter delegantur: iuxta *cap. studiis, 2. de officio legati.* & ita tenet relato Sahagun, Nicol. Garcia *6. part. de benefic. cap. 2. sub num. 58. versic. sed restat.*

9 Tertiò nec videtur intelligendus auditor cameræ Apostolicæ: nam licet hic sit litterarum Apostolicarum vniuersalis executor, id est, vbi alij executores deputati non fuerunt; at vbi deputati sunt, solum potest accumulari cum illis litteras expedire, sic Garcia *supra.*

10 Quare de vicario Capituli Sede vacante plures affirmant nomine vicarij diœcesani venire intelligendum: ac proinde litteras commissas vicario Episcopi, seu diœcesani, posse illas expedire: sic docet Cardinal. *Clement. 2. de rescriptis. quest. 13. num. 15. Sanch. disp. 27. num. 30. 32. & 33. Zechus de vicario Episcopi. cap. 23. §. 1. n. 1.* indicat Salas *disput. 20. sect. 17. vers. ex dictis*; præcipue si sub nomine vicarij diœcesani commissio facta est. Mouentur; quia hic vicarius Capituli Sede vacante verè est vicarius diœcesanus: imò verè dici potest vicarius Episcopi, id est, illius, qui Episcopalem habet iurisdictionem.

11 Verùm si commissio facta sit vicario Episcopi, censeo non venire intelligendum vicarium Capituli Sede vacante; quia proprie, & in rigore vicarius Capituli, non est vicarius Episcopi, sed iurisdictionis Episcopalis, vt docet glossa in *Clement. 2. de rescriptis. verbo Episcopi*. Lambertinus *de iure patronatus. 3. p. 2. lib. quest. 1. art. 7. num. 3.* Garcia *6. p. de benef. cap. 2. num. 41.* vbi plures refert. Bonacina *disp. 1. quest. 3. punct. 8. §. 1. num. 7. vers. ego verò.* August. Barbof. *de potestate Episcopi. 2. p. allegat. 54. num. 142.* Si autem commissio facta fuerit vicario, seu officiali diœcesano, vt communiter fieri solet, tunc probabilius imò pro certo existimo non venire intelligendum vicarium Capituli Sede vacante in dispensationibus matrimonialibus, & rescriptis iustitiæ, & gratiæ, quæ dantur in forma dignum; quia attentata consuetudine, & stylo curiæ Romanæ non censentur commissæ vicario Capituli: liquidem semper committuntur Episcopo viciniori, aut eius vicario: neque vicarius Capituli audeat illas litteras expedire sine noua commissione. sic Hieronym. Paul. *de pract. Cancellar. in princ. vers. circa qualitatem personarum.* Leo in *thesauro fori Ecclesiastici cap. 10. num. 8. fallent. 5. & 6.* Sahagun in *cap. quoniam Abbas. num. 15.* Garcia pluribus decisionibus Rotæ comprobans *6. p. de benef. cap. 2. num. 44. vsque 58.* Bonacina *suprà.* August. Barbof. *de potestate Episcopi. 2. p. allegat. 54. num. 158.* Notanter dixi non posse vicarium Capituli Sede vacante expedire dispensationes matrimoniales, & rescripta, quæ dantur in forma dignum, commissæ officiali diœcesano; quia ex stylo curiæ contrarium habetur: vt intelligas commissiones, & executiones in forma gratiæ, seu in forma commissoria, quæ non sit in forma dignum; & executiones pensionum, & delegationes caularum, & litium posse per vicarium Capituli Sede vacante expediri, si fuerint vicario, seu officiali diœcesano commissæ: tum quia in his non habetur in contrarium stylus curiæ: tum quia nomine vicarij, seu officialis diœcesani venit intelligendus vicarius Capituli Sede vacante, vbi contrarium de stylo non constat: vt docet glossa *Clement. eisi principalis, de rescriptis, verbo Episcopi.* Imola. Anchar. & alij, quos sequitur Sanchez *lib. 8. disp. 27. num. 32. & 33.* & plures, quos refert. & sequitur Garc. *6. p. cap. 2. num. 41.* & ita tenet ipse Garcia *sub num. 58.* cum D. Sahagun in *cap. quoniam Abbas, de officio deleg. num. 15.* & addit delegationes factas à Nuntio Apostolico in Hispania vicario diœcesano, etiam in forma dignum, posse expediri per vicarium Capituli, quia solum ex stylo curiæ Romanæ non venit intelligendus vicarius Capituli nomine vicarij diœcesani, non tamen ex stylo Nuntij, & aliorum.

12 Sed quid si eiusdem Episcopi sint duo officiales, quoniam poterit expedire litteras officiali diœcesano commissas?

Respondeo, si vnus est principalior, eo quòd magis latam iurisdictionem habeat, is solus poterit expedire; quia is solus nomine officialis diœcesani intelligitur in rescriptis Pontificis, vt constat ex *Clement. 2. de rescriptis, & ibi glossa verbo principalis.* Item quia nomen dignitatis absolute prolatum stat pro principaliori significato. Quocirca si plures in vna Ecclesia essent Archidiaconi,

& commissio facta esset Archidiacono absolute, intelligi debet esse facta principaliori: sic Sanchez alios referens *n. 36.* Salas *sect. 17. sub num. 124.* Gutierrez *de matr. cap. 125. num. 14.* Bonacina *num. 10.*

Si autem vterque officialis esset æquè principalis, tunc distinguendum est inter dispensationes, & rescripta contentiosa, & non contentiosa: nam pro dispensationibus, & rescriptis, quæ contentiosa non sunt, neque inter partes agitantur, poteris quemlibet illorum eligere, quia nullum inde sequitur inconueniens; & sic videtur esse mens concedentis: sic glossa *cap. quoniam Abbas, verbo substitutum, de offic. deleg. Sanchez num. 37. sine.* Bonacina, & Salas *suprà.* Pro dispensationibus verò, & rescriptis contentiosis tenet glossa *supradicto* loco esse iudicem, quem actor maluerit; quia in fauorem eius rescriptum concessum est. & sic videtur electio eius voluntati remitti. Alij, vt Beroius *dist. cap. quoniam Abbas, à num. 77.* censent ambos esse simul iudices, & neutrum seorsim, quia non est maior ratio vnius, quàm alterius. Salas autem, & Bonacina *suprà* censent consentientibus partibus quemlibet eligi posse, quia quilibet habet auctoritatem, neque vlli fit iniuria: ac dissentientibus partibus recurrendum esse ad Principem, vt determinet. Mihi verò probabilius videtur neutrum à partibus eligi posse, sed electionem, & determinationem faciendam esse à delegante. Moneor, tum quia hæc est communis sententia, vt videri potest in his, quos refert, & sequitur Sanchez *num. 37.* tum quia tota iurdictio, & potestas iudicandi, quam quilibet illorum officialium habere potest, est ex commissione, non ex electione partium. Ergo si commissio non magis vnum, quàm alium iudicem signat, partes non poterunt vnum potius, quàm alium designare. Vtrumque autem designare non possunt, quia non duobus, sed vni tantùm commissio facta est. Adde quando vna pars in assignatione dissentit, non potest iudex assignatus ab alia parte procedere, & non ob aliam rationem, nisi quia in rescripto non fuit actori talis potestas eligendi concessa, sed neque etiam fuit concessa, quando alia pars consensit. Ergo.

Dices, ergo manebit irritum rescriptum, quia est incertum, iuxta *cap. ad hac, cap. fin. de rescript.*

Respondeo negando consequentiam; quia non est incertum rescriptum, sed certum, de re, inquam, certa, & de persona certa sub disunctione: quod etsi hæc sit aliqua incertitudo, non vitiat rescriptum, quia purgari potest ex assignatione delegantis, nulla facta in rescripto mutatione; vitietur autem rescriptum, si omnino incertus iudex eligeretur: at quia in præsentī ex certis personis iudex eligitur, non incertus omnino, sed certus reputari debet: & ita cum Beroio defendit Sanchez *illo num. 37.*

13 Vnum tamen est omnino aduertendum, in rescriptis pro foro externo electo vno officiali, quando partes illum eligere possunt, non posse alium æquè principalem adiri. Probant aliqui, quia vbi ceptum est iudicium, ibi terminari debet. *l. vbi ceptum, 3. c. ff. de iudiciis.* Sed friuola ratio, quia per solam rescripti præsentationem iudicium ceptum non est, vt *suprà* diximus; sed per citationem, vel litis contestationem. Ratio autem vera est, quia electione illius facta per rescripti præsentationem, cum animo procedendi circa illum, acquirit iudex signatus iurisdictionem; quæ tamen pro voluntate partis tolli non potest. neque ipse in alium nisi subdelegando in causis, in quibus subdelegare permittitur, transferre potest. sic Antonin. *cap. licet undique, num. 13. de offic. deleg. glossa illo cap. quoniam Abbas, verbo substitutum.* Sanchez *num. 38.* Bonacina *num. 10.* At si electus moreretur, deponeretur, aut alia via alius loco illius subrogaretur, hic posset causam finire. sic Salas. Sanchez *suprà.* quia tunc successor reputatur eadem persona cum illo,

illo, qui fuit primò electus. In foro autem pœnitentia satisfactis probabile est electo vno iudice alium adiri posse, quousque inuenias, qui dispensationem in tui fauorem expediat. Quia videtur concessa facultas iuxta naturam fori pœnitentialis, quæ est, vt possit pœnitens electo vno Confessore, illum relinquere, & alium adire, & ab eo absolutionem impetrare. In electione Confessoris delegati videtur dicendum te posse, si eius sententia non placuit, alium eligere; qui iudicet; quia censetur tibi data potestas eligendi, quousque impetres rescripti consummationem. sic Sanchez lib.8. disput.27. num.40. cum Suarez tom.4. de pœnitent. disp.27. sect.4. dub.2. num.7. Salas num.124. sine aduersus Nauarr. lib.1. consil. in 2. editione, tit. de officio delegati, consil.8. num.unico.

14 Secundò aduerto, nullo modo posse Episcopum à suo vicario has commissiones auferre, & alteri concedere, manente priori in officio vicariatus; quia non pender ab Episcopo vicarius in harum commissionum expeditione: neque potest ad solas harum commissionum expeditiones vicarium statuere, quia iste non esset vicarius Episcopi propriè, quod requiritur, vt capax sit harum delegationum. sic Salas disput.20. sect.17. sub num.124. sine. Sanchez lib.8. disput.27. num.42. Bonacina disp.1. quest.3. punct.8. §.1. num.11. liberum tamen est Episcopo vnum vicarium ab officio remouere, & alium constituere: & tunc nequibit prior dispensationes sibi præsentatas, tanquam vicario expedire, sed expediendæ erunt per successorem: sic Doctores nuper relati. quod examinandum est in §. sequenti.

15 Quintò de vicariis Prælatorum habentium iurisdictionem, quasi Episcopalem, est dubium, an veniant intelligendi sub nomine vicarij, seu officialis diœcesani, cui committuntur rescripta?

Plures, quos refert Sanchez lib.8. disput.27. num.34. negant cum glossa in Clement. eisi principalis, de rescript. verbo Episcopi; consentit nouissimè Augustin. Barbosa de potestate Episcopi, 2. part. allegat. 54. num.141. Sbrozcius lib.2. quest.23. num.8. Mouentur, quia hi non sunt capaces harum delegationum, eo quod non habeant dignitatem. Cæterum probabilius censeo capaces esse harum delegationum: tum quia hi verè habent dignitatem, sicuti vicarius Episcopi; habent enim rectum Ecclesiasticarum administrationem cum iurisdictione, in quo consistit dignitas Ecclesiastica, vt testatur multis relatis Sbrozcius lib.2. quest.27. num.11. Barbosa de potest. Episcop. 2. part. allegat. 54. num.133. tum quia verè hi vicarij, sunt vicarij diœcesani, neque vllus alius ibi adest: tum denique, quia ita videtur in praxi receptum, ne deterioris conditionis sint illæ diœceses omnibus alijs: & ita tenet Sanchez alios referens supra num.34. Flores de Mena var. lib.1. quest.4. à num.14. Bonacina disp.1. q.3. p.8. §.1. n.9.

16 Sextò dubitari potest de vicariis Episcopi foraneis, an, inquam, expedire litteras commissas vicario diœcesano possint?

Et pro certo tenendum est non posse, quia non sunt vicarij diœcesani: ita alijs relatis docet Barbosa n.139. Adde vicarium foraneum non propriè dici obrinere dignitatem, sed officium, vt testatur Aloysius Riccius in praxi fori Ecclesiastici, decis. 77. num.1. in 1. edit. & in 2. edit. resol. 51. Barbosa supra n.140.

Septimò de vicario Episcopi electi, sed nondum consecrati, an, inquam, possit expedire has litteras commissas vicario Episcopi?

Respondeo probabilius posse: tum quia hic verè est vicarius Episcopi, & nullus alius ibi adest, qui has litteras expedire possit. Tum quia de se capax est harum delegationum, vt potest in dignitate constitutus. sic glossa verbo Episcopi, in Clement. eisi principalis, de rescriptis.

Sanchez lib.8. disput.27. num.35. Barbosa de potestate Episcopi, 2. part. allegat. 54. num.138. & alij apud ipsos.

§. VIII.

An si delegatus, cui sunt commissæ rescripta Pontificia, remoueat à dignitate.

v. g. Canonicus à canonicatu, vicarius à vicariatu, possit eas litteras expedire.

- 1 Si commissio facta est ratione officij, expirat.
- 2 At si facta sit personalis? Proponitur dubitandi ratio.
- 3 Censeo expedire commissionem posse, si aliquem ex supradictis titulis habuit tempore commissionis.
- 4 Satisfit rationi contrarie.
- 5 Excepe, nisi delegatus priuatus fuerit in penam dignitatis.
- 6 Item si delegatus transiit ad statum incompatibilem.

1 **E**T quidem si commissio fuit facta ratione dignitatis, seu officij, certum esse debet relicto officio extingui commissionem, siue res incepta sit, siue non. Quia cessat conditio, sub qua commissio fuit facta. sic glossa verbo principalis, in Clement.2. de rescript. vbi Cardinal. num.7. Imola num.11. & 13. Abbas, Bald. Henricus, Ioann. Andr. Bellamera, & alij, quos refert, & sequitur Sanchez lib.8. de dispensat. disp.27. num.23. & 28. sine. Bonacina disput.1. quest.3. punct.8. §.1. num.13. Sbrozcius lib.3. quest.47. Barbosa de potestate Episcopi, 2. part. allegat. 54. num.156. Flamin. lib.1. quest.11. num.16. Garcia de benefic. 6. part. cap.2. num.49. Gutierrez de matrim. cap.125. num.13.

2 Si autem commissio facta fuit personalis, non caret difficultate, an delegatus possit illas litteras expedire? quia illæ litteræ committi non possunt, nisi in dignitate constitutus, vt constat ex cap. statutum, de rescript. in 6. & Trident. sess.25. cap.10. de reformat. sed ille delegatus iam non est in dignitate constitutus. Ergo iam non valet illas litteras expedire. Probo consequentiam; quia ratio, quare in delegato Sedis Apostolicæ expostulatur dignitas, est, ne Papa, & Sedes Apostolica à vili ministro repræsententur: vt tradit glossa in supradicto cap. statutum, verbo committantur. ibi, ne vilipendantur à tali ministro. Sed hæc ratio militat tam in principio causæ, quàm in medio, & fine; imò magis in expeditione causæ, quàm in eius acceptione. Ergo.

3 Nihilominus tenendum est, posse huiusmodi delegatum, cui sub nomine proprio commissio facta est, litteras expedire, quamuis nec dignitatem, personatum, aut canonicatum habeat, modò aliquem ex his titulis habuerit, quando commissio illi facta fuit, docet glossa in supradicto cap. statutum, verbo canonicis, in fine. Decius cap. quoniam Abbas, de officio delegat. num.56. Beroius num.95. Felinus num.5. Cxuallos præf. quest.666. num.5. & quest.667. num.10. sine. Sanchez plures referens lib.8. disput.27. num.28. Flamin. lib.1. quest.11. num.6. & seqq. Bonacina disput.1. quest.3. punct.8. §.1. num.17. Augustin. Barbosa de potestate Episcopi, 2. part. allegat. 54. num.155. Garcia 9. p. de benefic. cap.2. num.351. & alij apud ipsos: & testatur Garcia, Barbosa, Flamin. Sanchez, sic decisum fuisse à sacra Congregatione, quas decisiones ipsemet Flamin. & Garcia referunt, & nouissimè adducuntur à Ioanne Gallemart illo cap.10. Concil. sess.25. de reformat. Probatur, quia illa commissio personæ, & non dignitati facta est. Ergo si illa persona capax fuit illius commissionis, quando illi commissio facta est, nequit illam deperdere, ob deperditam dignitatem, quia non videtur in conseruari, pendere à dignitate, sicuti donatio-

nem

nem factam pauperi non deperdit pauper, ex eo quod postea diues factus fuerit, quia non paupertati, sed personæ pauperi facta est. Ratio est, quia huiusmodi qualitas non expostulatur adesse, nisi tempore commissionis, quod constat ex illis verbis dicti cap. statutum. Sancimus, ut nullis, nisi in dignitate pradiis, aut personatum obtinentibus, seu Ecclesiarum cathedralium canonicis causa, auctoritate litterarum, Sedis Apostolica, vel Legatorum eiusdem de cetero committantur. Ergo. Si dignitas adfuit tempore commissionis, commissio habuit effectum. Ergo etiam si postea deperdat dignitas, non deperdetur commissio; quia nullibi habetur ad executionem litterarum requiri, sed solum ad illatum commissionem. Vide Flamin. illa quest. 11. multis hanc rationem exorantem.

4 Neque obstat ratio in contrarium, cui benè satisfacit Flamin. cum Imola in Clement. nisi principalis, de rescript. col. 4. Negat enim dignitatem expostulatam esse à delegato, tanquam finalem causam, ne à vili ministro Sedes Apostolica repræsentetur. nam licet hæc ratio fuerit impulsiva, non tamen finalis, finalis enim fuit; ne ab imperitis, & inhonestis Sedes Apostolica repræsentetur, argum. cap. cum in cunctis, de electione. Quæ ratio semper permanet, etiam si dignitas cesset. nam propter qualitatem præcedentem tempore commissionis, semper præsumptio est peritiæ, & honestatis in delegato. Adde, etiam si daremus finem expostulandi dignitatem in delegato esse, ne à vilibus personis Sedes Apostolica repræsentetur, non cessare huiusmodi finem, etiam si cesset dignitas, modò non cesset per priuationem, aut inhabilitatem aliquam, quia iam illa persona qualificata est ob dignitatem tempore commissionis habitam, neque vilis reputari potest.

5 Ex quo fit limitanda esse primò hanc doctrinam, ut intelligatur, nisi delegatus in alicuius delicti poenam priuatum fuerit tali dignitate, quia tunc cessat finis, ob quem diximus, dignitatem in delegato expostulari, qui est morum honestas, & peritiæ. Adde esse personam vilem, & indignam repræsentandi Sedem Apostolicam; sic tradit Sanchez num. 26. cum Bald. l. generaliter. C. de Episcopis, & clericis num. 7. Decius cap. quoniam Abbas, n. 58. de officio deleg. & ibi Felin. num. 5. Beroius num. 96. & probat ex text. in l. Cassius, & seq. ff. de Senatorib. ubi remorsus à senatu ob turpitudinem iudicare nequit, secus si ob aliam causam.

6 Secundò limitanda est doctrina cum eodem Sanchez num. 27. Decio, Felin. & Beroio supra. Flamin. lib. 1. quest. 11. num. 15. Bonacina disp. 1. quest. 3. punct. 8. §. 1. num. 13. ut intelligatur, nisi delegatus transierit ad statum incompatibilem delegationis, eo quod factus fuerit incapax iurisdictionis Ecclesiasticæ; ut quia contraxit matrimonium, vel quid simile fecit. nam in hoc casu non poterit illam causam expedire, quia non præsumitur Pontifex velle, ut eius iurisdictione utatur, qui sic est impeditus.

PUNCTUM XVII.

An priuilegium, & dispensatio cessent renuntiatione ipsius priuilegiati.

- 1 Controuersia est de priuilegio in fauorem priuilegiati concessio, non de priuilegio in bonum commune, quod renuntiare non potest.
- 2 Clericus renuntiare non potest priuilegio fori, & canonis. Quid de filiofamilias in priuilegio Macedoniano; & de minore in beneficio restitutionis in integrum?
- 3 Vinculum, quod semel per priuilegium, seu dispensationem sublatum est, non redit renuntiatione.
- 4 Renuntiatio priuilegi non est non usus illius.
- 5 Ad renuntiationem, per quam priuilegium cessat, requi-

ritur voluntas libera renuntiantis.

- 6 Sed an hæc sufficiat, sub distinctione respondetur.
- 7 Proponitur obiectio, & soluitur.
- 8 Electus renuens consentire electioni, mutata voluntate consentire potest.
- 9 Limitatur supradicta doctrina in vinculo voti, & iuramenti, sed cum declaratione.
- 10 Renuntiatio priuilegi acceptari debet à concedente priuilegium.
- 11 Quæ sit renuntiatio tacita.
- 12 Per ipsam, nisi à concedente acceptetur, non amittitur priuilegium.
- 13 Si obtinueris dispensationem, ut duceres Mariam, duxisti aliam, ea mortua potes priorem ducere.
- 14 Dispensatus ad beneficia, si ad nuptias transiit, non ob id cassatur dispensatio, sed mortua uxore illa vri poterit.

1 **P**onendum est primò, sermonem esse de priuilegio, & dispensatione, quæ in bonum priuilegiarij, primò, & per se cedunt; quia hæc solum sunt, quæ renuntiare possunt, ex l. quod fauore. C. de legib. & l. pacifici. ff. de pactis, & l. pactum inter heredes, eodem. l. 1. ff. de ferys. & l. si iudex, ff. de minorib. & cap. ad Apostolicam, de regularib. Priuilegia namque, quæ in bonum commune directè ordinantur, renuntiare nullo modo possunt à particularibus, quia non sunt propria bona cuiusque. Item publicum, ff. de pactis. cap. si diligenti, de foro competentis, & aliis. Ad hæc reducitur, si priuilegium sit pluribus pro diuiso concessum, non poterit quilibet eorum renuntiare, quia non potest vnus iuri alterius præiudicare.

2 Ex his fit nullum clericum renuntiare posse priuilegio fori, & canonis; quia statui clericali concessum est. Item nec vllus religiosus priuilegiis suæ religioni concessis; & in his omnes conueniunt. An verò filiusfamilias possit renuntiare priuilegio Macedoniano, quod non possit ex mutuo pecuniæ obligari, & minor beneficio restitutionis in integrum, & mulier priuilegio Velleiani, ut fideiussio sit firma? alterius est loci. Breuiter dico filiumfamilias, id est, illum, qui est sub patria potestate, non posse priuilegio Macedoniano renuntiare, quia non in fauorem ipsius tantum, sed præcipue in fauorem parentum concessum est, quorum indemnitas per tale priuilegium intenditur. Cum autem nullus possit priuilegio in fauorem alterius concessio renuntiare, non poterit filius huic priuilegio renuntiare: & ita tenet Anton. Gom. 2. var. cap. 6. num. 2. paulo post princ. cum glossa, & com. Doct. in Liemeti, ff. ad Macedon. Azor tom. 1. lib. 5. cap. 22. quest. 10. Salas disp. 17. de legib. sect. 2. num. 25. & sect. 13. num. 69. Bonacina disp. 1. quest. 3. punct. 8. §. 6. num. 11. & de contrah. disp. 3. quest. 3. punct. 1. ad finem. Item dicendum est de minoribus, non posse, inquam, renuntiare beneficio restitutionis in integrum; quia hoc priuilegium non est concessum minoribus, ut singulis personis, sed potius statui minorum, ob eorum imbecillitatem, & pericula deceptionis, quæ illis poterunt occurrere. sic Salas illa sect. 13. ad finem. Addit tamen Bonacina disp. 1. quest. 3. punct. 8. §. 5. num. 8. huic beneficio posse minores renuntiare, si addant iuramentum se non vsuros hoc priuilegio, vel si petant à Principe ætatis veniam. At credo ex solo iuramento non renuntiare hoc priuilegium, esto iuramentum seruandum sit, dum non relaxatur: at relaxatione obtemperabit agere minor beneficio restitutionis, neque poterit ei opponi iuramentum factum: sic in filiofamilias docet Anton. Gom. cum Bart. & aliis supra. Eodem modo dicendum est de muliere, quæ non potest pro marito fideiubere, neque renuntiare priuilegio Velleiani; quia hoc priuilegium non fuit introductum in fauorem cuiusque, sed in fauorem status, & ut imbecillitati mulierum prospiceretur. sic Salas illa disp. 17. sect. 13. fine. Azor tom. 1. lib. 5. cap. 22. q. 10. sub fine. Anton. Gom. plures

plures referens *tom. 2. var. cap. 13. num. 17.* vbi aduertit in nostro regno valere prædictam renuntiationem; quia ita statuitur *l. 3. tit. 12. part. 5.* At si huiusmodi renuntiationi accedit iuramentum soluendi, & fiat instrumento publico; tunc quidem fideiussio firma est, si conscia erat mulier absque iuramento illo præstito non teneri: vt multis relatis docet Sanchez *lib. 4. de matrim. dispur. 9. num. 15.* quia iuramento firmatur contractus, & purgatur deceptio. Et idem est, si coram magistratu sit facta renuntiatione; quia ita cauetur in *l. fin. §. fin. ff. ad Velleianum.* propter auctoritatem, & vigorem iudicij.

3 Ponendum secundò est, priuilegium, & dispensationem alicuius vinculi, quod semel sublatum fuit, non posse per renuntiationem priuilegij redire; non enim potest dispensatio facta in consanguinitate, in irregularitate, aliòve simili impedimento desinere effectum habere, quantumuis tu dispensationis factæ pœniteas, quia non stat in tua voluntate cassam reddere dispensationem, quæ iam habuit effectum.

4 Ponendum tertio renuntiationem priuilegij non esse formaliter non vsum illius, potes enim priuilegio, & dispensatione tibi concessa non vti, & nihilominus tamen nolle priuilegio renuntiare; quia priuilegium consistit in facultate vtendi, cum volueris; quæ facultas remanere potest, etiam si illa de facto non vtaris. Exempli gratia. Data est tibi facultas non ieiunandi, ieiunas, non ob id renuntias priuilegio; in his Doctores omnes conueniunt.

5 Quocirca explicandum est, quæ renuntiatione sufficiat, vt priuilegium amittatur: amitti namque renuntiatione constans est Doctorum sententia, ex *cap. si de terra, cap. ascendentibus, de priuileg. cap. ad Apostolicam, de regul. l. si quis in conferendo, C. de pactis.* Ad hanc autem renuntiationem requiritur voluntas libera renuntiantis, hoc est, non coacta, quæ scilicet velit abdicare à se ius, & potestatem sibi concessam vel in totum, si sit totius priuilegij, vel in parte, si sit renuntiatione alicuius partis priuilegij.

6 Sed an hæc voluntas sola sufficiat, est controuersia. Et quidem si priuilegij renuntiatione cedit in aliorum vtilitatem; quia scilicet renuntiatione ius aliis conferitur, vel remittitur, vt contingit in priuilegio non soluendi tributa, exigendi decimas, & similia. tunc certum est renuntiatione etiam exterius manifestata non amitti priuilegium, nisi accedat acceptatio eius, cui interest; quia illa renuntiatione reuocabilis est: sicut & quælibet alia donatio, dum à donatario accepta non fuerit. sic glossa ex *cap. cum venissent, de eo qui mittitur in possessionem, verbo obtuli.* & ibi notat Bald. *num. 8. l. a. in l. postquam liti, C. de pactis, num. 1.* cum aliis. Basilii de Leon *lib. 8. de dispensat. cap. 18. §. 2. num. 17.* Suarez *lib. 8. cap. 33. num. 9.* Si autem priuilegium sit ex illis, quæ solum spectant priuilegiarium, neque alteri damnum inferunt, vt sunt priuilegium eligendi Confessorem, recitandi ante horam consuetam, comedendi carnes diebus prohibitis. Probabilius tamen non amitti, nisi concedentis priuilegium acceptatio renuntiationis accedat. sic docet Sanchez *lib. 8. dispur. 32. num. 2.* Salas *dispur. 20. sect. 19. sub num. 128.* Bonacina *dispur. 1. quest. 3. punct. 8 §. 4. num. 3.* Suarez *lib. 8. cap. 33. num. 18.* Basilii de Leon *lib. 8. de dispensat. cap. 18. §. 2. num. 18.* Ratio est, quia per renuntiationem non immutatur voluntas concedentis priuilegium; sed cum perseuerat voluntas concedentis, perseuerat priuilegium, cuius vis, & efficacia ab illo dependet. Ergo. Et explicatur amplius discurrendo per priuilegia, quæ tibi possunt concedi; alia enī sunt, quibus à lege communi eximeris: & hæc non videntur posse sola tua voluntate perdi, quia voluntas propria non est sufficiens imponere tibi nouam legis obligationem, à qua iam

per priuilegium exemptus eras; si enim exemptus fuisti per priuilegium ab obseruatione alicuius interdicti, quomodo per voluntatem tuam iterum contrahere poteris illius obligationem? Est enim obligatio non ex tua voluntate, sed ex lege. Si autem priuilegium sit facultatis, & iurisdictionis concessum, vt contingit in priuilegio absoluendi penitentes, iudicandi reos, & similia: iam illud priuilegium à tua voluntate in conseruari non pendet, sed permanens est, quoties concedens non reuocauerit, quia ita communi bono, & rectæ gubernationi expediebat. Quæ omnia satis confirmantur ex *cap. licet, de procuratoribus, in 6.* vbi licet s, qui procurator constituitur ab absente, dixerit præsentatum sibi suscipere nolle mandatum: hoc tamen nequaquam obstat, *quam tu conseruens in eadem perseueris voluntate, ipsum acceptare poteris, quamdiu cumque placueris.* Ecce qua ratione sola renuntiatione non amittitur mandatum procurandi. Ergo neque etiam priuilegium.

7 Dices. Pendet quidem priuilegium à concedente, sed est concessum sub hac tacita conditione, dum priuilegiarius illud acceptauerit: cum autem per renuntiationem iam priuilegiarius non censeatur acceptare priuilegium, cessat quidem priuilegium, quia cessat etiam voluntas concedentis illud. Quod autem sub hac conditione fuerit concessum, inde probatur. Tum quia est in fauorem priuilegiarij, & fauor inuito non debet concedi. Tum quia ea de causa à principio exposulatur acceptatio priuilegiarij, vt suum effectum sortiat priuilegium. Ergo.

Sed contra, quia concessio priuilegij fuit absoluta, vt suppono. Ergo non debemus facere illam conditionalem contra verba priuilegij; decet enim beneficium Principis permanere, & latam interpretationem habere. Aliàs liceret etiam dispensationem aliquam concessam in consanguinitate, affinitate, & irregularitate affirmare, datam esse sub conditione, id est, dum dispensatus vti illa voluerit. Item si aliqua conditio, quæ fauorem priuilegiarij contineat, in concessione priuilegij includatur, ea est, vt priuilegiarius habeat priuilegium, quamdiu voluerit habere, & careat quamdiu noluerit, vt sic in voluntate priuilegiarij priuilegium positum sit. quæ gratis, & sine fundamento dicuntur, ac proinde affirmandum est concessio, & acceptato priuilegio, semper perseuerare, quoties concedens renuntiationem illius non acceptauerit; acceptando enim renuntiationem, reuocat priuilegium. Acceptatio autem in principio exposulatur, quia natura priuilegij, sicut & cuiuslibet donationis, acceptationem requirit.

8 Ex quo fit electum renuentem consentire electioni, posse mutata voluntate eandem acceptare electioni, posse mutata voluntate eandem acceptare electionibus in eadem voluntate perseuerantibus. Et idem est de iudice delegato, & arbitro, qui delegationem reprobant, & de beneficiario, cui beneficium collatum est, posse etiam si prius collationi dissenserit ei consentire, & beneficium obtinere, dummodo conferens in priori voluntate perseueret. sic docet Sanchez *lib. 8. disp. 32. n. 2.* cum gloss. Ioan. Andr. Archid. & aliis.

9 Limitat autem Sanchez *ill. disp. 32. n. 3.* vt supradicta doctrina intelligatur in priuilegiis, & dispensationibus altarum legum; lecus verò in dispensatione voti, & iuramenti; quia obligationem aliarum legum non potest quilibet sibi pro libito imponere: at obligationem voti, & iuramenti, cum à propria voluntate pendeat, poterit quilibet, etsi dispensatus sit, sibi iterum imponere: censeatur autem sibi imponere, quoties renuntiat dispensationi sibi factæ in tali voto, & iuramento; quia hæc renuntiatione nihil aliud esse videtur, quàm voluntas redeundi ad priorem obligationem. Ergo per renuntiationem solum absque vlla acceptatione amittitur in voto;

& iuramento dispensatio concessa. Verum si bene perpendatur hæc limitatio, nobis contraria non est. Aliud enim est dispensationem, & priuilegium concessum tolli voluntate priuilegiati tantum, aliud indigere noua dispensatione, & nouo priuilegio, si nouum vinculum contrahatur. Fateor ergo dispensatum in voto, & iuramento posse denuo vouere, & iurare, & nouum vinculum sibi imponere, indigens noua dispensatione; sicuti qui ab irregularitate homicidij esset dispensatus, poterat nouam irregularitatem alio homicidio contrahere. At hoc non probat, dispensationem in voto priori, & iuramento renuntiari posse; quantumcumque enim velis illi renuntiare, non poteris obtinere, quia iam à tua voluntate non dependet, sublato enim illo vinculo, semper manet sublato, etsi possis aliud denuo, & omnino simile tibi imponere. Adde contingere posse te velle renuntiare dispensationi concessæ in voto, aut iuramento, quin votum, aut iuramentum denuo facias, quod contingit, quando ignoranter existimas in tua voluntate esse positum prodesse, vel non prodesse dispensationem; & insuper habes voluntatem non repetendi votum; tunc enim votum non repetis, & renuntiat o non habet effectum, sic Salas *disp. 20. sect. 19. fin.*

10 Sed inquires, quis possit hanc renuntiationem priuilegij, & dispensationis acceptare?

Respondeo. nullum alium præter concedentem priuilegium, aut habentem ab illo commissionem: cum enim hæc acceptatio renuntiationis, sit virtualis reuocatio concessionis factæ; à nullo alio oriri potest, nisi ab illo à quo fuit facta concessio, aut ab illo, qui ab eo habet commissionem. Hanc autem commissionem non censetur habere executor dispensationis, & priuilegij; quia hic non est delegatus ad reuocandam dispensationem, sed potius ad illam exequendam; & ita aliis relatis docet Sanchez *lib. 8. disp. 32. n. 4.*

11 Sed quid dicendum de tacita renuntiatione? Tacitam renuntiationem appello eam, quæ desumitur ex actibus, qui non videntur stare posse cum animo vtendi dispensatione, & priuilegio. v.g. dispensatus fuisti in aliquo impedimento ad contrahendum matrimonium cum Maria, contraxisti postea cum Catalina, videris renuntiare dispensationi tibi concessæ. Item dispensatus fuisti ad beneficia obtinenda, ducis uxorem, videris renuntiare dispensationi factæ.

12 Credo tamen huiusmodi actus stare optimè posse sine voluntate renuntiandi dispensationem, & priuilegium concessum; quia potest habere animum retinendi priuilegium pro tempore, quo eius vsus licitus illi sit. Sed demus fieri illos actus animo reuocandi priuilegium, vel dispensationem, non obinde dispensatio, aut priuilegium amittitur; quia si renuntiatio expressa priuilegij non valet cassare priuilegium, nisi acceptata sit à concedente priuilegium, neque etiam renuntiatio tacita illam efficaciam habebit, quousque per concedentem priuilegium fuerit acceptata. Requiritur ergo, vt priuilegium, & dispensatio cessent per renuntiationem, tacitam acceptati à concedente.

13 Ex his inferitur primò, si dispensationem obtinuisti, vt consanguineam duceres, & duxisti aliam, vel castitatis votum fecisti, poteris mortua uxore, vel dispensato voto, vt priori dispensatione; quia illa dispensatio non fuit amissa, habuit enim effectum, qui non reuocatur. Quod verum est, etiamsi ruperis instrumentum, vel indultum dispensationem continens; quia hoc solum impedit, ne faciat fidem in foro exteriori, non tamen inualidat dispensationem iam concessam, sic Sanchez *disp. 32. num. 6.* Basilus de Leon *lib. 8. cap. 18. §. 3. num. 20.*

14 Inferitur secundò, si illegitimus impetraret dispensationem ad beneficia, vel quilibet alius ad plura beneficia habenda; & obrepta dispensatione ad nuptias

transiret: adhuc non extinguere dispensationem, sed mortua uxore posse beneficia consequi. Ratio est, quia matrimonium non reddit cassam dispensationem, sed illius vsus suspendit. Item quia dispensatio illegitimitatis tollit inhabilitatem ad beneficia; quæ inhabilitas semel sublata non rediit per matrimonium contractum; non igitur matrimonium facere potest, vt iterum censeatur illegitimus. Si autem dispensatio sit ad plura beneficia obtinenda, est dispensatio in lege statuente, neminem posse plura beneficia retinere, sed vnum tantum. At ex tali dispensatione non conceditur dispensatio ius aliquod ad beneficium, quia neque est institutio, neque electio, nec presentatio, sed solum redditur habilis, & capax illorum: siquidem lege prohibente pluralitatem beneficiorum solutus est. Hanc autem capacitatem, & habilitatem: quia non est ius ad beneficium, non tollit matrimonium, sed suspendit eius vsus. sic Sanchez *lib. 7. de impedim. disp. 42. num. 9.* & consentire videtur Basil. loco citato.

PUNCTUM XVIII.

An priuilegium, & dispensatio amittatur per non vsus.

- 1 *Amitti per non vsus. Et qui non vsus debeat esse.*
- 2 *Propositur efficax dubitandi ratio.*
- 3 *Priuilegia, quæ in aliorum grauamen non cedunt, non perduntur per non vsus.*
- 4 *Quæ cedunt, tunc amittuntur, quando grauati prescribunt.*
- 5 *Excipe nisi in priuilegio fuerit appositum, vt utaris illo tuo arbitrio.*
- 6 *Decennium affirmat communis sententia sufficere, vt grauati prescribant aduersus priuilegiatum, priuilegio non utentem.*
- 7 *Resoluitur dari non posse regulam generalem, sed aliquando decennium, aliquando vicennium, & ultra est requisitum.*
- 8 *Amittuntur hæc priuilegia tam in foro externo, quam in conscientia.*

1 **Q**uestio procedit solum in priuilegiis, & dispensationibus respicientibus actum aliquem positium, qualis est accipiendi decimas, comedendi carnes diebus prohibitis, eligendi ad beneficia, & similia; quia solum in his potest inueniri non vsus, hoc est, carentia huius priuilegij, sic DD. statim referendi.

De his ergo priuilegiis regula generalis est per non vsus amitti: sic docent glossa, Abbas, Innocent. Felin. Decius in *cap. cum accessissent, de constitut.* Azor *lib. 5. cap. 4. quest. 8. & cap. 42. q. 8.* Salas *de legib. disp. 17. sect. 13. n. 63.* & *disp. 19. sect. 10. num. 115.* Suarez *lib. 8. cap. 34. num. 2.* Bonacina *disp. 1. q. 3. p. 8. §. 5. n. 3.* Basil. de Leon *lib. 8. de matrim. cap. 18. §. 3. n. 21.*

Pro huius regulæ explicatione aduertendum est primò, non deperdi priuilegium, per quemlibet non vsus illius, sed per non vsus voluntarium, & liberum, data occasione vtendi priuilegio, qui vocatur non vsus priuatiuus, seu omissiuus. Nam si longissimo tempore nunquam se obtulit occasio vtendi priuilegio, vel oblata occasione non potuisti illo vt, per talem non vsus amitti non potest priuilegium, quod constat ex *l. vnu ex socijs, §. vlt. & l. seq. ff. de seruit. rust. prad.* vbi habetur non amitti seruitutem mihi debitam, de aqua ducenda in fundum meum, si illa vsus non fuerim; quia sens exaruit. sic Doctores supra relati. Ex quo fit, si vniuersitati sit concessum priuilegium scholasticos ad gradus magistri, vel Doctoris promouendi: & per decennium, vel longius tempus neminem promouit; quia nullus promoueri voluit, priuilegium non amittere. Excipe, nisi vniuersitas causam dederit scholasticis, quare

quate nolint promoueri; quia tunc est idem, ac si nolisset promouere volentem. Idem est si privilegium habens à Principe exigendi aliquod tributum, vel excludendi milites à ciuitate: & nulla se occasio obrulit exercendi privilegium, privilegium non amittit, sic Basil. Salas, Azor, Bonacina, Suarez *supra*, cum aliis. Ad idem est, si privilegio nō utaris ob conventionē factam cum alio, sic Bonac. n. 5. Suar. cum Felin. lib. 8. c. 34. n. 26.

ad fin. quia tunc ratione conventionis factus es impotens utendi illo, vel, ut melius dicam, videris æquivalenter privilegio uti, si aliquid pro non usu illius recipis.

2 Sed circa supradicta est prima difficultas, qua ratione per non usum possit privilegium, quod absolutè, & absque determinatione temporis conceditur, amitti: Ratio difficultatis est, quia non usus rei propriæ non tollit dominium illius; hoc enim dominium non deperditur præcisè ex eo, quod re propria non utaris. Ergo non deperditur privilegium per non usum. Alias dominium pecuniæ, & veltium, aliarumque rerum mobilium, & immobilium deperderes eo solum, quia illis non uteris, quod est falsum. Requiritur ergo ad minus quod illas relinquant, & à te abiciant, & quasi pro derelicto velis habere, ex l. 1. c. 2. ff. pro derelict. Ergo quoties privilegium à te non abiicis, quod renuntiatione debebat fieri, non poteris illud per non usum amittere. Deinde non usus in tantum esse potest causa amittendi privilegium, in quantum indicat illius renuntiationem, vel est occasio, quod grauatus privilegio aduersus privilegiatum præscribat. At neutra ex his rationibus probat amitti privilegium per non usum. Ergo. Probo minorem quoad primam partem. Nam licet non usus privilegij indicet renuntiationem illius: at renuntiatione etiam expressa non amittit privilegium, quousque acceptetur à concedente. Ergo ex non usu, quatenus significat renuntiationem, amitti ipso iure non potest. & sic ultra DD. superiori §. relatos docet Suarez *illo cap.* 34. n. 27. Adde ex non usu privilegij præsumi non posse renuntiationem illius; quia ob alios fines potest privilegiarius privilegium non vti, ut notant Basil. de Leon *illo cap.* 18. §. 2. c. 3. cum Vasquez *12. disp.* 177. n. 54. c. 55. Suarez *c.* 34. n. 17. c. seq. Quod autem ex non usu, quatenus occasio est, quod grauatus privilegio aduersus privilegiatum præscribat, amitti non possit, sic probo. Tum quia hoc non esset amittere privilegium per non usum formaliter, sed solum occasionaliter tantum: tum quia non in omnibus privilegiis potest dari præscriptio. Quæ enim præscriptio dari potest, in privilegio tibi concessò compedendi lacticia, recitandi ante horam consuetam, & alia similia; quæ solum privilegiatum respiciunt, neque versantur circa alios, vel tollendo ab illis commoditatem aliquam, vel imponendo nouum onus, siquidem præscriptio non est sine possessione continuata rei, quæ præscribitur: at huiusmodi privilegia non habent usum, qui extra privilegiarium egrediatur. Ergo in illis nullus potest præscribere. In aliis autem privilegiis, quæ in aliorum grauamen, & seruitutem redundant, ut sunt privilegia decimandi, imponendi tributa, etsi videantur posse grauati illis privilegiis præscribere aduersus privilegiarium: at hæc præscriptio tolli videtur à concedente privilegium, siquidem in voluntate privilegiarij constituit usum eius. Quoties autem voluntati privilegiarij remittitur usus privilegij, censent plures non contemnendi Doctores non posse aduersus privilegiarium præscribi. sic Felin. in c. cum accessissent, de consuet. n. 26. c. 27. Decius n. 17. Balb. de præscript. 4. p. 5. princ. vers. quarto quæro, n. 4. Gloss. ordin. in cap. vi privilegia, gloss. pen. in fin. de privileg. ubi Anton. Molin. de Hisp. primog. lib. 2. cap. 7. fin. §. sed verum videtur. Azueved. lib. 5. tit. 7. l. 2. noua compilat. sine. Azor lib. 5. cap. 4. q. 8.

3 Pro resolutione huius difficultatis dicendum est primò privilegia, quæ in aliorum grauamen non redun-

Ferd. de Castro Sum. Mor. Pars I.

dant, qualia sunt privilegium non ieiunandi, non recitandi, comedendi lacticia, dicendi sacrum ante horam consuetam: quibus etiam annexi debet privilegium audiendi confessiones, ministrandi sacramenta, eligendi Confessorem; quia ex tali privilegio non derogatur ordinaria potestas, siquidem integra manet, & ex alia parte lenat eius onus, & animarum saluti maximè prodest: ut bene dicit Suarez n. 15. Bonacina n. 5. Basil. de Leon n. 21. De his ergo privilegiis, probabilius censeo, nunquam perdi per non usum quantumcumque continuatum; quia nulla est lex statuens hæc privilegia amitti per non usum, leges enim statuentes privilegia per non usum amitti, ut l. 1. ff. de nundinis, & in nostro regno l. 41. tit. 18. p. 3. l. 3. tit. 7. p. 5. loquuntur de privilegiis, quæ in grauamen aliorum cedunt, ut legenti contabit. Ergo non sunt extendenda ad hæc privilegia. Tum quia restrictio privilegiorum, & illorum decisio est odiosum: tum quia est diuersa ratio, siquidem in illis, quæ circa aliorum actus versantur, potest dari præscriptio: at in his privilegiis, quæ solum privilegiarij actiones respiciunt, nulla esse potest, ut ex ratione dubitandi constat. Ergo. Et ita sentit Suarez n. 16. Bonacina, Basil. de Leon *supra*.

4 Dico secundò, privilegia, quæ in aliorum grauamen cedunt, tunc amittuntur à privilegiato per non usum, quando grauati aduersus privilegiatum præscribunt. sic docet Basil. de Leon lib. 8. c. 18. §. 3. n. 21. Suar. *illo cap.* 34. à n. 16. præcipue n. 20. c. seqq. Bonac. n. 5. Salas, Azor & alij in principio relati. Ratio est, quia præscriptio vim habet mutandi rerum dominia, & consequenter auferendi ab alio, quod sibi proprium erat. Ergo si grauati aliquo privilegio aduersus privilegiarium præscribunt, præscriptione facta peribit in privilegiario privilegium: dicetur autem perire per non usum illius, quia ex non usu orta fuit formaliter præscriptio. Quod autem in his privilegiis præscriptio inueniri possit, probatur facile, quia vel illa privilegia sunt de exercenda aliqua actione illis onerosa, vel de exigenda ab illis; quocumque enim modo sit privilegium, si privilegiarius eo non utitur longo tempore, alij præscribere poterunt contra privilegiarium, ne illo privilegio utatur. Ergo. Probo minorem. Nam ex eo quod privilegiatus tali privilegio non utatur, alij possident se, & sua pro libito, siquidem privilegiatus illos non grauatur ex actione alicuius operis, vel impositione illius. Sed possessio hæc longo tempore continuata, est præscriptio. Ergo.

§. Limitant tamen hanc conclusionem gloss. Balb. Decius, Molin. Azor, & alij relati *supra* in ratione dubitandi, ut intelligatur, quando non est in privilegio expressè appositum, ut utaris illo pro tuo arbitratu: nam si tuæ voluntati usus liberè relictus est, censent hi DD. non præscribi aduersus illud, quia dici non potest dum vita durat, re non vti privilegio, siquidem privilegium dicit: Utaris illo, quandiu volueris. Ergo dum potes velle vti privilegio, concessionem illius non contradicis. Et confirmo. Si privilegium diceret: Concedo tibi facultatem instituendi maiorum in tua vita, vel tempore mortis, tale privilegium in tua vita per non usum amitti non poterat, quia dum vita finita non est, iudicari non potest re privilegio non vti, ut expressè tradit in hoc casu Molin. de primog. *illo cap.* 7. fin. Azened. l. 2. fin. tit. 7. lib. 5. noua compil. Mol. Theol. tom. 3. de iust. traet. 2. disp. 599. fin. n. 10. Sed idem casus esse videtur, quando tuæ voluntati usus privilegij relinquatur; facit enim hunc sensum: Si velis in tua vita hoc privilegio vti, tibi est concessa facultas. Hæc limitatio displicet nostro Mol. Theol. *supra*. Salas disp. 19. de leg. fin. n. 115. Suarez lib. 8. c. 34. n. 28. & displicet Abbati in cap. ut privilegia, de priuileg. & Ias. et si sub dubio, in l. fin. n. 57. ff. de consuet. Princip. Anton. de Padilla in l. 2. c. de diuers. rescript. n. 5. Quia in quolibet privilegio tacitè inest hæc conditio, si illo vti voluerit privilegiatus, non enim obligatur illo vti.

Y 2

Cæterum

Cæterum mihi retinenda videtur limitatio supradicta, utpote maiori Doctorum calculo firmata. Fateor ergo in quolibet priuilegio subintelligi illam conditionem, ut priuilegiatus illo utatur, si voluerit, sed non subintelligitur eodem modo, ac quando exprimitur; quando enim exprimitur illa conditio, extenditur pro tota priuilegiati vita, ac proinde impeditur præscriptio aduersus illud, durante vita; at quando illa conditio non apponitur, solum intelligitur concessa facultas pro tempore, quo alius aduersus priuilegiatum non præscribit. Moueor ad hanc distinctionem apponendam, ne cogar dicere illa verba, quibus usus priuilegij liberæ voluntati priuilegiarij remittitur, esse inutiliter apposita.

6 Secunda difficultas est, quantum tempus requiratur, ut aduersus hæc priuilegia, quæ in aliorum grauamen sedunt, detur præscriptio? Communis sententia docet requiri, & sufficere decennium. sic Felin. Panorm. Decius in cap. cum accessissent, de constit. Bart. Iaf. & alij in l. 1. ff. de nundinis, & in l. falso, C. de diuersis refer. Rebuff. in pract. tit. de different. inter priuilegia, & rescripta, n. 41. Mandos. tract. de priuileg. ad usum, gloss. 11. n. 5. & alij plures relati per Bald. in tract. de præscript. 4. p. 5. princ. vers. quarto quaro. Mouentur ex supradicta l. 1. ff. de nundinis, ubi facultas concessa à Principe celebrandi nundinas, si per decennium illis non fuerit usus, amittitur. Et confirmari potest ex l. 42. tit. 18. p. 3. ubi affirmantur priuilegia, quæ dantur ad aliquid agendum, quæ aliàs non licent, decennio perire, si illis priuilegiatus non fuerit usus: & ponit exemplum in priuilegio nundinarum, extrahendi à regno vitæ, vel vendendi ea, quæ vendere non licebat, seu per aliam mensuram inconsumetam, & his similia; hæc enim priuilegia, subiungit lex, semper durant, si usaren dellos fasta diez años desde el dia, que les fueren dados, mas si fasta este tiempo no usaren dellos, dando adelante purdese, e no deben valer.

7 Cæterum existimo regulam generalem statui non posse, sed attendendas esse leges præscriptionis, ut inde colligatur, quando hæc priuilegia amittantur; aliquando enim in præscriptione sufficit decennium, aliquando verò requiritur vicennium, vel tricennium, vel quadrigennium. Ergo cum hæc priuilegia non amittantur præcisè ex non usu, sed ex præscriptione; tempus, quod fuerit ad præscriptionem requisitum, erit etiam ad amissionem horum priuilegiorum. & ita tenet Suarez lib. 8. cap. 34. n. 20. Basil. de Leon lib. 8. cap. 18. n. 23. Menoch. lib. 6. præsumpt. 41. fine, & lib. 8. consil. 727. in fine, num. 13. in nouissima editione. in quibus locis plures Doctores refert, affirmantes decennium solum intelligi de priuilegiis singularibus concessis, non de priuilegiis concessis communitatibus, & Ecclesiasticis personis, in quibus longius tempus ad eorum amissionem requiritur: regulariter enim decennium inter præsentis requiritur, vicennium inter absentes, quia hoc tempus sufficiens est ad præscriptionem seruitutum, & iurium incorporalium; ut tradit Anton. Gomez lib. 2. var. c. 25. Couart. lib. 1. var. cap. 17. Molin. Theolog. tract. 2. de iust. disp. 7. ad quæ priuilegia reduci possunt. At si priuilegia sunt Ecclesiis, aut monasteriis concessa: tunc quadrigennium est necessarium, ex cap. accedentibus, de priuileg. cap. illud, de præscript. & licet in cap. si de terra, de priuileg. videatur exposulati, ut sufficiens tricennis præscriptio; at per caput accedentibus, correctum esse videtur, ut ibi tradunt glossa, Felin. Abbas, & alij communiter.

In nostro tamen regno priuilegia ad agendum concessa deperduntur per non usum illorum intra decennium à concessione; priuilegia verò ad non agendum, scilicet ad non soluendum tributum, non deperduntur, nisi per non usum per triginta annos, quæ omnia constant ex l. 42. tit. 18. part. 3. & ibi Lopez. Matienzo lib. 5. tit. 10. l. 1. gloss. 17.

Neque obstat aduersus hæc l. 1. ff. de nundinis; tum

quia hæc loquitur in speciali casu, & qui maximè præiudicat vniuersis, ideoque breuiori tempore amittitur, ut dixit gloss. ibi, & in l. falso, verbo perennia, C. de diuersis refer. tum quia erat priuilegium laicis concessum, quod decennio amitti potest præscriptione in contrarium. Et eodem modo explicanda est l. 42. suprà relata. Adde nõ carere probabilitate in nostro regno non amitti priuilegia illa ad agendum, vel non agendum concessa; si in primo decennio, vel tricennio à die concessionis illis usus fueris, etiam si infra illud decennium, vel tricennium longissimo tempore illis usus non fueris, quia ita videtur decidi in supradicta l. 42. illis verbis, *Tales priuilegios como estos duran por siempre, pero purdese, si los que los tubieren no usaren de ellos, fasta treinta años, del dia, que les fueren concedidos.* Idem habetur in l. 3. tit. 7. p. 5. in fin. & infra loquens de priuilegiis ad agendum dicit, *duran siempre, si usaren de ellos, fasta diez años, des de el dia, que les fueren dados.* Vnde ad perpetuitatem horum priuilegiorum, solum videtur exposulati, ut in primo decennio, vel tricennio, illis fuerit usus: quodque satis ex principio illius legis constat, & tradit Gregor. Lopez ibi, verbo *fasta treinta años*; & probabile reputat Suarez num. 24. Basil. de Leon n. 23. etsi probabilius censeant per non usum decennij, quocumque tempore sit, amitti.

8 Tertia difficultas est, an hæc priuilegia, quæ per non usum cum alterius præscriptione amittuntur, non solum in foro externo, sed etiam in interiori amittantur?

Respondeo affirmatiuè, quia præscriptio præbet iustum titulum, possidendi rem, & tollit potestatem à quocumque alio illa vtendi. sic docet Suarez lib. 8. c. 34. num. 26. Bonacina disput. 1. quæst. 3. punct. 8 §. 5. fine. Basil. lib. 8. de matrim. cap. 18. §. 3. num. 24. Salas disp. 17. sect. 13. num. 64. vers. nihilominus.

PUNCTUM XIX.

An priuilegium amittatur per actum contrarium illius.

- 1 Non amittitur, si priuilegium solum fauorem priuilegiati respicit.
- 2 Cessat priuilegium, si tractum successuum non habeat.
- 3 Quæ cedunt in aliorum grauamen non amittuntur, nisi ipsi præscribant.
- 4 Quoad valorem actuum, quibus priuilegio contradicis, cessat priuilegium, tamen si alij non præscriperint.
- 5 Si habes priuilegium non soluendi ueiligalia, & permittas te scribi in libro, ubi ceteri non priuilegiati scribuntur, non amittis priuilegium.
- 6 Idem si priuilegium habeas, ne eligaris ad munera publica, & permittas te eligi.
- 7 Idem est de communitate exempta à decimis, si semel, vel iterum soluat.
- 8 Quæ requirantur ad præscriptionem contra priuilegiatū.
- 9 Quid dicendum, si condemneris ante præscriptionem, in amissione priuilegij.

1 EX dictis in puncto præcedenti facilis est huius difficultatis solutio. Dicendum ergo est primò, priuilegia absoluta, quæ solum respiciunt priuilegiatū, nullo modo amittuntur per usum contrarium: tum quia contrarius usus priuilegij non inducit renuntiationem illius, cum possit ob alios fines haberi à priuilegiato, scilicet ob vitandam aliquam litem, aut in gratiam personæ alicuius; quotiescumque autem aliqua, etsi leuis, coniectura fieri potest alterius finis à renuntiatione, præscriptio renuntiationis excludenda est, quia talis renuntiatio odiosa est, & restringenda, ut relato Felin. Anton. & aliis docet Suarez lib. 8. cap. 35. num. 12. Basil. de Leon lib. 8. cap. 18. §. 3. num. 28. Bonacina disp. 1. q. 3. punct. 8. §. 6. n. 5. Adde etsi præsumatur renuntiatio esse facile,

fecisse, ex illa non adimitur privilegium, quousque acceptetur renuntiatio a concedente, ut supra diximus. Ergo. Et ita tenet in his privilegiis Suarez à num. 7. Basilus num. 25.

2 Dico secundò, privilegia, quæ non habent tractum successuum, sed ad unicum actum conceduntur, per contrarium usum illius omnino cessant. Et in hoc sensu est verissima sententia communis, privilegium amitti per contrarium usum, de quo communiter DD. in cap. cum accessissent, de consuet. cap. si de terra, cap. accedentibus de privileg. glossa in cap. ex ore, de his quæ sunt à maiore, verbo renuntiassent, & in cap. gratum, de offic. deleg. verbo recessum. Barr. las. & alij in l. ult. ff. de constit. Princip. & tradunt Bonacina, Suarez, Basil. Salas, Azor, Gregor. Lopez, & alij locis sæpe allegatis. Ratio est manifesta, quia si privilegium datum erat pro vno actu, & tu illum non efficis, sed potius contrarium, cessat tibi privilegium.

3 Dico tertio, privilegia, quæ in aliorum gravamen cedunt, quæque tractum habent successuum, eo quòd dentur ad plures actus, non amittuntur neque vno, neque pluribus actibus contrariis, nisi ex parte illorum, qui gravati sunt, detur præscriptio. Probo, quia huiusmodi actus non sunt toti privilegio contrarij, cum non sint contrarij omnibus actibus, qui fieri possunt ex tali privilegio, sed aliquibus. Ergo non derogatur privilegium ex illis. Et confirmo. Si habeas privilegium non soluendi tributa, & solvas hac occasione, & tempore, potes nolle in posterum soluere. Ergo vna, vel altera solutio non integrè contradicit privilegio. Ergo non possunt ex illis actibus amitti. Quod satis probatur ex l. 2. ff. de privileg. veter. m. ubi asseritur non labefactari privilegium immunitatis ab oneribus civitatis, esto quis sponte aliqua munera subeat. Idem colligitur ex l. voluntarie, C. de excusat. l. 2. C. de his qui sponte munera subeunt. lib. 10. & l. 43. tit. 18. p. 5. & cap. si de terra, cap. accedentibus de privileg. & relatis alijs tradit Gregor. Lopez l. 42. tit. 18. p. 3. in princ. Suarez cap. 35. n. 10. Bonacina disp. 1. q. 3. p. 8. §. 6. n. 12. Salas sect. 13. n. 66. Basil. n. 27.

4 Verum etsi hoc privilegium non deperdas contrariis actibus, quousque ex parte illorum, qui privilegio gravantur, detur præscriptio: at quoad valorem illorum actuum, quibus contradicit privilegio, cessat tibi privilegium, neque allegare illud potes: ne glossa ex cap. gratum, de off. deleg. cap. ex ore, de his quæ sunt à maiore. & colligitur ex l. 2. & 3. C. de his qui sponte munera subeunt, lib. 10. & tradit Gregor. Lopez, Bonacina, Suarez, Salas, Basil. supra. Ratio est manifesta, quia in eo, in quo vis contradicere privilegio, non potes velle ut illo: si enim habeas privilegium non soluendi tributum, & solvas, iam in illa solutione non vis privilegio gaudere, sed potius renuntiare. Quia ratione in l. 43. tit. 18. p. 3. fine, dicitur, habentem privilegium super aliquas res, si de vna illarum conveniatur in iudicio, & condemnetur, eo quòd non allegaverit privilegium, privilegium illi cessat, quoad illam rem tantum: ita ut amplius in iudicio allegari privilegium super illa re non possit.

Hoc tamen intelligi debet, modò privilegium sit ex illis, quæ in tut favorem directè concessa sunt, quibus tu præiudicare potes, aliàs nihil privilegio derogas, etiam si plures actus contrarios illi facias, ut notavit Basil. n. 26. Suarez à n. 11. Salas, & Bonacina supra.

5 Ex his inferitur primò. Si habeas privilegium non soluendi vectigalia, & permittas scribi in libro, ubi cæteri non privilegiati scribuntur: & intra decem dies non appelles à tali gravamine, non obinde amisisse privilegium; quia non processit tempus requisitum ad præscriptionem, sed solum inferitur te velle illa vice soluere: sic tradit las. in l. ult. C. de constit. Princip. Alexand. consil. 33. quod refert, & valde commendat Gregorius Lopez supradicta l. 42. tit. 18. part. 3. consentit Barr. in l. voluntarie, C. de excusat. tutorum, & in l. ult. ff. de constitut. Ferd. de Castro Sum. Mor. Pars 1.

Principum. Suarez num. 14. fine. Basilus num. 28.

6 Secundò inferitur, si habeas universale privilegium, ne eligaris ad munera publica, & permittis eligi, non ideo amittis privilegium, ne ad alia munera eligaris, imò ne eligaris alia vice; sed solum amittis pro illa vice, qua electioni consentisti: colligitur ex suprad. l. voluntarie. ibi, voluntaria tunc munera privilegij nihil derogant. hoc est, nihil derogant quoad alia munera, præter ea, quæ sunt voluntarie suscepta, sic glossa ibi. Basil. n. 28. Suarez cum Felin. Barr. & alijs n. 12. & iuxta hæc explicanda est l. fin. ff. de privil. veteran. Veteranos, si passi sunt se in ordine legi, muneribus fungi cogendos esse, cogendos, inquam, esse fungi his muneribus, quibus se subiecerant, & quoad ea, quæ inde consequuntur, non tamen cogendos esse fungi alijs muneribus.

7 Tertiò infero. Si communitas privilegio exempta à solutione decimarum, decimas semel, aut iterum soluat, non amittere privilegium absolutè, sed solum quo ad illas decimas solutas; quia non est præsumendum voluisse integrè renuntiare privilegio, sed ad evitandam licentiam, aut alia de causa id fecisse. sic docet Basilus illo n. 28. Gregor. Lopez suprad. l. 42.

8 Dixi in conclusione non amitti privilegium per actus contrarios, nisi accedat præscriptio illorum, qui gravati privilegio sunt. Ut autem hæc præscriptio accedat, non requiruntur plures actus contrarij privilegio, sed sufficit, si vnus adsit continuatus, & sine vlla illius retractatione, quia tunc aduersus privilegiatum in illo genere præscribitur. quod optime advertit Suarez illo cap. 35. num. 20. ubi dicit: Si quis privilegiatus semel soluit gabellam, etiam si iterum non soluat, non ex usu privilegij, sed quia non occurrit occasio, & in eo statu permaneat per legitimū tempus, amittit privilegium, saltem quoad illam speciem tributi, quia præscribitur contra ipsum. Idem est, si passus est se eligi ad munus, ad quod erat immunis, vel passus est electionem fieri sine suffragio, ad quod habet privilegium: nam licet nulla alia electio fiat, illa cum tempore sufficiente sufficit. Quod autem sit legitimū tempus ad præscribendum? iam dixi superiori puncto.

9 Dico quartò. Si in his privilegijs, quæ tractum habent successuum, condemneris in amissione illorum ante tempus præscriptionis, eo quòd feceris actum privilegio contrarium, quia iudex præsumit te fecisse ex animo renuntiandi integrè privilegium, cum tamen non feceris, non teneris in conscientia sententiæ obedire, sed potes secluso scandalo privilegio uti; quia sententia in falsa præsumptione fundata non obligat: at in foro externo debes te reputare, ut privilegio destitutum: sic docet Bonacina illa disp. 1. quest. 3. punct. 8. §. 6. num. 16. Suarez illo cap. 35. num. 25. circa fin.

Secus verò, si sententia daretur, non ob præsumptionem renuntiationis, sed ob contraventionem privilegij: nam tunc etiam in foro conscientiæ, obedire teneris, quia est iusta sententia; rarò tamen sententia ob hunc finem pronuntiatur, sed solum, quia præsumitur privilegiarius renuntiasse privilegio. Suarez supra, cum glossa in cap. pro illorum, verb. ant. honestate, de præbend.

PUNCTUM XX.

An privilegium amittatur per illius abusum.

- 1 Quibus modis abuti potes privilegio.
- 2 Quemcumque abusum exerceas, dignus es illius amissione.
- 3 Ipso facto propter abusum, non priuatur quis privilegio, nisi ex verbis privilegij aliud constet.
- 4 Explicatur supradicta doctrina, discurrendo per abusum communiter contingentes.

1 Privilegio abuti potes tripliciter. Primò, si extendas privilegium ultra id, quod concedit. Secundò,

cundò, si occasionem ex illo sumes delinquendi. Tertiò addi solet, si fini priuilegij tuis prauis moribus resistis. v.g. est tibi concessum priuilegium, ne in Ecclesia resides, vt litteris vaces; tu verò teris tempus, & vanis rebus occuparis, fini priuilegij resistis.

2 Quocumque autem ex his modis priuilegio abutaris, mereris illud amittere, iuxta doctrinam satis receptam: Priuilegium meretur amittere, qui concessa sibi abutitur facultate. *cap. vbi, distinct. 74. cap. priuilegium, 1. 1. quest. 3. cap. licet, de regularib. cap. vt priuilegia, de priuileg. cap. contingit, 1. de sentent. excommunicat. & alibi sæpè.* Quia in quolibet ex his modis datur verus priuilegij abusus, ac proinde verum amissionis meritum. sic Salas *disput. 17. sect. 13. num. 67.* Bonacina *disput. 1. quest. 3. punct. vlt. §. vlt. num. 2.* Suarez *lib. 8. cap. 36. a num. 4.*

3 Difficultas est, an priuilegiatus propter abusum priuetur ipso facto priuilegio, vel veniat priuandus. Item an priuetur toto priuilegio, vel parte illius, id est, valore actuum, quos virtute priuilegij facit?

Cui difficultati respondeo, regulariter loquendo, nullum priuari suo priuilegio ob illius abusum, sed solum venire priuandum; quia in allegatis textibus solum dicitur mereri amittere priuilegium, qui concessa sibi abutitur potestate: id est, dignum esse amittere. sic docet Salas, Bonacina, Suarez *suprà*. Balilius de Leon *lib. 8. cap. 18. n. 29.*

Dixi in conclusione, regulariter loquendo, propter abusum non amitti priuilegium ipso facto, vt intelligeres aliquando ipso facto amitti, quia ex priuilegij verbis debes colligere; quæ si hanc penam expresse non apposerint, non debes censere ipso facto impositam, sed solum ferendam. Adde, etiam si ipso facto imposita sit, non teneris te priuilegij vsu priuare, quousque adueniat sententia saltem declaratoria abusus, ob quem priueris priuilegio, iuxta dicta de lege pœnali; & tradit in præsentem Suarez *lib. 8. cap. 36. num. 8.* Bonacina *disput. 1. q. 3. p. 8. §. vlt. n. 1.*

4 Vt autem supradicta clariùs intelligantur, placet discurrere per modos, quibus abuti potes priuilegio. Et quidem quando abuteris priuilegio, extendens illud ultra id quod potes, clarum est extensionem illam esse nullam, vt pote factam sine potestate; ob illam tamen extensionem, & priuilegij abusum mereris priuilegio priuari: & de facto aliquando priuaris, vel toto priuilegio, vel parte illius: vt in *cap. 2. de postulat. prælator. cap. cum in cunctis, §. vlt. & cap. cum Vintonensis, de elect.* In quibus textibus priuaris pro illa vice potestate eligendi, eo quòd elegeris indignum. Si autem secundo modo abutaris priuilegio, occasionem ex illo desumens delinquendi, mereris quidem priuilegio priuari: at facto ipso non es priuatus saltem, quousque adueniat sententia declaratoria criminis: vt videri potest in *cap. contingit, 2. de sentent. excommunicat.* vbi clericus incedens sine habitu, & tonsura, occasione liberiùs viuendi, non amittit priuilegium clericale, quousque ter monitus sit. Facta autem trina monitione iam illi priuilegium prodesse non potest. Credo tamen non teneri ipsum se priuilegio priuare, quousque per sententiam declaratur. Idem habetur in *cap. ex litteris, de vita, & honestate clericorum*, vbi clericus negotiator ter monitus non defenditur à soluendis tributis; quia facto ipso priuilegium abiicit clericale: debet autem constare ter monitum esse, & insuper declarari, quod prætermisisti diuinis officiis secularibus negotiationibus institerit. Ad idem reduci potest: qui in Ecclesia delinquit, eius immunitate priuatur. *cap. vlt. de immunit. Ecclesiar.* Quòd si abusus priuilegij tollat finem, & fundamentum illius: tunc clarum est cessare priuilegium eo modo, quo cessat finis, & fundamentum illius; si enim finis, & fundamentum priuilegij non omnino cessat, sed solum quoad aliquem actum, tunc priuilegium pro illo actu

cessabit. Si verò in totum cessat finis, in totum etiam cessabit priuilegium; sed hæc cessatio non est in pœnam abusus, sed ob defectum finis à priuilegio intenti. Exemplis manifestatur; conceditur enim clerico coniugato gaudere priuilegio clericali, si habitum deferat clericalem, & alicui Ecclesiæ deferuiat: quo priuilegio priuatur eo ipso, quòd laicè viuat; quia cessat tunc causa concessiois: vt constat ex Trident. *sess. 23. cap. 6. de reformat.* & dictum erat in *cap. ex parte, de clerico coniugato, cap. vnic. cod. tit. in 6.* Sed hæc amissio non est absoluta, & in perpetuum, sed interim dum laicè viuunt: nam si depositi habitu laico habitu clericalem deferat, & Ecclesiæ destinatus sit, gaudebit priuilegio. Accipe aliud simile, quod adducit Didacus Perez *l. 8. tit. 2. lib. 1. ordinam. regal.* Suarez *lib. 8. de legibus, cap. 36. num. 7.* Bonacina *disput. 1. quest. 3. punct. vlt. §. 7. fine.* Salas *disput. 17. sect. 13. num. 68.* de beneficiato, cui est priuilegium concessum lucrandi fructus suæ præbendæ absque residentia ob studium litterarum, qui si non studeat, amittit priuilegium, non quidem absolute, sed quoad fructum illius, hoc est, pro tempore, quo non studet, quia scilicet dum non studet, non poterit gaudere priuilegio, & virtute illius fructus præbendæ in absentia recipere; quia cessat conditio, seu causa, sub qua priuilegium est concessum: sicut enim beneficiatus absens à beneficio sine causa, non potest fructus illi tempori correspondentes lucrari; ita neque hic, qui illo tempore absque causa studiis non vacat, non poterit similes fructus lucrari virtute priuilegij; quia priuilegium residentiam Ecclesiæ in studium commutare visum est: quæ omnia non leuiter confirmantur ex *cap. generaliter, 16. quest. 1.* quod est sumptum ex *l. generaliter, C. de Episcop. & cleric. ibi, eis tamen clericos, & monachos habere huiusmodi beneficium* (scilicet ex emptionis à tutela, testamentaria, datiuæ, siue legitime) *sancimus, qui apud sanctas Ecclesias, vel monasteria permanent, non dimagantes, neque circa diuina ministeria desides, cum propter hoc ipsum beneficium eis indulgeamus.* Addit tamen Salas *illo num. 68.* & consentiunt Suarez, & Bonacina *suprà*, supradictam doctrinam procedere, quando ex priuilegio constat solum ob illam causam, quæ cessat, esse priuilegium concessum; secus verò si ob aliam æquè principaliter concessum fuisset, quæ tamen non cessaret. Item quando cessat ob causæ cessationem, priuilegium non cessat in se, sed quoad fructum eius pro tali tempore, seu modo operandi. Nam si postea velis bene vti, poteris fructu priuilegij gaudere.

PUNCTVM XXI.

De amissione priuilegij per renocationem.

PRæmitto primò priuilegium esse in triplici differentia. Primò est priuilegium gratuitum, id est, ex libera Principis voluntate concessum. Et hoc contingit dupliciter. Aliud consistens solum in potestate, & licentia delegata ad aliquem vsu contra legem, vel præter legem, aliud, per quod ius in priuilegiarium transfertur. Secundò est onerosum, & lucratiuum, qui datur ob aliquod onus, vel lucrum à priuilegiario exhibitum. Tertiò est priuilegium remuneratiuum, quod datur in præmium, & remunerationem seruitiorum, quæ à priuilegiario sunt Principi exhibita.

Præmitto secundò, priuilegium & subdito, & non subdito concedi potest.

Præmitto tertiò, priuilegium, siue gratuitum, siue onerosum, aliquando inuoluit dispensationem legis, aliquando non.

§. I.

An priuilegium gratis concessum reuocari possit.

- 1 Priuilegium datum ob aliquem usum validè reuocari potest absque causa, sed peccatum veniale committitur.
- 2 Priuilegium transferens dominium in priuilegiatum nequit à concedente, neque ab eius successore reuocari.
- 3 Satisfit enidam obiectioni.
- 4 Expenditur, quæ causa sufficiat ad reuocandum priuilegium acceptatum, cuius priuilegiatus habet dominium.
- 5 Princeps reuocans priuilegium, quod sine causa reuocare non potest, tenetur probare causam adesse reuocationis.
- 6 An requiratur ad huius reuocationem ultra legitimam causam compensatio priuilegi? Probabilius est non requiri.

Dicendum est, si priuilegium consistat in facultate, & licentia delegata ad aliquem usum, vel contra communem legem, vel præter illam, potest validè concedens, & eius successor reuocare, quando voluerit: at peccabit venialiter, si absque vlla causa id fecerit. sic cum communi sententia tradit Felin. num. 8. 9. & 10. de iud. Thomas Sanchez lib. 8. de dispensat. cap. 33. num. 1. Suarez de legibus, lib. 8. cap. 37. num. 10. Salas disput. 17. sect. 14. num. 70. & disput. 20. sect. 18. num. 126. Matienz. lib. 5. tit. 10. l. 6. num. 5. Bonacina disp. 1. quest. 3. punct. 8. §. 3. num. 1. Basilus lib. 8. de matrim. cap. 19. n. 11. Priorem partem conclusionis, scilicet validè posse reuocare hanc facultatem, constat; quia hæc est, quasi quædam delegatio: delegatus autem nomine delegantis operatur. Ergo ex voluntate delegantis cessare potest. Quod si hæc facultas, & licentia operandi contra communem legem, alicui subdito sit concessa; clariùs constat reuocari posse à concedente, quia potest ipse concedens exemptum à lege subditum iterum legi subiacere: quia cum non amiserit potestatem iurisdictionis in illum, poterit circa illum exercere, denuo imponens præceptum, quod per priuilegium sublatum fuit. Secundam partem conclusionis, scilicet in hac reuocatione peccatum veniale admitti probo. Quia sine causa voluntatem mutare, leuitatis, & inconstantia est, & contra naturam beneficii Principis, quod decet esse mansurum, ex reg. decet, de reg. iur. in 6. & tradit pluribus exornans Molin. de primogen. lib. 4. cap. 3. num. 10. Sanchez num. 11. Bonacina n. 6. Salas disput. 17. num. 70. Limitat tamen Sanchez num. 6. & 7. supradictam doctrinam in concessione iurisdictionis, quam dicit reuocari posse pro libito absque causa, etiam sine vilo peccato, quia videtur semper hæc excepta, ut daret, quoties concedenti placuerit. At credo retinendam esse communem sententiam, ut peccatum sit veniale hanc reuocationem facere absque causa, quia arguit leuitatem, & mutationem, & docet Suarez, Molin. Salas, & alij. locis allegatis.

2 Verùm si de priuilegio, quod dominium transfert in priuilegiarium, loquamur, siue subdito, siue non subdito concessum sit, non poterit concedens, neque eius successor reuocare validè absque causa, si iam fuerit acceptatum; quia donatio acceptata non potest ad libitum donantis reuocari. Aliàs absque causa poterit quis priuari rebus suis. sic cum communi sententia docet Suarez illo cap. 37. num. 7. Bonacina num. 5. Sanchez n. 2. Matienz. supradicta gloss. 1. num. 6. vbi plures refert. Molin. suprà num. 21. Ex quo fit, si tibi priuilegium sit concessum, decimandi, exigendi aliquod tributum, non po-

test Princeps pro libito à te tollere, quia possides illud tanquam bonum proprium, quo sine causa priuari non potes.

3 Neque obstat l. 15. tit. 10. lib. 5. noua compilat. vbi dicitur, *Tenemos por bien, y mandamos que las mercedes que se hicieren por sola voluntad de los Reyes, que se puedan del todo reuocar.* Quæ lex videtur esse contraria, tum dictis, tum l. 6. eod. tit. 10. lib. 5. vbi dicitur, *Las causas que el Rey diere a alguno, no se las pueda quitar el ni otro alguno sin culpa.* Quia, ut bene explicat Matienz. l. 5. loquitur in quodam speciali facto, scilicet in beneficiis factis à Rege ex sola eius voluntate, sine consilio procerum; vel loquitur de beneficiis, quæ à Rege sunt de redditibus sibi propriis, quales Hispanè vocantur *Juros*. Si enim de his feudum gratis alicui concedatur à Rege, poterit pro libito reuocari; quia conceditur sub hac conditione, ut duret, quoties concedenti placuerit: & traditur in l. 1. sine, tit. 26. part. 4. In aliis verò priuilegiis, & concessionibus retinenda est communis sententia, non posse pro libito concedentis reuocari.

4 Sed inquire, quæ causa legitima sit ad reuocandum priuilegium acceptatum à priuilegiato, & cuius ipse habet dominium?

Respondeo, si priuilegium non subdito fuit concessum, & ab illo acceptatum, nulla in concedente relinquitur reuocandi potestas, nisi in casu, in quo donatio perfecta reuocari potest; quia concedens non habet potestatem, neque in personam priuilegiarij, neque in bonis illius; non igitur poterit priuilegiatum acceptato priuilegio priuare: sicut enim Princeps ob bonum sui regni, non potest alterius regni subditum priuare bonis, ita neque poterit priuilegiis illi concessis, quia iam illa priuilegia bona sunt illius, & non concedenti subiecta: sic cum communi sententia docet Anton. Gabr. lib. 3. tit. de iure quæsito non tollendo, conclus. 6. num. 20. Matienz. lib. 5. recopil. tit. 10. l. 6. gloss. 1. num. 4. Dixi, nisi in casu, in quo donatio perfecta reuocari potest; quia huius priuilegij concessio, est quædam donatio; ac proinde ex illa causa, ex qua donatio reuocari potest, & priuilegium hoc reuocabile est: & notauit Matienz. cum aliis suprà.

Sed dices. Poterit priuilegium non subdito concessum cedere in graue detrimentum concedentis, vel regni. Ergo in tali casu poterit reuocari.

Respondeo ex illa causa, etiam donatio perfecta videtur reuocabilis, quid mirum si etiam priuilegium reuocetur? Adde illam propriè non esse reuocationem, sed cessationem priuilegij ex noua rerum mutatione; videtur enim concedi sub tacita conditione, dummodo damnosum non sit concedenti, & regno. Aliàs si concessum fuisset ea intentione, ut extenderetur ad euentum, in quo præiudicium graue concedenti, vel eius regno afferret, esset irrationabilis concessio. sic Suarez lib. 8. cap. 37. num. 3. Si verò priuilegium subdito fuerit concessum, clarum est reuocari posse ex illis causis, quibus donatio perfecta reuocabilis est. Item quoties in grauem iacturam Regis, vel regni cedit, ut ex non subdito diximus. Adde non solum ob has rationes posse subdito reuocari priuilegium acceptatum, & cuius ipse habet dominium, sed etiam, quoties ad publicam vtilitatem spectauerit talis reuocatio; quia cuiusvis bona subditi subduntur dispositioni Principis in ordinem ad publicam vtilitatem. Ergo in illis casibus, in quibus potest Princeps subditos priuare bonis suis, poterit & priuilegia illis concessa reuocare. Adde hanc non esse tam reuocationem, quàm cessationem priuilegij: videntur enim sub hac tacita conditione concessa, ut durent, quoties ad publicam vtilitatem, eorum cessatio non pertinuerit: sic docet multis relatis Matienz. lib. 5. tit. 10. l. 6. gloss. 1. num. 11. & 12. Suarez num. 5. Basilus lib. 8. cap. 19. §. 2. num. 13.

5 Sed inquires secundò, an quoties Princeps reuocat priuilegium alteri concessum, quòdque absque causa validè reuocare non potest, teneatur probare causam, vel sufficiat, si adesse affirmet?

Respondeo probabilius videri teneri probare causam; aliàs nihil esset firmum, sed facillimo negotio posset Princeps ius tertio quæsitum auferre: sic docet multos allegans Matien. lib. 5. recopil. tit. 10. leg. 6. glossa 1. num. 16. redditque rationem, quia vbi aliquid permittitur ex aliqua causa, & ea deficiente est prohibitum, satis non est causam exprimere, nisi verè probetur: & docet Bart. in l. si fors, per illum textum, ff. de castrensi peculio. & in l. si donatione, vbi latè moderni C. de collationib. Ripa lib. 2. respons. tit. de rescript. cap. 19. num. 19. latissimè omnium Aymon Crauetta de antiquis. tempor. in princ. num. 16. & deinceps vsque in finem.

6 Inquires tertio, an requiratur non solum iusta causa ad validam reuocationem huius priuilegij, sed etiam aliqua illius compensatio? Videtur requiri, quia priuatur priuilegiatus iure iam quæsitò. Ergo est illi debita satisfactio: si enim alius bonis priuaretur, deberet Princeps recompensationem, quoad posset facere. Ergo etiam debet pro priuilegio, quod bonum illius est. Nihilominus tamen probabilius censeo, non requiri ex iustitia compensationem. Quia licet priuilegium sit bonum priuilegiati, est tamen bonum gratis illi donatum. Ergo habet conditiones donationis, quæ reuocari absque compensatione potest, cum adest legitima causa reuocandi. Non enim concedens priuilegium gratis, intendit hanc sibi obligationem imponere non reuocandi, causa iusta intercedente, nisi facta recompensatione; sed potius præsumitur concedere sub potestate reuocandi absque recompensatione, cum iusta causa intercesserit: & ita relato Decio in cap. nouit, n. 7. verbo quareo fallit, de iudicijs, docet Suarez lib. 8. cap. 37. num. 9. Basil. de Leon lib. 8. cap. 19. §. 2. num. 13. Bonacina disp. 1. quest. 3. punct. 8. §. 3. num. 3.

§. II.

Reuocarine possit priuilegium onerosum, & remuneratorium.

- 1 Non potest hoc priuilegium reuocari, nisi causa boni communis intercedat, & satisfactio à reuocante exhibeatur.
- 2 Dispensationes concessæ pro foro externo non possunt, nisi supradictis conditionibus intercedentibus reuocari.
- 3 Priuilegia concessa in Bulla non reuocantur anno lubilai.
- 4 Extenditur doctrina ad priuilegium remuneratorium.
- 5 Probabilitate non caret ad huius reuocationem requiri compensationem.
- 6 Explicatur quid requisitum, ut priuilegium censeatur concessum in remunerationem.
- 7 Censeatur ne probata merita, si concedens adesse affirmet?

1 Priuilegium concessum per contractum, id est, sub onere alicuius pretij, vel operis exhibendi, reuocari à concedente non potest; nisi legitima causa interueniat, quæ nulla alia est, nisi communis boni, & utilitatis publicæ; iuxta superius dicta: & insuper teneatur reddere pretium, si accepit; quòd si pretium non accepit, sed opus iniunxit, teneatur reddere æquivalentiam illius operis, aliàs nulla erit reuocatio, utpote iniusta, sic multis allegatis probat Matien. lib. 5. nona compilat. tit. 10. leg. 6. glossa 1. num. 13. Gregor. Lop. leg. 1. tit. 1. part. 2. verbo, buen cambio, per textum ibi. Sanch. lib. 8. disp. 33. num. 9. Suarez alios allegans lib. 8. cap. 37. num. 5. Salas disp. 17. sect. 14. num. 70. & disp. 20. sect. 4. num. 42. vers. prædicta temperat. præcipue tamen sect. 18. num. 126.

Bonac. disp. 1. quest. 3. p. 8. §. 3. num. 2. Valquez in opusculo cap. 6. §. 1. dub. 1. num. 15. & dub. 2. num. 33. Lessius lib. 1. de iustit. cap. 33. dub. 4. num. 35. Basil. de Leon lib. 8. de matrimonio. cap. 19. §. 2. num. 13. Azcued. lib. 1. recopilat. tit. 3. leg. 4. num. 42.

2 Ex hac doctrina inferitur primò dispensationes concessas pro foro externo à Pontifice in gradibus prohibitis ad contrahendum matrimonium, non posse ab eodem reuocari, nisi causa iusta intercedat, & insuper reddatur pretium ei, cum quo fuit dispensatum, sic Sanch. supra n. 13. Bonacina num. 12. Basil. num. 13. Salas disp. 20. sect. 18. sub finem. Et ratio est manifesta; quia data est dispensatio, & priuilegium ob pecuniam solutam.

3 Inferitur secundò, priuilegia in Bulla cruciata concessa non reuocari per lubilæum, quod olim centesimo anno concedi solebat, & nunc 25. anno conceditur, quamuis Pontifex dicat se reuocare omnes gratias, priuilegia, & facultates singularibus personis quacunque dignitate fulgentibus, etiam Regibus, ex quacunque causa sint concessa: adhuc non reuocantur concessa in Cruciata, quia illa sunt concessa sub contractu oneroso, cuius debebat specifica mentio fieri; concessa enim sunt priuilegia Bullæ singulis, quia singuli signatam illam elemosynam tribuunt, & non aliàs; ut constat ex illis verbis, *porque days tanta limosna os concedo*, &c. debebat insuper reddi vnicuique elemosyna data, aliàs reuocatio esset iniusta, & nulla: & ita tradit Henriquez lib. 7. de indulg. cap. 21. num. 7. Manuel in exposit. cruciata, §. 12. num. 13. Bonacina disp. 1. quest. 3. punct. 8. §. 3. n. 13. Salas disp. 20. de legib. sect. 18. circa finem, §. hinc colligitur. Sanch. disp. 33. num. 10. & testatur Clementem VIII. sic explicasse. & anno 1625. in tota Hispania publicata fuit Cruciata, & valorem habuit, & Pontifex Urbanus VIII. declarauit 15. Februarij non esse eius mentem per lubilæum Romanum gratias, indulgentias, & facultates in Cruciata concessas suspendi, idem tradit Basil. de Leon lib. 8. de dispensationib. cap. 19. num. 13. vbi addit hæc validè obseruanda esse ad ea, quæ nonnulli dicunt de reuocatione Bullæ comparatione religiosorum.

4 Idem quod dicimus de priuilegio dato per contractum onerosum, dicendum est de priuilegio remuneratorio, siue remuneratio fuerit debita ex iustitia, siue ex gratitudine; quia quocunque modo debita sit; cedit priuilegiatus illius debito ob priuilegium sibi concessum: eaque de causa transit in contractum: sic relato Felino cap. nouit, de iudicijs, num. 12. docet Sanchez supra num. 5. Basil. num. 13. Suarez num. 6. Matien. lib. 5. recopil. tit. 10. leg. 6. glossa 1. n. 18. latius dixit tit. 7. leg. 11. glossa 1. & glossa 9. Bonacina num. 2.

5 Sed est difficultas, an non solum ad huius reuocationem causa publica requiratur, sed etiam aliqua compensatio, sicuti diximus de priuilegio concessò per contractum onerosum? Negant, et si dubitanter, Suar. Basil. Bonac. quando remuneratio non est debita ex iustitia, sed solum ex gratitudine. Et ratio esse potest, quia reuocans priuilegium reducit res in pristinum statum, & consequenter reddit priuilegiario sua merita, quorum cessionem fecerat ob priuilegium: cum autem illa merita non expostulent ex iustitia compensationem, non videtur compensatio illi debita esse. Fateor hoc esse satis probabile: at probabilitate non caret requiri compensationem ex iustitia, non quidem propter merita præcisè, sed propter cessionem illorum, quam fecerat ob priuilegij consecutionem; quæ cessio pretio quidem est æstimabilis, cum sit actio libera damnosa cedenti, & utilis cessionario; quæ tamen nunquam reddit, etiam si reddant merita. Quapropter reliqui omnes Doctores eodem modo de priuilegio remuneratorio, ac de priuilegio per contractum onerosum, & lucratiuum loquuntur.

6 Secunda est difficultas. Quid requiratur, ut priuilegium

legium censeatur concessum in præmium, & remunerationem meritorum?

Respondeo non sufficere generalem mentionem meritorum, sed requiritur specialis, ita ut expressè dicat: Ob hæc, & illa merita tibi hoc priuilegium concedimus. Ratio est, quia priuilegiū ob merita concessum debet meritis adæquari, sed non potest constare hæc adæquatio, nisi merita exprimantur. Ergo. Secundò, quia generalis mentio meritorum in priuilegio facta potius videtur pro honore priuilegiatij fieri, quàm pro veritate. Quapropter reputanda est, ac si facta non fuisset. argument. *l. quod venditor, & ibi notatur, ff. de dolo, & l. si quid venditor, & l. seq. ff. de adl. edict.* Tertiò, quia obscura, & dubia locutio nullius effectus esse videtur, ex *l. ubi autem, §. qui illud, ff. de verb. obligat. l. cum incertis, ff. de legatis l. l. ult. C. de annali excepti.* At generalis locutio meritorum dubia est, & obscura, ex *l. prator edixit, in princ. ff. de minoribus.* Ergo non amplius valet, quàm si apposita non fuisset: & ita tradit pluribus exornans Tiraquel. in *l. si unquam, C. de reuocand. donat. verbo donatione largitus, num. 85.* Socin. *consil. 395. num. 8. vers. 4. casus, lib. 2.* Matienz. *lib. 5. recopilat. tit. 10. l. 15. gloss. 12. num. 2.*

7 Tertia est difficultas, an hæc merita censeantur probata ex eo solùm, quòd concedens priuilegium illa esse affirmet?

Respondeo, si merita specialiter fuerint expressa, sufficienter censeantur probata ex Principis assertionem, maximè si per instrumentum publicum id asserit; secus si solùm generaliter dixerit, quia est bene meritis. sic *Ias. consil. 227. vol. 9. vers. 9. pro ista parte, lib. 2.* Gregorius Lopez in *l. 3. tit. 10. part. 2. verbo la mercede, & multis allegatis Matienz. lib. 5. recopil. tit. 10. l. 6. gloss. 1. num. 19. & l. 15. gloss. 12. num. 5.* Limitat autem hanc assertionem Matienz. & Gregor. Lopez, & Tiraquel. in *d. l. si unquam, verbo donatione largitus, n. 77.* dummodo Princeps prohibitus non sit alienare, nisi præcedant merita: nam tunc secundum communem sententiam merita non probantur, etiam si expressa fuerint. Quia præsumuntur expressa, ut eius donatio valeat, ex *l. qui testamentum, & ibi gloss. ff. de probat. lib. 1.* Quod adeò verum est, ut non sufficiat, etiam si iuramentum in eius confirmationem addiderit, ut ipse Tiraquel. *num. 79.* & Matienz. *l. 15. gloss. 12. num. 7.* probant.

§. III.

Quis possit supradicta priuilegia gratuita, onerosa, & remuneratoria reuocare, casu quo reuocabilia sint.

- 1 Concedens, & eius in dignitate successor optime potest.
- 2 Quid dicendum de dispensatione inferioris in lege superioris? Affirmant aliqui posse reuocare.
- 3 Probabilius est oppositum.
- 4 Duo inde inferuntur notanda.
- 5 Quid dicendum de inferiori prelato? An illum superior possit reuocare dispensationem ab illo factam.

1 **C**Larum est fieri posse à concedente priuilegium, & eius successore; quia habet eandem cum illo iurisdictionem. Quod non solùm in supremo Pontifice, in quo resolutio certa est, sed etiam in quolibet inferiori habet verum: licet Anton. Gabr. alios referens *lib. 3. tit. de iure quasito non tollendo, concl. 7. num. 9.* contrarium dicat absque fundamento, ut bene aduertit Suarez *illo cap. 37. num. 12.* Basil. *cap. 19. n. 15.* Ratio est, quia priuilegium solam iurisdictionem concedentis spectat, & ab ipsius solùm voluntate pendet. Ergo poterit sicut supremus illud tollere; quia in illius concessione tanquam supremus operatur.

1 Difficultas est, an sicut priuilegium concedens contra ius proprium, potest validè illud reuocare absque legitima causa; id ipsum possit inferior dispensans, vel concedens priuilegium contra legem superioris, quando illi concessa est facultas dispensandi?

Affirmant aliqui fieri posse. Tum quia facultas his Prælati concessa habet tacitam conditionem, ut perseveret quoties ab ipsis non fuerit reuocata. Tum quia ipsi intendunt per dispensationem factam non derogare suæ iurisdictioni. sic tradit Bonacina *disp. 1. quest. 3. punct. 8. §. 3. n. 11.* reputat probabile Suarez *lib. 8. cap. 37. num. 15.*

3 At mihi probabilius est validè inferiorem absque causa reuocare non posse dispensationem à se factam: causa autem interueniente, posse, docet Sanchez *disp. 33. num. 12.* cum glossa *cap. cum ex eo, verbo septennium, de elect. in 6.* & ibi Archidiacon. Dominic. Francus, & alij. Roman. *singul. 517.* Salas *disp. 20. de legibus, sect. 18. fin.* Basil. de Leon *lib. 8. cap. 19. num. 15.* & reputat probabile Suarez *num. 14. & 16.* addit: cum conceditur pro tempore limitato dispensatio, valde probabile esse reuocari non posse. argument. textus in *cap. unico, de commodato.* ubi dicitur temp. commodatam ad certum usum, vel tempus, non posse ante illud repeti: & subdit rationem, cum non deceat beneficio nos decipi, sed iuuari. Item quia pro toto illo tempore abstulit legem superioris, quam ipse inferior restituere non potest. Ratio verò generalis ea est, quia inferior non potest validè dispensationem in lege superioris concedere, absque causa. Ergo neque etiam poterit dispensationem iam concessam absque causa reuocare: cum enim ex voluntate superioris operatur, non est unde colligatur voluntatem superioris esse, ut validè absque causa reuocet; cum tamen absque causa non possit validè concedere? Neque obstat ratio in contrarium; quia dispensatio fuit absoluta, & gratis fingeretur habuisse conditionem.

4 Ex quo inferitur primò, non posse absque causa Episcopum reuocare licentiam parochi concessam ad non residendum, vel ad differendos ordines ratione studij, quia est dispensatio in lege superioris, quam ipse denuò stabilire non potest: sic docent Sanchez, Salas, Basil. & alij, *num. præcedenti* relati. Secundò inferitur dispensationes à sacra Pœnitentiaria concessas non posse absque causa ab ipsamet reuocari ob eandem rationem. Quia voluntas Pontificis est, ut semper causa interueniente utatur iurisdictione. sic Salas *suprà*, & tenentur reliqui consentire.

5 Sed quid dicendum de inferiori Prælato, an illius superior possit reuocare dispensationem ab illo datam validè absque causa?

Respondeo, si Pontifex sit, qui reuocat, validè reuocare, quia ab illo omnis iurdictio pender; & quia potest denuò legem ablatam imponere, & subditum ab alio exemptum illius obligationi subdere. At inferiores Prælati non videntur posse, eo quòd videatur iniustum priuare inferiorem usu legitimo suæ ordinariæ iurisdictionis: sic docet Sanchez *disp. 33. num. 7.* cum Suarez *tom. 4. in 3. part. disp. 26. sect. 5. num. 3. & lib. 8. de legib. cap. 37. n. 17. sine.* Basil. *lib. 8. cap. 19. n. 15. sine.*

§. IV.

Qua ratione facienda est reuocatio priuilegij, vel dispensationis, ut censeatur effectum habere.

- 1 Dupliciter reuocari priuilegium potest.
- 2 Clausula generalis in reuocatione expressa sufficit.
- 3 Excipiuntur priuilegia concessa per modum contractus, oneris, sine remunerationis.

4 Item

- 4 Item priuilegia habentia clausulam, ut non possint derogari.
- 5 Item priuilegia inserta in corpore iuris.
- 6 Quid si priuilegia sint in Concilio generali, debet expressè illius mentio fieri.
- 7 Submittenda hac sunt, nisi aliter constet de voluntate derogantis.
- 8 Derogatio tacita, quæ consistit in contrarietate posterioris priuilegij cum antiquo derogat antiquum, si concedatur ex scientia prioris priuilegij.
- 9 Quando presumitur hac scientia. Distinguitur ad eius explanationem triplex derogationis modus.
- 10 Si priuilegium insertum sit in corpore iuris lege vniuersali contraria derogatur, secus si extra corpus iuris sit.
- 11 Item dicendum, cum alio priuilegio contrario derogatur, si in corpore iuris sit insertum.
- 12 Proponitur obiectio, & fit illi satisfactio.
- 13 Extra corpus iuris priuilegium non derogatur, nisi illius fiat mentio, qui teneant.
- 14 Probabile est secundum priuilegium valere non obstante generali priori.
- 15 Satisfit argum. num. 13. adductis.
- 16 Per sententiam derogari priuilegium, quibus probetur.
- 17 Renocatur, si condemnatur reus in amissione priuilegij, seu per sententiam contrariam.
- 18 Satisfit rationibus, num. 16. adductis.

1 **D**Vpliciter reuocari priuilegium, vel dispensatio potest. Primò expressè. Secundò tacitè. Expressè reuocatur, quando verbis expressis reuocatio fit. Tacitè reuocatur, quando Princeps actum facit, qui cum priuilegio stare non potest.

2 Loquendo igitur de reuocatione expressa, dicendum est, regulariter loquendo, sufficere clausulam generalem, qua Princeps dicit velle tale priuilegium, vel constitutionem valere, non obstantibus quibuscumque priuilegiis in contrarium; quia hæc de se sufficiens est quælibet contraria priuilegia abrogare: sic Doctores statim referendi.

3 Limitanda tamen est primò in priuilegiis concessis per modum contractus, siue onerosi, siue remuneratiui; hæc enim reuocata non censentur sub quacunque clausula generali, nisi exprimantur in reuocatione priuilegia etiam per contractus concessa; quia cum hæc priuilegia irreuocabilia sint ob ius tertio quæsitum, nisi causa publica intercedente, & compensatione, quoad fieri possit, facta, nullo modo illorum reuocatio debet præsumi, quouique exprimat: sic aliis relatis Sanchez disp. 33. num. 8. Suarez lib. 8. cap. 38. num. 3. Bonacina disp. 1. quæst. 3. punct. 8. num. 11. Salas disp. 17. sect. 14. n. 71. 73. & 79. ad finem. Azor lib. 5. cap. 22. quæst. 12. Basil. lib. 8. cap. 19. num. 16. Azeved. lib. 1. recopil. tit. 3. leg. 14. n. 42.

4 Limita secundò in priuilegiis habentibus clausulam, ut derogari non possint, nisi eorum specifica mentio fiat. Tunc enim, ut reuocata censentur, debet addi aliqua clausula, qua hæc priuilegia videantur contineri; ut si dicat Princeps: Reuocamus priuilegia in contrarium, etiam si clausulam habeant, ut derogari non possint, nisi de verbo ad verbum illorum fiat expressa mentio. Tunc enim clarum est derogari; quia illa lege, quam sibi Princeps imposuit, ne reuocare censetur, nisi exprimendo priuilegium reuocatum, iam dispensat per illam reuocationem. Adde sufficere, si dicat se reuocare priuilegia in contrarium, sub quacunque forma concessa sunt: nam illa verba, sub quacunque forma concessa, aliquid operari debent, ac proinde reuocatoria debent esse priuilegiorum habentium clausulam reuocatoriam quorumcumque priuilegiorum, alias superflua essent, contra textum in cap. si Papa, de priuilegiis, in 6. ibi, cum verba aliquid operari debeant, & l. 3. in princ. ff. de iureiurando. ibi, nec frustra adijcitur. sic Doctores in cap.

nonnulli, de rescript. per textum ibi. Felin. num. 6. & habetur Clement. 1. & 2. de sepulturis. & tradit Suar. cap. 38. num. 2. Basil. num. 16. Bonacina num. 11. Salas disput. 17. sect. 14. num. 71.

5 Limita tertio in priuilegiis insertis in corpore iuris: hæc enim, quia non solum sunt priuilegia, sed canones, & leges, quousque legum, & constitutionum fiat derogatio, non censentur derogata, tradit Basil. num. 16. Suarez num. 1. Salas disp. 17. sect. 14. sub num. 73. cum glossa in l. 3. C. de silentarijs, & decurionib. lib. 10. lason in l. 1. ff. soluto matrim. glossa, & Doctores Authent. quia in prouincia, C. ubi de crimine agi oportet, verbo omni priuilegio.

6 Addendum tamen est; si priuilegia sint à Concilio aliquo generali stabilita, tunc non sufficit clausula derogatoria quorumcumque priuilegiorum, sub quacunque forma fuerint concessa, aut constitutionum, & canonum, ut censentur reuocata, sed insuper debet exprimi Concilium, saltem sub generalibus verbis, dicendo, non obstante quacunque constitutione, etiam in Concilio generali edita: colligitur ex cap. ex parte, cap. ultimo, de capellis monach. cap. nonnulli, de rescript. & tradit Couarr. 4. var. cap. 16. num. 6. & 4. decretal. 2. p. cap. 8. §. 9. num. 6. Menoch. volum. 3. consil. 294. num. 11. & 12. Mol. de iust. tract. 2. disp. 173. vers. occasione, pag. mibi 630. Sanch. lib. 3. disp. 26. num. 7. ubi plures refert. Bonacina disp. 1. quæst. 3. punct. 8. num. 13. Padilla in l. vniuersi. C. de diuersis rescriptis (isto contrà teneat Basil. de Leon lib. 8. cap. 19. num. 19. ubi affirmat ita declarasse Pium V. in quadam extrauaganti, & praxim Ecclesiæ idem testari.) Fallitur tamen, meo iudicio: si enim Pius V. ita declarasset, & praxi Ecclesiæ ita esset receptum, ignorari non poterat à tot ita doctis, & eruditis viris. Item debebat ostendete extrauagantem, in qua Pius V. declarauit. Præterea adducit pro se glossam in cap. ex parte, de capellis monach. approbatam ab Innocent. & aliis, quæ illi non fauet, sed potius oppositæ sententiæ. nam in illo cap. ex parte, verbo, nulla mentio, dicit. Si quis litteras impetrat contra aliquod ius, siue Concilium, non valent, nisi fiat mentio de illo iure: & refert se ad cap. nonnulli, de rescript. ubi verbo fecerit mentionem, dicit. Rescriptum debet facere mentionem de constitutione, ad hoc, ut ei præiudicet: & in margine additur, communiter non exprimitur nomen constitutionis, sed dicitur: Non obstante constitutione de duabus dietis edita in Concilio generali. Ecce qua ratione mentio facienda est vel illius constitutionis, vel in genere constitutionis, addendo, conciliaris. Rationem reddit Menoch. & Sanch. quia constitutio Concilij generalis ob eius grauitatem censetur habere tunc clausulam derogatoriam ad postea concedenda, cap. unico, de excessibus Prælatorum. Innocent. & Ioann. Andr. in cap. ex parte, de capellis monach. Ergo non censetur derogata, nisi illius fiat specifica mentio. Addit tamen Sanchez, cum Henriquez lib. 7. de indulgent. c. 26. num. 3. Viuald. candelab. 3. p. cap. 11. num. 12. Si Concilium generale modernum sit, quale est Tridentinum, non sufficere clausulam derogatoriam cuiuscunque Concilij; sed requiri specificam Tridentini mentionem. Sed non video, quo fundamento hoc dicatur, cum omnia Conciliorum decreta æqualis autoritatis sint. Imò potius pro decretis Trident. censo non esse necessariam specialem; imò neque generalem derogationem, eo quòd in decreto ultimo eiusdem Concilij sess. 25. declaratur omnia in dicto sacro Concilio statuta de morum reformatione & Ecclesiastica disciplina ita decreta fuisse, ut in his salua semper authoritas Sedis Apostolicæ & sit & esse intelligatur: ac proinde cum contrarius Pontifex decernit, Concilio non contradicit, sed facultate ibi expressa vitur. ergo si indiget derogatione. sic aliis relatis docet Nicol. Garcia 4. p. de benef. cap. 5. num. 30. & num. 32. adducit motum propositum

Pij V. editum anno 1570. in quo declarauit neque speciali, neque generali derogatione Concilij Tridentini opus esse in quibusvis concessionibus Apostolicis propria manu Papæ signatis.

7 Hæ tres limitationes sublimitandæ sunt, nisi aliter constet de voluntate derogantis; si enim clarè constet velle Principem sub verbis generalibus priuilegia hæc exempta derogare, derogata erunt; quia hæc, vel illa verba apponit derogans, ad denotandam suam voluntatem. Ergo quocumque modo voluntatem clarè significet, etiam si formam communem clausulæ derogatoriæ non seruet, priuilegium reuocabit: & ita tradit Bonacina *num. 13. circa finem*. Iulius Clarus dicens esse communem *lib. 3. receptarum, §. testamentum, quæst. 99. vers. ceterum*. Sarmiento *lib. 3. select. cap. 14. num. 7*. Henriquez *lib. 7. de indulgent. cap. 26. num. 3*. Couarr. *rubr. de testamentis, 2. part. num. 19. vers. quarta conclusio*. Sanchez *lib. 3. disput. 26. num. 7. in medio*. & habetur in decisionibus Farinacij *decis. 614. num. 3. tom. 3. pag. mihi 84*. Ex quo fit dispensationes super impedimento affinitatis, & consanguinitatis obtentas à Pontifice, vel à sacra Pœnitentiaria cum clausula, *Non obstantibus constitutionibus, & ordinationibus Apostolicis, ceterisque contrariis quibuscumque*, validas esse, etsi non fecerint expressè mentionem constitutionis contrariæ Concilij generalis, relati *in cap. non debet, de consanguinit. & affinit.* Quia ex vsu, & praxi satis indicatum est voluntatem Pontificis esse pro illo casu speciali, & certo Concilij generalis dispositioni derogare. Præterea, quia illa generalis derogatio solum habere potest effectum circa illius Concilij generalis dispositionem; quia nullibi est alia prohibitio. Ergo reputari debet, ac si derogatio esset specifica, ex *l. 1. ff. de liberis, & posthum. vbi Iul.* & ita tradit, relato Felin Ioan. Sanchez *lib. 8. de matr. disp. 3. §. n. 17*.

8 Si autem reuocatio non expressa sit, sed tacita, eo quod lex, vel priuilegium nuper latum contrarietur præcedenti, non leuis est inter Doctores controuersia, quod debeat præualere? Alij affirmant præualere primum, alij secundum.

Et quidem si secundum priuilegium contrarium priori concedatur, ex scientia, & notitia prioris priuilegij, certum est derogare illud ea in parte, in qua illi est contrarium, quia aliàs intenderet concedens facere actum nullum, quod non est de Principe præsumendum. Dixi, derogare primo priuilegio ea in parte, in qua illi est contrarium; quia contingere potest, vt secundum priuilegium, vel dispensatio saluetur, cum sola derogatione prioris priuilegij quoad partem: & tunc solum quoad illam partem debet censi priuilegium derogatum. Vt si alicui habenti priuilegium non soluendi tributum, exigatur de mandato Regis tributum, reputandum est exigi pro illa vice, vel pro illo anno: & tunc secundum illam, & quoad illam partem priuilegium derogabitur, non tamen omne priuilegium, sed integrum manebit pro annis sequentibus; derogatio enim est odiosa, ac proinde restringenda: sic docet ex communi sententia Suarez *lib. 8. cap. 38. num. 5*. Basiliius de Leon *lib. 8. cap. 19. §. 2. num. 17*. Bonacina *disp. 1. quæst. 3. punct. 8. num. 14. fine*. Dixi insuper debere secundum priuilegium, vel actum priori priuilegio contrarium, procedere ex notitia, & scientia prioris priuilegij, aliàs non derogabit; quia hæc derogatio debet esse libera, & voluntaria, & consequenter ex cognitione saltem virtuali derogari procedens. Quod aperte colligitur ex *cap. nonnulli, de rescript. cap. 1. de constit. in 6. & ex l. idem Ulpian. §. sunt & alij, ff. de excusat. tutor. vbi facultas concessa tutori ad mutandum domicilium, censetur virtualis facultas dimittendi munus, & sollicitudinem tutoris, si data fuerit ex rescripto Imperatoris scientis illum tutorem esse; quare seclusa illa scientia talis voluntas non præsumitur.*

9 Tota ergo difficultas sita est in explicando, quando præsumenda sit & scientia, & voluntas in Principe, cum verba priuilegij, legis, vel rescripti nihil aliud contineant, quam nouam dispositionem repugnantem priori priuilegio. Pro cuius explicatione suppono tripliciter priuilegium derogari posse. Primò lege aliqua generali contraria supradicto priuilegio. Secundò priuilegio contrario aliis concessio. Tertiò sententia data contra primum priuilegium.

10 De primo ergo modo derogationis per legem aliquam vniuersalem, in qua non adest clausula derogatoria, distinguendum est, aut priuilegium derogandum est insertum in corpore iuris, aut extra illud: si est insertum in corpore iuris, illa lege vniuersali derogatum manet; quia ea quæ sunt in corpore iuris inserta, non præsumuntur à Principe ignorata, ex *cap. 1. de constit. in 6*. Adde, huiusmodi priuilegium insertum in corpore iuris, est lex communis. Lex autem communis alia communi lege contraria abrogatur absque eo, quod præcedentis fiat mentio; vt videtur constare ex *l. sed & posteriores, ff. de legibus*, ibi, *nisi contrarie sint*. & tradit glossa in supradicto *cap. 1. verbo reuocare, & verbo noscatur*, & Doctores statim referendi. Si verò priuilegium derogandum extra ius commune sit, non derogatur lege vniuersali illius mentionem non faciente, quia non præsumitur in Principe illius priuilegij scientia, utpote ius speciale, & priuatum, quod ad notitiam Principis non semper venit, iuxta *cap. 1. de constit. in 6*. ibi, *licet Princeps præsumatur scire ea, quæ sunt iuris communis, tamen ignorare posse iura, facta, & consuetudines priuatas*. sic ex communi sententia docent Salas *disput. 17. sect. 14. n. 74*. Bonacina *disput. 1. quæst. 3. punct. 8. §. 3. num. 15*. Basiliius *lib. 8. cap. 19. num. 19*. Suarez *lib. 8. cap. 39. num. 2*. pluribus exornans Matienz. *lib. 5. recopilat. tit. 11. l. 8. gloss. 12. n. 6. & 7*. & constat ex *cap. cum ordinem, cap. nonnulli, de rescript. & tradit glossa ibi, & in cap. 1. eod. tit. & in l. 3. C. de silentiis, lib. 12*.

11 De secundo modo derogationis, alio scilicet priuilegio, distinguendum similiter est de priuilegio inserto in corpore iuris, & extra illud. Et dicendum. Si primum priuilegium sit insertum in corpore iuris, derogatur secundo priuilegio, ea in parte, qua illi contrarium est, etiam si illius mentionem non faciat, quia præsumitur scitum à Principe, ex *cap. 1. de constitutionibus in 6*. Quod verum habet, siue secundum priuilegium derogans sit speciale, siue generale, siue inseratur iuri, siue non. sic docent Salas *num. 75*. Basiliius *num. 19*. Bonacina *num. 17*. Suarez *num. 2. & 5*. & alij ab eisdem relati. Esto contrà teneat Saa *verbo gratia, num. 19*. in vtraque editione.

12 Sed obiicies. Rescriptum, seu mandatum contra communem legem non habet effectum, nisi illius mentionem faciat: iuxta *l. rescripta, C. de precibus Imperatori offerendis*, & habetur in *cap. rescripta, 25. quæst. 1*. & tradit glossa in *cap. nonnulli, de rescript. verbo feceris mentionem*, & in *cap. ex parte, de capellis monach. verbo nulla mentio*. & ibi Abbas, referens multos alios: & rationem reddunt, quia rescriptum est particularis actus, qui non præsumitur factus cum tanta consideratione, & aduertentia ad leges oppositas. Ergo etiam priuilegium contrarium iuri communi non habet effectum, nisi iuris communis mentionem faciat.

Propter hanc obiectionem respondeo primò limitandam esse communem sententiam, vt intelligatur de priuilegio perpetuo, quod quia matura consideratione conceditur, præsumi debet consideratum etiam ius, cui opponitur. At si priuilegium sit temporale pro aliquo actu, vel pro limitato tempore, tunc præsumi potest in concedente ignoratio iuris communis oppositi, ac proinde illius debet mentionem facere; hoc enim priuilegium sic limitatum non videtur differre à rescripto,

scripto. Fauet huic modo dicendi aliquantulum Salas *disp. 17. sect. 14. circa finem, num. 77.*

Respondeo secundò concedendo antecedens, & negando consequentiam. Et ratio disparitatis est, quia rescriptum debet esse iuxta commune ius, quando aliud non exprimitur: at dispensatio, & priuilegium potius est illi contrarium; eaque de causa rescriptum non derogans ius commune, non valet, valet tamen priuilegium, & dispensatio.

13 Quòd si primum priuilegium sit extra corpus iuris, nunquam derogatur subsequenti priuilegio, nisi illius mentionem faciat, siue vtrumque sit generale, siue vtrumque speciale, siue primum speciale, & secundum generale. Ratio est, quia præsумitur secundum concessum ex ignorantia prioris, ex *cap. 1. de constitutionib. in 6.* & videtur satis probari ex *cum ordinem, de rescriptis*. vbi priuilegium Cisterciensibus concessum non derogatur per subsequens priuilegium illius mentionem non faciens. sic Suarez *num. 6.* Basilii *num. 21.* Salas *sect. 14. num. 74.* Bonacina *disp. 1. quest. 3. punct. 8. §. 3. n. 17. circa finem.* At si primum sit generale, & secundum speciale, videtur primum semper præualere, si illius non sit facta mentio: tum quia præsумitur semper ignoratum, eo quòd non sit in iure communi insertum, cuius tantum scientia præsумitur: tum quia videtur esse priuilegiario ius quæsitum, cui non censetur Princeps derogare velle, nisi illius fiat specifica mentio. Tum denique, quia *in cap. ex parte, de officio delegari*, vbi rescriptum speciale ad Archidiaconatum auunculi obtinendum, non derogat priori rescripto generali ad Archidiaconatum primò vacaturum obtinendum. Item *in cap. ex tua, de filiis presbyterorum*, secundum rescriptum speciale priori generali non derogat: sic glossa *in reg. generi, de reg. iuris, in 6.* Panormit. *cap. veniens, de prescriptionibus, num. 12.*

14 At probabilius censeo secundum priuilegium valere non obstante generali priori. Moueor, tum quia regula est in iure expressa, genus derogari per speciem, maximè, quando species subsequitur: *reg. 34. de regul. iuris in 6.* tum quia secundum speciale priuilegium non est directè contrarium primo generali, sed solum est quædam exceptio illius. Quam exceptionem faciendi non est credendum Principem sibi abdicasse potestatem, cum primum priuilegium generale concessit: & tradit glossa *cap. 1. de rescriptis, cap. pastoralis. §. quoniam, eodem, & in reg. generi, lib. 6. & in l. doli clausula. ff. de verbor. obligation. & probatur satis ex cap. dudum, §. nos igitur, de prabendis in 6. & cap. quamuis tibi, eodem tit. & tradit Basil. lib. 8. cap. 19. num. 21.* Suarez *lib. 8. cap. 39. num. 7.* Bonacina *num. 17. vers. secundò limita.* Salas *n. 74. & 79.* Limitanda tamen est supradicta doctrina, casu quo priuilegiatus generaliter non acquisierit virtute priuilegij ius in re, circa quam secundum priuilegium conceditur: nam tunc non est censendus Princeps velle iuriam quæsito derogare, argumento textus *in cap. fin. de concess. prabende, in 6.* sic Panormit. *in d. cap. veniens, n. 12.* Suarez *num. 8.* Bonacina *num. 17. fine.* Salas *num. 74. fine.* Basil. *illo cap. 19. circa finem, num. 26.* & faciunt ea, quæ tradit Mol. *de Hispan. primogen. lib. 4. cap. 3. num. 13. & num. 21.*

15 Neque obstant rationes adductæ pro sententia Panormit.

Ad primam concedo generale priuilegium ignorari, cum speciale conceditur, sed illam ignorantiam non obstare, quominus secundum priuilegium speciale validum sit: tum quia non est propriè contrarium priori priuilegio, sed quædam illius exceptio: tum quia illa ignorantia censetur concomitans, quia eodem modo concederetur priuilegium secundum cognito priori, ac illo ignorato; ut dicitur in supradicto *cap. dudum*; & notat Basil. *n. 25.* Suarez *n. 8.* Bonacina *n. 17.* Salas *n. 74.*

Ad secundam concedo, si virtute priuilegij cesset ius in re quæsitum priuilegiario, non derogari secundo priuilegio: sed quia sæpe ex priuilegij concessione non acquiritur ius in re, quousque priuilegio usus fueris; ideo potest Princeps pro aliqua illius parte minuire causa rationabili interueniente.

Ad tertiam ex *cap. ex parte*, dico, primum rescriptum non fuisse generale, sed speciale quoad effectum; verificatur enim, & complebitur primo Archidiaconatu vacante, & consequenter secundum rescriptum non poterat aduersus illud præualere, ut rectè dixit glossa, & Beroius *in cap. 1. de rescriptis*, & tradit Basil. *num. 23.* vbi aduertit; si secundum rescriptum non concurreret cum primo, eo quòd Archidiaconatus primò vacans, non fuit Archidiaconatus auunculi, sed alius, quem occupauit primò priuilegiatus, non potest secundò priuilegiatus vi sui rescripti obtinere Archidiaconatum auunculi, non quia opponatur priori rescripto, sed quia irrogaretur præiudicium Ecclesiæ, grauando illam duobus mandatis de prouidendo, quod non est præsumendum de Pontifice, nisi clarè constet, ut colligi potest ex *d. cap. ex parte, vers. quoniam igitur*; ibi, *nullatenus scripsisse mu.* & ex *cap. litteris de rescriptis, in 6.*

Ad textum *in cap. ex tua*, respondeo vtrumque rescriptum esse generale, & circa diuersa: nam primum rescriptum fuit concessum Episcopo Eboracensi, ut filiis presbyterorum bonæ vitæ, posset præbendas parentum conferre: secundum rescriptum fuit obtentum, ut hi filij priuarentur præbendis obtentis: quod rescriptum si intelligatur de illis, qui præbendas habuerunt ex dispensatione, nullum est; quia tacita est veritas: si autem intelligatur de illis, qui sine dispensatione Episcopi præbendas obtinerent, tunc validum est, neque contrarium priori.

16 De tertio modo derogationis per sententiam priuilegio contrariam defendunt plures reuocari priuilegium, si lata sit ab eo, qui priuilegium reuocare potest. sic Azor *lib. 5. cap. 22. quest. 9.* Salas *disp. 20. sect. 14. n. 72. fine, & sect. 15. num. 78.* Bonacina *disp. 1. quest. 3. punct. 8. §. 3. num. 18.* Mouentur, quia sententia æquiparatur iuri, & legi, sed lege, & iure contrario reuocatur priuilegium. Ergo & sententia. Deinde *in cap. suborta, de sententia, & re iudic. ad finem*, dicitur: Si Innocentij priuilegium fuit Alexandro in iudicio representatum, & ipse tulit sententiam aduersus illud, intelligitur reprobasse, vel, ut alij legunt, intelligitur reuocasse. Nam ut glossa ibi dicit, instrumentum reprobatum censetur, eo ipso, quòd cum iudici ostenditur, contrarium iudicat, & alios casus allegat ibi glossa *verbo reprobasse*. Aduertunt tamen Salas, Bonacina, Azor *supra*, sententiam debere esse iustam, & latam ab eo, qui priuilegium reuocare potest, alias non esset reuocatio. Secundò cum cognitione priuilegij.

Pro resolutione supponendum est aliud esse reuocare priuilegium, & aliud illud reprobare. Reuocare priuilegium est auferre priuilegium, quod verum est, & validum: at reprobare est excludere priuilegium tanquam nullum, vel quia subreptitium, vel quia abolicum, vel ob alium defectum. His positis,

17 Dicendum existimo per sententiam tunc reuocari priuilegium, quando priuilegiatus in pœnam delicti commissi priuilegio priuatur: at tunc illa non est tacita reuocatio, sed expressa, & de hoc modo reuocationis nullus dubitat; debet tamen fieri vel à concedente priuilegium, vel ab alio ex eius licentia; quia aliàs inferior non potest priuilegiis à superiore concessis subditos priuare. At per sententiam contrariam priuilegio, quæ scilicet reus condemnatur, non obstante priuilegio, nullo modo priuilegium reuocari potest, sed solum poterit reprobari, quia vel sententia est iusta, vel iniusta: si iniusta sit, non habet effectum, neque ex illa priuilegium derogatur.

derogatur, ut ipsimet Doctores contrarij fatentur. Iusta autem esse non potest stante valore priuilegij: nam si priuilegium valet, non potest priuilegiatus ob factum virtute illius condemnari. Quocirca si reus condemnatur, non obstante priuilegio exhibito, est, vel quia iudex censet priuilegium illud non esse validum, utpote subreptitium, vel dissuetudine derogatum, vel quia ad illum casum non se extendit: & tunc non est reuocatio priuilegij, sed reprobatio illius, vel declaratio authentica, quod ad illum casum non se extendebat: & ita tenet Suarez lib. 8. cap. 39. num. 4. Basilius lib. 8. de matrim. cap. 19. fin. num. 27.

18 Neque obstant rationes contrariæ. Fateor, per sententiam, sicut per ius reuocari posse priuilegium; sed debet esse sententia iusta, non iniusta: sententia autem iusta esse non potest, quæ reuocet priuilegium, nisi sit ob aliquod crimen a priuilegiario commissum dignum priuilegij priuatione; potest tamen esse sententia reprobans, & excludens priuilegium, utpote inualidum, seu illum casum non comprehendens. Quæ sententia reprobatiua non est reuocatiua priuilegij, sed declaratiua illius; & in hoc sensu explicatur textus in cap. suborta, & glossa ibi.

§. V.

Quæ publicatio reuocationis necessaria sit, ut priuilegium reuocatum censeatur.

- 1 Si lege lata est reuocandum, debet publicari ea publicatione, qua lex.
- 2 Si priuatim reuocatur priuilegium, non habet effectum, quousque priuilegiato innotescat.
- 3 Qui censeant hanc reuocationem quocumque modo cognitam priuilegiario sufficere.
- 4 Probabilium est, debere fieri per nuntium, vel epistolam, & rescriptum ad id specialiter destinatum.

1 PRæmittendum est, reuocationem aliam esse ab homine, aliam à lege.

Si lege lata priuilegium reuocetur, necessaria est illa publicatio, quam ad legem constitutionem diximus requiri, quia non potest talis lex vim habere reuocandi, quousque in suo esse sit constituta: non autem est constituta, quousque publicetur. Ergo. Adde in hac reuocatione separati non posse vim obligandi à vi reuocandi, cum ab eodem fundamento, scilicet à lege, uterque effectus nascatur. At quia diuersimodè de lege ciuili, & canonica loquuti sumus, iuxta eam diuersitatem de reuocatione per legem ciuilem, aut canonicam dicendum est. Diximus namque legem ciuilem, si pro diuersis prouinciis feratur ab his, qui imperatoris legibus reguntur, in qualibet prouincia esse publicandam, & in ea non habere effectum, nisi post duos menses à die promulgationis: si autem feratur pro vniua prouincia, in ea solum publicandam esse, & in ea non habere effectum, nisi postquam currerit tempus sufficiens, ut in subditorum notitiam deueniat: legem autem canonicam diximus sufficere Romæ esse publicatam, ut omnes obliget, postquam ad illorum notitiam deuenierit, aut commodè deuenire possit, & non antea. Idem ergo dicendum est de lege hac reuocatoriæ, quia vera est lex, & habet effectum obligandi, & sæpè irritandi actus contra illam factos: quæ omnia expostulant, ut seruentur in illa conditiones necessariae ad legem. sic docent, relato Felino, Panormitano, & aliis, Salas disp. 17. de legibus, sect. 17. num. 80. & 82. Suarez lib. 8. cap. 40. à num. 1. & seqq. Bonacina disp. 1. quest. 3. punct. 8. §. 3. num. 20. Non desunt tamen qui dicant requiri publicationem legis reuocantis priuilegium fieri in qualibet diocesi, sic docent Soto 1. de iustu. quest. 1. art. 4. Medin.

Ferd. de Castro Sum. Mor. Pars I.

1.2. quest. 90. art. 4. post §. conclus. Eman. Saa verbo gratia, num. 17. in vtraque edit. At certe sine fundamento, cum videamus reuocari sæpè priuilegia ob legem Romæ publicatam.

2 Verum si priuilegium priuatim reuocetur, quod fieri potest vel mandato concedentis, vel alio priuilegio, affirmandum est non habere effectum reuocationem, quousque priuilegiato innotescat: sic ex communi sententia docet Syluest. verb. gratia, n. 4. & verb. indulgentia, n. 17. Corduba in qq. lib. 4. q. 36. concl. 3. Sotus 1. de iustu. q. 1. art. 4. Medin. 1.2. q. 90. art. 4. post §. conclus. Azor lib. 5. cap. 12. q. 7. Bonacina n. 20. Salas n. 82. Suarez n. 6. & de pœnit. disp. ult. sect. 2. Basilius lib. 8. cap. 19. num. 14. Ratio est, quia ad rectam reipublicæ, & Ecclesiæ gubernationem pertinet, ut velit Princeps priuilegiatos suis priuilegiis uti, quousque agnoscant esse reuocata; aliàs vellent plures actus inualidos fieri, quod non est credendum de Christiano Principe.

3 Addunt verò aliqui hanc reuocationem non esse necessariam fieri per nuntium, vel per epistolam ad hoc missam ab ipso reuocante, sed quocumque modo certus reddatur priuilegiatus de sui priuilegij reuocatione, priuilegium esse reuocatum. sic docet Suar. lib. 8. cap. 40. num. 7. Bonacina disp. 1. quest. 3. punct. 8. §. 3. num. 20. fin. Ratio esse potest, quia ex natura rei hic modus notitiæ per nuntium, vel epistolam ad reuocationem non est necessarius, ut de se constatiure autem positio nullibi inuenitur præscriptus. Ergo sine fundamento expostulatur. Et confirmo. Reuocatio priuilegij solum ex voluntate concedentis pendet, non ex voluntate priuilegiarij, siquidem priuilegiario reuocante fieri potest. Ergo si illius notitia in priuilegiario requiritur, & ob suauere regimen Ecclesiæ, quod certè saluatur, ex quocumque capite notitia habeatur. Neque obstat ad concessionem priuilegij requiri intimationem illius per rescriptum, vel nuntium ad id destinatum: ut inde discamus etiam in reuocatione necessarium esse, quia priuilegij concessio non habet effectum absque acceptatione priuilegiarij, ac proinde debet concedens manifestare suam voluntatem, & concessionem priuilegiario, ut ipse acceptet: non autem potest dici manifestare suam voluntatem, si nomine ipsius non fit. Ergo. Adde. Concedentis, & acceptantis voluntates debent aliquo modo vniri, ad cuius unionem hæc intimatio videtur ex natura rei expostulata: at quia reuocatio non pendet ex acceptatione priuilegiarij, sed illo inuito fieri potest, efficitur non videri necessariam illam intimationem.

4 Verum etsi hoc sit satis probabile. At credo probabilius esse reuocationem fieri debere per rescriptum, epistolam, vel nuntium ad id destinatum: sic docet expressè Basilius lib. 8. cap. 19. n. 14. Saa verbo gratia, n. 1. in vtraque editione: & meo iudicio tenentur docere omnes illi, qui dicunt reuocationem iurisdictionis ordinariæ, vel delegatæ debere fieri per nuntium ad id destinatum, neque sufficere notitiam reuocationis aliunde habitam, quos refert, & sequitur Thom. Sanchez lib. 3. de matrim. disput. 30. num. 12. & disput. 36. num. 9. quia hæc iurdictio est quoddam priuilegium, & quidquid de illa dicitur, de priuilegio dici potest. Ratio autem est, quia reuocans priuilegium, siue per legem, siue priuatim, tenetur reuocato intimare reuocationem, ne amplius priuilegio utatur, aliàs imprudenter operaretur. Ergo quousque ipse intimet, non censetur velle reuocare. Adde reuocationem priuilegij, sicut & legis debet reuocans publicare. Ergo publicatio, quæ à reuocante non procedit, non est publicatio authentica, ac proinde non firmat reuocationem, sicut diximus de publicatione legis non facta à legislatore. Quocirca huiusmodi publicatio, & intimatio non propter acceptationem in ipsius priuilegiati, sed propter naturam ipsius reuocationis necessaria est. Et per hæc fit satis fundamēto contrario.

Z

DISPV

DISPUTATIO V.

*De cessatione legis, eiusque
interpretatione.*

DUPPLICITER obligatio legis cessare potest, vel in totum, vel in parte. In totum cessat, quando cessat lex, eo quod cesset omnino causa, ob quam fuit concessa, vel ex eo quod abrogata sit. In parte cessat lex, quando aliquo casu speciali, vel pro aliquo tempore eius obligatio cessat; & hoc contingere potest dupliciter. Primum eo quod advenierint tales circumstantiæ, quibus adstantibus prudenter iudicatur legislatores, vel noluisse, vel non potuisse sua lege ibi obligare: & hæc non est propria cessatio, quia nunquam ad illum casum lex extenta fuit. Secundò contingit, quando lex casum comprehendit, & legislator sua voluntate ab illius obligatione subditos exemit. Quapropter cessare potest adæquatè lex. Primum ex cessatione causæ finalis illius. Secundò abrogatione. Tertio cessare ex parte potest interpretatione. Quarto dispensatione. De prioribus dicendum est in præsentī disputatione, & in sequenti agemus de cessatione per dispensationem.

PUNCTUM I.

*De cessatione legis ex cessatione causæ
finalis illius.*

- 1 Distinguitur duplex finis, alius intrinsecus, alius extrinsecus.
- 2 Quando cessatur præceptum ex fine extrinseco desumi.
- 3 Lex lata ob duplicem finem intrinsecum, & extrinsecum, intrinsecus spectandus est.
- 4 Cessante tota causa finali, ob quam res præcipitur, cessat lex.
- 5 Proponitur obiectio, & fit satis.
- 6 Limitat Soto, ut procedat posita declaratione Principis, vel consuetudine. Sed non admittitur limitatio.
- 7 Si cessat adæquatè finis pro determinato tempore, vel in parte legis, pro illo tempore, & illa parte cessat lex, seu suspenditur.
- 8 An cessatio finis legis toti communitati constare debeat, ut singulares eximantur? Resolvitur sufficere cuilibet constare.
- 9 An si cesset finis legis in aliquo speciali casu, cesset lex? Proponitur casus, & prima sententia affirmans.
- 10 Contraria sententia est communior, & secuta.
- 11 Qua ratione nobis probetur.

Premitto duplicem finem in lege attendi posse; alium intrinsecum, qui à re præcepta non distinguitur: alium extrinsecum, & à materia præcepti distinctum. Prioris exemplum est, si legislator tibi præcipiat ieiunare, orare, eleemosynam facere, propter honestatem, quæ in oratione, ieiunio, & eleemosyna reperitur. Posterioris exemplum est: si hæc ipsa præcipiat, ut peccatorum debito satisfacias, ut carnem maceres, tentationes vincas; peccatorum enim satisfactio, maceratio carnis, & tentationum victoria non est materia præcepti.

Premitto secundò aliquando cum fine intrinseco, & materia præcepti, finem alium extrinsecum coniungi, & spectari; aliquando verò solum spectari in materia præcepti finem extrinsecum illius. Quoties materia præcepti de se habet honestatem, & lex illam præcipit, nisi aliud expressè constet, censetur præcipere ob finem

intrinsecum illius, esto simul habeat alios extrinsecos fines. At quoties materia præcepti de se honestatem non habet, vel si illam habet, à legislatore non intenditur, sed solum intenditur illius executio, quatenus alicui finis extrinseco convenit, tunc ex illo fine extrinseco desumenda est tota honestas rei præceptæ, quod bene advertit Suarez lib. 6. de leg. cap. 9. n. 8. His positis,

3 Dicendum est primò. Quando lex fertur ob duplicem finem intrinsecum, & extrinsecum; attendendus est semper finis intrinsecus pro perseverantia legis, vel illius cessatione. Quocirca, etsi finis extrinsecus cesset, si perseverat intrinsecus, non cessat lex. Ratio est manifesta. nam ex fine intrinseco habet materia præcepta sufficientem honestatem bono communi convenientem, & propter illam præcipue est præceptum. Ergo perseverat præceptum. Quod exemplo ieiunii manifestatur, ad cuius obligationem omnes tenentur, etsi carnem habeant spiritus subiectam; quia non tantum ob carnis subiectionem imponitur, sed etiam ob honestatem temperantiæ in ieiunio repertam: & durante hac honestate durat præceptum: sic Salas disp. 1. de legibus, sect. 3. n. 14. Azor tom. 1. lib. 5. cap. 16. quest. 15. Castro lib. 1. de potest. leg. pen. cap. 5. docum. 3. Suarez lib. 6. de leg. cap. 9. num. 9. Bonacina disp. 1. quest. 1. punct. vii. §. 2. num. 1. vers. dixi cessante tota causa.

4 Dico secundò. Cessante tota causa finali, ob quam res præcipitur, cessat lex, & obligatio illius: sic cum communi sententia docet Couart. 4 decret. 2. p. §. 9. n. 8. & cap. cum esses, de testament. num. 9. Azor supra. Victor. relect. de potestate civili, n. 22. Suarez plures referens n. 5. iuncto num. 10. Bonacina supra. Ratio ea est, quia lex in tantum obligare potest, in quantum materia ipsius iudicatur à legislatore bono communi expedire, sed cessante causa, ob quam iudicatum est bono communi expedire, cessat & legislatoris iudicium. Ergo cessat lex. Et confirmari potest exemplo voti, cuius obligatio cessat, si cesset causa finalis illius: ut si vouisti, non ingredi aliquam domum ob periculum puellæ ibi commorantis; & ipsa recedat, & commoretur alibi, cessat tibi votum.

5 Dices contingere posse, ut materia legis bono communi expediat, etiam si cesset finis ob quam fuit imperata. Ergo in illo casu non cessabit lex: sic docet tanquam valde probabile Salas disp. 1. sect. 3. num. 32. concl. 2.

Respondeo tamen cum reliquis Doctoribus negando consequentiam: nam ad cessationem legis, sufficit, si cesset convenientia, quæ per legem fuit intenta: alia autem convenientia, quæ succedit, à legislatore intentata non fuit; ac proinde ex illa non firmatur lex: solum enim deferuit, ut denuo lex alia circa illam materiam ferri possit. Quod exemplo voti confirmari potest; cessat enim votum ingrediendi illam domum, cessante periculo, ob quod fuit factum, etiam si aliud denuo superueniat, ob quod meritò possis votum aliud facere.

6 Hanc conclusionem limitat Soto lib. 1. de iust. quest. 6. art. 8. & lib. 3. quest. 4. art. 5. ad 1. ut intelligatur cessare adveniente declaratione Principis, vel consuetudine in contrarium; secus verò ante illam. Moveri potest, quia esto cesset finis intentus à legislatore, adhuc lex sine peccato obtemperari potest, ut suppono. Ergo poterat Princeps velle subditos ad illius obligationem teneri, quousque sua declaratione, vel consuetudine in contrarium eximerentur. Ergo præsumendum est ita velle, quia hæc subiectio, & subditorum subordinatio bono communi videtur expedire.

Sed hæc limitatio admittenda non est: tum quia nullus, præter Sotum, illam admittit: tum quia apponit legem, & obligationem novam absque ullo fundamento. Nam vel obligatur communitas ad illius legis obtemperandum

observantiam ex virtute illius legis : & hoc non ob rationem superius dictam, quia non iudicat legislator ex illa lege materiam illam bono communi necessariam esse; liquidem illa necessitas, & convenientia iam expiravit. Vel obligatur communitas ex alia lege superueniente, qua Princeps statuit suas leges servandas esse, quoties servari possunt sine peccato, etiam si cesset finis adæquatus illarum, quousque declarationem authenticam faciat; sed hæc lex nullibi invenitur. Ergo fingenda non est. Adde si hæc declaratio necessaria esset, nunquam lex cessaret propriè ex celsatione causæ finalis; quod est contra communem sententiam desumptam ex *cap. cum cessante, de appellationib. ibi, cessante causa cessat effectus. & cap. etsi Christus, de iureiurando. cap. post translationem, de renunciat. ubi glossa, verbo cessante, & cap. statimur, 61. distinct. verbo causa, in fine. & cap. quod pro remedio, 1. quest. 17.* Ex quibus textibus colligitur cessante causa, cessare & legis obligationem, neque ullam Principis declarationem desiderari, alias potius diceretur cessare per abrogationem, quam per celsationem causæ finalis.

7 Aduerto tamen, sepe non cessare causam finalem absolutè, sed pro aliquo tempore, & tunc non cessat absolutè lex; quia absolutè non est reddita inutilis, sed solum suspenditur eius obligatio pro illo tempore, pro quo iudicatur inutilis: ita docuit Suarez *illo cap. 9. fine. Salas disput. 1. 1. sect. 3. num. 32. Bonacina disput. 1. quest. 1. punct. ult. §. 2. num. 4.*

Aduerto secundò, si lex plura diuisibilia contineret, & respectu vnius partis facta esset inutilis, & respectu aliorum utilis perseveraret; cessaret quidem in illa parte, in qua reddita fuit inutilis: at perseveraret respectu aliorum, in quibus utilis iudicatur. quod nullum est inconueniens; cum in illo casu, non sit vnica lex, sed plures pro diuersitate rerum, quæ præcipiuntur: si tamen res præceptæ inseparabiles sint, & vna reddita est inutilis, regulariter videretur lex cessare: tum quia illa inutilitas inficit totam legem. tum quia bonum ex integra causa, & malum ex quocumque defectu. sic ex parte Suarez *suprà num. 18. Bonacina num. 5.*

8 Sed inquires, an necessarium sit communitati cognoscere cessasse causam finalem legis, vt possit quilibet particularis contra legem facere, vel sufficit notitia cuiuslibet?

Respondet Suarez *illo lib. 6. cap. 9. num. 12.* necessariam esse publicam, & manifestam illius celsationis notitiam in tota communitate, & hanc sufficere; & quod sufficiat est clarum, quia iam communitati constat redditam esse legem inutilem fini communi à legislatore intento. Quod verò hæc notitia necessaria sit, inde probat; quia lex communitatem adstringit, & ratione illius singulas personas. Ergo dum communitati non constat de celsatione, etsi singulis constet, singuli excusari non possunt; quia non prius excusari possunt, quam ipsa communitas excusetur. Credo tamen si de facto aliquibus constaret, cessasse integrè finem à legislatore intentum, posse aduersus legem procedere, secluso scandalo, etiam si communitati id non constaret; quia singulæ personæ communitatis non deobligantur à lege, ex eo quod communitas cognoscat rationem legis cessasse, sed ex eo quod de facto celsauerit. Ergo si ipsi cognoscunt de facto cessasse, cognoscent deobligatos esse. Adde à puncto celsationis causæ communitatem deobligatam esse; quia lex perit, esto ipsa communitas ex ignorantia non cognoscat. Ergo quod ipsa communitas ex ignorantia se censeat obligatam, non inde inferendum est carentes illa ignorantia obligatos esse.

Secundò inquires, an sufficiat probabile iudicium, vel dubium de celsatione causæ, vt possit communitas contra legem operari? Cui difficultati satisfacimus

Eord. de Castro Sum. Mor. Pars I.

traet. 3. de conscientia opinativa, p. 6. & disp. 3. de conscientia dubia, p. 7. & 8. videantur ibi dicta.

9 Maior difficultas est; si cesset causa finalis in aliquo speciali casu circa aliquam particularem personam, cum tamen vniuersaliter circa reliquos perseveret, an in illo casu cesset obligatio legis? v. g. latum est generale præceptum, ne arma noctu deferantur ob vitandas rixas, & perturbationes, cognoscis nullam sequendam esse rixam, neque perturbationem, etiam si deferas, poteris ne absque transgressione legis deferre? Item lex prohibet cum Sarracenis commercium ob periculum peruersionis; cognoscis nullum tibi ex tali commercio periculum adesse, poterisne commercium prosequi? Item est præceptum, ne scholastici vestibus ferreis transiunt, ne opes parentum exhauriantur, poterit ne his vestibus uti, qui parentem ditissimum habet? & sic de aliis exemplis.

Circa hanc difficultatem prima sententia affirmat, quoties lex aliqua edita est, ob vitanda inconuenientia, cessare eius obligationem in quolibet casu, in quo ipsa inconuenientia cesset: secus verò dicunt de lege edita ob finem bonum, quæ non cessat, etiam si cesset finis, ob quem fuit edita, dummodo maneat alius, qui legis observationem honestet: sic docent expresse Caietan. *tom. 1. opusc. traet. 12. de matrim. q. 2. Nauarr. sum. cap. 16. n. 37. Henric. lib. 1. de matrim. cap. 17. n. 2. comm. lxx. O. Ludovic. Lop. 1. p. instit. cap. 85. §. præterea peccat. Bartholom. à Ledesma dub. 17. de matr. fol. 1275. Eman. Saa in utraque editione, verbo lex, n. 1. insinuat glossa in cap. etsi Christus, de iureiur. verbo cessante, in princ. Panormit. in cap. quoniam, de probat. num. 6. & latius in cap. quia in insulis, de regularib. per textum ibi. & concludit generaliter cessante legis ratione in particulari cessare legem. fauet Syluest. verb. lex, q. 8. & 9. Angel. ibi n. 4. casu 7. Ratio huius sententiæ ea esse potest, quia finis & ratio legis est anima ipsius legis. Ergo in illo casu, in quo deficit, & lex ipsa deficere debet. Et confirmo. Cum deficit ratio legis vniuersaliter, cessat integrè lex, & cum deficit pro aliquo tempore, pro illo deficit, seu suspenditur eius obligatio, vt diximus. Ergo etiam suspendi debet pro casu, & persona, pro qua deficit ratio legis. Quia ideo in supradictis casibus cessat obligatio legis, cessante illius causa; quia tunc lex non iudicatur bono communi expedire, sed ubicumque cesset ratio ipsius, cessat ratio iudicij. Ergo & iudicium, ergo & lex.*

10 Nihilominus communior, & secuta sententia docet ob præcisam celsationem negatiuam causæ finalis in aliquo speciali casu, circa aliquam, vel aliquas particulares personas non cessare obligationem legis, si in vniuersali causa finalis perseveret; sic pluribus relatis docet Suarez *lib. 6. cap. 7. à n. 5. & 100 cap. 8. Salas dicens esse certum disp. 1. 1. sect. 3. n. 31. concl. 3. Bonacina disp. 1. q. 1. p. ult. §. 2. n. 3. Thomas Sanchez lib. 3. disp. 3. num. 39. versic. sed displicet solutio.* Ratio huius sententiæ ea est, quia lex, & generale præceptum non respicit casus speciales, sed ea, quæ communiter contingunt. *l. ea quæ raro, ff. de regul. iur.* non enim lata est de prohibitione armorum, ob vitandam huius vel illius rixam, sed ob vitandas rixas communiter contingentes. Ergo dum communiter contingere possunt, quilibet est censendus obligatus; quia iam videtur comprehensus sub lege, & sub fine illius. Item non leuia inconuenientia ex opposita sententia sequerentur; daretur enim occasio violandi leges, non solum positivas, sed naturales; cum facile posset quis affirmare cessare in illo rationem prohibitionis. Exemplum sit, si dicamus fornicationem esse prohibitam solum ob malam proles educationem, & quis apposuisset media, quæ ad rectam illius educationem possunt excogitari, necessaria; dicere etiam posset sibi licere fornicationem. quod absit.

Z 2 11 Mihi

11 Mihi hæc sententia omnino probatur non ob rationem allatam, nisi amplius explicetur; sed quia existimo finem legis in nullo casu speciali cessare, si in vniuersali non cesset; etsi cessent in illo aliquo modo inconuenientia, quæ lege intendebantur vniuersaliter præcaueri. Aliud enim est cessare damnum, & periculum illius speciale, aliud cessare generale periculum illius. Finis enim legis, & vniuersalis præcepti, prohibendi armorum delationem, v.g. est vitare generale periculum rixæ, non speciale. Et ob huiusmodi finem omnibus etiam pacatissimis delatio armorum prohibetur, & merito; quia lex est generalis, & omnes, qui in illam delinquere possunt, debet comprehendere. Ergo non possunt ipsi allegare, cessare in illis rationem prohibitionis, siquidem non cessat generale periculum, licet speciale cesset. Et ex hac ratione facillimo negotio soluitur fundamentum primæ sententiæ. Cuius distinctio de lege lata ob vitanda inconuenientia, vel ob finem bonum nullo modo est admittenda; nam, vt rectè expendit Suarez lib. 6. de legibus, cap. 9. num. 14. eandem dependentiam vtrique lex habet à suo fine. Neque imaginari potest, quare ex cessatione vnius cesset lex, & non ex cessatione alterius, si in vtrique eodem modo cesset.

PUNCTUM II.

De cessatione legis per eius abrogationem.

Dupliciter lex tolli potest à Principe, vel secundum se totum, vel quoad aliquam illius partem, si integrè tollatur, dicitur abrogatio, si secundum partem, derogatio. Quod autem de abrogatione dicitur, de derogatione similiter intelligendum est, quia est partialis abrogatio.

Secundò, præmitto abrogari legem posse vel alia lege contraria inducente obligationem ad contrarium actum, vel ad abstinendum ab eo, qui erat per priorem legem imperatus. Vel abrogari potest tollendo obligationem illius, & nullam aliam imponendo. Videndum ergo est, quæ conditiones seruandæ sint, siue hoc, siue illo modo lex abrogetur, & quis legem possit abrogare.

§. I.

Quæ conditiones seruandæ sint in legis abrogatione.

- 1 Lex valida, & utilis abrogari potest.
- 2 Vt honestè fiat abrogatio, requiritur causa bono communi proficiens.
- 3 Sine causa abrogatio legis ab eo, qui legem tulit, valida est, tametsi illicita.
- 4 Quæ publicatio in abrogatione requiritur, proponuntur duæ extrema sententiæ.
- 5 Reducuntur in concordiam.
- 6 Quæ publicatio sufficiat, si non est per legem reuocatio facta.
- 7 Lex posterior priorem abrogat, si in corpore iuris prior fuerit inserta.
- 8 Limitatur, nisi iuramento firmata fuerit.
- 9 Posterior abrogat priorem, dummodo illi contraria sit, neque patiatur interpretationem.
- 10 Lex abroganda specialis, vel generalis extra corpus iuris non abrogatur, nisi illius fiat mentio saltem in genere.
- 11 Lex specialis pro aliquo loco, vel speciali materia, tametsi corpori iuris fuerit inserta, non abrogatur lege contraria, nisi illius fiat mentio saltem in genere.

1 **P**rimò certum est legem validam, & reipublicæ utilem abrogari posse, non solum validè, sed

etiam licitè, & honestè: sic omnes expositores cum D. Thoma 1. 2. quæst. 97. art. 1. Iuristæ in l. unica, C. de caduc. tollend. in princ. & in l. 1. & 2. ff. de constitut. Princip. & in cap. non debet, de consanguinit. & affinit. & cap. alma mater. de sentent. excommunicat. in 6. Ratio est, quia obligatio legis pendet à voluntate legislatoris. Ergo si cessat eius voluntas, cessabit & lex. Quòd autem licitè possit hanc voluntatem habere tollendi legem factam, inde constat; quia pro varietate temporum res solent mutari, & quæ vno tempore bono communi iudicabatur utilis, postea minus utilis esse potest. Adde, etsi lex utilis sit reipublicæ, potest magis utilis esse illius reuocatio: tum quia ex illa fortè grauatur nimis subditi: tum quia facta est tanta legum multiplicatio, vt videatur non leuiter conuenire aliquas abrogare: tum quia passim violatur, & cedit ex malitia subditorum in illorum perniciem. Ex quibus rationibus constat & posse legem utilem esse reipublicæ, & ex alia parte posse validè, & honestè abrogari.

2 Secundò certum esse debet, vt honesta sit, & licita abrogatio, necessariam esse causam pertinentem ad bonum commune. Constat ex supradictis textibus, præcipuè ex l. 2. ff. de constitut. Princip. & ex cap. non debet, de consanguinit. & affinit. Et ratio est clara, quia abrogare legem utilem reipublicæ absque legitima causa, est abuti potestate, & iurisdictione sibi concessa. Ergo peccat. Deinde Princeps ex officio tenetur sibi subditos regere legibus conuenientibus. Ergo si has leges tollit absque causa, iniquè facit, quia subditis præiudicat.

3 Tertiò certum esse debet puram legis abrogationem factam absque causa, ab eo, qui legem tulit, validam esse, esto illicita sit. Probo, quia legis obligatio ex voluntate legislatoris pendet. Ergo si cessat eius voluntas, & nolit amplius ea lege obligare, cessabit obligatio legis. Dixi, abrogationem puram: nam si fiat per nouam legis impositionem, certum est sine causa non valere; quia non valet lex, quæ non iudicatur bono communi expedire. Minus enim necessarium est ad legis abrogationem, quàm ad illius impositionem; quia minus necessarium est ad tollendam subditis obligationem, quàm ad imponendam illis. & in his omnes ferè Doctores conueniunt: vt videre est in Vasquez 2. part. de legibus, disput. 178. à cap. 1. Salas disput. 18. sect. 1. præcipuè num. 3. & 4. Suarez lib. 6. cap. 25. à num. 3. Bonacina disput. 1. quæst. 1. punct. ult. §. 1. num. 1. & 2.

4 Difficultas prima est. Quæ publicatio requiratur in abrogatione, vt censetur lex abrogata? In qua re sunt duæ extremæ sententiæ. Prima exoptulat publicationem similem cum lege; quia vsque legis reuocatio subditis infinuatur, lex publicata viget, & subditi illa adstringuntur: sic docet Vasquez disput. 1 § 6. cap. 4. num. 25. consentit expressè Azor tom. 1. lib. 5. cap. 3. quæst. 7. Salas disput. 12. sect. 8. & disput. 18. sect. 2. Secunda sententia huic contraria est, nullam publicationem requiri, sed sola voluntate Principis abrogari legem posse, sic docent Cordub. lib. 3. qui est de indulgent. quæst. 36. post 3. conclus. Capreolus in 4. distinct. 1. quæst. 3. ad 1. contra 1. conclus. Conrad. 1. 2. quæst. 90. art. 4. vbi Medin. circa finem art. Mouentur; quia in tantum lex obligat, in quantum legislator intendit obligare. Ergo si cessat eius intentio, cessabit obligatio. Et confirmo. Si à principio sine intentione obligandi legem ferret, etsi subditi ignari illius intentionis crederent se obligatos: at re vera obligati non erant. Ergo etiam postea deobligati manebunt, cum primam reuocat intentionem.

5 Facile possunt huiusmodi sententiæ in concordiam reduci. Si dicamus priorem sententiam loqui de reuocatione,

catione, quæ sit per nouam legis impositionem, hæc enim abrogatio omnes conditiones legis habere debet: neque censenda est vim habere reuocandi legem, quousque sit in ratione legis constituta, quia effectus reuocationis est illi secundarius. Secundam autem sententiam dicere possumus loqui de pura reuocatione, quæ sola reuocatione Principis etiam interiori facta compleri potest. At reuocate hoc modo absque promulgatione, non est præsumendum de Principe: quia esset reuocatio debitæ gubernationi contraria, & multis inconuenientibus exposita, & ferè nullius effectus. Quocirca mihi valde probabile apparet non posse Principem solam voluntatem iam intimatam, & quæ obligationem induxit, sola reuocatione interiori reuocare; quia actibus interioribus non se homines communicant, neque ex illis potest effectus aliquis in alios resultare. Ergo ex sola interiori reuocatione non potest obligatio subditorum tolli; aliàs posset dici abolutionem a censura, & dispensationem cuiusvis vinculi fieri posse ex sola interiori voluntate dispensantis. Item hæc reuocatio est iurisdictionis exercitium; sed hoc esse non potest per actus internos. Ergo non potest esse legis reuocatio actu solo interiori. Requiritur ergo, vt aliquo modo subditis manifestetur: & ita tenent Salas, Azor, Vasquez, Suarez, & alij ab eisdem relati *suprà*.

6 Quæ autem publicatio sufficiat, & necessaria sit, prudentis arbitrio est consideranda, & præcipuè attendenda est consuetudo, si aliqua sit. Nam cum hæc reuocatio non fiat per legem, non erit necessaria publicatio, quæ ad legem est requisita. At censeo debere esse ita publicam, vt facile in omnium, qui lege ligantur, notitiam deuenire possit; neque debere Principem velle aliter legis obligationem desinere, quia rectæ gubernationi maximè conuenit, vt sicut omnes simul fuerunt lege obligati, omnes simul illa soluantur. Ex quo fit scientem legis reuocationem non adhuc solui lege, quousque reuocatio fuerit publicata, vt communiter in subditorum notitiam deuenire possit, sicuti diximus de lege Pontificia: neque præsumenda est alia voluntas in legillatore ob rationes dictas, dum aliud non exprimit.

7 Secunda difficultas est in abrogatione per legem, quando lex posterior censetur priorem abrogare?

Cui difficultati respondeo primò. Si lex prior generalis erat, & in communj iure inserta, & secunda eadem generalitate loquitur, eo ipso, quo fertur lex priori contraria, censenda est abrogata, neque necesse est prioris mentionem facere. Ratio est, quia Princeps legem posteriorem ferens, conscius erat legis prioris contrariæ; hanc enim ignorare non præsumitur, ex *cap. 1. de constitut. in 6.* Sed non obstante illa lege, tulit legem contrariam; ergo voluit illam derogare: sic docent omnes cum glossa in *suprad. cap. & in l. sed & posteriores, ff. de legib. verbo, nisi contraria sint.*

8 Limitant aliqui, nisi prior lex firmata fuerit iuramento, de non derogando illam, nisi illius fiat expressa mentio, quia tunc illa lex nouo vinculo est stabilita, ac proinde non est præsumendum contraria lege voluisse Principem abrogare. sic docet Azor *1. part. lib. 5. cap. 16. quest. 6.* Emanuel Saa *verbo lex, num. 29.* in vtraque edit. consentit Bonacina *disp. 1. quest. 1. punct. vlt. §. 1. vers. ego verò*, in casu, quo iuramentum non est solum assertorium de præsentis, sed promissorio de futuro, scilicet de non reuocando legem: & sumi potest ex his, quæ de reuocatione priuilegiiorum tradit Suarez *lib. 8. cap. 14. num. 6.*

Placet mihi hæc limitatio, ea præcipuè ratione, quia tunc non est præsumendum Principem habuisse memoriam legis prioris iuramento stabilitæ; & consequenter procedere reuocatoriam legem ex ignorantia

prioris, ac proinde non habere effectum. Neque obstat iuris communis ignorantiam in Principe non præsumi. *cap. 1. de constitut. in 6.* quia hoc est generaliter verum, quoties nullum sequitur inconueniens: at in præsentis sequitur non leue inconueniens, nisi præsumatur illa ignorantia, quia sequitur Principem violasse iuramentum factum de non reuocanda lege, siquidem illam non relaxato iuramento intendit reuocare: quoties autem duæ præsumptiones concurrunt in vno actu, illa præualere debet, pro qua est honestas, & excludenda præsumptio delictum continens. Neque obstat etiam pro actus valore præsumendum esse, & consequenter pro lege posteriori, vt multis relatis docet Menochius *de præsumpt. lib. 6. tota præsumpt. 4.* quia, vt ipsemet Menochius *supradicta præsumpt. num. 50.* affirmat, non procedit hæc præsumptio de valore actus, quando repugnat mens disponentis, quæ omnino offenderetur, si lumeretur interpretatio validitatis actus. At in præsentis clarum est offendi Principem, si præsumatur sciens iuramentum à se factum de non reuocanda lege, nisi illius mentionem faciat, illam reuocare, nulla prioris facta mentione, nec relaxato iuramento.

9 Dixi posteriorem legem abrogare priorem, dummodo priori contraria sit. nam si aliquo modo excusari potest contrarietas, legum correctio, quoad fieri possit, vitanda est, ex *l. ult. C. de appellat. & l. 1. C. de inofficiosis dotib. & ex cap. cum expediat, de elect. in 6. & ex cap. cum dilectus, de consuetud. & tradit Bart. l. si constante. ff. soluto matrim. num. 39.* & pluribus relatis Tiraquel. in *prefat. ad retract. num. 62.* Et ratio est, quia mutatio legum damnosa est reipublicæ, per se loquendo; quapropter fieri non potest, nisi vbi virgens necessitas, vel utilitas interueniat, vt colligitur satis ex supradictis textibus.

Aliqui hæc doctrinam extendunt, vt procedat etiam, si ad hanc correctionem vitandam, fuerit necessarium verba legis correctoriæ impropriare: sic docent alios referens Sanchez *lib. 1. de matrim. disp. 17. num. 6.* Guierrez *lib. 3. pract. quest. 15. num. 34.* At hæc extensio mihi absolute non probatur, quia aliàs nihil esset firmum in legibus; solum enim verba improprianda sunt, vt euitetur aliqua iniquitas, & iniustitia, vel saltem ne dispositio inutilis, & illusoria reddatur, vt bene tradunt Felinus, Panormitanus, & Decius in *cap. 1. de constitut. Bart. in l. omnes populi, ff. de iustit. & iure, num. 57. & 58.* Suarez *lib. 6. de legib. cap. 27. num. 11.* Salas *disp. 18. sect. 6. num. 15.* & sumitur ex glossa *l. non possunt, ff. de legib.*

10 Dico secundò, si lex specialis, aut generalis abroganda extra ius commune sit, tunc per posteriorem legem contrariam non abrogatur, nec derogatur, nisi illius saltem in genere faciat mentionem, quia non præsumitur edita ex scientia prioris legis, eo quod ea quæ sunt extra ius commune, ignorari à Principe præsumantur, ex *d. cap. 1. de constitut. in 6.* tradit Suarez *n. 12.* Salas *sect. 6. circa finem.*

11 Dico tertio, si lex abroganda in iure communi inserta specialis sit pro aliquo loco, vel speciali aliqua materia per posteriorem legem vniuersalem, non censetur abrogata, nisi illius meminerit, sed potius ex illa lege lex vniuersalis debet limitari, seu derogari. Tum quia est regula communis: Generi per speciem derogatur. vbi glossa communiter recepta explicat, etiam si species præcedat: tum quia vtraque lex potest subsistere. Ergo credendum est ita Principem voluisse: tum denique, quia derogatio legis est vitanda, quoad fieri potest, sed in præsentis vitari potest, affirmando posteriorem legem vniuersalem ferri cum illa tacita limitatione, & exceptione prioris legis; ergo ita interpretandum est: sic docent Bart. Abbas, Iaf. Decius, Bald. & alij plures relati à Sanchez *lib. 2. de matrim. disp. 24. n. 6.* & addit hoc esse verum, etiam si in lege noua sit clausula, Non obstante; debet enim (inquit) intelligi lege

contraria, quæ non possit cum præcedenti sustineri per aliquam limitationem, seu distinctionem. idem tradit Suarez, & Salas *suprà*. Anton. Gabr. *tom. 2. comm. lib. 10. verbo lex. fol. 50.* Azeved. *lib. 5. recopil. tit. 4. l. 1. num. 52.* Matienz. *ibi glossa 3. num. 11. & tit. 11. l. 1. glossa 8. num. 36. in princ. & alij plures, quos ipsi referunt.*

§. II.

Qui possint legem abrogare, vel derogare.

- 1 *Qui illam tulit, & eius successor illam abrogare potest.*
- 2 *Inferior non potest legem superioris abrogare.*
- 3 *An inferior in suo territorio possit superioris legem abrogare? Proponitur dubitanda ratio.*
- 4 *Communis sententia hanc potestatem in legibus civilibus admittit, non in canonicis.*
- 5 *Nullus inferior potest, sine pura derogatione, suo statuto contrario superioris legem abrogare.*
- 6 *Satisfit rationi dubitandi.*
- 7 *Statuta confirmata à superiore, possit ne inferior illa condens reuocare? Negat communis sententia.*
- 8 *Qua ratione hæc communis sententia vera sit, exponitur.*
- 9 *Possit ne Episcopus abrogare constitutiones factas in Synodo diocesana? Proponitur dubitanda ratio.*
- 10 *Censeo probabiliter posse.*
- 11 *Satisfit argum. num. 9. adductis.*

Certum est legem reuocari posse ab eo, qui illam tulit, vel ab eius successore, qui eandem cum legislatore habet potestatem, vel à superiore illorum. De legislatore constat, quia dependet ab eius voluntate. De successore idem probatur, quia habet cum illo eandem potestatem. Item quia nullus suo successoris æquali prohibere potest abrogationem legis à se factæ, sicut nec sibi prohibere potest. Quia par in parem non habet iurisdictionem. De superiore autem idem constat, quia habet vniuersaliorem iurisdictionem. Qua ratione Pontifex sæpè leges civiles abrogauit, eo quod bonis moribus contrariæ fuerint, vel præiudicauerint libero vsui sacramentorum, dispositioni rectæ pietatis causarum, & aliorum bonorum Ecclesiasticorum; quia ob huiusmodi titulum, superior est Pontifex quolibet legislatore civili, vt rectè multis exemplis confirmat Azor *1. p. lib. 5. cap. 20. & seqq. docet Suarez lib. 6. cap. 26. num. 3. Salas disp. 18. sect. 4.*

2 Secundò certum est inferiorem non posse legem superioris abrogare, quia superior potestas non subditur inferiori, ex *cap. cum inferior, de maiorit. & obedient. & habetur Clement. ne Romani, de elect.* Ex quo fit neque Episcopum abrogare posse legem Pontificiam, neque Concilij provincialis, quia huiusmodi leges latæ sunt à superiore. Item Episcopus solum habet iurisdictionem in sua diocesi, extra illam non habet: leges autem Pontificiæ, & Synodi provincialis obligationem inducunt non solum pro sua diocesi, sed etiam pro alijs. Ergo Episcopus non potest illarum obligationem tollere, sic omnes supponunt, quos superuacaneum est recensere.

3 Difficultas autem est, an inferior habens potestatem condendi legem in suo territorio, possit legem condere contrariam legi vniuersali superioris, vel illam pro suo territorio abrogare? Ratio dubitandi est, quia inferior ea de causa habet potestatem dispensandi in lege superioris; Episcopus, inquam, in legibus Pontificiis, & magistratus in legibus regiis; quia pertinet hæc potestas ad rectam, & suauem suæ ditionis gubernationem. Sed etiam ad rectam, & suauem ditionis gubernationem pertinet habere potestatem derogandi leges superioris, cum sæpè lex vniuersalis in aliqua provin-

cia minus utilis, vel potius damnosa iudicatur. Ergo gubernator illius provincie potestatem habere debet impediendi illius obligationem. Et confirmari potest hæc ratio ex pluribus statutis municipalibus iuri communi contrariis, quæ valorem habent. plura refert Azor *lib. 5. instit. cap. 25. quest. 11. & 14.* Ex iure enim communi habetur, ne aliquis ob delictum alterius puniatur, vt tradit Bart. in *l. ne quid, num. 1. ff. de incend. ruin. naufrag.* & Iulius Clarus cum communi sententia *lib. 5. recept. sentent. in præf. crimin. quest. 86. num. 1. & sequens.* & tamen valet statutum, quo cauetur dominum teneri satisfacere damna famulorum, quæ commissa fuerint etiam ipso nesciente, & patrem damna filiorum, & alia similia statuta passim fiunt. Ergo optimè potest inferior in suo territorio legem superioris abrogare.

4 Communis sententia admittit hanc potestatem in civilibus legibus; negat tamen in Canonicis. sic Ias. in *l. omnes populi, ff. de iustit. & iur.* Panormitanus in *cap. ult. de consuetud.* Felinus *cap. quod super his, de maiorit. & obedient. num. 1.* Rochus de Curte *tractat. de consuetud. sect. 3. num. 6.* Albetic. *tractat. de statutis, 1. part. quest. 7.* Prior pars huius communis sententiæ probari potest ratione dubitandi. Secundò videtur definita in *cap. quod super his, de maiorit. & obedient.* ibi, *nihil statuas, quod canonicis obis instituit.* Idem constat ex *Clement. ne Romani, de elect. & ex cap. institutionis, cap. Ecclesiastica,* & alijs quæ referuntur *25. quest. 2.* Ratio autem differentie ea esse potest, quia omnis iurisdictionis Ecclesiasticæ, seu circa leges canonicas dimanat à Pontifice, qui non accepit illam ab Ecclesia, sed à Christo Domino. Ergo dum non constat Prælati inferioribus dedisse Pontificem facultatem derogandi suis legibus, non sunt censendi illam potestatem habere. At in iurisdictione politica, aliter res se habet, siquidem à republica Rex accepit potestatem. Quid ergo mirum, si transtulerit in illum ea condicione, vt quoties sibi visum fuerit bono communi expediens legum regalium efficaciam impedire, id efficere possit? Ergo.

5 Nihilominus tenendum est nullum inferiorem posse superiorem legis derogare, sine pura derogatione, siue statuto contrario, nisi ab ipso met superiore habeat potestatem, quæ tamen præsumenda nunquam est, nisi probetur: sic latè, & optimè probat Suarez *lib. 6. cap. 26. num. 9.*

Præcipua ratio desumi debet ex ipsis terminis inferioris, & superioris: si enim inferior à se potestatem haberet leges superioris derogandi, inferior non esset illo, sed potius superior. Ex qua ratione probauimus *suprà* ad legis constitutionem non esse necessariam populi acceptationem, quin legislator posset populum reuocantem legibus conuenientibus adstringere. Nam licet à populo potestatem gubernationis acceperit, non illam accepit populo subordinatam; aliàs populus maneret superior, & non posset à Principe cogi, quod est contra debitam Principi subordinationem.

6 Neque obstat ratio dubitandi. Nego enim inferiorem habere de se potestatem dispensandi in lege superioris; habet tamen regulariter illam à superiore. Tum quia dispensationis potestas magis est necessaria, quàm abrogationis, quia frequentius occurrunt circumstantiæ petentes dispensationem, & non derogationem. Tum etiam, quia dispensatione, quæ fit ad vnum, vel alium casum, non ita vulneratur lex, ac derogatione communi. Quod si daremus aliquando legem communem minus vtilem provincie iudicari, consuli debet superior, & ab illo derogatio expostulari, interim tamen seruanda est, nisi manifeste constet non potuisse Principem, vel noluisse in illa occasione obligare.

Ad confirmationem respondeo statuta illa non esse contra dispositionem iuris communis, sed præter illam;

iur.

iure enim communi non est prohibitum expresse, ne aliquis innocens puniatur in bonis suis ob delictum alterius, quando id à republica iudicabitur expedire ob commune bonum, sed solum est concessa talis puniatio in personis, quæ aliquo modo participes fuerint delicti facti: omisit tamen disponere pro personis, quæ delicto cooperatae non fuerint; statuta verò de his personis disponentia non aduersantur iuris communis dispositioni, sed potius illam adiuuant; siquidem faciunt, ut maiori cura, & diligentia delicta euitentur: condere autem statuta præter ius commune, & potius illi fauentia, quàm nocentia, est reipublicæ concessum in *l. omnes populi, ff. de iustis. & iur.* Adde esse receptissimam sententiam, quòd quamuis inferior abrogare legem superioris non possit, potest tamen illius observationem nouis statutis, & poenis adiuuare; ut tradunt glossa communiter recepta in *Clement. ne Romani, verbo tolli, de elect. Cardinal. ibi quaest. 3. Bonifac. num. 16. & 17. Imola num. 28. Couarr. 4. decret. 2. p. cap. 6. initio, num. 18. & 19. Menoch. de arbitrar. lib. 2. centur. 4. casu 398. n. 46. Matienz. lib. 5. recopilat. tit. 1. l. 1. glossa 7. num. 4. Marant. pract. 6. part. sit. & peruenitur aliquando per viam, num. 2. & alij ab eisdem relati. Illa tamen statuta non contrariantur, sed potius adiuuant communis iuris dispositionem, ac proinde seruanda sunt.*

7 Secunda difficultas est, an statuta confirmata à superiore, possit conditor illorum abrogare. Verbi gratia, statuta alicuius Episcopatus à Sede Apostolica confirmata, possit Episcopus abrogare; & statuta alicuius prouinciæ confirmata à Rege possit ipsa prouincia?

Communis sententia docet reuocari non posse, quia per illam factæ sunt leges superioris, siquidem autoritate illius sunt roboratae: illa enim nostra facimus, inquit Pontifex, in *cap. si Apostolica, de prebendis, in 6.* quibus autoritatem impertimur. Item ubi Princeps confirmat, idem est, ac si ferat sententiam. *l. 1. §. sed neque, C. de veteri iure enucleand.* sic docet Botteus de Synod. Episcop. 2. p. art. 4. num. 12. Sayto thesauri casuum, in 1. tom. lib. 6. cap. 11. num. 11. Azor lib. 5. institut. moralium, cap. 15. quaest. 7. Syluest. verbo beneficium, 3. quaest. 9. num. 13. Thomas Sanchez alios referens, lib. 8. de marim. disput. 17. num. 30. Barbosa de potestate Episcopi, 2. part. allegat. 34. num. 7.

8 Hæc tamen communis sententia verissima est, casu quo Princeps addiderit in confirmatione clausulam illam, ut si quidquam contrà fieret, nõ valeret; tunc enim ipsi statuentibus tollitur, ne contra statutum sic confirmatum procedant: habetur expresse *cap. dilecto, de prebendis*, & notauit glossa *ibi.* Suarez lib. 6. de legibus, cap. 26. num. 24. Salas eius verba transcribens *disput. 18. sect. 5. num. 11.*

At si Princeps illa verba non addiderit, sed solum confirmationem simplicem apposerit, non caret difficultate illa communis sententia; potest enim confirmatio superioris expostulari, & fieri ob quandam autoritatem, & specialem splendorem; qui ex approbatione superioris aduenit statutis sic confirmatis, & non ob specialem aliquam vim obligandi. Ergo cum non constet esse petitam hanc nouam obligationem, non debet censi à Principe concessa: tum quia inducere nouam obligationem, odiosum est; tum quia Princeps si velit inducere obligationem legis communis, poterat addere illa verba *d. cap. dilecto*, ut si quid contrà fieret, non valeat. Ergo cum non addit, censetur solum statuta approbare iuxta illorum obligationem, non nouam inducere. Quapropter censeo, quociens statutum respicit commodum statuentium, etiam si à Sede Apostolica confirmatum sit, confirmatione, inquam, simplici, posse derogari, seu abrogari ab statuentibus; quia non debet præsumi superior velle inuito beneficium

conferre, & ad fauorem recipiendum obligare nolentem: sic glossa in *dilecto cap. dilecto filio, de prebendis, verbo huiusmodi clausula*, & constat ex *cap. cum ad. cap. cum accessissent, de constitutionib.* & tradit Suarez, & Salas *suprà.* Emanuel Saa in vtraque editione *num. 30.* ibi contra statutum etiam à Principe confirmatum possunt facere statuentes, si est principaliter in eorum fauorem, quia tunc confirmatio habet vim priuilegij, cui potest renuntiari.

Verum si statutum confirmatum à Principe non tam sit in fauorem statuentium, quàm aliorum, pro quibus statuitur, censeo distinctione esse vtendum, si seclusa confirmatione Principis habebat vim obligandi, eo quòd conditor statuti iurisdictionem habebat imponendi obligationem, & statuta condendi, regulariter confirmatio ob autoritatem, & honorem expostulatur, & sic censenda est concedi, dum aliud non constar, ac proinde poterit statutum abrogari à conditore, ac si confirmatum non esset, sic docent Bald. *lex placito, C. de rerum permutat. à num. 12. & seq.* Bart. in *l. omnes populi, ff. de iustis. & iure, num. 33.* Suarez *num. 22.* Si autem conditor statuti in bonum aliorum potestatem non habet obligandi illos, pro quibus statutum conditur, ut sunt plurimæ communitates statuta condentes, tunc certè præsumendum est confirmationem expostulari, ut legem à superiore; siquidem ipsi statuentes legem facere non possunt, & superiorem ita concedere. sic Suarez *num. 25.* Salas *illa sect. 5. fine.* Qua confirmatione posita non poterit statuti conditor statutum derogare, quia non potest legem superioris derogare. Non nego tamen posse aliquando confirmationem expostulari, etiam in his statutis ob autoritatem, & honorem, & non ob obligationis impositionem. Sed dico hoc non esse præsumendum, nisi clarè constet, quia consuetudo, & communis vsus declarauit hanc confirmationem pro obligatione sibi necessaria expostulari; siquidem eas se non habent vim obligandi.

9 Tertia difficultas est, an Episcopus, vel Archiepiscopus abrogare possit constitutiones à se factas in Synodo diocesana? Videtur non posse, primò, quia constitutiones sic factæ vim habent ab Episcopo, & à clericis ibi congregatis; omnis enim ibi habent suffragium decisium, ut docet Imola *cap. grane, num. 22. de prebendis ad finem.* Ergo non potest solus Episcopus eas abrogare, quia non est solus earum legislator. Secundò, quia Episcopus non est superior suo Synodo: est enim pars illius, sicut Decanus est pars Capituli Ecclesiæ Cathedralis. Ergo non potest abrogare statutum factum à Synodo. Tertiò, quia ipsemet Episcopus legibus, & constitutionibus synodalibus arctatur, ut docet Medin. *1. 2. quaest. 96. art. 5. dub. 2. conclus. 1.* Gallego de cognat. spiritui. cap. 21. n. 18. Manuel 1. tom. summ. in 2. edit. cap. 237. num. 1. *fine.* Vega 1. tom. summ. cap. 88. casu 2. *fine.* Quartò. Nam etiam si Episcopus solus sit, qui in Synodo diocesana habet potestatem condendi statuta, & clerici ibi congregati solum præstant consilium; hoc tamen efficere videtur, ut absque illorum consensu abrogari non possit, quia statutum factum de consensu aliquorum transit in contractum, ac proinde non potest sine simili consensu reuocari, ut tenet Bart. in *l. omnes populi, num. 29. versic. distingue, ff. de iust. & iur.* Alexand. *conf. 101. num. 1. vers. & idem tenet, lib. 1.* Barbatius *consil. 2. num. 12. vers. ergo sequitur, lib. 4.* Cardin. *consil. 85. num. 4. vers. illud statutum.* Felin. in *cap. 1. num. 19. vers. alius casus, de confis.* Ex quibus omnibus videtur inferri non posse Episcopum abrogare constitutiones factas in Synodo diocesana, nisi ipsa Synodus consentiat, & ita tenet expresse Gallego, Man. Veg. *suprà.*

10 Nihilominus probabilius censeo posse Episcopum inconconsulta Synodo constitutiones synodales abrogare, si id viderit expedire (rarò tamen id expediet)

sic colligitur ex Nauarr. *sum. cap. 25. num. 74. & cap. fin. num. 4. de simonia*. Azor. illum referente *lib. 5. inst. c. 15. quest. 3. Sanch. lib. 8. de matr. disp. 17. num. 33. Barbosa de potest. Episcopi 2. p. allegat. 34. num. 3*. Hi omnes docent Episcopum dispensantem in constitutionibus synodalibus absque causa, validè dispensare, quia dispensat in constitutionibus à se solo factis: nam clerici, & parochi in Synodo congregati non faciunt constitutiones, sed solum præbent consilium ad illas faciendas, non ex necessitate, sed ex utilitate, & conuenientia, ut prudentius Episcopus procedat. Ex qua ratione efficitur posse Episcopum tales constitutiones abrogare, cum ab eius voluntate solum dependeat.

11 Neque obstant argumenta contraria.

Ad primum nego habere votum decisivum clericos ibi congregatos, cuius non leue indicium est solum Episcopum constitutiones subscribere, absque vlla clericorum mentione.

Ad secundum concedo Episcopum esse partem Synodi, & caput illius, & illius superiorem habentem iurisdictionem legislativam, & coercivam, quam non habet Decanus respectu Capituli; solum illi conceditur potestas congregandi Capitulum, proponendi, & resolvendi, quod pro maiori parte fuerit decisum.

Ad tertium negamus Episcopum arctari constitutionibus synodalibus alio modo, ac arctatur suis constitutionibus à se factis, quibus solum ex quadam decentia obligatur.

Ad quartum respondeo cum Rota *tom. 3. decis. novissim. Farinacij decis. 34. à n. 3. pag. mihi 31*. negando statutum factum de consensu aliquorum transire in contractum, quando consensus non expostulatur, ut necessarius, & quando consentientes non tribuunt aliquid statuenti, sicut tribuunt forenses venientes ad habitandum in aliquo loco, eo quod illis immunitas concedatur, si venerint; aduentus enim illorum, est quasi quædam illorum donatio, qua facta reuocari non potest statutum: ut benè trahit Barr. *in l. quod semel. n. 1. vers. ex quo habet. ff. de decretis ab ordine faciendis*. At in supradicta Synodo, neque consensus clericorum, qui ibi congregantur, est necessarius, neque aliquid Episcopo tribuunt, aut recipiunt, sed solum se habent, sicut populus, qui legem Principis acceptat, vel sicut Regis consiliarij, qui consilium præbent Regi, illumque instruunt in lege ferenda, à quibus tamen Rex non necessariò dependet; neque in constitutione legis, neque in illius abrogatione. Sic est dicendum de Episcopo in Synodo diocesana.

PUNCTUM III.

De interpretatione legis.

Interpretatio nihil aliud est, quam declaratio legis ad illum casum esse, vel non esse extensam. Dupliciter autem hæc fieri potest, vel ab ipso legislatore, vel à viris doctis. Si fiat à legislatore, quatenus talis est, vocatur interpretatio authentica. Si fiat à viris doctis, vocatur doctrinalis declaratio, de quibus glossa *in l. si de interpretatione. ff. de legib.* Sylvest. *verbo interpretatio n. 1.* Tabiena, Angel. Saa, & alij Summistæ *ibi*. Decius, & Panormit. *c. 1. de postulat. pralatorum*. Ut autem cognoscas, quando lex per interpretationem cesset, oportet examinare,

Qui possint legem interpretari, & quo casu interpretatio illis licita sit.

Secundò quæ regulæ servandæ sint in interpretatione faciendâ.

Tertiò ad quos casus lex extendi, vel coarctari debeat.

§. I.

Qui possint legem interpretari authenticè.

- 1 *Solus conditor legis, vel illius successor, aut illorum superior potest.*
- 2 *Proponitur obiectio. Soluitur. Declaratur hanc interpretationem publicandam esse, sicut & legem.*
- 3 *An declarationes Cardinalium circa Tridentinum decreta vim legis habeant? Proponitur non habere.*
- 4 *Si publicata sine vim legis habent.*
- 5 *Si publicata non sint, tamen si de illis authenticè constituta, non habent vim legis. Qui censeant.*
- 6 *Probabilius videtur oppositum.*
- 7 *Iudiciis inferioribus non licet legem authenticè declarare.*

Respondeo solum conditorem legis, aut illius superiorem, & successorem eam interpretari posse: quia solus ille est, qui potestatem habet obligandi per illam legem, ac proinde inducendi ex eius declaratione obligationem, constat ex *l. fin. C. de legib. ibi, leges condere soli Imperatori concessum est, & leges interpretari solo dignum imperio esse oportet. l. in pratorijs ff. de prator. stipulationib. & cap. sicut 11. q. 1. & cap. inter alia. de sentent. excommunicat. & alijs quæ referuntur à glossa in reg. contra iura, de reg. iur. in 6. Azor. *tom. 1. lib. 5. cap. 16. q. 16. Salas de leg. disp. 21. sect. 2. Suar. lib. 6. cap. 1. num. 2.**

2 Dices mentem cuiuscunque sibi soli notam esse; ergo solus, qui condit legem, potest illam certò, & infallibiliter declarare. Ergo non successor, neque eius superior. Hi enim solum illius mentem cõiectari possunt.

Respondeo successorem, vel superiorem legislatoris, cum legem aliquam declarat authenticè, non tam declarat intentionem personalem primi conditoris, quam sensum, in quo debeat lex deinceps recipi, & observari. Et licet huiusmodi sensus fortè sit extra mentem primi conditoris, non tollit, quominus dici possit illius legis declaratio, quia in illa lege fundatur. Debet autem hæc declaratio publicari ea solemnitate, qua lex; aliàs non erit authentica, neque legis obligationem habebit, sed solum erit declaratio doctrinalis, sicut cuiuslibet alterius viri docti, grauioris tamen authoritatis. sic Suar. *lib. 6. cap. 1. num. 3.*

Dixi, solum conditorem legis, eius successorem, aut superiorem posse legem interpretari authenticè, quia nullus alius in actum superioris habere potest iurisdictionem, sic omnes.

At dubium est, sitne aliquibus commissa hæc potestas saltem pro aliquo casu?

Et dubitari potest primò de congregatione Cardinalium designata ad declarandum Concilium. Secundò de iudiciis inferioribus.

3 Circa primum de congregatione Cardinalium extat Bulla 7. Sixti V. edita ann. 1588. quæ incipit, *In mensa*. In qua postquam sibi Pontifex reservavit potestatem congregandi Concilium, & res fidei definiendas, subiungit. *Cardinalibus verò præfatis interpretationi, & executioni Concilij Tridentini, si quando in his, qua de morum reformatione, disciplina, ac moderatione, & Ecclesiasticis iudicijs, & alijs, qua humana statuta sunt, dubietas, aut difficultas emerferit, interpretandi facultatem, (nobis tamen consultis) impertimur*. Ex quibus verbis constat supradictæ congregationi commissam esse hanc facultatem interpretandi leges Concilij Tridentini: illa tamen conditione, ut summus Pontifex consulatur. Hinc ergo oritur dubium, an declarationes huius sanctæ congregationis, quæ passim circumferuntur, vim legis habeant, vel solum sint quædam declarationes doctrinales, magni ponderis, & authoritatis?

Videtur

Videtur quidem, vt doctrinales habendas esse. Primò, quia rarò hæc sancta congregatio Pontificem consulit: vt testatur Salas *disp. 2.1. sect. 12. pag. 566.* vbi ait: Illud verò ex declarationibus impressis, & manuscriptis patet, quòd congregatio non semper, sed in raro casu, & in grauioribus, & difficilioribus dubiis summum Pontificem consulere solet. Si ergo non seruat conditionem, sub qua potestas declaratiua illi est concessa, non debet censi eius declaratio vim legis habere. Secundò, quia huiusmodi declarationes sæpè inter se pugnant, vt notauit Suarez *tom. 4. in 3. p. disp. 28. num. 6.* Ergo nulla est authentica. quæ enim ex illis est authentica interpretatio? non prior: aliàs non succederet secunda illi contraria. Non secunda, quia non habent potestatem derogandi legem, sed interpretandi factam. Ergo nulli illarum declarationum est necessariò standum. Tertiò, si declarationes huius sanctæ Congregationis vim legis haberent, deberent solemniter publicari, sicut & communiter dicitur de declaratione authentica ipsius legislatoris: at hæ declarationes nec typis mandantur, nec à Pontifice mandantur publicari. Ergo signum est vim legis non sortiri. Quartò, quia multitudo legum, & obligationum vitanda est, quoad fieri possit: at si declarationes Cardinalium vim legis haberent, innumeræ essent leges Ecclesiasticæ, prout innumera sunt responsa huius sanctæ congregationis. Ergo dicendum est solùm esse declarationes doctrinales: & ita tenet Sanchez *lib. 8. de matrim. disp. 2. num. 10. circa finem.* Vasquez idem sentire videtur *1.2. disp. 177. cap. ultim.* Nauarr. relatus à Salas *disp. 2. de legibus, sect. 9. n. 4.* docet his declarationibus non esse standum.

4 Pro resolutione aduertendum est nos loqui posse de his declarationibus, antequam promulgentur, vel facta illarum promulgatione. Et quidem si aliquæ sint solemniter promulgatæ, nemini esse potest dubium vim legis habere; quia concurrunt in eis omnes conditiones, quæ pro legis constitutione sunt requisitæ, scilicet potestas, & promulgatio.

Neque obstat, si dicas potestatem esse datam ad declarationem doctrinalem, non legislatiuam: vt sentit quidam vir doctissimus tacito nomine relatus ab Emanuel. Rodriguez *1. tom. qq. regul. q. 11. art. 2.* Quia ad hanc doctrinalem declarationem non indigebant Cardinales potestate concessa. Ergo dicendum est potestatem pro declaratione legislatiuam illis datam fuisse. Item eadem congregatio censuit has declarationes eam vim habere, ac si à Romano Pontifice emanassent, prout refert Nicol. Garcia *tract. de benefic. in prefat. ad Lectorem.* Salas *de legib. disp. 2.1. sect. 12.* Bonacina *disp. 1. quest. 1. punct. 8. num. 4.* Sed si à Pontifice declarationes suarum legum promulgatæ sint, vim legis habent in omnium sententia. Ergo etiam hæ declarationes habent, postquam sunt promulgatæ. Neque aduersus hanc conclusionem obstant superiores rationes, quia in his declarationibus, quæ publicantur, præsumi non potest omisum fuisse consilium Pontificis, si necessarium erat. Neque aliqua pugnantia, & contrarietas; nam per subsequentem declarationem tollebatur, sicut lex posterior præcedenti contraria abrogat præcedentem.

5 At si publicatæ non sint, etiam si authenticè de illis constet, plures Doctores tenent vim legis non habere. sic docet Bonacina *disp. 1. quest. 1. punct. 8. num. 4. vers. secunda pars.* Suarez generaliter loquens de omni declaratione facta à Principe, *lib. 6. cap. 1. num. 3.* Lorca *1.2. disp. 18. appendice, circ. 1. finem.* Salas *disp. 2. sect. 9. fine, disp. 10. sect. 9. num. 68. & disp. 12. sect. 1. num. 8.* & idem indicat *disp. 2.1. sect. 12. corollar. 5. fine.*

Mouentur, quia publicatio est de essentia legis, ita vt declaratio Principis, si vim legis habere debeat, indiget publicatione. Ergo etiam hæ declarationes. Quòd si obiciatur publicationem esse requisitam ad le-

gis constitutionem, non ad illius declarationem, quia declaratio cum ipsa lege à principio inest. *1. in fidei, ff. de iure fisci.*

Respondent supradicti Doctores declarationem claram, & euidentem inesse ipsi legi à principio: non autem declarationem in re dubia, & ambigua, & pro qua sunt variæ opiniones; hæc enim declaratio, vt omnino sequenda sit, publicari debet, siquidem ex publicatione legis non infertur. Stare enim optimè potest lex cum contraria declaratione. Deinde si obiciatur Rotam Romanam sequi omnino declarationes Cardinalium, etiam si promulgatæ solemniter non sint, vt constat ex pluribus decisionibus Rotæ, quas referunt Salas *illa disp. 2.1. sect. 12.* Emanuel Rodriguez, & Bonacina *suprà*, respondent id fieri, quia iudicant maximi ponderis, & auctoritatis esse, vt verè sunt, non quia vim legis habeant. Fateor hanc sententiam probabilem esse, illique stari posse, dum aliud à Pontifice non definitur.

6 Verùm probabilius, & securius cenfeo has declarationes vim legis habere, & astringere in iudicio, & extrà, cum authenticè de illis constat per breue Pontificis, vel per monitorium auditoris Cameræ, vel per epistolam alicuius Cardinalis suo sigillo munitam, vel per transumptum authenticum ex registro congregationis parte citata; quia huiusmodi publicatio videtur satis in harum legum declaratione ex vsu, & consuetudine. Nam licet ex illa publicatione non statim multis innotescat, paulatim in multorum notitiam deuenit, & de se apta est deuenire; quod videtur sufficiens ad obligationem inducendam. sic docent Emanuel *illa q. 1. art. 2.* Salas alios referens *disp. 2.1. sect. 12. fine.* Garcia *in prefat. de beneficijs.*

7 Circa secundum dubium de iudiciis inferioribus, an illis liceat authenticè declarare leges superioris?

Respondeo nullo modo licere declarare, taliter, quòd eorum declaratio liget, ac ipsa lex; quia nullibi constat datam illis esse eam potestatem. Bene tamen poterunt secundum veriolem Doctorem sensum legem interpretari, & secundum illam interpretationem iudicium ferre, præcipuè si Princeps consuli non potest. sic Emanuel *qq. regul. q. 11. art. 1.* Salas *disp. 2.1. sect. 2.* & tradit Syluest. *verbo interpretatio, quest. 1.* Adde, in rebus facillimis, & minutionibus credendum est inferiores Prælatos habere potestatem declarandi legem, non solùm doctrinaliter, sed etiam authenticè; quia aliàs nulla legis obseruantia perfectè introduceretur, si passim recurrendum esset ad Principem. Quapropter Constantinus Imperator Plotiano rescripsit *m. l. 1. C. de relationib. in Cod. Theodosiano;* super paucis, quæ iuridica sententia decidi non possunt, nostram debes consulere maiestatem, ne occupationes nostras interrumpas cum litigatoribus, legitimum maneat arbitrium à sententia prouocandi. sic Emanuel Rodriguez, & Salas *suprà.* Quod credo habere verum, quando agitur de interesse partium, & necessaria est interpretatio ad decidendam licem; possunt enim tunc Prælati inferiores legem, prout sibi probabilius videbitur, interpretari, & cogere, vt partes hanc interpretationem sequantur.

§. II.

An cuilibet liceat legem doctrinaliter interpretari? Vbi de epikeia.

- 1 Cuilibet licet hac interpretatio.
- 2 Pluribus placet non esse licitum à verbis legis deuere.
- 3 Vbi licet epikeia non solum in casu, in quo obseruantia legis iniqua esset, sed etiam in quo esset difficilis.
- 4 Causa in hac interpretatione debet ad minus esse probabilis.
- 5 Quando prohibetur à lego eius interpretatio, possit fieri

feri hac doctrinam? Proponitur dubitandi ratio.

6 *Solum censetur prohibita interpretatio friuola, & contra mentem legis.*

7 *Aliquando etiam prohibetur interpretatio typis mandata, & ex professo.*

1 **F**erè omnes Doctores conveniunt, cuilibet licere hanc interpretationem, si eam faciat iuxta regulas, & sensus Doctorum non proprio cerebro innixus; cum enim lex sæpè ambiguitatem in sua significatione contineat, neque legislator de facili consuli potest, necessarium erat, ut Doctoribus daretur facultas hanc interpretationem faciendi. *l. unic. C. de professorib. l. 1. ff. de origine iuris. l. 1. ff. si certum petatur, l. si negotium. ff. de privilegiis creditor. & colligitur satis ex cap. 2. de privileg. in 6. & ex proœmio decret. 6. & Clement. in fine, & alijs in locis.* Regulas autem, quibus hæc explicatio facienda est, postea subiiciemus.

2 Difficultas autem duplex est. Prima, an liceat cuilibet contra verba legis hanc interpretationem facere? quod est inquirere, an licitum sit vti episkopia, seu emendatione legis vniuersaliter loquentis ob aliquas speciales circumstantias?

Aliquibus videtur non esse licitum à verbis legis demittere, nisi quando esset iniqua illius observatio. sic videtur tenere D. Thom. 2. 2. *quest. 120. art. 1.* & ibi Caiet. *Sotus lib. 1. de iust. quest. 6. & 8. Corduba 4. 2. p. 9. n. 8.* Ratio est, quia episkopia est emendatio legis in eo casu, in quo lex peccat, ut constat ex Aristotel. communiter recepto, 5. *ethic. cap. 10.* Sed lex non peccat, cum non obligat ad aliquid iniquum. Ergo nequit emendari, nisi quando iniquum esset illi obedire.

3 Nihilominus tenenda est communis sententia, à qua nec D. Thomas dissentit, non solum licitum esse vti episkopia, in casu, quo obedire legi esset iniquum, sed in casu, quo esset nimis graue, & difficile, propter aliquod graue damnum inde resultans; quia iam tunc peccat lex, si ad rem ita difficilem velit obligare. Iugura enim Dei sine est, & onus eius leue. Ergo nunquam leges censentur ita duram obligationem imponere. Optime interpretari quis potest non habere legislatorem tunc voluntatem obligandi; hac enim ratione ieiunia Ecclesiastica interpretamur non obligare, si a gravitate labores; neque præceptum audiendi Missam, si damnum graue honoris, vitæ, aut rei familiaris inde timeas. Sic latè Suar. *lib. 6. cap. 7. num. 9. & seqq.* vbi extendit doctrinam, non solum, quando sequitur graue damnum ex obseruantia legis in rebus acquisitis, sed etiam in acquirendis; quia lucrum cessans iustum, & graue, damno, moraliter loquendo, æquiparatur, ut constat ex *l. unic. C. de senectute, quæ pro eo, quod interest, proferuntur, in fine.* Quare si ex obseruantia legis, v. g. festi, amittis occurrentem occasionem magni lucri, ab obseruatione festi cessare poteris, & iuste interpretaris ibi nolle legislatorem obligare.

4 Aduertendum tamen est in hac interpretatione faciendâ causam excusantem debere esse ad minus probabilem; vel quia probatur Doctoribus, vel quia firma ratione fulescit, iuxta dicta de sententia probabili. Posita autem hac probabilitate, rectè poteris interpretari illo in casu te obligatum non esse. Maior difficultas est, quando hanc probabilitatem non attingit excusans causa, sed hæres dubius, an casum illum comprehendere voluerit legislator? Cui difficultati dicendum est: si consuli potest superior, non polle contra legis verba facere, quia iam habes remedium deponendi dubium; si verò dubius sis, an potuerit superior comprehendere, & verbis legis comprehensus sit, regulariter verbis legis est standum; neque licitum tibi erit interpretari non esse obligationem, quia lex possidet. Sic Salas alios referens

disp. 21. sect. 10. num. 25. Vide quæ dicta sunt de dubia conscientia, p. 8. & seq.

5 Secunda difficultas est. Quando per aliquam legem prohibetur eius interpretatio, an liceat tunc Doctoribus interpretationem doctrinalem facere? Ratio dubitandi est, quia illa prohibitio aliquem effectum habere debet, sed non potest habere alium, nisi hanc interpretationem prohibeat. Ergo hæc censetur prohibita. Minorem probō; quia interpretatio authentica, & necessaria, & quæ vim legis haberet, iam ipso iure, & ratione naturali erat omnibus extra legislatorem prohibita. Interpretatio autem friuola, & inanis per se ipsam est exclusa. Restat ergo, ut solum interpretatio probabilis, & doctrinalis prohibeatur.

6 Respondeo, regulariter loquendo, quoties in aliqua lege prohibetur interpretatio, solum prohibere interpretationem friuolam, & quæ est contra mentem ipsius legis. Sic docet Salas *disp. 21. sect. 2. fine.* Saa *verbo interpretatio, in utraque editione num. 5.* quod colligitur ex Tridentin. *sess. 4. decreto de usu sacrorum librorum*; vbi prohibetur fieri interpretatio contra eum sensum, quem tenuit, & tenet sancta mater Ecclesia. quare si quis præter consensum Patrum, non tamen illi contrarium, Scripturam interpreteretur, huic prohibitioni non aduersatur. sic Bannes 1. p. q. 1. art. 10. *dub. 6.* Azor. 1. p. lib. 8. c. 2. *quest. 3.* & approbatur ab Augustino Barbosa *in remissionibus. Concilij illo in loco.* Neque obstat hanc interpretationem per se esse exclusam, ut non possit etiam præcepto excludi.

7 Dixi, regulariter loquendo, solum prohiberi interpretationem friuolam, & contra mentem legislatoris. Nam aliquando etiam interpretatio doctrinalis prohibetur, non quæcunque, sed quæ typis mandatur, & ex professo fit. Hæc enim interpretatio est, quæ videtur prohibita à Pio IV. in *Bulla confirmatoria Concilij Tridentini.* ibi enim prælati præcipitur, sub pœna interdicti ab ingressu Ecclesiæ, & reliquis omnibus sub pœna excommunicationis latæ sententiæ, ne commentarios, glossas, annotationes, scholia, vllumve interpretationis genus super ipsius Concilij decretis quoquo modo edere, aut statuere audeant, etiam prætextu maioris corroborationis, aut executionis ipsius Concilij. Per quæ verba, etsi prima facie videatur prohibita quælibet declaratio supradicti Concilij; quia illud verbum *edere* non solum de declaratione typis excusa, sed de qualibet quomodolibet dicta & publicata sumi potest, ut tradit ex alijs Simon Schardius in *lexico iuris, verbo edere*; & probat textus in *l. 1. §. 1. A. si quis ex argentiarijs, §. in vitium. ff. de edendo.* attamen consuetudine ipsa de declaratione typis excusa intelligitur, quæ consuetudo verborum proprietati præualere debet: & ita tradit Eman. Rodr. *tom. 1. regul. qq. quest. 11. art. 3.* Hentiq. 1. p. *summ. lib. 7. de indulgent. cap. 29. num. 4.* Salas *diffut. 21. sect. 11. vers. neque obstat.* August. Barbosa *in remissione Concilij. sess. 25. cap. 2. de reformat.* Reginald. *lib. 20. num. 53. fine.* Adde neque etiam prohiberi quamlibet interpretationem typis excusam, sed eam, quæ ex professo desumitur. Nam si vnum, vel alterum Tridentini decretum incidenter interpreteris, huic decreto non aduersaris, ut notauit Eman. *suprà.* Bonacin. *disp. 1. q. 1. p. 8. num. 3. fine.* Suar. *tom. 5. de censuris. disp. 27. sect. 7. num. 12.* Salas *sect. 11. vers. ad secundum.* Illa ergo interpretatio videtur hic tantum prohibita, quæ esset quali glossa, & scholia, & commentaria Concilij, quæque esset ex professo desumpta, & authenticis scriptis redigenda. tradit Burgos de Paz in *proœmio legum Tauri. n. 236. pag. mibi 35. colum. 4. & sequent.*

§. III.

Quæ regulæ seruandæ sint in legis interpretatione.

- 1 Si de intentione constat, illi standum est.
- 2 Seruanda est proprietas verborum.
- 3 Quod est verum, etiamsi legislator extra legem dicat, se aliter intelligere.
- 4 Limitant aliqui in lege correctoria, sed nobis non probatur.
- 5 At limitandum est, nisi ex proprietate verborum sequatur absurdum.
- 6 Item nisi reddatur lex inutilis.
- 7 Quæ proprietas verborum seruanda est? Resoluitur seruandam esse naturalem.
- 8 Quod est intelligendum de lege præceptiua, & pœnali, non de fauorabili: hæc enim ad eundem etiam significationem extenditur.
- 9 Quid si duplicem habet significationem.
- 10 Intentio legislatoris, & materia legis ex præmio desumitur.
- 11 Interpretatio in lege fauorabili extendenda est, in pœnali limitanda.
- 12 Quoties de obligatione agitur, stricta interpretatio facienda est.
- 13 Correctio legis vitanda, quoad fieri possit.
- 14 Lex noua debet secundum antiquam interpretari.
- 15 Vidende sunt alia regula pro legum interpretatione in Doctoribus relatis.

1 **H**Æ regulæ diriguntur ad inuestigandam mentem, & intentionem legislatoris. nam si de hac constat aliquibus aliis circumstantiis, illa obseruanda est; quidquid in contrarium verba legis aliud significant: iuxta *l. non dubium, C. de legib.* vbi dicitur, In legem committit, qui verba legis amplectens, contra legis nititur voluntatem. idem colligitur ex *l. scire, §. aliud, ff. de excusat. iuror. & ex l. non aliter, ff. de legat. 3. & l. si pater, §. dulcissimis, ff. de legat. 2. & ex cap. humana aures, 22. q. 5. cap. secundo requiris, de appellat. cap. ratio nulla, de præbend. & aliis. Ratio est, quia verba apponuntur ad declarandam mentem, & intentionem proferentis. Ergo si illam mentem non declarant, illis standum non est: sic docet, & latè probat Tiraquel. *ad l. si unquam, C. de renouand. donat. verbo libertas, num. 45.* Azor *1. pars. lib. 5. quest. 9.* Salas *disp. 21. sect. 3. vers. ut si ratio.* Bonacina *disp. 1. quest. 1. punct. 8. à num. 4.* Suarez *lib. 6. cap. 1. à num. 12.* Sanchez *lib. 2. disp. 37. n. 3.**

2 Prima ergo regula ad mentem legislatoris inuestigandam, ea est, ut in legis interpretatione seruetur proprietas verborum, & secundum illam proprietatem intelligatur legem latam esse. sic Suarez *illo cap. 1. num. 7.* Salas *disp. 21. sect. 3. num. 4.* Azor *1. p. lib. 5. cap. 16. quest. 9.* Bonacina *disp. 1. quest. 1. punct. 8. num. 15.* Eman. Rodriq. *tom. 1. regul. 99. q. 1. art. 6. vers. tertia regula.* & constat ex *l. non aliter, ff. de legat. 3. & in l. profpexi, ff. qui, & à quibus.* & colligitur satis ex *cap. 2. §. sed neque, de translat. Episcopi.* Ratio est manifesta, quia legislator debet procurare legem claram esse, & distinctam. Ergo debet vti verbis in significatione propria, aliàs nihil firmum stabiliter, sed omnia essent cauillationibus subiecta.

3 Quod ad eò verum est, ut etiamsi legislator extra legem dicat se aliter intelligere, quàm ipsa verba sonant, non obligamur eius interpretationi stare. quia duplici ex capite obligari possemus; vel quia illa interpretatio est declaratio clara mentis habitæ à leg. slatore, cum legem tulit: vel quia est ipsius legislatoris. Non primum, quia manifestum est non esse claram declarationem, siquidem ad impropriam significationem re-

currit, & non est præsumendum legislatorem improprie fuisse loquutum, cum legem tulit, ac proinde neque illam interpretationem imbibitam esse in lege: si autem in lege imbibita non fuit, ad illam modò extendi non potest; quia lex extendi non potest ad casum, qui à principio à lege non fuit comprehensus, vt optimè docet Anton. *cap. post translationem, de renunciat. n. 34.* & ibi Abbas *in 2. lectura, num. 17.* Sanchez *lib. 2. de matr. disput. 37. num. 3.* quia si extenderetur de nouo, iam esset noua lex, & nouum præceptum. Ergo illa declaratio, quatenus est declaratio mentis habitæ non obligat. Item quod ex verbis non venit intelligendum, neque ex mente prouenire creditur. *l. Labeo, §. ad Tubero, ff. de supplect. legat.* Neque etiam quatenus est facta ab ipso leg. slatore, quia dum ipse legislator non promulgat suam declarationem, & per illam intendit obligationem inducere, solum se habet, vt quidam specialis Doctor, cuius opinionem, & sensum sequi non tenemur, cum rationes firmæ sunt in contrarium. sic docent Salas *disp. 21. sect. 13. fin. n. 3.* Saa *verb. lex, n. 15. & 26.* Bonacina *disp. 1. q. 1. p. 8. n. 16.* Qui omnes testantur ea de causa Hostiens. & alios Doctores recessisse à declaratione facta ab Innocent. IV. super constitutione à se antea edita.

4 Limitant tamen supradictam doctrinam aliqui Doctores in lege correctoria; in hac enim dicunt improprianda esse verba, & recedendum à communi illorum significatione, vt iuris correctio vitetur. sic docent Abbas *cap. cum olim sine, de sentent. & re iudic.* Felin. *cap. non potest, eodem tit. num. 8. vers. limita dupliciter.* Anton. *cap. cum dilectus, num. 15.* & ibi Imola *num. 12. de consuetud.* Alexand. *consil. 85. num. 12. lib. 4.* Mieres *de maioratibus, 1. pari. quest. 1. num. 74.* Gozad. *conf. 43. num. 2.* Beroius *cap. quoniam, num. 31. de iure patronat.* Gutierrez. *lib. 3. prætic. quest. 15. num. 34.*

Hæc tamen limitatio absolute sumpta mihi non probatur, quia ratio supradicta æquè in omnibus legibus militat, scilicet debere proferri per verba in communi acceptione sumpta, ne æquiuocationibus, & fallaciis exposita sit. Quapropter si in aliquo sensu proprio verba explicari possunt, quia legis correctio vitetur, etiamsi ille sensus non sit ita proprius, ille retinendus erit. Quod abundè constat ex *cap. cum olim, de re iudic. in fine.* vbi ad electionem requisita est concordia eligentium, & tamen si maior pars in vnum conueniret, censentur omnes concorditer conuenire, ne communi iuri fiat derogatio, vt tradit ibi glossa, & Panorm. Suarez *lib. 6. cap. 1. num. 18.* Salas *disp. 21. sect. 6. num. 16.* quia illa in iure vocatur concordia: recurrere autem ad sensus improprius, nunquam licet sine manifesta ratione, vt iam dicam.

5 Secundò limitant, nisi ex proprietate verborum sequeretur aliqua absurditas, vel iniquitas in legislatore; tunc enim verba improprianda sunt, vt vitetur iniquitas. Placet hæc limitatio, quia cum lex debeat esse iusta, non debet præsumi voluisse legislatorem iniustitiam committere in illa ferenda: colligitur ex *l. nulla iuris ratio, ff. de legib. & l. 18. & 19. eodem tit.* & tradunt Azor *lib. 5. cap. 16. quest. 9.* Salas *disp. 21. sect. 3. num. 4. versic. ut si.* Suarez *lib. 6. cap. 1. num. 17.* Eman. Saa *verbo interpretatio, num. 1.* Bonacina *disp. 1. quest. 1. punct. 8. num. 14.*

6 Tertiò limitant, nisi ex proprietate verborum redderetur lex inutilis, tunc enim ad impropria possit recurrere. sic Nauarr. *cap. 27. num. 51.* Couarr. *3. variarum, cap. 3. num. 9.* Felin. *in cap. translatio, de constitut. num. 14.* Suarez *lib. 6. cap. 2. num. 7.* Malcard. *de probat. conclus. 596. num. 2.* Sarmiento *lib. 1. select. cap. 12. num. 7.* Tiraquel. *in l. connubial glossa 5. num. 115.* & alij apud ipsos. Et probatur ex *cap. si ciuitas, de sentent. excomm. in 6.* vbi ne sententia interdicti illusoria reddatur, extenditur ad suburbia, & in *l. 4. ad Macedonian.* vbi ratione mutui filij fami-

familias excusantur ab obligatione: extenditur hoc privilegium ad venditionem pecunia credita. Sub nomine testamenti etiam codicillus intelligitur, ne fiat illusoria dispositio. sic glossa *cap. ult. de usuris in 6.* Verum si recte perpendatur, hæc non est limitatio conclusionis: non enim verba impropriantur, sed retenta propria illorum significatione extenditur lex ad ea, quæ sunt omnino connexa; suburbia enim est accessorium ciuitati, & ea de causa interdicta ciuitati, interdicuntur suburbia, sicut interdicta Ecclesia, & cæmeterium interdicuntur, quia est accessorium: & lex loquens de testamentis, debet ad codicillum extendi; quia est accessorius, seu illius complementum. Item venditio pecunia credita est propriè mutuum. Quid mirum si nomine mutui comprehendatur in dispositione fauorabili.

7 Sed inquires, quæ proprietates verborum seruanda sit, naturalis, an ciuili? Naturalem voco, quæ ex communi hominum acceptione habetur. Ciuili, quæ ex sola fictione iuris, & per quandam quasi translationem. Exemplis res declaratur. Nomen mortis ex communi hominum acceptione morti naturali est accommodatum: at fictione iuris, & per quandam quasi analogiam, & translationem, professioni religiosorum, & exilio attribuitur. Item nomen *filium* de naturali dictum est: at iuris beneficio de illo, qui privilegio Principis est adoptatus. Item nobilis attribuitur illi, qui ex iure sanguinis talis est: per translationem autem accommodatur ei, qui ex Principis beneficio factus est.

Respondeo ergo: per se loquendo seruanda est proprietates verborum naturalis, seu quæ communi hominum acceptione, & usu habetur; & iuxta illam lex intelligenda est: quia analogum absolute sumptum stat pro famosiore, & principaliore significato. Colligitur manifestè ex *l. ult. C. de his, qui veniam ataris.* vbi legitima, & perfecta ætas de naturali intelligitur, non de illa, quæ beneficio Principis obtinetur. Idem sumitur ex *cap. susceptum, de rescriptis in 6.* & tradit ibi glossa: & Tiraquel. pluribus exornans, in *l. si unquam. C. de reuocatis donat. verbo suscepit. n. 17.* Matien. *lib. 5. tit. 8. l. 9. glossa 3. sine num. 15.* vbi probat leges de filiis loquentes ad legitimos referri.

8 Hæc doctrina habet verum in lege præceptiua, & pœnalit: at in lege fauorabili non solum proprietates verborum communis, sed etiam ciuili solet attendi, & secundum utramque proprietatem lex extenditur. Quia ratio fauoris petit, ut extendatur lex, quantum fieri possit seruata proprietate verborum. Hac enim ratione sub nomine filij in his dispositionibus venit adoptiuus, & sub nomine legitimi legitimatus. sic Suar. *lib. 6. cap. 2. num. 6.* Bonacin. *diff. 1. quest. 1. p. 8. num. 9. & seq.* Menoch. *lib. 4. præsumpt. 89. num. 36. & seqq.* vbi id variis limitationibus, & ampliationibus confirmat, & pluribus Doctoribus exornat. Aduerto tamen cum Eman. Rodr. *tom. 1. reg. qq. quest. 11. art. 6. reg. 12.* verba legis esse intelligenda secundum subiectam materiam; *cap. intelligentia, de verbor. significat.* Exemplum desumit ex Bulla Clement. VIII. qua decreuit informationes illorum, qui in religionem debebant ingredi, esse faciendas à 4. Patribus ex antiquioribus Conuentus, & Notario: nomine autem Notarij non regius, nec Apostolicus, sed electus à prouinciali, vel generali est intelligendus.

9 Quod si verba duplicem significationem, propriam, & vsualem, habeant, & lex sit fauorabilis, & utrique possit accommodari, in utraque est intelligenda; quia id petit fauor: at si utrumque sensum retinere non possit, vel sit lex præceptiua, correctoria, vel pœnalis: tunc in casu dubio legis materia spectanda est, & benignior sensus amplectendus. Barr. in *l. omnes populi. ff. de iustit. & iure, num. 58.* Saa communiter receptus *verbo interpretatio num. 1.* Salas *disp. 21. sect. 3. octaua re-*

gula; & traditur in l. benignior. ff. de legib. & videtur constare ex reg. 68. ff. de reg. iur. ibi, quoties idem sermo duas sententias exprimit, ea potissimum accipitur, quæ rei gerenda aptior est. Semper tamen vsus loquendi communis est præferendus propriæ verborum significationi, eo quod semper præsumatur legislator iuxta communem intellectum verba proferre; quia lex est communis omnibus, & omnibus proponitur obseruanda; ac proinde debet proponi verbis communi vsui accommodatis. sic Eman. *Saa verbo interpretatio num. 15.* Salas *disp. 21. sect. 3. vers. prima regula.* Sanch. *lib. 6. disp. 23. num. 3.* Azor. *1. p. lib. 5. cap. 16. quest. 9.* & constat ex *l. librorum §. quod tamen Cassius. ff. de legat. 3. & ex cap. cum dilectus, de consuetud.* Ex quo fit, si consuetudo declararet, in quo sensu verba sunt acceptanda, illi necessariò est standum; quia consuetudo est optima legum interpret. *l. si de interpretatione. ff. de legib. & l. in obscuris. ff. de reg. iuris, & cap. cum dilectus, de consuetud.* sic Azor *supra*, Salas, *vers. undecima.*

10 Materia autem legis, & præcepti, & consequenter intentio legislatoris ex nullo alio ita efficaciter colligi potest, quam ex præmio, & initio legis; sapè enim ibi apponitur finis, & causa, ob quam lex fertur: sic tradunt alios referens Tiraquel. *traktat. cessante causa. limit. 1. num. 65.* Burgos de Paz *conf. 32. num. 6.* Mol. *lib. 1. de primog. cap. 5. num. 3. 4. 5. & cap. 12. num. 28.* Gutierr. *3. præst. quest. 17. num. 90. & 91.* Salas *disp. 21. sect. 3. vers. tertia regula.* Suar. *lib. 6. cap. 1. num. 11.* Thom. Sanch. *lib. 2. disp. 37. num. 3. in medio.* Eman. Rodr. *tom. 1. regul. qq. 9. 11. art. 6. vers. prima regula,* & alij apud ipsos: & constat ex *l. regula, circa finem. ff. de iuris, & facti ignor. & l. fin. ff. de testamentaria tutela,* & ibi Barr. & alij.

11 Secunda regula esse potest, quam tradit Eman. *Saa verbo interpretatio num. 1.* & ferè ab omnibus Doctoribus recipitur. Interpretatio (inquit) in pœnis, faciendâ est mitior, in fauorabilibus amplianda, in dubio faciendâ, ut potius valeat res, quam pereat. Triplicem partem habet huiusmodi regula. Prima est in pœnis esse faciendam mitiorem interpretationem, & est decilio textus in *cap. in pœnis, de regul. iur. in 6. l. penult. ff. de pœnis.* Secunda pars, scilicet in fauorabilibus latam esse interpretationem faciendam, constat ex *reg. iuris*, *Odia restringi, & fauores conuenit ampliari, l. in testamentis. ff. de reg. iuris.* & tradit glossa communiter recepta *l. fin. ff. de constitution. princip.* Tertia pars, ut in dubio pro valore actus interpretatio faciendâ sit. Quia nemo præsumendus est inutiliter operari, ex *l. 3. ff. de milit. testamento. l. quoties la 2. ff. de rebus dubijs, l. quoties, de verbor. obligat.* & tradit Menoch. *de præsumpt. lib. 6. tota præsumpt. 5.* Sanch. *lib. 1. disp. 38. num. 4. & lib. 3. disp. 35. num. 19.*

12 Tertia regula est similis præcedenti, quamque tradit Eman. *num. 2.* scilicet vbi tractatur de obligatione, strictam esse interpretationem adhibendam. *cap. 1. de iurjurando in 6. l. quidquid astringendi. ff. de verb. oblig.* est enim obligatio res odiosa, ac proinde restringenda, quoad fieri possit: quapropter in contractibus iuxta minimam obligationem est interpretatio faciendâ. *l. semper in stipulationibus. ff. de reg. iuris.* Ex eadem regula nascitur reo potius in iudiciis fauendum esse, quam actori; & possessori, quam petitori. *§. commodum. Instut. de interditi. l. fin. C. de probationib.* Et ratio est, quia non est inducenda obligatio sine manifesta ratione: sic docent Salas *disp. 21. sect. 3. vers. octaua regula.* Sanch. *lib. 1. disp. 9. num. 11.*

13 Quarta lex nunquam censetur derogata alia lege, nisi lex derogans priori sit omnino contraria; quia correctio legis vitanda est, quoad fieri potest, ex *l. precipimus. C. de appellationib.* Quocirca si lex prior sit specialis pro aliquo casu, & posterior generaliter loquatur, non est censenda correctâ prior, sed potius posterior iuristatari priori, nisi expressis verbis posterior priori contra-

dicat,

dicat, argum. cap. cum expediat. de elect. in 6. & l. si quando, C. de inoffic. testam. l. sed & posteriores, ff. de legibus. Anton. Gabriel 2. tom. comment. lib. 10. verbo lex, fol. 50. col. 2. Azened. lib. 5. recopilas. sit. 4. l. 1. num. 12. & ibi Matienzo glossa 3. num. 11. & 12. Sanchez lib. 2. de matrim. disp. 24. num. 6. Salas disp. 21. sect. 6. num. 16. Rebelus lib. 1. de obligat. iustis. quest. 6. sect. 5. Quæ doctrina aded vera est, ut etiam si posterior lex habeat clausulam, Non obstante; ex illa non intelligatur prior derogata, nisi quatenus posteriori est contraria. quare si per aliquam limitationem, vel distinctionem possit prior lex specialis sustineri, retinenda est. sic Sanchez supra, cum gloss. Authent. de successione. ab intestato, circa princip. verbo vacantibus. Bart. super extranag. ad reprimendam, §. non obstantibus, num. 6. & l. sciendum, verbo non compelli, ff. qui satisfacere cogantur, num. 2. & ibi la. num. 4. & in l. 1. num. 9. ff. soluto matrim. Nunquam tamen per legem generalem constitutiones speciales, & consuetudines prouinciarum censentur derogatæ, quia cum hæ constitutiones ad factum pertineant, illarum ignorantia in legislatore supremo præsumitur, ex cap. 1. de constitutionibus. in 6. & notauit Salas illa disp. 21. sect. 6. & est omnium.

14 Quinta regula esse potest, ut semper lex noua debeat secundum antiquam interpretari, ex l. non est nouum, & l. sed & posteriores, ff. de legibus, l. 1. §. lex Falcidia, ff. ad legem Falcid. ubi Alexand. num. 7. & gloss. notabilis in l. sciendum, in glossa 1. ff. qui satisfacere cogantur, & tradit Menoch. casu 499. num. 22. & centur. 6. casu 502. num. 67. vers. & quidem hac opinio. Quod aded verum est, ut licet antiquiores leges abrogatæ sint, iuxta illas nouæ sunt explicandæ: ut notauit ex Bart. & Ludouic. Gom. Burgos de Paz l. 1. Tauri, num. 570. Sanchez lib. 2. de matrim. disp. 24. num. 6. Rursus, quoties lex vna venit ad interpretationem alterius, recipit omnes limitationes, restrictiones, ac extensiones, quas recipit lex interpretata, ut deciditur authent. de filiis ante dotali instrum. natis, collat. 3. ibi, eum omnibus manifestum sit oportere ea, quæ adiecta sunt per interpretationem in illis valere, in quibus & interpretatis legibus sit locus. vbi glossa aduertit esse mirabile verbum. Idem colligitur ex l. nihil, ff. de coniungendis cum emancipato liberis, & ibi Bart. Ludouic. Roman. conf. 345. num. 18. & seqq. Socin. conf. 187. & 188. num. 4. lib. 2. Matienz. alios plures referens lib. 5. tit. 4. l. 2. gl. 9. m. 6. & 10.

15 Aliæ regulæ assignantur à Doctoribus, pro legum explicatione, quas videre potes in Salas illa sect. 3. & seqq. & Azor illo cap. 16. à quest. 9. sed ad supradictas facile possunt reduci. Omitto explicationem aliquarum dictionum, quæ disiunctiuæ, vel copulatiuæ numerantur, quia perfectus earum sensus ex subiecta materia, & ex modo dicendi, & vsu colligendus est; sæpè enim disiunctiuæ pro copulatiuæ sumitur, ut constat ex l. ita sæpè, ff. de verb. signif. Videri tamen potest Azor cap. 27. & 28. & Salas disp. 21. sect. 3. vbi de his latè agunt. Vnum tamen placet aduertere cum his Doctoribus, & Bonacina disp. 1. quest. 1. punct. 8. in fine. particulam seu, & sine, copulatiuè accipi, cum apponitur post aliquid vniuersaliter, & pluraliter dictum; disiunctiuè verò cum apponitur post aliquid singulariter dictum.

§. IV.

An lex extendatur ad casum sub lata verborum forma non comprehensum, ob similitudinem, vel identitatem rationis.

1 Explicatur questio.

2 Negatiuè respondetur legem unquam non extendi ad casum sub lata verborum forma comprehensum.

Ferd. de Castro Sum. Mor. Pars I.

3 In legibus irritatorijs, & penaliibus non datur extensio ad casum non comprehensum.

4 In legibus correctorijs non datur extensio.

5 Corrigenz unum ex equiparatis aliud corrigere censetur.

6 In legibus exorbitantibus non datur extensio.

7 Neque etiam in fauorabilibus est admittenda extensio.

8 Limitandum est: nisi iniustitia, vel absurditas sequatur.

9 Dispositum in vno correlatio, censetur in alio dispositum.

10 Idem in equiparatis.

11 Idem in connexis.

12 Idem in mensuratione, & mensurato.

13 Sæpè lex casum nominat specialem exempli, & demonstrationis causa.

14 Tametsi lex non extendatur ad casum similem: at index in indicando pro illo debet sententiam ferre, si aliqua alia lege non fuerit decisum.

1 **S**atis perplexa est hæc questio. Ut autem in illa distinctè procedamus, oportet aduertere commune illam distinctionem rationis similis, vel identicæ. Stat enim optimè in dispositione aliqua non militare eandem rationem omnino, sed solum similem, vel maiorem; aliquando verò eandem omnino rationem militare: sæpè tamen similis ratio cum identica confunditur, & difficillimum est illas distinguere, si est perfecta similitudo. Exemplum ergo similis rationis, & identicæ desumi potest ex cap. quia in insulis, de regularib. vbi ad professionem prohibetur in insulis admitti monachus, qui 18. annum non habuerit, & redditur ibi ratio, quia ibi est dura congregatio. quæ ratio in aliis regularibus ibi existentibus militat: at si alibi existant, etiam si durior vitam degant, non militat eadem ratio, sed similis, vel maior. Aliud exemplum desumi potest ex Clement. 1. de elect. vbi cauetur, ne eligatur in Abbatem, vel Prælatum conuentus religiosus alterius religionis, vel habitus: & redditur ibi ratio; cum rationi non congruat, ut homines disparis professionis, vel habitus simul in eisdem monasterijs sociantur. Quæ ratio eadem est in monasterijs monialium, ut ibi notat glossa. Similis est, ne religiosus in Episcopum secularis, vel regularis Ecclesiæ eligatur; quia etiam tunc homines disparis professionis in eadem Ecclesia sociantur. Item eadem, vel similis ratio est, ne eligatur religiosus alterius religionis in socium, quia socius etiam cum alijs sociatur.

2 Dicendum ergo est ob solam similitudinem, vel identitatem rationis nunquam legem esse extendendam ad alium casum, qui sub lata verborum forma non fuerit comprehensus. Hæc conclusio sub his verbis à paucis asseritur; quia regulariter dicunt Doctores, ob similitudinem, vel identitatem rationis legem extendi: ac subiungunt tot limitationes huic generali doctrinæ, ut potius censem pro generali regula ponendum esse ex similitudine, vel identitate rationis præcisè, non esse legem extendendam: sicut nec eam extendit Suarez lib. 6. cap. 3. à num. 4. & meo iudicio, satis probatur ex supradicta Clement. de elect. vbi esto similis, vel potius eadem ratio procederet, ne religiosus in Episcopum cathedralis, vel regularis Ecclesiæ eligeretur, ac procedebat, ne eligeretur in Abbatem monasterij diuersæ professionis: nihilominus electio Episcopatus permittitur; non tamen prælaturæ regularis. Deinde ratio prohibendi electionem religiosi diuersi habitus, & professionis in Prælatum, procedit in quolibet religioso diuersæ professionis, si velit viuere in conuentu alieno: & tamen hoc non prohibetur, ut constat ex gloss. in suprad. cap. Ergo esse eandem, vel similem rationem in vno, ac in alio casu, non arguit vtrumque prohiberi, quando solus vnus exprimitur. Et ratione

A a

proba

probat; quia ratio legis non est lex; ergo etiam si in alio casu eadem ratio sit, adhuc non inferitur esse de illo legem; quia optimè potest legislator de vno disponere, & non de alio, vel quia non vult, vel quia non expedit omnia simul prohibere, neque omnia omittere, etiam si in illis eadem ratio sit. Et confirmo. Obligatio legis non potest, nisi legislator voluntatem obligandi manifestet: at hanc voluntatem non manifestat, qui sublata verborum forma legis casum non comprehendit. Ergo circa huiusmodi casum nulla est obligatio legis.

Dices, ex ratione finali legis, quæ pro illo casu eadem est, sufficienter eius voluntatem manifestari; quia legislatoris voluntas rationabilis est, & in ratione fundata. Ergo manifestata ratione manifestatur voluntas.

Respondeo ex ratione finali legis manifestari sufficienter voluntatem legislatoris in illo casu, de quo verba legis procedunt: at de aliis casibus, ad quos verba non se extendunt, non sufficienter manifestari voluntatem legislatoris, voluisse illos comprehendere; quia stare optimè potest assumpsisse illam rationem pro decisione vnius casus, & non pro alio. Neque inde inferitur non esse eius voluntatem rationabilem, quia ad hoc ut sit rationalis, solum requiritur, quod in ratione fundetur: fundatur autem in ratione, etiam si non disponat de omnibus, ad quæ ratio illa extendi potest. Tum quia illa extensio fortè non expedit, tum quia potest esse aliqua superior ratio nobis ignota, mouens Principem, ut in vno casu, & non in alio disponat: & ita est præsumendum; quia semper præsumi debet legislator prudenter operari.

3 Inferitur primò. Ex supradicta conclusione, in legibus pœnalibus irritatoriis, & odiosis non dari extensionem ad casum in lege non comprehensum ob similitudinem, vel identitatem rationis. Et primò, quod pœna non extendatur de vno casu ad alium, est omnium Doctorum, quos statim referam. Quod autem lex pœnalis ea parte, quæ est directiua, & obligatiua, non extendatur, sic probatum quia odia debent restringi, tum quia sicut legislatori liberum fuit casum sub hac pœna prohibere, quia poterat prohibitionem facere, sub alia pœna, vel sub nulla: ita liberum est hunc casum, & non alium comprehendere; ideo enim in pœnis non datur extensio, quia pœnæ pendent præcipuè à voluntate imponentis: sed etiam obligatio ad hunc casum, & non ad alium pendet præcipuè ex voluntate legislatoris. Ergo eadem ratio est, ne detur in illis extensio. Adde. Si lex pœnalis quoad vim directiuam ad casum similem extenderetur, & pœna, quæ est accessoria legi, deberet extendi. Ergo cum pœna non extendatur, neque obligatio extendenda est: sic glossa in cap. in pœnis, 49. de regul. iur. in 6. Castro lib. 1. de lege pœnali, cap. 7. docum. 3. noster Molin. tract. 2. de iust. disp. 176. §. quarto. Sanchez lib. 10. de matrim. disp. 4. num. 3. circa med. Eman. Rodriq. 1. tom. qq. regul. 9. 11. art. 6. reg. 14. Suarez tom. 3. de Eucharist. 9. 67. art. 8. in comment. §. maius verò dubium est. & lib. 6. de legibus, cap. 3. num. 5. Salas disp. 21. sect. 5. sub num. 11. Nauarr. pluribus exornat in cap. pœna, de pœnis, distinct. 1. à num. 1.

4 Inferitur secundò in legibus correctoriis non dari extensionem ex vno casu ad alium in lege non comprehensum ob similitudinem rationis, quia correctio legum est odiosa. Ergo quantum fieri potest vitanda est, ex l. precipimus, C. de appellat. Ergo non est extendenda ex vno casu ad alium: sic glossa authentic. quas actiones, C. de sacrosanct. Eccles. l. 1. num. 21. ante fin. dicens esse receptam. Bart. num. 8. & 9. Barbosa alios referens l. si constante, 25. ff. solut. matrim. num. 101. vers. tertia principalis conclusio pag. 561. vbi varias limitationes, & ampliaciones ponit Suarez lib. 6. cap. 3. num. 4. Salas disput. 21. sect. 6. vers. tertia.

5 Sed quid si lex correctoria corrigit vnum ex æquiparatis iure antiquo, extenditur ne ad aliud æquiparatum?

Respondeo affirmatiuè, si æquiparata sunt ob eandem propriam rationem, quia tunc non datur extensio in lege ex vno casu ad alium, sed potiùs dispositio vnius alium ad se trahit ob connexionem, & equiparationem, quam habet à iure. sic Bart. communiter receptus in l. 2. de legat. 1. & latè Euerard. in centur. legalib. in loco à ratione legis, num. 72. Menoch. cent. 6. casu 502. num. 36. latè probat Barbosa l. si constante, ff. soluto matrim. num. 104. & segg. Matienz. l. 6. tit. 6. gloss. 1. n. 6. At si æquiparata non sunt ob eandem rationem, sed ob diuersam, lex correctoria vnius ex æquiparatis aliud non corrigit. Exemplum est manifestum in l. fin. C. de sacrosanct. Eccles. vbi Ecclesia, & ciuitas æquiparantur in præscriptione, ne scilicet aduersus illas præscribi possit minori tempore, quàm centenatio. Attamen in authent. quas actiones, eodem tit. corrigitur hoc priuilegium Ecclesiarum; & solum Romanæ Ecclesiæ permittitur illo vii. Ex qua correctione non sequitur correctum esse priuilegium ciuitatibus concessum; quia esto Ecclesia, & ciuitas fuerint in illa lege finali æquiparata in præscriptione; non tamen sub eadem ratione: Ecclesiæ enim fuit illud priuilegium concessum fauore religionis, ciuitatibus autem propter ius publicum. sic glossa recepta in suprad. authent. Tiraquel. l. si vnum, verbo libertas, num. 45. ad fin. C. de reuocand. donation. Barbosa l. si constante, 25. ff. soluto matrim. num. 105. pag. 564. Salas disput. 21. sect. 6. circa finem.

6 Inferitur tertio, in legibus exorbitantibus non dari extensionem ob similitudinem, vel identitatem rationis. Legem exorbitantem voco eam, quæ deuiat à iure communi ob aliquem specialem fauorem alicui personæ, vel personis factum: ut rectè expendit Barbosa in l. si constante 25. in princ. ff. soluto matrim. num. 92. Has ergo leges affirmo non extendi ad casus similes. tum quia hæc leges assimilantur dispensationibus, & priuilegiis: priuilegia autem, & dispensationes non recipiunt extensionem. l. quod verò, ff. de legib. & cap. sanct. de priuileg. Ergo neque hæc leges. Tum etiam, quia ea, quæ à iure communi exorbitant, non sunt in consequentiam trahenda, ex regula vulgari iuris: sic tradit, & eruditè probat Barbosa supradicto loco sub n. 96. Salas sect. 5. num. 14. Rebell. 1. p. de oblig. instit. 9. 6. sect. 4. Quocirca esto possit pater imperare occidere filiam in adulterio deprehensam. l. patris, 20 ff. ad leg. Iul. de adul. non tamen aucto id est permittitur, etiam si eadem, vel similis ratio videatur. sic Barbosa, Salas, & alij supra.

Limitant autem hoc corollarium Salas, & Barbosa suprad. cum Tiraquel. l. si vnum, verbo libertas, n. 61. & aliis, ne intelligatur in materia fauorabili, & pia; de hac enim dicunt, si in se fauorabilis sit, recipere extensionem. Quod intelligendum est, si sub verbis hæc sumptis comprehendendi potest; secus si extra illorum latam significationem sit: sic Barbosa alios referens n. 100. Salas sect. 5. circa fin. & probant ex l. filium habeo, ff. ad Maced. Priuilegium enim concessum filiofamilias, ne creditoribus ex mutuo obligetur, extenditur ad nepotes, quia nepos sub appellatione filij comprehendendi potest.

7 Inferitur quarto. Etiam in legibus fauorabilibus non esse admittendam extensionem de casu ad casum, qui sub lata verborum forma non fuerit comprehensus à lege. sic docet Suarez illo cap. 3. num. 9. Bonacina disp. 1. quest. 1. punct. 8. num. 26. Et ratio meo iudicio est efficax, quia si verba legis casum illum non comprehendunt, nec lex comprehendere censetur; quia lex verbis exprimitur. Ergo si fiat extensio, ab homine erit, & non à lege: ut ponderauit Anton. cap. fin. num. 58. vers. breuiter, de consuetud. Dominic. cap. 1. num. 9. sect. princ. de tempor. ordin. in 6. Item quod ex verbis non prouenit, neque

neque ex mente creditur provenire. *l. Labeo, §. idem Tiberio, ff. de suppellect. leg. l. non aliter, ff. de legatis 3.* Ergo nunquam extra verba debet fieri extensio sine manifesta ratione.

8 Limitanda tamen est supradicta doctrina cum suis illationibus, ut intelligatur, quando nulla iniquitas, vel absurditas sequitur ex eo, quod non extendatur lex ad casum sub lata verborum forma non comprehensum. Nam si aliquid ex his sequitur, tunc affirmandum est legem comprehendere illum casum, quia ut vitetur iniquitas, & imprudentia in legislatore, verba legis, si opus fuerit, sunt impropianda; ergo multo magis extendenda. Neque illa est propria extensio legis, quasi à principio casum non comprehendens; verè enim à principio casum illum comprehendebat lex, vel ex ratione expressa in lege, vel ex verbis in lata significatione sumptis, vel ex alia circumstantia. Per quam limitationem satis fit communi sententiæ affirmanti legem extendi ad casum, in quo est eadem ratio; habet enim verum non solum in lege fauorabili, sed in pœnali, odiosa, & correctoria: si ex negata extensione arguatur legislator iniustitiæ, vel imprudentiæ; secus verò, si nulla iniustitia, vel imprudentia sequatur. Quod ut clariùs constet, placet discurrere per casus communiores, in quibus Doctores extensionem admittunt ex identitate rationis, qui si bene perpendantur, non tam comprehenduntur sub lege ob identitatem rationis, quàm ob veram significationem verborum, vel ob connexionem inter se.

9 Primus casus esse potest de correlatiuis, quatenus tales sunt; dispositum enim in vno correlatiuo, censetur esse dispositum in alio, ex *l. fin. C. de indicta viduitate, l. fin. ff. de accept. l. 1. C. de cupress. lib. 11. & probat latè Euerard. loco à correlatiuis, num. 8.* Sanchez lib. 1. disp. 54. n. 1. & lib. 9. disp. 14. num. 16. Suarez lib. 6. cap. 4. num. 7. Salas disp. 21. sect. 5. num. 12. vers. tertia regula. Nauarr. cap. pœna, de pœnitent. distinct. 1. num. 5. Exemplis manifestatur; ob adulterium enim vxoris eximitur maritus ab obligatione reddendi debitum, similiter etiam & vxor ob adulterium mariti, aliàs esset lex iniusta. Item ob absentiam sponsi sine licentia sponsæ dissoluuntur sponsalia, cap. de illis, de sponsalib. qui textus, etsi non loquatur de sponsa ad illam, debet extendi, casu, quo abesset, ut rectè Sanchez supra, & probat *l. 7. tit. 1. p. 4.* Item statutum determinans, ut maritus succedat in bonis vxoris, debet extendi, ut vxor succedat in bonis mariti, aliàs iniuste procederet. sic Salas supra, cum Bald. *l. liberorum, ff. de his qui not. infam.* Ecce qua ratione non tam ob identitatem rationis, quàm ob seruandam æqualitatem, & iustitiam lex lata pro vno correlatiuo aliud comprehendit.

10 Secundus casus esse potest de æquiparatis, dispositum enim in vno, in alio censetur dispositum: videlicet in ea re, in qua sunt æquiparati, secundum gloss. & Bart. in *l. quod verò, ff. de legib. & l. si quis seruo, C. de furtis, & ibi Angel. Salas disp. 21. sect. 3. num. 13.* Nauarr. cap. pœna, de pœnitent. distinct. 1. num. 6. & 14. Suarez lib. 6. cap. 4. num. 9. & alij apud ipsos. Quapropter cum Falcidia, & Trebellianica æquiparentur in iure, *l. Marcellus, §. quod autem, ff. ad Trebell. efficitur dispositum in Falcidia, censeri dispositum in Trebellianica; ut multis probat, & exornat Matienz. lib. 5. recopil. tit. 4. l. 1. gloss. 19. n. 12.* Idem est de electione, postulatione, prouisione, & præsentatione, quæ in iure parificantur, & dispositum in vno, in alio censetur dispositum ob connexionem earum, ex gloss. in cap. si postquam, in verbo prouiso, de elect. lib. 6. & in Clement. 1. verb. sacerdotium, de off. vicar. Nauarr. num. 12.

11 Tertius casus esse potest de connexis, dispositum enim in vno, in alio censetur dispositum: connexio tamen potest esse ex iure, vel ex consuetudine, quomodo cumque sit dispositum in vno, in alio est dispositum, docet Sanchez lib. 7. disp. 20. num. 1. Idem est de contentis:

Ferd. de Castro Sum. Mor. Pars I.

dispositum in continente, censetur dispositum de contento. Qua ratione constitutio loquens de vicario Episcopi, extenditur ad vicarium Capituli Sede vacante, quia est contentum sub illo. Et constitutio disponens de gradibus consanguinitatis, censetur de publica honestate, & affinitate disponere: & dispositum in diaconatu, censetur in subdiaconatu dispositum. Et statutum excludens filiam à successione, excludit neptem, quæ sub nomine filiæ latè sumpto comprehenditur, ex *l. secundum liberorum, ff. de verb. signific. & tradit Suarez supra, cap. 4. num. 8.* Nauarr. cap. pœna, de pœnit. dist. 1. num. 11. 12. 18. & 20.

12 Ad idem est de mensurante, & mensurato; dispositum enim in mensurante, censetur in mensurato dispositum. sic Dominic. cap. 1. num. 9. fallent. 5. de temporib. ordin. in 6. ibi Franc. num. 8. limit. 9. Sanchez lib. 7. de matrim. disp. 10. num. 10. vbi exemplo cognationis spiritualis confirmat. Inquit enim, Quia impedimentum hoc restrictum est per Trident. sess. 24. cap. 2. ad 1. gradum, quando oritur ex Baptismo, restrictum censetur, quando oritur ex catechismo. Aliud exemplum adducit Salas disp. 21. sect. 5. vers. quinta regula, ex Rebello de obligat. inst. quest. 6. sect. 4. Tutela legitima commensuratur successione ab intestato. Vnde si per statutum agnati præferantur cognatis in successione, præferuntur in tutela. Bart. l. 1. ff. de legiti. tutela. Item si lege permissum sit laico donare certam quantitatem sine infirmatione, & postea decur ei facultas donandi Ecclesiæ duplo maior, censetur data facultas ea conditione, ac in prima, scilicet sine infirmatione, quia commensuratur ex prima facultate.

13 Aduerto primò, sæpè legislatorem de aliquo casu, seu persona speciali loqui, non quia velit ad illum casum, seu ad illam personam legem limitari; sed exempli gratia, & tunc lex ad omnes casus similes extendenda est. Qua ratione videmus Pontifices, & Imperatores decidendo casum aliquem specialem, illum pro lege statuere: quando autem hoc contingat, ex circumstantiis pensandum est. sic docent alios referens Suarez lib. 6. cap. 4. n. 10. Salas disp. 21. sect. 5. in princ. Rebello lib. 1. de oblig. inst. q. 6. sect. 4. plures referens Tiraquel. *l. si unquam, verbo libertus, à n. 45. C. de reuoc. donat. & satis probatur ex l. his solis, C. de reuoc. donat.* Et ratio est, quia lex non agit de singularibus, sed de omnibus, neque illud exemplum limitat dispositionem, sed declarat. Quod adèò verum est, ut etiam in lege correctoria id ipsum affirmandum sit ex *l. regula, §. fin. ff. de iuris, & facti ignor. & tradit alios referens Barbosa n. 102.* Salas sect. 6. n. 16. vers. tertia. Hinc est illud, quod communiter dici solet, cum lex frequentioris vsus causa aliquid decernit, casum minus frequentem non excludere, sed comprehendere: ut tradunt Doctores in *l. unic. C. de rapto virginum, cum glossa ibi, & in l. 1. verbo Dei capite, C. de his qui ad Eccles. confug. & Clement. 1. verbo presidentes, de rescript. Rebuff. tract. nominat. quest. 5. n. 25.* Valasc. tom. 1. conf. 8. n. 2. Peralta in l. Lucius, la 1. num. 22. ff. de legat. 2. Sanchez lib. 3. de matrim. disp. 20. num. 3. circa finem, & lib. 9. disp. 14. num. 16.

14 Aduerto secundò. Etsi lex ob similitudinem rationis non extendatur ad casum in lege non comprehensum: at iudex in iudicando illam debet extendere; prudentia enim, & recta ratio postulat, ut cum pro aliquo casu decidendo non est certa lex, à similis casus decisione, decisio illius peratur: iuxta *l. nam, ff. de legib. ibi, quando lex in vno disponit bonam esse occasionem, cetera, que tendunt ad eandem utilitatem, vel interpretatione, vel certa iurisdictione suppleri.* & ita tenet ibi gloss. & pleribus exornat Felin. in cap. translatò, de constit. n. 10. Quapropter solet dici casum similem expressio non esse omissum à lege: siquidem per legem casus expressi decidi potest ille casus similis, ut tradit Tiraquel. de retract. consanguinit. §. 2. gloss. 1. num. 19.

Aa 1 §. V.

§. V.

An lex extendatur ad præterita.

- 1 Præmittitur distinctio de lege constitutionis declaratiua. Et deciditur declaratoriam legem propriè legem non esse.
- 2 Lex noui iuris constitutiua non trahitur ad præterita.
- 3 Item neque quatenus præceptiua est.
- 4 Quatenus pœnam imponit, potest trahi ad præterita.
- 5 Lex irritans aliquando potest trahi ad præterita: raro tamen.
- 6 Lex declaratoria quatenus talis, futura, & præterita comprehendit.
- 7 Lex statutum, constitutio non censentur extendi ad actum inchoatum ante illam legem, si perfectus sit, secus si imperfectus.
- 8 Explicatur conclusio aliquorum casuum decisione. Primo de lege dante formam testamenti, & contractibus.
- 9 Secundo de statuto determinante, ut vir lucretur certiam dotis uxoris precedentis. An, inquam, tale statutum comprehendat uxorem nuptam ante statutum.
- 10 Tertiò de statuto prohibente, ne merces extrahantur; & iam eas extrahere incepisti.
- 11 Quid de statuto ponente pœnam? An extendatur ad delicta ante statutum commissæ.
- 12 Statutum concedens delinquentibus remissionem pœne. An extendatur ad delinquentes præteritos, vel futuros.
- 13 Loquens lex de præteritis ad omnia extenditur.
- 14 Excipiuntur præterita iam decisa.
- 15 Item conclusa in causa.
- 16 Item decisa per sententiam, tametsi ab ea fuerit appellatum.
- 17 Quid in prima instantia.
- 18 Probabilis est non extendi ad pendentes in iudicio.

1 Præmittenda sunt aliqua, in quibus ferè omnes conueniunt, ut ad controuersa gradum faciamus.

Præmitto primò, aliam esse legem declaratoriam iuris, aliam illius inductiuam, seu constitutiua. Lex constitutiua iuris est, quæ legem propriè constituit. Lex declaratoria, quatenus talis est, non constituit ius, sed declarat ius iam constitutum, ut habetur in *l. heredes palam, §. sed eisi notam, ff. de testam.* & tradit Felin. in cap. licet causam, col. 12. de probationib. & Doctores communiter in *l. 1. ff. si certum petas*, declarans enim nihil aliud facit, quàm manifestare id, quod absconditum, & abstrusum est: sicuti, qui granum sub arista latens de spica excuteret: ut probatur in *l. adeo, §. videtur ff. de acquir. rerum domin.* & pluribus exornat Decius in consil. 498. num. 30. Burgos de Paz in præmio legum Tauri, à n. 355. Matienz. lib. 5. tit. 10. l. 3. gloss. 16. Quocirca lex declaratoria, quatenus talis est, non est propriè lex; quia de ratione legis est esse regulam necessariam operationis: at declaratio non regulat operationem, sed manifestat legem regulantem. Ergo. Sæpè tamen contingit declarando antiquum ius, nouum etiam constituere; & ex hac parte erit lex propria. sic Suarez lib. 3. de leg. cap. 14. num. 4. Salas disput. 21. sect. 7. num. 21. Azor lib. 5. cap. 16. quest. 13. & probant ex cap. quanta, de sentent. excommun. ubi excommunicatio lata aduersus percussores Episcopi, interpretatur Pontifex extendi debere ad eos, qui percussoribus non obstant: quæ interpretatio non est pura declaratio antiqui iuris, cum ius antiquum ad non impediens non extenderetur, sed non est noui iuris constitutio.

2 Præmitto secundò, nullam legem noui iuris constitutiua ad præterita trahi, nisi verbis clavis id exprimat. Decisio est certa ex *l. leges, C. de legib.* ibi, leges, &

constitutiones certum est futuris dare formam negotijs, non ad facta præterita reuocari, nisi nominatim, & de præterito tempore, & adhuc pendens negotijs cauum sit. & Authem. ubi de noua constitutiones. Idem sumitur ex cap. 2. & vlt. de constitut. ubi glossa, & Doctores ibi, & in Clemens. 2. de arate, & qualis. vers. in posterum, & in cap. 1. de cleric. non resident. in 6. verb. receperunt, & aliis in locis: & tradit Syluest. verbo lex, quest. 23. Azor lib. 5. cap. 16. quest. 13. Farin. 2. parti. fragment. verbo lex, n. 26. & seqq. Suarez lib. 3. cap. 14. num. 8. & 12. Salas disput. 21. sect. 7. num. 18. Matienz. lib. 5. recap. tit. 10. l. 3. gloss. 16. Ratio est, quia præcipuus effectus legis est dirigere humanas actiones: id autem, quod factum est, dirigi non potest. Ergo respectu illius non potest lex præcipuum suum effectum sortiri. Ergo lex absolutè prolata ad præterita non debet censi extendi, siquidem non potest censi extensus præcipuus eius effectus. Quæ doctrina extendi debet, etiam si per verba præteriti temporis lex loquatur. Exemplum apponit Barr. in *l. illicitas, ff. de offic. præsid.* quod stante lege, quod iudex venditiones factas à minoribus rescindat; licet propter verbum factas de præteritis venditionibus esset intelligendum: at quia natura legis est comprehendere futura, & non præterita, de factis post legem debet intelligi, quia aliàs lex esset modici effectus. sic Felin. pluribus exornans cap. fin. de constitut. n. 2. vers. amplius tertiò. Alderan. Mascard. de general. statut. interpret. cap. 13. n. 2. Farinac. 2. p. fragm. verbo lex, n. 42. Sed quia lex non solum habet effectum dirigendi, sed etiam puniendi, vel irritandi, ideo de singulis claritatis gratia videndum est, an possit extendi ad præterita? Pro quo

3 Præmitto tertiò, lex quatenus præceptiua est, nullo modo potest trahi ad præterita, quia actus præteritus præcipi non potest, quia non potest præcipi fieri, quod est factum, sed quod est faciendum. Ex quo euidenter fit legem, quatenus talis est, nunquam ad præteritum extendi; quia lex quatenus talis est, semper est præceptiua. sic Suarez n. 8. Salas n. 18. & alij relati.

4 Præmitto quartò, lex quatenus pœnam imponit, potest trahi ad præterita; quia potest legislator pro præteritis actibus pœnam dignam imponere. Item per sententiam potest illos punire; ergo & per legem. Ut autem pœna propriè possit actibus præteritis imponi, siue per sententiam, siue per legem, debent esse actus culpabiles, hoc est, facti contra aliquam legem, siue positiuam, siue naturalem, vel diuinam, quia pœna cadere non potest nisi in culpam; quocumque autem ex his modis culpabiles sint, possunt à legislatore puniri. Dixi, pœnam propriam: nam inhabilitas aliqua, & irregularitas etiam ob actus inculpabiles imponi potest, sicuti quando irregularitas ad ordines, & beneficia illegitimis fuit imposita, omnes, qui tunc erant illegitimi, comprehendit. In his conueniunt Suarez, & Salas *suprà*.

5 Præmitto quintò, lex irritans actum, aliquando loquitur de actibus, qui irritabiles sunt, (ut excludat matrimonium, & reliqua sacramenta, quæ semel valida irritari non possunt,) potest trahi ad præterita; raro tamen sic. Salas, & Suarez *suprà*. Saa verbo lex, num. 24. Priorem partem probò. Potest enim Princeps omnes venditiones tam faciendas, quàm factas, in qua fuit dolum, etiam citra dimidium iusti pretij irritari. Quid ergo id verat. Ergo iam lex irritans ad præterita potest extendi. Secundam partem, scilicet hanc irritationem raro fieri, facile probò, quia ad hanc irritationem faciendam debet adesse causa à bono publico exposcitata, quæ tamen non ita facile inuenitur, præcipuè si actus nullâ malitiam contineant, sed omnino validi fuerint.

6 Præmitto sextò, lex declaratoria, quatenus talis est, futura, & præterita comprehendit. quatenus declarat legem antea latam, fertur ad præterita, scilicet ad legem; quatenus verò declarat actus esse contra legem, vel præter illam, tam præteritos, quàm futuros actus comprehendit.

bendit. Exemplum est manifestum in cap.vlt. de sponsa
duorum. vbi Pontifex declarat matrimonium contra-
ctum, & consummatum ab eo, qui antea matrimonio
rato copulatus erat, non esse validum. Quæ declara-
tio tam ad præterita matrimonia, quàm ad futura ex-
tenditur, vt de se constat. Idem sumitur ex cap.vt lex 27.
quest. 1. iuncta gloss. ibi, & tradit ex communi sententia
Suarez supra num. 2. Salas num. 17. Azor quest. 13.

7 Difficultas verò est, an lex actum prohibens exten-
datur ad actum inchoatum ante illam legem? Omissis
variis dicendi modis, cenſeo legem, statutum, seu con-
stitutionem prohibentem, punientem, vel irritantem
aliquem actum, nunquam extendi ad actum inchoa-
tum ante illam legem, si ille actus perfectus sit; ſecus
verò si sit imperfectus. Ratio, quia natura constitutio-
nis, (vt sæpè dixi) est respicere futura, non præterita, nisi
id expreſſè caueatur: si autem actum iam perfectum
comprehenderet, ad præterita extenderetur. Ergo ne
hanc extensionem sine fundamento firmo admittamus,
dicendum est ad actum perfectum non extendi; & col-
ligitur ex gloss. in cap. 2. verbo commiserint, de constit. in 6.
& in cap. vnic. de cleric. non residenti. eod. lib. & tradunt Fa-
rin. 2. p. fragm. verbo lex, num. 29. & 33. & Doctores sta-
tim referendi. Conclusio explicanda est aliquorum ca-
ſuum decisione.

8 Primus caſus sit in lege constituyente formam, &
solemnitatem testamenti, an talis lex comprehendat
testamenta condita ante ipsam; etiam si executio, & ef-
fectus testamenti succedat post illam? Et dicendum est,
non comprehendere, quia post illam succedit mors tes-
tatoris, quia testamentum erat omnino perfectum, &
consummatum ante legem. sic Alderan. Mascard. de in-
terpres. statum. concl. 13. n. 11. & seqq. Farin. n. 30. Eman.
Saa n. 24. verbo lex, & deciditur in l. iubemus, C. de testam.
limitat autem Felin. alios allegans, cap. quoniam, de con-
stituit. vol. 3. & 4. vt intelligatur, modò condens testa-
mentum non habuerit potestatem illud mutandi; sed
hæc limitatio admittenda non est, ſicut neque eam ad-
mittunt reliqui Doctores, quia licet possit mutare, at-
tamen est perfectum, dum non mutatur. At si testa-
mentum nondum subscriptum sit, vel Notario signa-
tum, vel alio modo sit imperfectum, cum lex de testa-
menti promulgatur, comprehendit ipsum; quia licet
sit inchoatum: at absolute in ratione testamenti futu-
rum est, siquidem non habet suum esse. Idem quod di-
co de testamentis, dicendum est de contractibus: si
enim lex dans formam contractibus, inueniat contra-
ctus iam perfectos, illos non comprehendit, etiam si
executioni mandati non sint, comprehendit tamen in-
choatos nondum perfectos in suo esse. text. est in l. con-
tractus, C. de fide instrument. ibi, quæ tam in poſtea conficien-
dis instrumentis, quàm in his, quæ iam scripta: nondum au-
tem absoluta locum habere præcipimus. sic Abbas in cap. fin.
num. 11. verſic. aut statutum procedit, de constitutionibus.
Bart. in l. omnes populi, num. 44. verſic. primo caſu, ff. de ius-
tit. & iur. Farinacius 1. part. fragment. verbo lex, num. 33.
Nauarr. alios referens, cap. si quando, de reſcript. ex-
cept. 2. 1. in noua edit. num. 12. & 13. facitque ad hæc tex-
tus in cap. statuimus, de maiorit. & obedient. vbi ſtatuitur
inter Canonicos maior in dignitate minori præferatur
in confidendo, etiam si poſterius eſſet receptus, quæ
constitutio non comprehendit Canonicos ante illam
receptos; ex eo quod in cap. fin. de constituit. excipiantur;
quia est actus, & executio rei perfectæ, & consummatæ,
ſcilicet poſſeſſionis, & in qua erat ius quæſitum ratio-
ne præbendæ, vt rectè explicat Nauarr. in §. de confuſat.
contrariorum, n. 6.

Aliquibus exemplis adductis à Nauarr. illa except. 2. 1.
num. 53. hæc reſolutio firmari poteſt. Statutum enim,
ne filia dotata ſuccedat, comprehendit filias dotatas
ante statutum. ſic Bald. in l. illum, C. de donation. Et statu-
tum de Caſtro Sum. Mor. Pars I.

tum, ne ſcæminæ ſuccedant, extenditur ad eas, quæ non
acceperunt hæreditatem. ſic Bart. in l. omnes populi, ff. de
iustit. & iur. num. 42. Quam doctrinam extendit Na-
uarr. num. 52. ad filias iam patre defuncto, cum ferrur
ſtatutum, ſi hæreditatem non acceperunt. At hoc non
credo; quia morte patris verè iam ſucceſſerunt, & eſt
ſucceſſio perfectæ. Actus autem perfectus, & eius quæ-
ſitum, tolli non debet, niſi clarè, & manifeſtè explicetur:
vt bene dixit Bald. in l. illum, C. de collationib. & tra-
dit Felin. cap. fin. de constitutionibus, num. 11. verſic. fal-
ſit 5. Item ſtatutum, ne ſcæminæ ſuccedant ſta-
tibus masculis, ad iam natas extenditur, vt ex Alexand.
& aliis probat Nauarr. n. 58. quia loquitur de actu in-
tegrè futuro, non de aliquo præterito. Item ſtatutum,
vt detur tantum capienti bannitum, debet dari illi, qui
cepit ante ſtatutum, & poſt ſtatutum præſentauit; quia
illa captura, quouſque ſit præſentata, non eſt perfectæ,
ac proinde præmium offertur pro re futura. ſic ex Fel-
lin. cap. fin. de constitutionibus. col. 11. Nauarr. num. 54. Item
ſtante ſtatuto, ne querelæ bannitorum audiantur, ſi ac-
cuſator pendente accusatione banniat, amplius audi-
ri non poteſt, quia iam eſt de re, & uſu non perfectæ,
ſed inchoato. Nauarr. num. 55. Item ſtatutum prohi-
bens electo, ne ante confirmationem adminiſtrationem
Eccleſiæ gerat, etiam tanquam procurator, cap. auaritia,
de elect. lib. 6. comprehendit electum, qui antequam
eligeretur adminiſtrabat ipſam Eccleſiam, tanquam
procurator, vel œconomus, quia illa adminiſtratio eſt
res omnino diſtincta, & futura, circa quam cadere po-
teſt prohibitio: ſic ex Ioan. Andr. in ſupradict. cap. tradit
Nauarr. ſupra num. 57. Ad idem eſt lex determinans exe-
cutores testamentorum rationes reddere ordinariis
de ſua executione, ſolùm comprehendit executores, qui
poſt illud decretum fuerint, non illos, qui ante decre-
tum executores extiterint, etiam ſi rationes non reddi-
diſſent, quia illa redditio rationum mandata eſt, ne
malè executores adminiſtrarent: quæ ratio ceſſat om-
nino in his, qui iam adminiſtrationem ſinierunt, cum
lex illa promulgatur, vt bene ex gloss. in Clement. 1. de te-
ſtam. notauit Nauarr. illo cap. si quando, de reſcript. except. 2. 1.
num. 68. & 69.

9 Secundus caſus eſt de ſtatuto determinante, vt vir
luceatur tertiam partem dotis, vxoris præcedentis in
matrimonio. An, inquam, tale ſtatutum comprehendat
vxorem nuptam ante ſtatutum, & mortuam poſt ſtatutum:
Negat Imola in cap. fin. de constituit. col. 7. ibi Felin.
col. 2. Mouentur primò communi ratione, quia lex non
debet trahi ad præterita. At hæc ratio nullius eſt pon-
deris, nam ſi rectè expendatur hæc constitutio, non
trahitur ad præterita; licet enim dos præceſſerit ante
constitutionem: at lucratio dotis, de qua eſt constitu-
tio, non præcedit vllò modo, ſed ſubſequitur. Secundò
præcipue mouentur, quia ex contractu dotis ius quæſi-
tum eſt hæredibus vxoris. Ergo non eſt cenſendum per
ſtatutum illud nouum tolli, ſed neque hæc ratio eſt fir-
ma, quia ius filij, & hæredis in bonis viuientis, non eſt
proprie ius, neque ſpes aliqua à lege approbata, quominus
per legem facillimè tolli non poſſit; vt rectè Bart.
in l. is poteſt, n. 3. & 9. ff. de acquir. hered. Quocirca cenſeo
probabilius maritum lucraturum eſſe tertiam illam
partem dotis, vxoris præcedentis in matrimonio, quia
eſt constitutio in fauorem matrimonij lata, & fauora-
bilis marito, qui eſt immediatè per constitutionem ſpe-
ctandus. Ergo eſt latè interpretanda. ſic Nauarr. alios
allegans, cap. si quando, de reſcript. except. 2. 1. n. 49. Farinac.
n. 30. Vide de hoc Cardin. Tuſcum præſt. concluf. verb. lex,
concl. 264. n. 25. 34. 50. 52. & ſeqq.

10 Tertius caſus eſſe poteſt, de ſtatuto prohibente, ne
vinum, triticum, aliæve res extrahatur è ciuitate. An, inquam,
comprehendat triticum, quod iam extrahere incepiſti? Et
quidem, ſi ante ſtatutum perfectè extractum eſt, etiam ſi

postea casu ad ciuitatem redierit, poteris illud extrahere; quia tunc non tam extrahis e ciuitate triticum, quàm extractum iam contineas, nec illud triticum dici potest extrahi e ciuitate, cum ciuitatis non sit post primam extractionem: & hic est casus decisis in l. *Cesar*, ff. de publicanis, & uelitalib. ut inspicienti constabit, & tradit Azor lib. 5. cap. 16. quest. 13. Salas diff. 21. sect. 7. num. 20. At si triticum incepisti extrahere, qua parte extractum non est, comprehenditur statuto, quia nulla ratione excusari potest. sic Farinac. 2. p. fragment. verbo *lex*, num. 30.

11 Secunda difficultas est, an statutum poenam imponens delicto, extendatur ad delicta ante statutum commissam? Et quidem si punita sunt, clarum est non extendi; quia non decet punire bis in idipsum: similiter si poena ipso iure per constitutionem imponatur, constat afficere non posse delictum commissum; quia tunc poena trahitur à delicto, & delictum iam commissum eam trahere non potest: ut ex aliis notauit optimè Felin. cap. quoniam, de constitutionib. num. 14. versic. *secundò intellige*. Quare solum est dubium de poena à iudice imponenda pro delicto non punito. An, inquam, delictum antea commissum puniendum sit poena nouæ legis, vel legis antiquæ? Cui difficultati responder optimè Felin. suprad. loco, n. 14. versic. *fallit octauò*, sub distinctione, si poena antiquæ legis erat delicto conueniens, secundum illam debet puniri, ex l. 1. ff. de poenis, & cap. fin. de sentent. excommuni. At si conuenientior est poena per nouam legem imposita, sicut semper ita est præsumendum, secundum illam debet delinquens iudicari; quia ad imponendam poenam, tempus sententiæ regulariter attenditur, ex l. pen. ff. si ex noxali causa agatur. ubi seruus delinquens in seruitute, & accusatus in libertate, punitur, non ut seruus, sed ut liber: consentit huic resolutioni Bart. in l. omnes populi, num. 5. ff. de iust. & iur. Farinac. alios referens num. 39.

12 Tertia difficultas est, an lex, vel statutum concedens remissionem poenæ delinquentibus debet, extenditur ad delinquentes præteritos, vel ad futuros?

Respondet ad solet præteritos extendi, & non ad futuros: ne inquam, detur occasio delinquendi: & hoc, etiam si loquatur statutum per verba futuri temporis, ex l. cum lex, ff. de legib. per quem textum dicunt Bart. & Bald. statutum disponens bannitum extrahi de banno, si soluat decem, solum ad bannitos tempore statuti extendi, quia lex in decisiuis, & in contractibus dat formam futuris negotiis, non autem in remissionibus poenarum ex beneficio concessis. sic Felin. latè id probans supra num. 13. Farinacius 2. p. fragment. verbo *lex*, num. 38. Alderan. Mascard. de general. statut. interpret. conclus. 13. num. 56. Tuscus verbo *lex*, conclus. 264. num. 10. & 65. Azor lib. 5. cap. 16. quest. 13. Salas diff. 21. sect. 7. num. 20. Suarez lib. 6. cap. 4. fine.

13 Quarta difficultas est, an lex, vel statutum loquens nominatim, & expressè de præteritis, de omnibus præteritis intelligatur? Regulariter de omnibus intelligitur, quia verba sunt generalia, & ita in l. leges, C. de legib. dicitur leges, & constitutiones ad præterita non extendi, nisi nominatim, & de præterito tempore, &c. Ergo quando nominatim, & de præterito tempore loquitur, ad ea extenditur: habetur cap. fin. de constitut. & Clem. 2. de iudic. & omnium sententia, ut testatur Farinac. Felin. & alij statim allegandi.

14 Dixi, regulariter, ut aduerterem plures casus, in quibus lex de præteritis loquens ad præterita non se extendit. Primò non trahitur ad præterita iam decisa. sic Felin. cap. fin. de constitut. num. 3. versic. *hanc fallentiam*, ubi testatur esse omnium, ex text. in l. causas, C. de transaction. quia non præsumitur legislatorem voluisse reuocare quæstiones decisas. Et hoc habet verum, quomodo-

cumque res decisa sit, siue per sententiam, transactionem, iuramentum, solutionem, quietationem, præscriptionem, & similes. sic Felin. supra num. 3. Abbas num. 9. & in Clement. dudum, §. hos etenim, in verbo *patia*, de sepult. Farinac. 2. p. fragment. verbo *lex*, num. 44. Tuscus eadem verbo, conclus. 265. num. 13. & alij apud ipsos.

Excipe primò, nisi lex expressè nominaret decisa, ad illa quidem esset extendenda: deberet tamen iusta causa adesse, aliàs neque per rescriptum, neque per legem iuri alterius quæsito per decisionem derogari posset: sic glossa in l. causas, in glossa fin. in fine, C. de transactionib. Abbas cap. fin. de constitutionib. num. 9. Felin. num. 3. versic. *secundum casus*. Farinac. 2. p. fragment. verbo *lex*, num. 50. Excipe secundò, nisi lex noua diceret, quòd omnia facta priùs habeantur pro infectis; quia tunc etiam decisa annullata erunt. ita Felin. supra col. 4. versic. *procedunt ista*. Farinac. num. 49. & probat text. in Clement. 1. de immunit. Eccles. & ibi gloss. verbo *pro infectis*.

15 Secundò, lex de præteritis loquens non trahitur ad præterita iam in causa conclusa, nisi expressè illa ipsa nominaret; quia paria sunt esse conclusum in causa, ac esse decisum: siquidem ex conclusione in causa negotium finitum est. cap. auditis, de procurat. & cap. pastoralis, de causa possess. & propr. & cap. cum dilectus, de fide instrum. Debet autem hoc intelligi, quando in causa ita conclusum est, ut nulli partium liceat nouas iuris productiones allegare, quia ex conclusione facta debet proferri sententia, & secundum leges tunc vigentes, eo quòd concludendo, quodammodo inter se paciscantur se nolle alio iure uti. At si partibus liceat post conclusum in causa alias de nouo probationes offerre, ad causas iam sic conclusas lex loquens de præteritis extendetur; quia tunc ius partis, quæ vult reprobare, non est in totum sigillatum: non igitur erit illi via præclusa vtendi lege noua sibi fauorabili: & ita tenet Alderan. Mascard. de general. statut. interpret. conclus. 13. n. 19. & seq. Farinac. verbo *lex*, num. 55. Felin. cap. fin. de constitut. num. 3. versic. *limita secundò*, dicens in his casibus indubitanter in practica sic esse seruandum.

16 Tertiò, lex, seu statutum de præteritis loquens ad præterita decisa per sententiam non extenditur, etsi à sententia fuerit appellatum. Excipe semper, nisi illa ipsa expressè nominaret: colligitur ex text. in Authent. ut cum de appellat. cognosc. circa princ. Abbas cap. fin. de constitut. num. 9. versic. *aut præterita*, ibi Felin. col. 6. versic. *limita tertiò*. Et testatur esse omnium Farinac. supra num. 56. Alderan. Mascard. num. 30. Tuscus verbo *lex*, conclus. 261. num. 17. & 18. & alij plures apud ipsos. Ratio est, quia iudex appellationis succedit loco primi, eaque de causa iudicare tenetur secundum ius commune, quod in prima instantia vigeat. Aduertit autem optimè Felin. hoc esse intelligendum in spectantibus ad decisionem, & merita causæ: nam in his iudex appellationis debet seruare ea, quæ debebat seruare iudex causæ principalis, cum in eius loco succedat. At in his, quæ ad ordinem procedendi spectant, cum in his debeat appellans sequi ordinem iudicis ad quem appellat, & loci, in quo causa agitata est, ex l. 3. in fine, ff. de testam. & tradit Abbas in cap. quod clericus, de foro competenti, & ex communi sententia Felin. num. 10. versic. *fallit quartò*. Efficitur sanè debere partes se conformare legi præscribenti iudici ordinem procedendi.

17 Sed quid dicendum in prima instantia, quando l. s. agitur, neque conclusum est in causa, sed est in pendenti? Trahitur ne tunc ad illam causam, ita ut ex lege illa superueniente causa decidi possit? Communis sententia affirmat, si lex nominatim mentionem faciat de præteritis: sic plures, quos allegat Felin. illo cap. fin. de constitut. col. 7. versic. *limita quartò*. Farin. 2. p. fragm. verbo *lex*, n. 47. Tuscus ibi, conclus. 264. n. 9. 11. 70. & conclus. 265. n. 19. & 20. Hanc tamen communem sententiam limitat Felin.

lin. Farinae. & alij ab ipsis relati, vt procedat in lege, & rescripto procedente ex motu proprio Principis, & non ad instantiam partis; quia quando ad instantiam partis emanauit lex, habet rationem priuilegij: priuilegium autem concessum pendente lite etiam motu proprio superioris, non nocet parti aduersæ, vt notauit Anton. Hostiens. Imola, Abbas in cap. causam, el. 2. de testam. & Ioan. Andr. sit. de dolo, & conum. §. fin. versic. porro in addito.

18 Verum probabilius mihi est non extendi legem ad pendentia in iudicio, etiamsi mentionem præteritorum faciat, nisi simul mentionem faciat pendentium. Et de statuto id docet Bald. post Bart. in l. sancimus, C. de sacrosanct. Eccles. Generaliter autem tam de statuto, quam de lege. In quo in hac parte nulla est differentia, vt bene ex Imola notauit Felin. col. 7. vers. limita quarto. id affirmant Bart. in l. omnes populi, num. 40. ff. de inst. & iur. Alexand. consil. 96. num. 4. lib. 2. Alderan. Mascard. de general. statut. interpret. concl. 13. n. 33. & seqq. & Felin. reputat probabile. Probo primò, quia ex eo quod causa deducta est in iudicium, quælibet pars litigans ius aliquod acquisiuit, vt secundum leges tunc vigentes iudicetur. Quod ius læditur, si lex de nouo lata locum in his habet: atqui Princeps nunquam censetur iuri partis litigantis præiudicare, nisi exprimat. Ergo. Secundò, quia in l. leges, 2. C. de legib. expressè habetur leges, & constitutiones futuris negotiis dare formam, neque ad præterita reuocari, nisi nominatim, & de præterito tempore, & adhuc dependentibus negotiis cautum sit. Ergo non sufficit nominare præterita, vt intelligantur pendentia negotia comprehensa, sed debet mentio fieri negotiorum pendentium. Tertiò, lex emanans ad instantiam partis non comprehendit negotia pendentia, ne pars aduersa præiudicium habeat: at idem præiudicium sequitur, etsi motu proprio lex emanet. Adde, etiamsi lex, vel statutum ad instantiam alicuius fuerit promulgatum: at finis illius non est fauor specialis, sed communis utilitas, ex cap. erit autem lex, dist. 4. Ergo postulatio partis non potest obesse, vt lex ad pendentia in iudicio non extendatur, si quando motu proprio Principis emanat, extenditur: cum semper habeat eundem finem, ac proinde eodem modo sit extendenda. Quartò, lex loquens de præteritis, sufficienter saluatur cum tota sua significatione, si comprehendat ea, quæ deducta non sunt in iudicio: quare ergo ad deducta in iudicio debemus extendere?

§. VI.

Quam vim sortiantur verba, & litteræ commendatitiæ alicuius.

- 1 Dupliciter stat commendatio generalis, & specialis.
- 2 Si ex commendatione mea generali Petro res tuas commisisti, non teneor de damno sequuto.
- 3 Excipe nisi dolo fecerim.
- 4 Si litteræ, vel verba specialia continent verum, non teneor damnum reparare, nisi verba denoteri me voluisse obligationem subire.

1 Dupliciter aliquem tibi commendare possum. Primò verbis generalibus affirmantibus esse virum probum, fide dignum, cui securè negotia tua committere possis. Secundò, si in particulari causa dicas esse hominem, cui tale negotium possit committi, & talis contractus cum eo iniri.

2 Dico primò. Si verbis generalibus tibi commendaui Petrum, & tu hac commendatione sisus res tuas Petro commisisti, non teneor de damno tibi sequuto, nisi dolo fecerim: decisio est l. & eleganter, §. ult. ff. de dolo. & l. fin. vers. nec, C. quod cum eo, glossa ibi. Anton. Gom.

2. var. cap. 13. num. 5. Salas disp. 21. sect. 9. num. 23. Rebellus 1. part. lib. 1. quest. 6. sect. ult. num. 48. Ratio pro deobligatione in conscientia est clara, quia hæc obligatio esse non potest, nisi culpam commiserim in commendatione Petri. At suppono mihi ignotum esse, esse improbum, & infidelem. Ergo nullam culpam in eius commendatione commisi, delicta enim non tenebar præsumere. Pro deobligatione autem externi fori ea ratio est, quia hæc generalis laudatio ad vrbaneitatem pertinet: tibi quæ culpæ imputare debes, qui ita facile credidisti, & res tuas sine debito examine commisisti.

3 Dixi me deobligatum esse, nisi laudationem dolo fecerim, dolum autem commisisse censeor, si sciens Petrum furtis assuescere, pro fidei commendauerim: sic Doctores suprà relati, & constat ex dist. l. & eleganter, tum ex definitione doli, quam tradit glossa in l. 1. ff. de dolo. quæ est calliditas quædam ad decipiendum alium. Et probari potest, tum quia ius habet vnusquisque, ne fallacia decipiatur. Si ergo te decepi, & media deceptione causa fui, vt damna patiaris, videor teneri refarcire. Solum in mei fauorem est, quia hæc verba non videntur de se efficacia inducendi damnum, eo quod cordatus, & prudens illis non decipitur. Ergo si tu deceptus es, tuæ facilitati debet tribui, non mihi. At video non sufficienter hac ratione excusari, si semel cognoui, vel dubitavi te illis verbis esse deceptiendum, quia stante tua facilitate iniuriosus fui vtens illis fallaciis, & mendosis verbis.

4 Maior difficultas est, quando litteræ, vel verba continent quid certum. v. g. quando circa casum specialem laudo Petrum, & dico fidelem esse, quo cum inire potes talem, vel talem contractum, &c. An, inquam, tunc sis obligatus?

Et quidem si addidi aliqua verba, quæ denotarent me velle assecurationem illorum facere, vt si dicerem: To lo torno a mi cuenta, o corra por mi riesgo; non est dubium manere obligatum actione mandati, textus in l. si verò non remunerandi, §. si quis mandauerit, ff. mandati. & ibi glossa. & Doctores communiter. Anton. Gom. illo cap. 13. num. 5. Salas disp. 21. sect. 9. in princ. Rebellus de oblig. iustu. lib. 1. quest. 6. num. 47. & seqq. Ratio, quia illa verba non tam continent approbationem personæ, quam susceptionem alieni periculi.

Verum si absque his verbis Petrum laudarem, & tibi commendarem, quantumcumque in negotio speciali commendatio fieret, si absque dolo feci; credo probabilius me non teneri damna reparare. Quia non inuenio in hoc casu aliquam specialem rationem, quæ in laudatione generali non procedat: & fauet regula iuris 62. in 6. Nemo ex consilio, nisi fraudulenter sis, obligatur; & ita tenet Rebellus illa quest. 6. sect. ult. num. 49. Salas eius verba transcribens sect. 9. Credo tamen in foro externo condemnandum fore actione mandati, si circa rem aliquam specialem Petrum tibi commendassem, affirmans te posse secùre cum illo contrahere; quia præsumor quasi mandare, ex l. Lucius ff. de fideiuss. & l. si litteras, C. mandat. glossa, Bart. Bald. & alij, quos refert, & sequitur Anton. Gom. num. 5.

DISPUTATIO VI.

De dispensatione legis.



Ræ manibus habenda est huius dispensationis doctrina, utpote in praxi maxime frequens; ex illa enim dependet decisio plurium difficultatum in variis materiis contingentium. In tres partes hanc disputationem diuidemus. In prima agemus de

natura dispensationis, & causis illius: quis, inquam, concedat dispensationem, & quibus concedatur. In secunda de conditionibus requisitis ad valorem dispensationis. In tertia de causis, quibus dispensatio cessat; ubi de interpretatione illius. Si autem aliqua in huiusmodi disputatione desiderantur, ex disputatione de privilegiis petenda sunt.

/ PUNCTUM I.

Quid sit dispensatio.

- 1 *Definitur dispensatio in genere.*
- 2 *Proprius, & ad rem definitur ab aliquibus. Reijcitur, & statuitur propria definitio.*
- 3 *Dispensare non est legem interpretari.*
- 4 *Neque etiam est permittere.*
- 5 *Dispensatio differt ab absolutione à peccatis, & censuris.*
- 6 *Differt à simplici licentia requisita per legem.*
- 7 *Differt à legis abrogatione, & derogatione.*
- 8 *Differt à privilegio.*
- 9 *Legis dispensatio, & dispensatio voti, & iuramenti multum differunt.*

1 **S**I nomen dispensationis in genere sumatur, eius definitio est, iuxta rerum communium distributio, iuxta illud Lucæ 12. *Quis putat est fidelis dispensator?* & 1. ad Corinth. 4. *Ministros Christi, & dispensatores mysteriorum Dei.* & cap. 9. *Dispensatio mihi credita est.* Eadem dispensationis acceptio constat ex iure civili; text. in l. dispensatori, § 1. & in l. dispensatorem, 61. ff. de solution. l. urbana, 166. ff. de verb. significat. Et ex iure canonico idem habetur, cap. dispensatio, 43. dist. & in extranag. unigenitus, de penitent. & remission. & tradunt Doctores statim referendi. Verum omissa hac dispensationis lata acceptione, dispensatio apud Theologos, & Iurisperitos sumitur pro exemptione alicuius à lege, ex l. Princeps, ff. de legib.

2 Dispensatio communiter sic definitur. Est relaxatio iuris communis cum causæ cognitione facta ab eo, qui potestatem habet relaxandi. sic glossa penult. in princ. in cap. requiritur, §. nisi rigor, 1. quæst. 7. Couarr. de sponsalib. p. 2. cap. 6. §. 9. num. 1. Nauarr. in sum. præludio 9. n. 15. Sanchez plures referens lib. 8. de dispensat. disp. 1. num. 2. & alij. At hæc definitio sustinenda non est. Primò, quia dispensatio non solum est iuris communis, sed etiam municipalis, & synodalis: quod ius nomine iuris communis non venit intelligendum, ex cap. 1. de constitution. in 6. Secundò, ad dispensationis valorem, causa non semper exigitur, ut postea videbimus, etiam si ad licitam illius concessionem requiratur. quare Sanchez hanc particulam cum causa cognitione, à definitione dispensationis excludit. Tertiò, neque etiam videtur apponenda illa verba, facta ab eo, qui potestatem habet relaxandi, quia in ipsamet relaxatione legis includitur debere fieri ab habente potestatem; aliàs etiam deberet exprimi causa materialis dispensationis, & conditiones, quæ ad valorem illius requiruntur. Quapropter aptior definitio ea esse potest. *Dispensatio est iuri alicuius relaxatio, seu exemptio alicuius à legis obligatione:* sic colligitur ex cap. de multa, de prebend. cap. necessaria, cap. dispensationes, cap. tanta, cap. si qui, 1. quæst. 7. quibus in locis vocatur dispensatio relaxatio, seu moderatio canonum, & in cap. ipsa pietas, §. si inquirat, 23. quæst. 4. vocatur ab August. vulnus contra integritatem seu unitatis; & ita tradit Salas disp. 20. sect. 1. vers. ut tamen. Basil. de Leon lib. 8. cap. 1. num. 3. Suarez lib. 6. cap. 10. num. 7. Salas disp. 20. sect. 2. num. 9. & alij plures apud ipsos.

3 Ex hac definitione infertur primò dispensare non esse interpretari legem pro illo casu non obligare; sed est exemptio à lege, illius obligatione posita: constat

ex iuribus suprà relatis, & tradit plures referens Suarez num. 2. Basil. num. 4. Salas sect. 1. num. 4. Vasquez 1. 2. tom. 2. de legib. disp. 178. à num. 6. Sanchez lib. 8. disp. 1. num. 1. & lib. 4. sum. cap. 37. quæst. 1. Et ratio est manifesta. Primò, quia interpretatio non est actus iurisdictionis, sed doctrinæ, argum. textus in §. constat autem ius nostrum. vers. Responsa prudentum, Insist. de iure natur. Quilibet enim vir doctus interpretari potest legem in tali, vel tali casu non obligare, dispensare autem non potest. Quòd si in casu dubio alteri à superiore non permittatur interpretatio, non inde infertur interpretationem esse actum iurisdictionis, sed doctrinæ, reservatæ tamen superiori. Secundò, sæpè dispensat legislator, certus obligationem in dispensato non cessare, ut contingit, cum tecum dispensat in esu ovorum, eo quòd erogaveris pro subsidio contra infideles duo dragmata in acceptione Bullæ cruciatæ, & in impedimentis ad matrimonium, & ad ordines ratione alicuius canonici impedimenti, manifestè apparet. Tertiò, si dispensatio esset declaratio legis pro illo casu non obligantis, quoties evidenter constaret casum esse omnino similem, posset quis absque dispensatione se à legis obligatione eximere, quod est absurdum. Quartò, sequeretur æqualem potestatem esse in Principe ad dispensandum in lege propria, ac in lege diuina, & naturali: si in lege propria, nulla alia potestas cõceditur præter potestatem declaratiivam. Quintò, non posset in propria lege negare dispensationem; quia non potest in propria lege illius declarationem petitam repellere. Neque credendum est D. Thom. quæst. 97. art. 4. in corp. & ad 3. oppositum sentire, ut aliqui recentiores illi attribuunt; quia ibi loquutus est D. Thom. de dispensatione latè suprà, prout est quædam gubernatio, ordinatio, & distributio attenda personarum necessitate, & qualitate: tum quia dicit legislatorem alicui licentiam concedere non observandi præceptum, cum videt communi bono non expedire. Ex quo non infertur cessare ipso facto obligationem, sed esse causam sufficientem, ut illum relaxet.

4 Infertur secundò dispensationem non esse permissionem propriè, quia dispensatio tollit legis obligationem in dispensato: at permissio illam non tollit. Deus enim permittit peccata, non tamen in illis dispensat. Quapropter permissus facere contra legem, committit culpam, & pœnæ subiicitur, etiam si eius executionem dissimulet: at dispensatus nullam culpam facit contra legem operans. Interdum verò dispensatio solet appellari permissio, & dissimulatio, cap. dispensationis, 1. q. 7. sed non propriè. sic Salas disp. 20. sect. 1. num. 5. vers. secundò. Basil. lib. 8. cap. 1. num. 5. Suarez lib. 6. cap. 11. num. 3.

5 Infertur tertiò dispensationem differre ab absolutione à peccatis, & à censuris; quia horum absolutione non vulneratur ius, sed potius ius ipsum impletur. Ius enim iubet rectè disposito absolutionem à peccatis, & censuris concedi; at ius non iubet semper dispensationem facere. Item potest secum quis dispensare, ut dicemus, se tamen non potest absolvere. Denique absolutio, utpote iuri conformis, latè est interpretanda, secus verò dispensatio. sic Suarez lib. 6. cap. 10. à num. 9. Basil. lib. 8. cap. 1. num. 5. Salas sect. 1. coroll. 3. & colligitur ex glossa cap. cupientes, §. ceterum, de electione. in 6. verbo dispensatio. Panormit. cap. tam literis vestris, num. 3. de testib.

6 Infertur quartò dispensationem differre à simplici licentia requisita per legem, in eo quòd licentia non est contra legem, sed potius pro lege; neque licentia tollit per se obligationem legis, sed potius per ipsam obligationi legis fit satis. Quia ratione cum Prælatus tibi concedit egressum è monasterio proprio, & Pontifex ingressum in monasteria monialium, & Episcopus ex legitima causa; non tecum dispensant, sed apponunt condi

conditionem à lege requisitam : lex enim cauebat , ne è monasterio proprio absque licentia exires, néve in monialium monasteria intrares absque licentia illius, qui eam potest concedere. Cùm ergo tibi Prælatus ad hos actus facultatem concedit, iam lex non obligat, quia ex appposita licentia, illius materia cessabit. Et idem est, cùm tibi facultas conceditur donandi, vel accipiendi nummos, nullo modo in voto paupertatis dispensaris; quia huius dispensatio solum est Pontificis. argument. text. in cap. cum ad monasterium, de statu regul. sed cessat casus, pro quo voto teneris. sic Basil. n. 5. Salas sect. 1. circa fin. Suarez n. 11.

7 Infertur quintò, dispensationem differre à legis abrogatione, & derogatione : in eo quòd abrogatio est cassatio totius legis, tam quoad materiam, quàm quoad personas. Derogatio verò est cassatio legis pro aliquo tempore, vel pro aliqua parte communitatis, vel pro aliqua parte legis, si lex secundum materiam habeat latitudinem : constat ex l. derogatur, 102. ff. de verborum significat. & ex l. derogatur, ff. de reg. iur. ibi, derogatur legi, cum pars detrahatur; abrogatur, cum prorsus tollitur. Sanchez lib. 8. disp. 1. n. 1. Salas disp. 20 sect. 1. circa princ. Suarez num. 12. Basil. num. 5.

8 Infertur sextò, dispensationem differre à privilegio, quia dispensatio semper est contra ius : at privilegium non est semper contra ius, sed sæpè præter ius. Quando verò privilegium est contrarium iuri, idem est, ac dispensatio, & eodem modo causam requirit. sic Salas sect. 1. circa finem. Suarez lib. 6. cap. 10. num. 13. Basil. num. 5. Sanchez lib. 8. disp. 1. num. 1. Deinde dispensatio sæpè non est permanens, hoc est, non est pro vsu pluries repetito contra legem, sed est pro vnicò actu determinato : at privilegium semper consistit in facultate permanenti operandi contra legem, vt diximus explicando privilegij naturam, & notauit Salas sect. 1. in fin.

9 Infertur septimò, dispensationem legis, & dispensationem voti, & iuramenti multum differre. Primò, quia dispensatio in voto, & iuramento nunquam fieri potest validè sine causa : at legis propriæ dispensatio optimè potest, vt dicemus. Secundò in voto, & iuramento dispensat Prælatus nomine Dei, cui est ius per votum acquisitum : ipse autem vices suas Prælato committit : in lege autem proprio nomine propriè dispensat. Tertio in voto fieri potest commutatio, etiam propria auctoritate, si sit in melius, & in euidenter æquale, secundum probabilem sententiam : at in lege nunquam potest dari commutatio, quia obligatio voti à vouentis voluntate ortum habuit, & solum diuinum honorem respicit, qui cùm per materiam meliorem, vel æquè bonam conseruatur, poterit ex voluntate vouentis mutari : at legis obligatio ex voluntate legislatoris pendet, ac proinde à sola voluntate legislatoris pati potest mutationem : sic Vasquez disp. 178. cap. 2. Salas sect. 1. sub num. 5. & sect. 2. num. 7. Aduerto ex supradictis Doctoribus ex iuramento sæpè oriari non solum obligationem Deo, sed etiam alteri homini : vt si in fauorem alicuius fecisti iuramentum, ipsèque accepit, non poteris commutare, illo non consentiente, & licet Prælatus possit relaxare obligationem Deo factam : at sæpè non potest obligationem homini acquisitam, quia illius vices non habet.

PUNCTUM II.

An dispensatio cadere possit in his, quæ iuris naturalis, & diuini sunt.

1 Explicatur ius naturale tum fundatum in voluntate humana, tum in diuina, tum in conuenientia rerum.

- 2 Aliqua dicuntur de iure naturali non præceptiuo, sed concessiuo.
- 3 Ius præceptiuum mutari non potest, secus ius concessiuum.
- 4 An ius naturale præceptiuum, seu præcepta naturalia dispensari in aliquo casu possint? Proponitur dubitandi ratio.
- 5 Probabilius censeo in nullo iure naturali cadere posse dispensationem.
- 6 Satisfit fundamentis num. 4. adductis.
- 7 Expenditur quorum præceptorum naturalium possint Prælati facere dispensationem indirectam.

1 **I**us generale voco, quod ab ipsa natura rationali ortum habet; ab ipsa enim natura rationali ortum habet malum à se furari, non subuenire pauperi, non defendere innocentem, cùm possim. Hoc autem ius naturale, aliquando fundatur in voluntate humana, aliquando in diuina omnino libera, aliquando in sola conuenientia cum natura rationali. Ius ergo naturale fundatum in voluntate humana, est iuramentum, votum, matrimonium, & quilibet alius contractus; natura enim ipsa dicitur hæc omnia seruanda esse, eo ipso, quòd facta sint. Ius verò naturale fundatum in voluntate diuina omnino libera est illud, quod ex institutione sacramentorum, & mediorum ad salutem pertinentium promanat; facta enim institutione horum sacramentorum ratio ipsa naturalis dicitur honestè, & religiosè esse tractanda. Denique ius naturale ortum ex sola conuenientia cum rationali natura est tum affirmatiuum, tum negatiuum, tam erga Deum, quàm erga proximum. Affirmatiuum erga Deum est præceptum de illius cultu, & reuerentia. Negatiuum est, ne falsos Deos colas, ne verum odio habeas. Erga proximum est ius negatiuum, scilicet ne illum occidas, & affirmatiuum, nempe, vt illi subuenias.

2 Præmitto secundò aliqua dici de iure naturali non præceptiuo, sed concessiuo, vel probatiuo. Concedit enim ius naturale bona esse communia, homines esse liberos : non tamen præcipit sic permanere semper. Item concedit matrimonium, non tamen omnibus præcipit. Item approbat filium succedere patri, & duobus testibus fidem integrè haberi; non tamen præcipit id esse seruandum.

3 Hæc ergo omnia ab hominibus mutari possunt pro circumstantiis occurrentibus; quia non à natura præcipiuntur, sed conceduntur. Quapropter etsi communitas rerum à natura concessa fuerit. §. quadam enim, Instit. de rerum diuis. ab hominibus tamen ob pacem seruandam tolli, vel minui, aut coarctari potuit. cap. ius naturale, dist. 1. & cap. quo iure, dist. 8. & cap. dilectissimis, 12. quest. 1. Item etsi libertas fuerit à natura hominibus concessa, §. ius autem, Instit. de iure naturali gent. & civili. At iure gentium aliquando aufertur. l. manumissiones, ff. de instit. & iur. & §. seruus, Instit. de iure personarum. ibi, contra naturam. Item à natura est, ne quis alterius damno locupletetur, néve alienum retineat. l. nam hoc natura, ff. de condiç. indebit. & l. iure natura, ff. de regulis iuris. at sæpè res publica ob commune bonum, & pacem seruandam bona vnius alteri tribuit, in quo fundatur vfucapio, & præscriptio à lege introducta. l. 1. ff. de vfucap. & vfurpat. Ratio est, quia sæpè expedit hæc iura, & dominia mutari : si enim attenta propria utilitate potest tibi non expedire libertatem, & bona amittere, réque in seruum tradere, si amissione illius libertatis, & traditione in seruum graue damnum vitas; quid mirum ob bonum reipublicæ id in aliquibus casibus statui possit : at mutare præcepta naturalia nunquam esse potest expediens, quia nunquam esse potest expediens omittere, quod intrinsecè bonum est, & cuius ommissio per se, & ab intrinseco est mala. Et hinc fit, quare ius gentium.

gentium mutare possit ius, seu dominium datum à natura, non tamen ius præceptum illius; quia præcepta naturæ fundantur in intrinseca eorum rectitudine, & honestate, seu necessaria veritate: & cum essentia rerum variari non possint, non potest illorum præceptorum honestas, & rectitudo variari. At ius dominativum, seu dominia rerum fundantur in ipsis rebus, quæ cum sint variabiles, dominium in illis fundatum variari potest.

4 Controversia ergo est, an esto ius naturale, seu præcepta naturalia integre mutari non possint, possint tamen in aliquo casu dispensari, vel ab ipso Deo, vel ab homine?

Ratio dubitandi est, quia quilibet legislator in suis legibus dispensare potest, & alteri vices dispensandi committere: cum enim leges ex legislatoris voluntate obligationem sortiantur, poterit legislator obligationem coactare, ac proinde efficere, ne omnes æquanimiter obligentur. At præceptorum naturalium legislator est ipse Deus: ergo poterit in ipsis cum aliquibus dispensare, & alicui hanc potestatem committere. Et confirmo. Sæpe occurrunt casus hanc dispensationem exostulantes, ne gubernatio communis deficiat. Ergo concedenda est: hæc enim ratione cogitur sæpe legislator humanus in suis legibus dispensare; quia ea, quæ pro communi utilitate omnibus imperantur, non omnibus expediunt. Deinde probaviis exemplis Deum per se in his naturalibus præceptis dispensasse, & vices dispensandi commississe; dispensavit enim cum Abrahamo in occisione proprii filii, *Genes. 22.* & cum Osea in copula fornicaria, *Osee 1.* & cum filiis Israël in spoliatione Ægyptiorum, *Exod. 12.* & poterat dispensare in pluralitate vxorum, in matrimonio consummato, & in matrimonio inter fratres, & inter alios, qui iure naturæ sunt contrahere impediti. Deinde Pontifici commisit potestatem dispensandi in votis, & iuramentis, & in matrimonio rato, & in residentia Ecclesiæ, quorum omnium obligatio ex iure naturæ provenit. Ergo dari potest dispensatio in lege naturali: & ita defendit tanquam probabilius Thom. Sanchez plures referens *lib. 8. de matrim. disp. 6. num. 5.* eam tamen *num. 6.* limitat, ut non de omni iure naturali intelligatur, sed de eo, cuius dispensatio censetur esse rectæ gubernationi expediens. Quod autem hoc sit, non satis explicat, sed apponit exemplum voti, residentia, & sacrificij in utraque specie. Unde videtur ad hæc sola limitare.

5 Nihilominus dicendum est in nullo iure naturali cadere propriè & directè posse dispensationem, neque à Deo, neque ab alio vices ipsius habente. sic docent Covarr. *reg. peccatum, p. 2. cap. 6. §. 9. num. 3.* Suarez *de legib. lib. 2. cap. 14. num. 5.* ubi quamplures refert, & *cap. 15. num. 2. & 26.* Vasquez *disp. 179. cap. 2.* Basil. de Leon *lib. 8. cap. 2. num. 4.* Nauarr. *consil. 4. de desponsat. impub. num. 16.* plures, quos refert Thom. Sanchez *lib. 8. de matrim. disp. 6. num. 4.* & tradit glossa in *cap. sunt quidem, 25. quest. 2.* ex text. ibi, & in *cap. proposuit, de concess. præbenda.* Probatur conclusio. Dispensatio est relaxatio legis, eo casu quo lex obligat absque mutatione circumstantiarum causantium obligationem, sed nunquam Deus in iure naturali dispensare potest, quin circumstantiam aliquam obligantem mutet. Ergo nunquam potest in iure naturali dispensatio cadere directè. Consequentia, & maior propositio ab omnibus admittitur. Minorem proba; quia ea, quæ sunt de iure naturali, habent intrinsecam honestatem, & debitam decentiam per conformationem ad rectam rationem, seclusa omni lege extrinseca; sed rebus omnibus in mutatis hanc conformitatem Deus mutare non potest; quia essentia rerum est invariabilis, sibi que esset contrarius. Ergo neque potest immutare debitam honestatem illarum; ergo neque dispensare: quia dispensare est ex voluntate superioris facere lici-

tum, quod aliàs illicitum est rebus omnibus immutatis. Quod si Deo in iure naturali dispensatio non concedatur, à fortiori neque humana potestati est concedenda, quia homo ex se hanc potestatem habere non poterat, sed ex Deo: siquidem inferior in lege superioris dispensare non potest, sine eius commissione. *cap. inferior, dist. 21. & Clement. ne Romani, de electione.* Unde consuetudo adversus ius naturale prævalere non potest. *cap. cum tanta, de consuetud. & tradit ibi glossa, & in §. 1. dist. 5. & §. ult. dist. 6.*

6 Neque obstant fundamenta contraria. Ad rationem enim dubitandi respondeo, nunquam contingere posse casum, in quo conveniens sit in iure naturali dispensare; quia numquam potest esse conveniens facere id, quod de se malum est, vel omittere, quod per se debetur. In legibus autem positivis convenit sæpe dispensatio; quia causæ, ob quas fuerunt appositæ, non æquanimiter circa omnes procedunt. Exempli item adducta non probant dispensare Deum in iure naturali, sed mutare circumstantias rerum, & condiciones, in quibus ius naturale obligat. Pro quo supponendum est aliqua esse præcepta naturalia immutabilia, quæque in qualibet circumstantia præcepta sunt. Hæc censentur esse omnia illa, quorum materia non pendet ex dominio Dei, qualia sunt mentiri, falsos Deos colere, odio Deum habere. Alia verò sunt, quorum materia ex dominio Dei pendet: hæc, inquam, si Deus uti velit suo absolute dominio, non obligabunt; quia mutabitur materia obligationis. hæc autem mutatio, dispensatio non est. Non enim dispensat respublica in lege reddendi depositum, quando ob commune bonum redditionem impedit, neque dispensat in lege naturali occidendi hominem, quando ob punitionem delicti commissi mandat occidi. Sic ergo cum Deus Abrahamo imperavit filium occidere, & Oseæ copulari mulieri fornicariæ, & Israëlitis, Ægyptios spoliare, non dispensavit in præcepto naturali occidendi, fornicandi, aut furandi; hæc enim semper invariabilia manserunt, sed apposuit conditionem, qua illorum obligatio cessabit, & qua posita nunquam ius naturale negavit occisionem, commixtionem corporum, aut spoliationem. Hæc autem conditio fuit usus suæ potestatis dominativæ; cum enim ipse dominus sit absolutus omnium creaturarum, tam rerum, quam corporum, & vitæ; potest pro libito illis vii, ac proinde spoliare quosdam, aliòve dicere, vnum occidere, alium conservare, vnum commiscere, commixtione alteri denegata. Eodem modo dicendum est de aliis exemplis in illa ratione dubitandi allatis: mutari, inquam, materiam, qua obligatio naturalis cessat, non tamen dispensari directè in illius obligatione, & in voto res videtur esse manifesta: non enim potest Deus facere, ut manente voto, & eius acceptione, non debeat vouens votum implere; quia hoc est intrinsecè debitum rationi: at quia potest nolle oblatum acceptare, vel acceptatum remittere; ideo potest obligationem relaxare; remissio autem huius acceptionis dispensatio propriè dici non debet, quia hæc non est actus iurisdictionis, sed domini; aliàs cum Petro promitteres hereditatem aliquam, ipse verò cederet promissioni, dispensare tecum diceretur, quod est impropria locutio, & ita non debet concedi, sicut non concedit Suarez *de legib. lib. 2. cap. 14. num. 11.* Basil. *de matrim. lib. 8. cap. 2. num. 9.* Salas *disp. 24. sect. 5. fine.* Exemplum de residentia eodem modo soluitur. Admitto residentiam de iure naturali esse, quorvis supremus pastor, & rector illius non cesserit obligationi à te contractæ. at si ipse cedat, & subeat in se onus providendi Ecclesiæ necessitatibus; cessat tibi obligatio non per dispensationem propriam, sed per remotionem materiæ, ex qua obligatio consurgebat, ut optimè explicat Suarez *cap. 14. num. 21.* & Basil. *n. 15.* Similiter dicendum est de dispensatione

in matrimonio rato ; est enim matrimonium illud à natura indissolubile , ita vt ex voluntate contrahentium dissolui nullatenus possit : at ex voluntate Dei, qui supremus Dominus est voluntatis humanæ, & vinculi inde confurgentis , dissolui poterit , quod quidem non est propriè dispensare in matrimonio, cum matrimonium non maneat, sed tollere matrimonium, & consequenter illius obligationem : sicuti quando solet respublica dissolvere alios contractus legitimè factos, non dicitur tunc dispensare, sed potestate sua dominatiua vti. sic Vasquez *disp. 179. cap. 3. prope finem*. Basilius *num. 14.*

7 Sed inquires. Quorum præceptorum naturalium habeant Prælati potestatem mutandi materiam , ac proinde tollendi obligationem ? quod est inquirere , in quibus præceptis naturalibus possit cadere humana dispensatio indirecta?

Respondeo breuiter, posse cadere dispensationem indirectam in illis omnibus, in quorum materia habent Prælati potestatem dominatiuam , quia si illa potestate vtantur, cessat præceptorum obligatio. Exemplis declaro. Quia habet respublica potestatem dominatiuam circa bona suorum subditorum , vt possit ob necessitatem boni communis ea expendere, datur vsucapio , & præscriptio in alienis bonis. Item potest rem ab vno auferre , & alteri tribuere. At in illis rebus , in quibus non habent Principes potestatem dominatiuam , nequeunt etiam indirectè dispensare, seu naturale ius variare. Quocirca cum in corpora humana non habeant liberam facultatem disponendi, non poterunt mulierem sine consensu illius alteri applicare, & commixtionem carnalem licitam efficere. Neque Deus censendus est hanc potestatem Principibus sæcularibus , neque Pontifici summo reliquisse, quia non videbatur expediens hanc illis potestatem relinquere. erat enim non leuibus inconuenientis exposita. Qua ratione dicit Thom. Sanchez *lib. 8. disp. 16. num. 10.* cum innumeris à se relatis Suarez *lib. 2. de legibus, cap. 14. num. 23.* Basilius *lib. 8. de matrim. cap. 2. num. 16.* Pontifici summo relictam non esse potestatem dispensandi in impedimenti iure naturæ dirimentibus, qualia sunt impedimenta erroris, impotentia, ligaminis , & consanguinitatis in primo gradu. Quia licet in aliquo casu hanc dispensationem concedere videatur expedire : at conuenientius esse videtur hanc potestatem omnino denegatam esse, ne frequentius, quàm par esset, illa Pontifices vterentur, & via incestuosus nuptiis aperiretur.

PUNCTUM III.

An in iure diuino positiuo dari possit dispensatio , & à quo.

- 1 Deus optimè potest in illo dispensare.
- 2 Sed non est credendum concedere, nisi per Ecclesiæ auctoritatem.
- 3 Non est concessa hæc potestas Regibus, neque alijs sæcularibus Principibus.
- 4 Proponitur triplex sententia. An Pontifex in iure hoc dispensare possit.
- 5 Approbatur tertia, negans posse dispensare.
- 6 Proponuntur quedam obiectiones, & soluntur.

1 PONO primò, posse Deum dispensare : si enim potestas dispensandi in propriis legibus cuiuslibet legislatori humano conceditur ; quomodo supremo legislatori neganda erat? Et licet humanus legislator non possit pro libito dispensationem concedere , sed debet causa adesse dispensandi. At legislator diuinus pro libito suo illam concedere potest ; quia eius voluntas est sufficientissima causa honestandi dispensationem ; tum

quia est supremus Dominus : tum quia eius voluntas est infallibilis regula bonitatis.

2 PONO secundò, hanc dispensationem non esse credendum Deum concedere, nisi per Ecclesiæ auctoritatem constet, aut per aliam certam reuelationem ab Ecclesia approbatam , ex *cap. nisi cum pridem, de renuntiatis, cap. cum ex iniuncto, de heret. & tradit Basil. de Leon lib. 8. cap. 3. num. 1.* Suarez *lib. 10. de legibus, cap. 6. num. 1.* Salas *disp. 24. num. 31.*

3 PONO tertio hanc potestatem non esse concessam Regibus, & alijs sæcularibus Principibus, quia ipsis non est concessa alia potestas, nisi temporalis, quia hæc sufficit ad gubernationem politicam. Hæc autem potestas est spiritualis, & supernaturalis, vt pote circa spiritualia, & supernaturalia versans. Ergo. Deinde affirmo non esse concessam Prælati inferioribus à Pontifice, scilicet Episcopis, Patriarchis , &c. quia vsus huius potestatis rarissimus esse debebat, casu quo concessus esset : ac proinde necessarium non erat penes quemlibet Prælatum residere. Adde dispensationem hanc esse ex grauioribus causis, quæ in Ecclesia contingere possunt. Ergo si ad aliquem pertinet , solum debet esse summus Pontifex, ex *cap. maiores, de Baptismo*. sic Suarez *suprà n. 2.* & supponunt omnes alij Doctores.

Quare solum de Pontifice mouent quæstionem? An, inquam, dispensare in hoc iure diuino possit?

4 In hac re triplex est sententia. Prima affirmat in omni iure diuino positiuo, seculis fidei articulis, posse ex causa graui, & urgente Pontificem dispensare. sic Panormitanus in *cap. proposuit, de concess. præbend. num. 20.* Felin. in *cap. que in Ecclesiis, de constitut. num. 19. & 20.* vbi pluribus exornat , & in *cap. 1. de constitution. num. 23.* Decius *consil. 112. num. 3.* & in *supradicto cap. que in Ecclesiis, num. 44. in nouis.* Secunda sententia limitat supradictam. Affirmat namque dispensare Pontificem posse non in omni iure diuino, sed in aliquo, in eo scilicet, in quo maius Dei obsequium videatur esse, dispensationem concedere, quàm ius diuinum integrè obseruari. sic docuit Cano *relect. de penitent. pars. 5. ad finem.* Sanchez *de matrim. lib. 8. disp. 6. num. 6.* Fundamenta vtriusque sententiæ ex probatione nostræ conclusionis dissoluntur; quòd si aliqua fuerint, quæ speciali indiguerint explicatione, postea subiiciemus.

5 Tertia sententia communis, & verissima est. Affirmat in nullo iure positiuo diuino posse Pontificem dispensare. sic D. Thom. quem communiter Theologi sequuntur, 1. 2. *quæst. 97. art. 4. ad 3. & 1. 2. quæst. 88. art. 10. in solut. ad 3. & quodlib. 4. art. 13.* Suarez plures referens *lib. 10. cap. 6. num. 7.* Salas *disp. 24. sect. 5. num. 33.* Basilius *lib. 8. cap. 3. num. 2.* Couarr. 4. *decret. part. 2. cap. 6. §. 9. num. 4.* Syluest. *verbo Papa, quæst. 16.* Salmeron *tratl. 61. in act. in 4. & 5. difficult.* & alij apud ipsos, & facit textus in *cap. sunt quidam, & cap. contra statuta patrum, & cap. omne quod, & alij 25. quæst. 1.* vbi asseritur non esse Sedis Pontificiæ aliquid condere contra Apostolorum statuta, vel aliquid illorum mutare. Ratio est, quia Pontifex non habet hanc potestatem, nisi à Christo Domino illi sit specialiter commissâ. At hæc commissio non constat primò ex illis verbis, *quodcumque ligaueris super terram* ; tum quia illa verba nimis generalia sunt. Ex verbis autem ita generalibus non debet inferri concessio rei ita grauis, & extraordinariæ ; quia propter eius grauitatem specialem concessionem desiderabat. Quocirca nunquam intellexerunt Pontifices illis verbis esse talem potestatem concessam, aliàs sæpè vti illa fuissent, sicuti vtuntur alijs potestatibus sibi datis, quasque habere agnoscunt. Item hæc potestas non cedebat in ædificationem Ecclesiæ, sed potiùs in illius destructionem; destruebat enim vnitatem, & firmitatem Ecclesiæ : Ecclesia enim per totum orbem terrarum est vna, non solum in articulis fidei, sed etiam in religioso cultu, qui

in sacrificiis, & sacramentis continetur: si igitur hic religiosus cultus variari posset decursu temporis, vix unitas Ecclesiae agnosceretur. Adde Christum Dominum nulla alia praecepta posuisse Ecclesiae imposuisse, praeter illa, quae pertinent ad fidem, & ad sacramenta, & sacrificia; si igitur in his admittatur dispensatio, facile Ecclesia corruiere poterit, cum eius fundamenta corruant. Denique nulla potest excogitari causa, legitima dispensandi in aliquo praecepto diuino, quae in omnibus praeceptis locum non habeat: ac concedere potestatem dispensandi in omnibus, videtur Ecclesiae unitati, & stabilitati omnino perniciosum. Ergo etiam videtur perniciosum concedere potestatem dispensandi in quolibet ex his praeceptis diuinis. Maiorem probo exemplis, saepe continget casus, ut ob defectum aquae paruulus absque Baptismo moriatur, saepe, ut sacerdos non adsit absoluendo. Poterit ergo in his casibus dispensare, ut aqua rosata pro naturali apponatur, & laicus nomine sacerdotis absoluat? Absit. Item in aliqua regione esse potest summa penuria tritici, in alia vini. Dispenset ergo Pontifex, ut in pane hordeaceo, vel in sicera consecratur? Item ex obseruatione sigilli confessionis, graue damnum sacerdoti, vel regno imminere potest. Dispenset ergo Pontifex in tali praecepto? Quod si in his, & aliis dari non possit dispensatio, in nullo praecepto diuino est concedenda. Quia firmitas horum praeceptorum magis expedit Ecclesiae, quam quilibet alia causa, quae pro dispensatione illorum excogitari potest.

6 Sed obieciens primò, ex verbis Christi Domini Matth. 19. *Quodcumque ligaueris super terram, &c.* colligunt Doctores Pontificem dispensare posse in voto, iuramento, & in matrimonio rato, & in matrimonio spiritali inter Episcopum, & Ecclesiam; sed haec omnia sunt iuris diuini. Ergo iam in iure diuino dari potest dispensatio.

Respondeo primò. In iure diuino fundato in humano contractu bene potest dari dispensatio; quia hoc non est dispensare in iure diuino, sed in fundamento illius. At in iure diuino absoluto, & independenti à voluntate hominis, qualia sunt, materiae, & formae sacramentorum, & sacrificij, & praecepta fidei, spei, charitatis, nullo modo cadit dispensatio.

Secundò respondeo ex illis verbis Matth. colligere Doctores, posse Pontificem remittere nomine Dei obligationem, voti, & iuramenti, & matrimonij rati; quia ex praxi, & usu Ecclesiae id constat: ex usu, & traditione Ecclesiae contrarium colligitur in aliis diuinis praeceptis. Ergo in illis non est admittenda talis dispensatio, sicuti non admittitur in matrimonio consummato.

Obieciens secundò. In solemnibus religionum professione solet Pontifex dispensare; sed haec obligatio videtur esse ex iure diuino. Ergo in iure diuino debet admitti dispensatio?

Respondeo solemnitatem in professione non ex iure diuino, sed Ecclesiastico esse, ut constat ex Bulla, *Ascendente Domino pro societate Iesu expedita*, atque ideo sicut potest causa existente remittere obligationem cuiuslibet voti Deo facti, ita potest remittere obligationem professionis. Deinde Pontifex est supremus, & immediatus Praelatus religionum, cui in obedientia subduntur religiosi. Si ergo Pontifex hanc obedientiam remittit, cessat obligatio voti; sicuti si tibi promitterem hereditatem sub voto, & tu nolles eam acceptare, vel acceptatam remitteres, cessaret in te voti obligatio, quia cessabit materia voti. Deinde sublata obedientia, tollitur etiam votum paupertatis, & castitatis, quae ratiorem habebat conditionem, dum sub obedientia existerem, sic explicuit Basil. de Leon lib. 8. de matrimon. cap. 3. num. 5. & lib. 7. cap. 12. in fine. Salas disp. 24. sect. 5. num. 35.

Obieciens tertio. Aliquando Pontifex dispensat, ut

minister confirmationis sit simplex sacerdos, cum tamen videatur esse de iure diuino, quod sit Episcopus.

Respondeo. De iure diuino solum est, quod minister ordinarius confirmationis sit Episcopus, non tamen absolute; absolute enim quilibet simplex sacerdos est ex institutione diuina, confirmationis, & ordinis minister: ac proinde cum ex commissione Pontificis simplex sacerdos confirmet, non censetur in iure diuino dispensatus. sic Basil. supra cap. 3. n. 6. Suar. lib. 10. cap. 6. n. 20. & 3. tom. de Eucharist. disp. 36. sect. 2. Salas disp. sect. 5. num. 35.

Obieciens quarto. Pontificem dispensare posse, imò dispensasse in sacrificio ob urgentem aliquam causam, ut fieri possit in vna tantum specie, vini scilicet, vel panis. At fieri sacrificium in vtraque specie est de iure diuino. Ergo iam datur in iure diuino, immediata, & directa dispensatio: sic docuit de hoc exemplo expressè Thom. Sanch. lib. 8. de matrimon. disp. 6. num. 6. & tradit Turrecremata in cap. comperimus, de consecrat. distinct. 2. & Anton. 3. part. tit. 13. cap. 6. §. 1.

Respondeo primò negando Pontificem vnquam dispensasse; quia de tali facto authenticè non constat, imò neque dispensare posse. sic Vasq. tom. de Eucharist. disp. 228. per totam. Basil. de matrimon. lib. 8. cap. 3. fine. Suar. de Eucharist. disp. 43. sect. 4. & de legib. lib. 10. c. 6. num. 21. & alij apud ipsos. Tum quia non potest à sacrificio expressam significationem mortis Christi separare, quae videbatur separata, si in vna tantum specie fieret consecratio; quia in consecratione vnus tantum speciei non satis aperte significatur separatio sanguinis à corpore. Tum etiam, quia non apparet, quare magis in hoc iure, quam in sigillo confessionis, & matrimonio consummato, & in materia Baptismi, & aliorum sacramentorum, non detur dispensatio, si semel ponamus de iure diuino esse consecrationem fieri in vtraque specie.

Secundò respondeo probabile esse posse autoritate Pontificis in vna tantum specie sacrificium offerri, urgenti, graui, & communi bono alicuius provinciae; sed tunc Pontifex non dispensabit in iure diuino, sed declarabit doctrinaliter ad illum casum non se extendere. Pro quo supponendum est in hac sententia offerri sacrificium ex iure diuino esse: ac quod sit in vtraque specie, non esse per se ex iure diuino, sed ex iure naturali dictante, si offeratur sacrificium Deo, integrum, & perfectum esse offerendum. Cum ergo Pontifex permetteret in aliqua provincia sacrificium in vna specie offerri, declarat utique praeceptum naturale sacrificandi integrè ad illum casum non se extendere. sic Suar. lib. 10. cap. 6. fine. vbi aduertit hanc declarationem fieri non posse ab alio praeter Romanum Pontificem, quia est res grauissima, & satis dubia.

PUNCTUM IV.

An in lege humana legislator illius possit dispensare.

- 1 Cuiuslibet legislatori competit potestas dispensandi in suis legibus.
- 2 Pontifex in suis legibus, & in legibus Concilij, & in legibus aliorum Pontificum potest dispensare.
- 3 Episcopus in legibus Synodi diocesanae.
- 4 Alij qui limitant, nisi iuramento sint constitutiones firmatae, sed repelluntur limitatio.
- 5 Secundo limitantur, nisi constitutiones transferant in contrarium. Explicatur limitatio.
- 6 Tertio limitant, nisi fuerint constitutiones à superiore confirmatae. Sed intelligenda est de vera confirmatione.
- 7 An in legibus superiorum non reuerentis expressè, possint inferiores dispensare? Proponitur prima sententia.

3 Probati

- 8 Probabilius est hanc potestatem inferiores non habere, nisi expresse, aut tacite concedatur à superiore.
- 9 Satisfit argum. num. 7. adductis.
- 10 Non potest Episcopus in legibus Concilij provincialis dispensare, aliter, quàm in legibus Pontificijs.
- 11 Idem dicendum est de Archiepiscopo, qui tali Concilio præsuit.

1 **C**onstat legislatori competere potestatem dispensandi, quia ab eius voluntate pendet legum obligatio. Et idem est de successore in iurisdictione; quia reputatur eadem persona cum legislatore. Et idem est à fortiore de superiore legislatoris, ut ex terminis liquet. sic Vasquez *disp. 178. de legibus. cap. 2. Bonacina disp. 1. quest. 2. punct. 5. num. 15. Azor tom. 1. lib. 5. cap. 15. quest. 5. Salas plures referens disp. 20. sect. 3. n. 16. & alij statim referendi.*

2 Ex hac doctrina fit posse Pontificem dispensare in legibus à se latis, quia est earum legislator, & in legibus Concilij generalis, quia est superior, & in legibus aliorum Pontificum, quia est æqualis auctoritatis; nullus enim extra Deum limitare Pontificis auctoritatem potest. Adde posse dispensare in lege qualibet Apostolica humana, ut in lege ieiunij quadragesimalis in observatione diei Dominicæ, in bigamo non ordinando. Quia licet Apostoli in dignitate Apostolica, aliisque prerogatiis fuerint Pontifice superiores, & excellentiores: at in iurisdictione illis Pontifex inferior non est, siquidem non est inferior Petro, in cuius iurisdictionem succedit. sic alios referens tradit Couarr. 4. *decret. 2. part. cap. 6. §. 3. num. 6. Suarez lib. 10. de legib. cap. 14. n. 2. Salas disp. 20. sect. 3. sub num. 16. Basil. lib. 8. de matr. cap. 5. num. 2. Bonacina num. 8.*

3 Secundò fit posse Episcopum, vel Archiepiscopum in legibus Synodi diocesanae dispensare; quia leges synodales sunt leges ab ipsomet Episcopo latae: parochi autem solum sunt consiliarij, non legislatores. sic Navarr. in *summ. cap. 25. num. 74. Azor tom. 1. lib. 5. cap. 15. quest. 3. Thomas Sanchez lib. 8. disp. 17. num. 33. Ioan. Salas disp. 20. sect. 4. num. 43. Suarez lib. 6. cap. 15. num. 8. Basil. lib. 8. cap. 5. num. 3. Bonacina num. 5. Barbosa de potestate Episcopi, 2. part. allegat. 34. num. 3. Quocirca his legibus, quoad vim coactivam non arctantur Episcopi, ut bene notavit Basil. *suprà*. Aduerto non requiri Episcopum esse consecratum, sufficit, si electus, & confirmatus sit; quia potestas dispensandi non est potestas ordinis, sed iurisdictionis. sic Basil. *cap. 4. num. 4. Sanchez pluribus relatis lib. 4. in Decalog. cap. 37. num. 16. & 20. Barbosa 2. part. de potestate Episcopi, allegat. 36. num. 8. & colligitur satis ex cap. cum in cunctis, §. cum vero, iuncta gloss. verb. administrationem, de elect.**

4 Limitant tamen aliqui, dummodo constitutiones non sint à legislatore iuramento firmatae, quia cum ipse sibi relaxare iuramentum non possit, neque poterit dispensationem legis concedere. sic Sylvest. *verbo dispensatio, quest. 13. num. 19. Sayro Thesauri casuum tom. 1. lib. 6. cap. 11. num. 11. Azor lib. 5. institutionum, cap. 15. quest. 7. Barbosa 2. part. allegat. 34. num. 6. Cæterùm admittenda non est hæc limitatio, sicuti neque illam admittit Sanchez pluribus relatis lib. 8. disp. 17. num. 31. Salas disp. 20. sect. 4. num. 42. versic. tertio temperant. Basil. lib. 8. cap. 5. num. 1. & 5. Ratio est, quia iuramentum semper habet subintellectam conditionem æquitatis, hoc est, non esse dispensandum in lege, nisi causa iusta dispensandi interueniat, ut multis probat Farinacius *lib. 1. praxi, quest. 17. num. 15. Item tecum Episcopus dispensare potest in iuramento, sicuti potest cum suis subditis, ut tradit Sanchez disp. 3. num. 8. & nos postea dicemus. Ergo non obstante iuramento poterit legislator in constitutione iurata dispensare, dispensato prius iuramento. Denique iuramentum solum impedi-**

Ferd. de Castro Sum. Mor. Pars I.

re potest, ne licite dispensationem concedat: at valorem dispensationis impedire non potest, quia valor dispensationis in lege propria ex voluntate solum dispensantis pendet.

5 Limitant secundò. Nisi illa constitutio transierit in contractum, & commodum alterius; ut si constitutio facta sit, ut gaudeant immunitate à tributis omnes, qui ad ciuitatem venerint, vel in ea habitauerint, non poterit legislator venientes, vel habitantes legis beneficio priuare. sic Sylvest. *verbo dispensatio, quest. 13. num. 19. Sanchez plures referens num. 29. Barbosa num. 6. Addit tamen Sanchez, & Barbosa ex legitima causa superueniente posse tali constitutioni contravenire legislatorem. Verùm indiget explicatione hæc limitatio: si enim Episcopus, vel alius Princeps animo se obligandi illam constitutionem promulget, absque dubio posita conditione ex parte subditorum obligatus manebit, neque poterit postea resilire, non quia non possit in sua lege dispensare, sed quia non potest dispensare in lege naturali illum obligante seruare contractum initum. At si Princeps nolit, vel non possit se hoc modo obligare: tunc equidem dispensare posset, quia esset dispensatio in propria lege, non in contractu. sic Salas *disp. 20. sect. 4. n. 42. limit. 1. Basil. lib. 6. cap. 5. num. 7.**

6 Tertiò limitant: nisi illæ constitutiones à superiore legislatore fuerint confirmatae. Ut si Episcopales constitutiones confirmet Pontifex, non videtur tunc posse Episcopum in talibus constitutionibus dispensare, quia ex illa confirmatione nouam auctoritatem receperunt, & factæ sunt, quasi leges Pontificiæ. Vnde cum leges Pontificias neque abrogare, neque mutare potest Episcopus, ita neque poterit has à Pontifice confirmatas. sic Boter. *de Synod. Episcop. part. 2. artic. 4. num. 12. Sayrus de censuris, lib. 6. cap. 11. num. 11. Azor lib. 5. cap. 15. quest. 7. Sanchez disp. 17. num. 30. Barbosa allegat. 34. num. 7. At hæc limitatio ut verum habeat, intelligenda est de vera confirmatione, qua Pontifex velit constitutionem inferioris propriam sibi facere, sæpè enim solum intendit constitutionem factam approbare, & quasi laudabilem esse iudicare; non autem nouam vim obligandi tribuere. Quod ita præsumendum est, quoties ante approbationem Pontificiam habebat constitutio vim obligandi. nam si nullam habebat, eo quod non erat lata ab his, qui legem statuere poterant, præsumi debet approbationem Pontificiam expostulatam esse pro vi obligandi. Quapropter tenor confirmationis semper inspiciendus est. sic Salas *disp. 20. sect. 3. num. 29. circa finem. Basil. lib. 8. cap. 5. num. 6.**

7 Difficultas ergo est, an in legibus superioris non reseruatis expresse habeant inferiores Prælati potestatem dispensandi ex suo officio?

Prima sententia docet Prælatum inferiorelem posse in legibus superioris dispensare, si ei interdictum non sit. sic Anton. 1. *part. sit. 17. §. 20. Soto in 4. distinct. 27. quest. 1. art. 4. §. at quo tandem. Couarr. cap. alma, 1. part. §. 7. num. 8. reputat probabile Bonacina disp. 1. de legibus, quest. 2. punct. 1. num. 27. plures adducit Barbosa 2. part. de potestate Episcopi, allegat. 33. num. 17. Et probant primò, quia sine hac facultate non possunt inferiores gubernationi consulere; quia non debent pro quocumque casu ad Principem recurrere; esset enim nimis molestum. Ergo censetur illis concessa. Secundò sæpè reseruat superior sibi dispensationem legis à se constitutæ. Ergo cum non reseruat, censetur illam concedere; aliàs frustra reseruaret, si ex positione tantum legis reseruata esset. Et confirmo ex *cap. nuper, de sentent. excommunicat.* ubi dicitur, cum Pontifex non reseruat sibi absolutionem excommunicationis, eo ipso censetur inferioribus Prælati concedere. Ergo idem erit dicen-*

B b dum

dum in dispensatione. Tertio, quia in votis, & iuramentis inferior dispensat, cum non interdicatur. Ergo etiam in qualibet lege Ecclesiastica, cuius obligatio inferior est obligatione voti, quæ est ex iure diuino. Quarto in obseruatione festorum, & ieiuniorum dispensant inferiores Prælati, quia non interdicuntur. Ergo etiam in aliis legibus. Denique est ratio à priori, quia quilibet Episcopus in sua diœcesi potest quicquid potest Papa in tota Ecclesia, nisi à Pontifice prohibeatur. sic Victor. *relect. de potest. Ecclesia, num. 28.* Sanchez plures referens, 1. *de matrim. disput. 61. num. 3.* Barbosa 2. *part. de potestate Episcopi, allegat. 33. num. 17.* Est enim pastor ordinarius, cui incumbit regimen suæ diœcesis adæquatè. Ergo dum non limitatur, æquè ac Pontifex habet iurisdictionem; hac enim ratione Confessor ordinarius habet potestatem absoluendi ab omnibus casibus, qui Episcopo, vel Pontifici reseruari non sunt; quia est ordinarius. Ergo idem erit dicendum de Episcopo in dispensationibus concedendis.

B Nihilominus probabilius existimo nullum inferiorem habere potestatem dispensandi in legibus superioris, nisi superior expressè, vel tacitè concedat: sic glossa in *cap. cum singuli, §. fin. verbo canonici, de prebend. in 6. & in cap. in quibusdam, de poenis.* Couarr. 4. *decret. 2. part. cap. 6. num. 15.* Ioan. Gutierrez lib. 1. *canon. quest. cap. 5. num. 10.* Basilus lib. 8. *cap. 6. num. 1.* Suarez lib. 6. *de legibus, cap. 14. num. 4.* Salas *disput. 20. sect. 3. num. 20.* Sanchez lib. 8. *de matrim. disput. 5. num. 9. & lib. 2. disput. 40. num. 1.* Barbosa 2. *part. de potestate Episcopi, allegat. 33. num. 18.* Bonacina *disput. 1. quest. 2. punct. 1. num. 27.* & alij apud ipsos, & colligitur satis ex *cap. cum inferior, de maior. & obedient. & ex Clement. ne Romani, de elect.* ubi cauetur inferiorem non posse superioris iura mutare: si autem absque illius consensu tacito, vel expresso dispensationem concedere inferior posset, iam superioris iura sine illius consensu posset mutare. Deinde inferior non potest voluntatem superioris impedire ipso non contentiente; aliàs esset ipso superiore superior. Ergo non potest concedere dispensationem ipso non consentiente; quia per dispensationem impeditur voluntas superioris intendentis obligare. Neque satisfas, si dicas ex vi officij tibi hanc potestatem esse concessam, dum non prohiberis; quia aliàs non bene argueret textus in *cap. dilectus, de temporibus ordinum.* condemnans Episcopum, quod vno die plures ordines sacros conferret, etiamsi de mandato Metropolitani faceret; quia à iure ei non est permillum. poterat enim replicare, sufficit, quod mihi non sit prohibitum. Adde plures esse irregularitates, & inhabilitates à iure statutas, in quibus nequeunt Episcopi ex proprio munere dispensare, quia non inueniuntur concessæ, etiamsi non inueniantur prohibitæ. Requiritur ergo expressa, vel tacita concessio. Denique etsi glossa in *supradicto cap. dilectus, verbo, permissa,* censeat in criminibus posse Episcopum dispensare, nisi expressè ei prohibeatur. At in *cap. at si clerici, §. de adulterijs, de iudicijs,* cum communi sententia docet in criminibus adulterio maioribus dari non posse dispensationem, eo quod non reperitur concessum; bene tamen in minoribus.

9 Neque obstant argumenta contraria.

Ad primum dico plures esse casus, in quibus conceditur inferioribus potestas dispensandi, quibus sufficienter prouisum est gubernationi, de quibus statim dicemus.

Ad secundum referuat quidem dispensationem, ne veniat intelligenda in generali concessione.

Ad confirmationem, ex *cap. nuper,* dico absolutionem excommunicationis concedi, quoties non reseruatur; secus verò dispensatio, quia absolutio non est contra ius, sed potius iuri conformis; ius enim præcipit dispositum absolvere: at dispensatio semper ius violat. Item

absolutio ab excommunicatione, & peccatis ad bonum animæ ordinatur, idèque expediebat facilius concedi, quàm dispensatio. Quapropter non solum Episcopo, sed parochio est concessa, dum non reseruatur; ut constat ex *ex suprad. cap. nuper.*

Ad tertium dico dispositionem in votis, & iuramentis non esse dispensationem in lege superioris, quia nullus dispensat, ut manente voto cesset obligatio, sed est remissio materiæ per votum promissæ, quam remissionem possunt omnes Prælati facere nomine Dei, quoties sibi non interdicatur, quia hoc videbatur expedire communi bono, eo quod frequentissimè occurrat occasio in his dispensandi.

Ad quartum concedo ex tacita concessione Pontificis consuetudine manifestata habere inferiores Prælatos potestatem dispensandi in obseruatione festorum & ieiunij, eo quod hi censentur casus satis frequentes.

Ad vltimum nego illud axioma verum esse, Episcopum in sua diœcesi habere eandem potestatem, ac summum Pontificem pro tota Ecclesia; numquam enim Episcopus potuit committere presbytero sacramentum ordinis, aut confirmationis, quod tamen potest Pontifex, neque potuit dispensare in matrimonio rato, neque definire res fidei, canonizare Sanctos, concedere indulgentias absolute vsque ad plenariam remissionem, instituere censuras, approbare religiones, & alia huiusmodi; solum enim illa propositio habere potest verum in his, quæ ad commune regimen spectant, & antequam à Pontifice lex aliqua constituitur. Nam illa lege constituta ex vi illius limitata est inferioris iurisdictioni, ut non possit circa illam se intromittere. Adde quoties non conceditur inferiori potestas dispensandi in lege superioris, expressè censetur denegata. nam licet non denegetur in particulari, denegatur tamen in genere; eo quod generaliter ius statuatur præcepta superioris ab inferioribus obseruanda esse. *cap. super his, cap. cum inferior, de maior. & obed. & cap. 1. de constit.*

10 Ex his inferitur prius, Episcopum non posse dispensare in legibus Concilij prouincialis, alio modo, quàm potest dispensare in legibus Pontificiis, quia sunt leges superioris. sic Basilus lib. 8. *cap. 6. num. 10.* Suarez lib. 6. *cap. 15. num. 4.* & Doctores referendi corollario sequenti. Concilium enim prouinciale superius est quolibet Episcopo, ut constat ex *totâ dist. 18. & ex cap. saluo, 9. quest. 3. & cap. grane nimis, de prebend.* Item Concilium prouinciale potest condere leges, quas Episcopi obseruare tenentur, & facere obseruari, ut dicitur *cap. sicut olim, de accus. & in Trident. sess. 24. cap. 2.* Adde, tempore antiquo Concilium prouinciale potestatem habebat cognoscendi de causis Episcoporum, & illas terminandi, vsque ad definitiuam sententiam. quod est satis clarum Concilium prouinciale semper fuisse quolibet Episcopo superius.

11 Inferitur secundò. Idem quod dictum est de quolibet Episcopo, dicendum est de Archiepiscopo, qui Concilium prouinciale congregauit, nõ posse, inquam, dispensare in his legibus, quia hæc leges non sunt leges latæ à solo ipso, sed sunt leges latæ à Concilio superiore illius; sunt enim latæ ab alijs Episcopis per modum vnus, omnes enim habent votum decisiuum. *cap. sicut olim, de accus.* Item Metropolitanus solum habet potestatem supra alios Episcopos congregandi Concilium: ut constat ex Trident. *sess. 24. cap. 2.* Deinde, quia ab Archiepiscopo ad Concilium prouinciale datur appellatio, tanquam ab inferiore ad superiorem, ut tradunt gloss. *fin. in cap. à collatione, de appellat. in 6.* Cardinal. in *Clement. 1. §. quod etiam in interdictis, num. 1. notab. 1. de sentent. excommunicat.* ubi Anchar. *num. 5. notab. 5.* & tradit Nauarr. *consil. 6. sub tit. de maior. & obedient. in notis ad, m. 4.* Neque obstat Archiepiscopum esse caput Concilij; quia non est caput Concilij quoad iurisdictionem: non

non enim est in iurisdictione superior ipso Concilio congregato; sed est caput illius quoad vocandum, & congregandum Concilium, & quoad locum sedendi in Concilio, sicut Decanus, & Canonicus senior in Capitulis Ecclesie cathedralis. Neque etiam obstat textus in *cap. grane, de prebendis*, ubi dicitur: Metropolitani delictum superioris iudicio relinquitur ex parte Concilij nuntiandum. Ergo Concilium non est superius Archiepiscopo. Non, inquam, obstat, quia non dicimus Concilium superius esse Archiepiscopo quoad omnes actus, sufficit, si quoad constitutiones ibi ordinatas superius sit, ita ut possit Archiepiscopum compellere ad illarum observationem. Adde, etsi Concilium non posset compellere Archiepiscopum ad constitutionum observationem, propter eius dignitatis reverentiam; sufficit ut eius subditi compellantur à Concilio, quam compulsionem ipse Archiepiscopus tollere non potest, quia non est Concilio superior: & ita tenet Nauarrus *supradicto loco, num. 5.* Suarez *lib. 6. de legibus, cap. 15. à num. 5.* Thomas Sanchez pluribus exornans *lib. 8. disput. 17. num. 36. & 37.* Basilii *lib. 8. cap. 6. num. 11. & 12.* Bonacina *disput. 1. quest. 1. punct. 1. num. 14.*

PUNCTUM V.

An sint aliqui casus, in quibus inferiores potestatem habeant dispensandi in superioris legibus.

- 1 *Propositus primus casus. Cum lex clausula generali dicit, ut dispensari possit.*
- 2 *Limitant aliqui, ut intelligatur de pœnis, quas alij à legislatore imponere possunt. Sed rejicitur.*
- 3 *Secundò limitant, ne in constitutione Concilij generalis intelligatur. Sed non probatur limitatio.*
- 4 *Secundus casus, in quo censetur inferioribus commissa facultas, cum materia legis levis est.*
- 5 *Tertius, si casus frequentes sint.*
- 6 *Quartus, quando leges sunt illius provincie propria, non alij communes.*
- 7 *Quintus, in extraordinario aliquo euentu.*
- 8 *Hic casus limitatur ab aliquibus: nisi inferior totam illam necessitatem moderata aliqua elemosyna, vel diligentia supplere possit.*
- 9 *Sed non approbo limitationem.*
- 10 *Sextus casus, in quo censetur concessa potestas dispensandi, est, cum est dubium an indigeat dispensatione. Et explicatur de dubio probabili, & negatio, quando dispensatio necessaria non est.*
- 11 *Septimus est, si consuetudine praescribitur inferiores in lege superioris dispensare posse.*
- 12 *Hac potestas inferiorum in supradictis casibus ordinaria est. Et inferuntur aliqua notabilia.*
- 13 *Non pendet hac potestas à Capitulo.*

Respondeo plures à Doctotibus assignari. Primus est, si generaliter concedatur facultas: hæc autem concedi potest verbis expressis, & de his nulla est dubitatio, vti conceditur in Trident. *sess. 24. cap. 6.* pro casibus occultis etiam Pontifici reservatis. Potest item concedi verbis aliquo modo dubiis, qualia sunt, si in lege ipsa additur impersonaliter dispensari posse; tunc enim censo inferioribus concedi facultatem, quia illa verba ad alium præter legislatorem referri debent, ne superflua sint. De legislatore namque dubitari non poterat posse in lege sua dispensare. Ergo illi non est intelligenda commissa facultas. Ergo pro aliis venit intelligenda. Item potestas dispensandi amplè est interpretanda, ut in fine huius disputationis dicemus. Ergo pro aliis à legislatore interpretari debet: *Ferd. de Castro Sum. Mor. Pars I.*

& ita tradunt *glossa fin. in cap. penult. de pœnis*, & in *cap. postulasti, verbo dispensatur, de clerico excommunicato ministr.* & in *cap. quisquis, de elect.* Innocent. in *cap. dilectus, de temporibus ordinat.* Felinus in *cap. si clerici, §. de adulteris, de iudic. num. 1.* innumeros referens Sanchez *lib. 8. disput. 5. num. 1.* Salas *disput. 20. sect. 3. num. 21.* Barbosa *2. part. allegat. 33. num. 22.* Suarez *lib. 6. cap. 14. num. 8.* Bonacina *disput. 1. quest. 2. punct. 1. num. 17. versic. addit Sylvest.* Basilii *lib. 8. cap. 6. num. 5.* & alij apud ipsos. Neque obstat textus in *cap. cum ex eo, de elect. lib. 6. & cap. 1. de etate, & qualitate, eodem lib.* ubi concessa facultate dispensandi additur Episcopis, quæ additio videtur superflua, si vera est doctrina tradita. Non, inquam, obstat, quia sæpe in concessione additur Episcopis, ut omnino dubitatio tollatur, quæ esse potest Episcopis non nominatis. hac enim ratione in Trident. dicitur *sess. 24. cap. 6.* liceat Episcopis dispensare in omnibus irregularitatibus occultis, &c.

2 Hanc doctrinam limitant aliqui, ut intelligatur de pœnis, quas alij à legislatore imponere possunt. Nam si pœnam solus Pontifex imponere posset, solus ipse censerebatur habere potestatem relaxandi, quia illius est solvere, cuius est ligare. At hæc limitatio omnino reiicienda est; si ab ipsomet legislatore relaxandi potestas concedatur; quia rationes suprà relatæ omnino pro hoc casu limitant, ut rectè cum aliis notavit Sanchez *disput. 5. num. 4.* Basilii *num. 6.*

3 Secundò limitant, ne intelligatur de constitutione Concilij generalis, sed Pontificij. Nam si sit Concilij generalis, affirmant plures, quos refert Sanchez *n. 5.* non posse inferiorem Prælatum dispensare, nisi clavis verbis illi committatur. & docuit Barbosa *2. part. de potestate Episcopi, allegat. 83. num. 23. & 24.* Mouentur, quia iam illa verba, quibus permittitur dispensatio in illa constitutione, habere possunt aliquem effectum, quin inferioribus concedatur dispensandi facultas. Primus est, ut si abroganda sit, non sit necesse fieri illius specificam mentionem. Secundus est, ut Pontifex facilius dispensationem concedat. Verùm neque hæc limitatio admittenda est; quia si in illa lege permittitur dispensatio non legislatori, qui tali permissione non indiget, sed aliis permittenda est. Adde etiam facta hac permissione, indiget conciliaris constitutio expressa illius mentione, ut derogetur, ut ex his, quæ adducit Barbosa suprà, colligi facile potest, & ita tenent plures referentes Couarr. *cap. alma, 1. part. §. 7. num. 8.* Sanchez *lib. 8. disput. 5. num. 5.* Basilii *num. 6.* Tertio limitant, ut intelligatur in constitutione ligante subditos, secus si ipsum dispensaturum ligaret. Quæ limitatio admittenda est, ne dicamus in proprio facto, & ad propriam utilitatem dispensare. Quod est rationi dissonum; & tradit alios referens Sanchez *num. 3.* Basilii *num. 6.* Ex quo venit intelligendus textus in *cap. 2. de bigamis*, ubi cum Episcopo promouenti ad ordines bigamum, dicitur dispensari posse, non quidem ab ipso Episcopo, sed à Pontifice, qui illi depositionis pœnam imposuit.

4 Secundus casus est, si materia legis levis sit, præsumitur enim legislator inferioribus Principibus potestatem dispensandi concedere. Ratio est, quia esset nimis onerosum ad Principem in minimis recurrere; vel quia in moralibus parum pro nihilo reputatur; vel tandem, quia commissa iurisdictione in minoribus, videntur hæc minora concessa. Et idem est, si lex non obligat ad culpam mortalem, sed solum ad venialem, vel ad nullam, ut contingit in religionibus, quia eo ipso, quod legislator voluit obligationem rigorosam ponere, iudicavit rem tanti momenti non esse, ut dispensatio ipsi maneret reservata. sic Caietanus *quest. 97. art. 4.* Emanuel Saz *verbo dispensatio, num. 9.* Salas *disput. 20. sect. 3. num. 22. & 23.* Suarez *lib. 6. cap. 14. num. 9.* Bonacina

cina *disp. 1. quæst. 2. punct. 1. num. 17.* Basilius *lib. 8. cap. 6. num. 7.*

5 Tercius casus est, si casus frequentes sint; quia non est præsumendum legistatorem velle, ut pro ipsis decidendis ad ipsum sit recursus, esset enim nimis onerosa gubernatio, si gubernatores in his potestatem dispensandi non haberent. Vnde in his admitti potest illa vniuersalis propositio, Episcopum posse dispensare in omnibus sibi non prohibitis. Qua ratione diximus habere potestatem dispensandi in votis omnibus, obseruatione festorum, & ieiuniorum. sic Caietan. 2. 2. q. 143. *art. 4. Nauarr. cap. 21. num. 21. Eman. Saa, Salas, Suarez, Bonacina, Basilius supra.*

6 Quartus casus est. Quando leges non sunt communes aliis prouinciis, sed propriæ vnius; tunc gubernatori illius prouinciæ censetur data facultas in illis dispensandi. Tum, quia ea, quæ sunt propria alicuius loci, vel communitatis, sunt minus nota Principi. *cap. 2. de constitut. in 6.* Ergo credi potest commissam esse gubernatori proprio, qui pleniorum illius loci habet notitiam. Quia eo ipso, quod arctatur lex pro sola illa prouincia, vel congregatione, censetur induere conditiones legis ab illa prouincia factæ, ac proinde dispensari à gubernatore posse causa intercedente: sic Caietan. *quæst. 97. art. 4. Sotus 1. de instit. quæst. 7. art. 3. Valent. 1. 2. disp. 7. quæst. 5. punct. 9. Azor tom. 1. lib. 5. cap. 15. quæst. 7.* Verum mihi probabilius apparet non inferri satis potestatem dispensandi ex eo solum, quod lex pro illa tantum communitate lata sit; quia lata est absolute à legislatore supremo, neque induit conditiones legis municipalis, siquidem abrogari à gubernatore non potest; sicuti poterat lex ab ipso facta. Item et si ea, quæ propria sunt alicuius loci, supremo Principi nota satis non sint: at eo ipso, quod legem posuit pro illa communitate, cognouit communitatem indigere illa lege. Ergo etiam potest velle cognoscere, quando egeat dispensatione: aliàs in omni lege vniuersali ex hoc argumento possit inferri quemlibet gubernatorem dispensare posse; quia dispensatio non generalem conuenientiam totius communitatis ligatæ per legem, sed specialem illius, quo enim est dispensandum, attendit; quæ tamen conuenientia supremo Principi minus nota est, quam speciali gubernatori. sic docet Suarez *lib. 6. cap. 14. num. 10.* inclinatur Salas *disp. 20. sect. 3. num. 22. & 23.*

7 Quintus casus est in extraordinario aliquo euentu, quando urget necessitas dispensandi, estque periculum in mora, neque facile ad legistatorem potest recurri: siue lex sit de matrimonio impediendo, vel de aliqua irregularitate, vel reservatione voti, aut similibus. De omnibus his asseritur posse inferiorem dispensare, si urgeat necessitas; quia tunc ex præsumpta legistatoris voluntate censetur inferiori commissæ dispensandi facultas. Negare enim in his casibus potestatem dispensandi, videretur esse contra charitatem, & suauem Ecclesiæ regimen, & commune bonum, quod non est præsumendum. Adde, sæpe absolutionem alicuius criminis reservat Pontifex sibi, præterquam in mortis articulo: & tamen si ad Pontificem recursus non sit, potest Episcopus absolutionem concedere. Ergo ex necessitate urgenti præsumi potest potestas concessa dispensandi. sic relatis multis docent Thomas Sanchez *lib. 2. disp. 40. num. 3. & lib. 8. disp. 6. num. 20.* Salas *disp. 20. sect. 3. num. 25.* Suarez *lib. 6. cap. 14. circa finem, num. 10.* Basilius *lib. 8. cap. 6. num. 7.* Bonacina *disp. 1. quæst. 2. punct. 1. num. 17.* Vasquez *disp. 178. cap. 2. num. 16.* Barbosa 2. *part. de potest. Episcop. allegat. 33. n. 27. & alleg. 35. à num. 3.*

8 Huic casui adhibet Vasquez supra limitationem, ut intelligatur, nisi tota illa necessitas suppleri possit aliqua moderata eleemosyna, vel diligentia facta ab

ipso Episcopo: tunc enim affirmat Vasquez non posse Episcopum dispensare in lege Pontificia, sed debere pauperiem dispensandorum supplere: consentit Bonacina *supra, punct. 1. circa finem.* Mouentur, quia illa non reputatur necessitas, siquidem ita facile suppleri potest. Et confirmatur exemplo simplicis Sacerdotis, qui secundum probabiliorum sententiam non potest periclitanti beneficium absolutionis impendere præsentem proprio Sacerdote, vel non petita ab illo prius licentia.

9 At hæc limitatio mihi non probatur, sicuti neque probatur à Thoma Sanchez *lib. 4. summ. cap. 40. num. 39. versic. secundo limitantur.* & Salas *disp. 20. sect. 3. num. 27.* Moueor, quia nullus ex innumeris Doctoribus, qui hanc potestatem inferiori concedunt, huius limitationis meminerunt, praxisque Ecclesiæ illi aduersatur. Item, quia licet Episcopus supplere suis sumptibus possit necessitatem illorum, quibus concedenda est dispensatio: at non videtur obligatus illam hoc modo supplere, quia neque obligatur ex virtute misericordiæ, cum dispensandus non indigeat, (ut suppono) ad sui sustentationem illis sumptibus, neque obligatur ex proprio munere Episcopi; quia munus Episcopi est dispensare cum subditis, quando ipsi necessitate dispensationis urgentur, non tamen illius munus est impedire necessitatem dispensationis suis sumptibus. Et per hæc soluitur ratio contraria. Ad confirmationem concedo, præsentem proprio Sacerdote, non posse simplicem, beneficium absolutionis impendere; quin prius simplici constet nolle Sacerdotem proprium absolutionem concedere, quia vsque tunc non constat absoluendum urgeri necessitate. At sicut nolente proprio Sacerdote non tenetur simplex pecunia inflectere, ut velit, neque si absens sit, repetitur sumptus facere, ut veniat, quia ipsi non incumbit tollere necessitatem, sed solum incumbit posita necessitate absolutionem concedere. Ita in præsentem dicendum est.

10 Sextus casus est, cum dubium est, an casus indigeat dispensatione? Et quidem si dubium sit posituum, non excludens probabilitatem, certum esse debet posse dispensandum absque dispensatione operari, nulli enim morali periculo se exponit, sequens opinionem probabilem. sic Bonacina *disp. 1. quæst. 2. punct. 1. num. 18.* & multis relatis Barbosa 2. *part. de potestate Episcopi, allegat. 35. num. 18.* At si dubium sit negatiuum, neque valet iudicium probabile efformare tibi dispensationem supernacaneam esse in tali casu; existimat Bonacina supra, dispensationem petendam esse à Sede Apostolica, ne te exponas periculo faciendo contra legem superioris: & quia praxis ita obrinuit. Cæterum mihi probabilius apparet; si æquè dubium sit, an casus indigeat, vel non indigeat dispensatione, reputandum esse non indigere; quia tunc est præsumptio pro libertate: neque alicui morali periculo faciendo contra legem exponeris; si verò inclines te indigere dispensatione: adhuc existimo te reputari posse non indigere illa, quia non debes censi lege adstrictus, quousque de lege tibi certè moraliter constet. Concesso tamen gratis in illo dubio tibi esse necessariam dispensationem, existimo Episcopalem sufficere: tum quia non videtur Pontifici reservatus casus dubius, sed certus: tum quia potestas dispensandi latè est interpretanda: & ita tradit Emanuel Saa in *utraque editione, verbo dispensatio, num. 1.* Salas reputans probabilem *disp. 20. sect. 3. num. 28.* Barbosa *supra num. 19.* & loquentes de voto reservato tradit Suarez *tom. 2. de relig. lib. 6. de voto, cap. 26. num. 6.* Sanchez *lib. 4. in Decalog. cap. 40. num. 26.*

11 Septimus casus esse potest, si consuetudine præscribatur inferiorem in lege superioris dispensare. Nam

Nam consuetudo legitime præscripta iurisdictionem concedit, ut constat ex dictis de consuetudine: & traditur *cap. cum contingat, de foro competentis*, & aliis ibi per glossam. Ex quo fit parochos, quibus de iure non competit dispensatio, dispensare solere in festorum, & ieiuniorum obseruatione; videbatur enim maximè necessaria illis hæc potestas ob frequentes casus expostulantes hanc dispensationem. sic Sanchez *lib. 8. dispnt. 9. num. 27.* Suarez *lib. 6. cap. 14. in fine.* Basilii *cap. 6. num. 8. lib. 8.* Ad huiusmodi casum reduci potest potestas, quam singuli Episcopi habent pro sua diocesi dispensandi in legibus Concilij provincialis. Erat enim maximè expediens hanc illis Concilium facultatem concedere, ne subditi obligati essent pro dispensatione obtinenda ad Pontificem recurrere, vel aliud Concilium provinciale expectare. sic docuit Suarez *lib. 6. cap. 15. num. 7.* Bonacina *dispnt. 1. quest. 2. punct. 1. num. 14.* Neque valet dicere Archiepiscopum hanc potestatem habere, quia neque à iure illam habet, cum sit inferior Concilio, sicuti reliqui alij Episcopi. Neque à Concilio inuenitur ei aliquo modo specialiter commissa. Quocirca dicendum est cuilibet Episcoporum pro sua diocesi commissam esse. sic Suarez, & Bonacina *suprà*, & multis exornat Sanchez *disp. 17. m. 35. & seq.* & Salas *disp. 20. sect. 4. num. 46.*

12 Aduerto hanc potestatem inferiorum dispensandi in omnibus supradictis casibus debere dici ordinariam, potius quàm delegatam: tum quia conceditur ratione muneris, & officij; tum quia est perpetua, quæ sunt conditiones iurisdictionem ordinariam constituentes, ut tradit glossa *in cap. fin. de offic. ordin.* Felin. *in cap. licet, eodem tit.* plures referens Couarr. 3. *variaturum, cap. 20. num. 6. & 10.* Sanchez *lib. 2. de matrim. dispnt. 40. num. 14.* Suarez *lib. 6. cap. 15. num. 1.* Basilii *lib. 8. cap. 6. num. 9.* Ex quo inferitur primò potestatem, quam habet Legatus ad dispensandum in legibus, & votis, ordinariam esse, quia est annexa illi officio, & muneri in perpetuum. Sumitur ex *cap. quòd translatio, de officio legati.* & tradit Panormitanus *in cap. ult. de transactionib. num. 5.* Speculator *tit. de dispensationib. §. consequitur.* Suarez, & Basilii *suprà*. Secundò inferitur potestatem, quam habent ex priuilegio superiores religionum ad dispensandum cum religiosis, & ad illos absoluendum, esse etiam ordinariam, & non delegatam, quia est in perpetuum concessa: sic ex Collectore priuilegiorum Fratrum minorum, *verbo absolutio ordinaria quoad fratres, in fine, num. 27. dub. 2.* tradit Basilii *suprà num. 9.* Tertiò inferitur posse hanc potestatem delegare. sic Suarez, & Basilii *suprà*. Eman. Rodriguez *tom. 1. qq. regul. q. 22. art. 11. circa fin.*

13 Aduerto secundò, hanc potestatem dispensandi concessam Episcopis, & omnibus illis, qui Episcopali gaudent iurisdictione, non pendere à Capitulo in eius usu. Ratio est, quia nullibi inuenitur apposta talis dependentia, sed potius cum Episcopis conceditur dispensandi facultas, illis absolute conceditur, nulla facta mentione Capituli, ut constat ex *cap. at si clerici, §. de adulterijs, de iudic.* & aliis multis à glossa ibi, & Trident. *sess. 14. cap. 7. & sess. 14. cap. 6. de reformat.* Adde, etiamsi à iure consensus Capituli requisitus esset ad dispensationem (quod non probo) iam consuetudine abrogatum est. sic aliis relatis docet Suarez *lib. 6. cap. 15. num. 10.* Basilii *lib. 8. cap. 5. num. 4.* Neque obstat, si dicas in rebus arduis debere Episcopum Capituli consilium expostulare, ex text. *in cap. penult. 15. quest. 7. & cap. quanto, de his, qua sunt à Pralato sine consensu Capituli.* Nam, ut supradicti Doctores docent, dispensatio non est ex rebus arduis, quæ huiusmodi consensum, vel consilium requirunt; solum enim consensus Capituli requisitus est, quando vellet iuri proprio, & indemnitati Ecclesie, seu Capituli derogare: quod non est, quan-

Ferd. de Castro Sum. Mor. Part 1.

do dispensat cum irregulari ad ordines, vel beneficia, & alia similia.

PUNCTUM VI.

Qui habeant potestatem dispensandi in pœnis à lege statutis, vel ab homine latis.

- 1 Explicatur questio.
- 2 Legislator imponens pœnam, & ante patratum delictum, & post illud dispensare potest.
- 3 Pœnas annexas delicto non possunt inferiores impedire.
- 4 Pœna à lege statuta, & que executioni mandanda est per iudicem, augeri, aut minui non potest ab eo, sine causa.
- 5 Apponuntur tres limitationes superiori doctrina.
- 6 Post latam sententiam, & pœnam inflictam nullus iudex inconsulto Principe potest augere, vel minuire pœnam, spectato iure civili. Secus iure canonico.
- 7 Hæc potestas competit Capitulo Sede vacante, & omnibus illis, qui Episcopali gaudent potestate.
- 8 Inferitur corollarium maximè notandum pro Prælati religionum.
- 9 Limitatur doctrina, dummodo dispensandus penitentiam per aliquot dies egerit.
- 10 Prælatus secum dispensare non potest in pœna, quæ illi per sententiam est imposita.
- 11 Item debet fieri dispensatio absque tertij præiudicio.
- 12 Non extenditur hæc potestas ad crimina adulterio maiora.
- 13 Religiosus condemnatus à Rectore, non potest provincialis renuente Rectore pœnam tollere.

1 **N**on est animus per omnes pœnas sigillatim discurrere; esset enim omnes materias morales huic disputationi immiscere. Solum intendo tradere generalem doctrinam dispensationis pro pœnis contractis. Potestas ergo dispensandi, & sumi potest ante pœnam contractam, vel post illius incurSIONem. Deinde loqui possumus de legislatore imponente illam pœnam, vel de inferiore, aut superiore illius.

2 Dicendum ergo primò est legislatorem supremum, quique pœnam delinquentibus imposuit, posse dispensare, siue ante patratum delictum, siue post illud cum delinquentibus, ne pœnam à se statutam contrahant, nève contractam retineant; quia dispensat in sua lege, cuius obligatio, & punitio ex voluntate ipsius pendet.

3 Dicendum secundò. Si pœna sit à lege, consuetudine, vel statuto imposita ipso iure pro aliquo delicto, quæque nullam iudicis executionem requirit, nullus inferior legislatore impedire potest, ne committens illud delictum talem pœnam contrahat, tum quia nulli habetur talem potestatem inferioribus esse datam: tum quia id non erat expediens, cum pœna ante commissum delictum detinet, ne committatur. Quapropter nullus dicet posse Episcopum impedire, ne percussiens clericum contrahat excommunicationem, & homicidium committens irregularitatem: sunt enim hæc pœnæ delicto annexæ, nulla indigentes executione, sic communiter Doctores. Neque de his est dubitatio.

4 Dicendum tertiò, quando pœna executioni mandanda est per iudicem, & pœna est à lege statuta, non licet iudici absque causa pœnam minuire, neque augere, bene tamen causa intercedente. Priorem partem probat textus, quem mirabilem dicit Accursius *in §. oportet, in antient. de iudic.* ubi iudex non debet esse lege ipsa clementior: & sumitur ex *cap. de causis, de off. deleg. & in cap. licet, & ibi glossa, verbo pœnam pecuniariam, de pœnis.* & probat alios referens Tiraquel. *de pœnis, in præfar.*

B b 3 num. 1.

num. 1. Menochius *de arbitr. lib. 1. quest. 96. n. 10. & seqq.* Farinac. *praxi lib. 1. tit. 3. quest. 17. num. 5.* Ratio est, quia frustra esset poena constituta à lege, si iudici absque causa liceret illam minuere, vel remittere: arbitrio enim iudicis factum committitur, non poena; hæc enim legis auctoritati reservatur, ex *cap. indices, 6. quest. 7. & ex l. si qua poena, ff. de verborum signific.* Posteriolem partem conclusionis, scilicet causa intercedente, posse iudicem poenam à lege statutam remittere, vel minuere, & aliquando augere, docet innumeros referens Farinac. *in praxi quest. 17. num. 7.* Menochius *lib. 1. quest. 96. num. 14. & seqq.* Basilii *de Leon lib. 8. de matrim. cap. 7. num. 6.* Iulius Clarus *quest. 85. vers. ulterius quæro.* & colligitur apertè ex *l. si fenerator, vbi glossa, & Doctores, C. ex quibus causis, l. hodie, ff. de pæn. l. quid ergo, §. poena grauior, ff. de his qui notantur infam. cap. quoniam frequenter, §. fin. vt lite non conest, cap. at si clerici, §. de adulterijs, de iud. & alibi sæpè.* Rationem subdit præ omnibus Farinac. quia delicta diuersis circumstantiis, & qualitatibus perpetrantur, pro quarum diuersitate aliquando fiunt excusabiliora, aliquando grauiora. Expediebat ergo iudici pro grauitate, vel leuitate delicti poenam temperare, vel augere, siquidem à lege temperari, vel restringi non potuit. Neque inde fit (inquit Farinac.) iudicem esse benigniorem lege, nec contra legem venire, vel ab eius dispositione recedere, sed potiùs legem seruare, quæ ita vult, atque disponit non solum in præallegatis iuribus, sed etiam in genere per illam regulam, quod poena est commensuranda delicto. *l. sancimus, C. de pænis, cap. sicut dignum, de homicid. cap. vt clericorum, de vita, & honestate cleric.*

§ Huius conclusionis varias limitationes adducit Farinacius *supradict. quest. 17. per totam*, qui omnino videntur est. Tres tamen sunt præcipuè. Prima, vt procedat in maioribus magistratibus, secus in minoribus, qui etiam ex causa non possunt ordinarias pœnas alterare, nisi vel consulto Principe, vel nisi causa cohareat delicto. sic Farinac. *num. 67.* Menochius *lib. 1. de arbitr. quest. 96. num. 18.* Iulius Clarus *quest. 85. sub vers. ulterius quæro.* Secunda limitatio, vt procedat, nisi statutum expressè prohiberet iudici ne poenam alteraret, vt in *cap. inquisitionis, de accusat. in princ.* & alibi sæpè. tunc nequit contra legem facere, aliàs frustranea esset prohibitio. sic Farinac. *num. 68. 69. & 70.* Tertia limitatio est in pœnis parti applicandis. Exemplum est in statuto mandante vulnerantem puniri poena ducentorum, quorum centum fisco, alia verò centum vulnerato applicentur, non poterit isto casu poenam debitam vulnerato remittere, vel minuere. sic Farinac. *num. 61.* Menochius *dict. quest. 96. num. 1. & 2.* vbi Menochius ampliat doctrinam ad ipsummet Principem, qui si de plenitudine suæ potestatis hanc poenam remitteret, teneretur de suo proprio supplere, aliàs peccaturum mortaliter, cui consentit Grammat. *conf. 34. num. 2.* Dominic. Soto *lib. 4. de iustit. quest. 5. art. 4.* quod intelligendum est, quando sine causa remitteret. nam causa subsistente, scilicet publicæ utilitatis, & bono pacis, optimè potest poenam hanc delinquentibus remittere, vt optimè relatis aliis, docet Farinacius *lib. 1. praxis, tit. 1. q. 6. à num. 22.*

6 Dico quartò post latam sententiam, & poenam inflatam, siue fuerit imposita ad instantiam partis, siue ex officio, attento iure ciuili nullus iudex potest inconsulto Principe poenam impositam minuere, vel augere, aut aliquo modo tollere, quia data sententia functus est officio suo, nec habet vltra quid faciat, constat ex *l. mortis, §. iste ferè ff. de pænis, l. iudex postquam ff. de re iudic. & tradit glossa communiter recepta in l. quid ergo, §. poena grauior, in verbo onerasset, circa princ. ff. de his qui notantur infam.* Couart. *pract. quest. cap. 35. circa finem, & lib. 2. var. resolut. cap. 9. num. 8.* Clarus in *prætic. §. fin. quest. 85. sub*

vers. ulterius quæro. Farinacius *quest. 17. lib. 1. tit. 3. n. 61.* Basilii *lib. 8. cap. 7. num. 7.* At attento iure canonico poterit iudex post latam sententiam poenam minuere, vel aliquo modo in illa dispensare, præcipuè si ex officio in causa processum sit. argument. textus in *cap. commissi, §. necnon, de heret. in 6.* & habetur *cap. at si clerici, §. de adulterijs, de iudic. vbi clericum confessum, & conuictum de adulterio, & ob id depositum ab officio, potest Episcopus peracta poenitentia restituere.* tradit Alciat. *ibi num. 2.* Tiraquel. *de pænis temperand. causa § 3. n. 2.* Basil. *n. 7. & seqq.* Farinac. *n. 61.* Man. Rodriq. *regul. qq. tom. 1. q. 24. art. 18. & alij apud ipsos.*

7 Aduertendum tamen est, hanc potestatem competere Capitulo Sede vacante, & omnibus aliis, qui Episcopali potestate gaudent, quales sunt Prælati religionum, respectu suorum religiosorum, quia hi nomine Episcopi veniunt intelligendi: & tradit Man. *suprà, col. 1.* Sanchez plures referens *lib. 8. disp. 3. à num. 10. præcipuè num. 12. & 13. & lib. 2. summ. cap. 11. num. 4. & lib. 4. cap. 38. num. 17.* Salas *de legib. disp. 8. sect. 16.*

8 Ex quo fit, si Prælatus alicuius religionis ob furtiuum è monasterio discessum, vel mulieris ibi ingressum, vel fornicationem, aut adulterium ibi, vel foras commissum, condemnet religiosum in priuatione vocis actiuæ, & passiuæ, & inhabilitate ad omnia honoris officia, poterit, si religiosus resipuerit, cum illo misericorditer dispensare, sic docet expressè Man. Rodriquez *suprà.* Neque obstat, si poena priuationis, & inhabilitatis apposta per sententiam fuerit, etiam lege aliqua statuta ipso facto, & sub verbis perpetuò, omnino, &c. adhuc poterit Prælatus dispensare, vt relato Abbate, Decio, & Marsilio docet Eman. Rodriquez *suprà, q. 24. art. vlt. §. secundum argumentum.* Basilii *de matrim. lib. 8. cap. 7. num. 18.*

9 Limitanda tamen est hæc quarta conclusio. Primò, vt intelligatur posse Prælatum dispensare cum clerico verbaliter deposito ob adulterium, &c. si poenitentiam egerit, quia ita cauetur in *illo cap. at si clerici.* Nam antequam clericus per aliquot dies poenituerit, non videtur causa adesse dispensationis, nisi fortè à populo expostuletur dispensatio, quia tunc videtur necessariò concedenda, vt tradit Manuel *illa quest. 24. §. aduertendum, fine.* eo quòd videatur populo necessarius, vel utilis talis minister: & utilitas publica honestat dispensationem.

10 Secundò limita non posse Prælatum secum dispensare, si fortè ipse per sententiam priuatus officio sit, aut alia poena mulctatus, quia licet possit cum aliis dispensare, non tamen secum in his, quæ iurisdictionem coactiuam, & sententiam concernunt, vt fit in præsentì, aliàs inutilis, & friuola esset sententia, si ab ipsomet sententiato tolli posset. sic Basilii *cap. 7. num. 17.* & probat textus in *cap. ideo, 2. quest. 6. cap. cum inferior, 16. de maior. & obed.*

11 Tertiò limita, vt procedat dispensatio absque præiudicio tertij; si enim tertio ius esset quæsitum, non posset ex dispensatione tolli, veluti si pendente accusatione impetrasti beneficium clerici in euentu priuationis, vel post condemnationem illius impetrasti, non poterit Episcopus à te beneficium tollere, & dispensatio ad beneficium clerico delinquenti facta de beneficiis obtinendis debet intelligi, non de habitis, & alteri datis, ex text. in *cap. quamuis, de rescript. in 6.* vbi restitutio alicui concessa intelligitur sine præiudicio tertij in iure quæsito, & ex *l. quod si minor 25. §. non semper, ff. de minorib.* & tradit Abbas *cap. at si clerici, num. 18.* Decius *num. 155.* Sahagun *ibi num. 14.* Calderin. *conf. 12. de rescript.* quos omnes refert, & sequitur Basilii *lib. 6. de dispensat. cap. 7. num. 13.*

12 Quartò limita, vt intelligatur posse Prælatum dispensare in poena pro adulterio, & minoribus criminibus

nibus imposita ; secus si pro grauiori crimine imponeretur , constat ex dicto cap. *at si clerici* , §. *de adulterijs* , de iudic. ibi , *De adulterijs vero , & alijs criminibus , que sunt minora , potest Episcopus cum clericis post peractam pœnitentiam dispensare* . Vbi glossa ait , cùm concedatur de minoribus , de maioribus per consequens denegatur . & cap. *qualis* , 25. *distin&ct.* Neque obstat textus in cap. *presbyterum* , 50. *distin&ct.* vbi Episcopus dispensat cum hæretico , quod crimen est longè maius adulterio ; quia non dispensat nisi simul cum Inquisitore , & ex speciali commissione illi facta , in cap. *ut commissi* , §. *ne non* , de *hereticis* , in 6. Neque etiam obstat textus in cap. *si quis presbyter* , eadem *distin&ct.* quia sacrilegium non reputatur ita graue , & reipublicæ damnosum , sicut adulterium , vt tradit gloss. in *supradicto cap. at si clerici* . Quocirca iuxta regulam Alexand. III. in *supradicto cap. at si clerici* , potest Episcopus , & quicumque alius Episcopalem iurisdictionem habens , dispensare in pœnis debitis adulterio , fornicationi , stupro , & perituro simplici , & alijs similibus ; non tamen poterit in pœnis ob perituum qualificatum , simoniam , incestum , sodomiam , aliafinationatum ; quia hæc inter grauissima crimina reputantur . tradit Man. Rodriguez *quest.* 24. *art.* 18. cum Couarr. 4. *decret.* 2. *part.* cap. 6. §. 8. à num. 2. Mandoz. in *praxi signat.* §. *dispensat cum incestuoso* . Salcedo *practic. crimin.* cap. 86. In his , inquam , pœnis poterunt dispensare , si adint conditiones requisitæ à Trident. *sess.* 24. cap. 6. *de reformat.*

13 Dico vltimò pro religiosis specialiter post latam sententiam , & condemnationem factam à iudice ordinario , v.g. à Rectore Conuentus , si velit prouincialis dispensare , vel post latam sententiam à prouinciali , vel lit generalis , id efficere non poterit reuente iudice ordinario : colligitur ex Trident. *sess.* 14. cap. 1. *de reformat.* vbi suspensum ab ordinario non potest Metropolitani , neque alius contra voluntatem ipsius Prælati suspendentis promouere . Ratio est , ne autoritas iudicantis contemnatur à subditis . sic expresse Man. Rodriq. tom. 1. *quest. regul.* q. 22. *art.* 8. vbi aduertit , si condemnans finierit officium suum , posse tunc prouincialem , aut generalem subditum condemnatum à Rectore absoluere , nulla requisita licentia à Rectore moderno , seu ab eo , qui reum condemnauit , quia tunc authoritas Prælati , qui condemnauit non contemnitur , siquidem iam definit esse Prælatus : quæ erat ratio prohibitionis Concilij .

PUNCTUM VII.

Circa quos dispensatio exerceri possit.

VNo verbo respondere possemus , asserentes necessariò circa subditos exercendam esse ; cùm enim actus sit iurisdictionis , & superioritatem ex parte dispensantis , & subiectionem ex parte dispensati importat . Et hinc oritur ratio dubitandi ,

Quinam possint induere hanc subiectionem : an idem respectu sui ipsius .

An vagi , & forenses respectu superioris illius loci .

An suffraganei respectu Metropolitanani .

An religiosi respectu sui Episcopi .

De his ergo sigillatim est dicendum .

§. I.

Quilibet superior secum dispensare potest .

1 De dispensatione indirecta non est dubium .

2 Quoad leges , vota , iuramenta , probabilius est directa dispensatione posse Prælatum secum dispensare .

3 Extenditur doctrina ad Prælatos , religiosos , &c .

4 In censuris non potest secum dispensare .

5 Probabile est posse in irregularitate , inhabilitate , & depositione ipso iure contractis .

1 DE dispensatione indirecta nemini potest esse dubium , secum posse superiorem dispensare . Quando enim Prælatus in lege ieiunij , vel festi concederet dispensationem pro tota ciuitate , vel Conuentu , necessariò in illa dispensatione includitur , sicuti includitur , cùm distribuit indulgentias pro tota communitate , quia ipse est pars præcipua illius ; debet ergo in illa distributione includi . sic Sotus 4. *distin&ct.* 21. *quest.* 1. *art.* 4. in fine *corporis* . Ludouicus Lopez 2. *part. instruct.* cap. 5. col. 32. Suarez tom. 3. *disp.* 82. *sect.* 2. *circa finem* , & loquens de indulgent. 4. tom. *disp.* 52. *sect.* 1. n. 20. Sanchez lib. 6. cap. 12. num. 8. Item nemini esse potest dubium posse alteri vices suas committere , qui dispensationem ei concedat : tum , quia in cap. *fin. de pœnitent. & remission.* datur facultas Prælatis exemptis eligendi Confessorem , qui eos absoluat , ne cogantur superiorem absentem adire . Sed hæc ratio est eadem in dispensatione . Ergo . Tum quia congregatio Concilij decreuit facultatem datam Episcopis *sess.* 24. cap. 6. *de reformat.* absoluendi , & dispensandi sibi subditos posse cum ipsis Episcopis à Confessario ab illis electo exerceri . Tum denique , quia Prælati non debent esse deterioris conditionis , quàm subditi , qui præ manibus habent , quo cum possint absolui , & dispensari ; ipsi verò debeant absentem superiorem querere . sic docet innumeros referens Sanchez lib. 8. *disp.* 3. num. 3. & in *Decalog.* lib. 2. cap. 11. num. 11. Suarez tom. 5. *de censuris* , *disp.* 41. *sect.* 2. à num. 9. Garcia de *benefic.* *part.* 11. cap. 10. num. 139. Augustin. Barbosa ad cap. *Concily sess.* 24. cap. 6. Basil. de Leon lib. 8. cap. 4. num. 9.

2 Solùm est dubium de directa dispensatione , an scilicet quilibet Prælatus possit secum dispensare in legibus , votis , iuramentis , irregularitatibus , & alijs pœnis , in quibus possunt cum subditis ?

Respondeo , quod ad leges , vota , & iuramenta attinet , probabilius credo superiorem secum dispensare posse , sicuti potest cum suis subditis ; est communior sententia , vt multos referentes docent Couarr. cap. *alma* , 1. *part.* §. 1. num. 7. Sanchez lib. 8. *disp.* 3. num. 6. & lib. 4. in *Decalog.* cap. 37. num. 40. Salas *disp.* 20. *sect.* 3. *difficult.* 3. & *sect.* 12. Suarez vbi *suprà* , & de *legibus* , lib. 6. cap. 12. à num. 8. Basilii lib. 8. cap. 4. num. 9. Bonacina *disp.* 1. *quest.* 2. *punct.* 1. num. 9. & alij apud ipsos . Ratio est , quia neque ex iure naturali , neque ex positio repugnat aliquem secum dispensare . Ergo non est negandum superiori . Non , inquam , ex iure naturali , quia si inde repugnaret , id esset , quia dispensatio requirit distinctionem personarum ; eo quòd sit actus iurisdictionis , & nemo videtur in se ipsum iurisdictionem posse exercere , & sibi ipsi subiici . Sed ex hoc capite nulla est repugnantia , quia iurisdic&ctio , quæ requirit distinctionem personarum , est iurisdic&ctio coactiua , nemo enim à se ipso cogi potest . Item est iurisdic&ctio contentiosa , quæ inter partes fieri debet . Item est iurisdic&ctio in actu sententiæ , nemo enim se ipsum sententiare , condemnare , vel absoluere in aliqua causa potest . At iurisdic&ctio , quæ in dispensatione exercetur , neque est contentiosa , neque condemnatiua , aut absolutiua , sed omnino voluntaria . Ergo non repugnat , vt in se ipsum quis illam exerccat . Explico hanc rationem . Hæc dispensatio esse potest in lege propria , vel in lege superioris . In lege propria non est propria dispensatio : nemo enim sua lege propriè , & directè ligatur , sed ligatur lege naturali dictante non esse excusandum ab obseruatione suæ legis , cùm honestam aliquam causam excusationis non habeat : & posito , quòd di-

rectè propria lege esset ligatus, facillimo negotio se ab illa soluere posset, nolens obligari, siquidem ex propria eius voluntate obligatio legis pendet. Si verò dispensatio facienda sit in lege superioris, & ex illius commissione, quid obstat superiorem committere suas vices inferiori, ut quoties sibi visum fuerit dispensare cum subditis, vel secum in obligatione legis, id facere possit? Sic ergo creditur esse commissum, ne superiores deterioris conditionis sint, quàm subditi. Et eodem modo dicendum est in voto, & iuramento: nomine enim Dei obligationem superiores remittunt, quibus à Deo hæc potestas non solum quoad subditos, sed etiam quoad se ipsos censetur concessa. Ex iure autem positivo nullibi inuenitur prohibitum generaliter, superiorem non posse secum dispensare in his, quæ potest cum subditis. Quocirca, si alicubi reperitur prohibitum, ne in se ipsum quis iurisdictionem voluntariam exerceat, id est, in materia ambitiosa, & fraudibus subiecta, non tamen in dispensatione legis, voti, & iuramenti, ut notat ex cap. per nostras, de iure patronatus. ibi, nullus se ingerere debet Ecclesiastica praelationis officijs, & cap. fin. de institutionibus. ubi dicitur cum, qui beneficium conferre potest, non potest se ipsum instituere. Et licet ibi subdatur ratio, cum inter dantem, & accipientem debeat esse distinctio personarum, non est illa ratio generaliter sumenda, sed in illa materia beneficiorum ob inconueniens maximum, quod esset, si Prælati beneficiorum distributor sibi ipsi conferret, ut rectè docuit Abbas suprad. cap. num. 5. & cap. ex litteris, num. 11. & 12. de probationibus. & idem constat ex Clement. 1. de rebus Eccles. non alienand. ubi unio Ecclesie alteri facta de consensu Episcopi, & Capituli valet; secus si ipsi Capitulo unio fieret, eo quod in proprio facto, ut ait glossa, in materia ambitiosa nemo ius sibi dicere posset. In quo sensu explicanda est lex 1. ff. de auctor. & consens. tutor. ubi regula iuris est, in rem suam tutorem auctorem fieri non posse; & alia plura, quæ traduntur à Gothofredo ibi, & l. 9. ff. de pactis. Neque obstat aduersus hanc doctrinam textus in cap. magna, de voto, ubi laudatur Episcopus Trecentis, eo quod noluit se voti obligatione exemptum iudicare absque consilio Sedis Apostolicæ, cum videatur id posse, eo quod causa voti cessarat, uti glossa ait, verbo, consilio. Quia nemo iuramentum, vel votum suum debet interpretari. Non, inquam, obstat, quia ibi laudatur, non quia fecit opus necessarium, sed quia fecit opus supererogationis, & maximè decens.

3 Supradicta doctrina extendenda est ad Prælatos religiosos, generales, prouinciales, priores, rectores, & vicerectores, & qui illorum vices in absentia gerunt; quia hi omnes iurisdictionem habent quasi Episcopalem. sic Sanchez relatis pluribus disp. 3. num. 9. Suarez de legib. cap. 12. num. 12. Basil. num. 12. Salas sect. 12. n. 105. & est expressa sententia D. Thom. 2. 2. quest. 185. art. 8. Et generaliter idem dicendum est de quolibet habente potestatem dispensandi cum aliqua communitate, cuius ipse pars fuerit, censetur & secum posse in eisdem dispensare, ne deterioris conditionis fiat.

4 Dixi Prælaturum dispensare posse secum in lege superioris, & in votis, aut iuramentis à se factis, quæ potest cum sibi subditis, nisi expressè prohibeatur. De censuris autem aliter dicendum existimo: si enim censura aliqua ligatus sit, v.g. excommunicatione, suspensione, aut interdicto, non potest nisi medio sacerdote à se electo absolui; quia hæc tolli non possunt nisi absolutione, & absolutio est quædam sententia, quam in seipsum quis exercere non potest. De irregularitate, depositione, & qualibet alia inhabilitate maior est dubitatio, an possit secum dispensationem facere? Et quidem si per sententiam contraxerit, certum est non posse illam à se immediatè, & directè, nec medio aliquo à se electo tollere; quia illam tollere non potest nisi ex

commissione imponentis, quam non est præsumendum concedere, aliàs frustranea esset eius coactio. Et in hoc sensu verissimum est eius esse soluere, cuius est ligare, cap. cum inferior, de maior. & obediens. & ita notauit Basil. de Leon lib. 8. cap. 6. num. 6. & cap. 7. num. 17. & satis colligitur ex cap. ut si clerici, de indic. cap. 2. de bigamis.

5 At si pœna, & inhabilitas non per sententiam, sed ipso iure incuratur, credo posse Prælaturum secum dispensare, sicut potest cum sibi subditis; quia licet per iurisdictionem coactiuam ligatus fuerit, solui tamen potest, ex iurisdictione voluntaria, & directiua. Item non tam se ipsum soluit, quàm soluit superior, qui pœnam imposuit; ipse enim potuit Prælato committere vices suas, ut dispense in omnibus pœnis, & irregularitatibus tam secum, quàm cum sibi subditis. ex qua commissione ipse secum dispensat. Et ita in hoc casu videntur sentire omnes Doctores in princip. huius §. relati. Siquidem absolute controuertunt, an Prælati secum possint dispensare in omnibus, in quibus possunt cum subditis, & specialiter nominant irregularitates, ut videre est in Sanch. disp. 3. citata, num. 4. Quare solum in casu, quo lex tantum esset pro Prælatis lata, & pœna tantum ipsis imposita, censurerem restringendam esse potestatem, ut relatis aliis docet Sanch. disp. 5. num. 3.

§. II.

An vagi, & forenses possint dispensari à superiore illius loci, in quo de præsentis resident.

- 1 De vagis nullibi habentibus domicilium est certum. De forensibus dubium.
- 2 Prima sententia docet dispensari posse, et si breuissimo spatio commorentur.
- 3 Secunda exposulat, ut illuc confluant animo ibi habitandi.
- 4 Tertia requirit domicilium.
- 5 Qualibet ex his sententijs est probabilis. Placet prima sententia in dispensatione legis municipalis, & communis.
- 6 Pro dispensatione voti, iuramenti, aut alterius singularis impedimenti, non acquiritur sufficiens subiectio ex habitatione transeunte.
- 7 Imò neque ex habitatione diuturna, si domiciliaris non sit.

1 **D**E vagis nullibi habentibus domicilium certum est dispensari posse ab eo loci superiore, ubi resident, sicuti & administrari reliqua omnia sacramenta, ratione enim habitationis subduntur, ut bene dicit Sanch. lib. 3. de matrim. disp. 25. num. 5. & lib. 2. cap. 11. num. 8. & lib. 4. sum. cap. 37. num. 31. Lessius lib. 2. cap. 40. dub. 18. num. 121. De forensibus autem res dubia est.

2 In qua re est prima sententia, peregrinos, & forenses, etiam si breui tempore commorentur, posse à diocesano illius loci dispensari in legibus, votis, & iuramentis, sicuti possunt reliqui alij subditi. sic Basil. lib. 8. cap. 5. num. 7. Mouetur, quia peregrini ratione habitationis subduntur legibus illius oppidi, qua transeunt. Ergo non deficit illis subiectio necessaria ad dispensationem obtinendam. Quod si congregatio Concilij, prout refert Farinac. sess. 24. Trident. cap. 6. declarauit forenses, & peregrinos posse absolui ab ordinario loci, quia transeunt, non tamen dispensari; non est, quia deficiat iurisdicção, & potestas ad concedendam dispensationem; sed quia regulariter deficit causa requisita. Vnde, si causa adesset, credit dispensari posse.

3 Secunda sententia requirit, ut peregrini, & forenses possint dispensari in legibus, votis, iuramentis, & irregularitatibus, ut illo confluant animo ibi habitandi tempore

tempore diuturno, qui animus colligitur satis, si illud confluant expediendi alicuius negotij causa, quod breui expediri non potest. Qua ratione dicunt scholasticos Academicos ab Episcopo illius loci posse dispensari, sicut possunt reliqui. sic docent pluribus relatis Sanchez lib. 3. de matrim. disput. 23. num. 12. & 13. Henriquez lib. 6. de pœnitent. cap. 14. num. 8. Lessius lib. 2. cap. 40. dub. 18. num. 121. Suarez lib. 2. de debus fœtis, cap. 14. à num. 6. & seq. contrarius his, quæ docet lib. 6. de voto, cap. 11. num. 11. Man. 1. tom. summ. noua edit. cap. 55. num. 5. Ratio præcipua est, quia ratione habitationis diuturnæ, præcipue si conducta sit domus, contrahit quis quasi domicilium, & sortitur forum, ita ut possit ibi de alibi gestis conueniri, ut probat Abbas cap. quod clericis, n. 5. de foro competenti. Innocent. aliis relatis cap. ex parte, n. 1. eod. tit. & constat ex l. bares absens, §. proinde, in fine, ff. de iudic. & l. 2. C. ubi de crimine agi oportet. & ibi glossa, verbo dixit, & l. quisquis, C. si certum petatur. & ibi glossa, verb. versatur. Ergo etiam in rebus spiritualibus, quales sunt dispensationes, acquireretur quasi domicilium ex hac diuturna habitatione.

4 Tertia sententia affirmat ad dispensationem obtinendam in legibus, votis, iuramentis, & pœnis contractis necessariò requiri domicilium, neque alio modo subditi potestati dispensandi peregrinum, & forensem. sic docent Abbas, Syluest. Tabiena, Angel. & alij relati à Sanchez lib. 3. disp. 23. num. 11. Suarez lib. 6. de voto, cap. 11. num. 11. Barbosa 2. part. de potestate Episcopi, allegat. 36. num. 18. Fauent huic sententiæ plures declarationes Cardinalium, asserentes hunc forensem non esse subditum illius diœcesani, quoad dispensationem obtinendam; bene tamen quoad absolutionem à peccatis, & censuris, quas declarationes refert Garcia de benefic. 11. part. cap. 10. num. 139. Ratio est, quia vsque acquirat domicilium, non censetur verè subditus illius, quia non censetur esse illius parochianus; ut enim esset parochianus illius, deberet habitare animo ibi perpetuò manendi, sicuti habitat, ubi habet domicilium: hic enim animus ad acquirendum domicilium requiritur, ex l. nihil interest, 15. ff. de captiuis, & postlim. reuerf. ibi, neque enim satis est corpore domum quem rediisse, si mente alienus est; & tradit innumeros referens Sanchez supra n. 1.

5 Quælibet ex his sententiis est satis probabilis: at ut veritas cognoscatur, aliter de dispensatione in lege municipalis, & communi, & aliter in dispensatione voti, iuramenti, & cuiuslibet alterius specialis impedimenti dicendum existimo. Et quidem de dispensatione legis municipalis, & communis affirmo cum prima sententia, dispensari posse forensem à superiore illius loci, sicuti quemlibet alium ciuem; quia ad superiorem illius loci pertinet, ut omnes ibi commorantes leges obseruent. Ergo etiam pertinet causas perpendere, quæ earum obseruationem impediunt, vel excusant. Ergo etiam perpendere causas, quæ petunt dispensationem concedere; ergo & dispensare. Confirmo. Forensem diximus obligari legibus loci illius, qua transit, ne deformitatem causet. Ergo superior loci illius iurisdictionem habet cogendi illum ad talem obseruationem. Ergo & iurisdictionem, ut possit ex causa obligationem relaxare. Aliàs forensis deterioris conditionis esset quolibet incolæ, siquidem esset obligatus legibus, sicut sunt incolæ, & non haberet recursum ad obtinendam dispensationem illarum.

6 De dispensatione autem voti, iuramenti, aut alterius singularis impedimenti, nullo modo credo ex habitatione transeunte acquiri subiectionem sufficientem, ut possit à superiore illius loci dispensari; quia hæc iurisdicção multum pendet ex consuetudine. At hæc consuetudo sufficienter declaratur à congregatione Cardinalium admittente absolutionem propter eius necessitatem, negante tamen dispensationem, quia ita

necessaria non est. Ergo non debet admitti. Item ex transeunte habitatione non contrahitur parochia, ut possit parochus illius parochiæ matrimonio forensis assistere. Quod non leuiter colligitur ex cap. si qui, de sepult. in 6. ubi is, qui habet domicilium in ciuitate, vel castro, quandoque ad villam ruralem se transfert recreationis gratia, vel ut ruralia exerceat, si non electa sepultura decedat, non in Ecclesia diœces villæ, sed in sua parochiali sepeliri debet. Ecce qua ratione non reputatur parochia ea, in qua breui, & transeunter quis commoratur: & docet multos referens Menochius vol. 4. consil. 398. Nauarr. consil. 6. lib. 4. consil. tit. de clandest. desponsat. Denique ordinarius illius loci, etsi possit forensibus, & peregrinis breui tempore commorantibus sacramentum Eucharistiæ, & Pœnitentiæ ministrare, id habet ex concessione proprii ordinarij, propter horum sacramentorum necessitatem; secus verò de sacramentis voluntariis dicendum est. Quapropter Basilius, qui affirmabat cum his dispensare posse ordinarium loci, ubi commorantur, subdit id fieri debere urgente causa, ut si contrahendum esset matrimonium ad restaurationem alicuius damni illati fœminæ, vel ad legitimacionem filiorum parente existente in mortis periculo, in quibus casibus concederem eos dispensari posse non ex iurisdictione, quam per se habent ordinarij loci circa forenses ad hoc voluntaria, sed ex præsumpta voluntate suorum ordinariorum.

7 Ex habitatione autem diuturna, si domiciliaris non sit, probabilius credo non sufficere, ut loci illius ordinarius dispensationem concedat. Moueor præcipue ex declarationibus Cardinalium relatis à Garcia, & Farinac. supra, quæ de hoc casu expressè loquuntur; inquit enim congregatio: Absolvere ordinarius potest ex decreto Trident. in sacramento Pœnitentiæ forensem, qui gerit officium Prætoris, Medici, vel Officialis, qui habet domum, & commoratur in ciuitate, vel diœcesi, & in eis Ecclesiastica sacramenta percipit, non tamen poterit cum eisdem dispensare. Item est alia declaratio: Qui non est subditus Episcopi, puta Medicus, Prætor, & similes cæteri, qui tantum habitant in ciuitate, hoc decreto comprehenduntur, etiam si commiserint crimina in aliis ciuitatibus. Habita tamen hac distinctione, quod scilicet possint absolui in sacramento Pœnitentiæ à suis criminibus, non tamen dispensari. Et ita S. D. N. Gregorius XIII. audita relatione congregationis declarauit. Neque obstat dicere non posse dispensare, deficiente causa; secus illa intercedente. Nam vel est causa sufficiens, ut concedatur dispensatio ab habente potestatem, vel non? si non, nullus poterit dispensare, si adest causa, & est ordinarius, sicuti est ordinarius ille, ubi hic forensis habet domicilium, cur non poterit dispensari? Quod si dicatur ultra causam requisitam ad dispensationem, adesse causam specialem, ut ordinarius illius loci dispenseret, tunc ex præsumpta voluntate proprii ordinarij censerem dispensationem esse concedendam non ex propria iurisdictione; ut dixit Suarez lib. 6. de voto, cap. 11. fine. & Barbosa supra, num. 18. Neque obstat textus in cap. cum nullus, de tempor. ordinat. in 6. ubi dicitur, nullus clericum alienæ parochiæ debeat præter superioris licentiam ordinare. Superior in hoc casu intelligitur, in cuius diœcesi promouendus domicilium obtinet. Cum ergo singulariter de sacramento ordinis dicat in hoc casu superiorem debere esse, in cuius diœcesi promouendus domicilium habet, tacitè censetur ad reliqua sacramenta recipienda, & dispensationes obtinendas superiorem habitationis saltem diuturnæ sufficere. Non, inquam, obstat, quia per illa verba in hoc casu voluit Pontifex distinguere sacramentum ordinis, à reliquis sacramentis, præcipue Pœnitentiæ, & Eucharistiæ, circa quorum administrationem ex habitatione etiam transeunte acquiritur iurisdicção. Adde nihil

nihil ibi Pontifex de aliorum sacramentorum administratione intendit disponere, sed solum, quid in administratione ordinis seruandum sit, decidit, alia relinquit dispositioni iuris.

§. III.

Quid dicendum de subditis suffraganeis, an possint à Metropolitano dispensari?

1. Resoluitur non posse.
2. Enumerantur casus, in quibus potest.

1. **D**icendum est non posse; quia Metropolitanus non habet in suffraganeos potestatem, nisi in aliquibus casibus à iure concessis, ut dicitur in *cap. pastoralis. de officio ordinarij. ibi, cum tamen exceptis quibusdam articulis nullam habeat potestatem, cap. 1. in princ. de foro competent. lib. 6. cap. de eo, de officio ordinarij. & cap. nostra, de poenitent. & remiss.* ubi conceditur tanquam quid speciale posse in suffraganeis Ecclesiis indulgentias concedere. Signum ergo efficax est alia non posse. & ita tradunt ex communis sententia Syluest. *verbo votum, 4. q. 3. Sayrus lib. 6. cap. 11. num. 79. Suarez lib. 6. cap. 10. num. 8. Barbosa 2. p. de potest. Episc. alleg. 36. sine, num. 20. Basil. lib. 8. cap. 5. num. 9. Thom. Sanchez alios referens lib. 4. summ. cap. 38. num. 11.*

2. Casus autem, in quibus Archiepiscopus cum suffraganeis subditis dispensare potest, sunt. Primus, si per appellationem ad ipsum causa deuoluta sit, eo quod nolit inferior dispensationem concedere, sic communis sententia in *cap. 1. de officio legati, & cap. duo, de officio ordinarij.* Secundus, si inferior remissus sit in concedenda dispensatione, & ob eam causam impleretur Metropolitanus potestas, & iurisdicção, etiam si legitima appellatio non interueniat, & hanc causam sufficere, ut Archiepiscopo iurisdicção deferatur, videtur docere glossa in *cap. Romana, de supplenda negligentia Prælati. & Panorm. in cap. ex frequentibus, de institutione.* At hoc sustinendum non est, nisi causa concedendi dispensationem, sit ita necessaria, ut teneatur suffraganeus illam concedere, idque manifestissimè constet, & notorium sit; tunc enim illa negligentia sic manifesta vicem gerit appellationis, alias ad Metropolitanum deferri non poterit iurisdicção. Scio tamen non deficere authores, qui solum ex eo quod inferior renuat dispensationem concedere, causa dispensandi interueniente, posse Metropolitanum auxilium implorari, ut ex misericordia dispense, vel faciat, ut inferior dispense. sic docuit Henriquez *lib. 14. de irregular. cap. 18. n. 3. Auila de censur. 7. p. disp. 10. dub. 6. notab. 2. circa primam conclus.* Sanch. illos referens, & sequens, *lib. 4. sum. cap. 38. num. 12.* Sed quod diximus tenendum est ut probabilius, scilicet non posse, nisi causa ita necessaria sit, ut male faciat inferior dispensationem denegans, idque manifestum sit, quia alio modo negligens reputari non potest inferior, ut loco illius Metropolitanus subrogetur. Tertius casus est, dum Metropolitanus visitat, quia tunc videtur esse superior. At tunc non est superior ad dispensandum, sed solum ad absolvendum, *cap. fin. de censib. in 6.* Aliàs posset dimissorias concedere, quod communiter reprobat. sic tradit Suarez *tom. 5. de censur. disp. 41. sect. 2. num. 12. & tom. 2. de relig. lib. 6. de voto, cap. 10. num. 9. Basil. lib. 8. cap. 5. num. 11. Sanchez num. 14.* Quartus casus est respectu Episcoporum, qui ei suffraganei sunt, quorum comparatione dicitur superior; cum his enim poterit dispensare, non solum dum visitat, sed etiam alio tempore. sic tenet Henriquez *lib. 14. de irregularit. cap. 18. num. 3. Angel. Anton. Paludan. Sayrus relati à Sanchez lib. 4. sum. c. 38. num. 16.* quam ipse probabilem reputat, consentit Auila *de censur. 2. p. cap. 7. disp. 1. dub. 10. conclus. 3. & p. 7. disp. 10.*

dub. 6. notab. 2. circa 1. conclus. licet limitet tempore visitationis. At credo hunc casum admittendum non esse, sicuti neque admittit Suarez *lib. 6. de voto, cap. 11. num. 3. Basil. lib. 8. cap. 5. num. 10.* Tum, quia ex iure non constat hæc potestas, tum quia non est necessaria. Nam vel dispensatio concedenda est in legibus Archiepiscopi, & his non ligantur Episcopi, neque illius suffraganei: & sic pro his nulla est dispensatio necessaria, vel concedenda est dispensatio in legibus Pontificiis, & Concilij generalis, & in his æquè omnibus inferioribus est interdicta dispensandi potestas. Quando verò Archiepiscopus cum suis subditis in his dispensare potest, & potest etiam Episcopus cum suis subditis, & secum. Ergo nullo casu hæc potestas necessaria est. Et idem est de votis, iuramentis, & irregularitatibus.

§. IV.

Cum religiosis quoniam possint dispensare in votis, iuramentis, & poenitis.

1. De religiosis exemptis procedit dubium.
2. Hi religiosi à suis Prælati possunt dispensari.
3. Ab Episcopo non possunt hi religiosi absque suorum Prælatorum licentia dispensari.
4. Si iniuste hac licentia negatur, potest religiosus Episcopum adire. Secus si iuste negatur. Et in casu dubio presumendum est pro superiore.
5. Si non potest Prælati religiosorum adiri, poterit tunc Episcopus.
6. Limitatur conclusio: nisi religiosus possit adire intra religionem superiorem alium Prælatum.
7. Quando nullus religionis Prælati cum religioso dispensare potest, potest ipse de licentia sui Prælati Episcopum adire.
8. Ex privilegijs religionum omnes possunt de licentia sui Prælati Episcopum adire pro dispensatione obtinenda, tamen si iure communi eis prohibitum sit.
9. Religiosi, & seculares subiecti Prælati ordinum militantium, quibus non competit potestas absolvendi, & dispensandi in Trident. concessa, possunt de licentia suorum Prælatorum adire Episcopum.

1. **L**oquimur de religiosis exemptis à iurisdictione Episcoporum, quales communiter sunt hodie omnes. nam si aliqui sunt Episcopo subiecti, reputantur ac alij clerici sæculares in ordine ad dispensationem, ita ut nihil in hac parte poterit Prælati regularis, quia non gaudet iurisdictione quasi Episcopali, quæ ad hanc dispensationem concedendam requiritur, sic Suarez *lib. 6. de voto, cap. 10. num. 14. & 15. Nauarr. summ. cap. 12. n. 75. Thomas Sanchez lib. 4. summ. cap. 39. num. 9.*

2. De religiosis ergo exemptis tenendum est posse ab ipsorum Prælati dispensari, quatenus est ex parte iurisdictionis; quia eam habent respectu suorum religionum, sicut Episcopus in clericos, docuit Sanchez *n. 3. Nauarr. Suarez, Lessius, & alij plures ab eisdem relati.* Quod non solum de superioribus Prælati, sed etiam de inferioribus, quales sunt conventuales Prælati, Rectores, vicerecores, dum rectores absunt, respectu suorum subditorum, qui hi iurisdictionem quasi Episcopalem habent in subditos; cum hac tamen subordinatione, ut possit eorum iurisdicção à superioribus Prælati limitari. sic Sanchez *lib. 4. summ. cap. 39. num. 5.* Quocirca cum religiosus subiectionem Prælati amittit, eo ipso Prælati non poterit ullam cum illo dispensationem exercere, utpote, quæ in iurisdictione fundatur. Sic non poterit religionis Prælati dispensare in votis, poenitis, vel aliis inhabilitatibus sui religiosi iam Episcopi, quia exemptus est à iurisdictione religiosa. Similiter non poterit dispensare cum eiectione in perpetuum, quia

quia religio illius iurisdictionem abdicauit, & sic subditur Episcopo, sicut quilibet alius clericus secularis. Sanchez num. 13. & 14.

3 Difficultas autem est de Episcopo, & Archiepiscopo, an in religiosos exemptos potestatem habeant dispensandi, sicuti habent in seculares clericos? Et primò tanquam certum tenendum est, absque licentia sui Prælati non posse religiosum ab Episcopo dispensationem ullam impetrare; quia illa exemptio, quam religiosus habet ab Episcopali iurisdictione, non tam est in fauorem ipsius religiosi concessa, quam in fauorem totius religionis. Nequit ergo pro suo arbitrio sine voluntate Prælati huic priuilegio cedere, & iurisdictioni Episcopali se submittere. Adde hanc renuntiationem cedere in non leue detrimentum religiosi status; esset enim contraria quieti, & tranquillitati, & subiectioni debitæ religioso Prælato, non ergo est concedenda. sic Sanchez lib. 4. summ. cap. 39. num. 27. Basil. lib. 8. cap. 5. num. 13.

4 Sed quid si Prælatus regularis nolit, vel non possit subdito dispensationem petiram concedere; poteritne tunc religiosus Episcopum adire?

Respondetur primò, si iniuste neget, posse, quia tunc præsumitur Pontifex licentiam concedere, & exemptionem tollere; cum enim hæc exemptio pro bono religionis, & religiosi concessa sit, non debet in eorum damnum veti, esset enim non leue damnum tum religioni, tum religioso, si negata iniuste licentia cogereetur religiosus pro dispensatione, vel absolutione obtinenda euagari, & Pontificem adire. Debet autem, vt per episcopiam hæc licentia Pontificis præsumatur, constare subdito licentiam à Prælato regulari iniuste negari: nam in casu dubio an iuste, vel iniuste neget, possidet lex exemptionis in fauorem religionis facta, ac proinde non poterit adiri Episcopus. sic Mol. tom. 4. de iustit. tract. 3. disp. 61. num. 5. Thom. Sanchez lib. 4. summ. cap. 39. num. 36. Basil. lib. 8. cap. 5. num. 14.

5 Dico secundò, si non possit Prælatus dispensare cum religioso, eo quòd excommunicatus denunciatus sit, aut defunctus, aut longè abest, neque est alius, qui eius vices gerat (quod rarò potest contingere) tunc poterit Episcopum religiosus indigens dispensatione adire ob rationem dictam; quia præsumitur Pontifex ob bonum religionis, & religiosi in hac parte exemptionem tollere, sic relator Henric. Antonin. Syluest. docet Sanchez num. 35. Basil. num. 15.

6 Vtramque conclusionem limitat Sanchez num. 38. cum Mol. supra num. 3. Basilio num. 15. vt intelligatur casu, quo in Prælato superiore non esset potestas absoluendi, vel dispensandi. nam si hæc esset, debebat religiosus prius ad illum recurrere, quàm ad Episcopum, quia dum intra religionem, remedium querere potest religiosus, non est censendum Pontificem tollere exemptionem, tum quia id noceret debitæ subditorum subordinationi, tum quia frustranea esset casuum reseruatio facta superiori Prælato, si religiosus adire posset Episcopum pro illius absolutione, & dispensatione, quoties immediatus Prælatus non potest, vel non vult dispensare. Placet mihi hæc limitatio adhibita moderatione, quam Basil. apponit, scilicet, nisi necessitas urgeat impetrandi dispensationem, & superior Prælatus longè abest, & facile adiri non possit, cui moderationi non videtur contradicere Sanchez & Mol. supra.

7 Quòd si nullus religionis Prælatus possit subditum absolvere, vel dispensare, probabilius existimo de licentia sui Prælati posse religiosum adire Episcopum pro absolutione, vel dispensatione obtinenda; quia adire hoc modo Episcopum non obstat priuilegio exemptionis; siquidem præsumi potest fieri ex licentia religionis cuiuslibet Prælato communicata. Neque etiam obstat bono regimini illius, & debitæ subditorum obedientiæ, cum ex licentia superioris fiat. Ergo. Adde præsumi

posse Pontificem hoc modo priuilegium exemptionis concedere, scilicet, nisi aliter visum fuerit Prælatis expedire. Aliàs in hoc casu deterioris conditionis essent religiosi quolibet seculari, cum non possint à suis Prælatis, neque ab Episcopo absolutionem, vel dispensationem impetrare, sicuti possunt seculares, sed debent necessaridò contra suum institutum euagari, & Sedem Apostolicam adire. Ne ergo hoc inconueniens sequatur, dicendum est de licentia sui Prælati posse Episcopum illos absolvere, & dispensare. sic alios referens Auila de censuris, 2. part. cap. 7. disput. 1. dub. 6. Hensiquez lib. 14. de irregular. cap. 10. num. ult. & lib. 6. de penitent. cap. 16. num. 8. & lib. 10. de sacrament. ordin. cap. 20. num. 2. Suarez de penitent. disput. 30. sect. 2. num. 3. qui dicit ita esse in praxi receptum, & tom. 5. de censuris, disp. 41. sect. 2. num. 12. plures referens Sanchez lib. 4. summ. cap. 39. num. 32. Molin. disput. 61. citata, num. 4. Basilius de Leon num. 16.

8 Aduerto tamen, etsi de iure communi non possent religiosi ex suorum Prælatorum licentia Episcopum adire pro dispensatione obtinenda: at ex priuilegiis à Sede Apostolica concessis rectè possunt. est enim omnibus ferè religionibus hoc priuilegium concessum, vt testatur Corduba in compendio priuilegiorum mendicant. in suis addit. verbo absolutio ordinaria quoad fratres, §. 1. & ex illo tradit Sanchez n. 31. Basil. n. 18.

9 Aduerto secundò cum Basil. de Leon illo cap. 5. n. 21. religiosos, & seculares subiectos prioribus ordinum militarium, quibus non comperit potestas absoluendi, & dispensandi subditos in casibus commissis à Trident. Episcopis; posse de licentia suorum Prælatorum ad Episcopum recurrere, pro dispensatione, vel absolutione obtinenda, quia non debent deterioris conditionis esse aliis secularibus. Episcopus autem (inquit Basil.) erit ille, in cuius diocesi commorantur, aut si nullius diocesis sint Metropolitanus, tamquam ad ordinarium Metropolis, vel nuntius, qui si potestatem habeat Legati à latere, potest etiam & religiosos quoslibet absolvere, quia est legitimus exemptorum superior, vt bene dicit Sanchez lib. 4. summ. cap. 39. num. 25. Imò existimat posse hos subditos remitti ad vicinum Episcopum, etiam si illius diocesis non sint. Tum quia ista subiectio fit tantummodo ex voluntate Prælati, quoad hunc effectum. Tum etiam, quia nisi fuisset priuilegium exemptionis, ad illum iure communi illi exempti pertinerent.

PUNCTUM VIII.

De causa requisita ad dispensationem.

Dispensatio esse potest in legibus propriis, & obligationibus inde consurgentibus, vel in legibus superioris. Item causa requiri potest, vt licitè dispensatio concedatur, & vt validè concedatur.

§. I.

Quæ causa requiratur pro dispensatione propriæ legis.

- 1 Vt valida dispensatio in proprijs legibus sit, nulla causa requiratur.
- 2 Sine causa concedens dispensationem peccat.
- 3 Proponitur obiectum, & soluitur.
- 4 Aliquis placet hoc peccatum mortale esse.
- 5 Probabilius est esse tantum veniale.
- 6 Quid dicendum de Principe sine causa dispensante.
- 7 Vtens ne dispensatione sine causa data, an peccet? Placet aliquibus venialiter ad minus peccare.

8 Proba

8 Probabilius credo nullum committere peccatum.

1 **P**rima regula sit, nullam causam requiri, ut valide legislator in propria lege dispense: sic tenet innumeros referens Salas *disp. 20. sect. 4. num. 37.* Sanchez *lib. 8. disp. 17. num. 24.* Suarez *lib. 6. de legibus, cap. 19. num. 6.* Basilii *lib. 8. cap. 14. num. 7.* Couarr. *2. p. de matrim. cap. 6. §. 9. num. 8.* Ratio est, quia voluntate Principis lex constituitur, & ex illa integrè pendet eius obligatio. Ergo si Princeps velit ab obligatione eximere aliquos, aliis obligatis manentibus, exempti erunt ab obligatione, quæ non solum verum est in supremo legislatore, sed etiam in quolibet alio inferiore respectu propriarum legum. Nam ratio facta æquè de omnibus probat. & ita docet Sanchez *illa disp. 17. num. 27.* Salas *sect. 4. num. 42.* Basilii *num. 7.* Quocirca Episcopi, & Archiepiscopi dispensatio in legibus suis, vel Synodi diocesana concessa sine causa valet, etiam si leges iuramento firmatæ sint; quia esto periurium committat: at dispensatio, utpote in re propria, & in propria voluntate tenet. Adde secum posse in iuramento dispensare. Deinde est valida dispensatio propriarum legum, esto confirmatæ sint à Pontifice, dummodo confirmatio solum sit approbatiua, non authoritatiua, qua illas leges sibi Pontifex proprias facit, ut bene notat Salas, & Basilii *supra.*

2 Secunda regula sit. Legislator dispensationem sine iusta causa concedens peccatum committit. sic D. Thomas communiter receptus *1. 2. quest. 97. art. 5.* Vasquez *disp. 178. cap. 3. & 4.* Sanchez *lib. 8. de matrim. disp. 18. num. 3.* Salas *disp. 20. sect. 5. num. 50.* Suarez *lib. 6. de legibus, cap. 18. n. 4.* & alij innumeri ab eisdem relati: neque contrarium, ut probabile defendi potest. Et probatur ex *l. 4. in princ. ff. de damno infect.* ibi, *prætorum posse definitum terminum ex causa dari. & ex l. delegati, in fine, ff. de pænis.* ibi, *Nemo potest commeatum, remeatumve dare exuli, nisi Imperator ex aliqua causa.* Idem colligitur ex text. in *cap. quod pro remedio, & in cap. necessaria, 1. quest. 7.* & præcipuè ex Trident. *sess. 23. cap. 1. de reformat. & sess. 24. cap. 5.* loquens de matrimonij impedimenti, *vel nulla*, inquit, *dispensatio de iur. vel raro, idque ex causa.* & *sess. 25. cap. 14.* petitur causa ad dispensandum, & *cap. 18.* dicitur, quod si virgens, iustaque ratio, maiorque quandoque expositulauerit, cum aliquibus dispensandum esse, id causa cognita, & summa cum maturitate à quibuscumque ad quos dispensatio pertinebit, præstandum est. Et ratio est manifesta, quia si Princeps sine causa ab obligatione legis communis te eximit, inæqualitatem facit, & aliquo modo vitium acceptionis personarum committit, & occasionem aliis præbet querelas efformandi, cum videant se esse sub onere legis, à qua tu sine speciali causa exemptus es: quæ omnia sunt contra rationem. Ergo non potest Princeps, qui debet esse fidelis, & prudens obligationum dispensator, hanc facere inæqualitatem.

3 Neque obstat, si dicas obligationem pendere ex voluntate legislatoris, qui sicut potuit pro libito illam imponere, ita potest eam abrogare, vel dispensare. Quia nunquam potuit absque causa boni communis legem imponere, neque absque illa (ut multi docent) abrogare, neque cum aliquo dispensare, si causa, quæ saltem mediata cedat in bonum commune, non intercedat; quia iure naturæ obligatur bono communi prospicere, cui non satis consuleret, si pro libito ab obligatione legis aliquos eximere posset. Item neque obstat Deum posse pro sola sua voluntate à legum obligatione aliquem eximere, ut dicamus etiam legislatorem humanum id ipsum posse, quia voluntas divina est summa regula bonitatis, quæ tamen non est humana. Item legislator humanus tenetur tam in legis impositione, quam in illius dispensatione bono communi prospicere, quia est

dispensator bonorum communium, cui tamen bono Deus non tenetur attendere, sufficit, si bono speciali alicuius prospiciat, quia est dominus omnium. Neque obstat etiam posse Principem tributa sibi debita debitori remittere absque vlla alia causa, præter eius voluntatem, & ut illi beneficiat, ut inde inferas posse à legis obligatione debitorem remittere, quia in remissione tributi debiti habet se Princeps ut priuata persona: at in exemptione à lege non personam priuatam, sed communem induit. Tandem non obstat plures dispensationes in gradibus prohibitis à Pontifice exposulari, nulla tamen causa assignata, quia licet non assignetur causa, non tamen sine causa conceduntur; pro causa enim concessionis succedit copiosior elemosyna à dispensato donata in sumptus publicos, sicuti pro causa concedendi privilegium Bullæ succedit elemosyna à quolibet Bullam sumente tributa.

4 Sed inquirens, quod peccatum sit dispensationem sine causa concedere? Plures affirmant ex genere suo esse mortale. sic Couarr. *4. decret. 2. part. cap. 6. §. 9. num. 7.* Manuel Rodriguez *1. part. summ. cap. 196. fine. in 2. edit.* Suarez *lib. 6. de legibus, cap. 18. n. 17.* & alij plures, quos refert Sanchez *lib. 8. disp. 18. num. 6.* Mouentur præcipuè ex Trident. *sess. 25. cap. 5. de reformat.* ubi grauiter prohibet dispensationem sine causa datam: & ratio assignatur in *dict. sess. 25. cap. 18.* cum dicit, dispensare sine causa nihil aliud esse, quam unicuique ad leges transgrediendas aditum aperire. Negari enim non potest inde sumi occasionem minoris obseruantie.

5 Cæterum verius credo solum esse peccatum veniale ex genere suo, si secludamus scandalum, & damnum notabile aliorum. sic docet Sanchez plures referens *num. 7.* Salas *disp. 20. sect. 5. num. 55.* Valent. *1. 2. disp. 7. quest. 5. punct. 9. ad finem.* Nauarr. *prælu. 9. num. 11. & cap. 12. num. 57.* Basilii de Leon *lib. 8. cap. 14. num. 4.* Ratio est, quia non videtur grauis de fornicitas partem toti non se conformare. Ergo secluso scandalo, & damno aliorum non est graue peccatum sine causa dispensationem concedere. Quocirca si ex concessa dispensatione sine causa, sumerent dispensati occasionem grauem contemnendi legem; tunc certe teneretur Princeps sub mortali dispensationem talem negare. Et idem est, si graue damnum Ecclesiæ, vel subditis ex tali dispensatione proveniret, & sine dubio proveniret, si cum Sacerdote absque vlla causa dispensaretur in cœlibatu, vel in recitatione continua horarum, vel in pluralitate beneficiorum. Et ex his soluitur fundamentum contrarium. Ideo enim Concilium prohibet grauiter dispensationem sine causa, quia ex illa oriuntur supradicta inconuenientia. Quare in casu, in quo illa sequuntur, erit mortale. Adde inferioribus præcipi grauiter posse, ne dispensationem sine causa concedant, quia hi mortaliter peccant, ut dicemus, eo quod nulla sit dispensatio.

6 Ex his inferitur Principem secum sine causa dispensantem in legibus, quas ipse debet ex honestate obseruare, peccare mortaliter, vel venialiter, iuxta diuersas sententias nuper relatas, quia iure naturæ tenetur non discordare à subditis sine causa. Quod si dicas, posita secum dispensatione, iam discedit cum causa, obstat, quia hanc dispensationem concedere sibi non potest, & concessam tenetur reuocare. Secundò inferitur subditum petentem dispensationem sine causa peccare eodem genere peccati, quo peccat superior illam concedens; quia petit rem intrinsecè malam. Contingere autem potest, ut excusetur subditus, si ignorantia inuincibili laboret, & non excusetur superior cognoscens causam non adesse. Et contra contingere potest, ut excusetur superior putans esse causam, cum tamen subditus non excusetur, qui optimè nouit causam non adesse. sic Suarez *lib. 6. cap. 18. num. 12. & 13.* Basil. de Leon

lib. 8.

lib. 8. cap. 14. num. 5. Cum autem superior cognoscit causam non adfuisse ad dispensandum, dispensationem datam tenetur reuocare, quia semper tenetur consulere, ut subditi uniformiter uiuant, & legibus communibus æqualiter obligentur, nisi iusta causa excusans intercedat. sic Basiliius *suprà*.

7 Inquires secundò, an vtens dispensatione sine causa à legislatore concessa in propria lege peccet? Aliqui existimant peccare ad minus venialiter, tum quia cooperatur dispensationi iniquæ superioris, illam acceptando, tum quia non se conformat aliis subditis. Tum denique, quia superior ipse vtens tali dispensatione peccaret. Ergo. sic Couarr. in 4. decret. 2. part. cap. 6. §. 9. num. 7. Ledesma 2. p. 4. q. 17. art. 3. fol. 204. col. 3. Sanchez lib. 8. disp. 18. num. 12. Salas disp. 20. sect. 6. num. 59. & alij apud ipsos.

8 At credo satis probabile esse sic vtentem dispensatione valida non peccare, nec venialiter; sic ex communi Canonistarum tradit Emanuel tom. 1. reg. 99. q. 22. art. 4. summa corona. cap. 1. de cognoscend. peccat. num. 32. Viuald. appendice ad candelab. cap. 12. num. 8. & 22. Nauarr. cap. 12. num. 57. Basiliius de Leon lib. 8. cap. 14. n. 5. Suarez lib. 6. cap. 19. num. 14. Vasquez disp. 178. cap. 4. Salas n. 60. & alij plures ab eisdem relati. Et ratio est efficax, quia nec peccat contra legem positiuam, quæ iam non est, neque etiam contra naturalem, quia dispensatus non tenetur ex iure naturæ se aliis conformare; habet enim causam legitimam exemptionis, scilicet dispensationem validam, etiam si illicitè obtentam. In quo est valde diuersa ratio subditi, & superioris. Superior namq; vtens dispensatione sibi sine causa in lege concessa, peccat, quia tenetur dispensationem reuocare, & potest: at subdito non incumbit tale onus. Neque etiam esse potest peccatum, quia cooperatur dispensationi iniquæ à superiore concessæ, quia solum cooperatur, cum petit, perita iam, & concessa vititur illa, qui vsus non videtur specialiter esse prohibitus.

§. II.

Quæ causa requiratur pro dispensatione legis superioris.

- 1 In lege diuina, & naturali qualibet dispensatio sine causa inualida est.
- 2 Idem est de dispensatione inferioris in lege superioris.
- 3 Aliqui temperant, nisi inferior habeat plenitudinem potestatis. Sed reiicitur.
- 4 Secundò limitant alij, nisi in facultate dispensandi exprimentur nomina, quibus dispensatio est concedenda, & non exprimat causa cognitio. Sed non admittitur limitatio.
- 5 Tertiò limitant alij, nisi bona fide inferior processerit, existimans adesse causam. Sed non approbatur.
- 6 Inferior dispensans in lege superioris absque causa, mortaliter peccat.
- 7 Non potest certa regula definiri, quæ sit legitima causa dispensandi in legibus superioris.
- 8 Stante iusta causa dispensandi affirmant plures obligatum esse superiorem dispensare.
- 9 Aliquando tenetur dispensationem concedere, aliquando potest negare.
- 10 Quando hoc contingat.
- 11 Delegatus teneatur ne dispensare, quoties adest causa sufficiens? Sub distinctione respondet Sanchez.
- 12 Aliter distinguendum est.

1 Dico primò, in lege diuina, seu naturali, quolibet dispensatio facta ab humano legislatore sine causa, inualida est. Quare si Pontifex in voto, iuramento, matrimonio rato, & residentia pastorum, sine Ferd. de Castro Sum. Mor. Pars 1.

causa dispenset, nulla erit eius dispensatio. Quia non accepit à Deo potestatem dispensandi pro libito, sed iusta causa intercedente; aliàs non esset potestas in ædificationem, sed in destructionem concessa, neque censendus esset dispensator fidelis, & prudens, sed potius imprudens, & infidelis: & ita Theologi docent cum D. Thom. 2. 2. q. 88. art. 12. Canonistæ cum glossa cap. non est, verbo adimplere, de voto. Vasquez disp. 178. cap. 3. n. 17. Sanchez lib. 8. disp. 17. n. 3. Salas disp. 20. de leg. sect. 4. num. 30. Suarez lib. 6. de voto, cap. 17. & alij innumeri ab eisdem relati.

2 Dico secundò. Dispensatio inferioris in lege superioris inualida est, si facta sit absque causa legitima: ita communis sententia; prout videre est ex innumeris, quos referunt, & sequuntur Sanchez illa disp. 17. num. 4. Couarr. 2. p. 4. cap. 6. §. 7. num. 11. Salas disp. 20. de legibus, sect. 4. num. 31. Vasquez disp. 178. cap. 3. num. 17. Valent. disp. 7. q. 5. p. 9. Basil. cap. 14. n. 8. Barbosa 2. p. de potestate Episcopi, alleg. 33. n. 3. Ioan. Sanchez disp. 54. sect. n. 38. Ratio est, quia non censetur superior potestatem concedere, nisi pro dispensatione rationabili. Ergo inferior aliter dispensans excedit commissionem, & mandatum; & consequenter nulla est eius dispensatio. Ex quo fit dispensationem Episcopi, vel Archiepiscopi, in legibus Concilij prouincialis sine causa datam nullam esse; quia est dispensatio in legibus superioris, ut docet multis relatis Sanchez disp. 17. n. 36. Salas de legib. sect. 4. n. 45. & nos diximus *suprà*.

3 Temperant tamen aliqui hanc doctrinam, nisi inferior habeat plenitudinem potestatis à superiore concessam, qualis habet Legatus à latere in casibus sibi à Pontifice commissis. sic Eman. in summ. tom. 2. in 2. edit. cap. 24. concl. 3. num. 5. Quia tunc videtur reputandus, ac ipse legislator, cuius dispensatio absque causa valida est. Sed hæc limitatio meritò reiicitur à Sanchez pluribus relatis, disp. illa 17. n. 5. quia non est præsumendum sic concessam esse potestatem, esto possit illam sic concedere; posset enim Pontifex concedere facultatem dispensandi in suis legibus, taliter quòd data dispensatio sine causa teneat. sic Salas disp. 20. sect. 4. n. 32. est enim dispensatio in re propria.

4 Secundò temperant alij, nisi in potestate dispensandi exprimentur nomina eorum, quibus dispensatio est concedenda, nulla facta mentione cognitionis causæ; quia tunc dispensans censetur merus executor, & præsumere debet committentem certiotem esse factum de dispensationis causis, sic relato Felino, Speculatore, Garibay, docet Sanchez num. 6. At licet hoc sit probabile, mihi tamen probabilius apparet teneri causas dispensationis inuestigare, quia absolute ipse dispensat. Quòd verò potestatem concedens nullam fecerit mentionem de causarum cognitione, non arguit omittendam esse, cum à iure ipso moneatur dispensans debere causas dispensationis examinare, idque meritò Princeps debebat supponere.

5 Tertiò temperant; nisi bona fide inferior Prælatus procedat, existimans adesse causam legitimam, cum tamen non sit. Quia non est credendum aliam esse Pontificis mentem circa suas leges, & Dei circa suas; siquidem hac ratione scrupulis obuiatur, & conscientiæ securæ redduntur, & gesta à Prælatis firma permanent. quæ omnia rectæ Ecclesiæ gubernationi conducunt. sic docet Sanchez lib. 8. disp. illa 17. num. 8. cum Azor lib. 7. instit. moralium, cap. 29. quest. 6. consentit Ioan. Sanchez in select. disp. 54. num. 39. At hæc limitatio mihi non probatur. Tum quia ad rectam gubernationem Ecclesiæ non pertinet firmare dispensationes sine causa, sed illas excusare; aliàs pertineret etiam ad rectam gubernationem, ut quoties dispensandi putarent bona fide nullam sibi dispensationem esse necessariam, validos actus efficerent, nulla adhibita C c dispen

dispensatione, & sic contrahentes bona fide in gradibus prohibitis validè contraherent. quod non est admittendum. Tum quia allegantes superiorem absque legitima causa dispensasse audiuntur, etiam si superior bona fide processerit. Ergo signum est manifestum, bonam fidem dispensantis non firmare dispensationem, & ita tenet *illa sect. 4. num. 37. Basilii lib. 8. cap. 14. num. 8.*

6 Dico tertio. Dispensatio inferioris in lege superioris data sine causa peccatum mortale est, & consequenter illam petens, & utens peccat mortaliter. Et idem à fortiori est in dispensatione de votis, & iuramentis, & omni iure diuino, & naturali, quia usurpat alienam iurisdictionem, & facit actum irritum: sic omnes Doctores. ut testatur Salas *disput. 20. de legib. sect. 6. num. 59.* ubi aduertit ex leuitate materię aliquando posse esse veniale petere, & concedere talem dispensationem, sicuti esse potest, violatio voti, & cuiuslibet alterius legis sub mortali obligantis.

7 Sed inquires, quæ sit legitima causa ad dispensationem in legibus concedendam?

Respondco non posse certa regula definiri, sed multum ex arbitrio prudentis pendere, qui ponderare debet qualitatem personarum, ex qua sæpè oritur sufficiens causa dispensationis, eo quod ad commune bonum pertineat personas excellentes gratas habere, ut dixit D. Thomas 2. 2. *quest. 63. art. 2. ad 2. & Trident. sess. 24. cap. 5. de reform.* attendere etiam debet pietatem, necessitatem, utilitatem dispensationis: nam pro maiori, vel minori utilitate, pietate, & necessitate dispensatio facilius concedi potest. Semper tamen dispensatio cedere debet in bonum publicum, quia est actus potestatis publicæ, & iurisdictionis communis. At cum lex pro bono publico statuta sit, pro bono publico est relaxanda, & tradit Panormitanus in *cap. de multa, de prebendis, num. 8.* Sotus 1. *de iustis. quest. 7. art. 3.* & colligitur ex Trident. *sess. 25. cap. 18. de reformat.* Non tamen requiritur, ut causa, ob quam conceditur dispensatio, immediatè bonum commune respiciat, sufficit si mediatè ad illud ordinetur, quatenus bonum particularis personæ in bonum communis refertur; expedit enim reipublicæ aliquas gratias, & exemptiones aliquibus facere, ut sic alij excitentur ad bene merendum de republica. Adde legislatori competere singulorum necessitatibus subuenire, quia id communi bono expedit. Quocirca sæpè ob inopiam mulieris dispensatur in consanguinitatis impedimento, & ob periculum incontinentiæ in voto castitatis, & ob vitiationem maioris mali in aliqua lege; quæ sunt causæ personam singularem attingentes: at mediatè ad bonum commune ordinantur. sic aliis relatis docet Sanchez *lib. 8. disp. 19. in princ.* Salas *disp. 20. sect. 8. num. 75.* Basilii *lib. 8. cap. 14. n. 12.* & colligitur satis hæc doctrina ex *cap. requisitis, §. nisi rigor, 1. quest. 7. cap. necesse est, 29. dist. cap. ipsa pietas, 23. quest. 4. cap. fraternitas, 34. dist. & Trident. sess. 25. cap. 18. de reform.*

8 Inquires secundò, an stante iusta causa dispensationis teneatur superior dispensationem concedere, vel possit illam denegare?

Prima sententia affirmat peccare Prælatus, si non dispense, quoties subest iusta causa dispensandi. glossa *cap. Domino sancto, verbo necesse, 50. dist.* Rebuff. *reperit. cap. postulasti, notab. 3. num. 12.* Sylvest. *verbo dispensatio, quest. 1. in fine.* Rosella *ibi num. 4.* Eman. Saa *n. 2.* Armilla *num. 14.* Ioan. Sanchez in *select. disp. 43. num. 8. §. prater ea.* & alij relati à Thom. Sanchez *lib. 3. de matrim. disput. 10. num. 2.* quàmque ipse reputat probabilem, & verè probabilis est. Ratio præcipua est, quia potestas dispensandi commissæ est Prælati in bonum reipublicæ, & subditorum. Ergo si causa iusta adest exercendi hanc potestatem, videtur Prælatus teneri illam exercere; aliàs

contra debitum sui muneris faceret. Et confirmo. Ex iustitia distributiva tenetur Prælatus in distributione obligationum communium, & exemptione illarum procedere. Ergo tenetur merita personarum attendere. Ergo si existentibus meritis alicuius, ut eximatur ab onere, & obligatione communi illum non eximat, malè distribuit. Quod si negata vni exemptione, alteri æqualia merita habenti exemptionem concedat, iam videtur personarum acceptor. Ergo peccat. Non declarat autem hæc sententia quale peccatum sit: at attenda materię gravitate videtur dicendum graue esse.

9 Secunda sententia, cui tanquam probabiliori adhæreo, affirmat aliquando teneri Prælatum dispensationem concedere, aliquando non; sed posse illam iuste denegare. tenet Sanchez *suprà*, plures referens *num. 3.* Salas *disp. 20. sect. 7. num. 70.* Suarez *lib. 6. de legib. cap. 18. num. 22.* Basilii *lib. 8. cap. 14. num. 6.* & alij apud ipsos. Prior pars conclusionis, scilicet aliquando dispensationem esse debitam, videtur colligi ex *cap. Domino sancto, 50. dist. ibi, ut necesse sit illos restaurare in loco honoris, qui per penitentem reconciliationem recepisse merentur. & ex cap. quanto, in fine, 2. quest. 4.* & ex Trident. *sess. 24. cap. 1.* ubi prudentiæ, & iudicio ordinarij committitur dispensatio in denuntiationibus, quando est probabilis suspicio matrimonium malitiosè impediri posse. quod iudicium, & prudentia ad eximendam suspensionem videtur expostulari, non ad negandam, vel concedendam dispensationem cognita suspitione malitiosi impedimenti. Idem etiam colligitur ex *sess. 14. cap. 7.* ubi de occidente in defensionem propriam, excedente tamen moderamen inculpatæ tutelæ, ait Concilium dispensationem ei quodammodo deberi. Fateor has iuris probationes faciliè solui posse. Quod ergo efficaciter hanc conclusionis partem probat, est ratio pro prima sententia facta, potest enim contingere ita virens causa boni communis, vel specialis alicuius, ut Princeps, cuius officium est hæc omnia respicere, censeatur contra debitum sui muneris procedere, si dispensationem neget; si enim media dispensatione pax reipublicæ obtinetur, & negata destruitur, quis negare potest debere Principem, & reipublicæ gubernatorem dispensationem concedere? Item si dispensandus dispensatione sibi concessa reparat honorem sibi ablatum, quia alia via reparari non potest, ut contingit in scemina stuprata, quo modo negari absque iniustitia dispensatio poterit? Secundam partem conclusionis, scilicet non semper debitam esse, probatur primò, quia sæpè in iure dispensatio vocatur indulgentia. *cap. 1. de statu monach. in 6.* aliquando misericordia. *cap. postulasti, de cleric. excommunic. ministr.* aliquando gratia. *cap. didici, 1. quest. 7. in fine, cap. licet canon, de elect. in 6.* sed indulgentia, misericordia, & gratia non sonant debitum. Ergo. Secundò dispensatio debere potest vel ex aliquo præcepto positivo, vel naturali. ex præcepto positivo non semper debita est: nam dispensatio concedenda non à supremo legislatore, tunc certum est ex præcepto positivo deberi non posse, cum nullis legibus positivis humanis ardeatur. Si autem ob inferiore concedenda est, sæpè eius voluntati committitur dispensatio, ut in *cap. ut si clerici, §. de adulteriis, de iudic.* Ergo. Tertiò quia esto Princeps teneatur ex suo munere dispensationem concedere, si virens causa boni communis, aut alicuius particularis intercedat: at sæpè non ita vrget, quin etiam vrgeat ferè æqualiter causa negandæ dispensationis. Ergo in tali casu & poterit concedere dispensationem, & illam denegare, sicuti contingit in ferenda lege. Non enim semper Princeps cum legem fert, obligabatur illam ferre, poterat enim alia via bono communi prospicere, aliàs quidquid posset facere, ex necessitate faceret: contra *leg. quidquid, 40. ff. de iudicijs*, ubi non quidquid potestati iudi

iudicis permittitur, id necessitati iuris subiicitur, & notat glossa in cap. consilium, verbo gratiam, de off. deleg. Quarta esse potest probabile, adesse causam dispensationis, & non adesse. Ergo in hoc casu non tenetur dispensare superior, etsi possit, quia sequi potest opinionem probabilem.

10 Quod si inquiras, quando sit debita dispensatio? Vno verbo respondere possum: quoties bono communi, vel speciali grauitur conducit, neque alia causa in contrarium praeponderet. sic Doctores pro sententia secunda relati, specialiter Sanchez, Salas, & Suarez: quando autem id conducit, prudentiae, & iudicio superioris relinquendum est. Adde, quoties in iure denotatur causa ad dispensandum, tenetur inferior posita tali causa dispensare, quia tunc instruitur inferior, cui committitur potestas, quomodo illa debeat uti: sic docent Sanchez lib. 3. de matrim. disput. 10. num. 6. Ioan. Sanchez disput. 43. num. 8. versic. praeerea. Suarez lib. 6. cap. 18. num. 21. Salas disp. 20. sect. 7. circa finem. Quapropter tenetur Episcopus dispensare cum clerico, ne relideat ratione studij, ex cap. cum ex eo, de elect. in 6. quia ibi apponitur haec causa, ex qua potest dispensari, sic relato Ioann. Andr. Decio, Franco, docet Sanchez, Suarez, & Salas supra. Item tenetur dispensare in denuntiationibus matrimonij, si probatur adesse suspicionem malitiosi impedimenti. Item in interstitiis, si id utilitati Ecclesiae viderit expedire, ob eandem rationem.

11 Ex his infertur, quid dicendum sit in delegatis. An, inquam, hi teneantur dispensationem concedere, cum viderint adesse causam sufficientem? Thomas Sanchez lib. 4. summi. cap. 54. num. 12. loquens de voto distinguit inter delegatos habentes priuilegium dispensandi in sui fauorem concessum, vel in fauorem dispensaturi. Et de habentibus priuilegium in sui fauorem, negat teneri dispensationem concedere postulanti, eo quod nemo teneatur suo priuilegio uti, & sic excusat regulares nolentes dispensationem votorum concedere poenitentibus, quia ipsi non adstringuntur uti suo priuilegio: at si priuilegium concessum sit in fauorem poenitentis, ut est priuilegium Bullae, & Iubilaei, affirmat teneri electum Confessarium dispensationem concedere, quia poenitens petit ius ex priuilegio sibi concessum: consentit quoad hanc secundam partem Aragon 2. 2. q. 88. art. 12. in dubio quod mouet circa 2. conclus. fol. 1041. Viuald. candelab. sacram. 3. p. cap. 14. n. 58. Chapeauila de casib. reseruat. q. 2. diff. 1. 7. fol. 2. Stunica de voto, q. 5. n. 38. Sayrus clauis regia lib. 6. cap. 12. num. 18. fine.

12 At existimo aliter esse in hac parte distinguendum, aut enim loqui possumus de Confessario, antequam pro dispensatione votorum, vel impedimentorum illum eligat, vel facta electione, & ab ipso acceptata; si post factam electionem, & acceptationem denegat tibi Confessarius dispensationem, pro qua obtinenda causam iustam habes, infidelis est, & iniustus; quia iam quasi ex iustitia ratione acceptatae electionis obligatus est concedere. Et hoc siue concedenda sit dispensatio ex priuilegio in tui fauorem concessio, vel in fauorem dispensantis. Quia iam ipse priuilegiatus se ipsum obligauit uti priuilegio suo, eo quod electionem acceptauerit. Verum si loquamur antequam ipse Confessarius acceptet electionem sui ad dispensationem concedendam, nullo modo tenetur tibi dispensationem concedere, etiam si confessionem audiat, quia priuilegium concessum per Bullam non est ad arctandum Confessarium ad dispensationem concedendam, sed est priuilegium concedens facultatem dispensandi Confessori volenti, non renuenti; aliis quilibet Sacerdos approbatus requisitus per Bullam teneretur confessionem cuiuslibet poenitentis, qui illum requirit, auscultare. quod est sine fundamento dictum.

Ferd. de Castro Sum. Mor. Pars I.

Aduerto, aliquando posse delegatum teneri consentire electioni de se factae, & dispensationem concedere; nempe, si id iudicauerit grauitur bono dispensaturi expedire, eo quod ab aliis repellitur, & ob repulsam tristatur grauitur, & in periculo peccandi existit. sic Ioan. Sanchez disp. 14. sect. n. 17. circa finem.

PUNCTUM IX.

An liceat habentibus potestatem dispensandi imponere aliquam mulctam pecuniariam, vel onus personale dispensaturis.

- 1 Si dispensatio est in voto, fieri potest. Et idem est quoties ex onere imposito integratur causa dispensationis.
- 2 Causa legitima ad dispensandum intercedente nequit Pralatus, siue inferior, siue superior mulctam imponere: qui defendant.
- 3 Resoluitur in casibus, in quibus debetur dispensatio, non posse mulctam imponi; secus in illis, in quibus denegari potest.
- 4 Inferior non potest sub onere aliquo, & pecuniaria mulcta dispensationem concedere: ut probabilius defenditur.
- 5 Proponitur obiectio, & sit illi satis.

1 **S**I dispensatio sit in voto, nemini est dubium id fieri posse, quia tunc dispensans non imponit obligationem, sed ipse dispensandus sibi illam assumit. Item si causa iusta dispensandi non intercedit, nisi posita illa mulcta pecuniaria: potest quidem imponi, & ex illius impositione resultat sufficiens causa dispensationis, ut in dispensatione impedimentorum matrimonij fieri solet, & tradit Ledesma 2. part. 4. quest. 17. art. 3. in fine. Suarez lib. 6. de legibus, cap. 16. in princip. & cap. 18. fine. & tom. 1. de relig. tract. 3. lib. 4. de simon. c. 20. num. 11. & 12.

2 Quare difficultas solum est, an causa legitima intercedente possit superior nolle dispensare absolute, sed sub aliquo onere? Et procedit questio tam de Principe supremo, quam de inferiori.

De utroque negat Ioan. Sanchez disp. 54. sect. n. 40. Mouetur, quia causa legitima intercedente tenetur superior dispensationem concedere ex vi sui muneris; sed pro exercenda actione debita non potest peti pretium aliquod, neque onus poni. Ergo. Et confirmo. Vel absque impositione illius oneris est causa sufficiens, ut superior legem relaxet, vel non? Si non est sufficiens causa, non est de illo questio: si autem absque illius oneris impositione est causa sufficiens, ut legislator dispense, iniuste videtur grauare dispensandum, cum absque causa onus imponat. Non ergo videtur onus imponendum, nisi pro complemento causae ad dispensationem necessariae.

3 Dicendum ergo existimo illis in casibus, in quibus diximus dispensationem debitam esse, nullo modo poterit legislator mulctam, vel onus aliud tibi renuenti imponere, quia pro actione debita onus imponi non potest. sic Fillicius 2. tom. tract. 27. cap. 7. n. 129. & in hoc sensu est verum, quod dicit Ioan. Sanchez. At cum dispensatio debita non est, sed potest absque iniustitia negari, poterit, si legislator sit, mulctam pecuniariam, vel aliud onus imponere, aliàs nolle dispensare. sic Suarez lib. 6. cap. 16. in princ. vbi testatur esse omnium. Supponit Sanch. lib. 3. de matrim. disp. 10. n. 9. & videtur satis colligi ex cap. licet, de for. vbi conceditur diebus festis posse vacare piscationi haleciae, ita ut post factam capturam Ecclesiis circumpositis, & Christi pauperibus congruam faciant portionem. Et ratio est, quia cum non teneatur suam legem absolute relaxare, poterit illius obligationem in alia materia subrogare.

C c 2

4 Quod

4 Quòd si dispensans inferior legislatore sit, & in lege superioris tibi concedit dispensationem, probabilius existimo non posse sub onere aliquo, & pecuniaria multa illam concedere. sic Sotus 4. *distinct.* 28. *quest.* 1. *art.* 2. *versic. ex his.* Ludovicus Lopez 2. *part. instruct.* de *matrim.* cap. 39. §. *sed si quis.* Thomas Sanchez lib. 3. *disput.* 10. num. 9. & lib. 8. *disput.* 14. à num. 2. Ioan. Sanchez in *select.* *disput.* 54. num. 40. Probat, quia ad illud onus, & pecuniariam multam obligari non potes ex contractu, aliàs redoleret simoniam, si ob dispensationem tibi concessam in lege imponeretur obligatio pretio æstimabilis. Neque etiam ex lege præcedenti obligari potes, quia inferior non valet legem præexistentem ad aliam materiam extendere, neque de nouo legem, aut præceptum imponere. Vnde enim constat talis potestas? Quòd si dicatur à legislatore illam habere, eo quòd debet præsumi legislatorem concedere potestatem dispensandi in lege, prout melius ipsi videbitur, absolute, vel miscendo commutationem. Negamus id posse præsumi, aliàs præsumi posset datam esse potestatem inferiori commutandi superioris legem, in aliquod opus pium, quoties viderit subdito conuenientius esse. Quocirca inferiori Prælati solum committitur potestas relaxandi legem causa iusta intercedente: ut subrogandi loco illius aliam nullo modo; & in legibus, quæ non imponunt onera subditis, sed ad vitanda aliqua inconuenientia, vel ad seruandum debitum ordinem feruntur, affirmat Suarez lib. 6. cap. 16. num. 9. imponi non posse multam pecuniariam, & hinc infert pro remittendis denuntiationibus ad matrimonium, interstitiis ad ordines, pro licentia suscipiendi ordines ab alio Episcopo non posse multam pecuniariam imponi; & fauet Concil. Trident. *sess.* 24. cap. 1. & *sess.* 25. cap. 18. & *sess.* 21. cap. 1. de *reform.*

5 Sed obiicies, Prælati inferiores sæpè dispensant in obseruatione festorum, ieiuniorum, imponendo aliquod onus, & pecuniariam multam pauperibus, vel fabricæ Ecclesiæ applicandam, iuxta cap. *licet, de ferijs.* Ergo signum est à legislatore supremo commissam illis esse potestatem hoc modo dispensandi.

Respondeo cum Sanchez lib. 8. de *matrim.* *disput.* 14. num. 2. hoc esse signum sequi sententiam probabilem sibi fauentem, & iurisdictionem extendentem, non tamen esse certum commissam illis esse talem potestatem.

Obiicies secundo, cui commissam est potestas dispensandi in votis, & iuramentis, commissam est etiam potestas commutandi, eo quòd maior sit potestas dispensandi, quàm commutandi. potestas enim dispensandi tollit integrè obligationem; potestas verò commutandi ex parte tollit. Ergo. Similiter concessa potestate dispensandi in legibus, censetur commissam potestas commutandi, quia minus est.

Respondeo negando consequentiam. Et ratio differentie est, quia potestas commutandi vota, censetur sub potestate dispensandi inclusa, tanquam quid minus in maiori: at potestas mutandi legem non potest includi sub potestate dispensandi, quia maius est; maius enim est tollere legem, & aliam denuo imponere, quàm solum tollere absolute, sed non est maius commutare votum, quàm votum dispensare, quia licet commutans tollat antiquum votum, quoad materiam præexistentem subrogat aliam materiam, ob quam votum extenditur ex voluntate ipsius cui est facta commutatio: at in commutatione legis tota subrogatio, non ex

voluntate illius, qui est ligatus per legem, sed ex voluntate legislatoris prouenit, eaque de causa maius quid est commutare legem, quàm in illa dispensare.

An asserenti se habere potestatem dispensandi, debeas illi fidem adhibere.

- 1 In foro conscientie bene potes; non teneris.
- 2 In foro externo nemini est credendum, nisi instrumentum commissionis ostendat.
- 3 Limitatur in his, quæ graue præiudicium generare possunt, secus in his, quæ nullum, vel minimum.
- 4 Asserenti potestatem se habere dispensandi, absoluendi, concedendi indulgentias, credi potest.
- 5 Creditur Episcopo non subditum ordinanti, si dicat in titulo de licentia proprii Episcopi fecisse.
- 6 Item de Pœnitentiaro dicente viua vocis oraculo sibi concessam esse potestatem absoluendi à reſeruatis.

1 **S**I sermo sit de foro conscientie, fides ei potest adhiberi; experientia enim testatur credi Confessori dicenti se habere potestatem absoluendi, vel dispensandi. sic Sanchez lib. 8. *disput.* 17. num. 22. imò non solum Confessori dicenti se habere potestatem, sed etiam tibi asserenti potestatem, & priuilegium habere, vt absoluaris à reſeruatis, vel dispenseris, poterit Confessor credere, quia solum de tuo commodo, vel præiudicio agitur. Neque tamen videris obligatus credere; quia nemo in propria causa censetur testis omni exceptione maior.

2 Si autem loquamur de foro externo, regula generalis est, nemini credendum esse habere potestatem delegatam, nisi instrumentum commissionis ostendat, quia est res facti, quæ non ab ipso, sed ab alio, scilicet à delegante pendet, eaque de causa probanda est, aliàs quilibet priuatus officium iudicis assumere sibi posset: sic multis allegatis docet Menoch. de *arbitr. lib.* 1. q. 76. *præcipue à n.* 8. Mascard. de *probat. concl.* 268. à n. 15. Sanchez lib. 8. *disput.* 17. à n. 18. & probatur satis ex cap. cum in iuramento, de *off. deleg.* vbi statuitur non credi delegato, nisi de suæ obligationis mandato fidem faciat; quia dum non constat de mandato delegationis, is loco priuati habetur. Quæ ratio probat de quocumque delegato, etiam in magna dignitate constituto, vt relato Decio, l. 1. & aliis tradit Menoch. *illo num.* 8.

3 Limitat autem Sanch. n. 19. Menoch. n. 10. Mascard. n. 22. vt intelligatur in his, quæ graue præiudicium generare possunt; secus verò in his, quæ nullum, vel minimum præiudicium afferunt, quia tunc præiudicium inferres asserenti, si absque causa ei fidem non adhibeas.

4 Ex qua limitatione infert Sanchez n. 19. cum l. 1. repet. l. admonendi, n. 175. de iur. iur. & Gutierr. lib. 2. q. 99. canon. cap. 17. fin. asserenti se habere potestatem dispensandi, absoluendi, concedendi indulgentias credi posse; quia agitur de nullo, vel minimo præiudicio: cautè tamen hæc illatio accipienda est, non enim cuilibet in hac parte credi debet, sed viro timorato, & in dignitate constituto, & de quo præsumi non posset falsum dicere. Tum quia esto hæc potestas nullum, vel minimum præiudicium ordinariis afferat: at assert habenti illum specialem honorem, & authoritatem, ob cuius causam præsumi potest tibi falsò atrogare. Non ergo est credendum, nisi probet.

5 Secundo infert Sanchez n. 20. credi Episcopo promouenti ad ordines non subditum, si dicat in titulo collationis de licentia proprii ordinarij fecisse: consentit Menoch. n. 10. Gutierr. lib. 2. q. 99. canon. cap. 17. n. pen. Rebuff. *præxi. benef. tit. de forma dimissionum*, n. 36. Ratio esse potest, quia illa ordinatio non subditi cedit in modicū præiudicium Episcopi proprii, & in graue damnum Episcopi ordinantis, siquidem manet suspensus. Non ergo præsumi potest mendacium committi. Placet.

6 Tertiò infert Sanchez, & bene, alios referent, n. 21. credi

credi summo Pœnitentiario dispensanti in aliquo casu reservato, si aſſerat viux vocis oraculo ſibi conſeſſam eſſe poteſtatem, quia non videtur hæc cedere in præiudicium alicuius: ſi enim diſpenſatio in alterius præiudicium cederet, credi ei non debet, vt pluribus relatis docet Maſcard.concl.268.num.22.

PUNCTVM XI.

Quæ forma ſeruanda ſit in diſpenſatione expreſſa.

- 1 Nulla eſt præſcripta forma verborum, ſed illa ſufficit, quæ mentem diſpenſantis exprimit.
- 2 Ad valorem diſpenſationis cum abſenti conceditur, mandatum eius non requiritur.
- 3 Non tamen habet effectum, quouſque diſpenſando innoſceat.
- 4 Gratia impetrata valet abſque tuo mandato, ſecum illius acceptatio.

1 **D**Vpliciter diſpenſatio concedi poteſt, tacitè, inquam, vel expreſſè. Expreſſam diſpenſationem voco eam, quæ verbis expreſſis conceditur. Tacitam, quæ ex ſignis aliquibus, vel factis inferitur, & præſumitur.

Nulla eſt præſcripta verborum forma pro diſpenſatione concedenda, neque ex natura rei, neque ex iure; ſed illa erit ſufficiens, quæ ſatis expreſſerit & voluntatem diſpenſantis, & effectum diſpenſationis. Hic autem effectus diſpenſationis poteſt & ſpecialiter, & generaliter declarari. Specialiter declaratur, ſi ſumatur ſpecialiter id, cuius eſt diſpenſatio. Vt ſi ſuperior diceret: Diſpenſo tecum in hoc, & illo impedimento, in hac, vel illa irregularitate. Generaliter declaratur, ſi ſub verbis generalibus exprimitur, dicendo, in quacumque irregularitate, vel in quocumque impedimento, quod habeas, tecum diſpenſo. Qui modus diſpenſandi ſat eſt ad conſtituendam diſpenſationem expreſſam, vt bene probat Tiraquel. de legib. connub. gloſſ.7.n.86. & ſeqq. Item debet exprimi perſona, quia diſpenſatio, alicuius eſt diſpenſatio. Debet, inquam, exprimi, vel exprimendo eius nomen, vel æquiualeſ. Item non eſt neceſſaria ſcriptura ad hanc expreſſam diſpenſationem; ſufficit ſi verbo tenus fiat, vt latè diximus in diſput. de priuileg. Et ratio pro diſpenſatione eſt manifeſta; cum enim diſpenſatio legis, ſit relaxatio obligationis, quam lex inducit, & hæc obligatio ex voluntate pendeat legiſlatoris, ſi legiſlator ceſſat à voluntate obligandi, tibi que manifeſtat, ceſſat tibi obligatio legis, & conſequenter es in lege diſpenſatus. Excipiuntur tamen aliqui caſus, in quibus ex iure non prodeſt etiam in foro conſcientiæ diſpenſatio, niſi in ſcriptis fiat. aliquos enumerat gloſſa in cap.1. §. poſtquam, de cenſib. lib.6. verbo in ſcriptis. & Trident. ſeſſ.25. cap.5. de reformat. & nos diximus illo loco de priuilegiis.

2 Deinde ad valorem diſpenſationis, cum abſenti conceditur, mandatum eius non requiritur, ſed ipſi ignorantem concedi poteſt. quia nullibi habetur neceſſarium eſſe mandatum pro gratia, priuilegio, & diſpenſatione obtinenda. Hæc enim differentia eſt inter reſcripta gratiæ, & iuſtitix, quod reſcripta iuſtitix ſpeciale mandatum requirunt, vt habetur in cap. nonnulli, §. ſin. de reſcript. & ibi gloſſa, & in cap. qui ad agendum, de procuratoribus, in 6. At reſcripta gratiæ nullum mandatum expoſtulant. Optat enim ius præcidere lites, ideoque ne augeantur, hoc ſpeciale impedimentum appoſuit pro reſcriptis ad lites, quod in reſcriptis gratiæ non procedit. Quapropter in l. vniuerſis, C. de precibus Imperat. offerend. dicitur reſcriptum ab Imperatore conſeſſum validum eſſe, per quemcumque impetratum ſit. Neque obſtat

Ferd. de Caſtro Sum. Mor. Pars I.

textus in cap. innotuit, de elect. vbi videtur annullatum reſcriptum, eo quod fuerit ſine mandato impetratum: inquit enim textus, cum non ad poſtulandam diſpenſationem, ſed ad petendam confirmationem ipſius fuerint nuntii deſtinati. Quia ibi non annullatur reſcriptum, quia fuit conſeſſum ſine mandato, ſed quia fuit conſeſſum pro confirmatione irritæ electionis, nulla diſpenſatione facta. Item ibi requirebatur mandatum Capituli, quia agebatur de confirmatione electionis ad ipſum pertinere: non tamen inde inferitur requiri mandatum eius, cui gratia conſertur, imò potiùs contrarium non leuiter ex illo text. probatur. & ita tenet Azor lib.5. cap.23. q.12. Suarez cum Rebuff. & Nauarr. lib.6. cap.13. num.5. & 6. Salas diſp.20. ſeſſ.14. Saa verbo gratia, num.13. Petr. Gregor. in cap. nonnulli, verb. abſque ſpeciali mandato, de reſcript. lib.2. Hugolin. de irregular. cap.62. num.5. Baſil. de Leon lib.8. de matrim. cap.15. num.3. Thomas Sanchez alios referens lib.8. de matrim. diſp.26. num.4.

3 Aduerto tamen, etſi diſpenſatio, gratia, & priuilegium abſque tuo mandato impetratum, vel conſeſſum à Principe valorem habeat, non tamen habet effectum, quouſque tibi innoſceat, & illud acceptes, quia eſt quædam donatio, quæ per acceptationem completur: & licet tibi inuito, & reuerti concedi poſſit, hoc tamen nunquam debet præſumi, niſi id manifeſtè conſtet, ne gratiæ Principis vilipendantur. Quapropter ſemper trahunt ſecum imbibitam conditionem, ſi tibi placita ſit, & grata exiſtat, ſic videtur deciſum cap. ad medium, verſ. ex parte, de conſeſſ. præbend. & tradunt Suarez, Salas, Baſilius, & Sanchez ſuprà. Adde neque expedire Principi diſpenſationem concedere, niſi petitionibus ſit coactus; quia eſt iuris relaxatio, ad quam faciendam non ſe debet Princeps facilem exhibere. Mandol. de reſignat. grat. ſit. de diſpenſ. Rodriquez tom.1. q.22. art.3. regul.99. & colligitur ex l.4. §.1. ff. de damno infecto. Non tamen inde inferitur non poſſe aliquando abſque petitione concedere, ſi id viderit expedire, vt rectè Suarez lib.6. cap.13. num.8.

4 Aduerto ſecundò. Quamuis impetrata gratia abſque tuo mandato valeat, at acceptatio illius non valet, niſi ex tuo mandato; quia gratiæ valor pendet à concedente præciſè: at acceptatio illius pendet ab ipſo, cui gratia conſertur, argum. text. in cap. ſi tibi abſenti, de præbend. in 6. & notauit ex Petro Gregorio, Baſilio illo cap.15. num.3.

PUNCTVM XII.

Quæ conditiones ſeruandæ ſint in diſpenſatione tacita.

- 1 Quilibet poteſt tam in ſuis legibus, quàm in legibus ſuperioris hanc diſpenſationem concedere.
- 2 Cognoscitur hac tacita diſpenſatio, ſi tibi à Prælato mandetur actus, qui ſine diſpenſatione fieri non poteſt.
- 3 Secundò, ſi videat ſe diſponi ad operandum contra legem, & non impediat, cum facile poſſit.
- 4 Proponitur ſententia plurimum afferentium taciturnitatem, & diſſimulationem Prælati non eſſe ſufficiens ſignum tacitæ diſpenſationis.
- 5 Satiſfit, & explicatur doctrina.
- 6 Ratiſhabitio, & præſumptio excuſans ab obligatione, non debet ſubſequi actum, ſed antecedere.

1 **O**Miſſis variis dicendi modis, qui à veritate ſunt alieni, quid probabilius cenſeam paucis exponam.

Dicendum ergo eſt diſpenſationem tacitam, quæ conſiſtit in ratiſhabitione, ſeu præſumptione voluntatis ſuperioris diſpenſantis, non ſolùm concedi poſſe à quolibet legiſlatore reſpectu ſuarum legum, ſed etiam re-

speculo legum superioris. sic docet plures referens Sanchez lib. 8. disp. 4. num. 16. Suarez lib. 6. cap. 13. num. 13. & tom. 5. de censur. disp. 41. sect. 3. in fine. Salas disput. 20. sect. 2. num. 8. Emanuel Saa verbo dispensatio, n. 12. Basil. lib. 8. de matrim. cap. 15. num. 5.

Ratio est, quia pro dispensatione concedenda non est in iure forma aliqua præscripta, sed eo ipso, quo manifestetur voluntas dispensantis, dispensatio habet effectum: at non tantum verbis, sed etiam signis manifestari potest eius voluntas. Ergo dari potest dispensatio tacita?

Neque obstat ad dispensationem requiri notitiam causæ; nam hæc esse potest vel testibus, vel rei notorietate, & illa posita dicimus dari posse dispensationem tacitam. Adde, ut videbimus statim. Satis probabile est causæ cognitione non præmissa validam esse dispensationem, si causa subsistit. Ergo nihil obstat, quominus legislator dispensationem tacite concedere possit.

2. Difficultas ergo est, quibus signis censei iure potest Prælati velle dispensationem concedere? cum enim sit questio de facto, & quæ pender ex animo Prælati, non est præsumenda, nisi probetur.

Primum signum, & communiter receptum est, si tibi à Prælato præcipiatur, vel concedatur actus, qui sine dispensatione exerceri non potest: tunc enim censetur dispensare; quia non censei debet Prælati præcipere, vel concedere ea, quæ illicita sunt, & iure repugnantia. Quapropter, si tibi irregulari dimissorias ad ordines concedit, vel beneficium confert, censetur quidem tecum dispensare illa in parte: & colligitur ex l. quidam consulebat, § 7. ff. de re iudic. ubi Princeps dignitatem concedens minori, censetur dispensare, ut gesta per ipsum valeant. Debet autem procedere sciens te esse impeditum, aliàs non erit dispensatio, cum ex ignorantia impedimenti mandatum procedat. sic Rebuff. in pract. tit. de dispensat. à num. 5. Suarez alios referens lib. 6. cap. 13. num. 23. & 24. Salas disput. 20. sect. 2. num. 8. versic. secundum modum. Azor tom. 1. lib. 5. cap. 15. quæst. 10. & ultim. Nauarr. prelud. 9. num. 15. & cap. 25. num. 74. Sanchez lib. 8. disp. 4. num. 2. & seqq. dicens esse communem omnium sententiam in supremo Principe, eamque latè probat. Et idem est de inferioribus in his, in quibus dispensare possunt.

3. Secundum signum tacitæ dispensationis, & præsumptæ voluntatis est, si potens dispensare videat te disponi ad operandum contra legem, & de facto operari, & taceat, nec impediat, cum facile id impedire possit. Quia qui tacet, consentire videtur, ex reg. iur. 43. in 6. quæ maxime procedere debet, cum ex officio teneatur non tacere, nisi consentiat. Ratio quare hoc signum videatur sufficere, est, ne præsumatur in superiore delictum, quod sanè esset, si sibi subditum non coerceret, & detineret, cum facile posset, ne legem sine dispensatione transgrediretur. Adde, illa patientia est rati habitio de præsentis, quæ sufficit ad concedendam iurisdictionem, ut multis allegatis probat Sanchez lib. 3. disput. 35. num. 20. Vasquez tom. de penitent. q. 93. art. 2. dub. 2. num. 5. Emanuel Saa verbo Confessor, post num. 31. & verbo consensus, num. 1. & verbo iurisdictionis, n. 1. & verbo Prælati, num. 4. Basilii lib. 5. de matrim. cap. 29. num. 1. & lib. 8. cap. 15. num. 7. & alij innumeri, quos refert, & sequitur Ioan. Sanchez in select. disput. 44. num. 3. Ergo multo magis sufficiet ad concedendam legis relaxationem, & ita tenet alios referens Sanchez lib. 8. disp. 4. num. 26. Salas disp. 20. de legib. sect. 9. num. 87. Suarez lib. 6. cap. 13. num. 21.

4. Video tamen gravissimos Doctores asserere taciturnitatem præcisè, & dissimulationem, cum possit à superiore effectus impediri, non esse sufficiens signum concessæ dispensationis: sic glossa, Cardinal. Ancharan.

Imola, Bonifacius, Innocentius, Hostiensis, Anton. Panormitanus, Henriquez, Bellamera, Anania, Felinus, Socinus senior, Selua, Anton. Gabriel, Menoch. Mayol, & Sayrus locis relatis à Sanchez lib. 8. de matrim. disp. 4. num. 25. & à Suarez lib. 6. de legibus, cap. 13. num. 18. licet num. 22. maxime in hanc partem inclinet, inquit enim solam taciturnitatem non sufficere ad præsumendam dispensationem, nisi addantur aliquæ aliæ circumstantiæ, videlicet quod defectus illius esset utrique, elsetque causa sufficiens non petendi expressam dispensationem, & inter dispensatum, & dispensantem esset familiaritas. Mouentur, quia ad dispensationem concedendam requiritur non tam permissiva voluntas, quam concessiva, siquidem est concessio alicuius privilegij: at ex taciturnitate, & dissimulatione solum infertur permissio, non tamen concessio. Quod videtur clarè probari ex text. in cap. super eo, de cognitione spirituali. ibi, id in Ecclesia tua dissimulare poteris, ita quod nec contradicere, nec tuum videaris prestare assensum. Idem colligitur ex cap. cum desideres, in responso ad primam questionem, de sententia excommunicat. ubi Episcopus admittens ad divina excommunicatum, non censetur illum absolovere. Ergo ex taciturnitate, & dissimulatione non infertur dispensatio.

5. Respondetur præcisam taciturnitatem, & dissimulationem non esse sufficiens signum concessæ dispensationis, nisi aliunde etiam constet Prælatum facile posse effectum impedire: hæc autem facultas, dum non probatur, nullo modo debet præsumi, quia potius stat præsumptio pro permissione facti, quam pro illius concessione, eo quod sapius Prælati permissivè se habet, quam concessivè; cum enim sæpè ex subita resistantia, subditi audaciores fiant, ob hoc damnum Prælati dissimulat, esto non dispense. Adde, etsi in hac dissimulatione aliquam culpam committeret pusillanimitatis, & negligentia; forte graviores faceret, si absque causæ examinatione dispensationem concederet, & ansam non mediocrem pluribus daret transgrediendi legem coram superiore, ut sic superior dispensare cum illis censeretur; quando autem duæ præsumptiones concurrunt, illa præferenda est, in qua minor culpa intercedit, ex l. si adulterium cum incestu, § 1. 2. & 3. ff. ad legem Iuliam, de adulter. & in hoc sensu dixit textus in cap. cum iam dudum, de præbend. multa per patientiam esse tolerata, quæ si deferantur in iudicium, non subsistunt. Quia non præsumi debet adfuisse superioris consensum, sed permissionem, eo quod non possit ob inconuenientia facile expedire, vel id non aduertit. At si subdito constet facile à superiore impediri posse, & obligationem impediendi aduertisse: tunc certè nescio quæ ratio, talis dissimulatio, non sit absoluta concessio: sicuti est, cum præsentis proprio parrocho illius subditum absolvis. Et per hæc soluitur fundamentum communis sententia canonistarum. Fateor namque præcisam dissimulationem, & taciturnitatem non arguere concessionem, maxime, quando in tali concessione sunt non leuia inconuenientia, ut in supradicto cap. super eo, contingebant. Verum si constet nullum esse inconueniens in concedenda dispensatione, quia causa adest sufficiens, si Prælati videat subditum contra legem procedere, & non impedit, cum facile possit, & aduertit; tunc certè dissimulatio erit concessio, ne delictum in superiore, & subdito præsumatur. Ad textum in cap. cum desideres, etsi Sanchez lib. 8. disp. 4. n. 24. dicat non præsumi ibi absolutionem, quia absolutio à censura non potest esse tacita, sed expressa. At longè probabilius est nullam esse pro absolutione excommunicationis, aut alterius censuræ formam præscriptam ab Ecclesia, ut relatis aliis docet Nauarr. de penit. distinct. 6. cap. 1. in princ. num. 59. & in comment. de Iubilæo, notab. 30. num. 8. Couarr. cap. alma, § 11 n. 6. & 7. Suarez de censur. disp. 7.

disp.7. sect.9. num.2. Salas disp.20. sect.9. num.85. Quapropter non ex defectu formæ, & ligni sufficientis ad exprimendam absolutionem, non præsumitur ibi adfuisse, sed quia noluit Episcopus eam dare; procedebat enim ex inconsideratione, & aduertentia, qua putabat ob iuramentum præstitum, quod excommunicatus fecerat de obediendo Ecclesiæ mandatis, esse iam absolutum. Adde, etsi pro valore absolutionis ab excommunicatione non requiratur vlla forma: at pro licito eius usu requiritur, qui absque vlla causa omitti non debebat, ideoque non præsumpsit Pontifex Episcopum illum intendisse absolvere per illam communicationem, sic excommunicatum.

6 Aduerto ratihibitionem, & præsumptionem voluntatis superioris, quæ sufficiens est ad deobligationem legis, non debere esse voluntatis futuræ, sed præsentis, & antecedentis actum legi contrarium, quia voluntas futura non est absolutè voluntas, sed erit. Ergo non potest actu te eximere ab obligatione legis, quia non potes eximi ab illius obligatione, nisi actu velit superior te eximere: sicut nec potes obligari lege, ex eo quod superior voliturus est te obligare, sed ex eo, quod actu vult.

Neque obstat ex ratihibitione voluntatis futuræ honestari actum aliàs prohibitum, vt contingit secundum probabilem sententiam in religioso, cui distributio, & acceptatio pecuniæ est prohibita sine licentia superioris, qui si rationabiliter præsumat superiorem non fore inuitum, si ipse accipiat, & distribuat, sed de facto si peteret, concessurum, non peccat. Ergo etiam in dispensatione legis est idem dicendum. Non, inquam, obstat, quia tunc religiosus non facit contra legem sibi per votum impositam, sed potius legi satisfacit, & illam exequitur. Lex enim non prohibebat acceptationem, & distributionem pecuniæ absolutè, sed exclusa licentia, taliter quod formaliter, vel virtualiter distributionem pecuniæ posita licentia concedebat. Vnde licentia non soluit legem, sed legem adimplet: secus dispensatio, quæ est legis vulneratio, quia in lege ipsa non includitur. Ex qua differentia nascitur, quoties à lege præscribitur licentia pro actu faciendo, posse extendi ad licentiam futuram; quia cum talis licentia non aduersetur legi, debet extendi, quoad fieri possit; ita vt non solum comprehendat præsentem, sed futuram: at dispensatio, cum legem vulneret, restringi debet, vt solum pro dispensatione præsentis sumatur. Quapropter nullo modo fieri potest actus à lege absolutè prohibitus, sub spe futuræ dispensationis, seu sub dispensatione, quæ concederetur, si petita esset. & ita tenet Suarez lib.6. cap.13. num.20. Salas disp.20. sect.2. n.8. Sanchez innumeros referens lib.8. disp.4. num.11. iuncto n.15. aduersus Menoch. de præsumpt. lib.2. præsumpt.20. num.23. & 26. Anton. Gabr. tom.3. commun. lib.1. tit. de præsumpt. conclus.8. num.15.

PUNCTUM XIII.

An cognitio causæ debeat præcedere dispensationem faciendam, ita vt dispensatio facta absque præmissa causæ cognitione nulla sit.

- 1 Explicatur questio. De quo legislatore sit sermo.
- 2 De legislatore in proprijs legibus dispensante, valida est dispensatio, absque causa cognitione.
- 3 De inferiore dispensante in legibus superioris plures affirmant validam esse dispensationem absque causa cognitione, si verè causa existit.
- 4 Probabilius est oppositum.
- 5 Quæ cognitio causæ ad licitam saltem dispensationem requiratur? Probabile est debere esse iudicalem.

- 6 Probabilius sufficere, quocunque modo sit.
- 7 Quomodo in foro externo probandum sit adfuisse causam dispensationis.
- 8 Motus proprijs testibus probari non potest: bene tamen scientia.
- 9 Clausula, Ex certa scientia, in rescriptis posita, operatur solum quoad causas ibi expressas.

1 L Oqui possumus de legislatore in proprijs legibus dispensante, & de illo dispensante in legibus superioris. Item loqui possumus de foro externo, & iudiciali, & de foro conscientiæ.

2 Si de legislatore dispensante in proprijs legibus sermo sit, credo dispensationem validam esse absque causæ cognitione, dummodo ipse illam velit concedere. Nunquam tamen sic esse concessam debet præsumi, nisi id manifestis signis demonstretur. Ratio prioris partis est, quia tota obligatio legis pendet à legislatoris voluntate: si ergo ipse absque causæ cognitione eximere te velit ab obligatione, exemptus manebis: & ita multis relatis docet Sanchez lib.8. disp.17. num.24. Couart. 4. decretal. 2. p. cap.6. & 9. num.8. & seqq. Azor tom.1. lib.5. cap.15. quest.19. Salas disp.20. sect.9. in princ. Basil. de Leon lib.8. cap.15. num.18. Suarez lib.6. cap.19. num.6. & alij innumeri apud ipsos. Ratio verò pro secunda parte est manifesta. quia dispensatio absque causæ cognitione fit temerè. Ergo non debet sic de legislatore præsumi. Quapropter in Trident. sess.25. cap.18. de reformat. dicitur, quod si vrgens, maiorque ratio quandoque postulauerit, cum aliquibus dispensandum esse, id causa cognita, summæque maturitate, atque gratis, à quibuscunque, ad quos dispensatio pertinebit, erit præstandum; aliterque facta dispensatio subreptitia censetur. Expende verbum, *subreptitia censetur*. quasi semper debeat censi subreptitia, & præter voluntatem concedentis, dum contrarium non constat.

3 Verùm si de legislatore dispensante in legibus superioris loquamur, plures Doctores affirmant dispensationem datam absque causæ cognitione validam esse utroque foro, quousque reuocetur; reuocari tamen posse vel ab ipso concedente, vel à superiore ipsius: sic tenent alios plures referentes Sanchez lib.8. de matrim. disp.17. num.11. Salas disp.20. sect.9. num.79. Suarez lib.6. de legib. cap.19. num.2. Basil. lib.8. cap.15. num.18. Præcipuum fundamentum est, quia licet ius ipsum expostulet cognitionem causæ præmitti dispensationi: non tamen constat illam expostulare pro forma, & valore ipsius, sed vt licitè concedatur. Quod non leuiter colligitur: siquidem æquè illa forma pro dispensatione faciendâ à Prælati inferioribus, & à supremis Principibus constituitur, vt expendenti iura allegata pro contraria sententia constare potest: at supremi Principes optimè possunt in legibus à se latis absque causæ cognitione validè dispensare. Ergo etiam possunt inferiores. Et probari satis potest ex cap. nihil, de electione. vbi de electo, absque causæ cognitione dicitur deiciendum esse, si indignus sit. Ergo si dignus sit, deici non debet. Quod autem sic concessa dispensatio reuocari possit tum à concedente, tum à superiore illius, est communis Doctorum, vt testatur Salas illa disp.20. sect.9. num.79. quia est contra ius positium, & naturale concessa. Ergo poterit infirmari, & quasi in pristinum statum reduci, si causa reducibilis est. Quod dixi, quia sunt aliqua impedimenta, quibus semel sublati non est in potestate legislatoris ea facere, vt renouiscant.

4 Nihilominus probabilius censeo utroque foro nullam esse dispensationem factam absque causæ cognitione, etiam si in re causa subsistat. sic docent post alios antiquiores Nauarr. cap. fin. num.4. de simon. Azor tom.1. lib.5. cap.15. quest.9. & 10. Couart. de matrim. 2. p. cap.6. §.9. num.12. Stunica quest.6. de voto, num.104. Gutierr.

lib. 1. canon. quest. cap. 19. num. 5. Menoch. consil. 15. num. 15. ubi testatur esse omnium. Barbosa 2. p. de potest. Episc. alleg. 33. num. 4. & 5. & alij apud ipsos. Probant; quia non videtur facultas dispensandi inferioribus commissa, nisi seruat iuris ordine: at ordo iuris ex postulat dispensationem precedere causæ cognitionem. cap. necesse. cap. dispensationis, 1. quest. 7. & ex Trident. sess. 14. cap. 7. de reformat. & sess. 25. cap. 18. de reformat. Secundò & præcipuè moueor, quia dispensatio facta sine cognitione causæ, est facta sine causa; quia in tantum causa mouere potest dispensantem, in quantum cognita est: si igitur nulla illius cognitio præcedit, dispensatio non erit data propter illam, & consequenter erit data sine causa. Ex qua ratione sentit Suarez loquens de voto, lib. 6. cap. 27. num. 7. dispensationem voti factam absque cognitione causæ nullam esse, etiam si in re causa subsistat. quod de omnibus legibus superioris dicere debebat.

Neque obstat fundamentum contrarium. Fateor cognitionem causæ ex postulari à Concilio, ut licita sit dispensatio in legislatore dispensante in propria lege: at in inferioribus ex postulari pro forma; quia inferiores absque causæ cognitione non possunt dispensare, & consequenter non possunt dispensare, quin causam cognoscant, aliàs dispensatio non nititur illi causæ, si cognita non sit.

5 Sed inquires, an hæc cognitio causæ ad licitè concedendam dispensationem requisita debeat esse iudicialis, vel sufficiat, quocunque modo nota sit dispensanti. Menoch. alios referens, & latè probans illo consil. num. 15. & 16. iudicalem cognitionem requirit, quia requirit citationem eorum, quorum interest, & terminum datum ad allegandum: aliàs, inquit, non præcedit causæ cognitio.

6 At mihi probabilius est quocunque modo dispensanti constet de causæ cognitione requisita ad dispensationem validè dispensare posse. Et in primis, quando causa notoria est, & manifesta, docent ferè omnes Doctores, cum glossa cap. manifesta, 2. quest. 1. cap. si quis sine examinatione, dist. 81. & cap. fin. verbo qui concubinas, dist. 51. Panormit. cap. praterea, num. 11. de testibus cogendis. Sanchez alios referens lib. 8. de matrim. dist. 4. num. 22. quia id quod est notorium, examinatione non indiget; habetur enim ac si iure esset probatum. Quando autem causa notoria non est, est tamen nota dispensanti, credo licitè dispensantem concedere dispensationem; quia cum à iure solum causæ cognitio pro dispensatione requiratur, & hæc cognitio iudicialis, & extraiudicialis esse possit, immeritò ad iudicalem cognitionem restringitur. Adde cognitionem causæ requiri, ut vitetur temeritas dispensantis, quam omnino vitat, dum sibi de iustificatione causæ constat. & ita docent, relato Syluest. verbo dispensatio in fine. & Bart. in l. Barbarius, ff. de officio pratoris, num. 8. Suarez lib. 6. cap. 13. num. 16. Salas disp. 20. sect. 9. num. 79. vers. imò quidam. Basil. lib. 8. cap. 15. num. 16.

7 Aduerto in foro externo nunquam admitti dispensationem: nisi probetur testibus causam adfuisse legitimam pro illius concessione. Hæc tamen probatio post datam dispensationem superuenire potest, qua facta admittenda erit in illo foro dispensatio. sic Suarez lib. 6. cap. 13. num. 16. Basil. lib. 8. cap. 15. num. 16. & 17. Nunquam tamen existimo requiri necessariò, ut ex ipsomet instrumento dispensationis probetur adfuisse causam, aut illius cognitionem: sufficit, si testibus, aut alia via constet; quia & hoc instrumentum amitti potest; & nulli est statutum hoc solo genere probationis probari posse. sic Suarez lib. 6. cap. 13. in fine. & pluribus exornat Sanchez lib. 8. disp. 4. num. 5.

8 Neque obstat aliquid motu proprio Principis esse factum, non posse testibus probari, sed solum assertionem Principis dicentis in concessione rescripti motu pro-

prio duci, ut expressè deciditur cap. si motu proprio, de prebendis. in 6. Quominus dicamus certam scientiam, & cognitionem causæ ex assertionem tantum Principis probandam esse. Non, inquam, obstat: nam motus proprius imbibit absolutam negationem, nunquam esse sic concessum ex postulat à Principe: quæ negatio aliunde quàm ex dicto Principis probari nullatenus potest. Quis enim scire potest, si ante hunc, vel alterum annum quis supplicauerit Principi pro concessione faciendâ? At certa scientia, cum quid positivum includat, probari potest aliunde, quàm ex dicto ipsius Principis: sic docet glossa in suprad. cap. si motu proprio, verbo expressè. Menoch. alios referens lib. 2. presumpt. 20. num. 7. Mascard. de probation. conclus. 845. num. 23. Thom. Sanchez lib. 8. disp. 4. num. 5. Basil. de Leon lib. 8. cap. 15. num. 17.

9 Addit insuper Sanchez num. 6. Menoch. num. 3. & Felin. cap. cum inter, num. 5. vers. intellige. de exception. & Basil. num. 17. clausulam appositam, Ex certa scientia, in rescripto dispensationis solum operari quoad expressas causas, non tamen operari quoad extrinsecas, quæ in rescripto expressæ non sunt; quæ enim ibi non exprimuntur, quomodo potest intelligi à Principe esse cognita: ipse enim nequit omnia vitia dispensati nota habere, quod maximè verum habet in supremo Principe, iuxta cap. 1. de constitution. in 6. qui nec tenetur, nec potest facta subditorum nosse; secus verò dicendum fortè esset de Episcopo, aut Prælatis particularibus, quibus obligatio inest subditorum vitam examinare, & eorum facta crebrò prospicere, qui si dicant se ex certa scientia dispensare, videntur dispensare ex notitia, & scientia omnium impedimentorum, quæ subdito poterant obflare dispensationi. sic Suarez lib. 6. cap. 13. num. 24. cum Abbate ex cap. innotuit, de elect. num. 9. per textum, & glossam ibi.

PUNCTVM - XIV.

An credi debeat Prælato dispensanti præmisisse dispensationi causæ cognitionem, præcipuè, si id assermet.

- 1 In foro conscientia optimè ei potest credi.
- 2 In foro externo si in propria lege dispenset. At si causam ex facto alieno pendentem alleget ad dispensandum, tamen si presumptionem faciat, datur probatio in contrarium.
- 3 In dispensatione legis superioris credendum est asserenti causam habuisse dispensandi, donec contrarium probetur.
- 4 Debet tamen declarare saltem in genere, se habuisse causam, aliàs probabilius est non esse credendum causam adesse.

1 **B**reuitè dicendum est, si pro foro conscientie loquamur, dum tibi contrarium non constet, credere potes Prælatum dispensantem causam legitimam dispensandi habuisse, & cognouisse; quia delictum nunquam debet præsumi, nisi probetur. l. si merito. ff. pro socio. ac esset delictum, si Princeps dispensaret absque legitima causa, eiusque cognitione: non igitur est præsumendum. Adde, ut fidem possis alicui in foro conscientie adhibere, sufficit probabilis aliqua ratio, quod te non decipiat. Videtur autem satis probabile, ut credas te non decipere Prælatum, quod nullum, vel leue ex tali dispensatione commodum illi accrescat, imò potius graue damnum, si absque causa dispenset, siquidem peccat. Ergo nixus hac ratione, cordatè procedis, si credas habuisse, & examinasse causam dispensandi. & ita tenet expressè Sotus in 4. dist. 21. quest. 2. art. 2. col. antepenult. & lib. 7. de instit. quest. 4. art. 3. ad 2. in fine. Suarez de censur. disp. 41. sect. 3. & lib. 6. de legib. cap. 13. num. 16. Thom. Sanchez lib. 8. disp. 17. num. 15. & 16.

2 Si autem pro foro externo loquamur, distinguendum est de dispensatione in propria lege, & in lege superioris, siue positiua sit, siue naturalis, vel diuina. In dispensatione ergo propriæ legis admitterem credendum esse Prælato dispensanti habuisse causam, si ipse asserat; quia cum ipse absque causa concedere dispensationem possit, non est cur de examinatione causæ pro valore dispensationis moueatur dubium. Quod si causam aliquam alleget, quæ ex facto alieno pender, vt ferè semper solet fieri in dispensationibus; etsi eius dictum præsumptionem faciat, non tamen aded efficacem, vt in contrarium non possit admitti probatio, vt pluribus allegatis docet Mascard. *de probat. concl.* 1233. à num. 35. & seqq. Menochius *vol. 1. consil.* 100. num. 25. quia id non est Principem arguere mendacij, sed inculpabilis ignorantia, & deceptionis; non enim omnia specialia potest Princeps cognoscere. *cap. 1. de const. in 6.*

3 In dispensatione autem legis superioris, quamque dispensans absque causa concedere non potest, si ipse testetur causam adesse, credendum illi est, donec contrarium probetur: sic Crauet. *consil.* 155. num. 42. & *tractat. de antiquit. tempor. part. 1. num.* 32. Menochius plures referens *consil.* 100. num. 29. & 30. Mascard. *concl.* 1233. num. 109. & seqq. rationem reddunt, quia dictum superioris dispensantis circa causam, facit grauem præsumptionem eam adesse, pro qua standum est, donec manifestis rationibus elidatur: imò non contemnendis Doctoribus placet integrè probare Principis assertionem, neque posse probationem in contrarium admitti. sic docuit Bald. in *consil.* 328. *Queritur si Rex, col. penult. versic. porro in Principe, lib. 1. & consil.* 327. *versic. item omnes Reges.* Socin. *senior consil.* 4. col. 3. lib. 3. & *consil.* 87. num. 18. Iaf. *consil.* 227. col. 8. lib. 2. & *consil.* 236. col. 2. lib. 2. Alexand. *consil.* 203. num. 11. lib. 6. & alij relati à Crauet. *illo tractat. de antiquit. tempor.* Menochius num. 26. & 27. Mascard. num. 108.

4 Quod si Princeps dispensando in lege illa superioris non declarauerit, ex qua causa mouetur, saltem in genere asserendo ex certa scientia, & sufficienti informatione causæ moueri, probabilius est non esse credendum ex causa iusta factam esse dispensationem, ac proinde nec validam esse: tum quia frustra expostulata esset causa pro valore dispensationis, si quoties sit dispensatio, semper adesse causam sit præsumendum, tum quia debebat Princeps significare non remerè, sed cordatè, & ex iuris ordine, scilicet ex cognitione causæ processisse; cum autem id non significauerit, meritò eius dispensatio repellitur. sic tenent Menochius *de præsumpt. lib. 2. tota præsumpt.* 10. & *consil.* 100. num. 30. & 31. Mascard. *de probat. concl.* 1233. num. 109. Nauarr. *lib. 3. consil. tit. de regularib. consil.* 56. & *comment. de spolijs, super cap. non licet, 12. quest. 2. §. 2. num.* 7. & 8. Sanchez *lib. 8. disp. 17. num.* 14. & 16.

PUNCTUM XV.

Quas condiciones seruare debeant hi, quibus committitur dispensationis expeditio.

Sunt aliqui, quibus non tam facultas dispensandi, quam dispensatio ipsa expedienda committitur. Videndum ergo est, quas condiciones seruare debeant tam dispensatione concessa pro foro externo, quam concessa pro foro conscientia.

§. I.

Explicantur clausulæ, quæ communiter apponi solent in dispensatione pro foro conscientia.

1 Explicatur prima clausula de qualitatibus in delegato

requisitis, esse, inquam; Magistrum in Theologia, vel Doctorem iuris canonici, & ab ordinario approbatum.

- 2 Sacerdotes Societatis IESV habent hoc privilegium, quamuis non sint gradu Doctoris, vel Magistri insigniti.
- 3 Potest dispensandum relicto vno dispensante, alium adire in dispensationibus concessis pro foro interno, secus pro foro externo.
- 4 Premittere debet dispensans causa cognitionem, alias nulla est dispensatio: ac dicto tamen non inrato dispendi creditur, & explicantur reliquæ alia conditiones.
- 5 An absolutio sacramentalis premi debet? Affirmat Basil. de Leon.
- 6 Probabilius est oppositum.
- 7 Qua ratione facienda est commutatio in pia opera.
- 8 An necessario littera dilanianda sint.
- 9 Qua ratione impedimentum dispensandum debeat esse occultum.
- 10 Neque ad contentiosum forum deducendum.
- 11 Quid si deductum fuit, & non fuit probatum integrè, sed semiplenè.
- 12 Quid si plenè probatum, & punitum.
- 13 Qua ratione coniux impedimenti ignarus conscius debet fieri nullitatis prioris matrimony.
- 14 Quid de potestate legitimandi prolem in his dispensationibus concessa.

1 Hanc dispensationis formam tam pro voto castitatis, quam pro quolibet alio impedimento ad matrimonium contrahendum refert Sanchez *lib. 8. de matrim. disp.* 34. à num. 1. vbi videri potest.

Prima ergo clausula continet qualitatem personæ, cui committitur dispensatio. Requiritur enim, vt talis delegatus insignitus sit gradu Doctoratus canonici iuris, in aliqua Academia, vel Magistri in Theologia: neque sufficit esse Licentiatum in decretis, aut Theologia, aut Doctorem iuris Cæsarei. Neque item harum facultatum professorem in Academia approbata, quantumuis idoneum. Item nec sufficit esse Magistrum in Theologia ex instituto aliquarum religionum, sed necessariò requiritur, vt gradu Doctoris, & Magistri insignitus sit in aliqua vniuersitate approbata, iuxta textum in *cap. statutum, de rescript. in 6.* Item neque sufficit si communi errore quis existimetur magisterij gradum habere; quia communis error non dat qualitatem, sed iurisdictionem: cum autem in præsentī qualitas in persona electa requiratur, & hæc deficiat, deficit conditio, vt validè eligi possit. sic Basilus *lib. 8. cap. 21. §. 1. num.* 13. Insuper requiritur esse ab ordinario approbatum ad confessiones excipiendas; constat ex tenore litterarum, quæ communiter expediuntur, quasque refert Sanchez *lib. 8. disp.* 34. num. 1. 2. & 3. Salas *disp.* 20. *de legibus, sect.* 10. num. 96.

Quæ autem approbatio requiratur? Thomas Sanchez *disp.* 34. num. 16. sufficere placet, etiam si pro singularibus personis data sit. v. g. pro viris, non pro fœminis, pro personis huius oppidi; quia ille est approbatus: neque approbatio restringenda est ad approbationem absolutam. At probabilius credo non sufficere, si respectu latoris approbatus non sit. Tum quia est satis probabile non posse has litteras expedire, nisi præmissa sacramentali confessione. Ergo qui illam efficere non est capax, non erit capax huius delegationis. Adde approbationem debere esse comparatione alicuius; ergo comparatione illius, qui illum ad dispensandum eligit. sic docet Basilus *lib. 8. cap. 1. §. 1. num.* 13. Si autem ex communi errore aliquis existimetur parochus, vel approbatus ab ordinario, is validè expediet has litteras; quia is, qui ex communi errore approbatus existima-

tur,

tur, ab ordinario approbatur, & iurisdictioni ei conceditur; secus verò est in qualitate Magistri, v. d. ximus; quia magisterium non est qualitas concedens iurisdictionem, secus approbatio.

2 Sacerdotes tamen Societatis I. s. v. quibus generales, aut alij superiores permiserint, privilegium habent ad expediendas has litteras, ex privileg. Gregor. XIII. concessio 3. Aprilis anno 1582. constatque ex compendio privilegiorum, verbo, *Confessarius*, num. 3. licet nullo gradu Doctoratus, aut Magistri sint insigniti. tradit Sanchez *suprà* num. 11. Basil. c. 21. num. 13. Salas *disp.* 20. de legib. sect. 10. num. 97. Rodriq. tom. 1. qq. regul. quest. 63. art. 8.

3 Quòd si hic Doctor, vel Magister iudicet esse subreptitiam, aut inualidam dispensationem, potest mutare postea sententiam, vel impetrans dispensationem potest alium adire, qui sibi videatur dispensationem validam esse iudicaturus. Ratio est, quia hæc dispensationes, cum committantur Confessario in foro conscientie tantum, sequuntur naturam illius fori, in quo potest iudex sententiam datam reuocare, vel pœnitens aliud denud adire, vt patet in eo, qui ex privilegio ad absolutionem censuræ, aut peccati, aut ad voti commutationem elegit confessorem, potest alium & alium adire, quando primi electi sententia ei non placuerit. sic Sanchez *disp.* 27. num. 40. Basil. num. 14. Secus verò est in dispensationibus, quæ pro foro externo conceduntur, ibi enim si iudex delegatus declaret esse subreptitium, aut validum, cum functus sit officio suo, ad quod fuit delegatus, non habet amplius quid faciat, neque alius adiri potest, vt communiter tradunt Doctores in l. index posteaquam, ff. de re iudicata. & docet Sanchez *disp.* 27. num. 39. Basil. num. 14.

4 Secunda clausula continet condiciones aliquas observandas ante dispensationis expeditionem. Debet enim Confessarius verificationem causarum, quæ allegatz sunt ad dispensationem, indagare. Vnde si absque examine, cognitioneve causarum dispensationem expediat, nulla erit dispensatio; quia Pontifex non vult prodesse dispensationem, nisi sub conditione, & forma huius examinis, vt constat ex verbis in litteris dispensatoriis appositis. ibi, *si ita esse per diligentem latoris examinationem, ac post monita, & consilia, opportuna illi prestata, inuenieris*. Quod ad id verum est, vt etiam si causa subsisteret, nulla esset dispensatio omisso hoc examine, quia omittitur forma, & conditio requisita: sic cum Gutierrez docet Sanchez *disp.* 34. num. 26. Salas *disp.* 20. sect. 10. num. 97. Basil. num. 16. Examen hoc non debet fieri recipiendo testes, sed solum interrogando ipsum latorum, cui in hac parte fides est omnino adhibenda. An autem requiratur iuramentum à latore expostulari? Dicendum, inquam, est, necessarium non esse, quia diligenter examinari potest lator, absque eo, quòd iuramento grauetur, sicut examinatur in foro pœnitentie: cui foro hæc expeditio maximè est conformis. Sanchez *disp.* 34. n. 21. Salas *sect.* 10. num. 97. Non tamen condemnarem eum, qui vt plenius sibi satisfaceret, hoc iuramentum à paribus expostularer. sic Basil. num. 16. quia hæc expeditio non plene imitatur sacramentale formam. Si tamen constat causam esse notoriam, & manifestam, vel ipsi confessario satis cognita, nullum erit examen necessariò præmittendum, quia cessat causa, ob quam mandatur, scilicet cognitio veritatis. Thom. Sanchez. Salas, Basil. *suprà*. Quòd si Confessarius aliunde cognoscat causam esse falsam, non debet credere latori, nec potest exequi dispensationem; quia hoc examen ad veritatem indagandam assumitur, quæ cum iam indagata sit, impertinens est latoris in contrarium testificatio. sic Sanchez, Salas, Basil. *suprà*. Consilia autem, & monita, quæ Confessarius adhibere debet ad veritatis cognitionem ordinantur: probabile autem est hæc non necessariò re-

quiri, sed ex æquitate, & convenientia; sufficienter enim veritas indagatur interrogatione confessoris, & responsione oratoris. sic Sanchez num. 27. Salas num. 97. Basil. num. 16. Additur insuper in rescripto, vt eundem à mutatione propositi absolvas hac vice, in forma Ecclesie consueta, iniuncta pœnitentia saluari. A mutatione, inquam, propositi, si fortè culpabilis fuit, debet dari absolutio; vt si habens votum castitatis, illud fuerit transgressus: tunc enim debet absolui ab illa transgressionem, per illam enim mutavit propositum antè per votum conceptum.

5 An autem hæc absolutio præmittenda necessariò sit dispensationi, vel dispensatio concedi debeat audita peccatorum confessio? Basil. de Leon lib. 8. cap. 2. §. 1. num. 17. affirmat. Mouetur, quia Pœnitentiarius vtitur in his dispensationibus ea voce in foro pœnitentie, quæ non potest extra sacramentum aptari. Deinde, quia omnia, quæ in his litteris continentur, indicant sacramentalem confessionem. Primò, quia vtitur verbo absoluedi, & in forma Ecclesie consueta. Secundò & præcipue, quia requirit qualitatem approbationis, quæ superuacanea videtur, posita qualitate magisterij, si confessio non requiritur.

6 Nihilominus probabilius est hanc dispensationem expediri posse, quin confessio sacramentalis præmittatur. sic Sanchez *disp.* 34. num. 29. Gallego de cognat. spirit. cap. 23. num. 2. Salas *disp.* 20. de legib. sect. 10. num. 98. Ratio præcipua est, quia ibi Pontifex non dicit dispensationem expediendam esse pro foro pœnitentie, sed pro foro conscientie. forum autem conscientie non est forum sacramentale, sed secretum, & extraiudiciale, vt optimè tradit ex Præposit. cap. præterea, et 2. num. 5. de sponsalib. Sanchez *suprà*, & docuit Nauarr. summ. cap. 27. num. 41. & lib. 5. consil. tit. de privileg. consil. 11. num. 2. in 2. edit. Saa verbo excommunicatio, num. 1. Eman. Rodriq. tom. 1. reg. qq. quest. 61. art. 10. Item absolutio danda ei, qui mutavit propositum votum transgrediens, non expostulatur à Pontifice, vt conditio, & forma ad dispensationem concedendam: tum, quia non semper hæc absolutio necessaria est, quia non semper quis voti fuit transgressor: tum, quia quando est necessaria absolutio, non videtur esse ad dispensationem; sunt enim res omnino diuersæ, neque in rescripto est aliquod verbum, ex quo colligi possit hanc absolutionem prius, & necessariò dandam esse, & aliter factam dispensationem esse nullam. Nam quòd Pœnitentiarius vtatur verbo absoluedi in forma Ecclesie consueta, non arguit hanc absolutionem præmittendam esse dispensationi necessariò, poterit enim subsequi, vel omitti, quin dispensatio annulletur. Duplex enim potestas in his litteris confessori committitur, altera absoluedi, si fortè lator transgressor fuerit sui propositi; altera dispensandi in proposito, seu voto, vel impedimento, quæ vna ab alia non pendet in exercitio. Quòd si infles facultatem istam absoluedi non videri necessariam, cum ipse approbatus ab ordinario illam habeat? Respondet optimè Sanchez illam sæpè non habere; quia sæpè transgressio voti est reservata in diœcesi. Neque etiam arguit hanc absolutionem debere præmitti qualitas approbationis requisita in dispensante; quia hæc qualitas requiritur, tum vt possit absolutio concedi, quando de facto necessaria est: tum vt Pontifici omnimodo constet de scientia illius, cui committitur dispensatio. Et per hæc fit satis rationibus Basilij.

7 Tertia clausula continet commutationem in pia opera, quam debet Confessarius virtute huius privilegij, & delegationis facere. Circa quam conditionem observandum est non esse in potestate dispensatoris hæc opera omittere, quia opponitur pro forma; poterit tamen ea moderari, prout sibi visum fuerit, dummodo aliqua lingulis dicbus facienda exprimat. Sanchez *disp.* 34.

disp. 34. à n. 33. Basil. n. 18. Salas n. 98. dicitur enim in reſcripto: Commutes (ſcilicet votum) in frequentiam ſacramentalis confeſſionis, ſingulis ſcilicet menſibus ſemel, vel quoties tibi videbitur, & in alia pœnitentiæ opera iniungenda, inter quæ ſint aliqua pietatis opera, quæ quotidie facere teneatur. Quapropter licet tibi imponere diſpenſando non ſingulis menſibus, ſed tertio quoque menſe confeſſionem; & opera religionis, vel pietatis quotidiana, quæ tibi viſa fuerint ſaluti diſpenſandi vtiliora: hic enim ſinis attendendus neceſſariò eſt. ſic Sanchez *diſp. 34. à num. 33. Baſil. lib. 8. cap. 21. num. 18. Salas diſp. 20. de legibus, ſect. 10. n. 98.* An autem iniungi poſſint opera, vel confeſſiones, aliàs ex voto, vel pœnitentia d. 8. affirmat. Et probari poteſt; quia eſt

8. affirmat. Et probari poteſt; quia eſt ra vno titulo, non obſtat, quominus a. locantur. Item cùm tibi imponitur ſingulis menſibus confeſſio, non intendit Confeſſarius menſe, quo præcepto Eccleſiæ ſatisfaciſ, duplicare confeſſionem, vt Sanch. docet n. 37. Ergo iam confeſſio debita ex præcepto iniungi poteſt. At credo commutationem neceſſariò eſſe faciendam in opera ſupererogationis, quia ea videtur eſſe mens Pontificis, obligare, inquam, diſpenſandum, aliàs non obligatum; cùm enim gratis tollat impedimentum, vult loco illius, vt aliquid Deo gratioſum ſubrogetur. Et confirmari poteſt ex pœnitentia in ſacramento iniuncta, quæ abſolutè prolata de operibus aliàs indebitis intelligitur. ſic Sanchez n. 37. Baſil. n. 8. Neque obſtant rationes contrariæ. Concedo poſſe opera multiplici titulo deberi, atque adeò poſſe Pontificem in opera aliàs debita admittere commutationem: at dum non exprimit, non eſt ita cenſendum. Quando autem ſingulis menſibus imponitur confeſſio ex benignitate Pontificis, ſubintelligitur menſis exceptus, in quo præcepto Eccleſiæ viſ face- re ſatis.

8 Quarta clauſula eſt; vt hæ litteræ dilanientur à Confeſſario, nec tradantur oratori, & ſi ei traditæ fuerint, nihil ei ſuffragentur. Circa quam conditionem aduerto non eſſe de ſubſtantia diſpenſationis, cùm eam diſpenſatio præcedat; mens enim Pontificis ſolùm videtur eſſe, ne illæ litteræ in foro externo ſuffragentur impetranti, non ramen infirmare in foro conſcientiæ diſpenſationem factam. ſic Sanchez *num. 42. Baſil. n. 19. Salas n. 98. circa finem.*

9 Quinta clauſula eſt, vt impedimentum in ratione impedimenti occultum ſit, hoc eſt, non publicum, & notorium tale delictum ad eſſe, ſicuti dicitur in Trident. *ſeſſ. 24. cap. 6. de reformat.* dicitur occultum, non quòd non poteſt probari, vt tenet Graſſis *tom. 2. conſil. ſub tit. de homicid. conſ. 2. num. 20.* Nicol. Garcia *de benefic. 7. part. cap. 11. n. 46.* ſed quòd non eſt publicum, hoc eſt, quòd non eſt cognitum à maiori parte viciniæ, in qua ſint ad minus decem perſonæ. ſic Sanchez *lib. 2. de matr. diſp. 37. num. 11. & lib. 8. diſp. 34. num. 55. & in Decal. lib. 2. cap. 11. n. 19.* Barbosa *2. p. de poteſt. Episcop. alleg. 39. n. 24. & 25.* vbi innumeros reſert.

10 Deductum ad forum contentioſum non dicitur, ex eo quòd iudici delictum denuntiatur ſit, ſed ex eo, quòd pars ſit à iudice citata; quia à citatione incipit iudicium, §. *fin. Inſtit. de pena temerè litigantium.* gloſſa in *rubr. C. de in ius vocand.* Riccius in *praxi fori Eccleſiaſtici, reſol. 449. in 2. edit. & in 1. 522.* Sanchez *locis alleg.* Imò non paucis, neque contemnendis Doctõribus placent, non dici deductum ad forum contentioſum, quouſque lis conteſtata ſit. ſic docet Barbosa *2. part. de poteſt. Episcop. alleg. 39. num. 29. & ſeqq.* Mouetur primò, quia vſque tunc non verè datur inter partes contentio, negando, vel conſiteſcendo: per confeſſionem enim, vel negationem actu lis conteſtatur, vt aliis relatis docet Farinac. *tom. 2. prax. crimin. quaſt. 10. ſub num. 35. ad finem.* Secundo, quia forum contentioſum eſt idem ac iudicium, ſed

iudicium propriè non eſt, neque ad litis conteſtationem, ex allegatis per Lancellot. *de attentatis, in præfat. num. 7.* Peregrin. *variar. lib. 2. ſub rubr. de iudic. num. 54.* Tertio, quia forum contentioſus dicitur ex eo, quòd in foro, ſeu iudicio concedatur, ſed contendere in iudicio, eſt idem ac mouere litem in iudicio: at in iudicio non cenſetur lis mora, quouſque fuerit conteſtata, ex *text. in cap. ex parte, 30. de verb. ſignific. & tradit Maranta de ordin. iudic. part. 5. tit. & omnia ſiant durante inſtantia, num. 64.* Surdus *de alim. tit. 5. q. 8. n. 4.*

11 Quòd ſi poſtquam deductum eſt ad forum contentioſum in illo foro fueris abſolutus; iam tunc occultum delictum eſt, & poterit diſpenſari, quia non poteſt dici cum effectu deductum, & quia per abſolutionem manet magis occultum, quàm ſi nunquam ad iudicium deductum fuiſſet. ſic Sanchez, & Barbosa *locis ſuprà allegatis.* Quod habet verum, etiam ſi mediis deprauatis obtinueris abſolutionem. ſic Suarez *de cenſur. diſp. 41. ſect. 2. à num. 6.* Sanchez *lib. 2. de matrim. diſp. 37. num. 12. & lib. 8. diſp. 34. num. 57.* Barbosa *num. 33.* Limitat autem Suarez hanc ſententiam, vt intelligatur, quando abſolutio data eſt de delicto, eo quòd non fuerit probatum; ſecus verò ſi ſemiplenè probatum fuit. At meritiò à Sanchez *lib. 8. diſp. 34. num. 57.* reſicitur, quia tunc abſoluitur ab inſtantia iudicij, neque poteſt iam illud delictum in iudicium deduci, niſi ex nouis circumſtantiis ſuperuenientibus. quare dum illæ non ſuccedunt, jam manet illud delictum occultum, ſiquidem per illam ſententiam interlocutoriam purgata fuit informatio certa ex illa ſemiplena probatione; & facit id, quòd docet Barbosa *n. 34. cum Sayro, Mayol. & aliis.* Quòd ſi iudicium non fuerit ſententia finitum, eo quòd accuſator per annum tacuerit, manere occultum, ita vt poſſit diſpenſari.

12 Sed quid ſi deductum ſit, & probatum, & punitum, erit ne tunc diſpenſabile? Affirmat Henriquez *lib. 14. cap. 9. n. 5.* Auila *de cenſur. p. 2. diſp. 2. dub. 7. & p. 7. diſp. 10. dub. 7.* Sanchez in *Decalog. lib. 2. cap. 11. n. 21. verſ. ſed quod.* Reginald. *lib. 30. praxi, tract. 2. n. 29.* Mouetur, quia ceſſat ratio, quare delicta publica, & deducta ad forum contentioſum prohibeantur diſpenſari, quæ eſt ne impediatur eorum iudicialis punitio. Cæterum etſi in diſpenſatione irregularitatis, inhabilitatis, excommunicationis, & aliorum impedimentorum commiſſa Episcopis in Trident. id cenſeam vt probabile ſuſtineri poſſe. At in his diſpenſationibus, quæ à ſacra Pœnitentia pro delictis, & impedimentis occultis conceduntur, nequaquam aſſentior, quia ibi petitur, vt delictum ſit occultum. Quid ergo magis publicum, quàm quòd nulla tergiverſatione celari poteſt, & ſuper quo in iudicio eſt lata ſententia? Et ita de omnibus generaliter negat diſpenſari, vel abſolui poſſe. Barbosa *illa alleg. 39. n. 35.* cum Gutierrez. *lib. 1. canon. qq. cap. 3. ad fin. Eman. in ſumm. 1. part. cap. 168. in fin.* Suarez *diſp. 41. de cenſur. ſect. 2. n. 5. ad fin.* Bonacina *de cenſuris, diſp. 1. quaſt. 3. punct. 2. num. 2. & diſp. 7. q. 5. p. 1. n. 5.*

13 Sexta clauſula eſt, vt coniux impedimenti ignarus, certior ſit factus de nullitate prioris matrimonij: & ponitur hæc notitia ſub ablatiuo abſoluto, quòd videtur conditionem neceſſariam importare, ex *l. à reſtatore, ff. de condit. & demonſtr.* Cæterum mihi placet ſententia Sanchez *illa diſp. 34. n. 61.* illam notitiam non apponi pro conditione ad diſpenſationem, ſed in inſtructionem Confeſſarij, qui cùm viderit id fieri poſſe, quin latoris delictum detegatur etiam ſub graui ſuſpicionem, id faciat; ſecus verò ſi abſque graui ſuſpicionem delicti, certiorari non poteſt coniux de nullitate prioris conſenſus. Item ſæpè hæc notitia fieri non poteſt, quin graues inimicitia inter coniuges oriantur, maxime ſi impedimentum fuit ex parte fœminæ. Ergo in illo caſu non eſt credendum velle Pontificem certiorum facere coniug

coniugem de nullitate prioris matrimonij; quia esset certiorari virum de delicto forinse. Adde illam clausulam non tam expostulari à Pontifice pro valore dispensationis, quàm pro matrimonij restauratione, quia existimauit instaurari non posse matrimonium, nisi certiorato coniuge de nullitate prioris consensus: at urgente causa est probabile satis instaurari posse, quin habeatur talis notitia. Ergo ad summum intelligitur esse faciendam, quando pro restauratione matrimonij expostulatur.

14 Potestas legitimandi prolem concessa in his dispensationibus, solum etiam prodest pro foro conscientie. Vnde pro solo ipso foro potest, & utrique parenti succedere, & ad ordines accedere, non tamen in foro externo. Quare si beneficium ei collatum sit, & impedimentum manifestatur, impetrari ei potest ut omnino vacans, & collatum illegitimo; quia solum pro foro interno profuit dispensatio. Quando verò ex parte vnius est bona fides, proles in utroque foro legitima est: neque tunc apponitur clausula decernens legitimam esse prolem, nisi ut scrupuli tollantur. Vltimò aduerte has dispensationes gratis semper exhiberi, neque per modum recompensationis aliquid expostulari, ut constat ex verbis illic appositis, & ex communi stylo.

§. II.

Explicantur clausulæ apponi solitæ in dispensationibus pro foro externo.

- 1 De qualitate delegari.
- 2 Quæ causæ, & quibus modis dispensatio concedenda sit.
- 3 Possintne delegari hæc dispensationes? Proponitur dubitandi ratio.
- 4 Resoluitur examinationem testium, veritatis indagacionem delegari posse, non absolutionem, neque dispensationem, neque proli legitimacionem.

1 **H**Æ clausulæ apponuntur à Sanchez lib. 8. disp. 35. i. num. 1. 2. & 3.

Prima continet personam, cui dispensationes committuntur expediendæ, qui est officialis diœcesanus. Nomine officialis, qui veniat intelligendus, latè dixi in tract. de priuileg. ibi enim probaui debere esse vicarium Episcopi, vel illius, qui iurisdictionem quasi Episcopalem habet: quales sunt aliqui Abbates, vel priores. sic Basil. lib. 8. cap. 21. num. 20. Riccius in praxi decif. 252. vbi testatur sic declarasse Summum Pontificem: si autem contrahentes diuersæ sint diœcesis, sufficit, si ordinatio vnius litteræ præsententur. Basil. supra. Sanchez disp. 35. num. 5. quia absolute est illorum ordinarius, vnius directæ, & alterius indirectæ.

2 Secunda continet causas, ob quas expedienda est dispensatio, quando ex causa conceditur, quas causas explicauimus, cum specialiter de dispensationibus concessis pro matrimonio contrahendo disseruimus.

Tertia continet modum, quo hæc causæ debent verificari. Non enim est necessarium officiali, cui talis expeditio conceditur, Notario, & testibus iuratis veritatem inuestigare, sed quomodocunque de veritate causarum, quæ ad dispensationem concedendam sunt allegatæ, certus fiat, sufficiens est. ita Paris. volum. 4. consil. 75. num. 55. Basil. lib. 8. cap. fin. num. 25. & lib. 5. cap. 32. num. 3. vbi quando aliquid relinquitur iudicio alicuius, idem est ac relinqui conscientie, nec iudicalem indaginem requiri: ut constat ex multis iuribus, quæ colligit glossa in cap. fin. de voto, & cap. nisi cum pridem, de renunciat. ad finem. ibi, tibi reduximus relinquendum. & præcipue cap. statutum, de rescriptis. in 6. §. assessor. ibi, quod conscientia relinquatur eiusdem, vbi glossa, cum enim hoc conscientie relinquatur ipsius.

Ergo solus Deus, hic, & nullus alius est iudex, vel cognitor, quam glossam pluribus exornat Philippus Francus ibi, num. 6. Quod si in dispensatione affirmet Pontifex dispensare ob aliquas causas, quæ contrahentium animum mouerunt, ut cuperent se inuicem copulari; cum tunc nullius causæ in particulari mentio fiat, censetur Pontifex gratis dispensare, pecunia à contrahentibus in subsidium data. Neque tunc tenetur commissarius, cui expeditio dispensationis delegatur, inuestigare causam aliquam, ut rectè docet Sanchez disput. 35. num. 24. Neque obstat mandari officiali in his dispensationibus, ut inuestiget, an preces veritati nitantur: id enim solum ad impedimentum refertur, hoc est, inuestiget, an verè sint impedimenta, ut possit dispensare, vel solum ex communi stylo curiæ apponitur.

Quarta clausula est, quæ etiam habetur in dispensationibus pro foro conscientie, ut fiat gratis, nec aliquid etiam sponte oblatum accipiatur. quod qua ratione verum sit, latè dicemus in tract. de simonia.

3 Sed inquirens, an hi, quibus hæc dispensationes committuntur, possint eas subdelegare, vel saltem informationem causæ, aut aliquid simile?

Ratio difficultratis est, quia videtur in his dispensationibus electa industria personæ. Dicitur enim, discretioni tuæ, de qua in his specialem in Domino fiduciam obtinemus. Item conscientia oneratur dispensantis, tam in examinatione veritatis, quàm in dispensatione faciendâ: at quoties conscientia alicuius grauatur, videtur subdelegatio prohibita, & personæ industria specialiter electa, ut tenet Iason in l. iudice. C. de iudic. num. 11. limit. 5. Bald. in cap. si pro debilitate, de officio deleg. num. 6. Imola in cap. fin. §. 1. eodem tit. Leo in thesauro fori Ecclesie, cap. 15. num. 49. Et casu quo nominatæ personæ dispensatio expedienda committeretur, affirmat Grassis decif. 9. casuum conscient. lib. 1. cap. 13. n. 19. Sanchez lib. 8. disp. 27. fin. num. 43.

4 Nihilominus dicendum est, etiam si personæ nominatæ commissio fiat, posse veritatis indagacionem, examinationemque testium delegari; non tamen dispensationem, neque legitimacionem proli, neque absolutionem, impositionemque penitentiae, seu commutationem in pia opera. Priorem partem, scilicet examinationem testium, indagacionemque veritatis delegari posse, tenet Abbas in cap. ult. §. 1. de officio delegati, num. 7. & in cap. cum in veteri, in princ. de electione. Nauarr. consil. 6. de officio deleg. num. unico in 2. adit. Marc. Anton. Genuens. cap. 83. num. 5. Nicolaus Garcia plures alios referens 6. p. de benefic. cap. 2. à num. 100. Thom. Sanchez lib. 8. de dispensat. disput. 27. num. 43. Menoch. tom. 1. consil. consil. 17. num. 12. Ratio est, quia examen testium, indagatioque veritatis actus est iurisdictionis, ac proinde delegari potest. Secundam autem partem, scilicet dispensationem, legitimacionem proli, impositionemque penitentiae delegari non posse, tenent ferè omnes Doctores suprâ relati, præcipue Thom. Sanchez, & Menoch. quia est nudum ministerium, quod subdelegari non potest, ex doctrina recepta in cap. fin. de officio delegati, quam pluribus exornat Felin. ibi. §. ult. ad fin. vers. 4. Grassis decif. 157. in addition. ad eam, num. 6. & 7. Genuensis cap. 83. num. 6. Et de legitimacione proli est alia specialis ratio, quare subdelegari non possit, quia est ex Principi reseruatis in signum suæ supremæ iurisdictionis. §. si verò is qui solummodo. in auth. quibus modis natur. effic. sui. Bald. in l. 1. col. 1. C. de iure adreorum annull. Felin. in cap. ult. num. 4. vers. fallit in reseruatis, de officio delegati, & Purpurat. in l. 1. num. 373. & 374. de officio eius. Menoch. dicto consil. 17. num. 9. at vbi reseruata Principi delegantur, subdelegari non possunt, ut tradit ibi Menoch. cum Baldo in rubr. de officio deleg. & cap. ult. eodem tit.

&

& ibi Felin. num. 4. Ias. in l. a. indice. col. ult. versic. 13. limita. C. de iudic. Decio, Alexand. Purpurato, & aliis. Ergo.

PUNCTUM XVI.

De causis, ex quibus dispensationis rescriptum reddatur nullum.

Tripliciter dispensationis rescriptum reddi potest nullum. Primò, si deficiat causa requisita ad dispensationem. Secundò, si deficiat potestas in dispensante. Tertiò, si deficiat consensus. De primis duobus modis satis superque in hac disputatione dictum est. De tertio restat nunc dicendum. Consensus namque deficere potest. Primò, si dispensans cogatur per metum cadentem in virum constantem concedere dispensationem. Secundò, si per ignorantiam, vel errorem inducatur ad illam concedendam.

§. I.

Quid de consensu per metum.

- 1 Probabilium cenſeo, ſi cauſa legitima intercedit, non eſſe irritam diſpenſationem.
- 2 Secus ſi non adest cauſa, niſi in propria lege, diſpenſatio conceditur.
- 3 Debet tamen diſpenſans abſolutam voluntatem habere diſpenſandi.

ET quidem de consensu coacto, omnes illi Doctores, qui affirmant metum iure naturæ annullare quemlibet contractum, consequenter affirmabunt annullare dispensationem. At quia loquens de metu probabilium cenſeo ex hoc capite non eſſe iure naturæ irritum contractum, cenſeo neque dispensationem ſic extortam eſſe irritam, ſi cauſa diſpenſandi aliàs intercedit, quia metus non tollit voluntarium, etiamſi illud diminuat. Quapropter ſi demus diſpenſantem habere abſolutam voluntatem diſpenſandi, non obſtante iniuria per metum ſibi facta, diſpenſatio obtinebit. Iure autem poſitiuo non inuenitur talis diſpenſatio irritata, & annullata; ſolùm enim de abſolutione ab excommunicatione inuenitur cautum, eſſe nullius effectus. cap. unic. de his qua vi, in 6. quod non licet extendere ad diſpenſationem, quæ eſt omnino diuerſa. quæ doctrina tam in diſpenſatione legis poſitiuæ, quàm naturalis, ſcilicet voti procedit. & ita tenet Suarez lib. 6. de legibus, cap. 21. num. 21. & lib. 6. de voto, cap. 27. n. 27.

1 Dixi. Si cauſa legitima diſpenſandi in lege intercedat, quod notatur appoſui ob diſpenſationem conceſſam in voto, iuramento, & qualibet lege ſuperioris; in quibus ſi diſpenſans cogeretur concedere diſpenſationem, legitima cauſa diſpenſandi non propoſita, nulla eſſet diſpenſatio non tam ex metu, quàm ex defectu cauſæ. quod optimè aduertit Suarez lib. 6. de voto, c. 27. n. 18. At ſi cogitur diſpenſare legitima cauſa intercedente, iuſtus videtur eſſe metus incuſſus: neque conqueri poteſt Prælatuſ de tali incuſſione, præcipuè ſi cauſa ſit, ex qua debebat ipſe diſpenſationem concedere. Quòd ſi metus legiſlatori eſſet iniuſtè incuſſus, ut ipſe in propriis legibus diſpenſationem concederet, & de facto concedat, nulla illi allegata cauſa, diſpenſatio tenet, quia illam dare poteſt abſque cauſa, præcipuè cùm ex parte ipſius ſufficiens cauſa ſit honeſtandi diſpenſationem, metus incuſſus.

3 Dixi ſimiliter, ſi diſpenſans habet abſolutam voluntatem diſpenſandi, valere diſpenſationem; quia ſufficiens fundamentum eſt, ut præſumatur, non animo, ſed verbo tenus diſpenſationem concedere. At quia etiam eſt præſumptio neminem alio ſenſu verba proferre, Ferd. de Caſtro Sum. Mor. Pars I.

quàm in animo habet, ex cap. humane aures, 22. queſt. 5. ibi, humane aures verba noſtra talia inducant, qualia foris ſonant. Quare nili manifeſtè conſtet de contraria voluntate, pro verbis iudicari debet, ut tradit gloſſa in ſupradicto cap.

§. II.

Quid de consensu per ignorantiam, vel errorem.

- 1 Ignorantia, vel error tollens voluntarium, annullat gratiam, & quamlibet diſpenſationem.
- 2 Reſcriptum gratiæ per ſubreptionem obientum ipſo iure eſt nullum. Reſcriptum iuſtitia venit annullandum.
- 3 Debet in reſcripto attendi, quod ſit primò conceſſum, ut intelligatur, quando eſt reſcriptum gratiæ, quando iuſtitia.
- 4 Taciturnitatis, veritatis, vel expreſſio falſitatis, reddit ſupradicto modo reſcriptum nullum, tamenſi in culpa non ſit.
- 5 Si deceptio committatur circa ſubſtantialia, vel circa perſonam, cui committitur, reſcriptum annullatur. Explicatur exemplis de ſubſtantialibus in materia reſcripti.
- 6 Explicatur de errore commiſſo circa perſonam.
- 7 Quid ſi ex errore concedens diſpenſationem, intelligit eſſe alium ab eo, cui re vera concedit. Affirmat Sanchez valere diſpenſationem.
- 8 Probabilium eſt oppoſitum.

Præſupponenda ſunt aliqua certa, ut gradum ad difficiliora faciamus.

Primò certum eſt; ſi detur ignorantia, vel error, qui voluntarium tollat, diſpenſationem, & quamlibet aliam gratiam, & reſcriptum eſſe nullum; quia hæ conceſſiones ſine voluntate concedentis habere non poſſunt effectum. Dupliciter autem error, vel ignorantia contingere poteſt. Primò, ſi cauſam, ex qua impeditur diſpenſatio, taceas. Secundò, ſi falſè exprimas cauſam, ex qua conceditur; quocumque enim ex his modis error, vel ignorantia contingat, diſpenſatio, gratia, & quodlibet aliud reſcriptum irritum eſt. habetur cap. ex parte, cap. ſedes, cap. ſi proponente, cap. conſtitutus, cap. poſtulaſti, de reſcript. cap. quia circa, de conſanguinit. & affinit. cap. inter dilectos, 2. c. ſ. ult. de ſide inſtrum. cap. ult. de filiis præbyter. in 6. & l. quod ſi nolum. ff. de adilit. edict. Ratio eſt, quia non intendit Pontifex tali errore, vel ignorantia ſtante reſcriptum concedere; in quolibet enim reſcripto ſubintelligitur hæ conditio, ſi preces veritati nitantur. quæ cùm à veritate alienæ ſint, vel per ſuppreſſionem veri, vel per expreſſionem falſi, conditio requiſita ad reſcripti valorem non ſubſiſtit, & conſequenter neque reſcriptum. Quod adeò verum eſt, ut etiamſi in reſcripto non diceretur expreſſè, ſi preces veritati nitantur, ſi de facto non nituntur veritati, reſcriptum nullum eſt, ut eſt decifio expreſſa in cap. ex parte, de reſcript. ibi, in huiusmodi litteris intelligenda eſt hæ conditio, etiamſi non apponatur, ſi preces veritati nitantur. quia eſt conditio, quæ de iure ineſt, ut bene explicat gloſſa ibi. Neque obſtat textus in l. fin. C. de diuerſis reſcript. ex qua videbatur ad irritationem reſcripti neceſſarium eſſe hanc expreſſi conditionem: inquit enim lex, ſub ea conditione proferri præcipimus, ſi preces veritati nitantur. Ergo quando non ſub ea conditione proferitur reſcriptum, valorem obtinebit. Non, inquam, obſtat: tum quia ibi non præcipitur reſcriptum proferri ſub ea conditione expreſſa, quia id neceſſarium ſit ad irritationem reſcripti, ſed quia eſt conueniens ſic proferri, ut nemini detur locus dubitandi. Tum, quia verbum illud proferri non videtur ſumendum in rigoroſa ſignificatione, ita

D d v t

ut intelligatur præcipi ab illa lege, in quolibet rescripto hanc exprimi conditionem; non enim videtur hic sensus esse, cum videamus plura rescripta hanc expressam conditionem non continere, sed sensus est, sub ea conditione prolatum censi præcipimus; quia cum sit conditio, quæ de iure inest, parum interest si exprimat, cum non expressa subintelligenda sit.

2. Secundò est certum diuerso modo rescriptum gratiæ per subreptionem obtentum esse irritum, ac rescriptum iustitiæ. Rescriptum gratiæ voco illud, quod continet dispensationem, vel facultatem dispensandi, præsentationem, collationem beneficii, aut aliam quamcumque gratiam. Rescriptum iustitiæ est, quod dat iurisdictionem ad lites, ut multis probat Menochius lib. 2. centur. 3. casu 201. num. 1. Rescriptum ergo gratiæ est nullum ipso iure, si per subreptionem, hoc est, per taciturnitatem veri, vel expressionem falsi obtentum sit. cap. fin. de filiis presbyterorum, in 6. ibi, veluti per subreptionem obtentum nullius penitus est momenti. & cap. postulasti, de rescript. ibi, commodum reportare non debet de huiusmodi litteris, utpote veritate tacita impetratis. Et idem dicitur in cap. constitutus, eodem tit. & licet huiusmodi iura in materia beneficii loquantur, quæ grauius, & rigorosius solet à iure prohiberi ob præcludendam ambitionem, iuxta cap. quamuis, de præbend. in 6. At ferè omnes Doctores illorum textuum decisionem extendunt ad quamlibet gratiam, & dispensationem, quia militat eadem ratio, scilicet defectus voluntatis in concedente, quæ non est censenda adesse, quando exprimitur, quod tacendum erat, & taceretur, quod erat exprimendum. sic pluribus exornat, & comprobat Felin. in cap. ad audientiam, 2. de rescript. num. 22. versic. amplius secundo. Tiraquel. multos referens tract. cessante causa, limit. 1. n. 12. & seqq. & pluribus exornans Nicol. Garcia 8. part. de benefic. cap. 3. à princ. Gutierr. qq. canon. lib. 2. cap. 15. n. 22. Suarez lib. 6. de voto, cap. 27. num. 3. Sanchez lib. 8. disp. 21. num. 10. At rescriptum iustitiæ sic per subreptionem obtentum, non est ipso iure nullum, sed venit annullandum ope exceptionis, quare, quousque per exceptionem elidatur, validum est. habetur cap. si autem, & cap. plerumque, de rescript. ubi secundum rescriptum impetratum per subreptionem, id est, per taciturnitatem primi rescripti, non est nullum, sed venit cassandum, quia si esset nullum ipso iure, non conualesceret data negligentia primi impetratoris. quam inductionem testatur Felin. supradicto cap. ad audientiam, n. 17. in princ. approbati ab omnibus: & ita tenent omnes supradicti Doctores. Ratio autem, quare rescriptum iustitiæ non annullatur à iure ipso facto, sed ope exceptionis, rescriptum verò gratiosum reddatur irritum; ea mihi videtur præcipua, quam tradit Felin. suprad. cap. ad audientiam in fin. cum Cardin. & Imola, videlicet, quia litteræ ad beneficia tribuunt ius, sed litteræ ad lites tribuunt iudicem, non ius; & sic primæ sunt maioris præiudicii, ideo facilius inficiuntur.

3. Plures limitationes, & ampliationes adhibentur huic doctrinæ, quas potes videre specialiter in Felino, qui in supradicto loco optimè hanc materiam expendit. Illa tamen est præcipua, spectandum esse in rescripto, quid sit primò concessum, quando in litteris rescriptum gratiæ, & iustitiæ continetur. Nam si primò concessum sit rescriptum gratiosum, & pro illius executione detur rescriptum iustitiæ. Si primum vitiatum est subreptione, secundum rescriptum est ipso iure nullum, ex cap. si super gratia, de off. deleg. in 6. & cap. constitutus, de rescript. & aliis, quæ allegat Felin. in cap. ad audientiam, 2. de rescript. n. 18. E contra verò si primum rescriptum datum sit ad lites, & consequenter, rescriptum gratiæ sit factum, cui scilicet concedatur aliquod beneficium, v.g. reuocetur alicui iurisdiclio, valet hoc secundum rescriptum, sicut & primum, quousque ope exceptionis elidatur, ut tradit Felin. cum aliis supra n. 21. Ratio de-

sumitur ex reg. iur. accessorium, de reg. iur. in 6. accessorium enim sequitur naturam principalis: & ita alios referens tenet Felin. in d. cap. ad audientiam, n. 17. & 19. & ibi Abbas n. 14. Nauarr. cap. si quando, pralud. 1. num. 1. de rescript. Sanchez lib. 8. disp. 21. n. 6. Aduertunt tamen plures Doctores supradicta intelligenda esse de rescriptis impetratis à Pontifice, vel eius Legato; secus de gratiis, & rescriptis impetratis ad ordinario; existimant enim nullam gratiam, nullamve dispensationem ab ordinario impetratam vitari ex subreptione: sic loquens de beneficio, docuit González reg. 8. cancell. gl. 4. n. 173. Menoch. de arbitr. casu 201. n. 155. & generaliter loquens de omnibus gratiis videtur docere Eman. Saa verb. gratia, n. 21. & expressè alios referens Nicol. Garcia 8. p. de benefic. c. 3. n. 6. & alij apud ipsos. Sed, ut bene notat Thom. Sanch. lib. 8. de matr. disp. 21. n. 4. & lib. 4. in Decal. cap. 47. à n. 10. hæc limitatio sic vniuersaliter accepta, vera non est. Negari enim non potest subreptionem, & nullam esse dispensationem ab ordinario obtentam, circa votum allumendi ordinem sacrum, falsò allegata causa incontinentiæ. Quare illam doctrinam veram esse iudico solum in materia beneficiorum, in quibus deceptio circa valorem beneficii non vitiat gratiam ab ordinario concessam: quia non caneretur à iure hanc qualiteram esse ordinario exprimendâ, quia ipse supponitur perfectam omnium notitiam habiturus, ex Clem. 2. de off. ordinar. Idem putarem dicendum de falsitate circa ea, quæ ordinarius teneretur omnino scire; oppugnare enim non potest talis dispensatio vitio subreptionis: qua ratione impetrans ab ordinario absolutionem ab excommunicatione, falsò allegans parti satisfecisse, tenet absolutio; quia ordinarius tenebatur hæc rectè inuestigare, & tradit Nauarr. cap. 27. n. 38. Couarr. cap. alma, 1. p. §. 11. num. 14. & multis relatis Nicol. Garcia 8. p. de benefic. cap. 3. n. 10. At in reliquis, & præcipuè in dispensationibus legum superioris retinenda est doctrina posita, ut intelligatur tam de Pontifice, quàm de ordinario.

4. Tertiò certum esse debet, quomodo cumque taceatur veritas necessariò exprimenda, vel exprimat falsitas necessariò tacenda, rescriptum subreptitium erit, & nullum nullitate supradicta. Ratio est, quia deficit voluntas concedentis, & videtur decisum in cap. si super litteris, §. si verò, de rescript. & tradit gloss. cap. si motu proprio, de præbend. in 6. verb. taceatur. Mascard. de probat. conch. 846. n. 4. Menoch. de arbitr. lib. 2. cent. 3. casu 201. n. 27. & alij, quos refert, & sequitur Sanchez lib. 8. disp. 21. n. 14. 42. & 56. Salas disp. 20. sect. 15. n. 116. Gutierr. lib. 2. can. qq. c. 15. n. 133. Ex quo fit, si absque tua culpa, tuus procurator, ut facilius dispensationem impetraret, mutauit narrationis substantiam, vel tacendo verum, vel exprimendo falsum, nulla erit impetratio rescripti, habetur cap. si motu proprio, de præbend. in 6. vers. secus si ad petitionem illius, vel alterius pro te oblatum, &c. sic alios referens docet Sanchez lib. 8. de dispensat. disp. 21. n. 56. 57. & 58. & ratio est eadem, quia deficit voluntas.

5. Quartò certum esse debet, si deceptio commissa sit circa substantialem materiam rescripti, vel circa personam, cui committitur rescriptum, vitari omnino. Exemplis declaro de errore commissio circa materiam substantialem. Petis dispensationem pro voto castitatis, cum tamen sit voto religionis. Petis dispensationem pro voto non fornicandi, non nubendi, cum tamen sit votum castitatis. Licet enim in voto castitatis, includatur votum non fornicandi, non nubendi, non polluendi, includuntur sub absoluta voluntate castitatis; quare si absoluta voluntas castitatis non declaratur, non declaratur materia dispensanda. Item si pro voto assumendi ordines, petas dispensationem non nubendi; sunt enim hæc omnino diuersa. sic Suarez lib. 6. de voto, cap. 27. n. 6. Sanchez lib. 4. cap. 47. num. 28. Ad idem est si petas dispensationem voti religionis, cum tamen sit etiam profi

profiteri in religione; quia secundum probabiliorem sententiam votum profiteri aliquid superaddit primo. sic Nauarr. cap. 12. num. 47. Suarez *supra*. Sanchez lib. 4. cap. 47. num. 35. Econtrā verò si habens votum religionis peteres dispensationem de voto profiteri: credo dispensationem valere, quia in voto profiteri, clauditur expresse votum religionis: etsi insuper aliquid addatur, ac proinde non est commissus error in voti substantia. Suarez *supra* num. 8. Sanchez num. 29. Item si peteres dispensationem voti dubij, cum tamen sis certus, varias substantialem materiam dispensationis; quia votum dubium fortè non obligat, sicuti nec remissio debiti dubij prodest debitori certo. Sanchez *disput.* 21. num. 40. & lib. 4. Decalog. cap. 47. num. 34. Suarez lib. 6. de voto, cap. 27. num. 6. Idem quod dicimus de dispensatione voti, dici poterat de rescripto ad beneficia, vel pro illorum executione: si enim petis beneficium curatum, cum tamen sit simplex, nulla est concessio, nisi fortè esse curatum, vel simplex, gratia demonstrationis esset appositum, quod tamen non est præsumendum, si eadem oratione concessio fiat, ut rectè docet Felin. cap. super litteris, de rescript. num. 4. Idem in impedimentis ad matrimonium, ad ordines, & ad beneficia; si enim habens vnum impedimentum, dispensationem in alio petas, etsi grauius, corrumpit dispensatio, quia erratur in materia substantiali dispensationis. Ad idem est, si Princeps declarasset voluntatem suam repugnantem dispensationi in aliquo casu, & tu sub verbis generalibus peteres illius dispensationem. Ut si diceres, præsta facultatem dispensandi in aliquo casu, non censeretur ille casus concessus, quia sub generali concessione non veniunt ea, quæ quis in specie non esset verosimiliter concessurus. reg. in generali, de reg. iur. in 6. sicuti in generali concessione absoluendi à reseruat, non comprehenditur hæresis. sic Sanchez lib. 8. disp. 21. num. 24. & lib. 4. in Decalog. cap. 47. num. 26. Salas disp. 20. de legib. sect. 15. num. 122. vers. sextum dubium, ubi bene aduertunt, si hæc voluntas repugnans non præcesserit, sed solum quædam naturalis repugnantia, quia minutissima quæque obseruat, ob quam conditionem præsumi potest non concessurum facultatem, si casus in specie declararetur, validam esse concessionem illam absolutam, quia absolute concedit.

6 Si autem error commissus sit circa personam, cui committitur rescriptum expediendum, censeo omnino vitare. v.g. affirmasti te esse diocesis Salmantinæ, cum tamen sis Vallisoletanæ, & rescriptum commissum est Officiali Salmantino, putans Pontifex te esse ex illa diocesi, rescriptum nullum est, quia nec expedire illud potest Officialis Salmantinus, eo quod ex errore sibi concessum sit, aliàs non concedendum: nunquam enim Pontifex alteri ab ordinario dispensandi, nisi ex certa scientia rescripta delegat, iuxta Trident. sess. 22. cap. 5. de reform. Neque etiam expedire illud potest Officialis Vallisoletanus, siquidem illi commissum non est. Ergo. sic Sanchez lib. 8. disp. 21. num. 39. quamvis contrā teneat Basilii lib. 8. cap. 17. n. 43. sine. Quod si error commissus sit circa personam, pro qua est rescriptum concessum, distinguendum est, aut error facit, ut dispensans intelligat alium esse, cui concedit dispensationem ab eo, cui re vera concedit, aut non facit. si non facit, erit error per accidens, & non vitabit rescriptum. Qua ratione dicunt communiter Doctores: si erratur in nomine, ut si pro Francisco ponatur Petrus in rescripto, non vitari rescriptum; quia nominari Franciscum, vel Petrum dispensatum non variat conceptum dispensantis, neque alteri ab eo, qui sibi offertur, intendit dispensationem concedere. est expressa decisio *Instit. de legat. §. si quis in nomine, & l. si quis in fundi, 4. ff. de legat. 1.* & plures allegans docet Sanchez lib. 8. disp. 21. num. 37.

7 Quod si error faciat, ut dispensans intelligat alium

esse, cui concedit dispensationem ab eo, cui re vera expostulatur concedi; ut si propositus esset Ioannes dispensandus notus, & familiaris dispensanti, cum tamen esset Petrus omnino incognitus. Thomas Sanchez num. 38. affirmat, validam esse dispensationem, neque hunc errorem obstare, si constaret eodem modo concedendam dispensationem Petro incognito, si expressus esset, ac conceditur Ioanni eius noto, & familiari. Mouetur, quia in his Princeps non debet spectare, quis est sibi propositus; sed quis est qui verè dispensationem petit, & illa indiget, sicuti administrator sacramentorum, excepto matrimonio, non spectat, quisnam sit, cui est administrandum sacramentum, an notus, vel ignotus sibi sit, sed suam mentem dirigit ad eum, qui sibi est præsens.

8 Ceterum credo probabilius hunc errorem vitare omnino rescriptum. Quia dispensans tantum concedit dispensationem ei, qui sibi est propositus: nullo autem modo est sibi propositus is, qui indiget dispensatione, sed alius. Nam licet procurator intenderit proponere indigentem dispensatione, de facto alium proposuit; siquidem alium esse cognouit ex relatione dispensans. Ergo dispensans non indigenti dispensatione, sed tibi proposito dispensationem concessit. Ergo est nulla concessio. Et confirmo ex §. si quis in nomine, *Instit. de legatis*, ubi error nominis, aut pronominis legatarij non obstat legato, notanter apponitur, quando aliàs de persona constat, quia tunc est error accidentalis: at in præsentī casu non constat de persona, cui petitur dispensatio, & relatio facit, ut prorsus intelligatur distincta. Ergo. Secundo confirmo ex cap. significante, de rescript. ubi rescriptum datum contra Vicarium Remensis diocesis, cum tamen fuerit Leodiensis, irritum decernitur, quia non constabat aliunde de persona, contra quam erat rescriptum impetratum, sed in casu nostro, de persona, cui petitur dispensatio, non constat, imò potius intelligitur dari omnino distinctæ. Ergo. Et ita tenet gloss. in *supradicto cap. & in cap. Rodolphus, eod. tit.* Neque obstat exemplum sacramentorum, quia ibi determinatur persona, cui administratur sacramentum per præsentiam: at in præsentī nec determinatur per petitionem, cum potius erratur in illa, neque per necessitatem, cum sint multæ, quæ eandem necessitatem habeant, quibus omnibus dispensatio non prodest. Ergo ex nullo capite determinatur. Aliàs, ut bene dicit gloss. in d. cap. significante, verbo, non de Remensi, vna clausula, quæ certa, & determinata videretur, posset trahi ad plures personas, quod esse non debet, tum quia generalitas in huiusmodi litteris reprobatur. tum quia rescripta, & præcipue ad lites, stricti iuris sunt, & potius restringendæ sunt, quàm laxandæ.

§. III.

Quid de suppressione veritatis, vel falsitatis expressione, circa causam finalem.

- 1 Quæ sit causa finalis.
- 2 Quando vitium in hac causa vitiet rescriptum? Proponitur triplex sententia.
- 3 Præferitur tertia sententia affirmans ex sola taciturnitate veritatis, quæ iure debebat exprimi, & ex sola expressione falsitatis, quæ iure taceri debebat, reddi rescriptum subreptitium.
- 4 Expressio causæ, & taciturnitas veri debet esse circa causas finales.
- 5 Nomine iuris intelligitur non solum ius scriptum, sed etiam stylus Principis concedentis.

1 Non est facile distinguere inter causam motiuam, & finalem. Illa mihi videtur germanior explicatio, quæ affirmat, finalem causam esse, quæ con-

D d 2 cernit

ænit intrinsecè materiam ipsius rescripti, & sine qua rescriptum non concederetur. Motiuam, quæ extrinsecè se habet, & per accidens, & qua posita, vel sublata rescriptum eodem modo concederetur, & si non ea facilitate. sic Tiraquel. *trac. cessante causa, l. i. n. 11*. Couarr. *lib. 1. variarum, cap. 20. num. 5*. Vnum tamen debet esse omnino certum, si in rescripto solùm apponatur vnica causa, illa finalis, & non motiua censenda est, ac proinde si falsa sit, vitiat rescriptum, quia semper censetur Princeps priuilegium velle concedere causa allegata, etiamsi motu proprio, & ex certa scientia dicat concedere. ita Menoch. *de arbit. lib. 2. cent. 3. casu 201. n. 8*. Sanchez *lib. 8. disp. 21. n. 41*. Gutierrez. *lib. 2. canon. qq. cap. 15. n. 103. & 104*.

2. Difficultas ergo est, quando suppressio veritatis, vel falsitatis expressio circa causam rescripti, vitiet rescriptum? Variæ sunt sententiæ. Prima docet eam suppressionem veritatis reddere subreptitium rescriptum, quæ si exprimeretur, vel non concederetur rescriptum, vel si concederetur non ea facilitate, sed grauiori difficultate, & e contra, eam falsitatis expressionem vitiat, qua sublata non concederetur rescriptum, aut non cum ea facilitate. Secunda sententia inquit, esse rescriptum subreptitium, si supprimatur veritas, qua cognita minime Princeps rescriptum concederet, vel exprimeretur falsitas, qua sublata non concederet, aut non concederet eo modo. Tertia sententia dicit non ex quauis suppressione veritatis, neque ex quauis expressione falsitatis reddi rescriptum subreptitium, sed cum taceatur veritas, quæ iure debebat exprimi, vel exprimitur falsitas, quæ iure debebat taceri. Doctores, & rationes harum sententiarum adducit eleganter Sanchez *lib. 8. disput. 21. à num. 10*.

3. Hæc tertia sententia, vt probabilior sustinenda est, quàmque probat Sanchez *à num. 13*. Salas *disput. 20. sect. 15. num. 115*. Basilus de Leon *lib. 8. de matrim. cap. 17. num. 2*. Suarez *lib. 6. de voto, cap. 27. à num. 6*. Ratio est, quia plura sunt, quæ si expressa essent, retardarent Principem à concessione, imò omnino eum ab illa remouerent, vt si dispensatus sit vitiosus, sit eius inimicus. Alia sunt, quæ falsò expressa impellunt Principem concedere, aliàs fortè non concessurus, vt quodd sit vir doctus, pius, & prudens; quorum tamè expressio, vel suppressio, quia non cauetur à iure, non annullat rescriptum, vt ex communi sententia docent supradicti Doctores. Quocirca pro regula statuendum est, illorum taciturnitatem impedire concessionem, quæ à iure mandantur exprimi, & illorum expressionem falsam vitiat concessionem, quibus secundum ius mouetur Princeps in rescripto concedendo, ita vt iure cautum sit, quodd eis expressis gratiam Princeps non concessisset, sic vltra Doctores nuper relatos docet innumeros referens Nicol. Garcia *8. part. de benefic. cap. 3. num. 20*. Ratio prioris partis est, quia cum ius aliquam conditionem exprimentdam expostulat, intelligitur illam expostulare pro forma: quod non leuiter colligitur ex *cap. si motu proprio, de prebend. in 6*. vbi taciturnitas modici beneficij vitiat gratiam, quia à iure cauetur exprimi, cum tamen expressum gratiam non impediret; sed deficiente forma, deficit actus. Ergo. Ratio verd secundæ partis est, quia si falsò allegatur causa, quæ mouet Principem ad rescriptum concedendum: iam rescriptum conceditur præter voluntatem concedentis. Ergo non potest habere effectum. Item omne rescriptum habet subintellectam conditionem, si preces veritati nitantur. *cap. 2. de rescriptis*.

4. Aduerto tamen expressionem falsi, sicut & taciturnitatem veri debere esse circa causas finales, non impulsuas tantum, hoc est, circa causas pertinentes directè ad concessionis materiam, non ad ipsum concedentem, vel quæ concessionem sunt extrinsecæ. Quæ ratione elec-

mosyna data pauperi iniquo, vel fingenti se deuotum, valida est, quæ tamen non daretur, si eius vitia cognoscerentur, quia non committitur falsitas in causa, quæ ad ipsam donationem à iure requisita sit. sic Henriquez *lib. 12. de matrim. cap. 3. n. 7*. Couarr. *lib. 1. var. cap. 20. n. 5. vers. falsitas*. Sanchez *lib. 8. disp. 21. n. 18. & 32*. Mandos. *reg. 32. Cancell. q. 9. num. 10*. Gutierrez. *canon. qq. lib. 2. cap. 15. num. 19*. vbi plures refert.

5. Aduerto secundò, nomine iuris intelligi non solùm ius scriptum, sed etiam stylum Principis concedentis, & consuetudinem. Et de stylo constat, quia stylus curiæ ius facit, *cap. quàm graui, de crimine falsi*. Et eodem modo, ac ius obseruandum est, sic Menoch. *de arbitrar. lib. 2. cent. 3. casu 201. num. 28*. Mascard. *de probat. conclus. 846. num. 8*. Sanchez alios referens *illa disp. 21. num. 16*. Garcia *8. part. de benefic. cap. 3. num. 21*. Neque obstat extra curiam Romanam illius stylum non obligare: nam hoc est verum quoad solemnitates accidentales iudicij, non quoad qualitates in dispensationibus, vel litteris gratiæ, aut iustitiæ exprimendas, quæ iuxta stylum vnde emanarunt, veræ, vel falsæ iudicandæ sunt. Sanchez *suprà. Salas disp. 20. sect. 15. num. 117*. Garcia *8. part. de benefic. cap. 8. num. 65*. De consuetudine autem similiter probatur, quia consuetudo habetur pro lege. *l. minime ff. de legib. & tradunt supradicti Doctores*.

§. IV.

Expenduntur causæ, quæ iure, & consuetudine debent exprimi in dispensationibus obtinendis, quarumque taciturnitas vitiat rescriptum.

1. Non est necessarium mentionem facere alio tempore negatam esse dispensationem.
2. Sine dispensatio nulla, ex eo quod taceas aliam tibi esse in ea materiam concessam.
3. Resoluitur, vt probabilis non esse.
4. Limitatur supradicta doctrina, si prima dispensatio fuit in prauitatem terij, quia tunc debes illius mentionem facere.
5. Idem est, si est necessarium, vt Princeps qualitatem, & quantitatem gratiæ intelligat. Explicaturque exemplis.
6. Item si necessarium est, vt impedimentum dispensandum integrè cognoscatur.
7. Valer dispensatio secundà sine mentione prima, quoties ad tollendos scrupulos, vel dubium secundum impetratur.
8. Sed quid si obtinens secundam dispensationem priori usus non fuerit? Affirmat Sanchez priorem euanesce.
9. Sed probabilis est secundam esse inualidam, casu quo prima extincta non sit impedimento perpetuo.
10. Duplici impedimento ligatus debeat ne viriusque mentionem facere: prima sententia negat.
11. Secunda probabilior affirmat.
12. Quid si habeas votum castitatis, & velis cum consanguinea contrahere? An possis voti dispensationem impetrare, tacito impedimento consanguinitatis? Resoluitur posse in aliquo casu.
13. Quid si habeas votum castitatis, & religionis.
14. Si impedimenta irritatione tolli debent, non est necessario facienda mentio in impetratione dispensationis.
15. Quid si impedimentum sit aliud publicum, aliud occultum.
16. Quid dicendum in dispensatione irregularitatis, & aliarum penarum.

Non est animus inuestigare, quæ debeant exprimi pro dispensatione in beneficiis, in matrimonio, in

in censuris, neque pro obtinendo rescripto ad beneficia, matrimonium, & censurarum absolutionem; quia hæc propriam sedem habent, suisque locis debent reservari. In præsentem autem solum dicam de his, quæ omni dispensationi, & rescripto generalia sunt.

1 Primò ergo dubitatur, an debeas in impetratione dispensationis mentionem facere tibi alio tempore negatam esse, si fortè petisti, & negata fuit? Docet Menochius *lib. 2. de arbitrar. centur. 3. casu 203. num. 6.* Et ratio esse potest, quia concedit ex errore; aliàs non concessurus, si sciret antea negasse. Cæterum tenendum est hoc non esse necessarium, quia neque ex iure, neque ex stylo, neque ex consuetudine habetur: quòd autem Princeps esset negaturus dispensationem, si sciret antea negasse, non obstat, quia tunc non negaret ex causa concernente dispensationem, sed ex causa satis extrinseca dispensationi, qualis est negasse illam. Ergo si causa allegata ad dispensandum sufficiens est, tacere negatam esse prius dispensationem, non potest reddere illam insufficientem. & ita tenet Sanchez *lib. 8. disput. 22. num. 14.* Suarez *de legibus, lib. 6. cap. 22. num. 1. & seq.* Basilii *lib. 8. de matrim. cap. 17. num. 3.* Et hæc doctrina vera est, siue idem sit superior, qui negavit dispensationem, & secundo concedit, siue inferior illo, qui negavit; adhuc existimo valere. Quia ex negatione superioris non est sublata, aut restricta inferioris facultas. Si ergo antequam superior negaret, poterat hic inferior dispensationem expedire, idem poterit post negationem: & ita tenet Basilii *suprà num. 4.* Suarez *num. 6.* aduersus Thom. Sanchez *lib. 8. de matrim. disp. 14. num. 5.*

2 Secundò dubitatur, an sit nulla dispensatio, si taceas aliam tibi esse in ea materia concessam? Et in primis certum esse debet, si prima dispensatio ob aliquem defectum fuit nulla, non esse necessarium illius mentionem facere in impetratione secundæ, quia non præstat impedimentum, quod de iure non sortitur effectum, iuxta *regul. 52. de regulis iuris, in 6.* & tradit Suarez *lib. 6. de legibus, cap. 23. num. 17.* Mascard. *de probationib. conclus. 846. num. 20.* Sanchez *lib. 8. disput. 22. n. 21.* & alij plures ab eo relati. Dixi in ea materia, quia circa diuersas, clarum est non esse necessarium, mentionem prioris facere, vt docet Papormitanus *cap. pen. num. 13. de rescriptis.* Sanchez plures referens *disput. 22. num. 5.* Suarez *lib. 6. de legibus, cap. 23. num. 2.* Vnde non est necessarium, si dispensatus fuisti in ieiunio, illius dispensationis mentionem facere, cum irregularitatis dispensationem obtines, nec si fuisti dispensatus in voto castitatis, narrare dispensationem, cum de illegitimitate petis. At si in eadem materia dispensatio secundò petatur, eo quòd prima limitatè fuit concessa, plures Doctores affirmant secundam esse subreptitiam: sic glossa communiter recepta *in cap. 2. de filiis presbyter. in 6. per text. ibi.* Molin. *de primogen. lib. 2. cap. 4. num. 51. & lib. 4. cap. 3. num. 43.* Gutierrez *lib. 2. canon. qq. cap. 15. num. 91.* Menochius *de arbitrar. lib. 2. centur. 3. casu 201. num. 39. & casu 203. num. 33.* Couarr. *4. decret. 2. part. cap. 8. §. 8. num. 5. versic. 7.* & alij plures relati à Sanchez *disput. 22. num. 2. & 6.* vbi eam expressè affirmat: & videtur colligi ex *supradicto cap. 2. de filiis presbyter. in 6.* vbi illegitimus dispensatus ad vnum beneficium, si postea ad plura beneficia dispensationem obtineat, redditur hæc secunda dispensatio subreptitia, quia prioris dispensationis mentionem non fecerit. Idem colligitur ex *cap. penult. de prescriptionib.* vbi declaratur subreptitium priuilegium absolutè concessum cuidam Abbati recipiendi sacramenta à quocumque antistite, cum tamen antea illi erat concessum sub hac moderatione, si proprius antistes noluerit ministrare. Tertia ex *l. 3. C. de episcop. audiens.* vbi deciditur, crimina semel tantum commissæ remissionem habeant. Ergo semel impetrata dispensa-

Ferd. de Castro Sum. Mor. Pars I.

tione de vno impedimento impetrari alia non potest tacita dispensatione priori. Et ratio esse potest, quia non est verisimile Principem concessurum dispensationem alio modo, quam prius concesserat, ne leuitatis, & inconstantie arguatur. Si ergo prius limitatam dispensationem concedit, quomodo ex eadem causa præsumendum est velle illam concedere absolutam.

3 Cæterum tenendum est secundam dispensationem non vitari ex eo præcisè, quòd primam impetraueris, & illius mentionem non feceris, quia *supradicti* textus, neque ratio allata non conuincunt, vt ex ipso met Sanchez *num. 3.* & Suarez *lib. 6. de legibus, cap. 23. à num. 2.* colligi potest. Nam *cap. 2. de filiis presbyterorum, in 6.* ideo est nulla secunda dispensatio, non quia prioris mentionem non fecerit, sed quia non fecerit mentionem prioris defectus, scilicet illegitimitatis, in qua solum ad vnum beneficium erat facta dispensatio; neque poterat denuo plura obtinere, quin obtineret dispensationem illius defectus, & ita intelligunt idem textum Dominici *ibi num. 7.* Francus *num. 2. notab. 3.* Couarr. *in 4. decret. 2. part. cap. 8. §. 8. num. 5.* Suarez *num. 7.* Basilii *de Leon lib. 8. cap. 17. num. 7.* Textus enim *in cap. penult. de prescriptionib.* loquitur in casu speciali, quando scilicet concessum est priuilegium primum in præiudicium tertij, cum aliqua tamen moderatione, seu conditione, quæ ius ipsum commune tertij conseruat, & retinet, si postea secundum priuilegium ex eadem causa concedatur amplians primum, & iuri tertij plus derogans, necessario est facienda mentio prioris priuilegij, quia per illud primum priuilegium, in eo, in quo non fuit derogatum communi iuri tertij, fortificatum indirectè mansit, quasi si tertio fuisset priuilegium concessum. Si autem fuisset ei priuilegium concessum, requirebat mentionem expressam, vt ei esset derogatum: sic videtur in præsentem requiri. Neque hic casus est ad alias dispensationes, & gratias tertio non præiudicantes trahendus, vt tradit Innocent. *ibi num. 4.* Felin. *num. 2.* Bald. *num. 10.* Suarez *num. 6. & 7.* Basilii *num. 6.* lex item *3. C. de episcop. audiens.* loquitur specialiter de remissione criminum, quæ ad alias dispensationes crimina non supponentes trahenda non est, eo quòd in criminibus sit specialior ratio negandi secundam dispensationem, seu remissionem ei, cui est prima in eo crimine concessa, ne scilicet audeat secundò crimen committere, videns remissionem sibi esse negandam. Ratio autem, qua mouetur communis sententiæ, firma non est. Non enim argui potest leuitatis, & inconstantie legislator, etiam si secundam dispensationem latiore concedat, quàm primam, quia extendere primam dispensationem non est reuocare primam, sed superaddere primæ, & liberalitatem ostendere. Ad ostendendam autem liberalitatem potest se mouere, etiam si antea motus non fuerit, sine vlla animi leuitate ex eadem ratione; quia liberè in hac parte procedit. Adde si negasset Princeps dispensationem, & postea concedat, non ideo censetur inconstans, vt propter hanc mutationem dispensatio nulla fuerit. Ergo neque censeri debet inconstans, si priorem dispensationem moderatam concesserit, & secundam latiore, cum in hoc minus inconstantie, & mutationis inteniatur.

4 Quapropter solum in duplici, vel triplici euentu censo prioris dispensationis mentionem esse faciendam.

Primus quando obtinuisti dispensationem cedentem in præiudicium tertij, & per dispensationem secundam ampliorem amplius præiudicatur. tunc enim est primæ dispensationis, seu priuilegij mentio facienda, vt intelligatur derogari iuri communi tertij per primam dispensationem indirectè conseruato, iuxta *textum in cap. penult. de prescriptionib.* vbi si obtinuisti dispensationem, ne decimas soluetes Ecclesiæ ex agro; & postea

D d 3 impe

impetres dispensationem, ne soluas ex vinea, vel nullam soluas; teneris prioris dispensationis mentionem facere, ut valeat secunda, quia ius commune Ecclesiae ex vi prioris exemptionis laxum fuit ea in parte, in qua subtrahebantur decimae, & conservatum indirectè, & fortificatum in omnibus illis partibus, in quibus debita manebant: ac proinde secunda dispensatio, quia est derogatio communis iuris fortificati per privilegium, nulla est, si prioris dispensationis, seu privilegij mentio non fit, quia non censetur hanc fortificationem cognoscere Princeps, etiamsi ius commune cognoscat. *Basiliius cap. 17. num. 11. Suarez num. 7. & 10.* Ad idem potest reduci obligatio faciendi mentionem prioris beneficii obtenti, ut obtineas secundum, aliàs nullum erit beneficium, quia cedit in præiudicium Ecclesiae vni plura beneficia conferri, cum possint pluribus adaptari, & Ecclesia plures ministros habere. & probat textus *cap. constitutus, cap. ad aures, cap. postulasti, cap. ad audientiam, 2. de rescriptis, & alijs.* Quod adeò verum est, ut etiamsi modicissimi beneficii, & insufficientis ad sustentationem sit impetratum, debet illius mentionem facere pro impetratione secundi, iuxta textum *in cap. si motu proprio, de prebendis, in 6.* Quae videtur esse nova decisio iure antiquo non expostulata. Neque obstat textus *in cap. gratia, de rescriptis, in 6.* ubi impetratio secundi beneficii non facta mentione prioris obtenti, non est subreptitia, si per ignorantiam, & simplicitatem factum fuerit. Non, inquam, obstat: nam licet aliqui dicant ignorantiam excusare à facienda mentione prioris beneficii, si sit probabilis ignorantia. Secundò, si nemini fiat præiudicium. Tertiò, si Papa aliàs esset concessurus, si cognovisset: ut tradit *Menochius de arbitrat. lib. 2. centur. 3. casu 201. num. 53.* In casu illius textus hæc concurrere non possunt, quia tertium non concurrat, eo quod primum beneficium absenti, & ignoranti collatum pingue fuerit, & omnino cum secundo incompatibile, ac proinde præsumi non poterat Principem concessurum. Quocirca ibi non fuit mentio necessariò facienda prioris beneficii, quia non erat impetratoris; erat enim illi absenti, & ignoranti collatum, & quousque ipse acceptasset, vel eius procurator nomine ipsius, dici non poterat esse suum, iuxta *cap. si tibi absenti, de prebendis, in 6.* ac proinde non tenebatur illius mentionem facere, & ad huiusmodi effectum ponderatur à textu ignorantia. sic explicat *Sanchez lib. 8. disput. 21. num. 60. fine. Basiliius lib. 8. cap. 17. num. 19. Covarr. lib. 3. variarum, cap. 16.* Quod si intes. Ergo etiamsi scire primum beneficium tibi esse collatum, si tamen illud non acceptasset, posset secundum beneficium impetrare, nulla facta mentione prioris; siquidem non est habitum, & possessum, quousque illud acceptes: Neganda est consequentia: quia tunc dolo procedis, & solum ignorantia in hoc casu beneficii nondum acceptati excusare potest.

5 Secundus casus, in quo debes mentionem prioris dispensationis facere, ut secunda valida sit, est quando id necessarium est, ut intelligat Princeps qualitatem, & quantitatem gratiae adæquare causae sibi propositae. Nam si hæc cognitio ex suppressione primae dispensationis non habetur, gratia facta voluntaria non est, ac proinde omnino cessat. sic *Suarez lib. 6. cap. 23. num. 11. Basiliius lib. 8. cap. 17. num. 8.* declaratur exemplis. Primò obtinisti dispensationem non residendi in beneficio cum perceptione fructuum per quinquennium; illo expleto vis ex eadem causa aliud quinquennium impetrare; debes necessariò mentionem facere primae concessionis, tum quia causa illa fortè non erat sufficiens, nisi ad quinquennium vnum, non ad duplex quinquennium. Tum quia illa concessio æquivaleret decennij concessionem, quam non præsumitur facturum Princeps, si prioris dispensationis conscius esset. sic ex *Felino in*

cap. penult. de prescript. num. 2. docet *Basiliius num. 8. Suarez num. 11.* Ad idem est, si impetrasti dispensationem ad alienanda bona maioratus, & post illius usum, aliam similem, vel ampliorem impetras, tacita priori dispensatione, impetratio secunda subreptitia erit, si sit ex eadem causa; quia non est censenda causa sufficiens ad tantam alienationem concedendam: neque est verisimile Principem secundam facultatem concessurum, si conscius esset prioris facultatis concessae, nulla nova causa superveniente. Secus verò si peteretur secunda facultas ex diuersa causa, quae spectatis circumstantiis, crederetur Princeps concessurus. sic *Molin. de Hispan. primogen. lib. 4. cap. 3. num. 42. Gutierrez lib. 2. canon. quest. cap. 15. num. 95. Basiliius lib. 8. de matrim. cap. 17. num. 16. Sanchez lib. 8. disput. 22. num. 12.* Secundum exemplum adducitur, si habens votum castitatis, obtineas dispensationem ad vnum matrimonium contrahendum, & mortua vxore iterum petas dispensationem ad matrimonium ex eadem causa, scilicet quia tentationibus vexaris tacita priori dispensatione. *Basiliius, & Suarez supra,* existimant nullam esse secundam dispensationem, quia non concipit Pontifex, quantam relaxationem faciat in eo voto. At huiusmodi exemplum mihi non probatur. Satis enim concipit Pontifex quam relaxationem faciat in illo voto iuxta causam sibi propositam; concipit enim se relaxare votum ad matrimonium ex causa legitima: quòd autem priùs fecerit relaxationem ad matrimonium vnum, non inducit aliquod impedimentum, ut ex eadem causa subsistente non possit idem votum relaxare; imò potius quasi cogitur dispensationem priorem continuare; secus verò erat de illo exemplo non residentiae concessae per quinquennium, ubi tacitè insinuat causam pro solo quinquennio sufficere, præterquam quòd ibi est præiudicium Ecclesiae, ac proinde debet quasi specialiter derogari, iuxta dicta in primo casu. & *Basiliius, meo iudicio, sibi est contrarius in eadem pagina: nam cum priùs illo num. 8. dixisset prioris dispensationis voti mentionem esse faciendam, ut valeret secunda ad contrahendum matrimonium, subdit num. 9. Si post obtentam dispensationem in voto, v.g. castitatis ad contrahendum matrimonium, postea petat aliam, mentione facta tantum voti, valet secunda, vera enim est narratio totius impedimenti auferendi. Quod intellige, siue usus fuerit prima dispensatione, siue ob superueniens impedimentum evanuerit. Et idem videtur sentire Suarez num. 16.* Ego verò (inquit) in hoc præcisè, quòd prior dispensatio taceatur, nullam fraudem inuenio: quandoquidem totum votum auferendum proponitur, & Pontifex ignorare non potest peti puram dispensationem sine limitatione solitis, & insolitis, & ideo ex hoc capite non video subreptionem, & nullitatem. Quod optimè confirmatur ex his, quae tradit *Sanchez disput. 22. num. 13.* inquit enim: Si femina ob dotis defectum impetravit dispensationem nubendi consanguineo, & illo mortuo velit alteri consanguineo nubere, non indiget mentionem facere prioris dispensationis, si idem defectus dotis perseverat: tum quia illa perseverantia defectus dotis, reputatur nova causa superueniens, & honestans novam dispensationem: tum etiam, quia una dispensatio non habet cum alia connexionem. Ergo similiter dicendum est in voto: nam licet per dispensationem ad secundum matrimonium ampliorem relaxationem in voto faciat, quam per dispensationem ad vnum tantum, si perseverat causa, quae primam dispensationem honestavit, honestabit secundam dispensationem, quia reputatur distincta causa, neque vnum matrimonium cum alio connectitur. Tertium exemplum est, si petas dispensationem in uxoricidio ad contrahendum matrimonium, & illo contracto aliud crimen simile committas, teneris, si velis secundò dispensationem impetrare

trare

rate, mentionem primæ facere. argumento textus in l. 3. C. de episcop. audiens. & tradit Basilius lib. 8. cap. 17. num. 8. Suarez lib. 6. cap. 13. num. 12. Sanchez lib. 8. de matrim. disput. 22. num. 10. cui exemplo libenter assentior. Et ratio est, quia cum in secundo homicidio tibi dispensatur, non cognoscit superior qualitatem, & quantitatem gratiæ, quam facit. An, inquam, sit proportionata causæ allegatæ. nam licet causa sit proportionata pro impetranda dispensatione primi vxoricidij, non tamen inde inferitur esse proportionatam pro secundo; quia secundum crimen, eo quod post remissionem primi succedat, redditur iure ordinario indispensabile, ex supradicta l. 3. ac proinde requirit causam grauiorem. Quocirca si non manifestas, cum secundo impetras dispensationem tibi fuisse primam concessam, non manifestas qualitatem gratiæ, quam petis, neque Princeps illam censetur concedere. Et confirmari potest ex communi omnium sententia asserente incuntem scienter matrimonium in gradu prohibito, teneri in dispensatione narrare hanc malitiam, neque sufficere si dicas te in gradu prohibito contraxisse, eo quod tunc impedimentum est regulariter indispensabile, iuxta Trident. sess. 24. cap. 5. Quapropter Sanchez lib. 8. de dispensat. disput. 21. num. 15. generaliter infert, quoties in iure cauetur, ne in aliquo casu dispensatio concedatur, neque delictum remittatur, esse illius specialem mentionem faciendam; alias non erit voluntaria gratia facta.

6 Tertius casus solet addi, in quo prioris dispensationis est mentio necessariò facienda, quando scilicet est necessaria talis commemoratio, vt impedimentum dispensandum integrè cognoscatur. qui casus est omnino admittendus: at raro, vel numquam prioris dispensationis mentio est necessariò facienda, vt impedimentum integrè cognoscatur: si enim tibi illegitimo dispensatio concessa fuit ad vnum beneficium simplex, & postea velis curatum, vel aliud simplex obtinere, non videtur necessariò mentio facienda prioris dispensationis, sed prioris defectus nondum integrè sublatus, iuxta ea, quæ diximus suprà explicantes textum in cap. 2. de filiis presbyter. sic docet Basilius de Leon lib. 8. cap. 17. num. 7.

7 Extra hos casus, non est necessariò mentio facienda prioris dispensationis, vt obtineatur secunda. Quocirca valet dispensatio secunda, sine mentione primæ, quoties ad tollendum scrupulum, vel dubium primæ fuit impetrata circa eandem rem; quia nullibi cautum est prioris dispensationis tunc esse mentionem necessariò faciendam, imò valet dispensatio secunda, etiamsi petatur ad extensionem primæ, dummodo non sit in præiudicium tertij, vt si obtinuisti dispensationem irregularitatis ad ordines minores, poteris explicata irregularitate ad ordines maiores, vel ad omnes ordines dispensationem obtinere, & impetrata dispensatione ad ordines, poteris dispensationem super interstitia impetrare, quia irregularitas non est impedimentum respectu interstitiorum. Item poteris dispensationem ad beneficia impetrare, nulla facta mentione dispensationis; facta tamen mentione irregularitatis. Item si obtinuisti dispensationem in voto castitatis ad contrahendum vnum matrimonium; poteris causa intercedente aliam dispensationem impetrare, quin mentionem facias prioris dispensationis. Quod si dispensatio facta in voto castitatis, ita fuit absoluta, vt omnino tolleretur votum illud, quia in pia aliqua opera commutauerit; tunc quidem non debet fieri mentio voti, quia non est, sed potius piorum operum, in quæ fuit facta commutatio. Ad idem est, si dispensatio in eadem lege secundum diuersas partes concedatur, non est necessariò mentio facienda prioris dispensationis. Verbi gratia, si obtinuisti dispensationem huius ieiunij, vel festi,

& alius dies ieiunij, vel festi superueniat, non teneris prioris dispensationis obtentæ mentionem facere. Item obtinuisti dispensationem pro ducenda consanguinea, & mortua illa poteris aliam dispensationem pro alia obtinere, absque mentione primæ. in his conuenit Suarez lib. 6. de legibus, cap. 23. a num. 13. & Basilius lib. 8. cap. 17. a num. 9. quamuis contrà videatur sentire Sanchez illa disput. 22. a num. 15. vbi affirmat, quoties petitur secunda dispensatio ad corroboracionem, vel augmentum primæ, secundam corruiere, & validam esse primam, quia non censetur priori renuntiare, nisi ex eo, quod valeat secunda, quæ ob taciturnitatem primæ inualida est. Sed quod diximus est longè probabilius.

8 Sed quid dicendum, si cum obrines secundam dispensationem, priori vsus non fueris? Verbi gratia, non fuisti vsus dispensatione ad contrahendū cum consanguinea, vis cum alia contrahere, & obrines dispensationem, nulla facta mentione prioris dispensationis. Quæ ergo dispensatio valet, posterier ne, an prior, an vtraque?

Thomas Sanchez lib. 8. de dispensat. disput. 21. num. 19. sentit posteriorem valere, & primam omnino euanescente. Mouetur euanescere primam; quia ex impetratione secundæ censis renuntiare primæ in manus Pontificis; & dato te nolle sic renuntiare, Pontifex non intendit secundam concedere, nisi exclusa prima. Ergo prima omnino euanesceat. Quod autem secunda valeat, inde probat, quia prioris non debebas mentionem facere in impetratione secundæ, quia non est ad priorem dispensationem augendam, sed est super matrimonio diuerso, & nullam inter se connexionem habent.

9 Cæterum mihi probabilius est, secundam dispensationem esse inualidam, casu quo prima extincta non sit, & impossibilis eius vsus per mortem coniugis, vel alterius impedimenti perpetui. Ratio est, quia vtraque valere non potest; non quia Pontifex non possit vtramque concedere, sed quia non est verisimile id velle; est enim nimia gratia, & indulgentia, quam concedere Pontificem alienum est à ratione. Prior autem dispensatio valida perseverat, eo quod solum per renuntiationem cessare potest, cui tamen non renuntiat impetrans, cum secundam obtinet, quia non habet eum animum, & casu quo renuntiare velit, non manifestat, ita vt Pontifex id intelligens renuntiationem acceptare possit. Inferitur ergo debere corruiere secundam dispensationem; eo quod prioris mentio non sit facta, quia sine illius mentione non cognoscit Pontifex, quantam gratiam huic impetranti faciat. sic docet Suarez lib. 6. de legibus, cap. 23. num. 21. Basilius lib. 8. cap. 17. num. 9. circa finem. Ex quo fit, si impetraisti facultatem ad alienanda bona maioratus, & illa facultate nondum vsus impetres aliam, vel ex eadem causa, vel diuersa: hæc secunda non videtur valere, nisi mentionem primæ feceris, vt Princeps primam facultatem irritam reddat, vel validam relinquat, quia non censendus est velle, vt vtraque facultas simul valida perseveret, & tantum grauamen maioratus fiat. sic indicat Basilius cap. 17. §. 1. fin. num. 9.

10 Tertiò dubitatur, an ligatus duplici impedimento, debeas illorum omnium mentionem facere, cum alicuius dispensationem impetras? v. g. vis consanguineam ducere, adstrictus es voto castitatis, affinitatis, & consanguinitatis, poterisne per partes horum impedimentorum dispensationem impetrare, ita vt prius impetres dispensationem voti. Secundò affinitatis. Tertiò consanguinitatis, quin in vna dispensatione mentionem facias aliorum impedimentorum. Idem est si plures irregularitates habeas, & velis ad ordines promoueri. An, inquam, tenearis in qualibet dispensatione

tione omnium mentionem facere? In hac re est duplex sententia. Prima, negat mentionem esse necessariam faciendam illorum impedimentorum, sed posse dispensationem obtineri vnius, tacito alio, & postea alterius, & sic plurium. sic docuit Nauarr. *lib. 4. consil. tit. de de consanguinit. consil. 7. num. 2. & 3. & consil. 8. & 9. eodem tit.* Eian. Saa *verbo dispensatio, num. 16.* Czualllos *pract. quest. 737. num. 27.* & alij relati à Sanchez *disput. 23. num. 1.* quàmque ipse probabilem reputat. Fundamentum præcipuum est, quia nullibi habetur in dispensatione vnius impedimenti reliqua esse manifestanda. Ergo non est hoc onus dispensato imponendum: præcipue cum integrè possit vnum impedimentum absque alio manifestari, & causa tollendi illud integrè cognosci.

11 Secunda sententia vniuersaliter affirmat debere in dispensatione vnius impedimenti reliqua manifestari, aliàs esse subreptitiam dispensationem: sic docet Couarr. *4. decret. 2. p. cap. 6. §. 4. fine.* Menoch. *de arbitrar. lib. 2. centur. 3. casu 203. num. 12.* Sanchez *lib. 8. disp. 23. num. 2.* & alij innumeri ab eis relati. Huius communis sententiæ ea solum mihi videtur ratio firma, quæ ex praxi, & consuetudine desumitur: & cum hæc in dispensationibus impedimentorum matrimonij clarior appareat, in illis, vt probabilior, & securior tenenda est. Congruentia autem addi potest; quia impedimentum vnum ex alterius coniunctione redditur difficilius dispensatu; difficilius enim dispensatur cum persona pluribus impedimentis laborante, quàm si vnum tantum haberet, quod intelligendum est, quando ad eundem effectum dispensatio postulatur; tunc enim militat supradicta ratio ex coniunctione, scilicet aliorum impedimentorum, quodlibet impedimentum reddi difficilius dispensatu, & quasi aggravari; quia cum dispensatio tendat ad habilitandam personam ad vnum, & eundem effectum, ad quem ex pluribus impedimentis est incapax; & hæc habilitas non consequatur per vnius dispensationem, ob taciturnitatem aliorum impedimentorum, sequi videtur, neque dispensationem valere, quia cessat finis, ob quem data est. Hæc, inquam, ratio solum est quædam congruentia ad inuestigandam intentionem concedentis, non tamen videtur omnino firma; siquidem in excommunicationibus eodem modo procedit. Pluribus enim excommunicationibus ligatus absolutionem impetrare ab vna potest, alijs tacitis, vt tradit glossa communiter recepta *in cap. ex parte, verbo reddere, de officio ordin. quamvis ex vna excommunicationis absolutione habilis ad diuina non sit factus.*

12 Dixi notanter, quando ad eundem effectum dispensatio postulatur. Ex quo fit quid dicendum sit, si habeas votum castitatis, & velis cum consanguinea contrahere? Poteris dispensationem à voto castitatis prius impetrare, etiam si animo contrahendi cum consanguinea facias; dummodo causa allegata ad dispensandum in castitate non sit ducere consanguineam, neque ad illum effectum dispensatio ordinetur. Ratio est, quia dispensatio voti castitatis alium effectum habere potest præter matrimonium cum consanguinea, neque votum castitatis est speciale impedimentum ad contrahendum cum consanguinea, neque ex coniunctione consanguinitatis est difficilius dispensatu. Impetrata autem dispensatione circa votum, potes de consanguinitatis impedimento dispensationem impetrare, quin mentionem facias dispensationis voti; quia votum omnino sublatum est. sic Suarez *lib. 6. de legibus, cap. 24. num. 5.* Basilus de Leon *lib. 8. de dispensat. cap. 17. num. 24.* Sanchez *lib. 8. disput. 23. num. 4.* Secus verò dicendum est, si habens votum castitatis, dispensationem petas prius de consanguinitate, tunc necessarium votum debes manifestare, quia cum dispensa-

tio consanguinitatis ad nullum alium effectum tendat, nisi vt te habilem, & expeditum reddat ad matrimonium, & ex voto castitatis impeditus adhuc existis, ea de causa, vt effectum sortiatur, teneris votum manifestare: sic supradicti Doctores. quamvis contrà absque fundamento teneat Nicol. Garc. *8. p. de benefic. cap. 3. à num. 61.* motus, quia non est impedimentum irritans, sed impediens, & consequenter non videtur posse impedimentum irritans augere. Sed hoc non obstat; sufficit, quod verè impediat.

13 Fit secundò, quid dicendum, si habeas votum castitatis, & religionis, & velis vnius dispensationem impetrare, an debeas vtrumque manifestare? Et quidem si petis prius dispensationem in voto religionis, affirmat Suarez *lib. 6. cap. 24. num. 8.* validam esse tacito voto castitatis, quia ex voto castitatis non redditur difficilius dispensatio in voto religionis, cum potius in illud soleat commutari; & ex alia parte suum effectum habere potest independens ab alio. At si petatur dispensatio in voto castitatis, tacito voto religionis, existimat inuvalidam esse, quia cum religio ad seruandam castitatem obliget, nulla causa videtur posse allegari sufficiens ad dissoluendum votum castitatis, manente voto religionis. nam incontinentia non videtur sufficere, siquidem per matrimonium succurri non potest, durante voto religionis. At credo satis esse probabile impetrare te posse dispensationem in voto castitatis, etiam si taceas votum religionis. sic Basil. *lib. 8. cap. 17. num. 24.* quia votum religionis non obligat ad perseverandum. Ergo dispensatio pro voto castitatis utilis esse potest, casu quo in religione non perseveres. Item esse utilis potest toto tempore, quo religionem experiris, ne tot peccata committas; & ex hac utilitate dari potest sufficiens causa dispensationis. Secus verò dicerem de solo voto non nubendi, quia non videtur adesse posse causa dispensandi in illo, si votum religionis perseverer.

14 Fit tertio. Quid dicendum si impedimenta non solum dispensatione, sed alia via, scilicet irritatione, aut remissione tolli possunt. An tunc sit necessariò facienda mentio omnium tam impedimentorum, quæ dispensantur, quàm illorum, quæ irritatione tolli debent?

Respondeo, solum ea impedimenta narrari debent dispensanti, quæ per dispensationem tolli debent: at ea, quæ alia via tolli possunt, necessarium non est manifestare; siquidem extra dispensantis iurisdictionem sunt, ac proinde videtur extra rem illi narrare. Quæ ratione si contraxisti sponsalia, vel votum castitatis ante pubertatem emisisti, & vis cum consanguinea contrahere, poteris impetrare dispensationem impedimenti consanguinitatis, quin sponsalia, & votum manifestes; quia votum illud irritatione tolli potest, & sponsalia remissione illius, cuius interest. sic Sanchez *lib. 8. disput. 23. num. 6.* Basil. *lib. 8. cap. 17. num. 23.*

15 Fit quarto. Quid dicendum, si impedimenta concurrunt diuersa, aliud publicum, aliud occultum? An, inquam, debeas manifestare simul omnia?

Respondeo te non debere manifestare occultum, cum publici dispensationem petis, etiam si ex manifestatione occulti non sequatur infamia; quia non præsumitur Pontifex id velle, esset enim nimis durum, & alienum à suavi regimine Ecclesiæ: quia præcluderetur via pluribus contrahendi matrimonium. Quapropter pro his impedimentis occultis constituti iudices penitentiarij sunt, quibus non solum occulta, sed etiam publica impedimenta manifestanda sunt, vt ex stylo curiæ refert Sanchez *disput. illa 23. n. 7.* & tradit Basilus de Leon *lib. 8. cap. 17. n. 23.*

16 Fit quinto. Quid dicendum in dispensatione irregulari

gularitatis, & aliarum pœnarum? An, inquam, debeas, cum vnus dispensationem impetras alias manifestare. Et quidem ratio suprâ allegata in his videtur procedere, quia scilicet vnum impedimentum ex coniunctione alterius videtur dispensatu difficilior. Item quia ad eundem effectum dispensatio vnus, & alterius ordinatur, nempe ad habilitandam personam. Ergo omnia debent explicari: & ita tenet Basilus lib. 8. cap. 17. num. 24.

Suarez verò lib. 6. cap. 24. circa finem, negat esse necessariò explicandam, nisi casu quo vna irregularitas, vnâve pœna non posset sine alia explicari. Mouetur; quia neque ex iure, neque ex stylo id habetur. Quòd autem difficilior obtineret vnus dispensationem, si alia scirentur, non obstat, si datur ex sufficienti causa, & cum plena cognitione, quia illa difficultas est extrinseca dispensationi singulorum, sicut habens plura crimina, & vnus petens remissionem, non tenetur omnia manifestare, etiam si sciret ex manifestatione aliorum negandam esse remissionem illius petiti, & hæc mihi sententia probatur. Illa autè limitatio, quam Suarez adducit, scilicet aliarum irregularitatum, & pœnarum esse mentionem faciendam, casu, quo grauitas vnus non possit sine alia explicari, est verissima. At exempla, quibus eam explicat, mihi non probantur. Primus est, si contraxisses irregularitatem, eo quòd clericum occideris, teneri te manifestare clericum fuisse, neque satisfacere, si dicas hominem occidisse, quia debes explicare grauitatem criminis, & sacrilegij commissi, & docuit Nauarr. lib. 1. consil. tit. de rescriptis, consil. 18. num. vnic. in 2. edit. Emanuel 1. tom. summ. 2. edit. cap. 179. conclus. 5. num. 10. At verius censeo non esse necessariam illius qualitatis manifestationem, quia ad irregularitatem & omnino extrinsecum, & per accidens fuisse clericum; non enim ob sacrilegium, sed ob defectum perfectæ lenitatis imponitur, qui defectus in quacumque hominis occisione reperitur: & ex alia parte neque ex consuetudine, neque ex stylo curiæ constat hanc qualitatem debere manifestari. Non ergo onus sine causa imponendum est: & ita tenet Sanchez lib. 8. disp. 21. num. 22. Salas disp. 20. sect. 15. num. 122. §. quartum dubium. Basilus de Leon lib. 8. cap. 17. §. 4. num. 24. fin. Secundum exemplum, quod adducit Suarez, est, si plura homicidia commisisses, & velis vnus irregularitatis dispensationem impetrare, tacitis aliis, quia licet irregularitates illæ sint numero distinctæ, moraliter tamen quasi efficiunt vnâ grauiorem, vel certè vna illarum non satis absque alia explicatur. Verùm, meo iudicio, non video, quare vna irregularitas non satis absque alia explicetur, cum satis vnum homicidium absque alio explicari possit, nec cur vnus dispensatio cum alia colligata sit, siquidem ex distincta omnino causa procedit, neque ex pluribus illis irregularitatibus vna coalescit, sed sunt distinctæ, ac si quælibet in suo subiecto distincto existeret. Adde, sicut potest remissio vnus homicidij sine alio impetrari, cur non poterit dispensatio irregularitatis vnus homicidij sine dispensatione alterius obtineri? Denique si percussisses plures clericos, posses obtinere absolutionem vnus excommunicationis, non obtenta absolutione alterius. Ergo similiter contingere potest in irregularitate. Denique non caret probabilitate contracta vna irregularitate ob homicidium, non contrahi aliam numero distinctam, etiam si aliud homicidium committas; quia cum irregularitas sit inhabilitas per modum habitus, non potes amplius ex eadem causa inhabilitari; neque vna causa super aliam operari. sic tradit Henriquez lib. 12. cap. 10. §. 3. & lib. 14. cap. 7. §. 3. Thomas Sanchez lib. 8. disp. 14. num. 7. Auila disp. 10. de irregular. dub. 8. & in excommunicato, qui pluries in excommunicatione celebrauit, tenet Nauarr. consil. 3. de raptoribus, num. 6. Zerola in

praxi, 2. part. verbo irregularitas, §. 12. ad finem. Garcia hos referens 8. part. de benef. cap. 3. num. 80. usque ad 87. & confirmari satis potest ex copula cum consanguinea sæpiùs repetita, quæ non inducit nouum impedimentum, neque est necessariò facienda mentio omnium illorum delictorum, sufficit si vnus tantum mentionem faciat, & docet Sanchez lib. 8. disp. 24. num. 7. Toletus lib. 7. cap. 19. ad finem. Azor 3. part. lib. 3. cap. 10. quest. 1. Garcia num. 77. Idem, si quis teneat in Baptismo plures filios alicuius, vnica tantum est compaternitas. Garcia num. 78. Et si quis ter, vel quater contraxit nuptias, non est necessarium id exprimere in dispensatione bigamix. Garcia num. 79. Sanchez lib. 7. disp. 86. num. 24. Henriquez lib. 12. cap. 6. §. 9. Nauarr. consil. 2. de bigam. Vgolin. de irregular. cap. 56. §. 7. num. 3. Auila de censur. 7. part. disp. 8. fin.

§. V.

Expenduntur ea, quorum falsa expressio vitiat rescriptum.

- 1 Que sint certò præsupponenda.
- 2 Si ex causa vera, & falsa integratur causa sufficiens dispensationi, dispensatio corrumpitur. At si vera causa allegata sufficiens est, ex falsa superaddita non vitiat dispensatio secundum communiorum sententiam.
- 3 In casu dubio, sit ne falso causa allegata finalis, vel motiua, præsumitur motiua, non finalis.
- 4 Quid si causa falsis testibus probetur.
- 5 Subreptio commissa in vna parte rescripti non vitiat totum rescriptum, si per ignorantiam etiam culpabilem, modo non sit crassa, subreptio commissa sit.
- 6 Vitiat tamen, si ex fraude, & malitia procedatur.
- 7 Debet tantum vna pars cum alia coniunctionem habere, & ad eundem finem ordinari.
- 8 Impetrans rescriptum ad primum beneficium vacaturum, tacito defectu legitime ætatis ad curatum, valet ad simplex.
- 9 Impetrans dispensationem voti, & consanguinitatis ad matrimonium, falso allegata causa circa votum rescriptum vitiat.
- 10 Rescriptum hoc modo vitiatum non habet effectum, quousque vitium commissum in illa parte rescripti declaratur.
- 11 De interpretatione, & cessatione dispensationis remittitur ad ea, quæ dicta sunt de privilegijs.

1 **C**onstat apud omnes, si falsitas occasio sit, ne impedimentum dispensandum integrè manifestetur, vitari omnino dispensationem. Item si est occasio, ne causa allegata ad dispensationem vera sit, quia dispensatio semper expostulat causam, præcipuè si in lege superioris fiat. Secundò suppono aliud esse impetrare gratiam, & beneficium ab ordinario, aliud à Sede Apostolica, & eius Legato, si ab ordinario impetres, notari non potes subreptione.

2 Difficultas ergo est, cum plures causas allegas, vitæ dispensatio concedatur, & aliqua illarum est falsa, an corrumpat tota dispensatio? Et quidem si ex falsa causa, & vera allegata integratur sufficiens causa dispensationis, sine dubio corrumpit dispensatio, quia corrumpit fundamentum, cui voluntas dispensantis nititur. sic Couarr. lib. 1. variarum, cap. 20. num. 5. Basilus lib. 8. cap. 17. §. vi. num. 41. Suarez lib. 6. de voto, cap. 27. num. 11. At si non obstante falsa causa admixta allegas veram, quæ de se, & secundum stylum, & consuetudinem solet reputari sufficiens ad dispensationem concedendam; communior sententia docet validam tunc esse dispensationem. sic docet Sanchez lib. 8. disp. 21. num. 32. multis relatis Suarez, Basilus suprâ. Sed hoc intelligendum esse

esse videtur de causa extrinseca dispensationi, & quæ per se non solet mouere Principem ad dispensationem concedendam: nam si causa falsò allegata, æquè ac vera mouet Principem ad dispensationem concedendam, quis dicere poterit hic, & nunc ex vtraque simul motum non esse? neque enim est vlla ratio, quare magis ex vera, quàm ex falsa causa moueatur, cum vtraque eodem modo illi proposita sit. Si ergo ex vtraque motus sit, qualibet ex illis cessante, cessat intentio hæc dispensantis, & consequenter dispensatio: & ita tradit Gutierrez, *canon. quest. lib. 2. cap. 15. num. 129. & 130.* Neque credo Sanchez dissentire, ut colligi facile potest ex his, quæ dicit *num. 44. & 45.*

3. Sed quid dicendum est in casu dubio? An sit causa finalis, hoc est, pertinens ad dispensationem intrinsecè, an verò solum impulsiva, & motiva, & extrinseca dispensationem concernens?

Respondeo præsumi motiuam, & non finalem, quia semper debet stare præsumptio in fauorem valoris actus: at si præsumeretur finalis, corrueret dispensatio, & præsumpta solum motiua dispensatio subsisteret. Ergo: & ita tenet Tiraquell. *tract. cessante causa, limit. 1. num. 14. & 48.* Loazes *de matr. Regis Anglia, dub. 5. num. 42. & 43.* Menoch. *volum. 2. consil. 106. num. 91.* Sanchez plures alios referens *lib. 8. disput. 21. num. 20.* Basil. *lib. 8. cap. 17. num. 41.* Et idem dicendum est, cum dubium est, an dispensatio valida sit, quia dubium est, an satis probetur veritas narratorum, vel quia est dubium, an causa falsò allegata sit finalis? Semper, inquam, præsumendum est in hoc dubio validam esse dispensationem, quia pro valore actus stare debet præsumptio. *L. quoties, ff. de reb. dub. & cap. Abbate, de verbor. significat.* & multis allegatis docet Menoch. *lib. 6. præsumpt. 4. per totam*, & tradit Sanchez *lib. 8. disput. 21. num. 25.*

4. Quid si causa falsis testibus probaretur, essetne tunc dispensatio nulla? v. g. commissæ est ordinario dispensatio in impedimento consanguinitatis, si paupertas, defectusque dotis verus sit, probas falsis testibus defectum dotis adesse, eritne tunc dispensatio valida?

Respondeo; si verè in re defectum dotis non habeas, dispensatio omnino vitiatur, quantumuis extrinsecè constet, quia sine causa subsistere non potest dispensatio. & sententia lata ab ordinario fundatur in falsa præsumptione contra veritatem, quam intendit Pontifex. At si defectus dotis verus sit, falsis tamen testibus probatus, quia absque perfecta notitia iurarent, credo dispensationem valere, quia verificatur conditio à dispensante requisita. sic Sanchez *lib. 8. disput. 21. num. 33.* Basil. *lib. 8. cap. 17. num. 41. circa finem.* Verum si per ignorantiam, & simplicitatem allegasti, v. g. defectum dotis, cum tamen verè non fuerit, & ordinarius facta informatione declarauit defectum dotis existere, & sic dispensauit, & ex hac declaratione, & dispensatione concessa ad contrahendum matrimonium processisti, videris validè contrahere, neque posse tale matrimonium oppugnari, ex *cap. cum inter. de sentent. & re indic. cap. eo qui appellat. §. si verò, 2. quest. 6.* & tradit Basil. *lib. 8. cap. 16. num. 5. & cap. 17. num. 41.* & facit id quod docuit Socin. *consil. 170. ad finem, volum. 2.* & Felin. *cap. super litteris, de rescript. num. 7. versic. denum.* ubi asserunt, si subreptio commissæ non sit ab eo, qui litteras impetrauit, sed à sollicitatore, qui falsam causam allegauit, ignorante eo, pro quo rescriptum impetratum est, valere rescriptum, nec subreptitium esse. Quia ignorantia facit, ut præsumatur Pontifex in tali casu de plenitudine suæ potestatis dispensare, & sententia tunc data transit in rem iudicatam. At credo hoc tenendum non esse, quia tale rescriptum, vipote in falsa causa fun-

datum, nullum est, neque ignorantia prodesse potest ad valorem ipsius, sed solum ad excusandum impetran-tem, à culpa commissæ, & videtur expressè decidi *cap. super litteris, de rescript.* ubi æquè de taciturnitate veritatis, ac de expressione falsitatis, quando contingit circa totum rescriptum, dicitur nullum esse, etiam si per ignorantiam, & simplicitatem factum sit. Si vero (inquit textus) *per huiusmodi falsitatis expressionem, vel suppressionem etiam veritatis littera fuerint impetrata, qua tacita, vel expressa nos nullas litteras dedissemus, à delegato non est aliquatenus procedendum.* sic Tiraquell. *tract. cessante causa, in princ. num. 116.* Abbas *dist. cap. super litteris, num. 4. & 6.* & alij, quos sequitur Sanchez *lib. 8. disp. 21. num. 56. & 57.*

5. Difficultas grauis est, an quando subreptio commissæ sit in aliqua parte rescripti, & non in toto, rescriptum totum reddatur nullum? v. g. Impetras rescriptum pro impedimento voti, & affinitatis, quam habes ad matrimonium contrahendum, & falsò causam allegas pro affinitatis impedimento, veram tamen, pro voti impedimenti impetratione, eritne tunc totum rescriptum subreptitium? Idem est, si impetrasti litteras ad beneficium, siue curatum, siue simplex, allegata falsò legitima ætate, cum tamen solum ad simplex legitima esset, an tunc rescriptum respectu vtriusque beneficii sit nullum? Idem est, si impetrasti rescriptum contra tuum debitorem, affirmans falsò ex consuetudine patriæ causas tractari simpliciter, & de plano; æquè de causa commissæ est iurisdictio delegato, ut sic cognosceret, an tunc iurisdictio expiret, vel solum quoad illam formam? Et quidem tunc vitiari rescriptum, quoad illam partem, in qua falsitas expressa est, nemini esse potest dubium. Solum de alia parte, circa quam falsitas commissæ non est, dubitatur, in qua omisissis alijs dicendi modis distinguendum est, si per ignorantiam, & simplicitatem etiam culpabilem, modò non sit nimis crassa, contigerit falsitatis expressio, vel veritatis taciturnitas, circa causam finalem illius partis rescripti, non vitiatur totum rescriptum, sed solum illa pars, in qua ex ignorantia processum est. sic ex communi sententia docet Sanchez *lib. 8. disp. 21. num. 61.* Gutierrez. *canon. quest. lib. 2. cap. 15. num. 45.* & multis relatis Nicol. Garc. *8. p. de benefic. cap. 3. num. 16.*

6. At si ex fraude, & malitia subreptio commissæ sit, totum rescriptum vitiatur in pœnam fraudis, & malitiæ, ut deciditur expressè in *cap. super litteris. ibi, in sua peruersitatis pœnam nullum ex illis litteris commodum consequantur.* & in *cap. sedes, eodem tit. ibi, mendax peccator careat penitus impetratis.* Neque valet dicere verba debere intelligi solum de eo capitulo, in quo falsitas commissæ est, non de alio, quia respectu illius, circa quod falsitas est commissæ, non erat necessarium dicere in pœnam suæ peruersitatis nullum debere commodum consequi. Siquidem, etiam si per ignorantiam factum sit, nullum commodum obtinetur. Restat ergo, ut intelligatur de alia parte rescripti, in qua fraus commissæ non est.

7. Aduerto tamen debere vnam partem cum alia coniunctionem habere, & ad eundem finem, & effectum ordinari: aliàs si in se omnino separatæ sint, etiam si in eodem rescripto contineantur, credo non vitiari vnam ex subreptione alterius. Moueor, quia pœna non debet extendi, sed limitari quoad fieri possit: cum autem irritatio illius partis rescripti, circa quam falsitas commissæ non est, solum sit in pœnam falsitatis commissæ circa aliam partem, non debet extendi extra casum in iure expressum: at in iure, ut constat ex *cap. super litteris, & ex dist. cap. sedes, partes rescripti inter se vniebantur, & ad eundem effectum ordinatæ erant.* Ergo quando cessat hæc connexio, & ordinatio,

tio, cessabit poena. & ita explicandus est textus in *cap. ad audiendam, de rescript.* & in *l. si ex falsis, C. de transf.* ubi videtur decidi, vitium commissum in vna parte rescripti, reliquas vitare. Intelligi debet, si inter se vniantur, secus si separatæ sint. & ita tenet Basilius *lib. 8. cap. 16. num. 9.* Sanchez *lib. 8. disp. 21. num. 71.* Garcia *8. p. de benefic. cap. 3. num. 16.* ubi variis decisionibus probat.

8 Ex quo fit, si impetres rescriptum ad primum beneficium vacaturum, siue curatum sit, siue simplex, iuxta textum in *cap. si eo tempore, de rescript. in 6.* tacito defectu legitimæ ætatis ad curatum, cum tamen ad simplex sufficeret, valet rescriptum respectu beneficii simplicis; esto cum dolo, & malitia processeris. sic Basilius, & Sanchez *supra*, quia sunt gratiæ separatæ, neque vnà ab alia pender, diuersimodè tamen valebit, si cum dolo, vel absque dolo processeris. nam si absque dolo processisti, valebit tibi gratia ad beneficium simplex, etiam si contingat primò vacare beneficium curatum. Nam licet de iuris rigore gratia illa deberet verificari in beneficio primo vacante, iuxta *cap. mandati, de prabendis, in 6.* at quia incapax per ignorantiam illius es, ex quadam æquitate, & benigna interpretatione videtur extendenda gratia ad beneficium simplex primò vacans, cuius capax existis, argum. textus in *cap. 2. de renuntiatis, in 6.* Quod si ex dolo processisti, & beneficium primò vacans fuit curatum, non poteris simplex expectare, sed omnino sibi gratia cessabit; quia non est æquum tuæ iniquitati, & peruersitati fauere, & ita notauit Basilius *lib. 8. cap. 16. fine.*

9 Fit secundò, si impetres dispensationem voti, & consanguinitatis ad matrimonium contrahendum falsò allegata causa circa votum, esto vera circa impedimentum consanguinitatis; totum rescriptum vitiabitur, si dolo processisti; secus si ex ignorantia, quia tunc vtriusque impedimenti dispensationes inter se connectuntur, & ad eundem finem tendunt; secus verò, si pro di-

uersis votis esset dispensatio, pro voto, inquam, castitatis, & peregrinationis, quia sunt causæ separatæ, & per accidens in vno rescripto vniuntur. sic Sanchez *lib. 8. disp. 21. num. 72.*

10 Sed inquires, an in illo casu, in quo pars dolo carens vitiatur, ex dolo in alia parte commissio, vitietur ipso iure, tam in rescriptis iustitiæ, quàm gratiæ, vel solum ope exceptionis, aut per sententiam.


Respondet, neque in rescriptis iustitiæ, neque gratiæ vitari ipso iure, sed quousque vitium commissum declaretur. Ratio legitima est, quia hæc annullatio est poena, vt constat ex illis verbis textus in *cap. super litteris, ibi, in sua peruersitate poenam nullum ex illis cor. nandum consequantur.* Sed poena, & præcipue, quæ iuri communi derogat, indiget, vt contrahatur, sententia saltem declaratoria criminis. Ergo. Neque obstat si dicas textum in *cap. super litteris*, dicere, nullum ex illis litteris commodum consequantur, & *cap. sedes, eodem tit. de rescript.* impetratorem penitus carere debere impetratis: quæ dictiones videntur omnem vtilitatem excludere, quam certè non videntur excludere, si ipso iure valide sint litteræ. Non, inquam, obstat, quia iuxta subiectam materiam debent intelligi, carere scilicet penitus effectu, & nullum commodum ex illis obtineri, postquam crimen oppositum est, & declaratum. sic docet Sanchez *lib. 8. disputat. 21. num. 76. & 77.*

11 De interpretatione dispensationis, & illius cessatione latè egi, cum de priuilegij interpretatione, & illius cessatione sermonem habui, neque occurrit aliquid speciale notandum. Semper tamen præ oculis est habendum aliud esse dispensationem, aliud facultatem dispensandi. Item aliam esse dispensationem insertam in iure communi, aliam extra ius commune. De his omnibus, an latè, vel strictè interpretandæ sint, & quando, & quomodo cessent, loco allegato pro tenuitate nostra differuimus.



TRACTATUS QVARTVS DE FIDE, ILLIQUE CONTRARIIS.

P R O O E M I V M.



CTVRVS de virtutibus, à fide iudicavi incipiendum; vtpote quæ, vt ait Tricent. *sess. 6. cap. 8.* reliquarum radix, & fundamentum est, & iustificationis initium. Hunc tractatum nouem disputationibus absoluam.

Prima crit de fide, eiusque obligatione.

Secunda, de infidelitate.

Tertia, de hæresi.

Quarta, de pœnis spiritualibus hæreticorum, excommunicatione, infamia, priuatione beneficiorum, & officiorum.

Quinta, de pœnis temporalibus, præcipuè confiscatione bonorum.

Sexta, de pœnis corporalibus.

Septima, de hæresis suspectis, filiisque hæreticorum.

Octaua, de modo iudicialiter procedendi.

Nona, de crimine confessarij sollicitantis ad Venerem.

DISPUTATIO I.

De fide, eiusque obligatione.

PUNCTVM I.

Quid sit fides, & quoduplex.

1. *Mul implicitè nomen fidei vsurpatur.*
2. *Declaratur propria fidei acceptio, eiusque definitio exponitur.*

NOMEN fidei variè accipitur à Theologis, vt videre potes apud commentatores D. Thom. 2. 2. *quest. 1.* Aliquando enim accipitur pro fiducia, iuxta illud dictum à Domino Petro Matth. 14.

Modica fidei, quare dubitasti? & illud Iacob. 1. *Postulet in fide, nihil basitans,* hoc est, in fiducia de Domini misericordia. Aliquando pro executione rei promissæ, seu pro dictorum, conuentorumque constantia, & veritate: & in hoc sensu dixit Paul. ad Rom. 3. *Numquid incredulitas eorum si. tem Dei euacuabit?* id est, diuinæ promissionis constantiam, & veritatem infirmabit? *Absit.* & illud 1. ad Timoth. 5. *habentes damnationem, quia primam fidem irritam fecerunt;* id est, quia vouerunt, & non reddiderunt, vt explicuit August. *Psal. 75.* & ab hac acceptione sæpè Deus vocatur fidelis, *Psal. 144.* & 1. *Corimb. 10* & alibi. Aliquando sumitur pro iudicio, seu existimatione, quæ de aliquo fit, fore, vt stet promissis, iuxta illud

Ecclesiast. 27. qui demodat arcana amico, fidem perdit; id est, perdit existimationem, quæ de illo habebatur secreta seruaturum. Aliquando sumitur fides pro conscientia bona, iuxta illud ad Rom. 14. iuxta communem expositionem, *Omne, quod non est ex fide, peccatum est.* id est, omne, quod est contra conscientiam, & dictamen rationis, peccatum est. & in hoc sensu Innocent. III. *cap. ult. de præscript.* dixit nullam esse præscriptionem absque bona fide, id est, absque notitia recta.

2. Verùm hæ acceptiones, vt rectè expendit Valent. 2. *disput. 1. quest. 1. p. 1. in princ.* alienæ sunt nostro instituto consideranti fidem, quatenus quædam virtus est nostræ iustificationis initium, & reliquarum virtutum radix, & fundamentum, de qua Apostol. ad Hebr. 11. dixit, *est sperandarum substantia rerum, argumentum non apparentium.* Dicitur substantia rerum sperandarum, tum quia per eam quodammodo substant, seu subsistunt in nobis res, quas speramus; tum quia ipsa, vt fundamentum substat omnibus aliis virtutibus, quibus via paratur gloriæ speratæ. sic Magister *sentent. in 3. dist. 23.* Chrysost. *homil. 2. in suprad. loco ad Hebr.* Vocatur argumentum, seu conuictio non apparentium, ob ineuidentiam, quam habet simul cum eius certitudine, quæ fundatur in ipsa auctoritate diuina. sic exposita verba Pauli conuincunt ibi Apostolum definisse fidem, quæ est virtus theologica: tum quia de illa loquebatur, siquidem loquebatur de illa, per quam iustus vivit: tum quia sic tradunt Basil. Chrysost. Gregor. August. & alij Patres, quos refert, & sequitur Valent. *disput. 1. quest. 4 p. 1.* Neque obstat aduersus hanc definitionem plura fideles credere, quæ non sperant, credunt infernum, qui non sperant,

speratur, sed potius timetur: credunt peccasse nostros primos parentes, & nos nasci maculatos, quod nec timetur, neque speratur. Non, inquam, obstat: nam cum dixit Apostolus, esse substantiam rerum sperandarum per ordinem ad obiectum principale, qui est Deus speratus, definiuit fidem; non tamen obinde tollit de aliis rebus fidem esse. Neque etiam obstat dari posse fidem absque spe, quominus dicatur esse substantiam sperandarum rerum, nam licet non sit rerum sperandarum actu, ab ipso, qui habet fidem, potest tamen illas sperare, & ab aliis sperantur; ac proinde est substantia rerum sperandarum. Alteram autem definitionem tradunt communiter Scholastici, quæ supradictam explicat, & in idem recidit, videlicet, ut fides sit habitus, quo infallibiliter, & sine vlla formidine credimus à Deo reuelatis ob authoritatem Dei reuelantis. sic Bannes 2. 2. *quest. 1. art. 1. circa principium*. Valent. *suprà, vers. sic. septimò*. & communiter omnes D. Thomæ expositores. Ut autem hæc definitio, & quam adduximus ex Paulo, clariùs innotescat, videndum est, quæ comprehendatur sub reuelatis, quæve reuelatio necessaria sit, & quæ ad illam requirantur, & ad illius assensum. Quibus cognitis cognoscetur tum obiectum formale, tum materiale fidei, & alia ad definitionem fidei pertinentia.

PUNCTUM II.

Quòdam sit obiectum formale fidei.

- 1 Statuuntur Deum reuelantem esse.
- 2 Proponuntur variae obiectiones, & solvuntur.
- 3 Ecclesiæ propositionem ad fidem requiri.
- 4 Explicatur, quid sit hæc propositio, & quomodo ad obiectum formale fidei non pertineat, tamen si conditio sit.
- 5 Regulariter ad recipiendam fidem plura concurrunt.

1 **C**um fides diuina nitatur authoritati Dei reuelantis, ut in comperto est apud omnes; communiter Doctores conueniunt Deum reuelantem esse obiectum formale fidei, seu rationem, sub qua intellectus reuelatis assentitur. sic D. Thomas 2. 2. *quest. 1. art. 1. Bannes, & Aragon ibi*. Valent. *disput. 1. quest. 1. punct. 1. §. 4. in princ.* & alij plures, quos ipse refert, Aegidius de Coninch *disp. 9. de fide, dub. 3. concl. n. 2. & dub. 4. concl. 1. num. 35*. Verum ut hæc definitio communis clariùs innotescat, aduersus illam

2 Obiicium primò, quia fides non videtur niti posse diuinæ reuelationi, tanquam rationi formali vltimæ assentiendi: nam si rogeris, quare credis Deum esse trinum, & vnum? & respondeas, quia Deus reuelauit; & rursus interrogeris, vnde cognoscas Deum sic reuelasse: debes ad propositionem Ecclesiæ recurrere, & respondere, quia sic tibi ab Ecclesiâ est propositum: quòd si tandem rogeris, vnde scis Ecclesiâ habere infallibilitatem in rebus propositis? necessariò debes respondere, quia sic est à Deo reuelatum, in quo sanè circulum committis. Ergo non bene assignatur reuelatio diuina, seu Deus reuelans, pro ratione formali vltima, in quam fides diuina resoluitur?

Respondeo, etsi diuina reuelatio tibi sit ineuidens, & obscura: at esse potest ratio cognoscendi, tum alia, tum se ipsam, quia cum illorum cognitio non possit esse euident, nequit in reuelatione, tanquam in re euidenti intellectus acquiescere; at quiescit in illa, tanquam in re omnino certa, obscurè cognita. Quando autem vrgeris, vnde cognoscis reuelasse Deum? responde: teneris id te cognoscere obscurè ex ipsamet reuelatione ab Ecclesiâ proposita; ita ut propositio non sit actio formalis assentiendi, sed conditio sine qua non

Ferd. de Castro Sum. Mor. Pars I.

diuinæ reuelationi assensum præberes, & sic vitatur circulus, & processus in infinitum.

Obiicium secundò, cum Deus Apostolis, vel Prophetis mysterium aliquod primò reuelauit, ipsi Apostoli, vel Prophetæ reuelato mysterio assensum præbuerunt fide diuina; quia illa reuelatio non fuit clara mysterij cognitio, sed obscura. At talis assensus diuinæ reuelationi non nititur; quia suppono illam reuelationem primam esse, quæ non potest esse, sui ipsius obiectum. Ergo iam fidei diuinæ obiectum, non est diuina reuelatio.

Respondeo actum illum reuelationis, quo primum mysterio reuelato assentitur Propheta, non esse actum fidei, etsi sit obscurus, ob rationē dictā; quia assentitur mysterio in se, & non vestito reuelatione; reducitur tamen ad fidem ob eius obscuritatem. At si Propheta alio actu reflexo mysterio sibi reuelato credit, quia tibi est reuelatum, tunc actum fidei eliciet.

Tertiò obiicium. Reuelatio diuina ideo est infallibilis, quia Deus est summa sapientia, & bonitas, qui nec fallere, nec falli potest. Ergo in Deum, quatenus talis est, debet resolui nostræ fidei infallibilitas.

Respondeo negando consequentiam. Aliud enim est, querere, quare Deus sit infallibilis; & hoc fateor esse, quia est summè bonus, & sapiens: aliud autem querere, cui rationi infallibili fides diuina assentiat, & hæc non est diuina bonitas, & sapientia; cum fides non assentiat reuelatis, nisi quia à Deo reuelata sunt; suppono tamen reuelationem Dei esse omnino infallibilem, quia à Deo summè bono, & sapienti procedit.

Quartò obiicium. Plures sunt reuelationes singularibus personis factæ, quæ non videntur esse obiectum formale fidei, aliàs Ecclesiæ propositio necessaria non esset ad credendum.

Respondeo omnes reuelationes esse obiectum formale fidei, quia nituntur authoritati Dei, qui nec fallere, nec falli potest. Idem enim est, qui singularibus personis reuelat, ac qui reuelauit Prophetis, Apostolis, &c. Ergo eadem est in omnibus reuelationibus authoritas, & veritatis fundamentum; & ita tenet Vega *lib. 9. in Trident. cap. 3.* Bellarmin. *lib. 3. de iustificat. cap. 3.* Malder. 2. 2. *quest. 1. art. 1. sect. 5.* Turria. *disput. 5. dub. 1.* Aegidius Coninch *disput. 9. de fide, dub. 6. num. 87.* Thomas Sanchez *lib. 2. in Decalog. cap. 7. num. 32*. Ut tamen personæ, quibus non est facta reuelatio, eliciant actum fidei, indigent propositione Ecclesiæ, ut de illis moraliter constet; qua deficiente, etsi ex se obiectum fidei sit reuelatio fidei, actus non valet terminare, sicut ignis est virtutem habeat producendi ignem, requirit tamen approximationem passo, tanquam conditionem, ut de facto ignem producat.

3 Sed inquires, an propositio Ecclesiæ, miracula, & sanctitas fidelium, intrent in obiectum formale fidei?

Requiri Ecclesiæ propositionem ad fidem ab omnibus in confesso est; iuxta illud ad Roman. 10. *Quomodo credent ei, quem non audierunt: aut quomodo audient sine predicante?* & tandem concludit: *Ergo fides ex auditu, auditus autem per verbum Christi*. Et ratio est; quia de mysteriis reuelatis, deque ipsa reuelatione nobis aliunde constare non potest: ideoque Christus Dominus hoc medium instituit ad fidem propagandam.

4 Aduerto tamen hanc propositionem Ecclesiæ, quam diximus esse necessariam ad acceptandam fidem, non esse reuelationem aliquam, si fortè daretur factam Ecclesiæ, vel Pontifici de veritate aliqua credenda; talis enim assensus, seu reuelatio non est ex fide, sed potius fidei obiectum constituit, & ad donum prophetiæ pertinet, ut rectè expendit Valent. 2. 2. *disp. 1. quest. 1. punct. 1. §. 6. pag. 30. & 31*. Sed propositionem Ecclesiæ dico esse illam manifestationem, qua Pontifex ex speciali Spiritu

Ec

tu

tus sancti assistentia manifestat, & proponit veritates aliquas iam Ecclesie reuelatas credendas fidelibus. Illa ergo propositio, est conditio requisita ad fidem, non obiectum fidei.

Quod si dicas, illa manifestatio, & propositio est infallibilis. Ergo est obiectum fidei.

Respondeo esse quidem infallibilem, & obiectum fidei non formale, sed materiale; sicuti quælibet alia veritas reuelata est obiectum materiale fidei, non formale; formale autem solum est reuelatio, materiale quidquid reuelatum est; cum verò sit reuelatum propositionem Ecclesie esse infallibilem, iuxta illud dictum Petro, *Ego pro te rogavi Petre, ut non deficiat fides tua*, efficitur sanè infallibilitatem propositionis ad obiectum materiale fidei pertinere.

Aduerto secundò non esse necessarium ab omnibus æquè cognosci hanc Ecclesie propositionem; alij enim confusè, alij distinctius cognoscunt: rudibus enim hominibus simplex suorum maiorum propositio sufficit, atque adeò satis confusè & implicite propositio Ecclesie repræsentatur. sic Valentia *suprà*, §. 6. *sine*.

5 Requiritur præterea regulariter ad credendum, imò & ad fidem retinendam alia motiua, scilicet miracula, patientia martyrum, sanctitas fidelium, & similia: at non intrans in obiectum formale fidei. sic Valentia ex communi sententia *suprà* §. 7. & 8. Prioriorem partem probò; quia reuelatio, quam dicimus esse formale obiectum, & infallibilitas propositionis Ecclesie, nobis obscura sunt, sicut & quilibet alius articulus. Ergo indiges, ut mouearis ad credendum diuinæ reuelationi, & infallibilitati propositionis Ecclesie aliquibus rationibus, & motiuis. Neque obinde fit in hæc motiua fidem resolui, quia hæc motiua non sunt obscura, sed clara, clarè enim cognoscitur sanctitas fidelium, & patientia martyrum. Ergo in rem claram, non poterat fides, quæ obscura est, resolui. Et præterea, quia per illa miracula Deus non loquitur, sed locuta confirmat. Ergo non sunt obiectum fidei, esto ad recipiendam fidem conducant. Quod aliunde confirmatur exemplo Samaritanorum *Ioan. 4.* qui ex dicto mulieris affirmantis dixisse sibi Christum omnia, quæ acciderant, moti sunt ad fidem recipiendam.

PUNCTUM III.

An diuina reuelatio, quæ est obiectum formale fidei, habeat omnimodam certitudinem.

- 1 Proponitur dubitandi ratio.
- 2 Nunquam Deus potest alicui falsum manifestare.
- 3 Soluitur dubitandi ratio.

1 **R**atio dubitandi est; quia non videtur repugnare Deum mouere intellectum creatum ad falsum aliquem assensum: tum quia assensus falsus non est peccatum: tum quia est quædam entitas physica, quæ à Deo causatur, & producit simul cum intellectu creato: tum quia inde non infertur Deum absolute mentiri; quia mentiri est dicere aliquid aliter, quàm habetur in mente: at cum Deus falsum iudicium creato intellectui imprimeret, non diceret aliud, quàm habet in mente; quia ipse non dicit: non enim per tale iudicium ipse Deus dicit, sed homo est, qui dicit, & loquitur. Ergo. Tum denique, quia fides esse potest causa saltem mediata assensus falsi, ut contingit in hoc discursu: Quidquid Deus reuelat, credi debet fide diuina; sed Deus reuelauit Christum non esse Deum. Ergo fide diuina credendum est non esse Deum. Ecce falsissimum consequens illatum ex vna propositione de

fide, & altera falsa. Ergo saltem mediatè ad assensum falsum potest Deus concurrere.

2 Nihilominus tenendum est tanquam omnino certum, Deum non solum de potentia ordinaria, sed neque de potentia absoluta posse falsum alicui manifestare, & erroneum conceptum intellectui creato imprimere. sic D. Thomas 2. 2. *quæst. 1. artic. 3.* & omnes eius expositores. Valent. *punct. 2. conclus. 2.* Valquez *art. 3. conclus. 1.* Coninch *disput. 10. dub. 1. conclus. 2. num. 5. & dub. 2. conclus. 1. & 3.* Turria. *disput. 3. dub. 1. & 2.* Conclusio duplici ratione probari potest. Prima & à priori, quia Deo conuenit summa, & infinita autoritas ad persuadendum, ut eius dictis fides adhibeatur: at si Deus fallere aliquem posset, non haberet summam, & infinitam autoritatem, ad persuadendum, ut suis dictis fides adhibeatur; maior enim excogitari posset in eo, qui nullo modo fallere posset. Ergo. Secunda ratio à posteriori est, quia inde sequeretur fidem nostram nullam firmitatem habere. Nam cum omnis eius firmitas in diuina reuelatione sita sit, si hæc falsa esse posset, quæ firmitas in fide haberetur? Vnde enim constare cuilibet posset in tali, vel tali reuelatione vsum non fuisse Deum sua omnipotentia, & falsum pro vero reuclasse? Quapropter Scriptura *ad Rom. 3. & Num. 23.* aliter de Deo, ac de homine loquitur; & de homine dicit esse mendacem, non quia omnis homo mentiatur, sed quia potest mentiri: at de Deo econtra dicit esse veracem, hoc est, taliter verum esse, ut nequaquam mendacium, & falsum dicere posset; aliàs si mentiri posset, & fallere, æquè esset mendax, & fallax, ac verax.

3 Neque obstat ratio dubitandi. Nego enim non implicare contradictionem. Et

Ad primam probationem admitto assensum falsum peccatum non esse, nego tamen mouere ad illum non esse peccatum, quia est contra rectam rationem; recta enim ratio dicat neminem esse decipiendum, etsi deceptio permitti posset.

Ad secundam probationem dico, ex eo quòd ipse Deus hominem deciperet mouendo ad assensum falsum, manifestè inferri mentiri, quia esto ille homo interiùs loquatur per iudicium illud falsum: at ipse Deus exteriùs per tale iudicium loquitur; & ipsi Deo, tanquam auctori præcipuo tribuitur, & cum loquatur aliter, quàm habet in suo diuino intellectu, mentitur; aliàs si Deus per reuelationes factas Prophetis non diceretur loquutus, falsò assereret Paulus *ad Hebr. 1. Multifariam, multisque modis olim Deus loquens in Prophetis, nouissimè diebus istis locutus est nobis in filio, &c.*

Ad tertiam probationem respondeo assensum fidei diuinæ causare assensum conclusionis falsum; non ratione sui, sed ratione falsæ præmissæ, quæ ei adiungitur. quia cum conclusio sequatur debiliorem partem, & vna ex præmissis falsa sit; ipsa potest in consequens falsitatem deriuare. Per se autem nullo modo causat assensus fidei conclusionem falsam, sed solum occasionaliter, sicut ait Coninch *disput. 10. dub. 4. num. 82.* Si iaceres sagittam in scopum, & Petrus illam deslitteret, ut Ioannem occideret; occisio Ioannis non potest dici à te per te causata, sed potius à Petro, qui sagittam deflexit. sic in præsentia.

PUNCTUM IV.

Quod, qualèque sit obiectum materiale fidei.

Obiectum materiale voco, quidquid fide diuina credendum est: credi autem debet, quidquid à Deo fuerit reuelatum. Quod tamen hoc sit, paucis explicabo.

§. I.

Sitne obscuritas de ratione obiecti fidei.

- 1 Hoc obiectum debet esse non visum.
- 2 Stante cognitione euidenti de aliquo obiecto, qui teneant se non posse de illo habere fidem.
- 3 Probabilis est oppositum.
- 4 Satisfit contrariis rationibus.

VT certa ab incertis sepatemus, certum est apud omnes Doctores Catholicos obiectum fidei, quatenus fidei est, esse non visum, id est, per fidem ipsam non videri, neque euidenter cognosci; constat ex Paulo ad Hebr. 11. ibi, *Fides*, inquit, *est sperandarum substantiarum, argumentum non apparentium*. quæ sanè verba saltem in sensu formali vera esse debent. Item ad credendum fide diuinâ requiritur specialis motio Spiritus sancti. Trident. sess. 6. cap. 6. at ad credendum, & assentiendum obiectis euidentiis hæc motio non requiritur ergo.

2 Quare difficultas solùm est, an stante cognitione euidenti de aliquo obiecto possis illius habere fidem?

Plures Doctores negant. sic D. Thomas 2.2. quest. 1. art. 4. & 5. & ibi Caietan. & Bannes, Scotus in 3. dist. 24. quest. unica, §. ad questionem, in fine, & §. si aliter loquamur. Rich. ibi quest. 5. Capreol. dist. 25. quest. unica, art. 2. conclus. 1. & 2. Mouentur primò, quia ea quæ euidenter cognoscuntur, absolutè apparent; ergo cum fides sit non apparentium, vt ait Apost. esse non potest de euidentiis. Secundò de ratione fidei, est, vt ita reuelatis assentiatis, vt possis eis dissentire, quia aliàs meritorius actus non esset: at si euidentiâ fillorum habeas, dissentire nequaquam potes. Ergo fides cum euidentiâ compari non potest. Tertiò scientia, & opinio de eodem obiecto non videntur esse posse simul, quia nequis eidem obiecto cum formidine, & sine formidine assentiri; sed non minus pugnant euidentiâ, & ineuidentiâ. Ergo fides cum euidentiâ esse non potest. Quartò ideo in Beatis non datur fides, quia Deum vident facie ad faciem. Ergo cum euidentiâ stare fides non potest.

3 Nihilominus probabilis existimo te credere posse fide diuinâ omnia illa mysteria, quorum euidentiâ habes, atque ad eam fidem cum scientia compari posse. sic Albertus Magnus in 3. distinct. 24. art. 9. & ibi Bonauent. art. 2. quest. 3. Gabr. quest. unic. art. 2. conclus. 3. Valentia alios referens tom. 3. disput. 1. quest. 1. punct. 4. pag. 64. Suarez tom. 2. in 3. p. disput. 19. sect. 2. in fine. Coninch de fide, disput. 11. dub. 1. conclus. 2. num. 15. Ratio est, quia plura proponuntur credenda fide diuinâ, quorum euidentiâ habere potes, videlicet Deum esse vnum, esse sapientem, esse fidelem, & potentem promissa adimplere, & similia: sed ex horum cognitione euidentiâ impediri non potest fidei exercitium, aliàs deterioris esset conditionis homo doctus indocto. Ergo. Minorem probo. Nam accedentibus ad Deum, siue doctis, siue indoctis, proponitur fide diuinâ credendum; quia est, & quia inquirantibus se remunerator sit, ad Hebr. 11. Sed posset eò tingere, quòd saltem de esse Dei quis euidentiâ habeat. Ergo talis euidentiâ obesse ei non potest, quo minus fide diuinâ id ipsum credat.

4 Non obstant argumenta apposita. Concedo ea, quæ euidenter cognoscuntur esse apparentia non vndeque, sed ex vi illius cognitionis, qua euidenter cognoscuntur; cum autem cognoscuntur ex alia obscura, & ineuidenti, apparentia non sunt. Quocirca eum Apostolus dicit fidem esse argumentum non apparentium, intelligendus est formaliter, hoc est, esse argumentum non apparentium ex vi talis cognitionis, & secundum

Ferd. de Castro Sum. Mor. Pars I.

dum rationem, qua ipsa nititur: & in hoc sensu explicandus est Augustinus tractat. 40. in Ioannem, vbi dicit, Quid est fides, nisi credere, quod non vides? Fides ergo est, quod non vides, credere; veritas, quod credidisti, videre. & tractat. 79. in Ioannem, hæc est laus fidei; si quod creditur, non videtur; intelligendus enim est formaliter, & ex vi rationis, qua ipsa fides nititur. Similiter etiam explicandus est Gregorius homil. 26. in Euangel. cum dicit, neque fides habet meritum, cui humana ratio præbet experimentum; non habet, inquam, meritum ex experimento, sed ex reuelatione, qua nititur.

Ad secundum nego de ratione fidei esse, vt possis reuelatis dissentire absolutè, sufficit, si possis eis dissentire ex vi illius rationis, qua ipsa fides nititur. Item ad libertatem, & meritum non requiritur potentia ad dissentiendum; sufficit, si potentiam habeas ad non assentiendum, vt rectè explicuit Coninch disput. 13. dub. 4. num. 38.

Ad tertium nego scientiam, & opinionem simul esse non posse: cum enim sub diuersa ratione procedant, nulla inuenitur repugnantia. Quod autem ex Durand. notat Valentia 2. 2. disput. 1. quest. 1. punct. 4. §. ac potest, pag. 66. scilicet assensum opinatiuum, & scientificum, & assensum scientificum, & supernaturalem fidei sola ratione differre, mihi non probatur: sicuti neque Suarez disput. 3. de fide, sect. 9. à num. 7. Non enim intelligere possum, qua ratione idem assensus possit falsò subesse, & non subesse, & esse euidens, & euidentiâ carere, etsi sub diuersa ratione feratur. Adde si realiter idem esset assensus opinatiuus, & scientificus, & assensus scientificus, & fidei diuinæ; assensus opinatiuus rationem formalem obiectiuam fidei attingeret, quia necessaria esset illius cognitio. Ergo implicat esse opinatiuum, hoc est, de se insertum, cum diuino testimonio nitatur, etsi simul nitatur ratione humana.

Ad quartum dico in Beatis non dari fidem, quia loco fidei supernaturale lumen gloriæ succedit, quod nequaquam contingit viatoribus. Adde in hac vita solùm posse euidentiâ haberi de aliquibus obiectis, quæ per fidem diuinam creduntur, non de omnibus. Ergo erat necessaria fides tum pro illis, quæ naturali lumine cognosci non possunt, tum etiam pro illis, quæ per euidentiâ cognoscuntur, vt illorum cognitio meritoria sit.

§. II.

Sitne obiectum fidei euidenter credibile.

- 1 Variis rationibus probatur obiectum fidei esse euidenter credibile.
- 2 Proponuntur variæ obiectiões, & sit illi satis.
- 3 Non est necessarium, vt quis fide diuinâ credat cognoscere euidenter fidei credibilitatem.

LCèt obiectum fidei obscurum sit, & ineuidens: Lat esse euidenter credibile mihi indubitatum est. Variis rationibus hæc veritas comprobatur à Doctoribus. latè eas congruit Valent. disp. 1. quest. 1. punct. 4. Bannes art. 4. dub. 4. Coninch disput. 11. de fide, dub. 3. Præcipua est, quæ sumitur, tum ex prophetia, tum ex miraculis; tum ex stabilitate religionis, tum ex sanctitate eorum, qui eam profitentur. Et primò ex prophetia non leue argumentum sumitur esse euidenter credibile nostram fidem; siquidem multis antea sæculis pronuntiata sunt à Prophetis, quæ Christo contigerunt; vt rectè expendit Prosper lib. de prædictionibus, & promissionibus Patriarcharum. & Eusebius Cæsariensis. in lib. de Euangel. demonstrat. Augustinus lib. 18.

Ec 2 de

de ciuitate Dei, cap. 23. Clemens Romanus lib. 5. constit. Apost. cap. 6. at contingentia futura non possunt certo prædicti, nisi à Deo. Ergo à Deo sunt hæc contingentia prædicta. Ergo euidenter est fidem illis esse adhibendam. Secundò ex miraculis constat fidem nostram dignam esse præ omnibus aliis sectis creditu; quia nulla est secta, in cuius confirmationem similia miracula patrata sint; non enim mortui sunt resuscitati, neque cæci illuminati, sicuti passim factum est in confirmationem nostræ religionis. Ergo nostra religio euidenter est credibilior. Neque enim credi potest Deum in confirmationem falsitatis tot miracula patratum; aliàs obicere ei possent fideles se ab illo esse deceptos, ut benedixit Richard. Victorin. lib. 1. de Trinit. cap. 2. Quod si omnia miracula proteruè neges, negare non potest esse maximum miraculum, tot regna, & prouincias suscipere religionem Christianam absque miraculo: sicuti expendit August. lib. 22. de ciuit. Dei, cap. 5. Tertio ex stabilitate religionis, contra quam neque Reges, nec Principes tyranni, neque hæretici, neque idolorum cultores, neque Philosophorum argutia, neque portæ inferni potuerunt, neque poterunt præualere. Quod non leue argumentum est diuinæ potentia iam ut sibi propriam defendentis. Quarto sumitur euidenter credibilitas nostræ fidei ex sanctitate eorum, qui eam profitentur, & ex constantia Martyrum, qui pro ea passi sunt. Quæ enim secta est, aut fuit in mundo, quæ tot viros, & foeminas angelicam vitam degentes habuerit, tot fuerit Martyribus illustrata, tot præclaris hominibus decorata? Ergo euidenter est hanc esse à Deo hominibus datam viam, ut possint ad finem æternitatis peruenire.

2 Sed obicies primò. Si hæc argumenta probant fidem nostram esse euidenter credibilem, probant etiam esse euidenter veram, quia non alia via probamus veritatem nostræ fidei, quàm supradictis motiuis, & argumentis. Si igitur illa probant euidenter dignam esse creditu, probant euidenter veram esse. Atqui euidentia esse non potest in fide. Ergo hæc argumenta non probant euidenter eius credibilitatem.

Respondeo, etsi supradictis rationibus, & motiuis, veritas nostræ fidei probetur, non tamen eodem modo probatur, ac probatur eius credulitas; eius enim credulitas euidenter probatur, non sic veritas. Et ratio differentia est, quia credibilitas consistit in eo, quod digna sit creditu: at res, quæ in se ineuidenter est, & contingens, potest euidenter esse digna creditu. Ergo stare optimè potest euidentia credibilitatis, absque euidentia veritatis. Ergo rationes probantes euidentiam credibilitatis, non probant euidenter rem ita esse; sed obscuram, & ineuidentem, & qualis in se est, relinquunt.

Obiicio secundò. Si supradictæ rationes euidenter persuadent fidem esse sequendam, quomodo tot hæretici, & pagani, quibus hæc rationes proponuntur, illam reiiciunt?

Respondeo illam reiicere: tum quia supradictarum rationum efficaciam non callent malitia, & prauis moribus exæcati, iuxta illud Sapient. 2. Excecavit eos malitia eorum. & 2. Corinth. 4. Deus huius sæculi excecavit mentes infidelium, ut non fulgeat in eis illuminatio Euangelij gloriæ Christi: tum quia etsi vim rationum percipiant, malitia tamen, & affectu erga se, aut erga suos magistros nolunt illam acceptare.

Obiicio tertio. Supradictæ rationes ad summum probant omnia, quæ per fidem proponuntur, digna esse creditu: at esse digna creditu fide diuina non videntur probare. Ergo non sunt mysteria fidei euidenter credibilia fide diuina.

Respondeo non solum probare supradictas rationes mysteria fidei esse digna creditu, sed esse digna creditu

fide diuina. Quia probant esse mysteria reuelata à Deo, quibus meritò cordatus, & prudens debet assentiri, non tamen est euidenter, fide diuina te assentiri.

3 Aduerto tamen non esse necessarium, ut quis fide diuina credat, euidenter cognoscere eius credibilitatem; sufficit, si aliquo modo eam cognoscat: hac enim ratione rudes, & ignorantes à maioribus instructi assentiuntur mysteriis fidei, quia sibi persuadent in re graui non esse decipiendos; quæ tamen persuasio non constituit euidentiam credibilitatis fidei, esto ex illa aliquo modo deduci possit. sic Valent. disp. 1. quest. 1. punct. 4. sine pag. 96.

§. III.

Quæ sint obiecta fidei.

- 1 Nullum est aliud præter contentum in symbolo Apostolorum, sacris litteris, & Apostolicis traditionibus.
- 2 Proponitur obiectio, & sit satis.
- 3 Nulla veritas Ecclesia credenda proponitur fidelibus ad salutem necessaria, quæ Apostolis incognita fuerit.
- 4 Proponitur obiectio ex varijs Scriptura locis.
- 5 Sit illi satis.

1 **B** Reuiter respondere possumus esse ea, quæ in symbolo Apostolorum, sacris litteris, & Apostolicis traditionibus continentur. Neque alia successu temporis fidelibus credenda proponuntur, ut satis colligitur ex Trident. sess. 4. Nam licet Ecclesia in dies illuminetur propositione, & explicatione plurium veritatum, quæ antea erant incognita, & abstrusa; non tamen illuminatur in aliqua veritate, quæ in sacris litteris, traditionibusque Apostolicis contenta expressè, vel virtualiter non sit. Et ratio est manifesta, quia aliis diminutè Christus Dominus processisset, si suis discipulis, & magistris totius orbis necessariò credenda ad salutem non manifestaret. sic D. Thomas communiter receptus 2. 2. quest. 1. artic. 7. & ibi Caietanus, & Bannes, Valentia disp. 1. quest. 1. punct. 6. præcipue ad 3.

2 Neque obstat Ecclesiam habere auctoritatem non solum definiendi, & explicandi aliqua esse reuelata; sed etiam proponendi fidelibus ea, quæ denuò reuelata sunt. Quia licet Ecclesia gaudeat prærogatiua nouas reuelationes recipiendi, ut testatur Valent. punct. 1. & punct. 6. ad 3. quod Bannes art. 7. conclus. 1. in fine, non placet; existimat namque Ecclesiam non indigere nouis reuelationibus, sed solum gaudere assistentia Spiritus sancti in explicatione eorum, quæ reuelata sunt, non tamen gaudere prærogatiua recipiendi reuelationem de aliquo mysterio, quod Apostolis, & Ecclesiae magistris reuelatum non sit; atque adeò semper verum est eadem esse obiecta fidei, neque in dies augeri.

Neque etiam obstat plures fieri posse reuelationes à Deo de rebus contingentibus, tum Pontifici, tum aliis singularibus personis, quas diximus terminare posse fidem, si ab Ecclesia proponerentur credenda; quia hæc non sunt obiecta fidei necessaria ad salutem in singulari; nisi quatenus vestiuntur auctoritate Pontificis, quem credere debemus errare non posse in propositione earum rerum, quas ad salutem animæ conuenientes esse definit. Hac ratione credendum nobis est Sanctos canonizatos esse in cælis, religiones hæc approbatas esse viam securam ad salutem.

Neque obinde fit alia esse obiecta fidei, quæ in sacris litteris non contineantur virtualiter; continentur enim omnia hæc obiecta in sacris litteris, non in singulari, & expressè, sed virtualiter, & per euidentiam consequen-

sequentem : cum enim in sacris litteris contentum sit errare non posse Pontificem in declaratione eorum, quæ ad mores vniuersales Ecclesiæ proponit, & ipse proponat Sanctum aliquem colendum vt beatum, & in cælis degentem, & religionem aliquam, vt securam salutis viam ; efficitur sanè hæc omnia sacris litteris virtualiter contineri.

3 Ex hac doctrina fit primò nullam ab Ecclesia veritatem fidei credendam fidelibus proponi, de his quæ pertinent ad salutem, quam Apostoli clariùs, & expressiùs non cognouerint. sic D. Thomas 1.2. *quest.* 106. *artic.* 4. ad 1. & 2.2. *quest.* 11. *art.* 10. Bannes 2.2. *quest.* 1. *artic.* 7. *dub.* 2. vbi contrarium asserere erroris notà inurit. latè probat VValden. *lib.* 2. *doctrinalis fidei*, cap. 22. & 23. *can. lib.* 2. *de locis*, cap. 7. & *lib.* 4. cap. 4. Alphons. à Castro in *sua summ.* *lib.* 1. cap. 8. Valent. *disp.* 1. *quest.* 1. *punct.* 6. §. *hæc non obstantibus*, & §. ad 3. pag. 101. Videtur manifestè probari ex illo Ioan. 14. *Parachum, quem Pater mittet in nomine meo, ille vos docebit omnia*, &c. & Ioan. 15. *Vos autem dixi amicos, quia omnia quacumque audiui à Patre meo, nota feci vobis*, & Ioan. 16. *Cum venerit ille spiritus veritatis, docebit vos omnem veritatem*. Si igitur aliqua veritas necessaria ad salutem superesset, quam Spiritus sanctus Apostolos non doceret, fallax esset Christi promissio, quod absit.

4 Dices. Spiritus sanctus, cum super Apostolos descendit, non docuit illos omnem veritatem absolutè, sed quæ visa fuit pro illo tempore necessaria : at successu temporis aliam, & aliam veritatē eis manifestauit. Ergo ex illis locis non satis infertur Apostolis omnem veritatem fidei esse manifestatam, sed esse manifestatā, quæ pro illo tēpore necessaria erat. Antecedens probari potest tum ex illo *Act.* 10. vbi Petrus, & alij Apostoli nō videntur satis cognouisse admitti posse incircumcisos ad fidem : à quo dubio, seu ignorantia liberati sunt visione illius lintei de cælo in terram missi, in quo erant quadrupedia, &c. & voce facta : *Occide, & manduca*, tum ex *cap. seq.* vbi reliqui Apostoli, & fideles increpabant Petrum, quare introierit ad viros incircumcisos, & manducarit cum eis ? Ipsique Apostoli, etsi dispersi fuerint per varias regiones occasione exortæ persecutionis ; post mortem Stephani non ausi sunt fidem Gentibus prædicare, sed solum Iudæis. Tum etiam *Act.* 15. magna fuit contentio in Concilio illo congregato Hierosolymis, an Gentiles admittendi ad fidem circuncidi deberent ; qui quiescere non potuerunt, quousque Petrus dixit, visum est Spiritui sancto, & nobis nihil imponere, &c. at veritas hæc summè ad salutem pertinebat. Ergo non omnem veritatem ad salutem Spiritus sanctus Apostolis manifestauit, cum super illos descendit.

5 Responderi primò posset admittendo Apostolos non fuisse plenè instructos in omni veritate ad salutem necessaria, cum super illos Spiritus sanctus descendit, sed non obinde sequitur, non verificari Spiritum sanctum, cum descendit, docuisse illos omnem veritatem : docuit namque illos omnem veritatem, non in illo met instanti, in quo visibilis apparuit, sed in reliquis, in quibus inuisibilis apud illos exitit. Cui explicationi fauet communis modus loquendi ; scribis enim amico te missurum nuntium, qui cum venerit, certiore faciet de omnibus, quæ tibi acciderunt : non tamen ad veritatem huius propositionis requiritur, vt cum primum nuntius peruenerit, omnia, quæ tibi acciderunt, narret : sufficit si paulatim amico manifestat. sic in præsentia.

Secundò & probabilius respondeo negando antecedens, & ad probationem dico, Petrum non fuisse instructum legales cætemonias necessaria non esse, sed fuisse instructum, qua ratione se à Iudæis illum oppugnantibus defenderet. Item fuisse instructum in parti-

Ferd. de Castro Sum. Mor. Pars I.

culari, quos debebat tunc admittere, quidve illa visio significaret. Nam licet clarè cognouisset circumcisionem necessariam non esse, & legales cætemonias iam non obligare, omnesque Gentiles ad fidem admitti posse : at nescire poterat, an hîc, & nunc admittendi essent ob scandalum pusillorū, à qua dubitatione liberatur visione illa. Neque obstant huic expositioni illa verba Petri, *In veritate comperi, quod non sit personarum acceptor Deus*, &c. quasi ante illam visionem non comperisset acceptare Deum Gentes, sicut & Iudæos ; comperit enim habebat ; sed non ex illo facto : sicut Deus Abrahamo volenti sacrificare Isaac dixit : *Nunc cognoui, quod timeas Dominum*, quia ex illo facto cognouerat, etiamsi aliunde cognitum haberet. Quod verò Apostoli non ausi fuerint Gentibus prædicare, non probat intellexisse Gentes excludi à susceptione Baptismi, sed ad summum probat non iudicasse illo tempore esse conueniens illis fidem manifestare, quod multis rationibus id iudicare poterant. Ad illud verò de contentione Apostolorum super circumcisionem ferè omnes Pontifices ex Græcis testantur fuisse simulatam contentionem, vt omnes illi, qui legalium obseruationem prætendebant, obmutescerent, videntes Petrum sententiæ Pauli acquiescere, & quasi delictum suum recognoscere, in prætensione à se habita de obseruatione circumcisionis.

PUNCTUM V.

An obiectum fidei indigeat Ecclesia propositione, & quam efficaciam, & auctoritatem habeat Ecclesia in obiecto fidei proponendo.

GRAUISSIMA est hæc difficultas, ideoque per partes examinanda est, sed non ita latè, ac multi recentiores.

§. I.

Quid sit Ecclesia, & quæ eius proprietates.

- 1 *Variis modis Ecclesia sumitur latè, & stricte. Quid utrumque.*
- 2 *Catechumeni non sunt propriè Ecclesia membra, bene tamen heretici, excommunicati, & peccatores baptizati.*
- 3 *Proprietates Ecclesia sunt septem. Et explicantur.*
- 4 *Congregatio fidelium Romano Pontifici obediens est vera Ecclesia.*

PRæmittenda est cognitio Ecclesiæ, antequam eius auctoritatem inuestigemus. Ecclesia ergo variis modis sumitur. Primò vniuersalissimè pro qualibet collectione Deum venerante, vt sumitur ab Apostol. ad *Ephes.* 1. & 5. *cap.* comprehendente collectionem hominum, & Angelorum, & viatores, & beatos. Secundo modo pressius sumitur pro congregatione fidelium, seu qui fidem in Deum profitentur. Et hoc modo eadem est Ecclesia, quæ fuit ab initio mundi, & quæ modò est ; sed quia hæc professio fidei diuersimodè habetur post Christi aduentum, ac antea, ideo Ecclesia post Christi aduentum definitur : vt sit congregatio fidelium, seu eorum, qui fidem Dei sub speciali sacramentorum signo, & sub eodem capite profitentur. Constat hæc definitio ex *cap. Ecclesia, distinct.* 1. & *cap. firmiter, de summa Trinitate, & fide Catholica.* & tradit alios referens Bannes 2.2. *quest.* 1. *art.* 10. in *comment.* circa *prin.* Valent. *disp.* 1. *q.* 1. *p.* 7. *q.* 4. §. 14.

2 Ex hac definitione fit primò Catechumenos, etsi fidem firmatam habeant, non tamen esse propriè Eccle-

E e 3 sic

sue membra, quia non profitentur fidem sub speciali sacramentorum signo, esto sint quoad meritum Ecclesiae membra; merentur enim salutem, sicuti si intra Ecclesiam reliderent. Secundò fit hæreticos & esse intra Ecclesiam, & extra Ecclesiam. Sunt intra Ecclesiam, quatenus sub speciali sacramentorum signo fidem aliquando professi sunt, & ratione illius professionis Ecclesia potest illos punire, & coercere. Sunt tamen extra Ecclesiam: tum quia sunt extra unionem inuisibilem cum Christo: tum quia reiciunt fidem, in qua reliqui fideles conveniunt: tum quia Ecclesia illos eiicit à se, ut membra arida, & reliquæ corpori damnoſa. Tertiò fit peccatores, & reprobos baptizatos ad Ecclesiam pertinere, & illius membra esse, iuxta illud *Matth. 13.* ubi Ecclesia nomine regni cœlestis comparatur sagenæ missæ in mare ex omni genere piscium congreganti, habentique bonos, & malos. Comparatur etiam decem virginibus, fatuis, & prudentibus. Item aræ habenti triticum, & paleas, & domui, in qua sunt vasa in honorem, & alia in contumeliam. Et ratio est manifesta: nam peccatores baptizati profitentur fidem eodem signo Baptismi, & aliorum sacramentorum, ac prædestinati. Neque in his video esse inter Catholicos controuersiam. Quartò fit excommunicatos ad Ecclesiam pertinere, & illius membra esse: tum quia esse possunt membra viua, & Christo Domino inuisibiliter vnita per charitatem, si contriti, & pœnitentes existant: tum quia non deserunt fidem, sed solum excluduntur à participatione communi orationum, & suffragiorum Ecclesiae.

3 Proprietates huius Ecclesiae ad numerum septenarium reduci possunt, ut ex doctrina omnium Catholicorum constat: hæ sunt, quòd sit vna, sancta, Catholica, Apostolica, visibilis, ab Spiritu sancto gubernata, & extra quam salus esse non potest. Dicitur *vna*, quia est ab vno principio, scilicet Deo vocante, & ad vnum finem, nempe vitam æternam, & per vnica media, qualia sunt sacramenta: & sub vno capite, & pastore Christo, eiusque vicario. Secundò est *sancta*, tum quia plures sanctos habet, etsi omnes, quos habet, sancti non sint. Tum quia eius caput præcipuum, sanctum est; scilicet Christus, Petrique vicarius, quatenus talis est; tum quia sanguine Christi sanctissimi est decorata, multiplicibusque charismatum donis ornata, & in diuinum cultum spiritualibus præceptis, institutis, & sacramentis dedicata est: ita ut verum sit omnes illius partes sanctissimum cultum profiteri, etiamsi vitæ sanctitatem non profiterentur: ac denique, quia vocat nos omnes, ut sobriè, & iustè, & piè viuamus in hoc sæculo. Tertia est *Catholica*, id est, vniuersalis, tum ratione fidelium, qui eius membra sunt; recipit enim omnes, qui salutem velint consequi, siue Iudæus, siue Græcus, siue seruus, siue liber, siue masculus, siue femina: tum ratione loci, quia ad omnem locum extenditur, iuxta illud: *In omnem terram exiit sonus eorum.* Tum ratione temporis, quia vsque ad finem mundi sine interruptione duratura est; sicut etiam ab initio aliqua Dei Ecclesia fuit. Neque obstat in passione Christi Apostolos scandalum passos esse, *Matth. 26.* quia non obinde sequitur dereliquisse fidem, sed solum exterius illam non manifestasse. Neque obstat etiam in fine mundi ob persecutionem Antichristi dixisse Christum Dominum *Lucæ 18.* *Putat ne filius hominis veniens inueniet fidem in terra?* quia inde non sequitur aliud nisi in paucis esse fidem inueniendam, ut rectè D. Augustinus *lib. de vnit. Ecclesiae, cap. 13.* Tum denique vniuersalis dicitur ratione doctrinæ, quæ vniuersaliter vera est, nullumque errorem continet, neque continere potest. Quarta est *Apostolica*, tum quia ab Apostolis habuit initium, & ab illis per orbem terrarum propagata est: tum quia eorum doctrinam, & traditiones sequitur: tum quia eo-

rum martyrio, & sanguine decorata est. Quinta est *visibilis*, id est, visu ipso cognoscibilis; cognosci enim potest euidenter esse in mundo aliquem hominum cœtum, ita Deum colentem, ut meritò vnusquisque debeat, etsi obscurè, & inenidenter, at firma fide cognoscere esse veram Ecclesiam: quare euidentia non est talis cœtus, & hominum congregatio rectè colat Deum; hæc enim euidentia pugnat cum illo articulo fidei, *Credo Ecclesiam sanctam Catholicam.* Sed euidentia est adesse in mundo talem cœtum, & congregationem, ut meritò vnusquisque debeat de illo credere fide diuina Deum ritè colere. Sexta proprietas est *assistentia diuini spiritus*, ob quam nec fallere, nec falli potest. Est enim Ecclesia, ut ait Apostolus *1. ad Timoth. 3.* columna, atque firmamentum veritatis, à quo firmamento excludi debet omnis error, & ignorantia etiam inculpabilis. Aliàs non esset certa regula, si aliquando falli, aut fallere possit. Ex qua proprietate sequitur pastores, & Doctores omnes errare non posse; tum quia si hi possent errare, diceretur absolute Ecclesiam errare posse; quia cum hi sint præcipua Ecclesiae membra, ab illis Ecclesia denominanda est, iuxta doctrinam Aristot. *lib. 9. ethicorum, cap. 9.* Tum quia ex doctrina Apostoli *ad Ephes. 4.* hi dati sunt à Christo Domino, ut reliquos fideles doceant, ne circumferantur omni vento doctrinæ. Requiritur ergo, ut firmiter, & infallibiliter veritatem cognoscant, & doceant. Tum denique, quia si hi omnes errarent, totam Ecclesiam eorum error inficeret; quia reliqui fideles tenerentur superioribus viris, & Doctoribus obedire, iuxta illud *Matth. 23.* *Super cathedram Moysis sederunt Scribæ, & Pharisæi; omnia ergo quaecumque dixerint vobis, seruare, & facite.* Sed dices: Assistentia Spiritus sancti Petro tantum, eiusque successoribus promissa est, iuxta illud *Tu es Petrus, & super hanc petram edificabo Ecclesiam meam.* & illud, *Ego pro te rogabo Petre, ut non deficiat fides tua.* Ergo non est promissa reliqui Doctoribus, & magistris. Ergo hi errare possunt.

Respondeo, cum dicimus, omnes pastores, & magistros errare non posse, Pontificem, seu summum pastorem, & magistrum non excludimus. Si autem ut distinctos à summo Pontifice illos sumamus; etsi de fide non sit, non posse errare: at est theologicè certum nunquam erraturos, quia hoc pertinet ad specialem Dei providentiam, qua Ecclesiam regit, & gubernat. Vltima proprietas Ecclesiae est esse *viam salutis*, neque enim extra Ecclesiam salus esse potest: qua ratione D. Petrus *1. epist. cap. 3.* eam cum arca Noè comparauit. Ratio autem est manifesta; quia nemo potest salutem consequi, nisi qui Christi membrum fuerit, & cum illo per fidem, & charitatem vnitus: sed qui est voluntariè extra Ecclesiam, non vnitur Christo; sed potiùs à Christo separatur. Ergo salutem consequi non potest, sed erit tanquam palme extra vitem, qui solum igni deseruit. De his autem proprietatibus videndus est Cardinalis Turrecremata in illo satis erudito *lib. suæ summæ de Ecclesia, à princ. lib. 1.* & Melchior Cano *lib. 3. & 4. de locis.* VValden. *lib. 2. de doctrina fidei.* Bannes *2. 2. q. 1. art. 10.* Valent. *disp. 1. q. 1. p. 7. a. §. 16.* & alij relati ab eisdem.

4 Sed inquires, an hæ proprietates soli congregationi obedienti Romano Pontifici pro tempore existenti conueniant, & quæ sola vera Ecclesia sit?

Respondeo de fide esse solam congregationem Romano Pontifici pro tempore existenti obedientem veram Ecclesiam esse, habereque omnes supradictas proprietates: quod probati faciliè potest, discurrendo breuiter per singula. Est enim *vna*, quia ab vno, scilicet Christo, Deo, & homine, & sub vno capite, & in vnum finem, nempe gloriam, & sub certis mediis, præceptis, sacramentis, & sacrificiis instituta est. Secundò est *sancta*,

sancta, quia plures Sanctos continet, & quia Sanctos efficit, & quia habet sacramenta, & media ad salutem sanctissima. Tertiò est *Catholica*, siquidem per omne tempus idem docet, & docebit, iuxta illud Apost. 1. ad Corinth. 1. *Fidelis Dens*, quia sermo noster, qui fuit apud vos, non est in illo, est, & non, sed est in illo, fuit. quali diceret, non est in illo inconstancia vlla, aut mutatio; sed firmiter idem perseuerat, utpote fundatum super firmam petram, aduersus quam portæ inferi non præualebunt. Est etiam *Catholica*; quia omnes quorquot volunt Christo vniri, in se recipit, neminem excludens. Quartò est *Apostolica*, quia sequitur doctrinam Apostolorum, etiam si typis mandata non sit. Quintò est *visibilis*, quia visibiliter apparet esse congregationem, quam meritò credere fide diuina debemus colere Deum, & quia sub visibilibus sacramentis, & visibili cultu est instituta. Sextò habet hæc congregatio sub Romano Pontifice militans diuini Spiritus assistentiam, & protectionem; quod non leuiter colligitur ex eo, quòd semper eadem perseuerat, nec circumfertur vento doctrinæ. Ex quibus tandem concluditur esse viam vnicam salutis; quæ omnia sectis hæreticorum conuenire nullo modo possunt, sed solum Ecclesiæ Romanæ, vt expendenti facile patebit, & latè, & eruditè profecquitur Valent. disp. 1. q. 1. p. 7. §. 20.

§. II.

An Romanus Pontifex regula sit infallibilis veritatis, ita vt errare nullo modo possit in rebus fidei proponendis.

- 1 In Ecclesia necessario constituenda est regula infallibilis.
- 2 Hac regula non est sola sacra Scriptura.
- 3 Petro, & eius successoribus commissis Christus regimen Ecclesiæ.
- 4 Hac regula infallibilis in nullo alio præter Romanum Pontificem refidet.
- 5 An errare possit in articulis fidei proponendis? Proponuntur rationes dubitandi.
- 6 Statuitur conclusio de fide Pontificem errare non posse.
- 7 Satisfit contrariis num. 5. adductis, specialiter primo argumento.
- 8 Satisfit secundo argumento, & examinatur an hunc numero Pontificem sit de fide esse verum Pontificem? Qui negent, & qua ratione probent.
- 9 Non solum certitudine morali, sed certitudine fidei tenendum est, hunc esse verum Pontificem; postquam vniuersali Ecclesiæ aliquid de fide credendum proponit.
- 10 De Pontifice ab vniuersali Ecclesia recepto, antequam veritatem aliquam definias seu antequam aliquid statuas ad rem Ecclesiæ institutionem: probabilis censeo de fide esse, esse verum Pontificem.
- 11 Explicatur differentia inter hanc propositionem, Non est de fide V. ban. VIII. esse verum Pontificem, & illam, Urban. VIII. non est verus Pontifex.
- 12 Satisfit tertio argumento num. 5. adducto, & explicatur diligentia, quam Pontifex facere debet ad veritates fidei proponendas.
13. Reliquis argumentis supradictis num. 5. adductis fit satisfactio.

1 PRæmittendum est dari in Ecclesia aliquam regulam infallibilem veritatis, quæque doctrinam credendam fidelibus proponat, sedetque fidei controuersias; hoc enim ad diuinam prouidentiam maximè pertinet: cum enim nemo sit, qui res fidei suo ingenio assequi possit, & dubitationes suborientes viribus pro-

priis vincere; necessarium erat aliquod medium, quo hæc omnia superari possent. Alias Deus non satis de mediis necessariis hominibus prouideret: & imperans res fidei certò, & indubitanter credere, impossibilia imperaret, quod est nimis absurdum.

2 Secundò præmittendum est hanc regulam infallibilem, quæque quæstiones circa fidem dirimat, non esse solam sacram Scripturam: tum quia circa sacram Scripturam solet esse controuersia, an scilicet hæc Scriptura sit canonica, vel non? Ergo ex ipsa sola hæc controuersia definiri non potest. Tum quia regula infallibilis, quæque quæstiones suborientes valet dirimere, debet esse omnibus nota, qualis tamen non est Scriptura sacra, eius enim sensus non facile ab omnibus percipitur: & constat manifestè, ex eo quòd sectarij hæretici eadem verba nunc sic, nunc alio modo intelligunt.

3 Tertiò præmittendum est Petro, & eius successoribus commississe Christum regimen vniuersale Ecclesiæ illis verbis, *Tu es Petrus, & super hanc petram edificabo Ecclesiam meam: & tibi dabo clauis regni cælorum*, &c. quod luculenter, & eruditè satis probat Valent. 2. 2. disp. 1. quest. 1. punct. 7. §. 28. & 36. Neque pro solo Petro hæc verba dicta sunt, sed pro omnibus illius successoribus: succedunt autem omnes Romani Pontifices legitime electi; vt ex vfu nascentis Ecclesiæ vsque in præsentem diem facile probati potest; & eruditè probat Sanderus lib. 7. de visibili Ecclesiæ monarchia. Turrecremata lib. 2. de Ecclesia, cap. 36. & seqq. Valent. disp. 1. quest. 1. punct. 7. de fide, §. 37. & licet Dominicus. Soc. in 4. sentent. distinct. 24. q. 2. art. 5. visum sit hunc successorem Petri non esse ex diuina institutione Romanum Pontificem, sed esse posse Toletanum, vel Hispalensem, vel nullius diocesis, eo quòd verba Christi tradentis potestatem Petro nullam sedem determinauerint. At certissimum est ex diuina institutione, traditione manifestata successorem Petri esse etiam Romæ Episcopum, quod copiosè, & luculenter probat Valent. 2. 2. disp. 1. p. 7. §. 38.

4 Quartò præmittendum est hanc regulam infallibilem veritatis in nullo alio residere, nisi in Romano Pontifice; quia cum in aliquo residere debeat, nullus apparet, quis is sit, nisi Petri successor; quia nemini alteri dictum est nisi Petro, & eius successoribus: *Ei super hanc petram edificabo Ecclesiam meam; ego rogabo pro te, ut non deficiat fides tua. Item pascue oues meas.* Ergo ex Christi autoritate successor Petri autoritatem habet pascendi fideles omnes infallibili doctrina, tum ad fidem, tum ad mores pertinente. His præmissis,

5 Difficultas ergo est, an aliquando errare possit in fidei articulis proponendis?

Ratio difficultatis est prima, quia videtur stare posse aliquem eligi, & haberi summum Pontificem à tota Ecclesia, qui tamen verè non sit: sed tunc si definiat aliquam veritatem, non infallibiliter definit. Ergo errare potest Pontifex in fidei articulis proponendis. Consequentia est legitima, minor videtur nota; quia eatenus Pontifex veritatem aliquam fidelibus credendam infallibiliter proponit, quatenus Spiritus sanctus ei assistit: sed assistentia Spiritus sancti Petro, & vero eius successoris est promissa, non autem simulato, & ficto. Ergo. Maior verò propositio, scilicet, quòd possit eligi, & haberi aliquis tanquam summus Pontifex, qui tamen verè non sit, probatur primò, potest namque ipse esse hæreticus, qualis refertur fuisse Anastasius, cap. Anastasius, 19. distinct. & Honorius, prout refertur in Concilio Constantinopolitano V l. act. 13. & 18. sed cum in hæresim incidit, ipso iure amittit autoritatem; & definit esse vicarium Christi, & Petri successoris: vt tradit Turrecremata in sum. Ecclesia, lib. 2. cap. 12. ad 7. argum. & lib. 4. p. 2. cap. 18. Driedo de libertate Christiana, cap. 14. Simanc. cap. 29. de Catholic. instit. & Canonistæ communiter: vt constat ex his, quæ adducit Iacobus lib. 3. de concord. art. 2.

E c 4 Secun

Secundò potest eligi non ordinatus, vel non baptizatus, vel cum alio defectu electionem annullante, qualem videtur habuisse Martinus V. electus in Concilio Constantiensis: siquidem non fuit electus iuxta formam præscriptam pro electione Summi Pontificis.

Secunda ratio difficultatis est, quia saltem non est de fide hunc Pontificem electum verum esse Petri successorem: siquidem non est de fide certum, esse baptizatum, aut nullum in eius electione defectum substantialem habitum esse. Ergo non poterat esse de fide certum, errare non posse, quia impotentia errandi annexa est, (ut dixi) vero Christi vicario, non simulato. Et confirmari potest exemplo Eucharistiæ: licet enim de fide sit in hostia ritè consecrata adesse corpus Christi; non tamen de fide est in hac numero hostia adesse: quia non est de fide consecrantem esse sacerdotem baptizatum, habentemque intentionem consecrandi; solum enim id creditur morali certitudine. Ergo similiter esto verum sit, & de fide certum, verum Christi vicarium, & Petri successorem errare non posse in rebus fidei proponendis; at non videtur esse de fide certum, hunc numero errare non posse; quia non videtur esse de fide certum, esse verum Pontificem.

Tertia, ut Pontifex veritatem aliquam fidelibus credendam proponat, indiget consilio, & inquisitione, & Doctorum disputatione, quod satis confirmat usus congregandi Concilia: sed in his potest esse negligens, & remerarius. Ergo potest tunc errare.

Quarta, Pontifex si hæreticus sit, potest velle Ecclesiam suam errore maculare, & ad hanc maculam imponendam definitione uti. Ergo eius definitio non est infallibilis veritatis. Et confirmo, si hoc tempore, quo Pontifex occulta hæresi infectus sit, suboriretur aliqua dubitatio de rebus ad fidem pertinentibus, quid ob stare potest, quominus tunc Pontifex errorem firmet, & pro veritate credendum fidelibus proponat? Poterit ergo Pontifex errare.

Quinta, plura sunt scripta Doctorum à Pontifice approbata, quæ tamen non sunt omnino vera. Ergo Pontifex errare potest. Antecedens probatur ex *cap. sancta Romana*. 15. dist. ubi à Gelasio Papa approbantur scripta Cypriani, Chrysostomi, Gregorij Nazianz. Basilij, & Ambrosij: atqui in his scriptis plura, quæ veritatem non attingunt, continentur. Nam cum illis temporibus non erat de omnibus elucidata veritas, & ex alia parte non erant scriptores canonici; meritò potuerunt errare, ut rectè expendit Cano lib. 7. de locis cap. 3. conclus. 2.

Sexta, sæpè videtur Pontifex plura falsa definisse. Cælestin. namque III. prout refertur in *cap. quanto, de diuorij*, videtur sensisse per hæresim matrimonium dissolui: & in *cap. licet, de sponsa duorum*, denotatur aliquos Pontifices Alexandro III. anteriores iudicasse matrimonium ratum irritari secundo consummato: & in *cap. cum esses, de testament.* decernitur à diuina lege esse alienum in testamentis plures testes requiri quàm duos, vel tres, cum tamen leges ciuiles iustæ reputentur, quæ plures exposulant.

6 Nihilominus tenenda est veritas Catholica, nullum Pontificem sic ab Ecclesia vniuersali reputatum errare posse in rebus fidei proponendis. Conclusio est recepta ab omnibus Catholicis cum D. Thom. 2. 2. q. 1. art. 10. à *quæst.* 11. art. 2. ad 3. & lib. 4. contra gentes, cap. 76. V. Valden. lib. 2. doctrina antiqua fidei, cap. 47. & 48. Turrecremata lib. 2. sum. à cap. 107. vsque ad 112. Cano de locis lib. 6. à cap. 3. vsque ad 7. Gregor. de Valent. disp. 1. quæst. 1. punct. 7. quæst. 5. circa finem, & quæst. 6. §. 40. & seqq. Bannes 2. 2. q. 1. art. 10. dub. 2. præcipue conclus. 4. Probatur manifestè: nam cum Pontifex veritatem aliquam fidelibus credendam proponit, ipsi fideles ei assentire tenentur, aliàs non haberet Pontifex auctoritatem efficacem regendi Ecclesiam: sed Ecclesia obligari non potest falsæ proposi-

tionis assensum præbere; quia aliàs posset tota Ecclesia errare, quod est contra diuinam providentiam, & Christi promissionem dicentis spiritum veritatis semper in Ecclesia mansurum. Ergo nequit à Pontifice summo falsum pro vero proponi.

7 Neque argumenta contraria huic veritati obstant.

Ad primum dico, nullum ab vniuersali Ecclesia recipi pro Pontifice summo, & Christi vicario, qui verè esse non possit; quia ad diuinam spectat providentiam hoc impedire.

Ad primam probationem admitto, Pontificem esse posse hæreticum: sic ex communi sententia testatur Bannes 2. 2. quæst. 1. art. 10. dub. 2. conclus. 1. Caietan. ibi, & opusculo 1. de auctorit. Papa, & in apologia de eadem re. cap. 13. ad 2. Driedo lib. 4. cap. 3. p. 3. Cano lib. 6. cap. ult. ad 12. Soto in 4. dist. 22. quæst. 2. art. 2. Corduba cum aliis à se relatis lib. 4. quæst. 3. Aragon. 2. 2. quæst. 1. art. 10. tract. de summo Pontifice. Valent. disp. 1. quæst. 1. p. 7. quæst. 6. §. 40. & ex multis historiis constat plures Pontifices in hæresim lapsos esse, ut de Victore V. Marcellino, Liberio, Honorio, Anastasio II. & aliis tradunt supra relati Doctores. Nam de Victore tradit Euseb. lib. 5. hister. Eccles. cap. penult. fuisse hæreticum. Idem constat de Marcellino thus offerente idolis. Neque dici potest non dereliquisse fidem, vnde non constat mente non consensisse. de Liberio id affirmat Hieron. in chronicis. de Anastasio refert Gratian. cap. Anastasius, 19. dist. De Honorio verò constat ex epistola Adriani relata in VIII. Synodo aet. 7. & ex epistola Agatonis relata in VI. Synodo aet. 4. Et quamuis Albertus Pighius lib. 4. de Ecclesiast. hierarchia cap. 8. & Ioan. Turrecremata lib. 2. de Ecclesia, cap. 93. conentur ab hac nota hos Pontifices liberare, affirmantes, vel interius in hæresim non consensisse, vel ex falsa informatione fuisse condemnatos: at non est dubitandum, in hæresim incidere potuisse, aliàs Concilia illa generalia accusationem de hæresi omnino exploderent, utpote omnino alienam à Pontifice. Verum etsi Pontifex in hæresim incidere possit; nihilominus tamen credo certissimum auctoritatem Pontificiam non amittere, quousque ab Ecclesia deponatur: sic tenent omnes suprà relati Doctores, specialiter Bannes, Valent. Caietan. Soto, Canus, Cordub. tum quia reliqui Episcopi in hæresim incidentes retinent suam dignitatem Episcopalem, donec deponantur. Ergo & Pontifex summus. Tum quia de nullo Pontifice possemus esse certi secundum fidem esse verum Pontificem, & aptum proponendi res fidei vniuersali Ecclesiæ, cum de nullo possemus certificari non amisisse occultè fidem. Tandem, quia auctoritas Pontificia non fundatur in fide speciali, quam habet Pontifex, sicut neque in gratia; sed fundatur in eo, quòd receptus sit ab vniuersali Ecclesia, ut Christi vicarius, & Petri successor, qui dum sic fuerit receptus, habet à Christo potestatem, & auctoritatem regendi Ecclesiam, & pascendi oues fidei, morumque doctrina; verusque est Christi, & Petri successor, ipsique vnitus, non quoad internam fidem, & sanctitatem, sed quoad externam Ecclesiæ administrationem.

Ad secundam probationem nego eligi posse iure diuino incapacem; quia ex speciali, & ordinaria providentia, qua Deus assistit Ecclesiæ, credi debet similem electionem impediendam esse, & dato quòd sic eligatur, credendum est defectum manifestandum esse, antequam ab Ecclesia vniuersali recipiatur. Quod autem solet circumferri de Ioan. VIII. fuisse, inquam forminam, fabula est, & hæreticorum commentum, ut rectè probat Onuphrius in annot. ad Platinam de vita Ioan. VIII. cuius probationem extat insigne testimonium Leonis IX. qui fuit plusquam centum annis post Ioan. VIII. hic enim Pontifex epistola ad Michaëlem, & Clementem Episcopos cap. 23. & habetur 3. tom. Conciliorum, probans

probans primatum Ecclesiæ Romanæ, contenditque diuina protectione liberatam ab ignominia, quæ aliis Ecclesiis acciderunt: inter quas refert famam esse, quod Constantinopolitanæ Ecclesiæ aliquando scemina præfuerit, quod vocat abominabile scelus, & detestabile facinus. Est autem plusquam euident quod quâvisque suspicio foret de eo quod Romanæ Ecclesiæ id aliquando accidisset, nequaquam hoc genus argumenti attigisset ad laudandam Sedem Romanam. quare nulli Catholicorum dubium esse debet illud fuisse merum commentum hæreticorum: si autem electus in Pontificem fuerit cum aliquo defectu iure humano introducto, ex acceptione Ecclesiæ integrè purgatur: cum enim Ecclesiæ vniuersalis habeat auctoritatem superius humanum; hoc ipso, quod acceptat hunc Cardinalem tanquam verum Pontificem, supplet omnem defectum electionis, si quis interuenit, & sic ille manet verus Pontifex.

8 Secundum argumentum tangit grauem questionem, an scilicet de fide sit hunc numero Pontificem esse verè Christi vicarium, & Petri successorem? Negant plures Doctores in manuscriptis. Didacus de Arce Lector Theologus 2. 2. q. 1. art. 10. & ibi Mag. Mancio *quæst. de auctor. Papa, ad 3.* Id supponit ibidem Deza ex Societ. IESV *dub. 1. de potestate Pontificis, paulo ante solutionem argumentorum.* & clariis in *quæst. de canoniz. Sanctorum*, vbi subdit, constare potest alicui, quod hic Pontifex non sit verus Pontifex, quia baptizauit illum absque intentione. Bonauentura *ibidem*, tenet tanquam probabilem, esto probabiliorem censeat oppositam. Torres publicè illam defendit Compluti, cui subscripsit Gabr. Vasquez, Cardinal. Bellarmin. *tom. 1. tract. de conciliis auctor. cap. 9.* Ad postremam objectionem ait, naturali solùm euidentia, aut sola fide humana haberi Concilium Nissenum, & Ephesinum fuisse legitimè congregatum; & hoc sufficere, vt definita ab illis habeantur tanquam de fide. Constat autem (quod præfens institutum spectat) eandem esse questionem, an sit de fide hoc Concilium fuisse, vel esse legitimum: & an sit de fide hunc numero Pontificem esse verum Papam. Gregorius Valentia 2. 2. *disp. 1. quæst. 1. punct. 7. in quæst. 5. §. 39.* Ad hanc expediendam difficultatem, vt probabilem admittit posse eligi in Pontificem non baptizatum, aut iure diuino incapacem; quia id graues Doctores admittunt: absolūtè illam defendit Bannes 2. 2. *quæst. 1. art. 10. dub. 2. ad 2.* vbi affirmat hanc propositionem: Hic Pontifex numero est verus Papa, esse solùm certam certitudine morali, cui speculatiuè potest subesse falsum. Probant primò, quia non est de fide hunc electum in Pontificem esse baptizatum. Ergo neque esse verum Pontificem. Secundò potest definire res fidei, & vniuersalem Ecclesiam regere, quin sit verus Pontifex; sufficit si vt talis existimetur, & reputetur: si enim prætori incapaci confert res publica iurisdictionem, quando vt legitimus existimatur; ne ex actibus nullis graua inconuenientia sequantur: quare idem non dicemus in Pontifice incapaci, qui vt legitimus reputatur, conferre illi Christum omnem iurisdictionem, & auctoritatem, sicuti si verè Pontifex esset?

9 Cæterum tenendum existimo non solùm certitudine morali, cui falsum subesse potest, vt dicit Bannes, sed certitudine fidei electum in Pontificem, & ab vniuersali Ecclesiâ receptum esse verum Papam, Christi vicarium, & Petri successorem: quod non solùm existimo esse ita tenendum, postquam aliquam veritatem credendam fidelibus proposuit, & viam salutis demonstrauit, sed etiam antequam aliquid horum fecerit: eo enim ipso, quo ab vniuersali Ecclesiâ, vt verus Pontifex recipitur, de fide est, esse Christi vicarium, & Petri successorem. Et quidem in priori statu cum Pontifex aliquam propositionem credendam fidelibus proponit, esse tunc

de fide esse verum Pontificem, tenet Valent. *suprà* relatus. Aragon 2. 2. *quæst. 1. art. 10. tractat. de Conciliis, dub. principalis, ad 3. principale.* vbi postquam probauerat hoc Concilium esse legitimum secundum fidem; subdit: Eadem ratione probari potest, Gregorium esse verum Pontificem, & baptizatum. Idem docuit Ludouicus de Leon *ibidem*. & ante illum Mag. Gueuara, & e Societate IESV Doctor Andreas Martine 2. *dict. art. 10. 2. p. princip. dub. 1. ad 2.* P. Bonauent. *ibi tractat. de auctor. Papa, dub. 3.* & nouissimè P. Suarez *disp. 10. de fide, sect. 5. per totam.* Et probari facile potest primò. Ille secundum fidem est legitimè electo, & ab vniuersali Ecclesiâ recepto præcipere Christum Dominum obedire, cum aliquid ad vniuersalem Ecclesiam pertinens statuit. Ergo de fide est legitimè electum, & ab vniuersali Ecclesiâ receptum esse verum Pontificem. Conclusio euidenter sequitur ex præmissis. Præmissas autem sic probò. Et quidem illa maior propositio, scilicet illum esse verum Pontificem, cui Christus Dominus præcipit obedire, videtur probari ex illis locis, quibus Petro, eiusque successoribus contulit potestatem pascendi oues, fidei, morumque doctrina: quam potestatem nemini, nisi Petri successoribus contulit. Ergo nullus alius nisi successor Petri habet potestatem pascendi oues fidei, morumque institutis. Minor autem propositio, nempe de fide esse Pontifici electo, & ab vniuersali Ecclesiâ recepto obediendum esse in rebus ad fidem, & mores pertinentibus, quia de fide est fideles obligatos esse obedire ei, quem superiorem agnoscunt: sed cum legitimè aliquis ab Ecclesiâ in Pontificem, & caput supremum eligitur, & acceptatur, vt superior agnoscitur. Ergo huic tenentur fideles obedire. Et confirmo, si Pontifex electus definiat aliquam veritatem fidei, & Ecclesiæ credendam proponat, errare non potest secundum fidem. Ergo secundum fidem est verus Papa. Quia verus Papa est, qui habet auctoritatem ad infallibiliter definiendum, & Ecclesiam Dei obligandam. Confirmo secundò. Ille est verus Pontifex, qui habet potestatem confirmandi fratres, ne in fide vacillent, iuxta illud Lucæ 22. *Et in aliquando conuersus confirma fratres tuos;* sed hic numero Pontifex definiens aliquam veritatem confirmat fratres in fide, cum antea circa illam dubitarent: & post factam definitionem vnâ, non licet dubitare. Ergo hic est verus Pontifex. Secundò probò, postquam Concilium Tridentinum aliquam veritatem definiuit, & Pontifex confirmauit, est certum secundum fidem hoc Concilium esse legitimè congregatum. Ergo etiam postquam hic Pontifex definiuit aliquam veritatem fidei diuina credendam, est certum eadem fide esse legitimè electum, atque adeò verum Pontificem. Consequentia est euident, & à nemine nunquam negata; quia est eadem prorsus ratio de hoc Concilio, & de hoc Pontifice. Antecedens verò sic probatur. De fide est Concilium legitimè congregatum, & à Pontifice confirmatum obligare ad credendum; non legitimè congregatum non habere hanc vim, & efficaciam. Sed Concilium Tridentinum obligat ad credendum. Ergo fuit ritè congregatum. Quæ enim in hoc discursu fallacia esse potest, cum consequentia sit euident, maior certa secundum fidem, minor eadem gaudet certitudine? Aliàs nullum Concilium obligaret ad credendum definitis ab illo; quia non est maior ratio de aliis, quàm de Trident. Tertiò probò; quia omnis propositio de fide potest inferri ex duplici præmissa de fide, vel, vt aliis placet, altera de fide, altera contenta lumine naturali. Sed ista propositio: Papa definiens non potest errare, est certa de fide. Ergo potest inferri ex duplici præmissa modo dicto: quod tamen nulla ratione fieri potest, vt patebit discurrenti, nisi propositio ista sit de fide.

Hic

Hic Pontifex definiens est verus Papa: nam in quocunque syllogismo inferatur conclusio illa, Papa definiens non potest errare, debet assumi, ut minor, Hic Pontifex definiens est verus Papa; quæ cum non sit nota lumine naturali, necessariò debet esse de fide, aliàs conclusio non esset de fide.

Huic argumento respondet Bannes *loco citato*, non requiri, ut conclusio aliqua de fide inferatur utramque præmissam de fide esse, vel unam de fide, & alteram eundem; sed sufficere unam esse de fide, & alteram moraliter certam, quia tunc conclusio non sequitur ex illa propositione moraliter certa, tanquam ex causa, sed tanquam ex conditione, sine qua non, siue ut applicante. Et exemplo prædicatoris illustrat, qui si ritè tibi proponat doctrinam Euangelicam, teneris fide diuina veritatibus propositis assentiri: cum tamen non sit fide diuina certum, hunc prædicatorem esse infallibilis veritatis.

Sed hæc solutio facillimo negotio præcluditur, argumento ducto ab inconuenienti: si enim vera esset, sequeretur hanc propositionem esse de fide; sub hac numero hostia consecrata est corpus Christi, quia reuera inferitur per eundem consequentiam ex una de fide; qualis est ista, In omni hostia debite consecrata est corpus Christi: & insuper inferitur tanquam ex conditione, & ut applicante ex altera certa moraliter; scilicet hæc hostia est debite consecrata. Ergo sub hac hostia est corpus Christi, erit propositio de fide? Idem argumentum formari potest de his propositionibus. Hic paruulus baptizatus recipit gratiam, iste qui ordinatur est sacerdos, & de aliis similibus, quas compertum est apud omnes, non esse de fide; cum possit illis subesse falsum ex defectu intentionis baptizantis, ordinantis, & consecrantis. Neque exemplum de prædicatore obstat; quia licet prædicator aliis, in rebus non sit infallibilis veritatis: at prout hic, & nunc prædicat, credere debes infallibilis veritatis esse; siquidem obligaris eius dictis fide diuina assentiri.

10 Quòd si de Pontifice ab Ecclesia vniuersali recepto loquamur, antequam veritatem aliquam fidelibus credendam proponat, seu antequam pro vniuersali Ecclesia aliquid statuatur ad rectam morum institutionem: aliquibus placet non esse certum de fide esse verum Pontificem, sed solum esse certum certitudine morali, longe maiori quàm sit in supradictis propositionibus de hostia consecrata, & de hoc homine baptizato, vel ordinato. Nam in his propositionibus nullus adest exterior effectus, qui sit signum existentie corporis Christi, vel gratiæ, aut characteris in Baptismo, & ordinatione recepti. At in Pontifice adest vniuersalis Ecclesiæ consensus, quod est signum evidens esse illum verum Pontificem. Cæterum mihi probabilius est etiam in hoc statu de fide esse, esse verum Pontificem, quod sentit Valent. *disp. 1. quest. 1. p. 7. quest. 5. §. deinde dicimus, pag. 225.* Suarez *suprà disp. illa 10. sect. 5. præcipue ad primum arg.* & videtur esse sententia August. *tom. 6. in epist. contra Ioseph. Donat. & tom. 2. epist. 115.* Irenæi *lib. 3. cap. 3.* Basil. Ambros. Hieron. quos refert Manti. 2. 2. *quest. 1. art. 10. de auctoritate Papæ ad 5.* fauent sacra Concilia: nam VI. Synodus nominatim respicit Agathonem, confitendo illum verum Pontificem. Concilium Chalcedonense Leonem, Concilium Mileuitanum Innocent. III. ac tandem in *cap. de libellis, dist. 10.* approbantur tanquam veri, & legitimi Pontifices Siluerius, Sozimus, Innocent. & alij.

Sed rationibus probò, primò. Vniuersalis Ecclesia recipit Urbanum VIII. tanquam verum Pontificem. Ergo inconcussa fide tenendum est, esse verum Papam. Probo consequentiam, quia hæc est evidens illatio. Vniuersalis Ecclesia recipit tanquam veram hanc scripturam. Ergo est de fide hanc scripturam esse veram.

Video te respondere posse, aliter, & aliter Ecclesiam recipere hanc scripturam, ut veram, & hunc ut verum Pontificem; scripturam enim recipit tanquam certam certitudine infallibili fidei diuinæ: at hunc Pontificem recipit tanquam certum certitudine morali, quia probabilissimè censet in hoc Pontifice concurrere omnia necessaria, ut sit verus Papa. Sed hæc solutio infirmari potest ex Bulla Martini V. relata in Concilio Constantiensi: ubi in *col. 14.* dicitur prætendendum esse ab hæreticis, qui Ecclesiæ reconciliari cupiunt, quòd credant Papæ, qui pro tempore fuerit ab vniuersali Ecclesia receptus, esse verum successorem Petri, & habere supremam potestatem in Ecclesia. Ergo verè Ecclesia proponit tanquam certum certitudine fidei diuinæ hunc esse verum Papam: aliàs non pereret credi fide diuina ab iis, qui reconciliantur Ecclesiæ.

Secundò, Ecclesia, & maximè coniuncta suo capiti non potest errare; sed vniuersalis Ecclesia cum suo capite tenet Urbanum VIII. esse verum Papam: ergo fide diuina tenendum est; vel dicendum est Ecclesiam cum suo capite posse errare tenendo pro vero Papa eum, qui verè non est.

Respondent Doctores contrariæ sententiæ duplicem esse errorem, prædicum, & speculatiuum: prædicum autem errorem vocant, quando secundum prudentiam erratur, quod nullo modo contingere potest; cum attentis omnibus circumstantiis prudens iudicium est hunc esse legitimum Papam: speculatiuus verò error vocatur, qui de re iudicat aliter, quàm est in se. Hunc autem errorem dicunt contingere posse in assensu huius Pontificis: sicut de facto contingit in assensu matrimonij eunuchorum; multo enim tempore iudicauit Ecclesia hos esse habiles ad matrimonium, à quo errore speculatiuo per Sixtum V. purgata fuit definitione præstita super hac re. Hæc tamen responsio facillè repellitur; quia Ecclesia vniuersalis in his, quæ proponit circa inanimatam regulam fidei, quæ est Scriptura, non solum prædicè, sed neque speculatiue errare potest. Ergo neque etiam errare potest in accipienda fidei regula animata, qualis est Summus Pontifex; cum enim Ecclesia ab Spiritu sancto regatur, & à Christo Domino dictum fuerit, *cum veneris ille, scilicet Paraclitus, docebit vos omnem veritatem*; impium erit dicere Ecclesiam speculatiue errare posse circa suum caput, iudicando, & proponendo pro vero capite, quod re vera non est. Neque instantia allata de eunuchis quidquam probat. Quia aliud est Ecclesiam tolerasse, & permisisse matrimonia eunuchorum, & aliud positiuè iudicasse esse vera matrimonia. Primum fecit, secundum minimè; quia nunquam Ecclesia se applicuerat ad examinandam hanc veritatem de inhabilitate eunuchi ad matrimonium: & sic nullum positiuum iudicium circa illam tulerat. Neque mirandum est, quòd hæc veritas tanto tempore latuerit; quia Ecclesia in sacra Scriptura comparatur auroræ, *Cant. 3.* quæ, ut notauit Gregor. *lib. 4. moral. cap. 15. & 19.* ab ortu suo semper crescit in claritate usque ad perfectam diem. Vnde in Conciliis videmus plures veritates, quæ antea latebant, in lucem denuo proditisse, quibus Ecclesiæ cognitio, & scientia in dies augetur, & crescit. Quartò, fide Catholica credimus non solum Ecclesiam in communi, sed hanc numero Ecclesiam Romanam, quæ modò est sub Urbano VIII. esse veram, & legitimam Ecclesiam. Ergo eadem fide credere debemus Urbanum VIII. esse verum Pontificem; quia licet non indiuiduetur hæc Ecclesia ab hoc determinato capite, cum eo mortuo eadem numero persenerat sub singulis successoribus pro tempore existentibus: indiuiduetur tamen omnino, & specificatur, ut est Ecclesia hierarchica etiam Sede vacante ex ordine ad verum caput. Ergo cum de facto datur illi caput ex consensu vniuersalis Ecclesiæ, necessariò dicendum

dam est illud esse verum caput; quia ad constitutionem Ecclesie non minus pertinet caput, quam membratimò magis caput; quia est principalior pars, sed Ecclesia non potest constare membris, quæ verè non sint membra; quidquid sit de eo, in quo consistit ratio membri. Ergo neque etiam potest constare capite, quod verè non sit caput. Ex his constat nostram sententiam duplici firmissimo fundamento niti: altero desumpto ex usu potestatis definiendi, qua gaudent vniuersi Romani Pontifices, tanquam legitimi successores Petri: altero ex communi, & vniuersali acceptione Ecclesie; ad hæc enim duo capita reducuntur rationes omnes pro nostra sententia adductæ; quibus dissolutum manet argumentum aduersantium. Dicimus namque de fide esse Romanum Pontificem, eo ipso, quo ab vniuersali Ecclesia receptus sit, esse verum Pontificem, & consequenter de fide esse, esse baptizatum, & habilem, & pacem supradictæ dignitatis, quia Ecclesia iuncta suo capiti non potest in hac vniuersali acceptione errare: neque credendum est de diuino Spiritu hoc permissurum. Ad illud verò quod dicitur de potestate definiendi, posse, inquam, annecti Pontifici vero, vel reputatò, iam suprà reieciimus, utpote sine fundamento dictum, & locis Scripturæ satis contrarium.

11 Pro complemento huius quæstionis aduerto esse magnum discrimen inter hanc propositionem. Non est de fide Urbanus VIII. esse verum Pontificem, & illam: Urbanus VIII. non est verus Pontifex. Nam affirmare hanc secundam propositionem, scilicet, Urbanus VIII. non est verus Pontifex, est propositio in primis temeraria, utpote sine vilo prorsus fundamento asserta, & communi fidelium consensui repugnans. Est etiam scandalosa: quippe quæ ansam præbet schismaticis ad perseuerandum in separatione ab hoc capite Ecclesie Romanæ; & hæreticis etiam ad deridendum fideles, quod venerentur tanquam verum caput, quod re vera est sicè caput; imò & Catholicis, ut non assensuantur definitis ab hoc Pontifice, siquidem non est verus Pontifex: ac tandem affirmans supradictam propositionem erit suspectus de hæresi, & tanquam hæreticus puniri deberet: ut bene notauit Bannes 2. 2. quæst. 1. art. 10. dub. 2. §. nihilominus. Quia negans hunc esse Pontificem post vniuersalem Ecclesie acceptionem, videtur planè negare in Ecclesia esse potestatem eligendi verum Pontificem, legitimumque successorem Petri. Quare dicendum esse reor adèò certum esse Urbanum VIII. v. g. esse verum Papam, ut etiam si id non esset de fide, multo certius esset, quàm est, in hac hostia consecrata esse corpus Christi; quia moraliter loquendo faciliùs potuit intervenire defectus in consecratione hostiæ, propter Sacerdotis obliuionem, malitiam, seu defectum intentionis, vel potestatis, quàm in eo, quod Ecclesia vniuersalis acceperet hunc pro vero Pontifice; cum tamen non sit. Illa tamen propositio, quod scilicet de fide sit hunc Pontificem esse verum Pontificem, mihi certissima est: non tamen audeo contrariam aliqua graui nota inurere, siquidem tot, tam grauesque Doctores illam defensorunt.

12 Tertium argumentum num. §. adductum, quo probabatur Pontificem errare posse in propositione fidei, desumptum erat ex diligentia, & inquisitione, quam facere Pontifex videtur obligatus in rebus fidei definiendis. Cui argumento dupliciter respondemus. Primò affirmàdo nò esse necessariam hanc diligentiam, ut Pontifex certò, & infallibiliter definiat; sed solum esse necessarium, ut prudenter, & absque peccato ad definiendum procedat; sicuti ad dispensationem concedendam debet causam inuestigare; non quia necessaria talis inuestigatio sit ad dispensationis valorem; sed quia est necessaria ad rectum, & conuenientem illius iurisdictionis usum; sic in presenti. Quare si de facto ad definitionem proce-

deret Pontifex, omissa debita diligentia, dicendum est definiturum infallibiliter veritatem. sic Valent. 2. 2. disput. 1. quæst. 1. punct. 7. quæst. 6. §. huc accedit, pag. 235. Quod videtur probari ex promissione facta Petro, cuiusque successoribus, ne eius fides deficiat, cum talis promissio non limitata, nec conditionata fuerit, si diligentiam adhiberet.

At dicit Bannes 2. 2. quæst. 1. art. 10. §. ad 4. pag. 115. si tota certitudo, & infallibilitas pendet ex assistentia diuini Spiritus, neque ad hanc assistentiam habendam prærequiritur humana inquisitio, & inuestigatio de veritate; frustra certè inquisitio hæc expostulatur. Neque enim dici potest temerariè, & imprudenter Pontifex procedere, cum illam omittit, siquidem non omittit aliqua, ex qua recta, & infallibilis definitio pendeat. Adde omittendo hanc diligentiam humanam, videtur magis fidere in diuina assistentia, & fidelibus denotare non humano ingenio, sed diuino instinctu veritates fidei inuestigandas esse. Ergo vel est necessaria ad definiendum, vel nullo modo requiritur. Sed facilè respondetur præcipi à Deo hanc humanam diligentiam adhiberi, quia vult, ut homines faciant quantum est in se ad veritatem inuestigandam; hoc enim ad rectum Ecclesie regimen videtur pertinere: cum enim Pontifex non noua fidei dogmata Ecclesie debeat proponere, sed iam Ecclesie proposita, abscondita tamen in lucem producere, debet pro subiecta materia diligentiam adhibere, quodque præstitit D. Petrus, cum celsationem circumcisionis, & aliarum cæremoniarum definuit, Act. 15. Quando autem aliquis, defectus intercedit in tali diligentia adhibenda, illo non obstante protegit Deus suam Ecclesiam, & ab errore liberat: impediendo Pontificem, ne definiat, vel si definiat, ut verum pronuntiet. Secundò responderi potest cum Bannes, & Valent. suprà, admittendo necessariam esse hanc humanam diligentiam, & inuestigationem veritatis, ut Pontifex verum definiat: negamus tamen inde inferri posse aliquando falsitatem definire; quia negamus posse, si definiturus est, hanc diligentiam, & inquisitionem omittere: atque adèò eadem certitudine, qua credi debet Pontificem non posse errare in definitione fidei, debet credi non posse omittere debitam diligentiam ad hanc præstandam definitionem: siquidem est medium necessarium ad illam. Quare cum Christus Dominus promisit Petro, & eius successoribus diuini Spiritus assistentiam ad veritatem pronuntiandam, consequenter promisit assistere mediis ad illud necessariis, sicut si promississet te plures fructus ex vinea collecturum modo ordinario, consequenter promisit aeris temeriem, & reliqua, vnde ortum habent.

Quòd si inquiras quam diligentiam Pontifex ante definitionem præstare debet?

Respondeo breuiter cum Valentia disput. 1. quæst. 1. punct. 7. quæst. 7. §. 42. eam adhibendam esse, quam subiecta materia expostulat. Quare si de Sancto canonizando, aut de religione approbanda agitur, humana informatione, & hystoria utatur necesse est. Si verò determinaturus est dogma aliquod, ut diuinitus reuelatum, illa consulat oportet, quibus diuina reuelatio pura, atque integra custoditur. Cuius generis est primò Scriptura sacra, ut quæ tota est reuelatio diuina. Secundò traditio Apostolica, quæ & ipsa diuina quædam reuelatio est, tametsi non consignata litteris. Tertio definitio priorum Pontificum, & Conciliorum. Quarto concursus sententia Patrum, & Doctorum. Modus autem hæc omnia inuestigandi non est vnus, & idem, sed Pontificis arbitrio relinquitur; potest enim Concilium congregare, vel absque illius congregatione ad definitionem procedere. Item potest consulere Cardinales, vel loco illorum alios viros doctos, & Ecclesie pastores; quæ omnia ex usu Ecclesie constant.

13 Ad quartum argumentum de Pontifice in hæresim lapso respondeo; si eius hæresis Ecclesiæ manifesta est, facile liberabitur ab illo, quia tunc non agnoscit illum, ut pastorem, sed ut lupum ouile volentem destrueret. At si hæresis non sit in Ecclesia nota, sed fortè sub aliqua controuersia versetur, ipseque ex malitia, vel ignorantia vellet Ecclesiam inficere, nequaquam posset, quia antequam id præstaret, Deus illum à vita eriperet, aut alia via impediret definitionem, aut tandem faceret, ut verum pronuntiaret: quæ omnia necessariò sequuntur via ordinaria ex promissione facta Ecclesiæ, non defuturum in ea spiritum veritatis.

Ad quintum de approbatione Pontificia scriptorum Basilij, Chrysostomi, Nazianz. &c. respondeo, Pontificem non approbasse omnia illorum dicta vera esse, & tanquam vera esse habenda; quia non erant canonici scriptores, sed declarauit eos benè scripsisse: hoc est, bona intentione, & zelo; qua cum intentione stare optimè potest per ignorantiam non attigisse aliquando veritatem.

Ad sextum, nego Pontificem vnquam falsum definisse, neque definire posse, licet falsum senserit: quod non leuiter colligitur ex extrauaganti, quæ incipit, *Benedictus Deus in donis suis*, quam refert ad verbum Alphonsus de Castro lib. 4. *aduersus hæreses*, verbo *Beatitudo*, hæresi 6. circa finem. neque inuenitur communiter in corpore iuris: vbi Benedict. XI. denotat eius antecessorem Ioannem XXII. existimasse animas Sanctorum ante diem iudicii diuinam essentiam non videre; non tamen sensum proprium Ecclesiæ credendum proposuisse, etsi ad id faciendum se præparasset: nam antequam id præstaret, vita functus est. Neque obstat loca ibi allata. Nam primum ex cap. *quanto, de di. iys*, ad summum probat Celestinum III. sensisse matrimonium dissolui per hæresim, non tamen proba- sic Ecclesiæ credendum proposuisse. Eodem modo responderetur ad text. in cap. *licet, de sponsa duorum*; esto enim aliqui antecessores Alexand. III. priuatim iudicauerint matrimonium ratum secundo consummato dissolui, non tamen sic determinasse. Adde nomine *predecessorum* non Pontifices, sed alij speciales Doctores possunt, & debent intelligi: siquidem in cap. *ult. eodem tit. de sponsa duorum*, Innocent. III. declarat Sedem Apostolicam perpetuò docuisse matrimonium ratum secundo consummato non dissolui, vel denique dici potest Alexand. III. per exaggerationem fuisse locutum; sicuti locutus est Paulus ad Galat. 1. cum dixit, *licet nos, aut Angelus de cælo euangelizet vobis, præterquam quod euangelizauimus, anathema sit*; vbi non intendit Apostolus dicere se, aut Angelum contrarium esse euangelizaturus, sed veritatem euangelizatam ita esse firmiter tenendam, ut nulla via ab ea diuertere debeant; quamuis per impossibile ipse, vel Angelus de cælo diuertere conaretur: sic dixit Alexand. matrimonium ratum non dissolui secundo consummato: quamuis contrarium prædecessores sui iudicassent.

§. III.

An in legibus ferendis pro tota Ecclesia, vel aliqua illius parte errare Pontifex possit?

- 1 In sententia aliqua ferenda circa res gestas potest ex malitia, vel ignorantia Pontifex errare.
- 2 Item errare potest secundum prudentiam in multiplicandis legibus circa res agendas.
- 3 Proponitur difficultas. An possit statuere vniuersali Ecclesia obseruandum, quod malum sit, & rationi dissensum?
- 4 Statuitur id fieri non posse, & satisfat rationi dubitandi.
- 5 Extenditur conclusio ad leges pro vna prouincia factas.

1 Certum est apud omnes, Pontificem vel ex malitia, vel ex ignorantia errare posse in sententia aliqua ferenda circa res gestas; potest enim innocentem condemnare, & reum absolvere: neque tunc dicitur Pontifex, quatenus talis est, errare; sed quatenus est quædam specialis persona iudex earum constitutus. Bannes 2.2. *quæst. 1. art. 10. dub. 6. conclus. 4.* vbi benè aduertit, si ex huiusmodi sententiis aliquis perniciosus error alicui particulari Ecclesiæ, vel personæ priuatæ sequatur, non esse intentionem Pontificis ad illius obseruantiam obligare: iuxta textum in cap. *si quando, de rescriptis*; vbi dicitur, si quando aliqua tuæ fraternitati dirigimus, quæ animum tuum exasperare videntur, turbari non debes, &c. qualitatem negotij, pro quo tibi scribitur, diligenter considerans, aut mandatum nostrum reuerenter adimplens, aut per litteras tuas, quare adimplere non possis, rationabilem causam prætendas.

2 Secundò est certum posse errare secundum prudentiam in multiplicandis legibus rerum agendarum, vel statuendis; quæ non ita Ecclesiæ conuenientes sunt. Ex quo sæpè oritur mutare, vel abrogare Pontificem, quæ eius prædecessores statuerunt. Bannes *suprà conclus. 2. ad 3.* Nunquam tamen dicendum est in speciali casu errare, quia esset quis temerarius, cum præsumptio semper debet esse pro legislatore.

3 Controuersia ergo esse potest, an possit Pontifex vel ex malitia, vel ex ignorantia statuere aliquid à fidelibus obseruandum, quod malum sit. Ratio difficultatis est, quia talis error non videtur damnosus Ecclesiæ: siquidem Ecclesia non peccat illum amplectendo. Deinde Petro, & eius successoribus promissa est firmitas fidei, morum autem honestas non videtur promissa. Ergo in hac poterit esse error; secus in rebus fidei.

4 Cæterum credo de fide esse, non posse Pontificem statuere aliquid ab vniuersali Ecclesia obseruandum, quod legi diuinæ, vel naturali contrarium sit. Probo primò, quia de fide est Pontificem errare non posse in pascendis ouibus: sed oues non solum doctrina fidei, sed morum institutis pascuntur. Ergo de fide est in his institutis errare non posse. Secundò, de fide est in Ecclesia deficere non posse spiritum veritatis: sed si Pontifex obseruandum præciperet legi diuinæ contrarium, iam spiritus veritatis in Ecclesia deficeret. Ergo. Tertiò, de fide est Pontificem in rebus fidei non posse errorem docere, sed ex eo quod præciperet aliquid obseruandum contrarium legi diuinæ, errorem doceret, quia docet credere hoc esse obseruandum: quod est error in fide. Ergo. Ex hisque soluitur ratio dubitandi; licet enim concedamus Ecclesiam obediendo iis legibus, & prauis institutis non peccaturam: at negari non potest pernicioso errore maculari, à quo Christus Dominus voluit Ecclesiam liberare; tum cum promisit eius fidem non defuturam: tum cum Petro, & eius successoribus imperauit oues suas pascere salubri doctrina, & rectis morum institutis.

5 Quòd si lex, & constitutio pro vna prouincia, vel diocesi feratur; etsi aliqui Doctores sentiant errare posse Pontificem, quia tunc munus Pontificis gerere non videtur, eo quod vniuersalem Ecclesiam non adstringat: at credo de fide esse nec tunc posse. sic docet Bannes 2.2. *quæst. 1. art. 10. dub. 6. conclus. 4.* Et ratio videtur manifesta; primò, quia Pontifex, quatenus supremus est pastor, legem statuit obligantem aliquam prouinciam; quia secundum hanc rationem, non solum regimen totius Ecclesiæ illi commissum est: sed etiam cuiuslibet prouinciæ. Si ergo respectu totius Ecclesiæ errare non potest, quia illius est suprema regula veritatis, cum etiam respectu cuiuslibet prouinciæ sit eadem regula, efficitur sanè errare nullo

nullo modo posse. Secundò, si admittas errare posse Pontificem in statutis specialibus, præcipiendo, inquam, obseruari ab aliqua prouincia, quæ contraria sunt legi diuinæ, seu naturali; videris admittere errare posse circa totam Ecclesiam. Nam Ecclesia vniuersalis sufficiens habet fundamentum ad credendum sic ordinatum, & præceptum bonum esse, & seruandum ab illa prouincia, sed tale iudicium erroneum est. Ergo cogitur ex errore speciali Pontificis Ecclesia vniuersalis errare, quod non est dicendum.

§. IV.

An sit de fide Pontificem errare non posse in canonizatione Sanctorum.

- 1 Qui negare videantur, & qua ratione probent.
- 2 Probabilius est de fide esse Pontificem errare non posse.
- 3 Satisfis argum. num. 1. adductis.
- 4 Canonizatio Sanctorum soli Pontifici competit.

1 **N**egare videtur D. Thom. quodlibet. 9. art. ult. affirmat namque canonizationem Sanctorum medium esse inter iudicium infallibile Papæ de rebus fidei, & iudicium fallibile eiusdem de rebus civilibus, & criminalibus. Vnde infert piè tantum credi non posse tale iudicium fallax esse. Idem asserit D. Anton. in 3. p. tit. 12. cap. 8. Caietan. in opuscul. de indulgent. ad Iulium, cap. 8. Melchior Cano lib. 5. de locis, cap. 5. Bannes 2. 2. quæst. 1. art. 10. dub. 7. concl. 2. Omnes enim ij affirmant de fide non esse Pontificem errare non posse in canonizatione Sanctorum: at esse ita certum, vt temerarium sit, scandalosum, & hæresim sapiens, affirmare Pontificem errare posse.

Mouentur primò, quia canonizatio Sanctorum sit ex testimonio habito de sanctitate, & miraculis Sancti canonizati, sed hoc testimonium, cum humanum sit, fallax esse potest. Ergo secundò vt fide diuina credere cogermur, hunc canonizatum in cælo esse, fide diuina credere teneremur, illa miracula, & sanctitatem illius, quibus ad canonizationem motus Pontifex fuit, vera esse: atqui hoc est impossibile, quia impossibile est fide diuina credere veritatem, quæ reuelata non sit, sed miracula, & sanctitas illius canonizati, imò status illius in cælo nullibi reuelata sunt. Ergo. Confirmo. Ecclesia non proponit nouum articulum fidelibus credendum, qui Apostolis, canonicisque scripturis propositus non sit, sed nullibi est propositum Augustinum, Franciscum, Dominicum, Ignatium in cælis esse: ergo cum Ecclesia id ipsum proponit, non proponit tanquam fidei articulum, sed tanquam veritatem omnino certam moraliter, & cui fides humana meritò adhiberi debeat. Tertio solum hæreticus esse censetur, qui negat in Pontifice auctoritatem declarandi Sanctorum statum: non autem qui negat sic declaratum in cælis assistere, vt tradunt supradicti DD. & specialiter Melchior Cano. Ergo Pontificis declaratio non constituit rem de fide.

2 Nihilominus probabilius existimo, non solum temerarium, & scandalosum, sed etiam erroneum, & hæreticum esse affirmare errare posse Pontificem in Sanctorum canonizatione. sic docet Valent. 2. 2. disp. 1. q. 1. p. 7. q. 6. §. 40. vers. itaque pag. 230. & seqq. Moueor primò, quia ex antecedenti §. constat de fide esse Pontificem errare non posse in legibus vniuersalem Ecclesiam spectantibus: non enim potest aliquid statuere contrarium legi diuinæ, & naturali: sed si errare posset in canonizatione Sanctorum, statueret legem contrariam legi diuinæ, & naturali. Ergo de fide est in iis non posse errare. Minorem probò; quia canonizans Sanctum obligat omnes fideles assentiri illum in cælis esse, & tanquam Dei amicum venerari: si autem error adesset, iam obli-

garet fideles falsitati assentiri, & venerationem facere veneratione indigno; quod est legi diuinæ, & naturali contrarium. Ergo. Secundò de fide est Sanctos inuocandos esse, & eorum reliquias venerandas, Ecclesiæque gaudere auctoritate declarandi; quibus hæc inuocatio, & veneratio adhibenda sit: vt constat ex Clement. & Extranag. de reliq. & veneratione Sanctorum, & ex Trident. sess. 25. decreto de eadem re. Ergo de fide est Sanctum, qui declaratus talis est ab Ecclesia, inuocandum, & venerandum esse: aliàs frustranea esset auctoritas. Ergo de fide est esse in cælis, aliàs inuocari, & venerari non posset.

3 Neque obstant contraria.

Ad primum dico Pontificem non solum ex testimonio humano moueri ad faciendam canonizationem, sed ex speciali instinctu, & assistentia Spiritus sancti, ratione cuius, eius declaratio firma, & infallibilis existit.

Ad secundum, & eius confirmationem concedo fide diuina credendam nobis esse sanctitatem illius canonizati, non tamen miracula allegata, quia à miraculis canonizatio non pender necessariò; vera enim esse potest eius sanctitas, & in cælis assistentia, quin miracula allegata vera fuerint.

Ad probationem dico sanctitatem canonizati, & illius in cælis assistentiam, non esse singulariter, & explicitè reuelatam; est tamen reuelata virtualiter, & implicitè. Tum quia reuelatum est in cælis assistere, qui in gratia ex hac vita migravit. Itaque est reuelatum, Pontificem errare non posse ob assistentiam diuini Spiritus in iis, quæ ad religionem vniuersalis Ecclesiæ pertinent. Ex quibus manifestè deducitur de fide esse hunc canonizatum verè in cælis esse, cum sequatur ex vna præmissa de fide, & altera euidenti, vt patet in hoc discursu. De fide est Pontificem errare non posse in his, quæ eorum vniuersalis Ecclesiæ spectant; sed veneratio huius Sancti posita canonizatione est cultus obligans vniuersalem Ecclesiam. Ergo in illo errare non potest. Quòd si vrgeas aliud esse assentiri penitentibus cælum promissum esse, & Pontifici promissam esse assistentiam Spiritus sancti, & aliud assentiri, quòd hic canonizatus piè vixerit: & quòd hic, & nunc Spiritus sanctus in hac canonizatione præstiterit eius assistentiam: sicut aliud est credere in hostia ritè consecrata esse corpus Christi, & aliud credere hanc numero hostiam esse ritè consecratam. Nam primum illud generale suppositum est de fide. Secundum certum moraliter: sic de aliis propositionibus videtur dicendum. Facile, inquam, respondetur ad summum probare esse de fide non per se primò, sed per se secundò, eo quòd ex duplici reuelata, vel saltem ex vna reuelata, & altera euidenti sequatur; quod tamen nõ sequitur in exemplo allato de hostia: nam esse hanc hostiam consecratam, non est certum certitudine euidenti; sed solum morali: at quòd hic Sanctus in cælis assistat, posita definitione de fide est; quia de fide est esse certum, quòd Pontifex obseruandum proponit toti Ecclesiæ vniuersali.

Ad tertium concedo affirmantem posse errare Pontificem in canonizatione Sanctorum, non esse tanquam hæreticum absolute damnandum; quia non affirmat aliquid quod contrarium sit his, quæ Ecclesia recipit tanquam de fide certa absque vlla controuersia Doctorum. Videmus namque Canum, Bannes, & alios in principio relatos sentire de fide non esse, Pontificem errare non posse. Ergo Ecclesia non defendit tanquam de fide certum sine vlla controuersia. Quocirca ea maiori probabilitate, & certitudine, qua existimamus de fide esse Pontificem in canonizatione Sanctorum errare non posse, ea affirmandum est hæreticum esse, qui negaret.

4 Aduerto tamen canonizare Sanctos solum summo

Pontifici competere: ut constat ex *cap. 1. de reliq. & veneratione Sanctorum*, & sine illius licentia nemini Episcoporum licet aliquem pro Sancto venerari, & tradit Mascard. 182. n. 50. August. Barbosa de *potest. Episcop.* 3. p. alleg. 50. n. 43. Azor 1. p. *instit. moral. lib. 5. cap. 6. q. 1.* Cenedo ad *decret. collect.* 5 2. n. 4. Mar. Anton. Genuensis in *praxi Archiepisc. Neapol. cap. 5 1. sine.*

§. V.

Quid dicendum de beatificatione Sanctorum,
an, inquam, in ea Pontifex errare possit,
& quousque liceat eorum
veneratio.

- 1 *Quid sit beatificatio.*
- 2 *Quomodo à canonizatione distinguatur.*
- 3 *Temerarium, & scandalosum est asserere Pontificem in beatificatione Sanctorum errare posse.*
- 4 *Eadem certitudine tenendum est non posse Pontificem errare in beatificatione, ac in canonizatione.*
- 5 *Liceat ne alijs ab his (quibus facultas conceditur) Sanctum beatificatum venerari. Proponitur opinio Torres.*
- 6 *Pro decisione quid sis aduendum.*
- 7 *Resoluitur longè pius, & probabilius esse ex deuotione omnes aquanimitè illum venerari posse.*
- 8 *Satisfit argum. num. 5. adductis.*

1 **A**B antiquis scriptoribus nihil de beatificatione actum est; recentiores tamen aliqui pauca subiungunt.

Primo præmittendum est, quid sit beatificatio. Secundò, qua ratione à canonizatione distinguatur. Et primò beatificatio est quædam facultas, & licentia concessa alicui provincie speciali, vel Ecclesie, seu religioni, ut aliquem tanquam Sanctum, & in cælis existentem colat. Sed quia colere potest multiplex cultus, scilicet Missæ sacrificio, orationibus & processionibus, publicis votis, illius inuocatione, & imaginis gestatione, Pontifex beatificando illum, simul etiam determinare potest, quo cultu venerandus sit.

2 Secundò præmittendum est, beatificationem à canonizatione distingui in eo, quòd canonizatio est facultas, & licentia concessa non alicui provincie speciali, sed vniuersali Ecclesie, aliquem, ut Sanctum venerandi, & consequenter est concessio, & facultas venerandi Sanctum, eo cultu, & veneratione, qua solent Sancti canonizati venerari. Aliquibus videtur distinguere beatificatio à canonizatione; quia canonizatio obligat totam Ecclesiam, ut canonizatum veneretur; beatificatio verò non obligat totam Ecclesiam; imò neque provinciam, pro qua beatificatio conceditur, ut beatificatum veneretur; sed solum eius venerationem permittit. At credo hanc distinctionem subsistere non posse, quia de ratione canonizationis non est obligare totam Ecclesiam, ut canonizatum veneretur: nam si ad hoc obligaret, obligaret ad aliquem cultum exhibendum à tota Ecclesia; ac proinde ut tota Ecclesia, vel Missam, vel preces, vel processionem aliquam in eius honorem funderet: quod non fit specialiter de omnibus Sanctis. Ergo solum ex vi canonizationis conceditur facultas, & licentia canonizatum venerandi: præceptum autem alicuius venerationis non fertur quoad exercitium, sed ad summum, quoad speciem: hoc est, si circa Sanctum illum aliquam actionem exercere debeas, ea cultus, & venerationis sit. Quare tam canonizatio, quam beatificatio, est facultas & licentia Sanctum publico ritu, & solemniter venerandi: non tamen videtur esse præceptum de illius expressa, & quoad exercitium veneratione. His præmissis,

3 Alicui videbitur Pontificem in beatificatione

Sanctorum errare posse, etiam si in canonizatione liber ab errore sit; quia ex hoc errore non sequitur vniuersalem Ecclesiam errare, siquidem non proponitur vniuersali Ecclesie Sanctus ille colendus.

Cæterum dico primò temerarium esse, & scandalosum affirmare in beatificatione Sanctorum Pontificem errare posse; quia absque villo fundamento, & contra rectam morum institutionem diceretur. Quapropter existimo neminem Catholicorum in hac parte dissentire, præcipue si beatificatio sit, qualis semper esse solet, in qua conceditur, ut Missæ sacrificium in honorem illius celebretur.

4 Secundò dico eadem certitudine tenendum esse, Pontificem errare non posse in beatificatione Sanctorum, ac in canonizatione. Probo, quia Doctores loquentes de canonizatione, & affirmantes Pontificem errare non posse, nihil de beatificatione scripserunt. Ergo signum erat sub canonizatione voluisse beatificationem comprehendere. Secundò Pontifex beatificans Sanctum aliquo Missæ sacrificio, hoc est, concedens, ut aliquod Missæ sacrificium in illius honorem celebretur, toti Ecclesie venerandum proponit; quia nomine totius Ecclesie sacrificium offertur: ipsaque tota Ecclesia medio illo ministro, & sacrificio ab illo oblato Sanctum illum veneratur: sed in his, quæ pertinent ad cultum vniuersalis Ecclesie, errare non potest Pontifex. Ergo. Et ex his patet solutio rationis dubitandi. Negamus enim non sequi vniuersalem Ecclesiam errare, si erret Pontifex in beatificatione. Nam licet à Pontifice non proponatur venerandus per vniuersalis Ecclesie ministros; proponitur tamen venerandus ab vniuersali Ecclesia per speciales aliquos ministros; & hoc sufficit, ut Ecclesia ipsa errare dicatur.

5 Maior autem difficultas est, an liceat alijs, ab his, quibus facultas conceditur, venerari Sanctum beatificatum, ritu in beatificatione præscripto. v.g. conceditur religiosis Societatis Iesv venerari sanctissimum Ludouicum Gonzaga, vel beatissimum Franciscum Borja, sacrificio Missæ, & horis canonicis, die quo è vita discessit, poterunt ne clerici sæculares processionem solemnem, & sacrificium in eius honorem offerre, siue in sua Ecclesia, siue in nostris, siue ipso die, quo è vita discessit, siue alio?

Ludouicus Torres 2. 2. *disput. 17. dub. 8.* attigit hanc questionem, & nimis scrupulosè locutus est: negat namque hæc omnia licere. Probarique potest primò, quia nemini licet absque autoritate Sedis Apostolicæ aliquem honore publico venerari, *cap. 1. de reliq. & veneratione Sanct.* sed Apostolica Sedes solum religiosis Societatis Iesv hos Sanctos venerari concessit. Ergo nemini alteri licebit illos venerari.

Dices, ex concessione facta religiosis Societatis Iesv sublata est prohibitio omnibus facta in *supradicto cap. 1.* siquidem ibi solum prohibetur venerari aliquem absque autoritate Sedis Apostolicæ; at in huius venerationem iam autoritas Apostolica intercedit. Ergo licet omnibus venerari. Sed contra, quia autoritas Apostolica eatenus intercedit, quatenus licentiam, & facultatem concedit Missæ sacrificium celebrandi; sed non concedit omnibus Sacerdotibus, sed solum Societati Iesv religiosis. Ergo solum pro religiosis Societatis Iesv, & non pro alijs autoritas Apostolica intercedit. Ergo solum ipsi, & non alij poterunt illos Sanctos venerari. Secundò si omnibus licitum esset Missæ sacrificium celebrare, ut quid Pontifex concessionem limitat pro aliqua speciali provincia, & specialibus personis? Tertio hæc concessio facta religiosis celebrandi Sanctum beatificatum sui ordinis, est quædam permissio, seu priuilegium derogans vniuersali prohibitioni factæ in *cap. 1. de reliq. & veneratione Sanctorum*, ne aliquem veneremur absque autoritate Sedis Apostolicæ. Ergo manet integra prohi

prohibitio comparatione illorum, quibus priuilegium non est concessum. Quarto sequeretur nullam esse differentiam inter Sanctum canonizatum, & beatificatum hoc modo: nam si de Sancto beatificato omnes possunt ex deuotione Missam, & officium recitare, nihil aliud de Sancto canonizato possunt. Ergo nulla est differentia.

6 Vt autem huic dubitationi respondeam, præmitto aliud esse Missam propriam, & officium proprium alicuius Sancti recitare, aliud Missam votiuam, & officium votiuum. De D. Petro, & Paulo, Augustino, Dominico, & Francisco dicitur Missa propria, & officium proprium non omnibus diebus anni, sed vno dumtaxat, extra quem nemo potest attentis regulis Missalis, & Breuiarij reformati à Pio V. Gregor. XIII. & Clem. VIII. Missam, & officium proprium illorum celebrare. Item de pluribus Sanctis canonizatis nemini concessum est Missam propriam, & officium proprium dicere: & de aliquibus solum concessum est alicui prouinciæ, vel singularibus personis. Verum hæc limitata concessio non obstat, quominus Missam votiuam, & officium votiuum, quilibet illis exhibere possit. Quia eo ipso, quod Sedes Apostolica illos in Sanctorum numerum retulit, & dignos iudicauit, ut in ipsorum gloriam sacrificium offerretur nomine totius Ecclesiæ; consequenter iudicauit posse quemlibet fidelem, si velit, similem eis, ex deuotione honorem præstare. Hoc posito,

7 Dicendum est longè pius, & probabilius esse, posse quemlibet Sacerdotem Missam votiuam, & officium votiuum recitare in honorem illius beatificati, pro quo Sedes Apostolica concessit alicui speciali religioni, vel prouinciæ Missam, & officium proprium aliquo die celebrare. Probo, quia vna Missa in vno loco eiusdem valoris est, & æstimationis: ac plures Missæ pluribus in locis factæ. Ergo Sedes Apostolica concedens, ut in honorem alicuius Missa aliqua dicatur, simul declarat dignum esse, in cuius honorem omnes dici possent. Sed hæc declaratione facta tollitur prohibitio relata in cap. 1. de reliq. & venerat. Sanctorum, in quo cauetur neminem esse venerandum sine autoritate Romanæ Sedis. Nam cum hunc Sanctum ex tua deuotione veneraris, autoritate Sedis Romanæ facis, quæ iudicauit dignum esse illa veneratione. Neque obstat si dicas verum esse Romanam Ecclesiam concedentem, ut in honorem alicuius Missa celebretur, simul declarare dignum esse, ut ab omnibus Sacerdotibus illo cultu possit venerari: at inde non inferri, posse omnes Sacerdotes illum venerari, non quia beatificatus dignus non sit; sed quia ipsi impediti sunt. Non, inquam, obstat; quia nemini publicum religiosum cultum ex deuotione alicui exhibendum impeditur, nisi quia is, cui est exhibendus, non iudicatur à Sede Apostolica dignus illo: quod constat manifestè ex his, quæ dicit Alexand. III. in cap. 1. de reliq. & veneratione Sanctorum, vbi occasione aliquorum, qui hominem quemdam in portatione, & ebrietate occisum venerabantur tanquam Sanctum, subiungit: *Illum ergo non presumatis de cætero colere, cum etiam si per eum miracula fierent, non liceret vobis ipsum pro Sancto absque auctoritate Romana Ecclesiæ venerari.* Ergo solum ad venerationem exhibendam requirit Alexand. ut prius Romana Ecclesia illum pro Sancto veneretur, sed eo ipso, quod concedit Romana Ecclesia Missam in honorem ipsius celebrare, illum pro Sancto veneratur; siquidem exhibet illi supremum cultum, quem exhibere potest. Ergo hac concessione facta quilibet poterit eodem cultu Sanctum pro deuotione venerari.

Et confirmo exemplo cuiuslibet Sancti canonizati; in cuius honorem omnes conueniunt posse vbilibet, & quolibet die quemlibet Sacerdotem Missam dicere, non quidem propriam; quia fortè nec pro vno die illi est assignata, sed votiuam, iuxta regulas Missæ votiuæ,

Ferd. de Castro Sum. Mor. Pars I.

eo quod à Sede Apostolica iudicatus est dignus, cui is honor exhibetur, sed etiam in Sancto beatificato simile iudicium fecit, cum Missam in ipsius honorem dicere aliquibus personis permisit. Ergo.

Ex his infertur posse quemlibet eius imaginem adorare, & adorandam in altari constituere, & publicis processionibus circumferre; hi enim cultus longè inferiores sunt Missæ, & officio. Si ergo Pontifex eum dignum iudicauit cultu, qui per Missam, & officium canonicum exhibetur, à fortiori dignus iudicatus est omnibus aliis.

8 Argumenta in contrarium nullius sunt ponderis.

Ad primum respondetur ut ibi. Ad probationem dico auctoritatem Sedis Apostolicæ religiosis concedere Missam, & officium diuinum in honorem illius Sancti, dupliciter intercedere posse. Primò approbando Sanctum, ut dignum, in cuius honorem Missa, & officium ab omnibus celebretur. Secundò concedendo facultatem aliquibus tantum Missam, & officium proprium dicendi. Hoc secundo modo admitto pro aliquibus tantum personis auctoritatem Apostolicam intercedere, sicut etiam solet reperiri in Sancto canonizato. At primo modo respectu totius Ecclesiæ vniuersalis, auctoritas Apostolica intercessit ob rationem in conclusione allatam.

Ad secundum respondeo diuersum esse dicere Missam & officium diuinum proprium, ac dicere ex deuotione; dicere enim proprium, specialis solemnitas, & fauor est factus ab Apostolica Sede: sicuti erat specialis fauor factus religioni Seraphici Francisci, & singularis honor S. Didaci; cum in ipsius honorem ab omnibus Ecclesiæ Sacerdotibus Missa propria in eius die felicissimi obitus dicebatur: at non ex eo quod in præsentem nemini alteri à religiosis D. Francisci liceat Missam propriam dicere, prohibiti sunt, qui voluerint dicere votiuam.

Ad tertiam concessionem illam, & esse priuilegium, & esse remotionem conditionis, sub qua lex lata in c. 1. de reliq. & vener. Sancti. obligat. Est enim remotio illius conditionis, quatenus est approbatio dignitatis, & meriti Sancti beatificati. Nam cum illa lex prohibeat venerationem publicam Sancti, qui à Romana Ecclesia probatus non fuerit, approbatione Pontificia remouetur conditio requisita ad prohibitionem. Est item illa concessio priuilegium quatenus est concessio, & facultas Missam propriam, & officium proprium dicendi. Ex quo fit prohibitionem factam in d. cap. 1. cessare in veneratione Sancti beatificati, quia cessat negatio approbationis pontificiæ sub qua obligat.

Ad quartum dico esse diuersam rationem inter Sanctum canonizatum, & beatificatum: nam licet de pluribus Sanctis canonizatis non possit Missa propria, & officiū proprium dici, eo quod non sint relati in Missali, & Breuiario. Et in hac parte nulla videtur specialis differentia inter canonizatum, & beatificatum: at de Sancto canonizato dici posset, præcipi saltem quoad speciem illum credere in cælis existere, & dignum esse in cuius honorem Missa, & officium celebretur; de Sancto tamen beatificato id solum permitti. Quapropter concludo posse Ecclesias Cathedrales, Episcopos cum suis Clericis supradictos Sanctos beatificos honorare Missa Pontificia, & officio votiuo, processionēque solemni, cui opinioni subscripserunt Salmanticæ anno Domini 1625. cum hic casus consultus fuit, Doctor Balboa in Ecclesia Salmanticensi doctoralis, & in vniuersitate primam cathedram canonum regens D. D. Aluarius de Oca, & Sarmiento vespertinæ cathedræ canonum moderator. D. Martinus de Bonilla decreti cathedram regens. D. D. Petrus de Vega, primarius legū professor. Ex Augustiniana familia subscripserunt Mag. Basilus de Leon, M. Bernardinus Rodriq. M. Francisc. Dominguez

minguez in vniuersitate professores : & etiam ex familia D. Bernardi subscripsit M. Angel. Manrique , M. Alphonf. Perez, M. Ludouic. Bernard. ex familia D. Benedicti subscripsit M. Fr. Didac. de Salazar, M. Benedictus de la Serna. Ex D. Francisco, Fr. Petrus Ladron de Guevara, Fr. Laurentius de Villareal, Fr. Sebastianus Fajardo. Ex familia virginis de la Merced subscripsit M. Gaspar de los Reyes. Ex nostra Societate subscripserunt PP. Ioannes de Montemayor, Franciscus de Prado, Petrus Pimentel, Ludouic. Roa, Ioan. Martinez, & ego minimus, aderam enim tunc Salmanticæ.

§. VI.

Quid dicendum de religionum approbatione, an, inquam, Pontifex errare possit.

- 1 *Nequaquam Pontifex approbare potest religionem aliquam consentaneam esse Euangelio, quæ ita non sit.*
- 2 *Neque secundum leges prudentiæ errare potest Pontifex in religionum approbatione, qui affirmant.*
- 3 *Contrarium qui defendant, & quomodo probent.*
- 4 *Nunquam est presumendum Pontificem in hac materia minus cautè, & prudenter procedere.*

1 **C**um Pontifex religionem aliquam approbat, approbat vitæ aliquod institutum sub voto paupertatis, castitatis, & obedientiæ, tanquam aptissimum, & Euangelio nimis conforme ad salutem consequendam : hoc autem institutum & continet finem aliquem ad diuinam gloriam, & salutem æternam pertinentem, & insuper media aliqua, quibus hic finis obtineri potest. Dicendum ergo existimo de fide esse, non posse Pontificem in approbatione huius finis, & mediorum, quæ sibi proponuntur, errare ; ita ut approbet tanquam consentaneum euangelicæ perfectioni, quod verè consentaneum non sit, sic docet Valent. 2. 2. disp. 1. q. 1. p. 7. §. 4. 1. col. 210. & colligitur ex Constantiensi sess. 8. vbi damnatur vltimo loco error VViclephi, asserentis impudentissimè omnes religiones indifferenter esse introductas à diabolo : cui errori non leue patrocinium esset, si Pontifex posset aliquam religionem contrariam euangelicæ perfectioni approbare, ut conuenientem ; talis enim approbatio à diabolo esset, non à Christo, & eius vicario. Probo autem breuiter supradictam conclusionem esse de fide ; quia de fide est Pontificem, quatenus talis est, errare non posse, in iis, quæ ad fidem, & mores pertinent vniuersalis Ecclesiæ ; non enim vniuersalem Ecclesiam docere potest aliquod falsum : aliàs non esset in Ecclesia promissus spiritus veritatis ; sed si Pontifex approbans aliquod institutum religiosum tanquam euangelicæ perfectioni conueniens approbaret, quod re vera conueniens non est, sed potiùs contrarium, errore pernicioso Ecclesiam obtruderet. Ergo id fieri nullatenus potest.

2 Quare inter Catholicos solùm esse potest difficultas, an secundum leges prudentiæ errare possit Pontifex approbando aliquam religionem, cuius institutum licet malum non sit, neque contrarium perfectioni euangelicæ ; est tamen minus conueniens Ecclesiæ, vel quia nimis durum, vel laxum sit ; vel quia ex illo sequitur confusio aliqua in Ecclesia, & feruoris spiritualis in aliis religionibus diminutio.

In qua re Valent. disp. 1. q. 1. p. 7. §. 4. 1. col. 231. vers. quod verò attinet, affirmat nequaquam in hac parte Pontificem errare posse. Mouetur efficaci satis ratione : si enim Pontifex admittit religionem, quam spectatis omnibus circumstantiis debebat reicere, Ecclesiam obligat ad rem aliquam, quæ non in Ecclesiæ ædificationem, sed potiùs destructionem cedit : siquidem obligat Ecclesiam, ne religionem illam reiciat, sed potiùs accipiat,

& religiosos illius secum habitare permittat : quæ religio, ut supponitur, spectatis omnibus circumstantiis minus sibi conueniens est, quàm esset carentia illius ; sed Pontifici data non est potestas obligandi Ecclesiam, in his, quæ illi nociua sunt. Ergo non potest Pontifex approbare religionem Ecclesiæ vniuersali nociuam, ex quacumque parte nocumentum proueniat.

3 Contrarium defendit Bannes 2. 2. quest. 1. art. 10. dub. 8. conclus. 5. Mouetur primò, quia Innocentius III. in cap. vlt. de religiosis, & Gregorius X. in cap. 1. eodem tit. in 6. prohibent firmiter nouarum religionum institutionem, ne nimia religionum diuersitas grauem in Ecclesia Dei confusionem inducat. Sentit ergo Pontifex tunc temporis non esse conueniens nouam religionem instituere. Ergo si de facto illam approbaret, rem inconuenientem Ecclesiæ videretur facere. Secundò sæpe approbatas religiones Pontifex reformauit, vel dissoluit. Ergo sensit Ecclesiæ Dei non conuenire, ut existerent. Nam ideo dissoluit, quia non iudicantur conuenientes. Ergo ante dissolutionem inconuenientes erant. Sed non obstante hac inconuenientia approbabantur, & Pontifex obligabat vniuersam Ecclesiam ad illarum receptionem. Ergo optimè Pontifex potest obligare vniuersam Ecclesiam ad rem, quæ illi aliquo modo inconueniens est ; quia ex alio capite habet conuenientiam. Tertio. Negari non potest posse Pontificem leges rerum agendarum, & quæ necessariæ non sunt ad salutem, ita multiplicare, ut earum multiplicatio rectæ Ecclesiæ gubernationi inconueniens sit. Ergo similiter poterit religiones ita multiplicare, ut earum multiplicatio confusionem inducat, & regimini Ecclesiæ præiudicet.

4 Ego verò dicendum existimo nunquam præsumendum esse Pontificem in approbatione cuiusvis religionis minus cautè, & prudenter procedere. esset enim iniuria non leuis facta Pontifici, & contra debitam reuerentiam, & subordinationem, quam debent fideles suo supremo pastori exhibere ; de facto tamen, & in re ipsa minus cautè, & prudenter procedere aliquando potest : non quidem approbando religionem, quæ re vera inconueniens sit ex se, sed quæ ex adiunctis circumstantiis minus conueniat. Neque aliud probant argumenta Bannes, quibus ratio Valentis non obstat. Concedimus namque Pontifici datam non esse potestatem obligandi Ecclesiam ad ea, quæ illi absolute nociua sunt, & in illius destructionem. Affirmamus tamen esse datam potestatem obligandi Ecclesiam ad ea, quæ absolute illi conueniunt, etiam non æquè conuenientia sint, ac opposita. Aliàs pluries legum obligatio cessaret, neque firmi esse possemus in illarum executione.

§. VII.

An Concilia generalia, & prouincialia errare possint in rebus fidei definiendis.

- 1 *Præmittitur triplex esse Concilium, generale, prouinciale, & Episcopale.*
- 2 *Concilio non potest Pontifex delegare potestatem definiendi infallibiliter res fidei.*
- 3 *De fide est, Concilium à Pontifice confirmatum auctoritatis esse infallibile.*
- 4 *Ante confirmationem nullam habet auctoritatem infallibilem.*
- 5 *Proponuntur aduersus supradicta aliquot obiectiones, & solvuntur.*

1 **P**ræmitti debet triplex esse Concilium, Synodum, seu congregationem Sacerdotum, maximè Episco

Episcoporum ad res fidei definiendas. Primò generale, in quo ex necessitate conuocantur Episcopi omnium regnorum, vt veniant quot potuerint: iuxta textum in *cap. placuit*, 18. *distinct.* & *cap. 4. de iureiurand.* Abbates vero generales ordinis, & alij homines docti ex priuilegio conueniunt: vt notauit Turrecremata *lib. 3. de Ecclesia*, *cap. 5. & 16.* Secundum est Concilium prouinciale, in quo congregantur Episcopi vnius prouinciæ, aut regni. Tertium est Concilium Episcopale, seu locale, vbi clerici totius diocesis congregantur. Concilium generale auctoritate Pontificis est necessariò congregandum; vt constat ex *cap. bene quidem*, 96. *distinct.* & ex *rotæ distinct.* 17. & habetur in *cap. significasti*, de electione, & tradit pluribus exornans Turrecremata *lib. 3. de Ecclesia*, *cap. 6. 7. 34. & 36.* Caietan. *opuscul. de auctor. Pape*, *cap. 16.* Bellarmin. *tom. 1. controuers. 4.* Et ratio est manifesta; quia conuentus, & congregatio Episcoporum sine voluntate, & consensu capitis, quale est Pontifex, non Concilium Ecclesiasticum nuncupari debet, sed schisma, & conspiratio, vt dicit Pelagius *cap. multis*, 17. *distinct.* Sicuti si Magnates regni conuenirent absque consensu Regis ad agendum de legibus regni, non comitia, sed conspiratio diceretur; vt bene expendit Bannes 2. 2. *quest. 1. art. 10. dub. 3. notab. 2.* Valent. *disp. 1. q. 1. punct. 7. §. 45. col. 270.* Concilium prouinciale auctoritate Metropolitanæ, seu primatis euocatur. Concilium diocesani auctoritate Episcopi, vt ex ipso vsu constat, & tradunt suprâ relati Doctores.

Secundò præmitto loqui nos posse de Concilio ante Pontificis confirmationem, vel post illam.

2. Præmitto tertio non posse Pontificem delegare potestatem definiendi infallibiliter res fidei. Ratio est, quia hæc consistit in assistentia diuini Spiritus ex promissione diuina, quæ cum solum facta sit Petro, & eius successoribus, solus ille, & eius successor hanc assistentiam habere possunt. Ergo alius non potest illam ex delegatione, neque alia via habere. Item quia hæc potestas est quædam gratia pertinet ad donum Apostolatus, sicuti & prophetia, & scientia, & sapientia, quæ alius communicari non possunt: & ita tradit Turrecremata *lib. 3. de Ecclesia*, *cap. 6. 8. & 38.* Bannes 2. 2. *quest. 1. art. 10. dub. 4. versio. quæ propter secundò supponendum est.* Cano *lib. 5. de locis*, *cap. 5.* Valent. *disp. 1. quest. 1. punct. 7. §. 45. col. 273.*

3. Dico primò de fide esse quodlibet Concilium auctoritatis esse infallibilis, si à Romano Pontifice fuerit confirmatum; quia Romanus Pontifex est suprema, & infallibilis regula veritatis. Ergo ubicumque eius confirmatio accesserit, error committi non potest. Deinde, quia primum Concilium, quod fuit in Ecclesia celebratum, non fuit generale, sed speciale; non enim fuit ex omnibus Apostolis, sed tantum ex quatuor, nempe, Petro, Paulo, Iacobo, & Barnaba: & tamen ibi dictum fuit, *visum est Spiritui sancto, & nobis.* Ergo ad definitionem faciendam non indiget Pontifex generali Concilio. Denique plures errores damnati sunt in Synodis prouincialibus à Pontifice confirmatis, qualis fuit error Pelagij in Mileuitana Synodo sub Innocentio. Et in Arausicanæ, & Carthaginens. à Leone I. & Bonifacio. Et error Priscilianiani in Concilio Toletano confirmato à Leone I. & nuper ex Sixto IV. confirmatum est Complutense Concilium, in quo fuerunt damnati errores Petri Oxoniens. & ex *cap. de libellis*, *distinct. 20.* constat decreta Concilij prouincialis Carthaginens. Ancyrani, Neocaesariens. Gangren. Sardicens. Africani recepta esse tanquam de fide ab vniuersa Ecclesia. Ergo.

4. Dico secundò. Ante confirmationem Pontificis nullum Concilium quantumuis generale est infallibilis veritatis: sic tradit ex communi sententia Bannes 2. 2. *quest. 1. art. 10. dub. 3. conclus. 3. & dub. 4. conclus. 2.* Valent. *disp. 1. quest. 1. punct. 7. §. 45.* Probo primò, quia

nemini, nisi Petro, & eius successoribus concessa est Spiritus diuini assistentia, ne in rebus fidei erret, vt ex sæpe dictis constat. Sed Concilium; quantumuis congregatum sit auctoritate Pontificis, non est successor Petri, sed solum Pontifex. Ergo Concilium, vt distinctum à Pontifice, non est infallibilis veritatis. Secundò omnia Concilia, quæ in Ecclesia aliquam auctoritatem habent, à Sede Apostolica sunt approbata, vt constat ex *cap. significasti*, de elect. vbi Paschalis Pontifex ait: *Omnia Concilia per Romanam Ecclesiam auctoritatem facta sunt, & robur acceperunt.* & in *cap. Concilia*, *distinct. 17.* inquit Symachus, *quod quia non habent presentationem*, id est, auctoritatem Pontificis, *valetudinem perdiderunt.* Ideoque Concilia hanc confirmationem expostulant, vt videri potest ex his, quæ refert Turrecremata *lib. 3. cap. 34.* & constat ex Trident. *sess. ult. in decreto de fine Concilij*, ibi enim decernitur petendam esse per Legatos confirmationem à Sede Apostolica. Sentiant ergo Concilia absque hac confirmatione, & approbatione firmiter, & infallibiliter veritatem non docere. Tertio à Concilio generali quantumuis legitimè congregato datur appellatio ad Romanam Sedem. Sed à prima regula, & infallibili veritatis dari non potest appellatio, vt de se constat. Ergo Concilium secluso Pontifice non est prima regula, & infallibilis veritatis. Maior propositio, in qua est difficultas, deciditur à Bonifacio VIII. in *Extravag. vnam sanctam*, de maiorit. & obedient. inter communes, & latè, & eruditè probat Turrecremata *lib. 3. sum. cap. 47.* & D. Thomas *quest. 10. de potentia*, *art. 4. ad 13.* Quarto, quia sunt aliqua Concilia generalia auctoritate Pontificis congregata, non tamen confirmata, in quibus aliqui errores inueniuntur. Ergo Concilium non confirmatum à Sede Apostolica non est infallibilis veritatis. Antecedens probatur tum ex Concilio Ephesino II. quod fuit à Leone I. indictum, non tamen confirmatum, quod errores Dioscori, & Eutychetis admisit, vt tradit idem Leo *epist. 12. 13. & 21. & alijs seqq.* Tum ex Concilio Basiliensi. sub Eugenio IV. cuius defectus expendit Turrecremata *lib. 3. de Ecclesia*, *cap. 100.* & Caietan. in *tract. de auctor. Pontif. cap. 8.*

5. Verum aduersus hanc, meo iudicio, indubitam sententiam, sunt aliquot obiectiones, ex quarum solutione magis eius veritas elucidabitur. Prima, Concilium generale auctoritate Pontificis congregatum repræsentat totam Ecclesiam, & maxime, si ibi adsint Sedis Apostolicæ Legati, vt docuit Martin. V. in fine Concilij Constantiensis: sed Ecclesia vniuersalis errare non potest, etiam si non erret Pontifex; alias aduersus Ecclesiam portæ inferi præuulerent. Ergo Concilium etiam vt distinctum à Pontifice est infallibilis veritatis.

Huic obiectioni respondet Melchior Canus *lib. 5. de locis Theolog. cap. 5.* & Bannes 2. 2. *quest. 1. art. 10. dub. 4. conclus. 2. & ad primum argumentum, circa finem.* Concilium generale si sumatur pro omnibus Patribus Concilij errare non posse; sicuti neque omnes Ecclesiæ fideles: at si sumatur pro maiori parte congregatorum, errare potest. Sed hæc solutio mihi non probatur, pugnat enim cum doctrina conclusionis: siquidem infallibilem veritatem concedit omnibus Patribus Concilij, vt à Pontifice distinctis. Quapropter secundò respondeo, omnes Patres Concilij, & Legatos Sedis Apostolicæ, etsi raro, vel nunquam errent, errare tamen posse: neque obinde sequitur Ecclesiam vniuersalem errare: tum quia omnes illi Patres non sunt Ecclesia vniuersalis, etiam si vniuersalem Ecclesiam repræsentent; tum quia non repræsentant illam, nisi ad inuestigationem rerum fidei, & illarum assensum, non ad errorem. Quare errantes Patres illi possunt à Pontifice emendari, & reliqui fideles in fide sustineri. Vnde non sequitur aduersus Ecclesiam Dei portas inferi præuallere; sic docent Caietan. in *tract. de auctor. Pontificis*.

tyfic. cap. 9. Valentia disput. 1. quest. 1. punct. 7. §. 45. col. 273.

Secundò. Vbi duo, vel tres congregantur in nomine Christi, ibi Christus promittit adesse, *Math. 18. v. 20.* sed ad definitionem rerum fidei, & morum congregantur in nomine Christi omnes Ecclesie pastores. Ergo ibi adest Christus infallibiliter, ne errent.

Huic argumento respondet Bannes *suprà dub. 3. conclus. 1.* cum congregantur Episcopi, & pastores Ecclesie auctoritate Papæ, congregari nomine Christi, ac proinde nunquam sic errare posse; quia si errarent, non haberent, à quo possent corrigi; quia non possunt corrigi à Pontifice; non quia Pontifex illorum caput non sit, & superior: sed quia ipse non potest illos corrigere, nisi consultatione, & examinatione facta; sed nullam certiorum examinationem adhibere potest, quàm eam, quæ est à Concilio generali. Ergo stante hac examinatione, & consultatione erronea, non datur locus correctioni. Hæc solutio retinenda non est, quia tribuit Concilio infallibilem auctoritatem, & destruit conclusionem positam, in qua resoluius solum Pontificem esse regulam infallibilem; reliquos verò errare posse. Quapropter aliam solutionem subiungit Bannes; inquit enim Concilium sic congregatum errare non posse errore culpabili: cum enim congregatum sit religiosa, ac pia intentione inuestigandi veritatem, si de facto contingat errare, eius error culpabilis non erit, & citò ab illo ex benignitate Dei liberabitur. Addo supradictum locum de efficacia orationis ad impetrandum quidquid sic congregatis expediens est ad salutem, debet intelligi, non de infallibilitate definitionis. Deinde dici potest congregari Concilium in nomine Christi ad agendum de rebus fidei; non tamen ad infallibiliter definiendum: hoc sui muneris non est. Quod si velis de infallibilitate definitionis loqui, intelligendus es adesse ibi Christus, ut si verum definiant, Pontifex confirmet: si autem falsum determinent, repellantur, & corrigantur. Cum verò vrges non posse emendari quod sic determinatum est, quia non potest Pontifex certiorum examinationem adhibere. Respondeo posse emendari, vel quia definitionis infallibilitas ab examinatione facti non penderet: vel quia Spiritus sanctus disponit aliam examinationem loco illius subrogari saniorum, & certiorum, etsi non à tot Episcopis facta sit.

Tertio. Ante Pontificis confirmationem anathemate damnant Concilia eos, qui ab eorum decretis dissentiant. Ergo sentiunt eorum definitionem habere fidei veritatem?

Respondeo damnare anathemate, quantum est in se, si à Pontifice dogma constitutum approbetur, non tamen absolute.

Quarto. Patres congregati in Concilio iudices sunt controuersiarum fidei, sed non sunt iudices ex aliqua auctoritate humana; cum fides sit supra naturam. Ergo ex aliqua auctoritate diuina. Ergo sunt iudices infallibiles?

Respondeo Patres congregatos in Concilio & esse Consiliarios summi Pontificis, quatenus illorum consilio utitur ad res fidei definiendas, & esse etiam iudices vniuersales Ecclesie, quatenus sententiam in rebus fidei pronuntiant, sed non sunt iudices supremi, sed dependentes à Pontificis approbatione: eorum tamen auctoritas non est proprie diuina, id est, in assistentia Spiritus sancti consistens; sed est humana, & diuina. humana, quatenus à Pontifice descendit; diuina, quatenus ex potestate diuina data Pontifici habent potestatem res fidei definiendi, non absolute, sed accedente Pontificis approbatione.

Quinto. Quia facilius est singularem personam à veritate deuiare, quàm Concilium aliquod vniuersale. Ergo decebat, ut Christus supremam potestatem,

& regulam infallibilem veritatis potius Concilio, seu Ecclesie vniuersali, quàm Pontifici relinqueret. Adde sic relictam videri, siquidem potest eligere Pontificem, aut electum deponere, si hæreticus sit, vel alio modo Ecclesie vniuersali præiudicet.

Respondetur concedendo facilius esse Pontificem deuiare à veritate, si ut est singularis persona spectetur, quàm Concilium: ac si consideretur Pontifex, quatenus pastor est vniuersalis Ecclesie, difficilius esse illi à veritate declinare, imò impossibile; quia Spiritu sancto protegitur.

Ad confirmationem dico Ecclesiam habere ex Christo auctoritatem in illis dumtaxat casibus circa Pontificem, scilicet ad eligendum illum, & ad deponendum electum, quando id conuenire Ecclesie iudicatur. Neque inde fit Concilium esse supra Pontificem absolute, tum quia non confert Pontifici auctoritatem, sed offert personam Christo, cui Christus auctoritatem confert: tum quia non deponit nisi in casibus specialibus, & quando Christo intelligi potest placere depositionem.

§. VIII.

Quid dicendum de vnanimi consensu Patrum, & Doctorum, an, inquam, errare possit.

- 1 *Idem dicendum videtur de his, ac dictum est de generali Concilio.*
- 2 *Proponitur obiectio.*
- 3 *Fit satis.*

1 **V**idetur idem esse dicendum, ac diximus de Concilio. Si enim consensus Doctorum sumatur ante approbationem Pontificis, etsi de facto nunquam erret, ac certe errare potest, & à Pontifice emendari. Quia omnes Doctores, secluso Pontifice, non sunt regula infallibilis veritatis. Ergo à veritate deuiare possunt. Accedente autem approbatione Pontificis, nemini Catholicorum dubium esse potest infallibilis veritatis esse.

2 Dices. Ecclesia vniuersalis errare non potest, etiam ut distincta à Pontifice; quia in solo Pontifice non potest Ecclesia, quæ est mater veritatis, residere: sed si vniuersitas Doctorum errare posset, omnes etiam fideles possent errare. hoc autem est impossibile. Ergo impossibile est vniuersitatem Doctorum errare posse. Minorem probo; quia id credere tenentur fideles, quod Doctores vnanimi consensu docent: sed Ecclesia non tenetur credere nisi vnum. Ergo quod vniuersi Doctores docent, infallibiliter verum est. Et confirmo. Ecclesia vniuersa non potest à veritate deflectere; siquidem promissus est illi spiritus veritatis. Ergo nec eius Doctores, siquidem ab eorum doctrina ipsa omnino dependet.

3 Respondeo Ecclesiam vniuersalem, etiam ut distinctam à Pontifice, errare non posse, neque etiam vniuersos Doctores, non quia ipsis Spiritus sanctus immediate assistat, & sint regula veritatis, sed quia hoc pertinet ad specialem Dei prouidentiam, qui immediate assistit Pontifici, ex cuius assistentia facit, ne Doctores omnes, quorum consilio, & doctrina utitur in controuersis fidei, deficiant; dati sunt enim hi Doctores Ecclesie, tanquam oculi humano corpori, ut ipsam illuminent, & ostendant, quid verum sit, & fidei conforme.

PUNCTUM VI.

In quonam subiecto fides diuina resideat.

- 1 *Residet potentie intellectiua, & est habitus practicus, & speculatiuus.*
- 2 *Alia est fides perfecta, alia imperfecta, alia viua, alia mortua.*
- 3 *Ad fidei assensum aliquis habitus in voluntate requiritur.*
- 4 *In Angelis, & in nostris primis parentibus, cum primum producti sunt, resedit fides Dei vnus, & trini.*
- 5 *Propositur quedam obiectio, & fit illi satisfactio.*
- 6 *In damnatis nulla est supernaturalis fides.*
- 7 *In beatis neque quoad habitum, neque quoad actum fides residet.*
- 8 *Secus in animabus purgatorij.*
- 9 *In hereticis non manet fides.*

Premittendum est fidem esse habitum supernaturalem inhaerentem potentie intellectiue; siquidem ratione illius assentitur intellectus iis, quæ diuinitus reuelata sunt, vt constat ex pluribus locis sacre Scripturæ, ad Hebr. 11. *Fide intelligimus aptata esse sacula verbo Dei.* & 2. ad Corinth. 10. *Capitians intellectum in obsequium fidei,* & alibi. Cum autem reuelata alia sint operabilia, alia cognoscibilia tantum, habitus fidei & dici potest practicus, & speculatiuus. Speculatiuus namque dicitur, quatenus inclinat ad assensum merè speculatiuum, id est, rerum cognoscibilium tantum, vt in assensu Deus est trinus, & vnus. Practicus verò nuncupari potest, quia inclinat ad assentiendum circa res aliquas operabiles; vt in hac propositione: Castè viuendum est: temperatè est comedendum: iustum est hominibus benefacere, &c. sic Caietanus 2. 2. *quest. 4. artic. 2.* & Bannes ibi, cum D. Thom. Valent. *disp. 1. quest. 4. punct. 2.* & communiter.

2. Secundo præmitto, fidem aliam esse perfectam, aliam imperfectam, aliam mortuam, aliam viuam, aliam informem, aliam formatam. Dicitur fides imperfecta, mortua, & informis, quæ seiuncta est à charitate, quæ est vera animæ. Perfecta, viua, & formata, quæ charitate decoratur. Aduerto tamen fidem seiunctam à charitate, non dici imperfectam, quia in se ipsa res aliqua imperfecta sit; est enim habitus supernaturalis perfectissimus, & omnino immutatus; sed quia caret perfectione, ad quam ordinatur: cum enim fides ordinatur ad beatitudinem, & sine charitate illam consequi non possis, efficitur sanè sine charitate fidem hoc modo imperfectam esse. Qua ratione dixit Paulus 1. Corinth. 13. omnia dona sine charitate nihil valere, scilicet ad effectum meriti, & beatitudinem consequendam, sic D. Thomas communiter receptus 2. 2. *q. 4. art. 3.*

3. Tertiò præmitto, ad fidei assensum perfectum requiri in voluntate aliquem habitum, qui vel sit charitatis, vel obedientiæ, qua moueatur voluntas ad præstatum promptè assensum rebus fidei, secus verò ad assensum absolutum: sic nuper relati Doctores.

4. Dico primò certum esse debere tam in Angelis, quàm in primis nostris parentibus, cum primum producti sunt, resedisse fidem. Conclusio est communiter recepta cum D. Thom. 2. 2. *quest. 5. art. 1.* Caiet. & Bannes ibi. Valent. *disp. 1. quest. 5. punct. 1. col. 347.* Coninch *disp. 17. dub. 1. concl. 1. & 2.* Ratio est, quia tam Angeli, quàm homines, dum in via itererunt, & fuerunt capaces merendi beatitudinem, ad Deum accedebant: sed accedentibus ad Deum fides est necessaria, iuxta Paulū ad Hebr. 11. Difficultas autem est, quorum mysteriorum habuerint in illo statu fidem? Et quidem habuisse fidem Dei vnus, & trini, indubitatum est, quia cum

Deus vnus, & trinus obiectum sit fidei præcipuum, illius explicitam cognitionem illæ perfectissimæ creaturæ, quibus se Deus tantopere communicauit, habere debebant. De mysterio autem Incarnationis, seu de Deo incarnato, non constat inter Doctores. Probabile satis est hoc mysterium non cognouisse, eo quod eorum fides, & gratia non videantur data ex meritis Christi. Christus enim neque Angelorum gratiam meruit, neque gratiam primò concessam nostris parentibus; siquidem Adamo non peccante Christus non esset venturus. Ergo eius fides non fuit Angelis, neque Adamo pro illo statu necessaria: & ita tenet Torres 2. 2. *disp. 27. dub. 1.* Vasquez 3. p. tom. 1. *disp. 12. cap. ult.* Coninch credit satis probabile *suprà concl. 3.*

5. Sed obiicies. Angeli, imò homines in primo instanti suæ creationis cognouerunt euidenter se habere reuelationem Dei, vnus, & trini. Et de Angelis videtur res certa, quia cognoscebant euidenter à nulla creatura talem illis cognitionem indici posse. Ergo non potuerunt habere fidem; quia fides est argumentum non apparentium: ac tunc illa euidenter apparent esse vera, quia apparent euidenter esse reuelata à Deo, qui fallere, & falli non potest. Ergo.

Respondeo cum euidentia naturali in attestante, hoc est, cum cognitione naturali euidenti de diuina reuelatione optinè posse coherere fidem; quia fides est earum rerum, quæ non apparent æquè certa cognitione, ac cognitione fidei. Cognition autem naturalis, quam Angeli, vel primi parentes habuerunt, vel habet Propheta de reuelatione sibi facta, non est æquè certa, ac est cognitio fidei. Ergo non obest fidei cognitioni, vt latè probat Egidius de Coninch *disp. 11. dub. 2. concl. 2. & 3.* Valent. *disp. 1. quest. 5. punct. 1. vers. primò negandum, col. 349.*

6. Dico secundo in damnatis non est fides supernaturalis; cessat enim finis ob quem conceditur, scilicet potestas se iustificandi, actumq; supernaturalem efficiendi ob voluntatem in malo obstinam: sic docet cum D. Thom. 2. 2. *quest. 5. art. 2.* Bannes *dub. 1.* Coninch *disp. 17. dub. 2. num. 22.* Valent. *disp. 1. quest. 5. punct. 2. col. 351.*

Sed obiicies primò. Dæmones credunt, & contremiscunt, vt dicit Iacobus 2. *cap.* Ergo habent fidem.

Respondeo dæmones quidem credere non fide diuina, sed naturali euidentia Deum esse, illòsque punire, aliàque huius generis mysteria: cognoscunt namque naturali euidentia plura esse miracula facta in confirmationem fidei. Ergo cognoscunt fidem veram esse. Adde cognoscunt euidenter mysteria fidei, sibi fuisse, cum fuerunt in via, reuelata. Ergo cognoscunt vera esse: siquidem reuelatio de falsis esse non potest. Hæc tamen cognitio non est fidei, sed scientiæ naturalis. Quapropter non est dæmonibus libera, sed necessaria quoad speciem, & aliquando quoad exercitium, cum obiecta necessariò obiiciuntur.

Quòd si vrgeas, si credulitas dæmonum non sit fidei diuinæ, sed naturalis scientiæ, malè infert Iacobus comparando fidem dæmonum fidei hominis existentis in peccato: nam hæc fides supernaturalis est, & initium salutis, non tamen dæmonis credulitas.

Respondetur optinè comparare; comparatio enim ad hunc finem facta est, ne gloriatur peccator habens fidem, & credendo in Deum, iustificari, & beatitudinem consequi, quia opera bona faciat; & ratione huius finis subiungit. *Dæmones credunt, & contremiscunt.* quasi diceret, si gloriaris te iustificari posse ex sola fide in Deum, etiam gloriari possent dæmones, qui credunt, & contremiscunt; sed cum ij non obstante eiusmodi credulitate euidenti gloriari non possunt, quia iustificari nequeunt: ita neque tu gloriari poteris, quia iustificari nequis ex sola fide sine operibus.

Secundò obijcio. Plures ex hominibus fidelibus, qui damnantur, nullum actum infidelitatis exercuerunt. Ergo non amiserunt fidem. Ergo illam retinent, hoc enim videtur conueniens, ut sic fideles ab infidelibus meliùs distinguantur.

Respondeo non amisisse fidem in vita, at cum primum damnantur, illa spoliari, tum quia indigni sunt tanto bono: tum quia esset inutilis, & extra finem beatitudinis, ad quem comparandum ordinatur. Neque obinde fit non distingui ab infidelibus, quia distinguuntur per characterem baptismalem, qui in eis remanet, vel ex grauiori pœna, quam patiuntur ob maiorem Dei cognitionem, qua abusi sunt.

7 Dico terciò. In beatis neque fides quoad habitum, neque quoad actum residet. Est communis Theologorum sententia. Valent. *disp. 1. quest. 5. p. 2. vers. Respondeo*, pag. 352. Coninch *disp. 11. dub. 1. concl. 1. & disp. 17. dub. 4. conclus. 1. & 2.* Et videtur probari manifestè ex Apostolo 1. *Corinth. 13.* ubi loquens de tribus virtutibus theologalibus, fide, spe, & charitate, de sola charitate dicit nunquam excidere; secus de fide, & spe. Inquit enim, *cum venerit, quod perfectum est, euacuabitur quod ex parte est.* cum successerit cognitio perfecta visionis, cessabit cognitio, quæ ex parte, & per ænigma habetur. Ratio est, quia superfluit cognitio obscura, & ænigmatica supernaturalis, cum clara supernaturalis succedit.

8 Dico quartò. In animabus existentibus in Purgatorio datur fides quoad actum, & habitum; quia non est ratio, quare illa spoliarentur, cum nondum peruenierint ad patriam, nec visionem Dei fruuntur. Item dum sunt in Purgatorio, quasi à Domino peregrinantur, pro quo statu conceditur fides, sic Malder. 2. 2. *quest. 5. art. 2. dub. 3.* Coninch *disp. 17. dub. 4. conclus. 3.*

9 Dico quintò. In hæreticis dissentientibus ex voluntate alicui articulo fidei, fides non manet. Conclusio videtur omnino certa ex Trident. *sess. 6. cap. 15.* affirmante infidelitate amitti fidem. Sed hæresis pars est infidelitatis. Ergo per hæresim amittitur fides. Item Paul. 1. *ad Timoth. 1.* dicit hæreticum naufragari à fide, id est, naufragium in fide facere, ac proinde illam perdere: ut bene explicat Chrysostom. *homil. 5.* super illum locum. Et ratio videtur manifesta; quia dissentiens alicui articulo, fidem illius articuli habere non potest. Ergo neque illam habere potest respectu aliorum articulorum; quia non est multiplex fides, sed una, & indiuisibilis. Et confirmo. Dissensus vnus articuli æquè repugnat fidei, ac quodlibet peccatum mortale charitati: sed per quodlibet peccatum mortale amittitur charitas. Ergo per quemlibet dissensum amittitur fides. Neque obstat te videri post illum dissensum eodem modo assentiri reliquis fidei obiectis, ac antea assentiebas; quia id prouenit ex fide acquisita, quam habebas.

PUNCTUM VII.

Quæ requirantur ad actum fidei, & qualis ille sit.

- 1 Prærequiritur iudicium intellectus de euidencia credibilitatis rerum fidei.
- 2 Prærequiritur ex parte voluntatis pia affectio.
- 3 Explicatur, ad quam virtutem supradicti actus pertineant.
- 4 Actus fidei non solum est supernaturalis quoad modum, sed etiam in sua substantia.
- 5 Si fiat à peccatore est meritorius de congruo, si ab homine iusto, de condigno.
- 6 Fides initium est nostra salutis.

1 Fides dupliciter exerceri potest. Primò actu interiori. Secundò exteriori. Interiori exercetur, cum

intellectus reuelatis ob testimonium Dei assentitur: Exteriori, cum operibus, & signis exterioribus hunc assensum manifestas.

Et primò examinandum est, quæ requirantur ad actum internum fidei, ut meritorius sit, & initium nostræ salutis.

Dicendum omnino est cum communi omnium sententia prærequiri primò iudicium intellectus, quo iudices res fidei esse euidenter credibiles. Probo, quia fidei assensus est firmus omnem dubitationem excludens: at nequis firmiter, & sine vlla dubitatione velle assentiri obiecto, dum probabiliter iudicas non ita esse. Ergo ad assensum fidei carere debes omni iudicio probabilis, quòd res fidei non ita sit: ex alia autem parte, cum res fidei, & reuelatio illarum tibi non appareat, moueri non poteris ad illarum assensum firmiter exhibendum, quin cognoscas ex aliquibus extrinsecis rationibus, & notis euidenter digna esse creditu. Prærequiritur ergo hoc iudicium ad fidem. Et confirmo: si probabiliter tantum cognosceres esse credenda, neque deberes, nec polles firmiter, & indubitanter, sed solum probabiliter eis assentiri: at fidei assensus firmus, & indubitatus esse debet. Ergo.

2 Dico secundò, prærequiri actum voluntatis, qui pia affectio vocatur: est sententia recepta D. Thom. & omnium expositorum 2. 2. *quest. 1. art. 4.* Ratio est manifesta, quia obiectum fidei est obscurum. Ergo ex se non valet intellectum trahere ad illius assensum; indiget ergo motione voluntatis. Secundò, quia fidei actus, qui initium est nostræ iustificationis, debet esse liber, ut constet ex Trident. *sess. 6. cap. 6. ibi, liberè mouentur in Deum, credentes vera esse, quæ diuinitus reuelata sunt, &c.* sed non potest esse liber, nisi actus voluntatis intueatur, à qua est omnis libertas. Ergo.

3 Sed inquires, cuius virtutis sint actus ij, qui ad actum fidei prærequiruntur?

Respondeo. Si loquamur de actu illo iudicij, quo iudicas euidenter res fidei esse dignas creditu, ad nullam virtutem pertinet; est enim actus speculatiuus scientiæ imperfectæ, quo cum compati potest ex mala voluntate fidei dissensus. At si de illo actu iudicij, quo iudicas hic, & nunc, conueniens esse, te rebus fidei propositis assentiri, loquamur, ad virtutem prudentiæ pertinere debet, siquidem dirigit voluntatem ad rectam operationem. De actu autem, quo voluntas intellectum mouet ad fidei assensum, credo ad virtutem fidei pertinere. Probo, quia fertur in fidei honestatem; determinat enim intellectum ad fidei assensum ob honestatem, quam in tali assensu reperit; reperit enim esse honestum conformari nostrum intellectum cum diuina veritate, illique adherere: & ex tali honestate determinat intellectum ad assensum fidei. Ergo ad fidei virtutem debet pertinere. Deinde hic actus voluntatis, qui est pia affectio, est ex speciali gratia Dei, ut videtur apertè definitum in Concilio Araulican. *cap. 5.* Ergo si pertinet ad aliquam virtutem, non ad aliam nisi fidem. Ergo. Probo minorem; quia neque est actus obedientiæ, nec religionis formaliter, non obedientiæ, quia non determinat intellectum ad assensum fidei ut sibi præceptum, quæ est formalis ratio obedientiæ; neque etiam determinat intellectum ad fidei assensum, ut per illum exhibeat cultum Deo debitum, ipsumque honoretur. Restat ergo, ut sit actus fidei. Item talis actus est supernaturalis quoad substantiam: ut ex communi sententia supponit Mol. in *concord. disp. 8. sub finem.* Suarez *tom. 1. in 3. p. quest. 7. art. 3. in com.* Quare plures Doctores ad illius connaturalem effectum postulant habitum infusum. sic Mol. & Suarez *suprà.* Lorca 2. 2. *disp. 25.* Valent. *ibi disp. 1. quest. 1. p. 4. dub. 1. in respons. ad 3. arg.* Coninch *disp. 13. dub. 5. conclus. 2. & dub. 6. conclus. 6.* Sed talis actus, & habitus supernaturalis esse non potest nisi fides: tum quia potest

potest esse in peccatore non habente spem, nec charitatem; tunc quia pertinet ad fundamentum, & initium iustificationis. Ergo ad fidem. Neque obstat iudicium præcedens talem actum esse naturale, quominus actus voluntatis supernaturalis sit; quia eius supernaturalitas non dependet ex iudicio naturali, vel supernaturali, sed ex concursu supernaturali, quo efficitur; qui concursus intercedere potest, etiam si cognitio naturalis præcesserit. Adde actum fidei factum ab homine iusto meritorium esse vitæ æternæ; sed non potest esse meritorium, nisi ex actu supernaturali libero voluntatis imperetur. Ergo actus imperans assensum fidei supernaturalis est, & ad virtutem fidei pertinet.

Ex quo fit huiusmodi actum voluntatis vitiari nullo modo posse; quia non potest vitiari quod supernaturale est, & ex gratia Christi: aliàs gratia, & peccatum confunderentur, & peccatum esset à Deo, quod implicat. sic Bannes 2.2. *quest. 4. art. 5. dub. 2.* Torres *disp. 3.3. dub. 1.* Coninch *disp. 14. dub. 3. concl. 1. & 2.* Vasquez 1.2. *disp. 44. cap. 3.*

4 Rursus actus fidei non solum est supernaturalis quoad modum, sed etiam in sua substantia: sic docent ex communi sententia Molin. *in concord. disp. 3.6. §. cum autem sub finem.* Torres 2.2. *disp. 46. dub. 3.* Coninch *disp. 4. dub. 3.* & colligitur satis ex Trident. *sess. 6. can. 3.* ubi anathematizat dicentem sine adiutorio Dei posse credere, sperare, pœnitere, sicut oportet ad salutem. Ratio ea est, quia seclusa omni difficultate extrinseca viribus naturæ elicere non potes actum fidei, à quo tua salus habeat initium: aliàs à te inciperet iustificatio, sed actus, qui ex se spectatus viribus naturæ elicere non potest, est supernaturalis in sua substantia, ut de se constat. Ergo.

5 Deinde certum est actum fidei imperatum à voluntate peccatoris meritorium esse solum de congruo habitus fidei, vel illius augmenti, & gratiæ iustificantis: at si elicitus sit ab homine iusto, meritorium erit de condigno augmenti fidei, gratiæ, & gloriæ. Priorem partem de merito congruo probō; quia hoc meritum consistit solum in quadam convenientia, & decencia ipsius operis meritorij, cum beneficio, quod impetrare intendit, quam convenienciam, & decenciam habet quicumque peccator operans ex gratia Dei actus supernaturales; est enim conveniens, & decens, ut sic operanti beneficia gratiæ conferantur: sed quia Deus, qui talia beneficia collaturus est, nulla ratione ad sic conferendum est obligatus; efficitur sanè illud opus non esse meritorium de condigno, nec de iustitia, sed solum de congruo. Adde nullum opus factum à peccatore condignum esse potest tanto beneficio. Ergo. Quod si actus fidei ab homine iusto eliciatur, tunc certe meritorium erit de condigno augmenti, fidei, gratiæ, & gloriæ, eo quod ad rationem condigni meriti duo præcipue requiruntur, & condignitas operis cum præmio, & promissio de præmio dando ob tale opus. Sed hæc duo in præsentem intercedunt, intercedit enim condignitas: siquidem est opus supernaturale factum à filio adoptivo, & ob præmium assequendum. Est item facta promissio à Deo de retributione ipsius. Ergo nihil deest ad meritum de condigno. Porro ad meritum de condigno requiri promissionem præmiantis optime probat Suarez *opuscul. de veniſcentia meritorum, disp. 1. sect. 3. num. 8.* Coninch *disp. 8. de merit. dub. 4. conclus. 3.* Ea, inquam, ratione, quia absque tali promissione obligari nullo modo potest Deus ad præmium aliquod concedendum; non enim obligari potest neque ex iustitia, neque ex fidelitate, quæ promissionem supponit: neque etiam ex gratitudine; siquidem nullum commodum ex nostris operibus ipsi accrescit. Ergo non potest esse meritum de condigno, seclusa promissione. Adde ideo Christum Dominum non meruisse, ut omnes de facto salvi essent;

quia defuit promissio patris concedens illi in præmium omnium salutem. Ergo promissio ad meritum de condigno requiritur.

6 Tandem certum est fidem initium esse nostræ salutis, tradit Trident. *sess. 6. cap. 8.* Sed quia fides sumi potest secundum habitum, vel secundum actum, dicendum est, esse initium iustificationis formalis fidem secundum habitum, quia habitu fidei formaliter incipimus iustificari; ponimus enim habitibus non iustificari formaliter: actibus autem ad iustificationem disponi. quare actu fidei ad iustificationem incipimus disponi; est enim primus actus, quo viam gratiæ consequendæ paramus. Neque in his inter Catholicos potest esse controuersia.

PUNCTUM VIII.

An sine fine supernaturali iustificari possit.

- 1 *Explicatur controuersia.*
- 2 *In habitum, sine in actu omnibus est ad salutem fides necessaria necessitate mediæ.*
- 3 *Diversimodè adultis, & parvulis est fides necessaria.*
- 4 *Proponitur obiectio de nutritio in syluis. Et satis.*

1 **E**X resolutione huius difficultatis constabit, quæ ratione sit fides ad nostram iustificationem necessaria.

Dupliciter fides sumi potest, vel pro habitu, vel pro actu. Item de duplici necessitate sermo esse potest. Alia quæ vocatur necessitas mediæ; alia præcepti. Illud ergo dicitur necessarium necessitate mediæ ad salutem, sine quo salus nulla ratione secundum legem ordinariam obtineri potest; siue omittatur culpabiliter, siue inculpabiliter, siue ex ignorantia, siue ex malitia. Illud verò dicitur necessarium necessitate præcepti, quod solum ex præcepto obligaris exequi. Vnde si ex ignorantia, vel ex aliqua impossibilitate omittatur, non obest saluti. sic explicat hanc necessitatem mediæ, & præcepti ex communi sententia Valent. *tom. 3. disp. 1. quest. 2. punct. 2.* Coninch *disp. 14. dub. 8. num. 91.* Sanchez *lib. 2. in Decalog. cap. 2. num. 1.*

2 Dicendum ergo est fidem siue in actu, siue in habitu, omnibus ad primam salutem esse necessariam necessitate mediæ. Conclusio est certa de fide, ex illo Paul. *ad Hebr. 11.* affirmantis sine fide impossibile esse placere Deo. Ergo eius necessitas est omnimoda: aliàs possibile esset in aliquo casu Deo placere sine ipsa, sicuti quia Baptismus, & sacramentum Pœnitentiæ in re, & de facto suscepta, non sunt necessaria necessitate mediæ ad salutem, sed solum necessitate præcepti, contingere potest salus absque illis susceptis, quando scilicet non suppetit occasio illa suscipiendi: at sine fide nemini contingit salus. Ergo est necessaria necessitate mediæ. & ita traditur à Trident. *sess. 6. cap. 7.* ibi causa instrumentalitatis nostræ iustificationis est Baptismus, quod est sacramentum fidei, *sine qua nulli unquam contigit iustificatio.* & cap. 8. dicitur, *Fides est humana salutis initium, fundamentum, & radix omnis iustificationis.* Neque obstat simili forma, qua usus est Paul. de fide, usum esse Ioannem de sacramento Baptismi: inquit enim Ioan. 3. *Nisi quis renatus fuerit ex aqua, & Spiritu sancto, non potest introire in regnum Dei.* at illa forma non obstante non inducit necessitas mediæ, sed solum præcepti in Baptismo. Ergo ex illis verbis Pauli, *Sine fide impossibile est placere Deo*, solum necessitas præcepti, & non mediæ est inferenda. Non, inquam, obstat, quia licet modus loquendi, in utroque loco similis fuerit: at quia Baptismus & in re, & in voto suscipi potest; Ecclesia explicuit sufficere ad salutem votum Baptismi, quando non

non suppetit occasio in re illud suscipiendi. At fides in voto suscipi non potest, quin in re ipsa habeatur. Ergo fides semper est medium necessarium. Adde, votum Baptismi sufficiens ad iustificationem esse non potest sine fide. Ergo ex eo quod Baptismus in voto saltem necessarius sit, optimè inferitur fidem in re omnino esse necessariam.

3 Aduerto tamen diuersimodè paruulis, & adultis fidem esse necessariam ad iustificationem: paruulis namque, seu earentibus vsu rationis, est fides necessaria in habitu, quia actu capaces non sunt: at adultis est fides necessaria etiam secundum actum; tenetur enim quilibet adultus se ad gratiam suscipiendam actu aliquo supernaturali fidei disponere. sic Cano *relect. de sacrament. in genere p. 1. quest. 2. conclus. 1.* vbi erroris damnat oppositam sententiam. consentit Valent. *disp. 1. q. 2. p. 1. Bannes 2. 2. q. 2. art. 8. dub. 1. Coninch disp. 4. dub. 8. conclus. 1. num. 91. Sanchez lib. 2. in Decal. cap. 2. num. 3. & 4. Suarez de fide disp. 12. sect. 2. num. 5.* Et probari satis potest ex illo Ioann. 3. *Qui autem non crediderit, iam iudicatus est.* & ex illo Marc. ult. *Qui vero non crediderit, condemnabitur.* Est ergo fides in actu adultis necessaria. Ratio autem, quare hic actus fidei necessarius sit ad iustificationem, est, quia nemini adulto, & ratione videnti contingit iustificatio, nisi iustificationem speret, & de peccatis doleat, Deumque super omnia saltem virtualiter diligat, ex Trident. *sess. 6. cap. 7. & 8.* Sed hæc esse non possunt sine actu fidei, quo credat & Deum esse, & posse omnia hæc bona illi conferre. Quapropter dixit Paul. Accedentem ad Deum oportet credere, & quia est, & quod remunerator sit. Ergo fides secundum actum est omnibus adultis necessaria. Ex quo fit huiusmodi actum debere esse supernaturalem in se, & ex parte principij: siquidem debet necessariò ex auxilio gratiæ procedere, iuxta illud Ioann. 6. vbi Christus dicit, *Nemo potest venire ad me, nisi Pater, qui misit me, traxerit eum;* debet autem venire per fidem, ut constat ex contextu. Ergo requiritur fides ex auxilio Dei, estque definitio expressa Trident. *sess. 6. can. 3.* Item debet esse supernaturalis ex parte obiecti; debes enim credere obiectum, quod solis naturæ viribus primò cognosci non potest, quia fides, quam Paul. exposulat necessariam ad salutem, est sperandarum substantia rerum, argumentum non apparentium. Ergo est de rebus, quæ lumine naturali apparere non possunt. sic Sanchez, Bannes, Valent. Coninch. *suprà.*

4 Solùm video obiici posse aduersus supradicta, contingere posse aliquem ita in remotissimis partibus esse nutritum, ut nullo modo notitia fidei ad eum accedat, nec per ipsum stet illam habere: at tunc hic consequitur salutem & non ex fide. Ergo fides necessaria non est.

Respondeo cum Valent. 2. 2. *disp. 1. q. 2. p. 1. pag. 294.* Sanchez lib. 2. cap. 2. num. 4. Suarez illa *disp. 12. de fide sect. 2. num. 15.* Si gratia diuina præuentus legem naturalem seruauit, credendum est de diuina providentia illuminandum fore vel à Deo, Angelo, vel homine aliunde misso; quia hæc illuminatio necessariò inferitur ex eo, quod Deus statuerit neminem sibi esse placitum nisi ex fide, & ex eo quod statuerit non denegari adulto ex diuina gratia, facienti quod in se est, media ad salutem necessaria; statuit enim illuminare omnem hominem venientem in hunc mundum.

PUNCTUM IX.

Quorum mysteriorum debet quis actualem fidem habere ex necessitate mediij.

- 1 *Premittitur dupliciter mysterium fidei cognosci posse implicite, & explicitè. In cognitione explicita alienius rei esse gradus.*

- 2 *Ante promulgationem Euangelij necessaria, & sufficiens erat fides explicita de Deo, & implicita Christi mediatoris.*
- 3 *In quo implicita Christi cognitio consistat, explicatur.*
- 4 *Falsa promulgatione Euangelij cognitionem explicitam Christi, & Trinitatis affirmant aliqui esse necessariam necessitate mediij ad gloriam, non tamen ad primam gratiam.*
- 5 *Alij affirmant utrique saluti necessariam esse.*
- 6 *Infirmantur supradictæ rationes.*
- 7 *Explicita notitia Trinitatis, & Incarnationis non est necessaria necessitate mediij, sed præcepti, ut probabilius defenditur.*
- 8 *Explicatur locus Marc. ult. Qui crediderit, & baptizatus fuerit, saluus erit; qui vero non crediderit, condemnabitur.*

Dupliciter mysteria fidei cognosci possunt, explicitè & implicite. Explicitè cognoscitur mysterium, quando in seipso cognoscitur, implicite quando in aliquo alio. Exemplo rem declaro. Dupliciter lucem cognoscere potest, vel in se ipsa, vel cognoscendo solem, qui illam continet; quando cognoscis lucem, cognoscendo solem, diceris cognoscere implicite, quando vterius lucem in se ipsa cognoscis, diceris cognoscere explicitè. Et in præsentī materia proponitur tibi Deus, ut author gratiæ, & gloriæ, & tali propositioni assentiens, tunc illud mysterium explicitè cognoscis: at si tibi aliqua vniuersalis ratio credenda proponatur, v. g. esse credendum, quidquid à Deo est reuelatum, tunc mysteria fidei in particulari implicite tantum cognoscis, quatenus in illa vniuersali ratione virtualiter, & implicite continetur.

2 Secundò suppono in cognitione explicita alicuius rei esse gradus: alia est enim cognitio confusa, alia distincta, alia magis distincta. His positīs,

Conclusio sit. Ante promulgationem Euangelij necessaria, & sufficiens erat fides explicita de Deo auctore supernaturali, & implicita Christi mediatoris. Quod fuerit necessaria illa fides, ex supradicto puncto constat; quod sufficiat implicita Christi mediatoris, mihi probat manifestè locus ille *Actuum 10.* vbi de Cornelio dicitur fuisse virum iustum, & religiosum, cuius preces, & elemosynæ ascendeant coram Deo. In quibus verbis insinuat clare habere gratiam, & iustitiam: & ita tradunt communiter Patres. August. *lib. de prædestinat. Sanct. cap. 7. & 84. in Luit.* Gregor. *homil. 13. in Ezechiel.* Chrysostom. *sermone de fide, & lege natura.* D. Thom. 2. 2. *quest. 10. art. 4. circa argum. sed contra. & 3. p. quest. 69. art. 4. ad 2.* At tunc Cornelius de Christo, & Trinitate non habebat explicitam notitiam; siquidem à Petro fuit postea de illa instructus. Ergo sine notitia Christi, & Trinitatis explicita potuit ante promulgationem Euangelij stare iustitia: & ita tradit Valent. *disp. 1. quest. 2. p. 4. vers. secunda.* Sanchez lib. 2. cap. 2. num. 7. Suarez plures referens *disp. 12. sect. 13. num. 14.* Quod verò semper fuerit necessaria ad salutem, implicita Christi, & Trinitatis cognitio, inde videtur probari; quia non est aliud nomen datum hominibus, in quo oporteat nos saluos fieri, præter Christi nomen, *Act. 4.* Idem probatur *ad Rom. 3.* vbi æqualiter dicit omnes peccasse, & egere gloria Dei iustificati gratis per gratiam ipsius per redemptionem, quæ est in Christo Iesu, quem proposuit Deus propitiationem per fidem in sanguine ipsius. Ergo saltem de fide implicita debet intelligi. *Ad Galat. 3.* Gentes iustificantur ex fide illius, qui fuit Abraham promissus: Christus autem cognosci non potest, non cognita Trinitate; quia non potest cognosci filius Patris, & conceptus ex Spiritu sancto. Ergo quæ ratione fuerit necessaria cognitio Christi, erit necessaria cognitio Trinitatis: sed de Christo ante promulgationem

tionem Euangelij non videtur necessaria explicita cognitio, sed solum implicita. Ergo neque Trinitatis.

3 In quo autem hæc implicita cognitio consistat, non satis constat inter Doctores. Valent. 2.2. disp. 1. q. 2. punct. 4. col. 3 17. versic. sed in promptu. Sanchez lib. 2. cap. 2. num. 7. Suarez disput. 12. sect. 3. num. 17. existimant hanc implicitam Christi fidem contineri sufficienter in aliquo actu supernaturali, quo explicite, & supernaturaliter cognoscatur Deum esse, & authorem donorum supernaturalium ad peccatorum remedium; quia in huiusmodi obiecto continetur implicitè Trinitatis, & Incarnationis mysterium. Quapropter Paulus solum exposulauit te cognoscere Deum esse, & esse supernaturalium bonorum remuneratorem. Ergo non requirit, vt cognoscat futurum esse in mundo aliquem mediatorem. Cæterum mihi videtur implicitam cognitionem de Christo exposulare necessariò, explicitam alicuius mediatoris, quo à peccatis liberandus sis, & gloriam obtineas: neque sufficere illam vniuersalem, & confusam notitiam de Deo authore supernaturali, potente remittere peccata mediis, quibus ipse voluerit: nam in huiusmodi obiecto non continetur implicitè Christus Deus, & homo: siquidem stare optimè potest Deum esse authorem supernaturalem, & remittere peccata, gloriamque concedere, quin fuerit homo. Ergo in illa cognitione hoc obiectum implicitè non continetur. Quòd si dicas te credere Deum esse authorem supernaturalem, & remittere peccata mediis sibi placitis, & in hac fide contineri implicitè fidem Christi, siquidem præcipuum medium, quo Deus voluit remittere peccata, fuit suus vnigenitus filius, quem constituit propitiationem peccatis nostris; infertur sanè eodem modo dici posse implicitam fidem omnium sacramentorum, & prædicationis Apostolorum, & aliorum, quibus salutem consequuntur homines, esse necessariam, siquidem in illa cognitione implicitè omnia hæc continentur: at Scriptura, & Patres alio modo fidem Christi, quàm sacramentorum, prædicationis, & aliorum mediatorum requirunt. Ergo ultra illam ita confusam cognitionem exposulanda est cognitio explicita mediatoris, etiamsi explicite non cognoscas hunc mediatorem esse Deum, & hominem, passioni, & morti subiectum.

Dices, plures ante Christi aduentum nullam habuerunt notitiam explicitam mediatoris. Et quidem Abraham videtur primò reuelata; & tamen fuerunt iustificati. Item ad contritionem solum videtur requiri cognitio supernaturalis Dei offensi, potentis peccatum remittere. Ergo non requiritur cognitio mediatoris ad iustificationem?

Respondetur nullum iustum caruisse notitia mediatoris: nam primo parenti post peccatum hæc fuit data, vt dixit Leo *serm. 2. de natiuit. Christi*. Abraham autem fuit data clara, & patens notitia, de suo semine esse futurum, quòd si pluribus sæculis illa homines caruerint, non diuinæ providentiæ, sed eorum peccatis attribuendum est. Quapropter si ipsi legem naturalem seruassent diuina gratia adiuti, Deus illis tribueret notitiam mediatoris.

Ad confirmationem dico solum probare ex natura rei non esse necessarium ad iustificationem cognoscere esse aliquem mediatorem: at supposito, quòd Deus noluerit iustificationem concedere, nisi ex meritis sui vnigeniti, infertur nolle iustificare, nisi suus vnigenitus cognoscatur saltem sub illa confusa cognitione mediatoris; & ita tenet Magist. in 3. distinct. 25. Lorca plures referens 2.2. disp. 21. num. 4. Coninch disp. 14. dub. 9. conclus. 2.

4 Difficultas ergo est, an facta promulgatione Euangelij fuerit cognitio explicita Christi, & Trinitatis ne-

cessaria necessitate medij ad salutem; an tantum sit necessaria necessitate præcepti?

Variant Doctores Catholici: aliqui enim affirmant non esse necessariam necessitate præcepti ad primam salutem, scilicet gratiam; esse tamen ad vltimam, nempe gloriam: sic Canus *relect. de sacrament. in genere, p. 2. concl. 1.* Bannes 2.2. *quest. 2. art. 8. dub. vlt.* Castro lib. 2. *de lege pœnali, cap. 14.* Probant exemplo Cornelij, qui ante notitiam Christi explicitam fuit iustificatus; postea verò de notitia Christi instructus fuit à Petro: indigebat ergo illa notitia non ad habendam gratiam, siquidem erat iustus, sed ad obtinendam gloriam. Verum hoc argumentum infirmum est; potuit enim optimè instrui Cornelius de notitia Christi, quia hæc futura erat necessaria Cornelio necessitate præcepti: vel quia facta legis promulgatione futura etiam erat necessaria necessitate medij ad habendam gratiam, vel illam retinendam. Adde videri impossibile notitiam explicitam Christi esse necessariam ad gloriam, si ad gratiam necessaria non est; cum gratia sit ius ad gloriam; & necessariò gloria concedenda est habenti gratiam, cum ex hac vita decedit. Ergo non potest ad gloriam esse necessaria, & non ad gratiam: quòdque satis constat ex Trident. *sess. 6. cap. 16.* vbi ad consequendam vitam æternam nihil aliud exposulat, quàm vt in gratia decesseris.

5 Alij dicunt vtrique saluti esse necessariam necessitate medij, & finis hanc explicitam de Christo, & Trinitate notitiam: sic docuit Molin. in 1. part. *quest. 1. disp. 2.* Valent. 2.2. *disp. 1. quest. 2. punct. 4.* Sanchez lib. 2. in *Decalog. cap. 2. num. 8.* Carthusian. in 3. *quest. 1. §. præterea ad fidem.* Lorca 2.2. *disp. 21. num. 4.* Pelantius 2.2. *quest. 2. art. 7. dub. 1. conclus. 6.* Adducuntur in fauorem huius sententiæ D. Thom. Magist. Alens. D. Bonauent. Gabr. & alij, sed, vt bene expendit Coninch 2.2. *disp. 14. dub. 9. à num. 135.* de necessitate præcepti, & non de necessitate medij, & finis loquuntur. Præcipuum fundamentum est, quia lex Euangelica tota in Christo Domino fundata est, & ad eius gloriam ordinata: conueniens ergo erat, vt post illius promulgationem nemini pateret salus, nisi ex illius cognitione. Et confirmari potest. Primò, quia nemini pater salus, nisi per Baptismum in re, vel in voto susceptum, sed Baptismus continet expressam notitiam Trinitatis. Ergo hæc necessariò requiritur. Quòd si notitia Trinitatis expressa requiritur, & notitia Incarnationis requirenda est; quia propter hanc notitiam illa videtur exposulata. Secundò, quia nullus saluus esse potest, nisi Christianus fuerit, id est, Christo vnitus, & membrum ipsius: sed non potest esse Christo vnitus, & membrum ipsius, nisi illius habuerit expressam fidem: nam fidem implicitam etiam Iudæi habebant. Ergo. Tertiò, quia fides Dei explicita semper fuit necessaria necessitate medij ad salutem: sed facta promulgatione Euangelij est eodem modo necessaria fides Christi. Ergo. Probo minorem ex illo Ioannis 7. *Hæc est vita æterna, vt cognoscant se Deum verum, & quem misisti Iesum Christum.* Ergo eodem modo de cognitione Dei, & Christi dicitur esse veram, & necessariam ad vitam æternam.

6 Cæterum hæc argumenta non omnino conuincunt, vt ita grauem necessitatem hominibus imponamus. Fateor equidem legem Euangelicam in Christo Domino fundari, & ad eius gloriam reduci: hoc autem solum probat notitiam Christi explicitam habendam esse ex præcepto; quod tamen præceptum antiquis Patribus latum non erat. Confirmatio ex Baptismo non vrget. Concedo in Baptismo fidem explicitam Trinitatis profiteri; nego tamen inde inferri profitendam esse, quotiescumque iustificatis; quia ibi datur illa professio, quia est ianua Ecclesiæ, & cæterorum sacramentorum. In confirmatione secunda admittitur æquiuo

æquiocatio : si enim Christianum voces , quia est Christo vnitus, & membrum ipsius : omnes antiqui Patres iusti, qui fide explicita Christi carebant, erant hoc modo Christiani ; quia erant Christo vniti, & membra ipsius : sed quia nomen Christiani ampliùs quid dicit ; dicit enim esse Christo, qui iam venit, vnitum, ideo antiqui Patres non Christiani, sed Iudæi fideles dicebantur, credebant enim Christum nasciturum ; Christianus verò credit iam natum. Tertium argumentum conuinceret notitiã Spiritus sancti non fore necessariam ; siquidem solùm de Patre, & filio sit ibi mentio : cùm autem notitiã Spiritus sancti æquè ac de Patre, & filio sit necessaria, efficitur sanè aliter esse respondendum. Dicimus namque eodem modo de Deo, ac de Christo esse notitiã habendam : at sicut de Deo, vt est trinus, solùm notitiã implicita necessitate mediij requiritur, ita de Christo, vt est Deus, & homo, notitiã implicita requirenda est.

7 Quapropter probabilius censeo etiam facta promulgatione Euangelij non esse necessariam notitiã explicitam Trinitatis, aut mysterij Incarnationis, necessitate mediij, sed solùm præcepti : atque aded contingere alicui posset salus, quin explicitè cognosceret filium Dei incarnatum fuisse, & pro nobis passum esse ; sufficit, si cognoscat esse aliquem mediatorem : hanc conclusionem indicat satis D. Thom. 2. 2. quæst. 2. art. 7. ad 3. eam tenet Ricard. in 3. dist. 25. art. 4. quæst. 1. Sotus in 4. dist. 5. quæst. 1. art. 2. Vega lib. 6. in Trident. cap. 10. Cordub. lib. 2. quæst. 4. proposit. 3. Hentiquez lib. 4. de sacram. cap. 21. §. 2. Michaël Med. lib. 4. de recta in Deum fide, cap. 10. Suarez tom. 4. in 3. p. disp. 4. sect. 2. num. 17. in fine, & latius probat, & defendit disp. 12. de fide sect. 4. à num. 10. Eman. Saa verbo fidei, num. 1. Coninch disp. 14. dub. 9. num. 163. Torres disp. 27. dub. 7. & alij ab eisdem relati.

Ratio est, quia ex communi omnium sententiã, vt testatur Sanchez lib. 2. in Decal. cap. 2. num. 7. ante aduentum Christi, & ante promulgationem Euangelij non fuit necessaria explicita notitiã Christi, & Trinitatis ad salutem : at post Christi aduentum, & legem Euangelij publicatam non constat ampliùs notitiã Christi, & Trinitatis necessariam esse necessitate mediij. Ergo non est expostulanda. Consequentia est legitima ; quia sine manifesta ratione non debet necessitas ita grauis induci, & qua præcluditur salutis via tot insciis, & ignatis. Minorem probo ; quia omnia, quæ de necessitate fidei in Christum tradit Scriptura, & Patres, vel communia sunt iustis legis scriptæ, & gratiæ, vel explicari possunt optimè de necessitate præcepti, vel de fide implicita Dei, & hominis, & explicita mediatoris, vt ex supradictis liquet. Item ante aduentum Christi ex meritis ipsius dabatur hominibus salus, sed hoc non obstante sufficiebat fides Christi implicita. Ergo etiam modò debet sufficere saltem ex necessitate mediij. Adde non conuenire inter Doctores, quænam debeat esse hæc fides explicita in Christum. Nam quod aliqui affirmant debere esse omnium mysteriorum, quæ in Ecclesia de Christo celebrantur, valdè rigidum est, & viam salutis multis præcludit. Quod verò ait Sanchez lib. 2. cap. 2. num. 9. cum Bannes 2. 2. quæst. 2. art. 8. dub. ult. conclus. 3. & Valent. disp. 1. quæst. 2. p. 4. initio, debere esse de Christi morte, & resurrectione, ita vt cognoscas filium Dei verum Deum esse, & hominem totius humani generis redemptorem morte sua, non videtur cum sufficienti fundamento dictum ; quia non videtur maior ratio, quare explicitè credenda sit necessitate mediij mors Christi, & eius à mortuis resurrectio ; quàm eius in cælum ascensio, & aduentus in futurum iudicium : cùm hæc in symbolo æquè credenda proponantur. Efficitur ergo sanè, non esse hæc necessariò necessitate mediij credenda explicitè.

8 Neque contra hanc doctrinam video quid obici possit præter ea, quæ iam soluimus, nisi fortè locus ille Marc. ult. vbi Christus mittens discipulos ad prædicandum Euangelium dicit, *Qui crediderit, & baptizatus fuerit, saluus erit ; qui verò non crediderit, condemnabitur*. In quibus verbis alio modo de necessitate fidei, ac de Baptismo videtur loquutus ; siquidem dicit condemnandum esse qui non crediderit, non tamen qui baptizatus non fuerit ; quasi supponens Baptismum alia via suppleri posse, non tamen fidem. Ergo fides Christi est necessaria necessitate mediij. Verùm si hic locus aliquid probaret, probaret vtique fidem omnium, quæ in symbolo continentur, esse necessariam necessitate mediij : nam hæc præcipiebatur Apostolis prædicanda, cui si aliquis non credidisset, condemnaretur. Quapropter dico solùm ex illo loquendi modo colligi posse, absque Baptismo in re suscepto posse aliquando salutem obtineri, non tamen absque fide explicita, vel implicita.

PUNCTVM X.

Quorum mysteriorum debeat vnusquisque habere fidem ex necessitate præcepti.

- 1 Quatenus fideles sunt omnes, æqualem notitiã habere debent, sed quatenus Parochi, Episcopi, &c. specialem, vt suo muneri satisfaciant.
- 2 Proponitur triplex sententiã de obligatione cognoscendi explicitè mysteria fidei, quæ in Ecclesia solemniter celebrantur.
- 3 Probabilium est quemlibet Christianum obligatum esse explicitè credere, quæ in symbolo Apostolorum continentur.
- 4 Proponuntur quædam obiectiones.
- 5 Soluuntur, & explicatur, quæ notitiã requisita sit illorum, quæ in symbolo Apostolorum continentur.
- 6 Explicita cognitio aliorum, quæ solemniter ab Ecclesia celebrantur, quæque in symbolo Apostolorum non continentur, necessaria non est.
- 7 Quid dicendum de sacramentis ?
- 8 Quid de præceptis Decalogi, Ecclesia, & operibus misericordia, oratione Dominica ?
- 9 Non est necessarium hæc scire per ordinem, sufficit, si quoad substantiam hæc scias.
- 10 Satisfit difficultati sciendi mysteria fidei.
- 11 Quæ scientia in Prælati, & pastoribus debeat esse mysteriorum fidei.

1 Non inquirimus, quando actu fidei tenearis mysteriis reuelatis assentiri ; hoc enim examinabitur puncto sequenti. sed inquirimus, quam notitiã habere debeas mysteriorum fidei, vt possis præcepto fidei satisfacere. Ex eodem tamen præcepto, quo teneris reuelata credere, teneris scire, quæ reuelata sunt ; quia huic præcepto satisfacere nulla ratione potes absque cognitione illorum, quibus assentiri debes : tradit Valent. 2. 2. disp. 1. q. 2. p. 3. fine. Azor tom. 1. lib. 8. cap. 7. q. 1. Sanchez lib. 2. c. 3. num. 1. Hoc autem præceptum fidei omnibus hominibus æquè commune est, quia illos astringit, quatenus sunt fideles, Christiani, ac proinde scientia mysteriorum fidei, vt huic præcepto fiat satis in omnibus æqualis requiritur : sed quia plures speciali dignitate, & officio in Ecclesia præfulgent, ratione huius dignitatis, & officij speciali scientia debent esse præditi, vt suo muneri satisfaciant. Quocirca Episcopi, Ecclesiarumque Prælati, pastores, & Doctores, cæteros omnes debent scientia antecellere. Inquirimus ergo quam scientiam mysteriorum fidei habere omnes debeant, vt fidei præcepto possint satisfacere ? Secundò quam scientiam habere debeant pastores, & Prælati, vt possint securè suum munus obire ?

1 Circa

1 Circa primam difficultatem, omisso errore aliquorum Juristarum affirmantium, sufficere Christiano credere articulos fidei implicite, credendo scilicet quidquid tenet Ecclesia, triplex est Catholicorum sententia. Prima affirmat teneri fidelem explicite scire, & credere omnes fidei articulos in symbolo Apostolorum contentos. Secundò quæ continentur in catechismo puerorum. Tertiò sufficere ait quæ solemniter in Ecclesia celebrantur: auctores harum sententiarum refert Sanchez *lib. 2. cap. 3. à num. 4.* Omnes tamen hæ sententiæ conveniunt à quolibet Christiano mysteria Trinitatis, & Incarnationis explicite sciri, & credi debere; quia hæc mysteria in symbolo Apostolorum, & catechismo puerorum, & solemniter in Ecclesia celebrantur. Ratio autem, quare hæc explicite credenda sunt, ea est, quia hæc prædicari, & publicari explicite omni creaturæ præceptum est Apostolis *Matth. ult. & Marc. ult.* cum Christus dixit, *predicate Evangelium omni creature*; in his enim Evangelij summa, & perfectio consistit. Ergo signum est omnem creaturam teneri illa scire, & credere, aliàs non fuisset mandatum explicite prædicari.

3 Cæterum, quia plura mysteria in Ecclesia celebrantur, pluraque in symbolo Apostolorum, & catechismo continentur, quæ in mysterio Incarnationis, & Trinitatis non videntur explicite contineri; cenfeo probabiliorem sententiam illam esse, quæ affirmat debere Christianum scire explicite, & credere quæ in Apostolico symbolo continentur. sic Castro *lib. 1. de iussu hæreticorum punis. cap. 9. col. 5.* Valent. *2. 2. disp. 1. quæst. 2. punct. 3. conclus. 2. & punct. 4. circa finem.* Sayrus in *clauiregia lib. 2. cap. 9. num. 15.* Malder. *ibidem quæst. 2. art. 7. conclus. ult.* Coninch *disput. 14. dub. 10. conclus. 2. num. 188.* Azor *tom. 1. lib. 8. institutionum moralium, cap. 6. quæst. 2. 3. & 4. & cap. 7. quæst. 3.* Vasquez *1. 2. disput. 121. cap. 2. n. 2.* Suarez *de fide, disput. 13. sect. 4.* & videtur constare ex *cap. ante viginti dies 54. cap. baptizandos 57. cap. non liceat 58. de consecrat. distinct. 4.* ubi præcipitur, ne adulti ad Baptismum recipiantur, quin prius sciuerint mysteria in symbolo contenta. Idem colligitur ex *cap. Deum qui, de penis. & remiss.* & ex catechismo Pij V. Ratio est, quia Apostoli antequam ad prædicandum Evangelium, & tradendam notitiam fidei per orbem dispersi fuissent, hoc symbolum composuerunt ea intentione, ut gentibus daretur notitia eorum, quæ credenda sunt. Ergo illa scire, & credere omnes obligantur. Item omnibus est præceptum scire, & credere explicite aliqua mysteria, quæ in symbolo continentur, ut tenet catholica sententia: & nullibi constat præceptum speciale circa aliquos articulos, & non circa omnes. Ergo dicendum est esse de omnibus præceptum; aliàs non erit huius præcepti certa materia. Deinde cum in opinione Doctorum positum esset, quos articulos deberet quilibet fidelis scire, & credere explicite, oportebat aliqua regula certa hanc controuersiam definire: at nulla aprior excogitari poterat, quàm symbolum Apostolorum: tum quia ab Apostolis fuit propositum, & ab Ecclesia semper approbatum: tum quia continet summam Evangelij. Ergo. Quod verò aliqui dicunt pro regula illorum, quæ credenda sunt, explicite habendam esse solemnitatem, & Ecclesiæ celebrationem: ita ut illa mysteria, quæ in Ecclesia solemniter celebrantur, debeant sciri, & credi explicite ex præcepto, mihi non probatur; sicut nec probatur Sanchez, Valent. Coninch, Suarez *suprà*; aliàs teneretur quis scire circumcissionem, præsentationem in templo, transfigurationem, purificationem B. Virginis, aduentum Spiritus sancti super discipulos, quorum non videtur necessaria expressa notitia.

4 Sed aduersus hanc conclusionem obijci potest primò plura mysteria in symbolo Apostolorum contineri, *Ferd. de Castro Sum. Mor. Pars I.*

de quibus non videris habere præceptum sciendi, & credendi explicite. Alia item non continentur in symbolo: & tamen de illis habes præceptum sciendi, & credendi. Ergo supradicta regula non est firma. Antecedens probo quoad primam partem. In symbolo continetur Deum esse creatorem cæli, & terræ: at non requiritur huius articuli cognitio expressa. Item continetur natum esse Christum ex Maria Virgine: & tamen non obligaris scire Mariam sanctissimam, Virginem fuisse semper: sicut non obligaris scire Christum passum fuisse sub Pontio Pilato, sufficit si passum esse cognoscas, nec videris obligari scire descendisse ad inferos, sufficit si mortuum esse, & resurrexisse scias. Sedere item ad dexteram Patris pauci intelligunt, sicuti neque communionem Sanctorum. Ergo plura sunt in symbolo, quorum non videris obligatus habere expressam notitiam. Ex alia parte plura sunt extra symbolum, quorum notitiam habere debeas, nempe circumcissionis, purificationis, præsentationis in templo, aduentus Spiritus sancti; quia indecens videtur esse, hæc in Ecclesia Catholica publice, & solemniter celebrari, & non artari fidelem ad illorum notitiam. Item teneris scire præcepta Decalogi, & Ecclesiæ, orationem Dominicam, septem sacramenta. Ergo symbolum Apostolorum non est sufficiens regula eorum, quæ credenda sunt. Secundò obijcio, præceptum latum omni fideli debet esse iuxta cuiusque capacitatem: at plures sunt ita insciji, & barbari, ut ea quæ in symbolo continentur, nec memoria percipere, nec sensum intelligere possunt. Ergo non est credendum omnibus esse datum hoc præceptum sciendi, & credendi ea explicite.

5 Hæ obiectiones expostulant explicare, qualis notitia haberi debeat horum mysteriorum. Dicendum ergo est, illam esse sufficientem, qua hæc mysteria cognoscantur secundum eorum substantiam, & quantum ex verbis symboli sic propositi percipi potest. Clarius autem notitia nemini fideli, quatenus talis est, præcipitur, aliàs Apostoli componentes symbolum, & tradentes per illud notitiam nostræ fidei diminutè processissent. Quocirca si mysteria consentanea in symbolo scias, & credas, prout continentur communiter in catechismo puerorum, sufficienter huic præcepto satisfacis: ut bene dicit Vasquez *1. 2. disput. 121. cap. 2.* Azor *lib. 8. cap. 6. quæst. 5.* Sanchez *lib. 2. cap. 3. num. 17.* Quapropter de mysterio Trinitatis, sufficit, si scias, & credas esse tres personas inter se distinctas, quarum quælibet sit Deus, neque obinde esse plures Deos, sed vnum tantum; qua verò ratione distinguantur, & quomodo vna persona ab alia procedat, Theologis relinquatur. Item debes scire hunc Deum esse creatorem cæli, & terræ; id est, hæc omnia produxisse, sed quâ ratione illa produxerit, an ex præsupposito subiecto, an ab æterno, non videtur omnibus necessarium scitu, ut bene dicit Suarez *disp. 13. de fide, sect. 4. num. 6.* contra Bannes *2. 2. quæst. 2. art. 8.* Item debes scire hunc Deum esse saluatorem, id est, tibi posse peccata remittere. Item esse glorificatorem in beatitudine æterna, & supernaturali animarum, & corporum, ac proinde ibi credimus carnis resurrectionem. Quia hæc mysteria ad Deum quatenus talis est, pertinent, & in symbolo Apostolico continentur. Præterea debes explicite cognoscere mysteria ad Christi humanitatem attinentia, quæque in symbolo, & in articulis fidei contenta sunt, & primò debes scire Christum Filium Dei esse verum Deum, & hominem, de Spiritu sancto, ex Maria Virgine conceptum; sic enim excellentiam Christi, & eius matris agnoscis: cognoscere autem Mariam sanctissimam semper mansisse Virginem, docet Suarez *num. 7.* non esse improbabile, necessarium non esse, quia non ita clarè, & distinctè fuit ab Apostolis traditum: fauet Sanchez *num. 17.* At credo cum ipso Suarez esse necessariò cognoscendum explicite,

citè, tum quia satis explicite ab Apostolis fuit traditum, cum dixerunt Christum Dominum natum fuisse ex Maria Virgine; nomen enim *Virginis*, absolute prolatum, quemlibet statum comprehendit. Item in articulis fidei, qui omnibus credendi proponuntur, expresse hoc traditur. Adde hoc esse convenientissimum tum ad vitandos errores, qui in illa materia oriri possunt, tum ad dignam æstimationem faciendam de sanctissima Dei matre: & ita tenet Coninch *disp. 14. de fide, dub. 10. num. 189*. Post Christi natiuitatem credenda proponitur eius passio, mors, descensus ad inferos, resurrectio, & sessio ad dexteram Patris, & aduentus in iudicium, quæ omnia scienda, & credenda sunt explicite: tum quia in symbolo Apostolico continentur: tum quia ita publice celebrantur ab Ecclesia: & ita tradit Sanchez *lib. 2. cap. 3. num. 6*. Verùm de descensione ad inferos sentit Suarez *tom. 2. in 3. p. disp. 43. sect. 2. in fin.* non esse necessarium fidelibus explicite hunc articulum scire, & credere; quia nec videtur res admodum fidelibus necessaria, & in symbolo Niceno est omissus. quod certe probabile est non esse necessarium sub graui culpa: sicut non est necessarium circumstantias passionis cognoscere, videlicet, passum esse sub Pontio Pilato: sufficit, si cognoscatur esse passum; de illo verò articulo quo credis sedere ad dexteram Patris, propter eius difficultatem aliqui dubitarunt, an debeas explicite scire, & credere, & negare videtur Azor *lib. 8. c. 6. q. 5. & Sanchez lib. 2. cap. 3. n. 17*. At existimo aliqualem illius notitiam te habere debere: debes enim scire Christum ascendentem in cælum habere in illo supremum locum, ut homo est, & æqualem Patri, ut Deus est; quia hoc pertinet ad dignam Christi æstimationem, & debitum honorem exhibendum. Præter hos articulos de Christi humanitate, & diuinitate adduntur in symbolo Apostolico duo, in quibus est aliqua difficultas, debeantne explicite sciri, & credi: nempe Catholica Ecclesia, & communio Sanctorum. Et quidem de Catholica Ecclesia nemini potest esse dubium, ab omnibus sciendum esse; quia omnes tenentur scire sub hac professione fidei esse salutem, & extra non esse. sic Vasquez *1. 2. disp. 121. cap. 2*. Azor *tom. 1. lib. 8. cap. 6. quest. 5*. Sanchez *lib. 2. cap. 3. num. 8*. Coninch *disp. 14. dub. 10. num. 189*. Suarez *de fide, disp. 13. sect. 4. num. 10*. De communione Sanctorum Vasquez, Sanchez, Suarez, Coninch *suprà*, docent non esse necessarium explicite scire, & credere; quia vix docti percipiunt sensum huius articuli, quidni vulgus imperitum? At credo probabilius omnes obligatos esse scire, & credere substantiam illius articuli: tum quia in symbolo continetur, & non videtur specialis ratio eximendi hunc articulum à generali obligatione sciendi articulos fidei in symbolo contentos, præcipue cum convenientissimum sit, ut charitas inter fideles augeatur, scientes hanc inter se adesse spiritualium bonorum communicationem. Non tamen existimo obligatos esse fideles ad sciendum, quæ ratione hæc communicatio contingat? sufficit, si sciant contingere: quod certe à nullo etiam rustico videtur ignoratum, siquidem omnes petunt ab aliis, ut in suis orationibus memoriam illorum faciant. Sentiant ergo hanc communicationem adesse. Ex his patet solutio ad priorem partem argumenti.

6 Ad secundam partem argumenti, in qua enumerantur aliqua extra symbolum contenta, Lorca *2. 2. disp. 23. num. 12*. existimat ab omnibus fidelibus scienda esse, quæ solemniter Ecclesia celebrat, ac proinde circumcisionem, præsentationem in templo, transfigurationem, &c. Idem docet Coninch *disp. 14. dub. 10. n. 190*. sed non sub graui obligatione, sed leui. Sanchez *lib. 2. cap. 3. num. 6*. absolute negat, & supponit Valent. *2. 2. disp. 1. q. 2. p. 4. §. quarto, pag. 308*. Et placet, quia durum est omnes fideles hac obligatione astringi; aliàs tene-

rentur parochi de iis pœnitentes instruere, quod non videretur usu receptum. De aliis verò, quæ ibi enumerantur, etsi ratione fidei, & cognitionis sufficiat, ut dicit Valent. *p. 5. §. ad primum*, fidei articulos cognoscere; ac ratione operationis, & orationis, quæ à fidelibus sunt præstandæ, teneris scire, quæ in supradicto argumento enumerantur.

7 Quod ut clariùs constet discurremus per singula. Et primò de sacramentis, quorum aliqua sunt de necessitate, scilicet Baptismus, Eucharistia, & pœnitentia, quæ ab omnibus cognoscenda sunt. Baptismus enim debet cognosci, ut scias ipso remitti peccatum originale, & membrum Christi adaptari, & ad legem Evangelicam obligari. Pœnitentiæ cognitio est omnino tibi necessaria, ut si à prima gratia decideris, scias, quomodo possis resurgere. Eucharistia, ut scias sub illo Christum contineri, & adorari, & à fidelibus sumi, & ad illius susceptionem suo tempore obligari. sic docet Coninch *disp. 14. dub. 10. conclus. 3. num. 191*. Sanchez *lib. 2. cap. 3. num. 9*. Henriquez *lib. 6. de sacrament. cap. 18. num. 2*. Valent. *2. 2. disp. 1. quest. 2. punct. 5. post 2. conclus. dub. 1*. Suarez *de fide, disp. 13. sect. 4. num. 12*. Reliqua verò sacramenta confirmationis, extremæ vnctionis, ordinis, & matrimonij tenet Valent. & Suar. non esse obligationem illa sciendi, quia non sunt necessaria. At existimò, si tui compos confirmationem, vel extremam vnctionem suscepturus es, te obligatum esse, scire quid illis sacramentis significatur, sicut obligaris scire, cum matrimonio, vel ordinem suscipis; quia hæc scientia ad sacramentorum reuerentiam pertinet. sic Bannes *2. 2. quest. 2. art. 8. dub. 2*. Petrus de Ledesma *2. tom. sum. tract. 1. cap. 1. à conclus. 9*. Sanchez *lib. 2. cap. 3. num. 9*. Dum autem non decernis illa suscipere, etsi probabile sit te non esse obligatum illa scire; ac probabilius credo obligari; tum ut possis, si velis, illa recipere; tum ut gratum te Deo exhibeas pro tot remediis ad tuam salutem institutis. Et ita tenet expresse Coninch *disp. 14. dub. 10. conclus. 3. num. 192*. quamuis inclinet non esse obligationem sub graui culpa: consentit Sanchez *lib. 2. cap. 3. num. 9. fine*.

8 Rursus omnes conveniunt te obligatum esse scire præcepta Decalogi, & Ecclesiæ, quia horum cognitio necessaria est, ut scias quid debeas facere, quid vitare: sic Coninch *num. 193. conclus. 4*. Sanchez *num. 10*. Suarez *disp. 13. sect. 4. n. 11*. Valent. *disp. 1. quest. 2. punct. 5. vers. item*. Opera verò misericordiæ solùm quatenus in præceptis continentur, est tibi obligatio sciendi, ut bene dicit Valent. & Sanchez *suprà*. Restat dicendum de oratione Dominica, cuius notitiam credit Suarez *disp. 13. sect. 4. de fide, num. 12. fine*, nullibi esse præceptam, & solùm esse probabile sub veniali obligare. At credo sub graui culpa obligationem esse illa sciendi secundum substantiam: sic Coninch *conclus. 4*. Sanchez *num. 10*. ubi plures refert. Valent. *suprà punct. 5. vers. item, pag. 311*. quia omnibus est datum præceptum orandi, & deprecandi Deum: nulla autem deprecatio esse potest efficacior ad salutem, quàm ea, quæ in hac oratione Dominica continentur. Item sæpè debet tam iustus, quàm peccator petere aliqua in illa oratione contenta. Ergo tenetur illam scire, imò si bene perpenditur, nihil excogitari potest animæ, & corpori salubre, & ad Dei gloriam pertinens, quod in illa oratione contentum non sit.

9 Aduerto tamen non esse necessarium sub graui culpa symbolum, & præcepta Decalogi, & orationem Dominicam, ordine quo sunt composita, memoria retinere; sufficit, si sensum calleas, & substantiam retineas. Credo tamen sub veniali te esse obligatum: sic ex communi sententia docet Sanchez *n. 19*. Coninch *conclus. 5*. Valent. *loco citato* Suarez *disp. 13. sect. 5. n. 8*. Econtra verò nullo modo satisfacis, si memoria teneas, & sensum non

non intelligas. sic Valentia punct. 4. sine. Bannes 2. 2. quæst. 2. artic. 8. dub. 2. fol. 429. Sanchez lib. 2. cap. 3. num. 16. Coninch disput. 14. dub. 10. num. 194. Et ratio, quia tunc est scientia verborum, non mysteriorum: notitia autem mysteriorum fidei est, quæ expostulatur.

10 Secundum argumentum de difficultate sciendi articulos fidei non virget; quia notitia, quæ expostulatur, cum sit ita confusa, facile è communi multitudine haberi potest, si mediocrem diligentiam in discendo apposuerint: quod si aliqui ita rudes sint, & agrestes, ut facta diligentia percipere non possint, excusabuntur ab hac obligatione: ut pluribus relatis docet Sanchez lib. 2. cap. 3. num. 18. Ceterum aduertendum summopere est non debere esse contentos, si semel, aut iterum hæc mysteria audiant, & illa non percipiant; curare enim debent sapius instrui, ut sic repetitis lectionibus aliquam sufficientem notitiam acquirant; ut rectè aduertit Suarez disp. 13. de fide, sect. 4. n. 15. & hæc de prima difficultate.

11 Secunda difficultas erat, quam scientiam habere debent Prælati, & pastores mysteriorum fidei? Et quidem debere reliquos fideles de populo sibi subditos scientia antecellere, in confesso est apud omnes. Qualis autem hæc excellentia debeat esse, non est ita exploratum. Breviter dicendum est Episcopos, & Ecclesiæ pastores non solum obligatos esse scire mysteria fidei utcumque; sed tenentur ea ita scire, ut possint difficultates aduersus illa mysteria insurgentes dissolvere, & eos, qui contradicunt arguere, & convincere: constat ex Paulo ad Titum 1. & Trident. sess. 7. cap. 1. & sess. 22. cap. 2. de reformat. Et ratio est, quia ad aliquos in Ecclesia pertinere debet hæreticorum fallacias dissolvere, & fidem defendere: ij autem esse non possunt alij, nisi Episcopi, utpote Apostolorum successores. Ergo ipsi tenentur ea scientia pollere, ut possint hæc munia præstare. Quæ ratio probat non satisfacere huic obligationi, si ipsi indocti sunt, etiam si ministros habeant doctissimos. Requiritur ergo necessarium, ut per se possint fidem defendere, & ab impugnantibus liberare. sic Suarez disput. 13. sine. Coninch disput. 14. dub. 10. conclus. 7. Aduertit tamen optimè Coninch num. 201. non esse opus Episcopum ita esse doctum, ut ex tempore possit omnes difficultates aduersus fidem insurgentes dissolvere; sufficit si adhibito studio, & consilio peritorum id facere possit. Secundò aduertit aliquando minus doctum, & eruditum præferendum esse doctiori, si prudentia, & potentia Ecclesiæ necessaria præcellat; hac enim de causa nobiles, & potentes in Episcopatum eliguntur, doctioribus exclusis, quia efficacius ij Ecclesiam ab impugnantibus, & inimicis eam opprimere volentibus defendunt: semper tamen eam scientiam habere debent, qua possint lucem à tenebris distinguere: & iuxta temporum, & locorum opportunitatem suum munus rectè obire. sic Suarez disput. 13. sine. Coninch supra num. 204. Parochi autem, Confessarii, Concionatores, & reliqui omnes, quibus cura incumbit alios docendi, tenentur eam scientiam mysteriorum habere, ut & explicare, & aliqualem rationem de illis reddere, & difficultatibus communiter occurrentibus satisfacere possint; aliàs non videtur, qua ratione possint alios rectè instruere: quod facere tenentur iuxta Trident. sess. 25. cap. 2.

de reformat. & sess. 24. cap. 5. de reformat.

sic Coninch disput. 14. dub. 10.

concl. 6. Suarez disp. 13.

sect. 6. num. 6.

* * *

Ferd. de Castro Sum. Mor. Pars I.

PUNCTUM XI.

Quando quilibet fidelis supradicta mysteria teneatur addiscere, & parochi, alique, quibus cura instruendi incumbit sibi subditos teneantur docere.

- 1 Cum primum rationis usum affectus fueris, teneris hæc discere.
- 2 Ab illo tempore tenentur parochi, parentes, domini sibi subditos docere.
- 3 Potest Episcopus supradictos obligare, ut suo muneri satisfaciant sub excommunicationis poena.
- 4 Dari ne possit ignorantia inuincibilis illorum, quæ quis scire tenetur, proponitur triplex sententia.
- 5 Respondetur sub distinctione illorum, quæ sunt necessaria necessitate mediæ, raro est ignorantia inuincibilis: secus vero illorum, quæ sunt ex præcepto necessaria.
- 6 Satisfit argum. num. 4. adductis.
- 7 Qualiter se debeat gerere Confessarius cum ignorante mysteria fidei.

1 **N**on defuerunt, qui dicant neminem obligari hæc discere, & credere usque ad pubertatem; quia usque ad illam ætatem nullus videtur perfectio rationis usu uti. sic Man. 1. tom. sum. 2. edit. c. 88. n. 1. Ludou. Lopez 1. p. instruct. cap. 41. col. 1. vers. veniale est. Ceterum hæc sententia retinenda non est, sed affirmandum, cum primum rationis usum affectus fueris, te debere ea mysteria addiscere; quia si fidelis non es, teneris fidem suscipere: si autem fidem ante usum rationis susceperis, teneris ad Deum te conuertere, & omnia tua in vltimum finem ordinare, ut puncto seq. dicemus. Sed hæc fieri non possunt absque scientia mysteriorum fidei. Ergo illam procurare teneris. Item ex iure diuino teneris præcepta Decalogi seruare, & fidei mysteriis assentiri, cum habes rationis usum: siquidem Christus Dominus omni creaturæ mandauit Euangelium prædicari, neque prædicationem restrinxit ad adultos, & pubertatem attingentes. Ergo omnis creatura capax usus rationis doctrinam Euangelij ex iure diuino tenetur suscipere. sic docent Nauarr. sum. cap. 11. n. 22. Azor tom. 1. lib. 8. cap. 7. q. 2. Sanchez lib. 2. cap. 3. n. 12. Suarez de fide, disp. 13. sect. 5. n. 6. & disp. 15. n. 10. Coninch disput. 14. dub. 10. h. 195. Huius obligationis ommissio ex genere suo grauis est, & peccatum mortale inducit. sic Nauarr. cap. 11. n. 22. Tolet. lib. 4. sum. cap. 2. n. 10. Suarez de fide, disp. 15. sect. 1. n. 3. Sanchez lib. 2. in Decalog. cap. 3. num. 14. & alij plures ab eisdem relati. Ratio est manifesta, quia præceptum affirmatiuum fidei, quæ est res grauissima, exerceri non potest absque hac notitia: est igitur hæc ex præcepto graui habenda. Dixi ex genere tuo ommissionem huius obligationis esse mortale; quia aliquando ex leui negligentia, vel imperfecta deliberatione, vel ex leuitate materiæ esse potest veniale: siquidem veniale est, nescire memoriter, Symbolum, orationem Dominicam, imò ignorare substantiam vnus articuli minoris momenti, qualis videtur esse descensus ad inferos, quia hæc leuis materia reputatur, sicuti si ignorares te signo crucis munire. sic Sanchez cum alijs lib. 2. cap. 3. num. 14. Suarez de fide, disput. 15. sect. 1. num. 3.

2 Hinc inferitur primò parochos, parentes, dominos, teneri parochianos, filios, & subditos de his rebus instruere: tum quia tenentur curare, ut supradicti obligationi ita strictè satisfaciant; tum quia ei satisfacere non possunt, nisi instruantur. Cum autem dico quemlibet fidelem, cum ad usum rationis venerit, teneri hæc mysteria discere, & esse à proprio pastore

Gg 2 instruere

instruendum, non est intelligendum de puncto vsus rationis metaphysico, sed morali; quatenus occasio, & opportunitas sese offert, quæ in aliquibus maior, in alijs minor esse debet. sic Coninch *disp.* 14. *dub.* 10. n. 195. colligitur à simili ex Suarez *de fide disp.* 13. *sect.* 5. *num.* 6.

3 Secundò infertur posse Episcopos obligare sub pœna excommunicationis parentes, parochios, & dominos, ut sibi subditos de doctrina Christiana, cum ad vsus rationis peruenerint, rectè instruant; quia obligat ad id, ad quod iure diuino sunt obligati; & noua hac pœna, & obligatione incitat, ut diligentes sint in sui muneris executione: quod certè iustissimum est. sic Man. 1. *tom. summ. cap.* 88. *num.* 3. Sanchez *lib.* 2. *cap.* 3. *num.* 15.

4 Sed inquires primò, an dari possit ignorantia inuincibilis horum mysteriorum, quæ quis scire tenetur tam inter fideles, quàm infideles?

Prima sententia docet neminem habere ignorantiam inuincibilem eorum, quæ sunt ad salutem necessaria. sic Bonauent. in 3. *distin.* 25. *art.* 1. *quest.* 2. *ad ult.* & *quest.* 3. *ad penult.* Adrian. *quodlibet.* 2. *quest.* 1. *sine argument.* ad 2. Mouentur primò, quia lumine naturæ tenetur quis Deum colere, & consequenter inuestigare quo cultu tam interiori, quàm exteriori colendus sit. Ergo si iuxta hoc lumen naturæ inditum diligentiam fecit, sine dubio de fide illuminabitur, quia Deus neminem deserit facientem quod in se est. Ergo non potest esse in aliquo ignorantia inuincibilis.

Secunda sententia distinguit inter fideles, & infideles: & de infidelibus affirmat dari posse ignorantiam inuincibilem, eo quòd nunquam fides eis proposita fuerit, neque ipsi habuerint occasionem inquirendi de illa: at de fidelibus inter fideles nutritis negat. sic Gabriel in 3. *distin.* 25. *art.* 2. *post 5. conclus.* Durand. *ibi q.* 1. *num.* 9. Man. 1. *tom. summ. cap.* 88. *num.* 4. Mouentur, quia inter fideles hæc mysteria ita passim circumferuntur, & publicantur, tum celebratione festorum, tum prædicationibus, & exhortationibus, ut vix intelligi potest aliquis, cui dubium non suboritur ea addiscendi.

Tertia sententia communior est, in vtrisque dari posse ignorantiam inuincibilem. Nauarr. *cap.* 11. n. 21. Azor *tom.* 1. *lib.* 8. *cap.* 6. *quest.* 7. & *cap.* 7. *quest.* 3. & *cap.* 8. *quest.* ult. Bannes 2. 2. *quest.* 1. *art.* 8. *dub.* 2. Vasquez 1. 2. *disp.* 121. *cap.* 2. Sanchez *lib.* 2. *cap.* 3. *num.* 20. Coninch *disp.* 14. *dub.* 11. *num.* 225. Emanuel Saa *verbo fides, num.* 2. Ratio est, quia ignorantia inuincibilis obligationis addiscendi mysteria fidei tunc adest, cum nullam suspensionem, & dubitationem habet talis obligationis: at contingere sæpè potest tum inter infideles, tum inter fideles, ut quis careat tali suspensione, vel quia fidei mysteria ei non fuerunt proposita, vel casu quo proposita fuerunt, obligationem addiscendi non percepit. Ergo ea ignorare inuincibiliter poterit.

5 Pro resolutione huius difficultatis reuocanda est in memoriam distinctio illa suprà facta de his, quæ sunt necessariò cognoscenda necessitate medijs, vel de his, quæ sunt tanquam cognoscenda necessitate præcepti. Affirmo namq; rarò contingere aliquem habere ignorantiam inuincibilem eorum, quæ necessaria sunt ad salutem necessitate medijs. Nam cum hæc in cognitione Dei potentes remittere peccata, & gratiam, gloriamque concedere consistat, rarus esse potest, cuius mentem hæc notitia saltem sub dubio non imbuerit. Dixi rarò contingere posse; quia sentio casum non esse impossibilem. Potest namque quis ita barbarus, & aggressus esse, ac inter barbaros nutriri, ut solius Dei notitiam habeat, careat tamen notitia illius, quatenus author est supernaturalium donorum: quam notitiam diximus esse necessariam necessitate medijs ad salutem,

& cuius carentia illi immediatè non imputetur, quia non se illi offert ratio dubitandi, ac suspicandi obligatum esse inquirere.

Dices, si ex cognitione illa naturali Dei omnibus insita, rusticus ille aliquali gratia Dei adiutus rectè operaretur, Deus illum illuminaret, & notitiam fidei, & mediorum pertinentium ad salutem communicaret. Ergo ignorantia illa culpabilis est in illo.

Respondeo esse culpabilem in causa, non in se in causa, quia non ita viuunt, ut mereatur à Deo illuminari; in se verò culpabilis non est, quia non se illi obtulit eius bonam vitam, medium esse ad illam ignorantiam depellendam, obligatumque esse illam depellere.

Verùm si de notitia illorum, quæ ex præcepto quis scire tenetur, loquamur, non solum rarò, sed frequenter existimo dari etiam inter fideles ignorantiam inuincibilem; tenent Doctores relati pro tertia sententia, specialiter Azor *cap.* 7. *quest.* 3. Vasquez *illa disp.* 121. *cap.* 2. Sanchez *lib.* 2. *cap.* 3. *num.* 10. *sine.* Coninch *disp.* 14. *dub.* 11. *num.* 121. *sed præcipue num.* 225. & *seqq.* Suarez *de fide, disp.* 15. *sect.* 1. *num.* 10. Ratio desumitur ex experientia, quæ cognoscimus plures ita rudes, & aggresses, ut etiam si sæpius moniti sint de obligatione hæc discendi, vix illam percipiunt, & dato perceperint, mediocri diligentia contenti sunt, neque in illorum mentem venit maiorem esse adhibendam. Adde plurimos neque de hac obligatione monitos vnquam esse, neque dubium, aut scrupulum habuisse. Item sæpè cognoscens obligationem addiscendi caret Doctore, qui doceat: si autem habet Doctorem, non percipit propter eius incapacitatem, quæ percipienda sunt. Ex quibus fit ignorantia inuincibili laborare. Neque enim (ut bene dicit Emanuel Saa *verbo fides, num.* 2.) credendum est de diuina bonitate perire infinitam Christianorum alioqui bonorum multitudinem, qui de mysterio etiam Trinitatis, & Incarnationis vix quidquam rectè norunt, imò peruersè sentiunt, si interrogas. potiùs crediderim condemnandos istorum pastores ob negligentiam docendi.

6 Ex his patet solutio argumentorum, quæ pro contrariis sententijs sunt facta. Ad rationem primæ sententiæ concedo, inquam, lumine naturæ cognosci Deum esse colendum: nego tamen cum hac cognitione stare non posse ignorantiam inuincibilem Trinitatis, & Incarnationis, aliorumque mysteriorum fidei: tum quia non colit Deum iuxta lumen à natura inditum; & dato, quòd illum colat, solum infertur illuminandum esse à Deo de mysteriorum cognitione ad salutem necessaria necessitate medijs, non præcepti. Quia propter carentiam cognitionis debitæ ex præcepto, æternam salutem non amittet. Ad rationem secundæ sententiæ dico passim in Ecclesia mysteria fidei circumferri, sed sunt plures ita rudes, & barbari, ut ad ea non attendant, neque dubium illis veniat talis obligationis; & concessio quòd obligationem perceperint, non habent Doctorem, qui doceat, vel capaces non sunt addiscendi. Argumenta tertiæ sententiæ nostram conclusionem probant.

7 Secundò inquires, quomodo se debeat habere Confessarius cum ignorante mysteria fidei.

Respondeo quoties sufficienti fundamento præsumit pœnitentem hac ignorantia laborare, debet illum interrogare; aliàs non tenetur. Azor *tom.* 2. *lib.* 8. *cap.* 8. *q. ult.* Sanchez *lib.* 2. *cap.* 3. n. 21. Coninch *disp.* 14. *dub.* 11. n. 231. Interrogatio autem directè fit primò, ut cognoscat, an ignorantia fuerit culpabilis, & necessariò confitenda. Nam si ita est, ut communiter contingit, debet pœnitentem monere, ut se de illa accuset, & doleat, & clauibus Ecclesiæ subiiciat. Secundò fit interrogatio, ut media interrogatione de mysteriis instruat: & quidem debere instrui ante confessionem myste

mysteriis necessariò necessitate medijs cognoscendis, nemini est dubium: nam sine illorum cognitione prima salus haberi non potest; horum tamen rarus, vel nullus est ignorans. Deysteriis autem necessitate præcepti cognoscendis conuenientissimum est, ut pœnitens ante confessionem instruatur saltem rudi Minerva; quia rarus est, quo cum si breue tempus infumatur, sufficientem illorum noticiam assequi non possit. Tota enim difficultas est in cognitione mysterij Trinitatis, & Incarnationis, & Eucharistiæ: nam iis cognitis reliqua per se patent, ut expendit Sanchez lib. 2. in Decalog. cap. 3. num. 22. nullus enim inter fideles nutritus ita barbarus est, qui non cognoscat Ecclesiam Catholicam: id est, se cum aliis fidelibus eandem fidem profiteri, & cum illa saluari, & non in fide gentium, & Mahometana. Quod videtur sufficiens, etiam si non cognoscat sub vno capite militari. Item nullus est qui non cognoscat Sanctorum communionem, secundum quod à rudibus cognosci debet; cognoscunt enim omnes fideles aliorum preces sibi prodesse, & quidem orationibus aliorum se commendatos habent. Remissionem peccatorum quis ignorat? cum nullus ad confessionem accedat, nisi pro illa impetranda. Carnis resurrectionem, & vitam æternam omnes norunt; quia nihil est ita repetitum, ac esse aliam vitam. Idem est dicendum de præceptis Decalogi, & Ecclesiæ, rarus, inquam, esse, qui horum ignorantia laboret. Quocirca si pœnitens sufficienter mysterio Trinitatis, & Incarnationis, & Eucharistiæ instruatur, videtur instructus de notitia requisita. Horum autem mysteriorum notitia facillimè communicari potest: quis enim est ita barbarus, ut si aliquantulum cum illo labores, docens esse vnum Deum in tribus personis, Patre, & Filio, & Spiritu sancto, & Filium esse hominem factum, passum, mortuum, sepultum, resurrexisse, & ad iudicium venturum, daturumque iustis præmium, & peccatoribus supplicium, adstareque realiter in venerabili sacramento, non percipiat? Quapropter conuenientissimum est neminem relinquere ignatum. An autem obligatio sit in Confessario instruendi pœnitentem de hisysteriis, antequam illum à peccato absoluat, non omnes conueniunt. Bannes 2. 2. quæst. 1. art. 8. dub. 2. Petrus de Ledesma 2. 2. 2. sum. tract. 1. cap. 3. post 7. conclus. Man. 1. 2. sum. cap. 88. sine, & alij docent non esse absoluendum, sed instruendum à Confessario, vel remittendum, ut prius discat. Cæterum longè probabilius existimo posse Confessarium absolvere pœnitentem à peccatis, quin deysteriis supradictis instruat, modò pœnitens habeat firmum propositum ea addiscendi. Ratio est, quia nullibi constat esse præceptum addiscendi eaysteria ante absolutionem, neque credendum est obligationem esse ita strictam, ut non possit aliquo tempore differri. Quod efficacius procedit, cum pœnitens ignorantia inuincibili usque tunc laborauit: quando autem ignorantia culpabilis fuit, maiori circumspectione opus est, & examinandum est diligenter propositum addiscendi, an firmum sit, quod si tale esse constiterit, absolui poterit: sic Azor lib. 8. cap. 8. quæst. ult. Sanchez lib. 2. cap. 3. num. 21. & 23. Coninch disput. 14. dub. 11. circa finem. Ioann. Sanchez in select. disput. 9. num. 18. Secus verò dicendum est ante Baptismi susceptionem; quia sub graui culpa nemini adulto dandus est, quin prius sufficienter deysteriis nostræ fidei, tam de his, quæ debet credere, quàm operari, instruatur; quia cum ex Baptismo ad illa omnia credenda, & exequenda obligetur, non est conueniens ignorantem hanc obligationem imponi: & ita tradit Valent. 4. 2. disput. 4. quæst. 3. punct. 3. ad finem. Sotus 4. distinct. 6. quæst. 2. art. 1. ad finem corp. Suarez tom. 3. in 3. part. quæst. 71. art. 2. in princ. comment. Nauarr. cap. 24. num. 15. Sanchez lib. 2. in Decalog. cap. 3. num. 24. Excipiunt tamen supradicti Doctores

Ferd. de Castro Sum. Mor. Pars I.

periculum mortis, in quo dandus est Baptismus petenti pro qualitate temporis instructo: ne, inquam, tanto bono priuetur, & periculum subeat salutis æternæ.

PUNCTUM XII.

Quo tempore obligatus sis fidei actum exercere.

- 1 Duplex est obligatio: alia directa, alia indirecta.
- 2 Obligatio indirecta pluribus euentibus est.
- 3 Obligatio directa aliquando adest, sed quo tempore sit, non satis constat.
- 4 Tempus huius obligationis pro infidelibus est: cum fides illis sufficienter proponitur.
- 5 Pro fidelibus, cum rationis usum attingunt, illisque sufficienter mysteria proponuntur.
- 6 Præter supradictum tempus raro, vel nunquam est obligatio directa exercendi actum fidei.
- 7 Nullus infidelis tenetur præbere auditum cuiuslibet prædicantis.
- 8 Neque tenetur ei assensum præbere, quousque probe fidem, quam prædicat esse euidenter credibilem.
- 9 Quilibet infidelis, Mahometanus, & hæreticus, cui dubium est, an secus procedat, tenetur inuestigare veritatem, aliqui culpe reus est.
- 10 Non omnibus infidelibus equalis propositio fidei sufficit ad credendum.
- 11 Mysteria fidei si proponantur infideli, ut magis credibilia, tamen si non euidenter credibilia, tenetur eis assensum, secundum Bannes, & Ledesma.
- 12 Superiorem doctrinam amplectitur Sanchez pro articulo mortis, secus extra illum.
- 13 Probabilius censet nullo tempore se obligatum esse fidem ex illa propositione amplecti.
- 14 Satisfit argum. oppositis.
- 15 Quæ propositio sufficiat fidelibus ad credendum.
- 16 An amittat fidem, si Idolum adoret, vel hæreses profert.

1 PRæsupponendum est sermonem esse posse de obligatione directa, & per se exercendi actum fidei, & de obligatione indirecta, & per accidens. Obligationem directam, & per se voco, quæ ex ipsamet fide oritur: obligationem indirectam, & per accidens, quæ aliunde, scilicet ex alia virtute ortum habet. Exemplis declaro. Obligatus es de peccatis conteri, per accidens tunc obligaris fidei actum habere, quia absque illo, non potest esse contritio, prout oportet, ut iustificationis gratia conferatur. Econtra verò interrogaris de fide coram tyranno, directe fides exercenda est.

2 Esse autem obligationem indirectam eliciendi actum fidei, constat apud omnes. Primò in supradicto casu, cum obligaris conteri de peccatis, quia non potes contritionem habere, quin credas Deum tibi posse peccata remittere: & ideo Trident. sess. 6. cap. 6. actum fidei inter dispositiones ad gratiam enumerauit. Secundò quoties obligatus es, spei, & charitatis actus exercere; non enim sine fide haberi possunt. Vnde quia in articulo mortis secundum receptam sententiam ij actus à quolibet fide si exercendi sunt, simul etiam exercenda est fides. Tertiò quoties obligatus es aliquod sacramentum recipere, quia tunc consequenter obligaris credere illius virtutem, & efficaciam: quod procedit efficacius in susceptione venerabilis Eucharistiæ sacramenti, nequit enim debite suscipi, quin credas ibi Christum Dominum adesse præsentem. Quartò cum vrget grauis aliqua tentatio aduersus castitatem, patientiam, iustitiam, cui necessum sit actu fidei resistere, iuxta illud 1. Petri 5. cui resistite fortes in fide.

Gg 3 Quindò,

Quintò, si præceptum orandi habeas; quia id non videtur exerceri debite posse absque fide, qua credas Deum posse postulari concedere. Sextò, addunt aliqui; quoties ab Ecclesia mysterium aliquod celebratur, quia videris tunc obligatus illud credere. Item quoties habes præceptum audiendi Missam, quia tunc credere debes sacrificium, quod in illa offertur. Cæterum ex præcepto obseruandi festum, & audiendi Missam, non videris obligatus fidei actum exercere; quia absque illo potes vacare ab operibus seruilibus, & Missæ sacrificio adesse, debita attentione, & intentione colendi Deum. Fateor tamen finem illius præcepti esse fidei professionem; sed quia hæc fidei professio interna non est præcepta: ideo ad illam exercendam non obligaris. sic Suarez *de fide, disput. 13. sect. 5. num. 2. 3. & 5.* Aduerte quoties indirectè ad fidem exercendam obligaris, si eius exercitum omittas, non peccaturum aduersus fidem, sed aduersus illam virtutem, ad quam exercendam ex præcepto directo tenebaris. Vnde in confessione satisfacis, si eius omissionem manifestes. sic Suarez *num. 5.* Sanchez *lib. 2. in Decalog. cap. 1. num. 3. in medio, & circa finem.*

3 De obligatione directa exercendi fidem maior est dubitatio pro quo tempore sit? Nam adesse aliquando hanc obligationem ex iure diuino in comperto est apud omnes, eo quod sit fides cæterarum virtutum fundamentum. Vnde si de aliqua virtute exercenda præceptum sit, maxime de fide debet esse. Item fide subditur noster intellectus Deo, estque prima hominis ad Deum subiectio: vt dixit D. Thomas 2.2. *quest. 16. art. 1.* debet ergo reliquis præceptis hæc subiectio præmitti.

4 Tempus ergo huius obligationis communiter Doctores assignant pro infidelibus, cum illis fides sufficienter proponitur. sic Suarez *disput. 13. de fide, sect. 5. num. 6.* Azor *tom. 1. lib. 8. cap. 17. quest. 8.* Sanchez *lib. 2. cap. 1. num. 3.* Valent. *tom. 3. disput. 1. quest. 2. punct. 5.* Coninch *disput. 14. dub. 10. num. 205.* Ratio est manifesta; quia infidelis fidem tenetur admittere, cum ei sufficienter proponitur. Ergo tenetur fidem exercere. Item si infidelis fidem sibi sufficienter propositam possit absque peccato respicere, nulla illi esset obligatio se conuertendi, & consequenter neque procurandi suam salutem: quod est absurdum. Aduertit tamen Sanchez *lib. 2. circa princip.* hanc obligationem non esse accipiendam pro metaphysico instanti, in quo fides sufficienter proposita est, sed morali; ita vt in te tanti momenti, ne nimium arbitrio prudentis deferatur. Et confirmari potest à simili ex præcepto Baptismi, quæ non tenetur quis suscipere statim ac sibi suscipiendus sufficienter proponitur; sed potest absque peccato aliquantulum differre: neque illa dilatio censetur Baptismi contemptus. Ergo. Similiter esse potest in fidei assensu. Cæterum credo hanc obligationem esse pro instanti metaphysico, quo infidelis fides sufficienter proponitur. sic Coninch *disput. 14. dub. 10. num. 205. & seqq.* & videtur esse Bannes 2.2. *quest. 10. art. 1. dub. 3. conclus. 5.* Nam si tunc respuit fidem, vel de illa aliquo modo dubitat, peccatū infidelitatis committit, vt de se constar. Suspendere autem assensum, ex se negatiue habere, vix fieri potest, moraliter loquendo: quia nulla excogitari potest ratio assensum suspendendi pro aliquo tempore, cum nulla de veritate credibilium sit dubitatio, & Deus auxilium supernaturale ad eliciendum actum concedat. Neque est simile de Baptismo, cuius dilatio ex multis causis honestari potest, quæ tamen esse non possunt in actu fidei interno. Adde, cum nulla adest honesta causa differendi Baptismum, peccare infidelem differendo.

5 Tempus autem fidelibus assignatum, vt fidei actum exercent, est cum ad vsum rationis attingunt, & illis

mysteria fidei ex obligatione credenda proponuntur. sic Suarez, Sanchez, Azor, Valent. Coninch *supra*. Ratio esse potest, quia si aliquo tempore hæc credere fidelis obligatur, maxime cum incipit ratione vt: est enim summè decens, vt initium rationis à subiectione fidei incipiat. Quod optime confirmari potest ex sententia illa D. Thom. 1.2. *quest. 89. art. 6.* affirmantis puerum statim cum ad vsum rationis peruenit, esse obligatum omnia sua in Deum tanquam in autorem naturæ referre. Ergo etiam erit obligatus puer baptizatus omnia sua in Deum, tanquam in finem supernaturalem referre: siquidem per fidem in Baptismo susceptam ad illum finem ordinatur. Notandum tamen est Sanchez *lib. 2. in Decalog. cap. 1. num. 3.* & Coninch *disput. 14. dub. 10. num. 213.* huiusmodi pueros, & in infantia baptizatos, & inter fideles nutritos excusari aliquo tempore ab hac obligatione; quia neque illis hæc mysteria credenda, tanquam reuelata proponuntur: neque ipsi obligationem assentiendi illis ex fide diuina percipiunt.

6 Præter supradictum tempus rarò, vel nunquam est obligatio directa exercendi actum fidei, sufficienter enim videris illius obligationi satisfacere, cum actus aliarum virtutum, spei, charitatis, & religionis exerces, quos debite absque fide exercere non potes. sic Suarez *disput. 13. de fide, sect. 5. n. 6.* Solùm de tempore, quo de fide grauitertaris, videris obligatus fidei actum exercere, ne tentationi succumbas, iuxta illud 1 Petr. 5. *cui resistite fortes in fide.* sic Suarez *supra*. Sanchez *lib. 2. cap. 1. num. 3.* Valent. 2.2. *disput. 1. quest. 2. punct. 5.* Azor *tom. 1. lib. 8. instit. moral. cap. 7. quest. 6.* Verùm non semper hic modus resistendi internis tentationibus necessarius est, quia sæpè tentationem depellere potes, & fortè facilius, si cogitationem aliò diuertas. Coninch *disput. 14. de fide, dub. 10. num. 214.* imò vt tentationes cessent, & imaginatio quiescat, potest aliquando esse conuenientius, nullum actum posituum fidei in illa tentatione exercere, ne scilicet imaginatio magis turbetur, & vehementiori tentatione vigeat: quod præcipue est aduertendum pro scrupulosis, qui nisi actum posituum fidei eliciant, sibi persuadent de fide dubitare, & tentationi consentire; ij enim aptius resisterent, si imaginationes illas falsas contemnerent, & cogitationem, vt dixi, aliò diuertant.

Locutus sum de resistentia tentationibus fidei internis. Nam si grauitert ab aliquo tyranno de fide tentaris, credo te obligatum esse fidei actum exercere; quia hic modus resistendi debet necessariò esse externa fidei professione: at hanc firmiter posse profiteri exteriùs, sine actu interiori, quo credamus fidem illam esse veram, non percipio. Item aliquo medio te debes munire in tam graui conflictu, ne pereas. Quod ergo medium aduersus fidei impugnationem esse potest, quàm ipsa fides? Est ergo in illa occasione exercenda, & ita tradit Suarez, Sanchez, Valent. Coninch, Azor *locis allegatis*.

7 Sed inquires, quando fides reputanda est, sufficienter tibi proposita, vt tenearis illius actum exercere? Interrogatio esse potest tam de infideli, quàm de fidei in infantia baptizato.

Et primò suppono nullum infidelem esse obligatum præbere auditum cuilibet prædicatori Christiano volenti de fide instruere, & à sua religione diuertere; quia solùm ob eius dictum non tenetur credere esse veram religionis prædicatorem, aliàs deberet credere Iudæo, & hæretico de sua falsa religione prædicare volenti. sic Bannes 2.2. *quest. 10. art. 1. dub. 3. concl. 1.* Sanchez *lib. 2. in Decalog. cap. 1. num. 4.* Petrus de Ledesm. 2. *summ. tract. 1. cap. 5. concl. 3.* Neque obstat Principem Christianum sæpè intulisse bellum barbaris, quia prædicatorem fidei pellebant. Ergo signum est obligatos esse illum

audi

audire. Non, inquam, obstat, nam, ut bene respondet Bannes *supra*, nulli Principi licet barbaris bellum inferre, ut quemlibet Euangelij prædicatorem audiant; quia ad audiendum Euangelium, antequam videant signa, & rationes, quibus in sua secta reddantur dubij, obligati non sunt: potest tamen Princeps Christianus bellum barbaris inferre, ne prædicatorem vexent, & ne alios audire volentes impedian; quia ad hæc facienda nullum ius habent.

8 Secundò suppono: quamvis infideles audiant prædicatorem veræ religionis, non tenentur statim illi assentire, quousque ex rationibus, ex signis, ex honestate vitæ, & aliis testimoniis probet fidem, quam prædicat, esse euidenter credibilem. sic ferè omnes Doctores. Sanchez *lib. 2. cap. 1. n. 4.* Bannes *illo dub. 3. concl. 2.* Vasquez *1. 2. disp. 120. cap. 5. ins.* Azor *tom. 1. lib. 8. cap. 7. q. 6.* Tolet. *lib. 4. summ. cap. 2. num. 2.* Salas *1. 2. tom. 2. tract. 13. disp. 8. sect. 4. num. 31.* Ioan. Sanchez *in select. disp. 19. num. 3.* Curiel. *1. 2. quest. 75. art. 2. dub. 3.* Lorca *1. 2. tom. 2. disp. 30.* Ratio est, quia quousque prædicator probet euidenter rem esse dignam creditu, temerariè procedis, si religionem susceptam deseris; exponis enim te manifesto periculo errandi, & loco prædicatoris veri falso, & hæretico assentieris. Quapropter D. Thomas *2. 2. quest. 1. art. 4. ad 1.* requirit ante fidem videre ea, quæ credenda sunt, non quidem in se, sed quoad dignam eorum credibilitatem.

9 Terriò suppono infidelem Turcam, hæreticum, cui nostra fides ut credenda proponitur, etiam si de facto non proponatur euidenter credibilis; quia satis eius intellectus nec de veritate nostræ fidei, nec de falsitate suæ sectæ conuincitur, teneri nihilominus veritatem indagare; quod si non fecerit, culpæ imputabitur, quia in re tanti momenti, qualis est æterna salus, eo ipso, quod dubium occurrat, an securè procedat, debebat vincere. sic notauit Suarez *disp. 17. sect. 1. num. 9.* & Coninch *disp. 14. de fide, dub. 10. num. 213.* & *dub. 11. n. 230.* asserit omnes Turcas, Iudæos, ac hæreticos prudentiores laborare iam ignorantia vincibili; quia ferè nullus est, cui sufficiens ratio de sua religione dubitandi non occurrerit.

Sed inquires, quam diligentiam debet hic præstare ad veritatem indagandam, ut illa facta excusetur à culpa?

Respondeo satisfacere, si quærat pium, & doctum virum, quia non videtur esse alia via hominibus relicta veritatem inuestigandi; si autem inuenire non possit, credo obligari Deo preces fundere, ut viam veritatis demonstret, & à peccatis abstinere, ne impedimento sint illuminationi faciendæ. sic Suarez *de fide, disp. 17. sect. 1. num. 10.*

10 Quartò noto non omnibus infidelibus æqualem fidei propositionem sufficere, ut fides euidenter credibilis reddatur: sic ex Caietan. *2. 2. quest. 1. art. 4. vers. dicendum*, tradit Sanchez *lib. 2. in Decalog. cap. 1. num. 6.* Ratio est clara, quia eadem rationes facilius vnius intellectum, quàm alterius conuincunt. lis positus,

11 Difficultas est, an si tibi infideli proponantur mysteria fidei, non ut euidenter credibilia, sed ut magis credibilia, quàm tuæ sectæ mysteria, tenearis relinquere tuam sectam, & fidei mysteriis assentiri? Bannes *2. 2. quest. 10. art. 1. dub. 3. conclus. 3. & 4.* Ledesm. *2. tom. summ. tract. 1. cap. 5. conclus. 5. & 6.* affirmant. Quia in medio necessariò ad salutem securiorem viam debes amplecti, ne te periculo errandi exponas. Item, quia esto cuiuslibet liceat sequi opinionem probabilem, relicta probabiliori; hoc tamen non est intelligendum de opinione probabili facti, sed iuris, ut contingit, cum à longè hominem vides, quem probabiliter existimas feram esse: licet enim æquè probabile sit hominem esse, & feram, non tamen est probabile te posse ad illum

sagittam immittere; quia prior probabilitas est facti, non iuris: sic in supradicto casu, etsi probabile sit tuam sectam bonam esse; quia tamen probabilius est fidem tibi propositam esse meliorem, probabile non est te posse tuæ sectæ adherere, & fidem respuere.

12 Thomas Sanchez *lib. 2. in Decalog. ep. 1. num. 6.* distinguit de articulo mortis, & extra illum, & dicit superiorem sententiam Bannes veram esse in articulo mortis; secus verò extra illum. Mouetur, quia in articulo mortis debes providere tuæ saluti ineliori, & securiori via, qua possis; quia non superest tempus rem diligentius examinandi, neque errorem, si fortè contingat, emendandi. Extra articulum mortis non videris teneri fidei probabiliter propositæ assentiri, quia restat tempus ampliùs rem examinandi.

13 Mihi autem dicendum videtur probabilius esse, nullo vnquam tempore te obligatum esse amplecti fidem propositam intra terminos tantum probabiles; sed necessarium esse proponi, tanquam ut euidenter credibilem, ut tenearis illam amplecti. Et quidem hoc esse necessariù extra articulum mortis, docuit Sanchez *supra*. & videntur tenere Vasq. Arag. Victor. Azor ab eo relati. Ratio est, quia fides proposita solum sub probabilitate, quod sit credibilis, non infert te obligatù esse credere, sed solum te posse credere; quia ad obligationē inducendam, necessarium erat, ut cognosceres fidem ita esse dignam creditu, ut nulla ratione contrarius error dignus creditu inueniatur; quia dum contrarius error dignus creditu inuenitur, non teneris illum deserere; ergo nec fidei assentiri. Debes ergo, ut tenearis fidem amplecti, conuinci de falsitate tui erroris, & de veritate fidei amplectendæ. Et confirmo. Si fideli ex ignorantia proponeretur hæresis aliqua, ut magis probabiliter credibilis, quis diceret teneri fidem deserere, & illi assentiri? Ergo neque etiam infidelis tenetur fidei veræ sub eadem probabilitate propositæ assentiri.

Hæ rationes, meo iudicio, æqualiter probant de articulo mortis, ac de reliquo tempore; ideòque nullus ex Doctoribus citatis, præter Sanchez hanc distinctionem fecit, sed generatim affirmarunt non teneri infidelem fidei mysteriis assentiri, quousque de eorum credibilitate conuincatur. Et insuper probari potest; quia obligatio colendi Deum fide vera æqualiter obligat tam in vita, quàm in morte. Ergo si Deus non offenditur in vita per repulsam factam ab infideli de fide sibi tantum probabiliter proposita; neque in morte offenditur, & ita docuit Ioann. Sanchez *in select. disp. 19. à num. 4.*

14 Neque obstant argumenta contraria. Non enim teneris securiorem, seu probabiliorē viam sequi in necessariis ad salutem, sufficit, si securam, & probabilem sequaris, quia etiam in illa, quæ tibi videtur probabilior, & securior, potest error contingere. Confirmatio non vrget. Fateor ex probabilitate facti, non sequi sæpè probabilitatem iuris, quando scilicet probabilitas iuris, in probabilitate facti non fundatur: sicuti non fundatur in casu allegato in argumento. At quando probabilitas iuris in probabilitate facti fundatur: tunc, inquam, ex probabilitate facti probabilitas iuris infertur. Exemplo rem illustro. Et mihi probabile, pallium, quod possideo, esse meum: probabilius tamen iudico esse tuum, non teneor tibi relinquere, sed possum securè possidere. Sic in præsentī est probabile infideli veram religionem habere, licet probabilius sit oppositum: non videtur obligandus errorem deserere. Quod verò in articulo mortis non suppetat tempus ampliùs rem examinandi, hoc non efficit, quod securam viam teneatur deserere, & securiorem amplecti, sed solum quod pro opportunitate temporis rem diligentius examinet.

15 Hucusque de infidelibus. Quid ergo de fidelibus dicendum? si inter Catholicos nutriti sint, constat ex dictis, teneri credere, cum illis mysteria fidei proponuntur taliter, quod non habeant iustam rationem dubitandi vera illis proponi: si autem inter hæreticos sint nutriti, debent illis mysteria fidei ita proponi, ac si infideles essent; aliàs non tenebuntur assentiri: temerè enim, & imprudenter procederent, si cuilibet prædicanti assensum præberent. Quocirca ij neque hæretici sunt, neque tanquam hæretici sunt puniendi, quousque constet, & probetur illis fuisse mysteria nostræ fidei sufficienter propoſita, & nihilominus repulisse: sic docent *Castro de iusta heretic. punit. cap. 8. dub. 2.* *Simanc. de Catholic. instit. tit. 3. num. 7.* *Atag. 2. 2. quæst. 11. art. 2. dub. ult.* Sanchez illos referens *lib. 2. in Decal. cap. 1. num. 8.*

16 An verò hic infans nutritus inter infideles, vel hæreticos, si post vsum rationis adoret idola, & hæreses contra ius naturæ proferat, peccet contra fidem, & illam amittat? Pars affirmans videtur probanda. Nam ad amittendam fidem non requiritur cognitio illius: si enim quis inuincibiliter ignoraret se baptizatum esse, & voluntariè erroribus fidei contrariis assentiretur, fidem amitteret; quia ille assensus verè est contra fidem, & peccaminosus. Ergo si fidelis baptizatus crederet culpabiliter fornicationem esse licitam, & idola esse adoranda, errorem habet aduersus fidem, & culpabilem. Ergo destruit fidem. sic Bannes 2. 2. quæst. 10. art. 5. vers. sed quid dicendum. Petr. de Ledesm. 2. tom. summ. tract. 1. cap. 5. post 10. conclus. difficile. 2. Nihilominus probabilius est talem fidelem sic peccantem non amitturum fidem, quia ignorat illam inuincibiliter, imò dato eius ignorantiam, & inaduertentiam culpabilem esse: at non quælibet ignorantia, & inaduertentia culpabilis excludit fidem, sed requiritur pertinacia; & ita tradit Sanchez *suprà*. Suarez cum communi sententia de fide disp. 15. sect. 2. num. 3.

PUNCTUM XIII.

An sit præceptum de externa fidei confessione, & quando obliget.

- 1 Duplex est præceptum de externa fidei confessione. Alterum positivum, alterum negativum.
- 2 Præceptum negativum semper obligat.
- 3 Distinguitur duplex negatio, directa, & indirecta.
- 4 Sæpè nomen Christiani, clerici, religiosi, non pro fide, sed pro natione, & professione usurpatur.
- 5 Præceptum affirmativum fidei aliquando obligat.
- 6 Si es infidelis, cum tibi fides sufficienter proponitur.
- 7 Item obligat, si talis confessio est necessaria ad defensionem fidei.
- 8 Item si necessaria est, ut aliqui in fidei confessione perseverent.
- 9 Extra supradictos casus, non apparet quando obliget confessio fidei præceptum positivum.

1 **C**irca externam fidei confessionem, duplex est fidei præceptum, ex omnium Catholicorum sententia, cum D. Thom. 2. 2. quæst. 3. art. 1. alterum affirmativum, alterum negativum. negativum semper obligat ad non negandam fidem; affirmativum ad illam confitendam. Et quidem pertinere hos actus ad fidem, constat; nam fides non solum postulat divinæ veritati assentiri, sed etiam talem assensum aliquando manifestare, iuxta illud Pauli 2. ad Corinth. 4. *Habentes eundem spiritum fidei credimus, propter quod & loquimur.*

2 Difficultas est, quo tempore hæc præcepta obligent? Et quidem præceptum negativum non negandi fidem exterius, semper obligat, non solum quando cum interiori negatione coniungitur: tunc enim clarum est, quia est apostasia, & desertio fidei, sed etiam si solum

verbis, vel signis exterius negetur, animo autem fides retineatur. Conclusio est certa de fide, ex illo Matth. 10. *Qui negaveris me coram hominibus, negabo & eum coram Patre meo.* Sed qui exterius fidem negat, etiam si animo retineat, verè negat Deum coram hominibus. Ergo dignus est, ut negetur à Christo coram Patre. Quod adedò verum est, ut nemini liceat talis negatio ob ullam causam, etiam ob vitandam mortem, & gravissima tormenta; quia illa negatio est intrinsecè mala, quia est quoddam mendacium derogans divinum honorem, & religioni Christianæ summè contumeliosum. Qui enim negat fidem, dicit summam, & infallibilem veritatem falli, quod à mendacio derogante divinum honorem excusari non potest.

3 Dupliciter contingit hæc negatio fidei. Primò directè, ut si fidem absolutè neges, vel si neges aliquem eius articulum, vel eius certitudinem, & necessitatem. Secundò indirectè, si neges te esse Christianum, Catholicum, aut Papistam; quia virtute negas Christum, eiusque Catholicam religionem. Apostolus enim Petrus solum negavit se nosse Christum, eiusque discipulum esse: & quia in tali negatione Christum negabat, gravis peccati reus fuit. Idem est si diceres te esse Turcam, Iudæum, Ethnicum, Lutheranum; non enim cum his actis compari potest Christiana religio: ac proinde qui eas sectas diceret se profiteri; consequenter dicit se à Christiana religione alienum esse: sic omnes Doctores, ut potest videri in statim referendis.

4 Verum aliquando nomen Christiani non religioni, sed nationi accommodatur: ut contingit in bello inter infideles; qui si interrogent, an sis Christianus, negare potes, cum adest aliqua gravis causa negandi, restrictione tamen in mente retenta: quia tunc non negas fidem Christianam; siquidem de illius professione non rogaris, sed solum negas te esse talis nationis, cuius incolæ reputatæ sunt hostes, & inimici: sic docent Azor tom. 1. instit. moral. lib. 8. cap. 27. quæst. 1. & 2. Bannes 2. 2. quæst. 3. art. 2. dub. 1. conclus. 4. Sanchez lib. 2. Decal. cap. 4. num. 8. Coninch disp. 15. dub. 2. num. 10. Suarez disp. 15. sect. 1. num. 10. Idem est, si interrogeris, an sis clericus, religiosus, vel aliud officium, aut munus Christianæ religionis feceris, scilicet audire Missam, interesse divinis; negare poteris cum restrictione mentis, quia hoc non est negare fidem, sed negare aliquod munus fidei, quod absque peccato negari potest, si causa subsit legitima utendi restrictione mentali. sic Suarez num. 11. Coninch num. 11. Sanchez num. 10. Azor quæst. 2. Adde hoc verum esse, etiam si interrogans intenderit interrogatione facta explorare tuam fidem: non enim illi tu eam negas, negando munus illius, siquidem absque illo fidem habere potes. sic Azor, & Sanchez *suprà*.

5 De præcepto autem affirmativo confessionis fidei constat apud omnes aliquando obligare, ex illo ad Rom. 10. *Corde creditur ad iustitiam: ore autem confessio fit ad salutem*, id est, ad salutem conservandam, vel ad salutem æternam obtinendam: & tradit D. Thom. communiter receptus 2. 2. quæst. 3. art. 2. Valent. disp. 1. quæst. 3. p. 2. Suarez disp. 15. sect. 2. in princ. Azor lib. 8. cap. 7. in princ. Coninch disp. 15. dub. 1. num. 6. conclus. 2. Rationem reddunt supradicti cum D. Thom. quia tunc exercitium alicuius virtutis est in præcepto, quando graviter necessarium est ad charitatem Dei, vel proximi servandam. Est enim charitas finis legis, omnisque lex in charitate solidatur. Ergo quæ necessaria fuerint ad charitatem, ex lege, & præcepto necessaria erunt: atqui sæpè confessio externa fidei ad hunc finem necessaria est. Ergo. Minorem probò: discurrendo per casus, in quibus confessio ad charitatem Dei, vel proximi conservandam videtur necessaria: & hinc constabit, quo tempore hoc præceptum confessionis obliget; & quoties honor divinus, & bonum proximi graviter periclitatur,

clatur, nisi fidem fatearis, clarum est ad charitatem Dei, vel proximi tunc confessionem fidei necessariam esse. Quando autem hoc contingat non est facile explicatu.

6 Primò ergo contingit manifestationem fidei ad honorem Dei esse necessariam, si tibi infideli, & extra Ecclesiam posito mysteria fidei sufficienter proponantur; quia tunc teneris & illis assentiri, & Baptismum suscipere, & Ecclesie vniri, quod si renuas, honorem diuinum grauiter lædis. sic Coninch *disp.* 15. *dub.* 4. *num.* 78. Suarez *de fide, disp.* 14. *sect.* 2. *num.* 7. Si autem in infantia baptizatus fuisti, quia per Baptismum, qui est sacramentum fidei, iuxta Trident. *sess.* 6. *cap.* 7. non potes fidem susceptam manifestare, debes aliquibus aliis signis fidem internam ostendere; debes enim ostendere te esse Catholicum, & fidelem. Verùm huius obligationis tempus determinatum signari non potest, & sufficienter huic obligationi sit satis, exercendo actus præceptos aliarum virtutum. v.g. audiendo Missam, recipiendo sacramenta, & alia opera exercendo, quæ signum sunt catholicæ religionis; his enim signis sufficienter fides interna manifestatur. Neque videtur propter eius præcisam manifestationem, esse obligationem suscipiendi aliquod speciale signum. sic Suarez *illo num.* 7.

7 Secundò est necessaria confessio fidei ad honorem Dei, si propter eius defectum religio Christiana falsa ab aliquibus existimari possit, aut eius author falsum dixisse; ita D. Thomas communiter receptus 2. 2. *quest.* 3. *art.* 2. Suarez *disp.* 14. *sect.* 2. *num.* 7. Coninch *disp.* 15. *dub.* 5. *num.* 84. Valent. *disp.* 1. *quest.* 3. *punct.* 2. *circa primum dubium.*

Tertiò si videas fidem irridere, & absque tuo graui incommodo possis irridentes compescere, vel fidem laudare, teneris id præstare; quia tunc laudatione videtur irrisio facta diminui, & quasi compensari. Sanchez *lib.* 2. *cap.* 4. *num.* 5. & Coninch *disp.* 15. *dub.* 4. *num.* 80. Quòd si timeres irrisores ex tua laudatione magis irritandos fore, & in blasphemias processuros, non credo te esse obligatum, siquidem cessat finis, ob quem tua laudatio præcipitur, qui est fidei Christianæ excellentiam promouere. Coninch *disp.* 15. *dub.* 5. *num.* 93. & 110.

Quartò, si crederes ob non confitendam fidem te pusillanimitate opprimendum esse, & periculo negandi fidem exponendum; quia tunc clarum est, te esse obligatum confiteri. sic Suarez *disp.* 14. *sect.* 2. *num.* 7. *in medio.*

8 Quintò confessio fidei est necessaria ad bonum proximi, quando credis ex omissione tuæ confessionis aliquos fidem esse amissuros, & facta tua confessione firmos futuros esse. Item quando tua confessio occasio futura est aliquos ad fidem conuertendi; quia non solum ex charitate saluti proximorum illo in casu teneris consulere, sed etiam ex fide teneris fidem in aliis promouere; quia fides non solum obligat subiectum, in quo est, vt fidei mysteriis firmiter assentiatur, sed etiam obligat, vt procuret alios sic firmiter assentiri. Item quælibet virtus obligat subiectum, in quo est, vt impediatur, quæ illi fuerint contraria: cum autem peccata contra fidem à quocumq; commissa sint, fidei sunt contraria, efficitur sanè te obligatum esse ex fide ea impedire. sic docet Coninch *disp.* 15. *dub.* 4. *num.* 79.

9 Extra huiusmodi casus non reperio alium, in quo obliget fides ratione sui fidem profiteri; ratione tamen aliarum virtutum sæpè obligat. Si enim ex charitate, vel iustitia teneris proximum instruere de fidei mysteriis, iam inde obligaris fidem profiteri; illa enim instructio, professio fidei est. Item si ex religione debes sacramenta suscipere, & venerari, illa susceptio, & veneratio professio fidei est, & sic de reliquis. Suarez *di-*

sp. 14. *sect.* 2. *num.* 3. & 7. Coninch *disp.* 15. *dub.* 4. *conclus.* 2. *num.* 81.

PUNCTUM XIV.

An cum de tua fide interrogaris, tenearis illam fateri.

- 1 Plures Doctores affirmant, si à potestate publica interrogaris.
- 2 Regulariter non es obligatus, si generaliter examineris, tamen si aliquando tenearis.
- 3 Si in particulari interrogaris, non licet tibi negare, neque ita equiuocè respondere, vt appareas fidei negator.
- 4 Secus verò si responsionem declinare potes, quin negator appareas.

1 Rogari potes à Rege, & superiore proprio, vel extraneo. Item rogari potes publicè, vel secretò, vel tandem rogari potes ab homine priuato. Hac distinctione supposita,

Plures Doctores affirmant te obligatum esse fidem manifestare, quoties à potestate publica, quæcumque sit, de illa rogaris, etiam si secretò rogeris. sic Valent. 2. 2. *disp.* 1. *quest.* 3. *punct.* 2. *dub.* 3. Bannes *ibi quest.* 3. *art.* 2. *dub.* 1. *concl.* 3. Azor *tom.* 1. *institutionum moralium, lib.* 8. *cap.* 27. *quest.* 1. Sanchez alios referens *lib.* 2. *in Decalog. cap.* 4. *num.* 6. & videtur expressa sententia D. Thomæ 2. 2. *quest.* 3. *art.* 2. Mouentur; quia præceptum confessionis tunc obligat, cum ex tua confessione, magnus Dei, & fidei honor speratur; at ex confessione facta coram potestate publica hic effectus sperari potest. Ergo. Item nulla videtur efficacior occasio, neque magis opportunum tempus fidem manifestandi, quàm illud, in quo de fide à potestate publica examineris. Ergo pro illo tempore præceptum confessionis fidei obligat. Adde, si tunc renuas confiteri fidem, occasionem præbes aliis suspicandi te non habere fidem, vel fidem non esse veram, & ad salutem necessariam. Teneris ergo, ne subtrahas hunc honorem Dei debitum, fidem manifestare. Quòd si ab aliquo priuato rogeris, asserunt supradicti Doctores, specialiter Bannes, Azor, Sanchez te obligatum non esse fidem manifestare. Excipit tamen Sanchez, & Valent. nisi persona grauis sis, eaque auctoritate potiaris, qua præsumere potes tuam manifestationem allaturam esse Deo magnum in fide honorem.

2 Pro resolutione aduertendum est examinari te posse singulariter, vel generaliter cum aliis; vt si diceret Rex: Qui fuerint Catholici, manifestentur. Si generalis examinatio fiat, regulariter loquendo, non teneris te prodere, & fidem manifestare. sic Suarez *de fide, disp.* 14. *sect.* 3. *n.* 6. *fin.* cum Tabiena *verb. fides*: quia neque ratione præcepti Principis teneris, cum hoc non obliget cum graui tuo detrimento, neque ex præcepto fidei negatiuo; quia inde non apparet te negasse fidem, sed solum occultasse, quod per se licitum est: neque etiam ex præcepto positiuo fidei, quod non obligat, cum qualis qualis Dei honor ex confessione accrescit, & ex illius omissione subtrahitur, sed cum grauis, & magnus est: at ex tali manifestatione præsumi non potest grauem Dei honorem, & fidei exaltationem esse futuram; imò potius præsumi potest occultatione fidem esse amplius promouendam, & fideles occultos confirmandos. Ergo.

Dixi, regulariter loquendo, te non teneri prodere, quia aliquando teneris, videlicet, quando spectatis circumstantiis, meritò suspicarentur alij, te fidem deferere, quia tunc teneris fidem manifestare. Nam licet non teneris semper aliis te fidelem ostendere; teneris tamen non te positiuè ostendere infidelem: quando autem

autem hæc circumstantiæ concurrant, prudentis arbitrio iudicandum est, quod iudicium defini potest ex casibus, quos recenset Coninch *disp. 15. dub. 5. à num. 112.*

3 Verum si in particulari de fide rogeris, siue à Rege proprio, siue extraneo, siue à quolibet alio particulari, siue publicè, siue secretò,

Dicendum primò est nullo modo tibi licere verbis ambiguis, seu restrictione mentali facta, ita respondere, ut appareas fidem negare: sic Valent. 2. 2. *disp. 1. quæst. 3. p. 2. dub. 4.* Pefantius 2. 2. *quæst. 3. art. 2. disp. 1. conclus. 2.* Sanchez *lib. 2. c. 4. num. 14.* Coninch *disp. 15. dub. 2. n. 14. & dub. 5. num. 108.* Ratio est, quia negare fidem exteriùs, etiam si eam animo retineas, est intrinsecè malum, sed qui ita verbis illudit, ut audientes intelligant negasse fidem, verè in exteriori foro illam negat. Ergo hoc nulla ratione licet.

Dico secundò, quoties infidelis Christianum rogat de fide, ut eum hac de causa vexet; si Christianus declinare potest confessionem, quin intelligatur fidem negasse, non videtur teneri per se fidem manifestare: sic expressè tradit Coninch 2. 2. *disp. 15. dub. 5. conclus. 6. num. 109.* cum Lorca *disp. 24. num. 21. & 22.* Probo; quia non videtur, qua ratione sub graui culpa teneatur hanc confessionem præstare. Non enim tenetur ex præcepto Principis infidelis, ut de se constet, neque etiam ex præcepto fidei; fides enim obligat negatio præcepto, ne te posituè ostendas infidelem: at non prohibet te dissimulare fidelem, seu te fidelem esse occultare. Positiuo autem præcepto solum obligat manifestare fidem, quando id ad Dei honorem, vel proximorum salutem grauius conuenit. In præfenti autem non videtur subtrahi grauius Dei honor, si sic celas fidem. Non enim, ut suppono, ex tua manifestatione infideles sunt conuertendi, aut fideles dubij sunt confirmandi; sed solum sequitur Principem, & alios adstantes cognoscere te Catholicum esse, quod antea non cognoscebant: sed hæc cognitio præcisè per se spectata non est tanti momenti, ut videaris cum periculo vitæ teneri illam procurare; aliàs etiam non rogatus, neque examinatus tenereris fidem manifestare, ne Princeps, & alij intelligerent te infidelem esse; quod est falsum, & contra communem vsum in Ecclesia receptum plurimorum Martyrum, qui se fideles esse dissimulabant. Dixi non teneri per se fidem manifestare, sic rogatum, quando ex eius declinatione non intelligitur fidem negare. Nam si hoc præsumi potest, nulla ratione licet, ut dictum est in prima conclusione. Ex præfata autem taciturnitate hoc nullo modo intelligitur, sicut neque etiam intelligitur, si rogatus diceret: Quid tua interest? Quid me interrogas? hæc enim responsio potius est interrogantis contemptus, quam fidei negatio: imò est quædam virtualis fidei confessio, siquidem responsionem iudici gratam negat. Addendum tamen est rarò posse Christianum sic interrogatum declinare responsionem; quia potestas publica eum ad respondendum vexabit, & quoties magis tacentem videat, acriùs exandescet, & in grauiora tormenta prorumpet, tam aduersus ipsum, quam reliquos esse fideles existimari, eo quod existimet se esse contemptum.

PUNCTUM XV.

Quando possis, vel tenearis fugere tyrannum in Christianos sæuientem.

- 1 Per se licitum est fugere tyrannum, ne te examinet, nève tormentis exponat.
- 2 Aliquando licitum est non fugere; tametsi periculum vitæ imminet.
- 3 Regulariter obligatus es te occultare, & dissimulare, & quando hoc contingit.

4 Pastor, & Prælati fugere potest, si omnibus satis prouisum sit, secus verò si illum præfentia grauius onus indigeant, quia tunc cum periculo vitæ teneantur illis assistere.

1 Dico primò. De fide est per se licitum tibi esse fugere tyrannum, ne te de fide examinet, nève tormentis exponat; ex illo Matth. 10. *Cum vos persequantur in ciuitate ista, fugite in aliam;* & ex exemplo Apostolorum Petri, & Pauli, qui iam in carcerem detrusi fugerunt: & præcipuè exemplo Christi Domini, qui etsi poterat absque fuga tyrannorum sæuitiam declinare, fugit, *Matth. 4. Ioan. 8. 10. & 11.* & multis exornat Nicolaus Papa in *cap. sciscitaris, 7. quæst. 1.* & August. *epist. 180. ad Horat. & tract. 46. in Ioann.* & alij. Ratio est, quia hæc fuga nullo modo præcepto positiuo prohibetur, ut de se constat, neque naturali; siquidem fidei non aduersatur, imò potius fidem promouet, & manifestat; siquidem ob eius causam se fugæ subdit, & exilium patitur. Ergo. Adde talem fugam sæpè conuenientem esse, tum ut tuæ imbecillitati prospicias, tum ut aliorum salutem adiutorium sis. Quod adeò verum est, ut etiam si captus sis, & examinationi subiectus, adhuc licitum tibi est fugere: tum quia D. Petrus sic fecit, & alij sancti Martyres: tum quia fugiendo fidem manifestas, non negas. Sic Suarez *de fide disp. 14. sect. 3. num. 11. fine.*

2 Dico secundò. Aliquando licitum tibi est non fugere, sed expectare examinationem, etiam si vitam periculo exponas; quod contingit, quando credere potes fidem illa confessione promouendam esse, sic aliis relatis docet Suarez *de fide disp. 14. sect. 3. num. 11.* Ratio est, quia expectando examinationem potes imbecilles in fide roborare, & alios ad fidem conuvertere; & ex alia parte nullo morali periculo negandi fidem, te exponis. Ergo potest esse licitum. Neque obstat, quòd te periculo amittendi vitam exponas, quia ob finem rationabilem, & honestum licitum id est. Et confirmari potest exemplo sancti Sebastiani, qui se fidelem dissimulauit, quousque fidem Marci, & Marcellini periclitari sensit: tunc enim se prodiit, eiusque manifestatio multis nominibus ab Ecclesia commendatur.

3 Dico tertiò. Regulariter non solum licitum tibi est fugere persecutorem saltem te occultando, & dissimulando, sed etiam id facere obligaris. Primò obligaris, si conscius tuæ imbecillitatis times negaturus fidem: colligitur ex *cap. sciscitaris, 7. quæst. 1.* tunc enim nulla honesta causa esse potest prodigendi vitam: debet tamen timor esse fundatus, ut inducat morale, & proximum periculum cadendi. Sic Suarez *disp. 14. sect. 3. num. 10.* Secundò obligaris, si intelligeres ex tua confessione mortem esse subiturum, ita occultè, ut aliis exemplo constantiæ esse non possis; quia tunc non videtur adesse sufficiens causa prodigendi vitam, & permittendi peccatum tyranni te interficientis. Tertiò & præcipuè obligaris te occultare, si inde credis magis fidem promoturum, quod sæpè contingit, quando tua vita maximè utilis est ad firmandos alios in fide: tum administratione sacramentorum; tum concionibus, exhortationibus, & consiliis. Quartò obligaris, si times ex tua confessione tyrannum irritandum esse, & grauioribus tormentis Christianos persequuturum, quibus timere potes plures à fide defecturos; in his enim casibus manifestatio non cedit in Dei honorem, & proximorum utilitatem: nulla ergo ratione licet, quod non solum intelligendum est de qualibet priuata persona, sed etiam de pastore, & Prælato. sic docet Coninch *disp. 15. dub. 5. à num. 95.*

4 Sed quid dicendum, si pastor sis, & Prælati, neque possis te occultare manens inter oves, poteris ne illas deferere, & fugere? Ratio dubitandi est locus ille Ioan. 10. ubi de bono pastore dixit Christus animam suam

suam ponere pro ouibus suis; secus verò mercenarius, qui dimittit oues, & fugit. Dicendum ergo est, si fugiat pastor, ut se in commodius tempus referuer, & interim ouibus prouisum sit aliis clericis ibi manentibus, licita est eius fuga. Ratio est, quia tunc dici non potest dimittere oues, & fugere, cum oues non maneant pastore destitutæ: quod optimè ponderauit D. Thomas *supradicto loco Ioan. lect. 3.* Augustinus *epist. 180.* Suarez *de fide, disput. 14. sect. 3. num. 12.* Coninch *disput. 15. dub. 5. num. 103.* Item si in solos pastores, & prælatos tyrannus desæuiat, & reliquum populum permittat pacificè viuere, poterit prælatus tunc fugere; quia eius fuga populo videtur conueniens. sic Coninch *suprà.*

Verum extra hos casus ferè semper obligatus est pastor etiam cum periculo vitæ non demittere oues, & fugere; quia oues in graui necessitate, & periculo amittendi fidem constitutas non debet pastor dimittere; aliàs non bonus pastor, sed mercenarius reputandus est. Quapropter hæc obligatio non solum est ex charitate, qua tenemur saluti spiritali proximorum, etiam cum detrimento corporalis vitæ prospicere; sed etiam ex iustitia ratione sui muneris: ut rectè declarauit Nicol. Papa in *cap. sciscitaris, 7. quest. 1.* Exemplo nautæ, qui non debet nauem in periculo constitutam deferere, si sperat nauigantibus fore vtilem. sic docent Coninch *conclus. 4. à num. 104.* Suarez *disput. 14. sect. 3. num. 12.* Addendum tamen est, si pastores deficient, & tu potes illis ouibus derelictis consulere; debes permanere, etiam cum periculo vitæ, quia charitas proximi obligat hoc periculum temporale subire, ut eius saluti spiritali prospiciatur.

PUNCTUM XVI.

Licetum ne sit celare fidem verbis, vel signis per se contrariam religionem significantibus, casu quo non instet præceptum positium manifestandi fidem.

1 Probatur licitum id esse.

2 Pro resolutione distinguitur duplex genus actionum.

3 Nullo modo liceat uti verbis, & factis, quæ spectatis circumstantiis nullam aliam significationem habent, præter cultum falsæ religionis.

4 Satisfis argum. num. 1. adductis.

1 **A**drian. in 4. in tractat. de Baptismo, quest. 1. art. 1. ad 5. paulo ante §. contra primam partem, existimat id licitum esse. Monetur primò autoritate D. Hieronymi *comment. in cap. 2. epist. ad Galatas, & epist. 89. ad August.* & aliàs sæpè, ubi sentiens cæremonias veteris legis à morte Christi fuisse mortíferas, excusat Petrum, & Paulum illis vtentes, quia ex dissimulatione faciebant. Secundò. Exemplo Naaman 4. *Regum 5.* qui cognita Deorum vanitate postulauit ab Elisæo licentiam, ut permitteret, cum dominus suus in templo adoraret, ipse etiam genuflecteret ob domini sui reuerentiam: & si quid in hac parte peccaret, Deum pro illo deprecaretur; cui Elisæus respondit, *Vade in pace,* quasi approbans factum, & dissimulationem: si autem factum illud intrinsecè malum esset, & nulla ratione honestari posset, deberet Propheta illum monere, & à tali facto retrahere. Tertiò adducit Hieronym. & laudat simulationem Iehu Regis Israël 4. *Regum 10.* qui volens occidere omnes Baal cultores, dixit se velle Baal præcipuo sacrificio venerari, & nihilominus tamen Deus hanc eius dissimulationem videtur approbasse, cum dixit ibi, *quia studiosè egisti, quod rectum eras, & placebat oculis meis, & omnia, quæ erant in corde meo, fecisti contra domum*

Achab, &c. Ergo simulare factis, & verbis contrariam religionem licitum aliquando est. Quattò adducit Hieron. exemplum Dauidis immutantis faciem suam coram Achis 1. *Regum 21.* & subdit, nec mirum, iustos homines aliqua simulare pro tempore ob suam, & aliorum salutem; cum & ipse Dominus nollet non habens peccatum, nec carnem peccati, simulationem peccatricis carnis assumpserit. Quintò ratione, quia hæc simulatio in tantum esse potest peccatum, in quantum est mendacium, ostendens illis signis vanos deos esse dignos cultu, cum tamen non sint, sed hoc non ostendit sic simulans; quia non ea intentione illa signa præstat, sed ob alios fines honestos. Ergo illa simulatio mendacium dici non potest. Et confirmo. Licitum tibi est uti vestibus infidelium, quarum ratione adstantes decipiuntur, & iudicant te infidelem esse. Ergo deceptio aliorum mendacium non constituit in simulatione. Sextò in aliis materiis à religione licitus est ex graui causa vsus dissimulandi, tum verbis, tum factis. Ergo etiam esse potest in materia fidei; qua enim ratione in aliis materiis excusatur simulatio à mendacio, etiam in materia fidei excusari potest; ideo enim in aliis materiis excusatur, quia verba, & facta non iuxta audientium mentem, sed iuxta intentionem proferentis accipiuntur; cur ergo in materia religionis sic accipienda non erunt?

2 Pro resolutione huius difficultatis aduerto actiones significantes falsam religionem esse in duplici differentia; alia quæ ex se ex vsu, & consuetudine, aut lege nullam aliam habent significationem, alia quæ illam habent. Prioris generis sunt genuflexio coram idolo, thurificatio, tunsio pectoris, gestatio vestium, quibus in sacrificiis impiis vtuntur Gentiles, & similia; hæc enim spectatis iis circumstantiis nullam aliam habent significationem, præter cultum illius, in cuius præsentia offeruntur. Aliæ sunt, quæ licet significant falsam habere religionem iis vtentes, ac simul etiam ostendunt saltem ex se ob alium finem assumi posse. Hæ sunt usus carniū die prohibito, vsus vestium, quibus cultores falsæ religionis communiter vtuntur, &c. Adrian. autem non solum de iis secundis actionibus, sed de primis affirmabat aliquando licere.

3 Dicendum igitur est nullo modo licere verbis, & factis uti, quæ spectatis circumstantiis nullam aliam habent significationem præter cultum falsæ religionis, est certa sententia: neque contrariam existimo probabilem. Eam multis Scripturæ, & Patrum testimoniis probat, & exornat Valent. 2. 2. *disput. 1. quest. 3. punct. 2. dub. 4. pag. 323. versic. nihilominus.* Suarez *de fide, disput. 14. sect. 4. num. 4.* Sanchez *lib. 2. in Decalog. cap. 4. num. 14.* Coninch *disput. 15. dub. 2. num. 14.* Pelantius 2. 2. *quest. 3. art. 2. disp. 1. conclus. 2.* Vasquez 1. 2. *disp. 182. cap. 5.* Tolet. *lib. 4. summ. cap. 2. num. 7.* & alij ab eisdem relati. Ratio est, quia secundum fidem non solum obligaris præcepto negatiuo non profiteri falsam religionem ex animo, sed neque quoad apparentiam profiteri, quia obligaris non negare fidem exterius. At vtens illis signis nullam aliam significationem moraliter habentibus præter cultum falsæ religionis, falsam religionem protestaris exterius. Ergo illud est intrinsecè malum. Neque obstat te non intendere illis signis falsam religionem protestari, sed aliud longè diuersum, quia sufficit quòd in re, & in apparentia, & facto ipso id intendas. Et confirmo. Si rogatus de fide illam verbis negares, etiam si verba in alia significatione ab ea, quam habent, vsurpares, omnes conueniunt esse intrinsecè malum, & nulla ratione honestari posse; sed facta illa, verbis negantibus fidem, æquivalent, quia sicut verba nullam aliam habent significationem; ita neque illa facta spectatis illis circumstantiis: & sicut non obstat in verbis intentio proferentis, ut ea extrahat à significatione, quam

quam habent, neque etiam debet in factis obflare intentio exequentis, cum tam à verbis, quam à factis illis inseparabilis sit externa significatio falsæ religionis. Secundò, quia negari non potest executionem illarum actionum esse quidem superstitiosum cultum; siquidem seiungi non possunt à superstitione, quam habent colendi illum, in cuius præsentia sunt. Sed superstitiosus cultus semper est illicitus. Ergo. Tertiò ex opposita sententia sequeretur posse fidelem inter infideles habitantem, ut mortem, vel alia damna euitet, thus offerre idolo, & alias impias preces fundere, sicut & alij infideles faciunt, quod certè absurdissimum est. Quartò, non essent condemnandi ab Ecclesia, ut desertores fidei, qui rogari à tyranno diis sacrificabant; debebant enim præsumi ob fidem occultandam vsi fuisse illis actionibus alia intentione ab ea, quam petebat tyrannus. Quintò, semper Ecclesia gravissimum crimen reputavit illorum, qui à magistratibus data pecunia libellum impetrabant, quo ostendebant se idolis sacrificasse, cum tamen non fecerint; eaque de causa *libellatici* dicebantur, de quibus agit latè Baronius *anno 253. à num. 20.* & Cyprian. *epist. 52. ad Antonin.* Ergo huiusmodi fictio, & dissimulatio nunquam esse potest licita. Supradicta intelligenda sunt de simulatione seriò facta: nam si ioci causa, & repræsentationis gratia, ut fit in comædiis, hæc dissimulatio fiat, omnes conveniunt esse licitam; quia illa non est protestatio falsæ fidei, sed potiùs irrissio illius, neque est negatio fidei, sed repræsentatio negationis. sic Valent. *illo dub. 4.* Sanchez *num. 15.* Coninch *disp. 15. dub. 2. fine.*

4 Argumenta Adriani nullius sunt momenti.

Ad primum ex Hieronymo fateor, illius fuisse sententiz, ut putaret Apostolos potuisse uti cæremoniis veteris legis, etiam si essent mortiferæ, quia intelligebat Hieron. non esse mortiferas ita absolute, ut non liceret illis uti ad tempus, & ex gravi occasione, ac proinde illorum usus tunc nullo modo fuit protestatio falsæ religionis. Adde illo tempore, quo Petrus, & Paulus, aliique Apostoli cæremonias legis veteris observarunt, mortiferas non fuisse, etsi fuissent mortuæ, ac proinde licitum illis fuit ex animo colendi Deum ea exercere, ut rectè probat August. *epist. 19. ad Hieron.*

Ad secundum exemplum Naaman dupliciter respondeo. Primò admittendo petiuisse Naaman à Propheta licentiam simulandi cultum, cum dominus eius in templo Remon ingrederetur, & Prophetam permisisse; quia non existimavit vlla persuasionem dimouendum esse ab illa voluntate adorandi in templo Remon adorante suo domino. Secundò respondeo Naaman non petiisse licentiam simulandi adorationem idolo, sed solum genuflectendi, & serviendi domino suo, cum ipse idolum adoraverit, quod certè licitum est. Neque obstat petiuisse à Propheta, ut deprecaretur dominum pro illo de tali re; quia id dicere potuit ob dubium, quod fortè habuit, an tale ministerium sibi illa in occasione liceret; cui dubio videretur Propheta satisfecisse illis verbis, *Vade in pacem.* quasi diceret, nihil est, quod te turbet, rectè potes genu flectere domino tuo, quin pacem, & gratiam cum Deo amittas.

Ad tertium exemplum Iehu, August. *lib. contra mendacium, cap. 2.* & ex illo D. Thom. 2. 2. *quest. 111. art. 1.* censent in illa simulatione peccasse, neque ob id laudatum esse à Deo, sed quia omnes sacerdotes Baal occidit, & domum Achab funditus evertit. Quod sanè indicant illa verba, *quia studiosè egisti quod rectum erat,* &c. non dixit, quia studiosè locutus fuisti, sed *quia studiosè egisti,* indicans in solo facto interfectionis rectè processisse, secus in simulata voluntate idololatriæ, quam pro medio assumpsit.

Ad quartum exemplum ex David facilè respondetur, David ibi non simulasse falsam religionem, sed

quandam dementiam, & stultitiam: neque Christus Dominus simulavit peccatum peccato, sed assumens naturam humanam permisit se peccatorem reputari: quod eius humilitatem summopere commendat.

Ad quintum & sextum ex ratione petitum, concedo totam malitiam huius simulationis reduci ad mendacium pernitiosum; nego tamen excusari posse ex intentione proferentis, sicut in aliis materiis distinctis à religione excusatur. Et ratio est, quia simulatio in aliis materiis ex se indifferens est, ut verum, vel falsum significet. Quapropter ex intentione proferentis coarctari potest, & determinari, ut veritatem, quam ipse mente retinet, significet quod hoc exemplo declaro. Interfecisti Petrum in agro: rogaris an illum interfeceris, negas, subintelligendo, in platea; negatio enim indifferens est, ut supponat pro interfectione facta in agro, & pro interfectione facta in platea: & tu negas solum interfectionem factam in platea, licet audiens decipiatur, existimans nullibi interfectionem esse factam, quam deceptionem non teneris semper vitare: at simulatio falsæ religionis semper ex se falsum significat; quia neque falsa religio vera esse potest, nec simulatio extrahi potest à sua significatione, siquidem ad id assumitur. Confirmatio habet specialem difficultatem, qua ratione liceat uti vestibus, & actionibus falsam religionem repræsentantibus, & simul habentibus alium finem, de quibus in seqq.

PUNCTUM XVII.

Possis ne uti vestibus, & signis propriis infidelium, vel hæreticorum, ut fidem occultes, cum non vrget præceptum fidei confitendæ.

- 1 Distinguuntur hæ vestes, & signa.
- 2 Proponitur prima sententia negans licitum esse his signis uti.
- 3 Probabilior est sententia opposita.
- 4 Satisfit oppositis argum. num. 2. adductis.
- 5 Aliqua inferuntur ex superiori doctrina.
- 6 Ex gravi causa aliquibus videtur licitum fideli uti vestibus, & signis institutis ad falsa religionis professionem.
- 7 Contrarium omnino est tenendum.
- 8 Signo instituto in honorem falsa religionis, nequaquam est probabile illo fidelem uti posse.
- 9 Cibus vetitis transiens per infideles uti poteris, si absque gravi iactura eos non potes respicere, secus econtra.
- 10 Apponuntur aliquot limitationes.
- 11 Licitum tibi est templum hæreticorum ingredi ob cuiusdam obsequij civilis exercitium, secus in signum falsi cultus.
- 12 Per se loquendo licitum est concionibus hæreticorum assistere, si causa urgeat, qualis non est sola curiositas.
- 13 Vbi princeps generaliter imperat omnes assistere in cultum falsa secula, ut in Anglia, nequaquam licitum est.
- 14 Non licet Eucharistiam de manu hæretici sumere, neque matrimonium coram illo ex præscripto regis celebrare.
- 15 Coniuijs nuptialibus licet assistere, & contrabentes bene precari.

Loquimur de vestibus, & signis, quæ vel ex usu, & consuetudine, vel ex lege distinguunt homines unius sectæ ab alijs (nam de vestibus, & signis, quæ non religionem distinguunt, sed nationem, nemini esse potest dubium non esse peccatum contra fidem illis uti.) hæc ergo signa distinguunt homines unius sectæ ab alijs, sunt in duplici differentia: alia primò, & per se ad hanc distinctionem faciendam instituta sunt, qualiter reputatur Romæ pileus flavi coloris pro Iudæis, fascia, seu tobassa pro Turcis, & Sarracenis, imò,

imò, ut aliis placet, vestis habens depictam lunam, vel Mahometum. Alia sunt, quæ primò & per se ad profitendam falsam religionem assumuntur, qualia sunt, vestes, quas Sacerdotes idolorum assumunt ad sacrificium, vel si Princeps ad profitendam falsam sectam, & cultum exhibendum falsis diis signum aliquod gestare præciperet.

2 Prima sententia negat licere aliquo ex his signis uti ad occultandam fidem. sic Caietanus 2. 2. *quest. 3. artic. 2. dub. 1. fine.* Nauarr. *cap. 11. num. 27. vers. 4.* Toler. *lib. 4. sum. cap. 2. num. 7.* Syluest. *verb. apostasia, quest. 1. verb. fides, q. 5. n. 8. & verb. infidelitas, fin.* & ibi Angel. Tabien. Armill. & Caietan. *summ. verbo habitus.* Philarc. *de offic. Sacerdot. som. 1. p. 2. lib. 3. cap. 9.* D. Antonin. 2. *part. tit. 12. cap. 6.* Mouentur, quia gestans vestem institutam ad discetnendum infidelem à Catholico, illius gestatione profitetur se infidelem esse; sed professio infidelitatis quæcumque sit, est intrinsecè mala: ergo nulla ratione licet. Secundò illud signum non alia via distinguit infidelem à fideli, nisi quatenus significat illud gestantem infidelem esse; sed qui vellet ostendere se infidelem esse, peccaret peccato infidelitatis. Ergo etiam qui vult se ostendere distinctum à fideli, peccato infidelitatis peccat. Tertiò huiusmodi vestis, & signum, etsi primò institutum non sit ad ostendendam falsam religionem, sed ad distinctionem, & cognitionem personarum illam profitentium, secundariò ad falsam religionem profitendam est institutum ratione supradicta; quia non potest distinguere infidelem à fideli, quin ostendat infidelem esse, sed profiteri falsam religionem etiam secundariò est intrinsecè malum. Ergo. Quartò, si verbis affirmares te esse Turcam, vel hæreticum, absque dubio negare fidem iudicaretis, sed id ipsum iis vestibus, & signis affirmas. Ergo. Quintò sequeretur, si in vestibus esset depictum idolum Mahometi ad distinguendum Sarracenum à fideli, posse Christianum ibi residentem illis uti, ut fidem occultaret; quia figura illa solùm ad distinctionem profitentis illam sectam assumitur, non ad specialem honorem, & cultum idolo exhibendum: hoc autem videtur absurdum. Ergo. Quòd si dicas eo ipso, quòd figura idoli gestatur, cedit in ipsius honorem, quem teneris, quasi superstitiosum cultum vitare. Contrà, quia solùm cedit in honorem ipsius, quatenus significat illud gestantem esse illius veneratorem, & cultorem: sed idipsum significat quodlibet aliud signum distinguens infidelem à fideli; significat enim illud gestantem esse illius sectæ veneratorem. Ergo. Tandem, quia si à professione falsæ sectæ, & negatione fidei, separari potest usus talis vestis, pro libito, & absque necessitate, illis uti poteris; quia solùm ex hac significatione habent malitiam.

3 Nihilominus dicendum est primò, etsi supradicta sententia probabilis sit, probabilius tamen esse, ex graui causa tibi licere uti vestibus, & signis destinatis ad discernendum infidelem à fideli: sic docent Bannes 2. 2. *quest. 3. artic. 2. dub. 2. conclus. 3.* & ibi Aragon *dub. 1. conclus. 2.* expressè Gregorius de Valentia *disput. 1. quest. 3. punct. 2. dub. 4. ad finem.* Suarez *de fide, disput. 14. sect. 5. num. 7.* Coninch *disput. 15. dub. 3. conclus. 8.* Emanuel Saa *verbo fides, num. 4. in vtraque editione.* Probant suam sententiam Sanchez, Suarez, & alij primò, quia licet his vestibus, & signis adiuncta sit significatio falsæ religionis, tamen quia per se illam non significant, sed distinctionem infidelium à fidelibus, quæ significatio est reipublicæ maximè utilis; ideo possunt ad hanc significationem præstandam assumi, omissa alia significatione falsæ religionis; sicut habitus monachalis non solùm ad significandum statum monachalem destinatur, sed etiam ad corporis indumentum, qui illum assumeret, ut se occultaret; non

Ferd. de Castro Sum. Mor. Pars I.

obinde diceretur statum monachalem profiteri. Secundò, quia si harum vestium gestatio esset falsæ fidei professio; peccarent illis vtentes, & iniquè faceret Princeps cogens ad illarum vestium portationem: quod non est dicendum, cum Pontifex præcipiat Romæ Iudæis pileum flauum portare, ut à Catholicis distinguantur. Verùm, ut rectè notauit Coninch *suprà num. 67.* hæc argumenta vel minimum probant, vel nihil: nam si primum argumentum aliquid probaret, probaret vtique licere verbis ambiguis, & quæ duplex significatum habent, negare fidem; quantumuis audientes conciperent te fidem negasse, quia potes illa proferre in sensu legitimo; siquidem illum retinent: at verbis ambiguis negare fidem omnes Catholici reputant illicitum. Ergo quòd vestes retineant significationem honestam, non probat te illis posse uti, si de facto illius usus reputatur à videntibus negatio fidei. Secundum argumentum minus probat; potest enim Princeps habens sub se diuersarum religionum professores imperare, ut quilibet dicat, quam religionem profiteatur: au, inquam, sit Christianus, vel Mahometanus, &c. quod mandatum licitum est, & dictum ipsum etiam est licitum; quia Princeps non imperat, ut falsam fidem profiteantur, sed ut testentur, quam fidem habeant; sicuti, si tibi imperaret, ut testareris de fide sociorum, potes, inquam, absque peccato testari socios tuos esse Mahometanos ex suppositione, quòd ita sint: sic similiter testari potest quilibet de se ipso. Quocirca legitima ratio, quare vestibus destinatis ad distinguendos infideles à fidelibus, possis tu, qui fidelis es, ex causa vrgenti uti, ea est; quia attentis circumstantiis, nullo modo earum usus testatur te infidelem esse; siquidem quilibet, qui te Christianum cognosceret, & sic vestitum videret, non iudicaret te negasse fidem, neque id videri voluisse; sed solùm iudicaret te voluisse occultare ob timorem mortis. Ergo illarum usus nullius falsitatis signum est. Secus est, si verbis, quantumuis ambiguis, & restrictis, diceres te esse Iudæum, Mahometanum, quia ex illis intelligerent audientes te ob timorem mortis fidem negasse, aut sic apparere voluisse; quia verborum significatio strictior, & limitatior est, quàm vestium, & aliorum signorum. Dixi, si legitima causa intercedente illis vestibus utaris, non esse signum infidelitatis, quia si absque causa feceris, cum tunc nulla ratio legitima adsit veritatem occultandi; meriò præsumi potest, te negasse fidem, vel voluisse desertorem illius apparere, quod est intrinsecè malum. sic Coninch *ibid. dub. 3. n. 65. & 71.* Suarez *de fide, disp. 14. sect. 5. num. 5.* Sanchez *lib. 2. cap. 4. num. 19.*

4 Argumenta pro priori sententia ex probatione nostræ conclusionis manent soluta. Dicemus namque gestationem illius habitus non esse fidei falsæ protestationem, sed testificationem se fidem falsam habere, quod in habente fidem falsam, ex suppositione, quòd illam habet, non est illicitum: in viro autem Catholico, si videntibus, & cognoscentibus illum apparere possit, gratia occultandi facere, etiam licitum est; hoc tamen nisi causa legitima te occultandi adsit, nullo modo apparere potest: quapropter absque graui causa nullatenus id fieri potest. De veste verò, in qua figura Mahometi, vel idoli depicta esset, alicui videri posset illa Christianum posse uti, quando solùm ad discernendum infidelem à fideli esset appositæ ob rationem in argumento allatam; at credo nullo modo licere, quia gestatio illius figuræ per se est quidam cultus, & veneratio idolo facta, quæ semper est illicita: sic docent Sanchez *lib. 2. cap. 4. num. 21. & 23. in fine.* Suarez *disput. 14. de fide, sect. 5. n. 8.* Intelligo de gestatione publica, & honoraria. nam si occultè deferres, vel alio modo impedires exterioris cultus apparentiam, liceret sanè, ut in alijs signis diximus. sic Suarez *suprà.*

Hh

5 Hinc

5 Hinc deducit Sanchez *lib. 2. cap. 4. num. 22. & 23.* excusari Christianos videntes signis Turcarum in navibus, ne à Turcis comprehendantur, & speculatores Christianos, vulgò *espias*, videntes lingua, & habitu infidelium ubi resident, & pugnantes aduersus infideles, videntes eorum vexillis, ut eos faciliùs possint comprehendere, modò tamen in ipsis vexillis depicta non sit idoli figura. Quia in his omnibus nulla falsæ fidei professio, etiam quoad apparentiam, fit, sed solum veræ fidei occultatio, quæ ex causa iusta licita est: assumuntur enim signa de se indifferentia, & consenti Bonacina *disp. 3. q. 2. p. 3. n. 27.*

6 Sed quid dicendum de signis, & vestibus infidelium institutis non ad discernendum eos à fidelibus, sed ad profitendum, protestandumve eorum falsam religionem, an liceat fidei illis uti ad se occultandum?

Aliqui existimant ex gravi causa licere. sic Sanchez *lib. 2. cap. 4. num. 20.* cum Azor *tom. 1. lib. 8. institut. moral. cap. 27. quest. 4. fine*, reputat probabile Coninch *disp. 15. de fide, dub. 3. num. 72. conclus. 9.* Mouetur, quia quantumcumque ad protestandum fidem falsam, cultumque idolo exhibendum instituantur, non perdunt hæ vestes suam nativam significationem regendi, defendendique corpus à temporum inclementiis. Ergo licitum est fidei ob huiusmodi finem illas vestes assumere, relicta alia significatione legali. Addit verò Sanchez *num. 21.* hoc non esse admittendum in vestibus destinatis ad authoris falsæ sectæ cultum, quales ipse reputat vestes destinatas pro sacrificiis. Sed non videtur satis consequenter dictum: nam etiam in huiusmodi vestibus repertum potest nativa significatio, & usus corpori deferuiens. Ergo propter illum assumi poterant.

7 Quocirca existimo, (etiam propter tot Doctorum auctoritatem supradicta sententia probabilis sit) omnino esse tenendum non licere ob ullam causam fidei iis vestibus uti; quia talis gestatio est quidam cultus, & honoratio falsæ sectæ, sicuti diximus, cum figura idoli in vestibus est depicta. Negari enim non potest falsæ sectæ eo maiorem honorem accrescere, quo plures induti appareant vestibus illam protestantibus, qui honor, & superstitiosus cultus separari non potest à gestatione, quantumvis contrariam voluntatem fidelis habeat. Adde rarò ab scandalo huiusmodi actum excusari posse. Ergo non est admittendus talis usus: & ita tenet Anton. Tabien. Angel. Navarr. Philarcus, Tolerus, & alij relati in *princip. huius puncti.* & Aragon *2. 2. quest. 3. artic. 2. dub. 1. conclus. 2.* Ludouicus Lopez *1. part. institut. cap. 41. versic. accipiens habitum.* Suarez de fide, *disput. 14. sect. 5. num. 13.* inclinatur Coninch *suprà num. 73.*

8 Aduerto tamen, si Princeps infidelis non solum infidelibus, sed indiscriminatim omnibus habitantibus in suo regno, vel aliquo modo commorantibus præciperet uti veste, vel signo in honorem suæ falsæ sectæ, credo in hoc casu, nullo modo esse probabile, fidelem uti illo signo posse ad se occultandum, esset enim talis usus falsæ fidei protestatio; quia cum ille usus non præcipiatur solis infidelibus, ut à fidelibus appareant distincti, sed præceptus sit fidelibus, & infidelibus in falsæ fidei professionem, & honorem: quicumque illo utitur, meritò reputandus est falsam fidem profiteri. Quod confirmo hoc exemplo: si enim tibi singulariter Princeps præciperet sub pœna mortis; ut in cultum, & protestationem suæ falsæ sectæ portares aliquod signum, cui dubium esse potest, te obligatum esse mori prius, quam portare signum ita execrandum; quia gestatione illius signi, voluntati Principis annueres, & falsam sectam profitereris saltem in exteriori apparentia, quod nunquam licet. Ergo similiter dicendum est, cum edicto generali imperaris veste protestatiua falsæ fidei indui: & ita tenet Coninch *disp. 15. de fide, dub. 3. n. 72.*

9 Ex dictis deciduntur aliquot difficultates passim occurrentes. Prima, an transiens per loca infidelium, aut hæreticorum, vel ibi residens, possis uti cibis vetitis ob te occultandum? Et quidem si illos cibos respicere potes absque graui periculo, allegando causam aliquam extra religionem, v.g. debilitatem stomachi, certum est, te obligatum esse lege communi, & fauore religionis, id efficere. Quia mendacium vitari potest aliqua restrictione; & causa adest legitima restrictione utendi. sic Sanchez *lib. 2. cap. 4. num. 24.* cum Azor *lib. 8. institutionum moralium, cap. 27. quest. 3.* Quocirca dubium solum est, quando cibos vetitos respicere non potes, quin suspicionem generes ob Catholicam religionem respicere: ex qua suspitione meritò timere potes graue damnum tibi obuenturum; an, inquam, tunc licet illis possis vesci? Credo regulariter tibi licere; quia licet per huiusmodi signa aliquo modo distinguantur fideles ab infidelibus: at non sunt signa instituta ad falsæ fidei professionem, & protestationem hæresis. Ergo illis cibis utens præsumi non potes negare fidem, aut falsam protestari, sed solum te occultare voluisse; cum non tenearis te manifestare. sic Azor *tom. 1. lib. 7. institut. moralium, cap. 29. quest. 7. ad finem, & lib. 8. cap. 27. quest. 3.* Sanchez *lib. 2. cap. 4. num. 25.* Coninch *disp. 15. de fide, dub. 3. concl. 4. num. 50.*

10 Limitanda tamen est hæc doctrina iuxta supradicta, primò, si ex tua comestione scandalum graue sequatur in Catholicis, eo quòd videntes te cibis vetitis uti, absque vilo scrupulo, intelligent te à fide defecisse, & hac ratione ipsi ad fidem deferendam incitantur. sic Sanchez, & Coninch *suprà*, quod intelligendum est, quando horum periculum vitare non potes, manifestando causam, ob quam tibi licet cibis vetitis in tali occasione uti. Secundò limitanda est doctrina, nisi auctoritate publica, vel priuata prouocaris carnes edere in contemptum Ecclesiastici præcepti, seu protestationem inobedientiæ Sedis Apostolicæ, & professionem falsæ sectæ. Nam tunc ipsa comestione præceptum Ecclesiasticum contemnebas, vel saltem adstantibus apparebas contemnere, quod intrinsecè malum est, ut rectè colligi potest ex Paulo *1. Corin. 10.* ubi postquam dixit idolo immolata comedi posse, quando instar aliorum ciborum apponuntur in mensa; negat id fieri posse, cum aliquis dicit, hoc immolatum est idolo, quia tunc illo dicto ad comedendum idolothytum inuitat in honorem idoli, quod si inuitatus annuit, & comedit, honorem idolo deferret, vel saltem reputatur deferre. At deferre honorem idolo saltem in apparentia, nullo modo est licitum; ergo nullo modo licet talibus cibis vesci: sic in præsentī dicendum est, cum in contemptum præcepti Ecclesiastici ad comedendos cibos prohibitos inuitaris.

11 Secunda difficultas est de concionibus, precibus, & aliis signis falsæ religionis. An, inquam, ob vitandam mortem, & bonorum publicationem liceat Catholico, concionibus, & precibus hæreticorum adesse?

Ponendum est tibi licere templa hæreticorum adire, & precibus illorum assistere; quando non ratione falsi cultus, sed cuiusdam obsequij ciuilis ades, ut si dominum ibi ingredientem comiteris, vel officium aliud politicum ibi debeas præstare; hic enim ingressus non est formaliter religiosus, sed ciuilis, & politicus, ac proinde non vitandus, quod exemplo Naamam ministrantis suo domino in templo Ramon satis confirmari potest, qui, cum eius dominus idolum adorabat, ipse genuflectebat; non quidem venerans idolum, sed obsequens domino suo: semper enim cauere debes, ne videaris ritibus hæreticorum reuerentiam exhibere, aut te illis miscere. sic Sanchez *lib. 2. cap. 4. n. 26. in medio.* Pesantius *2. 2. q. 3. art. 2. disp. 1. q. 3.* Malder. *ibi notab. 3.* Coninch *disp. 15. dub. 3. n. 62.*

Secundò

Secundò pono ex se illicitum tibi esse ingredi templa hæreticorum, si cum illis preces fundas, genuflexas, & in cæremoniis aliis communices; quia tunc exterius protestaris fidem deserere, vel saltem superstiosum cultum falsæ sectæ exhibere, quod est intrinsecè malum; secus verò si ea sine vlllo signo reuerentiæ spectares, & in his conveniunt Doctores, vt videre est apud Sanchez, & Coninch, statim allegandos, & constar ex dictis. Quapropter difficultas solùm est, an ingressus in templa hæreticorum ob præstandam obedientiam Regi sub grauibz pœnis id præcipienti, licitus sit Catholico, vt has pœnas euitet?

12 Cui difficultati respondeo iuxta supradicta, per se loquendo, licitum esse concionibus, & precibus hæreticorum assistere. sic Azor tom. 1. lib. 8. cap. 27. quest. 5. Valent. 2. 2. disput. 1. quest. 2. punct. 2. dub. 4. sine. Coninch disput. 15. dub. 3. conclus. 5. num. 55. Sanchez lib. 2. in Decalog. cap. 4. num. 26. Bonacina disput. 3. quest. 2. punct. 3. num. 21. Ratio est, quia assistentia illa non est falsæ fidei protestatio, cùm ex aliis capitibus fieri rectè possit; potest enim ex necessitate fieri ob vitandam grauem iacturam honorum, vel ex zelo fidei, & voluntate deprehendendi errores, qui ibi seminantur, vel tandem ex curiositate. At aduerto cum Sanch. & Coninch supra, totam curiositatem non esse causam legitimam assistendi concionibus, & precibus hæreticorum: tum quia vti signis hæreticorum propriis absque graui causa est occasio reputandi illis vtemem, vel hæreticum esse, vel talem velle videri. Item semper adest aliquod periculum peruerisionis, cui sine causa peccatum est, se committere, requiritur enim causa legitima; hæc enim esset, si timeres grauem iacturam honoris, vel diuitiarum, nisi adires. Conclusio tamen intelligenda est, quando solis hæreticis Princeps præciperet concionibus accedere, & preces fundere: tunc enim dicimus licere Catholico illam assistentiam, vt se occultaret.

13 At si Princeps omnes habitantes in suo regno sine distinctione cogeret templa hæreticorum adire, & illorum concionibus assistere in honorem suæ falsæ religionis, vt de facto in Anglia, aliisque regionibus hæresi infectis contingit, sine dubio peccabit Catholicus talibus assistens. sic Sanchez, & Coninch supra, qui testantur Paulum V. id motu proprio definisse. Bonacina disput. 3. quest. 2. punct. 3. num. 21. Ratio est manifesta primò, quia illa assistentia in signum, & protestationem falsæ doctrinæ, & in honorem illius imperatur: quod sufficienter colligitur ex tenore edicti dicentis: *Modeste etiam, asque sobrie dum preces persoluantur se gere-re, & vsque ad finem dictarum precum, & concionum ibi manere teneantur.* Imperatur ergo assistentia modesta, sobria, ac proinde religiosa. Ergo illam exequens falsam doctrinam honorat, & quoad exteriorem apparentiam protestatur. Neque obstat Principem dicere in suo edicto se tantùm velle ciuilem subditorum obedientiam, non à religione apostasiam. nam quantumuis ipse hoc verbis protestetur, facto ipso contrarium innuit, cùm ipsamet assistentia illis circumstantiis præcepta falsæ sectæ sit protestatio. Secundò negari non potest concursu plurium doctrinam falsam honorari, & vires assumere, & in dies esse extendendam; sed hoc cedit in grauißimum religionis Christianæ detrimentum. Ergo ob nullam causam licet. Tertiò aduertes reputantur hæretici, & à fide defecisse; neque iam est vlus Catholicus, qui eos excuset. Ergo excusari non possunt. Quomodo enim excusari potest actio, vbi est scandalum, superstiosus cultus, protestatio falsæ sectæ, & illius honor?

14 Ex his à fortiori infertur, nullo modo licere tibi Eucharistiam sumere à ministro hæretico, matrimonium celebrare coram illo ex præscripto Regis id præ-

cipientis; etiam si secretò priùs coram ministro Catholico contraxisses, quia illa cæremonia testaris te agnoscere ministrum illum, tanquam veræ fidei ministrum, eiusque cæremonias honoras, & in illis communicas, quæ omnia intrinsecè mala sunt. sic Malder. 2. 2. quest. 3. art. 2. membr. 3. Coninch disp. 15. dub. 3. n. 63. vbi aduertit secus esse, si coram magistratu ciuili contraheret, aut coram illo testaretur se contraxisse, modò ritu Catholico antea, vel postea contrahat, quia ibi solùm interuenit politicum præceptum obligans, vt publicè constet te matrimonio copulatum esse.

15 Secundò infertur te posse conuiuiis nuptialibus assistere, & contrahentes bene precari, etiam si ritu hæretico contrahant, quia conuiuium nuptiale licitū quiddè est, etiam si contractus, in quo fundatur, illicitus sit. Ergo assistens conuiuiis optimè potest intelligi non voluisse contractum, quia talis est, honorare, sed conuiuium, quod subsequitur: sic Malder. & Coninch supra.

PUNCTUM XVIII.

An liceat tibi omittere signum ex præscripto Regis impositum ad significandum te fidelem esse.

1 Explicatur casus, & Caietan. negat.

2 Contrarium est probabilius.

3 Satisfit rationi adductæ in fauorem Caietan.

1 **L**ata est lex à Principe, vt quicumque in suo regno fidelis sit, in testimonium, & protestationem suæ religionis tali veste vtatur, aliàs ab omnibus tanquam desertor fidei reputetur; poterit ne Catholicus, si ex portatione illius vestis, & suæ fidei manifestatione periculum immincat, omittere vestem signatam, præcipuè cùm lex est in viridi obseruantia?

Caietan. 2. 2. quest. 3. art. 2. cui consentit Nauarr. sum. cap. 11. num. 27. versic. quintò, negant omittere posse; quia illa ommissio videtur esse virtualis negatio fidei, siquidem videntes existimant tali signo carentes infideles esse, eo quòd à lege sic reputentur. Item assignatio illius vestis, est quædam de fide interrogatio, & examinatio; examinat enim Princeps illius vestis portatione, quinam sint fideles: si igitur verbis examinatus esses, vt si diceret Princeps, manifesta nobis, quam fidem habeas; & sit signum te negare fidem silentium, signum te illam amplecti, sit confessio: cui dubium esse potest te in tali occasione constitutum obligatum esse confiteri; aliàs silentium tuum argumentum esset te negasse fidem, vel saltem voluisse videri negauisse. Cùm ergo per legem idem examen Princeps intendat facere, & omissionem illius vestis constituat in signum infidelitatis, si vestem omittis, infidelis vis esse, vel saltem videri talis. Ergo nullo modo tibi licet.

2 Nihilominus contraria sententia communior, & probabilior est, scilicet te posse ex graui causa omittere signum à lege constitutum pro fidei Christianæ professione, sic docuit Bannes 2. 2. quest. 3. art. 2. dub. 2. conclus. 4. Aragon ibi dub. ult. Valent. disp. 1. quest. 3. punct. 2. dub. ult. Suarez de fide, disp. 14. sect. 5. num. 10. Coninch disput. 15. dub. 3. sine, num. 76. Sanchez lib. 2. in Decalog. cap. 4. sine, num. 29. Ratio est, quia illa ommissio non est negatio fidei, etiam quoad apparentiam, sed solùm occultatio, quæ ex causa iusta licita est. Ergo. Antecedens probò: tum à simili ex habitu monachali ab Ecclesia signato pro religiosiis, quem si quis ex virgenti causa exuat, non obinde reputatur negasse monachalem professionem, sed solùm illam voluisse occultare. Tum ratione, quia vt ommissio illius vestis reputaretur fidei negatio, debebat nullam aliam spectatis illis circumstantiis significationem habere,

H h 2 vc

ut sic videntes, & cognoscentes illum esse Christianum, & omissionem fuisse illius signi, à fide defecisse: atqui habet hanc legitimam significationem, scilicet occultare personam. Ergo. Item neque obligaris ferre illam vestem ex lege Principis, neque ex præcepto fidei. Ergo ex nullo capite. Ex lege Principis obligari non potes: tum quia lex illa non est iusta, utpote lata in odium Dei, & de materia ad Principem sæcularem non pertinente; examen enim fidei, & illius professio Ecclesiastico Principi, non politico, attributa est: & dato quod lex illa iusta esset, cum sit humana, & politica, non te obligat cum grauissimo tuo detrimento: ergo ex ratione legis obligari non potes. Ex præcepto autem fidei cessat similiter obligatio; quia præceptum positivum constituendi fidem non obligat, ut clarum est in illa occasione, quia nec subtrahitur omissione illius honor diuinus grauiter, neque scandalum generatur. Neque etiam præceptum negatiuum non negandi fidem; quia hoc præceptum obligat, ne assumas aliquod signum protestatiuum negationis fidei: at tu tale signum non assumis, sed potius relinquis signum fidei protestatiuum. Ergo solum potest ex illo inferri te non protestari fidem, non tamen illam negare.

Dices, non protestari fidem illo signo, esse virtualiter illam negare; præcipue cum expressè ommissio illius signi, ut signum negationis, à Principe constituta sit. Sed nego assumptum; quia licet ommissio signi sit signum à Principe constitutum pro negatione fidei; quia tamen alias significationes legitimas habet, ea de causa à fidelibus absque negatione fidei usurpari potest. Adde non esse signum fidelibus, & infidelibus commune, sed pro solis infidelibus assignatur, ut sic facilius à fidelibus distinguantur. At iam diximus posse Catholicos signum proprium infidelium assumere, quando ex illius assumptione non sequitur specialis honor infidelitatis. Denique si Catholici obligati essent illud signum assumere, occultari nulla ratione posset, & Princeps infidelis absque vlla difficultate posset omnes cognoscere, comprehendere, & punire, quod est grauissimum inconueniens.

3 Neque obstat supradicta ratio Caietan. licet enim videntes te carere illo signo, intelligant te infidelem esse, quia nesciunt te Catholicum fuisse: at hoc in causa esse non potest, te manifestandi; quia ex tali iudicio nullum scandalum sequitur: si autem scirent te Catholicum esse, & omittere; merito debent reputare te omittere non gratia deferendi fidem, sed personam occultandi: & sic nulla videtur ibi esse negatio fidei, etiam apparens, sed solum occultatio.

Ad confirmationem respondeo longè diuersum esse examen fidei singulariter alicui factum, vel generaliter, qui enim in singulari examinaretur, debebat ita procedere, ut nullo modo adstantes intelligerent fidem deserere, & voluntati Principis infidelis voluisse annuere, at ex suppositione, quod Princeps pro negatione fidei silentium constituit, si illo tunc vtaris, voluntati Principis videris parere, & fidem negare; quod ex eo colligitur manifestè, quia omnes qui te scirent esse Catholicum, & fidem sic interrogatum non profiteri, scandalizarentur, & te inbecillitatis, & inconstantiae arguerent. Quæ certè in interrogatione generali, & in signo per legem constituto non procedunt, ut ex dictis constat. Adde. Per legem non quilibet interrogatur, sed communitas, cui interrogationi sufficienter satisfactum est, etiam si plures non respondeant. Quapropter illa dici non potest propria interrogatio, sed incitatio, & prouocatio fidelium, ut se prodant: quod cum tanta iactura iniquum est, & ab eo abstinendum.

* * *

PUNCTUM XIX.

De professione fidei ex decreto Tridentini facienda.

- 1 Referuntur decreta, in quibus hac obligatio fundatur.
- 2 Obligatio faciendi professionem fidei est sub mortali, neque extinguitur transacto bimestri.
- 3 Comprehendit prouisos de beneficijs curam animarum habentes.
- 4 Item Canonicos, & dignitates Ecclesiarum Cathedralium.
- 5 Item prelatos regulares quorumcumque ordinum, tamen si ex consuetudine aliquibus in religionibus excusentur.
- 6 Item docentes artes liberales.
- 7 Si obtento canonicatu, vel beneficio professionem feceris, aliqui te excusant à professione facienda in obtentione similis canonicatus. Probabilius tamen est oppositum.
- 8 Vnica fidei professione pluribus titulis satisfacere potes; tamen si aliqui contrarium sentiant.
- 9 Qui modus seruandus sit in fidei professione facienda.
- 10 Fieri possit per procuratorem? Affirmatur, et probabile.
- 11 Limitatur doctrina à Sanchez, in Episcopis, sed non videtur approbanda limitatio.
- 12 Afferenti se fidei professionem fecisse, credendum est.
- 13 Ex Bulla Pij IV. & V. varia sunt pœna imposita omissentibus fidei professionem, sed non videntur receptæ.
- 14 Trident. imponit priuationem fructuum, & possessionem beneficij decernit non suffragari.
- 15 Explicatur quid sit possessionem non suffragari.
- 16 Nulla expectata sententia, tenetur sic omissus fructus restituere secundum probabilem sententiam: probabilius est requiri sententiam declaratoriam criminis.
- 17 Intelligi debet, si culpabiliter omiseris fidei professionem.
- 18 Sub nomine fructuum in hac pœna non veniunt distributiones quotidiana, neque annuaria.
- 19 Quibus est facienda fructuum restitutio.

1 **UT** huius professionis faciendæ obligatio intelligatur, & ad quas personas se extendat, & sub quibus pœnis: præmittenda sunt decreta de hac materia loquentia. Trident. namque sess. 24. cap. 12. de reformat. statuit, ut curam animarum habentes, teneantur à die adeptæ possessionis, ad minus intra duos menses in manibus Episcopi, vel eo impedito, coram generali eius vicario, & officiali orthodoxæ nostræ fidei publicam facere professionem, & in Romanæ Ecclesiæ obedientia esse permanfuros spondeant, ac iurent. Prouisi autem de canonicatibus, & dignitatibus in Ecclesiis cathedralibus non solum coram Episcopo, sed etiam in Capitulo idem facere teneantur, alioqui prædicti omnes prouisi fructus non faciunt suos, neque illis possessio suffragatur. & sess. 25. cap. 2. de reformat. decernit idem Concilium, hanc fidei professionem facere debet quicumque in Patriarchas, Primates, Archiepiscopos, & Episcopos promoti fuerint, in prima Synodo prouinciali, in qua ipsi interfuerint. Quod si quis (quod absit) tenuerit, Episcopi comprouinciales statim summum Pontificem Romanum admonere sub pœna diuinæ indignationis teneantur, interimque ab eiusdem communione abstineant. Pius tamen IV. in quodam Motu proprio, qui est 112. eiusdem, & incipit, *Iniunctum nobis*, datum Idib. Nouemb. 1564. supradictum Tridentini decretum extendit ad Prælatos monasteriorum, conuentuum, domorum, & aliorum quorumcumque locorum, siue regularium ordinum sint, siue militarium. Item Pius V. in alio Motu proprio, incipiente, *In sacro*

sacrosancta, cuius tenorem refert Eman. Rodriguez *qq. reg. tom. 2. q. 72. art. 2.* & Nald. *verbo fidei professio*, ad hanc fidei professionem teneri voluit omnes Doctores, Magistros, regentes, & alios quoscumque, ac cuiuscumque artis, & facultatis professores, siue clerici, siue laici sint, vel cuiuscumque ordinis regularis, qui docere, vel promoueri voluerint; & Congregatio explicuit hanc Bullam locum habere in docentibus prima principia Grammaticæ, Arithmeticæ, Musicæ, & aliarum artium, esto non sit in publicis scholis, sed in priuatis domibus; & additur poena excommunicationis ipso iure, & priuatio beneficiorum omnium, dignitatum, officiorum, feudorum Ecclesiasticorum, & habilitatis ad illa, & ad alia in posterum obtinenda aduersus promouentes, qui hanc fidei professionem facere neglexerint, & in promoris nullam esse promotionem.

2 Primò tanquam certum tenendum est obligationem faciendi supradictam professionem esse sub mortali, quia est res gravis, & ad grauissimum finem ordinata, qualis est exaltatio, & promotio nostræ fidei, & errorum extirpatio, & sub grauib. pœnis præcepta: sic relato Manuele Rodriguez, & aliis docet Sanchez *lib. 2. in Decal. cap. 5. n. 1. fine.* Bonacina *disp. 3. de fide, q. 2. p. 3. n. 14. & 15.* Quòd si aliquis obligatus fidei facere professionem intra bimestre illam omiserit, tenetur quàm primùm possit illam facere, quia non extinguitur obligatio, sed aggrauatur; non enim bimestre assignatur, vt terminus finiendæ obligationis; sed vt terminus obligationis exequendæ, & colligitur ex *cap. cum dilectus, de dolo, & contumacia*, vbi Abbas *n. 12. & l. Celsus, ff. de recept. arbit.* & ita tenet Nauarr. *conf. 11. num. 1. sub tit. de iureiur. in nouis.* Garcia *3. part. cap. 3. num. 29. & 30.* Sanchez *lib. 2. cap. 5. num. 5.* Azor *tom. 2. lib. 7. cap. 2. q. 4. & 5.* August. Barbofa *3. part. allegat. 61. num. 22.* & alij apud ipsos.

3 Personæ autem, quas hæc obligatio adstringit, sunt primò prouisi de quibuscumque beneficiis curam animarum habentibus: sub quibus veniunt intelligendi Commendatarij aliquarum Ecclesiarum, quibus datur facultas disponendi de fructibus; quia sunt verè beneficiati, & titulum habent. sic Garcia *de benefic. 3. p. cap. 3. à n. 10.* August. Barbofa *de potest. Episc. 3. p. alleg. 61. n. 12.* secus verò dicendum est de illis, quibus Episcopus Ecclesiæ curam commendat, non tamen de beneficio prouidet. Sanchez *lib. 2. cap. 5. n. 1.* Deinde sub nomine prouisi de beneficiis, comprehendi videbantur Episcopi, quia prouisi sunt de beneficiis curam animarum habentibus: at quia in *sess. 25. cap. 2.* præcipitur illis in prima Synodo prouinciali illam facere, videtur Concilium in supradictis verbis illos comprehendere noluisse. Præterea, quia in manibus Episcopi, prouisi de beneficiis debent professionem facere. Ergo sub nomine prouisi non comprehenduntur Episcopi. Verùm etsi hoc ita sit, attento Trident. decreto, & Bulla Pij IV. & V. At attenta constitutione Gregor. XIV. incipiente, *Omni Apostolica seruitutis*, quàmque refert Vgolin. *de potest. Episcop. cap. 1. §. 3.* obligati sunt omnes Episcopi hanc fidei professionem, & iuramentum facere: forma autem huius professionis, & iuramenti traditur in Pontificali Romano auctoritate Clementis VIII. edito, *fol. 79.* sic Barbofa *3. p. alleg. 61. n. 4.*

4 Secundò alstringit supradictum decretum Canonicos, & dignitates Ecclesiarum Cathedralium, sub quibus comprehenduntur Canonici, quantumcumque ab Episcopo sint exempti, quia absolute Canonici sunt. sic Felin. Nauarr. & Ledesim. relatis tradit Sanchez *lib. 2. cap. 5. num. 2.* Garcia *de benefic. 3. part. cap. 3. num. 21.* referens ita censuisse sacram Congregationem, Barbofa cum aliis *3. part. allegat. 61. num. 5.* Item comprehenduntur Canonici regulares Ecclesiarum cathedralium; quia verè sunt prouisi in canonicatibus Ecclesiarum

cathedralium: sic Garcia *n. 16.* Barbofa *n. 6.* Coadiutores tamen Canonicorum, licet Canonici nominentur, quia tamen verè, & propriè in canonicatibus non sunt prouisi viuente proprietario, fidei professionem facere non obligantur. Non enim coadiutor possidet canonicatum, sed coadiutorium: vt dicit Garcia *p. 4. cap. 5. n. 76.* sic Barbofa *n. 13.* Item neque prouisi de capellanis, portionibus, aliisque beneficiis simplicibus in Ecclesiis cathedralibus. Sanchez *cap. 5. num. 1.* Garcia *cap. 3. num. 13.* Barbofa *num. 15.* Adde nec prouisi in canonicatibus, & dignitatibus Ecclesiarum collegiatarum; quia solùm de prouisis in Ecclesiis cathedralibus locutum fuit Concilium. sic Sanchez, Barbofa, & Garcia *suprà.*

5 Tertio ex decreto Pij IV. & V. hanc facere professionem tenentur Prælati regulares quorumcumque ordinum, etiam militarium: sic Nauarr. *lib. 2. consil. & de iureiurand. consil. 10. in nouis.* Man. *qq. regul. tom. 2. q. 72. art. 1.* Saa *verbo fides, in fine.* Barbofa *3. part. allegat. 61. num. 7.* Verùm Sorbus Capuccinus *super privilegia mendicantium, verbo professio, notab. 1.*, inquit sacram Congregationem, & viros doctissimos declarasse non esse in vsu: cui consentit Sanchez *num. 3.* affirmans in pluribus religionibus non obseruari, vel quia supradicta Bulla recepta non fuit, vel quia consuetudine est derogata.

6 Quartò ex decreto relato Pij V. omnes docentes artes liberales, quomodocumque eas publicè doceant, tenentur hanc fidei professionem facere; & omnes illi, quibus ad hoc munus per aliquam vniuersitatem testimonium conceditur, notauit Barbofa in *declarat. Concil. sess. 24. cap. 12. & 3. p. de potest. Episc. alleg. 61. n. 2.*

7 Circa supradicta dubium est, an tenearis, quoties aliquo titulo, scilicet canonicatus, vel dignitatis fidei professionem feceris, illam facere obtinens canonicatum alium distinctum? Negant aliqui te obligatum esse fidei professionem facere, si dimisso priori canonicatu, alium obtineas in eadem Ecclesia, secus si in diuersis diocesis, oppidis, vel locis. Verùm probabilius existimo te semper obligatum esse, quia absolute prouisus es de beneficio, ac si nunquam prouisus fuisses, neque Concilium apposuit aliquod verbum, ex quo hæc limitatio colligi possit; non igitur est recipienda, ex *l. de pretio, ff. de Publ. in rem act.* cum citatis in libello *de principijs vtriusque iur. lit. L. n. 28.* & tradit Azor *tom. 2. lib. 7. cap. 2. q. 8.* quem videtur sequi Sanchez *lib. 2. in Decalog. cap. 5. n. 6.* Garcia affirmans sic declarasse Congregationem Cardinalium, *cap. 3. n. 17. & 38.* Barbofa alios referens *d. alleg. 61. n. 8.*

8 Sed quid si intra bimestre assignatum ad faciendam fidei professionem, obtineas cum canonicatu dignitatem, vel gradu Doctoris decoreris, satisfaciēsne vnica fidei professione obligationi illi ex duplici titulo contractæ? Et idem est si transacto bimestri, & oblitus obligationis faciendæ professionis ratione beneficij adepti, illam omittas ob alium titulum?

Negat Barbofa *allegat. illa 61. num. 9.* eo quòd tituli multiplicentur. Credo tamen probabilius te satisfacere vnica fidei professione; quia illi diuersi tituli ad eandem prorsus rem obligant, scilicet ad fidei professionem pro eodem tempore faciendam. Ergo facta fidei professione duplici titulo videtur factum. Item illa professio alicui titulo satisfaciť, sed non est maior ratio, quare vni potius, quàm alteri satisfaciatur. Ergo vtrique satisfaciť: sicut cum professio faciendā est coram Episcopo, & Capitulo, & Episcopus est in Capitulo, & præsentē illo sit professio, non debet iterum extra alia fieri, vt dicemus. Et ita tenet Nauarr. *lib. 2. consil. sub tit. de iureiurando, consil. 12. in fine, in nouis.* Manuel Rodriguez *regul. qq. tom. 2. q. 72. art. 3.* Sanchez *lib. 2. cap. 5. num. 6.*

9 Modus autem, quem debent supradicti obseruare, traditur in Concilio Tridentino, & in Bulla Pij IV. & declarat Quaranta in summ. Bullarij, verbo fidei professio, & Franc. Leo in thesauro fori Ecclesiast. 2. p. cap. 10. num. 23. Pro cuius intelligentia aduerte primò, elto Concilium dicat professionem faciendam esse in manibus Episcopi, vel eo impedito coram eius vicario, non esse intelligendum de necessitate, sed de conuenientia. Quare etsi Episcopus impeditus non sit, potest fieri coram eius vicario: & ita tenet Garcia 3. part. de benefic. cap. 3. num. 23. Barbosa 3. part. alleg. 61. num. 16. Secundò aduerte, cum ratione canonicatus, vel dignitatis teneris fidei facere professionem coram Episcopo, & Capitulo: si Episcopus in Capitulo existat, cum tu professionem emittis, sufficienter vtrique obligationi vnica professione satisfacis; nec teneris iterum foras, coram Episcopo, vel eius vicario profiteri; quia absolutè coram Capitulo, & Episcopo fecisti professionem; ergo satisfacisti Concilio. sic Garcia 3. p. de benefic. cap. 3. num. 24. referens decisum esse in vna Seguntina: consentit Barbosa supra num. 17. Tertiò aduerte Sede Episcopali vacante professionem faciendam esse coram vicario Capituli, non coram Capitulo, quia per vicarium, & non per Capitulum administratur iurisdicctio; idèoque magis vicarius, quàm Capitulum repræsentat Episcopum. sic Garcia num. 27. & 28. Barbosa num. 18.

10 Sed est difficultas grauis in hac materia, an possis per procuratorem facere fidei professionem, cum absens es, vel impeditus? Additio ad Nauarræ consilia lib. 2. consil. tit. de iureiurand. consil. 11. in fin. in nouis, aliter censuisse sacram Congregationem id fieri non posse, consentit Vgolinus de off. & potest. Episc. cap. 50. §. 16. n. 1. fauet Nicol. Garcia 3. part. cap. 3. num. 75. asserens sic tenuisse Rotam; & expressè negat fieri posse per procuratorem. Stephan. Gratian. disceptat. forens. cap. 166. n. 22. Moueri possunt, quia professio fidei, actus videtur esse personalis: tum quia est indicatiuus interioris assensus: tum & præcipuè, quia illamet professione intendit Ecclesia subditos in fide stabilire, & obligare, ne deficient, ad cuius finis consequutionem summè conuenit fieri fidei professionem per propriam personam.

Nihilominus probabilius est, fieri posse per procuratorem, quia regulariter ea quæ quis facere potest per se ipsum, potest & per procuratorem, nisi à canone, & lege aliqua limitetur. l. 1. ff. de procuratorib. cap. qui per alium, & cap. potest quis, de reg. iur. in 6. Item iuramentum potest præstari per procuratorem, cap. fin. de iuram. calumn. in 6. cap. 1. §. verum, de statu regul. & ita sentiunt Nauarr. illo consil. 11. de iureiurand. num. 2. Azor 2. part. lib. 7. cap. 2. quæst. 6. Sanchez cap. 5. num. 7. Barbosa num. 20. praxis Episcopalis, 2. part. verbo fidei professio, & alij. Neque obstant contraria. Nego, inquam, ita esse actum personalem, vt per procuratorem fieri non possit: nam licet sit interioris consensus indicatiuus, etiam contractus matrimonij id ipsum habet; & tamen per procuratorem fit. Quòd verò per professionem intendat Ecclesia profitentes firmos habere in fide, probat conuenientiam faciendi professionem per propriam personam, non necessitatem.

11 Limitat autem supradictam doctrinam Sanchez illo n. 7. in professione fidei facienda ab electis in Episcopatum, vel translatis ad alium Episcopatum, & dicit hos in manibus Episcopi signati à Pontifice per se ipsos facere professionem debere, & non per procuratorem: & ita duos viros doctissimos à se consultos respondisse. Mouetur ex verbis Bullæ Pontificiæ committentis certo Episcopo, vt supradictam fidei professionem, nomine ipsius Pontificis acceptet. Ne propter ad Sedem Apostolicam accedendo personaliter laborare cogatur, volentes parcere laboribus, & expensis fraternitati vestræ committimus. At si hæc fidei professio fieri posset

per procuratorem, non esset opus labori, neque expensis parcere, neque alicui Pontificem vices suas committere, vt nomine ipsius acceptet: sed posset Episcopus Romano procuratori potestatem dare, vt nomine ipsius in Pontificis manibus prædictam fidei professionem emitteret. Fateor ex supradictis verbis legitime deduci, Pontificem præsupponere Episcopum per se ipsum fidei facere professionem debere, saltem ex conuenientia: cui obligationi ex decencia, & conuenientia voluit parcere, committendo vices suas alicui Episcopo. An autem coram illo Episcopo teneatur per se ipsum fidei facere professionem, & per procuratorem facta nulla sit, non satis videtur colligi ex supradictis verbis; quia nullum videtur esse verbum hanc obligationem imponens ipsi Episcopo faciendi per se ipsum in manibus Pontificis, & non per procuratorem.

12 Sed inquires, an credendum sit parti affirmanti fidei professionem fecisse?

Respondet affirmatiuè Aloysius Riccius in praxi fori Ecclesiast. decis. 681. aliàs in noua edit. §. 80. & cum eo Barbosa 3. p. alleg. 61. num. 21. dummodo collatio beneficij sit decennalis, ex resolutis per Flamin. de resignat. lib. 3. quæst. 6. num. 74. Et credo hoc verum esse, cum non teneatur quis professionem facere coram multis testibus, aliàs asserenti professionem fecisse, non creditur, nisi probet, debet testimonium authenticum semper exigere, aut ita publicè fidei professionem facere, vt semper id constare possit. quod nullibi video esse cautum.

13 Pænæ impositæ professione omittentibus variz sunt, tam in Concilio Tridentino, quàm in supradictis constitutionibus Pij IV. & V. Et quidem constitutio Pij IV. imponit excommunicationem latæ sententiæ, non quidem aduersus promotos in aliquo gradu, & legentes aliquam artem liberalem sine professione fidei facta, sed aduersus promouentes, & permittentes eos legere sine huiusmodi professione: & ultra excommunicationem latæ sententiæ non reseruatam, inducit ipso iure priuationem beneficiorum, dignitatum, officiorum, feudorum Ecclesiasticorum, & inhabilitatem ad illa, & ad alia in posterum obtinenda. Aduersus autem sic promotos, & legentes inducit nullitatem gradus, seu promotionis: sic Sorbus Capuccinus super priuilegia mendicantium, verbo professio fidei, notab. 4. Sanchez lib. 2. cap. 5. n. 4. Bonacina dissut. 3. de fide, quæst. 2. punct. 3. num. 15. quamuis Emanuel Rodriguez tom. 2. qq. regul. 9. 72. art. 2. dicat excommunicationem latæ sententiæ, & alias pænæ tam contra promouentes, quàm contra promotos ferri. Sed quod diximus est textui conformius. Aduerto tamen cum Barbosa in remiss. Concil. Trident. sess. 14. cap. 12. pag. mihi 542. Congregationem Cardinalium censuisse in locis iis, in quibus sunt gymnasia publica, Bullam Pij V. has pænæ non imposuisse ordinariis, si patiuntur quemque, quoquo modo docere litteras, priusquam fidei professionem faciat. Adde neque supradictam Bullam quoad pænæ ibi contentas, neque etiam quoad eius obligationem videri vsu receptam. sic Suarez de fide, diss. 14. sect. 6. num. 2. indicat Sanchez supra num. 4. fine.

14 Concilium autem Tridentinum imponit recipientibus beneficia, canonicatus, & dignitates, & fidei professionem non facientibus intra bimestre à die adeptæ possessionis, vt non faciant fructus suos, neque illis possessio suffragetur. Circa quod decretum aduerte terminum constitutum duorum mensium incipere à die adeptæ possessionis: quare etsi tua culpa possessio nem beneficij obtenti non accipias, non peccas, nec pænæ incurris ob non factam professionem. sic Nicol. Garcia 3. part. de benefic. cap. 3. num. 32. Barbosa 3. part. de potest. Episc. alleg. 61. num. 25. Accepta tamen possessione si intra duos menses professionem facere omittis, toto tempore,

tempore, quo ita persistis, non facis fructus tuos, etiam si postea professionem emittas; quia professio habilitat, ne amplius perdatur, non tamen recuperare potes deperditum, ex *cap. quàm periculosum*, 7. *quest. 1. & l. qui res, §. arcam, ff. de solus*. sic Sanchez plures referens *lib. 2. cap. 5. num. 5.* Barbosa *alleg. 61. num. 23.* vbi bene aduertit cum Nicol. Garcia *3. part. de benefic. cap. 3. num. 31.* non priuari fructibus obtentis illis duobus mensibus concessis ad faciendam fidei professionem; etiam si postea non emisit, quia Concilium non priuat fructibus decursis illis mensibus, sed postea decurrendis; & consentit Sanchez *lib. 2. cap. 5. num. 10. fine.* Excipe, nisi caruerit prima residentia, quia ratione illius omissionis, neque fructus, neque distributiones illorum duorum mensium lucratur: neque haberi potest pro præsente ex qualibet causa. Garcia *suprà num. 51. fine.* Barbosa *num. 24.*

15 Cum autem in Trident. dicitur professionem beneficii omittenti fidei professionem non suffragari, non est intelligendum, titulum beneficii, & possessionem ipsam reddi nullam in se, sed solum reddi nullam quoad effectum percipiendi fructus. Est enim decretum pœnale, quod iuxta subiectam materiam intelligi debet, & non extendi, sed potius limitari: & ita tenet Azor *tom. 2. instit. moral. lib. 7. cap. 2. quest. 3.* Sanchez *n. 8.* Barbosa *n. 26.* Garcia *n. 33.* Ex quo fit gaudere posse sic prouisum aliis fructibus, & prouentibus, si qui sint beneficii, & canonicatus; etiam si fidei professionem non faciat; quare canonicus vocem habere potest in Capitulo, & ius procedendi, quia solum fructibus priuatur. sic Barbosa *num. 27.* & in *declar. Concil. sess. 24. cap. 12. n. 7.* restatur Congregationem sic declarasse. Secundò fit possidentem beneficium bona fide triennio, etiam si fidei professionem omittat, firmari eius titulum, & possessionem, ex *reg. de triennali possessione*; quia Concilium solum dixit professionem non suffragari ad percipiendos fructus: at non negauit suffragari posse ad firmitatem in ea, & in titulo constituendam: sic Sanchez *n. 9.* Fit tertio nunquam sic omittentem fidei professionem, posse fructus acquirere; etiam si triennio, vel decennio illos bona fide possideat, eo quòd à Concilio impediatur acquisitio; siquidem cauetur, ne possessio beneficii ad hunc effectum suffragetur; sine possessione autem præscribi nunquam poterant. Ergo cum possessio ob omissionem fidei professionem nullius effectus sit ad fructus acquirendos, efficitur sanè nunquam acquiri: & sic restatur Flamin. *lib. 8. de resignat. quest. 9. num. 122.* declarasse sacram Congregationem, & Nicol. Garcia *cap. 3. n. 34.* Sanchez *n. 11.* & 12. Barbosa *n. 26.*

16 Sed est difficultas, an omittens hanc fidei professionem nulla spectata sententia saltem declaratoria criminis teneatur restituere fructus perceptos? Affirmat Azor *tom. 2. lib. 7. cap. 2. quest. 1. in fine.* Petrus de Ledesma *2. tom. summ. tract. 1. cap. 4. post 10. conclus. difficult. 1.* Garcia *3. part. de benefic. cap. 3. num. 35.* Vgolin. *de offic. & potest. Episcop. cap. 50. §. 16. n. 4.* Mouentur, quia si omittens professionem, fructus non tenetur ante sententiam restituere. Ergo iam illi possessio multum suffragatur ad fructuum perceptionem: quod videtur esse contra Concilium, intendens in hac parte possessionem ei nullatenus suffragari. Deinde Concilium statuit fructus non facere suos hunc omittentem: at si non tenetur restituere ante sententiam, verè fructus facit suos, & ius, & dominium illorum acquirit: quod videtur repugnare Concilij intentioni.

Cæterum etsi supradicta sententia satis sit probabilis, probabilior mihi videtur sic omittentem non teneri fructus restituere, quousque sententia declaratoria criminis adueniat: sic Nauarr. *consil. 12. num. 1. de iureiur. in 2. edit.* Sanchez *lib. 2. cap. 5. num. 10.* Man. Rodriguez *tom. 2. regul. qq. 72. art. 3.* Barbosa *3. part. alleg. 61. n. 28.*

Præcipua ratio est, quia decretum hoc est pœnale, ergo benignius, quoad fieri possit, interpretandum est: sed potest interpretari, vt non faciat fructus suos, neque possessio suffragetur, data sententia declaratoria, & non ante illam. Ergo hoc modo explicandum est. Et confirmat optimè Sanchez ex his quæ habentur *sess. 23. de reformat. cap. 1.* vbi quia Concilium prætendebat non residentes obligare ante vllam iudicis sententiam ad restitutionem fructuum, si quos percepissent, id declarauit. Cum ergo id ipsum non fecerit, in hac parte mitius se voluit habere; ac proinde voluit, vt solum post sententiam intelligatur fructus esse restituendos; ex hisque constat solutio rationis contrariæ. Fateor professionem multum accipienti beneficium suffragari ad fructus percipiendos, & retinendos in conscientia, dum non condemnatur: at facta condemnatione neque fructus esse suos, neque possessione aliqua se posse tueri.

17 Verùm etsi ante omnem sententiam declaratoriam criminis tenearis fructus restituere: at hoc intelligendum esset, si in culpa fuisti omittens fidei professionem: nam si ignarus decreti Tridentini, vel illius immemor omiseris, nullo modo in conscientia obligatus es restituere, sed omnes fructus facis tuos, ac si verè professionem emiseris; quia priuatio fructuum est pœna, quæ arctare non potest, vbi culpa non præcedit: sic tenet plures referens Sanchez *n. 13.* Garcia *n. 66.* Vgolin. *n. 5.* Azor *lib. 7. cap. 2. q. 2.* Barbosa *n. 29.* & alij apud ipsum. Ex quo infert Sanchez, & Azor te non amittere fructus, si procurator, cui mandatum dedisti faciendi fidei professionem, non fecit te inscio absque culpa, quia est eadem ratio.

18 Sub nomine fructuum, quibus omittens professionem fidei priuatur, alicui posset videri comprehendere distributiones quotidianas, etiam si in illis grossa non consistat, & annuaria, quia hæc etiam videntur esse præbendæ fructus, siquidem nisi in præbenda prouisus esses, ea obtinere non posses.

Cæterum dicendum est non comprehendere has distributiones quotidianas, & annuaria; quia esto alius à Canonico eas non lucretur; at non sunt fructus canonici, sed ministerij personalis, & canonicatus, est solum conditio: & ita tradit Azor *tom. 2. lib. 7. cap. 2. q. 3.* Stephan. Gratian. *disceptat. forens. cap. 166. num. 22.* Sanchez *lib. 2. in Decalog. cap. 5. num. 10. fine.* Gonzalez *ad regul. 8. cancell. §. 6. proœm. n. 170.* Barbosa *alleg. 61. num. 30.* Garcia *illo cap. 3. n. 60.* Aloysius Riccius *in collect. decis. collect. 1451. & alij.*

19 Quibus autem hi fructus applicandi sint, cum debent restitui, Concilium non determinat. Azor *cap. 2. quest. 3.* & Sanchez *illo num. 10.* dicunt pauperibus, vel fabricæ Ecclesiæ, aut alteri pio loco applicandos esse: quod de beneficiis eam animarum habentibus, & de dignitatibus, personatibus, & officiis habentibus fructus extra mensam capitularem intelligendum est, iuxta decretum Tridentini *sess. 22. cap. 3. de reformat.* dicentis fructus horum non residentium applicandos esse fabricæ, si indigeat, vel alteri pio loco, arbitrio Episcopi. At si canonicatus, vel dignitas habeat fructus in mensa capitulari, existimat Barbosa *de potestate Episcopi, 3. part. allegat. 61. in fine,* cum Garcia *3. part. de benefic. cap. 3. n. 40.* restituendos esse Capitulo, sicut fructus non residentium, aut excommunicatorum. Et addit ita esse restituendos Capitulo, vt non possint se componere cum Capitulo soluta aliqua parte, neque ordinarium condonare illam restitutionem posse. Alicui videbitur probabile hos fructus applicari posse pauperibus, fabricæ, vel alteri pio loco, & non esse necessariò reddendos Capitulo, sicut fructus non residentium; quia omittens professionem verè extraxit à Capitulo fructus, & fecit suos, interim dum non condemnatur; quod secus

est in excommunicatis, & non residentibus. At credo probabilius esse, Capitulo esse reddendos adueniente sententia. Nam illi fructus sunt Capituli, quos non transfert in omittentem fidei professionem, nisi dum sententia declaratoria criminis non est. Ergo stante illa sententia reddendi sunt fructus Capitulo, ac si nunquam à Capitulo essent extracti.

DISPUTATIO II.

De infidelitate, quæ est vitium contrarium fidei.

IN præcedenti disputatione explicuimus essentiam fidei, & illius obligationem. Restat de vitiis contrariis disputare, & illorum remediis. Duplex est vitium contrarium fidei. Primum infidelitas. Secundum hæresis. Hæc inter se distinguuntur tanquam continens à contento. Infidelitas enim fidei quoad omnia opponitur: hæresis quoad aliquam partem; vel, ut aliis placet, infidelitas est vitium hominis nolentis fidei suscipere, hæresis, iam susceptam relinquentis. In præterea, in disputatione agemus de infidelitate, & illius remediis. In sequenti de hæresi.

PUNCTUM I.

Quid infidelitas sit, & quoruplex.

- 1 *De qua infidelitate sit sermo.*
- 2 *Triplex est infidelitas, & earum definitio apponitur.*
- 3 *Distingui essentialiter affirmant aliqui.*
- 4 *Probabilius est oppositum.*
- 5 *Satisfit contrariis rationibus.*
- 6 *An satisfacias confessioni, si dicas te deseruisse fidem, quin declares, fuerine Paganismo, Iudaismo, vel hæresi?*
- 7 *Comprehendatur ne omnis infidelitas sub ijs tribus infidelitatis speciebus. Proponitur ratio dubitandi.*
- 8 *Resolvitur comprehendendi.*
- 9 *Satisfit contrariis.*
- 10 *Quid de Apostasia dicendum est?*
- 11 *Hæresis est omnium gravior infidelitas, tamen si Paganismus magis extendatur.*

I Loquimur in præsentia non de infidelitate veritati contraria, sed de infidelitate contraria fidei, virtuti theologicæ. Hæc ergo definiiri potest, ut sit peccatum ex natura sua excludens fidem supernaturalem; non enim potest fidem excludere, nisi fidei contraria sit. Contingit autem hoc dupliciter. Primum, si ex errore, vel malitia nolis auditum præbere proponenti veritatem nostræ fidei, quando te esse ad id obligatum cognoscis. Secundum, si propositæ sufficienter veritati non assentiaris. Primum peccatum dicitur omissionis secundum commissionis. Quodlibet autem ex his peccatis est peccatum gravissimum, quia excludit medium necessarium ad salutem: quod debet quilibet Christianus suscipere, eaque de causa dixit Christus, Ioan. 3. *Qui non credit, iam iudicatus est*, quasi diceret, iam habet super se iudicium, & condemnationem.

2 Hæc autem infidelitas triplex est, Paganismus, Iudaismus, & hæresis. Divisio est communiter recepta à Doëtoribus cum D. Thom. 2. 2. *quest. 10. art. 5.* & ibi Bannes, Valent. *disp. 1. quest. 10 p. 3.* Arag. *quest. 11. art. 1.* Malder. *art. 5.* Bonacina *disp. 3. quest. 2. punct. 6.* Suarez *de fide disp. 16. sect. 4. disp. 18. dub. 6.* Paganismus est, quando nullius mysterij revelati fidem habes. Iudaismus, quando credis veteri Testamento, non tamen nouo. Hære-

sis, quando alicui veritati siue ex nouo, siue ex veteri Testamento fidem negas: vel aliter dicere potes, Paganum esse, qui integrè à fide Christiana recedit; Iudæum, qui recedit a veritate, quam figuræ ab ipso creditæ denotabant: hæreticum, qui fidem proficitur, & aliquos articulos illius negat. Quod autem communiter dicitur, Paganismum esse negationem fidei nunquam susceptæ, Iudaismum esse negationem fidei in figura susceptæ, & hæresim negationem fidei in se ipsa susceptæ, probari mihi non potest: sicut neque probatur Lorcz 2. 2. *quest. 10. art. 5. num. 4.* Coninch *disp. 18. dub. 6. num. 62.* Suarez *de fide disp. 16. sect. 4. num. 8.* Quia esse susceptam fidem, vel non esse susceptam, non immutat has species; potest enim quis post susceptam fidem transire ad Paganismum, vel Iudaismum. Ergo Paganismus, vel Iudaismus non petit necessariò non esse fidem in se susceptam; sicut esse verè Catholicum non pendet, an fuerit antea Paganus, vel Iudæus. Item si proposita fide tibi, neges aliquem articulum, & omnes alios amplectaris, hæreticus es censendus, & tamen nunquam fidem suscepisti. Ergo ad hæresim susceptio fidei non expostulatur. Deinde filij hæreticorum parentum erroribus infecti verè hæretici nominantur, etsi nunquam fidem susceperint. Ergo ex susceptione fidei distingui infidelitas non potest. Restat ergo, ut ex obiecto distinguatur. Quapropter integra negatio fidei est Paganismus, Iudaismus, negatio Christi. Hæresis negatio alicuius veritatis à Christo reuelatæ.

3 Sed inquires, an hæc divisio sit generis in species, & consequenter an hæc essentialiter distinguantur? in quo Caietan. Bannes, & Aragon. *d. quest. 10. art. 5.* affirmatiuè respondent. Primum, quia eidem virtuti possunt varia vitia specie diuersa opponi. Secundum, quia deficere à fide suscepta, & in Baptismo promissa, distinctum quid est ab eo, quod est deficere à fide nullibi promissa: sicuti deficere in castitate promissa, vel non promissa. Tertiò, quia necessariò fatendum est in confessione ad quod ex illis tribus deflexeris, an ad Paganismum, Iudaismum, vel hæresim: neque videris satisfacere, si solum dicas te à fide defecisse.

4 Cæterum probabilius est non distingui essentialiter, sed solum accidentaliter penes magis, & minus. sic Suarez *de fide disp. 16. sect. 4. num. 8.* Coninch *disp. 18. dub. 6. à num. 64.* Ratio est, quia omnes illæ sectæ priuant eadem fide, & cum illa habent eandem oppositionem. Ergo non sunt specie diuersæ. Consequentia est legitima; quia ex nullo alio capite diuersitas specifica in peccatis sumi potest, præterquam ex oppositione ad virtutem. Antecedens probatur; quia tota oppositio cum virtute fidei in Paganismo, est negatio totius fidei, hoc est, omnium mysteriorum, quæ à fide Christiana proponuntur. Iudaismus est negatio mysteriorum legis Euangelicæ; hæresis est negatio aliquorum mysteriorum veteris, vel noui Testamenti. Ergo est oppositio non formaliter diuersa, sed materialiter, siquidem tam Paganismus, quàm Iudaismus, & hæresis in neganda veritate diuinæ reuelationis conueniunt, & solum differunt in negandis pluribus, vel paucioribus veritatibus reuelatis.

5 Neque obstant contraria.

Ad primum, dico posse varia vitia specie diuersa opponi vni virtuti: nego tamen Paganismum, Iudaismum, & hæresim, quatenus fidei contraria sunt diuersimodè opponi.

Ad secundum, concedo deficere à fide suscepta non constituere speciem diuersam; aliàs Paganismus, vel hæresis hominis baptizati esset specie diuersus ab eo, qui est in homine non baptizato. Neque exemplum de castitate promissa urget, quia ibi est diuersum peccatum; quia est contra votum, & promissionem Deo factam, & consequenter contra specialem virtutem religionis:

gionis : at ex præcisa susceptione fidei non fit talis promissio. Ergo.

Ad tertium. Valent. *disput. 1. quest. 10. punct. 3. vers. huius explicatis*, dicit extra controuersiam esse paganis- mum, & Iudæorum perfidiam, & hæresim adeò mul- tum inter se differre, ut necessariò debeat quis in con- fessione explicare, ad quamnam infidelitatem ex istis deflexerit: quinimò arbitratur qualitatem erroris etiam particularis, in quem quis incidit, exponendam esse in confessione: multum namque interest, utrum negaue- ris mysterium, v. g. sanctissimæ Trinitatis: an solum quòd Paulus fuit Hierosolymis. Item utrum ad Ma- homerismum, an ad superstitionem idololatriam defle- xeris, quamuis hæc duo notat Caietan. *suprad. quest. 10. art. 5.* pertinere ad eandem speciem infidelitatis, nempe paganis- mum.

6 Hæc tamen doctrina verissima est in sententia asse- rente circumstantias aggrauantes esse necessariò confi- tendas: at posita sententia probabili solum peccata specie diuersa manifestanda esse in confessione, est difficultas an satisfacias obligationi, dicendo te fidem deseruisse, quin declares, fueritne paganis- mus, Iudaï- mus, vel hæresis vitio? Et quidem si præcisè attendan- tur hæc, quatenus virtuti fidei opponuntur, credo te satisfacere: at quia virtualiter, & implicite religioni etiam opponuntur, necessariò declarare debes, ad quam sectam deflexeris; quælibet enim ex illis sectis habet suas distinctas cæremonias vanas, & cultus sacrilegos, quos, amplectendo sectam, amplecteris; & ratione ho- rum debes in confessione manifestare, deflexerisne ad paganis- mum, Iudaï- mum, vel hæresim. Item quælibet fidei negatio continet quamdam blasphemiam aduer- sus Deum, & eius fidem: quia iniuriat Deum, & inho- nestat; sed negari non potest esse blasphemiam specie diuersam in plurium articulorum negationibus, negare namque Christi diuinitatem grauius, & iniuriosius est Deo, quàm negare esse in Ecclesia sacramentum Con- firmationis. Ergo pro diuersitate harum blasphemiarum, manifestandæ sunt supradictæ infidelitatis species in confessione, etsi propter oppositionem cum fide manifestandæ non sint. Atqui paganis- mus plures blas- phemias dicit aduersus Deum, quàm Iudaï- mus, vel hæresis. Item in paganis- mo negante vnum Deum, læ- ditur diuinus honor, cuius tamen læsio peccatum est specie diuersum ab eo, qui Deum admittens reliqua negat. Ergo necessariò manifestandum est in confes- sione: & ita expressè docet Coninch *de fide, disput. 18. dub. 6. num. 69.* Suarez *disp. 16. de fide, sect. 4. n. 14.* Sanchez *lib. 2. cap. 7. num. 17.*

7 Secundò inquirens, an hæc diuisio comprehendat omnes infidelitatis species? Et videtur non compre- hendere, quia non comprehendit Turcismum: siqui- dem Turcismus aliquid credit ex veteri Testamento, & aliquid ex nouo. Ergo neque est paganis- mus, neque Iudaï- mus, neque hæresis. Secundò aliqui fuerunt hære- tici admittentes nouum Testamentum, & non vetus; sed hi non erant pagani, neque Iudæi, neque hæretici. Ergo non est diuisio sufficiens. Tertio in lege naturæ, & in lege veteri esse poterat hæresis, si Iudæus non crederet omnibus à Deo reuelatis. Quarto Atheismus videtur specie distinctus à paganis- mo, in quo vnus Deus colitur. Quintò Apostasia est speciale peccatum contra fidem, & tamen neque est paganis- mus, neque Iudaï- mus, neque hæresis. Ergo.

8 Nihilominus asserendum est diuisionem esse suffi- cientem, comprehenderéque omnes infidelitatis spe- cies, quod sic declaro: nam peccato infidelitatis pecca- ri non potest, nisi aduersus reuelata in duplici Testa- mento veteri, & nouo, sub quo comprehendo fidei tra- ditiones: peccare autem aduersus hæc tripliciter con- tingere potest, primò, negando vtrumque Testamen-

tum: & hoc est paganis- mus. Secundò admittendo ve- tus, negando nouum, & tunc contingit Iudaï- mus. Tertio admittendo nouum, vel vetus non integre, & tunc est hæresis. Item per ordinem ad Christum Do- minum, qui est author fidei, & salutis, declarari potest sufficiencia huius diuisionis: nam si Christi aduentum, eiúsque prophetias, & figuras neges, paganus es: si ad- mittis prophetias, & figuras, negas aduentum, Iudæus existis; si admittis aduentum, eiúsque dictis integre fi- dem non habes, hæreticus es. Ergo nullus alius infide- litatis casus excogitari potest.

9 Neque vrgent rationes in contrarium.

Ad primam dico Turcismum sub paganis- mo com- prehendi, quia non admittunt Christum redempto- rem, & licet aliqua credunt, quæ nos, aut Iudæi cre- dunt, quia tamen non credunt illa, ut à Christo reuela- ta, sed ut à Mahomete dicta, ideo pagani absolute no- minandi sunt.

Ad secundam dico admittentes nouum Testamen- tum, & non vetus esse vetos hæreticos, eo quòd no- uum Testamentum ex parte negabant, licet sibi con- trarium visum fuerit, quia vna ex veritatibus noui Te- stamenti est, vetus Testamentum fuisse à Deo reue- latum.

Ad tertiam dico diuisionem infidelitatis in paganis- mum, Iudaï- mum, & hæresim per ordinem ad Chri- stum Dominum, & nouum, & vetus Testamentum esse de infidelitatibus, quæ pro præsentis statu occurre- re possunt, non de aliis, quæ in lege naturæ, & scripta poterant contingere: nam in lege naturæ, & scripta esse non poterat Iudaï- mus, quia Christus nondum ad- uenerat, & consequenter pro illo statu non erat legiti- ma diuisio. Si autem pro omni statu velis infidelitatem diuidere in solum paganis- mum, & hæresim, est diuisio facienda, & paganis- mum affirmare debes esse infide- litatem, qua nullam Dei reuelationem admittis, hære- sim, qua aliquam admittis saltem materialiter, aliam negas. Adde Iudæos deficientes à fide, quam protesta- bantur, verè dici posse hæreticos esse, sicut dicuntur hæretici, qui à fide Christi deficient.

Ad quartam respondeo Atheismus non esse distin- ctum specie à paganis- mo, in quo vnus Deus colitur, sed distingui ab illo penes maiorem, vel minorem exten- sionem; sicut non distinguitur specie hæreticus, qui plures articulos negat à negante pauciores: cum au- tem paganis- mus consistat in negando Christum Do- minum, siue in se, siue in figuris, quantumuis paganus credat vnum esse Deum, hoc non efficit esse hæreti- cum, quia illud non credit tanquam à Deo reuelatum, & à Christo Domino dictum.

Ad quintam dico te non posse recedere à fide, nisi sis Paganus, Iudæus, aut hæreticus; quia si recedis, vel ex toto, vel ex parte recedis: si ex toto, es paganus: si ex parte, admittendo Christi aduentum, hæreticus: si ne- gas eius aduentum, Iudæus.

10 Solum esse potest difficultas, an recedere à fide suscepta animo ibi permanendi, in quo secundum om- nes Apostasia consistit, sit species infidelitatis distincta ab illis tribus enumeratis, vel aliqua illarum circum- stantia necessariò in confessione explicanda? Pro cuius resolutione certum supponendum est totam mali- tiam essentiali apostasiæ repetiri in hæretico bapti- zati negante vnum articulum fidei, sicut si omnes ne- garer, & ad Iudaï- mum, vel paganis- mum transiret. Quia tota, & essentialis apostasiæ malicia sita est in in- iuria, & contemptu facto fidei, illam relinquendo: cum autem per hæresim fides Christi relinquatur, & Chri- stus despiciatur; efficitur sanè in hæresi apostasiam propriè esse. Fateor tamen per antonomasiam aposta- siam dici de Iudaï- mo, & paganis- mo, atq; adeò aposta- tam propriissimè dici de eo, qui totam fidem Christi, eiúsque

eiúsque nomen abnegat; non de eo, qui retinens Christianum nomen à Christo discedit: sic multis relatis Sanchez *lib. 2. in Decal. cap. 7. num. 15.* Farinac. *tratl. de hæresi; quest. 183. §. 2.* Suarez *de fide disp. 16. sect. 5. à num. 3.* Hoc supposito,

Dicendum est non esse apostasiam à fide aliquam speciem infidelitatis distinctam à paganismo, vel Iudaismo, ad quem quis accedit. Ratio est, quia ut esset distincta species infidelitatis, debebat aliquid ex fide negare, quod per paganismum, vel Iudaismum negatum non esset: at hoc nullo modo contingit, sed idem prorsus negat paganus baptizatus, ac non baptizatus. Ergo. Et confirmo. Apostasia in hoc formaliter consistit, ut deserat quis fidem iam susceptam; sed deserere fidem iam susceptam præcisè non est species infidelitatis, sed ad summum est genus petens contrahi per paganismum, vel Iudaismum, vel hæresim. Ergo apostasia non est species distincta ab illis tribus. Deinde quia si apostasia à fide esset species aliqua distincta à paganismo, vel Iudaismo, vel esset hæresis, vel alia ab his tribus distincta: hæresis esse non potest; tum quia non est negatio fidei ex parte: tum quia in vno subiecto duplex infidelitatis species simul existeret. Si autem esset species distincta ab illis tribus, diminutè D. Thom. & cum eo reliqui Theologi enumerassent species infidelitatis. Ergo dicendum est apostasiam non esse speciem infidelitatis distinctam: ita tenet Pefantius 2. 2. q. 12. D. Thom. *disp. 1.* Suarez plures referens *de fide disp. 16. sect. 5. num. 8.* Neque obstat apostasiam pœnis hæreticorum puniri, quia optimè puniri potest, si Ecclesiæ per Baptismum subiectus fuit, eo quod à fide suscepta recedat. Verùm etsi apostasia à fide non sit species aliqua infidelitatis distincta à paganismo, vel Iudaismo; est tamen illius circumstantia: ut dixit D. Thom. 2. 2. *quest. 12. art. 1.* Negari enim non potest ad minus esse circumstantiam aggravantem, siquidem ex desertione fidei in Baptismo susceptæ, & professæ; aggravatur peccatum paganismi. An verò hæc gravitas sit necessariò in confessione aperienda, non omnes conveniunt: qui enim negant circumstantias aggravantes esse necessariò manifestandas in confessione, consequenter negare debent esse manifestandam hanc circumstantiam: aliàs obligaretur peccans contra castitatem, manifestare castitatem habere: at qui circumstantias aggravantes affirmant esse manifestandas, & de hac circumstantia id affirmare debent. Adde non esse improbable esse circumstantiam non tantum aggravantem, sed mutantem speciem adversus religionem; videtur enim specialis iniuria, & irreverentia fidei per Baptismum susceptæ eam deserere.

11 Tertiò. Inquires, quænam ex supradictis speciebus infidelitatis sit gravior? Cui dubitationi optimè respondet D. Thom. 2. 2. *quest. 10. art. 6.* & ibi eius expolitores, Bannes, & Aragon. Valent. *disp. 1. quest. 10. p. 3. circa finem.* Suarez *disp. 16. de fide sect. 4. num. 14.* Coninch *disp. 18. dub. 6. à num. 70.* hæresim esse infidelitatem omnibus graviozem absolutè; quoad extensionem verò paganismum esse graviozem. Prior pars probatur, quia hæretici maiorem Dei, & scripturarum cognitionem habent, & proinde eorum peccatum magis est voluntarium, & inexcusabile. Secundò, quia sub nomine Christi Christum oppugnant, & simulates cum illo amicitiam, illi sunt inimici, eiúsque sacris verbis, & testimoniis sub simulata religionis specie ad religionem destruendam abutuntur: de quibus dixit Petrus epist. 2. cap. 1. *Melius erat illis non cognoscere viam iustitiae, quam post agnitionem reversionis reverteri: ab eo quod illis traditum est sancto mandato.* Secunda pars conclusionis de se constat, siquidem paganismus plures articulos fidei negat, quam Iudaismus, vel hæresis.

Vtrum infidelis possit habere ignorantiam inuincibilem omnium illorum, quæ fides proponit credenda.

- 1 *Potest esse ignorantia inuincibilis mysteriorum supernaturalium, Incarnationis, Trinitatis, &c.*
- 2 *Circa quodlibet mysterium lumine naturæ notum potest habere ignorantiam inuincibilem.*
- 3 *Cum hac ignorantia potest culpabiliter alijs erroribus inuolui.*
- 4 *Proponitur quadam obiectio. An hic peccet contra fidem, & illam perdat.*
- 5 *Satisfit supradicta obiectio.*

1 **P**OSSE haberi ignorantiam inuincibilem mysteriorum supernaturalium, Incarnationis, Trinitatis, & similibus, constat ex sæpe dictis, quia hæc cognosci non possunt, nisi proponantur: at sæpe propositio deficit. Ergo. Neque valet dicere nemini negari à Deo media ad salutem necessaria; quia hoc verum est, si diuinæ gratiæ recipiendæ impedimentum non præstas: at præstare potes hoc impedimentum multiplicando peccata. Quod si vrgeas. Ergo iam ignorantia culpæ tuæ tribuenda est; siquidem Deus illam à te expelleret, nisi culpam committeres. Dico tribuendum esse tuæ culpæ; non tamen obinde sequitur ignorantiam in se culpabilem esse, quia ad hoc, ut ignorantia in se culpabilis esset, debebas aliquomodo cognoscere tuis peccatis impedimento esse illam expellendi, & insuper debebas scire obligationem illam expellendi: quæ omnia facillimo negotio ignorari à multis possunt.

2 Dico secundò, te posse habere ignorantiam inuincibilem fidei supernaturalis circa quodlibet mysterium lumine naturæ notum, v.g. circa Deum, eiúsque omnipotentiam, iusticiam, & bonitatem, quatenus sunt à Deo reuelata. Ratio est eadem ac in præcedenti conclusione, quia hæc esse à Deo reuelata, obiectum est supernaturale; sed obiectum hoc supernaturale viribus naturæ cognoscere non vales. Ergo indiges aliquo per diuinam fidem proponente: hoc autem carere potes. Ergo potes inuincibiliter carere cognitione Dei, quatenus per fidem supernaturalem reuelatus est. & ita tenet, & optimè probat Suarez *de fide disp. 17. sect. 2. à num. 3.* Coninch *disp. 18. dub. 2. conclus. 3. num. 19.*

3 Dico tertiò, fidelis in infantia baptizatus, & inter infideles, vel hæreticos nutritus, poterit hanc ignorantiam inuincibilem fidei supernaturalis habere ratione supradicta: & insuper poterit culpabiliter pluribus erroribus adversus Deum, inuolui; credere enim potes culpabiliter vel plures esse Deos, illisque adolere: potes credere animam rationalem non esse immortalem, mendacium, fornicationem, & alia naturæ rationali contraria licita esse: non tamen obinde sit amittere fidem, si ignoras inuincibiliter hæc omnia fidei diuinæ contrariari, sic Suarez, & Coninch *suprà*. Probo, quia fides supernaturalis amitti non potest, nisi per peccatum infidelitatis, ut definit Trident. *sess. 6. can. 11.* Sed ille fidelis illis erroribus assentiens, non peccat peccato infidelitatis formaliter; siquidem infidelitas est dissensus à primæ veritate reuelante, sicut fides est assensus primæ veritati reuelanti: at ille infidelis ignorat inuincibiliter primam veritatem tale mysterium, cui ipse dissentit, reuelasse. Ergo non potest voluntariè à primæ veritate reuelante dissentire. Ergo non peccat peccato infidelitatis formaliter. Ergo non amittit fidem ex illo peccato.

4 Dices, hic fidelis talibus erroribus culpabiliter inuolutus peccat contra illam virtutem, quæ obligat veram de Deo habere cognitionem, & omnia falsa, & contraria respuere: sed hæc virtus non videtur esse alia præter

præter fidem. Ergo peccat contra fidem : ergo amittit fidem. Item cum his erroribus neque actus fidei, neque pia affectio in voluntate compati potest. Ergo neque habitus fidei. Deinde ille verè est idololatra, & paganus, seu hæreticus. Ergo non potest esse fidelis.

5 Respondeo ad primum peccare contra illam supernaturalem virtutem, quæ dicat veram de Deo cognitionem, & falsam respuit, quæ est fides supernaturalis, sed non peccare aduersus illam formaliter, sed tantum materialiter, eo quod non cognoscit obiectum, cui talis error opponitur sub illa virtute contineri. Adde non ex quolibet peccato contra fidem amitti fidem. nam omittere actum fidei debito tempore, est contra fidem, & non perditur ex illo fides. Item error etiam culpabilis, si non adest pertinacia, non excludit fidem. Ergo etiam si daretur peccare talem fidelem aduersus fidem, cum non sit pertinax, non infertur amissurum fidem.

Ad secundum concedo, cum talibus erroribus actum fidei circa illasmet veritates compati non posse, bene tamen habitum; quia habitus est potentia, quæ secluso illo impedimento erroris in actum prodire poterit.

Ad tertium dico illum esse non formaliter, sed materialiter paganus, & hæreticus; cum paganismo autem, & hæresi materiali stare optimè potest habitualis fides.

PUNCTUM III.

Sintne opera omnia infidelis, & hæretici peccatum, vel possint esse aliqua opera bona.

- 1 Proponitur hæreticorum error omnia nostra opera esse peccatum.
- 2 Quilibet infidelis multa bona opera moraliter præstare potest.
- 3 Explicantur loca Scripturæ num. 1. adducta, & fit satis fundamentum hæreticorum.

1 **N**on desunt hæretici, qui ut gratiam Christi videantur extollere, ita nostra opera extenuant, & mutilant, ut affirmant omnia esse peccata, si ab homine infideli, hæretico, imò peccatore fiant. Fundamentum eorum, sunt aliqua loca Scripturæ, & Patrum, perperam intellecta. Primò adducitur locus *Isai. cap. 1. & 66.* ubi malorum ludæorum sacrificia reputantur à Deo abominationes, & loco cuiusdam sacrificij reprobati habent. Secundò *Matth. 7.* ubi arbor mala dicitur non posse bonos fructus facere. Tertiò ad *Roman. 14.* *Omne quod non est ex fide, peccatum est*, quod de fide Catholica exponit Augustinus. Quartò ad *Timum 1.* coinquinatis autem, & infidelibus nihil est mundum, sed coinquinata est eorum mens, & conscientia; & quintò ad *Hebr. 11.* dicitur, *sine fide impossibile est placere Deo.* Ex quibus omnibus colligi videtur sine fide nihil placitum, nihil Deo gratiam fieri posse, ac proinde omnia esse mala, & peccata. Secundò probant autoritate, præcipuè Augustinus *lib. de prædestinatione Sanctorum, cap. 10.* & *lib. 4. contra Iulianum, cap. 3.* & *lib. 1. de nuptiis, cap. 3.* & in præf. ad *Psal. 31.* & *lib. 5. de ciuitate Dei, cap. 4.* & alibi sæpè, affirmantis omnes infidelium actiones vitia esse, & peccata, neque in illis aliquam virtutem adesse: consentit Chrysostom. *serm. de fide, & lege, & Spiritu sancto.* Prosper *lib. 1. de vocat. gent. cap. 7.* Fulgent. *lib. 1. de Incarnat. cap. 25.* Tertiò ratione suaderi potest, quia bonum opus esse non potest sine relatione ad Deum verum, sed infidelis carens cognitione veri Dei, in verum Deum referre opera sua non potest. Quod si dicās bonitatem moralem operis non esse necessariam relationem operis in Deum factam ab operante; sed suffi-

cere relationem ipsiusmet operis, quam habet, quando ex se bonum, & honestum est: contrà fit, quia nulla creatura diligibilis est ab operante, propter ipsam, sed propter Deum; aliàs in creatura constitueret operator vltimum finem. Si autem opera, quæ infidelis facit, non refert in Deum, ut in finem vltimum, sed sistit in ipsis; ea diligit propter ipsa, atque aded in illis finem vltimum constituit. Ergo peccat. Confirmari potest, quia operari ob finem vanæ gloriæ ideo peccatum est, quia in creatura sistit operans, tanquam in fine vltimo. Ergo si infidelis actiones virtutum moralium operatur, sistens in illis tanquam in vltimo fine peccabit. Denique rarus est infidelis, qui in venerationem suorum idolorum, se, omniāque sua, aliquando non retulerit. Ergo ex tali relatione omnia opera illius redduntur maculata, sicut redduntur bona, ex relatione, quā fidelis in Deum habet, iuxta illud *Lucæ 11.* *Si oculus tuus simplex fuerit, totum corpus tuum lucidum erit: si autem nequam fuerit, totum corpus tuum tenebrosum erit.*

2 Nihilominus vera, certaque sententia est, quemlibet infidelem posse, & de facto facere plura opera bona moraliter. sic D. Thom. communiter receptus 2. 2. q. 10. art. 4. Valent. *disp. 1. quæst. 10. punct. 2.* Suarez plures referens de fide, *disp. 17. sect. 3. num. 2.* Bellarm. *lib. 5. de gratia, & libero arbitrio, cap. 9.* Coninch *disp. 18. dub. 5. à num. 40.* Probari potest ex pluribus Scripturæ locis, in quibus facta infidelium laudantur à Deo, & digna præmio reputantur. *Exod. 1.* laudauit obstetrices, quia abstinerunt ab infanticidio Hebræorum per Regem imperato, & ob eam causam multiplicauit Deus earum posteritatem. 2. *Reg. 17.* laudantur Baceellai, Galaadites, & alij suppeditantes Dauidi, & eius exercitui necessaria. 3. *Reg. 21.* placatus fuit Deus pœnitentia Achab, & *Iona 3.* ob Ninuitarum pœnitentiam minata supplicia suspendit. *Dan. 4.* suadetur Nabuchodonosori peccata eleemosynis redimere. Ergo præsupponit Scriptura infideles posse aliqua bona opera moralia facere ex aliqui gratia Dei, quibus Deus moueatur, & excitetur vberiore gratiam concedere, & à pœnis emeritis abstinere. Ex Patribus autem plura testimonia adducit Valent. Coninch, Suar. Bellarm. & alij *supr.* Ratione autem probatur, quia plura sunt ex se honesta, & laudabilia, ut honorare parentes, succurrere miseris, largiri eleemosynam, impedire peccatum: quæ si gratia sui fiant, honestam reddunt actionem; sed quicumque infidelis lumine naturæ hanc honestatem cognoscens potest illam appetere, & ex illius affectu operari. Ergo operatio illius bona, & honesta erit. Neque ad hanc honestatem requiritur relatio actualis in Deum, sufficit tacita, & virtualis, quam habet honestas operis, aliàs nullus esset actus virtutis moralis. Neque inde fit in creatura vltimum finem constitui, quia non diligitur, ut summè bona, neque diligitur creatura, quæ ad Deum saltem virtualiter non referatur, quod dico propter inanem gloriam, quæ se sola non valet honestam actionem terminare, quia virtualiter ad Deum non refertur. Ex quibus solum manet fundamentum contrariæ sententiæ à ratione petiitum. Illud verò, quod addebatur de infideli referente omnia sua opera in honorem falsi numinis, non est contra nostram doctrinam, etiam si gratis concedamus omnia illius opera ex illa relatione extrinseca maculari; quia nos solum diximus infidelem ratione infidelitatis non maculare omnia sua opera, sed posse retenta infidelitate plura opera bona moraliter facere, nihil de hac relatione extrinseca definientes. Verum ut quid in hac re sentiendum sit cognoscatur, existimo non maculari omnia opera infidelis referentis se, & sua in honorem idoli, nisi relatio ipsa actu, vel virtute existat, aliàs non valet opera denominare, neque opera illa dici possunt facta ex tali relatione: virtute autem dicitur existere relatio, quando in aliquo effectu producta, qui

qui causa est operis aliàs boni, relatio actualis perseverat. Nam licet aliqui dicant, quoties non retractatur, denominare opera quæcumque fiunt, hoc non est verum, quia illa est solum quædam perseverantia habitualis insufficiens opera denominare; siquidem ex illa non prodeunt opera. Adde quoties opus exequaris ex motu honesto, videris retractare relationem priorem factam ad idolum; sicut cum peccatum veniale committis, retractas intentionem, qua omnia tua opera in Deum reuuleras.

3 Neque aduersus hanc doctrinam procedunt loca Scripturæ pro sententia hæreticorum relata, si bene expendantur.

Ad locum Isaïæ dico sacrificia, & solemnitates Iudæorum esse Deo ingrata, quia praua offerentium circumstantia vestiebantur; intendebant enim Iudæi illis sacrificiis Deum ita placare, ut quantumcunque peccata multiplicarent, & in illis sordescerent, non esse puniendi, sed potius in orationibus exaudiendi.

Ad locum Matth. dico primò nomine *arboris* malos, malam & prauam voluntatem intelligi, ex qua fructus bonus prodire non potest: at non est necesse infidelem habere semper hanc prauam voluntatem. Secundò admitto intelligi nomine *arboris* hæreticos, & falsos Doctores, & dico ex illis, quatenus falsi sunt, & hæretici, non potest fructus aliquis bonus doctrinæ sperari, sed prauersionis timeri.

Ad locum Rom. si fides ibi sumatur pro fide theologica, ut vult sæpè August. dico, quod non est ex fide, esse peccatum, id est, quod non est consentaneum fidei, sed fidei repugnat; non verò, quod non est ex fide negatiue tantum. At si fides ibi sumatur pro fidelitate debita propriæ conscientiæ, ut sumpsit Chrysost. *homil. 26. in epist. ad Rom.* planum est, quod non est ex fide, id est, ex fidelitate conscientiæ, peccatum esse.

Ad locum Tit. dico Apostolum velle Christianos habentes mundam conscientiam, non coinquinari comedendo cibos veteri lege prohibitos, quia iam cessauerat prohibitio. Econtra verò Iudæos comedentes omnia ex obseruatione suæ legis quolibet cibo coinquinari, quia quemlibet sumebant, prætendentes legem veterem persuadere, & stabilire; vel dic cum Chrysost. *homil. 3. in epist. ad Titum.* Infidelibus nihil est mundum, si ipsi velint superstitione vri, qua in usu aliquorum ciborum vtuntur; eadem enim ratione, qua aliqua immunda reputant, & omnia immunda reputare possent, non tamen ex his verbis infertur non posse aliqua bona opera facere.

Ad locum ex epist. ad Hebr. clara est expositio, sine fide enim impossibile est hominem placere Deo habitualiter, quia carens fide est in peccato, & consequenter Deo inuisus. Non tamen inde infertur aliqua opera huius infidelis non placere Deo; vel dic sine fide impossibile est, placere Deo per opera ad finem supernaturalem conducentia.

Ad loca ex Augustino, Prospero, Fulgentio, Chrysost. respondeo primò cum illi Patres dicant omnia infidelium opera esse peccatum, infidelisque nullam virtutem habere, intelligendum est non eo rigore, quo sonat, sed moraliter, & secundum communem cursum; quia regulariter vitiantur ex mala intentione, quod non tollit, ut absolutè aliquod opus vitiatum non sit. Secundò respondeo Patres supradictos, cum negant opera infidelium esse bona, nullamque virtutem illis inesse, intelligendos esse de operibus, & virtutibus, quæ reddant hominem iustum Deo placentem, & vitam æternam promerentem; quia loquuntur aduersus Iulianum, & Pelagianos asserentes sine fide, & gratia posse nos exercere virtutes, quæ ad vitam æternam conducant, sic Valent. Ægid. Coninch, Suarez, & alij *suprà*.

Vtrum liceat cum infidelibus, & hæreticis de fide, præsertim publicè disputare.

- 1 *Ex quadruplici capite potest esse dubitatio, an sit licita, vel illicita hæc disputatio.*
- 2 *Qua ratione ex fine, licita, vel illicita sit fidei disputatio.*
- 3 *Ex parte disputantis licita est, si doctus sit, nullaque lege positum impediatur.*
- 4 *Laicum tamen si doctus prohibitus est à lege disputare.*
- 5 *Intelligitur prohibitio de disputatione formali.*
- 6 *Neque intelligitur prohibitio in casu necessitatis, vel grauis, & euidentis utilitatis.*
- 7 *Item intelligitur prohibitio de disputatione assumpta à laico propria autoritate.*
- 8 *Neque extenditur ad terras, in quibus hæretici cum Catholicis passim permixti sunt.*
- 9 *Ex parte audientium licita est disputatio, si cum eorum fructu fiat. Et quando hoc contingat.*
- 10 *Qui modus seruandus sit, ut licita sit disputatio.*

1 **D**Iuus Thom. 2. 2. *quæst. 10. art. 7.* & ibi Caietan. Bannes, Aragon. Valent. p. 4. Sanchez *lib. 2. cap. 6.* Suarez *disp. 20. sect. 1.* Coninch *disp. 18. dub. 9.* affirmant ex quadruplici capite decidendum esse, an licita, vel illicita sit disputatio, primò ex fine, secundò ex conditione disputantis, tertio ex conditione auditorum, quarto ex modo. Singula breuiter perstringemus.

1 Ex fine est licita disputatio, si ad defendendam fidem, errorisque confutandos assumatur, sic D. Thom. & omnes supradicti *art. 7.* Econtra illicita est, primò, si ad euertendam fidem, errorisque seminandos disputatio assumatur. Qua ratione solent hæretici Scripturas, & decisiones Conciliorum in quæstionem vocare contra legem diuinam, & sacrorum canonum: ut sumi potest ex Concilio Chalcedonensi, *actio. 5. in 2. definitioni fidei*, & ex epist. 48. aliàs 50. Leonis Papæ ad *Adrianum Imperatorem*, & ex Gelasio Papæ epist. 11. ad Episc. Sardaniam, quibus fauet Martianus Imperator *in l. nemo. C. de summa Trinit.* vetans neminem vocare in dubium ea, quæ à Concilio generali statuta sunt. Secundò peccat ex parte finis, qui non animo firmo defendendi fidem, sed dubio, an debeat illam amplecti, disputationem suscipit, quia talis animus constituit infidelitatem, ac proinde disputatio illa non est ex fide, & pro fide, sed contra fidem; eaque de causa peccatum est, iuxta Paul. *ad Rom. 14.* hoc tamen intelligendum est de his, quibus fides est sufficienter proposita, quique obligati sunt firmiter fidei adhærere. Nam si alicui fides non esset proposita sufficienter, ipseque ut veritatem inquireret, fidei mysteria in quæstionem vocaret, sine dubio talis disputatio licita est, quia est medium ad fidem amplectendam, sic Bannes 2. 2. *quæst. 10. art. 7.* Valent. *disp. 1. quæst. 10. p. 4. concl. 1.* Sanchez *lib. 2. in Decal. cap. 6. num. 1.* Coninch *disp. 18. dub. 9. num. 142.* at hæc non est disputatio Catholici cum infideli, aut hæretico, sed econtra infidelis cum Catholico. Adde hæreticum, cui fides sufficienter proposita est, posse absque peccato hanc disputationem suscipere; contingere enim potest hæreticum velle errores deferere, sed argumentis aliquibus friuolis, sibi tamen visis efficacibus vrgeri, quæ si viro docto proponat, & ab eo solutionem accipiat, errores deferet, & fidem amplectetur; poterit tunc ea intentione proponere, quia in hac propositione nihil aduersus fidem facit, sed potius in illius fauorem assumit medium, quo possit dubitationem conceptam expellere, sic Coninch *num. 142. fine.* Tertio ex parte finis peccat, qui cum hæretico, vel infideli pertinaci de fide disputat, quia est disputatio otiosa, & nullius fructus, propter quæ dixit Paul. 1. ad Timoth. 2. *Noli verbis contendere.*

ad nihil enim utile est, nisi ad subuersionem audientium, & ad Tit. 3. monet te Paulus, ut hæreticum post vnam, & secundam correptionem euites, sciens quia subuersus est, qui huiusmodi est, ubi Tertullian. de præscript. cap. 16. aduertit non dixisse Apostolum post vnam disputationem, sed post vnam correptionem, quia disputatio cum illis ineunda non est; eo quod ita subuersi sunt, & obstinati, ut sperari non possit reducendos esse; sed potius occasionem sumpturos irridendi fidem, & eius fundamenta firma eludendi, ac alios peruerrendi. Non enim, ut bene dixit August. lib. 3. contra Faustum, cap. 12. disputare amant hæretici, sed quoquomodo superare impudentissima pertinacia. hoc tamen, ut bene notat Chrysostom. homil. 6. super illa verba Pauli ad Tit. 3. intelligendum est de illis solis, de quibus apertam possumus ferre sententiam, certique sumus, quod quantalibet faciamus, eos nunquam ad veritatis viam reuocabimus. Aduertit tamen Sanchez num. 2. hanc disputationem cum his hæreticis esse solum per se veniale peccatum, sicut & alij actus otiosi. Idem docet Valent. illo punct. 4. concl. 1. in fine, & Suarez disp. 20. sect. 1. n. 13. Ex circumstantiis autem, & regulariter mortale erit, quia hæreticus disputans illo obstinato animo multa peccata committit aduersus fidem, quæ ex charitate teneris vitare, nisi ob aliquam causam grauem excuseris; & tunc iam disputatio licita erit etiam cum hæretico pertinaci. Causa autem grauis est, si hæc disputatio aliis prodest, & potest prodesse Catholicis, & hæreticis: Catholicos, illos in fide confirmando; hæreticos, eorum audaciam reprimendo, vel ad fidem convertendo: quicumque ex his effectibus contingat est sufficiens honestare disputationem.

3. Ex parte disputantis licita est disputatio, si doctus sit, & nulla lege positua impeditus. E contra illicita est disputatio, si caret scientia requisita, vel aliqua lege positua prohibetur. Et quidem, si caret scientia requisita, nemini est dubium illicitam esse disputationem, quia nocere multum potest, tum sibi, tum aliis. Quæ autem scientia necessaria sit, arbitrio prudentis relinquitur pro qualitate materię disputandæ, & personarum, quibus cum disputatur. Illud autem debet esse omnino certum requiri illam scientiam, quæ & veritatem confirmare, & argumenta, quæ is, quo cum disputatur, proponere potest, possit facile dissolvere. Videtur colligi ex Paulo ad Tit. 1. ubi de Episcopo, cui munus conuincendi hæreticos incumbit, dicitur debere esse ita doctum, ut possit exhortari in doctrina sana, & eos qui contradicunt, arguere. sic Valent. 2. 2. disp. 1. q. 10. p. 4. concl. 2. Suarez disp. 20. sect. 1. n. 8. Coninch disp. 18. dub. 9. n. 140. & 141. notat non satis esse ut defendens fidem sciat argumenta sibi obiecta intelligere, & dissolvere; sed opus esse, ut possit ea ita soluere, ut audientes solutionem percipiant. Quapropter sæpè mediocriter doctus, & in his controuersiis versatus, aptior est disputationi eo, qui mentem suam satis explicare non valet.

4. Rursus ex parte disputantis illicita est disputatio, si lege positua prohibetur: prohibentur autem lege positua non omnes personæ, sed solum laici. cap. quicumque, & in hibernis quoque, de hæreticis, in 6. Circa quam prohibitionem aduerte primò sub nomine laicorum non comprehenduntur clericos primæ tonsuræ, neque religiosos, laicos vulgari nomine vocatos, quia absolute laici non sunt, sed clerici nomine, & priuilegio gaudent. sic Coninch disp. 18. dub. 9. num. 145. Suarez disp. 20. sect. 1. n. 10. Sanchez lib. 2. in Decal. cap. 6. n. 6. Solum est difficultas, an si laicus doctus sit, eximatur ab hac prohibitionem? Et quidem eximi censuit Caietan. 2. 2. q. 10. art. 7. dub. 1. & ibi Bannes. Petr. de Ledesm. 2. 2. q. 10. sum. tract. 1. cap. 5. concl. 13. & reputat probabile Sanchez statim allegandus. Mouentur, quia cessat tunc finis legis, qui est defectus doctrinæ communiter in laicis contingens. Cæte-

Ferd. de Castro Sum. Mor. Pars I.

rùm omnino tenendum est laicum quantumuis doctum, sub tali prohibitionem comprehendendi. Primò, quia laicus indoctus iure naturæ prohibitus erat disputare, sicut clericus indoctus. Ergo cum laico prohibetur disputatio, & non clerico, aliquid speciale laico interdictum, quod aliàs clerico licitum est; sed nihil speciale esset interdictum laico, si solum cum est indoctus, prohibetur disputatio. Ergo dicendum est omnem laicum siue doctum, siue indoctum, sub tali prohibitionem comprehendendi. Secundò si laicus doctus sub hac prohibitionem comprehensus non est, quilibet præsumere posset se sufficienti doctrina pollere, ut disputationem aggrediatur, & sic prohibitio nullius esset momenti. Tertio laicus, quantumuis doctus, prædicandi munus assumere non potest, cap. cum ex iniuncto, cap. sicut in vno, de hæreticis, in 6. Ergo neque etiam disputare. Ob eandem enim rationem vtrumque prohibetur, scilicet ob decentiam sacræ doctrinæ, & ob defectum scientiæ communiter in laicis contingentem. Quarto, quia nunquam in laico cessat finis legis. nam licet cesset defectus scientiæ in illo, quia tamen in aliis communiter non cessat, finis legis nunquam cessat. Non enim finis illius legis fuit defectus scientiæ cuiuslibet in particulari, sed defectus scientiæ generaliter contingens: qui finis semper perseuerat, etiam si vnus, vel alter scientiam sufficientem habeat. Ergo ob scientiam non excusatur laicus à prohibitionem: sic docent glossa in supradicto cap. quicumque. Dominic. & Franc. ibi num. 1. Valent. 2. 2. disp. 1. quest. 10. punct. 4. conclus. 2. Azor tom. 1. lib. 8. institutionum moralium, cap. 26. quest. 1. Sanchez plures referens, lib. 2. cap. 6. num. 5. Suarez disp. 20. sect. 1. num. 11. Coninch disp. 18. dub. 9. num. 145. Si autem laicus hanc legem transgrediatur, peccatum mortale committit: tum quia sub excommunicationis pœna prohibetur, tum quia est res grauis ad bonum fidei, & religionis ordinata, & ad excusandos errores in doctrina, & occasiones rixæ, &urbationis, quæ facilius in disputatione laicorum timeri possunt: sic alios referens Sanchez lib. 2. cap. 6. num. 3. Emanuel Saa verbo fides, num. 3. Suarez disp. 20. sect. 1. num. 12. Pœna tamen excommunicationis transgressoribus imposita non est ipso iure, sed ferenda; quia textus vititur verbo futuri temporis, scilicet innotetur: & ita tenet Sanchez, Suarez, Saa, Coninch disp. 18. dub. 9. num. 145. & alij cum glossa in supradicto textu.

5. Limitanda est prohibitio primò, ut intelligatur de disputatione, quam vocant formalem, quæque assumitur ad persuadendam fidem his, qui firmi non sunt, non de disputatione solum materiali, qualis est, quæ honoris, & exercitij causa suscipitur, ut sit in scholis. sic Caietan. 2. 2. quest. 10. art. 7. dub. 1. & 6. Bannes, Valent. supra. Nauarr. summ. cap. 11. num. 27. Sanchez num. 9. Suarez disp. 20. sect. 1. num. 1. Coninch disp. 18. dub. 9. circa finem. Ex quo videtur inferri solum disputationem cum hæretico, vel infideli esse laico prohibitam: nam disputatio inter Catholicos veritatem agnoscen-tes, & credentes, non potest esse disputatio formalis; quia non potest esse ad persuadendam, defendendamque fidem, sed solum exercitij causa: & ita tradit Castro lib. 1. de iusta hæreticorum punitione, cap. 19. Coninch supra num. 146. ubi dicit solum prohiberi disputationem ad conuincendos eos, qui in fide errant. Suarez illa sect. 1. num. 1. disputationem formalem solum recognoscit esse eam, quæ contra hæreticos suscipitur.

6. Secundò limita, ut non intelligatur in casu necessitatis, vel grauis, & euidentis utilitatis, qualis esset, si hæreticus suis dictis ad errores traheret fideles, & nullus adesset clericus, qui eum confunderet, & frænaret; posset tunc laicus doctus partem fidei suscipere, & veritatem defendere; imò teneretur tum ratione chari-

I i

tatis

tatis debet proximis, tum ratione fidei, & religionis despectu, quam debet à contemptu, & iniuria liberare. sic Valent. 2. 2. *diff.* 1. *quest.* 10. *punct.* 4. *sect.* 2. *concl.* Aragon 2. 2. *quest.* 10. *art.* 7. *notab.* 2. Sanchez *lib.* 2. *cap.* 6. *num.* 7. Suarez *diff.* 20. *sect.* 1. *num.* 11. Coninch *diff.* 18. *dub.* 9. *num.* 147. & fauet textus in *cap.* nolite timere, 11. *quest.* 3.

7 Tertiò limita, ut hæc disputatio assumatur à laico propria autoritate. nam si iussus, vel rogatus à clericis disputationem suscipiat, non peccabit; quia tunc nomine clericorum disputat, neque verificari potest sibi ius docendi, & disputandi vindicare, quæ est materia prohibitionis; ut colligitur ex Leone Papa *epist.* 62. *cap.* vi. & tradit Suarez *num.* 11.

8 Quattò limita pro terris, in quibus hæretici cum Catholicis permixti sunt, quia in his consuetudine videtur supradicta lex abrogata, eo quod passim scilicet offerat occasio hæreticos arguendi, & conuincendi, ne grassentur. Et videntibus Prælati, & non contradicentibus idonei laici has disputationes suscipiunt. sic Valent. Suarez, Sanchez, Coninch *locis citatis.*

9 Ex parte audientium licita est disputatio, si cum eorum fructu fiat: illicita autem, si damnum obueniat. Regulariter hoc damnum timeri potest, si coram indoctis, & vulgaribus hominibus suscipiatur disputatio; tum quia ipsi facilius argumenta in contrarium, quam rationes nostræ fidei, & solutiones aduersantium percipient; tum quia hæretici coram ipsis, utpote indoctis, controuersiam, vocibus, & arrogantia intendunt definire; ex quo sequitur eos in fide vacillare, cum antea firmi persisterent: & ita regulariter illicita est hæc disputatio. sic D. Thomas 2. 2. *quest.* 10. *art.* 7. & ibi Caietan. & alij. Valent. *punct.* 4. *post.* 3. *conclus.* Sanchez *cap.* 6. *num.* 10. Suarez *diff.* 20. *sect.* 1. *num.* 14. Coninch *diff.* 18. *dub.* 9. *num.* 139. Addit Sanchez hanc culpam esse imprudentiæ, rarissimæque periculum esse, ut culpam venialem excedat. Quod mihi difficile videtur, & potius dicerem rarissimè à culpa mortali excusari, quia rarissimè abest periculum peruerisionis, præcipue si coram plebe disputatio hæc assumatur. In triplici casu non videtur damnum timendum. Primò, si disputans ita doctus sit, ut argumenta aduersantium ita soluere possit, & ea claritate solutionem exponere, ut meritiò possit intelligere auditores facile esse percepturos; sed hoc rarissimum est, ait Valent. & Sanchez *suprà.* Secundò non est timendum damnum ex disputatione, si iam auditores solliciti sint ab hæreticis, & quasi in fide vacillare inceperint; tunc enim assumenda est disputatio, ut expulsa dubitatione firmitatem acquirant; aliàs silentium, & timor disputationis multum dubitantibus noceret. sic D. Thomas, Suarez, Valent. Sanchez, & alij *suprà.* Tertiò non debet timeri damnum, si auditores docti sunt. Voco *doctos* eos, qui rationes pro vna, & altera parte possunt percipere, itis non videtur disputatio periculosa, sed potius proficua. sic D. Thomas, Suarez, Valentia, Sanchez, & alij.

10 Ex parte modi licita est disputatio, si modum, & mediocritatem seruet; illicita, si excedat. Excedet autem primò, si non tam pondere rationum, quam verbis velis contendere contra Paulum, *noli contendere verbis.* Secundò, si ex modo dicendi, videaris potius velle aduersarium vincere, quam errorem superare; quia est indicium superbiæ, & contra consilium Hieronymi. *lib.* 1. *contra Pelag.* circa medium, ibi: *Non de aduersario victoriam, sed contra mendacium quaramus veritatem.* Tertiò excedit, si nimia tarditate, aut nimio feruore disputatio assumatur. Quapropter ex utroque extremo quod utile est, sumi debet, ut dixit Nazianzenus *orat.* 26. *de moderat. in disputatione adhibenda*, qui omnino videndus est.

Vtrum infidelis compelli possit ad audiendam fidem.

- 1 De quibus procedat questio.
- 2 Proponitur dubitandi ratio.
- 3 Infideles non subditi nequaquam compelli possunt ad audiendam fidem.
- 4 Subditos infideles compelli posse à Principe Christiano, probabile est.
- 5 Probabilius est oppositum.
- 6 Compelli possunt infideles, ne predicatorem legis Evangelica impediunt.
- 7 Quid si non fiat resistentia blasphemij, & irrisione, sed sola expulsiōe predicatoris? Proponitur dubitandi ratio.
- 8 Probabilius est posse compelli.
- 9 Licetum est Ecclesie mutere predicatorum militibus affectos, ne illis iniuria fiat; cauendum tamen est, ne sit aggressio, & violentia.
- 10 Dissolvitur dubitandi ratio *num.* 2. adducta.

1 DE infidelibus baptizatis nulla est questio, cum Ecclesie subdantur. Infideles autem non baptizati sunt in duplici differentia. Alij sunt temporaliter subditi Ecclesie, vel Christiano Principi, alij sunt extra horum subiectionem. De utrisque ergo videndum est, an possint ad audiendam fidem compelli.

2 Ratio dubitandi est; quia Christus Dominus reliquit Ecclesie potestatem prædicandi Evangelium omni creaturæ, *Matth.* & *Mar.* vi. Sed hæc potestas exerceri non potest absque potestate cogendi eos, qui tenuunt prædicationem audire. Ergo. Et confirmo primò à simili. Ecclesia potest compellere fideles confiteri peccata; & hoc non alia ratione, nisi quia à Christo Domino data est potestas remittendi peccata, quæ absque confessione per sacramentum Pœnitentiæ remitti non possunt: sed etiam Christus Dominus dedit potestatem prædicandi Evangelium omni creaturæ, quæ prædicatio absque auditu esse non potest. Ergo consequenter dedit potestatem compellendi omnem creaturam Evangelium audire. Confirmo primò. Ecclesia habet potestatem coercendi impediētes prædicationem, sed qui non vult audire, impedit prædicationem, cum prædicatio esse non possit sine auditu. Ergo habet potestatem cogendi eos, qui nolunt audire, ut audiant.

3 Nihilominus dicendum est primò, infideles non subditos nequaquam posse à Romano Pontifice per se, vel medio aliquo Christiano Principe compelli ad fidem audiendam. est communis sententia, ut testatur Suarez *de fide, diff.* 18. *sect.* 2. *n.* 6. Valent. *diff.* 1. *q.* 10. *p.* 6. *circa fin.* Coninch *diff.* 18. *dub.* 14. *n.* 225. *conclus.* 2. Bonacina *diff.* 3. *de fide*, *q.* 2. *p.* 7. *n.* 3. *in medio.* Ratio est, quia compulsio esse non potest sine iurisdictione: at ij infideles sunt extra iurisdictionem Ecclesie, & Christianorum Principum, ut suppono. Ergo non possunt ab iis vlla ratione compelli.

4 Dico secundò. Probabile est, posse à Christiano compelli subditos infideles ad audiendam fidem. sic Bannes 2. 2. *quest.* 10. *art.* 10. *dub.* 4. *concl.* 4. Suarez *diff.* 18. *sect.* 2. *num.* 3. Bonacina *suprà num.* 3. Ratio esse potest, quia obligatio huius audientie non excedit iurisdictionem politicam, & temporalem: siquidem ex hac obligatione solum compelluntur infideles audire prædicatorem, non tamen cum sequi; audire autem prædicatorem, ut eo auditore eligant religionem, quæ sibi magis visa fuerit rationi conformis, non excedit potestatem politicam, & temporalem gubernatoris. Aliàs nullus temporalis gubernator posset subditorum peccata

peccata aduersus religionem punire, nec illos obligare ad media exequenda, ex quibus electio religionis verè fieri posset.

5 Dico tertio probabilius esse non posse subditos infideles cogi à Christiano Principe ad audiendam fidem, sic Bannes *suprà concl. 3.* & licet *concl. 4.* dixerit probabile esse cogi posse, limitauit tamen ad vnam auditionem, non ad plures: absolute hanc tenet Valent. 2. 2. *disput. 1. quest. 10 punct. 6. circa finem.* Salmer. *som. 12. tractat. 38. in Euangel. Coninch disput. 18. dub. 14. conclus. 5. inuncta conclus. 4.* Probo, quia iis infidelibus solum ea superior præcipere potest, quæ poterat respublica ex sua primæua institutione, quia nullam aliam habet potestatem, nisi quam à republica accepit. At respublica non poterat sibi subditos ad fidem audiendam cogere. Ergo neque ullus Princeps sæcularis. Probo minorem, quia respublica non habet aliam potestatem iure naturæ, nisi præcipiendi ea, quæ ad finem politicum, & naturalem ordinantur: at auditio legis Euangelicæ ad fidem supernaturalem ordinatur, vt de se constat; quia fides ex auditu, auditus autem per verbum Christi. Ergo respublica non habet potestatem præcipiendi sibi subditis auditionem legis Euangelicæ. Et confirmo. Lex Euangelica est quid supernaturale à Christo Domino institutum. Ergo iure naturæ cognosci non potest. Ergo neque eius auditio præcipi. Confirmo. Secundò præcipi non potest iis infidelibus auditio legis Euangelicæ, vt eam amplectantur, quia, vt in puncto sequenti dicemus, non est in republica ciuili, neque in Ecclesia potestas ad cogendum aliquem ad fidem. Ergo neque etiam est potestas præcipiendi auditionem, quia auditio legis per se non est appetibilis, nec materia præcepti, nisi quatenus ad assensum legis ordinatur. Neque obstat si dicas præcipi auditionem legis Euangelicæ, non vllam amplectaris, sed vt distinguas inter veram, & falsam religionem, & possis veram eligere falsa contempta. Non, inquam, obstat, quia hæc distinctio est quædam cognitio limites naturæ excedens; cuiusque electio est supernaturalis. Ergo iure naturæ non habet Princeps potestatem præcipiendi media, quæ ad finem istum ordinantur. Et ex his patet solutio rationis præcedenti conclusione factæ.

Verum, quia in nostra fide plurima continentur credenda, quæ lumine naturæ cognoscuntur, vt esse vnum Deum, & non plures; iustis daturum præmium, peccatoribus supplicium, præcepta Decalogi esse seruanda, poterit Princeps, siue Christianus, siue Gentilis obligare sibi subditos prædicatorem, qui aliquo testimonio diuino, vel humano se reddit dignum creditu, audire circa has veritates, vt depulsis erroribus, si qui habent, veritatem sequantur. Quia hoc non excedit naturæ limites, & cognitionem naturalem. Secus verò est de aliis veritatibus supernaturali lumine cognoscendis, sine quarum cognitione finis politicus, & naturalis reipublicæ esse potest.

Quod si obicias consuetudinem Romanam esse compellendi Iudæos, audire Euangelium sub pœna amissionis bonorum?

Respondeo multam illam, quæ Iudæis nolentibus audire Euangelium imponitur, non esse pœnam, sed quoddam tributum, quod Romanus Pontifex ab illis exigere potest, quia in eius terra habitant, & ei temporaliter sunt subiecti, à quo tributo eximere potest auditores Euangelij.

6 Dico quartò, certum est, posse Ecclesiam per se, vel mediis Christianis Principibus compellere quoscumque infideles, ne prædicatorem legis Euangelicæ impediant, nè prædicatorem dehonestent. Quare si infidelis aliquis Princeps blasphemis, & irrisione in fidem iniqua persuasionem, vel persecutionem prædicationem impedit, potest Ecclesia cum vi, & armis comprimere,

Ferd. de Castro Sum. Mor. Pars I.

sic communi omnium sententia, quos superfluum est recensere, & constat ex pluribus decretis relatis 23. q. 8. Ratio est manifesta, quia iure naturæ cuiuslibet est concessum iura sua defendendi, & ea quæ sibi contraria sunt, propulsandi: sed Christiana respublica habet ius à Christo Domino concessum prædicandi Euangelium omni creaturæ. Ergo habet ius defendendi hanc prædicationem, & propulsandi sibi contraria. Aliàs concessio prædicandi Euangelium esset diuinita, & inefficax. Et in ordine ad hunc finem fuit concessio Alexand. VI. Regibus Catholicis, Ferdinando, & Elisabethæ, & Regibus Portugaliz, Ioan. II. Diuisit namque terras infidelium Orientis, & Occidentis, & Orientis terras Regibus Portugaliz, Occidentis Regibus Castellæ donauit: non quidem absolute, sed conditionaliter, id est, sub conditione, si necessum fuerit ad tuendos prædicatores Euangelij, & fidem Catholicam, & ibi conuersos defendendos, quod bene norauit Victor. *relect. 1. super cap. ult. Matth. de titulis quibus barbari potuerint venire in diuisionem Hispan. num. 12. cum seq.* Gregorius Lopez l. 2. gloss. 3. col. 6. in princ. & col. 13. à vers. quarta conclusio, tit. 23. part. 2. Cardin. Bellarmin. *controvers. 3. generali, lib. 5. de Romano Pontifice, cap. 2. ad finem.* Qua diuisione facta non possunt Principes Portugaliz etiam sub titulo defendendi fidem, terram hoc titulo concessam Castellæ Principibus occupare. Quia Princeps sæcularis in tantum habet potestatem defendendi fidem, quatenus nomine Ecclesiæ illi censeatur concessa; cum autem non ipsis, sed aliis concessa sit, ipsi non se possunt intromittere. Adde hanc diuisionem esse fidei Catholicæ dilatacioni conuenientissimam; quia quilibet Rex suam terram, vt propriam respiciet, & curam illius ager. Item de medio tollitur occasiourbationis, & belli, quæ inter diuersos Principes oriri solet, quando eandem terram, & eodem iure prætendunt. Quocirca nemini licet hanc diuisionem, & concessionem infringere: & ita latè probat August. Barbosa 1. part. de potest. *Episc. tit. 3. cap. 2. num. 44. pag. 240. attigit Suarez de fide, disp. 18. sect. 1. num. 7.*

7 Sed quid si Princeps, & regnum resistunt prædicationi, non blasphemis, & irrisione in fidem, neque iniqua persuasionem, aut prædicationem, sed solum non permittendo prædicatores in suis terris commorari; poteritne tunc Ecclesia vi, & armis compellere hunc Principem, & regnum, vt prædicatores admittat, & ibi secure eos retineat, vt possint prædicare Euangelium audire volentibus? Ratio difficultatis est, quia liberum esse videtur cuiuslibet Principi in sua ditione habitationem exteris concedere, vel interdicare. Ergo non infert Christianæ reipublicæ iniuriam propulsando prædicatores. Deinde Ecclesia non habet potestatem prædicandi Euangelium nolentibus: non enim, vt iam diximus, potest cogere infideles ad eius auditum, præcipue si sibi subditi temporaliter non sunt. Ergo neque habet potestatem, vt eius prædicatores in terris nolentibus audire prædicationem commorentur, quia solum ratione prædicationis hæc commoratio, & habitatio competere illis poterat.

8 Nihilominus dicendum est, moraliter loquendo, posse Ecclesiam vi, & armis compellere infidelem Principem, vt permittat prædicatores Euangelij ibi commorari, & prædicare, si aliqui sint, qui audire velint. sic docet expresse Suar. *de fide, disp. 18. sect. 2. circa fin.* Probo, quia licet Princeps habeat potestatem interdicens habitationem in suis terris cuiuslibet alienigenæ; debet esse ex causa iusta: at hæc non est, quia alienigena legem Euangelicam proficetur, illamque prædicare intendit; quia in hoc non peccat, neque aduersus Deum, neque regnum. Secundò expellere prædicatorem à regno, vel auditum interdicare, eo solum, quia prædicare intendit, est iniuria fidei, & specialis illius contemptus.

Ii 2 Ergo

Ergo hanc iniuriam propulsare Ecclesia poterit. Tertiò, moraliter loquendo, in toto regno deesse non potest, qui voluntarie audiat Euangelium, si sit qui prædicet, quo fructu priuatur omnino expulsi prædicatores. Ergo in defensionem huius fructus, & in fauorem innocentis, qui sic priuatur, potest Ecclesia Principem impediens debellare. Neque inde fit aliquem nolentem cogi ad audiendam fidem, quia non cogit Ecclesia Principem nolentem audire, ut audiat, sed solum cogit, ne viam præcludat audire volentibus. Quod Ecclesiæ videtur concessum, concessa potestate prædicandi: & ita tenet Suarez *disput. 18. de fide, sect. 2. circa finem*.

9 Secundò inquires, an Ecclesiæ liceat, cum mittit prædicatores, omnem securitatem illis apponere, ne illis irrogetur iniuria, ita ut si necesse sit, eos mittere exercitu comitatos, possit id facere, etsi necesse sit ædificare turres circa confines prouinciarum, ut securius, & facilius inde possint prædicatores mitti, possit id præstare? Videtur hoc licitum esse, quia cuilibet licitum est se, & sua defendere. Et quidem si in præcisa defensione sistitur, credo hoc licitum esse; neque enim video, unde per se illicitum esse possit: imò videtur hoc conueniens, ut impediatur, quoad fieri possit innocentis iniuria, & irreuerentia religionis Christianæ. Verum ex accidenti, & ratione scandali existimo illicitum esse supradictam securitatem; quia meritò time-re possunt infideles videntes prædicatores ita munitos ab illis debellandos esse, nisi prædicationem audiant, illique assentiantur: ac proinde auditionem, & receptionem fidei illis esse coactam, & non voluntariam. Quocirca prædicatores imitatores Christi, & sacrorum Apostolorum, non strepitu armorum, & potentia mundana; sed potius humilitate, mansuetudine, & patientia vestiti prædicationem suscipere debent: si autem infideles iis pacis signis abusi fuerint, & prædicationem repulerint, prædicatoresque dehonestauerint, tunc poterit Ecclesia pro suo iure defendendo exercitum mittere, & infideles subiugare, in quantum opus fuerit pro defensione fidei, cuiusque ministris; imò, ut placet doctissimo Francisco Suarez *disput. 18. sect. 1. circa finem*, quantum opus fuerit ad iustam vindictam sumendam de iniuria Ecclesiæ irrogata, ut sic alij Principes infideles coercerentur, & similes tyrannides exercere vererantur.

10 Ratio dubitandi in principio posita ex dictis manet soluta; sed, ut clarius constet, respondeo potestatem prædicandi Euangelium, optime exerceri posse absque potestate cogendi ad eius auditum, quia potest exerceri in volentes, & non repugnantes: sicut simplicis Sacerdoti potest Pontifex committere facultatem sacramenti ministrandi cuilibet potenti administrationem: non tamen inde sequitur posse quemlibet cogere, ut ab ipso sacramenta recipiat. Bene tamen ex hac potestate sequitur posse comprimere quemlibet, qui vsum talis potestatis impedire attentauerit: sic in præfenti dicendum est.

Ad primam confirmationem nego ea solum ratione posse Ecclesiam cogere quemlibet ad confitenda peccata, quia Christus Dominus dedit potestatem Sacerdotibus illa remittendi. Sed quia simul dedit potestatem illa retinendi, & cum omnes teneantur illam retentionem impedire, consequenter tenentur absolutionem procurare: atque adeò potest Ecclesia ex hac potestate quemlibet ad confessionem cogere. Adde hanc potestatem remittendi peccata versari circa subditos Ecclesiæ, secus potestas prædicandi Euangelium. Unde non est mirum, quòd ex potestate remittendi peccata possit Ecclesia quemlibet ad confessionem cogere; quia cogit sibi subditum, & non possit ex potestate prædicandi Euangelium cogere quemlibet infide-

lem ad illius auditum; quia infidelis non est sibi subditus.

Ad secundam confirmationem dico Ecclesiam habere potestatem comprimendi impediens Euangelij prædicationem: sed qui præcisè non vult audire, non impedit prædicationem; quia neque illam impedit respectu aliorum; non enim tollit, quin aliis volentibus prædicetur: neque etiam impedit respectu sui, cum liberum illi sit beneficium prædicationis recipere; aliàs omnes nolentes recipere à Rege beneficia, dicerentur impedire illius potestatem, quod est absurdum. Et ratio omnium est, quia, ut bene notauit Valent. 2. 1. *disput. 1. quest. 10. punct. 6. circa finem*, tunc dicitur alicui rei impedimentum apponi, quando alioqui suppetunt omnia requisita ad illam; at cessante voluntario auditore, cessat requisitum ad prædicationem, ideòque sola voluntate impedimentum esse non potest.

PUNCTVM VI.

Compellere possit infidelis ad recipiendam fidem.

- 1 *Hæreticus tametsi per iniuriam baptizatus sit, compelli potest ad fidem.*
- 2 *Proponitur dubitandi ratio, de quolibet infideli, postquam ei fides sufficienter est proposita.*
- 3 *Certum est cogi non posse.*
- 4 *Qua ratione indirectè possit Ecclesia, & Princeps sibi subditos infideles ad fidem cogere.*
- 5 *Satisfis rationibus num. 2. adductis.*

1 **C**ertum omnino est infidelem hæreticum, qualis est, qui suscepto Baptismo, à fide defecit, posse compelli grauibz poenis, & suppliciis, ut erroribus expulsi ad fidem redeat: constat ex Ecclesiæ consuetudine satis declarata in legibus civilibus, & Ecclesiasticis, *toto tit. de hæreticis*, & fusè etiam ostendit Augustinus *epist. 40. & 50.* Alphons. à Castro *de iusta hæretic. puni.* Simancas *de catholic. institut.* Rojas, Penna, & alij aduersus hæreticos scribentes. Et ratio est manifesta, nam per Baptismum subiicitur quis Ecclesiæ, & protestatur sub illius fide, & obedientia perpetuò manere. Ergo penes Ecclesiam debet esse potestas continendi sic subiectos in tali fide, & pro missione. Ergo debet esse potestas corrigendi, & puniendi eos, si noluerint contineri: aliàs diminuta, & inefficax esset potestas Ecclesiæ concessa, quod non est dicendum. Et hæc doctrina vera est, etiam si per iniuriam hæreticus baptizatus fuerit. Nam si verè baptizatus fuit, verè subditus manet Ecclesiæ, & obligationem contraxit fidem seruandi. Ergo si deficiat, comprimi, & compelli poterit ab Ecclesia, tamquam ab eius superiore. sic docuit Coninch *disput. 18. dub. 14. num. 224.* ex Concilio Tolet. I. *can. 55.* & Ecclesiæ praxi.

2 Quocirca solum est difficultas de infideli non baptizato; an, inquam, cogi possit ad fidem? Pro quo reuocanda est in memoriam distinctio suprà posita de infideli subiecto Ecclesiæ, & non subiecto: & de vtrisque videtur ad fidem recipiendam compelli posse. Nam ante propositionem sufficienter factam, clarum est nullam illis posse obligationem imponi recipiendi fidem; siquidem neque ipsi tenentur illam recipere. Posita autem propositione sufficienti iam adstringuntur fidem recipere. Ergo & cogi poterunt ab Ecclesia ad illius receptionem. Probo hanc consequentiam. Primò, quia hæc coactio cedit in magnam eorum vtilitatem; siquidem ratione illius suscipiunt medium illis ad salutem necessarium. Deinde cedit in magnum fidei bonum, & augmentum: tum quia ipsi saltem in exteriori foro, ut Catholici

se gerant, eorum etiam filij baptizantur, & decursu temporis successores. verè fideles existunt: quæ omnia cessant, si hæc coactio non admittitur; ergo est admit- tenda. Secundò sanctissimi Principes compulerunt in- fideles ad fidem, & eorum compulsio laudatur, ut con- stat ex Concilio Tolet. IV. cap. 56. de Rege Sisebuto, qui Religiosissimus appellatur, eo quòd Iudæos ad fidem suscipiendam compulerat. Idem de Regibus Catholi- cis Ferdinando, & Elisabetha dicitur. Quapropter Gre- gorius lib. 3. epist. 26. & refertur in cap. iam vero, 23. q. 4. præcepit Episcopo Calaritano tanto pensionis onere grauari sibi subditos infideles, ut pœna compellantur ad fidem. & in l. qui post sanctam, C. de paganis, §. si verò, iubentur confiscari bona paganorum nolentium bap- tizari, & l. Cælicolarum, C. de Iudæis, & Cælicolis, adstrin- guntur Cælicolæ, qui videntur esse pagani, eisdem pœ- nis, ac hæretici, si fidem non recipiant. Adde l. nemo, C. de paganis, ubi Constantinus, & Theodosius religio- sissimi Principes prohibuerunt paganis suorum deo- rum cultum, & antiquæ religionis exercitium. Ergo ta- citè compellebant suscipere nostram religionem, quia sine religione esse non poterant. Tertiò Christus Do- minus sub nomine Regis inuitatis aduenam, dixit com- pellendos esse intrare ad Ecclesiam eos, qui in viis, & plateis sedebant, hoc est, extra eam. Ergo non est aliena à consilio, & mandato Christi hæc compulsio. Quar- tò terroribus, & minis sapè Deus mouet ad recipien- dam fidem, ut contingit in Paulo, qui tremens, & stu- pens dixit Domino, *Quid me vis facere*. Ergo licitum erit Principibus Ecclesiæ ad fidem infideles hoc modo trahere. Quintò si aliqua ratione Ecclesia non posset hos infideles ad fidem compellere, est, quia fides debet suscipi voluntariè, ut dixit D. Thomas; sed hæc coactio non tollit voluntatem, aliàs neque in hæreticis esset li- cita. Ergo. Sextò ad Ecclesiam pertinet reparare in- iuriam fidei factam, & iniuriantes comprimere: sed no- lens fidem suscipere, quando illi sufficienter est propo- sita, iniuriam fidei facit, siquidem illam continuit, & quasi blasphemiat. Ergo ad Ecclesiam pertinet eius au- daciam comprimere: & specialiter de subditis infideli- bus probatur; quia ad superiorem non solum pertinet procurare in sibi subditis obseruantiam suarum legum, sed etiam legis diuinæ, & naturalis: at lege diuina tenentur ij infideles, fidem suscipere, cum sufficienter illis proposita sit. Ergo ad eorum superiorem pertinet pro- curare, ut hoc obseruetur. Septimò penes aliquem de- bet esse potestas puniendi hoc delictum, quod in de- ssertione fidei rectè proposita committitur. Sed non ap- paret penes quem sit, nisi penes Ecclesiasticos Prælatos. Ergo ij possunt sic rebelles punire, & media punitione ad fidem recipiendam cogere. Propter hæc Maior in 2. distinct. 44. quæst. 2. & quidam Genesius Sepulueda Ca- roli V. Chronista sentit posse infideles etiam non sub- ditos cogi ad suscipiendam fidem. Sotus verò in 4. di- stinct. 4. quæst. ult. id de subditis infidelibus affirmat: con- sentit Gabr. in eadem distinct. quæst. 2. dub. 5. sine. Alphons. à Castro lib. 2. de iusta hæreticorum punitione, cap. 14. & Lor- ca 2. 2. quæst. 10. disp. 36. Spectato iure naturæ hoc re- putat probabile, esto ex iure positiuo tenendum non sit, & Malder. illa quæst. 10. art. 8. post 4. conclus. docet pri- mò cogi posse ad fidem veram, qui sub nomine Chri- stiano viuunt, etiamsi baptizati non sint. Secundò fi- lios eorum, qui baptizati sunt, posse ad suscipiendum baptismum compelli, si sunt sub patria potestate; si ex- trà, moderata pœna, nempe exilio, aut carcere mo- derato.

3 Cæterum existimo nullum infidelem, qui baptiza- tus non sit, cogi posse à suo Principe, nec minis, nec ter- roribus, nec bonorum direptione, nec alio modo coa- ctionis, fidem sibi propositam sufficienter suscipere, est communis sententia cum D. Thom. 2. 2. quæst. 10. art. 8.

Ferd. de Castro Sum. Mor. Pars I.

Caieranus, Pelantius, Turrianus ibidem. Valent. punct. 6. Suarez disp. 18. sect. 3. num. 4. Coninch disp. 18. dub. 14. conclus. 4. constat ex cap. sicut Iudæi, de Iudæis, & Sarrace- nis, cap. qui sintera, cap. de Iudæis, distinct. 45. in quibus non tam est noua prohibitio, quàm declaratio prohibitio- nis diuinæ: siquidem in cap. maiores, de Baptismo, dicitur esse contra Christianam religionem hos infideles co- gere ad fidem suscipiendam, & in Concil. Tolet. IV. cap. 55. dicitur esse contra vsum, & institutionem sacro- rum Apostolorum, & certè id satis colligitur ex vso, & praxi Ecclesiæ perpetuò obseruata, quæ nunquam infi- deles compulit ad fidem, vi, & armis, sed patientia, hu- militate, & mansuetudine: iuxta illud Lucæ 10. Ecce ego mitto vos sicut agnos inter lupos, nolite portare sacrum, neque virgam, neque peram, &c. quæ optimè expendit Ambrosius lib. 7. in Lucam; non enim, ut dixit Paulus 2. ad Corinth. arma nostræ militiæ sunt carnalia, sed spi- ritualia, hoc est, virtutes, non lignum, & ferrum. Ra- tione euidèti probatur. Coactio esse non potest sine iu- risdictione: at neque Ecclesia, neque Principes sæcu- lares iurisdictionem vllam habent in non baptizatos, ut eos possint ad fidem compellere. Ergo nullo modo compelli possunt. Conclusio est legitima. Maior hu- ius discursus est per se nota, siquidem omnis coactio iusta, de qua loquimur, in iurisdictione, & potestate fundatur. Minor autem probatur, & primò de Eccle- sia; hæc enim solum habet iurisdictionem ex conces- sione Christi, Christus autem Dominus solum conce- ssit iurisdictionem Petro circa illos, qui in Eccle- siam ingressi fuerint; dixit enim, *Pasce oues meas*. Sup- ponuntur ergo prius esse oues, ut sic possint à Petro pa- sci. Quapropter dixit Paulus 1. Corinth. 5. *Quid enim mihi de his, qui foris sunt, Dominus indicabit*; quasi dice- ret, ad me non pertinent, Domino enim reseruantur: cui consonat Innocentius III. in cap. maiores, de Baptismo, & in cap. gaudemus, de diuortijs, & Trident. sess. 14. cap. 2. ubi inquit: *Ecclesia in neminem iudicium exercet, qui prius per Baptismum non fuerit ingressus*; cum autem hi infide- les supponuntur foris esse, nullo modo Ecclesia in il- los habet iurisdictionem. Ergo neque potest illos co- gere. Quòd autem neque Principes sæculares, quibus ij infideles subduntur, possint ad fidem compellere, probo: nam tota potestas horum Principum, utpotè immediatè ab hominibus, est politica, & naturalis, & ordinata ad finem naturalem, qualis est recta reipubli- cæ administratio, & conseruatio; sed susceptio fidei est quid supernaturale ad finem beatitudinis æternæ ordi- nata. Ergo non est in potestate horum Principum sub- ditos ad hanc fidem compellere. Item Principes Chri- stianus, & Gentilis eadem in suos subditos gaudet po- testate; at Gentilis Princeps ad fidem non potest sub- ditos compellere; ergo neque Christianus. Deinde, neque Ecclesia, neque Princeps sæcularis potest punire hos infideles, quia fidei sufficienter propositæ non as- sentiantur. Ergo neque potest illos compellere. Conse- quentia videtur legitima, tum quia diminuta, & ineffi- cax esset compulsio sine potestate puniendi. Tum quia iure ipso naturali sequitur, cui est concessa potestas præ- ceptiua in supremo ordine, esse simul concessam pote- statem punitiuam. Tum denique, quia ideo hæreticos, & à fide deficientes potest Ecclesia compellere, quia ipsos punire potest. Quòd ergo neque Ecclesia, neque Princeps sæcularis, possit hos infideles propter infide- litatis peccatum punire, sic probo; quia illud peccatum non est alicuius Ecclesiæ subiecti. Ergo Ecclesia in il- lud non habet potestatem. Neque etiam est aduersus legem Principis sæcularis, neque Princeps sæcularis de illo iudicare potest, quia est de materia aliena ab eius iurisdictione. Ergo.

4 Verum etsi Ecclesia, aut Princeps sæcularis non possit infideles sibi subditos ad fidem cogere directè;

II 3 at

at indirectè cogere potest, primò imponendo eis tributa grauiora, sed aliàs licita, dum non conuertuntur, vt fecit Gregorius *lib. 3. epist. 26. relatus in cap. iam verò, 23. quest. 6. & lib. 4. epist. 6.* Dixi aliàs licita; quia non potest Princeps hac de causa grauiora onera imponere subditis, quæ aliàs imponere non poterat, esset enim tunc directæ coactio. Secundò indirectè cogere potest, si eorum conuersatio fidelibus nocet, quia tunc poterunt expelli, ni conuertantur. Tertio potest compellere non permittendo illis vsum officij publici, & honoris. Quartò non permittendo eis, si aduenæ sunt, aut bello capti, in suo regno habitare, nisi ad fidem conuertantur, quia habet ius non concedendi eis habitationem. Quintò negando eis priuilegia, & gratias, quæ liberè aliis concedit. Sextò prohibendo eis vsum suæ religionis, vtpote naturæ rationali contrarium, & aptum rempublicam turbare; hæc enim omnia iudicantur indirectæ coactio ad fidem. Quia à Principe ordinantur ad illius susceptionem, ad quam per se ordinata non sunt. Est tamen licita, quia non assumuntur media, quæ secluso tali fine assumi non possent: & ita tenet Valent. *disput. 1. quest. 10. punct. 6. circa pag. 391. versic. at eadem ratione.* Suarez *disput. 18. sect. 3. num. 8.* Coninch *disput. 18. dub. 14. num. 238.* Becanus *cap. 13. quest. 4. num. 4.* Bonacina *disput. 3. quest. 2. de fide, punct. 7. num. 3.*

5 Restat argumentis *num. 2.* factis satisfacere.

Ad primum dico, etsi omnia illa conuenientia sequantur ex coactione directæ ad fidem; non tamen debet admitti, quia non sunt facienda mala, vt inde eueniant bona. Adde plurima etiam inconuenientia sequi ex coactione, scilicet simulatè conuerti, & fidem reddi exosam, & suspectam tyrannidis, & non posse alia via in mundum introduci.

Ad secundum concedo laudari Principes compellentes sibi subditos recipere fidem, non coactione directæ, sed indirectæ, & aliàs licita, vt explicuimus: & sic credendus est fecisse Sisebutus Rex; & præcipue Catholicissimi Reges Ferdinandus, & Elisabetha, cum Iudeos, & Sarracenos ex Castella exterminarunt, cognouerunt namque eorum conuersationem aliis fidelibus nocere, & puritatē nostræ fidei non posse in suo regno, illis ibidem habitantibus, conseruari: & ob huiusmodi rectum finem expulsio facta est, præterquam quod bello iusto superari sunt, & tanquam captiui expelli poterant. Quod si aliquando Christianus Princeps plus iusto compulsi infideles ad fidem, vt de Rege Sisebuto aliqui dicunt, parcendum est, vtpote qui zelo religionis ducebatur, & ita explicanda est *lex, qui post sanctum.* Adde fortè confiscationem illam bonorum ob aliqua delicta deberi, & Imperatorem præcipere, vt sic mandetur executioni, nisi infideles ad fidem conuertantur. In quo casu solum est indirectæ coactio, & sic intelligendum est, quod de Cælicolis dicitur, & aliis paganis, suis enim factis, & sceleribus contra naturam, ita rempublicam turbabāt, vt meritiò poruerit Imperator eos pœnis hæreticorum punire; nisi desertis illis vitiis, & erroribus ad fidem conuerterentur. Adde Cælicolas verè baptizatos esse, vt constat ex Augustin. *epist. 163. circa finem.* Ad idem est, quod de Constant. & Theodosio dicitur: licitum namque illis fuit prohibere suis subditis cultum, & venerationem falforum deorum, vtpote contra naturam: neque obinde illos cogebant directè fidem suscipere, quia sine susceptione illius viuere poterant, colendo priuatim vnum Deum, & interius credendo, quod sibi placuisset.

Ad tertium ex illis verbis Lucæ 14. *Compelle intrare;* de solis hæreticis id intelligit Augustin. *epist. 48. & 50.* qui coactione directæ cogi possunt, vtpote Ecclesiæ subditi. Si autem de infidelibus non baptizatis intelligatur, vt intelligit Chrysostom. ibi, dicendum est illos

compellendos esse ad fidem in fine mundi, vt numerum prædestinatorum impleatur, non vi, & potentia, sed fignis, & miraculis, & efficacia prædicationis, quomodo fuit vñs Deus in Paulo conuertendo. Adde Paulum, & reliquos esse Deo omnino subiectos, ac proinde posse à Deo, prout sibi placitum fuerit, compelli, præcipue cum metum incutiens possit simul inclinare cor hominis, vt fidem liberè suscipiat, quamuis à metu excitatus: & per hæc patet ad quartum.

Ad quintum constat ex dictis, quare coactio directæ licita non sit, quia, non est ab habente potestatem.

Ad sextum concedo ad Ecclesiam pertinere blasphemantes, & iniuriantes fidem, positiua iniuria, & blasphemia comprimere; secus verò nolentes fidem recipere: ij enim propriè non dicuntur fidem blasphemare.

Ad septimum non omnia delicta ab hominibus puniendi sunt, aliqua Deo reseruantur; & vnum ex illis est, infidelitas illorum, qui Baptismum non susceperunt.

Ad vltimum dico pertinere ad quemlibet superiorem procurare, vt subditi obseruent leges naturales, & diuinas respicientes finem naturalem: nego tamen pertinere ad superiorem quemlibet procurare, vt eius subditi obseruent leges supernaturales, & diuinas, nisi talis potestas à Deo authore supernaturali eis data sit. At constat ex dictis neque Ecclesiæ, neque sæculi- bus Principibus datam esse potestatem circa infideles non baptizatos in ordine ad suscipiendam fidem. Ergo.

PUNCTVM VII.

An infideles cogi possint, & debeant, vt errores deponant, & falsum cultum relinquunt.

- 1 Infidelem non subditum sola lege charitatis tenetur Princeps, & Ecclesia ab errore remouere; at subditum specialiter tenetur.
- 2 Si errores infidelium contrarij non sint rationi naturali, sed solum nostræ fidei, non possunt à Principe cogi, vt illos deserant.
- 3 Princeps Christi. vnus possit cogere infideles non subditos, errores rationi naturali contrarios deserere, & ob hanc causam oppugnare? Proponitur difficultas.
- 4 Statuitur nequaquam id fieri posse.
- 5 Excipiuntur peccata directè nocina nostræ fidei, & religioni.
- 6 Satusit argum. num. 3. adductis.

1 **N**on est sermo de infidelibus baptizatis; hoc enim clarum est posse, & debere cogi errores deponere, & falsum cultum, si assumant, relinquere. Solum est dubium de infidelibus non baptizatis, tam de subiectis Ecclesiæ, & Christiano Principi, quàm de non subiectis. Et quidem si infideles non sint subditi temporaliter Ecclesiæ, vel Christiano Principi, non obligatur specialiter Ecclesia, nec Christianus Princeps procurare, vt errores deponant, quia sibi specialiter commissi non sunt; obligantur tamen lege charitatis, eo modo, quo vnusquisque obligatur ad salutem alterius procurandam. Si autem infideles subditi sunt Christiano Principi, vel temporaliter Ecclesiæ, sicut Iudei Romæ commorantes subduntur Pontifici: tunc obligatur Ecclesia, seu Christianus Princeps eos ab erroribus rationi naturali contrariis, & à falso cultu, & superstitione deorum remouere: sic D. Thom. 2. 2. q. 10. art. 10. & 11. & ibi eius expositores. Bannes *dub. 2.* Coninch *disput. 18. dub. 12. conclus. 2.* Suarez *disput. 18. sect. 4. num. 9.* Valent.

Valent. *disp. 1. quest. 10. punct. 7. post princ.* Ratio est clara, quia superiori competit gubernare subditos, vt secundum rationem viuant; viuere autem non possunt secundum rationem, nisi ea, quæ rationi naturali obstant, relinquunt. Ergo superior ex suo munere obligatur procurare, vt subditi ea deferant: atqui colere falsos deos, fornicari, furari, occidere, sunt contra rationem naturalem, vt de se constat. Ergo obligatur Princeps, ea à suis subditis tollere. Adde potestatem gubernandi datam esse à Deo hominibus, vt finem naturalem consequantur, qui est viuere secundum virtutem, & rectam rationem. Ergo ex illa potestate sequitur posse dirigere subditos, vt sic viuant, & omnia contraria coercere. Hæ rationes probant de quocumque Principe tam fidei, quam infidei posse, & debere suis subditis prohibere, quæ rationi naturali contraria sunt, eaque sic admissa punire. Verum ab hac obligatione aliquando Princeps eximitur, scilicet cum timet rempublicam perturbandam esse, infideles à conuersione esse retrahendos, & grauiora mala inde oritura esse, iuxta illud *Matth. 13.* vbi volentibus seruis eradicare zizania, pater familias non consentit, ne forte eradicetur simul & triticum, prudentis enim est ex duobus malis, quorum alterum euitari non potest, minus eligere. sic D. Thomas communiter receptus 2. 2. *quest. 10. art. 11.* & ibi Caietan. Bannes *dub. 2. conclus. 1.* Valent. *punct. 7. in princ.* Coninch *disp. 18. dub. 12. num. 194.* Suarez *disp. 18. sect. 4. num. 9.* & tradit August. *reclus in cap. cum quisque, 23. quest. 4.*

2 Quod si ritus horum infidelium rationi naturali contrarij non sint, sed solum sunt contrarij nostre fidei, eiusque præceptis, quales sunt ritus Iudæorum, & multi Sarracenorum vnum Deum colentium, existimo nulla ratione cogi posse à suis Principibus ea desistere. Quia potestas Principis solum extenditur ad gubernandos subditos, vt secundum rationem viuant: at ij ritus contrarij non sunt naturali rationi. Ergo non extenditur eius potestas ad eos prohibendos.

Dices ad Principem pertinere, vt omnes eius subditi vniuersimode viuant; quia sic pax, & iustitia reipublicæ necessaria conseruabitur, secus turbationi erit exposita. Ergo ad Principem Christianum pertinet omnem diuersitatem cultus, & religionis à suis subditis remouere?

Respondeo, si Princeps probabiliter timet ex tolerantia, & permissione cæremoniarum, & rituum infidelium fideles esse inficiandos, & rempublicam perturbandam, tunc, inquam, poterit, & debet prohibere infidelibus vsum suorum rituum, non quia ipsi mali sint, sed quia occasionem perturbationis præbent. Hæc tamen non est coactio directa, sed indirecta, quia fit in defensionem religionis veræ, & præcipuæ partis reipublicæ, & tradit Coninch *num. 194.* Quocirca licet ritus Iudæorum Ecclesia in suis subditis Iudæis permittat, vt ex vfu, & praxi constat, & tradit Gregor. *lib. 1. epist. 34. & lib. 11. epist. 15.* & D. Thom. *illo art. 11.* & Augustinus *lib. 18. de ciuit. cap. 46.* hoc intelligendum est, cum non fiunt cum scandalo fidelium, vt habetur *cap. 3. & 7. de Iudæis.* Et quia hoc scandalum sæpe Ecclesia timet, si Iudæis liberum vsum suæ religionis concederet; ideo eos à multis prouinciis expulit, & in illis, in quibus tolerantur, prohibet nouas Synagogas extruere; vel illas Ecclesiis Christianorum habere vicinas, signumque portare, quo à Christianis distinguantur: & in die Parasæne non debent in publicum progredi, neque tenere ostia, vel fenestras apertas, quæ, & alia habentur *in tit. de Iudæis, cap. Iudæi, cap. quia, cap. consuluit, cap. in non nullis.* & tradit Gregor. *lib. 7. epist. 58. & lib. 12. epist. 18.* & alijs in locis.

3 Difficultas ergo est de infidelibus Ecclesiæ, vel Principi Christiano non subiectis, an possit Ecclesia,

vel Princeps Christianus eos cogere, ne idololatriam, & alia contraria rationi naturali exerceant, & inobedientes punire, & regno, si opus fuerit, priuare? Ratio difficultatis est primò ex Scriptura, *Ecclesiast. 10.* vbi habetur propter iniustitias, iniurias, contumelias, & diuersos dolos transfertur regnum de gente in gentem. Ergo eo ipso priuantur iniusti regno, & ad iustos, & fideles transfertur, ac proinde tanquam rem propriam, & à Deo concessam sibi vsurpari possunt. Et confirmari potest exemplo Israëlitiçi populi, cui Deus concessit barbaras nationes debellare, & terram promissionis possidere: neque videtur adesse alia causa præter idololatriam illarum gentium, vt constat *Deuteronom. 32.* vbi, *Subuertite omnia loca, in quibus coluerunt gentes, quas possessuri estis.* Secundò confirmari potest exemplo Genadi Exarchi laudati à Gregor. *lib. 1. Registri, epist. 73.* eo quod bella gereret aduersus infideles, & terram prædicationi euangelicæ recipiendæ disponderet. Secundò ij infideles Deum iniuriunt, & religionem Christianam blasphemant. Ergo pro defensione fidei, & religionis cogi possunt: si enim pro defensione innocentis bellum suscipi potest, cur non pro defensione Dei, & religionis? Et confirmo. Si infidelis verba contumeliosa contra religionem nostram proferret, posset Ecclesia iniuriam sibi factam repellere, & vindicare, quia quælibet respublica perfecta ius habet se defendendi, & iniurias sibi factas vindicandi. Ergo etiam Ecclesia, quæ est respublica omnino perfecta, debet eam potestatem habere. Sed cum infidelis idololatriam, & alia vitia contraria naturæ committit, religionem nostram ipso facto blasphematur, vt dixit D. Thomas 2. 2. *quest. 94. artic. 3. ad 1.* Subtrahit enim Deo singularitatem dominij, & fidei præcepta negat. Ergo Ecclesia ius debet habere has iniurias propulsandi, & vindicandi. Tertiò si Ecclesia prohibere, & punire infidelibus non potest idololatriam, & peccata contra naturam, plura erunt peccata, quæ sub humanam prohibitionem, & punitionem non cadant: hoc autem videtur esse contra rectam Dei prouidentiam. Ergo. Quartò aliquæ nationes sunt ita barbaræ, vt videantur à natura constitui in seruos, & aliæ ita nobilis ingenij, vt videantur domini, & rectores esse constituti: quod dixit Philosoph. *lib. 1. polit. cap. 1.* ibi, *Autem Poëta Græcos barbaris dominari oportere, quod idem sit natura barbarus, & seruus.* Ergo nullam iniustitiam committit Princeps fidelis, qui more belluino viuentes in suam potestatem redigit, ea intentione, vt ab eorum cordibus errores depellat. Et confirmatur: nam Augustinus *lib. 5. de ciuitate Dei, cap. 12. & 17.* & D. Thomas *in opuscul. de regimine Principis, lib. 3. cap. 4. 5. & 6.* laudant Romanos, quod barbaras nationes subiugarint, & viuere secundum rationem docuerint. Propter hæc Maior *in 2. distinct. 44. quest. 3.* & quidam Genesius Sepulveda Caroli V. historiographus, cuius meminit Suarez, Valent. Bannes *locis allegatis,* sentiunt penes Ecclesiam esse potestatem Reges idololatrias, & contra ius naturæ peccantes punire, et si opus fuerit eorum regna occupare: consentit Antonin. 3. *part. tit. 22. cap. 5. §. 8.* Aluarus Pelagius *in lib. de planctu Ecclesiæ, lib. 1. artic. 37. circa medium.* Syluest. *verbo Papa, quest. 7.* & Alphonsus à Castro *lib. 2. de iusta hæreticorum punitione, cap. 14.* Abbas *in cap. quod super his, de voto.* Hostiensis *ibidem.*

4 Nihilominus contraria sententia omnino tenenda est, nullo modo Principem Christianum neque auctoritate sua, neque Ecclesiæ auctoritate posse hos infideles sibi non subditos prohibere idololatriam, & peccata contra naturam, quæ specialiter ipsi religioni Christianæ, aut innocentibus contraria non sunt. sic D. Thomas 2. 2. *quest. 12. art. 2.* asserens sub titulo infidelitatis bellum indici non posse. Bannes *quest. 10. artic. 10. dub. ult. conclus. 2.* Valent. *disp. 1. quest. 10. punct. 7.*

circa medium. Torres diff. 52. dub. 2. Coninch diff. 18. dub. 12. num. 196. Suarez diff. 18. sect. 4. num. 3. Victoria relect. de Indis, §. 40. Soto in 4. dist. 5. quest. 1. art. 10. Covarr. reg. peccatum, part. 2. §. 10. num. 2. August. Barbof. 1. p. de potest. Episc. tit. 3. cap. 2. num. 38. Bonacina diff. 2. de restit. quest. ult. punct. ult. §. 2. fine.

Ratio est manifesta, quia Pontifici, qua talis est, non competit potestas gubernativa hominum, nisi quatenus sunt membra Ecclesie militantis, cuius ipse caput, & pastor est, iuxta text. in cap. ult. de presbytero non baptizato. & cap. Dominus noster, §. 6. dist. Sed ij infideles, qui Baptismum non susceperunt, non sunt membra Ecclesie militantis. Ergo in illos nullam Pontifex, qua talis est, iurisdictionem habet; ac proinde qua talis, nec prohibere, nec punire delicta horum infidelium potest; sed neque etiam potest prohibere, & punire, quatenus temporalem iurisdictionem habet, quia secundum hanc hi infideles illi non subduntur. Ergo. Et confirmo. Ideo unus civis non potest peccata alterius punire, & prohibere, quia non habet iurisdictionem temporalem in illum, sed Ecclesia, & Princeps Christianus in hos infideles nullam habet iurisdictionem. Ergo neque etiam poterit horum peccata prohibere, & punire. Alias Hispani possent Gallorum peccata punire, & econtra, si à propriis Principibus non puniuntur. Item si propter infidelitatem licet mouere bellum Christiano Principi aduersus infideles, omnia plena essent bellis, & perturbationibus: nam cum quilibet existimet suam religionem veram esse, simul etiam existimabit infidelis sibi licere bellum indicere aduersus Christianos, eo quod à sua religione, quæ sibi vera videtur, deflectant. Ergo dicendum est nullo modo licere Ecclesie, aut Christiano Principi punire, aut prohibere peccata infidelium rationi naturali contraria.

5 Verum si peccata infidelium iniuriosa sint fidei, & religioni, & innocentibus nociua; poterit tunc Ecclesia, & Christianus Princeps in defensionem fidei, & innocentium ea propulsare; & si opus fuerit, bella indicare, & regno sic nocentes priuare. ita Doctores statim allegandi. Ratio est clara, quia illud non tam est iurisdictionis exercitium, quam fidei, & innocentis defensio. Ex quo fit blasphemantem contra religionem, vel aliqua vi impediens alicuius conuersionem posse cogi ab Ecclesia, ut desistat ab iniuria, & violentia illata: imò existimo posse Ecclesiam sic iniurantem punire, & de illo vindictam sumere. sic D. Thom. 2. 2. quest. 10. art. 8. Bannes art. 10. dub. ult. §. pro cuius decisione. Valent. p. 7. in fine. Suarez diff. 18. sect. 4. num. 4. Coninch diff. 18. dub. 12. conclus. 5. & multis exornat Farinac. de heresi, quest. 178. §. 6. num. 132. Item poterit Ecclesia hos infideles bello oppugnare, si terras debitas Christianis occupant, neque desistunt ab iniuria inferenda, quæ ratione licet Turcas oppugnare. Item si innocentibus damnum inferant, ut si carne humana vescuntur, vel homines etiam volentes diis sacrificant; debent tamen prius moneri, si spes est fructus, ut desistant; sin minus, coerceri vi, & potentia debent. Suarez, Bannes, Coninch, Valent. *supra*. Aduerto tamen Principem Christianum debere cessare à coactione infidelibus pro iis peccatis inferenda; cum primum ipsi cessant à peccato, quia tota ratio honestans hanc coactionem est defensio, non iniuriæ factæ vindictio.

6 Restat satisfacere argumentis num. 4. adductis.

Ad primum admitto transferri de gente in gentem regnum propter iniustitias, non semper, sed quando Deo placeat; cuius voluntas cum nobis ignota sit, non infertur posse quemlibet regnum alterius inuadere, etsi videat Regem iniustum esse.

Ad confirmationem respondeo Israelitas bella gessisse ex peculiari concessione Dei, qui cum Dominus omnium sit, potuit ob peccata vnius nationis bonis, &

regno priuare, & in fauorem sui populi omnia illa concedere. Adde, filij Israël, ut ex August. *serm. 105. de temp. s. 10.* constat, ius habebant possidendi terram Chanaanorum, quia descendebant à Sean filio Noë, qui dominus illius fuit, & per vim, & potentiam Chanaan filij Chaam eam usurpatam habebant: poterant ergo pugnare, ut rem sibi debitam recuperarent. Secunda confirmatio, in qua exemplum Genadij adducitur, non est contra nos, quia Genadius pugnavit aduersus eos, qui terram Romano imperio subiectam occupant, & in recuperationem illius bellum gessit; ipse verò ut Catholicus procurabat, ut simul Euangelium infidelibus prædicaretur, quod laudi tribuendum est. Adde illos, contra quos Genadius pugnavit, esse infideles, hæreticos, & Atriana peste infectos, ut constat ex Gregor. *lib. 1. registri. epist. 72. & 73.*

Ad secundum ex ratione petiit dico idololatriam, aliæque peccata, esse quidem blasphemiam contra Deum, & religionem, non formaliter, sed materialiter. Ob materialem autem blasphemiam, & quæ in facto consistit, non potest bellum paganis inferri, quia non est iniuria directè, & formaliter Ecclesie, & religioni facta: alias liceret omnes infideles, & paganos bello oppugnare, imò omnes peccatores, quia omnes suis factis iniuriant Deum, negando esse summum bonum. Adde, etsi verbis negaret infidelis fidem, si tamen non ostenderet se id facere in contemptum, & irrisum religionis Christianæ, non haberet Ecclesia ius illum oppugnandi, quia illa negatio non censetur iniuria facta formaliter Ecclesie, sed Deo: ac proinde Ecclesia non potest illam vindicare. Neque est simile de lædente innocentem, in cuius defensionem potest iniuriantem opprimere, quia illud est, quia se defendere non potest: at Deus iniurias sibi factas defendere, & vindicare potest, quando sibi placuerit. Quare nisi ipse potestatem dederit, nullus poterit nomine illius defensionem suscipere, & iniurias illi factas vindicare.

Ad tertium nullum reputo inconueniens de facto multa manere peccata impunita ab hominibus; nego tamen non constituisse Deum, qui possent illa peccata punire, constituit enim Deus Principes, & superiores in qualibet republica, quibus competit subditos deuantes à recta ratione continere, & punire. Quod si de facto id non præstant, quia ipsi deuiant, per accidens est, & Deo tunc punienda relinquuntur.

Ad quartum dico nullam reperiri nationem ita barbaram, quæ aliquo modo gubernari non posset, quod si de facto reperiretur, tunc quidem subiugari posset, non titulo religionis, sed defensionis naturæ humanæ. Deinde cum barbari dicuntur natura serui, non est intelligendum, quasi illos natura seruos constituerit, hoc enim falsum est; sed quia natura illos ad seruiendum aptos constituit. Econtra verò ingenio valentes aptissimos ad dominandum, & regendum effecit.

Ad confirmationem dico, Romanos potuisse barbaras aliquas nationes subiicere, quia iure earum dominium sibi competeat; alias tamen tyrannicè inuadebant; sed quia bonis moribus eas instrui curabant, de hoc secundo laudantur à D. Thom. & August.

PUNCTVM VIII.

Priuari ne sint infideles, vel priuari possint potestate, & dominio circa fideles.

- 1 Infideles baptizati priuari possunt, & de facto priuantur dominio, & iurisdictione infideles.
- 2 Infideles Christiano principi subiecti non possunt in Christianos iurisdictionem habere.
- 3 Infidelis subditus Christiano principi priuatur dominio serui, eo ipso, quod seruus ad fidem conuertatur.

4 *Supra*

- 4 *Supradicti infideles subditi Christiano Principi priuantur famulatu fidelium.*
- 5 *Filius infidelis si baptizetur, liberatur à patria potestate.*
- 6 *Infidelis Princeps Christiano Principi non subiectus nequaquam priuatur potestate gubernatiua in fideles.*
- 7 *Excipe, nisi adsit periculum peruersionis.*
- 8 *Quid dicendum de potestate dominatiua? Plures censent priuari infideles in seruos fideles.*
- 9 *Contrarium tenendum est.*
- 10 *Ratione periculi peruersionis, si proximum, & morale sit, poterit seruus exiri à seruitute.*
- 11 *Satisfis rationibus num. 8. adductis.*

1 **P**remittenda sunt in quibus Doctores conueniunt, vt inde gradum faciamus ad ea, in quibus est controuersia. Primò certum est infideles baptizatos si dem negantes posse, & de facto ab Ecclesia puniri, vt constat ex toto titulo de heretico. sunt enim Ecclesiæ subditi. Possunt ergo pro peccatis commissis puniri, & coerceri.

2 Secundò certum est, infideles in Christiano regno, seu Principi Christiano subiecti, non possunt iurisdictionem in Christianos habere. est expressa decisio Innocent. III. in cap. cum sit nimis, de Iudæis, & Sarracenis, vbi præcipit grauitè argui, & puniri per Concilium prouinciale eos, qui Iudæos, & paganos publicis officiis præfecerint; & Christianos omnes abstinere à communione illius infidelis, donec officium dimiserit, & per illud acquisita in pauperes Christianos distribuierit. Idem habetur in cap. ex speciali, eodem tit. vbi cauetur, si eis iura regalia vendantur, ad ea colligenda præficiendum esse Christianum non suspectum: & in cap. nulla, dist. 2. 4. & cap. constituit, 17. quest. 4. excommunicatio ferenda imponitur committentibus hæc munera, & officia publica Iudæis: consentit lex vlt. Justiniani, C. de Iudæis. Ratio est manifesta, quia Princeps Christianus, cui illi infideles subduntur, liber est in committenda hac iurisdictione, cum nomine ipsius inferiores iudices gubernent. Ergo potest committere illis personis, quas ad rectam gubernationem aptiores esse iudicauerit, & illas excludere, quæ paci, securitati, & bono religionis ineptas, vel minus idoneas esse censeret. Ergo potest ob hanc causam Iudæos, & paganos excludere à gubernatione, & officio publico. Deinde quilibet Princeps Christianus subditus est Romano Pontifici, quoad ea, quæ ad bonum fidei Pontifex expedire iudicauerit: atqui iudicauit expediens, ne in Christiano regno infidelis iurisdictionem habeat in Christianos fideles, & sic præcepit, vt constat ex allegatis text. Ergo Princeps Christianus tenetur obedire. Finis autem huius constitutionis, & præcepti fuit dignitas, & honor nostræ fidei, in cuius ignominiam cedebat, si infideles iudicio Christiani Principis assumerentur ad gubernandum alios fideles; tacitè enim iudicabatur illos aptiores esse reliquis aliis fidelibus ad gubernandum.

3 Tertiò certum est infidelem subditum Christiano Principi priuari dominio serui, siue vernaculus sit, id est, ad seruitutem natus, siue ad seruitutem emptus, eo ipso quòd ad fidem conuertatur; & emptor pretium amittit. habetur in l. Deo nobis, C. de Episc. & cler. & l. vnic. C. ne Christianum mancipium, & cap. Iudæi, 2. de Iudæis. Si autem seruus fidelis ab infideli ematur non ad seruitutem, sed ad mercaturam, debet intra tres menses vendi fidei, alias seruus liber sine pretio existet: habetur cap. nulli Iudæo, de Iudæis, & Sarracenis. Ratio huius constitutionis, est fauor nostræ fidei, in cuius honorem potuit Princeps Christianus suos subditos infideles redde-
dere incapaces dominio, & potestate dominatiua ser-

uorum fidelium: sicuti potest dominio aliarum rerum priuare, cum ad bonum reipublicæ, & rectam illius gubernationem iudicauerit expedire.

4 Quartò certum est priuari infideles subditos Christiano Principi famulatu fidelium, eo quòd fideles prohibentur famulari iis infidelibus, præcipue si Iudæi sint, & Sarraceni. habetur in cap. ad hæc, cap. et si Iudæos, de Iudæis, & Sarracenis. vbi etiam prohibetur pluribus Christianis nutrices esse filiorum horum infidelium. consonat l. vlt. §. vlt. C. de Episc. & cleric. Aduerto famulatum prohibitum in supradicto cap. et si Iudæos, non extendi ad famulatum extra domum, qualis est, esse colonum, siue aduentitium, siue originarium in terris hominis infidelis; hoc enim conceditur in supradicto cap. quia in hac seruitute, quæ propria non est, non reperitur illa indecentia, & periculum peruersionis, ac in famulatu domestico: & ita notauit Suarez ex communi sententia, disp. 18. sect. 5. n. 14.

5 Quintò certum est filium infidelis, si baptizetur, liberandum esse à patria potestate, ex cap. maiores, de Baptismo, ne periculo peruersionis exponatur. His politis tanquam omnino certis,

Controuersia est de infidelibus Christiano Principi non subiectis. An, inquam, Ecclesia eos priuet, aut priuare possit potestate tum iurisdictionis, tum domini in Christianos fideles?

6 Et quidem de potestate iurisdictionis videtur mihi res indubitata, infideles priuatos non esse, imò neque ab Ecclesia directè priuari posse iurisdictionem, quam habent in vasallos fideles ad illos gubernandos. est communis sententia Doctorum cum D. Thom. 2. 2. quest. 10. art. 10. & ibi eius expositores Soto lib. 4. de inst. quest. 2. art. 2. Salmer. Actorum 13. tract. 37. & 38. Coninch de fide, disput. 18. dub. 10. conclus. 1. num. 157. Suarez disput. 18. sect. 5. num. 3. Valent. 2. 2. disput. 1. quest. 10. punct. 8. versic. si autem questio, & alij apud ipsos. Ratio est clara, quia iure diuino ipsi priuati non sunt iurisdictione in subditos fideles, aliàs non consuleret Petrus illis subiici, 1. Petri 2. neque diceret Paul. Roman. 13. eis inobedientes Dei ordinationi resistere, & illis parendum esse propter conscientiam. Ex alia parte ab Ecclesia, hac potestate priuari non possunt, quia Ecclesiæ non subduntur. Ergo. Neque obstat locus Pauli 1. ad Corin. 6. vbi reprehendit fideles, qui in iudicio contendunt cum alio fidei apud infidelem Principem, vbi insinuare videtur Paulus Principem infidelem iurisdictione carere: non, inquam, obstat, quia reprehensio Pauli non est, quòd apud infidelem Principem ius petatur, sed quia malitiosè petatur, & ex vindicta: quod cum sit occasio scandali, præcipue infidelibus, debet omnino vitari.

Dices: Et si Ecclesiæ ij infideles non subdantur, subduntur tamen fideles. Ergo potest Ecclesia fideles sibi subditos à iurisdictione infidelis liberare ob dignitatem fidei, quam habent: in qua libertate non videtur iurisdictionem in infideles directè exercere, sed in suos subditos, tuendo eorum dignitatem, & eos à periculo peruersionis liberando.

Sed contrà est, quia si ob honorem fidei, & dignitatem fidelium, qui filij Dei sunt adoptiui, posset Ecclesia suos subditos fideles à iurisdictione magistratuum infidelium liberare, id constare deberet ex Scriptura, ex Patribus, vel Conciliis: at neque ex Scriptura, neque ex Patribus hæc libertas constat. Ergo non est asserenda, imò potius ex locis allegatis Scripturæ colligitur his magistratibus obediendum esse diligenter, non tamen timore pænæ, sed propter conscientiam. Neque in hoc est aliqua indecentia, sicut non est indecentia, quòd seruus fidelis, & virtuti deditus homini prauis moribus imbutus seruiat, sed potius illa subiectio consona est humilitati Christianæ.

7 Ob periculum autem peruerſionis, ſi verè periculum proximum, & morale eſt, non ſolum ipſa Eccleſia, ſed ipſimet fideles à iuriſdictione infidelium ſe ſubtrahere poſſunt, ſi alia via non ſupperit ſe reddendi ſecuros, quia quilibet poteſt ſe defendere, & damnum imminens præcauere, & impedire. Item Eccleſiæ commiſſa eſt poteſtas continendi ſibi ſubditos in fide, & bonis moribus. Ergo ad hunc finem neceſſarium eſt eos à iuriſdictione infidelis Principis eximere, poterit id efficere. Ergo, cum adeſt periculum peruerſionis ex ſubiectione, poterit eos à ſubiectione eximere; quod fieri non poteſt, niſi priuando Principem infidelem iuriſdictione. Hæc ramen poteſtas non eſt directa in infideles, ſed indirecta, id eſt, ſolum quatenus ad bonum fidelium neceſſaria indicatur. Neque requiritur ad cognoscendum hoc periculum peruerſionis, expectare fidelem eſſe peruerſum; ſufficit, ſi minis, vel importuna perſuaſione conetur infidelis illum peruertere; quia hæc tentatio grauis iniuria reputatur, quam merito fidelis fugere poteſt, & Eccleſia illum à tali iniuria cuſtodire. Aduertit tamen optimè Suarez diſp. 18. ſeſ. 5. num. 7. & 8. dupliciter poſſe fideles à poteſtate infidelium liberari. Primò, mutando domicilium, & tranſeundo ad regna Principum fidelium, & hic modus etiam abſque peruerſionis periculo fieri ab ipſis fidelibus poteſt. Quòd ſi ab infideli Principe hic liberationis modus impediatur, iuuare eos Eccleſia poterit, & bellum aduerſus impediendum mouere, vt ab iniuria facta deſiſtat. Secundò, poſſunt fideles à poteſtate infidelium liberari perſeuerando in regno infidelium, ex eo quòd Princeps priuetur iuriſdictione. At hoc fieri non poteſt, niſi adſint hæc conditiones. Prima, vt adſit morale periculum, & proximum peruerſionis. Secunda, vt non ſit alia commodior via vitandi illud periculum. Tertia, ne ex illa priuatione ſequantur grauiora mala, quæ communiter timeri debent. Nam cum priuatio huius iuriſdictionis fieri vix poſſit, niſi per deſiſtationem Principis, & hæc tot malis ſolet eſſe expoſita, efficitur ſanè magna opus eſſe circumſpectione in hoc remedio.

8 De poteſtate domini maior eſt dubitatio, an Princeps infidelis priuari ea poſſit circa ſeruos fideles ob bonum, & honorem fidei? Affirmant plures cum D. Thom. 2. 2. quæſt. 10. art. 10. etiam in caſu quo nullum ſit periculum peruerſionis. Lorca ibi, Bannes dub. ult. conſuſ. 4. reputat probabile Valent. 2. 2. diſp. 1. quæſt. 10. p. 8. pag. 400. & cum adeſt periculum peruerſionis docet abſolutè, & addit hoc periculum communiter adeſſe ex communicatione, & habitatione fidelis cum infideli: idèoque poſſe Eccleſiam eximere fidelem ſeruum à poteſtate infidelis. conſentit Malder. 2. 2. quæſt. 10. art. 10. conſuſ. 3. & 4. Et primò probatur, quòd priuatio domini fieri poſſit, etiam ſi non adſit periculum peruerſionis ſolum ob fauorem fidei, quia hæc priuatio domini non ſit ab Eccleſia ex directa poteſtate, quam habeat in infideles, ſed ex iure quod habet defendendi, & tuendi ſubditorum fidelium dignitatem; quæ negari non poteſt multum extolli, ex eo quòd ſuſceptione fidei à ſeruitute liberentur. Secundò, ex conuerſione vnius infidelis ad fidem altero in infidelitate permanente; diſſoluitur matrimonium fauore fidei, & priuatur coniux infidelis iure acquiſito, quod habebat; ergo etiam priuari poterit dominio ſerui infidelis, ex eo quòd ad fidem ſeruus conuertatur, quamuis periculum peruerſionis abſit. Verùm ſi periculum peruerſionis adſit, tunc videtur neceſſariò concedendum, poſſe Eccleſiam à dominio ſeruitutis fidelem liberare, quia in hac libertate ſolum exercetur deſenſio, & indirecta iuriſdictio. Tertiò, quia ratione infidelitatis merentur priuari dominio in ſeruos fideles. Ergo executio huius meriti ab Eccleſia eſt facienda.

9 Cæterum dicendum exiſtimo, per ſe loquendo, &

ratione fidei, non poteſt Eccleſia fideles à dominio infidelium liberare. ſic Nauarr. ſumm. cap. 17. num. 103. & 104. ſupponit Molin. de iuſtis. 1. 1. diſp. 39. verſ. quartum eſt. Couarr. in reg. peccatum, 2. p. §. 11. num. 6. Suarez diſp. 18. de fide ſeſ. 5. num. 10. Coninch diſp. 18. dub. 10. conſuſ. 3. & 4. Turrian. diſp. 52. dub. 1. Ratio eſt, quia nullibi conſtat à Chriſto conceſſam eſſe hanc poteſtatem; ſed potius colligitur contrarium ex multis locis Scripturæ, vbi mandantur ſerui dominis ſuis obedire, ad Titum 2. ad Eph. 6. 1. Petri 2. & alibi. Quapropter in cap. ſi quis ſeruum, 7. quæſt. 4. grauitè reprehenditur ſuadens ſeruo fugam prætextu religionis; ſi autem liber exiſteret, ſuaderi ei poterat fuga, ipſeque liberè eam arripere poſſet.

10 Secundò dico ratione periculi peruerſionis, ſi ſit proximum, & morale, poterit tunc ſeruus eximi à ſeruitute; ſed hoc non eſt ſpeciale in ſeruo fideli reſpectu infidelis, ſed in quocunque ſeruo reſpectu ſui domini: ſi enim dominus minis, vel perſuaſione importuna, ſeruum ad peccatum tentauerit pertrahere, poterit ſeruus ab illius dominio ſe eximere, & Eccleſia poterit partes illius ſuſcipere, & ſibi ſubditum ab imminenti damno liberare. ſic ſupradicti Doctores. Ex præciſa tamen habitatione fidelis cum infideli, non cenſeo periculum peruerſionis adeſſe ita graue, vt poſſit Eccleſia dominum infidelem dominio ſerui priuare. Nam ipſe ſeruus non poteſt ob tale remotum periculum à ſeruitute fugere; quia non eſt neceſſaria fuga, vt ſe indemnem ſeruet. Ergo neque Eccleſia poterit fugam præcipere, quia in tantum eam præcipere poteſt, in quantum ad ſeruandum indemnem ſuum fidelem neceſſaria eſt. Adde grauius periculum adeſſe, cum ſeruus fidelis virtuti deditus habitat cum domino fideli vitioſo; ſed ſi dominus ad peccatum non pertrahit ſuaſione importuna, aut alia via iniuſta, non poteſt ſeruus dominum deſerere; quia illud non cenſetur graue periculum, cui, Deo adiuuante, ſuccurri moraliter non poſſit. Ergo neque erit cenſendum morale periculum habitare fidelem cum infideli, ſi nulla adeſt vis, aut importuna ſuaſio ad peccatum.

11 Rationes contrariæ non vrgent.

Ad primam admitto aliquem eſſe fauorem fidei, ſi ſerui fideles ob fidem receptam à ſeruitute liberarentur; ſed dico longè maiorem eſſe eos non liberari, quia ex tali libertate redderetur odioſa fides infidelibus, & ſuſpecta iniuſtitia. Item ipſi ſerui, vt libertatem obtinerent, fortè ſimulatè conuerterentur.

Ad ſecundam concedo matrimonium infidelium per conueſſionem vnius ad fidem altero pertinaci manente diſſolui ex diſpenſatione Chriſti explicata per Paul. 1. Corinth. 7. Nego tamen idem eſſe dicendum in ſeruitute, quia nullibi habetur Chriſtum Dominum exmiſſe ſeruum fidelem à dominio infidelis ob fidei ſuſceptionem.

Ad tertiam nego ob infidelitatem ſemper dignos eſſe infideles priuari dominio; ſed aliquando infidelitas eſt purè negatiua, quæ peccatum non facit; quando autem infidelitas poſitiua eſt, & peccaminosa: tunc admitto infideles dignos eſſe, vt dominio priuentur, ſed priuandi ſunt ab eo, qui eorum fuerit ſuperior, non ab Eccleſia, quæ nullam in illos habet directam poteſtatem.

PUNCTUM IX.

Quouſque communicatio fidelis, cum infidelibus prohibita ſit.

- 1 In ritibus, & ſuperſtitioſo cultu iure natura prohibita eſt talis communicatio.
- 2 Non licet Catholico infidelem admittere ad ſacramentorum receptionem.

- 3 Si fidei imminet peruersionis periculum, iure natura prohibita est communicatio.
- 4 Iure Ecclesiastico prohibitum est fidei admittere non baptizatum ad sacrificium Missæ, bene ad orationem.
- 5 Hæreticus denunciatus vitandus est à fidei in quacunque communicatione, qua necessaria non sit.
- 6 Enumerantur casus, in quibus iure Ecclesiastico videtur communicatio fidelis cum infideli prohibita.
- 7 Familiaritas cum Iudæis de se periculosa prohibetur.
- 8 Alij casus solum prohibentur, cum iure natura prohibitio accedit. Excipe unum, vel alterum.
- 9 Esus azymorum prohibetur, si fiat ritu Iudaico, & non aliter.
- 10 Non licet Iudæum, vel Sarracenum ad medendum vocare, nisi urgente necessitate.
- 11 Item neque medicinas ab ipso applicatas recipere.
- 12 Ingressus in balneum cum Iudæo, qua ratione prohibetur.
- 13 Quid de conuiujs.
- 14 Nutrire filios Iudæorum extra illorum domus non videtur prohibitum.
- 15 Quid de famulatu.
- 16 Non licet Christiano Iudæos hæredes, vel legatarios facere.
- 17 Quando sit peccatum mortale in supradictis casibus communicatio.
- 18 Supradictæ prohibitiones de solis Iudæis intelliguntur, ut probabilius reputo.
- 19 Quis possit in supradictorum casuum prohibitionem dispensare.

DVplex esse potest communicatio, alia in rebus diuinis, alia in humanis, & politicis. Item potest esse communicatio fidelis, cum infideli baptizato, & Ecclesiæ subdito, vel cum infideli non baptizato. Ac denique prohibitio esse potest iure diuino, & naturali, vel solum iure Ecclesiastico.

Primò certum est iure diuino, & naturali prohibitam esse communionem fidelis cum infidelibus in suis ritibus, & superstitioso cultu. v.g. sacrificando, orando, & alia efficiendo, quæ ipsi infideles præstant. Ratio est clara, quia cum talis cultus intrinsecè malus sit, nequit vlla ratione honestari; aliàs idololatria externa honestari posset. An verò si eius sacrificijs, & orationibus intersis, censearis cum illis communicare, & quando te à peccato excusare potes, diximus suprà, cum de confessione externa fidei loqueremur. Item an sit cooperatio, & communicatio ad superstitiosum cultum vendere animalia sacrificanda Iudæo, vel Genti, dicemus in disp. de scandalo.

2 Secundò certum non est licere Catholico admittere infidelem ad sacramentorum participationem, quia est incapax illorum fructus, quòd si infidelis se per vim ingerat, poterit Ecclesia eum tanquam iniuriosum religioni repellere, & punire. Ex quo fit non licere fidei cum infideli matrimonium contrahere, non solum ob periculum peruersionis; sed etiam ob reuerentiam sacramenti, quod non potest vnus recipere, alio non recipiente.

3 Tertiò certum est iure diuino, & naturali prohibitam esse fidei communicationem cum infidelibus quibuscunque, si ex tali communicatione imminet peruersionis periculum; quia quilibet tenetur salutis suæ consulere, quod non censetur facere, quando periculosa, & nociua non vitat. sic D. Thomas 2. 2. quæst. 10. artic. 9. ab omnibus receptus. Hoc autem periculum ex communicatione frequenti, & diuturna semper timeri potest, præcipue si Catholici simpliciores sint, & communicatio sit cum Iudæis, vel hæreticis, qui nullam occasionem omittunt fideles animas peruer-

tendi, vt bene relato Cypriano, Athanasio, & Irenæo ponderauit Coninch *disp. 18. de fide, dub. 11. n. 173.*

4 Quartò certum est iure Ecclesiastico prohibitum esse fidei admittere infidelem non baptizatum ad sacrificium Missæ, iuxta textum in *cap. Episcopus, de consecrat. dist. 1.* bene tamen ad orationes priuatas, ad concionem, & ad alia quæ Missæ Catechumenorum vocantur, vt constat ex supradicto text. Si autem ex admissione ad sacrificium speraretur fructus aliquis specialis, vt eius, vel alterius conuersio; tunc admitti posset infidelis non nominatim excommunicatus. *Ægid. Coninch disp. 18. dub. 11. n. 164.*

5 Quintò certum est iure Ecclesiastico infidelem hæreticum, si denunciatus sit, aut clerici manifestus perculsor, vitandum esse à fidei in quacunque communicatione, quæ omnino necessaria non sit, vt latè dicimus in materia de excommunicatione, & supponit in præfenti Valent. Coninch, Suarez, & alij statim allegandi. Dixi, si denunciatus sit. nam ante denuntiationem etiam si notorius hæreticus sit, non est ex obligatione vitandus. Sanchez *lib. 2. cap. 9. num. 5. & 6.* Ex quo fit ex vi iuris Ecclesiastici tibi non esse prohibitum orare, sacrificio assistere, celebrare, etiam si simul adsit hæreticus, quia nulla est obligatio hunc vitandi; neque in humana conuersatione, nec diuina, quousque denunciatus sit. sic Azor *tom. 1. lib. 8. institutionum moralium, cap. 11. quæst. 4.* Nauarr. *lib. 5. consil. tit. de hæreticis, consil. 16. num. 7. in 2. edit.* Sanchez *lib. 2. cap. 9. num. 7.* Item ex vi iuris Ecclesiastici non obligaris vitare hæreticum non denuntiatum in administratione sacramentorum, sed potes ab illo sacramenta recipere, si ritu catholico administret, iis in casibus, in quibus à ministro peccatore tibi licitum est. sic Sanchez *num. 10.* cum Suarez *tom. 3. de sacrament. disp. 18. sect. 1. notab. 3.* Item licet tibi filium hæretici de sacro fonte suscipere, illumque ad Ecclesiam, & scholas admittere eadem ratione. Azor *lib. 8. cap. 11. quæst. 8. & 9.* Nauarr. *lib. 1. consil. tit. de constitutionib. consil. 1. quæst. 27.* Sanchez *num. 11. & 12.* Non tamen licet tibi hæreticorum scholas adire ob periculum peruersionis; neque hæreticum patrinum tui filij adhibere; quia non potest obligationi illum docendi rudimenta fidei satisfacere; eo quòd hæretico prohibitum sit docendi munus. Nauarr. *quæst. 29.* Azor, & Sanchez *suprà.*

Solum de matrimonio est grauis difficultas, an tibi liceat cum hæretico non denunciato contrahere?

Respondeo breuiter latiùs tractandum in materia de matrimonio, in terris Catholicorum nullo modo licere, quia adest periculum peruersionis, & specialis Ecclesiæ prohibitio. At in terris, vbi passim versantur Catholici mixti cum hæreticis, consuetudo obtinuit licere, quia non adest regulariter tale periculum, si tamen aliquando adsit, quia Catholicus non est permittendus christianè viuere, sed potius timeretur vexandus, vt fidem deferat, nullo modo licet; & fortiori ratione non licet pacta inire, vt aliqui filij hæresim profiteantur, alij Catholicam fidem. esset enim infidelitati consentire, & approbare, vt bene dicit Sanchez *lib. 7. de matrim. disp. 72. num. 5. & 6. & in Decalog. lib. 2. cap. 9. num. 9.* Verùm etsi ratione excommunicationis, quam hæreticus contrahit, eius familiaritatem non tenearis vitare, quousque denunciatus sit; tamen si inde hæreticus occasionem sumit perseuerandi in hæresi, vel alij præsumunt te illis erroribus consentire, omnino illum vitare debes. Quapropter in foro externo ex nimia cum hæretico familiaritate, conuersatione, visitatione, munerum oblatione, hæresis suspectus redderis, & fautor hæretici iudicaris, ex text. in *cap. inter sollicitudines, vers. in pœnam, de purgat. canon.* vbi indicitur purgatio sic cum hæretico conuersanti ob suspicionem, & ab officio suspenditur. Suspicio autem modò leuis, modò

modò grauis iudicanda est pro qualitate circumstantiarum; quæ omnia tradit optimè Eymericus 2. p. *quest.* 56. & ibi Pegna, Farinac. pluribus exornat, vt solet, q. 182. §. 10. à *num.* 166. & seqq.

6 Restat examinare, qui sint casus, in quibus iure Ecclesiastico prohibita sit cum infidelibus communicatio. Et quidem generaliter prohibetur familiaritas cum Iudæis, *cap. Iudæi, cap. ad hac, cap. fin. de Iudæis*. Specialiter autem vndecim casus enumerantur à Doctoribus. Primò, prohibetur Christianis cum Iudæis habitare. Secundò, eorum azymis vesci. Tertiò, iis medicis vri. Quartò, ab eis medicinas accipere. Quintò, simul cum eis in balneum ingredi. Ij casus habentur in *cap. nullus, 28. quest.* 1. quod desumptum est ex *can. 11. Concilij Trullani*. Et transgredientibus imponitur pœna depositionis, si clericus sit; excommunicationis, si laicus, non ipso facto, sed ferenda. Sextò, prohibetur fideli Iudæos inuitare, vel ad eorum conuiuia accedere. *cap. omnes, 28. quest.* 1. qui est ex Concilio Agathensi. *cap. 40.* Septimò, esse oblietrices, aut nutrices eorum filiorum, in eorum domibus. Octauò, eis famulari. Nondò, ne Iudæis in testamento aliquid relinquunt, vel legatarios faciant, *cap. si quis Episcopus, de hæreticis, cap. sanè, el 2. 24. quest.* 2. Decimò, seruitutis vinculo subiici. Hi tres casus habentur in *cap. ad hac, de Iudæis*. Vndecimò, ne publica officia illis committantur, *cap. constituit, 17. quest.* 4. vbi permittentes excommunicandi sunt. Hos casus referunt, & latè explicant Syluest. Armilla, Ang. Tab. Rosella verbo *Iudæus*, Azor *tom. 1. lib. 8. c. 22.* Sanchez *lib. 2. De cal. cap. 31.* Suarez *disp. 18. de fide sect. 6. à num. 6.* Coninch *disp. 18. dub. 11. à num. 166.* Bonacina *disp. 3. de fide, quest. 2. punct. 5.*

7 Breuiter tamen per singulos discurremus. Et in primis quantum attinet ad generalem prohibitionem de familiaritate cum Iudæis, solùm existimo eam familiaritatem prohiberi, ex qua periculum peruersionis, vel scandalum timeri potest. Quare iis cessantibus, cessat prohibitio. sic D. Thom. 2. 2. *quest.* 10. *art.* 9. Coninch *num. 167. fine.* Sanchez *num. 2. & 3.* Probabile tamen est, etiamsi in particulari casu cesset periculum peruersionis, aut scandalum, adhuc familiaritatem prohiberi; quia lex non casus singulares, sed ea quæ communiter contingunt, respicit. sic Suarez *num. 6.* vbi solùm existimat familiaritatem cum Iudæis permitti iis solis personis in fide ita firmis, vt infidelium eorum conuersio specialiter commissa sit.

8 De quinque autem primis casibus desumptis ex Concilio Trullano, & relatis in *cap. nullus, 28. quest.* 1. cenſeo satis probabile nullam esse prohibitionem, præter eam, quæ iure naturæ inest; quia canones illius Concilij non sunt ex VI. Synodo generali, prout Gratiano viderur; sed quorundam Pontificum, qui, vt Iustiniano Imperatori Romanæ Ecclesiæ inimico, placerent, plura statuerunt, quorum statuta ab Ecclesia Romana recepta non sunt, vt bene probat Bannes 2. 2. *quest.* 1. *art.* 1. *dub. 5. pag.* 138. & huiusmodi quinque casus non obligare affirmat Coninch *disp. 18. dub. 11. num. 168.* Verùm quia Alexand. III. in Concilio Lateranensi, & alij Pontifices ferè eisdem verbis supradictos casus statuerunt, & communiter à Doctoribus approbantur, placeat eos expendere sigillatim. Primò est prohibita habitatio cum Iudæis, *cap. ad hac, de Iudæis*; & extenditur hæc prohibitio ad Sarracenos, *cap. Iudæi, el 2. eodem tit.* Nomine autem huius habitationis intelligitur solùm diuturna Christiani in famulatu subiectio, quia hæc subiectio, & indigna est Christiani nominis in terris Christianorum, & periculum generat peruersionis. sic Coninch *num. 167. & 168.* Bonacina *disp. 3. q. 2. punct. 5. vers. 1. casus.* Ex quo fit primò licere Christiano Iudæum habere in seruum, quod & conceditur in *cap. csi Iudæi, de Iudæis*, & tradit Sanchez *lib. 2. cap. 31. num. 6.* Suarez *disp. 18. sect. 6. num. 7.* Coninch, Bonacina *suprà*. Secundò,

fit licere Christiano cum Iudæa commorari seruiendo, v.g. vterque Catholico domino, si absit periculum peruersionis, quia solùm habitatio famulatus, in *supradicto cap. ad hac*, prohibetur. sic Coninch *suprà*. Expediet tamen viro Catholico quameunque familiaritatem, & cohabitationem fugere.

9 Secundus casus de esu azymorum. Existimo solam illam comestionem esse prohibitam iure Ecclesiastico, quæ iure etiam diuino prohibita est: quare cum iure diuino solùm prohibita est comestio azymorum, quæ ritu Iudaico fit, id est, quæ fit ex obseruatione legis Moysis, & illa, ex qua hoc scandalum potest generari, solùm illa comestio prohibetur, colligitur ex *cap. farises, 32. quest.* 4. & tradit Suarez *sect. 6. num. 7.* Coninch expressius *num. 168.*

10 Tertius casus de aduocatione medici Iudæi, vel Sarraceni, ad curandum, receptus est non tam ex *supradicto cap. nullus*, quàm ex speciali Bulla Gregor. XIII. edita anno 1581. quæ incipit, *Alijs pie memoria*, & est 28. ipsius in Bullario, in qua hæc prohibitio continetur. Sed cum omnis lex humana, & Ecclesiastica non obliget in casu grauis necessitatis, ex benigna interpretatione legislatoris; hæc obligatio cessat, quoties fidelis infirmus, grauiter indiguerit ope medici Iudæi, vel Sarraceni. Hæc autem necessitas prudentis arbitrio ponderanda est. Illa autem sufficit, si Iudæus est notabiliter doctus, vel morbus indiget multis medicis, & Christiani non sufficiunt: sic alios referens Sanchez *lib. 2. cap. 31. num. 8.* Bonacina *punct. 5. vers. tertium casus.* Suarez loquens generaliter *suprà num. 8.* Coninch *num. 168.*

11 Circa quartum casum de medicinarum receptione, credo solùm prohiberi Christiano recipere medicinas à Iudæo per manus, & ministerium eius, ita Suarez *num. 8.* Bonacina, Sanchez *suprà*; quia hæc applicatio medicinarum est quædam curatio, & reduci potest ad prohibitionem factam à Gregor. XIII. Vnde non poterit Christianus extra casum necessitatis permittere, vt Iudæus illi venam scindat, chirurgi officium exerceat, vel alias medicinas applicet; secus verò, vt barbam radat, aut capillos tondat, quia hæc nullibi prohibentur; cum non sint medicinarum applicatio. sic Sanchez *num. 9.* Sed *num. 10.* extendit supradictam prohibitionem ad Christianum medicinas Iudæo applicantem, & dicit non posse applicare extra necessitatem, quia est eadem causa prohibitionis. At credo contrarium probabilius, quia prohibitio non est extendenda extra casum in verbis legis comprehensum, etiamsi eadem ratio militet: præterquam quòd in præſenti non videtur etiam ratio familiaritatis adesse respectu Christiani, quando ipse officium medici exerceat, ac quando ipse curatur. nam quando curatur ratione beneficij recepti, familiarior, & gravior se procurat ostendere; quam familiaritatem non contrahit, quando ipse curat.

12 Quintus casus est, ingressus in idem balneum cum Iudæo: quem casum nullibi reperio expressum, nisi in *supradicto cap. nullus*, quod iam dixi non esse firmæ auctoritatis. At posita illa prohibitionem non de quocunque ingressu simultaneo intelligenda est. nam si casu Catholicus accedit lauari, cum Iudæus balneum ingreditur, non tenetur expectare, aut à lotionem abstinere; quia solùm prohibetur lotio simultanea ex intentione, & conuentione; hæc enim est, quæ familiaritatem inducit, quam ille textus vitare intendit.

13 Sextus casus. Iudæorum conuiuia admittere, vel illos ad conuiuia inuitare. Rationem huius prohibitionis aliqui existimant esse, vitare familiaritatem cum Iudæis, quia ex illa periculum peruersionis oritur: sic alios referens tradit Sanchez *num. 12.* At credo probabilius rationem huius prohibitionis esse discretionem ciborum à Iudæis factam; Iudæi enim aliquos cibos

cibos ut immundos respuunt, alios sumunt, & quia Christianus eorum conuiuia admittens exponitur periculo eorum consuetudinem approbandi, vel saltem apparendi inferiorem in sanctitate. Quocirca si Iudæi cibos non discernunt, cessare hanc prohibitionem existimat Azor tom. 1. lib. 8. *institutionum moralium*, cap. 22. *quest.* 3. Coninch alios referens num. 169. Quod autem ciborum discretio sit ratio prohibitionis, expressè traditur in cap. omnes, 28. *quest.* 1. ubi ex Concilio Agathensi. cap. 40. dicitur: Omnes deinceps clerici, siue laici Iudæorum conuiuia euitent, neque eos ad conuiuium quisquam accipiat, quia cum apud Christianos communibus cibis non utantur, indignum, atque sacrilegum est eorum cibos à Christianis sumi; cum ea, quæ Apostolo permittente nos sumimus, ab illis iudicentur immunda; ac si inferiores incipiant esse Christiani, quàm Iudæi, si nos quæ ab illis apponuntur, utamur, illi verò à nobis oblata contemnant.

Aduerto supradictam prohibitionem quomodo cumque sumatur, intelligendam esse de conuiuium formali, in quo, vel tu inuitas, vel es inuitatus: nam si casu in eodem diuersorio reperiaris, & in eadem mēsa manduces, vel ab illo tanquam hospite cibos sumas edendos in eadem mensa cum illo, non peccas aduersus hanc prohibitionem; quia neque inuitas, neque es inuitatus. sic Sanchez d. lib. 2. cap. 3. n. 13. & seq. Bonacina disp. 13. q. 2. p. 5. casu 5.

Aduerto secundò non comprehendì supradicta prohibitionem prædicatorem ad Iudæorum conuersionem missum; quia ratione officij, & fructus sperati permittitur illi ea familiaris communicatio, ut sic facilius obtineatur conuersio: habetur cap. quàm sit, de Iudæis. Sanchez num. 16. Bonacina supra. Suarez disp. 18. sect. 6. num. 7.

Supradictam prohibitionem extendit Sanchez num. 17. ad alia plura, & affirmat nunquam licere fidei ad nuptias Iudæorum accedere, neque ad eorum festiuitates, neque in eorum templa ingredi, præcipuè cum superstitione ibi celebrantur; neque cum eis ludos, & choreas agitare, quia ex iis non modica familiaritas conciliatur. Cæterum, quia non inuenio aliquem textum, in quo specialiter hæc prohibitio continetur, credo non extendi prohibitionem ultra id, quod ratio naturalis dicitur. Quare ubi tanta contraheretur familiaritas, quæ vel periculum peruersionis, vel scandali generaret, peccatum esset ea admittere; secus illo periculo cessante. Et idem est de ingrediente in templum Iudæorum, ut eorum superstitionem speçter, & irrideat, vel ornatum aspiciat, non peccabit, si absit periculum peruersionis, & scandali, & docet Sanchez n. 18. & Bonacina vers. octauus.

14 Septimus casus est nutrire filios Iudæorum. Aliqui existimant prohibitum esse Christianis nutrire filios Iudæorum, non solum in domibus Iudæorum, sed extra; quia licet textus in cap. ad hæc, specialiter dicat, in domibus Iudæorum: at illud videtur non gratia restringendæ obligationis positum, sed quia frequentius contingit, positum est in exemplum. At ita sensus prohibitionis est, ne Christianæ infantes Iudæorum nutrant, maxime in eorum domibus. sic Azor lib. 8. cap. 22. *quest.* 9. Syluest. verbo Iudæi, *quest.* 2. dicto 3. Sanchez alios referens, dicto cap. 31. num. 19. Suarez disp. 18. sect. 6. num. 8. Mouentur, quia ratio huius prohibitionis est, vitare familiaritatem, & affectionem cum Iudæis; quæ non vitatur, etiam si Christianæ in suis domibus filios Iudæorum alendos suscipiant, quia parentes amore prolis sæpe nutrices inuisent. Quod si aliquando hæc frequens visitatio cessaret, ita ut non censeretur contrahi specialis familiaritas cum Iudæis ob nutritionem filiorum, existimat Sanchez, cum Syluest. Tabien. & Armilla prohibitionem cessare. Cæte-

Ferd. de Castro Sum. Mor. Pars I.

rùm credo probabilius non comprehendì sub dicta prohibitionem nutritionem factam extra domos Iudæorum. sic docet Abbas in supradicto cap. ad hæc; num. 2. Cardinal. num. unico. glossa verbo in eorundem. Bonacina vers. septimus casus. Coninch num. 170. Ratio est, quia finis illius prohibitionis non est vitare quemlibet affectum, & familiaritatem cum Iudæis; sed familiaritatem in famulatu, quia hæc periculosior est, & dignitati fidei videtur indigna; non enim decet, ut filius liberè seruiat filiis ancillæ, ut dicitur in cap. etsi, de Iudæis. at quando Christiana mulier in sua domo nutrit infantes Iudæorum, non propriè dicitur illis seruire, & familiaritatem reuerentialem contrahere, quæ animum eius submittat, & inclinet voluntati domini, cui seruit. Aliàs si familiaritas esset ratio prohibitionis, multæ actiones prohibita essent, ut emere frequenter à Iudæo, vel illi merces vendere, colloquia miscere, illum habere in seruum, & alia huiusmodi, quæ apud citatos auctores ut licita admittuntur.

15 Octauus casus prohibet Christiano famulari Iudæo, dicto cap. ad hæc. Intelligo tamen si famuletur in propria domo Iudæi, quia solum qui ibi habitat, & per propriam personam Iudæo ministrat, famulus censetur: sic Hostiens. in supradicto cap. 1. & ibi Ioann. Andr. num. 2. & tradit Coninch dub. 12. num. 171. Bonacina disp. 3. *quest.* 2. punct. 5. num. 2. vers. primus casus. Video tamen Sanchez plures Doctores referentem extendere hanc prohibitionem ad famulatum extra domum, siue sit rarus, siue frequens; quia ratio prohibitionis est, ne filij liberæ seruiant filiis ancillæ. Quæ ratio procedit de quocumque famulatu, siue extra, siue intra domum. Addit item num. 21. licere Christianis locare suas operas Iudæis ad colendos agros, fabricandam domum; modò tamen Iudæus non sit continuè, & assensu labori: nam si frequenter assistit, videtur occasio familiaritatem contrahendi, ac proinde militare prohibitionem. Cæterum credo retinendam esse doctrinam Ioan. Andr. Hostiens. Coninch, & Bonacina supra, scilicet solum famulatum in propria domo prohiberi; quia is est, qui propriè famulus nuncupatur; alij verò coloni, & mercenarij nuncupantur. Neque obstat rationem prohibitionis esse, ne filij liberæ seruiant filiis ancillæ, quia non prohibetur quodcumque seruitium. Aliàs non liceret operas conducere, ut ipsemet Sanchez dicit; sed prohibetur seruitium famulatus, qui propriè in sola domo Iudæorum reperiri potest. Quod autem præsens, vel absens sit Iudæus, labori præstito, non potest esse causa, ut impediatur Christianus locare illi suas operas: tum quia ex tali locatione, & seruitio non solet contrahi familiaritas: tum etiam, quia non qualibet familiaritatis occasio est prohibita; sed illa quæ ex famulatu contingit: neque textus in cap. multorum, de Iudæis, distinguit, absens, vel præsens sit Iudæus culturæ agrorum, vel domorum ædificationi.

16 Nonus casus est, ne Christianus hæredes, vel legatarios faciat Iudæos. Et quidem non licere Christiano vniuersitati Iudæorum aliquid legare, est omnium sententia, ex l. 5. C. de Iudæis. Legare autem alicui pagano in particulari prohibitum est Episcopis, in cap. si quis Episcopus, de hæreticis, quod præceptum ad clericos extenditur in cap. inter eos, eodem titulo. Sed eam consuetudo obtinuit nullum esse legatum, extra extremam, vel gravem necessitatem relictum Iudæo, siue consanguineo, siue non consanguineo. sic Syluest. verbo Iudæi, *quest.* 1. dicto 6. Sanchez num. 22. Suarez n. 9. Coninch tamen dicit expectandam esse consuetudinem, n. 171.

Decimus, & vndecimus casus in præcedenti puncto explicati fuerunt. Addendum omnibus iis, prohibitum esse Christianis, deferre arma, vestes, cibos, & alia suffragia Iudæis, & Paganis reipublicæ Christianæ inimicis, sub pœna excommunicationis reseruata in

K k

Bulla

Bulla Cœnæ, ut ibi explicamus, & traditur prohibitio cap. ita quorundam, de Iudæis, cap. quod olim, eodem titulo.

Extra hos casus licebit Christiano cum Iudæis, vel paganis communicatio, atque adeo licebit cum illis contractus emptionis, & venditionis. Cauenda tamen est nimia familiaritas, ne periculum peruerſionis succedat. sic Sanchez *dislo lib. 2. cap. 31. num. 23.* Bonacina *disput. 3. quest. 2. punct. 5. circa finem.* Azor *lib. 8. cap. 22. quest. 4.*

17 Triplex restat expedienda difficultas circa supradictos casus.

Prima, an sit peccatum mortale quemcumque ex illis violare? Negat Emanuel Saa *summ. verbo Iudæus, num. 1.* nisi adsit periculum peruerſionis, consentit Aragon *2.2. quest. 10. art. 9. circa princip.* At credo esse mortale per se omnia illa, quæ iure communi continentur, quæ sunt sex illi casus postremo loco positi. Quapropter censeo esse mortale diuturnè famulari Iudæo, eius medici opera uti, nutrire eius filios in eius domo, tolerare eos in officiis publicis, &c. sic Azor *cap. 22. quest. 2.* Sanchez *cap. 31. num. 26.* Suarez *disput. 18. de fide, sect. 6. num. 9.* Ratio est, quia tum ex parte finis, tum ex parte materiæ, est sufficiens causa, ut horum casuum obligatio censeatur grauis esse. Aliquando tamen ex lenitate materiæ hæc excusari possunt, quod commune est omnibus præceptis. sic Suarez, & Sanchez *supra.*

18 Secunda difficultas est, an hæ prohibitiones de Iudæis solum, vel generaliter de omnibus paganis intelligendæ sint? Aliqui affirmant de omnibus intelligendas esse, quia in omnibus militat eadem ratio, scilicet periculum subuerſionis ex illorum communicatione. sic Tabien. *verbo Iudæus, quest. 1. num. 2.* Negat Sanchez *lib. 2. cap. 31. num. 25.* quia solum de Iudæis textus loquuntur, & in Iudæos est specialis ratio ob eorum singulare odium in Christianos. Suarez *disput. 18. sect. 6. num. 10.* sub distinctione procedit, admittit quidem cum Sanchez prohibitionem non extendi ad quoslibet Gentiles, & paganos; quia non omnes sunt ita religioni Christianæ infesti: at extendi ad Sarracenos, & Mahometanos, quia hi æquè religionem Christianam oppugnant, ac Iudæi; & æquè est eorum familiaritas pernicioſa. Deinde, quia in iure hæc extensio sæpè reperitur, *l. ult. §. ult. C. de Episcopis, & clericis, cap. ad hac, cap. cum sit nimis, cap. in nonnullis, cap. Iudæi, el. 2. c. ult. de Iudæis.* Verùm cum prohibitio extra verba legis extendenda non sit, & prohibitiones ferè omnes loquantur de solis Iudæis, existimo alios infideles non comprehendendi, sed quia aliqui casus sunt, in quibus extenditur prohibitio tum ad Sarracenos, tum ad paganos. Solum illi casus, in quibus reperitur talis extensio, admittendi sunt, non alij. ij sunt famulari Iudæis, & Sarracenis, ex *cap. Iudæi, el. 2. de Iudæis.* præponere Iudæum, & quemlibet paganum publicis officiis, *cap. cum sit, cap. ex speciali, de Iudæis.* neque video alios casus, in quibus alij præter Iudæos comprehendendi sint.

19 Tertia difficultas est, quis possit in supradictis casibus dispensare, dum est obligatio illos seruandi? Facilis est resolutio solum Pontificem posse, quia est lex ab ipso lata, cuius dispensatio nullibi reperitur Episcopis concessa: sic, plures referens, Sanchez *num. 27.* At in casu speciali, ubi necessitas instaret, & esset periculum in mora, posset Episcopus, quia tunc dispensatio censeretur concessa Episcopo ex benigna legislatoris interpretatione. sic Suarez *supra num. 9.*

PUNCTUM X.

Sub qua censura infidelium, hæreticorumque libros Ecclesia suis fidelibus prohibeat.

NON leuis est, nec parum damnoſa cum hæreticis, & infidelibus communicatio, quæ fit legendo eorum libros, ideoque meritò Ecclesia suos fideles defendens à tali communicatione abstinere prohibuit. Primò in Bulla Cœnæ Domini, clausula prima sub pœna excommunicationis Pontifici reseruatur, prohibitum est omnibus Christi fidelibus, ne hæreticorum libros hæresim continentem, vel de religione tractantes, sine autoritate Sedis Apostolicæ scienter legant, aut retineant, imprimant, seu quomodolibet defendant, ex quauis causa, publicè, vel occultè, quouis ingenio, vel colore. Hæc prohibitio extensa est in aliquibus decretis Pontificiis. Nam Sixtus V. in quadam Bulla, quæ est vigesima prima in ordine eius in Bullario, sub excommunicatione sibi reseruata prohibuit libros Astrologiæ, seu de diuinatione tractantes, quibus futura contingentia intenduntur cognosci. Clemens VIII. in indice librorum prohibitorum sub excommunicatione, non tamen sibi reseruata, prohibuit hæresiarchorum libros, etiamſi de religione non tractent, nisi prius expurgentur. Item libros authorum, qui sunt de hæresi suspecti, imò & Catholicorum, quibus aliqua sunt hæreses admixtæ; quique expurgatione indigent, prout latius in supradictis regulis habetur, qualesque adducit Azor *tom. 2. institutionum moralium, lib. 8. cap. 16. quest. 14.* Insuper pro regnis Hispaniæ extat constitutio nouissima Pauli V. quæ incipit, *Cum sicut accepimus*, in qua prohibentur omnes libri, qui expurgatione indigent, sub censura Pontifici, vel Inquisitori generali reseruata: qui autem sint hi libri per regulas tredecim generaliter explicantur, quæ appositæ sunt initio expurgatorij.

Circa hanc prohibitionem quatuor inquirunt Doctores. Primò, qui libri comprehendantur sub his prohibitionibus, specialiter sub prohibitionem Bullæ Cœnæ. Secundò, quæ lectio, retentio, impressio, vel defensio sufficiat, & necessaria sit ad incurrendas pœnas. Tertiò, quibus personis facta sit prohibitio. Quartò, an delinquentes aliis pœnis præter excommunicationem afficiantur.

§. I.

Expenditur prima difficultas, de qualitate librorum prohibitorum.

- 1 Libri tantum hæreticorum in Bulla Cœnæ prohibentur.
- 2 Non comprehenditur liber Catholicus, tametsi per ignorantiam erroribus mixtus sit.
- 3 Comprehenditur liber manuscriptus.
- 4 Comprehenditur ne epistola, concio, questio, aliâque breuisscriptura? Affirmandum est comprehendendi.
- 5 Non videtur oppositum probabilitate carere.
- 6 Iuxta expurgatorium Romanum certum est hæc omnia prohiberi.
- 7 Sub prohibitionem Bullæ solum comprehenduntur libri hæreticorum hæresim continentem, vel de religione tractantes.

1 Clausula Bullæ Cœnæ prohibet solum libros hæreticorum; hæreticorum, inquam, qui propriè sunt hæretici, quales sunt, qui à fide per Baptis-

modum

num suscepta defecerunt. Quodd si sint libri aliquorum, qui baptizati non sunt, sub hac prohibitione non continentur, quia ij non sunt hæretici Ecclesiæ subiecti, in quorum detestationem, & punitionem hæc prohibitio habetur. sic Suarez *disp. 20. sect. 2. num. 11. fine.* Sanchez *lib. 2. in Decalog. cap. 10. num. 22.* Farinacius *de hæresi, quest. 180. num. 10.* Non tamen necessarium est, ut hi hæretici fuerint declarati, & denunciati, sufficit si tales esse cognoscantur. sic Sanchez *lib. 2. cap. 10. n. 24.* Suarez *disp. 20. sect. 2. num. 11.* Ex qua doctrina inferitur primò, quid dicendum de libris Græcorum, & Armenorum, de suis ritibus tractantibus. Sanchez *n. 27.* & Farinac. *num. 10.* & Azor *tom. 1. cap. 16. quest. 8.* dicunt non esse sub libris hæreticorum comprehensos, quia hi ritus non sunt ab Ecclesia tanquam hæretici habiti. At dicendum existimo, si authores illorum librorum sunt verè hæretici (ut communiter solent esse) Græci, & Armeni, quia à Romanæ Ecclesiæ fide & eius obedientia secernuntur, sine dubio sub prædicta prohibitione Bullæ Cœnæ comprehenduntur, quia sunt libri hæreticorum de religione tractantes. Suarez *disp. 20. de fide, sect. 2. num. 12.*

2. Secundò infero non esse sub hac censura Bullæ Cœnæ comprehensum librum authoris Catholici, etiam si errores aliquos per ignorantiam authoris, vel per malitiam alicuius hæretici insertos habeat; quia absolute liber ille catholici est, non hæretici. sic Suarez *num. 13. & 14.* Sanchez *cap. 10. num. 25.* Nauarr. *cap. 27. num. 56.* Coninch *disp. 18. de fide, dub. 11. num. 177.* Limitat autem Suarez, & Coninch *suprà*, nisi scholia, & errores ita creuerint, ut ex illis maior pars libri constare videatur, quia tunc liber à parte præcipua denominandus est, licet contra teneat Sanchez *suprà*, & Bonacina *disp. 2. de censuris, q. 5. p. 4. n. 6.* & indicat Farinac. *de hæresi, q. 180. n. 10.*

Hæc sunt attenta prohibitione Bullæ Cœnæ: at attenta prohibitione Clement. VIII. & Pauli V. quilibet liber infidelis, aut catholici, cui aliquis error insertus sit, legi, retinerique non potest, quin primò expurgatus sit, & emendatus ab his, quibus in expurgatorio expurgandi cura commissæ est.

3. Tertiò infero, sub nomine libri manuscriptum contineri, quia adest eadem ratio, & verè liber dicitur; aliàs facillimo negotio hæc prohibitio eludi, & enervari posset; & ita ex communi sententia testatur Suarez *disp. 20. sect. 2. n. 10.* Sanchez *lib. 2. cap. 10. n. 28.* & Doctores statim allegandi.

4. Quartò infero quid dicendum de brevi scriptura, oratione, concione, questione, epistola. An, inquam, hæc sub prohibitione Bullæ contineantur? Affirmant aliqui, ut probabilius. sic Suarez *disp. 20. sect. 2. num. 10.* Farinac. *de hæresi, quest. 180. n. 30.* & 31. Barth. Vgolin. *tratt. de censuris, 2. part. in glossa, ac eorundem librorum, num. 2. versic. nonò in excommunicationem.* Mouentur, quia hæc prohibitio librorum non est lex odiosa, sed fauorabilis, quia est in fauorem fidei, & defensionem Catholicorum. Ergo debet extendi, & non limitari ad librum. Secundò, quia in his est eadem ratio, & periculum peruerſionis. Tertiò, quia congregatio Concilij declarans decretum de editione librorum latum, *sess. 4. dixit comprehendere sub illo decreto annotationes, lectiones, disputationes, conciones, & alia similia, necnon tractatus pertinentes ad deuotionem, & quietationem conscientiarum, stimulationes fratrum, & cætera huiusmodi*, quæ sibi inuicem communicant fratres, modò communicent ad effectum imprimendi. sic Capuccin. *in compendio priuilegiorum mendicantium, verbo imprimere.* Emanuel Rodriquez *qq. regul. tom. 2. quest. 104. art. 1. fine.* Galler. *in Margarita casuum conscientie, verbo legere.* Augustinus Barbosa *de potestate Episcopi, 3. part. alleg. 90. fine.* Quartò, quia hæc omnia pars libri esse possunt saltem

Ferd. de Castro Sum. Mor. Pars I.

aptitudine. Ergo hoc sufficit, ut sub prohibitione libri comprehendantur. Probo consequentiam. Quælibet pars libri hæretici etiam si minima sit, & diuisa ab aliis partibus, sub prohibitionem cadit, ut sentit idem Sanchez, & omnes. Item proæmium libri, & præfatio, seu epistola. Sed hæc non alia ratione, nisi quia prohibito libro omnes partes, quæ fuerunt illius libri, quantumcunque diuidantur, manent prohibitæ. Ergo etiam debent inanere prohibitæ partes libri, quæ possunt esse. Quintò, quia non est signata magnitudo, quæ ad constituendum librum requiratur. Ergo concio, disputatio, annotatio, quæ decem folia habeat, liber dici poterit. Sextò, quia nomen libri gratia frequentioris vsus videtur appositum, non quia partes, ex quibus liber componitur, excludantur.

5. Nihilominus etsi supradicta sententia in praxi tenenda sit: at credo probabile esse sub censura Bullæ has breues annotationes, lectiones, disputationes, conciones non comprehendendi. sic Sanchez *lib. 2. in Decalog. cap. 10. num. 29.* Duard. *lib. 2. in can. 1. quest. 44. num. 6.* Bonacina *disp. 2. de censur. quest. 5. punct. 4. num. 18.* Mouentur, quia hæc in communi modo loquendi libri non reputantur. Neque obstant fundamenta contraria. Non primum, quia hæc lex reputanda est pœnalis, & odiosa: nam licet in fauorem fidei, & defensionem fidelium ordinata sit; quia tamen immediata materia non fauorem, sed grauamen continet, scilicet priuare fidelem, etiam in fide firmum lectione librorum hæreticorum, & sub graui pœna, odiosa, & pœnalis est reputanda, non fauorabilis. Aliàs omnis lex pœnalis, quæ latrones, & homicidæ puniuntur, fauorabilis esset; cum ad bonum reipublicæ, & defensionem innocentium ordinetur. Adde etsi concedamus esse legem fauorabilem, non videtur extendenda ultra proprietatem verborum: sub nomine autem libri hæ annotationes, disputationes, & epistolæ non continentur. Ergo. Secundò non obstat: tum quia non militat eadem ratio, siquidem libri diutius permanent, & magis euulgantur: tum quia esto militaret, non comprehenditur sub verbis legis. Tertiò admitto libenter sub illo decreto Concilij Trident. annotationes, & scholia, disputationes, & alia similia comprehendendi, ex eo quodd illud decretum sit explicatio, & renouatio decreti Concilij Lateranens. sub Leone X. ubi expresse dicit, *nullus librum aliquem, seu aliquam quancumque scripturam, tam in urbe nostra, quam in alijs quibusvis ciuitatibus, seu diæcesibus imprimere, seu imprimi facere præsumat, nisi prius in urbe per vicarium nostrum, &c.* Ecce qua ratione comprehenduntur annotationes, quia Concilium Lateranense dixit quancumque scripturam. Ex quo non leue desumitur argumentum sub prohibitione Bullæ has scripturas paruas non comprehendendi. Et confirmo, si sub nomine libri hæ paruæ scripturæ comprehenderentur, non liceret eas publicare, sine nomine authoris subscripti, quia Concilium exposulauit: at communis vsus obtrinit, ut hæ sine nomine authoris communicentur, ut testatur Azor *tom. 1. lib. 8. cap. 17. quest. 4. fin.* Ergo. Quodd autem hæ sine approbatione imprimi, & communicari non possint, non est, quia sub nomine libri contineantur, sed quia continentur sub nomine cuiuscumque scripturæ, quæ imprimi, & publicari non potest absque approbatione, ex supradicto Lateranens. Concilio, & tradit Azor *suprà quest. 2. Neque obstat.* Quartò, concedo omnia illa partem esse posse libri, sed quia nec sunt, nec vnquam fuerunt, ideo nunquam sunt prohibita illa clauſula Bullæ Cœnæ; secus de præfatione, quæ de facto cum alijs librum prohibitum composuit, quia prohibito libro, & partes prohibitæ manent. Ad quintum fateor disputationem, & lectionem decem folia continentes librum esse, & sub prohibitione Bullæ Cœnæ cadere. Ad vltimum nego gratia frequentioris vsus nomen libri fuisse

K k 1

apposi

Bulla Cœnæ, ut ibi explicamus, & traditur prohibitio cap. ita quorundam, de Iudæis, cap. quod olim, eodem titulo.

Extra hos casus licebit Christiano cum Iudæis, vel paganis communicatio, atque adeò licebit cum illis contractus emptionis, & venditionis. Cauenda tamen est nimia familiaritas, ne periculum peruersionis succedat. sic Sanchez *disso lib. 2. cap. 3. num. 23.* Bonacina *disput. 3. quest. 2. punct. 5. circa finem.* Azor *lib. 8. cap. 22. quest. 4.*

17 Triplex restat expedienda difficultas circa supradictos casus.

Prima, an sit peccatum mortale quemcumque ex illis violare? Negat Emanuel Saz *summ. verbo Iudæis, num. 1.* nisi adsit periculum peruersionis, consentit Aragon 2.2. *quest. 10. art. 9. circa princip.* At credo esse mortale per se omnia illa, quæ iure communi continentur, quæ sunt sex illi casus postremo loco positi. Quapropter censeo esse mortale diuturnè famulari Iudæo, eius medici opera vri, nutrire eius filios in eius domo, tolerare eos in officiis publicis, &c. sic Azor *cap. 22. quest. 2.* Sanchez *cap. 3. num. 26.* Suarez *disput. 18. de fide, sect. 6. num. 9.* Ratio est, quia tum ex parte finis, tum ex parte materiæ, est sufficiens causa, ut horum casuum obligatio censetur grauis esse. Aliquando tamen ex leuitate materiæ hæc excusari possunt, quod commune est omnibus præceptis. sic Suarez, & Sanchez *suprà.*

18 Secunda difficultas est, an hæc prohibitiones de Iudæis solum, vel generaliter de omnibus paganis intelligendæ sint? Aliqui affirmant de omnibus intelligendas esse, quia in omnibus militat eadem ratio, scilicet periculum subuersionis ex illorum communicatione. sic Tabien. *verbo Iudæis, quest. 1. num. 2.* Negat Sanchez *lib. 2. cap. 3. num. 25.* quia solum de Iudæis textus loquuntur, & in Iudæos est specialis ratio ob eorum singulare odium in Christianos. Suarez *disput. 18. sect. 6. num. 10.* sub distinctione procedit, admittit quidem cum Sanchez prohibitionem non extendi ad quolibet Gentiles, & paganos; quia non omnes sunt ita religioni Christianæ infesti: at extendi ad Sarracenos, & Mahometanos, quia hi æquè religionem Christianam oppugnant, ac Iudæi; & æquè est eorum familiaritas perniciofa. Deinde, quia in iure hæc extensio sæpe reperitur, *l. ult. §. ult. C. de Episcopis, & clericis, cap. ad hæc, cap. cum sit nimis, cap. in nonnullis, cap. Iudæi, el 2. c. ult. de Iudæis.* Verùm cum prohibitio extra verba legis extendenda non sit, & prohibitiones ferè omnes loquantur de solis Iudæis, existimo alios infideles non comprehendendi, sed quia aliqui casus sunt, in quibus extenditur prohibitio tum ad Sarracenos, tum ad paganos. Solum illi casus, in quibus reperiatur talis extensio, admittendi sunt, non alij. ij sunt famulari Iudæis, & Sarracenis, ex *cap. Iudæi, el 2. de Iudæis.* præponere Iudæum, & quemlibet paganum publicis officiis, *cap. cum sit, cap. ex speciali, de Iudæis.* neque video alios casus, in quibus alij præter Iudæos comprehendendi sint.

19 Tertia difficultas est, quis possit in supradictis casibus dispensare, dum est obligatio illos seruandi? Facilis est resolutio solum Pontificem posse, quia est lex ab ipso lata, cuius dispensatio nullibi reperitur Episcopis concessa: sic, plures referens, Sanchez *num. 27.* At in casu speciali, vbi necessitas instaret, & esset periculum in mora, posset Episcopus, quia tunc dispensatio censetur concessa Episcopo ex benigna legislatoris interpretatione. sic Suarez *suprà*

num. 9.

PUNCTUM X.

Sub qua censura infidelium, hæreticorumque libros Ecclesia suis fidelibus prohibeat.

Non leuis est, nec parum damnofa cum hæreticis, & infidelibus communicatio, quæ sit legendo eorum libros, idcòque meritò Ecclesia suos fideles defendens à tali communicatione abstinere prohibuit. Primò in Bulla *Cœna Domini*, clausula prima sub pena excommunicationis Pontifici reseruata, prohibitum est omnibus Christi fidelibus, ne hæreticorum libros hæresim continentes, vel de religione tractantes, sine autoritate Sedis Apostolicæ scienter legant, aut retineant, imprimant, seu quomodolibet defendant, ex quauis causa, publicè, vel occultè, quouis ingenio, vel colore. Hæc prohibitio extensa est in aliquibus decretis Pontificiis. Nam Sixtus V. in quadam Bulla, quæ est vigesima prima in ordine eius in Bullario, sub excommunicatione sibi reseruata prohibuit libros Astrologiæ, seu de diuinatione tractantes, quibus futura contingentia intenduntur cognosci. Clemens VIII. in indice librorum prohibitorum sub excommunicatione, non tamen sibi reseruata, prohibuit hæresiarchorum libros, etiam si de religione non tractent, nisi prius expurgentur. Item libros authorum, qui sunt de hæresi suspecti, imò & Catholicorum, quibus aliquæ sunt hæreses admixtæ; quique expurgatione indigent, prout latius in supradictis regulis habetur, quas adducit Azor *tom. 1. institutionum moralium, lib. 8. cap. 16. quest. 14.* Insuper pro regnis Hispaniæ extat constitutio nouissima Pauli V. quæ incipit, *Cum sicut accepimus*, in qua prohibentur omnes libri, qui expurgatione indigent, sub censura Pontifici, vel Inquisitori generali reseruata: qui autem sint hi libri per regulas tredecim generaliter explicantur, quæ appositæ sunt initio expurgatorij.

Circa hanc prohibitionem quatuor inquirunt Doctores. Primò, qui libri comprehendantur sub his prohibitionibus, specialiter sub prohibitionem Bullæ Cœnæ. Secundò, quæ lectio, retentio, impressio, vel defensio sufficiat, & necessaria sit ad incurrendas pœnas. Tertiò, quibus personis facta sit prohibitio. Quartò, an delinquentes aliis pœnis præter excommunicationem afficiantur.

§. I.

Expenditur prima difficultas, de qualitate librorum prohibitorum.

- 1 Libri tantum hæreticorum in Bulla Cœna prohibentur.
- 2 Non comprehenditur liber Catholici, sametsi per ignorantiam erroribus mixtus sit.
- 3 Comprehenditur liber manuscriptus.
- 4 Comprehenditur ne epistola, concio, questio, aliquis breui scriptura? Affirmandum est comprehendendi.
- 5 Non videtur oppositum probabilitate carere.
- 6 Iuxta expurgatorium Romanum certum est hæc omnia prohiberi.
- 7 Sub prohibitionem Bullæ solum comprehenduntur libri hæreticorum hæresim continentes, vel de religione tractantes.

1 Clausula Bullæ Cœnæ prohibet solum libros hæreticorum; hæreticorum, inquam, qui propriè sunt hæretici, quales sunt, qui à fide per Baptismum

num suscepta defecerunt. Quod si sint libri aliquorum, qui baptizati non sunt, sub hac prohibitione non continentur, quia ij non sunt hæretici Ecclesiæ subiecti, in quorum detestationem, & punitionem hæc prohibitio habetur. sic Suarez *disp. 20. sect. 2. num. 11. fine.* Sanchez *lib. 2. in Decalog. cap. 10. num. 22.* Farinacius *de hæresi, quest. 180. num. 10.* Non tamen necessarium est, ut hi hæretici fuerint declarati, & denunciati, sufficit si tales esse cognoscantur. sic Sanchez *lib. 2. cap. 10. n. 24.* Suarez *disp. 20. sect. 2. num. 11.* Ex qua doctrina inferitur primò, quid dicendum de libris Græcorum, & Armenorum, de suis ritibus tractantibus. Sanchez *n. 27.* & Farinac. *num. 10.* & Azor *tom. 1. cap. 16. quest. 8.* dicunt non esse sub libris hæreticorum comprehensos, quia hi ritus non sunt ab Ecclesia tanquam hæretici habiti. At dicendum existimo, si authores illorum librorum sunt verè hæretici (ut communiter solent esse) Græci, & Armeni, quia à Romanæ Ecclesiæ fidè & eius obedientia secesserunt, sine dubio sub prædicta prohibitione Bullæ Cœnæ comprehenduntur, quia sunt libri hæreticorum de religione tractantes. Suarez *disp. 20. de fide, sect. 2. num. 12.*

2. Secundò infero non esse sub hac censura Bullæ Cœnæ comprehensum librum authoris Catholici, etiam si errores aliquos per ignorantiam authoris, vel per malitiam alicuius hæretici insertos habeat; quia absolute liber ille catholici est, non hæretici. sic Suarez *num. 13. & 14.* Sanchez *cap. 10. num. 25.* Nauarr. *cap. 27. num. 56.* Coninch *disp. 18. de fide, dub. 11. num. 177.* Limitat autem Suarez, & Coninch *suprà*, nisi scholia, & errores ita creuerint, ut ex illis maior pars libri constare videatur, quia tunc liber à parte præcipua denominandus est, licet contra teneat Sanchez *suprà*, & Bonacina *disp. 2. de censuris, q. 5. p. 4. n. 6.* & indicat Farinac. *de hæresi, q. 180. n. 50.*

Hæc sunt attenta prohibitione Bullæ Cœnæ: at attenta prohibitione Clement. VIII. & Pauli V. quilibet liber infidelis, aut catholici, cui aliquis error insertus sit, legi, retinerique non potest, quin primò expurgatus sit, & emendatus ab his, quibus in expurgatorio expurgandi cura commissæ est.

3. Tertiò infero, sub nomine libri manuscriptum contineri, quia adest eadem ratio, & verè liber dicitur; aliàs facillimo negotio hæc prohibitio eludi, & enervari posset; & ita ex communi sententia testatur Suarez *disp. 20. sect. 2. n. 10.* Sanchez *lib. 2. cap. 10. n. 28.* & Doctores statim allegandi.

4. Quartò infero quid dicendum de brevi scriptura, oratione, concione, questione, epistola. An, inquam, hæc sub prohibitione Bullæ contineantur? Affirmant aliqui, ut probabilius. sic Suarez *disp. 20. sect. 2. num. 10.* Farinac. *de hæresi, quest. 180. n. 30. & 31.* Barth. Vgolin. *tract. de censuris, 2. part. in glossa, ac eorundem libris, num. 2. vers. non in excommunicationem.* Mouentur, quia hæc prohibitio librorum non est lex odiosa, sed favorabilis, quia est in favorem fidei, & defensionem Catholicorum. Ergo debet extendi, & non limitari ad librum. Secundò, quia in his est eadem ratio, & periculum perversionis. Tertiò, quia congregatio Concilij declarans decretum de editione librorum latum, *sess. 4.* dixit comprehendere sub illo decreto annotationes, lectiones, disputationes, conciones, & alia similia, necnon tractatus pertinentes ad devotionem, & quietationem conscientiarum, stimulationes fratrum, & cætera huiusmodi; quæ sibi inuicem communicant fratres, modò communicant ad effectum imprimendi. sic Capuccin. *in compendio priuslegiarum mendicantium, verbo imprimere.* Emanuel Rodriquez *qq. regul. tom. 2. quest. 104. art. 1. fine.* Gallet. *in Margarita casuum conscientia, verbo legere.* Augustinus Barbosa *de potestate Episcopi, 3. part. alleg. 90. fine.* Quartò, quia hæc omnia pars libri esse possunt saltem

Ferd. de Castro Sum. Mor. Pars I.

apritudine. Ergo hoc sufficit, ut sub prohibitione libri comprehendantur. Probo consequentiam. Quælibet pars libri hæretici etiam si minima sit, & diuisa ab aliis partibus, sub prohibitionem cadit, ut sentit idem Sanchez, & omnes. Item proæmium libri, & præfatio, seu epistola. Sed hæc non alia ratione, nisi quia prohibito libro omnes partes, quæ fuerunt illius libri, quantumcunque diuidantur, manent prohibitæ. Ergo etiam debent manere prohibitæ partes libri, quæ possunt esse. Quintò, quia non est signata magnitudo, quæ ad constituendum librum requiratur. Ergo concilio, disputatio, annotatio, quæ decem folia habeat, liber dici poterit. Sextò, quia nomen libri gratia frequentioris usus videtur appositum, non quia partes, ex quibus liber componitur, excludantur.

5. Nihilominus etsi supradicta sententia in praxi tenenda sit: at credo probabile esse sub censura Bullæ has breues annotationes, lectiones, disputationes, conciones non comprehendendi. sic Sanchez *lib. 2. in Decalog. cap. 10. num. 29.* Duard. *lib. 2. in can. 1. quest. 44. num. 6.* Bonacina *disp. 2. de censur. quest. 5. punct. 4. num. 18.* Mouentur, quia hæc in communi modo loquendi libri non reputantur. Neque obstant fundamenta contraria. Non primum, quia hæc lex reputanda est pœnalis, & odiosa: nam licet in favorem fidei, & defensionem fidelium ordinata sit; quia tamen immediata materia non favorem, sed grauamen continet, scilicet priuare fidelem, etiam in fide firmum lectione librorum hæreticorum, & sub graui pœna, odiosa, & pœnalis est reputanda, non favorabilis. Aliàs omnis lex pœnalis, quæ latrones, & homicidæ puniuntur, favorabilis esset; cum ad bonum reipublicæ, & defensionem innocentium ordinetur. Adde etsi concedamus esse legem favorabilem, non videtur extendenda ultra proprietatem verborum: sub nomine autem libri hæc annotationes, disputationes, & epistolæ non continentur. Ergo. Secundò non obstat: tum quia non militat eadem ratio, siquidem libri diutius permanent, & magis euulgantur: tum quia etsi militaret, non comprehenditur sub verbis legis. Tertiò admitto libenter sub illo decreto Concilij Trident. annotationes, & scholia, disputationes, & alia similia comprehendendi, ex eo quòd illud decretum sit explicatio, & renouatio decreti Concilij Lateranens. sub Leone X. ubi expressè dicit, *nullus librum aliquem, seu aliquam quamcumque scripturam, tam in urbe nostra, quam in alijs quibusvis ciuitatibus, seu diocesisbus imprimere, seu imprimi facere presumat, nisi prius in urbe per vicarium nostrum, &c.* Ecce qua ratione comprehenduntur annotationes, quia Concilium Lateranense dixit quamcumque scripturam. Ex quo non leue desumitur argumentum sub prohibitione Bullæ has scripturas paruas non comprehendendi. Et confirmo, si sub nomine libri hæc parue scripturæ comprehenderentur, non liceret eas publicare, sine nomine authoris subscripti, quia Concilium exposulauit: at communis usus obtinuit, ut hæc sine nomine authoris communicentur, ut testatur Azor *tom. 1. lib. 8. cap. 17. quest. 4. fin.* Ergo. Quòd autem hæc sine approbatione imprimi, & communicari non possint, non est, quia sub nomine libri contineantur, sed quia continentur sub nomine cuiuscumque scripturæ, quæ imprimi, & publicari non potest absque approbatione, ex supradicto Lateranens. Concilio, & tradit Azor *suprà quest. 2. Neque obstat.* Quartò, concedo omnia illa partem esse posse libri, sed quia nec sunt, nec vnquam fuerunt, ideo nunquam sunt prohibita illa clausula Bullæ Cœnæ; secus de præfatione, quæ de facto cum alijs librum prohibitum composuit, quia prohibito libro, & partes prohibitæ manent. Ad quintum fateor disputationem, & lectionem decem folia continentes librum esse, & sub prohibitione Bullæ Cœnæ cadere. Ad vltimum nego gratia frequentioris usus nomen libri fuisse

Kk 2 apposi

appositum, sed quia in libro maius periculum inuenitur, & facilius hæreses texuntur, difficiliusque cognoscuntur.

6 Cæterum si prohibitionem expurgatorij Romani, ex decreto Trident. editi, & expurgatorij Hispani attendamus; hæc omnia si ab hæreticis sint composita, quamuis errorem non contineant, sunt prohibita sub pœna excommunicationis ipso facto, quousque examinata, approbataque sint.

7 Quintò infero sub prohibitione Bullæ Cœnæ comprehendendi solum eos libros hæreticorum, qui vel hæresim continent, vel de religione tractant; quælibet enim ex his conditionibus sufficit, ut sub prohibitionem comprehendantur, ut de se constat. Circa quæ verba est advertendum, si liber solum vnam hæresim contineat, etiam si totus liber de re profana sit, illa sufficit, ut totus liber prohibitus maneat, quia verè liber est continens hæresim. Neque requiritur, ut ex professo liber tractet de hæresi, ita ut argumentum libri sit de hæresi, sufficit, si hæresim contineat, quia hoc tantum Bulla requirit. sic Bonacina *disp. 2. q. 5. p. 4. num. 19.* Coninch *disp. 18. de fide, dub. 11. n. 177.* Sanchez *lib. 2. cap. 10. n. 35.* Suarez *tom. 5. de censur. disp. 21. sect. 2. n. 10. & de fide, disp. 20. sect. 2. n. 16.* Farinac *q. 180. de hæresi, n. 22. fine.* quamuis Grassis *lib. 4. decis. cap. 18. n. 40. & 80.* requiratur, ut de hæresi liber ex professo tractet, sed immeritò hoc requirit, & contra communem.

Neque valet si tu ab illo libro hæresim expungas, quia particularis expulsio non tollit communem libri prohibitionem. sic Sanchez *lib. 2. cap. 10. n. 35.* Bonacina *n. 19.* Dicitur autem de religione tractare liber, si tractet de Scriptura sacra, aut aliqua illius parte, de Theologia scholastica, vel morali, hoc est, de mysteriis fidei, de cultu Dei, & Sanctorum, de recta morum institutione, & de his contrariis. Requiritur tamen, ut ex professo, & ex instituto de his tractet, non obiter; aliàs non cadet sub prohibitionem: sic Sanchez *num. 21.* Suarez *suprà.* Farinac *n. 32.* Coninch *suprà.* Verùm si prohibitionem spectes expurgatorij Romani editi iussu Clement. VIII. & Bullæ Pauli V. pro regnis Hispaniæ, & Inquisitoris generalis mandatum, prohibitus est quicumque liber hæreticorum, etiam si de religione non tractet, neque hæresim contineat, nisi prius approbetur, & examinetur per ibidem signatos; quia Ecclesia intendit, ne filij sui ex tam turbido fonte veritatem eliciant, neve auctoritatem aliquam tribuant iis, qui à suo gremio recesserunt: sic, aliis relatis, Farinac *n. 22.* Sanchez *num. 26.* Coninch *disp. 18. dub. 11. n. 79.* Azor *tom. 1. lib. 8. cap. 16. quest. 14.*

§. II.

Expenduntur actiones prohibitæ in Bulla Cœnæ, aliisque decretis circa supradictos libros.

- 1 Enumerantur actiones, & quæ ignorantia excuset ab incurrenda censura.
- 2 Quid sub nomine lectionis intelligatur.
- 3 An si alium audias legentem, vites censuram? Proponuntur varia sententia.
- 4 Probabilius videtur oppositum.
- 5 Soluuntur rationes contrariae.
- 6 Examinatur, an excuseris à censura, & peccato mortali ob parvitatem materiae, & quæ hac sit.
- 7 Prohibetur retentio horum librorum.
- 8 Quid si ad confutandos errores, absque periculo perversionis retineas.
- 9 Tenendum est te censuram incurtere.
- 10 Quid si brevis tempus retineas. Apponitur sententia Suarez.

11 Quid sentiendum sit.

12 Excusatur Bulla censuram, si statim comburatur, sed non vitæ excommunicationem latam à Julio III. & à Paulo V.

13 Prohibetur impressio horum librorum: & qui sub hac actione comprehendantur.

14 Tandem prohibetur defensio librorum.

15 Quid de transcriptione, venditione, asportatione librorum hæreticorum.

1 **A**ctiones prohibitæ sunt, lectio, retentio, impressio, defensio, venditio, emptio, & asportatio. De singulis breuiter est dicendum, & pro omnibus advertendum est ob has actiones non incurri censuram, nisi scienter fiant; quia ita cauetur in supradictis decretis. Quapropter si detur ignorantia vel prohibitionis, vel censurae, à pœna incurrenda excusatur, ut constat ex dictis *de legibus, & censuris*, & in præsentia tradit Suarez *disp. 20. sect. 2. num. 17.* Sanchez *lib. 2. Decalog. cap. 10. num. 38 & 39.* Farinacius *de hæresi, quest. 180. num. 44. & 45.* & alij ab eisdem relati. Adde non solum ignorantiam vicumque excusare, sed ignorantiam crassam, & affectatam, modò non sit ingens temeritas; quia laborans illa ignorantia scire dici non potest. Si autem adsit ingens temeritas, iam adest scientia, quia hæc non contingit sine graui suspitione malitiæ. sic Sanchez *lib. 2. in Decalog. cap. 10. num. 32.* Duard. *lib. 2. in canon. 1. quest. 36. num. 3.* Bonacina *disp. 2. de censur. q. 5. punct. 4. num. 8.*

2 Prima actio prohibita est lectio, non exterior, & materialis, quæ solum verba percipit, sed formalis, quæ sensum verborum intelligit, quia hæc sola est lectio propria. quamuis Bonacina contrarium sentiat *disp. 1. de censur. q. 5. p. 4. n. 14.* sed non est audiendus, quia in contrarium stat communis sententia, ut ex Doctoribus statim referendis, & ex relatis constat. Non tamen est necessarium, ut verbis proferas rem lectam, sufficit si visu, & mente scripta percurras. sic Sanchez, relato Vgolino, Grassis, & aliis *lib. 2. cap. 10. n. 41. & 51.* Suarez *disp. 20. sect. 2. n. 18.* Bonacina *disp. 2. de censur. q. 5. p. 4. n. 11.* & omnes communiter.

3 Difficultas est, an vites censuras, si alium legentem hos libros audias? Negat absolutè Suarez *disp. 20. sect. 2. num. 19.* etiam si legentem ad lectionem non induxeris. Mouetur primò, quia idem est periculum in hoc modo legendi libros, ac est in lectione facta per propriam personam. Secundò, quia ratio prohibendi lectionem medio visu, est, ne percipiatur doctrina praua, & hæretica, sed per auditum efficacius percipitur. Ergo æquè lectio per auditum est prohibita. Tertiò, lectio duplicem actionem includit, prolationem verborum, & illorum intelligentiam, & hæc secunda est præcipua. Ergo ratione illius potest dici verè legere.

Alij distinctione vtuntur, dicunt enim, si causa non es lectionis tuo consilio, aut mandato non esse comprehensum; secus verò, si aliquo modo ad legendum induxisti. Priorem partem probant, quia tunc nequaquam propriè dici potes legere, etiam per alium; siquidem alius non nomine tuo legit, neque lectio illius tibi tribui potest: at quando consulis, mandas, vel inducis, verè dici potes legere medio alio, quod videtur sufficiens, ut sub nomine legentis comprehendaris præcipue in prohibitionem respiciente bonum commune, & defensionem fidei: sic docent Azor *tom. 1. lib. 8. cap. 16. quest. 4.* Sayrus *thesauri casuum tom. 1. lib. 3. cap. 5. num. 14.* Grassis *1. p. decis. lib. 2. cap. 18. num. 45.*

4 Cæterum mihi probabilius apparet in neutro casu audientem ligari hac prohibitionem, sic relato Vgolino docet Sanchez *lib. 2. cap. 10. num. 48.* Egidius Coninch *disp. 18. dub. 11. num. 178.* ubi ait non esse omnino improbabile inducentem ad legendum excusari à censura contra legentes lata; putat tamen certum, quando audiens

diens non est causa lectionis. Farinacius *de heresi, quæst.* 180. *in summa*, num. penult. Reginald. Duard. Filliucius, & alij, quos refert, & sequitur Bonacina *disp.* 2. *de censuris, quæst.* 5. *punct.* 4. num. 11. Ratio est, quia leges pœnales extendendæ non sunt ultra propriam significationem; sed sub verbo legis non comprehenditur audiens legere, etiam si ad legendum induxerit, quia inductio ad legendum non est lectio, neque etiam auditus est lectio, quia legere propriè est visu, & mente scripta percurrere. Ergo ob auditum lectionis, cuius audiens causa fuit, nequit sub prohibitione aduersus legentes comprehendi.

5 Ex qua ratione solvuntur fundamenta contraria.

Ad primum pro sententia Suarez nego esse idem periculum in auditu, ac in lectione; quia auditus non potest esse sine alio, secus verò lectio; & non ita facile committitur peccatum, cum indiges tertio, quam cum solus potes efficere. Adde concessio gratis esse idem periculum, si auditus non comprehenditur sub lectione, nequit prohibitio ad auditum extendi.

Ad secundum dico rationem prohibitionis esse, ne percipiatur doctrina hæretica medio ita facili, & secreto, quale est lectio, cuius facilitas, & secretum in auditu esse non potest.

Ad tertium admitto perceptionem sensuum, & verborum esse præcipuam partem lectionis; at nego sine perceptione per visum proprium dari posse lectionem. Argumenta illius sententiæ mediæ soluta manent dicendo improprie, & metaphoricè dici auditum lectionis esse lectionem per alium, & cum audis legere per alium, & in legibus pœnalibus non debet fieri extensio ad sensus proprios. Famulus autem de mandato domini legens, si sensum verborum percipit, non est dubium, quin incurrat in excommunicationem contra legentem, nisi forte gravis damni periculo excusetur: sic omnes Doctores suprà relati.

6 Secundò dubitatur, an excuseris à censura, & peccato mortali ob paruitatem materiæ, & quæ hæc sit? Negant plures te excusari. sic Vgolin. *tractat. de censuris*, 2. *part. in glossa*, ac eorundem libros, num. 1. *vers.* 8. Tolet. *de instrum.* *Sacerdot.* lib. 1. *cap.* 19. num. 9. præcipue in casu, quo intendisti plura folia libri hæretici legere, & pœnitentia ductus post paucas lineas reliquisti? Et ratio esse potest, quia iam illa actio exterior est peccatum mortale. Ergo sufficiens ad incurrendam censuram. Nihilominus probabilius censo, qui paucas lineas legeret, etiam si priùs animum habuisset plura legendi, non contrahere censuram; quia licet lectio illa sit peccatum mortale, non est mortale ex ratione lectionis exterioris, sed ex voluntate, qua orta fuit, sicut si animo plura furandi assumeres alsem, & statim desisteres, peccatum mortale committeres, non ex exteriori furto, sed ex prava intentione plura furandi. Excommunicationem autem non intentionem punit, sed executionem illius; in executione autem non est materia gravis peccati mortalis, quia regulariter non videtur esse grave periculum peruersionis in lectione quatuor, vel decem linearum: sic Suarez *disp.* 20. *sect.* 2. num. 20. Sanchez *lib.* 2. *cap.* 10. num. 31. Coninch *disp.* 18. *dub.* 11. num. 179 *fine*. Bonacina *disp.* 2. *de censur. quæst.* 5. *punct.* 4. num. 13. Azor *tom.* 1. *lib.* 8. *cap.* 16. *quæst.* 3. & alij ab eisdem relati.

Hanc autem materiæ paruitatem extendunt aliqui ad vnam paginam libri in folio impressi, eo quòd non videatur in tam breui lectione adesse regulariter grave periculum, sic relato Eman. Vivaldo, & Saa, docet Sanchez num. 31. *fine*. Coninch *suprà* num. 179. Farinac. *de heresi, quæst.* 180. num. 13. videtur consentire, siquidem refert hoc dictum Sanchez, nec reprobatur. At Suarez, & Bonacina nimia hæc extensio videtur, quia est materia periculosa, in qua non sunt habendæ laxandæ.

Ferd. de Castro Sum. Mor. Pars 1.

7 Secunda actio prohibita est retentio: finis huius prohibitionis est, ne tales libri conferantur, neve sine in rerum natura: quare siue libri sint tui, siue alieni, si tamen illos retines, hanc legem violas, quia iam illos conferuas. Et idem est, si apud alios depositos haberes, quia verè retines. sic Grassi 1. *part. decis. lib.* 4. *cap.* 18. Duard. *lib.* 2. *in can.* 1. *quæst.* 51. num. 17. Bonacina num. 15. Sanchez *lib.* 2. *cap.* 10. num. 52. Suarez *disp.* 20. *sect.* 2. n. 21. & omnes communiter.

8 Sed dubitatur primò, an excuseris ab hoc peccato, si ad confutandos errores sine periculo peruersionis illos retineas? Affirmare videntur aliqui, quatenus dicunt ex hac retentione non reddi hæresis suspectum retinentem supradictos libros: sic Felin. *in cap. si quis Episcopum*, *in fine*, *versic. pro quo infertur, de hereticis*. Albert. *tractat. de agnoscend. assert. Catholic. quæst.* 28. num. 4. & 5. Addunt, ad Rom. *singul.* 326. *incipiente*, eo ipso quòd libri hæresis, *versic. limita*, nisi reperiantur penes aliquem confutandi eos gratia. Decian. *in tractat. crimin. lib.* 5. *cap.* 35. num. 21. *versic. limita primò, nisi confutandi gratia*, & *cap.* 46. num. 26. & 27. Mascard. *de probat. lib.* 2. *concl.* 862. num. 14. Ratio esse potest, quia hæc retentio non fauet hæresi, sed potius destruit. Ergo non debet sub prohibitione retentionis fauentis hæresi comprehendi.

9 Cæterum hæc sententia retinenda non est, sed affirmandum potius, quocumque sine libros hæretici retineas, absque licentia illius, qui illam dare potest, te incurrere censuram, & suspicionem hæresis, ut postea dicemus. sic Pegna *in addit. ad Eym. direct. inquisit.* 2. *part. comment.* 3. *ad cap. fraternitatis, de hereticis, versic. tamen si verò*. Vgolin. *de censur. in glossa, aut pertinentes, versic. quarto excommunicatio*. Tolet. *lib.* 1. *summ. cap.* 19. num. 9. Sanchez *lib.* 2. *cap.* 10. num. 53. Farinac. *de heresi, quæst.* 180. num. 39. & 42. Suarez *disp.* 20. *sect.* 2. num. 21. Ratio est manifesta, quia lex prohibet retentionem absolutè, neque enim curat qua intentione fiat. Adde in illa retentione, & refutatione ex propria voluntate accepta, esse potest periculum peruersionis: qui enim firmus esse præsumitur, sæpè cadit, & laqueis, quos existimabat facile dissolvere, comprehenditur. Deinde etsi in tali retinente nullum esset periculum, sufficit generaliter adesse, & venenum conservari, quod perire Ecclesia sua prohibitione intendit.

10 Tertiò dubitatur, an ab hoc peccato, & censura excuseris, si breue tempus retineas per vnam, vel aliam diem, ex suppositione, quòd illos Inquisitori tradere possis. Nam si nulla supererit tibi facultas, clarum est retentionem non esse malam, ut bene dicit Sanchez statim allegandus. In qua dubitatione Suarez *disp.* 20. *sect.* 1. num. 22. distinguit, si animo retinendi librum, absolutè retineas, etiam si post horam pœniteas, & Inquisitori tradas, censuram non effugies; secus verò si animo tradendi librum ex negligentia per breue tempus non tradas. Priorem partem probat, quia peccatum quod ex obiecto, & circumstantiis mortale est, in momento committi potest, quia in voluntate consistit, non in mora: voluntas autem absoluta retinendi librum, peccaminosa est mortaliter secundum omnes, & ex illa procedit retentio exterior, etiam breuissimo tempore. Ergo sufficit ad incurrendam censuram.

11 Nihilominus credo probabilius te non incurrere censuram ob talem retentionem: sic docet Sayrus *tom.* 1. *thesauri casuum, lib.* 3. *cap.* 5. num. 16. Duard. *lib.* 2. *in can.* 1. *quæst.* 51. num. 33. Reginald. *lib.* 9. num. 256. Bonacina *disp.* 2. *de censur. quæst.* 5. *punct.* 4. num. 15. Sanchez *lib.* 2. *cap.* 10. num. 55. videtur consentire Farinacius *de heresi, quæst.* 180. num. 41. Ratio est, quia grauitas retentionis non desumitur solùm ex libro, qui retinendus est, sed etiam ex tempore, quo retinendus est, quod

K k 3 inde

inde constat. nam si haberes voluntatem retinendi vna hora librum, & statim illum tradendi, non video qua ratione quis dicere possit te gravem culpam commississe: Requiritur ergo ad retentionem gravem mora temporis: ergo si tempus, quo de facto retines librum, breve est, etiam si voluntatem haberes longo tempore retinendi, retentio illa exterior levis censeri debet ad effectum incurrendi censuram; quia non incurritur censura ex voluntate retinendi, sed ex voluntate executioni mandata, quæ cum non sit integra, & in materia gravi exercita, sed in materia levi, non sufficit ad incurrendam censuram, sicut dixi de legente paucas lineas. Et ex hoc fundamentum contrarium manet solutum. Addendum est hanc excommunicationem extendi ad eos, qui partem libri retinent, sicut extenditur ad eos, qui partem libri hæretici legunt. sic Bonacina num. 15. *fine*. Sanchez verò cap. 12. num. 52. excusat retinentem vnum tantum solum, quia non videtur tam gravis materia in retentione, quam in lectione: non enim ita graviter lædit retentio, quam lectio.

12 Tertiò dubitatur, an excuseris à censura Bullæ, si cum primùm agnoscis librum esse hæretici, comburis?

Respondeo te excusari à censura Bullæ; quia combustio impedit retentionem in Bulla damnatam: sic Sanchez lib. 2. in Decalog. cap. 10. num. 56. Suarez de fide, disput. 20. sect. 2. num. 23. Farinacius de hæresi. quest. 180. num. 40. *fine*. At contrahis excommunicationem latam in Bulla Iulij III. quæ incipit, *Cum meditatio*, quam adducit Pegna in vls. part. directorij, fol. mihi 115. vbi post alia sic habet. Omnes, & singulos libros, Lutheranos, aut alios hæreticos, seu Lutheranam, aut falsam sectam in se continentes, vel à nobis, & dicta Sede quomodolibet reprobatos, penes se eos ex quavis causa, etiam mercaturæ, & ex nostra, ac eiusdem Sedis permissione, ac licentia etiam speciali, vt præfertur, penas eos existentes, Inquisitoribus hæreticæ pravitatis, in civitatibus, in quibus libri huiusmodi existunt, consignare debeant realiter, & cum effectu. & contra inobedientes apponit excommunicationem, & alias poenas adversus hæreticos latas: & ne aliquis intelligeret supradictam Bullam loqui tantum de personis illo tempore existentibus, & habentibus libros prohibitos, Pius IV. in alia Bulla edita anno 1564. quæ incipit, *Locum pro munere*, supradictam prohibitionem, & censuram extendit ad eos, qui postea habuerint. Idemque cautetur in regul. 2. Indicis librorum prohibitorum, auctoritate Trident. editi, & à Pio IV. confirmati, & iussu Clement. VIII. renouati, & in Bulla Pauli V. pro Hispaniæ regnis, quæ habetur in principio expurgatorij. Finis autem huius mandati est, vt author libri cognoscatur, & errores, qui in eo sunt, melius emendentur. Quapropter Inquisitores, cum ad eos liber deferretur, interrogare debent deferentem, unde habuerit, à quo acceperit: & ita tradunt Pegna in addit. ad Bymer. 2. p. comment. 3. in cap. fraternitatis, de hæreticis, versic. propterea. Bonacina disput. 2. de censur. quest. 5. punct. 4. *fine*. Sanchez lib. 2. cap. 10. num. 56. Azor tom. 1. institutionum moralium, lib. 8. cap. 16. quest. 11. Martin. Deltio disquisit. magic. lib. 5. sect. 17. versic. sunt autem tales. Farinacius de hæresi, q. 180. num. 40. Augustinus Barbosa 3. part. de potestate Episcopi, allegat. 90. num. 5. Suarez de fide, disput. 20. sect. 2. num. 23.

13 Tertia actio prohibita est impressio, sub qua comprehenduntur omnes illi, qui propriè illius causæ sunt, quique verè imprimere dicuntur: quos optimè enumerat Vgolin. de censur. Papa reservat. 2. part. cap. 1. verbo *imprimentes*. Sanchez lib. 2. cap. 10. num. 57. Suarez de fide, disput. 20. sect. 2. num. 24. ij enim affirmant comprehendì primò, componentes litteras, præparantes papyrum, & atramentum, premences torcular, & similia:

& in iis nullus dubitat, cum hæ sint immediatè causæ impressionis. Secundò patronum officinæ, etiam si propriis manibus non laboret, quia verè imprimere dicitur, & impressor nominatur. Tertiò authorem libri, seu eum, in cuius nomine liber imprimitur, quia in communi modo loquendi hic est, qui imprimit. Negant tamen comprehendì eum, qui expensas pro impressione faceret; quia hic valde remotè ad impressionem concurrat, nec imprimere dicitur, neque impressor nominatur. Et idem est de eo, qui litteras æneat, atramentum, papyrum, & reliqua ad impressionem necessaria donat, vel vendit; sunt enim hæ actiones nimis remotæ. Et idem iudicant supradicti Doctores de correctore, quia hic non tam imprimit, quam impressum inspicit; dubito tamen de hoc, quia licet corrigat, & inspiciat impressum, & ex relatione ad impressum, quod inspicit, si ibi sisteretur, non videatur sub imprimente comprehendì: at quatenus eius inspectio, & correctio iuvat ad illud impressum iterum emendatè imprimendum, comprehendì videtur. Adde comprehendì saltem sub actione legendi, quia verè librum legit. Denique est advertendum eos, qui remotè ad impressionem concurrunt, posse fautores hæreticorum esse, si eas actiones præstent, vt hæresi faueant: sic Sanchez *suprà*.

14 Quarta actio prohibita in Bulla Cœnæ Domini, est defensio, siue publica sit, siue occulta librorum hæreticorum quovis ingenio, vel colore facta. Hæc autem defensio, & verbis, & factis contingere potest: factis contingit, si librum occultas, aut alio modo impedis, ne comburatur, nève iudicibus fidei tradatur. sic Sanchez alios referens, lib. 2. cap. 10. num. 58. Suarez disput. 20. sect. 2. num. 25. Verbis contingit, si rationes quæras, vt persuadeas librum hæretici non esse comburendum. Item si argumenta dissoluas, quibus impugnatur, vel in sui favorem rationes inuestiges: etiam si hæc omnia occultè, & solus facias, & occasione inquirendæ veritatis: sic Sanchez, & Suarez *suprà*. Sed quid si diceretur: Hic liber optimus est, seclusa hæresi, vel non prohibitione, aut combustione dignus? Affirmat Suarez num. illò 25. esse defensionem, quia iam verbis defendis; credo intelligendum esse, quando coram aliis affirmat, secus si nullus audit: tunc enim nulla videtur esse illius libri defensio. Neque obstat si scriptis in suo cubiculo librum laudes, vocari defensores, quia scriptura est quid permanens, & per illam continuò defendis, at verba transeunt: sic tradit Vgolinus de censur. Papa reservat. 2. part. cap. 1. verbo *ac eorum quomodolibet defendentes*, num. 2. versic. 3. Sanchez num. 58. Si autem liber de religione tractat, neque vllam hæresim contineat, non censendus es defensor illius ex eo solum, quòd eius doctrinam laudes; quia laudas, quod bonum est: & idem est, si laudes stylum, ingenium, & modum procedendi: at cautè debes procedere, ne videaris auctori favere, nève intendere minus bene ab Ecclesia esse prohibitum. sic Doctores *suprà* relati, & Farinacius de hæresi, quest. 180. num. 12. Insuper dubitant Doctores, an dicaris defensor, si solum dicas te velle defendere hunc librum? Negant Farinac. Sanchez, & Vgolin. *suprà*; quia id solum est significare animum defendendi, non defendere; secus verò si iam in procinctu esses, & prouocares ad certamen. quia ipsamet prouocatio, & ad certamen præparatio, est defensio quædam. Ego verò in vtroque casu crederem esse defensores, regulariter loquendo; quia illa voluntas sic significata retrahit impugnatores, & quasi illos difficiliore reddit librum subvertere, cum videant habere patronum. quare licet hæ significatio non sit defensio per certamen, sed illius significatio: illa tamen significatio est quædam defensio.

15 Quinto loco possumus de aliis actionibus dubitare,

tare, an sub prohibitione Bullæ comprehendantur; scilicet de transcriptione libri hæretici, deque illius venditione, asportatione, & emptione?

Respondeo has actiones, etsi expressè in Bulla Cœnæ non contineantur, sub lectione, retentione, vel defensione contineri. Transscriptio enim libri, cum lectione libri, illiusque retentione coniuncta est. Et idem est de asportatione, emptione, & venditione, quæ absque retentione fieri nullatenus possunt. Adde decretis supradictis Iulij III. Pij IV. Clementis VIII. & Pauli V. excommunicationem, & pœnas alias contra vendentes, ementes, & asportantes hos libros latas esse, ut constat ex his quæ adducit Pegna 2. part. director. comment. 3. ad cap. fraternitatis, & comment. 17. ad cap. noverrit, de sentent. excommun. & Farinacius quest. 180. num. 15. & seqq.

§. III.

Circa quas personas cadat hæc prohibitio legendi, & retinendi hæreticorum libros.

- 1 Omnes comprehenduntur.
- 2 Ex speciali privilegio Inquisitores eximuntur.
- 3 Extenditur facultas ad commissarios.
- 4 Limitatur doctrina in regno Hispania.
- 5 Nullus præter Pontificem dare potest facultatem legendi libros hæreticorum.

1 **C**onstat ex Bulla Cœnæ quascunque personas quacunque dignitate, siue Ecclesiastica, siue sæculari fulgentes, comprehendere. Unde comprehenduntur Episcopi, Archiepiscopi, Primates, Patriarchæ, Cardinales; & ex sæcularibus etiam Rex, & Imperator; quia in iis, quæ ad religionem, & bonum fidei pertinent, directioni Ecclesiæ subduntur.

2 Solùm est difficultas, quibus ex speciali privilegio hoc licitum sit?

Cui difficultati respondeo nemini alteri præter Inquisitores hæreticæ pravitatis esse generaliter concessum: constat ex Bulla Iulij III. supra relata, & ex Bulla Pauli IV. & Pij IV. quas omnes adducit Pegna in fine directorij, inter litteras Apostolicas, fol. msh 115. & 129. reuocante omnes facultates Episcopis, & aliis quibuscunque personis concessas, Inquisitoribus, & commissariis exceptis. Ex qua exceptione inferunt plures Doctores Inquisitores, & commissarios facultatem habere legendi, & retinendi hæreticorum libros. Nam licet in supradictis Bullis positum illis hæc facultas concessa non sit, sed solùm excipiantur à reuocatione generali, illa exceptio videtur esse tacita concessio: sic tenet Pegna director. 2. part. comment. 3. ad cap. fraternitatis, de hæretic. versic. iam hac prohibitio. Vgolin. tractat. de censuris, 2. part. in glossa aut pertinentes, §. 1. versic. tertio in excommunicationem. Azor tom. 1. lib. 8. cap. 16. quest. 13. Grassis lib. 4. decis. cap. 18. num. 45. sine. Martin. Delrio disquisit. magic. lib. 5. sect. 17. versic. solis Pontificibus. Farinacius de hæresi, quest. 180. num. 43. esto contra videatur sentire Thomas Sanchez lib. 2. cap. 10. num. 46. Barbosa de potest. Episcopi, allegat. 90. num. 8. Suarez disput. 20. de fide. sect. 2. num. 28. affirmant namque illam exceptionem non esse concessionem tacitam.

3 Supradictam facultatem legendi libros extendunt Grassis, Pegna, & Farinac. ad commissarios inquisitionis non solùm à Sede Apostolica constitutos, sed etiam constitutos ab ipsis Inquisitoribus, quia absolute dici possunt à Sede Apostolica constituti.

4 Limitanda hæc omnia sunt in regno Hispaniæ, ubi solùm Inquisitor generalis habet potestatem legendi libros hæreticorum, & cui ipse commiserit, non alius,

constat ex Bulla Pauli V. appositæ in principio Expurgatorij.

5 Ex his constat neminem à Pontifice, aut cui ipse expressè concesserit, posse dare facultatem legendi libros hæreticorum hæresim continentes, vel de religione tractantes, quia in dicta Bulla Cœnæ libri Pontifex referuat: & ita neque Inquisitores, neque Episcopi hanc facultatem dare possunt. sic Pegna dicto comment. 3. versic. nunquid autem. Sanchez num. 43. Farinacius n. 37. Azor lib. 8. quest. 7. & 12. Barbosa num. 7. Concilium autem Cardinalium Sede vacante hanc facultatem concedere nemini poterit, nisi tam graue, tamque evidens periculum immineret, ut omnibus, & singulis Cardinalibus videretur celeriter esse occurrendum; quia in his quæ ad potestatem, & iurisdictionem Pontificis pertinent, non possunt se alia via intromittere, ut constat ex Clement. ne Romani, de elect. & tradit Sanchez num. 44. Suarez disp. 20. de fide. sect. 2. n. 28.

Dixi non posse Episcopos, neque Inquisitores facultatem concedere legendi libros hæreticorum hæresim continentes, vel de religione tractantes. Nam si libri de religione non tractent, neque hæresim contineant, aut ab hæreticis conscripti fuerunt, dum erant Catholici, aut postquam Ecclesiæ fuerunt reconciliati, optime possunt Inquisitores dare cui visum fuerit facultatem legendi. sic Azor tom. 1. lib. 2. cap. 16. quest. 12. Pegna 2. p. comment. 3. ad cap. fraternitatis, versic. quorundam. Farinacius de hæresi, quest. 180. num. 37. & habetur 2. reg. expurgatorij Romani.

§. IV.

De pœnis impositis harum legum transgressoribus.

- 1 Afficiuntur excommunicatione reſervata. Sunt de hæresi suspecti, & tanquam hæreticorum fautores puniendi sunt.
- 2 Componens scienter librum hæreticum, ut hæreticus puniendus est.
- 3 Transcribens suspicionem hæresis contrahit.
- 4 Imprimentes ultra excommunicationem, tanquam fautores puniendi sunt pœna arbitraria.
- 5 Retinens, vendens, defendens, asportans libros hæreticorum, suspectus est de hæresi.
- 6 Arbitrio iudicis relinquatur, an suspicio sit levis, vehementer, vel violenta.
- 7 His pœnis solùm fideles baptizati afficiuntur.

1 **C**onstat scienter legentes, retinentes, imprimentes, aut defendentes hæreticorum libros de religione tractantes, vel hæresim continentes, esse excommunicatos, excommunicatione reservata in Bulla Cœnæ clausula prima. Secundò constat de hæresi esse suspectos sic legentes, retinentes, &c. Tertiò reputari hæreticorum fautores. Ut autem hæc plenius cognoscantur, pro foro externo breuiter singula perstringemus.

2 Et primò dicendum est de componente librum, in quo hæreses continentur; is enim si ex proposito hæreses scripserit, & defensus erit, ut hæreticus puniendus est, quia est verè hæreticus, cum scienter contra Ecclesiæ sensum doceat, & maiori cum deliberatione, quàm si verbis hæresim protulisset. Quòd intelligendum est, etiam si in principio libri protestationem fecerit, quia contrario facto eam abrogauit; secus verò dicendum est, si non ex proposito, sed quasi per transennam scripsit hæresim; præsumitur enim non ex malitia, sed ex ignorantia scripsisse; præsertim si res obscura erat, & difficilis, & protestationem fecit, vel aliàs Catholicus, & probus communi hominum opinione

habetur: sic tradunt Pegna *direct. 2. p. com. 3. ad cap. fraternitatis, versic. horum tamen sententia*. Azor *tom. 1. lib. 8. cap. 16. quæst. 10. in medio*. Farinac. *de hæresi, q. 180. num. 16. & 17. Mascard. de probation. conclus. 862. num. 3. & 5. & alij*. Idem iudicium est de falsantibus, seu corruptentibus Catholicorum libros, praua dogmata illis miscendo: sic docent Pegna *2. p. direct. com. 17. ad cap. novit. de sentent. excommunic. vers. denique*. Farinac. *num. 14. Menoch. de arbit. cent. 6. casu 549. num. 5*. Modi autem, quibus hæc falsitas contingit, optime à supradictis Doctoribus expenduntur.

3 Secundò dicendum de transcribente hos hæreticorum libros, qui si scienter fecerit, suspensionem hæresis contrahit, & tanquam fautor hæretici damnandus est: tradit Azor *cap. 17. quæst. 5. Pegna direct. 2. p. com. 17. vers. sed hac sententia, & seqq.* Farinac. *num. 18. Sæpè tamen ab hac suspitione excusari potest, primò si statim post scripturam libros combusserit, aut lacerauerit. Secundò, si iussu domini, & metu incusso non ausus fuit denuntiare. Tertiò, si tanquam discipulus putauit malitiam, & venenum ibi non adesse. Quapropter prudentis arbitrio hæc omnia expendenda sunt, ut qualitas culpæ cognoscatur, & iuxta illam grauis, vel leuis, aut nulla suspicio habeatur: sic Azor, Pegna, & Farinac. & alij *suprà*.*

4 Tertiò dicendum de imprimentibus illos, qui vltra excommunicationem tanquam fautores hæreticorum puniendi sunt pœna arbitraria, ut statuit Pius V. ad indicem librorum prohibitorum *reg. 10. sic Farinac. num. 19. Menoch. cent. 6. casu 549. Vgolin. de censur. 2. p. in glossa imprimentes*. Pegna *2. p. com. 17. col. 1. in fine*. Aduertendum insuper est constitutione Leonis X. in Concilio Lateranensi, quæ incipit, *Inter sollicitudines*, edita anno 1515. prohibitum est omnibus typographis, ne libros, & alias scripturas, quæcunque sint, etiam si hæresim non contineant, nec de religione tractent, in vrbe imprimant absque examine, & approbatione in scriptis obtentâ sui Vicarij, & Magistri sacri Palatij, & in alijs diocesis absque approbatione Episcopi, & Inquisitoris hæreticæ prauitatis. Qui autem secus præsumpserit, vltra librorum impressorum amissionem, & illorum publicam combustionem, & ducatos centum fabricæ sancti Petri, per annum ab exercitio imprimendi suspenditur, & excommunicationem ipso facto incurrit, referuatam solum Episcopo ex vi huius decreti; & crescente eorum contumacia pœnæ augendæ sunt à Vicario in vrbe, & ab Episcopis alibi. Concilium autem Trident. *sess. 4. decreto de editione librorum*, sub eisdem pœnis cauet, ut nemini liceat imprimere, vel imprimi facere quoslibet libros de rebus sacris sine nomine authoris, neque illos in futurum vendere, aut etiam apud se retinere, nisi prius examinati, probatique fuerint ab ordinario, quæ quidem licentia in scriptis habenda est. Quod si volentes imprimere regulares fuerint, indigeant licentia, & approbatione suorum superiorum. Hæc Concilium. In regno tamen Castellæ lege regia vsu recepta sufficit licentia supremi Concilij, de cuius mandato examinatur prius liber ab aliquo viro docto. In vrbe Vicarius remittit librum videndum Magistro sacri Palatij, cuius licentia habita typographus imprimit, præfixa in principio libri sola clauisula, *De licentia superioris*, aut æquipollentis. In regno Portugaliz seruetur decretum Concilij Lateranensis. non enim ibi imprimitur liber, nisi obtentâ licentia ab Ordinario, & Inquisitoribus. Subdit deinde Concilium. Qui autem scripto eos (id est, supradictos libros) communicant, vel euulgant, nisi antè examinati, probatique fuerint, eisdem pœnis subiiciant, quibus impressores. Sub quibus verbis, ut *suprà* dixi, congregatio Cardinalium declarauit intelligi conciones, annotationes, quæstiones, & alia similia, quæ communicantur ad effectum, ut typis

mandentur; secus hoc sine cessante, tradit Man. Rod. *tom. 2. qq. regul. q. 104. art. 1. fine*, Barbosa alios referens, *3. p. de potest. Episc. alleg. 90. in fine*.

Sed inquires, an si imprimas librum falso nomine authoris supposito, pecces aduersus hanc legem Concilij?

Credo te peccare, quia verè ille liber est absque nomine authoris, omniâque inconuenientia, quæ Concilium intendit vitare in libris sine nomine authoris, procedunt, cum sub nomine ficto imprimitur. Non enim author tunc conueniri potest, ut rationem reddat de doctrina asserta. Quapropter inter modos perniciosos falsificandi libros hic enumeratur à Pegna *direct. inquisit. 2. p. com. 17. ad cap. nonerit, vers. denique qualis sit, & seqq.* Farinac. *de hæresi, q. 180. num. 14.*

5 Quartò dicendum est de retinentibus, defendentibus, asportantibus, vendentibus, & eumentibus; si enim hi libros hæreticorum, in quibus hæreses disseminantur sunt, scienter retineant, defendant, asportent, &c. sine dubio hæresis suspecti sunt, quod multis relatis docent Pegna *2. p. director. com. 3. ad cap. fraternitatis, versic. sed alter casus*. Martin. Deltio *lib. 5. magice sect. 17. vers. sunt etiam*. Menoch. *de præsumpt. lib. 5. præsumpt. 6. num. 18. Farinac. de hæresi, quæst. 180. num. 8. Azor lib. 8. c. 16. q. 10. Quod verum est, etiam si nunquam sic retinentes libros legerint, sic Decian. tract. crim. lib. 5. cap. 37. num. 55. Farinac. num. 20.*

6 Sed an hæc suspicio leuis, vehemens, violentæ sit? variant Doctores, ut videre est in Farinac. *num. 9. Pegna dicto com. 3. versic. an autem hac suspicio*. Probabilis mihi videtur arbitrio iudicis remittendum esse, qui pro qualitate circumstantiarum aliquando de leui, aliquando de vehementi, aliquando de violenta suspitione reum condemnauit, sic Simanc. *de Catholic. institut. tit. 38. num. 24. Zanch. tract. de hereticis, cap. 7. num. 7. Albertin. tract. de agnoscend. assert. Cathol. quæst. 28. num. 26. & 30. Menoch. lib. 5. præsumpt. 6. num. 18. Mascard. tom. 1. conclus. 862. num. 7. & seqq. Paramus de orig. inquisit. lib. 3. quæst. 9. num. 147. Pegna, & Farinac. *suprà*. Aduerto tamen aliquando ex retentione, vel asportatione librorum, nullam hæresis suspicionem oriri in retinente, aut asportante, quia probatur per indicia ferè manifesta omnino ignorasse qualitatem illorum librorum: sic Lælius Zech. in summ. *1. p. tit. de fide. rubr. de hæresi, cap. 11. num. 5. versic. tertia præsumptio*. Pegna *com. illo 3. versic. an hac suspicio, & com. 17. versic. ceterum in scripture, & latore*. Farinac. *quæst. 180. num. 9. Quocirca ut sic retinens, vel asportans libros hæreticorum suspectus de hæresi sit, & ut talis possit torqueri, & ad purificationem condemnari, debet esse malæ famæ, malæ vitæ, & conditionis, aut aliàs de hæresi diffamatus; secus verò si bonæ vitæ, & famæ sit, neque vnquam de hæresi suspectus. sic Albert. *suprà num. 25. & 26. Pegna com. illo 3. versic. an autem hac suspicio*. Farinac. *num. 48. Mascard. num. 10. Decian. tract. crimin. lib. 5. cap. 46. num. 26. in fine, & alij*.**

7 Tandem placet aduertere supradictas omnes pœnas intelligendas esse pro fidelibus baptizatis, quia ij solum sunt Ecclesiæ subiecti. At Iudæis non baptizatis si temporali Christianorum dominio subdantur, prohiberi sunt libri hæretici, & nostram religionem impugnantes, vel eorum falsam perfidiam defendentes iuxta constitutionem Iulij III. edita anno 1554. incipiente, *Cum sicut*, & iuxta constitutionem Gregor. XIII. edita anno 1581. incipiente, *Antiqua Iudæorum*. Pœnæ autem pro qualitate criminis arbitrio Inquisitoris imponendæ sunt, sic Pegna *2. p. direct. com. 3. ad cap. fraternitatis, versic. postremo, fol. mibi 94. Bursatus lib. 1. consil. 90. num. 1. & 2. Simanc. de Catholic. institut. tit. 35. rubr. de Iudæis, num. 11. Farinac. de hæresi, quæst. 180. num. 10.*

DISPUTATIO III.

De heresi, & Apostasia à fide.



UPERIORI disputatione egimus de his, quæ communia sunt infidelibus baptizatis, & non baptizatis. In præsentī disputatione agendum est de his, quæ specialiter in fidelibus baptizatis conueniunt. Ij enim tantum (vt iam diximus) Apostataz dicuntur, qui deserunt fidem solemnī ritu Ecclesiæ receptam, siue illam deserant, paganismo, iudaismo, aut heresi.

PUNCTUM I.

Quid sit obiectum heresis, & apostasiæ à fide.

- 1 *Propositio contraria fidei est heresis.*
- 2 *Distinguitur varia contradictio, quæ potest esse.*
- 3 *Propositio heretici omnimodam contrarietatem habet cum obiecto fidei.*
- 4 *Propositio erronea contradicit obiecto fidei, non immediate, sed mediare.*
- 5 *Hæresim sapit propositio, quæ per consequentias moraliter certas obiecto fidei contradicit.*
- 6 *Malè sonat propositio duplicem sensum habens, Catholicum, & hereticum, & frequentius in malum accipitur sensum.*
- 7 *Temeraria, quæ sine regula rationis procedit.*
- 8 *Scandalosa, si occasio sit alteri errandi, vel mali de fide sentiendi.*
- 9 *In qualificandis propositionibus etiam committi possunt supradicti defectus.*

VT definitionem heresis, & apostasiæ à fide colligamus, præmittenda est cognitio obiecti, seu materiæ, circa quam versatur. Materia ergo, & obiectum heresis est, quod obiecto fidei immediate repugnat: cum enim D. Thom. communiter receptus 2. 2. *quest. 11. art. 2.* dixerit heresim esse, quæ fidem corrumpit, infertur sanè obiectum heresis, obiectum fidei corrumpere, illique est contrarium. Ex quo fit quamlibet propositionem ex diametro oppositam propositioni fidei diuina credendam heresim esse, quia est propositio destruens obiectum fidei, & fidem corrumpit.

Aliquibus placet non sufficere hanc directam contradictionem fidei, vt propositio heretica sit, nisi accedat pertinacia in proferente; eo quod contradicere quis potest fidei obiecto ignoranter, quia ignorantia posita hereticus non est: sic docuit Caietan. 2. 2. *q. 11. art. 1.* & ibi Bannes *art. 2.* Sed laborant ij in æquiūoco; aliud enim est loqui de propositione heretica formali, aliud de obiectiua, & materiali. Fateor ergo ad propositionem hereticam formalem, quæ idem est ac heresis, requiri pertinaciam; ac ad propositionem hereticam obiectiuam, seu ad obiectum heresis, pertinacia non requiritur, quia hoc obiectum in sola contradictione cum obiecto fidei consistit.

1 Sed quia hæc contradictio cum obiecto fidei, alia est directa, alia indirecta, alia mediata, alia immediata, alia certa, alia solum probabilis, & secundum apparentiam, propositio fidei contraria distinguitur in hereticam, erroneam, heresim sapientem, malè sonantem, pias aures offendentem, temerariam, scandalosam, blasphemam, & similia, de quarum distinctione latè agit Caietan. *lib. 1. de iusta hereticorum punitione, cap. 3. & seqq.* Catio *lib. 12. de locis, a. cap. 8.* Turrecremata *lib. 4. sum. de Ec-*

clesia, 2. part. cap. 8. Simancas *de catholic. institut. tit. 54.* Albertin. *tit. de agnoscenda assert. fidei, quest. 6. & seq.* Pegna *in director. 2. part. comment. 26. & 27.* Caietan. 2. 2. *quest. 11. art. 1.* Bannes *art. 2.* Lorca *disp. 40.* Torres *disp. 55. dub. 3.* Suarez *de fide, disp. 19. sect. 2.* Coninch *disp. 18. dub. 8.* & constat satis hæc distinctio ex Concilio Constantiens. *sess. 8.* in decreto damnante articulos VVicleph, & *sess. 15.* in decreto aduersus errores Ioan. Hus, & ex Bulla Pij V. & Gregor. XIII. contra Michaëlem Baium.

3 Propositio ergo heretica est illa, quæ habet omnimodam contrarietatem cum obiecto fidei, aliàs fidem destruere non poterit: illa autem dici debet, habere omnimodam contrarietatem, quæ negat quod in se, & expressè est à Deo reuelatum. Cum ergo propositio fidei necessariò debeat niti diuinæ reuelationi, propositio illi contraria negare hoc fundamentum debet. sic omnes Doctores suprà relati. Ex qua ratione conuincitur omnem propositionem hereticam habere æqualem gradum falsitatis, quia quælibet propositio fidei habet æqualem gradum certitudinis; tota enim eius certitudo à diuina reuelatione prouenit, cuius infallibilitas eadem est in omnibus reuelationibus, quia omnes auctoritati diuinæ adherent.

4 Propositio erronea, quatenus ab heretica distinguitur, est quæ contradicit obiecto fidei non immediate, sed mediare, quia non negat obiectum, quod in se est reuelatum; negat tamen obiectum, quod est reuelatum in sua causa. Exemplo rem declaro. Si negares Christum esse visibilem, talis negatio esset erronea propositio, quia negas obiectum, quod in sua causa reuelatum est, licet in se reuelatum non sit: reuelatum namque est Christum esse verum hominem, licet non sit reuelatum esse visibilem. Sed quia ex vno aliud infertur euidenter, inde qui negaret esse Christum visibilem, erraret in fide. Neque obstat negantem hanc propositionem, quæ vocatur Theologica conclusio, puniri tanquam hereticum, quia hoc est, quia non præsumitur negare principium illud euidenter, ex quo conclusio talis infertur, scilicet omnem hominem visibilem esse: si autem hoc principium stultè negaret, vel fingeret Deum separasse illam proprietatem in Christo, non hereticus, sed erroneus esset iudicandus: sic expressè Suarez *num. 15.* Coninch *n. 130.* Torres *disp. 55. dub. 3. & item & aliq.*

5 Propositio heresim sapiens quatenus ab heretica, & erronea distinguitur, & illis minor est, dicitur ea, quæ non per euidentem consequentiam, sed per consequentias probabilissimas, & moraliter certas obiecto fidei contradicit. sic Lorca *disp. 40. num. 10.* Coninch *num. 131.* Suarez *num. 17.* Et ratio est, quia proferens propositionem, sic obiecto fidei contradicentem, suspèctus redditur heresis, efficitur sanè heresim sapere. Apponit Coninch, & Lorca exemplum, vt si quis diceret: stultum, & inutile est venerabile sacramentum solemnī pompa in supplicationibus circumferre, quia per consequentias probabilissimas, & moraliter certas videtur inferri, dissentire Christum ibi esse præsentem. At ego dicerem talem propositionem erroneam, vel hereticam esse; quia contradicit saltem per euidentem consequentiam obiectis reuelatis; reuelatum enim est Christum Dominum in sanctissimo Eucharistiæ sacramento adesse: sed lumine naturæ est notum reuerentiam esse exhibendam sacris rebus. Ergo per euidentem consequentiam infertur non esse stultum, & inutile venerabile Eucharistiæ sacramentum solemniter reuereri, siquidem est res omnium sanctissima.

6 Propositio malè sonans, vt distinguitur à supradictis, & illis est in malitia inferior, dicitur ea, quæ duplicem sensum proprium habet; alium catholicum, alium hereticum: sed quia frequentius secundum sensum

sum hæreticum accipitur, absolute prolata male sonat. sic Lorca *illa disp. 40. num. 15.* Coninch *num. 133.* Suarez *num. 18.* vbi bene aduertit aliquando propositionem esse male sonantem non ex le, sed ex conditione personæ proferentis, eo quod proferens suspectus sit.

7 Temeraria propositio est, quæ in rebus ad fidem, vel bonos mores pertinentibus sine regula rationis procedit: quomodocunque autem quis procedat aduersus receptam Doctorum sententiam, regulariter præsumere potest, sine ratione procedere, quia debet præsumere tot tantisque viros ei contrarios fundamento non caruisse, ac proinde cum se illis opponit, vel non intelligere eorum fundamentum, vel in sua ratione eludi, sic Coninch *num. 133.* Suarez *num. 20.*

8 Scandalosa propositio dici potest quælibet ex supradictis; si occasio sit alteri errandi, vel male de fide sentiendi. Nam cum scandalum sit, quod ruinam proximi parat, propositio, quæ alteri occasionem errandi tribueret, merito scandalosa propositio in materia fidei diceretur.

9 Aduerto tamen cum Suarez *num. 21.* non solum errare posse circa propositionem, sed etiam circa illius censuram. Quare si propositionem de fide, vel theologiam, vel à Doctoribus receptam dicas esse erroneam, vel falsam, vel scandalosam, vel temerariam: errorem committis, vel hæresim sapias, vel temerarius existis, ac si de facto propositionem negares. Quia virtualiter illam negas, & insuper contra rationem nota infami illam innotis. Quocirca si aliquam sententiam in scholis probabilem, tu improbabilem iudicares sine fundamento eidenti, temerarius existeres; quia communi sensui Doctorum aduersariis iudicantium, sententiam illam probabilem esse. Vnde in qualificandis aliorum opinionibus prudentia maxime opus est. Ex quo fit, si Ecclesia definit aliquam propositionem hæreticam, aut temerariam, aut scandalosam esse, credo de fide esse tali censura esse dignam: quia alias obligaremur fateri Ecclesiam errare posse in his quæ ad fidem pertinent, contra Paulum *ad Timoth. 3.* dicentem Ecclesiam esse columnam, & firmamentum veritatis.

PUNCTUM II.

Quid sit hæresis.

- 1 *Definitur hæresis, & explicatur.*
- 2 *Stet ne hæresis cum ignorantia vincibili, & crassa. Proponuntur variae sententiae.*
- 3 *Probabilius est quamlibet ignorantiam excusare ab hæresi iure Ecclesiastico punita.*
- 4 *Proponitur quadam obiecto, & soluitur.*
- 5 *In foro externo allegant ignorantiam non creditur.*
- 6 *Quid si monetur ab Episcopo, Inquisitore, vel alio viro docto de suo errore? Reputandus est in foro externo, & interno hæreticus.*
- 7 *Qua ratione proestatio fidei excuset ab hæresi.*
- 8 *Dubitantem in fide voluntarie aliqui excusant ab hæresi.*
- 9 *Tenendum tamen est hæreticum esse.*
- 10 *Satisfit rationibus, num. 8. adductis.*
- 11 *Circa obiectum fidei sufficienter propositum opinativum assensus haberi potest secundum sententiam Suarez.*
- 12 *Tenendum est contrarium.*
- 13 *Si hæreticus dissentiens speciali revelationi sufficienter proposita? Proponitur dubitandi ratio.*
- 14 *Statuitur hæreticum esse sic dissentientem.*
- 15 *Incidat ne in poenas hæretico positas examinatur?*
- 16 *Dissentiens à fide verbo, vel facto, mente illam retinens non incidit in poenas hæreticorum, neque est propriè hæreticus.*
- 17 *In foro externo alleganti ex animo pravo non fecisse non creditur.*

18 *Negantem propositionem theologiam, qui existit hæreticum esse.*

19 *Verum est præsumi.*

20 *Ad commutendam hæresim non requiritur baptismus, bene tamen ad hæresim ab Ecclesia punibilem.*

1 **O**missis variis huius nominis acceptionibus, de quibus agunt Doctores statim referendi, Hæresis, secundum scriptores Ecclesiasticos ab electione dicitur, non bona, sed mala, quia male elegit, qui relicta vera, probatæque doctrina, singularem, & à proprio iudicio inuentam elegit. Communiter in hunc modum definitur, vt sit error voluntarius, & pertinax contra doctrinam, & veritatem fidei Christianæ. sic Cano *lib. 12. de locis. c. 8.* Coninch *disp. 18. dub. 7.* Suarez *disp. 19. de fide, sect. 1. num. 5. & sect. 3. num. 8.* Bonacina *disp. 2. de censur. q. 5. num. 1.* Farinac. *de hæresi, quest. 178. §. 1. in princ.* Expendo singula: est error voluntarius, quia sine voluntate non est peccatum; est pertinax, quia propriæ adhæret opinioni, videns aduersari Ecclesiæ doctrinæ, nec paratus est corrigi, & emendari. Et quidem pertinaciam ad hæresim requiri ferè omnes Doctores affirmant cum August. relato in *cap. qui in Ecclesia*, 24. *quest. 3.* & Concilio Vienneensi relato in *Clem. 1. de summa Trinit. §. 2.* variant tamen in eius explicatione. Mihi probabilius apparet pertinacem errorem illum esse, qui est ex cognitione oppositionis cum fide; quia vsque quis cognoscit assensum suum doctrinæ ab Ecclesia Romana receptæ contrariari, pertinax censeretur non debet; posita verò illa cognitione, si propriæ opinioni aduersæ doctrinæ Ecclesiæ adhæreat, iam pertinax censendus est; siquidem resistit Ecclesiæ, & per illam non corrigitur: Sanchez *lib. 2. cap. 7. à num. 2.* Valent. 2. 2. *disp. 1. q. 11. p. 1. difficult. 4. ad 2.* Coninch *dub. 7. num. 78. & à num. 93. & seq.* Bonacina *num. 1.* Valquez 1. 2. *disp. 126. num. 6. & alij.*

Pro clariori huius definitionis cognitione sunt aliquæ difficultates enodandæ: Prima, an cum ignorantia vincibili, & crassa, vel affectata stet peccatum hæresis?

2 Plures Doctores sentiunt sufficere primò, quia hæc ignorantia in furto, homicidio, & aliis delictis non excusat. Ergo neque excusat in peccato hæresis. Secundò, qui vincibiliter, & culpabiliter ignorat, peccat contra fidem. Ergo vel paganismo, Iudaismo, aut hæresi, quia non sunt aliæ infidelitatis species. Tertio, quia eiusdem speciei est peccatum ex ignorantia, ac ex malitia, cum species peccati ex obiecto sumatur, non ex modo; sed error contra fidem ex malitia est peccatum hæresis; ergo etiam ex ignorantia culpabili: sic docet Sotus in 4. *dist. 22. q. 2. art. 3. post 5. conclus. casu 1.* Lopez 2. p. *instruit. cap. 20. tit. de excommunicat. reservata in Bulla Cœna, casu 1.* Lorca 2. 2. *q. 11. disp. 41. num. 15.* Alij limitant hanc sententiam ad ignorantiam ita crassam, vt facillimo negotio superari possit: sic Sayrus in *thesauro casuum*, tom. 1. *lib. 3. cap. 4. num. 15.* reputat probabile Valent. 2. 2. *disp. 1. quest. 11. p. 1. difficult. 4. post solutionem ad 4.* Et si contrarium sequatur. Mouentur, quia hæc ignorantia constituit culpam latam, & videtur scientiæ æquivalere. Alij vltèrius limitant ad solam ignorantiam affectatam cum hac dicunt hæresim existere: secus cum alia ignorantia. sic Cano *lib. 12. de locis. cap. 9. & seq.* Nauarr. *lib. 2. de restit. cap. 4. dub. 9. num. 89. in noua edit. & in 1. dub. 8. num. 208.* Valent. *suprà in solut. ad 1.* Corduba *lib. 1. qq. quest. 17. §. 7.* Torres de Trinit. *quest. 32. art. 4. in 2. p. comment. assert. 1.* consentit Sanchez ex parte *lib. 2. cap. 7. num. 23.* & Bonacina *de censuris disp. 2. quest. 5. num. 7.* Quorum fundamentum est, quia sic affectans ignorare, affectat errare; sed qui affectat errare, affectat contradicere Ecclesiæ. Ergo pertinaciter se illi opponit. Ergo est hæreticus. Quapropter solet dici ignorantiam affectatam

statam non minuire peccatum, sed aggravare, & scientia in omni materia æquivalere.

3 Nihilominus probabilius censeo, quamlibet ignorantiam etiam affectatam, quæ causa sit erroris, excusare à peccato hæresis, cui excommunicatio, aliæque pænæ Ecclesiasticæ imponuntur: docet hanc sententiam Azor tom. 1. lib. 1. instit. moral. cap. 14. quæst. 9. & lib. 8. cap. 8. quæst. 4. & cap. 9. quæst. 8. Aragon 2. 2. quæst. 11. art. 1. vers. propter hæc argumenta. Bannes art. 2. vers. sed quæret quis. Coninch disp. 18. dub. 7. conct. 4. & 5. Suarez disp. 19. sect. 3. à num. 9. & præcipue num. 18. Farinacius de hæresi, quæst. 179. num. 29. & 30. Moueor, quia impossibile est te voluntariè contradicere Ecclesiæ authoritati, in quo pertinacia consistit, nisi cognoscas Ecclesiam contrariam tibi esse, ut multis allegatis docet Farinacius de hæresi, q. 179. §. 1. n. 1. sed cum ignorantia affectata, quæ causa sit erroris, non stat hæc cognitio. Ergo non stat pertinacia. Et confirmo, si voluntatem habes mutandi sententiam propriam, quoties videris Ecclesiæ definitioni contradicere, nullo modo potest dici pertinax in tuo errore; siquidem paratus es corrigi: sed cum ignorantia affectata potest esse talis voluntas. Ergo. Probo minorem; quia affectare potes nescire, quodd doceat Ecclesia, ne cogaris aliud sentire. Ecce affectas ignorantiam, quæ tamen non obstat, sed potius includit voluntatem obediendi Ecclesiæ, cum tibi clarè fuerit propositum.

4 Dices, si affectas ignorantiam, ex eo quodd parvipendeas Ecclesiæ authoritatem, es verus hæreticus; quia non es paratus corrigi ab Ecclesia. Item si erras ex affectu liberiùs errandi, error est summè voluntarius. Ergo ignorantia affectata constituit hæresim.

Respondeo, in supradictis casibus te committere hæresim, non in errore procedente ex affectata ignorantia, sed in errore voluntario, qui procedit ex scientia, quo despicias Ecclesiæ authoritatem, hic enim despectus hæresis est, quia est negatio infallibilis authoritatis. Similiter dico, cum erras ex affectu liberiùs errandi; aut enim scis te errare, aut ignoras: si scis te errare, scire debes tuum assensum Ecclesiæ esse contrarium, & sic cessat ignorantia, & succedit scientia: si autem ignoras te errare, & ita es affectus errori, ut quamvis scias Ecclesiam in contrarium procedere, non derelinquas, committes hæresim: si autem hab eas voluntatem relinquendi errorem; si cognoscas esse Ecclesiæ contrarium, non debet censerì pertinax; & ex his solvantur fundamenta contraria.

Ad tria priora fundamenta, admitto in materia iustitiæ, & charitatis, & honestatis, &c. non excusare ignorantiam à peccato proprio contra illas virtutes, quia ignorantia non mutat peccati obiectum, sed modum operandi magis, vel minus voluntarium: at in materia fidei mutatur obiectum ex ignorantia, vel scientia; cum enim obiectum fidei sit divina revelatio ab Ecclesia proposita, & hæc in errore commisso ex ignorantia etiam affectata occultatur, non potest error tunc commissus contradicere tali revelationi ignoratæ, ac proinde non potest eum fide habere oppositionem; siquidem non habet cum illius obiecto. Quapropter si bene perpendatur error sic commissus, non est peccatum directè contra fidem, sed contra obligationem sciendi res fidei; quia tota eius malitia non tam ex errore positivo, quàm in defectu huius obligationis, ex quo talis error nascitur, consistit.

Ad fundamentum illud de ignorantia affectata, nego affectantem ignorare, affectare directè errare, sed indirectè tantum, quatenus sequitur error ex omissione obligationis sciendi quæ sint ab Ecclesia revelata. Ex huiusmodi affectu erroris indirectè non sequitur, quodd affectet contradicere Ecclesiæ formaliter, sed solum materialiter: in qua contradictione formali stat hæ-

resis, non in contradictione materiali. Ad illud quod addebatur, concedo ignorantiam affectatam non minuire gravitatem peccati in sua specie; nego tamen transferre peccatum ad aliam speciem hæresis, sed relinqui peccatum in specie erroris contrarij obligationi sciendi quid sit revelatum.

5 Aduerto tamen pro foro externo, errans in fide, si alleget ex ignorantia errasse, non creditur, si error commissus sit in his, quæ quis ex officio scire teneretur, vel quæ passim, & communiter omnes illius qualitatis sciunt. Vnde Sacerdotes, Episcopi, & alij viri docti errantes in articulis fidei, & præceptis Decalogi, ex malitia præsumuntur errare, & non ex ignorantia. sic Menoch. consil. 82. num. 175. Farinacius de hæresi, quæst. 179. n. 27. & 28. Simancas de catholicis institut. tit. 27. rubr. de fide catholica, num. 13. Decian. in tractat. crimin. lib. 5. cap. 37. num. 15. Pegna direct. 1. part. quæst. 7. comment. 22. vers. secundum regulam.

6 Sed inquires primò, an supradictus errans ex ignorantia si moneatur ab Episcopo, vel Inquisitore, vel alijs viris doctis de suo errore, & adhuc perseveret in illo credens non esse contra Ecclesiæ definitionem, verè sit hæreticus, & fidem amittat? Alij affirmant, ut videre est apud Sanchez lib. 2. cap. 7. num. 26. Alij negant, quibus adhæret ipse Sanchez motus ea ratione, quia sola Ecclesia est regula veritatis; Episcopi verò, & Inquisitores, aliique viri docti falli, & fallere possunt. Ergo discredens illis, & credens Ecclesiæ, non est hæreticus, quia non pugnat cum Ecclesia. Breuiter tamen respondeo tam in foro externo, quàm interno tanquam hæreticum pertinacem reputandum esse, quia satis pertinax ostenditur, qui suo cerebro ductus contemnit Ecclesiæ authoritatem per magistros ipsius declaratam. Illa enim declaratio solemnìs, & publica, qua testantur homines ita gravissimi mysterium illud receptum esse ab Ecclesia, facit evidentiam moralem mysterium illud ab Ecclesia receptum esse. Ergo si evidentiam habeas quodd sit euidenter credibile quidquid ab Ecclesia Romana proponitur, & discredis mysterio sic proposito; verè, & in rigore Ecclesiæ authoritati contradicis. Aliàs nullus esset censendus hæreticus, quia nullus est qui Ecclesiæ veræ, & à Christo institutæ non intendat credere; sed quia huic intentioni censetur contradicere, cum negat quæ illi proponuntur esse recepta ab Ecclesia Romana; ideo hæreticus iudicatur. Adde rarum esse, cui Ecclesia Romana immediatè mysteria credenda proponit, sed proponit medijs Episcopis, pastoribus, & Doctoribus. Ergo si mysteriis ab iis propositis non teneris credere fide diuina, nunquam teneris credere. Denique in foro externo iudicandus esses hæreticus, & pertinax, si mysteriis ab Episcopis, & Inquisitoribus propositis dissentires, ut tradit Bart. l. tutor. §. tutores, num. 1. ff. de suspensis tutoribus. & ex illo Rebuff. praxi beneficiaria in Bulla Cane, excommunicat. 1. art. 1. verbo hæresis, vers. quæret quis. Vgolin. de censuris Pontificis reservatis, 2. part. cap. 1. §. 1. num. 1. Pegna direct. 1. part. comment. 26. ad quæst. 12. & alij ab eisdem relati. Ergo etiam in foro interiori censendus es hæreticus, quia illud iudicium non nittur aliqua falsa præsumptione, sed veritate, qua iudicatur dissentientem mysteriis sic propositis Ecclesiæ authoritatem voluisse contemnere. Neque obstat ratio in contrarium; concedo namque neminem præter Romanum Pontificem esse regulam veritatis, sed non obinde infertur te non esse obligatum credere, quæ tibi viri docti proponunt, quia non obligaris credere tanquam ab ipsis proposita; sed tanquam proposita ab Ecclesia medijs illis viris doctis, quos Ecclesia ut procuratores suos assumit; quare illi non solum tibi proponunt mysteria credenda, sed proponunt tibi esse ab Ecclesia Romana proposita: & cum in hoc secundo nulla possit esse moralis dubitatio, sit sanè te sic dissentientem, dissentire Eccle

Ecclesiæ propositioni sufficienter manifestatæ, ac proinde hæreticum esse, & ita docet Suarez *disp. 19. sect. 3. num. 21.*

Aduertit tamen benè Sanchez *lib. 2. in Decal. c. 7. n. 26.* cum Tolet. *lib. 4. sum. cap. 3. n. 8.* & tradit Farinac. *de hæresi, q. 179. §. 2. n. 14.* facilius hominem doctum pertinacem hæreticum esse iudicandum, si dissentiat à ceteris fidei propositis, quàm hominem rusticum, qui ignorare facile potest regulas fidei, & obligationem credendi.

7 Sed inquires secundò, an protestatio pertinaciam excludat? Pono protestationem fidei esse fidei professionem: sic ex communi sententia docet Simancas *de Catholicis institutis, §. 5. rubr. de protestatione, num. 3.* Albertin. *in tract. de agnoscend. asserti. Catholic. & hæres. q. 12. num. 2.* Pegna *director. 1. p. q. 12. com. 26. vers. protestatio.* Hæc autem fidei protestatio excusat protestantem, si postea hæresim committat, ne præsumatur commisisse scienter, & cum pertinacia, ex text. *in cap. dixit Apostolus, 24. q. 3. & ibi glossa, verbo pertinaci.* & tradit Albertin. *num. 6.* Simanc. *num. 4.* Farinac. *de hæresi, q. 178. num. 150.* & alij ab eisdem relati. Sed hoc intelligendum est, cum verba sunt dubia; aut materia circa quam erratur, obscura, & cuius non præsumebatur notitia: secus verò si notitia præsumebatur; tunc enim protestatio ab hæresi non excusat, quia facto ipso protestationem dissoluit: aliàs omnes hæretici excusari possent, cum facillimo negotio possent hanc protestationem facere, & sæpè faciunt, ut sic suauis animos simplicium perueriant. sic Pegna, Simancas, & alij, quos refert, & sequitur Farinac. *toto illo §. 7. a num. 148.*

8 Secundò difficultas est circa illam primam particulam definitionis, in qua dicitur hæresim esse errorem voluntarium. An, inquam, dubium voluntariè habens de fidei mysteriis censearis hæreticus? Dixi, dubium voluntarium: nam sæpè contra voluntatem dubitationes de fide insurgunt, quæ non destruunt fidem, sed potiùs sunt occasionis illam augendi? Signum autem moraliter euidens te his motibus non consentire, est, si tædio afficiaris, cum insurgunt, vel recedunt. Quocirca aprior modus resistendi his motibus est illis non respondere; sed potiùs temnere, & pro nihilo habere: sic omnes Doctores statim referendi. Quare difficultas solùm est de dubio voluntario circa mysterium fidei tibi sufficienter propositum?

Quidam negant sic dubitantem hæreticum esse: ita Canus *lib. 12. de locis, cap. 9. versic. controuersantur autem.* Malder. *2. 2. q. 11. art. 2. memb. 2. §. respondeo.* Mouetur, quia hæreticus est, qui eligit, tunc sequitur opinionem fidei contrariam: at qui dubius est quam partem eligat, cuiue assentiatur, dici non potest eligere opinionem fidei contrariam. Ergo non est hæreticus. Et confirmo. Qui dubius est, an fidei mysteriis assentiatur, indifferens est illis assentiri, vel dissentiri. Ergo non magis dici potest contrariari fidei, quàm fidem amplecti. Secundò fides importat positium assensum intellectus. Ergo hæresis, quæ illi est contraria, positium dissensum importare debet; sed dubium assensum, vel dissensum excludit. Ergo dubium non est hæresis. Huic sententiæ ob has rationes consentit Thom. Sanch. *lib. 2. in Decal. cap. 7. n. 12.* fauet Eman. Saa *verbo hæresis, n. 1. in 1. editioe,* ubi dicit dum quis dubitat, non est censendus hæreticus, in dubio enim non est propriè pertinacia: Limitat autem suam sententiam Thom. Sanch. & Malder. *suprà, memb. 4. vers. nota tamen,* ut intelligatur quoties intellectus perpensis rationibus pro vtraque parte suspendit iudicium, quia tunc formaliter dubius manet; secus verò si supra suum dubitandi actum reflecteret, & iudicaret rem esse dubium, aut sub opinione: nam in tali iudicio hæresim committeret, & paulo inferiùs subdit hoc iudicium moraliter loquendo semper cum dubitatione circa res fidei coniungi.

9 Cæterùm tenenda est communis sententia dubitantem deliberare de rebus fidei sibi sufficienter propositis esse hæreticum: sic docent plures relati à Sanchez *num. 11.* & tenet Suarez *de fide disp. 19. sect. 4. n. 10.* Coninch *disp. 18. dub. 7. conclus. 6. num. 102.* Bonacina *disp. 2. de censur. quest. 5. punct. 1. num. 3.* Prosper Farinac. *de hæresi, q. 178. §. 4. n. 90.* ubi innumeros refert August. Barbosa *de potest. Episc. allegat. 40. num. 16.* & est decisio textus *in cap. 1. de hæreticis,* ubi ad litteram dicitur, *dubium in fide infidelis est.* Neque intelligi potest de infidelitate negatiua, quia hæc solùm est in eo, qui fidem non recipit: qui autem baptizatus est, infidelitatem negatiuam habere non potest, sed positiuam; quia non potest amitti fides, nisi per actum fidei contrarium. Item probari potest ex Concilio Viennensi relato *in Clement. 1. de summa Trinitate, & fide Catholica. §. porò,* ubi vertens in dubium, an anima rationalis sit forma humani corporis, & in eo pertinaciter hærens, hæreticus censetur, eiùsque doctrina inimica Catholicæ religionis. Idemque traditur in Concilio Lateranensi à Leone X. *sess. 3.* Neque valet dicere hæc decreta loqui de præsumptione fori externi, quia non solùm de dubitante, sed etiam de ipsa doctrina loquuntur supradicta decreta, & dicunt esse contrariam Catholicæ fidei: at in doctrina non potest admitti præsumptio, sed veritas. Ratione manifeste probatur, quia tunc deliberatè, & peccaminosè dubitas de rebus fidei, cum iudicas res fidei non esse dignas certò, & infallibiliter credi; sed iudicare deliberatè res fidei tibi sufficienter propositas non esse dignas certò, & infallibiliter credi, est hæresis manifesta. Ergo si deliberatè dubitas de rebus fidei, hæresim committis. Discursus est legitimus, & sola maior propositio indiget probatione, quam sic probò. Ponamus tibi representari obiectum fidei, & rationes, quæ ad eius assensum sufficienter mouent, tempore quo non obligaris fidei actum elicere, absque vlla culpa potes suspendere actum. Ergo suspendere actum fidei non est dubitare de fide. Ergo ad dubitationem peccaminosam, & voluntariam aliquid ampliùs requiritur. Sed hoc esse non potest, nisi iudicium, quo iudicas obiectum illud sic tibi representatum non esse dignum certò credi; sed esse dubium, & incertum: neque enim apparet, in quo aliud possit consistere. Ergo. Et confirmo: circa obiectum tibi certissimum, potes inuestigare rationes pro vna, & altera parte abique villo assensu, vel dissensu: neque ex tali inuestigatione argui potes dubitare circa illud; aliàs sapissimè Sancti dubitarent de mysteriis reuelatis. Ergo ad dubitationem assensus, vel dissensus suspensio non sufficit, sed requiritur insuper iudicium, quo iudicetur obiectum illud dubium esse, & incertum, & indignum certa credulitate. Deinde dubitans de fide fidem destruit; hoc enim necessariò in homine fidei firmitatem in credendo supponit, iuxta illud Athanasij symbolum. *Hæc est fides Catholica, quam nisi quisque fideliter, firmiterque crediderit, saluus esse non potest;* sed fides non destruitur nisi per infidelitatem positiuam, hæresim scilicet, paganisum, vel Iudaismum. Ergo talis dubitatio hæresim, paganisum, vel Iudaismum continet.

10 Ex his fit satis argumentis contrariis. Fateor namque dubium non includere assensum, neque dissensum circa veritatem obiecti, de quo dubitatur; quia neque assentiris ita esse, neque dissentiris illi, sed prorsus suspendis actum: at cum hac suspensione stat optimè te habere iudicium, quo iudices illud obiectum non esse omnino certum, sed dubium, quod iudicium necessariò debes habere, ut verè dicaris de illo obiecto peccaminosè dubitare; ac proinde nunquam dari potest dubium sine positiuo actu, & errore.

11 Tertia difficultas est, an circa obiectum fidei tibi sufficienter propositum possis opinionem habere? Suarez *disp. 19. sect. 4. num. 16.* sub distinctione respondet:

Si ita opinatiū obiecto fidei assentiāris, ut per actum reflexum iudices obiectum fidei non esse dignum firmitiori assensu, tale iudicium hæreticum est: si autem abstrahas à tali iudicio, potes de obiecto fidei opinionem habere, considerans solum motiū humanum, vel rationem probabilem. Mouetur primò, quia credere fidei obiecto ob motiū humanum non est peccatum; sed potiùs frequenter vñtatum à fidelibus, quia talis credulitas cum fide non pugnat: ea enim de causa diximus cum fide posse esse opinionem. Item talis assensus opinatiuus, non est error, sed potiùs veritati conformis. Ergo, Malder. 2.2. *quest. 11. art. 2. membr. 2. §. obijciunt tertio*, dicit te peccare si pertinax adhæres assensui opinatiuo, non tamen esse hæreticum.

12 Cæterum tenenda est communis sententia asserens te non posse de obiecto fidei sufficienter proposito opinatiuum assensum habere; quin sis formaliter hæreticus. sic docet Azor *tom. 1. lib. 8. cap. 9. quest. 6. Castro lib. 1. aduersus hæreticos, cap. 10. init.* Aragon 2.2. *q. 11. art. 2. dub. 2.* Lorca *ibid. disp. 42. num. 7.* Coninch *disp. 18. dub. 7. num. 105.* & videtur clara sententia D. Thom. 1. *part. quest. 32. art. 4.* & D. Augustin. *lib. 8. de Trinitate, cap. 5.* vbi loquens de beatissima Virgine inquit: Itaque salua fide licet dicere, forè talem habebat faciem, forè non talem; forè autem de virgine natus est Christus, nemo salua fide Christiana dixerit. Ratione autem probatur. Nam assensus opinatiuus de aliquo obiecto necessariò indicat obiectum ita esse verum, ut possit esse falsum, vel econtrà, quia iudicat obiectum non esse omnino certum. At talis assensus includit errorem in fide. Ergo non potest esse cum obiecto fidei sufficienter proposito.

Neque obstant contraria. Concedo te posse assentiri mysteriis fidei sub aliqua ratione probabili; qualis est dictum alicuius hominis: nego tamen te habere tunc opinatiuum assensum de illo mysterio absolute, non enim iudicas absolute illud mysterium probabile esse, seu non esse omnino certum, sed iudicas in actu exercito non esse omnino certum ex vi illius rationis, quæ actus contrarius fidei non est, quia eius probabilitas potiùs circa rationem motiuam versatur, quàm circa mysterium, quod rationi motiuæ subest. Quapropter semper dixi te non posse habere opinionem de obiecto fidei absolute sumptò, & tibi sufficienter proposito fide diuina credendo.

13 Quarta difficultas est, an dissentiens speciali reuelationi tibi sufficienter ad credendum propositæ hæreticus sis, & punibilis ab Ecclesia? Ratio dubitandi est, quia sic dissentiens non est Ecclesiæ Catholicæ contumax, siquidem ipsa Ecclesia talem reuelationem credendam non apponit. Ergo non est hæreticus; ergo neque punibilis: & ita tenet Lorca 2.2. *q. 11. disput. 39. num. 2. & 4.*

14 Nihilominus dicendum est, te fore hæreticum, si reuelationi diuinæ tibi sufficienter propositæ dissentias. sic docent Azor *tom. 1. lib. 8. cap. 9. quest. 4.* Sanchez alios referens, *lib. 2. cap. 7. num. 32.* Coninch *disput. 18. dub. 7. num. 118.* Suarez *disp. 19. sect. 5. num. 11.* Ratio est, quia tota malitia hæresis sita est in contemptu primæ veritatis sufficienter propositæ: qui enim sic discredidit, quod prima veritas dicit, mendacem Deum facit; at qui discredidit reuelationi speciali, eodem modo primam veritatem contemnit, & mendacem Deum facit, quia Deus idem est, siue publicè, siue particulariter reuelans. Ergo est hæreticus. Neque hæresis necessariò petit contumaciam aduersus Ecclesiam formaliter, sed aduersus Deum reuelantem.

15 An verò hic hæreticus incidat in excommunicationem, & alias hæreticorum pœnas? Sanchez *num. 32.* & Coninch *n. 20.* existimant incidere, si in actum ex-

ternum prodeat: quia licet Ecclesia non proponat illam veritatem credendam; at proponit credendam summam, & primam veritatem reuelantem, cui propositioni obstitis negans illam reuelationem: & confirmat Sanchez exemplo illius, qui negaret aliquid, existimans esse ab Ecclesia propositum, cum tamen non sit, qui verè hæreticus esset, & pœnas incurreret.

Cæterum credo ob solum dissensum specialis reuelationis non posse aliquem pœnis Ecclesiasticis puniri. sic Azor *tom. 1. lib. 8. cap. 9. q. 4.* Cordub. *lib. 1. q. 17. §. 1. dub. 2. vers. responder magister.* Suarez *disp. 19. sect. 5. n. 12.* Moueor, quia mihi videtur impossibile talem dissensum manifestari posse esse contrarium fidei: cum enim supponamus reuelationem illam esse specialem, neque alteri cognitam præter illum, qui illam habet, quomodo constare potest aliis, cum tu dissentis reuelationi, verè dissentire, erat enim ad huiusmodi manifestationem omnino necessarium reuelationem clarè cognosci. Dixi, ob solum dissensum specialis reuelationis: nam si dissensus est non reuelationi speciali, sed generali, & à tota Ecclesia propositæ; clarum est sic proferentem incidere in pœnas iuris, modò dissensus manifestus sit. Vnde qui diceret primæ veritati per priuatam reuelationem manifestatæ non esse credendum, hæreticus punibilis ab Ecclesia esset, quia negat propositionem à tota Ecclesia receptam. Idem dicendum est in casu quo quis negaret aliquam propositionem, putans esse ab Ecclesia definitam, quæ tamen non est, licet hæresim committat, ut bene dicit Sanchez *suprà n. 30.* & Farinac. *de hæresi, quest. 179. §. 1. n. 2.* at si manifestet se nolle credere, quod existimat ab Ecclesia esse definitum, pœnas non incurrat, & tradit expressè Suarez *disput. 2. sect. 2. num. 10.* vbi apponens signa, quibus hæreticus exterior constituitur, dicit: Si quis veram propositionem credat cum animo deliberato non credendi contrarium; etsi Ecclesia illud definiat, quamuis rem creditam exterius proferat, si animum suum non declaret, non incurrat excommunicationem, quia nondum est hæreticus exterior.

16 Quinta difficultas est, an negans fidem verbo, vel facto tantum, interiùs retinens assensum, committat hæresim punibilem ab Ecclesia? Concedunt aliqui, quia Ecclesia non iudicat de occulta intentione, sed de exteriori actu. sic Caietan. 2.2. *q. 11. art. 2. fin.* Cæterum tenenda est communis sententia negans hunc esse hæreticum, pœnasque incurrere. Quòd autem hæresim non committat est manifestum, quia hæresis est peccatum fidei oppositum: fides autem consistit in voluntario assensu intellectus diuinæ reuelationi. Ergo hæresis debet necessariò consistere in voluntario dissensu illius. Ergo cessante dissensu intellectus, cessat peccatum hæresis formaliter. Ex quo fit cessare etiam debere pœnas hæreticis impositas; quia pœnæ non sunt extendendæ ad alia delicta, præter ea, quibus impositæ sunt, & ita tenet pluribus relatis Sanchez *lib. 2. c. 7. n. 8.* Lessius *lib. 2. cap. 43. dub. 2. num. 11.* Suarez *5. tom. in 3. part. disput. 4. sect. 2. num. 12. & disput. 21. sect. 2. n. 3. & de fide, disp. 14. sect. ult. num. 3.*

17 Aduerto tamen pro foro externo hunc sic negantem verbo, vel facto fidem, ei non credi alleganti se fecisse absque intentione; quia stat aduersus illum præsumptio, cum nemo ferid præsumatur dicere, vel facere, nisi quod sentit. Aliàs si excusatio hæc hæreticis prodesset, omnes impuniti euaderent, siquidem facillimo negotio hanc possent excusationem assumere, Simancas *de cathol. instit. tit. 13. n. 15.* Repert. inquisit. verbo *probatio, vers. nota.* Rojas *tract. de hæresi. 1. part. n. 304. & seqq.* Farinacius *de hæresi, q. 179. num. 55. & seqq.* vbi concludit Doctoribus hinc inde adductis reum si delictum confiteatur, & intentionem neget, torquendum esse super intentione, & non relaxandum; secus verò si non solum

confiteatur delictum, sed de illo sit convictus: tortus autem super intentione, si negans perstiterit, non est incendenda purgatio, & abiuratio, si sufficienter tortus fuit; secus verò si non fuit sufficienter tortus, quia per torturam indicia purgavit. sic tradit Farinac. *suprà* n. 61. iunctis iis quæ dicit q. 185. n. 126. & seq. Simanc. de cathol. instit. tit. 56. rubr. de purgat. canon. n. 17. Franc. Pegna direct. 3. par. rub. de tertio modo terminandi processum, n. 157. comment. 39. I. & part. 2. comment. 14. ad cap. inter sollicitudines, de purg. an. vers. atqui ex hac interpretatione.

18 Sextò diffcultas est, an negans propositionem theologicam committat hæresim, vel quod peccatum sit?

Aliqui affirmant hæresim committere, quia saltem mediàtè diuinæ revelationi opponitur. sic Valent. 2. 2. disp. 1. q. 11. p. 1. diff. 3. Cano lib. 12. de locis theolog. cap. 9. col. 15. versenim verò. Bonacina disp. 2. de censur. q. 5. n. 5. vbi licet in princ. numeri dixerit hunc præsumi, in fine dicit excommunicationem contrahere.

19 Tenendum tamen est hæreticum non esse, bene tamen præsumi. sic Aragon 2. 2. quest. 11. art. 2. versic. his tamen non obstantib. Sanchez lib. 2. in Decalog. cap. 7. n. 33. & cap. 8. num. 12. Suarez disput. 19. de fide. sect. ult. num. 3. & seqq. Ratio prioris partis est, quia stare optimè potest, ut quis credat quidquid à Deo revelatum est, cum negatione alicuius propositionis theologicæ, eo quod sibi non videatur rectè deduci, ex principio revelato, & evidenti, vel ex eo quod principio evidenti non assentiatur. Ergo negare propositionem theologicam non est hæresis. Adde, hæresis esse non potest, nisi dissensus obiecti revelati. Conclusio theologica non est revelata. Ergo eius negatio non est hæresis. Si autem inquiras, in qua peccati specie debeat constitui? Mihi probabilius apparet per se, & formaliter ad vitium curiositatis studiositati oppositum in materia omnium gravissima pertinere; quia temerè, & imprudenter conatur scire contra id, quod ab omnibus receptum est; per accidens tamen ad hæresim pertinet, quia in proximo periculo labendi contra fidem negans inducitur. Secunda autem pars conclusionis, quod scilicet negans propositionem theologicam præsumatur hæreticus, videtur manifesta; quia nemo præsumitur negare propositionem theologicam, ex eo quod principio evidenti, & illationi evidenti non assentiatur; sed ex eo quod non assentiatur principio supernaturali fidei. Quapropter si in illa negatione perstiterit, tanquam hæreticus negans principium revelatum est puniendus, ut bene Sanchez lib. 2. in Decalog. cap. 8. num. 12.

20 Septimò difficultas est, an ad hæresim punibilem ab Ecclesia requiratur baptismus? Dixi, ad hæresim punibilem: nam ad hæresim credo tanquam certum baptismum non requiri; cum enim tota malitia hæresis sita sit in dissensu alicuius veritatis revelatæ, & hunc dissensum æquè habere potes, siue baptizatus sis, siue non; manifestè sequitur ad hæresim baptismum non requiri. Adde ex recepta sententia, ut in superiori disputatione diximus, tres tantùm species inveniuntur infidelitatis, hæresis, paganismus, & Iudaismus: sed qui confiteretur, & negat eius sacramenta, quamvis baptizatus non sit, non est Iudæus, neque paganus. Ergo est hæreticus. Ergo ad hæresim baptismus non est necessarius.

At licet ad peccatum hæresis baptismus necessarius non sit, est tamen necessarius, ut hæresis, Iudaismus, & paganismus punibiles sint ab Ecclesia. sic docent Azor tom. 1. lib. 8. institut. moral. cap. 9. quest. 3. Simancas de catholic. instit. tit. 31. num. 6. Suarez 5. tom. de censuris, disp. 21. sect. 2. num. 4. & de fide, disput. 19. sect. 5. num. 8. Sanchez lib. 2. cap. 7. num. 34. Farinac. innumeros referens, de hæresi, quest. 178. à num. 128. 131. & 135. Ratio est manifesta, quia baptismus est ianua, per quam in Ecclesiam

quis ingreditur, & eius iurisdictioni subditur. Quapropter Concilium sess. 14. cap. 2. dixit Ecclesiam in neminem exercere iurisdictionem, qui non prius in ipsam per baptismi ianuam fuerit ingressus. Ergo cum Ecclesia iurisdictionem non habeat in non baptizatos, non potest illos punire. Ex quo fit, si catechumenus à fide, quam intendebat suscipere, recedat, non posse eius peccatum ab Ecclesia puniri, quia verè non fuit in Ecclesiam ingressus, & tenet Azor, Suarez, Sanchez, Simancas, Farinacius *suprà*. Quod si baptismum suscepit, sed invalidum ex defectu formæ, materiæ, vel intentionis, aliqui existimant sic recedentem à fide puniri per Ecclesiam posse; quia iam ex voluntate videtur subiectus, & quasi obligatus mandatis Ecclesiæ parere. sic Simancas de catholic. institut. tit. 31. num. 5. Gabr. 4. distinct. 13. quest. 2. art. 1. vers. nota tertio. Alphons. de Castro lib. 1. de iusta hæreticorum punitione, cap. 8. Azor tom. 1. lib. 8. cap. 9. quest. 3. versic. si quæras. Farinacius de hæresi, quest. 178. §. 6. num. 135. Contrarium tamen est omnino tenendum, quia si baptismus invalidus fuit, neque imprimat characterem, neque constituit recipientem membrum Ecclesiæ visibilis; aliàs non esset repetendus. Ergo neque potest Ecclesiæ iurisdictioni subijcere recipientem. Et confirmo, si cetero baptizatus verè est extra Ecclesiam, quia est extra verum baptismum; si cetero autem baptismi non potest esse ingressus in Ecclesiam, sed verus baptismus. Quapropter ad hæresim, paganismum, vel Iudaismum ab Ecclesia punibilem, necessariò requiritur, ut hæreticus, paganus, vel Iudæus prius receperit fidem in sacramento baptismi: & ita tenet Sanchez alios referens, illo cap. 7. num. 34. Suarez locis citatis. Quocumque autem modo verè recipiatur baptismus, etiam si fuerit per metum, & iniuriam, iurisdictioni Ecclesiæ manet sic recipiens subiectus, quia verè est intra Ecclesiam, & membrum visibile illius: est textus expressus in cap. maiores, §. num. autem, versic. si opponitur, de baptismo, cap. contra Christianos, de hæreticis, in 6. & tradit Pegna direct. 1. par. quest. 44. comment. 69. versic. iam quæ. Repert. inquisit. verbo baptismus, versic. verum qui fuit baptizatus, & in verbo cogendi, versic. nunc autem, & multis allegari docet Farinacius de hæresi, quest. 178. §. 6. num. 141. & 142.

Quomodo autem hæresis à paganismus, Iudaismo, & apostasia distinguatur, & qua ratione inter se differant, superiori disp. resolvimus.

PUNCTUM III.

An omnis hæresis, aut apostasia pœnis Ecclesiæ subiecta sit, & quoduplex sit hæreticus.

- 1 Hæresis interius tantum consummata pœnis Ecclesiæ subijcitur, ut probabilior sententia fert.
- 2 Debet manifestari exterius verbis, vel factis sufficientibus hæresim exprimentibus.
- 3 Quibus in casibus non debes censeri hæreticus exterius.
- 4 In quibus reputandus es hæreticus.
- 5 De divisione hæretici in affirmativum, & negativum.

1 Circa primum punctum controversia gravis est inter Doctores, an sufficiat hæresis, & apostasia purè mentalis, quæ in corde consummatur ad incurtendas pœnas iure Ecclesiastico introductas. Divisi sunt Doctores, alij affirmant, alij negant, quos accuratè refert Sanchez lib. 2. in Decalog. cap. 8. num. 1. & seqq. Suarez de fide, disput. 21. sect. 2. num. 2. Farinacius de hæresi, q. 192. §. 1. à num. 4. August. Barbosa 2. part. de potestate Episcop. alleg. 40. à num. 6. Verior mihi semper visa est sententia negans hæresim interiori actu consummatam subijci Ecclesiæ iurisdictioni; quia cum talis actus visibilis non

non sit, Ecclesiæ visibili subiici non potest. Item Ecclesiæ non potest de illo iudicare. Ergo neque potest illum punire. Quod si hæresis interior in exteriorem actum prodeat, quamvis occultissimum, & nemini alteri à committente notum, Ecclesiæ iurisdictioni subiicitur, & pœnas à iure statutas contrahit, quia tunc ille actus per se cognoscibilis est ab Ecclesiâ, & solum per accidens ex defectu testium, qui abfuerunt, non cognoscitur. sic Simancas de catholicis institutis. tit. 42. rubr. de occultis, n. 1. & seqq. Bannes 2. 2. q. 11. art. 4. vers. secunda conclusio. Gregor. de Valent. ibi art. 3. vers. sed animaduertendum. Farinacius de hæresi, quæst. 192. §. 1. num. 6. Sanchez lib. 2. in Decal. cap. 8. n. 2. & seqq. Augustinus Barbosa 2. part. de potestate Episcopi, allegat. 40. num. 9. & 10. Suarez n. 6.

2 Quæ autem sint verba, vel facta hæresim interiorem manifestantia, bene explicat Azor tom. 1. lib. 8. c. 10. q. 4. 5. 6. & 7. & seqq. Thomas Sanchez lib. 2. cap. 8. n. 6. Bannes 2. 2. q. 11. art. 4. q. 2. concl. 3. Suarez disp. 21. sect. 2. à num. 8. Breuiter dici potest necessarium esse, vt verba, vel facta sint satis expressiua interioris hæresis, siue hanc expressionem habeant à se, siue ex circumstantiis adiunctis, & ex qualitate personæ; quia hæresis externa cognoscibilis, & punibilis constitui non potest, nisi signis illam sufficienter, & integrè declarantibus. Secundò est necessarium vt signa, quibus hæresim profiteris, sint in materia hæresis peccatum graue, quia hoc solum est, quod excommunicatione, aliisque pœnis punitur; sic pluribus relatis docet Sanchez lib. 2. cap. 8. à num. 7. Suarez disp. 21. sect. 2. à num. 9. Eman. Saa verbo excommunicatione Bullæ, n. 2.

3 Has condiciones pluribus exemplis, & casibus specialibus supradicti Doctores explicant, quos omnes longum esset, & ferè impossibile recensere; si enim supradictæ condiciones bene penduntur, facile est de omnibus iudicium ferre. Claritatis gratia difficiliore percurrâ. Et in primis certum est, si verba, vel facta indifferentia sint, & ex quibus præcisè sumptis non potest colligi hæresis interna, te hæreticum exteriorem non esse, vt contingit, si credens non esse sacramenta, proferas tantum, verè non sunt; quia hæc verba præcisè non denotant hæresim illam mentalem, in hoc enim omnes conueniunt. Et idem est de factis, si credens iurare falsum ob amicum, aut simplicem fornicatio nem non esse peccatum, & de facto iures, vel forniceris, iuramentum, vel fornicatio non. declarant sufficienter tuam hæresim mentalem, cum sæpè ex malitia, & voluntate hominibus placendi, satisfaciendique voluptati fiant: sic omnes relati Doctores. Subdunt tamen si verbis ambiguis, & æquiuocis hæresim interiorem pronuntiares, vt sic peruersitatem tuam melius occultares, te fore hæreticum externum, quia illa verba sufficienter manifestant hæresim, & ambiguitas solum deseruit dissimulationi, quæ non videtur diminuere culpam, sed aggravare. sic Suarez n. 10. fine. Sanchez n. 26. Bonacina disp. 2. de censuris, quæst. 5. punct. 2. num. 6. At hoc crederem intelligendum esse, cum verba non sint perfectè ambigua, sed in malam partem communiter accipiantur, aut ita accipienda esse, obligant aliquæ circumstantiæ. Nam si verba, quæ bonum, ac malum sensum habent, & ex qualitate proferentis, aut aliis circumstantiis ad malum sensum determinati non possunt; non video quæ ratione eorum prolatio hæresim externam, & cognoscibilem constituat, præsertim cum recepta sit Doctorum sententia, verba, vel facta, quæ duplicem sensum habere possunt, Catholicum, & hæreticum interpretanda esse in Catholico sensu, vt aliis relatis docent Rojas in tract. de hæret. 1. p. n. 200. Farinac. q. 187. n. 11. & seqq. Rursus non es hæreticus exterior, si credens non esse Christum in sacramento Eucharistiæ, hunc interiorem actum Confessori, vel amico gratia petendi consilium manifestes, quia illa manifestatio non est peccaminosa,

Ferd. de Castro Sum. Mor. Pars I.

sed bona, & laudabilis, neque est formaliter confessio hæresis, sed narratio hæresis interioris; sicut si alterius hæresim narrares: sic docuit Suarez n. 10. Sanchez n. 19. 20. & 25. August. Barbosa alleg. 40. n. 18. Bonacina supra n. 7. Verum si ex complacentia in hæresim, hæresim manifestes, tenet August. Barbosa n. 19. te fore hæreticum externum, sed credo distinguendum esse, vt distinguit Sanchez n. 21. si enim complacentia manifestetur, & ex illa denotes te in præsentis supradicto mysterio fidei dissentite; clarum est te fore hæreticum externum: at si solum manifestes te aliquando consensisse, & illius consensus habere complacentiam, non es hæreticus externus, quia illa manifestatio non est hæresis confessio, sed narratio hæresis habitæ, qua cum compati fides potest. Vnde Eman. Saa verbo excommunicatione Bullæ Cæna, n. 2. in edit. Rom. dicit, hæreticus non est, qui petit consilium, aut refert hæresim, aut transcribit, etiam si illam interim mente teneat. Item non es hæreticus externus, si in somno, vel ebrietate hæresim interiorem proferas, quia illa prolatio non est voluntaria hæresis confessio. sic Suarez num. 12. Sanchez num. 24. Pegna direct. 3. part. comment. 17. pag. mibi 420.

4 Econtra tunc debes censi verus hæreticus exterior, quando verbum proferas, vel opus facis, aut omitis, ex quo hæresis suspicionem gignis: sic alios referens docet Sanchez n. 15. & 16. quia tunc sufficienter hæresis manifestatur, aliàs rarò hæretici dicerentur manifesti, si hæc verba, vel facta non sufficerent. Ex quo fit, si ritus, & ceremonias, aliæque opera facias, vel omitas, quæ communiter soli hæretici, vel apostatantes à fide faciunt, vel omitunt, hæreticus exterior præsumendus es. Quocirca si cum ex genere Iudæorum sis, festiuitates, Iudæorumque ieiunia obseruas, cum Iudæis conuersaris, Christianos veteres fugis, nomine Iudæo vtaris, ad Iudaismum præsumeris transisse. De his signis latè agit Repert. inquis. verb. cognoscuntur, & verb. commissio. Pegna direct. 2. p. q. 44. com. 69. Decian. in tract. crim. lib. 5. cap. 15. n. 5. & 6. Farinac. de hæresi. q. 178. §. 6. n. 138. Menoch. lib. 2. de arbit. casu 547. Item est sufficiens hæresis præsumptio, si matrimonio copulatus scienter alteri nubas; eaque de causa, de hoc crimine Inquisitores cognoscunt, & de leui suspitione abiurare reum faciunt, sic pluribus relatis docet Farin. q. 178. num. 68. Pegna 2. p. direct. q. 56. com. 81. Menoch. de præsumpt. lib. 5. præf. 6. n. 37. Quocirca si culpabiliter credens licitum tibi esse duas vxores ducere, ducas; hæresim sufficienter manifestas. Item si diebus prohibitis carnes comedas, nulla habita occasione, suspectus videris reddi de præceptis Ecclesiæ non bene sentire; ac proinde, si non bene sentiens carnes comedas, in hæresim exteriorem incidis. sic Sanchez num. 15. Pegna in add. ad Eymer. direct. 2. p. ad cap. 1. de hæret. fol. 87. vers. at si peccatores. Farinac. q. 178. n. 80. Repert. inquis. verbo cognoscere, vers. sed an iudex. Dixi, nulla habita occasione: nam si aliqua prætendi potest, cessat præsumptio, & manifestatio hæresis. Paris. conf. 169. n. 67. Farin. n. 80. vide omnino Pegna direct. 3. p. vbi de signis, quibus proflores variarum sectarum cognoscuntur, eruditè agit, à comment. 23. n. 109. & seqq.

5 Circa secundum punctum, quotuplex sit hæreticus, aut apostasia à fide, communiter Iurisperiti duplicem esse dicunt, affirmatiuus vnus, alius negatiuus. Hæreticus affirmatiuus est, qui hæresim interiorem conceptam verbo, vel opere manifestat. Negatiuus, qui de hæresi legitime conuictus hæresim negat. sic Repert. inquis. in verb. hæreticus, num. 35. & vers. hæreticus negatiuus. Farinacius plures referens de hæresi, quæst. 178. §. 1. n. 19. & 20. Circa quam diuisionem aduerto requiri, vt quis tanquam hæreticus negatiuus condemnatur, & curiæ sæculari puniendus tradatur. Primò quòd verbis, vel factis clavis, & patentibus hæresim manifestauerit. Secundò quòd talis manifestatio per testes contestes,

L I 2

8:

& omni exceptione maiores conuincatur. Nam his duobus stantibus, si quis neget hæresim, conuincitur non se relinquere illam, sed impœnitens existeret; siquidem illam negat, ne abiurare cogatur. sic Albertin. in *tr. de agnoscenda assert. cathol. quest. 34. num. 51. Rojas de hæresic. 1. p. n. 84. & seq. Farinac. de hæresi, quest. 178. §. 1. num. 22. Dixi, per testes contestes: nam si pluribus singularibus testibus conuincatur, non debet tanquam negatiuus condemnari, & curiæ sæculari tradi, sed expectandum est aliquod tempus, & inquirendum, an testes contestes inueniantur, & interim torquendus, ut veritas ex ore ipsius habeatur. Quod si in negatiua perseuerat, quia in hoc casu per torturam non videtur indicia integrè purgasse; ad abiurationem, aliisque pœnitentias arbitrio iudicis imponendas deueniendum est; non autem ad relaxationem curiæ sæcularis. sic Pegna 3. *part. direct. comment. 121. vbi de testibus, pag. mibi 620. ibique optimè declarat, qui dicantur testes singulares. Subiungunt ij Doctores aliam duplicem conditionem. Prima, ut sic accusatus asseruerit prædicta verba, vel facta se credere, & aliis credenda proposuerit. Sed hæc conditio non est diuersa ab ea, qua quis facta hæreticalia facit; tunc enim in actu exercito dicit se illa credere, aliisque credenda proponit, quia nemo præsumitur contra mentem operari. Reflexa autem manifestatio, & in actu signato, (ut dicunt) ad hæresim necessaria non est. Alia conditio est, ut verba, seu facta hæreticalia sint prolata, & gesta de recenti, & non tempore antiquo, de quo præsumi potest obliuio. Sed ut bene dicit Farinac. *num. 2. cum Pegna in direct. inquisit. 2. part. quest. 34. comment. 59. & 3. part. tit. de duodecimo modo terminandi processum, comment. 48. num. 208. attendenda est qualitas hæresis, quæ imputatur. Nam in aliquibus hæresibus hæc obliuio præsumi potest per decennium, aut per quinquennium, vel triennium, arbitrio iudicis: at in factis hæreticalibus grauib, & solemnibus, qualia sunt imagines conculcare, sectam falsam prædicare, templum destruere, in nullo tempore obliuio præsumitur. Vide Pegna *suprad. comm. 59.****

PUNCTUM IV.

An possis, & tenearis omnes apostatantes à fide iudicibus denuntiare.

- 1 *Propositur sententia negans te obligatum esse denuntiare, cum solus delictum nosti.*
- 2 *Contrarium omnino tenendum est.*
- 3 *Quomodo facienda est hac denuntiatio.*
- 4 *An excuseris ab hac obligatione, si speras correctione fraterna hæreticum emendandum? Affirmant aliqui.*
- 5 *Opposita sententia, ut communior, reipublica, religionique utilior amplectenda est.*
- 6 *Hæreticum emendatum Suarez affirmat esse denuntiandum.*
- 7 *Credo denuntiandum non esse, si occultus omnino sit, & tibi constat emendatum esse.*
- 8 *In casu dubio semper intelligitur iudex non ad vindictam, sed ad correctionem procedere.*
- 9 *Quid si sub decreto acceperis.*
- 10 *Ratione damni excusari aliquando potest, sed prudentia opus est.*
- 11 *Socios criminis regulariter obligatus non es manifestare.*
- 12 *Propinquos, & sanguine iunctos hæreticos tenetur quis denuntiare.*
- 13 *Quid dicendum de filio respectu patris, aut e contra? Negant aliqui.*
- 14 *Probabilis est obligatum esse, casu quo alia via hæresim impedire non possit.*
- 15 *Filius in hoc casu à pœnis latis aduersus filios hæretici liberatur.*

- 16 *Quid dicendum de uxore respectu mariti, aut e contra.*
- 17 *Non teneri Inquisitoribus denuntiare, qui ex non subduntur.*
- 18 *Episcopus à iurisdictione Inquisitorum eximitur, & qui nomine Episcopi comprehendantur in hac expeditione.*
- 19 *Eximitur nuntius, seu officialis Pontificis.*
- 20 *Tenearisne hos exemptos Inquisitoribus fidei denuntiare, quando non datur ad Pontificem recursus? Probabilis credo te teneri.*
- 21 *Expenduntur pœna lata aduersus omittentes denuntiationem, cum obligati sunt.*

1 **Q** Vando delictum probare potes, nemini est dubium te posse, & debere denuntiare, ex *cap. quæ propter, 2. quest. 7. & cap. 2. de hæres.* Solùm est controuersia, quando delictum ita occultum est, ut nullus alius præter te conscius illius sit. In quo puncto plures videntur affirmare te deobligatum esse denuntiationem iudicalem facere. sic Ioan. Andr. *cap. nouit, de Iudeis, quem sequitur Villadiego tractat. de hæreticis, q. 10. Rupertorum Inquisitorum verbo denuntiatio, vers. generalis tamen est, & verbo occulta, vers. 2. Gundisal. tract. de hæresic. q. 10. n. 7. & 8. indicat Ioan. à Rojas singul. 3. num. 3. Decianus tract. crimin. lib. 5. cap. 30. num. 4. Ludouic. Paramus de origine sanctæ Inquisit. lib. 3. q. 9. n. 45. Mouentur, quia ad opus inutile, & nocuum nemo obligari potest, sed talis denuntiatio est inutilis, & nociua. Ergo ad illam obligari non potes. Minorem probo esse inutilem, quia iudex ex denuntiatione sic facta non procedere potest ad punitionem delicti, neque ad illius correctionem, quia quilibet horum effectuum supponit probationem integram delicti, quæ haberi non potest. Est etiam talis demonstratio nociua delinquenti, siquidem infamatur nullo fructu ex infamatione obtento.*

2 Tenenda tamen est tamquam certissima communis sententia, hunc hæreticum, & apostatam te obligatum esse denuntiare: sic pluribus relatis docent Azor. *tom. 1. lib. 8. cap. 19. q. 9. Sanchez lib. 2. in Decalog. cap. 32. fin. Simancas tit. 19. Rojas singul. 13. num. 19. & 20. Suarez disp. 20. sect. 4. Bonacina disp. 2. quest. 6. punct. 1. num. 9. Sigismundus Scaccia de indic. cap. 56. Farinacius de hæresic. q. 197. §. 2. num. 36. Augustinus Barbosa 3. part. allegat. 96. num. 51. in medio. Ratio sumitur à contrario fundamento, quia talis denuntiatio est necessaria reipublice, & ipsi delinquenti: ergo est facienda. Antecedens quoad primam partem probo; quia per denuntiationem impeditur, ne hæresis serpat, neve alios inficiat. Tum, quia facta denuntiatione iudex procedere potest ad inquirendum de tali delinquenti, ut dixit Farinac. *de hæresic. quest. 185. num. 64. potestque ipsum denuntiatorem in testem criminis commissi recipere, quia eius testimonium suspectum esse non potest, siquidem illud delictum non est commissum in iniuriam denuntiantis, sed in contumeliam creatoris; neque in suum commodum potius, quàm aliorum cedit punitio, Farinac. alios referens *supra num. 32. Simanc. tit. 19. num. 17. Suarez disp. 20. sect. 4. num. 9. tum etiam, quia hæreticus videns se esse denuntiatum, vel denuntiandum esse, quantumuis occultissimè hæresim manifestet, continebitur timens correctionem, & supplicium. Ex qua ratione probatur ipsi etiam delinquenti denuntiationem utilem esse; tum quia continetur à peccato committendo, tum quia à peccato commissio hac via reuocari potest. Neque obstat denuntiatorem, qui delictum improbabile defert, reputari calumniatorem, & de iure denuntiatorem denuntiationem probare debere, & ei assistere, quia loco accusatoris habetur. l. ab accusatore, §. nuntiatore, ff. ad Turpillianum. & tradit Repert. verbo denuntiatio, vers. an eo ipso. Umbert. locat. in indic. inquisit. eodem verb. denuntiatio, num. 1. Non, inquam, obstat, quia licet de iure denuntiator teneatur probare denuntiationem: ex consuetudine tamen***

tamen contrarium seruatur. & facit *cap. super his, de accusationib.* quia denuntians potest dicere solo zelo boni communis motus delictum declarare, quod præcipue locum habet in delicto hæresis ob eius grauitatem, & periculum infectionis, & bonum commune: & ita tradit Eymers. *director. 3. part. de secundo modo procedendi in causa fidei, num. 68 in princip.* & ibi Pegna *comment. 15.* Scaccia *in tractat. de iudic. causa, cap. 72. num. 4.* Ludouic. à Paramo *de origine sancte inquisitionis, lib. 3. quest. 8. n. 21. & 22.* Suarez *disput. 20. sect. 4. num. 3.* Aduerto obligationem huius denuntiationis esse de hæretico proprio, qualis est perrinax, non de illo, qui per ignorantiam, vel metum in hæresim incidit, & de quo præsumi certò potes monitum corrigendum statim esse. sic Tolet. *lib. 4. summ. cap. 5. num. 1.* Farinacius *de hæresi, quest. 197. §. 2. num. 39.* Bonacina *disput. 2. de censuris, quest. 6. punct. 1. num. 20.* Ex qua doctrina infert non esse denuntiandum concionatorem aliàs religiosum, qui ex incuria, aut inconsideratione aliqua inter concionandum minus consensu protulit, quia non præsumitur iudicio Ecclesiæ voluisse se opponere; excipe, nisi tibi contrarium constaret. sic Bonacina *suprà n. 21.*

3 Quomodo autem hæc denuntiatio facienda est, breuiter, & optime explicuit Pegna *suprà dicto comm. 15.* potest enim fieri verbo, vel scripto, prout denuntianti magis placuerit. sic Iulius Clarus *in practic. crimin. §. fin. quest. 7. versic. vltimus quaro, in fine.* Farinacius *num. 67.* Suarez *disput. 20. sect. 4. num. 3.* & ita vsus obtinuit. Neque necessarium est, vt coram testibus depositio, & denuntiatio fiat; sufficit si Inquisitor medio Secretario illam recipiat. Aduertendum summopere est, si denuntiatio aliqua per epistolam fiat, in qua denuntians nomen suum non subscripsit, non debere, nec posse Inquisitorem ad inquirendum, aut examinandum testes procedere; etiam si in schedula testes aliqui fuerint nominati, quia illa denuntiatio est nullius effectus, & reputanda, ac si facta non esset, aliàs ansa improbis daretur infamandi religiosos viros; sola enim examinatio testium, & inquisitio circa specialem personam est quædam illius infamatio. sic Farinacius *quest. 185. num. 68.* cum Simanca *in enchirid. violata religionis, tit. 22. rubr. de inquisit. ordin. num. 8.* Lælio Zechio *in sum. 1. part. tit. de fide, rubr. de hæresi, cap. 11. num. 12. versic. declaratur.* Ludouic. Paramo *de origin. inquisit. lib. 3. q. 6. n. 91. & seqq.*

4 Restat examinare, an aliquando ab hac denuntiatione facienda excuseris? Circa quod quadruplex venit agitata questio. Prima, an excuseris, si per correctionem fraternam, vel denuntiationem Euangelicam credas hæreticum emendandum, vel fortè iam emendatus sit. Secundò, si sub secreto delictum accepisti. Tertiò, si tibi ex denuntiatione damnum imminet. Quartò, si aliquod sit tibi priuilegium à iure concessum. Circa primam questionem videnda sunt, quæ generaliter dicimus *in tit. de charit. disp. de correct. fraterna, p. 13. 14. & 15.* Quapropter quæ huic loco propria sunt, breui adnotabo. Plures Doctores negant te posse denuntiationem iudicalem facere, si delictum occultum est; (de hoc enim loquimur,) & speras correctione secreta emendandum: sic tenent Gundifalvus *tit. de hæres. q. 10. n. 6.* Repert. *inquisit. verbo denuntiat, versic. an quando proceditur.* Decian. *in tractat. crimin. lib. 5. cap. 30. num. 3.* Martinus Delrio *lib. 5. de disquisit. magic. sect. 4.* Mouentur, quia denuntiatio in tali delicto fieri non potest ad punitionem delinquentis, sed ad illius correctionem, & ad præseruationem damni reipublicæ imminenti: sed hic finis obtineri speratur per correctionem. Ergo non est tunc adhibenda iudicialis denuntiatio. Probo consequentiam: tum quia Christus Dominus tunc dixit Ecclesiæ delictum proximi manifestandum esse, quando proximus correctionem secretam non au-

dit; tum quia charitas obligat medicinam delinquenti adhiberi, cum minori, qua fieri possit, iactura.

5 Nihilominus communior sententia, & reipublicæ melior est, ac proinde seruanda; quæ affirmat te debere omiſsa correctione hæresim occultam Inquisitoribus fidei manifestare: tenet hanc sententiam expresse Simancas *de catholic. institut. tit. 19. rubr. de denunti. n. 10. & seqq. & in enchirid. tit. 23. rubr. de denunti. num. 5. & seqq.* Sigismundus Scaccia *de iudicijs, cap. 16. num. 3.* Rojas *tractat. de hæres. 2. part. assert. 3. & in singularibus fides, singul. 3. num. 11. & singul. 5. num. 21.* Pegna *director. inquisit. 2. part. comment. 2. ad cap. qui alios, de hæres. versic. quod si quaratur, & comment. 18. ad cap. qualiter, & quando, de accusationib. circa finem.* Tolet. *de instrum. sacerdot. lib. 4. cap. 5. n. 1.* vbi solum excipit peccantem ex ignorantia, aut ex metu, non ex malitia. Ioan. Azor *institut. moral. tom. 1. lib. 8. cap. 19. q. 9.* Bannes *2. 2. q. 11. art. 4. versic. sed circa solutionem.* Suarez *disput. 20. sect. 4. n. 11.* Farinac. *de hæresi q. 197. n. 39.* Bonacina *disput. 2. q. 6. p. 1. n. 20.* Ratio est; nam licet in aliquo casu speretur delinquentis emendatio secreta correctione, vel denuntiatione Euangelica: at regulariter præsumi non potest, sed potius credendum se correctum dissimulaturum, vt sic facilius delinquat, & errores diffundat; sed ob hoc periculum boni communis potest Ecclesiæ præcipere, vt sibi delicta immediatè denuntientur. Ergo posito tali præcepto teneretur quis peccata delinquentis omiſsa correctione denuntiare, quantumuis expectetur correctio in aliquo speciali casu, quia tunc finis legis non cessat absolute. Hoc autem præceptum ab Inquisitoribus fidei ponitur, vt testantur Pegna, Simancas, & alij Doctores, & videtur constare ex tenore edicti communiter publicati. Ergo. Neque obstat ratio contraria. Fateor denuntiationem illam fieri, præcipue ad correctionem delinquentis; sed quia rarè, vel nunquam hæc correctio obtineri potest per fraternam correctionem; meritò Ecclesiæ iudices in defensionem fidei præcipiunt ea non obstante delictum manifestare. Neque aduersus hoc præceptum pugnat præceptum à Christo Domino latum de correctione fraterna præmittenda: tum quia Christi præceptum est de peccatis, quæ non vergunt in damnum commune, & tertij, quod satis constat ex illis verbis, *si peccaueris in te*: tum quia loquitur spectatis rebus secundum se; secus verò si ob commune bonum lex aliqua lata esset, quæ casus communiter contingentes respiceret: tunc enim bonum commune particulari est præferendum; & potius spectandum est vitare periculum boni communis communiter contingens, quàm in vno, vel alio casu vitare damnum alicuius delinquentis.

6 Sed quid si iam emendatus delinquens sit, debes ne tunc denuntiare? Affirmat Suarez *suprà*, & mouetur, quia præceptum denuntiationis non est ob specialem correctionem delinquentis tantum; sed præcipue ob correctionem publicam, & securitatem fidelium, qui finis non videtur obtentus delincente emendato, nisi etiam ab Inquisitoribus sit correctus, & punitus.

7 At si delictum occultum fuit, & tibi constat delinquentem esse emendatum, damnumque reparatū; credo te non posse denuntiationem iudicalem facere, quia in tali delicto non potest punitio à iudicibus intendi; ex *cap. inquisitionis, §. tertio. de accusat.* Ratio est, quia punitio intenditur in satisfactionem iniuriæ factæ reipublicæ delinquentis crimine; vbi autem crimen est occultum, cessat iniuria reipublicæ, & consequenter eius satisfactio. Restat ergo, vt solum emendatio delinquentis, & reparatio damni facti intendatur. Ergo si totum hoc præsupponitur factum, vel non est locus, vt fiat, quia iam delinquens è vita discessit, cessabit obligatio denuntiationis, siquidem cessat finis illius. Neque obstat ratio contraria, quia nego finem denuntiationis

in delictis secretis esse correctionem publicam, quia cum non sit publicè damnum factum, non est cur publicè corrigatur. Securitas autem fidelium, si delinquentis sufficienter emendatus sit, obtinetur. Et ita tradit Emanuel Saa *verbo denuntiatio*, in utraque editione, specialiter in Romana, cum Tolero, Soto, & Navarro.

8 Adde in casu dubio, an iudex ad satisfactionem reipublicæ, & delicti commissi vindictam, præcipue ad delinquentis correctionem procedat? Probabilius esse procedere ad correctionem delinquentis: tum quia hic finis benignior est, & Ecclesiæ conuenientior: tum quia procedit per censuras, quæ ad delinquentis correctionem præcipue ordinantur. sic Auila *de censuris*, 2. p. disp. 5. dub. 4. Suarez *de censur. disput. 20. sect. 2. num. 8.* Filiucius *tract. 14. cap. 2. q. 1. n. 28. & 30.* Bonacina *disput. 2. de censuris, quæst. 6. punct. 1. num. 18. sine.* Barbosa 3. p. allegat. 96. num. 69.

9 Circa secundâ quæstionem quando sub secreto hæresim accepisti, an tunc possis, & tenearis manifestare, ac si casu cognouisses? In qua re tenendū est, excepto sigillo sacramenti Pœnitentiæ, te obligatum esse hæreticum pertinacem manifestare, quantumuis sub secreto iurato hæresim cognoueris. argum. textus in *cap. intimamur, de testib. & in cap. non est obligatorium, de regulis iur. in 6.* Ratio est, quia te obligare non potes seruare secretum in detrimentum fidei, bonique communis. est enim illicita talis obligatio, & contra ius naturale; & iuramentum de tali obligatione seruanda, nullum est, utpote de re illicita. sic pluribus relatis Lazarius *de monitorijs, sect. 2. quæst. 16. num. 6.* Bonacina *disput. 2. quæst. 6. punct. 1. num. 7. sine, & num. 23.* Franc. Pegna in *direct. 2. p. comm. 18. ad cap. qualiter, & quando, de accusationib. vers. & obligatio denuntiandi.* Ioan. à Rojas *singul. 3. num. 23. & seqq.* Farinac. *de hæresi, quæst. 197. §. 2. num. 50.* Suarez *disp. 20. sect. 4. num. 16. & 17.* Augustinus Barbosa 3. p. allegat. 96. num. 63.

10 Circa tertiam quæstionem, seu excusationem, an ratione damni emergentis excuseris à denuntiatione faciendâ? Aliqui Doctores non infimæ notæ affirmant, si graue damnum timeas te excusatum fore; quia præcepta diuina, & Ecclesiastica cum tanto rigore non obligant; quare si ex denuntiatione timeas iacturam grauem in re familiari, honore, vel viâ, excusaris à denuntiatione. Et confirmari potest, si cum aliis crimen hæresis commisisti, etiam si tu ab ea desistas, non teneris socios criminis denuntiare, quia obligareris denuntiare te ipsum. Ergo quoties damnum tibi imminet ex denuntiatione, cessare potes à denuntiatione faciendâ.

Cæterum in hac parte prudentia opus est; neque debes tuo consilio duci, sed alieno; attendere enim debes nocumentum, quod reipublicæ obuenire potest ex omiffa denuntiatione: nam si hoc grauius est, neque alia via impediri potest, nisi denuntiatione factâ, sine dubio teneris bonum commune tuo privato præferre. & tradit Rojas *singul. 3. num. 30. versic. septimo ampliat.* At si aliqua alia via damnum commune impediri potest, vel non est ita graue, ut longè præponderet tuo speciali damno, non videris teneri denuntiationem facere. sic Franc. Pegna 2. part. *direct. 9. §. 3. comment. 78. vers. at non videtur.* Sigismund. Scaccia *de iudic. cap. 56. num. 4.* Farinac. *de hæresi, quæst. 197. §. 2. num. 53.* August. Barbosa 3. part. *allegat. 96. num. 70.* vbi relato Antonio Genuens. Vgolino, Posseni. dicit. Nemo tenetur denuntiare, nec testificare, quando probabiliter timet sibi aliquod graue damnum spirituale, vel temporale, siue inimicitiam capitalem euenturum ex reuelatione: consentit Bonacina *de censuris, disp. 2. quæst. 6. punct. 1. num. 5.* Ratio est suprà tacta, quia lex Domini suavis est, eiusque præcepta leuia.

11 Ex qua doctrina infero te non esse obligatum regulariter socios tui criminis manifestare, quia non es obligatus manifestare te ipsum, & sine dubio te ipsum manifestares, manifestato socio tui criminis, quia ille manifestatus, & à te denunciatus, debet interrogatus fortiori ratione te manifestare, quam tu ipsum. sic Suarez *disp. 20. de fide, sect. 4. num. 19.* Dixi te non esse obligatum manifestare socios criminis, intelligo per denuntiationem, & depositionem testis legitimi: secus si ut reus interrogeris, quia tunc deberes socios manifestare, quia deberes integrè tuum delictum confiteri. sic Suarez *suprà*, cum Nauarr. *suprà cap. 18. n. 58.* Sayro in *clauis regia, lib. 12. cap. 19. n. 29.*

12 Secundo infero, quid dicendum, an tenearis propinquos hæreticos, & sanguine iunctos denuntiare?

Responsio communis est, te obligatum esse, quia bonum reipublicæ præponderare debet speciali. Et videtur satis colligi ex *Deuterom. 13.* vbi tanquam lex à natura indicta, dicitur: *Si tibi persuadere voluerit frater tuus, filius matris tue, aut filius tuus, vel filia, sine vxore, quæ est in sinu tuo, aut amicus, quem diligis ut animam tuam, clam dicens, Eamus, & seruamus dijs alienis, &c. non miseraris, ut occulas eum.* Fateor huiusmodi verba solum probare te obligatum esse denuntiare, si propinquus voluit te peruertere; secus si sibi ipsi damnosus est. At quia hoc crimen raro contineri potest, ne alios inficiat, ideo ex illis verbis sufficienter colligitur obligatio propinquos denuntiandi. Adde obligationem non tam oriri ex propria iniuria, quàm ex iniuria religioni factâ, & quæ faciendâ timeatur.

13 Solum est inter Doctores aliqua controuersia, an filius possit, & teneatur patrem hæreticum denuntiare. Negant Simancas *de cathol. institut. tit. 29. num. 47. & seq. & tract. de patre hæretico, num. 14. & seqq.* Mouetur, quia in supradicta lege *Deuteronomij*, nulla est facta mentio de filio respectu patris: tum quia reuerentia debita patri videtur præponderare cuilibet aliæ obligationi, tum denique, quia cedit talis denuntiatio in graue filij detrimentum, redditur infamis, priuatur bonis, &c. Supradictam sententiam limitat Simancas *illo tit. 29. num. 43. & seqq. & in supradicto tract. num. 41.* tripliciter. Primò, ut intelligatur non teneri filium denuntiare patrem hæreticum, bene tamen posse. Secundò nisi interrogetur à iudice, & præcipue medio iuramento, quia tunc debet hæresim propalare. Tertiò nisi hæresis paterna perniciofa reipublicæ inueniatur. Ioan. verò à Rojas *singul. 12. n. 3.* admittit filium esse obligatum patrem denuntiare; si pater ad hæresim filium induxit, secus si non inducebat.

14 Cæterum probabilius credo filium obligatum esse denuntiare patrem hæreticum, si alia via impedire eius peccatum non potest. sic Castro *de instat. hæreticorum punitione, lib. 2. cap. fin.* Mascard. *de probationibus, lib. 2. conclus. 857. num. 18. & seqq.* Paramus *de origine sanctæ Inquisitionis, lib. 3. quæst. 8. num. 83.* Lælius Zechius in *summ. 1. part. tit. de fide, rubr. de hæresi, cap. 11. num. 12. versic. secundo ampliat.* Farinacius *de hæresi, quæst. 197. num. 40. & 42. sine. & quæst. 54. num. 174.* Pegna *lib. 2. direct. comment. 15. ad cap. litteras.* Suarez *de fide, disput. 20. sect. 4. num. 21.* Tolet. *lib. 5. cap. 1. num. 10.* Bonacina *disput. 2. de censuris, quæst. 6. punct. 1. num. 5.* Augustinus Barbosa *de potest. Episcop. 3. part. allegat. 96. num. 56.* & alij ab eisdem relati. Ratio est, quia damnum commune speciali est præferendum, neque contra reuerentiam debitam parenti est, eius vtilitatem spiritualem quærere, & peccata impedire, & (ut dicit Pegna) potius Deo, quàm parentibus obediendum est, *cap. relatum, de sent. excom. & cap. quisquis metu 11. q. 3.* Nam si licet patrem impugnantem patriam impunè interficere. *L. minimè. ff. de relig. & sumptib. funer.* multo magis eundem Catholicæ fidei reum licebit denuntiare.

15 Addit autem optimè Pegna supradicto loco filium deferentem patrem hæreticum, à pœnis in hæreticorum filios iure statutis ob præmium delationis liberari, argument. *l. quisquis, §. ultim. C. ad legem Iuliam majest.* Ne huiusmodi scelus ex defectu delationis maneat impunitum, quod definiuit Federicus Imperator in *l. commissi nobis cæsius*, quam legem Innocentius I V. postea probavit, in Bulla edita anno 1252. incipiente, *Cum aduersus*, prout refert Pegna in *ultima parte directo-rij, fol. mlii 9.* consentit his Castro lib. 2. cap. 26. Suarez *disp. 20. sect. 4. num. 22.* Deinde est notandum patrem sic à filio delatum mitius esse puniendum; ne scilicet ipse filius in patre puniatur. Rojas *singul. 12. n. 6.* Farinac. *q. 197. n. 45.*

16 Sed quid dicendum de vxore respectu mariti, & econtra, an teneatur maritum hæreticum denunciare? Videtur non teneri, quia reputantur vna caro, vnâque persona, & sicut nullus seipsum prodere obligatur, neque obligandus videtur prodere sic coniunctum. ita Pegna in *direct. 2. part. q. 53. comment. 78. versic. at non videtur.* Farinacius de *heresi, quest. 198. num. 49. fine, & 53.* Bonacina *disp. 2. de censuris, quest. 6. punct. 1. num. 4.* Canteri in *quest. crimin. rubr. de heresi, cap. 1. num. 22. versic. ex qua quidem glossa.* Barbosa 3. part. *allegat. 96. num. 59.* Cæterum hoc credo intelligendum esse, quando vxor timeret ex tali reuelatione sibi à marito mortem parari, aut aliud graue damnum euenturum; secus si hæc præcaueri possent.

17 Circa quartam quæstionem, an ob priuilegium iuris excuseris à denuntiatione faciendâ? Breuiter respondere possum te nunquam esse excusatum, denuntiationem facere de heresi, quæ alia via commodè impediri non potest. Hæc autem denuntiatio vel faciendâ est tribunali Inquisitorum, si persona denunciata illi subditur, sin minus coram illius superiore; qualis est saltem Summus Pontifex, quia hæc denuntiatio iudicialis, de qua loquimur, semper coram superiore faciendâ est. Verùm quia contingit esse aliquas personas à iurisdictione ordinariorum iudicum exemptas; videndum est, an ratione huius exemptionis eximaris à denuntiatione faciendâ illis iudicibus, à quibus eximuntur. Et primò præsupponendum est, quæ personæ eximantur, & qua ratione vt sic possimus inquirere, an denuntiare illas tenearis?

18 Primò eximuntur à iurisdictione Inquisitorum Episcopi, Archiepiscopi, Cardinales, Patriarchæ, &c. de quibus nec iudicare, nec inquirere possunt Inquisitores fidei. habetur expresse *cap. inquisitores, de hereticis, in 6.* & tradit Repert. *inquisit. verbo Episcopus, ad 2.* Villadiego de *heresi, quest. 7.* Simancas de *catholic. institut. cap. 15.* & omnes. Sub nomine Episcopi, comprehenduntur quicumque sic fuerint consecrati, etiam titulares, quia veri sunt Episcopi, & dignitate Pontificia fulgent, & tradunt supradicti Doctores, Suarez *disp. 20. sect. 4. de fide, num. 25.* Adde, etsi non sint consecrati, si tamen eorum electio à Sede Apostolica confirmata sit, hoc priuilegio gaudent, quia iam habent Episcopalem iurisdictionem; secus verò si solum electi sint. sic Molin. *tom. 5. de iustit. traët. 5. disp. 27. n. 19.* Simancas *tit. 25. num. 11. & 12.*

19 Secundò ab Inquisitorum officio eximuntur nuntij, seu officiales Pontificis, dum officio funguntur, quos non possunt Inquisitores ordinarij iudicare, neque aduersus illos procedere, nisi de licentia expressa Summi Pontificis; bene tamen possunt aduersus eos inquirere, vt certiore Summum Pontificem faciant: habetur in *Extravaganti Ioan. XXII.* quæ incipit, *Cum Matthæus, de hereticis.* Nomine Nuntiorum, seu officialium Sedis Apostolicæ solum comprehenduntur, qui in fauorem Sedis Apostolicæ, & pro causis ad illam Sedem pertinentibus deputati sunt, cum enim hæc exem-

prio in honorem, & reuerentiam Sedis Apostolicæ concessa sit, æquum erat, vt soli illi gauderent, qui in negotiis illius Sedis occuparentur. Quocirca, si aliquis à Sede Apostolica delegatus sit pro decidenda aliqua inter partes controuersia, cuius decisio ad Sedem Apostolicam non pertinet, sed priuatorum utilitatem respicit; ij, inquam, nomine officialium gaudentium hoc priuilegio non computantur; & ita tradit relato Lapo, Decio, Pegna 3. part. *director. quest. 26. comment. 75.* Molin. *traët. 5. de iustit. disp. 28. num. 20.* Sub hoc priuilegio manifestè comprehenduntur Inquisitores, quia delegati sunt à Pontifice pro causa Sedem Apostolicam maximè respiciente, quæ est fides. sic Suarez *disp. 20. de fide, sect. 4. num. 26.* Molin. *num. 21.* Pegna *comment. 79.* optimè hæc omnia enucleante. In Hispania autem cum omnes Inquisitores speciales sint ad nutum amobiles, facillè poterit, si suspectus fuerit, ab officio deponi; & tunc circa illum poterit ordinarius, & alius Inquisitor procedere. Interim tamen dum suo officio fungitur, placet Simancæ *titul. 25.* aduersus illum posse procedi, quia non est officialis Sedis Apostolicæ, sed subdelegatus à delegato, scilicet ab Inquisitore generali. Sed quod diximus magis receptum est.

Tertiò ab Inquisitorum officio olim aliqui religiosi erant exempti, sed iam vsus obtinuit neminem eximi, neque à suo Prælato iudicari posse, sed remittendum esse censoribus fidei, qui accuratius causam examinant. sic Suarez *sect. 4. num. 22.* Pegna 3. part. *direct. q. 18. comment. 77.*

20 His ergo suppositis, inquiremus, an tenearis hos exemptos tribunali inquisitionis denunciare, præcipue cum apud Pontificem non possis eos deferre? Et videtur te obligatum non esse, quia denuntiatio ordinatur ad inquisitionem, & iudicium; si igitur incapaces sunt Inquisitores, & ordinarij inquirendi, & iudicandi hos exemptos, videtur denuntiationis obligatio cessare. Cæterum credo te obligatum esse in tali casu hos exemptos denunciare, ac si à censoribus fidei exempti non essent. indicat Suarez *disp. illa 20. de fide, sect. 4. num. 23.* Moueor, quia illa denuntiatio est efficax remedium impediendi damnum, quod ex heresi provenire potest, quia remissa denuntiatione ad Sedem Apostolicam, Sedes Apostolica, si firma denuntiatio, & depositio videatur, vices alieni committit inquirendi, & procedendi aduersus illum exemptum. Deinde censores fidei iurisdictionem, & potestatem habent ad recipiendam depositionem testium, si qui sint qui velint deponere, quod non leuiter colligitur ex *cap. inquisitores, de hereticis, in 6.* ibi, *si sciuerint, vel nouerint, testium, inquam, depositione,* aliàs non est scientia, quæ fidem in iudicio faciat. Ergo denuntians, etsi vices denuntiatoris non agat, vicem testis subire potest, & delictum exempti manifestare. Quæ omnia à fortiori procedunt, quando vel fuga timeretur exempti, vel aliquod perniciosissimum damnum in Ecclesia, eo quòd errores disseminaret, & hæreticos defenderet, neque coerceri posset: tunc enim ex benigna interpretatione legis censetur Pontifex concedere Inquisitoribus fidei potestatem capiendi talem exemptum, vt bene dicit Pegna, Molin. Simancas, & alij *locis supra allegatis.* In tali ergo casu clarum est te obligatum esse denunciare, quia denuntias superiori, qui ex denuntiatione inchoare causam potest, etiam si non possit illam terminare.

21 Sed inquires, quæ sint pœnæ omittentium denuntiationem, cum ad illam teneantur?

Respondeo primam pœnam esse excommunicationem: at hæc non est secundum ius commune ipso facto lata, sed ferenda. Nam Extravagans Gregor. IX. quam adducit Pegna 2. p. *comm. 2. ad cap. qui alios, vers. diximus,*

pag. 89. solum dicit, si quis hæreticos scierit, &c. studeat indicare confessori suo, vel alij, per quem credat ad notitiam sui Prælati peruenire, alioquin excommunicationis sententia percussatur. quæ verba indicant sententiam ferendam, non latam. At ex edictis sancti Officii nemini est dubium in excommunicationem ipso facto reservatam incidere sic omittentem; neque ab ea absolui potest, quousque denunciaret.

Secunda pœna est reddi de hæresi suspectum, ex traditis in repertis inquisitis. verbo *fautores, versitem in indicatione*. quod intelligendum est, quando nulla se potest probabili causa excusare; vel in iudicio interrogatus veritatem celauit: sed tunc est dubium quam suspicionem contrahat? Nam Alphonsus Castro de iusta hæreticorum. *punit. lib. 2. cap. 25. in princ.* dixit violentam contrahere suspicionem. quod certè nimis rigorosum est, ut testatur Ioann. Rojas *singul. 5. num. 17. & 18.* Pegna 2. p. *direct. q. 56. comm. 8. vers. illis ex Ioanne.* Farinac. de hæresi. *q. 197. num. 38.* Decian. *tract. crim. lib. 5. cap. 30. n. 7.* At credo de hæresi esse vehementer suspectum, qui veritatem nulla causa excusante occultauit; vel in iudicio rogatus scienter negauit. sic Rojas, Pegna, Farinac. *suprà.*

Tertia pœna est, esse tanquam fautores hæreticorum damnandos, sic Pegna pluribus relatis 2. p. *direct. q. 53. comment. 78. vers. postremo*, intelligit, ut ex sequentibus constat, dummodo nulla probabili causa excusetur. Cæterum credo sic omittentes denunciationem dici non posse fautores hæreticorum, nisi saltem ex officio, vel ex iuramento præstito obligati sint denunciare. sic Decian. in *tract. crim. lib. 5. cap. 51. num. 35.* Tolet. *sum. lib. 1. cap. 16. num. 6.* Vgolin. de *cenfur. Pontifici reservatis*, 2. p. in *glossa, fautores, in princ. num. 9.* Farinac. de hæresi. *quest. 197. num. 47. & 48.* & facit quod tradit Pegna cum Eymer. *suprad. comment. 78. vers. priuati*. ubi concludit in hæc verba. Ergo priuati homines fautores hæreticorum erant, si cum eis incumberet ex officio eos indicare, vel comprehendere, hæc omiserint; tales sunt cruce signati, quos in Hispania *familiares* vocamus. Idem colligitur ex Sanchez *lib. 2. in Decal. cap. 10. num. 15.*

PUNCTUM V.

Qui reputentur credentes, fautores, receptatores, defensores hæreticorum, aduersus quos in Bulla Cœnæ clausula prima lata est Excommunicatio.

- 1 Qui reputetur credens hæretico.
- 2 An bus audiens concionem hæretici condemnandus sit, tanquam illi credens. Distinctione resoluitur vera doctrina.
- 3 Nomine fautorum, qui intelligantur.
- 4 Quid nomine receptatorum.
- 5 Quid defensorum.
- 6 Quid fautorum.
- 7 Omittens denunciare, vel capere hæreticum, cum ex officio non tenetur, non dicitur fautor; secus si ex officio, vel mandato Inquisitorum teneatur.
- 8 Non desunt qui existimant se fautores hæretici non esse, tametsi faueas, dummodo non faueas animo fauendi hæresi.
- 9 Contrarium est probabilium, modo auxilium cedas in hæresi fauorem.
- 10 Quid si auxilium hæretico præstitisti, ut à iustitia liberaretur, & non obtinuisti? adhuc censendus es fautor hæretici ad pœnas in probabili sententia.
- 11 Probabilium censeo oppositum.
- 12 An sufficiat fauere hæretico præsumpto, ut hæreticorum fautor dicaris.
- 13 Excuset ne à fautoria esse consanguineum, vel affinem hæreticum, cui faues.

1 **N**omine credentium hæreticis comprehenduntur, qui eorum erroribus siue in particulari, siue in communi, siue expressè, siue confusè assentiuntur signis externis tali assensu manifestato. sic Nauarr. *cap. 27. summ. num. 55.* Vgolin. de *cenfur. reserv. Pape*, 2. p. *cap. 1. verbo credentes, num. 1. & 2.* Suarez de *cenfur. disp. 21. sect. 2. num. 6. & disp. 24. de fide, sect. 1. num. 1. & 3.* Sanchez *lib. 2. in Decalog. cap. 10. num. 2.* Bonacina *disp. 2. de cenfur. quest. 5. punct. 3. num. 2.* Pegna 2. p. *direct. quest. 50. comm. 75.* Farinac. de hæresi. *quest. 181. num. 104.* Neque obstat hos credentes verè esse hæreticos externos, & comprehensos sub priori clausula Bullæ aduersus hæreticos lata, quia gratia solius maioris declarationis expressi sunt. sic Nauarr. Suarez *loco allegato de cenfuris.* Vgolin. & Sanchez *suprà.* Dixi sufficere si in communi, & confusè erroribus hæretici assentiatis, ut credens illi dicaris, quia tunc verè illi, ut hæreticus est, credis; quod contingit, si credis hæreticum sciens talem esse, rectam fidem habere; licet in particulari nescias eius errores. Item si dicas te credere quicquid ipse credit. Farinac. *suprà, num. 104. fine, & præcipue num. 124. & 125.* Item si animo assentiendi eius erroribus prædicationem, & lectionem illius audis; imò etiam si non habeas animum assentiendi absolutum; si tamen illum habeas sub conditione, si tibi rationes, & motiua hæretici placuerint, illi credens es, saltem sub conditione. Quod videtur sufficere, ut sub credente comprehendaris; siquidem ratione illius animi dubij fidem amittis. sic Suarez de *fide disp. 24. sect. 1. num. 3.* Insuper dixi esse necessarium, ut sensu aliquo externo, quo animus ab aliis cognosci possit, assensum manifestes, aliàs non eris ab Ecclesia puniendus. sic Suarez *locis allegatis.* Sanchez *num. 1.* Azor *tom. 1. lib. 8. cap. 9. quest. 10.*

Quod si inquiras, quibus verbis, aut factis hic animus sufficienter manifestetur?

Respondeo breuiter illa esse, ex quibus grauis suspicio hæresis nascitur. Quæ autem hæc sint, optimè expendit Eymer. 2. p. *direct. q. 50. & ibi Pegna, & Farinac. de hæresi, quest. 181. num. 110.*

2 Dubitant tamen, an si semel, vel bis ad audiendas conciones hæretici adeas, ut credens illi reputandus sis?

Et licet communis sententia videatur esse ex gemino actu hanc suspicionem grauem oriri, & te tanquam credentem hæretico condemnandum esse. At Doctoribus non infimæ notæ videtur ex gemino actu non sic esse condemnandum. sic pluribus relatis docent Pegna 2. p. *direct. quest. 50. comm. 75.* Decian. *lib. 5. in tract. crim. cap. 18. vers. 16.* Grassi *lib. 4. suarum decis. cap. 18. num. 29. & 30.* Farinac. *num. 115. & 116.* Suarez *disp. 24. de fide sect. 1. num. 3. fine.* Limitat tamen hanc doctrinam Pegna *suprà, vers. sed plurimum*, cum quis Catholicus in terris hæreticorum existens semel, aut bis ad conciones hæreticorum vadit; secus verò, si in terris Catholicorum occulta ab hæreticis conuenticula celebrari intelligat, & illuc vadat, etiam si semel; & non denunciat Episcopo, vel Inquisitori, suspicionem hæresis non carebit. Cum in hoc casu approbare censeatur, quod potuit auertere, si iudiciis Ecclesiasticis, ut debuit, indicasset, nisi considerata personæ qualitate per ignorantiam excusaretur, & placet mihi hæc limitatio, quam etiam affirmat Azor *tom. 1. lib. 8. cap. 15. quest. 1.* Farinac. *quest. 181. num. 110.*

3 Nomine fautorum intelliguntur, qui scienter hæretico fauent in causa hæresis. Potest autem fautor præstari multipliciter, scilicet recipiendo hospitio hæreticum: & sic iidem sunt fautores, ac receptatores. Secundò defendendo illum in iudicio, vel extrà, ne puniatur, & tunc sunt defensores. Quomocunque ergo fauor contingat, qui illum præstat hæretico in causa hæresis, fautor illius dicitur. Verùm quia Doctores hæc

hæc distinguunt, explicemus sigillatim singula, ut sic melius agnoscatur, in quibus casibus censetur hæretico favere.

4 Receptor ergo diceris, si hæreticum ob causam hæresis fugientem, & se abscondentem hospitio receptoris, vel in domo tua, vel in agro, vel in ciuitate, vel alio quouis loco, sic Pegna 2. part. direct. quest. 51. comment. 76. vers. hinc consequitur. Sanchez lib. 2. cap. 10. n. 10. Vgolin. hoc verbo receptores, in princ. num. 1. & §. 1. num. 3. Suarez disput. 24. de fide, sect. 1. num. 4. Neque ad hunc effectum requiritur multiplicata receptio, sed sufficit, si vnica vice receptoris. nam licet verbum *receptare*, secundum Grammaticos iterationem, & repetitionem recipiendi sonat; at secundum Ecclesiæ morem, non ita in presenti accipitur, sed in simpliciori significatione, pro vno, inquam, actu; & tradunt Pegna, Sanchez, Vgolin. Suarez *suprà*, & innumeros referens Farinacius de hæresi, quest. 181. n. 152. Neque etiam est necessarium, hanc receptionem occultam esse, quia si publica est, & ad fauorem hæresis cedit, grauius delinquis, ut bene dixit Ioan. Calderin. tract. de hæresi, rubr. de hæreticis volentibus, num. 14. fin. Farinacius quest. 182. §. 7. num. 99. Pegna 2. p. q. 51. comment. 76. Quapropter cum Doctores communiter dicunt receptorem esse illum, qui hæreticum recipiens occultat, & celat, ne in manus iudicis deueniat, non sunt intelligendi, ut sola receptio occulta damnetur, siquidem publica damnabilior est; sed ideo de illa mentionem fecerunt, quia frequentior est. Neque etiam requiritur, ut hæreticus sit denunciatus, sufficit si tibi constet hæreticum esse, quia iam faues hæretico, ut tali. sic Bonacina disp. 2. de censuris, q. 5. p. 3. sine. Sanchez lib. 2. cap. 10. num. 6. Suarez de censuris, disput. 21. sect. 2. num. 9. Debes tamen scire sic receptum hæreticum esse, alias receptor hæretici dici non potes; & tenent omnes. In foro autem externo non præsumeris hanc scientiam, sed potius ignorantiam habere, & tuo iuramento creditur, nisi casu quo hæreticus, ubi tu resides, publicè denunciatus, & notorius sit; ut bene dicit Carrius de hæreticis, num. 170. Pegna 2. part. direct. quest. 51. comment. 76. vers. an autem. Farinacius de hæresi, quest. 181. num. 164. Imò etiam si denunciatus sit, si tamen cum denuntiatio facta est, abfuiti à loco, vel eras in lecto infirmus, vel negotiis propriis occupatus; nequo etiam tunc scientia est præsumenda. sic Vgolinus tract. de censuris Papa reservatis, 2. part. in glossa receptores, §. 2. num. 4. Farinacius num. 164. Azor lib. 8. cap. 15. quest. 8.

5 Defensor hæretici dupliciter dici potest, ut constat ex Eymer. 2. part. direct. quest. 52. Primò, si errores hæretici defendas. Secundò, si defendas personam ob causam hæresis. Defendis errorem si argumenta in eius fauorem facias, & obiectiones contrarias dissoluas, si verbis laudes, scriptis extollas. Modus hic defendendi hæreticum perniciosissimus est, siue interius errori defenso assentiaris, siue non. In foro enim externo violentè præsumeris errori assentiri; & tanquam hæreticus omni hæretico deterior esses damnandus, ut bene tradit cum Eymer. *suprà*, Pegna comment. 77. in princip. Farinacius innumeros referens quest. 182. num. 62. & est textus expressus in cap. qui aliorum, 24. quest. 3. Defendis autem personam propter causam hæresis, si impedis ne capiatur à iudice, vel captum ab eo liberas, si impedis ne corrigatur, quod facere potes muneribus, vi, dolo, & potentia. sic Farinacius toto §. 7. Adde si quis veller aliquem actum hæreticalem facere, & ab aliis impediatur, tu verò remoueas impedientes, ut liberè ille prauam illam voluntatem exequatur, tanquam defensor erroris es iudicandus, & condemnandus. sic Decian. tractat. crimin. lib. 5. cap. 51. num. 9. versic. ego verò. Farinacius quest. 181. de hæresi, num. 65. Dixi, si defendas personam ob causam hæresis, quia si ex alia causa defendas, vide-

licet ne à latrone, vel alia priuata persona iniuste offendatur, non es defensor hæretici, quia illa defensio mala non est. sic Tolet. lib. 1. summ. cap. 19. num. 6. Farinacius num. 68. Suarez disp. 24. sect. 1. n. 5.

6 Fautor hæretici diceris, quoties ob causam hæresis hæretico fauorem præstas. Dupliciter hunc fauorem præstare potes omissione, & commissione. Omissione faues hæreticis, si eos cum teneris capere, aut iudicibus indicare, non indicas, neque capis, si captos, & tuæ curæ commissos non custodias diligenter, si tibi commissos puniendos non punias. Commissione faues, verbis, & factis. Verbis, si laudes hæreticum, ut talis est, affirmans esse virum probum, iniuste damnari; si consilium præbeas, ut possit errores celare, & condemnationem effugere. Factis faues hæreticis, si eos celas, & occultas in domo; si auxilium præbes, ut effugiant, si subministras alimenta, si processum falsificas, abscondis, & alia huiusmodi facis, ex quibus inquisitionis officium impeditur: sic omnes Doctores relati, & referendi, & videri possunt in Farinac. de hæresi, q. 182. §. 1. Aduertendum tamen est hæc omnia officia te facere posse circa hæreticum mortuum, & emendatum, quæ si in fauorem hæresis cedant, absque dubio fautor hæreticorum dicendus est. Vnde si hæreticum mortuum in loco sacro sepelias; si interrogatus à iudicibus ad illius delicti punitionem, veritatem occultes, cum debes manifestare, vel illius inquisitionem faciendam impedis; censetur in his casibus hæretici fautor. sic tradit Vgolin. illo verbo fautores, initio, num. 18. & §. 1. num. 1. & Sanchez lib. 2. cap. 10. num. 17. Suarez de fide, disput. 24. sect. 1. num. 6.

7 Pro maiori tamen horum declaratione, sunt aliquæ difficultates enodandæ.

Prima, an priuatæ personæ ex omissione dicantur fauere hæretico? v. g. si omittis capere hæreticum, vel iudicibus indicare, cum facile possis, si iam captum, & tibi commissum non custodis.

In qua re communis omnium sententia est te non esse fautorem hæretici, nisi aduersus iustitiam, & obligationem officij pecces. sic Simancas tit. 15. num. 13. Pegna direct. quest. 53. comment. 78. versic. ego. Sanchez lib. 2. cap. 10. num. 15. Suarez disput. 24. sect. 1. num. 6. Farinacius innumeros referens, de hæresi, quest. 182. num. 27. Ratio est, quia cessante obligatione iustitiæ tibi imputari non potest hæreticum non corrigi, cum tua non intersit illum corrigere. At si ex iustitia obligatus sis hæreticum capere, vel denunciare; quæ obligatio oriri potest, vel ex officio, vel ex speciali Inquisitoris mandato; tunc fautor hæretici dicendus es, si fauorem debitum præstare omittis. sic Doctores relati. Ex quo fit, si Inquisitores, & Episcopi in fauorem hæresis omittant delinquentem capere, torquere, punire, & in carcere custodire fideliter, fautores esse hæreticorum. Idem est de cruce signatis, si omittant capere hæreticos, quia omnes ij ex officio obligantur. sic Sanchez, Suarez, & Farinacius *suprà*. Ex speciali autem mandato tenentur omnes præstare auxilium contra hæreticum, quoties requisiti fuerint. Si autem omittant, peccant contra iustitiam; quia peccant contra ius debitum superiori præcipienti, quod videtur sufficiens, ut fautores hæreticorum dicantur. Ex quo fit, si interrogatus à iudicibus fidei celes veritatem, vel requisitus capere hæreticum, id omittas, vel imperatus manifestare hæreticum, omittas denunciare; quia omittis facere ea, quæ ex speciali præcepto tui superioris facere debebas. sic Sanchez, & Pegna *suprà*. Quamuis non desunt Doctores; qui te à fautoria hæresis liberent, quando solum ex speciali præcepto, & non ratione officij teneris fauorem præstare, eo quod non videaris aduersus iustitiam, sed solum aduersus fidem peccare in omittendo tali fauore: alias quoties subditi superiori præcipienti non obedi-

obedient, duplex peccatum committerent, alterum scilicet aduersus illam virtutem, cuius est materia præcepta, v.g. temperantiæ, vel religionis, si Missa, vel ieiunium imperetur, alterum aduersus ius superioris, quod ex omissione sui præcepti læditur. Et ita non esse fautores hæreticorum singulares personas, quibus ex officio non incumbit fidei fauere, & hæresim extirpare, docet Eymers. 2. p. quæst. 53. num. 3. Farinac. quæst. 182. §. 2. num. 36.

8 Secunda difficultas est, an fauor, defensio, & receptatio hæretici debeat præstari animo fauendi eius hæresi, vel sufficiat, si in hæresis fauorem cedat? Plures Doctores negant sufficere, sed necessariò requiri te habere animum fauendi hæresi. sic docet Sanchez lib. 2. cap. 10. num. 5. Bonacina disp. 2. de censur. quæst. 5. punct. 3. num. 2. Mouentur, quia ferè omnes Doctores sentiunt ad fautoriam necessariò requiri fauere hæretico, vt hæreticus est; at si hæretico faues, quia est tibi amicus, vel consanguineus, non faues illi, quia hæreticus est. Ergo non es fautor hæretici.

9 Nihilominus probabilius censeo te esse hæretici fautorem, si in fauorem hæresis auxilium præstas; etiam si non procedat auxilium ex animo fauendi hæresi, sed satisfaciendi alteri humanæ obligationi. Probo primò ratione à priori, quia si auxilium impendis hæretico, cedens necessariò in hæresis fauorem, absolutè vis in executione hæresi illius fauere, quia fauor hæresis omnino consistit in illo auxilio præstito, neque impeditur ex alia vniuersaliori intentione, si fortè habeas. Ergo verè dicendus es fauere hæretico, vt hæreticus est, quoties faues illius hæresi. Secundò ex variis textibus in tit. de hæresis, in 6. in quibus solus fauor hæretico factus cedens in fauorem hæreticæ prauitatis attenditur, vt fautoriam hæresis constituat, neque alia intentio formalis requiritur, constat hoc ex cap. accusatus, §. sacerdotes, de hæresis, in 6. vbi sacerdotes, & alij clerici impediunt inquisitionis officium, compesci possunt tanquam fautores hæretici, cum non sit dubium (inquit textus) eos ipsa facere in fauorem hæreticæ prauitatis. Item ex cap. commissi, vbi conferens beneficium hæretico cognito, etiam si consanguineus sit, priuatur beneficiis, & alias pœnas incurrit. Et idem est de recipiente ab hæretico, ex cap. quicumque, quia in iis fauor hæresi præstatur, etiam si non animo vltimatè, & formaliter illi fauendi fiant. & ita tenet doctissimus Franc. Suarez de fide, disp. 24. sect. 1. num. 9. Neque Doctores, quos allegat Sanchez, suam intentionem probant, solum enim dicunt necessariò esse ad fautoriam, vt hæretico faueas, vt hæreticus; quod abundè præstas, quoties vis auxilium cedens in fauorem hæresis illi præstare; vis enim tunc illi fauere, vt hæreticus est, etiam si non faueas illi, quia est hæreticus, sed quia est consanguineus.

10 Tertia difficultas est, an censearis fautor hæretici ad pœnas incurrendas ob auxilium, & fauorem hæretico præstitum, si de facto effectum non obtinuisti? v. g. Recepisti domi hæreticum, vt illum à iudice liberares; at non potuisti obtinere, quia iudex conscius quæsiuit delinquentem, & inuenit. Item dedisti delinquenti pecuniam, vt fugeret, ne caperetur, captus est. Negasti veritatem in iudicio interrogatus; alij testes manifestarunt, & ex testimonio illorum reus fuit punitus. Dubium ergo est, an in his casibus censearis fautor hæretici? Negat Sanchez lib. 2. cap. 10. num. 9. Bonacina disp. 2. quæst. 5. punct. 3. num. 2. Farinac. quæst. 182. num. 102. Mouentur, quia fauor prohibetur hæreticis, ne in hæresi foueantur, sed qui non obtinuit effectum fauoris, non fouet hæretico in sua hæresi, etiam si intenderit fouere. Ergo non est puniendus, vt talis. Et confirmo. Si mandatum, consilium, vel auxilium ad homicidium, vel percussionem clerici dederis, & homicidium, vel percussio-

hæc non ratione sui, sed ratione homicidij, & percussionis clerici prohibentur, & puniuntur: & cessante principali, cessare debet accessorij prohibitio; sed in præsentis principale prohibitum est hæresis, accessorie est fauor, defensio, & receptio. Ergo cessante hæresis perseuerantia, cessare debent omnia alia prohibita.

11 Contrarium vt probabilius defendit Suar. disp. 24. de fide, sect. 1. num. 14. Sayrus t. 1. in thesauro, lib. 3. cap. 5. num. 4. Grass. lib. 4. suarum decis. cap. 18. num. 34. Et mihi probatur. Moueor, quia fauor hæretici prohibetur, non vt hæresis committatur, sed ne hæresis commissa firmitatem habeat; sed hic effectus semper obtinetur, quoties auxilium in fauorem hæresis præstas saltem pro illo tempore, quo præstas auxilium, etiam si postea auxilium impediatur. Ex qua ratione soluitur fundamentum contrarium.

12 Quarta difficultas est, an debeas fauere hæretico, qui verè hæreticus sit, vt fautor hæreticorum dicaris, vel sufficiat fauor hæretico iure præsumpto? v. g. excommunicato per annum, & in excommunicatione infordeſcenti?

Respondet Suarez disp. 24. sect. 1. num. 13. in foro externo te reputandum esse hæreticorum fautorem, secus in foro conscientie, quod veritatem respicit. Et quidem de foro conscientie verissimum est hoc dictum: at pro foro externo limitandam iudico sententiam Suarez ad excommunicatum ex causa fidei per annum infordeſcentem in excommunicatione: hic enim est, qui hæreticus reputatur, & tanquam hæreticus damnari debet, ex text. in cap. excommunicamus, el. 1. §. credentes, de hæreticis, & ex text. in cap. vt inquisitionis, §. prohibemus, de hæreticis, in 6. Secus verò si non sit excommunicatus ex causa hæresis, quia tunc solum redditur de fide suspectus iuxta Trident. sess. 25. cap. 3. de reformat. §. in causis quoque. vbi statuit inquiri posse in quemcunque persistentem per annum in excommunicatione, tanquam de hæresi suspectum; & constat ex cap. grauem, de pœnis, cap. cum bona, de acie, & qualitate. & tradit optimè Eymers. direct. 2. p. quæst. 47. Verumtamen ex consuetudine Romanæ Ecclesiæ, & generalis inquisitionis, non solent Inquisitores aduersus sic in excommunicatione persistentes procedere, quando excommunicatio non est ob causam hæresis. sic tradit Pegna 2. p. direct. comm. 72. vers. quidam. Ergo huic excommunicato fauens non potest dici, nec condemnari vt fauens hæresi, sed solum vt fauens hæresis suspicioni.

13 Quinta difficultas est, an esse consanguineum, vel affinem, vel amicum hæreticum, cui fauorem præstas, te excuset à fautoria hæresis? Si sententiam Sanchez, & Bonacin. sequamur, affirmantium ad hoc crimen committendum necessariò requiri expressam voluntatem fauendi hæresi, nemini esse potest dubium te excusari non posse in foro conscientie, quia talis fauor est intrinsecè malus; esto in foro externo excusatus præsumaris. sic Sanch. lib. 2. cap. 10. num. 8. Verum iuxta nostram sententiam negantem requiri ad hoc delictum hanc expressam voluntatem, insuperque affirmantem hos omnes obligatos esse regulariter denunciare hæreticos, dicendum est hoc crimen incurrere, si absque graui iactura, & damno proprio, possent fauorem omittere: est communis sententia, vt constabit ex Doctorebus statim allegandis. At si graui metu fauorem præstant, etiam si à peccato non excusentur, excusantur tamen à pœna fautorie, quia Ecclesia non videtur cum tanto rigore obligare. sic Pegna 2. p. com. 17. vers. verumtamen, Simancas de catholicis insinuat. tit. 1 §. rubr. de creditibus, num. 17. Vgolin. 2. p. de censur. reseruat. verbo receptatores; §. 2. num. 3. Farinac. quæst. 82. num. 162. & alij. Loquendo tamen pro foro externo iura sanguinis, & amicitie strictissima sunt, & ratione illorum quis coactus censetur recipere, defendere, & fauere sic sibi iunctis:

ea de causa non defunt graues Doctores, qui à fauitoria excusent consanguineos in primo gradu, parentes respectu filiorum, & e contra, fratres respectu aliorum fratrum, & vxoris respectu mariti: ij enim censentur non fauore hæresis, sed ex obligatione sanguinis operari. sic Simancas de catholic. institut. tit. 15. rubr. de creden. num. 25. Pegna direct. 3. part. quest. 111. comment. 160. versic. nunc autem. Decian. in tractat. crimin. lib. 5. cap. 51. num. 79. fauet Thomas Sanchez lib. 2. in Decalog. cap. 17. num. 24.

Cæterum communis sententia est titulum consanguinitatis, affinitatis, vel amicitie quantumcumque strictæ non excusare in hoc crimine à censura excommunicationis, neque etiam ab aliis pœnis, quæ latitudinem recipiunt, debent tamen temperari pro maiori, vel minori sanguinis coniunctione. sic Menochius de arbit. lib. 2. centur. 6. casu 548. num. 8. Grassis lib. 4. decis. cap. 18. num. 35. Pegna 2. part. quest. 56. comment. 81. versic. rursus. Simancas de catholic. institut. tit. 15. rubr. de credentib. num. 21. Decian. tractat. crimin. lib. 5. cap. 51. num. 68. Farinacius alios referens, de hæresi, quest. 182. §. 9. n. 144. & 149. & est decisio expressa l. 2. ff. de receptatoribus, vbi receptans consanguineum latronem mitiori pœna punitur.

Aduerto tamen in casu dubio, an fauens hæretico consanguineo fauorem præstiterit ob sanguinis coniunctionem, vel ob crimen hæresis, præsumptio facienda est excusans à culpa. sic Grassis, & Simanc. supra, Farinac. alios referens, n. 143. & 151.

PUNCTUM VI.

Quæ sint pœnæ fautoribus hæreticorum impositæ.

- 1 Enumerantur pœnæ.
- 2 An illas incurrant, antequam notati sint, & in excommunicatione per annum inforduerint.
- 3 Fautor hæreticorum contrahit suspicionem hæresis pro qualitate fautorie.
- 4 Arbitrio iudicis est puniendus.
- 5 Episcopus negligens in puniendis hæreticis deponendus est.
- 6 Ciuitates Episcopali dignitate sunt priuanda.
- 7 Domini temporales requisiti, si negligentes per annum fuerint, priuantur dominio, & alijs committuntur.

Restat enumerare pœnas, quibus supra dicti fautores, receptatores, defensores hæreticorum afficiantur. de quibus latè Canonistæ in cap. excommunicamus, §. credentes, de hæreticis, ex illo tit. & tradit Eymer. direct. 2. p. q. 50. §. 1. §. 2. & §. 3. & ibi Pegna, Farinacius tota q. 182. præcipue à num. 37. quas ferè omnes enumerat Pontifex in cap. excommunicamus, §. credentes, de hæreticis, in hæc verba: Credentes præterea, receptatores, defensores, & fautores hæreticorum excommunicationi decernimus subiaccere: firmiter statuantes, vt postquam quis talium fuerit excommunicatione notatus, si satisfacere contempserit infra annum; ex tunc ipso iure sit factus infamis, neque ad publica officia, seu consilia, neque ad eligendos aliquos ad huiusmodi, neque ad testimonium admittatur; sit etiam instabilis, vt nec testandi liberam habeat facultatem, neque ad hæreditatis successionem accedat. Nullus præterea ipsi super quocumque negotio, sed ipse alijs respondere cogatur. Quod si fortè iudex extiterit, eius sententia nullam obtineat firmitatem, neque causæ aliquæ ad eius audientiam perferantur. Si fuerit Aduocatus, eius patrocinium nullatenus admittatur: si tabellio, instrumenta confecta per ipsum nullius sint momenti, sed cum auctore damnato, damnetur: & in similibus

idem præcipimus obseruari. Si verò clericus fuerit, ab omni officio, & beneficio deponatur, vt in quo maior est culpa, grauior exerceatur vindicta. Si qui autem tales, postquam ab Ecclesia fuerint denotati euitare contempserint, excommunicationis sententia vsque ad satisfactionem idoneam percellantur. Sanè clerici non exhibeant huiusmodi pestilentibus Ecclesiastica sacramenta, nec eos Christianæ præsumant tradere sepulture; nec elemosynas, aut oblationes eorum percipiant, alioqui suo priuentur officio, ad quod nunquam restituantur absque indulto Sedis Apostolicæ speciali. Similiter quilibet regulares, quibus etiam hoc infligatur, vt eorum priuilegia in illa diocesi non seruentur, in qua tales excessus præsumpserint perpetrare.

2 Circa has pœnas illud occurrit notandum, an illas incurrant fautores hæreticorum, antequam ab Ecclesia denotati sint, & in excommunicatione publica per annum inforduerint? Qua in re Eymer. 3. p. q. 123. num. 2. negare videtur, ex illis verbis textus, postquam quis fuerit excommunicatione notatus, & per annum inforduerit, & illis, cum auctore damnato damnetur, & illis, ab Ecclesia fuerint denotati. quæ omnia indicant publicationem excommunicationis. Suarez disp. 24. sect. 1. in fine, distinguit de pœna infamiz, & incapacitatis ad testandum, & ad officia publica, & in his requirit per annum in excommunicatione infordescere, in reliquis verò pœnis spiritualibus, quales sunt priuatio beneficiorum, Ecclesiasticæ sepulture, orationum & oblationum; hanc perseverantiam, & publicationem excommunicationis non requirit.

Dicendum tamen est ex vi illius textus, & ratione excommunicationis, nullam ex supradictis pœnis fautores hæreticorum incurrere, nisi per annum in excommunicatione notati inforduerint, quod indicauit Eymer, cum dixit loco allegato: Non videntur alias pœnas incurrere, ex eo quòd stant in excommunicatione per annum, nisi sic excommunicati notentur, & publicentur. quasi diceret ex alio capite illas incurrere posse; & de pœna infamiz, priuationis officiorum, incapacitatis ad testandum, & ad succedendum tradit Farinacius quest. 183. num. 39. & clariùs num. 59. 60. & 106. De beneficiorum priuatione tradit num. 40. & 107. præterquam quòd priuatio beneficiorum, quæ habentur, non sit ipso iure, sed per sententiam saltem declaratoriam, vt alijs allegatis docet Pegna 3. part. direct. comment. 162. vers. de hæreticorum. Farinacius quest. 189. n. 73. & seqq. Ad alia verò obtinenda ipso iure inhabiles efficiuntur, vt constat ex cap. quicumque, de hæreticis, in 6. versic. hæretici.

Limitanda tamen est hæc doctrina in sepultura Ecclesiastica, & orationibus faciendis pro fautore hæreticorum, quia eo ipso, quòd constat aliquem fauendo hæreticis decessisse, non debet inter Christianos accipere sepulturam, neque pro illo orationes fundi, quia in peccato mortali, & excommunicatione decessit, ex text. in cap. sicut, de hæret. & cap. 2. eod. tit. in 6. & constitutio Innocent. IV. incipiens, Nquerit, quam refert Pegna in vlt. p. direct. fol. mibi 17. Verumtamen hoc ratò constare potest, nisi condemnatus sit.

3 Præter supradictas pœnas contrahit fautor, receptor, & defensor hæreticorum, eo ipso, quòd crimen committat, suspicionem hæresis leuem, aut vehementem pro qualitate circumstantiarum, & indiciorum; ob quam sic suspecto debet indici purgatio. est communis sententia in cap. quicumque, de hæreticis, in 6. sic Vmbert. Locat. in indic. inquisit. verbo credentes, sub num. 2. Repert. inquisit. in verbo fautores, versic. nota. Eymer. direct. 2. part. quest. 50. num. 4. & 5. Pegna ibi comment. 75. & quest. 52. comment. 77. & alijs relatis Farinac. q. 182. num. 55.

4 Deinde arbitrio iudicis possunt puniri fautores, recepta

receptatores, & defensores hæreticorum, pœnis pecuniariis usque ad confiscationem bonorum, exilio, fustigatione, aliisque corporalibus pœnis pro qualitate delicti: colligitur ex his, quæ adducit Menoch. *de arbitr. lib. 2. cent. 6. casu 548. num. 1. 2. & 4.* Decian. *in tract. crimin. lib. 5. cap. 52. num. 47.* Farinac. *de hæresi, quest. 182. num. 54.* & probat textus *in cap. accusatus. §. sacerdotes, de hæretic. in 6.*

Hæ pœnæ communes sunt omnibus fautoribus, defensoribus, & receptatoribus hæreticorum. Aliquæ autem sunt speciales pro Episcopis, Principibus, & Magistratibus, qui fauorem vel omittendo, vel committendo hæreticis præstant.

5 Primò, Episcopus negligens in puniendis, extirpandisque hæreticis deponendus est ab Episcopali dignitate, ex text. *in cap. excommunicamus, el. 1. §. volumus, de hæreticis.* ubi dicitur: Si quis Episcopus super expurgando de sua diocesi, hæreticæ prauitatis fermento negligens fuerit, vel remissus, cum id certis indiciis apparuerit, ab Episcopali officio deponatur, & in locum ipsius alter substituatut idoneus, qui velit, & possit hæreticam confundere prauitatem. Hæc autem depositio à nullo alio facienda est, nisi à Pontifice. sic pluribus relatis docet Farinac. *quest. 182. num. 24.* Pegna *2. p. direct. comm. 2. vers. Episcopi ergo.*

6 Secundò ciuitates negligentes in puniendis hæreticis Episcopali dignitate sunt priuandæ, ex text. *in cap. ad abolendam, §. ciuitas, de hæretic.* ubi dicitur: Ciuitas, quæ his institutis duxerit resistendum, vel contra commotionem Episcopi punire neglexerit resistentes, aliarum careat commercio ciuitatum, & Episcopali se noverit dignitate priuandam.

7 Tertiò contra dominos temporales, rectores, moderatores prouinciarum, vel ciuitatum, requisitos ab Ecclesia pro hæresi extirpanda, negligentes fuerint, & in sua negligentia per annum inordinuerint, est text. expressus *in cap. excommunicamus, §. moneantur, de hæretic. & in authent. si verò, C. eodem. & multis relatis exornat Simancas de catholic. instit. tit. 23. sub rubr. de dominis temporal. num. 1. & seqq. & in enchirid. violare relig. tit. 21. rubr. de principibus, num. 4. & 5.* Pegna *direct. 2. p. quest. 53. comm. 78. vers. 1.* Farinac. *de hæresi, quest. 182. num. 15.*

Ne autem supradicti domini temporales, rectores, consulesque ciuitatum in supradictam negligentiam incidant, prouidit textus *in cap. ad abolendam, de hæretic. §. statumur, ut iuramento se obstringant, quod fideliter, & efficaciter cum ab Episcopo fuerint requisiti, Ecclesiam contra hæreticos, & eorum complices adiuuabunt, bona fide, iuxta officium, & posse suum.* Ad idem est *cap. ut officium, §. statumur, de hæretic. in 6.* Variant tamen Doctores, an hoc iuramentum debeant præstare omnes domini temporales? Alij affirmant, solum debere præstare illos, quorum terræ hæresibus infectæ sunt, secus alij; alij de omnibus generaliter affirmant. Certum tamen est quemlibet consulem, gubernatorem, magistratum, & dominum, si ab Episcopo, vel Inquisitore requisitus fuerit, de hoc iuramento præstando debere curare, quia ita cauetur tum in supradictis text. præcipue *in cap. ut officium*, tum quia expressè Innocent. IV. hoc declarauit in sua constitutione edita anno 1553. incipiente, *Ad aures nostras*, quam refert Pegna inter litteras Apostolicas, pag. mihi 12. & alia eiusdem incipiente, *Ad extirpanda*, & ita tradit Simancas *in enchirid. tit. 21. num. 7. & 8.*

Decian. *in tract. crim. lib. 5. cap. 51. num. 11.*

Farinac. *de hæresi, quest. 182. num. 22.*

Eymer. 3. p. quest. 32. &

alibi sæpè.

DISPUTATIO IV.

De pœnis spiritualibus hæreticorum, excommunicatione scilicet, infamia, priuatione beneficiorum, & officiorum.



V M hæresis delictum grauissimum sit, meritò Ecclesia illud audientes committere coercere voluit pœnis tum spiritualibus, tum temporalibus, tum corporalibus. De omnibus sigillatim dicemus.

PUNCTVM I.

Qua ratione excommunicatio, quæ est prima hæreticorum pœna, hæreticos afficiat.

- 1 *Iure diuino nulla est lata excommunicatio aduersus hæreticos; bene tamen iure Ecclesiastico.*
- 2 *Hæc excommunicatio non constituit hæreticum vitandum, quousque denunciatus sit.*
- 3 *Quid si declarares aliquem esse hæreticum, aliudve delictum, cui est annexa excommunicatio, commississe, quin declarares habere censuram, aliqui existimant non esse vitandum.*
- 4 *Oppositum sentit Suarez.*
- 5 *Distinctione controuersia enodatur.*

1 **C**onstat apud omnes hæreticum esse ipso iure excommunicatum, ex *cap. cum Christum, in princ. cap. ad abolendam, cap. excommunicamus, 1. & 2. de hæreticis, cap. nouerit, de sentent. excommunicat.* Excommunicatio autem lata in illis capitibus non erat Pontifici reservata, quæ tamen in præfenti est ex constitutione Bullæ Cœna clausula prima. Debet autem hæresis esse signo aliquo externo manifestata. nam purè mentalis Ecclesiæ iurisdictioni non subditur, quia Ecclesia visibilis est: subditur autem quælibet hæresis externa, quantumuis occulta. Neque obstat, quòd ab Ecclesia non cognoscatur, quia est per accidens, & de se cognoscibilis est, quod sufficit, ut per legem delictum puniatur, quia punit illud sub conditione, si patratum fuerit, seu tali delicto patrato pœnam ipso iure annexit, quæ omnia latius examinata sunt superiori disp. p. 1. Dubitant tamen aliqui, an iure diuino hæc excommunicatio hæreticis fuerit imposita? cui negatiuè respondeo, quia excommunicatio hæc consistit in priuatione actiua & passiuæ sacramentorum, communionis fidelium, & suffragiis Ecclesiæ, quibus omnibus iure diuino hæreticus priuatus non est magis, quàm alij omnes peccatores. Aliàs si iure diuino iis omnibus priuaretur, non potuisset Ecclesia in horum priuatione se intromittere, admittendo excommunicatum non nominatum, nec manifestum clericum percussorem ad fidelium communicationem, quibus antea priuatus erat. Adde tempore antiquo non erat aduersus hæreticos lata ipso iure excommunicatio, sed ferenda, postquam moniti fuerint, ut videtur probari ex *cap. si quis Episcopus, 1. quest. 7.* & ita tradit Ioann. Azor *tom. 1. instit. moral. lib. 8. cap. 10. q. 2.* Sanchez *lib. 2. cap. 9. num. 2.* Valent. *2. 2. quest. 11. art. 3. vers. ex his testimonijs*, Suarez *de fide, disp. 21. sect. 1. num. 4.* & alij apud ipsos.

2 Secundò dubitant Doctores, an hæc excommunicatio constituat hæreticum vitandum? Hanc dubitationem suprà dissolui, negatiuè respondendo. Morus Extraneus ad euitanda scandala, in qua omnibus fidelibus

libus fauor conceditur communicandi cum excommunicatis, qui specialiter, & expresse denunciati non fuerint, neque fuerint manifesti clerici percussores. Ergo ex vi huius fauoris, & priuilegij hæreticus quantumuis notorius, & generaliter nominatus in Bulla Cœnæ, vt Lutheranus vitandus non est: & sic tenent Azor lib. 8. cap. 13. quest. 7. Bonacina disput. 2. de censuris, q. 5. punct. 2. num. 9. Sanchez lib. 2. cap. 9. num. 3. Suarez disput. 21. de fide, sect. 3. num. 3. Ex quo infero licere tibi ab illo sacramenta recipere illis in casibus, in quibus licet à peccatore manifesto; quia excommunicatio non declarata non inducit specialem prohibitionem. At quia peccatum hæresis est ita execrabile, potest contingere, vt recipiendo sacramentum ab hæretico notorio, etiam si denunciatus nominatim non sit, videaris illius hæresi assentiri, & tunc illum vitare debes ob præceptum naturale profitendi fidem. sic supradicti Doctores.

3 Tertiò dubium est, an sufficiat declarare aliquem esse hæreticum; quin declares esse excommunicatum, vt sit vitandus? Communis est dubitatio omni declarationi de peccato, cui est censura annexa, an, inquam, sufficiat illius declaratio, quin censura expresse declaretur, vt delinquens censetur declaratus? Dubitatio autem, vt bene aduertit Suarez statim allegandus, magis est speculatiua, quàm practica. Nunquam enim iudices ita diminutè in declaratione procedunt, vt declarent delinquentis peccatum, & non censuram excommunicationis illi annexam, sed casu, quo aliquando id contingeret; negat Sanchez lib. 2. cap. 9. num. 4. in medio, cum Nauarr. misell. 47. de oratione, num. 2. Grassi 1. part. decis. lib. 4. cap. 11. num. 5. sine, esse sic declaratum vitandum. Mouentur, quia extrauagans, ad euitanda, perit, vt censura sit declarata formaliter, & expresse; ac declarato delicto non est declarata censura formaliter, & expresse, sed solum virtualiter, & in radice. Ergo. Secundò hoc decretum est latum in animarum fauorem. Ergo potius est extendendum, vt requiratur formalis, & expressa declaratio, quàm limitandum, vt sufficiat implicita, & virtualis. Tertiò, finis, ob quem Concilium fidelibus concessit, ne tenerentur vitare excommunicatos, qui nominati non fuerint, fuit, vt ex ignorantia cum excommunicatis agerent, sed declarato solum delicto esse potest in pluribus saltem rusticis, & indoctis eadem ignorantia. Ergo vt fiat satis intentioni Concilij, ipsamet censura debet esse expressa, & formaliter declarata. Addit insuper Sanchez non sufficere hanc censuræ declarationem fieri in genere, sed requiri, vt fiat in specie, & in particulari: nam cum plures sint censuræ, non arguitur ex declaratione communi, quæ censura crimini sit annexa.

4 Contrarium huius doctrinæ defendit Suarez de censuris, disput. 9. sect. 2. num. 10. & de fide, disput. 21. sect. 3. num. 8. Gutierrez, Henriquez, Manuel, Medina, Sotus, quos allegat Sanchez dislo. cap. 9. num. 4. Fundamentum præcipuum est, quia verba extrauagantis solum indicant declarationem fieri personæ delinquentis, quin de censura expresse mentio fiat. Inquit enim, non esse fidelibus obligationem vitandi excommunicatos, nisi sententia, vel censura, aut prohibitio contra personam certam à iudice publicata, & denunciata fuerit formaliter, & expresse. Ergo siue sententia, siue prohibitio, siue censura publicata sit, erit decreto Concilij satisfactum. Secundò, quia hic modus dicendi est fauorabilis fidei, in cuius fauorem leges pœnales extendi solent. Deinde est fidelibus vtilior, vt sic à peste hæresis liberentur. Ergo.

5 Ego verò censo media via procedendum esse, si enim index declarat Petrum hæreticum esse, vel alteri crimini obnoxium, incurrissequē censuram illi crimi-

Ferd. de Castro Sum. Mor. Pars I.

ni annexam: si censura excommunicationis est, esse sufficienter declaratam, vt iuxta decretum Concilij Constantiensis declaratus, & publicatus sit; secus verò, si solum delictum declaratur. Priorem partem vltra fundamenta secundæ sententiæ probo. Quia Concilium solum petit declarationem formalem, & expressam censuræ, sed illa est expressa, & formalis declaratio censuræ crimini annexæ, quamuis non sit declaratio expressior, & formalior, quæ esse potest. Ergo. Item ex vi illius declarationis nullus potest allegare se nescire sic declaratum censuram incurrisse. Debet ergo inquirere, quænam sit? præsumere enim debet esse excommunicationem, quia est frequentior, maxime si delictum laicis, & clericis commune sit. Secundam partem, scilicet non sufficere declarare alicuius delictum, nisi censuram declares, sic probo, destruendo fundamentum allatum pro sententia Suarez, ipse enim ex verbis extrauagantis Concilij Constantiensis inferebat sufficere declarationem cuiuscumque rei, vel delicti, vel censuræ, sic enim dicit Concilium Basiliens. sess. 20. ad finem, referens hanc extrauagantem Concilij Constantiensis, ad euitanda scandala, & multa pericula, subueniendumque conscientijs timoratis, statuit etiam, quod nemo deinceps à communione alicuius in sacramentorum administratione, vel receptione, aut alijs quibuscumque diuinis, vel extrinsecis, prætextu cuiuscumque sententiæ, aut censuræ Ecclesiasticæ, seu suspensionis, aut prohibitionis ab homine, vel à iure generaliter promulgatæ teneatur abstinere, vel aliquem vitare, aut interdictum Ecclesiasticum obseruare, nisi sententia, prohibitio, suspensio, vel censura huiusmodi fuerit contra personam, Collegium, Vniuersitatem, Ecclesiam, aut locum certum à iudice publicata, vel denunciata specialiter, & expresse. Verùm ex supradictis verbis nullo modo videtur inferri declarationem delicti tantum sufficere; vt excommunicatus ratione illius publicatus, denuncia-...que sit specialiter, & expresse. Nam sensus supradictorum verborum est te non esse obligatum abstinere à communione illius, qui per aliquam sententiam, vel mandatum, vel ratione alicuius suspensionis, aut alterius censuræ prohibitus est tecum communicare, nisi talis sententia, mandatum, suspensio, censura denunciata, publicataque sit. Posita autem hac publicatione, & denuntiatione, videris obligatus ab illius communicatione abstinere. Ex his tamen non infertur te debere abstinere ab illo, tanquam à nominatim excommunicato, cum verba Concilij non tam de excommunicatione, quàm de alia quauis sententia, & mandato, suspensione, & censura loquantur. Secundum argumentum non est firmum, aliàs etiam hæreticos notorios, non tamen denunciatos, deberemus vitare, quia est fauor fidei, & fidelibus non parum vtile. Sed hoc non est admittendum, eo quod Concilium generalem exceptionem fecerit omnium, qui publicati, denunciati que non sunt. Ergo dum non adest formalis, & expressa excommunicatorum denuntiatio, sub exceptione fauorabili Concilij continentur. Adde etsi in aliquo casu esset obligatio vitandi hunc hæreticum, sic confusè denuntiatum esset in fidei fauorem, & vtilitatem fidelium: ac generaliter esse non potest, quia adest semper finis, quo motum est Concilium ad illud priuilegium concedendum.

M m

P v n

PUNCTUM II.

An hæc excommunicatio ob hæresim comprehendat perseuerantem in excommunicatione per annum.

- 1 Dupliciter excommunicatus esse potest, vel ob causam fidei, vel extrâ.
- 2 Excommunicatus extra causam fidei, si in excommunicatione per annum perseueret, habetur pro confesso, & potest condemnari.
- 3 Debet annus computari, non à die incurso excommunicationis, sed à die declarationis. Item debet esse continuus, & toto illo tempore, cum potestate comparendi.
- 4 Potes nihilominus probare innocentiam.
- 5 Hic autem excommunicatus extra causam fidei sic perseuerans in excommunicatione, est de hæresi suspectus.
- 6 Suspicio hæc, esto leuior sit, sufficit ad indicendam purificationem.
- 7 Qui dicantur excommunicati ob causam fidei.
- 8 Supradictus si per annum in excommunicatione inforueris, tanquam hæreticus est damnandus.
- 9 Iudicis arbitrio relinquitur, quanto tempore expectare debeat post annum, ut sic hæreticum condemnet.
- 10 Quid si elapso anno contumacia comparet? Explicatur, in quo debeat condemnari.
- 11 Quid si ante anni lapsum.

1 Communiter Doctores distinguunt duplicem excommunicationem, aliam ob fidem, aliam extra fidem; cuius distinctionis meminit Abbas in cap. *grauem, de panis*, num. 7. Locat. in opere iudiciali, verbo *excommunicati*, num. 2. Eymer. 2. part. *directar. quest.* 47. n. 6. & ibi Pegna *comment.* 72. Ignat. Lopez de Salzedo *prædictar. crimin. cap.* 116. Farinacius de *hæresi, quest.* 182. §. 2. Menochius de *arbitr. lib.* 2. *casu* 416. per totum.

2 Excommunicatus ex causa criminali, v.g. petiurij, irreligionis, violationis monasterij, si per annum in excommunicatione inforuerit, habetur pro conuicto, & confesso, & sic potest iudex ad sententiam statim procedere. Ratio est, quia illa contumacia loco propriæ confessionis succedit, & sicut ex propria confessione lis contestatur, ita ex huiusmodi contumacia: probat expressè textus in cap. *rursus*, cap. *quicumque*, 11. *quest.* 3. & cap. *cum contumacia, de hæreticis*, in 6. & tradit pluribus relatis Salzedo *suprà* num. 4. Menochius num. 11. & 15. Farinacius num. 14. Quam conclusionem extendendam censeo ad causam civilem: nam si perseuerantia in excommunicatione in causa criminali hunc effectum operatur, efficacius operari eum debet in causa civili, in qua non requiruntur ita claræ probationes, ac in causa criminali, iuxta l. *fin. C. de probationibus*. & tradit Couarruias cap. *alma*, 1. part. §. 7. Salzed. num. 9. Menochius *suprà*, & num. 32. esto contra teneat Ripa cap. 1. de *iudicijs*, num. 77. Gonzalez *regul. 8. cancellar.*, glossa §. num. 103. cum seq. Gratian. *disceptat. forens. cap.* 119. num. 2.

3 Ut autem hoc verum sit, aliquas condiciones censeo obseruandas. Prima, annum computandum esse non à die excommunicationis incurse, sed à die, quo nominatim fuisti excommunicatus, vel taliter declaratus, quia ex illo die reputaris contemnere grauissimè clauis Ecclesiæ, & contumax fieri: sic relato Arnoldo Albert. in rubr. de *hæretic.* num. 6. *quest.* 13. num. 35. docet Farinacius num. 28. Excipiunt tamen, nisi notoriè excommunicatus sit, quia tunc notorietas excommunicationis pro declaratione succedit, & placet mihi, si id fieri posset: at nescio qua ratione. Nam esto de-

lictum, & excommunicatio notoria sint, potest excommunicatus intra annum absolutionem impetrare; quomodo ergo constare potest contumaciam integro anno durare, nisi sit contumacia aduersus sententiam ab homine latam? Secunda conditio est, ut annus continuus sit, ex cap. *cum contumacia, de hæreticis*, in 6. ibi, per annum, dictio enim *per*, continuationem demonstrat; & colligitur ex l. *urbana familia*, §. *peruolare*, ff. de *verborum significat.* notat Francus in *supradicto cap. cum contumacia*, notab. 2. Menochius de *arbitrar. casu* 416. num. 55. Rojas alios referens, *singul.* 60. num. 3. Farinac. num. 29. Seraphin. *decis.* 1285. Simancas de *catholic. institut. tit.* 14. rubr. de *contumacia*, num. 13. Salzedo num. 12. Tertia ut integro illo anno potuerit excommunicatus comparere, & respondere iudici; non tamen comparuit, nec respondit. Nam si impeditus sit, contumax non censetur, sic tradit Sigismund. Scaccia de *iudic. cap.* 98. num. 27. Salzedo cap. 116. sub num. 12. *versic. 170.* Simancas de *catholic. institut. tit.* 14. de *contumacia*, num. 10. vbi dicit, quod qualiscumque impedimenti causa excusat à contumacia. Farinacius de *hæresi, quest.* 192. §. 2. num. 22. Si tamen quæsiuit iudicem, vel satisfactionem obtulit, & absolutionem postulauit, contumax non est censendus. Locat. in *iudicial. inquisit. verbo, catholica*, cap. 2 §. n. 2. *fine.* Farinac. alios referens, num. 21.

4 Verum etsi in excommunicatione declaratus, & per annum integrum sic perseuerans nullo ostenso impedimento, aut satisfactionis signo pro conuicto, & confesso habeatur; non tamen impeditur, quin allegare, & probare possit innocentiam; probat textus l. 2. *C. de requirendis reis*, vbi banniti habentur tanquam confessi, & conuicti, & nihilominus admittuntur ad probandum innocentiam suam. Et ratio est, quia contumacia non est vera, & clara confessio, sed à iure præsumpta; sed aduersus fictam, & præsumptam confessionem probatio admittitur, ut multis docet Ioann. à Neuzan. *consil.* 60. num. 2. 3. & 4. Item innocentiz probatio nunquam censetur exclusa, etiamsi lata fuerit sententia; ut latè scribit Decius cap. *ex parte*, et 2. num. 7. *versic. decimotertio fallis*, de *officio delegari*, & cap. *quoniam contra*, num. 4. de *probationibus*. Quocirca hæc contumacia ad illum effectum efficax est, ut releuetur accusator, fiscus, vel actor ab onere probandi accusationem, vel actionem à se propositam. Quia loco probationis, quam ipsi exhibere tenebantur, subrogauit lex fidem hanc excommunicati confessionem: sic docuit Menochius de *arbitrar. lib.* 2. *casu* 416. num. 36. Farinac. num. 23. in medio. Salzedo cap. 116. num. 10. cum Anton. Ripa, glossa, Innocent. & aliis. Neque obstat textus in cap. *rursus*, 11. *quest.* 3. vbi dicitur per annum infordecentem non esse audiendum, quia intelligi debet, quando pluries requisitus neglexit per annum probare suam innocentiam, tunc enim iustissimè lex eum à probatione repellit. sic Salzedo n. 11. Menoch. n. 41.

5 Hic autem excommunicatus ex causa alia, quæ ad fidem non pertinet, & in excommunicatione per annum infordecentem redditur de hæresi suspectus, iuxta Concilium Tridentinum *sess.* 25. cap. 3. de *reformat.* quæ non solum habet verum in excommunicatione lata ob causam criminalem, sed etiam civilem, quia contumacia vniformis est; imò maior videtur in causa civili, utpote leuiori; & quæ regulariter minus retardare posset excommunicatum à comparendo, quàm causa criminalis. Item Concilium in *supradicto* decreto statuit, non solum ob causam criminalem, sed etiam civilem ferri posse excommunicationem; & statim subiungit, *excommunicatus quicumque si post legitimas monitiones, &c. indurato animo censuræ annexæ inobtemperauerit, procedi posse contra eum, tanquam de hæresi suspectum.* Ergo comprehendit Concilium tam excommunicatum ex causa criminali, quàm civili. sic Salzedo

Salzedo *præf. crim. cap. 116. num. 12.* Farinacius *de hæresi, quæst. 192. §. 2. num. 23.* Menochius *num. 52. & seqq. & alij.*

6 Suspicio hæc levis est; sufficiens tamen ad indicendam purgationem, & cogendum excommunicatum, ut respondeat; non tamen sufficit ad torturam. sic Farinacius *num. 24.* Lælius Zechius *in summ. 1. part. tit. de fide, rubr. de hæresi, cap. 11. num. 13. versic. ex alyis causis.* Montetmar. *in præf. Archiepiscop. cap. 84. num. 8. versic. quando reperitur.* Eymet. *2. part. directior. quæst. 47. num. 7.* & ibi Pegna *comment. 72.* Aduertunt tamen Pegna, Farinacius; & Lælius Zechius *suprà*, & Sigismundus Scaccia *tractat. de iudic. cap. 98. num. 36.* ex recepta consuetudine non solere Inquiltores procedere aduersus excommunicatos per annum, & amplius in excommunicatione infordescentes, nisi excommunicati fuerint ex causa fidei, quia ij excommunicati ordinariis iudicibus puniendi, & coercendi remittuntur.

7 Ob causam fidei dicuntur excommunicati illi, qui fuerunt citati responsuri de fide sub excommunicatione ipso facto, & noluerunt respondere, seu comparere: hæc tamen citatio necessariò supponit citatum de hæresi suspectum, & diffamatum, & non suspicione utrumque, sed suspicione probabili, ut bene dixit Geminian. *in cap. cum contumacia, de hæresicis, in 6. num. 8. versic. quare, an propter quamlibet suspensionem.* Gundisalvus *tractat. de hæresicis, quæst. 12. num. 4.* Farinacius *de hæresi, quæst. 192. num. 126.* Quare si absque aliqua suspicione probabili responsurus de fide sub excommunicatione citatus, & in tali excommunicatione per annum persistat, non redditur de hæresi violenter suspectus, neque ut hæreticus condemnari potest. sic Farinacius *num. 26.* cum Geminiano, Ioan. Andr. & Archidiacon. *in supradicto cap. cum contumacia.* Citari autem debet sic suspectus de fide cum assignatione termini ad respondendum. Non enim sufficit citatio sola, neque sola assignatio termini, sed utrumque requiritur, ut ex Hostiens. *in cap. excommunicatus, et 1. de hæresicis, num. 9. & 10.* tradit Farinac. *d. q. 192. n. 27.*

8 Quòd si citatus ad respondendum de fide nullo allegato impedimento, neglexerit integro anno respondere, habetur pro confesso, & tanquam hæreticus est condemnandus, ex text. expresso *in cap. cum contumacia, de hæresi, in 6.* ubi dicitur cum contumacia, in causa præsertim fidei, suspitioni præsumptionem adiciat vehementem, si suspectus de hæresi vocatus à vobis, ut de fide respondeat, excommunicationis vinculo, pro eo, quòd parere subterfugit, aut contumaciter se absentat, per vos fuerit innodatus, quam si per annum animo sustineat pertinaci, *extunc velut hæreticus condemnatur.* Rationem huius reddit optimè Eymet. *2. part. direct. q. 47.* Nam qui suspectus est leuiter de fide, & ob eam causam citatus est, ut respondeat, si intra terminum assignatum neglexit respondere, illa suspicio levis transit in vehementem: si autem in illa negligentia per annum perseverat vehementis suspicio, transit in violentam, ex dicto *cap. cum contumacia*, ac proinde ut hæreticus condemnari potest: sic tradit pluribus exornans Farinac. *q. 192. num. 14.* Salzedo *cap. 116. conclus. 5.* Eymet. *suprà, & q. 56. n. 5.* Sigismund. Scaccia *de iudic. cap. 98. n. 4.* Menoch. *de arbitr. lib. 2. casu 374. n. 10.*

9 Sed inquires, quanto tempore post annum huius contumaciæ debet iudex expectare, ut reum condemnet, seu declaret esse hæreticum præsumptione iuris, & de iure? Aliquibus videtur expectandum esse triennium, aliis biennium. Mouentur, quia *in cap. cum bona memoria, de iure, & qualis.* ob perseverantiam triennalem priuatus fuit clericus beneficiis, & *cap. granem, ult. de penis*, biennium videtur in laico expostulatum, sic videntur sentire Abbas *cap. 1. num. 23. vers. fateor, de iudic. Alciat. ibi n. 37.* Ceterum tenendum est iudicis arbitrio *Ferd. de Castro Sum. Mor. Pars I.*

relinqui, quia nullo text. cauetur hæc expectandi obligatio; imò ex *suprad. cap. cum contumacia*, colligitur manifestè, statim post lapsum annum contumaciæ condemnari posse, sic enim denotat illud verbum *extunc.* Neque obstant text. in contrarium allegati, quia referunt quid factum sit, non autem inducunt dispositionem, ut multis allegatis probat Eymet. *2. part. direct. quæst. 47. num. 6. sine.* Menochius *lib. 2. de arbitr. casu 416. circa fin. num. 65.* Salzedo *cap. 116. præf. sine.* Aduertit tamen Menoch. & Salzedo, cum aliis, & Farinac. *quæst. 192. num. 22.* optimè facere iudicem, elapso aliquo tempore post annum, si iterum citet rebellem ad allegandum, quare tanto tempore inforduerit in excommunicatione. Quòd si huic ultimæ citationi etiam rebellis fuerit, tunc ut hæreticus est condemnandus, neque amplius expectandum est.

10 Sed quid si elapso anno contumaciæ comparet, antequam sententia pronuntiata sit, vel executioni mandata, debet tunc, ut hæreticus condemnari?

Respondeo, si non solum suspicionem criminis obiecti purgat, sed etiam contumaciam, quia ostendit se legitime impeditum fuisse, omnem effugiet penam: sic Salzedo *conclus. 5. versic. imò.* Et ratio est clara, quia pœna imponenda erat vel ob contumaciam, vel ob crimen obiectum: si ergo ab utroque se purgat, liberabitur à pœna. Si autem innocentiam respectu criminis obiecti ostendit, & in contumacia culpam, non videtur ut hæreticus condemnandus, neque in pœna corporali, neque bonorum confiscatione; bene tamen pœna arbitraria, quæ contumaciæ culpæ correspondeat. Ratio est, quia tunc iam cessat præsumptio hæresis, facta probatione in contrarium. Adde, si innocentiam integre non docuerit, sed suspectus adhuc manet de hæresi, abiurare debet, & pœnis arbitrariis condemnari, quia pœna hæreticis statuta non fito hæretico, seu de hæresi suspecto, sed ut tali conuicto imponenda est. & habetur *cap. accusatus, §. porro, de hæresicis.* & tradit Zanch. *tractat. de hæresicis, cap. 25. de confiscat. bonorum.* Menoch. *consil. 159. vol. 2. num. 16.* Salzedo *cap. 116. num. 12. versic. sexto.*

11 Quid autem, si antequam labatur annus contumaciæ, sic suspectus, & citatus decessit?

Respondeo nullo modo esse eius bona confiscanda, neque ut hæreticum damnandum, quia tunc decessit leuiter, vel vehementer suspectus, non de hæresi conuictus; non igitur potest condemnari. sic Simancas *de catholicis institutis, tit. 14. rubr. de contumaciis, num. 4. & in enchirid. tit. 46. num. 2.* Decian. *tract. crimin. lib. 5. cap. 32. n. 10.* Farinacius pluribus citatis, *quæst. 192. num. 36. & 37.* aduertit, si in processu apparerent plenæ, & concludentes probationes, optimè tunc posse condemnari; quia tunc non condemnatur ob contumaciam, sed ob delictum plene probatum, neque contumacia ad condemnationem opus erat.

PUNCTUM III.

Qui possint ab excommunicatione propter hæresim incurfa absoluerè.

Ponendum est absolutionem hæresis reſeruatum esse summo Pontifici ratione excommunicationis illi annexæ, ita ut reſervatio non solum in excommunicationem, sed etiam in crimen excommunicatione affectum cadat, constat ex prima clausula Bullæ Cœnæ. Ex quo fit absolutionem datam de hæresi habente excommunicationem annexam invalidam esse, si bona fide impendatur ab eo, qui non habet potestatem absoluerendi à censura: sic ex communi sententia docet Suarez *de fide, dispus. 21. sect. 4. num. 2.* Sanctez *lib. 2. cap. 8. num. 5. & cap. 11. num. 1.* Verùm si ex aliquo capite

Mm 2 excomm

excommunicatio huic crimini annexa non sit; vel si fuit annexa iam per absolutionem sublata fuit, hæresis crimen non manet tunc reservatum, quia non reservatur, nisi ut coniunctum excommunicatione. quod notandum est pro his, qui ex ignorantia censuræ hæresim committunt. sic Sanchez *supradictio cap. 8. n. 5. fine, & cap. 11. num. 1.* Hoc posito videndum est, quibusnam à Pontifice facultas absoluendi ab hoc crimine concessa sit? Nam pluribus est hæc facultas concessa. Primò, Episcopis. Secundò Inquisitoribus. Tertiò cuilibet Confessori per speciale Iubilæum. Quartò in articulo mortis. Quintò quando Pontifex adiri non potest. De quibus sigillatim est dicendum.

§. I.

Expenditur facultas concessa Episcopis.

- 1 Statuitur facultas à Trident. concessa.
- 2 Nomine Episcopi veniunt electi, & confirmati, neque necesse est esse consecratos.
- 3 An comprehendatur Capitulum Sede vacante? Probabilius censeo non comprehendere.
- 4 Abbates, aliosque Prelatos inferiores probabile est non comprehendere. Probabilius oppositum.
- 5 Prelati regulares non comprehenduntur sub nomine Episcopi, quoad hanc facultatem ex probabiliori sententia; ex decreto, & Bulla Pij V. comprehenduntur.
- 6 Limitat Sanchez in crimine hæresis, sed non admittitur limitatio.
- 7 Archiepiscopus suffraganeos absolvere potest, cum sibi subduntur.
- 8 Hanc facultatem exercere potest Episcopus in sibi subditos, & non in alios.
- 9 Episcopus absolvi potest à Confessore electo, si forte in hæresim incidat, & ibi quid possit circa religiosos exemptos.
- 10 In foro conscientie non obligat, ut in sacramento Pœnitentie tantum concedatur absolutio.
- 11 Verba, in diocesi sua, non restringunt facultatem, secundum sententiam Sanchez.
- 12 Probabilius censeo oppositum.
- 13 Censeo limitanda esse, ut non possit extra diocesim absolvi.
- 14 Quod delictum dicatur in Trident. publicum, ut possit Episcopus ab illo absolvi.
- 15 Quando dicatur deductum ad forum contentiosum.
- 16 Quid si in iudicio non fuit probatum, vel fuit reus iam absolutus.
- 17 Quid si fuit condemnatus? Affirmat Sanchez posse absolvi, contrarium censeo probabilius.
- 18 Potestatem dispensandi potest Episcopus committere generali Vicario, & speciali persone.
- 19 Absolutionem hæresis probabile est posse committi.
- 20 Probabilius est oppositum.
- 21 Potestas absoluendi ab hæresi, sit ne per clausulam Bullæ Cœna renovata? Negant plures.
- 22 Probabilius videtur renovatam esse.
- 23 Relinquitur eis potestas pro foro externo absoluendi. Excipe in regnis Hispania, in quibus non nisi cum Inquisitoribus, & in tribunali.

TRIDENT. sess. 14. cap. 6. de reformat. sic inquit. Licet Episcopis in quibuscumque catibus occultis, etiam Sedi Apostolicæ reservatis, delinquentes quoscumque sibi subditos in diocesi sua per se ipsos, aut vicarium ad id specialiter deputandum in foro conscientie gratis absolvi, imposita pœnitentia salutari. Idem in hæresis crimine in eodem foro conscientie; eis tamen, non eorum vicariis sit permissum.

2 Nomine Episcopi, quibus hæc facultas concessa est, sunt omnes illi intelligendi, qui subditos habent, quia respectu subditorum datur facultas. Quapropter debent esse Episcopi electi, & confirmati. Nam ante confirmationem iurisdictione non gaudent, non tamen est necessarium esse consecratos; imò neque esse Sacerdotes, ut possint ab excommunicatione reservata absolvi; quia non debet absolutio sacramentalis impendi. sic alios referens, docent Cenedo *ad sextum, collectanea 4. num. 3.* Sanchez *lib. 8. disp. 2. num. 11. & lib. 2. in Decal. cap. 11. num. 3.* Gutierrez *de matrim. cap. 49. à num. 16.* Barbosa *2. part. de potest. Episc. allegat. 39. num. 2.* Requiritur autem necessariò, ut sint Episcopi illarum regionum, in quibus receptum est Concilium, alias vti non poterunt hac facultate: nam media receptione, & acceptatione illis conceditur; neque fas est acceptare gratias, & repellere onera. sic Barbosa *num. 3.* Sanchez *num. 2.* Garcia *de benefis. 7. part. cap. 11. n. 23.* Suarez *de censur. disp. 41. sect. 2. num. 6.*

3 De Capitulo Sede vacante est difficultas, an nomine Episcopi veniat intelligendum? Et quidem in facultate absoluendi, & dispensandi circa omnes alios casus, præter hæresim, communis est sententia comprehendere; quia hæc facultas licet competat Episcopo speciali iure, & privilegio: at competit illi iure communi, & iurisdictione ordinaria: quæ autem sic competunt, transeunt in Capitulum; ut multis allegatis docet Barbosa *suprà num. 16. & in remission. Concilij.* At de hæresi est specialis difficultas, eo quòd Concilium Episcopis tantum, non eorum vicariis absoluendi potestatem concedat; cum autem Capitulum iurisdictionem exerceat per vicarium deputatum, non apparet, quia ratione possit gaudere potestate absoluendi ab hæresi. sic docet Suarez *tom. 4. de pœnitent. disp. 30. sect. 2. num. 4.* Ledesma *2. tom. summ. tractat. 1. cap. 6. post 20. conclus. difficult. 5.* Bonacina *disp. 7. quest. 5. punct. 1.* Contrarium defendit Sanchez *illo cap. 11. num. 4.* Mouetur contrario fundamento, quia Capitulum succedit Episcopo, & sicut Episcopus potest delegare potestatem absoluendi ab hæresi, sic potest & Capitulum. Secundò, quia Capitulum potest suffragiis maioris partis determinare hæreticum absoluendum, & potest illum absolvi. Cæterum mihi probabilius est nullo modo posse Capitulum ab hæresi absolvi. Moueor, quia non potest absolvi per vicarium, ut ex his, quæ de vicario Episcopi dicenda sunt, constare potest. Neque etiam absolvi potest per se ipsum. Nam ut per se ipsum absoluat, debet delictum integrè cognoscere; cognito autem delicto à Capitulo, iam non est occultum, sed publicum. Ergo cessat facultas Trident. quæ solum est pro delictis occultis.

4 Quid de Abbatibus, & aliis Prælatibus inferioribus iurisdictionem ordinariam, & quasi episcopalem habentibus in diocesi sua? Negant plures habere hanc potestatem absoluendi, & dispensandi, quæ in Trident. Episcopis conceditur. sic Tolet. *in sum. lib. 1. cap. 83. n. 5. ad finem.* Suarez *de pœnitent. disp. 30. sect. 2. n. 6. & de censuris, disp. 41. sect. 2. n. 7.* Garcia *de benefis. 7. p. cap. 11. n. 13. & 17.* Bonacina *disp. 7. de censuris, quest. 5. punct. 1. num. 6.* Barbosa pluribus relatis, *2. part. de potestate Episcopi, allegat. 39. n. 17. & in remissionib. Concilij. vers. Episcopis.* Cenedo *in collect. ad sextum, collect. 4. num. 5. & alij.* Mouentur, quia hoc est Episcopis concessum in speciali ob eorum dignitatem. Non ergo extendendum est ad alios tali dignitate carentes. Secundò, quia videtur industria personæ eligi præcipuè in absolutione ab hæresi, cum prohibeat aliis hanc facultatem committere. Tertiò, quia hæc facultas derogat iuri communi. Ergo ex hac parte limitanda est, ut nomine Episcopi solum veniant intelligendi, qui propriè Episcopi sunt.

Verum

Verum et si hoc satis sit probabile; at probabilius existimo supradictos Prælatos venire intelligendos nomine Episcopi, etiam in absolutione hæresis. Sayrus in *claus. regia. lib. 6. cap. 11. num. 83. in fine. Auila de censuris. 7. p. disp. 10. dub. 6. Henriquez lib. 6. cap. 6. §. 1. Flores de Mena variar. lib. 3. quest. 24. num. 18.* ij enim generaliter loquuntur; at de casu hæresis tenet Sanchez lib. 2. cap. 11. num. 5. Man. 2. tom. summ. cap. 10. num. 6. conclus. 6. Moueor contrario fundamento, quia potestas hæc absolueudi, & dispensandi in hoc decreto Episcopis concessa ad iurisdictionem pertinet; sed huiusmodi Abbates iurisdictione episcopali gaudent, solumque differunt ab Episcopis in consecratione. Ergo. Secundò hæc facultas est latè interpretanda; quia est inserta in corpore iuris, & ius commune constituit; tum quia in materia absolutionis reducit res ad pristinum statum, in quo nulla etiam pro crimine hæresis erat reservatio. Item est concessa non personæ, sed dignitati, in quibus casibus diximus latissimam esse interpretationem faciendam. Ergo.

Ex his solvuntur contraria. Ad primum dico competere hanc facultatem Episcopis iure speciali communi, & ordinario; non gratuito, & privilegiato. In his autem, quæ sic competunt, lata est interpretatio facienda, ut ex Abbate, & Felino docet Man. Rodriguez *qq. regul. tom. 1. quest. 61. art. 9.* Ad secundum nego eligi industriam alicuius personæ particularis, sed cuiusque habentis episcopalem iurisdictionem, cum omnibus Episcopis committatur. Ad tertium iam constat non derogare hanc facultatem iuri communi; imò potius ius commune constituere.

5 Maior difficultas est de Prælati regularibus, etiam conuentualibus religionum exemptarum; an intelligantur nomine Episcopi in hac facultate absolueudi, & dispensandi? Affirmat Eman. *reg. qq. tom. 1. quest. 61. art. 9.* quia ij iurisdictionem quasi episcopalem habent, ut bene probat Sanchez lib. 8. de *matrim. disput. 3. num. 9.* Cæterum credo huiusmodi Prælati hanc facultatem non competere ex decreto Trident. sic Sanchez lib. 2. in *Decalog. cap. 11. num. 7.* Garcia de *benefic. 7. p. cap. 11. num. 13.* ubi testatur à Cardinalium cōgregatione decisum esse. Barbosa 2. p. *alleg. 39. num. 18.* Ratio est, quia illis videtur solum concessa hæc facultas; qui diocesim habeant, ut constat ex illis verbis, *pro diocesi sua*; sed si Prælati non habent diocesim. Ergo non videntur comprehendendi in hac potestate. At esto in facultate à Trident. concessa non comprehendantur, comprehenduntur tamen ex particulari extensione, quam Pius V. fecit. Nam in quodam Motu proprio, relato ab Eman. Rodriguez *tom. 1. qq. reg. q. 61. art. 9. in fin.* sic habetur, quia sacrum œcumenicum Concilium generale Trident. concessit Episcopis, ut absoluerent possent in foro anime, seu conscientie ab omnibus peccatis, & dispensare in irregularitatibus, prout *sess. 24. cap. 6.* habetur, ne prior, provincialis, & superiores Prælati dicti ordinis tam in dicta provincia, quam extra eam, ubilibet in hac parte deterioris conditionis, quam clerici, aut sæculares existant, eisdem prioribus conuentualibus, & superioribus Prælati, ut ipsi per se ipsos idem omnino possint in fratres, & moniales dicti ordinis sibi subditos, quoad absolueudi, & dispensandi huiusmodi, quam alias quascumque facultates eisdem auctoritate tenore etiam perpetuo concedimus, & indulgemus, atque etiam declaramus presentes litteras perpetuo durare, & valere. & ita tenet Barbosa, & Sanchez *suprà.* & lib. 8. de *matrim. disput. 2. num. 13.* Henriquez *summ. lib. 6. cap. 16. §. 8. & lib. 7. cap. 25. §. 1. & lib. 14. cap. ultim. §. 5. ad finem.*

6 Limitat autem Sanchez lib. 2. cap. 11. num. 7. hanc facultatem in crimine hæresis, cuius absolutio ob eius gravitatem non censetur concessa, nisi exprimitur; at in huiusmodi privilegio non exprimitur, sed solum

exprimuntur generaliter, quæ Episcopis in illo decreto conceduntur. Ergo licet in illo decreto hæresis expressè concedatur Episcopis, non censetur concessa Prælati regularibus. At credo concedi; quia licet hæresis absolutio verbis expressis non concedatur, conceditur æquivalentibus; dicitur enim, ut possint tales Prælati in sibi subditos idem omnino, ac possunt Episcopi, quod verum non esset, si facultas absolueudi ab hæresi illis data non esset. Secundò deterioris essent conditionis subditi horum Prælatorum, quam clerici, & sæculares Episcopis subiecti, quod vitare intendit Pius V. ut constat ex supradictis verbis. Sed quidquid sit de hac concessione, certissimum, & indubitatum est præcipue in Hispania nullo modo posse Prælatos etiam in foro conscientie religiosos sibi subditos absoluerent, sed Inquisitoribus remittere debere, ex constitutione Pauli V. quam refert Emanuel de Valledemoura, de *incantationibus, & ensalmis. sect. 3. cap. 1. n. 10.* & cuius meminit Barbosa de *potestate Episcopi. 2. part. allegat. 40. num. 39.*

7 De Archiepiscopo respectu subditorum suffraganei dicendum est tunc habere potestatem absolueudi illos, cum sibi subduntur. Subduntur autem, cum diocesim suffraganei iure sibi concedenti visitat. Visitare autem solum potest, cum causa adest legitima, & probata in Concilio provinciali, & postquam suam diocesim plenè visitauit, ex Trident. *sess. 24. cap. 3.* sic tradit Sanchez lib. 2. cap. 11. num. 6. cum Henriquez lib. 6. de *pœnitent. cap. 14. num. 9. in text. & in comment. lit. Z.* Ratio est, quia tunc habet iurisdictionem ordinariam ratione officij, sic Henriquez lib. 14. cap. 18. num. 3. Suarez de *pœnitent. disput. 30. sect. 2. num. 8.* Auila de *censuris. 2. part. cap. 7. disput. 1. dub. 10. conclus. 3.* Barbosa 2. part. de *potestate Episcopi. allegat. 39. num. 19.* Bonacina de *censuris. disput. 1. quest. 3. punct. 2. num. 7.* Sanchez num. 6. Secundò subduntur subditi suffraganei per appellationem metropolitano. Terriò si malitiosè suffraganeus differat absolutionem; in iis enim casibus potest Archiepiscopus suffraganei subditos à censuris, & excommunicationibus reservatis absoluerent. sic Bonacina, & Barbosa *suprà.*

8 Secundum verbum positum in supradicto decreto est, *quoscumque sibi subditos*; non enim Episcopis hæc potestas absolueudi, & dispensandi conceditur ad omnes, sed ad eos, qui sibi subditi fuerint, sub quorum nomine comprehenduntur omnes illi, qui aliquo modo Episcopi subduntur, siue habeant domicilium, siue ibi resideant maiori anni parte, siue solum transierint existent; & licet in materia dispensationis hæc subiectio ita ampla non probetur multis: at in materia absolutionis à censuris, & casibus receptissimum est, sufficere ex consuetudine generali Ecclesiæ, & benigna summi Pontificis interpretatione. sic Garcia 11. part. de *benefic. cap. 10. num. 139. in 3. declarat.* Bonacina *disput. 7. de censuris. quest. 5. punct. 1. num. 4.* Suarez de *pœnitent. disput. 30. sect. 2. num. 3.* Sanchez de *matrim. lib. 3. disput. 23. num. 12. & in Decalog. lib. 2. cap. 11. num. 8. 9. & 17.* Barbosa 2. part. de *potestate Episcopi. allegat. 39. num. 4. & 5.*

9 De religiosis autem exemptis, qua ratione circa illos potest Episcopus exercere potestatem absolueudi, & dispensandi, dixi latè tract. de *legib. disput. de dispensat.* & ibi etiam qua ratione Episcopus secum dispensare potest. Solum de absolutione ab hæresi est aliqua difficultas, quomodo Episcopus ex vi Trident. decreti illam impetrare posset, si in hæresim labatur. Et ratio difficultatis est, quia Episcopus seipsum absoluerent non potest, sed id debet Confessarius facere ab eo electus; at ipse circa crimen hæresis non potest vices suas alteri committere, ut postea dicemus. Ergo neque poterit committere Confessario, ut illum absoluat.

M m 3 Cæcæ

Ferd. de Castro Sum. Mor. Pars I.

Cæterum tenendum est posse, vt defendit Sanchez *lib. 2. cap. 11. num. 11.* Barbosa *in remissionib. Concilij super hoc decretum, verbo in diœcesi sua.* Ratio est, quia Confessor Episcopi habet respectu Episcopi eam facultatem dispensandi, & absoluendi, quam habet Episcopus respectu suorum subditorum, ne Episcopus deterioris conditionis existeret omnibus suis subditis. Adde ex vi huius concessionis iam casus occulti Pontifici reseruati non sunt, siquidem Episcopus habet potestatem illos absoluendi, sed cum casus respectu Episcopi reseruati non sunt, potest Confessor Episcopi ex facultate sibi à iure concessa Episcopum ab illis absolvere. Ergo.

10 Tertia particula est, *in diœcesi sua, & in foro conscientia*, quæ appositæ non fuerunt in facultate concessa ad dispensandum, sed solum ad absoluendum à casibus occultis. Rationem autem quare sint appositæ in facultate absoluendi, & non in facultate dispensandi, dicit Barbosa *allegat. 39 num. 7.* esse, quia dispensandi facultas exerceri potest in absentem; & absolutio hæc, quia debet esse in sacramento Pœnitentiæ præsentiam subditi requirit. Quod autem hæc absolutio in sacramento debeat fieri, tenet Garcia *de benefic. 11. part. cap. 10. num. 139.* asserens sic sæpius declarasse congregationem Concilij. Aloysius Riccius *in praxi fori Ecclesiastici, resolut. 445. num. 8.* Barbosa *suprà.* At credo illa verba, *in foro conscientia*, non arctari ad Pœnitentiæ sacramentum, sed extra illud exerceri hanc facultatem posse; tum quia forum conscientia non est, forum sacramentale; sed solum est forum secretum conscientiam respiciens, tum quia hoc decretum est late interpretandum, vt supra dixi. Non ergo est limitandum ad forum sacramentale; & ita tenet Sanchez *lib. 8. de matrim. disp. 34. num. 29. & lib. 2. cap. 11. num. 13.* Suarez *de censuris, disp. 41. sect. 2. num. 11. & de fide, disput. 21. sect. 4. num. 5.* Nauarr. *lib. 5. consil. tit. de priuileg. consil. 11. quest. 2. in 2. edis.* & Garcia *suprà num. 138.* testatur esse communem sententiam.

11 Verba autem illa, *in diœcesi sua*, existimat Sanchez *lib. 2. in Decalog. cap. 11. num. 17.* & videtur consentire Barbosa *in remission. Concilij, super hunc locum*, non esse restrictiua facultatis Episcopo concessæ, sed potius quasi illius extensiuæ, siquidem comprehendunt subditos, qui verè subditi sunt ratione domicilij, siue existant in diœcesi, siue extra, & etiam subditos, qui solum ratione transitus in diœcesi commorantur. Quapropter dicit posse Episcopum virtute huius facultatis absolvere ab hæresi, reliquisque censuris subditum existentem in aliena diœcesi, etiam si ipse Episcopus extra diœcesim existat. Assumptum probat. Nam primò requiri non potest, vt vterque, Episcopus scilicet, & subditus in diœcesi existant; esset enim coarctate nimis priuilegium Concilij. Deinde requiri non potest, vt Episcopus in diœcesi propria existat, vt subditum à censuris absoluat; quia hæc absolutio est voluntariæ iurisdictionis exercitium, quod vbi libet fieri potest circa subditos. Vt ergo intelligeremus Concilium hanc iurisdictionem voluntariam limitasse, verbis clarioribus vti debebat, sicuti fecit *sess. 6. cap. 5. de reformat.* cum dixit, *nullis Episcopo liceat Pontificalia in alterius diœcesi exercere.* Tandem requiri non potest, vt subditus in diœcesi propria existat, quia verba illa, *in diœcesi sua*, non possunt ad subditos referri, aliàs non diceret, in diœcesi sua, sed in eorum diœcesi. Item Concilium apposuit virgulam diuidentem subditos à diœcesi sua; dixit enim, *liceat Episcopis quoscumque sibi subditos, in diœcesi sua absolvere*, quasi nolens diœcesim ad subditos referri.

12 Cæterum mihi probabilius est illa verba, *in diœcesi sua*, limitatoria esse facultatis absoluendi, quod mihi persuadeo, quia illa verba ibidem apposita in foro conscientia limitatoria sunt, quia ex vi illorum non pro-

dest absolutio pro foro externo. Ergo etiam sunt limitatoria in diœcesi sua. Adde nulla clausula in decretis superflue debet, imò neque vna syllaba, vt rectè expendit Thomas Sanchez *lib. 3. de matrim. disp. 46. num. 6.* Sed superfluerent illa verba, si potestas absoluendi non limitaretur, vel ad subditos existentes in propria diœcesi Episcopi, vel ad Episcopum existentem in sua diœcesi. Ergo ad vnum è duobus limitanda est. Minorem probō. Nam concessa Episcopo facultate absoluendi à censuris, potest absolvere quemcumque subditum, quomodocumque sit subditus, vel ratione domicilij, vel ratione habitationis, ita vt si sit subditus ratione domicilij, potest absolvere illum vbi libet existentem, quia non amittit subiectionem, si sit subditus ratione habitationis, dum actu habitat; quia tunc est subditus. Ergo illa verba, *in diœcesi sua*, nihil operantur. Ergo superfluum. Hoc autem non est dicendum. Ergo dicendum est limitatio esse facultatis absoluendi ad vnum è duobus, vel ad subditos existentes in sua diœcesi, vel ad se ipsum in sua diœcesi existentem.

13 Propter hæc Suarez *de censuris, disp. 41. sect. 2. n. 10. & 11.* dicit limitanda esse ad subditos, quia paci, & recto regimini conuenientius est, si potestas absoluendi non solum ad personas, sed etiam ad territoria limitetur. Mihi verò placet referenda illa verba, *in diœcesi sua*, ad Episcopos absoluentes, & ex illis limitanda esse, ita vt Episcopus extra propriam diœcesim existens non possit vti hac facultate sibi concessa, sed necessario debere existere in sua diœcesi, vt illa vti possit. sic docent Henriquez *lib. 14. de irregularit. cap. 20. num. 5.* Manuel *2. tom. summ. cap. 69. num. 1. sine.* Barbosa *allegat. 39. n. 7. fin.* Moueor, quia, vt dixi, illa verba, *in diœcesi sua*, non possunt ad subditos commodè referri. Et ratio congruentia efficacius in Prælatis, quàm in subditis procedit; magis enim pax, & concordia inter Prælatos offendi potest, ex eo quod vtatur extra propriam diœcesim existens potestate absoluendi sibi concessa, quàm ex eo quod existens in propria diœcesi subditum alibi existentem absoluat. Neque hoc est derogare iuri communi, & exercitio voluntariæ iurisdictionis, quod vbi libet potest exerceri; sicut non est derogatio iuris communis, & facultatis absoluendi, quod absolutio solum pro foro conscientia proficit. Quia cum Episcopus in his reseruatis nullam haberet potestatem, potuit Pontifex in concessione illius condiciones apponere absque iuris communis derogatione; quibus seruatis facultatem concedit, & illis omiſſis negat: vna autem ex conditionibus est, vt absolutio detur ab Episcopo existente in sua diœcesi; sicut est, vt solum pro foro interno, & conscientia proficit. Quod si virgeas, quare in facultate dispensandi hæc condiciones expostulatæ non sunt, bene tamen in facultate absoluendi, cum vtraque facultas extraiudicialiter exerceri possit, secundum nostram sententiam? Respondeo præcipuam rationem esse voluntatem sic concedentis, finis verò huius voluntatis potuit esse, vt remedium, quod erat sufficiens, delinquentibus occultis daretur, ipsique timerent delicta patrare, & publicare; videntes non posse eorum absolutionem ab Episcopis impetrare, nisi delicta occulta sint, & in foro interno, & existentibus Episcopis in diœcesi.

14 Quarta particula est, *vt delictum occultum sit, neque ad forum contentiosum deductum.* Non desunt in præsentia, qui affirmant occultum dici, quod verè probari non potest: ac proinde condistingui contra probabile. sic docet Garcia *de benefic. 7. part. cap. 11. num. 46.* Grassi *tom. 2. consil. sub tit. de homicid. consil. 2. num. 20.* Gutierrez *lib. 1. can. 99. cap. 13. num. 27.* Man. *addit. ad Bullam, 8. 9. num. 69. sine.* & alij. At tenenda est communis sententia Doctorum ibi occultum distingui à notorio publico, vel famoso. Quapropter etiam delictum ab aliquibus sciatur,

sciatur, modò non sciatur à maiori parte viciniae, vel collegij, in qua sint ad minus decem personae, neque in iudicio sit deductum, occultum debet dici. Et ratio est manifesta: nam si nomine *occulti*, delictum, quod in iudicio probari posset, intelligeretur, inutiliter expostulauit ad forum contentiosum esse deductum, cum sufficiens erat posse deduci. sic pluribus relatis docet Sanchez lib. 2. de *marrim. disput.* 38. num. 11. & lib. 8. *disput.* 34. num. 55. & lib. 2. in *Decalog. cap.* 11. n. 19. cum *seqq.* Azor *institutionum moralium*, 1. part. lib. 8. cap. 10. *quest.* 9. Bonacina de *cenfuris, disput.* 1. *quest.* 3. *punct.* 2. num. 1. Molin. de *iustit. tractat.* 3. *disput.* 79. num. 6. Barbosa innumeros referens de *potestate Episcopi*, 2. part. *allegat.* 39. n. 24. Debet tamen delictum in ratione delicti esse occultum, quod aduerto, quia contingere potest aliquem excommunicatum ministrare publicè sacramenta; ac non esse publicum ministrallè excommunicatione ligatum; & tunc delictum est omnino occultum. sic Sanchez lib. 8. *disput.* 34. num. 56. Sayrus de *cenfuris, lib.* 7. cap. 3. n. 13. Saa verbo *Episcopus*, num. 35. Barbosa num. 26. Riccius in *praxi fori Ecclesiastici, resolut.* 450. & alij apud ipsos. Quòd si vno loco publicum est delictum, & alibi expostulatur absolutio, vbi non timetur publicandum. Suarez de *pœnitent. disput.* 30. *sect.* 2. num. 2. existimat iam non esse occultum, & facultatem Concilij ad illud non extendi. Sanchez lib. 2. cap. 11. num. 20. cum Auila de *cenfuris*, 2. p. cap. 7. *disput.* 1. dub. 11. *concl.* 3. oppositum affirmat, sicque afferuisse viros doctissimos Salmanticè consultos. Mihi sententia Suarez maximè probatur, quia negari non potest delictum illud publicum esse; nam ad hanc denominationem sufficit vno loco publicari, sed Concilium exclusit delicta publica à facultate absoluendi, & dispensandi. Item vt delictum sit ad forum contentiosum deductum, sufficit vno loco deductum esse. Ergo etiam sufficit, vt publicum sit, vno loco publicari.

15 Deductum ad forum contentiosum, tunc contingit secundum plures Doctores, cum denuntiatio, vel accusatio coram legitimo iudice facta est, & reus ratione illius citatur, quia citatio est primus actus iudicij. §. *fin.* *Instit. de pœna temerè litigantium.* glossa in rubr. C. de *in iur. voc.* Aloytius Riccius *praxi fori Ecclesiastici, decis.* 522. alias in 2. edit. *resolut.* 449. Sanchez, relatis Auila & Henriquez, lib. 2. cap. 11. num. 21. Verùm mihi probabile est non dici delictum ad forum contentiosum esse plenè & perfectè deductum, quousque lis contestata sit: sic defendit Barbosa 2. part. de *potestate Episcopi, alleg.* 39. n. 29. sequentibus rationibus. Prima, quia forus contentiosus dici non potest, nisi inter partes super delicto commissio contendatur, negando, vel confitendo; quo actu litis contestatio etiam in criminalibus inducitur. Secundò forus contentiosus est idem ac iudicium, sed iudicium non est perfectum vsque ad litis contestationem, ex resolutis per Asin. in *praxi Florent.* §. 1. cap. 1. num. 14. & *seqq.* Lancelot. de *attentat. in prafat.* num. 7. Peregrin. var. lib. 2. sub rubr. de *iudic.* num. 54. Tertiò forus contentiosus non differt à lite mota, quia idem est in foro contendere, ac in eo litem mouere: ac lis mota dicitur, postquam litis contestatio facta fuerit, vt probat textus in cap. ex parte, 30. de *verborum significat.* & resoluunt Maranta de *ordin. iudic. part.* 5. tit. & omnia fiant durante *instantia*, num. 64. Surdus de *aliment. tit.* 5. q. 8. num. 4. Cabellusitan. *decis.* 15. num. 10. p. 2. Ergo delictum deductum esse ad forum contentiosum post litis contestationem dici debet, & non antè.

16 A delicto sic deducto ad contentiosum forum non potest Episcopus absolvere, neque dispensare, etiam alibi, vbi omnino ignoratur, quia vbiicumque fuerit deductum, simpliciter est deductum. Sanchez lib. 2. cap. 11. num. 21. Barbosa num. 31. & Doctores statim allegandi. Hoc autem intelligendum est interim dum est deductum, & durat iudicium: nam si reus ab-

solutus est, poterit tunc Episcopus absolvere, & dispensare, quia tunc manet delictum occultum; neque potest dici ad forum contentiosum deductum esse cum effectu; siquidem ibidem non est probatum. Sanchez, & Barbosa *suprà.* Suarez de *cenfuris, disput.* 41. *sect.* 2. num. 6. Sayrus de *cenfuris, lib.* 7. cap. 7. num. 12. Grassus *decis.* 1. part. lib. 1. cap. 13. num. 43. Molin. de *iustit. tract.* 3. *disput.* 79. num. 8. *vers.* 2. & 3. & alij apud ipsos. Quod etiam habet verum, etiam si iniquis probationibus, & falsis testibus se defenderit. Suarez, Sayro, Barbosa, Sanchez *suprà.* Quia semper eadem ratio procedit, scilicet manere occultum, neque ad forum contentiosum cum effectu deductum esse. Adde idem esse dicendum, si iudicium non fuerit sententia finitum, eo quòd accusator per annum tacuerit, quia taciturnitas accusatoris arguit defectum probationis, & æquiualeat absolutioni: sic Barbosa num. 34. & allegat Sayrum *suprà* cap. 7. num. 11. Maiol. de *origin. lib.* 3. cap. 17. sub n. 9. Campan. in *diuers. iuris canon. rubr.* 11. cap. 23. num. 144. Insuper si duo sint consortes eiusdem criminis, & vnus tantum in iudicium deferatur, alter absolui potest, quia eius delictum, quatenus ab ipso processit, ad iudicium delatum non est. sic Sanchez num. 21. cum Nauarr. lib. 2. *consil. tit. de sentent. & re iudicat. consil.* 2. in 2. edit.

17 Sed quid si delictum ad forum contentiosum deductum sit, & ibi punitum, poteritne tunc Episcopus absolvere, vel in impedimento inde proueniente dispensare? Affirmat Sanchez *illo* num. 21. Henriquez lib. 14. de *irregular. cap.* 7. num. 5. Auila de *cenfuris*, 2. part. *disput.* 2. dub. 7. & part. 7. *disput.* 10. dub. 7. Reginald. lib. 30. *tract.* 2. num. 29. *vers. sextò.* Mouentur, quia finis Concilij in hac reservatione cessat, reservauit enim delicta publica, & deducta ad contentiosum forum; ne absolutione Episcopi impediretur satisfactio publica pro delictis publicis exhibenda; & processus iudicialis semel inchoatus, sed iudicio finito, & satisfactione publica exhibita, cessat hic finis. Ergo. Mihi tamen contrarium probabilius est, quia euidentius est, illud delictum notorium esse, & publicum; siquidem est in iudicio probatum: ea autem, quæ sic probata sunt, notoria sunt, vt multis relatis tradit Mascard. de *probationibus, conclus.* 1101. num. 13. & *conclus.* 1296. num. 15. Tiraquel. de *retrat. lignag.* §. 36. glossa 2. num. 44. Menoch. de *arbitrar. casu* 166. num. 6. Item illud delictum est cum effectu ad forum contentiosum deductum; siquidem ibi est probatum, & punitum. Ergo non comprehenditur sub hoc priuilegio. Probo consequentiam, quia priuilegium est de delicto occulto, neque ad forum contentiosum deducto, cuius contra est tale delictum. Item absolutio, quæ in supradicto cap. conceditur, est solùm pro foro conscientiae: ac delictum sic manifestum, & publicum non solùm indiget absolutione pro foro conscientiae, sed etiam pro exteriori. Ergo sub hac concessione tale delictum non fuit comprehensum: & ita tenet Suarez de *cenfuris, disput.* 41. *sect.* 2. num. 5. ad finem. & Gutierrez *canon. qq. lib.* 1. cap. 3. ad finem. Bonacina de *cenfuris, disput.* 1. *quest.* 3. *punct.* 2. num. 2. & *disput.* 7. *quest.* 5. *punct.* 1. num. 5. Barbosa 2. part. *allegat.* 39. num. 35. Neque obstat ratio contraria: nam esto admittamus in illo delicto esse satisfactum intentioni Concilij negantis absolutionem delicti publici, & ad forum contentiosum deducti, non inde inferitur posse Episcopum in eius absolutione se intromittere, nisi à Pontifice fuerit concessum: cum autem sub verbis concessionis illa delicta non comprehendantur, ad illa se extendere non potest: illa enim ratio probat optimè conuenire, vt Pontifex hanc Episcopis facultatem concedat, non tamen probat esse concessam.

18 Quintum requisitum est, vt Episcopus absolutionem à casibus reservatis *per se, vel per suum vicarium ad id specialiter deputatum concedat; in crimine autem hæresis per*

se, & non per vicarium. Circa quæ verba aduerte in facultate dispensandi non esse appositum, vt per vicarium dispensationem concedat Episcopus. Ex quo silentio non levis controuersia inter Doctores orta est, an liceat Episcopis vicario committere dispensationes irregularitatis, & aliorum impedimentorum, sicuti potest & absolutionem à casibus reservatis? Alij affirmant, quia est potestas commissæ non personæ, sed dignitati; alij negant, quia virtualiter restricta fuit potestas dispensandi ad solum Episcopum, ex eo quod potestas absoluedi ipsi, & non vicario concedatur. Constitutio enim ambigua in vna parte, ex alia declarari debet. Ergo cum in secunda parte illius constitutionis appositum extensionem ad vicarium, & in prima omiserit, tacite limitauit, ne vicario talis potestas concederetur. Neque deest ratio differentiarum; quare vicario permittatur potestas absoluedi, non autem dispensandi, quia absoluedi potestas magis necessaria est ad salutem animarum. Propter hæc Barbosa *alleg. 39. num. 14. sine*, non audet iudicium ferre in hac causa. At ego nixus auctoritate Sanchez, Nauarr. & Suarez statim allegandi, iudico potestatem dispensandi committi posse cuilibet vicario generali delegato, & cuilibet etiam speciali personæ, quia cum sit potestas iure communi dignitati Episcopali competens, non est cur delegabilis non sit. Neque ex eo quod in secunda parte illius decreti commissæ sit potestas absoluedi Episcopis, aut eorum vicariis specialiter deputatis; arguitur bene potestatem dispensandi solum Episcopis competere, neque aliis delegari posse; quia ad restrictionem aliquam concedendam aduersantem iuri communi clariora fundamenta debent esse. Sensus igitur est. Potestas dispensandi in irregularitatibus, & suspensionibus concessa Episcopis, est ita illis concessa, vt possint non solum suo vicario specialiter delegare, sed etiam alteri. At potestas absoluedi à casibus reservatis, cum animarum salutem immediatius respiciant, non alteri, quam vicario ad id specialiter deputato delegari potest; potestas verò absoluedi ab hæresi, quia grauior est, neque etiam huic vicario delegabilis est. sic Sanchez *de matrim. lib. 2. disp. 40. num. 17. & lib. 2. in Decal. cap. 11. num. 25.* Suarez *de censur. disp. 41. sect. 2. num. 8.* Nauarr. *consil. 11. tit. de privileg. num. 4.*

19 Difficultas ergo est, an absolutio hæresis committi ab Episcopo possit alicui? Affirmat Sanchez *lib. 2. cap. 11. num. 23.* cum Nauarr. *lib. 1. consil. 11. de constitut. consil. 1. quest. ult. n. 89. & lib. 5. consil. tit. de privileg. consil. 11. quest. 2. & 3.* Eman. Saa *verbo Episcopus, num. 37.* Azor *tom. 1. lib. 8. instit. mor. cap. 10. quest. 11.* Cordub. *summ. q. 8.* Henriquez *lib. 6. de pœnit. cap. 14. num. 7.* Eman. Rodr. *qq. regul. quest. 30. art. 11. & in explicat. bullæ, §. 9. num. 79. sine, & in addit. §. 9. num. 69.* Probat, quia potestas hæc absoluedi ab hæresi commissæ est Episcopis præsentibus, & futuris in perpetuum; sed quando aliquid sic conceditur, non eligitur industria personæ, sed officij, & dignitatis, vt optimè tradit Ias. in *l. more maiorum, num. 65. ff. de iur. fact. om. iud.* Menoch. *de arbit. lib. 1. quest. 64. num. 17.* Gregor. Lop. *leg. 47. sine tit. 18. part. 3.* Ergo de se delegabilis est. Sed ex supradictis verbis Concilij hæc delegandi potestas non ita restringitur, & limitatur, vt nullo modo delegari possit. Ergo. Minorem probo. Nam Concilium solum exclusit vicarium ad id specialiter deputatum, sed hoc intelligi potest de vicario specialiter deputato ad casus hæresis contingentes, non de vicario specialiter deputato ad vnicum casum tunc oblatum. Ergo ille quasi generalis vicarius erit exclusus, non autem hic specialissimus.

20 Nihilominus etsi supradicta sententia probabilis sit, at longè probabilior est omnem vicarium esse exclusum; ac proinde non posse Episcopum per alium,

quam per se ipsum ab hæresi absolueret. sic tradit noster Molina *tratt. 5. de iustu. disp. 18. num. 2.* Gutier. *lib. 1. canon. qq. cap. 13. num. 29.* Garcia *11. p. de benefic. cap. 10. num. 113.* Lorca *2. 2. diffut. 45. num. 11.* Suarez *de pœnit. diffut. 30. sect. 2. num. 9. & 15. & de fide diffut. 21. sect. 4. num. 8.* Moneor, quia in hac absolutione ille vicarius est exclusus, qui admissus fuit in absolutione à reliquis casibus reservatis, vt videtur ex contextu constare, sed pro reliquorum casuum absolutione, quilibet vicarius, siue generalis, siue specialis, deputari potest, vt etiam ipse Sanchez admittit. Ergo pro absolutione hæresis quilibet erit exclusus. Adde, dictio *negans* appositæ ante vicarium, omnem vicarium excludit, & dictio *tantum* appositæ Episcopis ad eorum personas potestatem restringit, aliàs si aliis liceret, non Episcopus tantum, sed etiam eorum vicariis specialissimis licitum esset, contra verba Concilij, quæ absoluta sunt. Neque in hac restrictione committitur vlla derogatio iuris communis. Siquidem Episcopi non habent à iure communi potestatem absoluedi à reservatis Pontifici. Cum ergo eis tribuitur talis facultas, limitari, coartarique poterit à Pontifice, vt solum ipsis pro sit, non aliis, quod non est Episcoporum iuri derogare, sed beneficium limitare concedere. Adde si Episcopis non conceditur, vt possint delegare alicui facultatem generalem absoluedi ab hæresi, sicuti non audent contrariæ sententiæ Doctores concedere, quia iam iste esset Vicarius generalis, qui à Concilio est exclusus. Non videtur, quia ratione sit necessarium delegare potestatem absoluedi ab aliquo casu hæresis contingente. quia si prudenter Episcopus procedat, non potest hanc potestatem delegare, nisi instructus sit esse causam sufficientem ad delegandum; cum autem de causa requisita ad delegationem illam specialem instruat, instrui potest de causa requisita, & conueniente ad tollendam censuram. Ergo poterit ipse etiam reo absente censuram tollere, quia sublata manet peccatum hæresis non reservatum, & à quolibet confessore approbato absoluedum.

21 Restat vltimò inquirendum, an hæc facultas Episcopis concessa per Trident. absoluedi à casibus Pontificiis, & specialiter ab hæresi sit reuocata per Bullam Cœnæ in illa vltima clausula, in qua sic habetur. Ceterum à Prædictis sententiis nullus per alium, quam per Romanum Pontificem, nisi in mortis articulo constitutus, neque etiam tunc, nisi de stando Ecclesiæ mandatis, & satisfaciendo cautione præstita absolui potest, etiam prætextu quorumvis facultatum, & indultorum, quibuscumque personis ecclesiasticis, secularibus, & quorumvis ordinum etiam mendicantium, ac militarium, regularibus etiam Episcopali, vel alia maiori dignitate præditis, ipsisque ordinibus, & eorum monasteriis, conuentibus, & domibus, ac Capitulis, collegiis, confraternitatibus, congregationibus, hospitalibus, & locis piis, nec à laicis etiam imperiali, regali, & alia mundana excellentia fulgentibus, per nos, & dictam sedem, ac cuiusvis Concilij decreta, verbo, literis, aut alia quacumque scriptura in genere, & in specie concessorum, & innovatorum, ac concedendorum, & innovandorum. Et additur excommunicatio aduersus eos, qui sic absolueret præsumpserint. sic Gregor. XV. & Urban. VIII. suis Bullis.

Non desunt plures authores, qui affirmant ex vi huius clausulæ non reuocari Episcopis facultatem absoluedi concessam in Trident. sic docet Bannes *2. 2. q. 11. art. 4. dub. 2. post 2. conclus. arg. 3.* & ibi Arag. *art. 3.* Nauarr. *sum. lat. cap. 27. n. 260. & lib. 5. consil. tit. de privileg. consil. 11. quest. 1.* Gutier. *qq. canon. in poster. lib. 1. cap. 13. ad finem.* Henriquez *lib. 6. de pœnit. cap. 14. n. 7.* Lorca *2. 2. diffut. 45. n. 10.* reputat probabilem Suarez *tom. de censur. disp. 21. sect. 3. num. 5.* & alij plures, quos refert Sanchez, & Barbosa in secunda sententia allegandi. Præcipuum funda

fundamentum est, quia correctio iuris vitanda est, quo ad fieri possit, sed absque correctione iuris Trident. stare potest clausula Bullæ reuocans facultates, quibus absolutio impendi poterat. Ergo affirmandum est clausulam Bullæ supradictam Trident. facultatem non reuocare. Minorem probo. Primò, quia Bulla solum dicit, *ut nullus possit absolui prætexitu quorumcunque privilegiorum, quæ Episcopis, conuentibus, & alijs concessa sint per Sedem Apostolicam*, at qui ab Episcopis absolui intendit, non intendit absolui prætexitu alicuius privilegij à Sede Apostolica concessi, ut dicit Bannes, sed prætexitu autoritatis à Christo Domino datæ. Ergo. Secundò, quia Bulla optimè potest intelligi de peccatis publicis, & de absolutione, quæ non solum pro foro conscientie, sed etiam externo proficit; siquidem nihil in Bulla habetur, quæ cogat nos de peccatis occultis, & de foro conscientie reuocationem intelligere. Sensus ergo Bullæ est, ut nullus possit absolui, absolutione proficiente in foro externo, vel à peccatis publicis prætexitu privilegiorum, &c. Quòd si hoc modo intelligatur, manet integrum Trident. decretum. Nam Trident. concedit solum absolutionem casus occulti, & pro foro conscientie. Ergo si Bulla reuocat casus publicos, & absolutionem proficientem in foro externo; non immutat, nec corrigit decretum Trident. Ergo hæc explicatio sustinenda est, ut iuris correctio vitetur. Tertiò, lex generalis præcipuè correctoria, etiamsi posterior sit, limitanda est ex speciali antecedenti, ut late probaui *tractat. de legib.* Ergo hæc lex correctoria Bullæ, quæ generalis est, limitari, & coarctari debet per specialem Trident. Quattò non obstante clausula reuocatoria Bullæ Cœnæ manet integrum privilegium in Cruciata concessum pœnitentibus, ut semel in vita possint absolui à quolibet Confessore approbato à quibusvis peccatis, & censuris, &c. Ergo etiam poterit integrum manere privilegium Episcopis concessum in Trident. non obstante clausula reuocatoria. Quintum fundamentum est, quia non est evidens Bullam Cœnæ supradictam facultatem reuocare, ut ex supradictis constat; sed absque evidenti reuocationis nemo tenetur se iure proprio spoliare. Ergo non debent Episcopi se reputare spoliatos hac facultate absoluendi absque clariori noticia. Quòd si dicas constare euidenter esse reuocatam hanc facultatem Episcopis, non ex verbis Bullæ præcisè, sed ex illis iuncta Pontificum declaratione. Respondere possumus de declaratione nobis authenticè non constare. Nam esto plures Doctores eam firment, ex fama, & opinione loquuntur. Item indigebat talis declaratio speciali promulgatione, ut vim legis reuocantis haberet, aliàs nos arctare non potest.

22 Cæterum tenenda est, ut longè probabilior contraria sententia, scilicet per clausulam Bullæ Episcopis reuocantem esse facultatem absoluendi ab hæresi, reliquisque ibi contentis. sic Suarez *de pœnitent. disp. 30. sect. 2. num. 11. & de censuris, disp. 2. sect. 3. num. 3.* Pegna *direct. 3. part. comment. 141. post quest. 92. versic. penultim.* ubi testatur iuxta hanc opinionem in supremo generali inquisitionis prætorio sæpè pronuntiatum esse. Tuscus *de visitat. lib. 2. cap. 3. num. 5. & cap. 23. num. 4.* Marc. Anton. Genuens. *in praxi Archiepiscop. Neapolit. cap. 67. num. 10. in prima editione*, ubi testatur, Gregorium XIII. & Clementem VIII. sic declarasse. Azor *tom. 1. lib. 8. cap. 19. quest. 3. & cap. 10. quest. 10.* & affirmat se audiuisse à religioso, docto, & fide digno sic declarasse Clement. VIII. Pro hac parte extant duæ authenticæ declarationes Cardinalium, testatur Nicol. Garcia *1. part. de benefic. cap. 10. num. 122.* & Suarez *suprà*, & hanc esse sequendam innumeros referens firmat Barbosa *2. part. de potestate Episcopi, allegat. 40. num. 25. & in remissionibus Concily, verbo & in hæresi crimine.* Sanchez *lib. 2. Decalog. cap. 11. fine.* Fatiniacius *de hæresi, quest. 192. num. 61.* Bona-

cina *disp. 1. de censuris, quest. 3. punct. 2. num. 1. vers. 1.* quos ne fastidio sim omitto. Præcipuum fundamentum, quo moueor, est tantorum virorum autoritas, quæ in re morali magni habenda est, nec deferenda ob excogitatas, & parum firmas distractiones. Quòd si huic auctoritati efficax ratio accedit, omnino sequenda est. Ratio autem ea est. Negari non potest privilegium à Concilio concessum Episcopis derogari posse à Pontifice, sed ex supradictis Bullæ verbis colligitur satis fuisse derogatum. Ergo. Minorem probo. Nam Pontifex prohibet, ne detur absolutio hæresis, & reliquorum casuum in Bulla contentorum prætexitu privilegiorum, quæ Episcopis, religiosis, conuentibus, &c. concessa sint à Sede Apostolica etiam decreto alicuius Concilij. Sed nullum Concilium, nisi Trident. hanc facultatem absoluendi ab hæresi, reliquisque casibus reservatis concessit. Ergo hanc facultatem, quæ in hoc Concilio conceditur, intendit Pontifex reuocare; aliàs superfluerent verba illa, *alicuius Concilij decreta*. Neque dici potest reuocare facultatem absoluendi à casibus publicis, & pro foro externo, quia hæc non est data à Concilio, præcipuè cum reservatio non tam pro foro externo, quam pro foro conscientie facta est, siquidem solum permittitur in articulo mortis absolutionem præstari. Alij verò probant hanc conclusionem ex eo, quòd non videatur necessarium ad derogandum privilegiis, & constitutionibus Trident. illius fieri expressam mentionem; siquidem ipsum Trident. *sess. 25. c. 2. i. in fine* Concilij excipit auctoritatem Pontificis in suis decretis, dicitque se velle, ut robur habeant, dum Pontifici placuerit, & non ultra, inquit enim sancta Synodus omnia, & singula sub quibuscumque clausulis, & verbis, quæ de morum reformatione, atque Ecclesiastica disciplina, tam sub felicis recordationis Paulo III. ac Iulio IV. quam sub beatissimo Pio IV. Pontificibus maximis, in hoc sacro Concilio statuta sunt, declarat ea decreta fuisse, *ut in his salua semper auctoritas Sedis Apostolicæ sit, & esse intelligatur*. Ergo cum Pontifex suam auctoritatem interponit, ne ullus ab hæresi, reliquisque in Bulla contentis absoluator, non debet dici reuocare privilegium in Trident. concessum, sed ipsum Trident. privilegium cessare, quia cessauit conditio, sub qua fuit concessum. Verum hæc ratio, quam aliqui magni faciunt, meo iudicio non concludit. Admitto non reuocari decreta Trident. quoties Pontifex suam auctoritatem in contrarium interponit, sed cessare ex conditione in ipsis decretis appositæ. At hoc opus, hic labor est, quando censetur Pontifex suam auctoritatem in contrarium interponere, & credo nunquam censeri, nisi id verbis expressis, & mentionem facientibus dicti Concilij, saltem in genere exprimat, ut latius diximus, cum de reuocatione legis, & privilegiorum egimus.

23 Verum etsi Episcopi non possint in foro conscientie hæreticos pœnitentes absoluerè, iuxta magis receptam, veriorémque sententiam; at possunt in foro externo eos absoluerè, & Ecclesiæ reconciliare, illisque pœnitentiam iniungere, quæ absolutio illis proderit in foro interiori, probat expressè textus *in cap. ut officium, in princ. versic. si verò, de hereticis, in 6.* illis verbis, *absolutionis beneficium impendatis*, & iniungatis eisdem, quod iniungi talibus consuevit, & ita tradit Archidiacon. *ibi num. 1. verbo impendatis.* Ioan. Andr. *num. 1.* Gemin. *2. fine.* glossa *in cap. excommunicamus, el 1. §. credentes, ad fin. de hereticis.* ibi Hostiens. *num. 24.* Felin. *sub num. 3.* Anania *num. 4.* Zabarella *num. 6. fine.* Repert. *Inquisitionum verbo absolutio, versic. sed nunc prosequendo, & versic. ex predictis concluditur.* Squallicens. *tract. de fide catholice, cap. 27. num. 3.* Eymer. *3. part. quest. 92.* quos omnes refert, & sequitur Fatiniacius *de hæresi, quest. 191. §. 4. num. 32.* ubi aduertit, quòd esto Lælius Zechius *in summ. 1. p. tit. de fide, rubr. de hæresi, cap. 11. n. 18. versic. 4.* dicat in supremo inquisi-

inquisitionis senatu pronunciatum esse, ut solis Inquisitoribus liceat pœnitentes hæreticos in foro externo absolueret, & non Episcopis, non esse à proposita doctrina recedendum; quia est à Doctores communiter recepta, & iuri consona, consentit etiam iis Bonac. *diff. 1. de censur. quest. 3. punct. 2. num. 11.* Aduerto tamen in Hispania prædictam facultatem illis reuocatam esse. Non enim Episcopi sine Inquisitore, neque Inquisitor sine Episcopo saltem requisito absolueret possunt hæreticum, & Ecclesiæ reconciliare, ut constat ex praxi.

§. II.

Expenditur facultas absoluerendi ab hæresi concessa Inquisitoribus.

- 1 Pro foro externo clarum est illis esse facultatem concessam.
- 2 In foro conscientie est aliqualis difficultas, proponitur difficultatis ratio, & Doctores afferentes quemlibet Inquisitorem hac potestate gaudere.
- 3 Probabilius est oppositum.
- 4 Satis sit fundamento, num. 2. adducto.
- 5 Absolutio data ab Inquisitoribus hæretico fidei conuerso valida non est.
- 6 Quid si non integrè delictum manifestasti? Sub distinctione respondetur.

1 **C**onstat iis committam esse facultatem absoluerendi hæreticos pœnitentes pro foro externo, ex text. in *cap. ut officium, de hæretic. in 6.* & ex pluribus Bullis relatis à Pegna in *fine direct. quorumque meminit Farinac. de hæresi, quest. 192. num. 54.*

2 Difficultas ergo est, an illis liceat in foro conscientie? Rationem difficultatis constituerunt verba Bullæ Clementis VII. edita anno 1530. quæ incipit, *Cum sicut*, & refertur à Pegna in *direct. inquisit.* inter Bullas illius Pontificis, ubi dicitur, *Vobis etiam, ac vicariis presatis extraiudicialiter Lutheranos occultos, & non inquisitos per ordinarium, siue alios iudices, aut alios quoscumque hæreticos, fautores, defensores, & receptatores, necnon à sancta fide Apostatas, eosque qui contra inhibitionem Sedis Apostolicæ tenuerunt, vel legerunt libros Martini Lutheri, vel aliorum, aut eidem, siue eisdem quomodolibet adhaeserunt (si ad cor reuersi pœnitentes id humiliter petierint) postquam hæresim, qua polluti, & infecti erant, abiurauerint, medio iuramento promiserint de cetero ab huiusmodi hæresi penitus abstinere, absoluerendi, illisque pro præmissis pœnitentiam iniungendi salutarem, eosque ad gremium sanctæ matris Ecclesiæ restituendi, & reducendi, auctoritate Apostolica, tenore presentium litterarum licentiam, & facultatem concedimus.* Ex his ergo verbis sic formatur ratio dubitandi. In hac constitutione datur facultas Inquisitoribus, & eorum commissariis absoluerendi hæreticos occultos, neque ab vilo iudice prius Inquisitos extraiudicialiter. Ergo est data facultas illos absoluerendi in foro conscientie. Probo consequentiam, quia absolueret iudicialiter, seu pro foro iudiciali non solum occultos hæreticos pœnitentes, & voluntariè misericordiam expostulantes licet Inquisitoribus, ex *suprad. cap. ut officium*, & ex aliis text. sed etiam publicos hæreticos, & ad iudicium venire compulso. Ergo aliquid speciale hæc constitutio concedere Inquisitoribus intendebat. Quod non videtur esse aliud, nisi absolutionem pro foro conscientie. Neque obstat supradictam Bullam dirigi specialiter ad Inquisitores ordinis Prædicatorum existentes in Lombardia; imò videri esse specialem commissionem factam personis, & non dignitati. Quia esto ex tenore Bullæ sic appareat, consuetudine receptum est ad omnes Inquisitores extendi. & fauent ea, quæ tradit Pegna 3. p. *direct. quest. 109. comm. 158. a vers. nec obstat*, ubi probat priui-

legia Inquisitoribus specialibus concessa ad omnes Inquisitores dirigi, ex *cap. ult. §. ult. de hæretic. in 6. Clement. 1. §. ult. de hæretic. & l. Arriani, §. cunctis quoque legibus, C. de legib.* Neque etiam obstat per Bullam Cœnæ reuocari omnem facultatem absoluerendi ab hæresi, & casibus contentis in foro conscientie, quominus possimus affirmare hanc facultatem perseverare, quia, ut dicit Bannes statim allegandus, Bulla solum reuocat facultates absoluerendi, quæ pœnitentibus concessæ sunt, vel saltem; quæ concessæ sunt directè in illorum fauorem: at hæc facultas absoluerendi ab hæresi in foro conscientie non pœnitentibus hæreticis, imò neque directè in ipsorum fauorem est concessa Inquisitoribus; sed est illis concessa in fauorem officij, quod exercent, defendendi fidem, & ad maiorem illorum auctoritatem; indirectè tamen in animarum fauorem. Non ergo censetur reuocata hæc facultas. Addi etiam potest congruentia magni momenti. Ad Ecclesiæ pertinet providere fidelibus delinquentibus remedium facile, & suauis, ut à peccato liberentur. Si autem penes Inquisitores non relinqueretur facultas absoluerendi ab hæresi occulta in foro conscientie hæretici occulti, carerent remedio facili, & suauis, ut à peccato liberentur. Non enim est remedium facile, & suauis, sed nimis rigorosum cogere hæreticum occultum, ut presentibus testibus, vel coram Notario hæresim suam occultam, & soli Deo notam Inquisitori manifestet. Hoc autem est illi omnino necessarium, si Inquisitor, & Episcopi non habent in foro conscientie facultatem absoluerendi ab hæresi. Ergo dicendum est saltem Inquisitores illam habere; & ita supponit Nauarr. *lib. 5. consil. tit. de priuileg. consil. 11.* Campegius *ad cap. 34.* Zanch. *de hæret. vers. cum itaque*, Bannes 2. 2. q. 11. art. 4. dub. 2. post 3. argum. contra 2. conclus. Gutierrez. *can. 11. lib. 1. cap. 13. num. 7.* Vivald. *Candelab. 1. p. sit. 11. de absol. num. 15.* testatur praxim ita esse Man. in *Bulla Crucis, §. 9. num. 70. sine.* Eymet. 3. p. *direct. num. 61.* alios plures refert Sanchez *lib. 2. cap. 12. num. 1.* ipsæque eam *num. 3.* probabilem reputat. Ex qua sententia inferunt Inquisitorem non sacerdotem posse hac facultate uti, quia non est coarctanda potestas ad forum sacramentale, sed ad forum secretum. Item & posse Inquisitorem alteri vices suas delegare, quia potestas est competens ex officio; ac proinde delegabilis, dum in honorarium non fuerit expressa prohibitio. Sanchez *num. 4. & 5.*

3 Nihilominus probabilius existimo nulli Inquisitori, neque tribunali datam esse facultatem absoluerendi ab hæresi, & excommunicationibus reseruatam in foro conscientie, sed necessariò debere fieri in foro externo, & iudiciali. sic Sanchez *num. 3.* Farinac. *de hæresi, quest. 191. num. 54.* Suarez *de fide disp. 21. sect. 4. num. 15.* Garcia *de benefic. 11. p. cap. 10. num. 121.* Barbosa 2. p. *de potest. Episc. allegat. 40. num. 28.* Ratio est, quia Inquisitores neque ex vi muneris, neque ex aliquo priuilegio, neque ex consuetudine habent potestatem pro solo conscientie foro absoluerendi. Ergo gratis asseritur talis facultas. Abrecedens probo. Munus Inquisitoris est delicta inquirere, & iudicialiter punire delinquentes: est enim iudex pro foro externo constitutus. Ergo ex vi muneris hæc facultatem absoluerendi ab hæresi pro solo conscientie foro non habet. Ex priuilegio autem non videtur illam habere, nullum enim aliud refertur, nisi contentum in *suprad. Bulla Clement. VII.* Sed illud nec loquitur de omnibus Inquisitoribus, sed solum Inquisitoribus ordinis Prædicatorum residentibus in Lombardia, & illo tempore presentibus, & concessio ad omnes extendi, non loquitur de absolutione fori conscientie, sed externi: tum quia non committit facultatem absoluerendi, nisi præstito iuramento, & abiurata hæresi: quæ conditiones pro foro interiori non videbantur necessariæ. Neque verbum extraiudicialiter veget, nam, ut testatur Barbosa *num. 27.* sæpè declaratum est in supremo inquisitionis

sitionis Romanæ tribunali verbum illud, *extra iudicialiter*, non tollere formam iudicii, scilicet depositionem coram Notario, & testibus, vel saltem coram Notario tantum; sed tollere solemnitatem iudicii, quæ consistit in eo, quod plures adsint iudicio, pluribusque iudicium innotescat; facultas ergo Inquisitoribus data, ut extra iudicialiter pœnitentes hæreticos, & à nullo iudice inquisitos absolvere possint, in eo consistit, ut possint ad secretam abiurationem, & secretam pœnitentiam eosmittere. Non tamen quod pro solo conscientie foro absolvere possint. Quod si supradictum privilegium de absolutione pro solo conscientie foro loquatur, non video qua ratione Episcopis reuocata sit per Bullam facultas absolendi ab hæresi, & casibus in Bulla contentis, & non reuocetur Inquisitoribus, cum etiam Episcopis in sui fauorem, & ob eorum dignitatem sit tale privilegium concessum, & Bulla omnia privilegia, quorum potestate quislibet impetrare absolutionem posset, reuocat, siquidem absoluentes huiusmodi reos excommunicatione innodantur. Denique ex consuetudine contrarium omnino constat, nunquam enim Inquisitores, nisi coram Secretario, pœnitentem hæreticum audire volunt, ut ipsemet Bannes fatetur, & consulit Emeric. 3. part. director. num. 59. Adde declarationem Cardinalium relata à Barbosa sess. 24. cap. 6. Concilij, num. 7. in hæc verba: *Episcopus, aut Inquisitor absolvere iam non possunt hominem hæreticum in foro conscientie, licet hæc facultas à Concilio sit ipsis tradita.*

4 Ex his constat solutio contrarij fundamenti: & ad congruentiam de rigore dicimus non esse nimium in delicto ita graui, & Christianæ reipublicæ nociuo obligare delinquentes, ut Inquisitori coram Notario se manifestent, præcipue cum totus ille rigor temperetur abunde, ex eo quod sic absolutus secretò, etiam si postea delictum publicetur, non possit de illo iterum iudicari, & puniri, ut bene notauit ex Campegio Suarez de fide disp. 21. sect. 4. num. 18. Item est convenientissimum ille rigor, (si aliquis est,) ut arceantur homines à simili delicto committendo, videntes difficultatem in illius absolutione, quæ est ratio, quare Ecclesia aliquorum casuum absolutionem reservat. Hæc autem facultas sic secretò absolendi, etiam si præcipue in toto tribunali resideat, in quolibet etiam Inquisitore residet, vel quia sibi inuicem vices committunt, ut placet Suarez n. 18. vel, quod probabilius existimo, quia Bulla Clem. VII. non cum tribunali, sed cum Inquisitoribus singulis, & seorsim loquitur; siquidem eorum vicariis, & commissariis facultatem eandem tradit, qui tamen non constituunt tribunal: sic Sanchez lib. 2. Decalog. cap. 12. num. 4.

5 Sed inquires, an absolutio data hæretico sicut conuerso, cuius fictionem ignorat absolvens, valida sit, ita si postea verè pœniteat, & ex corde conuertatur, nulla indigeat absolutione?

Respondeo minimè valere ex defectu intentionis in absolvente; non enim intendit absolvere, nisi fidelem: at qui in sua hæresi pertinax est, infidelis est, & indignus absolutione. Sayrus Thesauri casuum, tom. 1. lib. 2. cap. 21. num. 26. & 27. Henriquez lib. 13. de excommunicat. cap. 30. num. 3. & 4. Suarez de censuris, disp. 7. sect. 7. num. 12. & disp. 21. de fide, sect. 4. num. 19. Verum, quia hæc absolutio quoad forum externum valida, & firma reputatur, non indigebit hæreticus verè iam conuersus absolutione aliqua iudiciali, sed ipsemet Inquisitor solus sine Notario, & testibus illum absolvere poterit. Exemplo matrimonij contracti in facie Ecclesiæ inualidè ob aliquod occultum impedimentum, quod secundum multorum sententiam reualidatur sine vlla exteriori solemnitate per iteratum consensum contrahentium. sic expressè Suarez illo num. 19.

6 Sed quid si falsus sis hæresim, v.g. Iudaismum, non

tamen declarasti, quoties iudaizasti, sed aliquos actus externos Iudaismi manifestasti, alios occultasti; manes ne absolutus? Et quidem si ignoranter fecisti, non est dubium te absolutum manere; at si ex malitia processisti, distinguendum est; si actus, quos omisisti manifestare, variarent detecti grauius iudicium; ita ut obligarent iudicem ad grauiorem pœnitentiam tibi imponendam, censeo te non manere absolutum; secus verò, si iudicium eodem modo persisteret. Et ita explico illa verba, quæ communiter in absolutione hæretici apponuntur, nempe *si ita est, ut ex corde conuertatur, non tacens de se, nec de aliquo alio rem aliquam contra nostram sanctam fidem Catholicam eum absoluiimus, & non aliter.* Hæc enim verba requirunt, ut ex corde hæreticus conuertatur, nihilque aduersus nostram fidem taceat, quod graue sit, meritòque iudicem ad variationem iudicii mouere possit.

Quod si inquires, quando præsumi potest ex manifestatione rei tacite variandum esse iudicium?

Respondeo arbitrio prudentis relinquendum esse. Putarem sanè, si plures diuersas hæreses haberes, & aliquam omitteres manifestare, in hoc omnes conueniunt. Secundò, si eiusdem hæresis actus tres, vel quatuor diceres, cum tamen essent decem, vel viginti. Tertiò, si alicuius personæ, quam obligatus es manifestare, denuntiationem omisisti. Nam esto illa manifestata non varietur iudicium respectu tui quoad pœnitentiam tibi imponendam; variatur tamen absolute iudicium respectu personæ denuntiatae, cuius variationis tu debebas esse causa.

§. III.

Quid dicendum de religioforum privilegiis.

- 1 Statuitur privilegium Societatis, aliisque religionibus concessum.
- 2 Qua ratione hæc facultas concedatur à Præposito generali.
- 3 Superioribus Societatis datur facultas absolendi ab excommunicatione incurfa ob lectionem librorum prohibitorum.

1 Respondeo nostrum Reuerendissimum P. Præpositum generalem facultatem habere per se, vel per alios absolendi quoscumque ab hæresi in foro conscientie. Quam facultatem concessit illi Iulius III. viuz vocis oraculo primùm, ut in *vina vocis oraculis* pag. 9. Deinde per breue in litteris Apostolicis pag. 66. Confirmavit verò, & denuò concessit Gregorius XII. die 18. Martij 1584. pro reliquis orbis partibus (Hispania excepta) in *vina vocis oraculis* pag. 123. Hæc autem facultas Prouincialis communicatur, sed extra Hispaniam, ut habet privilegium cum potestate, ut re maturè considerata, quando sibi videbitur in Domino expedire, in casibus particularibus possint id aliis communicare. Hæc omnia habentur in compendio privilegiorum Societatis Iesv, verbo *absolutio*, §. 3. Respectu autem illorum, qui sub obedientia Societatis viuunt, habet Præpositus generalis, & quibus ipse commiserit, facultatem eos absolendi in foro conscientie ab hæresi, & à relapsu in hæresim, si quis (quod Deus auertat) in eam incideret. Quam facultatem etiam pro Hispania concessit Gregorius XIII. die 18. Martij 1584. ut in *vina vocis oraculis* pag. 133. sic in compendio privilegiorum Societatis, verbo *absolutio*, §. 7. & in §. 8. dicitur. Facultate concessa Minoribus de Obseruantia Ultramontanis possunt Præpositus generalis, aut Prouincialis Societatis Iesv Ultramontani absolvere nostros Ultramontanos sibi subditos, & dispensare cum eis, quoties opus fuerit à rela

à relapsu in hæresim, aut apostasiam, & eorum pœnas à iure constitutas commutare augendo, vel minuendo, pensatis qualitate, & quantitate, aliisque debitis circumstantiis: dummodo talium relapsorum crimina publica, & notoria apud seculares non sint, ut ex hoc scandalum oriri possit. Alexand. V I. in *monum. Adinorum fol. 70. concess. 164.* & refertur, quamquam non satis plenè, in *compendio eorundem, verbo absolutio ordinis quoad fratres, §. 18.*

2 Hæc absoluendi facultas reservatur in Societate Præposito generali, communicatur tamen provincialibus sub onere monendi pœnitentem, manere sub pœna peccati mortalis obligatum, vel se Præposito generali præsentandi, vel rem eidem manifestandi eo modo, qui servata sigilli integritate Provinciali videbitur. Iam monui in Hispania ob particularia inquisitionis indulgentia non dari vltum huius facultatis.

3 Item omnibus superioribus Societatis, & iis, quibus ipsi communicauerint, concessa est facultas absoluendi ab excommunicatione incurfa ob lectionem librorum prohibitorum, in his locis, ubi possunt nostri ab hæresi absolueri: sic concessit Gregor. XIII. die 6. Nouembr. 1583. prout in *vina vocis oraculis pag. 132.* & habetur *supradicto compendio priuilegiarum, verbo absolutio, §. 4.* ubi aduertitur, si libri prohibiti editi sunt ad stabilenda dogmata hæretica, non poterunt communicare hanc facultatem superiores, nisi in casibus particularibus perspectis circumstantiis. In iis verò provinciis, in quibus ex peculiari concessione amplior esset facultas, liber permittitur illius usus.

§. IV.

Expenditur facultas absoluendi ab hæresi per Bullam, aut Iubilæum concessa.

- 1 Sub facultate generali absoluendi à reservatis, comprehendendi reservata in Bulla Cœnæ, & sub facultate absoluendi à reservatis in Bulla Cœnæ comprehendendi hæresim affirmant plures.
- 2 Probabilius est oppositum.
- 3 Hæreticus absolutus in foro conscientie non excusatur subire iudicium fori externi.

Aliquando Pontifex Iubilæum concedit cum facultate absoluendi ab omnibus sibi reservatis, neque exprimit reservata in Bulla Cœnæ, aliquando ea exprimit hæresi non expressa, aliquando verò & hæresim exprimit. Dubium ergo est, an sub facultate illa generali absoluendi ab omnibus reservatis, comprehendantur reservata in Bulla Cœnæ, etiamsi non exprimantur, & sub facultate generali absoluendi ab omnibus reservatis in Bulla Cœnæ, etiam crimen hæresis ibi contentum veniat intelligendum? Ratio dubitandi est, quia beneficium Principis latè est interpretandum, præcipuè cum eius lata interpretatio non excedit proprietatem verborum: at sub reservatis à Pontifice comprehendere contenta in Bulla Cœnæ, & sub contentis in Bulla Cœnæ comprehendere hæresim, non est excedere proprietatem verborum; sed potiùs verborum proprietati conformari. Ergo. Item in reservatione alicuius casus Pontificij non datur magis, vel minus, siquidem integrè consistit in eo, quod nemini alteri à Pontifice sit facultas ab eo absoluendi. Si igitur datur facultas absoluendi ab omnibus reservatis Pontifici, non est vltra ratio, quare aliqui casus reservati ab illa concessione generali excipiantur. Quod si aliquis dicat hoc sustineri posse, nisi Gregor. XIII. in quodam motu proprio relato ab Emanuel. Rodriq. *additionib. ad Bullam, §. 9. num. 66.* qui incipit, *Officium nostra partus,* datum Romæ 22. Septembr. 1576. declarallèt hæresim

non comprehendi sub facultate generali absoluendi à contentis in Bulla Cœnæ. Responderi facile possit ibi solum declarasse hæresim non comprehendi in facultate absoluendi concessa per Bullam Cruciatæ, quod quidem verissimum est, imò expressè in tali Bulla Cruciatæ crimen hoc excipitur. Ergo dum non est talis declaratio, vel exceptio, generalis doctrina admittenda est, nempe sub reservatis in Bulla Cœnæ hæresim comprehendi. sic tradit Soto 4. *distinct. 22. quest. 2. art. 3. conclus. 5.* Corduba in *summ. quest. 8.* Lorca 2. 2. *disp. 45. num. 13.* Farinac. *quest. 192. num. 63.* Pegna 3. *p. direct. comm. 25. vers. quod si quis dicat, & vers. quod si quis querat.* Reginald. in *praxi lib. 8. num. 53. sine.* Frechilla de *excommunication. art. 1. part. 4. num. 7. dub. 1. praxi Episcopalis, 1. p. verbo absolutio, §. 5. & part. 2. eodem verbo, §. 4.* & alij relati à Garcia 11. *p. de benefic. cap. 10. num. 110.* & probabilem reputat Suarez *tom. de censuris, disput. 7. sect. 5. num. 12.*

2 At credo probabilius esse, sub facultate generali absoluendi à reservatis non comprehendi reservata in Bulla Cœnæ, nec sub facultate absoluendi à reservatis in Bulla Cœnæ comprehendendi hæresim: sic tradit tanquam certissimum, Sanchez *lib. 2. in Decalog. cap. 12. num. 10.* Garcia *dislo. cap. 10. num. 109.* Barbosa 2. *p. de potest. Episc. allegat. 40. num. 31.* Azor *tom. 1. lib. 8. in ista. moral. cap. 10. quest. 12.* Suarez de *fide, disput. 21. sect. 4. num. 21.* Couarr. *cap. alma mater, 1. p. §. 11. num. 15.* Rojas de *hæreticis, 2. p. assert. 39. num. 321.* & de *priuileg. inquisit. num. 416.* ubi ait motu quodam Pij V. edito anno 1572. sic esse declaratum. Vgolin. de *censur. tab. 1. cap. 10. §. 4. num. 8.* Aragon. 2. 2. *quest. 11. art. 3. §. sed dubium est.* Emanuel Rodriq. in *addition. ad Bullam, §. 9. num. 66.* & alij apud ipsos. Ratio præcipua desumenda est ex stylo, & usu curiæ Romanæ, qui in hac parte vim legis habet. At Azor *supradicto loco, & cap. 19. quest. 2.* Suarez, & Barbosa *suprà*, testantur ex stylo Romanæ curiæ sub illa generali facultate absoluendi à reservatis non comprehendi contenta in Bulla Cœnæ, neque sub contentis in Bulla Cœnæ comprehendendi hæresim. Ergo non est licitum ad ea concessionem extendere, quia concessio extendi non potest vltra voluntatem, & intentionem manifestam concedentis. Quod autem hic sit stylus Romanæ curiæ, præterquam quod ita testantur graues Doctores, probari potest ex eo, quod sæpe in Iubilæis post absolutam concessionem absoluendi à reservatis in Bulla, exprimi solet & à crimine hæresis; cuius expressio superflueret, si sub priori clausula sufficienter contineretur. Adde esse creditu difficile reservationem tot legibus stabilitam Cruciatæ Bulla, & Iubilæis, aliisque priuilegiis ordinariis concedentibus absolutionem à reservatis, derogari.

3 Obseruandum tamen est hæreticum absolutum in foro conscientie, vel ab Episcopo, vel ab Inquisitore secundum probabilem sententiam, vel ab alio confessorio, cui speciale priuilegium esset concessum, non esse excusatum subire iudicium, & sententiam fori iudicialis. Quia diuersi fines in utroque iudicio respiciuntur. In foro enim conscientie attenditur satisfactio Deo exhibenda, & salutis propriæ medicina. At in iudiciali foro spectatur satisfactio reipublicæ, & reparatio offensionis ex malo exemplo susceptæ. sic glossa in *cap. gaudemus, de diuersis, verbo poterit.* Anton. Gomez *tom. 3. variar. cap. 1. num. 40.* Pegna *direct. 2. p. comm. 25. versic. rursus altera questio.* Zanch. de *hæretic. cap. 34.* Suarez de *fide, disput. 21. sect. 4. num. 6.* Sanchez *lib. 2. in Decalog. cap. 12. num. 7.* Barbosa 2. *p. de potest. Episc. allegat. 40. num. 29.* quod verum habet etiam si pœnitentia in foro conscientie posita fuerit publica, ita ex Anton. Gomez, Pegna, & aliis docet Sanchez *illo num. 7. sine.*

§. V.

De facultate absoluendi ab hæresi, aliisque
reſeruatīs pro articulo mortis.

- 1 Pro hoc articulo certiffimum eſt poſſe abſolvere quemlibet Sacerdotem.
- 2 Qualis cenſeatur articulus mortis.
- 3 Famina partui proxima abſolvi poteſt. Idem eſt de navigatione longa, itinere, & morbo periculoſo.
- 4 Plures Doctores cenſent impedimentum perpetuum reputari articulum mortis pro alijs criminibus ab hæreſi.
- 5 Pro hæreſi etiam videtur idem eſſe aſſerendum.
- 6 Si poteſt ſuperiorem vocare, vel ab illo medio Confeſſario facultatem obtinere, plures affirmant te eſſe obligatum hanc præſtare diligentiam, neque te poſſe abſolutionem ab alio obtinere.
- 7 Probabilius eſt oppoſitum.
- 8 Simplex Sacerdos, ſameſi parochus, ſeu ſuperior adſit, poteſt in hoc articulo abſolutionem impendere, ſecundum plurium ſententiam.
- 9 Probabilius eſt oppoſitum.
- 10 Satiſfit contrarijs num. 8. adductis.
- 11 Tenearis ne ad Episcopum accedere.
- 12 Si incepra ſuis confeſſio cum ſimplici Sacerdote, non tenearis proprio conſiteri, ſameſi poſtea venias.
- 13 Teneris ex duobus Sacerdotibus, uno privilegium habente abſoluendi à reſervatis, al. non, eligere privilegium.
- 14 Qui Sacerdotes non ſunt, poteſtatem non habens abſolvens ab hæreſis excommunicatione.
- 15 Ut hac abſolutio in tubileo concedatur, debet triplex conditio ſervari, ſpecialiter debet fieri parti offeſa ſatiſfactio.
- 16 Secundò debet abſolendus præſtare iuramentum de obediendo mandatis Eccleſiæ.
- 17 Tertiò debet comparere coram reſervante, quando commode poſſit.
- 18 Explicatur obligatio huius iuramenti.
- 19 Si ex malitia, vel ignorantia Confeſſoris hoc iuramentum non expoſtuletur, manet abſolutus reus, ſed cum obligatione comparendi.
- 20 Non comparenti, cum ad id obligatur, imponitur ſimilis cenſura ei, à qua primò ſuit abſolutus.
- 21 Poteſt fieri ſatis huic obligationi comparendi, ſi per procuratorem compareas.
- 22 Satiſfactio huic obligationi comparendi, ſi abſolutionem obtineas ab habente privilegium abſoluendi.

Communis eſt hæc quaſtio tam hæreſi, quàm reliquis peccatis reſervatis, ideo breuiter expedienda eſt. Si quæ deſiderantur, peti debent ex his quæ in traët. de pœnit. & cenſur. dicimus.

Concluſio in hac re certiffima eſt, quemlibet Sacerdotem in articulo mortis abſolvere poſſe hæreticum pœnitentem, & quemlibet alium peccatorem à cenſuris, & peccatis, quibus adſtrictus eſt: habetur cap. de his, & ſeqq. 26. quaſt. 6. & in Trident. ſeſſ. 14. cap. 7. de ſacram. Pœnit. affirmans ſic ſemper in Eccleſia eſſe obſervatum. Ut ergo doctrina huius concluſionis, & privilegium conceſſum pro articulo mortis perſectè intelligatur, tria declaranda ſunt. Primò, quis ſit articulus mortis in hoc decreto. Secundò, qui poſſint abſolutionem pro tali articulo præſtare. Tertiò, quibus conditionibus præſtanda ſit.

1 Circa articulum mortis aſſerendum eſt non intelligi cum eo rigore, ut ſolus verus articulus mortis intelligatur, ſed benigniùs explicari debere, ut comprehendat quodlibet morale periculum moriendi ſine ſacra-

Ferd. de Caſtro Sum. Mor. Pars I.

mento. ſic Molin. tom. 4. de iuſtis, diſput. 63. num. 6. Zambrano de caſibus art. mort. præluđ. 1. num. 7. Sanchez lib. 2. in Decal. cap. 13. num. 1. Suarez de pœnitent. diſp. 26. ſect. 4. & de cenſuris, diſp. 21. ſect. 1. & ſpecialiter loquens de hæreſi, diſput. 21. de fide ſect. 4. num. 23. Farinacius de hæreſi, quaſt. 192. num. 62. Ratio eſt manifeſta, quia hoc privilegium fidelibus eſt conceſſum, ne ſine abſolutione decedant. Ergo eſt illis conceſſum, cum habent periculum morale decedendi; aliàs ſi expectandum eſſet verum periculum, ſæpè ſine abſolutione decederent, quia nec ſatis cognosci poſſet, nec præveniri. Aduerto debere eſſe morale periculum, nam ſi pro certo tibi conſtat antequam illud periculum patiaris ad futurum ſuperiorem caſus reſervantem, vel alium, qui vices illius teneat, qui abſolutionem præſtet, ceſſat tibi privilegium, quia ceſſat neceſſitas illo vtendi, cum non ſis in mortis articulo, neque in periculo decedendi ſine abſolutione legitima. ſic Zambrano num. 8. Sanchez num. 3. Suarez de fide, num. 23. Secundò aduerto periculum tibi debere eſſe moraliter inevitabile. nam ſi abſque graui iactura honoris, vitæ, vel fortunæ vitare periculum poteſt, non diceris conſtitutus in mortis periculo, ſed tu periculum conſtituere, & aſſumere. Sanchez num. 3.

3 Hinc inferitur fœminam partui proximam, ſi ob eius complexionem delicatam, vel aliunde timet periclitari, (ut ferè ſemper hoc periculum contingit,) poſſe hac facultate vtī. Idem eſt de eo, qui morbo periculoſo laborat, vel actum aliquem aggreſſurus eſt, qui ſecum hoc periculum habeat, qualis reputatur longa navigatio, pugna cum inimicis, aggreſſio itineris periculoſi, & moraliter inevitabilis. Suarez, Zambrano, Sanchez locis citatis.

4 Difficultas autem eſt, an ſub articulo, vel periculo mortis comprehendī debeat quodlibet aliud impedimentum perpetuum ægritudinis, paupertatis, ſervitutis, &c. adeundi ſummum Pontificem, vel alium, qui nomine ipſius abſolutionem concedat? Ratio dubitandi eſt. Nam ſic impeditus moraliter eſt certus non poſſe antemortem abſolui à legitimo ſuperiore. Ergo eſt iam conſtitutus in neceſſitate impetrandi ab alio abſolutionem, ne ſine illa decedat. Quòd autem illa neceſſitas non ſit ita vrgens, ut ſtatim obliget, ſed latitudinem habeat, non tollit quominus vera neceſſitas ſit, verumque ſit, ſic impeditum neceſſitatem habere impetrandi ab alio, quàm à legitimo ſuperiore abſolutionem. Et confirmo. Si moraliter conſtat huic impedito nunquam habiturum eſſe occasionem obtinendi à ſuperiore legitimo abſolutionem ab eo tempore, quo hoc illi conſtat, poterit hoc privilegio vtī, ne ſine abſolutione decedat, quia ab illo tempore eſt illi neceſſarium tale privilegium: & inutiliter expectabit verum articulum mortis, cum neceſſitas eadem ſit. Propter hanc rationem communiter Doctores ſentiunt illud impedimentum, perpetuum reputari, verum articulum, ſeu periculum mortis in ordine ad impetrandam ab alio, quàm à ſuperiore legitimo abſolutionem. ſic Nauarr. cap. 27. n. 89. Couarr. cap. alma, 1. part. §. 11. num. 15. Henriquez lib. 1. de excomm. cap. 27. num. 3. & lib. 6. de pœnitent. cap. 16. n. 1. & cap. 9. n. 7. & cap. 10. n. 1. & 2. Vgolin. de cenſur. tab. 1. cap. 4. §. 5. n. 13. & de reſervatis Pape, 3. p. cap. 2. §. 4. num. 1. Suarez diſp. 21. de fide, ſect. 4. n. 26. Sanchez lib. 2. cap. 13. num. 36. & alij plures ab eiſdem relati, colligiturque ex cap. eos qui, de ſentent. excomm. in 6. ubi abſolutis ob periculum mortis, vel ob aliud impedimentum à cenſura Pontifici reſervatâ, iniungitur onus comparendi coram legitimo ſuperiore. Ecce quomodo non ſolùm periculum mortis, ſed impedimentum adeundi ſuperiorem abſolutionis beneficium concedit. Item textus in cap. ea uoſtitur, & cap. quod de his, de ſentent. excomm. decidunt ſic impeditos abſolui poſſe, ac ſi in periculo mortis

N n eſſent

essent constituti. Et licet specialiter de percussione clerici loquantur, eadem est ratio in omnibus excommunicationibus reservatis: & tradunt communiter Doctores. Felin. *cap. quamvis, de sentent. excommunicat. fin.* Abbas *cap. de cetero, num. 1. cod. tit.* Solum in eximine hæresis non audent plures Doctores, quos refert, & sequitur Sanchez *num. 37.* Suarez *illa sect. 4. in fine*, hanc extensionem concedere ob eius singularem gravitatem, & rigorosam reservationem. Adduntque sic impedito nullam superere viam se ab excommunicatione hæreticali liberandi, nisi accessus ad Inquisitores, vel Pontificem per litteras, vel procuratorem tacito nomine, siquidem Episcopo per Bullam revocata est facultas in Trident. concessa.

5 Fateor sola autoritate horum Doctorum hanc sententiam probabilem reputari. Nam si licet proferre, quod sentio, existimarem sanè æquè de hæresi, ac de aliis criminibus posse, sic impeditum absolvi à quolibet Confessario; quia potestas utendi hoc privilegio fundatur in necessitate pœnitentis: at quo delictum gravius, graviolem necessitatem pœnitens habet. Ergo non ob gravitatem hæresis limitandum est. Adde, quia, ut ipsemet Sanchez *n. 14.* affirmat, & statim dicemus, nullus tenetur in periculo mortis constitutus medio procuratore, aut litteris missis absolutionis beneficium impetrare, quia nemo tenetur medium assumere, quo eius delictum manifestari possit. Ergo neque etiam tenetur adstrictus illo perpetuo impedimento, quod mortis periculo æquivaleret, assumere procuratorem, vel litteris facultatem procurare. Aliàs si propter gravitatem hæresis, & illius specialem reservationem deberet pœnitens impeditus confugere ad Inquisitores, vel ad Pontificem per procuratorem, etiam in articulo mortis constitutus deberet eam diligentiam adhibere. Neque videtur esse specialior ratio in vno casu, quam in alio.

Sed quid si dubites, an possis vivere, quousque superiori te præsentare possis, poteris ne in articulo mortis dubio absolutionem ab alio obtinere?

Respondeo te posse, quia superior non est censendus velle te periculo damnationis exponere reservando casus: at huic periculo te exponeret, si in illo articulo mortis dubio absolutionem negaret. Ergo. Adde, privilegium absolventi à reservatis pro articulo mortis latè debet interpretari, utpote iure insertum, & in favorem animarum concessum. Ergo ad articulum dubium debet extendi. Sanchez *lib. 2. cap. 13. n. 8.* Molin. *de iust. tom. 4. tract. 3. disp. 63.* Reginald. *lib. 9. n. 10.* Bonacina *disp. 1. de censur. q. 3. p. 3. n. 6.*

6 Hinc ergo solvitur communis dubitatio, quam in præsentis Doctores movent, an si constitutus in mortis periculo possis vocare superiorem, vel medio procuratore, aut Confessario, aut litteris missis impetrare ab eo absolutionem excommunicationis, vel facultatem absolventi; tenearis id facere? Affirmat Zambrano *de casib. art. mortis, cap. 4. dub. 4. n. 15.* & *dub. 6. n. 4.* Bonacina *disp. 1. de censur. q. 3. p. 3. n. 5.* Ratio esse potest, quia illa non reputatur necessitas, quæ facili negotio vitari potest, ac vitare faciliè potes absentiam Confessoris proprii, si voces superiorem, vel medio alio Confessario facultatem ab eo petas. Ergo teneris. Adde dici non posse, te carere copia Confessoris, siquidem in tua voluntate absq; multo gravamine situm est illum habere.

7 Verùm tenendum est contrarium, esse articulum necessitatis, quoties non potes superiorem adire, etiam si illum vocare possis: colligitur satis ex *cap. quamvis, de sentent. excommunicat.* ubi ad obtinendam absolutionem solum expostulatur, ut quolibet impedimento canonico retrahatur, quominus Romanum Pontificem possit adire: & tradit Corduba *summ. quest. 18. p. 2.* Valent. *4. tom. disp. 8. q. 10. p. 2.* Azor *tom. 1. lib. 8. institut. moral.*

cap. 19. q. 5. Henriquez *lib. 6. de pœnitent. cap. 9. num. ult. in comment. lit. O.* & *cap. 11. n. 4.* Sanchez *lib. 2. in Decalog. cap. 13. num. 14.* Ratio est, quia si superiorem adire non potes pro absolutione obtinenda, reputatur tibi absolutio illius impossibilis, quia omnia media, quibus illam obtinere potes, reputantur, ac si essent impossibilia. Ergo adest tunc articulus necessitatis. Antecedens probo discurrendo per illa media. Primum de procuratore est medium, quod semper à iure reputatum fuit difficillimum, utpote quod includit manifestare alicui à Confessore tuam conscientiam, eaque de causa iura nunquam obligant delinquentem se superiori præsentare per procuratorem, sed per se ipsum. Ergo tale remedium reputatur, ac si non esset possibile, quia illo uti non obligaris. sic Vgolin. *de censuris Pontificis reservatis, 3. part. cap. 2. §. 4. num. 1.* & *de censuris, tab. 1. cap. 4. §. 5. num. 13. sine.* Navarr. *cap. 27. num. 90.* Sanchez alios refertens, *num. 14.* Suarez *de fide, disp. 21. sect. 4. n. 15.* Secundum medium est scriptura, si media illa te superiori præsentent, sed neque hoc medium teneris apponere, quia est medium de se manifestativum delicti aliis, ob quam causam excusaris peccata scribere, etiam si alia via in articulo mortis non valeas confiteri, ut communis tenet sententia. sic Sanchez *n. 14.* Tertium esse potest, si Confessarius nomine tuo obtineat à superiore facultatem. Sed neque hoc medium obligaris assumere; quia est medium alienum à reservatione, & ipsam reservationem tollens. Ergo ex vi reservationis non potes obligari illud apponere. Adde te non posse obligari ad querendum privilegium proprium. Quæ ratione dicit Sanchez *illo n. 14.* te non esse obligatum in illo articulo accipere Bullam, sed posse ordinario iuris beneficio uti. Ergo à fortiori obligari non potes querere privilegium alteri, ut te possit absolvere. Tandem esse potest medium vocare superiorem, cui venienti, & præsentis possis delictum manifestare, & absolutionem ab eo obtinere. Sed neque hoc medium est tibi in præcepto; aliàs esset tibi impositum præceptum de querendo superiore. Deinde rarò tale medium exequi poteris sine nota, casu quo superior annuat petitioni tue: nam sæpè non annuet. Ergo non potes obligari ad id, quod regulariter impossibile est: & ita tradit Sanchez *illo cap. 13. n. 14.* cum Henriquez *lib. 6. de pœnitent. cap. 9. n. ult.* & *cap. 11. n. 4.*

8 Circa secundum punctum de personis, quæ possint pro tali articulo, & periculo mortis absolutionem præstare, est dubium an simplex Sacerdos possit præsentare proprio Sacerdote, vel superiore, cui casus sunt reservati? Affirmant plures tam de absolutione peccatorum, quam censurarum. Primum, quia iure divino est omnibus Sacerdotibus pro illo articulo commissa facultas. Secundò, quia in favorem illius articuli, & levamen morituri reservatio omnino cessat pro illo articulo; tum quia in reservatione semper talis articulus excipitur. Tum quia ita tradit Trident. *sess. 14. cap. 7. de pœnitent. fin.* ibi, *in Ecclesia Dei custoditum semper fuit, ut nulla sit reservatio in articulo mortis.* Sed cessante reservatione nulla adest causa adeundi superiorem. Ergo poteris à quolibet alio Sacerdote, æquè ac à superiore absolutionem impetrare. Tertio, quia Trident. dicto loco asserit omnes Sacerdotes quoslibet pœnitentes à quibusvis peccatis, & censuris absolvere possunt: neque concessionem limitavit ad casum, in quo absente proprio Sacerdote. Ergo non debemus nos illud limitare, cum sit privilegium in animarum favorem: hoc tenet Navarr. *lib. 5. consil. tit. de pœnitent. & remissionibus, consil. 23. num. 2. & 3. in 2. editione.* Emanuel Saaz *verbo absolutio, num. 6.* Henriquez *lib. 6. de pœnitent. cap. 13. num. 4. & 6.* Man. *1. tom. sup. cap. 59. conclus. 3. num. 5. & 6.* addit. ad Bullam, *§. 9. num. 44.* Augustinus Barbosa *2. part. de potestate Episcopi, allegat. 25. num. 51.* & in remissionibus

Concilij, sess. 14. cap. 7. circa finem. Sayro decis. 21. de pœnit. Reginald. lib. 1. num. 60. & alij. Adduntque hi Doctores omnem Sacerdotem hanc potestatem habere, etsi excommunicatus, suspensus, interdictus, imò degradatus sit; quia verè sunt Sacerdotes, & necessitas pœnitentis eos à peccato administrationis excusat. sic Nauarr. cap. 27. num. 271. versic. septimò. Salzedo pract. cap. 33. versic. excusabitur. Cenedo plures referens, ad Decretal. collect. 25. num. 9. Barbosa in remissionibus Concilij, verbo nulla sit reservatio, & 2. part. de potestate Episcopi, allegat. 25. num. 50.

9 Verum etsi hæc sententia probabilis sit, probabilior, & securior mihi videtur ea, quæ affirmat præsentem superiore, cui casus sunt reservati, & volente absolvere pœnitentem, non posse pœnitentem ab inferiore absolutionem impetrare: sic pluribus relatis Zambrano de casibus artic. mortis, cap. 4. dub. 4. num. 3. & seqq. Sanchez lib. 2. cap. 13. num. 7. Suarez de pœnitent. disp. 26. sect. 4. num. 4. & de censuris, disput. 22. sect. 1. num. 62. & de fide, disput. 21. sect. 4. num. 4. Bonacina de sacram. disput. 5. quest. 7. punct. 1. num. 10. in fin. & de censuris, disp. 1. quest. 3. punct. 3. num. 3. Coninch de sacram. disp. 8. dub. 11. n. 90. & alij, quos refert Barbosa supradict. allegat. 25. num. 51. Molin. tom. 4. de iustit. disput. 63. num. 2. affirmans sic declarasse Gregorium XIII. & in declarationibus Concilij relatis à Barbosa supra, extat declaratio in hæc verba. Congregatio censuit Sacerdotem alioqui idoneum, si tamen ad audiendas confessiones approbatus non sit, iuxta cap. 15. sess. 23. non posse validè à peccatis mortalibus absolvere pœnitentem in articulo mortis constitutum, ubi parochus præsens iam perhibeat, paratùsque sit infirmi audire confessionem, illumque absolvere, neque vlla subsit causa parochum ipsum recusandi. Ratio est, quia præsentem proprio Sacerdote parato sacramentum ministrare, cessat necessitas impetrandi ab alio absolutionem. Ergo cessat privilegium, quod solum ob necessitatem absolutionis datum est; ne scilicet pœnitens occasione reservationis sine absolutione periret. Adde in reservatis Pontifici, nullus absolui potest, nisi sub onere se præsentandi Pontifici, cum primùm possit. Ergo supponit Pontifex non posse pœnitentem se antea præsentare: eaque de causa solet in iure hæc conditio apponi, cum conceditur aliis facultas absolvendi à reservatis, si ad superiorem recursus non sit. sic Extravagans 1. §. decernimus, de sentent. excommunic. & extr. vag. inter cunctas, §. incendiarios, de privileg. & habetur cap. presbyter 26. quest. 6. Ergo si datur superior præsens, cessat aliorum facultas.

10 Neque obstant contraria.

Ad primum nego iure diuino datam esse omnibus Sacerdotibus hanc facultatem, sed à iure Ecclesiastico promanasse, etiamsi illius initium non sit notum: ut bene Tolet. sum. lib. 1. cap. 15. num. 1. Farin. de heresi, q. 192. n. 62. Suarez multis relatis de pœnit. disp. 26. sect. 4. Vasq. q. 93. art. 1. dub. 3.

Ad secundum nego reservationem cessare pro quocumque articulo mortis, sed pro articulo mortis necessario.

Ad tertium similiter respondeo omnes Sacerdotes habere hanc facultatem absolvendi, si absit Sacerdos proprius. Quare præferendus est semper Sacerdos proprius omnibus aliis, deinde approbatus etiam in aliena diocesi simplici, & simplex excommunicato suspensio, vel interdicto, & hi hæretico, vel degradato. sic Sanchez lib. 2. cap. 13. n. 10.

11 Quod verò aliqui affirmant te debere ad Episcopum confugere, si recursus non sit ad Pontificem, verum non habet in omni casu, quia non omnes casus illi conceduntur, sed casus occulti, hæresi excepta, ex Trident. sess. 24. cap. 6. Item percussio clericici, ex cap. ea moscitur, & cap. de catero, de sentent. excommunic. Ergo non li-

cet ad alios facultatem extendere. Suarez de pœnitent. disp. 30. sect. 3. num. 4. & de fide, disp. 21. sect. 4. n. 24. Molin. tom. 4. de iustit. disp. 63. n. 3. Henriquez lib. 6. de pœnitent. cap. 11. n. 5. Sanchez lib. 2. cap. 13. n. 9.

12 Sed quid dicendum, si incepta confessione cum simplici Sacerdote veniat proprius Sacerdos?

Respondeo te non teneri cum proprio Sacerdote confiteri, sed simplicem posse tibi absolutionem impendere, quia ille simplex Sacerdos usus fuit iurisdictione delegata tibi pro illo articulo concessa: sed iurisdictione delegata non spirat, quando res non est integra morte concedentis, sed extendi potest, vsquedum perficiatur, ex cap. gratum, cap. relatum, de offic. delegat. Ergo etiam extendi debet in hoc casu, ubi confessio incepta est. Adde iurisdictionem concessam simplici Sacerdoti pro illo articulo non esse conditionatam, & ad tempus, quousque, inquam, veniat proprius Sacerdos, sed, est concessio absoluta. Non ergo limitanda est; & ita tenet Henriquez lib. 6. de pœnitent. cap. 11. num. 8. Sanchez lib. 2. cap. 13. num. 15. Bonacina disp. 1. de censur. q. 3. punct. 3. n. 3. Aduerto tamen, si peccatum habet censuram reservatam, debes prius facultatem à superiore, cui est reservata censura, expostulare, vel ab eo absolui de censura, quia ratione censura reservata, non potes absolutionem ab alio, quàm à reservante obtinere, nisi sub onere te superiori præsentandi, cum primùm possis. Ergo cum tunc te illi possis præsentare, sine dubio teneris. Quod si ipse nollit absolutionem censuræ, neque facultatem ab illa absolvendi concedere, nisi cum illo confitearis, nullo modo id facere teneris. quia ipse non habet potestatem limitandi iurisdictionem ab Ecclesia pro articulo mortis concessam. sic Sanchez lib. 2. cap. 13. num. 15. Bonacina disp. 1. de censur. quest. 3. punct. 3. n. 3. fine.

13 Quod si duo Sacerdotes simul adsint approbati ad audiendas confessiones, & alius ex privilegio habeat facultatem absolvendi à reservatis, alter verò illo careat; existimant Suarez de pœnit. disput. 30. sect. 3. num. 5. Henriquez lib. 6. cap. 10. n. 1. in comm. lit. D. quemlibet ex illis eligi posse, quia non teneris uti privilegio alterius, & in illo articulo omnis reservatio cessat. Cæterum probabilius cenfeo necessariò eligendum esse, qui habet privilegium, quia medio privilegio cessat reservatio, & necessitas recurrendi ad superiorem, vel habentem vices ipsius. sic Nauarr. cap. 27. n. 90. Sanchez c. 13. n. 11. & lib. 2. de matrim. disp. 40. n. 8. Vasquez de pœnitent. q. 93. art. 1. dub. 4. n. 18. Bonacina disp. 1. de censur. q. 3. p. 3. n. 7. Reginald. lib. 1. n. 61.

14 Tandem dubitare potes, an alij, qui Sacerdotes non sint, potestatem habeant in articulo mortis absolvendi à censuris?

Respondeo ex probabiliori sententia non habere, quia finis, ob quem facultas absolvendi à censuris conceditur in articulo mortis, est, ut pœnitens absolutionem à peccatis, reliquaque sacramenta recipiat. Quapropter solum illarum censurarum, quæ receptionem sacramentorum impediunt, absolutio conceditur, ut bene dicit Zambrano de casibus artic. mort. cap. 4. dub. 4. num. 17. Sanchez num. 12. Bonacina num. 8. sed absolutionem à peccatis concedere, Eucharistiam, & Extremam unctionem ministrare non potest alius à Sacerdote. Ergo neque etiam potest alius à Sacerdote absolutionem censurarum concedere. Adde in Trident. sess. 14. cap. 7. de pœnitent. solum de Sacerdotibus fieri mentionem: & ita tenet Suarez de censur. disp. 7. sect. 7. n. 3. & 6. Sanchez lib. 2. c. 13. n. 11. Filliucius in 1. cap. 10. quest. 5. Bonacina disp. 1. de censur. q. 3. p. 3. n. 1. & 2. Mol. tom. 4. de iust. disp. 63. n. 3. & alij apud ipsos. Verum etsi hoc ita sit, credo clericum, qui Sacerdos non sit, deficiente Sacerdote, & laicum deficiente clerico non solum posse, sed etiam debere in illo articulo absolvere ligatum excommunicatione:

sic docet Henriquez cum aliis *de clerico prima tonsura*, lib. 6. de pœnis. cap. 9. n. 3. & ad laicum extendit Sanchez lib. 2. cap. 13. n. 13. Ratio est, quia negari non potest esse probabile absolutionem sic expensam valere: sicut enim defendunt graues Doctores, quos refert Suarez *de censuris*, disp. 7. sect. 7. n. 4. & Sanchez n. 13. sed ut illo usu probabili nihil nocere, sed potius prodesse potest; tum ad sepeliendum defunctum in loco sacro; tum ut illi sacrificia publica applicentur. Ergo adest obligatio illius. sic Sanchez *supra*, ubi aduertit, si absolutio excommunicationis à non Sacerdote obtenta sit, expedire maxime, ut post mortem absoluat ab eo, cui excommunicatio erat reseruata. Ne forte contingat absolutionem à laico exhibitam inuolidam esse, & suffragia publica excommunicato applicata non prodesse.

15 Circa tertium punctum de conditionibus seruandis in absolutione ab hæresi, aliòve crimine reseruato, triplex conditio exposita potest. Prima satisfactio, si qua est exhibenda parti læsæ. Secunda iuramentum de obediendo mandatis Ecclesiæ. Tertia obligatio comparendi coram reseruante. De prima conditione, quæ est satisfactio, omnes conueniunt esse exhibendam si potest, antequam præstetur absolutio; at si fieri id non potest, debet pœnitens, si debitum est pecuniarium, præstare cautionem pignoratitiam, quia pignus est loco solutionis; si pignus dare non potest, præstet fideiussionem: si autem fideiussio sit illi difficilis, vel quia non inuenit, vel quia eius delictum timet publicari, præstet cautionem iuratoriā. Hanc autem ad minus tenetur in delictis Bullæ Cœnæ, & similibus præstare. In aliis verò sufficiet, si satisfacere promittat. Quod si debitum non sit pecuniarium, sed honoris, vel doctrinæ, tunc non tenetur pœnitens cautionem pignoratitiam, vel fideiussoriam exhibere, sed sufficiet iurare se restitutum, cum primum possit honorem læsum, vel deceptum ad sanam doctrinam reducere. sic Suarez *de censuris*, disp. 21. sect. 3. n. 1. & seqq. Sanchez lib. 2. in Decalog. cap. 13. n. 23. Bonacina *disp. 1. de censuris*, q. 3. p. 3. n. 11. An verò absolutio data, quin parti satisfeceris saltem æquiualeat, sit valida? Constat ex his, quæ in materia de excommunicat. dicemus; ibi enim resolui-mus, si detur ab eo, qui potestatem ordinariam habet, validam esse; secus si ab eo, qui potestatem habet delegatam.

16 Secunda conditio est iuramentum de obediendo mandatis Ecclesiæ; id est, de obediendo mandatis illius, qui absoluit, cum enim nomine Ecclesiæ absolutionem præstet, iurare eius mandatis obedire, est iurare obedire mandatis Ecclesiæ, ut notat gloss. *cap. ex tenore, de sentent. excomm.* verbo *debeat*, & *cap. si qui, verbo consensu*, 7. q. 1. & tradit aliis relatis Sanchez num. 20. & 21. Absoluens autem vi huius iuramenti nihil aliud imperare tibi potest, nisi abstinere à simili crimine, ob quod in excommunicationem incidisti. Quocirca iuramentum est de non committendo iterum tale crimen, si ab absolvente sic tibi fuerit imperatum: sic habetur *cap. de cetero, de sentent. excomm.* & tradit gloss. *ibi, verbo debeat*. Suarez *de censuris*, disput. 19. sect. 2. num. 10. Sanchez lib. 2. cap. 13. num. 22. Hoc autem iuramentum non in omnibus excommunicationibus exigendum est, sed in grauioribus criminibus, qualia sunt, quæ in Bulla Cœnæ Domini continentur, incendiarium, manifesta clerici percussio, & similia; constat ex *cap. de cetero, cap. ex tenore, de sentent. excomm.* ubi hoc iuramentum exposita-tur: & tradit Suarez *supra*, Sanchez n. 17. cum Caietan. Anton. Syluest. & aliis, quamuis Medin. lib. 2. sum. cap. 12. in sola percussione manifesta Cardinalium, Episcoporum, & similium docet hoc iuramentum exigendum esse, sed est dictum absque fundamento.

17 Tertia conditio est obligatio comparendi coram reseruante. Quotiescumque enim Sacerdos ratione

urgentis necessitatis absoluit pœnitentem à censura reseruata, debet monere absolendum de obligatione comparendi coram superiore, cum primum possit, iuxta *cap. eos qui, de sentent. excomm.* in 6. Et licet in *suprad.* cap. non denotetur teneri absoluentem exigere ab absolendo sub iuramento promissionem comparendi, & Auila *de censuris*, 2. p. cap. 7. disp. 3. dub. 4. solum in percussione graui clerici exigendum affirmet. At communis sententia docet in omnibus censuris reseruatis exigendum esse, argum. *cap. quamuis, cap. ea noscitur, de sent. excomm.* sic Sayrus lib. 3. cap. 25. Suarez *de censur.* disp. 7. sect. 8. n. 25. Valquez *de excomm.* dub. 18. n. 6. Nauarr. cap. 27. n. 89. Man. Bulla Cruciatæ, §. 9. n. 55. Sanchez lib. 2. cap. 13. n. 26. Bonacina *disp. 1. de censuris*, q. 3. p. 3. num. 11. Dixi, si absoluit à censura reseruata, nam si solum à peccatis reseruatis absoluit, hoc onus iniungere non debet, quia nullibi cauetur imponendum. sic Suarez *de pœnit.* disp. 30. sect. 3. num. 6. Zambrano *de casib. arce. mor.* cap. 4. dub. 4. n. 21. Cordub. sum. q. 18. p. 2. dicto 2. Sanchez num. 24. Exigendum autem est iuramentum ab absol-uendo, si capax sit, quia contingere potest, ut absol-uendus nequeat illud præstare, quia sensibus destitutus est. Item defectu ætatis iudicari potest incapax illius obligationis. Qua ratione ab impuberibus delinquentibus hoc iuramentum non exigitur, quia non videntur eo rationis usu polleere, ut iuramentum pro dignitate præstent. sic Bonacina *disp. 1. de censuris*, q. 3. p. 3. n. 11. Sanchez n. 26. & colligitur ex his quæ dicit n. 19. cum Sayro *thesaur. casuum*, tom. 1. lib. 2. cap. 18. n. 3.

18 Materia huius iuramenti, & illius obligatio est comparere coram superiore, cum primum commodè possis, quod non physice, sed moraliter pensandum est, attenda qualitate personæ, temporis, & loci; ut bene ex aliis tradit Sanchez n. 25. Ad hanc autem obligationem necessariò supponendum est, ut impedimentum, quod habes tunc ad comparandum, perpetuum non sit: nam impedito perpetuo obligatio hæc imponi non potest, esset enim obligare ad impossibile. sic Bonacina *suprad.* n. 11. Suarez *de censur.* disp. 22. sect. 1. n. 85. Sanchez n. 30. & constat ex *cap. quamuis, de sentent. excomm.* Ex qua doctrina inferunt bene Sanchez, & Bonacina *supra*, si tibi laboranti impedimento perpetuo ex ignorantia, aut malitia, Confessarius exigeret iuramentum de comparando, non obligaris postea comparere, si miraculose, & præter omnem spem, & ordinarium cursum impedimentum sublatum est, quia non censuris iuramento illo te obligare, nisi in quantum ius te obligare intendit: cum autem ius in *supradicto* casu non intendat te obligare, sequitur ex vi iuramenti te obligatum non esse. Finis huius iuramenti de comparando non est, ut iterum absoluaris à superiore, siquidem plenè es absolutus, ut constat ex *cap. non dubium, de sentent. excomm.* Neque etiam est, ut satisfacias parti læsæ, quia forte nulla pars est, cui sit satisfactio exhibenda, ut contingit in hæresi occulta, & à te solo cognita; sed finis est, ut superior, cui censura illa erat reseruata, videat an sufficientem medicinam Confessarius delegatus applicuit, & maiorem imponat, si id expediens iudicauerit. sic Suarez *de pœnitent.* disp. 30. sect. 3. n. 6. & *de censur.* disp. 22. sect. 1. n. 62. Sanchez n. 77. Bonacina n. 13. & colligitur ex *cap. quamuis, de sentent. excomm.* & *cap. de cetero, eodem tit.* ubi gloss. verbo *suscepturus*, & Abbas n. ult. Ex qua doctrina inferunt minus bene Nauarr. cap. 26. n. 26. & Henriquez lib. 13. de excomm. cap. 29. n. 3. affirmasse te liberum esse ab hoc iuramento præstando, si parti satisfecisti, vel à comparando coram superiore, si post præstitum iuramentum satisfactionem exhibuisti: quia finis huius iuramenti, & obligationis, ut dictum est, non est satisfactio partis præcisè; aliàs non esset exigendum iuramentum in censuris reseruatis, ubi nulla satisfactio partis interuenit, sed finis est, ut te subiectum ostendas

sup

superiori referuanti pro maiori satisfactione, & pœna, si tibi imponendam iudicauerit. sic Couarruias *cap. alia*, 1. part. §. 11. num. 13. Sanchez *num. 18. & 29.* Suarez de *penitent. disp. 30. sect. 2.* Bonacina *n. 12. & alij* apud ipsos.

19 Sed quid si ex ignorantia, vel malitia Confessarius non petiuit iuramentum comparendi, manes ne à censura absolutus, & cum obligatione comparendi?

Respondeo manere absolutum, sed cum obligatione comparendi. Priorem partem defendit optimè Henriquez *lib. 6. de penitent. cap. 10. num. 11.* Sanchez *lib. 6. cap. 13. num. 35.* Valquez de *excommunicat. dub. 18. num. 4.* Bonacina *disp. 1. de censuris, quest. 3. punct. 3. num. 14.* Ratio est, quia nullibi in iure inuenitur irrita absolutio ob omissionem hanc conditionem, neque id erat conueniens in casu tantæ necessitatis. Secundam partem defendit Sanchez *num. 30. fine*, quia illa obligatio comparendi non ex voluntate Confessoris, sed ex iure ipso nascitur. Ergo ex obliuione, vel malitia Confessarij cessare non debet. Non caret tamen scrupulo hæc ratio; quia ius non videtur hanc obligationem imponere, nisi in quantum Confessarius medio iuramento exacto imponit; aliàs superuacaneum esset iuramentum expostulare, si illo secluso haberes obligationem. Credo ergo non in vi iuramenti, sed in vi præcepti, & mandati te obligatum esse, quod satis colligitur ex *cap. eos qui, de sentent. excommunicat. in 6.* ubi nulla est facta mentio de postulatione huius iuramenti, sed absolute dicitur eos, qui à sententia canonis, vel hominis ab alio, quàm ab eo, qui de iure erant absoluendi, propter imminentis mortis articulum, aut aliud impedimentum legitimum absoluuntur, si cessante postea periculo, vel impedimento huiusmodi, se illi, à quo his cessantibus absolui debebant, quàm citò commodè poterunt, contempserint præsentate mandatum ipsius, super illis, pro quibus excommunicati fuerunt, humiliter recepturi, & satisfacturi, prout iustitia suadebat, *decernimus* (ne sic censuræ eludant Ecclesiasticæ) *in eandem sententiam incidere ipso iure.*

20 Pœna imposita non comparenti, cum ad id obligatur, est eadem censura, quam antea habebat, vt constat ex *supradicto cap. eos qui.* Eadem, inquam, non numero, quia eadem numero redire non poterat; effectus enim semel corruptus naturaliter reuiuiscere non potest. Adde illam censuram ex noua causa oriri, scilicet ex noua inobedientia, se superiori præsentandi, cum commodè potuit. Ergo non potest eadem numero censura esse: est tamen ex iuris dispositione eadem in specie, quia est æquæ ac prior referuata. sic Suarez *disp. 22. de censur. sect. 1. num. 62.* Sanchez *num. 28.* Nauarr. *cap. 27. n. 277.* Bonacina *n. 16.*

Dices absolutionem censuræ ad reincidentiam differre ab absoluta censuræ absolutione, quod absoluta absolutio tollit omnino vinculum; absolutio verò ad reincidentiam non tollit vinculum absolute; sed sub conditione aliqua præstanda. Ergo si conditionem non præstes, manebis eodem vinculo ligatus; aliàs si vinculum primum sublatum est, non erit absolutio illius ad reincidentiam, sed absoluta.

Respondeo tripliciter te à censura absolui posse. Primo absolute nullo tibi imposito onere satisfaciendi, aut superiori præsentandi, vel si hoc onus impositum sit, non sit impositum sub aliqua censura simili præterita; si hoc modo absoluaris, non absolueris ad reincidentiam, quia ex omitta satisfactione, aut præsentatione in excommunicationem non reincidis. Secundo absolui potes à censura imposito onere te præsentandi superiori, quod onus imponitur sub aliqua censura simili præterita, & hæc absolutio vocatur ad reincidentiam, quia reincidere debes in excommunicationem simili-

Ferd. de Castro Sum. Mor. Pars I.

lem, si te præsentare omittis, cum possis. Talis est absolutio data à Summo Pontifice, vel eius Legato, sub onere te præsentandi ordinario, vel alteri à quo penitentiam suscipias, vel iniuriatis satisfactionem exhibeas competentem, si cum primum commodè poteris, non curaueris adimplere: constat ex *d. cap. eos qui, de sentent. excommun. in 6.* & tradit Suarez de *censuris, disp. 7. sect. 8. num. 22.* Nauarr. *cap. 27. n. 113.* Auila 2. part. *cap. 7. disp. 3. dub. 4. concl. 1.* Bonacina *disp. 1. de censur. q. 3. punct. 3. n. 17.* Nunquam autem in hanc similem censuram incidis absque graui peccato, & contumacia, quia noua censura esse non potest, sine noua causa, sic Henriquez *lib. 13. cap. 18. num. 2.* Coninch *disp. 1. de censur. dub. 16. num. 216.* Nauarr. *cap. 27. n. 277.* Bonacina *suprà num. 16.* Tertiò absolui potes à censura non perfecte, sed imperfecte, si absoluaris, inquam, ad aliquem effectum, v. g. ad obtinendum beneficium aliquod, cuius incapax eras per censuram, qui modus absolutionis in Bullis Apostolicis frequentissimus est, ne ob censuram effectus priuentur literæ. Hæc tamen absolutio, mea quidem sententia, non est proprie absolutio censuræ, sed suspensio alicuius effectus illius: nam si censura per talem absolutionem tolleretur, redire nequaquam posset noua sine nouo peccato, & contumacia. Perseuerat ergo eadem censura, & suspenditur eius efficacia quoad illum effectum. Quæ suspensio ab alio, quàm à Romano Pontifice fieri non potest. Nullus enim alius potest manente censura, censuræ effectus limitare, atque aded nullus potest absolutionem à censura hoc modo concedere.

Restat circa hanc tertiam conditionem duplex examinanda difficultas. Prima, an satisfacias obligationi comparendi, si per procuratorem compareas? Secunda, an excuseris ab hac obligatione, si ab habente priuilegium aliàs absoluendi, absolutionem recipias?

21 Circa primam difficultatem, alij affirmant, alij negant. Probabilius existimo te satisfacere; quia verè tu diceris comparere, quando per procuratorem compares; ea enim quæ tuus procurator facit, tu facere censes, ex text. in *cap. Episcopus, dist. 18.* sic Syluest. *verb. excommunicatio, §. 8. quest. 7.* & ibi Armilla *excommunicatio §. 9.* addens sufficere per litteras Henriquez *lib. 13. de excommunicat. cap. 29. num. 3. & lib. 6. de penitent. cap. 9.* Bonacina *disp. 1. de censuris, quest. 3. punct. 3. num. 5.* Sanchez *lib. 2. cap. 13. num. 33.* Ab hac autem generali doctrina excipienda est excommunicatio ob percussione clericum, propter quam nisi iusta causa excuset, teneris personaliter Romam ire, & te Pontifici præsentare, quando absolutus es à non habente aliàs facultatem: sic habetur in *cap. quod de his, de sentent. excommunicat. ibi, Ceterum ab his in forma Sacramenti exigi consuevit, vt resumptis viribus, & opportunitate concessa Romanam Ecclesiam in propria persona debeant visitare.* Hoc tamen grauamen aliis excommunicationibus imponendum non est, quia nullibi cauetur, & rigores non sunt extendendi, sed limitandi, & temperandi. Sanchez, & Bonacina *suprà.*

22 Secundæ difficultatis solutio facilis est.

Respondeo si ab habente priuilegiū aliàs absoluendi à referuatis, vt per Bullam conceditur Sacerdoti approbato ad omnia crimina, excepta hæresi, absoluaris, non teneris comparere coram referuante; siue tunc primò absoluaris, siue antea fueris absolutus ob vrgentem necessitatem. Quia in tantum teneris comparere, in quantum absolueris à non habente aliàs facultatem. Ergo si absolutus sis ab habente aliàs facultatem; cessat omnis obligatio te superiori præsentandi, quia Sacerdos priuilegiatus nomine superioris integrè succedit. Aliàs priuilegium ferè nullus esset vtilitatis: & ita tenet Sanchez *lib. 2. cap. 13. num. 31. & 32.* Henriquez *lib. 6. cap. 10. num. 5. in comment. litt. G.* Suarez de *penit. disp. 30. sect. 1. n. 6.* Bonacina *disp. 1. de censuris, q. 3. p. 3. n. 13. & 15. & alij.*

N n 3

§. VI.

§. VI.

Possitne aliquando absolui hæreticus à priuato Sacerdote, de peccatis non reſeruatis, tacita hæreſi.

- 1 *Explicatur quaſtio, & ſtatuitur doctrina certa.*
- 2 *Proponitur difficultas, & reſoluitur probabile eſſe urgente cauſa recipiendi ſacramentum, poſſe hæreticum absolui à non reſeruato, quin ſe iudicialiter Inquiſitoribus præſentet.*
- 3 *Satisfit cuidam obiectioni.*
- 4 *Quæ reputetur neceſſitas vrgens ſic dimidiandi confeſſionem.*

1 **S**I vera eſt ſententia affirmans Inquiſitores habere potestatem absoluendi ab hæreſi in foro conſcientiæ, & creditur abſoluturos, vel petita facultate per Sacerdotem conſeſſuros, nemini dubium eſſe poſteſt teneri hæreticum ipſos adire, ſemel & iterum. Neque poſſe priuato Sacerdoti conſiteri, ab eoque abſolutionem impetrare, quia ſub graui culpa non poſteſt recipere, nec miniſtrare ſacramentum excommunicatione innodatus, niſi ob aliquod graue detrimentum excuſetur. Quocirca tenetur petere facultatem per ſe, vel per Confeſſorem idoneum, ſcilicet aliquem cenſorem, vel commiſſarium, aut alium virum doctum, quibus credendum ſit Inquiſitores conſeſſuros facultatem. Quod ſi Inquiſitores particulares denegent facultatem, adeat ſupremum, ſi ſperat conſeſſurum, quia non poſteſt dimidiare confeſſionem, cum illi ſuppetit via integre conſitendi: facta autem hac diligentia, & negata facultate absoluendi ab hæreſi, quin prius iudicialiter illam fateatur hæreticus.

2 Dubium eſt, an, inquam, in hoc caſu poſſit hæreticus conſiteri Sacerdoti priuato omnia peccata non reſeruata, & ab illis abſolutionem directe recipere, & ab hæreſi indirecte, ſperans ſucceſſu temporis habiturum copiam Confeſſoris, à quo poſſit directe absolui à reſeruata hæreſi. Et idem dubium eſt retenta ſententia probabiliori negante Inquiſitoribus facultatem absoluendi ab hæreſi pro conſcientiæ foro; quia tunc huiusmodi hæreticus non habet viam ſe absoluendi ab hæreſi directe, niſi ſe coram Inquiſitore, & Secretario manifeſtet. Videtur ergo dicendum poſſe hæreticum in hoc caſu dimidiare confeſſionem, ſi grauis vrgeat neceſſitas hoc ſacramentum recipiendi. Ratio eſt, quia ſufficiens cauſa dimidiandi materialiter confeſſionem, eſt, ſi aliquod graue damnum ex eius integritate tibi proueniat, ut eſt ſere omnium ſententia, cum D. Thoma in 4. diſt. 17. quaſt. 3. art. 3. quaſt. 4. ad 5. quam aliis relatis probat Valent. tom. 4. diſp. 7. quaſt. 11. punct. 1. verſ. hoc autem. Suarez de pœnitent. diſp. 23. ſect. 2. n. 1. Vaſquez q. 91. art. 3. dub. 1. Sed graue damnum eſt te obligare ad manifeſtandum peccatum coram Inquiſitoribus, & Secretario, & ſcriptum relinquere: ut colligitur ex ſupradictis Doctõribus, & ex ratione manifeſta; ſemper enim reputatum fuit in Eccleſia graue damnum, & occaſio ſufficiens dimidiandi confeſſionem, ſi peccatum alteri, quam Sacerdoti eſt, vel timetur reuelandum: hac enim de cauſa excuſaris dicere peccatum, quod manifeſtare non poteſ, niſi medio interprete, vel quod times probabiliter Sacerdotem reuelaturum. Item excuſaris ſcribere peccata, quæ alia via manifeſtare non poteſ. Ergo non poteſ obligari pro abſolutione ſacramentali recipienda ad manifeſtandum tuum peccatum iudicialiter, ſiquidem aliis à Confeſſario obligatus eſſes peccatum manifeſtare. Ergo abſque hac manifeſtatione poteris recipere ſacramentum dimidiando confeſſionem, ſi neceſſitas vrget illud recipiendi, ſicut poteſ recipere ſa-

cramentum dimidiando confeſſionem, ſi faciendo integram paſſurus es graue damnum.

3 Neque obſtat Inquiſitores iuſtiſſimè, & prudentiſſimè facere nolentes tibi concedere facultatem, ut ab hæreſi ſacramentaliter abſoluaris, quin prius illam iudicialiter manifeſtes, quia cum ipſi ſint indices pro foro externo, & pro communi bono reipublicæ, vtuntur medio ad hunc ſinem aptiori. At nemo dubitare poſteſt eſſe aptius medium ad te hæreticum curandum, præcauendumque ne hæreſis ſerpat, aliòſve inſicias, iudicialis manifeſtatio, quam ſacramentalis; cum ex ſacramentali confeſſione non poſſis publicè puniri, & tua punitione alios in fide continere, neque inde poſſint complices inquiri, quæ omnia fieri poſſunt iudiciali confeſſione. Quocirca Inquiſitores non te obligant directe pro ſacramentali abſolutione, ut crimen iudicialiter prius manifeſtes; ſed nolunt tibi concedere facultatem, ut abſoluaris directe ab hæreſi, niſi prius facias hanc manifeſtationem, quod graue reputare non debes, cum tibi ſuppetat medium cum Deo reconciliandi per ſacramentum, dimidiando confeſſionem.

4 Reſtat ergo difficultas, quæ neceſſitas reputetur vrgens, ut hanc dimidiatam confeſſionem facere poſſis: Alicui videbitur ſolum periculum remotum moriendi in peccato, quale quiſque habet in omnibus ſuæ vitæ momentis eſſe cauſam ſufficientem. Neque obſtat per contritionem hoc aſſecurari poſſe: quia contritio non ita facile habetur. Sed hoc nimis latum videtur; aliàs non teneberis ſemel, & iterum inſiſtere, ut tibi facultas concedatur ad integre conſitendum, quando ſperares illam obtenturum, ſed commiſſo peccato ſtatim coram quolibet Sacerdote dimidiare confeſſionem poſſes; ne te exponas illi remotiſſimo periculo moriendi, quod nequaquam eſt dicendum. Quocirca illam ſolum reputare cauſam vrgentem, ut dimidiare confeſſionem poſſes, cum aliàs vrgearis præcepto confeſſionis, quia ſatisfactio illius præcepti videtur ſufficientem occaſionem præbere ſic dimidiandi. Item cum obligatus es miniſtrare, vel recipere ſacramentum, & dubius exiſtis de contritione; præſtat enim tunc ſecuriorem viam eligere, ut dignius ad ſacramentum accedas. Quæ omnia cenſoribus fidei ſubmitto latiùs tradenda in tractat. de pœnitent. vbi de caſibus reſeruatis, & in tractat. de excommunicatione. quando nam poſſit recipi ſacramentum ab eo, qui excommunicatione innodatus exiſtit.

PUNCTVM IV.

Explicatur pœna irregularitatis, & infamix hæreticis impoſita.

- 1 *Priuatur hæreticus ſicut excommunicatus officijs, & muneribus ſacris, item Eccleſiaſtica ſepultura, ſi notorius ſit.*
- 2 *Non ſolum publicus hæreticus, ſed occultus eſt irregularis.*
- 3 *Ab hac irregularitate ex delicto occulto proueniente probabilium eſt Episcopum abſolvere poſſe.*
- 4 *Infamia aſſicit hæreticum, ſed debes eius notorium eſſe delictum, notorietate facti, vel iuris.*

1 **N**ON eſt dubium hæreticum, utpote excommunicatum, priuatum eſſe omni officio, & munere, quo excommunicatus priuatus eſt. Quapropter neque poſteſt ſacramenta recipere, neque miniſtrare, neque actum ordinis exercere, neque alia munia obire, quæ interduntur excommunicato. Quod ſi moriatur, caret Eccleſiaſtica ſepultura, cap. ſicut, de hæret. in ſin. & cap. excommunicamus, el. 1. §. credentes, de hæreticis. Ex-tenditur ad hæreticorum fautores, & defenſores; debet autem

PUNCTUM V.

De pœna priuationis beneficiorum,
& officiorum.

autem hæreticus ita notoriè decedere, vt nulla tergiversatione eius malitia celari possit, aliàs priuari non debet sepultura. Quòd si non obstante hac notorietate sepelire illum præsumperis, excommunicatione innodaris, ex *cap. quicumque, de hæreticis, in 6. & ibi gloss.* & suspectus de hæresi redderis, vt bene omnia probat, pluribusque exornat Farinacius *de hæresi, quest. 192. totò §. 3. à num. 38.* Irregularitas autem, infamia, & priuatio beneficiorum non excommunicato annectuntur, annectuntur tamen hæretico, vt videbimus: & licet de his pœnis, specialiter de irregularitate, & infamia in fine tract. de irregularitate, egi, breuiter doctrinam ibi positam compilabo.

1. Atterui non solum notorium hæreticum, sed etiam occultum irregularem esse, cum Syluest. Azor, Suarez, Thoma Sanchez, quibus adde Farinac. *de hæresi, q. 192. num. 67. & 68.* Pegnam 3. part. director. comment. 162. circa finem, vers. ac primam. Dixi tamen probabile esse occultum hæreticum non esse irregularem, eo quòd textus, qui referuntur, in quibus hæc irregularitas fundatur, videlicet *cap. nos si. §. item Daniel, 2. quest. 7. cap. presbyter, de penitent. dist. 1. §.* loquuntur de delicto notorio, & irregularitas non incurritur, nisi in casibus à iure expressis.

3. An verò ab hac irregularitate si contrahatur per delictum occultum possit Episcopus virtute Trident. dispensare? Probabilius defendi ibi cum Farinac. *n. 79.* posse, motus, quia Concilium non limitauit in irregularitatibus potestatem, sed absolute dixit in omnibus licere Episcopis dispensare, vnicam solum excepit, quæ ex homicidio voluntario nascitur, quæ exceptio firmat concessionem aliarum. Neque ex negatione facultatis absoluendi ab hæresi arguitur negata facultas dispensandi in irregularitate, quia sunt res omnino diuersæ, & à separatis non fit illatio, ex *l. Papinian. exult. ff. de minorib.* præcipue cum minus quid sit dispensare in irregularitate, quæ non est certa omnino, sed dubia, quàm absoluere ab hæresi certa, & indubitata.

4. Pœna infamiæ hæreticos ipso iure comitatur, ex text. in authent. Gazaros, in princ. C. de hæreticis, & ex *l. cunctos populos, C. de summa Trinitate, & ex cap. excommunicamus, 1. §. credentes, de hæreticis, & cap. statutum, 2. de hæreticis, in 6. & ex cap. infames, 6. quest. 1. & aliis pluribus, quæ congerit Farinacius *de hæresi, quest. 189. num. 40.* Pegna direct. 1. part. comment. 4. in verbo reliquos, vers. his ita positis. Petrus Gregor. *synagm. iuris, lib. 33. cap. 8. num. 3. in fine, & alij.**

Credo tamen hanc infamiam perfecte non contrahere hæreticum, quousque eius delictum notorium sit, vel notorietate facti, si factum sit publicum, vel notorietate iuris, si per sententiam omnibus innotescit. sic Bursat. *consil. 14. num. 18. & seqq. & num. 23. lib. 1.* Ioan. Azor *tom. 1. institutionum moralium, lib. 8. cap. 13. quest. 7.* Sanchez *lib. 2. in Decalog. cap. 26. num. 1.* Farinacius *de hæresi, quest. 189. num. 56.* Et ratio est, quia infamia est praua alicuius opinio circa plures, quæ esse non potest absque delicti cognitione. Neque obstat hanc infamiam à iure contrahi ob delictum hæresis, contrahitur enim à iure, sed indiget sententia declaratoria criminis, sicut ipso iure sunt bona hæretici confiscata: at executio confiscationis requirit sententiam saltem declaratoriam criminis. Quod verò aliqui dicunt ex hæresi occulta contrahi infamiam, quoad effectus, scilicet quoad inhabilitatem ad officia publica, & beneficia:

credo hunc effectum non tam ex infamia, quàm ex irregularitate, & excommunicatione tali crimini annexa oriri. Vide quæ in tract. de irregul. punct. ult. de hac pœna dicam.

1. *Hæreticum inhabilis est ad beneficia, & officia publica durante hæresi.*
2. *Ab illa absolutus, & Ecclesie reconciliatus, si publicum fuit delictum, nequit beneficium Ecclesiasticum obtinere, nisi in irregularitate dispenseur. Si occultum fuit delictum, probabile est non esse impeditum.*
3. *Beneficijs ritè obtentis plures Doctores affirmant non esse priuatum ipso iure, sed venire priuandum.*
5. *Probabilius est oppositum.*
5. *Requiritur tamen sententia declaratoria criminis.*
6. *Huius priuationis expenditur multiplex effectus.*
7. *Sed quid si ex toto corde hæreticus conuertatur? Proponuntur varia sententia non esse beneficijs priuandum.*
8. *Quid sentiendum sit.*
9. *Priuatur hæreticus alijs officijs, & publicis muneribus.*

1. **A**lia pœna præcipua hæreticorum est priuatio beneficiorum, & officiorum ritè acquiritorum, & inhabilitas ad futura. Constat hæc pœna ex *cap. vt commissi, §. priuandi, de hæres. in 6. cap. statutum, el. 1. eod. tit. & lib. & tradunt omnes.*

Et in primis hæreticum inhabilem esse ad beneficia, & officia publica durante hæresi nemini est dubium, cum sit excommunicatus, & irregularis: & est expressa decisio textus in *cap. statutum, el. 1. de hæres. in 6. ibi, ne hæretici ad aliquod beneficium Ecclesiasticum admittantur.* Quare collatio beneficij sic facta nulla est, & fructus inde percepti debent restitui ante omnem sententiam. sic Lambertin. *de iure patronatus, part. 1. art. 6. quest. 9.* Pegna director. 3. part. quest. 113. comment. 162. in medio. Azor *tom. 1. lib. 9. cap. 13. quest. 8.* Sanchez *lib. 2. cap. 26. n. 4.* Suarez *de fide, disput. 21. in fine.* Garcia 11. part. de benefic. *cap. 10. num. 72. & 80.* Farinacius *de hæresi, quest. 189. n. 71. & alij.*

2. Si autem hæresim reliquit, & ab illa fuit absolutus, & Ecclesie reconciliatus, grauis est inter Doctores controuersia, an tunc maneat inhabilis ad beneficia, & officia, ita vt nulla reddatur eorum collatio, si illi conferantur ab alio, quàm ab eo, qui dispensare potest in contracta inhabilitate? Diuisi sunt Doctores. Alij affirmant, alij negant, vt videri potest in Farinac. *de hæresi, quest. 189. num. 82. & seqq. & quest. 193. à num. 66.* Distinguendum censeo de hæresi occulta, vel publica: si hæresis publica fuit, certum est hæreticum irregularem esse; ac proinde incapacem beneficiorum Ecclesiasticorum, si dispensatus non sit: si autem hæresis occulta fuit, cum probabile sit ex illa non oriri irregularitatem, etiam censeo probabile, neque inhabilitatem ad beneficia obtinenda oriri: & nullibi canetur hanc inhabilitatem ex occulta hæresi iam exclusam manere, ex text. in *cap. statutum, ubi impenitur, de hæretico, vt hæretico debet intelligi; non de hæretico penitente.*

3. Difficultas autem est de beneficijs ritè possessis, an illis hæreticus priuetur ipso iure, an veniat priuandus per sententiam?

Non esse priuatum ipso iure, sed venire priuandum, affirmat Alphonsus de Castro *lib. 2. de iusta hæreticorum punitione, cap. 4.* Simancas *de catholic. institut. sit. 46. n. 72.* Ludouic. Gomez *regul. de annali possessore, quest. 52.* Henriquez *lib. 13. de excommunicat. cap. 56. num. 2.* Aragon 2.2. quest. 11. art. 3. Vasquez 1.2. disp. 172. *cap. 2. num. 11.* Salzedo in *pract. crim. cap. 114. in princ.* testatur esse hanc

sententiam benigniorem, & fortè veriore, esto ipse contrariam sequatur. August. Barbosa loco statim allegando reputat in rigore iuris veriore; contrariam tamen dicit esse sequendam. Sanchez affirmat esse probabilem. Probo in casu dubio, an sit priuatio per sententiam, vel ipso iure, pro priuatione per sententiam est interpretatio facienda, quia est benignior interpretatio, ut tradit Gonzalez *ad reg. 8. cancellar. glossa 15. num. 153*. Puteus *decis. 129. lib. 3*. Achil. *decis. 1. de pœnis*. Farinac. *1. p. praxis quest. 19. num. 46*. Barbosa *3. p. allegat. 57. n. 252*. Sed non est certum ex ullo textu colligi hanc priuationem ipso iure. Et confirmo, ut aliqua pœna ipso iure incurratur, debet esse in iure expressa, ut bene probat Nicol. Garcia *11. p. de benefic. cap. 10. num. 3*. & docent omnes; sed in iure nullus est textus, qui talem priuationem exprimat ipso iure, ut expendendo text. videbimus. Quatuor enim textus allegantur. Primus est *cap. quo iure, dist. 8*. qui est ex August. ubi dicitur: Qui præter Ecclesiæ Catholicæ communionem usurpant sibi nomen Christianum, nec volunt in pace colere pacis authorem, nihil nomine Ecclesiæ audeant possidere. & idem traditur in *cap. si vos, 23. quest. 5. & cap. si de rebus, cap. quod autem, 23. quest. 7*. Sed ij textus si aliquid probarent, probarent utique neque beneficia, neque fructus illorum posse ab hæreticis possideri, sed necessariò relinquenda fore. quod etiam authores contrariæ sententiæ negant. Quapropter cum D. August. dicit nihil nomine Ecclesiæ debere hæreticum possidere; intelligit, quando eius possessione suam malitiam in Christianam Ecclesiam dissimulat. Adde explicationem glossæ, quæ non de possessione habita, sed habenda loquitur, quæ contingit, cum hæreticus petit possessionem & restitutionem alicuius rei, cui obitare potest exceptio hæresis, quia non est iustum, ut audeat nomine Ecclesiæ consequi possessionem, cum ipsam Ecclesiam offendat. Secundus textus est *cap. ad abolendam, §. 1. de hæretic. ubi sic habetur*. Si clericus est, totius Ecclesiastici ordinis prærogatiua nudetur, & sic omni officio, & beneficio spoliatus Ecclesiastico secularis relinquatur. Ex quibus verbis potius inferitur sententiam iudicis expectandam esse. Nam verbum illud nudetur, & spoliatus relinquatur, ad iudicem diriguntur, qui debet nudare, & spoliatum relinquere. Ergo important sententiam. Tertius textus est in *cap. ut commissi, de hæreticis, in 6*. ubi de illis dicitur, priuandi, vel priuatos nuntiandi dignitatibus, ac alijs beneficijs Ecclesiasticis, de diœcesanorum, vel eis absentibus vicariorum suorum consilio, & officiis publicis, ac honoribus quibuscunque, eosdem hæreticos, credentes, receptatores, & defensores ipsorum, eorumque filios, & nepotes plenam concedimus facultatem. At ex verbis huius textus non satis colligitur hæreticos priuatos esse ipso iure beneficiis. Nam quod aliqui dicunt, illa particula vel non sumi ibi disiunctiue, sed declaratiue, ita ut faciat hunc sensum. Inquisitoribus concedimus facultatem priuandi hæreticos beneficiis, id est, declarandi priuatos esse beneficiis. Videtur esse violenta expositio, cum ex illa sequatur absque fundamento Pontificem vsum fuisse obiculis verbis in hac constitutione, cum posset clarissimis uti, verbaque superflua allumpisse. Nam si per illa verba priuandi hæreticos non intenderet Pontifex facultatem Inquisitoribus concedere illos beneficiis, & officiis priuandi, sed supponeret iam priuatos, & solum concederet facultatem nuntiandi priuatos, clariùs procederet, omittendo illa verba priuandi hæreticos. quia illa nihil aliud operantur, nisi reddere sensum difficilem. Quapropter Couarru. *lib. 2. var. cap. 8. num. 4*. agnoscens fortè hanc differentiam dicit particulam priuandi referri ad receptatores, defensoresque hæreticorum: particulam verò priuatos nuntiandi ad ipsos hæreticos. Sed quo fundamento id dictum sit non apparet. Neque enim ex text. colligi potest, magis

vnum, quàm aliud ad hæreticos referri. Dicendum ergo est ad vtrumque referri, noluisseque Pontificem definire modum, quo hæretici, eorumque fautores beneficiis priuentur: sed siue hæc priuatio ipso iure contingat, siue contingat per sententiam, tribuit facultatem Inquisitoribus priuandi, si priuati non sunt, & priuatos nuntiandi, si ab ipso iure priuati sunt. Quæ explicatio confirmari potest ex stylo frequenti, & communi inquisitionis: cum enim aliquis hæreticus condemnatur, dicit sententia, cum priuamus, seu priuatum declaramus. Adde illam particulam vel disiunctiue, seu copulatiue sumi posse; ut sæpè fit in iure, & tunc facit hunc sensum. Facultatem concedimus Inquisitoribus priuandi hæreticos, eorumque defensores beneficiis, officiisque publicis, & sic iam priuatos nuntiandi. Non ergo ex huiusmodi text. priuatio ipso iure inferitur. Præstat solum constitutio Pij V. quæ incipit, Cum ex apostolatus officio, relata à Pegna in fine directior. pag. mihi 134. ubi beneficia vacantia propter hæresim Apostolicæ sedi referuntur, à nemineque impetrari posse, nisi vacationis modum exprimat. Cæterum etsi Salzedo, Pegna, Farinac. & alijs statim allegandis videatur sufficienter ex hac constitutione priuationem ipso iure contingere, eo quod supponere videatur Pontifex propter hæresim beneficia vacare. At Sanch. *lib. 2. in Decal. cap. 26. num. 6*. id non approbat, quia ibi non dicitur, quando propter hæresim vacent beneficia, an ante sententiam, vel post illam, sed referuata esse, quando cumque vacent. Ergo affirmandum est non vacare ipso iure. Ex hoc modo dicendi inferitur, interim dum sententia succedit, posse beneficia renuntiari, permutari, neque adueniente sententia renunciationem, aut permutationem antea factam infirmari. Adde neque impetrari ab aliquo posse; hoc enim generale est, quoties beneficium non vacat ipso iure: ut bene probat Sanch. *lib. 7. de matrim. disput. 42. num. 2*. & tradit *lib. 2. in Decal. cap. 26. in fin. num. 16*.

4 Cæterum etsi supradicta sententia sit probabilis, probabilior tamen, & omnino sequenda est contraria sententia affirmas hæreticum externum quantumcumque occultum ipso iure priuatum esse beneficiis ritè possessis. tenet innumeros allegans Gonzalez *reg. 8. cancellar. glossa 15. n. 65*. Flamin. *lib. 3. quest. 1. n. 31*. Barbosa *de potest. episc. 3. p. alleg. 57. n. 37. & 38*. Garcia *11. p. de benefic. cap. 10. num. 60*. Sanch. *lib. 2. c. 26. n. 6*. Suar. *de fide, disp. 21. sect. 5. n. 17*. Couarru. *lib. 2. var. cap. 8. num. 4*. Farinac. *q. 189. art. 69. præcipue 77. & in fragment. verbo clericus, num. 340*. Menoch. *de arbitrar. lib. 2. casu 416. n. 61*. Pegna *3. p. direct. quest. 113*. Salzedo *cap. 114*. Præcipuum fundamentum sumo ex stylo curiæ, & consuetudine Romanæ Ecclesiæ, in qua à die commissi criminis reputatur beneficium vacare ipso iure; neque posse renuntiari, sed à quolibet alio impetrari: quem stylum, & consuetudinem esse testantur Farinac. Sanch. Pegna, Suar. & alij, quos ipsi inferunt. Secundum fundamentum desumo ex *cap. cum secundum leges, de hæreticis, in 6*, ubi omnia bona hæreticorum à die commissi criminis sunt confiscata. Si ergo omnium bonorum temporalium amittit titulum, & dominium, à fortiori amittit beneficiorum Ecclesiasticorum.

5 Requiritur tamen declaratoria sententia, cum ante illam non tenetur hæreticus se beneficiis spoliare, sicut neque alijs bonis, ut colligitur satis ex *cap. cum secundum, de hæreticis*. & tradit Sanch. *num. 7*. Farinac. *num. 80*. Suar. *in fine illius sect.* Azor *tom. 1. lib. 5. cap. 8. quest. 3*. Adde non solum requiri sententiam declaratoriam criminis, sed etiam executionem factam per iudicem. sic Farinac. *num. 79. fine*, Sanch. *num. 8*. Azor *tom. 1. lib. 5. c. 8. quest. 4*. Couarru. *4. Decretal. 2. p. cap. 6. §. 8. num. 8*. & alij. Scio tamen plures Doctores contrarium sentire, affirmant namque hæreticum obligatum esse non solum poss

post sententiam declaratoriam criminis dimittere beneficium, sed etiam ante illam à die commissi delicti, quia caret titulo illius, & sine titulo non potest quis beneficium retinere, neque fructus lucrari: & ita tradit relatis Flamin. *de resignat. lib. 3. quest. 1. num. 81.* Garcia 11. *p. de benef. cap. 10. num. 18.* Gonzalez glossa 15. num. 150. Barbosa allegat. 57. num. 254. Sed negandum est carere absolute ipso facto ante sententiam, sed sub conditione, si sententia succedat, ut dicemus.

6 Effectus huius priuationis ipso iure est multiplex. Primus potest à quolibet impetrari, presentari à patrono, conferri ab Episcopo tanquam vacans ipso iure: colligitur ex cap. *Quia Episcopus, de prebendis, in 6.* & ibi gloss. *verbo, te non vocato.* & tradit Lambertin. *de iure patronatus, 1. part. lib. 2. quest. 6. toto art. 9. & 10.* Sanchez lib. 2. cap. 26. num. 12. Farinacius quest. 189. num. 79. Barbosa 3. part. *de potestate Episcopi, allegat. 57. num. 255.* Gonzalez glossa 15. a num. 148. Garcia 11. part. cap. 10. n. 23. Hæc autem presentatio, & electio fieri potest hæretico non citato, utpote qui caret titulo beneficii: sic Doctores supra relati: monentur ex dict. cap. *licet Episcopus.* Nam esto loquatur de beneficio vacante ob assecutionem alterius incompatibilis, extendunt doctrinam ad casus, in quibus inducitur priuatio ipso iure. At credo de rigore iuris hoc verum non esse. Nam quoties in pœnam alicuius delicti priuatur quis beneficio, non priuatur titulo illius perfecte ante sententiam, sed imperfecte, & sub conditione, si sententia accedat, aliàs deberet ante sententiam illud dimittere, sicut debet dimittere, cum obtinet beneficium incompatible; quia tunc absolute, & perfecte titulum perdit. Ergo ut valida sit presentatio, & electio, debet citari hæreticus, & taliter declarari. Adde promissionem illius beneficii alteri conferri non posse hæretico non citato, ut tradit Sanchez supra, quia per delictum non amisit beneficii possessionem, sed neque etiam amisit titulum perfecte. Secundus impetrans beneficium hæretici non tenetur in impetratione exprimere requisita in regul. cancellariæ 32. quæ disponit, quod impetrans beneficium pacifice possessum, debet exprimere valorem, & alia, quæ ibi cauentur: sic tradit Bernard. Diaz cap. 114. num. 2. cum Callodoro in decis. Rotæ 14. Farinac. num. 79. Tertius non potest beneficium in fauorem alicuius resignare, quia non est perfecte suum, sed Sedi Apostolicæ reservatum. Neque resignatarius ex vi talis resignationis ius in beneficium sibi resignatum irrevocabiliter acquirit. sic Pegna 3. part. quest. 113. comment. 162. versic. *huc quoque.* Salzedo cap. 114. paulo post princ. Aduertit tamen Sanchez supra num. 9. & Azor tom. 1. lib. 8. cap. 13. quest. 8. si de facto resignationem beneficii hæreticus faciat, aut cum alio permutet, resignationem, & permutationem tenere, quousque sententia declaratoria delicti succedat. Ratio est, quia hæreticus non amittit beneficii possessionem, etiam si titulum, & proprietatem perdat. Quod videtur sufficere, ut beneficium de facto transferat, neque is, in quem tale beneficium translatum est, teneatur dimittere, quousque sententia declaratoria criminis succedat. At si verum esset hæreticum carere titulo, nulla ratione hoc sustineri posset, quia beneficii possessio non potest in alium transferri non translato titulo. Si igitur titulus hæresis crimine amissus sit, quomodo possessio beneficii transferri potest? Vnum autem est omnino certum, supposito, quod hæreticus priuatus sit ipso iure beneficii, videlicet facta declaratione delicti, rescindi permutationem, & resignationem beneficii, & auferri beneficium ab eo, cui via permutationis, aut simplicis resignationis collatum fuit; quia sententia illa declaratoria habet effectum suspendendi, & inuvalidandi omnes actus, qui subsequenti fuerunt à die commissi criminis. Rescissa autem tali renuntiatione, aut permutatione auferretur à

resignatio beneficium collatum, ipsæque resignatarius, si loco beneficii ab hæretico accepti aliud illi contulit, potest ad suum pristinum beneficium redire, vel propria autoritate, vel saltem noua adueniente collatione, quia permutatio non habuit effectum. sic Sanchez cum Flamin. supra num. 9. Quartus effectus est priuatio fructuum ex beneficio perceptorum: si enim beneficio priuatur, à fortiori priuari debet fructibus ab eo prouenientibus. Quare adueniente sententia declaratoria criminis, cum omnia bona hæretici confiscentur, & illi fructus confiscati manent: neque allegari potest sibi deberi ob ministerium exhibitum, quia undecumque ea habeat, omnibus priuatur. Solum est difficultas, an ante sententiam teneatur ea restituere? Affirmat teneri Azor tom. 1. lib. 5. cap. 8. quest. 3. Gonzalez plures referens, glossa 15. num. 150. Barbosa 3. part. allegat. 52. num. 254. Mouentur, quia fructus acquiri non possunt sine titulo beneficii, sed ij hæretici illo carent ratione criminis. Ergo. Neque allegari potest in presenti bona fides, cum hæretico constet se titulo priuatum esse. Nihilominus probabilius videtur dicendum hæreticum beneficiatum lucrari fructus beneficii taliter, quod non tenetur illos restituere ante sententiam. sic Sanchez illo cap. 26. num. 10. Mouetur, quia ad horum acquisitionem sufficit titulus possessionis, & administrationis legitimæ beneficii, etiam si titulo, & proprietate careat, ut contingit in qualibet alia re temporali fructifera, qua priuatus est ipso iure hæreticus: sicut enim cum hac priuatione compatitur excusatio restituendi rem, & fructus illius ante sententiam, ita in beneficio, & eius fructibus dicendum est. In quo est maxima differentia ab habente scienter à principio titulum nullum, quia hic, neque possessionem, neque administrationem beneficii legitimam habet; quia hæc fundantur in titulo. At cum titulus in pœnam delicti deperditur, non perditur possessio, neque administratio, & consequenter neque titulus legitimus ad lucrandos fructus. Verum etsi doctrinæ acquiescam, rationi adhærere non possum. Existimo enim priuationem beneficii factam hæretico ante sententiam non esse ita absolutam, & perfectam, ut titulum, & dominium beneficii, aliarumque rerum deperdat, non enim percipere possum, quomodo beneficium retinere possit, illoque uti, si titulo beneficii scienter careret, neque quomodo possit valide in alium transferre non translato titulo? Sed existimo esse quandam imperfectam, & conditionalem priuationem, ut adueniente sententia declaratoria criminis censeatur à die commissi delicti priuatum beneficio, omnibusque aliis rebus: sic docet Suarez disput. 21. de fide, sect. 5. num. 19. & 20. Quæ omnia clariora reddentur ex his, quæ de confiscatione bonorum dicemus.

7 Sed quid si clericus hæreticus ex toto corde conuertatur, priuandus ne est beneficiis, & officiis?

Dux sunt sententiæ communes. Prima negat. sic Eymers. director. 3. part. quest. 113. versic. *considerandum.* & quest. 115. versic. *hoc sanè.* Decian. tractat. crimin. lib. 5. cap. 54. num. 8. Rebuffus prætic. benefic. num. 5. Carter. in prætic. crimin. 4. tractat. de hæreticis, §. modo qualiter, n. 1. Archidiacon. Geminian. Philippus Francus, & alij apud Farinacium in fragm. verbo clericus, num. 362. & de hæresi, quest. 189. num. 82. Fundamentum desumitur ex cap. *ad abolendam, de hæreticis, versic. presenti.* vbi dicitur, si clericus est, totius Ecclesiastici ordinis prærogatiua nudetur, & sic omni beneficio, & officio spoliatus Ecclesiastico, sæcularis relinquatur, arbitrio potestatis, animaduersione debita puniendus, nisi continuo post deprehensionem erroris ad fidem Catholicam uniuersa sponte reuertere, & errorem suum ad arbitrium Episcopi, &c. Ecce qua ratione si continuo ad fidem reuertitur, non priuatur beneficiis. Spontè dicitur ad fidem reuerri, quando infra tempus gratiæ

gratiæ venit non monitus re integra, & ante receptas probationes, vt dicit Archidiacon. *in cap. vt commissi, de hæretic. in 6. col. 2. ad medium, sub num. 3.* Adde Pegnam 2. p. direct. in comm. 8. explicantem suprad. cap. ad abolendam, & latius 3. p. quæst. 109. comm. 158. dicitque hæreticum tunc continuò redire, & conuerti, si ante sententiam diffinitiuam conuertatur, & tunc non esse bona illius confiscanda: consentit Zanch. *de hæretic. cap. 16. num. 7.* ibi Campegius Bernard. *in lucerna, verbo redire, §. 6.* Simancas *de catholic. instit. tit. 47. num. 40.*

Secunda sententia affirmat priuandos omnino esse, & solùm ex dispensatione Pontificis ea retinere posse. sic pluribus confirmat Simanc. *de catholic. instit. cap. 47. num. 76. & in enchirid. tit. 58. num. 4.* Lælius Zechius *in sum. 1. p. tit. de fide, cap. 11. num. 16. in 12. pœna.* Repert. inquisit. verbo *conqueruntur, vers. cum conqueruntur*, & alij apud Farinac. *suprà.* Mouentur ex Concilio Elibertino, cap. 51. vbi dicitur ex omni hæresi, qui ad nos fidelis euenerit, minimè est ad clerum promouendus, vel si qui sunt in præteritum ordinati, sine dubio deponuntur. vbi verbum *deponuntur*, significat depositionem perpetuam, vt ex glossa, & Conrado, Bruno, & Simanc. notauit Farinac. *locis allegatis.*

In hac contrarietate distinctione vtitur Farinac. *suprà.* sequens Pegnam direct. inquisit. 3. p. quæst. 113. comm. 162. *vers. nos vero.* affirmat namque primam sententiam intelligendam esse de hæretico ad fidem redeunte ante sententiam, & antequam receptæ sint probationes, & testibus conuincatur. Secundam de hæretico non spontè, sed potius testibus conuictò, aut post sententiam ad fidem redeunte, variis Doctores hanc distinctionem comprobant.

8 Caterùm iuxta nostram sententiam, quæ affirmat hæreticum ipso iure à die commissi criminis priuatum esse beneficiis, & officiis Ecclesiasticis, dicendum est primò ea retinere non posse, nisi ex dispensatione Pontificis, si crimen eius declaratum est, quantumcunque ante declarationem pœnituerit: & in hoc conuenio cum secunda sententia; & eam tradit Sanchez *lib. 2. in Decal. cap. 26. num. 13.* Et ratio est manifesta; quia facta declaratione delicti contrahit hæreticus pœnas à iure delicto statutas. Sed vna est priuatio ipso facto beneficiorum. Ergo. Item ex Bulla Pij V. relata, reseruantur Sedi Apostolicæ quæcunque beneficia ob hæresim vacantia, sed omnino vacant beneficia saltem hæresi declarata. Ergo. Secundò dicendum est, si hæreticus sponte fuerit conuersus, seu antequam sapius monitus fuerit, & testibus conuictus, conuenientissimum esse, vt à Sede Apostolica beneficia reddantur, quia hæc gratia aliorum conuersionem maturabit. Et in hoc sensu explicandus est text. *in cap. ad abolendam, de hæretic.* cum dicit non esse Ecclesiasticis officiis, & beneficiis clericum priuandum, si continuò, & spontè ad fidem reuertitur. Adde huiusmodi textum non de priuatione simplici beneficiorum loqui, sed de priuatione, quæ per degradationem contingit; siquidem secularis relinquitur arbitrio potestatis puniendus; quam degradationem noluit textus admittere in eo, qui citò, & sponte ad fidem reuertitur.

9 Ad hanc pœnam priuationis beneficiorum reduci potest, quæ traditur *in cap. quicumque, §. ad hac, de hæretic. in 6.* vbi dicitur quoscunque viros Ecclesiasticos, qui ad preces huiusmodi personarum, (nimirum hæreticorum, vel credentium, receptatorum, defensorum, vel fautorum eorum) dignitates, personatus, & quæcumque alia Ecclesiastica beneficia sunt adepti, ex nunc priuamus taliter acquisitis, volentes quòd tales & habitus careant perpetuò, etsi receperunt illa scienter, ad alia, vel similia nequaquam in posterum admittantur. Circa quam pœnam aduerte primò preces debere esse efficaces, ita vt ex vi illarum obtineatur beneficium.

Secundò recipientem beneficium debere scire ad preces hæreticorum sibi beneficium datum esse. His ergo conditionibus existentibus perpetuò priuatur recipiens beneficiis sic acquisitis, & inhabilis redditur ad alia, vel similia in posterum obtinenda. Alicui tamen videri posset non esse inhabilem ipso iure ad alia, & similia beneficia obtinenda, sed illa recipere posse, si conferantur, siquidem textus solùm dicit, ne ad beneficia admittantur, non tamen irritat, neque annullat admissionem.

DISPUTATIO V.

De pœnis temporalibus hæreticorum, præcipuè de confiscatione bonorum.



ARTE sunt hæc pœnæ, sed omnium præcipua, ex qua reliquæ oriuntur, est bonorum amissio. De hac ergo aliquantulum latius agemus, quia communis est alijs criminibus. Circa quam examinandum est, quæ bona sub confiscationem cadant. Qui modus confiscationis sit, & qui sint eius effectus. Deinde quas personas comprehendat, & qui eam facere possint. Tandem loquemur de alijs pœnis temporalibus quibus hæretici afficiuntur.

PUNCTUM I.

Sine pœna confiscationis bonorum hæreticis imposita.

- 1 Iure civili, & Ecclesiastico hæc pœna statuta est.
- 2 In executione huius pœna leges canonica præferenda sunt civilibus.

1 Hanc pœnam confiscationis solent hæretici, vt pote ab æterna vita, & spiritualibus bonis alieni, & temporalibus immergi, magis timere. Quapropter tam Imperatores Christiani, quàm Pontifices variis suis decretis eam stabilire procurarunt; vt videre est in l. *Manichæos, C. de hæreticis.* ibi, quos bonorum etiam omnium publicatione persequimur. & in Auth. *Gazaros, C. de hæreticis*, ibi, & omnes hæreticos vtriusque sexus quocunque nomine censeantur, perpetua damnatus infamia, diffidamus, atque bannimus, censentes vt bona talia confiscentur, neque ad eos vltèriùs reuertantur, ita vt filiorum ad successionem peruenire non possint, cum longè sit grauius æternam, quàm temporalem offendere maiestatem. quæ lex ab Innocent. III. *in cap. vergentes, de hæreticis*, ex toto canonizata est, & in cap. *excommunicamus el 1. §. damnati, eod. tit.* hæc tamen differentia constituta, videlicet, si damnati laici sint, confiscentur eorum bona; si clerici applicentur Ecclesiis, à quibus stipendia receperunt. Item Innocent. IV. & Alexand. IV. & Clemens IV. qui sibi inuicem successerunt in constitutionibus suis, quorum initium est, *Ad extirpanda*, statuerunt bona hæreticorum in tres partes esse diuidenda. & primam affirmant deuenire debere in commune ciuitatis, vel loci. Secundam in fauorem, & expeditionem officij inquisitionis dandam esse officialibus, qui tunc negotia ipsa peregerint. Tertiam ponendam in aliquo tuto loco, & distribuendam pro arbitrio diœcesani, & Inquisitoris in fauorem fidei, & hæreticorum extirpationem. Postea Bonifac. VIII. *in cap. cum secundum leges, de hæreticis, in 6.* non solùm statuit bona hæreticorum confiscanda esse, vt reliqui antecessores, sed ipso iure esse confiscata. ibi, *confiscationis*

TAMEN

tamen executionem non debere à Principibus, & alijs dominis temporalibus fieri, antequam per Episcopum loci, vel aliam personam Ecclesiasticam, quæ super hoc habeat potestatem, sententia super eodem crimine fuerit promulgata. Verum ne ordinarij intelligerent habere potestatem exigendi rationem ab Inquisitoribus de bonis huiusmodi distributis, Benedictus XI. in *extranag. ex eo, de hereticis*, inter communes, directa Inquisitoribus Lombardie, statuit solum Camera Apostolicæ, vel alteri, qui vices Romanæ Sedis habuerit, obligatos esse rationem reddere. At ne Inquisitores potestatem extenderent, & Ecclesias hac confiscationis pœna damnificarent, veruit Clemens V. in *Clement. 2. de hereticis*, ne bona Ecclesiarum ob delictum clericorum, etiam fisco Ecclesiæ applicentur. Ex quibus omnibus constat tam iure ciuili, quam canonico hanc pœnam statutam esse.

2 Solum aduerto in executione illius leges Ecclesiasticas spectandas esse, non ciuiles; quia crimen hæreticis merè Ecclesiasticum est, *cap. inquisitionis, §. prohibemus, de hereticis, in 6.* Quando autem crimen est Ecclesiasticum, tam laici, quam clerici Ecclesiæ legibus, & iurisdictioni subduntur. *cap. licet, de foro competent. & ibi gloss. verbo, vacante imperio.* Quod ad eò verum est, vt non possint Principes, & temporales domini contra voluntatem Ecclesiæ hanc confiscationis pœnam exequi, quia hæc pœna accessoria est delicto, vt scribit Gemin. in *cap. cum secundum leges, de hereticis, in 6.* ac proinde illius executio ad idem tribunal, ad quod pertinet delictum, debet pertinere, ex vulgato principio, quod accessorium sequitur naturam principalis, *cap. accessorium, de regulis iuris, in 6.* & ita tradit Pegna 3. part. director. *quest. 109. comment. 158. col. 7. vers. nunc quid, & col. 15. vers. neque his, & seqq.*

PUNCTUM II.

An omnia bona hæretici cadant sub confiscationem.

- 1 Affirmatiuè respondetur.
- 2 Bona in potestate hæretici existentia, si illius non sunt, non confiscantur.
- 3 Debent tamen actu esse, nec sufficere fuisse, nisi in fraudem fisci alienata sint.
- 4 Ex quibus casibus fraus presumitur.

1 **R**egula est ab omnibus Doctoribus recepta, omnia bona tam mobilia, quam immobilia iura & actiones, quæ hæretici propria sunt, cum delictum committit, ipso iure confiscari. Ratio est manifesta, quia in *l. Manichæos*, omnia bona veniunt confiscanda, & sub signo illo vniuersali nulla excipiuntur: & licet in *cap. cum secundum leges, de hereticis, in 6.* vbi hæc pœna confiscationis ipso iure imponitur, non sit signum illud omne distributiuum, non obstat, quia sufficit sine limitatione bonorum confiscationem fieri, vt omnia bona intelligantur comprehensa; aliàs effectum confiscatio non haberet, cum nulla esset ratio, quare magis his, quam illis bonis applicaretur confiscatio. colligitur ex *l. bonorum, ff. de verbor. significat. l. si ademptio, §. C. de sententiam passis.* & tradit Simancas *de catholice institut. tit. 9. num. 7.* Vasquez *1. 2. disp. 69. num. 3.* Sanchez *lib. 2. cap. 14. num. 2.* Suarez *disp. 22. sect. 5. num. 1.* Bonacina *disp. 3. de contrah. punct. ultim. vbi de feudo, num. 2. & 3.* & alij.

2 Dixi confiscari bona, quæ sunt hæretici, quia bona, quæ sunt alterius, etiam si in potestate hæretici reperiantur, in pœnam confiscationis non deueniunt. Tum quia hoc æquum non erat, aliàs innocentes punirentur, contra *l. sancimus, C. de pœnis. tom. quia in cap. cum se-*

cundum leges, & alijs relatis semper dicitur, bona hæreticorum. Ergo si bona non sint hæreticorum, sed Catholicorum, non debent confiscanda venire.

3 Dixi cum delictum committit, vt excluderem bona, quæ hæretici fuerunt, sed non sunt tempore delicti, eo quod illa à se alienauerit donatione simplici, aut contractu. Excipe nisi in fraudem fisci facta fuerit, quia tunc nulla est donatio, nec venditio, sed omnino reuocatur à fisco: vt ex omnium sententia testatur Farinacius in *sua practica, quest. 164. num. 48. & 50. in iusto num. 26. & 27.*

4 Quando autem hæc fraus præsumatur, bene declarat Farinacius *supradict. quest. à num. 71. & à num. 96. & seqq.* Primò enim præsumitur fraus, si facta alienatione statim delictum committatur, nisi necessitas appareat alienandi. Menochius *lib. 3. præsumpt. 127. num. 17.* Gomez *tom. 3. variarum, cap. 14. num. 4.* Farinacius *de falsitate, & simulat. quest. 164. num. 154.* dubius tamen, quia Ioann. Faber in *§. item si quis in fraudem, num. 7. 8. & 9. Instit. de actionib.* contrarium defendit variis rationibus. Secundò si sit donatio omnium bonorum, vel maioris illorum partis, Farinac. *num. 122.* & Mascard. *de probat. conclus. §. 58. num. 1. & 2.* Menoch. *de præsumpt. lib. 3. præsumpt. 124. num. 7. & 8.* Adde idem esse in donatione meliorum bonorum, siue magis pretiosorum. Menoch. *num. 9.* Farinac. *num. 126.* Anton. Gomez *tom. 3. variar. cap. 14. num. 4.* Quod ad eò verum est, vt etiam si donatio bonorum omnium facta sit interpellatis vicibus, & diuersis personis, adhuc præsumatur facta in fraudem fisci. Menochius *num. 10.* Gomez *num. 21.* Farinacius *num. 127.* Idem iuris est de venditione omnium bonorum, non tamen in venditione maioris illorum partis, de hac enim venditione fraus non præsumitur, cum faciliè honestari possit. sic Gomez *num. 4.* Farinacius *num. 124. & 130.* Menochius *num. 8.* Neque etiam in venditione omnium bonorum præsumenda est, si facta sit iusto pretio, vel parum minori palam, & absque vlla occultatione. Gomez *num. 18.* Farinacius referens plures, *n. 133.* Tertiò præsumitur fraus, si facta est donatio, vel venditio coniunctæ personæ iure sanguinis, vel amicitie, à qua faciliè possis sic donatum, vel venditum recuperare. Farinacius *à num. 136.* Menochius *n. 23. & seqq. & alij.*

PUNCTUM III.

An bona donata sub conditione, & acquisita post delictum confiscationi subiaceant.

- 1 Bona donata sub conditione, cuius conditio purgatur post delictum, sub confiscationem cadunt.
- 2 Sed quid dicendum de donatione absolute facta causa mortis? Sub distinctione respondetur, si à viro uxori firma manet, secus si alijs facta sit.
- 3 Bona acquisita post delictum, & latam sententiam, non publicantur.
- 4 Acquisita intermedio tempore inter delictum, & sententiam, plures censent publicari.
- 5 Probabilius cenfeo oppositum.
- 6 Apponitur à Sanchez quadam limitatio.
- 7 Non approbatur.
- 8 Satisfit rationibus num. 4. adductis.

1 **P**rima difficultas est, an sub bonis confiscatis comprehendantur bona, quæ quis sub conditione donauit, quando conditio purgatur adueniente delicto? Communis sententia est comprehendi, quia bona, quæ sub conditione donantur, donantis sunt, dum conditio non purgatur; tempore autem conditionis, iam sunt fisci ob hæresim. Farinacius *de hæresi. quest.*

quest. 190. num. 12. Simancas de catholic. institut. cap. 9. n. 9. & 10. Suarez de fide. disp. 22. sect. 5. n. 3. quæ doctrina extendi debet non solum ad donationem inter vivos, sed etiam causa mortis; si enim donator postea hæreticus exiit, eius sic donata bona confiscantur, ac si nullam donationem fecisset, quia cum debebat donatio effectum habere, iam donatum non est donantis, sed fisci.

2 Sed quid dicendum de donatione absolute facta causa mortis, quæ reuocari potest? Distingendum censeo, si facta sit à viro uxori, firma manet commissio delicto, & bonis publicatis, ac si mors naturalis euenisset, neque in fiscum transit, ut est expressa decisio l. sed si mors, ff. de donationib. inter vir. & ux. & l. res uxoris, C. cod. tit. l. quisquis, §. uxores, C. ad leg. Jul. maieft. & notat Bald. in l. executorum, col. 9. vers. quare quidam. C. de execut. rei iudic. Farinac. plures referens, quest. 25. num. 130. Anton. Gom. leg. 40. Tauri, num. 91. col. 3. Molina Iesuita disp. 659. fine. Sanchez lib. 6. de matrim. disp. 17. num. 5. & lib. 2. cap. 17. num. 15. vbi pluribus comprobatur. Dixi manere firmam donationem respectu fisci, non tamen respectu mariti; hic enim dum superstes est, potest eam reuocare, ex l. sed si mors, ff. de donation. inter vir. & ux. & tradunt Farinac. Sanch. & alij supra. Ut autem hæc donatio viri facta uxori, respectu fisci firma maneat, ita ut sub fiscum res donata cadere non possit, requirit traditionem Acosta cap. si pater, de testament. in 6. 1. p. verbo legauit, num. 6. Farinac. quest. 25. num. 137. vbi testatur esse communem. Clarus in §. donatio, quest. 9. vers. scias autem. Contrarium tamen defendit Molina Iesuita tom. 2. disp. 288. §. dubium est. Sanchez lib. 6. disp. 11. num. 5. quia supradicta lex sed si mors, hanc traditionem non requirit. Vtrumque est probabile. Verum si donatio non à viro uxori, sed ab uxore viro, vel à viro alijs facta sit, morte civili donantis non confirmatur, sed omnino dissoluitur, & res donata transit in fiscum. Ratio est, quia morte civili firmari donationem causa mortis respectu fisci est speciale privilegium uxoris, ut constat ex dicta l. res uxoris, C. de donationib. inter vir. & ux. ibi, donatio maritalis ante tempus criminis, ac reatus collata in uxorem, quia pudicitia premio cessit, observanda sit, tanquam si maritus eius naturæ non pœna subduerit. sic Mol. Theolog. tom. 2. disp. 282. §. disputat. precedenti. Sanchez lib. 6. de matrim. disp. 10. num. 5. sine, & disp. 17. num. 6. Farinac. plures referens, quest. 25. num. 131. & quest. 164. n. 17. Quod ex eo sufficienter constat, quia ad hanc confiscationem faciendam nihil aliud requiritur, quam sententia declaratoria criminis.

3 Secunda difficultas est, an acquisita post delictum commissum publicentur? In qua re certum est non publicari, quæ post commissum delictum, & latam sententiam acquiris; quia tunc cessat fundamentum publicationis, quod est delictum: sic multis relatis docet Farinac. de hæresi, quest. 190. n. 25. & præcipue quest. 25. n. 138. Thom. Sanchez lib. 2. in Decalog. cap. 14. num. 8. Suarez disp. 22. sect. 5. num. 13. & est expressa decisio textus in cap. felicis, de pœnis, in 6. vers. cum talis, ibi, de postmodum acquisitis repetitio non negetur. & l. si mandauero, 22. §. i. cum, ff. mandati. ibi, publicatis bonis quidquid postea acquiritur, non sequitur fiscum. & l. eius qui, §. 1. ff. de testament. ibi, bona, quæ tunc habuit, cum condemnaretur, publicabuntur. & l. certa forma. C. de iure fisci. ibi, parentibus heredes existere eos non oportere nulla legis sanctione statutum est. Neque obstat l. 2. C. de bonis damnatorum. vbi Alexand. Imperator dicit. Deportari neque earum quidem rerum, quas post pœnam interrogatam habuerint, heredem habere possunt, sed hæ publicabuntur. Nam, ut rectè explicat Cuiac. observat. lib. 6. cap. 33. & Fachin. lib. 9. controuers. cap. 51. non de quolibet delinquente, cuius bona confiscantur, intelligi debent, sed de delinquente deportato, qui quia capite minutus est, heredem habere non potest.

4 Variant tamen Doctores, an acquisita illo intermedio tempore, quo delictum commisit, & de illo condemnatus fuit, debeant confiscari? Affirmant publicari debere Azor tom. 1. lib. 5. cap. 7. §. 8. Valquez 1. 2. disp. 169. cap. 1. num. 8. Suarez disp. 22. sect. 1. num. 15. Iulius Clarus lib. 5. receptar. §. fin. quest. 78. num. 24. Ratio præcipua est, quia ita consuetudo obtinuit, ut omnia bona, quæ habet delinquens, dum eius delictum declaratur, publicentur: & in hæresi crimine hoc efficacius procedit, quia dum ad Ecclesiam non rediit, in hæresi censetur perseverare: facitque l. eius qui, §. 1. ff. de testament. ibi, bona quoque, quæ tunc habuit, cum damnaretur, publicabuntur. attenditur ergo ad condemnationem, & non solum ad delictum. Et idem colligitur ex l. 10. tit. 9. lib. 5. recopilat. ibi, mandamos que sean avidos por bienes de ganancia todo lo multiplicado durante el matrimonio hasta que por tal delito los bienes de qualquier de ellos sean declarados por sententia. Ergo tempus sententiæ spectatur.

5 Nihilominus probabilis existimo non publicari bona, quæ intermedio tempore inter delictum, & sententiam sunt acquisita, sed solum ea, quæ tempore delicti commissi habebas. sic Matien. lib. 5. recopilat. tit. 4. l. 3. glossa 7. m. 6. Sanchez plures referens lib. 2. cap. 14. Baiar. addition. ad Clarum, lib. 5. §. hæresis, n. 19. & q. 78. num. 212. Bursat. consil. 14. n. 28. Moueor, quia confiscatio hæc delicto est annexa, neque tibi sententia aliam confiscationem imponit, nisi quæ per delictum imposita est; sed per delictum imponi non potest confiscatio nisi bonorum, quæ tempore delicti habentur. Ergo neque sententia aliam confiscationem imponit. Et confirmo. Hoc præstat confiscatio ipso iure, ut ius loco sententiæ succedat, & delinquens puniatur ex delicto; ac si sententia esset pronuntiata. Ergo non punitur in bonis post delictum acquisitis: fauētque l. 1. ff. de pœnis, vbi eam pœnam delinquens sustinere cogitur per sententiam, quam sustinisset, si eo tempore, quo deliquit, esset lata sententia; at si eo tempore esset lata sententia, non extenderetur ad bona postea acquisita. Ergo neque etiam postea extenditur. Item pœnæ non sunt extendendæ, sed limitandæ: nullibi autem habetur extendendam esse confiscationem ad bona acquisita post commissum delictum. Ergo.

6 Hanc autem sententiam limitat Sanch. num. illo 1. cum alijs, ut intelligatur, casu quo hæresim renuntiaveris, & ex toto corde ad fidem fueris conuersus; secus si in illa perseveres. quia si in hæresi perseveras, iam hæreticus es. Sed bona hæretici confiscantur. Ergo. Secus verò dicendum est in Sodomia, quæ est peccatum transiens, & finito actu finitur.

7 At hæc limitatio mihi non probatur: sed idem existimo dicendum de peccato Sodomie, ac de hæresi. Non enim ob hæresim mentalem, vel ob hæresim habitualiter permanentem fit confiscatio, sed ob hæresim externam, & manifestam: at hæc hæresis externa, & manifesta cessauit (ut suppono) etiam si de illa non fuerit absolutus. Ergo cessat effectus confiscationis ex tali hæresi proueniens. Neque obstat te esse obligatum ad Ecclesiam redire, cum ab illa te separasti, ut dicamus bona illa esse confiscata ob non impletam hanc obligationem; quia confiscatio non est annexa peccato huius omissionis, sed hæresi externæ. Deinde, & fortè efficacius, vel perseverans habitualiter in hæresi est factus incapax per hæresim habitualiter permanentem acquiritur aliquid hæreditatem, vel non? si factus est incapax, non acquiritur fisco, sed heredibus venientibus ab intestato; ut rectè alijs relatis docet Peregrin. tract. de iure fisci, lib. 3. tit. 1. num. 2. & tit. 2. num. 13. Farinac. alios referens lib. 1. praxis, quest. 25. num. 139. & probat l. si quis mihi, §. si quis plane, ff. de acquirend. heredit. l. 1. C. de heredib. instituend. l. si metallum, ff. de his, quæ pro non scripti. habentur, l. metallum, ff. de iure

fisi. Si verò capax sit hæreditatis; tunc ipsi, & eius hæredibus acquiritur, dum sententia non præcedit, ut re-
de aliis relatis probat Anton. Gomez tom. 3. *variarum*,
cap. 14. num. 1. & in l. 4. *Tauri*, num. 7. Sanchez lib. 2. cap. 14.
num. 32. & melius Farinac. lib. 1. *prax. quæst.* 25. num. 140.
& quæst. 102. num. 110. Neque obstat ratio contraria. Di-
cimus namque bona hæretici confiscari, non hæretici
habitualis, sed actualis; sicut bona Sodomitarum, qui scili-
cet actu talis est, non qui fuit, & est solum in habitu.

8 Argumenta autem prioris sententiæ facile dissol-
vuntur.

Ad primum concedo consuetudinem esse bona delin-
quentis, quæ tempore sententiæ habet confiscari: tum
quia raro inter delictum, & sententiam bona acquiritur:
tum quia ignoratur, an bona illo intermedio tem-
pore incrementum, vel decrementum habuerint, imò
semper præsumitur deteriora illa fecisse, & diminuisse,
ut ad fiscum deveniant.

Ad *leius qui*, respondeo. Primò tunc damnari reum,
cùm delictum committit. Secundò dico loqui legem
de delictis, in quibus publicatio facienda est per iudi-
cem, & non habetur ipso facto: & in his delictis opti-
mè potest iudex omnia bona, quæ tunc delinquens ha-
bet, cùm damnatur, publicare. Lex autem regia solum
declarat, quo tempore computanda sunt lucra acquisi-
ta constante matrimonio, sed non decidit quæ bona
publicanda sint.

PUNCTUM IV.

An bona sub conditione futura debita confiscantur.

- 1 Communis sententia defendit non publicari.
- 2 Proponitur obiectio, & fit illi satis. Et declaratur debita
hæretico ex testamento non transire in fiscum.
- 3 Debita tamen ex contractu transiunt in fiscum, tametsi
conditio post commissum delictum, & condemnationem
impleatur.

1 **S**pecialis est difficultas de bonis sub conditione
futura debitis hæretico tempore hæresis; an hæc
sub bonis publicatis comprehendantur? Communis
sententia tenet non comprehendi, quia illa bona non
sunt hæretici, quousque conditio impleatur; sed non
est impleta conditio, cùm delictum committitur. Ergo
neque in fiscum transire potest, quia fiscus solum usur-
pare potest bona, quæ hæretici sunt: sic glossa singula-
ris, & unica, iuncto textu in l. non ad ea, in verbo *præfens*,
ff. de condit. & demonstr. ibi, *vel si publica sunt, nam postea
quæ sita non caderent in eas causas.* quam glossam, utpote
singularem, commendat Bart. Bald. Imola, & alij, quos
referunt, & sequuntur Anton. Gomez tom. 3. *var. cap.* 14.
n. 2. & in l. 4. *Tauri*, n. 4. in medio. Farinac. lib. 1. *prax. q.* 25.
num. 142.

2 Dices, licet illa bona non sint hæretici, ius tamen
ad illa bona pertinet ad hæreticum. Ergo illud ius
transmittere potest per delictum in fiscum, & conse-
quenter fiscus personam hæretici representans in illis
bonis adveniente conditione succedit?

Respondeo dupliciter. Aliquid deberi potest hære-
tico vel ex testamento, vel ex contractu: quod enim de-
betur ex testamento, qualia sunt hæreditas, fideicom-
missum, & legatum, nequaquam ad fiscum transire po-
terunt, quia ea solum transire possunt ad fiscum, quæ
ad hæredes extraneos remitti possunt, cùm fiscus loco
hæredis extranei succedat, ex l. 2. C. ad legem Iuliam, de
vul. l. corum, ff. ad legem Iuliam maiest. & aliis multis exor-
nat Farinac. lib. 1. *prax. quæst.* 25. num. 51. & 143. Sanchez
lib. 2. cap. 14. num. 5. Peregrin. de iure fisci, lib. 1. tit. 1.
num. 68. Suarez de fide, disput. 22. sect. 5. num. 4. Sed ius
Ferd. de Castro Sum. Mor. Pars I.

succedendi in hæreditate, fideicommissis, & legatis
transmissibile non est ad hæredes, ex l. unica, §. *fin au-*
tem sub conditione, C. de caducis tollendis. Ergo neque
ad fiscum transmitti potest. sic Sanchez num. 15. Farinacius
num. 143. Anton. Gomez l. 4. *Tauri*, num. 4. &
tom. 3. *variarum*, cap. 14. num. 2. & alij apud ipsos. Et
quidem quoad substitutionem conditionalem, quod
non transeat in fiscum, si purificetur conditio post sen-
tentiam, colligitur ex l. substitutio, ff. de acquirendo re-
rum domin. ibi, *substitutio, quæ nondum competit, extra bo-*
na nostra est. & ex l. ex facto, §. *fin. ff. de vulgari*, & pu-
pillari. & ibi Baldus, quem refert, & sequitur Gigas de
crimine lese maiestatis, lib. 2. quæst. 7. num. 2. Nilus de ban-
nitiis, in 1. part. secundum temporis, quæst. 31. Farinacius quæst.
25. num. 144. Sanchez lib. 2. cap. 14. num. 18. Quoad fi-
deicommissum etiam est res clara non transire in fi-
scum, quia venientia ex ultima voluntate non trans-
mittuntur ad hæredes, si fideicommissarius decedat an-
te conditionis euentum. l. legata sub conditione, 41. ff. de
conditionibus, & demonstrationibus, l. hæres meus, in princip.
ff. eodem. l. in causa, §. Pomponius, & ibi glossa, ff. de minori-
bus. Ergo neque etiam in tali casu transire debet in
fiscum. Et in legatis conditionalibus non transire in
fiscum, si conditio, sub qua sunt legata, post delictum
impleatur, probat manifestè l. unica, §. *fin autem*, C. de ca-
ducis tollendis. l. si ita expressum, de conditionibus, & de-
monstrationibus, & pluribus exornat Farinacius num. 143.
& sequent. Covarruias practicarum quæst. cap. 39. fine.
Anton. Gomez 2. tom. *variarum*, cap. 11. num. 36. San-
chez num. 17. ubi bene explicat hoc procedere, siue
conditio sit potestativa, hoc est, pendens à voluntate le-
gatarij, siue casualis, id est, pendens ex fortunæ euentu,
siue mixta, id est, partim pendens ex voluntate legatar-
ij, partim ex alterius voluntate: quocumque enim
modo conditio purificata non sit, cùm delictum com-
mittitur, non transit in fiscum tale legatum. Item quod
legatum alimentorum etiam durante vita banniti non
transeat in fiscum, optimè probat Bossius tit. de bonis
publicandis, num. 24. Iulius Clarus in pract. quæst. 78. ver-
ficitem in fiscum, in fine. Nilus in tractat. de bannitiis, in 1.
part. secundum temporis, quæst. 36. num. 36. Farinacius q. 25.
num. 145. Hanc autem conclusionem ita extendit Far-
inacius aliis pluribus relatis num. 141: ut affirmet, si vi-
uente patre filius committat homicidium, eoque mor-
tuo formetur inquisitio contra filium, & condemne-
tur de delicto, cum confiscatione bonorum, talis pa-
terna hæreditas non adita per filium, licet bene an-
te condemnationem delata, nullo pacto transit in fi-
scum, quia ius adeundi transmissibile non est ad hæ-
redes extraneos, & consequenter neque in fiscum.

3 Verùm si debita sint hæretico, ex aliquo contra-
ctu, puta venditione, aut stipulatione ad fiscum trans-
eunt; etiam si conditio post condemnationem implea-
tur. Et ratio est manifesta, quia illud ius est transmi-
ssibile ad hæredes, ut constat ex §. ex condicionali, Insti-
tut. de verborum obligationibus, ibi, *ex condicionali stipulatio-*
ne tantum spes est debitum iri, eamque ipsam spem in hæ-
redem transmittimus, si priusquam conditio extet, mors nobis
contigerit, & ibi glossa, & communiter Doctores. Er-
go etiam transire potest in fiscum, ex l. inter socerum, §. *fi-*
nal. l. e patris. & probat alios referens, Anton. Gomez
tom. 3. *variarum*, cap. 14. num. 2. Farinacius lib. 1. *prax.*
quæst. 25. num. 146. & de hæresi, quæst. 190. num. 13. San-
chez cap. 14. num. 2. Ratio autem quare ad hæredes de-
bita ex contractu transeat, & non debita ex ultimis
voluntatibus, ea est, quia in contractu intervenit fa-
ctum, & persona creditoris, qui in dubio præsumitur
non solum sibi, sed etiam suis hæredibus prospicere,
& perpetuam utilitatem ex contractu acquirere. argu-
ment. textus in l. si patrum, ff. de probationibus. At in dispo-
sitionibus conditionalibus non intervenit vllum factum
eius,

eius, in cuius fauorem est facta dispositio, ex quo colligatur sibi, & suis hæredibus voluisse prospicere, sed solum interuenit factum disponentis, & legantis, qui solum merita, & personam legatarij attendere visus est.

Limitanda tamen est hæc doctrina ad debita sub conditione casuali, & mixta, secus sub conditione potestatiua: hæc enim non videntur transire ad hæredes, & consequenter neque ad fiscum, si tempore, quo vivebas, implere conditionem omiseris: textus est singularis in *l. si decem cum petiero, ff. de verborum obligationib. & in l. potior, & in l. qui balneum, ff. qui potiores in pignore*, cuius ratio est, quia tunc creditor in culpa esse censetur non implens conditionem, illaque culpa tacite videtur iuri sibi debito renuntiassè. Farinacius *dicta quæst. 25. num. 147. Gomez tom. 3. cap. 14. num. 2. Sanchez lib. 2. cap. 14. num. 24. Vasquez disput. 169. cap. 1. num. 5. & 6.* Neque obstat *l. 2. C. de pactis inter emptorem, & venditorem*, ubi si quis vendidit rem cum pacto de retrouendendo, ipse, & hæres eius potest rem redimere oblato pretio, & tamen illa conditio est potestatiua. Ergo debita sub conditione potestatiua transeunt ad hæredes, & consequenter ad fiscum. Non, inquam, obstat, nam, vt bene dicit Anton. Gomez *tom. 2. variarum, cap. 11. num. 36. circa medium*, debita ex contractu lucratiuo sub conditione potestatiua ad hæredes non transeunt; secus verò debita ex contractu oneroso vltro citroque obligatorio: hic enim ad hæredes transit, ne alter contrahens esset in damno.

Quodd si inles contractum onerosum non posse committi in liberam voluntatem alicuius contrahentis, ex *l. in vendentis, C. de contrahenda emptione*. Ergo neque in conditionem potestatiuam, quod idem est.

Respondeo concedendo contractum onerosum, & eius substantiam non posse poni in liberam alicuius contrahentis voluntatem; secus tamen resolutionem contractus, quæ inducitur per pactum de retrouendendo. Hæc enim bene potest poni, & committi in voluntatem vnius, ex text. in *l. quod si nolis, §. si quid ita, ff. de adilitio edicto*, & tradit ex Panormitano, & alijs Anton. Gomez *tom. 2. variarum, cap. 11. num. 36. in medio*.

PUNCTUM V.

An publicatis bonis hæretici ius patronatus Ecclesiastici, & pensionis publicetur.

- 1 *Ius patronatus non datur propria confiscatio, sed illius extinctio.*
- 2 *Intelligendum est, dummodo non sint alij compatroni, vel alij ab institutore vocati.*
- 3 *Si ius patronatus ad extraneos hæredes transire non potest, neque potest confiscationi subijci.*
- 4 *Apponitur quadam limitatio de confiscatione perpetua, secus ad vitam. Sed rejicitur.*
- 5 *Ius patronatus ad hæredes extraneos transmissibile publicatis omnibus bonis, per iudicem Ecclesiasticum, publicatur.*
- 6 *Si iudex laicus sit, & res laica, & publicentur omnia bona, ius patronatus non manet directè, bene tamen indirectè publicatum.*
- 7 *Quando censetur ius patronatus directè, quando indirectè, & accessorie publicari.*
- 8 *Iudice laico publicante delinquentium bona, vel illa vendente, ius patronatus publicare plures negant, alij affirmant.*
- 9 *Sub distinctione respondeo, si annexum est alicui villæ,*

publicari; secus si personam comitetur.

10 *Limitans aliqui de confiscatione perpetua, secus de temporali. Sed non admittitur limitatio.*

11 *Confiscatis à iudice laico bonis, possit ne iudex Ecclesiasticus ius patronatus confiscare? Alij affirmant, alij negant, media via tenenda est.*

12 *Pensiones non comprehenduntur sub confiscatione à iudice laico, bene tamen Ecclesiastico: & qua ratione.*

1 **I**N hac re aliqua sunt certa, alia sub controuersia. Primò certum est, non dari huius iuris propriam confiscationem, quia non transfertur in fiscum, cum de facto dicitur confiscari; sed datur extinctio illius iuris in fauorem Ecclesiæ, & Ecclesiæ à die publicationis iuris patronatus manet libera ab illo iure sibi oneroso. Hoc priuilegium non est expressum in iure, est tamen consuetudine receptum; vt testantur ferè omnes Doctores. Lambertinus de *iure patronatus, lib. 3. quæst. 8. per varios articulos*. Simancas de *carolic. institut. tit. 9. num. 95. & 96.* Suarez *disput. 22. de fide, sect. 5. num. 6.* Azor *lib. 8. cap. 12. quæst. 9.* Sanchez *lib. 2. cap. 19. num. 16.* Vasquez *1. 2. disput. 169. num. 19.* Farinacius de *hæresi, quæst. 190. num. 24.* & alij apud ipsos.

2 Hoc autem intelligendum est duplici limitatione à Sanchez adhibita *num. 17.* quàmque probat Farinacius *num. illo 24.* Primò, ne sint alij compatroni, quia stantibus alijs compatronis non manet libera Ecclesiæ, sed ius presentandi in illis residet; quia non erat iustum absque eorum culpa iure acquisito priuari. Secundò, ne alij ab institutore vocati sint, sed in re hæreditario ad successores erat cum alijs bonis transiturum: tunc enim Ecclesiæ manet libera in perpetuum, quia in hoc nulla successoribus fit iniuria, cum solum haberent ius succedendi, casu quo delinquens ad illos possit bona transmittere. At si alij ab institutore vocati sint, attendenda est dispositio instituentis, quæ si dicat post vitam delinquentis vocare agnatos, & eius successores, durante vita delinquentis manebit Ecclesiæ libera. At si dispositio sit, vt non solum post vitam delinquentis succedat eius proximus agnatus, sed cum primò delictum committit; variant Doctores, an præiudicare possit talis dispositio fisco, qui negant præiudicare posse, consequenter affirmare debent ad fiscum pertinere, ac proinde manere liberam Ecclesiæ. Qui verò affirmant, statim ipso facto ad successores transire ius patronatus affirmare debebunt. Quid autem tenendum sit, in confiscatione maioratus videbimus.

3 Secundò est certum, si ius patronatus transire non potest ad extraneos hæredes, eo quòd in ipsius foundatione cautum sit debere agnatos succedere, aut homines talis conditionis, ad fiscum non transit, quia hic loco extranei hæredis habetur, ex *l. 2. C. ad legem Iuliam de vi.* Et ratio est manifesta, quia fiscus usurpare non potest delinquentis bona, nisi quatenus illius sunt; sed illius non est ius patronatus sub conditione transitoria. Ergo illud fiscus usurpare non potest. Adde, agnati delinquentis non habent ius succedendi in iure patronatus ex voluntate delinquentis, sed ex voluntate instituentis, & fundantis Ecclesiæ; quo iure priuari non possunt ex vnius delicto; aliàs innocentes sine causa directè puniri essent. Sic tradunt expressè Peregrinus de *iure fisci, lib. 5. tit. 1. num. 72. & 121.* Iulius Clarus in *sua practica, lib. 5. quæst. 78. num. 8.* Farinacius *quæst. 25. num. 151. & de hæresi, quæst. 190. num. 24.* Sanchez *lib. 2. in Decalog. cap. 19. num. 2. & 15.* Bernard. Diaz *pract. cap. 132. num. 5. circa finem* & alij.

4 Hoc autem temperant aliqui, ut intelligatur de confiscatione perpetua, secus de confiscatione ad vitam delinquentis, quia durante vita delinquentis, nemini ex vocatis fit iniuria, si fiscus habeat ius presentandi, cum ipsi vocati non sint durante vita delinquentis. sic Socinus iunior *consil. 51. volum. 2. Cantera in suis questionibus crimin. tit. de questionibus tangentibus puni. delict. cap. 1. num. 50. Vmbert. Locat. post iudic. inquisit. quest. 7. fauet Farinacius de heresi, quest. 190. num. 24. At reicienda est hæc limitatio, licet illam reiciat Sanchez *supra num. 15. quia est contra dispositionem instituentis ius patronatus; prohibuit namque illius alienationem, & successionem in alios, qui tales qualitates non haberent. Cum autem illa temporalis successio sit vera successio, & alienatio, nequit à fisco fieri, aliàs posset patronus ad vitam vendere ius patronatus contra voluntatem instituentis.**

5 Tertio certum est, si confiscatio sit facta à iudice Ecclesiastico, ut contingit in crimine hæresis, siue patronus laicus sit, siue clericus, & publicentur omnia illius bona, publicatum manet ius patronatus, quod ad hæredes extraneos transire potest, ex *Clement. pastoralis, §. rursus, de sentent. & re iudicat. & contrario sensu. Ratio est, quia delictum dignum est illa pœna, & condemnans iurisdictionem habet, neque tunc curandum est, an veniat ius patronatus principaliter, vel accessorie ad publicationem, vel an exprimat, vel non exprimat, quia iudex habet iurisdictionem cognoscendi de iure patronatus etiam principaliter. sic Bernard. Diaz in sua præct. cap. 132. num. 5. in princip. Lambertin. de iure patronatus, lib. 3. quest. 8. artic. 8. num. 10. Sanchez alios referens, lib. 2. cap. 19. num. 3.*

6 Quarto est certum, si iudex laicus bona delinquentis publice, ut contingit in crimine sodomie, & læsæ maiestatis humanæ, & reus est laicus, tunc directè, & per se non potest ius patronatus publicare, quia ius patronatus est spirituale, sed circa spiritualia non habet laicus iurisdictionem directam, imò neque indirectam, ex *cap. suam, de ordine cognit. Ergo. Et ita tradit Lambertin. num. 11. Sanchez num. 4. Farinacius quest. 25. num. 152.*

7 Sed inquires, quando censeatur iudex Ecclesiasticus publicare ius patronatus directè? Plures Doctores, quos refert Sanchez *num. 14. dicunt contingere, cum in publicatione exprimitur, quocumque modo exprimat, tunc accessorie, cum nulla illius est expressio, sed solum bona, quibus annectitur, publicantur. In hoc secundo nulla est inter Doctores controuersia, cum tunc nulla exerceatur iurisdicção in ius patronatus, sed in bona, puta in castrum, & villam, quibus est annexum. sic Farinacius quest. 25. num. 156. & 157. Gigas de crimine læsæ maiestatis, quest. 4. num. 5. & 6. Lambertin. quest. 8. art. 8. num. 20. casu 8. & habetur *cap. cum secundum, de iure patronatus, & cap. pia mentis, 16. quest. 7. De priori verò plures, quos refert, & sequitur Sanchez num. 13. oppositum sentiunt, affirmant namque exprimi posse ius patronatus in publicatione, & nihilominus illius publicationem accessoriam esse: dicunt namque dupliciter exprimi posse, vel per dictionem &, vel per dictionem cum, si exprimat per dictionem &, ut si diceret iudex, publico omnia bona huius delinquentis, & ius patronatus esse publicationem tunc directam, quia tunc videtur ius patronatus æquè ac alia bona publicari, quæ publicatio si facta est à iudice laico, nulla est; at si publicatio fiat per dictionem cum, ut si diceret, publico omnia bona delinquentis cum iure patronatus, tunc ius patronatus accessorie intrat ad reliqua bona, quia sic nominans solum intendit publicare ius patronatus ad publicationem reliquorum bonorum, qui-**

Ferd. de Castro Sum. Mor. Pars I.

bus inest, & eo modo quo inest, quæ publicatio cum accessoria sit, non est iudici laico prohibita; sicut neque ipsi delinquenti est prohibita illius iuris patronatus accessoria alienatio, & placet mihi hic modus dicendi.

8 Difficultas ergo est, an ex eo quod iudex laicus publice delinquentium bona, vel illa vendat, censeatur etiam tunc publicare ius patronatus, quod ad hæredes transire potest.

Plures Doctores negant, glossa in *cap. facti peruersum, §. 10. distinet. & in Clement. pastoralis, verbo subiecta, de re iudicat. Lambertin. de iure patronatus, quest. 8. art. 8. num. 13. & 14. casu 4. & num. 21. casu 9. Nilus de bannitis, 1. part. secundi temporis, num. 52. Farinacius quest. 25. num. 151. & quest. 100. de heresi, num. 24. Didac. Cantera in quest. crimin. tit. de questionibus tangentibus puni. delict. cap. 1. num. 49. Gigas lib. 2. de crimine læsæ maiestatis, quest. 4. num. 4. & alij apud ipsos. Mouentur, quia aliena est à iudice laico dispositio de re spirituali, qualis est ius patronatus, non solum dispositio expressa, sed etiam tacita, ex *cap. suam, de ordin. cognit. cap. ut si clerici, de iudic. & ibi glossa. Sed si ius patronatus publicatur, tacite dispositio de re spirituali iudex laicus. Ergo.**

Alij Doctores contra affirmant. Si iudex laicus omnia bona heretici publice, ipsi publicare ius patronatus, quia in hac publicatione solum indirectè, & accessorie publicatur ius patronatus; at indirectè, & accessoria ius publicatio, & venditio non est prohibita fieri à iudice laico. Ergo. Et ita tenent, & multis probant Molinæ *de penit. cap. 24. num. 26. Iulius Clarus lib. 5. præct. quest. 78. num. 8. Sanchez lib. 2. cap. 19. num. 10.*

9 Ego verò distinguendum censeo, aut ius patronatus annexum est alicui villæ, castro, aut alteri rei, quæ directè confiscari potest à iudice laico, aut solum est annexum personæ, quæ in alios transmittere potest. Si ius patronatus annectatur villæ, castro, aut alteri rei directè confiscabili, ferè omnes Doctores docent, confiscatis bonis, & ipsum tunc manere confiscatum, ut constat ex his, quæ nuper diximus, & facit textus in *cap. ex literis, de iure patron. & ibi glossa. Si autem ius patronatus nulli rei directè confiscabili annexum sit, tunc existimo confiscatis bonis non manere confiscatum, quia non potest confiscari accessorie ad bona directè confiscabilia, cum illis non accedat, neque etiam confiscari potest directè à iudice laico. Ergo.*

10 Temperant autem aliqui supradictam doctrinam negantem sub confiscatione bonorum intelligi ius patronatus, ut intelligatur de perpetua confiscatione; secus de temporali, & quæ ad vitam condemnati durat.

De hac autem confiscatione dicunt, etsi dubitanter, fieri, & comprehendi sub confiscatione omnium bonorum delinquentis facta à iudice laico, quia hoc esset confiscare exercitium iuris patronatus, non autem ipsum ius. Gigas *tractat. de crimine læsæ maiestatis, lib. 2. quest. 4. num. 4. versic. concordando tamen. Rochus de Curre in tract. de iure patronatus, quest. 29. col. 3. versic. vel dicamus. Sed hæc limitatio admittenda non est, sed æquè de temporali, ac perpetua est idem dicendum, quia ratio æquanimiter procedit de veraque; cum tam ius patronatus, quam illius exercitium quid spirituale sit, & consequenter extra laici iurisdictionem. Adde exercitium iuris patronatus haberi non potest, nisi habito prius ipso iure patronatus. Hoc autem siue ad tempus, siue in perpetuum, confiscari non potest ob eius spiritualitatem. Ergo neque exercitium: & ita tradit, & optime probat Farinac. lib. 1. præct. q. 25. n. 154.*

11 Sed an confiscatis bonis à iudice laico, quibus annexum est ius patronatus, possit iudex Ecclesiasticus ius patronatus confiscare declarando delictum? Negat Nilus in 1. part. secundi temp. quest. 32. & Farinac. *dict. q. 25.*

O O 2 num.

num. 153. Mouetur : tum quia Episcopus non habet cognitionem criminis in laicum : tum quia cum semel de delicto cognitum fuit ab vno iudice, amplius ab alio cognosci non potest. *l. licet, §. penult. ff. nante, canones, & stubular.* Afirmat Lambert. alios referens, *de iure patronatus, quest. 8. art. 8. num. 15. casu 5.* & consentire videtur Sanchez *lib. 2. cap. 19. num. 7.* Mouetur, quia illa declaratio delicti non est aliena à iudice Ecclesiastico : tum quia est ad tollendum ius patronatus, quod condemnatus iuste habere non potest : tum etiam, quia est ad complendam sententiam iudicis laici, quæ ad ius patronatus non se potuit extendere.

Inter has extremas sententias media via procedi potest. Censeo ergo cum Nilo, Farinacio, & aliis non posse Episcopum delinquentis delictum à iudice laico punitum iterum in iudicium vocare, & pœnam impostam augere, quia absolute esset bis idem crimen iudicare : facitque ad hæc *cap. si clerici, de iudic. ibi, At si clerici coram seculari iudice conuicti fuerint, vel confessi de crimine, non sunt propter hoc à suo Episcopo aliquatenus condemnandi* ; sicut enim sententia à non suo iudice lata non tenet, ita nec facta confessio coram ipso. Concedo tamen, etsi condemnatur à iudice seculari, posse ab Episcopo formari processum de condemnatione facta, & infamia ; quam ex illa acquisiuit, ob quæ videtur indignus retinendi ius patronatus, & tanquam ab indigno poterit ab illo auferre, quod non est delictum bis iudicare, aut declarare, sed illius declaratione supposita ad defensionem Ecclesiæ, & bonorum illius procedere.

12 Tandem dubitari potest de pensionibus Ecclesiasticis, an sub confiscatione bonorum comprehendantur ? Et dicendum est non posse sub confiscatione à iudice laico comprehendere, quia est quid spirituale ; imò neque talis pensionarius videtur posse à iudice laico iudicari, quia est de Ecclesiæ iurisdictione ratione pensionis. Quare si à iudice Ecclesiastico confiscatio fiat, distinguendum est cum Suarez *disput. 22. de fide, sect. 5. num. 6.* de fructibus decurris ante sententiam, vel post sententiam : si de fructibus ante sententiam sermo sit, confiscantur ; quia sunt bona delinquentis. Si autem de fructibus post sententiam decurrendis loquamur, non confiscantur, quia confiscatio non extenditur ad futura, neque etiam ius ad eos colligendos propriè confiscatur ; sed si crimen est dignum priuatione pensionis, in fauorem Ecclesiæ extinguitur, ut beneficium ex quo pensio soluebatur liberum manet ab illo onere, ita ut delinquens nullam iam pensionem habeat. sic Suarez *suprà.*

PUNCTUM VI.

An maioratus, & fideicommissum sub confiscationem cadat.

- 1 Bona fideicommissum subiecta, vel alienari prohibita non cadunt sub confiscationem.
- 2 Intelligitur casu quo testator prohibuerit alienationem in fauorem alterius à delinquente.
- 3 Item ut alienationis prohibitio perpetua sit, & non pro vita tantum delinquentis.
- 4 Subintelligitur nisi testator alienationem etiam pro vita prohibuerit.
- 5 Delinquens potest fideicommissum retinere, quousque per sententiam declaretur.
- 6 Proponuntur aduersus dicta aliquot obiectiones.
- 7 Fit illi satis.
- 8 Ob crimen heresis, læsæ maiestatis, & sodomia, aliqui existimant confiscari maioratum, sed repellitur eorum dictum, quando institutus est maioratus ex proprijs bonis.

- 9 Idem est, si ex bonis à Rege donatis, & non sub titulo maioratus, institutus sit.
- 10 Si sub titulo maioratus à Rege donata sunt, sub confiscationem cadunt bona illa, ex quibus maioratus constitutus est, ut affirmant plures Doctores.
- 11 Probabilis censeo oppositum.
- 12 Si in facultate regia, qua fuit maioratus institutus, constitutus, ut transeat ad fiscum, si possessor crimen læsæ maiestatis committat, confiscatur maioratus.
- 13 Secus si hac clausula appositam non sit in concessione.
- 14 In casu dubio, an maioratus ex regia facultate institutus sit, an ex iure communi, presumi debet non ex regia facultate, sed ex iure communi constitutus.
- 15 Maioratus ex regia facultate institutus, qui ex dispositione iuris communis institui poterat, non cadit sub confiscationem.
- 16 Maioratus ex regia facultate institutus ex omnibus bonis, qui tamen in tertium, & quintum institui poterat, an confiscationi subiacetur quoad tertium, & quintum? Negat Sanchez.
- 17 Contrarium defendit Anton. Gomez, & mihi probatur saltem in duplici casu.
- 18 Quid si protestetur se instituere maioratum ex regia facultate, tum ex legali, prout sibi suisque heredibus vitæ sit, tunc confiscationi subiacetur illa in parte, in qua ex regia facultate, secus in alia.
- 18 Quod dictum est de maioratu, dicendum est de regno.
- 20 Quando maioratus in perpetuum publicatur, finitur maioratus, & fiunt bona libera.

1 **H**æc bona alienari non possunt. Difficultas ergo est, qua ratione sub confiscatione comprehendantur. Et omissis varijs argumentis, quæ pro parte affirmante, & negante adduci possent, resolutoriè dico bona fideicommissum subiecta, vel alienari prohibita sub publicatione bonorum non comprehendere : textus est expressus in *l. Imperator, ff. de fideicommiss. libertat.* & ibi Bart. num. 1. Gigas *de crimine læsæ maiestatis, lib. 2. tit. de pœnis, quest. 3. num. 1.* Claros *prætic, quest. 78. versic. saltem quero.* Farinacius innumeris referens, *lib. 1. prætic, quest. 25. num. 22.* Molin. Iesuita *tom. 3. disput. 556. num. 2.* Ratio est, quia quilibet habet in suis bonis liberam disponendi facultatem. *l. sed etsi lege, §. consuluit, ff. de positione hereditatis.* Sed qui tibi ea bona reliquit, non absolute reliquit, sed sub conditione, ne ea alienare posses. Ergo sub confiscatione non comprehenduntur. Probo consequentiam primò. Nam si alienare non potes contrahendo in præiudicium alterius ; neque etiam alienare potes delinquendo in ipsius præiudicium. *l. si filius, C. de bonis proscriptorum.* & tradit Bart. in *l. si finita, §. si de relictis, num. 12. ff. de damno infecto.* Secundò delictum est quasi contractus cum fisco factus, ratione cuius bona sunt fisco obligata. *l. Imperatores, ibi, tu te ipsum pœna subdidisti, ff. de iur. fisci.* sed hæc bona non possunt alteri obligari in præiudicium innocentis. Tertio, quia nullus potest amittere, nisi ea, quæ sibi propria sunt, & quorum habet liberam dispositionem, ex text. in *l. si dotem, C. de iure dotium, l. emancipatum, §. fin. ff. de Senatoribus.* Extendenda tamen est hæc conclusio, non solum ad bona, quæ tibi sunt prohibita alienare, sed etiam ad bona, quæ tibi sunt prohibita diuidi, quia ea diuidere non potes, quin alienes, & diuisio est quædam alienatio. *l. si pupillorum, ff. de reb. eorum.* sic Ruinus *consil. 23. num. 15. lib. 5.* Roland. *consil. 84. num. 30. & sequens. volum. 1.* Farinacius alios referens, *lib. 5. præticar. quest. 25. num. 31.* Sanchez *lib. 2. cap. 18. num. 17.*

2 Ad limitanda est conclusio primò, vt procedat, casu quo testator prohibuerit alienationem fieri in fauorem alterius à delinquente, quod semper contingit in fideicommissò, & quoties aliqui sunt vocati. nam si tantum in fauorem delinquentis est alienatio prohibita: quod colligitur satis, cum nullus est datus substitutus, neque aliqui sunt à testatore vocati, tunc in fiscum transeunt illa bona, quia propter delictum fauor ille perditur. sic Molin. *de primogen. lib. 4. cap. ult. num. 5.* Farinacius *quest. 25. num. 46. & 47.* Sanchez *lib. 2. cap. 18. num. 5.* & alij innumeri apud ipsos. Quod verum habet, etià si testator expressè prohiberet bona illa transire in fiscum, quia illa prohibitio, vtpote fauens delinquenti, & in fraudem fisci facta impedire non potest translationem in fiscum: sic Sanchez *num. 7.* Farinacius *num. 47.* Molin. *de primogen. lib. 4. cap. ult. num. 14.* & fauet textus in *l. filiusfamilias, §. Diui. ff. de legat. 1.* ibi *sed neque creduloribus, neque fisco fraudi esse.* Ex quo infert bene Farinacius *num. 49.* delinquentibus omnibus, quorum occasione facta est prohibitio alienandi, tunc fideicommissum est alienari prohibitum transire in fiscum, quia cessat ratio damnificandi innocenti ex tali transitu.

3 Secundò limita, vt intelligatur de alienatione perpetua. nam de temporali, & ad vitam damnati optimè potest transire in fiscum, ita vt fiscus percipiat commoditatem, & vsumfructum, quem damnatus percipere deberet, quia in hoc nulla fit innocenti iniuria, & est expressa decisio textus in *l. Statium Florus, §. Cornelio Felici, ff. de iure fisci. in l. cum pater, §. hereditatem. ff. de legat. 2. & in l. ex facto, §. ex facto, ff. ad Trebellian.* & ibi Alexand. Bart. & alij, & multis relatis docet Farinacius *quest. 25. num. 34.* Sanchez *lib. 2. cap. 18. num. 8.* dicens esse omnium. Neque obstat sic delinquentem bannitum cum publicatione bonorum reputari pro mortuo, ex *dist. Lex facto, §. ex facto, ff. ad Trebellian.* vt dicamus substitutum debere succedere, & non fiscum, quia hoc habet verum in his, quæ commodum delinquentis spectant, non in his, quæ aliorum vtilitatem concernunt. sic ex Beroio *quest. 41.* & ex Riminaldo *consil. 50. n. 109. lib. 1.* & alijs tradit Farinac. *n. 34.*

4 Hoc autem intelligendum est, quando fideicommissò non adderetur expressa alienationis prohibitio extra familiam. nam si hæc prohibitio addita sit fideicommissò, censo tanquam probabilius neque vsumfructum ad fiscum pertinere, quia non potest ad fiscum pertinere vsumfructus, quin bona sint in fiscum alienata; at eo ipso quodd alienata sunt, transeunt in substitutum ex expressa testatoris dispositione. Adde stante alienatione per delictum in fiscum, purificatur conditio requisita, vt substitutus succedat, & fiscus excluditur. Ergo. quod optimè confirmari potest ex *l. Imperator 12. & ex l. rogo 21. ff. de fideicommiss. libertatib.* vbi legatis tribus seruis Mutiano hac conditione, ne alijs seruirent, cum Mutiani bona fuerint publicata, serui liberi remanserunt, quia purificata fuit conditio legati, sed cum tibi fideicommissum tradatur, ea conditione, ne extra familiam deueniat, si per delictum alienasti, tam purificatur conditio, & ad substitutum transit. sic Clarus *in practic. quest. 78. versic. quero.* & ibi Barar. *num. 36.* Bernard. Diaz *pract. cap. 132. num. 4. sine.* Bonacina *disp. 3. de contract. punct. ult. de fundo, §. 1. num. 20.* Hieronymus Gabr. *consil. 123. & consil. 184. num. 1. lib. 1.* Farinac. *q. 25. num. 35.* Sanchez *lib. 2. cap. 18. num. 15.* & alij plures apud ipsos.

5 Aduerter tamen transire ad substitutum post delicti declarationem, & delinquentis condemnationem; nam vsque ad illud tempus potest delinquens fideicommissum retinere, quia testator solum voluit ne extra familiam veniret, quod non venit, dum delinquens retinet; at data sententia declaratoria retrahitur dominium à die commissi criminis, & transfertur cum bonorum

Ferd. de Castro Sum. Mor. Pars I.

fructibus in sequentem vocatum, bonæque illa sunt successori addicta, & obligata à puncto commissi delicti, sicut alia bona, quæ ipso facto confiscantur, sunt obligata fisco. Valquez *1.2. disp. 169. c. 4.* Sanchez *lib. 2. cap. 18. num. 30.*

6 Sed obiicies primò. Testator non potest impedire, quin leges in sua dispositione locum habeant. *l. nemo potest. ff. de legat. 1.* Sed si commissio delicti impedit ne bona delinquentis transeant in fiscum, impedit legis dispositionem, quæ bona delinquentis fisco applicat. Ergo. Secundò hæc dispositio videretur esse in fisci præiudicium, ac proinde nulla. argument. textus in *l. filiusfamilias 117. §. Diui, el 2. ff. de legat. 1.* vbi Ripa *num. 52.* Tertiò, quia finis testatoris est, ne bona illa transeant in alienum, sed hoc saluari potest, etià si commoditates, vsusque fructus transeant in fiscum, vt contingit, cum fideicommissò non additur expressa alienationis prohibitio. Quartò taciti, & expressi idem iuris est. *l. de quibus, in fine, ff. de legib. & l. cum quid, ff. si certum petatur.* & latè Euerard. *loco ab expresso ad tacitum, num. 1.* Sed tacita alienationis prohibitio, quæ in quocumque fideicommissò reperitur, non obest, quodd fiscus vsumfructum percipiat fideicommissi. Ergo neque etiam expressa illius prohibitio impedire potest. sic tenent plures Doctores, quos refert, & sequitur Gigas *tractat. de crimin. l.esa maiestatis, lib. 2. tit. de pæn. committ. id crimen, quest. 3. n. 4.* Anton. Gomez *l. 40. Tauri, n. 91.* Peregrin. *de iure fisci, lib. 5. tit. 1. n. 101.* Molin. *de primogen. lib. 1. cap. 20. num. 9. & lib. 4. cap. ult. n. 11.* & alij relati à Sanchez *lib. 2. cap. 18. num. 14.*

7 Sed retinenda est nostra sententia; &

Ad primum dicimus testatorem impedire non posse, quin leges in sua dispositione locum habeant: nego tamen impedire legis dispositionem, ex eo quodd ante commissum delictum disponat, vt si de facto delictum committatur, bona illa delinquentis alteri applicentur. Lex enim solum disponit, vt bona delinquentis, quæ delinquentis sunt, cum delictum committit, fisco applicentur. At illa bona iam desinunt esse delinquentis ex dispositione testatoris, cum ipse delictum perpetrat, & successoribus applicantur. Ergo. sic tradit Anton. Gomez *l. 40. Tauri, num. 91.* Molin. *l. eluita tom. 3. disp. 656. num. ult.* Farinacius *quest. 25. num. 23. & seqq.* Boffius *in sua pract. tit. de bonorum public. n. 30.* Sanchez *lib. 2. cap. 18. à num. 25.*

Ad secundum nego illam dispositionem in fisci præiudicium esse, quia præiudicium esse non potest, vbi non tollitur ius quæsitum. Quodd autem tollatur ius, quod acquisiturus erat fiscus ex delicto, si talis dispositio cessaret; in causa esse non potest, vt dicamus dispositionem esse factam in fisci præiudicium; aliàs in omni fideicommissò hoc præiudicium inueniretur, quod non est dicendum, cum cuilibet liberum sit de suis bonis disponere, neque in hac dispositione iniuriam alicui facit, vtpote iure suo vtens. Quodd si vrgeas. Ergo valebit hæc dispositio: Volo vt mea bona, si delinquam, ad agnatum proximum perueniant, & non ad fiscum. contra doctrinam Bart. *in l. post contractum, 15. num. 9. ff. de donationib.* ibi non valet, si contigerit bona publicari. Neganda est consequentia. Et ratio diuersitatis est elata, quia talis dispositio in fisci præiudicium, & in delinquentis fauorem est facta; eaque de causa non debet sustineri. At cum pater delinquentis, vel alius qui nec delinquit, nec delinquere cogitauit, disponit, vt si delictum à fideicommissario committatur, fideicommissum transeat ad agnatum, non fauet delinquenti, sed familie, quam fisco præferre intendit; ac proinde sustinenda est dispositio. sic optimè alijs relatis docet Farinacius *quest. 25. num. 26.* Sanchez *num. 27.* & Molin. *de primogen lib. 2. cap. 12. num. 56.* & adducit Bald. *in l. parentes, num. 1. C. de testam.* ibique assignat rationem, quia

O o 3

pænz

pœnz non irrogatæ indignatio solam duritiem continet. *l. servum ea lege, ff. de servis exportsand.* pluribusque aliis exornat.

Ad tertium nego adæquatum finem huius dispositionis esse, ne bona illa transeant in alienum, sed etiam ne in delinquente iam declarato retineantur. Ex quo sine necessariò sequitur non posse fiscum ususfructus, & commoditates percipere; quia illis bonis translatis in substitutum innocentem debent cum fructibus transferri; aliàs sine culpa fructibus sibi debitis privaretur.

Ad quartum concedo taciti, & expressi idem iuris esse, quando tacitum loco expressi, & expressum loco taciti succedit; secus verò quando expressum tacito superadditur, ut in præsentis fit, quia duplex prohibitio, legis scilicet, & hominis, plus operatur, quàm simplex. *cap. cum ad verum, & ibi glossa, de conditionibus appositis.* & multis relatis docet Farinacius *quest. 25. n. 36. & 37.* Ex quo inferit pluribus relatis differentiam valde notandam inter ea, quæ à lege sunt tacite alienari prohibita, qualia sunt bona restitutioni obnoxia, & fideicommissaria; & inter ea, quæ ultra hanc tacitam legis prohibitionem, habent expressam testatoris prohibitionem alienandi, ut videlicet tacite alienari prohibita, si alienentur, non possunt nec per fideicommissarium, nec per eius substitutum durante vita grauati vindicari. At fideicommissa expressè alienari prohibita, si alienentur, possunt non quidem à fideicommissario, sed à substituto etiam durante vita grauati vindicari: & tradit Sanchez *lib. 2. in Decal. cap. 18. num. 2.* Molin. *lib. 1. de primogen. cap. 16. n. 33. & lib. 4. cap. 1. n. 3.* Peregrin. *de iure fisci, lib. 5. tit. 1. n. 102.*

8 Tertiò limitant aliqui primam conclusionem in confiscatione facta ob crimen læsæ maiestatis diuinæ, & humanæ, & sodomix; in hac enim confiscatione, præcipuè in crimine hæresis, affirmant sub publicatione bonorum maioratum, qui est quoddam fideicommissum, comprehendendi. sic Simancas *de catholic. institut. tit. 9. à n. 253. usque ad 273.* & Azor *tom. 1. lib. 8. cap. 12. §. 7. & 13.* Mouentur, quia sub hac tacita conditione videntur institui, & à Principe institutionem approbari, secus repelli.

Cæterum hæc limitatio ita vniuersaliter posita admittenda non est, sed distinguendum de maioratibus institutis ex regia facultate, vel sine illa, ex propriis bonis instituendis, vel ex bonis Regis, & de possessore maioratus, vel de primo instituyente. Et primò dicendum est: si alius à primo instituyente possideat maioratum constitutum ex dispositione tantum iuris communis concedentis cuilibet non habenti hæredes necessarios disponere de propriis bonis, prout sibi placuerit, vel ex dispositione legum nostri regni concedentium facultatem instituendi maioratum, & in aliquo filio perpetuandi de tertio, & quinto suorum bonorum; & in supradicta crimina incidat, nullo modo maioratum sub confiscatione comprehendendi. sic pluribus relatis docent Anton. Gomez *l. 40. Tauri, num. 91.* Molin. *de primogen. cap. 2. num. 10. & lib. 4. cap. ult. à num. 31. & seqq.* alter Molin. *tom. 3. disp. 657. à num. 3. & disp. 582. n. 1.* Sanchez *lib. 2. in Decal. cap. 18. num. 36.* Vasquez *1. 2. disp. 169. cap. 4. à num. 30.* Micres *de maioratib. p. 4. §. 23. à n. 1. usque ad 22.* Ratio est, quia fiscus solum vsurpat bona delinquentis, quatenus delinquentis sunt; sed hic maioratus non est delinquentis absolutè, & in perpetuum; sed solum pro tempore suæ vitæ, illa enim transacta addictus est aliis cognatis ex dispositione primi instituentis. Ergo solum pro tempore vitæ delinquentis confiscari potest, atque aded quoad fructus, & commoditates. Secundò communi iure statutum est omnia fideicommissa, & alienari prohibita, non cadere sub confiscatione perpetua, sed nullus est textus, qui ob hæc crimina publicet ma-

ioratum, imò potius sunt plures textus, qui maioratum à confiscatione etiam in his criminibus excipiant. Ergo. Maiorem probo ex *l. iura libertorum, ff. de iure patronatus*, ubi ex causa perduellionis, sicut ex aliis, non datur confiscatio; & idem probat textus in *l. eorum, ff. ad legem Iuliam maiest.* ubi ob crimen læsæ maiestatis iura libertorum non confiscantur. Et ex iure canonico est textus satis efficax in *cap. felicio, §. si qua verò feuda, de pœnis, in 6.* ubi feuda, quæ ad hæredes extraneos transire non possunt, non veniunt in confiscationem, facit etiam *l. 3. tit. 2. p. 7.* à contrario; ibi enim dicitur auferenda esse ab hærede omnia bona, quæ à traditore acceperat: at maioratus non possidetur à traditore, sed à primo institutore illius. Ergo. Neque his aduersatur *l. 1. C. de bonis libert.* ubi probatur bona libertorum fisco adiicienda esse in crimine læsæ maiestatis, quamvis Bald. *ibi num. 8.* limitet ex hoc textu regulam illam generalem dicentem iura libertorum, & ea, quæ ad hæredes extraneos transire non possunt, non posse transire in fiscum, ut non intelligatur in crimine læsæ maiestatis. Non, inquam, aduersatur, quia illa lex loquitur de his iuribus libertorum, quæ ad extraneos hæredes transire valent, iuxta *l. si non sortem, §. libertus, ff. de condition. indebit.* ut dixit Bald. *ibi num. 2.* & Paul. *num. 4.* vel loquitur de confiscando iure patronatus, quod delinquenti competebar; non de illo, quod competebar eius hæredibus, & successoribus. Maioratus autem si in perpetuum confiscandus esset, non solum delinquenti, sed & successoribus auferretur: quod negamus.

9 Verum si ex bonis Regis maioratus sit institutus, grauissima est difficultas, an sub confiscatione perpetua cadat ob crimen læsæ maiestatis, humanæ, diuinæ, & contra naturam? Et ut certa ab incertis separemus, affirmandum est, si bona aliqua à Rege tibi donata sunt absolutè, & non sub titulo maioratus, tu verò ex illis maioratum instituisi; ea bona, delinquente aliquo ex possessoribus, non publicantur in perpetuum, sed ad sequentem vocatum transeunt, quia ille possessor delinquens non habet à Rege, sed à te maioratum, neque bona illa regalia dici possunt, cum à Rege fuerint absolutè donata, & translata non possessoris maioratus, sed primo instituenti, & ita ex Suarez in *quæst. maiortum, num. 23.* tradit Molin. *de primogen. lib. 4. cap. ult. num. 48.* Sanchez *lib. 2. cap. 18. num. 37.* Item si bona sint à Rege donata sub titulo maioratus in perpetuum, & confiscatio non à Rege, sed à Pontifice facienda est, ut de facto sit in crimine hæresis, applicans ea fisco Ecclesiæ, nullo modo potest Pontifex ea in perpetuum publicare, sed solum pro vita delinquentis poterit commoditates maioratus, & fructus Ecclesiæ adiicere. Et ratio est manifesta, quia Pontifex non potest innocentes iure sibi debito succedendi in maioratum privare, cum ab ipso Pontifice nec datus, nec institutus fuerit sub ea conditione. sic Sanchez *n. 40.* cum Vasquez *1. 2. disp. 169. §. 4. num. 28. & 29.*

10 At si iure maioratus tibi bona donata sunt à Rege, & aliquis ex possessoribus crimen læsæ maiestatis humanæ committit, censent grauissimi Doctores ad Regis coronam deuoluenda esse, & in perpetuum publicanda: sic docent Molin. *lib. 4. de primogen. cap. ult. num. 40. & 46. & seqq.* noster Molin. *lesuita tract. 2. tom. 3. disp. 660. num. 1.* Vasquez *1. 2. disp. 168. cap. 4. num. 28.* Sanchez *lib. 2. cap. 18. num. 37.* Mouentur primò, quia donatis à Rege videtur ea tacita conditio inesse, ut quicumque illorum possessor Regem offenderit, statim ad coronam deuoluantur. Et probari potest primò à simili ex feudo, quod sub ea conditione datum esse censetur, ut si feudatarius dominum offenderit, excludantur agnati, & reuertatur ad dominum. *cap. 1. §. denique, qua fuit prima causa beneficii amitt.* & *cap. 1. §. si vasallum, si de feudo fueris constran. inter domin. & agnas.* Secundò ex

ratio

ratione generali, quæ solent donationes reuocari, quæ est ingratitudo donatarij aduersus donantem. *cap. si propter, de donationib. l. fin. C. de reuocand. donat. & ibi gloss.* quæ in præsentī procedit: nam quilibet possessor maioratus à Rege instituti est immediatus Regis donatarius, & ab ipsa Regia corona, quæ nunquam moritur, censetur maioratum accipere. Ergo ipsa regia corona ob ingratitudinem donatarij potest maioratum reuocare. Tertiò ex duplici lege, altera pro Lusitaniæ regno, altera pro regno Castellæ. In Lusitania *lib. 5. ordinam. tit. 3. §. 5.* dicitur: *Pero si algun trouesse feudo morgado o o foro do Rey, que in perpetuum, quærem personas, e cometes se tal crime de lesa magestade, por que seus biens debiesse ser confiscados en tal caso esse morgado feudo, ou foro fera tornado a o Rey para fazer de le loque for sua merçe.* Et pro Castellæ Regno adducitur pragmatica Henrici II. ab utroque Molin. *locis allegatis*, quæ tamen vsque adhuc typis mandata non est. Quæ sic se habet: *Aloque me pedisteis por merced, que si, lo que Dios no quieva, alguno de qualquier estado, o condicion de los mis Reynos fuere contra mifeñorio, y honrra, y prouecho de mis Reynos, aliandose con villa, o castillo, o haciendo della guerra, o no viniere amillanamiento siendo requerido por my, y fuere contra el mi consejo menos preciano mis cartas, y no viniere al termino por mi en las mis cartas assignado por si, o por su procurador por las villas, o castillos, que tu bierre en el mi Reyno, o cayere en caso que deba perder los bienes, que sea la mi merced, que de los sus bienes que debiesse perder, que si fuesse sin donadio, e merced de los Reyes, on de y o vengo, que por los demi consejo ordenemos dellos, loque la mi merced fuesse. Pero si vbiere villa, o castillo, o otra heredad por donacion de los Reyes mis antecessores, que los tales bienes que a si debiere perder, tornen a la corona real don fueron partidos, y vos lo prometiesse assi. A esto vos respondemos de consejo, acuerdo, autoridad de los demi consejo, que me demandais cosa, que cumple al mi seruicio, y al prouecho de mis Reynos, como buenos, y leales vasallos, y vos lo tengo en seruicio, y me place y vos prometo de lo assi hacer, y cumplir de la guisa que vos demandais, y que las maneras, que sean de tener a çerca dello, que lo ordenara mi consejo a guisa que bien, y cumplidamente se haga lo que demandais en esta raçon.* Circa quam pragmaticam primò aduertit Molin. Iurisconsultus intelligendam esse de bonis primogenio subiectis à Rege donatis, etsi specificè de illis non disponat; aliàs nihil notum pragmatica statuisse, neque opus esset assignare differentiam inter bona donata à Rege, vel aliunde quæ sita, cum omnia, quæ libera sunt, fisco Regis applicentur. Secundò esse intelligendam non de omnibus bonis donatis, sed de castris, oppidis, & villis; quia de ipsis solis pragmatica Henrici loquitur, & hæc sunt, quæ seruitij, & fidelitatis iura exigunt; non aliæ donationes minores. consentit iis noster Molin. *dicta disput. 660.* Sanchez *lib. 2. cap. 18. num. 38. in medio.* Tertiò affirmat Iurisconsultus Molin. *num. 69.* non impedire confiscationem, etiamsi à Rege cautum esset, ne fisco applicarentur illa bona, si aliquis eorum possessor delinqueret, quia talis remissio, & conuentio, utpote fauens delicto, nulla esse videtur, cui dicto iure optimo repugnant Vasquez, Sanchez, & noster Molin. *locis allegatis*; eo quòd talis remissio consona sit iuris communis dispositioni, quæ habet bona non fisco, sed successoribus applicari. Neque talis remissio, aut conuentio delicto fauet; cum delinquens nullum ex ea commodum reportet; faueret autem delicto, & delinquenti, si Rex statueret non confiscare commoditates, & vsusfructum, à delinquente, etiamsi delictum committeret. Quartò affirmat Molin. Iurisconsultus *n. 49.* confiscationem impediri, si bona à Rege donata iure maioratus, donata sint in remunerationem seruitij facti, illiusque qualitatem, & quantitatem non excedant, quia hæc ob ingratitudinem reuocari non possunt, cum non

sint donationes gratuitæ, sed debitæ respectu illius quantitatis, & qualitatis, iuxta *cap. relatum, de testament. & l. si donatione, C. de collationib.* vbi Ias. *num. 3.* Decius *num. 16.* Quintò affirmat idem Molin. *illo num. 49.* supradicta bona ob crimen hæresis, & sodomix non publicari, sed solùm ob crimen læsæ maiestatis humanæ, quia in solo hoc crimine inuenitur ingratitudo, quæ est causa reuocandæ donationis, & consentit Sanchez *num. 39.* & noster Molin. dubius manet, & aliorum iudicio remittit.

11 Mihi, si licet dicere, quod sentiam, probabilius videtur ob nullum ex his criminibus nec iure communi, nec regio Castellæ bona maioratus à Rege donata publicanda esse in perpetuum: tradit expressè Gregor. Lopez *l. 2. verbo mandas, quest. 2. tit. 2. part. 7.* fauet Anton. Gomez *l. 41. Tauri, circa finem, versic. neque obstant fundamenta contraria.* Probabilem, & pro vtraque parte controuerfam reputat Molin. Iurisconsultus *num. 43.* Sanchez *num. 37. sine.* Moueor primò, quia neque in iure communi, neque in nostro regno est textus expressus hanc confiscationem perpetuam indicens: & in primis de iure communi probatur infirmando argumenta supra facta. Argumentum de feudo non est simile, quia in feudo tunc solùm admittitur confiscatio, cum committitur feloniam aduersus dominum feudi, id est, rebellio in dominum, & offensio; & ratione huius offensiois dominus feudi vindicat sibi feudum in sequentium vocatorum præiudicium, quia hæc est via à iure concessa, qua vindicare iniuriam potest; iuxta textum in *cap. 1. §. denique, qua fuit prima causa benefic. amitt. & cap. 1. §. si vasallus feudo perit. & cap. 1. §. si vasallus, si de feudo fuerit controuers. inter domin. & agnat.* At in maioratu hoc non procedit, quia possessor maioratus habet dominium directum, & vtile, quin aliquod ius in institute remaneat. Deinde argumentum ex ingratitudine donatarij non videtur efficax. Nam esto admittamus, ob ingratitudinem reuocari donationem gratuitam posse, cum secundum omnes certum sit hanc reuocationem solùm fieri posse ab eo, qui verè donator fuit respectu sui donatarij, neque transire ad hæredes donantis, neque competere aduersus hæredes donatarij, sed in persona primi donantis, & primi donatarij hoc ius reuocandi sistere, & finire, ex *d. l. fin. C. de reuocandis donationib.* ibi, *hoc tamen usque ad primas personas tantummodo stare censemus.* Et cum successor in regno, & in maioratu, non sint propriè donator, & donatarius, sed per quandam quasi analogiam, & repræsentationem; efficitur sanè donationem reuocari non posse ob ingratitudinis titulum. Adde esto donatio ob ingratitudinem reuocetur, debet reuocari respectu donatarij ingrati, non respectu aliorum, qui ingrati non sunt; sed in maioratu tot sunt donatarij, quot sunt successores vocati. Ergo iniustum est ob ingratitudinem vnus donationem aliis factam reuocare. Item si ob ingratitudinem reuocanda esset donatio maioratus, deberet reuocari donatio cuiuslibet fuerit conditionis, neque arctanda esset reuocatio ad donationem oppidorum, castrorum, sub titulo marchionatus, ducatus, &c. ut præcitati DD. docent, cum æquè in qualibet donatione ingratitudo reperitur. Quòd autem ex iure nostri regni non probetur maioratum à Rege donatum confiscandum esse in perpetuum ob crimen læsæ maiestatis, sic probo primò, quia illa pragmatica Henrici II. apud Matritum edita, quam supra adduximus, non constat esse publicatam, ac proinde neque valorem habere; aliàs in compilatione regalium legum contineretur. Deinde non est lata in forma legis: solùm enim est quædam responsio facta ab Henrico II. vasalliis sic petentibus, quorum petitionem ipse gratam habuit, & promisit executioni mandare: quomodo autem executioni mandanda esset, & quid in ea statueret, non decernitur.

tur. Tertiò ibi non ex quocumque læsæ maiestatis humanæ crimine villa, & oppidum videntur esse confiscanda, sed ex eo solum quòd villam, aut oppidum regale vsurpaueris, aut inde bellum aduersus Regem moueris, & vocatus à Rege non parueris. Ergo de aliis criminibus non videtur loqui pragmatica. Quartò, e contra videtur loqui non solum de crimine læsæ maiestatis humanæ, sed de quocumque crimine digno confiscatione, & de quibuscumque bonis: dicitur enim, *o cayera en caso, porque deba perder los bienes, los quales si fuesen sin donadio, que los del consejo ordenen dellos*, prout sibi placuerit. Vnde videtur pragmatica non solum ad bona ex donatione Regis, sed aliunde quæ sita extendi, & in omni crimine digno confiscatione, quod est contra præcitos Doctores. Dicendum ergo est nec iure communi, neque regio Castellæ bona maioratus à Rege donata confiscari in perpetuum, sed solum quoad vsusfructus, & commoditates, quas delinquens percepturus erat durante eius vita. Dixi, nec iure communi, neque regno Castellæ. Nam in regno Lusitaniz videtur clara decisio legis allegatæ, quæ loquitur de quocumque maioratu, feudo, vel foro à Rege accepto, non aliunde quæ sita: quod satis indicant illa verba, *debe ser tornado al Rey*; & in solo crimine læsæ maiestatis humanæ, non diuinæ, neque sodomiz: ibi, *y cometiesse tal crimen de lesa majestad*, &c.

12 Hucusque diximus de maioratibus ex donatione Regis, vel aliunde institutis absque expressa Regis facultate. Si autem ex facultate Regis institutus sit maioratus, & Rex facultatem concesserit, ea conditione, vt si aliquis ex possessoribus maioratus crimen commiserit læsæ maiestatis humanæ, vel diuinæ, vel contra naturam, eo ipso bona in sequentes successores non transeant, sed fisco applicentur, tunc manent bona confiscata à puncto commissi delicti; quia instituens maioratum fisco applicat bona maioratus in casu talium delictorum, ipsæque fiscus est vocatus à maioratus institutore, sicuti quilibet alius ex descendantibus. Neque talis dispositio reiicienda est, sed potius sustinenda, cum bonis moribus faueat, & possessores maioratus à delicto committendo contineat: sic ex communi sententia docent Gregor. Lop. leg. 6. verbo que la non pudiesse, q. 2. tit. 11. part. 6. Anton. Gom. leg. 40. Tauri, n. 92. col. 4. & ult. Mol. de primogen. lib. 2. cap. 2. num. 10. & cap. 12. num. 57. & lib. 4. cap. ult. num. 63. noster Mol. disp. 657. n. 2. Sanchez lib. 2. cap. 18. num. 41. & alij. Quapropter vtens facultate regia habente supradictam clausulam, non potest instituere maioratum ea conditione, vt si aliquis ex successoribus tractauerit de delicto contra maiestatem diuinam, vel humanam, aut naturam, hora antecedenti transeant ad successorem, quia hoc esset eludere fiscum, & facultatem regiam, vt optimè comprobatur Mol. lib. 2. de primogen. cap. 12. num. 57. noster Mol. tom. 3. disp. 657. num. 2. Sanchez num. 45.

13 Quòd si in facultate regia omittatur maioratum fisco applicandum esse ob crimina supradicta; dicendum est fisco applicandum non esse, sed ad successores deuenturum: sic docet Anton. Gom. l. 40. Tauri, num. 91. noster Mol. Theologus disput. 657. num. 2. versic. quando. Sanchez lib. 2. cap. 18. num. 43. Mol. de primogen. lib. 4. cap. ult. n. 65. quamvis num. 67. dicat cogitandum esse cum casus contigerit. Ratio ea est, quia ex facultates aliquando cum illa clausula, aliquando absque illa conceduntur, & frequentius cum illa clausula conceduntur; & quoties vno, vel altero modo sit concessio, non debet suppleri id quod frequentius accidit, sed potius vt omisum reputandum est, & ad ius commune redactum, ex l. commodissime, ff. de liberis, & posthumis. Ergo cum facultas data fuerit instituendi maioratum, & in ea non fuerit appositae clausula, vt ex iis criminibus fisco applicetur; relinquatur dispositioni iuris commu-

nis, in quo nulla est applicatio. Et confirmo. Cùm Princeps in facultate instituendi maioratum frequentius soleat ob supradicta crimina maioratum fisco applicare; si aliquando hanc applicationem omittat, censendus est talem facultatem noluisse grauare; si enim voluisset, expressisset. Neque obstat l. fin. C. de fideiussorib. & cap. cum M. de constitutionib. Ex quibus Doctores inferunt ea, quæ apponi solent in alicuius rei concessione, semper censeri apposita, et si omittantur. Ergo cum soleat apponi in regia facultate, applicatio fisco faciendae, semper censenda est apposita. Non, inquam, obstat, quia hoc intelligendum est de his, quæ semper solent apponi; secus de his quæ frequentius, vt ex Baldo, Bart. Alexand. & aliis docet optimè Molin. Iuriconsultus num. 66. Vel dicendum est cum eodem Mol. intelligi de non substantialibus, secus de substantialibus. hæc namque nunquam apponi censentur, nisi exprimentur, l. testamentum, C. de testament. Hæc autem applicatio faciendae fisco substantialis est, & præter dispositionem iuris communis. Ergo. Neque etiam obstat maioratum institutum ex facultate regia reputandum esse ac institutum ex regia donatione, cò quòd Princeps donare censetur illud, super quo suam auctoritatem interponit. l. in edib. §. 1. vbi Bald. & ceteri. ff. de donationib. l. etsi liqueat. C. de inofficiosis donation. Non, inquam, obstat, tum quia iam suprà resoluitur maioratum ex regia donatione institutum non confiscari in perpetuum. Tum quia esto id esset concessum, non deberet extendi ad maioratum ex bonis patrimonialibus ex facultate regia institutum, quia illud non est propriè ex donatione Regis quoad bona, ex quibus maioratus constat, sed quoad priuilegia, & exemptiones: si autem bona essent ipsius Regis, & super eorum dispositione suam auctoritatem interponeret, censetur illa donasse.

Aduerto tamen in facultatibus recentioribus debere constare de libera voluntate Principis concedentis; cum omittit hanc clausulam apponere, quia, vt bene aduertit Molin. de primogen. lib. 4. cap. ult. num. 68. ex Felino, cap. 2. num. 16. de rescript. ea quæ à communi stylo deuiant, suspecta esse debent iudicari: deuiaret autem ab stylo his temporibus communi facultas, quæ hanc clausulam non haberet; cum ferè nulla sit, quæ illam non habeat.

14 Quando autem non constat, an maioratus ex regia facultate, an sine illa institutus sit, placet Simanc. de catholic. institut. cap. ... num. 275. ex regia facultate esse institutum, & facultatem concessam esse sub illo frequentiori, & communi onere, vt ad fiscum deueniat. At melius Mol. lib. 4. de primogen. cap. ult. num. 70. & latius lib. 2. cap. 2. à num. 18. & noster Mol. Theologus tom. 3. disp. 657. num. 2. in fin. Vasquez 1. 2. disp. 169. n. 42. Sanchez lib. 2. cap. 18. num. 53. existimant absque facultate Regis fuisse institutum, ac proinde non esse publicandum, quia institutio ex communi iure censenda est fieri, cum de priuilegio non constat; tum quia priuilegium in facto consistit, quod non præsumitur, nisi probetur. l. in bello. §. facta, ff. de captiuis. tum quia esse institutum ex communi iure vtilius est possidenti, quia securior est ab alienatione.

15 Ex quo fit, si aliquis instituat maioratum ex facultate regia, quem poterat ex dispositione iuris communis, & legibus regiis instituere absque illa facultate: vt quia in bonis liberis instituit, si habuit descendentes in tertia, & quinta parte suorum bonorum, iuxta l. 17. Tauri, & si habuit ascendentes in tertia, censendum esse instituisse ex dispositione iuris communis, & non ex regia facultate; ac proinde non esse confiscationi subiectum: sic docent Anton. Gomez l. 40. Tauri, num. 91. circa finem. Molin. de primogen. lib. 2. cap. 2. n. 10. noster Molin. tom. 3. disput. 582. num. 2. & disp. 657. num. 6. Sanchez lib. 2. cap. 18.

cap. 18. num. 47. Vasquez 1. 2. *diffut.* 169. num. 39. *fine*. Ratio est, quia quando actus ex iure communi, atque speciali fieri potest, semper præsumendus est ex iure communi fieri, & non ex iure speciali. *I quamquam, C. de testament. milit. & pluribus extornat Molin. lib. 2. de primogen. cap. 2. num. 15. vers. ex virtute*. Secundò, quia in dubio semper quis præsumitur de suis bonis disponere, eo modo quo sibi dispositio utilior sit, ut utilior esse videtur dispositio ex iure communi, & legibus regni, quàm ex speciali privilegio: tum quia sic facta petere non potest ob confiscationem, sicuti potest, si ex privilegio regio facta sit. Tum quia difficilior Princeps facultatem conceder alienandi, vel hypothecandi bona, quæ non ex suo privilegio, sed aliunde inalienabilia, & in hypothecabilia sunt.

16 Quæstio ergo gravis est, an habens descendentes, & ex facultate regia instituens maiorum ex omnibus suis bonis, cum non possit cessante facultate maiorum instituere, nisi in tertia, & quinta parte suorum bonorum, censetur talis maioratus institutus ex facultate regia, ac proinde confiscationi subiectus non solum quoad excessum, sed etiam quoad illam partem, in qua poterat secluso privilegio instituere? Negat Sanchez lib. 2. cap. 18. num. 50. cum Molin. Iesuita tom. 3. *disp.* 82. num. 3. *vers. illud est*. & Gregor. Lopez 1. 6. *verbo, que la non pudiese, quest. 6. tit. 11. part. 6.* Mouentur, quia censeri non potest quis uti privilegio, nisi quatenus sibi necessarium est, vel conueniens. At ad firmitatem maioratus in illa parte, in qua poterat secluso privilegio maiorum instituere, privilegium necessarium non est, neque conueniens, ob rationes nuper factas; imò conuenientius est ex iuris dispositione esse institutum, quàm ex privilegio. Ergo sic est censendum esse institutum, quamuis dicat institutor ex facultate sibi concessa maiorum instituere, quia intelligi debet quoad eam partem, in qua non poterat secluso privilegio facere institutionem.

17 Contrarium huius sententiæ defendit Anton. Gomez 1. 40. *Tauri, num. 91. ad finem*, ubi affirmat totum maiorum censendum esse institutum ex facultate regia, quia sola facultas regia est, quæ totam illam dispositionem comprehendere potest, & cum videatur esse quædam dispositio indiuisibilis, non videtur dari locus, ut pars aliqua facultati regali correspondeat, & pars alia legali facultati. Quæ ratio me maximè mouet, ut hanc sententiam probabiliorē iudicem, & in duplici casu illam reputem certam. Primò, si institutor habens descendentes maiorum instituat ex regia facultate in tertia, & quinta parte bonorum, & in reliquis bonis, seruatis reliquis filiis alimentis; & in hac maioratus institutione non seruet ordinem præscriptum in l. 27. *Tauri*, quæ hodie est l. 1. *tit. 5. lib. 5. recopilat.* ut prius vocet descendentes legitimos & naturales, deinde agnatos, & cognatos, seu collaterales, postremò extraneos: in hoc enim casu censeo certissimum ex regia facultate censendum esse maiorum institutum. Quia finis instituentis est, ut maioratus integrè ad vocatos perueniat: at peruenire non potest, nisi ex regia facultate fuerit institutus, quia solum ex illa omitti potest ordo præscriptus. Ergo. Item privilegio quis uti censetur, cum sibi necessarium est, aut conuenientius; sed ad præsentem dispositionem est omnino necessarium uti tali privilegio: aliàs dispositio in principali parte corrumpet. Ergo. Secundus casus, in quo censendus est institutor uti privilegio solo in dispositione maioratus, est cum unicum filium habet, & disponit non solum de quinta bonorum parte, sed etiam de tertia, vel de omnibus bonis; cum enim solum liberum illi sit de quinta bonorum parte disponere, aliæ enim sunt legitimæ illius filij, quæ grauari nullatenus possunt: si ergo de tertia, & reliquis disponit, censendus est disponere ex privilegio Regis

non solum de iis, sed etiam de quinta parte. Tum quia est facultas Regis concessa æquanimiter pro omnibus; neque Rex concederet facultatem grauandi filium in sua legitima, si parens quintam bonorum partem eodem modo grauare noller. Tum quia dispositio aliarum partium trahit ad se quintæ partis dispositionem, utpote minus præcipuam. Quæ rationes generales sunt, ut intelligatur ex regia facultate integrum maiorum esse institutum.

18 Si autem instituens maiorum ex regia facultate, quem saltem ex parte poterat absque illa instituere, protestetur se instituere maiorum tum ex regia facultate, tum ex legali, prout sibi, & successoribus suis utilius sit ad maiorum in totum, vel in parte conseruandum, in tali casu posset admitti maiorum institutum, tum ex facultate regia, tum legali, & pro illa parte, quæ ex facultate regia instituitur, subiecitur confiscationi, & non pro alia. quia hæc institutio duplici institutioni videtur æquualere. sic docent Gregor. Lopez, uterque Molin. *locis allegatis*, & Sanchez num. 52. Non tamen caret dictum hoc difficultate superius posita de indiuisibilitate institutionis, & de facultate Regis aliàs non concedenda, nisi ex ea tota dispositio debeat permanere.

19 Pro complemento huius difficultatis aduertit optimè Gregorius Lopez 1. 6. *verbo, que la non pudiese, tit. 11. part. 6.* & ex illo Sanchez lib. 2. cap. 18. num. 58. quoties maioratus bona publicari in perpetuum possunt, transire in fiscum tanquam bona libera, quia iam maioratus ille finitus est, cum finita sit successio illorum, quos institutor vocauit. Quocirca si Rex de illis disponat, & successoribus delinquentis relinquat titulo maioratus, nouus maioratus censendus est institutus, non primus continuatus.

PUNCTUM VII.

An veniat in confiscationem maioratus, quando illius institutor deliquit.

- 1 Dupliciter institui potest maioratus testamento, & contractu, tum renocabili, tum irrenocabili.
- 2 Item institui potest ante commissum delictum, vel post illud.
- 3 Delictum aliud est, cui est ipso iure confiscatio annexa, aliud cui est confiscatio imponenda.
- 4 Si de bonis habitis tempore delicti, cui est confiscatio ipso iure annexa, instituas maiorum, nulla est institutio, & confiscationi non obest.
- 5 Si bona non publicantur ipso iure, sub distinctione responderetur, si ex testamento fiat: si autem contractu irrenocabili, non confiscatur.
- 6 Quid dicendum, si contractum renocabili? Probabilis est confiscationi non subijci.
- 7 Si ante delictum contractum irrenocabili instituat, non subijciatur confiscationi.
- 8 Quid si delinquens renocet maiorum? distinguit Sanchez, non transire in fiscum, si post sententiam renocet, secus si ante.
- 9 Probabilis censeo ad fiscum pertinere.

Restat examinare, qua ratione in confiscationem veniat maioratus, si illius institutor crimen committat dignum confiscatione?

1 Pro cuius decisione præmitto primò, dupliciter maiorum institui posse, vel testamento, vel contractu. Si testamento instituat, nullum ius successoribus nominatis acquiritur, quousque testator vira functus sit, quia ea est natura testamenti. Quod procedit, etiam si in maioratus institutione facta in testamento aliqua verba reperiantur, quæ donationem significant; non enim

enim censenda erit donatio, sed legatum. Nam, ut bene dicit Molin. *de Hispan. primogen. lib. 1. cap. 12. num. 2.* ea verba testamenti naturam non mutant, cum verba secundum subiectam materiam intelligenda sint. *l. si vno, cum similib. ff. locat.* & tradit Faber *§. legatum, Instit. de legat.* Si contractu instituitur maioratus, inspecto iure communi constituitur potest contractu reuocabili, & irrevocabili. Irrevocabili instituitur, si in persona filij emancipati, vel alterius agnati, cognati, aut extranei donatione inter vivos acceptata fuerit institutus. *l. perfecta donatio. C. de donationib. qua. sub modo. & l. siue emancipatus, C. de donationib.* Reuocabili instituitur, si filio sub potestate fiat, vel si fiat causa mortis, quia hæc utque ad mortem reuocari possunt, & pluribus relatis docet Molin. *supra, l. num. 10.* At inspecto iure regio Castellæ qui instituit maioratum, siue in filio emancipato, siue in extraneo, reuocare illum potest, nisi in casibus expressis in *l. 44. Tauri.*

2 Secundò præmitto institutionem fieri posse ante commissum delictum, vel illo iam commissio, longè aliter de vno casu, & alio iudicandum est.

3 Tertiò præmitto duplex esse delictum, aliud, cui est confiscatio bonorum annexa, ipso facto, ut est delictum contra maiestatem humanam, diuinam, & naturam; aliud, cui solum per sententiam imponi potest confiscatio, ut est homicidium, simonia, &c. His positis,

4 Dicendum est, si maioratus sit institutus post delictum, cui est confiscatio ipso iure annexa, & sit institutio de bonis habitis tempore delicti, firma non est institutio quocumque modo fiat, siue testamento, siue contractu; neque talis institutio impedit confiscationem, quia est facta de bonis fisco obligatis, ac proinde facta declaratione delicti perit institutio, & confiscatur in perpetuum maioratus. sic Vasq. *1. 2. disp. 169. num. 39.* Sanch. *lib. 2. cap. 18. num. 60.* Matien. *leg. 3. tit. 4. lib. 5. cap. 1. §. 1. num. 2. & 3.*

5 Si autem ob delictum bona ipso iure non publicantur, sed publicanda veniunt per sententiam: tunc distinguendum est, si institutio maioratus sit facta in codicillo, vel testamento, ex bonis tempore delicti habitis, nemini potest esse dubium subiaci confiscationi. Si autem ex bonis post delictum acquisitis spectato iure communi, nulla est institutio, ut manifeste probat textus in *l. eius qui. §. si cui. ff. de testament.* ubi committens delictum, cui pœna mortis, deportationis, aquæ, & ignis interdictionis, bonorum amissionis imponitur, priuatur facultate testandi, ibi, *neque illud testamentum valet, quod antea fecit, neque id quod postea fecit.* consentit lex *15. tit. 1. part. 6.* At spectato iure nostro regio valet institutio, neque confiscationi subiicitur, ut constat ex *leg. 4. Tauri*, quæ est *l. 3. tit. 4. lib. 5. compilat. & tradit optimè ex Tello, & aliis Mol. de primog. lib. 4. cap. vltim. num. 20. & 21.* Quod si contractu irrevocabili instituitur, antequam de delicto condemnatur institutor, tenet institutio; neque confiscationi subiicitur, quia illa bona, cum non sint fisco obligata, tanquam de omnino liberis disponere potest, & fauet lex, *post contractum. ff. de donationib.* Sanch. *lib. 2. cap. 18. num. 61.* noster Molin. *tit. 3. disput. 659. num. 1.* Excipe, nisi in fraudem fisci talis contractus fiat, tunc enim reuocari poterit, quia receptissimum est omnem contractum, omnemve alienationem, ne dum donationem, minimè valere in fisci fraudem, siue ante delictum, siue post delictum facta sit ad hoc saltem ut reuocari non posset: & probat textus in *l. in fraudem. ff. de iure fisci.* Clarus *pract. quest. 78. vers. solet etiam.* Anton. Gom. *var. resolut. tom. 3. tit. de confiscat. cap. 14. num. 4.* Farinac. *quest. 25. num. 134.* Adde in foro externo, quoties alienatio fit post delictum, hæc fraus præsumitur, ut dicit latè Farinac. *q. 164. de falsitate, & simulatione, num. 18. & 46. 49. & alijs.*

6 Verùm si contractu reuocabili inter vivos institu-

tio facta est post delictum commissum (etiam seclusa præsumptione fraudandi fiscum, quæ semper adest) affirmat Simanch. *de catholic. institut. tit. 9. num. 256.* confiscationi subiici. Ratio esse potest, quia hic contractus non tollit dominium bonorum à delinquente. Ergo tamquam bona ipsius delinquentis confiscari poterunt. Farinac. *verò, quest. 25. num. 130.* cum alijs distinguat inter donationem factam à marito uxori, vel factam alijs: si alijs fiat contractu reuocabili, non confirmatur, cum publicantur bona donantis, sed transit in fiscum, ex text. in *l. si aliquis. ff. de donationib. causa mort.* Si autem facta sit à marito uxori, confirmatur marito bannito, neque transit in fiscum. *l. sed si mors. ff. de donationib. inter vir. & vxor. & l. res vxoris. C. eod. tit.* Ex quo decisio inferitur ad maioratus institutionem; si fiat institutio in alia persona, quàm vxoris, ut necessariò facienda est, siquidem instituuntur omnes vocati, ad fiscum talis maioratus transit delicto commissio, ut cum trahit bonorum confiscationem ipso iure. Ceterum mihi probabilius apparet non esse locum perpetuæ confiscationi, cum institutor contractu reuocabili de bonis nullo modo fisco obligatis disponit. sic Mol. *de primogen. lib. 4. cap. vlt. num. 23.* noster Mol. *tom. 3. disput. 659.* Sanch. *lib. 2. cap. 18. num. 66.* Ratio est, quia esto illa bona sint delinquentis; sunt tamen obligata transmitti successoribus vocatis, quibus ex tali contractu est ius acquisitum, quod ius etsi ab instituente reuocabile sit, dum vivit, non est tamen reuocabile à fisco, quia est personale. Ergo dum non reuocat, fiscus non potest possidere illa bona, nisi cum obligatione transferendi illa ad successores vocatos.

7 Si tamen institutio maioratus ante delictum facta sit contractu irrevocabili; indubitatum est non posse subiici confiscationi. quia ea, quæ contractu alienare non potes, neque potes alienare delicto. Molin. *lib. 4. de primogen. cap. vlt. num. 18.* Molin. *lectura disput. 659. n. 1.* Sanch. cum alijs, *lib. 2. cap. 18. num. 64.* Excipe, nisi in fraudem fisci, aut ex facultate regia sub ea conditione concessa, ut subdatur confiscationi, fuerit maioratus institutus, Sanch. *ibi, & num. 65.* Si autem contractu reuocabili institutus sit, credo probabilius non subiici confiscationi perpetuæ: sic utique Molin. & Sanch. *num. præcedenti* relati, ob rationem ibi assignatam. Talis enim contractus licet ultimæ voluntati similis sit quo ad potestatem reuocandi, at quo ad ius donantis acquisitum non ultimæ voluntati, sed donationi inter vivos comparandus est, ut rectè docet Molin. *lib. 4. de primogen. cap. vlt. num. 23.* Sanch. *num. 66.* Anton. Gom. *leg. 4. Tauri. num. 91.*

8 Sed quid si delinquens ante mortem reuocet maioratum? Sanch. *num. 67.* distinguit: si reuocet ante sententiam declaratoriam, ad fiscum pertinere; secus verò si post sententiam declaratoriam, eo quod in confiscatione solum clauduntur bona, quæ tunc erant delinquentis nemini alteri obligata. Et confirmat exemplo donationis factæ uxori a viro, qui si post condemnationem criminis reuocet donationem uxori factam, non fisco, sed delinquenti donatio accrescit, iuxta *l. si si mors. ff. de donationib.* & tradit Bald. in *l. executorum. col. 9. vers. quero. C. de execut. res indic.* Iason in *l. si stipulam fuerim. §. 1. ff. de verbor. oblig.*

9 At mihi probabilius apparet ad fiscum pertinere sic Molin. *lectura disput. 659. num. vlt.* Moucor, quia illa bona sunt delinquentis, etsi successoribus obligata. Ergo transeunt in fiscum cum illa obligatione: at hæc obligatio cessat reuocata voluntate institutoris. Ergo remanent illa bona sub fisci potestate in perpetuum. Neque est simile de donatione facta uxori: hæc enim non solum morte naturali viri, sed etiam eius civili morte confirmatur, esto non sit viro adempta potestas dictam donationem reuocandi, ac proinde nō potest in fiscum transire

transire, iuxta l. sed si mors, ff. de donat. inter vir. & uxor. & l. rei uxoris, C. eod. tit. & relato Baldo, Iafone, Paulo, Bosio, & aliis docet Farinac. q. 25. à n. 130. & q. 164. num. 15. & seqq. At reliquæ aliæ donationes, ut idemmet Farinac. ibidem probat, morte ciuili donantis non confirmantur: imò neque donatio viro facta ab uxore morte ciuili confirmatur, ut docet Sanchez lib. 6. de matrim. diffinit. 17. num. 6. & nos diximus suprâ, ac proinde mirum non est, ut ad fiscum transeant in perpetuum facta reuocatione.

PUNCTUM VIII.

Emphyteusis, & census, qua ratione sub confiscationem cadere possint.

- 1 Quid sit emphyteusis, & in quo à censu differat.
- 2 Quotuplex sit emphyteusis.
- 3 Prædia, ex quibus census soluitur, sub confiscationem veniunt.
- 4 Emphyteusis ad extraneos hæredes intransmissibilis, non cadit sub confiscationem.
- 5 Durante vita emphyteutæ non transeunt ad fiscum commoditates, & fructus, sed ad dominum secundum Vasquez.
- 6 Probabilius censo transire ad fiscum.
- 7 Neque emphyteusis ad extraneos hæredes transitoria, transit ad fiscum, affirmant aliqui.
- 8 Probabilius censo ad fiscum transire.
- 9 Competat ne Ecclesia ius reuocandi emphyteusim in fiscum translatum? Negant aliqui, quod mihi probatur.
- 10 Plures contra tenent, sed eorum rationibus sit satis.
- 11 Admissa sententia probabilis, posse intra biennium Ecclesiam recuperare emphyteusim, poterit lapso biennio aduersus illum lapsum restitui in opinione Sanchez.
- 12 Contrarium censo dicendum.
- 13 De melioramentis factis in prædio emphyteutico, ad quem pertineant, an ad fiscum, an ad Ecclesiam reuocantem.
- 14 Quid dicendum in suprâdicta controuersia.
- 15 Emphyteuta perdens emphyteusim ob non solutam pensionem, ad dominum pertinent melioramenta.
- 16 Si dominus emphyteusis crimen committat, ob quod bona illius publicantur, publicatur emphyteusis, quoad dominium directum.

Emphyteusis est contractus, in quo dominus rei immobilis, puta, domus, agri, villæ, eam alicui tradit, reseruato sibi dominio directo; & vtili in emphyteutam translato sub annua pensione in recognitionem directi dominij sibi reseruati, vel in compensationem fructuum. habetur l. 1. C. de iure emphyt. Differt à censu, quia in censu nō solum dominium vtile, sed directum in censuarium transfertur, cum obligatione tamen soluendi pensionem. cap. constitutus, de relig. domibus, & ibi glossa. Innocent. Panormit. & alij. Item census, seu pensio alteri soluenda aliquando in propria re constituitur ob pretium receptum, aut ob liberam donationem. sic ex pluribus Doctõribus comprobat Matien. lib. 5. tit. 5. l. 1. gloss. 1. n. 1. & 2.

2 Præmitto secundò, emphyteusim aliam esse acceptam ab Ecclesia, aliam à persona priuata. Item aliam esse, quæ transmitti potest ad hæredes extraneos; aliam quæ transmitti non potest. Si à persona priuata concessa sit emphyteusis, nulla restrictione apposita, ad hæredes extraneos est transmissibilis. docet Iulius Clarus in sua præf. §. emphyteusis, quæst. 29. num. vnie. Si autem sit concessa ab Ecclesia, non poterit ad hæredes extraneos transmitti, nisi fuerit ab Ecclesia expressè in perpetuum

concessa: & in qua concessione fuerint seruatz conditiones relatæ, in extraneag. ambrosia, de rebus Ecclesie non alien. de quibus bene agit Barbosa 3. part. de potestate Episcopi, allegat. 95. à n. 22. vbi n. 29. & 32. optime aduertit has conditiones seruandas esse in prima alienatione. Nam semel ista res perpetuò alienata, & in emphyteusim concessa, efficitur perpetuò alienabilis absque solemnitate. Excipe, nisi redeat ad Ecclesiam, & ex noua causa emphyteusim velit concedere. Barbosa. n. 33. & 34. His positis,

3 Dicendum primò est, sub confiscatione faciendæ hæretico, sodomitico, & proditori, veniunt bona, & prædia, ex quibus census soluitur Ecclesiæ, vel alteri particulari, saluo tamen iure dicti census præstandi. sic Farinacius q. 190. de hæret. n. 18. Simancas de cathol. institut. cap. 9. n. 20. Sanchez lib. 2. cap. 19. n. 18. Didac. Cantera quæst. crim. rubr. de hæret. cap. 1. n. 47. & alij. Ratio est manifesta, quia fiscus succedit in iuribus delinquentis, ac proinde in dominio vtili, & directo illorum prædiorum, cum obligatione tamen soluendi census ei, cui debitus sit.

4 Secundò dico. Sub confiscatione suprâdicta non venit emphyteusis, quæ ad extraneos hæredes transmitti non potest, ex regula sæpiùs repetita, & ferè ab omnibus recepta, quodd ea quæ ad hæredes extraneos non transeunt, non possunt ad fiscum transire, qui loco extranei hæredis in bonis confiscatis succedit, ex l. 2. C. ad leg. lul. de vi, l. iura libertorum, ff. de iure patron. l. eorum, ff. ad leg. lul. maies. & tradit tanquam omnino certum Farinac. pluribus relatis, q. 25. n. 51. & seqq. Sanchez lib. 2. cap. 19. n. 20. At esto in confiscationem non deueniat, priuatur tamen illa delinquens, & ad successorem vocatum transit, si aliquis vocatus est, sin minus, ad dominum directum redit. nam emphyteuta facta declaratione criminis læsæ maiestatis diuinæ, vel humanæ, & contra naturam, omni emphyteusi priuatur, & inhabilis efficitur ad alias obtinendas, ex constitutione Leonis X. edita anno 1520. quæ incipit, *Exurge Domine*, & refertur à Pegna in fine directior. inquisit. fol. mihi 112. & notauit Farinacius de hæresi, q. 190. n. 63. sine.

5 Difficultas est, an durante vita huius emphyteutæ fructus, & commoditates, quas ex emphyteusi debebat percipere, transeant ad fiscum, vel ad illum, ad quem emphyteusis transit? Qua in re illud est præmittendum, si vltra prohibitionem legis, quam secum trahit emphyteusis, addita fuerit alia expressa alienationis prohibitio à domino emphyteusim concedente, nullo modo ad fiscum fructus pertinebunt, sed simul cum emphyteusi transmittentur, ut diximus in superiori puncto, loquentes de fideicommissis, & maioratibus, quibus est expressa alienationis prohibitio, & loquens de emphyteusi tradit Sanchez lib. 2. cap. 19. num. 23. Quare controuersia solum est, quando non est hæc expressa ab institutore alienationis prohibitio, sed relinquitur emphyteusis suæ naturæ. An, inquam, tunc commoditates illius ad fiscum, vel ad successorem vocatum, vel ad dominum directum pertineant durante emphyteutæ vita? Vasquez l. 2. diffinit. 169. cap. 3. n. 26. affirmat ad dominum pertinere, quia dominium vtile cum directo consolidatur. Sanchez n. 21. & 22. distinguit inter emphyteusim datam ab Ecclesia, & ab alio particulari: & de emphyteusi data à particulari affirmat ad fiscum pertinere illius commoditates. sicut suprâ diximus pertinere omnes commoditates fideicommissi durante vita fideicommissarij, quia nulla videtur in his differentia. At si emphyteusis ab Ecclesia sit accepta, negat pertinere ad fiscum, sed ad ipsam Ecclesiam, à quo accepta fuit. Mouetur ex cap. felicio, vers. si qua verò feuda, de pænis, in 6. vbi text. loquens de reo læsæ maiestatis in Pontificem, ait: *Si qua verò feuda, locationes ab Ecclesiis obtinet, sit eis ipso iure priuatum, quæ liberè ad Ecclesiam reuertantur.*

Sub

444 De pœnis temp.hæret.special.de confiscat.

Sub nomine autem locationis, tanquam species sub genere emphyteusis comprehenditur. Ergo emphyteusis liberè ad Ecclesiam debet reuerti: at non reuertetur liberè, si fructus, & commoditates, durante vita emphyteutæ ad fiscum pertinerent: consentit iis Hieronymi. Gabr. *consil.* 73. *a num.* 3. Farinac. *in noua edr.* q. 25. *n.* 58. *vers. verum.* ergo.

6 Cæterum credo idem dicendum esse de fructibus emphyteusis sæcularis, & Ecclesiastica, quæ ad hæredes extraneos transmitti non potest. Pertinere namque ad fiscum tales fructus durante vita emphyteutæ: sic docent Gigas *de crim. lase maest.* lib. 2. *tit. de pœnis committ. ad crimen quest.* 6. *num. ult.* noslet Molin. *tom.* 2. *disput.* 481. *vers. primum.* & *tom.* 3. *disput.* 656. *num.* 3. Moueor, quia emphyteusis, siue sæcularis, siue Ecclesiastica, est quoddam fideicommissum, cuius fructus emphyteuta percipere debebat tempore vitæ suæ. Cum ergo fiscus in omnibus delinquentis iuribus succedat, succedit in hoc iure, & potestate percipiendi hos fructus. Ergo illos debet percipere, nisi aliqua lege prohibeatur. Quod autem hæc nulla sit probo, quia textus adductus ex *cap. Felicis, de pœnis in 6.* id non probat, quia intelligi potest, non de locatione emphyteutica, sed de rigorosa locatione, & cōductione alicuius agri ad tempus, qui ad Ecclesiam liberè reuertitur, ut possit pro voluntate iterum locari, & conducì: vel si de emphyteusi loquatur, loqui de illa, quæ statim ad Ecclesiam tamquam ad dominum directum reuertitur: quod videtur manifestè probari ex verbis textus, si benè expendantur, dicit enim, *si qua verò fenda, locationes, officium, vel beneficium spirituale, vel temporale ab aliquibus Ecclesiis obtinet, sit eis ipso iure priuatus: quæ sic liberè ad Ecclesiam reuertantur, quod Ecclesiarum rectores de ipsis pro sua voluntate disponant.* At constat de emphyteusi, quæ signatos habet hæredes, non posse à rectoribus Ecclesiarum pro sua voluntate disponi; neque ad hunc effectum posse liberè ad Ecclesiam reuerti. Ergo signum est non loqui Pontificem de hac emphyteusi, sed de illa, quæ nullum successorem habet vocatum: hanc ergo dicere videtur reuerti ad Ecclesiam, ut Ecclesia tamquam de quodam officio, vel beneficio possit liberè disponere. Adde neque ex vi supradicti textus videtur colligi fructus emphyteusis, quæ ad Ecclesiam debet redire, non pertinere ad fiscum durante vita emphyteutæ. Nam gratis concessio (quod mihi dubium videtur) loqui textum de locatione emphyteutica, debet loqui non de quacumque, quæ ad Ecclesiam debet redire, eo quod non habeat successorem signatum, sed de illa, quæ statim amittitur ab emphyteuta, & quæ ad Ecclesiam reuertitur: at hoc solum est, ut ipsemet Sanch. *num.* 23. se explicat, cum ultra tacitam legis prohibitionem, habet aliam specialem ab institutore prohibitionem alienationis. Ergo emphyteusis, quæ hanc duplicem prohibitionem non habet, licet ad Ecclesiam transacta vita delinquentis debeat reuerti, quia non habet vocatum successorem, ut tunc Ecclesia pro sua voluntate disponat, poterit ad fiscum durante tali vita pertinere. Denique cum textus dicit ad Ecclesiam, locationes, officia, & beneficia debere liberè reuerti, ad hunc effectum est, ut explicat ibi glossa, *verbo disponant*, ut illis non vocatis, etiam si possiderent, possit Ecclesia de illis disponere. Quocirca fructus emphyteusis, quæ ad extraneos hæredes transmitti non potest, habet tamen successores vocatos, ad fiscum durante vita delinquentis pertinent nisi ultra tacitam legis prohibitionem, aliam haberet expressam; si tamen nullum successorem haberet, sed ad dominum directum reuerti deberet, tunc si ultra tacitam prohibitionem alienandi, quam secum trahit emphyteusis, aliam expressam habet, ad dominum directum statim pertinet cum fructibus, & commoditatibus: si autem caret illa expressa prohibitio-

ne, ad fiscum pertinent durante vita delinquentis eius fructus, & commoditates, neque iis contradicit Sanch. suprà allegatus, si benè inspicatur.

7 Verum si de emphyteusi ad extraneos hæredes transitoria loquamur, non desunt Doctores, qui negent ad fiscum transire, siue Ecclesiastica sit, siue sæcularis, sed ad dominum directum reuerti, & dominium utile cum proprietate consolidari. sic Didac. *Cantera in quest. crimin. rub. de hæreticis, cap.* 1. *num.* 46. Alij specialiter de emphyteusi Ecclesiastica negant ad fiscum transire, admittunt in sæculari. sic Iulius Clar. *pract. lib.* 4. §. *emphyteusis, quest.* 29. *num. unico.* Bernard. *Diaz cap.* 132. *num.* 4. Mol. *lesuita tom.* 2. *disput.* 481. *cond.* 1. & 2. Mouentur, quia generale est, quoties bona delinquentis ad hæredes extraneos transire possunt, & ad fiscum transeant. Ab hac autem regula generali emphyteusis Ecclesiastica excipitur, & non sæcularis, tum ex *Nouella Iustin. de alienat. & emphyteusi*, §. 1. ubi emphyteusis translata in fiscum potest intra biennium vindicari. Tum quia si in fiscum transiret emphyteusis, efficeretur conditio Ecclesiæ deterior propter fisci potentiam, ob quam facile conueniri non potest, & eius priuilegia; & præcipue, quia nulla esset spes caducitatis, cum fiscus nunquam puniatur, ob quæ credendum non est fuisse voluntatem Ecclesiæ, ut ad fiscum transiret.

8 Dico tamen tertio, probabilius esse quamlibet emphyteusim ad hæredes extraneos transmissibilem, publicatis bonis delinquentis publicari: sic docuit Bossius *tit. de bonorum publicat. num.* 62. Farinac. plures referens, *quest.* 25. *num.* 54. & *seq.* Sanch. *lib.* 2. *cap.* 19. *num.* 25. & 29. & *quest.* 190. *num.* 63. & *seq.* Fachin. *lib.* 9. *controu.* *cap.* 53. Simanc. *de catholic. institut. tit.* 9. *num.* 97. & 103. Azor. *tit.* 1. *lib.* 8. *cap.* 12. *q.* 11. Ratio est, quia Authentica illa Iustiniani solum concedit facultatem dominis directis, ut translata emphyteusi in fiscum Regis, vel in ciuitatem aliquam, aut in curiam, aut in aliquam venerabilem altam domum, possint manifestare suam voluntatem intra biennium, ut rem emphyteuticam recuperent, vel possidentibus derelinquant, cum obligatione soluendi annuam pensionem. Ex qua facultate non videtur sequi translationem esse nullam, sed potius esse validam, esto reuocabilem. Adde hanc facultatem reuocandi emphyteusim intra biennium, ut statim dicemus, non de qualibet emphyteusi, sed de emphyteusi Constantinopolitana, & non in perpetuum concessa, neque ad extraneos hæredes transmissibili est intelligenda, ut dicit Bossius, & Fachin. *suprà*. Neque verum est, ex eo quod ad fiscum transeat emphyteusis reddi Ecclesiam deterioris conditionis: nam fiscus semper est soluendo. Neque fiscus habet plura priuilegia, quam Ecclesia, neque his priuilegiis nocere Ecclesiæ potest, siquidem soluere tenetur canonem, & alia præstare, quæ cæteri priuati tenentur. Nam fiscus non est priuilegiatus, nisi in casibus à iure expressis, ut probat textus in *l. 1. C. de petit. hæredit. l. quod placuit. ff. de iure fisci*, & aliis pluribus, quæ adducit Menoch. *consil.* 242. *num.* 9. *lib.* 3. Farinac. *in fragment. verbo fiscus, a num.* 149. Spes caducitatis non videtur considerabilis; minima enim hæc est, quoties emphyteusis ad extraneos hæredes transeat in perpetuum potest; semper enim quis relinquit hæredem. Intelligenda tamen est hæc conclusio de confiscatione facta à iudice Ecclesiastico: nam sæcularis iudex Ecclesiasticam emphyteusim, utpote alienam à sua iurisdictione, publicare non potest. sic Farinac. *illa q.* 25. *num.* 57. Sanch. *num.* 29. *fine*, & alij apud ipsos.

9 Dubitant tamen Doctores, an Ecclesiæ competat ius reuocandi emphyteusim in fiscum translata: Negant Bossius *in sua pract. tit. de bonorum publicat. num.* 60. Farinac. *1. p. quest.* 25. *n.* 56. *vers. sed quod inno. iuncto n.* 54. Fachin. *lib.* 9. *controuers. cap.* 53. & alij apud ipsos. Mouentur; quia hæc facultas aut competit Ecclesiæ ex iure

incepto naturali, aut ex iure positivo. Ex iure naturali competere non potest; aliàs non solum Ecclesiæ, sed etiam cuilibet particulari competeret. Ex iure positivo competere non potest, nisi id in iure expressum sit. Non esse autem expressum in iure sic probabo. Nam Authentica illa Iustiniani, quæ ad id probandum inducitur, solum loquitur de emphyteusi data ab Ecclesia Constantinopolitana, & non in perpetuum, neque ad hæredes extraneos transmissibili. Dixerat enim prius Imperator: *Si verò contigerit quolibet rem ex aliquo prædictorum locorum venerabilium emphyteusico iure datam, aut imperialem domum, aut in sacrum nostrum ærarium, aut in civitatem aliquam, aut in curiam, aut in quamlibet venerabilem aliam domum pervenire: licentiam præbemus ordinatoribus venerabilium locorum, à quibus à principio emphyteusis facta est, mox ut pervenerit in unam prædictarum personarum ipsa emphyteusis, manifestare suam voluntatem intra biennium, & aut ab his derelinqui eandem rem, ad quos pervenit, & annuam pensionem, quæ pacto continetur inferri, aut hoc recipere emphyteusis soluta, eo quod hoc sibi prodesse existimant.* Et statim post hæc verba subiungit Imperator: *Et hoc quidem super his, quæ maioris Ecclesiæ sint, & prædictarum venerabilium domorum, quæ sunt in hac regia civitate, vel eius circuitu adherentium disposuimus. In alijs verò sanctissimis Ecclesijs, & monasterijs, & ceteris reliquis venerabilibus domibus, quæ in omnibus provincijs nostre reipublica posita sunt, & c. consequenter definire prævidimus.* Licentiam igitur damus prædictis venerabilibus domibus non solum ad tempus emphyteusim facere immobilium rerum sibi competentium, sed & perpetuò hæc eis emphyteusico iure volentibus dari. Ex quibus verbis manifestè constat. Primò potestatem reuocandi solum emphyteusi Constantinopolitanæ fuisse factam, non alijs. Secundò alijs Ecclesijs concessam esse potestatem alienandi rem in emphyteusim perpetuam, non tamen Ecclesiæ Constantinopolitanæ: quod præclarè explicuit Cuiac. ad Nouellam 120. relatus à Fachin. lib. 9. cap. 53. dicens: *Id est singulare in Ecclesia maiore Constantinopolitana, & alijs religiosis adibus, quæ sunt intra eam urbem, vel intra territorium eius, ut prædictorum suorum perpetuam emphyteusim, vel etiam permutationem prædictorum in vicem facere non possint.* & post pauca: *Id etiam est singulare in eis, ut post contractam emphyteusim, cum fisco, vel Imperatore, vel reipublica, vel curia, vel cum alio venerabili loco possint pœnitere intra biennium.*

Propter hæc censeo probabilius, & iuri conformius, emphyteusim aliam ab Ecclesia Constantinopolitana transeuntem ad hæredes extraneos, si ad fiscum transeat, reuocari non posse, sed perpetuò apud fiscum manfuram, qui integrum ius domino directo seruare tenetur.

10. Contra hanc conclusionem tenet Vasquez 1. 2. *disput. 169. cap. 3. num. 23.* Molin. *de iustit. tom. 2. disp. 481. conclus. 2.* Simancas *de catholic. institut. tit. 9. num. 104. & 105.* Azor *tom. 1. lib. 8. cap. 12. quest. 11.* Iulius Clarus *in sua præct. lib. 4. §. emphyteusis, quest. 29. num. unic.* Sanchez alios allegans *lib. 2. cap. 19. num. 31.* affirmant namque posse Ecclesiam quamlibet reuocare intra biennium emphyteusim translata in fiscum. Mouentur primò, quia etsi supradicta potestas reuocandi alienationem solum emphyteusi Ecclesiæ Constantinopolitanæ visibis facta sit, ad alias Ecclesias debet extendi, ex doctrina Baldi *in anth. nisi rogati, n. 13. vers. sed quæro quomodo potest esse, C. ad Trebellian.* dicentis quidquid in alicuius Ecclesiæ fauorem statuitur, intelligitur esse ius generale, nisi contrarium inueniatur expressum. *authent. de non alienandis, §. hac ergo.* & ita tradit Alexand. *l. si finia, 15. §. si de vectigalibus, num. 36. ff. de damno infecto.* Iulius Clarus *præct. lib. 4. §. emphyteusis, quest. 29. num. unic.* Bursatus *consil. 199. lib. 2. num. 6.* Sed responderi potest in præsentem esse ius in contrarium expressum; siquidem ex su-

Ferd. de Castro Sum. Mor. Pars I.

prædicta constitutione Iustiniani constat voluisse Imperatorem fauorem illum limitare ad Ecclesiam Constantinopolitanam: id enim denotant illa verba, & hoc quidem; & distinctio facta inter emphyteusim Constantinopolitanæ Ecclesiæ, & aliarum Ecclesiarum.

Secundò mouentur, si Ecclesiæ Constantinopolitanæ emphyteusis transire non posset ad hæredes extraneos, ut quid necessaria erat facultas reuocandi emphyteusim, si translata esset in fiscum? iure ipso vindicari poterat quolibet tempore, tanquam indebitè à fisco occupata. Ergo dicendum est hanc facultatem reuocandi cuilibet emphyteusi ad hæredes extraneos transitorie conuenire.

Respondeo emphyteusim Constantinopolitanam posse transire ad hæredes extraneos, non in perpetuum, sed pro determinato tempore; eaque de causa posse pro illo tempore transire ad fiscum, & necessariam esse facultatem reuocandi: quæ tamen facultas alijs Ecclesijs non apparet concessa, etsi fuerit concessum posse dare emphyteusim perpetuam adhibitis iuris solemnitatibus.

11. Sed admissa illa sententia probabili posse Ecclesiam recuperare intra biennium emphyteusim translata in fiscum, mouet duplicem difficultatem Sanchez *illo lib. 2. cap. 19. num. 32. & 33.* Prima, an si biennium labatur, possit Ecclesia aduersus illius lapsum restitui, & sic petere reuocationem. Placet Sanchez posse, & consentit Simancas *de catholic. institut. tit. 9. num. 106.* & Vasquez *illo cap. 3. num. 23.* ducitur ex doctrina Baldi *l. pupillorum, §. sine, C. de repudian. heredit.* & ibi Alexand. *in fine. Roman. l. si insulam, num. 45. ff. de verborum obligat. & singul. 94.* Omnes ij affirmant monasterium institutum sub conditione, ut intra annum ædificet Xenodochium, substituto alio monasterio ob conditionem non impletam posse non implens conditionem restitui aduersus termini lapsum contra monasterium substitutum. Et rationem reddit Sanchez, quia minori competit restitutio aduersus conditionis omissionem à testatore iniunctæ, ex *l. 3. §. si heres, ff. de minoribus.* cum autem Ecclesia priuilegio minoris utatur, *cap. 1. de restitutione in integrum,* poterit similiter restitui.

12. Verum Quemada *in suis questionib. fiscal. quest. 13.* in partem negantem inclinat. ducitur, quia quando agitur de lucro captando priuilegiatus non gaudet priuilegio aduersus pariter priuilegiatum. *l. verum, 12. §. fin. ff. de minoribus, & l. 2. C. de priuileg. fisci.* sed Ecclesia, & fiscus minoris priuilegio gaudent. Ergo non licebit Ecclesiæ aduersus fiscum priuilegio minoris uti. Sed huic rationi optimè respondet Sanchez *ibi,* admitte priuilegiatum non gaudere priuilegio aduersus pariter priuilegiatum; quando uterque priuilegiatus agunt de lucro captando, vel de damno vitando; secus verò quando vnus priuilegiatus agit omnino de lucro captando, alius verò de damno vitando. Ecclesia ergo in præsentem agit de vitando damno, quale est amittere emphyteusim sibi competentem, & habere illam in fiscum potentio rem translata. Fiscus autem solum agit de lucro captando, cum emphyteusis illi non competat, nisi ob omissionem ab Ecclesia reuocationem. Cæterum adhuc mihi non probatur sententia Sanchez, potius enim ardet Quemada sententia non ob rationem ab ipso allatam, quam bene Sanchez dissoluit; sed ob hanc, quam subiungo, quæ sic se habet: Ecclesia si expressè intra biennium vellet fiscum habere emphyteutam, non posset voluntatem reuocare; aliàs nulla esset translatio firma, sed quoties aduertenter videt labi biennium, & emphyteusim non reuocat, censetur consentire fiscum habere emphyteuticam, siquidem à lege illa Iustiniani conceditur biennium,

p p

vt

ut deliberet, quid sibi magis placuerit, habere ne fiscum emphyteutam, vel ab illo emphyteusum reuocare. Cum ergo non reuocat, deliberasse censetur, sibi magis placuisse fiscum habere emphyteutam. Aduersus quam rationem fundamentum Sanchez non procedit. Admitto namque monasterium institutum sub conditione restitui posse aduersus substitutum ob omittam illam conditionem, quia hic substitutus institutus est ab ipso primo institutore ob omittam conditionem primi instituti: sed quia hic substitutus ius acquisitum non habet ab ipso instituto, sed à primo institutore; ea de causa restitutio ei conceditur: at in presenti fisco non habet esse perpetuus emphyteuta, nisi ex remissione, & voluntate Ecclesiæ, cui est concessa optio, vel reuocandi emphyteusum, vel relinquendi apud ipsum.

13 Secunda difficultas est de melioramentis factis in prædio emphyteutico ad quem pertineant, an ad fiscum, an ad Ecclesiam reuocantem emphyteusum? Qua in re distinguendum est de melioramentis factis à delinquente ante delictum, vel post delictum. Et quidem si hæc melioramenta facta sint à delinquente post delictum commissum, ob quod bona publicantur ipso iure, existimat Sanchez *lib.2. cap.19. num.34.* pro certo ad fiscum pertinere, quia omnia bona delinquentis à puncto delicti commissi fisco sunt obligata: inter quæ labor, industria, & expensæ in his melioramentis appositæ debent computari: consentit Simancas *de catholicis institut. tit.9. num.107. & seqq.* Vasquez *1.2. disp. 169. cap.3. num.23.* Azor *tom.1. lib.8. cap.12. quest.11.* Verum si ante delictum melioramenta facta sint, probabilius existimat Sanchez, cum Bernard. Diaz *in practic. cap.132. num.4.* Ioan. Garcia *de expensis, cap.10. num.51.* Molin. Theolog. *tom.2. de instit. disput.481. conclus.2.* ad fiscum eorum pretium, & æstimationem pertinere, esto proprietas pertineat ad dominum emphyteusis, quia melioramenta, quæ emphyteuta facit in prædio emphyteutico sibi, & successoribus acquirit quoad utilitatem, licet quoad dominium directum ad dominum prædij pertineant, nisi aliud in emphyteusis institutione conuentum sit, aut nisi melioramenta sint modica, ut rectè Molin. Theologus aliis relatis *tom.2. de instit. disput.463. conclus.2.* defendit. Sed fiscus publicat omnia bona, quæ sunt delinquentis tempore commissi delicti. Ergo hæc melioramenta quoad utilitatem publicabit: ac proinde si postea Ecclesia velit emphyteusum à fisco reuocare simul cum melioramentis, horum melioramentorum æstimationem debet fisco soluere.

14 Hæc omnia probabilissima sunt. At credo oppositum in utroque casu esse dicendum: si enim melioramenta sunt post delictum facta, cum confiscatio non extendatur ad bona futura, ut iam supra diximus, nequit extendi ad melioramenta post delictum, quia extenderetur ad bona futura. Adde confiscationem ipso iure impositam, cum sit pœna certa, inspicere tempus commissi criminis, & statum, qui erat in delinquente tempore patrati sceleris, ut bene comprobat Matienzo *lib.3. compilat. tit.4. l.3. glossa 7. num.6.* Ergo commoditates, & melioramenta, quæ tunc habeat emphyteuta propria (si aliqua habet) ea debent publicari, non ea quæ delictum subsequuntur. Si autem melioramenta ante delictum sint facta, ad dominum directum pertinent, sicuti pertinent res emphyteusis, quia cum re emphyteutica consolidantur. Ergo sicut ex re emphyteutica non potest emphyteuta deducere pretium, & æstimationem, sed solum vsum fructum, ita etiam ex melioramentis factis. Item proprietatem melioramentorum docent omnes ad dominum prædij pertinere. Ergo valor, & æstimatio melioramentorum ad ipsum pertinet, secundum proprietatem. Ergo nequit valor, & æstima-

tio melioramentorum publicari. Adde. Omnis emphyteusis, nisi aliud caueatur expresse, videtur dari sub hac conditione, ut melioramenta facta in re emphyteutica ad dominum pertineant, quia ea de causa res maximè fructifera pro minima pensione donatur, & licet in aliquibus emphyteusis institutionibus hoc expresse apponatur; non apponitur, quia necessarium sit, sed ut omnis dubitatio tollatur, & impediatur vsus oppositæ sententiæ probabilis: & ita tenet Simancas, Azor, Vasquez num. præced. relati.

15 Duo tamen sunt omnino certa. Primò, quoties emphyteuta perdit emphyteusum, quia non soluit pensionem, vel aliam conditionem in emphyteusi appositam non exequitur, ad dominum emphyteusis pertinere melioramenta. sic Vasquez *1.2. disput. 169. cap.3. num.25.* Sarmiento *lib.3. select. cap.4. num.4.* Molin. *testis disput.481. conclus.2. sine.* Sanchez *lib.2. cap.19. num.36.* Ex qua doctrina non leue argumentum sumitur ad probandum, quoties ob culpam emphyteutæ, emphyteusis deperditur, melioramenta ibi facta ad dominum pertinere.

16 Secundò est certum, si dominus emphyteusis crimen committat, ob quod bona illius publicentur, publicari tunc emphyteusum quoad dominium directum, quia bonum illius est, & emphyteutam obligatum esse fisco pensionem soluere. sic Sanchez *num.38.* cum Cantera *in suis quest. crimin. tit. de quest. tangenti. puni. delicti. cap.1. num.46.*

PUNCTVM IX.

Qua ratione feudum sub publicatione bonorum comprehendatur.

- 1 *Quæ dicta sunt de emphyteusi, eadem ferè continentur feudo.*
- 2 *Feudum ad hæredes extraneos intransmissibile nequaquam ad fiscum transit.*
- 3 *Si publicatio feudi fiat ob delictum commissum aduersus dominum, domino perinet, & ad ipsum demouitur.*
- 4 *Idem est, si feudum hereditarium tibi concessum est, secus si concessum tibi, cuique agnatis, secundum plures Doctores.*
- 5 *Quid sentiendum sit.*
- 6 *Feudum ad extraneos hæredes transitorium, ad fiscum transit.*

1 **E**A quæ de emphyteusi dicta sunt, ad feudum accommodari facile possunt, quia naturam emphyteusis imitatur, & omnino illi est simillimum, ac proinde eodem modo loquitur de feudo, ac de emphyteusi Cardinal. in *Clement. nolentes, de hæreticis, vers. inquisitoribus, col. penult.* Bernard. Diaz *practic. cap.131. n.4.* Alexand. in *l. si finita, §. si de vtiligalibus, ff. de damno infecto, col. 11. & 12.* & alij. Sed ne laboremus in æquiuoco, distinguendum est duplex feudum, aliud in quo feudatarius astringitur soluere domino directo certam aliquam pensionem pecuniæ, vel frumenti: & hoc non est propriè feudum, sed emphyteusis, ac proinde de illo idem, ac de emphyteusi dicendum est. Aliud est feudum, pro quo feudatarius astringitur seruitium personale præstare: si autem simul cum hoc seruitio personali aliqua pensio pecuniæ soluenda est, feudum, & emphyteusis dicitur: sic ex Cyno, Alexand. & aliis probat bene Matienzo *lib.5. compilat. titul.10. l.6. glossa 2. num.13. & sequent. & num.22.23. & 24.* explicat proprietates, & naturam feudorum. Primò enim. Feudum (inquit) debet constitui super re immobili, vel æquipollenti, cum obligatione recognoscendi dominum, & fidelitatem illi præstandi. Quapropter solent feo-

datarij

datarij iuramentum de seruanda hac fidelitate facere; iuxta cap. 1. de noua forma fidelit. & cap. 1. qualiter vassall. iura. deb. Secundò feudum ad hæredes masculos transit in infinitum, iuxta cap. 1. §. hoc autem notandum, & ibi Doctores, qui feudum dare possunt. Feminae autem non succedunt, quia feminae ad bella, & seruitia militaria habiles non sunt, neque ad secreta retinenda, & quia earum consilia fragilia sunt. Tertio line domini, & agnatorum consensu alienari non potest. Quod si aliquando feudum ex conuentione, & pacto absque prædictatum aliqua conditionum stabilizatur, non feudum rectum, sed improprium dicitur.

2 Ex his infertur questionis decisio. Affirmo namque, si feudum directum sit, neque ad hæredes extraneos transitorium, nequaquam in fiscum transire, ob rationem sæpè firmatam, quod fiscus est loco hæredis extranei, & cum non possit contractu alienare, neque delicto: & in propriis terminis defendit Suman- cas de catholic. institut. tit. 9. num. 120. Azor 1. part. lib. 8. cap. 12. quest. 10. Pegna director. 3. part. quest. 112. comment. 161. versic. quod si clericus. Farinacius quest. 25. n. 71. Clarus in §. feudum, quest. 84. versic. ego vero. Difficultas autem est, cui sit hoc feudum applicandum, an domino, an cognatis, cum vniuersa bona feudatarij publicentur?

3 Respondeo, si publicatio bonorum facta sit ob delictum commissum aduersus dominum feudi, ad dominum feudum deuoluitur, quocumque modo feudum concessum sit: videtur enim sub hac conditione à principio concessum, ut in casu ingrati tudinis contra dominum, ad dominum reuertatur. sic Roland. consil. 15. num. 1. & seqq. volum. 4. & consil. 78. num. 8. eodem vol. 4. Bossius in tit. de bonorum publicat. num. 53. in princip. & num. 54. in fine. Farinacius alijs relatis, quest. 25. num. 78. Excipe, nisi ex tenore inuestituræ constaret concedentem noluisse, ut vnius delictum alteri noceat; ut si in inuestitura dicatur: Concedo de vno in alium; vel concedo omnibus principaliter, siue in solidum; vel concedo attentis meritis singulorum; vel concedo generi tuo: tunc enim, quia omnes per se, & æquè principaliter considerantur, & tanquam successores instituentis, non tanquam successores primi inuestiti, idcirco vnius delictum alteri non nocet. sic Roland. consil. 15. num. 3. volum. 4. Clarus §. feudum, quest. 66. Farinacius plures referens num. 93. Si autem publicatio bonorum non ob delictum contra dominum, sed ob alia delicta facienda sit.

4 Tunc distinguendum censeo, si tibi sit concessum castrum in feudum hæreditarium, ut ex te tanquam ex radice ad hæredes deueniat, domino deuoluitur; secus verò, si tibi, & tuis cognatis æquè concessum sit, quia tunc non domino, sed cognatis deuenit, eo quod omnes cognati non ex iure à te accepto, sed ex iure accepto à primo instituyente, & concedente feudum, succedunt: sic pluribus relatis docet Farinacius quest. 25. num. 87. 88. & 93.

Secunda difficultas est, an saltem vsusfructus, & commoditates huiusmodi pertineant ad fiscum, durante vita delinquentis: Affirmant plures, quos refert, & sequitur Gigas de crimine lesa maiestatis, lib. 2. tit. de pænis committent. crim. lesa maiest. quest. 5. num. 3. & seqq. Menochius de recuper. possess. rem. 9. num. 260. & seqq. Albertus in tractat. statutorum, 3. part. quest. 16. Matth. de Afflictis in xit. quæ sint regalia, §. & bona committ. col. 1. num. 5. Mouentur, quia vassallus potest durante vita commoditates, & vsusfructus feudi alienare, ut tradunt omnes in l. si dominus, §. fin. ff. de legat. 1. testatur de communi Ruin. consil. 176. num. 13. lib. 1. Roland. consil. 80. num. 13. lib. 1. Clarus §. feudum, quest. 31. versic. successione. Sed ea, quæ possunt contractu alienari, possunt & delicto. Ergo. In

Ferd. de Castro Sum. Mor. Pars I.

contrarium sunt plures alij Doctores negantes ad fiscum pertinere, sed ad eum, ad quem feudum spectat. sic Bossius in tit. de bonorum publicat. num. 53. Alexand. in l. si finita, §. si de velligalibus, ff. de damno infecto. Farinacius quest. 25. num. 68. vbi testatur esse communem, & in practica seruatum. Pegna director. 3. part. quest. 112. comment. 161. versic. mihi quandoque, in fine. Ratio est, quia fructus feudi feudum comitantur: si igitur feudum ad alium pertinet, publicatis bonis delinquentis, ad ipsum & fructus debent pertinere.

5 Ego verò inter has extremas sententias censeo distinguendum esse, iuxta ea quæ de emphyteusi dixi. Si enim feudum ultra tacitam alienandi prohibitionem à lege inductam habet aliam expressam ab institutore, qualis esset, si diceret institutor se velle, ut ea bona nullatenus exirent ex sua familia, vel in illa semper permanerent: tunc pro certo censeo non ad fiscum, sed ad successorem feudi fructus deuenire. Si autem solum tacitam alienandi prohibitionem habent, probabile est ad fiscum pertinere durante vita delinquentis, quia tacita alienandi prohibitio non videtur impedire translationem feudi durante feudatarij vita, sed solum impedit translationem post vitam, aut in perpetuum. Dixi solum esse probabile; quia hæc translatio specialem difficultatem habet in feudo, quam non habet in emphyteusi, eo quod feudatarius ex natura feudi iurare debet fidelitatem domino præstare: & ad seruitium personale, potius quàm reale obligatur. quæ onera non videntur in fiscum transferri posse, ac proinde nec feudum.

6 Si autem feudum ad extraneos hæredes transire potest, eo quod datum sit tibi, & tuis hæredibus, vel tibi, & quibus tu dare velis, ad fiscum transit, facta bonorum publicatione, ex regula sæpiùs firmata. Quæ transeunt ad hæredes extraneos, ad fiscum transire: & in propriis terminis docet Gigas de crimine lesa maiestatis, lib. 2. tit. de pænis committent. hoc crimen. quest. 5. num. 6. Roland. consil. 29. num. 17. volum. 3. Menoch. de recuperan. possess. rem. 9. num. 251. Bossius in tit. de publicat. bonorum, num. 20. & 53. Farinacius 1. part. pract. quest. 25. num. 71. versic. unde. Hoc tamen intelligendum est, quando vassallus potest de feudo liberè disponere; secus verò esset, si de illo disponere non posset absque domini licentia; quia ratione huius prohibitionis nequit delinquendo, sicut neque contrahendo feudum alienare, sed facta publicatione feudum ad dominum reuertitur, & dominum vtile cum directo solidatur: sic Clarus §. feudum, quest. 84. versic. secundum autem. Bossius tit. de publ. bon. n. 54. Farinacius num. 72.

PUNCTUM X.

Qua ratione peculium profectitium, aduentitium, castrense, & legitima sub confiscatione facta filiofamilias ob eius crimen comprehendatur.

- 1 Quæ hæc sint, explicantur.
- 2 Quod dominum habeat filius in hac bona.
- 3 Precedit questio de filiofamilias sub patria potestate.
- 4 Quibus modis exeat filius à patria potestate.
- 5 Legitima filij non confiscatur ob eius delictum.
- 6 Neque bona profectitia ipsius.
- 7 Peculium aduentitium plures censent publicari.
- 8 Probabilius est oppositum.
- 9 Satisfit rationibus contrarijs.
- 10 Apponitur limitatio casu quo pater habeat vsusfructum.
- 11 Non approbatur limitatio.
- 12 Secundo limitatur in peculio aduentitio, cuius pater habet administrationem.

448 De pœnis temp. hæret. special. de confisc.

- 13 Neque hæc limitatio mihi probatur.
- 14 Tertiò limitatur, ne procedat in hoc Castellæ regno, in quo filius disponere potest de tertia parte aduentitiorum.
- 15 Non admittitur limitatio.
- 16 Quartò limitatur in crimine læsæ maiestatis humane, & diuine. Et approbatur limitatio, tametsi aliqui contrarium sentiant.
- 17 Aliqui extendunt publicationem ad vsumfructum patri debitum.
- 18 Sed non probo hanc extensionem.
- 19 Bona castrensia, aut quasi, ob delictum filij, publicari censent plures.
- 20 Probabilius est non publicari, sed patri deferri.
- 21 Satis est argum. num. 19. adductis.
- 22 Ampliatur doctrina, tametsi filium condemnatus filios habeat, adhuc non publicatur castrense.
- 23 Quid dicendum in crimine læsæ maiestatis? Negat Sanchez, sed contrarium est verum.

Premittendum est, quæ hæc sint, & quod iuris pater, & filius in eis habeant. Peculium profectitium est, quod filiofamilias prouenit à parente viuo, vel causa parentis principaliter donatur. colligitur ex §. igitur, versic. sancitum est. Institut per quas personas nobis acquiras. l. cum oportet, in princip. iuncta glossa, verbo ex illius substantia, C. de bonis quæ liberis. Aduentitium est, quod filio donatur; non quidem à parente, sed ab aliis; neque in gratiam parentis, sed in gratiam ipsius filij donatur. Item quod filius labore suo, & industria, extra militiam acquirit, est aduentitium. Item hæreditas matris patre superstite, inter bona aduentitia connumerari debet respectu patris, secus de hæreditate patris matre superstite; quia hoc ius solum patriæ potestati defertur: colligitur ex supradicta l. cum oportet, & ex supradicto §. igitur. Castrense peculium est, quod filio acquiritur occasione militiæ, vel obsequij Principis in palatio. l. castrense, ff. de castrensi peculio, l. unica, C. de castrensi palatio. peculio, lib. 12. Item quidquid his acquisitis lucratur, castrense debet dici. l. 1. C. de castrensi peculio, lib. 12. Ad idem est quod ex beneficio Ecclesiastico acquiritur, quod vocatur quasi castrense, & quod acquiritur post clericatum, etiamsi aliàs esset aduentitium, authent. presbyteros, C. de Episcop. & clericis. quia clerici sunt milites spirituales. Item quod acquiritur officio publico alicuius artis liberalis, iudicis, Advocati, Cathedratici, tabellionis, procuratoris, &c. l. advocati, C. de advocat. diuersor. iudic. Item libri donati occasione studendi has facultates, à quocumque donati sint. Adde quæ solum liberalitate Principis fuerint donata; & generaliter quoties aliquid filio donatum est, ea conditione, ne pater habeat vsumfructum, quasi castrense dicitur, quia castrensiu bonorum priuilegia habet. Et idem est, si donatum sit patre contradicente, quia non videtur æquum, vt ex illo pater commodum reportet. l. vltim. §. si verò pater, C. de bonis quæ liberis. Item si ipsemet pater remittat vsumfructum, quia tunc filio accrescet, & quasi castrense censi debet. l. cum oportet, §. non autem, C. de bonis quæ liberis. Eadem mensura iudicandum est de vsumfructu alicuius rei filio relicto, quia tunc ad patrem non pertinebit, eo quod vsumfructus non detur alius vsumfructus, sicut nec seruitus seruitutis. l. 1. ff. de vsumfructu legato. Denique si pater in hæresim incidat, filius efficitur sui iuris. cap. 2. §. fin. de hæresim, in 6. & acquirit vsumfructum in bonis aduentitiis, quia vsumfructus tunc consolidatur cum dominio directo, vt dicemus. Legitima autem est pars hæreditatis debita filio mortuo parente: in his omnes Doctores conueniunt. Vide Syluest. verbo peculium. Nauarr. cap. 17. num. 142. Molin. Iesuitam disput. 9. & 230. & sequen-

tibus, vbi hæc optimè explicat. Lessium lib. 2. cap. 4. dub. 3.

2^o Filius ergo nullum dominium directum, neque vtile habet in peculio profectitio, sed totum penes patrem residet; quare neque illud alienare potest, neque in proprios vsus conuertere, nisi iuxta patris præscriptum. In peculio autem aduentitio habet filius proprietatem, sed non vsumfructum, neque administrationem; administratio enim, & vsumfructus patri deferuntur. Quapropter patre non consentiente, nequit filius hæc alienare, aut de his disponere; bene tamen potest donare causa mortis patre consentiente, ex l. tam is, 25. ff. de mortis causa donation. Testari tamen non potest, nisi ad pias causas, cap. licet pater, de sepulturis, in 6. In peculio autem castrensi, aut quasi castrensi habet filius proprietatem, vsumfructum, & administrationem, sicut paterfamilias; ac proinde alienare ea potest donatione, & contractu, imò & testamento, si pubes sit, quia ante pubertatem testari nullus potest, ex l. quæ ætate 5. ff. qui testamenta facere possunt. Vide Lessium, Molin. Nauarr. & Syluest. supra.

3^o Secundo præmitto hanc quæstionem solum de filiofamilias, hoc est, de filio sub potestate parentis constituto procedere. Nam emancipatus, & extra patriam potestatem existens sui iuris est, & omnia eius bona publicantur, ac si patrem superstitem non haberet.

4^o A patria autem potestate exit filius primò, si pater naturaliter moriatur, neque super sit alius ascendens per lineam masculinam, in cuius potestatem filius recidat. Institut. quibus modis ius patriæ potest. soluit. §. hi verò qui in potestate. Iure tamen Castellæ, & Lusitanix in solius patris potestate filius existit, ac proinde decedente patre filius manet sui iuris. Secundò filius egreditur patriam potestatem, si pater, vel ipse morte ciuili condemnatur, hoc est, in insulam deportetur cum amissione omnium suorum bonorum. Institut. quibus modis ius patriæ potest. soluit. §. cum autem, & sequent. & habetur l. 2. & 3. tit. 18. part. 4. Tertiò egreditur patriam potestatem, si pater hæresim committat. cap. 2. §. vltim. de hæresim, lib. 6. Et idem est, si filius ipse hoc crimen committat. argument. textus in §. cum autem is, versic. pari ratione. Institut. quibus modis ius patriæ potest. soluit. Quartò, si scienter pater contrahat incestas nuptias, quia tunc filij prioris matrimonij patriam egrediuntur potestatem. authent. incestas, C. de incestu nuptijs, §. 1. & l. 6. tit. 18. part. 4. Debent tamen hæc incestas nuptiæ copula carnali consummari, vt pœna hæc locum habeat. Couarruias in epitom. decret. 2. part. cap. 6. §. 8. num. 20. Quintò, si filius in Episcopum eligatur, eo ipso patriam egreditur potestatem. authent. sed Episcopalis dignitas, C. de Episcop. & clericis. cap. per venerabilem, qui filij sint legitimi. Neque requiritur, vt consecratus sit, sufficit, si sit à Pontifice electus: vt ex supradictis iuribus constat. Idem est, si in Cardinalem eligatur, vt tradit Couarruias cap. quia non, num. 5. de testament. Sextò, si pater, vel filius religionem profiteatur, à patria potestate filius egreditur, iuxta glossam communiter receptam in l. si ex causa, §. Papinian. ff. de minoribus. & tradit Couarr. alios referens, cap. 2. de testament. num. 8. 2. edit. Septimò, si in patrium, hoc est, si in Regis consiliarium eligatur, filius egreditur per electionem à patria potestate. authent. constituit. quæ de dignitate, in princip. authent. sed Episcopalis dignitas, C. de Episcop. & clericis. per alias autem dignitates, prætoris scilicet, præfecti, & similibus, quæ connumerantur l. vltim. C. de decurionibus, lib. 10. & l. 7. & seq. tit. 18. part. 4. à patria potestate filius non egreditur, quousque illarum administrationem subeat. Octauò, si filius emancipetur à patre, hoc est, si coram iudice

iudice ordinario de communi consensu patris, & filij, filius à potestate patris eximatur. *Inst. quibus modis ius patria potest. soluit. §. praterea, l. ult. C. de emancip. liberorum.* Tandem in hoc Castellæ, & Lusitaniz regno, filius eo ipso quo matrimonium contrahat, etiam inuitis, inscitisque parentibus ab eorum potestate egreditur. *l. 47. & 48. Tauri, quæ est lex 8. & 9. tit. 1. lib. 5. recopilat. & Lusitan. ordinat. lib. 1. tit. 67. §. 4. & lib. 4. tit. 78. §. 2.* Ratione tamen ætatis, etiam si senex sit, à patria potestate non eximitur filius, cum nullo iure id cautum sit, ut docet glossa communiter recepta *l. fin. §. pupillus, verbo pupillum, ff. de verborum obligat.* Anton. Gomez *l. 47. Tauri, num. 1.* Matienzo *lib. 5. recopilat. tit. 1. l. 8. gloss. 1. n. 2.* Perez *lib. 3. ordinam. tit. 8. l. 1. fol. 128.* Item nec ratione clericatus etiam sacerdotalis à patria eximitur potestate, ut est textus, & ibi Abbas in *cap. constitutum, de in integrum restit. & in cap. si annum, de iudic. in 6. & in authent. presbyteros, C. de Episcop. & cleric.* & tradit Bernard. Diaz *præc. cap. 132. num. 6. circa finem.* Sanchez *lib. 2. cap. 15. num. 1.* Molin. Iesuita *tractat. 2. disp. 229. versic. sextus.* His positis ut à clarioribus exordiamur, Primò dicendum est de legitima. Secundò de bonis profectitiis. Tertiò de aduentitiis. Quartò de castrensis, & quasi castrensis.

5 De legitima ergo receptissima sententia est non confiscari ob delictum filiofamilias, quodcumque sit; quia confiscatio non extenditur ad aliena bona, sed ad propria delinquentis: at legitima non est delinquentis, quousque pater à vita decedat. *l. suis, de liberis & posthumis.*

Quod si dicas, esto filiusfamilias viuo patre non habeat legitimam, quæ actu subiici possit publicationi, habere ius, ut illi detur legitima mortuo parente. Ergo hoc ius publicari poterit, & ratione illius mortuo parente fiscus publicabit legitimam.

Respondetur hoc ius personale esse, neque ad hæredes extraneos transmissibile. *l. 1. §. in nouissimo, C. de caducis tollendis.* Bartol. in *l. & postquam, in ultim. opposit. ff. de acquirenda hereditate.* Item confiscatio non trahitur ad iura futura, & conditionalia. *l. si mandauero tibi, §. is cuius bona, ff. mandati.* & ita docent Gigas *tractat. de crimine læsæ maiestatis, lib. 2. tit. de pœnis committenti. id crimen. quæst. 9. & 18. num. 1.* Farinacius *præc. quæst. 24. num. 19.* Sanchez pluribus relatis, *lib. 2. cap. 15. num. 19. & 21.* Vasquez *l. 2. disp. 169. cap. 2. num. 16.* Bonacina *disp. 3. de contrahib. quæst. 8. punct. ult. §. 1. num. 13.* Ad idem est de alimentis debitis filio: non enim hæc publicari possunt, quia sunt bona futura filij, non præsentia, iusque alimentorum est personale. Sanchez *num. 22.* Bonacina *num. 18. fine.* Sed quid si pater legitimam filio assignasset, & tradidisset, veniret ne in confiscationem? Sanchez, & Bonacina suprà affirmant, quia illa assignatione, & traditione factus est dominus illius. Negat Bizard. in *additionibus ad Clarum, lib. 5. quæst. 78. num. 48.* nullam tamen rationem assignat. Ego verò distinguendum censeo, si filius simul cum traditione legitimæ à patria potestate eximatur, verissima est sententia Sanchez. At si filius sub patria potestate remaneat, cum reputari debeat illa legitima, quasi castrense peculium, vel aduentitium, quod sub graui controuersia est, ut videbimus, veniat ne in confiscationem. Idem est dicendum de legitima.

6 De bonis profectitiis similiter est dicendum non venire in confiscationem ob filiofamilias delictum, ex *l. cum oportet, C. de bonis qua liberis, l. filius, 3. C. de bonis proscript. l. certum, C. familia eriscunda;* & est communis omnium, ut videre est in Bosio *de bonorum publicat. num. 71.* Ruin. *consil. 24. num. 5.* Clarus *præc. quæst. 78. versic. praterea quæro.* Couarr. *variaram resolutionum, lib. 2. cap. 8. num. 7.* Anton. Gomez *tom. 2. variaram resolution. tit. de seruiciis. cap. 15. num. 16.* Farinacius *quæst. 24. n. 3.* Sanchez *Ferd. de Castro Sum. Mor. Pars 1.*

lib. 2. cap. 15. n. 17. Bernard. Diaz *præc. cap. 132. num. 6. in medio.* Ratio est manifesta, quia hæc bona non sunt filij, sed patris, tam quoad proprietatem, quam quoad vsumfructum. *l. si plures, §. in arrogato. ff. de vulgar. & pupill.* Ergo ob delictum filij non possunt publicari. Quod verum est, etiam si à patre filius haberet illorum administrationem, quia non per hoc censetur data potestas alienandi, ut bene dicit Farinacius *suprà*, argument. textus in *l. creditor, §. Lucium, ff. mandati, & in l. si conuenire, ff. de pactis dot. alibus.* Adde, esto filius haberet expressè à patre potestatem donandi, & dissipandi, adhuc non intelligeretur data facultas, ut per delictum alienare posset, quia non præsumitur fuisse de delicto cogitatum, sic gelatis Alexand. Imola, Angelo, Bart. tradit Bernard. Diaz *suprà num. 6.* Sanchez *num. 18.* Anton. Gomez *n. 16.* & alij.

7 De peculio aduentitio est maior difficultas, an veniat in confiscationem bonorum factam filiofamilias reseruato patri vsumfructu? Affirmat Paulus Paris. *consil. 157. lib. 4.* Caldas *l. si curatorem, verbo lasis, num. 112. versic. sed in oppositum.* & *num. 152. versic. sed in proposita specie, C. de in integrum restitut.* Bonacina *disp. 3. de contrahib. quæst. 8. punct. ult. §. 1. num. 18.* & alij relati à Menoch. *de recuperand. possess. rem. 9. num. 75.* Farinacius *quæst. 24. num. 5.* Mouentur primò, quia proprietas horum bonorum filij est, non parentis. Ergo confiscatis bonis filij hæc proprietas confiscatur, ex text. in *l. si postulatuerit, §. iubet lex, ff. ad legem Iuliam, de adulterijs.* ibi, *Iubet lex eos homines, de quibus quæstio ita habita est, publicos esse, proinde in communi partem publicamus; in proprio, cuius vsumfructus alienus est, nudam proprietatem.* Et confirmatur, quia facta hac confiscatione proprietatis nullum ius amittit parens, cum illi vsumfructus reseruetur. Ergo ob vsumfructum illi debitum non potest impediri publicatio. argument. textus in *l. quinque legibus, cum l. sequens, ff. de bonis damnat.* ubi publicatis vxoris bonis, maritus omnes omnino actiones saluas habet contra fiscum; sic pater saluum habere potest vsumfructum. Secundò bona minoris confiscationi subiiciuntur, esto non possint absque autoritate tutoris alienari. *l. clarum, C. de auctoritate præstanda;* quia sola alienatio voluntaria per contractum, & ultimam voluntatem prohibetur, non autem alienatio necessaria, & à lege inducta. Ergo esto filio prohibita sit alienatio proprietatis aduentitiorum absque patris consensu, ut verè prohibita est, ex *l. fin. §. filijs autem, C. de bonis qua liberis,* alienatio per delictum prohibita non erit. Tertiò pater tenetur iudicati actione de peculio, si filius condemnatus sit. *l. 3. §. idem scribit, ff. de peculio.* Ergo condemnato filio, & publicatis eius bonis, non poterit peculium aduentitium retinere, sed fisco debet tradere, reseruando sibi vsumfructum.

8 Nihilominus communior sententia est ob delictum filij aduentitiorum proprietatem non publicari. sic post alios Ruin. *consil. 24. lib. 5.* Roland. *consil. 56. n. 10.* Anton. Gomez *tom. 2. var. cap. 15. n. 14.* Menoch. *de recuper. possess. rem. 9. n. 65. & 66.* Farinac. *q. 24. n. 5.* Sanchez *lib. 2. c. 15. n. 9.* Peregrin. *de iure fisci, lib. 5. tit. 1. n. 128.* Fachin. *lib. 4. controuer. iur. cap. 47.* Iulius Clarus *lib. 5. recept. quæst. 78. n. 12.* Bernard. Diaz *cap. 132. n. 6.* & alij apud ipsos. Duplex fundamentum firmum huius communis opinionis est. Primum, quia esto filius sit dominus proprietatis aduentitiorum; non tamen illa potest alienare absque consensu parentis, ob reuerentiam illi debitam; ne, inquam, ipse parens ob talem alienationem factam ab extraneo proprietario inquireretur, patiaturque aliquid detrimentum in vsumfructu sibi debito. Sed quoties alicui alienatio prohibita est ob alterius fauorem, nequit prohibitus per delictum alienare, ex text. in *l. Imperator, ff. de fideicommiss. libert.* Ergo. Secundum fundamentum

fumitur ex l. si filius 3. C. de bonis proscriptis. vbi cauetur bona castrensis publicationi non subici ob filiofamilias deportationem. Ergo neque aduentitia, in quibus ipse filius minus habet. Vtrumque probo, quia filius iure antiquo omnia quæ acquirebat, patris erant. l. placet 78. ff. de acquir. hered. illaque pater tanquam propria ipsius occupabat, si fortè filius intestatus decederet. l. 1. & 2. ff. de castrens. pecul. Ex constitutione autem noua hoc ius illis est concessum, vt proprietatem habeant in bonis aduentitiis, & patri referretur vsumfructus. l. 1. C. de bonis quæ liberis. At per delictum confiscatione dignum hoc priuilegium illis aufertur, & bona relinquuntur patri, vt bona tanquam propria occupet. Ergo patri, & non fisco deferenda sunt. Minorem probo, ex supradictis. l. si filius, ibi enim dicitur: Si filius tuus cum esset in potestate in insulam deportari meruit, peculium eius, nec quod in castris acquisiuit, vel quod ei militaturo donasti, auferri tibi debet. vbi expendendum est verbum auferri, quod denotat iam per delictum bona filij facta esse patris, & ab illo auferenda non esse: & ita tradit Fachin. cap. 47. ex Cuiacio in Cod. recitat. ad titulum de bonis damnatorum.

9 Neque obstant rationes contrariæ.

Ad primam concedo proprietatem aduentitiorum fore confiscandam, si illius alienatio in fauorem patris prohibita filio non esset, vel nisi pater publicatis bonis filij, eam statim, vt propriam occuparet. Ad confirmationem nego patrem ex hac publicatione nullum esse damnum passurum, cum facile inquietari possit à fisco super rei confiscatæ administratione, an rectè administraret, ita vt fiscus nullum in proprietate damnum patiatur.

Ad secundam dico bona minoris confiscationi subijci, quia prohibitio alienandi ei facta est in ipsius fauorem, qui ob delictum amittitur; sicut enim puniri potest in persona, ita & in bonis: at filiofamilias prohibita est alienatio aduentitiorum ob fauorem patris vsumfructuarij.

Ad tertiam concedo patrem teneri de peculio, cum filius condemnatus est soluere aliquam quantitatem pecuniariam; secus verò cum condemnatio fit in publicatione bonorum; quia tunc sola bona, quæ filius habet (si aliqua habet) sententia vendicat.

10 Supradictæ doctrinæ aliquas apponunt Doctores limitationes. Prima, & præcipua, vt procedat casu, quo patens habeat vsumfructum in bonis aduentitiis filij, & spem illum habendi. Nam si vsumfructu, & spe illius careat, existimant confiscationi subijci. sic Gigas de crimine lese maiestatis, lib. 2. tit. de pœnis committent. id crimen, quaest. 11. vers. in casibus autem. Parisius conf. 157. à n. 11. vsque in finem, vol. 4. Sanchez lib. 2. cap. 15. n. 14. inclinatur Menoch. de recuper. possess. rem. 9. à num. 84. Fundamentum est, quia vbi pater nullum habet vsumfructum in bonis filij, neque spem illius, permixta est filio illorum bonorum alienatio. l. ult. §. filijs, C. de bonis quæ liberis. Sed ea, quæ filius alienare potest contractu, potest alienare & delicto. Ergo. Item ratio, ob quam negamus bona aduentitia subijci confiscationi, est, quia filius ea alienare non poterat ob fauorem patris, ne scilicet pater damnum aliquod ex tali alienatione in vsumfructu percipiendo pateretur: at hæc ratio cessat omnino, cum pater nullum in illis bonis sperat vsumfructum. Ergo.

Notanter apposui in limitatione, si pater careat vsumfructu, & spe illius. Nam si solam spem illius habeat, vt potest contingere, cum bona relicta sunt filio, reseruando alteri vsumfructum, quia tunc pater habet spem illius vsumfructus: siquidem præmortuo vsumfructuario ante filium, ipse pater in vsumfructu succedet. Ratione ergo huius spei hæc bona confiscationi non subijciuntur, quia ratione huius spei nequit filius ea bona

absolutè alienare, per textum in l. fin. §. filius autem, C. de bonis quæ liberis, vbi prohibetur filio alienatio bonorum, in quibus pater habet vsumfructum, vel quid aliud, quæ posteriora verba dicit Sanchez supra num. 13. Farinac. q. 24. n. 7. Menoch. n. 87. verificari in spe futuri vsumfructus. Et confirmat Farinac. cum Ruino conf. 24. num. 13. vol. 5. exemplo dotis, quæ ob delictum filiarum non publicatur, vt in authent. contra si filij, C. de repud. non aliaratione, nisi quia patri adest in ea consolidationis spes. l. 2. §. quod si in patris, ff. solut. matrim. & in pluribus aliis casibus spem multa operari latè confirmat Tiraquel. de legibus connubialibus, post leges à num. 34. Ruinus conf. 19. num. 4. & conf. 98. n. 15. lib. 1. Socin. iunior conf. 95. n. 30. lib. 3. Aleiat. respons. 171. in fin. quos refert, & sequitur Farinac. supra n. 7.

11 Cæterum probabilius existimo confiscationi non subijci bona aduentitia filij, etiam si pater in illis non habeat vsumfructum, neque spem illius. sic Ruin. conf. 14. n. 11. & 12. lib. 5. Socin. iunior conf. 77. n. 10. lib. 1. Clarus q. 78. vers. sed quid in aduentitiis. Farinac. q. 24. n. 6. Peregrin. de iure fisco. lib. 5. tit. 1. n. 128. Fachin. lib. 9. c. 48. Menoch. supra, et si in contrariam partem inclinet, tandem concludit esse cogitandum, & subdit authoritatem Ruini magnam esse. Mouentur aliqui ex eo quod filiofamilias de hoc peculio non potest testari; esse pater nullum in eo habeat vsumfructum, vt habetur l. præ. C. qui testam. facere poss. Ergo non potest venire in confiscationem, cum non possit venire ad hæredes extraneos. Sed hoc fundamentum, vt notauit Menoch. & ex illo Farinac. & Fachin. infirmum est; quia prohibitio testandi facta filiofamilias, prouenit ob patriam potestatem, quæ tamen in causa non est, quominus filius propria bona amittere possit, sicut & aliis contractibus alienare. Quapropter ratio efficax desumenda est ex supradicta l. 3. C. de bonis damnatis. Ex qua constat peculium castrense exemptum esse à confiscatione, & patri deferri, vt illius proprium: sed in peculio castrensi non habet pater vsumfructum. Ergo etiam si in bonis aduentitiis non habeat pater vsumfructum, poterunt à confiscatione exempta esse. Adde patrem iure suo occupare peculium filij, quoties priuilegium sibi concessum amittit ob capitis diminutionem. Neque rationes contrariæ videntur.

Ad primam dico permissam esse illius peculij aduentitij alienationem contractu, nõ tamen delicto; eo quod illa bona facta capitis diminutione filij sint patri delata, & illius propria.

Ad confirmationem concedo prohibitionem alienandi factam in fauorem patris esse vnā ex rationibus, ob quam negamus bona aduentitia fisco subijci per delictum filiofamilias: at dicimus hanc rationem solum esse efficacem in bonis aduentitiis, quorum pater habet vsumfructum, aut spem illius: at in bonis aduentitiis, in quibus pater non habet vsumfructum, neque spem illius, non ex illa ratione, sed ex secunda deducta ex l. 3. C. de bonis proscriptis. stabilienda est.

12 Secundò limitatur ab aliquibus, vt procedat in peculio aduentitio, cuius pater habet administrationem: secus in illo, cuius liberam administrationem filio pater concessit. nam de hoc dicunt confiscari quoad proprietatem, reseruato patri vsumfructu. sic Bart. in l. si finita, §. si de velligalibus, num. 13. ff. de damno infecto, & ibi Alexand. n. 44. alias 51. Paris. conf. 157. n. 15. & seq. lib. 4. Menoch. de recuper. possess. rem. 9. n. 77. & 90. Mouentur ex l. cum & filij, C. qui bonis cedere possunt. vbi filiofamilias cedere potest bonis aduentitiis, quæ possidet volente patre, de illisque liberè disponere. Ergo potest delinquendo ea alienare: tum quia hæc est quædam minus perfecta alienatio, quàm ea, quæ fit per contractum; tum quia nullum ius patri aufertur, cum ex eius voluntate talis alienatio procedat.

13 Cæterum hæc limitatio mihi non probatur, duplici ratione. Prima, quia ex libera facultate alienandi non censetur concessa facultas alienandi per delictum, quia de delicto nunquam intelligitur cogitatum. *l. creditor, §. Lucius, ff. mandati, l. conuenire, ff. de pactis dotabim, & tradit Bernard. Diaz cap. 132. num. 6. circa finem.* Anton. Gomez tom. 2. var. resolut. lib. 2. cap. 15. num. 15. versic. *tertia ratio.* Secunda ratio est desumpta ex dict. l. 3. *C. de bonis damnat.* quia eo ipso quod filius crimen dignum confiscatione committit, amittit in bonis privilegia sibi concessa, & pater ea tanquam sua occupat. Ergo ob potestatem, & facultatem alienandi non inferitur confiscatio per delictum filij in bonis aduentitiis: & ita tenet Abbas conf. 66. num. 5. volum. 2. Baiard. ad Clarum quest. 78. n. 55. lib. 5. Boërius decis. 7. n. 16. Bernard. Diaz, & Anton. Gomez suprà. Sanchez lib. 2. cap. 25. num. 11. & 18.

14 Tertiò limitatur, ut non procedat in hoc Castellæ regno, in quo filius disponere potest de tertia parte aduentitiorum absque consensu parentis, ex l. 6. *Tauri, que est 1. su. 8. lib. 5. recopilat.* & cum libera sit ei concessa dispositio tam per testamentum, quam per contractum, poterit delinquendo alienare: sic Valdes *additionibus ad Suarez, l. post rem iudicatam, notab. 13. num. 2. vers. neque obstat, in fine, ff. de re iudic.* Caldas l. si curatorem, verbo *lasus*, num. 152. vers. *sed in proposita specie, C. de in integrum restitut.* Cantero in suis qq. crimin. tit. de quest. tangens punit. delict. cap. 1. num. 39.

15 Verum neque hanc limitationem probo, quia supradictam legem non est certum loqui de filiofamilias, sed de filio emancipato, ut explicat Sanchez lib. 6. de *matrim. disp. 39. num. 9.* & concessio loqui tam de filiofamilias, quam emancipato, ut fortè probabilius est, eo quod comparentur filij in tertia bonorum parte cum parentibus, ac parentes comparantur cum filiis in quinta parte bonorum, de qua quinta parte possunt patres, quia non est legitima, nec debita filiis, non solum per testamentum, sed etiam per contractum disponere: ita similiter dicendum est de filiis; posse, inquam, non solum ex testamento, sed etiam per contractum de tertia illa parte bonorum disponere. & fauet Matienzo glossa 8. verbo *por su alma.* Anton. Gomez l. 6. *Tauri*, num. 14. circa finem, & expresse Caldas suprà. adhuc existimo non venire in confiscationem, quia semper militat ratio desumpta ex illa l. 3. *C. de bonis damnat.* per quam pater fisco proferretur in bonis à filio existente sub eius potestate possessis: & ita tenet Sanchez lib. 2. cap. 15. num. 10. non ob hanc rationem, sed quia existimat supradictam legem *Tauri* non concedere filiisfamilias dispositionem liberam tertiæ partis suorum bonorum, nisi tantum via testamenti, non contractus; iuxta legem 5. *Tauri.*

16 Quartò & præcipuè limitatur conclusio, ut non procedat in crimine læsæ maiestatis humanæ, & diuinæ. Et idem est dicendum in regno Castellæ de crimine contra naturam; in iis enim criminibus ob filiisfamilias delictum publicari bona aduentitia referuato patri vsu fructu, docuerunt expresse Ludouic. Gomez §. *actiones autem*, num. 13. *Instit. de actionibus.* Azor tom. 1. lib. 5. cap. 7. quest. 8. Vasquez 1. 2. disp. 169. cap. 1. n. 9. Simancas loquens de hæresi, de *catholic. institut. tit. 9. num. 16. & 18.* Octavian. decis. *Pedemontana*, 94. à num. 9. vsque in finem. Farinacius 1. part. *præcis*, q. 24. num. 9. & pluribus relatis de *hæresi*, quest. 190. §. 1. num. 14. & 17. Fachin. lib. 9. *controuers. iuris*, cap. 48. vers. *contraria sententia*, & cap. 49. *fine.* Triplici fundamento hæc limitatio nititur. Primò, quia iis criminibus soluitur patria potestas, §. *cum autem is, Instit. quibus modis ius patriæ potest. soluit.* ibi pari ratione, etsi quis in potestate parentis sit, in insulam deportatus fuerit, desinet esse in potestate parentis; ac proinde quasi sui iuris effecti filij delinquendo bona propria alie-

nant. Secundò sumitur ex l. *quisquis, C. ad legem Iuliam maiest.* ubi cuicumque committenti hoc crimen imponitur pœna publicationis suorum bonorum, sed sub illa dictione *quisquis*, quæ generalis est, comprehenduntur tam ij, qui sui iuris, quam alieni sunt. argument. *l. si plures, vers. sicuti hæc verba quisquis, ff. de legat. 3.* & sub dictione *suorum*, comprehenduntur bona, quæ quis habet, eo modo quo habeat. Ergo. Tertiò filius innocens ob crimen læsæ maiestatis à patre commissum, priuatur quicumque hæreditate, & successione; ergo à fortiori priuandus est dominio suorum bonorum; quia valet in delictis argumentum de minori ad maius affirmatiuè sumptum, ut ex Bald. in l. *si quis non dicam, notab. 2. C. de Episcop. & cleric.* tradit Farinacius quest. 24. n. 110. Contrarium huius limitationis defendit Gigas de *crimin. læsæ maiestatis*, lib. 2. tit. de *pœnis committ. crim. læsæ maiestatis*, quest. 11. Sanchez loquens de peculio castrensi, lib. 2. cap. 15. num. 4. *fine.* Mouentur, quia omnes rationes, quæ à publicatione bonorum excludunt bona aduentitia, procedunt in confiscatione facta ob hæc crimina: scilicet non posse alienari habente patre vsu fructum, succedere patrem in illis bonis filio capite diminuto. His tamen non obstantibus retinenda est supradicta limitatio, ut communior, & bono publico favorabilior, ob secundam rationem, quia l. 3. *C. de bonis damnat.* applicans patri bona filiorum, exceptionem patitur, ex l. *quisquis, §. filij.*

17 Supradictam limitationem aliqui extendunt ad vsu fructum, ita ut non solum proprietates bonorum aduentitiorum publicetur, sed etiam publicetur vsu fructus patri debitus: sic tradunt loquentes de hæresi, Simancas de *catholic. institut. tit. 9. num. 18.* Vasquez disput. 169. cap. 1. num. 9. Azor lib. 5. cap. 7. quest. 8. & lib. 8. cap. 12. quest. 15. Mouentur, quia filius ob crimen hæresis (& idem videtur esse de aliis criminibus, quæ maximam, vel dimidiam capitis diminutionem habent) egreditur à patria potestate. *Instit. quibus modis ius patriæ potest. soluit. §. cum autem is, & §. pœna seruus.* Sed vsu fructus in bonis aduentitiis filij patri pertinet solum ob patriam potestatem. Ergo illa exclusio ad illum non pertinet, ex l. *si ex causa, §. Papinian. ff. de minoribus.* Ergo consolidabitur cum proprietate, ac proinde confiscata proprietate confiscabitur vsu fructus.

18 Cæterum hæc extensio mihi non probatur. Fateor namque filium non solum facta declaratione criminis, sed à puncto delicti commissi egredi à patris potestate. argum. textus in §. *cum autem is, vers. pari ratione, Instit. quibus modis ius patriæ potest. soluit.* sicut enim à puncto, quo pater hæc crimina committit, filius à patria potestate egreditur, ita debet egredi à puncto, quo ipse ea committit, ut bene dicit Molin. *Ieluita de iustit. disput. 9. vers. ab hac regula*; sed hoc non præstat, ut pater vsu fructum sibi debitum in bonis acquisitis à filio ante delictum, & toto eo tempore, quo sub eius potestate erat, amittat. Factum enim filij præiudicare non potest iuri patris acquisito. Neque ius percipiendi vsu fructum annexum est patriæ potestati, quoad conseruari; esto quoad primam acquisitionem à patria potestate dependeat, ut rectè pluribus relatis docet Molin. suprà, & disput. 140. vers. *hoc tamen fundamento.* consentit iis Azeuedo lib. 8. *recopil. tit. 3. l. 1. n. 212.* Octavian. decis. *Pedemontana*, 94. à num. 9. Sanchez lib. 2. cap. 15. num. 11. Subdit tamen Molin. in regno Lusitanie, & Castellæ, si filius iam per hæresim exemptus à patria potestate Ecclesiæ reconcilietur, & matrimonium contrahat Ecclesiæ benedictionibus subsecutis, in quo casu vsu fructus debitus patri filio accrescit, iuxta l. 48. *Tauri, que est 9. tit. 1. lib. 5. recopil.* fisco tunc deuenire, quia succedit in omnibus bonis ipsius delinquentis. At credo nequaquam tunc fisco esse applicandum, sed delin-

452 De pœnis temp. hæret. special. de confiscat.

quenti, quia confiscatio non extenditur ad bona futura, sed ad præsentia, & existentia tempore delicti. Addit insuper Molin. *utroque loco*, & Sayrus *in clavi regia lib. 9. cap. 7. num. 7. vers. contra*, vsumfructum bonorum, quæ filius post hæresim acquirit, fisco esse applicanda, quia & proprietates fisco debetur. Hoc tamen dicit Sanch. num. 11. *in fine*, intelligendum esse de bonis acquisitis durante hæresi, non de acquisitis, postquam de illa reus pœnituit. At credo nulla ex iis bonis ad fiscum pertinere, sed ad ipsum criminiosum, si capax est acquisitionis, quod in ultimo puncto huius disputationis examinabimus, vel ad illius consanguineos, & hæredes, si incapax ratione criminis factus sit.

19 Ultima difficultas est de bonis castrensis, aut quasi castrensis. An, inquam, ob delictum filij publicentur, vel patri deferantur?

Publicari, inquam, tradiderunt Nilus *in tract. de ban- nitis*, l. p. 2. temp. quæst. 25. Anton. Gom. *var. resolut. tit. de servitutib. cap. 15. num. 15. vers. sed hic non obstantib.* Azor. tom. 1. lib. 5. cap. 7. quæst. 8. Valq. 1. 2. disput. 169. cap. 1. n. 9. Gigas *tract. de crimin. læsæ maiest. lib. 2. tit. de pœnis committen. hoc crimen, quæst. 12.* Simanc. *de catholic. institut. tit. 9. n. 13. Bonac. disput. 3. de contract. quæst. 8. p. ult. num. 18. & alij plures*, quos referunt Peregrin. Fatinae. & Sanch. *locis allegandis*. Fundamentum huius sententiæ est, quia filius in his bonis habet plenum, & perfectum dominium, tam quoad proprietatem, quam quo ad vsumfructum, liberamque illorum administrationem, & dispositionem, sicuti si esset paterfamilias, ut constat ex l. 2. *C. ad Macedon. l. cum oportet, vers. exceptis. C. de bonis qua liberis. l. miles. 1. ff. de castrensi peculio*. Ergo delinquendo poterit illud amittere, qui enim delictum committit confiscatione dignum, tacite alienare censetur. l. *Imperatores. ff. de iure fisci*. Neque obstat l. 3. *C. de bonis proscript.* cui contrariæ sententiæ Doctores innituntur: nam esto in illa lege mandetur bona castrensis non debere à patre auferri, ideo erat, quia tempore illius legis bona patris erant; solumque filio permittebatur favore militiæ de illis disponere, quod si non disponebat, patri deferrebantur tanquam propria, ex l. 2. & ibi glossa, *ff. de castrensi peculio*. At hodierno iure bona castrensis non sunt patris, sed filij; neque pater iure proprio, sed iure hæreditario in illis succedit. *Authent. de hæredib. ab intest. venientib. collat. 9. §. si igitur defunctus. & Authent. defuncto. C. ad Tertullian. & l. 3. C. de bonis qua liberis, & l. fin. C. communia de successionib.* & aliis. Ergo cessare debet dispositio illius legis, eum finis illius cesset.

20 Dicendum tamen est, etsi supradicta sententia sit satis probabilis, probabilius esse hæc bona fisco non deferri, sed patri. sic Clarus lib. 5. quæst. 78. vers. *quæro etiam*, Menoch. *de recuper. possess. rem. 9. num. 69. & 70.* Couarr. lib. 2. var. resolut. cap. 8. num. 7. Peregrin. *de iure fisci, lib. 5. tit. 1. num. 130.* Fatinae. 1. p. prax. quæst. 24. n. 11. Sanch. lib. 2. cap. 15. num. 4. Fachin. lib. 9. controuers. cap. 49. & alij innumeri apud ipsos.

Fundamentum est dicta l. 3. *C. de bonis proscript.* ubi Imperator patri, cuius filius est deportatus, concedit omnia bona castrensis, aut quasi castrensis; inquit enim, *Si filius tuus, cum esset in tua potestate, in insulam deportari meruit: peculium eius nec quod in castris acquisiuit, vel quod ei militaturo domasti, auferri tibi debet*. Sed hæc lex nulla alia lege est abrogata. Ergo dicendum est facta capitis diminutione in filio, deferendum esse patri eius peculium. Minorem probo, quia solum abrogata est lex negans filiofamilias administrationem, & dispositionem bonorum castrensis, & quod in illis non habet hæredem, si ab intestato decedat: at ex horum abrogatione non infertur abrogatio supradictæ legis 3. quia stare optimè potest filium habere hæredem, & successorum, administrareque posse bona castrensis, & nihilominus si delinquat, ea patri deferri in prærogatiuam patriæ

potestatis, & illius solatium. Ergo. Et confirmo. Filio interdicta erat iure antiquo administratio, & dispositio cuiuscumque peculij acquisiti, quia patri acquirerebat. l. *placet 78. ff. de acquirend. heredit.* Nouo iure concessa est libera castrensis dispositio. l. 3. *C. de castrensi peculio. lib. 12. & l. 2. C. ad Macedonian.* At in hac concessione non intelligitur concessa dolosa administratio, & alienatio per delictum. l. *creditor. §. Lucius, ff. mandati*. Confirmo secundò. Filiofamilias non est concessa facultas castrensis bona alienandi ex iure communi, sed ex iure speciali, & privilegiato: at cui est concessa facultas ex iure speciali, & privilegiato alienandi, alienare non potest per delictum, ut tradunt communiter Doctores, in *suprad. l. si filius, C. de bonis proscript.* Ergo.

21 Ex his soluuntur rationes contrariæ.

Ad primam dico, esto habeat filius dominium, & administrationem peculij castrensis, non habet iure communi, sed speciali, & privilegiato, ideoque alienare non potest per delictum. Secundò, respondeo alienare quidem bona castrensis non fisco, sed patri, qui ex *suprad. l. si filius 3.* in hac alienatione fisco præfertur.

Ad secundam concedo latam esse hanc legem, tempore quo filius omnia patri acquirerebat, quod licet sit mutatum, quoad acquisitionem, & successionem dispositionemque; non tamen est mutatum illa in parte, in qua statuitur patrem fisco præferendum esse, à patreque illa bona non esse auferenda. Nam, ut rectè Cuiac. notat lib. 6. *obseruat. cap. 11. & Fachin. lib. 1. controuers. cap. 8. circa finem, & lib. 9. cap. 49.* sæpè antiquas leges in aliqua parte correctas esse posterioribus constitutionibus, & in aliis partibus suum vigorem obtinere; præcipue cum satis sit trium proverbium, à iure antiquo recedendum non esse absque textu expresso, quia iuris correctio est odiosa, & omnino vitanda. l. *præcipimus. C. de appella.* At nullus est textus nouus expressus, negans hæc bona patri esse deferenda, cum filius patitur capitis diminutionem. Ergo.

22 Ampliatur hæc doctrina, ut procedat in casu quo filius condemnatus filios habeat, quia hoc non obstat, quominus patri peculium sibi debitum deferatur, sic relato Salicero, Alexand. & Peregrino tradit Sanch. lib. 2. cap. 15. num. 5. At hoc intelligendum est in casu quo filius condemnatus sub patria esset potestate; siquidem in illius prærogatiuam, & solatium bona filij condemnati patri deferuntur, ut tradit Couarr. lib. 2. var. cap. 8. num. 7. Iulius Clarus lib. 5. quæst. 78. vers. *quæro etiam, ad finem.* Farinae. quæst. 24. num. 13. circa fidem. Quod tamen in regno Castellæ, & Lusitanie fieri non potest, cum eo ipso, quo filius uxorem ducat, patriam potestatem egrediatur, ut habetur lib. 1. *Lusitanarum ordinat. tit. 67. §. 4. & lib. 4. tit. 78. §. 2. & leg. 47. & 48. Tauri*, quæ sunt 8. & 9. tit. 1. lib. 5. *recopil.* & tanquam à patria potestate egressus, & sui iuris omnia bona fisco, & non filiis, neque parentibus debentur.

23 Sed dubium est, an in crimine læsæ maiestatis humanæ, & diuinæ, & Sodomitico publicentur? Negat Sanchez lib. 2. cap. 15. num. 4. *fine*. Mouetur, quia nihil speciale videtur esse de his criminibus statutum.

Contrarium tamen affirmandum est cum Gigas *de crim. læsæ maiest. lib. 2. tit. de pœnis committen. hoc crimen. q. 12. in fine. Quemada in suis questionib. fiscal. q. 19. ad finem.* Reperi, inquit, verbo confiscatio vers. *siem propter hæresim.* Vmbert Locat. *post iudiciale inquisit. quæst. 18. vers. sed ut nihil remaneat.* Fachin. lib. 9. *controuers. cap. 49. fine.* Orlanuian. *decis. Pedemontana 94.* Farinae. lib. 1. *praxis, quæst. 24. num. 14. & de hæresi. quæst. 190. §. 1. num. 17.* Ratio est, quia in *l. quisquis. §. filij vero. C. ad leg. Iul. maiest.* filiofamilias imponitur hæc pœna amissionis suorum bonorum: at si ob hæc crimina bona castrensis non amittit filius, nulla sunt bona, quæ amittere potest, quia nulla alia habet magis propria, & lex respectu filijfamilias

vana

vanerit, & inutilis. Et confirmo, lex condemnat filium in amissione suorum bonorum; neque distinguit, an sit sua ex iure communi, an ex iure speciali. Ergo omnia comprehendit.

PUNCTUM XI.

Quæ peculia filij ob crimen parentis confiscatione dignum publicentur.

- 1 *Vfusfructus finitur, quoties vsufructuarius patitur maximam, aut mediam capitis diminutionem, & quæ hæc sint.*
- 2 *Sint ne hæc correctæ per authenticam, sed hodie examinantur.*
- 3 *Concluditur non esse correctæ.*
- 4 *Bene tamen in regno Castelle.*
- 5 *Si delictum vsufructuarij habet annexam, maximam, aut mediam capitis diminutionem, non publicatur vsufructus, sed finitur, spectato iure communi.*
- 6 *In regno Castelle negant aliqui publicari.*
- 7 *Probabilius est publicari.*
- 8 *Bona castrensia, aut quasi, non publicantur ob crimen parentis.*
- 9 *Bona aduentitia quoad proprietatem non publicantur, quoad vsufructum probabilius est publicari.*
- 10 *An committente patre delictum, ratione cuius exit filius à patria potestate, extinguatur in patre vsufructus bonorum, quæ filius ante delictum acquisiuit? Sanchez, & Molin. in solo crimine hæresis affirmant, extinguunt.*
- 11 *Farinacy distinctio approbatur.*
- 12 *Quid dicendum attento iure regio Castelle, & Lusitania.*
- 13 *Peculium profectitium, an publicetur publicatis bonis parentis? Proponitur dubitandi ratio.*
- 14 *Temperatur, ut non procedat in delicto, per quod soluitur patria potestas.*
- 15 *Probabilius cenfeo supradictum peculium publicari, publicatis bonis parentis.*
- 16 *Fit satis rationi dubitandi num. 13. adductæ.*
- 17 *Legitima, & alimenta debita filio non publicantur.*
- 18 *Excipe in bonis maternis ob matris delictum.*
- 19 *Item non procedit in filijs conceptis post condemnationem.*
- 20 *Neque item procedit in crimine hæresis.*
- 21 *Neque in crimine læsæ maiestatis humana commisso contra Principem.*
- 22 *Filij faminis reseruantur legitima de bonis maternis ob parentum delictum.*
- 23 *Quid debeatur ex bonis parentis.*
- 24 *Non caret probabilitate reseruanda esse alimenta filijs parentum committentium crimen læsæ maiestatis.*
- 25 *Possunt ij filij, quibus non reseruantur alimenta, abscondere sibi ad victum graniter necessaria.*

Diximus in puncto præcedenti, parentem in bonis aduentitis filij habere vsufructum, & in bonis profectitiis non solum vsufructum, sed etiam proprietatem. Videndum ergo est, an publicatis bonis ob delictum patris, hæc bona, quæ filiorum sunt, publicentur, saltem secundum eam partem, quæ ad patrem pertinet.

Pro resolutione præmittendum est, quæ ratione per delictum finiatur vsufructus. Iure ergo communi vsufructus finitur, quoties vsufructuarius patitur maximam, aut mediam capitis diminutionem, quia tunc efficitur seruus pœnæ, & pro mortuo reputatur: & sicut mortuo vsufructuario perit vsufructus, & consolidatur cum proprietate, ita eum à iure pro mortuo censetur: habetur *l. corruptionem, C. de vsufruct. & §. finitur, Institus. de vsufructu.* & ibi communiter Doctores.

Dicitur autem quis pati maximam capitis diminutionem. Primò cum ad metallum damnatur, vel bestiis subicitur. §. *pœna seruus. Institus. quibus modis ius patriæ potest solui.* Secundò si ultimo supplicio damnetur. *l. qui ultimo supplicio. ff. de pœnis.* Tertio, si libertus ob ingratitudinem in patronum seruituti redigatur. Quarto, si maior 25. annis patiat se vendi, ut pretio fruatur. §. *maxima, Institus. de capitis diminut.* Mediam tamen capitis diminutionem patitur quis, si ei interdicitur aqua, & ignis, vel in insulâ deportetur, etiamsi libertatem retineat. §. *minor, Institus. de capitis diminut.* Debet tamen hæc deportatio, & relegatio fieri cum amissione omnium bonorum, aliàs non dicitur mediam capitis diminutionem pati. §. *cum autem, versic. relegati. Institus. quibus modis ius patriæ potest solui.* Hæc tamen pœnæ interdictionis aquæ, & ignis, damnationis in metallum, & deportationis, non videntur esse in vsu: at loco illarum succedit exilium perpetuum, præcipue in insulam minus salubrem; damnatio ad perpetuum carcerem, vel tritemes. sic Peregrin. *de iure fisco, lib. 5. tit. 1. n. 116.* Gregor. Lopez *l. 4. tit. 31. part. 7.* Sanchez *lib. 2. cap. 16. num. 7.* Molin. *tom. 1. disp. 9. §. quod ut melius.*

2 Sed non est parua difficultas, an hæc omnia correctæ sint per *authent. sed hodie, C. de donat. inter vir. & vxor.* quæ ex *authent. de nupt. §. quod autem*, desumpta est: ubi habetur neminem à principio bene natum, id est, ingenuum effici seruum pœnæ, etiamsi ad supradictas pœnas condemnatur. Nam si desinat esse seruus pœnæ, non debent ab illo bona auferri, neque illorum ei dispositio interdici; ac proinde neque vsufructus, si vsufructuarius est, finiri.

Qua in re Anton. Gomez *tom. 2. var. cap. 15. num. 20. vers. secundo modo, & l. 4. Tauri, n. 2.* Couarr. in rubr. *de testam. p. 3. n. 27.* censent non reputari seruum pœnæ, neque tanquam mortuum vsufructuarium, neque eius vsufructum finiri, si condemnatur ad mortem civilem damnationis in metallum, carcerem, vel tritemes perpetuos, aut quid simile; quia per suprad. *authent. liberatur à seruitute pœnæ*, & consequenter priuari non debet iure disponendi de suis bonis; secus verò (inquiunt) dicendum est, si condemnatur ad mortem naturalem, quia tunc etiam de iure authenticorum efficitur seruus pœnæ, sicut antea; ac proinde intestabilis, & vsufructus eius finitur: adducunt pro se glossam ordinariam in *dist. authent. sed hodie*, & ibi Odofred. Petr. Cynum, Bart. Salicetum, & communem, & Bart. in *l. qui ultimo. ff. de pœnis.*

Non tamè caret difficultate hæc doctrina. Primò, quia *authent. sed hodie*, nullam distinctionem facit inter condemnatum ad mortem naturalem, vel ad civilem. Ergo vtrumque condemnatum comprehendit. Ergo vtrumque eximit à seruitute pœnæ. Et quidem vterque erat antea seruus pœnæ, & intestabilis factus sine vlla distinctione. *l. cum qui, §. 1. ff. de testam. l. quidam sunt serui. ff. de pœn. & aliis.* Secundò, esto à condemnatis ad mortem civilem, vel naturalem tollatur seruitus pœnæ, neque libertatem per condemnationem amittant, nō inde efficitur esse habiles ad testandum, dispositionemque suorum bonorum habere. Nam iure antiquo, quibus erat interdiction aquæ, & ignis, vel in insulam deportabantur, non efficiebantur pœnæ serui, quia esto ciuitatem amitterent, non amittebant libertatem. §. *minor. Institus. de capitis diminut.* & tamen ij deportati, & proscripti intestabiles erant. *l. eius qui, §. sed cui, ff. de testam.* quia simul cum deportatione omnibus suis bonis spoliabantur; & fisco, vel hæredibus ab intestato applicabantur. Quod si aliquando deportatio contingebat absque horum bonorum amissione, sic deportatus, & relegatus mediam capitis diminutionem non dicebatur passus. *Institus. quibus modis ius patriæ potest solui. §. cum autem, vers. relegati.* Ergo quamuis *authent. sed hodie*, tollat à condemnatis

gratis ingenuis seruitutem pœnæ, non inde inferitur fecisse illos habiles ad testandum.

3 Quapropter dicendum videtur ex vi illius *Authent. de nuptijs*, §. *quod autem*, & ex *Authent. sed hodie*, C. de donation. *inter vir. & uxor.* condemnatum ad mortem civilem, vel naturalem non esse seruum pœnæ, in ordine ad matrimonium contrahendum, vel ad perseverandum in contractu; sed habendum esse in hac parte, ac si omnino liber, & indamnatus existeret: at in ordine ad testamentum, vel dispositionem suorum bonorum, nihil esse de seruitute immutatum, sed tam condemnatum ad mortem naturalem, quam ad civilem, scilicet ad deportationem cum amissione omnium bonorum, tam, inquam, patientem maximam capitis diminutionem, quam patientem mediam, intestabiles esse, & inter mortuos reputatos; ac proinde vsumfructum in illis, si quis erat, finiri, & ad proprietarium deuolui: ita docet defendit Molin. Iesuita tom. 1. *disput. 9. col. 2. & 3.* Panorm. *in rub. de testam.* Bart. & alij.

4 At in regno Castellæ post legem 4. *Tauri*, quæ est 4. tit. 4. lib. 5. *recopilat.* hoc ius mutatum est: conceditur enim his condemnatis potestas testandi, & disponendi de bonis confiscationi non subiectis, ac si condemnati non essent. Ex qua decisione inferitur non petire vsumfructum in vsumfructuario per maximam, aut mediam capitis diminutionem, sed necessariò requiri mortem naturalem cum effectu. Ratio est manifesta, quia iure communi ea de causa finiebatur vsumfructus, vsumfructuario condemnato, quia respectu bonorum temporalium tanquam mortuus reputabatur. At ex iure regio Castellæ cessat hæc reputatio, cum damnatus ad mortem possit testari, liberèque de bonis disponere. Ergo cessante hac reputatione ex iure regio Castellæ, cessare debet dispositio, & finis vsumfructus: & ita tradit Mol. *dict. disput. 9. vers. his ita constitutis*, & *vers. ex dictis facilius*. Ferdinand. Rebell. 1. p. lib. 1. q. 7. *sect. n. 22.* Sanch. lib. 2. in *Decal. cap. 16. n. 8.* Eandem doctrinam extendunt supradicti Doctores ad Lusitaniam regnum; cum enim in illo condemnatis ad mortem naturalem concedatur potestas testandi ad aliqua pia opera, de tertia parte suorum bonorum, ut constat ex 5. lib. *ordinam. tit. 94.* & tacitè condemnatis ad mortem civilem potestas testandi sit concessa; efficitur sanè vsumfructum illorum, si quem habent, non finiri per condemnationem, quousque cum effectu mors naturalis sequatur. Non enim reputari ij possunt tanquam mortui, quibus aliqua bonorum suorum dispositio conceditur.

5 Ex his inferitur quid dicendum sit, an vsumfructuario damnato, & publicatis eius bonis publicetur vsumfructus, vel ad proprietatem redeat: Et quidem si delictum tale est, ob quod vsumfructuarius patitur maximam, aut mediam capitis diminutionem, in quo casu diximus finiri iure communi vsumfructum, clarum est non publicari; sed ad proprietatem reduci. l. *corruptionem*, 16. C. de vsumfructu. Peregrin. de iure fisci, lib. 5. tit. 1. num. 73. & 116. Molin. tom. 1. *disput. 9. vers. ex dictis facilius*, Sanch. lib. 2. cap. 16. num. 7.

Difficultas autem est, an publicetur in regno Castellæ, & Lusitaniam, in quibus ob maximam, aut mediam capitis diminutionem diximus vsumfructum non finiri. Et idem est secundum ius commune de delictis, in quibus condemnatus non patitur maximam, aut mediam capitis diminutionem, si omnia sua bona publicentur; an, inquam, sub hac publicatione vsumfructus comprehendatur, vel potius ad proprietarium redeat, vel in ipso fructuario perseveret:

6 Negat publicari, sed ad proprietarium reduci, Bald. l. 1. C. de bonis libert. num. 4. Alexand. *conf. 23. num. 14. vol. 1.* Contrad. in *pract. tit. de publicat. bonor. num. 3. vers. 3. limita.* Bernard. Diaz *pract. cap. 132. num. 4.* Probant duplici ratione. Prima. Qui non potest alienare per contractum,

aut ultimam voluntatem, nequit per delictum alienare, ex l. *Imperatores*, 34. ff. de fideicommiss. libert. sed vsumfructuarius alienare non potest contractu, vel ultima voluntate vsumfructum; imò si de facto teneat alienare, nulla est alienatio, & vsumfructus ad proprietarium redit. §. *finitur*. *Instit. de vsumfructu. l. si vsumfructus. vers. si extraneo ff. de iure dotium*, & in utroque loco glossa, & Doctores communiter. Ergo neque etiam poterit alienare per delictum. Secunda. Quæ non possunt ad extraneos hæredes transire, ut sæpe dictum est, non possunt ad fiscum devenire, qui loco extranei hæredis succedit; at vsumfructus ad extraneum transire non potest, ex supradicto §. *finitur*. *Instit. de vsumfructu*. Ergo. Neque valet dicere te alienare non posse, neque ad hæredem extraneum transmittere ius percipiendi vsumfructum; bene tamen ipsius vsumfructus commoditates, & utilitates durante sua vita, iuxta textum expressum in *Libertibus. vers. vsumfructuarius. ff. de vsumfructu*, & habetur l. 3. tit. 31. part. 3. sicut ius decimandi alienari non potest in laicum. cap. *prohibemus*, de decimis. at bene potest eis vendi, locari, aut alio quouis titulo concedi commoditas, & perceptio fructuum, cap. *vestra*, de locato. Ergo licet non possit publicari ius percipiendi vsumfructum; poterit tamen ipse vsumfructus, seu illius commoditas publicari. Non, inquam, hoc valet, quia publicatio non extenditur ad bona futura, & venientia post delictum; sed ad bona tempore delicti existentia; at commoditas, & utilitas vsumfructus succedit post delictum, & condemnationem, & solum ius percipiendi vsumfructum tempore delicti existit. Ergo si ius publicari non potest, quia non potest alienari; neque commoditas, & utilitas vsumfructus publicari poterit, quia ad ipsa non extenditur delictum, & publicatio.

7 Nihilominus tamen dicendum est durante vita vsumfructuarij, & publicatis eius bonis ob delictum, ratione cuius vsumfructus non finitur, publicari & ipsum vsumfructum quoad commoditatem, & utilitatem ipsius: sic tenent Vasquez 1. 2. *disput. 169. cap. 1. num. 10.* Molin. *disput. 9. vers. ex dictis facilius*. Nilus de bannis. 1. p. secund. tempor. num. 21. Simanc. de catholicis institutis. tit. 9. num. 19. Anton. Gomez tom. 2. var. cap. 15. num. 18. Sanchez lib. 2. cap. 16. num. 4. Farinac. 1. p. *praxis. quest. 25. n. 150.* Fachin. lib. 9. *controu. cap. 50.* Peregrin. de iure fisci, tit. 1. lib. 5. n. 73. & 116. Bonacina *disput. 3. de contrahib. quest. 8. punct. 8. §. 1. num. 11.* & alij plures apud ipsos: & constat ex l. si postulaveris, §. *iuber*, ff. ad leg. Jul. de adulter. ibi, *In qua tantum vsumfructum habet reus, magis est, ut perceptio vsumfructus ad publicum incipiat pertinere*. Ratio autem est, quia licet ius percipiendi fructum proprio nomine alienare non possis; quia est personale: at alienare, cedereque alteri potes facultatem percipiendi fructum durante tua vita, non quidem ut ipse nomine proprio percipiat, quia hoc solum tibi vsumfructuario competere potest, sed ut nomine tuo percipiat, & fruatur. Qua alienatione, & cessione facta tu remanes vsumfructuarius, impeditur tamen uti vsumfructu, propter cessionem, & alienationem alteri factam; alius tamen percipere illam utilitatem potest, sed ea quæ alienari, & transferri in alium possunt, possunt fisco subiacere. Ergo potest fisco subiacere hæc facultas percipiendi alieno nomine commoditatem, & utilitatem vsumfructus. Hæc enim facultas transmissibilis non est bonum futurum, sed præsens, quando delictum committitur; esto ipsæ commoditates, & utilitates postea succedant. Ex qua ratione fundamenta contraria dissolvuntur.

Extenditur tamen supradicta doctrina, etiam si gravatus sis restituere vsumfructum post mortem, aut certum aliquod tempus: semper enim publicabitur vsumfructus, pro tempore, quo illum percipere debebas, nisi in vsumfructus constitutio esset expressa alienationis prohibitio facta in favorem alicuius substituti non tui;

quia

quia tunc ratione illius expressæ prohibitionis, transmissio commissio delicto vsusfructus ad substitutum, sic re-
 8 *Et non ait Sanchez lib. 2. cap. 16. num. 5.*

Secundò inferitur quid dicendum sit, an publicatis bonis parentis criminosi publicetur peculium castrense, adventitium, profectitium, & legitima filiorum?

Quin re

Dico primò. Bona castrensia, aut quasi, nullo modo publicantur, quia hæc tam quoad proprietatem, quam quoad vsusfructum, & administrationem sunt filij. Nequeunt ergo ob parentis delictum publicari: & ita tradunt tanquam certum Nilus *tractat. de bannitis*, 1. p. *Secundis temporis*, num. 26. Gigas *de crimine lese maiestatis*, lib. 2. tit. de penis committens. id *crimin. quest.* 1. 3. num. 1. Sanchez alios referens, lib. 2. cap. 16. num. 1. Bonacina *disput.* 3. de *contractibus*, quest. 8. punct. ult. §. 1. num. 14. Farinacius *de heresi*, q. 190. n. 17.

Dico secundò. Bona adventitia nullo modo publicantur quoad proprietatem ob delictum parentis. est certum, tradunt Nilus, Bonacina *suprà*. Sanchez num. 9. Et ratio est clara, quia quoad proprietatem non pertinent ad patrem, sed ad filium. Quoad vsusfructum sunt variæ sententiæ, prout refert Sanchez *suprà*, n. 11. Probabilius est publicari pro toto eo tempore, quo vsusfructuarius debebat percipere vsusfructum: sic tradunt Fachin. lib. 9. cap. 50. Anton. Gomez *tom. 2. variarum resolut.* cap. 15. num. 18. Farinacius *quest.* 24. num. 33. Sanchez lib. 2. cap. 16. num. 15. Ratio est *suprà* tacta, quia scûs succedit non solum in bonis, sed etiam in iuribus, quæ alienari possunt. *l. si postulaverit*, §. *iuber. ff. de adulter.* Sed quamvis ius percipiendi fructus nomine proprio alienari non possit ab vsusfructuario: at ius percipiendi fructus nomine ipsius vsusfructuarij ab ipso potest. Ergo hoc potest transire in fiscum. Hoc tamen limitandum est, dummodo delictum tale non sit, per quod extinguatur vsusfructus, iuxta dicta. Si enim tale esset delictum, cum proprietate consolidatur vsusfructus, neque ad fiscum pertinebit. sic Farinacius pluribus relatis n. 33. Menoch. *de recuper. possess. rem.* 9. n. 244.

10 Grauis tamen controuersia est, an committente patre delictum, ratione cuius filius à patria potestate eximatur, extinguatur in patre vsusfructus bonorum, quæ filius ante delictum acquisiuit (nam de acquisitis postea nulla est dubitatio ad patrem pertinere non posse; siquidem non habet in filium patriam potestatem.) Molin. *tom. 1. de instit. disput.* 9. vers. *ab hac regula.* & *disp.* 129. paulo post princip. Sanchez lib. 2. cap. 16. num. 18. & 19. existimant in solo crimine hæresis extinguí vsusfructum, & cum proprietate consolidari. In reliquis autem criminibus manere parentem vsusfructuarius, & fiscum publicantem eius bona, publicare vsusfructum, toto eo tempore, quo pater potiturus illo erat. Mouentur, quia non ex eo quod filius à patria potestate egrediatur, amittit pater vsusfructum in bonis ante egressum acquisitis, quia hic vsusfructus non debetur patri ob patriam potestatem actu existentem, cum percipitur vsusfructus, sed ob patriam potestatem, quam in filium exercuit, tempore quo filio bona aduenerunt; aliàs ingressu filio in religionem, amitteret pater vsusfructum, & ingressu patre rediret vsusfructus ad filium: quod non videtur ita receptum. In crimine autem hæresis ob eius atrocitatem ita videtur filius à patria potestate exire, ut quoad omnia illius bona maneat exemptus.

11 Caterum credo distinguendum esse cum Farinac. lib. 1. *praxis*, quest. 24. num. 33. aut delictum quo filius eximitur à patria potestate, est tale, per quod pater patitur maximam, aut mediam capitis diminutionem; & tunc cum proprietate consolidatur, attento iure communi, quia extinguitur vsusfructus, ut dictum est num. 1. at si delictum non sit tale, ad fiscum pertinebit,

quia esto soluat patris potestas, cum vsusfructus non sit extractus, ad fiscum pertinere debet. At hoc iure communi nunquam contingit, nullum enim est delictum patris, quo soluat patris potestas in filium, quin sit delictum, ratione cuius pater non patiatur maximam, aut mediam capitis diminutionem. Ex qua doctrina constat ratione hæresis, læsæ maiestatis, & sodomiz commissæ à patre non publicari eius vsusfructum in bonis adventitiis filij, sed ad filium tanquam extinctam pertinere à puncto, quo illa delicta declarantur: & ita loquens de crimine hæresis, docet Gabriel Quemada in *quest. fiscal. quest.* 19. num. 4. Simancas *de catholicis institutis*, lib. 9. num. 81. Cantero in *quest. crimin. cap.* 1. num. 34. & aliis pluribus relatis Farinac. *quest.* 190. de *heresi*, §. 1. num. 27.

12 Verum attento iure regio Castellæ, & Lusitaniz, ubi ob nullum crimen redditur quis instabilis, credo vsusfructum patris hæretici, rebellis, Sodomizæ ad fiscum pertinere toto illo tempore, quo illum percipere debebat, si non delinqueret. Moucor, quia esto filius à patria potestate egrediatur, non ob id extinguitur vsusfructus, siquidem non reputari potest tanquam mortuus, cum aliquam in bonis dispositionem habere possit ex supradicto iure. Neque mihi placet specialis exceptio hæresis. Nam cap. 2. §. *fin. de heret. in 6.* ubi ob crimen patris etiam occultum eximitur filius à patria potestate, nullum verbum est, unde colligatur vsusfructum filio pertinere, nisi ex eo quod à patria potestate filius eximitur: inquit enim textus, *illorum autem filiorum emancipationem, quorum parentes post emancipationem etiam huiusmodi appaeruerint ante ipsam à via veritatis ad hereticam superstitionis inuicem declinasse, nullius volumus esse momenti, velut factam de hominibus sui iuris: cum dignum sit, ut propter tanti atrocitatem delicti, filij esse in parentum hereticorum deserint potestate.* Cum ergo ob solam exemptionem à patria potestate non extinguatur vsusfructus, attento iure regio Castellæ, & Lusitaniz, sed solum attento iure communi, efficitur sanè vsusfructum attento iure regio Castellæ patris delinquentis pertinere ad fiscum, & attento iure communi ad filium pertinere, & cum eius proprietate consolidari.

13 De peculio autem profectitio maior dubitatio est, an fisco applicetur, publicatis bonis parentis: Ratio dubitandi delimitur ex l. 3. §. *sed verum, ad finem. ff. de minoribus*, ubi hoc peculium in confiscatione bonorum patris, decidi videtur ad filium spectare: inquit enim text. *licet aliquo casu peculium ad filium spectet, ut puta si patris eius bona à fisco propter debitum pecuniarium occupata sunt: nam peculium eius ex constitutione D. Claudii separatur.* ubi glossa. *verbo separatur*, ait, *ut saluum habeas filium.* Neque valet dicere ibi non agere Imperatorem de occupatione bonorum ob delictum, sed de occupatione bonorum ob debitum pecuniarium: tum quia in Codicibus Florentinis non habetur verbum pecuniarium, sed solum debitum, quod debitum ex delicto comprehendit. *l. si cui ex empto* 1. 2. *ff. de verb. signific.* Tum quia Balduin. in *Iustinian. fol.* 131. probat non esse legendum *debitum*, sed *delictum*. Tum denique quia maior difficultas reperitur in remissione debiti pecuniarij, quam in remissione pœnæ ob delictum: quia in remissione debiti pecuniarij agitur de damno vitando, scilicet amissione priorum bonorum, in remissione pœnæ ob delictum solum agitur de lucro captando. Ergo. Si Imperator remittebat peculium ob debitum pecuniarium patris, à fortiori illud remittere poterat ob delictum eius. Neque etiam valet dicere peculium illud separari, non tanquam à fisco non occupatum, sed tanquam id, de quo dubium est, an fisco, an creditoribus patris sit applicandum; quia clarè in supradicto text. dicitur peculium illud ad filium spectare, quod cum effectu est intelligendum, aliàs in casu confiscationis non ad filium, sed ad

ad fiscum diceretur spectare. Ergo ex eiusmodi lege videtur omnino dicendum peculium filij profectitium non publicari, sed filio remitti. Ratio autem pro hac parte efficax est, quia fiscus occupare non potest bona delinquentis, quia parte sunt aliena à delincente, sed bona illa profectitia non sunt patris criminosi, quoad administrationem, & spem in illis succedendi, sed filij. Ergo secundum hanc partem occupari à fisco non possunt. Adde, priuatio illius administrationis pœna est. *l. testamento centurio, ff. de manum. testam.* sed nulla pœna infligi potest absque culpa illius, qui illam patitur. Ergo absque culpa filij priuari non potest administratione illorum bonorum. Ergo neque confiscari possunt: & ita post alios Doctores, quos allegant, defendit Couarr. *lib. 2. var. cap. 8. num. 7. vers. hinc apparet.* Anton. Gomez *lib. 2. var. cap. 15. num. 16.* Bossius *in sua præcl. tit. de bonor. publicat. num. 71.* Menoch. *de recuper. possess. rem. 9. num. 73.* Julius Clarus *lib. 5. recept. quæst. 78. num. 14.* Peregrin. *de iure fisci, lib. 5. tit. 1. num. 126.* Farinac. *lib. 1. quæst. 24. n. 26.* Sanchez *lib. 2. cap. 16. num. 21.*

14 Temperant tamen aliqui ex supradictis Doctorebus suam sententiam, ut non procedat in casu quo delictum patris tale sit, ut per illud solvatur patria potestas, quia tunc dicunt peculium non pertinere ad filium, eo quod destinat esse peculium. *l. fin. C. de inoffic. testam.* secus verò cum delictum tale non est, quia tunc durat patria potestas, sic Cynus, Bald. Alexand. Roman. Imola relati à Farinac. Anton. Gom. & Sanch. *suprà*, & ob hanc rationem in crimine hæresis publicari peculium profectitium docuerunt Gabr. Quemada *quæst. fiscal. q. 19.* Cantera *quæst. crimin. tit. de quæst. tangens punit. delict. cap. 1. num. 37.* Gigas *trakt. de crimin. lase. in quæst. lib. 2. tit. de pœnis committen. id crimen, quæst. 13. num. 4.* Farinac. inclinatur *de hæresi, quæst. 190. §. 1. num. 15.* Loelius Zechius *in sum. p. 1. tit. de fide. sub. de hære. cap. 11. num. 16. vers. quarto ampliat.* Cæterum hanc limitationem reprobatur Anton. Gom. Menoch. Sanch. & alij, quia ad publicationem nihil refert delinere esse peculium cessante patria potestate, sufficit si profectitium peculium fuerit, tempore quo delictum commissum est, & confiscatio facienda erat.

15 Verum etsi hanc sententiam satis probabilem iudicem: at probabiliorē cenfeo, quæ affirmat hoc peculium profectitium publicari publicatis bonis parentis criminosi. Moueor, quia illud peculium est patris quoad proprietatem, & usufructum. *l. certum, C. familia erescunda.* sed filius usurpat bona, quæ sunt delinquentis tempore commissi delicti. Ergo usurpat proprietatem, & usufructum horum bonorum. Neque hoc impediri potest administratione, & spe succedendi, quam filius in hoc peculio habet, quia hæc administratio, & spes est quid accessorium possessioni parentis: qua quidem per delictum sublata tollitur administratio, & spes. Et confirmo in bonis aduentitiis filij, quoties pater committit delictum dignum confiscatione, diximus usufructum publicari, esto non illorum proprietatem; quia usufructus ad patrem pertinebat: sed in bonis profectitiis non solum usufructus, sed etiam proprietates pertinet ad patrem. Ergo publicatis eius bonis publicabitur proprietates, & usufructus. Aliàs exemptiora erunt à publicatione ob crimen parentis bona profectitia, quam aduentitia: quod non videtur rationi consonum, cum in bonis profectitiis, plus rati pater habeat. Confirmo secundò, publicatis bonis parentis, si creditoribus ex illis bonis fiscus non potest satisfacere integrè, affirmat Thom. Sanch. *lib. 2. cap. 16. num. 24.* ex illo peculio satisfaciendos esse: quod etiam docuit Farinac. *de hæresi, quæst. 190. num. 15. in fine.* quia peculij illius dominium est patris, & quia æs alienum minuit filiorum legitimam, nedum peculium hoc: & quia naturali æquitati dilhonat filium tractantem de lucro ca-

ptando præferri creditoribus tractantibus de damno vitando. Sed hæc omnes rationes probant (meo iudicio) manifestè peculium illud publicari: tum quia illud peculium reputatur tanquam legitima, quæ deductis alimentis secundum veram sententiam publicatur: tum quia filius dicitur in hoc peculio tractare de lucro capiendo, ac proinde creditores illi esse præferendos. Ergo signum est tale lucrum à patre filio provenire; sed nullum illi pater concedere potest, cum omnia illius iura publicentur. Ergo. Item fiscus non tenetur creditoribus delinquentis, cuius bona publicat, satisfacere, nisi pro viribus hæreditatis confiscatæ, ut est omnium sententia. Ergo si publicatis bonis patris criminosi, creditoribus ex peculio debet fieri satisfactio, cum reliqua bona non sufficiunt; signum est illud peculium sub publicatione comprehendendi: & ita tenet Bald. *l. filium, num. 2. vers. sed quid e contra, ff. de his qui sunt sui, vel alieni iuris.* Simanc. *de catholic. institut. tit. 9. num. 17.* Vasquez *1. 2. disp. 169. cap. 1. num. 80.* Caldas *l. si curatorem, verbo lesis, num. 119. fine, C. de in integrum restitut.* Bonacina *disp. 3. de contract. quæst. 8. punct. vii. §. 1. n. 14.* Azor *tom. 1. lib. 5. cap. 7. quæst. 8.* & in crimine hæresis, & alterius, quo solvatur patria potestas, docuerunt Gabr. Quemada, Gigas, Farinac. & alij, prout retuli *num. precedenti*, & fauet quàm maxime *l. 1. §. quando servus, alias §. sed etsi alio, vers. sed etsi morte, ff. quando actio de peculo est annalis,* cuius verba sunt: *Sed etsi morte patris, vel deportatione, iuri iuris fuerit effectum filius de peculio intra annum hæres patris, vel fiscum tenebitur.* Ergo si fiscus de illo peculio tenetur creditoribus satisfacere, illud peculium publicatum est: ob quem textum supradictam sententiam firmat Bald. post Cynum ibi in *l. diximus, §. si pater, ff. de excusat. tutorum.* Ludouic. Roman. in *l. si finita, §. si de velligatibus, col. 8. quæst. 1. num. 16.* & ibi Alexand. *num. 45. & 46.* Neque satisfacit solutio Sanchez *num. 21.* dicentis ibi non decidi peculium illud publicari, sed casu quo publicetur, teneri fiscum ad debita; quia frustra diceretur fiscus teneri ex illo peculio, si illud peculium nunquam filius publicare potest. Quapropter affirmans textus fiscum teneri, supponit peculium illud publicari. Item eodem modo dicitur fiscus ex illo peculio teneri deportatione patris ad debita, ac tenetur hæres morte parentis: sed morte parentis tenetur hæres ex illo peculio in omnium sententia satisfacere creditoribus, quia in illo succedit cum illo onere, & gravamine. Ergo etiam fiscus in illo succedit eodem modo.

16 Restat satisfacere rationi dubitandi desumptæ ex *l. 3.* in qua si retinenda est communis lectio, ut fiscus propter debita pecuniaria patris occupet bona, facilis est solutio ex Baldo *l. filius, num. 2. vers. sed quid e contra, ff. de his qui sunt sui, vel alieni iuris,* ad filium, inquam, tale peculium spectare interim dum non cognoscitur, an reliqua bona sufficiant debito contracto satisfacere: quem intellectum satis indicat verbum illud *separat*, separatur, inquam, tale peculium, ut saluum habeat filius casu, quo reliqua bona patris sufficiant creditorum satisfactioni. Quod si velis legere loco *debiti pecuniarii, delicti*, uti legendum placet Sanchez ex Balduino, dicere debes ex constitutione Claudii peculium profectitium separari; & aliquo casu ad filium pertinere, scilicet cum aliunde non habet unde sustentetur, qui modus explicandi fuit Baldi *l. executorum, n. 30. vers. ratiōe deo bona, C. de execut. rei iudicate.* Argumentum. Ratione petito dic, fiscum non occupare bona qua parte aliena sunt, ac proinde directè non occupare administrationem peculij profectitij: at occupando eius proprietatem & usufructum, & extrahendo illa à potestate, & dominio patris; administrationem illius occupat indirectè, quod non est inconueniens, cessare administrationem filij, ob occupatam proprietatem ab alio, quàm à patre, sicut si à creditoribus occuparetur ob debita patris.

27 Vltimò de legitima, & alimentis debitis filio in bonis paternis, est graue dubium, an publicatis bonis parentis hæc legitima, & alimenta publicentur? Regula generalis est non publicari: habetur *l. cum ratio, ff. de bonis damnatorum*, vbi publicatis bonis parentis dicitur non esse faciendum præiudicium in legitima: tenet pluribus relatis Tiraquel. *in repetit. l. si vnquam, verbo donatione largitus*, num. 332. & sequent. C. de reuocand. donation. Menochius *in 9. rem. de recuperand. possess.* num. 178. Roland. *consil. 97. num. 29. volum. 2.* Clarus *quest. 78. versic. videndum est.* pluribus firmat Farinacius *lib. 1. praxis, quest. 24. num. 34.* Peregrinus *de iure fisci, lib. 5. tit. 1. à num. 34. & sequentib.* Sanchez *lib. 2. cap. 16. num. 25.* Ratio est, quia legitima debetur de iure naturali non positivo, vt ex *supradicta l.* constat, eaque de causa non transit in fiscum, nisi expresse à fisco hoc cautum sit. Debetur autem filio legitima à die, quo bona parentis publicata sunt, quia ab illo die parens tanquam mortuus reputatur, sic tradit Bossius *in tit. de bonorum publicat. num. 6.* latè Roland. *consil. 97. num. 34. & sequentib. volum. 2.* Farinacius aliis relatis *quest. 24. num. 35. & 36.* fundanturque *in l. 1. ff. de bonis damnatorum*, dum in ea dicitur, quòd quando bona patris publicantur ob crimen, ratione cuius pater vita, vel ciuitate, & libertate priuatur: filij portionem ex bonis patrum damnatorum accipiunt, ponderat enim verbum accipiunt, quod est præsentis temporis, & non futuri.

Si autem inquiras, quæ sit hæc legitima debita filio?

Respondeo attento iure communi, licet tertia pars sit hæreditatis paternæ, quando filij sunt quatuor, aut infra; & dimidia, quando sunt quinque, vel plures: vt habetur *in authent. nouissima, C. de inofficiso testamento.* at in casu in quo bona parentis publicantur, si pater habet vnum, vel duos filios, erit dimidia pars totius hæreditatis, si tamen habeat tres, vel plures filios, tota hæreditas in filios diuidetur, nihilque fisco erit applicandum: habetur *l. fin. C. de bonis damnatorum*. vbi glossa, Cynus, & alij quos refert, & sequitur Rolandus *consil. 97. num. 30. & sequentib. lib. 2.* Farinacius *quest. 24. praxis, à num. 37.* vbi concludit à prædicta doctrina nullo pacto recedendum esse in iudicando, siquidem iuris expressa autoritate firmata est, & Doctorum communi calculo recepta. Dixi, attento iure communi, nam spectato Castellæ regno, tota hæreditas patris, excepta quinta parte, de qua ipse liberè potest disponere, reputatur filiorum legitima. *l. 1. tit. 6. lib. 5. recopilat.*

18 Hæc tamen regula aliquas patitur limitationes. Prima in bonis maternis, quæ si ob delictum matris publicentur, non reservatur inde filiis legitima, ex *l. de bonis matris, C. de bonis proscriptis*. & tradit Clarus alios referens, *lib. 5. quest. 78. versic. videndum, in fine.* Farinacius *quest. 24. num. 41.* dicens indistinctè à Doctoribus approbari: at filiis fœminis reservatur legitima, ac si pater non deliquisset; vt pluribus comprobatur Farinacius *praxis, lib. 3. quest. 115. §. 3. num. 99. & 100.*

19 Secundò limitatur, vt non procedat in filiis conceptis post condemnationem, quia ipsis non debetur legitima, cum iam tempore conceptionis nihil pater habeat, quod possit illis relinquere. sic Bald. *in dict. l. fin. C. de bonis damnat. col. 1.* Roland. *dicto consil. 97. num. 38. versic. hoc velle videtur.* Bald. *num. 2.* Farinacius *num. 42.* vbi aduertit cum Bossio hoc procedere in casu deportationis, secus in banno; per bannum enim non amittuntur iura communia, sicut amittuntur deportatione, ac proinde si post bannum patris conceptus sit filius, debetur ei legitima, secus si fuerit deportatus.

Encl. de Castro Sum. Mor. Pars I.

20 Tertiò limitatur principaliter in crimine hæresis, in quo ob paternam hæresim, & in punitionem patris priuantur filij etiam catholici legitima ipsis debita in totum, & per totum: est decisio expressa rextus *in cap. vergentis, de hæreticis*, vbi filij redduntur incapaces omnis successionis paternæ, vt sic patres timore pœnæ ita grauis arceantur à tali peccato committendo. Idem habetur ex iure civili *in authent. Gazaros, C. de hæreticis.* glossa *in cap. cum secundum, de hæreticis, in 6.* Farinacius *num. 44.* Pegna *direct. 2. part. comment. 9.* Simancas *de cathol. institut. tit. 29. num. 12.* Sanchez alios referens, *lib. 2. cap. 16. num. 26.*

21 Quarta limitatur in crimine læsæ maiestatis humanæ, commisso tamen contra Principem, vel rempublicam; hoc enim solum crimen est, ratione cuius filij successionem paternam priuantur, ex *l. quisquis, C. ad legem Iuliam maiest.* & tradit glossa *Leorum, ff. ad legem Iuliam maiest.* vbi latè probatur non extendi ad alia crimina læsæ maiestatis contenta *in l. 1. 2. & 3. ff. ad legem Iuliam maiest.* & hanc glossam sequitur Clarus *in practic. §. læsa maiestatis, num. 15. versic. vnum tamen.* Menochius *de arbitrar. lib. 2. casu 316. num. 29.* Farinacius *lib. 2. praxis, quest. 115. §. 3. num. 123.* & alij apud ipsos.

22 Duplex testat examinanda difficultas.

Prima de filiabus, an propter crimen læsæ maiestatis commissum à parentibus, ratione cuius bona parentum publicantur, reservanda illis sit legitima.

Respondet esse reservandam de bonis maternis, secus de paternis bonis: ab iis enim omnino excluduntur: textus est expressus *in l. quisquis, §. ad filias, C. ad legem Iuliam maiest.* & redditur ibi ratio huius fauoris, quia propter sexus infirmitatem minus auluræ creduntur fœminæ, difficiliusque paternos deprauatos mores imitaturæ: sic glossa *ibi, verbo filiabus, & verbo minus auluras.* Gigas *de crimine læsæ maiestatis, lib. 3. rubr. de pœnis, quas filij incurrunt, quest. 14. num. 1. & seq.* Anton. Gomez *de delict. cap. 2. rubr. de crimine læsæ maiestatis, num. 13. vers. filia verò.* Farinacius pluribus relatis, *quest. 115. §. 3. num. 94.*

23 Verum etsi his filiabus non debeat legitima ex bona parentis committentis crimen læsæ maiestatis: ac debetur illi dos, casu quo aliunde non habeant, quia iure naturæ obligatur pater filiam dotare. *l. fin. C. de dotis promissis.* Si autem pater huic obligationi non satisfecit, ad hæredes ipsius transit, vt rectè Bartol. *in l. si maritus, §. si voluntate, & in l. insulam, & in l. post dotem, ff. soluto matrimonio.* Alexand. *in l. quasitum, §. si sponsam, de privilegijs creditor.* Ergo cum fiscus loco hæredis succedat parentis bonis publicatis; consequenter obligatur filias dotare: sic Dynus *in l. insulam, in princip. ff. solut. matrimonio.* Bartol. *in l. fin. C. de dotis promissione,* & pluribus firmat Farinacius *quest. 24. num. 46. & 47.* Gigas *de crimine læsæ maiestatis, lib. 3. titul. de pœnis, quas filij incurrunt, quest. 14. & 15.* Roland. *consil. 73. num. 23. volum. 23.* Clarus *in practic. crimin. læsa maiestatis, versic. hæc autem pœna.* At in crimine hæresis videtur propter eius atrocitatem quacumque legitima, dotē, & successionem maternam, & paternam, si ab utroque parente commissum sit, debere filias priuari; si ab vno, omnia, quæ ab illo debebant illis prouenire: esto supradicti Doctores eodem modo videantur loqui de hoc crimine, ac de crimine læsæ maiestatis humanæ, & textus *in cap. vergentes, de hæreticis*, illa comparat.

24 Secunda difficultas est, an saltem alimenta reservanda sint filiis committentium crimen læsæ maiestatis diuinæ, & humanæ?

Negant communiter Doctores reservanda esse, sed sola vita ex misericordia, quia, vt dicitur *in l. quisquis, C. ad legem Iuliam maiest. & cap. vergentis, de hæreticis,* tales

458 De pœnis temp hæret. special de confisc.

tales debent esse in hoc mundo, ut eis vita sit sup-
plicium, & mors solatium. sic docet Petrus Surdus
de aliment. titul. 1. quest. 31. & pluribus relatis San-
chez lib. 2. cap. 16. num. 26. multi tamen ex illis lo-
quuntur de legitima, non de alimentis iure naturæ
debitis.

Nihilominus probabilitate non videtur carere sal-
tem in crimine læsæ maiestatis humanæ, filios etsi pri-
uentur hæreditate, ac legitima patris criminosi; non
priuari tamen alimentis, sed de illius bonis alendos
esse: sic Ioan. Baptist. Plot. consil. crimin. diuers. 130. sub
num. 84. & 85. lib. 1. Socin. consil. 30. num. 3. lib. 1. Ripa in
lex factio, §. ex facto, num. 9. ff. ad Trebellianum. Lupus
in repetit. cap. per vestras, in 3. notab. num. 15. de donation.
inter virum, & uxorem. Franc. Bec. consil. 8. num. 7. Ami-
lian. consil. 139. num. 2. & consil. 164. num. 4. quos omnes
refert, & sequitur Farinacius lib. 3. prax. quest. 115. §. 2.
num. 128.

25 Sed inquires, an filij horum reorum in foro con-
scientiæ abscondere possint ad sui sustentationem ali-
quid de parentum bonis, quæ publicata sunt ob cri-
men hæresis, vel læsæ maiestatis, si illis non reseruen-
tur alimenta? Absolutè affirmat Guillelmus Benedict.
cap. Raynuitius, de testament. verbo & uxorem, decis. 5.
num. 286. id fieri posse: credit tamen Sanchez lib. 2.
cap. 16. num. 27. id esse intelligendum in sola extrema
necessitate, in quo casu omnia sunt communia. At
ego existimo non solum in hoc casu, sed quoties gra-
uem inde passuri sunt necessitatem, posse ea abscon-
dere, & retinere, quæ hoc detrimentum excusent. Mo-
ueor, quia in illo conflictu probabilissimum est obliga-
tionem esse fisco eleemosynam elargiendi. Item in il-
lo casu non tenetur debitor debitum creditori redde-
re, & ita tradit Bonacina disput. 3. de contractibus,
quest. 8. punct. ultim. §. 1. num. 15. sine; iunctis iis quæ di-
xit disp. 1. de restitut. quest. ultim. punct. 1. num. 37. ubi relato
Rebello, Nauarro, Clau Regia probat obligatum ce-
dere bonis suis posse abscondere, & retinere, quan-
tum necesse est ad tenuem sui, & eorum quos alere te-
netur, sustentationem, iuxta suum statum, eo quod ad
restitutionem nullus teneatur cum tanto suo incom-
modo.

PUNCTUM XII.

Quæ bona vxoris censeantur publicata,
publicatis bonis mariti.

- 1 Nulla bona vxoris publicantur.
- 2 Non publicatur eius dos.
- 3 Item nec bona paraphernalia, vel alio titulo vxori qua-
sita.
- 4 Potest vxor innocens omnia sua bona publicatis bonis
mariti propria autoritate capere.
- 5 Qua ratione debeat mulier probare bona habere, ne fi-
scus vsurpet.
- 6 Quid teneatur fiscus facere, dum non soluit.
- 7 Dos, reliquæque bona vxoris non solum quoad proprietatem,
sed etiam quoad vsumfructum non publicantur,
publicatis bonis mariti.
- 8 Publicatis bonis mariti, non publicatur quarta pars illo-
rum bonorum debita vxori inopi.
- 9 Limitatur, ut non procedat, quando hæc mulier bis nu-
pissset.
- 10 Mulier nuberis scienter hæretico, dotem perdit.
- 11 Negat Sanchez, alia bona extra dotem amittere.
- 12 Probabilius censeo oppositum.
- 13 Quid si à principio ignoranter processit? non debent eius
bona publicari.
- 14 Satis sit fundamentis num. 11. adductis.
- 15 Quid si maritus ducat uxorem hæreticam, primandus ne

fit bonis, sicut de uxore hæretico nubente? Negat San-
chez.

16 Contrarium videtur probabilius.

1 **R**egula generalis est, nulla bona vxoris publica-
ri ob crimen mariti, etiam si læsæ maiestatis sit,
quia pœna suos tenet authores, nec ulterius contra eos
progreditur, qui procul sunt à delicto. l. sanctimus, C. de
pœnis. & l. ob maritorum, C. ne vxor pro marito.

2 Hinc fit primò dotem vxoris non publicari, l. quif.
quis, §. vxores sanè, C. ad legem Iuliam maiest. & in l. si qui
posthac, C. de bonis proscript. & in crimine hæresis est
textus expressus in cap. decreuit, de hæreticis, in 6. ubi In-
nocentius IV. inquit: propter hæresim maritorum,
vxorum catholicarum dotes non debent confiscari. Exci-
pit tamen Pontifex, nisi fortè mulieres ipsæ cum vi-
tis matrimonium contraxissent, quos hæreticos tunc
sciebant, quia tunc in pœnam delicti commissi, & pe-
riculi peruersionis, cui se mulieres exponunt, publi-
cantur.

3 Secundò fit non publicari bona paraphernalia, vel
alio titulo vxori quæ sita, quia vxoris sunt. Tertiò ne-
que arrhas, secundum Hispanum vsum, hoc est, dona-
tiones factas vxori propter nuptias ab sponso, nisi
tunc sponsus fuerit hæreticus, quia in tali casu omnes
donationes à puncto commissi delicti infirmantur,
quia omnia eius bona sunt obligata fisco. Quartò ne-
que donationes vxori factas à consanguineis mari-
ti, nisi donans expressisset voluntatem, ut marito ac-
quirerentur, quod raro fit: nam esto contemplatio-
ne mariti vxori donentur, potest donans velle, ut vxori
acquirantur: & ita velle regulariter præsumen-
dum est. Nam esto grauissima sit quæstio, an dona-
ta à consanguineis vtrius coniugis, alteri ab eo cui
donantur, acquirantur, & plures Doctores firment in
casu dubio non donatario, sed alteri acquiri: ut videti
potest in Sanchez disput. 26. lib. 6. de matrim. atque
sententiæ tot limitationes apponit, ut vix casus de-
tur, in quo donatio donatario non acquiratur. Qua-
propter censeo regulariter donatario acquiri. & plu-
ribus relatis docuerunt Pegna 3. part. quest. 111. com-
ment. 160. versic. neque. Farinacius de hæresi, quest. 190.
num. 46. Quintò fit in regno Castellæ, ubi lucra di-
uiduntur per æquales partes inter coniuges. l. §. iud. 9.
lib. 5. compilat. mediaui partem lucri vxori innocenti
acquisitam non publicari, publicatis bonis mariti: &
generaliter quod acquisita ab vxore constante mati-
monio non publicentur, publicatis bonis mariti, do-
cuit Pegna supra. Farinacius num. 47. Grassius lib. 2. de-
cis. cap. 11. num. 33. Sextò donationes factas vxori à
marito constante matrimonio, licet probabile sit pu-
blicari, ut defendit Vasquez 1. 2. disput. 169. cap. 1.
num. 4. Azor tom. 1. institutionum moralium, lib. 5. cap. 7.
quest. 8. Simancas de catholic. institut. tit. 9. num. 10. Bo-
nacina disput. 3. de contractibus, quest. 8. punct. ultim.
num. 16. At probabilius existimaui non publicari, eo
quod morte ciuili mariti videantur hæc donationes
confirmatæ quoad effectum, ne transferantur in fi-
scum. Et ex his constat quid dicendum sit de vesti-
bus datis vxori à marito: credo enim, siue viles sint,
siue pretiosæ, non publicari: quia semper præsumi de-
bent esse illius, cui sunt donatæ, & morte ciuili do-
nantis confirmari respectu donatarij. Hæc omnia ita
breuiter, & summatim dixi; quia supponunt difficul-
tates alterius loci, & quia in his communiter Docto-
res conueniunt, ut videre est in Farinac. 1. part. prax.
quest. 25. à num. 111. vsque ad 137. & de hæresi, quest. 190.
§. 3. à num. 43. Eymet. 3. part. directior. quest. 111. & ibi Pe-
gna comment. 160. Vasquez 1. 2. disput. 169. cap. 1. & 2.
Azor tom. 1. lib. 5. cap. 7. quest. 8. Sanchez lib. 2. toto cap. 17.
Bonacina disput. 3. de contractibus, quest. 8. punct. ultim. num. 16.
Matienz.

Matienz. lib. 5. recopilat. l. 10. glossa 1. & sequentib.
& aliis.

4 Aduerto omnia supradicta, dotem, arthas, parathemalia, medietatem lucri, & quidquid coniugis innocentis proprium est, posse publicatis bonis mariti, propria autoritate capere, ex l. si quis posthac, C. de bonis proscriptorum. nam licet de iure cautum sit, neminem in re propria habere manu iniectionem. l. si quis in tantum, C. unde vi, & l. extat, ff. quod meum causa. Hoc tamen vxori, quasi in prætogatiuam matrimonij conceditur, ut res proprias detentas à vxore, cuius bona publicantur, propria autoritate occupet: sic tradit Sanchez lib. 2. cap. 17. num. 3. sine, cum Ioan. Lupo, rubric. de donation. inter virum, & vxorem, §. 66. num. 18. versic. prædicta sunt intelligenda. Contrad. in prædict. titul. de bonorum publicat. num. 9. versic. subiungit tamen. Farinacius 1. part. prax. quæst. 25. num. 119. Verum si dos, & alia quæ naturam dotis imitantur, non sint in propria specie, sed vxor bona mariti habeat obligata, & hypothecata doti, licet regulariter hypotheca non tribuit creditori priuilegium retentionis: at fauore dotis contrarium statutum est, si simul cum hypotheca detur illorum bonorum retentio, & possessio; ratione enim possessionis, & hypothecæ poterit vxor impedire confiscationem, quousque sibi de dote plenè fuerit satisfactum: sic ex Bald. Roland. Bosio, & aliis docet Farinacius num. 118. vbi ex quadam decisione Rotæ probat non esse necessarium, quòd vxor declararet bona mariti possidere iure hypothecæ, quia sufficit causam possidendi superuenisse. Dixi, si simul cum hypotheca, & obligatione concurrat possessio, & retentio illorum bonorum ab vxore; sola enim hypotheca, si non habet clausulam constituti, non impedit dotis confiscationem; esto possit à fisco repetere: sic aliis relatis docent Bosius de bonorum publicat. num. 63. Clatus quæst. 78. versic. quæro. Gigas de crimine læsæ maiestatis, lib. 3. tit. 1. quæst. 18. sine. Roland. consil. 31. num. 39. vol. 1. Farinacius quæst. 25. num. 116. at si clausulam constituti habuerit vxor in instrumento dotali, poterit confiscationem impedire, quousque de dote sibi fuerit satisfactum, quia ratione illius clausulæ, dominium, & possessio bonorum transfertur, ut notant DD. l. quod meo ff. de acquirend. possess. sic Roland. & Farinacius suprà.

5 Secundò aduerto non sufficere dotem, & alia relata esse à viro confessa in quolibet instrumento, ut publicatio impediatur, nisi simul per testes, vel fidem tabellionis, aut aliter constet de illius reali traditione, & numeratione; aliàs fisco non præiudicabit. l. si quis posthac, C. de bonis proscript. versic. dos etiam. & l. 1. C. de dote cauta non numerata, & tradunt omnes. Quapropter poterit fiscus, sicut & quilibet alius hæres aduersus vxorem vti exceptione non numeratæ dotis: etiam si in instrumento renuntiatum fuerit exceptioni non numeratæ dotis. Farinacius de hæresi, quæst. 190. num. 48. & tradit Vimbert. Locat. post indic. inquisit. quæst. 13. Debet tamen opponere exceptionem intra annum à die mortis mariti, vel illius condemnationis. sic Vasquez 1. 2. disp. 169. cap. 2. num. 11. Simancas de catholic. institut. tit. 9. num. 69. Sanchez lib. 2. cap. 17. num. 6. Et ratio est, quia in hac parte fiscus non vitur priuilegio, sed succedit loco hæredis, & sicut hæres transacto anno non potest opponere exceptionem non numeratæ dotis, neque fiscus poterit. At salua pace tantorum virorum, nescio quo fundamento tempus ad opponendam hanc exceptionem limitetur ad annum; cum videatur expressè decennium esse concessum in authent. quod locum, C. de dote cauta non numerata. & tradit Farinacius quæst. 25. num. 122. sine.

6 Ex hac doctrina inferi primò optimè Sanchez illo cap. 17. num. 8. fiscum teneri alimenta præstare vxori, Ferd. de Castro Sum. Mor. Pars 1.

dum dotem non soluit, quia succedit loco hæredis, qui ad id tenetur, eo quòd alimenta sunt dori annexa. Secundò inferi num. 9. si vir hæreticus, consensu vxoris iuratò vendat fundum dorem, quem ob hæresim viri vendicet fiscus, posse vxorem illum repetere; quia non debet fiscus detrimento vxoris locupletari. Nec valet dicere vxorem non posse repetere fundum sic alienatum ab emptore ob consensum datum, quia nouum non est, ut quis ex alterius persona consequatur, quod ex se consequi non valet. Consequitur autem ex eo quòd fiscus ius habet reuocandi alienationes factas à delinquente à tempore commissi delicti: qua reuocatione facta succedit vxor in fundo dotali. consentit Simancas titul. 9. num. 75. Farinacius de hæresi, quæst. 190. num. 84.

7 Quadruplex restat examinanda difficultas.

Prima, an publicatis bonis mariti, publicetur vsusfructus dotis vxoris eo tempore, quo ipse maritus illo positurus erat? Ratio dubitandi est, quia vsusfructus dotis est mariti tempore vitæ suæ. Ergo cum fiscus succedat in omnibus iuribus delinquentis, & in hoc vsusfructu delinquenti debito debet succedere. Nihilominus contrarium tenendum est, & affirmandum dotem, & reliqua vxoris bona etiam quoad vsusfructum pertinere ad vxorem, & non ad fiscum. Ratio est, quia ob confiscationem factam maritus redditus est inops, & impotens vxorem alere: sed dos data est marito ad alendam vxorem. Ergo vxori est reddenda, ut sibi possit providere. Aliàs non esset licitum vxori (ut diximus) bona dotalia vsurpare; neque illi reddenda essent, sed apud fiscum essent mansura: sic expressè docuit Anton. Gomez l. 78. Tauri, num. 4. cum Bald. Nouell. in tractat. dotis, 7. part. principali 17. specul. argument. textus in l. vbi adhuc, C. de iure dotium. Neque obstat vsusfructum dotis pertinere ad virum conitante matrimonio, quia pertinet ad virum ad effectum alendi vxorem: unde reddita vxori dote, redditur & illi vsusfructus, quia cum proprietate consolidatur.

8 Secunda difficultas circa dotem debitam vxori inopi, iuxta authent. præterea, C. unde vir, & vxor. vbi statuitur. Si vxor pauper sine dote, vel cum modica dote viro diuiti nubat, quartam partem bonorum viri illi esse adiudicandam: consentit lex regia 7. titul. 13. parte 6. Dubium ergo est, an publicatis viri bonis publicetur hæc quarta pars? Rationem dubitandi fecit, quia illa quarta pars, quæ loco dotis est assignata vxori, non est illi debita viuente marito; sed est sicut legitima, quæ non debetur filiis patre viuente, sed post illius mortem: at publicatis bonis patris, publicatur filiorum legitima, præcipuè in crimine læsæ maiestatis. Ergo publicatis bonis mariti, publicabitur & hæc quarta pars. Nihilominus communis sententia negat publicari publicatis bonis mariti, etiam si ob crimen læsæ maiestatis publicentur: sic Socinus consil. 121. num. 7. 16. & 17. volum. 4. Plotus consil. diuers. 130. num. 41. & sequentibus. Farinacius quæst. 25. num. 123. Sanchez lib. 2. cap. 17. num. 11. Ratio ea esse videtur, quia ratione matrimonij contracti ex dispositione supradictæ legis obligatur maritus quartam partem suorum bonorum vxori pauperi concedere, sed debitis ex contractu teneri fiscus, sicut & quilibet extraneus hæres satisfacere. Ergo & huic obligationi tenetur satisfacere. Neque obstat ratio dubitandi facta, quia magis debetur hæc quarta pars vxori, quàm filiis legitima; siquidem hæc quarta pars debetur titulo oneroso, & ratione contractus matrimonij: legitima autem solum debetur titulo successione, ac proinde mirum non est publicari legitimam, non tamen publicari hanc quartam partem.

Q 2 Adde

458 De pœnis temp hæret. special de confisc.

tales debent esse in hoc mundo, vt eis vita sit sup-
plicium, & mors solatium. sic docet Petrus Surdus
de aliment. titul. 1. quæst. 31. & pluribus relatis San-
chez lib. 2. cap. 16. num. 26. multi tamen ex illis lo-
quuntur de legitima, non de alimentis iure naturæ
debitis.

Nihilominus probabilitate non videtur carere sal-
tem in crimine læsæ maiestatis humanæ, filios etsi pri-
uentur hæreditate, ac legitima patris criminosi; non
priuari tamen alimentis, sed de illius bonis alendos
esse: sic Ioan. Baptist. Plot. consil. crimin. diuers. 130. sub
num. 84. & 85. lib. 1. Socin. consil. 30. num. 3. lib. 1. Ripa in
lex facta, §. ex facto, num. 9. ff. ad Trebellianum. Lupus
in repetit. cap. per vestras, in 3. notab. num. 15. de donation.
inter virum, & uxorem. Franc. Bec. consil. 8. num. 7. Æmi-
lian. consil. 139. num. 2. & consil. 164. num. 4. quos omnes
refert, & sequitur Farinacius lib. 3. prax. quæst. 115. §. 2.
num. 128.

25 Sed inquire, an filij horum reorum in foro con-
scientiæ abscondere possint ad sui sustentationem ali-
quid de parentum bonis, quæ publicata sunt ob cri-
men hæresis, vel læsæ maiestatis, si illis non referuen-
tur alimenta? Absolutè affirmat Guillelmus Benedict.
cap. Raynuius, de testament. verbo & uxorem, decis. 5.
num. 286. id fieri posse: credit tamen Sanchez lib. 2.
cap. 16. num. 27. id esse intelligendum in sola extrema
necessitate, in quo casu omnia sunt communia. At
ego existimo non solum in hoc casu, sed quoties gra-
uem inde passuri sunt necessitatem, posse ea abscon-
dere, & retinere, quæ hoc detrimentum excusent. Mo-
ueor, quia in illo conflictu probabilissimum est obliga-
tionem esse fisco eleemosynam elargiendi. Item in il-
lo casu non tenetur debitor debitum creditori redde-
re, & ita tradit Bonacina disput. 3. de contractibus,
quæst. 8. punct. ultim. §. 1. num. 15. sine; iunctis iis quæ di-
xit disp. 1. de restitut. quæst. ultim. punct. 1. num. 37. vbi relato
Rebello, Nauarro, Clau Regia probat obligatum ce-
dere bonis suis posse abscondere, & retinere, quan-
tum necesse est ad tenuem sui, & eorum quos alere te-
netur, sustentationem, iuxta suum statum, eoquod ad
restitutionem nullus teneatur cum tanto suo incom-
modo.

PUNCTUM XII.

Quæ bona vxoris censeantur publicata,
publicatis bonis mariti.

- 1 Nulla bona vxoris publicantur.
- 2 Non publicatur eius dos.
- 3 Item nec bona paraphernalia, vel alio titulo vxori qua-
sita.
- 4 Potest vxor innocens omnia sua bona publicatis bonis
mariti propria auctoritate capere.
- 5 Qua ratione debeat mulier probare bona habere, ne fi-
sco usurpet.
- 6 Quid teneatur fisco facere, dum non soluit.
- 7 Dos, reliquæque bona vxoris non solum quoad proprietate-
tem, sed etiam quoad vsumfructum non publicantur,
publicatis bonis mariti.
- 8 Publicatis bonis mariti, non publicatur quarta pars illo-
rum bonorum debita vxori inopi.
- 9 Limitatur, vt non procedat, quando hac mulier bis nu-
pisset.
- 10 Mulier nubens scienter hæretico, dotem perdit.
- 11 Negat Sanchez alia bona extra dotem amittere.
- 12 Probabilius censeo oppositum.
- 13 Quid si à principio ignoranter processit? non debent eius
bona publicari.
- 14 Satis sit fundamentis num. 11 adductis.
- 15 Quid si maritus ducat uxorem hæreticam, priuandus ne

fit bonis, sicut de vxore hæretico nubente? Negat San-
chez.

16 Contrarium videtur probabilius.

1 Regula generalis est, nulla bona vxoris publica-
ri ob crimen mariti, etiam si læsæ maiestatis sit,
quia pœna suos tenet authores, nec ulterius contra eos
progreditur, qui procul sunt à delicto. I. sancimus, C. de
pœnis. & l. ob maritorum, C. ne vxor pro marito.

2 Hinc fit primò dotem vxoris non publicari, l. quæ-
quis, §. vxores sanè, C. ad legem Iuliam maiest. & in l. si quis
pesset, C. de bonis prescript. & in crimine hæresis est
textus expressus in cap. decreuit, de hæreticis, in 6. vbi In-
nocentius IV. inquit: propter hæresim maritorum,
vxorum catholicarum dotis non debent confiscari. Exci-
pit tamen Pontifex, nisi fortè mulieres ipsæ cum vi-
ris matrimonium contraxissent, quos hæreticos tunc
sciebant, quia tunc in pœnam delicti commissi, & pe-
riculi peruerfionis, cui se mulieres exponunt, publi-
cantur.

3 Secundò fit non publicari bona paraphernalia, vel
alio titulo vxori quæsitæ, quia vxoris sunt. Tertiò ne-
que arrhas, secundum Hispanum vsum, hoc est, dona-
tiones factas vxori propter nuptias ab sponso, nisi
tunc sponsus fuerit hæreticus, quia in tali casu omnes
donationes à puncto commissi delicti infirmantur,
quia omnia eius bona sunt obligata fisco. Quartò ne-
que donationes vxori factas à consanguineis mari-
ti, nisi donans expressisset voluntatem, vt marito ac-
quirerentur, quod rarò fit: nam esto contemplatio-
ne mariti vxori donentur, potest donans velle, vt vxori
acquirantur: & ita velle regulariter præsumen-
dum est. Nam esto grauissima sit quæstio, an dona-
ta à consanguineis vtrius coniugis, alteri ab eo cui
donantur, acquirantur, & plures Doctores firment in
casu dubio non donatario, sed alteri acquiri: vt videri
potest in Sanchez disput. 26. lib. 6. de marit. atque
sententiæ tot limitationes apponit, vt vix casus de-
tur, in quo donatio donatario non acquiratur. Qua-
propter censeo regulariter donatario acquiri. & plu-
ribus relatis docuerunt Pegna 3. part. quæst. 111. com-
ment. 160. versic. neque. Farinacius de hæresi, quæst. 190.
num. 46. Quintò fit in regno Castellæ, vbi lucra di-
uiduntur per æquales partes inter coniuges. l. 5. titul. 9.
lib. 5. compilat. mediani partem lucris vxori innocenti
acquisitam non publicari, publicatis bonis mariti: &
generaliter quòd acquisita ab vxore constante mari-
monio non publicentur, publicatis bonis mariti, do-
cuit Pegna supra. Farinacius num. 47. Grassi lib. 2. de-
cis. cap. 11. num. 33. Sextò donationes factas vxori à
marito constante matrimonio, licet probabile sit pu-
blicari, vt defendit Vasquez 1. 2. disput. 169. cap. 1.
num. 4. Azor tom. 1. institutionum moralium, lib. 5. cap. 7.
quæst. 8. Simancas de catholicis institut. tit. 9. num. 10. Bo-
nacina disput. 3. de contractibus, quæst. 8. punct. ultim.
num. 16. At probabilius existimaui non publicari, eo
quòd morte civili mariti videantur hæ donationes
confirmatæ quoad effectum, ne transferantur in fi-
scum. Et ex his constat quid dicendum sit de vesti-
bus datis vxori à marito: credo enim, siue viles sint,
siue pretiosæ, non publicari; quia semper præsumi de-
bent esse illius, cui sunt datæ, & morte civili do-
nantis confirmari respectu donatarij. Hæc omnia ita
breuiter, & summatim dixi; quia supponunt difficul-
tates alterius loci, & quia in his communiter Docto-
res conueniunt, vt videre est in Farinac. 1. part. prax.
quæst. 25. à num. 111. vsque ad 137. & de hæresi, quæst. 190.
§. 3. à num. 43. Eymer. 3. part. director. quæst. 111. & ibi Pe-
gna comment. 160. Vasquez 1. 2. disput. 169. cap. 1. & 2.
Azor tom. 1. lib. 5. cap. 7. quæst. 8. Sanchez lib. 2. toto cap. 17.
Bonacina disput. 3. de contractibus, quæst. 8. punct. ult. n. 16.
Matienz.

Matienz. lib. 5. recopilat. l. 10. glossa 1. & sequentib. & aliis.

Aduerto omnia supradicta, dotem, arthas, paraphernalia, medietatem lucris, & quidquid coniugis innocentis proprium est, posse publicatis bonis mariti, propria autoritate capere, ex l. si quis posthac, C. de bonis proscriptorum. nam licet de iure cautum sit, neminem in re propria habere manuum iniectionem. l. si quis in tantum, C. unde vi, & l. extat, ff. quod metus causa. Hoc tamen vxori, quasi in prerogatiuam matrimonij conceditur, vt res proprias detentas à viro, cuius bona publicantur, propria autoritate occupet: sic tradit Sanchez lib. 2. cap. 17. num. 3. sine, cum Ioan. Lupo, rubric. de donation. inter virum, & uxorem, §. 66. num. 18. versic. prædicta sunt intelligenda. Contad. sit practica. titul. de bonorum publicat. num. 9. versic. subiungit tamen. Farinacius 1. part. prax. quest. 25. num. 119. Verum si dos, & alia quæ naturam dotis imitantur, non sint in propria specie, sed vxor bona mariti habeat obligata, & hypothecata doti, licet regulariter hypotheca non tribuit creditori priuilegium retentionis: at fauore dotis contrarium statutum est, si simul cum hypotheca detur illorum bonorum retentio, & possessio; ratione enim possessionis, & hypothecæ poterit vxor impedire confiscationem, quousque sibi de dote plenè fuerit satisfactum: sic ex Bald. Ro. la. ind. Boffio, & aliis docet Farinacius num. 118. vbi ex quadam decisione Rotæ probat non esse necessarium, quod vxor declaret bona mariti possidere iure hypothecæ, quia sufficit causam possidendi superuenisse. Dixi, si simul cum hypotheca, & obligatione concurrat possessio, & retentio illorum bonorum ab vxore; sola enim hypotheca, si non habet clausulam constituti, non impedit dotis confiscationem; esto possit à fisco repetere: sic alijs relatis docent Boffius de bonorum publicat. num. 63. Clarus quest. 78. versic. quaro. Gigas de crimine læsæ maiestatis, lib. 3. tit. 1. quest. 18. sine. Roland. consil. 31. num. 39. vol. 1. Farinacius quest. 25. num. 116. at si clausulam constituti habuerit vxor in instrumento dotali, poterit confiscationem impedire, quousque de dote sibi fuerit satisfactum, quia ratione illius clausulæ, dominium, & possessio bonorum transfertur, vt notant DD. l. quod meo, ff. de acquirend. possess. sic Roland. & Farinacius supra.

Secundò aduerto non sufficere dotem, & alia relata esse à viro confessa in quolibet instrumento, vt publicatio impediatur, nisi simul per testes, vel fidem tabellionis, aut aliter constet de illius reali traditione, & enumeratione; aliàs fisco non præiudicabit. l. si quis posthac, C. de bonis proscript. versic. dos etiam, & l. 1. C. de dote causa non numerata, & tradunt omnes. Quapropter poterit fiscus, sicut & quilibet alius hæres aduersus vxorem vti exceptione non numeratæ dotis: etiam si in instrumento renuntiatum fuerit exceptioni non numeratæ dotis. Farinacius de hæresi, quest. 190. num. 48. & tradit Vimberr. Locat. post indic. inquisit. quest. 13. Debet tamen opponere exceptionem intra annum à die mortis mariti, vel illius condemnationis. sic Vasquez 1. 2. disp. 169. cap. 2. num. 11. Simancas de catholic. institut. tit. 9. num. 69. Sanchez lib. 2. cap. 17. num. 6. Et ratio est, quia in hac parte fiscus non vtitur priuilegio, sed succedit loco hæredis, & sicut hæres transacto anno non potest opponere exceptionem non numeratæ dotis, neque fiscus poterit. At salua pace tantorum virorum, nescio quo fundamento tempus ad opponendam hanc exceptionem limitetur ad annum; cum videatur expressè decennium esse concessum in authent. quod locum, C. de dote causa non numerata. & tradit Farinacius quest. 25. item 122. sine.

6 Ex hac doctrina infert primò optimè Sanchez illo cap. 17. num. 8. fiscum teneri alimenta præstare vxori, Ferd. de Castro Sum. Mor. Pars I.

dum dotem non soluit, quia succedit loco hæredis, qui ad id tenetur, eo quod alimenta sunt doti annexa. Secundò infert num. 9. si vir hæreticus, consensu vxoris iuratò vendat fundum dotalem, quem ob hæresim viri vendicet fiscus, posse vxorem illum repetere; quia non debet fiscus detrimento vxoris locupletari. Nec valet dicere vxorem non posse repetere fundum sic alienatum ab emptore ob consensum datum, quia nouum non est, vt quis ex alterius persona consequatur, quod ex se consequi non valet. Consequitur autem ex eo quod fiscus ius habet reuocandi alienationes factas à delinquente à tempore commissi delicti: qua reuocatione facta succedit vxor in fundo dotali. consentit Simancas titul. 9. num. 75. Farinacius de hæresi, quest. 190. num. 84.

7 Quadruplex restat examinanda difficultas.

Prima, an publicatis bonis mariti, publicetur vfusfructus dotis vxoris eo tempore, quo ipse maritus illo potiturus erat? Ratio dubitandi est, quia vfusfructus dotis est mariti tempore vitæ suæ. Ergo cum fiscus succedat in omnibus iuribus delinquentis, & in hoc vfusfructu delinquenti debito debet succedere. Nihilominus contrarium tenendum est, & affirmandum dotem, & reliqua vxoris bona etiam quoad vfusfructum pertinere ad vxorem, & non ad fiscum. Ratio est, quia ob confiscationem factam maritus redditus est inops, & impotens vxorem alere: sed dos data est marito ad alendam vxorem. Ergo vxori est reddenda, vt sibi possit providere. Aliàs non esset licitum vxori (vt diximus) bona dotalia vsurpare; neque illi reddenda essent, sed apud fiscum essent mansura: sic expressè docuit Anton. Gomez l. 78. Tauri, num. 4. cum Bald. Nouell. in tractat. dotis, 7. part. principali 17. speculi. argument. textus in l. vbi adhuc, C. de iure dotium. Neque obstat vfusfructum dotis pertinere ad virum constante matrimonio, quia pertinet ad virum ad effectum alendi vxorem: vnde reddita vxori dote, redditur & illi vfusfructus, quia cum proprietate consolidatur.

8 Secunda difficultas circa dotem debitam vxori inopi, iuxta authent. praterea, C. unde vir, & vxor. vbi statuitur. Si vxor pauper sine dote, vel cum modica dote viro diuici nubar, quartam partem bonorum viri illi esse adiudicandam: consentit lex regia 7. titul. 13. parte 6. Dubium ergo est, an publicatis viri bonis publicetur hæc quarta pars? Rationem dubitandi fecit, quia illa quarta pars, quæ loco dotis est assignata vxori, non est illi debita viuente marito; sed est sicut legitima, quæ non debetur filiis patre viuente, sed post illius mortem: at publicatis bonis patris, publicatur filiorum legitima, præcipue in crimine læsæ maiestatis. Ergo publicatis bonis mariti, publicabitur & hæc quarta pars. Nihilominus communis sententia negat publicari publicatis bonis mariti, etiam si ob crimen læsæ maiestatis publicentur: sic Socinus consil. 121. num. 7. 16. & 17. volum. 4. Plotus consil. diuers. 130. num. 41. & sequentibus. Farinacius quest. 25. num. 123. Sanchez lib. 2. cap. 17. num. 11. Ratio ea esse videtur, quia ratione matrimonij contracti ex dispositione supradictæ legis obligatur maritus quartam partem suorum bonorum vxori pauperi concedere, sed debitis ex contractu tenetur fiscus, sicut & quilibet extraneus hæres satisfacere. Ergo & huic obligationi tenetur satisfacere. Neque obstat ratio dubitandi facta, quia magis debetur hæc quarta pars vxori, quàm filiis legitima; siquidem hæc quarta pars debetur titulo oneroso, & ratione contractus matrimonij: legitima autem solum debetur titulo successionis, ac proinde mirum non est publicari legitimam, non tamen publicari hæc quartam partem.

Adde

Adde huiusmodi quartam partem minuere filiorum legitimam, & ex toto hæreditatis cumulo extrahi debere, sicut quodlibet aliud debitum ex contractu factum: ut multis relatis docet Sanchez *loco citato*. Ergo non ex confiscatione legitimæ infertur hanc partem esse confiscandam. Quod procedit, etiam si confiscatio fieret vigore alicuius particularis statuti, & constitutionis, adhuc illa quarta pars non publicabitur, nisi in tali statuto, & constitutione expressè cautum fuerit publicari; quia omne statutum confiscans bona intelligi debet, & interpretari secundum ius commune. Item ea, quæ debentur secundum ius commune, & titulo pietatis, & ex contractu reuocata non censentur quauis generali constitutione, nisi expressè de illis mentio facta fuerit. *cap. si propter, in verbo intentionis nostræ, de rescriptis, in 6. l. libertis, §. posthumus, ff. de aliment. & cibariis. legat.* & ita tradit alios referens Farinacius *quest. 15. num. 114*. Idem quod dico de constitutione, dicendum est de consuetudine: quæ non est præsumenda aduersus ius commune, nisi probetur.

9 Limitatur tamen hæc doctrina, ut non procedat, quando hæc mulier bis nupsisset, & à priori marito noller quartam exigere: tunc enim non posset extrahere ex bonis secundi mariti publicatis, quia non debetur, eo quod pauper non sit: sic expressè Sanchez *illo cap. 17. num. 11. sine.* cum Bartholom. Socin. *diſt. consil. 121. a. num. 30*. Plote inter consilia criminalia Zileti *tom. 1. consil. 130. num. 46*. At hoc intelligendum est, casu quo cum nupsisset secundo, haberet ius exigendi quartam à primo, possetque exigere. Nam contingere poterat periisse ius exigendi quod habebat præscriptione. Item non habere priorem maritum bona, ex quibus illi quarta pars sustentationi competens adjudicari possit, in quibus casibus verè pauper est, & quarta debetur à secundo marito.

10 Tertia difficultas est circa publicationem in crimine hæreseos. Diximus namque dotem vxoris nubentis marito hæretico publicari, publicatis bonis mariti, si ipsa cognouisset eo tempore, quo matrimonium contraxit, virum esse hæreticum; quia sic expressè notatur in *dicto cap. decreuit, de hæreticis, in 6. ibi, nisi mulieres ipsa cum viris matrimonia contraxissent, quos hæreticos tunc esse sciebant*, & tradit glossa ibi. Pegna *dicto comment. 160. versic. in hac tractat.* Bonacina *disp. 3. de contractibus, quest. 8. punct. ult. §. 1. num. 16*. Sanchez *cap. 17. num. 17*. Farinac. multos referens, *de hæresi, quest. 190. §. 3. num. 52*. & aduertunt Sanchez, glossa, Farinac. & alij, in casu dubio præsumi ignorantiam, fiscoque competere onus probandi adfuisse in vxore scientiam hæreseos, ut repelli possit à dotis vindicatione. Aduerto tamen hanc publicationem dotis mulieris nubentis scienter hæretico non esse ipso facto, sed per sententiam, quia in *suprad. cap. decreuit*, nullum est verbum hanc pœnam irrogans ipso iure. sic Sanchez *lib. 2. cap. 17. num. 18*. A qua pœna omnino exempta erit dos, quæ marito tradita fuerit cum onere, ut alteri soluto matrimonio restitueretur: tunc enim sicut quodlibet aliud fideicommissum non poterit publicari in perpetuum, bene tamen pro tempore, quo mulier illo positura erat. & ita tradit Bonacina *disp. 3. de contractibus, quest. 8. punct. ult. §. 1. n. 16*. Sanchez *n. 19*.

11 Difficultas ergo est, an si scienter nupsisset hæretico, debeat non solum in priuatione dotis condemnari, sed etiam in priuatione aliorum bonorum, quæ vxoris sunt propria, quæque diximus ob mariti hæresim, & publicationem suorum bonorum non publicari. Negat Sanchez *lib. 2. cap. 17. num. 22*. & Bonacina *supra, versic. aliqui videntur asserere*. Mouentur primò, quia textus in *cap. decreuit*, solum de dote loquitur; non ergo in pœnalibus est admittenda extensio. Secundò, quia du-

rum videtur eadem generali pœna confiscationis afficere mulierem scienter hæretico nubentem, ac afficitur ipse hæreticus, quia in lucro acquirendo nulla videtur esse turpitudine, ob quam dignum sit confiscatione.

12 Nihilominus probabilius cenſeo posse in omnibus bonis, quæ tunc habuerit tempore contracti matrimonij, condemnari. Moueor; quia *supradict. textus in cap. decreuit*, nihil statuit expressè de confiscatione dotis, sed per quandam consequentiam sic confiscanda infertur, in casu quo mulier scienter nupsisset hæretico: inquit enim Pontifex, publicatis mariti hæretici bonis, non publicari vxoris dotem, nisi fortè cum matrimonio contraxerit, sciuerit esse hæreticum. Ergo textus nihil aliud voluit, quàm dotem à confiscatione bonorum viri exemptam esse, excepto casu, quo mulier sciuerit esse hæreticum maritum. Sed ex eo quod dos sic fuit exempta, probamus etiam & reliqua bona vxoris exempta fuisse. Ergo si in casu scientiæ non fuit exempta, in casu scientiæ reliqua etiam bona erunt comprehensa. Adde dotem ibi fuisse nominatam gratia exempli, & quia est id quod præcipuum, & magis proprium est vxoris, non ut dispositio ad solam dotem coarctata sit; aliàs sola dos, & non bona paraphernalia, & sponsalitia largitas in casu ignorantie erunt exclusæ, quod est omnino falsum. Ergo in casu scientiæ dos, & reliqua bona vxoris comprehenduntur: & ita tenet Valquez *1. 2. disp. 169. cap. 1. n. 13*. Simancas *de catholicis institutis. tit. 9. n. 74*. Didacus Cantera *quest. crim. tit. de quest. tangentibus. punis. delict. cap. 1. num. 23. sine, & num. 24*. Farinacius *de hæresi, quest. 190. §. 3. num. 94 in medio*.

Hi autem Doctores non solum extendunt ad bona possessa ab vxore tempore matrimonij contracti, sed etiam ad medietatem lucri constante matrimonio acquisiti: quod quidem ut verum habeat, est intelligendum, posse, inquam, in priuatione omnium illorum bonorum condemnari, non quidem præcisè ob delictum præteritum, quod commisit nubens scienter hæretico, sed quia sic nubens, & in tali matrimonio perseuerans suspecta redditur de hæresi, & faulrix hæreticorum, & tanquam suspecta, & faulrix hæreticorum damnari potest, secundum glossam in *dicto cap. decreuit, infiguratione casus, versic. imò ipsa est de hæresi suspecta, & versic. ideo contra ipsam*, ibi Ioann. Andr. *verbo sciebant*. Geminian. *num. 2. versic. nota*. Francum *num. 1*. Didacum Cantera *cap. 1. n. 2*. Farinacium *de hæresi, quest. 190. num. 50*.

13 At si à principio ignoranter mulier processerit, postea verò sciuerit maritum hæreticum esse, illumque comitetur, neque denuntiet; non ex hoc censenda est digna confiscatione bonorum, quia non debet censeri peccato illius consentire: fauet Bossius loquens in crimine læsæ maiestatis humanæ, *tit. de bon. publ. n. 73. & 75*. Farinac. illum referens *q. 15. n. 111*. Sanchez *lib. 2. c. 17. n. 24*. Peregrin. *de iure fisco. lib. 5. tit. 1. n. 83*. Clarus *lib. 5. de capt. q. 78. n. 15*.

14 Ex his facile dissoluuntur fundamenta Sanchez. Ad primum ex textu in *cap. decreuit*, iam probatum est ibi dotem, exempli gratia, appositam fuisse, non ut dispositio ad dotem coarctaretur. Ad secundum non eodem modo puniri mulierem nubentem scienter hæretico, ac ipse hæreticus punitur: hæreticus enim punitur in confiscatione bonorum ipso facto, mulier per sententiam. Item hæreticus punitur aliis pœnis, quæ mulierem ob hoc delictum nubendi non comprehendunt. Ad tertium iam diximus, qua ratione condemnari possit mulier in bonis constante matrimonio acquisitis.

15 Quarta difficultas est, an si maritus ducat mulierem, quam certò nouit hæreticam esse, priuandus sit bonis

bonis ob hoc delictum, sicut de muliere diximus? Ne-
gar absolute Sanchez lib. 2. cap. 17. num. 23. consensit
Bonacina disp. 3. de contractibus, quest. 8. punct. ult. §. 1.
num. 16. Mouentur, quia textus in dict. cap. decreuit, lo-
quitur de dote: maritus autem non habet dotem. Item
mulier ob eius facilitatem, & marito subiectionem
grauiori periculo peruersionis se exponit sic nubens,
quam vir. Ergo cum non sit adæquatè eadem ratio dis-
positionis in viro, ac in muliere, par non est, ut eadem
pœna mulceatur.

16 Fateor his rationibus me non conuinci. Tum
quia iam diximus sub nomine dotis bona vxoris ibi
fuisse comprehensa. Tum quia esto ob facilitatem, &
marito subiectionem adsit in femina grauius pericu-
lum peruersionis, quàm in viro: at in viro ob passio-
nem amoris solet grauius adesse. Qua ratione tempore
antiquo ita grauius prohibitum erat Iudeis alienige-
nas ducere, inquit enim textus, *certissime auerent corda
vestra*. Præterea in supradicto cap. decreuit, si bene ponder-
etur, non imponitur pœna amissionis dotis mulieri
scienter hæretico nubenti, sed relinquitur dispositioni
iuris communis. Nam ibi solum dicitur mulierem nu-
bentem hæretico dotem non perdere, nisi fortè scien-
ter hæretico nupserit: in quo casu non subiungit Pon-
tifex debere perdere, sed id tacitè innuit, vel potius dis-
positioni communi relinquit. Quapropter cum hæc
pœna non sit ipso iure lata ob huiusmodi crimen, sed
per sententiam imponenda; & præcipua causa huius
dispositionis sit præsumptio hæresis in muliere sic nu-
bente, si eadem præsumptio in viro adsit, eodem modo
ad amissionem bonorum condemnari poterit.

PUNCTUM XIII.

Quæ vxoris bona ob eius delictum publicentur.

- 1 Mortuo viro, si bona vxoris vidua publicentur, publi-
catur dos, paraphernalia, & alia, quæ constante matri-
monio acquisiuit.
- 2 Constante matrimonio si vxor delinquat, non publicatur
eius dos spectato iure communi, exceptis quinque ca-
sibus.
- 3 Attento iure regio Castella dos publicari potest.
- 4 Nunquam confiscatio extenditur ultra id, quod vxoris
est proprium.
- 5 Quando publicatur dos, an eius vsusfructus publicetur,
negant aliqui.
- 6 Probabilius est publicari.
- 7 Satisfit rationibus num. 5. adductis.
- 8 Quid si pactum esset inter virum, & vxorem, ut commit-
tente aliquo illorum delictum confiscatione dignum
transcant bona illius ad alium? Affirmant plures non
impediari confiscationem.
- 9 Probabilius videtur oppositum.

1 **A**liqua sunt in hac re pro certo tenenda. Primò
certum est mortuo viro, & publicatis bonis
vxoris viduæ ob eius delictum, publicari dotem, para-
phernalia, & omnia alia, quæ constante matrimonio
acquisiuit, quia fiscus omnia bona, quæ sunt delinquen-
tis, sibi usurpat, cum publicationem facit. sic Clarus
quest. 78. versic. *quæro si bona*. Sanchez lib. 2. cap. 17. n. 25.
in princ. Bonacina disp. 3. de contract. q. 8. p. ult. §. 1. n. 17.
pluribus relatis Farinacius quest. 25. n. 112. & facit text.
in l. si constante, §. fin. ff. soluto matrim. & ibi notat Bart.
Bald. Paul. Imola, prout refert Anton. Gomez l. 78. Tau-
ri, num. 5.

2 Secundò est certum attento iure communi, si vxor
deliquerit constante matrimonio, non posse eius do-
tem, bene tamen reliqua bona publicari, nisi in quin-

Ferd. de Castro Sum. Mor. Pars I.

que casibus, videlicet in crimine læsæ maiestatis, vis
publicæ, parricidij, veneficij, & sicarij: quia sic habetur
expressè in l. quinque legibus, ff. de bonis damnat. cum enim
eo tempore vir dominus dotis dicatur. l. doce ancillam,
C. de iure dotium; noluit Imperator ob quodlibet cri-
men, nisi ob hæc ita graua, dotem vxoris publicare: sic
tradunt Doctores nuper relati. & quamuis in supradict.
l. quinque legibus, non fuerit facta expressa mentio hære-
sis, non est dubium ad illam esse extendendam, sub cri-
mine enim læsæ maiestatis comprehenditur; & ita ob
hæresim vxoris confiscari eius dotem, sicut & reliqua
bona, tradunt Sanchez pluribus relatis n. 26. Farinacius
de hæresi, quest. 190. num. 54. Ioan. Rojas tractat. de heret.
part. 2. assert. 40. num. 323. & 325. Anton. Gomez l. 78.
Tauri, num. 1.

3 Tertiò est certum attento iure nostro regio, delin-
quente vxore etiam extra illa quinque crimina partem
dotis, vel totam dotem confiscari posse: habetur l. 78.
Tauri, quæ est lex 11. tit. 9. lib. 5. recopil. ibi, *la mujer durante
el matrimonio por el delito puede perder en parte, o en todo
sus bienes dotales, o de ganancia, o de otra qualquier calidad
que se an*. Neque requiritur, ut crimen confiscatione di-
gnum sit, ut possit vxor partem dotis, vel totam dotem
amittere. Tum quia textus confiscationis mentionem
non fecit, tum quia dixit posse dotem in parte amitti;
quod alienum est à confiscatione, in qua totum publi-
catur. Tum quia de delicto generaliter locutus est.
Quapropter ex quocumque delicto mulier condemne-
tur, poterit executio condemnationis fieri in bonis
ipsius dotalibus: & ita tradunt Matienzo suprad. l. 11.
glossa 1. num. 2. Azevedo num. 5. Sanchez lib. 2. cap. 17.
num. 29.

4 Quartò est certum in omnibus casibus, in quibus
dos, vel pars dotis confiscari potest, confiscationem
non extendi ultra id, quod proprium est vxoris: quare
si dotem habet obligatam marito, vel alteri reddi solu-
to matrimonio; fiscus non poterit usurpare dotem in
perpetuum, sed ad summum pro tempore, quo vxor frui
dote debebat, & illò transacto debet redire ad substitu-
tum: habetur expressè l. si dotem, C. de iure dotium. quem
textum reputat vnicum, & singularem Bald. ibi 2. lectu-
ra, & plures Doctores, quos refert, & sequitur Anton.
Gomez l. 78. Tauri, in fine. Matienzo glossa 2. num. 2.
Azevedo num. 6. Sanchez num. 33. Iis ut certis sup-
positis,

5 Duplex est difficultas, an quoties publicatur dos
ob delictum vxoris, publicetur non solum quoad pro-
prietatem, sed etiam quoad vsusfructum: & dubium
procedit, cum delictum tale est, ob quod pœna mortis
non imponitur vxori; sed vltima relinquitur, quia tunc
dos quoad vsusfructum videtur ad virum pertinere,
traditur enim illi pro oneribus matrimonij. l. dotis fru-
ctus, ff. de iure dotium, & l. pro oneribus, C. cod. tit. sed fiscus
non occupat bona, quæ aliena sunt à delinquente. Ergo
neque occupare potest vsusfructum dotis. Adde ob
delictum alienum non debere virum innocentem puniri;
puniretur autem, si vsusfructu priuaretur, & ex alia parte
obligatus esset vxorem alere. Ergo non est dicendum
confiscationem extendi ad vsusfructum dotis con-
stante matrimonio, sit etsi dubius, & relinquens cogi-
tandum, tenet Palaz. rubr. in repetit. rubr. de donat. inter
virum, & vxorem fol. 46. §. 66. col. 4. Ioann. Lupus eadem
rubr. §. 66. n. 23. sine. Bonacina reputat probabile disp. 3. de
contract. q. 8. p. ult. §. 1. n. 17.

6 Nihilominus verius est, & probabilius, dotem con-
fiscari non solum quoad proprietatem, sed etiam quoad
vsusfructum: sic Matienzo l. 11. tit. 9. lib. 5. recap. gloss. 1.
num. 4. Azevedo ibi num. 5. Anton. Gomez l. 78. Tauri,
num. 6. Castillo num. 2. Sanchez lib. 2. cap. 17. n. 31. & in
crimine hæresis docuit Ioann. Rojas singul. 127. Zanch.
tract. de heret. cap. 25. n. 4. sine. Lælius Zechius in summ.

1. *part. iij. de fide. rubr. de hæresi. c. 16. vers. quinto ampliatur.* Farinacius *quæst. 190. num. 54.* Rationes huius sententiæ adducit Anton. Gomez. Prima, quia in dubio lex, vel dispositio referens se ad aliqua bona, intelligi debet secundum proprietatem, & vsum fructum: ex text. in *l. res sitnere. ff. de verborum significat. textus in l. videamus, §. in Fabiana, ff. de usuris.* textus in *l. in condemnatione. ff. de reg. iur.* cum autem lex nostri regni ob quodlibet delictum vxoris dicat dotem, vel eius partem confiscari posse: & secundum ius commune ob quinque illa delicta confiscanda venit, efficitur venire secundum proprietatem, & vsum fructum. Secunda, quia hæc est alienatio non ex contractu, sed ex delicto, quæ vocatur alienatio necessaria, & inducta per legem. Poterit ergo in illa maritus præiudicari. argument. textus in *l. alienationes. ff. familia ereiscunde.* Tertia dos proprie dicitur, cum matrimonium constat. Ergo si dos confiscatur ob delictum vxoris, constante matrimonio confiscanda venit.

7 Neque ratio in contrarium vrget. Fateor enim dotem dari ad onera matrimonij subeunda: at si mulier delicto suo dotem amisit, onus, quod subiecit maritus illam alendi, cessat: sicuti cum dos promissa est, & non soluitur, non obligatur maritus vxorem alere, ita non obligatur, cum culpa mulieris dos aufertur: sic Sanchez *lib. 9. de matrim. disp. 5. num. 10.* consentit Farinacius alios referens, *de hæresi. quæst. 190. num. 54.* Tota tamen obligatio refunditur in parentes, vt bene probat Molin. *lib. 2. de primogen. cap. 16. num. 24.* Quod si hi alere eam non possint, tunc ratione solius vinculi coniugalis, & mutui amoris tenebitur vir alere. Adde etsi concedamus maritum teneri alere vxorem sic alienantem dotem, vt concedit Anton. Gomez *supradict. l. 78. Tauvi. num. 6.* Castillo *ibi in fine.* Simancas *de catholic. institut. tit. 16. num. 19.* Surdus *de aliment. tit. 7. quæst. 21. n. 6. & 7.* adhuc non infertur inde confiscari dotem non posse; quia dos non est mariti quoad dominium, & proprietatem, sed solum quoad administrationem in sustentationem familiæ, quæ administratio cessat sublato fundamento, sicut si casu periret: & sicut si dos casu periens non excusat maritum ab alenda vxore, vt colligitur ex *l. si cum dotem, 23. §. si maritus. ff. soluto matrim.* ita neque hæc confiscatio excusare debet, quia hæc obligatio alendi vxorem ex vinculo coniugali tunc nascitur, quo non dissoluto, non dissoluitur hæc obligatio.

8 Secunda difficultas est, an possit dos confiscari quo ad proprietatem, & vsum fructum, si pactum esset inter virum, & vxorem, vt committente vxore aliquod delictum, ex illis ob quæ imponitur confiscatio, eo ipso ad virum proprietas, & vsum fructus dotis deueniret: Affirmant aliqui confiscari posse, neque impediri ab illo pacto: sic Barbosa *l. si constante, 25. ff. soluto matrim. §. si. n. 1.* Sanchez *lib. 2. cap. 17. num. 32.* quod non videtur satis consequenter dictum iis, quæ in sequenti cap. dicit *num. 15.* Mouentur, quia illud pactum derogat legi communi statuenti confiscationem bonorum delinquentis. Ergo nullum est, iuxta *l. ius publicum, ff. de pactis.*

9 Cæterum credo ad maritum reuerti dotem, neque posse tunc confiscari. Moueor, quia tunc dos prohibetur alienari expressè, & non in fauorem delinquentis, cum vxori delinquenti non applicetur, neque in fraudem fisci, cum non sit post delictum commissum, sed casu quo committatur. Ergo tale pactum firmum est, & ratione illius maritus ius habet quæsitum ad dotem, & præferendus est fisco. Faciunt ea quæ diximus supra loquentes de maioratibus. & ita firmavit expressè Baiard. *addit. ad Clarum, lib. 6. quæst. 78. num. 63.* Peregrin. *de iure fisci, lib. 5. tit. 1. num. 83. & 118.* Farinac. alios referens, *quæst. 25. num. 115.*

PUNCTVM XIV.

Quæ bona publicentur publicatis bonis alicuius clerici.

- 1 Bona Ecclesiæ non publicantur.
- 2 Bona patrimonialia publicantur.
- 3 Bona clericorum acquisita titulo beneficii, probabilius est spectato iure communi non publicari, sed Ecclesiæ applicanda esse.
- 4 In Hispania, ubi de ijs bonis testari potest clericus, & fisco ea usurpare potest.

1 **C**onstat ex Clement. 2. *de hæreticis*, bona Ecclesiæ non publicari, & sic attentantes excommunicatione innodari: quæ excommunicatio quando, & quas personas comprehendat, & ob quas actiones imposita sit, bene explicat Sanchez *lib. 2. in Decal. cap. 20. n. 3.* & nos dicimus in tract. de excommunicationibus specialibus non reseruatis.

2 Secundò constat bona patrimonialia clericorum publicari, quia secundum omnes de his liberè disponere possunt clerici tam contractu, quàm testamento. *cap. quia nos, de testament.* Ad hæc reducuntur ea, quæ clericus acquirit non ex beneficio, sed ratione alicuius ministerij Ecclesiastici, vtputa pro sacris faciendis, pro concionibus, pro sacramentorum ministerio, pro defunctorum sepultura, pro vicarij ministerio ad tempus concessæ, & similibus; quia de his omnibus possunt clerici, & Episcopi liberè testari, & in extraneos hæredes transmittere; ac proinde delinquendo in fiscum alienare: sic tradit Sanchez *lib. 2. in Decalog. cap. 20. num. 22. & 23.* Farinacius *de hæresi, quæst. 190. §. 11. num. 154.*

3 Difficultas ergo est de bonis clericorum acquisitis titulo beneficii Ecclesiastici, siue bona immobilia sint, siue mobilia; an, inquam, hæc fisco applicentur, vel Ecclesiæ, ex qua desumpta sunt, debeant relinqui? Varia sunt Doctorum placita, vt videri potest in Farinac. *suprà*, illis omiſſis vera resolutio est attento iure communi bona clericorum ex fructibus beneficii percepta, non posse à fisco occupari; sed necessariò applicanda esse Ecclesiis pro rata, à quibus stipendia receperunt; quia ita habetur in *cap. excommunicamus 1. §. damnati, de hæreticis*, iuncta glossa. Ratio huius dispositionis est, quia hæc bona non possunt clerici in hæredes extraneos transmittere, quia Ecclesiæ post illorum obitum cedunt. *cap. relatum, et 2. cap. quia nos, & cap. requisisti, de testament.* sed ea, quæ in hæredes extraneos nequeunt transmitti, neque possunt in fiscum loco hæredis extranei succedentem, vt sæpè repetitum est. Ergo: & ita docent Azor 1. *part. lib. 8. cap. 12. quæst. 14.* Sanchez *cap. 20. num. 24.* Farinacius *num. 160.* Neque in hoc est vlla differentia inter acquisita ex beneficio simplici, aut curato, cum textus in *cap. excommunicamus*, nullam distinctionem fecerit: ex quocumque beneficio acquisita sunt, sunt formaliter clerici bona, & Ecclesiarum stipendia, ac proinde Ecclesiis, à quibus stipendia receperunt, applicanda: sic Couarruias *lib. 2. variarum, cap. 9. num. 11. sine.* Sanchez, Farinacius *suprà.*

4 Verùm cum aliquibus locis, vt in Hispania, consuetudine inductum sit clericos testari posse de acquisitis titulo cuiuscumque beneficii Ecclesiastici, vt innumeris relatis probat Matienz. *l. 13. tit. 8. lib. 5. recopil.* per illam legem efficitur sanè, si fiscus occupet bona alicuius clerici, & hæc occupare: sic Vasquez 1. 2. *disp. 169. cap. 2. num. 19.* Pegna 3. *part. directior. comment. 161.* Azor *quæst. 14.* Sanchez *n. 25.* Bonacina *disp. 3. de contrah. q. 1. p. ult. §. 1. n. 19.*

PUNCTUM XV.

An bona delinquentis existentia in alieno territorio à iudice confiscante comprehendantur in confiscatione ab illo facta.

- 1 Si confiscatio facienda est vigore iuris communis comprehenduntur, secus si vigore statuti non vigentis illo in loco, in quo bona sita sunt.
- 2 At si sit confiscatio iure speciali vigente in territorio ubi bona sita sunt, sub distinctione respondetur.
- 3 Executio confiscationis nunquam fit, nisi per officiales illius loci, in quo bona sita sunt.

Certa res est publicari, si confiscatio sit vigore legis communis, hoc est, legis latæ à superiore vtriusque territorij, & iudicis, & loci, ubi bona sita sunt, ut in crimine hæresis contingit: ita multis relictis docent Farinacius *praxi quæst. 25. num. 100.* Peregrinus *lib. 5. tit. 1. num. 138.* Clarus *quæst. 78. num. 27.* Sanchez *lib. 2. Decalog. cap. 20. num. 31.* Bonacina *disput. 3. quæst. 8. punct. ultim. §. 1. num. 21.* Si autem confiscatio facienda est iure speciali, seu municipali, quod in territorio, ubi bona sita sunt, non viget, non trahitur confiscatio ad illa, quia non potest extendi confiscatio fundata in lege, magis quam ipsa lex. *J. liberius, §. penult. ff. ad municip. & tradit Clarus supra.* Farinacius multos refertens, *num. 96.*

2 At si confiscatio facienda est iure speciali vigente etiam in territorio, ubi bona sita sunt, distinguendum est, si fiscus, cui illa bona sunt applicanda, sit vnus, & idem, confiscatio trahitur ad illa bona, quia nulla est ratio, ex qua eximi possunt: at si fiscus diuersus sit, ad ea non extenditur, quia non potest extendi confiscatio ad illa bona, quin simul bona fisco applicentur, & cum bona existentia in alieno territorio, non possit suo fisco applicare, efficitur in publicata manere. sic Bossius *de publicatione bonorum, num. 62.* Farinacius *num. 98.*

3 Executio confiscationis etiam factæ iure communis fieri non potest, nisi per officiales illius loci, ubi bona sita sunt. argument. textus in *l. cum vnus, §. fin. ff. de bonis auctor. iud. possid.* Excipe, nisi iudex illius territorij per iudicem, qui sententiam tulit, requiratur. Bossius *num. 6.* Farinacius *num. 95.* Sanchez *num. 33.*

PUNCTUM XVI.

Ad quas personas confiscatio bonorum ob hæresim, & alia crimina extendatur.

Extenditur ad omnes Christianos Romano Pontifici subiectos.

Hucusque de bonis, quæ confiscanda sunt, fuimus locuti; restat dicendum de personis confiscationi subiectis. Cum enim confiscatio pœna sit, & à legislatore delinquentibus imponenda, necessariò supponendi sunt delinquentes subditi legislatori, ut hac pœna affici possint. Ex quo fit, cum omnes Christiani Romano Pontifici subditi sint, quilibet illorum quacunque dignitate fulgeat, ob transgressionem legum Ecclesiasticarum, si grauis, & perniciofa sit transgressio (qualis est facta ob crimen hæresis) poterit hac pœna puniri: ut latè ostendit Suarez *in suo graui lib. de defensione fidei, lib. 3. cap. 22.* imò de facto ob crimen hæresis hac confiscationis pœna omnes afficiuntur. Nam *caput secundum leges, de hæresibus*, generaliter loquitur,

& Bulla Cœnæ aduersus omnes procedit. Adde ij quo potentiores sunt, eo grauius nocent, si delinquant; ac proinde grauius puniendi: & ita tradit Suarez *de fide, spe, & charitate, disp. 22. sect. 6. n. 3.*

PUNCTUM XVII.

An confiscatio imposita ipso iure ob crimen læsæ maiestatis, præcipuè diuinæ, priuet delinquentem ipso facto dominio suorum bonorum.

- 1 Dupliciter lex confiscationem imponere potest aliam annexam delicto, aliam à iudice imponendam: & quæ sit harum differentia.
- 2 Proponitur prima sententia affirmans delinquentem domino suorum bonorum priuari per tale delictum.
- 3 Secunda sententia negat priuari.
- 4 Conciliantur supradicta sententia.

Pergimus inuestigare quem effectum habeat confiscatio per legem imposita. Dupliciter lex confiscationem imponere potest. Primò annexando confiscationem delicto, & hæc vocatur confiscatio ipso facto. Secundò dirigendo iudicem, ut illam imponat, sicuti in pœna excommunicationis est manifestum, quæ aliquando delinquentes eo ipso, quo delictum committant, afficit, aliquando verò afficit illos post sententiam. Effectus harum confiscationum sunt omnino diuersi: nam quando lex confiscationem ipso iure imponit, ut in crimine læsæ maiestatis humanæ, & diuinæ contingit, & in nostro regno in crimine sodomiz, ex allegatis text. in princip. huius disputationis, bona delinquentis ita sunt obligata fisco à die commissi criminis, ut omnes alienationes ab illo die factæ in præiudicium fisci, vel sint nullæ, vel per sententiam rescindantur; quia sententia postea prolata retrahitur, & deuoluitur, ac si pronuntiata esset, cum delictum committitur, quod nullo modo habet locum in confiscatione imponenda per iudicem: & tradunt Doctores statim referendi. Item hæres delinquentis conueniri potest, & bonis à delinquente acceptis priuari, si memoria delinquentis condepernetur. *cap. accusatus, §. in eo, de hæresibus, in 6. quæst. vltima.* Condepernetur non potest in aliis criminibus, in quibus ante pronuntiationem delinquentis lis contestata non est, esse, ut in crimine læsæ maiestatis diuinæ, & humanæ, ut constituitur. *C. de delictis defunct. & ex l. ex indiciorum, 20 ff. de iur. iur. ibi, non alias transeunt aduersus hæreses pœna bonorum ademptionis, quam si lis contestata, & condemnatio fuerit secuta, excepto repetundarum, & maiestatis indicio.* Et ratio est, quia quando sunt bona ob delictum ipso iure, & facto confiscata, sunt obligata realiter fisco, & sic obligata transeunt ad hæreses, & ratione huius obligationis potest hæres conueniri: at quando bona non sunt ipso facto confiscata, hæres delinquentis conueniri non potest, quia non potest conueniri ratione delicti, quia hoc non excedit personam delinquentis: neque etiam conueniri potest ratione bonorum, quæ à delinquente possidebantur, cum non transierint in illum aliqua obligatione affecta: sic alios referens Farinacius *praxi 1. pars. quæst. 25. à num. 190.* Simancas *de catholic. institut. tit. 9. num. 186.* Valquez *1. 2. disput. 170. cap. 4. n. 22.* Sanchez *lib. 2. cap. 22. num. 26. 27. & 28.* Suarez *de fide, disput. 22.*

Difficultas ergo est, an delinquens ipso facto priuetur dominio suorum bonorum, quando delictum confiscationem habet annexam?

2 Prima sententia satis communis, & probabilis affirmat, quam defendunt post alios antiquiores Anton.

Gom.de delictis, cap.2. num.1. ante finem. Bursat. conf.14. num.3. Decian. lib.5. cap.20. num.3. Farinac.loquens de hæresi, q.190. §.5. num.68. & loquens de crimine læsæ maiestatis humanæ, q.116.n.66. Gregor.Lop.l.4. tit.2.p.7. Azor tom.1. lib.5. cap.7. q.1. & alij plures relati à Sanch. lib.2. cap.21. num.2. Probatur primò, quia committens delictum, ob quod bona sunt fisco addicta ipso iure, priuatus est potestate libera alienandi, & administrandi ea bona, sicut antea habebat, quod in crimine læsæ maiestatis humanæ est manifestum. ex l. ex iudiciorum 20. ff. de accusationib. ibi, Adco, vt Diuus Senerius, & Antonin. rescripserint, ex quo quis aliquid ex his causis crimen contraxit, nihil ex bonis suis alienare, an manumittere eum posse. & l. ult. C. ad leg. Iul. maiest. ibi, ex quo quis tale crimen contraxit, nec alienare, neque manumittere eum posse, neque ei soluere iure debitorem, magnus etiam Antonin. rescripsit. & in crimine hæresis in comperto est apud omnes, ex cap. cum secundum leges, de hæreticis, in 6. Sed dominium nihil aliud est, quam ius vtendi re propria, tanquam propria. Ergo cum delinquens ob delictum hoc ius amiserit, amittit & dominium. Secundò in l. quisquis. C. ad leg. Iul. maiest. declaratur ob prædicta crimina bona delinquentis esse fisco addicta. Ergo sunt sublata à possidente, saltem quoad dominium. Tertio ex l. ult. ff. ad leg. Iul. maiest. vbi vindicantur bona delinquentis translata ad hæredes, si ipsi satis non purgauerint delictum: sed vindicta soli domino competit. l. in rem. ff. de rei vindicat. Ergo fiscus dominus est. Quarta si fiscus dominium nõ compatat bonorum suorum delinquentis, quæ ipso iure publicantur, translata illa bona in tertium possessorem, fructificabunt ipsi, & non fisco: at contra contingit, quia fiscus vindicat rem delinquentis cum fructibus perceptis. Ergo signum est acquisisse dominium, vt dicitur l.4. tit.2. part.7. Quintò, si in crimine hæresis non amitteretur dominium à die commissi criminis, frustra Pontifex in cap. cum secundum leges, de hæreticis, in 6. prohiberet Principibus sæcularibus occupare delinquentiũ bona, quousque Episcopus, vel alius Ecclesiasticus habens potestatem proferat sententiam super tale crimen; si quidem certum est retento dominio alicuius rei, non posse à domino rem auferri, quousque per sententiam priuatus sit.

3. Secunda sententia non minus probabilis, & communis negat hanc pœnam confiscationis bonorum alicui delicto ita annexam esse, vt priuet ipso facto delinquentem dominio suorum bonorum: sic post alios antiquiores Vasq. 1.2. disput. 170. totò cap.3. Sanch. lib.2. in Decal. cap.22. num.3. Mol. tom.1. de iustit. disp. 95. vers. dubium verò est. Henric. lib.13. de excommunicat. cap.56. n.2. Peregrin. de iure fisci. lib.5. tit.1. num.171. Ant. Fab. coniectur. iuris lib.7. cap.20. Andr. Fachin. lib.9. controuers. cap.35. Probatur primò ex l. quasitum, 15. ff. qui, & à quibus manumissi. ibi: Quasitum est, an is qui maiestatis crimine reus factus sit, manumittere possit, quoniam ante damnationem dominus est? & Imperator Antoninus Calpurnio Critoni rescripsit ex eo tempore, quo quis propter facinorum suorum cogitationem iam de pœna sua certus esse poterat, multo plus cogitatione, & scientia delictorum, quàm damnatione ius dandæ libertatis eum amisisset. Videtur ergo solum amisisset delinquens ius dandæ libertatis à die commissi delicti, hoc est, liberam bonorum administrationem, non tamen amisisset dominium. Sed huic argumento acutè sanè respondet Decian. rationem dubitandi in supradicta lege, an delinquens ante damnationem manumittere possit, orram fuisse, ex eo quòd ante damnationem videretur dominus. Cui rationi dubitandi respondit Imperator, efficacius amittere delinquentem, postquam certus est de suo delicto ius dandæ libertatis, quàm post condemnationem; siquidem post condemnationem ideo amittit, quia certus est de suo delicto, quia sententia facit

notorium, sed magis certus est de sua propria conscientia, quæ falli non potest, & sic coniungendo rationem dubitandi cum ratione decidendi, & decisione ipsa, fieri necesse est, quòd sicut per damnationem amittit dominium, ita & amittit ante, postquam deliquit: alias non fuisset soluta ratio dubitandi, quæ erat, quòd ante condemnationem dominus est. Nam si voluisset dicere rationem decisionis esse, quòd aliud est amittere dominium, aliud amittere administrationem, simpliciter dixisset, manumittere non potest, licet dominus remaneat quoad sententiam. Sed responsum Deciani refelli potest ex eo, quòd alia fuit ratio dubitandi, alia ratio decidendi in supradicta lege. Ratio dubitandi an manumittere possit delinquens, fuit, quia dominus est ante damnationem. Ratio verò decidendi, & decisio ipsa negans posse manumittere ante condemnationem non fuit, quia caret dominio; aliàs inanis esset ratio dubitandi, an manumittere possit, cum certum sit carenti dominio id nullo modo permitti, sed fuit fraus facta fisco, quæ omnino à delinquente præiudici debuit; cum enim post crimen læsæ maiestatis contractum perfectæ donationes esse non possint, cum hæredes quoque teneant tale crimen. l. donationes. 32. §. ult. ff. de donationib. & committens hoc crimen prospicere debet, quòd sic damnari potest, l.8. ff. de manumissionib. inferitur in fraudem fisci factam fuisse alienationem; ac proinde ius plenum, & perfectum dandæ libertatis amisisset à die commissi criminis, non dominium.

Secundò probatur hæc sententia, quia delinquens commissio delicto, & ante sententiam non tenetur se bonis priuare, & fisco offerre, vt est communis sententia, quam probabimus puncto sequenti. Ergo signum est retinere dominium. Si enim dominium esset fisco translatum absque eius voluntate, retineri à delinquente bona non possent: nullibi autem constat de tali voluntate fisci. Ergo dicendum est retentionem provenire ex eo quòd dominio delinquens priuatus non fuerit. Neque valet dicere priuatum fuisse delinquentem dominio, & non possessione, cum verba generalia sint.

Tertio, quia ex vi criminis læsæ maiestatis solum habetur bona confiscata esse à die commissi delicti, sed inde non inferitur delinquentem amittere dominium, solum inferitur ab illo die illa bona fisco esse obligata, & quasi hypothecata, quòd stare optimè potest cum dominio, sicut hypotheca possessa à debitore est pene illius dominium; esto obligata sit creditori: Ergo dicendum est confiscationem dominio non priuare delinquentem, quia pœnæ restringendæ sunt, non extendendæ.

4. Verum, vt rectè Suar. disput. 22. sect.3. num.6. notauit, dissensio inter has sententias potius de nomine, quàm de re esse videtur, si effectibus huius confiscationis consentiamus. Certum enim est à die commissi criminis ita bona delinquentis esse obligata fisco, vt possit fiscus secuta sententia illa bona recuperare, à quocunque possessore inuenerit. Ergo signum est delinquentem amisisset ius quòd habeat transferendi plenè sua bona in quemcunque possessorem, & aliquod ius fisco esse translatum. E contra verò delinquens ante sententiam retinere illa bona potest, illisque frui, & vt, vt dicemus. Ergo non amisit omne dominium, seu ius vtendi, quòd antea habebat. Quocirca dici potest eum eodem Suar. dominium directum translatum esse in fiscum à die commissi delicti; remanere autem apud delinquentem dominium vtile. Qua distinctione conciliantur supradictæ sententiæ, neque aduersus eam procedunt rationes allegatæ. Nam priorem partem probant argumenta primæ sententiæ. Prima enim solum probat in crimine læsæ maiestatis priuatum esse delinquentem alienare perfectè, & irrevocabiliter.

Secunda

Secunda probat bona illa esse fisco addicta, id est, obligata, quod compati potest cum dominio vtili possidentis. Tertia vindicationem competere fisco non ante sententiam, sed lata sententia, in quo casu iam est perfectio dominus. Quarta conuincit rem esse obligatam fisco, & in ea habere dominium directum, ut possit lata sententia à die commissi criminis rem cum fructibus vindicare. Quinta probat Pontificem prohibuisse principibus secularibus occupare ante sententiam bona delinquentis, quia ante latam sententiam iudicis Ecclesiastici executio, & occupatio bonorum fieri non debet. Alias confiscationis iudices essent Principes seculares, non autem probat delinquentem habere, vel non habere dominium, quia ab hac questione voluit Pontifex abstinere. Argumenta autem secundæ probant secundam partem nostræ conclusionis, probant enim delinquentem non habere liberam, & absolutam bonorum suorum administrationem, cum non possit irreuocabiler rem alienare; habet tamen aliquam administrationem, etsi obligatam fisco.

PUNCTUM XVIII.

An confiscatio obliget delinquentem, cui bona sunt ipso iure confiscata, ea fisco tradere ante sententiam.

- 1 Affirmant aliqui.
- 2 Probabilius est oppositum.
- 3 Limitant aliqui, cum delictum occultum est, sed non approbatur limitatio.
- 4 Sed ad minus requiritur, sententia declaratoria criminis.
- 5 Illa posita non potest delinquens bona occultare.
- 6 Non tamen tenetur ea fisco offerre secundam communem sententiam, qua tamen difficultatem habet.
- 7 Quid si reus malitiose impediat sententiam declaratoriam, videtur obligatus.
- 8 Probabilius est oppositum.
- 9 Quid dicendum de procuratore, iudice, aliisque ministris iustitiæ, an sint obligati satisfacere fisco, cum malitiose confiscationem omittunt.

1 Plures ex Doctoribus, qui concedunt delinquentem absolute priuatum esse dominio suorum bonorum à die commissi delicti, affirmant obligatum esse delinquentem ea fisco tradere, eo ipso quò delictum committit, quia aliàs possiderent, & retinerent bona contra voluntatem fisci, qui est dominus, quod est illicitum: sic post alios antiquiores, quos allegat, tradit Alphons. Castro lib. 2. de lege pœnali, cap. 10. & 11. & lib. 2. de iusta heretic. punit. cap. 5. & 6. Anton. Gom. tom. 3. var. cap. 2. num. 5. fine. Tiraquell. pluribus relatis l. si unquam, verbo reuertatur, num. 368.

2 Verùm dicendum est cum probabiliori, communiorique sententia, hanc obligationem non esse delinquenti imponendam. Primò, quia licet Princeps in vno, vel alio casu possit obligare delinquentem, ut in seipsum pœnam grauem, & acerbam exequatur: at obligare per legem ad eius executionem extra potestatem legislatoris est; quia bono communi non expedit talis obligatio, cum sit humanæ infirmitati cōtraria, & multis transgressionibus exposita. At si delinquens commissio delicto obligaretur bona fisco tradere, obligaretur grauem in se pœnam exequi. Ergo non est dicendum hanc posse per legem obligationem imponi. Secundò leges imponentes hanc confiscationis pœnam, non priuant delinquentem expresse possessione suorum bonorum. Ergo non tenetur delinquens se possessione priuare, quia possessione nunquam quis censetur priuatus, nisi expresse dicatur, etiam si dominio priua-

tus sit: ut bene tradit Anton. Gomez tom. 3. variarum, cap. 2. de delictis, num. 3. Didac. Cantera in quest. crim. rubr. de heretic. cap. 1. num. 16. Farinacius alios referens, q. 25. num. 15. & de heresi, quest. 190. num. 85. ad textum in l. cum heredes. ff. de acquirend. possess. Ex qua ratione fit satis fundamento contrario, & ita hanc sententiam defendunt plures referentes Nauarr. summ. cap. 23. num. 66. Couarr. 4. decret. 2. part. cap. 6. §. 8. num. 10. Simancas de catholic. institut. tit. 9. à num. 161. vsque ad 152. Anton. Gomez sibi contrarius lib. 3. variarum, cap. ult. num. 3. Pegna director. inquisit. 3. part. comment. 158. Valquez 1.2. dispus. 170. totò cap. 3. Azor tom. 1. lib. 5. cap. 7. quest. 1. & 3. & lib. 8. cap. 12. quest. 3. Sanchez lib. 2. cap. 22. num. 7. Suarez de fide, dispus. 22. sect. 3. num. 3. Farinacius de heresi, quest. 190. num. 23.

3 Limitant autem aliqui conclusionem, ut intelligatur, cum delictum occultum est, tunc enim affirmant non teneri delinquentem se bonis spoliare, ne, inquam, esset occasio se prodendi; secus si notorium sit, quia tunc cessat ratio ob quam sententia requiritur, quæ est, ut de delicto constet, & nulla detur occasio vexandi innocentem. sic Castro lib. 2. de lege pœnali, cap. 10. in suo principali argumento pro sua opinione. Ludouicus Gomez cap. 1. num. 7. de rescriptis. Gregorius Lopez l. 4. verbo et señorio, tit. 2. part. 7. Farinacius de crimine lese maiestatis, quest. 116. num. 18. & 19. & alij relati à Sanchez n. 14. At cum eodem Sanchez num. 15. nullatenus hæc limitatio est admittenda, sicut neque illam admittit Valquez supra num. 14. Simancas num. 165. Suarez num. 7. Farinacius num. 23. & alij apud ipsos. Quia lex confiscans bona æquè de delictis publicis, ac occultis loquitur, neque vllam distinctionem facit. Ergo si efficaciam non habet aduersus delinquentem secretò, ut illum obliget se bonis spoliare; neque etiam habebit efficaciam aduersus delinquentem publicè. Adde sententiam non requiri, ut populo de delicto constet, quia populus non obligatur hæretici bona fisco deferre, neque etiam requiritur, ut ipsi delinquenti constet de suo delicto; cum satis sua conscientia, quæ falli non potest, ei reddat clarissimum. Requiritur ergo sententia, ut pœna imposita per legem applicetur, & quasi executioni mandetur, audito delinquentem, & eius defensionibus examinatis. Quare etiam si crimen in iudicio confessus fuerit delinquens, adhuc nõ est obligatus se bonis spoliare, neque fisco potest ab illo ea eripere, quia illa confessio solum facit esse notorium delictum, non reum damnatum, & pœnam applicatam: quod non leuiter indicat l. ult. C. ad legem Iuliam maiest. ibi, ut conuictio reo memoria eius damnetur, & eius bona successoribus eripiantur. Requiritur ergo esse reum conuictum, & damnatum, ut eripi bona possint, & in cap. cum secundum leges, de hereticis, in 6. cauetur non posse ante sententiam super crimine occupari bona delinquentis: & ita tradit Sanchez illò cap. 22. num. 16. Fachin. lib. 4. controuerf. cap. 35. fine. Hæc autem sententia in delictis, quæ confiscationem, & pœnam trahunt ipso iure, sufficit, si sit declaratoria delicti, quia eo ipso est simul condemnatoria pœnæ delicto annexæ, ut rectè expendit Sanchez lib. 2. cap. 22. num. 27. Valquez 1.2. dispus. 170. cap. 4. num. 14. Simancas de catholic. institut. tit. 9. num. 164. Quòd si in aliqua lege dicatur non opus esse sententia declaratoria, ut quis bona sua amittat, sed eo ipso, quo delinquit, absque alia declaratione censetur amisisse, ut dicitur in crimine sodomitico in hac Castellæ regno, l. 1. tit. 21. lib. 8. recop. adhuc censeo probabilius sententiæ declaratoriam criminis requiri ob rationes in principio factas, quia aliàs esset obligatio nimis acerbæ, & rigorosæ, & regulariter vltra humanas vires, & bono communi non expediens. Quare intelligenda est lex talis de sententiæ declaratorij pœnæ; ita ut absque hac sententiæ censetur pœna incurra, non tamen absque aliqua sententiæ criminis

minis declaratoria. sic Valq. *disp.* 170. à num. 21. 24. & 25. Anton. Gom. 3. *var. cap. ult. num.* 3. Matien. *lib. 5. recap. tit. 11. leg. 5. gloss. 1. num.* 4. ibi Azucd. *num.* 1. Sanch. pluribus exornans, *lib. 2. cap. 22. num.* 20. Neque obstat, si dicas, eo ipso, quo aliqua pœna imponitur ipso iure delicto, sufficit ut incurratur sententia declaratoria criminis, neque necessaria est sententia expressè ad pœnam condemnans. Ergo si lex excludit declarationem, videtur hanc declarationem criminis excludisse, non pœnæ declarationem, quæ per se, utpote non necessaria, exclusæ est. Non, inquam, obstat, quia non est omnino certum non esse necessariam sententiam declaratoriam pœnæ, simul cum sententia declarante delictum, iuxta l. *Preses. C. de sentent. & interlocut.* ubi definitiva sententia, quæ absolutionem, vel condemnationem non continet, pro iusta non habetur. Deinde concessio non esse necessariam sententiam expressè declarantem pœnam, et incurratur, adhuc lex potest illam excludere ad maiorem claritatem, & firmitatem, quod non est alienum ab stylo legum, ut tradit Couarr. *lib. 2. var. cap. 5. num.* 9.

4 Hinc fit ante hanc sententiam declaratoriam criminis neque teneri delinquentem etiam publicè bona offerre fisco, neque fiscum posse ea bona occupare, quia non potest occupare bona, dum delinquens ea iure possidet. *cap. in literis, de restit. foliat.* at, dum non accedit hæc sententia, iure possidet delinquens. Ergo sic docet Simanc. *de catholicis institutis. tit. 9. à num.* 175. Mol. *tom. 1. disput.* 95. in solut. ad 3. Valq. *de leg. disput.* 170. *cap. 4. n.* 15. Sanch. *cap. 22. num.* 18. Suar. *disput.* 21. *de fide. sect.* 2. n. 6. circa finem; cum hoc tamen stat, ut fiscus ante sententiam bona tradat alicui custodienda, ne auferantur; hoc enim & fisco, & delinquenti utile est, & notat Suar. ibi.

Difficultas ergo est, an accedente hac sententia declaratoria criminis teneatur delinquens bona fisco offerre?

5 Qua in re ferè omnes conveniunt non posse tunc delinquentem executioni sententiæ resistere, quia esset resistere executioni iustæ, & debitiæ post sententiam. Unde non poterit bona ex proposito occultare, & alij observanda tradere, ne fiscus illa occupare possit, quia hæc est positiva resistencia. sic Bannes 2. 2. *quest.* 62. *art.* 3. *dub.* 2. Aragon. ibi, *col.* 2. Sanchez *lib. 2. cap.* 22. *num.* 11. Bonacina *disput.* 3. *de contract. quest.* 8. *punct.* ult. §. 3. *num.* 5. Secundò, si edictis, vel alio modo à iudice rogetur de bonis, quæ habet, & fisco iam applicata sunt, debet manifestare. Quod si ab hac manifestatione absteineat, executioni sententiæ positivè resistit, & contra iustitiam adversus fiscum peccat, & restituere obligatur. Quia fiscus ratione dominij acquisit in delinquentis bona ius habet obligandi delinquentem, ut veritatem interrogatus manifestet: sic Bannes, Aragon, Bonacina, Sanchez *supr.* & Azor *tom. 1. lib. 5. cap. 8. quest.* 4. & *tom. 3. lib. 4. cap. 16. quest.* 9. Quod dico de delinquentem, idem dicendum est de illius hærede, & possessore, apud quos talia bona delinquentis condemnati existunt. sic Azor illo *cap. 8. quest.* 4. Sanch. *n.* 12. & 13. quia semper bona transcunt cum illo onere, & obligatione ad fiscum.

6 Verum si delinquens condemnatus (& à fortiori eius successor) bona occupanda à fisco non occultet interrogatus, neque resistat, si auferantur, sed potius paratus sit ea petita offerre, communis sententia tenet satisfacere obligationi; neque debere ea fisco offerre, quia sententia non obligat delinquentem, ut ea bona fisco tradat, sed ius tribuit fisco ea capiendi, quia esset durissima obligatio delinquentem executores suæ pœnæ constituere. sic Couarr. 4. *decret.* 2. *p. cap. 6. §. 8. num.* 10. *corol.* 2. Simanc. *tit. 9. num.* 184. Azor *tom. 1. lib. 5. cap. 8. quest.* 4. Mol. *tom. 1. disput.* 66. *vers. addit.* & *disput.* 95. *vers. ad 2.* Sanch. *lib. 2. cap. 22. num.* 8. Bonac. *disput.* 3. *quest.* 8.

p. ult. §. 3. num. 5. Suar. *de fide, disput.* 22. *sect.* 2. *fine.* Farinac. *quest.* 190. *num.* 23. & alij apud ipsos. Limitant autem Couarr. Simanc. Mol. Sanch. & alij, nisi iudex expressè ad solutionem cõdemneret, quod in confiscatione omnium bonorum, vel partis illorum nunquam fit. Ceterum hæc communis resolutio mihi difficultatem ingerit. Nam facta condemnatione iam delinquens nullum ius habet in illis bonis confiscatis, sed totum ius translatum est ad fiscum. Quapropter fiscus ea sibi ut propria occupat. Ergo quamvis fiscus non petat, non poterit delinquens ea retinere, & multo minus alienare, aut in proprios usus consumere, quia hæc est propria actio dominij, & possessionis, à qua iam per sententiam spoliatus est: sic docuit Cordub. in suis *quest. lib. 1. q. 36. nerab.* 2. & fauet Valq. *de legib. disput.* 172. *cap. 2. num.* 11. Neque obinde fit obligari delinquentem ad rem nimis arduam, & difficilem; tum quia declarato delicto, & lata sententia non est nimis acerbum deferre delinquentem sua bona fisco. Tum quia non est necessarium, ut deferat, sufficit, si manifestet bona, quæ habet, ut possit fiscus ea occupare. Quod si facta manifestatione fiscus negligens fuerit in illorum bonorum occupatione; iam tunc censetur ex voluntate fisci delinquens possidere: quæ voluntas ante manifestationem præsumi non potest.

7 Sed quid dicendum, si reus interrogatus de delicto, quod reuera commisit, negat contra iuris ordinem veritatem, aut falsis testibus innocentiam probat, aut futile appellatione iudicium subterfugit; & obinde neque damnatur, neque fiscus eius bona occupat, an teneatur fisco restituere emolumentum, quod posita sententia percepturus erat? Ratio dubitandi est, quia licet fiscus non habeat ius occupandi delinquentis bona nisi posita sententia declaratoria criminis: at videtur habere ius, ne hæc occupatio mendaciis impediatur, sicuti nullus habet ius, ut tu ei legatum aliquod gratiosum in testamento relinquant, eive donationem facias, beneficium conferas: at habet ius, ne ab aliquo vi, fraude, aut fallacia impediatur id facere, quod si aliquis te impedit, ipse tenetur emolumentum, quod inde sperabas, restituere. Et confirmo, si querentem beneficium, quod consequi poterat sollicitudine sua, diuertas ab illius consecutione mendacio, nemini est dubium te esse obligatum restituere emolumentum obuenturum. At falsis testibus, & mendacio diuertas fiscum querentem consequi tua bona, ne consequatur. Ergo teneris reparare: & ita docet Castro *de lege pœnali lib. 2. cap. 12. §. ex his*, Molin. *tom. 1. de iustit. disput.* 95. *vers. duo sunt.* Sotus *lib. 1. de iustit. q. 6. art. 6. ante §. conclus.* & est satis probabilis sententia.

8 Nihilominus probabilior sententia, & communior est, quæ eximit reum ab hac obligatione, sic multis relatis docet Sanch. *lib. 10. de matrim. disput.* 8. *num.* 14. & *lib. 2. in Decal. cap. 22. num.* 22. Valq. 1. 2. *disput.* 175. *cap. 2. num.* 13. & 14. Lessius *lib. 2. cap. 31. dub.* 8. *num.* 50. & 56. Reginald. *lib. 24. num.* 145. Bonac. *disput.* 10. in 8. *Decalogi præcepto*, q. 3. *p. 2. num.* 23. & *disput.* 3. *de contract. quest.* 8. *p. ult. §. 3. ad fin. num.* 6. & alij apud ipsos. Moueor, quia fiscus non habet ius ad obligandum reum, ut veritatem fateatur; ea enim obligatio solum ex iudicio, iustitiæque legali provenit. Ergo cum veritatem occultat reus, & fallaciis vititur, non adversus fiscum delinquit, sed adversus iudicium, iustitiæque legalem. Ergo ad nullam restitutionem, compensationemque fisco tenetur. Et confirmo si fiscus ad pœnam corporalem infligendam reo procederet, ipsæque reus veritatem negaret, non ob inde adversus fiscum, sed adversus iudicium publicum delinqueret. Ergo similiter, cum ad pœnam pecuniariam proceditur. Et ratio omnium est, quia iudicium publicum per se institutum est ad punienda delicta, & mala præcauenda in republica, non ad ditandos accusatores. Ergo negatio veritatis, & fallentia facti in iudicio,

dicio, non aduersus accusatores directè procedit, sed aduersus ipsum iudicium, ac proinde nulla est obligatio compensandi.

Secus verò dicendum esset de procuratore fisci, si in iudicio delinquentem accusare, cum se teneri sentit, sciens facta accusatione, & condemnatione sequuta bonis illius delinquentis esse fisco occupaturum, quia huiusmodi procurator fiscalis ea conditione à republica constitutus est, ut utilitatem fisci procuraret, delicta que in iudicium deferat, ut punita fisco emolumentum afferant: quare si negligens fuerit, videtur ad restitutionem esse obligatus. Iudices autem, & alij ministri iustitiæ, etiam si negligentes sint in deferendis in iudicium, puniendisque peccatis, non videntur ad restitutionem fisco obligari esse, quia non ad ditandum fisco, eiusve utilitatem querendam instituti sunt à republica, sed ad purgandum illam à vitiis, & in pace conservandum. At si iam delicta in iudicium essent delata, & à fiscali, vel à quolibet alio, cui poena esset applicanda, peteretur sententia, ipsæque iudex negligens sit in illa ferenda, & poena applicanda, absque dubio credo obligatum esse emolumentum obuerturum compensare. Quia ex iustitia commutativa obligatus est iudex in iudicio reddere petenti ius suum: at ius habet petens poenam, ut sibi per sententiam applicetur. Ergo si negat, iniustitiam aduersus petentem committit, & non solum aduersus iudicium publicum: & hæc omnia docet Vasquez 1.2. disp. 175. cap. 1. à num. 9. usque in finem.

PUNCTUM XIX.

An confiscatio ipso iure à delicto imposita impediatur, ne delinquens alienare sua bona possit, & faciat, ut fiscus ea sic alienata possit recuperare.

- 1 Probatur delinquentem impeditum esse alienare.
- 2 Contrarium est probabilius.
- 3 Satisfit fundam. num. 1. adducto.
- 4 Non sunt alienationes ita validae, quin fiscus eas renouare possit.
- 5 Excipe nisi possessores præscripserint.
- 6 Tempus ad præscriptionem in crimine hæresis quadragenarium est.
- 7 Limitatur ab aliquibus, nisi fisco regis sint applicata, quia tunc quinquennium sufficere dicunt. Non admittitur limitatio.
- 8 Secundo limitant, ut præscriptio procedat post mortem delinquentis secus in eius vita. Non videtur approbanda limitatio in rigore.
- 9 Notanda sunt aliquot conditiones, quas præscribentes habere debent, ut illis faueat præscriptio.
- 10 In alijs criminibus ab hæresi non præscribitur minori tempore, quam vicesimo.
- 11 Fiscus non potest petere bona à tertio possessore in ipsius fraudem alienata, nisi infra annum utilem.
- 12 Fisco non datur restitutio aduersus præscribentem bona, quæ illi competeant.
- 13 Alienationes necessaria factæ ab hæretico, renouari non possunt à fisco.
- 14 Explicatur, quæ sint alienationes necessariae.
- 15 Item non renouantur alienationes factæ à marito bonorum uxoris, quæ constante matrimonio acquisita sunt.
- 16 Alienationes gratuita horum bonorum renouari possunt, utpotè quæ præsumuntur in fraudem.
- 17 Quid si maritus conscius fuit uxoris criminis, verius est, renouari tunc posse alienationem.
- 18 Quid si incidit in hæresim, & reconcilietur.
- 19 Sola alienatio de bonis post delictum facta, est renouabilis.

20 Non renouantur alienationes factæ à reo per potestatem publicam absoluto.

21 Licitum ne sit hæc alienatio? Proponitur ratio dubitandi.

22 Resolvitur licitum esse.

23 Tenebris tamen vitium manifestare, quando adest periculum renouationis, & inferuntur notabilia.

Dupliciter confiscatio impedire alienationem potest. Primò ut licitè fiat. Secundò ut validè.

1 Et quoad valorem alienationum videntur aliquæ leges omnino impedire, & alienationes irritas reddere. Nam lex Manichæus, §. præterea, C. de hæreticis, & Luthim. C. ad legem Iuliam maiest. tollitur à delincente facultas, & additur tales alienationes valere non debere. Idem traditur in nostro regno l. 4. tit. 2. part. 7. quibus legibus fauet sententia illa asserens delinquentem ob delictum commissum priuatum esse dominio suorum bonorum; non igitur validè alienare potest: & ita tradunt Simancas de catholicis infirmis. tit. 9. num. 25. Peregrinus de iure fisci, lib. 5. tit. 1. num. 166. Bossius in sua præf. tit. de bon. publicis. n. 76. & alij relati à Sanchez, Farinacio, & alijs statim referendis.

2 Cæterum probabilius existimo alienationes à delincente factas, quouis titulo fiant validas esse, venire tamen annullandas per sententiam. sic docent Vasquez 1.2. disp. 171. cap. 2. num. 9. Azor tom. 1. lib. 5. cap. 7. quæst. 7. sine. Sanchez lib. 2. cap. 22. num. 50. Suarez de fide, disp. 22. sect. 4. num. 3. Farinacius de hæresi. quæst. 190. num. 72. & alij apud ipsos. Ratio est, quia delinquenti ante condemnationem interdicta non est bonorum suorum administratio, sed legitimam administrationem sequitur potestas alienandi. Ergo delinquens potens est alienare, & consequenter validè alienat. Et confirmo, si delinquens non posset liberè alienare bona ob delictum confiscata, cum ex testamento filio hæreditatem relinqueret, obligatus esset vel fisco manifestare delictum, ut sciret illa bona accepta inalienabilia esse; vel debebat prius satisfacere fisco, ne pateretur damnum ex filij alienatione. Hæc autem sunt inaudita. Ergo non est dicendum inualidam esse delinquentis alienationem. Confirmo secundò. Contractus facti à Catholicis cum hæreticis Angliæ, & Germaniæ ab omnibus reputantur legitimi, qui certè non essent, si delictum hæresis priuaret delinquentem potestate validè contrahendi, cum ipsi verè hæretici sint, & omnes poenas hæreticis impositas incurrant.

3 Neque leges pro contraria sententia adductæ videntur: sæpè enim donationes, & alienationes, quæ firmæ, & ratæ non sunt, inualidæ vocantur, ut colligitur ex l. 1. & l. post contractum, ff. de donationibus, ac proinde nihil mirum, si donationes, & venditiones factæ post contractum dicantur inualidæ, hoc est, infirmæ, & retractabiles.

Aduertit optimè Vasquez in cap. 2. num. 9. & ex illo Sanchez cap. 22. num. 51. plurimum differre vno, aut alio modo philosophari, nempe asserere alienationes esse ipso iure nullas, vel venire annullandas per sententiam. Nam qui dicunt has alienationes inualidas esse ipso iure, consequenter affirmare debent fructus ex rebus alienatis percipientes restituendos esse, siquidem nullum ius in illis bonis per alienationem est comparatum. Secus verò est dicendum, si alienationes valeant, quia tunc recipiens fructus facit suos, neque ad restitutionem obligatur, quousque delinquens condemnatur.

4 Nihilominus etsi ipso iure alienationes validæ sint: at certissimum est apud omnes Doctores, ut videre est in Sanch. lib. 2. cap. 22. n. 33. & 36. Suar. de fide disp. 22. sect. 4. num. 5. Farinac. de hæresi. quæst. 190. num. 70. alienationem factam à delinquente post delictum commissum,

sum, cuius bona ipso iure publicantur, non ita validam esse, quin fiscus eam reuocare possit. Quia à die commissi delicti ea bona sunt fisco addicta, & quasi in hypothecam tradita, ac proinde in quolibet possessorem cum illo onere transeunt: hoc enim ad minus probant leges prohibentes his delinquentibus alienationes, ut est lex, ex iudiciorum. *vers. adeo. ff. de accusationib. ibi, ex quo quis aliquod ex his causis crimen contraxit, nihil ex bonis suis alienare, aut manumittere eum posse. & l. Manichæus §. prætereà. C. de hæreticis. ibi, non relinquimus contrahendi facultatem. l. ult. C. ad leg. Jul. maiest. ibi, neque alienare posse. l. donationes in concubinam. §. fin. ff. de donationib. & aliarum.* Probant enim, ut non possit sic delinquens alienare firmiter, & irrevocabiliter. Quapropter lata sententia confiscatio retrahitur à die commissi delicti, ac si illo die sententia lata fuisset, & bona alienata ab illo die devoluntur ad fiscum, etiam si ad plures possessores pervenissent, seclusa præscriptione, de qua infra. Quod verum est, etiam si bona fide quis à delincente receperit ignorans prorsus delictum; quia hæc ignorantia, & bona fides non tollit rem acceptam obligatam esse fisco; ac proinde non infirmat ius fisco acquisitum.

5 Hæc tamen doctrina aliquas patitur limitationes. Prima nisi possessores illorum bonorum, quæ fisco erant addicta, præscriptione legitima se defenderint, ex *cap. si. de præscriptionib. in 6. l. 2. C. de apostatis. l. in omnib. ff. de iure fisci, & in confesso est apud omnes.*

6 At controuersia est inter Doctores, quod tempus ad hanc præscriptionem sufficiat; nam aliqui spatium 40. annorum constituunt, aliqui 30. alij 20. alij 10. alij 5. vide Bart. l. 2. C. de uellicat. Farinac. 1. p. præf. quæst. 10. num. 82. & quæst. 25. num. 158. & de hæresi. quæst. 190. num. 119. Anton. Gom. tit. de confiscat. num. 5. Boffium, tit. de publicat. bonor. num. 78. Peregrin. de iure fisci, lib. 6. tit. 8. n. 36. Sanch. lib. 2. cap. 22. num. 37.

Dicendum ergo est in crimine hæresis necessarium esse spatium 40. annorum, ut possessor præscribat bona delinquentis aduersus fiscum: habetur expressè *cap. 2. de præscriptionib. in 6. ibi, nisi spatium 40. annorum fuerint bona fide possessa*; & ita tenet pluribus relatis Sanchez lib. 2. cap. 22. num. 40. Farinac. locis relatis. Fachin. lib. 9. controuers. cap. 54. Molin. de iustis. tom. 1. disp. 73. *versic. hinc infert.*

7 Limitant autem Couarr. 4. decret. 2. p. cap. 6. §. 8. n. 16. Anton. Gomez tom. 3. var. cap. ult. num. 5. ad finem. Greg. López l. 7. verbo dende en adelante, tit. 25. part. 7. Quemada in suis quæst. fiscalib. quæst. 16. conclus. 2. & 3. sequentes Abbatem in *cap. cum à nobis, num. 8. Felin. num. 11. de præscription. ut procedat, cum bona hæretici fisco Ecclesiæ sunt applicanda*, secus si fisco sæculari: tunc enim affirmant quinquennio præscribi. Mouentur ex l. 2. C. de apostatis. ubi quinquennio præscribitur, ne contra apostatam defunctum procedatur. Cæterum hæc limitatio admittenda non est, sed indistinctè affirmandum spatium quadragenarium requiri ad hanc præscriptionem, siue fisco Ecclesiæ, siue sæculari bona applicentur: sic docent Farinac. de inquisit. quæst. 10. num. 82. & 9. 25. num. 163. Sanchez num. 40. Simanc. de catholic. institut. tit. 18. n. 14. & tit. 9. n. 133. Molin. *suprà*. Pegna comm. 92. in 3. p. direct. & alij apud ipsos. Ratio est, quia in delictis Ecclesiasticis puniendis standum est potius dispositioni iuris canonici, quàm civilis. At est certum hoc crimen hæresis Ecclesiasticum esse, *cap. ut inquisitionis. §. prohibemus, de hæreticis, in 6.* Ergo cum secundum ius canonicum spatium 40. annorum, & non minori concedatur præscriptio, illi standum est. Item Pontifex nullam distinctionem fecit de confiscatione applicanda fisco Ecclesiastico, vel sæculari. Ergo de utroque indistinctè censendus est loqui. l. 1. §. generaliter. ff. de legat. præstandis: quia ubi lex non distinguit, nec nos distinguere debe-

mus. l. 3. ff. de officio præsidis. l. de pretio ff. de public. in rem actione. Neque l. 2. C. de apostatis. urget, quia, ut bene dicit Fachin. lib. 9. controu. cap. 54. non de confiscatione loquitur, sed de actione intra quinquennium exercenda contra testamentum apostatæ: ibi, *et quæ gratia testari minime potuisse, confirmat intra iuge quinquennium.*

8 Secundò & à contrario limitant alij, ut supradicta doctrina de præscriptione quadragenaria procedat post mortem hæretici: nam illo viuentem affirmant nunquam posse præscribi; etiam si mille annos possiderent, sic relato Ioan. And. Anchar. Dominico tradit Sanch. n. 37. Mol. *diffut. 73. concl. 3. & 6. Farinac. de hæresi. quæst. 190. num. 122.* Mouentur, quia viuentem hæretico semper contra illum procedi potest, etiam si quadragenarium tempus præcesserit, sed quoties contra hæreticum procedi potest, & condemnari; non videtur possessores suorum bonorum præscribere. Ergo. Item quia textus in *cap. fin.* concedit post mortem hæretici eam in suis bonis præscriptionem. Ergo cum de vita nihil loquatur, censuit in illa dari non posse. Cæterum etsi hæc limitatio in consulendo, & iudicando retinenda sit, propter auctoritatem Doctorum: at in puncto iuris censerem repellendam esse. Tum quia esto nullo tempore præscribatur actio procedendi contra hæreticum, inde non inferitur, nullo vnquam tempore aduersus fiscum in eius bonis præscribi. Nam Couarr. *suprà* n. 16. Sanch. num. 42. Simanc. tit. 18. num. 42. affirmant nullo vnquam tempore præscribi actionem procedendi contra hæreticum defunctum ad eius memoriam damnandam, & tamen affirmant pro certo præscribi spatio quadragenario aduersus eius bona. Neque etiam ex eo quod textus in *cap. fin. de præscriptionib.* nihil de præscriptione viuentem hæretico loquatur, inferitur sensisse non posse præscribi illo tempore: tum quia iste fuit casus omittus, & relictus dispositioni iuris communis: tum quia expressè concedit textus aduersus Romanam Ecclesiam in bonis ab illa acceptis, quadragenario præscribi, cum tamen iure communi centenariò præscribatur, ex *cap. ad audientiam, cap. cum nobis, cap. si diligenti, de præscriptionib. cap. 2. eod. tit. in 6. Authent. quas actiones. C. de sacrosanct. Eccles.* Ergo quoties possessor non possidet bona Romanæ Ecclesiæ per delictum applicata, poterit certè quadragenario tempore præscribere. Adde si bene supradictus textus expendatur, clarè in prima parte insinuat viuentem hæretico quadragenario tempore præscribi posse in bonis ad alias Ecclesias pertinentibus, & centenario in pertinentibus ad Ecclesiam Romanam. Inquit enim text. *Statuimus in apprehendendis, vel occupandis bonis eisdem, quæ à Romana, vel ab alijs delinquentes tenent, nullis ipsis Ecclesiis temporis lapsus obstat, nisi contra ipsam Romanam Ecclesiam centenaria, vel contra Ecclesias alias quadragenaria præscriptio legitime sit completa*, ubi nulla distinctio fit de viuentem hæretico, vel illo mortuo. Quocirca existimarem dicendū contra fiscum Romanæ Ecclesiæ in bonis ab illa in feudum, vel alio titulo acceptis non præscribi, nisi centenario. Excipe, nisi post mortem hæreticorum bona ipsa fuerint à filiis catholicis, &c. quadragenario bona fide possessa. In bonis autem, quæ non ab Ecclesia Romana accepta sunt in feudum, neque illius sunt alio titulo, sed ad Ecclesias alias pertinent, aut Ecclesiæ Romanæ solum pertinent ob fiscum, ratione delicti commissi, quadragenario absque vlla distinctione præscribitur, quod meo iudicio, pluribus firmat Farinac. quæst. 25. num. 163. & 168.

9 Porro cum in *suprad. cap. fin. de præscriptionib. in 6.* singularis fauor fiat successoribus hæreticorum, ut videlicet post mortem delinquentium, ne molestantur in bonis, quæ possident, si quadragenario possideant, etiam si talia bona ad Romanam Ecclesiam pertineant, & ab illa sint accepta, meritò aliquæ conditiones speciales ad hanc

hanc præscriptionem exiguntur, quæ in præscriptione bonorum ob alia delicta non expostulantur. Prima, ut possidentes Catholici sint: nam si hæretici essent, nunquam possent præscribere, sicut neque ipse hæreticus aduersus fiscum præscribit. Secunda, ut hæreticus, quorum bona possident, præsumatur Catholicus decessisse; cui præsumptioni obstat, si diffamatus, vel suspectus de hæresi discessit. Tertia, ut in iis conditionibus toto quadragenario tempore perseueret: nam si intra illud nuntiator defunctum hæreticum fuisse, vel ipse possessor in hæresim incidit, tota hæc præscriptio interumpitur; quia cessat bona fides, quæ à supradicto textu expostulatur: sic glossa *ibi*. Dominic. num. 4. Pegna director. 3. part. comment. 92. versic. filij verò. Sanchez lib. 2. cap. 22. num. 41.

10 Verum si de præscriptione bonorum confiscatorum ob alia crimina præter hæresim sermo sit, credendum probabilius non præscribi minori tempore, quam 20. annis; quia ita videtur expressè definitum in *l. in omnibus. ff. de diuers. & temp. præscript. ibi, in omnibus fisco questionibus, exceptis causis, in quibus minora tempora seruari specialiter constitutum est*, 20. annorum præscriptio custoditur. Ergo ubi minora tempora constituta non fuerint, 20. annorum spatium necessarium est. Idem habetur *l. querela. C. ad legem Corneliam de falsis*, ubi Diocletianus inquit: *Querela falsi temporalibus præscriptionibus non excluditur, nisi 20. annorum exceptione, sicut cetera quocunque ferè crimina*. Ergo si in cognitione delictorum, quoad condemnationem personæ non præscribitur minori spatio, quam 20. annorum, ut tradit *supradict. l.* ergo neque etiam minori tempore præscribetur in bonorum condemnatione, quæ accessoria est. sic glossa & Bart. in *suprad. l. in omnibus*. Boslius de publ. bon. num. 78. Fachin. cap. 54. lib. 9.

Neque obstat *l. 2. C. de vectigalib. & commiss.* ubi quinquennio aduersus fiscum præscribitur, quia loquitur specialiter de bonis confiscatis ob vectigal non solum, sed etiam quando bonorum confiscatio facta fuerit ob aliud delictum. sic Fachin. *supra*. Farinacius quest. 25. num. 163.

Neque etiam obstat *l. in cognitione, ff. ad Sillan.* quia etiam est casus specialis, loquitur de cognitione aperti aduersus senatusconsultum testamenti eius, qui à familia sua occisus dicatur, quæ cognitio quinquennio præscribitur. Neque item obstat *l. sicut, & l. omnes, C. de præscript. 30. vel 40. ann.* ubi hoc spatium requiritur ad præscribendum bona fisco acquisita: loquitur enim de præscriptione bonorum, quæ iam sunt fisco incorporata; hæc enim, ut habetur *Institut. de usucapionibus, §. res fisci*, vfucapi non possunt, nisi illa longissimi temporis præscriptione, ut bene dicit Molin. *de iust. tom. 1. disp. 73. concl. 1.* secus verò de bonis, quæ licet publicata sint, non sunt tamen fisco incorporata; hæc enim etiam sine titulo, modò adsit bona fides in possidente, præscribuntur ad minus 20. annis; & tradit Farinacius q. 25. num. 163. *fine*. Bona fides in his omnibus existit, etiam si scias delinquentem culpam commisisse, ob quam bona ipso iure publicantur; cum enim non tenearis bona illa fisco offerre, sicut neque ipse delinquens tenetur, huiusmodi cognitio non impedit bonam fidem: & tradit expressè Molin. *tom. 1. de iust. disp. 66. concl. 1.* cum Couarr. 4. decret. 2. p. cap. 6. §. 8. n. 16. & reg. possessor. 2. p. §. 11. n. 5. Panormit. Felin. & alii in cap. vlt. de præscriptionibus. Lessio lib. 2. cap. 6. dub. 6. num. 20. versic. respondeo iuris periti, &c.

11 Aduerto primò fiscum petere non posse à tertio possessore bona in ipsius fraudem alienata, nisi infra annum utilem, cuius loco datur hodie quadriennium, quia illo tempore tolluntur, & præscribuntur actiones reuocatorie. *l. 1. §. 1. ff. qua in fraudem credit. §. item si quis in fraudem. Institut. de actionib.* & tradit Anton. Gomez *Trat. de Castro Sum. Mor. Pars 1.*

tom. 3. cap. 14. de bon. public. n. §. fine. Farinacius q. 25. n. 164. 12 Secundò aduerto fisco non dari restitutionem aduersus præscribentem bona, quæ illi competeant: sic Farinac. *supra*. n. 165. & seq. cum Tob. Nonio *conf. 105. n. 3.* Tum quia in odiosis, & correctoriis (qualis est actio confiscandi bona) cessat, & deneganda est in integrum restitutio, ut tradit Aymon. *conf. 271. n. 7. lib. 2.* & Andr. Tiraquel. *de viroque retractu, p. 1. §. 3. gloss. 2. n. 10. & seq.* Tum etiam, quia in executionibus, & executionibus penarum, nec fiscus, neque alius de iure restituitur, ut per multos Doctores ibi comprobatur Farinac. specialiter declarat Oddus Perus. in *tract. de restit. in integ. p. 1. q. 3. n. 85. & seq.*

13 Secundò limitatur conclusio, ut intelligatur in alienationibus non necessariis: alienationes enim necessariae factæ ab hæretico, seu ab illo, cui sunt bona publicata, & cui est interdicta bonorum suorum administratio, reuocari non possunt à fisco; eo quod hæc alienationes quasi nomine fisci, & ex præsumpta ipsius voluntate censentur esse factæ: sic Couarr. 4. decret. 2. p. cap. 6. §. 8. n. 9. Anton. Gomez *tom. 3. var. cap. vlt. num. 4.* Boslius *pract. tit. de bon. public. num. 77.* Peregrin. *de iure fisci, lib. 1. tit. 1. n. 166. & 176.* Sanchez lib. 2. cap. 12. n. 55. Bonacina *disp. 3. de contract. q. 8. p. vlt. §. 3. n. 4.* Farinacius de *heresi, q. 190. n. 87. & q. 164. n. 96.* & alij apud ipsos: & licet Gabr. Quemada q. 7. n. 6. & seqq. videatur ab hac opinione dissentire: at illam indicat æquiores; & fauet *l. alienatione, l. 3. C. famil. erisc. ibi, alienationes post iudicium acceptum, interdicta sunt dumtaxat voluntaria.* Ergo ex causa necessaria censentur concessæ.

Quæ autem alienationes reputentur necessariae, hæc sunt, Prima, quando hæreticus expendit bona sua, ut creditoribus satisfaciatur, quia tunc facit, quod fiscus facere debebat. *l. sed neque illud. ff. de solut. & tradit Bart. in l. post contractum. n. 17. ff. de donat. & ibi Imola n. 9.* Paul. de Montepico n. 76. Farinac. de *heresi, q. 190. n. 87. & de falsis, q. 164. num. 97.* Sanchez lib. 2. cap. 12. n. 56. Secunda est, si facta fuit alienatio ad effectum se & familiam suam alendi, quia vsque sententia criminis declaratoria existit, ipsemet fiscus alere debet delinquentem ex bonis suis: sic Bart. *ibi num. 12.* Montepico *num. 44. 71. & seq. 74. & 89.* Farinacius de *falsis, num. 111. & de heresi, num. 87.* Sanchez *num. 56.* Tertiò si fiat alienatio pro valetudine sui, suorumque: hæc tanquam alimenta reputantur. Et idem est pro funere, sunt enim hæc ac alimenta necessaria. Farinacius, Sanchez, Paul. de Montepico *locis allegatis.* Quartò, si fiat pro redemptione sui, suorumque à captiuitate, & carceribus liberatione; quia est grauis necessitas, cui potest delinquens ex bonis actu possessis succurrere. sic Montepico n. 79. Boslius *tract. de public. bon. num. 47. fine.* Farinacius de *falsis, n. 113.* Quintò, si fiat pro defendenda causa, soluendis Aduocatis extrahendis scripturis; quia defensio propria iure naturæ est concessa. sic Sanchez n. 56. Farinac. de *heresi, q. 190. n. 87. & de falsis, q. 164. num. 11.* & alij apud ipsos. Limitat Sanchez, ut intelligatur de alienatione facta pro expensis litis circa illud crimen, ob quod bona publicantur. At reliqui Doctores eam restrictionem non apponunt, neque est necessaria; si enim ex alio delicto persona delinquentis, aut eius bona periclitantur, iure naturæ defensio illi est concedenda; ac proinde est alienatio necessaria, & non voluntaria. Sextò, neque alienatio renocatur, si fiat pro defendendis, reparandis, & conseruandis bonis, quia in hac defensione, reparatione, & conseruatione negotium fisci facit. sic Farinacius, Sanchez, & Doctores *supra* allegati, in *supradictis* enim ferè omnes conueniunt. In duplici casu est nonnulla difficultas.

14 Primò, si fiat alienatio pro dotandis filiabus, an hæc reputanda sit inter alienationes necessarias; ac proinde nec reuocanda. Negat Sanchez *illo num. 56.* Montepicus

R c d i i.

dict. l. post contractum, num. 74. Bossius num. 77. Bonacina de iur. 3. de contractibus, quest. 8. punct. ultim. §. 3. num. 4. proposuit. 2. quia fiscus non tenetur dotare filias. Ergo neque delinquens poterit, qui fisci vices gerit, bona ad eiusmodi effectum alienare. At credo probabilius alienationem necessariam esse, & irrevocabilem; quia dos competens, & moderata loco alimentorum succedit, & dos, & alimenta æquiparantur, ut ex pluribus probant Abbas in cap. cum haberes, de eo qui duxit in matrimonium, num. 5. Tiraquel. de primogen. quest. 62. num. 4. Molin. de primogen. lib. 2. cap. 15. num. 8. Neque obstat fiscum publicatis bonis per sententiam obligatum non esse filias dotare, quia etiam non videtur obligatus alimentum præbere: & tamen ante sententiam alienatio facta pro alimentis filiorum necessaria reputatur; sic de alienatione dotis dici potest: & ita tenet Farinacius q. 190. de hæresi, num. 87. iunctis iis quæ docet quest. 24. num. 46. & 47. ad quæ, in quest. de falsis, 164. & quest. 116. de crimine læsæ maiestatis, se remittit. Idem docet Peregrinus de iure fisci, lib. 5. tit. 1. num. 177. Secundus casus, in quo est aliqua difficultas, est in alienatione facta ob benemerita donatarij: videtur hæc donatio necessaria non esse, cum gratuita sit, ac proinde revocanda, & ita implicite sentit Sanchez illo cap. 22. num. 56. sine, quatenus dicit extra causas ibi enumeratas nullam aliam necessariam esse, in quibus causis hanc non memorat. Cæterum satis probabile credo alienationem remuneratorem necessariam esse; ac proinde non revocandam, tradit expressè Farinacius de falsitate, quest. 164. num. 118. Probo, quia remunerari merita licet non sit obligatio iustitiæ, est tamen gratitudinis obligatio, quæ omnino decet virum probum, & honestum; sed cuilibet necessarium est debito honestatis satisfacere, ex quo non satisfacto læditur eius honor, & bona apud homines æstimatio. Ergo. Debent tamen merita aliunde quam ex confessione donantis constare; aliàs præsumetur fraus, ut bene Farinacius ibi. & tradit Bertaz. conf. 447. n. 13. & 14. Mantica de tacita, & ambigua convent. lib. 13. tit. 39. n. 17.

15 Tertiò limitatur, ut non revocetur alienatio facta à marito bonorum vxoris hæreticæ constante matrimonio acquiritorum, quando ignarus fuit tale crimen esse commissum; quia durante hac ignorantia non amittit maritus horum bonorum administrationem. Ergo validè alienat, sicut si vxor hæretica non fuisset: deciditque videtur in nostro regno, l. 5. tit. 9. lib. 5. compilat. ibi, *Y otro si que los bienes que fueren ganados, y mejorados, o multiplicados durante el matrimonio entre el marido y la mujer que no fueren castrenses, ni casi castrenses, que los pueda enajenar el marido durante el matrimonio, si quisiera sin licencia, ni otorgamiento de su mujer, y que el contrato de enajenamiento vala, salvo si fuere probado, que se fizo cautelosamente por defraudar, o damnificar a la mujer.* Ex quibus verbis satis constat manifestè alienationem horum bonorum validam esse, quoties probatum non fuerit in fraudem vxoris fuisse factam. At si à fisco probetur in fraudem vxoris fuisse factam, revocabit utique donationem, quia succedit iuri vxoris, quæ ob hanc causam poterat alienationem factam revocare. sic Simancas tit. 9. num. 83. Vasquez 1. 2. disp. 169. num. 15. Sanchez lib. 2. cap. 22. n. 43. Matienz. in supradict. l. glossa 6. num. 2. ubi in regno Burgundiæ, & Franciæ eandem esse consuetudinem testatur ex Callaneo in consuetud. Burg. rubr. 4 §. 3. in princ.

16 Solum est dubium, an sub hac potestate alienandi, solus contractus onerosus, non gratuitus intelligatur. Validissimis argumentis pro utraque parte hanc questionem tractat Matienz. in supradict. l. 5. glossa 6. Placet mihi eius resolutio. Absolutè alienationes gratuitas sub nomine alienationis non comprehendit, sed esse censendas in fraudem vxoris factas, ac proinde re-

uocandas. Si enim maritus venderet (ut inquit Matienz.) aliquam rem pretiosam vxoris vili pretio, in fraudem vxoris censeretur facta venditio, à fortiori donatio in fraudem vxoris censenda est facta, ex l. si qui donationis causa, ff. de contrahend. empt. Ridiculumque esset disponere, quod mulier dimidiam habeat partem bonorum acquiritorum, si posset maritus nullos haberi filios ea omnia bona suis consanguineis donare: limitat autem, & bene, Matienz. num. 14. suam sententiam. Primò præterquam si maritus ad filias communes dotandas, vel alimentandas, vel ad alias necessarias causas donationem fecisset. argument. textus l. filiusfamilias, ff. de donat. ibi, *quid ergo si iusta ratione moris donet, nunquid possit dici locum esse donationi? quod magis probabitur.* dicit ibi glossa, in verbo iusta ratione, ut matri, vel similibus coniunctis personis donare possit. Secundò limitat in donationibus moderatis, quas personæ suæ qualitatibus, & officij præstare solent, quia hæc in utilitatem vxoris cedere etiam videntur, vel ad alienationem necessariam omnino reduci. Neque dissentit Thomas Sanchez lib. 2. cap. 22. num. 44.

17 Verum si maritus conficius fuerit criminis vxoris, Simancas, & Vasquez locis citatis, reputant fiscum revocare alienationem posse eo modo, quo posset revocare, si ipsa post mortem mariti, & post commissum crimen alienasset; nullam pro se adducunt rationem. At ea esse potest, quia ratione scientiæ videtur marito administratio illorum bonorum interdicta. At longè verius est probata scientia in marito criminis vxoris revocari alienationem: non quia interdicta sit marito scienti crimen vxoris bonorum vxoris administratio; hoc enim nullibi constat; imò potius tacitè permittitur concessa communicatione bonorum usque ad sententiam declaratoriam criminis, l. 10. tit. 9. lib. 5. recopilat. sed quia tali scientia probata præsumitur maritum in fraudem fisci bona vxoris alienasse, tanquam rem in fraudem fisci alienatam, fiscus eam revocare potest. Quocirca si hæc præsumptio alia præsumptione validiori vincatur, qua probetur alienationem factam non fuisse in fraudem fisci, sed ex alia causa necessaria, & convenienti gubernationi domus, nullo modo erit revocanda. sic Sanchez lib. 2. cap. 22. num. 45.

18 Quod si maritus in hæresim incidit, ob quam eius bona fuerunt publicata, & fisco incorporata, si postea reconcilietur, censet Thomas Sanchez num. 46. alienare posse dimidiam partem bonorum, quæ constante matrimonio vxori contigerat in diuisione facta; quia nullibi constat ob paupertatem amisisse societatem bonorum, & illorum administrationem. Item bona à viro reconciliato parita cum vxore sunt diuidenda. Ergo societas bonorum post condemnationem manet integra. Cæterum probabilius credo oppositum. Moueor, quia facta condemnatione viri, & bonis eius publicatis, illa dimidia pars bonorum acquiritorum ita vxori adiudicatur, ut illius propria sit, neque viro communis, neque cum illo iterum diuidenda; aliàs ex condemnatione viri vxor in propriis bonis pateretur detrimentum. Quapropter societas in illis bonis iam dissoluta est, etsi firma maneat in acquirendo. Neque obinde sit illius partis non habere administrationem: habet enim utique; sicut habet administrationem dotis, & bonorum paraphernalium, quæ propria vxoris sunt, & in quibus vir non communicat; non tamen habet administrationem, ut de illis tanquam de bonis communibus disponere possit. sic docent Azevedo lib. 5. recopilat. tit. 9. l. 1. num. 17. Vasquez de legib. disp. 169. cap. 2. num. 16. Simancas de cañol. infir. tit. 9. num. 87.

19 Quartò limita in alienatione facta post delictum, hæc enim sunt, quæ revocari possunt. Nam ante delictum

Quam facta, nisi fiant in fraudem fisci, (de quo infra) reuocari nullatenus possunt; quia non est, unde infirmetur, cum tota ratio reuocationis ex delicto procedat, sic omnes Doctores, & notauit Anton. Gomez 3. *vari. num.* cap. 14. num. 4. Sanchez lib. 2. cap. 22. num. 31. Bonacina de *contractibus*, disp. 3. *quæst.* 8. *punit.* ult. §. 3. num. 2. Quod intelligendum est de alienationibus de se validis. Nam si ante delictum inualide rem alienasti, commissio delicto poterit fisco ea sic alienata repetere, quia succedit in omnibus tuis iuribus. Ex quo fit, si vxor aliquid alienauit sine licentia viri, & pupillus & minor sine licentia tutoris. In quibus casibus alienationes sunt nullæ ipso iure, si post alienationes in hæresim incidunt, fisco sic alienata recuperabit, quantumvis fuerint iuramento firmata, sic probat Simancas de *catholice institut.* tit. 9. n. 57. Farinac. de *hæresi.* q. 190. num. 83.

20 Quinto limitat Sanchez lib. 2. cap. 22. num. 47. cum Bossio *prætic. tit. de honorum publicat.* num. 76. Scaccia de *indie.* lib. 1. cap. 98. num. 17. ut non procedat in casu quo tertius possessor possideret bona, ex pacto publico Principis, vel officialis, qui absolutionem reo concessisset: tunc enim (inquiunt) alienationes factæ ab ipso reo sic absoluto, & ante noui processus renouationem firmæ manerent; neque reuocari possent, etiam si postea vitium publicationi subiectum detegeretur: quia videntur factæ ex consensu, & voluntate fisci, qui eas reuocare debebat. At hoc intelligendum existimo, dummodo vitium, quod detegitur, sit illud, à quo per potestatem publicam fuit absolutus. Nam si aliud vitium detegitur, ob quod bona publicantur, absolutio supradicta per accidens est, neque potest prodessè, ut alienatio facta firma permaneat. Non enim iudex absolvens ratione absolutionis ab vno crimine intendit delinquentem habilem reddere ex omni capite ad contrahendum, sed solum ex illo capite, quo est absolutus. Secus verò dicendum esset, si ipsemet Princeps contractum approbaret, quia ratione autoritatis suæ interpositæ videretur velle, ut firmus semper maneret.

21 Hucusque de valida alienatione. Restat dicendum de licito eius usu. An, inquam, licitum sit ea bona alienare etiam ante sententiam? Videtur enim illicitum esse, tum quia adsunt leges prohibentes has alienationes delinquentibus, quibus bona ipso iure confiscata sunt: tum quia, damnum sit possessoribus, à quibus bona vindicari possunt: tum quia fisco præiudicatur, & contra eius voluntatem in tertium transeunt possessorem, sic Angles *floribus* 2. p. *quæst. de restrict. legis pœnalis, in princ. concl.* 2. solum limitat conclusionem, casu quo fisco nullum detrimentum adesset. Idem docet Ioan. Medin. de *restitut.* *quæst.* 1. §. *post rerum dominum, versic. ad propositum igitur.* Sayrus in *clauis regis*, lib. 3. cap. 9. num. 30.

22 Cæterum probabilius est nullam culpam adesse in hac alienatione, siue gratuita sit, siue onerosa, si possessori nullum inde damnum prouenire possit, aut si ipse prouenturo cesserit: sic pluribus relatis docent Vasquez de *legib.* disp. 171. cap. 1. num. 1. Sanchez lib. 2. cap. 22. num. 59. Suarez de *fide*, disp. 22. *sect.* 4. num. 4. Bonacina disp. 3. de *contractibus*, *quæst.* 8. *punit.* ult. §. 3. num. 4. Farinacius de *hæresi*, *quæst.* 190. §. 5. num. 82. Salas de *legibus*, disp. 15. *sect.* 5. Ratio est, quia, ut bene expendunt supradicti Doctores, leges publicantes bona, tollunt à delincente facultatem liberam ea alienandi firmiter, & irreuocabiliter: at alienationem reuocabilem non prohibent, siquidem delinquentibus possessionem bonorum suorum relinquunt, & in communiori, probabiliorique sententia illorum vrile dominium. Ergo ex parte legum illicita esse non potest alienatio. Restat ergo, ut solum illicita esse possit, si

Ferd. de Castro Sum. Mor. Pars I.

aliqua fiat iniuria, & nocumentum personæ, cui bona tribuuntur, vel fisco, cui sunt obligata. Et quidem si alienatio sit gratuita, nullum inde pati potest donatarius nocumentum, regulariter loquendo. Nam si vindicetur, nihil ex propriis amittit; si autem alienatio sit onerosa, & delictum sit ita occultum, ut nullum adsit periculum deueniendi ad forum externum; nulla est iniustitia: quia tunc censetur alienare rem, ac si nullo vitio esset affecta, quia sic inoraliter reputatur. At si adsit periculum, & taceat alienans, clarum est iniustitiam committi, quia alienat rem vitiofactam tacito vitio; alienat quippe rem expositam vindicationi, tacendo sic expositam esse: sicut si rem alteri hypothecatam, tacita hypotheca alienaret contra dictu oneroso, peccaret sanctè. Excepit tamen, nisi apud se retineret alia bona non confiscanda, quibus possessori integrè satisfacere posset, casu quo alienata vindicarentur, vel vitium, & periculum alienans manifestaret, ut sic cognoscens cedere censeatur, quia his casibus cessat, ut de se constat, tota ratio iniuriæ, & iniustitiæ. Ex parte fisci nulla orti potest culpa in tali alienatione, nisi in fraudem ipsius fuerit facta, quia fisco non minuitur ius acquiritum ob alienationem: semper enim alienata transeunt fisco obligata; & fisco ea repetere potest in quocumque possessore existant. Quod si aliquando contingat ex alienatione rem perire, & fisco ea priuari, id est per accidens, neque enim delinquens tenetur curare, ut res illa conseruetur, quia non est fisci procurator constitutus; solum enim obligatus est, ne in fisci fraudem alienationem faciat, quod tunc contingit, quando nulla intercedente honesta causa alienandi alienat, ne ad fisco possit alienatum peruenire.

23 Ex his fit, si causa dotis, vel titulo nuptiarum rem obligatam fisco alienes, & adsit periculum, ut à fisco repetatur, nec conscium facias periculi recipientem, peccas grauiter, sic Bonacina *suprà*. Secundò fit, si vendas rem supradicto periculo expositam, tacito vitio te grauiter peccare, neque à peccato excusari; etiam si vendas ad alimenta, resque necessarias, & etiam si pretium retineas: quia hæc non excusant emptorem à graui molestia, & sumptibus faciendis in probando pretium à se datum apud te retineri, vel in res necessarias consumptum esse: sic aliis relatis docuit Sanchez num. 64. & 65.

PUNCTUM XX.

Quem modum seruare fiscus debeat in his alienationibus rescindendis, & bonis sic alienatis recuperandis.

- 1 Si pretium formaliter, vel æquiualeuter in potestate delinquentis existit, reddi debet à fisco, cum alienatio rescinditur.
- 2 Dicatur ne pretium stare si delinquens consumpsit in vires necessarias? Alij affirmant, alij negant. Constat sententia.
- 3 Onus probandi pretium in utilitatem delinquentis versum esse, non fisco, sed prætendenti sibi restitui incumbit.
- 4 Non tenetur fisco in hoc casu contractum rescindere.
- 5 Quid si pretium non probatur in utilitatem delinquentis versum esse, poterit ne fisco rescindere alienationem nullo pretio restituito? Negant aliqui.
- 6 Probabilius est non esse obligatum pretium restituere: tamen si possessor bona fide contractum celebrauerit.

Rr 2

7 Salis

7 Satisfit oppositis rationibus.

8 Fiscus vindicat rem cum augmento illi coniuncto solutis expensis, secum cum augmento separato.

9 Quid dicendum de fructibus preceptis.

10 Quando censeatur possessor fructus mala fide consumere, ut sic possent à fisco vindicari.

11 Nullo modo fiscus vindicare potest fructus, qui ex re percipi potuissent.

12 Excipe, nisi possessor iniusto titulo rem à delinquente accepisset.

Qua in re tres difficultates occurrunt. Prima, an debeat aliquid dari, vel relinqui possessori, à quo res alienata vindicatur? Et in hoc omnes conveniunt, si per donationem gratuitam accipit, nullis sumptibus factis nihil esse dandum, vel relinquendum; quia ipse nihil ex propriis amittit, & revocatio hunc effectum habet, ut res ad priorem statum reducat, efficiatque, ac si nunquam res alienata esset. Si autem contractu oneroso, scilicet venditione accepit, & pretium datum formaliter, vel æquivalenter apud delinquentem existit, illi est reddendum, cum re vendita priuatur, quia fiscus solum habet ius dissolvens contractum, & recuperandi bona, quæ sibi obligata sunt. Ergo non potest habere ius simul occupandi pretium ab innocente datum; quia non est delinquentis, nisi dum contractus factus firmus existit, & res vendita non vindicatur. Quare dissoluto contractu, & re vendita vindicata, debet pretium ad innocentem redire. In his omnes Doctores conveniunt. Solum excipitur casu, quo emens rem à delinquente conscius fuerit eius delicti. sic Scaccia de iudic. lib. 1. cap. 98. num. 16. & 23. At merito hanc exceptionem reprobant Vasquez de legib. disput. 172. cap. 2. num. 8. Sanchez alios referens, lib. 2. cap. 22. n. 69. quia nullo iure cautetur: cum enim emens conscius criminis delinquentis nullum delictum committat in tali emptione, non potest inde tradere occasionem fisco, ut pretio priuatur; nisi forte probatum fuerit voluisse rem delinquentis ita occultare, ut ad fiscum nequaquam perveniret. quod raro probari potest. Notanter dixi, si pretium formaliter, vel æquivalenter existit, quia, moraliter loquendo, perinde est esse apud delinquentem pretium, vel esse illius æstimationem. Erit autem illius æstimatio, si illo solvit creditoribus; aut si vitæ necessaria sibi, suisque suppeditavit; aut aliam rem æquè pretiosam, ac venditam emit; aut res proprias melioravit, quia tunc ex illo pretio ditior delinquens factus est, ac proinde danti restituendum. sic Simancas de cathol. instit. tit. 9. à n. 31. Gabr. Quemada quest. 7. n. 4. & seq. Vasquez de leg. disp. 172. cap. 2. Sanchez lib. 2. c. 22. num. 70. Suarez de fide, disp. 22. sect. 4. n. 9. dicens esse omnium. Fatinacius de heresi, q. 190. n. 78.

2 Dubium tamen est, an censeatur stare pretium apud delinquentem, si ex illo res necessaria ad victum, & vestitum, & ad alia supradicta emptæ sunt, quæ tamen casu perierunt? Affirmat Simancas illo tit. 9. num. 38. Azor tom. 1. lib. 5. cap. 7. q. ult. ad fin. Sanchez lib. 2. cap. 22. n. 71. Bonacina disp. 3. de contractibus, q. 8. p. ult. §. 4. n. 2. versic. rursus. Fatinacius de heresi, q. 190. num. 28. circa finem, videretur consentire. Mouetur, quia æquivalenter pretium extat apud delinquentem, quoties propriis bonis ratione illius percipit delinquens propriis bonis, quæ necessarium erat consumpturus, si pretium non recepisset. Contrarium defendit Vasquez de leg. disp. 172. cap. 2. n. 9. & 10. probat, quia tempore, quo contractus ille rescinditur, non verificatur pretium illud apud delinquentem extare etiam æquivalenter; cum neque in eius utilitatem, neque in utilitatem fisci versum fuerit. Vtræque sententia veritatem dicit, & facile conciliari possunt. Si enim ex pretio accepto emisti rem, quam sine dubio

emeres, etiam si pretium non accepisses, credo pretium publicandum non esse, sed reddendum danti, quia ex illius redditione non infertur fiscum minori patrimonio frui, quam frueretur, si contractus ille qui rescinditur, factus non esset: taléque pretium moraliter censeatur existere tempore quo contractus rescinditur, quatenus in tui utilitatem versum est; siquidem ratione illius propriis bonis, quæ debebas consumere, percipisti. At si ex pretio accepto emisti rem, quam non emeres, si contractum priorem non celebrasses, neque pretium accepisses; credo tunc non esse restituendum pretium danti, quia absolute non est verum in tui, vel fisci utilitatem esse consumptum.

3 Onus autem probandi pretium in utilitatem delinquentis versum esse, non fisco, sed prætendenti sibi restitui incumbit, quia fiscus ius certum possidet adversus omnia bona, quæ in possessione delinquentis reperiuntur. Tu ergo si prætendis hoc ius certum diminueri ob contractum celebratum; probare debes ex tuo pretio delinquentem ditiorē euasisse; alias succumbes. ita Azor tom. 1. lib. 5. cap. 7. quest. ult. Valquez cap. 9. de testam. §. 4. dub. 6. Molin. tom. 1. disput. 95. versic. licet autem. Sanchez alios referens, cap. 22. n. 60. & 69. Bonacina disp. 3. de contract. q. 8. p. ult. §. ult. n. 2. Modus autem probandi pretium conuersum esse in utilitatem delinquentis est, non testimonio ipsius delinquentis tantum, sed aliunde, scilicet ex aliquibus coniecturis, quibus verosimiliter colligatur prudentis arbitrio pretium versum esse in utilitatem delinquentis. sic Simancas de cathol. instit. tit. 9. à n. 39. & ex illo Sanchez lib. 2. cap. 22. num. 71. Fatinacius de heresi, quest. 190. num. 28. circa finem.

4 Aduerto tamen in hoc euentu liberum esse fisco contractum non rescindere, quia, ut supra dixi, validus est contractus, & potestas rescindendi illum, fisco est concessa, ut privilegium, quo possit uti, non ut obligatio, qua uti teneatur. sic expressè Suarez disp. 22. de fide, sect. 4. num. 9.

5 Controversia ergo in eo consistit, an rem tibi à delinquentem venditam possit fiscus à te vindicare, nullo restituto pretio, quando non probas pretium in delinquentis utilitatem cessisse. Negant Alciat. in l. post contractum, num. 21. & sequentibus ff. de donationibus. Roman. num. 3. Imola num. 1. Cynus in l. fin. C. ad legem Iuliam maieft. & alij relati per Sigismund. Scaccia tractat. de iudic. cap. 98. num. 13. in princip. Et probari potest, quia secundum probabiliorē sententiam contractus ille emptionis, & venditionis validus fuit, licet veniat rescindendus. Ergo communicavit emptori dominium rei venditæ à delinquentem. Ergo emptor priuati illa non potest, nisi pretio restituto. Probo hanc vltimam consequentiam; quia res illa, licet sit obligata fisco, non tamen est fisci, sed possidentis. Ergo ius possidentis vtpote in re prævalere debet iuri fisci, quamvis sit antiquius. Et confirmo ex eo quod res alienata à delinquentem obligata sit fisco, solum infertur posse fiscum rescindere contractum factum, & efficere, ac si factus non esset. Sed ex tali rescissione sequitur pretium in omni euentu reddendum esse emptori, aliàs non rescinditur contractus venditionis, & emptionis, si utrique parti non redditur alienatum ab ipsa, sed est rescissio contractus donati, in qua rescissione occupatur donatum, nulla re donatio tributa.

6 Cæterum tenendum est tanquam probabilius non esse obligatum fisco in supradicto casu reddere pretium possidenti, sed posse rem sibi integrè vindicare. sic docent post alios antiquiores Simancas de cathol. instit. tit. 9. num. 27. Anton. Gomez tom. 3. var. cap. 2. n. 2. Gabr. Quemada q. 7. n. 1. Sigismund. Scaccia de iudic. q. 98. num. 13. versic. contrariam sententiam. Ioan. Azor tom. 1. lib. 5. cap. 7. q. 8. Sanchez lib. 2. cap. 22. num. 68. Suarez de fide, disp.

dis. 2. sect. 4. num. 9. Farinacius de heresi, quest. 190. n. 76. & de falsis. quest. 164. num. 90. iuncto num. 93. Ratio est, quia bona heretici, & cuiusvis delinquentis, quæ ipso iure ob delictum publicantur, à die commissi delicti sunt fisco obligata, & hypothecata. Ergo cum hac obligatione alienata sunt. Ergo valet fiscus ea repetere, & vindicare ubicumque inuenerit, etiam non soluto pretio pro tali vindicatione: si pretium inter bona delinquentis non existit. Probo hanc consequentiam, quia tunc fiscus deberet dare pretium ex propriis bonis: at si fiscus teneretur possidenti rem dare ex propriis pretium pro rei vindicatione, non vindicaret rem tanquam sibi obligatam; sed illam absolute emeret. Ergo dicendum est posse absolute vindicare rem sibi debitam nullo pretio soluto. Et confirmo. Possessor illius rei fisco obligata illam possidet eo modo, ac possidebat delinquens, quia ius, quod delinquens habebat, id ipsum, & non aliud in possessorem transfuit, sed delinquens ita possidebat rem, ut nullo pretio accepto pro ipsa poterat à fisco occupari. Ergo similiter dicendum est fieri posse in possessore, cum pretium datum à possessore neque formaliter, neque æquivalenter existit. Quod verum habet, etiam si possessor bona fide possederit, & contractum celebrauerit, ignatus prorsus criminis delinquentis; quia bona fides non tollit rem alienatam obligatam esse fisco. Neque tollit pretium consumptum esse sine utilitate fisci: quæ est causa, quare illi non redditur, cum res emptæ vindicatur. sic Scaccia de indic. cap. 98. num. 15. Azor tom. 1. lib. 5. cap. 7. quest. 8. ante finem, vers. deinde quæres. Farinacius de heresi, quest. 190. num. 76. sine, Suarez de fide, disp. 22. sect. 4. n. 9. fine.

7 Neque argumenta contraria urgent. Admitto in possidentem translatum esse dominium utile rei, sicut delinquens habebat. At si delinquens habebat ius reuocabile, & vindicabile à fisco, ita possessor; cui iuri, utpote antiquiori, prædicari non potuit alienatione onerosa: præiudicatur autem maximè, si fiscus obligaretur ex propriis pretium soluere pro re, quam à delinquente liberè poterat vindicare. Ad confirmationem dico fiscum rescindere contractum ex utraque parte, etiam si pretium non soluat, quia non soluit, eo quod casu perierit: per se autem obligatus erat soluere, si in bonis delinquentis existeret.

8 Secunda difficultas est, an vindicet fiscus à tertio possessore bona delinquentis, cum quolibet augmento in eis factis?

Respondeo si augmentum sit à re separatum, vel illi tantum affixum, ut ianua, fenestra, lapis pretiosus, & similia, nullo modo ex publicatione, & vindicatione rei fisco obligata hoc augmentum vindicatur, sed possidenti cedit; quare si res sine tali augmento vindicari non potest, reddendus est possidenti valor illius, quia ille possidentis est, & non domino rei cedit, ut tradunt Doctores statim allegandi. At si augmentum sit intrinsecum rei fisco obligata, neque ab illa separabile, vindicari poterit solutis expensis, si quæ sunt factæ. Ratio est, quia res illa est obligata fisco, & consequenter meliorationes illius ad fiscum pertinent, sed quia hæc meliorationes expensis, & industria possessoris acquisitæ sunt, debet fiscus eas soluere; quia non est æquum innocentis labore fiscum locupletari: sic docent Vasquez 1.2. disput. 172. cap. 1. num. 1. Sanchez lib. 2. cap. 23. num. 204. Suarez disput. 22. de fide, sect. 4. num. 10.

9 Tertia difficultas est de fructibus, qui ex rebus confiscatis proueniunt à die commissi criminis, usque ad sententiam. An, inquam, ij vindicentur à fisco? Constat vindicari, si reperiantur existere apud tertium possessorem formaliter, quia tales fructus cedunt domino rei, & cum res pertineat ad fiscum quo

Ferd. de Castro Sum. Mor. Pars I.

ad dominium directum, ipsamque fiscus ratione illius vindicare possit, potest & fructus. Et confirmo. Tertius possessor non habet aliud ius in illis fructibus, quam haberet delinquens, cum loco delinquentis succedat. Sed delinquens non potest impedire occupationem illorum fructuum. Ergo neque tertius ille possessor: & ita tenet Vasquez *supra* num. 3. & 4. Sanchez num. 194. & 197. Suarez num. 11. At si solum æquivalenter reperiantur existere, eo quod ditior ex illis possessor factus est, si fructus fuerunt naturales, publicationi subiiciuntur secundum omnes, quia procedunt ex re confiscata; ac proinde sub ea ratione fisco debita, & consequenter debiti fructus moraliter ex illa prouenientes, & existentes. Si industriales fructus fuerunt, probabile satis est publicationi non subiici, si possessor illos consumpsit bona fide. Nam si fructus rei alienæ industriales consumptos non teneretur possessor bonæ fidei restituere; esto illarum consumptione ditior factus sit secundum probabilem sententiam, ut videre est in Sanchez multis allegatis, lib. 2. cap. 23. num. 76. à fortiori non tenebitur restituere fructus industriales consumptos ex re fisco obligata, quia absolute non sunt fructus rei alienæ, sed propriæ possidentis. Et potiori ratione censeo de fructibus ex melioratione rei per possessorem facta, quia illi fructus non videntur ex re aliena, sed propria possidentis, cuius est melioratio, nasci. Quod si fructus siue naturales, siue industriales ita à possidente consumpti sint, ut nec æquivalenter remaneant, communiter Doctores distinguunt, si mala fide consumpti sunt, poterunt à fisco vendicari; si bona fide, nullo modo. Priorem partem probant, quia tunc est iniustitia commissa aduersus fiscum dissipando rem illi obligatam. Posteriores probant, quia nulla est ibi iniusta acceptio, cum sine peccato consumpti sint, neque res accepta existit. Ergo ex nullo capite potest à fisco vindicari.

10 Quod si roges, quando censeatur possessor mala fide fructus consumere, ut sic possint à fisco vindicari?

Respondet Simancas de catholicis institutis. 9. num. 58. & 59. Vasquez disput. 172. cap. 1. num. 5. Sanchez lib. 2. cap. 23. num. 199. contingere quoties possessor agnouit alienantis delictum. Nam eo ipso agnouit rem sibi traditam fisco obligatam esse, cui obligationi satisfaciendi se subiecit, cum rem illam accepit. Ceterum credo in præsentem casum non oriri malam fidem in possidente ex hac scientia. Nam hæc scientia non tollit possessori iustam possessionem illorum fructuum, sicut neque ipsi delinquenti scientia sui criminis tollit, quominus illa bona iuste possideat. Ergo si delinquens ipse iuste possidet fructus, & bona fisco obligata, dum per sententiam non priuatur, à fortiori possidebit tertius possessor innocens. Ergo fructus ex tali scientia consumpti, non debent reputari consumpti à possessore malæ fidei, sed bonæ; ac proinde non debent publicationi esse subiecti. sic Suarez disp. 22. de fide, sect. 4. n. 13. Tunc autem dicitur delinquens, & tertius possessor mala fide fructus consumere, cum nulla occasione honesta intercedente consumuntur, ne fiscus eos obtinere possit; quia tunc tanquam in fraudem fisci consumpti repeti poterunt à fisco, & sic repetitos, & non antea teneretur delinquens, & possessor reddere. sic Suarez *supra*.

11 Hinc infertur nullo modo posse fiscum vindicare à tertio possessore, imò neque à delinquentem fructus, qui percipi potuerunt ex re sibi obligata. Nam si fructus perceptos, & consumptos non potest exigere, quia bona fide consumpti sunt, & quia ex ipsius fisci permissione, & facultate videntur consumpti, neque poterit exigere fructus, qui nunquam extiterunt. Adde delinquentem non esse obligatum quærere

R r 3 eniolu

474 De pœnis temp.hæret special de confisc.

emolumentum fisco, sed ad summum iam quæsitum conseruare. sic Bernard. Diaz *in practic. cap. 13. 1. num. 6.* Sanchez *lib. 2. cap. 23. n. 200. & seqq.* Dices, delinquens, si rem fisco obligatam ex proposito diminuat, & deteriori faciat, poterit à fisco condemnari, ut æstimationem illius soluat. Et idem est de tertio possessore, qui sciens rem sic esse fisco obligatam, deteriorat. Ergo etiam condemnari poterit in fructibus percipiendis, si videat ex negligentia non esse perceptos, quia hæc omnia videntur in fraudem fisci facta esse. Admitto antecedens, sicuti illud admisit Suarez *diff. 22. de fide, sect. 4. num. 10.* & nego consequentiam. Ratio diuersitatis est, quia res ipsa cum sit penes delinquentem, cum delictum committit, est fisco obligata, ac hypothecata; at fructus possibiles hanc obligationem, & hypothecam non habent.

12 Verum est tamen, si hic tertius possessor, non titulo iusto, sed iniusto, furto, inquam, vel rapina rem obligatam fisco à delinquente acciperet; posset tunc fiscus fructus percipiendos ex illa re à delinquente, exigere à possessore, quia ipse delinquens hos fructus poterat à possessore exigere; & cum fiscus succedat iuribus delinquentis, succedit in potestate exigendi hos fructus. sic Sanchez *lib. 2. cap. 23. n. 203.*

PUNCTVM XXI.

Valeat ne alienatio facta à delinquente, cuius bona non publicantur ipso iure, sed per sententiam, ita ut à fisco reuocari non possit.

- 1 Delictum, de quo loquimur, est illud, ratione cuius vel omnia bona, vel præcipua illorum pars publicari potest.
- 2 Valida est talis alienatio, quousque non reuocatur à fisco, tametsi in illius fraudem fuerit facta.
- 3 Huiusmodi alienationes ante delictum, si in fraudem fisci facta non sint, valida sunt irrevocabiliter.
- 4 Post delictum ante sententiam valent eodem modo.
- 5 Limitant aliqui DD. nisi postea sententia condemnatoria sequatur. Sed non admittitur.
- 6 Secundo limitant casu quo lis contestata non sit, aut accusatio non sit firmata. Sed repellitur limitatio.
- 7 Tertiò limitant, nisi lis pendeat in contumacia. Sed neque hæc places.
- 8 Alienationes facta post sententiam condemnatoriam, à qua appellatum non est, reuocari possunt.
- 9 Alienatio in fraudem fisci reuocari potest.
- 10 Quomodo probetur fraus, examinatur.
- 11 Si fraus ante delictum presumatur, probandum est tempore alienationis adesse causam impellentem ad delictum.
- 12 Alienatio omnium bonorum ante delictum non est sufficiens ad probandam fraudem.
- 13 Neque item est sufficiens indicium ad probandam fraudem alienatio fundi, in cuius possessione alienans existit, & fructus percipit.
- 14 Item neque est sufficiens indicium alienationem clandestinè factam esse.
- 15 Item neque est sufficiens delictum post alienationem sequi in continenti.
- 16 Quibus indicijs manifestè fraus presumatur.
- 17 Post delictum commissum qualibet ex supradictis coniecturis, est sufficiens indicium ad fraudem presumendam.
- 18 Ut donatio tanquam in fraudem facta reuocari possit, non est necesse donatarium participem esse fraudis. Secus vero in alienatione ex contractu oneroso.
- 19 Revertitur Anton. Gomez, existimans quoties presumitur

fraus ex parte alienantis, presumi etiam ex parte alienatarij.

- 20 Fiscus reuocat alienationem in sui fraudem factam, non solum quoad rei substantiam, sed etiam quoad fructum in illa pendentes.
- 21 Non potest fiscus reuocare alienationes factas in sui fraudem via executiua, sed ordinaria, quando res transiit in tertium possessorem.

1 PRæmitto primò, loqui nos posse de alienatione facta à delinquente ante delictum commissum, vel post delictum commissum, & ante sententiam, vel post sententiam datam.

Secundò præmitto. Delictum, ratione cuius dubitatur, an alienatio facta reuocari possit, & solum illud ratione cuius bona omnia, vel pars principalis illorum publicanda veniunt; quia sola hæc publicatio potest alienationem infirmare, ut sibi cõtrariam: sic post alios antiquiores, in *l. post contractum, 15. ff. de donationib.* tradit Montepicus *num. 6.* Alciat. *initio.* Peregrinus *de iure fisci, lib. 5. tit. 1. n. 153.* Gregor. Lopez *l. 2. tit. 4. p. 5. verbo debet mori.* Sanchez *lib. 2. cap. 21. num. 2.* Farinacius *de falsitate, q. 164. n. 61.*

2 Tertiò præmitto alienationem factam à delinquente ante, vel post commissum delictum, cuius bona non publicantur ipso iure, etiam si facta fuerit in fraudem fisci, validam esse, interim dum non reuocatur, quia ratione horum delictorum, & fraudis, non sunt bona delinquentis specialiter fisco obligata: ut probat textus in *l. res uxoris, C. de donat. inter vir. & uxor. l. 1. C. de panu fiscalib. l. in fraudem, ff. de iure fisci.* & tradit Montepicus in *dict. l. post contractum, num. 77.* Farinacius *num. 63. & 66.* plures referens Sanchez *num. 26.* Anton. Gomez *tom. 3. cap. 14. post medium.* Excipitur tamen, nisi alienatio fuerit rei irrevocabilis, v.g. libertatis seruo concessa, quia hæc facta in fraudem fisci ipso iure annullatur, eo quod semel data reuocari nullatenus possit. *Instit. qui manumittere possunt, §. semel.* Aliàs fiscus non satis sibi prospiceret, sic Sanchez alios referens *num. 35.* Facta autem condemnatione, & publicatione bonorum, ratione cuius delinquenti interdicitur libera bonorum administratio: adhuc existimo probabilius alienationem ipso iure validam esse, sicut diximus valere post delictum, cuius bona ipso iure publicantur; quia dum delinquens in possessione suorum bonorum relinquitur, potest eam possessionem in alium transferre, & ius sibi competens abdicare. at non est valida firmiter, sed infirmiter, & irrevocabiliter; quia est de bonis fisci iam addictis, & publicatis, sicut de alienatione illius, cuius bona sunt ipso iure publicata, dictum est. Nam idem est quo ad valorem alienationis, & illius reuocationem, esse delinquenti interdictam suorum bonorum administrationem, vel esse ipsius bona ipso iure publicata, ut notauit Anton. Gomez *tom. 3. variarum, cap. 14. num. 4.* Bossius *pract. tit. de bon. public. n. 76.* Sanchez *lib. 2. cap. 22. num. 32.* Peregrin. *de iure fisci, lib. 5. tit. 1. num. 175.* & alij apud ipsos.

3 Quocirca difficultas est, an alienationes facta à delinquente supradicto, cuius bona non publicantur ipso iure, neque specialiter bonorum administratio interdicitur, sint validæ firmiter, & irrevocabiliter?

Sic validas esse, si ante delictum hiant, & non in fisci fraudem, pro regula firmandum est, cum Farinacius innumeros referente, *quæst. 164. de falsit. num. 1.* & deciditur in *l. si quis posthac, 9. §. si quid etiam, C. de bonis damnat. ibi, si quid etiam in emancipatos liberos, ante tempus criminis, ac reatus patrem contulisse claruerit, integrum eisdem citra inquietudinem referretur.* consentit *l. regula, 2. tit. 4. part. 5. sim.* Ratio est manifesta, quia ante delictum seclusa fraude non comperit fisco ius, neque aduersus delinquentem, neque aduersus eius bona. Ergo non est, unde possit aliena

alienatio tunc facta infirmari, & à fisco reuocari. Et confirmatur, quia futuris creditoribus non competit ius infirmandi alienationes factas à debitoribus ante debitum contractum, nisi in eorum fraudem probentur factæ. Minus ergo fisco competere potest, qui de lucro captando agit.

4 Post delictum commissum, & ante sententiam valere alienatio, nec reuocari potest, siue titulo oneroso, siue gratuito facta sit; nisi in fraudem fisci probetur facta. sicut tenent post alios antiquiores, quos referunt Anton. Gomez tom. 3. *variartum*, cap. 14. num. 4. in medio. Peregrin. de iure fisci, lib. 5. tit. 1. num. 178. Scaccia lib. 1. de iudic. cap. 98. num. 21. Sanchez lib. 2. cap. 21. num. 32. Farinacius de falsitate, quest. 164. num. 2. Bonacina disput. 3. de contractibus, quest. 8. punct. ult. §. 2. num. 1. Ratio est, quam adducit Anton. Gomez in supradicto loco. quia propter tale delictum non est sublata delinquenti bonorum administratio, ut habetur *lausertur*, ff. de iure fisci. Neque eius bona sunt fisco obligata, & hypothecata. *res uxoris*, C. de donat. inter vir. & ux. l. 1. C. de penis fiscalibus. Ergo non est, unde alienatio infirmari possit, cum solum aduersus delinquentem detur ex delicto actio, & accusatio, non aduersus bona, ante delictum alienata. *l. fin. §. fin. ff. de contrah. empr.*

5 Limitant tamen aliqui primò hanc doctrinam, ut procedat casu, quo sententia condemnationis non sequatur: illa enim secuta affirmant alienationem factam post delictum inuolidam esse, & reuocari posse. sic tradit Odofred. in *l. post contractum*, ff. de donationibus, num. 2. & seqq. fauet Gadin. tit. de bonis malefacti, num. 5. versic. & ideo dominus. Ancharan. consil. 251. ex his quæ superius sunt narrata, num. 2. versic. præsupposito. Mouentur, quia supradicta lex, post contractum, inquit, post contractum capitale crimen donationes facta valent constitutione disuorum Seneri, & Antonini, nisi condemnatio sequuta sit. Ergo secuta condemnatione non valent factæ post delictum, quocumque tempore factæ sint: quem modum explicandi textum (inquit Farinacius quest. illa 64. num. 8.) esse multum litteræ illius textus conuenientem.

Cæterum hæc limitatio communi Doctorum sententia repellitur, ut testatur ipsemet Odofredus in *l. post contractum*, ff. de donat. num. 2. & seqq. versic. unde existo; & eam absolutè repellit Bart. dict. *l. post contractum*, in princip. Cuman. num. 1. col. 2. versic. in glossa sequuta. Paul. de Montepico num. 78. Clarus in practice. §. fin. quest. 78. num. 15. Sanchez num. 33. Anton. Gomez, & Bonacina supra. Probant quia supradicta lex post contractum, absolutè decidit donationes factas post capitale crimen valere firmiter, & irrevocabiliter, cum verò subiungit, nisi condemnatio secuta sit, non intendit ex condemnatione postea secuta donationes ante condemnationem factas infirmari, sed intendit dicere donationes factas post commissum delictum, taliter quod iam condemnatio secuta sit, minimè valere. Quòd autem hic intellectus sustinendus sit, præterquam quòd communis est, negari non potest esse satis probabilis, & textui conformis. Ergo præferendus est, quia valorem actus defendit. Deinde hac ratione convincitur donatio post commissum delictum, & ante sententiam, vel est valida irrevocabiliter, vel non? Si valida est irrevocabiliter, ex superueniente sententia reuocari nullatenus potest. Si autem non est irrevocabiliter valida, reuocari poterit, etiam si condemnatio non sequatur, quod est contra supradictam legem, & omnes. Ergo affirmandum est eius valorem non pendere ex condemnatione postea contingente.

6 Secundò limitant alij valere alienationem post delictum, ut intelligatur, si lis contestata non sit, aut accusatio non sit firmata. Nam si lis contestata est, vel accusatio firmata, docent alienationem reuocari posse: sic glossa in *l. ex iudicorum*, 20. verbo alienare ff. de accusa-

tionibus. Cynus in *l. si quis post hac*, num. 2. versic. quando, C. de bonis proscriptis. Bald. ibi num. 2. ad finem. Salicet. post num. 4. Angel. num. 3. & alij plures relati à Farinacio quest. 164. num. 14. & 19. Fundamentum esse potest *l. fin. C. de litig.* ubi deciditur rem litigiosam alienari non posse: atqui facta accusatione delinquentis, & præcipue lite iam contestata, bona eius litigio subduntur, an, inquam, confiscanda sint, vel non. Ergo alienari nullatenus possunt. Verum neque hæc limitatio admitenda est, sed absolutè affirmandum quocumque tempore alienatio facta sit ante sententiam valere irrevocabiliter, nisi in fraudem fisci probetur esse factam, quia in supradict. *l. post contractum*, solum excipitur tempus condemnationis: sic alios referentes tradunt Anton. Gomez tom. 3. *variartum*, cap. 14. num. 4. versic. si verò, & versic. quod extende. Clarus in practice. §. fin. quest. 78. num. 17. & 18. Sanchez lib. 2. cap. 21. num. 32. Bonacina disput. 3. de contractibus, quest. 8. punct. ult. §. 2. num. 1. Farinacius de falsis, quest. 164. num. 11. & seqq. Neque obstat *l. fin.* quia tendendo principaliter agitur de vindicta delicti, & sic criminaliter non de bonis per contestationem litis, bona non redduntur litigiosa, quia non de ipsis est litigium, sed de delicto puniendo; ac proinde non comprehenduntur in decisione supradict. *l. fin.* ut bene tradit Bart. in dict. *l. post contractum*, num. 14. Inola num. 1. versic. quarta fuit opinio. Cuman. num. 2. versic. sed occurrit dubium. Montepico num. 84. in fine. Farinac. quest. 164. n. 13. Sanchez n. 32.

7 Tertiò limitant Montepicus in dict. *l. post contractum*, num. 83. Iacobus de Arena num. 2. versic. neque obstat. Paul. de Castro num. 2. versic. tertius casus. Sanchez supra num. 34. Bonacina num. 1. & alij relati à Farinac. q. 164. num. 25. ut intelligatur nisi lis pendeat in contumacia. Nam delinquenti contumaci prohibita est alienatio, ne hoc prætextu possit eius fuga instrui. *l. fin. ff. de requirendis rebus*. Sed neque hæc limitatio placet: non enim delinquenti fugitivo prohibita est alienatio; sed delinquenti contumaci sic per sententiam declarato: ut bene comprobatur Menochius de præsumpt. lib. 5. præsumpt. 124. num. 58. & seqq. Adde non carere probabilitate posse condemnatum in contumaciam, propter solam contumaciam alienare, secus si legitimis præcedentibus iudiciis fuerit pro delicto condemnatus, licet contumax: sic relato Peregrino de iure fisci, lib. 5. tit. 1. n. 182. docet Farinacius supra n. 27.

8 Quòd si loquamur de alienatione facta post sententiam condemnatoriam, à qua appellatum non sit, omnes conveniunt reuocari posse, ex supradict. *l. post contractum*, ibi; nisi condemnatio secuta sit. At si à sententia appellatum fuerit, & ob appellationem illius executio suspensa est, valida est alienatio; ac si sententia lata non fuisset: quia non potest dici lata sententia, quæ non habet effectum. sic docent Sanchez lib. 2. cap. 21. n. 86. Farinacius quest. 164. num. 24. Anton. Gomez tom. 3. *variartum*, cap. 14. num. 4. post medium. Bonacina disput. 3. de contractibus, quest. 8. punct. ult. §. 2. num. 3. sine. Neque obstat pendente appellatione nihil esse innouandum, quia intelligitur nihil esse innouandum in illo, circa quod appellatio pendet. Cum autem appellatio propriè non sit à prohibita administratione bonorum, sed à delicto administratione bonorum non interdicente, efficitur sanè pendente appellatione administrari bona posse, sicuti poterant ante sententiam, ex *l. postquam*, §. ff. ut legat. servand. causa caueat. Quocirca nulla adest causa reuocandi hanc alienationem pendente appellatione; nisi quia in fraudem fisci factam esse præsumitur, quæ fuit causa reuocandi venditionem factam cuiusdam fundi, quem relegatus pendente appellatione pupillo autoritate tutoris vendidit: de quo in *l. chirographis*, 38. §. fin. ff. de administr. tut. Quare cessante hac præsumptione, ut verè cessat, si alienationem probetur

fuisse factam ex causa necessaria, non est locus reuocationi. At dum hoc non probatur timore pœnæ imponendæ per sententiam confirmatoriam præsumitur facta.

9 Dixi sæpè alienationem factam à delinquente ante, vel post delictum validam esse irreuocabiliter, nisi in fraudem fisci facta esse probetur; quia si sic probetur esse factam, communis est sententia (paucis contradicentibus) validam esse, sed reuocabilem, *l. in fraudem, ff. de iure fisci, ibi, in fraudem fisci non solum per donationem, sed quocunque modo res alienata reuocantur*. Vbi pondero verbum *reuocare*, quod sententiam, & officium iudicis importat; solum enim fraus iustam præbet reuocationis causam: sic tradit Bart. *in l. post contractum, ante n. 1. vers. si aduertamus*. Paul. de Montepico *num. 11. & 12.* Peregrin. *de iure fisci, lib. 5. tit. 1. num. 153. & 185.* Menoch. *de præsumpt. lib. 3. præsumpt. 124. n. 1.* Sanchez *lib. 2. cap. 21. num. 25. & 26.* Farinac. *quest. 164. num. 46. & 66.* & alij apud ipsos. Neque obstat *l. si aliquis, 7. ff. de donation. causis mort.* ubi denotatur per argumentum à contrario donationes factas ex suspitione pœnæ non valere; inquit enim textus: *ceteras donationes sine suspitione pœnæ factas valere*. Ergo quæ factæ sunt cum suspitione pœnæ, non valent, quia respondetur intelligendum esse de valore irreuocabili.

10 Difficultas ergo est, quomodo probetur alienationem in fraudem fisci factam esse, vt sic fiscus condemnato delinquente possit eam vt sibi nociuam reuocare. Nam aliqui dicunt non coniecturis, sed diligencis probationibus deducendum esse: ne Aleiat. *consil. 125. num. 8. vers. nisi forte probaretur*. Menoch. *de præsumpt. lib. 3. præsumpt. 124. num. 3.* Ancharam. *consil. 251. num. 4. & consil. 385. post num. 5.* Natta *consil. 212. num. 2.* Decian. *tract. crim. p. 1. lib. 1. cap. 5. num. 7.* Mouentur ex *l. sed est maritus, §. & si constanter, in illis verbis: dilucidis hoc probationibus, ff. qui & à quibus*. Verùm communis est sententia, coniecturis fraudem probari posse: est enim fraus quid latens in animo, & difficilis probationis. Ergo coniecturis probari debet: vt manifeste probat textus *in cap. si te præbendam, de renuntiis, in 6. ibi, dummodo de præmissa fraude appareat saltem per aliquas probabiles coniecturas*. & tradit Montepicus *in repetit. l. post contractum, num. 19. & seqq. ff. de donation.* Decius *consil. 235. num. 1. in fine, vers. & huiusmodi fraus*. Ioann. Faber *in §. item si quis in fraudem, num. 7. vers. dicunt ipsi, Institut. de actionib. Clar. præf. §. fin. quest. 78. num. 16. vers. fraus autem*. Peregrin. *de iure fisci, lib. 5. tit. 1. num. 154. vers. ad secundum respondetur*. Coniecturæ autem, & indicia debent esse perspicua: vt habetur *in l. dolum, C. de dolo, ibi, dolum ex indicijs perspicuis probari conuenit*, & tradit alios referens, & contrarias opiniones concilians Farinac. *de pœnis temperand. q. 89. num. 19. & seqq.* ubi explicat, quæ dicantur indicia perspicua, & pro manifestis probationibus reputata: illa, inquam, esse existimo, quæ in hominum existigatione fraudem inferunt, vt nulla ratione in bonam partem trahi possint: vt exemplo glossæ *in d. l. dolum, verbo conuenit*, est perspicuum: & tradit Mascard. *de probationib. lib. 1. conclus. 530. post num. 6. in 2. limitat.* Surdus *decis. Mantua. 216. num. 45. in fine*, & alij relati à Farinac. *num. 29.*

11 Et quidem si loquamur de alienatione facta ante delictum, vt in fraudem fisci probetur facta, probari etiam debet illo tempore alienationis adesse aliquam causam impellentem delictum committere, v.g. capitales inimicitias, &c. alias fraus præsumi non poterit, cum non possit præsumi delictum esse committendum: sic Anton. Gom. *tom. 3. var. cap. 14. num. 4. vers. & adde quòd semper*. Clarus *præf. §. fin. quest. 78. sub num. 16. vers. fraus autem*. Menoch. *de præsumpt. lib. 3. præsumpt. 124. n. 5. & 6.* Bossius *iii. de bonor. publicat. num. 45.* Farinac. *de falsitat. quest. 164. num. 71. & 134. & 138.* Quapropter con-

iecturis dilucidis probandum est alienantem in specie, & de præsentis cogitasse delinquere; vt sic alienatio in fraudem fisci censeatur facta, & reuocanda; nec sufficit si tantum in genere de delicto cogitauerit, vt puta, quia cum sit persona rixosa dubitans committere delictum, ne bona sua ad manus curiæ deueniant, voluit sic illa donare; hæc enim cogitatio sic in genere non facit donationem dici factam in fraudem fisci, nec reuocandam: sic relato Menoch. *suprà, num. 6.* docet Farinac. *num. 65.* & affirmat esse pulchram declarationem.

12 Hinc sit primò donationem omnium bonorum factam à delinquente ante commissum delictum, non esse sufficiens, & perspicuum iudicium ad fraudem præsumendam, nisi simul à fisco probetur adesse tunc aliquam causam impellentem delictum committere: sic tradit Bossius *tit. de bonor. publicat. num. 45.* Anton. Gom. *tom. 3. vers. cap. ult. num. 4. post 6. casum.* Sanch. *lib. 2. cap. 21. num. 7.* Farinac. innumeros referens, *quest. 164. num. 134. & 138.* Menoch. *lib. 3. præsumpt. 124. num. 5. & 6.* Idem est de donatione facta coniunctæ personæ, vel amico, quæ nõ est sufficiens indicium ad fraudem præsumendam, si alia causa impellens delictum non coniungatur; sæpè enim afinitas, & amicitia ad donandum impellit: non igitur fraus perspicua probatur ex sola illa donatione. sic Anton. Gom. *suprà*, Bossius *num. 46.* Menoch. *num. 24. & 25.* Sanch. *num. 11.* Farinac. *num. 138.* & alij apud ipsos.

13 Secundò infero neque esse sufficiens indicium ad hanc fraudem comprobendam alienationem factam alienius fundi, in cuius possessione alienans existit, & fructus percipit post alienationem; quia excogitari potest alia causa sic simulatè alienandi præter fisci fraudem: sic Anton. Gom. *suprà*, Sanch. *num. 16.* Farinac. *quest. 162. num. 239.* Cardin. Tusch. *præf. conclus. in verbo simulatio, & concl. 260. num. 13. & concl. 261. num. 5. & 19.* Mascard. *de probation. lib. 1. concl. 439. num. 5. & concl. 52. num. 5. & lib. 2. concl. 815. num. 51.* & alij apud ipsos. Aduerto tamen probata simulatione, si delinquens condemnatur in confiscatione bonorum, non reuocatur donatum, sed potius occupatur tanquam inalienatum, & sub domino delinquentis existens. Secus verò dicendum est de alienatione non simulata, sed in fraudem; hæc enim post condemnationem delinquentis reuocanda est à fisco, antequam possit bona alienata occupare, quia talis alienatio valida fuit, & per eam in possessionem fuit translatum dominium; ac proinde non via executiua, sed ordinaria aduersus possidentem procedi debet. sic Sanch. *lib. 2. cap. 21. num. 28.* cum Montepico *in dict. l. post contractum, num. 50.* Secundò aduerto sic simulatè alienantem, & inualidè posse allegare simulationem suam, vt alienatum sibi reddatur, si ad simulandum honesta causa ductus fuit; secus verò si in fraudem alienasset: sic multis relatis Farinac. *q. 162. num. 49. & quest. 164. num. 69.* Tiraquel. *de retract. lignag. §. 1. gloss. 2. num. 16. ante finem. & gloss. 18. num. 20. vers. nam neque auditur*. Tusch. *præf. verbo simulatio, concl. 257. à num. 12. & concl. 266. num. 20. & seqq.*

14 Tertiò infero neque esse sufficiens indicium ad probationem fraudis, si probetur alienationem clandestinam fuisse, quia potest aliqua adesse causa sic actum honestandi. Vnde vt fraudem probeat, debet simul cum illa præsumptione probari adesse causam fraudis: sic post Bart. *in l. post contractum, num. 7. vers. & semper intellige, ff. de donationib.* tradit Montepicus *ibi, num. 55.* Anton. Gom. *tom. 3. var. cap. ult. num. 4. vers. & adde quòd semper*, Sanch. *lib. 2. cap. 21. num. 17.* Menoch. *lib. 3. præsumpt. 124. num. 41.* Farinac. *quest. 162. num. 211.* & alij apud ipsos.

15 Quartò infero nõ sufficere ad probationem fraudulentæ alienationis ante delictum factæ delictum incontinenti; est alienationem sequi; potest enim legi

ex inopinata rixa: quare cum hac coniectura coniungi debet probatio causæ, quæ ad patrandum delictum impellat, scilicet rixam, vel inimicitiam præcessisse. sic Anton. Gomez post 6. casum. Montepicus n. 56. Sanchez num. 18. Menochius n. 21. Farinacius pluribus exornans q. 164. n. 157.

16 Quocirca ante commissum delictum duplicem inuenio probationem claram fraudulentæ alienationis. Prima, si alienes sub conditione publicationis bonorum: tunc enim clarum est te velle fiscum defraudare, & tuo delicto fauere. sic Menochius num. 46. Sanchez num. 21. ubi testatur esse omnium. Farinacius plures referens quest. 64. num. 162. Secus si donates sub conditione, ut donatarius delictum confiscatione dignum non committeret. Nam illud committente vis ad alios hæredes transire donatum, quia tunc nec delicto faues, neque fiscum fraudas, sed tuo iure vteris. sic Farinacius supra num. 163. cum Cephalo consil. 225. num. 58. Menochius lib. 3. præsumpt. 124. num. 50. Secunda probatio clara fraudis est, si ante donationem dixeris aliqua verba, quibus denotatur sufficienter de delicto patrando cogitasse, ut si dixeris minando alicui: Prouidebo rebus meis, & deinde mihi satisfaciam; tunc enim secuto delicto sic prius alienata in fraudem reputantur alienata. sic Montepicus in l. post contractum, n. 54. in fin. Farinacius alios referens, num. 164. Anton. Gomez illo cap. ult. n. 4. circa princ. in 1. casu.

17 Post delictum verò commissum quælibet ex supradictis coniecturis sufficienter probata, est indicium perspicuum, & sufficiens ad præsumendam fraudem; quia tunc adest causa impellens fisci defraudationem, quæ est timor pænæ ob delictum imponendæ. Quocirca ad eludendam hanc præsumptionem tibi incumbit onus probandi ex causa necessaria alienationem esse factam; aliàs in fraudem fisci censeberis alienasse: sic supponunt Doctores relati, neque aliam limitationem adducunt, nisi cum delictum ita occultè patrat, ut nullus adsit timor diuulgationis, quia tunc cessat causa committendi fraudem. sic Montepicus dicti l. post contractum, n. 61. Alciat. n. 56. Sanchez n. 19.

18 Tria denique sunt aduertenda. Primum, ut donatio possit reuocari tanquam in fraudem fisci factam, necesse non esse donatarium participem esse fraudis; secus verò ut reuocetur venditio, permutatio, & quilibet alius onerosus contractus. habetur l. aut prator, §. si quis particeps, ff. que in fraud. cred. Ratio huius diuersæ dispositionis est manifesta, quia in alienatione gratuita donatarius solum passiuè se habet acceptans beneficium sibi impensum, ac proinde fraus in illo non spectatur: at in alienatione onerosa, contractu scilicet permutationis, & venditionis, æqualis est vterque contrahens. Debet ergo fraus in vtroque adesse. Aliis terminis hæc ratio proponi solet: nempe donatarius, quia solum agit de lucro captando, in eo fraus non attenditur: at in emente, vel vendente agitur de damno vitando. Debet ergo ut rescindatur eius contractus particeps fraudis esse. sic post Bart. in dicti l. post contractum, n. 3. tradit Montepicus num. 38. Ioan. Hannibal num. 39. Clarus prætic. §. fin. quest. 78. n. 17. vers. ceterum. Sanchez lib. 2. cap. 21. num. 29. Farinacius alios plures referens, quest. 164. num. 58. & 75. Bonacina diff. 3. de contractibus, q. 8. p. ult. §. 2. n. 2.

19 Neque assentiendum est Anton. Gomez tom. 3. variarum, cap. ult. num. 4 post medium, affirmanti in omnibus casibus, in quibus fraus ex parte alienantis præsumitur, præsumi ex parte recipientis alienationem. est enim efficax præsumptio fraudis in alienante, si statim post alienationem sequatur delictum, vel si post commissum delictum alienet, & tamen cum illo contrahens hoc ignorare poterat. Ergo ex hoc capite non probatur emptorem participem esse fraudis: tradit Bart. in

dicti l. post contractum, num. 8. ibi Ioan. Hannibal num. 156. Montepicus num. 62. Sanchez num. 30. Farinacius n. 83. Item ex venditione omnium bonorum, ad quam sequitur delictum: esto arguatur fraus in vendente, ut est ferè omnium sententia, non tamen arguitur in emente. sic Montepicus num. 38. Sanchez n. 30. Farinacius n. 75. Item ex venditione facta coniunctæ personæ, vel amicissimo, sumitur sufficiens præsumptio fraudis in vendente: at in emente, si iusto pretio emat, non item. tenet Ioan. Hannibal in d. l. post contractum, num. 115. 116. & 117. Alciat. ibi num. 41. vers. rursus in alienatione. Vital. de clausula, rubr. de fraude, num. 13. Papiensis in forma libelli in actione reali, glossa verus, ac legitimus, num. 38. vers. illud tamen scias. esto contra teneat Bart. in dicti l. post contractum, num. 3. Montepicus num. 46. Sanchez num. 30. Farinacius num. 75. Quocirca in duplici casu reputarem sufficienter præsumi emptorem participem esse fraudis commissæ à vendente. Primò, si modico pretio rem emat magni valoris, quia nemo rem suam sine causa dissipat. sic Peregrin. de iure fisci, lib. 1. tit. 1. n. 157. vers. intellige tamen. Sanchez cap. 21. num. 30. Farinacius quest. 164. num. 75. Secundò, si clam data opera contractus celebreretur, quia illa occultatio malitiam arguit. sic Montepicus dicti l. post contractum, n. 25. Anton. Gomez ubi supra n. 4. vers. item etiam intellige. Farinacius n. 82. Sanchez n. 30. ubi optimè aduertit nunquam fraudem esse ex parte emptoris præsumendam, quin prius ex parte vendentis, & committentis delictum præsumatur. 20 Secundò aduerto fiscum reuocare rem alienatam in sui fraudem, non solum quoad rem ipsam, sed etiam quoad fructus in illa pendentes; quia ij fructus pars illius rei confiscatæ reputantur. At non reuocantur fructus percepti medio illo tempore ante sententiam, siue consumpti sint, siue non, quia cum dominium illius rei fructus parturientis translatus sit in possessorem, absque vlla fisco obligatione possessori acquiruntur: sic multis relatis docet Sanchez lib. 2. cap. 21. num. 41. Peregrinus lib. 5. de iure fisci, tit. 1. n. 174. Montepicus in dicti l. post contractum, num. 102. & 104. Farinacius quest. 164. num. 55. & 56. Bonacina diff. 3. de contractibus, quest. 8. punct. ult. §. 2. sine. Limitant aliqui, ut intelligatur de fructibus perceptis ante litem contestatam, secus postea. sic Montepicus supra. Peregrin. num. 185. Farinacius num. 157. At non credo, quia esse litem contestatam non tollit dominium esse translatum; & ita alij Doctores hanc limitationem non apponunt.

21 Tertiò aduerto, etsi fiscus habeat actionem contra alienantem in sui fraudem, non tamen potest res alienatas translatas in tertium possessorem ab illo reuocare via executiua, sed ordinaria. Tum quia est valida alienatio facta. Tum quia iure communi non proceditur via executiua, etiam si actor habeat reum sibi obligatum per scripturam, l. minor 25. annis, ff. de minorib. & tradit Vmbert. Locat. post indic. inquisit. q. 16. Farinac. de hæresi, q. 190. n. 88.

PUNCTVM XXII.

An confiscatio bonorum delinquentis condemnati in contumaciam ob causam fidei sit facienda à tempore latæ sententiæ, vel à tempore, quo probationes signant delictum commissum.

- 1 Prima sententia affirmat à tempore lata sententia faciendam esse confiscationem.
- 2 Probabilium est à tempore, quo testes deponerent hunc contumacem in hæresim incidisse.
- 3 Satis sit oppositis argum.

Grauiſſi

Grauiſſima eſt hæc controuerſia, quia ex illa pendet, an contumax alienare poſſit bona ſua, antequam in contumaciam condemnatur, validæque ſit eorum alienatio, neque reuocanda, niſi in fraudem ſicci eſſe factam probetur. Si enim confiscatio non eſt tradenda ad diem, in quo probationes dicunt delictum eſſe commiſſum; ſed ad diem, in quo ſententia ſuper delicto in contumaciam lata eſt, poterit contumax, dum condemnatus non eſt, bona alienare, & ſic confiscationem bonorum vitare, & iudices fidei eludere. quod certè non eſt paruam inconueniens.

1. Eſt igitur prima ſententia defendens bona talis delinquentis non publicari à die, quo teſtes deponunt illum in hæreſim incidille, ſed à die, qua damnatur tanquam contumax, vel à purgatione indiſta deſecit, ſic Gabr. Quemadmodum latè probans in ſuis quaſtionibus ſiſcalibus, tota quaſt. 8. quem ſequuntur abſque ulla examinatione Simanc. de catholicis, inſtitut. tit. 9. num. 26. Menoch. lib. 2. conf. 159. ſub num. 19. Couarr. in cap. alma mater. 1. p. §. 7. ſub num. 11. verſ. ſed & in cauſa hæreſis, Thom. Sanchez. lib. 2. cap. 22. num. 35.

Pluribus rationibus Gabr. Quemadmodum ſuam ſententiam ſignat: hæc ſunt præcipuæ. Prima, quia contumax non habetur pro confeſſo, & conuiſto, neque ut talis condemnatur, niſi à die quo perfectæ eſt contumacia: ut habetur in cap. cum contumacia, de hæreſi. in 6. cap. excommunicamus. §. qui autem, eod. tit. & lib. Ergo ſolum ab illo die bona illius cenſeri debent publicata. Secundò, quia in ſuprad. cap. cum contumacia, ſolum dicitur huc contumacem velut hæreticum eſſe damnandum, non autem dicitur eſſe iudicandum hæreticum; ſed ſimilem illi. Ergo ſignum eſt dampni ob contumaciam, quæ ſimilis eſt hæreſi in pœnis impoſitis, non autem dampnari ob hæreſim. Tertio ex doctrina Bart. in l. eius qui delatorem, ff. de iure ſiſci. ubi decidit fictam probationem non præiudicare hæredi, ſed contumax fictione iuris cenſetur confeſſi delictum, de quo accuſatur. Ergo eius ficta confeſſio non debet hæredi præiudicare, ac proinde bona alienata repeti non poterunt. Quarto probat ex text. in cap. inter ſollicitudinem, de purgat. canon. ubi habetur quod deſiciens in purgatione canonica detrahendus ſit in monaſterium; cum ergo non dicatur tradendum eſſe curiæ ſeculari, efficitur non eſſe ut hæreticum iudicandum; cui modo dicendi fauet gloſſ. fin. ibi. non traditur (inquit) curiæ ſeculari, quia illa probatio eſt præſumptiva, & non vera, & deſecta, ac proinde minus puniri debet. Quintò demus teſtes deponere te fauillè hæreticis, ob quam fauoriam citatis ſub excommunicatione comparere, ſi in excommunicatione per annum perſiſtiſſi, non eſt ut hæreticus reputandus, & condemnandus; ſed ad ſummum ut illorum fautor: quia contumacia eſt ficta confeſſio, illique æquiualeat. Ergo ſi ex tua confeſſione ſolum delictum fautoris argueretur, ex contumacia id ipſum tantum debet cenſeri probatum. Sextò, ſi poſt contumaciam probatam, & ſententiam datam compareres, poſſes contumaciam purgare, & condemnationem vitare: ut tradit Couarr. cap. Alma mater, 1. p. §. 7. num. 11. Bernard. Diaz præſt. cap. 117. ſub num. 12. verſ. imò & quod exiſtimo. Ergo contumacia in cauſa fidei non conſtituit iuris fictione hæreticum; aliàs ſemel ita conſtitutus pœnas hæreſi impoſitas vitare nequaquam poſſes.

2. Nihilominus etſi ſupradicta ſententia probabilis ſit, probabiliorẽ reputo aſſerentem publicationem bonorum faciendam eſſe à die, quo teſtes deponunt hunc contumacem in hæreſim incidille: ſic validiſſimis argumentis probat, & defendit doctiſſimus, & eruditiſſimus Proſper Farinae. de hæreſi, quaſt. 190. §. 12. num. 21. Illud autem eſt potiſſimum, ſi ut hæreticus, v. g. condemnaris in contumaciam, non condemnaris propter contumaciam, & inobedientiam, quam Prælati Eccle-

ſiæ habuiſti, eorum mandata transgrediens non comparando; ſed condemnaris ob delictum hæreſis, quod præſumeris incurriſſe, & pro quo citatus fuiſti, ut reſponderes, ſed delictum hæreſis non iudicaris incurriſſe in die quo proferretur ſententia condemnatoria, ſed in die, quo teſtes deponunt te exercuiſſe actum, ex quo talis ſuſpicio inſurgit. Ergo ab illo die eſt publicatio bonorum faciendæ. Diſcuſſus eſt legitimus, quia publicatio bonorum delicto hæreſis eſt annexa. Maiorem probò ex dicto cap. cum contumacia, ubi inſordelens in excommunicatione per annum in cauſa fidei, ut hæreticus condemnatur: neque enim dampnari poterat ut hæreticus, ſi iuris fictione hæreticus non eſſet: & tradit gloſſa ibi, Couarr. §. 7. n. 11. in princ. Menoch. de arbit. lib. 2. caſu 416. num. 6. Bernard. Diaz dict. cap. 117. fin. Ioan. Rojas ſingul. 2. num. 4. Albert. de agnoscenda aſſer. catholicæ, quaſt. 30. num. 73. Nauarr. conſil. 21. ſub tit. de hæreſi. num. 2. Pegna 3. p. com. 49. Et ratio eſt manifeſta, quia contumacia non eſt æquale delictum ac hæreſis. Ergo non poteſt æqualem pœnam mereri. Ergo contra iuſtitiam procederet Pontifex, ſi hæc delicta æqualiter puniret: at ſuſpectum de hæreſi, & in contumacia perſiſtentem eiſdem pœnis afficit, ac hæreticum præſentem; ut ex text. & Doctoribus relatis conſtat. Ergo non contumaciam, ſed hæreſim punit: probatam, inquam per illam contumaciam; contumacia enim, & inobedientia eſt quædam delicti ſuſpecti, & accuſati manifeſta probatio; æquiualeat enim illius delicti confeſſioni; & ſicut ſi delictum confeſſeris, illud probares; ſic per contumaciam confeſſioni æquiualem manifeſtè probatur. Minor verò ſupradicti diſcuſſus per ſe videtur manifeſtam licet contumax à die contumaciæ probatæ cõdemneris ut hæreticus, ratio condemnationis eſt delictum hæreſis, de quo ſuſpectus fuiſti, & pro quo fuiſti citatus reſpondere. Hoc autem delictum non commiſiſti, cum noluiſti reſpondere; ſed quando teſtes deponunt. Item etſi à die contumaciæ declararis hæreticus; non tamen declararis, quòd antea non fueris hæreticus: ſtat enim optimè quòd antea hæreticus fueris; ſed quia probatum non erat, non poteris iudicari, neque declarari: facta autem probatione ex tunc declararis; licet declaratio non ad delictum tempore declarationis commiſſum, ſed commiſſum multo tempore antea extendatur.

3. Et per hæc ſatiſfactum eſt primo argumen. contrario. Ad ſecundum dico, cum in ſupradict. text. cum contumacia, dicitur contumacem in cauſa fidei, velut hæreticum eſſe damnandum, illa particula velut non denotat ſimilitudinem, ſed proprietatem, & veritatem: ſicut Ioan. primo dicitur de Chriſto: *Ei vidimus gloriam eius, gloriam quaſi unigeniti à Patre*, illud quaſi expreſſum eſt veritatis, & in caſu præſenti tradit gloſſa, Archidiacon. Philip. Franc. Ioan. Andr. in ſuprad. cap. cum contumacia. Bellamera deciſ. 688. num. 27. & alij. Ad tertium nego in primis probationem delicti ortam ex contumacia eſſe fictam probationem: nam licet ſit ficta confeſſio delicti, non tamen eſt ficta, ſed vera probatio illius; ac proinde non eſt minus, ſed tertio præiudicat. Secundò concedo fictam probationem regulariter non præiudicare tertio, qui ſi plenum habeat ius, ab illo deturbandus non eſt præſumptionibus, ſed plenis probationibus, ut voluit Ripa in cap. ſapè, de reſtitut. ſpõliat. & in l. fin. C. de rei vendicat. Peregrin. de fideicommiſſ. art. 44. num. 12. At fallit in aliquibus delictis atrocibus; & ſpecialiter in crimine hæreſis ob eius gravitatem, & tradit idem Bart. l. 2. ff. de bonis eorum qui mortem ſibi conſueverunt, ex text. ibi in princ. Bellamera deciſ. 677. ſub n. 1. & ſub n. 8. verſ. neque obſtat. Alex. ad eund. Bart. in d. l. cum qui latorem. ſub num. 1. in lit. B. verſ. & limit. 4. Rojas ſingul. 69. Maſcard. de probation. concl. 348. mem. 34. Cantar. de execut. ſentent. cap. 1. num. 341. quos reſert, & ſequitur Farinae.

Farinac. dict. quest. 190. §. 12. num. 42. Alioqui si illa ficta probatio hæredi in crimine hæresis non præiudicaret, neque etiam post sententiam asserere posset præiudicium, quia hæc lata contra contumacem, & qui se plenè non defendit, tertio non præiudicat, ut ex Alexand. *consil. 126. in fine, lib. 2.* Signorol. *consil. 257. num. 4.* Roman. *consil. 154. num. 5.* tradit Farinacius *suprà*. Ad quartum dico non tradi deficientem in purgatione canonice curiæ seculari, quia falsus est error, & misericordiam postulauit: ut tradit ibi Abbas, & glossa *in solut. 2.* in quo casu nullus hæreticus tradendus est curiæ seculari. Aliam autem solutionem, quod scilicet probatio per contumaciam sit solum præsumptiua, & non vera, ideoque contumacem minus puniri debere, communiter Doctores reprobant, ut videre est in Abbate *ibid. num. 5.* Bellam. *decis. 676. sub num. 4.* Aliàs, ut bene dicit Farinacius *num. 44.* oporteret dicere neque confiscationem habere locum à die perfectæ contumaciæ, & lapsus anni; neque à die sententiæ, & condemnationis, quod nullus dicit. Ad quintum dico cum citaris respondere de fautoria hæresis, si factum sit plenè probatum, ut sæpè debet esse, citaris, ut purges suspicionem hæresis, quam incurristi; quam purgationem si omittis facere, non solum probas per contumaciam ipsam fautoriam, sed potius ipsam suspicionem; ita ut ipsa suspicio, quæ principio erat levis, facta citatione transiit in vehementem; & perfecta contumacia redditur violenta, & digna, ut ob illam contumax tanquam de delicto verè probato damnetur. Neque obstat fautoriam esse hæresis in genere, & non in particulari, ut non possit hic fautor ut hæreticus condemnari, quia ad hanc condemnationem sufficit errare contra fidem, vel Deum in genere, ut ex Bellamera *decis. 688. num. 33.* & ex Pegna ad Eymet. 2. *part. quest. 54. versic. sic talis,* tradit Farinacius *num. 51.* Adde rarò fautoriam esse hæresis in genere, quia rarò fauet hæretico, ut sic; sed tali hæretico, tali errore affecto: ac proinde illius erroris, cui fauorem præstitit, fautoria dicitur, & suspicio illius hæresis ex illa fautoria generatur. Ad sextum respondeo, si comparando probas non habuisse culpam in contumacia, eo quod fuisti infirmus, vel aliter impeditus comparere, purgas contumaciam, & infirmas sententiam, si fortè lata fuit, quia ex falsa præsumptione fuit lata. At si comparando contumaciam recognoscis, delictum verò, de quo fuisti ut suspectus citatus, negas; non es audiendus, neque ad penitentiam recipiendus, quousque delictum fatearis, & errorem abiures, sicut si veris testibus de crimine conuictus esses: sic docet Eymet. 3. *part. quest. 47. num. 4.* Bellam. *decis. 688. sub n. 30. versic. imò fortè.*

PUNCTUM XXIII.

Cui debent bona confiscata applicari.

- 1 Sub varia distinctione questio resoluitur.
- 2 Confiscati ob hæresim penes Pontificem residet applicatio.
- 3 Sæpè Pontifex constitutiones suas dirigit ad aliquas prouincias, quæ tamen leges sunt vniuersales.
- 4 Quid Pontifices in hac re statuerint.
- 5 In Hispania fisco integrè applicantur bona, & quid in alijs regionibus.
- 6 Debent tamen Principes mandatis Inquisitorum obedire, aliàs de bonis confiscatis participare non poterunt.

SI de confiscatione lata à Principe loquamur, qualis est ob crimen læsæ maiestatis, & in Castellæ regno ob crimen contra naturam, fisco regio pertinent bona confiscata, ut de se constat. At si confiscatio non

à Principe, sed ab inferiori iudice facta sit, etiam si fiat de iure communi, in quo casu diximus extendi ad bona sita extra territorium confiscantis; talia bona sic extra territorium confiscantis existentia non spectant ad iudicem, seu dominum confiscantem, sed ad dominum loci illius, ubi sunt sita, argument. textus in l. *quicumque, §. vniuersi, versic. quod si fecerint.* ibi, in cuius territorio est, C. de hæretico, l. *fin. C. de bonis vacantibus lib. 10. l. tutores, §. hæres.* & ibi Bart. *ff. de administr. tutorum.* sic multis relatis testatur de communi Farinacius *lib. 1. praxis, quest. 25. num. 101.* Sánchez *lib. 2. cap. 20. num. 34.* Clarus *in pract. quest. 78. versic. sed hic quæro.* Hoc tamen intelligunt Farinacius, Sánchez, & Clarus, dummodo dominus alterius territorij habeat ius confiscandi, aliàs secus. Nam si caret iure confiscandi, confiscanti applicabuntur; quia cessat iurisdictionum confusio, quæ est ratio, quare bona sita extra territorium confiscantis, & per ipsum confiscata confiscanti non applicentur. Secundò affirmant Farinacius *num. 108.* multos referens, & Sánchez *suprà*, intelligendum esse de bonis immobilibus: nam bona mobilia personam delinquentis comitantur, neque territorio circumscribuntur, ac proinde confiscanti pertinent, ex text. in cap. 1. §. *si index, de vsibus feudorum,* in illis verbis: *Dominus eius omnia bona mobilia sub sacramento iudici representet,* quidquid in contrarium Mediolani seruatur, ut testatur Clarus *dict. quest. 78. versic. sed hic quæro, in fine.* Tercio intelligenda est conclusio etiam in crimine hæresis: nam etiam in illo crimine non debent applicari bona confiscata existentia extra territorium confiscantis ipsi, sed fisco iudicis loci illius. sic Simancas *de catholic. institut. titul. 9. num. 129.* Gundifalvus *tract. de hæretico, quest. 15. num. 6. & sequent.* Decian. *tract. de crimin. lib. 5. cap. 44. num. 8.* Farinacius *illa quest. 25. num. 104. & quest. 190. de hæresi, §. 12. n. 166.* Quarto intellige, etiam si bona existentia extra territorium confiscantis spectarent ad ipsum iure directi domini, adhuc ad feudatarium, & non ad dominum directum confiscantem deberent pertinere, ut ex pluribus comprobatur Farinacius *suprà num. 101. & seqq.* Specialiter ex Roland. *consil. 78. a num. 2. usque ad 22. volum. 2.* quia vasallus infeudatus à domino de mero, & mixto imperio non solum habere debet multas suorum subditorum, quæ meri imperij sunt: ut tradit Bart. & alij in *l. imperium, ff. de iurisdic. omn. iudic.* sed etiam habere debet confiscationes, & publicationes bonorum, quia ipse censetur quasi procurator fisci in rem suam. Excipe nisi crimen, ob quod sit bonorum publicatio, sit læsæ maiestatis aduersus dominum directum, quia tunc domino directo pertinent ea bona, etiam si extra territorium ipsius sint, in satisfactionem iniuriæ sibi factæ, nisi fortè bona illa sint in feudum, vel emphyteusim accepta à feudatario, quia tunc ipsi feudatario applicantur, & utile dominium cum directo consolidatur, ne ex delicto vasalli infeudati detrimentum feudatarius patiat, & probatur expressè textus in cap. 1. §. *illud, de prohibita feudi alienat.* sic Roland. *consil. 78. per totum, vol. 2. & consil. 73. vol. 4.* Farinacius alios referens, *quest. 25. n. 105. & seqq.*

Aduerto tamen, si sententia confiscationis ad bona extra territorium confiscantis expressè non extendetur, posset tunc superior illius territorij, si delinquens illi subditur, ratione originis, vel domicilij nouum processum instituere, & denuo condemnare, & illius vigore bona ibidem sita confiscare: sic ex Bossio *titul. de bonorum publicat. num. 75.* Nilo de bannitis, 1. *part. secundæ temporis, quest. 17. prope finem.* tradit Farinac. *g. 25. num. 201. fine.*

Cæterum loquendo absolutè de bonis hæreticorum, in varias sententias Doctores sunt diuisi, cui debeant applicari attento iure communi? Referam quid mihi verius videtur.

2 Et

2 Et primò præmittendum est applicationem horum bonorum penes Pontificem esse; cum enim crimen hæreticis Ecclesiasticum sit, *cap. ut inquisitionis, §. prohibemus, de hæreticis, in 6.* Pontifici competit committentes illud punire, siue Ecclesiasticos, siue laicos, *cap. licet, de foro compet. & ibi glossa*: at vna ex pœnis, quæ aduersus hæreticos fertur, est confiscatio bonorum. Ergo in illa imponenda constitutiones Pontificiæ seruandæ sunt, & præferendæ aliis regis constitutionibus, si fortè contradicant. Confirmo. Cognitio huius criminis Pontifici, eiusque ministris conuenit, & nullo modo potestatibus sæcularibus, vt habetur *in suprad. cap. ut inquisitionis*. Ergo etiam applicatio bonorum hæreticorum solum Pontifici, & quibus ipse facultatem dederit, pertinebit; quia hæc accessoria est primæ cognitioni, vel potius condemnationi. Accessorium autem iuxta naturam principalis iudicandum est, *cap. accessorium, de regul. iur. in 6.*

3 Secundò præmitto sæpè Pontificem constitutiones suas dirigere ad aliquas speciales prouincias, vel personas: quo non obstante leges sunt vniuersales pro tota Ecclesia; vt constat ex pluribus legibus insertis in corpore iuris, quæ specialibus personis erant directæ. Fateor ergo plurimas esse constitutiones à Pontifice latis in fauorem sanctæ inquisitionis, quæ Inquisitoribus tantum ordinis Prædicatorum, vel Inquisitoribus Italiæ, vel Lombardiæ directæ sunt, vt videri potest in iis, quas refert Pegna *in fine directi*. at inde non debet inferri obseruandas non esse ab Inquisitoribus totius orbis; aliàs plurima illis priuilegia concessa conuerterent. Ratio autem, quare debeant obiciuari, & vim legis habere, ea est, quia *in cap. ult. §. ult. de hæretic. in 6. & clem. 1. §. ult. de hæretic.* cauetur omnes constitutiones, & extrauagantes cõtra hereticā prauitatem editas, etiam si in corpore iuris non contineantur, obseruandas esse, & ita notauit optimè Pegna *directi. 3. p. com. 158. circa medium, vers. præterea*, Farinac. *de hæresi. q. 190. n. 173.*

4 His positis Innocent. III. *in cap. vergenti, de hæret.* statuit bona hæreticorum confiscari, & in terris Ecclesiæ, fisco Ecclesiæ applicari. In terris verò Ecclesiæ temporaliter non subiectis fisco iudicis sæcularis, etiam si condemnati filios haberent catholicos. Postea verò *in cap. excommunicamus, el. 1. §. damnati, eodem tit. de hæretic.* supradictam constitutionem limitat in bonis clericorum, ea non Ecclesiæ fisco, sed Ecclesiis, à quibus stipendia receperunt, applicentur. Cæterum Innocent. IV. quem sequutus est Alexand. IV. & Clemens V. in sua constitutione edita anno 1252. cuius initium est, *Ad extirpanda*, cuiusque meminit Pegna *in suprad. loco, & in fine directory*. & Farinac. *num. 176.* trimembrem fecit bonorum confiscatorum diuisionem: & primam statuit applicandam esse in commune ciuitatis, seu loci, in quo delinquens damnatur, vel bona illius sita sunt. Secundò in fauorem, & expeditionem officij inquisitionis dandam esse officialibus, qui tunc negotia ipsa peregerint. Tertio ponendam in aliquo tuto loco, secundum quod dictis diocesano, & Inquisitoribus, vel Inquisitori videbitur reseruanda, & expendenda per consilium eorundem in fauorem fidei, & ad hæreticos extirpandos. Neque audiendus est Bursatus, qui *conf. 8. lib. 3.* scriptum reliquit has constitutiones solum in Italia obligare, non extrà. Item non esse satis authenticas, vel vsu receptas, nam & authenticas esse, & vsu receptas, comprobatur manifestè Pegna *dict. comm. 158. vers. ego verò*, & Farinac. *quest. 190. à num. 178.* Illis tamen nullo modo est derogatum constitutione Alexand. IV. edita anno 1260. incipiens, *Discretionis vestre*; de qua meminerunt Pegna, & Farinac. *suprà*, vbi asserit Pontifex bona publicata, seu confiscata, & in posterum confiscanda, seu publicanda eorum pretium ad opus Romanæ Ecclesiæ conuerteretur. Nam præterquam quòd de casu speciali

loquitur, & de parte illa, quæ fisco Ecclesiæ applicanda est, siquidem est de bonis hæreticorum in prouincia Romana existentium, constitutione Clementis IV. qui proximus Alexand. fuit, trimembri illa diuisione Innocent. IV. firmata est; quod id ipsum fecit Eugen. IV. in sua constitutione edita Bononiæ anno 1438. 17. Kalendar. Februar. quæ incipit, *Sedis Apostolicæ prouidentia*, quam ad verbum refert Farinac. *dict. quest. 190. num. 178.* Quapropter hæc trimembri diuisione omnino retinenda est, dum aliud à Pontifice non fuerit statutum: & ita tenet Pegna *dicto comm. 158. post medium, vers. quare vt ad institutum*. Decian. *trakt. crimin. lib. 5. cap. 44. num. 2. vers. hodie tamen*, Lælius Zechius *sum. 1. p. rub. de hæresi, cap. 11. num. 16. vers. vndecima pars*. Aduerto tamen, vt hæc trimembri diuisione locum habeat, debent domini temporales Inquisitoribus, eorumque ministris necessaria pro expeditione officij sanctæ Inquisitionis suppeditare: iuxta constitutiones Innocent. IV. Alex. IV. & Eugenij, aliàs sanctæ Inquisitionis officio, & Inquisitoribus omnia erunt applicanda; quia cessat ratio, quare illa tertia pars dominis temporalibus applicetur: & ita tenet Pegna *dict. com. 158. vers. cum autem in multis locis*, Farinac. alios referens, *dict. q. 190. num. 185.*

5 Dixi hanc trimembrem diuisionem seruandam esse, dum aliud à Pontifice non fuerit statutum: quod dixi, tum propter bona clericorum ab Ecclesia in stipendium accepta, quæ non fisco, neque inquisitionis officio, sed Ecclesiis, à quibus receperunt, applicanda sunt: iuxta textum *in cap. excommunicamus, de hæreticis*. Tum quia in pluribus locis aliud videtur cautum, quod ex consuetudine satis recepta non leuiter colligitur. In primis enim in Hispania omnia bona hæreticorum fisco regio applicantur: & merito; quia Catholicissimus Rex Inquisitoribus, & eorum ministris, abundè suppeditat, & quidquid necessarium est ad promotionem sancti officij, ex suo (si opus est) patrimonio erogat: & ita testatur Couarr. *var. resolut. lib. 2. cap. 9. num. 12.* Simanc. *de catholic. institut. tit. 9. num. 132.* Clarus *in præcl. crimin. §. hæresis, num. 11. vers. sed hoc*. Nauarr. *consil. 2. num. 1. ad fin. tit. de hæreticis*, Cardin. Tuschus *præcl. conclus. verbo hæreticus conclus. 102. num. 15.* Salzedo ad Bernard. Diaz, *cap. 114. vers. hæretici, & vers. qua quidem opinio*, Petegrius *de iure fisci, lib. 4. tit. 5. num. 31. vers. clericorum*. Pegna *dict. com. 158. vers. hinc consequitur*. Iacob. de Grassis *lib. 2. decis. cap. 11. num. 13. vers. verum quando*, Farinac. *dict. quest. 190. num. 188.* & hanc applicationem fisco regio faciendam in Hispania affirmat Couarr. *suprà*, & Mandoz. *in additionib. ad repert. inquis. verbo diuiso, litt. A.* habere locum in bonis clericorum habentium beneficia, quæ non Ecclesiis à quibus stipendia receperunt, sed fisco applicantur. In aliis verò regnis alia est consuetudo, vt testatur Farinac. *suprà*. Nam Placentiæ testatur ex Vmbert. Locato *in indic. inquis. verbo fisco, num. 1. vers. consuetudo*, consuetudinem esse diuidendi bona hæreticorum in duas partes, quarum vna applicetur fisco Principis, qui benignissimè brachium suum sancto Inquisitionis officio confert, & altera applicetur sancto Inquisitionis officio pro eius conseruatione. Eandem affirmat cum Bursato *consil. 43. num. 45. lib. 1. esse Mantuæ iuxta decreta Pontificia*. Mediolani tamen dicit bona hæreticorum diuidi æquis portionibus inter fisco ducalem, Episcopum, & Inquisitorem: teste Claro *præcl. crimin. §. hæresis, n. 11. vers. in hoc autem ducatu*, quem refert Tusch. *præcl. conclus. verbo hæreticus, concl. 102. num. 16.* Franciæ inductum esse consuetudine bona immobilia etiam clerici ad degradationem, vel perpetuos carceres condemnati spectare ad Regem, vel ad dominum temporalem imperium ibi habentem. Mobilia verò Episcopo applicari secundum Oldradum, Rebus. Petr. Gregor. & alios relatos à Salzedo *præcl. crim. cap. 114. verbo hæretici, circa finem*.

pro. consentit Couart. lib. 2. *variarum*, cap. 9. num. 12. *Peregrin. de iure fisci*, lib. 4. tit. 5. num. 31. *vers. clericorum bona*. Subaudiæ affirmat ex speciali constitutione Gregor. XII. edita die 28. Septembris anno 1584. hæreticorum bona diuidi hac ratione, si eorum valor mille scuta non superauerit, Cameræ, & fisco ducali medietas applicetur, & altera officio sanctæ Inquisitionis. Quod si dicta bona valorem mille scutorum excederint, omnia applicantur eidem Cameræ, seu fisco ducali. Debent tamen duci ministri pro qualibet confiscatione realiter, & cum effectu, & sine vlla mora sanctæ Inquisitionis officio scutâ quingenta omnino persolvere.

6 Tandem aduertit & optimè Farinacius *supradictis locis in fine*, ne Principes, & domini temporales, quibus vel ex consuetudine à Romano Pontifice approbata, vel ex illius speciali concessione, pars aliqua in bonis confiscatis conuenit, negligentes sint in exequendis mandatis Inquisitorum, alioquin non solum portione bonorum confiscatorum illis debita priuati remanebunt, & indigni reputabuntur, sed tamquam hæreticorum defensores, & fautores inquiri iure poterunt.

PUNCTVM XXIV.

An excuset hæreticus supradictam pœnam confiscationis bonorum, eo quod resipuerit, vel misericordiam postulauerit.

- 1 *Spektato iuris rigore nunquam hæreticus hanc pœnam vitare potest.*
- 2 *Ex misericordia remitti potest, si antequam accusatus, vel denunciatus sit, pœniteat.*
- 3 *Secus verò dicendum censeo, si post publicata dicta testium misericordiam expostules.*

1 Longissimum esset recensere omnium placita, dicam quid mihi probabilius apparet.

Dicendum est ergo spektato iure hæreticum nullo modo supradictam pœnam efficaciter euitare posse; quia hæc pœna confiscationis delicto annexa est. *cap. cum secundum leges, de hæreticis, in 6.* Ergo semel commisso delicto pœna hæc excusari non potest. Dices non excusari ab illa pœna contrahenda, at ab illius executione excusari ob pœnitentiam. Sed contrà; quia hæc excusatio, quæ remissio est pœnæ per legem impositæ, ex aliqua lege, vel decreto Pontificio constare debebat. At nullibi constat pœnitentibus hæreticis bona confiscata remitti debere. Ergo non sunt illis remittenda ex iuris rigore. At ex benignitate, & misericordia præstat aliquando remittere (quidquid contrà teneat Conrad Brunus *tractat. de hæreticis*, lib. 5. cap. 6. n. 9. & 10.) Nam textus in *cap. vergentis, de hæreticis*, sufficiens præstat fundamentum ad hanc gratiam præstandam. Inquit enim Pontifex: Neque ad eos (scilicet hæreticos) bona eorum vltius reuertantur, nisi eis ad eor reuertentibus, & abnegantibus hæreticorum consortium misereri aliquis voluerit. & ita tradit glossa *sibi*. Abbas num. 2. in 3. notab. Felin. num. 3. Vmbert. Locat. *indicial. inquisit. verbo pœna*, num. 10. Simancas in *Enchirid. tit. 58. rubr. de pœnitent. num. 4.* Farinacius *quæst. 25. num. 16. & quæst. 190. §. 9. num. 144.* Pegna *director. inquisit. 3. part. comment. 158. versic. sed cum ex benignitate.*

2 Quod si roges, quando ex benignitate remitti debeant hæreticis pœnitentibus bona?

Repondeo primò, quoties pœnitet hæreticus, & misericordiam postulat, antequam accusatus, vel denunciatus sit. sic Simancas *de catholic. institut. tit. 47. num. 16. & 17.* Zanch. *tractat. de hæretic. cap. 25. num. 3.* Ioan. Calv. *Ferd. de Castro Sum. Alder. Pars I.*

detinus tractat. de hæreticis, num. 2. & seqq. Franc. Pegna *3. part. director. comment. 158. versic. tertia similiter*. iunctis iis quæ dixerat *quæst. 93. comment. 142.* Secundò, si postquam est accusatus, vel denunciatus, inò captus, statim errorem suum plenè confitetur, antequam dicta testium ei publicata fuerint, videtur ex benignitate bona illi esse remittenda: tradit Squallicenf. *tractat. de fide catholica*, cap. 30. num. 2. Farinacius *quæst. 25. num. 6. & quæst. 190. num. 149. iuncto num. 135.* Pegna *director. loco allegato, 2. part. comment. 9. ad cap. vergentis, versic. primo, & secundo.* Vmbert. Locat. *in indicial. inquisit. verbo gratia*, num. 3. *versic. at ubi inquisitus.* Zanch. *tractat. de hæreticis*, cap. 25. num. 3. *versic. inò hodie.* Patius *confil. 2. num. 184. versic. ad undecimam dubitationem*, lib. 4. Roland. *conf. 92. n. 24. lib. 3.* & alij plures relati à Farinac. *q. 190. num. 133. & 135.*

3 Tertiò extendunt aliqui ex supradictis Doctoribus ad hæreticum pœnitentem ante sententiam, cui affirmant ex benignitate bona restitui debere, etiam si post publicata dicta testium pœniteat. sic Farinacius, Vmbert. Locat. Parisius, Roland. nuper allegati. At hoc non credo, quia tunc non ex voluntate videtur fateri delictum, sed quia illo conuictus est. Quapropter hic perpetuo carceri mancipatur, iuxta textum in *cap. excommunicamus 2. §. si qui, de hæreticis*. ibi, *si qui postquam fuerint deprehensi reddere voluerint ad agendam pœnitentiam, in perpetuo carcere detrudantur.* Intelligo autem postquam fuerint deprehensi plenè; hoc est, non solum captura, sed præcipuè testium depositione. In Hispania autem nemini hæreticorum sit bonorum remissio, nisi tantum illi, qui spontè errores suos fateretur, hoc est, qui nullo metu probationis, & testificationis ductus ad iudices fidei accedit misericordiam postulaturus. sic Simancas *tit. 44. de catholic. institut. num. 3.* & tradit Franc. Pegna *3. part. comment. 12. versic. magnam veniam.* Dicitur autem nullo metu probationis duci ad fatendum errorem, quando non vocatus ob denuntiationem, vel accusationem iudicem adit crimina confessurus, ut optimè docuit Abbas in *cap. de hoc, de simonia*, & notauit Pegna *suprà, versic. & metu probationis.*

PUNCTVM XXV.

Qualiter fiscus satisfacere debeat creditoribus delinquentis, cuius bona publicantur, ipsèque delinquens liber maneat ab obligatione eis satisfaciendi.

- 1 *Fiscus tenetur satisfacere omnia debita criminosi ante delictum contracta, si publicet omnia eius bona.*
- 2 *Si publicet partem, pro parte tenetur.*
- 3 *Tenetur satisfacere debitis ante delictum, secus post delictum, nisi in utilitatem delinquentis cesserint.*
- 4 *Fisco incumbit onus probandi debita contracta esse post delictum.*
- 5 *Satisfacere debet creditoribus, quos constat tales esse summaria informatione facta.*
- 6 *Debet satisfacere pro viribus bonorum confiscatorum, & non ultra, amessi non confecerit inuentarium.*
- 7 *Item debet satisfacere ex bonis confiscatis, & incorporatis, non ex debitis postea confiscandis.*
- 8 *Item ex bonis sitis in illo territorio, ubi adsunt creditores.*
- 9 *Debet item satisfacere prius fisco, quam fideiussor delinquentis.*
- 10 *Fiscus conueniri potest via executiua, si delinquens eadem conueniri poterat.*
- 11 *Fiscus prius creditoribus, quam sibi pro expensis factis satisfacere debet.*

12. Facta confiscatione liberatur debitor à satisfactione exhibenda creditoribus, tamen si ad pinguiorem fortunam deveniat.
13. At si confiscatio non fuit omnium bonorum, sed pars, pro parte tenetur delinquens.
14. Proponitur quedam obiclio, & fit illi satisfactio.
15. Si ex gratia Principis reddita sunt bona delinquenti, tenetur satisfacere creditoribus.
16. Fideiussor delinquentis tenetur satisfacere creditoribus, casu quo fiscus non satisfecerit.

Constat apud omnes teneri fiscum publican-tem bona alicuius criminosi satisfacere omnia debita ante delictum contracta, quia fiscus licet non sit proprie hæres, eo quod condemnato viventi succedat; habetur tamen loco hæredis, ac proinde sicut hæres tenetur ad debita soluenda defuncti, ita fiscus ad debita soluenda condemnati. Item fiscus occupare non potest nisi bona delinquentis: at bona delinquentis solum reputantur ea, quæ deducto ære alieno supersunt: ut expresse habetur in *l. non possunt*, 11. ff. de iure fisci. Dixi teneri ad omnia debita, ad quæ delinquens tenebatur, siue ex mutuo, deposito, commodato, legato, fideicommissio sint contracta, siue ad ea civiliter, siue naturaliter tantum obligetur; quia est vniuersalis successor succedens in omni actione tam actiua, quam passiva delinquentis, & colligitur ex *l. ex facto*, ff. ad Trebellian. & *l. Papinian*, §. meminisse, ff. de inofficioso testamento. & aliis quæ congerit Farinacius 1. part. praxi, quæst. 25. à num. 169. & 186. & de hæresi, quæst. 190. num. 28.

2. Notanter dixi teneri omnia debita criminosi soluere, si publicet eius bona: nam si solum publicet partem, pro parte tantum tenetur; quia tunc solum pro parte loco debitoris subrogatur: & deciditur *l. fin.* C. de debitoribus eius. lib. 11. ibi, pro rata rerum quas possident, conveniuntur. sic Sjmancas de catholicis institutis. tit. 9. num. 122. Sanchez lib. 2. cap. 22. num. 74. & 90. Bonacina disp. 3. de contractibus, quæst. 8. p. ult. §. 4. num. 1. Farinacius quæst. 25. num. 178.

3. Item dixi esse fiscum obligatum satisfacere debita ante delictum contracta. Nam ad ea, quæ post delictum, cui est annexa pœna confiscationis, contracta sunt, non obligatur, nisi in quantum probatum fuerit in utilitatem delinquentis, & consequenter fisci impensasse; quia ex bonis prius fisco obligatis solui posteriora debita non debent, sic Sanchez num. 76. Bonacina d. §. 4. num. 1.

4. Cum autem dubium est, an sint debita contracta post delictum, quis debeat hoc probare? Didac. Canteza quæst. crimin. rubr. de hæret. cap. 1. num. 21. affirmat debere opponentem probare. Sed verius est fisco semper incumbere; quia constat de debito, & obligatione. Ergo ut fiscus ab illa se eximat, debet probare post delictum provenire. Item nullus præsumitur delinquere, nisi probetur. Ergo neque contrahere in præiudicium fisci, sic Sanchez, Bonacina suprà. & Farinacius q. 190. n. 28. Quod si delicto annexa non sit pœna confiscationis ipso iure, sed veniat imponenda, tenetur eodem modo debita soluere, ac si ante delictum contracta essent, quia tunc delinquens obligare sua bona creditoribus potest, cum non sint fisco proprie obligata, & quasi hypothecata; alias posset omnia bona in tertios alienata auocare hypothecaria actione, quod est falsum, ut bene dixit Boslius titul. de bonorum publicatione, num. 181. Farinacius 1. part. praxi, quæst. 25. num. 190.

5. Modus autem, quem servare debet fiscus in satisfaciendis creditoribus, is est. Primò, ut satisfaciatur creditoribus, quos tales esse constiterit solo summario examine, & veritate inspecta, neque definitivam senten-

tiam spectet, colligitur ex *l. si quis post hoc*, in princ. C. de bonis proscriptis. & ibi Salicet. in fine. Farinacius quæst. 25. num. 176. Clarus pract. q. 78. versic. sed quæro. Sanchez lib. 2. cap. 22. num. 81. & alij apud ipsos. Et ratio est manifesta, quia delinquens solo hoc summario examine, & veritate inspecta obligatur debita soluere. Ergo similiter obligari debet fiscus, qui loco illius subrogatur.

6. Secundò debet satisfacere pro viribus bonorum confiscatorum, & non ultra; etiam si inventarium non confecerit, quia fiscus solum ratione bonorum obligationem satisfaciendi creditoribus subiit. Ergo non potest ipsa bona accepta excedere obligatio. Neque obstat hæredem non conficientem inventarium teneri debita soluere ultra vires hæreditarias. §. si vero non fecerit, authent. de hæredibus, & falcidia, & amb. sed cum testator, in fine, C. ad legem falcid. quia hoc in fisco non procedit, qui proprie hæres non est, ac proinde obligatus non est conficere inventarium: ut tradit Bart. in l. 1. §. an bona, & ibidem Alexand. in additionibus ff. de iure fisci. sic Clarus pract. q. 78. n. 30. Boslius pract. tit. de bon. publicis. num. 23. Peregrin. de iure fisci, lib. 5. tit. 1. num. 64. Sanchez lib. 2. cap. 22. num. 83. Farinacius quæst. 25. num. 183. & seqq.

7. Tertio debet satisfacere ex bonis confiscatis, & incorporatis, non ex debitis postea confiscandis: sicut enim ipse debitor delinquens non poterat creditoribus inuitis dare in solutum nomina sui debitoris: ut colligitur ex *l. cum à quo*, & ibi Bald. & Salicet, C. de solutionib. sic neque fiscus loco debitoris subrogatus id facere poterit: sic aliis relatis docet Farinacius dist. quæst. 25. num. 174. & 175.

8. Quarto, satisfactio præstanda est creditoribus vnius territorij ex bonis ibidem confiscatis, non ex bonis alibi confiscatis; quia creditori satisfaciendum est eo in loco, ubi contractus celebratus est, non alibi ipso creditore invito. *l. si qui rerum*. & ibi Bart. ff. de eo quod certo loco. & sicut quilibet fiscus bona sita in suo territorio occupare potest, & non alia; ita debita ibidem contracta satisfacere debet, & non alia. Quod si creditores vnius territorij vellent sibi fieri satisfactionem ex bonis alibi confiscatis, & ad diversum fiscum pertinentibus; non tenetur eis fiscus soluere, cum bona confiscata in illo territorio si fuerint, quia esto creditor habens bona debitoris sibi hypothecata, possit ex quibuscumque illius bonis, etiam in alio territorio sitis, petere satisfactionem fieri, ex textu in *l. creditoribus*, ff. de distract. pign. at facta confiscatione id fieri non potest, ne fiscus vnius territorij omnibus bonis confiscatis sibi pertinentibus priuatur, altero fisco illis remanente, sic relato Cyno, Petr. Bald. & Angelo in *l. ex facto*, ff. de hæredibus instituend. tradit Farinacius quæst. 25. num. 173. Clarus pract. quæst. 78. ver. sic sed quæro, an hoc casu. Sanchez lib. 2. cap. 22. num. 78. At si bona vnius territorij ad debita ibidem contracta soluenda non sufficerent, ex bonis in alio territorio sitis, illis esset satisfaciendum, quia absolute sunt bona delinquentis, qui est obligatus, cuius obligationis satisfactio præferenda est iuri per fiscum acquisito, sic Clarus, Sanchez, Farinac. suprà.

9. Quintò, debet fiscus satisfacere creditoribus, priusquam fideiussor ipsius delinquentis, quia loco delinquentis subrogatur; quare si creditores à fideiussore debitum exigant, poterit fideiussor excipere executionem faciendam à fisco in bonis confiscatis, sicuti poterant excipere executionem faciendam à debitore, si debitor non fuisset delinquens, ex authent. presente, C. de fideiussoribus, authent. quod si debitor, C. de pignorb. sic multis relatis aduersus alios contrarium sentientes firmat Farinacius quæst. 25. num. 171. Sanchez cap. 22. num. 79.

Secundò eadem ratione, si via executiva conueniri possit, delinquens, & fisco etiam conueniri poterit, & obligari soluere; fisco enim non censetur priuilegiatus, nisi in casibus a iure expressis. l. 1. & ibi Cynus, de peritione hereditaria, l. quod placuit, ff. de iure fisci. sic Sanchez alios referens, num. 80. Non tamen poterit fisco conueniri coram iudice delinquentis, etiam si instantia cepta fuerit contra delinquentem, sed necessarium conueniendus est coram proprio iudice: quod latissime probat Barbosa in l. si constante, §. fin. a num. 19. ff. de iure matrimonii. cuius ratio mihi firma non videtur, illam tamen firmam putarem, quæ ex privilegio fisci desumitur. Cum enim fisco concessum sit, ut nunquam conueniri possit, nisi coram proprio iudice, ex l. 1. & l. 2. C. ubi causa fiscales, l. 2. C. si aduersus fisco, l. cum eorum, C. de sentent. & interlocut. omnium iudicum. l. 1. C. de fide instrumenti, lib. 10. l. si constante, §. fin. ff. de iure matrimonii. Neque alicubi habeatur exceptio, cum causa cepta est coram alio iudice, censeo in hoc casu coram proprio iudice esse conueniendum: consensit Farinacius 1. part. si agitur verbo fisco, num. 185. Secus verò dicendum videtur, si iure hereditario succederet, aut post latam sententiam in causa appellationis, ex traditis a Peregrino de iure fisci, lib. 7. tit. 1. num. 11. & 12.

11. Septimò, si bona delinquentis condemnati insufficientia sunt ad satisfaciendum creditoribus, & fisco pro expensis factis in illius condemnatione, & bonorum publicatione; prius fisco satisfacere debet creditoribus, quam sibi. Tum quia creditoribus iam erat ius quæsitum, quod diminui non debet ob debitum postea contractum. Tum & præcipue, quia Princeps suis expensis debet delinquentes persequi, iuxta l. 1. C. de muliere, qua se publicè commiscuit. sic Baiard. ad Clarum, quest. 78. num. 169. lib. 5. Sanchez lib. 2. cap. 22. num. 93. Bonacina disput. 3. de contrahibus, quest. 8. punct. vltim. §. 4. fine. Est contra teneat Peregrinus de iure fisci, lib. 5. tit. 1. num. 193. Matth. de Attilis cap. 1. §. & bona committentium, num. 119. tit. qua sint regalia in vltibus feudorum. nixi quòd fisco in hoc agat vtiliter negotium creditorum. Quod fundamentum infirmum est; cum potius negotium creditorum infirmetur, tum ob expensas factas, tum quia transfertur debitum in potentiorum, qui est fisco. Adde punitionem delinquentium non creditoribus, sed reipublicæ pertinere. Idem quod dictum est de creditoribus fisco præferendis, dicendum est de pœna imposita à fisco pro reparatione alicuius damni illati à delincente: hæc enim pœna præferenda est cuilibet aliæ pœnæ fisco applicandæ, quia damnum passus est creditor, cui delinquens iure naturæ satisfacere erat obligatus. Ergo fisco succedens in iuribus tam actiuis, quam passiuis delinquentis, hanc tenetur satisfactionem præstare, prius quam sibi bona delinquentis applicet. sic Farinacius quest. 25. num. 189. vbi testatur sæpius se vidisse seruatum: consentit Sanchez lib. 2. cap. 22. in fine. Bonacina dict. disput. 3. quest. 8. punct. vltim. §. 4. fine. Secus verò dicendum est de pœna pecuniaria imposita delinquenti, non in reparationem alicuius damni, sed pro delicto commisso; applicanda tamen alicui priuato: hæc enim pœna præferenda non est pœnæ fisco applicandæ, si bona delinquentis vtrique soluendæ non sufficiunt; quia fisco in hac parte dignior est, & prius illi satisfieri debet. l. 1. C. pœnis fiscalibus creditores præfer. lib. 10. l. quod placuit, ff. de iure fisci. & tradit Farinacius supra num. 188. cum Couarr. var. resolut. lib. 1. cap. 16. num. 8. Claud. Barran. reg. crimin. 140. n. 1. Sanchez lib. 2. cap. 22. num. 94. Clatus pract. lib. 5. quest. 78. num. 31. versic. vidi quandoque.

12. Facta confiscatione liberatur delinquens ab omni obligatione satisfaciendi creditoribus; etiam si

For. de Castro Sum. Mor. Pars I.

postea ad pinguiorem fortunam deueniat, quia tota obligatio satisfaciendi transmissa est in fisco, & extincta in delincente, iuxta textum in l. si debitori, in princip. ff. de fideiussoribus. ibi, si debitori deportatio irrogata est, non posse pro eo fideiussorem accipi, scribit Iulian. quasi tota obligatio contra eum extincta sit. Idem colligitur ex l. 1. C. de fideiussoribus. sic Peregrinus de iure fisci, lib. 5. tit. 1. num. 55. Simancas de catholicis institut. tit. 9. num. 122. Valquez 1. 2. disput. 169. cap. 2. num. 20. Sanchez lib. 2. cap. 22. num. 86. & 87. Farinacius 1. part. pract. quest. 27. num. 177. & de heresi, quest. 190. num. 29. Bonacina disput. 3. de contrahibus, quest. 8. punct. vltim. §. 4. num. 3. Hoc autem intelligendum est primò, dummodo bona confiscata sufficientia sint debitis soluendis. nam solum pro illorum potentia suscepit fisco obligationem. sic Valquez num. 21. Bonacina supra. Sanchez num. 89. Farinacius quest. 190. num. 29. Quocirca si aliqua debita remanserunt insoluta, eo quòd bona confiscata solutioni omnium non adæquarunt, & condemnatus redit ad pinguiorem fortunam, debet ex bonis denuo acquisitis satisfacere; quia obligatio satisfaciendi illis debitis non fuit extincta, sed suspensa, dum carebat satisfaciendi potentia: sic relati Doctores. Secundò intelligit Sanchez num. 91. non manere delinquentem obligatum satisfacere creditoribus, si bona confiscata sufficientia solutioni fuerunt, dummodo potuerint creditores à fisco bona recuperare, & negligentia sua non recuperarint; secus verò si non potuerunt vel ex defectu probationis, vel quia magnis expensis opus erat; quia non videtur iustum abique culpa sua debito priuari. At hoc mihi difficile videtur, & oppositum credo probabilius, quia delinquens non est in causa, ut creditores ij careant probatione; neque quòd in recuperatione debiti magnas expensas insumant; hoc enim alienum est à suo delicto, & primæ obligatione. Ergo non est cogendus illis satisfacere, cum iam quantum est ex parte sua plenè satisfecerit, transferendo obligationem in fisco; aliàs bis idem delictum cogetur soluere; primò cum bona sufficientia solutioni transfert in fisco. Secundò cum debitum effectiue soluit.

13. Verum si confiscatio non fuit omnium bonorum, sed partis, vel si facta fuit omnium bonorum, pars tamen illi restituta est, tunc fisco solum pro rata illius partis tenetur ad debita; & similiter condemnatus pro parte relictua tenetur: deciditur l. 1. C. de fideiussoribus. ibi, si Lysias adempta parte bonorum exulare iussus est, non nisi pro parte, quam retinuit, creditoribus obligatus est. Ratio est manifesta, quia hæc obligatio satisfaciendi annexa est bonis confiscatis, quare si cum effectu non transferuntur omnia bona in fisco, sed solum pars, & pars relinquitur condemnato, pro parte tantum fisco, & condemnatus tenebuntur, & inter vtrumque obligatio diuidetur.

14. Dices, ex facto debitoris non potest ius creditorum fieri deterius: si autem posito delicto, & confiscatione facta creditores non possunt à debitore integrum debitum petere, sed partem tantum, & aliam partem fisco, eorum ius deterius reddetur, quia in plures partes distinguitur. Ergo in hoc casu non est admittenda debitorum diuisio, sed dicendum vtrumque teneri debita soluere, prout creditoribus placuerit.

Respondeo vetum esse ex persona heredum non immutari conditionem obligationis, sed posse creditores à quocumque hærede habente bona obligata sui debitoris integrum debitum exigere. l. 2. §. 1. ff. de verb. oblig. At in casu præsentis aliter est dispositum, ut constat ex l. 2. vbi Bald. & Salicet. C. ad legem Iuliam de vi publ. & l. si marito, vbi glossa, ff. de iure matrimonii. & dict. l. 1. C. de fideiussoribus. quia contra voluntatem ipsius debitoris

§ 2 bona

bona fisco aufert, ex quibus debebat creditoribus satisfacere. Iustum ergo est, ut subeat pro rata obligationem: aliis si totam obligationem satisfaciendi debitori relinqueret, sæpè confiscatio partialis confiscationi absolutæ æquivaleret, neque ullam gratiam censeretur facere, relinquens aliqua bona, si ex illis creditoribus debet fieri integra satisfactio: sic alios referens Sanchez lib. 2. cap. 22. num. 88 & 90. Farinacius quæst. 25. num. 78. & 79. Simancas de catholic. institut. tit. 9. num. 122. Bonacina disput. 3. de contractibus, q. 8. p. ult. §. 4. proposit. 2. num. 3.

15 Sed quid si facta confiscatione omnium bonorum ex gratia Principis restituantur condemnato bona confiscata?

Respondeo in tali casu obligatum esse creditoribus satisfacere; quia hæc obligatio satisfaciendi, quæ translata erat in fiscum ratione bonorum, iterum redit ad debitorem: si autem non omnia bona, sed pars restituitur, pro parte conveniri poterit, probat textus in l. 3. vbi Angel. Bald. & Salicet. C. de sentent. passis, & tradit plures referens Farinacius quæst. 25. num. 178. & 179. Simancas de catholic. institut. tit. 9. num. 122. Bonacina disput. 3. de contractibus, quæst. 8. punct. ult. §. 4. proposit. 2. num. 3. Neque ab hac obligatione creditoribus satisfaciendi excusatur ex eo, quod per negligentiam noluerit bona à fisco recuperare, quia sufficit habere ius recuperandi, ut conveniri possit, & debeat creditoribus solvere. sic Farinacius supra num. 180. ex text. in l. penult. ff. de sententia passis glossa in l. 4. eodem tit. & Angel. in l. si debitor, in fine, C. eodem tit. Hoc autem limitat Farinacius num. 181. cum Sfortia Oddo Perus. tractat. de restitut. in integrum, 2. part. quæst. 97. art. 3. per totum, num. 15. & seqq. & P. Anton. August. conf. 10. num. 17. & seqq. lib. 3. non procedere quando confiscatis bonis debitoris fisco emissiles proclama, ut intra certum tempus omnes creditores comparerent, & docerent de suo credito: quo lapso, & de credito docto amplius ad aliquid petendum non admitterentur, distante sic aliqua constitutione speciali, consuetudine, vel statuto: tunc enim si creditores in petendo debito negligentes fuerint, ca lent a debito, neque poterunt fiscum, & consequenter neque debitorem, cui bona sunt iterum restituta, molestore. Quia fisco non adjuvans creditores præscripsit, & præscriptione illa ius eorum extinxit, quo extincto amplius reviviscere non potest.

16 Tandem aduerto fideiussorem condemnatum ad obligatum non esse satisfaciendi cum hæreticis; si forte fiscus non satisfecerit, quia fideiussor in defectum principis succedit: & deciditur l. 1. C. de fideiussoribus, verum qui pro eo si rem suam adhibuerunt, conveniunt, in l. sententia, C. eod. & tradit Farinacius alios referens, q. 25. n. 178. Sanchez lib. 2. cap. 22. n. 92.

PUNCTVM XXVI.

Quæ sint aliæ pœnæ temporales præter confiscationem bonorum hæretico impositæ.

- 1 Prima pœna est incapacitas testandi: censeo tamen probabilius non esse ipso iure nullum testamentum, sed annullandum.
- 2 Secunda est privatio successionis ex testamento, vel ab intestato.
- 3 An sit incapax, vel indignus examinatur.
- 4 Communis sententia defendit durante hæresi incapacem esse.
- 5 Hæreticus durante hæresi hereditatem sibi delatam restituere debet hæreditibus ab intestato, attento iure regio Castellæ, secus spectato iure communi, docet Sanchez.

- 6 Infirmitas supradicta sententia, & solum ob authoritatem affirmandum est hæreticum occultum incapacem esse successionis.
- 7 Hæreticus reconciliatus capax est hereditatis, & legari.
- 8 Bene potest hæreticus hereditatem repudiare.
- 9 Legato alimentorum capax est hæreticus, quia non publicatur.
- 10 Communis sententia tenet eandem incapacitatem habere hæreticum respectu donationis, ac habere respectu legati.
- 11 Spectato iuris rigore contrarium est probabilius.
- 12 Tertia pœna est exemptio filiorum à patria potestate.
- 13 Non potest filio impuberi pupillariter substituere.
- 14 Neque obligatus est filius parenti hæretico alimenta præbere extra extremam necessitatem.
- 15 Fautores hæreticorum hæc pœna non puniuntur.
- 16 Quarta pœna hæreticorum est privatio domini in seruis, sed non habet locum hæc pœna ante sententiam declaratoriam criminis.
- 17 Servi transeunt in fisci servitutem ex multorum sententia.
- 18 Distinguitur inter servos Christianos, & paganos, & servi Christiani obtinent libertatem, pagani in servitutem fisci transeunt.
- 19 Quinta pœna est amissio cuiuslibet iuris, & obligationis, neque desunt Doctores, qui dicant habere locum hæc pœnam ante sententiam.
- 20 Sed probabilius est sententiam declaratoriam requiri.
- 21 Debitores non eximuntur à debiti solutione, sed transiit obligatio in fiscum.
- 22 Sexta pœna est, quod servanda non sit fides eis data, & securitas promissa. Subintelligitur à privata persona, non à publica.
- 23 Septima pœna est destructio domus, in qua conventicula fecit, vel se occultavit.

1 PRIMAM pœnam enumerare possumus incapacitatem testandi: cum enim à die commissi criminis omnia eius bona fisco addicta sine, intestabilis redditur: ut dicitur in cap. excommunicatus 1. §. credentes, de hæreticis, ibi, sit etiam intestabilis, ut nec testandi liberam habeant facultatem, qui textus etsi de favore hæreticorum loquatur, à fortiori de ipso hæretico est intelligendus: & tradunt omnes. Solum est controuersia, an ita hæreticus ante condemnationem incapax sit testandi, ut eius testamentum nullum sit ipso iure, an solum sit annullandum? Credo probabilius non esse ipso iure nullum, sed annullandum per sententiam: quod, meo iudicio, satis indicatur. in supradicto textu cum dicitur: nec testandi liberam habeat facultatem; quasi diceret, habet quidem facultatem testandi, sed non liberam; aliis diceret, nec testandi ullam habeat facultatem: sic docet Molin. Societatis I. & V. tom. 1. disput. 95. post medium, versus secundum est. Valquez 1. 2. disput. 171. cap. 1. num. 11. Sanchez aliis relatis, lib. 2. cap. 24. num. 3. indicat Farinacius illum referens, quæst. 190. §. 6. num. 89. in fine. Valquez de testament. cap. 9. §. 1. dub. 4. num. 11. & §. 4. dub. 5. num. 164. Ratio est, quia secundum probabilior sententiam, quam supra docuimus, hæreticus non privatur dominio utili suorum bonorum, & potestate in alios transferendi, quousque sententia condemnatoria, seu declaratoria criminis accedit. Ergo ex vi huius domini, & potestatis, sicut potest sua bona quolibet contractu validè esto reuocabiliter alienare: poterit & testamento. Subdit verò Farinacius quæst. 190. num. 93. cum Repert. inquisit. verbo pœna, versic. item ex hæreticus reconciliatus. Ioan. Calder. tract. de hæret. rubr. de pœnis

penis hereticorum, & nepos. num. 3. sine heretico parentem, & Ecclesie reconciliatum non posse testari de bonis acquisitis post abiurationem; quia ex supradicto cap. excommunicamus, redditur intestabilis. At hoc non credo, quia solum redditur intestabilis ex bonis confiscationi subiectis, utpote quæ non sunt delinquentis, sed fisci: at confiscatio non extenditur ad bona futura, & post sententiam acquisita, ut supra diximus. Ergo neque impotentia testandi ad illa debet extendi, fauētque l. regia 4. Tauri hodie, l. 3. tit. 4. lib. 5. recopilat. ubi de bonis confiscationi non subiectis datur facultas testandi quibuscumque reis: & ita tradit alios referens Sanchez lib. 2. cap. 14. num. 4. & expressè Vasquez opuscul. de testament. cap. 9. §. 1. n. 26.

2. Secunda pœna enumeratur priuatio successionis ex testamento, vel ab intestato, quæ videtur probari ex dicto cap. excommunicamus, et §. credentes, de hereticis. ibi, nec ad hereditatis successionem accedat; & in l. Manichæos, §. 1. in fine, C. de hereticis, dicitur, ipsos quoque volumus anoneri ab omni liberalitate, & successionem quolibet titulo venientes. & in l. Arriani, §. cunctis, in illis verbis, siue ex ultima voluntate, rebus qualitercumque relictis, C. eodem titul. & multis comprobat Ioan. Calderinus tractat. de hereticis, rubr. de pœnis hereticorum. num. 2. Simancas de catholicis institutis, titul. 46. num. 55. & in Enchirid. violatæ religionis, titul. 67. eadem rubr. de pœnis, num. 3. Farinacius de heresi, quest. 190. num. 93. Quod verum habet, etiam si in testamento militum legatum relictum sit, adhuc hereticus illo priuatur, ut est expressa decisio, l. ultim. C. de hereticis, ibi, iussimus neminem errore constitutum, hereticorum hereditatem, vel legatum, vel fideicommissum accipere; etiam in ultimis militum voluntatibus. & tradit Alberic. & Salicet. ibi. Decian. tractat. crimin. lib. 5. cap. 44. num. 17. Petrus Gregorius synagm. iuris, lib. 33. cap. 8. num. 11. Carter. tractat. de hereticis, num. 151. quos refert, & sequitur Farinacius de heresi, quest. 190. num. 95. Item non solum priuatur hereditate ex testamento, vel ab intestato relictæ, sed etiam contractu inter viuos, donatione scilicet, ex text. in l. Arriani, §. cunctis, ibi, siue de donationibus hereticorum conuenticula, C. de heret. sic pluribus relatis firmat Farinacius n. 96.

3. Difficultas autem est, an ita hereticus priuetur successionem ex testamento tempore hæresis, ut illius incapax sit, vel solum sit indignus. Nam si incapax est successionis, omnia quæ illi deferuntur, aut relinquuntur, non fisco, sed venientibus ab intestato proueniunt. l. si quis mihi bona, §. si quis planè, ff. de acquirend. heredu. l. 1. & ibi communiter omnes, C. de heredibus instituendis. At si capax est, sed indignus, fisco, & non venientibus ab intestato applicatur. l. Papinian. §. meminisse, & l. cum talibus, §. fin. ff. de his, quibus, ut indignis, l. 1. ff. de iure fisci. & tradit alios referens Farinacius quest. 15. num. 139. Sanchez lib. 2. cap. 14. num. 31.

4. Negari non potest communem esse sententiam hereticum durante hæresi incapacem esse qualibet successionem, & legato: constat ex Doctoribus, quos exactè referunt Farinacius de heresi, quest. 190. num. 93. & seqq. Sanchez lib. 2. cap. 14. num. 32. & 33. Præcipuum fundamentum desumitur ex dicto cap. excommunicamus, §. credentes, ubi apertè dicitur, neque ad hereditatis successionem accedat. Et licet de credentibus, fautoribus, & receptatoribus hereticorum loquatur, quando excommunicatione notati sunt, & contemnunt intra annum satisfacere, non obstat, quominus de hereticis efficacius intelligatur; quia hereticus est fictio iuris, qui ob fautoriam hæresis excommunicatione notatur, & intra annum satisfacere contemnit. Si ergo de hoc heretico intelligitur, à fortiori intelligendus est de illo, qui verè, & propriè hæ-

Ferd. de Castro Sum. Mor. Pars I.

reticus est; & ita hunc textum intelligunt Doctores communiter, ut videre est in Farinacio in prædicto loco. Neque aliquod fundamentum video pro hac sententia firmum: ut bene expendit Sanchez contrarium sentiens lib. 2. cap. 14. num. 31. Nam illud quod desumitur ex crimine læsæ maiestatis, quod aliqui magni faciunt, quod reddit committentium filios incapaces qualibet successionem siue ex testamento, siue ab intestato, l. quisquis, §. filij, C. ad legem Iuliam maiest. ibi, ab hereditate, & successionem habeantur alieni. & rursus, testamentis extraneorum nihil capiant. Quod à fortiori dicendum est de ipsis delinquentibus; ut multis comprobatur Farinacius de crimine læsæ maiestatis, quest. 102. num. 73. Menochius de præsumpt. lib. 5. præsumpt. 45. num. 21. Cum ergo crimen læsæ maiestatis diuinæ grauius sit, in illo hæc pœna locum habere debet. Hoc autem fundamentum, ut bene comprobatur Sanchez lib. 2. cap. 28. num. 5. circa finem, infirmum est: non enim pœnæ extendendæ sunt de vno casu ad alium grauiorem, si in grauiori non sunt expressæ: id enim solum probat posse conuenienter extendi, non tamen extensas de facto esse.

5. Ex hac resolutione communi sequitur debere hereticum durante hæresi restituere hereditatem sibi delatam heredibus ab intestato venientibus; quia cum ipse incapax sit illius, aliis acquiritur. Non ergo habet titulum ad retinendum, & in hac illatione omnes consentiunt, quam illationem etiam Sanchez supra relatus num. 34. admittit attento iure regio Castellæ, quia in l. finali, tit. 7. part. 6. dicitur, Ego mesmo seria, si algun Christiano es tableçesse por su heredero a algun hereje, Moro, o Iudio, calatal heredad, en que fuesse es tableçido alguno de estos, auerlaian los mas propinquos parientes del testador, enuel Rey. Et licet de sola hereditate ibi sit sermo, idem est de quolibet alio legato, iuxta regul. §. legari, Institut. de legatis, ibi, legari autem illis solum potest, cum quibus testamenti factio est, id est, iis, qui possunt in testamento hæredes institui: ut explicat ibi glossa; & loquens de apostata videtur hæc capacitas constituta in l. regia 5. titul. 25. part. 7. ibi, Apostata no puede ser es tableçido por heredero de otros, en ninguna manera, e manda, e donacion, que le vbiessse fecho, o que el fiesse a otro, no valga des de aquel dia, que el apostata.

At attento iure communi Sanchez inquit sibi probabilius videri hereticum incapacem non esse successionis, nec donationis; sed solum esse indignum, ac proinde ante sententiam non teneri heredibus, nec fisco restituere. posita tamen sententia ea omnia ab illo aufert fiscus tanquam ab indigno: adducit pro se Imolam cap. 2. num. 44. de testamentis. Lessium lib. 2. de iustit. cap. 19. dub. 5. num. 52. Molin. tom. 1. de iustit. disput. 154. vers. cap. felices, & tom. 3. disput. 658. num. 19. statim in principio. Azor tom. 1. institutionum moralium, lib. 5. cap. 8. quest. 1. Rojas singul. fidei, singul. 79. num. 2. Decian. præfati. crimin. lib. 5. cap. 44. num. 17. Carter. tractat. de hereticis, num. 151. versic. imò tunc fiscus vindicat. Mouetur, quia nullo textu iuris communis hæc incapacitas statutæ est.

6. At hoc facile repellitur ex supradicto cap. excommunicamus, ponderatione à nobis facta. Neque in iure regio video decisionem aliquam specialem, quæ obliget ad affirmandum hereticum incapacem esse successionis, quæ tamen non obliget stante iure communi. Nam l. regia fin. tit. 7. part. 6. ubi deciditur hereditatem, in qua hereticus, Maurus, aut Iudæus constitutus est, deuenire ad propinquos parentes, explicari poterat de heretico, Mauro, & Iudæo per sententiam declarato. Et eandem explicationem adhibere possemus l. regia 5. tit. 25. part. 7. ubi dicitur, apostatam non posse heredem institui, id est, apostatam declaratum,

55 3 &

& cum subditur, legatum, & donatio illi facta, vel quam ille alteri facit, non valeat à die commissi criminis, intelligi potest, non valeat irrevocabiliter: fauetque huic explicationi ipsa *lex regia* 4. tit. 26. pars. 7. vbi specialiter dicitur non debere valere donationem, &c. à die, quo per sententiam iudicatus est hæreticus. Ergo in iure regio non est aliquis textus manifestè probans hæreticum occultum, & per sententiam non declaratum incapacem esse successionis, sed ad summum probat esse quidem capacem irrevocabilis successionis; ac revocabilis capacem esse. Quæ explicatio etiam adhiberi poterat textibus adductis iuris communis, specialiter textui, *excommunicamus, §. credentes, de hæreticis*, vbi dicitur, neque ad hæreditatis successionem accedat, ut non accedat irrevocabiliter, dum per sententiam non est hæreticus declaratus.

Quapropter censeo neque iure regio, neque iure communi expressè probati incapacitatem succedendi hæreticum occultum, & per sententiam non declaratum. At nihilominus in consulendo, & iudicando à communi sententia recedendum non est, sed absolute affirmandum hæreticum durante hæresi incapacem esse cuiuslibet successionis, & legati. Neque fiscum in tali hæreditate locum habere, sed applicandam esse hæreditibus ab intestato: neque alia ratione ducor efficaci, nisi quia est communis sententia. quæ omnia noviter probat Valquez *opuse. de testament. cap. 9. §. 4. dub. 2. n. 122*. Reputarem tamen hoc limitandum esse, ut non procedat in hæreditate, & legato relicto ei, quem scis esse hæreticum; quia tunc in pœnam peccati, quod incapacem, vel saltem indignum institueris, poterit fiscus hæreditatem, & legatum occupare: & probat textus in *l. que de Samaritanis, C. de hæreticis*, ibi, *delatam ipsius successionem vendicat fiscus*. interim tamen, quod non pronuntiat fiscus sententiam condemnatoriam, hæreditibus ab intestato applicari, sic Simancas *de catholic. institut. tit. 46. n. 56*. Azor *tom. 1. instit. mor. lib. 5. cap. 8. q. 1. & lib. 8. cap. 12. q. 8*. Farinacius *de hæresi, q. 190. num. 104*. Sanchez *lib. 2. cap. 14. n. 38. & 39*.

7. Dixi hæreticum durante hæresi incapacem esse hæreditatis, & legati. nam postquam ab illa absolutus fuit, & Ecclesiæ fuit reconciliatus, capax omnino est; quia cessat ea incapacitas: sic ferè omnes Doctores. An verò capax sit, si ab illa pœnituit, interim dum non absolvitur, negat Valquez *1. 2. disput. 169. cap. 3. in prin. & dict. opuse. de testament. cap. 9. §. 4. dub. 2. num. 123*. consentit Simancas, etsi dubius, *de catholic. institut. tit. 9. n. 125*. Mouentur, quia interim dum non absolvitur, in hæresi censetur perseverare. At credo probabilius capacem esse, non solum in foro conscientiæ, ut docet Sanchez *lib. 2. cap. 14. num. 40*. sed etiam in foro exteriori, si de vera pœnitentia constet; quia esto excommunicatio tollatur per absolutionem, & non per pœnitentiam: at hæresis sola pœnitentia aufertur, sed incapacitas succedendi non provenit ab ipsa excommunicatione, sed ab ipso peccato hæresis. Ergo sublato peccato per pœnitentiam incapacitas omnino tollitur.

8. Ex his inferitur hæreditatem, & legatum relictum hæretico, non solum posse ipsum hæreticum, sed debere repudiare, quia secundum nostram sententiam incapax est illius. At retenta contraria sententia, esse quidem capacem, dum per sententiam non condemnatur; plures Doctores censent repudiare non posse, quia talis repudiatio cedit in fisci fraudem: sicut non potest licitè debitor in fraudem creditorum hæreditatem sibi delatam repudiare, esto possit validè.

At dicendum est repudiationem hæreditatis factam ab hæretico & validam esse, & licitam. Tello *l. 4. Tauri, num. 62. & seqq.* Valquez *1. 2. disput. 172. cap. 3. num. 13. & seq.* sed præcipue *opuse. de testament. cap. 9. dub. 6. n. 24*. Ratio est, quia nulli prohibita est talis repudiatio; quia

solum hæretico prohibitum est alienare quod suum est, & fisco obligatum: non autem prohibitum est omittere acquirere, quod alienum est, & fisco devenire potest. At repudiatio hæreditatis est quædam alieni iuris acquisitionis omisio; cum ergo prohibita hæc hæretico non sit, poterit licitè fieri. Neque obstat *l. in fraudem, 45. ff. de iure fisci*. vbi videtur equiparari alienationem rerum, quæ possidentur à damnato, cum ommissione acquisitionis. Inquit enim Imperator: In fraudem fisci non solum per donationem, sed quocumque modo res alienatæ reuocantur. *Idemque iuris est, etsi non queratur, æquè enim in omnibus fraudi puniuntur*. Non, inquam, obstat, quia, ut rectè respondet Valquez *disput. 172. cap. 3. circa finem*. Tello *dict. l. 4. Tauri, n. 64*. & Sanchez *lib. 2. cap. 14. num. 53*. in supradicto textu non est sermo de renuntiatione hæreditatis delatæ, sed de alienatione iuris quæriti facta in fraudem fisci, siue per alienationem transferatur dominium, siue non: hoc enim ultimum significat dictio illa, *etsi non queratur*, quia ad fraudem fisci faciendam impertinens est, quod per alienationem ius alteri queratur, aut non queratur.

9. Sed inquires primò, quid dicendum de legato alimentorum, an illius capax sit hæreticus, dum in hæresi perseverat? Et quidem hoc legatum habet tractum successionum, ita ut tot censentur facta legata, quot sunt anni, quibus legatum cedere debet. *l. si cum præfinitur, ff. quando dies leg. ced.* Quapropter omnium illorum alimentorum, quæ post absolutionem, vel pœnitentiam hæresis succedunt, capax erit, ita ut fiscus nullo modo ea occupare possit. Illorum tamen, quæ tempore hæresis cedunt, existimat Sanchez *lib. 2. cap. 14. num. 43*. capacem esse hæreticum, sed fiscum ea usurpare posse, si cum pronuntiauit sententiam condemnatoriam, ea inuenit inter delinquentis bona, quia illa sunt bona præsentia. Cæterum crederem hæc alimenta nullo modo publicari. nam si illorum incapax est hæreticus tempore hæresis, non fisco, sed hæreditibus ab intestato debent applicari. Si autem capax est, aliter quàm capax est cuiuslibet alterius donati, sit sanè capacem esse irrevocabiliter: nam aliorum legatorum, in sententia Sanchez, capax revocabiliter censetur. Ergo aliquid speciale concedi debet huic alimentorum legato: sicut concedit expressè *l. 3. ff. de his, quæ pro non scriptis habent. iuncta glossa, & l. is cui, 11. ff. de aliment. & cibariis legat.* vbi de damnato in metallum, & postea restituto dicit Imperator tempore damnationis rectè cepisse alimenta, & post restitutionem ei deberi. Ergo dicendum est hoc legatum etiam durante hæresi non publicari: sic absolute de confiscatione loquens, tenet Farinacius plures referens, *quæst. 25. num. 145*. indicat Valquez *disput. 169. cap. 2. fine*.

10. Inquires secundò, quid dicendum sit de donatione facta hæretico? An illius incapax sit, sicut est incapax hæreditatis, & legati? Communis est sententia idem iuris esse de donatione, ac de legato, & hæreditate; ac proinde incapacem esse hæreticum durante hæresi cuiuslibet donationis inter vivos, & donanti reddendum esse, neque per fiscum publicandum, nisi in casu quo donans sciret hæretico donare. sic videtur probare *l. Arriani, §. cunctis, C. de hæreticis*, ibi, *sine de donationibus hæreticorum conventicula, sine ex ultima voluntate*. &c. fauet *cap. in eos, de hæreticis*, vbi prohibetur Episcopis, & clericis aliquid hæretico conferre: ibi, *nihil conferant*, quod tam de ultima voluntate, quàm donatione inter vivos intelligit glossa. Sed ratio prohibitionis alia esse non potest, nisi incapacitas hæretici. Ergo hæreticus incapax est cuiuslibet donationis, sicut & successionis. Et iure nostro regio hoc videtur comprobari, ex *d. l. 5. tit. 25. part. 7*. ibi, *Apostata no puede ser estable çido de otros por heredero, en inguna manera, e manda, o donaçion que le vbiessen fecho, o que el ficiesse a otro, non valga desde aquel dia*.

que el apostato. Item l. 4. tit. 26. part. 4. dicitur: *Eam decimas que non debe valer su testamento, ni donacion, ni vendida que le fuese echo, ni la que el ficiere a otro de los vxo, del dia que fuese ingado por hereje en adelante.* Vbi videtur eodem modo loqui de successione ex testamento, ac de donatione, & utriusque hæreticum incapacem esse: & ita tenet Buttriguar. in l. si quis, C. de hæreticis. gloss. & Hostiens. in cap. in eos, de hæreticis, verbo, nihil conferant. Marian. Socin. num. 3. & 4. Bonifac. de Vitalinis rubr. de crimine hæresis, num. 6. vers. item non possunt. Quædam quæst. fiscal. quæst. 18. Azor tom. 1. institut. moral. lib. 5. cap. 8. quæst. 1. & lib. 8. cap. 12. quæst. 8. Farinacius de hæresi, q. 190. n. 96.

11 Verum attento rigore iuris, crederem probabilius validam esse donationem factam hæretico, neque ipsum ante sententiam obligatum esse restituere, illa verò secuta fisco pertinere, sic Thomas Sanchez lib. 2. Decal. cap. 14. num. 36. Ratio est, quia nullus est textus, qui hanc donationem annullat. Nam textus in l. Arriani, non probat donationem invalidam esse, sed non debere fieri: non quia hæreticus incapax sit, sed quia est indignus; & idem est de textu in cap. in eos. Leges autem nostri regni clariùs indicant non valere: ac cum non addant ipso iure, vel ante sententiam, non est cur sic actum annullemus; quia in casu dubio pro valore actus standum est. Neque eodem modo leges regie procedunt in successione ex testamento, ac in donatione. Nam in successione ex testamento vtuntur verbo, non potest, ibi, no pueda ser estable çido por heredero, no le pueda ser deya damanda en testamento. quod verbum indicat annulationem actus ob defectum potentie: vt bene probat Sanchez lib. 6. de matrim. disp. 38. num. 10. at in donatione tale verbum non invenitur, sed solum dicitur, no vala. Item & præcipue in l. regia fin. tit. 7. part. 6. hæreditas delata hæretico, Mauro, vel Iudæo, declaratur hæredibus ab intestato pertinere, & non fisco regio, quod de donatione non cauetur. Ergo inde clarè constat aliter incapacem esse hæreticum successione ex testamento, quàm donationis. Adde, leges supradictæ eodem modo reddunt inhabilem hæreticum ad acceptandam donationem sibi factam, sicut reddunt inhabilem ad donandum, & contrahendum: at ad donandum, & contrahendum non reddunt ipso iure inhabilem, & incapacem, sed post latam sententiam; vt ex dictis constat. Ergo neque etiam reddunt inhabilem ad acceptandam donationem.

12 Tertia pœna est exemptio filiorum à patria potestate, propter paternam hæresim: deciditur in cap. quicumque, §. illorum, de hæreticis, lib. 6. ibi, illorum autem filiorum emancipationem, quorum parentes post emancipationem huiusmodi, etiam apparuerit ante ipsam à via veritatis ad hæretica superstitionis inuium declinasse, nullius volumus esse momenti, velut factam de hominibus sui iuris, cum dignum sit, vt propter tanti atrocitatem delicti, filij esse in parentum hæreticorum deserint potestate. Ex quo textu videtur à die commissi criminis filios eximi à patria potestate; quia hæc exemptio adducitur pro causa, quare non valet emancipatio ante declarationem facta: & ita tenet glossa ibi. Repert. inquisit. verbo pœna, vers. item in filijs, & ibi Mandos. l. iij. T. Pegna directior. quæst. 116. comment. 165. Thomas Sanchez lib. 2. cap. 24. n. 6. Farinacius de hæresi, q. 197. §. 3. n. 29.

13 Hinc fit patrem sic effectum hæreticum non posse filio suo impuberi pupillariter substituere, hoc est, pro eo facere testamentum. Nam ad testamentum condendum requiritur necessariò patria potestas, quia nemo condere potest testamentum, pro eo, quod extra eius potestatem existit. l. 2. ff. de vulgar. & pupill. §. 1. Institut. de pupillar. substitut. & tradit Pegna, & Sanchez supra.

14 Secundò fit non esse obligatum filium parenti

hæretico alimenta præbere extra extremam necessitatem. Tum quia pater non tenetur hæc alimenta filio præbere extra necessitatem extremam. Ergo neque filius parenti, quia efficacius pater obligatur alere filium, quàm econtrà: quòd autem pater non teneatur filio hæretico alimenta præbere, probatur, quia potest illum exheredare, authent. vt cum de appellat. cognoscat. §. causus, vers. si quis de pradiis. at quoties filius exheredari potest, possunt & alimenta ei denegari: vt pluribus comprobatur Molin. de primogen. lib. 2. cap. 16. num. 1. & seqq. quia hæreditas loco alimentorum succedit. Tum etiam quia filius exemptus à patria potestate reputatur extraneus. Extraneus autem non tenetur hæretico alimenta præbere extra casum extremæ necessitatis. Ergo neque filius: & ita tradit relato Surdo de aliment. tit. 7. quæst. 2. à num. 6. Sanchez lib. 2. cap. 24. n. 7. Nauarr. in 2. part. decret. tit. de censuris Ecclesiasticis. cap. 27. vers. quarta quod fautores. Decian. tractat. crimin. lib. 5. cap. 51. num. 39 & 68. & cap. 44. n. 28. Bartholom. Vgolin. tractat. de censur. 2. part. in glossa receptatores, §. 2. num. 8. Farinacius quæst. 182. §. 1. num. 13. vbi pluribus comprobatur in casu necessitatis prius subueniendum esse parenti, fratri, vel cognato hæretico, quàm extraneo, ob sanguinis coniunctionem.

15 Aduerto tamen fautores, defensores, receptatores hæreticorum non puniri hac pœna, vt eorum filij ab eius potestate liberentur: quia nullo iure cauetur, & supradictus textus solum de hæreticis loquitur, neque pœnæ extendendæ sunt: sic docuit Pegna comment. 165. Sanchez illo cap. 24. num. 5. Farinacius quæst. 197. num. 29. fine.

16 Quarta pœna est priuatio dominij in seruos, ex cap. absolutos, de hæreticis, vbi dicitur, absolutos se nouerint à debito fidelitatis domini, & totius obsequij, quicumque lapsi manifeste in hæresim aliquo pacto quacumque firmitate vallato tenebantur adstricti. & docent omnes.

Sed est dubium, an hæc pœna locum habeat ante iudicis sententiam, sicut diximus de priuatione patriæ potestatis in filios? Et credo locum non habere ante sententiam iudicis: quod satis probat supradictus textus absolutos, qui à debito totius obsequij liberat eos, qui tenebantur adstricti iis, qui manifeste in hæresim lapsi sunt. Requiritur ergo esse hæresim manifestam, manifestatione, inquam, principali, & præcipua, qualis est per sententiam.

17 Secundò dubitatur, an tunc serui exempti ab obsequio domini hæretici obtineant libertatem, an verò in fisci dominium transeant cum reliquis bonis confiscatis? Negant obtinere libertatem, sed transire in fiscum, Ioan. Andr. Geminian. Francus, & alij in cap. quicumque, §. vltim. de hæreticis, in 6. & Ioan. Annanias, & Marian. Socin. in cap. vlt. de hæreticis. Mouentur, quia nullus est textus hanc illis libertatem concedens: nam dictum cap. absolutos, solum eximit illos à debito obsequio domini, sicut vasallos eximit à debito fidelitatis. quod stare optimè potest, etiamsi fiscus in dominio succedat; sicut stat exemptio vasalli à debito fidelitatis debito domino hæretico, etiamsi alteri Principi subdatur. Item in l. Manichæos, C. de hæreticis, vbi dicitur, seruos extra noxam esse volumus, si dominum sacrilegum euisantes ad Ecclesiam catholicam seruisio fideliori transferimus. loquitur de his, qui fidem suscipiunt per Baptismum: qui quidem ratione fidei susceptæ à debita tunc seruitute liberantur: non autem loquitur de mancipiis Christianorum, qui in hæresim lapsi sunt. Ergo nullus seruus obtinet libertatem: & sic reputat probabile Sanchez n. 9.

18 Verum tenendum est cum eodem Sanchez n. 10. Pegna 3. part. comment. 168. vers. sed de seruis quasimus est. Molin. 1. tom. tota disput. 40. Azor. 1. part. lib. 8. cap. 12. q. 7. Decian. tract. crim. lib. 5. cap. 44. n. 28. Farinacio de hæresi,

quæst. 197. §. 3. *num.* 30. & aliis apud ipsos. Seruos Christianos eximi à seruitute, seruos verò paganos, vel hæreticos in seruitute fisci permanere. Moueatur ea præcipue ratione, quia esto hæc libertas seruis Christianis non sit in iure expressa: at est satis insinuata in *suprad. l. Manicheos*. si enim seruus alicuius hæretici suscipiens fidem eximitur integrè à seruitute in præmium fidei susceptæ, quia iudicat Ecclesia fideliori seruitio se mancipare. Eadem ratione integrè debet eximi, qui iam fidem suscepit, & in ea vult perseverare, cum eius dominus Ecclesiam deserit, quia sua perseverantia testatur fideliori se seruitio mancipare. At seruo pagano, vel hæretico nullibi conceditur hæc libertas; & cum inter bona dominorum reputentur, *l. rem in bonis. ff. de acquir. rer. domin. l. ult. §. ult. C. de verbor. significat.* & probat latè Andr. Tiraquell. in *l. si inquam. C. de renouand. donation.* in illis verbis, *donatione largitus, quæst.* 17. *num.* 323. & 324. efficitur sanè cum aliis bonis confiscatis ad fiscum transire. Si seruus nondum est baptizatus, cum dominus in hæresim incidit: at intendit baptizari, & est catechumenus, censet optimè Pegna *suprad. comm.* 168. *versic. an autem similiter serui catechumeni*, consonum esse ut libertate donentur, & sui iuris efficiantur, quia hoc pertinet ad catholicæ religionis augmentum; & quia catechumenus in deuotione, & fide Ecclesiæ perseverans membrum Christi efficitur, *cap. veniens, de presbytero non baptizato*. Debet ergo gaudere privilegiis Christianorum. At iure ipso libertas non est eis concessa, quia nondum est Christianus, & consentit Sanchez *cap. ult. 24. num.* 11. Quod si seruus infidelis dominum apostatantem à fide bono zelo Inquisitoribus denuntiauerit; etsi nullibi inueniatur concessa illi libertas: at certè danda illi est, præcipue si spes subsit facilius ad fidem conuertendum: sic Pegna, & Sanchez *suprà*. Tandem aduerto acquisita semel à seruis libertate nunquam ad seruitutem pristinam redire; etiamsi eorum domini ad fidem reuertantur, & omnia bona illis restituantur; iuxta *cap. vergentes, de hæretic.* quia libertas quocunque modo data non reuocatur, *l. 1. & 2. C. si aduersus libertatem*. Pegna *suprà*. Sanchez *num.* 12. Simanc. *de cathol. instit. tit.* 61. *n.* 9.

19 Quinta pœna hæreticorum est amissio cuiuslibet iuris, & obligationis etiam iuramento vallata, ex *suprad. sextu absolutos, de hæreticis*. Nam communiter Canonistæ extendunt locum illum ad omnia delicta, & ad quasunque obligationes, ut videre est in *glossa ibi. Abbate num.* 1. & aliis pluribus relatis à Farinac. *q.* 189. *num.* 57. Dubium solum est, an requiratur sententia saltem declaratoria criminis, ut debitores excusentur à solutione debiti præstanda hæreticis? Plures censent sufficere, si hæresis manifesta sit ex facto, vel ex testium depositione; etiamsi per sententiam nota non sit; quia textus in *suprad. cap. absolutos*, solum expostulat esse hæresim manifestam; & verbum *absolutos* indicat sententiam latam. Item à die commissi criminis amittunt hæretici dominium suorum bonorum; & consequenter iurisdictionis, & obligationis; & fisco est applicandum. Ergo fisco est debitum soluendum, utpote domino succedenti in actione, & iure quod delinquens habebat: sic Syluest. *verbo hæreticus, §.* 1. *num.* 14. & Azor *1. p. lib.* 8. *cap.* 13. *quæst.* 1. Pegna *3. p. director. com.* 168. *vers. postretro, & in seq. qui incipit, & quidem hoc verissimum est*. Videtur manifestam hæresim vocare eam, quæ in actum exteriorum prodijt: qua cognita affirmare quæritur debitores, & vasallos, ab omni obligatione dominis hæreticis facta esse exemptos. Farinac. iis videtur consentire *suprà num.* 68.

20 Nihilominus credo probabilius posse, & debere debitores hæretico soluere debita, & obsequia alia debita præstare, dum per sententiam eius crimen declaratum non est: sic pluribus comprobat Burfat. *lib.* 1. *conf.* 14. *num.* 18. & seq. & Azor *suprà, quæst.* 2. Dixi debito-

rem hæretici non posse debitum hæretico soluere post condemnationem, secus ante condemnationem. Sanchez *lib.* 2. *cap.* 24. *num.* 8. Ratio est, quia fiscus ante sententiam saltem declaratoriam criminis bona hæreticorum occupare non potest, ut dictum est, & deciditur *cap. ult. secundum leges, de hæreticis in 6. ibi, sententia fuerit promulgata*. Si autem debitores hæreticis non deberent soluere, sed fisco, iam fiscus ante sententiam bona hæreticorum occuparet. Item hæreticus post crimen commissum interim dum sententia declaratoria non succedit, non priuatur possessione, & administratione suorum bonorum. Ergo ratione huius possessionis, & administrationis debita illi debent solui, & obsequia præstari. Neque obstat *cap. absolutos*. nam explicandum est non de quacunque manifestatione, sed de manifestatione præcipua, quæ est iudicialis. Secundò respondeo à die commissi criminis exeuntis in actum externum probabile esse, debitores absolutos à debito soluendo hæreticis, indigere tamen sententia declaratoria criminis, ut effectum plenum illa absolutio fortitur, sicut à die commissi criminis sunt omnia bona hæreticorum fisco addicta: at indiget fiscus sententia declaratoria criminis, ut ea occupare possit. Ad confirmationem respondeo fisco à die commissi criminis habere dominium directum in bona hæretici, non tamen vitale, nisi sententia accedat; ea de causa hæretico denegari non possunt debita, & obsequia præstanda, dum non est sententia.

21 Vnum tamen est omnino certum, debitores, qui à die commissi criminis eximantur ab obligatione soluendi debita hæreticis, & vasallos à debito fidelitatis suis dominis, non tamen ita esse exemptos, ut eorum debita, & subiectio extinguatur omnino; succedit enim fiscus in credito, & in dominio, si alij vocati non sunt: sic tradunt uterque Abbas in *cap. fin. de hæretic.* Marian. Socin. *ibi, num.* 1. Ioann. de Anania *num.* 2. & 3. Felin. in *princ.* quos refert, & sequitur Farinac. *quæst.* 189. *n.* 68.

22 Sexta pœna hæreticorum est, quod fides eis data, & securitas promissa seruanda non sit: si enim, ut inquit Farinac. *quæst.* 197. *num.* 24. tyrannis, piratis, cæterisque publicis prædonibus, quia corpus occidunt, fides seruanda non est; longè minus hæreticis, qui animas occidunt, seruari debet. Item bannito pro capitali delicto, quia est hostis publicus, pax seruanda non est. Ergo neque hæretico, sic pluribus relatis comprobant Petrus à Plach. in *episc. delict. lib.* 1. *cap.* 39. in *fine, num.* 11. Simanc. *de cathol. instit. tit.* 46. *num.* 52. & seqq. Rojas *singul.* 63. Clarus in *pract. §. hæresis, num.* 16. Lælius Zechius *sum. 1. p. tit. de fide, cap.* 11. *de hæreticis, num.* 16. Farinacius *quæst.* 197. *num.* 24. Hoc autem limitandum est, ut procedat in fide, & securitate data hæretico à priuata persona, secus à publica persona, seu Principe habente potestatem illam concedendi; hæc enim seruanda est, secus alia: sic Simanch. Petrus à Plach. Lælius Zech. & Farinac. *suprà*. & Menoch. *confil.* 106. *num.* 226. & 227. Decian. *tract. crimin. lib.* 5. *cap.* 20. *num.* 55. Ratio esse potest, quia seruare tunc Principem hanc fidem in bonum commune cedit maximè; secus procedit in priuata persona; quæ hanc securitatem promittere non poterat. Ex quo fit, si Inquisitor promittat hæretico gratiam facturus, si veritatem fateatur, & ipse hæreticus sub spe gratiæ consequendæ hæresim confiteretur, tenetur Inquisitor fidem datam seruare; quia illam dare poterat: concessa enim est Inquisitoribus ampla potestas pœnas temperandi, ex *cap. ut commissi, de hæreticis in 6. sic Pegna direct. 3. p. com.* 23. *vers. iam in hac promissione*. Farinac. *quæst.* 81. *num.* 196. At si omnimodam impunitatem promississet; quia hanc promittere non poterat, illam seruare non debet: sic Pegna, & Farinac. *suprà*. non tamen ad pœnā ordinariam, sed ad extraordinariā condemnandus est, quia dolosè fuit talis confessio extorta.

21. Septima pœna hæreticorum est, ut eorum domus, si in ea conuenticula fecerint, & hæresim docuerint, funditus eueratur, nullo vnquam tempore reparanda: & idem est de domo, in qua se occultauit, ne caperetur. Inquisitoribus, etiam si aliena sit; quia reputatur eius dominus fauorem illi præstare: sic multis constitutionibus comprobant Zanch. *tractat. de hæreticis, cap. 39.* & 40. Pegna direct. 3. part. comment. 92. circa finem. Farinacius *quest. 190. §. 2. n. 30.* Quocirca ut dominus domus hac pœna excusetur, debet comprobare ignoranter processisse, & absque eius consensu hæreticalia ibi fuisse commissa: ut satis indicat constitutio Alexand. IV. edita anno 1257. incipiens, *felix recordationis*; quam adducit Franciscus Pegna *inter litteras Apostolicas, fol. 27. ibi, nisi legitimè confiteris prædictarum domorum dominos penitus innocentes, & prorsus inculpabiles extitisse.* quæ constitutio confirmata est à Clement. IV. anno 1265. in alia constitutione, incipiente, *Ad extirpanda*, cuius meminit Pegna *suprà, pag. 63.* At si non ex consensu domini domus, sed ex consensu conductoris ibi hæretici conueniunt, non destruitur domus, sed conductor aliis pœnis punitur, ut hæreticorum fautor, scilicet pœnæ pecuniariæ, verberum, & exilij, iuxta conditionem personæ, ex text. in l. *Arriani, §. cunctis, vers. siue de priuatis adfiscis, C. de heret. & tradit Decian. lib. 5. c. 51. num. 50.* Farinacius *quest. 190. §. 2. num. 39.* Adde aliquando domus aliena destruitur, etiam si dominus illius ignorauerit crimen in illa commissum, si talis destructio ad publicam utilitatem, & terrorem conuenire iudicatum fuerit; restituo tamen pretio domino domus, quod raro contingit, nisi in crimine nimis publico, & scandaloso. Simancas *de catholic. institut. tit. 46. num. 91.* & in *enchirid. tit. 67. num. 14.* Zanch. *tractat. de hæreticis, cap. 39.* Farinacius *num. 37.* & faciunt ea, quæ congerit de crimine læsæ maiestatis, *quest. 116. n. 28.* ibi enim probat, si domus committentis crimen læsæ maiestatis hypothecata sit uxori, vel alteri, neque delinquens habet alia bona, quæ loco domus subrogetur, non posse domum destrui, nisi fiscus ex propriis bonis illis satisfaciatur; quia aliàs sequeretur absurdum, quod uxor, vel creditor innoxius hypothecam amitteret: consentit Clarus *quest. 82. verbo statutum 8. num. 4. vers. fin.* Baiard. *ibi, num. 98.*

DISPUTATIO VI.

De pœnis corporalibus hæreticorum.

HÆ pœnæ comprehendendi possunt sub pœna carceris, exilij, tritremis, verberum, & mortis. de iis breuiter est dicendum, quibus imponantur, & quando.

PUNCTUM I.

De pœnâ carceris.

1. Pœna carceris imponi potest, & sæpe imponitur.
2. Hanc pœnam perpetui carceris hæreticis debitam, potest Episcopus cum Inquisitoribus mitigare, & ad tempus tantum imponere.
3. Qualis debet esse carcer, ad quem hæreticus condemnatur.
4. Post condemnationem rei mitigatio pœna penes solum Inquisitorem generalem in Hispania residet.

1. Hanc pœnam hæreticis pœnitentibus imponi posse, & sæpe imponi, nemini est dubium, cum

expressè cauta sit in cap. *excommunicamus, el. 2. de hæreticis* ibi, *si qui autem de prædictis, postquam fuerint deprehensi redire voluerint ad agendam pœnitentiam, in perpetuo carcere damnantur.* glossa ibi, Hostiens. Abbas, Butrio, & alij communiter. Verùm ad perpetuum carcerem non omnes hæretici pœnitentes damnantur, etsi de rigore iuris damnari possint; sed illi tantum, qui post publicationem testium errorem suum fatentur plenè, & pœnitentiæ signa ostendunt: sic Simancas *de catholic. institut. tit. 47. num. 29.* & *seqq. & in enchirid. violata relig. tit. 58. de pœnitent. num. 7.* Afflicti in constitut. regni, *de hæreticis.* & Pacterenis *rubr. 1. sub num. 36.* Farinacius *quest. 193. num. 103.* Ioan. Rojas *tractat. de hæreticis, p. 2. num. 197.* & *seqq.* Pegna *direct. 3. part. quest. 93. comment. 142.* vbi refert in huius confirmationem quandam instructionem Hispalensem. Ex quo fit ad perpetuum carcerem non esse damnum cum, qui errorem suum fatetur, antequam dicta testium ei publicata sint, quia tunc non videtur in errore suo satis deprehensus, iuxta dict. cap. *excommunicamus*; secus verò si post publicationem testium, quia tunc vndeque deprehensus est non solum corpore, sed mente, quia conuictus est. Secundò fit ad perpetuum carcerem nullo modo damnari posse, qui solum de hæresi suspectus est, quia hæc pœna solis deficientibus à fide imponitur, sic Vmbert. *Locat. in indic. inquisit. verbo suspicio, num. 31.* Repett. *Inquisit. in verbo carcer. sub vers. primo, & in vers. viso de carcere.* Farinacius *q. 193. §. 5. n. 103.*

2. Hunc autem perpetuum carcerem debitum hæreticis pœnitentibus post publicationem testium possunt Inquisitores cum Episcopis, si aliqua iusta, grauiusque causa intercedat, mitigare, & solum ad tempus imponere; vel iam impositam tollere, aut in alias extraordinarias pœnitencias conuertere, secundum potestatem ipsis datam, in cap. *ut commissi, vers. & illorum, de hæreticis, in 6.* ibi, & *illorum, qui vestris mandatis obedientes humiliter stant propter hæresim in carcere, vel muro reclusi, pœnam unâ cum Prelatis, quorum iurisdictioni subsunt, mitigandi, vel mutandi, cum videritis expedire.* vbi glossa, Abbas, Francus, Marian. Socin. Butrius, Felin. & alij. Ioan. Calderin. *tract. de hæreticis, rubr. de hæreticis redeuntibus, & conuersis, num. 3. & 4.* Vmbert. *Locat. in indic. inquisit. in verbo hæreticum, num. 34. 35. & 36. & verb. Inquisitor, num. 33.* Simancas *de catholic. institut. tit. 16. rubr. de custodia reorum, num. 5. & 6. & in enchirid. tit. 57. tit. de carcere perpetuo, n. 3.* Farinacius alios referens, *de hæresi, q. 193. n. 104.* & faciunt plurima, quæ adducit *num. 84. & 96.* Clarus *præf. §. hæresis, num. 7.* Eymet. *3. part. direct. quest. 93. & 96.* & ibi Pegna.

3. Aduerto primò hunc carcerem, ad quem reus damnatur, non debere esse ita arctum, ut abbreviet vitam incarcerati; aliàs iudices fidei irregularitatem non videntur euadere. sic Vmbert. *Locat. in opere indic. verbo carcer, num. 6.* Pegna *direct. 3. part. quest. 59. comment. 107. fine.* vbi adducit decretum Concilij Biterrensis *cap. 13. ibi, & eos enormis rigor carcerum non extinguat.* Decian. *lib. 5. cap. 42. num. 14.* Campegius addit, ad Zanch. *tract. de hæreticis, cap. 20. litt. G. verbo pœna, vers. tu tamen.* Farinacius *quest. 193. num. 106.* Neque obstat textus in Clement. 1. §. *propter, de hæreticis, ibi, duro tamen tradere carceri, siue arcto, qui magis ad pœnam, quam ad custodiam videatur.* Si igitur Inquisitor de consensu Episcopi, & Episcopus de consensu Inquisitoris possunt reum ad hunc carcerem condemnare, possunt & medio illo vitam illius abbreviare: ut dixit Martin. Delrio *de disquisit. magic. lib. 5. sect. 7. in princ. vers. potest autem capi.* Non, inquam, obstat, quia ex arcto, & duro carcere solum sequitur vitam incarcerati abbreviandam esse aliquantulum: si autem notabiliter abbreviaretur, ita ut intra paucos dies moriturus esset reus ibidem existens, nullo modo credo posse à iudicibus fidei exequi, quidquid dicat Martin. Delrio, quia

quæst. 197. §. 3. num. 30. & aliis apud ipsos. Seruos Christianos eximi à seruitute, seruos verò paganos, vel hæreticos in seruitute fisci permanere. Moueor ea præcipuè ratione, quia esto hæc libertas seruis Christianis non sit in iure expressa: at est satis insinuat in *suprad. l. Manicheos*. si enim seruus alicuius hæretici suscipiens fidem eximitur integrè à seruitute in præmium fidei susceptæ, quia iudicat Ecclesia fideliori seruitio se mancipare. Eadem ratione integrè debet eximi, qui iam fidem suscepit, & in ea vult perseverare, cum eius dominus Ecclesiam deserit, quia sua perseverantia restatur fideliori se seruitio mancipare. At seruo pagano, vel hæretico nullibi conceditur hæc libertas; & cum inter bona dominorum reputentur, *l. rem in bonis, ff. de acquir. ver. domin. l. vlt. §. vlt. C. de verbor. significat.* & probat latè Andr. Tiraquell. in *l. si unquam, C. de reuocand. donation.* in illis verbis, *donatione largitus, quæst. 17. num. 323. & 324.* efficitur sanè cum aliis bonis confiscatis ad fiscum transire. Si seruus nondum est baptizatus, cum dominus in hæresim incidit: at intendit baptizari, & est catechumenus, censet optimè Pegna *suprad. comm. 168. versic. an autem similiter serui catechumens*, consonum esse vt libertate donentur, & sui iuris efficiantur, quia hoc pertinet ad catholicæ religionis augmentum; & quia catechumenus in deuotione, & fide Ecclesiæ perseverans membrum Christi efficitur, *cap. veniens, de presbytero non baptizato*. Debet ergo gaudere priuilegiis Christianorum. At iure ipso libertas non est eis concessa, quia nondum est Christianus, & consensit Sanchez *cap. alio 24. num. 11*. Quod si seruus infidelis dominum apostatantem à fide bono zelo Inquisitoribus denuntiauerit; etsi nullibi inueniatur concessa illi libertas: at certè danda illi est, præcipuè si spes subit faciliùs ad fidem conuertendum: sic Pegna, & Sanchez *suprà*. Tandem aduerto acquisita semel à seruis libertate nunquam ad seruitutem pristinam redire; etiamsi eorum domini ad fidem reuertantur, & omnia bona illis restituantur; iuxta *cap. vergentes, de hereticis*, quia libertas quocunque modo data non reuocatur, *l. 1. & 2. C. si aduersus libertatem*. Pegna *suprà*. Sanchez *num. 12*. Simanc. *de catholic. instit. tit. 6. l. n. 9*.

19 Quinta pœna hæreticorum est amissio cuiuslibet iuris, & obligationis etiam iuramento vallata, ex *suprad. textu absolutos, de hereticis*. Nam communiter Canonistæ extendunt locum illum ad omnia delicta, & ad quasunque obligationes, vt videre est in *glossa ibi, Abbate num. 1.* & aliis pluribus relatis à Farinac. *q. 189. num. 57*. Dubium solum est, an requiratur sententia saltem declaratoria criminis, vt debitores excusentur à solutione debiti præstanda hæreticis? Plures consent sufficere, si hæresis manifesta sit ex facto, vel ex testium depositione; etiamsi per sententiam nota non sit; quia textus in *suprad. cap. absolutos*, solum expostulat esse hæresim manifestam; & verbum *absolutos* indicat sententiam latam. Item à die commissi criminis amittunt hæretici dominium suorum bonorum; & consequenter iurisdictionis, & obligationis; & fisco est applicandum. Ergo fisco est debitum soluendum, vt pote domino succedenti in actione, & iure quod delinquens habebat: sic Syluest. *verbo hæreticus, §. 1. num. 14.* & Azor *1. p. lib. 8. cap. 13. quæst. 1*. Pegna *3. p. directior. com. 168. vers. postremo, & in seq. qui incipit, & quidem hoc verissimum est*. Videtur manifestam hæresim vocare eam, quæ in actum exteriorum prodit: qua cognita affirmare videtur debitores, & vasallos, ab omni obligatione dominis hæreticis facta esse exemptos. Farinac. iis videtur consentire *suprà num. 68*.

20 Nihilominus credo probabilius posse, & debere debitores hæretico soluere debita, & obsequia alia debita præstare, dum per sententiam eius crimen declaratum non est: sic pluribus comprobatur Bursat. *lib. 1. cons. 14. num. 18. & seq.* & Azor *suprà, quæst. 2. Dixi debito-*

rem hæretici non posse debitum hæretico soluere post condemnationem, secus ante condemnationem. Sanchez *lib. 2. cap. 24. num. 8*. Ratio est, quia fisco ante sententiam saltem declaratoriam criminis bona hæreticorum occupare non potest, vt dictum est, & deciditur *cap. cum secundum leges, de hereticis. in 6. ibi, sententia fuerit promulgata*. Si autem debitores hæreticis non deberent soluere, sed fisco, iam fisco ante sententiam bona hæreticorum occuparet. Item hæreticus post crimen commissum interim dum sententia declaratoria non succedit, non priuatur possessione, & administratione suorum bonorum. Ergo ratione huius possessionis, & administrationis debita illi debent solui, & obsequia præstari. Neque obstat *cap. absolutos*, nam explicandum est non de quacunque manifestatione, sed de manifestatione præcipua, quæ est iudicialis. Secundò respondeo à die commissi criminis exeuntis in actum externum probabile esse, debitores absolutos à debito soluendo hæreticis, indigere tamen sententia declaratoria criminis, vt effectum plenum illa absolutio sortiatur, sicut à die commissi criminis sunt omnia bona hæreticorum fisco addicta: at indiget fisco sententia declaratoria criminis, vt ea occupare possit. Ad confirmationem respondeo fisco à die commissi criminis habere dominium directum in bona hæretici, non tamen vtile, nisi sententia accedat; ea de causa hæretico denegari non possunt debita, & obsequia præstanda, dum non est sententia.

21 Vnum tamen est omnino certum, debitores, etsi à die commissi criminis eximantur ab obligatione soluendi debita hæreticis, & vasallos à debito fidelitatis suis dominis, non tamen ita esse exemptos, vt eorum debita, & subiectio extinguatur omnino; succedit enim fisco in credito, & in dominio, si alij vocati non sunt: sic tradunt vterque Abbas in *cap. fin. de hereticis*. Marian. Socin. *ibi, num. 1*. Ioann. de Anania *num. 2. & 3*. Felin. in *princ. quos refert, & sequitur Farinac. quæst. 189. n. 68*.

22 Sexta pœna hæreticorum est, quod fides eis data, & securitas promissa seruanda non sit: si enim, vt inquit Farinac. *quæst. 197. num. 24*, tyrannis, piratis, cæterisque publicis prædonibus, quia corpus occidunt, fides seruanda non est; longè minus hæreticis, qui animas occidunt, seruati debet. Item bannito pro capitali delicto, quia est hostis publicus, pax seruanda non est. Ergo neque hæretico. sic pluribus relatis comprobant Petrus à Plach. in *episc. delict. lib. 1. cap. 39. in fine, num. 11*. Simanc. *de catholic. instit. tit. 46. num. 52. & seqq.* Rojas *singul. 63*. Clarus in *præf. §. hæresis, num. 16*. Locius Zechius *sum. 2. p. tit. de fide, cap. 11. de hereticis, num. 16*. Farinacius *quæst. 197. num. 24*. Hoc autem limitandum est, vt procedat in fide, & securitate data hæretico à priuata persona, secus à publica persona, seu Principe habente potestatem illam concedendi; hæc enim seruanda est, secus alia: sic Simanch. Petrus à Plach. Locius Zech. & Farinac. *suprà*. & Menoch. *consil. 106. num. 226. & 227*. Decian. *træct. crimin. lib. 5. cap. 20. num. 55*. Ratio esse potest, quia seruare tunc Principem hanc fidem in bonum commune cedit maximè; secus procedit in priuata persona; quæ hanc securitatem promittere non poterat. Ex quo fit, si Inquisitor promittat hæretico gratiam facturum, si veritatem fateatur, & ipse hæreticus sub spe gratiæ consequendæ hæresim confitetur, tenetur Inquisitor fidem datam seruare; quia illam dare poterat: concessa enim est Inquisitoribus ampla potestas pœnas temperandi, ex *cap. ut commissi, de hereticis. in 6. sic Pegna direct. 3. p. com. 23. vers. iam in hac promissione*. Farinac. *quæst. 81. num. 296*. At si omnimodam impunitatem promississet; quia hanc promittere non poterat, illam seruare non debet: sic Pegna, & Farinac. *suprà*, non tamen ad pœnâ ordinariam, sed ad extraordinariâ condemnandus est, quia dolosè fuit talis confessio extorta

23 Septima pœna hæreticorum est, ut eorum domus, si in ea conuenticula fecerint, & hæresim docuerint, funditus euertatur, nullo vnquam tempore reparanda: & idem est de domo, in qua se occultauit, ne caperetur. Inquisitoribus, etiam si aliena sit; quia reputatur eius dominus fauorem illi præstare: sic multis constitutionibus comprobant Zanch. *tractat. de hæreticis, cap. 39. & 40. Pegna director. 3. part. comment. 92. circa finem. Farinacius quest. 190. §. 2. a. num. 30.* Quocirca ut dominus domus hac pœna excusetur, debet comprobare ignoranter processisse, & absque eius consensu hæreticalia ibi fuisse commissa: ut satis indicat constitutio Alexand. IV. edita anno 1257. incipiens, *felix recordationis*; quam adducit Franciscus Pegna inter litteras Apostolicas, fol. 27. ibi, *nisi legitime constiterit prædictarum domorum dominos penitus innocentes, & prorsus inculpabiles extitisse.* quæ constitutio confirmata est à Clement. IV. anno 1265. in alia constitutione, incipiente, *Ad extirpanda*, cuius meminit Pegna *suprà, pag. 63.* At si non ex consensu domini domus, sed ex consensu conductoris ibi hæretici conueniunt, non destruitur domus, sed conductor aliis pœnis punitur, ut hæreticorum fautor, scilicet pœnæ pecuniariæ, verberum, & exilij, iuxta conditionem personæ, ex text. in l. *Arriani, §. cunctis, vers. sine de priuatis adscis, C. de heret. & tradit Decian. lib. 5. c. 51. num. 50.* Farinacius *quest. 190. §. 2. num. 39.* Adde aliquando domus aliena destruitur, etiam si dominus illius ignorauerit crimen in illa commissum, si talis destructio ad publicam vtilitatem, & terrorem conuenire iudicatum fuerit; restituto tamen pretio domino domus, quod raro contingit, nisi in crimine nimis publico, & scandaloso. Simancas *de catholicis institutis, tit. 46. num. 91. & in enchirid. tit. 67. num. 14.* Zanch. *tractat. de hæreticis, cap. 39.* Farinacius *num. 37.* & faciunt ea, quæ congerit de crimine læsæ maiestatis, *quest. 116. a. num. 28.* ibi enim probat, si domus committentis crimen læsæ maiestatis hypothecata sit uxori, vel alteri, neque delinquens habet alia bona, quæ loco domus subrogetur, non posse domum destrui, nisi fiscus ex propriis bonis illis satisfaciat; quia aliàs sequeretur absurdum, quod uxor, vel creditor innoxius hypothecam amitteret: consentit Clarus *quest. 82. verbo statutum 8. num. 4. vers. fin.* Baiard. *ibi, num. 98.*

DISPUTATIO VI.

De pœnis corporalibus hæreticorum.

Hæ pœnæ comprehendendi possunt sub pœna carceris, exilij, tritennis, verberum, & mortis. de iis breuiter est dicendum, quibus imponantur, & quando.

PUNCTUM I.

De pœnâ carceris.

1. Pœna carceris imponi potest, & sæpè imponitur.
2. Hanc pœnam perpetui carceris hæreticis debitam, potest Episcopus cum Inquisitoribus mitigare, & ad tempus tantum imponere.
3. Qualis debet esse carcer, ad quem hæreticus condemnatur.
4. Post condemnationem rei mitigatio pœna penes solum Inquisitorem generalem in Hispania residet.

1. **H**anc pœnam hæreticis pœnitentibus imponi posse, & sæpè imponi, nemini est dubium, cum

expressè cauta sit in cap. *excommunicamus, cl. 2. de hæreticis* ibi, *si qui autem de prædictis, postquam fuerint deprehensi redire voluerint ad agendam pœnitentiam, in perpetuo carcere damnentur.* glossa ibi, Hostiens. Abbas, Butrio, & alij communiter. Verùm ad perpetuum carcerem non omnes hæretici pœnitentes damnantur, etsi de rigore iuris damnari possint; sed illi tantum, qui post publicationem testium errorem suum fatentur plenè, & pœnitentiæ signa ostendunt: sic Simancas *de catholicis institutis, tit. 47. num. 29. & seqq. & in enchirid. violare relig. tit. 58. de pœnitent. num. 7.* Afflictis in constitut. regni, *de hæreticis.* & Paçterenis *rubr. 1. sub num. 36.* Farinacius *quest. 193. num. 103.* Ioan. Rojas *tractat. de hæreticis, p. 2. num. 197. & seqq.* Pegna *direct. 3. part. quest. 93. comment. 142.* ubi refert in huius confirmationem quandam instructionem Hispalensem. Ex quo fit ad perpetuum carcerem non esse damnandum eum, qui errorem suum fatetur, antequam dicta testium ei publicata sint, quia tunc non videtur in errore suo satis deprehensus, iuxta dict. cap. *excommunicamus*; secus verò si post publicationem testium, quia tunc vndeque deprehensus est non solum corpore, sed mente, quia conuictus est. Secundò fit ad perpetuum carcerem nullo modo damnari posse, qui solum de hæresi suspectus est, quia hæc pœna solis deficientibus à fide imponitur. sic Vimbert. *Locat. in iudic. inquisit. verbo suspicio, num. 31.* Repert. *Inquisit. in verbo carcer, sub vers. primò, & in vers. viso de carcere.* Farinacius *q. 193. §. 5. n. 103.*

2. Hunc autem perpetuum carcerem debitum hæreticis pœnitentibus post publicationem testium possunt Inquisitores cum Episcopis, si aliqua iusta, grauisque causa intercedat, mitigare, & solum ad tempus imponere; vel iam impositam tollere, aut in alias extraordinarias pœnitentias conuertere, secundum potestatem ipsis datam, in cap. *ut commissi, vers. & illorum, de hæreticis, in 6.* ibi, *& illorum, qui vestris mandatis obediunt humiliter stant propter hæresim in carcere, vel muro reclusi. pœnam vnâ cum Prælati, quorum iurisdictioni subsunt, mitigandi, vel mutandi, cum videritis expedire.* ubi glossa, Abbas, Francus, Marian. Socin. Butrius, Felin. & alij. Ioan. Calderin. *tract. de hæreticis, rubr. de hæreticis redeuntibus, & conuictis, num. 3. & 4.* Vimbert. *Locat. in iudic. inquisit. in verbo hæreticus, num. 34. 35. & 36. & verb. Inquisitor, num. 33.* Simancas *de catholicis institutis, tit. 16. rubr. de custodia reorum, num. 5. & 6. & in enchirid. tit. 57. tit. de carcere perpetuo, n. 3.* Farinacius alios referens, *de hæresi, q. 193. n. 104.* & faciunt plurima, quæ adducit *num. 84. & 96.* Clarus *prætic. §. hæresis, num. 7.* Eymer. *3. part. director. quest. 93. & 96.* & ibi Pegna.

3. Aduerto primò hunc carcerem, ad quem reus damnatur, non debere esse ita arctum, ut abbreviet vitam incarcerati; aliàs iudices fidei irregularitatem non videntur euadere. sic Vimbert. *Locat. in opere iudic. verbo carcer, num. 6.* Pegna *direct. 3. part. quest. 59. comment. 107. sine.* ubi adducit decretum Concilij Biterrensis *cap. 23.* ibi, *& eos enormis rigor carcerum non extinguat.* Decian. *lib. 5. cap. 42. num. 14.* Campeggius addit. ad Zanch. *tract. de hæreticis, cap. 20. litt. G. verbo pœna, vers. tu tamen.* Farinacius *quest. 193. num. 106.* Neque obstat textus in Clement. 1. §. *propter, de hæreticis, ibi, duro tamen tradere carceri, sine arcto, qui magis ad pœnam, quam ad custodiam videatur.* Si igitur Inquisitor de consensu Episcopi, & Episcopus de consensu Inquisitoris possunt reum ad hunc carcerem condemnare, possunt & medio illo vitam illius abbreviare: ut dixit Martin. Delrio *de disquisit. magic. lib. 5. sect. 7. in princ. vers. potest autem capi.* Non, inquam, obstat, quia ex arcto, & duro carcere solum sequitur vitam incarcerati abbreviandam esse aliquantulum: si autem notabiliter abbreviaretur, ita ut intra paucos dies moriturus esset reus ibidem existens, nullo modo credo possit à iudicibus fidei exequi, quidquid dicat Martin. Delrio, quia

quia hæc videtur esse clara condemnatio ad mortem, quæ per iudices laicos, & curiam sæcularem facienda est.

4 Aduerto secundò in Hispania ex speciali privilegio Sedis Apostolicæ dispensationem, commutationem, vel relaxationem perpetui carceris, vel ad tempus, postquam reus est condemnatus, penes solum Inquisitorem generalem esse; licet & depositio vestis crucibus signatæ: sic testatur Simancas *tit. 16. num. 20.* & Franc. Pegna *3. p. direct. quest. 59. comm. 108. & 96. comm. 145.* Farinac. *quest. 193. num. 98.* Ioann. Rojas *de hæretic. post part. 2. n. 200. & num. 382. & 383. & singul. 155. num. 5.*

Quod si inquiras post quantum tempus carcer perpetuus remitti soleat: Respondeo nihil esse in hac parte iure statutum, sed arbitrio Inquisitorum relictum, qui spectata pœnitentium humilitate poterunt tempus, prout sibi visum fuerit, abbreviare, vel in aliam leuiorem pœnitentiam commutare. Regulariter autem triennio elapso dispensatur cum condemnato ad carcerem perpetuum. At cum condemnato ad carcerem perpetuum irremissibilem non nisi post octo annos solet dispensatio concedi. sic ex Simanc. *de carboic. institut. tit. 16. num. 20. & 21. & in Enchirid. violata relig. tit. 57. n. 3.* tradit Pegna *3. p. direct. quest. 59. comm. 108. circa finem, vers. quasitum scio.* Farinac. *quest. 193. num. 104. fine.* & propter hanc solitam dispensationem non solet degradari clericus immurandus, de quo vide Pegna *direct. 3. p. comm. 46. num. 202. vers. quod si quis querat.*

PUNCTUM II.

De pœna fustigationis, exilij, triremis, & mortis hæreticis imponenda.

- 1 Quibus hæreticis hæc pœna imponantur.
- 2 Pœna mortis omnibus hæreticis imponi potest.
- 3 De facto imponitur hæreticis impœnitentibus, & pertinacibus.
- 4 Item hæreticis negatiuis, hoc est, fællione iuris impœnitentibus.
- 5 Item diminutè consenti.
- 6 Item si in iudicio manifestat errores, & postea negat.
- 7 Pœna mortis afficiuntur hæretici relapsi.
- 8 Dicitur relapsus, qui de primo lapsu non fuit plenè conuictus, sed abiurauit de vehemènti.
- 9 Contra si primò lapsus fuit in hæresim, & postea in suffocationem incidit, tamen si aliqui negent esse relapsum, probabilius est oppositum.
- 10 Satisfit contrariis.
- 11 Apponitur quadam limitatio sed non approbatur.
- 12 Labi debes in eandem hæresim prius abiuratum, ut quis relapsus dici possit secundum aliquos.
- 13 Probabilius est in quacunque hæresim labatur, relapsus dici.
- 14 Relapsis pœnitentibus danda sunt sacramenta.
- 15 Quis dicatur Hæresiarcha, & dogmatista.
- 16 Hos esse tradendos brachio sæculari qui probent.
- 17 Probabilius est speciato iuris rigore oppositum.
- 18 Hæretici conuersi ante sententiam ad reconciliationem debent admitti.
- 19 Si post sententiam conuertantur, admittendi non sunt.
- 20 Quid de illo, qui tam in tabulato sperans audire sententiam conuertitur.

1 Pœnam fustigationis, exilij, trirennis pœnitentibus hæreticis imponi testatur Decian. *tract. crimin. lib. 5. cap. 42. num. 5. 6. & 11.* Ioan. à Rojas *singul. 1. num. 22. & 25.* Farinac. *quest. 193. à num. 85.* Credo tamen in Hispania pœnam fustigationis, vel triremis non imponi nisi hæreticis, qui tardissimi, durique fuerunt ad conuersionem. Romæ verò, & alibi affirmat

Rojas *de hæretic. 2. p. num. 263.* Bossius *tit. de hæret. n. 18.* Farinac. *num. 88.* pœnitentem hæreticum loco carceris perpetui ad triremes triennio condemnari. Item delictum committenti, ob quod est vehemènter de hæresi suspectus, solet hæc pœna fustigationis, exilij, vel triremis indici.

2 Pœnam mortis, quæ grauissima est, nemini est dubium hæreticis imponi posse ab Ecclesia, & esse iustissimam, quia delictum grauissimum est, & Ecclesiæ perniciosissimum. Habere autem Ecclesiam hanc potestatem à Christo Domino, probant optimè Bellarm. *lib. 3. de laicis, cap. 21. & 22.* Valent. *tom. 3. disput. 1. quest. 11. p. 3.* Simanc. *tit. 46. à num. 44.* Couarr. *lib. 2. var. cap. 10. n. 10.* Suar. *de fide. disput. 20. sect. 3. à num. 18. & disput. 23. tota sect. 1.* Fundamentum præcipuum est, quia sine hac potestate non satis Christus Dominus Ecclesiæ suæ prouidisset: neque enim posset rebelles, & inobedientes coercere, & eorum delicta vindicare, prout oportet, neque membra putrida, & nociua toti corpori refecare. Quapropter censet Suar. *loco allegato, disput. 20. sect. 3. n. 21.* erroneum esse hanc Ecclesiæ potestatem negare. Et ita definitum est à Bonifac. VIII. *in extramur. unam sanctam. de maioris. & obedient. & ab Innocent. I V. in cap. ad Apostolica. de sentent. & re iudic. in 6. & cap. 1. de homicid. in 6. & aliis textibus, quos supradicti Doctores congeriunt:* quibus consentiunt leges imperatoris hanc pœnam mortis hæreticis imponentes. *l. quicumque C. de hæretic. ibi, ultimo supplicio coercantur qui illicita docere tentauerint.* Et idem est qui tentauerint addiscere illicita, quia docere, & discere illicita æquiparantur in iure. *l. culpa. C. de maleficijs.* & tradit glossa in cap. excommunicatum. 2. verbo puniendi de hæreticis. Idem habetur *l. Arriani. C. de hæretic.* Verum est Ecclesiam non solere exequi hanc potestatem per iudices, & ministros ecclesiasticos, sed per laicos, & media illorum temporali potestate; iuxta cap. *ad abolendam. §. præterea, de hæretic.* Quia id videtur decentius, & pietati Ecclesiæ conformius: & quia sic indicatur potestatem temporalem inferiorem, & subditam esse spirituali potestati: at ubi à iudicibus fidei delinquens sæculari brachio remittitur puniendus, debet iudex laicus pœnam statim exequi, neque in illius potestate est remissionem facere, iuxta cap. *ut officium, de hæretic. in 6.* aliàs ut fautor hæreticorum puniri poterit. Cæterum, quia varij sunt hæreticorum gradus, neque omnibus (etiam si digni sint) hæc pœna mortis imponitur, declarandum est quibus imponatur; & ut à facilioribus incipiamus,

3 Primò dicendum est hæreticis impœnitentibus, & pertinacibus hanc esse pœnam impositam: constat ex cap. *ad abolendam, de hæreticis.* & tradit Simanc. *de carboic. institut. tit. 48. num. 6.* Eymet. *2. p. direct. quest. 40. num. 1.* & ibi Pegna *com. 65.* Decian. *tract. crimin. lib. 5. cap. 55. in fin.* Farinac. *quest. 196. §. 1. num. 4.* Iulius Clar. *lib. 5. §. hæresis.* Suar. *de fide. disput. 23. sect. 2. num. 3.* & omnes. Et ratio est manifesta, quia si pœna mortis alicui hæretico imponenda est, impœnitenti, & in suo errore obstinato debet imponi, utpote qui omnium delinquit grauissimè. Prius autem quàm hac pœna afficiatur hæreticus, testanda sunt omnia media, quæ iudicibus fidei conuenientia visa fuerint, ut errorem agnoscat: & præcipuum est, ut medijs viris doctis, & versatis conuincatur de suo errore. Si autem huic medio sæpius repetito non acquieuerit, sed in suo errore tenaciter perseverare voluerit, brachio sæculari tradendus est, conburendus viuus, tanquam palmes arefactus, cuius nulla spes est fructum laturus: eius tamen lingua alliganda est, ne impijs blasphemijs adstantes offendant.

4 Dico secundò. Eadem pœna mortis imponitur hæreticis fællione iuris impœnitentibus: ij sunt, qui legitimis testibus conuicti negant hæresim cômisisse, quia præiudicantur in illa perseverare, dum illam non confitentur.

Neque obstat exteriùs fidem Catholicam quia reputatur dolosa, & ficta professio: & ex cap. ad abolendam, quatenus ibi mandatur iudici puniendum relinqui hæreticum, qui in prehenſus satisfactionem congruam exhibere recusat: qui autem legitime conuictus de sua hæresi illam faceri recusat, satisfactionem congruam non exhibet. Merito ergo ut hæreticus pertinax, & incorrigibilis est puniendus: sic communis omnium sententia, ut videtur in Calderino tractat. de hæres. rubr. de hæres. impenitentes lib. num. 1. Rojas eodem tract. 1. part. num. 69. Simancas tit. 48. num. 25. Eymer. 2. part. quest. 34. n. 1. & 3. & ibi Pegna comment. 59. Didac. Cantera quest. crimin. rubr. de hæresi, cap. 1. n. 57. 60. & 61. Suarez de fide, disp. 2. 3. sect. 2. num. 5. Farinacius quest. 178. num. 20. & alij apud ipsos. Ibi autem nunquam viri concremantur, sed priùs suffocantur, eo quòd solum præsumptione iuris hæretici impenitentes reputentur. Ut autem hæc pœna locum habeat, tria, vel quatuor requiruntur. Primò, ut verba, vel facta de quibus hæreticus accusatus, & conuictus est, sint aperte contra fidem, neque alium sensum habere possint. Secundò, ut per testes contestes omni exceptione maiores conuincatur talia facta fecisse, vel verba protulisse in nostræ fidei offensionem. Tertiò, ut non possit obliuio præsumi, cum in negatiua perseuerat. sic Arnold. Albert. tract. de agnoscend. asserti. cathol. quest. 34. num. 52. Rojas tract. de hæreticis, p. 1. num. 84. Pegna 2. part. direct. quest. 34. comment. 59. in medio, & 3. p. tit. de 12. modo terminandi processum, comment. 48. num. 208. Difficultas autem est non levis, quando obliuio præsumatur? Cui optimè respondet Pegna 2. part. direct. q. 34. comment. 59. versic. in his ergo. In factis arduis, atrocibus, & horrendis etiam post longum tempus obliuionem non præsumi, utpote in direptione, & conculcatione imaginum, prædicatione hæresum. Et idem est de factis, aut dictis solitis, & consuetis, licet ardua non sint, & in iis quæ semper delinquentes comitantur. In cæteris verò causis, quæ insignes, & arduæ non sunt, nec solitæ, & consuetæ, neque delinquentem comitantur, decennio regulariter reputatur obliuio, nisi aliud iudici visum fuerit, pensata delicti, & personarum, circumstantiarumque qualitate.

5 Ex his inferitur velut diminutum confitentem, & negatiuum curiæ seculari esse tradendum, qui non fateretur omnes errores hæreticales, de quibus per testes, contestes omni exceptione maiores esset conuictus, si illi aded recentes, ac graues essent, quorum verisimiliter credi non posset obliuio; quia non est vera confessio, cum de omnibus peccatis non agitur. cap. quem pœnitens, de pœnitent. distinct. 1. & perseuerantia, & contumacia in vno solo errore verum hæreticum constituit, etiam si alios abiuret, & detestetur: sic Simancas in Encheirid. tit. 61. num. 4. Ioan. Rojas tract. de hæreticis, 2. part. assert. 21. Pegna 2. part. direct. comment. 59. in fine. Suarez disput. 23. sect. 2. num. 6. De illo autem qui omnes suos errores fateretur, recusat tamen manifestare aliorum errores, quorum conuincitur habere notitiam; aliqui existimant non esse ut impenitentem hæreticum damnandum; quia ex hac occultatione solum conuincitur fauorem hæreticorum esse, non autem verum hæreticum. Ergo non debet ut verus hæreticus, & impenitens condemnari: & ita audiui in inquisitionibus Castellæ practitari, sed propter hanc causam torqueri. Cæterum credo de rigore iuris ut verum hæreticum impenitentem damnari posse, & curiæ seculari tradi sic occultantem aliorum errores, cum suos manifestat; eo quòd non præsumitur manifestare verè, & ex animo, sed fictè, cum tempore pœnitentiæ ita hæreticis faueat: sic Suarez supra num. 6. Decian. tract. crimin. lib. 5. cap. 55. num. 10. & 16. Burlat. consil. 7. num. 13. Ludouic. à Paramo de orig. sanct. inquisit. lib. 3. quest. 9. num. 193. & seqq.

Pegna direct. 2. part. quest. 34. comment. 59. versic. ex his possumus. Farinacius de hæresi, quest. 196. §. 1. num. 17. Simancas de catholic. instit. tit. 48. num. 27. & 28.

6 Sed quid si in iudicio hæreticus suos manifestaret errores, postea verò confessionem factam reuocaret? Affirmandum existimo, ut impenitentem esse damnandum, si in reuocatione persistit, & causam reuocandi, & infirmandi prædictam primam confessionem verosimilem non ostendit. Et ratio est, quia ex propria confessione iam est plenè delictum probatum; cum verò postea reuocat, præsumitur reuocare dolosè ad effugiendam pœnam ordinariam: aliàs si facta hac reuocatione non posset ut hæreticus negatiuus condemnari, cum etiam condemnari non possit ut hæreticus pœnitens, quia pœnitentiæ signa de suo errore non ostendit, euidenter sequitur omnibus hæreticis dari ansam suas reuocandi confessiones, ut sic pœnam ordinariam euitent, quod non est permittendum: & ita docet Farinacius de hæresi, quest. 187. num. 75. & quest. 196. num. 20. & 21. vbi alios refert, esto contrà teneat Didac. Cantera in quest. crimin. rubr. de hæres. cap. 1. num. 70. motus ea ratione, quia per hanc reuocationem aliquid minuitur de fide, & firmitate confessionis factæ. Sed est friuola ratio, quando non probatur causa reuocationis. Adde, esto minueretur aliquantulum firmitas confessionis, coniecturis tamen præcedentibus iuuatur, ut integram probationem retineat.

7 Dico tertiò. Eadem pœna mortis afficiuntur hæretici relapsi, id est, illi, qui post abiurationem erroris, vel pœnitentiam canonicam deprehensi fuerint in abiuratam hæresim reincidisse: habetur expressè cap. ad absolendam, §. illos quoque, de hæreticis. ibi, illos quoque qui post abiurationem erroris, vel postquam se proprii antistitis examinatione purgauerint, deprehensi fuerint in abiuratam hæresim reincidisse, seculari iudicio sine ulla penitus audientia decernimus relinquendos. & tradunt ibi glossa, Hostiens. Felin. Abbas, & omnes. Notandum tamen est verbum, deprehensi, quo utitur textus: indicat enim ab aliis deprehensos esse hæreticos in hæresim reincidisse. Quapropter si quis sponte à nullo alio præuensus manifestaret se in hæresim abiuratam reincidisse, credo pœnam mortis euasurum; quia ratio, quare pœna mortis hæreticis relapsis imponitur, est, quia præsumitur fictè conuerti, & esse incorrigibiles: at qui à nullo præuentus se ipsum defert, & pœnitentiam expostulat, clarum signum tribuit veræ conuersionis. Ergo. Et ita docet Albert. in lib. de agnoscend. assert. quest. 25. num. 25. Pegna alios referens, 3. part. direct. comment. 12. versic. sed quid si relapsus. Menochius consil. 81. num. 168. vbi ampliat conclusionem, etiam si captus sit hæreticus, dummodo fateatur hæresim, de qua in processu non constabat. Decian. tract. crimin. lib. 5. cap. 56. num. 12. Farinacius q. 193. num. 36. Paramus de origine sancta inquisit. lib. 3. quest. 4. rubr. de forma, & ordine iudiciario, num. 12. Alphons. de Castro tract. de iust. hæres. punit. lib. 2. cap. 2. Aduertendum tamen multum est, an hic relapsus spontè veniat; si enim probetur metu probationum sibi instantium venire, eo quòd intelligebat alios se præparare ad illum accusandum; non videtur pœnam mortis euasurum: sic docent Castro, Farinac. Decian. locis allegatis. Quapropter Pegna, Paramus, & Farinacius, expostulant delictum occultum: nam in publico ferè semper hæc præsumptio oritur, quòd metu probationum misericordiam expostulauerit, & non ex animo. Quòd si prima vice reus de hæresi conuictus fuit sola sua confessione, & postea per testes conuincitur relapsum esse, etsi de rigore iuris pœna relapsorum condemnari possit, si tamen priores errores abiurauit commissos tempore quo impubes erat, ad misericordiam, & reconciliationem admitti potest, iuxta quandam instructionem Vallisoletanam 12.

8 Circa supradictam conclusionem est prima difficultas, an dicatur relapsus, & curiæ seculari tradendus, qui de primo lapsu non fuit plenè conuictus, sed abiuravit de vehementi: in secundo autem lapsu plenè conuincitur? In qua difficultate pro parte affirmatiua est expressa decisio textus in *cap. accusatus, in princ. de hæretic. in 6. ibi, Accusatus de hæresi, vel suspectus, contra quem de hoc crimine magna, & vehemens suspicio orta erat, si hæresim indicio abiurauit, & postea committit in ipsa, censeri debet quadam iuris fictione relapsus, licet ante abiurationem suam hæresis crimen plenè probatum non fuerit contra ipsum; & ibi omnes Doctores, quos frustraneum est recensere. Notanda tamen sunt verba textus, quia non dicit, quòd verè sit relapsus, sed quadam iuris fictione; ad hoc enim requirebatur, vt in idem delictum eodem modo esset bis lapsus. Secundò requiritur, vt priùs de suspitione hæresis vehementi abiurauerit, secus si solum de leui suspitione, vt in suprad. textu cauetur expressè, ibi, si autem leuis, & modica suspicio illa fuerit, quanquam ex hoc sit grauius puniendus, non tamen debet in hæresim relapsorum pœna puniri.*

9 Solum autem controuerti potest casus contrarius, quando scilicet primò abiurauit hæresim, postea verò incidit in illius vehementem suspicionem, an tunc fictione iuris dicatur relapsus, & curiæ seculari tradendus? Negat Rojas *tract. de hæretic. 2. p. num. 333*. Mouetur præcipuè ex textu in *cap. litteras, de præsumpt. vbi* post factam confessionem, & abiuratam hæresim, quam de se, & fratre suo confessus fuerat, postea hæresim fratris negauit, ob cuius negationem tanquam suspectus de hæresi condemnatur, & non tanquam hæreticus relapsus. Secundò probari potest, quia in *cap. accusatus, fictione iuris*, & non propriè reputatur hæreticus, qui abiurata hæresi, de qua fuit plenè conuictus, iterum in ipsius suspicionem vehementem incidit. Cum ergo nihil statuatur de illo, qui priùs vehementer suspectus fuit, & postea in manifestam hæresim incidit, non debemus illi pœnam relapsorum applicare; quia non sunt extendendi, & ita seruari in praxi ab Inquisitoribus Italiae, testatur Farinac. *quest. 195. num. 18*.

Ceterum hæreticis fauendum non est; sed omnino exterminandi. Quapropter credo probabilius pœnam relapsi supradicto imponi posse; quia vt quis fictione iuris reputetur relapsus, sufficit si de vno lapsu plenè, & indubitabiliter constet, & de alio præsumptione vehementi. Quòd autem lapsus præsumptus antecedar, vel subsequatur lapsum certum, accidentarium esse videtur, & leuis considerationis. & ita tenet latè probans Menoch. *confil. 82. num. 148. lib. 1*. Alphons. à Castro de *iusta hæretic. punit. lib. 2. cap. 2*. Zanch. *tract. de hæretic. cap. 16. num. 3. vers. secundo modo*. Bursat. *confil. 7. num. 15. lib. 1*. Farinac. de *hæresi. q. 195. num. 17*.

10 Neque obstant cõtraria. Non textus in *cap. litteras*, quia ibi solum dicitur confessum esse hæresim sui, & fratris, quam confessionem postea reuocauit, ob cuius reuocationem, & priorem confessionem factam suspectus vehementer de hæresi fuit: non tamen ibi dicitur priùs hæresim abiurasse; & postea in vehementem illius suspicionem incidisse. Ad secundum concedo gratis, in *cap. accusatus* solum haberi esse fictione iuris relapsum, qui post vehementem hæresis abiuratae suspicionem, in illam incidit manifestè: at inde nos, probabilissimè colligi idem esse dicendum, siue suspicio antecedar, siue subsequatur lapsum manifestum. Deinde nego solum haberi in suprad. cap. vt relapsus, qui post vehementem hæresis suspicionem in illam incidit manifestè, imò potius habetur contrarium; si quidem ei, qui primò hæresim abiurauit, si postea comperiatur hæreticis fauere, tanquam relapsus punitur. Inquit enim textus: *Ille quoque de cuius lapsu in hæresim ante abiurationem considerat, vel nunc constat, si post illam hæreticos*

receptos, deducat, visitet, siue associet, aut dona, vel munera, seu fauorem eis impendat, merito debet indicari relapsus, & tradunt omnes. Quapropter Farinac. qui *num. 18. dicit* Inquisitores Italiae non solere, vt relapsus condemnare eum, qui primò confessus, vel conuictus fuit de hæresi, & postea in illius vehementem incidit suspicionem. Aduertit *num. 32. non esse extendendam hanc doctrinam ad hunc casum expressum de fauore hæreticorum*.

11 Limitant autem Alphons. de Castro de *iusta hæretic. punit. lib. 2. cap. 2. Menoch. confil. 82. n. 149. iuncto num. 156. lib. 1*. Simanc. de *caholic. institut. tit. 57. rubr. de relapsis, num. 6. & 7. Azor. 1. p. lib. 8. cap. 14. quest. 4. hoc esse intelligendum, si fauet hæreticis profitentibus eandem hæresim, quam ipse priùs abiurauerat; secus verò si diuersam: quia tunc non censetur in priori hæresi abiurata consentire. Ceterum hæc limitatio admittenda non est, sicuti neque illam admittit Petr. Gregor. *synagoga iuris, lib. 33. cap. 8. num. 6. vers. relapsus*. Decian. *tract. crimin. lib. 5. cap. 56. num. 13*. Didac. *Cantera quest. crimin. rubr. de hæretic. cap. 1. num. 58. in fine*. Quia abiurans hæresim tacitè omnes hæreses abiurat; ac proinde si in vehementem illius suspicionem incidit, relabi fictione iuris censetur, vt mox dicemus.*

12 Secunda difficultas est, an requiratur labi in eandem hæresim priùs abiuratam, vt quis pœna relapsorum afficiatur. Et quidem si cum priorem hæresim, in quam incidit, abiurauit; simul etiam generaliter omnes abiurauit, vt mos est; nemini esse potest dubium, vt relapsus condemnandum esse, quia ita habetur in *cap. accusatus, §. cum verò, de hæretic. in 6. ibi, eum verò qui in vna hæresis specie, vel secta commisit, aut in vno fidei articulo, seu Ecclesie sacramento errauit, & postmodum hæresim simpliciter vel generaliter abiurauit; si ex tunc in aliam hæresis speciem, in sectam, aut alio articulo, seu sacramento committat, volumus vt relapsus in hæresim iudicari; & notatur ibi glossa, Archidiacon. Geminian. & reliqui Doctores. Verum si solum hæresim, in quam incidit, abiurauit, & postea in aliam diuersam relabatur, glossa in suprad. *cap. accusatus*, & ibi Ioan. Andr. *n. 8. & 9. Repert. inquit. verbo relapsus, sub vers. 3. Eymer. 2. p. direct. q. 40. n. 5. vers. secus si tantum de ibi Pegna com. 65. Menoch. confil. 82. num. 156. & seq. lib. 1. Suar. disp. 23. de fide, sect. 2. n. 8. fine*, negant relapsus dici, quia neque ratione criminis, cum diuersum sit, neque ratione abiurationis potest dici relabi: & fauet suprad. textus *accusatus*, vbi expressè postulat abiurationem generalem totius hæresis, vt quis relapsus censeatur.*

13 Nihilominus affirmatiuam partem tueritur Ioan. Monach. Archidiacon. Geminian. Francus in suprad. *cap. accusatus*. Mandos. in *additionib. ad Rupert. verbo relapsus, sub vers. 3. litt. B. Vmbert. Locat. in iudicial. inquisi. verbo relapsi, num. 6. Pegna supra*, dicit hanc opinionem præualere. Decian. *tract. crimin. lib. 5. cap. 56. n. 2*. Et ratio esse potest, quia abiurans quamlibet hæresim, tacitè omnes hæreses abiurat, quia abiurat recessum à diuina reuelatione per Ecclesiam proposita, quæ in omni hæresi includitur, promittitque tacitè ab Ecclesia non discelsurus. Ergo ex hac præcisa abiuratione, si in hæresim labatur, relabi censendus est. Propter quam rationem hæc mihi opinio probabilior apparet. Limitanda tamen est doctrina, in casu, quo priùs de hæresi vehementer suspectus abiurasti, & postea in diuersam hæresis speciem lapsus fuisti, quia in hoc casu, etiam si abiuratio prior generalis fuerit, non debet censeri relapsus, per textum in *cap. accusatus, ibi, si postea deliquit in ipsa*, quali diceret, si in ipsa hæresi deliquit, quam priùs de vehementi abiurauit; secus si in alia diuersa, & notant Farinac. *quest. 195. num. 46*. Secundò limitanda est, vt intelligatur, si post abiurationem hæresis incidit in aliam diuersam; secus si post hæresis purgationem, quia abiurans vnâ hæresim, omnes abiurat: at purgans se ab vnâ hæresi infamatione, nō ab omnibus se purgavit, qua

Quapropter ut relapsus condemnari potest, qui solum
vnum hære-
notantem si se ab vna purgavit, & in aliam incidit, vt
opinor notauit Pegna director. 3. part. rubr. de secundo mo-
do faciendi processum, comment. 38. num. 150. circa fin. Farina-
cius quest. 195. n. 30. Ludouic. à Paramo de orig. sacrēt.
Inquisit. lib. 3. q. 4. rubr. de expeditione processus in causa fidei,
num. 5.

14 Aduerto tamen omnibus relapsis pœnitentibus,
& curiæ seculari tradendis danda esse sacramenta Pœ-
nitentiæ, & Eucharistiæ, iuxta cap. super eo, de heret. in 6.
& tradit Simancas tit. 63. num. 7. Suarez de fide, disp. 23.
sect. 2. num. 112. esto contra teneat de Eucharistiæ sacra-
mento Cantera quest. de hereticis, num. 13. pag. 73. Co-
uarr. lib. 2. var. cap. 1. num. 11. Vnum tamen est certum
publicè ad reconciliationem non admitti, etiam si con-
fiteres existant. Cantera ibi. Sanchez lib. 2. Decal. c. 27.
num. 23.

15 Restat dicendum de hæresiarchis, & dogmatistis;
ij enim sunt non solum qui errores inuenerunt, & con-
finnerūt, sed etiam qui iam inuentos, & confictos quasi
ex officio, & consuetudine alius publicè, vel occultè
prædicarunt; quia ratione huius consuetæ prædicationis,
verè sunt magistri, & Principes erroris, & hæreti-
corum sequentium illos: vt colligitur satis ex cap. qui
aliorum, 24. quest. 3. ibi, qui aliorum defendit errorem, multo
amplius damnabilior est illis, qui errant, quia non solum er-
rat, sed etiam alijs offendicula erroris præparat, & confir-
mat. Vnde quia magister erroris est, non tantum hæreticus,
sed etiam hæresiarcha dicendus est, sic notauit Albertin.
tractat. de agnoscenda assert. quest. 30. num. 60. Eymeric.
2. part. quest. 39. & ibi Pegna comment. 64. Farinacius
alios referens quest. 178. num. 15. Suarez de fide, disp. 23.
sect. 2. num. 11. Notanter dixi dogmatistas, & hæresiar-
chas vocari, quia alios pervertere conantur, quasi ex offi-
cio, & consuetudine; vt excluderem eos, qui consan-
guineos suos pervertunt, aut vnum, vel alterum perua-
tunt; ij enim non proprie hæresiarchæ, aut dogmatistæ
dicuntur, vt bene notauit Suarez supra, num. 11. sine.
Iis positis,

16 Prima sententia docet hos hæresiarchas, & dog-
matistas siue vlla misericordia brachio seculari esse
tradendos, quantumvis signa exhibeant conuersionis,
& pœnitentiæ: sic acriter defendit Simancas de catho-
lic. institut. tit. 47. num. 50. & seqq. & in enchirid. tit. 59. n. 1.
Repert. Inquisit. verbo docere. Ioan. Rojas tractat. de heret-
icis, 2. part. num. 339. assert. 43. Suarez de fide, disp. 23.
sect. 2. num. 9. & Pegna statum allegandus dicit, spectata
horum temporum conditione miterrima, hanc senten-
tiam sine vilo errore obseruari posse, et si ipse iudex ef-
fiet, nullum permetteret euadere absque vltimo suppli-
cio. Rationes huius sententiæ non leues sunt. Prima,
quia variis legibus hæc pœna ij hæretici afficiuntur:
l. cum qui seruum, C. de apostatis, l. quicumque, C. de heret-
icis, l. fin. C. de Iudæis, l. 2. C. ne sacrum baptismum. quibus le-
gibus standum est, cum in iure canonico contrarium
dispositum non sit; non enim alienum, & inusitatum
est in pœnis imponendis ius canonicum suppleri per
ius ciuile. Secunda, quia esto in iure canonico cau-
tum sit hæreticos pœnitentes ad reconciliationem ad-
mitti; hoc debet intelligi de hæreticis qualiterque, & à
communi modo peccandi exorbitantibus; ij enim non
regula communi metiendi sunt, quia plura concer-
nunt delicta & circumstantias in suis peccatis: ob
quæ lex simpliciter loquens in illis locum habere
non debet. argument. l. nunquam plura, ff. de priuat.
delict.

17 Nihilominus et si hæc sententia satis probabilis
sit, probabilior existimo, hæresiarchas, & dogmati-
stas, si verè pœnitentiæ signa ostendant, admittendos
Ferd. de Castro Sum. Mor. Pars I.

esse ad reconciliationem, neque brachio seculari tra-
dendos; sic tradit ex Concilio Biterrensi. & Tarraco-
nensi. Franciscus Pegna direct. 2. part. comment. 64. versic.
an autem. Eymier. 3. part. de octauo modo terminandi procef-
sum, num. 188. versic. circa istum. Decian. lib. 5. tractat. cri-
min. cap. 54. num. 47. Didac. Cantera quest. crimin.
rubr. de hereticis, cap. 1. num. 70. versic. est nunc videndum.
Ratio præcipua sumitur, quia nullus est textus in iure
canonico hanc pœnam illis indicens; imò potius in
cap. ad abolendum, contrarium non leuiter insinuat;
æquat enim Pontifex eos, qui docent iis qui credunt
hæretes: ibi, aliter sentire, aut docere non metunt. Et de
omnibus subiungit ad misericordiam recipi posse, si pu-
blicè consenserint abiurare, & satisfactionem con-
gruam exhibere. Item Berengar. quem constat fuisse
hæresiarcham, conuerti volens receptus fuit ad gre-
gium Ecclesiæ. cap. ego Berengarius, de consecrat. distinct. 2.
& de Cazalla, qui fuit hæresiarcha insignis, testatur
Cantera supra; relaxatum fuisse brachio seculari, ex
speciali breui Sedis Apostolicæ, aliàs non relaxandus.
Neque deest ratio congrua in huius opinionis fauo-
rem. Nam hæresiarcha conuersus & alios facilius con-
uerteret, & conuersos in fide confirmabit. Neque obstat
legibus imperatoriis caueri vltimo supplicio afficien-
dum esse aliorum peruersorem: habetur enim l. vltim.
C. de Iudæis. ibi, pœna sanguinis destinandus, qui fidem al-
terius expugnavit peruersa doctrina. & in l. penultim. C. de
apostatis, dicitur, pœna capitis esse puniendum, qui alium
peruertit. Idem colligitur ex l. quicumque, C. de hereticis,
l. 2. C. ne sacrum Baptisma iteretur. Non, inquam, obstat
hæc leges, tum quia si aliqui probarent, ex illis inferen-
dum esset quemlibet peruersorem alterius, et si vnus
esset tantum, vltimo supplicio esse afficiendum. Tum
& præcipuè, quia hæc leges locum non habent in hoc
crimine, quod merè Ecclesiasticum est; nisi quando
hæretici ex foro Ecclesiæ pelluntur, & iudicio seculari
traduntur iudicandi. Debent tamen Inquisito-
res in iis admittendis prudentissimi, & vigilantissimi
esse, ne sub pelle ovina lupus tegatur, & simulata pœ-
nitentia simplices decipiant: vt dicitur in cap. vi offi-
cium, de hereticis, in 6. ibi, proniso solerter, ne simulata
conuersione redeant fraudulenter, & vos, imò se ipsos fallen-
tes sub agni specie lupum gerant. Quapropter multis ex-
perimentis tentandum est, an fidè, an ex animo con-
uerterentur, & grauissimæ sunt illis pœnitentiæ impo-
nendæ, præcipuè carceris irremissibilis; à quo non
nisi post longissimum tempus, & manifestissima signa
veræ conuersionis liberandi sunt. sic Franciscus Pe-
gna director. 2. part. quest. 39. comment. 64. versic. tamen si.
Farinacius quest. 193. num. 12. Simancas de catholic. instit.
tit. 47. num. 72.

Placent tamen mihi limitationes, quas adducit Pe-
gna loco allegato, vt scilicet ad reconciliationem non ad-
mittantur dogmatistæ, & hæresiarchæ, qui post long-
um tempus, frequentisque admonitiones, & iam iam
tradendi curiæ seculari pœnitentiæ signa ostendunt;
quia non videntur studio veritatis, & ex animo con-
uerter, sed timore mortis ad vitandam pœnam. Item
neque etiam admittantur illi, qui præceptis, commina-
tionibus, pœnis, præmiis, promissionibus iuratis, aut
aliis exquisitis modis conati sunt falsam doctrinam
persuadere: & denique si Regem, Principem, aliàsve
personas regales pervertere conati sunt, quia in iis om-
nibus ratione immanitatis criminis, & defectus pœni-
tentia, qui semper timetur, datur occasio sufficiens,
vt Ecclesia possit discedere à communi regula statuen-
te hæreticos pœnitentes ad reconciliationem admitti,
per quæ patet solutio ad secundam rationem contra-
riæ sententiæ. consentit iis Lælius Zechius in summ.
1. part. tit. de fide, rubr. de heresi, cap. 1. num. 17. versic. fulbunt
tamen prædula. Farinacius quest. 193. §. 1. à num. 7. & seqq.

T t Iiis

494 De pœnis temporalibus hæreticorum.

His omnibus relapsis, qui pœnitentiæ signa ostendunt, etiam si brachio sæculari tradantur, neque ad publicam reconciliationem admittantur, concedi debent Ecclesiastica sacramenta, sicut de relapsis pœnitentibus diximus: ita Simancas in *enchirid. tit. 63. num. 7.* Suarez de fide, *disput. 23. sect. 2. num. 12.* & cauetur in *cap. super eo, de hæreticis, in 6.* qui textus etsi de relapsis expressè loquatur, ad omnes pœnitentes extenditur ex identitate rationis. Neque obstat contrarium sentire quoad sacramentum Eucharistiæ. Covarruvias *lib. 2. variarum, cap. 1. num. 11.* & Cantera *rubr. de hæreticis, num. 13. fol. 373.* moti consuetudine, quæ, meo iudicio, sustinenda non est, cum videatur esse contra ius diuinum.

18 Denique de hæreticis pœnitentibus tardè conuersis solet dubitari, an debeant ad reconciliationem admitti, vel potius brachio sæculari tradi: Et quidem si ante sententiam, etiam post receptas probationes, & testium publicationem conuertantur, cõmuniior sententia docet ad reconciliationem admittendos esse: colligitur satis ex *cap. excommunicamus, el. 2. § si qui, de hæreticis.* & tradit Arnold. Albert. in *repetit. cap. 1. de hæreticis, in 6. quest. 12. num. 5. & seqq.* Zanch. *tractat. de hæreticis, cap. 16. num. 5.* Pegna *direct. 2. part. comment. 8. ad cap. ad abolendam, versic. vsus autem.* Farinacius alios referens *quest. 193. num. 55.* Suarez de fide, *disput. 23. sect. 2. num. 15.* Simancas de *catolic. institut. tit. 47. num. 36. & num. 47. & seqq.* Decian. *tractat. crimin. lib. 5. cap. 54. num. 3.* & fauet consuetudo, & practica omnium Inquisitorum. Neque obstat *cap. ad abolendam, de hæreticis*, ubi solùm iis, qui continuò, & confestim, postquam fuerint deprehensi, ad fidem redierint, iubentur admitti ad misericordiam: sed ij, qui post receptas probationes, & testium publicationes, & repetitas monitiones redeunt, dici non possunt continuò, & confestim redire. Ergo non sunt ad reconciliationem admittendi. Non, inquam, obstat, quia si intra tempus, quo condemnari possunt, redierint, continuò, & confestim redire censentur: & faciunt ea, quæ tradit Menochius de *arbitr. casu 8.9. 10. & 11. glossa §. ult. Institut. de iniuriis lib. stipulas.* Eymeric. *3. part. quest. 98.*

19 Verùm si post latam sententiam conuertatur, satis controuersum est inter Doctores, an tunc debeat ad reconciliationem admitti?

Probabilius credo regulariter admittendum non esse: quod satis indicatur in *cap. excommunicamus, 1. & 2. de hæreticis*, ubi damnari relinquuntur brachio sæculari debita animaduersione puniendi. Ergo post damnationem iam functus est iudex Ecclesiasticus officio suo. Item, quia traditus curiæ sæculari ad misericordiam non admittitur, ut statim dicemus: sed nullus damnatur ut impœnitens, qui sæculari curiæ non tradatur per ipsam condemnationem. Ergo facta condemnatione iam non est locus remissioni: ita multis relatis docet Farinacius *quest. 193. num. 58. & 59. iuncto num. 57.* Pegna *2. part. direct. comment. 36. versic. postquam.* Suarez de fide, *disput. 23. sect. 2. num. 16.* Simancas de *catolic. institut. tit. 46. num. 36.* Dixi, regulariter, nam in aliquo casu raro, in quo magna veræ conuersionis indicia reus ostenderet, & de quo sperari posset fructus, possent ab Inquisitoribus ex æquitate ad misericordiam admitti.

20 Ex his inferitur quid dicendum sit de illo, qui eductus ex carcere, vel potius in tabulatu existens auditurus sententiam conuertitur, an, inquam, ille recipiendus sit? Ratio dubitandi est, quia respectu huius iam est sententia prolata, illique manifesta, etsi non sit promulgata. Ergo eius conuersio post condemnationem fit. Ergo non vera debet censi, sed ad vitandam pœnam; ac proinde nec recipienda, & ita canetur in quadam Madriliana instructione. Refert Francisc. Pegna

2. part. direct. comment. 36. versic. postquam, cui ipse consentit. Nihilominus si in aliquo casu Inquisitores viderint specialissima conuersionis signa, poterunt & hunc ad reconciliationem admittere; quia id videtur pietati, & misericordiæ Ecclesiæ conuenire; & docuit ipse Pegna *suprà, & 3. part. comment. 42. num. 175. circa finem.* Decian. *tractat. crimin. lib. 5. cap. 39. num. 3.* Farinacius de *hæresi, quest. 193. num. 60.*

PUNCTUM III.

De pœna portandi saccum benedictum, & omittente pœnitentias sibi impositas.

- 1 Portatio sacci propter infamiam pœna reputari debet.
- 2 Inquisitores aduersus non exequentes pœnitentias procedere possunt.
- 3 Omittentes implere pœnitentias aliqui ut relapsos condemnant.
- 4 Probabilius tanquam impœnitentem puniendum esse.
- 5 Procedit, tamen si ipse sub iuramento se obligasset ad pœnam relapsi sustinendam.

1 **A**D corporales pœnas reduci potest, propter infamiam, quam gignit sacci benedicti portatio. Solent enim Inquisitores consuetudine iam recepta per totum orbem hæreticos pœnitentes in signum conuersionis, & detestationis erroris imperare, ut patenter supra vestes portent saccum quendam crucibus tui, vel crocei coloris signatum; de quo latè Pegna ad Eymeric. *3. part. comment. 42. num. 175.* Farinacius *q. 193. n. 91.* Simancas de *catolic. institut. tit. 47. n. 9. & seqq.* Ioan. à Rojs *singul. 1. num. 23. & tractat. de hæreticis, 2. part. num. 309.* Calderin. *tract. de hæreticis redeuntibus & conuers. num. 8.* Repertor. verbo *carcer*, verbo *crux*, verbo *infamia*, & alij apud ipsos.

2 Difficultas autem est, an si ij hæretici pœnitentes supradictum habitum occultauerint, aut abiecerint, possint ab Inquisitoribus puniri, & qua pœna puniendi sint, & generaliter quoniam reliquas pœnitentias impositas non exequuntur? Et quod ad primum attinet certum est posse Inquisitores aduersus hos pœnitentes pœnitentias iniunctas non implentes procedere, tanquam de hæresi suspectos; non enim leuem suspicionem ingerunt conuersionem antecedentem fictam esse, & errores præteritos non ex animo detestari: siquidem eorum satisfactionem paruipendunt, & omittunt: sic docent Eymeric. *3. part. quest. 97.* & ibi Pegna *comment. 146. circa princ.* Simancas de *catolic. institut. tit. 48. n. 29. & 30. & in enchirid. violata relig. tit. 61. rubr. de pœnitent. num. 7.* Campegius in *addit. ad Zanch. tractat. de hæresi, cap. 20. in verbo pœnas.* Farinacius *quest. 193. de hæresi, num. 123.*

3 Quoad secundum verò, qua pœna puniendi sint hi hæretici pœnitentias implere recusantes, non est constans omnium sententia. Aliqui enim dicunt, ut impœnitentes, & relapsos condemnandos esse, & curiæ sæculari tradendos. quod præcipuè locum habet in pœnitentia carceris, quæ grauior est, si ab illa aufugere tentarunt: sic post alios antiquiores tradit Calderinus *tractat. de hæreticis, rubr. de hæresi, contum. num. 1. & 2.* Vmbert. *Locat. in indicat. inquisit. verbo carcer. n. 16. ad finem, versic. carceres autem fugiens.* Zanch. *tractat. de hæreticis, cap. 10. num. 4. versic. de eo verò, & num. 5. & ibi Campegius in addition. litt. C. in verbo de rursus.* Decian. *tractat. crimin. lib. 5. cap. 56. num. 4.* & videtur esse sententia Eymerici *direct. 3. part. quest. 97. fine.* Mouentur, quia omittens sine causa pœnitentiam sibi iniunctam exequi, præsumitur fidè conuersum esse, &

& in errore pristino perseverare. Ergo ut relapsus damnari poterit, quia in errorem iam reprobatum præsumitur relabi. Neque obstat hanc pœnitentiæ violationem non esse formaliter hæresim; sed solum ex illa præsumptiue argui, quominus ut relapsus damnetur; quia (ut supra diximus) ut relapsus damnatur, qui abiurata hæresi in violentam illius incidit suspicionem. *cap. accusatus, de hereticis, in 6.*

4 Nihilominus verius, & probabilius reputo hunc violentam pœnitentias iniunctas, non relapsum, sed impœnitentem esse, & contra illum tanquam contra impœnitentem procedi posse, dum in illo statu perseverat, & sicut impœnitens, si à contumacia recedit, & misericordiam expostulat, admittitur, & nullo modo brachio sæculari traditur; sic cum hoc impœnitente faciendum est: debet tamen pro crimine violatæ pœnitentiæ absque causa, arbitrio Inquisitorum puniri, vel pecuniaria pœna, vel fustibus, vel ieiuniis, pensata qualitate personæ, gravitate criminis, & malitia: sic docet doctissimus Franciscus Pegna 3. part. quæst. 97. *comment. 146. versic. itaque.* Ioan. à Rojas *traktat. de hereticis, 2. part. assert. 41. num. 335. versic. tertio sunt.* Simancas *de catholic. institut. tit. 16. rubr. de custodia reorum, num. 24. & 25.* vocans contrariam opinionem crudelem, & falsam. & in *enchirid. violata relig. tit. 57. rubr. de carcere perpetuo, num. 4. & 5.* Hippolyt. *Riminald. consil. 150. per totum.* Farinacius *quæst. 193. num. 136. & seqq. præcipue 146.* Lælius Zechius *summ. 2. part. tit. de fide, rubr. de heresi, cap. 11. num. 18. versic. secundo loco.* & alij apud ipsos. Ratio efficax est, quia violare pœnitentias iniunctas, quales sunt fugere è carcere, habitum pœnitentialem non deferre, non ieiunare, non peregrinari, &c. non est signum à iure statutum approbationis erroris. Ergo non debet violans ob talem violationem, ut relapsus condemnari. Probo hanc consequentiam, quia non permittitur iudicibus condemnare ut relapsum, quem iura relapsum non iudicant. Adde solum fictione, & præsumptione iuris poterit dici violans has pœnitentias iniunctas approbare errorem detestatum; cum ergo verè non approbet, pœna ordinaria puniendus non est. Et ex his soluitur contrarium fundamentum: procedit enim cum quis omittit exequi pœnitentias directè contrarias errori detestato, veluti si omitteret se purgare, errorem abiurare, hæreticis non favere: hæc enim à iure statuta sunt signa vehementia approbationis, erroris, ac proinde ut relapsus possit is condemnari; secus de aliis pœnitentiis: ut bene Hippolyt. *Riminald. Franc. Pegna, Simanc. Farinac. docent locis allegatis.*

5 Extendenda tamen est hæc nostra sententia, ut procedat, etiam si hæreticus pœnitens sub iuramento, & pœna relapsi se obligasset ad pœnitentiarum executionem; adhuc non debet ut relapsus condemnari ob violationem pœnitentiarum, quæ hæresi directè contrariæ non sunt. Quia obligatio cuiuscumque metienda est iuxta iuris regulas, quibus censendus est quilibet se velle conformare. *l. si duo, ff. de asquirenda, vel omittenda heredit. l. nemo potest ff. de legatis 1.* Cum ergo regula iuris non permittat hunc violatorem ut relapsum puniri, ex eius obligatione hanc pœnam portare non debet. sic Hippolyt. *Riminald. consil. 150. num. 6. & 7. iuncto num. 35. lib. 2.* Franciscus Pegna *direct. 3. p. quæst. 97. comment. 146. in fine.* Farinacius *quæst. 193. de heresi, n. 142. Menoch. conf. 82. num. 113. & seqq. lib. 1.*

Ferd. de Castro *Sum. Mor. Pars 1.*

DISPUTATIO VII.

De pœnis suspecti hæretici, filiorumque hæretici.

PUNCTUM I.

Hæresis suspecti quam pœnam incurrant.

- 1 Quotuplex sit hæresis suspicio.
- 2 Magna, & vehemens suspicio hæresis quæ sit, varijs exemplis explicatur.
- 3 Quæ sit maxima, & violenta hæresis suspicio.
- 4 Levis suspicio non sufficit ad condemnationem.
- 5 Sufficit ad interrogandum reum, secundum plures Doctores.
- 6 Alij reiciunt.
- 7 Distinctione resolvitur difficultas, & statuitur interrogari reum posse, si oriaur suspicio ex delicto, cui iuri communi annexa est talis suspicio, secus si solum ex opinione Doctorum.
- 8 Leniter suspectus suspensione probabili, & iuridica, condemnandus est, ut abiuret de levi.
- 9 Pro crimine inducente suspensionem leviem condemnari potest reus ad aliquam pœnam pecuniariam, vel carceris pro aliquo tempore.
- 10 Ad quæ condemnari potest qui vehementer suspectus est.
- 11 Quid si suspicio ex fautoria hæresis oriaur.
- 12 Violenter suspectus, ut hæreticus damnari potest.

HÆRETICIS affines sunt crimen committentes, ob quod redduntur de hæresi suspecti. Hæc autem suspicio triplex est, modica, siue levis, magna, siue vehemens, maxima, siue violenta. Modica suspicio, & levis est, quæ ex levis indicis, & coniecturis oritur. Vocantur levia indicia, modicæque coniecturæ, ex quibus leniter infertur crimen suspicatum, quod aliis terminis declarari solet. Levia indicia, modicæque coniecturæ sunt, ex quibus non frequenter, sed raro concluditur crimen suspicatum. Quapropter si frequenter peieras, & vitam geris depravatam, leuiter de fide redderis suspectus. Item si sacramenta ministras ex malo statu, vel sine iurisdictione, & potestate; aut bis repetis sacramentum non reperendum; secundas nuptias contrahis vivente priori coniuge, si per annum exstas in excommunicatione extra causam fidei; si in sacramento confessionis ad Venerem, aliave flagitia pœnitentem provocas, & iis similia, &c. Aduerto tamen adesse in his gravem differentiam. Nam quædam reddunt de hæresi leuiter suspectum, secundum Doctorum communem opinionem; alia verò reddunt de hæresi leuiter suspectum, ex iure, & lege sic statuente.

2 Magna siue vehemens suspicio hæresis est illa, quæ ex verbis, vel factis efficaciter, frequentèrque hæresim concludentibus desumitur: quæ autem sint hæc verba, vel facta, longum esset recensere. Videri possunt Vmbert. *Locat. in iudiciali inquisit. verbo suspicio, num. 10. & 19.* Eymer. 2. part. *direct. quæst. 56.* & ibi Pegna *comment. 81.* Lælius Zechius *in sum. 2. part. tit. de fide, rubr. de heresi, cap. 11. n. 5.* Præcipua exempla sunt, quæ adducit Eymer. ubi recenset omnes casus à iure expressos vehementis suspensionis. Et claritatis gratia, hæc placet inserere. Primus est, si voceris respondere de fide, & intra terminum assignatum absque causa non compares, suspectus de heresi redderis vehementer, ex *cap. cum contumacia, de heret. an 6.* Secundus, si impediatis scienter directè,

T 2 vel

496 De pœnis impositis hæresis suspecto, &c.

vel indirectè inquisitionis officium. *cap. ut inquisitionis negotium, de hæreticis, in 6. §. ultim.* quia reputaris hæreticorum fautor, & defensor. Tertius, si impediens inquisitionis officium præstes scienter consilium, auxilium, vel fauorem, ob eandem rationem, quia faues hæresi, & habetur *in supradicto cap. ut inquisitionis*. Quartus, si hæreticos ab Inquisitoribus citatos, & eorum credentes instruas, quomodo veritatem celent, vel falsum deponant, quia faues eorum malitiæ gravissimè: habetur *cap. accusatus, de hæreticis, in 6. §. fin.* Quintus, si faucas, defendas, recipias hæreticum, quia hæreticus est, non quia tibi est consanguineus, vel amicissimus: habetur *cap. excommunicamus 1. §. credentes, de hæreticis*. Ad idem est, si cum hæreticis specialissimam contrahas familiaritatem; iuxta *cap. inter sollicitudines, de purgat. canonica*. Sextus, si in causa fidei conuincaris dixisse in iudicio falsum, eo quod reuoces, quod priùs antea fueris falsus, tanquam de hæresi suspectus vehementer habendus es; colligitur ex *cap. litteras, de presumptionib.* Septimus colligitur ex *extranag. Ioannis XXI.* incipiente, *Ad nostram, de regularibus, inter communes*. Vbi suspecti vehementer de hæresi redduntur religiosi, qui in partibus vltimarum absque superiorum licentia commorantes, detrahunt S. Romanæ Ecclesiæ constitutionibus, & alia multa à fide deuia in suis sermonibus, & secretis colloquiis euomere non verentur.

3 Maxima autem, seu violenta suspicio hæresis est, quæ ex verbis, aut factis oritur ardentibus iudicem ad credendum sic facientem, vel dicentem hæreticum esse: vt si hæreticos adorauerit, vel more suo reuerentiam exhibuerit, consolationem, vel communionem ab eis receperit. *cap. accusatus, de hæreticis, in 6. & cap. quicumque, eodem tit. & lib.* Deinde si in causa fidei excommunicatus per annum inforueris, *cap. cum contumacia, de hæreticis, in 6.* Adde, si deficias in purgatione canonica, quam in causa fidei tibi indictam præstare non potuisti, *cap. inter sollicitudines, de purgatione canonica*. Denique, si post abiuratam hæresim, de qua conuictus fueras, vel postea conuinceris, cum hæreticis communicas, eos visitas, receptas, deducis, associas, donas, vel munera eis donas, vel mittis, *cap. accusatus, §. ille quoque, de hæreticis, in 6.* In hac enim explicatione leuius, vehementis, & violentæ suspensionis, exemplis declaratis conueniunt Doctores: vt videre est in Vimberr. *Locat. in iudicial. inquisit. verbo suspicio, num. 1. 2. 3. & 4.* Simancas *de catholic. institut. tit. 50. num. 22. 23. 25. & 26. & in enchirid. tit. 41. num. 2. & seqq.* Eymeric. 2. part. *quæst. 55.* & ibi Pegna *comment. 80. & 3. part. comment. 24. n. 100.* Farinacius *de hæresi, quæst. 187. §. 2. 3. & 4.* Iis positis,

4 Si de leui suspensione loquamur, regula omnino tenenda est non sufficere ad condemnandum reum, quia leuia indicia, modicæque coniecturæ mouere non debent animum viri prudentis ad iudicium ferendum de tam graui crimine; sed potius in sanum sensum debent interpretari. sic Vimberr. *Locat. supra, num. 6.* Simancas *de catholic. institut. tit. 50. num. 28. & in Enchirid. tit. 41. num. 6.* Eymeric. 2. part. *quæst. 55. num. 2.* Rojas *tractat. de hæreticis, 2. part. assert. 6. num. 148.* Farinacius *quæst. 187. num. 26.* Neque obstat l. 2. *C. de hæreticis*, vbi ex leui argumento aduersus catholicam religionem condemnatur reus, vt hæreticus. Inquit enim textus, *Hæreticorum autem vocabulo continentur, & latius aduersus eos sanctionibus succumbere debent, qui vel leui argumento à iudicio catholica religionis, & tramite detecti fuerint deuare.* Non, inquam, obstat. nam licet plures Doctores sentiant illa verba, *leui argumento*, usurpari pro leui indicio, & probatione, verius, & probabilius est pro leui hæresi esse intelligenda: ita vt sit sensus eos hæreticorum vocabulo contineri, qui leui argumento, id est,

paululum, vel minimum, vel in vno tantum articulo à fide catholica deuiant: sic explicant, & optime probant Pegna 2. part. *direct. ad cap. 1. de hæreticis, comment. 1. versic. & hanc sententiam, fol. 86.* Farinac. pluribus relatis de hæresi, *q. 178. num. 61.*

5 Difficultas autem est, an hæc suspicio sufficiat ad inquirendum specialiter contra aliquem, ipsūque interrogandum? Ratio dubitandi est, quia inquisitio, & interrogatio assumuntur à iudice ad inuestigandam veritatem, quæ inuestigatio neque otiosa est censenda, neque iniuriosa, cum fundamentum, & occasionem præstiteris illius. Et confirmo: si indicia vehementis suspensionis dares, non solum inquiri, & examinari, sed & torqueri posses super delicto infamato. Ergo leuia indicia saltem examinationi te reddunt subiectum: & ita tenet Sigismund. Scaccia *tractat. de iudic. cap. 59. a num. 2.* Ioan. Calderinus *tract. de hæres. filior. & nepot. num. 10.* Rojas *tract. de hæreticis, 2. part. num. 20.* Pegna ad Eymeric. 2. part. *comment. 12. ad cap. excommunicamus, el 1. de hæreticis, paulo post princip.* Decian. *tractat. crimin. lib. 5. cap. 20. num. 21. & cap. 35. num. 20. versic. quæ tamen extra sunt.* Mascard. *de probationibus, lib. 2. conclus. 861. num. 3.* Squallicens *tractat. de fide cathol. cap. 26. num. 1.* Roland. *consil. 8. num. 6. lib. 3.* Parisius *consil. 2. num. 100. lib. 4. & alij.* Limitant tamen plures hanc suam sententiam, vt procedat in hoc vili, improbo, & abiecto; secus verò in homine honesto, nobili, religioso. sic Pegna *supra, versic. ceterum. & comment. 80. versic. atque ita crederem.* Rojas *num. 21.* Menochius *de presumpt. lib. 1. q. 100. num. 2. & seqq.* Et ratio huius limitationis esse potest; quia ratione vilitatis, & improbitatis augetur suspicio; econtra verò ratione probitatis, & nobilitatis minuitur. Adde improbo, & vili non grauem iniuriam irrogari, si de fide examinetur, cum occasione dederit malæ suspensionis. Econtra probum, & honestum virum sola inquisitio grauissimè lædit, & maculat. Quapropter secundum omnes, neque vili homini ob solam leuem suspensionem captura permittitur; quia captura grauiter læditur.

6 Verum supradictam sententiam etiam cum limitatione positam plures Doctores reiciunt; quibus fauet hæc efficax ratio, quia inquisitio, & examinatio de credulitate alicuius esse non potest; nisi quia de eius recta fide dubitatur: at ob leuia indicia, leuissimæque coniecturas dubitare de aliquo ita graue crimen ac est infidelitas, licere nequaquam potest; vt ex communi sententia supponit Lessius *lib. 2. de iustit. cap. 29. dub. 3. num. 15.* Et confirmo: cum iudex dubitat, an aliquis infidelis sit, iudicat eius fidem ambiguam esse, & incertam; at ex leuibus indiciis id iudicare iniuriosum est. Ergo non est licita inquisitio, quæ hanc dubitationem supponit. sic Simancas *de catholic. institut. tit. 50. num. 28. & in enchirid. tit. 41. rubr. de suspectis, num. 7.* Clarus *practice crimin. §. fin. q. 6. n. 6. versic. item scias.* Menochius *de presumpt. q. 100. n. 2. & seqq.* Nauarr. *consil. 2. num. 8. versic. septimo, lib. 5. tit. de hæreticis.*

7 In hac contrarietate placet mihi distinctione vti: si hæresis suspicio leui oriatur ex delicto, cui à iure, vel consuetudine talis suspicio annexa est: cenfeo inquiri, & interrogari posse delinquentem de eius fide, & credulitate; secus verò, si suspicio oriatur ex aliis delictis, quibus solum in opinione Doctorum positum est ingerere suspensionem. Secundam partem huius conclusionis probant satis nuper dicta pro secunda sententia. Priorem verò probat vsus, & consuetudo: quoties enim reperitur aliquis habens libros prohibitos, illōque legens, & sine potestate sacramenta ministrans, binas nuptias contrahens, in sacramento confessionis ad peccatum prouocans, in excommunicatione per annum inforde scens, examinatur eius fides. Ergo dicendum est ob leuem suspensionem iudicem subiecti delin

delinquentem examinationi. Et ratio est, quia non directè examinationi subiicitur, sed indirectè; directè enim examinatur, & interrogatur, & torquetur, si opus est, super delicto causante suspicionem; de suspicionem autem solum in consequentiam: ac proinde in tali examinatione, & interrogatione nulla illi interrogatio iniuriam, quia non imponitur illi alia suspicio, vel dubitatio, præter eam, quæ à iure est imposita. Item condemnatis super hoc delicto, & sic de fide leuiter suspectis, indicetur abiuratio de leui, ut statim dicemus; quæ necessariò supponit reum esse prius examinatum. Et cum hac distinctione procedit, meo iudicio, Suarez de fide, disput. 24. sect. 2. num. 4. ubi relatis summarie contrariis opinionibus concludit negotium esse prudentiale. nam si suspicio levis procedat ex delicto graui, ratione delicti sufficere poterit ad capturam, &c. Et ita in his videmus fieri abiurationem de leui, ut si legit librum hæreticum, vel secundò nuplit, &c. Quando verò nullum processit tale delictum, vera videtur illa prior sententia, regulariter loquendo, id est, nisi causa grauis, & prudens aliud postulet. hæc Suarez. Idemque videntur sentire omnes illi, qui ad inquirendum, & examinandum reum expostulant suspicionem non qualemcumque, sed probabilem; hoc est (ut ego credo) à iure probatam. sic docent Simancas de catholicis institutis. tit. 50. rubr. de presumpt. num. 27. Rojas tractat. de hæreticis, 2. quest. num. 21. Vmbert. Locat. in iudicial. inquisit. verbo citatio, num. 15. versic. citari non debet. Farinacius de hæresi, quest. 185. num. 58. Repert. Inquisit. verbo suspecto, versic. nota quod suspicio. Contrad. practica. tit. de hæreticis, num. 9.

8 Ex his inferitur primò leuiter suspectum suspicionem probabili, & iuridica condemnari debere, ut abiuret de leui, ut tali, inquam, abiuratione purget suspicionem contractam. sic Eymeric. direct. 2. part. quest. 55. num. 9. & 10. & ibi Pegna comment. 80. versic. & ubi quæ, & 3. part. q. 87. comment. 136. versic. nec refert. Simancas late probans de catholicis institutis. tit. 1. rubr. de abiuratis. n. 18. 21. & seqq. Farinacius q. 187. n. 31. Decian. tract. crimin. lib. 5. cap. 47. num. 2. Sigismund. Scaccia de iudic. cap. 59. num. 10. & 11.

9 Secundò inferitur pro crimine inducente leuem suspicionem, condemnari reum posse ad aliquam pœnitentiam, vel pecuniariam, vel reclusionis pro aliquo tempore, vel fustigationis, vel treemis, arbitrio Inquisitorum, pensata qualitate personæ, & grauitate delicti, & malitia. sic Decian. supra cap. 38. num. 7. Repert. verbo testis, versic. nota quod sufficit. Farinacius supra, num. 33.

Ut autem abiuratio, & condemnatio leuiter suspectis inferatur, necessariò delictum, seu indicium, ex quo talis suspicio oritur, plenè debet esse probatum; aliàs non vera esset suspicio, nec digna pœna. sic Farinacius q. 187. n. 34. Menoch. consil. 82. num. 155. Mascard. de probationibus lib. 2. concl. 861. n. 7. Rojas de hæret. 2. part. assert. 6. n. 148. versic. sed illa signa, & singul. 164. post num. 6. & alij apud ipsos.

10 Quod si de vehementi suspicionem sermo sit, qui illam contrahit, condemnari potest, primò ad abiurationem; quia alia via non videtur suspicionem ita grauem purgari posse. sic Decian. tractat. crimin. lib. 5. cap. 47. n. 2. Locat. iudicial. inquisit. verbo suspicio, n. 7. Farinacius q. 187. num. 40. Cantera rubr. de hæreticis, cap. 1. num. 56. Suarez de fide, disput. 23. sect. 2. num. 4. & 5. Eymeric. 2. part. direct. quest. 55. num. 12. & 3. part. rubr. de quinto modo termin. processum, num. 166. versic. circa istum. & ibi Pegna comment. 41. Secundò damnari potest in aliqua extraordinaria pœna, vel pecuniæ, vel treemis, vel fustigationis, pensata qualitate personæ, & delicti, ex quo oritur suspicio; hoc enim est, quod puniatur. sic Vmbert. Locat.

Ferd. de Castro Sum. Mor. Pars I.

verbo suspicio, num. 26. vers. plura tamen. Farinacius n. 42. Rojas de hæreticis, 2. part. num. 304. & seqq. Ioan. Lupus in addition. hæreticis. §. 11. Simancas de catholicis institutis. 50. rubr. de presumptionibus. num. 21. & tit. 51. num. 12. Suarez supra num. 5. Pegna direct. 2. part. comment. 80. vers. sed hanc sententiam. Quæ omnia obseruata vidi in publicis actibus fidei, in quibus vehementer suspecti ob aliquos ritus Iudaicos publicè errores abiurauerunt, & pœna pecuniaria sancti officij sumptibus applicanda condemnati sunt, alij verò ad exilium. Neque illis fuit impositus saccus pœnitentialis crucibus integrè signatis, sed solum dimidiatis, qui tamen saccus facta abiuratione illis sublatus fuit.

11 Verum si suspicio vehemens oriatur ex fauore hæresis. Primò, sic suspectus excommunicatus est excommunicatione in Bulla Cœnæ reseruata. Secundò, ex probabiliori sententia est irregularis, iuxta cap. 2. §. hæretici, de hæreticis, in 6. ubi fauores hæreticis inhabiles redduntur ad beneficium, & officium publicum, sicut & hæretici; nomine autem officij, Ecclesiasticum debet intelligi. sic docent alios referens, Sanchez lib. 1. in Decalog. cap. 25. num. 7. Tolet. summ. lib. 1. cap. 69. num. 2. Farinacius quest. 192. num. 74. Secus verò dicendum est de suspicionem orta ex alio crimine: nam nisi sit publicum, & infamiam generet, irregularitatem non inducit: ut bene aduertit Sanchez cum aliis num. 10. & tradit Suarez de fide, disput. 23. sect. 2. num. 6. & nos latius in materia irregularitatis examinabimus. Tertiò hæreticorum fautor, defensor, vel receptor est infamis; quia ita habetur in constitutione Innocentij IV. edita anno 1252. incipiente, Ad extirpanda. & in constitutione Alexand. IV. edita anno 1258. incipiente, Quod super, & Pauli IV. incipiente, Licet ex Apostolatus officio, edita anno 1558. quæ referuntur à Pegna in fine direct. Vt autem hæc pœna contrahatur, requiritur sententia declaratoria criminis, sicut & in hæretico requiri diximus: & tradit Azor tom. 1. institutionum, lib. 8. cap. 13. rubr. de quarta hæreticorum pœna, quest. 7. Bursatus consil. 14. num. 18. & 23. lib. 1. Farinacius quest. 189. num. 56. Thomas Sanchez lib. 2. in Decalog. cap. 26. num. 1. Insuper videtur requiri, ut intra annum excommunicatione notatus satisfacere contempserit: sic Eymeric. 3. part. direct. quest. 123. num. 2. & 3. Sanchez lib. 2. cap. 26. num. 3. Quartò, clericus hæreticorum fautor, defensor, & receptor, & quicumque de hæresi vehementer suspectus, non priuatur ipso iure beneficiis obtentis, sed illa potest in fauorem tertij renuntiare. Nec renuntiatio rescinditur; venit tamen priuandus per sententiam: iuxta textum in cap. excommunicamus, el. 1. §. credentes, de hæreticis. sic Pegna direct. 3. part. quest. 113. comment. 162. versic. beneficia verò. Farinacius quest. 189. num. 74. 81. & 86. Sanchez lib. 2. in Decalog. cap. 26. num. 14. & 16. Quintò, inhabiles ipso iure ad quodlibet officium publicum, beneficiumque Ecclesiasticum: ita ut collatio illis facta irrita est, & inanis. habetur expressè cap. 2. §. hæretici, de hæreticis, in 6. & ita docet Azor 1. part. institutionum moralium, c. 13. quest. 8. Pegna direct. 3. part. q. 113. comment. 162. Salzedo pract. cap. 113. Sanchez lib. 2. cap. 26. num. 4. Sextò ad publica officia, seu consilia, neque ad eligendos aliquos admitti potest. Incapax item est testandi, succedendique ex testamento. Nullus præterea ipsi super quocumque negotio, sed ipse aliis respondere cogitur. Quod si fortè iudex extiterit, eius sententia nullam obinet firmitatem, nec causæ aliquæ ad eius audientiam præferri debent. Si verò Aduocatus fuerit, eius patrocinium nullatenus admittitur. Si tabellio, instrumenta per ipsum confecta, nullius sint momenti, sed cum authore damnato damnentur; & in similibus idem feruari præcipitur. Si verò clericus fuerit, ab omni

T t 3 officio

officio, & beneficio deponi debet. Insuper mandatur clericis, ne exhibeant huiusmodi pestilentibus Ecclesiastica sacramenta, nec eos christianæ præsumant tradere sepulturæ, nec eleemosynas, aut oblationes eorum percipiant, alioquin suo priuentur officio, ad quod nunquam restituantur absque indulto Sedis Apostolicæ speciali. Denique excommunicationis sententia iubentur percelli, qui hos sic ab Ecclesia denotatos vitare contempserint. Hispanis non quilibet defensor, receptator, aut fautor hæreticorum subiacer, sed illi tantum, qui publicantur ob fautoriam excommunicati; & postquam sic publicati sunt, contemnunt intra annum satisfacere. Nam de iis tantum loquitur textus in cap. excommunicamus, §. credentes, de hæreticis, & notauit Eymers. 3. part. directior. quest. 123. num. 2. & 3. & ibi Pegna.

12 Tandem dicendum de violenta suspitione, quæ si aliquem afficiat, eo ipso ut hæreticus damnari potest; quia est præsumptio iuris, & de iure in contrarium probationem directam non admittens; & constat ex cap. contra Christianos, cap. quicumque, cap. cum contumacia, cap. filij, de hæreticis, in 6. cap. excommunicamus, §. qui autem, de hæreticis. & tradunt ferè omnes Doctores: ut videre est in Eymers. 2. part. quest. 55. num. 10. & ibi Pegna comment. 80. versic. violenta suspicio. Farinacius quest. 187. num. 46. Dixi probationem directam non admittere, quia indirectam bene admittit, qualis est, si sic suspectus velit probare testes examinatos falsum dixisse, vel indicia, ex quibus violenta suspicio sumitur, vera non esse. sic Pegna supra, versic. quamuis, in fine comment. Farinacius num. 50. Simancas catholic. institut. §. 1. rubr. de probationibus, num. 13. Verum etsi hæc de violenta suspitione verissima sint, modus autem procedendi in iudicio aduersus sic suspectum, idem est, ac aduersus suspectum de vehementi, ut aliis relatis docuit Farinac. n. 51.

Sed quid dicendum de eo, qui metu illato à fide catholica exterius recedit?

Respondedo, si metu graui cadente in virum constantem recedat, nec est condemnandus ut hæreticus, neque ut de hæresi vehementer suspectus, esto grauissimè peccet. Nam cum hæresis in voluntario recessu à catholica veritate consistat, non præsumitur ex voluntate recedere, qui sic coactus recedit: sic Simancas de catholic. institut. titul. 17. num. 29. & 36. Pegna directior. 1. part. comment. 24. versic. rursus, & versic. sed hæc quidem omnia. Dixi, si metu graui recedat. Nam ad tollendam hanc hæresis suspitionem, non quilibet metus sufficit, sed metus mortis, & tormentorum. nam metus infamiae, exilij, aut non multum grauis fustigationis, non videtur sufficiens in tam graui crimine ad excludendam eius suspitionem, præcipuè si Episcopus, clericus, monachus, Theologus, nobilis, & similis sit is, qui recedit. Nam si scæmina, puer, aut plebeius sit, qui cogitur, supradictorum malorum timor sufficit. Item requiritur ad excludendam hanc suspitionem, ut cessante metu, statim signa doloris ostendat, & sceleris patratæ pœnitentiam expostulet, & ad veram fidem reuertatur; aliàs præsumetur & prius ex animo consensisse, & ratum habere turpem, & execrandum recessum; ac proinde tunc grauius puniendus est, & ad abiurationem compellendus, tamquam de hæresi vehementer suspectus: sic docent Simancas de catholic. institut. n. 37. Pegna supra, versic. sed hæc quidem.

Farinacius quest. 183. à num. 26. Azor

1. part. institutionum moral. lib. 8.

cap. 9. q. 9. in fin. & cap. 21.

quest. 5. & 6.

* * *

PUNCTVM II.

Filij, & nepotes hæreticorum quas pœnas incurrant.

- 1 Nulla pœna corporali afficiuntur.
- 2 Non priuantur bonis proprijs, nec potestate succedendi in maioratu.
- 3 Neque priuantur successionem auctorum, aliorumque consanguineorum.
- 4 Bonis parentis hæretici omnino priuantur.
- 5 Excipe iure natura debita alimenta.
- 6 Qua ratione, hi filij, & nepotes contrahant irregularitatem.
- 7 Contrahunt inhabilitatem ad beneficia, Ecclesiasticaque personas recipiendas.
- 8 Item ad officia publica.
- 9 Extendunt aliqui hanc pœnam ad beneficia acquisita, antequam pater declaratus fuerit hæreticus, sed non admittitur extensio.
- 10 Huiusmodi filij, & nepotes infamia pœnam non contrahunt, samesi aliqui contrarium sentiant.
- 11 Filios hæreticorum, qui in contumaciam damnati sunt, & ob solam illam, aliquibus placet supradictam pœnam contrahere.
- 12 Probabilius est oppositum.
- 13 Satisfit rationibus num. 11. adductis.
- 14 Filij siue ante, siue post commissum delictum nati, contrahunt pœnas illis proprias, secundum satis communem sententiam.
- 15 Proponitur contraria sententia, negans filios natos ante delictum comprehendere in pœnis.
- 16 Reprobatur sententia num. 14. adducta in crimine lese maiestatis humanae, at in crimine hæresis approbatur sententia.
- 17 Satisfit argum. num. 14. adductis.

1 Si de pœnis corporalibus loquamur, certum est filios hæreticorum nullis pœnis affici. esset enim inhumanum, & fortè potestate reipublicæ alienum ob parentum delictum morte, verberatione, fustigatione filios condemnare: sic Suarez disp. 14. de fide, sect. 3. num. 2. cum Simanc. de catholic. institut. titulo 29.

2 Si autem de pœnis temporalibus sermo sit, certum etiam est hos filios ob parentum delictum non priuari bonis proprijs habitis eo tempore, quo à parentibus delictum commissum est; quia nullibi inuenitur cautum, & pœnæ præcipuè non sunt extendendæ sine manifesto iure, vel ratione. Item non priuantur potestate succedendi in maioratu, quem habet pater hæreticus; quia non à patre, sed à primo instituyente accipiunt, qui omnes descendentes in successionem vocauit, neque maioratus connumeratur inter bona parentis, sed potius inter bona familiæ, & generis. sic Molin. lib. 4. de primogen. cap. ult. à num. 51. vsque ad 55. Menochius consil. 805. num. 31. & 38. & consil. 808. à num. 9. vsque in finem. Anton. Gomez l. 40. Tauri, num. 91. versic. tertio non obstat. Molin. Iesuita tom. 3. de iustis. disp. 658. num. 25. Farinacius de hæresi, quest. 191. num. 42. Vasquez de legibus, disp. 169. num. 36. & pluribus alijs probat, & exornat, & contrariis satisfacit Thomas Sanchez scriptorum moralium princeps, lib. 2. in Decalog. cap. 30. num. 4. Neque huic doctrinæ obstat, quod maioratus habeat iurisdictionem in vasallos, qua iurisdictione, & dignitate filij hæreticorum priuari sunt, ex cap. 2. de hæreticis, in 6. ibi, ad nullum officium publicum admittantur; & consentiunt regia lex 3. tit. 3. lib. 8. compil. ibi, no pueden ser, ni de nuestro consejo, ni tener officio publico, ni real. quia hoc intelligendum est de iurisdictione, & dignitate per se concessa, secus

Secus de iurisdictione, & dignitate accessoria, cuius *capaces* filij hæreticorum, eo ipso quo capaces *hæreticorum* maioratus, quibus talis iurisdictione annexa est; principale enim trahit accessorium. *reg. accessorium.* 42. *de regul. iur. in 6.* Quod autem talis iurisdictione, & dignitas, quæ sæpe maioratum comitatur, accessoria illi sit, probatur tum ex usu, tum quia per successionem ex sola obtentione, possessioneque bonorum habetur. Item habetur tam à fœminis, quàm à masculis: sic expressè vterque Molin. & Menoch. *suprà*, & Sanchez *num. 7.*

3 Deinde non sunt privati successione aorum, aliorumque consanguineorum, & extraneorum, sed solum parentis; quia nullo iure cautum est. Neque valet argumentum à simili ex filiis reorum læsæ maiestatis, qui qualibet successione privati sunt, ex *l. quisquis, §. filij, C. ad leg. Jul. maiest.* quia pœnæ ex vno casu ad alium extendendæ non sunt, præcipuè cum non sit eadem ratio. Nam in crimine læsæ maiestatis humanæ priuantur filij qualibet successione ob securitatem Principis, qui meritò timeret, ne delicta parentum sequantur filij, si diuitiis abundent. quod in crimine hæresis non procedit, & ita plures referentes docent Anton. Gomez *tom. 3. cap. 2. num. 13.* Simancas *catholic. institut. tit. 29. num. 19.* Cantera *in suis quest. crimin. tit. de quest. tangent. punit. delict. cap. 2. num. 11.* Sanchez *lib. 2. cap. 29. num. 13.* Farinacius *quest. 116. num. 75. in medio.* Decian. *tract. crimin. lib. 5. cap. 45. num. 5. versic. limita octauo.* Surdus *consil. 386. per totum, lib. 3.* Menochius *consil. 805. num. 23. & 24. vol. 9. & consil. 1128. per totum, vol. 12.* Suarez *de fide, disp. 24. sect. 3. num. 7. fine.*

4 Bonis autem parentis hæreticis omnino priuantur; quia iuxta *cap. cum secundum leges, de hæreticis, in 6.* fisco sunt applicata: & expressè deciditur *cap. filij, & cap. quicumque, §. hæretici, de hæreticis, in 6.* ubi filij excluduntur à successione bonorum parentis condemnati. Quapropter nec legitima illis danda est, vt rectè notauit Paul. Girlandi *tract. de hæreticis, quest. 4. num. 1. & 2.* Thomas Sanchez *lib. 2. cap. 29. num. 9.* Decian. *tract. crimin. cap. 45. num. 3. vers. & amplia.* Grassis *lib. 2. decis. cap. 11. num. 9.* Farinacius *quest. 191. num. 1. & 2.* Pegna *direct. 2. part. comment. 9. ad cap. vergentis, de hæreticis, versic. ceterum hodie.* Gabr. Quemada *quest. 24. num. 2.* Hi enim omnes aduertunt, quod licet iure ciuili antiquo, iuxta textum in *l. Manichæos, l. cognominus, C. de hæreticis*, filij Catholici non priuantur parentum hæreticorum legitima: at hoc ius correctum esse ab Ecclesia, ex dictis *cap. cum secundum leges, cap. filij, cap. quicumque*, & ab Imperatoribus in *authent. Gazaros, C. de hæreticis.* Ex quo fit patre existente hæretico filias fœminas dotem obtinere non posse; quia omnia eius bona fisco addicta sunt: & ita tradit Simancas *catholic. institut. tit. 9. rubr. de bonis hæreticor.* Azor *1. part. institut. moralium, lib. 8. cap. 12. quest. 6. versic. imò dotes.* Gabr. Quemada *quest. 24.* Farinacius *quest. 191. num. 8.* Cantera *quest. crimin. rubr. de hæret. c. 1. sub num. 20.*

5 An verò illis danda sint alimenta, non est constans inter Doctores. Affirmat Simancas *catholic. institut. tit. 29. rubr. de filiis, & minoribus, num. 12.* Pegna *direct. 2. part. comment. 9. ad cap. vergentes, versic. inquisitores tamen, ubi ex sola misericordia dicit esse hæc alimenta concedenda, tacitè insinuans ex rigore non deberi.* Idem dicit Rojas *singul. 87.* Surdus *consil. 386. num. 13.* quibus ego libenter assentio. Cum enim parens obligatus sit iure naturæ filios suos alere ex propriis bonis, dum ipsi non valent alimenta acquirere, fiscus succedens in illis bonis, videtur in hac obligatione succedere, sicut in obligatione soluendi creditoribus.

6 Prima pœna est irregularitas his filiis, & nepotibus imposita, de qua diximus satis *tract. de irregularitate, circa finem*; ibi enim ex communi sententia concludimus

filios, & nepotes hæreticorum, & fautorum esse irregulares, si per vnâ masculinam descendant: si autem via fœminea, solum filios, non nepotes, ex *cap. 2. §. hæreticus, de hæret. in 6. & statutum, 2. cod. in. & lib.* Debet tamen hæreticus, vel fautor probari per sententiâ, vel euentiam facti, talis esse, vel talis decessisse; vt habetur in *supradicto cap. quicumque, ibi, qui tales esse, vel tales decessisse probantur*; & tradit Farinacius *quest. 191. num. 69.* Azor *1. part. institut. lib. 13. cap. 13. quest. 8.* vbi subdit solum facti euentiam sufficere; etiam si sententia secuta non fuerit. tenet Sanchez *lib. 2. cap. 27. num. 28.* Extenditur secundum probabiliorē sententiā ad filios illorum, qui brachio sæculari traduntur comburendi, vt est relapsus negatiuus, hæresiarcha; quamuis pœnitentiæ signa ostendant, quia impœnitentes à iure reputantur: & tradit vltra Doctores supradicto loco relatos Suarez *de fide, disp. 23. sect. 3. num. 3.* Neque ab hac pœna, aliisque statim referendis excusantur filij illegitimi, & incestuosi, aliàs delictum parentum illis faueret, & luxuriæ prærogatiua daretur, quæ castitati coniugali non conueniret, quod est absurdum; vt bene dixit Pegna *3. part. direct. quest. 114. comment. 163. circa princip.* Sanchez *lib. 2. cap. 27. num. 1.* Menochius *de præsumpt. lib. 5. præsumpt. 33. num. 1.* & Farinacius *quest. 191. n. 9.* & alij apud ipsos. Debet tamen parens hæreticus certò parens esse, vt ex eius delicto pœnæ ad filios descendant: aliàs in dubio excusabuntur; vt tradit Covarr. *lib. 2. variarum, cap. 8. num. 3.* Sanchez, & Farinacius *suprà.* Probatur autem isto casu filiatio per nominationem patris, & reputationem ortam ex tractatu, vt talis. sic Reppert. Inquit. *verbo filij, versic. etsi queratur*, & ibi Quintilian. Mandos. *in addition. litt. H.* Farinacius *quest. 191. num. 10.*

7 Secunda est inhabilitas ad beneficia Ecclesiastica recipienda, ex textu in *cap. quicumque, §. hæretici, de hæreticis, in 6.* ibi, hæreticorum, eorumque creditum, receptatorum, defensorum, & fautorum filij vsque ad secundam generationem, ad nullum Ecclesiasticum beneficium admittantur. & ibi notauit glossa, Archidiacon. Ioan. Andr. Per lineam autem maternam solum filij inhabiles redduntur, ex textu in *cap. statutum, cl. 1. de hæreticis, in 6.* Nomine beneficij etiam pensio subintelligitur in fauorem fidei, & detestationem hæresis: sic Sanchez pluribus probans *lib. 2. cap. 28. num. 36. & seqq.* Suarez *de fide, disp. 23. sect. 3. num. 4. fine.* Farinacius *quest. 191. num. 60.* ea præcipuè ratione, quia textus in *cap. 2. de hæreticis, in 6.* priuans hos filios beneficiorum obtentione vtitur generali illa negatiua, *nullum beneficium*, quo casu beneficium comprehenditur, vt bene dixit Gigas *de pensionib. quest. 28. num. 11.* & tradit Sanchez *suprà.* Hæc autem inhabilitas ipso iure incurritur, ita vt collatio beneficij illis facta irrita sit, & inanis; habetur expressè *cap. 2. de hæreticis, in 6.* ibi, *quod si secus actum fuerit, decernimus irritum, & inane.* Item ij sunt irregulares: irregularitas autem est impedimentum irritans beneficij collationem. sic Suarez *de fide, disp. 24. sect. 3. n. 4.* Sanchez *lib. 2. cap. 28. num. 32.*

8 Tertia pœna est inhabilitas ad officia publica, qualia sunt magistratus, prætoriatu, iudicium, notariatu. habetur *supradicto cap. quicumque, in nullo cap. statutum, de hæreticis, in 6.* & tradit Suarez *disp. 24. de fide, sect. ultim. num. 6.* referens Bullam Innocentij I V. Alexand. I V. & Clement. I V. id statutum: vbi oprimè aduertit ex vi huius inhabilitatis non esse priuatos iure eligendi, & repræsentandi, quia non est officium publicum.

9 Quartam pœnam aliqui assignant priuationem beneficiorum, quæ filius, vel nepos obtinuit, antequam eius parens, vel auus fuerit hæreticus declaratus: sic post alios antiquiores docent Flamin. *de resignat. benefie. lib. 3. quest. 1. num. 34.* Gutierrez *canon. qq. lib. 2. cap. ult. n. 38.*

Tt 4 Grassis

500 De pœnis impositis hæresis suspecto, &c.

Graffis *lib. 2. decis. cap. 11. num. 11.* & alij plures relati à Sanch. *lib. 2. cap. 28. num. 27.* & à Farinac. *quest. 191. n. 57.* & Pegna *3. p. direct. q. 114. com. 163. vers. in hac questione.* Mouentur præcipue ex *cap. felicis. §. quod si quis, de pœnis, lib. 6.* ubi filij percutientes sanctæ Romanæ Ecclesiæ Cardinalem priuantur beneficiis, quæ tempore delicti parentis obtinebant: sed grauius delinquit qui maiestatem diuinam offendit. Ergo grauius puniri debet. Verum hanc pœnam admittendam non esse docet communior sententia: vt videre est in Farinac. Sanch. & Pegna *suprà*, qui relatis plurimis Doctõibus hanc sententiam vt benigniorem, & vsu receptam, & validissimis argumentis munitam firman. consentit Suar. *disp. 24. de fide. sect. 3.* Ratio præcipua est, quia nullibi inuenitur cauta talis priuatio. Ergo asserenda non est. quia pœnæ, & præcipue respectu innocentium extendendæ non sunt. Neque obstat text. in *cap. felicis*, in contrarium adductus. Tum quia solum probat posse Ecclesiâ filios hæreticorum beneficiis priuare, non tamen probat de facto priuari, docuit enim in illo crimine læsionis Cardinalis hac pœna affici filios, etsi leuius sit, quàm hæreses ob euitandum delinquendi audaciam. Neque in pœnis valet argumentum à maioritæ rationis, vt satis diximus loquentes de lege pœnali.

10. Quinta pœna, qua aliqui reputant filios hæreticorum affici, est infamia, eo quod hæc afficiat filios reorum læsæ maiestatis humanæ. *l. quisquis. §. filij. C. ad leg. lul. maiest.* & tradit alios referens Couarr. *lib. 2. var. cap. 8. num. 1.* Anton. Gom. *leg. 40. Tanri. num. 91. vers. tertio.* Simanc. *tit. 29. num. 13. & 14.* Farinac. plurimos referens, *quest. 191. num. 23. & seqq.* negari nõ potest communem esse sententiam. At nullum firmum fundamentum habet. nam nullus extat textus in iure canonico, cui in hoc delicto standum est, vt pote Ecclesiastico, hæc illis pœnam itrogans. Constitutiones autem Innocent. I V. Alexand. I V. Clement. I V. incipientes, *ad extirpanda, &c.* quæ à Pegna inter litteras Apostolicas referuntur, & quarum meminit Farinac. *suprà*, solum hos filios excludunt à publicis officiis. Ex qua exclusione non inferitur infamia. Neque argumentum à simili in lege pœnali validum est, cum pœnæ non ob similitudinem rationis, sed ob iuris dispositionem imponantur. Item si essent infames, essent priuati omnibus privilegiis, omnique actu legitimo, omnique testimonio ferendo. quod nullo fundamento probatur; & ita tenet Sanch. *lib. 2. c. 28. n. 5.* Menoch. *consil. 808. num. 44. vol. 9.* Suar. *5. tom. de censur. disput. 48. sect. 3. num. 2. & disput. 24. de fide. sect. ult. num. 7.*

11. Restat duplex examinanda difficultas. Prima, an hæ pœnæ afficiant filios, vel nepotes hæretici damnati in contumaciam ob solam illam? Partem affirmantem defendit Pegna *3. p. direct. quest. 115. com. 164. vers. patre damnato.* Decian. *lib. 7. cap. 41. num. 33.* Sanch. *lib. 2. in Decal. cap. 27. num. 19.* Et mouentur, quia contumax pro hæretico habetur, & velut hæreticus condemnatur. *cap. cum contumacia, de hæreticis. in 6.* & ibi glossa, *cap. excommunicamus, el 1. §. qui autem, de hæreticis.* Item qui per annum in excommunicatione perseverat, pertinax præsumitur præsumptione iuris & de iure, vt tradit in dicto *cap. cum contumacia*, Ioan. Andr. & Geminian. & vt talis damnatur. Ergo pœnæ, quæ ex hæretico in filios deriuantur, in huius damnatione locum habent. Adde bona huius hæretici confiscantur in præiudicium filiorum. Ergo & reliquæ pœnæ eos afficiunt.

12. Verum probabilius cenfeo filios hæretici in contumaciam damnati nullam pœnam illis propriam contrahere; ac proinde non esse inhabiles ad beneficia, neque irregulares, neque infames, neque incapaces successionis, etiam in sententia illorum, qui eos infames, & cuiuslibet successionis incapaces asseuerant. Moueor, quia ficta confessio ex contumacia resultans, non est

vera delicti probatio, sed præsumpta. Præsumpta autem delicti probatio solum delinquenti nocere potest, non eius hæredibus, quia nocumentum hæredibus ex delicto antecessoris vero proveniri debet, non ex delicto ficto; vt constat expressè ex *l. eum qui delatorem, ff. de iure fisci. ibi, Eum qui delatorem corrupit, ea conditio est, vt pro conuicto habeatur; sed enim hac pœna magis est vt aduersus ipsum locum habeat, qui delatorem redimit.* Ceterum aduersus heredem ipsum transire non debet. & tradit Felin. in *cap. cum Bertold. num. 8. & 25. ff. de re indic. Bart. in l. cum filius familias. num. 4. & fm. de verbor. obligat. Alex. in l. sape. num. 64. ff. de re indic. Bosius de delict. num. 6. & 111. bannus quid amittant. num. 19. Brunus de statutis, verbo confessio, vers. an ficta confessio inducatur. & alij plures. Et confirmo ex vulgato axioma, quod probatio delicti orta ex contumacia non efficit probationem requisitam ad delictum præiudicans tertio. *l. fin. C. de probat. omib. inu. l. sancimus, C. de pœnis.* & tradit Bart. *suprà*, & alij, in dicta *l. cum filius familias. in princ.* Decius *consil. 410. in causa, colum. 2. num. 6. vers. quia ad hoc respondetur. & col. 1. vers. quarto principaliter.* Natta *consil. 540. num. 29. vol. 3.* Plotus *consil. crimin. diuers. 130. num. 12. lib. 1.* Secunda sententia lata aduersus aliquem hæredibus præiudicat, nisi in contumaciam fuerit lata; quia tunc soli contumaci obest, non aliis. ex *l. praeses. C. de pignorb.* & tradit Nilus de bannis in *1. p. 2. tempor. quest. 14.* Gigas de crim. læsæ maiest. tit. quomodo, & per quos. quest. 1. num. 35. Bosius tit. de bonor. publicat. num. 56. & pluribus relatis firmat Farinac. de delictis & pœnis. *lib. 1. tit. 3. quest. 24. num. 176.* Neque obstat solutio Thom. Sanch. *lib. 2. cap. 27. num. 19.* cui fauet Bart. *l. 2. §. his, num. unico. ff. de bonis eorum qui ante sententiam.* Mascard. de probation. concl. 348. num. 35. Rojas in singul. fidei. singul. 69. num. unico. Cautar. de executione sentent. contumac. cap. 1. num. 345. asserentis prædictam doctrinam communem non procedere in crimine læsæ maiestatis humanæ; vel diuinæ. quia talis exceptio nullo iure, vel ratione fundatur. & Bartol. Rojas, Mascard. de pœna amissionis bonorum loquuntur, quæ hæredibus præiudicat non directè, sed indirectè; quia hæc non est pœna hæredum, sed contumacis, à quo sublata bona cessant ad heredem transire. Tertiò, quia sententia in contumaciam lata nunquam transit in iudicatum quoad pœnam corporalem, sed quodcumque hæreticus compareat, etiam si eius statua combusta sit, est audiendus. ex glossa communiter recepta, in *cap. excommunicamus, el primo, de hæreticis, verbo condemnatur.* tradit Sanch. num. 18. Pegna direct. *3. p. com. 49. vers. adueniente autem.* Simanc. de catholic. insti. tit. 2. num. 20. & 21. & alij. Sed non est iustum, vt innocentes puniantur ex sententia, quæ est in pendent, & quæ reuocari potest. Ergo. & ita tradit in propriis terminis hæresis Farinac. *quest. 191. num. 68.* Gigas de crim. læsæ maiest. *lib. 3. tit. 1. de pœnis, quas incurrunt filij. quest. 13. n. 3.* & in crimine læsæ maiestatis Roland. *consil. 29. num. 21. & 22. lib. 3.* Farinac. *quest. 116. num. 180.**

13. Argumenta pro contraria sententia non videntur. Fateor delinquentem hæreticum condemnatum ob solam contumaciam haberi pro confesso, & conuicto, & tanquam pertinacem hæreticum damnari. Nego tamen eius damnationem aliis ab ipso præiudicare, quia reuocari potest, & non est vera delicti probatio, sed ficta. Confiscationem bonorum admitto fieri ob sententiam latam in contumaciam, quia illa non est pœna directè filios afficiens, sed indirectè. Est enim pœna propria ipsius contumacis, à quo bona tolluntur, quibus sublati nihil est quod ad hæredes transcat.

14. Secunda difficultas, & grauissima est, an infamia, priuatio beneficiorum, & officiorum, & reliquæ pœnæ filiorum propriæ afficiant filios natos, vel conceptos ante delictum parentum? Notanter dixi, & reliquæ pœnæ filiorum propriæ, vt excluderem ab hac dubitatione bono-

rom publicacionem, quæ, vt iam dixi, non est pœna filiorum, sed parentum; ac proinde in filios ante delictum natos eius damnum resultare potest, & notauit Sanchez lib. 2. cap. 27. n. 16.

In hac difficultate prima sententia satis communis affirmat comprehendere filios, siue ante, siue post commissum delictum nati fuerint. sic Simancas de catholicis. inslit. tit. 29. num. 22. Rojas de hæreticis, 2. part. num. 336. & in singularibus fidei, singul. 68. num. 3. Pegna director. 3. part. comment. 163. vers. omisit athen. Perez lib. 4. ordin. iii. g. l. 3. vers. des pnesque sigo la traycion, qui testantur sic esse in practica receptum. Menochius de præsumps. lib. 5. præsumps. 33. à num. 17. Couarr. lib. 2. variarum, cap. 8. n. 5. Cantera in qq. crimin. tit. de qq. tangent. punit. delict. cap. 1. num. 11. Suarez de fide, disp. 43. sect. 3. num. 2. Azor tom. 1. institutionum moralium, lib. 8. cap. 13. post q. 8. & tom. 2. lib. 6. cap. 4. q. 3. Toletus de instrum. sacerdot. lib. 1. cap. 69. num. 4. vers. solauit filij. Farinacius de hæresi, q. 191. num. 2. quamuis num. 39. videatur contrarium affirmare: & alij plures, quos refert Thomas Sanchez lib. 2. cap. 27. num. 9. qui hanc quæstionem præ omnibus latissimè, & exactissimè tractat.

Plura in eius fauorem adducuntur fundamenta. Adducam præcipua. Primum desumitur ex generali modo loquendi iuris de pœnis impositis filiis hæreticorum, & reorum læsæ maiestatis; absolutè enim, & indistinctè pronuntiat filios puniri, cap. quicumque, §. hæretici, cap. statutum, de hæreticis, in 6. & cap. vergentis, de hæreticis, l. quisquis, §. filij, C. ad legem Iuliam maiestatis. At sub nomine filiorum, absolutè prolatorum, tam nati ante delictum, quam post delictum intelliguntur. Tum quia sermo indistinctè prolatus indistinctè est intelligendus, ex l. 1. §. generaliter, ff. de legat. præstandis, l. 3. ff. de offic. præsid. l. de pretio, ff. de publiciana in rem actione. vbi glossa, & Doctores. Tum etiam, quia in l. Senatoris filium, ff. de senatoribus, habetur æquè filium senatoris dici, siue cum pater in senatoria dignitate suscepit, siue ante dignitatem senatoriam; & in cap. inter ceteras, de rescriptis, dicitur filius sacerdotis, etiam si ante sacerdotium fuerit genitus. Ergo similiter dici poterit filius hæretici, etiam si ante hæresim conceptus sit; ac proinde comprehensus sub statuto puniente filios hæreticorum. Secundò probatur tum ex cap. filij, de hæreticis, in 6. vbi filij decedentium è vita, & consolationem, seu potius desolationem ab hæreticis postulantium, non admittuntur ad probandum parentes in amentia fuisse, si antea de hæresi diffamati erant. At ij filij pœnas hæreticorum incurrunt. Ergo iam filij nati ante delictum patris puniuntur. Tum etiam probatur ex cap. statutum, eodem tit. in 6. vbi redduntur infames filij hæreticorum, quorum parentes tales esse, vel decessisse fuerit probatum. Si autem non comprehenderentur filij ante delictum paternum geniti, deberet textus expostulare ad filiorum infamiam, non solum parentes notoriè hæreticos decessisse, sed hæresim commississe ante illorum generationem, & in illa vsque ad mortem perseverare, quod tamen non postulat; solum enim textus contentus est ad filiorum pœnas probatione hæresis paternæ in articulo mortis. Tum denique, quia filij reuelantes Inquisitoribus hæresim parentum, eique minimè consentientes excusantur à pœnis; iuxta constitutionem Frederici Imperatoris, quæ incipit, *Commissi, vers. nec quidem*, relatam à Pegna inter litteras Apostolicas direct. inquisit. quæ à variis Pontificibus confirmata est, præcipuè ab Innocent. IV. in sua octaua constitutione in ordine nona, & multis relatis docent Simancas de catholicis, inslit. tit. 29. num. 46. Pegna director. 2. part. comment. 15. ad cap. litteras, de præsumptionibus, vers. hoc addiderim. & 3. part. comment. 164. vers. in filiis vero. Rojas singul. 12. num. 5. Sanchez lib. 2. cap. 27. num. 30. Farinacius q. 191. num. 37. At ad hanc reuelationem faciendam necessariò suppo-

nuntur filij nati. Ergo etiam supponuntur nati ante delictum, vt sic delictum paternum possint dissimulare. Probo hanc consequentiam, quia filij non reuelantes, sed paternam hæresim dissimulantes hanc pœnam contrahunt; neque ibi excipiuntur, an nati fuerint ante delictum, vel post delictum. Tertiò principaliter probatur, quia pœna infamiae, priuationisque officiorum, & beneficiorum filiis imponitur in supplicium parentum, qui filiorum mala sentire acerbius solent, quam propria; vt sic puniti à peccato auertantur, & aliis timor incutiat; sic fateretur glossa in extran. unica Ioan. XXII. de pœnis. §. filij eius, verbo quomodo libet, & tradit Castro lib. 1. cap. 7. de potestate legis pœnalis, coroll. 1. & lib. 2. cap. ult. de iusta hæreticorum punitione. Menochius de præsumps. lib. 5. præsumps. 33. num. 8. & 12. & consil. 99. num. 220. vol. 1. & alij relati à Sanchez lib. 2. cap. 27. num. 8. Sed hæc ratio æquè procedit in filiis natis ante delictum, ac post delictum, cum utrosque æquè parentes diligant, & illorum mala sentiant. Ergo. Quòd si respondeas hanc esse vnā ex rationibus, quibus moti sunt legislatores ad sic filios puniendos: at non esse præcipuam, quia præcipua esse videtur timor, ne filij parentum mores imitentur, iuxta textum in l. quisquis, §. filij, ff. ad legem Iuliam maiestatis. ibi, in quibus paterni, hoc est, hæreticorum criminis exempla metuntur. qui timor in filiis ante delictum conceptis, vtpote conceptis ex sanguine puro, & non infecto per delictum, non videtur procedere. Facile hæc responsio refellitur, primò negando punitiōnem parentum non esse rationem præcipuam, cum in pœnis imponendis, quod præcipuè attendi solet, sit delinquentium punitio. Sed concedamus præcipuam rationem esse timorem, ne filij parentum mores imitentur, & ne ad hanc imitationem procedant, pœnis affici; quia adhuc in filios natos ante delictum hoc procedit, ferè æquè ac si nati essent post delictum; quia timor hic non procedit ex eo quòd in generatione aliquam prauam qualitatem in filios genitos parentes infundunt: neque enim qualitates, & humores corporis alij sunt delicto commissi ab iis, qui erant ante delictum; sed procedit ex naturali amore, quem filius habet erga parentes, quo amore ad eius imitationem trahitur: sed hic naturalis amor cum in recepto esse funderetur, parum interest filio esse conceptum ante delictum, vel post delictum. Quòd si dicas media generatione transfundere parentes in filios prauas inclinationes, & propensiones, & has non potuisse transfundere, quando geniti sunt ante delictum; quia tunc illas non videntur habere. Ex qua transfusione oritur timor paterni delicti imitationis. Respondeo inclinationes, & naturales propensiones in sanguine fundatas ante delictum esse posse ita feruentes, ac fortè feruentiores, ac post commissum delictum, vt experientia compertum est in amantibus perditis. Ergo prauam inclinationem, & propensionem ad hæresim possent parentes in filios transfundere ante commissum delictum, sicuti cum habent. Denique negari non potest punitiōnem paterni delicti esse vnā ex præcipuis rationem puniendi filios, etiam si præcipua non sit. At quando lex pluribus rationibus in sui dispositione mouetur, non cessat eius dispositio obligare; esto in aliquo casu cesser aliqua ratio ex illis, vt tractat. de legibus, diximus. Ergo neque in præsentī cessat dispositio pœnarum in filios, eo quòd ante paternum delictum nati sint, etiam si timor paterni delicti imitationis cesser: præcipuè cum hæc ratio dici non possit cessare, sed ad summum non ita efficaciter procedere in filiis ante delictum, sicuti procedit in filiis tempore delicti genitis.

15 Secunda sententia contraria supradictæ benignior est, quamque latè probat Simancas de catholicis, inslit. tit. 29. num. 22. & seqq. & in enchirid. tit. 63. num. 10. & 11. Ioan.

Ioann. Calderin. *consil.* 3. *tit. de hæresis*. Anton. Gom. *tom.* 3. *var. cap.* 2. *num.* 16. *fine*, dicens ex iure regio tenendam esse hanc sententiam, licet in puncto iuris verior sit contraria. Molin. *lib.* 4. *de primogen. cap.* 11. *num.* 55. noster Molin. *tom.* 3. *de insti.* 1. *p. disp.* 658. *n.* 22. Nauarr. *consil.* 23. *de hæresis. lib.* 5. *in ult. edit.* Cevallos *in suis commun. opin. quæst.* 653. *num.* 14. & *seqq.* vbi testatur ex Manuele 1. *tom. summ. cap.* 130. *num.* 5. læpe in tribunalibus Hispaniæ sic esse iudicatum, & alij plures, quos exactè refert, & sequitur Sanchez *lib.* 2. *in Decal. cap.* 27. *num.* 14.

Probatum primò, quia filij nati ante delictum parentis non dicuntur propriè, & formaliter filij delinquentis. sicuti nõ dicuntur filij deportati, quos pater genuit ante deportationem: ut expressè colligitur ex *l. ex facto. 17. §. ex facto. ff. ad Trebell.* Neque dicitur filius Senatoris, cuius pater à Senatu motus est, antequam ille natus esset, ut habetur *l. emancipatum. ff. de senatorib.* quia, ut ibidem dicitur, ad hanc denominationem tempus conceptionis spectandum est: & multis probat Tiraq. *de primogen. quæst.* 31. *num.* 8. glossa in *l. imperiali. §. illud. C. de nuptis.* Ergo similiter dici non poterit propriè filius hæretici, cuius pater post illius generationem in hæresim incidit: cum autem pœnæ filijs impositæ ita rigidiæ sint, & acerbæ, & innocentes afficiant, meritò limitandæ sunt ad filios, qui propriè, & formaliter filij delinquentium sunt, non extendendæ ad illos, qui solum sunt materialiter tales.

Secundò probatur ex *l. 2. C. de liberis, & eorum liberis*, vbi filij concepti ante servitutem patris ob ingratitudinem contractam non amittunt ius libertatis quæsitum: & redditur ibi ratio, quoniam illis delicta parentum non nocent, quos tunc ortos esse constituerit, dum libertate possidentur. Idem habetur *l. filium. ff. de senatorib.* & *§. sed et si. Insti. de ingenuis.* Sed filius ante delictum paternum natus, vel conceptus ius est quæsitum habilitatis ad beneficia, & officia. Ergo non debet ob delictum paternum illis auferri.

Tertiò ex Concilio Tolet. XIII. *cap.* 1. vbi cum omnibus, qui in infidelitatem inciderant, vellet remissionem concedere, ad eorum filios privilegium extendit in hæc verba. *Quod & de filiis eorum decernimus observandum, qui post commissum scelus nati esse produntur.* Cum ergo nullam fecerit mentionem filiorum, qui ante crimen nati sunt: supponit Concilium illos remissione non indigere, eo quod nullas pœnas incurrerint. Quod Concilium etsi generale non sit, est tamen nationale ex omnibus ferè Episcopis Hispaniæ. hoc argumentum vrgens esse facit Couarr. *lib.* 2. *var. cap.* 8. *num.* 6. *vers.* 4. *tolet. fine.*

Quartò probatur ex doctrina D. August. relata per Gratianum, in *cap. non imputantur. cap. iam itaque.* 1. *q.* 4. vbi August. probat delicta parentis non posse nocere filiis ante delictum genitis, quia filij iam in se ipso sunt, & non in parente, quæ ratio solum filios natos, non nascituros comprehendit.

Quintò, quia privilegium nobilitatis concessum parentibus non extenditur ad filios natos ante privilegij concessionem, sed nascituros, ut manifestè probat *lex ult. C. de decurionib.* *lib.* 10. *ibi, suæq. posteritati, quam postquam meruerit dignitatem, vel actum gesserit, ediderit, anterioribus filiis in conditione pristina remansurus.* & *l. si decurio 1. cod. tit. & lib. & l. filij. vers. senatores, el 1. ff. ad municip. lib.* *ibi* enim cauetur filios, & nepotes Senatorum gaudere privilegio, & dignitate parentum, quando sunt nati, vel concepti post adeptam dignitatem, non verò antè; & notat ibi glossa, & expressè Barr. in *l. 2. §. in filiis. ff. de decurionib.* & alijs relatis Tiraquel. *tratt. de nobilit. cap.* 15. *num.* 9. & in *tratt. de primogen. quæst.* 31. *num.* 28. Couarr. *lib.* 2. *var. cap.* 8. *num.* 5. *vers.* tertio, in medio, affirmans in prætorio Granatensi sic fuisse iudicatum, & confirmat *lex 1. tit. 1. lib. 6. nova recopil. ibi, los hijos que*

vbieren anido antes de la caualteria no goçen de la exención, y privilegio de sus padres. Si ergo non communicati filius natus privilegium, favor, & beneficium Principis parentibus concessum, minus debet communicari filio, quia ipsi parentes plectuntur, cum in pœnis relictio facienda sit, & in favoribus ampliatio.

Sextò probatur ex ratione decidendi text. in *l. quæst. quæ. C. ad leg. Jul. maiest.* vbi redditur ratio puniendi filios; quia quodammodo participes sunt criminis paterni, & audaciæ genitoris succelltores. Hoc autem verificari non potest, nisi quatenus à patre infecto originem ducunt. Ergo solum concepti post delictum, & non antè, comprehendi possunt.

Tandem ex legibus notis videtur hæc pars omnino decisâ. nam in *l. 6. ad fin. tit. 27. part. 2.* vbi de pœnis, quas filij reorum læsæ maiestatis incurrunt, dicitur. *Pero esto no se entiende de los hijos, que vbiesen echo, antes que erresen. La los de rechos, que fallaron los antiguos de España en todas las cosas alli do pusieron pena a los hijos porraçon de sus padres, siempre guardaron esto, que no vbiesen pena los que antes auian, que el fecho malo fiesen; suen ende si fuesen a parçeros en los yerros, y a los otros que merçen esta pena sue, porque los vbieron des pues de enponçados en el mal que vbiesen echo.* Et advertenda sunt illa verba, in *todas las cosas*, quibus refellitur manifestè solutio Gregor. Lop. dicentis loqui textum de pœna exilij, non de pœna infamiæ, & incapacitatis successionis, cum de omnibus pœnis loquatur, ut benè ponderavit Molin. *lib.* 4. *de primogen. cap.* 11. *num.* 56. *fine.* Idem probatur *leg. fin. tit. 31. part. 7. ibi, la si el hijo que es nacido no debe recibir pena por el yerro de su padre.* & *leg. 3. tit. 9. lib. 4. ordin. que hodie est lex 3. tit. 8. lib. 8. noua compil.* Pero decimos que ninguno traidor, ni alenoso, ni su hijo, que vbo desfues, que hysa la trayçion, &c. Ex quibus omnibus manifestè constat filios natos post delictum parentum in pœnis ob crimen læsæ maiestatis humanæ comprehendendi. Et licet nihil de filiis reorum læsæ maiestatis diuinæ disponant, vixit extra suam iurisdictionem: at sentiunt sic à Pontificibus dispositum esse, aliàs non diceret *lex, La los de rechos, que fallaron los antiguos en todas las cosas alli do pusieron pena a los hijos por raçon de sus padres, siempre guardaron esto, que no vbieran pena los que antes auian, que el fecho malo fiesen*, cum obstat huic dicto poterat à Pontificibus contrarium esse statutum.

Neque iis obstat *lex 2. tit. 2. part. 6.* vbi Gregor. Lop. ex signo vniuersali, quo vitur, dicens, *todas sus hijos*, infert comprehendendi natos, & nascituros. Nam illa verba intelligenda sunt iuxta *leg. 6. tit. 27. part. 2.* ut videlicet comprehendat omnes filios, siue legitimos, siue illegitimos, siue existentes sub potestate parentis, siue emancipatos: dummodo tamen geniti sint post delictum.

16 Vt ergo in hac controuersia meam sententiam proferam, in primis affirmo vtramque sententiam probabilissimam esse. quod ex Doctoribus, & rationibus pro vtraque sententia adductis constat. Verùm attento iure regio Castellæ 2. sententia in crimine læsæ maiestatis humanæ mihi probanda videtur. At in hæresi, in qua canonum dispositio attenditur, primam sententiam censeo probabiliorē. sic Gutierrez. *canon. quæst. lib.* 2. *cap. ult. num.* 46. Couarr. *lib.* 2. *var. cap.* 8. *m. 5. vers.* quarta. Gratian. & Azeved. *leg. 6. tit. 27. part. 2.* Anton. Gom. *tom.* 3. *var. cap.* 2. *circa fin. vers.* sed his non obstantibus, & *vers.* adde. Moueor, quia leges adductæ in crimine læsæ maiestatis humanæ mihi videntur clarissimæ: at in delicto hæresis, in cuius pœnis canones sunt spectandi, textus, & rationes pro prima sententia adducti mihi efficaciores apparent. Neque enim commodam explicationem inuenire potui textui in *cap. filij, cap. statutum, & alij.* Concedo namque illis textibus solum disponi, & declarari filios infames, & incapaces esse, quorum parentes contumaces obierint, quia non satis erat declarari

cap. 2. de hereticis, cap. quicumque, eodem tit. in 6. At ex hac declaratione satis colligitur in suprad. cap. 2. de hereticis, & cap. quicumque, filios natos esse comprehensos, siquidem solum expostulatur in cap. statum, obitus prauus, & contumax parentis, ut eius filij pœnis afficiantur. Dicere autem subintelligendum esse, si fuerint nati ante delictum, gratis videtur excogitatum, & contra textus litteram, alias diminutè processisset Pontifex declarans requiri impœnitentiam finalem in parente ad filiorum pœnas, & non declarans filios post parentum delictum nasci debere. Cum sæpissimè repertantur filij ante delictum parentum geniti. Adde me sæpe vidisse pro hac sententia iudicatum: imò neque admitti filios ad probandum ante paternam hæresim genitos esse. Ergo saltem ex consuetudine prior sententia prævalere debet. Neque argumenta pro secunda sententia adducta conuincunt.

17 Ad primum concedo non dici propriè filium deportati, qui genitus est ane deportationem quoad effectum incurrendi pœnas impositas filiis deportatorum; quia in crimine etiam læsæ maiestatis humanæ iam dixi parentum delicta non nocere filiis antè genitis. Secus verò dicendum est in crimine hæresis. Item concedo non dici Senatoris filium, qui genitus est à patre amoro à senatoria dignitate; quia non potest perseuerare relatio, dum non est pater referens; sicuti neque etiam dicebatur filius hæretici, dum pater in hæresim non incidit, neque quando pater ab illa purgatus est. At si pater in hæresim incidat, dum in illa perseuerat, sicut denominatur pater filij ante hæresim geniti, ita filius denominatur filius illius patris hæretici, & verè, & propriè dicitur filius hæretici, sicut & pater propriè, & formaliter hæreticus est. Adde ad incurrendas pœnas filiis hæreticorum impositas, tantum requiritur, ut filij sint parentis in hæresi decedentis. Nam esto tempore conceptionis fuerit eorum pater hæreticus, non sufficit, nisi in hæresi perseueret. At si in hæresi decedat, etiamsi toto vitæ tempore catholicus existat, eius filij pœnas non euitabunt, ex *del. cap. statum, de heret. in 6.*

Ad secundum respondeo cum Couarr. *suprà num. 5. in princ.* in libertate, & seruitute spectari tempus conceptionis; iuxta *l. regiam 9. tit. 22. part. 4.* Secus verò in aliis, ex *l. 2. §. in filijs, & ibi gloss. ff. de decur. & l. Diuo Marco, C. de questionib. & in l. fallaciter, C. de absolutionib.* Adde, iura quædam filiis non tolluntur ex delicto parentis: sicut enim filij hæretici secundum probabiliorem sententiam non priuantur beneficiis, & officiis acquisitis ante paternum delictum; sicut nec bonis castrensisibus, aut quasi castrensisibus, sed solum illis, qui ex successione parentis habere debent, ita à fortiori non priuantur libertate acquisita, ex eo quòd postea parens seruituti subiiciatur.

Ad tertium fateor argumentationem illam esse efficacem coniecturam; at non esse concludentem. Dicere namque possumus non fecisse Concilium mentionem filiorum, qui ante crimen paternum nati sunt; non quia supponeret remissione non indigere, sed quia supposuit in remissione concessa filiis post crimen paternum natis tacitè includi filios ante crimen genitos, ita ut sensus sit: remissionem concedimus hæreticis, quam remissionem volumus extendi ad eorum filios, etiam ad illos, qui post crimen paternum nati sunt: cum enim ij secundum omnium sententiam pœnis subiaceant, facta illis remissione, censetur facta iis, qui solum sub dubio pœnas contrahunt.

Ad quartum respondeo D. Augustin. loqui de peccato originali, & pœnis illi debitis, & probat optimè nequaquam posse à filiis contrahi, si in se ipsis essent, antequam Adam peccaret. Secundò loquitur de pœna spiritali excommunicationis ob delictum paternum,

ut ex ipso contextu constat, & decernit nequaquam posse à filiis antea genitis contrahi. Quòd si dicas hoc etiam procedere in filiis postea genitis, ac proinde nihil speciale dicere August. Respondeo verum quidem esse, sed quia de genitis antea clariùs erat, ideo illorum meminuit August. de natis postea mentionem non fecit, quia sibi necessaria non erat.

Ad quintum dico priuilegium nobilitatis dupliciter posse parenti concedi. Primò, si concedatur ipsi, eiusque liberis, & posteris quasi per successionem. Secundò, si non solum parenti, sed etiam eius filiis, quasi eque primò concedatur: quando hoc secundo modo conceditur, non solum comprehendit filios nascituros post concessionem, sed etiam antea natos: sic Tiraquel. *de nobilit. cap. 3 §. num. 5. Sanchez lib. 2. cap. 29. num. 4.* Si autem primo modo concedatur, solum nascituros comprehendit, quia tunc nobilitas in parente, quasi in radice residet, & ex illo ad posteros deriuatur, quod bene aduertit Couarr. *lib. 2. variarum, cap. 8. num. 5. vers. tertio opinionem Calderini, post medium.* Tiraquel. *suprà, num. 4.* & pluribus relatis Sanchez *num. 6.* At pœnæ infamæ, inhabilitatis ad beneficia, & officia filiis hæreticorum impositæ, ipsis quasi æquè primò imponuntur, & non ex successione suorum parentum. Ergo comprehenduntur in illis filij geniti, & nascituri.

Ad sextum constat solutio ex vltima ratione primæ sententiæ.

Ad vltimum concedimus in crimine læsæ maiestatis humanæ, præcipuè ex iure regio Castellæ solum filios nascituros comprehendere. De crimine autem hæresis textus non loquuntur. Notanter apposita sunt illa verba, *la los de rechos, que fallaron los amigos de España*, quasi tacitè insinuans lex se nihil velle tractare de iuribus Pontificiis.

PUNCTUM III.

Quæ pœnæ impositæ sint filiis committentium crimen læsæ maiestatis humanæ.

- 1 Priuantur hi filij parentum successione, & aliorum extraneorum.
- 2 Filia successione parentis priuantur, obtinent tamen legitimam in bonis maternis.
- 3 Non priuantur ij filij donatione inter vivos.
- 4 Bene tamen donatione causa mortis.
- 5 Contrahunt pœnam infamæ filij, sed non filia.
- 6 Sub ijs pœnis comprehenduntur filij emancipati. Spuriij post delictum parentum geniti, non antè.
- 7 Non comprehenduntur clerici, neque nepotes.
- 8 Filia satis dubium est, an comprehendantur.
- 9 Plures Doctores censent supradictas pœnas consuetudine abrogatas esse.
- 10 Casu tamen, quo contrahantur, debet crimen esse contra Imperatorem, Regem, aut eius lateri assistentem.

VT supradicta doctrina de pœnis filiorum committentium hæresim clariùs eluceat, placet subiungere pœnas impositas filiis reorum læsæ maiestatis humanæ. Ut inde cognoscatur in quo differant, & qua ratione benignius Ecclesia procedat in punitione delictorum, quàm respublica secularis.

1 Primò non solum ij filij priuantur parentum successione, sed etiam aliorum proximorum, & extraneorum, ex text. in *l. quisquis, §. filij, C. ad legem Iuliam maiest. cuius verba sunt: Filij eius, quibus vitam imperatoria specialiter lenitate concedimus (paterno enim deberent perire supplicio, in quibus paterni, hoc est, hæreditarij criminis exempla metuantur) à materna, vel auita omnium etiam proximorum hereditate, ac successione habeantur alieni, & testamentis extraneorum nihil capiant, sint perpetuò egentes, & pauperes.*

Ex

Ex quibus verbis constat amplius puniri hos filios, quam filios hæretici, quod & notavit Anton. Gom. *de delictis. cap. 2. num. 13.* Menoch. *consil. 175. num. 2. & seqq. lib. 3.* Decian. *tract. crim. lib. 7. cap. 31. num. 2.* Farinac. *de crimine lese maiest. quest. 116. num. 75.* Sanch. *lib. 2. cap. 29. num. 13.* cum filij hæreticorum secundum probabiliorē sententiam suprà positam non priuentur succedere ex testamento, & ab intestato ascendentibus, consanguineis, & extraneis catholicis. Aduerto tamen, si tempore, quo pater crimen commisit, hæreditas matris, vel auitæ sit filio delata, etiam si illius professionem nondum apprehenderit, non videtur illa priuandus ex crimine paterno; quia iam habet ius quæsitum ad illam: iure autem quæsitum non priuatur filius ob crimen patris. sic Grammatic. *decis. 6. num. 13. in fine. per textum in l. 2. ff. de interd. & relegat.* Farinac. *de crimine lese maiest. q. 116. num. 110.*

2 Sed quid de filiabus, an hæ ob delictum parentis priuentur successione? Et quidem indubitatum est legitimam in bonis paternis obtinere, ac si pater non deliquisset: habetur expresse dicta *l. quisquis. §. ad filias. C. ad leg. lul. maiest.* & redditur ibi ratio huius specialis fauoris, quia filia propter sexus infirmitatem minus ausura creduntur, quam masculi. sic pluribus relatis notavit Farinac. *quest. 116. num. 94.* Anton. Gom. *tom. 3. var. cap. 2. num. 13. vers. filia verò.* Peregrin. *de iure fisci. lib. 3. tit. 9. num. 8.* Decian. *tract. crim. lib. 7. cap. 41. num. 13.* Dixi legitimam in bonis maternis obtinere. Nam licet in dicta *l. quisquis*, solum quarta bonorum maternorum pars filiabus concedatur, id est, quia sola illa quarta pars erat legitima ex iure communi. At cum iure nostro regio deducta quinta parte bonorum, omnes alix quatuor partes sint filiorum legitimæ, efficitur sanè omnes hæ à matre accipere posse filiam, ac si eius parens reus non fuisset maiestatis: sic notavit Greg. Lop. *leg. 2. tit. 2. part. 7. glossa penult. noster Molin. tom. 3. de iustit. diff. 658. num. 13. in priori parte.* Sanch. *lib. 2. in Decal. cap. 29. num. 10.* imò ex bonis parentis condemnati filias sceminas dotandas esse, firmat pluribus Farinac. *1. p. tit. de delictis, & pœnis. quest. 24. num. 47.* Ad de successione solum parentis condemnati priuari, eo quòd bona illius sint hisco addicta. Aliorum autem consanguineorum, vel extraneorum successione minimè priuatas esse; quia textus in dicta *l. quisquis*, distinguit inter filios, & filias: & filios affirmat hac succedendi potestate priuari. Cum ergo nihil de filiabus decernat, comprehendere non debent in lege ita rigida, & acerba; sic Gregor. Lop. & Molin. & Sanchez suprà. Clarus *pract. §. lese maiest. num. 10. vers. hæ autem pœna.* Gigas *de crimine lese maiest. quest. 41.* Decius *tract. crim. lib. 7. cap. 41. sub num. 12.* Farinac. *quest. 116. num. 96.*

3 An autem hi filij sicut priuantur successione, priuentur etiam qualibet donatione inter viuos. Priuari inclinatur Gigas *de crim. lese maiest. lib. 3. rub. de pœnis, quas filij incurrunt, quest. 2. in fine.* motus, quia ratio expressa text. in dict. *l. quisquis*, æquè militat in donatione, ac in successione. Excluduntur enim filij à successione matris, & aliorum, ut sint perpetuò egentes, & pauperes, perpetuèque egestate sordentes, ita quòd mors sit eis solatium, & vita supplicium. Quæ ratio omnino frustratur, si capaces sint recipiendi aliquid ex donatione. Verùm à communi, benigna, & fauorabili Doctorum sententia recedendum non est, sed omnino affirmandum hos filios, sicut & filios hæreticorum, capaces esse cuiuslibet donationis inter viuos. quia supradicta lex nihil de donatione loquitur, sed solum de successione. At successio testati, & intestati nihil commune habet cum donatione. *l. verba contraxerunt ff. de verbor. signific. Quapropter ex incapacitate succedendi ex testamento, vel ab intestato inferri non potest incapacitas acquiriti ex donatione, l. inter stipulantem. §. sacram. ff. de ver-*

bor. obligat. Neque obstat militare in præsentem eandem rationem in donatione, ac in successione; ut dispositionem supradictæ legis ad donationem extendamus, quia cum sit lex summe pœnalis, & odiosa, non debet ex identitate rationis extensa concedi. Quòd si dicas in præsentem non tam ex extensione rationis, quam ex dispositione ipsius legis donationem comprehendere; illis, inquam, verbis, *sint perpetuò egentes, &c.* quibus Imperator videtur velle filios sic delinquentis in paupertate perpetua existere. Respondemus, cum hoc clare non constet, sed sub dubio; in dubio in materia pœnali non esse extensionem faciendam, sed iuxta superiorem dispositionem verba illa limitanda esse: ita ut sit sensus. Hi filij sint perpetuò egentes respectu successionis, quod etiam ex priuatione successionis satis colligebatur, ad ampliorem declarationem affirmandum est, verba illa addita esse: & ita docent Gregor. Lop. Mol. suprà, & Sanch. *num. 11.* Farinac. *quest. 116. num. 112.* Decian. *num. 21.* Peregrin. *de iure fisci. lib. 3. tit. 9. num. 11.* & alij apud ipsos.

4 Notanter dixi hos filios priuatos non esse donatione inter viuos, ut tacitè insinuatem priuatos esse donatione causa mortis; quia hæc sapit vltimam voluntatem, & æquualet successioni ex testamento. §. 1. *Institu. de donationib. l. fin. C. de donat. causa mortis.* Bald. & alij in *l. tam is. §. filius, ff. de donat. causa mortis*, & tradit Farinac. *d. q. 116. num. 114.* cum Gigas *de crim. lese maiest. lib. 3. rub. de pœnis, quas incurrunt filij. q. 3.* Decian. *d. lib. 7. cap. 41. num. 22.*

5 Secunda pœna, quam ij filij incurrunt, in qua hæreticorum filios excedunt, est infamia: habetur expresse in dicta *l. quisquis. §. filij verò. C. ad leg. lul. maiest.* ibi, *infamia eos paterna semper comitetur*, ad nullos prorsus honores, ad nulla sacramenta perueniant: & notant ibi glossa, & omnes. Debet tamen delictum ita esse notorium, ut nulla tergiversatione celari possit, imò probabile est debere esse notorium per sententiam, quia vsque sententia accedat, non videtur delictum satis probatum, ad hanc pœnam alijs à delinquente imponendam. Ex hac pœna inferri non posse ad sacros ordines, & dignitates ecclesiasticas promoueri. Nam licet lex civilis non possit pœnam irregularitatis imponere: quia hæc imposita est à lege Ecclesiastica omnibus infamibus; ea de causa ij eam contrahunt: sic Gigas *de crimine lese maiest. lib. 3. rub. de pœnis quas filij incurrunt. quest. 1. n. 6. & q. 12. num. 1.* Anton. Gom. *tom. 3. var. cap. 2. num. 13. vers. & insuper.* Decian. *tract. crim. lib. 7. cap. 41. n. 30.* Farinac. *quest. 116. num. 83.* Peregrin. *de iure fisci. lib. 3. tit. 9. num. 1.*

Infamix filix ab hac pœna infamix omnino sunt liberæ, quia in supradicta *l. quisquis*, non exprimuntur filix in hac pœna, sed solum filij: & ita tenet Gig. suprà *quest. 14.* Decian. *num. 12.* Farinac. *num. 97.* & alij apud ipsos. Sub hac pœna infamix plures alix comprehenduntur, cum infamibus plura sint interdicta.

6 Sed dubium est, qui nomine filiorum comprehendantur in iis pœnis statutis in *l. quisquis*. Et dicendum est primò comprehendere emancipatos post delictum, quia præsumuntur in fraudem emancipati, secus si multo tēpore ante delicti conspirationem: colligitur ex *l. quisquis. §. emancipationes*, & ibi glossa in verbo *non valeant. C. ad leg. lul. maiest.* sic alios referens docet Farinac. *q. 116. n. 84. & 85.* Baiard. ad Clarum *§. lese maiest. n. 20.* Gigas *de crim. lese maiest. rub. de pœnis, quas filij incurrunt. q. 6.* Diaz *reg. 165. in 2. limit. vers. sublimis primò.* Secundò comprehenduntur filij naturales, & spurij, si certò constet parentem delinquentem fuisse, ne plus honoris daretur luxuriæ, quam castitati: & tradit Gigas suprà *quest. 7.* Clarus *pract. §. lese maiest. num. 11.* Decian. *tract. crim. lib. 7. cap. 41. num. 5.* Farinac. *num. 86.* Tertiò comprehenduntur filij post delictum parentum geniti, non antea.

contrarium sit satis probabile. Moueor legibus re-
gibus id decidi videtur, specialiter l. 6. tit. 27. p. 2.
& *madit* incertus author *de crimine læsæ maiest.* q. 7. per tot.
Clarus *præf. §. læsæ maiest. num. 12. vers. fuit etiam.* Czuall-
los multos referens, & latè probans *præf. quæst. cap. 653.*
Farinacius q. 116. num. 92. Diaz *reg. 165. in 2. l. i. vers. 1.*
sublimia.

7 Quatò non comprehenduntur clerici, quia ratio-
ne dignitatis videntur exempti: sic Gigas *de crimine læ-*
sæ maiest. lib. 1. rubr. de pœnis, quas filij incurrunt, quæst. 9.
Boërius *tract. de sedition. q. 6. post n. 3. & n. 23. in fine.* Farin-
acius q. 116. n. 117. Bellam. *in cap. si quis, n. 3. fine, 6. q. 1.*
ac proinde ij clerici nec sunt inhabiles ad beneficia, nec
priuantur acquisitis. Adde probabile satis esse clericum
non posse in Principem sæcularem crimen læsæ mai-
estatis committere; quia illi non subditur, vt multis re-
latis firmat Farinacius q. 112. num. 232. Ergo multo mi-
nus committi poterit in præiudicium filij clerici non
delinquentis.

Quintò non comprehenduntur nepotes, quia *in dict.*
l. quisquis, solum mentio filiorum facta est. At sub nomi-
ne filij in materia odiosa non veniunt nepotes, vt latè
probat incertus author *de crimine læsæ maiest. q. 6. per tot.*
Decian. *tract. crimin. lib. 7. cap. 41. num. 7.* Adde vt in cri-
mine hæresis ad nepotes via masculina descenderent
pœnæ, fuit necessarium exprimi. Ergo cum in præfenti
non exprimantur, nisi filij, solos filios comprehendit.
Video tamen committere Doctores filios committentis
crimen læsæ maiestatis humanæ æquiparare cum fi-
liis hæreticorum, ac proinde sicut pœnæ hæreticorum
extenduntur ad filios, & nepotes via masculina descen-
dentes, & ad solos filios via feminea; sic de iis filiis
censent dicendum: ita Farinacius q. 116. n. 89. Anton.
Gomez *de delict. tom. 3. cap. 2. num. 15.* Clarus *præf. §. læsæ*
maiest. n. 13. vers. præterea quæro. Peregrin. *de iure fisc. lib. 3.*
tit. 9. n. 5. Sed non video fundamentum firmum huius
æquiparationis.

8 Sextò non leue dubium est, an comprehendantur
filix in his pœnis, etiam si mater crimen læsæ maiesta-
tis commiserit, quia nihil in supradicta *l. quisquis*, statui-
tur pro filiis, cum mater hoc crimen commiserit: fortè
reputatum fuit leuioris considerationis; & rarò con-
tingentis, neque propter illud timendum filios, & filias
aufugos esse matrem audaciam imitari: sic Albertin.
in dict. l. quisquis, num. 4. vers. quærit glossa. Odofred. *ibi,*
num. 4. ante finem, vers. sed quæro. Salicet. *num. 9. vers. adhuc*
quæro. Decian. *tract. crimin. lib. 7. cap. 41. num. 14.* Gigas
de crimine læsæ maiestatis, lib. 3. rubr. de pœnis, quas filij in-
currunt, quæst. 17. num. 3. & seqq. quamvis alij plures, quos
refert, & sequitur Farinacius *quæst. 116. n. 98.* defendant
contrarium.

9 Denique duo sunt maximè aduertenda. Primò plu-
res Doctores non infimæ notæ affirmare pœnas con-
tentas *in dict. l. quisquis*, aduersus filios committentis
crimen læsæ maiestatis consuetudine abrogatas esse: sic
docent relato Angelo *in fallacuer, num. 4. C. de abolit.*
Boërius *tractat. de sedis. quæst. 6. post num. 11. & 23.* Socin.
consil. 174. num. 3. in fine, & num. 4. lib. 2. Gigas *de crimine*
læsæ maiestatis, lib. 3. rubr. de pœnis quas filij incurrunt, q. 23.
num. 3. Alciat. *consil. 467. num. 6.* vbi inter alia iuramentum
non reperiri, qui viderit supradictas pœnas seruari.
Idem censet Clarus *præf. §. læsæ maiestatis, num. 15. vers. v-*
num tamen. Roland. *consil. 74. num. 1. & seq. lib. 3.* Hieron.
Czuallus *præf. quæst. cap. 653. num. 38. vers. & pœ-*
nam, quos omnes refert, & sequitur Farinacius q. 116.
n. 144. & seq. vbi affirmat in iudicando minimè esse ab
his Doctoribus de hac consuetudine attestantibus re-
cedendum.

10 Secundò est aduertendum, casu quo supradictæ
pœnæ ad filios committentis crimen læsæ maiestatis
extendantur, debere crimen esse contra Imperatorem,
Ferd. de Castro *Sum. Mor. Pars 1.*

seu Regem, aut eius lateri assistentem, vt multis relatis
docet Farinacius *suprà n. 125.* quod manifestè proba-
tur ex *l. eorum, ff. ad legem Iuliam maiest.* iuncta glossa, vbi
expressè deciditur bona damnatorum ex hoc crimine
fisco applicari; si damnati non habeant filios, secus si
habeant: quæ decisio contraria est dispositioni *l. quis-*
quis, & l. 1. C. de bonis, qua liberis, & l. 4. ff. de interdict. ac
proinde dicendum est has leges loqui de crimine læsæ
maiestatis commissio contra Principem, & *l. eorum*, lo-
qui in aliis casibus læsæ maiestatis expressis *in l. 1. 2. &*
3. ff. ad legem Iuliam maiest. vt bene aduertit Clarus *præ-*
f. §. læsæ maiestatis, num. 15. vers. vnum tamen. Adde leg-
gem *quisquis*, solum loqui de crimine læsæ maiestatis
commissio aduersus Imperatorem, & consiliarios, & se-
natores eius, eosque qui ipsi militant: at nostrum non
est leges, & præcipuè pœnales ad alias personas exten-
dere, præter ibidem comprehensas. Ergo non potest
extendi ad crimen læsæ maiestatis commissum ad-
uersus reipublicam, vel Principem inferiorem Im-
peratore, etiam si superiorem non recognoscat: quod
optinè, & acutè notauit Achin. *lib. 9. controuersiarum,*
cap. 32.

DISPUTATIO VIII.

De modo iudicialiter procedendi in causis fidei.

H V c disputationi deferuire possunt plura, quæ
in superioribus dicta sunt. Quæ autem deside-
rari possunt, subiiciemus.

PUNCTVM I.

Qua ratione in crimine hæresis summarie,
& sine figura iudicij procedatur.

- 1 *Posse Inquisitores procedere simpliciter, & de plano,*
& absque iudiciali strepitu, est decisum varijs tex-
tibus.
- 2 *Non arduum ad sic procedendum.*
- 3 *Explicatur quid importet supradicta clausula, simplici-*
ter, & de plano, & absque iudiciali strepitu.
- 4 *Integra remanere debent, quæ sunt iuris naturalis.*
- 5 *Omitti potest libellus, & lites contestatio.*
- 6 *Agitari, & sententiari potest hæc causa diebus feriatis.*
- 7 *Amputatur dilationum materia.*
- 8 *Citatio requiritur, sed unica sufficit.*
- 9 *Iuramentum calumnia præstari debet, quamvis si omit-*
tatur, non obinde processus vitabitur.
- 10 *Conceduntur reo defensiones legitime, citantur partes ad*
audiendam sententiam, & sententia pronuntiatur in
scriptis.

I N crimine hæresis procedi posse simpliciter, & de
plano, & absque Advocatorum, ac iudiciorum
strepitu, & figura, deciditur expressè *in cap. statuta, in*
princ. de hæreticis, in 6. & notant omnes, & extat consti-
tutio Alexand. IV. anno 1251. incipiens, *Cupientes inquisi-*
tionis negotium, & alia Urbani IV. anno 1261. cuius
initium est, *Licet ex omnibus, vers. insuper ducto nego-*
rio. quæ referuntur à Pegna inter litteras Apostolicas,
& quarum ipse mentionem facit 3. *part. direct. quæst. 54.*
comment. 193. Neque audiendus est Decian. *tract. crim.*
lib. 5. cap. 34. n. 9. affirmans hoc privilegium Inquisitori-
bus concessum intelligendum esse quoad leuia, & non
multum præiudicialia: non autem in præiudicialibus;
motus ea ratione, quia crimen hæresis grauissimum
est,

est, & multum infamat; ac proinde non debet arbitrio Inquisitoris remitti, ut sic in illo in toto negotio procedat, præcipue cum in *cap. ut officium*, §. 1. de hæreticis, in 6. dicatur in hoc crimine procedendum esse iuxta canonicas sanctiones, & in §. si verò, dicitur, iuxta formam Ecclesiæ. Non, inquam, audiendus est; quia expressè contradicit textui affirmanti sine vlla limitatione, quod in inquisitionis, hæreticæ prauitatis negotio procedi posset simpliciter, & de plano, &c. & ita sine vlla limitatione tradunt Scaccia de iudic. cap. 52. num. 2. Repert. Inquisit. verbo ordo, versic. sed quoad rem iudicariam. Rojas singul. 145. num. 3. Pegna d. comment. 103. Farinacius quest. 185. num. 13. Neque obstat textus in *cap. ut officium*, quia iuxta canonicas sanctiones proceditur, cum proceditur ex privilegio, & constitutione Sedis Apostolicæ simpliciter, de plano, & sine figura iudicii.

2 Verum etsi Inquisitores possint hoc privilegio in causis fidei decidendis uti, non tamen obligantur ad sic procedendum; quia in dicto *cap. statum*, dicitur, concedimus, quod in inquisitionis hæreticæ prauitatis negotio procedi possit simpliciter, & de plano. Quæ verba non indicant obligationem, sed licentiam; & ita tradit Albertin. tractat. de agnoscend. assert. cathol. & heretica, quest. 34. num. 30. Vmbert. Locat. iudic. inquisit. verbo inquisitor, num. 18. sine. Zanchara tractat. de hereticis, cap. 9. in princ. Farinacius quest. 185. num. 19. Sigisimund. Scaccia de iud. cap. 52. n. 2. vers. quinimò poterit.

3 Sed inquires, quid importet supradicta clausula, ut procedi possit simpliciter, & de plano, & absque Advocatorum, & iudiciorum strepitu, & figura?

Respondet optimè Clemens V. in *Clement. sape contingit*, de verborum significat. ut videlicet iudex, cui taliter causa committitur, necessariò libellum non exigat, litis contestationem non postulet, tempore etiam feriarum ob necessitates hominum indultatum à iure procedere valeat, amputet dilationum materiam, litem, quantum poterit, faciat breuiorem, appellationes dilatorias, & frustratorias repellendo, partium, Advocatorum, & procuratorum contentiones, & iurgia, testiumque superfluum multitudinem refrænando. Non tamen sic iudex litem abbreviet, quin probationes necessariæ, & defensiones legitimæ admittantur. Citationem verò, ac præstationem iuramenti de calumnia, vel malitia, siue de veritate dicenda, ne veritas occultetur, per commissionem huiusmodi intelligimus non excludi. Verum quia iuxta petitionis formam pronuntiatio sequi debet, pro parte agentis, & etiam rei, si quid petere voluerit, est in ipso litis exordio petitio facienda, siue scriptis, siue verbo, actis tamen continuò, (ut super quibus positiones, & articuli formari debeant, possit haberi plenior certitudo, & ut fiat definitio clarior) inferenda. Et quia positiones ad faciliorem expeditionem litium propter partium confessiones, & articulos ad clariorem probationem vsus longæius in causis admisit. Nos vsus huiusmodi obseruare volentes statuimus, ut iudex sic deputatus à nobis (nisi aliud de partium voluntate procedat) ad dandum simul utrosque terminum dare possit; & ad exhibendum omnia acta, & munimenta, quibus partes vti volunt in causa, post dationem articulorum, diem certam, quandocumque sibi videbitur, valeat assignare, eo salvo, quod ubi remissionem fieri contingeret pro testibus producendis, possint etiam instrumenta produci, assignatione huiusmodi non obstante. Interrogabit etiam partes sine ad eam instantiam, siue ex officio ubicumque hoc æquitas suadebit. Sententiam verò diffinitiuam, citatis ad id licet non peremptoriè partibus in scriptis, & prout magis sibi placuerit, stans, vel sedens proferat, etiam (si ei videbitur) conclusione non facta, prout ex peti-

tione, & probatione, & aliis actibus in causa fuerit facienda. Quæ omnia etiam in illis casibus, in quibus per aliam constitutionem nostram, vel alias procedi potest, simpliciter, & de plano, ac sine strepitu, & figura iudicii volumus obseruari. Si tamen in præmissis casibus solemniter ordo iudiciarius in toto, vel in parte non contradicentibus partibus obseruetur, non erit processus propter hoc irritus, neque etiam irritandus. Hæc Clemens V.

4 Ex qua constitutione primò constat integra remanere quæ sunt iuris naturalis: siquidem probationes necessariæ ad veritatem indagandam omitti non debent, citatiòque partium, & illarum defensio legitimè conceduntur; solùm enim sublata censentur solemnitates, quæ ex iure positiuo expostulantur. sic EymERIC. 3. parte directorij, quest. 55. & ibi Pegna comment. 104. in fine. Paramus de origine sancta Inquisitionis, lib. 3. quest. 4. rubr. de forma, & ordine iudiciario, num. 45. Vmbert. Locat. in iudic. inquisit. verbo de plano. Farinacius q. 185. n. 14. & 16. Albertin. tract. de agnosc. assert. cathol. q. 34. n. 31.

5 Quæ autem solemnitates sint admittæ, & quæ omittæ, non est facile explicatu. Primò omitti potest libellus etiam parte petente. At omitti non potest petitio in actis scribenda; quia iuxta petitionis formam pronuntiatio sequi debet: & notauit glossa in supradicta *Clement. verbo necessariò*, in fine. & in verbo pronuntiatio, ubi optimas rationes adducit, quare petitio in actis scribi debeat. Menochius de arbitrar. lib. 1. quest. 18. per totum. Secundò omitti potest litis contestatio: sic tradit Pegna director. 2. pars. comment. 19. Sigisimund. Scaccia tractat. de iudicijs, cap. 103. num. 10. Menochius supra. Farinacius de heresi, quest. 185. n. 17. Decian. tractat. crimin. lib. 5. cap. 28. num. 11. & cap. 34. num. 5. Neque obstat textus in *cap. cum contumacia*, de hereticis, in 6. ubi inquisitus citari debet, ut de fide respondeat; per quem textum affirmat Carterius tractat. de hereticis, num. 111. requiri litis contestationem, si delinquens præsens sit. Non, inquam, obstat; quia ex supradicto textu solùm inferitur citandum esse reum, inferendo causam in citatione. Dubitat autem glossa, an ex eo, quod in iis causis litis contestatio possit omitti, possint etiam negari deliberatoria à reo petita, siquidem in alijs causis, in quibus figura iudicii seruatur, concedendæ sunt, si petantur, ut notatur *cap. cum accusatus* 3. quest. 3. arguit pro, & contra glossa, nec resoluit. At credo deliberatorias aliquas arbitrio iudicis dandas esse, quæ in defensionem ipsius visæ fuerint necessariæ: cum enim ipse reus possit iudicem reculare, si suspectus sit, possitque actorem reconuenire; necessariò ad hos, & alios effectus deliberatoria concedenda est.

6 Tertiò agitari, & sententiari potest hæc causa feriis ob necessitatem hominum inductis, quales sunt vindemiarum, & messium, etiam si partes renuant, quod in alijs causis fieri non potest: sic expressè *Clement. supra*, & glossa ibi, verbo ob necessitates. An autem feriis inductis in honorem Dei, & Sanctorum, & ob coronationem Principis repentinè inductis possit hic iudex procedere? Negat glossa. At contrarium credo praticari favore fidei: & probat *cap. fin. de ferijs*, ubi sententia in feriis prolata inualida est, nisi necessitas urgeat, & pietas suadeat: sed pietati, & religioni conuenit causam fidei abbreviare. Ergo ex hac parte omnibus feriis tractari poterit.

7 Quartò amputat dilationum materiam, abbreviat litem, exceptiones, appellationesque frustratorias repellit, rescindit iurgia, testium multitudinem refrænata. Quæ omnia licet in omni causa, in qua figura iudicii seruatur, obseruanda sint; strictius tamen in hac causa,

causa in qua de plano, simpliciter, & summarie proceditur: ut bene dixit glossa verbo exceptiones.

8 Quinto requiritur citatio, sed sufficit vnica, cum alias in principio causae requiratur trina, vel peremptoria, ut in cap. quoniam, §. porro, ut lite non contest. & habetur cap. de illicita, 24. q. 3.

9 Sexto expostulatur iuramentum calumniarum, veritatis, & malitiae, quamuis si tacite omittantur, non videatur obinde processus vitiosus, cap. 1. de iuramento calumniarum, in 6. & tradit glossa supradict. Clement. verbo non excludi.

10 Septimo conceduntur reo defensiones legitimae, & tempus necessarium ad illam faciendam; admitti debet appellatio ab interlocutoria, alias contra ius procederetur: & tradit Pegna 3. part. comment. 103.

Octavo citantur partes ad audiendam sententiam, sicut in aliis causis: at in hac non citantur peremptorie, quia non concluditur causa, sed locus datur nouis probationibus, & defensionibus, & notauit glossa ibi, verbo conclusionem.

Nono sententia ferenda semper est in scriptis, alias nullius valoris; sicut in aliis causis ordinem iudicium seruantibus: & fuit maxime conueniens, ne veritas occultaretur. Vide praeter Doctores supra relatos, specialiter glossam.

PUNCTUM II.

De modo procedendi in crimine haereticis via accusationis.

- 1 Hic modus procedendi non est in usu.
- 2 Si tamen quis illum subire velit, admittendus est, neque ad poenam talionis cogetur se subscribere; tamen si grauius arbitrio Inquisitoris debeat puniri, si in probatione defecerit.
- 3 Si se ad poenam talionis subscripsit, & in probatione defecerit, tamen si aliqui sentiant ad illum esse condemnandum, probabilis est oppositum.
- 4 Expenditur modus instituendi hanc accusationem.
- 5 Accusare omnes possunt.
- 6 Infames laici contra clericum, pupilli, & minores cum autoritate tutoris, excommunicati, si alij non sint.
- 7 Inimicus capitalis admitti etiam potest ad accusandum, tantum tamen.

1 Communiter Doctores aduertunt hunc modum procedendi in crimine haereticis consuetudine esse abrogatum; quia in hoc tribunali publicus est minister constitutus, quem vulgo fidealem dicimus, qui personam accusatoris subit, & reos accusat; nec se ad poenam talionis subscribit, aut ad alias, quas falsi accusatores pati solent, ut optime notauit Pegna direct. 3. p. comment. 14. n. 67. vers. sed cum hodie. Decian. tract. crim. lib. 15. cap. 28. n. 8. in fine. Farinacius quest. 165. num. 40. Paramus de origine sanctae Inquisitionis lib. 3. q. 9. n. 15. & seqq. Scaccia de iud. cap. 5. 2. n. 6. & seq. Ratio autem, quare poenis accusatoris non probantis hic minister fidealis non subiiciatur, est; quia necessitate officij ob bonum publicum accusat, & quia nunquam accusat, nisi testes habeat. Quapropter iurat se accusare non ex malitia, sed ex necessitate officij compellus.

2 Verum si aliquis officium accusatoris inister, & requirat, se velle subire, acquiescat Inquisitor, & accusatio proponatur in scriptis, iuxta textum in cap. 1. 2. q. 8. ibi, Accusatorum persona nunquam recipiatur sine scripto. Sed hoc scriptum sufficit, si fiat à Notario proposita querela ab accusatore coram iudice; quia in hoc crimine procedi potest summarie, de plano, & absque strepitu iudicij. cap. fin. de haereticis, in 6. & tradit Pegna direct. de Castro Sum. Mor. Pars 1.

Est comment. 14. vers. ubi autem. Paramus de orig. sanctae Inquisitionis lib. 3. quest. 9. num. 10. Farinacius num. 42. Insuper hic accusator non est obligatus se subscribere ad poenam talionis: tum quia haec poena in ceteris criminibus sublata est; ne crimina crescant, si è republica tollantur accusatores, ut verè tolluntur ex parte, si timent in probatione deficientes huic poenae subiectos esse, ut latius probat Couarr. lib. 2. variarum, cap. 9. n. 1. Simancas de cathol. institut. lib. 64. num. 93. Rojas singul. fidei, singul. 6. Pegna supra vers. hic positis. Tum etiam, quia in hoc crimine non est necesse subscriptionem facere, cum in eo procedatur summarie, & absque figura iudicij, ex cuius concessione haec subscriptio tollitur, ut bene notauit Pegna 3. part. quest. 55. comment. 104. vers. itaque. Param. de ord. inquisit. lib. 3. q. 4. rubr. de forma, & ordine iudicij sancti officij, num. 16. & 17. & q. 9. num. 12. Farinacius quest. 185. num. 33. At esto ad poenam talionis accusator non se subscribat, ac proinde illam subire non debeat; nihilominus si defecerit in probatione, grauius puniendus est arbitrio Inquisitorum, quia habetur ut calumniator, & tanquam calumniator puniendus est. sic docuit Rojas supra singul. 8. Pegna 3. part. comment. 14. vers. ex his. Farinacius num. 37. Non tamen caret probabilitate poena talionis puniendum esse, si ex malitia probatum fuerit innocentem falsò accusasse, iuxta constitutionem Pij V. quae est eius §. in Bullario: ubi statuit Pontifex denuntiantem per calumniam ad poenam talionis esse subiectum. quod à fortiori dicendum videtur de accusatore, & notauit Farinacius num. 39.

3 Sed quid dicendum, si ad poenam talionis se subscripsit, & in probatione defecerit; eritne puniendus ea poena, cum ipse sibi eam voluerit imponi?

Respondeo cum Pegna in suprad. comment. 14. vers. sed quid, & Farinacio num. 37. adhuc eam subire non debere, sed mitius puniendum esse. Non quia dignus non sit, sed quia Ecclesia vult misericordiam cum illo exercere, & non rigorosam iustitiam, iuxta textum in cap. super his, de accusationib. ibi, Ad extraordinariam poenam, secundum arbitrium iudicis discreti citra vinculum inscriptionis est excipiens adstringendum, si defeceris in probando. Item testis falsus nunquam punitur talionis poena, sed minori, quam testificatus subiret, si verum esset crimen obiectum. Ergo idem de accusatore dicendum est, cum minus noceat accusato, quam testis. Quod certissimum est, casu quo accusator vnum testem produxisset, aut saltem probasset se à fide dignis audiuisset; quia tunc dici non potest integrè in probatione deficere, cum saltem ex parte delictum prober. sic ex Bart. Baldo, & aliis notat Pegna direct. comment. 14. dicens esse legitime obseruandum.

4 Modus autem instituendi hanc accusationem tradit Eymet. 3. part. direct. n. 67. & ibi Pegna num. 71. rubr. de modo continuandi processum. Ludouic. à Paramo de origine sanctae Inquisitionis lib. 3. q. 9. n. 17. & seq. ubi n. 93. aduertit non esse necessarium in accusatione exprimi locum loci, ut loquuntur Canonistae, id est, specialem locum, v. g. domum, Ecclesiam talis ciuitatis, & tempus praecisum commissi criminis; sed tantum mensem, & annum, oppidum, & ciuitatem, &c. tum ne accusatus in notitiam testium, antequam producantur, deueniat: tum quia solemnitas libellorum, ff. de accusationib. non sunt in hoc crimine obseruandae necessarii. cap. fin. de haereticis, in 6. At esto in accusationis libello non exprimaturs locus, & dies praecisus commissi criminis: at in capitulis productis ad probationem criminis apponi debent, ut bene ex Decian. tract. crim. lib. 5. cap. 28. n. 10. tradit Farinacius q. 185. n. 30.

5 Quod si roges, quibus comperat accusatio?

Respondeo comperere omnibus indifferenter, quia, ut optime traditur in l. Manichaeos, §. 1. C. de haereticis.

V v 2 hoc

508 De modo iudic. proced. in causis fidei.

hoc crimen publicum est, & in omnium fertur iniuriam, eo quod in religionem diuinam committatur. Publici autem criminis, & in omnium iniuriam cadentis omnibus competit accusatio. sic Repert. Inquisit. verbo accusatio. vers. nota quod in isto crimine. Carter. tract. de heret. a. num. 107.

6 Hinc fit admitti infames laicos contra clericum, pupillos, & minores, non tamen sine auctoritate tutoris, & curatoris, bene tamen filios familias absque patris consensu: sic alios referens docet Farinacius de heresi, quest. 185. num. 23. Excommunicati autem excommunicatione maiori, si denunciati sint, vel publici percussores clerici, repellendi videntur, dum in excommunicatione existunt, quia in iudicio esse non possunt, ipsisque ius petentibus denegatur. cap. intellectum, de iudic. cap. 1. eodem tit. lib. 6. cap. significauit, & cap. cum inter, de exceptionibus, cap. decernimus, de sentent. excommunicat. & aliis, & tradit pluribus relatis Petrus à Placha lib. delictorum, cap. 44. num. 10. Clarus practicarum quest. 14. versic. quia nunquid excommunicatio. Ceterum credo admitti posse in defectum, argumento ducto ex cap. in fidei fauorem, de hereticis, in 6. ubi in fauorem fidei ne crimen hæresis maneat impunitum, excommunicati admittuntur in testes. Ergo possunt in accusatores admitti, præcipue cum non petant ius proprium læsum rescire, quod illis esset negandum; sed petant reparationem iuris publici, & religionis.

7 De inimico autem capitali est grauis difficultas, an ad accusandum in hoc crimine excepto admitti possit? Negat Carter. tract. de hereticis, num. 107. versic. item à predictis. Campegius in addition. ad Zanch. tract. de hereticis, lit. D. in verbo omnis. Eymeric. direct. 3. part. q. 67. versic. respondemus, in fine. & ibi Pegna comment. 116. in fine. Ratio esse potest. Primò, quia inimicus non præsumitur procedere zelo iustitiæ, sed amore vindictæ, ac proinde præsumitur calumniator. Secundò, quia in quolibet delicto, quantumvis graui, inimicus capitalis repellitur à testimonio dicendo. ex textu in l. 3. & ibi Doctores. ff. de testibus, l. 1. §. præterea. ff. de questionibus, auibent. si testis productus, C. de testibus. sed repulsus à testimonio repellitur ab accusatione, cap. testes, 2. quest. 7. cap. sanè, 1. §. quest. 3. cap. super prudentia, 1. 2. quest. 2. & tradit latè Decian. tract. crimin. lib. 3. cap. 25. per totum, & cap. 26. num. 1. & seqq. Verum credo probabilius inimicum admitti posse; cautè tamen, & vt suspectus. sic Clarus pract. quest. 14. versic. vltimus dixi. Gigas de crimine læsæ maiestatis, lib. 2. rubr. qui accusare possunt, quest. 6. num. 13. Decian. tract. crimin. lib. 3. cap. 25. num. 7. Parilius consil. 2. num. 54. & 75. lib. 4. Farinacius quest. 185. num. 29. & quest. 12. num. 39. lib. 1. praxis. Probo, quia hoc crimen in omnium iniuriam cedit, vt habetur l. Manichæos, C. de hereticis. Ergo prosequens illius vindictam, iniuriam omnium censeretur persequi, vt pote principalioris propriæ. Ergo non propriam. Tum quia si ad hoc crimen accusandum non admittitur inimicus, difficile inuenietur, qui accuset. Tum denique, quia accusator non probat, sed exhibet probationem. Ergo si accusator fidem non faciat, quia non assumitur, vt testis, nulla est efficax ratio illum excludendi, præcipue cum ex illius admissione possit damno publico præcaueri.

PUNCTUM III.

De modo procedendi in hæresis crimine per denuntiationem.

1 Denuntiator non tenetur probare: at si probetur calumnie denuntiasse, grauius puniatur.

2 Forma denuntiationis, & stylus in ea seruandus.

3 Facta denuntiatione Inquisitor procedit non ad instantiam partis, sed ex officio.

4 Admittuntur in hoc crimine ad denuntiandum omnes, tametsi absentes, debent tamen litteras subscribere.

1 Hic est vñratus modus in hoc crimine procedendi, cum denuntianti non sit ita periculosus, vt pote qui ex consuetudine recepta non subeat probandi onus, sed iudici hanc obligationem remittat, vt benedicit Eymeric. 3. part. direct. rubr. de secundo modo procedendi in causa fidei per denuntiationem, num. 68. & ibi Pegna comment. 15. versic. his peractis. Ludouicus Paramo de origine sanctæ Inquisitionis, lib. 3. quest. 8. num. 21. & 22. Farinacius de heresi, quest. 185. num. 71. Scaccia de iudic. cap. 72. n. 4. Verum etsi probare non teneatur, si tamen conuincatur falsò denuntiasse, tanquam calumniator arbitrio Inquisitoris puniendus est, quia hic denuntiator, quia non suam, nec suorum iniuriam prosequitur, sed communem religionis, assumitur in testem ex generali consuetudine inquisitionis, vt notauit Simancas cathol. institut. tit. 19. rubr. de denuntiatis, num. 17. & tit. 64. rubr. de testibus, num. 55. Repert. Inquisit. verbo accusatio, & verbo testis. Ergo tanquam testis falsus puniendus est. Adde ex sola ipsa denuntiatione, si falsum deponat, grauissimè lædit delatum, cum aperiat viam iudici inquisitionem specialem aduersus illum faciendi; merito ergo puniri debet vt calumniator. Pegna ad Eymeric. 3. part. direct. rubr. de duodecimo modo terminandi processum, comment. 40. versic. ad hoc, imò ex constitutione Pij V. quæ est eius §. in Bullario, versic. mouemus præterea, si fortè in viridi esset obseruantia, pœna talionis puniatur, qui per calumniam probatus sit denuntiasse.

2 Forma denuntiationis, & stylus, quem Inquisitores seruare debent in recipiendis denuntiationibus, optimè ponitur ab Eymeric. 3. part. direct. num. 68. & ibi Pegna comment. 15. In primis enim denuntiatio facienda est in scriptis, vel saltem verbis, quæ à Notario in scriptis statim redigantur, vt tradunt supradicti Doctores, & confirmat vñs. Secundò debet iurare denuntiationem factam. Tertiò est conueniens, vt talis denuntiatio recipiatur præsentibus honestis personis, iuxta cap. vt officium, de heret. in 6. etsi consuetudine obseruatum non sit.

3 Facta autem denuntiatione Inquisitor procedit non ad instantiam partis, sed ex officio, examinando testes, quos denuntiator allegauit, vel alios, ex quibus veritas cognosci possit. Quod si denuntiator testes alios non nominet, sed solùm ipse de visu deponat; non debet Inquisitor statim ad inquisitionem specialem procedere, si denuntiatum sit nobilis, religiosus, aut aliis non suspectus, ob grauem infamiam inde oborturam, sed matura deliberatione dictum denuntiantis debet expendere.

4 Admittuntur in hoc crimine ad denuntiandum omnes, etiam si fuerint absentes, modò proprio nomine, & iuramento denuntiationem firment. Simancas cathol. institut. tract. 43. rubr. de ordine procedendi, num. 10. Farinacius quest. 185. num. 66. Quod si proprio nomine litteras non subscripserint, repellenda omnino est denuntiatio, neque alicuius momenti æstimanda, quia præsumitur falsa. Aliàs daretur occasio improbis probos infamandi, vt bene dixit Simancas in enchirid. volute relig. tit. 22. rubr. de inquisit. ord. num. 8. Farinacius n. 68. Limitat tamen Paramo de origine sanctæ Inquisitionis, lib. 3. quest. 6. num. 93. vt intelligatur, quando in illis litteris nulli essent nominati testes. Nam si testes nominentur, existimat posse Inquisitores ad illorum examinationem procedere. Sed non placet limitatio, quia nominatio illa testium non est authentica, sed potius suspecta, vt pote à persona incognita. Ergo non

non potest sufficere iudici, ut inquisitionem specialem faciat, quæ de se infamationem prærequirit: & ita docet Farinac. q. 185. n. 68.

PUNCTUM IV.

Qua ratione per inquisitionem procedatur.

- 1 Duplex est inquisitio generalis, & specialis, & quid ad generalem requiratur.
- 2 Quid ad specialem inquisitionem.
- 3 Ex leuibus indicij non est capiendus reus.

Hæc est tertia via, & satis vtitata, qua Inquisitores in causa fidei procedunt. Duplicem Doctores inquisitionem distinguunt, generalem vnam, alteram specialem. Generalis inquisitio est, in qua aduersus nullum delinquentem expressè proceditur, sed solum in genere proponitur, si fortè aliqui sint occulti, ut manifestentur. Ad hanc ergo inquisitionem non est necesse aliquam informationem procedere, cum nemini iniuriola sit, & potius ad præcauenda mala reipublicæ, & delinquentes coercendos instituta sit. Quapropter ipse Inquisitor sæpe in anno hanc inquisitionem generalem facere debet, prout faciunt suis edictis, iuxta textum in cap. excommunicamus, el. 1. §. adiciamus, & §. ult. de hereticis.

2 Specialis inquisitio est, quando aduersus aliquem specialem, & nominatum Inquisitor procedit; cum ipsum interrogando, tum examinando testes. Hæc autem institui non potest, nisi infamia præcedat, iuxta textum in cap. qualiter, & quando, de accusationib. & tradit Simancas de catholic. institut. tit. 44. num. 8. Quæ autem infamia sufficiat, non est constans apud omnes. Reputarem oriri debere ex grauib. indicij. Ex leuibus enim, quæ delicto graui annexa non sunt, moueri non debet iudex ad suspicandum, & dubitandum tam graue crimen de homine Christiano, ut latius diximus, cum de pœnis, quas incurrunt suspecti, locuti fuimus.

3 Vnum tamen est omnino certum, etiamsi leuia indicia, quæ annexa non sunt graui delicto, aperiant viam iudici ad inquisitionem faciendam; non tamen ex illis moueri iudex potest ad capturam rei. Hæc enim captura cum sit ita delinquenti molesta, damnosa, & infamatoria, necessariò expostulat, aut delictum esse plenè probatum, aut saltem de illo sint indicia, suspitionesque vehementes probatæ: imò si est persona nobilis, religiosa, & honestæ vitæ, non debent Inquisitores absque consilio supremi Senatus ad capturam procedere, nisi fortè fuga timeatur. sic doctè tradit Eymeric. 3. part. directior. rubr. de forma examinationis testium, num. 37. & ibi Pegna comment. 17. versic. ergo in hoc articulo, & 3. part. quest. 59. comment. 59. com. 108. versic. primum ergo. Rojas tractat. de hereticis, 2. part. assert. 1. num. 1. & seqq. Farinacius de heresi, quest. 185. num. 7. Simancas catholic. institut. tit. 16. rubr. de custodia reorum, num. 1. & seq. & præcipuè tit. 43. rubr. de ordine procedendi, num. 12. & in enchirid. violata relig. tit. 25. rubr. de comprehendendis, num. 1. & seqq. Ludouicus à Paramo de origine sanctæ Inquisitionis, lib. 3. quest. 4. rubr. de forma, & ordine iudiciario sancti officij, num. 30. Sigismund. Scaccia tract. de iud. cap. 44. per totum, & alij communiter.

PUNCTUM V.

De citatione facienda reo.

- 1 Semper reus citandus est.
- 2 Citari autem debet primò absque causæ expressione, si non timeatur fuga.

Ferd. de Castro Sum. Mor. Pars I.

- 3 Si citatus verbaliter non comparet, capiendus est, si minus citandus causa expressione, & vnica citatio sufficit, ex consuetudine tamen trina habetur.
- 4 Citatio non solum ad contestandam litem, sed magis ad sententiam requiritur.

Quocunque modo Inquisitores procedant, accusatione, denuntiatione, aut inquisitione, semper reus citandus verbaliter est, quia eius res familiaris, honor, & vita periclitatur. Quapropter potestatem habere debet se defendendi. habetur cap. quisque Episcopus, 4. q. 5. cap. venerabilis, de dolo, & contum. & tradit Decian. tract. crimin. lib. 5. cap. 32. num. 1. Paramus de origine sanctæ Inquisitionis, lib. 3. quest. 4. n. 62. Farinacius q. 185. num. 154. Pegna ad Eymeric. 3. part. direct. comment. 17. vers. rursus.

2 In hac autem inquisitione verbali, (de qua loquimur) si inquisitus comparet, nec de illo timeatur fuga, citandus est absque causæ expressione; solum in genere proponendo, velle Inquisitores ab eo aliqua scire; ne detur occasio captandi fugam: sic Brunus tractat. de hereticis, lib. 4. cap. 6. Pegna ad Eymeric. direct. 3. part. comment. 33. num. 131. Paramus de origine sanctæ Inquisitionis, lib. 3. quest. 4. rubr. de forma, & ordine iudiciario, num. 34. Simancas catholic. institut. tit. 43. rubr. de modo procedendi, num. 12. fine. Quod si ex hac sola citatione generali fuga prudenter timeatur, capiendus est reus omiſsa verbali citatione, ex textu in l. nullus, C. de exhibendis rebus. & l. fin. C. de custodia reorum. & notauit Pegna tertia parte directior. comment. 17. num. 73. versic. rursus.

3 Facta hac verbali, & generali citatione, si inquisitus non comparet, capiendus est, (si capi potest,) si minus citandus cum causæ expressione, videlicet ut de fide respondeat: iuxta textum in cap. cum contumacia, de hereticis, in 6. sic Scaccia de iudic. cap. 43. num. 9. Farinacius quest. 185. num. 114. Pegna dicto comment. 33. num. 131. versic. si tamen. Hæc citatio, si rigorem spectemus, vnica sufficit, quæ tribus æquiualeat, signato termino competenti, & peremptorio ad comparandum; quia nullibi habetur expressè in hoc casu trinam expostulari; præcipuè cum in hoc crimine non ardeatur iudex solemnitatibus à iure aliàs requisitis. At ex consuetudine aduersus absentem contumacem trina citatio expediri solet, signato in qualibet illarum termino competenti, ut sic processus, & sententia magis iustificetur. sic Rojas singul. 29. Paramus de origine inquisitionis, lib. 3. quest. 4. n. 65. Farinacius quest. 185. num. 117. & 157. Simancas de catholic. institut. tit. 14. rubr. de contumaciis, num. 6. & in enchirid. viol. relig. tit. 45. rubr. de absentibus, num. 3. & 4.

Forma seruanda in hac citatione optimè ponitur ab Eymeric. directior. 3. part. à num. 130. & à Pegna ibi, comment. 33.

4 Non solum ad contestandam litem, & firmandum processum, citatio est omnino necessaria, sed multo magis ad sententiam pronuntiandam. Nec enim validdè sententia profertur potest, quin priùs reus citetur expressè ad illam audiendam: ut satis colligitur ex Clement. sape, de verborum significat. circa finem. ibi, sententiam definitiuam (citatis ad id licet non peremptoriè partibus) proferat. sic Pegna alijs relatis 3. part. direct. comment. 40. num. 165. versic. rursus, & seqq. Paramus de origine inquisitionis, lib. 3. quest. 4. rubr. de expeditione processus, num. 19. Decian. tractat. crimin. lib. 5. cap. 38.

n. 17. Farinacius quest. 185. n. 155.

Carter. tract. de heret.

num. 128.

PUNCTUM VI.

De defensionibus concedendis reo,
antequam condemnatur,
vel absoluator.

- 1 Defensiones, exceptionesque legitime, & tempus aptum ad illarum probationem reo sunt concedenda.
- 2 Sini ne danda ha defensiones reo confesso, vel conuicto? Proponitur dubitandi ratio.
- 3 Probabilius est dandas esse.
- 4 Reo concedenda est indiciorum, & probationum aduersantium copia.
- 5 Dandus est reo Aduocatus.
- 6 Reo inquisito minori 25. annis, dandus est curator.
- 7 Qui si minor habeat patrem, debeat ne pater curatoris officium subire? Probabilius credo non posse.

Nemini potest esse dubium defensiones, exceptionesque legitimas, & tempus aptum ad illas probandas esse reo concedendum; quia hoc iuri naturali debetur, colligitur ex *Clement. pastorales*, §. *ceterum, de sentent. & re iudic.* & *Clem. sape, de verborum signific. l. v. v. m.*, & ibi communiter Doctores, ff. *de iustit. & iur. lic. inultis relatis docent Pegna 3. part. direct. comment. 28. versic. ac defensiones iuris.* Simancas *catol. institut. l. i. 17. num. 53.* Calder. *tract. de hereticis, rubr. de materia professuum, num. 3.* Bossius *tit. de hereticis, num. 9. vers. nec etiam defensio.* Farinacius *quest. 185. num. 210.* Quod adeo verum est, ut reo non petenti debeant supradictae defensiones ex officio iudicis concedi; iuxta textum in *l. etsi non defendantur, ff. de poenis.* & in *auth. qui semel, C. quomodo, & quando index.* Ratio est, nam iudex ex officio tenetur rei defensiones quaerere, eo quod teneatur veritatem inuestigare; sed nulla alia via aptior ad veritatem enucleandam esse potest, quam concessio defensionum iure d. bitarum. Ergo. & ita tradit alios referens Farinacius *lib. 1. prax. tit. 5. q. 39. à n. 97. & in crimine hereticis q. 185. n. 211.*

1 Dubium tamen est, an reo confesso, vel conuicto dandae sint ha defensiones, tum ante sententiam, tum post sententiam? Ratio dubitandi est primò, quia defensio conceditur, cum delictum defendi potest. At si reus conuictus de delicto est propria confessione, vel testibus, delictum defendi non potest; non ergo debet illi defensio concedi. Secundò in notoriis, & omnino manifestis non dantur defensiones; sed nihil est magis notorium, aut manifestum, quam id quod testibus, aut propria confessione rei in iudicio est probatum. Item in crimine hereticis ex sola confessione propria potest iudex ad condemnationem procedere; quia est crimen in animo existens, ac proinde sola confessione sufficienter probatum, ut ex Baldo, Felino, & aliis tradit Pegna *direct. 3. part. comment. 28. num. 117. versic. & quumquam.* Quod secus est in aliis criminibus, in quibus non sufficit sola delinquentis confessio, nisi de corpore delicti constet, ex *l. 1. §. item illud, ff. ad senatusconsult. Syllanian.* ergo reo confitenti delictum superflua est omnis defensio; cum nulla sit, quae validam hanc probationem informare possit. & ita tradit Carer. *tractat. de hereticis, num. 131.* Vmbert. *Locat. in iudicial. inquisit. verbo defensiones, num. 1. versic. primò.* Campeg. *in additio. ad Zanch. tract. de heret. cap. 9. vers. indiciorum verò copiam.* Eymet. *direct. 3. p. n. 117. in princ.* & fauet Pegna *com. 28. vers. ex his ergo.*

3 Nihilominus probabilius censeo dandas esse reo defensiones, siue delictum confessus sit, siue testibus probatum; sic docet Pegna *supradicto loco*, motus ea congruentia, ne delinquens vilo tempore conqueratur se iniuste damnatum esse. Item quia multa opponi pos-

sunt aduersus propriam confessionem, & à fortiori aduersus testium probationem. Quis enim non videat opponi posse timore esse factam. Ergo non obstante propria confessione, & testium probatione dandae sunt reo defensiones: consentit Farinacius *q. 185. num. 213.* Extendenda tamen est haec doctrina non solum ante sententiam, sed etiam post illam, quia sententia haec non transit in iudicatum, sed reuocabilis est. Ergo ex hac parte procedere debemus, ac si data non fuisset.

4 Ex his fit primò reo concedendam esse indiciorum, & probationum aduersantium copiam, iactis nominibus deponentium; alias non valebit se defendere, cum praecipua defensio consistat in purgandis contrariis indiciis, & depositionibus contrariorum infirmandis: sic Simancas *in enchirid. tit. 35. rubr. de testib. num. 12.* Zanch. *tractat. de hereticis, cap. 9. num. 6.* Pegna *3. part. comment. 110. fine, versic. hoc exploratum est.* Farinacius *quest. 39. num. 154. & quest. 185. num. 212.* & alij apud ipsos.

5 Secundò fit, reo dandum esse Aduocatum, seu Aduocatos, virum vtriusque iuris peritum, & fidei zelatorem, & nullo modo de legalitate suspectum, non enim debet esse haereticus, nec de haeresi diffamatus, ex text. in *cap. excommunicamus, l. de hereticis, §. credentes*, imò potius oportet, ut ab originariis Christianis itipem ducat, ne ob infectum sanguinem infideliter officium suum exequatur. Hunc autem Aduocatum dandum esse inquisitis de haeresi, non tamen confessis, & conuictis, & vsus probat, & ipsa ratio naturalis suadet; cum reus saepe vel ob imperitiam, vel ob afflictionem carceris ignoret modum se defendendi. Officium huius Aduocati, qui in praesentia Inquisitoris patrocinari reo debet, est persuadere reo, ut haeresim fateatur (si forè commisit) & poenitentiam exposulet, & quidquid reus responderit, fiscali manifestabit: sic optime tradit Pegna *3. part. direct. num. 117. comment. 28. versic. & sic conceditur.* Simancas *de catholic. institut. l. i. §. rubr. de Aduocatis, num. 3. & 4. & in enchirid. tit. 42. rubr. de Aduocatis, n. 1.* Vmbert. *Locat. verbo Aduocatus, num. 1. & verbo defensiones.* Farinacius *quest. 197. num. 77.* Neque aduersus huc obstat textus in *cap. fin. de hereticis, in 6.* vbi conceditur Inquisitoribus, ut in causis fidei absque Aduocatorum, & iudiciorum strepitu, & figura procedere possint. Quia procedere possunt absque Aduocatis, dum illorum officium non reputatur defensioni rei necessarium eaque de causa non datur inquisitis de haeresi Aduocatus, quousque ter moniti ab Inquisitoribus de veritate dicenda negant crimen obiectam: tum, inquam, propter suspicionem, & dubium ex negatione proveniens, quod crimen obiectum verum non sit, datur illis Aduocatus. Vnde si manifestè constet inquitum haereticum esse, nullus Aduocatus eius patrocinium subire posset, quia esset haereticorum fautor, & defensor, & perpetuae infamiae subiaceret, ex text. in *cap. si aduersus, de hereticis.* sic Doctores suprà relati. Vide Farinacium *suprà num. 72.* Quod dictum est de Aduocato, dicendum esset de procuratore, si ad rei defensionem necessarium existimeretur. At rarò, vel nunquam necessarius est, tum quia Aduocatus eius vices supplet: tum quia ipsimet Inquisitores procurrant reum defendere, si capax est defensionis, & ibi Pegna *in supradict. comment. 128. versic. & procurator,* notat ex Madriliana instructione *cap. 35.* procuratorem his reis assignari non esse in vsu; nisi in aliquo casu vrgentis necessitatis arbitrio Inquisitorum.

6 Fit tertio, reo inquisito minori 25. annis dandum esse curatorem, ut eius autoritate accusationi respondeat, ex textu expresso in *l. clarum, C. de auctoritate praestanda,* & ibi notat glossa, Salicet. Angel. & omnes. Alias responso minoris facta absque hac solemnitate etiam in

In crimine hæresis, nullius erit momenti; ac proinde ex illaque absolui, nec condemnari poterit: sic relatis *Math. de Afflictis decis. 208. & Anton. Gomez tom. 3. var. cap. 1. de delictis, cap. 64. & 65. in fine. Alexand. consil. 115. & Corneo consil. 198. lib. 4. tradit Pegna direct. 3. p. comment. 28. num. 117. vers. hoc tamen non omitam.* Officium curatoris est sua autoritate, & præsentia personam inquisiti legitimare ad respondendum. Quapropter interponit suam autoritatem super hoc articulo, an scilicet interrogandus sit? Item an præstare debeat iuramentum de veritate dicenda? non tamen necessarium est, imò nec conveniens præsentem esse, quando inquisitus super facto proprio respondet, quia secundum propriam notitiam, & non aliunde subministratam respondere debet, & ita aliis relatis probat Anton. Gomez n. 65. in medio.

7 Quod si minor inquisitus patrem habeat, ad ipsum specialiter non pertinet tale officium; quia pater in litibus, & causis criminalibus filij non est administrator, ut ex Bart. in l. fin. §. pupillus, ff. de verb. obligat. Baldo in l. cum oportet, §. cum tactus, in fine, C. de bonis quæ liberis, tradit Gomez tom. 3. var. cap. 1. n. 64. Sed an possit pater ab Inquisitoribus spectato rigore iuris in curatorem filij nominari, affirmat Anton. Gomez ibi, generaliter loquens. At credo nullo modo nominandum esse, quia regulariter est suspectus, ut potius filio, quam fidei, & religioni faueat, & ita vidi practitari.

PUNCTUM VII.

De appellatione, an, & quando in crimine hæresis interponi, & admitti possit.

- 1 Appellatio hæreticis denegatur.
- 2 Concedenda tamen est hæredibus, quando ex presumptione iuris hæreticus condemnatur.
- 3 Hæretico condemnato via querelæ, & supplicationis licet Principem adire, tamen si alijs contrarium placeat.
- 4 Appellatio conceditur à sententijs interlocutorijs, tamen si à sententia declaratoria hæresis non concedatur.
- 5 A sententia, seu decreto torture datur appellatio.
- 6 Explicatur ad quem est appellandum in his sententijs interlocutorijs.
- 7 Inquisitor interposita appellatione procedere potest adversus appellantem, si ex alia nova causa denuntiatus sit.

1 **R**egula generalis est beneficium appellationis hæreticis, & eorum fautoribus denegari, ex text. expresse, in cap. ut inquisitionis, de hæreticis, in 6. ibi, cum tam secundum ordinationem prædecessorum nostrorum, quam secundum legem imperialem, appellationis, & proclamationis beneficium expresse sit hæreticis, & credentibus, ac eorum receptatoribus, fautoribus, & defensoribus interdictum. Ratio huius est, quia appellatio introducta est, ne innocentes graventur, cap. ad nostram, de hæreticis. At hæretici in causa hæresis innocentes non sunt; sed potius nocentes toti Ecclesiæ. Non ergo debet eis appellatio concedi. Ex qua ratione fit, ut appellatio hæreticis denegetur, debere ipsos, ut tales ab Ecclesiâ reputari. Quod fieri non potest, quousque sententia declaratoria criminis succedat; illa tamen facta iam sunt manifesti hæretici, quibus ne levis detur suspicio, quod Ecclesiâ favere velit, omnino denegat eis, postquam sic sunt declarati, beneficium appellationis: ita Doctores omnes, quos in re clara libens omitto. Hinc fit pronuntiata sententia diffinitiva adversus hæreticum posse statim executioni mandari, nec opus esse expectare terminum decem dierum à iure concessum ad appel-

landum, cum appellatio esse non possit. Vmbert. Locat. in iudic. inquisit. verbo appellare, & in verbo sententia, n. 31. Rojas singul. 179. n. 2. Decian. in actat. crimin. lib. 5. cap. 20. n. 26. & cap. 58. num. 1. Paramus de origine sanctæ Inquisitionis lib. 3. quest. 4. rubr. de expeditione processus in causis fidei, num. 58.

2 Sed quid si hæreticus declaratur talis, non ob propriam confessionem, aut testium manifestam probationem, sed ex presumptione iuris, quia in contumaciam damnatus est, vel quia se ipsum occidit ante causam finitam, vel alia via ex qua ius præsumit delictum?

Respondeo ex rationabili causa interponi posse ab hæredibus appellationem, debereque superiorem illi deferre; quia aliqua dubitatio est, an hæreticus sit, & locus esse potest defensionis, sic Simancas de catholic. institut. tit. 6. n. 7. & 8. & in enchirid. tit. 65. rubr. de appellat. n. 6. Decian. tract. crim. lib. 5. cap. 58. n. 4. Farinacius q. 185. num. 230.

3 Dubium tamen est, an hæretico sic condemnato liceat Principem superiorem adire via querelæ, & supplicationis, ut sententia data, quam iniustam esse prætendit, reuocetur, & annulletur? Negat Simancas cathol. institut. tit. 6. rubr. de appell. n. 2. Carter. tract. de hæretic. n. 130. Ratio esse potest primò, quia indignus est beneficio Ecclesiastico, qui iam ab Ecclesiâ est inimicus declaratus. Secundò, quia in sententia de crimine lata non admittitur supplicatio ad demonstrandum errorem; sed solum ad gratiam, & remissionem impetrandam à Principe: imò neque hæc supplicatio in crimine læsæ maiestatis admittitur, ut videtur sancitum in l. quisquis, §. denique. ibi, sine venia, C. ad leg. Iuliam maiest. & probat Rebuff. comment. ad consil. regis Gallie, tom. 1. tract. 4. supplic. in prefat. num. 71. Menoch. de arbit. q. 70. n. 44. At credo contrarium esse probabilius, primò, quia interdicta appellatione non censetur recursus ad Principem interdictus in causis gravis præiudicii, ut latè probat Roland. cons. 94. n. 1. & seq. lib. 1. Menoch. de arbit. q. 70. n. 18. Secundò superior iudex non prohibetur de præfensa iniusta sententia cognoscere, & eam reuocare; quia hoc rectæ gubernationi convenit. Ergo non sunt prohibiti rei ad eum supplices, & queruli pro tali cognitione, & reuocatione accedere. Tertiò ipsemet iudex superior supplicari potest à sententia à se lata, ut iterum illam recognoscat; & si inveniatur iniustitiam, reuocet, & annullet. Ergo id à fortiori fieri poterit in sententia lata inferioris: & ita tradit in crimine hæresis Felin. in cap. ad abolendam, num. 3. in fine, de hæreticis, vers. sed adverte. Rojas singul. 19. num. 5. & seq. Decian. tract. crim. lib. 5. cap. 58. num. 5. Farinacius q. 185. de hæresi, num. 233.

4 Verum et si hæreticis appellatio non concedatur à sententia declaratoria hæresis: at à sententijs, & actibus interlocutorijs omnino conceditur. tradunt omnes Doctores, ut testatur Rojas sing. 19. Simancas cathol. institut. tit. 6. rubr. de appell. n. 3. & in enchirid. tit. 65. eadem rubr. de appell. n. 2. Eymer. 3. p. direct. rub. de appell. n. 121. & ibi Pegna com. 3.1. vers. ab interlocutorijs. Farinacius q. 185. n. 232. Param. de orig. sanctæ Inquisitionis lib. 3. q. 4. n. 60. & alij plures. Ratio esse potest, quia huiusmodi actus, & interlocutorie sententiæ ad inuestigandam veritatem, an reus commiserit hæresim, procedunt. Dum ergo, id certum non est, sed aliqua tergiuersatione celari possit, beneficium appellationis non debet denegari. Debet tamen in appellatione inferi, & allegari causa appellationis, aliàs appellatio non subsistet, cap. ut debemus, cap. cum remissam, cap. cum sit Romana, de appellationib. & tradit Bonifacius de Vitalis Clement. appellanti, de appellationibus, à num. 24. Pegna direct. 3. part. comment. 3.1. vers. num. autem. Farinacius multis exornans quest. 101. tit. de varijs, ac diversis questionibus, num. 158. & de hæresi, quest. 185. num. 232.

5 Hinc inferitur in sententia, seu decreto torturæ dari posse appellationem; quia est actus interlocutorius ad eruendam veritatem: & probat manifestè textus in l. 2. C. de appellatione recipiendis. ibi, ante sententiam appellari potest, si quæstionem in civili negotio habendam iudex interlocutus sit, vel in criminali, si contra leges iudex hoc faciat. sic tradit Pegna loco allegato, Simanc. in enchirid. violatæ relig. tit. 5. rub. de tormentis, num. 11. & tit. 65. rub. de appellationibus, num. 2. Farinac. quæst. 185. num. 139. Clarus præst. 5. fin. quæst. 64. vers. sed quid agendum. Verùm etli regulariter per appellationem à sententiâ interlocutoria non ligentur manus iudicis, sed possit in causa procedere, quousque à superiore inhibeat: hoc tamen fallit in decreto torturæ, eo quod continet damnum irreparabile; vt cum Lancelloto tract. de attentatis, cap. 12. limit. 1. num. 1. probat Farinac. quæst. 38. num. 11. Solum excipendus est casus, quo euidenter constat friuolam allegari causam appellationis: tunc enim omnino reiicienda est appellatio; & ad torturam procedendum, vt generaliter scripsit Foller. præst. crimin. verbo si confitebuntur, in 3. p. tertia pars, post num. 50. & probat textus in cap. cum appellationibus. de appellationibus. in 6. vbi appellationibus friuolis nec iura deferunt, & ex textu in l. 2. ff. de appellatione recipien. argumento à contrario sensu à verbis legis, quod in iure est efficax; cum enim lex dicat recipiendam esse appellationem, si contra legem iudex faciat, efficitur sanè reiiciendam esse, si iuste, & debite procedat: & in propriis terminis hæresis docuit Pegna 3. p. comm. 3. 1. vers. quadam autem sunt. vbi ad propositum refert instructionem Madrilianam editam anno 1561. cap. 50. quam vbique seruandam esse docet, consentit Farinac. de hæresi, quæst. 185. num. 235. Deinde esto iudex ad quem debeat cognoscere, an legitimè appellatum sit: quando dubium est, an subsistat appellatio. At in causa manifesta friuolæ appellationis iudex à quo cognoscit. Aliàs nunquam esset verum teicere posse iudicem à quo appellationem, & in executione sententiæ interlocutorie procedere, sic aliis relatis Farinac. lib. 1. præst. tit. 5. quæst. 38. num. 29. Dixi, in causa manifesta friuolæ appellationis; quia in casu dubio, siue dubium sit iuris, siue facti, iudex à quo superedere debet, & expectare, quid iudex ad quem pronunciet, ne periculo exponatur grauari iniuste innocentem in iis quæ irreparabilia sunt. sic Farinac. quæst. 38. num. 30. Pegna 3. p. direct. comm. 3. 1. vers. quadam autem.

6 Sed inquires ad quem sit appellandum ab iis interlocutoriis sententiis, & quoties in causis fidei permittitur appellatio? Cui dubitationi breuiter respondeo in Hispania ad Inquisitorem generalem, qui visis actis, & processu in senatu inquisitionis, appellationem vt illegitimam repellit, vel illam iudicat admittendam, in Italia ad senatum Sacrosanctæ Romanæ inquisitionis. At in aliis partibus credo ad Pontificem appellandum esse, quod omnino certum est, si sententia à solo Inquisitore lata sit, quia à delegato ad delegantem appellatio facienda est: ex cap. super quæstionum. 5. porro, de officio delegati. l. Imperatores. ff. de appellat. l. præcipimus. 5. huic. C. de appellat. & Inquisitor Sedis Apostolicæ est delegatus. Si verò sententia lata sit ab Episcopo, & Inquisitore simul, cum tunc vt delegati Sedis Apostolicæ procedant, ad Sedem Apostolicam prouocandum est. Et idem est, cum Episcopus procedit aduersus exemptos. Quapropter solum est difficultas, quando Episcopus ratione officij, & ex iure ordinario aduersus hæreticos non exemptos procederet. In quo casu Pegna dicto comm. 3. 1. circa medium. Farinac. quæst. 185. num. 240. probabilius existimant ad Sedem Apostolicam esse prouocandum, cuius est causas graues terminare. At grauissima est causa, quæ fidem spectat. Nihilominus non caret probabilitate ad Metropolitanum posse appellari, vel ad Pontificem, omisso Metropolitano, sicut in aliis causis,

iuxta cap. si duobus, de appellationibus. cap. quoties, cap. ad Romanam, 2. quæst. 6. Neque obstat textus in cap. maiores, de baptismo. vbi deciditur causas graues non nisi Pontificis autoritate terminandas esse; quia iudicare de legitimitate appellationis, & de causa, ob quam appellatur, non est ita grauis, quæ Pontificis auctoritatem exposculet; aliàs neque in prima instantia ab Episcopo iudicari, & terminari possit. Si enim controuersia esset, an hoc, vel illud de fide sit, huius quæstionis terminatio Pontificem spectaret, vt pote summæ Ecclesiæ necessaria. At quando controuersia est, an aduersus fidem hic deliquerit, quæ potius est quæstio de facto, quàm de iure; decisio illius non est ita Ecclesiæ necessaria, quæ non possit ab aliis præter Pontificem decidi.

7 Aduerto tamen posse Inquisitorem interposita appellatione, imò illa admissa procedere aduersus appellantem, si ex alia causa, scilicet ex alia noua hæresi fuerit appellans denuntiatus; quia appellatio solum suspendit exercitium iurisdictionis in illa causa, in qua contingit appellatio; non in aliis. Excipe nisi causa appellationis fuerit suspicio iudicis: tunc enim, quia æqualiter in omnibus causis procedit, non poterit iudex reum compellere ad respondendum in aliis causis, nisi fortè fuerint adeò graues, & manifestæ, vt ipsamet grauitate, & manifestatione reus condemnatus existat, vt probat text. in cap. proposuit, de appellat. in fine. ibi, iudex samen, à quo appellatur (quia illi omnino suspectus est) eum non debet ad respondendum super alijs compellere, nisi pro crimine adeò graui, & manifesto, quo ipso actus merito sit damnandus.

PUNCTVM VIII.

De recusatione Inquisitoris, quando fieri possit à reo.

- 1 Inquisitor recusari potest, tamen si multi contrarium sentiant.
- 2 Grauis causa ad hanc recusationem exposculetur.
- 3 Quis debet cognoscere de causa recusationis.

1 **N**ON defunt graues Doctores, qui negant recusari posse, eo quod sit delegatus ad vniuersitatem causarum, qui ordinario comparatur, in quem recusatio cadere non potest, vt dixit Sigismund. Scaccia tract. de iud. cap. 67. num. 7. Menoch. de arbitr. quæst. 37. in fine. num. 4. lib. 1. Rojas singul. 100. & in tract. de hereticis. 1. p. de priuilegiis inquisitorum. num. 435. At quia consuetudine receptum est recusationem fieri, & admitti, plerique Doctores non infimæ notæ sentiunt id fieri posse allegata, inquam, causa recusationis, vt multis comprobatur Eymer. 3. p. direct. num. 120. & Pegna com. 30. Farinac. de hæresi. q. 185. num. 236. Simanc. catholicæ institut. tit. 17. rub. de defensione reorum. num. 51. & in enchirid. viol. relig. tit. 47. rub. de defensionibus. num. 26. & alij. Ideo videndum est, quid id ea obseruandum sit.

2 Primò statuendum est pro certo, grauem causam ad hanc recusationem exposculari; cum enim Inquisitoris officium, non nisi prudentia, doctrina, & virtute præditis concedatur; præsumi non potest suspectus ex leui causa, sic Eymer. Pegna, Symanc. & Farinac. supra. Causam autem grauem vocant relati Doctores inimicitiam capitalem, aut grauem.

3 Secundò dicendum est facta recusatione, etsi de rigore iuris arbitri essent eligendi, vnus ex parte iudicis recusati, alius ex parte rei recusantis, qui de causa allegata in recusatione cognoscerent. At decentius, & honestius est, ne iudicium illudatur, nèue negotium catholicæ religionis differatur, nèue passim sine causa Inquisitores recusentur, vt causa ad supremum senatum remittatur, qui cognita summarie causa recusationis eam admittat, vel repellat, prout in Hispania ex Madriliana

In instructione seruari testatur Pegna dicto comment. Farinacius num. 239. Interim tamen Inquisitor reus procedere non debet, sed si habet collegam, collega procedat, sin minus, causa quiescat. Quæ omnia procedunt, cum dubium est causam reculationis esse legitimam; secus si iudicio prudentum manifestè constet frivolum esse, & inanem, & solum fuisse appositam ad iudicium subterfugendum, causamque detinendam.

PUNCTUM IX.

De tortura inferenda in crimine hæresis.

- 1 Tortura in hoc crimine inferri potest, quando alia legitima probatio deficit.
- 2 Debent tamen procedere legitima indicia, & sufficienter probata.
- 3 Vnus testis deponens non de delicto, sed de indicijs delicti, non sufficit ad torturam.
- 4 Si plures, quàm duo testes singulares concurrerent ad probationem indiciorum, posset reus subijci tortura.
- 5 Dictum vnius testis de corpore delicti sufficit ad subiiciendum reum tortura, tamen si alij contrarium sentiant. Intelligitur dummodo testis sit omni exceptione maior, & reus non sit probata virtutis.
- 6 Socius criminis non præbet indicium sufficiens ad torturam.
- 7 Præbet tamen, si alio adminiculo iuuetur.
- 8 Quid debeat index perpendere in depositione socij criminis.
- 9 Fama qua ratione præbeat indicium sufficiens ad torturam.
- 10 Confessio extrajudicialis sufficiens est indicium ad torturam.
- 11 Sola variatio, & vacillatio non præbet indicium sufficiens ad torturam, tamen si probabiliter alij contrarium defendant.
- 12 In crimine hæresis omnes alijs exempti torquendi sunt.
- 13 Aliquibus places leuius esse torquendos, sed non est eorum dictum in iure fundatum.
- 14 Minores, senes, & valetudinarii torqueri possunt pro qualitate virium, excepta muliere gravida.
- 15 Reus in tormentis delictum passus debet ratificari, alijs ex eius confessione ibi facta condemnari non potest.
- 16 Facta ratificatione si penitentiam exposulat, admittendus est, nisi fuerit relapsus, si in errore persistit; debent adduci Doctores, qui solum conuincant.
- 17 Si accedente tempore ratificationis reus renocat, subiiciendus tortura iterum est.
- 18 Si tortus sufficienter sit, & in negativa persistit, absolvendus est.
- 19 Reo conuicto, & confessio, potest tortura inferri pro habendis complicitibus.
- 20 Quoties agitur, an reus subiiciendus sit tortura, debet eius Advocatus assistere.

Nemini dubium est torturam inferri posse in hoc crimine, cum alia via veritas haberi non potest. nam prius tentanda sunt omnia alia remedia, & in omnium defectum, huius acris, rigidi, periculosi, & fallacis usus conceditur. Conuicto enim, & confessio non est tortura inferenda, quia tunc iam de delicto constat, & tortura, ut probeatur delictum, & inuettigetur veritas occulta, adhibetur, iuxta textum in l. vi. C. de questionib. ibi, & ex his ea qua occulta sunt, reuelari. & l. edictum, vers. si de questionib. & l. diuus Pius, eodem tit. & alijs quæ congerit Anton. Gomez tom. 3. variarum, cap. 13. num. 20. constat. Modos inferendi torturam, & diligenter anteriores faciendi, ut veritas eruatur, optime tra-

dit Eymeric. direct. 3. part. rubr. de tertio modo terminandi processum, num. 151. & seqq. & ibi Pegna in addition. comment. 39. Anton. Gomez tom. 3. variarum, cap. 13. num. 23. & 24.

2 Nunquam tamen in crimine hæresis, sicut neque in alio crimine tortura infligi potest, nisi præcedant sufficientia, & legitima delicti indicia. sic latè Martilius l. 1. ff. de questionib. & conf. 49. num. 9. conf. 50. num. 3. Menochius alios referens, de arbitr. lib. 1. quest. 84. à num. 1. & redditur ratio, quia à tortura, quæ est damnum irreparabile, inchoandum non est, l. 1. ff. de quest. Tortura enim in subsidium aliarum probationum deficientium assumitur ad veritatem manifestandam. Hæc autem indicia torturam præcedentia debent sufficienter esse probata; dum enim probata non sunt, indicia esse non possunt. Quapropter credo quodlibet indicium de se ad torturam inferendam sufficiens probandum esse duobus, vel pluribus testibus; alijs non plenè probatum erit, ut pluribus exornat Anton. Gomez variarum resolutionum, tom. 3. cap. 3. rubr. de tortura reorum, num. 18. Clarus prædictarum quest. 22. in princ. Menochius de arbitr. lib. 2. casu 270. num. 23. Farinacius lib. 1. quest. 37. à num. 13.

3 Quocirca vnus testis deponens non de delicto, sed de indicijs delicti, v. g. de confessione extrajudiciali, de fama, de fuga, aut alio simili, insufficientis est, ut alijs re-latis docent supradicti Doctores, quibus adde Mascard. de probationibus, lib. 1. concl. 462. num. 18. & 19. & conclus. 894. num. 1. & 4. lib. 2. & concl. 1385. num. 32. lib. 3. Pegna ad Eymer. direct. 3. part. quest. 61. comment. 100. vers. sam indicia. Martinus Deltio disquis. magic. lib. 5. in 2. appendice, quest. 10. Rojas tractat. de hæresicis, part. 2. num. 289. Quod intelligendum cenfeo, etiam si adesset alius testis deponens de alio indicio, ita ut essent duo testes singulares, quilibet de suo indicio deponens, non redderent reum subiectum torturæ; quia veraque illa depositio non æquiualeat probationi concludenti factæ à testibus contestibus, ut pluribus comprobat, & exornat Farinac. quest. 37. num. 38.

4 At si testes singulares plures quàm duo concurrerent ad probationem indiciorum, ipsique essent probata vitæ, omnique exceptione maiores, sufficienter ex eorum depositione reus subiici posset torturæ, quia verisimile non est tot testes talia deposuisse, nisi reus culpabilis existeret. Item cuiuslibet testis depositio, etsi non concludenter probeat indicium, aliquam tamen, etsi leuem, facit præsumptionem. Ergo multiplicatis his depositionibus, ex illis resultare potest maior præsumptio, quàm ex probatione concludenti vnius tantum indicij. sic Albertin. tract. de agnoscend. assert. cathol. & heret. quest. 25. num. 20. Carrer. pract. in 2. tractat. de indic. & tortura, §. que autem, & qualia debeant esse indicia, n. 6. 8. & 9. Clarus in pract. quest. 21. vers. sed pone quod vnus. Farinacius loco allegato, num. 38. Adde ad torturam regulariter sufficere vnum indicium, si sit proximum, & illatuum delicti, & bene probatum: sic post alios Anton. Gomez tom. 3. variarum, cap. 13. num. 8. Gigas de crimine lese maiest. q. 1. n. 16. Menochius de arbitr. lib. 2. casu 331. & de presump. lib. 1. q. 89. num. 14. Farinacius quest. 37. num. 47.

5 Quæ autem sint hæc indicia, quorum quodlibet sufficiens sit torturæ subiiciendi reum, examinandum est. Et primò dubitatur de depositione vnius testis de delicto. v. g. deponit Petrus te hæresim prædicasse, aut idolijs adorasse, vel quid simile hæreticale fecisse: præbetne eius depositio sufficiens indicium ad te torquendum? Non desunt negantes, nisi simul cum depositione vnius testis de delicto fuerit, vel aliud indicium, præsumptioque concurrat. sic Martilius conf. 102. n. 10. Nouell. pract. in rubr. de testibus in mat. crimin. num. 49. Ratio esse potest, quia tortura est poena grauissima, quæ reo imponenda non videtur, nisi delictum sit plusquam semi-

semiplenè probatum. Item dictum vnius testis in criminalibus non semiplenè probat, etsi probet in civilibus: quibus fauet Albertin. *tract. de agnosc. assert. quest. 34. num. 39.* Viui. *comm. opin. verbo testis vnius de visu, num. 2. & seqq.* Eymer. *3. p. quest. 61. vers. 3.* Nihilominus à communi sententia recedendum non est, quæ affirmat dictum vnius testis de corpore delicti deponentis sufficiens esse indicium ad torturam. Debet tamen testis esse omni exceptione maior. Ratio est, quia tam in civilibus, quàm in criminalibus, testis vnus semiplenè probat, cum duo probent concludenter, vt multis relatis docent Anton. Gomez *tom. 3. var. cap. 12. num. 2. sub vers. animaduertendum tamen.* Pegna *direct. 3. p. comm. 110. in medio, vers. ceterum.* Menoch. *de presumpt. lib. 1. quest. 89. num. 7.* Farinac. *quest. 36. num. 129.* Et ita in propriis terminis hæretis, sufficere vnius testis omni exceptione maioris depositionem docuit post alios Simanc. *cathol. instit. tit. 65. rubr. de tormentis, num. 23. & seq.* Eymer. *direct. inquisit. 3. p. quest. 61. num. 3. vers. secunda regula, & n. 8. vers. septima regula, & ibi Pegna comm. 110. vers. primo, & seqq.* Farinac. *quest. 185. num. 129.* Zanch. *tract. de hæretic. cap. 9. & ibi Campeg. in addit. lit. E, vers. nunquid poterit torqueri, & alij.* Notanter dixi, si testis sit omni exceptione maior: nam si aliquem defectum patiat, cum tunc non semiplenè probet, nullo modo seipso solo indicium faciet ad torturam. sic Farinac. *suprà num. 131. & latius dixit quest. 37. num. 56. & 61.* Carrer. *arbit. de hæret. num. 118.* Pegna *dicto comm. 110. vers. secunda regula.* Gabr. *consil. 178. num. 6. lib. 1.* Adde neque vnum testem omni exceptione maiorem sufficere ad torquendum reum, si reus denunciatus sit bonæ famæ, & virtutis apud omnes. Quia rei bona opinio infirmat dictum testis, & præsumptionem constituit in contrarium: sic Simanc. *de catholic. instit. tit. 65. num. 23. & in enchirid. tit. 52. num. 13.* Decian. *tract. crim. lib. 5. cap. 36. num. 6.* Pegna *3. p. direct. quest. 61. comm. 110. vers. non dubito tamen.* Farinac. *de hæresi, quest. 185. num. 132.*

6 Hinc inferitur socium criminis deponentem de delicto non præbere sufficientem probationem ad torturam; quia esto in hoc crimine ob fidei fauorem testis aliàs inhabilis admittatur; non tamen admittitur vt integrè probans, & tanquam omni exceptione maior. vt tradit Marsil. *consil. 109. num. 15. volum. 2.* Grammat. *conf. 59. num. 1.* Hippol. Riminald. *consil. crimin. diuers. conf. 84. num. 9.* Anton. Gom. *tom. 3. rub. de probationib. delictorum, num. 23.* Boslius *de indicib. & considerationib. ante torturam, num. 166. & 177. vers. non tamen credas.* At ad torturam requiritur ad minus semiplena probatio delicti. Cum ergo hæc ex depositione socij criminis, & testis patientis defectum, & suspicionem non habeatur; efficitur sanè non posse ex illo reum torturæ subiici. & ita multis relatis docet generaliter Farinac. *quest. 43. num. 75. & num. 147. & in crimine hæresis, quest. 185. num. 151.* Simanc. *cathol. instit. tit. 65. rub. de torm. num. 26. & in enchirid. viol. relig. tit. 52. rub. de torm. num. 14.* Pegna *addit. direct. 3. p. q. 61. com. 110. vers. An autem socius criminis.* Martinus del Rio *disquisit. magic. lib. 5. q. 3. & lib. 5. in 2. appen. quest. 1.*

7 Verum si dictum socij criminis alio adminiculo iuuetur, sine dubio tenendum est præstare sufficiens indicium ad torturam: tenent supradicti Doctores, quia ratione adiuncti suppletur testis defectus. Quod autem adminiculum debeat esse, vt ex illo, & ex depositione testis defectuosi resultet integrum indicium aduersus nominatum, non est certa regula definitum: ac proinde arbitrio iudicis prudentis regulandum est, vt dixit Menoch. *de arbit. lib. 2. casu 474. num. 47. & seqq.* Mascard. *concl. 1311. sub num. 53.* Hoc autem arbitrium, vt benè dicit Farinac. *quest. 43. num. 162.* non ex proprio Marte sumendum est; sed ex sententia, & dictis Doctorum. Quapropter ipse aliquos casus adducit, ex

quibus constare potest, quibus indiciis adminiculata depositio socij criminis inferat torturam aduersus depositum. Præcipui, & nostro instituto deseruiantes sint. Primus si cum nominatione socij criminis concurrant testes de auditu. tunc enim sufficit talis nominatio ad torquendum reum; quia licet testes de auditu non faciant indicium ad torturam, nec probent. *l. testium. ff. de testib. l. si arbit. ff. de probationib. cap. licet ex quadam de testib.* At cum negari nō possit facere aliqualem præsumptionem: illa præsumptio iuncta cum depositione socij criminis æquiualeat depositioni testis omni exceptione maioris. Secundus est, quando cum dicto socij criminis concurrat fama contra nominatum, ob rationem supradictam, quia fama supplet defectum ponentis. Tertius si cum supradicta depositione concurrat fuga nominati. Quartus si concurrat stricta amicitia, & intima familiaritas nominati cum nominante; quia habere cum sceleratis hanc amicitiam malum est, & non leue reddit indicium ad torturam; imò in crimine hæretis est speciale delictum cum hæreticis familiaritatem habere. Quintum addere possumus, si depositione vnius socij criminis, alia alterius socij iungatur, & duo socij criminis deponant; quia tunc duplex illa depositio integri testis depositioni videtur æquiualeat: sic Pegna *direct. 3. p. quest. 61. comm. 110. ad finem, vers. si tamen duo socij.* Martin. del Rio *lib. 5. de disquisit. magic. sect. 3. vers. ad torturam, & lib. 5. in 2. appen. quest. 1. conclus. 2. & seq.* Farinac. *quest. 185. num. 152.*

8 Aduertendum tamen est, vt socij criminis depositio aliis indiciis adminiculata faciat plenum ad torturam indicium, debere iudicem satis perpendere qualitatem personæ nominatæ, & nominantis, & modum depositionis: ita vt ex illis certò credat depositionem esse veram, & nominatum delinquentem esse: quod satis colligitur ex textu in *c. in fidei fauorem. de hæreticis, in 6. ibi, postquam dixit ob fidei fauorem testes aliàs inhabiles admitti*, subdit, *Si ex verisimilibus coniecturis, & ex numero testium, aut personarum iam deponentium, quàm eorum, contra quos deponitur, qualitate, ac alijs circumstantijs, sic testificantes falsa non dicere presumantur.* sic Menoch. *de arbit. lib. 2. casu 474. num. 58.* Mascard. *de probationib. lib. 1. conclus. 158. num. 3. & lib. 3. conclus. 1311. num. 45.* Farinac. *quest. 43. num. 177.* Roland. *consil. 73. num. 25. & 37. & alij apud ipsos.*

9 Secundò dubitatur de fama, an sola illa sufficiens præbeat indicium ad torturam: quando oritur à fide dignis, & ritè probata est? Videtur affirmatiuè respondendum esse, eo quòd talis fama semiplenè probet. Verum omnino tenendum est solam famam insufficientem esse, nisi alijs indicijs adiuuetur; quia fama est indicium remotum, & fallaciæ subiectum; ac proinde insufficientis subiiciendi infamatum tam graui pænæ. Neque sola illa semiplenam probationem constituit. Quocirca vt fama præbeat indicium sufficiens torturæ, debet esse ita vehemens, hoc est, ex tali fundamento firmo, & ratione orta, vt meritò ipsum fundamentum, & causa reddat ipsam famam verosimilem, vel vt alio adminiculo adiuuata, & coniuncta, semiplenè saltem probet delictum. sic Clarus *pract. §. fin. quest. 21. vers. sic fama sola.* Pegna *3. p. direct. comm. 110. vers. tertia regula.* Farinac. *quest. 47. num. 4. inuol. num. 17.* Menoch. *lib. 1. presumpt. quest. 89. num. 28.* Sigismund. Scaccia *de iudic. cap. 95. n. 1. vers. si sumus in crimine hæresis.* Martin. del Rio *disquisit. magic. lib. 5. in 2. appen. quest. 7. & dicto lib. 5. sect. 3. sub vers. ad torturam, & alij plures apud ipsos.*

10 Tertiò dubitatur de confessione extraiudiciali, de qua cum communi sententia censeo sufficere; quia est indicium satis proximum, & illatiuum delicti: nemo enim præsumi potest sibi falsò crimen imponere, sic ex glossa in *l. capite quinto, ff. de adulter. Barr. Bald. & alijs docet Anton. Gomez tom. 3. var. cap. 13. num. 8. & 9.* Carrer. *pract. crim. num. 121. vers. septimum indicium.* Iulius Clarus *pract.*

pract. §. fin. q. 21. vers. confessio extrajudicialis. Farinacius q. 37. num. 47. Pegna direct. 3. p. comm. 110. circa fin. versic. ergo præter rememorata indicia. Menoch. de præsumpt. lib. 1. q. 89. n. 14. & seqq.

11 Quæritur dubitatur de variatione, & vacillatione in respondendo, an hoc indicium sufficiens sit, ad torturam? & secundo est de variatione in delicto, vel circumstantiis ipsam inferentibus.

Respondetur probabilius esse (et si contrarium sit satis probabile) solam variationem siue in tormentis, siue extrâ non præbere indicium sufficiens ad torturam, quia variatio, & mendacium in confessione, de se est signum remotum delicti, & non proximum, & concludens. At ad torturam requiritur indicium vehemens, vrgens, & luce clarius. Ergo. Neque obstat testem varium ob variationem torquendum esse. *l. qui falsa, vel varia. ff. de testib. l. ex libero, ff. de quest.* quia torquetur eo quod eius dictum non valet, nisi tormentis firmatum; non enim erat conueniens, ut aduersus tertium valeret dictum testis mutabilis: at cum cuiusque dictum aduersus se ipsum valeat. *l. de atate, §. 1. ff. de interrog. actio.* non est opus tormentis ad dictum illius firmandum. Verum si ipsamet variatio, & mendacium alio indicio adiuuetur, tunc erit sufficiens ad torturam: sic pluribus relatis comprobat Farinacius *q. 52. num. 22. in cello num. 29.* Neque etiam obstat reum consistentem crimen in tormentis, & ductum ad locum, quo se ratificare debet, si reuocat confessionem factam, torqueri iterum posse: ut tenet communis sententia cum Marfil. *pract. crimin. §. quoniam, num. 3. vers. & in hac questione, & in l. reperi, num. 11. & seqq. ff. de questionib.* quia aliàs nunquam reus confessionem factam ratificaret, sciens ex non ratificata confessione damnari non posse; neque etiam subiici posse torturæ: & sic delicta impunita remanerent. Non, inquam, obstat, ut dicamus reum ex sola variatione torturæ esse subiiciendum, quia in hoc casu non tam ob variationem, quam ut primo dicto valorem, & firmitatem tribuat, subiicitur: cum enim dicta in tormentis non valeant, nisi ratificata, cogitur tormentis ratificari. Item non propter variationem, sed propter nouum indicium ex confessione facta in tormentis ortum torquetur. Nunquam tamen tormentum ultra tertiam vicem repetendum est; imò neque ultra secundam, ex sola non ratificatione; etiam si in tormento positus iterum fateatur crimen, & postea neget; quia secunda confessio eadem est cum prima in tormentis facta, ac proinde non constituit nouum ad torturam indicium, ut bene considerabit alios referens, Farinacius *quest. 38. num. 99.* pluries enim reum tormentis subiicere, non humanum, sed inhumanum, & crudelissimum est, & proprium carnificum.

12 Rursus dicendum est de personis, quæ torturæ subiici possunt. Variæ sunt personæ à tortura exemptæ: tum ratione officij, & dignitatis, tum ratione ætatis, & corporis valetudinis. Regula ergo generalis est personas exemptas ratione officij, & dignitatis, quales sunt clerici, religiosi, milites, decuriones, nobiles, si in crimen hæresis delinquant, torqueri possunt: probat textus in *l. de minore, ff. de questionib. & in l. si quis alicui, & in l. nullus, C. ad legem Iuliam maiest.* textus in *l. et si excepta, C. de malefic. & mathematic.* sic tradit Anton. Gomez *tom. 3. variarius, cap. 13. rubr. de tortura reorum, num. 3. ad finem.* Boslius in *tit. de indic. & considerat. ante torturam, num. 115.* Simancas *causolic. institut. tit. 65. rubr. de torment. num. 44. & seqq. & in enchirid. violata relig. tit. 52. num. 20.* Francisc. Pegna *direct. 3. part. comment. 39. n. 156. vers. scio quasitum esse. & q. 61. comment. 110. vers. his constitutis.* Farinacius *de indicij, & tortura, quest. 41. n. 100. & de hæresi, quest. 185. num. 125.* Decian. *tractat. crimin. lib. 5. cap. 20 num. 22. & cap. 33. num. 11.* Rojas *singul. 208. & alij apud ipsos.*

13 Aliquibus tamen videtur hos leuius, quam alios torquendos esse. sic docuit Martinus Deltio *disquisit. magic. lib. 5. in 2. append. quest. 23. & loquens de clericis* tradit Gigas *de crimine læsa maiestatis, lib. 2. quest. 28. n. 5.* Simancas *de hæreticis, tit. 65. num. 49.* Clarus *pract. §. fin. quest. 64. versic. sed an clerici, in fine.* Salzedo *pract. cap. 125. num. 6.* vbi alios adducit concordantes, *litt. D. pag. 423.* & videtur probari ex textu in *cap. illi qui, §. quest. 5.* cum enim ibi dicatur torturam clerico inferendam esse per religiosum tortorem, tacite insinuat cum pietate, & religione, & non cum rigore, & crudelitate esse inferendam. Item quia dignitati aliquid deferendum est. Si enim ob atrocitatem criminis non eximantur ij à tortura; saltem conuenit, ut à rigore illius eximantur. Fateor piam esse, & fauorabilem hanc sententiam; at parum in iure fundatam. Nam textus supradictus in *cap. illi qui,* solum indicat clericum torquendum esse, religioso, seu Ecclesiastico tortore, non laico, ut dixit glossa ibi. Gigas *num. 6. supra.* Carrer. *pract. crimin. in 2. tract. de indic. & tortura, §. circa tertium que persona, & c. num. 29.* Quod iam vsu, & consuetudine est abrogatum, ut alius relatis docet Clarus *pract. §. fin. quest. 64. versic. sed hic quero.* Sigismund. Scaccia *de iud. lib. 1. c. 10. num. 41.* Farinacius *de indicij, & tortura, quest. 41. n. 15.* At nullo modo ex dicto textu, neque ex alio probatur clericos, nobiles, & quoslibet alios ratione officij, & dignitatis à tortura exemptos mitius torquendos esse in hoc crimine: cum enim hæ personæ, utpote digniores, & de republica, ac Ecclesia amplius bene merita grauius delinquant, quam ceteri, qui his obligationibus carent: tortura, quæ iuxta grauitatem criminis mensuranda est, grauior illis debetur. sic Franc. Cason *tractat. de torment. cap. 11. rubr. de non torquendo clerico, num. 5.* Follet. *pract. crimin. cap. 31. versic. tormentum mox subiiciatur, num. 7.* Farinacius *de indic. & tortura, quest. 41. num. 12. & 13.*

14 Difficultas autem est de personis exemptis ob periculum vitæ propriæ, vel alienæ, ut sunt minores 14. annorum, & senes, & valetudinarij, & mulieres prægnantes. An, inquam, ij omnes in criminibus excepti, præcipue in hoc crimine hæresis, torqueri possint? Negat Anton. Gomez *tom. 3. cap. 13. num. 3. in fine, vers. quod tamen intelligo.* Et reddit rationem, quia exemptio harum personarum à tortura sit ob periculum vitæ propriæ, vel alienæ; quod periculum æquè in omni crimine procedit, & consentire videtur Pegna *3. part. direct. comment. 110. circa medium, versic. quod autem.* Nihilominus credo hos omnes torqueri posse (excepta muliere prægnante) si tortura ea cautela, & moderatione adhibeatur, ut secundum Medicorum consilium, nullum inde periculum mortis timeatur. sic Simancas *de hæretic. tit. 65. num. 45.* Petr. à Placha in *epitome delict. lib. 1. c. 32. num. 12. in fine.* Carrer. in *pract. crimin. in 2. tract. de indic. & tortura, §. circa tertium qua persona torqueri possunt, n. 37. versic. fallit in criminibus exceptis.* Pegna *3. part. direct. comment. 39. num. 156. versic. scio quasitum esse.* Farinacius *de indic. quest. 41. num. 103. & de hæresi, quest. 185. num. 125.* Fundamentum desumitur ex *l. de minore, ff. de quest.* vbi exempto minore 14. annorum à tortura, subdit Consultus non procedere exemptionem in crimine læsæ maiestatis: in quo omnes omnino si ad testimonium prouocentur, cum res exegerit, torqueantur. Si igitur torqueri possunt pro testimonio dicendo in crimine excepto, à fortiori ob suspicionem commissi criminis. Nec valet dicere, hos, inquam, torquendos esse tortura relata in *l. 1. §. impuberi, ff. ad Syllan.* vbi cauetur impuberes terreri posse, habena, vel ferula cædi; quia hæc terror, & cæsis etiam extra crimina excepta conceditur. Item quia textus in *l. de minore,* absolute dicit torquendos. Terror autem, & ferulæ cæsis non reputatur tortura, ut ex supradicta *l. 1.* manifestè colligitur. Inquit enim

enim textus. Impuberi autem utrū in supplicio parcimus, an verò etiam in quæstione? Et magis est ut de impubere nec quæstio habeatur; aliàs solet hoc in usu obleruari, ut impuberes non torqueantur, terri tamen solent, & habena, vel ferula cædi. Ecce qua ratione terror, & cæsis ferulæ tortura non reputatur. Dixi, *excepta muliere pregnantē*, quæ propter partus periculum non solum à tortura, sed etiam à terrore illius excusatur, eo quod ex terrore abortus sequi potest, sicut ex ipsa tortura. Vnde prohibita tortura, & hic terror prohibetur; tum quia est eadem ratio; tum quia prohibito sine, prohiberi videntur media ad illum. *l. oratio. ff. de sponsalib. l. cum lex. ff. de fideiusorib. l. cum delictum. ff. de pactis. & tradit expresse Anton. Gomez tom. 3. var. cap. 13. de tortura reorum. num. 4. vers. & ita debet procedere. Farinac. quæst. 41. de indicij, & tortura. num. 84. & 108. Pegna 3. p. comm. 34. col. 4. vers. si quis autem.*

15 Restat quid faciendum sit de reo negante, vel confitente in tormentis. Et in primis aduerto confessionem factam in tormentis debere ratificari; aliàs ex illa condemnati non poterit: ut tradit ex omnium sententia Eymeric. *direct. 3. p. rubr. de tertio modo terminandi processum. num. 157. vers. si autem in quæstionibus. Farinac. de hæresi. quæst. 185. num. 150.* Ut autem ad ratificationem inducatur reus, cautè Inquisitor procedat, primò, interrogando eum in genere, an confessionem factam approbet, deinde eam in particulari proponat, & per extensum legat, & perquirat, an quæ lecta sunt, sint ea, quæ falsus sit.

16 Quo facto si reus in tormentis confessionem suo tempore, scilicet post 24. horas ratificauerit, & poenitens absolutionem petierit, abiurare debet suos errores, & poenitentia iniuncta ab excommunicatione incurfa publicè absoluendus, nisi fuerit relapsus. quia tunc curiæ sæculari est tradendus: iuxta superiùs dicta. Si verò ratificans confessionem in suo errore persistere vult, neque ab illo recedere, variis modis conuincendus; præcipuè adducendi Doctores, qui cum illo disputent, eiusque rationes dissoluant; ac tandem argumentis omnino vincant. Quod si se victum non protestetur, sed pertinax persistit, curiæ sæculari puniendus tradetur.

17 Verum si accedente tempore ratificationis reus confessionem factam reuocauerit, iterum torturæ subiiciendus est, non tantum quia reuocauit, sed quia ex confessione prius facta nouum indicium criminis commissi dedit. Nunquam tamen, ut iam dixi, vltra tertiam vicem subiiciendus torturæ est; præcipuè si prima vice tormentum sustinuit, quatenus indicia postulabant, ut multis allegatis aduertit Farinac. *quæst. 38. n. 97. & 105.* At si reus in tortura negauit, subiici iterum torturæ non potest, nisi fuerint noua indicia vrgentia, & à primis diuersa, iuxta textum in *l. unius. §. 1. ff. de quæstionib. ibi, reus euidentioribus argumentis oppressus repeti in quæstionibus potest, vel nisi prius iuxta qualitatem indiciorum, & gravitatem delicti tortus non fuerit.* quia tunc non tam repetitur, quàm de nouo tortura continuatur; qualibet enim ex his causis existente torqueri potest. At illis cessantibus abstinendum est à tortura, ut aliis allegatis docent Menoch. *de arbitr. lib. 2. casu 272. num. 5. 6. & 7. Farinac. de indicij, quæst. 38. à num. 72. præcipuè num. 83.* Cum autem dico reum subiici iterum torturæ posse; debet intelligi, si valeat sustinere absque vitæ, vel membrorum periculo: sunt enim aliqui ita debiles, ut etiam si leuiter torti fuerint, nouam torturam absque periculo probabili sustinere non possunt, iis tamen danda non est, ut colligitur satis in *l. unius. §. 1. ff. de quæstionib. ibi, maxime si in tormentis animus, corpusque durauerit.* Sempet enim præ oculis habenda sunt illa verba Iurisconsulti in *l. quæstionis modum. ff. de quæstionib.* Quæstionem habere oportet, ut feruus saluus sit, vel innocentæ, vel

supplicio: sic Pegna 3. p. comm. 39. num. 156. vers. *unum. 14. men*, pluribus relatis Farinac. *quæst. 38. num. 82.*

18 Sed quid si tortus in negatiua semper persistit, absolucndus ne est, an potius indicenda purgatio, vel abiuratio? Respondeo, si insufficienter tortus fuit ob debilitatem, vel aliam causam; & indicia sunt vrgentia, & vehementia, abiurare debet: at si sufficienter tortus fuit, credo liberum esse dimittendum, & sententiam absolutoriam, si petierit, esse concedendam. Prior pars probatur, quia aliqua via debent indicia illa purgari, & cum tortura purgata non sint, iustum est, ut abiuratione purgentur. At quando tortura indicij corresponsdet, plenè illa purgat: purgatis autem indicij remanet reus absoluendus, ex vulgati axioma, Actore non probante reus debet absolui. *l. actor. C. de probat. l. qui accusare. C. de edendo.* sic pluribus comprobat Simanc. *catholic. instit. tit. 56. rubr. de purgat. canonica. num. 17. & in enchirid. tit. 42. rubr. de torm. num. 40. & tit. 54. rubr. de purgat. n. 16.* Pegna 3. p. *direct. comm. 39. num. 156. circa finem, vers. ubi omnino requiratur. & 2. p. comm. 14. ad cap. inter sollicitudines, de purgat. canon. vers. atque ex hac interpretatione.* Farinac. *quæst. 185. num. 128.* Rojas *trac. de hæres. 2. p. num. 306.*

19 Tandem inquires, an reo conuicto, & confesso probat complices tortura inferri possit? Respondeo posse, si semiplenè probatum fuerit complices habuisse, quia non reuelate complices (quando tenetur, & de illis rogatur) est delictum fautoriæ. Ergo super hoc delicto semiplenè probato torqueri potest. At si nulla probatio sociorum præcessit, non video qua ratione subiici torturæ possit. ob illos reuelandos; cum non detur præsumptio, quod delictum committat: sic Simanc. *catholic. instit. tit. 43. num. 27. & seq. & tit. 65. num. 59. & 60. & in enchirid. tit. 29. num. 12. & tit. 52. num. 30. & 31.* Didac. *Cantera quæst. crim. rubr. de hæres. cap. 1. num. 57.* Farinac. aliis relatis *de hæresi, quæst. 185. num. 133.*

20 Pro complemento huius materiæ placet aduerte cum Repert. inquisit. verbo *aduocatus. §. sed an aduocatus, & verbo tortura. §. an aduocatus.* Pegna *direct. 3. p. comm. 110. in fine. vers. postremò videndum.* Quoties disputatur, an reus subiiciendus sit torturæ, debet eius Aduocatum assistere, ut reum possit à tortura defendere, si viderit indicia insufficientia esse: cum enim tortura graue præiudicium reo afferat, contra rationem, & æquitatem esset, si indefensus illam cogeretur subire.

PUNCTVM X.

De probatione requisita in crimine hæresis.

- 1 Ad condemnandum reum, ut hæreticum, hæresis debet sufficienter probari, ad illum ut suspectum, sufficiens presumptiones iuris.
- 2 Scriptura, verbis, & factis hæresis probatur, & qualis hæc sint.
- 3 Aduersus huiusmodi facta, vel dicta non admittitur in contrarium probatio, nisi ad summum coniecturalis ex metu.
- 4 Consiens facta hæreticalia, & negans intentionem condemnandus est ut vehementer de hæresi suspectus, si comparat ante denuntiationem.
- 5 Si citatus compares, & negat intentionem, torquendus est, & in negatiua persistens, tanquam suspectus de hæresi vehementer condemnandus iuxta plurimum sententiam.
- 6 Probabilius censeo tanquam hæreticum negatiuum puniendum.
- 7 Dua probationes semiplena non iunguntur ad vnam integram efficiendam, tamen si aliqui contrarium sentiant.

8 *Contræ accusatorem, & fiscum in fauorem rei sufficit semiplena probatio, ut in pœn. vn. ordinariam condemnari non possit.*

1 **D**V bitant Doctores, an hæresis crimen debeat præsumpti, & concludenter probari, an solum sufficiant præsumptiones? Cui dubitationi communis responsio est, ad condemnandum hæreticum tanquam hæreticum plenam, & concludentem probationem requiri; ad illum verò condemnandum vt suspectum, præsumptiones iuris sufficere. Priorem partem docent post alios, quos allegant Simancas *catbol. instruat. tit. 50. rubr. de præsumpt. n. 21. & seqq. & in enchir. viol. relig. tit. 40. ead. rubr. de præsumpt. n. 1.* Rojas *traet. de hæret. 2. p. assert. 6. n. 150.* Decian. *traet. crimin. lib. 5. cap. 35. num. 20. vers. imò quòd non sufficiant.* Farinacius *q. 187. n. 2. 5. & 38.* & videtur decideri expresse in *cap. litteras, de præsumpt. ibi, Quo circa mandamus, quatenus cum propter solam suspicionem quamvis vehementem, nolimus illum de tam graui crimine condemnari.* Ratio est, quia hoc delictum grauissimum est, & grauissimis pœnis punitur. Iustum ergo est, ne aliquis ex sola præsumptione illius, illud commississe declaratur. Adde, in reliquis delictis probationes luce meridiana clariores expostulantur, vt tenent omnes, & est decisio textus in *l. sciam cuncti, que est fin. C. de prob. u. & habetur cap. sciam cuncti, 2. quest. ult.* Ergo à fortiori in hoc delicto reliquorum grauissimo. Secundam partem, scilicet præsumptiones iuris sufficere ad condemnandum reum tanquam suspectum, videtur res indubitata, cum præsumptiones illum suspectum reddant: nulla ergo iniuria illi irrogatur, si sic suspectus declaratur, & vt talis puniatur abiuratione, & pœna extraordinaria; iuxta textum in *cap. accusatus, in princip. de hæreticis, in 6.* in illis verbis, *licet ante abiurationem suam hæresis crimen plenè probatum non fuerit contra ipsum.* sic Albert. *traet. de agnoscend. assert. cathol. & hæret. quest. 34. num. 56.* Menochius *consil. 82. num. 144. lib. 1.* Pegna *direct. 2. part. comment. 80. vers. sed hanc sententiam.* Simancas *catbol. instruat. tit. 50. rubr. de præsumpt. n. 21. & tit. 51. n. 12.* Rojas *de hæret. 2. p. n. 304. & seq.* Farinacius *de hæresi, quest. 187. num. 9. 40. & 42.*

2 Sed inquires primò, quibus modis hæresis crimen probetur?

Respondet tripliciter, scriptura, verbis, & factis, quia omnibus iis modis, & non aliis hoc crimen committi potest. Et primò scriptura probatur esse commissum, si probas alicuius scripturam hæresim continentem propria manu scriptam, vel subscriptam esse, serio & accurate, vel testibus comprobas ab ipso sic fuisse dictatam. Secus verò si scripta sit in chartulis, seu memorialibus indigestis, & inemendatis, & quibus non est vltima manus imposita; quia tunc non ex animo errandi, sed ex ignorantia processisse censendum est, & ex Nauarr. *lib. 5. consil. conf. 6. n. 1. & seqq. de hæres.* Farinacius *q. 187. num. 11.* Secundò probari potest verbis, si probes verba hæresim clarè significantia affectuè, & ex animo esse ab aliquo prolata. Dixi, clarè significantia: nam si dubia sunt, interpretari debent, vt potius excludant delictum, quam illud constituent: vt optimè probat Rojas *de hæreticis. 1. part. num. 200. & seqq.* Pegna *direct. 3. p. quest. 62. comment. 111. vers. sed cum in dictis.* quod intelligendum est, vt ipsi Doctores notant, quando proferens non esset aliàs suspectus, vel generis, aut nationis infectæ, & consentit Farinacius *quest. 187. num. 14.* Tertiò probari potest factis, si probes aliquem ea facta fecisse, quæ errorem exprimant manifestè, neque in bonam partem, & sensum accipi possint; qualia sunt, se circumcidere, purificationes ludæorum facere, cõmunionem ab hæreticis more suo recipere, consolationem in extremis postulare, genua dæmonibus flectere, & Mahometo reuerentiam exhibere: cum enim hæresis

Ferd. de Castro Sum. Alor. Pars I.

in animo consistat, & animus factis potius, quam verbis declaratur, ex *cap. dilecti, de appellationibus, sit sanè factis hæreticum probari.* sic Simancas *catbol. instruat. tit. 20. rubr. de hæresi, n. 15. in fine.* Eymet. *direct. 2. part. q. 34. n. 1. & q. 50. num. 3.* & ibidem vtroque loco Pegna, *Param. de orig. inquisit. lib. 3. q. 9. n. 117.* Farinacius *q. 187. num. 16.* & alij innumeri apud ipsos. Quibus autem testibus hæc verba, vel facta probari debeant, vt tanquam hæreticus condemnari possit, dicemus disput. sequent. punct. de testibus.

3 Secundo inquires, an aduersus hæc facta, vel verba admitti possit probatio in contrarium: quæ nulla alia esse potest, nisi probando te non ex animo, & voluntate assentiendi talibus erroribus, sed ex ignorantia, & simplicitate ob amorem lucri, aut mali timorem, vel alio humano respectu te illa exterius simulasse? Et in primis certum est hoc difficillimè probari posse, cum intentio soli Deo nota sit. Quapropter censeo solum te id probare coniecturaliter posse, si probes, te illa ex timore præstitisse, & illo remoto statim ab illa iniquitate cessasse, & quàm primùm potuisti, pœnitentiam pro illius remissione ab Inquisitoribus postulasse. Extra hunc verò casum aduersus hanc vehementem, seu violentam præsumptionem, nescio qua ratione possis probationes verosimiles adhibere, vt rectè dixit Rojas *traet. de hæret. 1. p. n. 326.* Nam ignorantia in iis rebus ita manifestis contra fidem rarò præsumitur.

4 Hinc infertur decisio illius grauissimæ quæstionis, an confitens facta, vel verba hæreticalia, & intentionem negans, tanquam negatiuus hæreticus condemnandus sit, ac proinde curiæ sæculari relaxandus? In qua quæstione omissis variis Doctorum placitis dicendum censeo, si sponte, antequam denunciatus sis, compareas, condemnandum esse non vt hæreticum, sed vt hæresis suspectum vehementer; & sic in pœnam extraordinariam, scilicet abiurationis de vehementi, & aliam pecuniariam: qui enim sic se manifestat, præsumi debet veritatem integrè manifestare, siquidem nullam vtilitatem ex illa dimidiata confessione consequi poterat. sic practitari vidi Compostellæ anno 1619. circa quandam, qui hæreticales ludæorum ritus fecit, illòque Inquisitoribus manifestauit, negata intentione credulitatis, abiurasse de vehementi, & trecentos ducatos soluille fisco Regis, & sumptibus Officij sancti, & insuper à sua villa duobus annis fuit exilio multatus. Credo tamen hunc metu superventuræ testificationis se detulisse, & ita effectus probauit: postea, enim testificatus fuit non solum de factis, sed de intentione sæpius declarata: ob quam testificationem iterum fuit in secretum carcerem reclusus, & in negatiua perseverans, tortus est, & tandem confessus, & pœnitentiam expositulus publicè errores abiuravit, & bonis omnibus publicatis perpetuo carceri fuit addictus.

5 Quòd si iam citatus venias, & hæreticales ritus fecisse fatearis, neges tamen fecisse ex intentione, & animo sic credendi, nullam rationabilem causam adducens huius negatæ intentionis, affirmant Pegna *2. part. direct. comm. 59. in medio, vers. quòd si non compareant spontè.* & Simancas *catbol. instruat. cap. 65. num. 52.* torquendum esse, etsi in negatiua perseveres, condemnandum vt hæresis suspectum; quia cum de mala intentione requisita omnino ad hæresim non videaris conuictus, neque confessus, non est cur dicamus vt hæreticum esse puniendum.

6 Nihilominus probabilius existimo te sic negantem intentionem, & ritus hæreticales fatentem, tanquam hæreticum negatiuum esse puniendum. Moueor, quia satis conuinceris de mala intentione, conuictus de hæreticali facto spontaneo; factum enim malum, & damnosum ex mala intentione factum esse supponitur. *cap. 1. de præsumpt.* Ergo dum non probas contrarium,

X x

huic

huic claræ, & manifestæ probationi standum est. Item si ex negata intentione cessaret probatio hæresis ex verbis, vel factis hæreticalibus, aperta esset via omnibus hæreticis vitandi condemnationem; cum omnes se excusare possent absque mala intentione verba illa protulisse, & facta præstitisse. Hoc autem videtur absurdum. Ergo non est dicendum hanc fallaciam tibi patrocinari posse. Denique Pegna, & Simancas admittunt te condemnari debere in abiuratione de vehementi, & in alia extraordinaria pœna, exilij, pecuniæ, fustigationis, vel triremis, si post torturam in negatiua perseveras. Et reddunt rationem, quia per torturam non sufficienter purgatur suspicio ita vehemens prauæ intentionis, quæ ex factis hæreticalibus provenit. Ergo signum est te torquendum non fore, sed tanquam hæreticum condemnandum; tortura enim ad purganda indicia assumitur. Si ergo per nullam torturam hæc indicia purgari possunt, quia sunt ita vrgentia, adhibenda non est, sed statim ad condemnationem procedendum. Neque obstat ex præsumptionibus neminem saltem in pœna corporali, & ordinaria condemnari debere: ut multis relatis probat Farinacius *totâ quæst. 86. præcipue num. 110.* Non, inquam, obstat, quia facta, & verba hæreticalia dici non debent præsumptiones delicti, sed legitimæ illius probationes. Adde duplicem esse præsumptionem, aliam iuris, & de iure, seu ab ipso iure approbatam: & licet aduersus iuris præsumptionem probatio in contrarium admittatur: ac aduersus præsumptionem iuris, & de iure nulla probatio in contrarium admittitur: ut multis relatis probat Anton. Gomez 3. *var. cap. 12. rubr. de probatione delicti, num. 25. unde in num. 26. §. aduertendum*, concludit habentem contra se præsumptionem iuris, & de iure torquendum non esse, sed pœna ordinaria plectendum. Secus de illo, qui solum præsumptiones iuris, seu hominis habet. At in præsentî casu ius ipsum reputat hæreticum esse, qui verba, & facta hæreticalia præstat; iuxta illum textum in *cap. hereticum, 24. quæst. 3. ibi, hæreticus est, qui aliquis temporalis commodi, & maxime gloriæ, principatusque sui gratia, falsas, vel novas opiniones, vel gignit, vel sequitur, & idem habetur cap. inter hereticos, in princ. eadem causa, & quæst. Et ratio est clara, cum nulla alia via distingui Catholici ab hæreticis possint, intentio enim soli Deo nota est. Ergo qui contra se hanc præsumptionem à iure approbatam habet, non erit torquendus, sed curæ seculari, ut impœnitens negatiuus relinquendus. sic Arnold. Albertin. *traktat. de agnoscend. asserti. cathol. quæst. 8. num. 12. & quæst. 32. num. 17. quæst. 34. num. 53.* Rojas *traktat. de hereticis, 1. part. num. 276. & seq. & num. 583. & seq.* Grassi *lib. 4. suarum decis. cap. 18. num. 28.* Simancas in *enchirid. titul. 29. rubric. de confessis, num. 8.* Repert. verbo *confessio, versic. nota singulari.**

7 Tertiò inquires, an duæ semiplenæ probationes iungantur ad vnam integram in hoc crimine efficiendam, cumque pœna ordinaria condemnandum? Dixi, ordinaria. Nam extraordinaria certum est condemnari posse: non solum ex duplici semiplena probatione, sed etiam ex præsumptionibus, & dubitatis indiciis, ex *cap. accedens, de accusat. cap. significasti, de adulterijs, cap. asserere, de præsumptionib. cap. de hoc, de simonia.* Assistent ergo plures, quando utraque probatio ad eundem finem tendit, quod in præsentî materia semper verum habet, cum omnes actus hæreticales conueniant in remouendo delinquentem à gremio, & vnitare Ecclesiæ. Repert. Inquisit. verbo *probationes, versic. sed quaritur ibi.* Quintil. Mandos. in *addit. lit. F.* At longè probabilius existimo nequaquam coniungi duas imperfectas probationes ad plenam probationem efficiendam; quia cum quælibet in suo ordine diuersa sit, non apparet quomodo cum alia coniungi possit; & ita pluribus relatis tenet An-

ton. Gomez *tom. 3. var. cap. 12. n. 25. cum glossa in cap. veniens, el. 1. de testibus.* Farinacius *de reo confessio, & conuictio, q. 86. n. 22. & q. 187. n. 7.* & dicemus latius, cum de testibus fuerit sermo.

8 Quartò inquires, an in fauorem rei, & contra accusatorem, & fiscum, sit sufficiens probatio, quæ ex præsumptione, alijsve indiciis, & semiplena probatione oritur?

Respondeo sufficere, ut in pœnam ordinariam condemnari non possit, quantumuis accusator, & fiscus haberent probatam suam intentionem; quia negari non potest ex supradicta probatione defensiuæ probationem fisci obnubilari, ac proinde non esse luce meridiana clariorem, & consequenter neque sufficientem ad delinquentis condemnationem: sic docuit Bart. in *l. non solum, §. sed ut probari, num. 2. & seq. ff. de noui operis nuntiat.* quem sequuti sunt ferè omnes scribentes in *cap. in præsentia, de probat. Abbas num. 6. Felin. n. 13. Beroius n. 31. Decius n. 252. Parisius n. 31. & pluribus alijs comprobat Menochius de præsumpt. lib. 5. præsumpt. 48. num. 8. Farinacius quæst. 86. num. 76.*

PUNCTVM XI.

De sententia ferenda in crimine hæresis.

- 1 Duplex est sententia condemnatoria, & absolutoria.
- 2 Vtraque sententia ex consilio peritorum pronuntiari debet, & qui his sint.
- 3 Debet is integrè processus manifestari tacitis nominibus testium, tamen si qualitates illius omnia debeant illi declarari.
- 4 Si Inquisitores ad sententiam procedunt, nullo peritorum consilio requisito, probabitur esse nullam esse sententiam.
- 5 Horum tamen consilium sequi non obligantur Inquisitores; esse contra plures teneant.
- 6 Absolutoria, & condemnatoria sententia in scriptis debet proferri.
- 7 Prolatio sententia non est necessario facienda ab ipsomet Inquisitore, sufficit si per Notarium fiat.
- 8 In absolutoria sententia non sunt proferendi specialiter errores, de quibus reus fuit accusatus.
- 9 Non debet reus in hac absolutoria sententia innocens proferri, sed ab instantia iudicij absolui. Excipe casu quo manifestè fuit probatum testes, & accusatores falsum dixisse.
- 10 Reo absoluto, si nouæ probationes superueniant, poterit iterum examinari, & iudicari.
- 11 Condemnatus pœna arbitraria, eo quod delictum plene probatum non sit, si superueniant legitime probationes, & pœna arbitraria non sit executioni mandata, poterit reus in pœnam ordinariam puniri. Sed si mandata sit executioni.
- 12 Plures censent nullam esse sententiam condemnatoriam hæretici impœnitentis, nisi fiat in præsentia iudicij secularis.
- 13 Probabilius est valere.
- 14 Pro stylo seruando in sententijs videndi sunt Doctores.

1 Duplex est sententia, alia quæ absoluit reum, alia quæ illum condemnat. De vtraque est dicendum, qua ratione fieri debeat. Sed prius, quæ vtrique sententiæ communia sunt, explicemus.

2 Commune est tam absolutoriæ, quàm condemnatoriæ sententiæ, ut ex consilio peritorum pronuntietur: ut bene notauit Pegna 3. *part. direct. commun. 126. fin. versic. periti verò.* Cum enim res, quæ tractatur, grauis sit, expedit maxime ut plurimum ad illam definiendam con-

consilium expostuletur; quia ibi salus, vbi multa consilia: & de Ciditur in cap. *ut commissi*, de hereticis, in 6. ibi, *aduocandi quoque, prout expedierit*, peritos quoslibet, *ut vobis assistant*, & in huiusmodi sententijs præbeant consilium opportunitatem, ac eis quod super his vobis humiliter pareant, in virtute obedientie iniungenda. Idem habetur cap. *statuta*, §. *irrebemus*, de hereticis, in 6. ibi, de ipsorum consilio ad sententiam, vel condemnationem procedi volumus, & notant omnes Doctores in sequent. referendi. Hi autem periti, qui possunt esse tum Theologi, tum Canonistæ, & Legistæ, præstare consilium tenentur Inquisitoris mandato, etiam si eis nullum sit salarium assignatum, nullave pecunia detur: quia in *supradicto* cap. *ut commissi*, absolute dicitur posse Inquisitores in virtute obedientie iniungere Aduocatis, ut consilium præbeant nulla solutionis mentione facta. Item quia fideli negotium omnes defendere, & procurare tenentur independentes à solutione. Verum est tamē, si sponte offeratur salarium, vel pretium, posse illud recipi pro labore impenso; quia in hoc nulla apparet indecentia, sic Zanch. *traët. de heret. cap. 15. n. 3.* Decian. *tractat. crim. lib. 5. cap. 24. n. 10.* Farinac. *q. 185. n. 190.* Simancas *cathol. institut. tit. 41. rubr. de ministris, n. 13.*

3 Debet tamen iis ministris totus processus legi, & manifestari; alias consilium præbere non poterunt, iuxta merita causæ: quod expresse deciditur *supradict. cap. fin. §. iubemus*, de hereticis, in 6. ibi, siue Episcopus, siue Inquisitores processerint, aliquibus aliis personis prouidis, & honestis, iurisque peritis (quas ad hoc vocari, & eis per totum processum, super quo deliberandum est, seriōse manifestari, ac integraliter explicari, & de ipsorum consilio ad sententiam, vel condemnationem procedi volumus) exprimantur, &c. sic docet Eymer. *direct. 3. part. quest. 79.* & ibi Pegna *comment. 128.* Paramus *de orig. sanctæ Inquisitionis, lib. 3. quest. 4. rubr. de forma, & ordine iudic. sancti Officii, n. 56.* Neque inde fit nomina testium, & delatorum peritis manifestanda esse. Tum quia sæpe integra notitia processus dari potest abique hac manifestatione. tum & præcipue, quia ita consuetudine receptum est. esto in cap. *statuta*, exprimi nomina peritis, & non reis præcipi videatur. sic docuit Pegna aduersus Eymer. *3. p. direct. q. 80. comm. 129.* Farinacius *quest. 185. n. 196.* Qualitates autem testium omnino debent peritis manifestari, videlicet, an sint graues, docti, probatæ vitæ; vel econtra, an sint plebei, infames, socij criminum, inimici, &c. Hoc enim necessarium est, ut sciant, quantum singulis detrahendum sit, quantumve deferendum, & ex hac cognitione inferant causam ritè esse probatam. sic Pegna, & Farinac. *supra.* Qui optime addunt causa legitima intercedente posse, & debere Inquisitorem, reorum, testium, delatorumque nomina peritis, aliiue virtus probis manifestare: nempe cum dubium est de inimicitia inter eos, & periti satis *supradictas* personas cognoscunt; quia tunc illa manifestatio ad decidendam causam omnino videtur necessaria, vel saltem summè conueniens. Debet tamen Inquisitor iis peritis sub iuramento, imò sub pœna excommunicationis, si opus sit, secretum indicare, iuxta textum in cap. *statuta*, de heret. in 6.

4 Quod si Inquisitores ad sententiam procedant, nullo peritorum consilio requisito; credo probabilius nullam fore sententiam, quia in cap. *ut commissi*, & specialiter in cap. *statuta*, Inquisitoribus præcipitur hos peritos aduocare, & ex eorum consilio ad sententiam, vel condemnationem procedere. quod mandatum videtur inducere formam; cuius ommissio annullat actum, iuxta ea quæ dixi *traët. de legibus*. Neque obstat, quod in cap. *ut commissi*, Inquisitoribus detur facultas vocandi peritos (prout expedierit.) quasi tacitè insinuans non esse vocandos, si iudicatum fuerit non expedire. Non, inquam, obstat; quia verbum illud, *prout expedierit*, non

refertur ad solam definitionem sententiam pronuntiandam: quasi tunc liberum Inquisitoribus sit iudicare, an expediat peritos vocare. Hoc enim eorum iudicio, & voluntati non videtur remissum; cum expresse ad hanc sententiam pronuntiandam dicat Pontifex, *iubemus peritos adduci, & ex eorum consilio se velle, ut ad sententiam, vel condemnationem procedatur*; sed referuntur ad totam causam, in qua quoties Inquisitoribus expedire visum fuerit vocare peritos, facultas eis conceditur vocandi.

5 Grauior tamen est dubitatio, an peritorum consilium sequi Inquisitores teneantur? Affirmatiue responderet Albert. *tract. de agnoscend. assert. cathol. quest. 26. n. 11.* & segg. & in cap. *quoniam*, de hereticis, lib. 6. quest. 10. Decian. *tractat. crimin. lib. 5. cap. 24. num. 10.* Farinacius *quest. 185. n. 192.* Ratio desumitur ex *supradictis* verbis textus in cap. *statuta*, vbi dicitur: *Et ex ipsorum consilio ad sententiam, vel condemnationem procedi volumus.* quæ verba indicare videntur obligationem sequendi peritorum consilium. Si enim à peritorum consilio recedere fas esset Inquisitoribus, eorum sententia non diceretur ex consilio peritorum procedere, sed potius contra illorum consilium. Cæterum dicendum est obligatos non esse Inquisitores peritorum consilio acquiescere; sed posse, si libet æquius, & verius visum fuerit, pronuntiare contrariam. sic Simancas *cathol. institut. tit. 41. rubr. de ministris, num. 14.* Rojas *tractat. de hereticis, 1. p. n. 409: iuncto num. 422. & singul. 99. num. 2.* Pegna *direct. 3. part. comment. 127. per totum.* Lælius Zechius *summ. 1. p. tit. de fide, rubr. de heresi, cap. 11. n. 14. vers. & sententia de eorum consilio.* Bursatus *consil. 90. n. 36.* & segg. Locatus in opere iudic. verbo *consilium*, num. 5. Campegius apud Zanch. cap. 15. quæ sententia decisa est in Hispania per Madrilianam instructionem editam anno 1561. cap. 66. dicentem in omnibus casibus, in quibus contigerit discordia sententiarum, seu opinionum, inter Inquisitores, & ordinarium, vel aliquem ipsorum, vel in definitione causæ, aut in quolibet alio actu, vel sententia interlocutoria causa ad Senatam mitti debet. Sed si Inquisitores, & ordinarius fuerint conformes, quamuis consultores discrepent, & sint numero plures, decretum Inquisitorum, & ordinarij executioni mandetur. Fundamentum est, quia in *supradicto* cap. *statuta*, solum mandatur sententiam ex consilio peritorum procedi. quod intelligi satis potest ex consilio requisito, etiam si non obtemperato: quæ explicatio ut benignior, & dignitati Inquisitorum conuenientior amplectenda est. Item si periti vocati inter se dissentiant, quorum tunc consilium sequendum est? Si dicas maioris partis. Rogo, vnde constat talis obligatio? cum ergo nullibi inueniatur, nullo modo asserenda est. Adde si obligatio esset Inquisitoribus sequendi peritorum consilium, periti potius essent iudices, quàm Inquisitores; cum iuxta eorum consilium necessariò sententia proferenda esset, ipsisque Inquisitoribus solum executio videretur concessa. Verum etsi de necessitate sequendum non sit peritorum consilium, quia illorum consilium est. Ex decentia tamen, & prudentia sequi conuenit: ut rectè dixit Ancharan. cap. *si ad Episcopum, notab. 8. vers. circa secundum, in fine, ne sede vacante*, lib. 6. Imò quoties Inquisitori, & ordinario manifesta ratio in contrarium non vrget, tutius, & verius est consilio peritorum acquiescere debere Inquisitores; præcipue si omnes periti in consilio præstando conueniant: non quia eorum consilium, & suffragium decisiuum sit (non enim est nisi consultiuum,) sed quia præsumitur veritati esse conforme.

6 Secundum commune est tam absolutoriæ, quàm condemnatoriæ sententiæ, ut in scriptis proferatur: ut sic de eius iustitia constet, neque occultari possit, & aliter prolata sententia nullius erit effectus, ut manifestè

constat ex *Clement. sap. de verborum significat.* ibi, *Sententiam definitivam, cuius ad id licet non peremptorie partibus in scriptis, & prout magis sibi placuerit, stans, vel sedens proferat.* & notat ibi glossa *verbo in scriptis.* Pegna *director. 3. part. comment. 40. num. 165. versic. praterea in scriptis.* Farinacius *quest. 185. num. 166.* Boërius *decis. 259. n. 10.* Decian. *tractat. crimin. lib. 5. cap. 38. num. 20.* contra Brunnium *tract. de hæreticis, lib. 4. cap. 10.* Item ex convenientia, etsi non ex necessitate proferenda est de die, & non de nocte; non enim vlllo textu cauetur necessariò diurno tempore sententiam esse proferendam. sic relatis Abbate, & Felino *in cap. consuluit, de officio delegati*, tradit Pegna *suprà, versic. iam sententia reorum.* Farinacius *num. 165.*

7 Tertiò, prolatio huius sententiæ, illiusque recitatio non est necessariò facienda ab ipsomet Inquisitore, sed per Notarium, aut alium fieri potest, & de consuetudine fit: cum enim huiusmodi sententiæ in Ecclesia, vel publico cadahæ publicari soleant, ubi innumerus populus concurret, assumitur Notarius clarum, & sonoram vocem habens ad illarum publicationem: idque conforme est textui *in cap. ut commissi, de hæret. in 6.* Vbi Inquisitoribus conceditur facultas committendi citationes, & denuntiationes sententiarum: & licet nomine denuntiationum intimatio, seu notificatio sententiæ reo facta intelligatur, non tamen illius publicatio; ut pluribus comprobatur Decian. *tractat. crimin. lib. 5. cap. 38. n. 16.* Attamen cum simul intimetur reo, & publicetur sententia: cum enim publicè legitur, fit sanè per alios ab Inquisitoribus id fieri posse. Et ita decum est ab Urbano IV. constitutione edita anno 1261. incipiente, *Dicitur ex omnibus, versic. ut ergo*, quam refert Pegna *in fine direct. inter litteras Apostolicas*, & tradit alios referens Pegna *3. part. direct. comment. 40. circa finem, versic. & quamquam.* Farinacius *q. 185. num. 171.* Rojas *singul. 94. n. 1. & seqq.* Simancas *catol. institut. tit. 60. rubr. de sententijs, num. 1.* Conrad Brunus *tract. de hæret. lib. 4. cap. 10.* Iis positis, quæ communia sunt absolutoriæ, & condemnatoriæ sententiæ, si de qualibet in particulari loquamur,

8 Dicendum est primò, si proferenda est absolutoria sententia, eo quod nihil aduersus delatum probatum fuerit, errores, de quibus fuit accusatus, non esse specialiter, & in particulari exprimendos. Nullius enim utilitatis est eorum expressio, sed potius videtur damnum absoluendo asserere: utpote quæ audientibus potest suspensionem generare. sic ex quadam Madriliana instructione edita anno 1561. cap. 62. docuit Pegna *3. p. direct. comm. 37. versic. attendentes.* Farinacius *q. 185. n. 175.*

9 Secundò dicendum est in hac sententia absolutoria non debere reum ut innocentem, & à culpa immunem proferri, sed solum ab instantia iudicij absolui, eo quod nihil aduersus illum probatum fuerit; quia contingere potest, ut quod modò probatum non est, postea probeatur; & reum modò absolutum postea condemnare. Ac non est decens diuersas sententias in eodem iudicio pronuntiare. Ergo ut hæc diuersitas vitetur, quoad fieri possit, expedit delatum non absolute absolueri; neque ut innocentem declarare, sed solum absolueri ab instantia iudicij, & declarare nihil aduersus illum esse probatum. quæ absolutio, & declaratio contraria non est condemnationi postea ex nouis probationibus succedenti: sic alios referens docuit Pegna *3. part. direct. comm. 37. versic. caueatur.* cum Eymer. *3. part. rubr. de forma absoluedi delatum, num. 143. & in addit. ad Comad. Brunn. tractat. de hæret. lib. 4. cap. 8. in fine addit. versic. cum verò.* Farinacius *q. 185. n. 1.* Sigismund. Scaccia *tract. de iud. cap. 59. n. 1.* Solum in vno casu censeo admittendum delatum declarari posse innocentem, & ut talem à iudicio absolui, nempe cum manifestè probatum fuerit delatorem, & testes falsum dixisse, quia tunc nullum

videtur adesse probabile periculum retractandi sententiam absolutoriam, cum de iniquitate testium, & delatorum coniter, & de innocentia delati. sic Pegna *3. part. comment. 37. in fine, versic. quod verò.* Farinacius *n. 173.* Martin. Delrio *Iesuita disquisit. magic. lib. 5. sect. 14. ad fin. versic. & sic intellige.* Dixi cum manifestè probatum fuerit testes, & delatorem falsum dixisse, cuius probatio si oriatur ex eo quod dicta sua retractent, maxima circumspeditione opus est, ne fortè corrupti pretio faciant. sic aduertit Pegna *suprà.*

10 Tertiò dicendum est, si reo absoluto, & tanquam innocenti, declarato superueniant nouæ delicti probationes, poterit non obstante priori sententia absolutoria denuò inquiri, examinari, & condemnari; quia fauore fidei nunquam transit in hoc crimine sententia iudicatum, quod Pius V. sua constitutione edita anno 1567. incipiente, *Inter multiplices curas*, definiuit. sic alios referens docuit Pegna *3. part. direct. rubr. de primo modo finiendi processum, comment. 37. versic. sed quid si absolutum.* Simancas *de catholic. institut. tit. 60. n. 13.* Farinacius *q. 185. n. 197.* Sigismund. Scaccia *tract. de iudic. cap. 95.* Ex his inferitur probationes superuenientes coniungi posse cum præcedentibus insufficientibus, & ob quarum insufficientiam absolutus fuit reus ab instantia iudicij. Nam licet citatio, & litis contestatio tunc facta petur, eo quod perempta instantia, pereant acta ordinaria, quæ instantiam illam sequuntur. *l. properandum, §. ut quidem, de iudic. l. cum litæ mortua, ff. iudicatum solui.* Atamen non pereunt, quæ litis decisionem spectant, ut sunt confessiones, probationes, declarationes testium, & similia, ex *supradict. l. properandum, §. ultim. de iudic. & l. iubemus, C. de liberali causa.* & tradit optimè Alexander. *consil. 58. incipiente, Visa petitione, lib. 1.* Pegna *direct. 3. part. quest. 62. comment. 92. post medium, versic. quod si fortassis.* Farinacius *q. 185. n. 200.* Simancas *catol. institut. tit. 18. rubr. de defuncto, n. 20.*

Verum loquendo de sententia condemnatoria, declarata hæresi delinquentis, simul etiam declarantur omnes pœnæ ipsi iure annexæ tali delicto, nec opus est illis exprimere. Secus verò de pœnis inferendis, quæ specialem requirunt expressionem, & condemnationem. sic Decian. *tractat. crimin. lib. 5. cap. 38. num. 15. versic. & ideo quoad pœnas impositas.* Gundisalvus *tract. de hæreticis, q. 15. num. 1. sine.* Farinacius *quest. 185. num. 164. & 168.* Vmbert. *Locat. in iudic. inquisit. verbo sententia, num. 20.*

11 Dubium tamen est, an condemnatus pœna arbitraria, eo quod legitimæ criminis probationes non extiterint, possit iterum pœna ordinaria puniri, superueniente postea legitima criminis probatione. In qua re omisissis variis sententijs distinguendum censeo: aut pœna arbitraria est executioni mandata, vel non. Si est executioni mandata, censeo nullo modo posse reum pœna ordinaria puniri ob tale delictum legitimè probatum, sed à pœna ordinaria detrahendum est, quantum arbitraria importat, quia aliàs sequeretur pro vno delicto reum grauius quam dignus sit puniri: siquidem punitur pœna ordinaria commensurata delicto, & pœna alia arbitraria, contra textum *in cap. non asseramus, 24. quest. 1.* Verum si pœna arbitraria non est executioni mandata, tunc pœna ordinaria reus puniri poterit superueniente legitima probatione; quia est noua sententia, & nouum iudicium, & pœna non excedit delictum, sicque vidi in hoc tribunali inquisitionis prædicatum contra quendam hæreticum, qui primò abiurauit de vehementia, & aliqua pœna pecuniaria fuit condemnatus ob non plenè delictum probatum; postea verò superuenientibus legitimis probationibus hæreticus declaratus fuit, & omnia eius bona fisco addicta, & Ecclesiæ reconciliatus. Rojas *et si dubius tract. de hæret. p. 1. assert. 50. n. 391. & seqq.* Farinacius *q. 185. n. 199.*

12 Dubium est, an sententia condemnatoria hæretici impenitentis in præsentia iudicis sæcularis fieri debeat, ita ut aliàs pronuntiata nullius sit valoris? Affirmatiuam partem probat textus in cap. ad abolendam, de hæret. ubi dicit Pontifex hos tradendos esse, & relinquendos curiæ sæculari debita animaduersione puniendos. quod non videtur fieri posse, nisi ipsa curia sæcularis assistat. Clarius habetur cap. excommunicamus, §. damnati, eod. tit. ibi, damnati, (scilicet de hæretici) præsentibus sæcularibus potestatibus, aut eorum balliuis relinquuntur animaduersione debita puniendi. & in cap. nouimus, de verborum significat. loquens de clerico degradando, & curiæ sæculari tradendo; dicitur cum ab Ecclesiastico foro fuerit proiectus, eius est degradatio celebranda seculari potestate præsentie. Ergo iudex Ecclesiasticus omittens hanc præsentiam curiæ sæcularis in remissione delinquentis ei facta, grauiter peccare videtur; & nulla est eius remissio, utpote facta contra formam, & modum sibi præscriptum: quo cessante corripit actus, argument. l. cum hi, §. si prator, ff. de transact. & cap. quia propter, de elect. & habetur cap. nihil, cap. primates, 2. quest. 1. ubi sententia data sine accusatore, & sine eo quod reus confessus fuerit delictum, aut per testes conuictus irrita decernitur; quia statutum est sic fieri debere.

13 Cæterum dicendum est absque hac præsentia valide posse sententiam pronuntiari. sic docuit doctissimus Franciscus Pegna 3. part. direct. comment. 48. n. 210. versic. ac præsentie potestate curia secularis. Ratio est, quia præsentia iudicis sæcularis solum expostulatur in prolatione sententiæ, ut executioni statim, & sine dilatione mandetur: nam iudex sæcularis in hoc crimine iudicando, utpote Ecclesiastico, nulla ratione se intromittere potest. Ergo independenter à præsentia valida est sententia, cum non ob eius valorem, sed obiectus executionem præsentia iudicis sæcularis expostulata sit: & ex hac ratione dissoluitur contrarium fundamentum. Fatemur namque omissionem modi, & formæ præscriptæ in pronuntiatione sententiæ illam annullare, si substantialis sit: ac in præsentia substantialis non est ad valorem sententiæ præsentia iudicis. Tum quia non pro sententia expostulatur, sed pro debita illius executione. Tum quia præscribitur aliàs habenti iurisdictionem: & sic non potest præscribi, ut substantialis, sed solum ut accidentalis; ac proinde vitare non potest actum: iuxta glossam Clement. 1. verbo inhabentes, circa medium, de iure patronatus. Episcopus autem, & Inquisitor, qui iurisdictione quali ordinaria in crimine hæresis gaudent, potestatem habent inquirendi, examinandi, & condemnandi delinquentes ratione officij sibi commissi. Ergo præsentia iudicis sæcularis expostulari non potest, ut necessaria foret, facile possent sæculares impedire hæretici condemnationem subterfugientes comparere prolationi sententiæ, ipsique Inquisitores multum à potestate laica dependerent; quod videtur cedere in detrimentum fidei, & potestatis Ecclesiasticæ. Quapropter si iudex laicus præsens esse non possit, vel nolit, (quod raro contingere potest) poterit Inquisitor in eius absentia sententiam proferre, & per Notarium intimare, & condemnatum eius potestati relinquere. At si facile præsens condemnationi esse potest, credo non licere Inquisitori eius præsentiam in prolatione sententiæ condemnatoriæ subterfugere, quia id ad minus videntur conuincere textus in cap. excommunicamus, cap. ad abolendam, de hæret. & cap. nouimus, de verb. signific.

14 Denique si de stylo seruando in sententiis condemnatoriis, & absolutoriis loquamur, nihil occurrit aduerendum notatu dignum: sed videndi sunt. Eymensis. direct. inquisit. 3. part. à num. 141. & pluribus so-

quentibus, ubi de tredecim modis finiendi processum in causa fidei, & ibi Francisc. Pegna, Vmbert. Locat. post iudic. inquisit. à fol. 488. & seqq. Simancas catholic. institut. tit. 60. de sententijs. & in enchirid. tit. 64. eadem rubr. de sententijs. Paramus de origine sanctæ Inquisitionis, lib. 3. quest. 4. rubric. de expeditione processus in causis fidei, & alij.

PUNCTUM XII.

In crimine hæresis qui sint iudices, & qua ratione possint procedere.

Iudices fidei enumerari solent Pontifex maximus, Episcopus, Capitulum Sede vacante, Inquisitor, & delegati ab ipsis, & extra hos nullus alius.

§. I.

De Pontifice, Episcopo, & Capitulo Sede vacante, qua ratione sint iudices in causa fidei.

- 1 Pontifex est index supremus, Legatus à latere de iure, ac non ex consuetudine.
- 2 Episcopus ratione muneris est competens index in sua diocesi, ordinarius respectu subditorum, delegatus comparatione exemptorum.
- 3 Debet Episcopus in causis fidei seruare modum, quem Inquisitores seruare tenentur.
- 4 Non potest spectato iuris rigore procedere absque consilio Capituli, bene tamen ex consuetudine.
- 5 Quod dicitur de Episcopo, dicendum est de Capitulo Sede vacante quoad subditos.
- 6 Quoad exemptos probabilis est non habere Capitulum iurisdictionem, tamen si alij contrarium sentiant.
- 8 Capitulum exercet hanc iurisdictionem non per se, sed per vicarium specialiter deputatum.
- 8 Vicarius generalis Capituli, vel Episcopi, non est competens index hæreticorum, nisi specialiter designetur.

1 Pontificem maximum iudicem esse omnium supremum, ab illoque omnem illorum iurisdictionem spiritualemente dependere, certa fides est. Legatus à latere, etiam de iure in hæreticos animaduerrere possit, quia vices summi Pontificis plenissime gerit: attamen sine speciali commissione summi Pontificis, vel supremi tribunalis sanctæ Inquisitionis, ex consuetudine id facere non potest. Farinacius quest. 186. num. 4.

2 Episcopus ratione officij, & sui muneris est competens iudex omnium hæreticorum suæ diocesis: iuxta textum in Clement. 1. §. propter quod, de hæresicis. ibi, tam per diocesanos Episcopos, quia ad ipsum spectat hæreses extirpare, & bonum fidei promouere. sic Azor 1. part. lib. 8. cap. 18. quest. 2. Farinacius num. 5. Gundifalu. tractat. de hæreticis, quest. 7. num. 8. versic. item Episcopus, & alij apud ipsos. Sed an sit iudex ordinarius, vel delegatus? Distinguendum est inter subditos, & exemptos. Respectu subditorum certum est esse ordinarium, quia ex proprio officio, & munere illi comperit: & tradit Pegna 3. part. direct. q. 1. comm. 50. in princ. Farinac. n. 6. Simancas in enchirid. tit. de Episcopis, n. 2. & 3. Decian. tr. crim. lib. 5. c. 21. n. 4. in princ. Petr. Gregor. syntegm. iuris, lib. 33. cap. 7. num. 4. versic. ad Episcopos, & alij. At comparatione exemptorum maior est dubitatio. Hostiens. in cap. ad abolendam, de hæret. n. 13. dicit esse iudicem ordinarium: motus, quia à iure ipso generaliter, & vniuersaliter ei cõcessa est delegatio. Sed quãdo iurdictio delegatur alicui non ratione personæ, sed dignitatis, nõ delegata, sed ordinaria iurdictio dicenda est, & potestatis ordinariæ iura habet, & sequitur: ut multis relatis probat Sanchez lib. 2. de matr. d. 40. n. 14,

Cum ergo talis sit iurisdicção concessa Episcopis in crimine hæresis, comparatione exemptorum dicitur esse ordinariam. Nihilominus dicendum est comparatione exemptorum iudicem delegatum Episcopum esse, non ordinarium. quod videtur expressè decilum in cap. ad abolendam, in fine, §. si qui verò, de hæreticis. vbi inquit textus: Si qui verò fuerint qui à lege diocesanæ iurisdictionis exempti soli subiaceant Sedis Apostolicæ potestati, nihilominus in iis, quæ sunt contra hæreticos statuta, Episcoporum subeant iudicium, & eis in hac parte tanquam à Sede Apostolica delegatis, non obstantibus libertatis suæ privilegiis obsequantur: & ibi notat glossa, Ioann. Andr. Abbas, Felin. & omnes communiter, prout illos refert, & sequitur Farinacius quest. 186. n. 7. Zanch. tractat. de hæreticis, cap. 8. num. 3. Simancas cathol. institut. tit. 2 §. rubr. de Episcopis, num. 6. Carrer. tractat. de hæreticis, num. 65. Gundifalu. eodem tract. quest. 7. num. 14. Decian. tractat. crimin. lib. 5. cap. 21. num. 4. Verum etsi hæc iurisdicção absolutè delegata sit, quia tamen non est delegata personæ, sed dignitati, & tam presentibus, quam futuris iurisdictionis ordinariæ privilegium gaudet quoad delegationem. At quoad appellationem sortitur naturam iurisdictionis delegatæ, & sic non appellatur à sententia interlocutoria Episcopi ad Archiepiscopum, sed ad Pontificem delegantem: vt tenent Vmbert. Locat. in iudicial. inquisit. verbo appellare, num. 1. vers. sed eo casu. Simancas cathol. institut. tit. 6. rubr. de appell. n. 3. Zanch. cap. 28. n. 3. & 4. Farinac. q. 185. n. 240. & q. 186. n. 9.

3 Modus autem procedendi in crimine hæresis, quem seruare debet Episcopus, est idem cum modo procedendi, quem seruant Inquisitores, quia ita decilum est in cap. per hoc, §. fin. de hæreticis, in 6. Siue autem ordinaria, siue delegata Episcopi potestate procedant, illum in procedendo modum obseruent, quem Inquisitores possunt, & debent per iura communia, vel per speciales concessiones, seu ordinationes Sedis Apostolicæ obseruare: & notat ibi glossa, Geminian. & Franc. & alij, quos refert, & sequitur Farinacius quest. 186. num. 16. Simancas cathol. institut. tit. 2 §. rubr. de Episcopis, n. 4. in fine, vers. præterea eundem ordinem. Ioan. Calderin. tractat. de hæret. rubr. de process. inquisit. n. 1.

4 Sed dubium est, an possit absque consilio sui Capituli procedere?

Respondeo spectato iuris rigore non posse; quia in cap. ad abolendam, de hæreticis, dicitur, vt id fiat cum consilio clericorum: at attentata consuetudine posse; sic alios referens testatur Farinacius quest. 186. num. 14. & 15.

5 Quod dictum est de Episcopo, dicendum est de Capitulo Sede vacante, esse quidem iudicem ordinarium: iuxta textum in cap. ad abolendam, de hæreticis, ibi, vel clerici ipsi Sede vacante, & notat ibi glossa, Hostiens. Anton. de Butrio, & alij, quos refert, & sequitur Farinacius quest. 186. num. 177. Simancas cathol. institut. tit. de Episcopis, num. 6. versic. Capitulum quoque Sede vacante. Decian. tractat. crimin. lib. 5. cap. 21. num. 13. Gundifalu. tractat. de hæreticis, cap. 7. num. 8. vers. & etiam Capitulum. Carrerius eodem tractat. de hæreticis, num. 66. & 70. Nomine Sedis vacantis intelligo non solum quando sedes vacat absolutè, sed etiam quando diocesis ab Episcopo gubernari non potest; vt si Episcopus captiuus esset, vel de Episcopatu prouisus non administraret ob non expeditas litteras; quia tunc quoad administrationem, & gubernationem verè dicitur Sedes vacare: & ita tenet Decian. supra num. 13. Carrer. num. 66. Farinac. alios referens num. 179. & expressè glossa in Clement. 1. de hæret. verbo vacante.

6 An autem sit iudex respectu exemptorum, non est constans sententia. Marian. Socin. in dict. cap. ad abolendam, num. 44. affirmat attento rigore iuris id sustineri

posse: cui consentire videtur Cardinal. Zabarella in Clement. 1. de hæreticis, §. duro, n. 60. in 8. quest. cum enim in supradict. cap. ad abolendam, eodem modo de clericis Sede vacante dicantur esse iudices causarum hæreticalium, ac dictum est de Episcopo: sit sanè licet Episcopo competat iurisdicção respectu exemptorum; ita etiam competere Capitulo.

Nihilominus etsi hoc satis sit probabile: at probabilius est oppositum; tum quia sic communiter Doctores assintant. Tum quia Capitulum non succedit Episcopo, nisi in his, quæ Episcopo competunt iure ordinario, & non ex delegatione. At iurisdicção in exemptos ex delegatione competit, vt probauimus ex dicto cap. ad abolendam. Ergo, & ita tenet in dicto cap. Abbas num. 17. Anchazan. num. 10. versic. si autem non iure suo. Ioan. Andr. num. 15. Henric. Boich. num. 25. Cardinal. Zabarella §. si qui, versic. circa secundam questionem. Ioan. de Anania num. 19. vers. in his verò. Decian. tractat. crimin. lib. 5. cap. 21. num. 14. Carrer. tract. de hæret. num. 66. Farinacius quest. 186. num. 182. Idem quod dictum est de Capitulo esse quidem iudicem ordinarium circa causas fidei, dicendum est de habentibus iurisdictionem quasi episcopalem, vt de aliquibus Prioribus, & Abbatibus exemptis. sic tradit Ludouic. Molin. Iesuita tract. 5. de inst. disp. 28. n. 11.

7 Modus autem, quem seruat Capitulum in exercenda hac iurisdictione in causis hæreticalibus, non est per se, sed per vicarium ad id specialiter deputatum. colligitur ex Clement. 1. §. propter, de hæreticis, vbi cauetur non posse Inquisitores procedere ad decisionem causarum, sine Episcopo, vel eius officiali; aut Capituli vicario Sede vacante. Vbi notandum est nunquam dixisse textum sine Capitulo, & eius vicario, sed solum sine vicario, seu delegato Capituli Sede vacante, quasi tacite insinuans Capitulum per se hanc iurisdictionem exercere non posse. Neque deest ratio congruentiæ, quia aliàs secretum vix seruari possit, neque causæ ita breui tempore decidi: sic expressè docet Farinacius quest. 186. num. 180. Bonifacius de Vitalinis dict. Clement. 1. n. 48. & 50. An autem debeat huiusmodi vicariis consilium vicinorum Episcoporum requirere? Credo non debere, neque esse in vfu, quia in supradict. cap. ad abolendam, solum dicitur hoc consilium requirendum esse, si oportuerit, cuius iudicium Capitulo relinquatur. Neque contradicit Hostiens. Ioann. Andr. & Abbas in supradicto cap. quia solum cum oportuerit, asserunt consilium vicinorum Episcoporum expostulandum esse.

8 Vicarius generalis Episcopi, vel Capituli Sede vacante non est competens iudex hæreticorum, nisi ad id specialiter deputetur, quia ob gravitatem criminis specialem requirit commissionem, vt colligitur ex Trident. sess. 24. cap. 6. de reformat. ibi, ipsis Episcopis, & non eorum vicariis sit permittum. sic tradit Ioann. de Inola Clement. 1. num. 19. de hæreticis. & ibi Cardinal. Zabarella in §. duro, num. 9. in 12. quest. Vmbert. Locat. in iudicial. inquisit. verbo Episcopus, num. 6. Répert. Inquisit. verbo cognoscere, versic. sed an vicarius. Gundifalu. tract. de hæreticis, quest. 7. num. 14. Decian. tractat. crimin. lib. 5. cap. 21. num. 7. Augustinus Barbosa 3. part. de potestate Episcopi, allegat. 54. num. 85. Farinacius de hæresi, quest. 186. n. 13. & 181.

§. II.

De Inquisitore, eiusque commissariis, & de eorum potestate.

- 1 Inquisitor est precipuus iudex in hac causa, qui cognoscit de hæresi, & illi annexis.
- 2 Est iudex delegatus, non ordinarius.

- 3 *Inquisitores electi ab alijs Inquisitoribus, sint ne delegati Sedis Apostolicæ, examinantur.*
- 4 *Verius est delegatos esse.*
- 5 *Potest. & Inquisitoria ad omnes personas quacumque dignitate fulgentes extenditur.*
- 6 *Excipiuntur Episcopi, sed possunt dicta testium aduersus eos recipere, ut Pontificem consulant.*
- 7 *Excipiuntur item Legati, Nuntij, aliique Sedis Apostolicæ officiales.*
- 8 *Excipiuntur ipsimet Inquisitores.*
- 9 *Inquisitores procedunt in causis criminalibus suorum familiarium priuatiuè.*
- 10 *Pœnitentium causa criminales, & ciuiles, non subduntur iudicibus fidei, sed proprijs.*
- 11 *In regno Aragonia lata est Inquisitorum potestas.*
- 12 *Vices suas possunt Inquisitores alijs committere.*
- 13 *Commissarij ab Inquisitoribus electi, non possunt alios subdelegare.*
- 14 *Plures Inquisitores pro vna prouincia electi possunt simul, & separatim procedere.*
- 15 *Excipe, nisi Pontifex aliquem pro speciali causa designasset.*
- 16 *Iurisdictio Inquisitoris morte delegantis etiam re integra non spirat.*
- 17 *Quod intelligatur, tametsi delegatio facta esset ad beneplacitum non Sedis, sed Pontificis.*
- 18 *A solo Pontifice Inquisitorum iurisdictio reuocari potest.*
- 19 *Quid dicendum de Inquisitoribus electis ab Inquisitore generali, an possint absque legitima causa remoueri, vel de vno loco in alium transferri.*
- 20 *Dicendum est non posse absque legitima causa inuitum remoueri, neque transferri.*
- 21 *Expenduntur causæ, ex quibus hac remotio fieri potest.*
- 22 *Ad mutationem ex vno loco in alium sufficit conuenientia sancti Officij, tametsi nulla culpa Inquisitoris intercedat.*
- 23 *Explicatur quis possit Inquisitores tum saculares, tum religiosos punire.*
- 24 *Quadragesimum annum attingere debet electus ab alio, quam à Pontifice. In Hispania sufficit, si attingat trigésimum.*
- 25 *Expenduntur alie qualitates in Inquisitoribus requisitæ.*
- 26 *Commissarij sufficit, si trigésimum annum attingant.*

P Ræcipuus iudex in hac causa est delegatus à Pontifice, qui nomine Inquisitoris insignitur, iuxta textum in *Clement. 1. §. propter, de hæreticis*, ibi, *tam per diocesanos Episcopos, quam per Inquisitores*. Hic autem Inquisitor cognoscere potest non solum de causa hæreticis, sed etiam de omnibus connexis, dependentibus, & incidentibus illius: ex iis quæ latè refert *Aretinus consil. 83. Decianus tractat. crimin. lib. 5. cap. 22. num. 12. Farinacius de hæresi, quest. 186. num. 26. Emeric. 3. part. directior. num. 37. in fine.* & ibi *Pegna comment. 10. versic. in prædictis omnibus*, ubi remissiuè tradit quæ sint emergentia, connexa, & dependentia. Et ratio est manifesta, quia concessa iurisdictione, & cognitione causæ principalis, conceduntur emergentia, incidentia, connexa, & dependentia ab illa. *In nulli, C. de iudicijs, Clement. dispensosum.* & ibi Doctores omnes, eodem tit. *de iudic. Bart. in extrauag. ad reprimendam, in verbo summarie, num. 20. Decius in cap. pastoralis, num. 4. in fine, de appellationibus*, & alijs pluribus relatis à *Menoch. de arbit. lib. 1. quest. 45. num. 9.* ubi concludit, iudicem habentem liberum arbitrium ad procedendum in causa principali, posse eodem modo procedere in accessoria.

2 Circa Inquisitorum iurisdictionem, & potestatem plures veniunt quæstiones decidendæ. Prima, an Inquisitor iudex sit ordinarius, vel delegatus? Dicen-

dum est delegatum esse, quia esto delegatus sit ad vniuersitatem personarum; quia tamen ad solam causam hæreticis, & illius connexa delegatus est, ideo iudex delegatus, & non ordinarius dicendus est, ut multis relatis docent *Pegna cum Emeric. 3. part. directior. quest. 4. comment. 53. Ioan. Azor tom. 1. lib. 8. cap. 18. quest. 6. Farinac. quest. 186. num. 39. Scaccia de indic. cap. 67. num. 5. Ludouic. Molin. Iesuita tractat. 5. de iustit. disput. 28. num. 4. & satis probatur ex litteris Vibani IV. & Clement. IV. relatis à Francisco Pegna in fine directior. ubi dicitur: Prouidemus igitur ibidem ad præsens personas aliquas circumpectas pro tanto negotio deputari. & cap. ne aliqui, de hæreticis, in 6. vocatur officium Inquisitoris ab Apostolica Sede commissum: & quia ut tale debebat morte delegantis spirare quoad negotia integra, fauore fidei cauetur perpetuò duraturum: quod necessarium non foret, si iurisdictionis ordinariæ ellet. Negari tamen non potest pluribus priuilegijs ordinariæ iurisdictionis gaudere: tum quia in causa fidei plures causæ continentur, ita ut delegatus ad illam causam ad vniuersitatem causarum delegatus dici potest: tum quia vicarijs suas vices committunt: tum quia eius iurisdictione non spirat morte delegantis, etiam re non cæpta. quæ omnia à fortiori procedunt in Inquisitore generali Hispaniarum, cuius officium perpetuum est: & in quo vno mortuo, vel inde deposito promotione, vel ascensu ad alia, vel alia ratione alius sufficitur: quod ordinariæ iurisdictioni proprium est. Quapropter hoc officium habet perfectiones iurisdictionis delegatæ, & ordinariæ, sublati cuiuslibet imperfectionibus, ut ex sequentibus constabit.*

3 Verum, quia sæpe Inquisitores non à Sede Apostolica immediatè eliguntur, & instituuntur, sed ab alijs, qui ad id auctoritatem à Sede Apostolica obtinent. Dubium est, an i electi debeant dici delegati à Sede Apostolica, & ab illa auctoritatem habere; an verò ab illis, qui eos eligunt? Constat autem tempore Innocentij IV. Alexand. IV. & Clement. IV. Generalibus, & Prouincialibus ordinum D. Dominici, & Francisci datum esse ab ijs Pontificibus priuilegium eligendi, & instituendi aliquos religiosos Inquisitores pro suis prouincijs, quibus præerant; quarum institutionum mentionem fecit *Pegna directior. 3. part. quest. 3. comment. 52. Azor 1. part. lib. 8. cap. 18. quest. 5. Farinacius quest. 186. num. 30.* Et licet in tota Italia, & Hispania iam cellauerit in his Prælati hæc potestas eligendi Inquisitores, & ad illustrissimos Cardinales generales Inquisitores totius orbis deuenit pro tota Italia; & in Hispania ad quendam Præsidem supremi Senatus Inquisitorem generalem vocatum electum à Rege, & à Sede Apostolica confirmatum, & approbatum: huic enim Sedes Apostolica committit potestatem eligendi Inquisitores omnium tribunalium, & visitatores inquisitionum, cum ea dependentia, & subordinatione, ut possit eos de loco in locum mutare, aut causa interueniente deponere, & punire, & modum procedendi præscribere, & eas causas, quæ sibi placuerint referuare: ac denique ut ad ipsum tanquam ad superiorem ex omnibus Inquisitoribus appelleretur; quia in illo tota relidet iurisdictione circa res fidei. Cum ergo hoc ita sit, videntur Inquisitores sic nominati delegati esse Inquisitoris generalis, non Sedis Apostolicæ, à qua solum subdelegati videntur existere: cum ab illa non immediatè, sed mediatè recipiant iudicandi facultatem. Item hoc declarat modus, quem Inquisitor generalis seruat in assignandis ijs particularibus Inquisitoribus: inquit enim (ut testatur *Simancas cathol. instit. sit. 34. num. 15.*) Committimus vobis vices nostras, donec ad nos duxerimus eas reuocandas. Quo ergo modo clariori poterat subdelegare? Et ita hos Inquisitores particulares esse subdelegatos, affirmat, & probat *Simancas supra.*

4 Nihilominus tamen communior, veriòrque sententia affirmat omnes Inquisitores particulares, etiam si à Cardinalibus supremæ inquisitionis, vel à generali Hispaniarum Inquisitore eligantur, delegatos esse Sedis Apostolicæ: sic tenent alios referentes Pegna, cum Eymeric. 3. p. direct. q. 3. comm. 52. in princ. Vmbert. Locat. in iudiciali inquisit. verbo inquisitor, num. 5. vers. qui quidem inquisitor, & vers. unde inquisitores. Repert. verbo inquisitor, vers. an inquisitores. Lælius Zech. sum. 1. p. tit. de fide, rubr. de hæresi, cap. 11. num. 13. vers. & sunt delegati Papæ. Rojas singul. 114. num. 4. & tract. de hæreticis, 1. p. n. 438. Farinac. quest. 186. num. 41. Ludovic. Molin. Iesuita tract. 5. de instit. disp. 28. num. 7. vers. utrum autem. Probatique potest primò ex Clement. 1. §. propter, de hæretic. & ex cap. per hoc, de hæreticis, in 6. ubi loquens de Inquisitoribus absolutè, qui cum Episcopis procedere debent, affirmat esse à Sede Apostolica deputatos: & ita in suprad. Clement. notaverunt Cardin. Zabarella num. 2. in 4. notab. Bonifac. de Vitalinis num. 3. Imola Clem. 2. de hæreticis, num. 9. ante finem. Secundò probatur expressius ex constitutione Alexand. IV. edita anno 1258. incipiente, *Quod super. §. adiecit*, quam refert Pegna post direct. inter litteras Apostolicas. Vbi postquam Pontifex Priori ordinis Prædicatorum facultatem concessit in hæreticos animaduertendi, tam per se, quam per alios ab ipso electos, illosque amovendi, & loco illorum alios substituendi, quotiescunque viderit expedire, subiungit. Ipsi tamen Priori, & aliis sic assumptis committendi dumtaxat citationes, ac examinationes testium; cum de huiusmodi crimine, ac circumstantiis eius inquiratur, ac denuntiationes sententiarum, quas super his contra quoslibet contigerit fieri, & iis similia faciendi conceditur ab eadem sede facultas. Ecce quomodo æquè prior, & alij ab ipso electi à Sede Apostolica accipiunt facultatem. Tertiò, Inquisitores particularium Inquisitionum nomine proprio, & autoritate Apostolica, & non nomine Inquisitoris generalis sententias adversus reos pronunciant. Ergo signum est à Sede Apostolica delegatos esse. Quartò, non arctantur ad publicandas, & denunciandas sententias per seiplos, sed de facto per alios in publico theatro pronunciant, ut in antecedenti puncto diximus: quod illis nullo modo liceret, nisi à Sede Apostolica delegati existerent. Quintò, hi Inquisitores possunt alios subdelegare, ut dicemus: sed subdelegatus alium subdelegare non potest; aliàs daretur processus in infinitum, cum non occurrat ratio, quare ille secundus subdelegatus subdelegare non possit. Ergo dicendum est hos Inquisitores non esse subdelegatos, sed delegatos à Principe. Sextò, iurisdictio Inquisitorum non expirat morte, aut depositione generalis Inquisitoris illum eligentis, etiam re integra. At si subdelegatus existeret, expiraret potius, vel melius dicam in illum iurisdictio transmissa non esset: iuxta textum, cap. quamvis, de officio deleg. lib. 6. Ergo dicendum est eos delegatos à Sede Apostolica. Septimò, Inquisitores supremi Senatus non sunt delegati ab Inquisitore generali, sed à Pontifice, etiam si ab Inquisitore generali nominentur; aliàs non daretur appellatio ad eorum tribunal à sententiis reliquorum tribunalium; quia ab uno subdelegato ad alium subdelegatum dari non potest appellatio: sed necessariò danda est ad subdelegantem. Ergo similiter dicendum est de reliquis Inquisitoribus esse quidem à Pontifice delegatos, ab ipsoque habere iurisditionem facta nominatione, & electione Inquisitoris generalis. Neque obstat habere illam dependentem ab Inquisitore generali, quia hoc modo potuit committi, ut rectius, & securius in causa fidei procedatur. Neque etiam obstat, quòd Inquisitor generalis in electione dicat vices suas committere; quia illud dicit, ut intelligatur iurisditionem concessam esse ab eo dependentem.

5 Secunda questio est, ad quas personas hæc Inquisi-

torum potestas extendatur? Respondeo ad omnes in sua provincia existentes, vel delinquentes, siue sæculares sint, siue religiosi, aut aliàs exempti, deciditur cap. de officio. §. denique, de hæreticis, in 6. cap. accusatores, in fine. cap. ad abolendam, de hæreticis, & tradunt omnes. quod verum est, etiam si religiosi à suis Prælatiis præventi essent, adhuc per Inquisitores iudicandi sunt, illisque sunt hæreses denunciandæ iuxta rescriptum Pij IV. incipiens, *Pastoris etenim est*, & aliud Pauli III. editum anno 1542. incipiens, *In Apostolici cubitibus*, quorum tenorem refert Pegna post direct. inter litteras Apostolicas, & notat aliis relatis Farinac. quest. 186. num. 26. Azor 1. p. lib. 8. cap. 18. quest. 12. Adde iam ab omnibus Prælatiis sublatam esse potestatem cognoscendi de hæresi suorum subditorum, ex constitutione Pauli V. prout testatur Farinac. de hæresi, quest. 186. num. 128. fine, Episcopisque, & Inquisitoribus hoc esse remissum. In Hispaniis autem meritiò sancitum est, ut Inquisitores particulares nullum religiosum, nullumve nobilem, aut aliqua ratione insignem comprehendant, quin prius certiore faciant Inquisitorem generalem, & eius supremum Senatuum, missis ad eos indiciis, & probationibus habitis contra talem reum, & ex eorum præscripto procedatur, & non aliter: sic relato Simanc. cathol. institut. tit. 34. n. 33. Pegna 3. p. comm. 77. docet Ludovic. Molin. tract. 5. de instit. disp. 28. num. 18. A qua regula solum est excipendus casus periculi fugæ, vel alicuius grauis mali: sic præcitati Doctores.

6 Ab hac vniuersalitate personarum excipiuntur primò Episcopi, adversus quos non potest Inquisitor etiam generalis procedere, nisi de expressâ Sedis Apostolicæ facultate; sed negotium debet ad Pontificem remitti, ut quid faciendum sit, provideat: iuxta text. in cap. inquisitores, de hæreticis, in 6. ibi Inquisitores hæretica pravitatis ab Apostolica Sede, seu ab alio, vel aliis quibuscumque deputati de huiusmodi crimine inquirere contra Episcopos nequeunt, aut eius prætextu procedere contra eos, nisi in litteris commissionis Apostolicæ, quòd hoc possint, concedatur expressè. Si tamen Inquisitores ipsi Episcopos, vel alios superiores Prælatos sciuerint, vel inuenerint crimen hæresis commisisse; aut eos de hoc diffamatos existere, vel suspectos, id tenentur Sedi Apostolicæ denunciare. Nomine Episcoporum intelliguntur titulares, quia verè sunt Episcopi. Item electi, & à Sede Apostolica confirmati, etiam si consecrati non sint; quia iurisditionem Episcopalem habent. Secus verò dicendum est de electis, & nondum à Sede Apostolica confirmatis, sic Simanc. cathol. institut. tit. 25. n. 11. & 12. Ludovic. Molin. tract. 5. de instit. disp. 28. num. 19. Verum etsi hoc ita sit, possunt tamen Inquisitores dicta testium contra Episcopos recipere, ut certiore Pontificem faciant, ad eumque dicta testium transmittant. Non enim alia via scire, aut inuenire possunt Episcopos hæreticos esse, aut de hæresi suspectos, ut teneantur Sedi Apostolicæ denunciare, sic Simanc. supra num. 8. & in enchirid. viol. relig. tit. 8. num. 2. Ludovic. Molin. num. 19. Pegna in addit. ad Eymeric. 3. p. direct. quest. 27. comm. 76. Farinac. quest. 186. num. 116. Decian. tract. commun. lib. 5. cap. 23. n. 2. Lælius Zech. sum. 1. p. tit. de fide, rubr. de hæresi, cap. 11. num. 13. vers. neque etiam contra Episcopum. Secundò, possunt Inquisitores Episcopum suspectum de fuga, & clarè cognitum hæreticum carcerare, & carceratum ad Pontificem mittere, & à fortiori si grauia mala ex dilatione comprehensionis sequerentur, ut si interim timeretur plures esse seducendos; quia tunc ex benigna interpretatione Summi Pontificis, censentur ij casus concessi, & à generali prohibitione procedendi adversus Episcopos excepti: sic Simanc. Molin. Pegna, Lælius Zech. & Farinac. supra. Debet tamen hoc periculum esse clarè cognitum: nam in dubio standum est prohibitioni. Aduerto tamen, etsi Inquisitor non possit ad-

uersus

uersus Episcopum procedere; poterit tamen alius Episcopus, si in eius diocesi Episcopus hæresis suspectus, assistat, a ut crimen committat; quia tunc ex delegatione, iuxta *cap. ad abolendam*, videtur iurisdictionem habere. sic tradit Farinacius *quest. 186. n. 122.* cum Repert. Inquisit. verbo *Episcopum*, versic. *ad secundum*. Gundisalu. tract. de hæres. *quest. 7. n. 16.* Decian. tractat. crimin. lib. 5. cap. 21. num. 5.

7 Secundo excipiuntur Nuntij, & Legati Sedis Apostolicæ, a lique eiusdem Sedis officiales, aduersus quos non possunt Inquisitores, neque ordinarij, procedere, nisi de licentia expressa Sedis Apostolicæ: bene tamen possunt aduersus eos (modò Episcopi non sint) inquirere, & se informare, vt informationes ad Pontificem transmittant: habetur expressè in *extranag. Ioan. XXII. cum Matthæum de hæres.* Nomine Nuntij in præfenti intelligitur Legatus Sedis Apostolicæ, iuxta textum in *cap. nobilissimus. 97. distinct.* Nomine verò officialium Sedis Apostolicæ intelliguntur signati à Sede Apostolica ad aliquas causas Sedem Apostolicam, eiusque honorem, & dignitatem spectantes, non autem ad causas particulares inter partes decidendas; quia ij non negotium Sedis Apostolicæ, sed particularium personarum agunt; ac proinde privilegio officialibus Sedis Apostolicæ concessio gaudere non debent. sic Pegna relatis Lapo, & Decio tradit 3. p. *direct. 9. 26. comm. 75.* Molin. tract. 5. de iustit. *disp. 28. n. 20.*

8 Tertiò excipiuntur ipsimet Inquisitores, aduersus quos alij Inquisitores procedere non possunt: tum quia sunt à Sede Apostolica delegati; tum quia par in parem non habet imperium: & ita docet Pegna cum Eymmer. 3. part. *direct. quest. 30. comment. 79.* Farinacius *quest. 186. num. 126.* Molin. tract. 5. *disp. 28. num. 21.* Hoc autem intelligendum est durante Inquisitoris officio: nam si ab illo remoueantur, vt in Hispania Inquisitor generalis remouere facillè potest, poterit tunc alius Inquisitor aduersus eum procedere: imò si Inquisitores particulares delegati non sint à Sede Apostolica, sed subdelegati ab Inquisitore generali, vt Sumancas contendit, poterit Inquisitor generalis eos in carcerem mittere, & punire, ita Molin. *suprà.* Vnum tamen est omnino certum extra crimen hæresis delinquentes Hispanos posse ab Inquisitore generali, & eius supremo Senatu coerceri, & puniri ob commissionem à Sede Apostolica illi factam, vt testatur Pegna 3. part. *direct. 9. 12. comment. 61. versic. in Hispania.* Maior tamen est dubitatio, an Episcopi possint aduersus Inquisitores de hæresi suspectos procedere? Affirmant Repert. Inquisit. verbo *Episcopum*, versic. *primo.* Zanchi. de hæreticis, cap. 8. num. 9. Gundisalu. eodem tract. *quest. 7. num. 17.* Decian. tract. crimin. lib. 5. cap. 21. num. 6. negant Geminian. num. 5. versic. *sed quero, de hæres. in 6.* Locat. in *iudicial. inquisit. verbo Inquisitor. num. 15.* Quintilian. Mandos. in *addit. ad Rupert. verbo Episcopum.* Alij distinctione vtuntur de hæresi occulta, & manifesta: & circa manifestam hæresim affirmant procedere posse Episcopum; secus in occulta. Ceterùm tenendum est absolute nullo modo aduersus Inquisitorem posse Episcopum procedere, sed solum informationes capere, & ad Sedem Apostolicam eas transmittere, nisi in casu per episcopiam excepto, quando scilicet Inquisitor hæreses seminasset, vel seminare permetteret, & delinquentes hæreticos impunitos dimitteret, vel alia horrenda faceret, quia durante inquisitionis officio, officialis est Sedes Apostolicæ: ac proinde comprehenditur sub *extranag. Ioannis XII.* in qua cauetur aduersus Nuntios, officialesq; Sedis Apostolicæ non posse ordinarios procedere in hoc hæresis crimine, nisi tantum recipiendo informationes. sic expressè Ioan. Azor 1. part. lib. 8. cap. 18. *quest. 14.* Moli. 1. de iustit. tractat. 5. *disp. 28. num. 21.* Farinacius *quest. 186. num. 124. & 131.*

9 Tertia questio, an Inquisitorum iurisdictione sit non solum in causis fidei, sed in alijs causis, tum civilibus, tum criminalibus?

Respondeo iurisdictionem habere in causis criminalibus suorum familiarium, & officialium priuatiuè, ita vt alij iudices non se intromittere possint in illis iudicandis, solum enim poterunt capere delinquentes: at illos capros tenentur remittere Inquisitorum iudicio. sic Sumancas *catolic. institut. tit. 41. rubr. de ministris. n. 19. & seqq.* Rojas *singul. 101.* Ludouic. à Paramo de origine *sanctæ Inquisitionis, lib. 3. quest. 6. n. 27.* Farinacius *q. 186. num. 38.* Ab hac tamen potestate excipiuntur committentes crimen læsæ maiestatis, rebellionis, seditionis publicæ, prodicionis, raptus, mandatorum regaliu despectus, & eorum iudiciis, resistentiæ, estactionis, seu violationis Ecclesiæ, aut monasterij incendiarij, vel denique committentes crimen nefandum, & his similia. Expediebat enim hæc à iudice sæculari, qui pœnam mortis imponere potest, iudicari: ne prætextu exemptionis auderent hæc committere. sic relati Doctores. In causis autem civilibus solum credo habere iurisdictionem respectu officialium, qui sunt à secretis; ij enim solum conueniri, & conuenire debitores possunt coram Inquisitoribus, non autem alij officiales externi.

10 Maior autem est dubitatio de reconciliatis, dum habitum pœnitentiæ gestant, & generaliter de quibuscumque pœnitentibus, dum pœnitentiam exequuntur, an ij in causis civilibus, & criminalibus Inquisitorum iudicio subdantur? Affirmat Hostiens. in *summ. tit. de foro compet. 6. ex præmissis.* Anton. Butrius in *cap. 2. de foro competent. col. 2.* Barbatia *ibi num. 61.* & alij. Mouentur ex text. in *cap. aliud 11. q. 1.* quod repetitur in *cap. aliud, de pœnit. dist. 1.* quod est Leonis Papæ ex *epist. 91. ad Rusticum Narbonensem Episcopum, cap. 8.* vbi postquam reprehenderat eos, qui ob segnitiam differunt pœnitentiam impositam agere, concludit in hæc verba. Aliud quidem est debita iusta reposcere, aliud propria perfectionis amore contemnere; sed illicitorum veniam postulantes oportet multis etiam à licitis abstinere, dicente Apostolo: *Multa mihi licent, sed non omnia expediunt.* Vnde si quis pœnitens habeat causam, quam negligere fortè non debeat, melius expedit Ecclesiasticum, quam forense iudicium, ex hoc testimonio inferi Gratian. *ibi*, non propter criminalem tantum, sed generaliter propter quamlibet causam tam civilem, quam criminalem hoc esse intelligendum, atque adeò pœnitentem expedire potius Ecclesiasticum, quam forense iudicium adire. Ergo laicus pœnitens subditus est Ecclesiastico iudicio, & non sæculari. Aliqui tamen authores supradictam textum intelligunt non de quolibet publico pœnitenti, sed de pœnitenti solemniter, cuius meminit textus in *cap. fin. 50. distinct.* & differt à pœnitentia publica, & priuata ob certos ritus, & cæremonias, quas exercere debet, prout optimè expendit Couarr. *var. resol. lib. 2. cap. 10. n. 3.* quæ pœnitentia solemnis iam non est in vsu. sic intelligunt gloss. in *dict. cap. aliud.* Calderin. *conf. 7. tit. de iudic.* Repert. Inquisit. verbo *pœnitentiam pœnitentiam.*

Verùm ex supradicto textu nullo modo censeo colligi posse pœnitentes laicos subditos esse in civilibus, & criminalibus Ecclesiastico iudicio, & multo minus iudicio Inquisitorum. Primò, quia, vt ex relatis verbis constat, datur consilium pœnitenti, vt Ecclesiasticum iudicium adeat potius quam forense: at hoc consilium iis pœnitentibus conuenire non potest. Nam vel sunt actores, vel rei: si actores sint, debent reum vocare apud ipsius rei iudicem, neque potest in hoc variare, vt tenent ferè omnes Doctores in *dict. cap. aliud.* Si autem ipse pœnitens reus sit, necessariò conueniendus est apud suum iudicem; & sic conuentus non poterit iudicium

cium subterfugere; atque adeo non verificari poterit, quod ipse pœnitens eligere poterit iudicium Ecclesiasticum, potius quàm forense. Dices verificari posse; quia pœnitens laicus & subditus est seculari iudicio, & subditus Ecclesiastico: si hoc eligat, eo quod dum est in pœnitentia, videtur esse pauper, miserabilisque persona, ob cuius rationem sub protectione Ecclesiæ videtur constitui: iuxta textum in *cap. 1. & seq. 87. dist.* Sed facile respondetur. Nam esto hic pœnitens sub paupere, miserabilisque persona comprehendatur; adhuc convenire non potest coram Ecclesiastico iudice laicum, nisi prius probaverit iudicem secularem negligentem esse in administratione iustitiæ, iuxta textum in *cap. novit, de iudicis*, probata autem negligentia, & remissione iudicis secularis poterit coram Ecclesiastico conveniri, iuxta textum in *cap. ex tenore, de foro compet. cap. significantibus*, ubi glossa, *de offic. deleg.* & tradit optimè Couarr. *pract. quest. cap. 6. num. 1. vers. undè, & in hoc tractatu*. Secundò multi Doctores sentiunt illum textum intelligi de pœnitente aliquo religioso, qui pœnitentiæ habitum assumpsit, ratione cuius est constitutus Ecclesiastica persona, uti tradit Simanc. *catholic. instit. tit. 47. num. 21. Pegna direct. 3. p. quest. 97. comm. 146. circa medium, vers. denique non obstat*. De hoc enim dicunt Doctores, si habeat causam, quam fortè negligere non debeat, possit reum laicum vocare ad Ecclesiasticum iudicium, si ipse vocatus consentiat, secus si renuat, cum non possit ratione pœnitentiæ maius privilegium habere, quàm habeat sacerdos, qui reum laicum vocare non potest ad iudicium Ecclesiasticum ipso renuente. At ex hoc intellectu approbato à glossa, Dominico, Præposito, & Turrecrem. nullo modo infertur pœnitentem laicum Ecclesiæ reconciliatum, & pœnitentiæ iudicialis habitum gestantem posse conveniri, vel convenire coram iudice Ecclesiastico; quia laicus reconciliatus non est persona religiosa, neque talis habitus impeditio illius religiosum, aut Ecclesiasticum constituit. Ergo ex hoc textu non infertur hos pœnitentes iudicio Inquisitorum subdi. Neque video si Ecclesiastici sint pœnitentes, quare deberent Inquisitoribus, & non Episcopo subdi, tum in causis civilibus, tum in criminalibus. Quapropter si genuinam interpretationem textus velimus habere, necessariò supponendum est loqui Pontificem Leonem de pœnitente actore, quia in illo textu datur libertas eligendi iudicium, & consilium eligendi Ecclesiasticum potius quàm forense; actori datur liberum arbitrium eligendi iudicium, aut illud omittendi; non autem reo datur optio declinandi iudicium seculare, si ad illud pertineat; quia laicus est, vel Ecclesiasticus: si Ecclesiasticus sit, cum nullo textu, vel ratione eximatur. Posito, inquam, loqui Pontificem de pœnitente actore, dicendum est hunc pœnitentem optimè posse debita iusta reposcere: at quia peccatorum veniam postulat, melius faciet, si ab hac petitione abstineat. Nam esto habeat causam, quam fortè non debeat negligere, expedit illum, ut Ecclesiasticum iudicium adeat, & non forense, hoc est, ut pœnitentiæ iudicium exequatur: & iudicio forensi, hoc est, exactioni, & petitioni iudiciali, siue per Ecclesiasticos iudices, siue per seculares facienda sit, non se immisceat, quotque tempus pœnitentiæ adimpleat. Neque novum videri debet alicui, ut iudicium Ecclesiasticum pro iudicio pœnitentiæ, seu pro executione pœnitentiæ iniunctæ usurpemus, ut usurpat Couarr. *pract. quest. cap. 34. circa finem, hum. 4. vers. hinc sequitur*.

Dissoluto ergo hoc fundamento, cum nullum aliud sit, ex quo colligi possit pœnitente laicos iudicio Ecclesiastico in civilibus, vel in criminalibus subditos esse, assumendum est, nequaquam Inquisitorum iudicio subditi, sed à suis iudicibus indicandos fore, sicut si pœnitentialem habitum non gestarent, sic docuit Rojas

singul. 98. Simanc. catholic. instit. tit. 47. rubr. de pœnitent. & conversis, num. 18. & seq. Decian. tract. crimin. lib. 5. cap. 23. num. 15. Couarr. pract. quest. cap. 34. à num. 3. & præcipue num. 5. Pegna direct. 3. p. quest. 97. comm. 146. circa medium, vers. in altera ergo questionis parte. Ratio à priori est, quia Inquisitoribus prohibita est cognitio aliarum causarum ab hæresi, seu quæ hæresim concernunt, *cap. accusatus. §. sanè, de hæreticis. in 6.* Sed ex eo quod causæ agitandæ sint pœnitentium, non efficitur esse causas hæresis, neque hæresim concernere. Ergo ad Inquisitores pertinere non possunt ex iure communi. Restat ergo, ut ex aliquo privilegio pertineant, quod nullum esse apparet. Neque deest pro hac parte ratio congruentia: si enim ij pœnitentes Inquisitorum iudicio subderentur, ex delicto commodum reportarent; liquidem consequerentur privilegium exemptionis à propriis iudiciis, quod familiares, & officiales Inquisitionis ob servitia exhibita, & exhibenda consequuntur, quod videtur absurdum, item daretur illis occasio delinquendi dum viderent ab Inquisitoribus non esse ita severe puniendos pro suis excessibus, ac si propriis iudiciis subderentur.

11 In regno tamen Aragoniæ, Valentiæ, & Barcin. Inquisitores ex particulari privilegio summi Pontificis, & Hispaniarum Regis cognoscunt de committentibus nefandum crimen quicumque sint: & aperitur via cognitioni huius criminis, ex depositione unius testis etiam complicitis; qua dispositione facta si ad sint aliquæ aliæ præsumptiones de delicto commissio, comprehenditur, & in carceribus secretis detruditur, exa minatur; si neget, vocatur testis, & in eius præsentia procuratur convinci: quod si in negatiua perseveret, & rationes testis vrgentes sint, questionem exponitur, quam si vincat, liber dimittitur: at si delictum fateatur, & maior sit 25. annis, curiæ seculari relaxatur in actu publico: si delictum tribus testibus comprobetur, etiam si singulares sint, relaxandus est quantumvis neget, iuxta legem regni editam anno 1598. si minor est 25. annis flagellis cæditur, & trisemibus addicitur. Simul cum Inquisitoribus de hoc delicto Cæsar Augustus cognoscit ordinarius Ecclesiasticus, sicut in causis fidei at Barcinone cognoscit secularis iudex simul cum Inquisitore. Nunquam ob delictum bestialitatis crematur animal in tribunali Inquisitionis, fortè ne à denunciando aliqui huius occasione retardentur.

12 Quarta questio, an possint Inquisitores vices suas aliis committere. Certum est posse; quia ita supponitur in *cap. ne aliqui, de hæretic. cap. ut commissi. §. committendi, de hæreticis. in 6. & in Clement. 1. eod. tit. §. porro*, ibi Inquisitoris, vel suorum commissariorum ordinatio refragatur, & deinde coram dictis Inquisitoribus, & substitutis ab eis. & in §. verum, dicitur Inquisitoribus prædictis ac aliis ad dicti executionem officij substituendis ab eis, & in *Clement. 2. eod. tit. de hæretic. ibi, super hoc deputati commissarii*. Id ipsum probant constitutiones Clement. VII. & Pij II. quarum meminit Pegna *direct. 3. p. q. 13. com. 62. Ioan. Azor. 1. p. instit. cap. 18. q. 10.* Sed dubium est, an possint non solum iis commissariis, & vicariis electis delegare receptiones denunciationum, inquisitionum, formationes, testium examinationem, sed etiam definitivam sententiam adversus quæcumque reum. Et ratio dubitandi oritur ex Urbani IV. rescripto quodam incipiente, *Licet ex omnibus*, cuius meminit Pegna *direct. 3. p. num. 37. com. 10. Vmbert. Locat. in iudicial. inquisit. verbo inquisitor. num. 4. Calderin. tract. de hæret. rub. de officio vicarij. num. 1. & seq.* in quo rescripto solum ad præparatoria sententiæ plena facultas conceditur. Ergo tacite negatur de sententia. Nihilominus dicendum est spectato iure, & rigore posse Inquisitorem non solum unum, sed plures vicarios, si id expedit & iudicaverit, substituere, quibus integrè vices suas committat

etiam

etiam usque ad sententiæ definitivæ prolationem : sic docet Eymeric. & Pegna loco allegato. Farinacius pluribus comprobans, q. 186. num. 29. Molin. tract. 5. de iustit. disp. 28. num. 8. Azor 1. part. lib. 8. cap. 8. quest. 10. Ratio est, quam tradit Eymer. 3. part. direct. quest. 15. quia Inquisitor, ut diximus, est delegatus Sedis Apostolicæ; sed delegatus potest subdelegare, & alteri vices suas plenè committere, ex cap. super questionum, de offic. iudic. deleg. Ergo. Verùm etsi hoc ita sit, nunquam tamen Inquisitores deberent commissariis pro sententiis pronuntiandis, præcipuè aduersus relapsos, & impenitentes vices suas committere; quia cum de vita hominis agatur, altiori examine, quam eo quod fieri potest per vicarium indiget: imò est conueniens, ut nec examinatio testium illis concedatur, nisi fortè in aliquo casu graui, & urgenti, quando neque ipsi testes ad Inquisitorem accedere faciliè possunt, neque Inquisitor ad illos: sicut in Hispania cautum est quadam Hispanensi instructione edita anno 1484. cap. 17. cuius meminit Pegna dict. direct. 3. part. cap. 37. comment. 10. Quapropter in Hispania solum commissariis conceditur ex officio denuntiationes recipere, ut testatur Molin. dict. disp. 28. n. 8. in fine.

13 Huiusmodi autem commissarii generaliter constituti ab Inquisitore, etiam cum potestate pronuntiandi definitivam sententiam, nullo modo possunt alteri vices suas, neque in totum, neque in parte subdelegare; ita cum glossa cap. super questionum, §. porro, verbo transfert, de offic. iudic. deleg. & glossa in cap. cum causam, verbo delegatus, de appellationibus. Ioan. Andr. Albertin. Panormit. Alexand. & communi sententia tradit Pegna 3. part. direct. quest. 15. comment. 64. Molin. supra num. 8. in medio. & Azor quest. 10. Probant primò, quia si commissarius, qui est subdelegatus, posset alium subdelegare, hic secundus subdelegatus posset alium subdelegare, & sic in infinitum; cum nulla excogitari possit ratio, ob quam magis primus, quam reliqui subdelegare possit. Processum autem in infinitum iura abhorrent, ac vitare præcipiunt. l. fideicommissum, §. si quis, ff. de legatis 3. Ergo. Secundò, lex delegatis à Principe concedit potestatem subdelegandi, quam tamen potestatem aliis delegatis, vel subdelegatis non concedit. Ergo signum est esse quasi privilegium personale delegatorum, quod in alios transmitti non potest, iuxta textum cap. privilegium, de reg. iur. in 6. norantque glossa in cap. quam sit, de elect. in 6. & Barr. in l. si is qui pro emptore, ff. de usucap.

14 Quinta questio est, an si plures Inquisitores pro vna prouincia eligantur, quilibet independentè ab alio procedere possit? Certa regula est & posse simul, & separatim procedere, prout sibi magis expedire visum fuerit. habetur expressè in cap. ut officium, de heret. in 6. ibi, Mandamus quatenus vbique in præfata prouincia simul, vel separatim, aut singulariter, prout negotij utilitas suadebit contra hæreticos, credentes, receptatores, fautores, & defensores eorum, necnon contra infamatos de hæresi, vel suspectos iuxta sanctiones canonicas procedatis. & redditur ratio in supradicto textu, ut sic officium inquisitionis efficacius impleatur, & liberius res fidei tractentur, & hæretici, eorumque fautores pluribus iudicibus comprimantur: sic pluribus comprobatur Farinacius quest. 186. num. 24. Pegna cum Eymer. 3. part. direct. quest. 46. comment. 95. Molin. tract. 5. de iustit. disp. 28. num. 9. vbi aduertunt reum ab vno Inquisitore punitum ab alio puniri non posse; quia pro vno delicto vnica poena illi correspondente reus afficiendus est, non pluribus. In Hispaniis autem ex quadam instructione Tolerana, cuius meminit Rojas singul. 17. num. 6. & Farinacius supra, quando duo, vel plures Inquisitores vnius districti præsentès sunt, non potest vnus sine altero ad capturam procedere, neque

ad purgationem indicendam, neque ad publicationem testium, neque ad copiam actorum reo decernendam, & multo minus ad sententiam. Denique seruari tenentur formam ab Inquisitore generalis eis præscriptam, quia dependentes, ut diximus, ab illo recipiunt iurisdictionem.

15 Quòd si Pontifex contra aliquem, vel aliquos specialiter, & expressè Inquisitorem designaret: tunc reliqui Inquisitores generaliter designati, de tali causa cognoscere nullatenus possent, etiam si cognoscere incepissent; quia illa delegatione speciali facta, censetur Pontifex illam causam sibi, & illi delegato specialiter aduocare, & consequenter aliis potestatem cognoscendi interdicere: sic aliis relatis docet Pegna dict. q. 46. comment. 45. versic. sed obiter. Molin. supra num. 9. Farinacius quest. 186. num. 25. & probat textus in cap. ut nostrum, de appellationibus. & in cap. studuisti, de offic. delegat. Ex quo fit si hic Inquisitor specialiter designatus obeat, vel alia via iurisdicatio illius cesserit, non posse Inquisitores generaliter designatos, neque Episcopum de illa causa cognoscere; quia iam fuit Pontifici aduocata, & ab eorum iurisdictione sublata. sic Molin. d. disp. 28. num. 9.

Ad huius autem causæ cognitionem, si hic Inquisitor specialis indigeat informationibus, & depositionibus factis apud alios Inquisitores, poterit illos compellere, ut ea sibi exhibeant. iuxta textum in cap. ut commissi, versic. necnon, de hereticis, in 6. & iuxta constitutionem Bonifac. VIII. & Alexand. IV. quarum meminit Pegna 3. part. comment. 88. super quest. 39. Molin. dicto num. 9. Scaccia de iudic. cap. 67. num. 10. Farinacius quest. 186. num. 25. Addunt tamen, & bene, Molin. & Pegna supra, modestè procedendum esse in hac parte. Primò enim instrumenta petenda sunt amicabiliter; quòd si huic petitioni acquiescere noluerint, expedit Romanum Pontificem consulere, neque illo inconsulto vi compellendi sunt, nisi in aliquo casu raro, & urgenti.

16 Sexta difficultas, an expiret iurisdicatio morte delegantis?

Respondeo, si absolute institutus est, non expirat etiam re integra. In quo ob fauorem filij iurisdictioni ordinariæ comparatur. habetur expressè in cap. ne aliquis, de hereticis, in 6. ibi, præfenti declaramus edicto ipsum officium non solum quoad negotia viuente mandatore incepta, imò etiam quoad integra, & non cepta, & quod plus est quantum ad ea quæ tunc nequaquam emergerant in fauorem fidei post commissantis obitum durare, & norant ibi glossa, & Doctores omnes. Quod intelligendum est non solum de Inquisitoribus à summo Pontifice immediatè electis, sed etiam de Inquisitoribus, à Cardinalibus, & generali Hispaniarum Inquisitore nominatis; quia omnes hi delegati sunt à Pontifice, & tradit expressè cum Eymer. Pegna 3. part. direct. quest. 7. & 8. comment. 56. & 57. Farinacius quest. 186. num. 20. Azor 1. part. institutionum moralium, cap. 18. quest. 7. Lælius Zechius summ. 1. part. tit. de fide, rubr. de hæresi, cap. 11. num. 13. versic. ne eorum potestas.

17 Solum est dubium, si ad beneplacitum non quidem Sedis Apostolicæ, sed Pontificis esset delegatio facta, an tunc expiret morte delegantis? Affirmat Ioan. Andr. in dict. cap. ne aliquis, de hereticis, in 6. in gloss. 1. Geminian. num. 4. versic. & intellige præmissa. Francus num. 2. versic. in glossa prima. Nicol. Arelatens. notab. 4. num. 3. Decian. tractat. crimin. lib. 5. cap. 20. num. 8. versic. fallis tamen, & cap. 22. num. 19. Syluest. verbo hæreticus, §. 2. num. 3. quos videtur sequi Farinacius de hæresi, quest. 186. num. 21. & 23. Mouentur ex cap. si gratiose, de rescriptis, in 6. vbi delegati ad beneplacitum Sedis non finiuntur morte delegantis, secus si ad beneplacitum Romani Pontificis. Cæterum verius est iurisdictionem sic

sic delegati non expirare, nisi id in litteris delegationis expressum fuerit; semper enim ob singularem fidei fauorem censenda est concessa iurisdicção ad beneplacitum sedis, etiam si sub verbo Romani Pontificis concedatur. Aliàs contingere casus posset in quo hæreticos extirpare non possent, quia cessat qui poterat hæreticos inquirere, aut inquisitos punire, quod non est admittendum: & ita docet Francisc. Pegna *direct.* 3. p. q. 7. *com.* 56. *vers. sed ut verum fatear.* Azor. 1. p. *instit. moral.* lib. 8. cap. 18. *quest.* 7. quos refert, neque impugnatur Farinac. *suprà* num. 23.

18 Septima questio, à quo reuocari possit Inquisitorum iurisdicção? clarum est renocari posse à Pontifice, qui eam concedit. Sed cum olim Inquisitores non solum à Pontifice eligerentur, sed etiam à ministro generali, & prouinciali, eiusque ministris, tam in ordine D. Dominici, quam Francisci, meritò concessum fuit iis superioribus posse à se electos autoritate Apostolica remouere, cum id sibi visum fuerit expedire: sic ex priuilegiis concessis iis ordinibus, & ex constitutione Innocent. edita anno 1254. incipiente, *Licet ex omnibus*, & ex alia constitutione Clement. IV. edita anno 1265. similiter incipiente, *Licet ex omnibus*, & aliis probat Pegna 3. p. *direct. quest.* 9. *com.* 58. Farinac. *quest.* 186. num. 32. Azor. 1. p. lib. 8. cap. 18. *quest.* 9. At cum hodie Inquisitores ab iis prouincialibus, aut generalibus non eligantur, sed pro tota Italia ab Illustrissimis Cardinalibus vniuersali Inquisitioni præsidentibus, & in Hispania ab Inquisitore generali, ij tantum à se electos poterunt de vno loco in alium transferre, & ab officio remouere, cum id visum fuerit expedire: sic notant relati Doctores.

19 Sed dubium est, an sine vlla causa, sed solo libero eligentiū arbitrio possint huiusmodi Inquisitores electi ex vno loco in alium transferre, vel ab officio remoueri? Ratio dubitandi est; quia in litteris electionis horum Inquisitorum dicitur esse electos, dum nostra voluntas fuerit, quæ verba videntur indicare liberum, & absolutum arbitrium non iure, & æquitate regulatum: vt multis exornat Menoch. lib. 1. de *arbitrar. quest.* 7. num. 2. At quoties in pleno, & libero arbitrio alicuius negotium situm est, expedire illud potest pro voluntate nullis legibus subiecta; secluso tamen dolo, vt rectè expendit idem Menoch. *quest.* 6. Ergo Inquisitores electi à Cardinalibus, & ab Inquisitore generali, & mutati de loco in locum, & ab officio remoueri pro libera voluntate eligentium possunt: & ita videtur sentire Ludouic. Molin. de *instit. tract.* 5. *disput.* 28. num. 7. *vers. neque obstat, & vers. confirmare possumus, circa finem.* In his enim locis, & alibi affirmat hos Inquisitores esse amobiles ad nutum Inquisitoris generalis.

20 Cæterum omnino dicendum est non posse absque causa legitima intercedente Inquisitorem inuitum de vno loco in alium transferri, aut ab officio remoueri. Moueor, quia in supradictis decretis, & constitutionibus, in quibus potestas conceditur mutandi, & remouendi Inquisitores electos, semper adduntur illa verba, *si ita expedire visum fuerit, vel si ita vobis videbitur.* At hæc verba non indicant plenum arbitrium, sed arbitrium regulatum iure, & æquitate. Primò enim verbum *expedire* conuenientiam ipsius officij continet, iuxta *cap. non solum, de regularib.* lib. 6. & tradit alios referens Menoch. lib. 1. de *arbitr. quest.* 8. num. 5. Pegna *direct.* 3. p. *quest.* 10. *com.* 59. *vers. quæ autem sint causa.* Deinde verbum illud, *si ita vobis videatur*, etiam denotat boni viri arbitrium, ac proinde ratione, & lege regulatum: vt alios referens probat Menoch. *dicta quest.* 8. num. 2. ex l. si *fideicommissaria libertas. 2. in princ. ff. de fideicommissar. libertatib.* & l. si *fideicommissa. 5. quamquam, de legat. 3.* & tradit Pegna loco *allegato.* Adde etiam Inquisitoris generalis, & illustrissimorum Cardinalium arbitrio commissa esset potestas

mutandi, vel remouendi Inquisitorem electum, adhuc credendum non est, liberum illis esse, prout sibi placuerit, facere; sed omnino eorum placitum iure, & æquitate firmari debet, vt satis colligitur ex iis quæ adducit Menoch. *quest.* 8. à num. 7. vbi probat causam commissam ad beneplacitum alicuius esse commissam secundum boni viri arbitrium. Et idem est, quando eius potestati committitur, vt ex Bart. Ang. Gozadino probat idem Menoch. num. 47. Denique quod causa aliqua requiratur ad hanc mutationem, vel remotionem faciendam, officio Inquisitionis conuenientius est: tum quia Inquisitores amplius reuerentur: tum quia exactius negotia fidei tractabunt, videntes non prohibitos, sed ex causa remouendos esse, docent generaliter loquentes Eymeric. *direct.* 3. p. *quest.* 10. & ibi Pegna *com.* 59. Vimbert. Locat. in *iudicial. inquisit. verbo inquisitor. n.* 38. *vers. Nota tamen, & num.* 40. per totum. Farinac. *quest.* 186. num. 33. Azor. 1. p. lib. 8. cap. 18. *quest.* 9. *vers. si querat.* Lælius Zech. *sum.* 1. p. tit. de *fide, rub. de hæresi. cap.* 11. num. 13. *vers. & Inquisitores.* Neque obstat quod Inquisitor generalis in delegatione dixerit vices suas committere, dum ipse non reuocauerit, seu ad suum beneplacitum adhuc non potest sine iusta causa ab officio remouere; quia concessio facta ad beneplacitum perpetua esse dicitur, vt probat Menoch. *quest.* 69. & beneplacitum significat arbitrium boni viri, vt tradit idem Menoch. *quest.* 6. num. 10. & faciunt pro hac parte ea quæ adducit q. 15. num. 11. & 12.

21 Quod si inquiras, quæ sint causæ, ex quibus Inquisitores ab officio remoueri possunt, vel ab vno loco in alium transferri? Respondeo ad remouendum ab officio Inquisitorem tres causas in genere à Doctoribus exposculari, ad quas omnes reducuntur, impotentia, negligentia, & iniquitas, maxime prætextu officij commissa, quarum quælibet per se sufficiens est: sic Eymeric. *direct.* 3. p. *quest.* 12. num. 5. Pegna *com.* 61. Lælius Zech. Azor. & Farinac. *suprà.* Et quidem impotentiam præbere sufficientem causam remotionis nemini dubium est, cum officium datur ob exercitum, unde impotens illud exercere priuari illo debet. Subimpotentia comprehenditur infirmitas, senectus, & ignorantia, quæ officio exercendo obstant. Infirmitas non quidem temporalis, sed perpetua, aut quasi perpetua: hæc enim est, quæ absolute ineptum reddit officio exercendo. Alia verò temporalis non absolute, sed secundum quid, quo tempore scilicet limitato, reddit sic affectum impeditum pro quo tempore limitato constituere vicarium potest, & impotentiam supplere, sicuti si obiuistas causas pro limitato tempore absens esset. Senectus, si rectum iudicium, & præcedentem deliberationem tollat, aliàs non. Ignorantia, si adeò grauis sit, vt ignorent ea, quæ ad exercendum hoc officium requirantur, neque enim fas est Inquisitoribus omnia consiliorum consilio remittere, quasi ipsi solum essent Inquisitores, & non iudices; ipsi enim scientiam habere debent, quæ possint rationes perpendere, & difficultates examinare, & quod iuri, & æquitati conformis est iudicare, aliàs inepti sunt officio exercendo, & in peccato mortali constituti, meritòque remouendi. Secunda causa est negligentia, quæ in quolibet officio sufficienter præbet occasionem, vt remoueat ab illo, qui illam committit. *tap. si qui Episcopi. 1. q. 1. l. ult. ff. vbi pupilli educari debeant. l. carceri. ff. de custod. reorum, & l. si quos. C. de officio præfelli pratorio, & scribunt Roman. consil. 467. Glossa in cap. excommunicamus, verbo neglexit. de hæreticis. Bald. & Iason in l. argentarium. §. ult. ff. de edendo. ex illo text. Alexand. l. penult. num. 5. & ibi Iason. num. 9. in fine. Decius ibi. 6. notab. C. de pæliis. Iul. Clar. lib. 5. *sentent. iuris. §. fin. quest.* 73. *vers. item iudex.* Menoch. de *arbitr. lib.* 1. *quest.* 51. num. 14. & lib. 2. *casu* 341. num. 1. Hæc autem negligentia non solum contingit, quando aduersus hæreticos, aut*

de hæresi suspectos non procedit, sed etiam quando non procedit debito tempore, ob quam remissionem forte capiendus aufugit, aut aufugere poterat, vel in ætrem hæreses disseminauit. Adde cum hoc sit grauissimum crimen, & reipublicæ Christianæ perniciosissimum, quolibet negligentia in illo extirpando graue crimen reputatur, & merito occasionem præbet ab officio negligentem remouendi. Quod si hæc negligentia odij gratia, vel amoris lucri causa procedat; ultra debitam remotionem ab officio, si fuerit Episcopus suspenditur ipso facto per triennium ab officio; reliqui vero excommunicationem Pontificiam reuerentiam incurrunt: habetur *Clement. 1. §. verum, de hæreticis, in fine*. Adde, ex quocumque fine Episcopus, & Inquisitor negligentes fuerint in hæreticis inquirendis, & puniendis, si eorum negligentia grauis fuerit, fauoriam hæresis incurrunt, ex text. in cap. qui potest obuiare, 23. quest. 3. cap. quanta, de sentent. excommunicat. & aliis relatis docet Farinacius quest. 186. num. 147. Merito ergo ob tale crimen deponendi sunt ab officio, vt multis relatis docet idem Farinacius quest. 182. num. 24. Tertia causa est iniquitas, quæ si prætextu officij commissa est, manifestissimam præbet occasionem remouendi ab officio iniquum. Non enim meretur officium retinere, qui in officium delinquit, præcipue in officium ita sacrum, & ab omni iniquitate alienum. sic docet Menochius lib. 1. de arbit. quest. 55. num. 15. Roman. consil. 467. sine. Pegna dicta 3. part. director. quest. 12. comment. 61. post medium, versic. denique. Farinacius quest. 186. num. 34. Hinc infertur, si illicite pecuniam extorqueas sacri Officij prætextu, dignus es, vt ab officio remouearis: & traditur expresse in *Clement. 2. de hæreticis*, vbi postquam sententiam excommunicationis aduersus Inquisitores, & commissarios pecuniam illicite extorquentes tulit, mandat eos ab officio remouere, & amotos aliis pœnis arbitrariis puniri. Sub nomine pecuniæ quolibet res pretio æstimabilis intelligitur. sic glossa in supradicta *Clement. verbo pecunia*. Farinacius quest. 186. num. 139. Pegna director. 3. part. quest. 12. comment. 61. post medium, versic. nomine pecunia. Thomas Sanchez plures referens, lib. 2. cap. 20. num. 9. Dixi, si prætextu officij iniquitas commissa est; quia hoc crimen est, quod præcipuam occasionem præbet ab officio remouendum, qui illud committit. At cum hoc officium Inquisitoris expositulet viros prudentia, doctrina, & omni virtute conspicuos, iuxta constitutionem Urbani IV. incipientem, *Præcunctis*, cuius meminit Vmbert. Locat. in *iudicial. inquisit. verbo Inquisitor, num. 3.* & tradit Simancas *catholic. institut. tit. 34. num. 9. & 10. & in enchirid. tit. 7. num. 2.* Eymer. 3. part. direct. q. 1. Farinacius q. 186. n. 54. merito infectus graui aliquo crimine, quodcumque sit, præcipue si scandalum generat, ab officio remoueri debet.

22 Hucusque diximus de causis, ob quas ab officio Inquisitor remoueri possit. At si loquamur non de remotione ab officio, sed de mutatione ex vno loco in alium, dicendum est posse Cardinales illustrissimos, & Inquisitorem generalem Hispaniarum Inquisitores à se electos mutare, etiam si nullam culpam commiserint, si videant officio inquisitionis talem mutationem conuenientiore esse: etsi ei, qui mutandus est, non sit ita conueniens; quia hoc expedit potestati gubernatiuæ illis committæ. Neque ad hanc mutationem faciendam opus illis est conuenientiam iuridicè probare: aliàs raro possent mutare inuitos, & transferre Inquisitores ad loca infesta, vbi fortè eorum industria necessaria est. hincque sequeretur causam fidei maxime periclitari. Quapropter hoc negotium eorum conscientia, & prudentia est relictum, qui re maturè cognita, vt decet, non odio du-

Ferd. de Castro Sum. Mor. Pars I.

cti, sed zelo fidei accensi hanc faciant mutationem.

23 Octaua questio est, quis possit delinquentes Inquisitores punire? Vt respondeam, distinguendum est inter Inquisitores religiosos, & seculares clericos, & inter delictum in officio, vel extra. Si Inquisitores clerici sint seculares, à Cardinalibus sanctæ Romanæ inquisitionis electi ab iis puniri debent, quocumque modo delinquant; quia iis sunt subiecti. Si à generali Hispaniarum Inquisitore electi sunt, ab ipso puniri possunt, ob eandem rationem. At si Inquisitores sint religiosi, cum ratione religionis suis superioribus subdantur, existimat Eymeric. director. 3. part. quest. 12. num. 1. & Vmbert. Locat. in *iudicial. inquisit. verbo Inquisitor, num. 40.* posse à suis superioribus coerceri, & puniri, si extra suum officium, & contra regularem obseruantiam delinquant. Secus si in proprio officio, quia in illo à propriis Prælatiis exempti sunt, ex constitutione Alexandri IV. & Clementis IV. quatum meminit Eymeric. 3. part. director. quest. 11. & ibi Pegna comment. 60. Decianus tractat. crimin. lib. 5. cap. 22. num. 33. Farinacius quest. 186. num. 128. Ceterum credo non solum delinquentes in proprio officio, sed nec delinquentes extra posse à suis Prælatiis puniri, pœna, inquam, quæ aliquo modo retardare possit proprii officij exercitium. Ratio est, quia in supradictis constitutionibus eximuntur Inquisitores in suo officio exercendo à Prælatorum obedientia, ita vt ipsis Prælatiis grauius iniungatur, ne dictos Inquisitores ab executione sui officij directè, vel indirectè impendant. Si autem possent culpas extra officium committas punire, consequenter possent indirectè eorum officium impedire. Ne ergo admittamus inconueniens, quod Pontifices in dictis constitutionibus vitare curarunt, dicendum est nullo modo posse hos Inquisitores à suis Prælatiis puniri pœna, quæ aliquo modo exercitium sancti officij retardet, sic docet Farinacius quest. 186. num. 132. vbi inquit: Tu verò dicas, quod licet Inquisitores teneantur parere suis superioribus regularibus, in his, quæ regulæ obseruantiam, & alia per quæ directè, aut indirectè sanctum Officium non impeditur, respiciunt, & propterea in delictis extra officium per eosdem superiores moneri, & reprehendi: non tamen puto, quod dicti superiores possint eos punire, & consequenter ab eorum officio per indirectum retrahere, sed bene poterunt assumere informationes, illasque ad supremum tribunal transmittere, expectans quid sibi ab eodem tribunali supremo mandetur: aliàs esset inuenta aperta via impediendi officium Inquisitionis per indirectum. Hæc Farinacius.

24 Nona questio est de ætate, & qualitate requisitis in eo, cui est Inquisitoris officium commissum. Quia in re dicendum est: Spectato iure communi quadagesimum annum attingere debet Inquisitor ab alio, quam à Pontifice electus: habetur expresse *Clement. 2. de hæreticis*. ibi, *Statuimus nullis ex tunc, nisi qui quadagesimum ætatis annum attigerunt, officium inquisitionis prædictæ committi Inquisitoribus*, & ibi notatur glossa, & omnes. Aliàs electio facta nulla esse videtur, utpote facta contra formam præscriptam, & conditionem à iure requisitam. sic glossa in dicta *Clement. verbo committi*. & ibi Ancharan. post num. 2. versic. quare Paulus. Cardinal. Zabarella num. 3. versic. tertio quare. Ioan. de Imola num. 5. & Bonifacius de Vitalinis num. 27. Farinacius quest. 186. num. 50. Ab hac conclusione excipit Simancas *catholic. institut. tit. 34. num. 12.* Inquisitores Hispanos, qui ex speciali summi Pontificis decreto eligi possunt annum trigessimum attingentes. Subdit tamen Pegna 3. part. director. quest. 2. comment. 51. versic. Simancas.

Y y

hoc

hoc priuilegium se non uidisse; & quamuis in Hispania sic fiat, alibi ius commune seruandum esse, in quo tamen iusta causa intercedente dispensari poterit à Pontifice, expectata personæ eligendæ probitate, doctrina, ac prudentia. Ratio verò, quare hæc tam matura ætas in Inquisitore requiratur, cum in Episcopo hoc officium exercente requisita non sit, sed solum annus trigessimus, traditur optimè à Panormitano *cap. cum in cunctis*, §. 1. *num. 6. de electione*. quia de Episcoporum moribus, doctrina, & prudentia sit ante electionem accurata indagatio, quæ tamen non præmittitur in electione Inquisitoris; ideòque in Episcopo tanquam in persona aliàs cognita idonea, non est requisitus ad officium Inquisitoris annus 40. qui tamen requisitus est in Inquisitore, aliàs idoneo non probato.

Notanter dixi requiri annum 40. in Inquisitoribus electis ab alio, quàm à Pontifice; quia de illis tantum loquitur textus in *Clement. 2. vt* constat ex illis verbis, *committi Inquisitoribus*, quæ explicans glossa verbo *committi*, inquit per Prælatos prouinciales, vel ministros illorum ordinum, quibus deputatio talium à Sede Apostolica est commissa. Quocirca si à Pontifice immediatè eligantur, non videtur necessarium annum 40. attingere: sed in quacumque ætate eligantur, valet eorum electio, etiam ignorante Pontifice ætatem. sic Farinacius *quest. 186. num. 51.* cum Bonifacio de Vitalinis in *supradict. Clement. 2. num. 4. versic. unde si Papa.* & subdit Farinac. hoc procedere in Inquisitoribus electis à consistorio Cardinalium, quia eliguntur de scientia summi Pontificis.

25 Præter ætatem aliæ qualitates in Inquisitore requiruntur: nempe probitas vitæ, doctrina non vulgaris, & prudentia non mediocris; cum enim hoc officium omnibus antecellat, quid mirum si illius præfecti commune genus hominum debeant excedere? Quapropter Eymeric. huius tribunalis satis bene meritis, 3. *part. director. quest. 1.* dixit Inquisitorem debere esse conuersatione honestum, prudentia circumspexitum, constantia firmum, sacra doctrina fidei eminenter eruditum, & virtutibus circumfultum: quod ibi confirmat Pegna *comment. 50. Simancas catholic. instit. tit. 34. rubr. de inquisit. Apostol. num. 9. & 10. & in enchirid. violat. relig. tit. 7. rubr. de inquisit. num. 2.* Vmbert. *Locat. in iudicial. inquisit. verbo Inquisitor, num. 3.* ubi adducit constitutionem Urbani IV. incipientem, *Præ cunctis*, in qua hæc qualitates miris verbis expostulantur. Quod si roges, an scientia Theologiæ, vel iuris canonici pollere debeat? Respondeo vtrique debere, Theologia, vt hæreses cognoscat; iure canonico, vt causas, & lites decidere valeat: sic Azor 1. *p. instit. lib. 8. cap. 18. q. 3.* Farinacius 9. 186. n. 54. *fine*.

26 Sed quid dicendum de commissariis Inquisitorum, & Episcoporum? Glossa, & Ioann. Andr. in *dicta Clement. 2. de hereticis*, eandem ætatem, & qualitatem expostulat, ac in Inquisitoribus, quia loco Inquisitorum substituuntur, & substitutus naturam principalis sapere debet. 1. *parabolam, C. de Episcopis, & clericis*. Cæterum dicendum est sufficere annum 30. attingere, quia ita statutum est à Clemente VII. in constitutione incipiente, *Cum sicut*, relata à Pegna inter litteras Apostolicas, cuiusque meminit ipse in *director. 3. part. quest. 13. & 16. comment. 62. & 65.* ubi inquit Pontifex. Decernimus insuper, vt vestros vicarios, siue commissarios instituere valeatis viros scientia probos, prouidos, aptos, & idoneos, dummodo *ætatis trigessimum annum atigerint*; sic notant Vmbert. *Locat. in iudicial. inquisit. verbo Inquisitor, num. 4. in fine.* Ioann. Azor 1. *part. lib. 8. cap. 18. quest. 4. versic. quæret deinde.* Molin. *de iustit. tractat. 5. disput. 28. in fine, num. 23.* Neque mirum est minorem ætatem in commissario, quàm Inquisitore requiri, cum rarò illis committatur integra Inqui-

sitorum potestas. De aliis autem qualitatibus constat debere esse doctos, probos, & idoneos officio exercendo. Quapropter semper solet eligi clericus, qui in illa ciuitate, & Ecclesia aliquam dignitatem præminentem habeat. sic Farinacius *quest. 186. num. 55.*

PUNCTVM XIII.

Quem modum seruare debeant Inquisitores, & Episcopi in hæreticis inquirendis, & puniendis.

- 1 Statuitur à Bonifac. VIII. & Clem. V. aliisque Pontificibus.
- 2 Iurisdictio delegata Inquisitoris, non derogat iurisdictioni diocesani Episcopi.
- 3 Citatus ab Inquisitore, & ab Episcopo pro eodem tempore, potest comparere coram quo maluerit, si exemptus sit; si tamen subditus Episcopi, communis sententia defendit debere coram Inquisitore.
- 4 Non caret probabilitate posse adire, quem maluerit.
- 5 Commissarii citatio præferenda ne sit citationi ordinarij? Sub distinctione respondetur.
- 6 In Hispania cessat hac controuersia.
- 7 Si Inquisitor, & Episcopus diuisim procedant, debent se communicare processum.
- 8 Non potest Inquisitor sine ordinario, neque ordinarius sine Inquisitore reum tradere dno carceri.
- 9 Item neque tormentis subijcere.
- 10 Neque potest Inquisitor sine Episcopi consensu priuari reum beneficijs acquisitis.
- 11 Obligatur Episcopus requirere Inquisitorem, & Inquisitor Episcopum, quoties vnum sine alio procedere non potest.
- 12 Quid si requisitus non comparet, vel non vult venire, &c.
- 13 Quando hac obligatio requirendi tum in Inquisitore, tum in Episcopo procedat.
- 14 In Hispania nullus hæreticus relaxatur, nisi consulto supremo Senatu.
- 15 Quid faciendum, cum Episcopus, & Inquisitor discordant.
- 16 Suspectum de hæresi non potest Episcopus sine Inquisitore, aut econtrà ad abiurationem cogere.
- 17 Neque hæreticum penitentem.
- 18 Quod si de facto sic fueris coactus abiurare, & deinde in hæresim incidis, non contrahis pœnas relapsi.
- 19 Sententiam absolutoriam tum de finitiuam tum interlocutoriam in Hispania non potest Episcopus sine Inquisitore, aut econtrà proferre. Idem censet iure communi.
- 20 Proponitur contraria sententia, & validissimi probatur.
- 21 Penitentiam iniunctam ab Inquisitore, & Episcopo, non potest vnus illorum mutare. Et quid in Hispania.

1 Bonifacius VIII. in *cap. per hoc*, de hereticis, in 6. Respondet ex delegatione Inquisitoris ab Apostolica Sede generaliter facta in aliqua prouincia, ciuitate, vel diocesi, nihil diocesani Episcopis derogari, quin & ipsi autoritate ordinaria, vel delegata procedere possint. Deinde subdit, vt inquisitionis negotium efficacius, melius, vtiliusque procedat; possunt Episcopus, & Inquisitor communiter, vel diuisim, inquirere, citare, capere, carceri recludere hæreticos, testes examinare, & alia quæ ad sententiam requiruntur. Sententia autem per vtroque simul proferenda.

proferenda est, ad cuius prolationem, si diuim pro-
cesserint, tenentur sibi inuicem communicare proces-
sus, vt per hoc possit melius veritas inueniri: quod si in
sententia ferenda non conuenerint, per vtrosque ne-
gotium sufficienter instructum ad Sedem Apostolicam
remitti debet. Siue autem ordinaria, siue delegata Epi-
scopi potestate procedant, præscriptum Inquisitoribus
modum à iure communi, & Sedis Apostolicæ rescriptis
obseruare tenentur. Clemens verò V. in Concilio
Viennensi, in *Clement. 1. multorum, de hæreticis*, post-
quam retulit multorum querelas, quod Inquisitores
metas suæ iurisdictionis exccellerint, infidelium detri-
mentum subiungit, vt negotium inquisitionis huius-
modi eo prosperetur felicius, diligentius, & cautius peragatur,
ipsum tam per diocesanos Episcopos, quam per Inqui-
sitores à Sede Apostolica deputatos (omni carnali amo-
re, odio, vel timore, ac cuiuslibet commodi temporalis
affectu semotis) decernimus exerceri: sic quod qui-
libet de prædictis sine alio citare possit, & arrastrare, si-
ue capere, ac tutæ custodiæ mancipare, ponendo etiam
in compedibus, vel manicis ferreis, si ei visum fuerit fa-
ciendum, super quo ipsius conscientiam oneramus, nec
non inquirere contra illos, de quibus pro huiusmodi
negotio secundum Deum, & iustitiam viderit expedi-
re. Duro tamen tradere carceri, siue arcto, qui magis
ad pœnam, quam ad custodiam videatur, vel tormentis
exponere illos, aut ad sententiam procedere contra
eos, Episcopus sine Inquisitore, aut Inquisitor sine
Episcopo diocesano, aut eius officiali, vel episcopali
Sede vacante, Capituli super hoc delegato, si tui ad in-
uicem copiam habere valeant, intra octo dierum spa-
tium, postquam se inuicem requisierint, non valebit;
& si secus præsumptum fuerit, nullum sit, & irritum ipso
iure. Verum si Episcopus, vel eius Capituli Sede vacan-
te delegatus cum Inquisitore, aut Inquisitor cum alte-
ro eorundem propter præmissa nequeat, aut nolit per-
sonaliter conuenire, possit Episcopus, vel eius, seu Ca-
pituli Sede vacante delegatus Inquisitor, & Inquisitor
Episcopo, vel eius delegato, seu Sede vacante illi, qui ad
hoc per Capitulum Sede vacante fuerit deputatus, su-
per illis committere vices suas, vel suum significare per
litteras consilium, & consensum. Hæc in dictis textib.

2. Ex iis inferitur primò iurisdictionem delegatam ge-
neraliter Inquisitori pro aliqua diocesi non derogare
iurisdictioni diocesani Episcopi, quia vtrique insoli-
dum concessa est. Secus verò dicendum esset, si com-
missio restricta esset ad certas personas, certaque hære-
sis crimina, quia per illam specialem commissionem or-
dinariorum, aliorumque Inquisitorum potestas cense-
tur restricta. sic glossa in *d. cap. per hoc, verbo generaliter, de
hæret. in 6.* & ibi Añcharan. Gemin. Archidiac. Imola,
Zabarella, Bonifac. Vitalin. quos refert, & sequitur Fa-
rinacius q. 186. num. 59.

3. Hinc oritur quæstio, an citatus ab Inquisitore, & ab
Episcopo pro eodem tempore teneatur comparere co-
ram Inquisitore, omittà Episcopocitatione, vel possit
eligere quem maluerit? Et quidem si Episcopus non iu-
re proprio, sed ex delegatione procedit, quia citatus
exemptus aliàs est ab eius iurisdictione: tunc certum est
posse citatum eligere quem maluerit, cum non possit
coram vtroque simul comparere: sic Ioan. Azor 1. *part.
lib. 8. cap. 18. q. 8.* Lælius Zech. 1. *p. sum. tit. de fide, rubr. de
hæresi, cap. 11. n. 13. vers. secundo dicendum est.* Farinacius
q. 186. n. 95. Ne autem in hoc casu videatur mandatum
vnius contemnere, expedit comparere coram vno, co-
ram alio protestari impotentiam comparendi, etsi ad id
non teneatur. sic Eymer. 3. *p. direct. q. 5. n. 3.* At si Episco-
pus, & idem est de quolibet alio iurisdictionem episco-
palem habente, procedat aduersus sibi subditos, & con-
sequenter ex iurisdictione propria. communis senten-

Ferd. de Castro Sum. Azor. Pars I.

tia tenet debere citatum coram Inquisitore compare-
re. sic multis relatis docet Pegna cum Eymer. *direct. 3. p.
q. 5. n. 4. & 5. comm. 54.* Simancas *catbol. instit. tit. 43. rubr.
de modo procedendi.* Ludou. à Paramo *de orig. sanctæ Inquis.*
lib. 3. q. 4. rubr. de forma, & ordine iudic. Farinacius q. 186.
n. 87. & seq. Azor tom. 1. *instit. moral. lib. 8. cap. 18. q. 8.* Mo-
uentur, quia delegatus summi Pontificis vices summi
Pontificis habet, & illum repræsentat. Ergo ei obedi-
endum est tanquam Pontifici præcipienti, quolibet alio
iudice posthabito. Ob quam rationem in *cap. sanè, de
offic. delegat.* dicitur iurisdictionem delegati in causa de-
legationis maiorem esse qualibet alia iurisdictione.
Cum ergo Episcopus in sibi subditos non tanquam de-
legatus, sed tanquam ordinarius procedat, Inquisitor
autem procedat, vt Pontificis delegatus: efficitur sanè
citatum comparere debere coram Inquisitore, & non
coram Episcopo. Et confirmo, ex *l. 1. ff. de officio eius cui
mandata est iurisdic. ubi* dicitur, qui mandata iurisdic-
tionem suscepit, proprium nihil habet, sed eius qui
mandauit iurisdictione utitur. Ergo Inquisitor, cui iu-
risdic. demandata est à Pontifice, iurisdictione Pon-
tificis utitur, & non propria: at Episcopus utitur iurisdic-
tione propria. Ergo præualere debet Pontificia iu-
risdic. iurisdictioni episcopali.

4. Cæterum etsi hæc sententia tenenda sit, & in praxi
sequenda: at probabilitate non caret liberum esse ci-
tato adire iudicem, quem maluerit; quia pares esse vi-
dentur Inquisitor, & Episcopus in iurisdictione, siqui-
dem quilibet insolidum, & independentem ab alio reum
citare, & examinare potest. Et cum vterque ad profe-
rendam sententiam iunguntur, & discordant, nullus
præualeat aduersus alium, quæ sunt signa æqualis iurisdic-
tionis. Neque obstat text. in *cap. sanè, de off. deleg. & in
suprad. l. 1.* nam videntur loqui de delegato, cui deman-
data est iurisdic. priuatim respectu aliorum, non de
delegato, cui cumulatim cum ordinario, & in subsidiū,
& adiuturum illius conceditur iurisdic. Cum ergo
Inquisitor hoc modo delegatus sit respectu Episcopi,
seu episcopalem iurisdictionem habentis; efficitur neq;
esse illo superiorem, neque eius citationem citationi
ordinarij præferri debere: & ita tenet Ludouic. Molin.
tract. 5. de iust. disp. 28. n. 17. vers. mihi sub aliorum iudicio.

5. Sed inquire, an ex suppositione, quod Inquisitor
sit ordinario superior, eiusque citatio præferenda, idem
dicendum sit de commissariis? Communiter distinguūt
Doctores inter commissarium electum ab Inquisitore,
vel à Pontifice. Et de commissario electo ab Inquisi-
tore negant superiorem esse ordinario, eiusque citatio-
nem citationi ordinarij præferendam. Mouentur ex
doctrina Bart. in *l. filius, l. vicarius, l. filius ff. de legationib.*
vbi vicerektor constitutus à rectore nō gaudet privile-
giis, & immunitatibus rectoris: & consequenter com-
missarius ab Inquisitore constitutus non gaudebit eius
immunitate, & privilegiis: ac proinde non erit ordina-
rio superior, neque eius citatio citationi ordinarij præ-
ualebit. Verum si commissarius ab ipsomet Pontifice
eligatur, etiam si tunc subdelegatus sit, quia à Principe
est subdelegatus, eandem cum delegato prærogatiuam
habet, ex *l. ult. C. ut dignitatum ordo seruetur, lib. 12. &
l. suggerente, C. de officio eius, qui vicem alicuius iudicis ob-
tinet.* & tradit Abbas, & Decius in *dicto cap. sanè*, & alij
relati à Doctoribus statim referendis. Ergo sicut ipse
Inquisitor superior est ordinario, & præualeat eius ci-
tatio; sic commissarius à Pontifice electus superior esse
debet, & eius citatio præualere: & ita tradit alios re-
ferens Pegna 3. *p. direct. quæst. 5. comment. 54. versic. num
autem.* Ioan. Azor 1. *p. lib. 8. cap. 18. q. 8. vers. quæres itidem.*
Farinacius *quæst. 186. num. 91.* Cæterum pace tanto-
rum virorum credo probabilius commissarium, siue
electus sit à Pontifice, siue ab ipsomet Inquisitore, præ-
ferendum esse ordinario, si supponamus Inquisitorem

Y y 2 ordi

Ordinatio præferri. Moueor, quia subdelegatus delegati Pontificis summum ipsum Pontificem repræsentat, & vices ipsius gerit, sicut & ipse delegatus, & eisdem privilegiis gaudet: quod constat. Quare si priuatiuè delegato concessa esset in aliqua causa iurisdicção, ipseque alium substitueret, substitutus procedere poterat cum iurisdicção priuatiua aliorum, ac poterat ipse delegans, ac proinde sicut ipse delegans est superior, sic substitutus. Neque obstat doctrina Bart. in *suprad. l. si sim*, quia loquitur in casu lóge diuerso. Fateor, inquam, tectorem, seu iudicem ordinarium, si eligat substitutum extra casum necessitatis ratione morbi, vel absentia, & absque expressa Principis facultate non gaudere substitutum privilegiis, & immunitatibus substituentis, nec dici debere iudicem ordinarium, sed delegatum. Verum si ex privilegio Principis eligat substitutum, ut loco ipsius causas cognoscat, & decidat, eisdem privilegiis, & prærogatiuis gaudet delegans: ut implet Bart. tradit in *l. nec quicquam*, §. *ubi decretum*, num. 6. iunctis iis quæ dixerat *l. obseruare*, num. 3. & §. *de officio proconsulis*. & tradit pluribus relatis Maranta de ordine iudic. pars. 4. dist. 1. §. *à num. 17*. Cum ergo Inquisitoribus concessum sit à Sede Apostolica commissarios eligere, quibus suas vices integrè committere possint, efficitur sanè eandem prærogatiuam electos habere, ac habent ipsi Inquisitores eligentes. & ita tradit Molin. *trac. 5. de iust. disp. 28. num. 17. versic. quod sapientissimus*, &c.

6 Aduerto tamen in Hispania hanc dubitationem sublatam esse, eo quòd ex recepta consuetudine, imò ex privilegio Sedis Apostolicæ non possunt ordinarij citare, capere, & in carcerem detrudere delinquentes, sed depositiones testium, seu denuntiationes, si aliquæ apud ipsos fiant, debent Inquisitoribus transmittere, quibus in hac parte concessa est integra iurisdicção, & ab ordinariis sublata: sic docet Molin. *trac. 5. de iust. disp. 28. num. 13. versic. hac autem*, & num. 14. in fine. & ex parte consentit Azor cum Simancas lib. 8. cap. 18. *quest. 8*. Nam licet neget privilegium esse à Sede Apostolica, affirmat tamen ex consuetudine, & præscripto Regis sic obseruari.

7 Secundò infertur Inquisitore, & Episcopo procedente diuifim (quod contingit, cum vterque procedit separatim, formando diuersum, & distinctum processum) teneri sibi inuicem communicare processum, ut sic veritas melius elucescat, & sententia sine errore proferatur: iuxta dictum textum in *cap. per hoc*. Hæc tamen comunicatio non solum est faciendâ in fine litis, quando nihil superest faciendum, nisi ad diffinitiuam sententiam procedere, sed etiam quando vnus commodè procedere non potest, nisi visis processu, & actis alterius, & postulat sibi ostendi: in quo casu semel tantum (ne fraudi locus sit) in toto negotio copia tribuenda est: habetur expressè in *extrauag. 1. de hæreticis, inter communes*. Vnde cum ad torturam rei Inquisitor sine Episcopo, neque Episcopus sine Inquisitore procedere non possit, ut dicemus, efficitur sanè tunc faciendam esse processum communicationem: aliàs imprudenter procederent non visis indiis, & probationibus ad torturam: sic Pegna 3. p. *direct. 9. §. 3. comm. 102*. Repert. Inquisit. verbo *communicare*, §. *sed quomodo*. Vmber. Locat. in iudic. inquisit. in verbo *tortura*, num. 9. Campeg. in additionibus ad Zanch. *trac. de hæret. cap. 8. litt. F. verbo processum*, versic. *si quæris an ante torturam*. Farinacius de hæresi, *quest. 186. num. 86*. Molin. de iust. *trac. 5. disp. 28. num. 11*. Secus verò dicendum videtur, si testis torquendus esset, quia tunc nulla videtur processus communicatio necessaria, cum vnus sine alio procedere possit. sic Pegna, Farinacius & Molin. *supra*, & Decian. *trac. crimin. lib. 5. cap. 21. num. 23*. Hodie tamen præcipuè in Hispania tota hæc comunicatio processuum cessat, siquidè so-

lùm Inquisitores processus faciunt, & illis factis vocant ordinarios, illisque eos ostendunt, & ex illis sententiam simul cum Inquisitore proferunt. quod vbiq; seruari conuenit, ut bene dixit Pegna *direct. 3. p. 9. §. 2. comm. 101*. Molin. *disp. 28. n. 14. fine*.

8 Tertiò infertur ex *supradict. Clement. 1.* non posse Inquisitorem sine ordinario, neque ordinarium sine Inquisitore, etiam quocumque illorum solo procedente, duro tradere reum carceri, siue arcto, qui magis ad pœnam, quàm ad custodiam videatur: ex cuius prohibitione non sequitur reum inclusum in carcere securo à fuga, expositum tamen aliorum communicationi non posse in alium strictum, & durum carcerem mutari: tunc enim non ad pœnam instituitur, sed ad debitam, rationabilemque custodiam. sic alius relatis docet Farin. *q. 186. n. 75*. clariùs Molin. de iust. *trac. 5. disp. 28. num. 13. versic. mihi verò*.

9 Quartò infertur non posse Inquisitorem sine Episcopo diocesano, aut eius officiali, vel episcopali Sede vacante Capituli super hoc delegato, aut e contra reum tormentis subicere, aut condemnare: quod si secus fiat, nullum est, & irritum ipso iure. sic expressè in *dict. Clement. 1.* Ex quo plures Doctores inferunt, si in tali tormento reus confiteatur, confessionem sic factam illi non nocere; quia est extorta contra iuris ordinem, ac proinde nullius momenti, etiam si ratificata fuerit: sic alios referens docet Farinacius de hæresi, *quest. 186. n. 71. & 72*.

10 Quintò infertur, non posse Inquisitorem sine Episcopi consensu, vel eo absente sine consensu vicarij priuare hæreticum beneficiis, & dignitatibus Ecclesiasticis ante hæresim possessis. Probo, tum quia est quædam hæretici condemnatio, & pœnæ impositio, quæ ex *dict. Clement. 1.* fieri non potest ab Inquisitore solo, tum quia expressè id cauetur in *cap. ut commissi, de hæreticis*, in 6. ubi priuandi præterea, vel priuatis nunciandi dignitatibus, aut alijs beneficiis Ecclesiasticis, de diocesanorum, vel eis absentium vicariorum suorum consilio. & notarunt ibi glossa, Archidiacon. Geminian. & alij, quos refert, & sequitur Farinacius *quest. 186. num. 77*. Simancas *carbol. instrum. tit. 46. rubr. de pœnis*, num. 71. Zanch. *trac. de hæret. cap. 18. n. 6*. Dixi, non posse Inquisitorem sine Episcopi, aut eius vicarij consilio hæreticum dignitatibus Ecclesiasticis priuare: nam si dignitates sæculares sint, glossa in *dicto cap. ut commissi*, & Archidiacon. num. 4. Farinacius num. 78. Decian. *trac. crimin. lib. 5. cap. 21. num. 19*. existimant nullum esse necessarium Episcopi consilium. At credo hoc intelligendum esse, non esse necessarium ex vi, & dispositione *dict. cap. ut commissi*, in quo solum consilium, non consensus videtur requisitus. Verum ex *dicta Clement. 1. & dicto cap. per hoc, de hæreticis*, in 6. non solum consilium, sed consensus Episcopi requisitus est ad quamlibet hæretici priuationem factam ab Inquisitore, cum ibidem expressè caueatur non posse contra hæreticum sententiam proferri, nisi diocesano requisito.

11 Sextò infertur, obligatum esse Inquisitorem requirere Episcopum, vel e contra quoties vnus sine alio procedere non potest. sic habetur in *dict. Clement. 1.* Hæc autem requisitio semel tantum faciendâ est, quia ibi non cauetur pluries esse faciendam: neque oportet in requisitione exprimere, ut intra octo dies compareat, cum hoc tempus ab ipso iure sit præscriptum, quod currit à puncto requisitionis. sic glossa in *dicta Clement. verbo requisierint*, & ibi Ioann. de Imola num. 12. Cardinal. Zabarella §. *dura*, num. 11. in 19. *quest.* Decian. *trac. crimin. lib. 5. cap. 29. num. 6. versic. sed sufficit*. Farinacius *quest. 186. à num. 98. & seqq.* Vmber. Locat. in *iudic. inquisit. verbo expectare*, versic. *& sufficit*. Campeg. in *addit. ad Zanch. trac. de hæret. cap. 8. litt. D. in verb. torquere*, versic. *& sufficit semel*. Item hæc requisitio fieri potest vel

vel per nuntium, vel per epistolam, & ad domum, quia in iure non est forma præscripta. Ergo quælibet sufficit. Ita Vmbert. Locat. Campegius, Decianus, & Farinacius *supra*, ubi *num.* 162. cum Bonifac. Vital. affirmat requisitum debere accedere ad locum, ubi est requisitus, & processus formatus, secus si uterque diuissim processit: quia tunc communis locus eligendus est, nisi obstat consuetudo: & placet. In Hispania autem semper Episcopus, vel eius officialis ad tribunal inquisitionis accedit requisitus, quia (vt dixi) solum Inquisitores processus faciunt. Quod si Episcopus requisitus ab Inquisitore, vel e contra Inquisitor requisitus ab Episcopo (ubi Episcopi independentes ab Inquisitoribus procedunt) noluerit, vel non potuerit conuenire, poterit vnus alteri committere vices suas, vel suum significare per litteras consilium, & consensum. sic in *dicta Clement.* Notanda tamen est dictio disiunctiua *vel*, non enim dixit Pontifex requisitum committere posse requirenti vices suas, & simul consilium, & consensum significare, sed vnum ex illis posse; quia id sufficit, & vno communicato alterum superfluit: ad quid enim vices deseruiunt, si consilium, & consensum significat. Item quia nemini videtur concessum per se, & per alium in causa procedere: si autem requisitus, & vices committere posset requirenti, & simul præstare consilium, & consensum, & per se ratione consilij, & per alium ex delegatione facta procederet; atque adeo quasi duplici voto. Ergo dicendum est vnum tantum ex illis posse. sic glossa in *d. Clement. verbo consensum*, quam immerito impugnat Bonifac. de Vital. *num.* 70. Farinacius *q.* 186. *n.* 107.

12 Verum si requisitus non potuerit, aut noluerit conuenire, & insuper vices suas intra octo dies à puncto requisitionis alicui non commiserit, aut suum consilium, & consensum non significauerit; eo ipso requirens poterit ad sententiam procedere, ex *supradicta Clement.* ubi notant glossa *verbo consensum*, in *fine*, Ancharan. *num.* 4. Imola *num.* 13. Bonifacius Vitalinis *num.* 55. 63. & 70. Zabarella *num.* 11. & alij, quos refert, & sequitur Farinacius *quest.* 186. *num.* 108. Limitant tamen aliqui, nisi impotentia conueniendi, vel significandi consilium ex infirmitate proueniat: sic Bonifacius de Vitalinis *dicta Clement. 1. num.* 75. *versic. si propter infirmitatem.* Farinacius *dict.* *quest.* 186. *num.* 97. At talis limitatio mihi non probatur, sicut nec reliquis Doctribus; cum textus in *dicta Clement.* dixerit procedere posse requirentem, si requisitus intra octo dies non potuerit, aut noluerit conuenire. Cum ergo hæc facultas sit in fauorem fidei, vt causæ reorum citius expediantur, ex quacumque causa impotentia proueniat, censenda est concessa. Adde textum generaliter dixisse: si non potuerit conuenire, vel consensum significare, &c. Cur ergo de impotentia ob absentiam intelligi debet, & non de impotentia ob infirmitatem? Quod si transactis illis octo diebus requisitus conueniat, vel consensum præbeat, aut vices committat, si res sit integra admitti debet: sic ex Anchar. & Zabarella docet Farinacius *num.* 110. quia terminus ille non ad excludendum requisitum, illumque iurisdictione priuandum concessus est, sed ne fidei negotium impediatur, si requirens procedere solus non posset: quod tamen non impeditur, ex eo quod requisitus admittatur, cum lata sententia non est. At si requisitus conueniat lata iam sententia, non poterit præstare suum consensum, aut vices committere: quia non debet iterum causa iudicari, cum verè, & firmiter iudicata sit. sic post Ancharan. Ioan. de Imola, & Zabarel. in *dicta Clement.* tenet Farinacius *num.* 111. Squallicens. *tract. de fide cathol. cap.* 40. *sub num.* 1. Repert. Inquisit. *verbo Inquisitor*, *sub versic. in quibus possit procedere Inquisitor*, post princip.

Ferd. de Castro Sum. Mor. Pars I.

13 Aduertendum tamen est obligationem in Inquisitore requirendi Episcopum, & e contra procedere, quando requisitus haberi potest; secus verò si haberi non possit. iuxta textum in *dicta Clement.* ibi, *si sui ad inuicem copiam habere valeant.* Dicitur autem copia requisiti non haberi, si fuerit absens extra prouinciam, vel dioccesim, nullo relicto delegato. sic Bonifacius de Vitalinis in *d. Clement. 1. num.* 65. imò etiam intra ipsam dioccesim ita remotus ab Inquisitore esse potest, vt meritò dici possit illius copiam haberi non posse. Quocirca arbitrio prudentis hoc mensurandum est, vt tradit Vmbert. Locat. in *iudicial. inquisit. verbo expectare. versic. idem fiat.* Farinacius alios referens *quest.* 186. *num.* 96. An autem in isto casu requirendum sit Capitulum? non caret difficultate, quia videtur esse quasi sedes vacans. At omnino tenendum est requiri non debere, quia solum requirendum est Capitulum, seu (vt melius dicam) delegatus ipsius Sede vacante, vel quasi. Ex sola remota absentia extra dioccesim non est Sede vacans, vt de se constat, neque etiam est quasi vacans; cum hæc solum contingit ex captiuitate Præsidis, aut quando pro Episcopatu non sunt litteræ expeditæ. Ergo sic Ioan. de Imola *dict. Clement. 1. de hereticis. num.* 14. *versic. si autem.* Bonifacius Vitalin. *num.* 65. & 75. Cardin. Zabarella *num.* 11. in 14. *quest.* Vmbert. Locat. in *iudic. inquisit. verbo expectare. versic. si autem.* Farinacius *quest.* 186. *num.* 96.

14 Secundò est aduertendum in Hispania nullum hæreticum brachio seculari relaxari posse, etiam consentientibus Inquisitoribus, & Episcopis, nisi consulto supremo Inquisitore, eiusque Senatu, vt habetur in quadam Madriliana instructione edita anno 1561. cap. 66. relata à Pegna 3. *part. direct. quest.* 50. *comment.* 96. & à Molin. *tract. 5. de iust. disput.* 28. *num.* 14. circa finem. ibi enim dicitur. Verumtamen in causis grauissimis non debent vota Inquisitorum, ordinarij, & consultorum executioni mandari, etiamsi fuerint conformia in consulto Senatu, & solitum est, & iussum fieri. Causa autem grauissima meritò reputatur aliquem vita priuari.

15 Sed quid faciendum, cum Inquisitor, & ordinarius discordant in his, ad quæ uterque simul concurrere debent?

Respondeo, spectato iure communi Pontifex est consulendus, ipsique causa cum summaria informatione est remittenda, iuxta dictum textum in *cap. per hoc. de hereticis. in 6.* ibi, *in qua (scilicet sententia) ferenda, si non conuenerint, per utrosque negotium sufficienter instructum ad Sedem Apostolicam remittatur.* Et licet supradictus textus solum loquatur de sententia diffinitiuâ, causa est, quia illo tempore solum ad diffinitiuam sententiam conuenire tenebantur Inquisitor, & Episcopus. At cum ex *Clement. 1.* non solum ad diffinitiuam sententiam, sed etiam ad interlocutoriam torturæ condemnationis in pœnam mancipationis, vt duriori carcere ad custodiam irrequisiti, & ad pœnam destinati teneantur uterque concurrere; efficitur sanè, si in aliquo ex iis discordet Episcopus, & Inquisitor, Pontifici esse causam remittendam. sic Molin. *tractat. 5. de iust. disput.* 28. *num.* 14. Eymeric. *quest.* 50. & Pegna ibi, *comment. 99. versic. iam illud.* Farinacius pluribus comprobans *quest.* 186. *num.* 64. In Hispania autem causa remittitur Inquisitori generali, & eius Senatui, & prout ipsis videtur, executioni mandatur. sic relati Doctores. Quod sine speciali commissione Sedis Apostolicæ fieri nequit, ob præiudicium ordinariorum, vt bene aduertit Molin. *supra illo num.* 14. *fine.* testaturque se à fide dignis accepisse, esse in hac parte à Sede Apostolica priuilegium concessum.

16 Triplex tamen restat examinanda difficultas. Prima, an Inquisitor sine Episcopo, vel e contra possit

Y y 3

suspe

suspectum vehementer de hæresi cogere abiurare? Et quidem in Hispania manifestè constat id fieri non posse, sed ordinarium ab Inquisitore esse vocandum. At attento iure communi fieri posse affirmat Campeg. in addit. ad Zanch. tractat. de hæres. cap. 8. lit. E. verb. definitum; & in puncto iuris affirmat Pegna locis infra allegandis, veritorem esse hanc sententiam. Neque fundamento destituitur, quia hæc abiuratio non est contrarium, sed pro reo, cum ratione illius suspicionem parget, & Ecclesiæ rei incorporetur. Cæterum omnino dicendum est, minimè posse à solo Inquisitore, sine Episcopo, vel econtrà fieri abiurationem. Primò, quia hæc abiuratio ignominiosa est delinquenti, eiusque consanguineis, illumque reddit obnoxium morti, si in crimen abiuratum incidat. Ergo reputari debet gravissima pœna, quam delinquentes vitare conantur, potius quàm torturam. Sed reum condemnare ad pœnam non licet Inquisitori sine Episcopo. Ergo neque licet ad hanc abiurationem. Secundò, quia abiuratio esto non sit contra reum qua parte per illam purgat suspicionem; est tamen contra illum, quatenus infamem, & pœnæ relapsi subiectum reddit: sicuti tortura non est contra reum, qua parte per illam purgat indicia; est tamen contra illum, quatenus dolorem infert. Esse autem hoc modo contra reum sufficit, ut non possit Inquisitor sine Episcopo, vel econtrà in tortura imponenda procedere. Ergo etiam sufficit, ut non possit purgationem, abiurationemque indicere. sic docuit ut tutius, & securius, & in praxi magis receptum cum Eymer. Pegna 3. pars. direct. de secundo modo terminandi processum fidei, num. 144. versic. circumstant, & quest. 48. comment. 97. versic. an autem. Farinacius pluribus relatis quest. 186. n. 79. Azor 1. part. lib. 8. cap. 18. quest. 16. Patanus de origine sanctæ Inquisitionis, lib. 3. quest. 4. rubr. de expeditione processu in causis fidei, num. 2. Molin. tract. 5. de iussu, disp. 28. n. 16. versic. idem dicendum.

17 Ex his infertur à fortiori, nequaquam posse Inquisitorem sine Episcopo, vel eius delegato hæretico pœnitenti abiurationem indicere; quia hæc abiuratio indicitur per sententiam, qua declaratur reum hæreticum fuisse, simulq; ex vi illius omnia bona cōfiscantur, & subiectus redditur morti, si relabatur, quæ omnia gravissimæ pœnæ sunt, ideòque non debent Inquisitores sine Episcopo, neque Episcopus sine Inquisitore procedere. Excipit tamen ab hac doctrina Molin. dict. disp. 28. num. 16. vers. idem dicendum, cum qui captus à Mauris Mahometanam hæresim professus fuit, & aufugit, & sponte ad tribunal sanctæ Inquisitionis accedit, delicta manifestans, & pœnitentiam expostulans. Hunc ergo dicit posse ab Inquisitoribus absque ordinario reconciliari; tum quia secretò reconciliatur, hæresisque abiurat: tum quia nulla est dubitatio hunc ad reconciliationem esse admittendum, quæ videtur esse causa, ob quam præsentia ordinaria expostulatur: & ita testatur Lusitanæ videri quendam captivum redeuntem ad fidem sic abiurasse. Cæterum neque hæc exceptio mihi probatur. Nam verè hic abiurans subditur pœnæ mortis, si relabatur, declaraturque in excommunicationem incidisse, eiusque bona fisco esse addicta. Cum ergo hæc omnia pœnæ sint gravissimæ, non debent ab Inquisitoribus tantum imponi. Et ratio omnium est, quia in supradict. cap. per hoc, & d. Clement. 1. prohibetur, ne Inquisitores ad sententiam contra reos procedant sine Episcopis, neque Episcopi sine Inquisitoribus. At hæc indicta abiuratio etsi non sit coram populo, sed solum in tribunali, est sententia contra reum, siquidem illum excommunicatum declarat, & pœnis hæretici subiectum. Ergo non potest ab vno sine alio proferri. Quapropter nullus alius Doctor hanc exceptionem appoluit. Neque valet dicere certum, & indubitatum esse talem reum ad reconciliationem esse

admittendum, ut inde dicamus non debere Inquisitorem requirere Episcopum. Nam etiam est certum pœnitentem hæreticum publicum ad reconciliationem admitti debere; neque tamen inde sit posse sine Episcopo ab Inquisitore admitti.

18 Sed quid dicendum, si de facto contingeret Episcopum sine Inquisitore, aut Inquisitorem sine Episcopo reum ad abiurationem cogere, talis sic abiurans maneret ne subiectus pœnæ relapsi? Affirmat Pegna 3. pars. direct. q. 47. comment. 97. versic. rursus dico; quia nullibi cautum est hanc abiurationem factam coram solo Inquisitore, vel Episcopo nullam esse, etiam si cautum sit fieri non debere coram vno solo. Nihilominus contrarium reputo probabilius, quia in dict. Clement. 1. de hæretico, §. duro, postquam Pontifex dixerat non posse Inquisitorem absque ordinario, vel econtrà ad sententiam contra reos procedere, concludit, non valebit, & si secus præsumptum fuerit, irritum sit, & inane. Sed id quod irritum, & inane est, nullum præstat effectum. Ergo hæc abiurationis sententia non subicit reum obnoxium pœnæ relapsi, qui est effectus legitimæ abiurationis.

19 Secunda difficultas est, an sententiam diffinitivam, qua reus absoluitur, vel interlocutoriam, quæ vim sententiæ diffinitivæ habet, qua similiter reus absoluitur à tortura, vel alio actu, & pœna possit Inquisitor sine Episcopo, vel eius delegato, aut econtrà proferre? Certum est in Hispania id fieri non posse, quia ita cauetur in instructionibus datis particularibus Inquisitoribus, quas ipsi observare tenentur, eo quod iuxta illas iurisdicção ab Inquisitore generali conceditur. sic Simancas catholic. in sum. tit. 3. rubr. de absolutionib. n. 9. & in enchirid. viol. relig. tit. 5. 1. rubr. de absolut. num. 2. At spectato iure communi aliqua maior est dubitatio. Simancas locis allegatis, negat id fieri posse. Rojas singul. 27. num. 7. Vmbert. Locat. post iudicial. inquisit. q. 29. ubi dicit hanc esse æquiorē opinionem, licet contrariam veriorē. Quintil. Mandos. in addit. ad Repert. Inquisit. verbo Inquisitor, lit. C. Carterius tract. de hæretico, num. 72. Lælius Zechius summ. 1. part. tit. de fide, cap. 11. rubr. de hæresi, num. 14. post princ. Ioan. Azor 1. part. lib. 8. cap. 18. quest. 16. dicit hanc esse tutiorē, æquiorēque opinionem, licet contraria sit magis iuri conformis. Fundamentum esse potest, quia antequam Inquisitor proferat contra reum sententiam, debet Episcopum requirere, & inter se communicare processum, & examinare an reus sit condemnandus, vel absolvendus. Ergo assistentia utriusque non tam est pro actu sententiæ, quàm pro antecedenti ad ipsam, ne aliquis error committatur absolviendo eum, qui fortè damnari debet, & condemnando eum, qui debebat absolui. Ergo nullo modo licet Inquisitori ad absolutoriā sententiā procedere ipso irrequisito. Secundò, si valida esset sententia diffinitiva, qua solus Inquisitor reum absolute absoluit, aut qua absoluit à tortura, cum inter se conveniunt de reo condemnando, vel absolviendo, & discordant, causa non debebat remitti Pontifici, contra textum in cap. per hac; sed absolutoria prævalere debebat, utpote quæ non est contra reum. Propter hæc censeo hanc sententiam in praxi servandam omnino esse, quam sic reputat servandam Pegna direct. 3. p. q. 48. comment. 97. vers. ex his omnibus, licet contrariam sententiam in puncto iuris veriorē esse affirmet.

20 At quia negari non potest contrariam sententiam communem esse, & à gravissimis Doctoribus approbatam, placet eorum fundamentum referre, quod sic se habet. A iure antiquo recedendū non est, nisi in quantum iure nouo expresse correctum inuenitur. l. sanamus, C. de testament. l. precipimus, de appellat. authent. de non alien. aut permut. verbis Ecclesiast. §. fin. cap. ad nostram, de regular. At iure antiquo indubitatum est Episcopum se

solo

solo posse totum negotium fidei definire. Ergo etiam poterit iure nouo, dum non inueniatur expresse prohibitum. Sed in iure nouo non inuenitur Inquisitori, neque Episcopo prohibitum absolutoriam sententiam proferre, sed solum condemnatoriam. Solum enim prohibentur proferre sententiam contra reos, vt constat ex dicta Clement. 1. ibi, *neque ad sententiam procedere contra eos*. Ergo pro reis bene poterit quilibet sententiam absolutoriam proferre. Et confirmo. Ratio ob quam in dicta Clement. prohibitum fuit Inquisitori sine Episcopo, & Episcopo sine Inquisitore, reos duro carceri tradere, tormentis exponere, contra reos sententiam ferre, fuit satisfacere querelæ multorum, de molestiis, & vexationibus factis ab Inquisitoribus prætextu inquisitionis officij, in cuius exercitio metas iurisdictionis sibi commissas excedebant. At hæc satisfactio omnino cessat, cum reus absoluitur: neque enim de absolutione fuit querimonia facta, sed de condemnatione iniusta. Ergo de absolutione nihil in illa Clementina dispositum fuit. Ergo stare debemus dispositioni iuris antiqui concedentis cuilibet independentem ab alio posse procedere. Deinde, quia argumentum à contratio non est leue in iure, quando contrarium dispositioni iuris antiqui conforme est. In dictis autem text. per hoc, & Clement. 1. multorum, de hereticis. solum prohibitum inuenitur Inquisitori ferre contra reos sententiam sine Episcopo. Ergo tacite concedit pro eis ferri. Ad idem est argumentum desumptum ex rescripto Urbani IV. incipiente, *Pro cunctis*, & si verò, & Clement. 7. incipiente, *Cum sicut*, quorum meminit Pegna loco allegato, ubi inquit Pontifex: Contra huiusmodi exemptos vsque ad sententiam diffinitiuam, ad quam ferendam, si fuerit condemnatoria, cum consensu ordinarij procedatis. Tacite ergo insinuat, si absolutoria foret, consensum ordinarij non requiri. Neque in contrarium verget textus in cap. per hoc, de hereticis, in 6. ubi absolute cauetur de qualibet sententia danda per Episcopum, & Inquisitorem, simul proferri debere. Non, inquam, obstat: nam licet ille textus loquitur tam de sententia contra reos, quam pro reis; tamen in casu speciali, scilicet cum Inquisitor, & Episcopus diuissim procedunt, in quo si vnus alteri non defert, statuit Pontifex, vt simul per vtrosque sententia proferatur. Ergo cum aliquis illorum solus procedit ex suprad. cap. non tenetur neque processum alteri communicare, neque ad sententiam proferendam illum vocare. Ex dicta autem Clementina 1. solum tenetur, quando aduersus reos procedit. Ergo si in illorum fauorem sententiam proferat, vocare diocesenum non tenetur: & ita docent pluribus relatis cum glossa in dicta Clement. Eymer. & Pegna 3. part. director. quest. 48. comment. 97. Iulius Clarus prætic. crimin. §. heresis, num. 5. versic. sed quis, in fine. Farinacius quest. 186. num. 60. Ludouic. Molin. tract. 5. de inst. disp. 28. n. 15.

Fateor fundamentum efficax esse, sed non ob illud recedendum esse à sententia negante posse Inquisitorem sine Episcopo, vel vice versa reos absolvere. Quia licet textus de sola sententia condemnatoria expresse loquatur; indirectè tamen loquitur de qualibet sententia ob communicationem, & examinationem processus sententiæ prærequisitam.

2.1 Tertia difficultas est, an poenitentia carceris, trimeris, portationis vestis cruce signatæ imposita ab Inquisitore, & diocesano simul possit à quolibet illorum mutari, & relaxari? Huic difficultati antecedenti disp. satisfacimus; ibi enim resoluius iure communi spectato vtrumque simul debere concurrere, ex cap. vt commissi, de hereticis, in 6. Aliàs frustra vtriusque autoritas in illius impositione expostularetur, si quolibet posset postea relaxare, & occasio daretur fraudi, cum quilibet consentire posset condemnationi, quam reputat iniu-

stam, sub prætextu, quod statim eam reuocare, aut mutare poterit, nihilque in hac parte firmum esset. & ita ultra Doctores ibidem relatos pluribus firmat Farinacius q. 186. num. 76. In Hispania autem ex speciali summi Pontificis privilegio (vt credendum est) solus Inquisitor generalis mutandi, & relaxandi poenitentias delinquentibus impositas facultatem habet, vt testatur Farinacius supra. & Simancas catholic. instit. tit. 16. rubr. de eiusdem reorum, num. 20.

PUNCTUM XIV.

Qua ratione iudex secularis se gerere debeat in causa hæresis.

- 1 Statuitur forma præscripta à Bonifacio VIII.
- 2 Iudex secularis in cognitione huius criminis nulla ratione se intromittere potest.
- 3 Non potest Princeps secularis statuta condere, quibus hoc crimen puniatur, si aliquo modo contraria sint legibus Ecclesiasticis.
- 4 Bene tamen, si augeant, & promoueant modum procedendi Ecclesie.
- 5 Non possunt iudices laici examinare causas, & processus illorum, qui sibi relaxantur à iudicibus fidei.
- 6 Tenentur morte afficere reos sibi puniendos traditos.
- 7 Sed quid si reum falsò condemnatum agnoscat? Sub distinctione respondetur. Si absque examinatione processus cognoscatur, (quod raro fieri potest) super sedere debet. Secus si indiget processus examinatione.
- 8 Propenuntur aliquot obiectiones, quæ difficilem reddunt superiorem doctrinam.
- 9 Iudex laicus si vocetur ab Inquisitore pro reis capiendis, tenetur auxilium præstare.
- 10 Iudex secularis renuens obedire, aut sententiam ab Inquisitore prolatam omittens exequi, cogendus est excommunicatione, aliisque poenis.

1 **O**ptimè traditur à Bonifacio VIII. in cap. vt inquisitionis, de hereticis, in 6. ubi in primis approbat leges Federici Romanorum Imperatoris in deuotionem Romanæ Ecclesiæ promulgatas, quatenus Dei, & Ecclesiæ sanctæ suæ honorem promouent, & hæreticorum exterminium prosequuntur, & statutis canonicis non obstant. Secundò vniuersas sæculi potestates, & dominos temporales monet Inquisitoribus, & ipsi parere in inuestigatione, capturaque hæreticorum. Tertiò mandat prædictis potestatibus, vt condemnatos ab Episcopo, vel Inquisitore, sibi relictos puniendos, recipiant, sine dilatione animaduersione debita puniendos, remota qualibet appellatione, vel proclamatione. Quartò prohibet districtius ne de hoc crimine, vtpote Ecclesiastico cognoscant, nè delinquentes à carcere liberent, nève condemnatoriam sententiam retardent. Quod si contra supradicta præsumperint, excommunicatione innodantur, etsi in illa per annum steterint, tanquam hæretici sunt condemnandi.

2 Ex hac decisione inferitur primò, sæcularem iudicem in cognitione huius criminis vtpote Ecclesiastici, nulla ratione, neque directè, neque indirectè se intromittere posse, vt expresse definitum fuit in cap. vt inquisitionis. ibi, *Prohibemus, ne ipsi de hoc crimine, (cum merè sit Ecclesiasticum) quoquo modo cognoscant, vel iudicent*. Notanda sunt verba, *quoquo modo*, quæ omnem cognitionem etiam incidentem excludunt, vt dixit glossa ibi, & Ioan. Andr. col. fin. in fine. Geminian. num. 4. Parisius consil. 2. num. 107. lib. 4. Farinacius q. 186. n. 154. Simancas catholic. institut. tit. 36. rubr. de iudiciis secularibus, num. 1. & in enchirid. violat. relig. tit. 66. rubr. de iudiciis secularib. num. 1.

Y y 4 3 Secun

3 Secundò inferitur non posse Principes, iudicesque sæculares statuta condere, quibus præscribatur modus procedendi, vel puniendi hoc crimen, si diuersus est ab eo, quem Ecclesia obseruat; quia hoc esset de crimine cognoscere, & falcem mittere in alienam messem: quòdque expressè prohibetur in *cap. statutum ciuitatis, de hereticis, in 6.* Deinde quia præscribere modum procedendi in crimine hæresis ad iurisdictionem Ecclesiasticam pertinet, cum crimen sit Ecclesiasticum. Ergo nequaquam licet iudicibus sæcularibus statuta condere, quibus talis modus procedendi præscribatur. Adde, statuta laicorum concernentia Ecclesiasticam iurisdictionem, nulla sunt, nulliusque effectus, dum à Romano Pontifice non approbantur, ex *dicto cap. ut inquisitionis, in princ. & cap. qua in Ecclesiis, de constitutionib. &* notant glossa, & Doctores ibi, quos refert Decian. *tract. crimin. lib. 5. cap. 26. num. 4.* Bossius *tit. de hereticis, num. 13. & 14.* Cum ergo statuta præscribentia modum procedendi in crimine hæresis, Ecclesiasticam iurisdictionem concernant, nulla erunt, si à iudicibus laicis fiant.

4 Dixi nulla esse statuta laicorum præscribentia modum distinctum procedendi in crimine hæresis ab eo, quem Ecclesia obseruat. Nam si statuta solum augeant, & promoueant talem procedendi, & puniendi modum, valida sunt, firma, & laudabilia, quia hæc non cedunt in diminutionem Ecclesiasticæ iurisdictionis; sed potius in illius augmentum. Cur ergo valere non debent? Et ita validas, & laudabiles esse leges augentes pœnas per ius canonicum hæreticis impositas, aut impositas ab Ecclesiasticis iudicibus obseruari mandantes probat optimè doctissimus Pegna 3. *p. direct. quest. 86. comm. 135. vers. de principibus secularibus.* Carter. *tract. de hereticis, n. 64.* Decian. *tract. crimin. lib. 5. cap. 25. num. 2. vers. sed & canonistarum.* Farinac. *de heresi, quest. 186. num. 157.*

5 Tertiò inferitur non posse iudices laicos, & sæculares magistratus examinare causas, & processus hæreticorum, qui sibi à iudicibus Ecclesiasticis puniendi committantur; quia hoc esset contra prohibitionem *suprad. cap. ut inquisitionis*, in quo sibi mandatur, ut reos relictos recipiant indilatè animaduersione debita puniendos. Neque de tali crimine vrpote Ecclesiastico cognoscant, aut quoquo modo iudicent, neque executionem sententiæ adimplere detrectent, vel aliàs directè, vel indirectè impediant. Si autem reos sibi commissos, & eorum causas iterum possent examinare, non diceretur recipere reos animaduersione debita puniendos, sed potius examinandos, ut puniantur, vel à punitione liberentur. Item iam executionem sententiæ latæ adimplere detrectarent; actandem de hæresis crimine verè cognoscere: quod omnino eis est prohibitum. sic glossa ibi, in *verbo indilatè, vers. vnde sententia.* Ioann. Andr. *num. 1. ante finem, col. 2. post med. vers. captione.* Franc. *num. 3. vers. tertiò nota.* Vmbert. *Locat. in iudic. inquisit. verbo iudex, num. 57. vers. quomodo autem.* Ioann. Calderin. *tract. de hereticis, rubr. de pœnis hereticorum, num. 10.* Pegna multis relatis, 3. *p. direct. quest. 36. comm. 85. vers. sed canonista,* & aliis pluribus firmat Farinac. *quest. 97. de pœnis temperandis, num. 103. & de heresi, quest. 186. num. 161.*

6 Quartò inferitur obligatos esse iudices laicos debita animaduersione punire, hoc est, pœna mortis hæreticos sibi puniendos commissos; quia hæc est pœna aduersus illos per leges imperiales à Pontificibus approbatas statuta, quam pœnam tenentur statim, & absque vlla dilatione exequi. sic habetur in *dicto cap. ut inquisitionis. §. prohibemus, de hereticis, in 6.* Dicitur autem statim, & sine vlla dilatione exequi, si intra sex dies executioni mandetur, quia ex rescripto Innocent. VIII. incipiente, *Dilectus filius*, cuiusque meminit Pegna, & Farinac. statim referendi hoc spatium conceditur. Inquit enim. Eisdem officialibus sæcularibus sub excommunicationis pœna, & aliis censuris Ecclesiasticis præ-

cipiatis, atque manderis, ut infra sex dies, postquam legitime fuerint requisiti, sine aliqua dictorum processuum per vos agitatorum visione, sententias per vos latas contra huiusmodi hæreticos promptè exequantur appellatione remota: & tradit Farinac. *quest. 97. n. 105. & de heresi, quest. 186. num. 162. & 165.* Diaz *pract. crimin. canon. cap. 144. num. 2.* Pegna 3. *p. direct. quest. 36. comm. 85. vers. ex quibus declaratur.*

7 Sed quid dicendum, si iudex laicus cognoscat hæreticum falsis testibus esse condemnatum, poterit tunc exequi sententiam, aut poterit ab illa superfedere, aut quid debet facere? Grauiissima est questio, quæ alibi ex professo agitata est. Pendet enim ex illa questione an innocentem probatum nocentem possit iudex condemnare, & executor sententiam exequi, quam latè deputat Lessius *de iust. lib. 2. cap. 29. dub. 10.* Breuiter ergo respondeo, si euidenter, & absque vlla tergiversatione, vllæ processus visione malitiam cognoscat, ab executione sententiæ abstinere debet. Satis enim probabile est innocentem, ut talem cognitum condemnari non posse; esto nocens probatus sit. At si malitia non sic ita clara, & aperta, ut sese obiciat, sed altiori examine indiget, absque dubio iudex sæcularis tenetur sententiam latam exequi, quia ipse examinare non potest processum, neque potest prætextu iniustæ condemnationis executionem retardare. Idem quod dicimus de iniusta sententia ob innocentiam delinquentis, dicendum videtur: cum euidenter constar de nullitate sententiæ ob non seruatum iuris ordinem, vel quia fuit lata à iudice incompetente, & carente prorsus iurisdictione; quia tunc non ex autoritate publica, quæ nulla est, sed ex propria reus condemnaretur, quod est iniquum, ac proinde executor ab executione superfedere debet, sic tradit in vtroque casu Repert. *Inquisit. verbo executor, vers. ex predictis.* Contrad. Brun. *tract. de hereticis, p. 4. cap. 15. num. 10. 12. & 13.* Decian. *tract. crimin. lib. 5. cap. 25. num. 3. & 4.* Gundifalu. *de hereticis, quest. 19. num. 6. & 7.* & faciunt ea, quæ tradit Farinac. *de pœnis temper. quest. 97. num. 77. 88. 92. 93. & 94.* Verùm si nullitas sententiæ ex se euidenter non appareat, nullo modo licet sæculari iudici executionem sententiæ contra hæreticum differre prætextu nullitatis. Neque enim fas est tali iudici probationes recipere etiam ad effectum superfedendi à sententiæ executione, & causam remittendi superiori: nam esto in aliis delictis hoc fieri possit, quando in continenti probationes offeruntur, ut optimè docet Nauarr. in *cap. cum contingat, in primo rem. num. 7. & n. 8. de rescriptis.* Salzedo in *addit. ad pract. Bernard. Diaz cap. 154. num. 14.* & alij, quos sequitur Farinac. *quest. 97. num. 91. & 92.* At in crimine hæresis ob fauorem fidei hoc prohibitum esse videtur ex rescripto Innocent. VIII. *supra allegato,* & tradit Simanc. *catholic. instit. tit. 36. n. 7.* Farinac. *quest. 97. num. 108.*

8 Sed aduersus supradicta acriter pugnat Simanc. *catholic. instit. tit. 36. de iudicibus secularibus, a num. 6. & in enchirid. viol. relig. tit. 86. rub. de sententijs, a num. 4.* cui fauet Farinac. *quest. 97. de pœnis temper. num. 107. & 108. & de heresi, quest. 186. num. 168. & 169.* Affirmat namque iudicem sæcularem quantuncumque noscat iniustitiam, vel nullitatem sententiæ iudicis Ecclesiastici, non posse ab eius executione abstinere. Mouentur, quia vel cognoscit iniustitiam ex actis, vel aliunde. Ex actis cognoscere non potest, cum apud ipsum facta non fuerint, neque ipsi competat illa examinare, quòd si ea ut priuatus legit, ex eius scientia, vrpote priuatus moueri non potest ad sententiæ executionem suspendendam, cum in executione sententiæ gubernari non debeat ob scientiam priuatam, sed publicam: sicut iudex in sententiæ prolatione non mouetur ex scientia priuata, sed ex publica, quam constituunt testes, & probationes. Verùm hoc fundamentum non est satis firmum. Con-

cedo

cedo namque iniustitiam, vel nullitatem sententiæ cognosci non posse ab executore per scientiam publicam, ob rationem dictam, sed necessariò cognoscendam esse per scientiam priuatam. At hæc cognitio sufficit, ut nequaquam possit executor ad executionem sententiæ procedere; quia procederet ad executionem rei iniquæ, qualis est vita priuare innocentem. Neque hoc honestari potest ex scientia publica, quæ in errore fundatur, & veritati cognoscitur euidenter contraria. Sicuti præceptum Regis bellum iniustum aggredientis non honestaret militis pugnationem scientis esse bellum iniustum; ut bene expendit Lessius *de dub. 10. num. 83.* loquens in propriis terminis de executore sententiæ euidenter iniustæ. Aliud fundamentum maiorem difficultatem habere potest, desumitur namque ex textu in *cap. pastoralis*, §. *quia verò, de officio, & potestate iudic. delegat.* ubi in hæc verba Innocent. III. prorumpit. Quia verò sæpe contingit, quod executio sententiæ ordinario demandatur, quæsiuisti, an si ipsam iniustam esse cognouerit, debeat eam executioni mandare, an sit ei potius subistendum? Attendentes itaque, quod non cognitio, sed executio tantum demandatur eidem. Respondemus, quod cum ordinarius teneatur obsequi delegato: et si sciat sententiam illam iniustam, exequi nihilominus tenetur eandem, nisi apud eum efficere possit, ut ab hoc onere ipsum absoluat. Cum ergo iudici laico solum executio, & nulla cognitio demandetur; efficitur etiam si cognoscat sententiam latam contra hæreticum iniustam esse, debere illam exequi. Sed neque hoc fundamentum conuincit. Respondeo namque debere merum executorem exequi sententiam delegati iniustam, quæ solum est iniusta in iis, quæ condemnatus cedere potest. At cum in priuatione vitæ cedere nullatenus possit, nequit, si iniusta sententia lata est, executioni mandare. quæ solutio colligitur manifestè ex glossa in *supradicto textu, verbo et si sciat, in fine.* Inquit enim, Nota. Non semper obediendum est iudici, si euidenter iniquum est mandatum ipsius, siue contra ius. *cap. quod culpatur, 23. quest. 1.* Secus si aliàs fuerit iniustum. *cap. lex aterna, cap. cum minister, 23. quest. 5.* quia hoc præceptum iam non dicitur iniquum, sed iustum ex iuris rigore, & exequendum. Nam ex quo sententia lata est, licet iniusta, & contra ius litigatoris, à qua non est appellatum, elapso decennio de iuris rigore mandanda est executioni. *argument. l. ultim. C. ut lite pendente.* Spontanea enim appellationis omissio turpitudinem purgat, quæ sententiæ inerat. *argument. l. si ob turpem, ff. de condit. ob turpem causam.* vel si appellauit secundo, & succubuit, & hoc etiam de rigore iuris introductum est, ne lites protrahant, &c. Ecce qua ratione iuxta glossam supradictus textus loquitur de sententia iniusta, id est, lata contra ius litigatoris, cui iuri ipse cedere potest; secus de sententia iniusta, quæ iniquitatem continet, qualis est priuare vita innocentem sic taliter cognitum. Item eo loci dixerat glossa executorem non teneri sententiam latam exequi, si sciat illam nullam, ut si esset lata auctoritate falsarum litterarum, eo quod iudex falsis instrumentis, vel dolo aduersarij usurpauit iurisdictionem: in quo casu supersedere debet ab executione, si incontinenti hæc coram executore obiciuntur; poterit enim illas recipere, ut causam superiori referat, quod intelligendum est, ut dixi in aliis criminibus ab hæresi, in quo nulla cognitio iudicialis haberi à laico potest.

9 Quintò infertur iudicem laicum vocatum ab Inquisitore in auxilium pro capiendis hæreticis, illisque custodiendis, teneri fauorem præstare, ex suprad. textu *ut inquisitione*, & ex constitutione Innocent. IV. Urbani I V. & Martini V. quarum meminit Vmber. Locat. in *iud. inquisit. verbo iudex, num. 57. versic. sed quid si laicus.* Farinacius q. 186. n. 160.

10 Sextò infertur, si iudex sæcularis auxilium hoc præstare recusauerit, vel sententiam ab Inquisitore latam executioni mandare distulerit, pœna excommunicationis cogendus est, & aliis arbitrariis pœnis, pro qualitate dilationis, & contumaciæ. sic Pegna 3. *part. director. quest. 36. comment. 85. versic. ergo Inquisitor.* Farinacius *quest. 186. num. 163.* Adde huiusmodi recusantes exequi sententiam ab Inquisitoribus latam, vel omittentes fauorem præstare hæreticis puniendis, cum sint requisiti, suspecti redduntur fautoriæ, ac proinde tanquam contra fautores hæreticorum procedi potest aduersus illos. sic Pegna *dicto comment. 85. versic. sed paucis.* Iacobus Grassus *lib. 4. decis. cap. 18. num. 22.* Farinacius *quest. 186. num. 164.* Quod si roges, quomodo Inquisitor cogere poterit absque irregularitatis timore iudicem laicum, ut exequatur sententiam in hæreticos sibi traditos, optimè respondet Pegna *dicto comment. 85. in fine.* Neque enim expresse præcipere debet iudici laico, ut pœnam mortis in illos exequatur, sed solum ut sententiam à se latam exequatur, vel melius ut seruet constitutiones, & leges aduersus hæreticos editas. Nam in hoc modo compulsionis cum mors directè petita non sit, nulla est occasio irregularitatis contrahendæ.

PUNCTUM XV.

De testibus in causa hæresis.

Latissima est hæc materia, quæ si pro dignitate tractanda esset, volumine integro indigebat. Principaliora illius referam, non tam disputando, quàm summando, ita ut nihil omittatur ex iis, quæ ad perfectam cognitionem modi procedendi in hoc sanctissimo inquisitionis tribunali requiruntur. Ut autem cum distinctione procedamus, per varios §§. discursus diuidentur.

§. I.

Qui possint esse testes in causa fidei.

- 1 Omnes admittuntur præter capitales inimicos.
- 2 Expenduntur testes aliàs inhabiles, qui in hac causa admittuntur. Primò infames, criminosi, socij criminum.
- 3 Admittuntur perituri.
- 4 Admittuntur Iudæi aduersus Christianos apostatantes.
- 5 Item hæretici.
- 6 Item domestici, familiares, & consanguinei.
- 7 Mulier admittitur.
- 8 Item minor 14. annorum.
- 9 Nullus præter inimicum excluditur.
- 10 Quid sit inimicus? Intelligitur de inimico vero, & suspecto.
- 11 Excluditur inimicus reconciliatus de recenti.
- 12 Non debet esse inimicitia à parte procuratoris.

1 Crimen hæresis ita graue est, & reipublicæ perniciosum, ut meritò in eius detestationem testes aliàs inhabiles admittantur, ut sic facilius delictum puniri possit, & extirpari. Quocirca omnes præter capitales inimicos admitti posse in hac causa, docet Vmber. Locat. in *iudic. inquisit. verbo exceptio, n. 4. versic. verum quia.* Repert. Inquisit. in *verbo exceptiones, versic. item solum, & verbo testis, versic. nota.* & alij in discursu referendi, quod examinatione indiget.

2 Primò ergo admittuntur excommunicati, criminosi, infames, socij criminum, qui aliàs erant inhabiles, habetur expresse in *cap. in fidei fauorem, de hæreticis, in 6.* & notant omnes.

3 Secun

3. Secundò admittuntur periuri, etiam si pœnitentiam non egerint periuri, ex text. in cap. accusatus. § licet, de hereticis in 6. Nam licet periurus a testimonio repellatur, quia de veritate suspectus est. cap. testimonium, de testibus. At favore fidei ad testimonium dicendum contra se, & contra alios admittitur, quoties ex circumstantiis, & iudiciis colligitur vera deponere: sic Glossa, & omnes in suprad. cap. & optime tradit Cambridga. tract. de hereticis, quæst. 13. num. 12. Cigas de crimine lesæ maiest. lib. 2. tit. quomodo, & per quos probetur, quæst. 11. Farinac. quæst. 188. num. 82 & 91. Pegna 3. p. direct. q. 65. com. 114. Sed est aduertendum non quolibet periurum ad testificandum admitti, sed solum eum, qui primò celauit veritatem, & postea zelo fidei eam manifestare intendit; quia hinc tantum periurio conceditur eius testimonium valere, in de lo cap. accusatus. Quocirca si in alio casu periurus exiit, aut de fallo damnatus fuit, eius testimonium non admittitur, etiam in causa heretice, quia in hac causa non omnes inhabiles admitti debent, sed tantum illi, qui iam conceduntur admittendi, alias si omnes inhabiles admitti possent, non leui periculo calumnia fideles innocentes exponerentur, ut bene comprobatur, & defendit Decian. tract. crim. lib. 5. cap. 1. num. 14. & ex illo Farinac. quæst. 188. num. 77. & 92. ubi dicit ubi videri hanc limitationem veritatem.

4. Tertio à hereticis Christianos induzantes, vel quomodo forentque à fide apostatantes admittuntur. Iudex in testibus ne hoc tam grave crimen de facto probationum inuicem in iniquitatem habetur expressè in cap. contra Christianos, de hereticis in 6. ubi per Christianos, seu Iudæos contra, & tra. ibi glossa, Archidia. Germanum & alij, quos refert, & sequitur Pegna 2. p. direct. comm. 13. ad cap. contra Christianos. Cambridga. tract. de hereticis, quæst. 13. num. 12. Cigas tract. de crim. lesæ maiest. lib. 2. tit. quomodo, & per quos probetur, quæst. 10. Farinac. de heresi, quæst. 184. num. 124.

5. Quarto, ob eandem rationem hæreticus in testimonio admittitur contra fidelem in causa fidei si enim hæreticus, inobediensque admittitur, quare non hæreticus? Neque obstat aduersus hoc, & superius dictum textus in cap. habet, de hereticis ubi dicitur, Accusatus omnino credendum est, quia si non creditur, ergo eis nulla fides est habenda. Non, inquam, obstat, quia ex eo quod eis omnino creditum non sit, non inferunt nulli ratione esse credendum, sed solum inferunt non esse omnino, integrè, plenè, & perfectè credendum: ac proinde eorum testimonium non esse plenum, & perfectum, sed imperfectum. Et secundam hanc rationem in hoc crimine valere coram testimonium, & prout inquisitiones dicit, ubi hereticus aduersus fidelem de heresi deponunt, non inquit positio aliqualem probationem facit, & sic a li Pegna aduersus Eymeric. 3. p. quæst. 68. com. 112. & 113. quantum ad e. Simanc. cathol. in l. in. 64. rubr. de testibus, a num. 43. & seq. Lælius Zech. in summ. 1. p. tit. de fide sub. de heresi, cap. 11. num. 14. & vers. hereticus etiam. Farinac. quæst. 186. num. 111. & latius quæst. 56. m. 227. Mascard. de probationib. conclus. 857. num. 9.

6. Quinto, domestici, familiares, & consanguinei aduersus alios domesticos, familiares, & consanguineos admitti in testes in criminibus exceptis possunt, inò seruus aduersus dominum, pater aduersus filium, & filius aduersus patrem, vxor aduersus maritum, & maritus aduersus vxorem. Iste C. a l. leg. sub. maiest. Optat enim Ecclesiæ hoc tam grave crimen in hoc tam omnino preuenire, & si commissum fuerit punire. Ne ergo desint illi probationes, testes, qui alias repelluntur, admittit. Adde hos testes alienos esse à suspitione, cum contra sibi coniunctos testimonium dicunt. Deinde domestici melius quàm alij domesticorum mores, & facta cognoscere possunt. Ergo per illos aptius, quàm per alios probari delictum domesticorum potest. l. con-

sensu. C. de repudijs. cap. tertio loco, de probationib. & tradit Pegna 3. p. direct. q. 70. com. 119. vers. horum sententia, ubi optimè explicat, qui dicantur familiares. Farinac. q. 188. num. 143. Mascard. de probationib. lib. 2. conclus. 857. num. 22. Rojas singul. 197. Lælius Zech. 1. p. tit. de fide, rub. de heresi, cap. 11. num. 14. vers. quo verò ad domesticos.

7. Sexto mulier etiam à testimonio in causa sanguinis repellatur, eo quod ob fragilitatem sexus, præsumatur eius testimonium infirmum, iuxta textum expressum in cap. forum, vers. fin. de verbor. significat. & textum in cap. mulierem. § 3. q. 5. & viroque loco glossa, quod intelligendum est, si ad instantiam accusatoris producta sit in testem, secus si index ex officio exannuauerit, ut ex glossa, & aliis in cap. quoniam, de verbor. significat. notant Farinac. quæst. 59. num. 9. & Mascard. lib. 2. conclus. 762. num. 21. Nihilominus in crimine hæretice, aliisque exceptis, criminibus non est dubium admitti, ex textu in cap. contra, cap. per tuas, de simonia, & ibi glossa, & Doctores, & tradit plures referens Mascard. supra num. 22. Farinac. num. 10. Simanc. cathol. in l. cap. 61.

8. Septimò minores 14. annorum, & cuiuscunque ætatis sint, si sint doli capaces in hoc crimine ad testificandum admittuntur; inò ad id possunt cogi, & torqueri, ex textu in l. de minore, in princ. ff. de quaest. lib. Si enim in crimine læsæ maiestatis humanæ hoc procedit, a fortiori in crimine læsæ maiestatis diuinæ procedere debet; & notauit Farinac. de heresi, quæst. 188. num. 75. fin. Aduertit tamen Mascard. conclus. 462. num. 5. debere deponere cum autoritate tutoris, aliàs nullum esse eius testimonium, ex l. clarum. C. de author. præstanda. Sed hoc requisitum in practica non seruari testatur Farinac. q. 54. num. 24.

9. Ex his omnibus videtur inferri ferè nullum alium nisi inimicum à testificando in crimine heretice repelli. Hunc autem præsumptum repelli omnes Doctores admittunt, eo quod inimicus sapè fallum deponere, non verum dicere præsumitur. creditur enim non ex zelo iustitiæ, sed ex vindicta procedere: facitque text. in cap. si testis, q. quæst. 3. cap. inuicem, cap. cum oporteat, de accusationib. Si enim ob inimicitiam ab accusando quis repellitur, cap. per tuas, cap. licet Heli, de simonia, a fortiori à testificando repelli debet, in qua actione grauius nocere potest. Aduertendum tamen est non quendam inimicum, sed capitalem, à testimonio dicendo excludi. Cui enim hoc delictum grauissimum sit, non est præsumendum absolute testem, qui grauitè offensus non est, falsò testificari. Sed quia pro qualitate inimicitie falsitatis præsumptio oritur, ea de causa etsi eius testimonium admittatur, admittitur tamen tanquam infirmum: & ita docet Eymeric. 3. p. rub. de defensionibus, coram. num. 118. vers. primo, & ibi Pegna com. 28. vers. tamen exceptionibus, & quæst. 67. com. 116. vers. causis & c. Campeg. in addit. ad Zanch. tract. de hereticis, cap. 13. in verbo conspiratores, vers. primo, & seq. Farinac. quæst. 188. num. 110. Vmbert. Locat. in iudicial. inquisit. verbo communita num. 1. & 4. Paris. consil. 2. num. 46. in fin. & seq. lib. 4. Decian. tract. crim. lib. 5. cap. 35. num. 10. vers. aduertit tamen index. Qui autem dicatur capitalis inimicus, quare inimicitie capitalis causa sint, licet expendit Pegna d. com. 16. Petrus Binsfeld. de conf. malefico, in 2. mem. post 6. conclus. principalem, in 2. dubio. & c. verum. Lælius Zech. sum. 1. p. tit. de fide, rub. de heresi, cap. 11. num. 13. & c. inuicem tamen capitalis.

10. Secundò aduertunt aliqui Doctores de veritate iurico conclusionem esse intelligendam, non de facto suspecto, qualis est, qui cum meo inimico affinitatem, vel amicitiam strictam contraxit, de hoc enim dicunt admitti posse, si Inquisitori vium fuerit, esse de illius fide multum diminuat. sic Campeg. in addit. ad Zanch. tract. de hereticis, cap. 31. vers. testium quoque impedimentum. Ioan. Calderin. tract. de hereticis, rub. de his

quis

que pertinent ad executionem officij. num. 8. & 10. Farinac. *quest.* 188. num. 107. & *quest.* 54. num. 43. & 46. At probabilius credo oppositum: qui enim cum meo inimico amicitiam strictam, & parentelam, seu confederationem contraxit, vnus cum illo effectus est, ac proinde easdem qualitates accepit, idemque de vtroque præsumi debet. sic Hieron. Gabr. *conf.* 178. n. 8. & 24. lib. 1. Pegna *dict. comment.* 116. *versic. item præsumuntur.* ibi enim probat à testimonio repelli, Primò qui cum meis inimicis commorantur, *cap. accusatoribus*, 3. *quest.* 5. *cap. repelluntur*, *cap. cum oporteat, de accusationibus*. Secundò amicus intimus inimici mei, quia verè est meus inimicus. Tertio qui affinitatem cum meis inimicis contraxit, ex doctrina Baldi, in *l. liberi*, C. de *inofficioso testamento*.

11 Tertio aduertunt excludi inimicum etiam reconciliatum. quod intelligendum est de reconciliacione recenti, ob timorem ne adhuc in animo reliquæ inimicitie perseverent, & occasione accepta vindictam sumat falsum deponens. Secus verò de reconciliacione antiqua, & bene fundata; quia tunc nulla est inimicitie suspicio rationabilis, & consequenter nulla causa, ob quam à testimonio sit repellendus. sic Pegna *dict. comment.* 116. *circa finem, versic. superiora tamen.* Mascard. *de probationibus*, lib. 2. *conclus.* 857. num. 47. & seqq. Ioann. à Rojas *singul.* 199. num. 4. & in *tractat. de hæretico*, 2. part. num. 233. Farinacius *quest.* 188. num. 105. & innumeros referens, *quest.* 54. num. 59. Quando autem dicatur reconciliatio recens, vel antiqua, sitque bene fundata, arbitrio iudicis relinquitur, vt testatur Pegna *suprà.* Farinacius *dict. quest.* 54. num. 62. Mascard. lib. 2. *de probation.* *conclus.* 899. num. 10. Clarus in *practic.* §. *fin. quest.* 24. *versic. sed quid si sequuta sit reconciliatio, in fine.* Campeg. *de testibus, regul.* 23. in 3. *fallent.* & *reg.* 26. in 3. *fallent.* Adde hanc reconciliacionem nunquam præsumi, ideòque alleganti incumbit onus probandi; quia semel inimicus probatus perseverare in inimicitia præsumitur. *l. in ipsius.* & ibi Bald. C. *familia eriscunde.* & tradit Menochius *de præsumpt.* lib. 5. *præsumpt.* 42. num. 7. Farinacius *quest.* 64. num. 62. Decian. *tractat. crimin.* lib. 3. *cap.* 25. num. 86.

12 Quartò aduertunt Doctores, & optimè, non debere inimicitiam esse à parte procuratam. Si enim procurata fuit ad repellendum testem, qui crimen manifestaturus erat; non debet illi prodesse, quia non est iustum, vt ex sua iniquitate commodum reportet. sic Anton. Gomez *tom.* 3. *variartum resolutionum, cap.* 12. num. 14. *versic. item etiam.* Pegna 5. part. *director. comment.* 116. *circa finem, versic. rursus non procedunt.* Mascard. *de probation.* lib. 2. *conclus.* 857. num. 54. Farinacius pluribus relatis, *quest.* 54. num. 64. An autem inimicitia sit procurata per fraudem, iudicis arbitrio relinquitur. sic alios referens Farinacius num. 65. Nunquam tamen creditur testi dicenti partem inimicitiam procurasse, debet enim aliunde quàm ex suo dicto probari. sic ex Rota testatur Crescent. *decis.* 3. n. 5. & seq. in *sit. de testibus*.

§. II.

Quomodo supradicti testes aliàs inhabiles deponere debeant.

- 1 Hi testes ad solam probationem delicti, non ad illius circumstantias admittuntur.
- 2 Proponitur quadam obiectio, & sit illi satis.
- 3 Negant plures admissi hos testes inhabiles, si via accusationis procedatur.
- 4 Probabilis est oppositum.
- 5 Communis sententia negat hos inhabiles admittendos esse absque tortura.
- 6 Contrarium dicendum est.

- 7 Admittuntur supradicti, tamen si alie adfines probationes.
- 8 Admissi possunt tam contra reos, quàm pro ipsis.
- 9 In fauorem rei consanguinei admissi possunt, sed non tanquam integri testes, sed tanquam testes dimissus.

1 Prima difficultas est, an admittendi sint hi testes inhabiles non solùm ad probationem delicti, sed etiam ad alia adminicula, & cum delicto connexa? Cui difficultati respondeo admitti solùm ad probandum delictum, & circumstantias illius intrinsecas, delictumque inferentes; secus verò ad circumstantias extrinsecas, etià delicto præsupponantur necessariò. Exemplis explico. Hæresis punienda ab Ecclesia committi non potest nisi à baptizato: testes autem criminosi, & aliàs inhabiles, etsi ad hæresim probandam admittantur, non videntur admittendi ad probandum Baptismum; quia Baptismus cum hæresi nihil commune habet, quia ex Baptismo hæresis non inferitur, neque econtrà; bene tamen admittuntur ad probanda iudicia, ex quibus hæresis inferitur. v. g. ad probandam familiaritatem cum hæreticis, conuenticula secreta, & alia huiusmodi, quia hæc delictum inferunt, & sunt de illius intrinseca substantia. Confirmo ex doctrina Bart. in *l. questionibus*, ff. *ad legem Iuliam maiest.* vbi affirmat admitti infames ad probandum rectorem cuiusdam provincie non admisisse successorem Regem; ac proinde læsæ maiestatis crimen commisisse, etsi non admittantur ad probandum legitimum successorem esse; cum tamen esse legitimum successorem necessariò præsupponatur ad crimen læsæ maiestatis committendum. Secundò confirmo ex Baldo in *authent. si testis productus*, num. 7. C. *de testibus*, vbi si statuto admittantur infames ad probandum adulterium, non inde inferitur admitti ad probandum matrimonium adesse, cum tamen sine matrimonio adulterium esse non possit, & ratio omnium est, quia nec matrimonium infert adulterium, neque successio in regno infert repulsam subditorum, neque cum his delictis aliquid commune habent. sic doctissimus Farinacius lib. 2. *praxis, tit.* 6. q. 56. *de testibus*, à num. 78. & faciunt ea, quæ adducit *quest.* 62. num. 69. vbi loquens de casu, in quo testes inhabiles admittuntur, si veritas aliter probari non potest, concludit huiusmodi conditionem; quia extrinseca est negotio, pro quo ipsi admittuntur, ab aliis, quàm ab ipsorum testimonio probanda est.

2 Sed obiicies. Qui dat formam, dat consequentia ad formam: & vno concessio, conceduntur ea, sine quibus esse non potest, aliàs videretur diminuta, imò inutilis concessio: & habetur *l. 2. iurisdictio*, ff. *de iurisdict. omn. iudicium, l. ad legatum, l. ad rem mobilem* ff. *de procuratoribus*. Sed crimen hæresis punibile ab Ecclesia esse non potest, nisi à baptizato. Ergo concessio infamibus, vt esse testes possint in hoc crimine, conceditur similiter, vt possint testificari ea, sine quibus stare crimen nullatenus potest. Propter hanc rationem Angel. in *l. famosi*, num. 3. ff. *ad legem Iuliam maiest.* Salycet. in *authent. si dicatur*, num. 11. C. *de testibus*. Gigas *de crimine læsæ maiest.* lib. 2. rubr. *quomodo, & per quos crimen læsæ maiestatis probetur*, *quest.* 5. *per totam.* Boslius in *sit. de crimine læsæ maiest.* num. 114. in *sine*, existimant testes admissos ad probandum aliquod delictum, admitti debere ad probandum ea omnia, sine quibus delictum esse non potest, quia omnia illa, dicunt, sunt substantialia. Cæterùm ego cum supradicto Farinac. Bart. & Bald. existimo nullo modo substantialia delicti dici debere ea, quæ in alio genere delicto præsupponuntur, sed solùm illa, quæ præsupponuntur delicto, tanquam illatiua illius. Esse autem baptizatum non infert hæresim, neque illius est pars; neque matrimonium infert adulterium, neque successio

successione in regno infert rebellionem subditi; ideo ex concessione facta testibus aliis inhabilibus, ut testentur de hæresi; de adulterio, de rebellionem, non conceditur testari de illis sic præsuppositis. Neque aduersus hæc pugnat vulgaris regula, concessio vno concedi simul ea, sine quibus esse non potest, quia intelligitur de iis, quæ sunt in eodem genere, & quæ se mutuo inferunt.

3 Secunda difficultas est, an ij inhabiles admittantur, si via accusationis procedatur. Plures negant admitti posse: sic Glossa in dicto cap. in fidei fauorem, verbo inquisit. Ioan. Andr. num. 3. sine. Geminian. num. 7. Franc. num. 3. Mascard. de probationib. lib. 2. conclus. 857. num. 3. Decian. tract. crimin. lib. 5. cap. 35. num. 2. & 8. & cap. 27. num. 5. & cap. 29. num. 5. Repert. Inquisit. verbo testes. vers. nota distinctionem. consentit Farinac. de hæresi, quest. 188. n. 78. Mouentur, quia ij inhabiles à testimonio dicendo sunt exclusi. cap. testes. 2. quest. 7. cap. 1. de prescriptionib. cap. licet, de probationib. cap. testimonium. de testibus. Ergo in tantum admitti poterunt, in quantum eis fuerit à lege concessum. At in suprad. cap. in fidei fauorem, solum eis conceditur, cum iudex via inquisitionis procedit, quia solum de illo modo procedendi textus loquitur: ut constat ex illis verbis, in negotio inquisitionis. Ergo cum sit à regula generali exceptio, non debet extendi ad accusationem. Deinde accusatio non est fauorabilis, ut inquisitio, cap. si quis Episcopus. 2. quest. 7. Ergo priuilegium pro inquisitione concessum non debet ad accusationem extendi. Denique si in accusatione ij testes admitterentur, eorum admissio non tam in fauorem fidei, quam in fauorem accusatoris redundaret, cuius facere non intendit; & hæc sententia est satis probabilis.

4 Nihilominus contrariam probabiliorem reputo. Non enim censeo priuilegium admittendi inhabiles testes in crimine hæresis voluisse Pontificem arctare ad casum, in quo via inquisitionis proceditur, aliàs hoc expressisset. Neque ex verbis suprad. textus, in fidei fauorem, hæc restrictio colligitur. Inquit enim Pontifex: In fidei fauorem concedimus, ut in negotio inquisitionis hæretica prauitatis excommunicati, & participes, vel socij criminum ad testimonium admittantur. Cum enim dixit, in negotio inquisitionis, quid commune dixit, siue via inquisitionis, siue accusationis procedatur; quocunque enim modo Inquisitor procedat, hæreticam prauitatem inquirat, & in negotio inquisitionis versatur. Cur ergo priuilegium in fidei fauorem concessum, limitandum est ad casum, in quo via inquisitionis, in negotio inquisitionis procedatur, cum possit intelligi de quocunque modo procedendi? & ita intelligi affirmat Archidiacon. in dicto cap. in fidei fauorem, num. 2. & 3. Gundifalu. tract. de hæretic. quest. 13. num. 16. & 17. Carter. tract. de hæretic. num. 120. Rojas singul. 188. num. 6. & seqq. & singul. 191. num. 3. & singul. 84. num. 4. & plures alij relati à Mascard. lib. 2. conclus. 857. num. 31. Gundifalu. tract. de hæretic. quest. 13. num. 17. & consentit Farinac. de testib. quest. 62. num. 86.

5 Tertia difficultas est, an hi inhabiles admitti debeant absque tortura in hoc crimine excepto. Negat communis sententia generaliter loquens in criminibus exceptis, prout videre est ex pluribus, quos refert Farinac. de testib. quest. 56. num. 56. & 57. & quest. 62. 72. num. 23. & seqq. & specialiter loquens de crimine hæresis docet Campeg. in addit. ad Zanch. tract. de hæretic. cap. 9. litt. C. in verbo inquisitor vers. ad sunt insuper. Martin. del Rio disquisit. magic. lib. 5. sect. 3. vers. sed quadam, & in 2. appendice, quæ l. 11. Montemar. in pract. Archiepiscop. cap. 84. num. 11. nec Greg. de Valent. tom. 3. disp. 6. q. 13. p. 4. vers. cetera in fine. Subdit tamen sufficere torturæ metum. Gundifalu. tract. de hæretic. quest. 13. num. 5. Clar. pract. crimin. tom. 1. vers. suam etiam. Et hanc esse veram opinionem docet Pegna statim allegandus. Aduertunt tamen non leuiter esse hos testes torquendos.

Fundamentum præcipuum sumitur ex l. ob carmen. §. si ea rei conditio. ff. de testib. vbi ad litteram dicitur: Si ea rei conditio sit, vbi aranearium testem, vel similem personam admittere cogimur, sine tormentis, testimonio eius credendum non est: quæ lex approbatur in cap. si testes, 4. quest. 3. in medio.

6 Cæterum credo hos excommunicatos, infames, criminosos, socios criminis, seu aliàs inhabiles personas admitti posse, & regulariter sic admittendos esse in testes sine tortura, quoties ex officio examinantur, vel ipsi in fauorem fidei, & ex propria conscientia coacti deponunt. Non enim videtur iustum torquere testem, cuius nulla interest testimonium, bonoque communi, & reipublicæ fauet. Aliàs si testes hi scirent suum testimonium admittendum non esse, nisi prius tormentis examinarentur, & firmentur, à testificando omnino auerterentur, quod in graue reipublicæ, & religionis detrimentum cederet. Neque obstat lex imperialis à iure canonico approbata. nam loquitur de teste producto à parte in sui fauorem, vel ab accusatore pro sua intentione fundanda. Huic enim testi, quem iudex admittere cogitur, credi non debet absque tortura, & meritis; quia ipse non partes iudicis, sed rei, vel accusatoris facit; ac proinde suspectus de veritate redditur ultra inhabilitatem, quam habet: debet ergo illam suspicionem tormento purgare. Secus verò dicendum est de testibus ex officio iudicis examinatis, & qui sese zelo fidei, & reipublicæ testificando offerunt; & ita hos testes admitti sine tortura regulariter est praxis vniuersalis inquisitionis, prout testatur Farinac. quest. 188. num. 68. & ego in Hispania sic præficari vidi, & latè defendit Simanc. cathol. instit. tit. 64. rub. de testib. num. 37. & seqq. & in enciclid. viol. relig. tit. 35. rub. de testib. num. 18. & in addition. ad Zanch. in tract. de hæretic. cap. 2. Pegna 3. p. direct. quest. 64. com. 113. vers. illa est etiam. vbi licet contrariam sententiam dicat esse veram: at hanc esse benigniorem, & fauorabiliorem fidei; ac proinde sequendam. Et concedit in aliquo casu arbitrio iudicis testem torqueri posse Lælius Zech. sum. 1. p. sit. de fide. rub. de hæretic. cap. 11. num. 14. vers. & idem si sit socius criminis. Mascard. de probation. lib. 2. conclus. 857. num. 3. Rojas tract. de hæretic. p. 2. num. 153. & seq. Sigismund. Scaccia tract. de indic. cap. 82. num. 2.

7 Quarta difficultas est, an huiusmodi testes inhabiles, infames, criminosi, socij criminis, excommunicati admittantur in defectum aliarum probationum? Non desunt, qui censeant solum in illo casu admitti debere, ut docuit Eymeric. 3. p. direct. quest. 69. quia solum in illo casu reputatur eorum admissio necessaria. Cæterum omnino talis sententia reiicienda est, quia contraria videtur textui, in fidei fauorem, vbi dicit Pontifex, in fidei fauorem hos admitti posse, præsertim in defectum aliarum probationum; adhibendum enim præsertim ampliatiuum est, & denotat in omni casu admittendos esse, maxime in illo. Dictiones enim maxime, & præsertim, explicant casum minus dubitabilem, & implicanc, seu supponunt magis dubitabilem, ut copiose scribit Alberic. in suo dictionario, in verbo præsertim; & multis relatis docet Gutier. lib. 1. canon. qq. cap. 20. à num. 5. & optime probat Sanch. lib. 2. de matrim. disp. 39. num. 6. in princ. ex textu in cap. litteras, de testib. spoliatis. vbi de consensu impedimenti consanguinitatis, præsertim in gradibus diuina lege prohibitis, deciditur reddere non posse. Ex quo textu arguit neque etiam reddere posse, si impedimentum sit ex gradibus humana lege prohibitis. Ergo similiter in nostro casu dicendum est. Deinde testes infames, & aliàs inhabiles admitti, cum veritas aliter haberi non potest, iure communi sancitum est. cap. veniens et 2. de testib. cap. fin. de testibus cogendis. & ibi Abbas in 2. notab. & in l. consensu. §. super plagam. C. de repudijs, & alijs pluribus legibus, & Doctoribus com-
probat

probat Farinacius q. 62. num. 50. Ergo non esset specialis fauor fidei hos admittere, si solum admittendi essent in aliarum probationum defectum, contra textum in cap. in fidei fauorem. Et ita hos esse admittendos, siue ad sint alia probationes, siue deficient, docuit Ioann. Andr. in dict. cap. in fidei fauorem, n. 3. Vmbert. Locat. in iudicial. inquisit. verbo excommunicati, num. 4. Syluest. verbo hereticum, §. 2. n. 6. in princ. Repert. Inquisit. verbo testes, sub vers. est tamen. Farinacius q. 188. §. 5. n. 74. Sigismund. Scaccia de iudic. cap. 81. num. 2. in fine, vers. vel ponderando illud aduerbium praesertim. Simancas in enchirid. viol. relig. tit. 35. rubr. de testibus, n. 17. Decian. tract. crimin. lib. 5. cap. 35. n. 1. & alij.

8 Quinta difficultas est, an hi testes possint admitti in haeretici defensionem, si ab ipso inducantur? Negant Farinacius q. 188. n. 81. Gundisalu. tract. de heretic. q. 13. num. 14. Repert. Inquisit. verbo testes, vers. an illi testes inhabiles. Boslius tit. de hereticis, num. 3. vers. non admittuntur tales testes ad defensionem. Ioan. à Rojas singul. 188. num. 9. & 10. & tract. de heret. part. 2. num. 177. assert. 46. & faciunt scripta per Crotum de testibus, n. 104. & Gigas de crimine laesa maiestatis, lib. 2. rubr. quomodo, & per quos crimen laesa maiestatis probetur, quaest. 17. Mouentur ex dicto cap. in fidei fauorem, ubi in fauorem fidei conceditur hos ad testimonium admitti contra haereticos, credentes, fautores, defensores, &c. Ergo per argumentum à contrario admitti non possunt pro ipsis. Ceterum credo pro ipsis admitti posse, etsi non faciant plenam fidem, praecipue cum defensio aliter haberi non potest: si enim ob fauorem fidei, & actoris ad probationem criminis admittuntur, cur admitti non debent in fauorem delinquentis ad eius innocentiam probandam? Neque textus in fidei fauorem, contrarius est, quia fauor fidei est hos testes inhabiles admitti, etiam dum esse non possint alia probationes. At in haeretici defensionem solum in aliarum probationum defectum: & ita tradit expressè Anton. Gomez tom. 3. variarum, cap. 12. rubr. de probationibus delicti, num. 23. Farinacius sibi contrarius quaest. 62. num. 97. & facit textus in cap. litteras, de praesumptionibus, ubi frater in crimine haereticis admittitur ad purgationem fratris, cum omnes domestici iure civili, & canonico à testimonio in fauorem ipsorum domesticorum repellantur, ut constet ex l. testes, ff. de testibus, & cap. si testes, §. testes, 4. quaest. 3.

9 Sed quid de familiaribus, consanguineis, & domesticis, valet enim eorum testimonium, si pro reo inducantur? Negant plures, quos congerit Mascard. de probat. lib. 2. conclus. 57. num. 24. Crotus tractat. de testibus, num. 104. Farinacius de haeresi, quaest. 188. num. 149. & mouentur ex cap. filij, de hereticis, in 6. ubi loquens de eo, qui tempore mortis consolationem, (seu verius desolationem) ab haereticis postulauit, quem non esse tunc sanæ mentis probare nitebantur filij, vel haeredes, dicitur casu quo id probandum sit non per uxores, filios, familiares, vel de suis aliquos: sed per testes alios fide dignos, & specialiter fidei zelatores probandum esse. Et ratio est, quia ij ob consanguinitatem, amicitiam, vel subiectionem praesumunt veritatem occultaturos, cum sua intersit delinquentem à delicto liberare. Ceterum credo hos admittendos non esse tanquam integros testes ob nuper dictam rationem. At ut testes diminutæ veritatis, seu non integre opinionis admitti posse ad innocentiam probandam, cum nullo iure expresso reperiantur exclusi, imò potius admissi, in cap. litteras, de praesumptionibus. Neque obest textus in cap. filij. Intelligi enim potest primò, non esse admittendos tanquam testes integros, & plena fide dignos, vel ad reprobationem aliorum testium, quibus probatum fuit defunctum sanæ mentis fuisse, cum more haeticorum consolationem in extremis postu-

Ferd. de Castro Sum. Mor. Pars I.

lauit, in quo casu domestici à testimonio dicendo excluduntur. quia receptum est à communi sententia testes reprobatorios debere esse omni exceptione maiores, ex textu in cap. 1. & ibi glossa, in verbo Stephanus Papa, de exceptionibus. & tradit Speculator in tit. de testibus reprobatorijs, in princip. & num. 3. Rota tur. de rescript. in antiquis, decis. 22. Grammatic. consil. 12. num. 31. Boërius decis. 40. num. 130. Hippolyt. Riminald. alijs relatis, consil. 809. num. 70. lib. 7. quæ doctrina à fortiori procedit, si agatur de reprobandis testibus omni exceptione maioribus. Tunc enim clarum est testes reprobatorios similis qualitatis esse debere, ex l. nihil tam naturale, ff. de regulis iuris. Absurdum enim est quemlibet obligatum esse probare causam per testes omni exceptione maiores; & aduersarium illos reprobare posse per testes diminutæ opinionis. Non igitur ex supradicto textu in cap. filij, infertur innocentiam rei probari nullatenus posse; sed solum infertur non posse probari reprobando testes legitimos, quibus rei malitia probata est: & ita hanc sententiam defendit Gabr. lib. 7. conclus. 22. num. 7. versic. contrarium voluit. Campesius de testibus, regul. 5. in 9. fallentia. Mascard. de probationibus, lib. 2. conclus. 857. num. 27. & 28. Lælius Zechius summ. 1. part. tit. de fide, rubr. de haeresi, cap. 11. num. 14. versic. quod verò ad domesticos. Franciscus Pegna 3. part. director. comment. 119. versic. & quamuis, ubi admittit testes domesticos, si probatæ vitæ sint, & maximè, si cum alio omni exceptione maiore iunguntur. Farinacius de testib. quaest. 54. num. 118. & q. 55. n. 73. & de haeresi, q. 188. n. 150. & 151.

§. III.

Qua ratione examinandi sunt supradicti testes, eorumque testimonium publicandum.

- 1 Omnes compelli possunt (exceptis capitalibus inimicis) tamen si absint, & extra iurisdictionem Inquisitoris existant.
- 2 Debent per litteras requisitorias citari, & vocari.
- 3 Possunt examinari lite non contestata, & parte non citata.
- 4 Apponitur limitatio cum pars est potens, sed non admittitur.
- 5 Testes examinati parte non citata iterum examinandi sunt, si pars aliquid opponit.
- 6 Testes cum ex prima instantia examinantur, debent examinari coram Notario, & duabus personis discretis spectato iure, at vsu contrarium obtinuit.
- 7 Facta testium depositio, publicanda est reo tacitis nominibus testium.
- 8 Testes non sunt cum reo confrontandi, nisi in duplici casu.

1 **C**oncors est omnium sententia compelli posse omnes (inimicis capitalibus exceptis) ad testificandum de haereticis crimine, quoties ad cognitionem veritatis id expedire visum fuerit Inquisitori, ita ut cogi possit frater aduersus fratrem, & filius aduersus patrem, & vxor aduersus maritum. sic pluribus firmat Farinacius q. 188. num. 2. Neque defendere se potest vocatus ex eo quod extra terminos iurisdictionis Inquisitoris existat ultra duas diætas. in quo casu testis compelli non potest ad comparandum. cap. nonnulli, de rescriptis, cap. statutum, eodem tit. in 6. quia fauore fidei hoc priuilegium à testibus sublatum est, & Inquisitoribus (& idem est de Episcopis in causa fidei procedentibus) concessum, ut possint testem quantumcumque absentem vocare, & citare, & ad comparandum compellere, iuxta text. in cap. ut officium, §. denique, de haeret. in 6.

Z z

&

542 De modo iudic. proced. in causis fidei.

& ibi notant omnes, & specialiter Simancas *caholic. institut. tit. 34. rubr. de Inquisitoribus Apostolicis, num. 24.* Rojas *singul. 95.* Eymeric. & Pegna 3. *part. quest. 74. comment. 123.* Cautè tamen, & prudenter, ut bene dicit Pegna, agendum est, præcipuè cum viris illustribus, qui potius rogandi, quàm trahendi sunt, & aliquando convenientius erit, ut Inquisitor ad examinandum testem adeat, ut si sit mulier honesta, aut religiosa, quam non decet domo exire, & in iudicium trahi, vel alteri vices committat, quas committere posse diximus ex rescripto Urbani IV. incipiente, *Licet ex omnibus*, & tradit Pegna 3. *part. comment. 10.* Farinacius *quest. 188. num. 20. & 21.*

2 Rursus hæc vocatio, & citatio testis extra iurisdictionem Inquisitoris existentis fieri debet ab Inquisitore per litteras requisitorias ab Episcopo, vel Inquisitore illius diocesis, ne videatur eorum iurisdictionem offendere: in hac tamen requisitione non est illi opus procellum transmittere Inquisitore, vel Episcopo requisito, sed eo ipso, quod Inquisitor dixerit sibi opus esse hoc, vel illo teste, pro causa fidei expedienda, tenetur requisitus Episcopus testem transmittere; aliàs censetur impedire inquisitionis officium. sic notavit Pegna *dicto comment. 123. vers. neque Episcopus*, & ex illo Farinacius *q. 188. n. 4.*

3 Testes in hoc crimine examinari possunt lite non contestata, & parte non citata; quia in hac causa non arctatur Inquisitor formam iudicalem servare, sed procedere potest simpliciter, & de plano. *cap. si de hæresi in 6.* & tradit Rojas *singul. 125.* Matfil. *pract. crim. §. diligenter, num. 158.* Simancas *caholic. institut. tit. 64. rubr. de testib. num. 15.* & in *enchirid. tit. 35. eadem rubr. de testib. num. 8.* Farinacius *quest. 188. num. 15.* Pegna 2. *part. direct. comment. 19. in cap. veritatis, de dol. & cont. & alij apud ipsos.*

Difficultas est, an sic examinari probent? Videtur negare Farinacius, & Pegna *loco allegato*, & Arnold. Albertin. siquidem dicunt debere testem repeti parte citata, ut probent contra inquisitum, & solum ad inquirendum iuvare. Cæterum credo sic examinatos non solum iuvare ad inquirendum, sed etiam probare contra reum; aliàs nullus esset fidei fauor factus, cum in qualibet causa testes examinati parte non citata, litæque non contestata iuuent ad inquirendum, specialiter contra reum. Neque inde fit posse reum ex talium depositione, absque citatione condemnari; quia ad condemnationem non solum requiritur probatio delicti, sed probatio delicti ab inquisito non infirmata, ad cuius effectum necessaria est citatio. Deinde quia satis recepta sententia est, & in generalis inquisitionis supremo tribunali practicata, testes examinatos parte non citata repetendos non esse, saltem cum inquisitus annuit eorum examinationi, neque repeti postulat, ut alijs relatis optimè docet Farinacius *quest. 72. num. 149.* & de *hæresi, quest. 188. num. 27. vers. contrarium.* Ergo signum est valere depositionem testium parte non citata: & ita tenet Mascard. *lib. 1. in præfat. quest. 5. num. 41.* Placha in *epitom. delict. cap. 19. num. 17. vers. quod convinci possit.* Farinacius *quest. 72. num. 115.* & de *hæresi, quest. 188. num. 24.* Simancas *caholic. institut. tit. 64. rubr. de testibus, num. 16. & 28.* Rojas *singul. 196.* Decianus *tractat. crimin. lib. 5. cap. 20. num. 24.* & alij apud ipsos.

4 Limitant tamen Rojas *suprà num. 6.* Decian. *cap. 35. num. 15.* Parisius in *consil. 2. num. 165.* & alij relati à Farinacio *quest. 72. num. 116.* ut intelligatur, quando inquisitus est potens, & ob eius potentiam timetur aliquod testibus damnum eventurum, ob quam rationem nomina testium non publicantur. Verum probabilius existimo etiam remota potentia inquisiti non requiri citationem rei ad valorem depositionis testium antea factæ, sed solum, ut ipse opponat, si quid habet aduersum:

sic Simancas *loco allegato.* Calderin. *tractat. de hæresi, rubr. de mat. process. inquisit. num. 2.* Carter. *tractat. de hæreticis, num. 121.* Ber. Comen. *lucerna inquisit. verbo tortura, num. 51.* Repert. *Inquisit. verbo testis, vers. item nota.*

5 Ex his inferitur decisio illius questionis, an testes examinati parte non citata, sint iterum post citationem examinandi?

Et respondeo cum communiori sententia iterum examinandos esse, si inquisitus, & citatus aliquid opposuit, vel interrogatoria dedit, quibus veritas amplius inuestiganda sit. Nam si oppositionibus, & interrogationibus requisiti non satisfaciunt testes, eorum depositio antea facta multum infirmatur. Debent ergo iterum examinari, ut depositiones factæ firmæ permaneant, sic Arnold. Albertin. *tract. de agnoscend. assert. cathol. & heret. q. 34. à n. 16. & seqq.* supponit Pegna 2. *part. direct. comment. 19. ad cap. veritatis, de dolo, & contum.* Sigismund. Scaccia *tractat. de indic. cap. 98. num. 7. vers. si loquimur.* Farinacius *quest. 188. num. 22.* Dixi, examinandos iterum esse, quando inquisitus dictis testium se opposuit, & interrogatoria dedit; secus verò si nihil horum fecerit, quia tunc repeti examen necesse non est, cum eorum depositio non infirmetur, ut multis allegatis docet Farinacius *quest. 72. num. 149.* & de *hæresi, quest. 188. num. 27. fine.* Ex officio tamen iudicis repeti poterunt, & sæpè reperuntur in criminalibus, quoties de gravissimo præiudicio inquisiti agitur, ut bene notavit ex Montemar. in *pract. Archiepiscop. cap. 84. num. 5.* Farinacius de *hæresi, dict. quest. 188. num. 27.* & fauent, quæ dixi *q. 73. n. 9.* Quando autem testes iam examinati iterum examini subiiciuntur, debent summarie referre primam depositionem, quin eis legatur, vel ostendatur, neque satisfaciunt, si se generaliter ad prima dicta referant. Nam esto in alijs depositionibus hoc fieri possit, ob variationis periculum evitandum, iuxta consilium Bart. in *leos qui diversa, num. 6. ff. de falsis.* At in crimine hæresis, ubi ex testium depositione tam graue damnum inquisito provenit, quodque vitare facile non potest, eo quod nomina testium non publicentur, neque illorum copia detur inquisito, necessarium est in secundo examine deponere, ac si tunc primò testis examinatus fuisset, ut sic veritas melius cognoscatur. sic Simancas in *enchirid. violat. relig. tit. 35. rubr. de testibus, num. 10.* Rojas *singul. 206.* Farinacius *quest. 188. n. 35.* Solum in casu, quo longum tempus inter primam, & secundam depositionem præcessit, poterit tunc testis deponere, prout tunc recordatur, addens ex integro se remittere ad primam depositionem, & per illam velle hanc secundam corrigi, si forte in aliquo fuerit illi contraria: ratione enim præsumptæ obliuionis hoc potest admitti. Rojas. & Farinacius *suprà.*

6 Item cum testes ex prima instantia examinandi sunt, aut eorum examen repetendum, debent coram Notario, & duabus discretis, religiosisque personis examinari: quod si Notarius deficiat, potest eius defectus alijs duobus viris honestis suppleri: habetur expresse in *cap. ut officium, de hæreticis, in 6. §. verum.* Nomine religiosæ personæ, intelliguntur honestæ, siue clerici, siue laici sint, quæ si in fine depositionis, & postea per Notarium lectæ, & à teste confirmatæ assistant, satisfaciunt dispositioni supradicti textus. sic Eymeric. 3. *part. direct. rubr. quot persona esse debeant in examinatione testium, num. 81.* & ibi Pegna *comment. 20.* Aduerto tamen raro ad examinationem rei, & testis has personas adhiberi, sed usus obtinuit in præsentia Notarij, & fiscalis tantum examinari. Quapropter Franc. Pegna, cum Eymeric. 3. *p. direct. q. 63. com. 112.* existimat has personas solum ex consilio, non ex præcepto adhibendas esse. Dixi, si Notarius deficiat, eius defectum suppleri posse duobus viris honestis, quorum vnus scribere debet, &

& alter scripta subscribere : neque opus est utrumque dicta testium scriptis mandare, sic Vmbert. Locat. in iudic. inquisit. verbo *Inquisitor*, n. 29. Pegna, & Farinacius *supra*, & alij apud ipsos.

7 Facta autem testium depositione reo publicanda est, suppr. cllis nominibus testium, & delatorum: ex text. expresse in cap. fin. de hereticis, in 6. & hoc ob fauorem fidei, ne testes arceantur à depositione tam grauis criminis. Ex qua ratione inferitur manifestè dandam non esse delato copiam cognominum testium, neque aliquarum circumstantiarum depositionis, ex quibus deuenire potest in notitiam aduersus illum deponentis. sic Eymer. 3. p. direct. n. 119. & ibi Pegna comment. 29. & q. 75. comment. 124. Lælius Zechius sum. 1. part. tit. de fide, rubr. de heresi, cap. 11. n. 14. vers. ad quæque. Farinacius de heresi, q. 188. n. 7. & 8.

Hæc autem doctrina procedit, quoties periculum testis, & delatoris ex publicatione timetur. Nam si nulum addit periculum, publicari nomina debent, sicut in alijs iudicijs, vt expresse dicitur in *supradicto* textu. Cæterum iam vsus obtinuit semper hoc periculū præsumi, etiam si inquisitus potens non sit, quia eius consanguinei, vel eius socij, & complices potentes esse possunt ad vindicandum. Item est periculum non levis in religione detrimenti, si testes occultent delictum, quod alias manifestarent scientes publicandos non esse. Adde, vt tota ratio dubitandi in hac parte, ipsisque Inquisitoribus scrupulus auferatur. extat constitutio Pij IV. incipiens, *Cum sicut*, qua sancitum est obligatos nunquam esse Inquisitores nomina testium delato publicare. sic Simancas in enchirid. tit. 35. rubr. de testibus, num. 14. & 15. Repert. verbo *nomina*, versic. nunc videndum. Franciscus Pegna 3. part. direct. quæst. 75. comment. 124. versic. *tamen si verò*. Farinacius quæst. 188. num. 12. Rojas tractat. de hereticis, p. 2. n. 98. Ludouic. à Paramo de origine sanctæ Inquisitionis, lib. 3. quæst. 4. rubr. de expedit. process. num. 48.

8 Hinc à fortiori infertur testes non esse cum reo confrontandos. Nam esto in alijs iudicijs, & causis hoc sæpe expedit, vt reus sic facilius conuincatur, & veritatem negare non audeat, iuxta textum in l. si postulatueris, §. quæstioni, ff. ad legem Iuliam de adulter. ibi, *quæstioni interesse iubentur reus, reus, & patroni eorum, & qui crimen detulerit*. Tamen fauore fidei, ne hac occasione abstinere à delicto manifestando, expediens fuit eos ab hac confrontationis obligatione liberare. sic docuit Pegna 3. part. direct. comment. 23. num. 101. versic. *alias explicare potest*. & comment. 48. num. 209. versic. *te citari*, &c. Montemaran. prætic. Archiepisc. cap. 84. num. 6. Farinacius de heresi, quæst. 188. num. 28. affirmantes imprudentissimè facturum Inquisitorem, si testes renuentes confrontare compelleret extra duplicem casum. Primò cum testis est simul socius criminis, quia tunc ratione societatis in delicto, & non ratione testimonij confrontare compelleretur. Neque in hac compulsionem videtur sequi aliquod considerabile inconueniens, cum testis seipsum simul condemnet, & reus obligatus sit ipsum deponentem manifestare. sic Pegna direct. 3. part. comment. 48. versic. *secundum axiomam*. Montemaran. prætic. Archiepisc. cap. 84. num. 6. Martinus Delrio disquisit. magic. lib. 5. in 2. appendice, q. 39. Farinacius quæst. 188. num. 30. Secundus casus est, quando dubium est de testium falsitate, neque apparet via, qua tollatur dubium, & veritas elucescat; poterunt tunc Inquisitores ad confrontationem testes compellere, ne innocens damnetur. Hoc tamen magna prudentia, & cautela faciendum est, & præcauendum omnino periculum testium. Quapropter censent infra referendi Doctores hanc confrontationem faciendam non esse ab Episcopo sine Inquisitore, vel e contra; quia est res grauissima: imò in generali totius orbis inquisi-

Ferd. de Castro Sum. Mor. Pars I.

tionis tribunali nunquam hæc confrontatio sit, nisi ex decreto illustrissimorum Cardinalium ibi præsidentium. sic docuit Pegna, & Farinacius *supra*.

§. IV.

Testes criminosi, & alijs inhabiles, & singulares, qua ratione in hoc delicto probent.

- 1 *Hi testes non integrè probant, & aliqua inde inferuntur.*
- 2 *Quis sit testis singularis.*
- 3 *Quotuplex est singularitas in testificando.*
- 4 *Testes singulares singularitate obstativa nihil probant.*
- 5 *Testes singulares singularitate cumulatua, vel diuersificatiua probant, vt reus subiici possit quæstionibus, vel vt condemnentur in pœnam extr. ordinariam.*
- 6 *In dubio, an testes de diuersis, an de vno actu deponant, præsumendi sunt de vno actu deponere.*
- 7 *Duo testes singulares omni exceptione maiores sufficiunt ex plurium sententia ad reum condemnandum.*
- 8 *Probabilius est oppositum.*
- 9 *Testes deponentes de quodam actu hæreticali variantes in loco, & tempore, affirmant aliqui esse contestes.*
- 10 *Contrarium probabilius est, esse scilicet singulares.*
- 11 *Satis sit fundum. num. 2. adducto.*
- 12 *At si vnus testis deponit de actu hæreticali tali loco, & tempore, & alius de illo deponit, neque tempus designat, nec locum, contestes debent reputari.*
- 13 *Testes deponentes de eadem heresi, & verbis discordantes contestes sunt.*
- 14 *Ex depositione singulari trium, vel quatuor testium omni exceptione maiorum, affirmant plures se condemnari posse in pœna ordinaria.*
- 15 *Probabilius est oppositum.*
- 16 *Satis sit contrario fundamento num. 14. adducto.*

1 DE testibus alijs inhabilibus, vt sunt excommunicati, criminosi, socij criminis, Iudæi, & hæretici contra Christianum, & alios, quos *suprà* meminimus, communis, & recepta sententia est non integrè delictum probare, quia licet fauore fidei ad testificandum admittantur, admittuntur tamen vt periculo fallitatis dicendæ subiecti, neque enim hoc periculum quod intrinsicum est, purgari potest admissione: sic pluribus comprobant Farinacius quæst. 188. num. 83. Pegna direct. 3. part. quæst. 64. comment. 113. versic. *ceteris tamen*. Mascard. de probationibus, lib. 2. conclus. 857. num. 38. Ex quo fit duplici teste conteste, socijs criminis, aut alijs inhabilibus non posse reum ad pœnam ordinariam condemnari, etiam si indicia, & circumstantiæ concurrant, quibus præsumi potest veritatem deponere; quia huiusmodi indicia, & circumstantiæ expostulantur, vt eorum dictum admitti possit: non autem expostulantur, vt integrè probent: vt legenti textum in *dicto* cap. in fidei fauorem, facile constare potest, & tradunt relati Doctores. Quocirca depositio vnus testis inhabilis raro ad torturam sufficit, nisi alijs adminiculis, & præsumptionibus grauibz adiungetur. Depositio duorum sufficit ad torturam, vel ad condemnandum reum in pœna extraordinaria. Trium, vel quatuor depositio ad condemnationem ordinariam sufficit; quia multitudine deponentium inhabilitas illorum reparatur. sic Pegna, Mascard. & Farinacius *suprà*, & alij apud ipsos, & tradit optimè loquens de crimine magis Martinus Delrio *disquisit. magic. lib. 5. in 2. appendice, quæst. 12. 13. 14. & 15.* Adde neque etiam probari delictum plenè, & perfectè, esto cum teste alias inhabili cõcurrat testis omnino integer, & validè dignus; quia ex dignitate vnus non

Z z 2 repa

reparatur alterius defectus, bene tamen repararetur, si cum utriusque depositione aliarum circumstantiarum, & indicia concurrerent. sic docuit optimè alios referens Pegna 3. part. direct. quest. 64. comment. 113. versic. si iam terminum. Farinacius quest. 188. num. 69.

2 Difficultas autem grauissima est de testibus singularibus, habilibus, & fide dignis, an ij plenè probent delictum? Pro cuius decisione

Præmitto primò testem singularem dici, cuius depositio contestem non habet, vel, ut clariùs dicam, cuius depositio cum nullius alterius depositione coniungitur, sed ab omni alia distincta est. sic ex Baldo in l. de quibus, n. 37. ff. de legib. tradit Petr. Anton. à Petra tract. de fideicommiss. q. 12. n. 491. Pegna 3. part. direct. quest. 72. comment. 121. col. 2. versic. testis verò singularis. Farinacius de testib. q. 64. à n. 26. & seqq.

3 Præmitto secundò triplicem enumerari à Doctoribus testium singularitatem, obstatiuam scilicet, adminiculariam, seu cumulatiuam, & diuersificatiuam. sic ex Baldo in cap. licet causam, num. 11. in princip. de probationibus, tradit Rojas de hereticis, 2. part. assert. 6. num. 122. Pegna dicto comment. 121. col. 1. versic. sed quo apertius. Farinacius quest. 64. num. 4. & alij apud ipsos. Obstativa singularitas est, cuius dictum alterius dicto obstat, & repugnat. Econtra verò adminiculata, seu cumulata singularitas est, cuius dictum alterius dicto fauet, & patrocinatur: ut si vnus deponat vidisse delinquentem, alius deponat se audiuisset; vnus enim dictum alterius dicto fauet. Diuersificatiua singularitas illa est, cum ex testium depositionibus diuersus actus in specie, & in substantia colligitur. Ut si vnus diceret te commississe hæresim tali die, & tempore, alius verò deponat alio loco, & tempore. Hæ igitur depositiones arguunt diuersas hæreses factas fuisse, alias si solum de vno, eodémque actu testes vellent deponere, sibi ipsi obstarent, & singularitatem obstatiuam in suis depositionibus haberent. sic multis relatis docent Pegna, & Farinac. supra.

4 Præmitto tertio testes singulares singularitate obstativa nihil probare; quia sibi inuicem aduersantur, & vnus dictum aliorum dictum infirmat, ac proinde minus probant plures, quàm vnus tantum: sic post alios Rojas tractat. de hereticis, 2. part. assert. 6. num. 121. Albertin. in cap. 1. quest. 16. num. 62. versic. & in hac singulariter habet locum, de hereticis, in 6. Farinacius alios referens quest. 64. num. 41. Quod si testes sint singulares singularitate cumulata, vel adminiculata sibi inuicem adiuuant, & licet concludenter ex illis delictum non probetur, probatur tamen efficacius, ut de se constat; siquidem testis deponens de auditu coadiuuat deponentem de visu, & deponens de fama fouet deponentem de facto. sic Caccialup. in l. admonens, num. 86. in fine, versic. dicit etiam. Gabr. de probationibus, lib. 1. conclus. 1. num. 5. Petra de fideicommiss. quest. 12. num. 507. & seqq. & multis aliis exornat Farinacius quest. 64. n. 113. & 126. & seqq. Idem licet non ita efficaciter reputo dicendum in testibus deponentibus singularitate diuersificatiua, cum ex vnus dicto alterius dictum non infirmetur, sed potius foueatur. sic Pegna 3. part. direct. comment. 121. versic. vltima est diuersificatiua. Gabriel titul. de testibus, lib. 1. conclus. 2. num. 9. & hæc non infringit dicta testium.

5 Præmitto quarto testes singulares singularitate cumulata, vel diuersificatiua, licet delictum plenè non probent quoad pœnam ordinariam, probant tamen, ut reus subiici possit quæstionibus, & in pœnam extraordinariam puniri; quia delictum ex illorum depositionibus est plusquam semiplenè probatum. sic Pegna dicto comment. 121. col. 8. & 9. circa fin. comment. Mascard. de probationib. lib. 2. conclus. 856. num. 12. & seqq. Patissius conf. 2. n. 93 lib. 4. Calderin. tractat. de heret. rubr. de sentent.

inquis. num. 1. Farinac. q. 64. n. 118. & de heresi, q. 188. num. 163.

6 Præmitto quintò in dubio, an testes de diuersis actibus, vel de vno tantum deponentes, si in loco, & tempore conueniant, præsumendi sunt de vno tantum actu deponere, ac proinde esse contestes, & non singulares. Ratio est, quia pluralitas actuum non præsumitur, ex cap. cum Ioannes, de fide instrument. At si in loco, & tempore diuersi sint, & ex tali diuersitate diuersitas actuum inferatur, præsumendi sunt de pluribus actibus testari, & non de vno, ac proinde esse singulares. sic pluribus relatis firmat Farinacius quest. 64. num. 317. & seqq. vsque ad finem quest. iis positus.

7 Prima difficultas est. Si duo testes omni exceptione maiores aduersus te deponant, quorum vnusquisque de suo actu hæreticali diuerso depositionem facit, redderis de hæresi conuictus, & subiectus condemnationi in pœnam ordinariam?

Affirmant plures relati à Mascardo conclus. 856. num. 8. Farinacius quest. 64. num. 205. & de heresi, quest. 188. num. 155. Pegna direct. 3. part. comment. 121. versic. ergo quantum ad primam. Philippo Portio lib. 1. commun. opin. regul. 34. versic. contrariam opinionem, ipsosque sequitur Anton. Gomez tom. 3. cap. 12. num. 12. ante medium, versic. secum tamen est. Mouentur, quia huiusmodi testes licet non concludenter probent aliquam hæresim in specie, probant tamen in genere, quia probant te hæreticum esse: siquidem per quamlibet hæresim hæreticus es. Et in hac generalitate concordet, & contestes esse videntur, & hoc à fortiori militat, si propositiones hæreticales à se firmatæ, vel actus hæreticales facti ad vnā sectam pertineant. v. g. si vnus testis aduersum te deposuit ex obseruatione legis antiquæ Sabbathum custodisse, alius ieiunasse, vel te circumcidi permisisse. Nam tunc videris conuictus esse de illa secta, ut in hoc casu speciali tradit Simancas in encubrid. vular. relig. tit. 37. rubr. de testibus singularibus, num. 11. & tractat. de hereticis, tit. 64. num. 75. Menochius consil. 82. num. 138. lib. 1. Farinacius de heresi, quest. 188. num. 157. Petra de fideicommiss. quest. 12. num. 700. versic. & hac consideratione. Albertin. cap. 1. quest. 56. num. 81. de hereticis in 6. Conrad Brunus tractat. de hereticis, lib. 4. cap. 9. ad finem, sequentes Salycetum in l. Titium, num. 16. C. de testibus.

8 Cæterum probabilius credo, & in practica omnino tenendum ex vi supradictarum depositionum præcisè te non esse sufficienter conuictum hæresis, ut pœnam ordinariam luere possis: sic pluribus firmant Rojas tractat. de hereticis, 2. part. assert. 6. num. 142. & seqq. & n. 145. dixit contrariam sententiam periculofam esse Pegna direct. 3. part. comment. 121. versic. ceterum omissa. Mascard. de probationib. concl. 856. num. 13. & 14. Ratio à priori est, quia esse non potest genus nisi in aliqua specie, neque species nisi sit in aliquo indiuiduo. Ergo non potes probari hæreticus in genere, quin probetur aliquo actu indiuiduo hæresim commississe: atqui concludenter de nullo actu hæreticali in indiuiduo conuinceris per duos testes, ut casus supponit. Ergo nunquam redderis sufficienter ex eorum testimonio conuictus.

9 Secunda difficultas est, an si duo testes deponant te Mahometum adorasse, vel in obseruationem suæ legis cæremonias, & lauatoria fecisse, deponunt tamen de loco, & tempore diuerso, an debeant dici contestes, vel singulares? Ratio difficultatis est; quia vterque testis concordat in vna, & eadem hæresi, scilicet in adoratione Mahometi: discordat tamen in loco, & tempore. quæ discordantia videtur esse extrinseca, ac proinde insufficiens infirmare eorum testimonium. Probant ergo concludenter. Item vel illi duo testes deponunt de eodém actu hæreticali, vel de diuerso.

Si de eodem actu deponunt, iam testes contestes sunt; si autem de diuersis actibus, est depositio, cum huiusmodi actus ad eundem finem tendant, & ad eandem hæresim pertineant, æquiualeuter de eodem actu deponunt. Et confirmo. Si vnus testis probaret te furatum esse pallium à Petro die Iouis, & alius deponat die Veneris sequenti apud te retentum vidisse, manifestè videris conuictus de furto, etiamsi de diuersis actibus fuerit facta depositio; quia in eadem materia, & in eadem specie furti conueniunt. Similiter ergo videtur dicendum de depositione facta alicuius hæresis specialis. Et ita per hos duos testes probari integrè te hæreticum esse, & vt talem condemnari posse, defendit Contrad. Brunus lib. 4. de hæresis, cap. 9. non longe à fine. Albertin. tractat. de agnoscend. assert. quest. 14. num. 2. Simancas de catholic. institut. tit. 64. num. 75. & 76. & adducit pro se D. Thom. 2.2. quest. 70. art. 2.

10 At tenendum est hos duos testes singulares esse, neque omnino, & plenè hæresim probare: sic docuit aliis relatis sapientissimus, & satis de inquisitione bene meritus, Pegna 3. part. direct. comment. 121. circa medium, vers. omiffa igitur. vbi probat manifestè cum Caietano, & Soto D. Thom. huius esse sententiæ, eandem acriter defendit Rojas vocans contrariam periculofam, tract. de hæres. assert. 6. n. 145. Mascard. de probationib. lib. 2. concl. 856. n. 13. Farinacius q. 64. n. 217. vers. si vero. & pro hac opinione facit expresse textus in cap. nihilominus, 3. quest. 9. ibi: neque iterum voces, tanquam plurium admittuntur, quos temporum diuersitas simul interfuisse prohibuit; & notat ibi glossa, & alij innumeri, quos referendo sequitur Farinacius dict. quest. 64. num. 72. Ratio ea est, quia testes deponentes de hæresi commissâ diuerso loco, & tempore, non deponunt de eodem numero actu, sed de diuerso, cum impossibile sit eundem actum. v.g. eandem propositionem hæreticalem longo tempore, imò vix vnico die continuari. Sed testes deponentes de diuerso actu singulares sunt, & non concordantes. Ergo non plenè probant. Neque obstat tempus, & locum non esse de substantia hæresis, neque esse articulata; quia sufficit quòd tempus, & locus inducant diuersitatem hæresis, vt depositiones singulares sint, & non contestes, vt ex Aymon. Albertin. & aliis notauit Farinacius d. q. 64. n. 80.

11 Ad rationem dubitandi respondeo, etsi temporis, & loci diuersitas extrinseca sit hæresi, non tamen est extrinseca, quoad depositionem, cum faciat diuersas depositiones. Adde hanc diuersitatem temporis, & loci non extrinsecam, sed intrinsecam hæresi quoad eius indiuiduitatem videri: siquidem pro varietate temporis, & loci diuersa numero hæresis constituitur. Ad primam confirmationem dico de diuersis actibus deponere, etsi tendant ad eundem finem, ad eandemque hæresim in specie pertineant: sicut si quilibet testis de homicidio commissio hoc mense testaretur, & alius de commissio mense antecedenti. deponerent namque de diuersis homicidiis, & sic essent singulares, singularitate diuersificatiua, quòd si de vno tantum vellent disponere, sibi ipsis obstarent, & fidem tollerent. Ad secundam confirmationem concedo illos duos testes integrè probare furtum; quia probant de eodem actu continuo, non de diuerso: retentio enim eiusdem rei est idem actus continuus, cum prima illius usurpatione. Quotiescumque autem testes deponunt de eodem actu continuo, non singulares, sed contestes dicuntur, vt tradit glossa in d. cap. nihilominus, 3. q. 9. verbo simul, vers. si tamen aliquem actum continuum. & ibi Præposit. n. 7. Caccialup. in l. admonendi, n. 84. ante medium, vers. si vero non est factum instans antequam ff. de iureiur. Petra de fideicommiss. q. 12. n. 625. & 647. & n. 701. & 721. in princ. & aliis in locis, plures referens Farinacius quest. 64. num. 90. & 91. pluribus Ferd. de Castro Sum. Mor. Pars 1.

comprobat testes deponentes per foramen vnum post alium adulterium, copulam, vel alium actum vidisse, integrè probare; quia ex quo vident vnum actum continuatum, simul vidisse dicuntur, vt optimè tradit alios referens Pegna dict. comment. 121. post medium, vers. postremo illud hoc loco. Anton. Gomez tom. 3. rubr. de probat. delictis, cap. 12. num. 12. vers. item etiam intellige. Mascard. de probationib. lib. 2. conclus. 59. num. 17. & 18. & concl. 65. n. 2. At in nostro casu, cum in tam diuerso tempore, & loco eadem numero hæresis continuari non possit, efficitur sanè sic deponentes de diuersa deposuisse, atque adeò singulares testes esse.

12 Sed inquires. Quid si vnus testis deponat te Mahometum adorasse tali loco, & tempore, & alius deponat de eadem adoratione absolurè, absque signatione loci, & temporis, quia illorum non recordatur, an huiusmodi testes contestes sint, & non singulares?

Respondeo esse contestes, sed non integrè, ideòque non plenè ex illis delictum probari. Priorem partem, scilicet esse contestes, defendit Petra de fideicommiss. q. 12. n. 493. 756. 758. & 87. Crotus de testib. p. 7. num. 321. in princ. vers. tertia sit conclusio. Farinacius aliis relatis q. 64. n. 74. Et ratio est, quia testis deponens de delicto absque signatione temporis, conuenit cum deponente de eodem delicto facta temporis signatione; cum vterque de eodem delicto deponat. Ergo in illa depositione in quantum ad substantiam contestes sunt. Secundam verò partem, scilicet non esse integrè contestes ex se patet, quia ad hanc integritatem nihil speciale habere debebat vna depositio ab alia: at vna depositio signat tempus, & locum, quod alia non signat. Ergo. Item quia ex huiusmodi defectu tale testimonium non est plenum. Nam licet in ciuilibus necessarium non sit testi deponenti signare locum, & tempus, præcipuè si antiquum sit, nec de illis interrogatur. At in criminalibus, vbi clariore probationes requiruntur, necessarium est; aliàs testi deponenti de delicto, loco, & tempore non signato fides integra non habetur, vt pluribus relatis defendit Farinacius quest. 64. num. 107.

13 Tertia difficultas est, an duo testes deponentes de eadem hæresi commissâ eodem loco, & tempore, si in verbis discordent, facient plenam probationem? v.g. vnus deponit te tali loco, & tempore dixisse imagines venerandas non esse, alius deponit te dixisse inutilem, & abolendum esse vsum sacrarum imaginum. qua in re Abolend. Albertin. cap. 1. quest. 16. num. 42. de hæresis, in 6. & tractat. de agnoscend. assert. cathol. quest. 34. num. 47. existimat hos testes contestes non esse, sed singulares, hæresimque non plenè probare. Mouetur, quia hæresis verbis commissâ, in verbis consistit: at in verbis huiusmodi testes conformes non sunt; ergo non sunt contestes. Cæterum omnino affirmandum est hos testes contestes esse, & plenè delictum probare, docuit Pegna 3. part. direct. quest. 72. comment. 121. post medium, vers. verum tamen. Rojas tractat. de hæres. 2. part. assert. 6. n. 132. Mascard. concl. 856. num. 18. Farinacius quest. 64. num. 70. & 212. & quest. 65. num. 22. & adducitur Bald. in cap. bone, de elect. vbi dixit, quòd si sunt duo testes, quorum vnus deponit, quòd Titius promissit Seio duos solidos, alter verò quòd promissit 14. denarios, vtrique isti testes erunt contestes, & probabunt, nisi interrogati essent de qualitate vocis, & verborum formalitate: & facit textus in cap. nihil obstat, de verborum significat. ibi, nihil obstat narrandi diuersitas, vbi eadem dicuntur. Ratio autem est, quia ea verba licet materialiter distincta sint, formaliter tamen eadem sunt, quia eundem sensum, eandemque significationem habent, in qua significatione vis verborum consistit. cap. intelligentia, cap. præterea, de verborum significat. Ergo testes de illis deponentes, non diuersi formaliter sunt, sed potius similes, & conformes.

546 De modo iudic. proced. in causis fidei.

Deinde depositio facta per eadem formalia verba suspicionem arguit fallitatis, ex textu in l. 3. §. 1. ibi, *unum, eundemque prameditatum sermonem*, & ibi Doctores ff. de testibus. Petrus de fideicommissi. quest. 12. n. 1111. & 1112. Mascard. lib. 2. de probat. concl. 745. num. 16. & lib. 3. concl. 1368. n. 6. Farinacius pluribus exornans q. 65. n. 24. Ergo discordia in cortice verborum cum omnimoda convenientia in sensu infirmare non potest testimonium deponentium, sed potius illud facit credibilis, ut rectè ex D. Thom. 2. 2. quest. 70. art. 2. ad 2. argument. & ex Soto de iustis. lib. 5. quest. 7. art. 2. ad 1. argument. probat Pegna dict. comment. 121. circa finem, versic. amo usque ad eò. Item satis receptum est inter Doctores modicam contrarietatem testium eorum fidem non infirmare, ut constat ex pluribus, quos referunt Mascard. de probat. lib. 3. conclus. 1361. num. 5. in fine. Farinacius q. 65. num. 34. Sed nulla potest esse minor diuersitas, & extra rei substantiam, quàm diuersitas materialis verborum. Ergo. Adde testes tunc dici contestes, quando inferunt identitatem facti, singulares, quando ex eorum dictis recipit factum separationem. sic Follet. in practica. crimin. verbo, *idem quod commisit falsitatem*, num. 28. Viuian. in communi. opin. verbo testes singulares non faciunt fidem, num. 5. & tradit Caccialup. in l. admonendi, num. 87. post medium, versic. & quando testis, & num. 89. in princ. At ex horum depositione non infertur separata hæresis, sed potius vna, & eadem cognitio. Aduertendum tamen est, si testes de verborum formalitate examinati essent, & vnus de vnis verbis, alius de aliis deponeret, in tali casu nihil probarent, quia tunc in substantia depositionis discordes essent. sic docuit Riminald. consil. 549. num. 7. lib. 3. Roland. consil. 33. num. 22. usque ad finem, lib. 1. Farinacius quest. 64. n. 67. 68. & 69. Mascard. de probat. conclus. 856. num. 19. & concl. 1361. num. 9. & concl. 1368. n. 7. Petrus in tract. de fideicom. q. 12. num. 533. & num. 516. 894. & 1292.

14 Quarta difficultas est in tribus, vel quatuor testibus singularibus omni exceptione maioribus, quorum quilibet de sua propositione, vel actu hæreticali deponit, sufficienter censearis conuictus ad pœnam ordinariam? Affirmant plures nec pœnitendi Doctores. Cæpol. consil. 3. in fine. Marfil. consil. 1. n. 71. & singul. 114. incipiente, *Vulgatum*, & tritum est. Caccialup. in repetit. l. admonendi, ff. de iureiur. vers. *pater igitur*. Franc. Brunus tract. de indic. & tortur. p. 1. q. 2. n. 6. Simancas tract. de hæreticis, tit. 64. n. 77. Tiraquel. de pœnis temper. causa 51. num. 106. & alij relati à Pegna, & Farinac. locis statim allegandis. Fundamentum præcipuum esse potest, quia testes singularitate diuersificatiua deponentes mutuo se iuuant, & depositionem probabiliorem faciunt. Ergo ex hoc adminiculo, & adiutorio probari integrè delictum potest. Item quia non est credibile tot testes spectatæ virtutis, & prudentiæ falsum deponere. Adde manifestum inconueniens, scilicet posse hæreticum plures è populo peruertere, & ad suam falsam opinionem trahere, quin posset conuinci, si vnumquemque solum doceret.

15 Cæterùm credo ex multitudine testium singularium neminem, ut hæreticum in pœnam ordinariam condemnari posse. sic tenuit Beroius in cap. licet causam, num. 43. vers. *istud tamen dictum*, de probat. Crott. de testib. p. 7. n. 326. vers. *sed credo illam non esse veram*. Pegna 3. pars. direct. comment. 121. vers. *atque vi in hac quoque causa*. Rojas tract. de hæret. p. 2. assert. 6. n. 146. & seq. Farinac. q. 64. n. 305. & fauet Concilium Narbonense, & Biturrense, prout refert Pegna supra. Ratio præcipua est; quia non potest integrè, & plenè probari quis hæreticus, quin de illo hæresis integrè, & plenè probetur. At cum testes sunt singulares, hæresis plenè probari non potest; quia hæc probari non potest, nisi probato actu hæreticali. Cum ergo nullus actus hæreticalis integrè, & plenè

probetur; efficitur sanè hæresim nunquam esse plenè probatam. Et confirmo. Vnius depositio cum alterius depositione non coniungitur; quia sunt de re omnino distincta. Si ergo prima depositio in se imperfecta est, & delictum plenè non probat, ex aduentu alterius, quæ de re alia distincta deponit, perfecta reddi non potest. Adde communem illam doctrinam glossæ in cap. veniens, et l. verbo illorum, de testibus, quâque tradit Batt. in l. si quis ex argentariis, §. 1. ff. de edendo. Ex pluribus, inquam, imperfectis probationibus in criminalibus, non coalescere vnâ perfectam, sed semper imperfectas remanere. Denique in aliis criminibus non conceditur perfecta probatio ex multitudine testium singularium. Ergo à fortiori non est concedenda in hoc hæresis crimine, in quo tot genera pœnarum concurrunt, & vberiores, clariorèque probationes requiruntur propter truncatam, & deminutam defensionem reorum, quibus nomina testium non publicantur. Sæpè enim testes, qui aliàs reputantur omni exceptione maiores, iudicarentur inhabiles, & defectuosi, si reo manifestarentur, quia obicere poterat defectum nobis ignotum.

16 Neque obstat fundamentum contrarium. Fateor namque depositiones singulares se mutuo aliqua ratione iuuare, quatenus quælibet magis firma, & probabilis redditur ex alterius consortio, sed talis maior firmitas, & probabilitas cum sit orta à causa extrinseca, scilicet ab alia depositione extrinseca, & accidentaria, non extrahit primam depositionem. v. g. à probatione imperfecta, quam habet, sed illam in suo modo probandi relinquit, ideoque ex multitudine depositionum singularium, quæ imperfectæ sunt, nunquam vnâ probatio integra, & perfecta confurgere potest. argument. l. vnic. C. qui num. tutel. se excus. & l. sanctimus, §. si quis autem, C. de donationib. Ad confirmationem concedo delictum sic probatum præsumi verè esse commissum, ideoque reus illud negans torquendus est. quod si post questionem adhuc in negatiua perseveret, abiurare debet de vehementi, ob vehementem delicti præsumptionem, quæ per torturam in hoc casu purgari satis non potuit, & insuper poterit condemnari in aliqua pecuniaria pœna, vel in pœna carceris, tritremis, iuxta delicti, & personæ qualitatem, & testimonia, quæ contra se habet, quia condemnatione sit satis inconuenienti allegato pro prima sententia. sic docuit alios referens Farinacius quest. 64. num. 218. & 219. Mascard. de probat. lib. 2. conclus. 856. num. 12. & seq. specialiter num. 25. & 26. Pegna dict. comment. 121. post medium vers. *quoties quia*.

§. V.

An duo testes contestes omni exceptione maiores ad probationem plenam huius delicti sufficient.

- 1 Sufficere probatur spectato iuris rigore.
- 2 At in practica nunquam executioni mandatur, si reus probata vita sit.

1 **T**ESTES omni exceptione maiores sunt, qui nullam exceptionem patiuntur. cap. licet, de testibus. Hos ergo & necessarios esse, & ad probationem huius criminis sufficere, manifestè videtur probare textus in cap. nullam, §. sed hoc, in fine, 2. q. 4. ibi, *Duorum, vel trium testium quilibet iure conuincitur, & damnari poteris*, iuxta Euangelium dicens, *In ore duorum, vel trium stat omne verbum*. A qua generali regula nullibi inuenitur hæresis crimen exceptum: & ita hanc sententiam, utpote communem, pluribus exornant Albertin. in repet. cap. 1. de hæreticis, in 6. quest. 16. num. 131. Anton. Gomez tom. 3. variarum, cap. 12. num. 9. Pegna 3. pars. directior. quest. 71. cum

cum Eymer. ibi, comment. 120. vers. horum omnium sententia. Farinacius quest. 63. num. 233. & seqq. & de heresi, quest. 188. num. 55. Lælius Zechius 1. part. tit. de fide, rubr. de heresi, cap. 11. num. 14. versic. quo verò ad numerum. Cxuallos in commun. contra comm. quest. 721. num. 1. Simancas catholic. institut. tit. 51. rubr. de probationibus, num. 8. & tit. 64. rubr. de testibus, n. 36. & in enchirid. tit. 34. rubr. de probationib. n. 4. & alij apud ipsos.

Neque aduersus hoc obstat textus in cap. præsul. 2. q. 4. vbi ad conuincendum Cardinalem, si Episcopus sit, testes 72. requiruntur, si presbyter, 44. si Diaconus vrbis Romanæ, 27. si subdiaconus, acolytus, exorcista, lector, aut ostiarius, 7. Non, inquam, obstat: tum quia ille text. solum loquitur de Cardinalibus, ob eius excellentem dignitatem, cui hæc prærogatiua debetur, vt non ita facile condemnetur. Tum præcipue, quia non loquitur textus de testibus fide dignis, sed de testibus inhabilibus, qui cum à testimonio repellantur, mirum non est, si tot requirantur ad plenam fidem aduersus Cardinalem. Quod autem supradictus textus loquatur de testibus inhabilibus, constat ex dict. cap. nullam, ibi: Sed hoc particulari priuilegio de clericis Romanæ Ecclesiæ intelligitur, vel propter improbitatem quorundam, qui cum non sint spectatæ vitæ, & scientiæ, in accusationem ministrorum Dei repente prosiliunt; quorum verò vita aded laudabilis est, vt omnibus imitanda appareat, de quorum assertionem nulla dubitatio nasci poterit, eorum testimonio duorum, vel trium testium, quilibet iure conuinci, & damnari poterit. Ex quibus verbis manifestè constat dispositionem cap. præsul. emanasse ad reprimendam malitiam aliquorum hominum perditorum, qui aduersus Cardinales, clericosque Romanæ Ecclesiæ prosiliebat accusantes eos, vt hac ratione ab officio remouerentur, ac proinde de his testibus talis numerus copiosus expostulatur ad Cardinalem conuincendum. Adde consuetudine iam recepta supradictam dispositionem cap. præsul. omnino cessasse. sic Decius in cap. si clericus, de indic. in 6. Beronius ibi, num. 8. vers. Decius. Iulius Clarus prætic. crimin. §. fin. quest. 66. vers. debet etiam scire, plures referens Farinacius quest. 63. n. 244.

2 Verum cisi hoc ita sit spectato iuris rigore posse, inquam, ex duorum probatorum testimonio reum conuinci, & in pœnam ordinariam condemnari: at crediderem, si delinquens probatæ vitæ sit, id nunquam fieri debere, sed oportere tres, vel quatuor testes adesse, vel saltem aliqua alia indicia, & circumstantias, quibus præsumatur delictum esse commissum. Ratio ea esse videtur, quia in hoc crimine minuitur multum defensio rei, cum in eius præsentia testes non examinentur; neque eorum nomina illi manifestentur; quibus fortè poterat aliquem defectum obiiicere, ob quem eorum testimonium non leuiter infirmaret. Quapropter Guido Falcon. relatus à Pegna dicto comment. 121. in princip. dixit duos illos testes vix duos esse, eo quod urgente necessitate ordo truncatur. sic docuit Eymeric. 3. part. quest. 71. & ibi Pegna comment. 120. circa finem, versic. quamuis autem hæc vera sint. Rojas tractat. de hereticis, assert. 4. num. 103. & fauent relati à Farinacio quest. 188. num. 56. & 57. Dixi, duobus testibus reum bonæ opinionis conuictum non debere damnari in pœnam ordinariam, quia in aliquam pœnam extraordinariam, arbitrio iudicis optime potest, vt aduertunt relati Doctores, & supponunt omnes.

§. VI.

Qua pœna afficiendus sit testis in hoc tribunali falsum deponens.

1 Qui dicatur testis falsus.

- 2 Testis falsus potest ab Inquisitore torqueri, & puniri.
- 3 An possit Inquisitor sine Episcopo, vel econtrà hunc testem punire? Sub distinctione respondetur.
- 4 Testis falsus in crimine heresis pœna mortis afficiendus est ex plurium sententia.
- 5 At ex consuetudine receptum est pœna arbitraria puniri.
- 6 Excipe, nisi ille contra quem deposuit, vt negatiuum fuerit morte affectus.
- 7 Si testificatus punitus non est, testis non est in pœnam talionis condemnandus, etiam spectato iuris rigore.
- 8 Nulla est differentia inter testem falsum imponentem heresim nunquam damnato, vel iam de illa damnato.
- 9 Pœna arbitraria puniendus est testis falsus pro defensione inquisiti.
- 10 Proponitur obiectio, & soluitur.
- 11 Contra huiusmodi testem, tanquam contra fautorem heretici Inquisitor procedere potest.
- 12 Non euitabis pœnas, tamen si nulla sit eius depositio.
- 13 Quid si testis se ipsum deulit? Pœna est arbitraria puniendus, & mitius.
- 14 Dicta de testibus extenduntur ad corruptentes, mandantes, consulentes, &c.
- 15 Filius, & nepos testis falso condemnati non sunt infames, neque alijs pœnis subijciuntur, quibus subijciuntur hereticorum filij.

1 PRæmitto testem falsum dici non solum eum, qui mendacium dicit, sed etiam, qui veritatem occultat: habetur expresse cap. 1. de crimine falsi. ibi, vterque reus est, & qui veritatem occultat, & qui mendacium dicit, quia & ille prodere non vult, & iste nocere desiderat. Et hos esse falsos testes testatur Farinacius quest. 67. num. 120. nullum habere contradictorem. Modus autem imponendi falsum in crimine heresis est, si propositionem hæreticalem, quam alius recitando, vel interrogando protulit, tu testeris affirmatiue protulisse; falsa enim est talis depositio, & crimen non commissum imponis. sic Pegna 3. part. direct. quest. 37. comment. 122. vers. nec modo sunt. Farinacius q. 188. n. 42. Simancas catholic. institut. tit. 64. rubr. de testib. n. 89. versic. est quoque falsus testis.

2 PRæmitto secundo, testem falsum ab Inquisitore torqueri, & puniri posse. Nam licet satis inter Doctores controuersum sit, an delegatus possit testem alioqui sibi non subditum punire, si in suo tribunali delinquat? Communior sententia defendit, si sit delegatus à Principe id facere posse; vt defendunt pluribus relatis Couarr. prætic. quest. cap. 18. n. 8. vers. quamobrem. Farinacius quest. 67. num. 50. & seqq. Pegna supra, versic. quantum ad primum. Ergo à fortiori id facere poterit Inquisitor, quia non solum est delegatus Principis, scilicet Pontificis ad vnam causam, sed etiam ad plures causas criminales. Deinde, quia consuetudine receptum est habere Inquisitores hanc potestatem, quam consuetudinem testatur adesse Pegna loco allegato, & Farinac. de heresi, quest. 188. num. 40. Adde pro maiori securitate illis hanc potestatem esse concessam à Leone X. rescripto incipiente, Intelleximus, edito anno 1518. cuius tenorem refert Pegna in fine direct. inter litteras Apostolicas. & supradicto comment. 122. & consentit Farinacius supra.

3 Dubium tamen est, an solus Inquisitor, vel solus Episcopus possit hunc testem falsum torquere, & punire? Et quidem si torquendus esset non vt reus, sed vt testis pro depositionis factæ firmitate, certum est à quolibet illorum in causa procedente torqueri posse; quia quilibet illorum potestatem habet inquirendi, & exami-

minandi veritatem, quousque causa in statu sententiae constituitur. Constat autem ad hunc effectum necessitatem esse saepe testis torturam. Efficitur ergo à quolibet illorum dari posse. At si torquendus esset ut reus, quod contingit, cum specialiter contra illum de nouo formatur processus; tunc ab utroque simul, scilicet Inquisitore, & Episcopo torquendus est, neque potest vnus sine alio, iuxta expressum textum in *Clem. 1. de heretico. §. propter. vers. duro tamen tradere carceri*, &c. sic expressè Eymet. 3. p. direct. quest. 73. num. 4. Pegna dict. comm. 122. col. 1. vers. alterum est. Verum si de punitione loquamur, fateor spectato iuris rigore posse Inquisitorem sine Episcopo, & contra testem coram se notoriè, & manifestè falsum punire poena extraordinaria, quia hæc potestas cuilibet delegato Principis in causa criminali conceditur, ut pluribus exornant Clarus in pract. §. fin. quest. 38. vers. sed quare nunquid in fine. Couarr. pract. cap. 18. num. 8. Farinac. quest. 67. num. 48. & seq. & de quolibet delegato habente iurisdictionem puniendi delicta optimè probat Fachin. lib. 9. cap. 26. ex l. nullum. C. de testibus. Nihilominus, quia stat rescriptum Leonis X. remissum ad Inquisitores Aragoniæ anno 1520. cuius meminit Pegna dicto comm. 122. circa finem, versic. illa etiam est. in quo cauetur, ne possint Inquisitores sine Episcopis hunc testem falsum damnare, ideo dicendum est ita obseruari debere: & ita defendit tanquam tutius Pegna supradicto loco. Farinacius quest. 188. num. 41. At cum supradictum rescriptum iurisdictioni ordinariæ, & delegatæ, aliquo modo præiudicet; limitat enim Inquisitori, & Episcopo potestatem puniendi testes falsos, quam ius illis in integrum concedit; ideo ad alios Inquisitores, & Episcopos præter deputatos Aragoniæ videtur non esse extendendum, de illis namque solis loquitur Leo X. ut testatur Pegna supra. Aduerto tamen, si aliquando contingat testem falsum sæculari iudici tradi morte puniendum, id debere ab Inquisitoribus particularibus fieri, consulto supremo Senatu, & non aliter, quia cum agatur de vita hominis, quæ est res grauissima, neque ita certum est in iure hac poena testem falsum esse afficiendum, expedit maximè ne cuiuslibet Inquisitoris particularis iudicio imponatur. sic Pegna dicto comm. 122. vers. iam quamuis. Salzedo pract. cap. 93. vers. in Romana. Farinac. quest. 188. num. 53.

4 Difficultas est, an testis falsò hæresim alicui imponens poena mortis damnandus sit, & curiæ sæculari relinquendus? Affirmatiuam partem tenet Simanc. cathol. instr. tit. 64. rubr. de testibus, num. 86. iuncto num. 90. & in enchirid. viol. relig. tit. 38. rubr. de testibus, num. 2. & 3. Salzedo pract. in addit. ad Bernard. Diaz cap. 93. vers. hic sanè. Anton. Gomez in l. Tauri, 83. num. 8. in fine. Rojas tract. de heretico. p. 2. assert. 8. num. 156. & seqq. Lælius Zech. in sum. 1. p. tit. de fide, rubr. de heresi, cap. 11. num. 14. Mouentur primò, quia in reliquis causis testis falsum imponens punitur eadem poena, qua puniendus erat testificatus; si verum esset obiectum, ut deciditur expressè in l. 1. §. præterea. ff. de fideiuss. ibi, qui falsum testimonium dolo malo dixerit, quo quis publico iudicio rei capitalis damnaretur. & in cap. satis hinc, in fine, 33. quest. 5. postquam dixerat August. virum falsò accusantem de adulterio uxorem suam non debere poena mortis damnari, subditur. In aliis autem falsis eum, qui testimonio falso cuiquam nocuerit, quod si probaretur, ius sit, occidi, eadem plecti iubemus poena, qua fuerat, si verum esset, testis plectendus. Et concordat lex regia, 83. Tauri. ibi, quando se probare que algun testigo depuso falsamente contra alguna persona en alguna causa criminal. en lo qual sino se aueriguasse su dicho ser falso aquel, o aquellos contra quien depuso mereçio pena de muerte. Otra pena corporal, que al tal testigo aueriguandose como fue falso; le sea dada la misma pena contra persona, y bienes, como se le debiera dar a aquel, o aquellos contra quien depuso, siendo su dicho verdadero; caso que en

aquellos contra quien depuso no se execute la tal pena, pusi por ellos no quedo de darsela. lo qual mandamos que se execute en todos los delictos de qualquier calidad que sean. Cum ergo hæresis crimen sit omnium grauissimum, utpote rei publicæ, religionique Christianæ summè perniciosum, efficitur sanè testem deponentem falsò poena mortis damnari non debere; quia illa est poena, quæ imponenda erat testificato, si crimen obiectum verum esset. Secundò probatur ex rescripto Leonis X. supra allegato, in quo Pontifex Inquisitoribus remittit punitionem testis falsi pro qualitate criminis, & circumstantiarum, etiam vsque ad traditionem, & remissionem faciendam brachio sæculari, & hoc a bsque irregularitatis periculo: sed nullus excogitari potest casus, in quo hæc poena testis falsò imponenda sit, nisi cum is, de quo deponitur, illam subire debebat, si verum esset obiectum. Ergo in illo casu poena mortis testis falsus puniri debet. Notanter dixi testem falsum puniendum esse poena mortis, si testificatus illam subire debebat, si vera fuisset depositio: quod non potest verificari, nisi cum hæresim alicui imponit. nam si de alio crimine inferiori, ob quod testificato poena mortis imponenda non est, clarum est neque testi esse imponendam, sed aliam mitiorem iudicis arbitrio, v.g. fustigationis, tritremis, vel oxilij, & pecuniæ. sic Simanc. cathol. instr. tit. 64. rubr. de testib. n. 90. & 91. Pegna dicto comm. 122. vers. ceterum, & vers. quod si leuiter nocuerit. Ignat. Lopez de Salzedo cap. 93. vers. quibus assimilari possunt. Lælius Zech. 1. p. tit. de fide, rubr. de heresi, cap. 11. num. 14. vers. quod si testes, Farinac. quest. 188. num. 51.

5 Nihilominus contraria sententia consuetudine recepta est, scilicet testem falsum in crimine hæresis poena arbitraria puniri, quæ raro, vel nunquam extenditur ad mortis poenam, sed ad fustigationem, vel tritremis, vel utramque poenam simul. sic Ignat. Lopez, supra, cap. 93. vers. in Romana quidem curia. Farinac. quest. 188. num. 39. & de testib. quest. 67. num. 29. Et fundamentum esse potest; quia is cui falsò hæresis crimen imponitur, etiam si verum esset, mortem necessariò non subiret, sed poenitens illam cuitare posset; nisi esset relapsus. Ergo testi non est poena mortis absolutè imponenda, sed alia mitior, æqualis illi, quàm hæreticus verus, & poenitens subire debebat.

6 Dicendum tamen est primò. Poena mortis, & curiæ sæculari omnino tradendum esse testem falsò alicui hæresim imponentem, ob cuius depositionem curiæ sæculari ut negatiuus fuit condemnatus, & obiit: sic ex rescripto Leonis X. docet Pegna dicto comm. 122. vers. illi verò, post princ. Farinac. de testib. quest. 67. num. 21. iuncto num. 14. vbi pluribus Doctoribus, & text. confirmat. & ita in tribunali inquisitionis Logronen. practicum fuit. Et in hoc casu est verissima communis sententia, quæ negat testem falsum admittendum esse ad poenitentiam, sicut hæreticus admittitur ad reconciliationem, de qua Bald. Cynus, Ioan. Andr. Panormit. & alij in cap. excommunicamus. el 2. de hereticis. & tradit Pegna 3. p. direct. comm. 122. circa finem, vers. quasi sum est. Farinac. quest. 188. num. 43. Anton. Gom. leg. 83. Tauri. num. 8. & tradunt omnes Doctores, num. 3. relati. Ratio est, quia ille non solum ut testis falsus, sed ut verè homicida puniendus est. Idem crederem dicendum, si in carcere existens testificatus obiret; quia credendum est testem falsum causam illius mortis fuisse.

7 Dico secundò, si testis falsò hæresim alicui imponeret, si tamen veritas manifestata est, antequam poenam testificatus subiret, probabilius existimo, etiam attento iuris rigore non debere poena mortis affici. Probo, quia poena talionis saltem in foro Ecclesiastico non est recepta. Neque in hoc casu est aliquis textus, cogens illam imponere. Nam textus relatus in cap. satis hinc, præterquam quod non est Pontificius, sed Augustini, non probat

probat eadem pœna plectendum esse testem, qua plectendus erat testificatus, si de facto plexus non fuit. Imò potius contrarium colligitur ex illis verbis, *cum qui testimonio falso cuiquam nocuerit*, quæ nocumentum non attentatum, sed cum effectu important. Item rescriptum Leonis X. hoc clariùs indicat, ubi conceditur facultas libere procedendi absque timore irregularitatis contra eos, qui vel tacendo verum, vel falsum deponendo, vel instigando ad hanc falsam depositionem occiderunt, aut membro aliquo mutilarunt, aut bonis suis omnibus, vel maiori parte spoliarunt, &c. Ecce qua ratione de teste cum effectu damnificante rescriptum intelligitur. Solum video legem regiam Tauri nobis contrariam esse: sed cum illa in crimine hæresis utpote Ecclesiastico nequaquam disponere possit; efficitur sanè in hoc crimine pœnam mortis exequendam non esse, quando cum effectu intestificatum executa non est, licet exequenda foret, si verum esset obiectum: & ita tenet hanc sententiam Farinacius *quæst. 188. n. 48. & q. 67. n. 16. & 17.* Et loquens generaliter de teste in causa capitali falsò deponente, in qua effectus non est sequutus, affirmat pœna capitali non esse puniendum; quia ex consuetudine affectus non sequuto effectu, non punitur eadem pœna. Non enim iustum est eadem pœna punire testem deponentem falsò, ob cuius depositionem nullum testificato damnum irrogatum est, qua punitur testis, ob cuius depositionem falsam testificato mors successit.

8 Dico tertio, nullam esse differentiam inter testem imponentem falsò hæresim alicui de hæresi nunquam damato, vel imponentem falsò hæresim alicui iam de illa damnato; quia in utroque casu testificatus morti erat tradendus, si firma maneret falsa testis depositio. Nam uterque debebat mori, ut impœnitens negatius; cum secundum probabilem sententiam nemini liceat fateri crimen hæresis non commissum. Ergo si testis falsò imponens crimen aliàs damnato, morte plectendus est, etiam plecti debet eadem morte imponens crimen ei, qui nunquam damnatus fuit. Fateor tamen in imponente falsò crimen ei, qui aliàs de hæresi fuit damnatus, efficacius procedere, cum hic nulla via à morte liberari posset, nisi falsitas, & mendacium detegeretur. Nam siue neget hæresim impositam, siue illam fateatur, mortem euitare non potest; quia in vnoquoque damnaretur ut negatius, in alio ut relapsus. At testificatus de hæresi, aliàs de illa nunquam condemnatus suppetit via euadendi mortem, si crimen fateatur. Quod an fieri possit, in sequentibus examinabimus.

9 Dico quarto, si testis pro defensione inquisiti falsum deponat, v.g. negando hæresim, quam sibi constat commississe, obligatusque est reuelare, pœna arbitraria puniendus est, dummodo non accedat ad pœnam mortis, nisi fortè contingeret aliquis casus extraordinarius; in quo ex falsa depositione testis, & veritatis occultatione graue damnum reipublicæ immineret. sic docuit Simancas *cathol. instit. tit. 64. rubr. de testibus, n. 90.* ubi testatur sibi ita rescriptum esse à supremo Senatu inquisitionis: & in Tolerana instructione 4. *cap. 11.* ita haberi. Idem docet in *enchirid. violat. relig. tit. 38. eadem rubr. de testibus, num. 4.* Farinacius *quæst. 188. num. 49.* & loquens generaliter de testibus *quæst. 67. n. 18.* multis relatis exornat. Moucor, quia nullo textu cautum inuenio hanc pœnam imponendam esse testi in defensionem falsi testificantis. Nam rescriptum Leonis X. in quo æqualiter de depositione falsa contra reos, vel in eorū fauorem loquitur, hanc pœnam illis non imponit: solum enim ibi arbitraria pœna decernit omnes illos esse puniendos usque ad relaxationem brachio sæculari, quod nequaquam potest intelligi, quòd hæc relaxatio omnibus debeat; sufficit, si debeat illis, qui sua depositione causa fuerunt, ut aliquis morti iniuste trade-

retur. textus autem in l. 1. §. *præterea, ff. de fidei. &* textus in *cap. satis hinc. 33. q. 5.* expressè loquitur de teste deponente contra reum, non pro reo. Ergo ex huiusmodi depositione non est inferenda testi tam grauis pœna, sed fustigationis, vel triremis, vel utraque simul.

10 Sed obiicies: Grauiori supplicio est dignus, qui grauius offendit; sed qui deponit falsum, occultando hæresim, grauius delinquit, quàm si deponeret falsum illam reuelando. nam ille offendit diuinam maiestatem, hic humanam. Ergo grauius puniri debet. Et confirmo. Qui contra fiscum, & rempublicam deponit, grauiissima pœna est dignus, quàm qui contra priuatum, ex text. in *authent. multo magis, C. de sacrosanct. Eccles.* Sed hic occultans veritatem, contra fiscum, rempublicamque falsum deponit. Ergo. Adde causam esse, ut ille hæreticus defensus, & alij per ipsum morte perpetua damnentur. Si ergo cum est occasio temporalis damnationis vita priuandus venit, à fortiori cum est causa in pluribus damnationis æternæ. Propter hæc Pegna 3. *part. direct. comment. 122. versic. par ratio eorum*, existimat curiæ sæculari tradendum esse hunc falsum testem: consentit Lælius Zech. *sum. 1. part. tit. de fide, rubr. de hæresi, cap. 11. n. 14. vers. quod si testes.*

Verum retinenda est nostra sententia, utpote equior, & benignior, & in practica omnino recepta. Et ad obiectionem omnino respondeo. Primò sæpe grauiora peccata leuioribus pœnis humanis puniri, vel quia grauiora illa peccata non sunt ita frequentia, vel quia non reputantur reipublicæ ita damnosa, ut patet in periurio, & sacrilegio, quod leuiori pœna punitur, quàm homicidium, vel adulterium, cum tamen sint grauiora peccata, & diuinam maiestatem offendunt directè. Secundò respondeo non esse ita certum grauius diuinam maiestatem offendere, qui per falsam depositionem hæreticum occultat, quàm qui catholicum hæreticum facit reputari: cum hic non solum hominem, sed etiam Deum, & rempublicam grauius offendat.

11 Fateor tamen contra huiusmodi testem falsò hæresim occultantem, posse processum formari de crimine fautoriæ, & tanquam fautorem hæreticorum damnari. Illa tamen tunc non erit condemnatio ob præcisam falsitatem; sed potius ob fauorem, & auxilium ex illa hæretico præstitum.

12 Aduertendum omnino est, si testis falsus se ipsum detulit, & complices si fortè habuit plenè manifestauit, mitius cum illo agendum esse, nequè vllò modo morti tradendum, nisi in casu quo testificatus mortem subiisset, sed vel carceri, vel exilio, vel triremibus damnari debet. sic colligitur ex Pegna 3. *part. direct. comment. 122. circa finem, vers. cum verò indices, & vers. multis modis.* Simancas *cathol. instit. tit. 64. n. 95.* alios referens Farinacius *q. 188. n. 43.*

13 Secundò aduerto, si ex aliquo capite testis depositio nulla fuit, non obinde falsi pœnam integrè euitabit, sed solum ordinariam. At extraordinaria arbitrio iudicis puniri debet, quia verè tentauit iniuriam irrogare, & falsitatem commisit, & iudicium offendit: sic ex pluribus firmat Farinacius *q. 67. toto §. 6. n. 193. & specialiter 119.*

14 Dico quintò, quod dictum est de testibus falsis, dicendum est de corruptentibus eos prece, aut pretio, ut falsum dicant. Item de mandantibus, aut persuadentibus ad falsum testimonium, aut etiam de mandantibus alicui, ut testes corrumperet. quia ij omnes efficaciores, & principales causæ falsitatis esse videntur. & ita habetur expressè in rescripto Leonis X. ibi, *qui ad talia committenda minis cogunt, vel pecunia alliciunt, &c.* & infra, *aut alium ad falsum deponendum, aut verum tacendum induxisse.* & notauit Pegna *dicto comment. 122. post medium, versic. atque hoc ipsum.* Salzedo *practic. cap. 93. vers. & quod de testibus.* Farinacius *quæst. 188. n. 44.* Lælius Zechius *sum.*

sum. 1. p. tit. de fide, rubr. de heresi, cap. 11. num. 14. vers. quod si testes. Simanc. *cathol. instit. tit. 64. rubr. de testibus, n. 96. & in enchirid. tit. 38. eadem rubr. de testibus, num. 8.*

15 Dico ultimò. Filius, & nepos falsi testis in crimine heresis condemnati etiam ad poenam mortis non redditur infamis, neque aliis poenis obnoxius, quibus hereticorum filij redduntur. quia nullibi cautum invenitur, & poenae extendendae non sunt, sed potius restringendae, iuxta textum in *cap. odia, de reg. iuris, in 6.* sic tradit Pegna dicto *comm. 122. in fine, versic. postremo questum est.* Sanchez *lib. 2. cap. 27. num. 25.* Farinac. *quest. 188. num. 54.* Simanc. *cathol. instit. tit. 64. rubr. de testibus, n. 92. & in enchirid. tit. 38. eadem rubr. de testibus, num. 5.* Lælius Zech. *summ. 1. p. tit. de fide, rubr. de heresi, cap. 11. num. 14. vers. quod si testes falsum deponant.*

PUNCTUM XVI.

De reo haeretico.

Reus in hoc tribunali & potest esse haeticus, vel de heresi suspectus ob fautoriam. De haeretico, vel de heresi suspecto ob fautoriam, qua ratione adversus illum Inquisitores procedant, satis in superioribus dictum est. omnia enim quae de inquisitione, accusatione, & denunciatione, haeticorumque poenis diximus, huic deseruiunt instituto. Sed pro illius complemento aliquae restant difficultates examinandae.

§. I.

De reo confitente, & reuocante.

- 1 Si falsum sit haesim, ex illa confessione condemnari potest.
- 2 Debet tamen confessio esse specialis, qua specialem haesim declaret.
- 3 Si reuocat confessionem in continenti, vel probet ex errore falsum esse, valida est reuocatio.
- 4 Reuocatio non in continenti facta, neque errore probato non excusat, tamen si alij contrarium sentiant.

1 **C**ontingit saepe haesim quem fateri, & postea reuocare confessionem factam. Dubium ergo est, an possit à iudicibus fidei hic reus condemnari: Et quidem si confessionem non reuocet, clarum est, ex illa condemnari posse; quia nulla clarior probatio huius delicti esse potest, quam illa, quae ex proprio delinquentis ore habetur. ad text. in *cap. vestra, cap. fin. de cohabit. clericorum, & mulier. & l. 1. C. de confessis. l. qui sententiam. C. de poenis.* Et licet in aliis delictis sola confessio, cum de corpore delicti non constat, insufficiens videatur ad condemnandum. *l. 1. §. item illud. ff. ad senatusconsult. Syllani. in vbi Bart. & Bald. in auth. sed non in iure. C. de servis fugitiuis. & Angel. in l. 1. C. de confessis.* At cum hoc crimen interius potius, quam exterius perficiatur, nulla de corpore delicti probatio requiritur, sed sola confessione delinquentis probatum esse censetur: vt aliis relatis docet Pegna *direct. 3. p. num. 117. tit. de defensionibus reorum, comm. 28. in princ. vers. & quamquam.* Simanc. *cathol. instit. tit. 13. rub. de confessis, num. 1.* Malcard. *de probationib. lib. 2. conclus. 859. num. 1. & seqq.* Farinac. *quest. 188. n. 73.* Martin. del Rio *disquisit. lib. 5. sect. 11.* Rojas *tract. de haer. 2. p. num. 255.*

2 Debet tamen haec confessio specialis esse, scilicet quae sufficienter haesim aliquam specialem declaret, aliàs insufficiens erit condemnationi. Quapropter si quis solum generaliter diceret se haeticum fuisse, nisi haesim declaret, non sufficiet haec confessio, vt tanquam haeticus condemnatur, quia fortè ex errore procedet, quo existimat haesim, quae verè haesis non est. Valeret autem si diceret se Lutheranum esse; quia

tunc iam exprimit errores, quibus fuit assensus: sic Simanc. *cathol. instit. tit. 13. num. 3. & 4. & in enchirid. tit. 29. num. 2.* Farinac. *num. 74.* Decian. *tract. crimin. in lib. 3. cap. 35. num. 19.* Rojas *tract. de haeretic. 2. p. num. 268.*

3 Quod si confessionem factam reuocet, distinguendum est, si illam reuocat incontinenti, & in praesentia iudicis, ex illa condemnari non potest, quia credendum est ex lapsu linguae, vel ex metu, aut timore, vel ex alia causa extrinseca factam fuisse. sic Rojas *tract. de haeretic. 2. p. num. 260.* & multis allegatis docet Farinac. *quest. 81. vbi de reo confesso, & conuicto, num. 348.* Si autem iam fuit à iudice, vel à fiscali acceptata, tunc si reuocat, errore probato, valida est reuocatio; neque ex prima confessione condemnari potest. sic Simanc. *tit. 13. n. 13. & 14.* Farinac. *de haesi. quest. 188. num. 75. & quest. 81. vbi de reo confesso, & conuicto agit.* Debet autem non solum errorem probare, sed probare causam quare sic errauit. Hoc autem sufficienter probatur, si probet metum vel à iudice, vel ab alio extrinseco illatum. Item si multum tempus praecessit, in quo obliuio praesumitur potest. sic multos referens Farinac. *d. q. 81. num. 144.*

4 Quod si reuocatio neque in continenti sit, neque errore probato, adhuc existimat Didac. Cantera *quest. criminal. rub. de haeretic. cap. 1. num. 70.* efficacem esse ad infirmendam primam confessionem, ita vt ex illa non possit reus curiae seculari trahi, nisi fortè constaret ex alia reuocatione factam esse: quia prima confessio eatenus efficax est ad sic confessum condemnandum, quatenus in suo robore, & firmitate persistit. At ex reuocatione facta non erit eius firmitas, cum tota firmitas confessionis ex approbatione confitentis prouenit. Ergo tota eius firmitas destruitur ex eiusdem reprobatione. Caeterum haec sententia nulla ratione iustificanda est, sed omnino dicendum cum Farinac. *quest. 188. n. 75.* nullius valoris esse reuocationem confessionis sponte facta errore non probato, sed illa reuocatione non obstante posse, & deperire sic confessum curiae seculari tradi tanquam improbitentem, si vel ipsam confessionem factam non approbat, & criminis poenitentiam expostulat, vel errorem in praecedenti confessione commissum non ostendit. Et ratio est manifesta, quia prima illa confessio semper firma persistit, quoties error in ea commissus non ostenditur; quia nullus praesumitur contra se dicere testimonium falsum, eaque de causa qui reuocat errore non probato, neque causa allegata erroris audiendus non est. Aliàs nullus haeticus confessus damnari posset, cum omnes ante damnationem reuocare confessionem possent: sic tradit loquens in genere de cuiuslibet delicti confessione Paris de Puteo *de syndacatu, verbo tortus, cap. 8. num. 1. vers. cisi confessionem reuocat.* Carrer. *pract. in 1. tract. de appellation. §. tertius casus, num. 23. ad finem. & in 3. tract. de homicidio. §. 1. excusati & num. 24.* Monticel. *reg. 20. n. 7. vers. quod verum.* Franc. Personal. *de indicij. & tortura. post num. 81.* quos refert, & sequitur Farinac. *quest. 81. num. 344.* & faciunt omnia, quae adducit toto illo *cap. 9.*

§. II.

De obligatione haeretici dicendi verum, cum à iudicibus fidei interrogatur.

- 1 Obligatus es fateri veritatem, si legitime interrogaris.
- 2 Si testibus confessoribus conuictus es, & ob hanc causam morti damnaris, teneris crimen fateri, esto extorsione confessione mortem non evites.
- 3 Crimen tibi falso impositum possis ne fateri ad evitandum mortem examinatur, & decisio Doctores remittitur.
- 4 An ob vitanda gravia tormenta possis crimen tibi falso impositum fateri. Proponitur dubitandi ratio.
- 5 Approbatur unico casu exceptio.

Debet

1 **D**eficere potest reus in veritate, vel negando crimen commissum, vel sibi falsum imponendo. & de utroque est dicendum. Primò dubitatur, an hæresim probatam testibus teneris fateri? Non est dubium te obligatum esse illam fateri, si verè commisit, iudice legitime interrogante: quia si in aliis delictis hæc obligatio inest, à fortiori in crimine hæresis. Solum videris excusatus in casu quo ex confessione poena mortis tibi esset imponenda, & negando delictum hanc poenam evitares, tunc si doleas de peccato, & tibi suppetat alia via impetrandi absolutionem ab incurfa excommunicatione, probabilitate non videtur carere te posse in respondendo amphibologia vri; vt bene probat Lessius lib. 2. de iustit. cap. 31. dub. 3. num. 16. 2. editione. quæ omnia latius examiuabimus in tractat. de iudice, teste, & reo.

2 At si testibus contestibus conuictus es, & ob hanc rationem tanquam negatiuus damnaris, credo te obligatum esse sub mortali crimen fateri publicè, neque posse alia via à peccatis absolui: sic docuit Thom. Sanchez lib. 3. in Decalog. cap. 7. num. 11. fin. vers. hinc excipiens. Ratio est, quia media illa confessione euitare potes mortem tibi imminuentem, quam euitare teneris, si cominodè potes, quia non es dominus vitæ. & dato quodd euitare non posses, eo quodd sis relapsus, vel quia non præsumeris ex vero corde conuerri, cum ita tardè ad poenitentiam accesseris: at euitas ne æstimeris impoenitens, & pertinax decedere è vita; ad quam existimationem grauissimum fundamentum præbes. Teneris ergo hoc scandalum euitare. Neque obstat te in aliis delictis obligatum non esse post condemnationem confiteri delictum prius negatum, quia ex illorum negatione non causas scandalum, sicuti causas in negatione hæresis, neque testibus, iudici, aut alteri tertio damnum inferis, vt latè expendit Sanchez loco allegato supra.

3 Secundò dubitatur, an si falsis testibus conuictus sis, & ob eam causam damnaris, possis ad euitandam mortem confiteri crimen tibi falsò impositum? Negat Pegna 3. part. direct. num. 210. comment. 48. versic. quamobrem. Sotus lib. 4. de iustit. & iure, quest. 2. art. 3. conclus. 4. Couarr. lib. 1. variarum, cap. 2. num. 8. Mouetur, tum quia si crimen fateris non commissum, mentiris: mendacium autem illicitum semper est, & in materia graui mortale peccatum. Ergo. Tum quia licet pro tuendo honore possis diuitias effundere, & pro tuenda vita honorem, vtpote rem inferioris ordinis. Hoc autem intelligitur, quando honorem, & diuitias proprias effundis. Secus verò si honor, & diuitiæ alienæ sint. At qui crimen hæresis sibi imponit, non solum eius honorem, & famam lædit, sed etiam filiorum, & nepotum, & consanguineorum. Ergo ex hac parte à criminis confessione impeditur.

Verum hæ rationes non videntur conuincere. Non prima, quia fateri optimè potes crimen non commissum absque mendacio, si subintelligas te commisisse non verè, sed præsumptiue, & in aliorum æstimatione. Non secunda, quia ex confessione criminis non infamas filios, & consanguineos, imò potius minuis infamiam, quæ ex condemnatione ob probationem testium illis prouenire debet. Nam si condemnaris vt negatiuus, filij, & nepotes ab officiis, & beneficiis manent exclusi: secus verò, si facta confessione ad poenitentiam reciperis. Ergo illa confessio potius vtilitatem, quam damnum affert. Deinde si moriaris negatiuus, omnes præsumunt te impoenitentem, & hæreticum mori, ac proinde scandalum omnibus es; facta autem confessione, & ad poenitentiam receptus hoc scandalum reparas, & omnino tollis. Ergo poteris fateri crimen. Adde, quilibet tenetur suam vitam conseruare, quando cominodè potest, sed fatendo crimen sic probatum conseruas

vitam, quam negando crimen, omnino perdis, & ex tali confessione, vt probatum est, nullum tibi neque consanguineis damnum accrescit. Ergo non solum potes crimen sic probatum fateri, sed videris teneri. Propter hæc salua pace tantorum virorum reputarem securè, & probabiliter posse impositum crimen admittere, & pro illo poenitentiam exoptulare. Decisionem tamen remitto iudicio Ecclesiæ, & Doctorum.

4 Tertiò dubitatur, an ob vitanda graua tormenta, possis hæresim non commissam, at semiplenè probatam fateri, & misericordiam exoptulare?

Ratio dubitandi est, quia ob hanc causam potes tibi crimen homicidij, aut furti imponere, etiam si inde mortis sis damnandus, quia cum tanto dolore, & labore non teneris vitam, & honorem conseruare. Sicuti non teneris scissionem membrorum pati, vt vitam conserues. Neque illud est te ipsum occidere, sed potius ab vna continua, & molesta occisione liberare. Iudici autem, & testibus non facis iniuriam, cum ipsi intentum habeant, si crimen fatearis. Ergo nulla superest ratio, ob quam sit illicitum. & ita cum Toletò, Augustino, & Syluest. docet Lessius lib. 2. cap. 11. dub. 7. num. 41. Ergo idem est dicendum in crimine hæresis, præcipue cum ex eius confessione, si ex animo, & corde fiat, non mors, sed vita conceditur. Quodd si dicas illicitam esse hanc confessionem, tum ob infamiam, quæ consanguineis accrescit; tum ob scandalum, quodd præbes te delinquentem efficiendo, facilè responderi potest. Quia sæpè infamia, quæ aliis accrescit, non est tantæ considerationis, ac sunt tormenta, & dolores, quos uegens sustinere debebas: ideòque pensanda sunt, & prudentis arbitrio ponderanda, vt dicit Lessius supra num. 50. Adde tibi imponendo falsum crimen non videris directè consanguineos infamare, & ius illorum lædere; aliàs cum ipsummet crimen comitteres, contra iustitiam debitam honori consanguineorum peccares, & in confessione manifestare deberes, quos haberes consanguineos, vt sic plenè iniustitia facta cognosceretur, quodd est inauditum. Non ergo peccas contra ius debitum consanguineis, fatendo crimen falsum, sed ad summum peccas aduersus charitatem tibi, & illis debitam. At hæc charitas, imò iustitia non videtur cum tam graui damno, & dolore obligare, sicuti non obligat proprio honori; ergo neque alieno. Scandalum autem ex huiusmodi confessione non videtur sequi: tum quia multi censere possunt te falsum esse delictum, non quia commisisti, sed quia tormenta timuisti. Tum etiam, quia si ex confessione delicti aliquod scandalum sequitur, & occasio præbetur aliis id ipsum committendi, poenitentia, & dolore illius sufficienter reparatur. Ergo ex nullo capite hoc esse illicitum apparet.

5 Fateor hanc rationem dubitandi efficacem esse, ac proinde censerem te posse sic reputatum delinquentem crimen tibi falsò impositum approbare ob grauissima, & penè insuperabilia tormenta vitanda. Debes tamen in approbatione vitare mendaciū amphibologia vtens. Solum autem hoc limitandum censerem, si nobilis multò sis, familiamque habeas nobilissimam, & de re publica benemeritam: tunc enim deberes atrocissima sustinere tormenta, ne falsò crimine tibi imposito familiam maculares; quia bonum commune reipublicæ etiam cum vitæ dispendio conseruare, & illæsum custodire teneris. sic colligitur hæc doctrina ex Lessio lib. 2. cap. 11. dub. 7. in fin. n. 50.

§. III.

De hæretico absente contumace.

- 1 Qua ratione citandus est.
- 2 Ad huius defensionem admittitur excusator.

3 Qua

- 3 *Quæ bona huius absentis sequestrantur.*
 4 *Reus mortuus intra annum, neque eius delictum plenè probatum, sistit iudicium, neque ulterius ad condemnationem procedit.*

1 **C**um aduersus absentem proceditur, si delictum plenè probatum non est, citatur publicè in Ecclesia, ut intra 30. dies compareat sub pœna excommunicationis laxe sententiæ: quæ citatio tribus vicibus fit, in qua idem tempus assignatur, & in qualibet illarum denno accusatur eius contumacia, quo termino transacto declaratur reus in excommunicationem incidisse, & annus integer speratur, an compareat: quo non comparente, tanquam hæreticus contumax damnatur, eiusque effigies, seu statua curiæ sæculari comburenda traditur, & bona fisco applicantur à die testificationis, secundum Farinac. *quest. 190. §. 12. num. 21.* Quod si delictum absentis cõtumacis plenè probatum sit, non speratur annus ad eius condemnationem: ut bene dixit Simanc. in *enchirid. tit. 46. num. 5.* sed accusata eius contumacia i. tribunali ad sententiam publicam proceditur.

2 Ad huius defensionem admittitur excusator allegans reum sic citatum nõ posse intra terminum signatum comparere, & pro qualitate excusationum solet prorogari terminus ad comparandum. Et sic in quadam causa, in Compostellana inquisitione anno 1619. fuit ex decreto supremi Senatus prorogatus terminus quatuor mensium.

3 Bona horum absentium in tertium possessorè translata, licet de rigore iuris sequestrari non debeant, si tamen paulo ante citationem fuga præcessit, probati-que faciliè possunt, quæ bona sint, sequestrari debent: sic responsum fuit à supremo Senatu inquisitionis, Inquisitoribus Galletiæ anno 1610. At si fugit reus tempore quo captura exequenda erat, sequestrantur bona pro derelicto habita, vel quæ in potestate vxoris, & filiorum reperiuntur. Quod si hæc discerni non possunt, sequestrantur omnia, quæ in eius domo reperiuntur, quia omnia illa esse fugitivi præsumuntur.

4 Si reus contumax moriatur intra annum, & eius delictum plenè, & concludenter probatum non est, sed contra illum, tanquam contra suspectum procedebatur; tunc sistendum est, neque ulterius ad condemnationem deueniendum, nisi superueniant claræ, & legitimæ probationes. Farinac. *quest. 197. num. 103.* Si autem transacto anno contumaciæ obierit, communior sententia est condemnari posse, ut in *§. seq. dicemus.*

§. IV.

De hæretico defuncto, qua ratione aduersus illum procedi possit.

- 1 *Morte non extinguitur hoc crimen.*
 2 *Si defunctus hæreticus damnetur, debent adesse clara, & dilucida probationes.*
 3 *Quæ sint huius claræ probationes.*
 4 *Pendente processu, si moriatur reus, memoria non damnatur, nisi adsint claræ probationes.*
 5 *Si in excommunicatione ob causam fidei per annum infortuitus, puniri potest.*
 6 *Aduersus fautores hæreticorum non proceditur post mortem.*
 7 *Ad condemnationem defuncti hæretici, citari debent filij & hæredes.*
 8 *Non tenentur hi comparere per se, sufficit si per procuratorem.*
 9 *Quilibet volens defendere defunctum hæreticum admittitur.*
 10 *Facto processu reus absolvendus est, vel condemnandus,*

neque causa haberi potest in pendenti.

- 11 *Possunt procedi aduersus hæreticum defunctum, tametsi dilucide non sit eius hæresis probata? Affirmatiuè respondetur.*
 12 *Dum causa agitur, bona non sunt sequestranda à tertij possessoribus.*
 13 *Firmato processu, & hæresi plenè probata damnandus est, & eius bona fisco applicanda.*
 14 *Si tamen non probatur delictum, neque speratur breui probandum, absolvendus est reus.*
 15 *Si hæreticus pœnitentiam in extremis exposulauit, nunquam est damnandus.*
 16 *Quo tempore præscribatur, ne contra defunctum procedi possit? Probabilius est quadriennio præscribi.*

1 **D**icendum est primò, etsi omnia crimina committentis morte extinguantur, l. defuncto. ff. de publicis iudicijs. l. prima, cum alijs. C. si reus, vel accusator mortuus fuerit. l. pupillum. §. in hæredem. ff. de reg. iur. l. ex iudiciorum, in fine. ff. de accusationib. l. prima, C. ne ex delicto defunctorum, & alijs. non tamen extinguitur hoc crimen, sicut nec crimen læsæ maiestatis humanæ. ex l. ult. C. ad leg. lul. maiest. & est text. expressus in l. Manichæos. §. 2. vers. in mortem. C. de hæreticis. ibi, in mortem quoque inquisitio extendatur. nam si in criminibus maiestatis licet memoriam accusare defuncti, non immeritò & hic debet subire tale iudicium. Idem habetur clarè in cap. accusatus. §. in eo verò, de hæreticis. in 6. & cap. si quis Episcopus, eodem tit. de hæretic. cap. fin. 24. *quest. 3. cap. filij, de hæreticis. in 6.* & alijs pluribus, quæ congerit Farinac. q. 10. num. 37.

2 Dico secundò, ut hæreticus defunctus damnetur, requiruntur claræ, & dilucidæ probationes in hæresi decessisse: si enim viuens damnari non potest, nisi legitime confessus, vel conuictus; à fortiori nec defunctus, qui iure se defendendi caret. Dices damnari non posse vt hæreticum: at bene vt de hæresi suspectum. Respondeo nulla ratione id sustineri posse; quia solum in supradictis textibus cõceditur aduersus hæreticum condemnatio, non aduersus hæresis suspectum, & infamatum: quod constat, quia ad confiscationem bonorum proceditur, ex dicto cap. accusatus. quæ confiscatio suspecto de hæresi conuenire non potest. Item quia suspiciones hæresis morte delinquentis extinguuntur. ex dicto cap. accusatus. §. si verò. & ita tenet Simanc. *ca. catholic. instit. tit. 18. rubr. de defunctis, num. 13. & tit. 46. rubr. de pœnis, num. 77. & in enchirid. tit. 62. rubr. de mortuis, n. 6.* Farinac. *quest. 197. num. 103.* Pegna 3. p. direct. comm. 92. vers. & ratio quidem. Vmbert. Locat. in iudic. inquisit. verbo cadauera. num. 1. in fine, verbo filij. num. 13. & verbo defunctus. vers. secundo, in fine.

3 Hæresis autem plenè, & sufficienter probatur, si illam viuens confessus fuit, nec pœnituit; quia tunc tanquam pertinax, qui noluit Ecclesiæ reconciliari, condemnandus est. Ad huius probationem reducitur, si in carcere existens seipsum interemit; quia illa est quædam criminis confessio: credendum est enim ex conscientia criminis se interfecisse, neque voluisse de illo pœnitere: sic Gundifalu. *trait. de hæretic. quest. 22. num. 1. in fine. vers. conuincitur autem.* Pegna 3. p. comm. 42. vers. quod ipsum in eo. & vers. de illo qui in carcere. Farinac. *quest. 197. num. 90.* Simanc. *tit. 18. catholic. instit. num. 31.* Secundò probatur testibus, qui debent esse omni exceptione maiores, aliàs plenè, & concludenter non probabunt.

4 Hinc fit si pendente processu mortuus fuerit inquisitus, eius memoria damnari non poterit, nisi aliunde plenè, & concludenter hæresis probata fuerit. tum quia infamatus de hæresi, hæreticus non est, tum quia eo ipso hæres defuncti censetur innocentiam probasse, dum malitia defuncti plenè probata non est: sic ex Simanc.

Simanc. Deciano, & aliis notauit Farinacius *quæst.* 197. *num.* 99.

5 Dubium est, an hæresis probata sit sufficienter, ex eo quod probetur extitisse quis contumax per annum in excommunicatione ob causam fidei; & sic mortuum esse? Et ratio dubij est, quia ille non est verè hæreticus, sed solum iuris fictione. Ergo lex eximens crimen hæresis à generali regula, qua omnia crimina morte delinquentis extinguuntur, de vero crimine hæresis, & non præsumpto, debet intelligi. At credo probabilius sufficienter hæresim illius probari. Si enim illa probatio viuente delincente sufficeret ad illum tanquam hæreticum declarandum, & condemnandum, cur mortuo ipso sufficere non debet? Siquidem iam à iure illa contumacia tanquam legitima probatio hæresis, & non tantum suspiciōis illius admissa est: & ita tenet Clatus *præf. §. hæresis, num.* 19. *versum de crimine, in fine.* Decian. *tractat. crimin. lib. 5. cap. 57. num.* 6. Farinacius *q.* 197. *n.* 93.

6 Fit secundò aduersus fautores, defensores, receptatores hæreticorum, nequaquam post mortem procedi posse: habetur expressè *cap. accusatus, §. si verò, de hæret. in 6.* ibi eius hæredibus non est satisfactio pro extincto iam crimine iniungenda. Et ratio est clara, quia non sunt hæretici, sed de hæresi suspecti. Solum autem crimen hæresis post mortem delinquentis puniendum seruatur. Ergo non horum crimen: & ita pluribus relatis docet Pegna *comment.* 92. *ante medium, vers. alterum caput.* Simancas *catolic. instit. tit. 4. rubr. de accusat. num.* 5. Decian. *tractat. crimin. lib. 5. cap. 51. num.* 35. Farinac. *q.* 197. *num.* 104.

7 Dico tertio. Hæretici memoria condemnari non potest, nisi prius citentur filij, & hæredes, quorum interest, siue sint præsentēs, siue absentes, siue certi, siue incerti; quia iusta defensio nemini est deneganda. Cum ergo filij, & hæredes grauissimum damnum patiantur ex defuncti condemnatione, tum infamatum in bonis, quæ ab illis auferuntur, citari debent, vt si velint inquisitum defendere, allegare possint, si quid habeant in eius defensionem. Vt autem hoc facere possint, danda est illis copia indiciorum, & accusationum, quia nullus excogitari potest aptior modus defendendi defunctum, quàm probationes in contrarium infirmando. sic Decian. *tractat. crimin. lib. 5. cap. 57. n.* 8. Pegna *3. p. direct. comment.* 92. *circa fin. versic. cum reus moritur.* Farinac. *q.* 197. *num.* 106.

8 Hi verò filij, & hæredes non tenentur per se comparere; sufficit, si per procuratorem compareant, & sic comparendo audiendi sunt. sic Farinac. *suprà num.* 83. & *num.* 106. Simancas *in enchirid. tit. 43. rubr. de procuratoribus, num.* 3. Solum à defensione hæretici defuncti, qui consolationem in extremis ab hæreticis exposulauit, excluduntur filij, eiusque domestici, nisi velint probare non sanæ mentis hæc fecisse, iuxta *cap. filij, de hæret. in 6.* quæ prohibitio ad aliam quamcumque defensionem non extenditur, vt ex Deciano notauit Farinac. *q.* 197. *num.* 111.

9 Dubium tamen est, an quilibet à populo volens hæreticum defunctum defendere, admitti debeat? Negat Ioan. Rojas *singul.* 39. Neque ratio ei deest. nam si filius non est, neque hæres, neque illius consanguineus, sua non interest illius condemnatio. Ergo assumens illius partes videtur esse hæreticorum fautor, & defensor. Cæterum communis sententia, & tenenda asserit, quemlibet volentem sic citatum defendere, admitti debere. Ratio est, quia vtiliter gerit negotium Ecclesiæ, & religionis; cum enim Ecclesia suis edictis citet ad comparandum eos, qui defunctum velint defendere, & casu quo nullus compareret, ex officio signat defensorem, vt Doctores statim allegandi, tradunt, efficitur sanè assumentem defensionis officium, negotium

Ferd. de Castro Sum. Mor. Pars I.

Ecclesiæ facere, & non proprium. Adde. Appellatio cuiuslibet pro morte damnato admitti solet. Ergo etiam admitti debet hæc defensio, cum vtraque in charitate funderetur. Neque obinde dici potest hæreticorum defensor, quia vsquedum condemnatus sit, non constat hæreticum esse: solum enim constat ipsum, eiusque filios, hæredes, & consanguineos in summo discrimine, & periculo grauissimi damni versari, quod si iuste auerti potest, charitas petit, vt auertatur. sic Simancas *catolic. instit. cap. 18. num.* 15. & *in enchirid. tit. 62. rubr. de mortuis, n.* 8. Decian. *tractat. crimin. lib. 5. cap. 37. n.* 31. Farinac. *q.* 197. *num.* 108. Pegna *direct. 3. part. q.* 92. *versic. eo termino elapso, & seqq.* Gundisalu. *tractat. de hæreticis, quæst.* 22. *num.* 9.

10 Dico quarto. Facta citatione, & processu formato ea breuitate, qua fieri possit, vel reus defunctus absolueudus est, vel condemnandus: neque enim in suspensio causam Inquisitores habere possunt, quia id cederet in grauissimum filiorum, & hæredum præiudicium, quibus & matrimonia, & contractus celebrare multum ex illa suspensione impediretur; cum nullus auderet contrahere cum illis, quorum ascendens periculo damnationis est expositus, & quorum contractus periculum rescissionis subeunt, quorumque diuitiæ auferendæ sunt. sic ex Abulensi instructione anno 1498. lata pro Inquisitoribus Hispanis notauit Pegna *d. comm.* 92. *vers. obseruandum etiam censeo.*

11 Nunquam tamen debent Inquisitores defunctum citare, & causam contra eius memoriam prosequi, nisi plenam, dilucidamque probationem in hæresi decessisse habeant. sic notauit Rojas *tractat. de hæreticis, 2. part. n.* 30. & adducit instructionem Granatensem, Hispalensem, & Madrilianam. Simancas *catolic. instit. tit. 18. rubr. de defunctis, num.* 12. & 19. & *in enchirid. tit. 62. rubr. de mortuis, num.* 5. Farinac. *quæst.* 197. *num.* 120. Pegna *3. part. direct. comment.* 92. *post medium, versic. in hac causa.* Sed certè spectato iuris rigore censeo aduersus hæreticum, semiplenè probatum, inquiri posse, & causam agere: si enim aduersus illum viuentem instituta erat inquisitio, & processu pendenti mortuus fuit, poterit Inquisitor prosequi; quia semper censetur prosequi causam aduersus hæreticum. sic Decian. *lib. 5. crimin. cap. 57. num.* 6. & 9. Farinacius *quæst.* 197. *num.* 99. & 100. Aliàs si semper causa defuncti ante citationem hæredum plenè probari debet, frustraneè ad eius defensionem hæredes citantur.

12 Interim tamen quo causa formatur, quousque sententia accedat, non sunt bona à possessoribus sequestranda, quia ipsi non deliquerunt, & cum rite possederint, non debent in casu dubio illorum vsu priuari. sic Pegna *dict. comment.* 92. *versic. tamen si verò.* Farinacius *q.* 197. *n.* 102.

13 Formato ergo processu, si hæresis est plenè probata, damnandus est, eiusque bona fisco sunt applicanda, etiamsi ad tertium deuenierint possessorem, & eius ossa exhumanda, si fortè à Catholicis possunt distinguui; ac tandem eius effigiem, seu statuem comburendam: sic plurimi relati à Farinac. *q.* 197. *n.* 92. & 94. & *q.* 10. *n.* 38. Forma autem sententiæ optima est, quæ deducitur ex ea, quæ lata fuit in Concilio Constantiensi, *sess.* 8. aduersus Ioan. VVicleff hæreticum, quam refert Pegna *dicto comment.* 92. *circa finem.*

14 Quod si hæresis plenè probata non sit, neque spectatur breuissimo tempore probanda, absolueudus est reus, ne eius fama patiatur detrimentum, nè filij, & hæredes grauentur. In hac enim absolutione nullum Ecclesiæ, neque fisco sequitur inconueniens: siquidem superuenientibus nouis probationibus, ex illis iunctis iis, quæ antea erant in processu, poterit sic absolutus condemnari, vt bene aduertit Pegna *suprà d. comm.* 92. *post med. versic. quod si fortassis.*

15 Notanter semper fui locutus de hæretico sic decedente, nam si in extremis signa contritionis exhibuit, & iudicialiter ob temporis angustiam absolui non potuit, nequaquam eius memoria est damnanda, sed potius debet ad reconciliationem admitti, ex text. in cap. à nobis, el. 2. de sent. excom. & argumento à contrario sensu colligitur ex cap. filij, de heret. in 6. & multis exornat Vmbert. Locat. in iud. inquisit. verbo caducum, n. 1. fin. & verbo filij, n. 13. fin. & verbo Inquisitor, n. 25. Farinacius q. 193. num. 20. & 21.

16 Dico ultimò varias esse Doctorum sententias, super tempus, in quo præscribitur, ne contra defunctum procedi possit. Aliqui enim neque contemnendi Doctores affirmant quinquennio præscribi, alij vicennio, alij tricennio, alij quadricennio, alij denique existimant nullo tempore præscribi, quorum opiniones refert Vmbert. Locat. in iud. inquisit. verbo caducum, n. 5. Decian. grat. crim. lib. 5. cap. 57. n. 12. Rojas tr. de heret. 2. p. n. 193. & sing. 50. Pegna 3. p. direct. comm. 92. vers. his ita positis, & seqq. Farinac. q. 197. n. 112. & q. 10. n. 82. In qua diuersitate illa mihi verior sententia apparet, quæ affirmat solo quadricennio præscribi: cum enim ius confiscandi bona hæreticorum dixerimus quadricennio præscribi, & hoc ius sit accessorium memoriæ defuncti damnatæ, efficitur & toto illo tempore memoriam defuncti damnari posse: sic pluribus comprobatur Rojas supra. Mascard. de probat. lib. 1. concl. 112. n. 29. & Farinac. q. 10. n. 82. vers. tu dic. Neque audiendi sunt Doctores, qui inter damnationem memoriæ defuncti, & confiscationem suorum bonorum constituunt differentiam: ij sunt Baiard. ad Clarum, §. heresit, n. 27. Felin. cap. cum nobis, de præscript. n. 52. relatus à Deciano lib. 5. crimin. cap. 57. num. 12. ante medium, qui affirmant quinquennio præscribi in damnatione memoriæ defuncti, & in confiscatione quadricennio. Alij e contra in confiscatione dicunt quadricennio præscribi, iuxta textum in cap. 2. de præscript. lib. 6. In damnatione autem memoriæ, & in aliis hæreticorum pœnis nullo tempore præscribi. sic Pegna suprad. comm. 92. circa princ. vers. his ita positis. Thomas Sanchez lib. 2. cap. 22. n. 42. Azor 3. p. instr. lib. 1. cap. 18. vers. nihilominus. Grassis lib. 2. suarum decis. cap. 11. n. 12. vers. & hæc intellige. Non, inquam, inaudiendi sunt, tum quia, ut bene dicit Farinac. q. 197. n. 116. hæc distinctio nec iure, nec ratione fundatur, tum quia confiscatio accessoria est memoriæ defuncti condemnatæ, taliter quòd non requiritur specialis sententia super bonorum confiscatione, sed eo ipso, quòd memoria defuncti damnatur, bona ipsius manent fisco addicta, & illa liberè occupat. Ergo si memoria defuncti non nisi infra quinquennium damnari potest, neque confiscatio ultra locum habebit, vel e contra si memoria defuncti damnari potest, & confiscatio, quæ illi accessoria est, semper durare debet.

§. V.

De reo adorante dæmonem, seu de lamiis,
vulgò *Bruxas*.

- 1 Qui adorat dæmonem, præter bonorum confiscationem, alias pœnas incurrit.
- 2 Ad horum capturam liquidiores probationes, quàm in alijs delictis requiruntur.
- 3 Si ipsi rei se detulerint, ad reconciliationem secretam admittuntur.
- 4 Quando absolutio ad cautelam, & abiuratio commissarijs remittatur.

1 **S**i exhibeat cultum dæmoni, ex affectu illum reuerendi absque intellectus errore, etsi hæreticus non sit, quia tamen est verus idololatra, incurrit præter

bonorum publicationem, alias pœnas adversus hæreticos latus, & extrauag. Ioan. XXI. quæ incipit, *Super illius specula*, quàmque ad verbum refert Pegna direct. inquisit. 2. p. q. 43. post n. 9. esto aliqui dicant vlti non esse receptam. Quòd si reueretur dæmonem ex metu, vel avaritia, vel ex alio affectu, supradictam pœnam excommunicationis non incurrit, quia non est verus idololatra. Sanchez lib. 2. in Decal. cap. 7. n. 10.

2 Ad horum capturam grauissima indicia, & probationes liquidiores, & clariores quàm in alijs delictis requiruntur ob periculum falsitatis, quod experientia teste compertum est. Quapropter ex depositione præcis complicum, qui de aliquo testantur adfuisse in conuentu, & congregatione lamiarum adorantium dæmonem, ibique adorasse, non capitur reus, quia sæpè per illusionem dæmonis, aliqui probatæ virtutis in hoc conuentu apparere videntur; cum tamen verè non appareant. Item sæpè existimant lamie corporaliter apparere, cum solum in repræsentatione adsint. sic Farinacius q. 185. n. 152. sine, & q. 188. n. 76. vers. imò ex depositionibus. Quapropter nisi cum illorum depositione constet simul de aliquo actu exteriori. v.g. de nece alicuius hominis, vel aliquorum animalium, vel apud testificatum appareant aliqua vnguenta, & animalia immunda, nempe bufones, & angues, ex quibus vehemens præsumptio delicti oriatur, nunquam capturæ traditur, iuxta quandam Madrilianam instructionem, quæ est 15. & 20. circa lamiis, edita anno 1612. occasione cuiusdam actus publici Logronensi ciuitate celebrati, in quo plures condemnati sunt, & postea compertum fuit plures fallacias in condemnatione adfuisse, ob quas bona eorum, qui ibidem damnati sunt, fisco addicta non fuerunt, neque eorum sententiæ Ecclesiis fuerunt affixæ, & insuper reconciliati, declarati fuerunt habiles cuilibet inquisitionis officio.

3 Si huiusmodi lamie se ipsas detulerint, & falsè fuerint dæmonem adorasse, illique credidisse, & à nostra fide verè & ex animo apostatasse, ad reconciliationem admittuntur secretam, iuxta practicam inquisitionis Hispaniæ, neque eorum bona confiscantur, neque habitus pœnitentialis eis imponitur. habetur in instructione Madriliana 14. edita anno 1613. Quòd si hæ post hanc abiurationem relabantur, etsi de rigore iura tanquam relapsæ brachio sæculari tradendæ essent, nihilominus in Hispania, iuxta instructionem supradictam, & alias inquisitioni Logronensi remissas ad reconciliationem admittuntur bis, & ter. Si autem hi delinquentes in minori ætate, v.g. ante 12. vel 14. annum deliquerint, solum ad cautelam absoluntur, esto in alijs delictis, si fuerint doli capaces, absolutio absolute concedatur, iuxta supradictam instructionem.

4 Verùm si hi delinquentes, & spontaneè confitentes fateantur tantum adfuisse in conuentu, & congregatione lamiarum adorantium dæmonem, absque apostasia à fide, tunc absolutio ad cautelam, & abiuratio commissarijs remitti solet.

§. VI.

De Iudæis, Mauris, aliisque infidelibus
non baptizatis.

- 1 Si nostram fidem, & religionem directè offendant, iudicibus fidei traduntur puniendi.
- 2 Idem est, si contra nostram fidem, & suam delinquit.
- 3 Qui communiter reputatur baptizatus, si aduersus nostram fidem delinquit, puniatur.
- 4 Ab Inquisitore simul cum ordinario puniendi sunt.

1 **A**licui videri posset hos nequaquam à iudicibus fidei puniri posse, quia sunt extra Ecclesiam:

factum : quod quidem solum verum est, quando aduersus suam legem, & non specialiter aduersus nostram delinquit. At cum sæpe nostram religionem offendant, iudicibus fidei, ad quos pertinet illam custodire immaculatam, & à quibuscumque contrariis defendere subiecti sunt, ob hanc rationem colligitur hæc potestas, ex cap. *contra Christianos, de hereticis*, in 6: & ex extrauag. Gregor. XI. incipiente, *Admodum dolenter audiui*, & ex constitutione Gregor. XIII. edita anno 1581. incipiente, *Antiqua Iudeorum improbitas*, quæ referuntur à Pegna inter litteras Apostolicas, in fine directior. Quocirca si aliquis Iudæus non baptizatus violat Ecclesias, sacramenta contemnit, & irridet, blasphemias in Christum iactat, pro qualitate criminis puniri debet. Item si persuadet Christianos, ut fidem abneget, & abnegantes recipit, & abscondit, fauoremque præstat hæreticis, ne ab Inquisitoribus capiantur, tanquam fautores hæreticorum puniendus est, pœna scilicet arbitraria, fustigationis, triremis, exilij, pecuniæ, necnon & alia atrociori, prout Inquisitoribus visum fuerit, etiam vsque ad relaxationem: sic habetur expressè in supradictis decretis, & tradit Hippolyt. Riminald. *consil. crimin. diuers.* 83. num. 4. lib. 2. Campeg. in *addit. ad Zanch. tract. de hereticis*, quæst. 9. num. 11. Rojas *tractat. de hereticis*, 1. part. n. 557. & seq. Farinacius quæst. 178. §. 6. num. 143. Eymeric. *directior. 2. part. quæst. 46. per totam*, & ibi Pegna *comment. 71. & comm. 69. vers. seruium est*, & seqq. Azor *institutionum moralium* 1. part. lib. 8. cap. 22. rubric. *de obstinata Iudeorum perfidia*, quæst. 12. & alij apud ipsos.

2 Maior difficultas est, si Iudæus, & paganus in iis, quæ sunt nostræ, & suæ fidei communia, delinquit, an tunc, ab Inquisitoribus puniri possit. v. g. si neget Deum esse, dæmones adoret, inuocet, & sacrificia eis offerat. quâ in re, etsi aliqui contrarium asserant, omnino dicendum est ab Inquisitoribus puniri posse, neque de hæreticis dubitare, cum expressè decretum sit à Gregor. XIII. in dicta constitutione, incipiente, *Antiqua Iudeorum improbitas*, ubi recensentur casus, in quibus Inquisitores possunt aduersus Iudæos, aliosque infideles procedere. Et primo loco ponitur is, de quo agimus per hæc verba: Si quis Iudæus, aut infidelis in his, quæ circa fidem cum illis nobis sunt communia, veluti Deum vnum, æternum, omnipotentem, creatorem omnium visibilium, & invisibilium, & similia non esse asseruerit, prædicauerit, vel priuatim alicui insinauerit, Inquisitorum hæreticæ prauitatis iudicio subiacebit, &c. Et ita notant referentes supradictam constitutionem, Pegna 2. part. *directior. quæst. 46. comment. 71. post princ.* Farinacius quæst. 178. num. 146. Azor 1. part. lib. 8. cap. 22. quæst. 12. Didac. Cantera in *suis quæst. crimin. rubr. de hereticis*, cap. 1. num. 72. Ratio est, quia sic delinquendo nostram fidem oppugnant, & offendunt. Competit ergo iudicibus fidei eam defendere, & offensorem punire, & media offensorum punitione audaciam aliorum reprimere. Debent autem hæc delicta in præsentia Christianorum fieri, ut sic censeantur malo suo exemplo Christianos mouere; aliàs non videtur esse specialis offensio, & oppugnatio fidei, neque locus defensionis. sic Pegna *dicto comment. 71. vers. si ergo, in fine*. Omitto plures textus, & rationes, quibus hæc doctrina impugnari potest; quia illis omnibus satis facit plenè Eymeric. *dicta quæst. 46.* De forma autem abiurandi hos errores, vide Pegnam *supradict. comment. 71. in fine*.

3 Rursus contingere potest aliquem baptizatum non esse. At in communi hominum æstimatione sic reputari; quia inter Christianos nutritus est, qui quidem si aduersus nostram fidem delinquit, etsi hæreticus non sit, tanquam hæreticus est puniendus, quia offendit religionem nostram, quam exterius saltem profi-

teretur. sic Farinacius quæst. 178. num. 135. Simancas *causalibus institut. tit. 31. rubr. de hereticis*, num. 5. Azor 1. part. lib. 8. cap. 9. quæst. 3. vers. *si querat*. Et iuxta hanc doctrinam CæsarAugustæ anno 1619. quidam Maurus, qui aduersus nostram fidem deliquit, reconciliatus est; etiam si allegauit baptizatum non esse, in cuius confirmationem in libro suæ parochiæ non fuit inuentus scriptus.

4 Denique aduerte, quoties hi Iudæi, & infideles puniendi sunt, ab Inquisitore simul cum ordinario puniri debere, neque posse vnum sine alio, iuxta Clement. 1. *si duro, de hereticis*. sic Squallicen. *tract. de fide cathol. cap. 46. ad finem*. Pegna 2. part. *directior. quæst. 44. comment. 69. in medio, vers. illud hic non est omittendum*. Farinacius quæst. 178. num. 147.

§. VII.

De fautoribus hæreticorum impediendis,
& vsurpantibus S. Inquisitionis
officium.

- 1 *Examinari debet, an fautor sis factus hæretico, qua ratio, an quatenus amicus, vel consanguineus.*
- 2 *Idem est de impediendo officium inquisitionis.*
- 3 *Quæ pœna sint ijs imposita, & qua ratione contingat sanctum Officium impedire.*
- 4 *Vsurpans officium inquisitionis ab Inquisitoribus puniatur pro qualitate causæ.*

1 **E**XACTè inuestigandum est, an fauor præstitus sit hæreticis, quatenus tales sunt, an solum quatenus sunt consanguinei, vel amici: nam in vno casu contrahunt pœnas fautoribus impositas, videlicet excommunicationem, & alias arbitrio iudicis imponendas, pro qualitate criminis, scilicet pecuniæ, triremis, fustigationis, & similibus, & de leui abiurant. In alio autem casu à supradictis pœnis excusantur, ut latius diximus, cum de his suspectis in fide sermonem instituimus. Modos cognoscendi, qui fautores hæreticorum sint, recenset Farinacius quæst. 182. n. 10. Pegna *directior. 2. p. q. 53. comm. 78. vers. secundo, & seqq.*

2 Idem quod dictum est de fautoribus, dicendum est de impediendis inquisitionis officium; verè enim hæreticorum fautores sunt, & de hæresi suspecti, & grauius delinquent quibuscumque aliis fautoribus, & sic grauius puniendi sunt.

3 Quapropter ex constitutione Innocent. IV. edita anno 1252. & Clem. IV. edita anno 1265. vtrique incipiente, *Ad extirpanda*, quæque refert Pegna, inter litteras Apostolicas, & in *directior. 2. p. q. 52. comment. 77.* Qui hæreticum captum de manibus ministri eripere ausus fuerit, vel impederit ne capiat, vel aliquo modo auxilium, consilium, vel fauorem ad liberandum præstiterit, siue id faciat vi, & armis, siue clamoribus, & monitionibus, quibus auditis fugit delinquens, perpetuò relegatur cum publicatione bonorum. At huic delicto Pius V. in quadam sua constitutione edita anno 1569. incipiente, *Si de protegendis*, præcedentium confirmatoria, pœnam mortis, & confiscationis bonorum, ac reliquas omnes pœnas, quibus rei latæ maiestatis humanæ afficiuntur, imposuit: cuius Bullæ tenorem refert Pegna inter litteras Apostolicas, illiusque mentionem facit Farin. *de her. q. 182. n. 96.* Fateor hanc partem mortis nunquā ob hoc crimen præcisè imponi, nisi in aliquo casu raro, & extraordinario, in quo simul cum defensione hæretici occisio, seu grauis alicuius ministri inquisitionis vulneratio coniungeretur; tunc enim sic delinquens curiæ seculari relaxatur, esto fateatur se hæreticum esse, & pœnitentiam expostulet, & ad reconciliationem admittatur. Ad idem est qui fingeret se esse hæreticum

illum capiendum, & loco illius se submitteret, vel alium submittere faceret, vt sic hæreticum à potestate inquisitionis liberet: hic enim tanquam fautor hæreticorum, & inquisitionis officij impeditor puniendus est. Ex supradictis autem constitutionibus Innocentij IV. & Clement. IV. qui sic se supponit, carceri perpetuo mancipatur; qui verò alterum submittit, publicatis bonis omnibus, in perpetuum relegatur, & suppositus si fuit in dolo, mancipatur perpetuo carceri, sic notauit Farinacius *quest. 182. num. 98.*

4 Rursus huic tribunali subiectus est reus vsurpans officium Inquisitoris, Notarij, aut alterius ministri, quia offendit sanctissimam huius tribunalis iurisdictionem; meritoque ab eius iudicibus coërceri debet. Sed qua pœna puniatur, non constat. Examinanda enim est diligenter causa vsurpationis: nam si officium vsurpauit, vt se ab aliquo periculo, in quod fuit coniectus, liberaret, nec alicui nocuit; leuiter est puniendus, reprehensione aliqua verbali secretò in tribunali facta, & pœna aliqua pecuniaria, vel exilio per aliquot annos: sic colligitur ex iis, quæ tradit Menochius *de arbitr. lib. 2. casu 306. à num. 14.* vbi probat fallitatem, quæ nemini nocuit, nec nocere potest, non pœna falsi, sed aliqua extraordinaria puniri. At si officium inquisitionis vsurpauit, vt aliquos terretet, & concuteret, vel pecunias extorqueret, aut alia crimina præstaret, in actu publico est producendus, ibique legenda est eius sententia, vt aliquoties vidi. Sententia autem solet esse pecuniaria, fustigationis, & triremis pro qualitate delicti. sic docuit Simancas *catholic. institut. tit. 46. col. ult. & in enchirid. cap. ult. num. 15.* & probat autoritate Iulij Clari *lib. 5. recept. sentent. tit. ad legem Corneliam testamentariam*, qui ita scriptum reliquit: Qui insignibus altioris ordinis vtuntur, militiamve confingunt, quo quem terreant, vel concutiant, humiliores capite puniuntur, honestiores in insulam deportantur.

§. VIII.

De reo ducente secundam uxorem viuente prima.

- 1 *Iudicium fidei puniendus subijcitur hic delinquens.*
- 2 *Pœna huius criminis est arbitraria: in aliquibus partibus abiurant de vehementi, in Hispania de leui.*
- 3 *Procedunt tam in viro ducente uxorem, quàm in uxore ducente virum.*
- 4 *Religiosus ducent uxorem, grauius punitur.*

1 Quid Inquisitores aduersus hos delinquentes procedant, tanquam aduersus hæresis suspectos, & malè de sacramento matrimonij sentientes, nulla est dubitatio, vt restatui Farinacius *quest. 178. num. 68.* & tradit Pegna 2 part. *directi quest. 56. comment. 81. post medium, versic. de eo.* Couarr. *epitom. de sponsalibus, 2. part. cap. 7. §. 3. num. 6. versic. suspectos etiam hæreseos.* Albertin. *tract. de agnoscend. affect. quest. 23.* Simancas *catholic. institut. tit. 40. & in enchirid. tit. 12. rubr. de nefarijs nuptijs, num. 5.* Rojas *singul. 98. n. 4.* Menoch. *de presumpt. lib. 5. presumpt. 6. n. 37. & de arbitr. lib. 2. casu 420. n. 114.* & alij apud ipsos. Quod venit intelligendum, siue secundum matrimonium palàm, siue secretò contrahatur, quia hoc non tollit suspicionem, licet ex parte minuat. Simancas *catholic. institut. cap. 40. num. 3.* Salzedo *in pract. crimin. cap. 80. lit. B. versic. ne illud.* Farinacius *de delictis carnis quest. 140. num. 14.* Item procedit conclusio, posse scilicet Inquisitores aduersus hos delinquentes procedere, etiam si secundum matrimonium aliàs sit inualidum, vt quia erat consanguinea, vel religiosa, aut alio impedimento ligata; quia in præsentia non tam matrimonium in effectu, quàm in affectu punitur, ex

leum qui duas, C. ad legem Iuliam, de adulter. autem incestus, C. de iniustis nupt. cap. nuper, de bigamis. & notauit Anton. Gomez *180. Tauri, num. 30.* Albert. *de agnoscend. affect. cathol. quest. 23. num. 10.* Farinacius alios referens, *quest. 140.* vbi de delictis carnis, num. 25. Quocirca reus, vt effugiat hoc iudicium, probare tenetur ignoranter processisse: quæ ignorantia non probatur, ex eo quòd multo tempore coniux primus absens fuerit; quia insuper debet probare certum nuntium accepisse de illius obitu, iuxta textum *in cap. in presentia, de sponsalibus*, vel probare tenetur primum matrimonium nullum fuisse, & quousque hoc probet, Inquisitorum iudicio subditur ob hæresis suspicionem: nullitate autem probata cessat Inquisitor, & succedit Episcopus, qui sic contrahentem debet punire, iuxta textum *in cap. cum in Apostolica, de sponsalibus*, eo quòd absque declaratione Ecclesiæ nullitatis prioris matrimonij, ausus fuerit secundum contrahere. sic notauit Farinacius *de hæresi, quest. 178. num. 72.*

2 Pœna huius criminis arbitraria est in Italia, aliisque locis abiurant de vehementi, vt restatui Pegna *dicto comment. 81. post medium, versic. de eo.* Farinacius *de hæresi, quest. 178. num. 68. fine.* At in Hispania de leui tantum abiurât, & si plebei sint, flagellis ceduntur, & quinquennio triremibus addicuntur: si nobiles, alijs pœnis pecuniariis, exilioque damnantur. Simancas *catholic. institut. tit. 40. num. 6. & in enchirid. tit. 12. num. 6.* Farinacius *quest. 178. num. 74.*

Aduerto tamen si hic delinquens antequam testificatus sit, se ipsum Inquisitoribus detulit, & crimen manifestauit, mitius esse puniendum. Putat in sanè primò in carceribus secretis recludendum non esse, dum eius causa agitur, sed in aliqua particulari domo, vt Compostellæ obseruatum vidi. Secundò existimarem, etiam si plebeius sit, flagellis non debere cædi, sed exilio, aliqualique pœna pecuniaria condemnari. Et idem est dicendum de eo, qui aliqua apparenti ratione ductus de morte prioris coniugis, probat secundum matrimonium contraxisse.

3 Secundò aduerto supradicta tam in viro ducente uxorem, quàm in uxore ducente virum procedere. sic Simancas *catholic. institut. tit. 40. num. 5.* Farinacius *quest. 178. num. 73.*

4 Ad huiusmodi crimen reduci potest, si religiosus siue laicus sit, siue clericus ducat uxorem: punitur enim ab Inquisitoribus eadem pœna, qua binas nuptias contrahens, & grauiori ob suspicionem grauiorem Lutheranz hæresis. Cantera *quest. crimin. de hæreticis, num. 70. & 71. fol. 431.*

§. IX.

De reo non Sacerdote Missam celebrante, aut aliud sacramentum ministrante.

- 1 *Hic est de hæresi suspectus.*
- 2 *Pœna mortis pluribus in locis punitur, alijs verò, vt in Hispania arbitraria pœna.*

1 Hunc de hæresi suspectum esse nemini esse potest dubium; ac proinde Inquisitorum iurisdictioni subiectum. committit enim crimen falsi in re grauissima, vsurpans officium, & iurisdictionem à se protus alienam. sic Bernard. Diaz *pract. crimin. cap. 12. num. 3.* & ibi Salzedo alios adducens. Menoch. *de arbitr. lib. 2. casu 320. num. 13. & 14.* Solùm potest esse aliqua dubitatio, si quis ex intentione ludendi, vel irridendi hæc sacramenta ministraret, & talis intentio omnibus adstantibus patefieret; quia tunc non videtur puniendus, tam vt alienæ, sacræque iurisdictionis vsurpator, quàm vt irrisor.

Sed qua pœna puniendus is sit?

Respondeo pœna mortis puniendum esse; ac proinde brachio sæculari tradendum, ubicumque receptæ sint constitutiones Pontificiæ. Nam sic delinquenti pœnam mortis esse imponendam, statuit Paulus IV. in sua constitutione edita 20. Maij anno 1557. & in alia edita 17. Februarij anno 1559. quarum mentionem facit iudicial. inquisit. rubr. sine ordinibus celebrantes. fol. mibi 475. Salzedo *suprà*. Idem statuit Clemens VIII. in sua constitutione edita 5. Decembris anno 1601. incipiente, *Esse aliis*, cuius meminit Farinacius *quæst.* 193. n. 39. Et meritò hac pœna puniri debet; quia est nefas omnino gravissimum, quale antiqui Pontifices nunquam committendum præsumpserunt, & fortè ob eandem causam huic crimini pœnam non statuerunt, ut dicit Bernard. Diaz *prætic. dicto cap. 12. in princip.* Sed cum his temporibus malitia hominum creuerit, & in omne malum, scelusque propendeant, aliqua pœna graui coerceri iustissimum fuit. Dixi pœnam mortis huic crimini imponendam esse, ubi constitutiones Pontificiæ receptæ sunt: quod dixi, quia in Inquisitionibus Hispaniæ video supradictas Bullas quoad relaxationem curiæ sæculari ob huiusmodi crimen receptas non esse; ac proinde solum pœna arbitraria sic delinquentem esse puniendum. sic Bernard. Diaz *allegato loco*, & Menochius *suprà, casu 320. num. 14.* Hæc autem pœna arbitraria regulariter est in actu publico, abiurare de leui, flagellis cædi, & triremibus addici, & ab ordinibus perpetuò priuari. Aliquando hæc pœna minuitur, & in exilium, & pecuniam conuertitur, tum si delinquens nobilis sit, neque in actu fuit specialis malitia; tum si sit ita rusticus, ut non tam ex malitia, quàm ex aliquali ignorantia processisse videatur. Et ita vidi quendam adolescentem simplicem, qui annali reclusioni in monasterium, & pœna pecuniaria damnatus fuit, eo quòd fingens se sacerdotem, alterius confessionem exceperit, ut postea illum irrideret.

§. X.

De transmittentibus arma, equos, bellicaque tormenta hostibus nostræ religionis.

Inquisitoribus Hispaniæ hoc crimen committentes subiunguntur, & pœnis arbitrarijs puniuntur.

Inquisitores Hispani de hoc crimine cognoscunt ob suspicionem hæresis. Videntur enim sic delinquentes fautores hæreticorum esse; & ita in carceribus secretis recluduntur, dum eorum causa agitur. Illa conclusa, simul cum ordinario (quod semper intelligitur) pronuntiatur sententia, quæ regulariter in tribunali tantum pronuntiatur, & non in actu publico, nisi in aliquo casu graui, & extraordinario. Huius autem pœna est; si vilis persona est, fustibus cædi; si minus, exilio, & pecunia, in ea quantitate; qua equi, armaque valebant, & insuper omnia illa confiscantur: quòd si iam fuerint transmissa, pœna pecuniaria duplicatur. Et scio quendam religiosum ob hoc crimen ex consilio supremi Senatus condemnatum fuisse in sexcentis scutis, & in annua in suo conuentu reclusioni, & suspensione interim ab officio: quam condemnationem adimpleuit, & pecuniam ex redditu sibi obuenturo duobus annis soluit. Antiquitus abiurabant de leui, modò non est in vsu.

Ferd. de Castro Sum. Mor. Pars I.

DISPUTATIO IX.

De Confessario ad Venerem incitante.



PRO complemento huius tractatus aliquanto latius examine, quæ ratione Inquisitores de hoc crimine cognoscant, & quando alij teneantur sic delinquentes Inquisitoribus denuntiare, & quibus pœnis delinquentes affici debeant.

PUNCTUM I.

Quid in hac re à summis Pontificibus, & ab Inquisitoribus statutum sit.

- 1 *Quid statuerit Pius IV.*
- 2 *Quid Clemens VIII.*
- 3 *Quid Gregorius XV.*
- 4 *Sola citatio ad Venerem, non ad alia crimina in supradictis decretis cauetur.*
- 5 *In Bulla Pij IV. & Clementis VIII. sola sollicitatio mulieris cauetur. At in Bulla Gregor. cuiusque persona, siue femina, siue viri.*
- 6 *Ex decreto Pij IV. & Clementis VIII. solus Confessarius in confessione delinquens venit puniendus. At ex Gregorij decreto, si ante, vel post confessionem immediatè delinquat.*
- 7 *In decreto Pij IV. & Clementis VIII. nulla pœnitenti imponitur obligatio denuntiandi, præter eam, quæ iure inest. Secus ex decreto Gregorij.*
- 8 *In Bulla Pij IV. & Clementis VIII. committitur hæc cognitio priuatim Inquisitoribus. At in Bulla Gregorij etiam ordinarijs.*
- 9 *Bulla Gregorij in Hispaniarum regnis non videtur recepta.*
- 10 *Inquisitores quid circa hoc crimen in suis edictis præcipiant.*
- 11 *Colligitur stricta obligatio in pœnitente denuntiandi Confessarium, & quàm graue crimen hoc sit.*

PARAMUS de origine inquisit. lib. 3. quæst. 10. in fin. Coriolan. de casib. reservatis, p. 1. sect. 2. art. 22. fol. 235. Ioan. Sanchez in suis select. disput. disp. 11. num. 18. referunt Bullam Pij IV. & Clementis VIII. de hac re in Bulla, inquam; Pij IV. quæ incipit, *Venerabili fratri, Archiepiscopo Hispanensi Hispaniarum hæretica prauitatis Inquisitori generali, quæque fuit edita, & publicata die 16. Aprilis, anno 1561.* Solum tribuitur Inquisitori generali iurisdicctio cognoscendi, & puniendi per se, vel per alios à se deputatos, delinquentes sacerdotes tam sæculares, quàm regulares regnorum Hispaniæ, qui sacramento Pœnitentiæ in actu audiendi confessiones abutuntur; mulieres videlicet pœnitentes ad actus inhonestos, dum earum audiunt confessiones, alliciendo, & prouocando, seu allicere, & prouocare tentando, & procurando. Super iis autem (ait Pontifex) diligenter inquiras, & iuxta facultatum tibi contra hæreticos, aut de hæresi quouis modo suspectos, à Sede Apostolica concessarum continentiam, & tenorem procedas.

2 Clemens verò VIII. uti inferitur in decreto supremi Senatus inquisitionis edito die 3. mensis Decembris, anno Domini 1592. solum statuit Inquisitorem generalem in Hispania procedere posse aduersus quoslibet presbyteros sæculares, & regulares in sacramento Pœnitentiæ, seu in actu confessionis sacramentalis,

AAa 3 solici

solicitantes mulieres pœnitentes ad impudicitiam, seu peccata carnis, sicut & in aliis causis ad sanctissimum Inquisitionis officium pertinentibus, ut hæcenus fecit, etiam privatiuè, quoad superiores regularium, cuiusvis ordinis, & congregationis, etiam si mendicantium existant, ipsosque regulares non eximi ab onere deferendi, seu denunciandi huiusmodi delinquentes eidem sancto Officio, quemadmodum in aliis casibus, & causis sanctæ Inquisitionis, in quibus alij Christi fideles de iure tenentur.

3 At Gregorius XV. die 30. Augusti, anno 1622. & sui Pontificatus anno 2. constitutionem edidit adversus sollicitantes sacerdotes; & primò refert, & confirmat Bullam Pij IV. nuper relata, illamque non solum in prædictis Hispaniarum regnis, sed in quibusvis Christiani orbis partibus firmiter, & inuiolabiliter observari præcipit, & mandat. Secundò, ne de pœna his delinquentibus imponenda, & de modo procedendi ab aliquo dubitari possit, statuit, quòd omnes, & singuli sacerdotes, tam exempti, quàm non exempti, qui personas quæcumque illæ sint ad inhonestas, siue inter se, siue cum aliis quomodolibet perpetranda in actu sacramentalis confessionis, siue ante, vel post, immediatè, seu occasione, vel prætextu confessionis huiusmodi, etiam ipsa confessione non sequuta; siue extra occasionem confessionis in confessionario, aut in loco quocumque, ubi confessiones sacramentales audiuntur, seu ad confessionem audiendam electo, simulantes ibidem confessiones audire, sollicitare, vel prouocare tentauerint, aut cum eis illicitos, & inhonestos sermones, siue tractatus habuerint, in officio sanctæ Inquisitionis severissimè puniantur. Tertiò apponit modum cognoscendi de tali delicto, remittit enim eius cognitionem tam Inquisitoribus, quàm locorum ordinariis, simul, vel separatim. Ait enim Pontifex: Omnes hæreticæ prauitatis Inquisitores, & locorum ordinarios vniuersi orbis Christiani, in suis quemque diocæsis, & territoriis per has nostras litteras etiam privatiuè, quoad omnes alios specialiter, ac perpetuò iudices delegamus, ut super his contra prædictos simul, vel separatim in omnibus, prout in causis fidei iuxta sacrorum canonum formam, necnon officij inquisitionis constitutiones, &c. diligenter inquirant, & procedant. Quartò, qui in aliquo ex huiusmodi nefariis excessibus culpabiles fuerint reperti, pro criminum qualitate, & circumstantiis puniendi sunt, scilicet suspensione ab executione ordinis, privatione beneficiorum, dignitatum, & officiorum quorumcumque, ac perpetuè inhabilitatis ad illa, necnon vocis actiue, & passivæ, si regulares fuerint, exilij, damnationis ad trentemes, carceris perpetui: imò si pro delicti gravitate maiores pœnas meruerint, debita præcedente degradatione curiæ seculari puniendi tradantur. Quintò, datur facultas venerabilibus fratribus sanctæ Romanæ Ecclesiæ Cardinalibus generalibus Inquisitoribus, ne delictum tam enorme, & Ecclesiæ Dei tam perniciosum remaneat ob probationum defectum impunitum, cum difficilis sit probationis, testibus etiam singularibus, concurrentibus præsumptionibus, indiciis, & aliis adminiculis delictum probatum esse arbitrio suo iudicandi, & curiæ seculari, ut dictum est, reum tradendum esse pronuntiandi. Sextò mandat omnibus Confessariis, ut suos pœnitentes, quos nouerint fuisse ab aliis, ut supra, sollicitatos, moneant de obligatione denunciandi sollicitantes, seu, ut præfertur, tractantes, Inquisitoribus, seu locorum ordinariis prædictis: quòd si hoc officium prætermiserint, vel pœnitentes docuerint, non teneri ad denunciandum Confessarios sollicitantes, seu tractantes, ut supra, eadem locorum ordinarij, & Inquisitores illos pro modo culpæ punire non negligant.

4 Circa supradicta decreta notandum est solum in illis præcaueri sollicitationem ad Venerem; non tamen ad alia crimina, etiam si grauiora sint; quia non est æquè periculum de illis, ac de sollicitatione ad Venerem.

5 Secundò aduerte, in Bulla Pij IV. & in decreto Clement. VIII. solum de sollicitatione mulieris habetur sermo. At in Bulla Gregor. XV. cuiusvis sollicitatio præcauetur, ut constat ex illis verbis, *Qui personas, quæcumque illæ sint, ad inhonestas, &c.*

6 Tertiò nota ex decreto Pij IV. & Clementis VIII. Sacerdos in confessione sollicitans veniebat puniendus. At ex decreto Gregor. siue in confessione, siue extra, antè, vel post, immediatè, siue in confessionario, seu loco confessionibus deputato, siue alibi simulans audire confessiones, & pœnitentem sollicitans, aut cum eo inhonesta tractans, venit puniendus.

7 Quartò in decreto Pij IV. & Clementis VIII. nulla obligatio præter eam, quæ iure naturæ inest, imponebatur pœnitenti Confessarium denunciandi. At in decreto Gregorij præsupponitur pœnitentes teneri Confessarium sic sollicitantem denunciare, & insuper mandatur omnibus Confessariis, ut eos de tali obligatione moneant.

8 Quintò in Bulla Pij IV. & in decreto Clementis, solum committitur cognitio huius delicti Inquisitori generali Hispaniarum, & ab eo deputatis. At in decreto Gregorij omnibus Inquisitoribus totius orbis Christiani, & locorum ordinariis, simul, vel separatim datur facultas cognoscendi.

9 Hinc orta est difficultas, an Bulla Gregorij Hispaniarum sacerdotes liget, tum quia in Hispaniis non est publicata, tum quia non videtur recepta?

Et quidem non esse in Hispania publicatam, in causa esse non potest, quominus obliget. Sufficit enim Romæ publicatam esse, ut post sex menses Hispanos liget, iuxta dicta in materia de legibus. Quòd verò ab Inquisitoribus Hispaniæ recepta non sit, mihi maximè probatur: ita enim mihi retulit Doctor Isidorus de San Vicente Inquisitor Cæsaraugustanus, vir pius, & doctus, & in materiis inquisitionis satis versatus. Cum enim in Bulla Gregor. Inquisitores locorum ordinariis æquales fiant, nolunt hanc Bullam recipere, quæ illis in hac parte derogat iurisdictioni concessæ à Pio IV. & Clemente VIII. ut ipsi soli de hoc crimine cognoscant. Item si hæc Bulla esset in Hispania recepta, in edictis, quæ ab Inquisitore generali in quolibet tribunali quotannis leguntur, illius notitia daretur, præcipuè apponeretur clausula, qua intelligerent sacerdotes simulantes audire confessiones, & sic pœnitentes sollicitantes puniendos esse. Deinde hæc Bulla Gregor. parum, vel nihil iurisdictionem Inquisitorum extendebat: nam iam ipsi Hispaniarum Inquisitores à patitate rationis iurisdictionem sibi concessam à Pio IV. contra sollicitantes scæminas, etiam ad viros sollicitatos extendebant, ut dicemus, & ex alia parte eorum iurisdictionio limitatur; quatenus ordinariis locorum committitur æquè, ac illis. Ergo non est mirum, si renuant illam recipere. Denique non levis est difficultas, qua ratione Sacerdos simulans audire confessiones, & pœnitentem sollicitans, debeat à pœnitente denunciari? Nam vel pœnitens simulationi illius cooperatur, vel non? Si socius est simulationis, nullo modo obligari potest denunciare sacerdotem, quia obligaretur denunciare se ipsum: quòd si ipse pœnitens simulationi non cooperatur, sed Sacerdos fingens se paratum confessiones audire, pœnitentem bona fide accedentem sollicitat, iam hic Sacerdos in confessione, seu proximè ad illam censetur sollicitare; de quo casu Hispaniarum Inquisitores cognoscunt, & pœnitentes

tes obligati sunt denunciare Confessarium sic sollicitantem.

10 Inquisitores autem Hispaniarum pro executione iurisdictionis à Pio IV. & Clemente VIII. sibi concessæ quorannis edicta euulgant, in quibus sub excommunicationis pœna ipso facto incurrenda, mandatur cuilibet scienti tale crimen, vt ad inquisitionis tribunal deferat, ibi: *Si sabeis, o auéis oído decir, que algun Confessor, o Confesores clerigos, o religiosos, de qualquier estado, o condición que sean en el acto de la confesion, o proximately a ella ayan sollicitado a sus hijas de confesion, prouocando las, o induciendo las con echos, o palabras para tales torpes, y deshonestos.* & inferius circa finem edicti dicitur: *So pena de excomunion mayor lata sententia trina canonica monitione premissa, mandamos a todos, y quales quier de vos, que si supierdes, o viuerdes echo, visto, o oído decir que alguna persona aya echo, dicho, semdo, o afirmado alguna cosa de las arriba declaradas, o otra qualquiera que sea contra nuestra santa fee catholica, y lo que tiene, predica, y enseña nuestra santa madre Iglesia de Roma, a si de viuos, presentes, o ausentes, como de difuntos, sin comunicarlo con persona alguna (porque a si conuiente) vengaís, y parescáis ante nos personalmente, o ante nuestro comissario a decirlo, y manifestarlo, dentro de seys dias primeros siguientes despues que esta nuestra carta fuere leyda, y publicada, o como dello supiere des en qualquier manera.* Insuper mandatur Confessariis, ne pœnitentes sic obligatos denunciare absoluant à peccatis, quin prius denuntiationem faciant. ibi, *Mandamos, o prohibimos so la dicha pena a todos, y quales quier Confesores, clerigos, o religiosos, que no absueluan a persona alguna, que cerca de lo suso dicho esto culpada, o no vbiere dicho, y manifestado en el santo Oficio, lo que dello supiere, o vbiere oydo decir. antes la remitan ante nos, &c.*

11 Ex quo decreto satis colligitur, quàm stricta obligatio sit in pœnitente Confessarium sic sollicitantem denunciandi, & quàm efficaciter Ecclesia intendat huic crimini remedium adhibere. Est enim hoc crimen nimis execrandum contra sacramenti reuerentiam, eiusque institutionem. Sacramentum namque institutum est in remedium, & medicinam peccatorum, reconciliationem cum Deo, & reparationem gratiæ perditæ. Quid igitur iniquius loco medicinali venenum propinare, & loco reconciliationis nouam iniuriam inferre, & loco gratiæ reparandæ nouam occasionem perditionis accumulare? Quæ omnia optimè apposuit Pius IV. Clemens VIII. & Gregorius XV. in suis decretis.

PUNCTUM II.

An Sacerdos fœminam, vel virum ad nefandum congressum inducens, vel ad alios actus inhonestos, denunciandus sit Inquisitoribus.

- 1 *Stante Bulla Gregorij clarum est esse denunciandum.*
- 2 *At assenta Bulla Pij IV. & Clementis VIII. aliqui censent non esse denunciandum.*
- 3 *Contrarium tenendum est.*

1 **N**on loquor de obligatione naturali cuilibet fidei infra denunciandi delinquentem, qui per correctionem fraternam non emendatur. Nam hæc obligatio per regulas generales correctionis, & denuntiationis metienda est. Loquor, inquam, de obligatione denunciandi orta ex Bullis Pontificiis, & ex edicto Inquisitorum, cui excommunicatio est annexa. De hac igitur obligatione dicendum est, in illis partibus, in quibus Bulla Gregorij recepta est, sacerdotem sollici-

tantem virum ad inhonestos actus denunciandum esse. Nam Gregorius non de fœminis sollicitatis tantum loquutus est, sed de quocumque pœnitente. Ait enim, *Omnes, & singuli sacerdotes, qui personas, quacumque illa sint, ad inhonesta sollicitare, &c.* vbi notanter appositum, *personas, quacumque illa sint, vt intelligeretur non solum fœminas, sed viros comprehendere.*

2 Difficultas autem est, an ex Bulla Pij IV. & Clementis VIII. Inquisitores Hispaniarum ius habeant cognoscendi de sollicitante viros in confessione, ad ipsosque sic sollicitans deferri debeat? Ratio dubitandi esse videtur, quia Pius IV. & Clemens VIII. solum de sollicitante fœminas in suis decretis loquuti sunt, vt ex verbis supra relatis constet. Ergo non debet tale decretum extendi ad sollicitationem virorum. Nam licet hoc decretum videatur sacramento Pœnitentiæ fauorabile: at sacerdotibus est onerosum, cum illos tribunali inquisitionis puniendos subdat, cuius punitio ob infamiam, quam secum trahit, maxime grauis censetur. Est etiam locorum ordinariis odiosum, cum delinquentes à sua iurisdictione excludat, & Inquisitoribus puniendos tradat. Ergo non est ultra proprietatem verborum extendendum: priuilegium namque derogans iuri alterius quæsito non extendendum est, sed potius limitandum. *cap. ex tuarum, de autoritate, & vsu palii, & cap. licet in corrigendis, de offic. ordinarij, l. 1. §. merito, & §. si quis, ff. ne quid in loco publico.* Vnde in vniuersum præsumitur non esse mentem Principis ius tertij lædere. *l. nec, C. de emancipat. liberorum.* Ergo cum per huiusmodi priuilegium Inquisitoribus concessum ordinarij lædantur in sua iurisdictione, non debet tale priuilegium extendi. Et confirmatur. Si Inquisitores Hispani priuatiuè de sollicitantibus viros, sicut & fœminas possunt cognoscere, quare in edictis solum de sollicitantibus fœminas loquuntur? Bene enim possent per verba generalia edicta promulgare, dicentes denunciandos esse sacerdotes, qui pœnitentes in confessione sollicitauerint. & sic tradit Fagundez *de præceptis Ecclesiæ, 2. p. lib. 4. cap. 3. num. 31. post medium.*

3 Nihilominus pro certo tenendum est Inquisitores Hispanos, ex vi supradicti breuis Pij IV. & Clementis VIII. cognoscere posse de sollicitantibus fœminas, & viros ad turpes actus, tenerique ex mandato inquisitionis sic sollicitatos denunciare sollicitantes. ita Quaranta *verbo ordo, & verbo Confessor, in fin.* Ludou. Lopez *1. p. instructory, cap. 3 §. versic. at hic iam, in fine.* Salzedo *in præct. cap. 82. versic. deponantur.* Graffius *1. tom. consil. conf. 1. de cogmat. spirit. in fine, à n. 45.* Manuel Rodriguez *tom. 1. regul. quæst. quæst. 59. art. 4. in fine, & tom. 2. quæst. 27. art. 3. Coriolan. de casib. reservatis, p. 1. sect. 2. à num. 22. fol. 236.* Acuña *de Confessore sollicitante, quæst. 6. à num. 6. & affirmat idem iudicasse Suarez consultum, Ioan. Sanchez disp. 11. select. num. 12.*

Ratio præcipua conclusionis est, quia finis præcipuus constitutionum in fauorem est sacramenti Pœnitentiæ, vt scilicet purius, & honestius, & maiori cum fructu animarum tractetur, vt constat ex decretis supra allegatis, quibus abusus sacramenti Pœnitentiæ, & illius iniuria per sacerdotes sollicitantes facta coerceri procuratur. Quando autem alicuius constitutionis finis præcipuus fauorabilis est, etiam si in alterius pœnam, & grauamen redundet, extendenda est constitutio, & non limitanda, præcipuè quando odium à fauore distingui nequit, vt in præsentis contingit, in quo non potest distingui fauor factus sacramento Pœnitentiæ, vt Inquisitores de sacerdotibus sollicitantibus viros in confessione cognoscant, quin in grauamen, & pœnam sollicitantis redundet, & in diminutionem iurisdictionis ordinariis concessæ. hanc doctrinam optimè probat Thomas Sanchez *lib. 1. de matrim. disp. 1. num. 4. ex glossa in cap. si propter, de rescriptis, in 6. verbo primum*

560 De Confessario ad Venerem sollicitante.

primi anni, ubi illam constitutionem reservantem fructus vacaturæ Episcopo mortuo appellat fauorabilem, quia principaliter edita est in fauorem Episcopi, ut debita persoluat, quamvis in eorum damnum, quibus obuenire debebat, redundet. & tenet ibi Dominicus. *num. 9.* & Francus *num. 9.* Couarr. *1. variar. cap. 11. num. 5.* Mandosius *reg. 10. de annali. quest. 3. num. 7.* Flamin. *de resignat. beneficy. lib. 12. quest. 2. n. 23.* Ioann. Salas *de legib. tract. 14. disp. 21. sect. 4. num. 20.* Cum ergo constitutus de sollicitantibus sceminas loquatur, & fauorabilis sit sacramento, ad viros sollicitatos extendenda est. Et confirmo. lex, priuilegium, & quælibet alia dispositio extendenda est ad eadem, ubi est eadem, & maior ratio secundum satis probabilem sententiam, ut optimè probat Rebellus *1. lib. de obligat. iustit. quest. 6. sect. 4.* aliis relatis. Salas *de legib. tract. 14. sect. 5. a num. 11.* Ioann. Sanchez *disp. 11. sect. 1. a num. 12.* qui varios casus in confirmationem huius principij adducunt. Cum ergo huiusmodi constitutio maiori ratione procedat in sollicitantibus viros, quam sceminas, cum delictum grauius sit, & eiusdem rationis; efficitur sanè esse ad huiusmodi crimen extendendam. Neque obstat bullas, & edicta Inquisitorum tantummodo loqui de sollicitantibus sceminas. Nam sceminæ exempli gratia appositæ fuerunt, legesque attendunt ad ea, quæ frequentius contingunt, eaque prohibent nominatim. *l. nam ad ea, ff. de legib.* & per hæc patet responsio ad rationem dubitandi in contrarium adductam.

PUNCTUM III.

An Confessarius sollicitans sceminam, vel virum ad actus, solum venialiter inhonestos, denunciandus sit sub graui culpa.

- 1 *Affirmant aliqui.*
- 2 *Venialia peccata contra castitatem non sunt mortalia, tamen si in sacramento fiant.*
- 3 *Non obligatur sub graui culpa sic sollicitantem denunciare, quando constat penitentem de animo confessarij.*
- 4 *Satisfit contraria rationi.*

1 Ioan. Sanchez *disp. 11. sect. 1. num. 22.* cum Seraphino à Freytas *quest. 7. num. 33.* affirmat. Mouetur, quia tangere manum, vel mamillas sceminæ, digitos intorquere, & vellicare in genere castitatis, peccata venialia sunt, quando ob solam delectationem absque ulteriori fine, vel periculo pollutionis habentur, ut aliis allegatis docet Thom. Sanch. *lib. 9. de matrim. disp. 46. n. 16.* Salas *1. 2. tom. 2. q. 74 tract. 13. disp. 6. sect. 20. num. 146.* & *sect. 21. num. 149.* Freytas *quest. 7. num. 28.* At si hæc fiant in confessione ante, vel post immediatè peccata mortalia sunt contra religionem ob indecentiam sacramento factam, sicut intra genus temperantiæ leue peccatum esset modicum cibi sumere, at in ratione sacrilegij grauissimum esset, si illo sumpto ad Eucharistiam accederes.

2 Verum non caret difficultate hæc doctrina. Nam ex iure naturali, & diuino peccata de se venialia in materia castitatis, eo quod fiant in sacramento Pœnitentiæ, non redduntur mortalia contra religionem; aliàs quodlibet peccatum veniale in materia iustitiæ, humilitatis, & patientiæ factum in sacramento Pœnitentiæ esset mortale sacrilegium, quod nemo concedit: cum æquè iure naturali, & diuino omnia prohibeantur. Restat ergo ut ex iure positiuo hæc prohibitio oriatur. At ex supradictis decretis Pij IV. Clement. VIII. & Gregor. XV. non sit aliqua specialis prohibitio de peccatis venialibus, sed solum prohibetur id quod de se malum, & inhonestum est; imò quia malum, & in-

honestum est, ideo prohibetur. Ergo si solum est malum in ratione peccati venialis, in ratione peccati venialis prohibetur ob religionem. Sicut cum prohibetur percussio clericum ob reuerentiam ordini debitam, non prohibetur quælibet levis percussio sub graui delicto: neque furtum rei sacræ sub graui culpa, si leue sit; quia hæc omnia prohibentur, quia mala sunt, & consequenter eo modo quo mala sunt, eo modo ob reuerentiam sacramento prohibentur. Adde, ex supradictis decretis Pontificum nequaquam colligi potest eos intendisse, veniale contra castitatem, fieri mortale contra religionem; imò potius contrarium non leuiter colligitur. Nam in Bulla Pij IV. dicitur sacerdotes denunciandos esse, qui mulieres penitentes ad actus inhonestos prouocant, & loco reconciliationis cum Deo grauiori peccatorum mole eas onerant, & in manibus diaboli tradunt. Quæ verba necessariò respiciunt actus inhonestos, qui peccata mortalia sunt: nam per venialia nec traduntur in manibus diaboli, nec grauiori mole onerantur. Clemens verò VIII. nihil aliud fecit, quam renouare supradictum decretum. Gregor. verò XV. in sua constitutione vocauit impium hoc, ac nefandum scelus, & illud facientem infernalem, veneficum, & proditorem execrabilem, quæ cum inductione ad peccatum veniale nequaquam videntur cohærere.

3 Propter hæc non improbabile videri potest, si sacerdos penitentem tactibus alijs honestis tangat, qui ex circumstantiis solum peccata venialia sunt, & ipse penitens intelligat sacerdotem nullo modo habere animum ulterius progrediendi, neque penitens periculum consentiendi in graue crimen, non committi peccatum mortale contra religionem; sicut neque contra castitatem, neque fore denunciandum sub graui culpa. Verum si ex circumstantiis colligeretur animus sacerdotis ulterius progrediendi, censenda esset talis sollicitatio grauis, quia sufficienter præsumit penitens ad graue crimen sacerdotem voluisse ipsum inducere.

4 Ad rationem in contrarium respondeo, illa quæ secundum se peccata sunt venialia, vel nulla peccata, posse fieri peccata mortalia in materia religionis: ut in exemplo adducto, de cibo sumpto ante Eucharistiam. Sed hoc est quando non prohibentur qua ratione in se mala sunt, sed solum ob reuerentiam sacris debitam. At quando solum prohibentur, qua ratione mala sunt ne fiant in sacramento, sequuntur naturam, quam habent. Vnde si peccata venialia sunt in ratione iustitiæ, vel castitatis, peccata venialia sunt in materia religionis: si verò mortalia, peccata mortalia sunt in materia religionis.

PUNCTUM IV.

An si penitenti tribuas in confessione chartam postea legendam, in qua ad Venerem incites, censearis sollicitator in confessione; ac proinde denunciandus, & puniendus.

- 1 *Placet alicui sic esse affirmandum.*
- 2 *Proponuntur rationes in contrarium.*
- 3 *Videtur ob illas pars negans probabilis.*

1 Videtur absolutè affirmandum, quia traditio illa chartæ est incepta sollicitatio, & negari non potest per illam iniuriam fieri sacramento; si quidem tempore quo monendus erat penitens de mutatione vitæ in melius, instrumentum tradatur ei, quo saucietur. sic Ioan. Sanch. *disp. 11. sect. 1. num. 31.*

2 Sed obstat primò, quia talis chartæ traditio est solum causa sollicitationis, non verò sollicitatio. Non enim tunc quando traditur charta, mouetur penitens ad malum, ut suppono. Ergo tunc non sollicitatur: sollicitatio

citatio namque est inductio, & motio voluntatis alienæ; cum autem non moueatur pœnitentis voluntas in confessione, sed extrâ, quando scilicet legit chartam, efficitur in confessione non fuisse factam sollicitationem, ac proinde non fore ex obligatione denuntiandum. Confirmo, vt Sacerdos subiciatur pœnis contentis in Bullis aduersus sollicitantes, requiritur vt delictum sollicitationis, in ratione sollicitationis sit completum: sicut requiritur homicidium completum, vt irregularitas homicidij contrahatur, & percussio cleri- ci, vt excommunicatio liget, neque sufficit causam dedisse his delictis. Cum igitur in traditione chartæ non sit sollicitatio completa, imò neque sollicitatio, non erit Sacerdos sic peccans denuntiandus, & puniendus ex rigore decreti inquisitionis.

Secundò finis præcipuè intentus in Bullis aduersus sollicitantes non procedit in hoc casu. Finis enim est, ne pœnitentes loco reconciliationis grauioribus peccatis onerentur, & loco medicinæ venenum eis propinetur. At in supradicto casu cessat hic finis, cum absolute per confessionem pœnitens cum Deo reconciliatur, & medicina, & non venenum ei propinetur, cui reconciliationi, & medicinæ charta tradita non obstat. Et explico hoc exemplo. Si enim chartam amatoriam tribueres pœnitenti dandam alteri personæ legendam, quàmque velles prouocare ad malum, quis diceret te venenum in confessione huic pœnitenti propinasse, cum ipse ignarus sit, quid charta contineat, neque obinde impediatur à reconciliatione cum Deo? Ergo similiter dicendum videtur, quando charta traditur pœnitenti legenda ab ipso, quia vsque dum legit, non propinatur illi venenum. Item talis actio prout est facta in confessione, indifferens omnino est in foro externo, neque ab alio quàm à tradente malitia eius cognoscitur. Ergo non venit denuntianda. Solùm enim actio, quæ mala apparet in sacramento, quæque pœnitentem in sacramento maculare potest, denuntiari debet.

3 Hæ rationes probabilem videntur reddere partem negantem, talem scilicet traditionem chartæ non esse sollicitationem comprehensam in Bullis, si charta non immediatè post susceptum sacramentum legatur, sed transacto iam tempore. Verùm quia hoc delictum grauißimum, & perniciosissimum est, præcaueri debet, & coerceri omnis occasio illud committendi.

PUNCTUM V.

Explicantur aliqui casus, in quibus dubium est, an interueniat sollicitatio comprehensa in Bullis.

- 1 Si fœminam inuites, vt alium in copulam admittat, denuntiandus es.
- 2 Si sollicitus, vt mediet, esto probabile aliquibus videatur non fore denuntiandum ex decreto Clementis. At probabilium censeo oppositum.
- 3 Si fœmina sollicitet ad Venerem, & tu renuas contentus talibus, aliqui existimant te esse denuntiandum.
- 4 Verius censeo oppositum.

1 PRIMUS est, si in alterius gratiam fiat sollicitatio. v.g. si fœminam instiges, vt alium in copulam admittat. Et quidem in hoc casu censendum est esse sollicitationem comprehensam in Bullis, cum verè pœnitentem ad turpes actus inducas, per accidensque est, sint tecum exercendi, vel cum alio. ita docet Ioan. Sanchez *disput. 11. num. 43.* cum Acuña *quest. 17. num. 9.* Seraphin. Freytag *num. 13.* Grassis *conf. 1. num. 41. in fine, de cognat. spirit.*

2 Secundus est, si fœminam sollicites, non quidem tibi, neque alteri copulandam, sed vt mediet, & intercedat, vt alia fœmina in fornicationem consentiat. Et quidem vbi decretum Gregorij XV. receptum est, omnino affirmandum est, esse sollicitationem ibi prohibitam, & denuntiandum. Ait enim Pontifex, *denuntiandos esse sacerdotes, qui ad inhonestâ, sine inter se, sine cum alijs perpetranda sollicitauerint.* Itémque qui cum pœnitentibus illicitos, & inhonestos sermones, siue tractatus habuerint. Verùm ex constitutione Pij IV. & Clementis VIII. & ex decreto Inquisitorum existimat Acuña *quest. 17. num. 8.* & Freytag *num. 14.* probabile esse non esse sollicitationem ibi comprehensam, neque talem Confessarium sic sollicitantem denuntiandum inquisitioni; quia hæc sollicitatio cum non sit ad exequendum carnis flagitium cum pœnitente, non videtur in Bullis prohibita. Mihi tamen videtur probabilius & esse sollicitationem ibi comprehensam, & esse denuntiandam. Nam ex supradictis Bullis, & ex edicto Inquisitorum mandantur denuntiari sacerdotes, qui *mulieres pœnitentes ad actus inhonestos prouocant, seu alliciunt.* Qui autem prouocat pœnitentem, vt mediet, absolute prouocat ad actus inhonestos: illa enim mediatio actus inhonestus est, & eiusdem speciei cum crimine perpetrando. Item tota ratio prohibendi sollicitationem pœnitenti factam procedit in præsentem, cum venenum propinet ei Confessarius, cui debebat antidotum salutis propinare, & loco reconciliationis grauem peccati molem imponat, fontique limpidissimo lutum admisceat. Ergo cum hoc decretum sit institutum in fauorem sacramenti Pœnitentiæ, non limitandum est, sed potius extendendum, vt diximus.

3 Tertius casus est, si fœmina te sollicitet ad congressum, tu verò renuas intendens solùm tactibus te oblectari, & ad illos solos fœminam prouoces, denuntiandus ne sis? Ioan. Sanchez *disput. 11. num. 28. in fine.* existimat te denuntiandum, quia tam à copula, quàm ab osculis, & tactibus auertere poteras fœminam. Ergo cum ad tactus prouocas, male facis. Et confirmat. Si enim fœmina te prouocaret ad sodomiticum congressum, tu verò renuens ad naturalem initiares, nemini est dubium denuntiandum fore, quia talis prouocatio mala est. Esto enim licitum sit minus malum alteri consulere, vt maius vitetur, quando alia via vitari non potest. At cum quilibet in se ipso vitare possit maius malum, sine effectione minoris, nullo modo licet minus efficere. Non enim licet fœminæ inducæ ad nefandum congressum offerre vas naturale, vt præposterum seruet, quia talis oblatio intrinsecè mala est, sic in præsentem non licet tibi inducto ad congressum solùm tactibus delectari, & ad illos pœnitentem inducere. Ergo venis denuntiandus.

4 Verùm mihi se offert contrarium dicendum. Fateor namque si fœmina prouocaret Confessarium ad Sodomiam, ipse verò ad naturalem congressum incitaret, vel econtra, fore Confessarium denuntiandum; quia absolute Confessarius inductor est ad malum, ad quod non est à pœnitente prouocatus. At quando solùm tenuit congressum, volens se tactibus tantùm delectari, non censetur Confessarius sollicitare ad malum, sed sollicitationi factæ à fœmina consentire. Fœmina enim inducens ad congressum, tacitè, & in virtute inducit ad oscula, & tactus, vtpote præuia ad illum; eaque de causa manifestato congressu in confessione nulla est obligatio confitendi tactus, & oscula, vt latius in materia de confessione. Ergo Confessarius suadens solùm tactus, renuens vltius prosequi, non persuadet fœminam, ad congressum sollicitantem, aliquod malum ad quod ipsa non induxerit: imò si bene perpendatur, solùm persuadet fœminam, vt contenta sit sollicitatione

562 De Confessario ad Venerem sollicitante.

tatione ad tactus, & oscula, neque ultra velit procedere. Deinde ipse Ioan. Sanch. *illa dispus. 11. num. 26.* affirmat, si adinuicem fiat sollicitatio, à scemina priuò, à confessario deinde, ita vt mutuò se pelliceant ad turpis actus complementum, nò fore denunciandum confessarium. quia illa non est prouocatio ex parte confessarij, sed in prouocationem factam consentire, & illum continuare. idèmq; docet Acuña *quest. 11. num. 1.* Sed quando confessarius prouocatus ad congressum persuadet solum tactus, & oscula, in dimidiatam prouocationem consentit. Ergo non venit denunciandus.

PUNCTUM VI.

An sola sollicitatio ad Venerem sit denuncianda Inquisitoribus?

- 1 *Proponitur dubitandi ratio, ob quam probabile est omnem prauam sollicitationem denunciandam esse.*
- 2 *Probabilius est hanc obligationem imponendam non esse pœnitentibus.*
- 3 *In usu aliorum sacramentorum sollicitatio ad Venerem non venit Inquisitoribus necessario denuncianda.*
- 4 *Venit tamen sic delinquens denunciandus superiori, vt illum corrigat.*

Ratio dubitandi est, quia ideo hæc denunciatur, quia sic sollicitantes de hæresi sunt suspecti, præbent enim fundamentum saltem lenæ, vt de illis suspicio formetur, non bene de sacramentis sentire. Sed hæc ratio aequè procedit, si ad furtum, vel homicidium, vel aliud quoduis maleficium inducant: imò maior malitia videtur adesse in inductione ad hæc peccata, quàm in inductione ad luxuriam, eùm inductio ad luxuriam magis ex passione procedat, quàm ex malitia.

Propter hanc rationem existimat Pegna *in direct. inquisi. 2. p. comm. 81. versic. ille quoque*, Inquisitoribus subiici sic pœnitentem ad quælibet peccata sollicitantes.

2 Verùm etsi probabiliter dici posset ob facultatem generalem Inquisitoribus datam cognoscendi de hæresi suspectis, posse cognoscere de iis sollicitantibus, si deferantur. At credo nullo modo teneri pœnitentes sic confessarium sollicitantem Inquisitoribus denunciare; quia nullibi cautum est talem denunciationem esse faciendam, neque in breuib; Pontificum, neque in edictis Inquisitorum; omnia enim hoc solum de sollicitantibus ad actus inhonestos loquuntur; quia ob fragilitatem naturæ frequentius hæc sollicitatio contingere poterat, & maius in ea periculum consentiendi: & ita docet Ledesma *de matrimon. quest. 56. art. 2. §. & non est idem.* Param. *lib. 3. quest. 10. num. 121. & 122.* Acuña *quest. 8. num. 3. & 6.* Ioann. Sanchez *dispus. 11. num. 23.*

3 Neque item sollicitatio ad Venerem in aliorum sacramentorum denuncianda necessariò venit Inquisitoribus; quia nullibi de huiusmodi delicto specialiter cautum est denunciationem fieri. ita Acuña *quest. 16. num. 6.* Freytas *num. 10.* Ioann. Sanchez *disp. 11. num. 42.*

4 Aduerto tamen sollicitantem ad Venerem in usu aliorum sacramentorum, vel in confessione ad aliquod maleficium, fore denunciandum suo superiori, vt illum corrigat, & emendet, & iniuriam sacramenti caueat, seruatis tamen conditionibus requisitis in denunciatione facienda, de quibus in materia correctionis fraternæ, & denunciationis iudicialis.

PUNCTUM VII.

Quæ sollicitatio censenda sit facta, ante, vel post immediatè ad confessionem, vt denunciari debeat Inquisitoribus.

- 1 *Ex decreto Clemen. non constabat denunciandum Inquisitoribus esse Confessarium, ante, vel post confessionem delinquentem. At ex edicto Inquisitorum constat.*
- 2 *Quid sit antè, vel post immediatè ad confessionem sollicitare?*
- 3 *Ante confessionem sollicitat Confessarius, tamen si confessio non sequatur.*
- 4 *Intelligi debet, dummodo scemina vellet statim confiteri.*
- 5 *Non est sollicitatio ante confessionem denuncianda, si illo tempore neque scemina, nec sacerdos de confessione facienda statim cogitarunt, tamen si de facto confessio sequatur.*
- 6 *Sed quid si sceminam volentem confiteri dissuadeas confessionem, animo incitandi postea ad libidinem. Si animum non manifestas, non est sollicitatio denuncianda, secus si animum manifestes.*
- 7 *Proponitur quedam obiectio.*
- 8 *Fit illi satis.*

EX decreto Pij IV. & Clem. VIII. non constabat expressis verbis sollicitationem factam ante, vel post confessionem esse denunciandam: eaque de causa motus est Fagundez *de præceptis Ecclesie, 2. p. lib. 4. cap. 3. num. 31.* affirmare nullam esse obligationem denunciandi, nisi sollicitatio in ipso actu confessionis fiat; hoc est, post signum crucis, & ante absolutionem. At ex constitutione Gregor. XV. & ex edicto Inquisitorum constat fore denunciandum.

1 Illa ergo dicitur sollicitatio ante, vel post confessionem immediatè, quâdo inter sollicitationem, & confessionem nihil aliud mediat, ita vt neque confessarius, neque scemina ad extraneos actus diuerterint. ita Ioan. Sanch. *dispus. 11. num. 49.* cum Freytas *quest. 5. num. 20.* Paramo *lib. 3. quest. 10. num. 47.* Vnde si absolutione impensa aliquis illorum ad extraneum actum diuerterit, & sic diuersus, vel sceminam diuersam statim sollicitauerit, non dicendus est in continenti sollicitari. sic Ioan. Sanch. *suprà*, cum Egídio *de priuileg. honest. artic. 11. num. 19.*

3 Vt verò ante confessionem sollicitare dicatur confessarius, nullo modo requiritur confessionem ipsam sequi: sufficit enim, si sceminam accedentem confiteri persuadeat Venerem, & confessionem dissuadeat, quia tunc confessarius laqueum parat, vbi à laqueis pœnitentem liberare debebat. Quapropter Gregor. XV. in sua constitutione apposuit puniendum esse sollicitantem occasione confessionis, etiam ipsa confessione non sequuta.

4 Hoc tamen intelligendum est (vt benè supradictus Sanch. aduertit) quando scemina vellet statim confiteri: nam si diceret confessario se velle in crastinum confiteri, & tunc occasione huius dicti confessarius confessionem dissuadeat, & de venereis tractet, talis sollicitatio non est proxima confessioni faciendæ; sed solum est proxima conuentioni de confessione, ac proinde non delinquit in confessione, nec proximè ad illam, & sic non est denunciandus. Aliàs si diceret scemina se velle transacto anno confiteri, & sacerdos confessionem dissuaderet, & de Venere tractaret, peccaret aduersus bullas latas contra sollicitantes: quod nullus dicet.

5 Item non est sollicitatio proximè ad confessionem, quando tempore sollicitationis, neque scemina, neque sacerdos de confessione facienda cogitarunt, etiam si

immo

immediatè sequatur confessio, quia talis confessio ortum habet ex eo quod fœmina de delicto dolorem concepit, vultque citò à peccato liberari per confessionem: cui voluntati satius erit (ait Sanchez) consentire. Ego tamen existimo cautè procedi debere, ne sacramentum Pœnitentiæ absque vero dolore fiat. Quare ministrandum non esset, nisi signa satis aperta doloris ostenderet.

6 Difficultas in hac parte non levis est, an si fœminæ dicenti se velle statim confiteri confessionem dissuadeas, animo eam postea alliciendi ad impudicos actus; talis dissuasio censeatur sollicitatio in confessione? Et quidem si animus non manifestatur fœminæ, certum est non esse sollicitationem: at si animus sufficienter fœminæ manifestatur, taliter quod ipsa possit intelligere dissuasionem confessionis oriri ex animo ad Venerem alliciendi, etsi tunc cum illa tractes, existimat Ioan. Sanchez *disp. 11. num. 49.* esse veram sollicitationem denunciandam, quia illa dissuasio sic declarata est vera inductio, & prouocatio ad peccatum; si enim dissuadens confessionem diceret fœminæ te illius amore esse captum, ideòq; nolle eam confiteri, verè sollicitares. Ergo similiter sollicitas, si aliis signis talem animum declaras.

7 Sed obiicies. Dissuasio confessionis etiam ex prauo animo non potest esse sollicitatio exterior, nisi quatenus talis animus declaratur: at huiusmodi declaratio est per signa quasi indifferentia, & non clara, & manifesta; colligit enim, v. g. fœmina prauum affectum Confessarij, ex eo quod aspectu blando, & alacri eam alloquatur, & nullam causam negandæ confessionis præbeat. quæ signa satis non demonstrant prauum affectum. Ergo talis dissuasio confessionis, & confusa animi prauæ manifestatio, non est vera sollicitatio, ac proinde nec denuncianda; sicut non est vera hæresis denuncianda, quæ per verba sufficienter expressiua mentis non sit, neque casus reuerentis, qui in opus exterius non transit manifestè.

8 Respondeo, etsi alicui probabile posset videri Confessarium dissuadentem fœminæ confessionem, & manifestantem prauum animum per verba, vel signa aliquin honesta, seu indifferentia, quorum determinatio ad malum non ex illis præcisè, sed ex aliis adiunctis à fœmina colligatur, non fore denunciandum, mihi dicendum videtur esse denunciandum. Nam etsi aliis illa verba, vel signa quasi indifferentia sint; at fœminæ hic, & nunc indifferentia non sunt, sed determinata ad malum, & expressiua satis prauæ voluntatis Confessarij. Ergo saltem respectu fœminæ constituunt sollicitationem exterioriorem, cum ab illa cognita sint ut talia. Ergo est peccatum exterius consummatum, & denunciandum.

PUNCTUM VIII.

An sollicitatio facta simulando confessionem denuncianda sit.

- 1 Qualiter simulatio confessionis in presenti contingere potest.
- 2 Si vterque in simulatione conuenit, Confessarius, & pœnitens, nemini incumbit obligatio denunciandi.
- 3 Grauius peccant aduersus religionem sic intemperatè loquentes.
- 4 Si pœnitens accedat animo tractandi alia negotia, & ad Venerem incitatur à Confessario, est obligatio in pœnitente denunciandi iuxta constitutionem Gregorij.
- 5 At ex decreto Py IV. & Clement. VIII. cessat obligatio.

1 **N**on voco simulatam confessionem eam, qua quis accedit absque vero dolore peccatorum,

volens tantum sua peccata sacramentaliter confiteri; quia talis confessio vera confessio est, ut diximus in materia de pœnitentia. Quapropter si fœminam sic accedentem sollicitares, absque dubio denunciandus esses, & puniendus: ita relato Acuña q. 14. n. 10. docet Ioan. Sanchez *disp. 11. n. 41.*

Simulatio igitur confessionis dupliciter solum potest contingere. Primò, si vterque tam pœnitens, quam Sacerdos, ut liberiùs de rebus inhonestis tractent, simulant confessionem. Secundò, si pœnitens non animo confitendi, sed alia negotia tractandi accedat ad Confessarium, cum tamen ab iis qui videtur intelligatur ad confessionem accedere; tunc, inquam, simulatur confessio.

2 Dico ergo primò, si vterque in simulatione confessionis conueniunt, ut liberiùs de rebus inhonestis tractarent, nemini incumbit obligatio denunciandi, non Sacerdoti, ut de se constat, neque pœnitenti, aliàs esset obligatus denunciare se ipsum. Neque hæc sollicitatio est propria Sacerdotis, potius quam pœnitentis, sed est mutua sollicitatio, ac proinde in sollicitationem sibi factam vterque confentit.

3 Aduertendum tamen est vtrumque tam Confessarium, quam pœnitentem grauius non solum aduersus temperantiam, sed etiam aduersus religionem debitam Pœnitentiæ sacramento peccare in tali allocutione lasciua. Nam sacramento Pœnitentiæ debita est illa exterior reuerentia, & cæremonia, ut scilicet pœnitens flexis genibus, delecto capite, & supplex ad pedes Confessarij accedat pro consequenda venia peccatorum. Qui ergo hanc cæremoniam inhonestæ locutioni arrogat, & sacramentum ipsum iure suo spoliatur, & grauius lædit, cum sub habitu sacramenti, & illius prætextu scelus nefarium committat. sic Ioan. Sanchez *in select. disp. 35. num. 5.*

4 Dico secundò, si pœnitens bono animo accedat alia negotia à confessione tractaturus, Sacerdos verò occasione arrepta ad Venerem inducat; tunc obligatio est in pœnitente sollicitato denunciandi Sacerdotem, iuxta constitutionem Gregorij X V. inquit enim: Qui personas, quæcumque illæ sint, ad inhonestas siue inter se, siue cum aliis quomodolibet perpetranda in actu sacramentalis confessionis, siue ante, vel post, immediatè, seu occasione, vel prætextu confessionis huiusmodi, etiam ipsa confessione non sequuta, siue extra occasionem confessionis, in confessionario, aut in loco quocumque ubi confessiones sacramentales audiantur, seu ad confessiones audiendas electo, simulantes ibidem confessiones audire, sollicitare, vel prouocare tentauerint, aut cum eis illicitos, & inhonestos sermones, siue tractatus habuerint, in officio sanctæ Inquisitionis seuerissimè puniuntur. Cum igitur in præsentem Sacerdos simulet audire confessiones, ut suppono, eo quod sit in loco illis audiendis destinato, & pœnitens alia negotia tractaturus flexis genibus assistat, vel alio modo quo videntes intelligant confessionem fieri, & tunc sollicitat, absque dubio committit in constitutionem Gregor. ac proinde denunciandus. & ita tradit Ioan. Sanchez *disp. 11. n. 40. 66. & 68.*

Aduertendum tamen est optimè posse Sacerdotem cum fœmina de rebus inhonestis in confessionario tractare, quin simulatio vlla sit confessionis audiendæ, & tunc denunciandus non est; quia non qualibet sollicitatio in confessionario facta cauetur illo decreto Gregorij, sed sollicitatio, quæ simulationem confessionis trahat, ut constat ex illis verbis; *simulantes ibidem confessiones audire.*

5 Dico terriò, ubi Bulla Gregorij recepta non est, non tenetur supradicta fœmina sollicitata Sacerdotem Inquisitoribus denunciare; quia talis sollicitatio non est

564 De Confessario ad Venerem sollicitante.

est facta in confessione, cum hæc non interueniat, neque proximè ad illam faciendam: cum scilicet nullam (ut suppono) voluntatem confitendi sacerdoti declarauerit. Ex decreto autem Pij IV. Clem. VIII. & ex edicto Inquisitorum solum prohibetur, & denuncianda mandatur sollicitatio facta in confessione, vel proximè ad illam: & ita docet Acuña *de sollicitat. quest. 14. num. 6.* id colligens ex Suar. *tom. 4. de pœnitent. disput. 33. sect. 2. num. 4.* Henric. *summ. lib. 6. cap. 21. num. 4.* Ioann. Sanch. *suprà num. 40.*

PUNCTUM IX.

Qui nomine confessarii, seu sacerdotis sollicitantis veniant intelligendi ex supradictis decretis.

- 1 *Sacerdos tamen si iurisdictione careat intelligitur.*
- 2 *Episcopi, Nuntij, officialesque sedis Apostolicæ non sunt Inquisitoribus denunciandi.*
- 3 *Inquisitores Hispani an sint denunciandi, & cui? Sub distinctione respondetur.*
- 4 *Possunt tamen Inquisitores recipere dicta testium, ut Pontificem, vel Inquisitorem generalem de delicto denunciati certiores faciant.*
- 5 *Laici fingentes se sacerdotes, & confessionem excipientes, si sollicitent, non sunt ex hac decreto denunciandi.*
- 6 *Item neque est denunciandus interpret.*
- 7 *Neque pœnitentem si confessarium sollicitet, tenetur confessarius ex vi bullarum denunciare.*

Certum esse debet sacerdotem iurisdictione ad audiendas confessiones carentem, si exponatur illas audire, & pœnitentem sollicitet, fore denunciandum. quia absolute censetur confessarius, cum potestatem ordinis habeat, & possit à peccatis venialibus, & mortalibus confessis absolueret, & ab omnibus in articulo mortis. Aliàs posset quilibet sacerdos sollicitans affirmare ausum fuisse sollicitare pœnitentem, eo quod iurisdictionem non haberet ad absoluendum à peccatis, quæ sibi erant confessa, quod esset eludere decreta Inquisitionis, & constitutiones Pontificum; & ita relato Acuña *quest. 14. num. 5.* Freytas *num. 13.* docet Ioan. Sanch. *disput. 11. num. 38.* Et quidem iuxta constitutionem Gregor. nemini potest esse dubium talem sacerdotem comprehendendi, cum hic sacerdos simulet se audire confessiones, & sic simulans ad Venerem incitet pœnitentem.

2 Quod si confessarius sollicitans sit Episcopus, non est à scilicet denunciatus Inquisitoribus denunciandus; quia Episcopus Inquisitoribus non est subiectus. ex *cap. Inquisitores, de heretic. in 6. & Trident. sess. 24. cap. 5. de reformat.* Si enim in delicto hæresis Inquisitoribus non subduntur, à fortiori neque in delicto suspicionem hæresis habente. Nomine Episcopi Inquisitoribus non subditi comprehenduntur Episcopi titulares, quia verè sunt Episcopi: ita Ludovic. de Mol. *tom. 6. de iust. tract. 5. disput. 28. num. 19.* Acuña *quest. 12. num. 7.* Ioan. Sanch. *disput. 11. num. 33.* Comprehenduntur item Episcopi electi, & à sede Apostolica approbati, etiam si consecrati non sint. ita Mol. *suprà*, quod si solum sint electi, Inquisitoribus subduntur, ac proinde sicut quilibet alius sacerdos debent denunciari. ita Acuña *quest. 11. num. 12.* Freytas *num. 31.* Ioann. Sanchez *num. 35.* Molin. *num. 29.* Deinde Nuntij, seu Legati Sedis Apostolicæ, alique eiusdem sedis ministri, & officiales non sunt denunciandi Inquisitoribus, aut ordinariis, quia non subduntur Inquisitoribus, aut ordinariis in villo etiam gravissimo delicto. constat ex *extravag. cum Martinus, de heretic.* & tradit Ludovic. Molin. *tract. 5. de iust. disput. 28. num. 20.* Farinac. *de heresi, quest. 186.* Decian. *tom. 1. crim.*

min. lib. 5. cap. 23. num. 10. Ioan. Sanchez *disput. 11. num. 33.* Vocantur delegati Sedis Apostolicæ, seu ministri, & officiales ipsius, qui nomine Sedis Apostolicæ ad negotium Sedi Apostolicæ pertinens tractandum mittuntur. Non autem illi, qui ad causas particulares inter alios iudicandas, ac dirimendas quotidie à Sede Apostolica mittuntur: hi enim non negotium Sedis Apostolicæ, sed personarum particularium, autoritate tamen Sedis Apostolicæ agunt. ita Molin. *tract. 5. disput. 28. num. 20.*

3 Sed quid dicendum, si aliquis ex Inquisitoribus Hispaniæ scilicet in confessione sollicitauerit, est ne tribunali denunciandus, vel ordinario?

Respondeo nullo modo tribunali, vel Episcopo esse denunciandum, si vera est sententia Eymeric. *lib. 3. direct. inquisit. quest. 30.* & cum eo Pegna *schol. 79.* dicentis hos annumerandos esse inter delegatos Sedis Apostolicæ, eiusque officiales. Quod si vera est sententia Simanc. *tit. 25.* dicentis hos esse subdelegatos, ac commissarios Inquisitoris generalis, tunc denunciandum fore non quidem Episcopo, neque alteri Inquisitori, quia eis non subditur, sed supremo senatui, vel Inquisitori generali, cui omnes subduntur. ita Molin. *suprà.*

4 Aduertendum tamen est, etsi Episcopi, & Inquisitores denunciandi non sint, ut corrigantur, vel puniantur ab aliis Inquisitoribus, possunt tamen Inquisitores, (si denunciatio sit) depositiones testium accipere sedi Apostolicæ, vel generali Inquisitori remittendas: ita relato Simanc. docet Mol. *tract. 5. de iust. disput. 28. num. 19.* Ioan. Sanch. *disput. 11. num. 34.* Acuña *quest. 12. num. 9. & 10.*

5 Laici fingentes se sacerdotes, & confessiones excipientes si sollicitent, non veniunt denunciandi ex supradictis decretis; quia solum loquuntur de sacerdotibus, non de illis, qui se sacerdotes fingunt, quique confessarii propriè non sunt, neque confessio illis facta est sacramentalis, neque obligationem sigilli propriè inducit. ita Acuña *quest. 13. num. 5.* Ioan. Sanch. *disput. 11. num. 36.* Verum etsi ij laici sollicitantes denunciandi non sint ex bulla lata aduersus sollicitantes. At ex constitutione Gregor. XIII. lata aduersus eos, qui se sacerdotes simulant, & sub tali simulatione confessiones excipiunt, denunciandi sunt. Requiritur tamen, ut non solum confessiones ambierint, sed etiam absolutionem impenderint, ut bene norauit Acuña *quest. 13. num. 17.* Ioan. Sanch. *disput. 11. num. 36.* ideoque in edicto Inquisitorum dicitur denunciandum esse illum, qui cum sacris initiatus non sit, aliquod sacramentum administravit. Non autem censetur sacramentum Pœnitentiæ administrasse, quousque absolutionem impenderit.

6 Interpret quicumque sit, etiam si sit sacerdos, si pœnitentem in confessione sollicitet, denunciandus non est, ex tenore bullarum; quia absolute non est confessarius, sed potius ex parte pœnitentis se tenet. ita Ioan. Sanch. *disput. 11. num. 10. & 37.* esto contra tenet Seraphin. Freytas *in adduon. ad Acuñam quest. 15. num. 37.*

7 Pœnitens quicumque sit, si confessarium sollicitet, nullo modo à confessario est sub obligatione Bullarum, & decreti Inquisitorum denunciandus; quia hæc non aduersus pœnitentes, sed aduersus confessarios pœnitentes sollicitantes lata sunt, ut ex ipsis aperte constat. ita Acuña *quest. 9. num. 3. 5. & 6.* Ioan. Sanch. *disput. 11. num. 24.*

PUNCTUM X.

Quando cesset obligatio denunciandi Sacerdotem hoc crimen sollicitationis committentem.

- 1 Cessat, si Sacerdos emendatus sit, neque periculum sit recidui.
- 2 Cessat, si correctione fraterna emendandus speratur, & spes debet esse certa.
- 3 Alij excusant, quoties Sacerdos de hoc delicto infamatus non est. Non admittitur excusatio.
- 4 Deinde excusant alij à denuntiatione facienda Inquisitoribus, si Episcopo denunties. Non approbatur in Hispania.
- 5 Item excusant, si secreto sciueris sollicitationem. Sed non probatur excusatio.

DE hac dubitatione satis dictum est in disput. de correctione fraterna denuntiationi præmittenda, & exhibi dictis satis constat. Primò ergo cessat obligatio denunciandi, si Sacerdos emendatus præsumatur, neque periculum sit recidui; cum decreta Pontificum in hoc delicto non tam punitionem delinquentis Sacerdotis, quàm reuerentiam sacramenti attenderint, ideòque diximus esse decreta fauorabilia, & amplianda, non restringenda. Hoc tamen intelligendum est, quando ex mandato Inquisitorum aliud non constat, ipsi enim ad punitionem delicti commissi, & in aliorum exemplum, & coercionem imperare possent, ut delicta iam emendata sibi manifestentur: tunc enim scientes obligati essent manifestare, si delictum laboraret infamia, vel aliquo modo publicum esset, alias minime.

2 Secundò videtur dicendum cessare obligationem denuntiationis, si correctione fraterna integrè emendandus speratur; quia ex iure naturali tenemur reuerentiæ sacramenti providere, minori damno proximi, quo fieri possit. Sic aliis relatis docet in casu præcedenti Fagundez de 5. præcepto, 2. part. lib. 4. cap. 3. 1. num. 1. Rarò tamen existimo hanc emendationem hac correctione secreta sperari posse, ac proinde rarò cessare obligationem.

3 Tertiò excusat Fagundez ab hac denuntiatione faciendâ, quoties Sacerdos aliquo modo de tali delicto infamatus non est; quia Bulla Clementis VIII. petit Sacerdotem esse infamatum. Inquit enim, de quomodolibet infamatis. & quia denuntiatio præcepta sub excommunicatione regulariter non obligat de delictis occultis, & quæ probati non possunt, excepto crimine hæresis, ne denunciator calumniator reputetur. Cenedo collect. 201. num. 3. Henric. de excommunicat. lib. 13. cap. 18. n. 3. Nauarr. cap. 25. n. 46. Sotus de regendo secreto, n. 3. 1. quest. 1. concl. 4. Verùm hæc excusatio mihi non probatur: tum quia rarò fœmina sollicitata tenebitur denuntiationem facere, siquidem hoc crimen secretissimè committitur, neque aliis à sollicitato illud solet cognoscere, neque infamationem contingere, nisi cum delictum denuntiatum est. Tum quia hæc denuntiatio ad præcauendum delictum, & impediendam irreuerentiam sacramenti ordinatur: in quo casu non est necessarium delictum publicum esse, præcipuè cum nullus adsit timor, ut denunciator pro calumniatore habeatur: siquidem non induit personam accusatoris, sed delatoris, & testis, ut latius in tract. de correct. p. ult. diximus. Neque obstant verba Clementis, mandat enim denunciare quemlibet Sacerdotem de hoc crimine quomodolibet infamatum, id est, infamatum apud sollicitatam personam: nam aduerbium illud, quomodolibet, restringit infamiam, ut non accipiat in rigorosa sua significatione. Item dici

Ferd. de Castro Sum. Mor. Pars I.

potest hunc quomodolibet infamatum præcipuè esse denunciandum.

4 Quartò excusat Fagundez ab obligatione denunciandi Inquisitoribus, si Episcopo denunties. Sentit enim supradiet. Doctor Clement. 8. non abstulisse ab ordinariis facultatem de hoc crimine cognoscendi, sed eam simul tradidisse Inquisitoribus. Ergo non ætatis ad tribunal inquisitionis recurrere, sed poteris ad ordinarij tribunal accedere, quo tribunali denuntiationem acceptante cessat tibi obligatio ad inquisitionem recurrendi.

Cæterum neque hæc excusatio mihi probatur. Existimo namque Clementem VIII. ab ordinariis abstulisse cognitionem huius criminis, & priuatiuè concessisse Inquisitoribus. Tum quia nunquam ordinarij in Hispania de hoc crimine cognoscunt, sed solum Inquisitores. Consuetudo autem est optima legum interpret. Item constitutio Gregor. X V. de hac materia loquens ideo ab Inquisitoribus Hispaniæ recepta non est; quia æquè ipsis, & ordinariis concedit facultatem procedendi in hoc crimine. Tum denique quia Inquisitores cum de hoc crimine iudicant, ordinarium vocant, & simul cum illo causam decidunt, sicuti in causis fidei. Ergo signum est neque ordinarium sine Inquisitoribus, neque Inquisitores sine ordinario posse in hac causa in Hispania procedere; ac proinde Inquisitoribus, & non ordinario denuntiatio est faciendâ, quia formare processum ipsis independenter ab ordinario competit.

5 Quintò excusat Fagundez ab obligatione denuntiationis, si sub secreto naturali sciueris sollicitationem; quia huiusmodi secretum non vergit in detrimentum proximi, & ex alia parte obligatio illius est de iure naturali, denuntiatio de iure tantum positiuo, & humano. Ergo fortius vinculum iuris naturalis præualere debet minus forti. At neque hæc excusatio mihi placet, quia secretum seruare non debes, quoties cedit eius obseruatio in damnum commune. Sed non denuntiare sollicitantem non emendatum vergit in damnum sacramenti Pœnitentiæ, & illuc accedentium, quibus venenum loco medicinæ paratur. Ergo non teneris illud obseruare, ut latius diximus p. 14. de correct.

PUNCTUM XI.

Quibus pœnis, & qua ratione Inquisitores in hoc crimine procedant.

- 1 Quousque reus duobus testibus testificatus sit, non recluditur in carcerem.
- 2 Causa conclusa vocantur consultores Ecclesiastici, ut ex eorum consilio proficiatur sententiâ, & qua forma proficiatur.
- 3 Si ante testificationem reus se desert, non recluditur, & facta graui reprehensione dimittitur.
- 4 Quid si reus neget, cum est duobus testibus eius delictum probatum.

QUousque reus duobus testibus, vel tribus testificatus sit, non recluditur in carcerem, quia cum hi testes singulares sint, & regulariter præsumptio stet pro Sacerdote, requiritur probatio efficacior, quàm in aliis delictis. Quapropter in Hispania non solent particulares Inquisitores sine consilio supremi Senatus aliquem specialiter religiosum in carcerem secretum detrudere. Si autem personæ testificantes non sint satis qualificatæ, propria domus, vel ciuitas assignatur reo pro carcere: interim tamen quo agitur causa prohibetur delinquens à Missæ celebratione, administrationeque sacramentorum, & prædicatione.

2 Causa conclusa vocantur consultores Ecclesiastici tantum, & ex eorum consilio Inquisitor, & ordinarius

B B b

profe

566 De Confessario ad Venerem sollicitante.

proferunt sententiam , illámque reo denuntiant in tribunali secrero. Nam licet Didac. Cantera *in quest. de hereticis, num. 63. fol. 426.* sentiat in publico actu fidei legi debere, & triremibus sic delinquentem esse condemnandum, eius sententia in praxi non est recepta, & merito, ne plures sumpta inde occasione à receptione sacramentorum abtineant, néve hzretici, qui sic pœnitentiam detestantur, Confessores irrideant. Legitur ergo sententia in secrero tribunali præsentibus duobus cuiusvis ordinis religiosi Confessariis, ibique grauitè reprehensus abiurat de leui, & ab audiendis confessionibus, & prædicatione verbi Dei perpetuò priuatur, si casus gravis sit, hoc est, si plures sollicitauit, & sollicitationis effectum est consequutus: si autem casus ita grauis non est, aliquibus annis priuatur ab excipiendis virorum confessionibus, & in perpetuum mulierum, & vno, vel duobus annis in aliquod monasterium recluditur; quòd si religiosus sit, præcipitur, vt in choro, & refectorio, aliisque locis communibus vltimam sedem habeat, voce actiua, & passiuà interim priuatus. Et aliquoties hæc sententia iterum per secretarium in suo conuentu, præsentibus omnibus religiosi legitur, vt illis in exemplum sit, & delinquenti in confusionem. Quòd si sollicitatio ad plures personas se extendit, & cum illis turpitudines graues commisit, ab omnibus religiosi post lectam sententiam flagellatur. Adde me vidisse aliquos ob hoc crimen relegatos, & triremibus

addictos, maximè cùm sollicitatio virorum fuit. In qua sollicitatione, si actus consummatus fuit, in Aragoniæ regno, curiæ seculari delinquens traditur; quia ibidem ex speciali breui Sedis Apostolicæ Inquisitores de hoc crimine cognoscunt.

3 Si autem delinquens ante duorum testium depositionem se Inquisitoribus detulit, in carcerem secretum non recluditur, sed lite contestata, & causa conclusa, vt dictum est, abiurat de leui; & ab audiendis confessionibus priuatur, neque aliæ pœnæ ei imponuntur, Et hoc procedit, etiam si plures sollicitasset: quòd si semel tantum sollicitauit, & ante vllius testis depositionem se detulit, grauitè reprehenditur, neque vltra punitur. Et idem fit in casu, quo sollicitatæ personæ examinatz negant sollicitationem sibi factam esse.

4 Verùm si reus negat delictum duobus testibus singularibus sibi probatum, Inquisitores inuestigent diligenter qualitatem testium, & animaduertant, an aliquibus indiciis verosimilibus suas depositiones comprobent, & si sic reppererint, etiam si reus neget, dummodo ob inimicitiam testes non repellat, illum damnent, vt abiuret de leui, & ab audiendis confessionibus abtineat. Nunquam tamen torturæ reum subiciant, quia hoc crimen pœnæ corporali regulariter non subiicitur, ideòque pro eruenda veritate quæstionari non debet.



TRACTATUS QUINTVS,

ET

DISPVATIO VNICA

De virtute spei, & ei annexis, & contrarijs.

AVLVVS 1. *Corinth.* 13. post virtutem fidei spem enumerat, quia obiectum cognitum, & nobis conueniens speramus. Præmittit spem charitati; tum quia charitate est inferior, tum quia sine charitate esse potest, ut contingit in peccatoribus fidelibus, qui media pœnitentia sperant consequi salutem. At charitas sine fide, & spe in hac vita esse non potest.

PUNCTVM I.

Quid sit spes, quod eius obiectum, & quomodo à fide distinguatur.

- 1 Definitur spes.
- 2 Obiectum materiale spei est, quod ipsa virtus obtinere intendit.
- 3 Arguitur Deum non esse immediatum obiectum spei.
- 4 Deum visum esse immediatum obiectum spei defenditur.
- 5 Satis sit rationi dubitandi num. 3. adducta.
- 6 Deus visus quatenus est nobis conueniens, est formale obiectum spei.
- 7 In quo spes à fide, & charitate distinguatur.
- 8 Distinguitur ab his virtutibus distinctione reali.

1 **N**omen spei multipliciter accipitur. Sed omisiss variis acceptionibus, de quibus expolitores cum Magistr. in 3. sentent. dist. 26. & cum D. Thom. 2. 2. quest. 17. art. 1. & seq. spes in præsentī accipitur pro habitu, seu virtute theologica, qua bona supernaturalia, præsertim beatitudinem speramus, iuxta illud ad Roman. 8. *Quod non videmus, speramus.* & 1. Petri 1. *Regenerauit nos in spem viuam per resurrectionem Iesu Christi ex mortuis in hereditatem incorruptibilem,* &c. & clariùs ad Roman. 5. *Gloriamur in spe gloria, secundum spem vite æternæ, quam promissit qui non mentitur Deus.* Ex quibus locis constat dari quandam virtutem, qua hæc omnia bona, præsertim supernaturalem beatitudinem à Deo consequendam speramus.

2 Hinc sit obiectum materiale huius virtutis, seu materiam eius esse quicquid ipsa virtus obtinere intendit. Hoc autem primò est gloria, seu beatitudo æterna, secundò omnia alia, quæ huius consecutioni deseruiunt. Et quidem quodd primarium eius obiectum sit gloria, probat tum locus Pauli ad Rom. 5. *Gloriamur in spe gloria secundum spem vite æternæ;* faciens enim mentionem solius gloriæ denotat gloriam ad minus esse speciale, & præcipuum illius obiectum. Tum, quia gloria est vltimus nostræ vitæ finis, quem procurare non possumus, nisi speremus. Sed quia hic finis consequi non potest, nisi auxiliis diuinis, gratia, reliquisque supernaturalibus donis, hæc omnia ad virtutem spei secundariò pertinent; quia ad eandem virtutem, ad quam pertinet procurare finem, pertinent & media ad ipsum finem, cum intentio finis sit implicita mediorum intentio. Adde hoc expressè videri definitum in Trident. sess. 6. cap. 6. ubi loquens de modo, quoad iustitiam peccatores disponuntur. Dixit primò, disponi per fidem cre-

Ferd. de Castro Sum. Mor. Pars I.

dentes vera esse, quæ diuinitus reuelata, & promissa sunt: atque illud in primis, à Deo iustificari impium per gratiam eius, &c. Secundò in spem eriguntur fidentes Deum sibi propter Christum propitium fore. Tertiò illumque tanquam iustitiæ fontem diligere incipiunt, &c. Ecce qua ratione non solum beatitudo, sed quæ beatitudini deseruiunt, obiectum sunt virtutis spei. sic omnes Doctores Catholici. Quocirca si beneficia aliqua creata speraremus consequi à Deo sine ordine saltem implicito ad beatitudinem, talis spes, & desiderium ad spem theologicam non pertineret, quia in tantum ad ipsam potest pertinere, quatenus ad beatitudinem consequendam conducere potest, & sub hac ratione speratur. sic notauit Coninch *disp. 19. dub. 4. n. 58.*

Sed quia in beatitudine considerari potest & Deus qui videtur, & visio ipsius, dubium est, quòdnam sit horum obiectum spei?

3 Ex ratio dubitandi est primò, quia obiectum spei communiter dicitur esse obiectum arduum, absens, & futurum: sed Deus non est quid arduum, absens, & futurum, sed sola eius visio nobis est absens, futura, & difficilis. Ergo sola illa est obiectum immediatum spei, & Deus mediatum, scilicet ut terminus huius visionis. Secundò in beatis gaudium, & fructio est de visione, non de Deo, & in damnatis tristitia, & desperatio est de carentia visionis, non de carentia Dei, Deo enim non carent. Ergo in præsentī vita spes debet esse non de Deo, sed de eius visione, quia idem quod in hac vita speratur, eodem in patria fruimur. Tertiò referre Deum ad nos ipsos videtur inordinatum, quia ipse est vltimus omnium finis, sed spes refert obiectum quod sperat ad commodum, & vtilitatem sperantis, quia illud amat ut bonum proprium, & hac ratione à charitate distinguitur, cuius obiectum amatur propter bonitatem in ipso existentem. Ergo. Quartò, amor concupiscentiæ, qui est spei proprius, non potest ferri in ea, quæ supposito sunt nobis distincta, quia ea non videntur posse esse bonum nostrum, nisi ratione alicuius effectus nobis inhaerentis, sicut ignis non est nobis bonum, nisi ratione caloris nobis inhaerentis.

Cæterum communis & verissima sententia est præcipuum obiectum spei esse Deum ipsum, simul tamen cum eius visionem: ita D. Thom. 2. 2. q. 17. art. 2. & 5. & ibi Caiet. Suarez *disp. 1. de virtute spei, sect. 1. n. 4.* Valent. 2. 2. *disp. 2. q. 1. p. 1. pag. 445. vers. nos verò.* Coninch *disp. 19. de spe, dub. 3. concl. 1. n. 44.* Ratio præcipua est, quia sperans beatitudinem, non sperat Deum in se, neque illud petit, neque etiam sperat, aut petit visionem eius à Deo sepa-

B B b 2 ratam.

raram, sed petit, & sperat utrumque simul, sicuti avarus non petit, & sperat pecunias exillere, sed petit illas possidere. Possidere autem pecunias æquè immediate includit pecunias, & illarum possessionem. Ergo in utrumque nostra spes fertur. Deinde si Deus non esset nostræ spei immediatum obiectum, sed solum terminus immediatus obiecti, non esset spes virtus theologica: hac enim ratione religio à virtute theologica excluditur, quia solum attingit Deum ut obiectum, cui reuerentia, & honor exhibetur, & honor, & reuerentia est eius immediatum obiectum. At secundum communem Theologorum sententiam tres sunt theologice virtutes, fides, spes, & charitas. Ergo si fides, & charitas Deum immediate attingunt, etiam & spes illum attingere debet.

5 Neque argumenta in contrarium obstant. Fateor obiectum spei esse absens, arduum, & futurum, quia licet Deus in se non sit absens, neque difficilis, neque futurus, est tamen Deus visus, sufficit enim quod ratione visionis sit nobis absens, & difficilis, ut absolute hoc complexum Deus visus nobis dicatur absens, & difficilis, & futurus; sicuti avaro appetenti pecunias dici possunt esse ab illo absentes, quia illarum possessio absens ab illo est. Adde cum obiectum spei dicitur absens, arduum, & futurum, non intelligas ferri in has rationes tanquam in formale obiecti constitutum; non enim speras, neque desideras absentiam, neque arduitatem, neque futuritatem; imò velles hæc omnia non esse, sed illud obiectum, quod apprehendis arduum, absens, & difficile acquisitum, hoc speras consequi. Ad secundum dico, fruitionem, & gaudium beatorum non esse præcisè, imò nec primariò de visione, sed potiùs de Deo per visionem possessio, ideo enim gaudent se habere visionem, quia per illam possident Deum. Et idem est in damnatis, carent enim Deo, qui sit illorum merces, esto non careant Deo, qui sit eorum delictorum vindex. Ad tertium referre Deum ad nos ipsos, tanquam in finem esse quidem inordinatum, at referre Deum ultimum finem nobis, id est, nostræ utilitati inordinatum non est; sicuti Deus ipse nobis detulit filium suum, id est, in nostram utilitatem, & remedium; non tamen detulit nobis, ut nos essemus illius finis. Spes ergo refert Deum nobis, id est, desiderat, & sperat consequi nobis Deum, non tamen desiderat, aut sperat nos, nostramque utilitatem esse finem Dei acquisiti, ad hoc enim necessarium erat nostram utilitatem Deo ipso præferre, quod absit. Ad quartum nego omnia quæ sunt à nobis supposito distincta non posse nobis esse bona, & appetibilia; sunt etenim, ut patet in avaro, & in ebrio, quibus vinum, & pecunia sunt bona appetibilia, & visus, auditus, & gustus appetunt obiecta à se distincta, illaque reputant bonum proprium. Fateor tamen aliquando bonum aliquod non esse per se obiectum appetitus, sed medio effectu productum, ut in exemplo allegato de igne, quem frigidus ad effectum se calefaciendi non appetit immediate, sed mediate, secus ad alios effectus, quibus ipsa substantia ignis omnino necessaria est.

6 Ex his constat quod sit obiectum formale spei, affirmo, inquam, esse Deum visum nobis convenientem. Nam illud est formale obiectum alicuius voluntatis actus, quod mouet ad sui appetitum, & desiderium. At Deus visus mouet nostram voluntatem, ut ipsum appetat, & desideret, quia sibi est bonum conueniens. Ergo hoc est obiectum formale spei, & ita tenent cum D. Thom. ferè omnes eius expostores, Bannes *art. 5. versic. nota secundo* Suarez *disput. 1. de spe, sect. 2. conclus. 3.* Coninch *disput. 19. dub. 4. num. 52.* & alij apud ipsos.

7 Ex obiecto materiali, & formali huius virtutis infertur distinctio, quam habet à fide, & charitate. Nam

licet fides, & charitas Deum respiciant, illumque habeant pro formali obiecto, sub diuersa tamen ratione, ac spes. Nam fides respicit Deum, ut testificantem verum, charitas ipsum respicit, ut in se summum bonum, summoque amore dignum. Spes attendit ipsum Deum, ut bonum sperantis, licet has virtutes distinguunt supradicti Doctores, Valent. *disput. 2. quest. 1. punct. 2. in princip.* Suarez *suprà, tota sect. 3.* Coninch *dub. 4. in fine.*

8 Quod si inquiras, an hæc distinctio sit realis, vel tantum rationis? Respondeo realem esse, neque enim sola rationis distinctio videtur sufficere ad numerum constituendum. Atqui ex sententia Pauli 1. *Corinth. 13.* fides, spes, & charitas constituunt ternarium numerum virtutum. Ergo sunt inter se realiter distinctæ. Adde, in quolibet peccante mortaliter perit charitas, & non perit fides, neque spes. Ergo distinguuntur adinuicem realiter. sic Suarez *sect. 3. fine.*

PUNCTUM II.

Qui sint actus spei.

- 1 *Duplex est actus prosecutionis, & fugæ.*
- 2 *Desiderare beatitudinem alicui potest esse actus spei, si illam ut tibi conuenientem desideres, si ut alteri conuenientem, erit actus charitatis.*
- 3 *Desperare de beatitudine alicuius absque rationabili causa, est peccatum contra charitatem, vel iustitiam, vel fidem, secundum rationem, quam habes ad desperandum.*
- 4 *Ex gratia Dei, & ex nostris meritis speranda est beatitudo.*
- 5 *Bonum temporale sperare potes virtute spei.*
- 6 *Observare iustitiam ex timore gehenna actus esse potest virtutis spei.*

1 **R**espondeo in genere duplicem esse actum, alium prosecutionis in bonum sibi conueniens, alium fugæ à malo sibi disconuenienti. Actus prosecutionis vocatur spes, actus fugæ vocatur timor. Ad eandem enim virtutem pertinet amare bonum, & odio habere contrarium, quia sub eadem ratione uterque actus versatur, & inter se sunt ita subordinati, ut unus alterum necessariò inferat. Ergo ad eandem virtutem pertinet sperare bonum sibi conueniens, & timere malum contrarium; uterque enim actus proprium commodum respicit. sic tradunt ferè omnes Doctores, cum D. Thomas 2. 2. q. 17. & 19. Difficultas autem solum versatur in explicando, qui sint ij actus prosecutionis, & fugæ, seu spei, & timoris.

2 Et primò dubitatur circa actus prosecutionis, an tantum circa nostram beatitudinem, an etiam circa alienam spes versari possit? Quod est inquirere, an sperare, seu desiderare alicui beatitudinem, sit actus spei? Qua in re omissis variis argumentis, quæ inutiliter cogerunt aliqui Doctores; respondeo cum distinctione, si desideres beatitudinem alterius, quatenus tibi bona est, quia sic accidentaliter saltem tua beatitudo crescit, tale desiderium est actus spei; si verò illam desideres, quia illi bona est, erit actus charitatis. sic docent expressè cū D. Thom. 8. August. Valent. 2. 2. *disput. 2. q. 1. p. 1. pag. 446. versic. tertia particula.* Vasq. in 3. p. tom. 1. *disput. 43. cap. 2. n. 6. & 7.* Coninch *disput. 19. de spe, dub. 5. n. 64. in conclus.* Suarez *disput. 1. sect. 3. num. 19.* Ratio prioris partis est, quia si beatitudinem alterius appetis, quia tibi conueniens est, potius bonum tibi, quàm alteri appetis. Ergo ille appetitus ex amore concupiscentiæ, & nò ex charitate, & amicitia procedit, sicuti si tuo mancipio, aut equo salutem appeteres, quia tibi conuenit, non tam bonum illorum, quàm proprium procuras.

Econtra

Econtra verò si beatitudinem alterius optes, quia illi bona est, & conueniens, illius bonum optas, non proprium; ac proinde non ex amore concupiscentiæ, sed beneuolentiæ, & amicitiae procedit, & consequenter spes esse non potest, sed erit charitas, quæ sit virtus theologia, vel moralis. Nam velle bonum proximo, quia illi bonum est regulariter ex honesta quadam amicitia, non ex charitate, virtute theologia procedit, & notauit Coninch *disp. 19. de spe, dub. 1. num. 13. & dub. 5. n. 67.* Neque obstat dictum D. Augusti. *serm. 11. de verbis Domini*, asserentis de nullius salute esse desperandum, vt inde colligamus ad virtutem theologicam spei pertinere sperare aliorum salutem. loquitur enim D. Augusti, in latiori significatione spei, qua comprehendit bonum quodlibet speratum.

3 Quod si inquiras cui virtuti contradicas, cum absque rationabili causa de proximi salute desperas? Respondet optimè Coninch *disp. 19. dub. 5. n. 68.* attendendam esse rationem, ob quam desperas. Nam si desperas, quia credis Deum non illi adfuturum suis auxiliis, & erras contra fidem, cum ex illa tenearis credere omnibus Deum esse paratum, & insuper offendis diuinam pietatem, & benignitatem, illique iniuriosus es sic male sentiens. Si autem desperas de proximi salute, quia credis ex sua negligentia, vel malicia omitturum necessaria ad salutem, peccas contra charitatem, vel iustitiam proximi, temerè de illo in re tam graui iudicando absque fundamento, quod esse non potest absque reuelatione, nam etiam si perditissimus sit, potest conuerti, & salutem consequi. Quod si ex odio, quo proximum prosequeris, talis desperatio procedit, contra charitatem illi debitam peccabis.

4 Secundò dubitatur, an speranti beatitudinem licitum sit illam sperare ex suis meritis, an solum ex promissione, & gratia Dei? Respondeo principaliter debere sperare ex gratia Dei, eiusque promissione, secundariò ex suis meritis, vt à gratia Dei profectis: sic omnes Catholici cum D. Thom. *q. 17. art. 4.* Ratio est manifesta, quia inde speramus beatitudinem, vnde illam consequi possumus; sed ex gratia Dei primò, & secundariò ex nostris operibus, vt gratia Dei profectis consequi possumus æternam salutem; ergo ex utroque simul illam sperare possumus. Pluribus locis Scripturæ confirmare poteram, breuitatis causa omitto, quia res est clara. videatur Valent. *p. 1. circa finem.* Hinc sit certitudinem nostræ spei fundari in auxiliis diuinis, & nostris operibus ex gratia Dei factis, quia ex his causis beatitudo obtinetur, & Deus illam sic dare promisit. Et quidem de auxilio diuino constat ex illo Trident. *sess. 6. c. 13. ibi, Vnumquemque in Dei auxilio firmissimam spem reponere debet.* Quod autem etiam in operibus diuina gratia fulcitur hæc spes niti debeat, probat Paul. ad Roman. 3. *Gloriamur in tribulationibus, scientes quod tribulatio patientiam operatur, patientia verò probationem, probatio spem, spes autem non confunditur.* & 1. Ioan. 3. *Si cor nostrum non reprehenderit, nos fiduciam habemus apud Deum.* & illud 2. ad Timoth. *Bonum certamen certauis, fidem seruasti,* &c. Secundò sit posse nos operari bene intuitu, & spe consequendi æternam beatitudinem; siquidem beatitudo in præmium offertur bene operantibus ex diuina gratia: & docuit Trident. *sess. 6. cap. 11. in fine.* ibi, Cum hoc, vt in primis glorificetur Deus, mercedem quoque intuentur æternam, & constat ex illo Psalm. *Inclinaui cor meum ad faciendas iustificationes in æternum propter retributionem.*

5 Tertiò dubitatur, an ex virtute spei sperare possis mercedem aliquam temporalem bonis operibus consequendam, v. g. salutem temporalem, ieiunio, oratione, & eleemosyna? Suppono licitum tibi esse ieiunium, orationem, & eleemosynam ad hæc consequenda referre, quia licitum tibi est hæc à Deo petere. Ergo etiam licitum

Ferd. de Castro Sum. Mor. Pars I.

tibi est eius voluntatem inflectere his bonis operibus. Item Deus promittit obseruantibus mandata bona temporalia daturum. Ergo licitum tibi est obseruare mandata, vt sic præmissum consequaris. Neque obinde debes dici seruus, & mercenarius, quia non seruus Deo ob illam retributionem temporalem, animo non aliàs illi seruendi, sed potius paratus es saltem habitualiter omnia eius mandata seruare, etsi nullum temporale commodum tibi dedisset. Neque item obstat, quod rem superioris ordinis ad inferiorem referas, quando res superioris ordinis ex relatione ad inferiorem non omnino perit, vt patet in præfenti, non enim perit oratio, & eleemosyna ob talem relationem, sed apud Deum locum habet, aliàs tibi non liceret docere pueros ob aliquod temporale commodum, sufficit enim si hæc omnia actu, vel habitu ad Deum referantur. Hoc supposito, respondeo, si temporale commodum, quod consequi optas mediis bonis operibus, velis illud obtinere, vt sic facilius beatitudinem consequaris, actus erit virtutis spei saltem imperatus; quia ab eodem motiuo procedit. At si ex nulla relatione ad beatitudinem procedit, credo non tam ad virtutem spei theologicam, quam moralem id pertinere posse. sic Suarez *disp. 1. de spe, sect. 5. fine.*

6 Quartò dubitatur circa mali fugam, an sit actus spei obseruare iustitiam ex præciso timore gehennæ? Et quidem si ita ex timore gehennæ iustitiam obseruares, vt voluntatem haberes iustitiam non obseruandi, si gehenna non esset, clarum est timorem illum esse malum, & peccatum, quia tunc gehennam præfers mandatorum obseruationi, & consequenter Deo, qui debet esse semper noster vltimus finis. In quo sensu dixit D. Thomas 1. 2. *q. 19. art. 4.* seruilitatem semper esse malam. quod clariùs explicuit Augusti. *in lib. de nat. & grat. c. 57.* dum dixit, Sub lege est qui timore supplicij, quod lex minatur, non amore iustitiæ se sentit abstinere ab opere peccati, nondum liber, nec alienus à voluntate peccandi: in ipsa enim voluntate reus est, qua mallet, si fieri posset, non esse quod timeat, vt liberè faciat, quod occultè desiderat. At si ex timore gehennæ mandata diuina obseruas, alioquin obseruanda, etiam si gehenna non esset, actum virtutis spei efficias. Vt quid enim Deus nos timore prænarum continere voluit in iustitia, si ex illarum timore moueri non possemus? Quapropter Trident. *sess. 6. can. 8.* contra Lutherum, definit: *Si quis dixerit gehenna metum, per quem ad misericordiam Dei de peccatis dolendo confugimus, vel à peccando abstinemus, peccatum esse, aut peccatores peiores facere, anathema sit.*

PUNCTUM III.

In quibus habitus spei, & timoris insit.

- 1 In beatis non est propriissimus actus spei, remanet tamen habitus quoad substantiam.
- 2 Idem dicendum est de timore.
- 3 Quis timor sit in beatis.
- 4 Christus Dominus dum fuit in hac vita mortali habuit habitum spei.
- 5 Anime in purgatorio existentes, habent propriissimum actum spei.
- 6 Dammati actu, & habitu spei carent.
- 7 Viatores iusti habent habitum spei, imò & peccatores, quorum peccatum virtutis spei non sit contrarium.

DE beatis, & de damnatis, & animabus in Purgatorio existentibus potest esse dubitatio.

1 Dico ergo primò, in beatis non esse propriissimum actum spei, remanere tamen habitum quoad substantiã, etsi non quoad denominationem. hanc conclusionem defendit Suarez *tom. 1. in 3. part. quest. 7. in explicat. art. 4.*

570 De virtute spei, & ei annexis, & contrariis.

& *disp. 1. de fide, sect. 8. n. 5.* Coninch *disp. 19. dub. 10. n. 130.* & 131. Priorem partem huius conclusionis probō, quia propriissimus actus spei est velle, & sperare Dei possessionem. Atqui beati iam possident Deum, & certō sciunt semper possessuros. Ergo defecit in illis obiectum huius proprii actus, atque illum habere non possunt, & in hoc sensu loquitur Paul. 1. *Corinth. 13.* & Pontifices, cū dicunt fidem, & spem in patria euacuāri, manere tamen charitatem, non enim manet spes secundum ipsius denominationem, quia non manet secundum suum proprium actum. Secundam partem, scilicet ibi remanere habitum spei quoad substantiam, sic probō. Nam beati plures actus eliciunt pertinentes ad virtutem spei. Primō gaudent de Deo possessio, quatenus sibi conueniens est, qui actus necessariō procedit ab eadem virtute, à qua procedebat illius amor, & desiderium. Secundō sperant beatitudinem sui corporis, & licet huiusmodi beatitudinem sciant futuram esse infallibiliter, & sine difficultate acquirendam, quia tamen acquirenda est ex auxilio supernaturali naturæ indebito, ea de causa dici potest ad virtutem spei pertinere. Tertiō sperare possunt, & optare beatitudinem aliorum, non solum ex amore charitatis, & amicitiae, sed etiam ex amore concupiscentiae, quatenus sibi conueniens est, eo quod ex aliorum consortio crescit saltem accidentaliter eorum beatitudo.

2. Quod si de timore ordo ex virtute spei loquamur, idem dicendum est, quod dixi de actu spei non esse in beatis secundum proprium actum, quia beati cognoscunt sibi esse impossibilem priuationem Dei, eternamque damnationem, non igitur illam timere possunt. Timor enim propriē est alicuius mali possibilis imminētis. Eadem ratione videtur excludendus timor filialis, qui propriē est culpæ, quatenus est offensa Dei, & etiam pœnæ per illam incurse, prout separat à diuina possessione, & eius honore, quia æquē beatis pœna, & culpa est impossibilis, illiusque impossibilitatem cognoscunt, non igitur illa timere possunt. Adde securitatem timori contrariari: sed beati omnino sunt securi à culpa, & pœna, suscepta pœna, & culpa, secundum quacumque rationem. Ergo non possunt secundum aliquam rationem illa timere. Denique qui timet aliquod malum anxius est, ne illi eueniat: at beati nullam anxietatem patiuntur, quia sunt omnino securi tum à pœna, tum à culpa. Neque item indigent aliqua constantia, aut fortitudine ad vitandum malum. Ergo non timent.

3. Dices timorem Domini sanctum permanere in sæculum sæculi, vt testatur David *Psal. 18.* & de Christo dixit Esaias repleuisse eum Dominum spiritu sui timoris, & Angeli, vt canit Ecclesia, tremunt, & contremiscunt. Ergo aliquis timor saltem filialis affirmandus est beatis relidere.

Respondeo supradicta convincere in beatis aliquem timorem esse statuendum, non strictum, & qualem Philosophi agnouerunt, ob illius beatissimi status securitatem; sed qualem Catholici agnoscunt possibilem cum perfectione illius. Primō ergo concedendus est beatis timor reuerentialis ortus ex cognitione diuinæ excellentiæ, & propriæ vilitatis, cū enim beati perfectissimē Deum, & se ipsos cognoscant, videantque se nimis improporcionados diuinæ familiaritati; efficitur sanē ei tremētes assistere, non tamen anxios, & perturbatos, sed cum summa pace, & securitate. Hæc igitur reuerentia simul cum humilitate dici communiter solet timor; non quia sit timor alicuius mali, sed quia est reuerentia admiratione plena, in quo sensu credo dixisse Petrum Christo Luc. 5. *Exi à me Domine, quia peccator sum, super enim circumdederat eum;* non ob aliquod malum, quod timeret sibi fieri posse, sed ob vehementem cognitionem diuinæ excellentiæ, & propriē

iniquitatis, & sic intelligendus est *Psal. cū dixit,* timorem Domini permanere in sæculum sæculi, & Ecclesia affirmans Angelos in conspectu diuinæ maiestatis tremere, & contremiscere. At hic timor, qui nihil aliud est, quàm summa religio humilitate coniuncta, non procedit ab habitu spei, sed ab habitu religionis, & humilitatis. Secundō concedendus est filialis timor, quo culpam, vt summum malum, & diuinæ bonitati contrarium fugiant. Neque obstat cognoscere se esse à tam graui malo omnino securos, quia sufficit, quod attempta præcisè eorum natura illis possibilis sit: hæc enim possibilitas remota sufficiens videtur causare fugam in voluntate beati, & experientia compertum. Inos tremere, & pauere viso leone, aut alia fera ligata, à qua tamen scimus certō esse securos, quia sufficit apprehendere illud malum nostræ naturæ possibile esse. Fateor exemplum non esse adæquatum, tum quia timendo feram anxiamur, & angustiamur, quod tamen in beatis non contingit, tum quia malum, quod à fera nobis provenire potest, absolute est possibile, vel quia possibile est à ligatura dissolui, vel me illi coniungi. At beati cognoscunt culpam, & priuationem Dei illis esse impossibilem: propter quæ credo absoluto actu timoris refugere non posse, bene tamen per quemdam simplicem actum, & quasi conditionatum. Et in hoc sensu non reputo inconueniens, quod refugiant pœnam damni, & sensus, cū etiam apprehendere possint, suæ naturæ præcisè spectatæ possibilem esse. Esto Valent. *disp. 2. q. 2. p. 5.* & Coninch *disp. 20. de timore, dub. 9. n. 63.* censeant illius non habere timorem, etiam secundum hanc imperfectam rationem, quia sunt Deo intimē vniti, & de sua incolumitate parum, de diuino honore multum solliciti.

4. Ex his constat primō, in Christo Domino, cū in hac vita extitit spem fuisse quoad habitum, secundum substantiam, siquidem gauisus fuit de visione beata, tum ob gloriam Patris, tum quia illi erat bonum proprium. Et insuper spem habuit consequendi gloriam sui corporis, exaltationemque sui nominis, quibus perfectius Deo vniretur. Neque obstat cognouisse Christum illa omnia esse certō consecuturum, nec timuisse amittere, eo quod virtute, suppositoque diuino erat roboratus; quia ad rationem spei non videtur necessaria contingentia, sed solum possibilitas cum difficultate. Fuit autem Christo Domine gloria sui corporis, exaltatioque nominis possibilis consequi cum graui difficultate, & arduitate; siquidem summis doloribus, & morte acerbissima illa consequi debuit, iuxta illud Lucæ ult. *Oportebat Christum pati, & ita intrare in gloriam suam.* Ergo licet in aliis beatis non esset agnoscendus habitus spei secundum suam denominationem, quia neque sperant gloriam animæ, cū iam habeant, neque gloriam corporis, vt rem arduam, & difficilem, cū absque villo labore eam debent consequi; in Christo agnoscendus est habitus spei quoad gloriam sui corporis, propriūque nominis exaltationē. sic docuit D. Thom. 3. p. 9. q. 7. art. 4. & ibidem Suarez in comm. Vasquez *disp. 43. cap. 2.* Coninch de spe, *disp. 19. dub. 11. concl. 1. 2. & 3.* De actu timoris idem quod dictum est de aliis beatis, dicendum est de Christo Domino: neque video aliquid ultra notatu dignum.

5. Secundō constat quid dicendum sit de animabus in Purgatorio existentibus, an, inquam, iis non solum habitus, sed verus actus spei insit? Aliquibus videtur ab illis huiusmodi actum esse remouendum. nam licet beatitudo illi sit possibilis, & absens, quia tamen sunt de illius consecutione omnino certæ, non videntur illius propriē habere spem, cuius obiectum debet esse aliquo modo speranti contingens. sic Lorca 2. 2. *sect. 2. disp. 9. n. 7. & 8.* Cæterum verius est propriissimum actū spei habere, quia illis beatitudo est possibilis, absens,

& acquisitu difficilis, siquidem pati debent tot grauissima tormenta pro illius consecutione. Quod autem certo sciant se consecuturas, hoc in causa esse non potest, quominus illam sperare possint; certitudo enim non tollit spem, sed tollit anxietatem, & turbationem; alias careret spe consequendi beatitudinem, cui esset reuelata eius futura consecutio. Et ita in animabus Purgatorii esse veram spem beatitudinis, docuit D. Thom. communiter receptus 2.2.q.18.art.3.in fin.corp.& tradit Coninch disp.19.dub.11.n.146. Suarez disp.1.de spe,sect.8.n.4. De actu timoris idem proportionaliter dicendum est, quod de beatis diximus, cum ipsæ animæ sint omnino ex diuina reuelatione certæ, neque culpam, neque damnationem incursumas.

6 Rursus de damnatis dicendum est carere non solum actu proprio spei, sed etiam ipsius habitu secundum substantiam. tum quia ij sciunt beatitudinem sibi esse impossibilem. Nequeunt ergo illam efficaciter desiderare, aut sperare, aut de illa gaudere. Inefficaciter autem bene possunt desiderare esse beatos, sed ob hoc inefficax, & imperfectum desiderium non est illis concedendus habitus spei, præcipue cum ipsi sint indigni quolibet supernaturali dono. sic Valent. 2.2.diss.2.q.1.p.3. Coninch disp.19.dub.12.concl.3.n.150.

7 Tandem de viatoribus dicendum est, si iusti sint, de fide est, esse in illis habitum proprium spei, & timoris, quia ij, vt dixit Trident. ad iustificationem disponuntur. si autem sint peccatores, non obinde spem amittunt; colligitur aperte ex Trident. sess.6.cap.7. docente per fidem, & spem nos non esse Christo perfecte vnitos, nisi accesserit charitas. Supponit ergo posse nos perfecte vniri, atque adeo fidem, & spem habere posse sine charitate. Clarius sess.14.cap.4. loquens de attritione cum spe veniæ, dixit esse donum Spiritus sancti nondum inhabitantis. Separatur fides, & spes à charitate, & ita tradunt omnes Catholici. Verum si peccatū sit infidelitatis, spes omnino deperditur: nam sublata fide omnia supernaturalia dona virtutis pereunt, quia illorum est fundamentum, & radix, vt dixit Trident. sess.6.cap.8. Item si peccatum sit desperationis, spes amittitur, quia illi specialiter est contrarium: sic supponunt omnes, vt videre est in Suarez disp.1.de spe,sect.8.in princ. Coninch. disp.19.dub.12.

PUNCTUM IV.

An sit, & quando obliget præceptum spei.

1. *Præceptum spei negatiuum semper obligat, affirmatiuum aliquando.*
2. *Obligat quoties necessarium est ad orationem, penitentiam, vel tentationem vincendam.*
3. *De directa obligatione proponuntur variae sententiae, sed resiliuntur.*
4. *Concluditur nullum esse tempus determinatum, sed prudentis arbitrio mensurandum esse.*
5. *De timore tam filiali, quam seruili est præceptum.*
6. *Sed non videtur esse præceptum de exercendis his actibus formaliter.*
7. *Rarò homines nisi perditissimi executionem huius præcepti omittunt.*

1 **P**æceptum spei & potest esse affirmatiuum, & negatiuum. Negatiuum semper obligat, quia semper obligamur non desperare de diuina misericordia, & consecutione æternæ vitæ. Præceptum spei affirmatiuum non est constans apud Doctores quo tempore obliget, etsi apud omnes cum D. Thom. 2.2.q.22.a.1. sit receptum aliquando obligare, ex illo Psalm.4. *Sperate in Domino*, & ad Titum 2. *Expectantes beatam fidem*, & ad Roman.15. *Vi per patientiam, & consolationem scri-*

pturarum spem habeamus. Non enim sine spe beatitudinis, beatitudo obtineri potest, est enim anchora firmissima nostræ vitæ spiritualis. Et quidem si de tempore huius obligationis loquamur,

2. **P**rimò certum est obligare præceptum spei, quoties sine illo debita oratio, penitentia, & tentationis victoria obtineri non potest, quia præceptum obligans ad aliquem finem, obligat simul ad ponenda media necessaria ad illum finem. At hæc obligatio non tam est ex præcepto spei, quam ex præcepto penitentiae, orationis, & tentationis vincendæ; ac proinde eius omissio non est specialiter contra spem, sed contra penitentiam, vel orationem, & ita non est in confessione manifestanda. sic Bannes 2.2.q.22.art.1.dub.2. Sanchez lib.2. in Decalog. cap.33.n.3. in medio, & fine. Suarez disp.2.de spe,sect.1.n.2.&3.

3. **D**e directa autem obligatione spei plures censent adesse, cum primùm rationis vsum assequeris, quia eo tempore teneris te ad Deum conuertere, quod fieri non potest, quin in ipsum speres. sic Bannes 2.2.q.22.art.1.dub.2. Aragon ibi. Petr. de Ledesm. 2. tom. sum. 17.2. cap.4. concl.3. Cæterum hoc dictum non satisfacit, tum quia hæc non est obligatio directa, sed conuersionis, quæ si fieri posset sine spe, nullum de spe esset præceptum. Tum quia conuersio perfecta videtur fieri posse sine speciali actu spei, eo ipso, quod Deum cognoscas vt summum bonum, illumque ames super omnia. quod enim impedire potest, quominus fidem amor subsequatur, nullo actu spei formaliter, & distincto; sufficit enim regulariter actum spei mediare, vt dicamus spem inter fidem, & charitatem medium locum tenere. Adde pro illo instanti vso rationis non adesse hoc conuersionis præceptum, secundum probabilem sententiam, sed necessarium est, vt tempus aliquod arbitrio prudentis decurrat. Ergo non adest directa spei obligatio: & ita tenet Valent. 2.2.diss.2.q.4.p.1. Sanchez lib.2. Decalog. cap.33.n.3. Alij secundò dicunt te obligatum esse actum spei elicere, quoties graui tentatione desperationis vexaris, nisi animum actu spei contrario firmes, quia eodem præcepto, quo teneris non desperare, teneris & sperare, quando sperare, medium est necessarium ne desperes. sic docent Bannes 2.2.q.22.art.1.dub.2. Valent. p.1. Sanchez n.3. Bonacina disp.3.q.3.p.2.n.2. Fateor hoc verissimum esse, sed rogo, quando actus spei reputari posset medium necessarium ad vincendam desperationis tentationem? Quis enim hoc inuestigare poterit? cum sint plurima alia media à Deo instituta ad quamlibet grauem desperationis tentationem vincendam, tum oratio, tum consideratio, tum fides, tum amor, tum denique imaginationis diuersio. Non ergo hoc tempus obligationis est cognitu facile. Tertio alij dicunt te obligatum esse spem habere, quoties obligaris, vel vis aliquid à Deo petere; quia sine spe consequendi peticum, non videris posse debite petere. sic Coninch disp.19.dub.9.n.117. Sed neque hoc dictum satisfacit. Primò, quia tunc non est obligatio directa spei, sed indirecta, quatenus est medium necessarium ad orationem. Quod inde constat, quia si orationem debitam omittas, non peccas contra virtutem spei, sed contra religionem, cuius actum exercere tenebaris. Secundò, quia stare optimè potest te obligatum esse ad orationem aliquam faciendam, non ramen esse obligatum, neque indirectè ad habendum formalem actum spei, sufficit, si illum habeas implicitum, & virtualem, vt dixit Suarez disp.2.de spe,sect.1.num.2. Qui enim petit à Deo beneficium aliquod, non tenetur illud petere ex amore sui, & ex relatione ad beatitudinem sibi conuenientem, potest enim illud petere, & sperare consequi ex amore amicitiae, vel alio honesto fine. Non ergo obligatur elicere formalem actum spei.

4. **R**estat ergo, vt dicamus nullum esse tempus deter-

572 De virtute spei, & ei annexis, & contrariis.

minatum, in quo huiusmodi præceptum obliget, sed prudentis arbitrio mensurandum esse, nec permittendum longo tempore differri. sic Suarez *disp. 2. de spe, sect. 1. num. 3.*

Regulariter huic præcepto positivo omnes satisfaciunt. Primò satisfaciunt, cum de peccatis dolent, quia vix, aut nunquam omittunt actum formalem spei, quo eriguntur, ut dixit Concil. *sess. 6. cap. 6.* ad peccata detestanda, novamque vitam inchoandam. Secundò huic obligationi faciunt satis, cum propositum habent nunquam peccandi mortaliter: hoc enim propositum etsi aliquoties ex Dei amore perfectò procedat, sæpè illum gignunt ex amore imperfecto. considerant enim æternam retributionem, quam peccatis amittunt, & ex illius consideratione in spem vitæ æternæ, ut sibi cõuenientis, eriguntur, & peccata detestantur. Neque enim in hac vita tot difficultatibus plena sine spe aliqua retributionis sæpè repetita conservari homines possunt in divina gratia, aut longo tempore peccata vitare. Vide Coninch *disp. 19. dub. 9. num. 114.*

5 Rursus de actu timoris inquiri potest, an sit præceptum, & quando obliget? Esse quidem præceptum videtur satis colligi ex illo Sapientiæ 1. *verf. 27. & 28. Qui sine timore est, non poterit iustificari.* Cum autem iustificatio necessaria sit ad salutem, efficitur sanè & timorem, sine quo ipsa esse non potest, necessarium esse: & tradit D. Thom. 2. 2. *q. 22. art. 2.* Sanch. *lib. 3. cap. 33. num. 4.* Suar. *disp. 2. de spe, sect. 1. num. 4.*

Sed quia est duplex timor honestus, alius filialis, alius terribilis, de utroque affirmandum est esse præceptum. Filialis timor Dei, quo ex amore Dei times, & fugis eius offensam, sicut legitimus filius patrem timet offendere, quia illum amore complectitur. Servilis autem timor honestus est, quo times more servorum offendere Deum ob pœnam, quam inde incurris, in quo effectu potius tuæ incolumitati, quàm diuino honori consulis. De utroque ergo timore asserunt D. Thom. Sanch. & Suar. *suprà*, esse præceptum. Nam de timore filiali videtur traditum Deuteron. 10. *Quid Dominus Deus tuus petit à te, nisi ut timeas Dominum Deum tuum, & ambules in vijs eius, & diligas eum?* de servili timore Matth. 10. & Luc. 12. illis verbis, *eum timere, qui postquam occiderit, habet potestatem mittere in gehennam, &* colligitur ex Trident. *sess. 6. cap. 6.* definiente ad iustificationem impij hunc timorem gehennæ concurrere.

6 Cæterum cum necessarium non sit ad iustificationem impij aliquem ex his timoribus expressè, & formaliter concurrere, sed sufficit, si virtualiter insit, ut notavit Valent. *disp. 2. de spe, q. 4. p. 1.* efficitur sanè nullum adesse præceptum expressum exercendi hos timores formaliter. Sed tunc satis exercentur, cum opera aliàs præcepta executioni mandantur. sic Valent. *suprà*, & Sanch. *lib. 2. cap. 33. num. 4.* Dices, sæpè graui tentatione vexaris, eamque vincis, timens ne Deum offendas, neve pœnam inferni incurras; alioquin non victurus. Ergo huiusmodi timor obligat in præsentī casu. Respondeo obligare non ex præcepto speciali spei, & timoris, sed ex præcepto illius virtutis, aduersus quam tentaris. Quod manifestè probatur ex eo, quòd si tentationi consentias, non aduersus virtutem spei peccas, sed solùm aduersus illam virtutem, cuius erat tentatio, eamque solam culpam teneris in confessione manifestare, quia ille defectus timoris solùm est conditio quædam generalis continens animum à peccatis, sicut diminorum beneficiorum consideratio, ac proinde sicut defectus huius considerationis non constituit specialem culpam, neque etiam defectus timoris illam constituere potest.

7 Adde denique etsi de timore tam filiali, quàm servili speciale præceptum, & formale daretur, crederem non homines, nisi perditissimi sint, illius executionem

omittrere. Nam cum hæc obligatio non pro singulis mensibus, neque annis deberet constitui, sed aliquoties tantùm in vita prudentium arbitrio, rardè omitti potest. Quis enim est, nisi depravatissimus sit, & Dei summè oblitus, qui aliquoties in vita non omitat Dei offensam, tum ob Dei bonitatem, & amorem, tum ob pœnas inferni vitandas, quique non doleat de peccatis his motiuis excitatus? Ergo non sunt in huius præcepti executione scrupuli iniiciendi.

PUNCTUM V.

De desperatione spei virtuti contraria.

- 1 *Definitur desperatio.*
- 2 *Neque in actu iudicii, quo iudicas te non esse salvandum, neque in nolitione beatitudinis consistit desperatio.*
- 3 *In quo desperatio formaliter consistat.*
- 4 *Præsupponit iudicium vel de difficultate, vel de impossibilitate beatitudinis.*
- 5 *Desperatio semper est mortale peccatum.*
- 6 *Quid dicendum de illo, cui Deus suam damnationem revelaret.*
- 7 *Negatur possibilitas casus.*
- 8 *Ab alijs Doctoribus admittitur saltem de potentia Dei.*
- 9 *Illo casu admissio expenditur aliquorum placitum de desperatione.*
- 10 *Quid dicendum sit explicatur.*

1 **D**efinitio desperationis desumi debet ex contrarietate quam habet cum spe. Quare cum spem dixerimus consistere in voluntate efficaci obtinendi beatitudinem, illamque procurandi, desperatio consistit in voluntate efficaci nolendi beatitudinis prosecutionem: sic enim desperatio spei erit directè contraria.

2 Ut autem hoc plenius intelligatur, advertendum est aliquos affirmare desperationem consistere aut in nolitione beatitudinis, sicuti spes consistit in illius volitione; aut desperationem consistere in actu intellectus, quo iudicas te non esse salvandum, sicuti spes supponit actum fidei, quo credis saluari posse. sic Almain. *tract. 1. moral. cap. 1.* Cæterum hic modus explicandi desperationem communiter à Doctoribus reicitur. Primò enim consistere non potest in nolitione beatitudinis. Tum quia nullus est, qui beatitudinem possit nolle, cum in beatitudine nulla ratio mali apprehendatur, qua est fugæ obiectum, ut benè dixit Vasq. 1. 2. *disp. 39. num. 7.* Tum quia desperatio est solùm illius rei, quam aliquis vult, & appetit sequi. Ergo si de facto non vis beatitudinem, quia tibi ex aliqua ignorantia non placet, illam non desperas, sed tanquam malam respicis. Secundò in actu intellectus, quo iudicas te non esse salvandum, consistere desperatio nequaquàm potest; quia desperatio est contraria spei, & cum spes sit in voluntate, desperatio in eadem potentia residere debet. Deinde vel iudicas te non esse salvandum, quantumcumque cum divina gratia adiutus facias quòd possis, vel iudicas non esse salvandum, quia determinas media necessaria ad salutem non apponere. Primum iudicium est hæreticum, ac proinde in illo desperatio consistere non potest, aliàs desperatio cum hæresi confunderetur contra receptam sententiã distinguentem desperationem ab hæresi, & affirmantem manere posse fidem in homine absque spe propter peccatum desperationis. Secundum iudicium etsi hæreticum non sit, non constituit desperationem, sed ad summum desperationi supponitur: nam posito illo iudicio adhuc non cogetis desperare, quia ab illo iudicio non necessitaris, sed potius poteris dicere, faciam quantum potuero, ut saluer. Ergo in illo iudicio desperatio consistere non potest. Regulariter autem ex illo iudicio sequitur desperatio,

vt bene dixit Suarez *disp. 2. de spe, sect. 2. num. 2.* Sanchez *lib. 2. cap. 3. n. 6.* Adde nullum ex his iudiciis ad desperationem necessariò requiri, sed aliud iudicium effortum de difficultate beatitudinis consequendæ sufficit ad illius desperationem, vt iam dicam.

3 Dicendum ergo est desperationem consistere in duplici actu voluntatis, vel in vno actu cum duplici respectu. Primò consistit in quadam voluntate efficaci, & positiua omittendi pro tota vita media necessaria ad salutem, quia tibi difficilia apparent, & tuis appetitibus sunt contraria. Secundò consistit in ipsiusmet beatitudinis fuga, & recessu, quatenus enim ille actus beatitudinem respicit, dicitur propriè desperatio, quia beatitudinem desperat qui non vult illam prosequi, quatenus verò respicit mediorum executionem, quæ ad beatitudinem requiruntur, dicitur nolitio, quia absolute non vult media beatitudini necessaria exequi. sic Coninch *disp. 20. dub. 10. a. n. 74.*

4 Hinc infertur ad desperationem sufficere iudicium, quo iudices beatitudinis consecutionem tibi esse arduam, & difficilem, cum ex hoc iudicio moueri possis ad nolendum illam procurare, & consequenter ad desperandam illius consecutionem. sic Coninch *n. 81.* Debes tamen, vt bene notat ipse Coninch *n. 81.* carere iudicio te beatitudinem esse consecuturum. Nam hoc iudicio stante desperare nequaquam posses, sed potiùs sperare tibi necessarium erit, si aliquem actum eliciturus eras. Aliquando desperatio oritur ex iudicio falso, & erroneo, quo iudicas tuam salutem impossibilem; si ex hoc iudicio nascatur, supponit hæresim; si ex aliis iudiciis ortum habeat, supponit te nimis peccato deditum, iuxta illud ad Ephel. 4. *Desperantes semetipso tradiderunt impudicitia, in operationem immunditie omnis, in auaritiâ, & illud Ierem. 18. Desperauimus, post cogitationes nostras ibimus.*

5 Sed inquires, an desperatio semper sit mortale peccatum? Affirmatiuè omnes respondent, vt testatur Sanchez *lib. 2. cap. 3. n. 3.* Suarez *disp. 2. sect. 2. num. 4.* Valent. *disp. 2. quest. 3. punct. 1. circa finem.* Et ratio est manifesta, quia non potest inueniri puritas materiæ in voluntate deficiendi integrè à consecutione æternæ vitæ.

6 Sed aduersus hanc resolutionem obstat vulgaris casus de eo, cui Deus fore condemnandum reuelaret, quia hic non videtur peccaturus in desperatione, siquidem iam illam sperare non potest, vtpote certò sciens non consecuturus: nam, vt dixit D. August. *in enchirid. cap. 8.* Quid sperari potest, quod non creditur? Quasi diceret, si non credis consecuturum beatitudinem, quomodo illam sperare potes? Ergo non peccas in illius desperatione, cum desperatio nihil aliud sit, quàm voluntas non prosequendi, seu conandi ad beatitudinem.

7 Facilis erat huius argumenti solutio, si casum esse possibilem negaremus, vt negat Bonauent. *1. dist. ult. circa litteram.* & ibi Gregor. *q. ult. paulò ante fin.* D. Thom. *ibid. art. 4. ad 2.* vocat casum quasi impossibilem Dionys. Richel. *dialog. de iudic. anima. art. 5.* Altiſiodor. *lib. 3. tract. 5. cap. 6. q. 5. paulò ante fin.* Et mouentur, quia talis reuelatio diuinæ bonitati, & sapientiæ repugnat. Tum quia constituit hominem in occasione vehementi desperandi de diuina misericordia, & committendi plurima peccata, tum quia impedit serium, & fortem conatum in beatitudinem, quem habere non potest, si sciat beatitudinem non esse consecuturum.

8 At plures Doctores hunc casum esse possibilem admittunt saltem de potentia Dei, sic relato D. Thom. Maior. & Gabr. docent Suarez *disp. 2. de spe, sect. 2. n. 6.* Coninch *disp. 20. dub. 12. n. 91.* Vasquez *1. 2. disp. 72. n. 15.* Bonacina *disp. 3. q. 3. p. 2. n. 4.* Lorca *2. 2. q. 22. art. 1. sect. 2. disp. 18. & alij.* Et mouentur, quia in hoc nulla vi-

detur implicatio, nec repugnantia: nam licet ille homo ex tali reuelatione constitutur in grauissima, & vehementi occasione peccata multiplicandi, & de diuina misericordia desperandi, Deo illa peccata non sunt tribuenda, quia ipse Deus obligatus non erat illa impedire, aut à tali reuelatione, & occasione cessare, cum grauissima causa motus, scilicet ostensione diuinæ iustitiæ id effecerit. Quoties ergo peccata ex alicuius actione per accidens sequuntur, & præter ipsius intentionem, ipsi non tribuuntur, si obligatus non fuit ab actione cessare. Item ex illa reuelatione nequaquam impeditur habere firmum conatum in beatitudinem, quantum est ex parte sua, licet attentata humana fragilitate sit difficillimum. Ergo ex nullo capite implicat talis reuelatio, præcipuè si fiat homini peccatori in vindictam peccati commissi, & ad terrorem aliis incutiendum.

Dixi, reuelationem posse fieri præcipuè homini peccatori in vindictam peccati commissi. Nam iusto vix credo posse talem reuelationem fieri, quia nulla videtur adesse honesta causa, qua Deus moueatur illam ponere in amico suo. Nam præcipua, & potissima causa, quæ excogitari potest, est peccati proprii vindicta, quæ in homine iusto non habeat locum. sic Coninch *disp. 20. dub. 12. n. 93.* Et confirmo. Quæ enim implicatio esse potest, quod Antichristo reueletur sua impœnitentia finalis, & æterna damnatio, siquidem illa impœnitentia non ex reuelatione, sed ex malitia illius provenire debet, eodem modo, ac si nulla esset facta reuelatio, quia reuelatio, sicuti & scientia Dei, non immutat causarum operationem, sed potiùs illam obiectiuè supponit.

9 Posito ergo Deum alicui suam damnationem absolutam reuelasse, (quod raro, vel nunquam præsumendum est fieri) argumento responderet Coninch *disp. 20. dub. 13. concl. 2. n. 109.* Bonacina *disp. 3. q. 3. p. 2. n. 4.* concedendo totum, & affirmando desperationem tunc non esse peccatum, si procedat ex iudicio, quo credis illam non esse ex tua infirmitate consecuturum, non ex iudicio quo credas misericordiam Dei tibi paratam non esse. Quod probant, quia sciens absolute tuam condemnationem, sperare non potes aliter esse futurum. Ergo licitè potes velle illam non sperare. Ergo licitè desperas, quia voluntas non sperandi, est desperatio formaliter. Hæc autem desperatio non est intrinsecè mala, sed illa solùm est mala, quæ esset de Deo, eiusque misericordia. Dices. Ergo inde infertur me non teneri, imò nec posse ad beatitudinem conari, quia serius conatus ad beatitudinem esse non potest, cum iudicio certo de illius non consecutione. Item infertur me non peccaturum consentientem tentationi, quia hanc vincere non possum sine serio conatu ad beatitudinem, quam tamen habere non debeo? Coninch *disp. 20. 100 dub. 12. 13. & 14.* sequelam admittit, motus ea præcipuè ratione, quia ad serium conatum ad beatitudinem requiritur necessariò iudicare probabiliter saltem esse tibi possibilem beatitudinem consequi: qui certò scit non esse illam consecuturum, non potest iudicare probabiliter esse sibi possibile illam consequi. Ergo non potest ad illam efficaciter moueri. Secundam consequentiam latè disputat Coninch *dub. 14.* & ob illam affirmat nemini posse reuelari à Deo proprium, & speciale peccatum in aliquo determinato tempore faciendum, ob quod sit condemnandus, quia ex tali reuelatione tolleretur serius conatus, qui necessarius est ad vitandum illud; ac proinde impediretur moraliter potentia illud vitandi, & consequenter cessaret ratio peccati. Quod si obicias, ex præscientia Dei de tuo peccato futuro non impeditur tua libertas ad illud vitandum. Ergo neque etiam ex illa præscientia tibi manifestata, cum semper obiectum supponat, & modum operandi non immutet?

Respon

574 De virtute spei, & ei annexis, & contrariis.

Respondet Coninch *dub. 14. num. 137.* negando consequentiam, & rationem differentie assignat, quia præscientia Dei nihil in te cautat: at reuelatio causat iudicium, quo iudicas tibi peccatum esse vitatum impossibile, & consequenter tollit vires, & conatum ad illud vitandum.

10 Cæterum aliter respondendum censeo. Affirmo namque cum iudicio certo de damnatione posse quantum est ex parte tua serium conatum habere pro illius consecutione; quia illa damnatio non euenit ex aliqua causa, quæ tibi necessitatem inferat, sed euenit ex tua libera voluntate te ad peccatum determinante. Ergo antecedenter ad illius determinationem conari potes, ut te non determines; quid enim impedit? Non iudicium, quo iudicas te non euitaturum, quia hoc iudicium supponit tuam liberam determinationem, cum omnibus causis, quæ ad illam concurrunt, & cum omnes hæ vim, & necessitatem voluntati non inferant, iudicas te liberè esse determinandum. Ergo cum hoc iudicio stare potest aliud iudicium, quo iudicantes te posse non determinari, atque adeò possibile esse tibi non condemnari. Ergo serium conatum habere potes pro vitando peccato, & condemnatione. Dices ad aliquem finem consequendum te non posse eligere medium quod hic, & nunc inutile reputas ad illius consecutionem. Ergo non poteris seriò, & constanter eligere medium ad vitandum peccatum, & condemnationem, quod attentis his circumstantiis inutile reputas. Respondeo, quando inutilitas medij, aliunde, quàm ex tua voluntate provenit, fateor te seriò, & efficaciter conari non posse ad finis consecutionem pro illo medio. At si medium esse inutile non aliunde quàm ex tua voluntate provenit, optimè poteris conari finis consecutionem medio illo, cum hoc obiectum non excedat tuam voluntatem, & potentiam.

PUNCTUM VI.

De præsumptione, quæ virtuti spei contraria est.

- 1 *Quotupliciter præsumptio sumitur.*
- 2 *Grave est peccatum.*
- 3 *Præsumptio contraria spei quibus modis committatur.*
- 4 *Qua præsumptione amittatur spes.*

1 **P**RÆsumptio multipliciter sumitur. Primò pro spe, & fiducia consequendi à Deo auxilium opportunum, iuxta illud Iudith 6. *Non derelinquis præsumentes de te.* & cap. 9. *Exaudi me miseram deprecantem, & de tua venia præsumentem.* Secundò sumitur præsumptio pro iudicio ex coniecturis formato, quod pro qualitate coniecturarum aliquando est certum, aliquando probabile. Hinc orta est communis Iurisperitorum distinctio præsumptionis in violentam, vehementem, & leuem, de qua in ult. disput. præcedentis tract. latè diximus. Tertio sumitur præsumptio pro vitio opposito humilitati, & magnanimitati, de quo D. Thom. *quest. 130.* Quarto sumitur præsumptio pro vitio opposito virtuti Theologicæ spei. De præsumptione secundum hanc ultimam acceptionem est in præsentia agendum. Est ergo hæc præsumptio spes obtinendi à Deo gratiam, & gloriam, reliqua quæ supernaturalia dona, aliter quàm ipse obtinenda statuit. sic omnes Doctores cum D. Thom. 2.2. *quest. 21.* Cum enim spes sit voluntas obtinendi à Deo gratiam, & gloriam mediis ab ipso institutis, & præsumptio alia via obtinere intendat, spei opponitur.

2 Hanc autem esse gravissimum peccatum constat tum ex Ecclesiast. 18. *Vidi præsumptionem cordis eorum, quia mala est;* tum ex manifesta ratione, quia voluntas obtinendi dona supernaturalia præter ordinem diuinæ prouidentie & est illusoria, inutilis, & diuinæ sapientie, & potentie contraria. Ergo habet malitiam ita grauem, ut nisi ex defectu plenæ deliberationis excusari non possit à mortali. sic Bannes 2.2. *dila. quest. 21. dub. 2.* Valen. *disput. 2. quest. 3. p. 2.* Sanch. *lib. 2. cap. 33. n. 7. vers. estque semper.* Bonac. *disput. 3. q. 3. de spe. p. 1. num. 5.* Azor 1. *part. lib. 9. cap. 2. q. 7.* Tolet. *lib. 4. cap. 7. num. 9.* & alij apud ipsos.

3 Hæc præsumptio contraria spei theologicæ multipliciter committi potest. Primò si præsumas, ut Pelagius, propriis viribus beatitudinem cõlequi. Ad idem est, si spem colloques in creaturis, tanquam in auxilio sufficienti ex se ad salutem, quia nulla creatura nisi cum Dei adiutorio salutem tibi impertiri potest. At inuocare creaturas, & in illorum præsentia sperare, ut simul cum Deo te adiuent, etià si Dei expressè memor non sis, nulla præsumptio est, quia sufficit virtute, & interpretatiue Deum in adiutorium expostulari: sic aliis relatis Sanch. *lib. 2. cap. 33. num. 7.* Secundò committi potest præsumptio, si, ut Lutherus, præsumas sine pœnitentia remissionem peccatorum, & sine meritis gloriam obtinere. Ad idem reduci potest, si ex spe obtinendi in fine vitæ peccatorum remissionem, differas pœnitere; quia nimium de diuina misericordia præsumis, siquidem præsumis misericordiam obtinere, diuinam misericordiam irritando. Non enim iustum est, ut misericordiam inueniat qui ex illa occasionem sumpsit multiplicandi peccata, ex qua debebat à peccato abstinere. At hoc peccatum credo non esse propriè contra spem, siquidem non speras misericordiam consequi mediis peccatis de præsentia commissis, sed pœnitentia illorum, quam existimas facturum diuina gratia adiutus. Erit tamen hoc peccatum contra virtutem pœnitentie, si illam differas ultra tempus obligationis, & contra alias virtutes, si in contrariis vitiis perseverare intendis. sic Sanch. *lib. 2. cap. 33. num. 7.* Bonac. *disput. 3. quest. 3. de spe. p. 1. num. 6.*

4 Sed inquires, hoc peccatum præsumptionis ita sit contrarium spei, ut illam corrumpat? Respondeo si more Pelagij, & Lutheri præsumas, credens propriis viribus, vel sine meritis beatitudinem consecuturus, manifestum est te amittere spem, quia amittis fidem, sine qua spes non est, neque vlla virtus, & docent omnes. At hæc amissio virtutis spei non provenit propriè ex præsumptione contraria spei, sed ex hæresi, quæ præsumptionem antecedit. Quocirca si hæc præsumptio sine iudicio erroneo intellectus haberetur, ut communiter haberi solet, cum ita speras beatitudinem consequi, ac si illam propriis viribus, vel sine meritis iudicares allequendam, spem non destruis, etsi illi aduerseris per excessum, quia non per quodcunque peccatum spei contrarium perit spes, sicut neque fides per quamcunque infidelitatem, ut bene notauit Coninch 2.2. *disput. 18. dub. 4. in principio, num. 25.* sed per solum illud peccatum, quo cum compati nulla ratione potest spes, quod non est aliud nisi desperatio. Cum præsumptione autem secuso errore intellectus optimè compati potest spes, cum tam spes, quàm præsumptio conueniant in obiecto formali sperato, quod est beatitudo, ut bonum proprium, & solum differant, quia diuerso modo illam consequi sperant. sic Suarez *disput. 2. de spe, sect. 3. n. 4.* Valent. 2.2. *disput. 2. quest. 3. p. 2.* Turrian. *quest. 21. art. 2.* Coninch *disput. 20. dub. 15. num. 149.* Sanchez *lib. 2. cap. 33. num. 8.*



TRACTATUS SEXTVS
DE CHARITATE,
ET EI ANNEXIS,
ET CONTRARIIS.

PROOEMIUM.

POST fidem, & spem agimus de charitate, non quia charitas illis sit inferior, cum potius omnium virtutum suprema sit, sed quia generatione est posterior, ut constat ex Trident. *sess. 6. cap. 7.* De hac virtute latissimè tractant Theologi cum Magist. in 3. à distinctione 27. usque ad 37. & cum D. Thom. 2. 2. à quaest. 23. usque ad 44. Nos verò sex disputationibus hunc tractatum absoluemus, omittis scholasticis quaestionibus de augmento, & decremento charitatis.

Prima erit de præcepto charitatis erga Deum, & proximum.

Secunda de externo effectū charitatis, qui est eleemosyna.

Tertia de alio effectū, qui est correctio fraterna.

Quarta de quibusdam vitiis charitati contrariis.

Quinta de bello, rixa, & duello.

Sexta de scandalo.

DISPUTATIO I.

De præcepto charitatis.

PUNCTUM I.

Quid sit charitas, quod eius obiectum,
& qua ratione à fide, & spe
distingatur.

- 1 Charitas sumitur pro actu, & pro habitu.
- 2 Qua ratione charitas definiatur.
- 3 Per charitatem amatur Deus amore benevolentiae.
- 4 Proponitur obiectio non posse inter Deum, & hominem veram amicitiam intercedere. Et sit illi satis.
- 5 Primum obiectum charitatis est Deus. Secundarium proximum, quatenus ad Deum refertur.

CHARITAS aliquando pro actu, aliquando pro habitu sumitur. De utraque acceptione accipi potest illud ad Colossens. 3. *Super omnia haec charitatem habete, quod est vinculum perfectionis.* & 1. ad Timoth. 1. *Finis præcepti est charitas.* Specialiter de actu locutus est Christus Dominus, *Matth. 22.* cum dixit, *Diligas Dominum Deum tuum ex toto corde tuo, &c. & proximum tuum, sicut te ipsum.* De habitu locutus est

Paulus ad Rom. 5. *Charitas Dei diffusa est in cordibus nostris.* & 1. Corinth. 13. *Nunc autem manent fides, spes, charitas, tria haec, maior autem horum est charitas.*

2 Hæc autem definitur, ut sit virtus theologalis, & supernaturalis, qua amatur Deus amore supernaturali benevolentiae, & proximus propter ipsum. Esse virtutem theologalem, & supernaturalem constat, quia Deum immediatè respicit, & in illius summa perfectione complacet, quod est quid honestissimum; imò esse virtutem omnium perfectissimam inde probatur, quia eo virtus perfectior est, quo perfectius nostram voluntatem divinæ subiicit, & conformat, cum divina voluntas nostræ voluntatis regula sit, & mensura: at charitate perfectius Deo subiicimur, eiusque divinæ voluntati conformamur, quàm per reliquas alias virtutes, siquidem charitas in omnibus, & per omnia intendit Deo complacere, eiusque voluntatem exequi, & hoc absque ullo respectu proprii commodi, sicuti habet spes. Ergo est virtus omnium perfectissima, & ita videtur definitum à Christo Domino, *Matth. 22.* cum dixit, diligere Deum esse maximum, & primum mandatum, & à Paulo 1. Corinth. 13. *Maior autem horum est charitas, & ad Roman. 13. Plenitudo legis est dilectio.*

3 Dixi esse virtutem, qua amatur Deus amore benevolentiae. Nam amor benevolentiae, ut distinctus ab amore concupiscentiae, in eo consistit, ut velis amico bonum, quia illi bonum est, non quia tibi commodum est; cum autem Deo servire vis, quia ipse quolibet obsequio dignissimus est, amore benevolentiae illum prosequeris. Et idem est, si ex eodem affectu velis proximo beati

beatitudinem, non quia proximo bona est, sed quia est gratum, & iucundum Deo illam habere proximum. Adde non solum esse virtutem, qua amatur Deus amore benevolentiae, sed etiam qua amatur amore amicitiae. Est enim vera amicitia inter Deum, & hominem, iuxta illud Ioann. 15. *Vos autem dixi amicos, quia omnia, quae audiui à Patre meo, nota feci vobis*; & ratione constat. Nam vera amicitia in eo consistit, ut velis amico bonum, quia illi bonum est, ipseque vicissim tibi bonum velit, quia tibi bonum est. Hoc autem totum reperitur in iustis, qui Deum amant, eumque esse ita perfectissimum gaudent, quia illi bonum est. Similiter etiam Deus hominem iustum amat, de eiusque iustitia gaudet, quia homini bona est: & licet huiusmodi iustitiam ad se, suamque gloriam referat, hoc non obest rectae amicitiae, quia illam non refert ad se, quasi illa indigeat, sed quia ipse totius bonitatis est principium, & finis, sicuti Petrum verae amicitiae amore prosequeris, etsi eius amorem in Deum, tanquam in ultimum finem referas.

4 Dices, de ratione amicitiae est aequalitas, ut dixit Aristot. 8. *Ethic. cap. 5.* sed inter dominum, & servum, inter Regem, & subditum, & à fortiori inter Deum, & homines non potest esse aequalitas. Ergo non potest esse vera amicitia. Respondeo verum esse inter dominum, & servum, inter Regem, & subditum, & inter Deum, & homines in pura natura constitutos non posse veram amicitiam intercedere. At si dominus servum, & Rex subditum eximat ab statu subiectionis, & servitutis, illumque in altiori gradu constituat, & aliquo modo sibi similem faciat, vera amicitia intercedere inter illos potest, ut saepe intercedit. Deus autem media charitate diffusa in humanis cordibus homines eleuat supra statum suae naturae, illorumque quodam modo sibi similes facit, iuxta illud 2. Petri 1. *Maxima, & pretiosa nobis promissa donavit, & per hac efficiamini divinae consortes naturae.* Ergo vera amicitia inter Deum, & hominem intercedere potest. Secundò respondeo ad rationem amicitiae non requiri, ut supponat aequalitatem, sed sufficit, si illam aliquo modo constituat, quod facit Deus charitatem infundendo. Respondeo tertio ad amicitiam non requiri aequalitatem omnimodam, sed sufficere secundum quandam proportionem, qua ratione inter Regem, & subditum, & inter patrem, & filium esse potest vera amicitia, etsi non reperiat omnimoda aequalitas, quia est amicitia supereminentiae, ut dixit Aristot. 8. *Ethic. cap. 7.*

5 Ex iis constat quòdnam sit charitatis obiectum. est enim primarium obiectum Deus ipse secundum omnes suas perfectiones, secundarium proximus, quatenus Deo refertur, illiusque beatitudinem participare potest. Ut autem proximus per charitatem diligatur, non debet aligi propter aliquam bonitatem in ipso existentem sine respectu ad Deum, quia tunc non charitate, sed amicitia, quae est virtus moralis, amaretur. Debet ergo amari propter bonitatem relatum ad Deum, scilicet quia est creatura Dei, & filius eius adoptivus, vel quia Deo placet, ut sic ametur, &c. Ex quo fit nullum actum charitatis theologiae virtutis habere veram rationem amicitiae erga proximum, sed solum circa Deum, quia per virtutem theologicam non desideramus bonum proximo, quia bonum illius est, sed quia in bonum Dei cedit, scilicet in eius honorem, & gloriam. Ergo talis amor non est amor amicitiae erga proximum, sed circa Deum, sicut non est amor amicitiae erga servum, cum illi bonum desideras, quia cedit in bonum domini, cuius ipse servus est. ita docuit Vasquez tom. 1. in 3. p. disp. 98. cap. 2.

Lessius de instit. ca. 2. § 6. num. 23. Coninch disp. 24. de obiecto charit. dub. 1. num. 19. 20. & 23.

PUNCTVM II.

An sit speciale praeceptum dilectionis Dei.

- 1 *Esse speciale praeceptum dilectionis defendunt Doctores communiter.*
- 2 *Quibus impugnetur hoc speciale praeceptum.*
- 3 *Defenditur communis sententia.*
- 4 *Satisfit rationibus num. 2. adductis.*
- 5 *Explicatur modus huius praecepti.*
- 6 *An peccet adversus hoc praeceptum, qui vellet in hac vita perpetuo manere.*

1 **L**atum esse speciale praeceptum de diligendo Deum, tenent cum D. Thom. omnes eius expositores. Valent. disp. 3. quaest. 19. p. 1. Lorca scil. 3. disp. 47. Torres disp. 97. dub. 1. Coninch disp. 24. dub. 2. num. 28. Sanchez lib. 2. cap. 35. num. 1. Bonacina disp. 3. quaest. 4. punct. 1. Probant ex illo Deuteronom. 6. *Diliges Dominum Deum tuum ex toto corde tuo, & ex tota anima tua, & ex tota mente tua, &c.* & ex illo Matth. 22. ubi loquens Christus de praecepto dilectionis dixit esse maximum, & primum mandatum. Neque deest ratio conveniens: si enim de fide, & spe, ut iam diximus, datur speciale praeceptum, quomodo negandum esset charitati, quae nos Deo perfectius unit?

2 Dices supradicta solum probare dari praeceptum de habenda charitate, utpote ad salutem omnino necessaria, at non probare dari speciale praeceptum de aliquo actu interno amoris, quo Deum aliquando ames. Primò, quia in Decalogo non continetur tale praeceptum. Ergo signum est praeceptum charitatis non esse praeceptum aliquod speciale aliquo speciali tempore implendum, sed generale omnium praeceptorum. Sicuti praeceptum de proximi dilectione, quod Christus dixit esse secundum praeceptum, non est speciale praeceptum, sed in Decalogi praeceptis continetur. Et confirmatur, quia in his duobus praeceptis universa lex pendet, & Prophetar. Ergo haec duo praecepta in reliquis omnibus imbibuntur, neque sunt ab illis distincta. Secundò, quia Ioann. 14. dicitur, *Qui habet mandata mea, & servat ea, ille est qui diligit me*, & alibi, *plenitudo legis est dilectio*. Ergo observantia mandatorum est dilectionis praeceptum, & non aliud distinctum. Et confirmo ex illo 1. Ioann. 3. *Qui non diligit, manet in morte*, quod intelligi non potest de actuali dilectione, sed solum de habituali; aliàs continuè, & incessanter deberemus Deum actualiter diligere, quod in hac vita est impossibile. Confirmo secundò ex illo Deuter. 10. *Nunc Israel audi, quid Dominus Deus tuus petit à te, nisi ut timeas Dominum Deum tuum, & ambules in vijs eius, & diligas eum*? In quibus verbis etsi videatur dilectio Dei tanquam quid distinctum praecipì à reliquis vijs mandatorum Dei. At si benè perpendatur, contrarium colligitur, siquidem ibi praecipitur timere Deum, ut quid distinctum, cum tamen dixerimus supra de timore non esse speciale praeceptum, sed per reliqua vagari. Quare illa omnia verba eundem sensum habent, scilicet Deum non offendere, sed omnia eius mandata observare. Tertio, in lege gratiae solum dantur praecepta de medijs necessariis ad salutem: at dilectio actualis Dei super omnia non videtur necessaria ad salutem, cum in sacramento Pœnitentiae per attritionem consequi gratiam possis, qua obtemperata obtines salutem. Quarto, si daretur hoc praeceptum speciale, non solum esset de diligendo Deum, sed de diligendo Deum ex toto corde, & ex tota anima, &c. iuxta locum relatum Deuteronom. 6. & Matth. 22. At amare Deum in hac vita ex toto corde, & ex tota anima, videtur impossibile, ut tradidit August. lib. de perfect. instit. variat. 17. ubi inquit: Cum adhuc aliquid est carnalis concupiscentia

piscentiæ, quod vel continendo frænctur, (vt contingit in hac vita) non omnino ex tota anima diligitur Deus. Augustinum sequitur D. Bernard. *sermone 50. in Cant.* explicans illa verba, *Ordinavit in me charitatem.* Est (inquit) charitas in actu, est & in affectu, & de illa quidem quæ operis est, puto datam legem esse hominibus, mandatūque firmatum: nam in affectu quis ita habet, vt mandatur? Ergo illa mandatur vt meritum, ista vt præmium datur, & infra. Quomodo ergo iubenda fuit, quæ implenda nullo modo erat? Ex quibus verbis videtur clarè Augustinus, & Bernard, sentire charitatem secundum affectum non præcepti in hac vita, sed solum in opere, hoc est, in executione mandatorum Dei. Propter hæc affirmant aliqui non dari de dilectione Dei, & proximi speciale præceptum, sed esse generale indistinctum à reliquis. sic Vasquez *tom. de penitent. quest. 90. artic. 1. dub. 4. num. 40.* Molin. *1. part. quest. 63. art. 2. & 3. disput. unica, membr. 2. §. id etiam quod affirmant.* Iansenius *concord. Euangel. cap. 81.* Maldonat. *Matth. 22. vers. 39.* dicit hæc duo præcepta maxima totius legis præcepta à Christo Domino dici, non quod distincta ab aliis præceptis sint, sed cæterorum compendium. Ioann. Sanchez *in select. disput. 1. num. 21.*

3 Sed his non obstantibus retinenda est communis sententia, asserens præceptum dilectionis esse speciale, & non tantum generale de omnibus præceptis. Moneor primò, & præcipuè, quia ita communis sententia affirmat. Secundò, ex illo *Matth. 22.* vbi dixit Christus esse maximum, & primum mandatum. quod dici non posset, si non esset distinctum à reliquis, & illorum radix, & principium. Tertiò, quia Deus est obiectum summo amore dignum, tum ob perfectiones, quas in se habet, tum ob beneficia, quæ hominibus confert. Ergo decebat naturæ rationali imperare, vt hoc obiectum amaret. Quartò, amare hoc obiectum est naturæ rationali summè conforme. Ergo si ita amandum homini repræsentetur, & ipse per totam vitam eius amorem repellat, iniuriam censendus est Deo facere. Adde, nihil gratius est Deo, quàm noster animus, & voluntas, iuxta illud, *Fili pone me super cor tuum, vt signaculum super brachium tuum.* At per dilectionem totus animus, & voluntas Deo perfectissimè conceditur, non sic per reliquarum virtutum actus. Ergo dicendum est esse de dilectione actuali præceptum.

4 Neque argumenta in contrarium conuincunt, etsi difficilia sint.

Ad primum fateor in Decalogi præceptis non contineri formaliter præceptum de dilectione Dei, & proximi, sed potius esse præambula ad omnia illa, vt docuit D. Thom. *2. 2. quest. 44. art. 1. ad 3. & 1. 2. quest. 100. art. 4. ad 1.* Nauarr. *cap. 11. num. 5.* Sanchez *lib. 2. in Decalog. in præfatione.* Nam tria prima præcepta Decalogi non sunt de diligendo Deum, sed de illo honorando, adoratione patriæ, iuramento, obseruatione festorum; ac proinde non ad charitatem, sed ad religionem propriè pertinent. Reliqua, quarto excepto, quæ proximos respiciunt, negatiua sunt, non occides, non fornicaberis, non furtum facies, &c. Quare beneficentia, & misericordia in illis expressè non continetur. Restat ergo, vt dicamus, hæc duo præcepta amoris Dei, & proximi ad reliqua omnia præambula esse, & in illis tanquam in primis principiis includi, ac proinde obseruatis illis duobus præceptis omnia obseruantur, quia in illis duobus vniuersa lex pendet, & Prophetæ.

Dices pendere vniuersam legem ex dilectione Dei, & proximi non actuali, sed habituali: siquidem ad obseruationem reliquorum mandatorum non requiritur, vt actu diligas Deum, vel proximum; aliàs peccando contra religionem, vel iustitiam peccares etiam contra speciale præceptum charitatis. Ergo signum est

Ferd. de Castro Sum. Mor. Pars I.

præceptum de charitate non esse de charitate actuali, sed habituali.

Respondeo vniuersam legem pendere ex præcepto dilectionis Dei, & proximi, non quatenus affirmatiuum est tantum, sed potius quatenus est negatiuum. nam secundum hanc rationem obligat, vt nec Deum, nec proximum offendamus, & obligat semper, & pro semper, & secundum hanc rationem est generale præceptum reliquis præceptis commune, & in illis imbitum: secundum autem quod affirmatiuum est, à reliquis distinguitur.

Ad secundum cum suis confirmationibus eodem modo respondemus seruantem præcepta diligere Deum non positiuo, & formali actu dilectionis, nisi præceptum sit de dilectione, sed solum virtualiter, & interpretatiuè, quatenus interpretari potest Deum diligere, qui eius voluntatem exequitur.

Quartum argumentum petit, vt explicetur modus huius præcepti, quidve intelligatur illis verbis, *ex toto corde, & ex tota anima,* &c. Pro quo supponendum est nos posse Deum amare supernaturali amore, appetitiuo, aut intensiuo. Amore appetitiuo amamus Deum, si cum omnibus aliis rebus præferamus, & ita ex illius amore affecti sumus, vt velimus omnia perdere, potius quàm ipsum. Intensiuo autem amore super omnia amamus, si feruentiori, intensiorique actu, quàm omnia alia diligamus. Contingere autem potest, & sæpè ita contingit, vt rem aliquam ames præ omnibus appetitiuo amore, non tamen intensiuo, & e contra, vt eam ames intensiuo, & non appetitiuo, vt bene dixit Valent. *disput. 3. quest. 4. punct. 1. vers. sed vt præterea.* Præceptum ergo de diligendo Deum super omnia de amore appetitiuo, & non de amore intensiuo intelligitur. Nam de illo amore intelligitur præceptum, quod de se efficax est ad omnia præcepta seruanda: sed hic est amor appetitiuius; quia habens illum, præfert Deum omnibus aliis rebus. Ergo de illo amore præceptum intelligitur. Adde, de intensiōe amoris præceptum non datur, tum quia non datur de amore ita intenso, quin vlla ratione intensior esse possit; aliàs omnes hoc præceptum exequentes amarent Deum ita intense, ac Christus amauit. Neque datur de amore ita intenso, qui expleat totam efficaciam auxilij, aliàs habens auxilium ad amandum Deum amore intenso vt octo, si illum amaret, vt quatuor, non diceretur præcepto charitatis satisfacere. Neque etiam datur de amore, qui in intensiōe præcedat omnes alios creatos amores; aliàs dolens filius qui de patris morte, & condēnatione doleret æquè intense ac de suis peccatis, non amaret Deum super omnia. A lde peccaturum, si de facto intensius patrem, aut matrem amaret pliusquam Deum, iuxta illud *Matth. 10. Qui amant patrem, aut matrem plus quàm me, non est me dignus.* Quæ omnia sunt absurda. Ergo manifestum est non de intensiōe, sed de æstimatione præceptum dilectionis esse intelligendum: & ita aliis relatis docet Sanchez *lib. 2. in Decalog. cap. 35. n. 2.* Bonacina *diff. 3. quest. 4. de charit. punct. 1.* Vasquez *1. 2. disp. 194. cap. 3.* Coninch *disp. 25. dub. 1. num. 14. & seqq.* Suarez *disp. 5. de charitate, sect. 2. & alij apud ipsos.* Quocirca argumento respondemus præcipi quidem hominibus amare Deum super omnia ex toto corde, & ex tota anima secundum æstimationem, non secundum intensiōem; cum Bernard. & August. dixit hoc præceptum non impleri in hac vita, sed in futura, intelligendi sunt non de materia præcepti, sed de fine ipsius præcepti. Materia, inquam, huius præcepti est amor Dei appetitiuius, & hic in hac vita impletur. Finis verò illius præcepti est Deo pro viribus incontinentè adhærere, qui finis solum in cælo à Sanctis obtinetur. sic explicant August. & Bernard. Valent. *2. 2. disp. 3. q. 19. punct. 1. vers. itaque cum August.* Coninch *disp. 24. de charit. dub. 2. n. 35 in fine.*

CCc

6 Aduer

6 Aduersus hoc præceptum affirmat Sanchez *lib. 2. cap. 35. in fine. num. 11.* cum Nauarr. *summ. cap. 11. num. 20.* Ledetm. *in summ. sacrament. ubi de confess. post dub. 12. in interrogat. circa primum præceptum. Man. 1. som. sum. cap. 11. fine.* Bonacina *disput. 3. quest. 4. de charitate. punct. 1. fine.* peccare mortaliter eum, qui deliberatè velit in hac vita perpetuò manere, quia præfert Deo, eiusque visioni, & fruiioni delicias huius sæculi. At desiderare longam vitam affirmat vacare culpa. Sed hoc dictum non vniuersaliter approbo, si enim ex eo quòd velis in hac vita perpetuò durare, infertur te delicias humanas diuinæ fruiioni præferre, etiam cum longam vitam desideras, præfers pro illo tempore delicias humanas diuinæ fruiioni. Ergo hoc etiam sufficit vt pecces, quia summa peruersitas est pro vno, & minimo instanti diuinam fruiitionem humanæ voluptati postponere. Quapropter cum vitam sine termino desideres, solùm videris desiderare hac vita non priuari. Hoc autem per se malum non est, sed potius bonum. Ergo. Adde te nescire, an post hanc vitam saluandus sis, an condemnandus. Ergo cum desideras in hac vita perpetuò manere, potes illud desiderare, vt periculum condemnationis fugias: sed hoc periculum fugere non est malum. Ergo non est peccatum mortale tale desiderium absolutum. Ergo solùm esse potest, cum de facto præponis tuam vitam huius sæculi bonis, quæ tibi Deus in æternum præparauit, quod rarò, vel nunquam nisi sceleratissimo accidit.

PUNCTVM III.

An hoc præceptum dilectionis sit præceptum de dilectione naturali, vel supernaturali.

- 1 *Quid sentiat Valentia.*
- 2 *Neque est præceptum directè de dilectione naturali, neque de supernaturali determinatè.*
- 3 *Satisfit cuidam obiectioni.*

1 **R**espondet Valent. 2. 2. *disput. 3. quest. 19. punct. 1. vers. dico secundo.* Sanchez *lib. 2. in Decal. cap. 33. num. 4.* per se obligare ad amorem supernaturalem; in aliquibus casibus amore naturali esse contentum. Priorem partem probant, quia dilectio Dei debet esse ex fide non ficta, 1. *ad Timoth. 1.* hoc est, procedens ex cognitione supernaturali fidei, & circa obiectum supernaturale. Ergo debet esse supernaturalis. Item hæc dilectio est necessaria ad salutem, sed quidquid ad salutem necessarium est, supernaturale est. Ergo. Posteriores partem probant, quia sæpè dilectio expostulat solùm ad impediendam Dei offensam, tuendumque diuinum honorem; sed ad hunc effectum sufficit naturalis dilectio. Ergo non præcipitur supernaturalis.

2 Cæterum dicendum est te directè non obligari ad amorem supernaturalem, neque ad amorem naturalem, sed solùm vt ames Deum super omnia ob eius infinitam bonitatem, quantum cum Dei gratia possis. Ex hac obligationis satisfactione oritur, vt illum ames supernaturali amore, si habitum supernaturalem habeas, vel auxilium Dei extrinseco supernaturali præueniens: si autem illis careas, amabis Deum naturali amore. Et ratio est manifesta, quia in tua potestate situm non est Deum amore supernaturali, potius quàm naturali prosequi, quia cum hæc differentia non tam ex obiecto formali, quàm ex principio influente in actum procedat, & hæc principia non cognoscas, neque tuæ voluntati in operatione subdantur, vt possis vri pro libito principio naturali, supernaturali excluso. Efficitur sanè supernaturalem amorem directè præcipi non posse, sed solùm indirectè, quatenus præcipitur tibi, vt ames Deum, quantum cum gratia possis; alias cognosceres te

esse in gratia, sicuti cognoscis præcepto amandi Deum te satisfecisse.

3 Neque obstat præcipi dilectionem, quæ ex fide supernaturali oriatur, quæque ad salutem necessaria sit, quia non præcipitur directè, sed indirectè. Non enim præcipi tibi potest directè præstare, quod nullo modo cognoscis. At non cognoscis te supernaturali cognitione insigniri. Ergo non potest tibi directè præcipi amor ex supernaturali cognitione procedens. sic docet, & bene probat Egidius de Coninch *disput. 24. de charitate. dub. 2. num. 32.*

PUNCTVM IV.

Quo tempore hoc præceptum dilectionis obliget.

- 1 *Qui autem obligare in primo instanti vsus rationis.*
- 2 *Non admittitur hæc obligatio.*
- 3 *Fuit satis rationibus num. 1. adductis.*
- 4 *Repellitur solùm pro fine vite obligare hoc præceptum.*
- 5 *Neque approbatur semel sanium in vita hoc præceptum obligare.*
- 6 *Quolibet die festiuo non obligat hoc præceptum.*
- 7 *Neque etiam obligat, cum Baptismus suscipiendus est.*
- 8 *Neque item cum Eucharistia suscipitur.*
- 9 *Expenduntur aliquot casus, in quibus hæc obligatio à Doctores agnoscitur, sed non approbatur.*
- 10 *Licet ne ultra tres annos differri.*
- 11 *Rarò fidelis hoc possumus præceptum violat.*

1 **L**oquimur de præcepto dilectionis affirmatiuo (quia negatiuum semper obligat.) De hoc ergo præcepto variè Doctores sentiunt. Primò tempus, quo assignari solet, est cum primum rationis vsum assequeris. sic Bannes 2. 2. *quest. 44. art. 1. dub. 1. ad 3.* Nauarr. *summ. cap. 11. num. 8.* Tolet. *lib. 4. summ. cap. 9. n. 9.* & communiter omnes expositores. D. Thom. 1. 2. *quest. 89. artic. 6.* Vbi sanctus Doctor asserit illo tempore quemlibet obligatum esse se ad Deum convertere, & omnia sua in eum tanquam in vltimum finem dirigere, quia consentaneum est creaturæ rationali, vt suum creatorem recognoscat, & amet. Mouentur autem ad hanc obligationem statuendam, tum ob rationem dictam, tum ob inconueniens, quod videtur sequi, si pro illo tempore hæc obligatio negeretur. Contingere enim potest, vt existens in originali, & ad rationis vsum accedens, peccet venialiter, proferendo scilicet aliquod otiosum verbum, aut officiosum mendaciū, & cum tali peccato originali, & veniali è vita discedat. Hoc autem est inconueniens, quia tali peccatori non est locus assignatus, siquidem neque est infernus; illuc enim soli decedentes in mortali adeunt. Neque limbus; quia ibi non est pena sensus, qua indiget veniale; neque est Purgatorium, vbi solùm amici Dei purgantur. Ergo non est concedendus huiusmodi casus. Deinde, quia Innocentius III. *in cap. maiores, de Baptismo, §. sed adhuc,* declarat dormienti adulto non remitti peccatum originale, quia hoc sine actuali mortali remitti non potest, ad cuius remissionem dormiens non se disposuit. Sentit ergo in adultis originale esse non posse sine actuali mortali.

2 Cæterum hæc argumenta non conuincunt, vt hanc obligationem ita grauem pro illo instanti asseramus. Nam licet conueniens sit, vt quilibet se, suæque omnia in Deum dirigat, cum primum rationis vsum assequitur. At hoc ex obligatione fieri nec suauitati legis diuinæ, nec imbecillitati humanæ consonum esse potest, imò potius videtur impossibile, nisi aliquo superiore, & extraordinario lumine illustretur. Quod sic proba.

probo. Nam ad executionem huius præcepti requiritur illius perfecta cognitio; at ante vsum rationis nequeunt pueri perfectè cognoscere, quomodo sit Deus super omnia diligendus, accedente verò vfu rationis, si tunc ligantur præcepto, ligantur sine illius cognitione. Item nullus est qui cognoscat primum instans suæ rationis principium. Quomodo ergo ligari præcepto pro illo tempore potest? Hæc quidem ratio conuincit (meo iudicio) si sumatur instans rationis physicum: at si moraliter sumatur pro aliquibus horis, vel diebus, etsi non ita conuincat, suo etiam modo efficaciam habet. Nam breui illo tempore vix possunt pueri instrui perfectè, in iis quæ necessaria sunt ad illius executionem. Deinde raro, vel nunquam instruuntur, quod est signum sufficiens non adesse pro illo tempore talem in pueris obligationem. sic docent alios referentes Azor 1. part. lib. 4. cap. 10. quæst. 6. & lib. 9. c. 4. quæst. 1. Valent. 2. 2. disput. 3. quæst. 19. punët. 3. Sanchez lib. 2. in Decal. cap. 35. num. 7. Coninch disp. 24. dub. 3. num. 48. Suarez 4. tom. de pœnit. disput. 11. sect. 2. n. 14. & 15. & de charit. disp. 5. sect. 3. n. 2.

3 Ad rationem aduersam respondemus admittendo dari posse in homine existente in originali peccatum veniale, priusquam mortale, quod necessariò afferendum est, etiam si concedamus pro illo principio vsum rationis dari præceptum affirmatiuum dilectionis, siquidem ex defectu plenæ deliberationis potest illud præceptum omitti, cuius omissio, vt bene dicit Sanchez *suprà*, solum venialis erit. Item poterit hæc obligatio præcipuè inter barbaros inuincibiliter ignorari: stante autem tali ignorantia inuincibili nullum in eius ommissione committitur peccatum. Ergo poterunt tunc venialiter peccare, peccato mortali non commisso, atque adeò cum originali, & veniali solum decedere. Ergo tam in sententia contraria, quàm in nostra assignandus est locus, quò debeat decedens in originali, & veniali macula adire. Dupliciter ergo argumento respondemus. Primò ad diuinam prouidentiam pertinere, ne permittat aliquem solo veniali, & originali maculatum è vita decedere. sic Sanchez cum aliis *dicitur* num. 7. At hoc gratis videtur excogitatum ad enodandam difficultatem. Quare secundò, & probabiliùs respondeo admittendo casum, posse, inquam, aliquem cum originali peccato, & veniali tantum mori, ipsūque ad limbum puerorum accessurum, ibique aliqua perpetua, & temporalis pœna confusionis orta ex displicentia sui ob illam maculam esse puniendum. sic Suarez tom. 4. de pœnitent. disput. 11. num. 18. Coninch disput. 24. de charitate, dub. 8. num. 40. & 41.

4 Secundum tempus huius obligationis assignant aliqui solum pro fine vitæ. sic Vasquez tom. de pœnitent. quæst. 86. artic. 2. dub. 6. num. 11. & hoc speculatinè loquendo iudicat verius Ioan. Sanchez in select. disput. 1. num. 21. §. neque frangitur, sed immeritò in illud solum tempus obligationem reiciunt, cum hoc præceptum imponatur ad rectam vitæ institutionem, dirigendâque nostras actiones in suum debitum finem, gratiam, & amicitiam cum Deo conferuandam, quæ omnia potius in principio, quàm in fine vitæ locum habent. sic Thomas Sanchez lib. 2. cap. 35. num. 8. Suarez de charit. disput. 5. sect. 3. num. 1. Valent. 2. 2. disput. 3. quæst. 19. punët. 1. vers. septimus casus.

5 Tertium tempus huius obligationis, alij, quos tacito nomine refert Sotus lib. 1. de natura, & gratia, cap. 22. vers. dicamus ergo, assignant indeterminatum, & vnicum tantum, ita vt qui semel in vita huic præcepto satisfecit, non teneatur amplius illo, consentit Ioan. Sanchez *dicitur* disput. 1. num. 21. quia cum nullum tempus signet Deus, quo debeat diligere, sed liberum homini relinquere, vt tempore à se electo obligationem exequatur, efficitur mortis tempore obligatum esse, si antea

Ferd. de Castro Sum. Mor. Pars I.

obligationem non impleuit, quia vltra illud tempus non restat aliud eligendum. At hoc dictum communiter à Doctoribus reprobatur, vt testantur Sanchez, Valent. Saa, Coninch, & alij, tum quia permittit in finem vitæ hanc obligationem reici, neque arctat ibi exercendam esse, si antea de cursu temporis illi aliquando satisfecisti. Item derogat maxime amicitie diuinæ, vt semel tantum in vita ad sui exercitium obliget, si enim alia præcepta non vnicò actu contenta sunt, sed plures expostulant, cur hoc præceptum omnium dignissimum vnicò actu contentum erit?

6 Quarto alij per contrarium extremum affirmant tempus huius obligationis esse quemlibet diem festiuum. ita Sotus in 3. distinct. 27. quæst. unica, ad 3. §. quantum ad secundum. Tabien. verbo charitas, quæst. 20. Angel. verbo feria, num. 41. Gabr. in 3. distinct. 37. quæst. unic. art. 3. Almain. quæst. unica. Fundamentum, quia Deus non tam honorandus est externo cultu, quàm interno, corpore, quàm mente. Sed præcipuus cultus internus, qui Deo exhiberi potest, est dilectio super omnia. Ergo hæc est illo tempore præcepta. Sed hanc obligationem communiter Doctores reiciunt, quia non quolibet honoratio interna, quæ diebus festis fieri potest, præcipitur, sed solum quæ necessaria est, vt ab opere serui abstinereas, & Missæ sacrificio intersis, quia solum hæc præcepta sunt tam diuino præcepto sanctificandi festa, quàm Ecclesiastico. Sed hæc præstari possunt, vt de se constat, sine actu dilectionis, & ab homine in mortali existente. Ergo. Adde nullum esse, qui de hac ommissione facta die festo se accuset. Ergo credibile non est hanc esse obligationem; alias patochi tenerentur suos fideles de illa monere, & ad illius impletionem excitare, quod videmus non fieri. sic docent cum D. Thom. Coquart. Nauarr. Soto, & aliis, Sanchez lib. 2. cap. 35. num. 8. Suarez disput. 5. sect. 3. num. 1. Coninch disput. 24. dub. 3. num. 43. Bonacina disput. 3. quæst. 4. de charit. punët. 2.

7 Quintò alij dicunt adultos recipientes Baptismum obligatos esse hoc præcepto, quia suscipiens Baptismum se seruum Christi proficitur, in cuiusque obsequio promittit toto vitæ tempore perseveraturum; decet ergo, vt hoc propositum firmet diuino amore. Item cum quis se militiæ adscribit, debet se, suæque omnia in Principem referre. Ergo miles Christianus, qui in Baptismo suum nomen Christo concedit, omnia in illius obsequium referre tenetur. sic Sotus lib. 1. de natura, & gratia, cap. 22. vers. dicamus ergo, casu 1. & lib. 2. de instit. quæst. 3. art. 10. vers. responsio harum. Valent. disput. 3. quæst. 19. punët. 1. vers. secundus casus. Sed neque hæc obligatio à Doctoribus admittitur, quia ad dignè suscipiendum Baptismum sufficit attritio concepta ex metu pœnæ, quæ amorem Dei super omnia non includit. At responderet Valent. *suprà*, solum probare amorem Dei super omnia non requiri tanquam dispositionem ad dignè sacramentum suscipiendum, bene tamen necessarium esse, vt quis ritè, & firmiter se profiteatur Dei seruum in Ecclesia Christi, cui se aggregat. Cæterum neque ad hunc effectum censeo amorem Dei necessarium esse, etsi sit conuenientissimus: nam ipsius Baptismi susceptione cum attritione debita satis se seruum Christi proficitur, & firmum animum habet nunquam ab illius obsequio recedendi, neque opus est militi Christiano omnia in Deum expressè referre, sufficit si virtualiter referat, per propositum, quod habet eius voluntati perpetuò obsequuturum. sic aliis relatis docent Sanchez lib. 2. cap. 35. num. 9. vers. secundus casus. Suarez disput. 5. de charitate, sect. 3. num. 2. Coninch disput. 24. dub. 3. num. 44.

8 Sextò defendunt alij, quoties Eucharistia sumenda est obligare hoc præceptum, vt sic cum Deo intimè vniamur. sic Bannes 2. 2. quæst. 44. art. 1. dub. 1. ad tertium.

C C C 2

Sed

Sed est obligatio sine fundamento, quia ex Paulo iuncto Trident. solum habetur debere se hominem probare ad Eucharistiam media confessione, si conscientiam habet peccati mortalis; neque ullibi affirmatum est per dilectionem actualem esse probandum peccato mortali carentem; & ita hanc obligationem reprobant ex communi sententia Sanchez *supra*, n.8. Azor *tom. 1. lib. 9. cap. 4. quest. 1.*

9. Septimò alij dicunt obligare hoc præceptum. Primò, cum martyrium subeundum est, vel aliud egregium, difficileque opus aggrediendum, quia expedit tunc firmare animum Dei obsequio. sic relato Soto docet Valent. 2.2. *disp. 3. quest. 19. punct. 1. versic. quintus casus*. Sed esto convenientiam agnoscam, obligationem improbo, quia nullo fundamento nititur, oratione enim, aliisque virtutum actibus te munire potes. sic Suarez *disp. 5. de charitate. sect. 3. num. 2.* Coninch *disp. 24. dub. 3. num. 45.*

Secundò, si beneficium magnum à Deo acceperis, quia expedit redamare, qui te ita amavit. sic Sotus *lib. 2. quest. 3. art. 10. versic. responsio horum*. Valent. *punct. 1. casu 4.* Tolet. *lib. 4. cap. 9. num. 10.* subdit Valent. Si beneficium est naturale, ad amorem naturalem obligare, si supernaturale, ad supernaturalem. Sed meritò hunc casum Sanchez *dict. cap. 35. num. 9.* Suarez, & Coninch *supra*, reiciunt, utpote firmo fundamento carentem, quia ex beneficij receptione solum iure naturæ ad gratias referendas obligari potes, & hoc non immediatè post acceptum beneficium, potest enim absque mortali aliquandiu differri.

Tertiò dicunt obligare hoc præceptum, quories audis blasphemantes, & Deo gravem iniuriam inferentes, ut media tua dilectione iniuriam factam quasi repares. sic Sotus *dicto art. 10.* Nauarr. *cap. 11. num. 10.* Valent. *dicto punct. 1. casu 6.* Sed immeritò hæc obligatio charitati imponitur, cum si aliqua est, religioni adscribenda sit, cui incumbit diuinum honorem defendere, & illi aduersum impedire quoad possis. Quocirca ut hæc obligatio etiam ex religione sit, debet honor diuinus periclitari, nisi tu eius partes assumes. sic Sanchez *lib. 2. cap. 35. num. 9. vers. sextum tempus*. Coninch *disp. 24. dub. 3. num. 4.*

Quartò obligare hoc præceptum asserunt, cum graues insurgunt tentationes, specialiter odij Dei, & illis est periculum consentiendi. sic Sanchez *num. 9. fine*. Bonacina *disp. 3. quest. 4. de charitate, punct. 2. num. 1.* At credo hoc verum non esse regulariter, quia aliis viis superari tentatio potest, & consideratione scilicet gloriæ promissæ vincenti, & poenarum inferni succumbenti. quare nisi dilectio Dei, mediam esset necessarium (quod rarò, vel nunquam præsumi potest,) illius obligatio ob tentationes vincendas affirmari non debet. sic Coninch *disp. 24. dub. 3. num. 45. & 55.* Suarez *disp. 5. de charitate. sect. 3. num. 3. vers. alij addunt.*

Quintò asserunt alij, instante periculo mortis, etiam si peccati mortalis conscius non sis, imò etiam si illius conscius sacramentaliter confitearis, te obligatum esse Deum super omnia diligere. sic Valent. *disp. 3. quest. 19. punct. 1. casu 7.* Suarez *disp. 5. de charitate. sect. 3. num. 3.* Coninch *disp. 24. dub. 3. num. 51.* Mouentur, quia licet certum sit attritionem cum sacramento conferre gratiam; quia tibi non constat talem attritionem habere, eniti debes ad contritionem, ut sic saltem attritionem habeas: agitur enim tunc de æterna salute, quam oportet omnibus modis securam reddere. Secundò si in illo periculo, & necessitate omittis contritionem, contentus attritione; dignus videris, ut nec attritionem habeas. Tertiò tunc demon grauissimas tentationes immittit, sciens modicum tempus habere; debes ergo animum in diuino obsequio firmare meliori modo, quo possis. Adde te velle

cum Deo perpetuam amicitiam habere. Expedit ergo ut in fine vitæ illam habeas post vitam continuandam. Fateor hanc obligationem esse satis probabilem, & in praxi semper consulendam. At non est omnino certa, si peccati mortalis conscius non es. nam illam reiciunt Azor *tom. 1. lib. 9. cap. 4. quest. 1.* Sanchez *lib. 2. cap. 35. num. 9. versic. octauum tempus*, & probari potest infirmando rationes contrarias. Nam si ob incertitudinem attritionis, & gratiæ obtentæ, debes contritionem, & amorem Dei super omnia procurare, cum de illo amore nunquam certus sis, non solum semel, sed iterum obligatus eris contritionem elicere. Nam cum de salute in æternum perdenda agatur, omnibus modis tibi possibilibus secuta reddenda est. Item nullius peccati mortalis conscius obligatus esses non solum dilectionem habere, sed & sacramentum Pœnitentiæ recipere, ut illa via securam redderes salutem, quæ fortè sacramento non recepto periclitaretur, quæ concedenda non sunt. Deinde ad tentationes vincendas dilectio Dei super omnia necessaria non est, ut ipsemet Coninch fateatur, cum possis recordatione diuini iudicij, & spe salutis æternæ te munire. Quodd autem conueniat ea firmare animum, ut sic omnibus modis securus sis, non probat te obligatum esse, aliàs probaret te obligatum esse actus omnium virtutum exercere, præcipue illarum, aduersus quas tentationes insurgunt, siquidem hoc exercitio securior eris. Ergo omnem securitatem possibilem in illo casu non videris teneri præstare, sufficit si præstes, quæ moralem securitatem constituunt; cum autem sacramenti Pœnitentiæ receptio cum attritione supernaturali hanc faciat securitatem, non videris ad dilectionem Dei obligatus conari.

10. Quapropter ut certum tempus huius obligationis signemus, distinguo duplicem obligationem, aliam, quæ per se, & ex vi charitatis oritur, aliam, quæ per accidens ratione alterius adiuncti, cui charitatis dilectio necessaria est. Quando enim dilectio non est per se, sed aliunde necessaria, si illam omittas, non aduersus charitatem, sed aduersus aliquam virtutem peccas. Exemplo declaro. Existis in mortali, vis ministrare, aut recipere aliquod sacramentum, teneris peccatum expellere ex anima, ut digne ministres, quod nisi media attritione cum sacramento Pœnitentiæ, vel contritione, quæ amorem Dei super omnia includit, fieri non potest. Si igitur tunc omittas hæc media assumere, & sacramenta ministres, non aduersus charitatem, sed aduersus religionem peccabis, quia ex religione obligatio habendi dilectionem, casu quo sacramentum Pœnitentiæ non recipiebatur, ortum habebat. Sed de hac obligatione in præsentī non est sermo, sed de illa, quæ per se, & ex vi charitatis oritur. Hac ergo obligatione existimo quemlibet adultum teneri non singulis annis, ut placuit Petro de Ledesma 2. *tom. summ. tractat. 3. cap. 5. post 6. conclus.* quia hoc est nimis durum, & nullo firmo fundamento nititur, sed aliquoties in vita, ita ut non multo tempore hoc exercitium differatur: signare autem hoc tempus, fieri non potest, sed prudentis arbitrio mensurandum est; reputarem autem dilationem trium annorum esse grauem. Nam qui tanto tempore diuinam bonitatem non reclamatur, eam videtur contemnere, & in periculo eam offendendi, & humanis rebus postponendi constitui. sic Coninch *disp. 24. dub. 3. num. 53.* Suarez *de charitate. disp. 5. sect. 3. num. 4.*

11. Aduerto tamen rarò quemlibet fidelem, nisi moribus deprauatus sit, huius peccati reum existere; quia sæpè conatur contritione se ad absolutionem dispungere, sæpèque beneficia diuina, & summam bonitatem considerat, quibus ad effectum debitum amicitiae excitatur.

PUNCTUM V.

Verum teneamur ex charitate proximum diligere.

- 1 Quis sit proximus.
- 2 De fide est te esse obligatum proximum diligere.
- 3 Proponitur ratio dubitandi, an obligeris ad aliquem internum amorem.
- 4 Amore Dei potest amor proximi satisfieri.
- 5 Satisfit rationi dubitandi num. 3. adducte.

1 **P**remittendum est, qui nomine proximi intelligantur? Hi sunt qui supernaturalis beatitudinis sunt capaces. sic Doctores cum August. lib. 1. de doctrin. Christ. cap. 23. 26. & 30. Quapropter fidelis, & infidelis, peccator, & inimicus, prædestinatus, & reprobus nomine proximi veniunt intelligendi, quia omnes hi dum in hac vita degunt, capaces sunt beatitudinis, illisque beatitudinem velle potes: quod si tibi reuelatum esset aliquem esse reprobum, & condemnandum, adhuc circa illum charitatem exercere potes, quia & velle posses absolutè, ne plura peccata committat, & simplici affectu ut beatitudinem assequatur, absolutè tamen ex suppositione, quod reprobus sit, velle non poteris illi beatitudinem, quia velles impossibile, scilicet reuelationem non esse veram. Pari ratione de damnatis (qui etiam suo modo proximi nobis sunt) velle potes, ne tot peccata committant, & simplici affectu desiderare illius beatitudinem, non tamen absolutè, quia absolutè est impossibilis. sic Suarez disp. 1. de char. sect. 1. à num. 3. Hoc posito,

2 Dicendum est te obligatum esse ex charitate proximum, sicut te ipsum diligere. habetur Matth. 22. Diliges proximum tuum, sicut te ipsum, ubi particula sicut, non qualitatem, sed similitudinem denotat, quod frequens est in Scriptura, iuxta illud Ioann. 13. & 15. Hic est præceptum meum, ut diligatis invicem, sicut dilexi vos; & illud Matth. 5. Estote perfecti, sicut & Pater vester celestis perfectus est, & tradit pluribus exornans Athanas. form. 4. contra Arrianum, circa medium. D. Thom. 2. 2. quæst. 44. art. 7.

3 Difficultas est, an ad aliquem amorem internum procedentem ex charitate obligeris? Et ratio dubitandi est, quia eodem modo de præcepto dilectionis proximi locutus est Christus, iuxta illud Matth. 22. ac de præcepto dilectionis Dei, cum enim dixisset, Diliges Dominum Deum tuum, &c. hoc est maximum, & primum mandatum. statim subiungit, Secundum autem simile est huic. Diliges proximum tuum, sicut te ipsum, sed præceptum dilectionis Dei obligat ad actum internum. Ergo & præceptum dilectionis proximi ad actum interiore obligabit. Item filius patrem, vxor maritum, beneficiatus benefactorem, & similes tenentur interno affectu prosequi, quia beneficia accepta, & obligationes imposita non solum ad exteriorem gratitudinem, sed etiam ad interiorem mouent, incitant, ac deuinciunt. Ergo iam charitas obligare potest ad actum internum: quod si in aliquibus proximis hoc verum habet, in omnibus habere debet, cum præceptum charitatis omnibus generale sit, & solum respicit proximum, quatenus ad imaginem, & similitudinem Dei factus est.

4 Hæc ratio omnino conuincit te obligatum esse amare proximum, illiusque bonum desiderare. Sed huic obligationi credo fieri satis amore ipsius Dei, qui saltem virtualiter est amor proximi, iuxta illud Ioannis 4. Hoc mandatum habemus à Deo, ut qui diligit Deum, diligat & fratrem suum. Qui enim Deo placere in omnibus intendit, eiusque voluntatem exequi, necessariò salutem proximorum velle debet, illamque procura-

Ferd. de Castro Sum. Mor. Pars I.

re, prout cognouerit Deo placere. Amare autem proximum amore interno distincto ab amore ipsius Dei, credo te non obligari, nisi fortè fuerit aliquando necessarius ad aliqua opera debita exhibenda. sic docent Scotus in 3. distinct. 30. §. quantum ad hoc, circa medium. D. Thomas 2. 2. quæst. 25. art. 8. in corp. Loeza 2. 2. sect. 3. disput. 58. num. 10. Suarez de charitate, disput. 5. sect. 4. num. 4. Coninch disput. 24. dub. 4. conclus. 1. & 2. num. 66. & 67. Ratio est, quia ex charitate solum teneris diligere Deum, vel proximum, quatenus talis dilectio in illorum bonum cedit: ac actus internus præcisè in bonum proximi non cedit, cum illi incognitus sit; cedit tamen in honorem Dei, cui omnia patent. Ergo respectu Dei teneris amorem internum habere, & respectu proximi solum quatenus est necessarius, ad vitandum odium, vel opera misericordiae, & signa beneuolentiæ illi debita exhibenda; fauentque huic sententiæ omnia, quæ de dilectione proximi tradit Ioann. 1. cap. 3. & 4. & Paulus ad Roman. 13. & alibi. Nam si bene expendantur, totum præceptum dilectionis proximi in operibus misericordiae constituent.

5 Ad rationem dubitandi respondeo, præceptum dilectionis proximi esse simile præcepto dilectionis Dei, & esse idem cum illo, quoad actum internum, quia eodem actu, quo diligimus Deum, diligimus & proximum, quo respiciens Ioan. 1. epist. cap. 4. non dixit, hæc mandata habemus à Deo, qui diligit Deum, diligat & fratrem suum; sed dixit, hoc mandatum habemus à Deo, quasi vnum, & non duplex sit mandatum. Est autem mandatum proximi simile mandato Dei, & ab illo distinctum secundum opera externa. Alia enim sunt, quæ hominibus exhiberi debent, alia quæ Deo. Sed quia horum operum exhibitio à iure naturæ, & diuino procedit, & ex eodem respectu, scilicet Dei super omnia dilecti, ideo vnum præceptum alteri dicitur esse simile.

PUNCTUM VI.

Qua ratione cum inimicis, & peccatoribus procedere debeas, ne charitatis præceptum offendas.

- 1 Obligatio est diligendi peccatores, & inimicos.
- 2 Non potes peccatori, vel inimico velle malum, quia malum illius est.
- 3 Neque potes velle vindicari, sed teneris ex corde remittere offensam: imo neque præbere alijs fundamentum suspicandi te non remittere.
- 4 Quid debeas facere, ne hoc fundamentum præbeas.
- 5 Per se non teneris inimicum occurrentem salutare, & aliquando teneris.
- 6 Si ipse te prius salutauit, regulariter teneris.
- 7 Si inimicus veniam postulet, teneris signa exhibere amicitie.
- 8 Non teneris satisfactionem debitam pro iniuria remittere.
- 9 Si offensar satisfactionem exhibeat, vel iniuria satisfieri non possit, adhuc potes accusationem instituere, & satisfactionem à iudice exposulare.
- 10 Cum duo se offendunt, quis teneatur prius veniam petere.
- 11 Quando offendens proximum obligatus sit veniam petere.
- 12 Aliquando teneris alloqui inimicum, si inde scias ab odio fore, ut desistas.

1 **C**ertum est secundum fidem te obligatum esse tam iure naturæ, quam diuino, peccatores, & inimicos diligere, quia sunt verè proximi ad imaginem

C C c 3

Dei

Dei creati, & supernaturalium bonorum capaces, ob quæ redduntur amore digni. Neque enim obligaris amare peccatorem, quatenus peccator est, neque inimicum, quatenus inimicus est: hoc enim esset te obligare amare culpam, & Dei offensam; sed obligaris amare illos, quia tibi proximi sunt, & naturæ conformes. Conclusio satis probatur ex illo *Lucæ 6. ubi loquens Christus de dilectione inimicorum, dixit, prout vulgus, ut faciant vobis homines, & vos facite illis similiter, & Matth. 5. Ego autem dico vobis: Diligite inimicos vestros, & benefacite ijs qui oderunt vos, &c.* Cum autem Christus Dominus nullum morale præceptum, præter ea, quæ sunt sacramentorum, tulerit in lege gratiæ, quod iure naturæ latum non esset, ut cum D. Thom. 2.2. *quest. 108. omnes supponunt, efficitur sanè hoc præceptum dilectionis inimicorum iure naturæ haberi.* Neque obstat lege veteri odium inimicorum videri præceptum illis verbis *Matth. 5. Audistis, quia dictum est antiquis, Diliges proximum tuum, & odio habebis inimicum tuum.* Quia nulla in parte veteris Testamenti habentur, sed à Phariseis, & Scribis erat introductum, ut probat Iansen. in sua concordia, cap. 40. *Lyra super illum locum.* Lorca 2.2. *sect. 3. disput. 23. num. 13.* Adde antiquis non esse præceptum, aut permissum odium inimicitiae respectu alicuius inimici. Voco odium inimicitiae, quo scilicet velles inimico malum, quia malum illius est, quia hoc permitti non poterat, utpote intrinsicè malum, & nullo bono fini deferuiens; bene tamen permitti, & præceptum fuit odium abominationis, quo scilicet aliquem tanquam nobis malum, & infestum auersamur, & cupimus omnino destrui, & perire, & hoc odium non fuit antiquis permissum respectu cuiuslibet inimici, sed respectu illius, qui legem Dei auersabatur, & Iudæos ad idololatriam excitabat, quales erant Chananæi, quibus cum amicitiam inire Iudæi erant prohibiti; imò potius tenebantur eos aduersari, & pro viribus delere, *Exod. 34. num. 16. Regum 11. vers. 2.* & tradit Gregor. *homil. 38. in Euangel. post initium.* Hoc autem odium abominationis honesto fine habitum, quodque potius in operibus externis, quam in interno affectu consistit, non est intrinsicè malum. Lege tamen gratiæ etiam hoc odium inimicorum sublatum est, ut Ecclesiæ minus conueniens.

2 Ex hac obligatione primò infertur, te non posse peccatori, neque inimico velle malum aliquod, quia malum illius est, quia hoc est intrinsicè malum, & nulla ratione honestari potest. Quod si obiicias, sæpe in Scriptura conceditur mala gravissima peccatoribus imprecari, ut *Psal. 9. Convertantur peccatores in infernum, & Psal. 18. Constitue super eum peccatorem, & diabolum sicut à dextris eius cum indicatur, exeat condemnatus, & oratio eius fiat in peccatum.* quæ certè gravissima mala sunt, & ad *Galat. 5. Vinam & abscondantur, qui vos conturbant.* Facile responderetur, non enim illa mala peccatoribus imprecamur, quatenus illis mala sunt, sed quatenus per illa diuina iustitia ostenditur, & alij eorum punitione corriguntur, ipsique à peccando cessant. Quo titulo ipsemet Deus hæc mala peccatoribus infligit, non autem ex odio illorum, quia, ut dicitur *Sapient. 1. Non delectatur in perditione impiorum.* Item hæc mala non tam imprecantur, quam prædicuntur, etsi per modum imprecationis prædictio fiat; sæpe enim operatiuus modus in Scriptura pro indicatiuo usurpatur, ut tradit Augustinus *Psal. 108. & Hieronymus Psal. 11. super illud, Disperdat Dominus vniuersa labia dolosa, & super cap. 1. Thren. & Gregor. lib. 15. moralium, cap. 23.* Deinde in sensu formali solent illæ imprecationes accipi, ita ut sensus sit, pereant peccatores, & condemnentur, quatenus peccatores sunt, id est, eorum culpæ, non tamen quatenus ad naturam Dei crea-

ti sunt. sic exponunt Origen. *lib. 8. in epist. ad Roman. super cap. 11.* Euthym. *Psal. 43.* Hieronym. *in cap. 3. Ezech. & cap. 4. Daniel.* & has omnes explicationes admittit D. Thomas 2. 1. *quest. 25. art. 6. & quest. 83. art. 8.*

3 Secundò sequitur te obligatum esse iniurianti remittere ex corde offensam, etiam si non petat, quod est dicere te obligatum esse abstinere à volitione vindictæ, quia malum iniuriantis est. conclusio constat ex nuper dictis, & videtur de fide ex illo *Matth. 18. vbi Christus minatur tradendos esse tortoribus, qui ex corde iniurias acceptas non remiserint, & tradit Nauarr. cap. 14. num. 25. Lorca 2. 2. sect. 3. disput. 25. num. 33. Suarez disput. 5. sect. 5. num. 9. Valentia disput. 3. quest. 3. versic. secundo quaeritur. Coninch disput. 24. dub. 6. num. 82.*

Addendumque est te non solum obligatum esse ex corde remittere offensam, sed te ita cum inimico portare, ut neque ipsi, neque aliis præbeas fundamentum suspicandi rancorem, & inimicitiam habere, quia ex obligatione charitatis teneris nemini scandalum esse. Ex quo fit, si ipse veniam petat, & doleat de iniuria facta, te obligatum esse significare illi te ex animo deposuisse odium, quia si id non significas, præbes sufficiens fundamentum, ut omnes intelligant te verè illius esse inimicum, illique malum velle, & consequenter illi scandalum est, & occasio, ut inimicitia perseueret. sic ex D. Thom. tradit Suarez *disput. 5. sect. 5. num. 9. Valent. 2.2. disput. 3. quest. 3. punct. 2. circa finem. Coninch disput. 24. dub. 6. num. 93.*

4 Sed inquires, quid debeas facere ne præbeas fundamentum suspicandi te odio prosequi inimicum?

Respondeo nulla regula certa id præscribi posse, sed prudentis arbitrio spectatis circumstantiis esse mensurandum. Placet tamen aliquos casus subiungere, ex quibus alij contingentes decidi possunt. Primò, non licet tibi inimicum, quia inimicus est, excludere ab oratione, beneficio, auxilio, opere in gratiam alicuius communitatis facto, cuius ipse inimicus est pars, quia eo ipso significas te inimicum odisse, eiusque odium excitas, & prouocas. Et in hoc sensu dixit Christus *Matth. 5. nos debere orare pro persecutoribus, & illis benefacere, hoc est, quando pro aliis oramus, aliisque benefacimus.*

Dices te obligatum non esse salutare, eleemosynam distribuere, sed gratis, & pro libito facis. Ergo potes his, & non aliis conferre?

Respondeo negando consequentiam, si ea exceptio est odij signum; sæpe enim obligatus non es orare: ac si oras, debes attentè orare. Sic ergo dicendum est, etsi obligatus non sis orare, eleemosynamque communitati tribuere; si tamè tribuas, debes omnibus tribuere, ne des inimico occasionem offensæ, & aliis fundamentum suspicandi te rancorem non deposuisse. sic ex communi sententia docet Suarez *disput. 5. de charitate, sect. 5. n. 7. Valent. 2.2. disput. 3. quest. 3. punct. 2. circa finem, versic. tertio sequitur. Coninch disput. 24. dub. 6. à num. 85. cum D. Thom. quest. 25. art. 9. & eius expositor. Dixi te non posse absque peccato à communi oratione, & beneficio inimicum excludere quia inimicus est. Nam si illum ex alia causa honesta excludis, illamque causam aliis manifestas, non peccas; quia solum peccare potes, eo quod signum præbeas inimicitiae, & inimicum ad odium excites, quod cessat, quando titulo honesto facis exclusionem. Hinc est, si beneficium impartendum omnibus non suppetit, poteris omittere calumniatores, & aliis conferre, item si scires intercessionem tuam pro omnibus factam, non omnibus profuturam, poteris pro amicis impendere, inimicis excludis, quia tunc non excludis inimicos, quia inimici, sed quia pallium breue est, & multos operire non potest,*

test, quo in casu prudentia dicat, ut potius amicis, quam inimicis faueas. sic Valent. & Coninch *suprà*, cum D. Thom. Bannes, & Lorca *ibi*.

5 Secundus casus est de obligatione salutandi inimicum, cum tibi occurrit. Dico ergo per se nullam esse talem obligationem, quia per se omissio salutationis non est signum odij, neque ad odium excitat, cum debita non est, & liberè omitti potest. Non enim omnes, qui tibi occurrunt, salutare teneris, neque ex salutationis omissione censeris infalutatum odille. Ac inimicis non teneris specialia signa amicitiae exhibere, cum ratione inimicitiae potius indigniores sint constituti. Ergo non teneris per se inimicum occurrentem salutare. sic Coninch *disp.* 24. *dub.* 6. *num.* 91. Bonacina *disp.* 3. *quest.* 4. *de charitate*, *punct.* 3. *num.* 3. Suarez *disp.* 5. *sect.* 5. *num.* 8. Dixi per se non esse odij signum: nam aliquando esse potest, scilicet cum inimicitia est publica, & ante inimicitiam solitus fueris inimicum occurrentem salutare, si tunc salutationem omittas, sine dubio scandalum generas, & sufficiens præbes fundamentum suspicandi ob solam inimicitiam omittere, quod à fortiori militat, si inimicus sit superior, si tunc salutare omittas, illum censeris contemnere, & odij fomitem ministrabis. sic Valent. 2. 2. *disp.* 3. *quest.* 3. *punct.* 2. *vers. hinc sequitur*. Coninch *disp.* 24. *dub.* 6. *num.* 91. Lorca *disp.* 25. *num.* 28. Bonacina *suprà*, & alij.

6 Sed quid si ipse inimicus te salutauit?

Respondeo, regulariter loquendo, te obligatum esse respondere, quod si non facias, non solum contra urbanitatem peccas, sed etiam contra charitatem, quia posita inimicitia, censeris omittere ob inimici contemptum, illique occasionem præbes in inimicitia perseverandi. sic Suarez *disp.* 5. *sect.* 5. *num.* 8. Coninch, Valent. Lorca, Bonacina *suprà*. Emanuel Saa in *utraque editione*, verbo *charitas*, *num.* 9. Excipi tamen debet casus, in quo seclusa inimicitia non toleres salutantem refalutare, qui casus rarus est, & solum habere potest locum in homine tibi longè inferiori; tunc enim nec contemptus, neque odij potest esse signum omissionis refalutationis. sic expressè Coninch *num.* 91. cum Bannes, Valent. Lorca, Nauarr. & Bonacina *disp.* 3. *quest.* 4. *de charitate*, *punct.* 3. *num.* 4.

7 Tertius casus est de inimico veniam postulante, & dicendum est te obligatum esse aliqua signa exhibere, quibus significes illum in amicitiam recipere, quia omissio talis signi in illa occasione esset signum rancoris, & odij. sic Suarez *dicta disp.* 5. *sect.* 5. *num.* 9. Bonacina *punct.* 3. *num.* 5. Coninch *disp.* 24. *dub.* 6. *num.* 95. Emanuel Saa verbo *charitas*, *num.* 9. & alij apud ipsos. Excipit autem Coninch ab hac obligatione superiorem offensum, affirmat namque hunc posse aliquantulum retardare remissionem, & animum offensum ostendere, ut subditus gravitatem suæ culpæ apprehendat, illamque iterum fugiat; quia tunc illa offensio non est signum inimicitiae, sed potius amicitiae, cum in bonum subditi fiat, sicuti fecit David cum Absalom, cui diu suum conspectum distulit. Item illa offensio est quædam culpæ punitio, quæ superioribus, & non aliis permixta est. Cauendum tamen est, ut bene ipse Coninch aduertit, ne ex odio fiat, & ne ex illo oriri intelligatur, nève subditus nimis exasperetur, consentit Emanuel Saa *suprà in edit. Complutens.* cum dixit, si scandalum absit, & sit aliqua occasio negandi salutationem salutanti, & veniam postulanti, qui negaret non esse condemnandum; sufficit enim (inquit) non odisse, & paratum esse in necessitate, ut proximo subuenire.

8 Verùm in hac significatione amicitiae non comprehenditur remissio satisfactionis debitæ pro iniuria. Sed non obstante petitione veniæ, illiusque concessione,

potest offensus satisfactionem debitam petere coram magistratu; quia petit, quod sibi debetur, & quod magistratus facere tenetur. sic post alios tradit Valent. 2. 2. *disp.* 3. *quest.* 3. *punct.* 2. *circa finem*: Suarez *disp.* 5. *sect.* 5. *num.* 10. Bonacina *disp.* 3. *quest.* 4. *de charitate*, *punct.* 3. *num.* 5. Coninch *disp.* 24. *dub.* 6. à *num.* 96. Cauendus tamen est nimius rigor in hac satisfactione petenda, semper enim Christianus pietatem redolere debet.

9 Sed quid si offensor ultra humilem petitionem veniæ offerat satisfactionem iniuriæ factæ sufficientem prudentis arbitrio; vel iniuria talis conditionis sit, ut reparari non possit, ut contingit in morte filij, vel parentis, poteris ne in iis casibus prosequi actionem iniuriarum coram iudice?

Videtur negandum, ex *cap. si quis constitutus*, 90. *dist.* ubi Fabian. Papa dicit: Si quis ob iniuriam acceptam grauitè contristatus est, & satisfactionem oblata non uerit admittere, grauissimis pœnis ad id est compellendus. Secundò videris procedere ex affectu vindictæ, cum absque vlla propria utilitate damnum alteri procures, illique præbes sufficiens odij excitatiuum. Tertio, quia contra consilium Christi procedis, debebas enim percutienti in vna maxilla, præbere illi alteram; non tamen procurare, ut grauius percutiatur. sic docent Beja 1. *part. summ. casu* 10. Azor 3. *part. lib.* 12. *cap.* 13. *quest.* 7. inclinatur Syluest. verbo *charitas*, *quest.* 9.

Fateor regulariter hoc consulendum esse, quia rarus est, qui ex amore iustitiæ, & non potius ex affectu vindictæ punitionem iniuriantis petit. Ceterum si protestaris non ex affectu vindictæ, sed iustitiæ te accusationem instituere, & punitionem iniuriantis petere, urgendus non es, ut desistas, neque ob id est neganda absolutio. Ratio est, quia iudices sunt constituti à Republica, ut delinquentes puniant, & offensis satisfactionem exhibeant. Ergo offensus petens hanc punitionem, & satisfactionem, non petit aliquid illicitum, sed potius quod iustitiæ vindictiue conforme est. Ergo hæc petitio non debet reputari signum vindictæ, neque odij excitatiuum. Adde sæpe esse conueniens reipublicæ, ne offensus ab accusatione desistat. Nam illo desistente solent criminosi facile veniam impetrare, & audaciores fieri ad similia committenda. Ut ergo ipsi, & alij arceantur, & reipublicæ scandalo fiat satis, expedit offensam prosequi actione iniuriarum: & ita tradit expressè Suarez *disp.* 5. *de charitate*, *sect.* 5. *fin.* Coninch *disp.* 24. *dub.* 6. *num.* 103. Lorca *sect.* 3. *disp.* 25. *num.* 3. Bonacina *disp.* 3. *quest.* 4. *punct.* 3. *num.* 5. Ioan. Sanchez *disp.* 2. *selectarum*, *num.* 11. ubi addit licitum tibi esse non solum coram iudice petere vindictam iniuriantis, hoc est, punitionem debitam, sed etiam à Deo, dummodo non excedas in petitione vindictæ ultra meritum culpæ; qui petit quoddam opus virtutis, scilicet delinquentis punitionem factam ab eo, qui potestatem habet puniendi. Neque obstant superius adducta. Nam *cap. si quis constitutus*, solum probat grauitè compellendum esse eum, qui satisfactionem iniuriantis non vult admittere, ut odium deponat. sic explicat Valentia 2. 2. *disp.* 3. *quest.* 2. *punct.* 2. *circa finem*, *versic. neque Syluest.* Ad secundum nego te procedere ex affectu vindictæ, sed ex affectu iustitiæ. Ad tertium sufficit non esse contra Christi præceptum, ut licitè fieri possit. Adde neque esse contra consilium, si ratio boni communis, & non tantum proprii sui commodi intercedit, ut sæpe potest contingere.

10 Quartus casus est, cum duo se inuicem offendunt, quis teneatur prius petere veniam, aut satisfactionem exhibere pro iniuria illata? Respondeo per se, & cæ-

teris paribus obligatum esse, qui prius iniuriam intulit, quia prius obligationem satisfaciendi contraxit, & alter adversus illum ius petendæ satisfactionis acquisivit. sic Nauarr. *cap. 14. num. 25.* Coninch *disput. 24. dub. 6. num. 99.* Bonacin. *disput. 3. quest. 4. de charit. p. 3. num. 6.* At si prior offendens leuem iniuriam intulit, & posterior graviolem, vel prior est longè nobilior, secundus inferior, non videtur obligatus prius satisfactionem exhibere, sed illam suspendere potest, quousque alius sibi debitam exhibeat. sic Bonac. & Coninch *suprà*, & Reginald. *lib. 17. num. 125.* Et idem videtur dicendum, si præsumat petita veniam, & satisfactione pro sua parte exhibita alium non correspondurum; tunc enim titulo recompensationis retinere quasi in depositum satisfactionem poterit, quousque videat alium paratum debitam exhibere: sic Bonacina *suprà*.

11 Sed inquires, an offendens obligatus sit semper veniam petere, aut satisfactionem competentem exhibere, neque possit absolui, si id facere nolit? Respondeo sæpè ab obligatione petendi veniam, & satisfactionem exhibendi excusari offendentem, idcircoque posse absolui. Primò excusatur in casu proximè dicto, quando alius intulit graviolem iniuriam, vel præsumit sibi illatæ non satisfacturum. Secundò si læsus non sit contentus satisfactione prudentis arbitrio competente, sed exigit immoderatam, qualis esset, si vellet ut aliquo modo infami peteret veniam, quia ante sententiam iudicis, ad hæc tam ardua, & difficilia nullus tenetur. sic Coninch *disput. 24. dub. 6. num. 100.* Tertio si pensatis circumstantiis censeatur læsus satisfactionem remisisse, aut de illa parum curare, quod fieri intelligitur, si non exigit, cum facile possit, vel eum lædente ita amabili ter pertractet, ac si nullam iniuriam accepisset. sic Coninch. *suprà num. 100.* Extra hos ergo, & similes casus, si offendens nolit veniam petere, aut satisfactionem competentem exhibere, nequaquam absolui debet, quia non potest esse contritus, cum nolit obligationi debitæ satisfacere. sic Syluest. *verbo iniuria, quest. 5.* Coninch *disput. 24. dub. 6. num. 100.*

Dixi veniam petere, aut satisfactionem competentem exhibere, non enim semper ad petitionem veniæ obligatur, ut contingit, cum offendens est superior, quem non decet se ita subdito submittere, nisi fortè iniuria gravis sit. Debet tamen semper offendens satisfactionem competentem dare prudentis arbitrio, spectata qualitate personarum, & iniuriæ factæ.

12 Quintus casus est, an si scias alloquendo inimicum, & aliàs signa benevolentiae illi exhibendo ab odio fore, ut desistat, præstare tenearis. Respondeo cum distinctione, si gravem difficultatem in iis exhibendis censeas, cogendus non es, quia non videris teneri cum tanta difficultate salutem inimici procurare. sic expressè Coninch *disput. 24. dub. 6. num. 92.* & indicat Suar. *disput. 5. sect. 5. num. 8.* ubi solum inquit aliquando hæc pro salute inimici faciendæ esse. Vtrum si tibi hæc præstare graviter molestum non est, sine dubio teneris, quia bonum spirituale inimici, sicuti & cuiuslibet proximi procurare debes, etiam cum aliquo tuo incommodo; aliàs non esset nobis præceptum, *Exod. 23.* leuare asinum inimici iacentem sub onere, & *Prouerb. 25.* esurientem inimicum cibare.

sic Suarez *suprà*, & Coninch *num. 97.* &

Bonacina alios referens *disput. 3.*

quest. 4. de charit. p. 3.

num. 3.

PUNCTUM VII.

Vtrum in bonis spiritualibus teneamur nos ipsos in amore appetitiuo præferre omnibus proximis.

- 1 *Quæ sint bona spiritualia.*
- 2 *Obligari velle potius tibi gratiam, & gloriam, quam reliquis omnibus.*
- 3 *Proponitur quedam obiectio de facto Moysis, & Pauli.*
- 4 *Pro aliquo tempore licitum tibi est velle beatitudine carere, ut saluti proximorum prouideas.*
- 5 *In bonis spiritualibus non obligatoris potes alios tibi præferre.*

1 **B**ona spiritualia sunt in duplici differentia, alia, quæ quis sibi, & proximis velle debet, alia quæ nec sibi, nec proximis velle tenetur. Explicet. Ex charitate teneris velle gratiam, & gloriam tam tibi, quam cuiuslibet proximo, & omnibus illius impedimentis carere. Summam autem gratiam, & gloriam, & quæ ad hanc perfectionem conducunt, qualia sunt evangelica consilia, neque tibi, neque alteri regulariter obligatus es velle.

2. Dico ergo primò. Obligatus es velle potius tibi gratiam, & gloriam, quam reliquis omnibus, etiam vniuerso mundo. Cōclusio est certa, quam tradit D. Thom. 2. 2. *quest. 26. art. 4. Valent. disput. 3. quest. 4. p. 3. conclus. 2.* Suarez *disput. 9. de charit. sect. 1. n. 2.* Coninch *disput. 25. dub. 5. conclus. 4. & 6.* & alij apud ipsos. Ratio est, tum quia norma, & regula diligendi proximum est amor sui ipsius. *Matth. 22. Diliges proximum, sicut te ipsum.* Ergo dilectio tui præferenda est. Tum quia charitas magis inclinat ad procurandam sui conseruationem, & augmentum, quam ad procurandam conseruationem, & augmentum aliorum, in quibus ipsa non residet, quia ad proprium augmentum inclinat per se, ad aliorum augmentum per accidens. Ergo velle prius debes tibi gratiam, quam aliis. Ergo non potes velle gratia carere, ut alij eam consequantur. Adde te non posse gratiam, & beatitudinem amittere, nisi peccatum mortale committendo: at hoc secundum fidem, & iam, si totus mundus saluus fieret, committi non debet. Ergo neque potest velle gratiam, & beatitudinem amittere, ut totus mundus saluus fiat. Sed demus sine peccato gratiam, & gloriam amitti posse, adhuc non potes velle ipsis carere, ut alij ea consequantur. Tum quia hæc carentia non potest esse medium proportionatum ad huius finis consecutionem, potius enim possessio charitatis, quam illius carentia est medium, ut in aliis similem charitatem excites. Tum quia charitas ipsa obligat subiectum, in quo residet, ut sui conseruationem, & augmentum primò procuret. Tum denique quia gratius Deo est, ut quilibet procuret Deum amare, quoad possit, quam ut procuret, ut alij ament, se ipso neglecto. iuxta illud *Matth. 16. Quid enim prodest homini, si vniuersum mundum lucretur, anima vero sua detrimentum patiatur.*

3 Neque obstat Moyses *Deut. 2.* elegisse potius beatitudine carere, quam populum condemnatum relinquere. Dixit enim Deo, *Aut dimitte illis hanc noxam, aut dele me de libro vite,* & Paulum voluisse anathema esse à Christo pro fratribus, quia omisissis aliis explicationibus, quas supradictis locis adhibent expositores communiter, ea mihi magis probatur, quæ cum August. *quest. 147. super Exod.* affirmat neque Paulum, neque Moysen voluisse absolute beatitudine carere, sed per quandam exaggerationem, & filialem confidentiam fuisse locutos, scientes non esse beatitudine priuandos, dixisseque Deo, sic salutem proximorum desideramus, ut si per impossibile vnum è duobus est faciendum,

conce

concedatur aliis æterna salus, etiam si nos à visione tua excludas, quod scimus facturum non esse; sicut si amicissimo diceret: Parce his rebellibus, vel dele me de tua amicitia, aut me cum illis interfice. Non enim vis mori, neque amicitia illius priuari, etiam si ille petitionem non concedat, sed per exaggerationem loqueris, ut declares te desiderare aliorum veniam, ac desideras vitam, eiusque amicitiam.

4 Verum est licitum tibi esse, & laudabile velle pro aliquo tempore pati dilationem beatitudinis, ut proximorum saluti provideas, sicut fecit Paulus ad Philippenses. 1. Coarctor è duobus desiderium habens, dissolui, & esse cum Christo, permanere autem in carne necessarium propter vos. & de S. Martino testatur in eius vita Bernard. morientem dixisse: Si adhuc populo tuo sum necessarius, non recuso laborem, & sic de aliis. Quia carentia beatitudinis pro aliquo tempore determinato compensatur sufficienter voluntate aliorum, & meritorum proprio incremento. Nunquam tamen tibi licet velle nec pro vna hora, gratia, & charitate carere, etiam si absque peccato futurum esset; quia non est medium ad salutem aliorum proportionatum, & præterea est contra inclinationem charitatis, quæ per huiusmodi desiderium in sui destructionem tenderet. sic docet, & latè probat Valent. 2.2. disput. 3. quest. 4. punct. 3. concl. 2.

5 Dico secundò. Si bona spiritualia sunt extra obligationem, poteris absque peccato alios tibi præferre. sic Valent. 2.2. disput. 3. quest. 4. punct. 3. conclus. 1. Et ratio est manifesta, quia si nulla est obligatio procurandi illa bona nec tibi, neque aliis, sed pro libito ea tibi, & aliis procurare potes, quòd illa aliis procures, & non tibi, non obinde argui potes, sed potius laudari, quia opus laudabile facis. Nihilominus verum est charitatem inclinare, ut potius tibi, quàm aliis, hæc quæ ad perfectionem attinent, procures. Sed quia ad hæc non obligaris, ideo potes absque peccato procurare aliis, & non tibi. At si bene advertitur, & tibi procuras perfectionem: non enim potes aliorum perfectionem promovere, quin tuam etiam promoveas.

PUNCTUM VIII.

Verum in temporalibus bonis debeamus nos ipsos magis diligere, quàm proximum.

- 1 Pro bono reipublica, bona fortuna, imò & vitam expendere debes.
- 2 In aequali tui, & alterius particularis necessitate, non teneris alium tibi præferre.
- 3 In bonis fortuna potes proximum tibi præferre.
- 4 Proponuntur varia sententia, affirmans, & negans te constitutum in aequali necessitate bonorum, qua conservare teneris, posse alium tibi præferre.
- 5 Constatantur hæc sententia.
- 6 Satisfit rationibus num. 4. adductis.
- 7 Oppetere mortem, & exponere se periculo vitæ ob conservandam vitam proximi extraneus non est mortale, sed cavenda est cooperatio.

1 PRæmitto certa, ut gradum faciam ad dubia, & controuersa. Primò certum est te debere in æquali tui, & reipublicæ necessitate non solum bona fortunæ, sed etiam vitam expendere pro reipublicæ conservatione. sic D. Thom. ab omnibus receptus 2.2. quest. 26. art. 3. quia bonum commune præferendum est speciali, & pars exponenda est ob conservationem totius. Dixi, in æquali necessitate. Nam si reipublica so-

lùm grauius, & non extremè indigeat, probabilitate non caret te obligatum non esse vitam expendere; quia tunc extrema tua necessitas præponderat graui reipublicæ. Item ius conservandi vitam est homini maximè connaturale. Ergo non est obligandus amittere ob quamlibet reipublicæ necessitatem, sed solum ob extremam. sic Suarez 2.2. disput. 9. de charitate, sect. 3. num. 1. Quod dictum est de reipublica, dicendum est de Principe, seu alia persona reipublicæ necessaria, si verè necessaria est, quia id ipsum est reipublicæ providere. sic Suarez supra, Valent. 2.2. disput. 3. quest. 4. punct. 2. conclus. 4. fine.

2 Secundò est certum in æquali necessitate tui, & cuiuslibet priuati te posse tibi, & non alteri providere, imò hoc charitati esse conformius, quæ inclinat potius ad sui, quàm ad aliorum amorem, iuxta illud Matthæi 19. Diliges proximum tuum, sicut te ipsum. sic D. Thomas supra art. 4. Coninch disput. 25. dub. 6. n. 79. Suarez disput. 9. sect. 3. & alij. Si verò necessitates dispares sunt, ut si proximus sit in extrema, tu verò in graui, ipse in periculo manifesto vitæ, tu in periculo solum probabili, poteris illi succurrere. At credo te non teneri, quod possis. probatur, quia iuxta ordinem charitatis est, ut bonum maius proximi proprio præferatur. At negari non potest vitam proximi, quæ alia vita conservari non potest, maius bonum esse, quàm exclusio probabilis periculi vitæ propriæ, sicut grauius malum est mors certa, quàm periculum illius. Ergo charitati conforme est, si periculo probabili te exponas ob vitandum certum tui proximi. sic tradit Valent. 2.2. disput. 3. quest. 4. conclus. 3. versic. secundo sequitur. & hinc est te posse cum periculo vitæ inferuire peste infectis. Quòd autem non tenearis, probo, quia præceptum de conservanda vita alterius non potest cum graui detrimento propriæ obligare: esset enim nimis asperum, & durum præceptum. At qui se exponit periculo probabili amittendi vitam propriam ob conservationem alienæ, graue detrimentum patitur. Ergo ad hoc non est obligandus. sic Emanuel Saa verbo charitas, num. 2. in utraque edit. cum Nauarr. cap. 24. num. 9. Tolet. lib. 4. cap. 10. num. 4. Lopez 1. part. cap. 67. An verò si proximus in periculo vitæ versetur, tu verò in periculo amittendi fortunæ bona, tenearis illi succurrere, constabit ex iis, quæ disput. seq. de elemosyna trademus.

3 Tertiò est certum in bonis, quæ ex obligatione conservare non tenemur, posse proximum nobis præferre. Quapropter licet nobis proximo egenti donare etiam ea, quæ nostro statui necessaria sunt, loquor de homine libero, non de patrefamilias, cui alia via hæc prohiberi possent. sic Coninch disput. 25. dub. 6. num. 79.

4 Dubium igitur est, an pecces contra charitatem, si constitutus in æquali necessitate bonorum, quæ ex obligatione conservare debes, ut vitæ, & corporis, cedas tui conservationi, ut vita, & corpus proximi conservetur.

Sunt qui affirmant te peccare, ea præcipuè ratione moti, quia charitas obligat propriam, & alienam vitam conservare, & cæteris paribus prius obligat propriam, deinde alienam, quia, ut ait D. Thomas 2.2. quest. 26. artic. 4. propria vita magis illi coniuncta est. Ergo contra charitatis obligationem procedis, si hunc ordinem perueris. Ergo peccas. sic Paludanus 4. distinct. 15. quest. 3. art. 2. conclus. 3. Gabriel ibidem distinct. 16. quest. 4. artic. 2. conclus. 1. & videtur esse Augustini lib. de mendac. cap. 6. ubi ait: Si quis exponat vitam corporalem propriam pro vita corporali alterius, iam non diligit proximum sicut se ipsum, sed plusquam se ipsum, quod sanæ doctrinæ regulam excedit. Ergo est contra regulam charitatis. Econtrà alij negant te peccare, sed

sed potius dicunt te opus laudabile facere. Mouentur, quia non teneris ita propriam vitam conseruare, quin possis eam periculo exponere ob aliquem honestum finem, vt multis exemplis Lessius *lib. 2. c. 9. dub. 6. à num. 27.* confirmat. Sed conseruare vitam proximi est honestus finis, & proprius virtutis charitatis, & fortitudinis. Ergo non peccas, si ob hunc finem exponas propriam. Deinde pro conseruatione tui status, acquisitione honoris, & rerum fortunæ potes laudabiliter vitam exponere. Ergo à fortiori pro conseruatione vitæ proximi, quod maius bonum est. Denique pro conseruando statu, rebusque fortunæ alicuius domini se exponit famulus certissimis vitæ periculis, & stipendium accipit, vt sic obligetur. Ergo si id faciat ex liberalitate, laudabilior erit. & ita tenet Lessius *lib. 2. cap. 9. dub. 6. num. 29.* Coninch altis relatis *diffut. 25. dub. 6. num. 81.*

5 Alij supradictas sententias conciliant, & primam sententiam procedere dicunt, quoties nulla specialis ratio adest exponendi vitam propriam, nisi conseruatio alienæ, vt contingit, cum illam exponis pro extraneo, nec tibi amico, nec benefactore, neque specialiter reipublicæ necessario. Secundam sententiam dicunt procedere, cum aliqua specialis ratio intercedit, scilicet ostendere amico debitum amici officium, gratificari illi beneficia, providere alicui vtilitati communi, quia tunc non amas proximum plusquam te, sed opus virtutis amas præ vitæ, vt dixit D. Thom. suprà relatus. sic Suar. *diffut. 9. de charit. sect. 3. num. 7.* Valent. *diffut. 3. quest. 4. conclus. 3.* & hic modus dicendi mihi probabilior apparet argumentis pro vitæque sententia adductis.

6 Neque aduersus hunc modum dicendi vrgent rationes allegatæ pro sententia Lessij, & Coninch. Negamus namque conseruationem vitæ proximi amissione propriæ esse finem honestum, quia est contra ordinem debitum charitatis. Erit autem finis honestus, si cum conseruatione vitæ proximi, ostensio amicitiae, gratitudinis ad beneficia, fidelitatis, aut alterius virtutis coniungatur, vt contingit in omnibus exemplis allatis à Lessio, & quæ adducta sunt in confirmationem illius negatiuæ sententiæ. Quod si obicias: Si aliquis culpabiliter, vel inculpabiliter te inuadat, cuius scilicet declinare non potes, nisi illum occidas, licet tibi abstinere ab illius occisione, & permittere, vt te occidat. Ergo iam conseruatio præcisa vitæ alienæ est honestus finis ad permittendam propriam mortem.

Respondeo negando consequentiam: non enim permittis te occidi ob alterius vitæ conseruationem præcisè; sed ne alium occidas. est enim occisio cuiuslibet hominis ita grauis, dura, & terribilis, vt actus sit pietatis ab illa abstinere, etiamsi tibi liceat: permittere ergo tuam mortem ob huiusmodi finem actus est laudabilis.

7 Aduertit tamen Suarez *diff. 9. sect. 3. num. 7.* non esse peccatum mortale, sed solum veniale oppetere mortem, & exponere vitam propriam, pro conseruanda præcisè vitæ proximi extranei: quia licet charitas obliget prius amare seipsum, quam proximum in æquali necessitate etiam temporali, non tamen sub graui obligatione hunc ordinem imponit, sed sub leui. Secundò aduertit esse cauendum, ne positiuè ad mortem propriam coopereris, existimat autem & bene te cooperaturum, si proximo periclitanti in mare cederes tabulæ iam à te occupatæ, vt ipse se saluaret, sciens te inde esse periclitaturum; quia illa cessio est quædam positiua in vndis immersio, quæ tibi non licet. Secus verò si tabula à te occupata non esset, poteras tunc permittere ab alio occupari, quia tunc non cooperaris morti propriæ, sed abstinēs à conseruatione vitæ ob alterius vitæ conseruationem, & tradit Vasquez *opusc.*

de elemos. cap. 2. num. 2. Hæc omnia dicta sunt de homine libero, cuius vita aliis necessaria non est. Nam si aliis necessaria est, vt filiis, & vxori, & consanguineis tum ad bonum spirituale, tum ad temporale, nullo modo liceret pro vitæ alterius priuati hominis propriam exponere, sed grauius talis peccaret: non enim cum tantorum detrimento vitæ alterius succurrere debebat. sic Coninch *diff. 25. dub. 6. in fine, n. 84.* Bonacina *diff. 3. quest. 4. de charit. p. 4. fine, num. 6.*

PUNCTVM IX.

An ex charitate obligeris, & quando, salutem spirituales proximorum bonis propriis temporalibus fortunæ, & vitæ præferre.

- 1 Præmittuntur tria certissima.
- 2 Statuitur regula ab omnibus recepta te obligatum esse salutem spirituales cuiuslibet proximi tuis bonis temporalibus fortunæ, & vitæ præferre.
- 3 Hac obligatio vrget in extrema proximi necessitate.
- 4 Si Petro dormienti, & in peccato mortali existenti scires mortem euenturam, teneris cum periculo vitæ impedire.
- 5 Idem est de infante Christiani filio.
- 6 Homini peccatori in extremis, non teneris semper cum periculo vitæ pœnitentiæ sacramentum ministrare.
- 7 Te inuadentem bene potes occidere, tamen si in peccato moriatur.
- 8 Examinantur tres casus positi à Valentia.
- 9 Extra casum extremum non teneris cum graui iactura succurrere proximo priuato in spiritualibus.
- 10 Proximo communi, scilicet reipublicæ, teneris cum periculo vitæ succurrere.
- 11 Cuiuslibet proximo grauem necessitatem spirituales patientis teneris cum leui tuo detrimento succurrere.
- 12 Si superior, & pastor sis, teneris cum periculo vitæ graui spirituali necessitati proximi subuenire.
- 13 Non potes tempore pestis fugere.

1 PRæmitto primò. Nomine proximorum, vt constat ex sæpè dictis, non solum quilibet particularis homo intelligitur, sed à fortiori qualibet communitas, reipublica, & regnum. Item loqui possumus de obligatione hominis particularis, & priuati, vel de obligatione superioris, Principis, & pastoris.

Secundò præmitto triplicem esse necessitatem proximi de tuo auxilio leuem, grauem, & extremam. Leuis est, quam proximus leui conatu, & facili negotio absque tuo auxilio repellere potest. Grauis, quæ sine tuo auxilio non nisi graui conatu, & difficulter ab illa se potest proximus liberare. Extrema est solum periculum æternæ damnationis, à quo proximus absque tuo auxilio vel se omnino eripere non potest, vel cum tanta difficultate vt prudentis iudicio reputeretur moraliter insuperabile, ac proinde omnino impossibile.

Præmitto tertio, vt proximo obligeris succurrere cum iactura propria, duo tibi debent esse moraliter certa. Primò proximum indigere tuo auxilio, quia alius non adest, qui succurrat. Secundò, auxilium tuum fore profuturum. In his tribus suppositis omnes conueniunt, vt videre est in Doctoribus in discursu referendis.

2 Regula ergo certissima, & ab omnibus catholicis recepta est, te obligatum esse salutem spirituales cuiuslibet proximi tuis bonis temporalibus fortunæ, & vitæ præferre, ita vt si opus sit hæc omnia expendere pro illius conseruatione, id debeas facere. Probatur ex illo Ioann. 14. *Hoc est preceptum meum, vt diligatis inuicem, sicut dilexi vos.* At Christus dilexit nos expendendo

dendo propriam vitam pro nostra spirituali salute. Ergo sic debemus proximos diligere. Et confirmatur ex illo Ioann. 1. cap. 3. *In hoc cognouimus charitatem Dei, quia ille animam suam posuit pro nobis, & nos debemus pro fratribus animas ponere.* quem locum expendens Augustinus lib. de mendac. cap. 6. dixit, temporalem vitam suam pro æterna proximi non dubitabit Christianus amittere. Ratio est, quia bona spiritualia, & maximè æterna excellentiora, & Deo gratiora sunt quolibet temporali bono, etiam proprio. Ergo ex charitate huic bono illa præferri debent.

Difficultas autem est, quibus euentibus id necessariò faciendum sit, quod sequentibus conclusionibus explicabimus.

3 Prima conclusio est, in extrema proximi necessitate debes non solum bona temporalia, sed etiam vitam expendere, si tibi spes est fore profuturum. sic cum D. Thoma 2. 2. quæst. 26. art. 5. tradunt omnes eius expostores, Caietan. Bannes, Aragon, & alij. Valent. disput. 3. quæst. 4. punct. 4. assert. 5. Torres disput. 87. dub. 2. conclus. 3. Lorca sect. 3. disput. 28. memb. 2. Azor tom. 2. lib. 12. cap. 4. Tolet. lib. 4. summ. cap. 10. Coninch disp. 25. dub. 7. num. 86. Suarez de charitate, disput. 9. sect. 2. num. 2. Bonacina disput. 3. quæst. 4. de charitate, punct. 4. num. 2. Ratio est, quia præceptum expendendi vitam propriam pro salute proximi in aliquo casu obligat; aliàs superuacaneum esset. Ergo ad minus obligare debet in casu extremæ necessitatis.

4 Ex quo infero primò. Si Petro dormienti, & phrænesi laboranti, & in peccato mortali existenti mortem scires euenturam, siue à se, siue ab alio, teneris cum periculo vitæ impedire si potes, & moraliter certus es à peccato postea esse liberandum, aliàs non; quia hæc est extrema necessitas. sic Coninch num. 87. Suarez disput. 9. sect. 2. num. 3.

5 Infero secundò. Si infans filius Christiani fidelis sit morti proximus, indigeatque Baptismo, quem absque periculo vitæ conferre non potes, neque alius sit, qui conferat, teneris cum periculo vitæ conferre; quia illa est extrema necessitas, à qua non potest infans se liberare. Neque obstat illam necessitatem prouenire ab extrinseca aliqua causa, scilicet à tyranno impediente Baptismum, ob cuius rationem negat Sotus relect. de secret. membr. 2. quæst. 2. post 6. conclus. non esse hunc casum extremæ necessitatis per se, sed per accidens, quia impertinens est, à quo, & quomodo proueniat necessitas, vt deobligaris, si de facto necessitas vrget. sic Nauarr. cap. 24. num. 9. Lorca 2. 2. sect. 3. disput. 28. num. 32. Coninch disput. 25. dub. 7. num. 88. Suarez disput. 9. sect. 2. num. 3. Bonacina disput. 3. quæst. 4. de charitate, punct. 4. num. 2. Valent. disp. 3. quæst. 4. de charitate, punct. 3. in fine. Dixi, si infans sit filius Christiani fidelis. nam si filius ethnici sit, non est constans inter Doctores, an parentibus inuitis possit baptizari. In illo ergo casu, in quo baptizari potest, teneris cum periculo vitæ Baptismum illi conferre. sic Suarez supra. Posse autem baptizari, quoties absque vi illata parentibus, & graui illorum perturbatione fieri potest, communior ferè sententia. sic Coninch supra. Scio tamen Emanuele Saa verbo charitas, num. 4. in utraque editione, reputare probabile te non esse obligatum puero huic Baptismum conferre cum periculo vitæ, alioqui enim teneretur mater grauida permittere se secare, vt filius in utero existens baptizaretur, alioquin sine Baptismo moriturus, quod non est concedendum.

6 Tertiò infero quid dicendum sit de eo, qui diu vixit in consuetudine peccandi, & morti proximus petit Confessarium, à quo absoluitur, an debeas, parochio, neque alio succurrente, absolutionem concedere cum periculo propriæ vitæ? Affirmat Bannes 2. 2. quæst. 28.

art. 5. Suarez supra num. 3. Valent. disput. 3. punct. 3. vers. quartus casus, quia huic difficillimum est habere contritionem. Ergo reputanda est illa extrema necessitas.

Sed credo hoc solum esse intelligendum in homine rustico, aut prorsus ignaro ad iustificationem extra sacramentum requiri contritionem, quia huic moraliter impossibile est contritionem habere, cum eius menti obligatio habendi contritionem non occurrat. sic Coninch disput. 25. de charitate, dub. 7. num. 90. cum Nauarr. cap. 24. num. 9. & indicat Bonacina num. 2. quatenus dicit requiri ad extremam necessitatem, vt non valeat actum contritionis elicere. Aliàs si cuilibet perenti absolutionem deberes cum periculo vitæ impendere, ne ob defectum contritionis in æternum pereat, sine dubio obligatus esses tempore pestis, & inuasionis hostilis deficientibus parochis cum periculo propriæ vitæ sic oppressis sacramenta ministrare, neque posses fugere. quod Doctores communiter negant.

7 Quartò infero quid dicendum sit de eo, qui te inuadit, cuius ictum declinare non potes, nisi occidas. Reputo te posse occidere, quia illa extrema necessitas non est, cum ab illa se liberare possit, sed potius est extrema malitia. sic Coninch num. 95. fine. Bonacina disput. 3. quæst. 4. punct. 4. num. 2. fine. Sed quid si inuasor ebrius sit, aut phræneticus, teneris ne tunc te permitti occidi, ne in peccato alius moriatur?

Respondeo te non teneri, quia nec reputare debes alium esse in peccato, neque si est, postea esse conterendum, neque te ita esse dispositum, vt mortem subitanæ, & non præmeditatam subire possis sine periculo damnationis.

8 Quintò infero quid dicendum sit de tribus illis casibus relatis à Valent. supra, in quibus ipse agnoscit extremam necessitatem? Primus est de illis rusticis, qui à concionatore hæterico reducuntur, neque est, qui valeat eos ab ignorantia liberare. Secundus de celebrantibus aliquem contractum usurarium ex ignorantia vincibili, in qua creduntur perseveraturi, nisi tu succurras. Tertius de filia, quam pater ob paupertatem læsioni tradit contra eius voluntatem.

Respondeo in supradictis nullam adesse extremam necessitatem. Nam vel illi seducti ignorantia vincibili laborant, vel non. si non; non committunt peccatum, si laborant vincibili ignorantia absolute, etiam si cum difficultate ab illa se liberare possunt. Ergo non est extrema necessitas. Filia verò et si aliquo modo coacta ob parentis reuerentiam peccato consentiat: at liberè consentit, & potest sustinendo iram parentis à peccato abstinere. Ergo extrema necessitate non laborat. Adde præsumi non posse supradictos semper in peccato esse perseveraturos, neque aliquando esse à Deo illuminandos. Et ita à necessitate extrema, & obligatione succurrendi cum periculo vitæ. hos casus excludit Coninch d. disp. 25. dub. 7. n. 94.

9 Dico secundò. Extra casum extremæ necessitatis non teneris cum periculo morali propriæ vitæ, aut amissionis membrorum, aut graui iactura bonorum fortunæ succurrere proximo priuato in spiritualibus. sic D. Thom. 2. 2. quæst. 26. art. 5. ad 3. Nauarr. cap. 24. num. 12. Coninch disp. 25. dub. 7. n. 96. Valent. 2. 2. disp. 3. quæst. 4. punct. 3. vers. secundo dico, post 5. assertionem. Suarez disput. 9. de charitate, sect. 2. n. 4. Bonacina disput. 3. quæst. 4. punct. 4. num. 2. Eman. Saa verbo charitas, num. 2. & 5. Ratio est, quia non decet suauitati legis Euangelicæ ob necessitatē proximi, à qua ipse se potest liberare, te esse arctandum ad propriæ vitæ, bonorumq; fortunæ amissionem: ius enim conseruandi propriam vitam, & ea quæ vitæ sunt necessaria, est maximè naturale. Ne ergo amittendum est ob necessitates passim occurrentes, quales sunt graues proximorū necessitates. Hinc infero

te non esse obligatum cum periculo vitæ, vel iactura graui honoris, & diuitiarum peccatum proximi impedire, tum quia cum ipse peccat, non laborat extrema, sed ad summū graui necessitate. Tum quia potest postea se ab illo peccato per penitentiam liberare. Secundò infero te non teneri ad Indos proficisci, quia neque ipsi laborant extrema necessitate, cum sint alij qui succurrant ex obligatione, neque est moraliter certum te posse succurrere. Ergo non teneris ob eorum salutem procurandam periculum nauigationis subire, & exilium ita graue pati. sic Bonacina *disp. 3. quæst. 4. de charit. p. 4. num. 2. fine.*

10 Dico tertio. Proximo communi (hoc est, reipublicæ) in graui necessitate cōstituto teneris etiam cum periculo propriæ vitæ succurrere. sic Coninch *disp. 25. dub. 7. num. 99. & 100.* Bonac. *supra num. 5. & Suar. disput. 9. sect. 2. num. 4.* ut probabile defendit. Ratio est, quia vix fieri potest reipublicam pati grauem in spiritualibus necessitatem, quin plures particulares patiantur extremam. Deinde illa necessitas communis est grauissimum damnum, cui meritò succurri debet amissione vitæ alicuius particularis, quæ minus damnum est. Adde cum vicia in communitate grassantur, & plures peruertuntur, honor diuinus periclitatur. Teneris ergo pro illius defensione periculum vitæ subire. Ex quo fit, si scias cōcionatorem prauam doctrinam in populo seminare, pluresque esse peruertendos, & spem habeas impediendi, si te opponas, te obligatum esse. sic Suar. & Coninch *supra*, quia tunc pro fide periculum subis. Fit secundò, si in persecutione, aut hostili incursionem plebs aliqua careret, qui illi sacramenta ministraret, & ex alia parte grauibz periculis peccandi, amittendæ fidem esset exposita, videris teneri cum periculo vitæ.

Dixi, in graui necessitate cōstituto reipublicæ te obligatum esse cum graui tuo detrimento succurrere: nam si leuem tantum necessitatem patiat, obligandus non es ob illius remedium grauem iacturam etiam bonorum fortunæ pati. Non enim iustum est tibi grauem obligationem imponi ob necessitatem, cui facile ab ipso patiente succurri potest. sic supponunt Doctores *supra* relati, & expressè tradit Bonac. *disp. 3. q. 4. de charit. p. 4. num. 5.*

11 Dico quartò cuicumque proximo grauem necessitatem spiritualesm patienti teneris succurrere cum leui tuo detrimento, secus patienti leuem necessitatem. sic Coninch *disp. 25. dub. 7. num. 99. & 100.* Suar. *disp. 9. sect. 2. de charit. num. 5. conclus. 4.* Eman. *Saa verbo charit. num. 5.* Valent. *disp. 3. quæst. 4. p. 3. post 5. conclus. vers. tertio dico.* Ratio est, quia grauis necessitas spiritualis bonum est superioris ordinis, quod præferri debet cuilibet iacturæ temporali leui; si enim cum tuus inimicus grauem necessitatem temporalem patitur, teneris, si absque tuo detrimento potes, succurrere, ut patet ex illo Exod. 23. *Si occurreris boni inimici tui, aut asino erranti, reduc ad eum. Si videris asinum odientis te, non pertransibis, sed subleuabis eum, & Prouerb. 25. Si esurierit inimicus tuus, ciba illum.* Ergo à fortiori teneris, cum in rebus spiritualibus grauius indiget.

12 Dico quintò, si de te principe, pastore, & superiore loquamur, teneris cum periculo vitæ propriæ graui necessitati spirituali cuiuslibet subditi occurrere, si moraliter speras remedium profuturum. sic D. Thom. 2. 2. *quæst. 26. art. 5.* & cum eo expositores communiter. Valent. *disp. 3. quæst. 4. p. 3. circa finem.* Suarez *disp. 9. sect. 2. num. 4.* Coninch *disp. 25. dub. 7. num. 101.* Bonacina *disp. 3. quæst. 4. de charit. punct. 4. num. 5.* & videtur esse sententia August. *epist. 108. ad Honoratum.* Ratio est, quia ij ratione officij, & ob stipendium à subditis acceptum obligantur cum proprio detrimento illorum spirituali necessitati succurrere. Item ij

arctius obligantur, quàm reliqui priuati; sed priuatus obligatur proximorum spirituali necessitati extreme succurrere. Ergo ij obligantur occurrere graui. Dixi te pastorem cum periculo vitæ propriæ obligatum esse spirituali necessitati graui cuiuslibet subditi occurrere. Quod intelligendum est, nisi ex occurſu reliqui graue damnum patiantur: ut contingeret, si tua vita esset necessaria reipublicæ, & ob bonum vnius illam exponeres. Imprudenter sanè, & contra charitatem faceres salute vnius damnationem multorum comparare; sic colligitur ex Coninch *disp. 25. dub. 7. num. 96. fine. vers. excipiendo tamen casus.*

13 Hinc fit primò tempore pestis non posse te pastorem fugere, nisi relicto alio, qui vices tui gerat sufficienter, quia grauius indigent subditi administratione sacramentorum, reliquisque spiritualibus subsidiis ad salutem. Et idem est si hæretici peruertunt plebem. Officium enim boni pastoris, ut dixit Christus, *Joann. 10.* est, animam suam dare pro ouibus suis. sic Valent. *punct. 3. circa finem.* Bonacina *num. 5.* Coninch *dub. 7. num. 102.* Suarez *sect. 2. num. 4.* Fit secundò instanti tali necessitate, & inuitis subditis te non posse officio, & beneficio renunciare, sicut nec miles renunciare potest militiæ instante necessitate pugnæ. Aliàs nullus esset pastor obligatus ouibus assistere, cum possit facile hoc remedio ad fugiendum vti. sic Coninch, & Valent. *supra.* Excipe tamen nisi sit alius idoneus, qui ad suscipiendum officium sponte se offerat, neque subditi possunt esse rationabiliter inuiti, siquidem eorum necessitati sufficienter prouidetur. sic Valent. *dicta disp. 3. quæst. 4. p. 3. fine.*

PUNCTVM X.

An possis, vel tenearis vnum proximum præ alio diligere.

- 1 Teneris vnum proximum præ alio diligere.
- 2 Satisfit cuidam obiectioni.
- 3 Obligatus es præferre eum, qui tibi coniunctior est.
- 4 Comparatione Dei unica est coniunctio in specie, tamen si varij gradus. At comparatione diligentiæ multiplex est coniunctio.
- 5 Proximus pati potest necessitatem in temporalibus, vel spiritualibus bonis.
- 6 Necessitas proximi, alia grauis, alia extrema, & quando in vtroque proximo est grauis, potest esse in vno grauior.
- 7 Coniunctio naturalis præferenda est spirituali.
- 8 Satisfit obiectioni.
- 9 Consanguinei peccatores tunc in spiritualibus, tunc in temporalibus præferendi sunt extraneis sanctioribus.
- 10 Amici aliquando præferuntur consanguineis.
- 11 Frater amico, & benefactori in extrema necessitate præferendus est.
- 12 Pater, vxor, filius, frater, creditori sunt præferendi.
- 13 Coniuncti in eodem ordine qui sint alijs præferendi.
- 14 Non est mortale positum ordinem inuerrere.
- 15 Quod dicitur de consanguineis, dicendum est de reliquis.
- 16 Benefactor beneficiato præferendus est, iustus iniusto, fidelis infideli.

1 **C**ertissimum est te posse & aliquando teneri vnum proximum præ alio diligere, quia vnus præ alio tibi, & Deo coniunctior est. sic cum D. Thom. 2. 2. *quæst. 26. artic. 6.* tradunt omnes eius expositores. Valent. *disp. 3. quæst. 4. p. 4.* Torres *disp. 76.* Suarez *de fide, disput. 9. sect. 4. a num. 2.* Coninch *disp. 25. dub. 8. præcipue num. 112.* Bonacina *disp. 3. quæst. 4. de charitate punct. 5.* Quod non solum intelligendum est de dilectione

lectione in effectu, id est, in exteriori beneficentia. In quo nullus contradicit; cum manifestum sit existente patre, aut matre, & alio homine ignoto in extrema necessitate corporis, vel animæ, neque possim utrique succurrere, sed necessarium vnum omittendus sit, debere omittere extraneum, & coniuncto succurrere, ut dixit D. Augustinus *lib. 1. de doctrina Christiana, cap. 28.* cum omnibus prodesse non possis, his potissimum consulendum est, qui pro locorum, & temporum, vel quarumlibet rerum opportunitatibus constrictus tibi quasi quadam sorte iunguntur. Non solum, inquam, intelligenda est conclusio de dilectione in effectu, sed etiam in affectu. Neque enim in effectu vnum præ alio diligere potes, quin simul in affectu illum præ alio diligas, quia diligere in effectu vnum præ alio est conferre illi bonum aliquod altero omisso: ita diligere in affectu vnum præ alio, est velle conferre illi bonum altero omisso. Ergo impossibile est te posse, & teneri vnum proximum diligere præ alio in effectu, quin simul in affectu tenearis.

2 Neque aduersus hæc obstat Augustinus *loco relato*, cum dixit, omnes homines æquè diligendi sunt, sed cum omnibus prodesse non possis, &c. Vbi videtur distinguere dilectionem à beneficentia, & in dilectione affirmat omnes debere esse æquales, secus in beneficentia: quod clariùs dixit *cap. 6. ad Galat.* super illa verba, *Operamur bonum ad omnes, maxime ad domesticos fidei.* Omnibus (inquit) pari dilectione vita optanda est, etsi non omnibus eadem possint exhiberi dilectionis officia. Non, inquam, hæc obstant. Omnes enim ex parte nostra sunt æqualiter diligendi, quia omnibus debemus velle æquè benefacere, si omnibus possumus. At casu quo omnibus prodesse non possumus, tenemur coniunctiorem minus coniuncto præferre, & hoc velle.

3 Difficultas autem est, qui proximi, & quibus in euentibus præferendi alii sunt? Et casus procedit, cum obligatus es omnibus benefacere, neque potes; sed necessarium aliquis omittendus est, quis debeat omitti?

Pro quo suppono primò, charitatem semper obligare ad præferendum eum, qui tibi coniunctior est altero non ita coniuncto; quia, ut rectè ait D. Thom. 2. 2. q. 26. *art. 6.* cum est aliquis ordo seruandus, ille præferendus est, qui principio ordinis fuerit coniunctior. Dupliciter autem quis esse potest coniunctior principio charitatis, iuxta duplex charitatis principium. Primò si sit coniunctior diligenti. Secundò si sit coniunctior Deo, propter quem omnia diliguntur. Contingit autem sæpè esse quem diligenti coniunctiorem, quia est consanguineus, & alter extraneus, & Deo minus coniunctum, quia est minus sanctus, & tunc est difficultas infra examinanda, quæ coniunctio præponderet.

4 Secundò suppono coniunctionem respectu Dei vnicam esse in specie, quæ sit per sanctitatem: in hac tamen sunt varij gradus, iuxta maiorem, vel minorem sanctitatem, ita ut ille erit Deo coniunctior, qui magis sanctus est, & ille minus coniunctus, qui minus sanctus est. At respectu diligentis multiplex est coniunctio, alia naturalis, ut consanguinitatis, alia humana, ut amicitie, patriæ, societatis; alia spiritualis, qualis est inter omnes fideles, & præcipuè inter eos, qui eiusdem religionis sunt, inter Confessarium, & pœnitentem, inter prædicatorem, & suo medio conuersum ad fidem, & maxime superiorem, & subditum.

5 Tertiò suppono proximos pati posse necessitatem tui auxilij in diuersorum bonorum genere, alius in spiritualibus, alius in temporalibus, & alius extremè indigere potest, alius solum grauiter. Et quidem in hac comparatione attendendæ sunt regulæ superiori puncto positæ. Ex illis enim constat necessitatem extremam spiritualem cuiuslibet temporali necessitati etiam

Ferd. de Castro Sum. Mor. Pars I.

coniunctissimi esse præferendam, siquidem propriæ vitæ præfertur: si autem spiritualis necessitas solum grauis sit; sicut cum iactura tuorum bonorum graui occurrere non obligaris, ita neque cum iactura illorum, qui tibi coniuncti sunt; si tamen patiens spiritualem necessitatem, æquè tibi coniunctus est, ac patiens temporalem, sine dubio ille huic est præferendus.

6 Quartò suppono necessitatem proximorum posse esse variam etiam in eodem genere bonorum: nam in vno potest esse extrema, in alio grauis, & quando in utroque est grauis vna, potest esse alia maior. Item possunt proximi se inuicem in coniunctionibus excedere, ita ut coniunctior in consanguinitate, in amicitia, & in spirituali vinculo sit omnino inferior. Quapropter vix potest tunc definiri, quis debeat in amore præferri, quia satis tunc dubium est, quis absolutè principio charitatis sit coniunctior. Pensandæ tamen sunt circumstantiæ occurrentes, tum necessitatis, tum spei futuri fructus, tum præcipuè ex cuius salute maior aliorum speratur fructus: & ex his iudicium ferendum est. sic Suarez *disp. 9. sect. 4. num. 1. sine.* His positis comparando naturaliter coniunctos cum spiritualiter iunctis,

7 Primò dubitatur, an coniunctio naturalis præferenda sit spirituali? v.g. an pater naturalis præferendus sit spirituali, etiam pastori, & filius naturalis spirituali subdito, & sic de reliquis?

Respondeo coniunctionem naturalem per se esse necessarium præferendam; quia hæc est intumior coniunctio, antiquior, & immutabilior, & maiori beneficio fundata. sic Suarez *disp. 9. sect. 4. num. 11.* Coninch *disp. 25. num. 149. & 161.* Et quidem in necessitatibus temporalibus credo omnino certum debere patrem carnalem spirituali præferri, & filium naturalem spirituali subdito, & sic de reliquis. Solum de necessitate spirituali censent aliqui patrem spiritualem esse præferendum. sic Bonacina *disp. 3. quest. 4. de charitate punct. 3. in fine.* cum Abulensi. *in Matth. quest. 66.* & Reginald. *lib. 4. num. 317.* Valent. *disp. 3. quest. 4. punct. 5. versic. tertio sequitur.* quia in spiritualibus bonis videtur pater spiritualis tibi coniunctior, quàm carnalis. At omnino tenendum est contrarium cum Suarez *supra, & num. 19.* Coninch, & aliis ab eis relatis, quia carnalis coniunctio non solum obligat ad providendum sic coniunctis in bonis temporalibus, sed præcipuè in spiritualibus, utpote magis necessariis. Ergo obligat ad præferendum hos sic naturaliter coniunctos eis, qui solum extrinsecè, & in spiritu coniuncti sunt.

8 Neque obstat Ambrosius *lib. 1. offic. cap. 8.* quem sequitur D. Thom. *quest. 26. art. 8. ad 1.* dicentem. Neque enim minus vos diligo, quos in Euangelio genui, quàm si in coniugio suscepissem, non enim vehementior est natura ad diligendum, quàm gratia: plus certè diligere debemus, quos perpetuò nobiscum putamus futuros, quàm quos tantum in hoc sæculo. Non, inquam, obstat; quia S. Ambrosius loquitur de amore, quem ipse erga filios spirituales habebat, neque agit de obligatione illos præ aliis amandi; cum autem dicit plus esse diligendos, quos perpetuò nobiscum putamus futuros, quàm tantum in hoc sæculo, loqui potest vel de amore complacentiæ, vel certè extra casum necessitatis, vel non comparat spiritualiter coniunctos cum carnaliter iunctis, sed absolutè sanctos cum peccatoribus, & tunc certum est sanctos esse magis diligendos.

Item non obstat Prælatum obligatum esse sibi subditis providendi in graui necessitate, ut inde colligatur subditos filiis naturalibus, aut saltem fratribus naturalibus, aliisque consanguineis remotis, tum in temporalibus, tum in spiritualibus esse præferendos, quia si loquamur de consanguineis intra primum gradum omnino, tam in temporalibus, quàm in spiritualibus sunt præferendi

D D d

rendi

rendi illis, quorum cura tibi commissæ est, quia non censeris illorum iura suscipere derogando obligationi naturali debitæ iis subueniendi. Extra primum gradum non est ita certum, cum non sit ita stricta coniunctio, & ita poterit obligatione subueniendi subditis vinci. sic Suarez *disp. 9. sect. 4. num. 12.* Coninch *disp. 25. dub. 9. num. 168. & 169. iuncto num. 151.* Si autem loquamur de subditis religiosi, valde probabile reputat Coninch *num. 152. & 171.* posse, & debere Prælatum illis prius providere, quàm quibuscumque consanguineis (excepto parente) tam in temporali necessitate, quàm in spiritali, quia ipsi se totos religioni tradiderunt, & loco parentis religionem susceperunt, & sub ea cura eos religio recepit.

9 Sed quid si consanguinei sint minus sancti, vel forte peccatores, præferendi sunt extraneis sanctioribus? Affirmat Gabr. in 3. *dist. 29. art. 2. concl. 7.* & ibi Magist. Mouentur, quia sunt Deo magis coniuncti. Sed charitas primò respicit Deum. Ergo primò respicit, qui Deo coniunctiores sunt. Item sanctiores diliguntur à Deo præ aliis. Ergo qui eos præ aliis diligeret, voluntati diuinæ se conformaret. Nihilominus dicendum est consanguineos, etsi peccatores sint, sanctioribus extraneis esse præferendos, tum in spiritalibus, tum in temporalibus in casu necessitatis, & in quo semper loquimur. sic Suarez *disp. 9. sect. 4. num. 19.* Coninch *disp. 25. dub. 9. num. 140.* cum D. Thom. communiter recepto *quest. 26. art. 7.* Ratio est, quia ex charitate obligaris sanguine iunctis, quia tibi iuncti sunt succurrere. At sanctitas non tibi inducit hanc obligationem. Ergo. Item charitas naturam perficit, sed natura inclinat amare tibi coniunctos sanguine, potius quàm meliores, & sanctiores. Ergo sunt in dilectione præferendi.

Neque obstant contraria.

Ad primum dico sanctiores esse Deo magis coniunctos, & obiecta magis diligibilia secundum se, ac proinde magis amanda esse amore complacentiæ, non approbationis: at non esse obiecta, quæ ex obligatione sint magis diligenda amore absoluto, & appetitatio. Aliàs obligatus esses sanctiores diligere, illique providere, potius quàm sibi in peccato existenti.

Ad secundum dico Deum amare sanctiorem præ minus sancto: at tu non teneris amare illum, nisi solum amore complacentiæ: at amore absoluto, & desiderio efficaci minus sancto tibi coniuncto potes desiderare eam, & maiorem sanctitatem, quia in hoc desiderio diuinæ voluntati te conformas. Adde rationem diligendi esse Deum, sed obligatio vnum præ alio diligendi non tam ex coniunctione ad Deum, quàm ex coniunctione ad diligentem desumenda est.

10 Secundò dubitatur comparando naturaliter iunctos cum iunctis humana coniunctione, an coniunctio naturalis semper præferenda sit humanæ coniunctioni? v.g. an pater, frater, vel consanguineus præferendus sit amico, & benefactori?

Respondeo omnes hos non esse necessariò præferendos, sæpè enim amicitia ita arcta esse potest, & beneficentia ita eximia, vt coniunctionem consanguinei intra secundum gradum euincat. sic docet Valent. 2.2. *disp. 3. quest. 4. punct. 5. versic. quarto sequitur.* Bannes 2.2. *quest. 26. artic. 8. in fine, dub. 1.* Coninch *disp. 25. dub. 9. num. 156.* Solum est dubium de consanguineis in primo gradu, nempe de filio respectu patris, & de patre respectu filij, & de fratribus inter se, an ij necessariò debeant semper præferri amico, & benefactori insigni? De patre, filio, & vxore ferè omnes Doctores sentiunt esse necessariò præferendos cuilibet amico, & benefactori ob horum strictissimam coniunctionem. sic docent cum D. Thom. 2.2. *quest. 26. art. 6. & 9.* omnes eius expositores. Coninch *disp. 25. dub. 9. à num. 153.* Valent. 2.2. *disp. 3. quest. 4. punct. 5. versic. quinto sequitur.* & alij apud

iplos. Neque enim, vt ait Aristot. 8. *ethic. cap. vi.* Diis, parentibusque possunt reddi æqualia. Solum in casu quo pater, filius, & vxor obligationi debitæ sui muneris non satisfecerint, sed potius contrarium facere procurauerint, existimant plures Doctores te posse amicum, & benefactorem insignem illis præferre, non tamen ad id teneri. sic Suarez *disp. 9. de charitate, sect. 4. num. 15.* Coninch aliis relatis *disp. 25. dub. 9. à n. 155.* Valent. *disp. 3. quest. 4. punct. 5. versic. nihilominus.* Quòd possis præferre probo; quia licet vna virtus excellentior alia sit, ex suo genere: at in indiuiduo potest inferior vincere superiorem, saltem quoad obligationem exercendi proprium actum, vt contingit in die festo, cuius obligatio audiendi sacrum cessare solet ob exercitium virtutis misericordiæ cum proximo grauitè meo auxilio indigente. Ergo licet pietas in parentem, filium, & vxorem longè superet virtutem amicitiae, & gratitudinis. At ita potest esse debita amicitia, & gratitudo ob singularia beneficia, vt vincat pietatem, quæ attentis circumstantiis videtur indebita. Quòd verò non tenearis amicum, & benefactorem præponere supradictis consanguineis, probo, quia esto consanguineus, ob mala opera in te facta aliquid de iure sibi debito amiserit, remittere illis possum, & ius illæsum, & integrum, quod à natura habent, conseruare.

11 Quòd si fratrem compares cum amico, & benefactori. Affirmat Lorca 2.2. *quest. 26. art. 9. num. 4.* raro fore peccatum mortale amico, & benefactori postponere, iuxta illud *Proverb. 18.* Vir amabilis ad societatem magis amicus erit, quàm frater. Dicendum tamen est semper esse peccatum mortale in extrema necessitate præferre amicum, & benefactorem fratri, nisi in casu superius dicto, cum frater iura fraternitatis violasset, vel amicus esset insignissimus benefactor, quia coniunctio fraternitatis est nimis stricta, quam derogari non decet ob quæcumque signa amicitiae, & beneuolentiæ. Adde, ad exaggerandum alicuius amicitiam vtimur comparatione fraternæ dilectionis, & affirmamus illos amare, ac si fratres essent. Ergo fratres amicis per se sunt necessariò præferendi. Neque obstat locus *Proverb. 18.* ibi enim tantum significatur societate amici nos magis delectari, quàm cuiuslibet consanguinei; vel significat interdum amicum esse nobis fideliorem, & viriliorem fratre. Ex quo tamen non sequitur esse in necessitate præferendum.

12 Hinc inferitur, quid dicendum sit de patre, vxore, filio, & fratre comparatis cum creditore?

Respondeo hos in extrema necessitate existentes creditori esse præferendos, quia cessat obligatio soluendi debitum, cum hos habes extremè indigentes. ita Torres *disp. 82. dub. 9. ad fin.* Bonacina *disp. 3. quest. 4. punct. 5. num. 3.* Lessius *lib. 2. cap. 16. n. 14.* Coninch *disp. 25. dub. 9. num. 168. & 169.* Imò si graui necessitate laborant, non videtur improbabile hos creditori simili necessitati laboranti posse præferri, quia tui necessitas grauis excusat à restitutione debiti antea contracti, vt defendit Lessius *lib. 2. cap. 16. dub. 1. n. 20.* Ergo etiam necessitas horum, qui ita tibi coniuncti sunt, reputare enim potes propriam eorum necessitatem.

13 Tertiò dubitatur comparando coniunctos in eodem ordine, quos debeas præferre, cum omnibus occurrere non possis? Communis est sententia in coniunctione naturali patrem omnibus esse præferendum, secundò matrem, tertiò vxorem, quartò filios, quia illo ordine sunt tibi coniunctiores. sic Coninch *disp. 25. de charitate, dub. 9. n. 149.* Bonacina *disp. 3. quest. 4. punct. 5. n. 2.* Suarez *disp. 9. sect. 4. à n. 5.* Valent. 2.2. *disp. 3. q. 4. p. 5. post med.* Sed aliqui Doctores hunc ordinem inuertunt. Affirmant namque matrem patri esse præferendam, tum quia magis amat filium, tum quia in eius educatione plus laborat.

Sed

Sed absolute retinenda est communis sententia ; neque enim hæ rationes præponderant ei , quam pater pro se habet , scilicet esse filij principium præcipuum : ob cuius causam tenetur arctius , quàm mater filio providere , & illius curam gerere. Alij affirmant vxorem parentibus esse proferendam , iuxta illud Genes. 2. *Quamobrem relinquet homo patrem suum , & matrem , & adhærebit uxori suæ , & Matth. 19. Iam non sunt duo , sed una caro.* Sed quilibet se ipsum præferre debet parenti. Ergo etiam vxorem præferre debet. Cæterum hæc non conuincunt ; quia hæc solum probant quoad electionem status vxorem esse præferendam , & quoad ea , quæ ad gubernationem domus pertinent , non tamen quoad extremam necessitatem. Alij deinde præponunt filios , tum parentibus , tum vxori ; parentibus præponunt , quia amor filiorum est antiquior , & cura illis prouidendi arctior est in patre , quàm in filio respectu parentis , iuxta illud 2. ad Corinth. 12. *Nec enim debent filij parentibus thesaurizare , sed parentes filijs.* Vxori autem præponunt ob eandem rationem , & quia vxor assumitur propter filios gignendos. sic Valent. 2. 2. *disput. 3. quest. 4. punct. 5. versic. decimo sequitur.* At credo parentes semper esse præferendos filiis in casu necessitatis , tum quia beneficium à patre acceptum est omnium maximum , siquidem ex illo habes esse. Ergo sicut Deus omnibus præferendus est , quia tibi contulit esse , ita suo modo tuus pater omnibus præferri debet ; tum quia occisio patris , aut illius maledictio grauius peccatum est , quàm occisio , & maledictio filij , vt constat *Exod. 12. & Leuit. 20.* Ergo auxilium pro conseruanda illorum vita magis est debitum. Fateor tamen appetitum sæpè inclinare magis ad amorem filiorum , quàm parentum ; eaque de causa facilius patrem amare filium , quàm è contra : non tamen inde inferitur patrem non esse præferendum ; cum charitas , & inclinatio rationalis naturæ ad patrem potius , quàm ad filium propendeat. Neque obstat locus Pauli *ad Corinth. 12.* quia solum probat extra necessitatem filios , præcipuè non emancipatos esse parentibus præferendos , quia filiis sub cura , & prouidentia parentum existentibus tenetur pater , tum in temporalibus , tum in spiritualibus prouidere , & inuigilare pro maiore illorum profectu. Adde , neque etiam extra necessitatem in temporalibus tenetur filius , etsi possit prius aliis filiis prouidere , quàm parenti , quia prouidendo parenti , prouidet & sibi , cum bona parentis iure hæreditatis ad ipsum deueniant , & nemo tenetur aliis cum iactura propriorum bonorum extra necessitatem occurrere. sic Coninch *disput. 25. dub. 6.*

num. 146.

De vxore non est ita certum, an debeat filiis præferri? Credo probabilius, cum Suarez, Bonacina, Cossinich, & aliis esse præferendam, tum quia est principium filiorum, tum quia est tibi intimo vinculo coniuncta. Neque solum propter filios assumitur, sed ad vitæ solatium & societatem. Copula autem est, quæ propter filios gignendos, vel sedandas tentationes assumenda tantum est.

14 Aduerte tamen inter hos confanguineos ita strictè iunctos non esse mortale assignatum ordinem inuertere ; quia excelsus coniunctionis non est ita grauis , & quia non est satis constans , qui excedant. sic Bonacina *diffput.* 3. *quest.* 4. *punct.* 5. *num.* 2. Suarez *diffput.* 9. *sect.* 4. *num.* 8. Secundò aduerto supradictum ordinem seruandum esse , cæteris paribus. Nam si pater sit crudelis , & mater benefica , sine dubio mater præferenda est , quia vltra vinculum coniunctionis naturalis addit bene uolentiæ vinculum. sic D. Thomas *quest.* 26. *artic.* 10. Reginaldus *lib.* 4. *num.* 311. Bonacina *diffput.* 3. *quest.* 4. *punct.* 5. *num.* 2.

35 Quod dictum est de his consanguineis, dicen-
Ferd. de Castro Sum. Mor. Pars I.

dum est de reliquis, illos esse aliis præferendos, cæteris paribus, qui tibi magis coniuncti sunt; & proportionem servata, dicendum est de tibi coniunctis spirituali titulo, patrem, inquam, spiritualem præferendum esse filio spirituali; & hunc fratribus spiritualibus. sic Bonacina *suprà num. 4.* At si filius spiritualis non tantum sit filius in lata significatione, qualis est tua industria ad fidem conversus, sed etiam stricta, videlicet quia sub tua cura est, quia illius es pastor, censeo eius bonum patri spirituali præferendum esse; quia pater spiritualis non est tibi commendatus, sed potius tu ipsi: subditus autem tibi omnino commendatus est. Ergo renèris subditum præferre cuilibet alio; quæ tibi naturaliter non est coniunctus.

16 Duplex restat comparatio. Prima benefactoris cum beneficiato, qui debeat præferri?

Respondet beneficentem ex hoc titulo semper præferri debere; quia beneficium acceptum obligat recipientem, ut gratum se benefactori ostendat. At beneficium datum non obligat ad ullam gratitudinem. Cum hoc tamen stat, beneficiatum sæpe ardentius diligere benefactorem, ut rectè probat D. Thomas 2.2. *quest. 16. artic. 12.* sic Valent. *disput. 3. quest. 4. punct. 5. in fine, versic. undecimo sequitur.* Suarez *disput. 9. sect. 4. num. 9.*

Secunda comparatio est peccatoris cum iusto, fidelis cum infideli. Et respondeo cæteris paribus fidelem, & iustum peccatori, & infideli esse præferendum, sicut & magis iustum minus iusto, quia in illo genere coniunctionis arctius sibi iunguntur, & videtur constare ex illo ad Galat. 6. *Dum tempus habemus, operemur bonum*, ad omnes, maxime ad domesticos fidei. sic ex communi sententia tradit Coninch *disp. 25. dñb. 9. num. 142*. Cæterum credo te posse, (et si non tenearis) peccatorem in extrema necessitate temporali laborantem præferri homini iusto, quia in peccatore est periculum æternæ condemnationis, quod non adest in iusto. Deinde quia in peccatore videtur simul cum corporali necessitate adesse spiritualem, sic Bonacina *disp. 3. quæst. 4. punct. 5. num. 3. fins.*

DISPV TATIO II.

*De externo effectu charitatis, qui
est eleemosyna.*

VARI enumerantur effectus charitatis, alij interni, alij externi. Interni sunt complacentia, desiderium, gaudium in bono Dei, & proximi, misericordia in proximum, quæ consistit in compassione alienæ miseræ: de quibus effectibus nihil speciale notandum occurrit. videatur D. Thom. 2. 2. *quest.* 27. 28. 29. & 30. ubi eos optimè explicat. Alij sunt effectus externi charitatis, in quibus explicandis Doctores sermonem protendunt. Primus est generalis, qui est beneficentia, quæ, ut ait D. Thomas *quest.* 31. communiter receptus consistit in faciendo alicui bene: at quia dupliciter proximo facere bene potes, corporaliter, inquam, & spiritualiter, ideo beneficentia diuiditur in corporalem, & spirituales. Corporalis beneficentia arrogat sibi nomen eleemosynæ, spiritualis beneficentia vocatur correctio; & iuxta hanc diuisionem disputatio erit de eleemosyna, sequens de correctione.

DDd 2

PVN

PUNCTUM I.

Quid sit eleemosyna, & quotuplex.

- 1 *Expenditur definitio eleemosynæ, & à qua virtute procedat.*
- 2 *Duplex est beneficentia, corporalis, & spiritalis, & utraque explicatur.*

1 **E**leemosyna est alienæ miseriæ subleuatio. sic D. Thomas 2.2. *quest.* 31. *art.* 1. & cum eo omnes Doctores. Hæc subleuatio si procedat ex voluntate præcisæ, qua tibi aliena miseria displicet, càmque remouere intendis, erit actus exterior virtutis moralis charitatis, scilicet misericordiæ. Si autem procedit ex voluntate placendi Deo; placet enim ipsi, ut proximis ab ipso creatis beneficias, eorúmque miseriam subleues, erit actus charitatis theologicæ. Potes aliquando miseriam pauperis subleuare ex affectu aliarum virtutum, verbi gratia, ex affectu satisfaciendi Deo, & tunc erit actus imperatus à virtute pœnitentiæ; vel ex affectu recognoscendi Deum, ut tui superiorem, omniumque Dominum: & tunc erit actus imperatus à virtute religionis. Semper tamen externa subleuatio miseriæ procedit immediatè à virtute misericordiæ, vel charitatis, quia semper procedit ex amore, quo intendis à proximo malum remouere: quæ voluntas, cum sit voluntas benefaciendi illi, semper est voluntas charitatis theologicæ, vel moralis. Neque est inconueniens inferiorem virtutem imperare posse superiori, quia non imperat superiori, nisi media voluntate, cui omnes virtutes subordinantur; & solum imperat, quatenus sibi utilis est ad proprium finem consequendum. Cum autem superior virtus sæpè utilis sit inferiori virtuti ad suum finem consequendum, poterit inferior virtus superiori imperare. Quod exemplo virtutis pœnitentiæ est manifestum. Ex affectu enim satisfaciendi Deo, potes Deum amare super omnia, qui est actus charitatis. Item ex affectu virtutis spei, qua pœnas inferni vitare intendis, potes velle ita conteri, ut extra sacramentum gratiam consequaris, quod nisi per contritionem, quæ à charitate procedit, fieri non potest. Ita ergo poteris velle ex affectu iustitiæ, vel pœnitentiæ, vel religionis alienam miseriam subleuare, & actum charitatis theologicæ, vel moralis virtutis elicere. Et in his communiter Doctores consentiunt (paucis exceptis), ut videre est apud interpretes. D. Thom. 2.2. *quest.* 31. *art.* 1. specialiter Valent. *disput.* 3. *quest.* 9. *punct.* 1. Coninch *disput.* 25. *dub.* 2.

2 Duplex est in genere beneficentia, sicut est duplex proximi miseria, alia est corporalis, alia spiritalis: utraque autem plures actus habet, iuxta plures proximi necessitates: hos comprehendit D. Thom. communiter receptus, 2.2. *q.* 31. *art.* 2. sequentibus verbis,
Visio, potus, cibo, redimo, rego, colligo, condo.
Consule, castiga, solue, remitte fer, ora.

quæque in Catechismis catholicis continentur. Corporales sunt visitare infirmos, subleuando eorum infirmitatem opera & cura eis impensa; potum sitienti, & cibum egenti tribuere, captiuum redimere, nudum operire, peregrinum recipere, mortuum sepelire. Hinc constat sepelire mortuos opus esse misericordiæ, quia subleuat magnam miseriam, qualis est sepultura carere, & quia excitat fideles ad memoriam, ut pro defunctis orationes fundant. Qua de causa in Scriptura, & à sanctis Patribus plurimum hoc opus commendatur, ut pluribus exornat Valent. *disput.* 3. *quest.* 9. *punct.* 2. Vnde peccatum erit mortale insepultum corpus relinquere, quod sine graui tuo incommodo sepeliri potest. sic Bannes 2.2. *quest.* 32. *art.* 2. *conclus.* 2. Torres *disput.* 81. *dub.* 1. Bonacina *disput.* 3. *quest.* 4. de charitate, *punct.* 6. *num.* 1. Va-

lent. *suprà*, *versic.* ex quibus sanè testimonijs. Coninch *disput.* 25. *dub.* 3. *num.* 21. *fine.* Spirituales sunt docere ignorantem, consilium egenti præbere, errantem punire, iniuriam remittere, incertum consolari, patienter aduersitates, & proximorum molestias ferre, pro viuus, & defunctis orare. Alia dantur tam spiritalia, quàm corporalia opera, quæ expressè in supradictis non continentur, ut rectè probat Valent. 2.2. *disput.* 3. *quest.* 9. *punct.* 2. Sed quia hæc sunt præcipua, & ad hæc reduci possunt, ea de causa retinenda est hæc communis diuisio, quàmque Catechismus Pij V. approbavit. Neque video difficultatem alicuius momenti, in qua necesse sit immorari. Solum aduerto in præsentī disputatione esse præcipuè sermonem de eleemosyna corporali: in sequenti, ubi agemus de correptione delinquentis, de eleemosyna spiritali.

Esse de eleemosyna præceptum tam diuinum, quàm naturale, nulli Catholico esse potest dubium. Nam ipsa ratio nobis dicat proximum esse amandum, quod fieri non potest, si in necessitate constituto non succurras. Non enim amor verbo, & lingua, sed opere, & veritate ostendendus est, Ioann. 1. *cap.* 3. In Scriptura autem toties necessitas eleemosynæ commendatur, ut superuacuum censcam immorari in eius probatione. Pro omnibus testimonijs, quæ adduci possunt, sufficiat locus *Matth.* 25. ubi Christus Dominus testatur in extremo iudicio sententiam damnationis, vel salutis pronuntiatum, iuxta illius studium, vel negligentiam. Qua via ergo commendari eleemosyna amplius poterat: Difficultas solum versatur in explicando tempus huius obligationis, quod in sequentibus præstare conabimur.

PUNCTUM II.

Quando obliget præceptum eleemosynæ.

- 1 *Triplex est proximi necessitas, extrema, grauis, & communis, & qualibet explicatur.*
- 2 *Bona, ex quibus est facienda eleemosyna, alia sunt necessaria, alia superflua, & quæ hæc sint.*
- 3 *Non est obligatio ex charitate inquirendi egenum proximum, sufficit si paratus sis subuenire, secus si Prælatus sis.*
- 4 *Obligatio ex charitate solum est, quando proximus patitur necessitatem, alias non subleuandam.*
- 5 *In extrema necessitate ex necessarijs statui, & superfluis natura tenetur proximo subuenire.*
- 6 *Satis est probabile ex necessarijs statui non esse obligationem subueniendi proximo extremam necessitatem patienti.*
- 7 *Non es obligatus magnas diuitias pro redimenda vita particularis proximi expendere.*
- 8 *Pro salute proximi non es obligatus Medicos à longè vocare, & medicinas exquisitas asferre.*
- 9 *Condemnato iuste ad mortem non teneris subuenire, tametsi facile possis.*
- 10 *Extra extremam necessitatem aliqui negant te esse obligatum eleemosynam facere.*
- 11 *Proponitur secunda sententia affirmans.*
- 12 *Tertia sententia media via procedit.*
- 13 *Sub graui culpa obligaris proximo grauiter indigenti subuenire ex superfluis tuo statui.*
- 14 *Proponitur quadam obiectio, & sit illi satis.*
- 15 *In communi necessitate pauperum aliquando obligaris eleemosynam facere de superfluis.*
- 16 *Fit satis argum. num. 10. & seqq. adductis.*
- 17 *Eleemosyna in propellenda proximi aduersitate, & subleuanda eius necessitate sita est.*

1 **P**ro huius explicatione præmitto primò triplicem esse proximi necessitatem, aliam extremam, aliam

aliam grauem, aliam communem. Extrema est, si proximus in probabili, & moraliter certo periculo vitæ versetur, nisi illi succurras. Ad hæc reduci potest periculum mutilationis membri, perpetui carceris, aut alicuius infirmitatis perpetuæ; quia hæc morti comparantur, ideoque à Doctoribus necessitas horum euentuum vocatur quasi extrema. Grauis necessitas est, in qua proximus periculum moraliter certum subiit alicuius grauis damni, tum in corpore, tum in honore, tum in pecunia; à quo tamen nisi adiuuetur, se liberare non potest. Communis necessitas est, quam pauperes communiter patiuntur, cuique non possunt succurrere, nisi cum magna difficultate, & extraordinaria diligentia. sic Valent. 2.2. *disput. 3. quest. 9. toto punct. 4.* Coninch *disp. 25. dub. 8. à num. 112.* Vazquez *in opuscul. de elemosyna, cap. 1. dub. 3. sub n. 8.* Suarez *disp. 7. sect. 1. num. 4.*

2 Secundò præmitto. Bona, ex quibus facienda est elemosyna, in duplici sunt differentia. Alia sunt superflua, seu non necessaria vitæ tuæ, & tuorum. Alia sunt superflua, seu non necessaria tuo statui. Illa autem dicuntur bona non necessaria vitæ tuæ, sine quibus propriam vitam, & illorum, qui ad te pertinent, conseruare potes. Illa verò dicuntur non necessaria statui, sine quibus status conseruari potest. sic supradicti Doctores, & ex ipsis terminis liquet. Sed est aduertendum necessaria ad statum non spectanda esse, præcipuè ex præsentī conditione, sed ex ea, quæ probabiliter futura est; quare quæ necessaria sunt ad infirmitatem, aut casum aliquem probabiliter contingentem, vel ad filios, aut domesticos in statu constituendos, vel ad conseruandum statum altiore, ad quem credis probabiliter promouendum, absolutè necessaria statui dici debent. sic Coninch *disp. 25. dub. 8. num. 110.* Suarez *disp. 7. de charitate, sect. 3. num. 9.* Vazquez *de elemosyna, cap. 1. dub. 3. num. 9. & 27.* Bonacina *disp. 3. quest. 4. punct. 6. num. 5.* Deinde est aduertendum plura bona neque esse ita necessaria statui, quin sine illis conseruari possit, licet non æquè bene, neque etiam esse ita superflua, quin statui conuenientia sint: colligitur ex supradictis Doctoribus, cum dicunt necessaria statui non consistere in indiuisibili, sed latitudinem pati, & tradit expressè Valent. *disp. 3. quest. 9. punct. 4. versic. qua in re iudicanda.* Bannes 2.2. *quest. 32. artic. 6. dub. 1.* Torres *disp. 82. dub. 4.* Lorca *disp. 39. num. 35.* Coninch *disp. 27. dub. 8. conclus. 2. num. 130.* Quapropter dici possunt statui absolutè necessaria, si pulchritudini eius, & decentiæ necessaria sint. Ex quibus fit, (vt bene dicit Coninch *suprà*, & Vazquez *num. 27.*) raro affirmari posse quemlibet habere statui suo superflua, quia raro de aliqua affirmari potest ea bona quæ habet, nec sibi, nec suis ad casus probabiliter contingentes, & statum altiore procurandum necessaria non esse.

3 Tertiò præmitto tibi non esse obligationem ex charitate inquirendi egenum proximum, vt subuenias, sufficit, si paratus sis subuenire, cum tibi eius necessitas moraliter constet: quia præceptum elemosynæ solùm obligat necessitati vitæ subuenire, quod non leuiter colligitur ex illis verbis 1. Ioan. 3. *Qui viderit fratrem suum necessitatem habere, & clausit viscera sua ab eo, &c.* quasi excusatus sit, si non viderit. Dixi ex charitate te non esse obligatum inquirere: nam si officium habeas prælati, debes inquirere, quomodo se habeant subditi, & illorum necessitates inuestigare, quia illorum curam geris. sic Valentia 2.2. *disp. 3. quest. 4. punct. 4. circa principium, versic. prima circumstantia.* Nauarr. *cap. 24. num. 9.* Ioann. Medin. *de elemosyna, quest. 37. §. ad id autem.* Malder. *quest. 32. artic. 6. dub. 2. in princip.* Vazquez *in opuscul. de Ferd. de Castro Sum. Mor. Pars I.*

elemosyna, cap. 1. dub. 3. num. 25. & cap. 4. num. 14. Corduba *quest. lib. 2. quest. 14.* Bonacina *disp. 3. quest. 4. punct. 6. num. 10.* Suarez *disp. 7. de charitate, sect. 1. num. 6.* Quomodo autem constare tibi debeat de necessitate proximi, vt obligatus sis subuenire, certa regula definiri non potest, sed prudentis arbitrio mensurandum est. Illud certum, non sufficere testimonium patientis necessitatem, quia in causa propria infirmum est ob præsumptam simulationem. sic Bonacina *disp. 3. quest. 4. de charitate, punct. 6. num. 3.* cum Malder. 2.2. *q. 32. art. 6. dub. 2. ad finem.*

4 Quartò præmitto te solum esse obligatum proximo subuenire, cum eius necessitas tibi nota est, & cognoscis alia via non esse subleuandam; si enim probabiliter præsumis alium succursurum, non erit auxilium tuum necessarium, atque adeò respectu tui non erit ille proximus in necessitate. sic Nauarr. *cap. 24. num. 5.* Valent. 2.2. *disp. 3. quest. 9. punct. 4. versic. tertia denique circumstantia.* Coninch *disp. 27. dub. 8. num. 116.* & fauet D. Thom. *quest. 32. artic. 5. ad tertium*, cum dicit tunc obligare elemosynam, quando apparet euident, & vigen necessitas, nec apparet in promptu, qui ei subueniat. lis positus,

5 Dicendum est in extrema proximi necessitate te obligatum esse ex necessariis, hoc est, conuenientibus statui, & superfluis naturæ elemosynam facere. Aliàs nullum esset elemosynæ præceptum, si pro hoc tempore non obligaret. Neque charitati fieret satis, si bona temporalia tibi non simpliciter necessaria pro vita tui proximi non expenderes. sic ferè omnes Doctores, cum D. Thoma 2.2. *quest. 32. artic. 5. in corp.* qui licet *artic. 6.* dicat hoc esse opus laudabile succurrere proximo ex superfluis naturæ, & statui necessariis, non intendit affirmare esse opus consilij, sed esse opus licitum, & laudabile, vt bene aduertit Ioan. Medin. *de elemosyna, quest. 3. §. verum.* Valent. 2.2. *disp. 3. quest. 9. punct. 4. versic. neque sanè est probabilis, col. 602.*

6 Verùm si bona expendenda ita sunt tuo, tuorumque statui necessaria, vt absque illis nulla ratione conseruari status possit, sed necessariò ab illo cadere debes; cenfeo esse satis probabile te non esse obligatum ea in proximo particulari extremam necessitatem patientes expendere. sic latè, & optimè probat Egidius Coninch *disp. 27. dub. 8. à num. 134. conclus. 4.* Primò, quia non videtur te obligandum esse vitam proximi conseruare cum tam graui tuo detrimento, quale est te fieri miserum. Secundò, quia non teneris arctius vitam proximi conseruare, quàm propriam; sed propriam non teneris conseruare cum amissione proprii status, aliàs omnes tuas opes deberes expendere in curatione alicuius infirmitatis, si scires hac via sanandum esse, & è contra moriendum. Item deberes te, & tuos in mendicitatem reducere, si alia via non posses à morte minata tibi ab inimico liberari: quæ omnino videntur falsa. Tertiò, quia reipublicæ vtilius videtur nobilem retinere statum, quàm priuatum pauperem vitam finiri. Ergo non tenetur quilibet nobilis, & diues à suo statu cadere, vt vitam cuiuslibet conseruet. Neque obstat vitam esse bonum longè nobilius omnibus fortunæ bonis, vt tenearis omnia tua bona pro vita cuiuslibet expendere, quia si non potes illa expendere, quin tuam vitam facias miseram, non teneris te miserum reddere, vt alium in vita conserues. Effet enim te obligare ad malum æquè graue sustinendum, ac est illud, quod à proximo vitare contendis, quod nullo modo charitas dictare potest.

7 Imò addendum existimo te non esse obligatum magnas, opulentisque diuitias expendere, v.g. ter, vel

DD d 3 qua

quatuor mille aureos pro redimenda vita cuiuslibet priuati, etiamsi obinde ab statu cadere non debeas. sic expresse tradit Coninch *disput. illa 27. dub. 8. num. 143. conclus. 6.* & faciunt, quæ tradit Suarez *disput. 7. de charitate, sect. 4. num. 4.* Ratio est, quia ille sumptus in moralis æstimatione, & quoad utilitatem reipublicæ pretiosior est vita hominis priuati.

8 Ex quo fit, si proximus infirmetur, te non esse obligatum Medicos longè distantes vocare, & medicinas exquisitas afferre, etiamsi scires hac via esse curandum, & è contra moriendum. Quia non teneris de vita proximi ita esse sollicitum. Neque charitas obligat extraordinariis mediis proximo succurrere, sed solum ordinariis, & communibus. sic Coninch *num. 145.* Fit secundò patienti periculum vitæ ab inimicis, ni magnam summam expendas, te non esse obligatum expendere, etiamsi obinde ab statu cadere non debeas, quia aliàs facili negotio possunt inimici rempublicam inopem reddere, obligando ciues ad grauem summam expendendam minando mortem capitiuis.

9 Quæ diximus intelligenda sunt de patiente necessitatem extremam à causa naturali intrinseca, vel à causa extrinseca iniusta. Nam si à causa extrinseca iusta necessitas inferatur, nullo modo teneris subuenire, hinc est te non esse obligatum condemnato iuste vt fame pereat, cibum præbere, & condemnato ad triremes, & perpetuum carcerem pecunia liberare, etiam possis. Ratio est, quia reipublicæ æquè vtile est, & fortè vtilius, vt delinquens pœnam debitam sustineat, quàm cum à tali pœna liberum reddere. Item ipse condemnatus non tenetur se à tali morte liberare, etsi possit; sed potest illam patienter sustinere. Ergo neque tu teneris. sic Nauarr. *cap. non in inferenda, 23. q. 3. num. 24.* Malder. *de virtut. tractat. 3. cap. 1. dub. 15.* Emanuel Saa *verbo charitas, num. 6.* Ioann. Sanchez *in select. disput. 4. num. 6. & 7.* Bonacina *disput. 3. quest. 4. de charitate, punct. 6. num. 17.* Poteris tamen si non sis minister iustitiæ, aut specialiter interdictus sic condemnato, vt fame pereat, cibum subministrare: sicut enim condemnatus potest illum sumere, & procurare ob ius conferuandi vitam, etiam tu potes illi in hac causa iuare, quia solum condemnatur ad patiendum. Dixi te posse, nisi sis minister iustitiæ, aut specialiter interdictus. Quia tunc ratione officij, cui executio iustitiæ competit, vel ratione specialis præcepti impeditis. sic Bannes *2.2. quest. 32. dub. 3.* Sotus *5. de iustit. quest. 5. art. ult.* Reginald. *lib. 4. cap. 25. num. 296.* Tolet. *lib. 4. cap. 31.* Bonacina *suprà num. 17.*

10 Maior difficultas est, an extra necessitatem extremam obligeris eleemosynam facere?

Variæ sunt sententiæ. Prima negat te esse obligatum sub graui culpa. sic Gabr. *in 4. distinct. 16. quest. 4. artic. 2. conclus. 4.* Medin. *C. de pœnitent. tractat. 5. quest. de necessitate dandi eleemosynam, §. quod in controuersia est.* Gerson *2. part. alphabet. 32. litt. O.* & alij plures, quos referunt Vasquez *opuscul. de eleemosyna, cap. 1. dub. 3. & cap. 3. dub. 4. num. 14.* Azor *2. part. lib. 12. cap. 7. quest. 2.* Suarez *disput. 7. sect. 3. in princip.* Coninch *disput. 27. dub. 8. à num. 118.* & eam probabilem reputat Bonacina *disput. 3. quest. 4. punct. 6. num. 8. versic. ad primum argumentum.* Mouetur primò, quia charitas te obligare non potest ad subueniendum proximo, magis quàm ad subueniendum tibi. At tibi non es obligatus subuenire in graui necessitate; sed eam libenter pati potes propter Deum. Ergo nec proximo teneris. Secundò, si graui necessitati proximi esses obligatus succurrere, cum hæc necessitates sæpius occurrant, non posses filiis thesaurizare, neque diuitias ad fundandam Ecclesiam obseruare. Tertiò non apparent bona, ex quibus tenearis hanc eleemosynam facere. Nam ex bonis tuo statui necessariis teneri non

potes; aliàs obligatus esses cum æquali damno proprio, subuenire alieno. Superflua autem statui iarò, vel nunquam habes.

11 Secunda sententia affirmat te esse obligatum sub mortali, si habeas superflua statui, pauperibus, quos elegeris, distribuere siue in graui, siue in communi necessitate; secus verò si solum necessaria statui habeas. sic Caietan. *2.2. quest. 32. artic. 5. & in opuscul. de præcepto eleemosynæ, præcipue cap. 3. 4. & 22.* Valentia *disput. 3. quest. 9. puncto 4. §. 2. versic. secunda sententia, pag. 606.* & alij plures, quos refert Bannes *quest. 32. art. 6. dub. 2.* Torres *disput. 81. dub. 2.* Reginald. *lib. 4. cap. 20. num. 252.* Lorca *disput. 39. num. 14. & 22.* eamque defendit Bonacina, vt satis probabilem *suprà num. 8.* Et videtur satis probari ex illo *Luca 11.* vbi Christus Phariseis consuluit, vt à rapina, & iniquitate se liberarent, eleemosynam facerent de iis, quæ sibi supererant. Neque illud videtur consilium, sed præceptum, siquidem illud non implentes pleni iudicantur rapina, & iniquitate. Item *Luca 3.* mittitur in ignem arbor non faciens fructum bonum: tunc autem censeris, vt ex ipso contextu constat non facere fructum bonum, cum duas tunicas habens, neget nullam habenti, & habens escas, neget egenti. Ratio pro hac sententia est, quia iure gentium dominia rerum introducta sunt: at credendum est esse taliter introducta, vt quisque assumat quæ sibi necessaria sunt, reliqua egentibus distribuatur: aliàs inordinata esset diuisio rerum, & contra ordinem charitatis. Ergo ex eo præcisè quod quis habeat superflua, cogitur in pauperes distribuere.

12 Tertia sententia media via procedit. Affirmat namque in graui proximi necessitate te esse obligatum ex superfluo statui eleemosynam facere, secus in communi necessitate. sic Couarruias *3. variarum, cap. 14.* Petr. Nauarr. *lib. 3. de restitut. cap. 1. num. 358.* Malder. *quest. 32. art. 6. dub. 4. proposit. 1. & 2.* & alij plures relati à Suarez *disput. 7. de charitate, sect. 3. num. 5.* Ratio est, quia diuites dominium habent omnium illorum, quæ iusto titulo possident, etiam si suo statui superflua sint; aliàs peccabunt contra iustitiam ea retinendo, & deberent ea distribuere; etiamsi nullus existeret, qui necessitatem pateretur. Quòd si præter superfluitatem bonorum ex parte tua, requiritur necessitas ex parte recipientis eleemosynam, spectanda est, quænam sit necessitas: nam si hæc sit grauis, videtur grauitè obligare, si leuis, & communis, leuiter.

13 Dicendum ergo est te obligatum esse sub graui culpa eleemosynam facere proximo grauitè indigenti ex bonis, quæ tuo statui præsentì superflua sunt. sic Couarruias *lib. 3. variarum, cap. 14. num. 5.* Bellarmin. *lib. 3. de bonis operibus, cap. 7.* Valent. *2.2. disput. 3. quest. 9. punct. 4. circa finem, versic. secunda sententia.* Torres *disput. 81. dub. 1.* Lorca *sect. 3. disput. 39. num. 22.* Suarez *disput. 7. sect. 3. num. 5.* Coninch *disput. 27. dub. 8. num. 135. & 130.* Et probari potest primò ex illo 1. Ioan. 3. *Qui viderit fratrem suum necessitatem habere, & clauserit viscera sua ab eo, quomodo charitas Dei manet in illo?* quasi diceret, non manet charitas Dei in illo, qui viderit fratrem suum necessitatem habere, & non succurrit: neque dixit necessitatem extremam, vt innueret grauem sufficere. Item *Matth. 18.* damnatus fuit seruus, quia non fuit misertus conferui sui grauitè indigentis, & *Matth. 25.* damnantur in iudicio homines, quia nec cibarent famelicum, nec potarunt sitientem, nec vestierunt nudum, nec receperunt peregrinum, &c. Quæ cum passim occurrant, non debent intelligi esse necessitatis extremæ. Idem constat *Exod. 22. & Deuter. 22.* vbi mandaris leuare asinum proximi cadentem, & redde vestimentum in pignus acceptum ei, qui non habet aliud, quo se operiat. Ratio est, quia charitas te obli

obligat, vt proximi damnum graue vitare procures, quando sine tuo graui damno id facere potes, ideoque si videas domum proximi comburi, & facile possis impedire, peccas mortaliter si non impedias, sed expendendo aliqua bona, quæ tuo statui præsentem necessaria non sunt, & ex alia parte non sunt in graui quantitate, non pateris aliquod graue damnum. Ergo obligatus es ea expendere.

14 Dices, nullus tenetur se impotentem reddere ad altiore statum acquirendum ob subleuandam grauem proximi necessitatem, quia nullus tenetur cum graui iactura propria alieno malo succurrere. At est grauis iactura amissio altioris status. Ergo si bona expendenda sunt tibi necessaria ad altiore statum acquirendum, non poteris teneri illa expendere, quamuis ad præsentem statum conseruandum non sint tibi necessaria. Fateor hoc argumentum non parum urgere, ac proinde videri excusatos à graui culpa non succurrentes proximorum necessitatibus ex bonis, quæ putant sibi necessaria ad altiore statum acquirendum, quando habent ius ad conquirendum illum altiore statum per illa bona: quod notanter dico propter bona titulo Ecclesiastici beneficii comparata, quæ non videntur concessa, vt mediis illis pares viam ad altiore statum, sed ad præsentem conseruandum, vt dicemus. At quia hinc sequitur rarò diuites obligatos esse ad eleemosynam faciendam, si solum ex superfluo status præsentis, & futuri tenentur, vt dicit Vasquez de eleemosyna, cap. 1. dub. 3. num. 27. & 32. quia, vt ipsemet dicit cap. 4. num. 14. vix in secularibus etiam Regibus superfluum inuenitur, cum nullus ferè sit, qui altiore gradum sibi, & domesticis procurare non possit, vel cuius opes ad fundationem alicuius collegij, vel monasterij non sint destinatae. Ideo censeo ad obligationem eleemosynæ faciendæ in graui necessitate non esse attendendum statum futurum, quem procurare potes, sed præsentem, quem habes, cui præsentem si illa bona tibi supersunt, ita vt absque illis sine speciali detrimento tuus præsens status conseruari possit, tenearis eleemosynam facere. sic Coninch disput. 27. dub. 8. num. 130. cum Bannes 2. 2. quest. 32. artic. 6. dub. 2. Torres disput. 82. dub. 4. Lorca disput. 39. num. 35. Suarez disput. 7. de charitate, sect. 3. num. 11.

15 Secundò dico in communi necessitate pauperum te obligatum esse eleemosynam facere aliquoties ex bonis, quæ tibi necessaria non sunt ad præsentem, & futurum præsentem statum acquirendum, & conseruandum, esto sint necessaria, vt commodius illos status sustinere possis. sic Valent. 2. 2. disp. 27. dub. 8. concl. 3. num. 131. Suarez disput. 7. sect. 3. num. 7. Bonacina disp. 3. quest. 4. punct. 6. versic. tertia sententia, num. 8. & alij apud ipsos.

Ratio est, quia diues habens sic superflua, & eleemosynam omittens longo tempore pluribus egenis expostulantibus reipublicæ graue detrimentum infert, cum totum onus alendi pauperes in ipsam transferat, neque illi subsidium præstet, cum possit. Neque obstat omissionem cuiuslibet eleemosynæ non esse peccatum mortale, imò nec veniale; quando voluntatem habes aliis succurrendi, & de facto aliis succurris: secus verò, si illa voluntate cares, & nemini intendis succurrere, quia in priori casu iam aliquo modo leuas onus reipublicæ, eique subsidium præstas. At in secundo reipublicam grauas, & te inhumanum, & durum ostendis, & aliis impietatis exemplum præbes.

16 Argumentis, quæ in confirmationem prædictarum sententiarum adduximus, facile respondetur, quatenus nobis aduersa sunt.

Ad primum primæ sententiæ respondeo te non esse

obligatum propriæ necessitati graui succurrere, quia es dominus tuorum bonorum fortunæ, & honoris: at esse obligatum alienæ, quia alienis cedere non potes sicut propriis. Vnde sicut in bonis corporis, quia illorum dominium non habes, teneris tibi succurrere, si graui necessitate vexeris, ita debes proximo in bonis fortunæ, quorum dominium non habes. quæ omnia confirmantur exemplo creditoris, & debitoris, creditor enim remittere debitum potest: at tu si debitor es, teneris soluere. sic patiens grauem in bonis fortunæ necessitatem potest ob rectum finem sustinere: at tu non potes remedium subtrahere, dum de illius voluntate tibi non constat.

Ad secundum dico graues necessitates non ita passim occurrere, vt te impendant ab illis operibus bonis: at si de facto occurrant, non poteris ad fundandas Ecclesias, vel collegia diuitias obseruare, vt relato Azor. docet Bonacina disput. 3. quest. 4. de charitate, punct. 6. num. 9. versic. secundo; bene tamen quæ necessaria sunt ad filios, & domesticos in statu constituendos, quia hæc pertinent ad proprium statum conseruandum.

Ad tertium satis constat, ex quibus bonis succurrere debeas graui necessitati, scilicet ex iis, quæ tibi, tuorumque statui simpliciter necessaria non sunt, sed absque illis possis sine graui detrimento conseruari. Argumenta autem secundæ & tertiæ sententiæ ex probationibus nostrarum conclusionum sufficienter explicantur.

17 Aduerto eleemosynam versari in propellenda proximi aduersitate, & subleuanda eius necessitate, quia est actus misericordiæ, & compassionis. Quapropter necessarium est, vt necessitas præsens sit, non præterita. Ex quo fit, si proximus infirmetur, teneris curare illum, si alius non sit, qui illius curam gerat. Et idem est si indiget tuo patrocinio ad famam, vel diuitias tibi iniuste ablatas recuperandas, quia verè nunquam illas amisit. Secus verò est, si casu, vel iuste famam, & diuitias amisisset, non teneris, etsi facile possis procurare, vt recuperet; quia illa recuperatio est lucri acquisitio, eleemosyna autem non ordinatur ad lucrum proximo acquirendum, sed ad damnum pendens impediendum. sic optimè Vasquez in opuscul. de eleemosyna, cap. 1. dub. 3. num. 27. 28. & 35. Bonacina disp. 3. q. 4. de charit. punct. 6. num. 9.

PUNCTUM III.

An in casibus, in quibus obligaris eleemosynam facere, tenearis ex iustitia, an solum ex charitate.

- 1 Qui & quibus probent te ex iustitia obligatum esse.
- 2 Affirmandum est te solum obligari ex charitate.
- 3 Satisfit argum. num. 1. adductis.

1 Non desunt Doctores, qui hanc obligationem ex iustitia adstruant. sic Caietan. 2. 2. quest. 18. art. 4. Aragon quest. 32. art. 5. Turrecrem. cap. si famer. aue. 86. distinct. Sarmiento lib. 1. de Ecclesiasticis redditib. p. 3. cap. 4. num. 3. & seqq. & fauet Augustinus Psalm. 147. explicans illud, confortauit feras portarum tuarum, ubi inquit: Superflua diuiti necessaria sunt pauperi, aliena retinet, qui ista tenet. Item Ambrosius sermone 81. sub finem, & Basilus in illud Luca 12. Destruam horrea mea, & alij Patres vocant retinentes bona in iis occasionibus esse raptores, & aliena retinere, & D. Thomas 2. 2. quest. 118. artic. 4. ad secundum, vocat hoc debitum legale, quod condistinguit contra debitum morale, ac proinde esse ex iustitia.

DD d 4 Proba

Probatur autem hæc sententia primò, quia ex iure naturæ omnia erant communia ante diuisionem, iusque gentium diuisionem introduxit, sed non est credendum diuisionem introduxisse cum violatione charitatis. Ergo cum charitas obligat relinquere egenti bona necessaria, iam illa bona cessant esse illius, cui iure gentium fuerunt applicata. Ergo manent communia, ac proinde illius, qui illis eget. Secundò laborans extrema necessitate, imò & graui potest absque iniustitia, & peccato surripere bona sibi necessaria, neque tu impedire potes. Ergo signum est illius esse, ac si à nullo possiderentur. Tertiò iudex cogere potest sic habentem superflua, vt egenis succurrat, ab illòque bona tanquam iniuste detecta auferre. Ergo ipse ante talem coactionem tenetur.

2 Nihilominus cum communi sententia affirmo te solùm ex charitate, & non ex iustitia obligatum esse eleemosynam facere. sic Ioan. Med. C. de restit. quest. 3. causa 1. Nauarr. cap. 24. num. 7. & 8. & tract. de redditib. quest. 1. num. 16. & in cap. intra verba, num. 714. & in apolo. contra Sarmient. quest. 2. mon. 2. Torres 1. 2. disput. 82. dub. 3. Lorca sect. 6. disput. 39. num. 45. Vasq. in opusc. de eleemosyna cap. 1. dub. 5. sub num. 17. Coninch disput. 27. dub. 7. num. 104. Reginald. p. 1. lib. 4. cap. 20. sect. 4. num. 264. Suar. disput. 7. sect. ult. de charit. Bonac. disput. 3. q. 4. de charit. p. 6. num. 29. & alij. Ratio ea est, quia proximus duplici tantùm genere bonorum indigere potest ad propellendam necessitatem, scilicet tuis actionibus personalibus, vel bonis fortunæ à te iam possessis: nulum autem ex iis bonis teneris ex iustitia in eius obsequium impendere, sed solùm ex charitate. Ergo. Et quidem de actionibus personalibus videtur res manifesta. Non enim ob necessitatem alterius amittis libertatem tibi à natura donatam, neque seruus indigentis efficeris, sed æquè liber manes, & æquè dominium retines tuarum actionum, ac si nullus eis indigeret. Ergo non peccas contra iustitiam eas actiones denegando. De bonis autem à te iam possessis sic probò, quia licet iure naturæ illa bona ante possessionem nullius essent, idèoque dicuntur communia: at semel à te accepta, & collecta tua sunt. Neque ob indigentiam alterius desinunt esse tua, quod à fortiori militat in pecuniis, vestibus, & cibis, quæ tua, vel tuorum industria, & labore comparata sunt, ac proinde sunt fructus magna ex parte personales, quorum dominio priuari non potes ob vllius indigentiam.

3 Neque contra hanc doctrinam procedunt Augustinus, Ambrosius, & Basilus, alique Patres affirmantes rapinam committere, qui negat pauperi debita, quia per quandam exaggerationem loquuntur vocantes rapinam, & furtum, quod est ex charitate debitum. D. autem Thom. dixit esse debitum legale, hoc est, à lege charitatis introductum, non autem iustitiæ commutatiuæ. Esto è contra omne debitum iustitiæ commutatiuæ sit debitum legale. Neque obstat debitum legale distinguere contra debitum morale, quia morale debitum, vocat debitum ex quadam decentia, & honestate. Debitum autem legale est debitum strictum, quia est debitum ex rigurosa lege.

Ad primum contrarium concedo ius gentium, seu naturale non introduxisse diuisionem rerum cum violatione charitatis; non tamen inde sit reliquisse res extra dominium possidentis, sed solùm obligasse possidentem, vt eas ex charitate egenis impertiretur. Dicuntur autem fieri communes in necessitate, quia charitas, quæ non querit quæ sua sunt, eas communes facit, ratione cuius egens potest eis vri absque vlla domini iniustitia, quia ipse dominus in tali vsu teneretur ex charitate consentire, quod si de facto repugnet, obitare non potest, quo minus egens iure sibi à charitate concessio vtatur, quia est repugnantia contra

charitatem, ac proinde nullius momenti. Ex quo patet

Ad secundum argumentum sic accipientem in extrema necessitate res sibi necessarias non peccare contra iustitiam, quia tu debebas eas illi ex charitate concedere, neque sic accipientem impedire potes, quia ea conditione ab authore naturæ donata sunt, vt ex charitate impertiri indigenti tenearis.

Ad tertium concedo à iudice cogi posse diuitem superflua habentem, vt egenis succurrat, sicuti potest cogi ebrius, ne se inebriet, vel fornicans ne fornicetur, quia iudici competit leges omnes facere obseruari.

PUNCTUM IV.

Vtrum satisfacias obligationi eleemosynæ, si rem, qua proximus indiget, mutues, vel dilata solutione vendas, vel dones sub conditione, vt reddat acceptum, si ad pinguiorem fortunam venerit.

- 1 Si proximus indiget non re, sed vsu, sufficit, si vsum dones, tametsi non rem.
- 2 Si proximus indigens habes alibi bona, satisfacias mutuando, vel vendendo.
- 3 In quo sita sit controuersia.
- 4 Qui affirmant, & quibus probent se satisfacere mutuando verè egenti.
- 5 Probabilius est te obligatum esse donare extremè indigenti.
- 6 Idem est dicendum de patiente grauem necessitatem, tametsi aliqui contrarium sentiant.
- 7 Cum obligaris mutuare, non potes lucrum cessans deducere in pactum.
- 8 Omittem dare eleemosynam, cum ex charitate tenetur, non tenetur ad damna.

1 **H**Ac in re primò certum est, si proximus non re, sed vsu illius indigeat, te non esse obligatum rem donare, sed solùm vsum. Explico. Indiget proximus equo, veste, aut alia re, quæ transacta necessitate persequeretur, non teneris ei vestem, aut equum donare, sed sufficit, si dones illius vsum, quia solus vsus est illi necessarius: charitas enim solùm obligat, vt proximi necessitati succurras, non autem, vt proximum dices. sic Valent. 2. 2. disput. 3. quest. 9. p. 4. vers. septimò certissimum est, iuncto vers. ac per hoc patet responsio. Suar. disput. 7. de charit. sect. 5. num. 4. Vasq. opusc. de eleemosyna cap. 1. dub. 6. num. 51. Coninch disput. 27. dub. 9. num. 147. Bonac. disput. 3. quest. 4. de charit. p. 6. num. 16.

2 Secundò certum est, si proximus tua re, vsuque illius indigeat hîc, & nunc, habeatque alibi bona, quibus satisfacere possit, vel spem proximam habendi ex successione, vel labore proprio, & industria à suo statu non aliena, satisfacias obligationi eleemosynæ, mutuando, vel commodando, vel vendendo. sic Valent. vers. septimò certissimum. Coninch num. 149. Suar. num. 3. Bonac. num. 15. Vasq. num. 53. Ratio est, quia hic non est absolutè pauper, cum non simpliciter indigeat; indiget enim tantùm pro determinato aliquo loco, & tempore. Ergo non teneris illi absolutè donare. Item habens alibi plura bona diues est absolutè, non igitur respectu illius obligare potest eleemosynæ gratuitæ præceptum. Quod si alibi non habeat bona, habeat tamen spem habendi, cum illa spes pretio sit æstimabilis, absolutè dici potest de præsentibus bona habere, quibus imponi possit obligatio satisfaciendi. Item si proximi necessitati subuenire potes te seruando indemnem, quæ ratio esse potest, quominus facere non possis?

Quæ

Quæ omnia confirmantur, *Genes. 25.* exemplo Iacob, qui esurienti fratri cibum vendidit, & exemplo Ioseph, *Genes. 41. & 42.* qui ab Ægyptiis fame laborantibus pro frumento tradito terras accepit, & exemplo Tobia, qui gabello sub chirographo mutuum dedit; quia ij omnes non erant absolute, & simpliciter pauperes, cum bona aliunde haberent.

3 Controuersia ergo est, an proximo existenti in extrema necessitate, quique neque habet aliunde bona, quibus sibi traditum reddere possit, neque spem habendi illa absque notabili difficultate, tenearis gratis dare, vel satisfacies mutuando?

4 Affirmant plures te satisfacere mutuando, neque teneri gratis dare. sic Nauarr. *cap. 17. num. 61. & cap. 24. num. 5.* Couarruias *regul. peccatum, 2. part. §. 1. num. 4.* Tolet. *lib. 5. cap. 24.* sequuti Adrian. *quodlibet. 1. artic. 2. circa medium, & in 4. in mat. de restitut. quest. 33.* Mouentur, quia solum teneris necessitati proximi subuenire, & hæc subuenitur æquè mutuo, ac donatione. Ergo potes quod malueris eligere. Item facta mutatione tollitur necessitas proximi: sublata autem necessitate non obligat eleemosyna. Ergo. Hanc tamen sententiam approbant grauissimi Doctores sub quadam limitatione, scilicet vt mutuum non sit absolutum, sed conditionatum, scilicet si proximus ad lautiorum fortunam deuenit. sic Vasquez *in opuscul. de eleemosyna, cap. 1. dub. 6. num. 54.* Lessius *lib. 2. de iustit. cap. 16. dub. 1. num. 11.* Et mouentur, quia hac via satisfacies præcepto eleemosynæ, cum gratis dones, quæ proximo necessaria sunt: cui donationi non obstat grauamen impositum restituendi acceptum, casu quo venerit ad pinguiorem fortunam. Quod verò mutuum absolutum esse non possit, probant, quia si absolute mutuares, obligares egenum transacta necessitate, vt pro viribus conaretur satisfacere obligationi contractæ, ipsūque à religione, statūque perfectionis assumendo impedires, si manens in sæculo posset acceptum reddere. At executio vnius præcepti non debet alterius executionem impedire. Ergo executio præcepti eleemosynæ non debet obligare accipientem absolute, vt reddat acceptum. Ex obligatione autem sub conditione non impeditur ab statu perfectionis. Ergo bene potest eleemosyna tribui sub hac obligatione conditionata, & non absoluta.

5 Dicendum ergo existimo probabilius esse, te non posse sub obligatione absoluta, aut conditionata ei, qui extremè indiget, & verè pauper est, succurrere: sic pluribus relatis docet Valent. 2. 2. *disp. 3. quest. 9. punct. 4. versic. septimò certissimum est.* Torres *disp. 83. dub. 6. & 7.* Egidius Coninch *disp. 27. dub. 9. num. 153.* Bonacina *disp. 3. quest. 4. punct. 6. num. 15.* Reginaldus *lib. 4. cap. 20. num. 260.* Suarez *disp. 7. sect. 5. num. 1.* Ratio præcipua est, quia Scriptura, & Patres nomine eleemosynæ præcipuè intelligunt donationem absolutam sine vlllo onere, & obligatione retributionis, vt colligitur ex parabola incidentis in latrones, *Luce 10.* cui nulla fuit imposita obligatio reddendi acceptum, & ex modo loquendi Patrum, qui dicunt diuites superflua dispensantes, non bona propria, sed pauperum dispensare. Si autem pauperibus imponi posset obligatio reddendi acceptum etiam sub conditione, non bona ipsorum, sed potiùs diuitum dispensarentur. Vt ergo hanc obligationem excluderent, videntur vsi fuisse illo modo loquendi. Secundò, vel accipiens eleemosynam spem habet absque magna difficultate fore, vt possit acceptum restituere, vel non? si habet, iam non est re, & spe pauper, & ita poteris illi non donare, sed absolute mutuarè; si autem caret tali spe, illi obligatio absoluta imponi non potest:

tum quia esset contra charitatem talis impositio, cum ex charitate tenearis proximum à graui necessitate, seu difficultate liberare, si facile possis: tum quia esset inutilis talis obligatio, quam ipse subire non tenetur ob opus ex charitate sibi debitum. Imponere autem obligationem sub conditione, expectando præcisè casum fortuitum, si fortè, inquam, proximus ad lautiorum fortunam venerit, præterquam quod auarissimi est, tollit liberalitatem, quam Patres in eleemosyna facienda recognoscunt. Adde, illud onus, & obligatio etiam sub illa conditione imposita pretio est æstimabilis. Ergo tribuens eleemosynam sub hoc onere non gratis tribuit. Ergo præceptum eleemosynæ nunquam obligabit ad gratuitam, & liberalem donationem: nam si in aliquo casu obligare posset, maximè cum proximus eget extremè, & re, & spe pauper est. Dicere autem hoc præceptum nunquam obligare ad liberalem, & absolutam donationem nec pium est, nec practicè probabile affirmat Suarez *suprà.* Ergo. Neque obstat in contrarium adducta.

Ad primum nego te solum teneri subuenire necessitati proximi, sed debes eam debito modo iuxta regulas charitatis subuenire.

Ad secundum concedo facta mutatione tolli necessitatem, sed nego mutationem valere, quia contra charitatem est. quod non solum procedit in mutatione absoluta, sed etiam conditionata, vt ex probatione nostræ sententiæ liquet.

6 Sed inquires, an idem dicendum sit de eleemosyna facienda patienti grauem necessitatem, vel communi? Negat tam de communi, quàm de graui necessitate Lorca 2. 2. *sect. 3. disput. 39. num. 53.* Mouetur, quia iis non debetur sustentatio æquè ac patientibus necessitatem extremam. Ergo quomodocumque eis subueniatur, siue gratis, siue ex mutuo sit satis huic obligationi. At credo idem prorsus dicendum esse in vtraque necessitate, cum obligatus es subuenire; quia ratio, ob quam asseruimus in necessitate extrema te esse obligatum donatione, & non mutuo proximo succurrere, est, quia erat friuola, & nulla obligatio, cui nulla erat spes satisfaciendi, sed cum pateris grauem, vel communem necessitatem, tanquam verè pauper cares spe satisfaciendi acceptum in remedium illius. Ergo si obligatus es in extrema necessitate per donationem succurrere, etiam si iis es obligatus. Adde, eleemosynæ, quæ pro iis necessitatibus præcipuè communibus subleuandis impertiuntur, ita leues sunt, & modicæ, vt ridiculum videatur velle accipientem ad restituendum obligare, cum nulla sit spes fore, vt possint siue notabili difficultate acceptum restituere. Item ab autore naturæ omnia hæc temporalia conceduntur ad subleuandas hominum indigentias. Ergo posita indigentia in proximo, ei debent ex charitate donari. Vnde enim constat, quod possint mutari? sic Coninch *disp. 27. dub. 8. n. 153. & 155.* Suarez *disp. 7. sect. 5. n. 7.* Valent. 2. 2. *disp. 3. quest. 9. punct. 4. versic. septimò certissimum.* Neque obstat fundamentum contrarium. Fateor non æquè deberi sustentationem grauem necessitatem patienti, ac patienti extremam: sed quia vtrique absolute debetur, esto vni strictius, quàm alteri, ideo affirmo te obligatum esse in vtraque necessitate constituto gratis succurrere.

7 Secundò inquires, an in iis casibus, in quibus debes eleemosynam mutui facere, possis lucrum cessans deducere in pactum? Affirmat Bonacina *disp. 3. quest. 4. de charitate, punct. 6. num. 16. versic. sed mihi probabilium.* Mouetur, quia non peccas contra iustitiam, cum non tenearis ex iustitia ad mutuandum sine pacto. Dicendum tamen est nullo modo te posse ad lucrum cessans obligare mutuatarium, quia in tantum obligare potes, in quantum licitè lucrum poteris acquirere. At stante

necessi

necessitate mutuandi non poterat lucrum acquirere, quia tenebaris mutuare, ergo, sic Vasquez de eleemosyn. cap. 1. dub. 6. num. 57. fine.

10 Tertiò inquirens, an omittens dare eleemosynam, cum teneretur ex charitate, obligatus sit restituere damna inde confurgentia?

Respondere probabilius esse non teneri, quia obligatio restituendi solum oritur ex læsione iustitiæ, sic Couarr. 2. var. cap. 14. num. 5. Nauar. cap. 24. num. 7. Suar. disput. 7. de charit. sect. 6. num. 2.

PUNCTUM V.

Qua ratione Ecclesiastici arctius obligentur, quam sæculares ad eleemosynam.

- 1 In omnibus casibus, in quibus laici obligantur, obligantur & clerici. Et in quo difficultas consistat.
- 2 Bona clericorum sunt in triplici differentia. Et qua hæc sint.
- 3 Ex bonis patrimonialibus, aut quasi, non alio titulo obligantur clerici eleemosynam facere, quam laici.
- 4 Clericus ex patrimonialibus bonis in sui sustentationem infumens potest ex redditibus beneficii tantundem in usus, quos voluerit, expendere.
- 5 Idem est si parè viuendo minus infumat in sui sustentationem, quam infumere posset.
- 6 Beneficiari tenentur ex redditibus beneficii, quæ sibi superfluent, in eleemosynam, vel pia opera expendere sub obligatione peccati mortalis.
- 7 Quæ sit gravis quantitas, quam expendens beneficiarius in usus profanos peccatum mortale committit.
- 8 Quæ reputentur debita cuiunque beneficiario pro congrua eius sustentatione.
- 9 Pro qualitate beneficii maior, vel minor quantitas assignanda est beneficiario pro congrua eius sustentatione.
- 10 Quo clericus est nobilior, & doctior, eo plus assignandum est pro congrua eius sustentatione, tametsi aliqui contrarium sentiant.
- 11 Non sunt facile beneficiarii donantes consanguineis condemnandi.

Non est dubium in omnibus casibus, in quibus laici obligantur eleemosynam facere, Ecclesiasticos arctius obligatos esse, quia ratione status debent esse patres pauperum, & aliis exemplum; ut bene dixit Suar. disput. 7. de charit. sect. 6. num. 3. controuersia enim solum est, an in aliis casibus obligentur: cum enim ex satis probabili sententia sæcularis obligati non sint in graui necessitate constitutis succurrere ex iis, quæ sibi necessaria sunt tam ad præsentem statum cum decentia conferuandum, quam ad altiore probabilitè obuenturum, & constitutis in communi necessitate, ferè nullus est, qui affirmet ex iis bonis sibi ad statum præsentem, vel futurum necessariis obligatos esse. Est difficultas an idem dicendum sit in personis Ecclesiasticis? Pro cuius decisione

1 Præmitto triplicia bona habere posse clericum. Primò, bona patrimonialia, quæ successione obueniunt: ad quæ reducuntur, quæ donatione, labore, & industria sunt acquisita. Secundò, bona intuitu Ecclesiastici ministerij acquisita, v.g. stipendia pro celebratione Missarum, pro verbi Dei prædicatione, pro administratione sacramentorum, etiam si hæc omnia ex obligatione fiant. Item quæ dantur pro vicaria temporaria; & hæc vocantur quasi patrimonialia. Tertiò, sunt bona merè Ecclesiastica, scilicet ex beneficio percepta, qualia sunt annui fructus ex decimis, capellaniis, aliisque piis legatis beneficio annexis, sic Cordub. lib. 1. qq. quest. 18. in princ. Nauar. tract. de redditib. quest. 1. num. 4. Coninch disp. 27. de charit. dub. 11. n. 173. Vasquez opuscul. de redditib.

cap. 1. §. 2. dub. 1. num. 16. Lessius lib. 2. cap. 4. dub. 6. in princ. num. 35. Molin. de iustis. tract. 2. disp. 142. in princ.

3 Secundò præmitto ex bonis primi, & secundi generis, scilicet patrimonialibus, non alia via obligantur clerici eleemosynam facere, ac obligantur laici, quia eodem modo illa possident, ac si laici essent, illorumque plenum habent dominium, & liberam dispositionem, cum sint industriæ fructus; dantur enim illa bona à fidelibus in stipendium, & mercedem operis impensi sine ullo onere, & obligatione: sic ex omnium sententia testatur Vasquez, Coninch, & Lessius supra. Ex quo inferitur posse clericum ex iis bonis consanguineos ditare, & ad altiore statum promouere, sicut quilibet alius sæcularis; quia solum ex redditibus beneficii, quæ bona sunt merè Ecclesiastica, hoc illi est prohibitum à Trident. sess. 25. cap. 1. de reformat. sic Doctores statim referendi.

4 Secundò infero, si clericus hæc bona patrimonialia, vel quasi patrimonialia in suam sustentationem infumat, poterit compensare ex redditibus beneficii, & ex illis tantundem in usus, quos voluerit infumere: quia integra sustentatio beneficiario debetur ex fructibus beneficii. Ergo si aliunde eam accipit, poterit compensare. Et idem est, si in opera pia fructus patrimoniales consumat, poterit tantundem ex fructibus beneficii accipere, quæ in opera pia debebant impendi. Excepi, nisi expressam voluntatem habuisset non faciendi recompensationem: nam in casu dubio præsumendum est habuisse; nemo enim præsumendus est se velle iure suo priuare: sic ex Nauar. & aliis affirmat Molin. tract. 2. de iustis. disput. 145. in princ. Lessius lib. 2. cap. 4. dub. 6. num. 38.

5 Tertiò infero, si beneficiarius parè viuendo minus infumat, quam infumere posset in suam congruam sustentationem; poterit de sic reſeruatis disponere, ac de bonis patrimonialibus, seu quasi, quia sic reſeruata computari debent, ut fructus industriæ, & laboris, sic Couarruu. in cap. cum in officiis, de testament. num. 2. Nauar. cap. 25. num. 127. & in apolog. de redditib. quest. 1. monito 30. & seq. & monito 78. optimè Molin. lib. 2. de primogen. cap. 10. num. 50. & noster Molin. Iesuita tract. 2. de iustis. disput. 145. vers. hinc vult. & latius disp. 146. in princ. Lessius lib. 2. cap. 4. dub. 6. num. 39. Coninch disp. 27. dub. 11. num. 197. Vasq. de eleemosyna cap. 4. n. 18. his præmissis,

6 Dicendum est beneficiarios teneri sub mortali eleemosynam facere, vel in alia pia opera expendere omnia bona, quæ ex fructibus beneficii suæ congruæ sustentationi superfluent. est ferè omnium sententia, ut testatur Vasq. de eleemosyn. cap. 4. num. 8. Valent. 2.2. disput. 3. quest. 4. & disp. 10. q. 3. p. 7. vers. sexto certum est. Coninch disp. 27. dub. 11. num. 192. Mol. de iustis. tract. 2. disput. 144. vers. prior verò eiusdem sententia. Lessius de iustis. lib. 2. cap. 4. dub. 6. num. 47. & alij innumeri.

Fundamentum præcipuum sumitur ex Trident. sess. 25. cap. 1. de reformat. vbi sancta Synodus omnino Episcopis interdicit, ne ex redditibus Ecclesiæ consanguineos, familiarésque suos augere studeant, cum & Apostolorum canones prohibeant, ne res Ecclesiasticas, quæ Dei sunt, consanguineis donent, sed si pauperes sint, eis, ut pauperibus distribuunt & paulo inferius subiungit. Quæ verò de Episcopis dicta sunt, eadem non solum in quibuscunque Ecclesiastica beneficia, tam sæcularia, quam regularia obtinentibus pro gradu suæ conditionis obseruari, sed etiam ad sanctæ Ecclesiæ Romanæ Cardinales pertinere decernit. Ex quibus verbis, quæ strictissimum præceptum continent, constat manifestè non licere beneficiariis ex redditibus Ecclesiæ, hoc est, ex fructibus beneficii aliquid in profanos usus expendere, cum donatio facta consanguineis, quæ profana, prodigæque non est, prohibeatur. Secundò proba

ex ipfomet ftatu. Sunt enim beneficiarij præcipuè curam animarum habentes patres pauperum, iuxta Trident. *feff. 28. cap. 1.* Ratione cuius debent pietate, & misericordia præluere, & alijs eſſe in exemplum. Ergo ſecluſo præcepto politico, ex ipfomet ftatu eſt illis obligatio dandi eleemoſynam, amplius quàm laici. Tertio, quia bona beneficij non cenſentur data à fidelibus, niſi in ſuſtentionem miniſtrorum, & ad pauperum miſeriam ſublevandam, bonæque opera facienda. Ergo qui in alios uſus inſumeret, aduerſus hanc intentionem peccaret: ſicuti peccat collega, qui in aliquo collegio, & uniuerſitate alitur eo fine, ut ſtudeat, & poſtea reipublicæ proſit, ſi otio vacet, & tempus terat, quia defraudat grauiter intentionem fundatoris collegij, qui ſuſtentionem illi ſuppeditat, ut ſtudeat, non ut otioſus ſit, & fortè luxurioſus. Quapropter non eſt audiendus Leſſius exiſtimans iure tantum politico ſub graui culpa obligatum eſſe beneficiarium omnia, quæ ſibi ſuperſunt congruæ ſuſtentioni, in pauperes, piòſque uſus inſumere, non autem iure naturali. Quia licèt hoc ſit aliqua inordinatio, non tamen (inquit) videtur mortifera. Dicendum ergo eſt eſſe mortiferam, ſi in graui quantitate fiat, cum reliqui Doctores id aſſeuerent: ita ut Vaſquez *de eleemoſyna, cap. 4. num. 13.* dicat ſe nullum legiſſe, qui aſſereret iure tantum humano ad id teneri. Ex quo fit grauiter peccare, tum ob ſcandalum, tum aduerſus præceptum Trident. tum aduerſus ius naturale, qui hæc ſuperflua ſui ſtatus in quantitate graui donaret venatoribus, hiſtrionibus, aucupibus, paraſitis, & ſimilibus, quia neque eſt opus pium, neque ſtatum Eccleſiaſticum decet. ſic expreſſè Vaſquez *de eleemoſyna, cap. 4. num. 17.* Secundò ſic Eccleſiaſticos obligatos eſſe amplius quàm laicos neceſſitatibus pauperum ſubuenire. Nam obligantur pauperum neceſſitates inquirere, ne fortè ratione illarum à recto iuſtitie tramite deſſectant. ſic Valentia *2. 2. diſput. 10. quaſt. 3. punct. 7. verſic. ſextò certum eſt.* Vaſquez *de eleemoſyna, cap. 4. num. 14.* Secundò obligantur omnia, quæ ſuo ſtatui præſenti ſuperſunt in eleemoſynas, aliæve pia opera inſumere, cum tamen laici non obligentur ſuperflua ſtatus præſentis, ſi neceſſaria ſunt, futuro prætenſo inſumere; quia ex beneficij fructibus non licet beneficiario aliorum ſtatum quærere, ſed præſentem decenter ſuſtentare, cum tamen id laicis liceat, ſic Vaſquez *ſupra.* Ad præſentem autem ſtatum pertinet non ſolum providere ſuis, ſuorumque neceſſitatibus præſentibus, ſed etiam veroliſimiliter futuris.

7 Dixi, peccare mortaliter beneficiarium ex fructibus beneficij congruæ ſuſtentioni ſuperfluis expendentem in profanos uſus in graui quantitate: quæ autem hæc ſit arbitrio prudentis eſt menſurandum; illa enim in præſenti videretur neceſſaria, quæ tertiam, vel quartam partem horum annuorum reddituum expendere, aliàs non poteſt dici notabilis exceſſus. ſic Coninch *diſput. 27. dub. 11. num. 177. & 193. ſine, & dub. 8. num. 108.* Molin. *tract. 2. diſp. 144. poſt medium, verſic. prior verò euſdem ſententia.*

8 Sed inquirens, quæ reputentur cuiusque beneficiarij congruæ ſuſtentioni debita, ut inde conſtet quæ teneatur in pia opera expendere?

Reſpondeo non poſſe certa regula definiri: non ſolum quia pro varietate temporum, loci, & perſonarum plus, minùſve vni, quàm alteri requiritur: ſed quia intra latitudinem congruæ ſuſtentionis dari poteſt inſimum, medium, & ſummum, ſicut in pretijs rerum venalium cernitur. Verbi gratia, inſimum congruæ ſuſtentioni designatur 500. medium 600. ſupremum 700. poterit beneficiatus 700. inſumere, quòd ſi aliquid inde ſubtrahit, poterit ut fructus induſtriæ, & laboris

in quoſlibet uſus expendere, & ad ditandos conſanguineos obſeruare: ſic ex Nauarr. tradit Leſſius *lib. 2. cap. 4. dub. 6. num. 40.* Molin. *tract. 2. de iuſtu. diſput. 145. verſicul. illud quoque.* Coninch *diſputat. 27. dub. 11. num. 177.*

9 Aduerſo tamen pro qualitate beneficij congruam ſuſtentionem beneficiario eſſe assignandam; ac proinde maiorem familiam, ſplendidiorē menſam, & ſupelleſtilem deberi Epifcopo, quam Decano, & huic quàm canonico eiſdem Eccleſiæ, & ſic de alijs. In hac autem congrua ſuſtentione clauduntur non ſolum ea, quæ neceſſaria ſunt ad ſe, ſuamque familiam alendam, ſed etiam ea quæ neceſſaria ſunt ad aliqua moderata conuiuia amicis, & conſanguineis exhibenda, pro beneficij qualitate, hoſpitelque recipiendos, quos recipere cogit urbanitas, cum illiſque aliquantulum recreari. Non enim credendum eſt Eccleſiam obligare ſuos miniſtros aſteram, & aggreſſam vitam degere. ſic Molin. *dicta diſput. 145. verſic. tertium eſt.* Ob eandem rationem in congrua ſuſtentione, (inquit Molina,) clauduntur non ſolum donationes remuneratoriæ, ſed etiam liberales, iuxta beneficij qualitatem. Et quidem de donatione remuneratoria meritis proportionata eſt res indubitata; cum hæc ſit ex gratitudine debita, & aliquando ſub culpa veniali. Donatio autem liberalis ſi moderata ſit, expedit beneficiarij ſtatui, & conditioni, tum ad animos conciliandos, tum ad beneuolentiam oſtendendam, eſſetque nimis durum obligare beneficiarios, ne ex redditibus beneficij aliquid poſſint hac ratione inſumere: & conſentit Valent. *2. 2. diſput. 10. quaſt. 3. punct. 7. verſic. itaque.* Quapropter regula generalis congruæ ſuſtentionis ea eſt, quæ non excedit ſumprus ſolitos fieri à viris timoratis eiſdem ſtatus, & conditionis. Ij ſemper præ oculis habendi ſunt, & ſpectandi quam familiam habeant, quem victum, quem veſtitum, ac ſupelleſtilem, quot item conuiuia, aut donationes faciant, & munuſcula mittant, quæ ab omnibus approbantur, & iis ſe conformare poteris. Vnde cum beneficiarij timorati ſi beneficium pingue obtineant, vel ad dignitatem epifcopalem euehantur, ſoleant parentibus, fratribus, aliſque propinquis conſanguineis, ſi fortè in paupertate degunt, alimenta ſubminiſtrare, quibus paupertatem expellant, imò quibus poſſint viuere ita honeſtè, ut dedecus non ſit beneficiario eos propinquos habere. Idem tu facere poteſ: & tradit Nauarr. *quaſt. 1. de redditibus monaſt. 77. num. 5.* Molin. *diſput. 146. verſic. dubium eſt.* Coninch *diſput. 27. dub. 11. num. 185.* Tolet. *lib. 8. ſumm. cap. 38.* Ex eadem ratione poteris ex fructibus beneficij filios ſpurios alere, ſi (quod abſit) habeas, quia poſito delicto illis ſuſtentatio iure naturæ debetur: imò illis debetur ſuſtentatio iuxta qualitatem beneficiarij, ita ut maior debeat dos filix ſpurix ſacerdotis nobilis, quàm pauperis, inſimæque conditionis; intra limites tamen filix ſpurix, quæ longè inferioris conditionis eſt, ac filia legitima. ſic Molin. *diſput. illa 146. in fine.* Qui antecedenti verſiculo hanc doctrinam limitat, ut intelligatur caſu quo beneficiatus non habeat alia bona, quibus poſſit hæc alimenta filiis ſpuris præbere, quia ſi alia habet, ad illa filius habet ius, ac proinde pauper dici non poteſt. Faſteor hoc ſemper eſſe conſulendum. At non audeo affirmare ex obligatione faciendum eſſe, quia filius ſpurius habet omnia bona parentis æquale ius habet, quia ſolum habet ius reſpectu perſonæ parentis, ut ſibi detur ſuſtentatio. Item ipſe parens obligatus eſt alere filios ſpurios. Ergo ex fructibus beneficij eos alere poteſt, etiam ſi alia bona habeat, quia omnia onera, quæ beneficiario ſunt annexa, ex fructibus beneficij adimplere poteſt, aliàs non poſſet donationes remuneratorias facere ex fructibus beneficij, ſi alia bona patrimonialia haberet.

haberet, & docet Valent. 2.2. disp. 10. quest. 3. p. 7. vers. ne-
que ij solum Ecclesiastici.

10 Solum est dubium, an quo clericus est nobilior,
& doctior, eo plus illi pro congrua sustentatione sit
assignandum?

Negat Lorca 2.2. sect. 3. disp. 40. num. 39. quia be-
neficij fructus dantur pro competenti beneficiati su-
stentatione, quatenus beneficiatus est. Ergo non pos-
sunt ex maiori nobilitate, aut doctrina crescere, quia
ex illis non crescit dignitas officij, ad cuius conserua-
tionem fructus ordinantur.

Contraria nihilominus sententia tenenda est, quia
sic est in praxi recepta, satisque colligitur ex cap. de
multa, de prebend. ubi Innocent. III. cum Concilio
Lateranen. statuit in pluralitate beneficiorum posse
cum valde nobilibus, seu notabiliter doctis dispen-
sari: inutilis autem esset dispensatio, si plusquam alij in
suam congruam sustentationem infumere non possent:
consentitque Trident. sess. 24. cap. 17. & extranag. exco-
mmunicabilis. de prebendis, inter communes, ubi ab irritatione
dispensationum, quas ibi commemorat, excipit Car-
dinales S. Rom. Ecclesie, ob utilitatem, quam Ec-
clesie afferunt, & filios Regum propter sublimitatem
eorum, ac generis claritatem. Est ergo hæc causa suffi-
ciens, ut plus possint infumere. Ratio autem ea est,
quia hæ personæ ratione suæ nobilitatis, & doctrinæ
regulariter plus alijs Ecclesie profunt, tum autori-
tate, tum doctrina: cedit enim in honorem, & au-
thoritatem Ecclesie habere beneficiatos valde nobi-
les, & doctos, cuius autoritate, & doctrina facile ab
aduersis se possit tueri. Ergo quo plus Ecclesie pro-
funt, eo maiorem ab illa sustentationem merentur, iux-
ta illud 1. ad Timoth. 5. qui bene præfunt presbyteri, duplici
honore, id est, stipendio, digni habeantur. Nunquam ta-
men ob nobilitatem excedere possunt limites humili-
tatis, & paupertatis Christianæ. Semper enim præ ocu-
lis habenda est regula à Trident. sess. 25. cap. 1. de re-
format. tradita, ut scilicet non solum Episcopi, & alij
beneficiati modesta suppellectili, & mensa, ac frugi vi-
ctû contenti sint, verum etiam in reliquo vitæ genere,
ac tota eius domo caueant, ne quid appareat, quod à
sancto hoc instituto sit alienum, quodque non sim-
plicitatem, Dei zelum, ac vanitatum contemptum
præ se ferat.

Attendendum tamen est, ne fabrica Ecclesie, &
ornatus obinde periclitetur: hæc enim præferenda
sunt. Non enim decet ob splendidiorem ministri su-
stentationem, Ecclesiam ruere, & immundam esse
permittere, & ita tradit Aegid. de Coninch disp. 27.
dub. 11. num. 149. & Ludouic. Molin. tract. 2. disp. 145.
post medium. vers. dubium est hoc loco, adducitque Nauarr.
in apolog. de redditib. quest. 1. monito 82. num. 7. Argu-
mentum in contrarium non obstat. Dantur enim fru-
ctus beneficij in sustentationem beneficiati, quatenus
beneficiatus Ecclesie utilis est: cum autem valde no-
bilior, & notabilior doctior sit Ecclesie utilior, maio-
res illi fructus in sustentationem debentur.

11 Ex his constat non esse facile condemnandos be-
neficiatos, qui suos consanguineos ditant, & statum
augent, maioratûmque instituunt; quia credendum
est eos facere non ex redditibus beneficij, sed ex alijs
bonis patrimonialibus, seu quasi patrimonialibus:

ipsi tamen tenentur scandalum vitare, quoad
possint, & omnia, quæ sibi ex fructibus
beneficij supersunt, fideliter in
pauperes, operæve pia
expendere.

PUNCTUM VI.

An beneficiatus peccet contra iustitiam, & ad
restitutionem teneatur, si quæ ex fructibus
beneficij suæ congruæ sustentationi
superfuit, in profanos vsus
infumat.

- 1 Ex quo pendeat decisio huius difficultatis.
- 2 Tempore nascentis Ecclesie, & pluribus annis sequenti-
bus aliter, ac nunc redditus beneficiorum erant diuisi.
Neque dominium illorum beneficiati habebant.
- 3 Facta diuisione pars cuiuslibet assignata pro congrua eius
sustentatione beneficiarij est propria, & illius habet do-
minium, quidquid contra sentiat Nauarr.
- 4 Proponitur sententia affirmans te esse obligatum ex iusti-
tia expendere in pauperes quæ supersunt.
- 5 Probabilius est oppositum.
- 6 Satisfit rationibus num. 4. adductis.

1 Pendet magna ex parte huius puncti decisio ex il-
la questione, an beneficiatus dominium integrum
habeat suorum reddituum. Nam si illud habet, difficile
est ex iustitia obligare illum in vsus pios superflua ex-
pendere; si verò dominio caret, & penes pauperes exi-
stir, ipsæque pauperum dispensator est, nullus dubitare
potest peccare contra iustitiam denegando pauperibus
ius debitum.

2 Pro huius decisione supponendum est cum omni-
bus Doctoribus tempore nascentis Ecclesie, & vsque
ad tempus Simplicij, qui anno 471. Ecclesiam guber-
nauit, clericos in communi viuere, nullumque reddi-
tum beneficiorum habuisse dominium, sed Episco-
pus omnia administrabat, & ex illis sibi, clericis, &
fabricæ, quæ iudicabat necessaria, concedebat, reliqua
in pauperes expendebat. constat ex tota causa 12.
quest. 1. Sed quia in hac partitione non ita fideliter
Episcopi procedebant, multæque querimonie essent
obortæ pro parte clericorum, fabricæ, & pauperum;
ideo Simplicius Pontifex in cap. de redditibus, 12. quest. 2.
in quatuor partes fructus diuisit. Primum assignauit
Pontifici. Secundum clericis pro meriti qualitate di-
stribuendam. Tertium fabricæ. Quartum pauperibus.
Idemque confirmauit Gelasius I. in cap. vobis enim,
& 4. seqq. 12. quest. 2. & Gregor. Magnus in cap. cognoui-
mus, eadem causa, & quest. Postea verò successu tem-
poris aliæ diuisiones pro locorum commoditate fue-
runt factæ, de quibus Gratian. in cap. constitutum, 16.
quest. 1. & constat ex cap. requisisti, de testament. ubi di-
citur, tertia, vel quarta pars ad Episcopos pertineat
secundum consuetudinem, & in cap. antiquos, 10.
quest. 1. ex Concilio Aureliano, media pars eorum,
quæ offerebantur, Episcopo contingebat. Ex hac igi-
tur varietate factum est, ut ferè in nulla Ecclesia pars
pauperibus designata reperitur intacta, sed potius cum
alijs partibus permixta. Igitur ante hanc bonorum
partitionem omnes affirmant neque Episcopum, ne-
que clericos reddituum habere dominium, præci-
puè cum satis receptum sit omnes voto paupertatis
adstringi, ac proinde quidquid supererat, ex iustitia
debebat diuidi, tum pauperibus fabricæ, aliisque
clericis.

3 Facta autem diuisione, etsi Nauarr. cum alijs quest. 2.
de redditibus, ferè per totam, contendat beneficiatos non
esse dominos, sed dispensatores reddituum, qui sibi
applicantur, contrarium omnino dicendum est, esse,
inquam, verè dominos illius partis, quæ sibi pro con-
grua sustentatione est assignata. Tum quia est illis
assignata in præmium, & retributionem iusti labo-
ris impensi. tum quia inutilis esset talis diuisio, si
dominium

dominium non compararent. Tum quia diuifio rerum communium, & illarum assignatio cuiuslibet facta dominium transfert, iuxta l. 1. C. communia vtriusque iudicij. Diuifionem prædiorum (inquit lex) vicem emptionis obtinere placuit. Adde hoc satis colligi ex cap. unico, de clericis non residentibus, lib. 6. & ex Trident. sess. 22. cap. 3. de reformatione, & sess. 23. cap. 1. de reformatione. vbi expresse dicitur: Absentes nullo modo fructus, & proventus faciant suos, neque illorum dominium acquirant. Supponit ergo Concilium interequentes facere fructus suos, & dominium acquirere: aliàs ridicula esset priuatio dominij facta à Concilio, si absentes aliàs incapaces illius essent. Item sess. 24. cap. 12. de reformat. mandatur omnibus prouillis de beneficiis, curam animarum habentibus, dignitatibus, aut canonicatibus fidei professionem facere intra duos menses à die adeptæ possessionis, aliàs non facient fructus suos. Item in eodem cap. mandatur, ne obtineant in cathedralibus, aut collegiatis Ecclesiis canonicatus, dignitates, aut portiones ultra tres menses absint quolibet anno; alioquin primo anno priuetur vnusquisque dimidia parte fructuum, quos ratione etiam præbendæ, ac residentie fecit suos. Quod si iterum eadem fuerit vsus negligentia, priuetur omnibus fructibus, quos eodem anno lucratus fuerit, quæ verba lucratum esse, suosque fecisse fructus, indicant sanè comparasse illorum dominium: & ita tenet, latèque defendit Sarmiento 4 part. de redditibus, cap. 1. & sequent. Soto lib. 10. de iustit. quest. 4. artic. 3. Couarruias cap. cum in officiis, de testament. num. 3. Vasquez de reddit. cap. 1. §. 2. num. 27. Molin. tractat. 2. disput. 143. Egidius de Coninch disput. 27. dub. 11. num. 185. Valent. disput. 10. quest. 3. punct. 7. versic. quidquid autem sit de hoc.

4 Difficultas autem est, an tenearis ex iustitia sub obligatione restituendi, quæ tibi, tuæque congruæ sustentationi supersunt, pauperibus exhibere. Srat enim optimè dominium illorum fructuum acquirere posse, & hanc obligationem habere, quia potuit clericis hoc dominium ab Ecclesia concedi sub hoc onere, & obligatione. Hinc ergo oritur ratio dubitandi: potuit enim Ecclesia clericis, & Episcopis fructus beneficii concedere e in tam ampla magnitudine, quæ regulariter præmium, vt mercedem laboris impensæ excedat cum hoc onere, & obligatione, vt si ex illis aliquid superfit congruæ sustentationi non necessarium, pauperibus impendatur. Ergo credendum est ita factum esse. Tum quia hæc dispositio pauperibus fauorabilior erat. Tum quia hac ratione pars fructuum, quæ tibi erat antea applicata, non omnino extinguebatur. Tum quia sancti Patres hoc satis indicant vocantes clericos fures, & latrones, si fructus beneficiorum malè expendant, vt videri potest pluribus in textibus, 16. quest. 1. & 12. quest. 1. præcipuè constat ex cap. præcipimus, cap. ex his, cap. habebat, cap. conuenienter, cap. ordi namus, distict. 42. cap. gloria, §. amico, 12. quest. 2. & apud Bernard. epist. 2. & 42. & in serm. Ecce nos reliquimus omnia, & soto lib. de considerat. ad Eugen. Tum denique, quia non satis intelligi potest, qua ratione beneficiarij obligati sint iure naturali, & diuino ad hæc superflua expendenda in pios vsus, magis quàm reliqua alia bona patrimonialia: si enim omnes fructus beneficiorum dantur beneficiario in præmium officij impensæ, sic etiam dantur ob Missas, administrationem sacramentorum, prædicationem, &c. aliquæ eleemosynæ speciales. Ergo sicut potest liberè de his acquisitis disponere, poterit etiam de fructibus beneficii, aut vnde constat specialis horum prohibitio? Ergo dicendum est beneficiatos ex iustitia obligari superflua in pia opera expendere, & contra facientes ad restitutionem reuocari, si aliunde bona habeant, ipsosque sic accipientes

Ferd. de Castro Sum. Mor. Pars I.

non esse in conscientia tutos. sic pluribus relatis defendit Nauarr. cap. vltim. 16. quest. 1. in quest. 2. monito 7. & alij plures, quos refert, sed non sequitur, Molin. de primogen. lib. 2. cap. 10. num. 52. & noscer Molin. tractat. 2. de iust. disp. 144. in princ. Couarr. cap. cum in officiis, de testament. num. 2.

5 Nihilominus his temporibus contraria sententia communior est, quàmque reputo probabiliorem, cum Couarr. & vtroque Molin. supra. Soto lib. 10. de iustit. quest. 4. artic. 3. & 4. Francisc. Sarmiento cap. si priuatum, 12. quest. 1. & cap. nulli, 12. quest. 3. & de redditibus, 2. part. cap. 1. & 2. & p. 4. cap. 1. Egidius Coninch disput. 27. dub. 11. num. 185. Lessio lib. 2. cap. 4. dub. 6. n. 43. Valent. 2. 2. disput. 10. quest. 3. punct. 7. post medium, & alij apud ipsos.

Ratio præcipua est, quia non est imponenda obligatio iustitiæ sine manifesto textu, vel ratione: at nullus est textus, neque efficax ratio hanc obligationem persuadens. Ergo. Et quidem quòd nullus sit textus, inde conuincitur. Nam esto in supradictis decretis vocentur clerici profanè expendentes bona, raptores, & homicidæ pauperum, id non conuincit: tum quia per exaggerationem dictum est; tum quia de secularibus avaris id ipsum sæpè Patres testantur, vt dicit D. Thomas 1. 2. quest. 185. artic. 7. ad primum. Quos certum est ex iustitia obligatos non esse superflua expendere: cum autem dicitur in aliis decretis Ecclesiasticos non dominos, sed administratores esse, vt in cap. qui Christi, 12. quest. 2. & cap. res Ecclesie, 12. quest. 1. vel intelligendum est de bonis ipsius Ecclesie, vel de redditibus ante diuisionem, vel facta diuisione de redditibus fabricæ applicatis, vel denique si de applicatis ipsis clericis intelligatur, dicendum est non esse dominos absolutos, quin habeant strictissimam obligationem misericordiæ in pauperes superflua expendendi. Quòd autem nulla adsit ratio efficax obligationem iustitiæ persuadens, sic proba. Hæc enim obligatio oriri debet ex eo quòd ij fructus dati sint à fidelibus, vel ab Ecclesia sub hoc onere, & obligatione: nullibi autem constat sic data esse à populo, sed potiùs constat absolutè esse donata in sustentationem ministri, & vt ipsi Deo famularentur feruentius, maioreque cum splendore procederent, & apud populum honorabiliores existerent. Adde. Fructus beneficii præcipuè consistunt in decimis, primitiis, & oblationibus, quæ tamen non liberaliter, sed ex debito iustitiæ dantur à populo ministris Dei. Ergo in his non potest populus obligationem aliquam iustitiæ imponere. Ab Ecclesia autem non constat sub prædicto onere datos esse fructus, imò potiùs contrarium non leuiter colligitur ex eo quòd Ecclesia non rescindat donationes profanas, & excessiuas factas à clericis in detrimentum pauperum: si enim pauperes ius iustitiæ haberent ad superflua sustentationi ministrorum, non est credendum Ecclesiam permitturam eos sæpè ita defraudari. Item possent pauperes clam furripere, si ipsis constaret diuitem non esse erogaturum, & soluentes decimas partem referuare, vt pauperibus tribuant, illosque indemnes seruent; & denique concederetur pauperibus actio in iudicio contra clericos non erogantes: quæ omnia absurda sunt. Non igitur dicendum est ex iustitia pauperibus superflua deberi.

6 Neque obstant in contrarium adducta: licet enim pauperibus fauorabilior esset applicatio fructuum sub onere pauperibus expendendi quæ supersint: at ministris Ecclesie est odiosior, quod sufficit, vsic applicati non sint: obligatio autem ministrorum ex charitate expendendi superflua beneficiorum non prouenit tam ex donatione, seu modo, quo fructus recipiunt, quàm ex statu clericali, quem habent. Hic au-

E E c tem

tem status obligat ipsos bona propria illius, qualia sunt beneficij fructus, in opera pia expendere, non autem obligat eo stricto rigore bona per industriam, aut specialem laborem acquisita.

Quòd si inquiras, quid factum est de parte illa pauperibus olim assignata, videtur enim permixta cum parte beneficiariis competente, ac proinde tene-ri beneficiarios illam ex iustitia pauperibus tribuere?

Respondeo hoc argumentum probare obligatos esse beneficiarios illam partem pauperibus tribuere, etiamsi ad suam sustentationem superflueret. Deinde dico illam partem Episcopis, clericis, & fabricis esse applicatam, ac proinde obligationem inter omnes æqualiter diuidi. Tertiò respondeo cum Soto *suprà*, ex illa parte pauperum hospitalia esse fundata, vel potiùs ad Principes, & Reges sæculares deuenisse ob Ecclesiæ defensionem.

PUNCTVM VII.

An quæ dicta sunt de beneficiariis,
intelligi debeant de
pensionariis.

- 1 *Proponuntur varia sententia.*
- 2 *Conciliantur iuxta diuersitatem pensionum Ecclesiasticæ, vel secularis.*

1 **N**EGAT Vasquez *opuscul. de elemosyna, cap. 4. fine, num. 22.* vbi dicit se nullum vidisse authorem obligantem pensionarios ex charitate adhuc ad vberiores, vel alias elemosynas, quàm alios sæculares. Licet enim (inquit) bona sint Ecclesiastica, dantur tamen in pensionem propter bonum Ecclesiæ, & in ipsorum alimentum, & sustentationem. Status autem pensionarij (si alijs beneficiatus non sit) non obligat specialiter. Contrarium defendit Nauarr. *in apoloq. quest. 1. monito 80. & in opuscul. de sfolijs clericorum, §. 1. num. 6. & §. 7. num. 7.* vbi pensionarios beneficiatis æquiparat, sed latius id probat *tractat. de redditibus, quest. 1. monito 32.* iis argumentis. Primò, quia hæc obligatio est annexa redditibus beneficiorum. Ergo ad quoscumque transeunt, debent cum hoc onere transire, argument. *cap. litteris, de pignoribus, cap. pastoralis, de decimis.* Secundò non potest pensionarius ex pensione aliter disponere, quàm vult Pontifex, qui concedit, sed Pontifex concedit solùm pro alimentis. Ergo tacitè insinuat nolle vt eos prodigant, *cap. 1. 42. distinct. & §. 1. 44. distinct.* Tertiò remedium ordinarium fauorabilius est extraordinario, ex *glossa penultim. Clement. 2. de officio ordinar.* At redditus pensionum est extrordinarius, redditus verò beneficiorum est ordinarius. Si ergo redditus beneficiorum hoc onus habent, non debent pensionum redditus ab illo eximi. Quartò ei qui minus præmij meretur, non debet plus dari. argument. *§. 1. Institut. de instituta, & iure, & instituta, ff. eodem titulo.* minus autem meretur pensionarius, qui non tenetur dicere officium diuinum, neque seruire, quàm beneficiatus, qui ad vtrumque tenetur. Ergo. Quintò sequeretur pensionarium posse pro libito de fructibus pensionis in vita, & in morte disponere tanquam de patrimonio suo, quod est alienum à praxi recepta, & contra constitutionem Pij V. quam refert Nauarr. *§. 1. num. 6. & §. 8.* vbi æquè eximit ab spoliis beneficiatos, & pensionarios, cuius beneficium, aut pensio triginta ducatorum de camera non excedit, quia non præsumuntur habere spolia, quibus tam tenues redditus sunt concessi.

2 Dicendum tamen est duplicem esse pensionem ex beneficij fructibus concessam, aliam sæcularem, aliam Ecclesiasticam, vt alijs relatis bene docet Garcia *de benefic. 1. part. cap. 1. à num. 1. præcipuè à num. 8.* De pensione sæculari procedit opinio Vasquez, at de pensione Ecclesiastica opinio Nauarri. Ecclesiastica pensio est, quasi quoddam beneficium, illiusque naturam imitatur, ac proinde quidquid obligationis beneficiato imponitur ex fructibus beneficij, imponi etiam debet pensionario; & ita notauit Molin. *tractat. 2. de iustis. disp. 145. post princip. vers. ex eadem Bulla.*

PUNCTVM VIII.

Quid dicendum sit de beneficiariis
religiosis.

- 1 *Religiosi assumpti ad beneficium sæculare, vel regulare non habent dominium reddituum beneficij, sed penes monasterium est.*
- 2 *Religiosus Episcopus eodem modo, ac alij sæculares Episcopi, habet dominium reddituum beneficij secundum plurimum sententiam.*
- 3 *Contrarium defenditur.*
- 4 *Fu satis fundam. num. 2. adductis.*
- 5 *Religiosus Episcopus prodigè disponens de Ecclesiasticis redditibus, contra iustitiam peccat, & accipiens ad restitutionem tenetur.*

1 **C**ERTUM est religiosos assumptos ad aliquod beneficium sæculare, vel regulare, nullum habere dominium reddituum beneficij, sed penes monasterium esse, ipsisque solùm administrationem concedi ad vsus pios, & non aliter. Quocirca si aliquid in profanos infumant, peccabunt mortaliter; tum contra votum paupertatis, tum contra iustitiam, & alienatio facta nulla est. Hoc tamen (inquit Vasquez *de redditibus, cap. 3. dub. 8.*) intelligendum est de religiosis assumptis ad beneficium sæculare, vel regulare ad nutum amobile: nam si beneficium sit perpetuum, neque per superiorem religionis amoueri possint, credit verè dominos esse, & eodem modo de redditibus beneficij disponere posse, ac possunt alij clerici sæculares beneficiati. Sed contrarium omnino dicendum est, cum nullus sit textus, neque ratio efficax persuadens eos à voto paupertatis liberos esse, quod ex dicendis de religiosis Episcopis ampliùs constabit, neque vllus alius est Doctor, qui eos à paupertatis voto eximat, sed potiùs dicunt omnes verè manere religiosos, vt videre est apud Sanchez *lib. 6. cap. 6. num. 36.*

2 De religiosis ergo ad statum episcopalem assumptis non defunt Doctores, qui affirmant eodem modo de bonis Ecclesiasticis disponere posse, ac alios Episcopos sæculares, quia illorum habent dominium, & administrationem. sic docent Soto *lib. 7. de iustit. quest. 4. artic. 2. ad vltim. & lib. vltim. quest. vltim. artic. vltim. col. 4.* Vasquez *1. 2. quest. 96. artic. 4. disp. 163. cap. 8. num. 91. ad finem, & num. 104. & in opuscul. de redditibus. cap. 3. dub. 7.* Michaël Medin. *de sacr. hom. contin. lib. 5. cap. 26. Angles floribus, 2. part. quest. unica, de voto, art. 2. post 3. difficult. dub. 5. Palaz. 4. distinct. 38. diffut. 1. fol. 384. col. 1. initio.* Gratian. *regul. 20. num. 4.* Mouentur primò, & præcipuè ex *cap. statutum, 18. quest. 1.* vbi dicitur statutum est, & secundum sanctos Patres à Synodo confirmatum est, vt monachus, quem electio canonica à iugo regulæ monasticæ absoluit, & sacra ordinatio de monacho Episcopum fecit, velut legitimus hæres paternam sibi hæreditatem postea iure vendicandi potestatem habeat. In quibus verbis videtur clarè exprimi habere dominium hæreditatis paternæ. Primò, quia dicitur esse

esse legitimus hæres: si autem monasterium, vel Ecclesia acquireret dominium, ipsa, & non ipse legitimus hæres diceretur, sicut dicitur de monacho existente in monasterio. Secundò, quia conceditur potestas vindicandi hæreditatem paternam non Ecclesie, sed sibi: vindicare enim, sibi que acquirere proprium est veri domini. *In rem aucto. ff. de rei vindicat.* Tertiò, quia non cogitur paternam hæreditatem vindicare, sed potestatem habet illam vindicandi, ac proinde illam renuntiare potest, quod nequaquam fieret, si dominus non esset. Secundò mouentur, quia non apparet apud quem dominium illius hæreditatis existat, non apud pauperes, tum quia est communitas nimis indeterminata, tum quia non posset in alios usus Episcopus religiosus expendere. Neque item est apud Ecclesiam vniuersalem, à quo non fuit ipsi applicata. Neque item apud Ecclesiam illam particularem, ad quam assumptus est, aliàs non liceret translatò ad aliam Ecclesiam deferre secum hæreditatem, sicut translatò è monasterio ad Episcopatum non licet deferre secum, quæ in monasterio acquisiuit. Neque obstat obligatum esse Episcopum ea bona relinquere Ecclesie; quia hoc solum probat non habere liberam facultatem disponendi in morte; & meritiò, quia cum ratione Ecclesie dominium illorum acquisierit, ad ipsam Ecclesiam iustissimum est, ut perueniant. Tertiò cum voto paupertatis compati non potest dispositio bonorum perpetua, & independens ab aliquo superiore: at religiosus factus Episcopus habet iure diuino administrationem, & dispositionem bonorum, quæ ab ipso auferri nullatenus potest, nisi in pœnam alicuius grauis delicti. Ergo.

3 Nihilominus recedendum non est à communi sententia, quæ affirmat religiosum factum Episcopum, & obstrictum voto paupertatis manere, & consequenter incapacem domini proprii. sic tenet D. Thomas 2. 2. *quest. 185. art. 8.* ibi Caietan. Valent. *disp. 10. quest. 3. punct. 8. col. 3.* Couarruias *cap. 1. de testament. num. 18.* Molin. *de primogen. lib. 2. cap. 10. num. 28.* Aegidius de Coninch *disp. 27. dub. 11. num. 208.* Thomas Sanchez pluribus relatis *lib. 6. in Decalog. cap. 6. num. 8.* Lessius *de iustit. lib. 2. cap. 4. dub. 5. num. 29.* & *cap. 41. dub. 11. num. 92.* Nauarr. *comment. 1. de regula, num. 31.* & *comment. 2. num. 17.* & *comment. 3. num. 46.* & *lib. de redditibus Ecclesiast. quest. 1. monito 11. num. 1.* & *2. & monito 52. num. 1.* Sariniento *de redditibus, 1. part. cap. 1. num. 10.* & *in defensallibus prima part. non. 11. num. 2.* & 3. & alij.

Probo, quia religiosus factus Episcopus verus religiosus existit; aliàs non obligaretur habitum suæ religionis portare: sed de essentia religionis non solum est votum castitatis, sed etiam paupertatis, & obedientie. *cap. cum ad monasterium, de statu monachorum, sine.* Ergo sic factus Episcopus omnia hæc vota retinet. Secundò, quia vota religiosorum in tantum dispensari poterant, quatenus obstitarent munerì Episcopali, sed abdicatio domini non obstat huic munerì concessa libera facultate administrandi redditus Episcopales, cæteraque bona in quoslibet decentes usus. Ergo non est dicendum in voto paupertatis dispensatos esse.

4 Neque obstant in contrarium adducta.

Ad primum desumptum ex *cap. statum*, respondeo religiosum factum Episcopum esse legitimum hæredem, sibi que vindicare hæreditatem non pro se, sed pro sua Ecclesia, sicut existens in monasterio ius successionis habet, & hæreditatem sibi vindicat non pro se, sed pro monasterio, iuxta *l. Deo nobis, § 6. §. hoc etiam, C. de Episcop. & cleric.* ubi cauetur, ne parentes priuent filios religiosos hæreditate sibi obueniente, & subditur. Sin verò ultimam voluntatem parentes, neque te-

Ferd. de Castro Sum. Mor. Pars I.

stamento, neque alio ultimo elogio declarasse monstrati fuerint, omnem parentum substantiam hæredes, quibus ab intestato comperit, secundum leges nostras sibi defendant, nullo impedimento ex sanctimoniali conuersatione generato, siue soli, siue cum aliis ad successionem vocantur. Neque ex illis verbis, potestatem habeat vindicandi, infertur non debere de facto vindicare, sed explicatur, quod difficultatem ingerere poterat. Adde, etsi posset non vindicare, sed renuntiare, inde non infertur illius habere dominium, sed plenam, & liberam administrationem.

Ad secundum dico, dominium illius hæreditatis esse apud Ecclesiam, ad quam assumptus est, sed cum potestate libera transferendi, dum viuunt, in aliam Ecclesiam, & in quodlibet pium opus. In morte autem Ecclesie relinqui debet, non ut liberè Ecclesie donatum, sed ut proprium Ecclesie, ut satis indicant illa verba textus, iuncta glossa, *ad altare ad quod sanctificatur, & intulatur secundum sacros canones restituat.* Verbum enim *restituatur*, Ecclesie esse proprium indicat.

Ad tertium nego cum voto paupertatis compati non posse dispositionem liberam perpetuam in usus pios bonorum Ecclesiasticorum, aliàs religiosus ad parochiale beneficium assumptus, quo priuari nullatenus possit, nisi ob urgentem causam, religiosus non esset, cum haberet ius perpetuum disponendi de bonis: quod autem hæc perpetuitas ex iure diuino, vel humano proueniat, impertinens esse videtur.

5 Ex his infertur religiosum Episcopum prodigè disponentem res Ecclesiasticas, & bona sibi obuenientia contra iustitiam peccare, & accipientem obligatum esse restituere, nisi Ecclesia remittat, quia caret bonorum dominio, & sola administratio ad honestos usus illi est concessa. sic Lessius *lib. 2. de iustit. cap. 4. dub. 5. num. 19.* Thomas Sanchez *lib. 6. in Decal. cap. 6. num. 13.* Coninch *disp. 27. dub. 11. Anum. 200.*

PUNCTVM IX.

An pauperi patienti extremam, vel grauem necessitatem, liceat aliena surripere, eaque consumere.

- 1 In extrema necessitate potest, si alia via succurrere sibi non valet.
- 2 An teneatur prius rogare diuites, ut sibi succurrant.
- 3 Non potest per vim à domino impediri, quin pauper sibi succurrat extreme indigens.
- 4 In graui necessitate plures censent inuito domino non posse aliena surripere.
- 5 Probabilius est oppositum.
- 6 Satis sit fundam. num. 4. adducto.
- 7 Si proximus in eadem necessitate existit, non potest ab illo rem surripere.
- 8 Expenditur, an tenearis reddere debitum Petro, eo indigente aqualiter.

1 IN extrema necessitate ferè omnes Doctores assentiant, si alia via sibi succurrere non potest; quia quilibet habet strictissimum ius, propriam vitam defendendi, & consequenter assumendi quæ ad hanc defensionem necessaria sunt. Item diues, à quo assumit pauper bona, habet obligationem ea ipsi donandi. Ergo non est præsumendus inuitus, vel saltem non erit rationabiliter. Adde omnia in illa necessitate facta esse communia ab authore nature, cum ad conseruandam hominum vitam ea produxerit, & sub hoc onere certis dominis tradiderit.

E E e 2 2 Dixi,

2 Dixi, si alia via sibi succurrere non potest. Nam si rogando amabiliter diuitem, ut succurrat, potest sibi providere, nullatenus licet ab eo bona clam auferre, quia nemini licet aliena surripere, cum propria per donationem habere potest. sic supponunt omnes, & expresse notauit Coninch *disput. 27. dub. 10. num. 158*. Lessius *lib. 2. cap. 12. dub. 12. num. 66*. ubi dicit omissionem huius conditionis non videri peccatum mortale, si scandalum absit, quia siue dominus concedat, siue non, potest accipere pauper sibi necessaria. Ergo est solum inordinatio in modo, quæ non videtur ita grauis. Addit verò Coninch ab hac petitione non excusari pauperem, etiamsi nobilis familiar sit, & valde pudeat mendicari; quia in tanta necessitate pudor ille (inquit) vincendus est, & aliquibus diuitibus necessitas manifestanda, præcipue cum huiusmodi necessitas non ex culpa euenire soleat. At hoc durum mihi videtur, quia inde obligaretur pro remedio suæ necessitatis extremæ, grauem saltem subire, qualis est ab statu cadere mendicando, quod aliqui ita ægre ferrent, ac ipsam mortem. Quare Lessius dixit virum honestæ conditionis non teneri ostentim mendicare, fauētque Lorca 2. 2. *sect. 3. disput. 39. membr. 1. num. 9*. reputans cum esse in extrema necessitate, qui est in certo periculo ita decidendi ex honesto statu, ut non possit vitam sustentare, nisi discendo artem mechanicam, aut mendicando, quod licet verum non sit, probat tamen esse grauissimum malum. Ergo si ob vitandam grauem necessitatem potest proximus aliena surripere, poterit ob vitandam extremam, absque obligatione mendicandi. Quocirca solum existimo obligari posse pauperem vni, vel alteri diuiti secretò necessitatem manifestare, si probabiliter credat eos hac via esse succursuros; quia hæc manifestatio non videtur grauiter ignominiosa, neque grauem pudorem causare.

3 Hinc fit sic accipientem non posse à domino impediri, quod si impediat eum repellendo, iniustus est, & hanc iniustitiam potest accipiens propellere, etiam diuitem occidendo, si opus sit. sic Lessius *lib. 2. cap. 12. dub. 12. num. 69*. Coninch *disput. 27. dub. 10. num. 169*.

4 In graui verò necessitate est inter Doctores controuersia, an licitum sit aliena inuito domino surripere? Negare videtur D. Thomas 2. 2. *quest. 66. artic. 7*. & ibi Caietanus, Sotus *lib. 5. de insti. quest. 3. artic. 4*. Couarruias *regul. peccatum, p. 2. §. 1. num. 3*. & supponit Suarez *disput. 7. de charitate, sect. 5. num. 8*. & fauet *cap. si quis, 3. de furtis*, ubi imponit pœnitentiam furanti in necessitate graui: dicitur enim, si quis propter necessitatem famis, aut nuditatis furatus fuerit cibaria, vestem, vel panes, pœniteat hebdomadas tres, & si reddiderit, non cogatur ieiunare. Ratio autem est, quia pauperi non licet surripere, nisi in quantum diues obligatus est illi dare, aliàs esset bellum iustum ex vtraque parte: sed diues obligatus non est huic patienti grauem necessitatem dare, sed potest eo omissò alium eligere. Ergo. Quod si dicas id verum esse, cum dominus non habet bona, quibus possit omnibus patientibus grauem necessitatem subuenire, secus si illa habeat. Hinc sumo argumentum: Pauperi constare non potest diuitem habere bona superflua status, quibus omnibus egenis grauiter succurrere possit, cum necessitates graues frequentes sint, imò contrarium debet præsumere. Ergo stante hac ignorantia non habet ius aliena surripendi.

5 Nihilominus probabilius censeo patientem grauem necessitatem, si alia via succurri non potest, posse clam à diuite aliena surripere. sic docuit Nauarr. *cap. 17.*

num. 5. Petrus Nauarr. *lib. 2. de restitut. cap. 1. num. 374*. Lessius *lib. 2. cap. 12. dub. 12. num. 71*. Vasquez *cap. 1. de elemosyna, dub. 7. num. 60*. Coninch *disput. 27. dub. 10. num. 162*.

Ratio sumitur ex contrario fundamento. Est enim insita diuiti obligatio ex charitate succurrendi cuilibet patienti grauem necessitatem, sicut patienti extremam, si commodè potest. Hoc autem sufficienter pauperi constat, si illi constet de sua graui necessitate, & de potentia diuitis, & ignoret, an alij patiantur eandem, secumque concurrant: iis enim conditionibus positis tenetur diues succurrere, & in acceptis à paupere consentire. Ergo pauper accipiens non peccat. Quod si de facto plures patientes grauem necessitatem concurrant, & cognita sint à diuite, quibus omnibus satisfacere non potest ex bonis, quæ sibi supersunt, sed solum vni, vel alteri, credo tunc non posse pauperem clam surripere, si ipsi non constat nolle aliis diuitem elemosynam impertiri, quia in tantum potest, in quantum diues tenetur. At in tali casu diues non tenetur ei elemosynam concedere, sed potest eam aliis seruare. Ergo. Neque obstat patientem extremam necessitatem posse à diuite clam necessaria surripere, etiamsi plures alij similem necessitatem patientes concurrant, & diues non possit omnibus providere, quia ius conseruandi vitam, quia est nimis exemptum, hanc tribuit facultatem, neque vllus conqueri rationabiliter potest, quod sic conseruare studeat. sic Vasquez *de elemosyna, cap. 1. dub. 7. num. 62*. Fateor tamen ob hanc rationem etiam in graui necessitate esse probabile. Nam cum diues omnibus illis diuisim teneatur providere, qui præueniunt accipiendo, iure à natura sibi concessio videtur vri.

6 Neque nostræ sententiæ obstat *cap. si quis*. nam, ut rectè explicat D. Thomas 2. 2. *quest. 66. artic. 1*. & ex illo Vasquez *dicto dub. 7. num. 63*. Lessius *lib. 2. cap. 12. dub. 12. fine*. Coninch *disput. 27. dub. 10*. & alij. Loquitur textus, quando furtum commissum est propter necessitatem communem, non tamen urgentem, & grauem: cum verò dicitur, si restituerit, non ieiunet, indicatur duplicem esse furanti extra grauem, & extremam necessitatem pœnitentiā imponendam. Primò trium hebdomadarum pœnitentiam. Secundò ieiunium, quæ ieiunij pœnitentia restituenti statim non imponitur. Quod si velis loqui textum de furante in graui, & extrema necessitate, respondere debes. Primò peccasse sic furantem, quia indebitè alienam rem vfurpauit, quia fortè rogando poterat obtinere. Secundò impositam esse pœnitentiam non ob peccatum, sed ob peccati similitudinem. Adde textum non esse Pontificium, neque ex aliquo Concilio desumptum, sed ex pœnitentiali Theodori. Ratio autem, qua illa sententia nitebatur, satis ex probatione conclusionis nostræ dissoluta est.

7 Aduerto tamen primò, te non posse etiam in extrema necessitate constitutum surripere rem alienam ab alio æquè illa indigente, quia tunc ipse non tenetur sibi dare, & ratione possessionis ius acquisiuit prælationis. Secundò aduerto rem valde pretiosam te non posse ab illo sumere, ut tuæ nec sanati satisfacias, quia, ut supra dixi *punct. 4*. non tenetur dines cum tam graui iactura bonorum tuæ necessitati providere, quia id cedit in reipublicæ damnum.

8 Diceſ. Ergo debens ex furto Petro magnam quantitatem, tenetur cum tali periculo Petro reddere, si videat Petrum in æquali necessitate existere; quia retentio est primæ acceptionis continuatio. Si ergo non licet primò accipere, neque licebit acceptum retinere? concedit Lorca 2. 2. *disput. 38. num. 11*.

quorics

quoties res debita Petro in specie existit, quia Petrus habet ius in specie eam vendicandi, quo iure non videtur priuandus ob necessitatem possidentis, cum ipse ea æquè indigeat, & possessio iniusta non debet raptori prodesse, & domino nocere, & hoc mihi probabilius videtur, si uterque creditor, & debitor in necessitate concurrant, neque prius debitor, quàm creditor, consentit Vasquez *de elemosyna*, cap. 1. dub. 9. num. 71. esto censeam satis probabile oppositum, ut affirmat Lessius *lib. 2. cap. 16. dub. 1. num. 13.* & Coninch *disput. 27. dub. 10. num. 171.* Qui mouentur ex eo, quod pro eo tempore cessat vis, & potestas domini iure gentium introducta, & res sunt quoad vsum primò capientis, & possidentis. Sed responderi potest hoc esse verum, si capiat, & possideat iustè: at capiens, & possidens per furtum, non capit, neque possidet iustè, neque tollit domini possessionem. Necessitas autem superveniens non potest facere, ut iustè possideat, si simul cum necessitate domini concurrat. Ergo.

PUNCTUM X.

An consumens rem alienam in necessitate tenearis restituere, si ad pinguorem veneris fortunam.

- 1 Ex quo pendeat resolutio huius difficultatis.
- 2 Si alienum habeas ex contractu transferente dominium, teneris; secus si habeas alienum ex contractu non transferente dominium.
- 3 Si ex delicto alienum habeas, communior sententia docet te esse obligatum restituere. Contrarium est satis probabile.

1 **R**esolutio huius puncti pendet ex dictis puncto 4. ut bene aduertit Coninch *disput. 27. dub. 10. num. 161. & 164. conclus. 2.* Vasquez *opuscul. de elemosyna*, dub. 8. num. 67. ibi enim asseruimus plures esse casus, in quibus debebat diues gratis omnino, & sine obligatione elemosynam concedere, & plures esse, in quibus poterat obligationem restituendi imponere. In iis ergo casibus, in quibus hæc obligatio imponi potest, si rem accipias secretè, teneris, cum ad pinguorem veneris fortunam, restituere, quia non potes alia via accipere, quàm ipse tenetur præstare. Neque præsumi potest nolle diuitem sibi rem restitui, cum id velle possit.

2 Difficultas ergo est, an si alienam rem ante necessitatem possideas, & in necessitate constitutus illam consumas, excuseris à restitutione, sicut si tunc accipiens rem illam consumpsisses? Qua in re certum est, si rem possideas, & tibi necessariam habeas ex contractu transferente dominium, qualis est mutuum, vel venditio, teneri restituere, quia tunc non consumis alienum, sed proprium, & obligatio ex contractu reddendi rem perseverat. Coninch *disput. 27. dub. 10. num. 167.* Vasquez *de elemosyna*, cap. 1. dub. 8. Bonacina *disput. 3. quest. 4. de charitate*, punct. 6. num. 16. & alij apud ipsos. Si autem ex contractu non transferente dominium habeas, verbi gratia, ex commodato, vel deposito, cenfeo probabilius te non esse obligatum restituere, quia nec restituere teneris ex re accepta, cum nihil illius supersit, ut suppono, neque ex iniusta acceptione, cum nulla fuerit, neque etiam ex contractu prius facto: hic enim solum obligare potest ad reddendam rem, quando culpa depositarii perit; secus si absque illius culpa, ut in præfati contingit. & ita tradunt plures relati ab Azor *lib. 12. cap. 8. quest. 7.* Torres *disput. 82. dub. 7. ad finem.* quibus accedit *Ferd. de Castro Sum. Mor. Pars 1.*

Petr. Nauarr. *lib. 4. de restitu. cap. 4. num. 26.* Bonacina *disput. 3. quest. 4. punct. 6. num. 26.* Lessius *lib. 2. cap. 16. dub. 1. num. 5.*

3 Quod si rem alienam tibi necessariam habes ex delicto furti, vel rapinæ; communior sententia tenet te obligatum esse transacta necessitate similem restituere, quia esto licitè illam consumas in necessitate: at obligatio ante necessitatem contracta ex iniusta acceptione non perit, sed suspenditur. sic Vasquez *illo dub. 8. sine*, num. 68. affirmans neminem contradicere. Bonacina *dicto num. 16.* Petrus Lorca *disput. 3. num. 14.* & alij plures apud ipsos. Ratio est, quia ad subleuandam necessitatem opus non est debitum extinguere, sufficit eius restitutionem impediri. Verùm contrarium cenfeo satis probabiliter, & fortè probabilius dici posse, cum Petro Nauarr. *lib. 4. cap. 4. num. 24. & 25.* Coninch *disput. 27. dub. 10. num. 166.* quia sic consumens rem videris satisfacere obligationi restituendi antea contractæ, cum rem consumas, sicuti dominus tenetur velle consumi, si apud ipsum staret. Et confirmo. Ab onere restituendi rem, liberatur iniquus detentor, si absque eius culpa perit res furro ablata, eodem modo apud dominum existens peritura, ut bene probat Lessius *lib. 2. cap. 12. dub. 15.* Atqui si res illa apud dominum existeret, eodem modo periret, ac periret apud te iniquum detentorem, cum ipse dominus teneretur tibi in necessitate extrema existenti donare. Ergo.

PUNCTUM XI.

Utrum existens in necessitate tenearis rem alienam restituere creditori necessitate simili laboranti, vel possis restitutionem omittere.

- 1 Non teneris, si alienum retines ex contractu.
- 2 Si retines ex delicto, neque res existit in specie, non teneris.
- 3 Secus si res aliena in propria existit specie.
- 4 Idem quod dictum est de tua necessitate, dicendum est de necessitate illorum, qui tibi in primo gradu coniuncti sunt.

1 **D**vplaciter rem alienam retinere potes, vel ex contractu, vel ex delicto. Si habes ex contractu, probabilius cenfeo non solum in extrema, sed etiam in graui necessitate te non esse obligatum restituere; quia in pari casu melior est conditio possidentis. quod est manifestum, si habes rem ex contractu transferente dominium. At si habes rem ex contractu depositi, precarij, commodati, quibus dominium non transfertur, neque finitum est tempus contractus, est probabilius, quia licet dominium apud te non sit, est tamen iusta possessio, & vsum pro eo tempore. Ergo potes te, tuosque creditori præferre. sic Vasquez *in opuscul. de elemosyna*, cap. 1. dub. 9. num. 73. Bonacina *disput. 3. quest. 4. de charitate*, punct. 6. num. 14.

2 Si autem ex delicto debeas, distinguendum est, vel res debita existit in specie, vel non? Si non existit, non teneris tunc cum æquali tua iactura restitutionem facere, quia & dominium, & possessio tibi fauent, nec potes dici retinere alienum, sed proprium cum obligatione reddendi ablatum; quæ obligatio ob necessitatem suspenditur. Quod non solum existimo verum in extrema necessitate, sed etiam in graui: grauis enim necessitas eo modo, quo extrema facit omnia communia. sic Lessius *lib. 2. cap. 16. dub. 1. num. 20.* Limita, nisi

E E e 3 causa

causa fueris necessitatis creditoris, quia tunc debes cum iactura propria æqualem creditoris reparare, quia est melior illius conditio. sic Bonacina *disp. 3. q. 4. de charit. punct. 6. num. 14.*

3 Si verò res debita ex delicto in propria existit specie, placet mihi sententia Vasquez *de elemosyna, cap. 1. dub. 9. num. 70. & 71. & Lorca 2. 2. disput. 38. num. 10. Nauarr. cap. 17. num. 60.* te esse obligatum restituere creditori, si creditor prius actu, vel eodem tempore in necessitatem incidit; quia non est æquum ob usurpatam possessionem te velle creditori simili necessitate laboranti præferre. Si autem tu prius in necessitatem incidisti; quia ratione necessitatis possides rem, seu rei usum iuste, illam possessionem continuare censeris, quando alius in necessitatem incidit, & obinde à restitutione excusaris.

4 Quæ dicta sunt de tua propria necessitate, dicendum est de necessitate parentis, aui, filiorum, vxoris, imò & fratrum: ius enim fauendi iis tibi ita coniunctis præferendum videtur creditori. sic pluribus relatis Bonacina *disp. 3. quest. 4. de charitate, punct. 6. num. 14.* quamuis Vasquez *de elemosyna, cap. 1. dub. 9. num. 74.* in fratre limitet, cui creditorem existimat esse præferendum.

PUNCTUM XII.

Ex quibus bonis facienda est elemosyna.

- 1 *Facienda est ex proprijs in casu graui, & extrema necessitatis, ex alienis, quando patiens necessitatem habet ius surripiendi.*
- 2 *Quid dicendum de bonis à communitate possessis. Quæ ratione de illis facienda sit elemosyna ab hominibus illius communitatis.*
- 3 *Quid de illicitis, & turpiter acquisitis.*

1 **F**aciendam esse elemosynam ex proprijs, & quorum habes administrationem, & non ex alienis, nemini est dubium. Non enim iniustitia committenda est, ut charitati subuenias, ut rectè docuit Augustinus in *lib. 50. homil. homil. 7. relatus in cap. forè, 14. quest. 5.* Solum casus extremæ necessitatis excipitur, ad cuius medium aliena accipere potes, si alia via nequit prouideri. In casu grauis necessitatis solum hæc habent locum, quando urget præceptum elemosynæ, & ipse patiens necessitatem illam ab inuito accipere poterat. Vasquez *de elemosyna, cap. 2. dub. 2.*

2 Ex his infertur, quid dicendum sit de bonis, quæ ab aliqua communitate possidentur? Dupliciter enim possideri possunt, vel collegialiter, vel particulariter: collegialiter possidentur, cum non in singulos diuiduntur, sed à communitate, vel eius, qui illius curam gerit, dispensantur. Particulariter possidentur, cum in singulos distribuenda sunt, singulique illius communitatis ius habent, ut sibi signata portio detur. Si bona collegialiter possidentur, poterit communitas, seu maior illius pars, vel qui illius curam gerit, facere eas elemosynas, quæ rectæ gubernationi illius communitatis expedire visæ fuerint. *cap. cum in cunctis, de his quæ sunt à maiori parte capituli.* At si bona particulariter possidentur, necessariò requiritur consensus omnium illius communitatis, ut elemosyna concedatur, quia cum ad quemlibet sua pars pertineat, nequit sine eius consensu defraudari: colligitur ex *cap. cum omnes, de constitutionibus.* sic Ioann. Medina *de elemosyna, cap. 4. Valent. 2. 2. disput. 3. quest. 9. punct. 5. versic. secundo.* Vasquez in *opuscul. de elemosyna, cap. 4. num. 2.* ubi subdit cum Ioan. Medin. quamuis portionarij non habeant vocem in Capitulo, si bo-

na eroganda in elemosynas in illos essent diuidenda, nequaquam sine illorum consensu posse erogari. At credo in hac parte consuetudini esse standum: cedunt enim portionarij huic iuri, cum Ecclesiam ingrediuntur, in qua non habent vocem in Capitulo, ut possit Capitulum ex bonis communibus, ad ipsosque pertinentibus elemosynas facere, prout rectæ gubernationi expedire visum fuerit. Aliàs deberet Capitulum explorare consensum non solum præsentium, sed absentium, ut aliquam elemosynam faceret. quod est contra usum receptum.

3 Secundò infertur, quid dicendum sit de illicitis, & turpiter acquisitis, an possis facere elemosynam? Pro cuius decisione suppono dupliciter te posse rem alienam illicitè acquirere. Primò usura, furto, & rapina. Secundò præmio, & mercede alicuius illicitæ actionis, scilicet fornicationis, occisionis, iniustæ sententiæ, beneficij, Ecclesiasticæ collationis. Si furto, usura, & rapina res acquisita est, & in specie existit, extra supradictum casum extremæ, vel grauis necessitatis non potes elemosynam facere, sed debes domino restituere. Secus verò, si iam non existit in specie, neque ex elemosyna impotens redderis ad restitutionem faciendam, quia tunc ex proprijs elemosynam facis, absque damno creditoris. Vasquez *cap. 2. de elemosyna, dub. ultim. Suarez disput. 7. sect. 2. de charitate, num. 6. & 9.* Si autem impotens redderis ad restitutionem, clarum est te non posse elemosynam facere. Dubium tamen non leue est, an recipiens tenearis, si mala fide accepisti, credens dantem reddi impotentem ad restituendum? Et quidem teneris; quia cooperaris damno creditoris eius debitorum deteriorando. Si bona fide recepisti, & consumpsisti, non videris teneri; quia nec ratione rei acceptæ, quæ non existit, nec ratione iniustæ acceptationis, quæ nulla fuit, teneris. Si autem res accepta consumpta non est, aut si consumpta est, ditior es factus, ob cuius causam in æquiualentem perseuerat; alicui videberis esse obligatus, quia res illa obligata est creditori, neque cum illius damno tibi donari poterat. Ergo potest à creditore vendicari. Ergo tu teneris creditori reddere. Et confirmo. Si à principio rem accepisses, credens dantem impotentem reddi ad restituendum, esset iniusta acceptio, & obligatus esses creditori reddere. Ergo etiam es obligatus, cum illam retines, & scis ex illius retentione creditori damnum parari. Et hoc mihi dicendum videtur cum Suarez *disput. 27. sect. 2. de charitate, num. 10.* Quamuis non careat difficultate, cum bona specialiter obligata non acceperis; quia tunc tota obligatio debitoris esse videtur personalis, cui ipse satisfacere tenetur ex bonis, quæ habet, neque bona ipsius postquam sunt alienata, videntur cum illo onere transire, aliàs vindicari possent. Quòd si præmio, & mercede alicuius illicitæ actionis iam executæ acquisitum sit, poteris ex illis elemosynam facere, quia dominium illorum acquisisti, neque teneris danti restituere. Non enim tenetur meretrix pretium sui corporis, neque iudex pretium iniquæ sententiæ restituere danti, postquam meretrix sui corporis copiam fecit, & iudex iniquam sententiam tulit. Egidius Coninch *disp. 27. dub. 12. n. 210. Lessius lib. 2. cap. 14. dub. 8.* Excipio simoniacè acquisita ob beneficium, quæ restituenda sunt Ecclesiæ ante iudicis sententiam, ut in *disp. de simonia* dicemus.

PUNCTUM XIII.

Qui eleemosynam facere possint.

- 1 De quibus personis sit controuersia.
- 2 Seruus mancipium non potest eleemosynam facere, nisi ex consensu domini, censetur dominus consentire, si sibi ex assignatis ad sustentationem subtrahat, ut expendat.
- 3 Enumerantur plures alij casus, in quibus seruus dominum bonorum acquiris, & illorum eleemosynam facere potest.
- 4 Quod dicitur de seruis mancipijs, dicendum est de famulis.
- 5 Prodigus magnam eleemosynam facere non potest, bene parua, & suo statui conuenientem.
- 6 Minor, & pupillus similiter absque tutoris, vel curatoris consensu, non possunt magnam eleemosynam facere. At si faciant, factum tenet, quousque repetatur.
- 7 Tutores, & curatores ex bonis illorum, quarum habent curam, moderatas eleemosynas facere possunt.
- 8 Filius familias, etiamsi pubes sit ex bonis profecturis, aut aduenticijs, non potest facere eleemosynam, nisi quatenus pater præsumentur consenturus; secus de bonis castrensibus.
- 9 Religiosus superior eleemosynas facere potest ex bonis, quae decenti sustentationi religiosorum supersunt. Alij vero religiosi solum ex praesumpto superioris consensu.
- 10 Vxor de bonis proprijs eleemosynam facere potest, & quae hac sint.
- 11 Secus de dote, & bonis communibus, absque mariti consensu.
- 12 Limitatur doctrina, ne procedat in eleemosynis parua, & quae alia femina sua qualitatibus facere solent.
- 13 Item cum maritus est amens, vel absens.
- 14 Deinde cum sit eleemosyna ad auerendum malum, vel impetrandum bonum; sed prudenter est concedendum.
- 15 Item cum maritus bona dissipat.
- 16 Tandem, ut non procedat, si parentes, vel filij ex priori matrimonio indigeant.
- 17 Debet vxor computare in sua parte dissoluto matrimonio, quae sic dedit.
- 18 Succurrere indigenti eleemosyna consistente in actionibus necessarijs quilibet potest.
- 19 De quibus bonis quis disponere potest, si habet ascendentes, vel descendentes.
- 20 Eleemosynas moderatas non tenetur quis computare in quinta, vel sexta parte bonorum, secus excedentes.

1 **C**um eleemosyna liberalis quaedam donatio sit, dominiumque transferat in accipientem: clarum est, extra casum necessitatis fieri non posse ab alio, quam à dominio rei donatae liberam illius administrationem habente, nisi ex praesumpta domini voluntate. Hinc oritur difficultas de seruis, & famulis, de filiis familias, de minoribus, & pupillis, de prodigo sub curatore constitutis, de religiosis, de vxore, quae ratione eleemosynas aliquas facere possint, cum non habeant bona propria, vel si illa habeant, non habeant liberam illorum administrationem?

2 Et primò videndum est de seruis, & famulis. De quibus recepta est omnium sententia, seruum mancipium non habere bonorum dominium, sed esse apud

dominum, cuius ipse est seruus. habetur expressè *Institus. per quas personas, §. item nobis. & l. placet. ff. de acquirenda hereditate, l. ad vestimentum. ff. de peculio, & cap. cum olim, de privilegijs, l. 7. tit. 21. part. 4.* Ratio colligitur ex supradicta *l. id vestimentum.* Si enim seruus domini est, & à domino possidetur. Ergo bona ipsius serui domini sunt, & à domino possideri debent. Ex qua doctrina inferitur non posse seruum ullam eleemosynam facere, nisi ex consensu tacito, vel expresso domini. Dominus autem semper consentire censetur in eleemosynam factam de pecunia, aut cibis in sustentationem serui designatis: designans enim pecuniam illam in sustentationem, totum illud dispositioni serui remittere videtur. Quare si seruus sibi aliquid subtrahit, ex illo eleemosynam facere potest.

3 Secundò facere eleemosynam potest ex peculio proprio, si habeat: habere autem illud potest. Primò, si ab alijs sibi donatum est ea conditione tacita, vel expressa, ne in potestatem domini deueniat. Quod contingit, cum seruo datur in gratitudinem alicuius obsequij absque praedictio domini facti. Secundò, si ab ipso domino concessum est vel gratis, vel in praemium alicuius extraordinarij laboris. Tertiò, si in compensationem iniuriae factae ei donatum est. Quartò, si pecunia sic accepta aliquid acquisiuit. Ex his enim bonis eleemosynam facere potest pro libito: tum quia multorum sententia est perfectum habere illorum bonorum dominium, & administrationem, neque posse à domino absque iniustitia impediri, quia leges decernentes seruum non posse tibi, sed domino acquirere, non sunt cum eo rigore receptae: alias nunquam se posset seruus redimere, neque contra dominum actionem habere, neque cum eo contrahere, contra *l. vix, §. 3. ff. de iudic.* Adde etiam in supradictis casibus non haberet seruus illorum bonorum dominium, negari non potest habere administrationem, quam saltem ex fidelitate impedire non potest dominus, ac proinde eleemosynam pro libito facere ex illis potest. sic *Aegidius de Coninch dub. 5. num. 46. Suarez disp. 7. sect. 2. num. 2.*

4 Idem quod dictum est de seruis mancipijs, dicendum est de famulis, facere, inquam, posse eleemosynam ex bonis proprijs, secus ex bonis dominorum, nisi rationabiliter praesumentur ratum habituros. sic *Coninch supra, num. 50.*

5 Prodigus, cui datus est curator, & bonorum administratio est interdicta, nequaquam potest facere eleemosynam magnam: constat ex *l. 2. ff. de curatorib. furios.* paruas autem eleemosynas, & suo statui conuenientes facere poterit; quia in iis non videtur sibi praedictio, neque officium curatoris eludere.

6 Minor, & pupillus eadem ratione non poterunt absque tutorum, vel curatorum consensu magnam, & excedentem eleemosynam facere, quia non habent expeditam suorum bonorum administrationem. At poterunt eas eleemosynas facere, quas alij eiusdem conditionis facere solent: quia in iis faciendis tutor, vel curator consentire debet. sic *Coninch disp. 27. dub. 5. num. 61.* Quod si de facto aliquam grauem, & magnam eleemosynam faciant, factum tenebit, neque obligatus est recipiens reddere, quousque repetatur à curatore, vel à minore petente restitutionem in integrum: quia sunt accepta à vero domino. sic *Molin. tractat. 2. disp. 277. num. 2. Sanchez plures referens lib. 6. disp. 38. num. 1. Anton. Gomez 2. variarum, cap. 14. Lessius lib. 2. cap. 18. num. 81.*

7 Tutores, & curatores, & omnes illi, quibus alienorum bonorum cura demandata est, possunt moderatas eleemosynas facere; quia id pertinet ad rectam bonorum administrationem, quae illis commissa est, & in bonum

num pupilli, & minoris cedunt, ipsique consentire tenentur. sic Azor 2. part. lib. 12. cap. 10. *quest. 5.* Lorca 2. 2. *disp. 40. merub. 1.* Vasquez *opusc. de elemos. cap. 4. num. 2.* Bonac. *disp. 3. quest. 4. de charit. p. 6. num. 26.*

8 Filiusfamilias etiam si impubes sit, non potest ex bonis profectitiis, aut aduentitiis eleemosynam facere, nisi quatenus præsumitur pater consenturus: quia horum bonorum dominium, vel saltem ususfructus apud patrem residet. Præsumitur autem pater consentire, si ex datis sibi ad congruam sustentationem, honestamve recreationem aliquid subtrahat, ut in eleemosynam expendat. sic Coninch *disp. 27. dub. 5. num. 58.* Vasquez *cap. 4. de elemosyn. num. 3.* De bonis autem castrensis, aut quasi, poterunt, quas voluerint, eleemosynas facere, quia plena eorum administratio illis competit. quod intelligendum esse dicit Coninch de filiis puberibus: nam si impuberes sint, existimat non esse facile permittendum dare magnas eleemosynas ob iudicii imbecillitatem, argum. *l. fin. C. de testam. militis.* ubi denegatur potestas testandi tribuno militi etiam de bonis castrensis, eo quod stabilem mentem nondum sit adeptus. sed, ut bene advertit Lessius *lib. 2. cap. 18. dub. 11. num. 78.* supradicta lex solum locum habere potest in testamento, vel in donatione facta extraneo, non tamen ad causas pias, qualis est eleemosyna; si tamen hæc eleemosynæ in damnum graue ipsius filij familias cedant, poterit petere restitutionem in integrum, & illas non ut eleemosynas, sed ut donationes prodigas reuocare. Lessius *lib. 2. cap. 17. dub. 9.*

9 Religiosus superior, cui bonorum conuentus administratio commissa est, aliquas eleemosynas facere potest ex his, quæ decenti subditorum sustentationi supersunt: quia in iis conuentus consentire debet; & ad rectam illius administrationem pertinet. Item solum prohibetur profanas donationes facere, ut constat ex Bulla Clem. VIII. *de largitione munerum*, edita anno 1594. cuius meminit Quaranta, *verbo largitio munerum pag. 361.* Ergo donationes ad pias causas ei tacite conceduntur. Alij autem religiosi subditi nullas facere eleemosynas possunt, nisi ex tacito, aut expresso superiori consensu: censetur autem superior consentire aliquibus eleemosynis religioso statui convenientibus, ex eis, quæ eis ad viaticum, vel congruam sustentationem extra monasterium existentibus conceduntur, quia datur illis libera xunc illorum bonorum administratio. sic ex omnium sententia Suar. *disp. 7. sect. 2. num. 3.* Vasquez *de elemos. cap. 4. num. 1.* Raro tamen præsumitur consentire, ut existentes in monasterio eleemosynam faciant ex iis, quæ sibi ad victum apponuntur, quia obstat hæc dispositio rectæ domus gubernationi: sic Lorca 2. 2. *disp. 3. sect. 36. num. 6.* Torres *disp. 84. dub. 2.* Coninch *disp. 27. dub. 5. num. 47.* Lessius *lib. 2. cap. 18. dub. 11. num. 85.*

10 Restat dicendum de vxore, de qua duo sunt certa. Primò, certum est vxorem habentem aliqua bona, quorum dominium, & administratio ipsi competit, posse de illis disponere, prout voluerit. Hæc bona sunt, si quæ ad matrimonium tulit præter dotem, quæque vocantur bona paraphernalia. Item si quæ labore suo, & industria lucrata est, ad quem laborem ipsa non tenebatur, cum (ut suppono) sufficientem dotem attulerit pro oneribus matrimonij. Tertiò, si ex assignatis à marito in sustentationem aliquid subtrahit, quia videtur illud suo labore esse acquisitum, vel ex consensu tacito viri disponi. sic ex D. Thom. Paludan. Nauarr. & alijs docet Nauarr. *opusc. de elemosyn. cap. 4. num. 4. & 6.* Coninch *disp. 27. dub. 5. num. 51.* Lessius *lib. 2. cap. 12. dub. 14. num. 84.* Bonacina *disp. 2. de restitut. quest. 10. punct. 2. a num. 5. & 9. versic. quarto.* Aduerto tamen hoc verum esse spectato iure communi. Nam in Hispania

alia aliter est dicendum, cum non solum dotis, sed etiam paraphernalium bonorum administratio ad maritum pertinet, & omnia lucra constante matrimonio communia sunt utrique coniugi. sic Vasquez *supra.* Probabile tamen est hanc dispositionem regiam solum habere locum in vxore nuptiis iam celebratis, vel in sponsis matrimonio consummato, secus in sponsis etiam de presenti nondum cognitis, nec traductis ad domum. Couarr. 2. p. *decret. cap. 7. §. 1. num. 4.* Valent. 2. 2. *disp. 3. quest. 9. p. 6. fine.*

11 Secundò certum est apud omnes vxorem non posse de dote, nec de bonis communibus eleemosynam facere absque viri consensu, quia esto habeat illius dominium; non tamen habet administrationem.

12 Hoc tamen limitandum est. Primò, ut non procedat de eleemosynis paruis, quas aliz fœminæ suæ qualitatibus facere solent: nam has posse vxorem facere ferè omnes admittunt, quia in iis consentire debet vir ob consuetudinem receptam: & quia hæc eleemosynæ largitio pertinet ad congruam, & decentem mulieris sustentationem, quam præstare vir tenetur, neque censendus est per absolutam prohibitionem has prohibere, sed solum magnam, & excessiuam. sic ex Nauarr. August. & Syluest. docet Suar. *disp. 7. sect. 2. num. 5.* Vasquez *de elemos. cap. 4. num. 4.* Coninch *disp. 27. dub. 5. num. 52.* Lessius *lib. 2. cap. 12. dub. 14. num. 85.* Bonac. *disp. 2. q. 10. de restitut. p. 2. num. 6.*

13 Secundò limitant aliqui, ne procedat, cum maritus est diu absens, vel amens, quia tunc competit vxori bonorum administratio, ac proinde eleemosynarum largitio. sic Nauarr. *summ. cap. 17. num. 154.* Vasquez *num. 6.* Coninch *supra num. 54.* Sed subdit Nauarr. non debere excedere quantitatem, quæ à marito sui compote, vel præsentem daretur. At Lessius *lib. 2. cap. 12. dub. 14. num. 86.* cum Palud. Syluest. & Angelo, & Coninch *supra.* Bonac. *num. 9. vers. quinto,* doctrinam sumant sine hac limitatione, sed absolutè dicunt eas eleemosynas facere posse, quæ sibi regulante prudentia visa fuerint conuenire. At mihi dicendum videtur cum Vasquez doctrinam Nauarr. veram esse in casu absentiae mariti, doctrinam Lessij, Paludani, & aliorum in casu amentiae; quia in casu absentiae mariti est à marito vxori concessa administratio, & nomine mariti administrat; ipse enim est, qui administrationem retinet, licet illam ob absentiam exercere non possit: non igitur vxor alio modo administrare potest, quam sibi à marito fuerit præscriptum, vel quem intelligit marito placitum esse. At in casu amentiae, cum ipsa sit à iure simpliciter administratrix, poterit, prout prudentia dicabit, eleemosynas facere.

14 Tertiò limitant, ut non procedat, si eleemosynas faciat ad auertendum malum aliquod temporale, vel spirituale sibi, vel marito imminens, impetrandumque à Deo, sui suorumque conuersionem. Quia licet in iis maritus non consentiat, consentire debet, quia vtiliter eius gerit negotium. sic Lessius *lib. 2. cap. 12. dub. 14. num. 85. vers. sexto.* Suarez *disp. 7. sect. 2. num. 5.* Nauarr. *cap. 17. num. 153.* Vasquez *in opusc. de elemos. cap. 4. num. 5.* Bonac. *disp. 2. de restitut. quest. 10. p. 2. num. 9. vers. tertio.* & fauet exemplum Abigail 1. *Reg. 25.* quæ laudabiliter munera obtulit David, ne in suum maritum amplius fœuaret. Hæc tamen limitatio sic absolutè sumpta mihi nullo modo probatur, quia appetit viam vxoribus omnia bona liberè expendendi in pauperes, putantes id sibi licere, ut à Deo impetrent gratiam, ne maritus vitiosus & inhonestus sit. Quocirca, ut bene dicit Coninch *disp. 27. dub. 5. num. 56.* solum in casu aliquo raro id est permittendum. Neque exemplum Abigail vrget, quia tunc donatio illa fuit necessarium medium ad temperandam iram David. At eleemosyna regulariter non est medium vnicum, & efficax ad impetrandam

dam peccatoris conuersionem, cum orationibus, ieiuniis, & sacramentorum receptione id obtineri possit.

15 Quartò limitant, & bene, vt non procedat, cum maritus bona dissipat ludo frequenti, compotationibus, luxuriis, & similibus: tunc enim vxor partem sibi contingentem surripere potest, vt se indemnem seruet, & ex illa eleemosynas facere, quantum decens suæ familiæ sustentatio permiserit, quia marito non est concessa bonorum communium dissipatio, sed ministratio, de cuius essentia est, vt cedat in rei administratæ commodum. Cum ergo tunc ipse maritus non administret, sed dissipet, poterit vxor partem, quæ sibi contingit, accipere administrandam, neque teneatur in dissipationem consentire. sic Lessius lib. 2. cap. 12. dub. 14. num. 87. Coninch *disput.* 27. dub. 5. num. 58. Bonacina *disput.* 2. de restit. *quæst.* 10. punct. 2. num. 9. *versic. sexto.*

16 Quintò limitant, vt non procedat, si parentes eius, vel filij ex priori matrimonio habiti patiantur necessitatem, neque habeat bona propria, ex quibus illis prouideri possit, poterit tunc ex bonis communibus petita prius à marito licentia: quia æquum non est eius bona accipere, ipso renuente, si ipso consentiente accipi possunt. Crederem tamen non peccare mortaliter, etiam si hanc licentiam petere omittat, quia vir non est, neque esse potest inuitus in tali eleemosyna: siquidem negata licentia poterit vxor clam surripere, vt obligationem naturalem alendi sic sibi coniunctos exequatur. sic Lessius num. 88. Bonacina num. 9. Nauarr. lib. 3. de restit. cap. 1. num. 161. Quam doctrinam extendunt supradicti Doctores ad fratres ob naturalem coniunctionem; spectat enim ad decentem vxoris statum, ipsiusque honorem, ne fratres suos permittat egere, cum bona habeat, ex quibus possit succurrere; fauētque *l. m. i. 73. §. 1. ff. de iure dotium*, ibi, manente matrimonio non perditur vxori ob has causas dos reddi potest, vt se, suosque alat, vt fundum idoneum emat, vt in exilium, vel in insulam relegato parenti præstet alimoniam, vt egentem virum, fratrem, sororemve sustineat.

17 Debet tamen vxor, quæ sic dederit, computare in sua parte, quando dissoluto matrimonio ad partitionem venerit cum viri hæredibus; quia non est æquum, vt ex alieno consanguineis succurrat, cum habet propria. sic Lessius, & Bonacina *supra*.

18 Tandem aduerto sermonem hucusque esse de eleemosyna, quæ sit per pecuniam, aut simile. Nam si de eleemosyna in actionibus humanis consistente loquamur, certum est vxorem, filium familias, religiosum, seruum posse liberè illam præstare, dummodo nihil deroget imperio illorum, quibus subditur. sic Suarez *disput.* 7. sect. 2. num. 2.

19 Sed inquirens, an eleemosynæ coniugum computandæ sint in parte, de qua possunt liberè disponere?

Spectato iure regio Castellæ nullus, qui legitimos descendentes habeat, potest ultra quintam bonorum partem aliis extraneis liberaliter donare. *l. 30. Tauri*, quæ est *l. 13. tit. 6. lib. 5. compilat.* si tamen caret filiis, & habet parentes, solum de tertia disponere potest. *l. 6. Tauri*, hodie *l. 1. tit. 8. lib. 5. compilat.* Dubium ergo est, an de hac eleemosynæ in vita factæ computari in hæretica, vel quinta parte; ita vt si excedant, non possit quis amplius disponere, sicut computantur in morte?

20 Breuker respondeo (latius tractandum in materia de donationibus) si eleemosynæ excessiuæ grauiter non appareant, sed potius prudentis arbitrio videatur moderatæ, & conuenientes conditioni, & qua-

litati donantis, eiusque possibilitati nequaquam computandæ sunt, in quinta, vel tertia bonorum parte, de quibus liberè potest disponere, sed ex toto acervo possessionis detrahendæ sunt, tanquam ea, quæ rigorosè sunt debita. Ratio est, quia harum eleemosynarum elargitio ad rectam domus gubernationem, decentemque sustentationem donantis pertinet: quæ ratio cessat, cum eleemosynæ sunt excessiuæ. Præterea excessiuæ eleemosynis defraudari hæredes possunt omni sua hæreditate; secus eleemosynis moderatis. sic docent Molin. *tom. 2. tractat. 2. disput.* 182. §. *dubium est*. Thomas Sanchez alios referens lib. 6. de matrim. *disput.* 36. num. 6 & 11.

PUNCTVM XIV.

Quibus danda sit eleemosyna.

- 1 *Facienda est indigenti, modò non foueat eius iniquitatem.*
- 2 *Vagabundis non est facienda eleemosyna, nisi grauiter indigeant.*
- 3 *Simulato pauperi vera est eleemosyna, qui affirmant.*
- 4 *Ex hac doctrina inferunt non esse obligatum restituere, tamen si obligatus sit deceptionem tollere.*
- 5 *Probabilius est nullam esse eleemosynam ficto pauperi concessam, ipsiusque obligatum esse restituere.*
- 6 *Sæpius fundam. num. 3. adducto.*
- 7 *Facienda est restitutio domino, vel veris pauperibus.*
- 8 *Quibus pauperibus distribuenda est eleemosyna, cum à testatore mandatum est in pauperes distribui, & quid de filio spurio testatoris.*
- 9 *Vni tantum non potest integra eleemosyna distribuenda in pauperes concedi, neque alijs pauperibus à designatis.*
- 10 *Executor potest suis consanguineis pauperibus eleemosynam in pauperes determinatos distribuendam concedere, fraude cessante.*

1 **C**onstat apud omnes dandam esse pauperi indigenti, siue iustus sit, siue iniustus, siue amicus, siue inimicus, modò non credatur iniquitatem, & inimicitiam de eleemosyna fouendam esse, quia tunc nullo modo facienda est illi eleemosyna, vt dixit Augustinus *epist.* 48. *ad Vincenium Donatistam*, paulo post initium, vilius esurienti panis tollitur, si de cibo securus iustitiam negligebat, quàm esurienti panis frangitur, si iniustitiæ seductus acquiescat: & tradit Vasquez *opuscul. de eleemosyna*, cap. 3. dub. 4. num. 9. Medin. *C. de elemos.* cap. 7. Coninch *disput.* 27. dub. 6. num. 70. quia anima, plusquam corpus diligenda est.

2 Ex his infertur patientibus necessitatem non ob amorem virtutis, sed ob otium, tædiūque laboris, quales sunt vagabundi, quique regulariter vitiis pleni sunt, non debet eleemosyna concedi, quia sic fouetur eorum malitia. Sotus in *deliberat. causa pauper.* cap. 3. Lorca 2. 1. sect. 3. *disput.* 37. num. 10. Vasquez *tractat. de elemos.* cap. 2. dub. 1. Coninch *disput.* 27. dub. 6. num. 69. & probat *authent. de questore, cellar.* 6. & *l. 1. 2. 3. & 6. lib. 8. noua compilationis*. Excipe, nisi in grauem necessitatem incidissent, & eleemosyna sic data crederetur ad meliorem frugem esse reducendos; quia in tali casu prodest eleemosyna corpori, & animæ. sic Coninch, Lorca, & alij *supra*. Qui bene aduertunt, pauperes nobis occurrentes non esse facilè huius qualitatis præsumendos: fieret enim illis iniuria manifesta, si absque sufficienti fundamento

mento putarentur otio torpentes, & laboris tædio eleemosynam expostulare: potius enim credendum est ex necessitate, vel amore virtutis sic victum querere.

3 Difficultas est, an eleemosyna data pauperi simulato dominium in illum transferat? Affirmat Lessius *lib. 2. de iustis. cap. 18. dub. ult. in fine, num. 132.* Egid. de Coninch *disput. 27. dub. 6. cum Soto lib. 9. de iustis. quest. 7. artic. 3. sub finem.* Mouentur, quia si error non procedit circa substantiam actus, sed circa accidentia, non reddit actum ipso iure irritum, sed solum irritandum pro voluntate decepti. Sed talis videtur esse huiusmodi error, quia substantia eleemosynæ non petit pauperem veram, sed sufficit existimata; quia non minus apud Deum valet donatio facta vero pauperi, quam ficto, si fictio prorsus ignoratur. Et confirmatur, quia aliàs donatio facta pauperem simulanti esset nulla, si donaturus non esses, si simulationem cognosceres: & matrimonium cum ignobili, & paupere contractum inualidum esset, si existimabas nobilem esse, & diuitem, & beneficij collatio facta ignorant, & moribus depranato, nulla esset, si existimabas esse doctum, & probum: quæ omnia videntur difficultia. Ergo dicendum est absolute illam donationem validam esse.

4 Hinc inferunt Coninch, & Lessius sic eleemosynam accipientem non esse obligatum directe eam restituere, quia illius habet dominium; obligatum tamen esse deceptionem tollere, quia iniuste alium decepit, & ad sibi donandum per fraudem induxit; vt sublata deceptione donans liber maneat ad confirmandam donationem, vel ad illam repetendam. Quod si noluerit huic obligationi satisfacere, debet reddere acceptum. Si tamen fraus donanti manifestari non potest, neque acceptum restitui, poterit accipiens retinere, neque in pauperes obligatus est expendere; quia pauperes nullum ius acquisierunt. Sotus verò absolute affirmat nullam esse in accipiente restitutionis obligationem; quia causa finalis illius donationis, quæ fuit charitas Dei, verè extitit, etiamsi impulsua defecerit, deficiente vera paupertate in accipiente eleemosynam.

5 Nihilominus dicendum est eleemosynam datam ficto pauperi nullam esse, & obligatum esse accipientem restituere sic acceptum. sic Nauarr. *cap. 17. num. 107.* Medin. *Cod. de restit. quest. 124.* Adrian. *in 4. tractat. de restit. quest. quæ incipit, Consequenter quæro, utrum indistinctè teneatur homo quidquid simulationis.* Scotus 4. *distinct. 15. quest. 2. artic. 3.* Angel. *verbo restitutionis. 1. verbo turpe lucrum, §. 3.* Caietanus *in summ. verbo restitutionis, cap. ult. casu 4.* Vasquez *de eleemosyn. cap. 3. dub. ult. num. 12. & 15.* & alij. Ratio est, quia error hic commissus est substantialis, & reddit actum quoad substantiam inuoluntarium. Ergo nullum. Antecedens probo. Quia eleemosyna essentialiter respicit miseriæ releuationem. Ergo si nulla est miseria, quæ releuetur, nulla esse potest eleemosyna. Neque obstat quoad Deum habere illam donationem eleemosynæ meritum; quia ad hunc finem sufficit esse existimatam miseriæ, quia Deus solum intentionem donantis spectat: at in re non est illa donatio vera eleemosyna, cum in re non sit vlla miseriæ releuatio. Quod exemplo adorantis hostiam non consecratam existimando esse consecratam illustrari potest: ille enim externus cultus meritum adorationis, & religionis habet: in re tamen non est vera religio, cum nihil sit in illa hostia religione dignum.

6 Ex his dissoluitur contrarium fundamentum. Ad confirmationem nego simulationem sanctitatis reddere eleemosynam nullam; quia sanctitas non perti-

net ad eleemosynæ substantiam, sicut pertinet paupertas. Et idem est de matrimonio cum ignobili, & paupere, quia non est conditio, cui de iure, aut ex natura rei contrahens debet inniti: collatio autem beneficij facta ignorant, vel improbo erit nulla, si ignorantia, aut improbitas tanta est, vt tollat à recipiente dignitatem, & sufficientiam; secus aliter. Quocirca vt contractus nullus sit ob aliquam conditionem tacitam, vel falsè expressam; videndum est, an sit conditio illa cui contrahens inniti debeat iure ipso. Nam si talis sit, reddit donationem irritam: secus e contra. Hinc est collationem beneficij factam insufficienti, simulato sufficienti nullam esse, quia sufficientia est à iure requisita, vt valida sit. Secus verò, si se amicum, consanguineum, aut pauperem simulasset, & matrimonium liberæ personæ cum seruo ignorata seruitute nullum est, quia est conditio à iure requisita, secus si ignoraretur esse pauper, nobilis, aut moribus deprauatus.

7 Cui autem facienda sit hæc restitutio? variant supradicti Doctores. Nauarrus, Caietanus, & Medina existimant pauperibus esse faciendam; quia sic executioni mandatur voluntas donantis: hæc enim facit à se dominium abdicare, & pauperibus tribuere, quæ voluntas ob simulatam pauperem non potuit obtinere effectum. Alij dicunt donanti debere restitui, præcipue si res sit magni momenti. sic Lessius, Sotus, & alij. Existimo tamen cum Vasquez *illo cap. 3. dub. ultim. fine, num. 24.* vtrique restitui posse & domino, & pauperibus, cui simulatus pauper voluerit. Domino, quia illius est: pauperibus, quia dum non constat voluntatem retractasse, censetur perseuerare in priori voluntate, quæ fuit velle rem illam à se abdicare, & pauperibus tribuere. Ergo pauper fictus reddens veris pauperibus voluntatem domini exequitur, & iuxta eius beneplacitum de re disponit.

Secunda difficultas est, quibus pauperibus distribuenda eleemosyna sit, cum quis à testatore potestatem habeat aliquam pecuniam in pauperes distribuendi? Certum est explorandam esse, quoad fieri possit, voluntatem committentis, quia nomine ipsius fit distributio, eius tamen voluntas præsumitur esse, vt pauperes consanguinei exteris præferantur, & inter externos pauperiores, & nobiliores, quia charitati hæc distributio conformior est. sic Augustinus Barbosa 3. *part. de potestate Episcop. allegat. 83. num. 17. & 18.* Solum ab hac regula videtur excipiendus filius spiritus testatoris, qui in distributione honorum pauperibus relictorum eligi non potest ab executore. sic Menochius *lib. 4. præsumpt. quest. 96. num. 12.* Gutierrez *præct. lib. 3. quest. 55. num. 21.* & alij, quos sequitur, & refert Barbosa *dicta allegat. 83. num. 24.* Quod intelligendum est, si vltra alimenta ei donentur. Nam alimenta ei debentur, & testator obligatus erat relinquere. Quapropter executor optimè voluntatem testatoris in hac parte præsumere potest, & debet: sic alijs relatis docet Matien. *l. 7. glossa 5. num. 3. tit. 8. lib. 5. recopilat.*

9 Vni tantum integrum legatum non est concedendum, si in pauperes mandetur distribui: videtur enim pauperum communitati iniuria fieri. Menochius *de præsumption. lib. 4. quest. 125. num. 20.* Cenedo *præct. & canon. quest. lib. 1. quest. 35. num. 13.* Augustinus Barbosa *supra num. 19.* Et ob eandem rationem, si determinatos pauperes testator elegerit, non poterit executor alijs donare, quia ius ex electione acquisierunt. Quod non solum verum habet, cum quilibet determinatè eligitur, sed cum eligantur sub aliqua ratione communi, v. g. si eligantur pauperes alicuius ciuitatis,

ciuitatis, non poterit aliis alterius ciuitatis distribui. Hinc est legatum factum pauperibus concurrentibus ad portam testatoris, non posse infirmis existentibus in hospitali distribui. sic Barboſa *dicta alleg. 83. num. 20.* cum Marc. Anton. Genuenſ. *practic. Ecclesiast. quaest. 214. per totam*; & à fortiori legatum distribuendum pauperibus verecundis (vulgò *en vergonzantes*) non poterit iis, qui ostiatim postulant, & multò minus mendicantibus religiosis distribui.

10 An verò executor sibi, suisque consanguineis distribuere legatum possit? Credo posse fraude omnino cessante. González *ad regul. 8. cancellariae, glossa 2. num. 54. & 55.* Augustinus Barboſa 3. *part. de potestate Episcopi, allegat. 83. num. 22. & 23.* Bonacina *disput. 3. quaest. 4. de charitate, punct. 6. num. 27.* Suarez *disput. 7. de charitate, sect. 1. num. 9.* Ratio est, quia si executor, eiusque consanguinei verè indigeant, verè pauperes sunt. Ergo eleemosyna illis facta pauperibus fit. Ergo iuxta voluntatem testatoris. Neque enim præsumendum est testatorem voluisse excludere executores ob executoris officium à iure sibi aliàs competente ad eleemosynam illam. Neque obstat hunc executores, si à Confessario imponatur in penitentiam, ut aliquid in pauperes distribuatur, non posse satisfacere subueniendo sibi, etsi possit satisfacere subueniendo consanguineis; quia, ut bene dicit Suarez *suprà*, est subuatio sibi facta contra intentionem Confessarii; eo quòd non sit pœnalis, quæ ad penitentiam requiritur. At cum ex præscripto testatoris distribuenda eleemosyna est per executores, non mandatur executori eleemosyna ipsi pœnalis, sed eleemosyna.

PUNCTUM VLT.

De eleemosynarum quæstoribus.

- 1 *Qui sint eleemosynarum quæstores.*
- 2 *Quæ prohibeantur eleemosynarum quæstoribus.*
- 3 *Religiosi mendicantes non possunt ab ordinariis locorum impediri, ne pro suis conuentibus eleemosynas petant.*
- 4 *Si nulla mercede accepta, neque indulgentiis publicatis eleemosynas petas in finem alicuius pïj operis, non indiges licentiâ ordinarij.*
- 5 *Ipsò ordinarij potest tibi hanc petitionem prohibere, quousque constet nullum periculum subesse.*
- 6 *Episcopus non potest licentiâ postulandi concedere, si ex postulatione quæstum sibi queris postulans, vel indulgentias publicat. Secus si probata vita sit, neque signa quæstoris gerit.*
- 7 *Quid in Lusitania, & Castella regno sancitum sit de his quæstoribus.*
- 8 *Episcopus in eleemosynarum quæstores animaduertere potest, tametsi exempti sint.*

1 **Q**UÆSTORES eleemosynarum illi propriè dicuntur, qui eleemosynas quærendo, vtilitatem sibi quærent, ut tradit ex Baldo *consil. 27. volum. 1.* Barboſa 3. *part. de potestate Episcopi, allegat. 109. num. 6.* Quòd dupliciter fit. Primò, si pio loco obligentur se daturos tantam quantitatem, modò illis conceatur integra eleemosyna, quam sperant consequi. Secundò, si pius locus obligetur dare aliquam mercedem pro eleemosynæ petitione.

2 Hi ergo eleemosynarum quæstores, quia falsas reliquias, indulgentias, & facultates publicabant, indecentèrque vivebant cum non leui reipublicæ Christianæ detrimento: ideo in *cap. cum ex eo, de penitent. & remissionibus*, & Clement. 2. eodem titulo, statu-

tum est, ne absque facultate Sedis Apostolicæ, vel diocæsani Episcopi hoc munus gerant, & tunc ne aliud prædicent, nec populo proponant, præter id quòd in supradicta facultate continetur: quibus decretis inhærens Tridentin. *sess. 5. de reformatione, cap. 2. in fine*, statuit, ne quæstores eleemosynarum, qui quæstuarij vulgò dicuntur, cuiusque conditionis existant, nullo modo nec per alium prædicare præsumant, & contrà facientes ab Episcopis, & ordinariis locorum priuilegiis quibuscunque non obstantibus, opportunis remediis omnino arceantur. At quia hæc prohibitio sufficiens non fuit, ut eorum malitiæ remedium poneretur, sed potiùs magno fidelium scandalo quotidie augebatur absque nulla spe emendationis, ideo Tridentin. *sess. 21. cap. 9. de reformatione*, statuit, ut posthac in quibuscunque Christianæ religionis locis eorum nomen, atque vsus penitus aboleatur, neque ad officium huiusmodi exercendum vllatenus admittantur, non obstantibus priuilegiis, Ecclesiis, monasteriis, hospitalibus, pijs locis, & quibuscunque cuiuscunque gradus, status, & dignitatis personis concessis, aut consuetudinibus etiam immemorabilibus.

3 Circa huiusmodi decretum dubium exortum est, an regulares mendicantes impediri possint ab ordinario, ne eleemosynas pro suis conuentibus petant? Alicui videbitur id fieri posse; quia reuocantur in dicto decreto omnia priuilegia, tam monasteriis, quàm singularibus personis cuiuscunque conditionis existant, concessa. Ceterùm omnino tenendum est, non posse ab ordinariis locorum talem petitionem impediri. sic optimè probat Nauarr. *lib. 3. de regularib. cap. 79. num. 4.* Emanuel Rodriquez *tom. 2. quaest. regular. quaest. 57. artic. 7.* Barboſa 3. *part. allegat. 109. num. 7.* Ratio est manifesta, tum quia à Sede Apostolica constituuntur mendicantes. Ergo nequit ab ordinario illis prohiberi mendicatio. Tum quia non sibi, sed communitati eleemosynas quærent, cum proprium habere non possint. Ergo non sunt propriè quæstores prohibiti à Concilio. Tum denique, quia ita sacra Concilij Congregatio declarauit anno 1621. ut testatur Barboſa in hæc verba: Sacra Congregatio Cardinalium Concilij Tridentini interpretum censuit fratres ordinum mendicantium nequaquam posse ab Episcopis prohiberi, quominus per se ipsos in diocæsibus, vbi habent conuentus, eleemosynas quærant: sed tantùm si extra loca, vbi monasteria existant, quæritare voluerint, teneri suorum superiorem licentiâ ordinario ostendere. Ecce qua ratione solum possunt ordinarij examinare licentias horum fratrum, si extra loca, vbi sunt conuentus, quærant eleemosynas: quòd si compertum fuerit licentiâ à suis Prælatibus habere, impediri non possunt.

4 Secundum dubium est, an possis eleemosynas petere tibi pauperi, vel alteri pio loco necessitatem patienti absque vlla Pontificis, & diocæsani licentiâ?

Respondeo posse, si nulla mercede accepta, neque indulgentiis publicatis petas. Tum quia à Concilio non prohibentur eleemosynarum quæstores, qui absque vlla fraude gratis eleemosynas colligunt, & indigentibus distribuunt. Sed ad summum prohibentur, qui ex ipsis eleemosynis alteri quæstis sibi lucrum quærent, & quæstum intendunt, ut bene ait Tuscus *tom. 6. verbo quæstores, conclus. 46.* Tum quia non vtrumque videntur ij quæstores prohibiti, sed illi tantùm, qui prædicando, vel publicando indulgentias concessas eis, qui manus porrexerint adiutrices pijs locis,

locis, quorum ipsi sunt quæstores, & pro quibus eleemosynas petunt. sic Nauarr. *dicto consil. 79. de regular. alijs 33. de pœnitent. & remission.* Emanuel Rodrig. *tom. 2. quæst. 57. num. 5.* qui inde colligunt. Nam decretum Tridentini expeditum fuit ad declarationem, & confirmationem, *cap. cum ex eo, & clem. abusionibus, de pœnitent. & remission.* qui textus ponuntur sub titulo *de pœnitent. & remission.* & in capitulis, qui tractant de indulgentiis, & de vŭ, vel abusu quæstorum in illis prædicandis. Item colligunt ex fine prædicti decreti Tridentini, quatenus prohibet in vltimis verbis publicari indulgentias per quæstores, & permittit earum publicationem per deputatos ab ordinariis cum consensu duorum ex Capitulo. Tum quia vŭ receptum est plures quærere eleemosynas pro hospitali necessitate patiente, pro pauperibus in carcere constitutis, pro virginibus; & viduis honestis, ac proinde pro quibusvis egenis: qui quæstores non exterminantur, sed potius fouentur, & laudantur à Prælatiŭ Ecclesiæ, populoque Christiano, vtpote qui opus pietati, & charitati maximè consentaneum præstent. Signum ergo est hos quæstores non esse prohibitos, sed illos tantum, qui lucrum temporale intendentes mercede accepta huic operi incumbunt, vel, vt placet Nauarr. & Rodrig. qui insuper diligentias, & gratias prædicant concessas eis, qui manus adiutrices sibi potrexerint: quod non leuiter indicauit Concilium, cum in principio illius capituli dixerit, multa in diuersis Conciliis, Lateranenŭ. Lugdunenŭ. & Vienen. aduersus prauos eleemosynarum quæstorum abusus remedia esse adhibita, tacite insinuans nihil aliud intendi, quàm prauos vsus, & consuetudines quæstorum remouere, & cum subdit nomen quæstorum, & vŭm penitus abolendum, neque ad supradictum officium vllatenus admittendos, satis denotat quæstoris officio abutentes exterminari debere; non illos, qui pietate ducti officium nulla mercede accepta, nulla indulgentia publicata exercent: sic docent Tuschus, Nauarrus, Rodriguez *locis citatis.* Augustinus Barbosa 3. p. *de potestate Episcop. allegat. 109. num. 5. 6. & 7. & in remissionibus ad Concilium sess. 21. cap. 9.* Emanuel Saa *verbo quæstuarij in vtraque editione*, inquit. Quæstuarij eleemosynarum nullibi admittendi ex Concilio Tridentino, vbi tamen non prohibentur, qui sine indulgentiarum publicatione petunt pro se, aut loco pio, quive collectas eleemosynas in pios vsus erogant.

5 Verùm etsi supradictum officium seruatis supradictis conditionibus absque diœcesaniŭ licentia exercere potest. Nihilominus diœcesanus poterit, & merito tibi prohibere exercendum, quousque sibi compertum sit nullum periculum scandali in tali exercitio adesse, seruarique conditiones omnes, sub quibus facultas postulandi solet concedi, vt statim dicam. Ratio est, quia ad locorum ordinarios spectat licentias, & facultates concedere eleemosynas per loca quæritandi. Franciscus Leo *in thesauro fori Ecclesiast. p. 4. cap. 2. num. 146.* Barbosa *allegat. 109. num. 8.* Ergo etiam ad ipsos ordinarios spectat postulantes examinare, & prohibere, qui sibi non satisfecerint: aliàs non erit satis huic ministerio consultum, & respublica multitudine postulationum grauari poterit.

6 Terriò dubitatur, an possit Episcopus licentiam concedere postulandi eleemosynas pro aliquo pio opere?

Respondeo nequaquam posse, si postulans quæstum ex postulatione quærit, aut indulgentias, & facultates postulando publicat; quia Concilium hunc quæstorum vŭm, & nomen penitus aboleri intendit, & cum alicui concedit ex licentia ordinarij pœnitentias

publicari, ne populus Christianus hoc thesauro defraudetur, subiungit id fieri debere nulla mercede accepta, vt sic cœlestes thesauros non ad quæstum, sed ad pietatem omnes intelligant exerceri. Vnde Pius V. omnes indulgentias à se, & prædecessoribus suis concessas, & in posterum concedendas quibusvis personis, & locis, pro quibus obtinendis manus sunt porrigendæ adiutrices, etiam si ab ipsa sede Apostolica facultatem quæstuandi habuerint, sanctissimè, & prudentissimè reuocauit: testatur Gallet. *in Margarita casuum conscientia, verbo indulgentia primo.* Barbosa *allegat. 109. num. 12.* Emanuel Saa *verbo quæstuarij num. 1. in vtraque edit.* Verùm si postulans neque indulgentias publicat, neque quæstum quærit, poterit ordinarius ei dare licentiam petendi, dummodo honestæ, probatæque vitæ sit, nec nomen, aut signum quæstoris gerat, sed eleemosynarum collectoris. Quapropter non debet priuilegia, aut reliquias circumferre, neque campanulam pulsare, aliæue instrumenta, & insignia quæstorum gerere ad excitandas personas, nec minis, aut terroribus ad eleemosynas mouere, neque eleemosynam tanquam debitam, aut solitam petere, neque vlla arte, aut prætextu dicendi orationes Beati Antonij, aut alterius sancti, vel aliter pecuniam extorquere; sed simpliciter, molestè, & diligenter recipere, quod sibi liberaliter fuerit oblatum. Neque debet super iis eleemosynis vllam conuentionem quouis modo facere, etiam in vtilitatem supradicti loci pij: sic decisum refert à sacra Congregatione Zetola 1. p. *praxis episcop. verbo quæstores.* Barbosa *allegat. 109. num. 11. & in remission. Concilij, sess. 21. cap. 9.*

7 Vt autem omnes abusus horum quæstorum penitus aboleantur, prudentissimè in Lusitanio regno l. 5. tit. 103. & in legibus Castella l. 1. tit. 9. lib. 1. & leg. 37. tit. 6. nouè compilat. statutum est, ne petitoria cuiusvis sancti permittantur à magistratibus regiis, nisi regie litteræ ostendantur, quibus expresse nominetur persona, quæ eleemosynam quæsitura est; neque per se, neque per alios concionetur, aut indulgentias publicet. Quòd si aliter fiat, omnes eleemosynæ ab eo quæsitæ quæstori redemptionis captiuorum applicentur: sic aliis relatis docet Barbosa *dicta allegat. 109. num. 13. & in remiss. Conc. sess. 5. cap. 2. de reformat.*

8 Quartò dubitatur, an Episcopus animaduertere possit in prauos eleemosynarum quæstores, etiam si laici sint, aut exempti?

Respondeo esse omnino certum animaduertere posse, non obstante quolibet priuilegio, vel exemptione: sic definitur *in Clement. abusibus, de pœnitent. & remission.* ibi, Quæstores autem, qui deinceps in præmissis, vel aliquo præmissorum deliquerint, vel aliàs etiam quibuscumque suis priuilegijs abusi fuerint, sic per locorum Episcopos puniri volumus (nullo prorsus eisdem quæstoribus in hac parte priuilegio suffragante,) quod à suis temerariis aulibus qui vbique, vt communis habet assertio, nimis excreuerunt,

pœnæ formidine propensius compescantur, & notat Abbas *cap.*

suarum, num. 1. de priuilegijs.

DISPUTATIO III.

De alio externo charitatis effectus
qui est correctio.



RX supradictæ disputationis principio satis constat, opera misericordiæ spiritualis enumerari septem, scilicet, remittere iniuriam inimici, illam patienter ferre, orare pro ipso, & pro aliis fratribus, miserum consolari, delinquentem punire, consulere, & corrigere. De remissione iniuriæ satis diximus, cum de dilectione inimicorum haberemus sermonem, de oratione tract. 7. de religione agendum est. De consolatione miseri nihil speciale occurrit, præter generalem doctrinam sæpe positam de eleemosyna corporali, esse, inquam, solatium adhibendum misero, si illo grauiter indigeat, & sine graui tua iactura comedere possit. Punire autem delinquentem potius ad officium iudicis, quàm priuati pertinet; si tamen hæc punizio decretatiua sit, sub correctione fraterna comprehenditur, sicut & solatium.

PUNCTVM I.

Quid sit correctio, & an sit in præcepto,
& cuius virtutis actus.

- 1 Correctio est sermo, quo proximum niteris emendare.
- 2 Alia est correctio fraterna, alia iuridica.
- 3 Præceptum est correctionis fraterna.
- 4 Satisfit quibusdam taciis obiectionibus.
- 5 Seruanda sunt aliquot conclusiones, ut obliget hoc præceptum.
- 6 Oritur ex virtute charitatis hoc præceptum.
- 7 Impleri potest per actum elictum à charitate, vel à virtute misericordie.
- 8 Satisfieri huic præcepto potest, etiamsi ex prauo mori-
no correctionem facias.

NOmne correctionis in præsentī venit intelligendus quicumque sermo, quo proximum niteris emendare; siue emendatio sequatur, siue non. ita cum D. Thom. 2. 2. *quest. 33. artic. 1.* & communi Theologorum, docet Greg. de Valent. *disp. 3. quest. 10. p. 1.*

2 Duplex est correctio. Alia est correctio fraterna, alia iuridica: correctio fraterna est, qua primò, & per se intendis bonum proximi; correctio verò iuridica, qua per se spectas bonum aliorum, qui per peccatum vnius scandalizantur, & bonum commune, quod turbari cuiusque peccato solet: ideòque hæc correctio ad iustitiam vindicatiua spectat. Correctio fraterna exerceri potest à patre in patrem, & ab inferiore in superiorem, & à superiori in inferiorem, quia ad illius exercitium nulla requiritur iurisdictionis. At iudicialis correctio non potest esse ab alio, quàm à superiore potestatem iurisdictionis habente, in præsentī igitur sermo est præcipuè de correctione fraterna, non de iuridica. Agendumque est, an, & quando obliget, & quomodo.

3 Esse præceptum correctionis fraternæ nemini Catholicorum potest esse dubium; ut latè probat Valent. *disp. 3. q. 10. p. 2.* Torres *disp. 86. dub. 1.* Suar. *tom. 4. de relig. lib. 10. cap. 7. num. 10.* & constat ex illis verbis sæpius repetitis *Ecclesiastic. 19. Corripe amicum, corripe proximum*, & traditur expressè ab Anacleto Papa, in *cap. tam Sacerdotes. 24. q. 3.* Fundamentumque habet *ord. de Castro Sum. Mor. Pars 1.*

in illo charitatis præcepto, *Diliges proximum tuum, sicut te ipsum.* Cum enim si te rectè diligis, velle debes peccatum non committere, illudque procurare, ne animam occidas; idem debes velle, & procurare tuo proximo. Item ex charitatis, seu misericordiæ præcepto teneris proximi miseriam subleuare, si commodè potes: Sed nulla maior miseria esse potest, quàm peccatum, & regulariter ad illum auertendum est medium vnicum correctio. Ergo teneris illam adhibere. Item ex amore in Deum teneris eius iniurias, & offensas impedire, si commodè possis.

4 Neque obstat ruinam spiritualem esse proximo voluntariam, ut ab obligatione illam præcauendi excuseris; quia licet sit voluntaria, ab illa voluntate debes illum remouere, si commodè potes: ille enim etsi possit à peccato desistere, ac difficulter potest ob peccati illecebras, vel ob determinationem sub prauæ voluntatis: hanc autem difficultatem obligaris iuuare vincendam; ut benè dixit Valent. *disp. 3. q. 10. p. 2. pag. 663. 5. Respondeo.* Neque etiam obstat habenti bona propria te non teneri ex propriis eleemosynam facere, quia non censetur esse in necessitate tuorum bonorum constitutus, teneris, inquam, ei propria bona ministrare, quia illis indiget, non tuis. At constitutus in periculo peccandi, & in peccatum vel ex passione, vel ex malicia propensus tuis monitis indiget, ut corrigatur. Teneris ergo illum corrigerè. Ita Lorca 2. 2. *questio. 33. disp. 4. n. 17. fine.*

5 Hoc autem præceptum (ut de te constat) affirmatiuum est, ac proinde obligat solum, cum aliquæ circumstantiæ, & conditiones interueniunt. Tres sunt potissimæ. Prima, ut proximus sit in graui necessitate spirituali constitutus. Secunda, ut possis absque graui tuo, tuorumque incommodo ei subuenire. Tertia, ut fructus ex tali correctione speretur. De quibus conditionibus in discursu disputationis est agendum.

6 Sed inquires, ex qua virtute oritur hoc præceptum. Aliqui dicunt oriri ex illa virtute, aduersus quam proximus peccat; quia quælibet virtus nos inclinat non solum in nobis eius honestatem conseruare, & contraria fugere; sed etiam in aliis.

Cæterum omnino tenendum est cum D. Thom. ferè ab omnibus recepto, 2. 2. *questio. 32. artic. 2.* ex charitate Dei; & proximi hoc præceptum correctionis oriri; quia hæc virtus obligat quodlibet malum Dei, & proximi auertere, quoad fieri possit. Sed peccatum est vtrique malum, ergo obligat illud auertere. Auerti autem debet correctione. Ergo obligat ad correctionem exercendam. Neque obstat quamlibet virtutem nos inclinare, ut eius honestatem tam in nobis, quàm in aliis procuremus conseruare. Quia esto ad id inclinet, non tamen obligat, aliàs contra honestatem peccares, quoties luxuriantem non impedires, & contra tantum quoties furantem non corrigeres. Quod non est dicendum; quia neque ex omissione correctionis luxuriosi es intemperans, neque iniustus ex omissione correctionis iniusti; ut benè notauit. Egid. de Coninch 2. 2. *disp. 28. dub. 2. a. n. 12.*

7 Cum verò huiusmodi præceptum impletur, impleri potest per actum elictum à charitate, & per actum misericordiæ, quæ reputatur virtus distincta. Si ex amore Dei, & desiderio, quo velis Deum non offendi, corripas proximum, actum charitatis elicias. Si verò ex voluntate subleuandi illum à miseria, procedis, actum misericordiæ facis: & ita explicandus est D. Thom. cum dicit esse actum charitatis, ut benè notauit Valentin. *disputatione 3. questio. 10. par. 1. pag. 651.*

8 Vnum tamen est omnino certum, & indubitatum;

FFF ad

ad satisfactionem huius præcepti non requiri necessarium correctionem fieri ex hoc, vel illo motivo charitatis, vel misericordie. Nam etiam si ex malo motivo procedas, satisfacere potes præcepto correctionis, sicuti satisfaceres præcepto ieiunij, vel Missæ audiendæ, vel eleemosynæ erogandæ, etiam si ex pravo fine ieiunares, Missam accedi res, vel eleemosynam tribueres. Et ratio omnium est, quia hæc præcepta non sunt de actibus virtutis residentibus in voluntate, sed de actibus externis misericordie, temperantiae, vel religionis, qui integri esse possunt, etiam si à voluntate depraventur, ut latius in materia de legibus; & docet in præsentibus Bannes 2. 2. *questio. 33. artic. 2.* Ludouicus Torres *ibi disputat. 86. dub. 3. pag. 1078.*

PUNCTUM II.

Quem proximum ex supradicto præcepto obligeris corrigere.

- 1 Exponitur statum questionis.
- 2 Circa proximum, qui peccatum non commisit, tamen si in occasione committendi illud versetur, non est propriè correctio.
- 3 Secus si peccatum commisit & in periculo est illud iterum committendi.
- 4 Si proximus publicè peccat, & à republica permittitur, corripiendus est, si spes sit emendæ.
- 5 Peccatorem in peccato habituali existentem absque periculo committendi peccatum aliquod actuale, aliqui affirmant esse obligationem correctionis.
- 6 Contrarium, ut probabilius defenditur.
- 7 Satisfit fundam. n. 5. adducto.

1 **D**Vplicem statum proximus habere potest. Primo potest esse in peccato. Secundo in illius occasione. In peccato esse potest habitualiter tantum, absque periculo iterum illud committendi, vel cum tali periculo.

2 Si proximus peccatum nullum commisit: at in periculo, & occasione illud committendi versatur. Propriè præceptum correctionis, quatenus correctio est, non te obligat; quia dignus non est correctione, seu reprehensione, qui non deliquit: eaque de causa Christus Dominus non dixit, si peccaturus est frater tuus corripe illum, sed si peccaveris in te, tacitè inultus correctionem lapsum supponere. At esto hoc præceptum non te obliget proximum corrigere; obligaris tamen ex charitate Dei, & proximi eius peccatum quoad fieri potest, impedire; quia tunc non vi correctionis, sed vi defensionis honoris diuini. & boni proximi obligaris. *Ægid. de Coninch disput. 28. de correptione. dub. numero 35. Suar. tom. 4. de relig. lib. 10. cap. 8. num. 3. & 8.*

3 At si proximus peccauit, & insuper est in periculo iterum labendi, omnes Doctores censent tunc propriè esse obligationem correctionis, quia proximus est in graui miseria. Tum ob peccatum commissum, tum ob periculum simile committendi. Item honor diuinus ibi periclitatur.

4 Sed quid si proximus non secretè, sed publicè peccat, & à magistratibus sic permittitur; teneris ne illum corrigere si spes esset fructus? Videris obligatus non esse, quia te opponis licitæ magistratus permissioni. Veneris occasio, ut in rem publicam maiora mala ingrediantur. Cæterum dicendum est te obligatum esse. Sic *Ægid. de Coninch disput. 28. de correptione. dub. 3. numero 33.* Ratio est, quia & Deus offenditur,

ac proximus sibi malum infert. Ergo si hæc auertere potes absque periculo grauioris mali, obligaris. Quod autem id fieri possit, constat, quia conuersione vnius, vel alterius non tollitur, quis aliis pluribus peccatoribus permissio malè viuendi à magistratibus concedatur ex quo manifestè constat differentia, quare magistratus non teneatur hos peccatores impedire, & remouere, sed possit illos permittere, tu verò teneris vnum, vel alium corrigere, quia magistratus non potest vnum, vel alterum corrigere, quin omnes impediat, cum non adest ratio, ob quam potius vni, quam alteri permissionem concedat. At tu ex correctione vnius non obligaris omnes corrigere, neque ex vnius correctione omnes correcti manebunt.

5 Quod si proximus peccauit, cares tamen periculo iterum habendi; dubium est, an teneris illum corrigere?

Bannes, 2. 2. *questio. 32. artic. 3. dubio 1. ad 4. & Valent. disput. 3. quest. 10. part. 2. pag. 662.* Bonac. *disput. 3. quest. 4. part. 7. numer. 4.* & ex parte consentit Suar. *de char. disput. 8. sect. 3. numer. 9.* affirmant obligatum te esse corrigere proximum in peccato habituali existentem, etiam si ipse non teneatur tunc de illo pœnitere, si speres tua correctione fore, ut pœniteat. Mouentur, quia existens in peccato, existit in periculo damnationis, quo nulla est maior miseria. Ergo cum correctio ad subleuandam miseriam proximi dirigatur, efficitur sanè ad hominem existentem in peccato habituali dirigi. Adfunt enim ibi omnes circumstantiæ ad obligationem huius præcepti inducendam, videlicet proximum esse in graui miseria, & te posse absque tuo incommodo ab illa cum liberare. Quod verò ipse proximus non teneatur tunc à peccato surgere, in causa non videtur esse, quominus tu non teneris resurrectionem procurare; ipse enim cedere potest iuri suo, & gratiæ sibi donandæ: ac tu non potes cedere bono alterius ex tua correctione sperato. Deinde obligatio peccatoris surgendi à peccato, & obligatio illum corrigendi à diuersis virtutibus ortum habent; obligatio enim in peccatore surgendi à peccato habituali, vel ex virtute charitatis, quasi ipsum tenetur diligere, vel ex virtute pœnitentiæ, qua tenetur Deo pro peccato factò satisfacere oritur: at obligatio illum corrigendi ex misericordia nascitur, quæ attendit miseriam proximi subleuare. Ergo cum hæ obligationes diuersæ sint, stare optimè potest obligatio misericordie absque obligatione charitatis, atque adeò te esse obligatum corrigere, etiam si alius non sit obligatus à peccato surgere.

6 Nihilominus etsi supradicta sententia probabilis sit, probabiliorem existimo contrariam, nempe peccatum mortale habituale, quatenus tale est, non esse materiam præcepti correctionis, sed solum esse, quando timetur non fore corripiendum proximum suo tempore de illo: quare si à se vel alio sporatur suo tempore corripiendus, non teneris illum de præsentibus corrigere, etsi possis: ita docet Abulen. in *Matth. 18. questio. 83.* Glossa in *cap. si peccaueris: 2. quest. 1.* Reginald. *tom. 1. lib. 4. cap. 25. numer. 332.* Sorus *de regendo secreto. quest. 2. concl. 1.* Lorca 2. 2. *questio. 33. artic. 5. disput. 41. numer. 3.* Eman. Saa *verbo correctio. numero 1. & numero 5. in editione Romana Villalobos. tom. 2. sum. tract. 4. difficile. 2. numero 4.* nobiscum consentit Suar. *disput. 8. sect. 3. numero 7.* vbi ait. Si videas proximum peccasse, & probabiliter existimas suo tempore acturum pœnitentiam, & ex hoc peccato non sumpturum occasionem peccandi, non teneris illum corrigere: idem tenet Torres, 2. 2. *quest. 33. disput. 86. dub. 3.*

dub. 2. pag. 1079. Egid. de Coninch disput. 28. dub. 6. numero 117.

Ratio est, quia non censetur proximus in gravi necessitate esse constitutus, nisi ex occasione peccati commissi sumat occasionem illud peccatum committendi, aut probabiliter existimetur ita permanens in illo peccato, ut suo tempore de illo non doleat: quod iam est novum peccatum. Extra hoc periculum perseverantia in peccato, etiam si gravis miseria sit; non tamen ex misericordia videris obligatus procurare illam tollere: si enim ipse ex charitate sui, quæ strictius obligat, non obligatur statim illam miseriam depellere, quare tu ex misericordia obligandus es procurare? Non enim coherere videntur te esse obligatum corrigere; & alium non esse obligatum admittere correctionem. Cum igitur peccator non statim ac peccat, teneatur de peccato contriti, (ut ferè omnes Doctores fatentur, cum D. Thom. 4. dist. 17. quest. 3. artic. 1. questiuicula 4. ad. 2. Sorus, ibid. quest. 2. artic. 6. Dur. quest. 10. Ioann. Med. Codic. de penit. quest. 6. Nauarr. in sum. capit. 1. numero 27. & 29. Suar. de penitent. disput. 15. sect. 5.) non tenetur correctionem admittere, quæ sibi tunc adhibetur. Ergo nec tu videris obligatus illi correctionem facere. Et confirmo. Peccatum proximi non potes tollere per correctionem immediatè; sed media voluntate ipsius peccatoris. Ergo quando peccator non tenetur apponere suam voluntatem ad tollendum peccatum, non teneris tunc correctionem apponere, cum correctio ad tollendum peccatum proximi ordinetur, quod tolli non potest nisi media voluntate ipsius. Quòdque satis à Christo Domino videtur insinuatim illis verbis, Matth. 18. *Si peccaverit in te frater tuus, corripe eum inter te, & ipsum solum; si te non audierit, adhibe tecum unum, vel duos testes: si illos non audierit, dic Ecclesie: si Ecclesiam non audierit, sit tibi sicut ethnicus, & publicanus.* Si enim ipse peccator nec te, neque testes, neque Ecclesiam tenetur audire, quomodo iudicandus es sicut ethnicus, & publicanus? Ergo quando nullo modo obligatur correctionem admittere, præceptum correctionis videtur cessare.

7 Argumento pro contraria sententia respondeo, existentem in peccato mortali habituali in gravi miseria existere, at non in gravi necessitate ab illa surgendi, cum non instet tempus penitendi, & existimetur illo adveniente fore ut peniteat. Ex eo autem, quòd proximus potest absque peccato cedere bono per correctionem sperato, non obligaris ei illud procurare, quia media eius voluntate procurare debebas. Ad confirmationem dico obligationem in peccatore surgendi à peccato, & in corrigente illum corripienti à diversis virtutibus oriri. At una obligatio cum alia connexa est; quia correctio media voluntate correcti effectum habere debet, cuius voluntas nisi ardeat correctionem admittere, obligatio in corripiente effectus esse non potest.

PUNCTUM III.

Sine proximus constitutus in obligatione peccandi venialiter corrigendus ex obligatione.

1 *Esse obligationem sub veniali aliqui docent.*

2 *Contraria sententia communis est.*

3 *Prima Sententia probabilior videtur.*

4 *Satisfit rationi num. 2. adducta.*

5 *Intelligenda sunt supradicta de peccato veniali, ex quo lapsus in mortale non timetur.*

6 *Si peccans venialiter subditus sit & ex eum peccatis religiosa disciplina labefactetur, Prælatum mortaliter peccat non corrigens. Et idem est de aliis visem Prælati gerentibus.*

7 *Ex sola dissimulatione peccatorum venialium, si occulta sint, non peccat Prælatum graviter.*

1 **E**SS E sub obligatione venialis corrigendum docet Caiet. in sum. verbo correctio fraterna. Sorus lib. de tegendo secreto. memb. 2. questio. 2. concl. 3. Valen. 2. 2. questio. part. 2. circa finem. Villalobos tom. 2. sum. tract. 4. difficult. 2. numer. 5. Lorca. disput. 41. numer. 9. inclinat Suar. disput. 8. de charit. sect. 2. numer. 6. in medio. Ratio, quia hæc est quædam miseria, & maioris momenti, quàm quælibet temporalis. Ergo si absque incommodo potes præcavere, cur non tenendus es?

2. Contrariam sententiam communiter docent Doctores. Paludan. 4. dist. 19. quest. 3. numero 4. Alen. lib. 2. sum. tract. 6. Bannes quest. 32. art. 2. dub. 2. Azor. lib. 12. cap. 4. quest. 4. Torres quest. 33. disput. 86. dub. 2. §. de inde. Reginald. lib. 4. cap. 25. numero 333. Bonac. disput. 3. quest. 4. part. 7. numero 3. Sax in sum. Romana, verbo correctio. numero 5. in addit. ibi, si crimen sit veniale, non est adhibenda correctio. Quod intelligi poterat de obligatione mortali sicuti dicit Sylvest. verbo correctio. quest. 1. Mouentur, quia per peccatum veniale frater non est perditus. Ergo correctio, quæ ad lucrandum fratrem ordinatur, ex illo Matth. 18. *Si te audierit, lucratus eris fratrem tuum*, in peccatis venialibus locum habere non potest. Secundo à peccatis venialibus facillime negotio se potest quis liberare, vel in sacramento, vel extrà. Ergo non indiget auxilio alterius. Tertio esset graue iugum hanc obligationem hominibus imponere, cum omnes in periculo peccandi venialiter frequenter sint.

3 Fateor equidem ratione ductus probabiliorum mihi videri primam sententiam. Esse inquam peccatum veniale non corrigere proximum in occasione peccandi venialiter constitutum, si speras fructum ex tali correctione. Et absque incommodo illam potes efficere. Moueor ratione adducta à Valen. Charitas, & amicitia, & misericordia in proximum non solum te obligat, ne illi consulas, vel adiuues ad peccandum venialiter, sed etiam ne permittas cadere, cum commodè potes à casu removere: sicuti in temporalibus non solum obligaris damnum etiam leve non inferre proximo, sed etiam præcavere, cum possis. Deinde unusquisque tenetur proximum, sicut seipsum diligere, volendo scilicet proximo ea, quæ tenetur velle sibi: sed tenetur quis sub peccato veniali velle in effectum, & procurare sibi immunitatem à quouis peccato veniali. Ergo etiam proximo. Dixi te obligatum esse sub veniali corrigere proximum venialiter peccantem, si speras fructum ex tali correctione, & absque incommodo illam præstare potes: quæ conditiones raro succedunt, ut optimè expendit Egid. de Coninch disput. 28. a. num. 27. & seqq. ac proinde regulariter excusaris à correctione peccantis venialiter.

4 Argumenta pro secunda sententia facta non vrgent. Fateor Christum Dominum Matth. 18. locutum fuisse de correctione peccantis mortaliter, non venialiter. At inde non infertur non esse præceptum de corrigendo fratre peccante venialiter in illo præcepto tacitè inclusum, non quidem sub culpa gravi, sed levis quia leuiter, & secundum quid per peccatum veniale deperditur frater, & sic per correctionem lucratur. Ad secundum respondeo facillè posse peccantem venialiter se à peccato liberare, ut verò faciliùs liberetur, seu ut efficaciter liberetur, indiget correctione. Ad tertium dico non esse graue iugum, quia nec sæpè speratur fructus ex correctione, neque constat de periculo proximi, neque

mi, neque facile abique verecundia eum potes corrigere.

5 Hæc dicta sunt de correctione peccati venialis, ex quo non timetur lapsus in mortale, nam si hic timetur, non levis, sed gravis obligatio erit illud corrigendi, pro gravitate periculi, ut supradicti Doctores docent.

6 Sed quid dicendum, si peccans venialiter subditus sit, & ob eius nimiam licentiam aliis ruina paratur, vel religiosa observantia labefactatur? Dicendum est teneri Prælatum non solum sub obligatione peccati venialis, sed mortalis, tales defectus veniales corrigere. Sic Soto q. 2. concl. 3. de secreto. Lorca 2. 2. quest. 33. disp. 45. n. 4. Bannes de charit. art. 2. dub. 2. Torres disp. 86. dub. 2. §. tertio dicendum. Suar. disp. 8. de charit. sect. 2. n. 6. circa finem. Eman. Saa verbo correctio. n. 5. in edit. Romana. ibi, simplex veniale in Prælato regulari necessaria materia correctionis. Agid. de Coninch disp. 28. dub. 3. n. 24. ubi extendit obligationem ad quemlibet priuatum. Ratio est, quia obligatio non tam est ex præcepto correctionis, quæ bono spirituali proximi attendit, quam ex obligatione officij superioris, quo tenetur religiosam disciplinam conservare, & nullo modo labefactandam permittere. At ex permissione defectuum venialium, si graues sint, & nociui, solet religiosa disciplina nimium labefactari. Tenetur ergo Prælatum hanc diminutionem præcauere; iudices verò sæculares non ita arctantur hac obligatione corrigendi in subditis peccata venialia, nisi defectus essent reipublicæ graue nocumentum inferentes.

• Syndici, visitatores, & alij vices Prælati gerentes tenebuntur Prælatum de defectibus admonere; & si in hac parte nimium dissimulent, & ex eorum dissimulatione religiosa observantia in communitate labefactari prudenter timeatur, peccabunt grauiter. Sicut & Prælatum peccaret scilicet tales defectus, & non corrigens, cum posset: ita Suar. & Lorca & Agid. supra.

7 Ex sola tamen dissimulatione cum aliquo horum defectuum, si occulti sint, non existimo Prælatum peccaturum grauiter, cum ex illis, utpote occultis non detur aliis occasio ruinæ, neque ob illas disciplina religiosa labefacteretur, neque ipse religiosus in periculo proximo sit cadendi à statu religioso, ut suppono. Colligitur ex Bonac. disp. 3. q. 4. puncto. 7. asserente peccata venialia non esse corrigenda sub obligatione, nisi fortè talia sint, ut proximè disponant ad mortalia, aut magnum aliis afferant detrimentum. Et Suar. disp. 8. sect. 2. n. 6. circa finem. Tunc maximè (inquit) poterit esse obligatio in Prælato sub mortali corrigendi venialia, quando defectus sint generales communitatis, quod si in communitatem non redundant, neque ex illis salus proximi in discrimine vertitur, non agnosco ex quo capite obligatio corrigendi sub mortali possit oriri. Idem colligitur ex Torres disp. 86. dub. 2. fine. ubi postquam dixit superiores religionum obligari sub mortali ad reprehendendas consuetudines aliquas contrarias religioni subditorum. Idem dicerem ego de obligatione Prælati ad reprehendendum aliquem fraterna correctione propter aliquod genus peccati venialis nociuum religioni, viz. propter impudica aliqua verba, aut consuetudinem iurandi, aut simile quid, quod religiosum maximè dedecet. Ecce qua ratione ex omnibus auctoribus constat Prælatum non esse sub mortali obligatum corrigere defectus veniales, nisi tales sint, qui religioni ob malum exemplum noceant.

PUNCTUM IV.

An necessariò requiratur, ut obliget correctionis præceptum, cognitio in corrigente de fratris delicto; & in ipso fratre cognitio illius.

- 1 Cognitio moraliter certa de peccato fratris prærequiritur ad correctionis obligationem.
- 2 Si proximus ex ignorantia inuincibili peccat, plures censent non esse necessariò corrigendum.
- 3 Probabilius existimo corrigendum esse.

1 **F**erè omnes Doctores sentiunt non posse esse obligationem certam de corrigendo fratre abique notitia moraliter certa de eius miseria, & necessitate: ita Adrian. 4. quest. de correctione. Nauarr. cap. 24. n. 12. Suar. alius relatis, disp. 8. sect. 3. n. 1. Lorca. 2. 2. q. 33. art. 6. disp. 44. n. 4. Eman. Saa. verbo correctio, in editione Romana. ibi, si mortale incertum, non est adhibenda correctio. Villabos. 1. 2. sum. tract. 4. difficult. 3. n. 1. Agid. de Coninch disp. 28. dub. 6. n. 87. adducique potest Sotus de secret. memb. 2. q. 2. concl. 4. & Torres 2. 2. q. 33. disp. 86. dub. 3. in principio, dicentes requiri, & sufficere notitiam probabilem, & prudentem, cum enim dicunt prudentem, necessariò expostulare debent notitiam delicti commissi, & committendi moraliter certam. Aliàs corripiens sine hac certitudine non amorem, sed iram, & odium in fratre excitaret, cum illi peccatum fortè non commissum obiceret; facillimòque negotio correctio eludi posset: & probari videtur satis ex illo Matth. 18. si peccauerit in te frater tuus id est, te sciente, ut explicat August.

2 Difficultas maior est, an excuseris à correctione eo quod proximus delictum non cognoscit? Et quidem si id procedat ex ignorantia vincibili, & culpabili, clarum est te obinde excusari non posse, cum illa ignorantia non excuset proximum à peccato. At si ex ignorantia inuincibili legem transgrediatur, plures Doctores docent te obligatum non esse. Qua ratione dicunt nullam esse obligationem monendi comedentes carnes die Veneris, vel non audientem Missam die festo, si ignorantia inuincibili præcepti laborat. Tum quia proximus non est absolutè in statu spiritualis miserie, cum non peccet, tum etiam quia præceptum correctionis est de peccato proximi, iuxta illud, si peccauerit in te. Ergo ubi non adest peccatum, non est obligatio; & ita tenet loquens de ignorantia iuris positui, Bannes, dub. 3. q. 3. art. 5. Nauarr. cap. 4. num. 12. & 13. & Valen. disp. 3. q. 10. p. 2. §. cum tamen Villalobos. tract. 4. difficult. 4. numer. 6. Bonac. disp. 3. de charit. q. 4. p. 7. num. 10. de qualibet ignorantia id affirmat, modò non vergat in graue detrimentum ipsius delinquentis, vel tertij, neque obligatus sit ex officio.

3 Ego verò existimo siue obligatus sit ex officio, siue non, siue ignorantia sit iuris positui, siue naturalis, si ex monitione speratur fructus, te teneri, sic transgredientem legem, monere. Tum ob reuerentiam ipsius legis, tum quia illa ignorantia absolutè malum quoddam est, esto non imputetur culpæ. Ergo est materia doctrinæ, vel correctionis, & obiectum spiritualis elemosinæ. Adde regulariter ex transgressionem materiali legis sit quis facilis ad formalem illius transgressionem. Ergo si commodè potes hoc periculum vitare, quæ causa esse potest, ut excuseris? Denique si transgredientes legem non corrigis, cum possis, tacite denotas eam transgressionem approbare, & scandalum generas. Et quidem si ex officio obligeris, ut si sis superior, parochus, confessorius, & dominus, ferè omnes Doctores tenent te obligatum esse, quia ratione officij teneris subditos instruere in obseruatione præceptorum. Item teneris procurare, ne aliis scandali occasionem præbeant, quod fit transgressionem materiali legis causatur. Deinde impedire, ne alij intelligant subditorum errores te approbare: sic Thom. Sanch. libr. 2. de matrim. disput. 38. numer. 5. Valen. 2. 2. disput. 3. quest. 10. p. 2. §. tertio certum est. Et adducit Gregor. Hom. 1. in Ezech.

& Pau

& Paulum Athonum 20. *Non enim subterfugi, quò minus annunciarer omne consilium Dei vobis.* Bonac. *disp. 3. de charit. quest. 4. p. 7. numer. 10.* At quando ex officio non obligaris, docet Lorca *disp. 4.1. nume. 15.* Suar. *disp. 8. sect. 2. numer. 6.* Azor. *lib. 12. cap. 15. quest. 4. & 5.* Valen. & Villalobos *supra*. Plures tamen ex iis Doctoribus solum in iure diuino, & naturali id admittunt: nam in ignorantia iuris politici iam diximus sentire non esse obligationem monendi: sed quia eadem videtur esse ratio de vitioque, scilicet reuerentia legis, & transgressio materialis illius, & malitia ignorantia, ideo de omnibus dicimus esse obligationem monendi, seu corrigendi: & ita tenet Coninch *disp. 28. dub. 4. a. num. 38.*

PUNCTUM V.

An requiratur necessario spes fructus, ut correctio sit in præcepto, & quæ spes futura sit.

1. *Spes fructus necessario requiritur.*
2. *Non est opus statim fructum sperare, sufficit, si decursu temporis speretur.*
3. *Spes fructus probabilis sufficit ad obligationem correctionis.*
4. *Quando dubius es, an correctio profutura, vel obscura sit, nulla est obligatio.*
5. *Secus si dubius sis de profectu, at securus non illaturus damnum.*
6. *In extrema necessitate in dubio de profectu, & de nocumeto adhibenda est correctio.*

1. Communis sententia affirmat cum D. Thom. 2.2. q. 33. art. 6. necessario requiri spem fructus, aliàs correctio esset otiosa, ideoque dixit August. *cap. si quis, de peni. ent. dist. 7. Si scirem non tibi prodesse, non te admonerem.* Neque aduersus hanc communem doctrinam obstat Sanch. *lib. 2. de matr. disp. 38. num. 2.* affirmans laborantem ignorantia vincibili, & culpabili, si ad confessarium accedat, monendum esse, etiam si confessarius iudicet non profuturam monitionem; quia ut bene ipse Sanch. explicat, etsi non prosit monitio, ut à peccato desistat, prodest tamen, ut stimulis ageretur, & præcipue ne querelas formet negata sibi absolutionis; quare non tam ex præcepto correctionis, quam ex obligatione confessarii succurrendus est peccator.

2. Aduertendum tamen est non requiri necessario fructum ex correctione statim sperari: sufficit, si decursu temporis speretur, ita Suar. *de charit. disp. 8. sect. 3. num. 4.* & relato Syluest. Adrian. Nauarr. & D. Thom. docet Ioann. Sanch. *disp. 6. sect. 3. num. 9.* aduertendum. Thom. Sanch. *lib. 3. de matr. disp. 13. num. 3.* alios plures referens. Quare si persona talis est, qua cum possis in correctione progredi, & sperares per tertiam correctionem fore emendandum, debes primam, & secundam apponere; quia iam erant illæ correctiones necessariz. At hoc nimis metaphysicum est. Quis enim sibi persuadere potest illam tertiam correctionem non habituram effectum, nisi præcedentibus duabus primis. aut vnde probabiliter cognosci potest non repulsurum peccatorem illam tertiam correctionem, sicut & duas primas? Si igitur ex alio capite præsumitur peccatorem tempore illius tertiz correctionis fore dissipatum, & correctioni obtemperaturum, omittatur correctio usque ad illud tempus, siquidem antecedentes correctiones nullius sunt effectus: & ita sentit Aegidius de Coninch *disputatione vicesima octaua, de correct. dub. 6. numer. 104.*

• Ferd. de Castro Sum. Mor. Pars I.

3. Difficultas autem est, quæ ipse requiratur, an debeatur esse certa, vel sufficiat probabilis, aut dubia. Et certam debere esse tradit Caietan. *in sum. verbo correctio.* Recepta tamen omnium sententia est non requiri omnino certam, aliàs nunquam correctio apponeretur, cum hæc certitudo esse non possit, siquidem est de re ab alterius voluntate dependenti. Quare sufficit probabile esse correctionem profuturam, & non obscuram, ut obligeris corrigere: ita tradit D. Thom. 2.2. *quest. 33. art. 2. ad 3.* Bannes hic *art. 2. dub. 2.* Torres, *disp. 86. dub. 3. §. sed difficultas est.* Valen. *disp. 3. q. 10. p. 2. pag. 665. §. altero modo.* Adrian. Soro, & alij, quos refert, & sequitur Suar. *disp. 8. sect. 3. numer. 3.* & probatur ex D. August. 1. *de ciuit. Dei. cap. 9.* vbi damnat eos, qui metuunt leuiter proximum corrigere, cum fortasse possent corripiendo corrigere: & paulo inferius monet abstinendum non esse à correctione, quia inquit, *Semper incertum est, an voluntatem sit peccator in melius mutaturus.* Confirmarique potest exemplo Medici, qui ægro tenetur corporalem medicinam præbere, quam credit profuturam, & cognoscit non obscuram. Ergo etiam Medicus spiritualis tenebitur medicinam probabiliter saluferam peccatori offerre, cum sciat nullum ex illa damnum esse accepturum.

Quod si probabiliter tibi persuadeas nihil effecturum per correctionem, non teneris illam apponere: ita expresse docet Valen. 2.2. *quest. 10. disp. 3. p. 2. §. tertia circumstantia. pag. 657.* cum Richard. 4. *dist. 19. art. 2. q. 1.* & Dur. *ibidem q. 3. art. 3.* & aliis communiter, quia tunc cessat finis intrinsecus correctionis, saltem in prudenti æstimatione, neque enim ad actionem inutili obligationem esse potest.

4. Item quando dubius es, an correctio nocitura, vel profutura sit, ferè omnes conueniunt omittendam esse; & in hoc sensu dixit Caietan. debere esse certam spem fructus, id est, sine dubitatione nocumenti: ita aliis relatis docent Suar. *de charit. disp. 8. sect. 3. num. 3.* Bonac. *supra num. 6.* Lorca 2.2. q. 33. art. 6. *disp. 44. n. 9.* Valen. *ibi disp. 3. q. 10. p. 2. pag. 664. §. sed si attentè legantur.* Bannes. 2.2. q. 33. art. 2. *ad finem.* Villalob. tanquam probabile, 1.2. *sum. tract. 4. difficult. 3. n. 4.* Coninch *disp. 28. dub. 6. numer. 92.* Ratio quia in dubio nocumenti, vel fructus non est, vnde correctionis obligatio oriatur, quæ ad fructum, ut ad finem tendit, quæ doctrina, ut bene aduertit Valen. *suprà*, vera est; etiam si minus dubites de correctionis emolumento: sufficit enim si de nocumento dubites, ut obligatio cesset. Nocumentum voco non aliquam tristitiam, maiorem, vel iram cum aliqua leui culpa, quia hæc non reputantur ut nocumenta, comparatione fructus ex correctione sperati, ut bene aduertit Suar. *disputatione octaua, de charitate, sectione tertia, numero 5.* Sed nocumentum, quod debet timeri, est graue damnum in correcto, scilicet nouum peccatum graue, vel noua obstinatio in peccato, de quo fit correctio.

5. Aduertit tamen Valen. *suprà p. 2. pag. 665. §. altero modo*, cum Adrian. & Caietano. Dubius de profectu correctionis, certus tamen non obscuram tenetur corrigere, sicut Medicus tenetur medicinam ægroto adhibere, de qua certus est non obscuram, sperat tamen etsi sub dubio profuturam.

6. Sed quid dicendum in casu, quo peccator sit in extremis, & æquè dubitas de fructu correctionis, ac de illius nocumento?

Pro certo tenendum est adhibendam esse correctionem, ita Lorca, Suar. Bonac. Bannes, Valen. Villalobos, Coninch *sup.* quia nocumentum non adhibita correctione est certum, grauissimū, & irreparabile, utpote damnatio æterna. Nocumentum verò ex correctione timendum non est ita graue, quod abundè non compensetur spe,

mi, neque facile abique verecundia eum potes corrigere.

5 Hæc dicta sunt de correctione peccati venialis, ex quo non timetur lapsus in mortale, nam si hic timetur, non levis, sed gravis obligatio erit illud corrigendi, pro gravitate periculi; vt supradicti Doctores docent.

6 Sed quid dicendum, si peccans venialiter subditus sit, & ob eius nimiam licentiam aliis ruina paratur, vel religiosa observantia labefactatur? Dicendum est teneri Prælaturum non solum sub obligatione peccati venialis, sed mortalis, tales defectus veniales corrigere. Sic Soto q. 2. *concl. 3. de secreto*. Lorca 2. 2. *quest. 33. disp. 45. n. 4. Bannes de charit. art. 2. dub. 2. Torres disp. 86. dub. 2. 5. serio dicendum*. Suar. *disp. 8. de charit. sect. 2. n. 6. circa finem*. Eman. Saa *verbo correctio. n. 5. in edit. Romana. ibi, simplex veniale in Prælato regulari necessaria materia correctionis*. Agid. de Coninch *disp. 28. dub. 3. n. 24. vbi extendit obligationem ad quemlibet priuatum*. Ratio est, quia obligatio non tam est ex præcepto correctionis, quæ bono spirituali proximi attendit, quam ex obligatione officij superioris, quo tenetur religiosam disciplinam conservare, & nullo modo labefactandam permittere. At ex permissione defectuum venialium, si graues sint, & nociui, solet religiosa disciplina nimium labefactari. Teneretur ergo Prælatus hanc diminutionem præcauere; iudices verò seculares non ita arctantur hac obligatione corrigendi in subditis peccata venialia, nisi defectus essent reipublicæ graue nocuentum inferentes.

Syndici, visitatores, & alij vices Prælati gerentes tenebuntur Prælatum de defectibus admonere; & si in hac parte nimium dissimulent, & ex eorum dissimulatione religiosa observantia in communitate labefactari prudenter timeatur, peccabunt grauiter. Sicut & Prælatus peccaret scitens tales defectus, & non corrigens, cum posset: ita Suar. & Lorca & Agid. *supra*.

7 Ex sola tamen dissimulatione cum aliquo horum defectuum, si occulti sint, non existimo Prælatum peccaturum grauiter, cum ex illis, vt pote occultis non detur alius occasio ruinæ, neque ob illas disciplina religiosa labefactetur, neque ipse religiosus in periculo proximo sit cadendi à statu religioso, vt suppono. Colligitur ex Bonac. *disp. 3. q. 4. puncto. 7.* asserente peccata venialia non esse corrigenda sub obligatione, nisi fortè talia sint, vt proximè disponant ad mortalia, aut magnum alii afferant detrimentum. Et Suar. *disp. 8. sect. 2. n. 6. circa finem*. Tunc maximè (inquit) poterit esse obligatio in Prælato sub mortali corrigendi venialia, quando defectus sint generales communitatis, quod si in communitatem non redundant, neque ex illis salus proximi in discrimine vertitur, non agnosco ex quo capere obligatio corrigendi sub mortali possit oriri. Idem colligitur ex Torres *disp. 86. dub. 2. fine*. vbi postquam dixit superiores religionum obligari sub mortali ad reprehendendas consuetudines aliquas contrarias religioni subditorum. Idem dicerem ego de obligatione Prælati ad reprehendendum aliquem fraterna correctione propter aliquod genus peccati venialis nociuum religioni, viz. propter impudica aliqua verba, aut consuetudinem intrandi, aut simile quid, quod religiosum maximè dedecet. Ecce qua ratione ex omnibus auctoribus constat Prælatum non esse sub mortali obligatum corrigere defectus veniales, nisi tales sint, qui religioni ob malum exemplum noceant.

PUNCTUM IV.

An necessariò requiratur, vt obliget correctionis præceptum, cognitio in corrigente de fratri delicto, & in ipso fratre cognitio illius.

- 1 Cognitio moraliter certa de peccato fratris prærequiritur ad correctionis obligationem.
- 2 Si proximus ex ignorantia inuincibili peccat, plures censent non esse necessariò corrigendum.
- 3 Probabilius existimo corrigendum esse.

1 **F**erè omnes Doctores sentiunt non posse esse obligationem certam de corrigendo fratre absque notitia moraliter certa de eius miseria, & necessitate: ita Adrian. 4. *quest. de correctione*. Nauarr. *cap. 24. n. 12*. Suar. *aliis relatis, disp. 8. sect. 3. n. 1*. Lorca. 2. 2. *q. 33. art. 6. disp. 44. n. 4*. Eman. Saa. *verbo correctio, in editione Romana. ibi, si mortale incertum, non est adhibenda correctio*. Villabos. 1. 2. *sum. tract. 4. difficult. 3. n. 1*. Agid. de Coninch *disp. 28. dub. 6. n. 87. adducique potest Sotus de secret. memb. 2. q. 2. concl. 4.* & Torres 2. 2. *q. 33. disp. 86. dub. 3. in principio*, dicentes requiri, & sufficere notitiam probabilem, & prudentem, cum enim dicunt prudentem, necessariò expostulare debent notitiam delicti commissi, & committendi moraliter certam. Aliàs corripiciens sine hac certitudine non amorem, sed iram, & odium in fratre excitaret, cum illi peccatum fortè non commissum obiiceret; facillimòque negotio correctio eludi posset: & probari videtur satis ex illo Matth. 18. *si peccauerit in te frater tuus* id est, te sciente, vt explicat August.

2 Difficultas maior est, an excuseris à correctione eo quod proximus delictum non cognoscit? Et quidem si id procedat ex ignorantia vincibili, & culpabili, clarum est te obinde excusari non posse, cum illa ignorantia non excuset proximum à peccato. At si ex ignorantia inuincibili legem transgrediatur, plures Doctores docent te obligatum non esse. Quæ ratione dicunt nullam esse obligationem monendi comedentes carnes die Veneris, vel non audientem Missam die festo, si ignorantia inuincibili præcepti laborat. Tum quia proximus non est absolute in statu spiritualis miseriæ, cum non peccet, tum etiam quia præceptum correctionis est de peccato proximi, iuxta illud, *si peccauerit in te*. Ergo vbi non adest peccatum, non est obligatio; & ita tenet loquens de ignorantia iuris positiui, Bannes, *dub. 3. q. 33. art. 5*. Nauarr. *cap. 24. num. 12. & 13. & Valen. disp. 3. q. 10. p. 2. §. cum tamen Villalobos. tract. 4. difficult. 4. numer. 6*. Bonac. *disp. 3. de charit. q. 4. p. 7. num. 10*. de qualibet ignorantia id affirmat, modò non vergat in graue detrimentum ipsius delinquentis, vel tertij, neque obligatus sit ex officio.

3 Ego verò existimo siue obligatus sit ex officio, siue non, siue ignorantia sit iuris positiui, siue naturalis, si ex monitione speratur fructus, te teneri, sic transgredientem legem, monere. Tum ob reuerentiam ipsius legis, tum quia illa ignorantia absolute malum quoddam est, esto non imputetur culpæ. Ergo est materia doctrinæ, vel correctionis, & obiectum spiritualis elemosynæ. Adde regulariter ex transgressione materiali legis sit quis facilis ad formalem illius transgressionem. Ergo si commodè potes hoc periculum vitare, quæ causa esse potest, vt excuseris? Denique si transgredientes legem non corrigis, cum possis, tacite denotas eam transgressionem approbare, & scandalum generas. Et quidem si ex officio obligeris, vt si sis superior, parochus, confessorius, & dominus, ferè omnes Doctores tenent te obligatum esse, quia ratione officij teneris subditos instruere in obseruatione præceptorum. Item teneris procurare, ne aliis scandali occasionem præbeant, quod sine transgressione materiali legis causatur. Deinde in prædicando, ne alij intelligant subditorum errores te approbare: sic Thom. Sanch. *lib. 2. de matrim. disput. 38. numer. 5*. Valen. 2. 2. *disput. 3. quest. 10. p. 2. §. tertio certum est*. Et adducit Gregor. Hom. 1. in Ezech. & Pau

& Paulum Ebonum 10. *Non enim subterfugi, quò si-
nus annunciatem omne consilium Dei vobis.* Bonac. *dis-
put. 3. de charit. quest. 4. p. 7. numer. 10.* At quand ex
officio non obligaris, docet Lorca *disput. 4. 1. nume. 15.*
Suar. *disput. 8. sect. 2. numer. 6.* Azor. *lib. 1. 2. cap. 15. quest.*
4. & 5. Valen. & Villalobos *supra.* Plures tamen ex iis
Doctoribus solùm in iure diuino, & naturali id idmit-
tunt: nam in ignorantia iuris positiui iam diximus
sentire non esse obligationem monendi: sed quia ea-
dem videtur esse ratio de vtroque, scilicet reuerentia
legis, & transgressio materialis illius, & malitia igno-
rantie, ideò de omnibus dicimus esse obligationem
monendi, seu corrigendi: & ita tenet Coninch *disp. 18.*
dub. 4. a. num. 38.

PUNCTUM V.

An requiratur necessariò spes fructus, vt
correctio sit in præcepto, & quæ
spes futura
sit.

- 1 *Spes fructus necessariò requiritur.*
- 2 *Non est opus statim fructum sperare, sufficit, si decur-
su temporis speretur.*
- 3 *Spes fructus probabilis sufficit ad obligationem cor-
rectionis.*
- 4 *Quando dubius es, an correctio profutura, vel obscura
sit, nulla est obligatio.*
- 5 *Secus si dubius sis de profectu, at securus non illaturus
damnum.*
- 6 *In extrema necessitate in dubio de profectu, & de no-
cumento adhibenda est correctio.*

1 **C**ommunis sententia affirmat cum D. Thom.
2. 2. q. 33. art. 6. necessariò requiri spem fructus,
aliàs correctio esset otiosa, ideòque dixit August. *cap.*
si quis de pani ent. dist. 7. Si scirem non tibi prodesse, non
te admonerem. Neque aduersus hanc communem do-
ctrinam obstat Sanch. *lib. 2. de mar. disp. 38. num. 2.* as-
firmans laborantem ignorantia vincibili, & culpabili,
sed ad confessarium accedat, monendum esse, etiam si
confessarius iudicet non profuturam monitionem; quia
vt bene ipse Sanch. explicat, etsi non profit monitio, vt
à peccato defuit, prodest tamen, vt stimulis agitur,
& præcipue ne querelas formet negatæ sibi absolu-
tionis; quare non tam ex præcepto correctionis, quàm
ex obligatione confessarij succurrendus est pœ-
nitens.

2 Aduertendum tamen est non requiri necessariò
fructum ex correctione statim sperari: sufficit, si de-
cursu temporis speretur, ita Suar. *de charit. disp. 8. sect.*
3. num. 4. & relato Syluest. Adrian. Nauarr. & D. Thom.
docet Ioann. Sanch. *disp. 6. sect. 2. num. 9. 5. aduertendum,*
Thom. Sanch. *lib. 3. de marim. disp. 13. num. 3.* alios plu-
res referens. Quare si persona talis est, qua cum possis
in correctione progredi, & sperares per tertiam cor-
rectionem fore emendandum, debes primam, & secun-
dam apponere; quia iam erant illæ correctiones pœces-
sariæ. At hoc nimis metaphysicum est. Quis eniui sibi
persuadere potest illam tertiam correctionem non ha-
bituram effectum, nisi præcedentibus duabus primis.
aut vnde probabiliter cognosci potest non repulsurum
peccatorem illam tertiam correctionem, sicut & duas
primas? Si igitur ex alio capite præsumitur peccato-
rem tempore illius tertie correctionis fore disposi-
tum, & correctioni obtemperaturum, omittatur cor-
rectio vsque ad illud tempus, siquidem antecedentes
correctiones nullius sunt effectus: & ita sentit Egi-
dius de Coninch *disputatione vigesima octaua, de correct.*
dub. 6. numer. 104.

• Ferd. de Castro Sum. Mor. Pars 1.

3 Difficultas autem est, quæ spes requiratur, an de-
beat esse certa, vel sufficiat probabilis, aut dubia? Es-
certam debere esse tradit Caietan. *in sum. verbo corre-*
ctio. Recepta tamen omnium sententia est non requi-
ri omnino certam, aliàs nunquam correctio appone-
retur, cum hæc certitudo esse non possit, siquidem est
de re ab alterius voluntate dependenti. Quare sufficit
probabile esse correctionem profuturam, & non ob-
futuram, vt obligeris corrigere: ita tradit D. Thom. 2.
2. *quest. 33. art. 2. ad 3.* Bannes hinc *art. 2. dub. ult.* Torres,
disp. 86. dub. 3. 5. sed difficultas est. Valen. *disp. 3. q. 10. p. 2.*
pag. 665. 5. altero modo. Adrian. Soto, & alij, quos refert,
& sequitur Suar. *disp. 8. sect. 3. numer. 3.* & probatur ex
D. August. 1. *de ciuit. Dei. cap. 9.* vbi damnat eos, qui
meruunt leuiter proximum corripere, cum fortasse
possent corripiendo corrigere: & paulo inferius monet
abstinendum non esse à correctione, quia inquit, *Sem-*
per incertum est, an voluntatem sit peccator in melius mu-
taturus. Confirmarique potest exemplo Medici, qui
ægro tenetur corporalem medicinam præbere, quam
credit profuturam, & cognoscit non obfuturam. Ergo
etiam Medicus spiritualis tenebitur medicinam proba-
biliter salutiferam peccatori offerre, cum sciat nullum
ex illa damnum esse accepturum.

Quòd si probabiliter tibi persuadeas nihil effectum
per correctionem, non teneris illam apponere:
ita expressè docet Valen. 2. 2. *quest. 10. disp. 3. p. 2. 5.*
tertiâ circumstantia. pag. 657. cum Richard. 4. *dist. 19. art.*
2. q. 1. & Dur. *ibidem q. 3. art. 3.* & aliis communiter;
quia tunc cessat finis intrinsecus correctionis, saltem in
prudenti æstimatione, neque enim ad actionem inuti-
lem obligatio esse potest.

4 Item quando dubius es, an correctio nocitura,
vel profutura sit, ferè omnes conueniunt omitten-
dam esse; & in hoc sensu dixit Caietan. debere esse
certam spem fructus, id est, sine dybitatione nocu-
menti: ita aliis relatis docent Suar. *de charit. disput. 8.*
sect. 3. num. 3. Bonac. *supra. num. 6.* Lorca 2. 2. q. 33. art. 6.
disp. 44. n. 9. Valen. *ibi disp. 3. q. 10. p. 2. pag. 664. 5. sed se-*
attentè legantur. Bannes. 2. 2. q. 33. art. 2. ad finem. Villa-
lob. tanquam probabile, 2. 2. *sum. tract. 4. difficult. 3. n. 4.*
Coninch *disp. 28. dub. 6. numer. 92.* Ratio quia in du-
bio nocimenti, vel fructus non est, vnde correctio-
nis obligatio oriatur, quæ ad fructum, vt ad finem ten-
dit, quæ doctrina, vt bene aduertit Valen. *supra,* vera
est; etiam si minus dubites de correctionis emolu-
mento: sufficit enim si de nocimento dubites, vt
obligatio cesset. Nocimentum voco non aliquam tri-
sticiam, mærorem, vel iram cum aliqua leui culpa,
quia hæc non reputantur vt nocimenta, comparatio-
ne fructus ex correctione sperati, vt bene aduertit
Suarez *disputatione octaua, de charitate, sectione tertia,*
numero 5. Sed nocimentum, quod debet timeri,
est graue damnum in correcto, scilicet nouum pec-
catum graue, vel noua obstinatio in peccato, de quo fit
correctio.

5 Aduertit tamen Valen. *supra p. 2. pag. 665. 5. altero*
modo, cum Adrian. & Caietano. Dubius de profectu cor-
rectionis, certus tamen non obfuturam tenetur corri-
gere, sicut Medicus tenetur medicinam ægroto adhi-
bere, de qua certus est non obfuturam, sperat tamen
etsi sub dubio profuturam.

6 Sed quid dicendum in casu quo peccator sit in ex-
tremis, & æquè dubitas de fructu correctionis, ac de
illius nocimento?

Pro certo tenendum est adhibendam esse correctio-
nem, ita Lorca, Suar. Bonac. Bannes, Valen. Villalobos,
Coninch *sup.* quia nocimentum nō adhibita correctione
est certum, grauissimū, & irreparabile, vt pote damnatio
æterna. Nocimentum verò ex correctione timendum
non est ita graue, quod abundè non corapenseretur spe,

et si dubia illud nocumētum æternum reparandi. Ergo teneris corrigere, ut repares non solum præsens peccatum, sed æternam damnationē: sicuti Medicus ægro-
banti, etiam de salute desperato potest, & debet du-
biam medicinam applicare, quia nocumētum, quod
per illam medicinæ applicationem timetur addendum,
nullius est considerationis, & fructus esse potest maxi-
mus. Item ex duobus malis minus est eligendum. Sed
minus malum est, quod ipse aliquod peccatum com-
mittat, quàm quod in æternum damnetur. Ergo pri-
mò curandum est æternam damnationem vitare.

PUNCTUM VI.

Quæ causæ ab obligatione correctionis excusent.

- 1 Extra casum extrema necessitatis excusaris à cor-
rectione & graue detrimentum honoris, vite & fortuna.
- 2 Plurimi à mortali excusantur non adhibentes cor-
rectionem.
- 3 At in casu extrema necessitatis plures censent cum pe-
riculo vitæ obligare correctionem.
- 4 Expenduntur aliqui casus, in quibus obligatio corri-
piendi cum periculo vitæ avertitur ab aliquibus Do-
ctoribus.
- 5 Si proximus ab alio, vel à se corrigendus est, non obli-
garis corrigere.
- 6 Si speras proximum alio tempore fructuosius esse corri-
piendum, excusaris à correctione statim facienda.
- 7 Quod est verum, tamen si proximus intermedio tempore
peccatum aliquod committat.

1 **E**Xtra casum extremum, qualis est; si proximus
moriturus est in peccato mortali, non existente
correctione, ferè omnes Doctores conueniunt excusa-
tum te esse à correctione ob graue damnum vitæ, ho-
noris, vel fortunæ, quia præcepta non ita grauiter obli-
gant, lex enim Christi suauis est; ita relato Arag. Valen.
Reginaldo, Bannes, Maldero, Nauarro, docuit Bonac.
de charit. disp. 3. q. 4. p. 7. num. 11. Nauarra *de veltu lib. 2. cap. 4. dub. 11. num. 107.* 2. *edit.* Coninch *disp. 28. dub. 6. num. 124.*

2 Ex supradicto principio plurimi non corrigentes
proximum excusantur saltem à mortali; pudor illos, &
verecundia occupat, ne corrigant: vincere autem pu-
dorem, & verecundiam non facile possunt, quia ratio-
ne in materia detractiois excusamus à peccato morta-
li audientes detractorem, & præ verecundia illum non
corripientes: & hac de causa dixit Eman. *Saa verbo correctio. n. 2.* omittere correctionem frequenter venia-
le peccatum est. Et in propriis terminis ob pudorem,
& verecundiam excusari à correctione docet Valen.
disp. 3. q. 10. p. 1. pag. 662. §. quarto certum est. cum D.
Thom. *art. 2. ad 3.* & Caietan. *ibi, & in sum. verbo correctio*
fraterna. Suar. *disp. 7. de correct. sect. 3. num. 5.* Ioann.
Sanch. *disp. 6. sect. n. 9.* Debet tamen pudor, & vere-
cundia alicuius momenti esse, quem facile cordatus
vincere non potest. Neque enim ob leuem pudorem,
& verecundiam omittenda est correctio, aliàs nun-
quam fieret. Si enim, ut benedicit Agid. de Coninch 2.
disp. 28. de corrept. dub. 6. n. 126. in communibus ne-
cessitatibus tenet priuatus corripere peccantem, etsi
credat se idè deridendum, aut aliquas iniurias auditu-
rum, aut aliquod odium non ita sibi nocuum excitatu-
rum, modò speret ex correctione fratris lucrum: à
fortiori obligatus erit, tamen si aliquem pudorem pa-
tiatur.

3 Verum si proximus sit in extremis, & moraliter exi-
stimeretur certum correctione posita in gratia decessu-
rum, secus verò in peccato moniturus, plures Doctores

exultant te obligatum esse corrigere etiam cum peri-
culo vitæ propriæ: ita Bonac. *loco allegato. n. 11.* Ban-
nes 2. *q. 33. art. 3. dub. 4.* Sotus. *memb. 2. q. 2. concl. 6.*
Nauar. *sum. cap. 24. n. 12.* Valen. *disp. 3. q. 10. p. 2. pag.*
665. 1. tertia sententia. Torres 2. *q. 33. disp. 87. dub.*
2. Agid. de Coninch *disp. 28. dub. 6. n. 124. & 126.* &
dixerat *disp. 25. n. 86.* colligitur ex Suar. *disp. 9. de cha-
rit. sect. 2. n. 3. fine.* Probant, quia salus æterna proximi
temporali vitæ præferenda est, iuxta illud 1. Ioann. 3.
& nos debemus pro fratribus animas ponere. Exemplum
est de pæro in extremis constituto, quem baptizare
teneris cum periculo propriæ vitæ, ne in peccato origi-
nali decedat, & adulto in extremis existenti, cuique
difficilis sit contritio, teneris sacramentum ministrare.
4 At hæc exempla non leuem patiuntur difficultatem.
Admitto gratis te teneri baptizare paruulum iam ani-
mam agentem, quia non habet aliud medium, quo à
peccato liberetur, & vitam consequatur. Contrarium
enim defendit Soto *de secreto. memb. 2. quest. 2. post 6.*
conclus. Saa *verbo charitas. num. 4.* Arcualo *de correct.*
fraterna. fol. 174. Ioann. Sanch. *disp. 10. sect. num. 10.*
circa medium. At adulto, cui etsi difficilis sit contritio,
est tamen possibilis, non videris cum periculo vitæ
obligatus illi sacramenta ministrare, & multo minus
correctionem, quia solum grauiter, & non extreme
indiget hoc medio correctionis, eaque de causa Eman.
Saa verbo correctio. n. 1. in edit. Romana, dixit cum Vi-
ctoria priuatum non teneri cum periculo vitæ corri-
gere. Valen. *disp. 3. q. 10. p. 2. pag. 663. §. & quidem,* af-
firmat ex malitia peccantem nunquam laborare necessi-
tate extrema. Idè dixit Villalob. 2. *sum. tract. 4. difficult. 5. n. 6. circa finem.* casum hunc de necessitate extrema ra-
rò, vel nunquam contingere; ipse enim solum agno-
scit, quando proximus laboraret ignorantia vincibili
alicuius necessarii ad salutem, & te de illius notitia ro-
garet. Lorca *item disp. 28. memb. 2. & disp. 45. n. 7.* acriter
defendit nūquam dari extremam necessitatem cor-
rectionis, siue peccator ex malitia, siue ex ignorantia,
aut passione peccet, cum semper diuinis auxiliis adiutus
possit à peccato surgere, & vitam consequi. Quare si
non consequatur, ipsi tribuendum est, non omitteri
corrigere, cum ob periculum vitæ excusetur. Excipien-
di tamè sunt ab hac doctrina Prælati superiores, & om-
nes illi, quibus ex officio cura subditorum incumbit, qui
gravi necessitate intercedente tenentur vitam corpora-
lem pro salute spirituali subditorum offerre, ut latius
supra dictū est de ordine charitatis, & docent Bannes,
Sotus, Nauarr. & Valen. Torres, & Villalob. *suprà.*

5 Rursus est difficultas, an obligeris corripere proxi-
mum quem speras ab alio, vel à se esse corrigendum?
& omissis aliorum placitis respondeo cum Caiet. *verbo*
correctio. & Valen. 2. *2. disp. 3. quest. 10. part. 2. §. quinta*
circumstantia, pag. 658. Eman. *Saa verbo correctio. 1.*
Torres *disp. 86. dub. 2. §. deinde.* Villalob. *tam. 2. sum.*
tract. 4. difficult. 3. num. 5. Coninch *disp. 28. dub. 6. n. 115.*
deobligatum te esse corrigere, si probabiliter intelli-
gas alterius ope, vel sua sponte se emendaturum, quia
iam intelligis alium tua correctione non indigere; si-
cuti non teneris corporalem eleemosynam præbere
pauperi, qui sibi potest necessaria acquirere, vel alij
sunt qui ei ministrent.

6 Deinde excusaris à correctione statim facienda, si
speras alio tempore fructuosius proximum esse cor-
ripendum; quia in tali dilatione negotium proximi
facis, eiusque vtilitati videris prospicere. ita D. Aug.
lib. 1. de ciuitate Dei. cap. 9. D. Thom. *quest. 33. art. 2. ad 3.*
Syluest. *verbo correctio. num. 2. fine.* Nauarr. *cap. 24. n. 13.*
Valen. *disp. 3. quest. 10. p. 2. §. sexta circumstantia. pag. 658.*
Eman. *Saa verbo correctio. num. 5. in edit. Romana.* Torres
disp. 86. dub. 2. §. deinde.

7 Quæ doctrina etiam habet verum, casu quo illo in-
termedio

termedio tempore proximus peccatum committat; hoc enim damnum abunde videtur compensandum certitudine de maiori profectu, & resurrectione firma à peccato. ita Sotus *quest. 2. de regendo secreto. concl. 6.* Adrian. *4. quest. de correct.* Torres *suprà. §. restat*, & fauet D. Thom. *4. dist. 19. quest. 2. art. 2. quasi inuicula 1. ad §.* & tenet expressè Villalob. *tom. 2. sum. tract. 4. difficult. 3. num. 6.*

PUNCTUM VII.

Quæ personæ teneantur corrigere, & quæ sint corrigendæ.

- 1 Omnes obligati sunt proximum corrigere.
- 2 Peccator publicus regulariter à correctione deobligatur, aliquando tamen tenetur.
- 3 Peccator occultus obligatus est corrigere.
- 4 Ob correctionem faciendam extra casum extrema necessitatis non est obligatus peccator de proprio peccato pœnitere, nisi Prælati sit.
- 5 In extremis plures Doctores affirmant.
- 6 Difficilis tamen est doctrina, & contrarium videtur probabilium.
- 7 Concionator, & index delicta corrigentes in peccato mortaliter non peccant.
- 8 Prælati, alique superiores specialem habent obligationem, & ex qua virtute hac obligatio oriatur.
- 9 Omnes tam fideles, quam infideles corrigendi sunt.
- 10 Prælati à subditis corrigi possunt, humilis tamen observatione.

1 Certum est omnes obligatos esse, cum sit præceptum naturale, & diuinum omnes adstringens; vnicuique enim mandauit Deus de proximo suo, *Ecclesiast. 17.* Item omnes obligati sunt Deum, & proximum amare; sed ex amore Dei, & proximi nascitur malum vtriusque impedire, quantum fieri possit. Ergo nascitur obligatio proximum corrigendi, quia sæpè ad impediendum iniuriam Dei, & malum proximi, correctio est vnicuique medium.

2 Solùm de peccatore est dubium, obligatusne sit corrigere, dum in peccato existit. Et videtur non esse; quia ipse indiget correctione, ineptusque est ad corrigendum, cum ei dici possit: à *Hypocrita ciice prius trahem de oculo tuo, & tunc perspicies, ut educais festucam de oculo fratris tui*; & illud, *Medice cura te ipsum*. Hæc ratio omnino conuincit peccatorem publicum, vel notum correcto regulariter deobligatum esse à correctione, utpote ineptum, & à quo nullus fructus speratur. Verùm ut rectè D. Thom. *in præsent. art. 5.* Torres *ibi. disp. 88. dub. 2.* Valen. *disp. 3. q. 10. p. 3. §. non enim vult. pag. 667.* Si peccator corrigat delinquentem non exprobrando eius peccatum, neque se iustiorē ostendendo, sed potius cognoscendo, & suam indignitatem per humilitatem ostendendo; absque dubio efficaciter potest corrigere, & in tali casu nemini esse potest dubium obligatum esse præcepto correctionis, ut supradicti Doctores docent.

3 Ex quo à fortiori constat peccatorem occultum obligatum cur corrigere, quia potest ex tali correctione fructus sperari: & ita tradit Syluest. Richar. Palud. & Sab. quos refert, & sequitur Suar. *disp. 8. sect. 4. num. 6. de charit.* Soto *de secreto memb. 2. qu. 3. concl. 6.* Torres & Valen. *suprà.*

4 Sed quid si ob peccatum proprium ineptus sis correctioni, tenerisne de illo pœnitentiam facere, ut sic fructuosè possis corrigere indigentem, præcipuè si probabiliter intelligas moriturum in peccato, nisi correctionem sic adhibeas? Suar. *disp. 8. sect. 4. numero 7.* existimat extra casum extremum te non teneri ob cor-

rectionem faciendam de peccato proprio pœnitere, consentit Lorca *2. 2. quasi. 3. §. art. 5. disp. 42. numero 12. fine.* Sotus *relect. de secreto. memb. 2. quasi. 3. concl. 6.* Valen. *disp. 3. quasi. 10. pag. 3.* Bannes. *quæst. 34. art. 5.* Coninch *disp. 38. dub. 7. numero 32.* Ratio, quia abique pœnitentia proximum sufficienter corrigere per humilitatem. secundò & præcipuè, quia nullus tenetur diuitias quærere, etiam si prodigè consumpserit, ut eleemosynam grauiter indigenti faciat.

Ab hac doctrina excipiunt supradicti Doctores, Suar. Soto. Lorca, & Villalobos. cum communi, *4. difficult. 8. num. 1.* Prælatum, cui ex officio incumbit correctio, qui aut officium debet deponere, aut se in statu apto correctioni constituere.

5 Dixi, extra casum extremum: nam si proximus constitutus in extremis correctione indigeat, & fructus ob peccatum corripientis impediatur, affirmat Suar. *suprà.* Torres *art. 5. dub. 2. disp. 88.* Bannes *ibi. concl. 5.* Villalobos. *suprà. difficult. 8. n. 2.* te obligatum esse pœnitere quia charitas obligat misereri proximo, cuiusque fragilitati attemperari.

6 Fateor hanc doctrinam mihi difficilem esse. Nam (ut ipse Suar. concedit) peccator tenetur admittere correctionem à quocunque fiat, præcipuè in articulo mortis, & ex alia parte corrigens sufficienter quid faciendum sit, proponit temperando humilitate sermonis indignitatem suam. Ergo satisfacit præcepto correctionis; sicuti satisfacit præcepto Eleemosynæ corporalis, illam tribuens, existens in peccato. Item correctus non potest aduersus sic corripientem retorquere argumentum, ut seipsum curet, cum faciliè satisfieri possit se corripiendum, & emendandum fore, si in simili necessitate esset constitutus. Facit ergo quantum videtur necessarium, ut correctio fructuosa sit, si verò fructum non habet, ex malitia correcti, & non ex defectu corrigentis prouenit. Et ita mihi videtur dicendum ratione præcepti correctionis raro, vel nunquam te, nisi Prælati sis, esse obligatum pœnitere; ratione verò scandali obligatio esse potest, cum tuo peccato, & malo exemplo factis, ut alius peccatis inhaereat: & ita expressè docet Valen. *disp. 3. q. 10. pag. 3. §. inde verè asserunt Soto. pag. 668.* Agid de Coninch, *2. 2. d. 28. dub. 7. a. n. 131.*

7 De concionatore, & de iudice delicta corrigentibus plures Doctores affirmant peccare mortaliter, si in peccato corrigunt, quia sunt actiones, quasi sacræ à peccatoribus non exercendæ, ita Caietan. *2. 2. q. 187. art. 1. & 3. pag. 964. art. 6.* & insinuat ibi D. Thom. Syluest. *verbo correctio. num. 16.* loquens de correctione iudiciali.

Contrarium omnino est dicendum, quia supradictæ actiones nec sunt annexæ ordinibus sacris ex institutione Christi; nec sunt ita sacræ, quin à peccatore effici possint. Nulla ergo efficax ratio est obligandi concionatores, & iudices gratiam habere, ut peccata publica corrigant, & ita tenet Suar. *disp. 8. sect. 4. numero 6.* & loquens de concionatore *1. 3. in 3. pag. disp. 16. sect. 3. in fine.* Solut *4. dist. 1. quasi. 5. art. Med. de pœnit. tractat. 2. q. 6.* Torres *2. 2. quasi. 33. art. 5. disp. 88. dub. 2.* Villalob. *tractat. 4. diff. 8. n. 3.*

8 Tandem aduertendum est, etsi omnes obligentur corrigere peccatores; at Prælati, & Superiores respectu subditorum, patres respectu filiorum, maritus respectu uxoris, tutor respectu minoris, dominus respectu mancipij arctiori vinculo tenentur, ut constat ex *cap. quantumvis causa. de reg. iuris.* & tradit D. Thom. *2. 2. quasi. 33. art. 3. ad 1.* & cum eo Doctores communiter. Aliqui volunt hanc strictiorem obligationem ex misericordia oriri. ut Soto *de secreto memb. 2. quasi. 3. concl. 3.* Lorca *disp. 42. num. 4.* Alij & rectius, ut Caietan. *art. 2. in respons. ad 4.* Coninch *disp. 28. num. 74.* ex iustitia, quia

oritur ex officio. Officium enim illud ea conditione à comunitate datur, ut superior subditorum vitia corrigat, eorumque salutem procuret. Vnum tamen est, in quo omnes debent convenire, teneri Prælato, patrem, maritum, & dominum, omittentem correctionem subditorum, cum deberent apponere, manifestare in confessione hanc circumstantiam officij, seu personæ: ita docet Suar. *disp. 8. sect. 4. num. 5.* Torres 2. 2. *disp. 87. dub. 1.* Valen. *disp. 3. q. 10. p. 3. §. sed hac forte, pag. 670.* Inclinat Ægid. 2. 2. *disp. 28. dub. 5. num. 58.* Ioann. Sanch. *disp. 6. sect. 1. n. 9.* qui hanc obligationem non agnoscit in domino respectu famulorum ob salarii seruientium, quia horum actiones non sunt specialiter domino subordinatæ, & sub illius cura. Quod verò dicit Villalobos debere dominum à suo seruitio famulum expellere, si videat domi occasionem habere peccandi, laudo si faciat, obligationem tamen non agnosco, præcipue si domino utilis sit famulus, quia non teneretur occasionem peccatorum cum suo damno remouere, & forte expulsus liberius peccabit: & ita tenet Arag. 2. 2. *q. 33. art. 1. ad finem.*

9 Quod si de personis corrigendis loquamur, omnes tam fideles, quam infideles sunt corrigendi: Nam licet infideles non sint fratres per gratiam, sunt tamen per naturam, & cuiuslibet incumbit onus eorum salutem procurandi. Ita omnes Catholici.

10 Difficultas est de Prælatis, an sint à subditis corrigendi? Et quidem debere corrigi, si delinquant, est expressa decisio Gregorij in *cap. sicut. 2. qn. 7.* ibi sicut laudabile, & discretum est reuerentiam, & honorem exhibere maioribus: ita rectitudinis, & Dei timoris est, si quæ in eis sunt, quæ indigent correctione nulla dissimulatione postponere; cum & proximi sint, & arctius teneamur eos diligere. Aduertendum tamen est hanc correctionem faciendam esse cum magna prudentia, & humilitate, & potius obsecrando, quam increpando. Aliàs nullius effectus erit. Itemque secretò, & non publicè; ex decreto Innocent. III. ex *cap. cum ex inuinculo, de Hæreticis.* & facit ad id *cap. sententia, cap. qualis. 2. questio. 7.* Quod intelligi debet, nisi peccata sint scandalosa, & publica: tunc enim publicè argui debent, etiam si nulla speretur emendatio. Deinde captari debent tempora, quibus creduntur magis esse dispositi: & generaliter in hac correctione summa prudentia opus est: & in iis Doctores conueniunt cum D. Thom. 2. 2. *questio. 53. artic. 4.* Valen. ibi *disputatio. 3. questio. 10. p. 4.* Bannes & Caietan. ibi. Torres *disputation. 88. dub. 1.* Lorca. *disputatione 43.* Ægid. de Coninch *disputatione 28. dub. 4. artic. numero 52.*

PUNCTUM VIII.

An ordo correctionis fraternæ assignatus à Christo Domino, Matth. 18. sit in præcepto?

- 1 Quis sit ordo correctionis à Christo constitutus.
- 2 Ad quem finem est inductio testium.
- 3 Seruandum est hic ordo, quando adfunt aliquæ circumstantiæ.
- 4 In hoc ordine non constituit Christus nouum præceptum, sed præceptum naturale correctionis declarauit.
- 5 Satisfit quibusdam obiectionibus.

1 **O**Rdo correctionis consistit primò ut peccantem admoneas secretò, & absque yllò teste, iuxta illud, si peccaueris in te (id est, te sciente) corripere in te, & ipsum solum. Quod si te non audieris induces testes, unum, vel duos, & si illos non audiat, dices Ecclesia; si Ecclesiam non audiat, sit tibi sicut ethnicus, & publicanus.

2 Testes inducis, ut te adiuuent in correctione delinquentis, fortè enim peccator etsi te contempserit, testes reueretur. Quapropter solum sunt inducendi, quando certò ex eorum inductione speretur utilitas delinquentis, ut benè aduertit Lorca. 2. 2. *q. 8. art. 8. disp. 46. nu. 20.* Quod si delictum testibus est notum, aut talis naturæ, ut possis Prælato denunciare, inducis testes, ut testificentur te satisfecisse officio, & obligationi corrigendi secretò, ne postea ob non præmissam correctionem à denunciatione faciendâ repellaris, iuxta *cap. cum dilectus, de accusationibus:* & tradit Chrysostom. *hom. 61. in Matth. & ex Hieron. & August. Valen. disp. 3. qua. 10. p. 5. §. posset enim, pag. 683.* Nunquam tamen inducuntur, ut testes in iudicio possint esse; quia hoc est extra finem correctionis fraternæ, & daretur occasio proximo negandi delictum, neque admittendi correctionem, si intelligeret testes in iudicio contra illum esse deposituros. Quare cum Christus dicit, ut in ore duorum, vel trium sit omne verbum, ideo dixit, quia in ore duorum, vel trium, facilius persuadebitur correptus id quod agit & malum esse, & emendatione dignum. Facta inductione testium, si adhuc delinquens non corrigatur, dicendum est Ecclesiæ, hoc est, Prælato, & superiori, qui nomine Ecclesiæ intelligitur, ut infra dicemus.

3 Non defuerunt Doctores, qui saltem tanquam probabile defendunt supradictum ordinem non esse sub præcepto seruandum, sed solum sub consilio: ita Bernardin. de Arevalo *tratt. de corrept. fraterna,* & Salmer. *tom. 4. in euangel. par. 3. tratt. 11.* qui varias rationes, & testimonia adducunt ad hanc probabilitatem adstruendam: sed omnes illæ solum probant hunc ordinem non esse semper seruandum, sed debitis temporibus, & circumstantiis, quando scilicet est secretum delictum, & per correctionem secretam sufficienter emendandum præsumitur, neque alia ratio boni communis, aut celsioris iuris cogit illud ommittere: sic Lorca. 2. 2. *quest. 33. art. 8. disp. 46. sect. 3. memb. 2. artic. numero 26.* Torres *disput. 89. dub. 2. concl. 2. & 3.* Bannes *artic. 8. dub. 2. concl. 4.* Valen. *disput. 3. quest. 10. p. 5. §. certum est, pag. 676.* Villalobos *tratt. 4. diff. 9.* Ægid. de Coninch *disput. 28. dubio 8. numero 138.* Suar. *tomo 4. de relig. libro 10. cap. 7. a. n. 10.*

4 Quare pro certo tenendum est cum supradictis Doctoribus, & aliis pluribus, quos ipsi referunt, Christum Dominum in supradicto loco Matth. & tradidisse præceptum correctionis, & declarasse modum, quo debet fieri. Non quia nouum aliquod præceptum tulerit, quod ex ipsa lege naturæ non oriatur, sed quia præceptum à lege naturæ obscurius traditum clariùs explicuit, ipsa enim natura dicitur corrigendum esse proximum cum minori damno famæ, & honoris, quo fieri possit, ac proinde si absque testium inductione corrigi potest, ipsa natura dicitur, ut corrigatur, & si solum vnicius testis sufficit, ut quid duo sunt adducendi? & si iis adductis emendatur, quare Ecclesiæ denunciandus est? Est ergo hic ordo in præcepto. Et ita definitum videtur ab Innocent. III. in *c. Nouis, de indic. & cap. cum ex inuinculo, de hæreticis,* & ab Alexand. III. in *cap. licet Heli, de simonia.*

5 Neque obstat verba Christi non videri generalia, cum solum de peccatis, quæ sunt iniuriosa corrigenti loqui videantur, in quibus secreta correctio vix habet locum, sed illa omnia potest ad denunciationem procedere. Non, inquam, obstat, nam esto de solis illis peccatis expressè loquatur Christus Dominus, ex communi sensu Ecclesiæ ad omnia alia peccata, quæ proximus committit te sciente, extenduntur: sicuti Matth. 25. Operibus tantum misericordie promittitur vita æterna, & tamen inde inferunt omnes Patres de reliquis bonis operibus idem esse dicendum; quia est æqua vel

vel efficacior ratio : ita in presenti. Si enim in iniuriis propriis, in quibus expecti potest iudicialis satisfactio ; potest aliquando, & debet iniuriatus corrigere delinquentem, ut tradit D. Thom. 2.2. q. 33. artic. 7. in corp. & Bannes artic. 8. dub. 1. §. deinde probatur. Torres disput. 89. dub. 1. circa finem : à fortiori in peccatis aliis poterit, & debebit hanc correctionem apponere. Præterea illud in te, non debet explicari contra te, ut communiter sonat, quasi tibi aliquam specialem iniuriam intulisset, sed, ut explicat Lyra, Gloſſa, Hugo, Cardinal. & Augustin. *serm* 16. de verbis Domini, id est, coram te, te sciente ; qui enim te sciente peccat, quasi te contemnit, ac proinde in te peccat, seu contra te ; vel dici potest in te peccare, quatenus te ad peccatum incitat, & suo malo exemplo mouet ad peccandum : sic ex August. Anselm. Chrysostom. & aliis explicat Lorca disput. 46. memb. 1. num. 12. & optimè Suar. tom. 4. de relig. lib. 10. cap. 7. annot. 12.

PUNCTUM IX.

An renunciari possit ab aliquo, ut secum hic ordo seruetur, quando aliàs ex præcepto diuino seruandus erat.

1. Negatiue aliqui respondent, & quibus probent.
2. Pro certo tenendum est Socium renunciari posse.
3. Satis sit rationibus contrariis.
4. Neminem licitum est impugnare quolibet quasito colore hanc iuri cessionem.
5. Proponitur quadam obiectio, an ex cessione iuris manifestari possint delicta superioris, qua aliàs ex charitate manifestari non poterant.
6. Satis sit supradictæ obiectioni.
7. Religiosi Societatis Iesu cedunt iuri in ordine ad correctionem fraternam non iudicalem.

Philareus de officio sacerdotis. tom. 1. p. 1. libr. 4. cap. 14. statim in princ. & Lorca 2.2. quest. 33. artic. 8. disp. 47. numero 13. acriter defendunt hoc ius renunciati non posse primò. Nam esto quilibet dominus sit propriæ famæ, ac proinde ob aliquem honestum finem pati posset in illa detrimentum. At præceptum diuinum de ordine in correctione seruando non solum attendit famam proximi, ut quàm minus fieri possit lædatur, sed præcipue attendit bonum ipsius correctionis, ut melius, & congruentius fiat, & pacem, & quietem communitatum, & euersionem rixarum, & aliorum defectuum, quæ ex manifestatione occultorum oriri possunt : cui iuri non videtur posse cedere quilibet priuatus. Secundò sæpè Prælati erit minus aptus ad corrigendum alio particulari, tum quia non est gratus delinquenti, tum ob eius imperitiam, & fortè prauum affectum. Ergo in tali casu non esset licitum omitti priuata correctio, veli ad denunciationem iniuriam deuenire. Ergo in hoc casu non potuit subditis renunciare ius quod habet de secreta sibi monitione faciendâ ; aliàs esset renunciatio prodiga famæ, & pernicioſa. Cum autem in qualibet religione plures esse possint Prælati inefficaciores in corrigendis secretis aliquotum culpis, quàm alij particularès, effici videtur non posse generatim hoc ius renunciari.

2. Nihilominus certa sententia est posse quemlibet, & totam aliquam communitatem (ut fit sanctissima religio Societatis Iesu) renuntiare iuri, quod habet, ut sibi peccata secretò corrigantur, antequam ad Prælatus deferantur, ipse deferens nullius culpe reus sit, etiam si correctionem non præmiserit : ita

docuit Thom. Sanch. lib. 6. sum. cap. 18. Valen. 2.2. disputat. 3. quest. 10. p. 5. pag. 678. §. quintus casus. Torres de charit. quest. 33. artic. 7. disput. 89. dub. 4. circa finem. Suar. disput. 8. de charit. sect. 6. numero 11. & numero 17. & tom. 4. de relig. lib. 10. cap. 7. numero 18. Ribadeneira de instituto Societatis. cap. 34. Ægid. de Coninch 2.2. disputat. 28. dub. 11. numero 197. Alphons. Rodrig. tom. 3. in lib. de spiritualib. monitiis cap. 6. de correct. fraterna. tractat. 8. Cantarellus in præceptis Decalogi. lib. 2. cap. 69. numero 211. Ioann. Sanch. disputat. 46. select. num. 28. Petr. de Ledesma sum. 2. tom. 1. un. 4. cap. 4. post conclus. 24. difficult. 6. pag. 291. Bannes 2.2. quest. 33. artic. 8. dub. 2. in respons. ad 2. p. prioris confirmat. 7. argum. vers. iam ad aliud. Si tamen Doctores, Ledesma, & Bannes addunt sibi maximè dubium esse, an conueniens sit talem renunciationem ab aliqua tota communitate fieri ; quia & executio est difficilis, & subditi turbati possunt scientes suos defectus occultos Prælati manifestari : sed hæc inconuenientia, & rationes nullius sunt momenti, ut rectè expendit Valen. Torres, Ægid. & Suar. supra.

Ratio præcipua huius conclusionis est. Quilibet potest ob honestos fines detrimentum in fama, & honore pati, (ut ex communi sententia suppono) etiam si dominus non sit famæ propriæ, & honoris. Ergo potest renunciare ius quod habet, ut sibi fama integra conseruetur in correctione ob honestos fines, quales sunt maior spiritualis correcti profectus, maiorque securitas à reciduo, submissio, & humilitas propriæ integritas communitatis. Negari enim non potest religiosos maiori circumspectione processuros, si sciant peccata propria occulta à quolibet sciente extra confessionem, vel gratia perendi auxilium, esse superioribus manifestanda omittâ correctione securiores esse à reciduo, & communitatem magis indemnem seruari. Ergo ob huiusmodi honestos fines possunt famæ detrimentum pati. Confirmo. Si proximus ob fines supradictos manifestaret proprium peccatum Prælati, nonne laudandus esset ? Ergo etiam si ex consensu ipsius eius peccatum superiori manifestes ob supradictos fines, opus laudabile facies. Tandem si proximus iam famam apud Prælatus amisisset, rectè posses cum illo agere de eius peccato, si in tali tractatione operaris ex bono fine. Ergo idem videtur dicendum, quando ipse proximus non vult seruare suam famam apud Prælatus, sed iusta de causa tibi facit potestatem eius.

3. Ad primum argumentum contrarium admitto finem præcepti non solum esse conseruationem famæ correcti, sed bonum ipsius correctionis, & pacem, & quietem communitatum. At hic finis obtinetur, quando ex voluntate ipsius correcti delictum superiori manifestas, sicuti obtinetur finis præcepti seruandi sigilli in confessione, qui est non solum conseruare famam proximi (aliàs ; & benedicir Thom. Sanch. ob bonum commune rumpi posset) sed est facilitas ipsius sacramenti, & rectus illius vsus, qui obtinetur, vel ut melius dicam, nullo modo læditur, quando ex voluntate pœnitentis culpe manifestantur. Ad secundum respondet cessione iuris factam à subditis religiosis Soc. Iesu esse prudentem, & non temerariam, ac proinde etsi generatim fiat, subintelligitur fieri seruato fine præcipuo correctionis, qui est correctio, & emendatio delicti, quem finem si certum sit per Prælatus non esse obtinendum, vel non esse obtinendum ita benè, ac per inferiorem, vel de illo dubium est (quod raro contingere potest, præcipue in nostra Societate ; ubi superiores tot informationibus de vita, & moribus factis apponuntur) nequaquam tunc censetur quis cedere iuri conseruandæ famæ : ita tenet cum Abulens. cap. 18. in Matth.

in Matth. 9. 98. *ad finem*. Thom. Sanch. lib. 6. *sum. cap.* 18. *num.* 47. Idemque colligitur ex Valen. Suar. & Torres *(supra)*. Semper enim supponunt melius à Prælato subditum esse corrigendum, & præcauendum à reciduo, quàm ab alio subdito, cui facile potest se emendatum simulare. Quapropter concludit Torreg. *dub. illo. 4. §. addendum*, tunc posse fieri denunciationem Prælato ut patri, quando multum habet odium contra subditum, & talis est, qui ex affectu verè paterno inferiori suo delinquenti tanquam dilecto filio curabit remedium afferre: qui etiam tenax sit secreti; & de fama subditi curam habeat, iuxta doctrinam. S. Thom. *quod lib. 17. art. 13.*

Ex dictis infertur nemini licere hanc nostram regulam de cessione iuris, & manifestatione delicti; quovis disputandi, vel etiam veritatis indagandæ quæsito colore directè, vel indirectè impugnare, aut contradicere. Tum quia à Paulo. III. & Iulio. III. nostrum institutum fuit approbatum, & confirmatum, & in eo omnes eius constitutiones, præcipuè quæ contradictionem patiebantur. Tum quia Gregor. XIII. in sua bulla, quæ incipit, *Ascendente Domino*, prohibet sub pœna excommunicationis hanc impugnationem nostri instituti, ac cuiuscunque constitutionis, ut constat ex illius verbis, quæ ad longum refert, Petr. de Piba Dencyta *li. 1. v. 14. S. Patris nostri Ignatii. ca. 23.* Tum quia de facto idem Greg. damnauit libellum cuiusdam, qui hanc nostram regulam, & constitutionem impugnauit, ut testatur Turrian. 2. 2. *disput. 89. dub. 5.* Alphons. Rodrig. *in exercitio perfect. 3. p. tract. 8. cap. 6.* Egid. de Coninch *disp. 28. dub. 12. num. 226.* Suar. *tom. 4. de relig. lib. 10. num. 1. in fine.* Neque obstat constitutionem Carthusianam de non comedendis carnibus in periculo vitæ, à multis impugnari, tumetsi à Sede Apostolica confirmata sit. Ergo etiam si nostra constitutio confirmata sit à Sede Apostolica impugnari poterit. Non, inquam, obstat, quia illa constitutio Carthusianorum non est expressè à Sede Apostolica approbata, & confirmata. Nam quando Carthusianorum institutum confirmatum fuit ab Alexand. III. & Cælestino III. non erat illa constitutio sancita: ut testatur Petrus Sutor. *lib. 1. tractat. 3. capis. 8.* fuit enim hæc sancita anno Domini, 1294. in capitulo quodam generali ferè centesimo anno post ordinis institutionem, & approbationem. At nostra constitutio erat sancita, & satis controuersa, cum institutum nostrum à Iulio III. & Gregor. XIII. approbatum fuit. Tum quia Gregor. XIII. & Iulius III. non solum nostrum institutum utrumque approbarunt, sed etiam omnes illius constitutiones, articulos, &c. Quæ tam exacta approbatio in Carthusianorum instituto non reperitur. Tum denique quia Pontifex prohibet de hac, & de qualibet constitutione sub prætextu disputationis quomodolibet impugnare, quæ prohibitio non est facta in constitutione Carthusianorum.

¶ Aduersus supradicta obiici potest sequi excessione iuris facta in Societate Iesu non dari aliis potestatem specialem manifestandi delicta superiori, quæ ex ipsa correctionis natura non habeatur, ac proinde neminem codere, ut sua delicta superiori manifestentur, si ex præcepto diuino manifestari non poterant. Sequelam probō. Quando melius per correctionem secretam intelligitur emendandus frater, quàm per correctionem superioris, vel de hoc dubium est, non intelligitur frater cedissee secretæ correctioni fraternæ, quia esset iniqua cessio, & contra charitatem, & bonum proprium. Quando verò melius per Prælatum intelligeretur corrigendus, posses omnia correctione secreta Prælato manifestare, etiam si ipse iuri non cedissee, uti affirmat Ricard. *in 4. distinctio. 19. quæstio. 1. articuli. 4. &*

Suar. de charit. disputatio. 8. sessio. 6. numero 17. & 10. 4. de relig. li. 10. c. 9. & 10 per totum quia læsio honoris, & famæ proximi ex delatione ad superiorem contingens abundè compensatur maiori fructu, & spiritali proximi profectu. Quando æquè bene per secretam correctionem emendandus esset peccator, ac per Prælati correctionem, nullo modo peccator censetur codere iuri conseruandæ famæ, quia in tantum cedit, in quantum ad sui profectum, & emendationem delicti necessaria est, & expediens: non autem est necessaria, neque expediens talis manifestatio, si æquè benè per secretam correctionem, ac per Prælatum omnis fructus, & emendatio fratris obtinetur: ergo nullus casus est, in quo cessio iuris det aliis facultatem manifestandi delicta superiori, si ex ipsa correctionis natura illam non habent.

6 Fateor equidem cessionem iuris non dare aliis potestatem manifestandi delicta; quæ manifestari non possent, cessione iuris non obstante, nisi in casu dubio de emendatione, ut infra dicemus. At quia sine hac cessione multi Doctores affirmant, ut sequi puncto videbimus, non posse peccata occulta ad Prælatum, ut Patrem deferri, non præmissa secreta correctione, etiam si Prælatus maiori cum utilitate, & fructu delinquentem esset correcturus: & posita cessione iuris, certius est, & ferè indubitatum posse tunc peccata ad Prælatum, ut Patrem deferri, ommissa secreta correctione, quia in illo casu nulla irrogatur peccanti iniuria, cum ex eius voluntate rationabiliter habita ob maiorem fructum, & spiritualement profectum delicta manifestentur. Ideo in religione Societatis Iesu omnibus mandatur hæc cessio.

7 Aduertendum tamen est cum Suar. *tom. 4. de relig. lib. 10. cap. 12. numero 3. & 35.* Thom. Sanch. *lib. 6. sum. cap. 18. num. 48.* religiosos Societatis Iesu solum cedere, & consentire, ut eorum delicta deferantur Prælato, tanquam patri, non tanquam iudici. Probat Sanch. quia in dubio præsumitur actus ita gestus, ut sit minus quoque fieri possit onerosus agentis, ut multis probat Menoch. *de præsumptio. libr. 6. tota præsumpt. 9.* & semper præsumitur gestus eo modo, quo agentis utilior esse possit, ut tradit Bartol. *l. geris. numero 21. ff. de acquir. heredit.* Tiraquell. *de retractu. lignagier. §. 30. glossa 1. numero 34.* Menoch. *de præsumpt. lib. 3. præsumpt. 156. num. 16.* Cum verò in renuntiatione religiosorum Societatis tantum fiat mentio de denunciatione facienda superiori, neque explicetur, an fiat ut patri, vel ut iudici, explicanda est, ut fiat solum ut patri, quia ita utilior, & minus onerosa est renuntianti: fauèrque *reg. 9. & 10. sum. constitutionum Societatis*, ubi dicitur, ut debito cum amore, & charitate omnes iuuerit se corrigi: non autem esset, (ut benè dicit Sanch.) debitus amor, sed summus rigor, si ommissa secreta correctione, Prælato, ut iudici peccata deferrentur. Item hæc renuntiatio fit ad maiorem spiritus profectum, ut constat ex *regula dicta. tum ex §. 8. cap. 4. examinii tum ex decreto. § 2. VI. congregationis*, qui finis est prius correctionis fraternæ, non iudicialis, quæ propriè punitionem respicit.

PUNCTVM X.

An quodlibet peccatum, quantumuis secretum, possit Prælato deferri, ommissa secreta correctione, quando existimatur Prælatus melius delinquentem correcturus.

1. *Scante cessione iuris id certum est.*
2. *Illa seclusa pluris Doctores negant.*

3 *Contrarium est probabilius.*

4 *In religionibus semper presumendum est Prælatum melius correcturum.*

1 **S**Tante cessione iuris nemini potest esse dubium Ste posse peccatum proximi ad Prælatum, ut patrem in hoc casu deferre: ita expresse Valen. p. 5. pag. 687. §. respondeo. Suar. Torres, Sanch. supra allegati.

2 Verùm cessione iuris non posita negant Adrian. I V. quæst. de correct. fraterna. §. pro huius decisione. Soto de secreto. memb. 2. quæst. 4. dub. 3. statim in princ. Nauarr. cap. inter verba. & 11. q. 3. in 2. edit. concl. 2. col. 44. num. 113. Nauarra de rebus lib. 2. cap. 4. in noua edit. p. 2. dub. 12. n. 120. Petr. de Ledesma. tom. 2. sum. tract. 4. fol. 292. difficult. 5. concl. 2. 4. Lorca. 22. q. 33. art. 8. sect. 3. disp. 47. dub. 10. & num. 7. Negant, inquam alij Doctores te posse peccatum proximi ad Prælatum, etiam ut patrem deferre, si sufficienter ex tua admonitione speras utilitatem, etiamsi Prælatus aptior videatur ad correctionem. Quia manifestatione criminis Prælato facta lædis proximi famam. Ergo cum hæc læsio non sit necessaria ad eius correctionem, non est cur apponatur.

3 Nihilominus dicendum existimo omitti posse correctionem secretam in hoc casu, Prælatoque ut patri manifestari delictum posse: ita expresse cum Ricard, & D. Thom. affirmat Suar. disp. 8. de charit. sect. 6. num. 17. latius tom. 4. de relig. lib. 10. toto. cap. 9. & 10. Moueor ex eo, quod Medicus corporalis prudenter vitur acerbiori medicina, quamvis non sit valde necessaria, si tamen est valde utilis. Ergo etiam si correctio per Prælatum non sit necessaria simpliciter, si tamen est valde utilis, & efficacior secreta correctione, poteris hac omiſſa delictum ad Prælatum deferre. Quod religionibus, ut benè dicit Suar. hæc sententia sequenda est; in aliis verò, quia magis sunt sui iuris, nisi fructus notabilis speretur pro certo, non est admitenda.

4 Ad idendum tamen est in religionibus, præcipuè in Societate, semper præsumendum esse melius subditum delinquentem per Prælatum corripiendum esse, quàm à quolibet particulari, dum contrarium non constat. Tum quia Prælatus occasiones peccati remouere potest, quas non potest alius subditus. Tum quia ipse Prælatus pœnitentias, & remedia applicare potest, quæ per alios subditos non possunt applicari. Tum quia difficilius subditus simulare potest Prælato emendationem, quam tamen facili negotio simulare potest alteri fratri, sic latè expendit Egid de Coninch 1. 2. disp. 28. dub. 11. num. 202. Suar. tom. 4. de relig. lib. 10. cap. 9. num. 11.

PUNCTUM II.

Quid possit Prælatus facere ex denunciatione sibi ut patri facta de peccato subditi.

1 *Non potest Prælatus ex tali denunciatione iudicialiter procedere.*

2 *Aliqua tamen moderata pœnitentia potest Prælatus delinquentem punire.*

3 *Potest subditum à loco, & officio remouere, si hoc absque infamia fieri potest.*

4 *Qua prudentia debeant Superiores in hoc procedere.*

5 *Potest Prælatus alicui, vel aliquibus viris grauius delictum subditi manifestare, si hoc necessarium est ad eius correctionem.*

6 *Reclor collegij Prouinciali manifestans delictum sui subditi, quem absque tali manifestatione emendare potest, non videtur mortaliter peccare.*

7 *Probabilius est oppositum.*

8 *Potest Prælatus subdito delinquenti socium designare fidelem, qui eius actiones exploret, & Prælato deferat.*

9 *An possit Prælatus significare socio designato se male de subdito sentire, ut sic diligentius vigilet?*

10 *Item potest Prælatus subditum delinquentem coram duobus, vel tribus testibus reprehendere.*

11 *Si per denunciationem paternam remedium non adhibetur sufficiens, & delictum vergit in damnum communis, vel tertie persone, tenetur denunciatus iudicialem denunciationem facere.*

1 **C**ertum est non posse Prælatum ex tali denunciatione procedere iudicialiter, & delinquentem punire: ita omnes Doctores, ut videre est apud Suar. disp. 8. de charit. sect. vlt. n. 18. & 1. 4. de relig. c. 12. num. 36. & 43. Bannes dub. 4. concl. 2. Petr. de Ledesma. tract. 4. de correct. concl. 25. fol. 292. quia tunc delicta non manifestantur Prælato iudicanda, & punienda, sed paterno amore corrigenda. Quapropter S. Thom. 2. 2. quæst. 33. art. 8. ad 4. Richard. art. 3. quæst. 2. ad 2. Adrian. in fine quæst. de correct. Gab. lect. 74. lit. T. Syluest. verbo correctio. dub. 5. Armilla. num. 3. Antonin. §. 4. Soto memb. 2. quæst. 4. ad 3. Lorca 2. 2. q. 33. art. 8. disp. 46. num. 24. Egid. de Coninch 2. 2. disp. 28. dub. 10. num. 176. Suar. tom. 4. de relig. lib. 10. cap. 10. num. 2. & 4. affirmant denunciationem Prælato, ut patri factam pertinere ad illum secundum gradum correctionis fraternæ, quo mandatur à Christo Domino adhiberi testes, si secretò corripientem peccans non audierit. Nam quando Christus dicit, si testes peccans non audierit, dicendum esse Ecclesie, idem est ac si diceret dicendum esse, Prælato, ut Iudici, siquidem habetur peccans, ut Ethnicus, & Publicanus, ac proinde ut excommunicatus, si Ecclesiam non audit: quod absque iudicio, & causæ cognitione fieri non potest: & ita docuit D. Thom. quæst. 33. art. 7. & 8. & Lorca disp. 46. sect. 3. memb. 2. n. 23. & testatur esse communem. Idem tradit Ricard. 4. dist. 19. art. 3. quæst. 2. ad 2. Chrysostom. Durand. Adrian. Syluest. Gab. & alij, quos refert & sequitur Valen. disp. 3. quæst. 10. p. 5. pag. 683. Probarique potest ex cap. nouit, de iudic. cap. cum ex iniuncto, de heret. cap. licet Heli, de simonia.

2 Verùm ex hac denunciatione potest Prælatus hac moderata pœnitentia delinquentem punire, quæ neque infamia irroget, neque delictum, si graue est, manifestet. Eset enim contra vis delicti non probato illud punire, ac si probatum esset, & secretò manifestatum ad correctionem, per pœnitentiam euulgare. At aliqua punitio pro delictis, quæ nullam irrogant infamiam, & quæ solent communiter à religiosis committi, limites correctionis fraternæ non excedit, sicut in patre carnali cum filiis contingit. Si verò delictum graue sit, præcipuè si probari potest, ad pœnitentiam aliquam secretam poterit procedere, quæ magis correctiua, & præseruatiua delicti sit, quàm punitiua. Suar. tom. 4. de relig. lib. 10. cap. 12. num. 37. & in hoc sensu dixit Villagutier in sua præf. lib. 2. tit. de denunciat. euangel. c. 4. Concl. 3. pag. 103. propter denunciationem factam Prælato, ut patri, non posse Prælatum procedere ad pœnitentiam, sed ad compunctionem eius secretis correctionibus elaborare, ut dicitur in cap. si tantum. 6. q. 2. & est Concilij Varenſis, & cap. placuit. 6. quæst. 2. & cap. erubescant, 32. dist. intelligitur enim de pœnitentia purè punitiua, non correctiua. Eandem doctrinam tradit Soto de regendo secreto. memb. 2. quæst. 4. concl. 7. Suar. de charit. disp. 8. sect. vlt. num. 18. & tom. 4. de relig. cap. 10. num. 13. Petrus de Ledesma. 2. 20. sum. tract. 4. concl. 26. pag. 293. Valen. disp. 3. q. 10. p. 5. vers. octauo igitur. pag. 685. Villalobos tom. 2. tract. 4. difficult. 14. consentit congregatio VII. generalis Societatis Iesu in expli

in explicatione decreti. 49. de manifestatione delicti. cap. 15. p. 2. n. 6. 1.

3. Secundò, potest Prælatus, cui vt Patri reuelatum est crimen subditi illum à loco, vel ministerio aliquo remouere, quando munus ex solo nutu superioris pendet, & fieri potest remotio sine vlla sui infamia omnibus circumstantiis prudenter consideratis: ita expressè Suar. 10. 4. de relig. lib. 10. c. 10. 12. 13. & cap. 12. n. 38. Torres 2. 2. quest. 33. disp. 89. dub. 4. 5. secundo aduertendum. Probaturque ex cap. qualiter, & quando. 2. de accusat: vbi Pontifex dicit ordinem correctionis non esse semper cum personis religiosis seruandum, quia facilius, & libentius possunt à suis administrationibus remoueri: & tradit Congregatio vbi supra. num. 5. & habetur in 6. Congregat. decreto 65. de manifestat. delicti. Ratio huius conclusionis in promptu est: nam esto delictum non fuerit commissum, nulla delinquentia superiori irrogatur iniuria in remotione à tali loco, & officio; cum pro sua voluntate id possit efficere, & ex alia parte potest esse maximè utilis ad præcauendum damnum. ergo sufficienter honestatur.

4. Debent tamen superiores maxima prudentia, & animaduersione procedere, tum in examinando, an necessarium sit ad emendationem fratris, & præcauendum damnum illum ab officio, & occupatione, & habitatione remouere. Nam si hoc necessarium non sit, aut valdè vile, nequaquam debet id superior præstare, quia est medium nimis asperum, & rigorosum, sed potius debet cum eodem modo tractare, & honorare, vt colligitur ex Calisto Papa relato in cap. ponderet. 50. dist. ibi, Si aliquis lapsus quocunque modo fuerit, potius eum, & paterno corripiamus affectu, & paulo inferius. Porro S. David de mortiferis criminibus egit penitentiā, & tamen in honore permansit. Deinde debet superiores vigilare, ne forè delator inuidia, aut odio aliquo motus delictum alteri innotuerit, aut commissum ex aggerauerit, vt in decreto 8. VII. Congregationis Societatis. dicitur: ibi, cauteant superiores, ne faciles delatoribus aures præbeant, disquirantque singula, donec in delatæ rei cognitionem veniant, vt aut innocentem liberent, aut noxium, falsumque delatorem pro rei magnitudine puniant. Quapropter ob vnius dictum, nisi aliæ præsumptiones concurrerent, nunquam censerem debere superiorem ab officio, & loco subditum remouere. Est enim res nimis grauis, & quæ subditos valdè contristare solet. Quòd si hoc fiat absque culpa, iam ex se appareret, quàm graue sit innocentem in re punire, nocente delatore manente indemni: & colligitur ex Suar. tom. 4. de relig. lib. 10. cap. 12. n. 37.

5. Terriò potest Prælatus, cui delictum, vt patri est inmanifestatum dicere alicui, vel aliquibus ex suis consultoribus, si hoc necessarium iudicat ad remedium adhibendum; quia in hac manifestatione utilitatem spirituales delinquentis respicit, quæ leui illi detrimento famæ anteponenda est: ita expressè Torres 2. 2. quest. 33. disp. 89. dub. 4. circa finem, & tradit Congregatio vbi supra. num. 3. & 4. & in Congregat. 6. decreto. 62. ibi habita ratione finis denuntiationis paternæ potest ipsum delatum aliquando monere, & corrigere secretò coram duobus testibus, vt ex Evangelio cum S. Thom. docent Doctores. Item & de remedio consulere imponendo secretum iis, cum quibus communicat.

6. Sed dubium est, an si superior immediatus collegij possit se solo delinquentem à reincidentia præcauere, peccet manifestando delictum Prouinciali? Videtur enim peccare, quia iam illa manifestatio delicti, & amissio famæ non habet finem paternæ delationis, quæ est fratris lucrum, cum absque illa lucratus sit. Taciteque id insinuat in supradicta Congregat. VI. decreto. 63. Potest etiam vnus superior dicere rem sic dela-

tam, & notam alteri superiori eiusdem delati; quando res à postulante ad finem paternæ delationis. Ergo è contra quando id non expostulat, nequaquam poterit. Dices, etsi non expostuletur vt necessarium, expostulatur vt conueniens, ne Prouincialis ignarus huius delicti delinquentem exponat aliis similibus, vel grauioribus committendis. Fateor ob hanc rationem probabile esse nullum peccatum in tali manifestatione committi. Si enim probabile esse diximus in materia de tractionis, reuelare peccatum vni, vel duobus viris grauib, qui magis prodesse possunt, quàm obesse, non fore peccatum mortale, etiam ex leuitate, & loquacitate reuelatur; à fortiori probabile erit, quando ex recto sine manifestatur, & ex alia parte non leuis conuenientia intercedit.

7. Verùm quia inde ostium aperitur manifestandi pluribus delictum, commissum, probabilius existimo non licere Prouincialem moneri: nam si solum ob maiorem securitatem à reciduo, & non ob necessitatem, quæ appareat, licet monere: etiam licebit monere quemlibet superiorem in mediatum, quem delinquens habeat, & Prouincialem sequentem, cum tunc securior erit delinquens à reciduo, quod quidem non est concedendum. Eaque de causa dixit eadem Congregatio. VI. decreto 60. & Congregatio. VII. decreto de manifestat. delicti. cap. 15. num. 2. sine vrgenti necessitate, & magna utilitate nemini esse crimen delatireuelandum. Expende verba, sine vrgenti necessitate, & magna utilitate, quæ non conuenientiam, sed necessitatem indicant.

8. Quarto potest Prælatus subdito delinquenti socium designare fidelem, qui eius actiones exploret, & referat superiori: ita Bannes 2. 2. q. 33. art. 3. dub. 2. Torres ibi disp. 89. dub. 5. Ratio est, quia superior ratione sui officij obligatus est vitam subditorum inquirere, quia eius curæ commissi sunt, quod aliis priuatis datum non est. Quapropter D. Gregor. lib. 2. registri. epist. 52. nullo modo excusat Prælatum à correctione subditorum ex eo, quòd dicat se subditorum delicta nescire. Inquit enim: Quæ potest esse pastoris excusatio, si lupo oues comedit, & pastor nescit? Ergo si gnum clarum est teneri pastorem vigilare, & examinare, an lupo oues comedit, & damnum inferat.

9. Addunt præterea Bannes & Torres primò posse Prælatum socio significare aliquam malam de subdito suspicionem habere: dicendo observa illum, si iam apud Prælatum subditus diffamatus sit, secus è contra; Secundò, dicunt posse sic designatum non præmissa correctione delictum fratris superiori, vt patri deferre. Vtrumque dictum non vndique probo. Non primum: si enim absque malæ opinionis significatione potest socio vigilantia commendari; quæ causa esse potest honestans infamationem? Neque etiam probo secundum. Nam si delinquens correctione fraterna sufficienter intelligitur emendandus æquè benè ac per Prælatum, (quod rarò succedet,) non debet Prælato denuntiari; nam esto apud Prælatum grauata sit eius opinio, non est dubium, quin multo amplius per repetitionem delicti grauius quæ si excusari potest, charitas id exigit. Verùm si superior corrigens delinquentem de eius emendatione non mansit securus, existimo posse socio exploratori significare, te non rectè de tali subdito sentire; ac proinde necessariam esse vigilantiam super illum, vt sic aperiat via socio deferendi superiori crimen, si viderit. Nam in tali casu socius præsumere non debet se posse efficaciter corrigere, cum præsumere debeat monitum fuisse, & non esse emendatum. Ergo absque præmissa correctione debet tunc manifestare, & Prælatus poterit sub præcepto ad eius manifestationem obligare. Tum quia nomine Prælati delictum cognoscit; tum quia præsumere non potest

rationa

rationabiliter correctione secreta esse sufficienter emendandum.

10 Quintò potest Prælatus (si ei moraliter constet de delicto subditi, saltem per delationem vnius testis oculati, de quo nulla potest esse suspicio falsum imposturus) grauer subditum reprehendere etiam coram duobus, vel tribus testibus: si id iudicauerit expedire ad eum confundendum, & commouendum. Secundò, poterit ob eandem rationem pœnitentiam aliquam iniungere, ieiunium vel flagellationem. Tertio minis eum terrere. Quarto præcipere etiam sub excommunicatione ipso facto incurrenda, ne talem locum suspectum adeat, nèue cum tali persona loquatur: quod præceptum poterit imponere coram ipso delatore, & testibus, vt sic de eius transgressione clariùs constet. quia hæc omnia non excedunt paternam correctionem, & potestatem, quam habet pater in filios: & ex alia parte semiplena probatio delicti sufficit ad hæc præstanda; vt optimè, & prudentissimè notauit ferè eisdem verbis Francisc. Suar. 1. 4. de relig. lib. 10. cap. 10. nu. 14. & cap. 12. n. 37.

11 Sextò, si delictum in damnum communitatis, vel tertij cedit, & via denunciationis paternæ, ei remedium sufficiens non adhibetur, vel quia subditus durus est, negatque delictum, & emendationem non promittit, poterit Prælatus præcipere delatori, vt relicta denunciatione fraterna ad iudicalem transeat; cui præcepto tenebitur obedire, nisi ob graue periculum sibi imminens excusetur. Nam, vt rectè dicitur decreto 58. congregat. 6. ibi. Quando prudenter iudicaretur non posse adhiberi sufficiens remedium, quo provideatur bono communi, vel tertij personæ, nisi assumatur in eare officium iudicis; tunc tenebitur subditus ad denunciationem iudicalem superiori faciendam. Et ratio est, quia bonum commune, & innocentis tertij particulari nocentis præferendum est. Item potest Prælatus creare Fiscalem, qui denunciationis officium sumat, & facta per illum denunciatione examinare delatorem tanquam testem qui veritatem tenetur fateri, nisi ob aliquod graue periculum à testimonio dicendo excusetur: Et facta hac testificatione procedet ad examinandum delinquentem, cui processus legendus est, vt clarè illi constet Prælatum iuridicè interrogare, & sic veritatem fateri teneatur, sic Suar. tom. 4. de relig. lib. 10. cap. 11. n. 44. iuncto n. 30. vbi aduertit aliis relatis non esse necessarium dare reo copiam nominum testium, sed satis esse si testificationes declarentur, suppressis testium nominibus. Quod certè verissimum est, præcipuè in Societate, vbi non est necesse seruare exactè formam iudicij sed proceditur summarie, & de plano. Adde in omni iudicio religioso existimat Suar. dicto loc. non esse necessarium nomina testium declarare reo, non solum vt teneatur veritatem fateri, sed etiam vt se possit defendere, quia regulariter plura inde inconuenientia sequuntur.

PUNCTUM XII.

An si frater emendatus sit de delicto, possit Prælato patri denunciare, vt sic securior sit à reciduo.

- 1 Proponitur prima sententia affirmans.
- 2 Negat secunda sententia.
- 3 Tertia sententia approbat primam in casu cessionis iuris, illo excluso approbat secundam.
- 4 Resoluitur probabilius esse fratrem emendatum, & nulum periculum relabendi habentem non esse denunciandum superiori, neque cessionem iuris in Societate ad hunc casum se extendere.

Ford. de Castro Sum. Mor. Pars 1.

5 Stante periculo denunciandus est, & quod sit probabile periculum.

6 Expenditur quid faciendum sit, cum est dubium, an delinquens emendatus sit.

1 Prima sententia affirmat, quam tenet Ricard. in 4. dist. 19. art. 4. quest. 1. in corp. Gab. in canone Missa lect. 74. lit. V. Rosella, verbo inquisitio. Angel. verbo denuntiatio. n. 10. Graffis. 1. p. decis. lib. 2. cap. 69. numero 30. Idem docet, quando Prælatus denunciare iubet. Gerson. 2. p. simul. de correct. proximi, Alphab. 34. lit. T. vers. tuum peccatum. & videtur consentire Alphons. à Villagut. lib. 2. tit. de denunciat. Euangel. concl. 5. pag. 94. & 96. Ratio esse potest: nam talis manifestatio potest prodesse, & non obesse, prodest enim, vt Prælatus occasionem, & pericula iterum labendi remoueat, & ex alia parte parum, vel nihil obest; cum ex scientia illius delicti ad punitionem procedere non possit.

2 Secunda sententia negat Prælato esse denunciandum: ita Adrian. quest. de correct. 9. pro huius decisione. Sotus relict. de secreto. memb. 2. quest. 4. concl. 4. Nauarr. sum. cap. 24. num. ult. fine. Arag. 2. 2. q. 33. art. 7. fine. Valen. disp. 3. q. 10. p. 5. §. sed rectius hoc negant. pagina 636. Nauarra lib. 2. de restit. ep. 4. parte 2. dub. 12. numero 120. D. Thom. Antonin. Syluest. & alij, quos refert, & sequitur Thom. Sanch. lib. 6. Dealogi cap. 18. n. 49. & n. 60. Eman. Saa verbo correct. n. 4. Probatur, primò ex verbis Christi dicentis, Si te audieris, lucratus eris fratrem tuum; quasi dicat ibi esse sistendum, cum ad lucrum fratris correctio ordinetur. Secundò, fama apud Prælatum pluris æstimatur à subditis, & ægrius ferunt apud illum infamari propter eius dependentiam, quam apud plures socios. Ergo ob solam maiorem securitatè licita esse non potest talis infamatio. Nemini enim licet bona temporalia à proximo auferre eo fine, vt securior sit in virtute, aliàs liceret diuitias ab eo auferre, & pauperibus dare, vt pro illo orent, vt ex Adriano infert Valen. supra.

3 Tertia sententia distinguit, aut proximus, qui peccauit, renunciauit ius sibi conseruandi famam, vel non; Si non renunciauit, vera est secunda sententia; si tamen renunciauit, vt renunciant religiosi Societatis Iesu vera est prima sententia: ita docet expressè Valen. disp. 3. q. 10. p. 5. pag. 637. §. respondeo per distinctionem. Et videtur consentire Suar. 10. 4. de relig. cap. 10. n. 11. & 12. Probat Valen. quia ipse delinquens quantumuis emendatus sit, potest laudabiliter peccatum suum Prælato deferre, vt illum à reciduo caueat maiori cum securitate. Ergo etiam poterit alius de illius consensu peccatum Prælato deferre; consentit enim iam ob rectum finem in iactura propriæ famæ. Quod autem religiosi Societatis Iesu ob huiusmodi finem iuri sibi conseruandæ famæ cedant, non probat Valen. sed supponit: probari tamen potest ex reg. 9. summar. consil. ibi enim dicitur, Ad maiorem spirituum profectum, & præcipuè ad maiorem summisionem, & humilitatem propriam contentui esse quisque debet, vt omnes errores, & defectus ipsius, & res quæcunque que notata in eo, & obseruata fuerint, superioribus per quemuis, qui extra confessionem eas acceperit, manifestentur. Ergo siue sit emendatus, siue non, poterunt delicta superioribus manifestari ad maiorem subditorum profectum, & maiorem eorum humilitatem, & summisionem. Item negari non potest prouidentiam Prælati esse maximè necessariam ad tollendas occasiones iterum relabendi; Ergo delatio ad Prælatum esto necessaria non sit ad emendam fratris, est tamen necessaria, vel saltem valde utilis ad illius securitatem, & bono communi religionis prospiciendum. Deinde quilibet religiosus (maximè in Societate) tenetur rotam suam conscientiam Prælato aperire, omnesque suos errores, defectus, & peccata

G G g mani

manifestare, ut constat ex Examine c. 4. §. 34. 35. & 36. ut sic melius regi, & gubernari possit, & in viam domini dirigi. Ergo conqueri non potest, quod alius eos errores, defectus, & peccata Prælati manifestet ob prædictum finem, siquidem præstat, quod ipse debebat præstare. Adde repugnantem huic manifestationi meritò timeri posse non esse emendatum.

4 Verum mihi probabilius videtur, si certò tibi constet proximum emendatum esse, neque periculum probabile habere relabendi, nullo modo posse eorum delicta superiori manifestare, ut securior sit, nisi ipse expressè in tali manifestatione consentiret, neque consensus in societate præstitus ad hunc casum censendus est extendi: ita tenent Doctores relati pro secunda sententia, & loquens de nostra Societate Thom. Sanch. *suprà*. & probatur. Nam finis præcipuus in societate, ob quem mandantur delicta superioribus deferri, est correctio ipsius delinquentis, quod abundè constat ex reg. 10. *sequenti ad nuper positam*, ubi dicitur, *Boni etiam omnes consulant ab aliis corrigi, & ad aliorum correctionem innare debito cum amore, ad maiorem spirituum profectum*. Si ergo frater correctus omnino est, & emendatus: neque periculum sit recidui, cessat finis, ob quem consentit delicta superioribus deferre. Et confirmo. Si enim ob maiorem securitatem, maiorèque humilitatē, & submissionem propriam cessante fine correctionis liceret delicta fratris emendari superiori deferre; liceret, inquam, non vni, sed pluribus superioribus manifestare, ut sic delinquens ampliùs humiliaretur, & securior à reincidentia esset, quod nullus debet concedere, & expressè constat contrarium ex declaratione supradictarum regularum facta à Congregatione VII. cap. 14. & 15. ubi in num. 2. dicitur, quando ob fines, & rationes allatas (quæ sunt profectus spiritualis subditorum, & bonum commune religionis) existimat reuelandum, tunc iis tantum manifestare oportebit, qui remedio adhibendo prodesse poterunt, & n. 5. iterum reperit licere superiori c. b. prædictum finem secretò peragere quæcunque iudicauerit expedire ad remedium. Ergo cessante remedio, quia iam frater est emendatus, nemini poterit ampliùs eius delictum manifestari: Ergo maior profectus, humilitas, & submitio solum intenduntur, quatenus ad emendationem, & correctionem delicti necessaria sunt.

5 Dixi, nisi proximus periculum habeat relabendi, si præteritus eius lapsus superiori non manifestetur. Nam stante periculo manifestandus est, ut præseruet, quod sentit expressè Valen. cum Adrian. Soto, & D. Thom. disp. 3. q. 10. p. 5. pag. 687. §. quod si Et probat. Nā etiam ob huiusmodi finem liceret cuilibet priuato, sine cuius ope non reputaretur proximus immunis à relapsu delictum indicare.

Probabile periculum relapsus voco, quando ita proximus occasionibus peccati innodatus sit, ut moraliter loquendo iudicetur casurus, nisi ab illis diuertatur: nam de alio periculo magis remoto non est curandum, cum omnibus tale periculum insit ex fragilitate naturæ. Quapropter Petr. de Ledesim. tom. 2. sum. tract. 4. concl. 24. diffie. 5. pag. 290. affirmat, si scias religiosum in luxuriam incidisse non ex malitia hoc est ex consuetudine, sed ex fragilitate humana propter occasionem sibi oblatam te non debere Prælati denunciare, si à te corrigi potest; quia tunc non censetur esse in probabili periculo cadendi. At si ex malitia, & prava consuetudine peccat, affirmat denunciandum fore, quia raro præsumi potest emendatus, sed potiùs in morali periculo iterum, & sæpe cadendi versari. Adhuc in nostra societate propter cessionem iuris, etiamsi ex fragilitate peccet, denunciari posse, quia semper præsumi debet melius à Prælati, quàm ab alio socio corrigendum fore, & quando hic maior profectus correctionis

interuenit, iam proximus cessit iuri sibi conferuandæ famæ apud Prælatum. Et in hoc sensu verum est quod dicit Suar. *suprà*.

6 Sed quid dicendum, quando dubium est, an delinquens emendatus sit?

Respondeo, si delictum est tantum in damnum ipsius delinquentis, qui iuri famæ non cessit, non teneris villo modo deferre Prælati, imò nec potes; quia hæc delatio honestatur ob bonum ipsius delinquentis; cum autem ignoretur, an bonum ipsius sit, ignoratur, an sit ratio honestans infamationem. Ergo non poteris apud Prælatum infamare proximum, cum infamatio sit certa, & ratio excusans dubia. Si tamen cessit iuri famæ, benè poteris, quia adest finis correctionis saltem sub dubio, ac proinde sufficiens honestandi actionem. Verum si delicta in damnum tertij, vel communitalis sint, qualia censet Thom. Sanch. lib. 6. Decalogi. c. 18. n. 50. & Suar. de charit. disp. 8. sect. 6. n. 12. esse ferè omnia religiosorum externa peccata. Tunc, inquam, denuncianda sunt Prælati, casu quo dubium sit, an sit delinquens emendatus, & timeatur reciduum, nisi Prælati manifestetur, quia damnum communitati, vel tertio faciendum, etiam sub dubio præponderat famæ particularis delinquentis; habet enim ipsa communitas, vel tertius innocens ius, ut sibi ab imminente damno præseruetur, etiamsi hoc sit cum aliqua iactura honoris alicuius nocentis. argum. cap. qui cum, de furtis: & ita docet Thom. Sanch. lib. 6. Decalogi. c. 18. n. 47. Lorca 2. 2. q. 33. art. 8. disp. 47. n. 20. reg. 4. Petrus de Navarra lib. 2. de reslit. cap. 4. n. 71. in 2. edit.

PUNCTUM XIII.

An licita sit denunciatio iudicialis de secretis delictis, omitta correctione secreta, & inductione testium.

- 1 Publicum, & secretum multipliciter sumitur.
- 2 Peccata alia sunt in damnum solius peccantis, alia in damnum tertij personæ, alia in damnum communitatis, & quæ hæc sint.
- 3 Peccata notoria possunt non præmissa correctione iudicialiter denunciari.
- 4 Obligatio huius denunciationis est, cum adest præceptum superioris, vel cum proximus correctione fraternali non censetur emendandus.
- 5 Peccata, quæ à te, & ab alio sciuntur denuncianda sunt iudicialiter, si in damnum tertij vergant.
- 6 Si delicta solius sunt in damnum delinquentis, præmittenda est secreta correctio, & inductio testium, antequam iudicialiter denunciatur, si probabiliter existimatur correctio, vel inductio testium profutura.
- 7 Notatur quadam differentia inter peccata, quæ in damnum tertij vergunt, & quæ solius peccantis nocent.
- 8 Peccata omnino secreta, & quæ in damnum communitatis, vel tertij vergunt, si per secretam correctionem emendari possunt, non sunt iudicialiter denuncianda.
- 9 Si est præsumptio non esse delinquentem corrigendum, ad hoc plures censent non posse fieri denunciationem iudicalem.
- 10 Contrarium est tenendum.
- 11 Cum Prælati præcipiunt sibi delicta denunciari absque communicatione cum aliqua persona, intelligitur præceptum de delictis, quæ tibi certò constat esse denuncianda, secus de illis, de quibus dubius es.
- 12 Raro in propriis iniuriis est obligatio corripiendi delinquentem.

1 P Ono primò, multipliciter posse sumi secretum, & publicum, ut constat ex iis, quæ tradit glossa, & Panormit. in cap. ex litterarum, de Temp. ord. & cap. vestra de cohabit. cle. 16. & mulier. Syl. verbo occultum. verbo

verbo manifestum, verbo notorium. Sotus *delegendo secretis, memb. 2. in princ.* Nauarr. *sum. cap. 27. num. 225.* Valen. 2. 2. *disp. 3. q. 10. p. 5. pag. 667.* Villalob. *tract. 4. de correct. difficult. 10.* Suar. Lorca, & alij infra referendi. Specialiter sunt tres gradus publici, & tres gradus secreti, ut dicit Villalob. *supra*, & Lorca *disp. 47. sect. 5. num. 3.* Suar. *de charit. disp. 8. sect. 6. in princ.* Primus gradus publici est, quando à duobus scitur, & tunc dicitur in iure probabile, quia probari delictum sufficienter potest, etsi nulla eius infamia sit. Secundus gradus publici est, quando non solum probari potest, quia pluribus est notum, sed eius versetur infamia: & hoc dicitur à iure famosum, vel manifestum. Tertius gradus est, quando est notorium, quodque nullo modo celari potest, nec negari ab eo, qui commisit: & hoc dupliciter contingit, vel notorium notorietate iuris, vel facti. Notorium notorietate iuris est, quod iam est per sententiam declaratum. Notorium notorietate facti, quod à maiore parte communitatis, oppidi, collegij, vel viciniae cognoscitur, modo communitas excedat decem personas, quæ omnia in materia detractio- nis aduertimus. Opposito modo contingit secretum. Illud namque est primò, quod in iudicio probari non potest. Secundò, quod etsi probari possit, non laborat infamia. Tertio, quod probari facile potest, etsi aliqua tergiversatione celetur, neque est maiori parti communitatis notum.

2 Pono secundò, ex supradictis Doctoribus, & communi sententia, quædam esse peccata, quæ in damnum solius peccantis cedunt, quædam quæ in damnum tertij, quædam quæ in damnum commune. Illa dicuntur peccata cedentia in damnum solius peccantis, quæ solù peccantem lædunt, v. g. fornicatio, sodomia, ebrietas, consuetudo vexandi. Alia dicuntur in damnum tertij, quia tertium lædunt, qualia sunt adulterium, homicidium, furtum, detractio. Alia lædunt communitatem, vel in temporalibus, qualia sunt proditio, institutio falsæ monete, subornatio ad officia, ex qua sequitur dari indignis, vel omitti digniores, in spiritualibus, ut falsa doctrina, qua fides, vel mores corrumpuntur: ita ferè omnes Doctores, ut videre est in Petro & Navarra *lib. 2. de restit. cap. 4. artic. num. 50. & præcipue num. 69. in noua edit.* Et licet omnia peccata scandalosa in perniciem sint reipublicæ, non tamen propriè dicuntur esse contra bonum commune, quia eorum immediatum obiectum, non est aliquod bonum commune, quod per ipsa lædatur, quod necessariò requisitum erat, ut dice- rentur propriè esse in damnum communitatis, ut aduertit Villalob. *tract. 4. difficult. 11. num. 1.* Suar. verò *de char. disp. 8. sect. 6. n. 12.* & Thom. Sanch. *lib. 6. Decal. cap. 18. n. 50.* aduertunt peccata à sæcularibus commissa, quæque solum committentem lædunt rei fiant à religiosis, dicenda esse peccata contra communitatem, quia communitatem in honore, & fama lædunt. Vnde si religiosus aliquis fornicetur, ebrius sit, aut passim iuret, honor religionis non leuiter labefactatur, & vix fieri potest, ut alios ad sui imitationem non pertrahat, propter intimam inter religiosos communicationem. Fa- teor hanc doctrinam verissimam esse, si intelligatur de læsione non quidem directà, sed indirecta communitatis. Indirectè enim quodlibet peccatum religiosi in actum exteriorem prodians religionis honorem lædit: at hæc læsio non est sufficiens, ut omnia religiosorum peccata censeantur esse in damnum communitatis, & tanquam de proditioe, vel hæresis sit de illis iudican- dum. Nam hoc modo nullum est peccatum quod in dā- num cōmune non vergat, cum ferè nullum sit, quo nō lædatur aliqua communitas, in qua peccans viuit. Si enim sit Ecclesiasticus, contemnitur status à sæcularibus, si sæcularis, contemnuntur consanguinei. Qua- propter Suar. *tom. 4. de relig. lib. 10. cap. 12. num. 10.* dixit

Egid. de Castro Sum. Mor. Pars I.

non omnia peccata religiosorum censenda esse verge- re in damnum cōmunitatis ratione obiecti; neque ra- tione scandali: & Congreg. VI. decreto 57. & Congre- gatio VII. in cap. 15. *de manifestat. delicti. n. 7.* enume- rans delicta, quæ in detrimētum boni communis, vel in damnum imminēs tertix personæ vergunt, ea enu- merauit, quæ directè sunt infectiua aliorum, & nociua bono religionis, scilicet *lapsus carnis cum tertio, semina- tio discordiarum inter fratres, furtum, impugnatio, vel ma- chinatio contra institutum, aut superiorum, præsertim gene- ralem, consuetudo detrahendi, aut susurrandi, & similia.* his positis.

3 Dico primò peccata notoria, hoc est, quæ in præ- sentia multorum, vel alio modo à pluribus cognoscun- tur, possunt statim non præmissa correctione fraterna iudicialiter denunciari, conueniunt omnes cū D. Tho. *q. 33. art. 7. in princ.* iuxta illud Pauli 1. ad Timoth. 5. *Peccantem coram omnibus argue, ut ceteri timorem habeant.* Ratio est. Qui enim in publico peccat, eo ipso renun- tiat iura secreti, neque sperari potest corrigendus per monitionem secretam, cum præsentiam hominum, & leges monentes non sit veritus. Secundò, In tali denū- ciatione non solum emendatio fratris intenditur, sed etiam intenditur reparatio scandali dati media puni- tione; hac enim punitione à peccato deterrentur, quan- tum per malum exemplum videbantur incitari.

4 Obligatio autem denunciandi hæc peccata tunc erit, quando adest præceptum superioris, vel quando ex illis imminet damnum tertio, aut communitati, quodque per denunciationem potest reparari. Si verò peccata non sint in damnum tertij, sed solum in dam- num ipsius delinquentis, & præsumitur emendandus per correctionem, eo quod peccatum non tam ex ma- litia, quam ex ignorantia processit, tentanda videtur se- creta correctio, antequam denunciatur, ut euitentur damna, & denunciatione prouenientia: ita relato Adriano, & Paludano docet Lorca 2. 2. *q. 33. artic. 8. disput. 47. n. 17.* Cordub. in *annotat. ad Sotum, memb. 2. q. 4. concl. 1.* Navarra *lib. 2. de restit. cap. 4. dub. 8. n. 66. in 2. edit.* Villalob. 1. 2. *sum. tract. 4. diff. 10. n. 2.* Suar. *tom. 4. de relig. lib. 10. cap. 12. n. 36.* Hoc intelligendum est, nisi adsit præceptum denunciationis, quod absque du- blio implendum est non obstante secreta correctio- ne, & emendatione proximi ob finem prædictum, ne delicta maneant impunita, & videntes timorem habeant.

5 Dico secundò. Peccata, quæ partim sunt secreta, partim publica, qualia sunt, quæ non solum à te, sed etiam ab alio sciuntur, quæque in iure vocantur probabilia, denuncianda statim sunt, si in damnum tertij vergant. Neque opus est præmittere corre- ctionem secretam, inductionem ut testium, nisi casu quo firmiter credatur correctionem secretam profu- turam: ita Suarez *disputatio. 8. de charit. sectio. 6. numero 6. & de religio. tom. 4. libro 10. cap. 12. numero 35. & 42.* Egid. de Coninch 1. 2. *disputatio. 28. dub. 8. articulo. numero 147.* Villalob. *tract. 4. de correct. difficult. 12.* Lorca *disput. 47. num. 20.* affirmat esse omnium Doctorum. Ratio, quia per denunciationem & defen- ditur innocens, & corrigitur delinquens, qui nec corri- gendus intelligitur, neque innocens sufficienter defen- dendus, nisi denūcietur. Vnde si firmiter credatur pro- futura correctio, & innocens defensio per monitio- nem, non debet fieri denuntiatio iuridica: ita alijs rela- tis docent Navarra *lib. 2. de restit. cap. 4. n. 70. & seq. se- cunda edit.* Villalob. *tract. 4. de correct. diff. 12. n. 1.* Suar. *dicto cap. 12. num. 42.* & Coninch *supra.* In peccatis au- tem, quæ sunt contra bonum commune, ut hæresis, & proditio, raro, vel nunquam præsumi potest correctio delinquentis ex secreta monitione: idèoque denūcian- dus statim est delinquens, ut bono cōmuni provideatur, & maximè stante præcepto denunciandi lato à iure, &

G G g 2 ab

ab Inquisitoribus. Inquisitores enim nolunt cuilibet particulari committere iudicium ferre, an per secretam correctionem delinquens hæreticus possit emendari, sed ipsi iudices esse volunt, ac proinde etsi in aliquo casu crederes emendandum per riam secretam correctionem, adhuc non teneris corrigere, sed debes statim denunciare: ut docet Arevalo *de correct. fol.* 188. Seraphinus Fazyras. *quest.* 18. *num.* 30. Lessius *de iust. cap.* 30. *dub.* 6. Villalob. *tom.* 2. *trakt.* 4. *diff.* 11. Suar. *de fide disp.* 20. *sect.* 4. *n.* 11. & *tom.* 4. *de relig. lib.* 10. *c.* 12. *n.* 42. Agid. de Coninch *supra.* Ioann. Sanch. *select. disp.* 11. *n.* 56. qui hanc doctrinam extendit ad peccata suspicionem hæresis habentia, qualia sunt, quæ in edictis Inquisitorum apponuntur.

6 At si delicta solum sunt in damnum delinquentis, præmittenda est ex præcepto diuino secreta correctio & inductio testium, antequam iudicialiter denunciatur, si probabiliter existimatur correctio, vel inductio testium profutura, ita Soto *de secreto. memb.* 2. *quest.* 4. *concl.* 2. & 3. Nauarr. *sum. cap.* 24. *num.* 14. & aliis pluribus relatis Lorca *disp.* 47. *numero* 19. Suarez *tom.* 4. *de religion. libro* 10. *capite* 12. *numero* 36. Villalob. *tom.* 2. *sum. trakt.* 4. *difficuli.* 10. *n.* 3. & testantur esse communem. Ratio est, quia denunciatio iudicialis tendit ad bonum commune delicto delinquentis damnitatum, per punitionem reparandum, & secundario ad delinquentem corrigendum. Cum ergo per huiusmodi peccata bonum commune non sit læsum, & ex alia parte non apparet necessitas iudicialis denunciationis ad delinquentis correctionem, nequaquam debet fieri, quin secretò prius corripatur. Secundò si in iis peccatis non est seruandus ordo correctionis, in nullis venit ex necessitate seruandus. Nam in peccatis omnino secretis raro potest ad denunciationem iudicalem procedi, in omnino publicis non est præmittenda secreta, neque inductio testium. Ergone dicamus processum correctionis à Christo præscriptum fore inutilem; affirmandum est in iis peccatis, quæ partim sunt secreta, partim publica, seruari optimè posse.

7 Est tamen magna differentia inter hæc peccata, quæ solum peccanti nocumentum afferunt, & inter illa, quæ aliis nocent. In peccatis enim solum peccanti damificantibus, sufficit probabilis spes, seu non desperatio fructus, ut correctio secreta debeat ex præcepto diuino præmitti. At in peccatis damnum tertio afferentibus requiritur moralis certitudo, seu spes certissima de correctione, & deuotione omnium damnorum, quæ timentur: ita cum Ricar. *dist.* 18. *art.* 3. *q.* 1. docuit Suar. *de charit. disp.* 8. *sect.* 6. *n.* 6. *pag.* 760. Quapropter, ut benè aduertit Lorca *suprà* in iis peccatis, quæ partim sunt secreta, partim publica, quæque peccanti solum inferunt damnum, regulariter loquendo seruandum esse ordinem à Christo præscriptum.

8 Grauiissima tamen est difficultas, an in delictis omnino secretis, qualia sunt, quæ ab vno præter committentem sciuntur, sint iudicialiter denuncianda, si in damnum tertij, vel communitatis vergant? Et quidem si per monitionem secretam delinquenti, vel alteri tertio factam sufficenter intelligitur damnum imminens reparari, clarum est non habere locum iudicalem denunciationem: hæc enim solum apponi potest in præsentem ad impediendum damnum tertij, vel communitatis. Si ergo hoc impeditur sufficienter medio alio non ita nocuo, & infamatorio delinquentis, illud medium debet apponi, & denunciatio iudicialis omitti; debet enim proximus mederi minori damno, quò potest: excipiendum tamen est crimen hæresis ob ea, quæ ibi diximus.

9 At si præsumitur delinquens non corrigendus per secretam monitionem illi, vel tertio, cui damnum pa-

rat, factam, plures Doctores videntur affirmare non posse ad denunciationem iudicalem deuenire, sed debere dicere Prælato, ut patri, vel aliis, ut obseruent, & possint esse testes in iudicio: ita Duran. *in 4. dist.* 19. *q.* 4. Soto *de secreto memb.* 2. *quest.* 4. *concl.* 2. expressè Nauarra *lib.* 3. *de reslit. cap.* 2. *num.* 358. *in 2. edit.* Henric. aliis relatis, *li.* 13. *de excommunicat. cap.* 18. *num.* 3. Eman. Saa *verbo censura. num.* 3. & *in edit. Romana, verbo correctio. num.* 5. & *verbo denunciatio.* Suar. *de charit. disp.* 8. *sect.* 6. *num.* 6. *fine.* loquens de delictis, quæ cedunt in commune damnum, dicit: si occulta penitus sunt, hoc est, si nullus alius præter te sciat, superiorem esse admonendum, ut vigilet. Infertur ergo non esse admonendum, ut possit iudicare. & *n.* 10. loquens de edictis sanctæ Inquisitionis ait. Si delicta non sint talia, ut via inquisitionis possint Inquisitores de illis interrogare iuridicè, tunc credendum est eos procedere secundum ordinem fraternæ correctionis. Et hic ordo seruandus est, ut D. Thom. *art.* 7. *in solut. ad 5.* explicat, neque aliud expedit, aut necessarium est communi bono, cui sufficit, ut publica delicta puniantur, & occulta conuenienti ordine charitatis cohibeantur. Neque enim per se loquendo habent superiores ius ad punienda peccata occulta, Thom. Sanch. *lib.* 6. *decal. c.* 18. *num.* 56. vbi crimen ambitionis in societate reputat, & optimè esse directè in damnum commune, affirmat, inquam fore denunciandum, etiam si secretum sit, & probari non possit; quia non sit, (inquit) denunciatio Præposito generali ut iudici, sed ut patri: neque enim ex tali denunciatione punire publicè potest delinquentem, & inhabilem reddere. Ergo sentit Thom. Sanch. delicta omnino secreta, quæque probari non possunt, non posse iudicialiter denunciari, præcipuè si ex tali denunciatione punitio sequenda foret. Lorca 2. 2. *q.* 31. *art.* 8. *disp.* 47. *n.* 6. affirmat omnes sine controuersia ita sentire & *n.* 15. dicit Prælatos religiosorum raro posse præcipere, ut aliquod occultum sibi etiam ut patri manifestetur: quoniam non potest illis satis constare, vtrum res in eo statu sit, ut subditus licitè occultum prodatur, & magnam occasionem perplexitatis illi præbent, & ideo optima regula est illa. 5. Thom. *art.* 8. *in solut. ad 1.* Prælatum tunc solum posse præcipere, quando potest inquirere, potest autem, quando adest denunciator, aut infamia, quod intelligendum est tam de paterna, quam de iudiciali inquisitione; quia 5. Thom. indistinctè, & vniuersim loquitur & *numero* 16. vbi dubitat, an sicut non licet deferre ad iudicium hoc genus occulti denunciando, ita etiam non liceat testificando? Et respondet eandem esse rationem, quoniam nemo testificari potest, nisi crimen probabile, quia adest alius testis, vel saltem infamia. & *numero* 21. dicit. Si superior præcipiat denunciare, quantumcunque absolute præcipiat non obligat, nisi circa crimen, quod probari potest, & seruato correctionis ordine; alias esset præceptum iniustum. Alphons. de Villaguta *in sua prælat. canon. libro* 2. *trakt. de denunciat. Evangelica, pag.* 94. *concl.* 5. *cap.* 4. & 5. *concl.* 4. *pag.* 101. latè probat cum Panormit. & aliis delictum, quod non potest probari, quia nullus alius præter denunciantem scit, non posse iudicialiter denunciari: ex capite hoc videtur. 22. *questio.* 5. & ex capite *crubescant.* 37. *distinctio.* vbi, Urbanus. De manifestis loquimur, secretorum cognitor Deus, & in capite *plerunque.* 2. *questio.* 7. dicit, S. August. plerunque boni viri propterea sufferunt aliorum peccata, & tacent, quia deferuntur à publicis documentis, quibus ea, quæ ipsi sciunt, probare iudicibus non possunt. Ratio horum Doctorum ea est, quia non potest esse iudicium sine sufficienti probatione. Ergo vbi hæc est impossibilis, cessat obligatio denunciandi, quæ ad iudicium complen-

complendum ordinatur. Neque ob stare videtur aduersus hanc doctrinam vsus Prælatorum peccata omnino occulta sibi denunciari præcipientium, vbi certum est non præcipi denunciationem paternam, sed iudicalem, liquidem coram Secretario, & propria manu signatur denunciatio, & illa facta sine vlla correctione secreta Fiscalis accusat, & denunciante, vt testem præsentat, & delinquens capitur, & punitur. Non, inquam, obstat hic vsus, nam Prælati procedunt via inquisitionis generalis, ipse autem denunciatus debet videre, quæ denunciare debet; non enim iudices limites charitatis fraternæ in illis casibus, in quibus obligat, transgredi intendunt, neque peccata, quæ probabilia non sunt, sed penitus occulta volunt ad suum tribunal deferri, vt optimè dixit D. Thom. 2. 2. q. 3. art. 7. ad 5. Talium enim peccatorum dum probabilia non sunt, solum est iudex ipse Deus, cui omnia sunt manifesta.

10 Verum meo iudicio omnino dicendum est te posse, & debere delinquentem aduersus tertiam personam, vel commune bonum Prælato vt iudici denunciare, si alia via tibi non suppetit damnum impediendi, etiam si probare non possis, sed solus tu sis, qui noueris, modò non noueris per confessionem, & manifestatio delicti sufficiat damnum impedire aliquo modo, etsi non perfectè: ita expressè docet Syluest. verbo *correctio. quest. 5. Eman. Saa in edic. Rom. verbo denunciatio. Valen. disputat. 3. quest. 10. p. 5. pag. 677. Villalob tom. 2. sum. tract. 4. diffic. 11. num. 2. & 4. & testatur esse commune Lessius lib. 2. de iust. cap. 30. dub. 2. n. 13. & dub. 6. n. 43. & multis allegatis Thom. Sanch. lib. 3. de matr. disp. 13. art. num. 2. vbi volentes contrahere cum impedimento, etiam si impedimentum infamatorium sit, probat esse denunciandos iudici, quantumuis occultum impedimentum sit, probarique non possit, fauèscque Congregatio. VII. illo decreto de manifestat. delicti cap. 15. §. 1. p. n. 8. vbi dicit, quando prudenter iudicaretur non posse adhiberi sufficiens remedium, quo bono communi, vel tertie personæ prouideatur, nisi assumatur in ea re persona iudicis, tunc tenebatur subditus ad iudicalem denunciationem superiori faciendam: & loquitur congregatio in toto illo decreto de delictis occultis omnino.*

Ratio conclusionis est, quia hæc denunciatio non tam ad punitionem delinquentis, quam ad præcauendum damnum, quod intendit inferre, ordinatur. Ergo non est curandum, quòd ipse delinquens infametur, vel vexetur per denunciationem, hæc enim consequuntur per accidens; quod enim primò intenditur, est defensio innocentis, vel boni communis. Neque obstat delictum probari non posse, vt sciens non teneatur denunciare, quia non denunciat, vt probet delictum, sed vt damnum impediat, quod per denunciationem impeditur: & licet sufficienter per denunciationem damnum non impederetur, nihilominus debet denunciare, quia per denunciationem aperis viam iudici, vt inquirat, & quærat media impediendi, vt optimè notauit Thom. Sanch. lib. 3. de matr. disp. 18. numer. 2. Eman. Saa supra verbo denunciatio. Neque Doctores supra relatos sentio nobis dissentire: non enim credibile est illos velle non esse denunciandum delinquentem, qui ciuitatem pararet incendere, si alia via præter denunciationem iudicalem non suppetit impediendi damnum. Etsi enim iniquum non facere bono communi ob delinquentis detrimentum. Quare debent intelligi de denunciatione ad punitionem, non de denunciatione ad præcauendum malum impendens requisita.

11 Solum aduerto, quando Prælati, seu inquisitores mandant denunciationem sibi fieri de iis, & aliis delictis, absque eo quod cum aliquo communices: hoc in-

telligi debet de delictis, quæ tibi certò constant in edictis contineri, quæque tibi mandantur denunciari. Nam si dubius es, an peccata, quæ scis, sint contenta in edictis, vel non, poteris absque dubio consulere confessarium, vel virum doctum; neque hanc communicationem intendunt inquisitores prohibere, vt aduertit Ioann. Sanch. *selekt. disput. disp. 11. num. 57. cum Arevalo de correct. fraterna, fol. 188. & Bannes 2. 2. q. 33. art. 8. dub. 2. ad 7. argum.*

12 Sed inquires quid dicendum in propriis iniuriis? Respondeo, rarò in his est obligatio corripiendi secretò delinquentem: quia rarò inuenitur iniuriatus, cui graue non sit iniuriantem fraternaliter corrigere, & cuius correctio ab iniuriato admittatur. Potest tamen iniuriatus satisfactionem expostulare apud iudicem, si alia via non ei offertur, & denunciare delinquentem in omnibus casibus, in quibus diximus denunciari posse delicta alteri damnum inferentia. ita ex Arag. 2. 2. *quest. 68. art. 1. docet Villalob. tom. 2. sum. tract. 4. diff. 12. num. 2.*

PUNCTUM XIV.

Quando cesset obligatio denunciationis iuridicæ.

- 1 Delinquentes, quorum delicta non laborant infamia, & constat emendatos esse, non sunt iudicialiter denunciandi, & quid dicendum de crimine hæresis.
- 2 Quando præsumi potest delinquens emendatus, vt cesset obligatio denunciationis.
- 3 Delictum à duobus, vel tribus notum, si iudex ad punitionem procedit, non est denunciandum.
- 4 Neque item est denunciandum, si sub secreto delictum accepisti, modò delictum non cedat in damnum tertij.
- 5 Accepta in compensationem non sunt manifestanda, ob præceptum latum de reuelandis furtis.
- 6 Quid præceptum sit de manifestando accepta, tamen si accepta sint in recompensationem?
- 7 Si tibi graue damnum ex denunciatione imminet, non teneris denunciare, vel si compellendus es probare, nec potes.
- 8 Tandem excusaris à iuridica denunciatione, si à fide dignis non acceperis.

Delinquentes, quorum delicta non laborant infamia, si constat emendatos esse, esto fuerint delicta in damnum tertij, vel communis, denuncianda non sunt. est ferè omnium sententia, vt constat ex Doctorebus in superiori puncto pro nostra conclusione allegatis. Nam ea de causa delicta secreta dicimus posse iudicibus manifestari, vt impendant damnum tertio, vel communitati impendens. Si igitur iam cessauit damnum, cessat & ratio iustificans manifestationem. Præterea quia in tali casu iudex solum procedit ad punitionem, quando verò iudex ad punitionem procedit, requiritur delinquentem infamia laborare. vt est decisio in c. inquisitionis. §. tertio, de accusat. & probat bene Lessius lib. 2. x. 19. dub. 15. n. 121. & dicemus disp. de iudice. & in propriis terminis docet Suar. de charit. disp. 8. *sekt. 6. n. 10. Cordub. in sum. q. 64. p. 2. & Nauarra lib. 2. de restitutio. capit. 4. dub. 10. n. 98.* Hæc enim delicta iam emendata habentur, ac si non essent commissa. Solum ab hac regula generali excipit Suar. *disputat. 20. sekt. 4. numero 13.* & Ioann. Sanch. *disputatio. 11. numero 51.* crimen hæresis propter eius atrocitatem, & infectionem; quod licet iure naturæ denunciandum non sit, si iam sit emendatum, ac ex vi præcepti ecclesiastici affirmat denunciandum fore. Quæ doctrina vera est, si ponamus esse delictum probabile: nam cum in illo casu possit sciens denunciare ad

punitionem, debet emendatus denunciare, & hoc modo explico. Eman. Saa *verbo denunciatio, in ed. Romana.* affirmantem cum Toletto, Soto, & Nauarr. hæreticum, quem scis respuisse, non teneris denunciare. De aliis vero delictis plures Doctores non infamæ notæ censent stante emendatione nullo modo esse denuncianda, si occulta sint, hoc est, si infamia non laborant: ita innumeris relatis. Thom. Sanch. *lib. 6. decal. c. 18. n. 49.* Nauarra *lib. 2. de restit. c. 4. num. 120. in 2. edit.* Ioann. Sanch. *disp. 11. n. 51.*

2 Sed inquires, quando præsumi potest delinquens emendatus? Respondeo prudentis arbitrio esse relinquendum: si enim omnino appareant occasiones sublatæ, præsumenda est emendatio. Ex solo decursu temporis, nisi longum sit, non est præsumenda correctio. Quando verò post commissum delictum longum tempus præcessit, præsumendus est delinquens correctus, nisi aliunde constet reincidentia: ita expresse Ioann. Sanch. *disp. 11. select. n. 52.* loquens de denunciatione sollicitationis factæ à confessorio, & affirmat cum Acuña *tract. de confessor. sollicitantibus q. 3. nu. 15.* ad tribunal inquisitionis non esse deferendos, quando longum tempus præcessit à commissio delicto. Et explicans statim quid censeatur longum tempus, affirmat tres annos sufficere ad emendationem præsumendam in criminoso, ex Mascard. *concl. 600. numero 14.* Alciat. *reg. 2. presumpt. 7.* Farinac. *in praxi. quest. 23. artic. num. 26. & decis. 52. num. 10. lib. 1.* ubi agit de suspecto de hæresi, qui abiuravit. tenet eandem sententiam, & adducit hos Doctores Seraphinus Frustas *in addit. ad Accusam q. 3. n. 32. & 33.*

3 Secundus casus, in quo cessat denunciationis iuridicæ obligatio, est quando delictum duobus, vel tribus tantum est notum, & iudex ad pœnam procedere intendit: tunc enim non est manifestandum: ita cum Corduba *in sum. quest. 64. p. 2. tenet* Nauarra *lib. 2. de restit. cap. 4. dub. 10. numero 99. in 2. edit.* Nauarra. *cap. inter verba concl. 6. n. 21. & in rub. de iudiciis num. 87. & aliis relatis Lessius de iust. lib. 2. caput. 29. dub. 18. concl. 2. in 109. 2. edit.* Quod intelligendum est cum supradictis Doctoribus de delictis, quæ in damnum tertij non vergunt: de his enim absque infamia non iuste procedit iudex inquirendo, quia infamia est, quæ inquisitioni aperit viam, ex caput. *qualiter & quando. el. 2. de accusat.* & dato quod ipse iudex iuste procederet, adhuc tu iuste taceres; quia ratio boni communis non exigit punitionem delinquentis, quousque à populo delictum sciatur, & delinquens infamatus sit: ita aliis relatis Lessius *lib. 2. de iust. cap. 30. dub. 6. num. 47. secunda edit.* Si verò delicta in damnum tertij sint, neque emendata, teneris, ut dictum est, denunciare iuridicè, si alia correctio, vel denunciatio paterna non appareat sufficiens.

Tertius casus excusans à denunciatione facienda, est, si sub secreto delictum accepisti, quia tibi ratione petendi consilium, vel remedium est manifestatum: tunc enim etiam præcedente infamia, & semiplena probatione, non teneris delictum, imò nec potes manifestare, & peccares non solum contra charitatem, sed etiam contra iustitiam, & ad restitutionem damnorum teneris: ita docere videtur D. Thom. 1. 2. *questio. 10. artic. 1. ad 2.* Corduba *in sum. questio. 64. casu 3. & lib. 99. questio. 43. dub. 2. pag. 346. col. 1.* Nauarra *cap. 25. numero 41. & 46. casu. 7. & cap. 18. numero 52. & numero 60.* Petrus Nauarra aliis relatis, *lib. 2. de restit. caput. 4. numero 102. 2. edit.* Eman. Saa cum aliis *verbo iudiciales actus. §. testis. numero 6.* Lessius *lib. 2. de iust. cap. 30. dub. 6. numero 45.* Ratio, quia esto bonum commune expostulet delinquentem infamatum puniri; non tamen expostulat, ut iuuet ad punitionem, qui sub secreto, & occasione

remedij cognouit; arcerentur enim miseri à consilio, vel remedio petendo. Vnde in nostra Societate, ubi quilibet potest defectus aliorum Prælato deterre, ut patri, ad maiorem delinquentis profectum. Excipitur hic casus, in quo sub secreto gratia petendi consilium acceperis, ut expresse habetur *decreto §. 4. congregat. 6. & can. 10. illius congregat. §. 2. & notauit Suar. tom. 4. de relig. lib. 10. c. 7. n. 23.*

Hæc tamen doctrina vera est de delictis, quæ in damnum tertij non vergunt, nam si huius conditionis sint & damnum imminet reipublicæ, vel tertio, teneris, si ipse non desistit, manifestare, quantumvis sub secreto acceperis, modò non sit sub sigillo confessionis, dignus est enim ut sibi frangatur fides etiam iurata, ob reparationem damni reipublicæ, vel tertij innocentis: sic Eman. Saa, Nauarra, Lessius, *supra*, & innumeris ut solet allegatis Tho. Sanch. *lib. 3. de matr. disp. 23. artic. num. 6.* Ex qua doctrina explicat Nauarra *lulium Clarum lib. 5. sentent. §. fin. quest. 27. & Socin. lib. 4. conf. 102.* asserentes non teneri quemvis ex præcepto superioris, manifestare rem furtiuam, si habeat ab ipso fre, & non aliunde: intelligitur, enim quando fur desistit, & restituit, quia tunc non ad emendationem, sed ad punitionem procederet iudex.

4 Quartus casus est, quando quis rem alienam accepit in recompensationem sui debiti, modò debitum sit ex iustitia, & liquidum, & aliz adsint circumstantiæ honestantes compensationem, de quibus in materia de restitut. tunc enim neque teneris de te, nec de alio debitum manifestare, etiam si sub iuramento, & excommunicatione præcipiatis: ita relato Corduba *q. 64. casu. 4. & q. 111. ad finem Syassi. & q. 43. & 63.* Vbi loquitur de exhibenda scriptura in tuum damnum. Nauarra. *cap. 17. n. 114.* Med. *Cod. de restit. q. 3. casu 12. & q. 11.* docet Petr. de Nauarra *lib. 2. de restit. cap. 4. n. 105. in 2. edit.* Lessius *lib. 2. de iust. cap. 30. dub. 6. n. 50. secunda edit.* Thom. Sanch. *lib. 3. de matr. disp. 13. in casu simili, n. 3.* Eman. Saa *censura. numero 3.* Ratio quia excommunicatio fertur ibi ob furtum manifestandum, & in tali casu nullum fuit commissum, siquidem non alienum, sed proprium accepit. Ergo excommunicatio, & præceptum ad illum non extenditur.

5 Sed quid si mandaris reuelare acceptum ab alio, etiam si scias in recompensationem accepisse, qualiter solet mandari ab auditoribus Romanæ curiæ ob vitandas fraudes, quæ sæpè contingunt accipiendo in recompensationem, quod nullo modo debitum erat? Angel. *verbo furtum, & Nauarra. cap. 17. n. 124. & cap. 25. n. 46.* absolute docent neque in hoc casu scientes reneri reuelare, cum ex eius reuelatione multæ molestiæ recompensantibus sibi debita oriantur, Quod intelligendum est, quando tibi constaret in recompensationem legitimam accepisse, nam si dubitas, an iuste alius fecerit recompensationem, debes, nisi dubium deponas, manifestare, quia præceptum est clarum, & ratio excusans dubia, ac proinde possidet præceptum, ita Petr. de Nauarra, *lib. 2. de restit. cap. 4. n. 206. in secunda edit.*

6 Quintus casus est, quando cogendus esses probare, quod denuncias, cum re vera non posses, vel aliud detrimentum tibi ex denuntiatione veniret: cum graui enim detrimento non teneris damnum alteri impediens impedire, nisi forte esset damnum commune, quod ex tua denuntiatione esset impediendum: tunc enim teneris aliquod damnum pati, ut euitaretur: secus e contra, ita cum Corduba, & Nauarro, tenet Petr. de Nauarra *supra n. 107.* Eman. Saa *verbo iudiciales actus. n. 3.* Couar. *tract. quest. q. 18.* Lessius *lib. 2. de iust. cap. 30. dub. 6. n. 50. §. sexto in 2. edit.* & in casu simili Thom. Sanch. *lib. 3. de matr. disp. 13. n. 4.*

7 Sextus casus est, si iubeas denunciare crimen, quocum

quocunque modo scias, non debes denunciare, si à fide dignis non accepisti, vel si non recordaris, à quo accepisti. Notarieris enim leuitatis, & proximo damnum sine vlla vtilitate inferres, & fortè sine fundamento: ita relato Corduba docet Nauarra. *lib. 2. cap. 4. dub. 10. num. 108. 2. ed.* Lessius *suprà §. septima*. Thom. Sanch. *concl. 2. num. 7.*

PUNCTUM XV.

An accusationem debeat precedere secreta correctio.

- 1 *Negatur à pluribus præmittendam esse secretam correctionem accusationi.*
- 2 *Oppositum affirmatur ab aliis.*
- 3 *Media procedunt via qui dicunt non esse præmittendam correctionem ex iustitia, bene tamen ex charitate.*
- 4 *Probabilis est non solum contra charitatem, sed etiam contra iustitiam esse accusare delictum, quod etsi probari possit, non laborat infamia.*
- 5 *Quoties à iure datur facultas accusandi, non est peccatum contra charitatem accusare.*

1 **P**lures Doctores negant præmittendam esse correctionem secretam accusationi. Nam accusans non tam intendit emendationem delinquentis, quàm punitionem delicti commissi, & satisfactionem offensæ factæ tertio, vel reipublicæ. Non ergo adstringitur corrigere eum correctio ad emendationem tendat. Deinde committens delictum coram aliis, reipublicam offendit: habet ergo quilibet ex reipublica ius eum accusandi, ut damnum, quod per peccatum reipublica accepit, per punitionem delinquentis reparetur: per peccatum enim incitati fuerunt homines ad similia patranda. Debent ergo deterreri, & coerceri per punitionem ipsius: sic docuit Adrian. *in 4. de correct. fraterna. col. 17. vers. ad. 2.* Soto *de regendo secreto memb. 2. q. 1.* Nauarra. *cap. 18. num. 30.* Cordub. *de detract. q. 2. concl. 4. & quest. 3. concl. 4.* & Scoto *in 4. dist. 15. & Driedo de libert. Christiana. lib. 2. cap. 10.* & colligitur ex *cap. qualiter & quando 2. de accusat.* ubi dicitur. Accusationem legitimam debet præcedere inscriptio, & denunciationem charitativa monitio. Solum ergo ad denunciationem, & non ad accusationem secreta correctio est præmittenda.

2 Alij Doctores per oppositum affirmant præmittendam esse monitionem, si emendatio fratris ex illa speratur, ita Dur. *in 4. dist. 19. q. 4. ad. 1.* Syluest. *verbo accusatio. q. 3.* Caiet. *2. 2. q. 33. art. 7.* Lorca *ibi. art. 8. disp. 47. n. 27.* & fauere videtur D. Thom. *art. 7.* cum utramque opinionem retulerit, & nullam improbauerit. At in solut. ad 3. insinuat à contrario sensu, cum delictum nō est famosū, habere locū verba Christi Matth. 18. Ratio huius sententiæ est, quia charitas id videtur exigere.

3 Media via alij Doctores procedunt. Affirmant namque non esse præmittendam correctionem ex iustitia, quando delictum est probabile, esse tamen præmittendam ex charitate, si frater intelligitur emendandus priuatis monitis: ita Lessius *lib. 2. de iustit. cap. 30. dub. 2.* Nauarra. *l. 2. de restit. c. 4. dub. 13. n. 130. & 131. in 2. edit.*

4 Dicendum tamen in hac re existimo: etsi quilibet ex iis sententiis sit satis probabilis; at mihi probabilius est non solum esse contra charitatem, sed etiam contra iustitiam delictum accusare, quod etsi probari possit, infamia non laborat. Ratio est, quia infamia aperit viam iudicii ad punitionem. Ergo tibi etiam ad accusandum. Ergo vsque sit infamia, clausa tibi est porta accusationis. Excipe, nisi delictum sit contra tertium directè: tunc enim accusatio, quia non ad punitionem tantum,

sed ad correctionem ordinatur, institui potest eo ipso, quo possis probare, ut latius *in disp. de accusat.* Deinde punitione publica est ad reparationem iniuriæ factæ reipublicæ, vel alicui tertio. Peccata autem, quæ directè non sunt contra reipublicam, vel tertium, non censentur reipublicæ, vel tertio iniuriam facere. Ergo non est circa illa punitione publica querenda.

5 Secundo dico, quoties à iure tibi datur facultas accusandi, non peccas contra charitatem, etsi accuses. Non enim iustitia aduersus charitatem esse potest. Vnde etsi videatur contra charitatem esse delinquentem accusare, quem correctione secreta emendare poteras, at verè non est contra charitatem, cum ipse se delinquendo huiusmodi damno exposuit, & bono communi, quod per accusationem intenditur, sufficienter compensatur. Adde, manifestatio secreti delicti de se non est contra charitatem, quatenus charitas est virtus specialis, sed est contra iustitiam. Ergo si secludamus à tali manifestatione peccatum iniustitiæ, & peccatum contra charitatem debemus secludere. Denique si contra charitatem esset accusatio delicti, quod potest correctione secreta præcaueri, esset contra præceptum Domini Iarum, Matth. 18. at ibi non loquitur Christus de accusatione, sed de denunciatione Evangelica, quæ potius ad correctionem, quàm ad punitionem procedit. Ergo.

PUNCTUM XVI.

Vtrum iudex teneatur repellere denunciationem sibi factam de delicto, eo quod illius secreta correctio non præcesserit.

- 1 *Proponitur ratio dubitandi.*
- 2 *Lorca sentit obligatum esse iudicem, si commodè potest, denunciationem repellere. At si denuncians persistit, admittere debere denunciationem.*
- 3 *Tenetur iudex denunciationem admittere, tametsi denuncians non probauerit denunciationem præcessisse.*
- 4 *Satisfit rationi dubitandi, n. 1. adducta.*

1 **R**atio dubitandi desumitur ex *cap. qualiter, & quando 2. de accusat.* ibi enim dicitur denunciationem debere præcedere charitatiuam monitionem, iuxta textum Evangelicum: ubi primò corrigendus est frater secretò; deinde adhibendi sunt testes, postea si illos non audierit, dicendum esse Ecclesiæ. Ergo omittes hos actus aduersus ius diuinum Naturale, & Canonicū denunciar. Ergo repellenda est eius denunciatio ut illicita, & cōtra charitatem, & iustitiam. Ergo non potest iudex illam admittere, aliàs fauebit peccato denunciantis. Confirmo *in supradicta ca.* eodem modo dicitur debere charitatiuam monitionem præcedere denunciationem, quo inscriptio accusationem, & clamorosa insinuatio inquisitionem, sed sine inscriptione accusatio nulla est, & sine clamorosa insinuatione nulla inquisitio. Ergo nulla erit denunciatio sine charitatiua monitione. Confirmo secundò, ex doctrina Baldi *in leg. 1. ff. de liber. & posthum.* formam datam à lege, vel statuto non debere omitti: & est tex. notandus *in leg. magis prius §. penult. ff. de rebus eorum.* Sed monitio secreta videtur tradi à Christo Domino pro forma, antequam denunciatio Ecclesiæ fiat. Ergo est nulla denunciatio monitione omitta, & ita videtur tenere Felin. *in cap. noui, de iudiciis. col. penult.*

2 In hac questione Lorca *2. 2. q. 33. art. 8. disp. 47. n. 29.* affirmat iudicem obligatum esse in quantum commodè possit impedire denunciationem taliter factam. At si denuncians non vult desistere, posse illam admittere, etsi requiratur eius officium, teneri admittere. Prima pars probatur ratione dubitandi. Secunda ex eo

quoddam denunciatio iuridica non habet dependentiam à secreta correctione, neque iure naturæ, neque diuino, neque canonico, cum nullibi ob eius omissionem irrita reddatur. Nō in iure canonico (de quo poterat esse dubium.) Nam in cap. *qualiter & quando*, dicitur, denunciationem debere præcedere secretam monitionem, sicut accusationem libellus: sed non dicitur debere præcedere eodem ordine necessitatis, aliàs deberet constare semper, cum denunciatio fit, præcisè, secretam correctionem testēsque fuisse indutos: quod est contra praxim. Quapropter cap. *licet Heli, de simonia*, cum Abbas Pomposianus ad summum Pontificem delatus esset ob varia crimina, & ipse opposuisset secretò non fuisse correctum, & delatores testarentur correxisse: Pontifex nihil de hoc puncto curauit, sed ad causæ decisionem processit. Verum est processisse ex officio ob clamorofam de delictis insinuationem, ac proinde non videtur huiusmodi res adæquatè probare denunciationem valere omiſsa correctione.

3 Quapropter cenſeo dicendum teneri iudicem denunciationem admittere, etſi denunciatus non probauerit monitionem præceſſiſſe, quod mihi perſuadet vſus iudicium nihil de monitione interrogantium. Fateor tamen ipſum denunciante non præmiſſa correctione, cum deberet præmittere, peccare, & iniuſticiam facere, ac validè denunciare. Quia aliud eſt eſſe iniuſtam denunciationem, aliud eſſe validam. Verum ſi iudici aliquo modo conſtaret monitionem ſecretam non fuiſſe præmiſſam, caſu quo eſſet præmittenda, (quod difficile conſtare poteſt) exiſtimo denunciationem omnino eſſe repellendam à iudicio, utpote iniuſtam, & contra præceptum Domini: ita tradit expreſſè Gloſſa in cap. *cum dilectus*, 20 de accusat. per text. ibi ſi conſtiterit præſatum Episcopum de iam dictis exceſſibus non fuiſſe orationem ab eiſdem, à denunciatione repellatis eodẽ, & cap. *qualiter, eodẽ titul. cap. licet Heli de simonia*. Suar. tom. 4. de relig. lib. 10. cap. 8. fin. n. 15. Valen. diſp. 3. q. 10. p. 5. §. poſſet etiam pag. 682. & 683. Alſonſus de Villagut. in ſua præſt. lib. 2. tit. de denunciat. Euangel. cap. 9. concl. 4. pag. 10. q. & pag. 113. concl. 3. addit debere iudicem, antequam denunciationem admittat, interrogare denunciante, an præmiſerit ſecretam correctionem, teſtēsque induxerit; quod ſi ita feciſſe non probauerit, cauſamque omiſſionis legitimam non allegauerit omnino eſſe repellendum. Sed quod diximus verius eſt ob vſum receptum.

4 Ad rationem dubitandi patre ex dictis: mandatur enim ille ordo correctionis ſecretæ præmitti denunciationi, ut licita, & iuſta denuntiatio fiat, non ut valida, cum non poſſit denuntiatio iuridica dependere à monitione ſecreta, quæ eo ipſo, quo ſecretè fit, non poteſt de illa conſtare.

DISPUTATIO IV.

De odio, inuidia, diſcordia, ſchiſmate, aliſque charitati contrariis.



SCIT charitas plures actus habet tam internos, quàm externos, de quibus in ſuperioribus dictum eſt; ſic etiam habet plura vitia ſibi contraria, ſcilicet odium Dei, & proximi, inuidiam, accidiam, diſcordiam, contentionem, ſchiſma, rixam, ſeditionem, bellum, & ſcandalum, de omnibus his in hac diſputatione agemus. Solùm de ſcandalo, quia materia latior eſt, in ſequentem diſputationem referuamus.

PUNCTVM I.

De odio Dei, & proximi, quid ſit, & quale peccatum.

- 1 Odium eſt charitati contrarium, & eſt duplex, abominatio, & inimicitia.
- 2 Proponuntur quadam obiectiones, & ſit illis ſatis.
- 3 Quodcumque ex iis odiis circa Deum eſt mortale, neque fieri poteſt veniale ex leuitate materie.
- 4 Circa proximum aliquando eſſe poteſt veniale.
- 5 Odium proximi diſſert ſpecie ab odio Dei.
- 6 In odio proximi qui cenſeant non eſſe plures actus ſpecie diſtinctos.
- 7 Probabilius eſt oppoſitum.
- 8 Qua ratione odium proximi ab ira, & indignatione, appetitūque vindictæ diſtinguatur?
- 9 Enumerantur plures caſus, in quibus licitum eſt proximo velle malum.
- 10 An optare mortem, vel de illa gaudere ob hereditatem habendam, liceat, proponitur negati ſententia.
- 11 Contrarium ut probabile defenditur, ſi cum debita ſit moderatione.
- 12 Satisfit contrario fundam. n. 10. adducto.

ODIUM charitati oppoſitum eſt, velle alicui malum, quia malum illius eſt. Dupliciter contingit. Primò abominando ipſam perſonam, tanquam tibi contrariam, & deſiderando, ut non ſit, & hic actus eſt odium abominationis. Secundò, deſiderando illi aliquod malum ex ſupradicta abominatione, quod vocatur odium inimicitie. Sic omnes Doctores in diſcurſu referendi; Vtrumque odium verſari poſſe circa Deum, & circa proximum de fide eſt. Circa proximum verſatur, ſi ob malum, quod in ipſo reſidet, vel ob iniuriam tibi illatam aduerſeris, velisque illum perimere, aut aliquod aliud malum illi euenire. Circa Deum verſatur, non quatenus in ſe eſt, quia ut ſic nihil mali habere poteſt, ſed quatenus te punit, tibi que diſſilia imperat: ob has enim rationes poteſ illum auerſari, & quantum in te eſt velle, ut non ſit.

2 Quòd ſi obiecias. Nullus poteſt velle alteri malum, niſi illud malum ſibi eſſe bonum apprehendat. Ac in auerſione Dei, cuiusque inimicitia nulla ratio boni eſſe poteſt. Ergo. Reſpondeo nullam rationem boni eſſe, apprehendi tamen, & exiſtimari; quod ſufficit, ut poſſit Deus odio haberi à non videntibus ipſum. At illi qui Deum clarè vident, cum videant obiectum ſummè diligibile, nequeunt illum odio habere: ſic D. Thom. 2. 2. q. 34. art. 1. & ibi Caietan. Valen. diſp. 3. q. 11. p. 2. in ſ.

Si inſtes. Secundò, qui alterum odit, & auerſatur, eſt ob aliquod malum in eo exiſtens: at in Deo nullum malum eſſe poteſt. Ergo non eſt capax odij, & auerſionis? Reſpondeo non ſemper eſſe neceſſarium ad odium, ut malum exiſtat in perſona, quæ odio habetur, ſufficit, ſi malum aliquod cauſet. Quapropter etſi in Deo nullum malum eſſe poſſit, quia non poteſt villo bono carere: at poteſt eſſe cauſa alicuius mali pœnæ, & tibi iniucundi, & ob hanc rationem poteſ ex peruerſione tuæ voluntatis illum odio habere.

3 Quodcumque ex iis odiis, ſi circa Deum verſetur, eſt mortale peccatum, iuxta illud Num. 20. Surge Domine, & diſſipentur inimici tui, & fugiant qui oderunt te à facie tua. Deute. 32. His, qui oderunt me, retribuam. & Pſal. 138. Nonne qui oderunt te Domine, oderam, & alibi: imò ex genere ſuo eſt peccatum omnium maximum, quia directè opponitur charitati, quæ eſt præcipua virtus, & quia per ſe, & directè auertit hominem à Deo ſummo bono; cum tamen reliqua peccata ſolùm conſentire ab ipſo auerſant, quatenus peruerſè feruntur in obiectum diuinæ voluntati contrarium: ratione cuius amicitia

cura

cum Deo dissoluitur, vt ex D. Thom. 2.2.q.34.art.2. benè notauit Valen. disp. 3. q. 11. p. 2. vers. 3. Torres disp. 91. dub. 2. Bonacina. disp. 3. q. 4. de charit. p. ult. n. 1. Adde odium contra Deum ita esse graue peccatum, vt fieri non possit leue ex leuitate materiæ, sic Torres 2.2. disp. 91. dub. 1. vers. sed querere potest. Bonac. n. 3. Ratio est manifesta, quia cum Deus in se summè bonus sit, & iustissimè in suis actionibus procedat, grauissimam iniuriam illi inferre, si illum aliqua ratione auerferis, & quantum in te est, cupies non esse, ex talique affectu aliquod malum etiam leuissimum illi velis, cum ab omni malo summè alienus sit.

4 Si autem odium circa proximum versetur, etiam est graue peccatum, iuxta illud Leuit. 19. *Non oderis fratrem tuum in corde tuo* & 1. Ioann. 1. *Qui dicit se in luce esse, & fratrem suum odio in tenebris est.* Ratio est, quia vel le creaturæ rationali aliquod malum, quia illi malum est, sistendo, ibi inordinata est voluntas. Ergo nequaquam licet. Hoc autem odium proximi aliquando esse potest veniale peccatum, non solum ob defectum plenæ deliberationis, sed etiam ob materiæ leuitatem. Vt si quis proximum absque iusta ratione leuiter auerferet, cuiusque præsentiam fugiat, malumque aliquod leue exoptet. Sic Tolet. lib. de septem peccatis c. 70. Coninch disp. 19. dub. 3. n. 60. Eman. Saa. verbo indignatio. Torres. 2.2. disp. 1. dub. 1. Reginald. lib. 17. c. 10. n. 109. Bonac. disp. 1. q. 4. p. ult. n. 6. Valen. disp. 3. q. 11. p. 2. in fine. vers. 6. dico. Ratio est, quia in hac displicentia personæ, & in hoc prauo desiderio, nõ fit grauis iniuria proximo, sicuti fit ipsi Deo, quia proximus capax est mali; secus verò Deus, cuius tabernaculo flagellum non appropinquauit.

5 Sed inquires, an odium proximi differat specie ab odio Dei? Respondeo differre, quia licet vtrumque charitati opponatur; at diuersimodè opponitur. Vnū enim offendit directè maiestatem Dei, aliud indirectè. Quapropter in confessione debes illa distinguere, vt rectè notauit Valen. 2.2. disp. 1. q. 11. p. 2. vers. quarto dico. Bonac. sup. n. 10. Coninch disp. 29. de charit. dub. 3. n. 61. Torres disp. 9. dub. 61. ad finem. Bannes dub. 2. concl. 3.

6 Maior difficultas est de odio proximi, an in illo sint plures actus specie distincti?

Negat Caietan. 2.2. q. 34. art. 6. ad ult. Bonac. & Torres supra, & Valen. disp. 3. q. 11. p. 2. vers. quinto dico. Mouentur, quia odium non sumit speciem, neque indiuiduitatem ex obiecto materiali, sed formali: obiectum autem formale semper est idem, scilicet displicentia personæ. Ergo quantumuis obiecta materialia varientur, non varietur actus. Hinc inferunt supradicti Doctores te non esse obligatum in confessione manifestare quæ mala proximo desiderasti, sed satisfacere, si dicas te odio proximum roties fuisse persecutum, optando illi graue malum; quia omnia illa mala sub eadè ratione appetita sunt, scilicet, quia proximo mala erant.

7 Cæterum mihi omnino dicendum videtur contrarium cum Suar. disp. 6. de charit. sect. 2. n. 2. Egid. de Coninch disp. 29. dub. 3. n. 61. Moueor, quia vnum odium proximi ab alio differre potest, tum ex fine, quo proximum adeò habes, tum ex parte mali, quod illi optas. Ex parte finis differt, si proximum auerferis, quia est Dei imago ad beatitudinem creatus, qualiter Dæmones nos odio habent: aut quia tibi aliquam iniuriam intulit; vtrumque enim odium, est odium proximi, etiam si primum ex odio Dei ortum habeat. Negari ergo non potest vnum actum ab alio differre. Neque credo hoc à Caietano, Bonac. & Torres improbari. Ex parte verò mali, quod proximo optas, etiam specie videntur differre. Quis enim neget optare inimico ob displicentiam illius æternam condemnationem, esse diuersum peccatum in confessione manifestandum ab eo, cum solum amissionem status, & temporalis vitæ desideras; cum bonitate diuersæ rationis priuet. Et confirmo. Vo-

luntas inferendi proximo malum in vira, diuersum peccatum est, à voluntate inferendi malum in fama, & honore, aut pecuniis. Ergo etiam voluntates quibus hæc mala appetuntur euenire, diuersæ sunt. Et ratio est, quia species odij inimicitia non sumitur præcisè ex displicentia, & auersione personæ, quam auerfariis, sed ex malo, quod illi desideras. Aliàs nullum odium proximi esset odium inimicitia, sed solum odium abominacionis. Ex quo inferitur in confessione omnino explicanda esse, vt expressè docent Coninch & Suar. sup.

8 Secundò inquires, qua ratione odium proximi ab ira, & indignatione, appetitūque vindictæ distinguatur? Distingui affirmant ferè omnes Doctores; quia habent diuersas rationes formales. Odiū enim est auersio personæ, & ex illius auersione, & displicentia illi malū velle, quia illimalū est sine vlla mensura. Esse autem alteri malum apprehendit odiens tanquam bonum propriū. Dixi sine vlla mensura, quia ea quæ per se appetuntur mensurā non habent in appetitione. At ira est appetitus irrationalis, & immoderatus vindictæ ob iniuriam sibi ab altero illatam. Ex quo fit non appetere malum alterius absolute, sicut odium, sed secundum mensuram iniuriæ, illique satisfacere intendit. Est tamen peccatum de se graue, quia modum excedit satisfactionis: etsi aliquando ob imperfectionem actus tum ex parte rationis, tum ex parte obiecti, veniale sit. Indignatio verò peccaminosa est dolor, quod bona temporalia indigne habeant. Aduerte tamen sæpe indignationē, & irā posse licitè haberi, si modū non excedat, iuxta illud, *ira scimini, & nolite peccare.* Ex quibus omnibus fit longè odiū proximi ab ira, seu appetitu vindictæ, & ab indignatione differre; vt notauit Suar. disp. 6. de charit. sect. 2. n. 4. Azor. tom. 1. lib. 3. c. 12. q. 2. & c. 17. q. 2. Bonac. de charit. disp. 3. q. 11. p. ult. n. 8. Egid. de Coninch disp. 29. dub. 1. n. 21. Lessius lib. 4. cap. 4. dub. 4. n. 27.

9 Dixi in principio odium proximi esse, velle illi malum, quia malū illi est. Quia vt sic tibi esse bonū apprehendis, vt tacitè innuerem, si ob aliquē finem extrinsecum bonū illi velis malū, excusari te posse ab odio, & à peccato. Primò enim tibi licet ex amore virtutis auerfari peccatores, quatenus tales sunt, iuxta illud, *Iniquos odio habui, & legem tuam dilexi.* Imitaris enim hac in parte Deum, cui odio est impius, & impietas eius. Tolet. lib. 4. c. 11. in princ. Secundò ex zelo iustitiæ tibi licet gaudere, & desiderare punitionē, & mortē malefactorum à publica potestate infligendam: non quia mala sunt ipsis, sed quatenus sunt pœnæ peccatis debita, actūsque iustitiæ vindicatiui, & in aliorum exemplum; vt omnes supponunt cum Lessio lib. 2. de iustit. c. 47. dub. 4. n. 21. Ledelm. 2. p. sum. tract. 17. concl. 3. Tolet. lib. 4. sum. c. 11. Ioann. Sanch. disp. 2. select. n. 11. Ex qua doctrina infert licitum tibi esse desiderare, & à Deo petere vindictam iniuriantibus, dummodò non excedas in petitione vindictæ mensuram culpæ, quia petis punitionem peccati à potestate superiori faciendam, non ex odio, sed ex zelo iustitiæ vindicatiui. Tertiò ex charitate proximorū licet tibi desiderare, & gaudere de morte peccatoris scandalosi, ne aliis occasio sit ruinæ: sic Nau. c. 15. n. 10. Tolet. de septem pecc. mort. c. 66. & lib. 4. c. 11. Reginald. lib. 17. n. 116. Ioann. Sanch. disp. 2. select. n. 6. Bonac. disp. 3. q. 4. p. ult. n. 7. Quarrò ex charitate circa ipsum delinquentem, licet tibi velle infirmitatem, pecuniarum amissionē, vt à peccatis desistat, quia illi maius bonum desideras. Tolet. & Bonac. sup. Eadem ratione desiderare illi potes mortem, si videas non conuertendum, ne grauior illi sit condemnatio. Nauar. sup. Bonac. disp. 3. q. 4. p. ult. n. 7. vers. tertio. Et generaliter ex bono spiritali proprio, vel alieno licitum tibi est hæc mala pœnæ aliis in efficaci affectu velle, quia in hoc appetitu spiritali bonum temporali præfertur. Ergo ex hac parte inordinatus esse non potest.

10 Maior est difficultas, an ob bonum temporale & aliquando inferioris ordinis liceat tibi malum aliquod graue temporale proximi desiderare, & de illo gaudere, & de bono ipsius triftari, quia tibi impedimento est ad boni temporalis consecutionem, v.g. An possis desiderare mortem alicuius, vt illi in bonis succedas, vel ne in eo sustentando, vel curando graueris? Negat Nauar. cap. 15. n. 10. & affirmat esse omnium. Ratio esse potest, quia ex charitate obligaris præferre vitam proximi tuis diuitiis, temporaliq; emolumento. Si autem ob habendam hæreditatem illius mortem appetis, iam temporale emolumentum vitæ proximi præfers; quod esse contra charitatem videtur.

11 Nihilominus credo, si cum debita moderatione facias, te posse absque peccato mortali de vita alicuius triftari, & de illius morte naturali gaudere, illamque in efficaci affectu petere, & desiderare, non quidem ex displicentia personæ, sed ob aliquod temporale emolumentum inde secutum. Sic docere videtur Eman. Saa. verbo *charitas*, in *vtriusque editione*. n. 8. vbi absolute dicit te posse proximo optare malum corporale ad salutem animæ, & mortē ob reipublicæ bonū, & hosti tibi alioqui valde nociuo mortē, non odio, sed ad vitandū damnum tuum, itē de morte eius gaudere ob bonū inde secutū. Azor. 1. p. sum. lib. 3. c. 12. q. 2. & Bonac. disp. 3. q. 4. p. vlt. n. 7. affirmant licere matri mortē filiarū optare, eo quod ob deformitatē, vel inopiam non possit eas iuxta suum desiderium nuptui tradere. Et idem esse dicunt, si ob illarū causam malē tractaretur à marito, posset illarū mortem optare, vt ab illo damno liberaretur: consentit iis Ioann. Sanch. disp. 2. sect. 4. n. 9. vbi inquit, Licitum est optare tibi, vel proximo mortem, ob vitandam molestā infirmitatem, mendicitatem, vitam pœnalem à marito inflictam, & alia huius generis, dummodò desideres, vt à Deo infligenda, nō ab homine iniuste, vel à dæmone. Ratio est, quia huiusmodi desiderium, & gaudium de malo proximi, non tam est desiderium, & gaudium de malo illius, quā de bono inde sequuturo. Ergo nō habet malitiam; quia illam habere non potest, nisi finis illius malus sit, cum tota species actus inefficacis ex fine desumatur. Et confirmo. Tibi licitum est, hæreditatē optare, honorem appetere ad actus virtutis præstandos. Itē carere molesta infirmitate, inopia, aliisque malis, vt liberius Deo seruire possis. Cognoscis autem hæc omnia consequi te non posse, nisi Deus ē vita præsentis proximum tollat. Poteris ergo ex supradicto fine, & ob illius consecutionem proximi mortem desiderare, & de illa succedente gaudere; quia non gaudes de illa, quatenus proximo mala est, ibi sistendo (hoc enim esset malum) sed gaudes de illa, quatenus est causa tui emolumenti, & secundum hanc rationem bona esse videtur, & appetibilis. Secus verò esset, si velles proximo absolute, & efficaciter mortem, quia talis voluntas illicita, & peccaminosa esset sub quocunq; motiuo illā haberes, quia velles illam inferre, & consequenter velles homicidium, quod semper illicitum est.

12 Neque obstat fundamentum contrarium. Concedo te debere bonis fortunæ vitam proximi præferre, quoad effectum, & voluntatem efficacem, ac proinde teneris bona fortunæ exponere, vt vitam proximi conserues. Secus de inefficaci affectu, & simplici complacentia dicendum est, quia respicit obiectum secundum se, & ex illius bonitate sumit speciem, non ex illius executione.

PUNCTUM II.

De inuidia, qua ratione sit peccatum charitati contrarium.

1. *Inuidia quid sit.*

2. *Multipliciter de bono alterius dolere, & triftari potest absque inuidia.*
3. *Triftari de bono alterius, quia tibi bonum proprium diminit, est inuidia, & peccatum ex genere suo mortale.*
4. *Nō deest, qui sentias inuidiam solum esse mortale, cum ex illa moueris ad iniuste remouendum proximi bonū.*
5. *Nō admittitur hac sententia.*
6. *Sapē inuidia est veniale peccatum.*
7. *Inuidia est vnum ex vitiis capitalibus.*

1. **I**nuidia est tristitia de bono alterius quatenus per se, & ratione sui proprium nostrum diminit. Vel est gaudium de malo illius, quatenus per se, & ratione sui nostrum malum diminit. Sic Doctores communiter cum D. Thom. 2. 2. q. 36. art. 1.

2. Pro explicatione huius definitionis aduerte, multipliciter te dolere posse de bono alterius, & de illius malis gaudere. Primò, si doleas, quia bonum illius est, & gaudeas de malo, quia malum illius est. Et sic dolor, & gaudiū ad odium pertinet. Secundò, si doleas de bono alterius, quia inde per accidens sequitur tibi aliquod nocumentum, & hic dolor non est peccatum inuidiæ, sed sapē licitum esse potest, si nocumentum, quod times, licitè refugis, quia tunc non tam doles de bono alterius, quā de tuo damno. Tolet. de septem peccat. cap. 63. vers. primo. & cap. 64. Tertiò, dolere potes de bono alterius, non quia in illo est, sed quia tu illo cares; qui dolor non est inuidia, sed æmulatio, quæ bona esse potest, si dolor moderatus sit, & circa res appetendas versetur. Tolet. cap. 65. Si circa res improporcionadas, vt cum videris Regem & Pontificem, doles quod non sis, est veniale; si circa res turpes, aut illicitas pro qualitate malitiæ peccatum erit. Tolet. de septem peccatis, cap. 65. Quartò, esse potest dolor de bono alterius, quia illo indignus est. Hic autem dolor, qui vocatur Nemesi, seu indignatio, & esse potest bonus, & malus: bonus esse potest, si cum debita moderatione doleas, tristeris & indigneris, quod beneficia publica, & officia reipublicæ indigni possideant; quia tunc doles, & triftaris de aliqua actione peccaminosa, & mala, qualis est indigna horum bonorum possessio. Sic Tolet. de septem peccat. mort. cap. 64. & c. 65. Erit autem malus saltem venialiter hic dolor, si doleas, quod mali pecunias possideant, & bonis fortunæ fruuntur, ea tantum præcise ratione, quia mali sunt. Sic D. Thom. 2. 2. q. 36. art. 2. & ibi Caietan. Lessius. lib. 4. cap. 4. dub. 4. n. 27. Agid. Coninch. disp. 30. de charit. dub. 2. n. 26. Suar. disp. 6. de charit. sect. 4. n. 3. Tolet. cap. 65. aduersus Petr. de Lorca, negantem esse peccatum. Sed ratio nostra est, quia mali, & peccatores iniuste possident diuitias, & honores, (vt suppono.) Ergo inde non potest sumi causa honesta ad dolendum; videres enim diuinam providentiam incusare. Aliās si casu perderent, nō deberes impedire, posses tamen dolere, & triftari; quod diuitias possideant peccatores, si inde sumant occasionem peccandi, & tunc ex affectu charitatis procederes. Tolet. cap. 63. Item si doleres, eo quod ob eam causam iusti homines illis diuitiis priuantur, quia tunc esset actus misericordiæ in iustos. Suar. sect. 4. n. 2. Item posses inefficaciter triftari ob defectum conuenientis proportionis, qui adest, cum ij peccatores diuitiis abundant, & iusti illis carent. Valen. 2. 2. disp. 3. q. 13. p. 2. circa finem.

3. Quintò, denique potes dolere de bono alterius, eo quod per se, & ratione sui proprium tuum bonum diminiuat: bonum, inquam, alterius potest esse occasio diminuendi proprium tuum bonum, sine eo quod aliquam vim tibi inferat, & actionemq; iniuriosam exerceat: vt patet si existente te in aliqua ciuitate, in qua nimis doctus, & peritus reputabaris, accederent alij æquè docti, tua doctrina, & peritia non tanti, vt antea æstimabatur; quia non est ita rara. Ecce qua ratione bonum

num

num alterius per se proprium tuum diminuat. Si ergo doleas de bono alterius, quia huius diminutionis est causa, inuidus es, & peccas, & ex genere suo mortaliter, ita D. Thom. 2. 2. q. 36. art. 2. & 3. Valen. disp. 3. q. 13. p. 2. in princ. Egid. de Coninch disp. 30. dub. 2. n. 20. Nauatr. cap. 23. n. 118. Bonac. disp. 3. q. 4. de charit. p. ult. §. 2. n. 3. Reginald. lib. 17. n. 129. Suar. disp. 6. de charit. sect. 4. num. 4. & alij communiter. Ratio est, quia hoc vitium est charitati contrarium, cum de bono proximi tristeretur, & de malo illius gaudeat, quod verò gaudeas de malo illius, vel tristeris de bono quin proprium tuum bonum, vel malum diminuit, non est sufficiens causa honestandi actum. Fateor enim imminutionem propriæ excellentiæ malum esse, & dignum, ut de illo tristeris: sed quia non solum de illo, sed de bono proximi per se, & non per accidens tristaris, quin per se, & immediatè hanc imminutionem causat, ea de causa hæc tristitia mala est. Quod autem ex suo genere peccatum mortale sit videtur constare ex illo ad Rom. 1. vbi plenos inuidia tradit Deus in reprobum sensum.

4 Lorca verò, 2. 2. q. 6. in addit. ad 3. art. affirmat inuidiam solum esse mortale, cum ita vehementer bono proximi inuides, ut ex illo affectu mouearis ad iniuste remouendum proximi bonum, secus si absque hoc periculo inuideas, sicuti auaritia, & vana gloria, in qua non sunt peccata mortalia, nisi aliqua circumstantia mortali vestiantur. Et probari potest, quia dolere de bono proximi, quatenus tuum bonum diminuit, non est absolute de bono proximi dolere, sed dolere de illo, quatenus hunc effectum causet, & licet non causet media actione iniuriosa; negari tamen non potest esse tibi molestum, & iniucundum: Siquidem tollit opinionem, & honorem singularem antea à te possessum. Ergo talis tristitia, & dolor non videtur inordinatus, ut peccatum mortale constituat. Adde, si doleas de bono alterius, quia inde proximus occasionem sumit te vexandi, non peccas, quia doles præcipue de tuo incommodo. Ergo idem erit, cum doles. Quatenus ex se causat tibi incommodum. Nam esse causam per se, vel per accidens parum videtur referre.

5 Nihilominus retinenda est communis sententia ob rationem ibi dictam, ex qua fundamentum pro sententia Lorca solum est. Aliàs si fundamentum illud verum esset, non solum probaret inuidiam peccatum mortale non esse, sed neque esse peccatum, nisi moueatur inuidus ad remouendum iniuste à proximo bonum, quia dolere de bono alterius, si moderatè fiat, quatenus inde per accidens sumit alius occasionem me damnificandi, non est peccatum, ut supra dixi.

6 Aduerte sæpè inuidiam peccatum esse veniale tum ob imperfectionem consensus, tum ob leuitatem materiæ, ut in pueris contingit. Egid. dub. 2. n. 25. Bonac. §. 2. n. 4. Valen. p. 2. propos. 3. Sæpè transit in æmulationem, & tunc non est peccatum, sicuti solèt mercatores inuidere, quod alij eiusdem conditionis merces vendat, & lucrètur, & ipsi non; enim tam dolent de alieno lucro, quàm quod ipsi eo careant: est tamen periculosus affectus ob singularem lucri appetitum. Coninch sup. n. 23.

7 Computatur inuidia inter vitia capitalia, quia ex illa, tanquam ex radice alia vitia pullulant, scilicet odium proximi, susurratio, detractio, gaudium in aduersis, tristitia in prosperis. De quibus S. Thom. 9. 36. art. 4. & ibi Caiet. Lorca, Torres, & alij, Tolet. de 7. peccat. cap. 67.

PUNCTUM III.

De Accedia, qua ratione peccatum sit charitati oppositum.

1 *Definitur Accedia.*

2 *Accedia specialis charitati contraria est, dolere se esse*

à Deo creatum sub obligatione seruandi præcepta.

3 *Dolere de præceptorum obseruatione ob illorum molestiam est accedia generalis.*

4 *Aliquando accedia generalis est peccatum veniale, aliquando nullum.*

5 *Accedia specialis semper est mortalis, nisi excusetur ex defectu pleni consensui.*

6 *Quæ vitia ex accedia oriuntur, & eorum malitia expenditur.*

1 **A**ccedia est tristitia de bono spiritali diuino, & ex fine creationis nobis necessario. colligitur hæc definitio ex D. Thom. 2. 2. quest. 35. art. 2. in corp. & art. 3. ad 2. & ibi ferè omnes expositores.

2 Pro cuius explicatione aduerte te à Deo esse creatum, ut filius illius sis adoptiuus, beatitudinisque hæres: ad cuius consecutionem plura sunt necessaria simpliciter, plura secundum quid, plura conuenientia. Necessaria sunt simpliciter, quæ sub præcepto graui prohibentur, vel imperantur; secundum quid sunt necessaria, quæ sub leui culpa mandantur. Conuenientia dicuntur, quæ obseruantiam mandatorum promouent, quæque vocantur consilia. Si igitur doleas, quod sic creatus sis, ut tenearis amicus esse Dei, eiusque mandata obseruare, sin minus, æterno supplicio puniri, peccas peccato accediæ specialis, & grauissime, quia est cõtempus maiestatis diuinæ, cuius amicitiam refugis, & postponis executioni tuarum passionum, & voluptatum. Est tamen hoc peccatum contra charitatem, quia proprium charitatis est gaudere de amicitia Dei, eiusque fruitione. Ergo contrarium illi erit de iis dolere, & tristari, etiam si occasio illius tristitiæ sit labor illius consecutioni annexus.

3 Notanter dixi te peccare peccato accediæ specialis, si doleas te esse creatum in finem ita excellentem, ut tenearis mandata diuina ad illius consecutionem obseruare, sin minus æternis suppliciis addici, ut tacitè insinuarem esse accediam aliam generalem, quæ per alia vitia vagatur. Si enim doleas de ieiunio ob illius molestiam, talis tristitia temperantiæ opponitur; si doleas resistere ob affectum diuiciarum, pugnas cum iustitia, & sic de reliquis vitioribus; sicut enim quælibet virtus habet circa suum obiectum varios actus, tum desiderij, tum gaudij, ita vitium ei oppositum oppositos actus habet: sic ex D. Thom. 2. 2. q. 3. art. 2. notat Valen. disp. 3. q. 12. p. 1. circa princip. vers. secundo. Suar. disp. 6. de char. sect. 3. n. 3. Coninch disp. 30. dub. 1. n. 8. Bonac. disp. 3. q. 4. de char. p. ult. §. 3. n. 4. Ad idem reducit accedia consiliorum, qua quis tristatur de obligatione, quam habet seruandi consilia, ut contingit in religioso, qui ob molestias, & difficultates, quas in religione sentit, tristatur, quod statum illum perfectionis assumpserit. Sic Suar. n. 4. Coninch n. 9. Valen. vers. tertio sequitur.

4 Hæc ergo accedia generalis non semper est peccatum mortale, sed aliquando veniale, & aliquando nullum: ut rectè ex D. Thom. & Caiet. supradicti Doctores aduertunt. Est igitur peccatum veniale, si tristetur de obiecto, quod solum sub veniali exequi teneris. Caiet. verbo accedia. Valen. disp. 3. q. 11. vers. tert. Bonac. disp. 3. q. 4. p. ult. §. 3. n. 3. Item si tristetur de obiecto grauius præcepto non secundum se, sed ob aliquam illius circumstantiam, temporis, vel loci, ut si tristeris; quod talis sit præceptum ieiunij, tali vitio concio habeatur: sic Reginald. lib. 17. n. 108. Tolet. de septem peccat. mortal. cap. 69. Bonac. disp. 3. q. 4. de charit. p. ult. §. 3. n. 3. Nullum tamen erit peccatum, si de obseruatione consiliorum tædeas, qua ratione excusaris à peccato dolens te esse religiosum sacerdotem, si absque periculo transgrediendi præcepta contingat. Sic Suar. disp. 6. sect. 3. n. 4. Coninch disp. 30. dub. 1. num. 9. Valen. supra, quia cum nulla sit obligatio suscipiendi talem statum,

statum, nulla est obligatio de illo suscepto gaudendi, aut de illo non dolendi: Est tamen hic affectus nimis periculosus, ut bene dicunt Suar. & Coninch *sup.* quia aperit viam deferendi statum.

5 Accedia tamen specialis, quæ charitati contraria est, & de fine supernaturali necessariò dolet, est semper mortalis, nisi ob defectum pleni consensus excusetur, quia materia est gravissima, & in gravissimam Dei iniuriam, & contemptum cedit. Ex hac ergo accedia speciali ferè omnia vitia oriuntur. Quem enim tædet amicitia Dei, eiusque beatitudo ob laboriosam consecutionem, tædent etiam omnia, quæ ad illius consecutionem sunt necessaria, ac proinde omnes virtutes, paratque viam omnibus contrariis.

6 Sex tamen speciales filias accedix enumeravit. S. Gregor. *lib. 31. mor. cap. 31.* D. Thom. *art. 4. & 5.* & ex illis Tolet. *cap. 70.* Valen. *p. 1. in fin.* Reg. *n. 108.* Prima Malitia, hoc est detestatio, & odium bonorum spiritualium in se, ut si velis, ea non esse, non implevisse mandata, non fuisse ad finem supernaturalem creatum, non cognovisse Deum, quæ sunt gravissima peccata, contra Dei, & beneficiorum divinatorum contemptus. Secunda est rancor erga eos, qui te ad spiritualia movent, & inducunt, qui si simul prorumpat in odium, quæ illis aliquod malum grave desideres erit mortale, ferè contra Tolet. *sup. a.* Tertia, pusillanimitas erga bona spiritualia, quia ardua sunt, quæ si non sunt præcepta non erit mortalis, si tamen sunt præcepta, erit rancor, quæ est quarta filia accedix consistens in negligentia sui, omissioneque divinatorum præceptorum, & est mortale. Quinta est euagatio mentis ad alias res illicitas, quæ oblectant, & hæc aliquando est mortalis, aliquando venialis, prout sunt res, quibus quis per cogitationem delectatur: cum hac autem euagatione coniungi solet defectus attentionis debitæ rebus spiritualibus exercendis, quæ si ex præcepto exercenda sunt, ut est Missam die festo audire, horas canonicas ex præcepto recitare, talis defectus voluntatis notabilis peccatum mortale constituit: secus si hæc ex præcepto exercenda non sunt.

PUNCTUM IV.

De discordia, & contentione, & quomodo charitati opponantur.

- 1 Discordia definitur.
- 2 Est peccatum charitati contrarium.
- 3 Ex suo genere mortale, aliquando esse potest veniale.
- 4 Contentio charitati contraria definitur.
- 5 Ex suo genere est peccatum mortale.
- 6 Proponitur obiectio, & fit illi satis.

1 **D**iscordia est dissensio voluntatis à voluntate proximi circa bonum, quod velle ex charitate teneris, non enim est dissensio intellectus, sed voluntatis, quia dissensio intellectus in rebus fidei, est peccatū fidei contrarium, non charitate, & ita vocatur hæresis, non discordia; in aliis verò opinionibus, & iudiciis, rarè est peccatum, nisi scandalum causet, aut pacem turbet. Dixi esse dissensionem voluntatis, circa bonum quod velle teneris, nam si velle non teneris, quod alius intendit, nullum erit peccatum ab eius voluntate discordare; hac enim ratione non peccas contemnens consilia amici de religioso statu suscipiendo. Aliquando etiam erit bonum discordare à voluntate alterius, quia alterius voluntas mala est, prout hæc omnia notavit Valen. *disp. 3. q. 14. p. 1. vers. diximus, & seqq.* Coninch *disp. 30. de char. dub. 3.* Suar. *disp. 11. de char. sect. vn.*

2 Discordia ergo voluntatum, circa bonum, quod velle ex charitate teneris, peccatum est charitati con-

trarium, cum enim proprium sit charitatis voluntates unire, & ex pluribus unum efficere, charitati opponitur, qui voluntates diuidit, præcipuè in iis ad quæ charitas obligat: cum autem charitas obliget communitatis necessitatem providere, postposita utilitate speciali, & necessitatem cuiusque particularis, quando facile possis; si procurantibus hæc te opponas, contra charitatem peccas. Dices, sæpè hæc procurare est obligatio iustitiæ, ut contingit in iis, qui ex officio tenentur bona communitatis, & subditorum procurare. Ergo non est peccatum contra charitatem, sed contra iustitiam in iis discordia. Respondedo negando consequentiam: non enim est inconueniens unum numero actum physicum in duplici specie morali existere; atque adeò & esse contra charitatem, & contra iustitiam. Est quidem contra charitatem illa voluntatum oppositio; quia bonum commune impeditur ob utilitatem propriam. Est contra iustitiam; quia impeditur executio obligationis iustitiæ prospiciendi bono publico ex officio orta. Deinde addo sæpè dissensionem voluntatis non contra charitatem, sed contra alias virtutes esse, v.g. dissentit subditus à voluntate superioris, cui se conformare tenetur, peccat aduersus virtutem illam, in qua est res præcepta. Item dissentit debitor à voluntate creditoris debitum exigentis, peccat contra iustitiam: & sic de aliis. Quapropter dixi discordiam charitati contrariam esse dissensionem voluntatis in re, quam ex charitate velle teneris.

3 Hinc constat ex suo genere grave peccatum esse discordiam, tum quia charitati opponitur, tum quia inter peccata, quæ à regno Dei excludunt, illam enumeravit, Apostolus *ad Galat. 5.* Tum quia seminatorem discordiarum inter fratres summè Deus abominatur, *Proverb. 6.* dixi ex suo genere: nam aliquando ex defectu pleni consensus, & ex materiæ leuitate contingit esse veniale, ut notavit Valen. & Coninch *sup. a.* Bonac. *disp. 3. quest. 4. de char. p. vlt. §. 4. num. 2.* Suar. *disp. 11. sect. vn. n. 4.* ubi infert consulentem testatorem, ne relinquat heredem, quem volebat, & electorem, ne eligat ad beneficium, quem eligere intendebat, non peccaturum mortaliter, si absque odio, invidia, & iniuria fiat, & sæpè nullum esse peccatum, si aliqua rationabili causa moueatur: quia secluta necessitate non teneris proximo subuenire, illique benefacere, ac proinde nec consentire in voluntate illius, qui illi subuenire, & benefacere intendit.

4 Contentio charitati contraria effectus est discordiæ. In præsentia definitur, ut sit contrarietas quædam verborum cum proximo ad impugnandam veritatem. Sic ex D. Thom. *2. 2. quest. 38. art. 2.* docet Valen. *disp. 3. q. 14. p. 2.* Suar. *disp. 11. sect. unica. num. 5. & 6.* Coninch *disp. 30. dub. 4.* Bonac. *disp. 3. quest. 4. p. vlt. §. 4. num. 4.* & alij communiter. Dixi ad impugnandam veritatem, ut excluderem contentionem, quæ pro veritate defendenda, indaganda, aut aliquo modo clarificanda desumitur, ut fieri solet in ordinariis disputationibus, quia hæc non est contentio vitiosa, nisi ex aliquo accidenti extrinseco vitium illi contingat. Requiritur ergo, ut altercatio sit ad veritatem oppugnandam. Hanc ergo oppugnare potes. Primò si eam clarè cognoscas, & hæc est formalissima contentio. Secundò si dubius de illa sis, & tunc est virtualis oppugnatio veritatis. siquidem absque prævio examine verumne sit, an falsum, quod oppugnas, contentionem assumis. Tertiò cum sub prætextu iniquo falsitatis veritatem impugnas, & falsum persuadere procuras, uti faciunt hæretici.

5 Hanc triplicem altercationem esse peccatum, & ex genere suo grave, farentur ferè omnes Doctores cum D. Thom. *quest. 38. art. 2.* & videtur probari ex illo ad Rom. *1.* plenos invidia, homicidio, contentione.

Hæc

Hæc contentio inter peccata grauiora enumerata est. Item est etiam peccatum contra charitatem. Tum quia animos diuidit, & disiungit. Tum & præcipue, quia ex charitate teneris abstinere à nocumento proximi. Est autem non leue nocumentum falsa illum docere, & errores persuadere.

6. Dices, oppugnatio veritatis perinentis ad fidem, & rectam morum institutionem contra fidem est. Oppugnatio verò veritatis philosophicæ contra virtutem veritatis. Item decipere proximum contra iustitiam est, cum vnusquisque ius habeat, ne ab alio cedatur, præcipue in parentis superioribus animæ. Ergo nulla datur impugnatio veritatis aduersus charitatem directè. Respondeo, me hoc argumento conuinci impugnacionem veritatis tunc solum esse contra charitatem, quando fit ex animo alteri contradicendi, & à communi, & vero aliorum sensu separandi. Sed sic finis, raro dicit Suar. *illa disp. 11. sect. vnica num. 6. & 7.* est peccatum mortale. Erit autem peccatum contra fidem, si veritatem fidei oppugnes, aut aliquomodo opprimas, & obscuris; & contra iustitiam in re graui, si proximum in iis decipias. In aliis autem materiis raro oppugnatio veritatis est peccatum mortale; quia raro fit cum notabili proximi detrimento, quod ad peccatum mortale requiritur. Sic Suar. Valen. Bonac. Coninch *locis citatis.*

PUNCTUM V.

De schismate quid sit, & quale peccatum.

1. Schisma est diuisio ab Ecclesia, eiusque capite.
2. Dupliciter contingit.
3. A subiectione Pontificis te separare potes directè, vel indirectè. Et quibus modis contingat?
4. Pontifex ab vnitatem Ecclesie te separare potest.
5. Peccatum schismatis grauiissimum est.
6. Aliqui à communione fidelium se separant, quin sit schisma, & quales ij sunt.
7. Nolens exequi mandatum Pontificis, quia difficile, non est schismaticus.
8. Neque est schismaticus qui dominium Pontificis in aliquam ciuitatem non recognoscit.
9. Item schismaticus non est, qui non obedit Pontifici, quem probabiliter credit legitimum non esse.
10. Peccans mortaliter non est schismaticus.

1. Schisma in præsentem sumitur pro scissione, vel diuisione ab Ecclesia, eiusque capite; cum enim Ecclesia vna sit, ac proinde indiuisa constans ex fidelibus tanquam membris, & ex Christo, eiusque Vicario tanquam capite, qui se ab huiusmodi membris, vel capite separat, schismaticus est.

2. Dupliciter te ab Ecclesia separare potes, iuxta duplicem vniõnem, quam Ecclesia in te tenet. Primò, deferendo fidem, quæ vnica est in Ecclesia, & tunc hæreticus es, & consequenter schismaticus, quia à præcipua vnitatem Ecclesie, quæ desumitur à fide te separas. Secundò, te separare ab Ecclesia potes deferendo eius vnitatem, quam fideles omnes inter se habent cum suo capite, tum in sacramentis, & cultu diuino, tum in subiectione, & subordinatione ad suum caput. Si enim sacramentorum vsum contemnis, religiosumque cultum omittis, & Christi Vicario tanquam vero capiti te subicere non vis, iam exinde non communicas cum reliquis fidelibus, sed potiùs ab eorum communione te separas, ac proinde schisma committis. Requiritur ergo ad verum schisma rebellio in Pontificem, vel Ecclesiam, quæ rebellio in eo sita est, vt quis verbis, vel factis ostendat se nolle Ecclesiam, vel Pontificem, qualem est, recognoscere: sic ex omnium sententia tradit D. Thom. 2. 2. q. 39. art. 1. & ibi Caietan. Valen. *disp. 3. quest. 15. p. 1. præcipue proposit. 3.* Suar. *disp. 12. sect. 1. num. 1. & seqq. præcipue 13. & 8.* Coninch *disp. 30. Ferd. de Castro Sum. Mor. Pars 1.*

dub. 5. nu. 36. & 42. Sanch. lib. 2. decal. cap. 36. a. num. 1. Bonac. disp. 3. q. 4. de charit. p. ult. §. 5. proposit. 1. Farinac. plures referens, q. 184. num. 2. & 3.

3. Dupliciter autem te potes à subiectione Pontificis, & Ecclesie vnitatem diuidere. Primò directè, secundò indirectè. Directè te diuidis, cum expressè, & formaliter intendis non recognoscere Pontificem, vt superiorem; indirectè, cum facto ipso ostendis non recognoscere: quod videtur contingere existentibus in Anglia, & exhibentibus Regi obedientie signa, quibus testantur esse Christi Vicarium in spiritualibus, quauis interius sic esse nullo modo credant, quia sciunctio ab vnitatem Ecclesie, eiusque obedientia in opere ipso externo consistit; ac proinde ij verè schismatici sunt, esto non sint hæretici. Sic Suar. *de censur. disp. 21. sect. 2. n. 13.* Sanch. *lib. 2. cap. 36. n. 14.* Bonac. *disp. 3. quest. 4. p. ult. §. 5. num. 9. vers. hinc patet.* Item indirectè recessio ab Ecclesia contingit iis, qui præsumunt absque debita autoritate congregare Synodos vniuersales, vel eas postquam per legitimam auctoritatem dissolutæ sint, prosequi: Sic Caietan. *dicta q. 39. art. 1. Valen. p. 1. proposit. 3. vers. Nam qui separant.* Suar. *de charit. disp. 12. sect. 1. num. 2.* Sanch. *num. 5.* Coninch *num. 38.* Rursus quælibet ex his dissentionibus, tam directæ, quàm indirectæ, potest dupliciter contingere, primò mixta hæresi, secundò, sine illa. Mixta hæresi contingit, si eum te subtrahis ab obedientia Pontificis, & vnitatem Ecclesie negas eius vnitatem, vel Pontificis prælationem. Sine hæresi stat schisma, cum & vnitatem Ecclesie recognoscis, & Pontificis prælationem, non vis tamen illi ex malitia subiici, & in hac subiectione cum reliquis membris Ecclesie communicare: sic Sanch. *cap. 36. num. 8.* Valen. *dicta proposit. 3.* Toletus *de casibus cane Domini, concl. 3. excommunicat. 1.* Bonac. *disp. 3. q. 4. p. ult. §. 5. num. 5.* Farinac. *quest. 184. num. 2.*

4. Quocirca quicumque ab vnitatem Ecclesie, & suo capite se separat, schismaticus est. An autem possit Pontifex sic te separare, dubitant aliqui. Tenendum tamen est posse, quia nō est nolle cum fidelibus in sacramentis, & cultu diuino communicare, ac proinde te separat ab ipso, & à Christi capite. Adde non esse de essentia schismatis separationem à Pontifice, cum sede vacante committi possit; sufficit enim esse separationem ab vnitatem, quam fideles inter se, & cum Christi capite habent. Sic bene probat Valen. *disp. 3. quest. 15. p. 1. proposit. 5.* Coninch *disp. 30. num. 41.*

5. Esse autem schisma grauiissimum peccatum charitati contrarium nulli dubium esse potest. Quia scindit quantum est de se vnitatem Ecclesie, quæ charitas constituit. Neque dari posse credo leuitatem materiz in hac parte, quia nunquam leue esse potest, te sciungere ab vniuersa Ecclesia, & superiorem illius non recognoscere etiam in re leuissima. Est enim summa arrogancia, & diabolica superbia, & Ecclesie Dei grauiissimus contemptus. Sic Valen. *supra p. 2. in princ.* Bonac. *disp. 3. q. 4. de charit. p. ult. §. 5. proposit. 1.*

6. Verum quia aliqui à communione fidelium se separant, qui tamen propriè schismatici non sunt, placet illos enumerare, ne æquiocatio contingat. Primò, si te separes ab vnius Episcopi, & Cleri obedientia, & communicatione, si simul cum aliis Ecclesiis, & Pontifice communicas, non eris schismaticus, quia non te separas ab vnitatem Ecclesie. At si ille Episcopus, & Clerus cum aliis Ecclesiis, & Pontifice communicat in illa re, in qua tu communicare non vis, schismaticus eris, si ab illius obedientia te separas. Quia implicite te separas ab vnitatem Ecclesie, cum tota Ecclesia tibi resistat. Sic Val. *post 3. proposit. vers. item eadem ratione.* Coninch *disp. 30. dub. 5. n. 40.* Lorca *disp. 48. num. 11.* Farinac. *q. 184. num. 27. & 30.*

7. Secundò infert te non esse schismaticum, si Pontificis

HH b man

mandatum non impleas, eo quod tibi videatur difficile, & arduum vel extra Pontificis potestatem, vel in odium illius, & vindictam, quia cum hac inobedientia stat recognitio praelationis Pontificis, ac proinde debita illi in aliis materiis subiectio; aliis quilibet transgressor Ecclesiastici præcepti esset schismaticus, quod non est dicendum. Sic D. Thom. 2. 2. *quest.* 39. *art.* 1. & ibi Caiet. *dub.* 2. Bannes *ibidem ad finem.* Valen. *proposit.* 3. Sanch. *n.* 3. Bonac. *disp.* 3. *q.* 4. *p.* ult. §. 5. *n.* 2. *vers.* sexto, Coninch *disp.* 30. *dub.* 5. *n.* 42. Farinac. *quest.* 184. *num.* 11. Azor. 1. *p.* lib. 8. *cap.* 20. *quest.* 4.

8 Tertiò infero te non esse schismaticum eo quod dominium Pontificis in aliquam civitatē non recognoscas, & ob illam causam nolis mandatis parere, quia hæc non est separatio ab unitate Ecclesiæ, eiusque capite, quatenus illius caput est. Sic Sanch. *num.* 4. Bonac. *vers.* septimo, & alij apud ipsos.

9 Quartò, infero te non esse schismaticum, cum te subtrahis ab obedientia Pontificis, quem probabiliter credis talem non esse, quia tunc non peccas. Non enim teneris obedire superiori, nisi tibi prius morali certitudine constet superiori esse. Valen. *proposit.* 5. Sanch. *num.* 3. Bonac. *vers.* octavo. Coninch. *num.* 42. Suar. *disp.* 12. *sect.* 1. *in fine.* imò potius foveres schisma, si dubio Pontifici te subiceres, Vnde cum aliquis in Pontificem est electus, de cuius canonica electione non satis constat, non tenetur Ecclesia illum ut Pontificem acceptare, illique obedire, & consequenter neque ipse potest officium Pontificis exercere, cum ad hoc officium necessariò spectet posse cogere subditos, ut sibi obediant; imò potius tenetur ipse iuri illi dubio cedere, ut Ecclesia de pastore provideat; caret enim illo, dum dubiū habet: sic ex Caiet. bene notavit Coninch *disp.* 30. *dub.* 5. *num.* 44. ubi *num.* 45. dixit aliquando Pontificem, de cuius canonica electione prudenter dubitari non potest, obligatum esse cedere iuri, quod habet, & renunciare Pontificatum, si alia via cognoscit Ecclesiam non esse pacem habituram. Quia officium boni pastoris est animam ponere pro ouibus suis, *Ioan.* 10. Ergo à fortiori honorem, & auctoritatem. Item pro bono communi quilibet tenetur proprium expendere. Ergo auctoritatem Pontificiam tenetur Pontifex expendere pro pace Ecclesiæ, quæ bonum commune est.

10 Quintò, infero peccantem mortaliter non esse schismaticum, quia non se separat ab unitate Ecclesiæ, quæ in fide, & sacramentorum usu, cum debita ad Christum, eiusque vicarium subiectione consistit. Sic Bonac. *disp.* 3. *quest.* 4. *p.* ult. §. 5. *vers.* tertio. *proposit.* 1. cum Reginald. *lib.* 9. *n.* 358. Farinac. *quest.* 184. *num.* 25.

Sextò, excommunicatum non esse schismaticum propriè, quia non se separat ipse, sed potius separatur à communione fidelium. Sic Bonac. & Reginald. *suprà.* Farinac. multos referens *num.* 26.

PUNCTUM VI.

Quæ sint pænæ schismaticorum.

- 1 Explicatur prima pæna, quæ est privatio potestatis ordinis, & iurisdictionis.
- 2 An hæc privatio contingat schismaticis non denunciatis? Refertur quadruplex sententia.
- 3 Approbatur secunda sententia, privari scilicet ipso facto quolibet schismaticum occultum.
- 4 Secunda pæna schismaticorum est excommunicatio ipso facto.
- 5 Comprehendit non solum schismaticos hereticos, sed eos, qui hæresis suspicionem habent.
- 6 An quilibet inobediens Pontifici hanc excommunicationem contrahat? Proponitur sententia affirmans.
- 7 Solum schismaticus propriè hanc contrahit excommunicationem.

Fautores receptæ pænæ schismaticorum non ligantur hac

bulle excommunicatione.

- 9 Schismatici, qui heretici non sunt, absolvi possunt semel in vita, & semel in morte virtute Cruciatæ, vel Iubilei casu Cane concedentis.
- 10 Tertia pæna est inhabilitas ad beneficia.
- 11 Penitentibus schismaticis & Ecclesiæ reconciliatis solvitur hæc inhabilitas secundum probabilem sententiā.
- 12 Probabilis est dispensatione indigere.
- 13 Quis possit dispensare.
- 14 Probabile est occultum schismaticum dispensatione non indigere.
- 15 Beneficiis ante schisma obtentis non privatur schismaticus, nisi hereticus sit.
- 16 Quarta pæna enumeratur ab aliquibus irregularitas, sed non approbatur.
- 17 Quinta pæna est suspensio ordinis à schismaticis scienter recepti.
- 18 Sexta ut collatio beneficiorum ab eis facta irritetur.
- 19 Septima est suspensio hæresis vehemens.
- 20 Octava est subiectio Ecclesiasticis iudiciis pro pænâ sustinenda.

1 **P**rima pæna, quæ enumerari potest, est privatio potestatis Ecclesiasticæ, ordinis, & iurisdictionis. De potestate ordinis consistente in spiritali charactere certum est apud catholicos non posse privari schismaticum; quia non potest privari charactere, à quo talis potestas provenit, ut constat ex *cap. ordinationes* 9. *q.* 1. In iis enim operatur homo, ut dicit D. Thom. statim allegandus ut instrumentum Dei, idèoque effectus sacramentales ob culpam conferentis non cessant: at bene privari potest, & de facto privatur legitimo usu talis potestatis. Non enim licet ipsi eam potestatem exercere, dum est in schismate, sic ex D. Thom. *q.* 39. *art.* 3. Turrecremata *lib.* 4. *sum. parte* 1. *cap.* 7. & aliis Doctores, probat Valen. 2. 2. *disp.* 3. *quest.* 15. *puncto* 3. *in princ.* Farinac. *q.* 184. *num.* 43. De potestate iurisdictionis ferè omnes Doctores conveniunt schismaticum privatum esse ipso iure, & meritò, quia indignus est frui potestate Ecclesiæ, qui se pertinaciter ab illa separat. Vnde non potest excommunicare, absolvere, indulgentias, & beneficia conferre, & alia, quæ iurisdictionem requirunt: sed omnia illa invalida sunt, nisi aliunde ex communi errore ob titulum præsumptum iurisdictionis concedatur. Sic D. Thom. 2. 2. *q.* 39. *art.* 3. Valen. *disp.* 3. *q.* 15. *p.* 3. *vers.* tertio certum est, & *vers.* contrarium autem est, & *seq.* Azor. 1. *p.* lib. 8. *cap.* 20. *quest.* 9. & 12. Decian. *tract. crim. lib.* 5. *cap.* 67. *num.* 8. & *seq.* Farinac. *de hæresi* *q.* 184. *num.* 43. & probatur manifeste ex text. in *cap. 1. de schismaticis*, ubi dicitur ordinationes ab Octaviano, & Guidone hæresiar-chis factas, & ab ordinatis ab eis irritas esse censemus. (id est, quod executionem earum legitimam, ut bene cum glossa notat Valen. *suprà*) adicientes, ut qui dignitates Ecclesiasticas, seu beneficia per dictos schismaticos acceperunt, careant impetratis; alienationes quoque quæ per eosdem schismaticos, seu per laicos factæ sunt de rebus Ecclesiasticis, omni careant firmitate, & ad Ecclesias sine ullo onere reuertantur. Ad idem est text. in *cap. Nonatanus* 7. *q.* 1. ubi Cyprianus dixit. Qui nec unitatem spiritus, nec conventionis pacem asserit, & se ab Ecclesiæ vinculo, & à sacerdotum collegio separat, neque Episcopi potestatem habere potest, neque honorem: & *cap. didicimus* 2. 4. *quest.* 1. Idem Cyprian. inquit. Didicimus omnes omnino hæreticos, & schismaticos nihil habere potestatis, & iuris. Idem habetur *cap. audimus*, eadem causa & *q.*

2 Dubium tamen est, an hac potestate iurisdictionis priventur schismatici manifesti, & occulti, vel necessario debeant esse publicè denunciati, iuxta *extravag. ad annandæ scandala*, Concilij Constantin.

Qua

Qua in re quadruplex est sententia. Prima negat ipso facto priuari, sed esse per sententiam priuandos, quia nullibi habetur ipso iure priuatos esse. Sic Caiet. *tract. de auctorit. Papa, & Concilij. cap. 20. 21. 22. Cano. lib. 4. de locis. cap. 2. & capit. vlt. ad argum. 12. Sotus in 4. dist. 22. quest. 2. art. 2.* Secunda concedit priuari ipso facto iurisdictionis potestate quemlibet schismaticum, quantumvis occultum. Sic D. Thom. 2. 2. q. 39. art. 3. Turrecrem. *lib. 4. sum. p. 2. cap. 10. Castro. lib. 2. de iusta heretic. punit. cap. 23. & 24. Azor. 1. p. lib. 8. cap. 2. q. 9. in fine.* Mouentur, quia occultus schismaticus exterior ab unitate Ecclesiae & subordinatione ad illius caput se subtrahit. Ergo indignus est, cui iurisdictionis ab Ecclesia concedatur. Tertia negat occultum schismaticum priuari iurisdictione, concedit manifestum, siue sit manifestus per sententiam, siue ex facto proprio. Sic Valen. 2. 2. disp. 3. q. 15. p. 3. *vers. tertia sententia.* Et probat, quia dum est occultus aliquis, cum Ecclesia unionem retinet, ac proinde iurisdictionem ab illa accipere potest. Deinde quia reus hanc priuationem imponentes loquuntur de haereticis, & schismaticis publicis, non occultis, ut expendenti eos parebit. Quarta sententia dicit post Concilium Constantiense nullam schismaticum iurisdictione priuari, qui denunciat non sit, aut manifestus clerici percussor. Qui cum solum hos vitare teneamur, solum ius curare debent iurisdictione nobis conueniente. Sic Bonac. *disp. 1. q. 4. de censur. p. vlt. §. 6 n. 8.*

3 Inter his sententias secunda D. Thom. mihi magis probatur, quia textus in *cap. 1. de schismaticis. cap. Nouissimus, ad. audemus, cap. didicimus*, expressè notant ipso iure hanc priuationem incurralicunt enim ordinationes esse irritas, & conferentem nihil habere iuris, & potestatis, & ex alia parte hanc priuationem ad omnes schismaticos extendi probat textus in *cap. didicimus*, omnes omnino haereticos, & schismaticos nihil habere potestatis, & iuris. Verum ut huiusmodi priuatio iurisdictionis effectum habeat, necessaria est saltem declaratoria sententia criminis, ut ex ijs quæ diximus de hac poena haereticorum constare potest, & tradit in praesenti Suarez *disp. 12. sect. 2. numero 1.*

4 Secunda poena schismatici est excommunicatio, de qua satis controuersum est, an olim fuerit ipso iure imposita, an imponenda per sententiam, ut videre est in Azor. 1. p. lib. 8. cap. 20. *quest. 6. Farinac. quest. 184. n. 37. & 38.* Sed iam nemini est locus dubitandi esse schismaticis excommunicationem impositam in bulla Cœnæ Domini, *clausula prima in fine*: ubi inquit Pontifex. Excommunicamus, & anathematizamus schismaticos, & eos, qui se à nostra, & à Romani Pontificis pro tempore existentis obedientia pertinaciter subtrahunt, vel recedunt.

5 Circaquam excommunicationem, Primò dubitatur, an comprehendat schismaticos non haereticos? Negat Tolet. in *edit. Lugdunens. lib. 4. sum. cap. 11. in fine.* Vbi dicitur, qui credit potestatem Papæ, ex passione aliqua motus ab illius obedientia se subtrahit, iste est purè schismaticus, quia schisma est contra unitatem charitatis, non contra fidem, & tale schisma substat excommunicatione Pœnali, non quidem in Cœna Domini, nisi sit eum hæresi, sed à iure, quod habetur *cap. licet, de electione & cap. nulli. dist. 9.* At ut rectè Azor. *supra. q. 6.* ex ijs capitulis non colligitur excommunicationem ipso facto quemlibet schismaticum contrahere; quia in *hæc*, loquitur in cœu sociali, scilicet de Cardinalibus, qui post electum Pontificem ex duorum partium consensu, alium ex altera parte in Pontificem recipiunt, & simul eum qui electioni consentit, & ut Pontificem se gerit. *Capit. verò, nulli fas est*, solum habet schismaticos esse excommunicatione ex-

ord. de Castro Sui. Azor. Pars I.

pellendos. Idem habetur ex *cap. 1. de schismat. cap. de lignibus. 23. q. 5.* & tradit Abbas in *rub. de schismat. n. 2.* & multis relatis Garcia. 11. p. *de benef. cap. 10. n. 156. & seq.* Quocirca dicendum est schismaticos non haereticos ipso iure excommunicatos non esse, quod pluribus firmat Farinac. *quest. 184. n. 59.* aut dicendum est esse excommunicatos in clausula bellæ Cœnæ Domini, ut verè dicit debet. Nam cum in dicta bulla schismatici ipso iure excommunicentur, & nomine schismaticorum non solum schismatici haeretici, sed etiam qui haeretici non sunt, suspicionem tamen hæresis habent, propriè intelligantur, efficitur sanè eos omnes excommunicatos esse: & ita tenent alios referentes Azor. 1. p. lib. 8. cap. 20. *quest. 5. Valentia. 3. 1. disp. 3. quest. 15. p. 3. vers. tertio certum est.* Sanchez *lib. 2. cap. 36. num. 11. iuncto num. 14.* Suarez 5. 1. *de censur. disp. 21. section. 1. numero 18. & de charitat. disputatione 12. sectione 2. in princip. Bonac. disputatione 3. questione 4. de charit. p. vlt. §. n. 9. 6.* Secundò, dubium circa prædictam excommunicationem est, an non solum schismaticus propriè, qualem esse diximus puncto præcedenti: sed etiam qui quomodolibet Pontifici inobediens est, hanc poenam excommunicationis contrahat?

Affirmat Farinac. sibi contrarius *quest. 184. n. 11. in fine* & adducit Tolet. *lib. 1. cap. 19. num. 10. & 11. & lib. 4. c. 12. n. 2.* Sed in edit. Lugdunens. in primo nihil dicit, in secundo dicit contrarium. Probari tamen potest, ex eo quòd in bulla Pontifex excommunicat schismaticos, & eos, qui se ab eius, & cuiusvis Pontificis pro tempore existentis obedientia pertinaciter subtrahunt, vel recedunt. Cum ergo nihil in Pontificis decretis superfluum esse dicendum sit, efficitur non solum recedentes à Pontificis obedientia tanquam à Vicario, sed quomodocunque recedentes intelligi debere. Nam recedentes pertinaciter ab obedientia Pontificis, tanquam à Vicario Christi, & Ecclesiae capite sub schismaticorum nomine comprehensi erant. Ut quid ergo reliqua verba adduntur?

7 Nihilominus affirmandum est solum schismaticò recedentes hac excommunicatione ligari. Sic Azor. 1. p. lib. 8. cap. 20. *quest. 5. Suar. de censur. disp. 21. sect. 2. num. 12.* Thom. Sanch. *lib. 2. cap. 36. num. 12.* & testatur esse omnium Bonac. *disp. 3. quest. 4. de charit. p. vlt. §. 5. num. 9.* Ratio est, quia recessus à sedis Apostolicæ obedientia propriè non stat cum illius recognitione. Ergo dum Pontificem, ut superiorem recognoscis, etiam si illi ob aliquam causam inobedias, à Pontifice ut tali non videris absolute recedere; ad proinde excommunicationem illam non contrahis. Quocirca etsi sub nomine schismaticorum ijs recedentes comprehensi erant, fuerunt tamen expressi ad maiorem claritatem, specialem timorem incutiendum, ita Suarez Sanch. & Bonac. alios referentes *suprà.*

8 Aduertunt supradicti Doctores hac excommunicatione bullæ non ligari fautores, defensores, receptatores schismaticorum, quia in supradicta bulla non exprimuntur, & exprimuntur haereticorum fautores, & in odiosis non est ultra proprietatem verborum extensio faciendâ; ligantur tamen excommunicatione non reseruata, per textum in *cap. licet, de elect. cap. 1. de schismaticis in 6.* tradit Syluest. *verbo schisma. num. 5.* Decian. *tract. crim. lib. 5. cap. 65. n. 6. & cap. 67. sub num. 2.* Farinac. *quest. 184. n. 17. & 18.* Sed clarior est ex constitutione Pauli. I V. quæ incipit, *Cum ex Apostolatus officio*, ubi excommunicantur, aliisque poenis afficiuntur fautores schismaticorum, ut bene notauit Bonac. *suprà.*

9 Schismatici, qui haeretici non sunt, absolui possunt semel in vita, & semel in morte virtute Cruciatæ: & similiter absolui possunt virtute Iubilæi,

H H h 2 vel

vel privilegij casus cœnæ concedentis; quia solahæ-
resis ob eius grauitatem reseruatur. sic Sanch. *lib. 2. cap.*
36. num. 17.

10 Tertia pœna schismaticorum est inhabilitas ad
beneficia Ecclesiastica in posterum habenda: constat
ex *tex. in cap. quia diligentia, de electione*, vbi schismatico
in Episcopum electo dispensatiuè confirmare permit-
titur. Non igitur valida erit electio ante dispensationem:
& ita tradit glossa *ibi*, & omnes.

11 Dubium est, an pœnitentibus schismaticis, & Ec-
clesiæ reconciliatis tollatur hæc inhabilitas. Affirma-
re videtur Decian. *tract. crim. lib. 5. cap. 54. num. 15. &*
16. Conrad. Brunus tractat. de heretic. libr. 3. capit. 7.
Bursatus conf. 14. numero 34. Quintil. Mandos. in ad-
dit. ad Repert. inquisit. verbo abiuratio. lit. A. vers. pul-
chra etiam. Farinac. plures referens, *quest. 189. &*
quest. 193. num. 66. Ratio est, quia hæc inhabilitas pro-
cedit ex schismate. Ergo illo sublato cessat. Neque
obstare videtur *tex. in d. cap. quia diligentia*; quia ele-
ctio illius schismatici in Episcopum fortè fuit durante
schismate, ideòque indiguit confirmatione, & dispen-
satione, quibus tamen non indigeret, si sublato schis-
mate, & Ecclesiæ reconciliato, electio facta esset.
Neque etiam obstat *tex. in capit. unico, de schismaticis.*
in 6. vbi schismatici, & eorum fautores perpetuò
inhabiles ad beneficia declarantur, quia loquitur
tex. de casu speciali, in quo duo Cardinales nolue-
luerunt Pontificem canonicè electum recognoscere,
& alium in Pontificem elegerunt.

12 Nihilominus probabilius, & securius cenfeo,
schismaticum Ecclesiæ reconciliatum adhuc inha-
bilem esse ad beneficia Ecclesiastica, nisi per Pontifi-
cem, aut vices ipsius habentem fuerit dispensatus: sic
docet Azor. *1. part. lib. 8. cap. 20. questio. 8.* & testatur
esse communi sensu receptam Sanch. *lib. 2. capit. 36.*
numero 18. Bonac. disput. 3. quest. 4. de char. part. ult. §.
5. nu. 10. Pegna direct. 2. part. quest. 48. com. 73. in
medio. Suar. de censuris. disputatio. 43. sect. 2. numero
7. Farinac. pluribus relatis, questio. 184. numero 36.
Moueor ex *supradictò capit. quia diligentia*, vbi glossa
expressè dicit abiurato schismate in Episcopum ele-
ctum fuisse, & nihilominus indiguit dispensatione: er-
go signum est inhabilem remanissè.

13 Dixi huius inhabilitatis neminem à Pontifice,
aut vices ipsius habente dispensare posse, quia eius
est soluere, cuius fuit ligare. Habet tamen Episcopus
ex *decreto Trident. sess. 24. capit. 6.* concedente cas-
sus occultos potestatem ad dispensandum in qua-
cumque inhabilitate ad beneficia ex delicto occulto
proueniente. Quare si delictum schismatici occultum
sit, poterit ab Episcopo schismaticus ad vnitatem Ec-
clesiæ rediens habilis reddi, sic Sanch. & Bonac. *suprà.*
Si tamen schisma publicum sit, non desunt Doctores,
qui affirmant posse Episcopum dispensare ad beneficia
omnia præter episcopatum, & dignitatem exemptam,
si scienter ordinem à schismaticis non receperint: sic
tradit Abbas *in cap. 2. de schismat. n. 7. Decius cap. ut si*
clerici. §. de adulteriis. de iudiciis. numero 124. & in capite
quia diligentia, de electione. numero 17. vbi indistinctè
tenet sufficere dispensationem Episcopi; consentit
Lambertin. *1. p. 2. lib. quest. 9. art. 8.* & vt probabile re-
putat glossa *capite 2. de schismaticis.* sed huius potesta-
tis nullum apparet in iure firmum fundamentum; ac
proinde dicendum est non posse ab alio, quàm à Pon-
tifice dispensari: & tradit vltra Sanch., & Bonac. *locis*
citatis. Garcia *1. parte de benefic. capite 10. num. 164.*
glossa *c. 2. de schismaticis, in fine.* Farinac. *q. 184. n. 36*
14 Adde esse probabile hunc occultum schimati-
cum, & Ecclesiæ reconciliatum dispensatione non in-
digere; quia pœna inhabilitatis non cuiuslibet schimati-
co videtur imposita, sed publico, & manifesto, qualis

erat ille Episcopus relatus *in cap. quia diligentia*; quare
occultus, & maximè emendatus, & conuersus hanc
pœnam nullo modo contrahit, vt multis probat etiam
de hæretico, Garcia *1. part. de benefic. cap. 10. numero*
83; & specialiter de schismatico, *n. 162.*

15 De beneficiis ante schisma obtentis reputat Re-
bus. *in praxi beneficiar. tit. de modis amittendi beneficia,*
& Flamin. *Parisiens. lib. 3. de resignat. q. 1. n. 16. Farinac. q.*
184. n. 42. priuatum manere schismaticum, ex *cap. nos*
consuetudinem. 12. dist. & cap. quia diligentia de electione.
& præcipuè ex *cap. unico, de schismat. in 6.* *ibi*, omnibus
beneficiis perpetuò priuantes, & inhabiles reddentes
ad habenda. At dicendum est, si schisma hæresis coni-
unctum non sit, hanc priuationem non inducere,
quia *supradicti tex. quia diligentia. & cap. nos consuetu-*
dinem non loquuntur de beneficiis antea obtentis, &
capite nos consuetudinem loquitur de hæreticis *capite*
unicum, de schismat. loquitur in casu speciali, quo
postposita electione canonica alicuius Pontificis alius
eligitur, & ita schismaticum non hæreticum, pri-
uatum non esse beneficiis antea obtentis, docet Garc.

11. p. de benefic. c. 10. numero 151. Sanch. libr. 2. cap. 36.
n. 19. Bonac. disput. 3. quest. 4. de char. part. ult. §. 5. n. 10.

16 Quarta pœna, quæ secundum plures Doctores
schismaticis imponitur, est irregularitas: sic ex plu-
rium sententia defendit Azor. *lib. 8. instit. cap. 20.*
quest. 8. Pegna. 2. p. direct. quest. 48. com. 78. At, vt rectè
expendit Sanch. nullus est *tex.* ex quo hæc irregulari-
tas clarè colligatur, & cum irregularitas non incurra-
tur, nisi in casibus à iure expressis, efficitur sanè schis-
maticos irregulares non esse. sic Sanch. *lib. 2. cap. 36.*
n. 20. fine. Suar. de censur. disp. 43. sect. 2. n. 7. Bonac. disp.
3. q. 4. de char. puncto ult. §. 5. n. 12.

Aduertit tamen & bene Sanch. & Bonac. *suprà.* si
schisma notorium sit, illo durante schismaticum irre-
gularem esse irregularitate generali proueniente ex
crimine notorio depositione digno: hæc tamen irre-
gularitas per pœnitentiam aboletur.

17 Quinta pœna est suspensio ordinis à schismaticis
scienter recepti, ex *cap. 1. & 2. de schismaticis & cap.*
ordinationes. 9. quest. 1. sic Suar. *disputatione 23. de cen-*
sur. sect. 3. numero 4. Sanch. lib. 2. cap. 36. n. 20. Bonac.
disp. 3. quest. 4. p. ult. §. 5. num. 13. Farinac. quest. 183.
num. 43. & 44.

18 Sexta pœna est, vt collatio beneficiorum ab eis
facta irritetur, *cap. 1. de schismat. ibi, careant impetratis.*
sic Suar. Sanch. Bonac. & Farinac. *suprà.* Aduerte pro-
his duabus pœnis debere schismaticos notorios esse
secundum satis probabilem sententiam declaratos.
Azor. *suprà. quest. 11. Bonac. num. 13.* Nam *in cap. or-*
ordinationes. 9. quest. 1. in princ. sic cauetur. Tum quia vi-
dentur fideles post Concilium Constantiense obliga-
ti non esse vitare illos, quousque denunciati sint. De-
nique non carent potestate iurisdictionis, vt dixi-
mus in prima pœna, quousque eorum crimen de-
claratum sit. Adde has pœnas solum videri imposi-
tas recipientibus scienter ordines, seu beneficia à schis-
maticis hæreticis, vt satis colligitur ex *capite 1. de*
schismaticis, cap. ordinationes. 9. quest. 1. Nam in iure
hæreticus, & schismaticus æquiparantur, ex *cap. fir-*
missimè, de hereticis, & multis exornat Farinacius. *quest.*
184. num. 53.

19 Septima pœna est suspicio hæresis, & meo iudi-
cio vehemens: nam licet aliquando contingat dari
schisma absque intellectus errore, vt dictum est; raro
tamen contingit, ac proinde omnis schismaticus non
solum abiurare tenetur schisma, sed etiam hæresis su-
spicionem, vt benè notat Pegna. *2. p. direct. quest. 48.*
com. 73. Vgolin. tract. de censur. Pontifici reseruatis. 2. p. in
glossa, nec non schismaticos Farinac. *quest. 184. numero*
35. & latius. 13. Menoch. de præsumpt. lib. 5. præsumpt. 6.
num. 24.

n. 24. vbi dicit schismaticos, vel schismaticorum sequaces esse vehementer de hæresi suspectos.

20. Octava pœna schismaticorum est esse subiectos iudici Ecclesiastico, vt. pro qualitate criminis eos puniat, tum pœna pecuniaria, tum exilio, tum carcere, tum triremibus, imò & relaxatione brachio seculari, si pertinaces existant, sic Bernard. Dial. in pract. cap. 112. n. 1. & seq. Farinac. q. 184. n. 51. Valen. disp. 3. q. 15. p. 3. vers. quinto certum est, & colligitur ex cap. de liguribus. 23. q. 5. cap. non vos. 23. q. 5. cap. in vine domini 23. dist.

DISPUTATIO V.

De bello, rixa, & duello, quatenus Charitati contraria sunt.

DISPUTATIO de bello, rixa, & duello potius ad virtutem iustitiæ, quam charitatis videbatur pertinere, sed quia D. Thom. 2. 2. q. 40. & eius interpretes communiter agentes de charitate de ijs tractant, vt potè contrariis paci, quæ est charitatis effectus, idè moueor de illis in præsentī habere sermonem.

PUNCTUM I.

Quid sit bellum, & an licitum sit.

1. Vnde dicitur bellum, & qua ratione definiatur.
2. Bellum aliud est offensiuum, aliud defensiuum.
3. De fide est licitum esse bellum, si conditiones debite seruentur.
4. Aliquando est in precepto.
5. Proponuntur quadam hæreticorum argumenta.
6. Fit illis satis.
7. Tres conditiones sunt ad iustum bellum requisite, & quæ hæ sint.

1. **B**ellum dicitur, vt Priscian. sentit per antiphrasim, quasi nihil belli, & pulchri habeat per se. Non enim bellū per se est appetibile; imò potius quantum fieri possit vitandum, ob grauissima mala, quæ secum trahit: cæduntur enim multi, & sæpè innocentes, vrbes deripiuntur, diuitiæ dilapidantur, & regna pereunt; non igitur appeti debet per se, sed eo modo, quo medicina appetitur. Alij contra à bello, & bono deducunt, quia ex fine bono, & pulchro fit, qualis est propulsare iniuriam, pacem obtinere. Alij, vt Testus à bellis deriuant, quia belluarum est mutuo se laniatu conficere. Sed vndeunque bellum dicatur, communiter à Doctõribus definitur, vt sit discordia hostium arma sibi mutuo inferentium, cui opponitur pax; vel est conflictus ipse, & hostium congressio, quæ & pugna dicitur. Debet tamen versari inter duos Principes supremos, vel respublicas: nam quando discordia inter Principem, & suam rempublicam, vel inter ciues, & rempublicam habetur, est seditio. Si autem inter priuatas personas, rixa vocatur, vel duellum.

2. Duplex autem est bellum, iuxta duplicem causam, ob quam sumi potest, aliud est defensiuum, aliud offensiuum. Defensiuum est, cum in defensionem vitæ, honoris, & fortunæ assumitur, vt si quis te vellet vita, vel honore priuare, vel à possessione diuitiarum deiicere. Tu verò vt impediās iniuriam, arma assumis, bellum geris defensiuum. Offensiuū, seu aggressiuum est, cum in satisfactionem iniuriæ factæ, & ad illam vindicandam fit. Vocari etiam potest huiusmodi bel-

Ferd. de Castro Sum. Mor. Pars I.

lum aliquo modo defensiuum, quatenus vindicatione iniuriæ factæ defenduntur iniuriati, ne simili iniuria iterum afficiantur. Negari enim non potest vindicatione iniuriæ factæ contineri iniuriantes, & alios à simili iniuria committenda.

3. Dicendum ergo est de fide esse licitum esse bellum cuiuslibet reipublicæ etiam Christianæ, si conditiones seruentur, quas in sequentibus apponemus. Conclusionem multis locis sacræ Scripturæ tam veteris, quam noui Testamenti aduersus hæreticos, exornāt Doctores in præsentī, specialiter Valen. 2. 2. disp. 3. q. 16. p. 1. Suar. disp. 13. de charit. sect. 1. Egid. de Cornich disp. 31. dub. 1. Mol. de iustit. tract. 2. disp. 99. Ex veteri namque Testamento constat bella esse licita, siquidem illa gerentes reputati sunt viri sanctissimi, vt Abraham, qui Deo protegente hostes vicit, Genes. 14. Moyse, Iosue, Dauid, Samson, Gedeon, Machabæi, & alij, qui etiam iussu Domini bella gesserunt. Et in nouo Testamento, Luca 3. militibus rogantibus, quid sibi faciendum esset, vt diuinum iudicium, & condemnationem vitarent, non illis fuit mandatum arma deponere; imò potius illis dictum fuit, vt suis stipendiis contenti essent. Ex quo manifestè inferebatur licitè in bello perseuerare aliàs stipendia accipere nō posse. Item Matth. 8. laudat Christus fidem Centurionis, & Act. 16. Cornelius Centurio erat vir religiosus, ac timens Deum, & absque depositione militiæ baptizatus est; accepitque Spiritum sanctum. Ergo militia licita est. Nam vt dicit D. August. epist. 5. ad Marcellin. Si Christianis bella prohiberentur, primum consilium accipientibus fidem esse debebat, vt arma deponerent, & à militia se subtraherent. Alia induci possent ex Paulo ad Rom. 13. & 1. Petri. 2. vbi magistratus, & duces ministri Dei, & à Deo missi in vindictam malefactorum vocantur. Plura item in confirmationem huius veritatis adducit Gratian. ex Patribus, præcipuè August. 23. q. 1. & 2. Et quidem de bello defensiuo euidenter probatur. Nā cuiuslibet iure naturali permissum est se ab iniuriā defendere, & iniuriam factam amouere, agere quæ pro illius recompensatione, dum illam iniuriator tenetur præstare, quia dum non præstat, iniuriam factam continuat. Sed hæc omnia sæpè fieri non possunt absque bello, cum pars offendens superiorem non habet. Ergo bellum licitum est ad huiusmodi finem consequendum. Eadem ratione de bello aggressiuo probari potest: cuiuslibet enim reipublicæ concessum est, vt se in incolumem seruet, & iniurias faciendas propulset, iniuriatorisque frænet, & contineat. At ad huiusmodi finem consequendum sæpè necessarium est iniurias acceptas vindicare, & punire. Nam si semel illata iniuria scirent malefactores nullam sibi punitionem esse inferendam, audaciores redderentur, & viam haberent apertam multiplicandi crimina, & nouas iniurias probis viris inferendi, nullaque reipublica tuta esse posset.

Ex qua ratione non solum constat licitum esse posse bellum, sed etiam aliquando esse in precepto, quia ex præcepto charitatis, & iustitiæ tenentur gubernatores ciuitatis bono ipsius prospicere; ad cuius finem sæpè necessarium erit bella mouere & iniurias vindicare. Sic Suarez disp. 13. de charitat. sect. 1. numero 4. & Molina tract. 2. de iustit. disput. 99. vers. statuenda nihilominus, & vers. ad testamenta.

Restat satisfacere friuolis quibusdam argumentis hæreticorum, & præcipuè Lutheri intendentis bella esse Christianis interdicta. Primum deiuritur ex variis locis scripturæ. Nam Isaiæ secundo, de tempore legis gratiæ dicitur, constabunt gladii inuolui in vomeres, & lanceas suas in falces: non tenabit gens contra gentem gladium, & non exercubunt vltra ad prælium. & Micheæ 4. Non sumet gens aduersus gentem gladium, & non discent belligere, & sedebit vix sub iugum vinctam

H H h 3 juam

nam, &c. & *Matth. 5.* Iubemur non resistere malo, sed si quis nos percusserit in una maxilla, præbeamus illi alteram: & *Matth. 26.* dicitur Petro, ut conuerterat gladium in locum suum, quia omnes qui acceperint gladium, gladio peribunt, & ad *Rom. 12. nulli malum pro malo reddentes.* Et infra, *Non vos defendentes charissimi, sed date locum ira. Scriptum est enim: Mihi vindictam, & ego retribuam.* & 2. ad *Corinth. 12.* & ad *Ephes. 6.* *Arma militie Christiane non carnalia, sed spiritualia sunt.* Ergo ex iis omnibus infertur, bellum procul à Christianis esse debere. Secundum argumentum desumitur ex variis testimoniis Patrum, quorum aliqua referuntur à Gratiano de consecrat. dist. 5. Specialiter cap. si qui verò, & cap. contrarium, cap. falsas. In quibus redeuntes ad militiam, postquam se Deo manciparunt, condemnantur. Tertiò, Bellum causa est multorum innocentium cædis, direptionis reipublicæ, deuastationis regni, imò plurimorum peccatorum, quibus milites solent esse inuoluti. Ergo est illicitum. Quartò, est contrarium paci, quæ est charitatis effectus. Ergo est per se malum. Quintò, videtur contrarium præcepto diligendi inimicos. Sextò, videtur contra diuinam voluntatem intendentem peccata Christianorum bellis, & calamitatibus punire, si vi, & armis propulsare conamur.

Sed hæc faciliè diluuntur. Ad primum dici posset omnia illa loca scripturæ solum probare arma regulariter assumenda non esse, sed solum necessitate urgente, & quando aliter fieri non potest. Ad loca Isaie, & Michæ respondeo, prædici ibi tempore Christi esse summam pacem, sicuti fuit eo nascente, non tamen prædictum est successu temporis bella non esse assumenda. Ad locum *Matth. 5.* respondeo esse consilium percutienti unam maxillam, præbere illi alteram, & hoc non semper. Aliàs iniquè fecisset Paulus. *Act. 23.* qui percussus in facie ob mandatum Principis sacerdotum, non præbuit alteram maxillam, sed potius dixit, *Percutias te Domine paries dealbare;* & Christus Dominus seruo Principis sacerdotis percutienti non obrulit aliam maxillam, imò potius increpauit, dicens, *Si male locutus sum, testimonium perhibe de malo; si autem bene cur me cedis?* Ergo ex illo loco non infertur esse semper consilium se offerre post unam receptam iniuriam alteri simili. Solum enim Christus Dominus persuadere nos voluit, ut recipientes iniuriam parati simus aliam grauiorem, si inferatur, patienter sustinere: non autem voluit, ut semper permittamus inferri; ut rectè D. Augustin. *epist. 5. ad Marcellin.* arguit. Ad locum *Matth. 26.* reprehensus est Petrus, tum quia contra Dei voluntatem procedebat: scire enim debebat se voluntariè morti offerre, tum inutilis eius defensio contra tot milites sic armatos, potius enim ex illa irritandi essent in Christum, quàm coercendi. Cum verò subiungitur, *Omnes qui acceperint gladium, gladio peribunt,* intelligitur de recipientibus in vindictam propriam, & propria auctoritate, vel ad defensionem innocentis omnino inutilem. Eadem solutio adhibenda est verbis Pauli ad *Rom. 12.* cum autem dicit ad *Corinth.* & ad *Ephes.* arma militie nostræ esse spiritualia, & non carnalia, intendit docere Christi regnum non temporale, sed spirituale, & non armis, & bellis augendum esse, sed prædicatione, miraculis, & vitæ exemplo. Item in loco ad *Corinth.* loquitur de armis, quibus Ecclesiæ principes vruntur aduersus subditos rebelles, quæ sunt censuræ Ecclesiasticæ, alique spirituales poenæ. In loco autem ad *Ephes.* agit de armis, quibus diabolo resistendum est, quæ sunt orationes, poenitentia, & similes.

Ad secundum respondeo aliquibus illicitum esse bellum ob circumstantiam, qualiter antiquo tempore illicitum erat eis, qui ex præcepto Ecclesiæ publicam agebant poenitentiam, non enim licitum illis erat ea poeni-

tentia non peracta ad bellum proficisci, nisi necessitas vrgeret, & tunc ex consilio Episcopi, ut dicitur in cap. falsas, de consecrat. dist. 5. Aliis illicitum erat bellum ob professionem vitæ religiosæ, quam deferere, & militiæ seculari se addicere non conueniebat. Aliis verò erat illicitum, quia redeuntes ad militiam profitebantur fidem deferere, & iussa Imperatorum religionem Christianam persequentium exequi velle, ut colligitur satis ex illo c. si qui verò, qui est. 11. Concilij Nicæni.

Ad Tertium dico probare bellum per se non esse appetendum, sed solum esse appetendum, quando non est aliud remedium; ut bene dixit August. *epist. 207.* ad Bonifacium Comitem. Pacem (inquit) habere debet voluntas, bellum necessitas, ut liberet Deus à necessitate, & conferuet in pace. Mala verò quæ ex bello iusto inferuntur per accidens sunt, & maiora essent, si bellum non moueretur, ut bene expendit August. in cap. quid culpatur, 23. q. 1.

Ad Quartum nego bellum iustum esse contrarium paci, imò potius pacem obtinere, ut dixit Philosoph. *lib. 7. polit. c. 14.* & 15. & August. *epist. 207.* ad Bonif. Dicitur autem contrarium paci tum quia multipliciter iniustum esse solet, tum quia materialiter, & secundum rē procedit ex dissensione voluntatis vnius ad alterum.

Ad Quintum nego esse contrarium præcepto dilectionis inimicorum; aliàs iudex non posset malefactores punire. Præceptum enim dilectionis solum obligat, ne velis malum inferre inimicis, quatenus malum est: at inferre illis malum, quia illis, & reipublicæ bonum est, non est contra debitam illorum dilectionem. Est enim bonum illis, ut ab iniuria desistant, timeantque similem committere. Est etiam bonum reipublicæ, quæ hac ratione se in pace conseruat.

Ad Sextum nego esse contra diuinam voluntatem resistere iniuriis, & calamitatibus, quæ iniusto bello nobis inferuntur, quia Deus solum permittit ea inferre, si nos non cauerimus; non autem præcipit, & à fortiori non prohibet, ne ea impediamus. Aliàs non liceret remedia illa adhibere, ut pestis, inopia, falsaque testimonia vitarentur.

7 Dixi bellum esse iustum, & licitum, seruatis tamen aliquibus conditionibus; Tres enumerantur à Doctoribus. Prima, legitima auctoritas. Secunda, iusta causa, & titulus bellandi. Tertia, debitus modus in illius pro se actione. Sic D. August. *lib. 22. contra Faustianum. cap. 74.* & 75. *Suar. disp. 13. de charis. sect. 1. in fine.* Valen. 2. 2. *disp. 3. q. 16. p. 2. in princ.* Coninch *disp. 3. 1. dnb. 1. in fine.* Bonac. *disp. 2. de restit. q. vlt. p. vlt. §. 2. & alij.* Addunt verò aliqui quartam conditionem, ut ex debito fine fiat, ex cap. quid culpatur 23. q. 1. qui si de fine extrinseco operantis loquuntur, necessaria specialiter non est, cum ex tali fine non reddatur bellum iniustum. Neque iudex, qui animo vindictæ punit iuxta iuris regulas delinquentem, iniustitiam committeret, esto contra charitatem faciat, & peccet, ille ergo finis ad honestatem actionis operantis, non ad iustitiam belli expostulatur. Coninch *supr.* Valen. *disp. 3. q. 16. p. 2. circa finem. vers. decimo certum est.* Si autem de fine intrinseco ipsius belli loquantur, ad secundam conditionem reducitur, quia idem est finis, ac causa, titulusque bellandi. De iis ergo conditionibus in seqq. est agendum.

PUNCTVM II.

Quæ auctoritas ad bellum requisita sit.

- 1 Quilibet habet auctoritatem bellum purè defensiuum indicendi.
- 2 Bellum aggressiuum solum Princeps, vel reipublica superior non recognoscens indicere potest.

3 Aliqua

- 3 *Aliqua ex superiori doctrina notabilia inferuntur.*
- 4 *Consuetudine introduci potest, ut respublica inconsulto suo Principe bellum moueat. Et qua ratione hoc e-
rum sit.*
- 5 *Quid dicendum in casu quo superior vindicare noluerit
iniuriam reipublice sibi subditæ.*
- 6 *Pontifex habet ius indicendi bellum, quando bonum Ec-
clesiæ id postulat.*

SI de bello purè defensiuo loquamur, cõstat apud omnes in quolibet residere auctoritatem illud indicendi. Quia cuilibet à natura concessum est ius se defendendi, & iniurias propulsandi. Sic Doctores statim referendi. Quapropter de bello aggressiui est difficultas penes quem hæc potestas resideat?

2 Regula est ab omnibus recepta residere solum in Principe, vel republica in causis ciuilibus, & criminalibus superiorem non recognoscente, sic D. Thom. 2.2. q. 40. ar. 1. & ibi Caiet. Arag. Bannes, & alij. Valen. disp. 3. q. 16. p. 2. vers. *naque secundo*. Suar. disp. 13 de charis. sect. 2. ar. n. 1. Egid. de Coninch disp. 32. dub. 3. n. 57. Couatuu. reg. peccatum. parte. 2. §. 9. n. Bonac. disp. 2. de respu. q. ult. p. 2. li. 5. n. 4. Mol. tract. 2. disp. 100. & alij apud ipsos, & deciditur ab August. cap. quid culpatur. 23. quest. 1.

Ratio est, quia in qualibet republica residet potestas puniendi delicta suorum ciuium, ut hac ratione in pace conseruentur, & malefactores contineantur, ergo in illa residere debet potestas vindicandi iniurias, puniendique malefactores alterius reipublicæ non habentis superiorem, & illos coercendi. Nā hæc potestas penes aliquem residere debet, cum necessaria omnino sit, ut in pace conseruetur. At residere non potest talis potestas in republica iniuriante, quia ipsa sui ipsius vindex esse non potest. Restat ergo ut in republica iniuriata resideat, cui ratione iniuriæ acceptæ subditur respublica iniurians.

3 Ex qua ratione manifestè constat, si aliqua ciuitas Principi, vel reipublicæ supremæ subiecta iniuriam intulerit, alteri supremo Principi, vel reipublicæ, nō posse hunc aduersus ciuitatem illam mouere bellum, quā prius apud eius superiorem ius exposulet. Quia penes illum residet potestas vindicatiua criminum, quæ à subditis committuntur. Quod si respublica, vel superior ille Princeps vindicare noluerit, poterit tunc respublica damnū passa non solū aduersus ciuitatē iniuriantē, sed aduersus reipublicā, & superiorem nolentem sibi ius dicere bellū mouere, ut benè tradit Aug. relatus in cap. Dominus. 23. q. 1. Mol. tract. 2. de iustis. disp. 100. vers. illud tamē. Coninch dub. 3. n. 58. Secundò, constat reipublicā, vel Principem subditum iniuriatum ab alio Principe, vel republica suprema non posse propria auctoritate bellum mouere aduersus illum, sed necessariò requirere debet sibi superiorem, qui partes ipsius assumat, & satisfactionem exigat, sic omnes Doctores in princ. relati. Ratio est manifesta, quia idē respublica perfecta, quæ est illa, in qua omnes causæ terminantur, potestatem habet vindicandi proprias iniurias, quia non habet superiorem, qui illam defendat, & cuius auctoritate id faciat. Ergo respublica imperfecta, quæ superiorem habet obligatum illam defendere, non poterit propria auctoritate bellum mouere. Vsurparet enim ius sui superioris, & reipublicam perturbaret.

4 Duplicem limitationem huic secundæ illationi adhibent Doctores: prima ut intelligatur, nisi aliter consuetudine præscriptum sit. Possit enim consuetudine præscribi, ut vna ciuitas inconsulto suo Principe bellum moueat aduersus sui offensores, probatur ex eo, quia ratione consuetudinis censetur ex voluntate sui Principis mouere: sic Caietan. 2. 2. quest. 40. ar. 2.

1. Lorca ibi. disp. 50. num. 12. Coninch disp. 31. dub. 8. fine. num. 64. Victor. in relect. de iure belli. n. 9. Mol. tract. 2. disp. 100. vers. *victoria in relect.* Et placet mihi duplici sub limitatione apposita, prima ut consuetudo legitimè introducta sit. Nam si eius introductioni Princeps repugnauit, potius seditio, & rebellio, quàm consuetudo legitima dicenda est; ac proinde nullum ius tribuere potest, sic Caieta. & Mol. supra. Secunda, ut intelligatur de auctoritate mouendi bellum aduersus non subditos ipsi Regi. Nam si tam pugnantes, quàm oppugnati eidem superiori subiecti sunt, contra rationem naturalem videtur esse consuetudo proprias iniurias vindicandi, cum auctoritate superioris vindicari possent. Neque Princeps est censendus vnquam consensisse, sed potius omnino repugnasse, cum tale bellum, cum sit bellum ciuile, & inter partes eiusdem reipublicæ perfectæ, in eius perniciem, & perturbationem totius regni cedit, sic Suar. disp. 18. de char. sect. 2. n. 2.

5 Secundam limitationem, quam ex Victor. supra aliqui addunt, est, ut procedat extra casum necessitatis. Nam si superior vindicare noluerit iniuriam factam reipublicæ sibi subditæ, poterit tunc illa respublica aduersus offensores bellum mouere, ne insatisfacta maneat. Ceterum hæc limitatio absolute probanda non est, præcipuè inter subditos eiusdem Principis ob grauissima mala, quæ inde oriri possunt; aliàs cuilibet particulari, præcipuè patrifamilias licebit se vindicare, si eius Princeps noluerit ius sibi dicere, quod est absurdum. Quocirca solum in casu, in quo bellum reputaretur omnino necessarium ad coercendos malefactores, ne nouam iniuriam inferant, poterit illa inferior respublica bellum mouere, quia tunc non in vindictā, & punitionem iniuriæ illatæ assumitur, sed in defensionem, quod à iure naturali concessum est. sic Mol. dicta. disp. 100. vers. *Idem Victor.* (inquit enim) quando ita necesse esset, ut ab iniuriis inferendis se continerent. Coninch dub. illo. 3. n. 61. Suar. sect. 2. n. 2.

6 Aduerto tamen Pontificem non solum habere ius indicendi bellum, sicut quilibet alius Princeps supremus, sed etiam quando bonum totius Ecclesiæ id necessariò expostulat, habet potestatem prohibendi Christianis Principibus, ne bellum gerant, cui præcepto ipsi obedire tenentur. Quod si rebelles sint, & bellum moueant, peccabunt non solum contra charitatem, sed etiam contra iustitiam, quia ius bellandi illis ob bonum publicum ablatum est. sic Suar. disp. 18. de char. sect. 2. in fine.

PUNCTUM III.

Quæ sit causa iusta, iustusque titulus bellandi.

- 1 *Triplex est causa iusta, iustusque titulus belli.*
- 2 *Iniuria, quæ bellū honestare potest, debet esse grauissima.*
- 3 *Enumerantur aliquot iniuriæ bellum honestantes.*
- 4 *Quid de impediētibz mercaturam, venationem, piscationem in suo regno? Affirmatur non esse causam iustam belli, nisi id debitum sit.*
- 5 *Ob solam iniuriam impediendam, reparandam, vel vindicandam bellum moueri potest.*
- 6 *Aduersus occidentes innocentes, & impediētes Euangelij prædicationem bellum moueri potest.*
- 7 *Ob idololatriam, infidelitatem, & alia peccata contra naturam impedienda bellum moueri potest.*
- 8 *Quomodo sibi debet constare de iusta causa bellandi, respondetur remissiuè. Requiritur tamen, ut clavis probationibus possidentem convincere possis ad te regnum pertinere.*
- 9 *An ex utraque parte possit dari iustus titulus bellandi? Proponitur ratio dubiandi.*

- 10 *Resolvitur per se, & seclusa ignorantia dari non posse.*
 11 *Satisfactio rationibus contrariis. n. 9. adducis.*
 12 *Ad honestandum bellum iniuria materiali sufficit.*
 13 *An oblata ab adversario satisfactione sufficiens, debeas ab illo desistere. Distinguit Caetan. de satisfactione ante bellum inceptam, vel post.*
 14 *Non approbatur eius distinctio, sed quocunque tempore offeratur satisfactio plena, debes ab illo desistere.*
 15 *Sed quid dicendum, quando pars rebellis digna est morte ob iniuriam illatam? Probabilis est non esse obligationem acceptandis satisfactionem aliam.*
 16 *Hoc verum est spectato iustitia rigore, ac ex charitate sæpe erit obligatio.*
 17 *Stante iusta causa bellandi potest bellum iniuste fieri, si adsit minima spes victoriae, & parum utilitatis ex bello speretur.*
 18 *Si damna, quæ ex bello sequuntur pravaeant utilitati, quæ ex victoria speratur, illicitum est bellum. Item si religio Christiana minuenda est, & heretici potentiores fiant.*

1 **C**ausa iusta, iustusque titulus bellandi triplex est. Iniuriam imminuentem impedire, illatam refarcire, & illam vindicare. sic D. Aug. relatus. in cap. Dominus. 2. 3. q. 1. & ex illo D. Thom. ab omnibus receptus. 2. 2. q. 40. art. 1. Titulus primus, & secundus belli est clarissimus. Nam quælibet respublica ius habet se defendendi: in qua defensione continetur iniuriam imminuentem impedire, & sibi factam reparare: nam dum iniurians non reparat iniuriam, continuat. Potest ergo respublica titulo defensionis propriæ hanc reparationem procurare bello, si ad id necessarium est; quia procurans hanc reparationem, à continuatione iniuriæ se defendit. Titulus autem tertius etiam est sufficiens, ut probavi in puncto præcedenti, cum in nullo alio, nisi in republica offensa possit relidere potestas vindicandi iniurias factas ab alia republica superiore non habente. Neque obstat eandem rempublicam, vel supremum Principem esse iudicem simul & vindicem propriæ iniuriæ: quod videtur inconueniens ob probabile periculum excessus. Non, inquam, obstat, quia respublica, vel supremus Princeps non proprio consilio, sed communi sui regni ducitur in hac vindicta, & non tam propriam, quam communem causam agit; secus verò contingit in priuato, ob idque non veritas tantum periculum excessus. Adde, persona priuata potest manu sui superioris se satisfacere. Quod si aliquando superior nolit ius illi dicere, per accidens est, & patienter debet tolerare. At respublica suprema, cum superiore non habeat, ipsa sui ipsius debet esse vindex.

2 Qualis autem debeat esse iniuria, quæ bellum honestare potest? Constat apud omnes debere esse grauissimam; Nam cum in bello nocentibus, & innocentibus plura mala, & periculatum mortis, tum deuastationis bonorum fortunæ contingant, merito grauem causam expostulant: sicut enim pro leui delicto, non licet iudici malefactorem mortis pœna punire; ita non licet bellum, quæ grauissima pœna est, inferre. Sed pro mensura peccati debet esse & plagarum modus, Deut. 25. sic ex communi sententia docet Victor. *de iure belli* num. 14. Coninch *disp.* 31. dub. 2. num. 53. Mol. *tract.* 2. *disputatione* 101. *vers.* illud est. Suar. *disputat.* 13. *sect.* 4. n. 2. Valen. 2. 2. *disp.* 3. q. 16. p. 2. *vers.* tertio: ubi inquit, Ad bellum iuste inferendum, non sufficit qualicumque iniuria, sed quæ vel absolute, vel ob aliquas circumstantias sit vel maior, vel certe non minor, quam damna, quæ solet bellum afferre.

3 Aduerto tamen cum Suar. aliquando leuem apparere iniuriam, quæ spectatis omnibus circumstantiis grauis est, quia viam aperit grauioribus malis, sic non

est reputanda leuis iniuria occupatio vniuersæ minimi oppidi, illiusque deuastatio; quia est grauis domini contemptus. Quapropter Mol. *disp.* 104. Coninch n. 52. Valen. *puncto* 2. *vers.* extra controuersiam. Bonac. *disp.* 2. *de restit.* q. 21. §. 2. in princ. & alij referunt iniurias, ob quas bellum indici potest: primò, Iniusta aggressio reipublicæ. Secundò, Rebellio subditorum. Tertiò, Publica in Principem contumelia, vel in sibi subditos, quia est illorum custos, & defensor. Quartò, occupatio iniusta alienius ciuitatis: Quintò, violatio fœderis iniuste magni momenti. Sextò, denegatio eorum, quæ iure gentium omnibus videntur licere, qualis est transitus necessarius per alienas terras, hic enim si absque causa iusta negetur, præbet sufficientem causam bellandi. sic Mol. Victor. Valen. & Bonac. *supra*, & probat manifestè August. in c. notandum. 23. q. 2. Ex illo loci Num. 21. ubi filij Israël aduersus regem Amorreorum mouerunt bella, quia eis transitus innoxius denegatus fuit, qui iure humanæ societatis æquissimo patere debebat. Debent tamen transeuntes omnem securitatem facere; alias iuste illis poterit denegari: quia ratione sæpe armatis denegatur, quia ferè semper periculum timetur, ut bene dixit Coninch *disp.* 31. dub. 2. n. 51.

4 Hanc causam extendit Victor. 2. p. *de Indis insularis in princip.* ut comprehendat, si aliqua respublica, v.g. Indica, vel Veneta, nō permittat ciues alterius reipublicæ ibi peregrinari, mercaturam exercere, per flumina illius regionis nauigare, piscari, mineralia effodere, gemmas, & aurum extrahere, præcipuè, si hæc aliis exteris concessa sint, quia iure gentium hæc omnia videntur deberi. At hæc extensio admittenda non est, cum nullo iure probari possit tale commercium cuiuslibet extero deberi, præcipuè, cum illa respublica grauissimas causas habere possit denegandi externis id, quod indigent domestici, sic tamen Mol. *tract.* 2. *disp.* 105. *vers.* ut nobis contrarium. Coninch *disp.* 31. dub. 2. n. 51. maxime cum ex tali commercio sæpè damna propriis ciuibz proueniant. Adde si aliquibus ex suis subditis ob aliquam causam in aliorum vilitatem potest respublica commercium, & nauigationem, piscationem, & alia eiusmodi interdiceret, cur non poterit exteris, quibus prouidere, reipublicæ non incumbit? Restat ergo, ut solum bellum inferri possit, cum ius debitum violatur. Pro hac ergo violatione impedienda, reparanda, & vindicanda bellum moueri potest non solum aduersus præsumptos offensores, sed etiam aduersus eorum fautores, defensores, & receptores, quia hac ratione ipsi iniurijsi sunt. sic Mol. *tract.* 2. *de iust. disputatione* 104. *versio* quarta, & quinta. Valen. *puncto* 2. *versicul.* quarto. ex sexto. Coninch numero 144 & 16. & §. 3. Bonac. *disp.* 2. *de restit. quest.* 21. p. 21. n. 6. & alij.

5 Dixi causam iustam belli esse iniuriam impediendam, reparandam, vel vindicandam, ut inde colligatur ob nullam aliam causam bellum moueri posse, quia bellum est actus iustitiæ, quo bellans intendit ius tuum illatum seruare. Ergo ubi nullum ius læditur, nulla est occasio bellandi, sic supponunt Doctores relati, Mol. *disp.* 104. & 105. Bonac. *supra*. Coninch. *disp.* 31. dub. 2. num. 54. Suar. *de charis. disp.* 13. *sect.* 4. artic. num. 3. & *sect.* 5. num. 6.

6 Hinc infero te posse bellum mouere aduersus eos, qui innocentes occidunt, ad idololatriam cogunt, aut alias iniustitias committunt; quia suscipis bellum in defensionem proximi, & nomine illius. sic Mol. *disputat.* 106. *concl.* 3. Suar. *de charis. disp.* 13. *sect.* 5. n. 5. Bonac. *disp.* 1. *de restit. quest.* 21. p. 21. §. 2. in fine. Eadem ratione mouere bellum potes aduersus eos, qui prædicationem Evangelij impediunt, concionatores iniurijs afficiunt, religionem Christianam blasphemant, quia hæc est defensio Christianæ fidei, ut lætè diximus, cum de fide

agere

ageremus, & tradit in præfenti Suar. *sect. 5. in fine.* Bonac. *suprà.*

7 Secundò, infero ob idololatriam, infidelitatē, & alia peccata contra naturā te non posse bellū suscipere aduersus eos, qui nullo modo tibi subditi sunt. sic Bonac. *disp. 2. de restit. q. vlt. p. vlt. §. 2. n. 13.* Mol. *disp. 106.* Valen. *disp. 1. q. 10. p. 7.* Coninch *disp. 31. dub. 2. n. 54.* Suar. *disp. 13. sect. 5. n. 3.* Ratio est manifesta, quia nemo puniri potest, nisi punienti subditus sit, quia punitio actus est iurisdictionis, quia est actus vindicatiuæ iustitiæ. Subditus autem esse potest vel ratione personæ, vel ratione delicti, qui ergo ex persona alteri non subiicitur, ex ratione delicti subiici illi non potest, nisi delictum contra illum sit, illiusque ius violet; aliā quælibet res publica aduersus aliam mouere bellum continuò posset ob peccata, quæ ciues committunt: quod est omnino absurdum. Non enim Deus omnibus potestatem dedit suas iniurias vindicandi. Hinc à fortiori colligitur non esse iustum titulum barbaram gentem debellandi, vt aptiore, & politico modo gubernentur, si eorum vita aliis iniuriosa non sit. sic Mol. *disp. 105. in fine.* Coninch *disp. 31. dub. 2. in fine. n. 55.* Suar. *de char. disp. 13. sect. 5. n. 5.* Sed vt clariùs supradicta doctrina innotescat, enodandæ sunt aliquot difficultates circa causam iustam belli.

8 Prima difficultas est, qua ratione tibi constare debeat de iusto titulo bellandi, vt possis bellum inferre? Cui difficultati pro tenuitate nostri ingenij satisfacimus *tratt. de conscient. disp. 2. puncto. 7. & 8. & disp. 3. p. 4.* tam de inferente bellum, quàm de militibus pugnantibus. quomodo debeant examinare causam belli. Solùm aduerto te non posse alium à possessione regni derubare ex eo, quòd credas regnum ad te pertinere, nisi simul valeas clari probacionibus conuincere; quia dum possidenti hæc probacionibus ostenduntur, non tenetur se regno priuare, sed potest se vi aduersus inuadentem tueri. Ergo inuadens non potest illum expellere. Aliàs bellum non solùm materialiter, sed formaliter iustum daretur ex vtraque parte, quod non est admittendum. Quòd si probaciones claræ sint, ipse tamen vel ob ingenij hebetudinem, vel ob passionem, vel quia malè consulitur, illis non acquiescit, poteris tunc debellare, quia præsumere potes ex malitia procedere, vel ex ignorantia, quæ tibi præiudicare non debet. sic benè docet Coninch *disp. 31. de char. dub. 2. art. 4. n. 44.*

9 Secunda difficultas est, an dari possit iustus titulus bellandi ex vtraque parte. Videtur inquam, dari posse, primò sæpè oppugnans, & oppugnatus non peccant belligerando, eo quòd vterque probabiliter credit sibi regnum pertinere. Ergo ex parte vtriusque est iustus titulus. Secundò, Oppugnans ciuitatem interficere potest innocentes, si alia via non potest illam subiicere. At innocentes possunt se ab oppugnatione defendere. Item condemnatus ad mortem ob delictū falsò probatum potest resistere executioni sententiæ. Ergo. Item captiuus ius habet fugiendi, & dominus ius detinendi. Et eadem est ratio de reo in carcerem detruso, qui ius habet fugiendi, cum tamen iudex habeat ius illum detinendi, & puniendi si fugerit. Darur ergo titulus bellandi iustus ex vtraque parte, iustumque bellum, etiam nulla intercedente ignorantia.

10 Dicendum tamen est dari non posse per se, & seclusa ignorantia iustum titulum belli ex vtraque parte circa eandem rem: sic supponit ex communi sententia Valen. *disp. 3. q. 16. puncto. 1. vers. nonò, certum est.* Rationem reddit, quia nulla virtus potest habere actus sibi contrarios, aliàs secum pugnaret, & bonum bono contradiceret. Ergo iustitia, quæ tibi præbet titulum iustum possidendi, v.g. ciuitatem, & oppugnandi ibi existentes, non potest tribuere iustum titulum oppugnatæ

tibi contradicendi. Item iustitia vindicatiua, quæ tibi præbet ius puniendi delinquentem, non potest tribuere ius delinquenti resistendi punitiōi.

11 Neque obstant contraria.

Ad primum; concedo, sæpè oppugnantem, & oppugnatum non peccare, quia ex ignorantia inuincibili iuris procedunt. Hoc tamen non probat ex vtraque parte dari iustum titulum, sed ex vna parte dari, & in alia præsumi, & ratione illius præsumptionis potest ille actus ad iustitiam pertinere.

Ad secundum, admitto innocentes oppugnari, quatenus sunt mixti nocentibus, & nequeunt nocentes alia via oppugnari; Et vt sic ipsis non conceditur ius resistendi, conceditur tamen ius fugiendi, quod oppugnatores impedire non possunt, imò potius debent facere. Similiter delinquenti non conceditur ius resistendi magistratui in executione sententiæ: esto concedatur ius fugiendi sententiæ, & captiuo conceditur ius fugiendi, non tamen resistendi detentioni, & punitiōi, quæ licet aliquam contrarietatis speciem habeant, verè contraria non sunt, neque directè inter se pugnant, vt benè aduertit Valen. *suprà,* & Lessius *lib. 2. de iust. c. 13. n. 30.*

12 Sed obiicies. Ergo falsò dictum est, iniuriæ esse vnicam belli causam, siquidem ille qui non peccat, tibi iniurius non est, quia non est iniustus. Respondedo dupliciter sumi posse iniuriam, aliam formalem, & peccaminosam, aliam materialem & sine peccato contingentem. Ad bellum ergo defensiuum, seu reparatiuum, quælibet ex iis sufficit; quia finis huiusmodi belli est ius proprium illæsum seruare, & læsum reparare; cui fini parum refert lædaturne cū peccato, vel sine illo: Si tamè bellum vindicatiuum sit, id est, ad vindicandam iniuriam factam, hoc fieri nullatenus potest nisi peccaminosa iniuria commissā sit, quia pœna præcipuè ita grauis, qualis est belli indictio, necessariò culpā grauem, quam puniat, supponere debet. Sic Mol. *disp. 102. per totam.* Inter bella illa est notanda differentia, quòd ex bello procedente contra aduersarios inuincibili ignorantia laborantes, non potest bellator exigere expensas belli, neque aliquid aliud præter id, super quo bellum mouetur: Secus verò cum culpa committitur, quia ipsi oppugnanti nec tenentur ratione rei acceptæ, neque ratione iniustæ acceptionis. sic Mol. *disp. 102. post. med.*

Tertia difficultas est, an oblata ab aduersario sufficienti satisfactione, tenearis ab illo desistere?

13 Caietan. *in sum. verbo bellum,* distinguit de oblata satisfactione ante bellum inceptum, vel postquam cœptum est, dicitque te obligatum esse à bello desistere, si ante bellum offeratur ad aduersario sufficiens satisfactio, & damna illata tibi compense. Quia tunc bellum non est tibi necessariū, sed volutarium, ac proinde erit illicitū, quia sola necessitate assumi potest. *c. noli. 23. q. 1.* Si verò satisfactio offeratur post bellum inceptum affirmat Caiet. te non esse obligatum satisfactionem acceptare, quia iam aduersarii non sunt in statu satisfaciendi, sed satis patiendi. Idem reputat probabile Eman. Saaz *in vtr. aque edu. verbo bellum. n. 9.*

14 Dicendum tamen est quocunque te bello, & abstratur ab aduersariis debita satisfactio te obmpore offerre à bello desistere, si securè desistere potes à ligatum esse que periculo perdendi victoriam: sic docent ex communi sententia Mol. *disp. 103. in medio. vers. belli causa.* Valen. 1. 1. *disp. 3. quest. 16. puncto. 2. vers. hic autem controuersia est.* Coninch *disp. 31. dub. 2. n. 38.* Suar. *disp. 13. de char. sect. 7. art. n. 1.* & alij apud ipsos. Ratio est, quia bellum solùm necessitate, non voluntate suscipitur, vt dixit D. August. *epist. 207. ad Bonifac. comitem,* & refertur *in cap. noli. 23. q. 1.* Sed cum debita satisfactio offertur, cessat omnis necessitas bellandi. Ergo contra

contra iustitiam peccas, si tunc bellum prosequaris. Aduerto tamen sub debita satisfactione comprehendere, ut non solum tibi reddantur omnia illa, quæ tua sunt, sed etiam soluantur expensæ in bello factæ, & pericula, & molestiæ, quibus te & tuos exposuisti, & iniuriæ factæ compensentur. Quia cum ad hæc omnia ius habēas, omnia hæc compensari debent, priusquam tenearis à bello cessare. Insuperque petere potes quidquid in posterum tibi necessarium est, ut securè viuas, & pacē obtineas, quia hic est præcipuus belli scopus. Quæ omnia in ipso conflictu, & belli congressu ferè sunt impossibilia, ideòque fortè dixit Caiet. nunc aduersarium potius esse in statu satis patiendi, quam satisfaciendi, quia vix est possibile offerre tunc satisfactionem, quæ iudicaretur præ angustia temporis tum sufficiens, tum securæ, sic Doctores supra relati.

15 Sed quid si pars rebellis ob iniurias illatas digna sit morte, ita ut post partam victoriam absque vlllo periculo possis illam perimere; petit tamen veniam, & in quantum potest, se tibi submittere, & iniuriam pecuniis, tributis, & aliis eiusmodi cōpensat, & pignora præbet, quibus te securum reddit à timore in posterum similis iniuriæ. Dubium ergo est, an tenearis hanc satisfactionem acceptare, & à bello desistere, vel possis bellum mouere, quousque tibi tradantur nocentes iugulandi? Ratio dubitandi est, quia factus es iudex rebellium ob iniuriam acceptam, illiusque vindex: sed iudex non tenetur acceptare satisfactionem oblaram à delinquente, sed pro gravitate delicti pœnam illi infligere potest, quæ sibi maior lacuerit, modò limites iustitiæ non excedat. Ergo sic dicendum est in casu præfenti. Neque valet dicere te esse iudicem extraordinarium, & in defectum, quod pars aduersa non habet superiorem. Nā præterquam quod sub lite est, an debeat iudex extraordinarius, vel ordinarius vocari ratione delicti, & iniuriæ acceptæ: nihilominus eo ipso quo iudex est constitutus, in defectum superioris videris illius vices habere, & sicut superior non teneretur acceptare satisfactionem illam, sed posset in aliorum exemplum pœnam promeritam nocentibus inferre, sic videris tu posse, & sic spectato iuris rigore affirmat Mol. *tract. 2. de iust. disp. 103. post med. vers. dubium est. & seqq.* Bannes. 2.2. q. 40. art. 1. dub. 2. concl. 4. Lorca. *disp. 49. num. 6. & disp. 52. num. 3. & disput. 53. num. 12.* Et mihi placet hic modus dicendi, quamvis difficilè reputet Coninch. *disp. 31. dub. 2. a. n. 19. & dub. 7. a. n. 106.* motus ea præcipuè ratione, quia bellum contra non subditos non potest indicari ad vindicandam iniuriam, nisi quatenus iniuriatum necessarium est, vel ad reparationem honoris, vel ad futuram securitatem, quia ut dicit August. dicto *cap. nulli bellum.* sine necessitate indicari non potest. Aliàs (inquit) obligati essent nocentes seipsos tradere iugulandos, neque possent vi resistere, neque alius illos defendere. Sed hæc omnia in firma sunt; pugnant enim contra sententiam affirmantem bellum esse actum vindictiue iustitiæ, quod stare non potest, si iniuriæ vindicandæ solum essent, quatenus earum vindictio necessaria est ad reparationem iuris læsi, quia tunc potius commutatiuam iustitiam, & legalem, quam vindictiuam exerces. Ut ergo firmum sit, bellum esse iustitiæ vindictiue actum, a firmandum est bellantem non solum reparationem sui honoris, & securitatem in futurum intendere posse, sed etiam debitam pœnam iniuriantibus infligere, quod ex Adriano notat Valen. 2.2. *disp. 3. quest. 16. p. 3. vers. secundo.* Neque inde fit teneri nocentes se tradere iugulandos; sufficit enim si vi, & armis non resistant, quia ius conservandi vitam utpote naturæ conforme, aliis iuribus præpoderat.

16 Aduerto tamen et si spectato iustitiæ rigore non tenearis illam satisfactionem admittere; at spectato iure charitatis sæpè teneris: charitas enim postulat sic alli-

ctis, & humiliatis minuire rigor em, ne in desperationem veniant, nève tot mala contingant, quæ secum trahit bellum: sic Coninch *dicta disp. 31. dub. 2. n. 26.* Mol. *disp. 103. circa finem. vers. hinc credo.*

17 Quarta difficultas est, an stante iusta causa bellandi, aduersus aliquem illicitè moueas bellum?

Respondet Caiet. 2.2. q. 96. art. 4. Coninch *disp. 31. dub. 4. n. 73.* illicitè moueri, si minima subsit spes victoriæ: quia tunc temeritatis argueris, & iniuriosus tuis existes, cum eos periculis grauissimis exponas ob exiguam vtilitatem. Cæterum, ut benè dicit Suar. *disp. 13. de charit. sect. 4. in fine.* omnia pensanda sunt, & videndum, an spes victoriæ præualeat damnis, quæ timentur: nam si spes præualeat, tentari bellum potest; sin minus, cessandum à bello, inquam aggressiuo; secus à defensivo, quia hoc cum aliquali spe victoriæ tentandum est, quia necessitatis, non volūtatis est. Ex quo fit verum non esse, quod Caiet. affirmat, requiri moralē certitudinem victoriæ, ut bellum possit indicari; quia solum probabilis spes victoriæ potest præualere damnis, quæ ab aduersariis timentur. Itē quia bono reipublicæ maximè expedire potest, ut inimici intelligant te non esse pusillanimum, & timidum, sed forti animo, audacē, periculæque contemnere. Denique rarò liceret Regi minus potenti bellum potentiiori indicere, si moralis certitudo victoriæ necessaria esset, cum hæc à minus potenti ferè nunquam haberi posset.

18 Ex aliis autem capitibus potest bellum illicitum esse, & contra iustitiam stante iusta causa bellandi. Primò erit illicitum, & contra iustitiam, si damna, quæ ex bello sequuntur, propriæ reipublicæ præualeant vtilitati victoriæ speratæ, quia Princeps in suis communibus actionibus tenetur providere potius bono suæ reipublicæ, quam proprio. A republica enim accipit potestatem gubernandi non pro suo libito, & vtilitate, sed pro bono ipsius reipublicæ, quod si contra faciat, & contempta vtilitate reipublicæ propriæ acquiescat, non Rex, sed tyrannus erit. Sic Mol. *disp. 102. in fine.* Suar. *de char. disp. 13. sect. 4. num. 8.* Secundò illicitum erit bellum, & contra charitatem debitam bono communi, si credat inde religionem Christianam minuendam esse, & hostes Ecclesiæ potentiores futuros, & fortè nostra inuasuros, & occupaturos, tunc, inquam, Princeps Christianus læsus suis commodis cedere debet, ut bonum commune religionis non ita grauitè pereat, ad quod præstandum compelli potest à Pontifice, etiam sublato iure bellandi. Sic Victor. *de iure belli. n. 33.* Coninch. *disp. 31. dub. 4. n. 73.* Suar. *disput. 13. de charit. sect. 4. n. 8.* Valen. 2.2. *disp. 3. quest. 16. puncto. 2. vers. octauo certum est.* Mol. *tract. 2. de iust. disput. 107. vers. restit. admonet.* Tertiò illicitum esse potest bellum, & contra charitatem debitam, si ob leue tui commodum grauissima mala reipublicæ aduersæ inferres, præcipuè si ipsa pro viribus tibi satisfacit. Suarez *supra.*

PUNCTVM IV.

Qui modus seruandus sit in bello, ut licitè fiat.

- 1 Ante bellum competi Principi examinare iustam causam bellandi, non autem ducibus, & militibus.
- 2 Ea licent Principi, ducibus, & militibus in bello, & post bellum, quæ necessaria sunt ad finem belli consequendum.
- 3 Duces, & milites ex mandato Principis debent procedere, aliàs contra iustitiam peccabunt cum obligatione restituendi.
- 4 In bello licitum est insidiæ, & stratagematis uti, nisi si dem dedisses illis non utendi.
- 5 Nocentes hostes licet bellanti occidere.

6 Non

- 6 Non tamen decet Christianam pietatem multos, et si dignos morte, occidere.
- 7 Innocentes directe occidi non possunt, bene tamen indirecte.
- 8 Proponitur quedam obiectio probans innocentes directe occidi posse. Et sit illi satisfactio.
- 9 Probatur innocentes posse indirecte occidi.
- 10 Explicatur, qui reputentur innocentes, quos non potest bellator vna directe privare.
- 11 Licetum est libertate privare hostes, & in servitutem redigere.
- 12 Ab hoc iure excipiuntur Christiani capti ab aliis Christianis, nisi fuerint a fide apostata.
- 13 Innocentes optime possunt in servitutem redigi, si publica digna est hac poena.
- 14 An capti bello iusto possint fugere, & possit eos ad fugam iuvare. Proponitur sententia negans.
- 15 Affirmans sententia defenditur, nisi fidem servum dederit de non fugiendo.
- 16 Satisfactio contrarii n. 14. adductis.
- 17 Bona hostium etiam horum, qui innocentes sunt, occupari a victore possunt.
- 18 Bona Ecclesiarum, & Ecclesiasticorum innocentium ab hac regula excipiuntur.
- 19 Per accidens devastari, occuparique possunt, si necessarium fuerit ad finem belli consequendum.
- 20 Idem est dicendum de cuiuscunque innocentis bonis.
- 21 Victoria reportata probabilis est se teneri in satisfaciendo, tamen si ex occupatione horum bonorum diutius non evaseris.
- 22 Repressalia, seu impignorationes licite sunt servatis aliquibus conditionibus.
- 23 Bona in bello capta, si immobilia sunt pertinent ad principem, si mobilia sunt capientium, nisi aliter consuetudo obtinuerit.
- 24 Si mali a captis possideantur, & immobilia sunt, reddenda sunt dominis, si mobilia iure nature dominis prioribus reddi debent. At iure Casareo sunt capientium, si ad praesidia, locumque sua deportantur.
- 25 Excipiuntur ea, quibus privilegium postlaminis est concessum.
- 26 Ea que iure Casareo concessa sunt legibus Castelle, & aliorum regnorum approbantur.
- 27 Triad adhaerenda sunt pro explicatione superioris doctrine.
- 28 Licetum est civitatem aliqua dari militibus in pradam.
- 29 Qua ratione Princeps compositionem facere possit cum alio Principe iniuste bellante.

Hæc conditio explicatur, explicatis iis, quæ contingere possunt ante bellum, in bello, & post bellum, tum Principi, tum Ducibus, tum militibus.

An te bellum teneretur Princeps, examinare iustitiam belli causam, illamque aduersarix parti proponere, ut eidem iustitia belli constet, si compensationem debitam nolit facere. Quia nemo potest bellum indicare, nisi necessitate coactus, sic ex August. ex cap. Molin. 23. tradit Suar. disput. 13. de bello. sect. 7. numero 3. Ducibus autem, & militibus non competit causam iusti belli examinare, sed quoties de iniustitia non constat, præsumere debent iustitiam esse, ut latius diximus tract. 4. de conscientia p. 2. p. 8. & disput. 3. part. 1. 4. & probat optime Suar. disput. 13. de bello. sect. 6. n. 11. & 12. Quod præcipue verum est, quando non sponte, sed præcepto coacti bellum suscipiunt, ut benedicit Coninch disput. 31. dub. 5. n. 84.

2 In bello autem, & post bellum dicendum est ea omnia licere Principi, & ex eius mandato ducibus, & militibus, quæ ad finem belli consequendum necessaria, vel conveniëntia sunt ad reparationem acceptæ iniuriæ, ad illius vindicationem, ad pacem, & securitatem firmandam: sic ex omnium sententia tradit Victor. relect. de iure

belli. n. 37. & seq. Sylvest. verbo bellum, 1. concl. 2. & 3. Valen. 2. 2. disp. 3. q. 16. puncto 3. assert. 1. Mol. tract. 2. de iustu. disp. 117. in princ. Bonac. disp. 2. de restit. q. ult. puncto. ult. §. 3. n. 14. Coninch disput. 31. dub. 7. n. 108. Suar. de charit. de p. 13. sect. 7. n. 6 & 7. Ratio est manifesta, quia si finis licet & media ad illum consequendum licere debent. Vnde licet hostium bona usurpare, agros vastare, arcem occupare, civitatem diripere, si hæc omnia iudicantur apta ad supradictos fines.

3 Notanter dixi licere ducibus & militibus ex mandato Principis: nam si contra eius voluntatem saltem præsumptam bellum moueant, vel aliqua damna inferant, contra iustitiam facient cum obligatione restituendi. Quia illis datum non est, bellum mouere; neque iniurias sibi factas vindicare. Aduerto tamen aliquando hanc damnorum illationem militibus prohiberi, non in gratiam hostium, sed in ipsorum, & reipublicæ utilitatem, ne, inquam, disciplina militaris deferatur, neve exercitus damnum aliquod patiatur, neve hostes irritentur tunc enim nulla erit obligatio militibus restituendi damna, quæ inferunt, quia præsumendum est, sic esse voluntatem Principis, postquam iam illata sunt, sic Mol. tract. 1. de iustu. disp. 101. Bonac. disp. 2. de restit. q. ult. p. ult. §. 3. n. 16.

Ut ergo hæc doctrina clarius elucescat, aliquæ speciales difficultates enodandæ sunt breviter.

4 Prima, an liceat uti in bello insidiis, & stratagematis? Respondeo licere, si apta reputentur ad victoriam consequendam, quia hoc per se malum non est, non enim est mendacium, sed simulatio, occultatioque veritatis, quæ ex honesta causa sæpè licet, & tradit Aug. relatus in cap. Dominus. 23. q. 2. exemplo Iosue 8. cui præcepit Dominus insidiis uti ad expugnandam civitatem ait. Si enim licet hostes occidere, ut victoria obtineatur, quanto magis permittere, ut decipiantur. Excipiendus est casus, quo fidem dedisses hosti, non utendi insidiis, quia tunc deberes fidem servare, & promissa implere, ut bene dicit D. Thom. 2. 2. q. 40. art. 3. nisi fortè coactus dedisses, quia coactio promissionem annullat, ut diximus. tract. 2. de peccat. aut si promissio in graue damnum boni communis, reipublicæ, vel religionis cederet; quia tunc etiam iuramento firmata impleri non deberet, vel tandem si hostis violaret in toto, vel ex parte fidem vicissim datam. Non enim neganti fidem, fides seruanda est; quia hæc promissiones habent tacitam conditionem, dummodo promissarius promissis steterit. Et in iis conueniunt Doctores, ut videre est apud Valen. disp. 3. q. 16. puncto. 3. ult. 1. Bonac. disp. 2. de restit. q. ult. p. ult. §. 3. num. 16. Mol. disp. 111. in princ. Suar. disput. 13. de bello. sect. 7. n. 23.

5 Secunda difficultas est, an liceat bellanti hostes occidere? De nocentibus, & rebellibus nulla est dubitatio occidi posse, tam in ipso pugnae congressu, quam post victoriam partam, si eorum mors necessaria sit ad vindicandam iniuriam, pacem, & securitatem in posterum stabiliendam: sic Valen. 2. 2. disp. 3. quest. 16. p. 3. vers. septimo infero. Coninch disput. 31. dub. 7. n. 129. Suar. disp. 13. sect. 7. n. 7. Bonac. disput. 2. de restit. q. ult. p. 12. §. 3. num. 21. ubi alios refert. Ratio est, quia si finis licet, & media licere debent. Item parva victoria iam hostes vincenti subduntur, & vincens est eorum iudex, & superior. Poterit ergo in poenam delicti commissi eos interficere, si delictum morte dignum sit. Quod verum habet, etiam si nocentes hostes se dederint inimicis, adhuc enim morte plecti possunt, si digni sunt, nisi fortè sub promissione vitæ se dederint, quia tunc seruanda est. sic Bonac. disp. 2. de restit. q. ult. sect. 1. puncto. 12. §. 3. num. 25. Mol. tract. 2. disputat. 122. in fine. Valen. disp. 3. q. 16. puncto. 3. sub. 7. infero. 2. 1. secundo. pag. 722.

6 Aduertendum tamen est, si multi nocentes sint, & omnes digni sint morte, & illa affici possent, spectato iustitia

iustitiæ rigore, non tamen sic esse afficiendos. Quia crudelitatem redoleret, & in detrimentum boni communis, & religionis cederet, nisi fortè ad firmandam pacem hoc simpliciter iudicaretur necessarium. Non enim decet Christianum sic exardescere aduersus iam victos, & humiliatos, sufficeret tamen ad aliorum exemplum præcipuos punire, & multitudini parcere. sic Victor. *de iure belli*. n. 44. Valen. & Coninch. *supra*. & optimè Mol. *disp.* 122. *concl.* 2. 3. & 4.

7 Quod si de innocentibus loquamur, constat apud omnes per se, & directè occidi non posse, benè tamen indirectè: sic pluribus relatis docent Couarrun. *reg. peccatum*. 2. p. §. 3. num. 4. Franciscus Victor. *de iure belli*. a. num. 35. Mol. *disp.* 119. *concl.* 1. & 2. Suar. *disp.* 13. *sect.* 7. a. n. 15. Bonac. *disp.* 2. *de restu. q. ult. sect.* 1. *puncto* 12. §. 3. num. 17. Valen. *disp.* 3. *quest.* 16. *part.* 3. *vers. tertio infero*, Coninch *disp.* 31. *dub.* 7. num. 120. & alij. Priorem partem probò, quia occisio hominis per te mala est, & prohibita, nisi à potestate publica ex causa legitima fiat. At nulla est causa legitima interficiendi innocentem. Nam si aliqua esse posset, maximè culpa totius ciuitatis, cuius ipsi sunt partes, sed hæc esse non potest, quia ipsi immunes fuerunt ab illa culpa. Ergo ob illam non possunt ipsi vita priuari, argum. *de Hieron.* 24. ubi ob peccatum patris nequit filius occidi, & ratio est, quia neque pater est dominus, neque esse potest vitæ filia, neque res publica vitæ suorum ciuium. Quando enim ob peccatum vnus alter punitur, semper puniri debet in bonis, quæ ad ipsum delinquentem aliquo modo possint pertinere, & quorum ipse dominus fieri possit, & non in aliis, quia delinquens est, qui ibi præcipuè punitur, priuando ob eius causam innocentem honore, bonis fortunæ, & libertate. Cum ergo nunquam dominus esse possit vitæ alterius, efficitur ob eius causam priuari non posse. Confirmarique potest exemplo Ambrosij relati in *c. cum apud Th. saloni. am.* 11. q. 3. excommunicantis, & grauiter reprehendentis Theodosium Imperatorem, eo quod innocentes cum nocentibus inuolueret in pœna mortis ob rebellionem ciuitatis. Quod si in aliquibus locis scripturæ videantur innocentes absque peccato fuisse interfecti à populo Israëlítico, ut *Iosue* 6. & 1. *Reg.* 15. id dicendum est fuisse factū ex speciali concessione Dei ob peccata illarū nationū: cum enim sit dominus omnium vitæ, potest, prout sibi placuerit eam eripere, eripiendamque concedere.

8 Dices. Finis belli non solum est recompensatio iniuriæ factæ, illiusque vindicta, sed pax, & securitas in futurum; sed timeri satis potest, si relinquuntur viuī, qui modo innocentes sunt, successu temporis nocentes esse futuros, & pacem turbaturos. Ergo ob huiusmodi finē occidi poterunt. Videtur enim hæc occisio esse quædā anticipata defensio, & omnino necessaria?

Respondeo ob huiusmodi causam nullo modo licere innocentem occidere, quia aliàs liceret tibi priuato viro quemlibet occidere, si aliquam leuissimam suspicionem haberes successu temporis esse contra te arma sumpturum, quod absurdum est. Non enim licet in defensionem propriam alterum priuare vita, nisi occidendus aggressor sit. Qui autem innocens est, neque de facto te aggreditur; imò nec voluntatem habet te aggrediendi, aggressor non est. Ergo aduersus illum non est locus defensionis. Quapropter Franc. Victor. *in relect. de iure belli*. n. 38. Valen. *puncto* 3. *vers. nam si hæc*. Mol. *disp.* 119. *vers. ut verò*, & alij reprobant, ut omnino illicitam, & intolerabilem occisionem infantium in bello Sarracenorum, timore ne postquam adulti sint, Christianos infestent maiorem suorum exempla sequentes. Non enim licet pœnam infligere ob culpam non committam, & fortè non committendam, præcipuè cum alia dentur viæ præcauendi hæc mala, scilicet priuando infantes illos sua libertate, omnibusque for-

tunæ bonis, quod statim dicemus fieri posse.

9 Secundam partem conclusionis, scilicet innocentes posse per accidens, & præter intentionem occidi, ex eo constat, quia hæc indirecta occisio sæpè est necessaria ad belli finem consequendum, quia sæpè innocentes ita mixti sunt nocentibus, ut nequeant ij oppugnari, & vinci, nisi cum periculo, & occisione innocentum. Si ergo finis belli tibi licitus est, & media sine quibus consequi non potest, licent. Adde talem occisionem non esse tibi imputandam, cum tu illam non intendas, sed solum permittas vtens iure debito. Quod si obijcias. Illi innocentes se iuste à morte possent defendere. Ergo iniuste tu illos aggredieris occidendo; aliàs non esset iusta defensio. Respondeo negando se posse defendere te aggrediendo, tibi que resistendo, quia si hoc facerent, iam fierent nocentes. Concedo tamen posse se defendere, pura, inquam, defensione, si hæc illis, aliqua ratione prodesse potest. Aduerto tamen semper considerandum esse, an finis belli præponderet innocentium morti, & damnis aliis inferendis, quia non est licitum tuam vtilitatem propriam cum iactura aliorū grauissima quærere, ut ex Victor. *relect. de iure belli*. n. 37. notauit Valen. *disp.* 3. q. 16. *puncto* 3. *vers. diximus*.

10 Sed inquires qui reputentur innocentes, quos nullo modo potest bellator priuare vita? Respondeo iure naturali reputari infantes, & mulieres, & qui non possunt arma sumere, bellumque iuuare. Videturque probari ex illo Deuter. 20. *Peruenietis omne quod in ea est generis masculini absque mulieribus, & infantibus*, quasi reliqui omnes præter hos reputentur nocentes, & ij innocentes. Verum ut benè aduertit Mol. *disp.* 119. *2. vers. hinc infert Victor.* sæpè mulieres adultas bellum iuuare, vel portando merces, vel seruando sarcinas, imò propria manu pugnando. Quapropter inter infantes innocentes reputari non debent, si hostes committentur, vel intravibem obsessam resideant, sed potiùs præsumendum est nocentes esse. Secus verò si non constet hostes fuisse comitatas. Item reputantur innocentes, dum aliud non constat, quin non sunt ciues reipublicæ oppugnatae, ut sunt aduenæ, & peregrini, & mercatores non habentes domicilium, sed casu ibi mercemonia portantes, & quasi in transitu existentes. Iure autem gentium inter innocentes computantur legati, siue oratores, de quibus *cap. Paternarum* 24. q. 3. & *cap. illi qui eadem causa*, & q. quia nisi præsumerentur innoxij, non possent munus suum debite exercere. Inter Christianos monachi, prebyteri, & conuersi reputantur innocentes, dum contrarium non probatur, quia in ordine ad bellum non sunt partes reipublicæ, cum bellum illis sit prohibendum. *ca. in monachis. de treug. & pace.* ibi, Innouamus, ut Presbyteri, Monachi, Conuersi, peregrini, Mercatores, Rustici euntes, & redeuntes, & animalia, quibus arant, & semina portant ad agrum, securitate congrua lætentur. Et in iis consentiunt Doctores, Valen. *disp.* 3. q. 16. *puncto* 3. *vers. quinam* Suar. *de charit. disp.* 13. *sect.* 7. n. 10. Mol. *de iust. disp.* 119. Bonac. *disp.* 2. *de restu. quest. ult. sect.* 1. p. 12. §. 3. n. 17.

11 Quarta difficultas, an liceat in bello libertate priuare hostes, & in seruitutem redigere? Si rei naturam spectemus, certissimum est apud omnes licere quoties in recompensationem iniuriæ factæ, & satisfactionem damnorum quæ victor passus est fuerit necessarium. Si enim victor priuare vita hostes potest, à fortiori poterit libertate, & habetur. §. *item ea quæ ab hostibus. Infl. de rerum diuis.* ibi, Quæ ab hostibus capimus, iure gentium nostra fiunt, adeo ut liberi homines in seruitutem nostram redigantur. Idem traditur *l. naturalem*. §. *vult.* & *l. transfugam. ff. de acquir. rerum dom. n. l. si quid bello*, *l. hostes. ff. de captiuis & positijs. reuersis.* consentit *cap. ius gentium, dist.* 1. & *cap. dicat.* 23. q. 5.

Ab hoc

12 Ab hoc autē iure excipiuntur Christiani capti ab aliis Christianis, & eorum filii, qui non possunt in seruitutem redigi ob consuetudinem inter eos præscriptam; possunt tamen detineri aliquantulum, dum pecunia aliqua in præmium capientium conceditur, sic alios referens docet Couarr. *reg. peccatum. 2. p. §. 11. num. 1. & 6. Mol. disp. 117. cancl. 4. Bonac. disp. 2. de restit. scilicet. 1. puncto. 12. n. 21. Valen. disp. 3. q. 16. puncto. 3. vers. quinta asseritio. Suar. disputat. 13. de bello. scilicet. 7. num. 13. Coninch. disputat. 31. dub. 7. num. 120. Hoc tamen privilegio non gaudent Christiani apostatæ à Fide, siue subditi sint bellantis, siue non, quia quod in fauorem Fidei introductum est, non debet prodesse iis, qui Fidem abiurarunt. Suar. & Valen. *supra*. Hæreticis autem receptum est prodesse, quia ij aliquomodo Christū farentur, Suar. *loco citato*. Filiis autem Apostatæ, & Hæretici, qui Fidem non relinquunt, certum est prodesse.*

13 Aliqui dubitant, an innocentes in seruitutem redigi possint, eo quod neminem soleat Respublica libertate priuare, nisi ob eius culpam? Dicendum tamen est rectè posse, si iniuria ciuitatis aduersæ hanc pœnam mereatur, sic Victor. *de iure belli. num. 42. Molin. tit. de iustit. disp. 120. Eman. Saa verbo bellum. num. 2. Coninch. disp. 21. dub. 7. num. 112. & 119. & seqq.* Ratio est, quia libertas inter bona fortunæ, quorum Respublica dominium habet, computatur, quia respublica illorum bonorum habet dominium, quorum habent eius subditi: sed quilibet subditus propriæ libertatis dominium habet, illamque vendere potest necessitate urgente. Ergo respublica idem facere poterit, & confirmo. Patet necessitate urgente potest filium libertate priuare, & creditor debitorem impotentem soluere, si ius positium non obstat. Ergo à fortiori poterit respublica quemlibet ciuem, cum quilibet debeat satisfacere pro debito reipublicæ vtpotè pars ipsius. Adde receptissimum esse tradi infantes obsides inimico nolenti aliter à bello desistere, qui tamen in arctam, & sæpè in perpetuam seruitutem reducuntur: quod est quoddam genus seruitutis, & priuationis libertatis.

14 Sed inquires, an ij captiui possint fugere; illòsque possis ad fugam iuuare? Suppono esse captos bello iusto; nam si iniusto capti essent, quales sunt omnes Christiani à Mauris, & Turciscis: clarum est fugere posse, quia iniuste detinentur, & laudabile opus charitatis esse illos fugientes iuuare, & à possidentibus eripere. De seruis autem bello iusto captis censet Nauarr. *cap. 17. num. 103. & 104. & plures alij relati à Couarrub. Valen. Lessio statim referendis, fugere non posse; quod si seruus Christianus sit, & ab infideli domino fugiat, obligatum esse mittere pretium, non tamen reddere ob periculum peruersionis. Probat Nauarr. suam sententiam. Primò, quia seruus pretio emptus fugere non potest, ergo nec bello captus. Tum quia prior titulus seruitutis est, qui ob bonum commune reipublicæ introducit, quàm qui priuata autoritate comparatur. Tum quia nulla datur distinctio inter seruum emptitium, aut bello comparatum. Secundò, hæc seruitus est quædam pœna à republica imposita iis, quibus fortè pœna mortis debebatur ob iniuriam illaram, & ex pietate, & misericordia in hanc leuiorem pœnam commutatur. Ergo facta commutatione, & pœna seruitutis imposita non licet damnatis fugere ab illa, aliàs liceret cuilibet damnato ad triremes, aut in exilium ab eo fugere. Tertiò fugientem seruum potest dominus castigare. Ergo signum est commississe culpam in fuga. Item potest illum vi, & armis, si opus fuerit, reducere, neque potest repugnare; aliàs daretur bellum iustum ex vtraque parte. Ergo seruus non habet ius fugiendi. Tandem probatur ex Concilio Gangien. *cap. 3. relato in cap. si quis seruum. 16. quest. 4.**

Ferd. de Castro Sum. Mor. Pars I.

vbi anathemate damnatur. si quis seruum prætextu diuini cultus doceat dominum contemnere proprium, vt discedat ab eius obsequio, ne eicum beneuolentia, & omni honore deseruiat. Si igitur consuli non potest fuga. Ergo neque exequi, & l. 1. *C. de seru. fugitiuis*, dicitur fugitiuus seruus furtum sui facere domino. Neque ibi distinguitur de seruo empto, & de seruo bello capto.

15 Nihilominus communior sententia est, & tenenda, licetè posse seruum bello captum fugere ad suos, seu ad aliquam ciuitatem amicam, in qua tui sint, sic aliis relatis docet Couarrub. *reg. peccatum. 2. p. §. 11. num. 6. & lib. 1. var. resolut. cap. 2. num. 10. Bannes 2. 2. q. 40. ar. 1. dub. 3. Valen. disp. 3. quest. 16 puncto 3 circa finem. vers. alterum dubium. Lessius lib. 2. de iust. cap. 5. dub. 5. num. 24. Eman. Saa verbo bellum. num. 7. Bonac. disp. 2. de restit. quest. ult. scilicet. 1. par. 12. num. 26. Ratio desumitur ex §. Item ea que ab hostibus, *Instit. de rerum diuis.* vbi de seru. bello captis dicitur, si nostram potestatem euadant, & ad suos redeant, pristinum statum accipiant, id est, consequantur libertatem, quam antea habebant. Ergo tacitè illis conceditur facultas fugiendi à confinibus dominorum; aliàs irrationabilis esset lex, quæ concederet libertatem in præmium actionis iniquæ, & quæ hac via ad malum incitabat. Quod intelligendum est, etiam si captus bello pretio vendatur, semel & iterum, quia nunquam venditur, nisi seruitus bello comparata, atque adeò semper retinet privilegium seruitutis belli. Et idem est de prole, si quam habeat, quia non debet esse deterioris conditionis. Sic Lessius *loco citato. num. 25.* Notanter dixi licitum esse seruo bello capto fugere ad suos, vt indicarem aliam fugam intra confines dominorum, cum ex illa libertas non obtineatur, illicitam esse, & sic intelligit Couarrub. *supra textum in l. 1. C. de seru. fugitiuis, & capium gentium dist. 1. & leg. 23. tit. 14. par. 7.**

Limitanda tamen est hæc doctrina, vt procedat, nisi fidem seruus dederit non fugiendi, quia tunc speciali titulo fidelitatis, & maxime si iuramento firmatus esset, tenetur à fuga abstinere, sic Valen. Lessius, Bonac. & Couarr. *supra*.

16 Neque obstant contraria. Ad primum concedo seruum, qui per iustam emptionem seruus factus est, non posse à domino fugere, quia receptum est emptio nem fuisse factam pro iure seruitutis perpetuæ. Quod tamen aliter constat de seruo bello capto, cuius seruitutis titulus nobilior est. Quapropter huic à finibus dominorum ad suos permittitur fugere, non tamen seruo emptitio. Aqua regula excipi debet casus, quo dominus seruum ad peccatum incitaret, neque rogatus vellet desistere, tunc enim liceret seruo cuicunque fugam arripere, si non habeat aliud commodius medium ad vitandum animæ periculum: sic ex omnium sententia tradit Nauarr. *cap. 17. num. 102. & Lessius lib. 2. cap. 5. dub. 5. num. 19.* Eadem est ratio (inquit Lessius, & bene) si inhumaniter tractetur (vt si fame, siti, frigore, & verberibus sine sufficienti causa affligatur) quia tunc iniurius illi est dominus, à qua iniuria iure defensionis se potest eripere per fugam, cum alia via non suppetit. In iis ergo casibus non consequitur seruus libertatem, sed potius tenetur redire cessante periculo similis tractationis, & inductionis. Nisi fortè (subdit Lessius) fuerit iniuria tanta, vt magis libertate sit compensanda.

Ad secundum admitto seruitutem esse pœnā impositam ob delictum, sed quia imposita est ea cōditione, vt condemnatus seruus liber ab illa existat, si ad suos reuertatur, ea de causa licet reuertere. Ad tertium, admitto posse dominum hunc fugitiuum seruum, dum est intra suam ditionem castigare, tum quia absolurè est seruus, & sibi subditus, neque teneatur præsumere animo re-

uerrendi

vertendi ad suos fugam arripuisse, sed potius animo vagandi. Tum quia acquiescit probabili Nauatri, & aliorum sententiæ non posse fugere. Tum & præcipue, quia non castigat illum ob culpam committam, sed obseruandum ius proprium terrendo seruum à simili fuga. Tum denique, quia sub hac conditione videtur illi concessa fuga, vt si intercipiatur, puniri grauius possit. Ad confirmationem concedo posse dominum vi, & armis, si opus est, fugientem seruum reducere, dum non peruenit ad suos, neque posse seruum resistere. Nego tamen inde inferri non habere ius fugiendi, quia habet ius fugiendi, dum à domino non impeditur.

Ad ult. dico in Concilio Gangiensi, non reprobari consilium absolutum datum seruo fugiendi dominum, sed datum prætextu religionis Christianæ, quasi religio Christiana obstat seruituti.

Ad leg. 1. respondeo seruum fugientem à domino animo diuagandi intra illius confines, furtum facere, secus si ad suos perrexerit, vel loquitur de seruo emptitio, non de seruo bello capto.

Quinta difficultas, qua ratione liceat hostium bona occupare? Non est dubium posse à Principe indidente bellum occupari omnia bona hostium, quæ necessaria sunt tum ad reparationem iniuriæ acceptæ, illamque vindicandam, tum ad securitatem in posterum futuram: qua de causâ licet arcem, & ciuitatem occupare, pecuniæ summâ exigere, & tributa imponere soluenda in futurum, & vt hæc impleantur exigere obsoles, sic latius Mol. d. 17. Suar. d. 13. sect. 7. de charit. n. 20. & omnes es. Quod non solû verum habet in bonis hostiû nocentum, sed etiam innocentum, si necessaria sunt ad supradictos fines vindictæ, & securitatis, quia tunc non puniuntur innocentes, sed punitur respublica in ipsis, cuius sunt partes sic Valen. 2. 2. disp. 3. quæ. 16. puncto. 3. vers. quarto infero. Victor. de iure belli, n. 40. Couarub. reg. peccatum, 2. p. 9. n. 4. Molin. disp. 121. concl. 4. Suar. disp. 13. de bello sect. 7. n. 12. Coninch disp. 31. dub. 7. n. 113. Ab hac tamen regula excipiuntur: Primò, animalia, quibus rustici euntes, & redeuntes arant, & semina portât in agrum, ex decreto Alex. III. in cap. inuouamus. de treuga & pace.

18 Item excipiuntur ab hac regula bona Ecclesiæ, & Ecclesiasticorû innocentum, quæ ob delictum ciuitatis occupari non possunt. Tû quia sunt specialiter dedicata, & à iurisdictione seculari exempta, ac proinde non debent ob delictum aliorû grauari. Tum quia Ecclesiastici partem constituunt distinctam à republica ciuili. Ergo propter eius culpam puniri non debent, sic ex communi sententia docet Valen. 2. 2. disp. 3. q. 16. puncto 3. vers. hic autem. Suar. disp. 13. de charit. sect. 7. n. 14. Coninch disp. 31. dub. 7. n. 118. Bonac. disp. 2. de restit. q. vlt. sect. 1. puncto. 12. §. 3. n. 18. Mol. disp. 121. concl. 3. Addit præterea Suar. ibi cum Syluest. verbo bellum, in fine, hoc priuilegio immunitatis gaudere omnia bona, quorumcunque sint, si in Ecclesia ad custodiam reponantur, quod piè dictum est.

19 Verum etsi hoc ita sit, per accidens tamen Ecclesia, ciuisque bona, diripi, comburi, & deuastari possunt, si hoc necessarium fuerit ad finem belli consequendum, pacemque firmadâ. Item possunt hostes ex Ecclesia extrahi, & in illa occidi, si prius ipsi Ecclesia abusi sunt, tanquam arce, & castro ad repugnandû, quia eo ipso amittunt priuilegium immunitatis, vt colligitur ex c. sanctorum Patrum, 10. q. 1. quod tamen non amittunt, si illam munierint ad præstam Ecclesiasticorum; innocentumque defensionem: sic Syluest. verbo bellum, 3. q. 6. & 8. Suar. disp. 13. sect. 7. n. 14. Bonac. dicto n. 18. & 19. Valen. p. 3. vers. hic autem. Coninch disp. 31. dub. 7. n. 118.

20 Idem dicendum est de cuiuscunque innocentis bonis, etiam si pars non sit reipublicæ aduersæ, possunt, inquam, deuastari, & occupari, non per se, sed per accidens,

inquantum fuerit necessarium ad finem belli consequendum. Quod à fortiori procedit, si credas illis bonis aduersarium vsurum, vt te iniuste oppugnet, quia tunc est quædam naturalis defensio, sic Valen. vers. quarto infero. Mol. disp. 121. in princ.

21 An autem tenearis iis satisfacere victoria reportata, si ditiore ob illorum bonorû occupationem, aut deuastationem non euasisti? Variant Doctores. Negât te esse obligatum: Mol. disp. 121. concl. 2. Bonac. disp. 2. de restit. q. vlt. sect. 1. p. 12. n. 19. quia non apparet ex quo capite ad restitutionem tenearis non ratione rei acceptæ, quæ non extat, neque ratione iniustæ acceptionis, quæ nulla fuit. At contrarium mihi dicendum videtur. Existimo namque te esse obligatû reparare. Primò, ex bonis hostis, si aliqua sint, quia hic causa fuit iniusta horum damnorû, tu verò illius bona occupans eandem obliganti nō contrahis, & colligitur ex Mol. supra. Quod si bona hostis non acceperis sufficientia ad reparationem tuæ iniuriæ, & aliorum damnorum, credo ex propriis bonis te esse obligatum satisfacere quia innocens, & qui pars nō erat reipublicæ offendentis non tenebatur tibi donare sua bona, vt tu ius propriû recuperares, quia nō eras absolutè, & simpliciter pauper, sicutiebat enim ea tibi mutare, atque adeò ex tacito cōtractu manes obligatus.

22 Hinc resoluitur dubium de repressaliis, an licitæ sint? Repressaliæ, seu impignorationes vocantur bona, quæ innocens reipublica, & iniuriam passâ assumit à ciuibus reipublicæ nocentis in pignus satisfactionis, sibi, suisque ciuibus debitæ. Contingit enim aliquâdo Gallos, v.g. damnum inferre Castellæ, de oppidis, vel eius incolis, monetur Rex Gallie de iniuria facta, vt fieri satisfactionem procurer, ipse verò negligit. Tunc Rex Castellæ, permittens, si à nocentibus non valet obtinere satisfactionem, vt innocentium bona occupentur, repressalias concedit, quod omnino videtur licitum, quia illa bona vsurpata sub domino sunt reipublicæ Gallie, qui culpabilis existit, dum non procurat, vt sibi subditi satisfaciunt iniuriis illatis alterius reipublicæ ciuibus. Ergo hæc respublica innocens, & iniuriata in suis ciuibus punire poterit rempublicam iniuriantem, eius ciues innocentes, si opus est, grauando, & bonis priuando, iuxta sententiam August. in cap. Dominus 23. quæst. 2. vbi iustam esse causam belli affirmat, si respublica vindicare negligat, quod à suis improbè factum est. Sic Victor. de iure bello num. 42. Couarub. reg. peccatum 2. p. 9. n. 4. Valen. disp. 3. quæst. 16. p. 3. vers. Quinto infero. Mol. disp. 121. concl. 4. vers. confirmari verò Coninch disp. 31. dub. 8. num. 132. vbi n. 133. optimè aduertit sex conditiones requiri, vt repressaliæ licitæ sint. Prima quod de iniuria facta manifestè constet; manifestè enim constare debet ciues alterius reipublicæ iniuste vsurpare bona ciuium huius reipublicæ, vel detinere, nollèque soluere debita. Aliàs iniquum esset dubium debitum compensatione certa reparare. Debet autem hæc iniuria grauis esse, præcipue si bona vsurpanda sunt ab innocentibus, quia multis scandalis, & iniuriis est expositus hic modus recuperandi debitum. Mol. supra vers. licet autem. Secunda, vt superior delinquentem moneri debeat de iniuria facta, vt fieri satisfactionem mandet, alias iniquè vexares innocentes, & alienam iurisdictionem sine occasione vsurpares. Aduertit tamen Molina & benè disputation. 121. vers. ad quem pertinet, si dum hæc satisfactio à superiore petitur, adsint mercatores illius reipublicæ, quæ damnum intulit, periculumque sit, nedum satisfactio petitur, illi recedant, & fortè debitum non facile recuperetur te posse illos detinere, illiusque bona sequestrare expectans rei euentum, præcipue si credis damnû esse illatû autoritate Principis, est n. hæc iusta defensio. Tertia debet tibi cōstare culpabiliter Princ. nolle premere subditos vt satisfaciât, quia

aliàs in eius defectum bona innocentium non subrogantur satisfactioni. Quarta, Princeps reipublice latus debet adiri, & facultatem concedere repressalias capiendi, quia solus is qui bellum mouere potest, potest eas concedere. Quinta, Ne plus damni alteri reipublice inferatur, quam necessarium sit ad plenam satisfactionem. Sexta, ne concedatur in personas Ecclesiasticas innocentes, quia hae exemptae sunt sub poena excommunicationis, *cap. unico de iniuriis in 6.* & notauit Valen. *dicta disp. 3. q. 16. puncto. 3. vers. 5. infero.*

His ergo conditionibus positis repressalibus, seu pignorationes licitae sunt. Quocirca cum in *cap. 1. Aument. ut non fiant pign. collat. 5. nouella 5. 2. & l. un. cod. ut nullus ex vicinis*, dicitur equitati contrariū esse pro alienis debitis alios molestari; intelligendum est, quando propria auctoritate, & non ex facultate Principis, & seruatis supradictis conditionibus sit.

23 Denique pro complemento huius difficultatis inquires. Primo ad quem bona capta in bello pertinent, inquam, ad Principem, an ad milites? Et quidem si bona immobilia sunt, constat apud omnes ad Principem pertinere in satisfactionem iniuriae acceptae, re-compensationem expensarum, & periculorum, quae in bello subit, ex *l. si captiuus §. 2. ff. de captiuis*, & tradit cum communi sententia Couarub. *reg. peccatum §. 1. 1. art. num. 1. precipui. n. 6. & 7. Valen. disp. 3. q. 16. puncto. 3. vers. quarta propositio. Coninch disp. 3. 1. dub. 7. num. 121. Bonac. d. 2. de restu. q. ult. sect. 1. pag. 12. n. 22. Si verò bona mobilia sunt, regulariter sunt capientium, nisi alicubi sit contraria consuetudo, ut hac ratione ad pugnam excitentur milites, & animosiores fiant; sic Couarub. Valen. Coninch. Bonac. & alij *suprà*. Vide *tit. 26. part. 2. nostrarum legum*, ubi variè de diuidenda praeda statuuntur.*

24 Sed quid dicendum, si ea, quae ab hostibus eripiuntur, ipsorum hostium non sint, sed furto, & rapina sublata, qualia sunt ea quae Turcae à Christianis accipiunt? An inquam, haec restituenda sunt veris dominis, vel possint praeliantes bello iusto ea sibi retinere? Cui difficultati respondeo, si bona immobilia sunt, reddenda esse prioribus dominis, est communis sententia, cum Glossa, *leg. 2. ff. de captiuis*, tradit Couarub. *reg. peccatum. 3. p. §. 1. n. 7. Valen. suprà*. Mol. *disp. 1. 18. §. his ita explicatis*, & probat *lex captiuus §. expulsi hostibus. ff. de captio. 1. & postlim. reuersis*, & *lex Pomponius. ff. de acquir. rerum domin.* Si verò bona capta ab hostibus mobilia sunt, probabile reputat Valen. cum Couarub. *suprà*, non esse prioribus Dominis restituenda, consentit Eman. Saa. *edit. Complut. verbo bellum, numero 4.* At distinguendum censeo cum Mol. *totà disp. 1. 18. Coninch disput. 3. 1. dub. 7. artic. numero 122.* iure naturae prioribus Dominis esse restituenda, quia non amiserunt dominium. Iure tamen Caesareo capientium fieri, si hostes ea deportarunt ad praesidia, locaue tuta quia tunc reputantur, ac si essent ipsorum hostium propria, secus si in ea loca non deportarunt, aut veri Domini eos fuerunt insecuti, quia tunc non possunt reputari quieti illorum possessores, constat ex *l. si quid bello 18. iuncta postlimin. §. ff. de captiuis, & postlim. reuers.*

25 Ab hoc tamen iure excipiebantur aliqua, quibus privilegium postliminijs erat concessum: hoc autem privilegium in eo firmum erat, ut ea quae illo gaudebant. si ab hostibus capiebantur, ob cuius capturam, quasi extra limen, & terminum regni constituebantur, cum postea redibant, siue bello extincto ab hostium potestate, siue alia ratione quacunque reputabantur ac si nunquam in hostium potestatem deuenissent, sed eundem statum obtinebant, quae habebant ante capturam. Ea verò quae hoc privilegio gaudebant, sunt. Primò, homines, siue serui, siue liberi, liberi redibant ad suam li-

bertatem, serui ad suam pristinae seruitutem, hoc est, ad priorem dominum, seu illius haeredes. Quod si pretio aliquis eos ab hostibus redemisset, si intra tres annos à domino pretium redemptori offerebatur, obligatus erat redemptor seruos tradere, secus elapso triennio constat *l. in bello, §. si quis seruum. ff. de Captiu. & postlim. reuersis iuncta leg. ab hostibus 2. l. eodem tit.* Secundò gaudebant privilegio postliminijs, naues aptae vsibus belli, secus picae, aliae agiles, quae recreationis causa parantur. Tertio equi, vel equi ferri patientes ita habentur *l. 2. ff. de captiu. & postlim. reuers.*

26 Haec quae de mobilibus iure Caesareo statuta extant, statutis aliorum regnorum confirmata sunt, praecipue in hoc regno Castellae *leg. 26. tit. 26. part. 2.* ubi solum requiritur, quod res sublata ab hostibus cum ipsis pernoctauerit, etiam si ad locum tutum perducta non esset. Poruerunt autem leges ob bonum commune militiae haec militibus donare, & à veris dominis auferre, tum ut ipsi milites hac ratione animosiores essent in pugna, tum ut scrupulis agerentur, an rei captae dominium hostes haberent, tum ob vitandas lites in hac inuestigatione.

27 Aduerto tamen cum eisdem Doctoribus Molina, & Coninch *suprà*: Primò has leges per se non extendi ad bona sublata ab iis, qui subiecti non sunt iuri Caesareo, & Castellae, quare, si bona, quae Hispanus usurpat à Turcis, Turcae accepissent à Gallis, non videtur ex vi harum legum retinere posse. Neque econtra Gallus, si usurpat bona Hispanorum à Turcis, quia Hispanus, & Gallus non eodem iuri subduntur. At credo in omni ferè natione ius hoc approbante consuetudine esse introductum, ut placet Eman. Saa. *verbo bellum, numero 4.* Secundò aduerto hoc privilegium esse concessum militibus haec bona ab hostibus eripientibus, non tamen si emptione, aut donatione accipiant, quia tunc debent prioribus dominis restituere. Esto contrarium placeat Eman. Saa. *loco citato, edit. Complut.* quod in Romana expunctum est. Tertio aduerto, si credatur Dominum non esse recuperaturum rem ab hostibus male possessam, ut ferè semper contingit, poteris eam ab illis vili pretio emere ea intentione, ut si dominus computauerit, illi reddas, quia in hoc nullam illi irrogas iniuriam, sed potius utiliter eius negotium geris. Quapropter si ipse postea velit rem sibi reddi, reddere tibi debet pretium pro illa datum, tam in foro conscientiae, quam exteriori. Tum quia hostis non tenetur de euersione, cum quia nomine ipsius & ex praesumpta eius voluntate pretium dedisti. Mol. & Coninch *suprà*. Valq. *de restu. cap. 9. §. 2. dub. 5. n. 28.* Bonac. alio referens *disput. 2. de restu. q. ult. sect. 1. puncto. 12. num. 14.* Idem est dicendum de iis rebus cultui diuino dicatis, quas haeretici usurpant à Catholicis, & vili pretio vendunt, poteris, inquam, illas emere ex praesumpta dominorum voluntate: credendum enim est dominos Catholicos potius velle, ut vili pretio emanent, & cultui diuino applicentur, quam quod ab haereticis detineantur, & in vsus profanos infamantur. sic Mol. *d. disp. 1. 18. sine.*

28 Sexta difficultas est, an possit, & debeat ciuitatem aliquam, vel aliquas dari in praedam militibus? Respondedo per se posse, & aliquando conuenire, si nimis rebellis fuit, & iniuriola, ut sic alijs ciuitatibus sit in exemplum. Regulariter tamen id non deet, quia hac occasione multa patratur scelera à militibus, extorquendo pecunias à captiuis, & eorum mulieres, & filias violando. Quapropter debet Princeps, & dux, qui hanc potestatem militibus concedit vigilare summe, ne haec scelera committantur, & committentes grauissimo supplicio punire, ut alij in officio contineantur; alijs reus erit totius damni, sic ex Syluest. Victor. & communi sententia notat Valen. *2. 2. disp. 3. q. 16. p. 3. vers. sexto infero.*

Coninch *disp.* 31. *dub.* 7. *num.* 11. Mol. *tract.* 2. *disp.* 121. *in princ.* Bonac. *disp.* 2. *de restit. q. ult. sect.* 1. *pag.* 12. *n.* 10. 29 Septima difficultas est, possit ne Princeps compositionem facere cum alio Principe iniuste bellante, damnorum, quæ sui subditi acceperunt? Respondeo, si ipsi subditi liberè consentiant, certum est posse; si autem ipsi renuant, nulla est remissio, nisi bono communi, paci que reipublicæ expediat; quia Princeps ex officio tenetur subditos defendere, & iniuriantes cogere ad satisfaciendum: quod si absque rationabili causa omittat, iniuriosus illis est. Stante autem bono communi reipublicæ potest Princeps subditis iniuris compositionem, & remissionem facere, quia potestatem habet cogendi subditos, ut pro bono cōmuni aliquam iacturam patiantur; sic aliis relatis Syluest. *verbo bellum tom. quest.* 12. Mol. *disp.* 123. *concl.* 3. & 4. Bonac. *d.* 2. *de restit. quest. ult. sect.* 12. §. 3. *in fine.* Damna verò facta Ecclesiæ, & Ecclesiasticis personis non potest secularis Princeps remittere sine consensu Prælati Ecclesiastici, etiamsi bono communi expediat, quia eius iurisdictioni subiecta non sunt; debet tamen Prælati remissioni consentire, si id bono communi expedit, & præcipue si ex continuatione belli maius damnum Ecclesiis imminuat, ut ferè semper contingit, sic Mol. *suprà.*

PUNCTUM V.

Expenduntur specialius peccata, quæ in bello Principes, duces & milites solent committere.

- 1 Si iniustum est bellum, peccat Princeps contra iustitiam, cum obligatione restituendi damna inde sequuta.
- 2 Si iustum est bellum, peccat Princeps, si stipendia militibus non concedit statuto tempore. Item si temerè exercitum periculo exponit.
- 3 Duces, & ministri Principis gravissimè peccant, si plures milites repræsentent, quam secum habeant. Item enumerantur alia peccata, quæ solent committere.
- 4 Expenduntur peccata, quæ milites committere solent.

1 Si iniuste bellum moueat Princeps, clarum est & peccare contra iustitiam, aduersus oppugnatos, & aduersus sibi subditos, & iis omnibus esse obligatum satisfacere damna, quæ inde receperunt, quia fuit illorum iniusta causa. Ab hac tamen obligatione satisfaciendi subditis liberaretur Princeps, si ipsi absque vlla coactione scientes belli iniustitiam illud aggrederentur, quia tunc ipsi sibi damna pararunt, sic Mol. *tract. de iust. disp.* 123. *concl.* 2.

2 At posito iusto bello Princeps peccat, si stipendia militibus non concedat, in pretium laborum, & periculorum, quæ miles subit: imò obligatus est, ut quantum fieri potest illa reddat statuto tempore, quia sic pactus, & sub hac conditione miles se militiæ tradidit: sic omnes Doctores. Adde hoc stipendium debet, etiamsi infirmus existat. Syluest. *verbo miles, n.* 8. Eman. Saa. *verbo bellum, num.* 15. Ex quo fit posse militem occultâ compensatione uti, si alia viâ stipendia obtinere non potest. Mol. *disp.* 116. *in princ.* Secundò, fit teneri Principem refarcire omnia damna, quæ milites pressi necessitate patiuntur, & aliis inferunt. Solent enim ob hanc causam propria villâ pretio vendere, infirmari, & à lucro cessare. Item solent vicinos populos molestare, & ab eis indebita extorquere, exercitum concitare, & in rebellionem prodire, & rempublicam periculo exponere, & alia multa, quorū omnium Princeps causa iniusta est, refarcitæque tenetur. Idem & de iis qui à Principe destinati sunt ad hæc stipendia militibus soluenda, si culpabiles existant, quia ad hanc iniustitiam concurrunt. Coninch *disp.* 31. *dub.* 7. *num.* 95.

Deinde peccare potest Princeps cum obligatione restituendi, si sine causa, & temerè exercitum periculo maximo exponeret. Non enim dominus est vitæ subditorum, sed gubernator, neque pro suo arbitratu bona illorum potest expendere, sed prout communi bono necessarium fuerit, aliàs non Rex, sed tyrannus erit. Valen. *d. q.* 16. *p.* 3. *vers. item peccaret.*

3 Duces verò, & ministri Principis peccant gravissimè, si plures milites repræsentent, quàm secum habeant, ut sic plura stipendia accipiant, & sibi retineant. Nā præterquam quod ea à Principe iniuste succipiunt, gravissimorum damnorum sunt causa. Nam Princeps credens tot milites adesse, non procurat alios milites submittere ad castrum defendendum, inimicòsque oppugnandos, qui necessarij erant eaque de causa non solum non reportat victoriam, quam verè reportaret, sed sæpè castrum ab inimicis occupatur, vel milites graviter cæduntur, & respublica, religioque Christiana in maximo periculo constituitur, eiùsque hostes exardescunt, & insolentiores fiunt. prohdolor! Tenentur ergo duces hoc crimen committentes hæc omnia reparare; sic Mol. *d.* 116. *vers. folas.* Coninch *disp.* 31. *dub.* 7. *num.* 100. Bonac. *disp.* 2. *de restit. quest. ult. sect.* 1. *puncto* 12. §. 3. *num.* 27. Secundò, peccant duces, & ministri Principis, si ob negligetiam, vel ob furtum, necessaria ad bellum parantes, parent cibum, & potum, aliq; huiusmodi corrupta ex qua mors militibus provenit, aliq;que damna enumerata sequantur. Et idem est, si ob eandem causam simulent se præparasse ea; quæ ad bellum sunt necessaria ex voluntate Principis; cum tamen in minori quantitate præparata sint, aut si præparent ea, quæ victoriæ consequendæ necessaria, sunt dolosa, & falsa. Molina *dicta disp.* 116. *vers. non dissimile.* Bonac. *suprà.* Tertiò peccant duces transeuntes cum suo exercitu tenentes loca vicina suspensa, neque manifestantes, quò sint diuersuri, ut sic accedat, & offerat unusquisque locus magnam quantitatem, ne illuc exercitus transeat, quia hac viâ regnum grauiatur iniuste, tum grauidando populum, apud quem diuertit exercitus, tum accipiendo ab aliis illâ summâ. Et licet ducibus concessa sit electio vnus populi præ alio, quando onus non potest in omnes æqualiter diuidi: non tamen est illis concessum, neque concedi potuit, ut hanc electionem venalem faciant, & sibi pretiū retineant. Expediebat namque potius si vnus populus grauabatur, hospitando exercitum, reliqui ad eius leuamen concurrerent, media aliqua contributione. Mol. *disp.* 116. *vers. molestum.* Coninch *disp.* 31. *dub.* 7. *num.* 100. Bonac. *dicta disp.* 2. *de restit. quest. ult. sect.* 1. *puncto* 12. *n.* 27. Quartò peccant duces signantes suos famulos in milites, & centuriones, ut stipendium à Principe signatum imminuant, & sibi illam partem reseruent, nisi constet ipsos gratis ducibus donare, quod rarò est credendum: Bonac. *suprà.*

4 Milites verò primò peccant contra fortitudinem, si se temerè, & absque vlla necessitate periculo vitæ se exponerent. At quando est probabilis spes cum proprio, vel aliquorum damno fructum copiosum esse consecuturos, laudabile erit, & actus fortitudinis se mortis periculo tradi, sicuti fecerunt viri fortissimi, sic Valen. *d.* 3. *quest.* 16. *pag.* 3. *assert.* 2. *vers. item peccarent.* Secundò peccant milites, si stationem, & pugnam deserant, etsi adsit evidens mortis periculum, quia ad hoc munus obeundum ob bonum reipublicæ se obligarunt, & stipendia accipiunt. Tertiò tenentur defendere arces, & locum sibi demandatum, quorum spes aliqua subest resistendi. Aliàs obligantur omnia dāna inde provenientia reparare, & capitis pœna plectuntur, ut pote rei læsæ maiestatis. *tom.* 3. *ff. ad leg. lul. maiest.* quod si nulla est spes se posse hostibus resistere, non tenentur mortem expectare, quia esset frustanea, inutilis,

inutilis, & nociua talis expectatio, & contra charitatem sibi debitam, ac proinde ad id se obligare non potuerunt, Mol. disp. 116. in princ. Coninch disp. 31. de bello. dub. 7. num. 97. Quarto, peccant milites mortaliter, & contra iustitiam, si sine Ducis, aut Principis facultate castra deserant, quia sub hac obligatione sunt cōducti: si enim hæc facultas discedendi libera esset cuilibet militi, nō posset Dux securē ad bellum procedere, cū enim existimaret sufficientem numerum habere ad pugnam, se vacuum, & inermem inueniret; eaque de causa meritō poena capitis, vel tritremis, & infamiz plectitur, sic discedens, vt tradit Glossa, *capite ius militare. dist. 1. verbo deseratur*. Neque dux in concedenda hac licentia facilis esse debet, præcipuē cū miles nulli pugnae interfuit, quia inde non parum reipublicæ, & Principi damnum proueniret, qui tot sumptus fecit in milite sustentando, & asportando absque vlla utilitate. At si miles aliquibus annis suo officio satisfecit, expedit rationabili aliqua causa intercedente, vt ei facile licentia discedendi concedatur. Nam vt benè dicit Mol. *supra*, hæc facultas viam aperit, vt alij se militiæ dedicēt, & difficultas omnino præcludit, Quinto, peccant milites, si vltra debitum sibi stipendium aliquid accipiant: dicitur enim Lucæ 3. *Neminem conueniatis, neque calumniam faciatis, & contenti estote stipendiis vestris*. Quapropter si aliquid accipiunt præter id quod ex consuetudine iam recepta illis debitum est, peccant, & obligati sunt ea dantibus restituere, nisi manifestè constet gratis donare, quod raro est præsumendum, concedunt enim timore maioris mali. Neque excusantur ex eo quod Princeps eis stipendia non soluat, quia non obinde hospites grauandi sunt, excusarentur tamen, si pressi extrema, vel graui necessitate facerent. Reputaretur autem grauis necessitas, & sufficiens, si vel perire, vel deserere castra cogerentur, quod fieri non potest sine magno sui, vel reipublicæ damno. Princeps autem hæc omnia damna teneretur reparare, cū ob eius causam data sint. Sexto, peccant milites facientes sibi plures domos signari, quibus hospitentur, intendentes in vna solū hospitari, & ab alijs pecunias recipere, ne ibi commorentur, iniustissimè enim tales pecunias recipiunt, & obligati sunt eas restituere, & eandem obligationem subiit, qui eis chirographa diuersa concessit, cū fuerit causa huius iniquæ vexationis. Vide Molinam *dicta disp. 116. Coninch disp. 31. dub. 7. art. num. 94. Bonac. disp. 2. de restit. q. ult. sect. 1. puncto. 12. §. 3.*

PUNCTUM VI.

Quæ personæ in bello pugnare possint.

- 1 Omnes pugnare possunt, nisi eis sit specialiter prohibitum.
- 2 Episcopis, clericis, monachis, seu religiosis prohibitum est propria manu pugnare.
- 3 An monachi laici, & clerici in minoribus sub hac prohibitione contineantur? Negant aliqui.
- 4 Approbatur eorum sententia in iis, qui privilegio fori non gaudent. Approbatur in iis, qui tali gaudent privilegio.
- 5 Possunt clerici in sacris bello assistere, & ad pugnam hortari, milites consolari, &c.
- 6 Neque ad hæc officia exercenda indigent licentia sui Episcopi.
- 7 Ad se, suosque defendendos propria manu clerici pugnare possunt.
- 8 Neque obinde irregulares sunt censendi.
- 9 Solum Pontifex dispensare potest, vt clericum bello præsint, vel propria manu pugnet.
- 10 Infideles, & hæreticos ad bellum vocare, esto per se illicitum. *de Castro Sum. Mor. Pars I.*

verum non sit, regulariter tamen est illicitum.

- 11 In bello iniusto nemo pugnare potest. Timore mortis aliqui excusantur.
- 12 Occurrente necessitate omni tempore pugnandum est: extra illam diebus festis pugnari non potest.

1 Si bellum iustum sit, omnes in eo pugnare, adiuuareque possunt, nisi eis specialiter sit prohibitum, quia exercere actionem licitam, ad illamque iuuare per se laudabile est. Videamus ergo quibulnam hoc sit prohibitum, & quo iure?

2 Respondeo, Episcopis, clericis, & monachis, seu religiosis prohibitum est propria manu pugnare, vel exercitum ducere: neque alijs inuenitur facta prohibitio. De monachis etiam laicis habetur expresse, *cap. eos qui 20. quest. 3. De clericis, cap. clerici. cap. quicumque ex cler. 23. quest. 8.* & alijs, sub quibus religiosi comprehendi poterant. Quod non possint exercitum ducere, habetur *cap. sententiam 9. ne clerici, vel monachi*. Congruentia prohibitionis; quia clerici, & religiosi dicari sunt Deo seruire, à qua professione secularis pugna multum reuocat. Item clerici sunt ministri Christi, ipsūque repræsentant, qui proprium sanguinem pro aliorum salute effudit. Ergo non licet alienum effundere. Hæc autem prohibitio iure positio facta grauis est, & ad culpam lethalem obligat clericos in sacris constitutos, quod satis indicant grauissimæ poenæ clericis pugnantibus impositz. Priuantur namque vsu suorum ordinum, recluduntur in monasterio, & si in bello moriantur, pro illis non offertur sacrificium, & oblatio, vt constat ex allegatis textibus. Peccant ergo mortaliter, & ita tradunt ferè omnes doctores etiam de constitutis in ordine subdiaconatus. D. Thom. 2.2. *quest. 40. art. 2. & ibi Caietan. Syluest. verbo bellum. 3. quest. 2. Couarub. clem. si furiosus 2. pag. §. 3. numero 1. Valen. disp. 3. quest. 16. 4. in princ. Bonac. dispus. 2. de restit. quest. ult. sect. 1. 12. §. 4. Suar. de bello disp. 13. sect. 3. numero 5. Mol. de iustis. tract. 2. disp. 108. circa finem vers. secundum est, Coninch disputatione 31. dubium 6. numero 86. & alij.*

3 Sed difficultas est, an monachi laici, & clerici in minoribus ordinibus constituti hac prohibitionē rigoroſa contineantur?

Negant Couarub. & Bonac. *supra*, & Lorca 2.2. *sect. 3. disp. 51. numero 12.* Et mouentur, quia consuetudine receptum est hos canones ad illos non extendi: quare dicit Couarub. de clericis eodem modo, ac laicos pugnare posse: consentit eis Franc. Suar. nisi habeant beneficium Ecclesiasticum, quia tunc ratione beneficii ad altiorem ordinem aspirare debent, aut saltem debent impedimentum non apponere.

4 Cæterum sententia Molinæ in hac parte mihi magis probatur, quam etiam approbat Coninch *numero 87.* Affirmat namque clericum in minoribus constitutum priuilegio fori non gaudentem ad bellum procedere posse æquē ac laicum, quia tanquam laicus reputatur. Neque canones aduersus illum procedunt saltem ex consuetudine recepta. Si autem priuilegio fori gaudet, peccat, quia cū ex officio deputatus sit Ecclesiæ seruire, indecens est ad militiam secularem se transferre. Non autem videtur hæc grauis culpa, quia longè est à ministerio altaris, & representatione Christi, ob cuius causam prohibitio facta est. Quod etiam de beneficiato, in minoribus constituto dicendum credo, peccare, inquam, tantū venialiter, sed grauius; tum quia nullus text. specialiter de eo loquitur; tum quia beneficium solū obligat, vt non apponas impedimentum ad officium eius exercendum, casu quo retinere illud velis. At potes procedere ad bellum animo

illi 3 relinquendū

relinquendi beneficium, si impedimentum irregularitatis in bello contrahas. Ergo ex beneficio nō videris mortaliter peccare. De Religiosis laicis maior est dubitatio, an peccatum mortale committant, si ad bellum procedant, quia *cap. eos qui 20. q. 3.* mandantur excommunicari, quod non fieret, nisi graue esset peccatum. Sed dicendum est non obinde præcisè excommunicari, sed quia apostatado à religione se militiæ, & publicis honoribus tradiderunt. Quocirca ex processu ad bellum solum venialiter existimo peccaturos, grauius tamen quàm beneficiatos clericos.

Dixi non posse clericos in sacris constitutos propria manu pugnare, vel exercitum ducere, aut pugnantes, percurrentibusque præesse, vt inde colligeres possit bello ininteresse, vt subsidia spiritualia ministrent, milites consolentur, & ad pugnam excitent, modò non excitent specialiter, & expressè ad occisionem, & mutilationem inimicorum; quia hæc officia aliena non sunt à clerici statu, & ita tradunt Couarub. Coninch. Bonac. Valen. Suar. & alij *suprà*, & constat ex *cap. omni timore, cap. hortati, cap. præterea* & alijs 2. 3. q. 8. Neque obstat text. in *cap. quod in dubijs, de pænis*, vbi Innocent. III. eodem modo deponi mandat eos sacerdotes, qui gubernant naues ad pugnam, & personaliter exercent conflictum, quàm eos, qui alios incitant ad pugnandum. Non, inquam, obstat, quia vt bene dicit glossa, loquitur text. de bello iniusto, non iusto. argum. *cap. sicut dignum §. qui verò de homicid. & leg. item Mela, §. item cum iussu ad leg. Aquil.*

6 Vt autem clerici hoc officium exercent non indigent speciali licentia sui Prælati, quia nullo iure cauetur hanc illis esse necessariam. Nam text. in *cap. reprehensibile, & cap. quo ausu 2. 3. q. 8.* qui ad hoc probandum adducuntur, non conuincunt. Nam in *cap. reprehensibile*, reprehenduntur Episcopi, non quia ad bellum ob consolandos milites, eosque ad pugnam hortandos sine licentia profecti fuerint, sed quia ibi sicut reliqui milites pugnaverint: & quia hac occasione impediti non venerint ad Cōcilium, quod Summus Pontifex Romæ congregauit. Textus verò in *cap. quo ausu*, non de profectioe ad bellum, sed ad Imperatoris Ecclesiam loquitur, & grauius reprehenditur à Pontifice Episcopus, qui eius mandatum contemnit ob Imperatoris iussu exequenda, præcipuè cum canones euidenter præcipiant nullum omnino Episcoporum, qui Levitica portione sunt contenti, nisi Summo Pontifice viso, atque consulto ad comitatum, hoc est, ad Imperialem aulam debere contendere.

7 Verùm vrgente necessitate possunt clerici in sacris constituti, & religiosi propria manu pugnare, & occidere: v.g. ad se, suosque defendendos, quia lex ecclesiastica prohibere non debet, quod iure naturali conceditur, & à fortiori possunt pro patria, & bono communi reipublicæ, & fidei pugnare, si aliter in periculo graui hæc constituantur, ac denique pugnare possunt pro victoria obtinenda, à qua pax reipublicæ, fideique progressus non leuiter pendet: imò in iis casibus non solum possunt, sed tenentur pugnare. Non enim lex ecclesiastica aduersari potest legi naturali, sed potius illam perficit, sicut gratia perficit naturam: & ita tradunt communiter Doctores. Mol. *disputation. 108. post medium vers. sunt verò*, Valentian. *disp. 3. quest. 16. punct. 4. vers. secundo*, & seq. Bonacin. *disp. 2. de restitutione. quest. ult. section. 1. puncto 12. §. 4.* Suar. *de bello. disputation. 13. section. 3. numero 6.* Connich *disputation. 31. dub. 6. numero 96.* & alij apud ipsos.

8 An verò in huiusmodi casibus aliquam irregularitatem contrahant clerici pugnantes? Dixi in tractatu de irregularitat. non contrahere, & tradit alijs. relatis Coninch. *de sacrament. disputation. 18. numero 88. 89. & 97. & disputation. 31. de bello. dub. 6. numero 91.*

Couarub. *clement. si varius: 2. p. 5. 3. numero 2. & 9. 4. numero 9. & 3. p. 6. unico. numero 5.* Valent. 2. 2. *disputation. 3. quest. 16. puncto. 4. circa finem vers. sed contraria sententia Suarez disputation. 13 de bello. section. 3. numero 6. 7. & alij.*

9 Sed inquires. Qui potest dispensare, vt clericus in sacris propria manu pugnet, vel pugnantes præsit? Respondeo solum Pontificem, quia in lege superioris nequit inferior, nisi ex superioris commissione. At nullum vestigium huius commissionis inuenimus dari Episcopis. Ergo nequeunt in hac dispensatione se intromittere: & ita tradit Bannes 2. 2. *question. 40. articul. 2. dub. 1.* Azor. 3. p. libro 2. capite 16. Bonacin. *disputation. 2. de restitutione. question. ultima sectione prima, puncto duodecimo, numero vigesimo nono §. 4.*

10 Rursus alie sunt personæ, quæ ob eorum malitiam dubitari potest, an sint exclusæ à bello iusto Christianorum: ij sunt infideles, cum enim ex eorum consortio grauissima mala reipublicæ proueniant, meritò excludendi sunt à bello aduersus Christianos facto. Nam licet per se illicitum non sit hos infideles in tui adiutorium, & defensionem vocare, per accidens tamen regulariter est illicitum: assumunt enim inde occasionem profanandi sacra; destruendi templa, violandi virgines, & alia innumera flagitia committendi, ob quæ Princeps catholicus quoad fieri potest, eos vitare debet. Et multo fortius debet se abstinere à præstando iis infidelibus adiutorium, cum aduersus catholicos pugnant, etiam si ex parte infidelium videatur bellum esse iustum; quia bonum religionis omnibus alijs præferri debet: in iis consentiunt Doctores, Reginald. 10m. 2. *prax. lib. 21. num. 100.* Rodrig. 1. p. *sum. 126. num. 2.* Mol. *tract. 2. de iust. disput. 112. fine.* Aegid. de Coninch *disp. 31. de bello, dub. 7. num. 101.* Bonac. *disp. 2. de restit. quest. ultim. sect. 1. p. 12. §. 2. numero 6.* Suarez *de bello. disputation. 13. section. 7. fine. numero 25.*

11 Hucusque depugnantes in bello iusto dictum est, at si bellum iniustum sit, clarum est neminem pugnare posse, & omnia damna facta pro viribus reparanda esse. Solum est dubium de ijs, qui pugnant ob merum mortis, amissionis membrorum, aut alterius similis damni, quales sunt captiui in nauibus Turcarum remigantes, an ratione huius merus, à culpa, & obligatione restituendi excusentur? Sed de ijs disp. seq. de scandalo, latius dicitur.

12 Restat dicendum, quo tempore pugnandum est? Respondeo occurrente necessitate omni tempore. Extra necessitatem probabilius est die festo pugnari non posse, quia est opus seruale, vt dixi cum de obseruatione festorum egi. Ab Aduertu autem vsque ad Octauam Epiphaniæ, & à Septuagesima vsque ad Octauam Paschæ prohibetur præliatio ab Alexand. III. in *cap. trengus, de erege, & pace*, sub grauibz pænis, & comminatione excommunicationis. Verùm hoc præceptum receptum non fuit, vt testatur glossa ibi, & tradit Valen. 2. 2. *disp. 3. q. 16. p. 5. fine.* Suar. *disp. 13. de bello, sect. 7. n. 24.*

PUNCTVM VII.

De quibusdam bellis particularibus iniustis, scilicet seditione, rixa, & duello.

1. Quid sit seditio.
2. Proponitur quedam obiectio, vt clarum seditionis definitio constet, & sit illi satis.
3. Rixa, seu duellum quid sit, exponitur.
4. Enumerantur causæ, ob quas suscipi potest duellum, & dubitatur an sint sufficiens ad aliud honestandum? Osten-

- 5 *Ostentare vires, & voluptatem spectantibus causare, insufficientis causa est.*
- 6 *Veritatem aliquam duello firmare non solum illicitum, sed superfluum est.*
- 7 *Vindicta propria iniuriæ illicita est per duellum.*
- 8 *Defensio honoris proprii, quem videri amittere, si oblatum duellum respuas, non est censenda sufficiens causa honestandi duellum.*
- 9 *Si aliquis tibi minatur mortem, vel gravem iacturam honoris, vel divitiarum, nisi duellum acceptes, acceptare illud potes.*
- 10 *Excipe, nisi cum aliquo innocente procures, ut pugnes.*
- 11 *Ad evitandam mortem, ad quam es condemnatus, an licet possis duellum acceptare? Tenent aliqui, & quibus defendam.*
- 12 *Contrarium tenendum est.*
- 13 *Si minis de iniusta accusatione, nisi duellum acceptes cum accusatore, poteris acceptare.*
- 14 *In defensionem divini honoris aliquando admitti potest duellum.*
- 15 *Ob terminandum bellum licitum est admittere duellum ex parte iustæ bellantis.*
- 16 *Licitum est in hoc casu obligare mulieres, ne pugnantibus succurrant.*
- 17 *Enumerantur poenæ impositæ duellantibus absque causa legitima.*
- 18 *Non prohibetur sub prædictis censuris qualibet pugna, sed pugna ex condito loco, & tempore determinato.*
- 19 *Excommunicatio, quam duellantes incurrunt, est res creata virtute Trident. Absolvi possunt ab Episcopo, si occultum sit duellum; virtute Cruciatæ, etiamsi publicum sit semel in vita, & semel in morte.*
- 20 *Qua causa excusent Principem ab hac excommunicatione incurrenda, ex eo quod duellum permittat.*
- 21 *Reliqua poenæ præter excommunicationem, suspensionem, & interdictum, indigent declaratione Iudicis, ut incurrantur.*

Seditio est bellum aggressivum unius partis reipublicæ adversus aliam, vel adversus suum principem. Hæc semper est illicita, utpote paci, & iustitiæ contraria; cum enim nulla pars reipublicæ auctoritatem habeat indicendi bellum, sed hæc resideat in Principe, seu Republica perfecta, sit sanè contra charitatem, & iustitiam procedere illam Reipublicæ partem, quæ hoc bellum movet.

Dices: Contingere potest, quod una pars reipublicæ aliam infester, insuriosaque sit, & Princeps rogatus non impediat. Poterit ergo tunc civitas offensa offendentem debellare? Item potest Princeps non Rex, sed tyrannus esse, sed movere bellum adversus tyrannum cuilibet reipublicæ parti licet. Ergo non est dicenda seditio bellum unius partis reipublicæ adversus aliam, neque adversus Principem?

Facilis est horum solutio. Notanter enim dixi, seditionem esse bellum non quodcunque, sed aggressivum; ut inde colligeres, si pars aliqua reipublicæ bellum moveat, quatenus ad sui defensionem necessarium est, & non aliter non sediciosè procedere; sicut nec quælibet persona particularis seditionem committit, cum se ab inuadente defendit, potius namque ex parte inuadentis stat seditio. Eodem modo respondendum est ad confirmationem. Dupliciter enim Rex tyrannus esse potest. Primo, quia regnum iure sibi non debitum usurpavit. Secundo, quoad regimen, quia in illo iniuriosè procedit. Si tyrannus est, primo modo tota reipublica, & quælibet eius pars expellere eum à possessione potest. Tunc enim non movet bellum adversus suum Principem, & Dominum, sed adversus latronem dominium usurpantem, ipsèque factus Rex est, qui seditionem com-

mittit, & illius est causa. Nam ex parte illum debellantium solum est defensio. Si autem Rex secundo modo tantum tyrannus existat, tunc patientes iniuriam se bello tantum defensiuo munire possunt, non tamen illis licitum est suum Principem, ut verè dominum aggredi; aliàs seditionem, & rebellionem propriè committerent. Tota autem reipublica illum regno priuare potest, si in eius perniciem gubernaret, quia Rex à reipublica auctoritatem accepit in ædificationem reipublicæ, non in eius destructionem, sic optimè Suar. disp. 13. de bello, sect. 8.

3 Rixa est priuatum bellum, priuatæque auctoritate assumptum, quo unus alterum lædere conatur. Ex parte inuadentis est per se peccatum mortale, nisi leuitas materiæ excuset, ut in pueris rixantibus, sic D. Thom. 2. 2. quest. 1. articulo 1. & omnes. Hæc rixa, seu priuatum bellum quid commune est ad duellum, & ad diffidationem. Duellum vocatur rixa, seu pugna duorum ex condito, publicis quibusdam conditionibus interpositis. Diffidatio dicitur pugna, quæ sine his conditionibus, ex conventionione tamen partium assumitur, quæque vocatur priuatum duellum. Videndum ergo est, an hoc duellum, siue publicum, siue priuatum licitum aliquando sit?

Decisio huius difficultatis pendet ex causa, quæ ad duellum suscipiendum occurrere potest. Nam si nulla inueniatur legitima, duellum semper erit illicitum, si tamen aliqua legitima inueniatur, tunc licebit duellum, sicut bellum, licet legitima causa intercedente, secus si causa deficiat.

4 Octo ergo causæ occurrere possunt ad suscipiendum duellum, de quibus Doctores dubitant, an sint legitimæ? Prima est vanæ ostentatio virium, acquisitioneque nominis, & honoris viri robusti. Secunda, causare voluptatem spectantibus, illisque se gratum præbere. Tertia, terminatio alicuius litis civilis, vel criminalis. Quarta, vindicta iniuriæ factæ, illiusque reparatio. Quinta, defensio proprii honoris, quem videris amittere, si oblatum duellum respuas. Sexta, periculum vitæ, honoris, vel bonorum fortune, quod necessariò subire debes, nisi duellum acceptes. Septima, defensio diuini honoris, quem alius blasphemis, & irrisoribus, aliisque peccatis lædere intendit, nisi duellum acceptes. Octava, terminatio belli inter hostes, & resolutio illius in duellum.

5 Prima, & secunda causa ab omnibus insufficientes iudicantur ad honestandum duellum, cum enim in illo evidens periculum vitæ tam propriæ, quam alienæ insit, nequit ob finem ira inutiliter suscipi. Vnde & bellicum exercitium mortale peccatum est, si cum evidenti periculo vitæ suscipiatur, & in illo morientes Ecclesiastica priuantur sepultura, cap. 1. de Torneam. sic expressè Caietanus 2. 2. questione nonagesima quinta, articulo octavo circa solut. ad 13. in secunda causa, & in sum. verbo duellum. Nauarra capite decimo quinto, sine. Valent. 2. 2. dispensatione tertia, questione decima septima. puncto primo, in causa 5. & 6. Suarez disputatione decima tertia de bello, sectione vltima, num. 1. Coninch disput. 32. dub. 2. num. 5. P. Nauarra lib. 2. de restit. cap. 3. in 2. p. dub. 13. n. 296. Sanchez lib. 2. in Dical. cap. 39. n. 12.

6 Tertia causa est, ob quam propriè dicitur duellum, cum enim inter aliquos controuersia esset, neque sufficienter veritas ostendebatur, resolvebatur lis in duellum, ut is qui victor in eo euaderet, reputaretur verum dicere, qui verò succuberet falsum. Duellum ergo assumptum ex hac causa non solum illicitum, sed superstitiosum est, & ut tale damnatum, cap. 1. & 2. de purgat. vulg. & cap. Monomachiam. 2. quest. 5. Est enim medium omnino inestitum, & improporcionatum ad veritatem indagandam. Neque enim Deus

victriciam promissit daturus innocenti: neque iustum est eam ab illo sperare medio ita indebito, & atroci. Caietan. Suarez & Nauarra *supra*. Coninch numero 13. Sanch. num. 3. Valen. *dicto puncto 1. vers. Nec tertio*: & alij plures.

7 Quarta causa, quæ est vindicta iniuriæ factæ, illiusque reparatio, etiam insufficienti iudicatur ab omnibus supradictis Doctoribus ad honestandum duellum. Quia nemini particulari licet ob vindicandam propriam iniuriam alterum occidere. Ergo nec procurare: ad hoc enim officium Principis est constitutum. Adde huiusmodi effectus non certo per duellum obtinetur, cum sæpè qui putatur victurus succumbat.

8 Quinta aliquibus videtur sufficiens, ut licitè suscipiatur duellum; cum enim respicientes duellum ignavi, & timidi reputentur, neque possint absque rubore coram sociis comparere, quia eis non creditur respuisse ob vitandam Dei offensam, sed solum ob timorem: sit sane grauem inde iacturam honoris pari. Ergo ut hanc eurent, poterunt duellum admittere. Hac enim ratione vir nobilis non tenetur fugere aggredientem, etsi posset (ut cõmunior fert sententia) quia fuga illi est ignominiosa: Ergo similiter prouocatus ad duellum nõ tenetur respuere, quia talis repulsa illi est ignominiosa. At dicendum omnino est, ex hac causa nullo modo honestari duellum posse: sic Caiet. *art. 8. circa solut. ad 3. Suar. n. 5. Sanch. n. 9. Valen. punct. 1. vers. nec secundo*. P. Nauarra *dub. 13. n. 286. Coninch disp. 32. dub. 2. num. 8. & alij apud ipsos*. Ratio est, quia tibi illicitum est mortem alteri infligere, illamque procurare nisi in tui defensionem. At illa acceptatio duelli non est defensio tui honoris, non enim datur defensio, ubi non est aggressio. At inuitans ad duellum non aggreditur tuum honorem, potius enim ex repulsa duelli, quàm ex eius inuitatione amissio honoris sequitur. Neque ipse cogit ad pugnam, sed suadet. Vbi ergo tibi infertur vis, quam possis repellere? Nullibi certe. Secus verò est de viro nobili, quem alius aggreditur: tunc enim in aggressionem patitur vim, quam non tenetur fuga sibi ignominiosa declinare, sed occisione poterit auertere.

9 Sexta causa, quæ est periculum vitæ, honoris, & fortunarum, magis est controuersa inter Doctores. Aliqui enim illam sufficientem iudicant ad honestandum duellum. Alij negant. Alij distinguunt inter periculum vitæ, & honoris, fortunarumque, & dicunt periculum vitæ sufficere ad acceptandum duellum; secus periculum aliarum rerum. Ut ergo cum distinctione procedamus, proponendi sunt casus, in quibus hoc periculum necessariò quis subire potest, & offertur duellum ad illius euasione. Primò, si minetur tibi aliquis mortem, aut falsum testimonium, aut grauem iacturam diuitiarum, nisi duellum cum illo acceptes, & credas sine dubio tibi illud malum inferendum esse recusato duello; in hoc casu tibi licitum est duellum acceptare, imò ad illud inuitare, quia non inuitas ad malum, sed ad minus malum, neque enim eligis periculum mortis absolutè, sed certum periculum mortis, infamiae, amissionisque bonorum commutans in periculum dubium, & incertum. sic Sanch. *lib. 2. cap. 39. num. 8. Valen. 2. 2. dispnt. 3. questione 17. puncto primo, vers. talis autem casus. Coninch dispnt. 32. dub. 2. n. 4. in septimo casu, & n. 17. & clariùs Lessius lib. 2. de iust. cap. 9. dub. 8. n. 49.*

10 Quòd si hic iniustus aggressor tuæ vitæ, honoris, vel diuitiarum, vellet duellum iniri non secum, sed cum alio tertio innocente. Maior est difficultas, an posses cum illo tertio pugnare, ut ab iniusta vexatione te liberes? Et ratio difficultatis est, quia tibi concessum est prouidere tuæ vitæ, cum iactura proximi, præcipuè cum talis iactura non sit intenda, sed permessa, & ita ut probabile sentit Valen. 2. 2. *dispnt. 3. quest. 17. puncto*

1. paulò post principium vers. ponunt etiam, & absolutè Caietan. 2. 2. *quest. 95. articulo 8. circa solut. ad 3. Sanch. lib. 2. in decal. cap. 39. n. 4. Petr. Nauarra lib. 2. de restit. cap. 3. in 2. p. dub. 13. nam. 295. Tolet. lib. 5. sum. cap. 6. n. 31. At dicendum est nequaquam tibi licere. Non enim licet tibi directè innocentem interimere, ut vitam conserues. Ergo si ille tertius te non aggreditur, non licet tibi illum impetere, eiusque mortem procurare: quod maximè procedit, quando ipse coactus duellum admitteret. Neque te excusare potes, affirmas aggressorem medio illo tertio innocente te impetere, quia ille tertius non te impetit, sed potius tu illum impetis, & aggredieris. Nequis ergo id præstare, ut damnsi euites: & ita tenet Syluest. alios referens verbo duellum, *quest. 2. D. Antonin. 3. p. tit. 4. cap. ult. 5. ult. Tabiena verbo duellum. q. 3. n. 4. Armilla ibi. n. 5. Henric. quodlib. 5. q. 32. Abulen. 1. Reg. cap. 17. q. ult.**

11 Secundus casus est, cum iniquè es accusatus, & condemnatus, vel credis certo esse condemnandum, & offertur tibi duellum ab accusatore, vel iudice, si velis à condemnatione liberari?

In hoc Nauarra *cap. 11. n. 39. & cap. 15. num. 9. Sanch. lib. 2. cap. 39. n. 8. Coninch disp. 32. dub. 2. n. 17. Petr. Nauarra supra, n. 189. Mol. tract. 3. de iustit. disp. 17. n. 7. & Lessius lib. 2. cap. 9. dub. 8. n. 47. existimant te licitè acceptare posse duellum ad euitandam condemnationem mortis, mutilationis membrorum, infamiam, grauemque fortunarum iacturam. Probant, quia tibi licitum est occidere eum, qui tuam vitam, honorem, vel diuitias aggreditur, à cuius aggressionem nequis alia via liberari: sed huiusmodi accusator iniquis testibus tuam vitam, honorem, & diuitias aggreditur. Ergo potes illum duello perimere, cum non suppetat tibi alia via euadendi periculum, nisi interficiendo insectarem, videris posse interficere, quia est iusta defensio. Ergo sic dicendum in nostro casu. Ex hoc inferunt Coninch, Petr. Nauarra, Sanch. Mol. & alij apud ipsos, non solum licitum esse acceptare duellum, vel illud indicere ad hanc iniuriam propulsandam, sed te posse occultè calumniatorem occidere, si alia via non suppetit euadendi periculum, quia illa non est occisio, sed defensio: imò Nauarra *dicto lib. 2. de restit. cap. 3. dub. 13. num. 290. & Sanch. dicto cap. 39. num. 8. fine.* affirmat te obligatum esse non acceptare duellum, si calumniatorem secretò interimere potes, quia nec te exponis periculo vitæ, & ab alio tollis occasionem committendi nouum peccatum duellum acceptando, vel offerendo.*

Caietan. verò 2. 2. *q. 65. art. 8. ad 3. in 4. causa*, limitat supradictam doctrinam, ut procedat si duellum iniur ex consensu Principis, quia aliàs non videtur concedendum. Secundò limitat, ut procedat in causa criminali, non in civili, quia defensio armata solum licet, cum alius te armis oppugnat. In causa criminali accusator iniustus te oppugnat armis, & gladio iudicis: in causa autem civili nulla sunt arma; quia nulla est ibi condemnatio ad mortem, neque mutilationem, cui dicendi modo adhaeret Valen. 2. 2. *dispnt. 3. quest. 17. p. 1. vers. est autem assertio, & vers. talis autem casus. Nauarra cap. 11. n. 39. & cap. 15. n. 9.*

12 Cæterum dicendum existimo primò, nec posse Principem in supradicto casu offerre tibi duellum, neque te posse illud acceptare; sic Abulen. 1. *Reg. cap. 17. q. ult. Salon. 2. 2. q. 64. art. 3. comen. 3. Suar. de bello, disp. 13. sect. ult. n. 5. Probo. Nam, vel tu es dignus condemnatione secundum allegata, & probata, vel non? Si dignus es condemnatione, etsi nullam tibi irroget iniuriam Princeps, condemnationem debitam in duellum commutans; at grauem irrogat accusatori, quocù duellum inire debet, cum absque causa legitima probata, illum manifesto vitæ periculo permittat exponi. Quòd si accusator in illud periculum liberè consentiat; esto ei*

Princeps

Princeps iniurius non sit, est tamen reipublicæ, cuius administrationem gerit; cum absque causa publicæ, & legitima periculo vitæ permittat exponi sibi subditum. Si verò dignus non es condemnatione, & nihilominus iudex te vult condemnare, & offert duellum loco condemnationis, adhuc existimo te non posse illud acceptare, nisi fortè ille, quocum duellum ineundum est, sit dignus condemnatione, & in duellum eius condemnatio commutetur, vel te ipsum aggrediatur. Nam extra hos casus iniuste illum oppugnare, illumque perimere intendis ob conservationem tuæ vitæ: licet enim in aliquo casu tibi permittum sit innocentem occidere ut vitam conferues; debet esse casus, ex quo sequatur occisio per accidens ad tuam actionem, ut contingit, cum fugis inimicum, & in medio itinere est innocens constitutus, quem perimere debes, si cursum prosequeris, vel cum arcem oppugnas, in qua innocens resides; in his enim licita est innocentis occisio, quia ad pugnam, & fugam necessariam per accidens sequitur: ut bene probat Lessius lib. 2. cap. 9. dub. 8. a. n. 57. At acceptatio, vel indictio duelli per se inferunt periculum occisionis. Nequeunt ergo hæc liberè fieri contra innocentem.

13 Secundò dico, si duellum oblatum sit tibi ab accusatore iniusto, & promittit se cessaturum ab iniusta actione, si admittis, secus si respicis. Videris posse illud admittere, quia neque ipsi irrogas iniuriam occidendo, cum ipse se tali periculo exposuerit, neque tu malè facis periculum tale suscipiens, eiusque occisionem procurans, cum in defensionem propriam, & ad vitandam iniuriam facias. Et confirmo. Si aliquis iniuste aggredetur te infamare in platea de gravi crimine, neque alia via vellet desistere, nisi duellum admitteres, vel offerres. Posses quidem illud admittere, & offerre, ut honorem defenderes, & à calumnia te liberares. Ergo à fortiori poteris, cum apud iudicem te infamare intendit, cum hæc infamatio magis publica sit, & grauioris damni periculo exposita. Quòd si dicas, tibi non licere alium occidere, nisi in defensionem. In præsentem autem casu non videris te defendere ab accusatore, sed potius illum aggredi, quia accusator te non aggreditur armis, sed lingua, & calumnia: lingua autem non videtur coercenda, neque calumnia diluenda armis, sed testibus, & rationibus? Respondeo, si testibus, & rationibus coerceri non potest, & dissolui calumnia, armis fieri potest, quia à natura concessum est illis mediis uti, quæ ad propulsandam iniuriam necessaria fuerint. sic P. Nauarr. Mol. Lessius, Coninch, Sanch. *suprà*.

Neque approbo dictum Petri Nauarræ, & Sanchez, nempe te esse obligatum occidere calumniatorem, si occultè potes non admissio duello, quia ex occulta occisione calumniatoris infertur eius perpetua condemnatio, quam fortè in duello pugnans euitabit, ut bene dicit Coninch *disp. 32. dub. 2. n. 20*.

14 Septima causa, ob quam videtur admitti posse duellum, est in defensionem diuini honoris, si aliàs à peccatis desistere nō vult, nisi cum illo duellum ineas. Sed distinguenda sunt peccata, alia quæ cedunt in iniuriam proximi, boni communis, & religionis, alia quæ solum peccanti nocent. Ob peccata, quæ solum nocent peccanti, clarum est te non posse duellū admittere. Ob peccata verò, quæ cedunt in iniuriam grauem proximi, & boni communis, & religionis; poteris præcipue auctoritate Principis duellum admittere, si alia via tibi nō suppetit defensionis; quia ob hanc rationē licet tibi iniuriantem occidere; quis enim negare potest te nō posse hæreticum occidere, si à conculcatione Sacramenti, & profanatione rerum sacrarum desistere non vult? Defendis enim tunc diuinum honorem.

15 Octaua causa est terminatio belli inter hostes, & resolutio illius in duellū, & hanc esse causam sufficien-

tem honestandi duellum ex parte illius Principis, qui iustum bellum gerit, nullus dubitare potest, seruata tamen hac conditione, ut non trahat victoriam ad statum magis dubium, quàm per bellum. Nam posita hac conditione vitantur plures cædes, plurique damna utrinque contingentia in bello, & omnia reducuntur ad paucos. Secus verò esset si spes victoriæ minueretur: grauius enim peccaret Princeps, aduersus suam reipublicam, certam victoriam, quam pes bellū haberet, in incertam duelli commutans, peccaretque item aduersus duellantes, cum eos periculo interitus exponeret absque causa legitima. Itē licet Principi acceptare, & indicare duellū ad debilitandos hostium animos, & roborandos propriorum militū, quando id videt esse sibi ad bellum necessarium, quia est pars belli, & ad victoriam consequendam sæpè conueniens, ac proinde ex eisdem conditionibus, quibus honestatur bellum, & ipsum duellū tunc honestatur: sic Suar. *disp. 13. de bello, sect. ult. n. 9*.

Sanch. lib. 2. c. 39. n. 15. & 16. Val. 2. 2. *disp. 3. q. 17. punct. 1. versalis autem casus*. Pet. Nauar. lib. 2. cap. 3. in 2. p. dub. 13. n. 294. Coninch *disp. 32. dub. 2. n. 28*.

26 Quòd si inquiras, an in hoc casu liceat militibus, & Principi se obligare ad non succurrédum sociis, si succumbant? Respondeo licere, quia aliquando licitū est, & permittum te obligare abstinere ab auxilio ferendo periclitanti, si illud præstare non potes absque graui damno proprio, vel boni communis. Cum ergo in præsentem non possint milites defendere socios, nisi violent fidem datam, totumque exercitum periculo exponant, sit sanè cessare posse ab hac defensione, & ita Sanch. notauit lib. 2. in decal. cap. 39. n. 17. Suar. *disp. 19. de bello, sect. ult. fine*. Coninch *disp. 32. dub. 2. n. 28*.

17 Sed inquires, quæ pœnæ sint impositæ duellantibus absque causa legitima? Respondeo varias pœnas esse impositas à Concilio Trident. *sess. 25. cap. 19. de reformat.* Primò aduersus quoscunque dominos temporales siue Reges, siue Imperatores, qui locum ad Monomachiam in terris suis inter Christianos concesserint, fertur excommunicatio, & iurisdictione, & dominio ciuitatis, castri, aut loci ab Ecclesiâ obtenti, in quo, vel apud quem duellum fieri permittitur, priuantur, etsi feudalia sint, directis dominis statim acquiruntur. Secundò aduersus pugnam committentes, eorumque patrinos fertur excommunicatio, & pœna confiscationis bonorum ac infamiae perpetuæ, & ut homicidæ mandantur puniri, & si decesserint in ipso conflictu, careant Ecclesiastica sepultura. Tertiò, aduersus eos, qui consilium in causa duelli dederint, aut alia quacunque ratione ad id quemque suaserint fertur excommunicatio. Gregor. verò XIII. in sua constit. quæ est 82. in ordine, incipiente, *Ad tollendum deestabilem duellorum usum*, extendit supradictas pœnas, ut locum habeant in duellis priuatis, hoc est, in loco priuato, & non tuto commissis, & absque patris, sociisve ad id vocatis, ac sine prouocatoris litteris, & cartellis, & etià si duellantes duellum, seu pugnam non perfecerint, si per ipsos non steterit, quominus dictum duellum perfectum non fuerit. Insuper Clemens VIII. anno 1592. Kalend. 17. Septemb. prædictam constitutionem Greg. XIII. pluribus aliis modis extendit, & excommunicationis absolutionem sibi reseruat. Quas omnes constitutiones bene explicat Conedo *ad decreta, collect. 117*. P. Cæuallos *tract. de omni genere homicidij, a. n. 76*. Valer. Reginald. *prax. lib. 2. c. 7. a. n. 73*. Sanch. lib. 2. c. 39. a. n. 19. August. Barbosa *in remiss. Consilij. & de potest. Episc. 3. p. alleg. 50. num. 120*. & alij apud ipsos.

18 Primum, & præcipuum, quod in illis obseruari debet, est, non prohiberi sub prædictis censuris quilibet pugnam, sed pugnam ex condito loco, & tempore determinato. Quocirca si aliquis accepta iniuria, & calore iracundiæ prouocet offendentem statim ad pugnam, non dicitur

dicitur commisisse duellum, quia non fuit pugna ex cōdicto, ut bene probat Farin. ex verbis bullæ lib. 1. conf. 9, n. 35. Sanch. n. 18. Secus verò dicendum est, si accepta iniuria diceret offendere. Exeamus hinc, scilicet ex platea, ubi sunt multi, qui nos impedire possunt, & eamus in agrum, & pugnabimus: tunc enim illa pugna iam est ex cōdicto, hoc est, ex pacto, & conventionē, loco, & tempore signato, ac proinde subiecta pœnis supradictæ bullæ Clementis VIII. Idem est, si diceret inermi: Vade, assume arma, hic te expecto: quia iam signat locum & tempus præsens. Sanch. loco citato.


19. Secundò, aduertere excommunicationem, quâ duellantes, eorumque socij, & patroni, & Principes concedentes locum, seu nō impediētes, cū possint, & quicunque alij ad id auxilium, vel consilium præstātes incurrant, esse Pontifici reseruatam, ex bulla Clementis VIII. At poterit Episcopus ab ea absolue virtute Trident. si duellum occultum sit, quia non intelligitur ex supradicta bulla hoc Trid. decretum abrogatū. sic Sanchez lib. 2. c. 30. n. 27. Bonac. de censur. disp. 2. q. 6. punito 2. n. 15. Barbosa 3. p. alleg. 50. num. 120. sine. Item virtute bullæ Cruciatæ poterit confessarius electus ab hac excommunicatione semel in vita, & semel in morte absolue, quia exclusā hæresi, omnes aliæ censuræ conceduntur. Neque est verisimile, velle Pontificem supradictum privilegium limitare: sic Sanch. supra.

20. Terriò, aduertere excusari à supradicta excommunicatione lata in Trid. & alijs decretis Pontificijs, Principem Christianum, qui locum infidelibus cōcederet ad duellum, quia Trident. expresse dixit, inter Christianos, sic relato Delrio affirmat Sanch. n. 29. Barbosa in remissio. Concilio. Secus verò affirmant, si Christiano pugnāturo cum infideli in suo regno locum Princeps concederet. Secundò, excusatur Princeps à supradicta excommunicatione, & pœnis, si iustam habeat causam permittendi duellum, quia cū illa permissio licita sit, non potest pœna puniri. Possit tamē aliquando adesse causam, quæ hanc honeste permissionem, non videtur posse dubitari, cū sæpè occurrat occasio permittendi aliqua mala, ut maiora evitentur. Terriò, excusantur à supradicta excommunicatione, & pœnis casu spectantes duellū, quia fortuitò illac transibant, quia in bulla Greg. XIII. exposculatur, ut ex proposito spectent, alijs hac visione non videntur ad pugnam incitare. Sanch. n. 11. Quattò, excusantur comitantes pugnāturos, si animo impediendi pugnam comitentur: quia ij dici non possunt socij illorum esse, sed aduersarij, neq; auxilium illis præbere, sed impedimentum. Adde talem comitatum laudabile esse, & fortè ex obligatione suscipiendum. Ergo pœna affici non debet, sed præmio. Sanch. n. 31.

21. Quattò, aduertere cum eodem Sanch. n. 32. reliquas pœnas, præter excommunicationem, suspensionem, & interdictum, relatas in supradicto decreto Trident. & bullis Pontificum indigere sententia iudicis talem declaratoria criminis, ut incurrantur. Quod de infamia, proseriptione bonorum, amissioneq; loci, in quo duellum committitur, est certum, cū prius iure acquiritur. Et idem est ob eandem rationem de inhabilitate ad beneficia obrenta. At de inhabilitate ad beneficia, & officia obtinenda probabile reputat cum Mol. & Navarr. similiter indigere sententia iudicis, quia non est vfu receptum abique illa incurri.

DISPUTATIO VI.

De Scandalo Charitati contrario.

 Ravissima est hæc disputatio, & multum necessaria ad regulandas humanas actiones, sed ut distin-

ctè procedamus. Videndum est, primò, quid sit scandalum, & aduersus quam virtutem procedat. Secundò, quæ actiones ratione scandali illicitæ sunt. Terriò, quæ causæ excusent ab scandalo dato.

PUNCTVM I.

Quid sit scandalum, & aduersus quam virtutem procedat.

1. Duplex est scandalum, actiuum, & passiuum, & utrumque definiatur.
2. Tripliciter ruina proximi intendi potest.
3. Nunquam est scandalum, nisi ruina spiritalis proximi succedat, vel timeatur probabiliter successura. Excipitur, nisi directè vel proximum cadere.
4. Aliqua notabilia inferuntur.
5. Proponitur quedam abiectio, & sit illi satis.
6. Scandalum passiuum non aduersatur specialis virtuti, sed per omnia vicia vagatur.
7. Scandalum actiuum, si directè volitum sit, hoc est, ex affectu, ut proximus ruat, speciale est peccatum.
8. Si verbis, & factis moueat aliquem ad peccatum ea intentione, quia est malum illius, teneris in confessionis intentionem exprimere.

Duplex est scandalum, aliud actiuum, aliud passiuum. Actiuum, quod propriè scandalum est, definit D. Thom. ab omnibus receptus, 2. 2. q. 43. art. 1. Hieron. & glossa Matth. 18. esse opus minus rectum præbens proximo occasionem ruinæ. Nomine operis, intelligo verba, vel facta, vel eorum omissiones, quodlibet horum, si proximo præbeat occasionē ruinæ, scandalum actiuum erit. Dicitur minus rectum, quia ad peccatū scandali adiuui necessariò requiritur opus scandalizans esse malum, vel mali speciem habere. Quapropter quando in se non est malum, neque mali speciem habet, ut contingebat in actionibus Christi Domini, & Apostolorum, non censetur tunc præbere occasionem ruinæ, etli alij inde accipiant. Passiuum scandalum est ipsa ruina proximi, quæ aliquando dicitur scandalum Phariseorum, aliquando pusillorum. Scandalum Phariseorum dicitur, quia fuit proximus nulla data occasione legitima, sed ex malitia ipsius, ut faciebant Pharisei. Pusillorum scandalum est, quando ex opere alijs bono sumit proximus occasionem ruinæ, vel quia ignorat bonū esse, vel quia fragilis est; sicut ex ornatu femine licitò habi potest fragilis ex fragilitatē, prauus ex malitia, & qui licet ignorat ex ignorantia. sic D. Basil. in reg. breuior. interrogat. 64.

2. Secundò, suppono tripliciter te posse ruinam proximi intendere. Primò, directè intendendo ruinam illius, quatenus ruina illius, & hoc modo demones nostros casus intendunt. Secundò, etiam directè intendendo ad ruinam, non ex affectu ut ruat, sed quia talis ruina tibi, vel alteri utilis est. Terriò, intendere potes ruinam proximi indirectè, hoc est, intendendo actionem, ex qua prouides proximum caturum.

3. Terriò, suppono nonquāquam scandalum contingere, nisi ruina spiritalis proximi succedat, vel probabiliter timeatur successura: quando enim hæc cessant, cessat & scandalum, ut vniuersi tradunt cum D. Thom. 2. 2. q. 43. art. 1. Quod intelligendum est de scandalo, seu ruinā proximi indirectè vultis. Nam si directè velis proximum cadere, vel suadeas casurū, etiam si ipse firmus futurus sit, committis peccatum scandali. Quis firmior Christo Domino in subeunda morte ob redemptionē generis humani! & tamen quia Petrus Matth. 16. n. 12. peruersus erat ei à morte abstinere, meruit audire, Vade post te Satana, scandalum es mihi, quia directè malum peruehebatur, etli Petro malum esse non videretur, ac proinde credo

credo non peccasse; procedebat enim talis persuasio ex nimio in Christum amore, neque tamen sciebat à Patre æterno esse mortem Christo imperatam. Verùm si sciret imperatam esse, neque Christum illam licitè omittere posse, & peteret omitti, quis potest dubitare peccaturum peccato scandaliz Verùm si solùm intendis ruinā proximi indirectè, quatenus occasionem aliquam intendis, ex qua proximus occasionem sumere potest cadendi, si de facto nō se tibi offerat probabilis illius casus, non committis peccatum scandaliz, ut vniuersi tradunt Doctores cum D. Thom. *suprà*.

4 Ex quo fit primò, plures coram aliis peccantes excusari à peccato scandaliz, vel quia videntes ita sunt in bono stabiles, ut nullo modo peccatis visis censeantur ad peccatū moueri, vel ita sunt deperditi, ut peccatum aliorum nihil illos immutet. Sic optimè tradit Nauar. *considerat. 5. animaduerte. n. 9. de penit. & in sum. c. 6. n. 39. & c. 14. n. 28. & ex illo Sanch. lib. 1. in Decal. c. 6. n. 7. Galat. 1. in 1. 2. tract. 7. disp. 3. sect. 4. n. 84. Bonac. disp. 2. de pecc. q. 4. p. 2. §. unico. n. 43. plures referens Ioan. Sanch. disp. 46. select. n. 11. Fit secundò, si ex tuo dicto, vel facto nihil aliud præter admirationē, & rumorem in videntibus exciteretur, non debes cenere peccati scandalum commissile, ut benè notauit Ioan. Sanch. disp. 48. select. n. 45 quia admiratio rumor, & suspicio de delicto, si fundamentum præbes, non est peccatum, & conseqüenter causa non eris ruinæ spiritualis proximi.*

5 Dices: Ergo si die Veneris coram aliis carnes comedas, non censeberis scandalum dare, siquidem ex illa actione potius excitatur in videntibus horror, & detestatio, seu admiratio conscientie tam perditæ, quàm propositum carnes comedendi: similiter si religiosus frequenter mulierem suspectam inuideret, alij religiosi non indo mouentur ad peccatū, sed potius religiosi libertatem detestantur, & tamen scandalum cenetur hic religiosus præbere; ut benè probat Nauar. *sum. c. 14. n. 31. & tradit Syluest. verbo scandalum, q. 2. fine.* Ergo ad rationem scandaliz non est necessarium esse proximo occasionem ruinæ spiritualis, & peccati.

Respondeo, si ex supradictis casibus solùm detestatio peccati, vel admiratio oriretur, & ex visitatione fornicæ à religioso facta aliquis rumor, & suspicio de delicto nasceretur; cenfeo nullo modo te peccato scandaliz peccaturum; tradit Suar. *de char. disp. 10. sect. 1. n. 1. Ioan. Sanch. disp. 48. select. n. 45. & clarius disp. 46. n. 11.* At quia raro contingit ex supradictis actionibus non dari videntibus, aut scientibus occasionem alicuius ruinæ spiritualis, scilicet viuendi liberius, vel contemnendi religionem, religioſalque perſonas; ideò regulariter dixit benè Nauar. *suprà*, scandalum præbere, qui absque causa necessaria, vel vtili alicuius mulieris suspectæ consuetudine familiari utitur, & qui frequenter moniales debitam clausuram non obseruantes, inuisit: ex qua visitatione frequenti populus accipit occasionem detrahendi, & murmurandi, etiamſi alioqui castè viuat, & recta intentione loca illa frequenter. Item, qui domi suæ habet aliquam mulierem, de qua populus sinistrè aliquid suspicatur, siue sit cognata, siue extranea, etiamſi alioqui nec cogitatione cum ea peccet: quia non est præsumendum ex his actibus solam admirationem, & rumorem oriri, vel sinistram suspicionem, & locutionem, sed aliud peccatum graue, quale est religiosi status, & virtutis contemptus, & intentio liberius vitam agendi.

6 Quartò, suppono scandalum passiuum non aduersari speciali alicui virtuti, sed per omnia vitia vagari: scandalum enim passiuū, nihil aliud est, quàm peccatum scandalizari, quod aliquando est aduersus temperantiam, aliquando aduersus iustitiam, aliquando aduersus religionem, & in hoc omnes Doctores conueniunt. Solùm de scandalo actiuo est difficultas, an speciali alicui

virtuti aduersetur, sique speciale peccatum?

7 In qua re certum est, esse speciale peccatum contrarium beneficentiae, & misericordiae, & ex suo genere mortale scandalum directè volitum, hoc est, ex affectu, ut proximus ruat. Hic tamen affectus deprauatus haberi potest, vel ex displicentia proximi, vel aliunde; si ex displicentia proximi habeatur, erit actus odij charitati contrarius, si tamen aliunde habeatur, quia tibi, vel alteri est utilis talis ruina; tunc erit contrarius formaliter beneficentiae, seu misericordiae; misericordia enim inclinat miseriam à proximo remouere, quia illius malum est, neque necessarium est, ut talis remotio fiat ex complacentia ipsius, esset enim actus charitatis: sufficit si oriatur ex amore concupiscentiae, quia scilicet tibi utilis est, ita tradit optimè Vasquez 1. 2. *disp. 102. cap. 5. numero 14. & capite 6. numero 19. & 20. & probatur ex D. Thom. communiter recepto 2. 2. quest. 43. articulo 1. affirmat enim scandalum per se, seu quod directè ruina proximi intenditur, ut malum illius, opponi correptioni, & correptio necessariò versatur directè circa spiritualis nocuenti remotionem, non ex complacentia personæ, sed alia ratione; efficitur scandalum versari circa nocuentum ipsius personæ directè intentum, non ex displicentia ipsius, sed aliunde. Quod autem hoc sit speciale peccatum, nemini esse potest dubium: habet enim specialem deformitatem affectus ille, quo ruina proximi, ut malum illius est, intenditur. Ergo necessariò est dicendus aduersari alicui virtuti, non charitati formaliter, siquidem non est ex displicentia personæ. Ergo alteri. Ergo beneficentiae, seu misericordiae, quia nulla alia videtur esse, cui possit aduersari.*

Dices aduersari virtuti, quam scandalizatus lædit, ut si scandalizatus ruit in libidinem, intentio, ut ruat in libidinem castitati aduersatur. Fateor quidem castitati aduersari, sed dico habere præterea supradictam malitiam contrariam charitati, seu beneficentiae, & misericordiae. Nam intendere huiusmodi ruinam spiritualem, quia malum proximi est, est specialis deformitas, & contraria castitati, quia illi finis formalis non magis opponitur castitati, quàm iustitiae. Ergo assignare debemus aliquam virtutem, cui specialiter opponatur, quæ non apparet alia præter beneficentiam, & misericordiam.

8 Ex quo fit, si verbis, vel factis aliquem moueas ad peccatum ea intentione deprauata, quia malum illius est, non solùm te esse obligatum confiteri peccatum, ad quod mouisti, sed illam deprauatam intentionem. Sic Sanch. lib. 1. in Decal. cap. 6. num. 3. 6. & 8. Vasq. 1. 2. *disp. 102. cap. 3. n. 5. & cap. 4. n. 10. Bonac. disp. 2. de pecc. q. 4. p. 2. §. unico. n. 3. vers. hinc colligitur.* Quod si illa deprauata intentio fuit ex displicentia personæ, à fortiori teneris id exprimere, quia talis intentio aduersatur tunc charitati, estque actus specialis odij proximi, ut benè Vasq. Sanch. *suprà*.

PUNCTUM II.

An inducere aliquem ad veniale peccatum, ea intentione deprauata, quia malum illius est, esse possit veniale peccatum.

- 1 Negant aliqui. Sed eorum ratio infirma est.
- 2 Efficacior ratio proponitur.
- 3 Contraria sententia scilicet talem affectum esse posse peccatum veniale approbatur.
- 4 Satisfit fundam. n. 2. adducto.

1 Respondet Vasquez. 1. 2. *disputatione 102. capite 7. numero 23. & 24. Agid. de Coninch. 2. 2. disp. 32. dub. 5. num. 5. non posse.* Ratio esse potest, quia velle

velle directè alicui veniale peccatum, est velle illi grauius nocumentum quolibet alio bono temporali, cum peccatum veniale quolibet alio temporali nocumento præferendum sit.

Sed hæc ratio infirma est, probaret enim non solum te peccare mortaliter, quando directè induceres ad peccatum veniale ex affectu damnificandi proximum, sed etiam quando huiusmodi affectum non haberes, siquidem tunc causa es proximo grauioris damni quolibet alio temporalium probaret, omittentem recitare breuem aliquam orationem ex iustitia debitam peccaturum mortaliter, quia priuat proximum emolumento grauiore quolibet bono temporali. Non enim metienda est grauitas, vel leuitas huius obligationis, ex grauitate materiæ spiritualis, comparatione temporalis. Nam secundum hanc comparationem certum est leuissimum damnum spirituale præferendum esse cuiuslibet temporali. Sed consideranda est materia secundum se, & videndum, an in suo ordine sit grauis, vel leuis: cum autem peccatum veniale in genere damnorum spiritualium leue sit, efficitur ex hac parte non posse esse peccatum mortale.

2 Mihi tamen aliunde difficultatem ingerit. Fateor namque inducere aliquem ad peccatum veniale, veniale solum esse; at inducere ex affectu illum damnificandi graue esse videtur, quia talis affectus non videtur posse provenire nisi ex odio Dei, aut proximi, aut ex desiderio placendi dæmoni. Ex quocunque autem horum affectuum proveniat, grauem deordinationem continet. Ergo: Dices posse provenire ex affectu vindictæ, quo apperis alium maculari peccato veniali, quia malum illius est. Item potest provenire ex displicentia personæ, quæ non videtur grauem malitiam continere. Sed contrà, quia illa displicentia, & ille appetitus contrarij sunt charitati, vel misericordiæ virtuti directæ. Ergo habent deordinationem grauem: sicut enim transgressio alicuius levis præcepti ex contemptu illius mortale est ex communi sententia; ita Inductio ad veniale ex voluntate damnificandi proximum, mortale erit. Item, si pecces venialiter ex contemptu alicuius beneficij à Deo accepti, ingratitudinem formaliter committis, & tamen ille contemptus mortalis est. Ergo etiam si ad veniale inducas, si tamen inducas ex affectu damnificandi proximum, talis affectus mortalis erit, est enim diaboli proprium.

3 Nihilominus à communi sententia affirmante peccatum veniale esse talem affectum deprauatum recedendum non est. docet D. Thom. 2. 2. q. 43. art. 4. Naturæ. c. 14. n. 29. Azor tom. 1. instit. moral. lib. 4. cap. 20. q. 3. Bonac. disp. 2. de peccat. q. 4. p. 2. §. unico, n. 10. Suar. de charit. disp. 10. sect. 1. n. 4. Sanch. plures referens, lib. 1. in Decal. cap. 6. n. 10. Lorca 2. 2. q. 43. in sum. quest. n. 6. Salas. 1. 2. tract. 13. disp. 5. sect. 15. n. 142. vers. sed hac. Et ratio est, quia talis affectus non videtur habere obiectum graue, quia solum habet pro obiecto damnificationem proximi non grauem, sed leuem: sicuti si velles Petrum aliquo veniali peccato infici, & ex hoc affectu persuaderes illi dicere verbum otiosum, talis persuasio ex supradicto affectu non videtur vllò modo grauis esse. Nō enim grauis est ex obiecto ad quod persuades, cum hoc sit verbum otiosum, neque etiam ex ratione formali persuadendi, cum hæc solum sit peccatum veniale.

4 Neque obstat ratio contraria. Concedo enim affectum damnificandi proximo in aliquo veniali peccato etiam ex displicentia personæ posse esse veniale, sicuti supra diximus de contemptu præcepti levis. Contemptus verò beneficij à Deo accepti grauis semper est, quia tacite Deus contemnitur, cui summa reuerentiadebetur, quod in hominibus aliter contingit.

PUNCTUM III.

An si velis, vel inducas proximum ad peccatum, non quia malum illius est, sed quia tibi, vel alteri est utile, pecces peccato speciali scandali?

1. Certum est te peccare eadem specie peccati, qua proximus peccat, & obligari esse in confessione manifestare.
2. Proponitur quedam obiectio, an tenearis ad restitutionem, si malo exemplo ad furtum induxeris? Et fit illi satis.
3. Si aliquem prauo exemplo, vel consilio ad furtum incites, simulque cum illo fueris, obligatus es totum in confessione manifestare.
4. Quid dicendum de peccatis, qua sine complice peccari non possunt: An tenearis inductionem manifestare. Resolvitur ut probabilius te obligatum esse.
5. Plures Doctores affirmant esse speciale peccatum talem inductionem aduersus virtutem misericordiæ. Et quibus probent.
6. Plures alij Doctores censent non esse speciale peccatum scandali.
7. Pro resolutione præmittitur te posse dupliciter virtuti contrariari. Primo, eius præceptis. Secundo, eius fini.
8. Ex tali inductione contrarius es obligationi charitatis, & misericordiæ, non tamen eius formali obiecto.
9. Aduersus quamlibet virtutem dupliciter peccare potes omissione actus debiti, vel illi contrario. Et quas hæc differentia.
10. Soluuntur ex dictis fundamenta utriusque sententiæ.

1. Certum est apud omnes, si velis, vel cōsulas proximo aliquod peccatum te peccare eadē specie peccati, qua ipse proximus peccat; quia illud intendis. Deinde etiam est certū, si tuo exemplo alium ad peccandum incites, specialem malitiam contrahere necessariò in confessione manifestandam, quia saltem indirectè vis proximi peccatū, illiusq; es causa moralis. Ex quo mihi videtur pro certo habendum te peccare illa specie peccati, qua peccat is, cui malū exemplū præbes, quia illud peccatum tibi est voluntariū: sic Valq. alios referens, 1. 2. disp. 102. c. 7. n. 33. Bonac. disp. 2. de peccat. q. 4. p. 2. §. unico, n. 12. Azor 1. 1. lib. 4. c. 20. q. 6. fine. Sanch. lib. 1. in Decal. c. 6. n. 4. & seqq. esto contrà teneat Salas 1. 2. 2. tract. 13. disp. 5. sect. 15. n. 134. Nec refert induxeris ne opere aliàs bono, vel de se malo; nam quomodocumq; inducas, & pertrahas proximum ad peccatum, peccati proximi reus eris, quia illius es causa, ut bene probat Valen. 2. 2. disp. 3. q. 18. p. 2. Valq. supra c. 1. n. 1. & 2. Sanch. n. 2. Lorca quest. 43. art. 6. disp. 5. c. n. 5. asserens contrarium esse improbabile.

2. Dices: Ergo si proximus peccat peccato iniustitiæ, v.g. furti, vel homicidij, & tu consilio, vel opere, aliàs prauo illius fuisti causa, teneberis damna ex tali furto, vel homicidio reparare, siquidem illorum fuisti causa, peccando, inquam, contra iustitiam.

Respondeo, si consilio, vel mandato illorum causa fuisti, non est dubium te teneri, quia tunc directè cooperatus fuisti furto, vel homicidio. Item, si subministrasti materiam, ut gladium, scalam, aliāve actionem furto, vel homicidio concurrentem absque iusta causa, sic Valen. 2. 2. disp. 5. q. 21. p. 4. vers. unde ad argum. Sotus li. 4. de iustit. q. 7. art. 1. ad 1. Arag. 2. 2. q. 62. art. 5. ibi. Salon. controu. 2. Bannes dub. 2. Sanch. alios referens, lib. 1. in Decal. 7. n. 19. At si solum prauo exemplo ad furtum induxeris, non videris te teneri restituere, quia is cui damnum est illatum ius non habet te obligandi abstinere ab actione, ex qua alius tertius sumit occasionem malum inferendi; peccat tamen contra iustitiam, quia ad hoc peccatum sufficit, si indirectè malum proximi intendatur, seu occasionem illius dederis, sicuti si absque causa iusta induceres aliquem, ut tibi sub vsuris mutuarer,

mutuaret, peccares contra iustitiam, non quia tibi facis iniuriam, nemo enim se lædere potest, ut dixit Arist. 5. *Ethicor. capit. 6.* sed quia es occasio. ut alius tibi faciat; at non teneris restituere, quia tibi obligari non poteris. Ergo bene poteris prauo exemplo contra iustitiā peccare, quin obligeris restituere: & ita tenet Vasq. 1. 2. d. 102. cap. 7. n. 21. Sanch. lib. 1. in *Decal. cap. 6. n. 5.* Suar. de *charit. d. 10. de scand. sect. 2. n. 9.* Bonac. de *restit. disp. 1. q. 2. pag. 12. numero & disp. 2. de peccat. q. 4. pag. 2. §. vii. num. 40.*

3 Hinc inferitur, si aliquem consilio, vel prauo exemplo ad furtum incites, simulque cum illo fureris, teneris in confessione dicere non solum te furatum esse, sed etiam ad furtum, quod te ipsa sequutum fuit, alium induxisse. Probat manifeste, quia furtum tuum esse poterat, quin alterum induceres. Ergo ex manifestatione furti te facti non manifestatur inductio, & peccatum alterius, cuius fuisti causa. Azor. 1. 2. d. 12. c. 16. q. 2. §. 4. Vasq. 1. 2. d. 102. cap. 3. n. 5. Sanch. cap. 6. n. 6. Egid. de Coninch 2. 2. d. 32. d. 5. n. 56.

4 Solum de peccato, quod sine complice patrari non potest est difficultas, an tenearis in confessione manifestare, v. g. si induxeris aliquem ad tecum fornicandū, an tenearis in confessione manifestare inductionem, vel sufficiat dicere te fornicatum esse? Ratio difficultatis est, quia talis inductio ad peccatū subsecutum refertur. Ergo manifestato peccato ea quæ ad ipsum referuntur, censeri debent manifestata; ideo enim actus, oscula, & amplexus præcedentes coitū non obligamur ex cōmuni sententia manifestare coitu subsequuto, quia ex manifestatione coitus cēsentur alia manifestata. Et præterea, quia tota malitia horū actuum sumitur ex obiecto, cuius sunt dispositiones, sed similiter tota malitia inductionis sumitur ex actu ad quem inducit. Ergo manifestato actu, inductio debet censeri manifestata: & ita tenet Vasq. de *pœnis. quest. 91. art. 2. dub. 4. & dub. 5. numero 34.* & est probabile. At probabilius est te obligatum esse manifestare, quia manifestata copula non manifestatur inductio, cum fieri possit absque inductione, ut regulariter in fœmina contingit, quæ non inducit, sed est inducta. In viris autem, quia regulariter inducunt, fortè hanc inductionem non erit opus manifestare, quia subintelligitur, cum contrarium non exprimitur: sic Sanch. lib. 1. in *Decal. cap. 6. numero 14. fine.* Egid. de Coninch *disp. 32. dub. 5. numero 55.*

5 Quocirca solum est difficultas, an supradictū consilium, vel inductio indirecta sit speciale peccatum scādali contrarium virtuti charitatis, & misericordiæ.

Plures Doctores affirmant etiam esse speciale peccatum scandali aduersus beneficentiam, vel misericordiam, ita Suar. de *charit. disp. 10. sect. 2. n. 3.* Nauarr. in *man. cap. 6. n. 19.* Valen. 2. 2. *disp. 3. q. 18. pag. 2.* Egid. de Coninch *disp. 31. dub. 5. n. 45.* Salas. 1. 2. *tract. 13. disp. 5. sect. 15. n. 132. & n. 127.* plures pro hac sententia refert, qui bene possent explicari de generali scandalo, & non speciali: limitat tamen Salas. *nu. 133.* suam sententiam, ut solum sit speciale peccatum scandali, quando efficaciter proximum ad peccatum pertraheres taliter quod difficillimum esset non consentire. Vnde dicit, si sollicites mulierem etiam nuptam ad peccatum, non intendendo ut finem, ruinam ipsius, non habere speciem necessariò consentendam, si mulieri non esset difficillimum sollicitationem respuere. Probant supradicti Doctores suam sententiam, quia sufficit ad contrahendam alicuius peccati malitiam, si illud intendatur, cui illa malitia est necessariò coniuncta. Ut si intendas fornicationem cum vxorata peccas iniustitiæ peccato, quia intendis aliquam actionem cui iniustitia est annexa: sed cuilibet peccato proximi est coniunctum damnum ipsius, in quo scandalum consistit. Ergo intendens peccatum proximi peccas pec-

Ferd. de Castro Sum. Mor. Pars I.

cato scandali. Et confirmo: si consulas alicui iniustitiam, vel libidinem, non est dubium quin consulas, quod malum illius est: Ergo non solum peccas contra iustitiam, vel temperantiam, sed aduersus charitatem, vel misericordiam. Probo consequentiam, quia charitas, vel misericordia te obligat succurrere proximo in necessitatibus tam spiritualibus, quàm corporalibus. Neque ad satisfaciendum huic obligationi necessarium est, ut succurras proximo ex intentione subleuandi eius miseriam, sed quomocunque succurras, satisfacies obligationi, sicuti aduersus illam peccas ex quocunque fine succurrere committas. Ergo etiam ex quocunque fine damnum temporale, vel spirituale proximo inferas, peccabis aduersus misericordiam, quia misericordia efficacius te obligat, ne proximo damnum inferas, quàm ut illi in necessitatibus subuenias. Item tota malitia scandali sita est in actu externo inducente proximum ad peccandum: sed hic actus externus eodem modo inducit ad peccatum, siue procedat ex intentione ruinæ proximi, siue illa intentione careat. Ergo peccatum scandali non pendet ab hac intentione. Denique si sciens ex aliqua actione sibi imminere mortem, peccat contra charitatem sui, si illam faciat. Ergo à fortiori peccabit contra charitatem sui sciens ex aliqua actione sibi mortem animi imminere: Sed charitas proximi eodem modo obligat. Ergo ex illa teneris nihil facere, quod in damnum proximi grauius cedat. Ergo aduersus charitatem peccas proximum scandalizando.

6 Cæterum alij plures Doctores censent non esse speciale peccatum scandali; sed solum generale, atque adeò consulentem alicui, ut peccet, non peccare alia specie peccati præter illam in qua est peccatum, ad quod consulit. v. g. Persuades alicui fornicationem, peccas aduersus temperantiam, non aduersus charitatem, aut misericordiam, si ruinam proximi formaliter non intendis: & à fortiori si ex tua actione siue mala siue speciem mali habente ipse proximus sumat occasionem peccandi, non peccas alio speciali peccato præter illud, in qua ipsa actio est, & in qua est peccatum, aliquod inclinatur: sic docet, & late probat Vasq. 1. 2. d. 102. c. 4. & seqq. Sanch. 1. 1. c. 6. n. 3. Azor. 1. 1. 4. *instit. cap. 7. q. 1. fine.* & c. 20. q. 6. *fine.* & 2. 1. d. 12. c. 16. q. 2. & 4. plures refert Salas. *tract. 1. 3. b. 5. sect. 15. n. 124.* & valde probabile reputat Bonac. de *peccat. d. 2. q. 4. p. §. vii. nu. 13. vers. mibitamen*: & est sententia expressa D. Thom. 2. 2. q. 43. art. 3. ut bene probat Vasq. *supra.*

Probat primò, quia si malum proximi specialiter non intendatur, non potest lædi positivè virtus beneficentiæ, & misericordiæ: beneficentia enim non respicit pro obiecto proprio ipsius proximo benefacere, sed benefacere illi, quia bonum illius est, & misericordia non respicit pro obiecto remotione mali à proximo utcumque, sed quatenus illi mala. Nā remouere malum, & benefacere proximo æquè est obiectū charitatis, ac misericordiæ, gratitudinis, & aliarum virtutum. Ergo ut hæc virtutes distinguantur necessariò concedendum est, misericordiam intendere subleuare miseriam proximi, quia talis subleuatio bona illi est. Ergo actus, qui positivè debet opponi huic virtuti, necessariò debet esse actus, qui velit miseriam proximo inferre, quia mala illi est. Secundo probor ab inconuenienti, quia sequeretur ex opposita sententia consulentē alicui fornicationem grauius peccare, quàm ipse, qui fornicatur. Nam qui fornicatur solum aduersus temperantiam peccat, at qui consulit nō solum aduersus temperantiam, sed etiam aduersus misericordiā, vel charitatem peccat. Ergo grauius peccat. Peccat inquam aduersus temperantiam, quia est causa fornicationis alterius, & peccat aduersus misericordiam, vel beneficentiam, quia damnum infert. Ergo grauius. Item si solum ad contrahendam

K K k malitiam

malitiam oppositam alicui virtuti sufficit velle obiectum, quod illi est materialiter contrarium, ut in præfenti sufficit vel damnificare Petro, non quia damnum illius est, sed quia mihi est vile; quod obiectum solum est materialiter contrarium virtuti beneficentiae, & misericordiae, & charitatis; efficitur sanè consulentem alicui furtum peccare & peccato iniustitiae, quod de se constat, & peccato maleficentiae, & immisericordiae, & ingratitudinis, si sit benefactor, & odij adversus charitatem, quia illud obiectum potest esse obiectum materiale omnium illarum virtutum. Deinde sequitur fornicantem, seu intendentem fornicari ex affectu voluptatis peccare alia peccati specie præter intemperantiam. scilicet adversus charitatem, & misericordiam, quia sibi malum infert, & adversus gratitudinem Deo debitam de beneficentia accepta. Ergo ne sic multiplicentur peccata, dicendum est tam consulentem fornicationem, quam illam committentem non peccare adversus charitatem, neque adversus misericordiam, quoties malum, quatenus malum est, non intenditur.

7 Pro resolutione adverte dupliciter te posse alicui virtuti contrariari; Primò si contrarius sis eius præceptis, & obligationibus; Secundò si contrarius sis non solum eius præceptis, sed etiam eius formali obiecto. Explico exemplis. Caritas Dei, & proximi te obligat illos non offendere, si autem illos offendis, adversus charitatem peccas: at eius formali obiecto contrarius non es, nisi talem offensam ex displicentia Dei, vel proximi velis. Itè virtus obedientiae te obligat præceptis superioris obedire, unde si illam violas, adversus obedientiae obligationem facis; at non facis adversus formale obiectum ipsius, nisi ea violes, quatenus præcepta sunt, & consequenter non facis adversus ipsam virtutem formaliter. His positis:

8 Dicendum est, cum alium tuo exemplo ad peccandum inducis, te peccare contra obligationem charitatis Dei, & proximi, & contra obligationem misericordiae, & contra obligationem obedientiae Deo debitam, & contra obligationem gratitudinis ob beneficia accepta; quia hæc sunt species, & circumstantiæ generales omnium peccatorum, in quo cum prima sententia convenio. At non peccas contra formale obiectum charitatis, seu misericordiae, in quo secunda sententia mihi placet. Nam ad peccandum contra formale obiectum charitatis Dei, vel proximi, non sufficit facere illi malum, sed insuper requiritur, ut illi fiat ex displicentia personæ. Sunt enim aliquæ virtutes, quæ in voluntate consummantur, qualis sunt caritas, obedientia, gratitudo, misericordia. Ut ergo iis vitia contrariantur formaliter, debent esse ex contrario motivo, & obiecto, circa quod ipsæ virtutes procedunt. Explico. Ex gratitudine obligaris Deo servare ob beneficia accepta; Ut igitur gratitudinis actum exerceas, debes servitia præstare in beneficii accepti gratiam, & recognitionem: aliàs non eris formaliter gratus. Item obligat te obedientia mandatis superioris obedire: at si vis formalem actum obedientiæ exercere, debes obedire superiori, quia tibi præceptum imponit. Sic ergo dicendum est de actibus contrariis his virtutibus: si enim peccas post beneficium, & gratiam acceptam, obligationem gratitudinis violas, quia contra obligationem debitam ex gratitudine facis; at non te opponis gratitudini formaliter, quia ad hoc necessarium erat, ut ex contemptu beneficii, & gratiæ acceptæ peccares, ut docuit D. Tho. 3. p. q. 88. art. 4. & pluribus relatis Valsq. supra c. 5. n. 4. Item inobedientia formalis non est, quoties præcepta superioris transgredieris; aliàs omnia peccata essent inobedientiæ formales, sed tunc est quando transgredieris præceptum ex intentione transgrediendi, seu contradicendi superiori mandato, sicuti neque obedientia formalis est, nisi quando obedis præcepto ex

intentione obediendi, & subdendi te superiori; ita docuit D. Tho. 2. 2. q. 104. a. 2. ad 1. Inobediencia tamen est, & contra obligationem obedientiæ facis; ita similiter non peccas peccato contra beneficentiam, & misericordiam formaliter, quando ruinas, hoc est, peccatum proximi intendis, nisi intendas, quatenus ruina, & malum illius est; quia alio modo misericordiae, seu charitati formaliter non opponitur. At verè contra obligationem charitatis, & misericordiae facis. Secus est de aliis virtutibus, quæ in opere externo consummantur, ut iustitia, pietas, temperantia, & aliæ similes; cum enim iustitia non respiciat, nisi æqualitatem, quandoque aliquis æqualitatem constituit, motus ob honestatē ipsius, actum iustitiæ elicit, sic quoties inæqualitatem constituit, iniustitiam formaliter committit. At non est sic in misericordia, charitate, obedientia, & gratitudine, quæ necessariò respiciunt propria obiecta sub aliqua ratione formali.

9 Rursus adverte dupliciter te posse peccare adversus aliquam virtutem, vel omittendo actum debitum, vel positiuè contrarium efficiendo: si per omissionem pecces, non requiritur, ut sub motivo contrario virtuti opereris; quia virtutes non semper imperant actus proprios ipsius, sed obiectis materialibus contentæ sunt. Non enim cum tibi imperatur ieiunium, imperatur abstinentia sub motivo temperantiæ, vel sub motivo obedientiæ: solum enim abstinentia secundum se tibi imperatur. Quare etsi malo fine ieiunes, præcepto satisfacis, ut diximus. Item cum ex virtute misericordiae, vel charitatis obligaris Petro necessitatem patienti subuenire, non obligaris subuenire ex motivo charitatis, vel misericordiae: quia non obligaris actum internum misericordiae, vel charitatis elicere, sed actum externum, qui est subventio necessitatis, qui idem est, siue hoc, siue illo fine fiat; ac proinde bene poteris peccare omissione adversus charitatem, vel misericordiam, quin destruas obiectum formale harum virtutum. Secus vero dicendum esset, si peccares per actum contrariè oppositum charitati, vel misericordiae, quia tunc deberes operari ex contrario motivo illius.

10 Fundamenta utriusque sententiæ ex dictis manent soluta. Prima enim sententia solum probabat illud actum scandalosum contrariuè esse charitati proximi, misericordiae, aliisque virtutibus: quod credo esse verissimè quoad obligationem harum virtutum, tamen non sit contrarius earum formali obiecto, quod ad peccatum non requiritur, quia ad peccandum contra aliquam virtutem minus necessarium est, quàm ad operandum ex illa. Secunda sententia solum probabat inductionem illam ad peccatum non esse formaliter contrariam charitati, quod fatemur libenter; at quia est contraria eius obligationi, hoc sufficit, ut absolute contra illam sit, & talis actus dici possit contra charitatē esse. Neque obstat unicuique actum plures malitias habere, & pluribus virtutibus esse contrariuè, quia hoc non est inconueniens incircumstantiis generalibus omnium peccatorum. Neque inde fit consulentem fornicationem gravius peccare, quàm fornicantem, quia esto contra temperantiam peccet, at non ita directe, ac ipse fornicator. Item etsi peccet contra charitatem proximi, ipse fornicator peccat contra charitatem sui.

PUNCTUM IV.

An ex peccato publicè facto malitia scandali oriatur?

- 1 Proponitur ratio dubitandi.
- 2 Peccatum publicum malitiam generalè scandali habet.
- 3 Peccans publicè tenetur in confessione hanc circumstantiam manifestare.
- 4 Si tuo facto nullum scias mouendum ad peccatum, vel solum mouendum ad veniale, non peccas nisi venialiter.

1 Ratio

Ratio dubitandi est, quia tunc nescis quis mouendus sit ex prauo tuo exemplo ad peccatum, aut quæ peccata occasione tui prauis exempli efficienda sint. Ergo prauum tuum exemplum scandalis malitiam habere non potest. Probo consequentiam, quia nullam malitiam contrahere quis potest, quin prius illam cognoscat & sibi repræsentetur: cum autem nulla malitia tibi specialiter repræsentetur, nullam specialiter contrahis: dicere autem, quod omnes malitias contrahis, videtur ridiculum. Item certum tibi esse potest non omnes videntes esse mouendos ex tuo peccato ad peccatum, sed ad summum aliquos: nescis tamen quot sint. Ergo tale scandalum, neque speciem, neque numerum peccati habet determinatum: & videtur ita sentire. Nauarr. *sum. cap. 14. num. 33.* Vbi ad peccatum mortale requirit certam aliquam personam esse induendam, neque sufficere (inquit) credere aliquem generaliter peccaturum. Sicuti nec sufficit ad peccatum suspicari aliquem malè viuere in aliquo oppido, etsi nulla sit ad malè suspicandum ratio, *cap. Oñs de electione.* Esset tamen si in particulari de aliquo malè suspicaretur.

2 Nihilominus dicendum omnino est peccatum publicum malitiam generalem scandalis habere; quia negari non potest de se mouere ad malum, & ad contemnendam virtutem, & liberius viuendum, & per accidens omnino esse, si nullus ex illo moueatur, per se tamen est, & aliqui moueantur. Ergo iam peccans causa est huius mali; Quod autem in particulari nescias, ad quod peccatum videntes mouendi sunt, & qui sint mouendi, non obstat, quominus determinatam malitiam scandalis contrahas, sicuti contraheres, si aliquos absque vlla determinatione persuaderes, ut peccatum mortale committerent, talis persuasio & vna est, & vnâ malitiam habet, etsi obiectum videatur esse nimis commune, & confusum: quæ autem hæc malitia sit, reputo esse malitiam aduersus charitatem reductiue: charitas enim ut regina omnium virtutum obligat ne fiat aliquid, quo Deus offendatur, & eius diuina amicitia deperdatur. Ergo qui daret occasionem, ut Deus offendatur, & eius diuina amicitia dissoluatur, aduersus charitatem procedit. Ergo peccas peccato scandalis: & ita tenet Azor. *10. 2. insti. moral. 12. cap. 16. quest. 3.* Bannes. *2. 2. q. 43. art. 4.* Petr. de Ledesm. *2. 10. sum. tract. 4. cap. 5. dub. 3.* Bonac. *disp. 2. de peccat. q. 4. p. 2. §. unico. n. 41.* Sanch. *lib. 1. in Decal. ca. 6. n. 7. & n. 20.* & colligitur ex Nauarr. *c. 14. n. 44. vers. vicesimo octauo.*

3 Ex quo fit te peccantem publicè teneri fateri in confessione, publicè peccasse, quia cum non sciatur, quot personæ mouendæ sint ex tuo malo exemplo, debes periculum explicare: si enim scires, quot personæ mouerentur, & ad quæ peccata, & numerum personarum, & speciem peccatorum tenebaris explicare: aliàs non satisfacis, siquidem non declaras speciem peccati, neque numerum peccatorum: ita Sanch. *numero 9.* Bonacina *numero 42. & 44.* Valq. *1. 2. disput. 102. cap. 6. num. 8.* Ioann. Sanch. *disput. 46. select. num. 11.*

4 Fit Secundò, si tuo facto quantumuis prauo scias videntes vel non esse mouendos ad malum, vel solum esse mouendos ad veniale peccatum, solum peccatum veniale scandalis habebis, quia in tantum peccas hoc peccato, in quantum causa mortalis est peccati aliorum. Ergo si solum credis alios ad veniale tantum peccatum mouendos esse, venialiter tantum peccabis: & ita docet Sanch. *libro primo, in Decalog. capite sexto, numero decimo, Bonacina disputatione secunda, de peccat. questione quarta, parte secunda, §. unico. numero undecimo versicul. hinc sequitur.* Ioannes Sanchez *suprà.*

Vtrum pecces peccato scandalis offerens alteri occasionem peccandi, vel oblatum non tollis, cum possis?

- 1 Quo fine id fieri possit, & an quilibet rectus finis excuset.
- 2 Permittere peccatum alterius, ut deprehensus in illo puniatur, est peccatum.
- 3 Permittere, ut deprehensus corrigatur efficacius licitum est. Debet tamen certò de correctionis constare.
- 4 Permittere peccatum, ut te indemnem serues, licet.
- 5 Offerre occasionem peccandi ob prædictos fines non est licitum.
- 6 Contrarium defenditur ab aliquibus. Et expenduntur aliqua, quæ probabilem reddere videntur prædictam sententiam.

Si ea intentione, ut delinquat, non auferas ab illo occasionem peccandi, clarum est te peccare ob circumstantiam prauis finis. Dubium tamen est, an si aliquo recto fine mouearis, à peccato excuseris? Moueri tamen potes, vel ut deprehensus in delicto puniatur, vel ut corrigatur, vel ut te indemnem serues: quocunque enim ex iis modis mouearis, non videris peccato alterius consentire, sed permittere.

2 Dicendum tamen est, si permittas peccatum alterius, solum ut deprehensus in illo puniatur, peccas: quia non videtur hæc sufficiens causa honestandi permissionem: pœna enim non est per se digna, ut apparetur, cum solum ob peccatum possit imponi: imò cum antecederet ad peccatum pœnam peccati intendis, tacite ipsum peccatum censuris intendere: sic tenet Med. *Cod. de rest. q. 12.* Sanch. *lib. 10. de matr. disp. 12. n. 52.* Bonac. *disp. 2. de peccat. q. 4. p. 2. §. unico. n. 28.* Affirmant namque peccati mortalis reos esse custodes cum se abscondentes, ut viatores illuc ingredienti compellantur ad pœnæ solutionem, quod est satis durum.

3 Verum si permittas peccatum alterius, ut sic deprehensus corrigatur, constat ex his quæ diximus. *disp. de correct. puncto. 6.* licet fieri posse, quia tunc videtur sufficiens causa honestandi permissionem correctionis absolutæ, delinquentis: tradit vltra Doctores ibi relatos. Nauarr. *sum. cap. 17. n. 123.* Nauarra. *lib. 3. de resti. c. 4. n. 103. 2. edit. Valen. 2. 2. disp. 5. q. 6. p. 5. dub. 7. in fine.* Sanch. alios referens *de matr. lib. 10. disp. 12. n. 52.* Bonac. *disp. 2. de peccat. q. 4. p. 2. §. unico. n. 28.* Mol. *tract. 3. disp. 739. n. 8.* Ioann. Sanch. *disp. 35. n. ult.* Debet tamen ferè certò constare, de emendatione futura, ut sic emendationis firmioris, & efficacioris spe compenseetur sufficienter permissio delicti præsentis.

4 Dico Secundò ut te indemnem serues, potes delictum permittere, quia ratione potest maritus suspicans vxoris adulterium, vel illius secretò conscius, adhibere secum testes, quibus possit adulterium probare, & diuortium facere. Cum enim grauissima viro irrogetur iniuria, si vxor adulterium committat, & cogatur simul cum illa cohabitare, poterit hanc iniuriam propulsare, & cum non appareat alia via commoda, quæ propulsare possit, nisi permittendo peccatum, & testibus comprobando delictum, licebit permittere, & testes adhibere: & ita tradit Nauarra. *n. 104.* Sanch. *n. 52.* Bonac. *n. 33.* Mol. *tract. 3. de insti. disp. 55. in fine.*

Difficultas est, an liceat ob prædictos fines offerre delinquentibus occasionem delicti committendi?

5 Communis sententia negat id esse licitum, quia id non est permittere malum, sed ad malum cooperari: ita Eman. *Saa verbo peccatum. n. 7.* Sanch. *lib. 10. de matr. disput. 12. n. 53.* Bonac. *de peccat. disput. 2. q. 4. p. 2. §. unico. n. 28. & 34.* Ex quo inferunt Bonac. & Sanch. non li-

KKK 2 cere

cere marito pacisci cum vxore, vt amasio eius castitatem violare tentanti, conuiueat concedens tempus, & locum, non vt adulterium perficiat, sed vt in crimine deprehendatur, quia talis oblatio est tacita, imò expressa acceptatio adulterij intentati, quod de se est illicitum.

6 Verùm Petr. Nauarra lib. 3. de restit. cap. 4. t. p. dub. ult. num. 104. in 2. edit. existimat licere, sed rarò offerre delinquentibus occasionem peccandi. Et probari potest. Primò quia offerri potest occasio medio aliquo indifferenti, vt contingit, si pater volens deprehendere filium furantem, relinquit clauem in arca quasi oblitam apponaturque nummos eo in loco, quo commodè illos possit surripere, & surreptionis conuinci, tunc, inquam, actionem præstat indifferenter, & in hoc casu tenet Ioan. Sanch. disp. 35. circa finem, cum aliis. Item si mulier sollicitata ab aliquo, cuius non possit importunitatem repellere, vtatur æquiuocatione aliqua, qua sollicitanti videatur annuere, in re tamen non annuat, non videtur peccare. Si enim dicat sollicitanti placet mihi, vt tali hora, & tempore venias: ostium apertum erit. Verba hæc indifferentia sunt, & licet sonent sollicitanti acceptationem adulterij, at re vera acceptatio non sunt. Ergo licet poterit illis, vt cum sufficientem causam habeat vtendi æquiuocationis. Deinde esto illa verba attentis circumstantiis videantur esse acceptatio adulterij intentati. At re bene perpenſa acceptatio non sunt, eo quod sæpè soleant non ad adulterium perficiendum, sed ad puniendum intentatum assumi. Non enim dicit mulier: contenta sum, vt tu prauam voluntatem exequaris, sed solum dicit: contenta sum, vetu hac nocte venias: quæ verba indifferentia sunt, vt veniat ad adulterium, vel ad recipiendam illius punitionem, qua mulier pellat molestiam, & defendat honorem. Adde l. si quis seruo 20. Cod. de furtis, vbi dicitur posse seruum requisitum ab aliquo de furto committendo nunciare domino, & de consensu domini aliqua ferre ei, à quo fuit requisitus, vt sic deprehendatur in furto suadens. Ergo signum est consensum domini non fuisse verum consensum, sed permissionem, ita similiter in casu de adulterio non est censenda vera acceptatio, & cooperatio, sed permissio. Hæc sunt, quæ aliquo modo probabilem videntur reddere supradictam sententiam non solum in foro externo, in quo talis consensus non obstat accusationi furis & adulteri, sed etiam in foro conscientie. Doctores enim, quos refert Sanch. si rectè videantur, non distinguunt de foro externo, & de foro conscientie, sed absolute dicunt posse maritum cum vxore pacisci, vt vocet amasium tali hora, & sic vocatum capiat, & puniat, vt videre est in Azeued. lib. 8. recopilat. titul. 20. leg. 2. num. 17. & aliis ab ipso relatis. Sed ea Doctorum iudicio submitto.

PUNCTUM VI.

Vtrum pecces peccato scandali, si parato graue peccatum committere, suadeas committere leuius.

- 1 Si recta via possis diuertere proximum à grauiori peccato committendo, non licet tibi minus peccatum suadere.
- 2 Determinatum occidere Petrum non licet tibi ad vulnerationem Pauli incitare.
- 3 Quid si Paulus pro conseruanda vita Petri teneretur propriam exponere, vel saltem suas diuitias, posses ne consulere tunc hoc minus malum? Resoluitur: te non posse.
- 4 Determinatum vni ex pluribus iniuriam inferre, non licet tibi inclinare in aliquem illorum, tamen si minus damnum, quam alij patiantur.

- 5 Determinato perpetrare graue malum licet tibi materiam minoris mali proponere.
- 6 Proponitur prima sententia licere persuadere minus malum parato maius committere.
- 7 Proponitur secunda sententia negans.
- 8 Parato grauius, & leuius peccatum committere, licet tibi ad leuius persuadere, & in hoc sensu admittitur. Prima sententia.
- 9 Si paratus non sis leuius peccatum committere, non tibi est licitum ad illud persuadere, quia sub fine, vt à maiori desistat.
- 10 Satisfit argum. num. 6. adductis.
- 11 Quid si volenti surripere nummos pauperi roges, vt à diuie surripiat, non determinanda diuitem? affirmant plures licitum esse.
- 12 Sub distinctione respondetur.
- 13 Tenoris ratione huius concilij restituere, tamen si contrarium sentiat Sane.

1 VT certa ab incertis separemus. Primò certum est te non posse minus malum suadere, si alia via possis diuertere proximum à grauiori peccato committendo. Quia tunc simpliciter nõ erat necessaria suasio illius minoris mali, cū alia via honesta grauius euitari possit: & ita tenet expressè Mol. 2. tit. de iustit. tract. 2. disp. 935. §. hac tamen conclusione. Thom. Sanch. lib. 7. de matr. disput. 11. num. 15. & 21. Lessius lib. 2. de iustit. c. 13. dub. 13. num. 19. neque vllus in hac parte dissentit.

2 Secundò, certum est determinato occidere Petrum, nullo modo licere consulere, vt Paulum eius consanguineum enecet, vel percutiat, & volenti à Paulo furari centum, persuadere, vt à Ioanne quinquaginta furetur, quamuis contra teneat Valq. in opusc. de scandalo. dub. 2. numero 14. §. mihi tamen videtur. Quia sic consulens infert tertio damnum, quod ipse non tenebatur subire; non enim tenebatur diuitias suas offerre, vt alterius indemnes seruaret, neque vitam suam exponere, vt alterius vitam conseruaret. Ergo si medio tuo consilio causa es illius damni, profecto peccas, & ad restitutionem teneris: & hac ratione plures condemnant factum Loth, qui Sodomitis volentibus irruere in hospites, obtulit filias stuprandas, non enim iniuria filiarum debebat prauam voluntatem Sodomitarum auertere, & ita tradit Lessius lib. 2. c. 13. dub. 3. num. 20. Petr. Nauarra l. 3. de restit. cap. 4. num. 24. in secunda edit. Mol. supra. Sanch. plures referens, n. 24.

3 Dices. Ergo quando Petrus teneretur suam vitam, vel diuitias exponere, vt grauiſſimum damnum aliquis euitaretur, posses volenti hoc grauiſſimum efficere, persuadere, vt Petro diuitias vel vitam auferat, quia de hac persuasionem conqueri non potest, cum ex illa non obligetur damnum aliquod pati, quod ipse aliàs pati obligatus non esset? Concedit Valq. in opusc. de scand. dub. 2. fine. Nauarra. lib. 3. cap. 4. notab. 4. num. 25. in secunda edit. Sanch. lib. 7. de matr. disp. 11. numero 24. Bonac. de restit. disp. 1. quest. 2. pag. 7. nu. 14. Lessius num. 21. Sed credo contrarium esse probabilius: nam esto Petrus teneatur vitam, vel diuitias suas exponere ad vitandum graue reipublice damnum: at ipse inferens non potest illi tale damnum efficere, sed peccat grauius. Ergo tu nõ poteris consulere talem damni illationem, ad summum enim poteris materiam minoris peccati proponere, vt statim dicemus, non ad illam inclinare.

4 Sed quid si dubius sit aliquis, cui debeat iniuriam inferre, determinatus tamen inferre vni illorum, poteris ne suadere, quod minus est, v. g. Determinatus est furari, vel à Petro diuite, vel à Paulo paupere, licebit ne tibi consulere, vt Petro diuiti furetur? Respondeo licitum tibi esse solum in genere consulere, minus peccatum esse à diuite, quàm à paupere furari, & casu quo ipse determinatus sit furari, vt peccatum minus committat: in hoc

in hoc enim nulla apparet turpitudō, cum alterius voluntari determinationem electionis etiam minoris mali relinquant. Verum non poteris consulere, ut diuiter furetur, & pauperem relinquit; quia huius furti determinati causa eris: quod furtum forte non foret, si tuum consilium non adesset, eaque de causa diues de te merito conqueri potest tui causa illi damnum factum esse forte non faciendum; & ita tenet Navarra, & Sanch. *supra*, & Lessius. *lib. 2. capite 13. dub. 3. numero 22.*

5 Tertio, Certum est determinato perpetrare graue malum licitum esse materiam minoris mali proponere, ut sic retrahatur à maiori malo committendo. v.g. Sodomiani intentanti, licebit tibi fornicationis materiam proponere, & determinato homicidium facere, ut bona furetur, licebit tibi proponere; quomodo exercendo vsuras possit bona consequi, quia hanc propositionem non inducis directe ad fornicationem, neque ad vsuras, sed solum viam ostendis, qua grauius peccatum euitari possit, & licet via mala sit, at tu non inclinas, ut illac pergat, sed solum dicis illam esse viam grauioris peccati vitandi, quod verum est; & ita tenet Couarruu. 4. *decret. 1. p. cap. 4. in princ. n. ult. ad finem.* Caiet. 22. q. 78. *artic. 4. notab. 3. ad finem.* Valen. 2. 2. *disp. 5. q. 21. p. 4. 5. & hoc ipsum.* Sanch. *lib. 7. de matr. disp. 11. n. 19.* Lessius. *lib. 2. cap. 13. dub. 3. n. 22.* & Doctores statim referendi. Et in hoc sensu excusant plures factū illud Loth. *Genes. 19.* Dicunt namque Loth, solum in oblatione filiarum obrulisse nefandis illis viris materiam explendæ libidinis minorem illa, quam ipsi intentabant, at nullo modo persuasisse, aut consuluisse, ut facerent; id enim prauis illorum voluntari reliquit: & probabile est ita Loth excusari posse: probabilius tamen excusari posse vel ex animi perturbatione, qua non attendit parentum obligationem esse tuendi pudicitiam filiarum, neque eas tanto periculo exponendi, vel quia solum ad declarandam immanitatem sceleris, quod Sodomitæ intentabant, obtulerit filias, non quia intelligeret inde eas alicui periculo exponi: sicuti soles dicere iracundo, Interfice me, & ne illi damnum facias. non intendis, ut te interficiat, sed solum declarare affectum, quem habes retrahendi alterum à peccato. Excusari autem debere Loth à peccato in hoc facto, mihi certum apparet: & 1. *Patri 2. vbi nominatur Loth iustus, cum è Sodomis eductus fuit, quo tempore filias obrulit. Signum ergo est in tali oblatione mortaliter non peccasse.*

6 Difficultas ergo est, an determinato graue peccatum facere, liceat expresse consulere, & persuadere, ut minus efficiat. si alia via diuertere non potest? Prima sententia tenet id licere, quia non persuades minus malum absolute, sed sub conditione, quod aliud grauius sit effecturus. Sed casu quo grauius sit effecturus, bonum est illi persuadere, ut minori malo contentus sit, quia in hoc vtiliter eius, & Dei negotium geritur. Ergo non peccas; & ita tenet Sanch. plures referens, *lib. 7. de matr. disp. 11. n. 15.* Lessius. *lib. 2. cap. 13. dub. 3. n. 19.* Rebellus. *lib. 2. quest. 14. sect. 4. numero 21.* Mol. *com. 2. disp. 33. 5. num. 3. & tom. 3. tract. 2. disp. 730. num. 3.* Bonac. *cum aliis disp. 1. de restit. q. 2. p. 7. n. 8.* Vasq. *in opusc. de scand. dub. 1. & 2.* Vasq. sequitur, & quasi transcribit omnia, quæ de scandalo affect Basil. de Leon. *lib. 5. de matr. cap. 18. §. 5. n. 26.* & videtur esse sententia D. Aug. relati in *cap. si quod verum est. 3. q. 2.* vbi loquens de volente occidere uxorem, & ducere concubinam, dixit vtrumque nefarium esse, nec debere vnum pro altero perpetrare, sed vtrumque vitare, sed si facturus est, quod non licet, iam faciat adulterium, & non faciat homicidium. Ecce qua ratione Aug. consulit minus malum parato maius facere.

7 Secunda sententia docet nullo modo licere minus

Eerd. de Castro Sum. Mor. Pars 1.

malum consulere parato maius efficere. Quia illud consilium & de minori malo absolute est de malo; comparatum enim supponit postitutum, sed consulere absolute malum, est illicitum. Ergo. Secundo, electio libera leuioris mali nunquam est licita, quantumcunque fiat à determinato grauius committere. Ergo nunquam erit licitum consilium illius. Consilium enim nunquam potest licitum esse de materia, quæ nunquam potest esse licita: & ita tenet Caietan. 1. 2. *questione 78. articulo 4. notab. 3. ad finem.* Couarruu. 4. *decret. 1. part. capite 4. in princ. numero vltimo. ad finem.* Syluest. *maximianum. 7. quest. 5. dicto. 9.* Eman. *Saa verbo peccatum. num. 8.* Valen. 2. 2. *disp. 5. q. 21. p. 4.* Conrad. *de contractib. q. 26. corol. 1. & 2. quæ inferret ex 1. conclus.*

8 In hac re Primo dicendum existimo priorem sententiam esse veram, si consulas, & persuaideas minus malum ei, qui non solum grauius, sed etiam minus paratus erat efficere; quia in tali non consulis ad minus malum, sed ad carentiam præcisè maioris, neque detriminas delinquentis voluntatē ad minus malū, sed potius retrahis à graui committendo: quod hoc exemplo manifestatur. Determinatus erat Petrus occidere Franciscū, ut ab illo furetur pecunias, persuades, ut contentus sit furto, relinquit occisionē: intendit occidere, rogas, ut contentus sit vulnerare: in hoc enim consilio nemini dānum inferes, nō Petro, siquidē curas ne tot criminibus eius anima maculetur, neque Francisco, cū vtiliter eius negociū facias. Ex quo fit licere tibi non solum consulere furtum Petro in illo casu, sed ad eam actionē materialiter sumptam adiuuare, eo quod non adiuues in actione, quæ de se illicita, & mala sit, sed potius ut te procedat bona, & honesta est, siquidē procedit ex tacito, & præsumpto consensu domini, qui ut mortem euitet, censetur tibi facultatē donare adiuuandi furem, ut tali adiutorio impediatur eius occisio: & ita tenet Sanch. *n. 18.* Bonac. *n. 9.* Vasq. *de scand. lib. 2. n. 13.* At in iis, in quibus ipse facultatē concedere non potest, ut in vulneratione sui, non licebit tibi adiuuare, et si possis consulere, quia adiuuares ad id, quod est intrinsecè malum; sic notauit Vasq. Bonac. & alij *supra*.

9 Dico, Secundo, non licet tibi consulere minus malū ei, qui paratus nō erat illud efficere: Itaq; non licet tibi fornicationē suadere ei qui paratus est committere adulteriū, vel sodomiam: sic Doctores secundæ sententiæ, & ex Doctoribus primæ tenet Navarra. *li. 3. de restit. c. 4. notab. 4. n. 23.* Carbon. *de rest. q. 69. post 3. concl. Probo,* quia iam illius peccati, quod consulis, verè tu causa es, & verè peccatorem ad illud inducis, etiam si recto fine procedas. Ergo peccas. Item ille peccator nō recto medio vitatur ad vitandum malum graue, operando minus. Ergo neque tu rectè illi consulis, cum consulis operationem minoris mali, ut grauius euitet. Iis argumentis pressi Doctores, primæ sententiæ dicunt in persuasionem minoris mali, non malum persuadere, sed electionem, seu antepositionē minoris ad maius: quæ antepositio ex suppositione determinationis voluntatis ad maius malum necessariò facienda est, si rectè procedatur. At quis nō videat hoc esse illudere verbis; cū enim electio minoris mali quantumcunque à praua, & determinata voluntate mali maioris procedat mala sit, persuasio, & consilium illius mala semper erit. Neque vnquam datur præceptum eligendi minus malum, sed potius datur præceptum abstinendi ab illo, & à grauiori.

10 Neque obstat argumentum pro prima, sententia factū: Dicimus namque persuadere minus malū sub quacunque conditione fiat, esse intrinsecè malum, neq; honestari villo modo posse. Ad locum D. Aug. relati in *cap. si quod verum.* Respondeo cum glossa ibi verbo adulterium loqui non consulendo, sed permittendo. vel dicere possumus Augustin. ibi tantum intendisse

KKk 3

rectius

rectus facturum, si adulterium faceret, quàm si faceret homicidium; sicuti dixit Epiphanius. *lib. 2. contra hereses. heresi. 61. pag. 6. tom. 1.* Melius est vnum peccatum habere, & non plura, id est, minus malum est, sic etiam poterit dici: minus malum est, consulere minus malum, quàm consulere grauius: at non esse malum tale consiliu non videtur ex Aug. deduci, nisi solum sit consiliu ad minus malum, quatenus minus est, seu quatenus dicit præcisè earentiam maioris. At qui persuadet furtum occidere volenti, non solum persuadet earentiam homicidij, sed etiam malitiam furei, quæ etsi retrahat ab homicidio, non tamen est formalis earentia illius.

11 Sed inquires. An possis volenti surripere nummos pauperi, rogare, vt à diuite surripiat, non determinando diuitis personam? In qua re Thom. Sanch. *lib. 7. de matr. disput. 11. num. 14. sine. & num. 25. cum Mol. tract. 2. de iust. disp. 335. §. hac tamen conclusione*, sentit non esse culpam, quia tunc nullius damni videris causa, damni pauperis repulso. Item quia non inducis ad aliquod peccatum, ad quod ipse fur inductus non sit, sed potius eius prauam voluntatem temperas: ipse enim eum ad furandum à paupere inductus sit, absolute inductus est ad furtum committendum, quia in quolibet indiuiduo species, & genus cõtinetur. Ergo cum rogas, vt à furto pauperis absteat, & furtum diuitis committat, cum non determines, cui diuiti faciendum sit, relinquis eius voluntatem in determinatione priori. Ergo non peccas.

12 Verùm in hoc casu dupliciter te potes habere, vel consulendo furtu diuiti, vel illud proponendo. Et quidem si solum proponas convenientiam, quæ relucet in anteponendo pauperem diuiti: vt si dicas, minus peccatum est, minorque iniuria irrogatur diuiti, quàm pauperi, ac proinde casu quo vnum illorum sit faciendum, minus malum est eligere furtum diuitis, quàm pauperis: nulla est culpa in tali representatione, quia ibi tunc non est consiliu, neque inductio, aut persuasio, vt de se constat. At si verè inducis ad furtum diuitis, sine dubio peccas. Quod probò; quia tuum consiliu tendit ad commutandam prauam voluntatem furis, non in aliquod bonum, sed in aliud malum, etsi minus; tendit enim loco furri faciendi pauperi subrogare furtum faciendum diuiti. Ergo præstendis ad aliud furtum, ab eo ad quod fur erat determinatus, determinare. Ergo peccas: quia esse personam diuitis indeterminatam non obstat, quominus furtum, ad quod inducis aliud sit ab eo, ad quod erat prius fur determinatus, & à quo præstendis remouere. Adde si induceres ad furtum determinando personam, omnes præter Vasq. conueniunt te peccaturum, quia iniuriam irrogas, eo quod causa determinata sis illius damni, quod aliàs non esset faciendum, si tuum consiliu non adesset, sed quando non determinas personam, etiam ex causa damni, etsi non determinati vagè sumpti, hoc est huius, vel illius diuitis. Ergo peccas: Merito enim omnes diuites de te conqueri possunt, quod voluntatem furis ad illos inclinaueris, aliàs non inclinandam.

13 An verò teneris ratione huius consilij restituere, si furtum alicui diuiti factum sit? Thom. Sanch. etsi concederet sic consulente peccare nõ obligaret ad restitutionem, siquidem *lib. 7. de matr. disp. 11. n. 23.* affirmat consulentem minus damnum ei, qui alia via auerti non potest à maiore, non esse obligatum restituere: quia consiliu (inquit) bonum est in substantia, cum sit de minori malo comparatione maioris, & solum sit malum in modo, quia est contra charitatem, quæ obligat, vt omnia mala vitentur. At dicendum existimo obligationem esse restituendi, si diuiti factum sit damnu; quia fuisti positiua causa illius: nam licet non fueris causa, vt huic diuiti, potius quàm alteri damnum sit fa-

ctum, quia tamen fuisti causa, vt alicui diuiti fieret, consequenter fuisti causa huius in particulari. Quis enim neget te obligatum esse restituere, si aliquem non cogitatem de furto ad furandum inducas, etsi innominata persona, cui debeat furtum fieri? Ergo hæc vniuersalitas non obest obligationi.

PUNCTUM VII.

An mulier se ornans, & virorum aspectibus se offerens peccet peccato scandali.

- 1 Si ornatus est iuxta communem usum, tametsi superfluum sit, non est peccatum mortale.
- 2 Mulier sciens turpiter ab aliquo amari non peccat mortaliter in sententia Nauarr. eius cõspectui se præsentat.
- 3 Debet tamen honesta causa duci, vt à mortali excusetur.
- 4 Si nulla honesta causa, sed solum vanitate ducta turpiter amanti se offerat, mortaliter peccat.
- 5 Proponitur quadam obiectio & fit illi satis.
- 6 Si animo roborandi turpem amorem se præsentet, mortaliter peccat.
- 7 Exponitur factum Iudith, quod huic doctrina videbatur ob stare.

1 Si ornatus est iuxta qualitatem personæ, & communem usum, nullum est peccatum se ita ornare, & aspectibus virorum offerre, modò absit praua intentio; etiam si sciret turpiter ab aliquibus esse amandam: esset enim graue onus mulieres obligare semper inornatas procedere, vel domi inclusas esse, nullisque virorum aspectibus offerri. Quod si ornatus superfluum sit, non existimo ex hac parte peccatum mortale esse, sed solum veniale. vt docet Caietan. *2. 2. q. 169. art. 2. Nauarr. sum. cap. 23. n. 19. & seqq. & Sanch. lib. 1. in Decal. cap. 6. n. 17.* ex communi sententia Bonac. *de matr. q. 4. par. 9. n. 17.* quia sunt tot mulieres ita se superflue ornantes, vt vix de nulla affirmari possit grauem occasionem peccandi tribuere.

2 Quare solum controuersia esse potest, an quando mulier sciret se ab aliquo turpiter amari, peccet, se ornando, eiusque aspectui offerendo? Nauarr. *sum. cap. 23. num. 29. & seqq.* late probat non esse mortale, neque peccatum alterius ei esse tribuendum, etiam si nuda pectora ostentet, vt pulchrior videatur.

3 At si res exactè consideretur, existimo authores dissentire non posse: omnes enim ad liberandam puellam à peccato scandali rationem honestam excogitare debent, & illa interueniente eam à mortali excusant: cessante verò causa honesta eam condemnare debent. Caietan. *enim. 2. 2. q. 154. art. 4. sine. & q. 169. art. 2. ad 5. dub. & Armilla sum. verbo ornatus. n. 3. & verbo scandalum. n. 3.* & Thom. Sanch. *lib. 1. in decal. cap. 6. n. 17.* excusantes hanc sceminam à mortali. Fundantur in eo, quod durum est priuare sceminam libertate propria, & iure quod habet egrediendi à domo, standi ad ostium, vel fenestram ob malitiam adolescentis eam turpiter amantis. Quare Ludouic. Lop. *1. p. instruct. cap. 20. sine.* solum obligat semel, aut iterum se domi continere, non tamen semper. Nauarr. verò *ca. 14. n. 37. Corduba sum. q. 5. fol. 30. Azor. 2. tom. sum. lib. 12. cap. ult. q. 12. & alij relati à Sanch. supra n. 16.* excusant à mortali ob causam necessariam vrbauitatis, ne scilicet inurbana censeretur, si vicinas, vel amicas non inuiferet. Idemque est dicendum de alia simili causa.

4 Quocirca dicendum est, si nulla necessitate, vel utilitate, sed solum ducta vanitate, aspectui viri eam turpiter adamantis se offerat, peccat mortaliter: ita expressè Sanch. *supra n. 17. Vasq. q. 43. n. 8. dub. 2. n. 27. & cõuenire debet omnes Doctores.* Probo, quia ex obligatione charitatis

charitatis quilibet tenetur vitare ruinam proximi, si commodè possit: Potest autem commodè, quando absque iactura alicuius rei necessariae, vel utilis potest. Ergo tenetur.

5 Dices priuari libertate, & iure quod habet hac, & illac discurrendi. Ergo semper adest causa iusta excusans. Respondeo si in huiusmodi cursu aliquis honestus finis adesset; qui non est solum exercitium libertatis, utpote commune actibus bonis, & malis: fateor non debere ob malitiam adolescentis priuari; quia priuatur aliqua re sibi utili, & necessaria: at priuari cursu impertinenti, & ocioso, non debet scèmina ut molestum reputare; & licet illa reputet molestum, non obinde excusari potest à scandalo, quia non habet honestam causam excusationis; non enim est honesta causa quam ipsa de se vitare tenetur.

6 Vnum tamen est, omnino certum, si puella se præsenteret viro animo excitandi, & roborandi turpem amorem peccare mortaliter, quia finis à quo actus sumit speciem, iniquus est.

7 Aduersus hæc obstare videtur factum Iudith, quæ videtur se ornasse animo excitandi Holofernem ad libidinem: orauit enim cap. 9. *Capiatur laqueo oculorum suorum in me.* Sed in hac oratione, quæ tam ex feruenti charitate, & recta intentione processit, nullo modo admittendum est peccatum, neque etiam in ornatu, cui Dominus contulit splendorem. Nam ut text. dicit, omnis ista compositio non ex libidine, sed ex virtute pendebat. Orauit ergo Dominum, ut Holofernes caperetur laqueo oculorum suorum ad amorem, & familiaritatem honestam, non ad libidinem: ita glossa in præsentī, quæ optimè hunc locum explicat, & liberat Iudith à calumnia, & peccato.

PUNCTUM VIII.

An vendens, vel subministrans indifferentia, ex quibus proximus sumit occasionem peccandi, peccet peccato scandali.

- 1 *Quæ sint indifferentia.*
- 2 *Hæc indifferentia aliqua sunt, quæ omni tempore in malum destinantur, alia pro aliquo tempore, alia in bonum usum regulariter fiunt.*
- 3 *Si vendas res, quæ communiter in malum usum destinantur, vel semper, vel occasione temporis, debes tibi constare moraliter, cum eis vendis non esse illis malè usurum.*
- 4 *Explicatur, quomodo id tibi moraliter constare possit.*
- 5 *Si res in bonum usum communiter ordinantur, licet tibi vendere, & subministrare, quoties non constas de abusu petentis.*
- 6 *Si credas proximum iis indifferentibus malè usurum, teneris si commodè potes, ea illi non vendere.*
- 7 *Contrarium defendunt aliqui Doctores. Sed immeritò.*
- 8 *Quæ causa sufficiat ad honestandam subministracionem horum indifferentium, non potest certa regula desiniri.*

1 Indifferentia voco, quæ bono, & malo vsui deferre possunt, Idoli venditio, ædificatio templi, remigatio, & alia plura, & possunt in bonum fieri, & in malum. Si enim vendatur idolum refectionem cæcitatē, & irrationem illorum, qui tale adorant, venditio bona est. Si verò vendatur adorandum, & colendum, mala est. Ergo cum venditio ex se non habeat magis hunc prauum vsu, quàm bonum, sed id habeat ex animo vendentis, velementis, efficitur ex se indifferens esse, ut rectè dixit Syluest. *verbo infidelitas. q. 4. Valen. 2. 2. disp. 1. quæst. 10. p. 5. ad finem. Suar. disp. 10. de charit.*

fest. 4. num. 6. Sanchez lib. 1. in decal. cap. 7. num. 6.

2 Ex iis autem indifferentibus, alia sunt, quæ regulariter in malum vsu omni tempore destinantur, alia quæ solum aliquo tempore, alia quæ potius in bonum. Venditio veneni, Idoli, clauis falsæ regulariter in malum vsu omni tempore deseruiunt, esto aliquibus personis in bonum possint deferre. Econtra venditio armorum, animalium, & aliarum rerum, quæ communiter venduntur, & emuntur, in bonum vsu destinantur; aliqui tamen malè illis vtuntur. Carnium comestio in Quadragesima omnibus communiter prohibetur, & proinde earum præparatio, & venditio communiter illo tempore in malum vsu destinatur.

3 Dico ergo. Primò, si vendas res, quæ communiter in malum vsu destinantur, vel semper, vel occasione temporis, non potes illas vendere, aut præparare, quin tibi moraliter constet eum cui venduntur, aut præparantur, benè illis vsurum. Quia aliàs peccatum alterius tibi imputabitur, cum ei materiam subministras: ita expressè Suar. d. 10. de charit. *fest. 4. n. 6. Sanch. l. 1. in decal. c. 7. n. 3. & 7. Nauarr. c. 17. n. 36. Eman. Saa. edit. R. o. verbo peccatum. n. 10. & de venditione veneni, quod coloribus & medicinis conficiendis deseruit, res est clara nò licere vendere nisi illis, de quib. nò præsumitur illud velle ad malum vsu: quod docuit Salom. 2. 2. q. 77. a. 4. controu. 6. in tertio corol. Mol. 1. 2. de inst. d. 340. ad finem. Sanch. n. 17.*

4 Quòd si roges, quando tibi moraliter constabit aliud non in malum, sed in bonum vsu supradictis rebus debere vtī? Respondeo, ex qualitate personarum, & modo petendi colligendum esse, communiter tamen præsumendum est de bono vsu, si publicè, absque affectatione secreti petantur: raro enim quis ita audax est, ut si delictum velit efficere, non curet secretum hac enim ratione caupones, & macelli vendentes carnes tempore ieiunij, & cœnam potrigentes petentibus excusantur à peccato scandali, quia præsumuntur petentes non soluere ieiunium, sed ratione priuilegij, vel alterius causæ excusari, quam excusationem ipsi caupones examinare non tenentur, quia fieri commodè nunquā potest: ita ex Caiet. 2. 2. q. 147. a. 4. notauit Suar. d. 10. de charit. *fest. 4. n. 3. & tradit alios referens Sanch. l. 1. in Decal. c. 7. num. 34.*

5 Dico. Secundò si res cōmuniter in bonum vsu ordinantur, licebit tibi illa vendere, & subministrare, quoties non constat de abusu petentis: quia horum venditio, & subministratio solum esse poterat mala quatenus intentioni prauæ deseruiret. Hæc tamè intentio de nullo debet præsumi. Ergo: & ita ex communi sententia cū D. Tho. 2. 2. q. 78. art. 4. & q. 169. art. 2. docet Suar. d. 10. de charit. *fest. 4. n. 3. Sanch. l. 1. in Decal. c. 7. n. 3. Nauarr. c. 17. nu. 195. c. 19. n. 16. & cap. 11. n. 16. & cap. 23. n. 90. Bonac. d. 2. de peccat. q. 4. p. 2. 5. tm. n. 17. ver. qui vero: & in hoc sensu dixit Eman. Saa. verbo peccatum. num. 11. Non est mortale facere ea, quibus alij possunt benè, & malè vtī, et si plures malè vtantur, ut aleas, gladios, fucum, &c.*

6 Quòd si credas proximum malè vsurum iis indifferentibus, teneris, si commodè potes, ea illi nò vendere, vel subministrare, quia cū ex charitate obligeris proximi peccatum impedire, si possis, à fortiori obligaris materiam peccati nò subministrare, Syluest. *verbo infidelitas, q. 4. verbo ars. q. 3. Suar. alios referens, fest. 4. num. 4. Sanch. lib. 1. in Decal. cap. 7. n. 34. Dixi, si commodè possis: nam si absque tuo detrimento non possis ab eorum venditione, vel subministracione cessare, non peccas subministrando, quia in tantum peccare potes, in quantum media illa venditione, vel subministracione peccatum alterius censeris causare, siquidem subministratio ex se mala non est. At cū tibi talis subministratio utilis, vel necessaria est, causare non censeris peccatum alterius, sed potius censeris vtī tuo iure, & libertate, & peccatum alterius permittere, ut benè docuit Thom. Sanch. lib. 1. in Decal. cap. 7. n. 9. & 11. & 34. Suar. d. 10.*

KK k 4 de charit.

de charit. sect. 4. n. 4. Bonac. disp. 2. de peccat. q. 4. p. 2. §. unico. n. 17. vers. sermo.

7 Contra videtur tenere Man. 1. tom. sum. in secunda edit. c. 2. n. 8. Petr. de Ledesm. 2. 10. tract. 27. c. 2. dub. 4. Salon. 2. 2. q. 77. art. 4. contron. 6. post. 3. conclus. & Caiet. 2. 2. q. 147. art. 4. fine. si omnes affirmant tabernarios & caupones posse liberè cibaria ministrare; & vendere iis, qui ieiunium solvunt, quia neque inducunt ad ieiunium violandum, sed actionem de se honestam, & desiderientem sustentationi naturæ faciunt. At credo debere causam legitimam intercedere, quæ actionem honestet, cum non solum non impediatur peccatum, sed materiam illius subministret: & ita docuit Valep. 2. 2. disp. 9. q. 2. p. 10. §. 3. circa finem. Lessius lib. 4. de iustu. c. 2. dub. 4. n. 24. Sanch. in decal. lib. 1. c. 7. n. 34.

8 Quocirca tota difficultas est examinare, quæ necessitas, vel utilitas sufficiat excusare te vendentem, vel subministrantem indifferentia, ex quibus proximus male vitetur? In qua re certum est non eandem causam pro omnibus esse requisitam: alie enim sunt actiones, quæ solum in detrimentum spirituale illius, cui materia subministratur, cedunt, ut delatio concubinæ, qua dominus uti vult, alie quæ in detrimentum, & iniustitiam tertij: ut si velit mutilare, vel occidere, vel alias iniurias facere. Item alia est subministratio remota, alia proximior. Remotam voco conducere domum, meretrici lectum sternere. Proximiorē voco, si eam comiteris domino copulandam. Item vel est paratus proximus committere delictum, vel non? Quotiescunque ergo delictum virtuti excellentiori aduersatur, vel subministratio proximus peccato accedit, vel proximus paratus non est, graviores causas excusationis requirit in eo, qui materiam subministrat. Quæ autem hæc sit, præscribi non potest certa regula, sed prudentis arbitrio pensandum est, iuxta gravitatem peccati committendi, & occasionem à se datam, & præparationem illius; ex casibus specialibus infra subiiciendis elucidabitur. sic Sanch. c. 7. n. 12. Suar. de charit. disp. 10. sect. 3. n. 4. Bonac. n. 19. Vñ tamen est certum, si ex delicto damnum alicui innocenti est inferendum, debere maximè attendi, quam graue sit; fortè enim ita graue erit, ut merito debeas pati iacturam grauem diuitiarum, ut illud euites, tradit Sanch. supra. numero 18. Suar. sect. 4. numero 4. Bonac. num. 10.

PUNCTUM IX.

An ministrans indifferentia excuseris à peccato, eo quod proximus aliàs erat transgressurus præceptum, tamen si tu illa indifferentia non ministrares.

- 1 Proponitur casus.
- 2 Plures censent in hoc casu non esse scandalum mortale.
- 3 Proponitur sententia Thom. Sanch.
- 4 Probabilius est non sufficienter honestari cooperationem harum actionum ex eo quod alium peccaturus sit.
- 5 Satisfit rationibus contrariis. n. 2. additis.

Volaturus erat Petrus ieiunium, etsi tu illi cœnam non apponeres, occisurus Paulum, etsi gladium non ministrares, furtum committere, etsi scalam non adhiberes. Excusaris ne à mortali apponendo cœnam, tribuendo gladium, scalam adhibendo? Notap- ter apposui apponendo cœnam, non inuitando ad illam: nam inuitare ad cœnam est inuitare ad id, quod hic & nunc nulla ratione honesta fieri potest; ac proinde est inuitare ad peccatum; Secus verò est de præparatione illius; illa enim præparata, non obligatur

Petrus illam assumere, sed potest relinquere, & pauperibus ieiunio deobligatis tribuere.

2 Plures existimant in hoc casu non esse scandalum mortale: ita Man. 1. tom. sum. cap. 23. p. 8. m. 2. edit. Petr. de Ledesm. 2. tom. sum. tract. 27. cap. 2. dub. 4. Lessius lib. 4. de iustu. cap. 2. dub. 4. n. 24. Caiet. 2. 2. q. 147. art. 4. in fine. Omnes ij affirmant inuitantem ad cœnam die ieiunij, vel porrigentem illam ei qui alibi cœnaturus est, excusari à peccato. Idemque deberent dicere de aliis actionibus supra positis. Ratio, quia illæ actiones de se malæ non sunt; aliis nunquam possent honestari. Ergo solum sunt malæ, quia mouent, & adiuuant in mala operatione: at hoc non contingit, quando ipse operans eodem modo malè operaturus esset, seclusis tuis actionibus, ac illis positis. Ergo illæ actiones non videntur esse causa malæ operationis. Confirmo. Si associates furem, vel homicidam non teneris ad restitutionem; quando eodem modo furtum, vel homicidium patraretur; ac si socius non fuisses, quia tunc non censeris furti, vel homicidij causa esse. Ergo neque peccas mortaliter peccato scandalij, quod consistit in eo, quod causa fueris peccati alterius. Secundò, ab his actionibus indifferentibus eatenus potes obligari abstinere, quatenus excusas illarum abstinentia peccatum proximi: at in præsentij non excusatur. Ergo non obligaris abstinere.

3 Thom. Sanch. libro 1. in Decal. capite 7. numero 16. distinguit duplex genus actionum indifferentium. Alie quæ remotè tantum ordinantur ad peccatum alterius, quales sunt vendere agnum sacrificaturò Idolo, apponere mensam, præparare cibaria soluturo ieiunium. Alie, quæ proximius peccato alterius accedunt, quales sunt scalam ad mouere furari volenti, humeris sustentare, ut per fenestram ingreditur, præbere gladium sic determinato occidere, inuitare ad cœnam præparatam soluturo ieiunium. Si de ijs vltimis actionibus sermo sit, existimat Sanch. te non excusari à peccato mortali generalis scandalij, ex eo solum quod proximus peccaturus sit, quia hæ actiones ita proximè peccato accedunt, ut merito dici queant malæ, nisi aliqua vrgenti causa excuseretur. At de actionibus primi generis affirmat probabilius sibi videri non esse culpam mortalem, sed solum venialem. Esse autem culpam venialem probat, quia probabile semper est, te non ministrante materiam alium non ita intentè, & affectuosè peccaturum. Tuæque negatio est quoddam monitionis genus, quod etsi non sufficiat à peccato præsentij reuocare; fortè à futuro reuocabit. Addit amorem Dei non solum inclinare ad cooperandum bono, etiam quando alij cooperatores existant, sed etiam ad vitandam diuinam offensam, etiam quando alij non desint, qui cooperentur. Quod autem non sit mortalis culpa probat: quia videtur hæc leuis cooperatio: consentit Bonac. disp. 2. de peccat. q. 4. par. 2. §. unico. n. 35. & seq. 4. Verum mihi probabilius est non sufficienter excusari supradictas actiones à mortali, ex eo solum quod proximus aliis actionibus vsurus esset, si tuæ non adessent: quia hæc condicionalis non tollit, quominus tu causa sis illius peccati, & sis eodem modo causa, ac si proximus aliis actionibus adiutus peccaturus non esset: quod sic probò: quia si proximus v. g. alibi non esset soluturus ieiunium, & tu nulla causa intercedente cœnam subministrares, fetè omnes conueniunt te peccaturum, quia aliquò modo concurris peccato alterius. At quod alibi proximus soluturus sit ieiunium, non immutat tuum concursum, qui in subministratiōe cœnæ consistit. Ergo eodem modo concurris. Præterea contra distinctionem Sanch. est, quia tota malitia harum actionum indifferentium sumitur à peccato, quod adiuuant; cum autè hoc graue sit, ut

fit, vt supponimus, semper debet dare malitiam grauem. Ergo vel esse alibi proximum peccatum excusatur, ne peccatum proximi iis actionibus indifferentibus tribuat malitiam, vel si non excusat, non poterit illam minuere. Adde esse proximum eodem modo peccatum, esto tu nō ministres necessaria peccato, est contingens, & fortē ita non erit, poterit enim alia via impediri à peccato, vel Dei inspiratione remoueri, quantumuis modò sit determinatus. Ergo quantum est ex te teneris hunc effectum bonum possibilem promouere, & impedimentum ei non apponere: & ita tenet Suar. *disp. 10. de charit. sect. 3. n. 2. & sect. 4. n. 5.*

¶ Neque obstant rationes contrariæ. Nego enim iis actionibus indifferentibus te non concurrere peccato alterius, ac si alibi proximus peccaturus non esset. Ad confirmationem concedo te socium furis, vel homicidam non teneri ad damna ex furto, vel homicidio subsecuta, si tua societas necessaria, vel utilis non fuit ad furtum, vel homicidium patrandum, vel ad patrandum animosior, & vehementiori animo, quia tunc ad furtum, vel homicidium positiuè non concurristi. At si tua societas licet indeterminatè necessaria, vel utilis fuerit, quia scilicet sine illa, vel alia delictum patrarum non esset, existimo sine dubio restitutioni te esse obnoxium, quia tunc positiuè concurristi. Qua ratione præbens scalam, gladium, & alia instrumenta necessaria parato occidere, vel furari, iudico obligatum esse ad damna subsequuta, quantumuis alius præberet. Præterea esto concederemus te socium furis, vel homicidæ non esse obligatum restituere damna, quæ fur, vel homicida causat, quando aliàs furtum, vel homicidium esset sequendum non obstante tua societate: at non probat te non peccare contra charitatem, si possis peccatum proximi impedire, quia authoritatem peccato præbes. Adde. esto associando non pecces in illo casu, tua societas nullo modo concurrat furto, vel homicidio, sed est omnino per accidens. At ministrans indifferentia, quæ necessaria sunt ad peccatum, verè concurras ad illud, licet enim non possis impedire peccatum, quia aliud esset eadem ministraturus: at hoc non tollit, quominus verè concurras. Deinde impedires hoc numero peccatum, quod tibi modò, tanquam causæ indirectæ imputatur. Ad secundum dico. Scandali generalis malitia non consistit in eo, quod peccatum absolūtè non impediatur, sed in eo quod ad peccatum non concurras.

PUNCTUM X.

An excuseris à peccato scandali, eo quod proximus paratus sit peccare?

1. Si opus, quod petis sine peccato fieri non potest, peccas ea specie peccati, qua est opus petitum.
2. Non potes inuitare ad cœnam soluturū ieiunium, tametsi Nauarr. & Caiet. contrarium sentiant.
3. Talis petitiō generalem malitiam scandali habet, maxime, si alius non peccaret deficiente tali petitione.
4. Petere actionem licitam, à qua alius separare potest malitiam, communiter Doctores censent licere.
5. Sed hoc intelligendū est causa iusta intercedere, alias nō.

¶ Si opus, quod ab illo petis, ipse nullo modo absque peccato efficere potest, manifestū est te peccare ea specie peccati, qua est peccatum, quod petis, vt si petis à Petro, vt iuret falsò, maleficiū alio maleficio dissoluat, occidat, fornicetur, &c. peccas ea specie peccati, qua Petrum peccare intendis, tenerisque in confessione manifestare talem petitionem. Nam esto scires euidenter Petrum tale delictum esse effecturum, neque tua

petitione moueri, nihilominus tua petitiō mala est, vt potest de obiecto malo.

2. Hinc inferitur, an possis Petro determinato soluere ieiunium inuitare ad cœnam? Caiet. 2. 2. *quest. 147. a. 4. Nauarr. cap. 21. numero. 13. & 24. affirmat licere. Mouentur, quia inuitas ad cœnam, non quatenus est solutio ieiunij, sed quatenus est sustentatio humanæ naturæ. Item inuitas vsurarium ad mutuum, & ethnicum adiuramentum, quæ tamen debent malè præstare, & tamen non peccas. Adde martyres incitasse carnifices, vt sibi tormenta duriora inferrent, quæ tamen licitè inferre non poterant. Ergo bene potes inuitare ad actum qui aliàs peccaminosus futurus sit. Nihilominus dicendum existimo nullo modo tibi licere inuitare ad cœnam eum, qui aliàs soluturus est ieiunium, quia inuitas ad actum, à quo alius separare non potest malitiam. Ergo peccas. Quid enim interest actui esse malum ex obiecto, vel esse malum ex præcepto, si de facto ab illo malitia separari non potest? Ergo cum ab hac cœna, ad quam inuitas, separari non possit malitia, inuitando ad cœnam ad malum inuitas. Ergo peccas, & ita tenet Valq. *q. 43. art. 1. de scand. dub. 3. numero 17.* Neque obstant contraria. Ad primū, dico te peccare etsi inuites ad cœnam quatenus est sustentatio naturæ, quia ab illa cœna talis tempore facta, inseparabilis est malitia, sicuti peccares, si ad fornicationem inuitares, etsi solum inuites, quia est coitus aptus generationi. Ad secundū dico optimè posse ab ethnico peti iuramentū, & ab vsurario mutuū, quia non petis rem, à qua malitia separari non potest: in iuramento enim hic, & nunc factò, & in mutuo hic, & nunc concessò, non inuoluitur malum vllum, at à cœna, quam petis nullo modo separari potest malitia. Ad tertium respondeo martyres excusari ex bona fide, & zelo religionis, quo putabant opus esse constantiæ tyrannos ad tormenta prouocare, ex se tamen nullo modo licebat.*

3. Quod verò talis petitiō dici debeat generalem malitiam scandali habere. Est quæstio de nomine, cum certum sit habere malitiam, quam habet actio, quæ est scandalosa, siquidem habet malitiam illius peccati, ad quod refertur. Distinguendum tamen cenfeo. Dupliciter paratus quis esse potest cōmittere peccatum. Primò, quasi in habitu, seu sub conditione, si ei offeratur occasio, qualiter meretrix, & vsurarius sunt parati. Secundò, nulla adhibita conditione, sed ita paratus est exequi tale peccatum, vt moraliter loquendo executurus sit, sicuti cum aliquis determinatus est occidere inimicum. Si à parato primo modo petas delictum, cenfeo petitionem tuam esse scandalosam, quia causa est huius peccati, quod aliàs non efficeretur. At si à parato secundo modo petas, etsi pecces peccato, quo alius peccaret, non debet tamen dici propriè scandalum, quia scandalum actiuum influit, & causat ruinam proximi, & ita videtur loqui Suar. 4. *tem. in 3. p. disput. 22. sect. 4. numero 18.* vbi dicit non adesse circumstantiam scandali, si petas ab omnino parato, & *disput. 10. de charit. sect. 3. numero 2.* vbi affirmat adesse scandalum, si hic & nunc peccatum non esset committendum, nisi peteres, quantumuis esset paratissimus: neque videtur contrariis Thom Sanch. *lib. 1. in Decal. cap. 6. numero 14.* sed potiùs fauet nostræ sententiæ, cum probet voluntatem peccandi stare optimè posse, quin peccatum hic, & nunc efficeretur, nisi adesset petitiō. Ergo iam petitiō inducit ad peccatum, ac proinde est scandalosa in illo casu.

4. Maior difficultas est de inductione indirecta, scilicet petendo rem indifferentem, an scilicet tunc excuseris à peccato scandali, si proximus omnino paratus sit peccare? v. g. Petis à ministro peccatore tibi Sacramenta ministrare, quæ scis in peccato ministraturum; petis ab vsurario mutuū, quod scis non concedendum absque vsuriis? Communiter Doctores dicunt

dicunt licere, quia petis quod tibi utile est, & alius rectè præstare potest, quod si non præstat, sibi imputer. sic D. Thom. 2. 2. q. 78. art. 4. & ibi Caiet. Nauarr. cap. 14. numero 39. & cap. 17. num. 262. Soto. lib. 6. de iustis. quest. 1. art. 5. Eman. Saa edit Rom. verbo peccatum. num. 12. in addit.

5 Verùm hoc intelligendum est, si causa rationabilis adsit petendi: nam si æquè benè, & facilè ab alio sacramentum, vel mutuum accipere poteris, non video, quomodo te à peccato mortali excusem, siquidem causa es, quod alius hic, & nunc peccatum mortale committat, alias non commissurus, & amor diuinus, & misericordia in proximum te obligat vitare, quantumcumque alius ex malitia peccet, peccata tua, & aliena, quæ commodè possis. & ita tradit Nauarr. sum. cap. 21. num. 26. Suar. tom. 3. in 3. p. disp. 18. sect. 1. corol. 2. & de char. disp. 10. sect. 3. num. 2. Sanch. lib. 1. in decal. cap. 7. num. 15. Valen. 2. 2. disput. 5. q. 21. p. 4. vers. Nec satis erit. Bonac. disput. 1. de peccat. quest. 4. p. 2. §. unico. numero 2. vers. Addo. Valq. de scandalo. q. 43. art. 3. dub. 3. Quocirca mihi non probatur, quod dicunt Caiet. & Nauarr. supra illo cap. 17. n. 262. esse solum peccatum veniale petere mutuum ab usurario, si ad expendendum in ludis, & negotiatione superflua peteres, quia tunc nulla est causa honestans permissionem peccati, ut benè aduertit Basil. de Leon. lib. 5. de matr. c. 18. n. 50.

PUNCTUM XI.

Qua ratione filij, famuli, & serui possint parentibus, & dominis ministrare in eorum peccatis? Et quid de captiuis remigantibus in bello iniusto.

- 1 Si ministratio est in re de se mala, clarum est esse peccatum.
- 2 In quo est difficultas.
- 3 Pramittitur distinctio actionum de seruientium proximo, vel remote malo vsui.
- 4 Actiones remote deseruientes excusant filiatione, & famulatu.
- 5 Indifferentia proximiora peccato aliam causam grauiorem, præter generalem famulatu, & filiationis expostulant ad eorum honestatem.
- 6 Quid dicendum, si dominus velit, ut illum comiteris, cum libidinem aggredietur? Sub distinctione respondetur.
- 7 Quid de scribentibus, vel deferentibus litteras amatorias, vel inuitatorias ad duellum? Si deferenti non constet de eorum malitia, deferre potest. Secus si constat. & proponitur ratio contraria.
- 8 Si famulus es alicuius gentilis, potes eum ad templa idolorum comitari, modo non videaris idolum adorare, sed urbanus esse. Et explicatur locus. 4. Reg. 5.
- 9 Si ministeria iniuriosa actioni deseruiant, grauis causa expostulatur ad eorum honestatem, & comparare debes grauitatem tui damni, cum damno proximi innocentis.
- 10 Remigantes in triremibus Turcarum, esto aliqui condemnati, probabilis est timore mortis excusari posse à censura, & peccato.
- 11 Excipe, nisi sciat unusquisque grauissimum damnum reipublica Christiana euitandum esse, nisi ipse remiget, quod rarè contingit.
- 12 Quid de aliis actionibus iniurijs, effractione domus, deuastatione diuitiarum, &c. Probabilis videtur timore mortis honestari posse.

SI ministratio sit in re de se mala, & turpi, nemini est dubium esse graue peccatū, ut si concubinam

quæras, illamque inuites ad copulam domini, si dominum in rixa adiuues, qua intendit occidere inimicum, simul cum illo pugnando, &c. Hæc enim intrinsecè mala sunt.

2 Quare difficultas est, quando ministratio est rerum indifferentium de se, & abest praua intentio. An inquam ratione filiationis, famulatus, vel seruitutis, excusari possis illa ministrando, esto scias dominum, vel parentem talibus rebus vsurum fore ad peccatum?

3 Distinguendū censeo iuxta superius dicta de actionibus nimis indifferentibus bono, & malo vsui, & de actionibus, etsi indifferentibus proximè tamen malo vsui deseruientibus. Item de actionibus innocenti iniurijs, & de actionibus solum peccanti damnosis.

4 Si ministres indifferentia, quæ reputantur remota actioni prauæ, ratio famulatus, filiationis, &c. sufficit te excusare. Indifferentia nimis remota voco, cibos condire, mensæ ministrare, lectum concubinae sternere, illam ornare, equum, quo vsura est præparare, ianuam domus illi aperire, deferre munuscula, internuncia, urbanitates, & alia similia. Hæc enim omnia non videntur ita proximè peccato accedere, quin honestari possint ex subiectione debita domino, & parenti: & ita tradit Nauarr. c. 20. n. 16. Azor. 2. 10. instit. moral. lib. 12. c. ult. q. 8. Saa verbo peccatum. n. 9. Sanch. alios referens. lib. 1. in Decal. c. 7. n. 24. 27. 29. & 30.

5 Si indifferentia proximiora peccato subministres, aliam causam grauiorem honestandi administrationem expostulo, qualis esset, si pater toruis oculis te aspiceret, & timeres malè tractari, vel si dominus à domo sua te expelleret, & expulsus cogereris mendicare, vel penuriam pati, præcipuè cum non ita facilè alium dominum inuenias, qui similia, vel peiora ministeria non petat, vel si in eius domo te sustinet, id sit te abiurgando, & increpando, vel debita mercede defraudando. Si enim aliquid ex iis damnis tibi prouenit, eo quod non ministres actiones indifferentes de se, & prauo vsui ex malicia domini deseruientes, poteris illa ministrare quia tunc non censeris peccato illius cooperari, sed potius permittere. Vnde licet tibi tali virginti occasione presso concubinam portare, signare locum domino, ubi sit. Item dicere concubinæ; dominus meus dicit, ut illum hac nocte expectes, vel eum videas. Item domino ascendere volenti per fenestram, ad rem habendam cum scæmina, poteris pedem sustinere, scalam apponere, quia sunt actiones de se indifferentes; & ita tradit Nauarr. lib. 5. consil. in secunda edu. conf. 5. de panis. circa finem. ubi postquam plures ex his casibus apposuisse, concludit. Ex his videtur colligi ratio defendendi omnes prædictos à peccato saltem mortifero, modò, ut in casu proponitur, non placeat eis peccatum, & faciant obsequia prædicta ob aliquem bonum finem, puta eo quod habeant illa causâ officij sui, vel iustam mercedem: licet enim hæc officia, & obsequia sint valde coniuncta peccato, non tamen sunt secundum se, & suapte natura peccata, & ideo seiungi possunt à peccato per finem diuersum, & seiunctum. Hæc Nauarr. & idem tradit in conf. 6. seq. & licet in conf. 4. visus fuerit contrarium dicere, loquitur quando ob malum finem hæc ministrantur; eandem doctrinam docet Azor. tom. 2. instit. moral. lib. 12. cap. ult. quest. 8. Petr. Nauarra. de rellis. libr. 3. capite 4. dub. 4. fine. numero 51. Sanch. libr. 3. capite 4. dub. 4. fine. numero 15. Rebell. de obligat. iust. 1. p. lib. 2. quest. 14. sect. 7. numero 53. vers. Hinc etiam.

6 Quòd si dominus libidinem aggressurus petat, ut illum comiteris, & custodias. existimat Thom. Sanch. illo cap. 7. n. 23: esse omnino illicitum, si custodias, & comitatus dirigatur, ut inuadas alios concubinæ competitores, cum illique pugnaturus, hoc enim de se

de se constat esse intrinsecè malum. At si solùm ut custodias herum, si forè aliquis illum damnificare intendit, vel moneas, ut aufugiat, cum adest qui illum offendere possit, censet aliquando tibi licere, quia est quid indifferens talis custodia. At quia maximo te periculo exponis non solùm dominum defendendi, sed etiam excedendi modum defensionis, & ex alia parte tali securitate posita, dominus maiori libidine peccat, quàm si timoribus agitareretur, ideò maxima causa tibi necessaria est. Non explicat autem Thom. Sanch. quæ hæc sit: existimarem tamen debere esse, si timeres non obediendo grauè iacturam in bonis fortunæ, honoris, vel corporis: leuior enim causa non videtur sufficiens.

7 Sed quid dicendum, si cogaris scribere, vel deferre litteras amatorias continentis turpia, & inouentia ad libidinem? Thom. Sanch. *lib. 1. in decal. cap. 7. num. 26.* existimat hæc prorsus esse illicita, neque vnquam honestari posse: idem tenet Bonac. *q. 4. de matr. p. 141. num. 6.* Rebell. *1. p. de obligat. iustit. lib. 2. q. 14. n. 53. fine.* quia verba turpia sunt intrinsecè mala, nisi inter coniugatos, aut sponso de futuro. Ergo idem erit de scriptis. Idem à fortiori dicendum est de scriptis ad duellum prouocantibus, qualia essent, si in eis diceretur. Conueniamus cras tali hora, & tali loco pugnaturi; quia hæc nulli bono vsui possunt deferuire. At hæc difficultatem ingerunt. Quia hæc scribere, vel deferre non videntur intrinsecè mala, si absit à te malus finis: turpia enim verba scribi possunt, sicuti scribunt Doctores, ad ponderandam malitiam illorum, qui ea ex malo fine proferunt, possuntque scribi, & dici non tanquam ex proprio matre, sed ex alieno. Item non seriò, sed irrisoriè. Ergo scribere hæc verba turpia de se non est intrinsecè malum, quia solùm sunt turpia, & mala, quatenus à prauo animo procedunt, & in prauum finem diriguntur. Ergo secluso hoc animo, & hoc prauo fine mala non esse videtur, & à fortiori neque erit intrinsecè malum scripta illa deferre ad concubinam, poterat enim illa deferre, non ut moueatur ad coitum, sed ut illam irrideat, & comburatur. Ergo illa actio deferendi, quatenus à te procedit bono vsui deferuire potest. Et idè esse videtur de scriptis ad duellum prouocantibus, & idè Eman. *Saa verbo peccatum. numero 9. edit. Complut.* excusat famulos has litteras amatorias deferentes, & licet Nauarr. *libro quinto, conf. 5. de penitent. sine*, damnet mortaliter scribere concubinæ litteras, ut post cœnam peccet, ideò damnat, quia est circumstantia mali finis. Ergo si hic finis malus cessat ex parte scribentis, seu deferentis, cessabit ex parte illius peccatum. Neque obinde debent disci ij deferentes lenones, quia hæc faciunt necessitate pressi, non ut prauam fieri intentionem promoueant. Hæc sub dubitatione dicta sint. Vnum tamen est certum, hæc nunquam honestari posse, nisi vrgens causa intercedat. Secundò existimo, si dubium tibi negatiuum, vel probabile tibi sit, an hæc scripta contineant verba inuitantia ad libidinem, vel ad duellum, poteris si famulus sis deferre, quia in casu dubij ratione subiectionis potes, imò pluribus Doctoribus placet te obligatum esse obedire: & ita de hoc casu expressè tradit Rebell. *1. parte libro secundo de obligat. iust. questione 14. numero 53. fine.*

8. Rursus si famulus sis alicuius gentilis poteris dominum ad idolorum templa comitari, & genu flectente domino tu similiter genu flectere, taliter quod ex tali genuflectione non intelligaris idolum adorare, sed solum vrbani esse, & debitum domino obsequium præstare: nam si videntes intelligunt te idolo genuflectere, ex nulla causa tibi esset licitum, quia est intrinsecè malum exteriorem cultum, & reuerentiam idolo exhibere, & iuxta hæc intelligenda est petitio

Naaman ab Eliseo, ut adorante eius domino in templo Remmon ipse similiter adoraret. *4. Reg. 5. n. 18.* Si enim loquebatur de adoratione idolo exhibenda, omnino erat illicitum; & quod videatur loqui probat, quia petiuit ab Eliseo, ut deprecaretur Dominum sibi ignosci pro hac adoratione. Et propheta non approbas, sed permittens dixit, *Vade in pacem.* Si autem non de adoratione idolo faciendâ, sed de adoratione reuerentiali, & vrbana domino faciendâ loqueretur, ut locutum fuisse dicunt Lyra *ibi. Azor. tom. 5. instit. lib. 8. cap. 27. q. 7.* Sanch. alios referens, *lib. 1. cap. 7. n. 21. & li. 2. cap. 4. n. 14.* Suar. *defensio fidei. lib. 8. c. 9. & disp. 10. de char. sect. 3. n. 5.* Rebell. *1. p. lib. 2. de oblig. q. 14. sect. 7. n. 53.* Dicendum est approbati potuisse ab Eliseo. Aduertit tamen & optimè Suar. *illa sect. 3. n. 5.* facili negotio posse Naaman declarare ex vrbaniore genuflectione procedere, siquidem publicè se profitebatur cultorem veri Dei, cui ut creditur, templum exædificauit, siquidem ad hunc finem terram ex Hierusalem adduxit.

9 Si verò de ministeriis iniuriolæ actioni deseruientibus loquamur, & hæc indifferentia sint, sicuti sunt comitari furem, vel occisionem, sustentare scalam, dare gladium occidere volenti, & similia, etsi possint in aliquo casu honestari, at hic debet esse grauissimus, & longè maior quàm in superioribus actionibus, quia tunc non solùm agitur de vitando heri peccato, sed præcipue de vitando periculo, & damno innocentis. Quocirca spectandum est damnum innocentis, & comparandum cum damno, quod tibi euenire potest ex cessatione talis ministerij; nam si damnum innocentis est vitæ, & tuum in pecuniis, & non multum graue, cui dubium esse potest te obligatum esse abstinere, & pari illud damnum, ne innocens pereat? & ita tenet Sanch. *lib. 1. in Decal. cap. 7. n. 12. 18. 22. 27.* neque est qui contradicat. Quod autem admouere scalam furanti, tradere ensẽ volenti occidere, vel ostendere vbi sit inimicus, sint actiones de se indifferentes probatur, quia possunt bono vsui deferuire, & solùm ex malitia alterius in malum detorquentur: & ita tradit D. Thom. *4. dist. 23. q. 2. art. 2. quest. 3.* Eman. *Saa verbo peccatum. n. 9.* Salas. *1. 2. tract. 2. disp. 3. sect. 1.* Vega. *libro 5. sum. capite 440.* Sanch. *lib. in Decal. cap. 7. numero 18. fine.* Valq. *de scand. quest. 43. artic. 8. dub. 7. de resis. capite 9. 5. 1. dub. 2. n. 39.*

10 Hinc oritur non leue dubium quæ causa sufficiens sit, ut à culpa liberentur captiui Christiani remigantes in Turcarum trirēibus, vel apponentes scalas ad occupandam ciuitatem, vel porrigentes arma, ad Christianos occidendos.

Plures Doctores tenent nullam adesse causam excusantem à culpa; etsi à censura excuset: ita docuit Vgolin. *de censur. Papa reseru. p. 2. c. 5. 5. 2. vers. ac omnes eorum fautores Tolet. sum. in exposis. bulla Cæna. excomm. 5. fine.* Nauarr. *sum. c. 27. nn. 63. & cap. ita quorundam, de Iudeis. morab. 11. num. 10.* Suar. *tom. 5. in 3. p. disputatione 21. sect. 2. n. 60. & seqq. Pedraza. mandato 7. num. 29.*

Mouentur, quia cooperari bello iniusto, rapinæ, & decisioni innocentis est intrinsecè malum, sed illi miseri captiui remigantes, & alia facientes hanc cooperationem videntur præstare. Ergo. Verum probabilius multo est nullam culpam committere hos remigantes, si timore mortis, vel alterius grauissimi damni remigent, aliæ officia indifferentia præstent, quæ ij non directè, sed indirectè cooperantur: cooperatio autem indirecta si sit per actionem de se indifferentem honestari potest causa graui intercedente, ut de cooperatione indirecta ad libidinem, ad intemperantiam, ad irreligionem admittunt communiter Doctores. Ergo. Quod autem remigatio, & alia huiusmodi prout à captiuis procedit, actio sit indifferens, inde constat, Quia ipsi nihil aliud faciunt, quàm applicare naues, scalas

scalas apponere, propugnacula deferre, quibus factis poterant Turcæ nullum damnum Christianis facere. Ergo actio prout ab illis procedit, non trahit damnum necessariò. Secus est de emissionem sagittæ, vel bombardæ, hæc enim secum necessariò trahunt damnum proximi in vita, ac proinde intrinsecè mala sunt, neque unquam honestari possunt. Petrus de Nauarra lib. 3. de vestu. cap. 4. dub. 4. num. 5. 1. 2. edit. Cordub. q. 137. dub. 2. Salas 1. 2. tit. 3. disp. 3. sect. 1. n. 30. corol. 1. Molina tit. 1. de iust. disp. 115. concl. 1. Lessius lib. 2. de iust. cap. 9. dub. 18. n. 112. & c. 13. dub. 3. num. 30. Sanch. alios referens lib. 1. in decal. cap. 7. n. 18. Reb. 1. p. de obligat. iustu. lib. 2. q. 14. sect. 7. n. 5. 2. Valq. q. 43. art. 8. de scand. dub. 7. & tract. de vestu. cap. 9. dub. 2. §. 1. num. 39.

11 Limitant tamen benè Salas, Sanch. Mol. Lessius, Reb. Valq. non excusari timore mortis remigantes, si videant damnum graue reipublicæ Christianæ ipsis nō remigantibus euitari posse, quia tunc tenentur propriam vitam ob commune bonum exponere. At rarò, vel nunquam hic casus potest contingere, in quo aliquis in particulari obligatus maneat. Quia rarò poterit aliquis sibi persuadere alios cessaturos fore à remigando, si ipse cesset, & sola cessatione ipsius damnum commune euitari.

12 Maior mihi est dubitatio de aliis actionibus directæ, & per se proximo iniuriolis, quales sunt eius domū perfringere, deuastare, bona surripere: hæc enim non videntur vllò modo honestari posse: & ita docet Ægid. de Coninc. disp. 3. 1. de char. dub. 7. n. 104. referens Lorca disp. 5. 1. Cæterum timore mortis hæc honestari posse docet optimè Mol. tit. 2. de iust. disp. 115. concl. 4. Quia tibi licitum est externis bonis proximi uti, prout necessarium est ad vitandam extremam necessitatem, sed illa deuastare, capere, & asportare, trahereque minati mortem est tibi necessarium ad illam vitandam. Ergo id facere potes. Neque dominus illarum rerum debet esse inuitus, sed potius debet ex charitate consentire, neque actionem prout à te fit iniuriolam reputare, consentit ex parte Lessius lib. 2. de iust. c. 18. dub. 3. n. 30. affirmans has actiones iniuriolas esse, nisi fortè facias animo compensandi, quia tunc dominus debet permittere, ne grauissimum malum incurras.

PUNCTVM XII.

Quæ causa excuset locantes, & vendentes domos, cibaria, vestes, meretricibus, & vsurariis, quæ meretricum patronos, quæ pingentes Adonidem nudum, vel concubinam amasio.

- 1 De locatione, & venditione domus, vestium, & alimentorum communis tenet sententia absque vlla causa te liberè facere posse.
- 2 Imò carius potes locare domum iis peccatoribus, quàm aliis honestis personis.
- 3 Si tua domus aptior est ad malam negotiationem vel turpitudinem, non licet tibi si commode potes, illi concedere.
- 4 Vsurariis alienigenis domus locari non possunt.
- 5 Patroni meretricum si contenti essent officio sibi à republica designato sustineri possent. At ut ipsi se gerunt vix absolui possunt.
- 6 Pingentes Adonidem, concubinam amasio, idolum Ethnicum excusari possunt, si grauissimo metu compellantur, non aliter.
- 7 Satisfis objectioni cuiusdam doctoris.

1 Communis sententia docet nullam causam ad hoc requiri, sed liberè te posse locare, & vendere domum, cibaria & vestes meretricibus, & vsurariis, ad illorum habitaculum, & sustentationem. Primò,

Quia hæc nimis à peccato remota sunt, cum non sint illius materia, neque occasio, Sanch. lib. 1. in decal. cap. 7. num. 20. Lessius lib. 2. de iust. cap. 24. dub. 7. Vasquez de scand. quest. 43. art. 8. dub. 5. sine. Reb. lib. 14. quest. 17. num. 8. Bonac. quest. 4. de matrim. p. 14. num. 5. Valent. 3. tit. disput. 5. quest. 20. p. 1. pag. 1133. versic. Ex hoc autem. & quest. 21. puncto 4. circa finem. Azor 2. tit. iustu. lib. 12. cap. ult. quest. 3. Secundò, Vteris iure proprio res tuas locando, & vendendo. Tertiò, Peccatum illorum non teneris impedire. Siquidem nec respublica impedit, cum possit; imò ea permittit ob grauiora mala vitanda. Hæ rationes probant te posse iis vendere, locare domum, vestes, & alimenta, esto æquè benè aliis possis locare.

2 Aduertit tamen Nauarr. sum. cap. 17. num. 195. §. respondimus, non licere tibi domum locare meretricibus carius, quàm locaretur honestis, eo quod magis lucrentur, quia videris esse particeps lucri obuenientis ex peccato. Verùm hæc limitatio mihi non probatur, quia neque talis locatio est contra castitatem, neque contra iustitiam, non contra castitatem, quia sicut locare domum, & recipere pretium locationis, etiam si sit pretium ex turpitudine acquisitum, non est contra castitatem, neque etiam est recipere maius pretium, quia non ob turpitudinem, sed ob domum locatam recipitur. Item hæc difficultas inueniendi domos accommodatas potius retardat à meretricio, quàm compellit. Quòd verò non sit contra iustitiam inde constat, quia ex habitatione meretricis, & vsurarij domus vilescit, & consequenter minoris postea conducenda est, & ratione huius damni poteris plurius locare meretrici, quàm scemina honestæ.

3 Verùm etsi hoc ita sit, si tamen tua domus aprior sit ad illam execrandam negotiationem, & turpitudinem, existimo te teneri nec vendere, nec locare iis perditis personis, si inuenias alias, quibus locas: quia lege charitatis teneris vitare peccata, quæ possis absque tuo graui detrimento, præcipuè cum respublica solum intendat iis habitationem concedere ad viuendum, non apertitudinem ad peccandum & ita tenet Bonac. Valen. Sanch. Reb. supra. Idem quod dictum est de hac domo, dicendum est de vestibus, quæ magis ad ornatum, & ad iuuenum animos alliciendos deieruire possunt, quàm ad necessitatem.

4 Aduertendum tamen est vsurariis alienigenis, hoc est, qui ex alio regno originem trahunt, nullo modo posse domum locari, vel alio modo ad habitandum concedi, quia ita cauetur, cap. vsurarium. 1. de vsuris. in 6. vbi contrafacientibus, si Episcopi sine suspensionis pœna imponitur ipso facto, minores excommunicantur, communitas interdicitur, laici ab ordinario per censuras debent compelli. Addit verò Lessius lib. 2. cap. 24. dub. 7. sine. hanc constitutionem multis in locis non seruari, quia passim à principibus, & republica admittuntur ij vsurarij Episcopis minimè contradicentibus. Sed fortè non aduertunt, an alienigenæ sint.

5 Patroni meretricum (quos vulgo *Padres de las manecias* appellant) destinati sunt à republica solum ut meretrices seruent incolumes, & morbo contagioso laborantes expellant, si contenti essent hac vili occupatione, possent sustineri, ut relato Petr. de Ledesma, & Man. docet Sanch. lib. 1. in Decal. c. 7. n. 31. At limites illius excedunt, & pluribus meretricum peccatis implicantur, quia fauent pulchrioribus, & quæ quæritu maiorem comparant, illasque ad nundinas deferunt, & videdas exponunt, & pluribus viis curant, ne à tam turpi lucro recedant: ob quæ optimè dixit Sanch. lib. 1. in Decal. cap. 7. n. 32. difficillimo negotio hos absolui posse.

6 Pingens concubinam, illiusque picturam amasio tribuens. Et idem est de pictura Idoli ad petitionem ethnici, quamuis actio de se indifferens sit, & bono vsui deier

deservire possit, ac proinde ex aliqua gravi causa honestari, ut docet Thom. Sanchez lib. 1. in Decal. cap. 7. quia tamen fomentum est, & incitativum turpis amoris, vel idololatricæ, mortale peccatum esset, nisi prellus aliqua gravissima causa faceres. Hæc autem causa gravis non est amissio lucris ex tali pictura; aliàs semper tibi liceret hæc pingere. Quare illam solum causam sufficientem putarem, quæ gravem metum mortis, vel vulnerationis valeret incutere: fabricatio enim eius picturæ, illiusque donatio homini sic deperdito, est quasi donatio gladij parato occidere, & ita sine ulla distinctione esse peccatum mortale, docent Azor tom. 2. instit. moral. lib. 12. cap. vlt. q. 9. Bonacina disp. 2. de peccat. q. 4. p. 2. §. unic. n. 29.

7 Coninch verò disp. 18. de infidelis. dub. 18. n. 213. credit ob nullum metum licere pingere idolum, vellem sacerdotalem facere ad petitionem infidelis, quia in illis circumstantiis cedit illa fabricatio in honorem falsi cultus, & est quædam illius professio: siquidem famularis infideli, & ut illius instrumentum agis, cum agis ad eius petitionem. Quapropter plures sculptores maluerunt gravissima tormenta perpeti, quam idola ad petitionem Imperatorum fabricare, sicut de Marco Aurethux Episcopo testatur Theodor. lib. 3. histor. cap. 5. At credo gravissimo metu excusari posse, si à te non exposculantur fieri in contemptum religionis, neque scandalum ad sit te ita contemnere. Nam fabricatio idoli, & concubinæ pictura intrinsecè mala non est, sed sæpe honestari potest. Quòd autem fiat ad petitionem illius, qui illa ad malum finem vsurus est, non constituit in fabricante malitiam, quia ipse non famulatur petenti in illa mala intentione, sed in re petita, & hoc ex metu, neque agit ut instrumentum mali operis, sed operis in se indifferentis.

PUNCTUM XIII.

Quæ causa excuset deponentem pecunias apud vsurarium, quibus creditur uti debere ad vsuram, & deponentem vinum apud tabernarium, qui creditur venditurus fore mixtum aqua.

- 1 Probabilius est causam gravem in deponente pecunias requiri.
- 2 Si tabernarius vendis vinum mixtum aqua, quod tu habes apud illum depositum, pro viribus venditionem impedire teneris, si scias, & ad restitutionem obligaris: si te ignorante contingat venditio, restituere debes, in quo fueris factus locupletior.
- 3 Vinum his simulationibus vendere non potes, si commodè possis venditionem excusare.

1 **E**tsi Caietan. Aragon, Bannes, & alij relati à Sanchez lib. 1. in Decal. cap. 7. n. 36. nullam causam in deponente pecunias exposculant; quia hæc pecuniarum depositio non videtur vsurarum causa, sicut nec locatio domus. Nihilominus tamen probabilius existimo, cum Sanchez supra. Nauarr. sum. cap. 14. n. 40. vers. duodecimo. Molin. tom. 2. de iust. disp. 331. vers. de eo qui apud vsurarium. Valent. 2.2. disp. 5. q. 2. *ut. fine.* Rebello de iust. p. 2. lib. 8. q. 16. sect. 4. n. 20. requirunt necessariò causam gravem, si cessante tua depositione vsuræ non exercerentur, vel non exercerentur in tanta quantitate: quia in præsentem non solum est obligatio vitandi peccatum vsurarij, sed etiam damnum, quod recipiunt mutuatarij. Quapropter Vasquez existimat deponentem obligatum esse restituere vsuras, quas mutuans accepit ex tua pecunia mutuata, quia præbuisi materiam iniustitiæ, sicuti obligaris, cum præbes ensem volenti occidere. *For. de Castro Sum. Mor. Pars 1.*

re inimicum. Idem tenet Basil. de Leon lib. 5. de matrim. cap. 18. §. 4. n. 23. Dura tamen est hæc obligatio, neque ab aliis Doctores admittitur, quia deposita pecunia est causa nimis remota sceleris: indiget enim voluntate sceleratoris, & voluntate sceleris concedentis. Quæ autem causa gravis sit honestandi hanc depositionem, affirmo esse securitatem pecuniæ, si enim tibi ad huiusmodi finem necessarium est deponere pecuniam apud prædictum numularium, neque invenis alium apud quem securam serues, poteris absque peccato deponere, neque vsuræ inde acceptæ tibi debent imputari.

2 Aliter de depositione vini philosophandum est, si vinum apud tabernarium deponas, ipsèq; vendat aqua mixtum, & conscius sis illius delicti, graviter peccas, si pro viribus non impedis, quia cum vinum sit tuum, & non tabernarij, tu propriè vendis, & non ille, ac proinde omnia damna teneris reparare. Quòd si ipse te ignorante vendidit, teneberis restituere ea in quibus factus fueris locupletior.

3 Verum si vinum apud tabernarios non fuit depositum, sed à te venditum; sciebas tamen tabernarios iterum vendituros non purum, sed aqua mixtum, vel alio modo simularum. Tunc dicendum est te obligatum esse ex charitate iis simulatoribus vinum non vendere, si alios invenias, de quibus iure non præsumis simulationem, quia teneris quoad possis peccata impedire, & præcipuè, quæ in damnum tertij vergunt. At si cogeris vinum inuenditum habere, cum hoc tibi graue, & molestum futurum sit, poteris peccatum illorum permittere utendo iure tuo. sic Sanchez lib. 1. cap. 7. n. 37.

PUNCTUM XIV.

Quæ causa excuset tabernarios, caupones vendentes vinum scienter inebriaturis, cibaria soluturis ieiunium.

- 1 In vendente vinum inebriaturis causa gravis desideratur. Et qua hæc sit.
- 2 In vendente cibaria soluturis ieiunium, minor causa, sed gravis desideratur, qualis est diminutio emptorum ex denegata venditione: nunquam tamen est censenda sufficiens causa amissio lucris, quod ex cæna vendita provenire potest.

1 **I**N vendentibus vinum inebriaturis constat debere esse causam gravem, qualis esset, si timeres ab eumentibus affici iniuria, eo quòd vinum denegares, vel multum diminuendos esse emptores: cum enim ebrietas peccatum sit non solum ebrio damnosum, sed periculosum aliis; hanc gravem causam exposculat subministratio materiæ illius: illa autem causa posita, cum venditio de se sit res indifferens, honestari sufficienter potest: & ita relato Valent. 2.2. disp. 5. quæst. 21. punct. 4. vers. unde ad argumentum. Caiet. & Man. tenet Sanchez lib. 1. in Decal. cap. 7. num. 33.

2 In vendentibus item cibaria soluturis ieiunium etiam causa desideratur minor, quam in supradicta venditione vini, quia solutio ieiunij non est peccatum aliis periculosum, causa tamen est sufficiens, si ob denegata cibaria, timeres diminutionem emptorum, præcipuè cum tardè ex tua denegatione vitatio peccati obtineatur, alij enim te deficiente cibaria ministrabunt, & ita aliis relatis docet Sanchez num. 34. Nunquam tamen existimarem esse sufficientem causam amissionem lucris, quod tibi ex cæna vendita soluturis ieiunium provenire potest, quia hoc leuissimum quid est, ut propter illud graue peccatum permittendum sit, & materiam illius subministranda.

LLI

PVN

PUNCTUM XV.

An sit aliqua causa excusans præbentem munera concubinæ iudicis, ab illaque petentem, ut iudicem in negotio interpeller.

- 1 Sanchez. sentis nullam esse posse causam excusantem.
- 2 Tamen si hoc consulendum sit. Probabilius cenſeo causam excusantem adesse posse.

1 Sanchez lib. 1. cap. 7. num. 38. existimat nullam esse posse causam has actiones excusantem, eo quod petitur à concubina, quod ipsa licitè præstare non potest: non enim ipsa licitè potest inuifere iudicem, illi vè scribere, aut internuntium mittere, siquidem iis omnibus fouet turpem amorem, & saltem se, & iudicem periculo peccandi exponit. Item, quia videtur inordinatum turpi amore concubinæ causam, & iura defendere.

2 Hæ rationes probant sanè semper ita consulendum esse. At si negotium graue sit, videasque iudicem non tibi esse propitium; speres autem intercessione concubinæ gratum fore, neque alia via appareat, quo possis illum ad seruandum tuum ius inflectere, crederem tibi licere petere à concubina, ut in tali negotio intercedat, quia non petis aliquid, quod ipsa licitè præstare non possit. Nam licet illa intercessione iudex, vel concubina foueant turpem amorem, hoc tu non intendis, neque illius momenti es causa. Nam stante illa intercessione adhuc iudex, & concubina poterant à praua voluntate se continere. Ergo intercessio de se mala non est. Quod verò media illa intercessione concubina, & iudex periculo peccandi exponantur, non obstat quominus id licitè fieri possit vigente graui causa: nam, ut diximus in tract. 2. de peccat. disp. 2. p. 9. §. 3. licitum est ob grauem causam sæpe periculo peccandi te exponere, quia periculum peccati in tali casu non est peccatum. Neque etiam reputari debet inordinatum, obligatione, & amore ex peccatis iam factis acquisito uti aliquando ad bonum finem, scilicet ut iustitia seruetur, & unicuique suum ius reddatur. & ita tradit Bonacina disp. 2. de peccat. quest. 4. punct. 2. §. unico, num. 24.

PUNCTUM XVI.

An opus consilij, vel præcepti ob scandalum fratris omitti debeat.

- 1 Præceptum negatiuum nunquam est omittendum.
- 2 Præcepta affirmatiua, si positina sint, plures Doctores censent ob scandalum omitti posse.
- 3 Probabilius cenſeo nulla præcepta omittenda esse.
- 4 Fœmina non tenetur cessare à Missæ præcepta, eo quod sciat ab alio turpiter amari.
- 5 Satisfit argum. num. 3. adductis.
- 6 Opera consilij non sunt omittenda ob scandalum ex malitia, differenda tamen ob scandalum ex infirmitate.
- 7 Fœmina non debet nisi ad summum aliquoties à Missæ auditione, vel recreatione honesta cessare ob turpem alieni amoris.

1 Si præceptum sit negatiuum, constat ob nullam causam omitti posse eius obseruantiam, non enim potes fornicari, occidere, furari, vel aliam prauam actionem efficere ad vitandum proximi scandalum, quia non sunt facienda mala, ut inde eueniant bona.

2 De præcepto affirmatiuo potest esse dubitatio, an aliquando cesset eius obligatio ob scandalum vitandum? Conarr. reg. peccatum, 1. p. à n. 4. affirmat ob scandalum cessare obseruantiam præcepti affirmatiui, & aliquando naturalis; consentit ex parte Suarez disp. 10. de scand. sect. 4. n. 9. & 10. Valent. som. 3. disp. 3. p. 4. q. 18.

§. 1. Saa verbo Missæ auditio, n. 3. Lorca q. 43. in sum. quest. num. 10. Fauent plures Doctores dicentes ob scandalum omitti posse integritatem confessionis. Syluest. confessio 1. q. 18. Sotus in 4. dist. 18. q. 2. art. 5. Medin. C. de confess. quest. de integritate confessionis semper seruanda. Nauarr. cap. 7. num. 3. Petr. de Soto lect. 10. de confess. Canus in relect. de pœni. p. 5.

Mouentur, quia obligatio præcepti naturalis præferenda est obligationi præcepti positini, sed obligatio vitandi scandalum est præcepti naturalis. Ergo omittenda est obligatio præcepti positini ob obseruantiam præcepti naturalis. Confirmo ex cap. duo mala, 13. dist. ubi cum duo mala occurrunt, cauetur minus esse eligendum: sed minus malum est non obseruare positina præcepta, quam naturalia. Ergo cum vitatio scandali sit de præcepto naturali, præferenda est eius obseruatio præcepto positino. Secundò vita spiritualis proximi excellentior est corporali: sed ob vitam corporalem proximi tuendam omitti debet obseruatio præcepti positini, v.g. ieiunij, vel Missæ. Ergo etiam ob seruandam vitam spirituales ipsius. Tertiò sæpè plura præcepta ob vitanda scandala cessant, quæ alias obligarent. Correctio proximi cessat, si ipse correctione obstinatio futurus est, punizio delinquentis, si inde debet insurgere seditio in republica. Ergo etiam præceptum sacri, vel ieiunij poterit cessare, si inde proximus scandalizandus est.

3 Nihilominus dicendum existimo ob vitandum præcisè scandalum, non esse omittenda vlla præcepta. ita D. Thom. 2. 2. q. 43. art. 7. Anton. 3. p. tit. 8. cap. 4. §. 5. Nauarr. sum. cap. 14. n. 44. vers. vigesimo septimo. Valquez pluribus relatis q. 43. art. 7. dub. 1. n. 4. Basil. de Leon lib. 5. de matr. cap. 18. §. 2. n. 7. & sumitur ex cap. qui scandalizauerit, de reg. iur. ibi vtilius scandalum nasci permittitur, quam veritas relinquatur: & videtur tradi ab Innocent. III. cap. cum ex inuinculo, de noui operis nunciat. circa med. opera illa, quæ sine mortali peccato omitti non possunt, non sunt pro vitando scandalo dimittenda, neque ea debent pro vitando scandalo committi, quæ sine mortali committi non possunt: & licet Couarr. in reg. peccatum, 1. p. n. 4. & seqq. & Suarez de charit. disp. 10. de scand. n. 9. affirmant loqui Pontificem de præceptis, quæ occurrente occasione scandali obligant: hoc tamen, ut bene dixit Valquez supra, sustineri non potest. Effer enim friuola responsio Pontificis, si affirmaret ea præcepta seruanda esse occurrente scandalo, quæ reuera in ea occasione obligant, neque hoc ignorare potuit Episcopus, cui Pontifex scribebat. Voluit ergo eum instruere de aliqua re, quæ difficultatem habere posset; ac proinde doctrinam generalem tradidit, dicens, ob scandalum non esse præcepta omittenda. Ratio autem quare occurrente scandalo præcepta non cessent, ea est, quia scandalum tunc non est datum, sed acceptum: non enim scandalum censetur dare, qui præceptum sibi impositum exequitur, executio namque præcepti neque est mala, neque speciem mali habet. Item obligatio cuiusque de vitando scandalo, est obligatio secundaria; prius enim tenetur quis propriæ saluti consulere, quam alienæ, & præcepta sibi imposita adimplere, quam curare, ut alius adimpleat: hic enim est rectus ordo charitatis. Ergo non poterit præcepta sibi imposita omittere, ut alius præceptis sibi impositis satisfaciat. Et confirmo. Si Petrus, qui tibi est inimicus, omittat Missam, eo quod tu ad illam accedis, non poteris vllò modo Missam omittere, ut ille Missam audiat. Ergo ob scandalum non sunt omittenda præcepta.

4 Ex quo sit fœminam credentem turpiter à viro adamari, non obinde teneri relinquere Missam die festo, quia ipsa exequendo præceptum non censetur probare occasionem peccandi, sed alium illam arripere ex sua malitia. sic Suar. som. 3. in 3. p. disp. 88. sect. 6. §. quartum caput.

5 Argu

5 Argumenta contraria non vrgent.

Ad primum concedo gratis præceptū naturale præferendum esse positiuo. At nego adesse obligationem vitandi scandali, quando adest obseruantia præcepti positiui: non enim vitatio scandali obligat semper, & pro semper, sed quando adfunt aliquæ circumstantiæ, quarum vna est esse sine proprio damno. Sicuti præceptum est naturale, ne proximus infametur non vtumque, sed absque rationabili causa. Ad confirmationem concedo ex duobus malis minus esse eligendum. At concurrente præcepto positiuo cessat circumstantia necessaria, vt præceptum de vitando scandalo obliget, & consequenter iam cessat comparatio.

Ad secundum fateor vitam spirituales proximi excellentiorem esse corporali. At quia vita spiritualis proximi propria voluntate amittitur, ideo non tenemur ob illius conseruationem omittere obseruantiam præcepti positiui. Dices, etiam vita corporalis propria voluntate amitti potest, vt si quis se vellet occidere, & tamen ad impediendum huiusmodi damnum, potes, & debes Missæ, vel ieiunij præceptum omittere. Ergo amitti propria voluntate spirituales vitam non obest obligationi omittere obseruantiam præcepti positiui? Respondeo primò, esse per accidens propria voluntate temporalem vitam amitti, per se autem spirituales taliter, quod alio modo amitti non potest. Secundò respondeo, ad conseruandam vitam temporalem alterius, obligaris virtute misericordiæ, quæ primò, & per se obligat, & cum hæc obligatio maior sit, & efficacior obligatione audiendi Missam, vel ieiunandi, iuxta illud, Misericordiam volo, & non sacrificium; ideo anteponenda est eius obseruantia. At impedire peccatum alterius, & eius vitam spirituales conseruare, cum non te obliget directè primò, & per se, sed secundariò, ideo non debes præceptorum obseruationem ob eius causam omittere. Non enim obligaris impedire peccatum alterius, nisi cessando ab opere, quod agitur: at nulla virtus per se obligat cessare ab operibus præceptis, vt impediatur proximi peccatum, quia non est mediū proportionatū.

Ad tertium nego vllum præceptum cessare præcisè ob vitandum scandalum: correctionis enim præceptum cessat, cum proximus obstinatio est futurus, quia materia illius est emendatio fratris, quæ cum non speretur, cessat obligatio; punitio enim delinquentis in bonum reipublicæ ordinatur. Ergo cum ex illa maius damnum reipublicæ prouenit, cessabit eius obligatio. At obligatio audiendi Missam, v.g. non attendit an proximus inde scandalizandus sit, vel non, & ita semper obligat quocumque scandalo posito. Si autem proximus ex adimplerione præcepti sumeret occasionē peccandi contra iustitiam, tunc teneris abstinere à præcepto positiuo audiendi Missam, vt præcaueres iniustum peccatum ipsius, non quatenus peccatum ipsius est, sed quatenus tale peccatum redundat, in damnum tertij, cuius vitæ, honori, & famæ primò, & per se teneris prospicere.

6 De operibus verò sub consilio, an omitterenda sint ob scandalum, distinguendum est, si scandalizatus peccat ex malitia, vel ignorantia affectata, quod contingit, cum ex prauo affectu, & malo habitu peccat, nullo modo omitterenda sunt opera consilij. Non enim iustum est malitiæ alterius, cum damno nostro spirituli, imò nec temporali consulere; aliàs quilibet posset sua mali-

tia bona spiritualia, & temporalia nobis impedire. & probari sufficienter posset ex illo *Math. 15.* vbi Christus de scandalo Phariseorum non curauit, dicens: Sinite illos, cæci sunt, & duces cæcorum. Verum si ex ignorantia, seu passione peccat, omitti debent, aut differri opera consilij, quousque frater adinoneatur, quia charitas postulat, vt aliquo modo infirmitati proximi, eiusve ignorantie indulgeamus, omittendo, vel differendo pro aliquo tempore ea, quæ nobis ad salutem necessaria non sunt. Neque tunc obligaris omittere absolute opus consilij, sed illud commutare in melius, scilicet in præcauendo proximum à peccato, eaque de causa dixit Ioan. Sanchez *in select. disp. 37. n. 10.* ab operibus consilij non esse abstinendum ob scandalum ex malitia; at ob scandalum ex infirmitate semel, & iterum: ita tradit S. Thom. 2.2. q. 43. art. 7. & 8. Vasquez *ibi opuse. de scand. dub. 2. n. 20. vers. vera igitur opinio.* Suarez *de charit. disp. 10. sect. 4. n. 8.* Loeca 2.2. q. 43. in summ. quest. num. 11. Basil. de Leon *lib. 5. cap. 18.*

7 Ex iis infero posse mulierem ornatam iuxta consuetudinem patriæ domo exire causa audiendi Missam, vel se recreandi, etiam si sciat aliquem, & aliquos ex malitia peccaturos; at si sciret aliquos ex infirmitate peccaturos, debet aliquoties se abstinere. Aduerit tamen Vasquez *num. 18.* nunquam timendum esse peccatum ex infirmitate, vel ignorantia, nisi cognoscatur qualitas, & conditio personæ, de qua timeretur.

PUNCTUM XVII.

An iacturam rerum temporalium facere debeas, ne proximus peccet.

Rarè, vel nunquam ad id obligatus es.

Rarè, vel nunquam teneris in propriis bonis iacturam grauem facere, ne proximus etiam ex infirmitate inde accipiat occasionem peccandi, quia generaliter loquendo, non teneris peccatum alterius accusare, cum graui tuo incommodo, & detrimento; reputatur enim tunc talis excusatio moraliter impossibilis, vt dixit Sanchez *lib. 1. in Decalog. cap. 7. num. 11.* Si verò dominus non est bonorum, sed dispensator, & administrator, à fortiori non debes iacturam facere bonorum, quorum habes administrationem, vt peccatum proximi euites, quia ob vitandam ruinam alterius non videtur tibi cessare obligatio prospiciendi pro illis bonis. Adde, tunc solum censeris dare scandalum, & proximi peccatum velle, quando absque iusta causa peccatum eius non impedis, sed quando cessas impedire, ne Ecclesia, vel pupillus iacturam patiat in bonis, quorum tu habes administrationem, iustam causam habes non impediendi. Ergo tunc scandalum non causas. ita Suarez *disp. 10. de charit. sect. 4. n. 10.* Basil. de Leon *lib. 5. de marr. cap. 18. §. 3. num. 15.* vbi addunt interdum licere pati iacturam in propriis bonis (de quo nemini est dubium) ne proximus peccet, sed etiam in bonis alienis, quorum tu habes administrationem: & hac ratione excusant à præcepto Pontificem, qui simulat, vel conniuet, quando Princeps secularis usurpat bona temporalia Ecclesiæ, ne scilicet grauiora damna innocentibus fiant. Et hæc de charitate, quæ vtinam in cordibus nostris semper inhabitet.

F I N I S.

Ferd. de Castro Sum. Mor. Pars I.

LLI 2

INDEX





INDEX

Rerum præcipuarum, quæ hac prima parte tractantur.

*Prior numerus paginam, posterior eiusdem pagina sectionem demonstrat.
at ubi unus solus est numerus, is intelligitur esse sectionis
proximè prænotata pagina.*

A

Abbatissa.



ABBATISSA an habeat iurisdictionem. 154.28.

Absolutio.

Absolutio ab excommunicatione propter hæresim incurta committitur

Episcopo à Tridentino. 412.1

Nomine Episcopi veniunt electi, & confirmati, neque est necesse, ut sint consecrati. 2

Non venit Capitulum Sede vacante. 3

Abbatessæ & alij Prælati inferiores iurisdictionem episcopalem habentes comprehenduntur. 4

Prælati regulares non comprehenduntur sub nomine Episcopi quoad hanc facultatem, ex probabiliore sententia; ex decreto, & Bulla Pij V. comprehenduntur. 5

Archiepiscopus suffraganeos absolvere potest, cum sibi subduntur. 413.7

Hanc facultatem exercere potest Episcopus in sibi subditos, & non in alios. 8

Episcopus absolvere potest à Confessore electo, si forte in hæresim incidat, & ibi quid possit circa religiosos exemptos. 9

Non est necessaria confessio sacramentalis, ut absolutio concedatur. 414.10

Non potest Episcopus extra diocesim absolvere. 13

Debet hæresis & delictum occultum, & quod hoc sit. 14

Item neque deductum ad contentiosum forum. 415.15

Quid si in iudicio non fuit probatum, vel reus iam fuit absolutus. 16

Quid si fuit condemnatus. 17

Probabile est posse Episcopum committere hanc absolutionem hæresis. 416.19

Probabilius est oppositum. 20

Sit ne hæc facultas absoluendi reuocata per Bullam? Negant plures. 21

Probabilius videtur reuocatam esse. 417.22

Relinquitur Episcopis potestas pro foro externo absoluendi. Excipe in regnis Hispaniæ, in quibus non nisi cum Inquisitore, & in tribunali. 23

Absolutio ab hæresi pro foro externo Inquisitoribus committitur. 418.1

Errat. de Castro Sum. Mor. Pars I.

In foro conscientie probabilius est nullum Inquisitorem hac facultate gaudere. 3

Absolutio data ab Inquisitoribus hæretico sicte converso valida non est. 5

Quid si hæreticus diminutè delicta manifestavit? Sub distinctione respondetur. 419.5

Absolutio ab hæresi committitur ex speciali privilegio religiosi Societatis Iesv. ibid.1

Explicatur qua ratione hæc facultas concedatur. 420.2

Superioribus Societatis datur facultas absoluendi ab excommunicatione incurta ob lectionem librorum prohibitorum. 3

Absolutio concessa à referuatis non comprehendit referuata in Bulla Cœnæ. 420.1

Neque concessa de referuatis in Bulla Cœnæ comprehendit hæresim. 2

Absolvere pro articulo mortis hæreticum quilibet Sacerdos potest. 421.1

Explicatur qualis censeatur articulus mortis. 2

Fœmina partui proxima absolui potest. Idem est de nauigatione longa, itinere, & morbo periculoso. 3

Plures Doctores censent impedimentum perpetuum reputandum esse articulum mortis pro aliis criminibus ab hæresi. 4

Pro hæresi etiam videtur idem esse asserendum. 422.5

Si potes superiorem vocare, vel ab illo medio Confessario facultatem obtinere, plures affirmant te esse obligatum hanc præstare diligentiam, neque te posse ab alio absolutionem obtinere. 6

Probabilius est oppositum. 7

Simplex sacerdos, tamen si superior adsit, potest in articulo mortis absolutionem concedere, ex probabili sententia. 8

Probabilius est oppositum. 423.9

Teneris ne ad Episcopum accedere. 11

Si incepta fuit confessio cum simplici sacerdote, non teneris proprio confiteri, tamen si postea veniat. 12

Teneris ex duobus sacerdotibus vno privilegium habente absoluendi à referuatis, alio non, eligere privilegium. 13

Qui sacerdotes non sunt, potestatem non habent absoluendi ab hæresi excommunicatione. 14

Ut hæc absolutio in Iubilæo concedatur, debet triplex conditio servari. 424.15

Specialiter debet fieri parri offensæ satisfactio. ibid.

L L l 3 Secun

Index rerum.

- Secundò debet absolutus præstare iuramentum de obediendo mandatis Ecclesiæ. 16
 Tertio debet comparere coram referuante, quando commodè possit. 17
 Explicatur obligatio huius iuramenti. 18
 Si ex malitia, vel ignorantia Confessoris hoc iuramentum non expostuletur, manet reus absolutus, sed cum obligatione comparendi. 425.19
 Non comparenti, cum ad id obligatur, imponitur similis censura ei, à qua primò fuit absolutus. 20
 Potest fieri satis huic obligationi comparendi, si per procuratorem compareas. 21
 Satisfacies huic obligationi comparendi, si absolutionem obtineas ab habente priuilegium absol- uendi. 22
 Absoluti potest hæreticus vrgenti causa recipiendi sa- cramenta, quin sit iudicialiter ab hæresi absolutus. 426.5.6. per totum.

Acedia.

- Acedia quid sit. 635.1
 Acedia specialis charitati contraria est dolere te esse à Deo creatum sub obligatione seruandi præce- pta. 2
 Dolere de præceptorum obseruatione ob illorum molestiam est acedia generalis. 3
 Aliquando acedia generalis est peccatum veniale, aliquando nullum. 4
 Acedia specialis semper est mortale, nisi excusetur ex defectu pleni consensus. Quæ vitia ex acedia orian- tur, & eorum malitia expenditur. 636.5

Accusatio.

- Accusationis via procedere in crimine hæresis non est in vfu. 507.1
 Si tamen hunc modum procedendi quis subire ve- lit, admittendus est, neque ad pœnam talionis tenetur se subscribere, tametsi grauitèr puniendus sit, si in probatione defecit. 2
 Si se subscripsit ad pœnam talionis, adhuc non est condemnandus. 3
 Expenditur modus instituendi hanc accusationem. 4
 Accusare in crimine hæresis omnes possunt. 5. & seqq.
 Accusationi qualiter præmittenda sit secreta correctio, & quibus in delictis, & an ex charitate, vel ex ius- titia. 631.1. & seqq.
 Quoties à iure datur facultas accusandi, non est pec- catum contra charitatem accusare. 5

Aduocatus.

- Aduocatus bene potest esse contra reum in causa pro- babili. 21.2
 Item potest iam vnā, iam alteram partem defen- dendam suscipere, cum vtrique est probabilis. 3
 In regno Castellæ suscepto patrocinio vnus non potest contrarium suscipere. 22.4. & 5

Alienatio.

- Si res, quam sub dubio possides, an sit tua, alienes contractu oneroso, debes monere emptorem de dubio. 24.13
 Quas alienationes factas à delinquentibus reuocet fisco, latè explicatur. 468.5
 In iis alienationibus rescindendis modum debet fi- scus seruare. Si enim pretium formaliter, vel equi- ualenter in potestate delinquentis existit, reddi debet à fisco, cum alienatio rescinditur. 472.1
 Et quando dicatur pretium stare in potestate delin- quentis saltem æquiualeuter. 2
 Onus probandi pretium in vtilitatem delinquentis verum esse non fisco, sed prætendenti sibi restitui incumbit. 3

Non tenetur fisco in hoc casu contractum rescin- dere. 4

Si pretium non probatur in vtilitatem delinquentis verum esse, non videtur fisco obligatus pretium restituere, tametsi possessor bona fide contractum celebrauerit. 6

Alienationes factæ à delincente, cuius bona non pu- blicantur ipso iure, sed veniunt publicandæ, vali- dæ sunt vtroque foro. 474.1

Quod verum est, esto sint factæ in fisci fraudem. 2

Post delictum commissum eodem modo valent alie- nationes, ac ante delictum. 475.4

Apponuntur aliquot limitationes, sed non appro- bantur. 5. & seqq.

Alienationes factæ post sententiam condemnatoriam, à qua appellatum non est, reuocari possunt. 8

Alienatio in fraudem fisci reuocari potest. 476.9

Quomodo probetur fraus. 10

Vt fraus ante delictum præsumatur, probandum est tempore alienationis adesse causam impellentem ad delictum. 11

Alienatio omnium bonorum ante delictum non est sufficiens ad probandam fraudem. 12

Neque item alienatio fundi, in cuius possessione de- linquens existit, & fructus percipit. 13

Neque item quòd alienatio clandestinè facta sit. 14

Neque quòd delictum post alienationem statim fue- rit sequutum. 15

Quibus indiciis manifestè fraus in alienatione præ- sumatur. 477.16

Post delictum quælibet ex supradictis coniecturis est sufficiens ad fraudem præsumendam. 17

Vt donatio reuocari possit facta ex fraude, non est necesse donatarium participem esse fraudis; secus verò in alienatione ex contractu oneroso. 18

Alienationem reuocat fisco in sui fraudem factam, non solum quoad rei substantiam, sed etiam quo ad fructus in illa pendentes. 20

Non potest fisco reuocare alienationes factas in sui fraudem via executiua, sed ordinaria, quando res translatae sunt in tertium possessorem. 21

Alimenta.

Alimenta quilibet parens tenetur filio præstare. 28.

Quis teneatur filium illegitimum alere, de quo du- bitatur quis sit eius parens. 14

Appellatio.

Appellatio denegatur hæreticis. 511.1

Concedenda tamen est hæredibus, quando ex præ- sumptione iuris hæreticus condemnatur. 2

Licet tamen hæretico condemnato via querelæ, & supplicationis Principem adire, tametsi aliis con- trarium placeat. 3

Appellatio conceditur à sententiis interlocutoriis, esto à sententia declaratoria hæresis non conce- datur. 4

Datur à sententia, seu decreto torturæ. 512.5

Explicatur ad quem sit appellandum in his senten- tiis interlocutoriis. 6

Inquisitor interposita appellatione procedere potest aduersus appellantem, si ex alia noua causa de- nuntiatus sit. 7

B

Beatificatio Sanctorum.

Beatificatio Sanctorum quid? & qua ratione distin- guatur à canonizatione. 338.1
 Temerarium, & scandalosum est asserere Pontifi- cem in beatificatione Sanctorum errare posse. 3
 Eadem

Index rerum.

Eadem certitudine tenendum est non posse Pontificem errare in beatificatione, ac in canonizatione. 4
 Licetne aliis ab iis, quibus facultas conceditur, sanctum beatificatum venerari? Proponitur dubitandi ratio. 5
 Resolvitur longè pius, & probabilius esse ex devotione omnibus æquanimiter licere. 339.6.7.8

Bellum.

Bellum quid sit, & unde dicatur. 641.1
 Aliud est defensivum, aliud offensivum. 2
 De fide est licitum esse, si conditiones debite serventur. 3
 Aliquando est in præcepto. 4
 Tres conditiones sunt ad bellum requisitæ, & quæ hæc sint. 642.7
 Quilibet habet auctoritatem bellum purè defensivum indicendi. 643.1
 Aggressivum solum Princeps, vel respublica superior non recognoscens. 2
 Consuetudine introduci potest, ut respublica inconsulto suo Principe bellum moueat. 4
 Quid dicendum in casu quo superior vindicare noluerit iniuriam reipublicæ sibi subditæ. 5
 Pontifex habet ius indicendi bellum, quando bonum Ecclesiæ id postulat. 6
 Belli iusta causa triplex est. 644.1
 Iniuria quæ bellum honestare potest, debet esse gravissima. 2
 Enumerantur aliquæ iniuriæ bellum honestantes. 3
 Quid de impediendis mercaturam, venationem, piscationem in suo regno? Affirmatur non esse causam iustam belli, nisi debitum sit. 4
 Ob solam iniuriam impediendam, reparandam, vel vindicandam bellum moveri potest. 5
 Aduersus occidentes innocentes, & impediendes Evangelium, bellum moveri potest. 6
 Ob idololatriam, infidelitatem, & alia peccata contra naturam impedienda, bellum non potest moveri. 645.7
 Qualiter constare debeat de causa bellandi. 8
 An ex utraque parte dari possit iustum bellum. Resolvitur seclusa ignorantia non esse possibile. 10. & 11
 Ad honestandum bellum iniuria materialis sufficit. 12
 An oblata ab adversario satisfactione sufficiente debeas à bello desistere. 13. & 14
 Sed quid dicendum, quando pars rebellis digna est morte, ob iniuriam illatam? Probabilius est non esse obligationem acceptandi satisfactionem aliam. 15
 Quod verum est spectato iustitiæ rigore: at ex charitate sæpe erit obligatio. 16
 Stante iusta causa bellandi potest bellum iniuste fieri, si adsit minima spes victoriæ, & parum utilitatis ex bello speretur. 17
 Si damna, quæ ex bello sequuntur, prævaleant utilitati, quæ ex victoria speratur, illicitum est bellum. Item si religio Christiana minuenda est, & hæretici potentiores futuri. 18
 Ante bellum competit Principi examinare iustam causam bellandi, non autem ducibus, & militibus. 647.1
 Ea liceat Principi, ducibus, & militibus in bello, quæ necessaria sunt ad finem belli consequendum. 2
 Duces & milites ex mandato Principis debent procedere, aliis contra iustitiam peccabunt cum

obligatione restituendi. 3
 in Bello licitum est insidiis, & stratagematis uti, nisi fidem dedisses illis non vendi. 4
 Nocentes hostes licet bellanti occidere. 5
 Non tamen decet Christianam pietatem multos, et si dignos morte occidere. 6
 Innocentes directè occidi non possunt, bene tamen indirectè. 648.7.8. & 9
 Explicatur, qui reputentur innocentes, quos non potest bellator ita directè privare. 10
 Licitum est libertate privare hostes, & in servitutem redigere. 11
 Ab hoc iure excipiuntur Christiani capti ab aliis Christianis, nisi fuerint à fide apostata. 649.12
 Innocentes optime possunt in servitutem redigi, si respublica digna est hac poena. 13
 An capti bello iusto possint fugere, & possis eos ad fugam iuvare. 14.15.16
 Bona hostium, etiam illorum, qui innocentes sunt, occupari à victore possunt. 650.17
 Bona Ecclesiæ, & Ecclesiasticorum innocentium ab hac regula excipiuntur. 18
 Per accidens occupari, de vastarique possunt, si necessarium fuerit ad finem belli consequendum. 19
 Idem est dicendum de cuiuscumque innocentis bonis. 20
 Victoria reportata probabilius est te teneri satisfacere iis; tamen si ex occupatione horum bonorum ditior non evaseris. 21
 Repressalia, seu impignorationes licitæ sunt, servatis aliquibus conditionibus. 22
 Bona in bello capta, si immobilia sunt, pertinent ad Principem: si mobilia, sunt capientium, nisi aliter consuetudo obrinuerit. 651.23
 Si malè à captis possideantur, & immobilia sint, reddenda sunt dominis: si mobilia, iure naturæ dominis prioribus reddi debent. At iure Cæsareo sunt capientium, si ad prædicia, loca tuta sunt deportata. 24
 Excipiuntur ea, quibus privilegium postliminij est concessum. 25
 Ea quæ iure Cæsareo concessa sunt, legibus Castellæ, & aliorum regnorum approbantur. 26
 Aduertuntur aliqua pro superiori doctrina. 27
 Licitum est civitatem aliquam dari in prædam militibus. 28
 Qua ratione Princeps compositionem facere possit cum alio Principe iniuste bellante. 652.29
 Bellum si iniustum est, peccat Princeps contra iustitiam cum obligatione restituendi damna secuta. ibid.1
 Si iustum est bellum, peccat Princeps, si stipendia militibus non concedit statuto tempore: Item si temerè exercitum periculo exponit. 2
 Duces & ministri Principis gravissimè peccant, si plures milites repræsentent, quàm secum habeant. ibique enumerantur alia peccata, quæ solent committere. 3
 Expenduntur peccata militum. 4
 in Bello omnes pugnare possunt, nisi eis sit specialiter prohibitum. 653.1
 Episcopis, clericis, monachis, religiosis prohibitum est propria manu pugnare. 2
 An clerici in minoribus, & monachi laici sub hac prohibitionem comprehendantur. Negant aliqui. 3
 Approbatur eorum sententia in iis, qui privilegio fori non gaudent. Reprobatur in iis, qui tali gaudent privilegio. 4
 Possunt clerici in sacris bello assistere, & ad pugnam hortari, milites consolari. 654.5
 L L I 4 Neque

Index rerum.

Neque ad hæc officia exercenda indigent licentia
Episcopi. 6
Ad te, suorumque defendendos possunt propria manu
clerici pugnare. 7
Neque obinde irregulares sunt. 8
Solut Pontifex dispensare potest, ut clericus bello
prælit, vel propria manu pugnet. 9
Infideles & hæreticos ad bellum vocare, esto per se
illicitum non sit, regulariter tamen est illicitum. 10
In bello iniusto nemo pugnare potest. timore mortis
aliqui excusantur. 11
Occurrente necessitate omni tempore pugnandum
est, extra illam diebus festis pugnari non potest. 12
Si Rex habeat opinionem probabilem sibi licere vr-
bem ab alio possessam occupare, poterit pro illius
occupatione bellum mouere. 13.1
Si probabilitas est ex parte facti, aut iuris, nequit
possessor à possessione deturbari ante datam sen-
tentiam. 2
Apud quem iudicem sit mouenda lis, & controuer-
sia definienda. 4. & seqq.
Quod sit ius probabile, & litigiosum, neque armis
definiendum. 17.12
Quando alicui competat regnum certò, & alius est
in possessione, monendus est possessor, & rationes
sunt allegandæ, antequam bellum inferatur. 13
Quoties militi non constet de iniustitia belli, si sub-
ditus est, tenetur militare. ibid.1
Militi non subd. to constare debet de belli iustitia. 3
Milites dubij de iustitia belli, siue subditi. siue non,
militare non tenentur, quousque examen præ-
mittant de iniustitia belli. 39.2
Si milites subditi sint, neque habeant aliquam firmam
rationem dubitandi, dubium debent deponere, &
militare. 3

C

Charitas.

Charitas quid sit, & qualiter sumatur. 575.1,2
Illâ amator Deus amore beneuolentiæ. 3
Præmium illius obiectum est Deus, secundarium
proximus, quatenus ad Deum refertur. 576.5
Charitatis Dei est speciale præceptum. ibid.1. & seqq.
Explicatur modus huius præcepti. 577.5
Peccetne aduersus hoc præceptum, qui vellet in hac
vita perpetuò manere. 6
Hoc præceptum non est de dilectione naturali, ne-
que supernaturali determinatè. 58.2
Aliquoties in vita hoc præceptum obligat, & ex-
penduntur tempora huius obligationis. ibid. p.4.
per totum.
ex Charitate obligaris proximum diligere. 581.1. ubi
explicatur quis sit proximus.
Amore Dei potest amor proximi satis fieri. 4
Charitas te obligat diligere peccatores, & inimicos.
ibid.1
Peccatori, & inimico non potes velle malum, qua
malum illius est. 582.2
Neque potes velle vindicari; sed teneris ex corde
remittere offensam, imò neque præbere aliis fun-
damentum suspicandi te non remittere. 3
Quid debeas facere, ne hoc fundamentum præ-
beas. 4
Per se non teneris inimicum occurrentem salutare,
aliquando teneris. 583.5
Si ipse te prius salutauit, regulariter teneris. 6
Si inimicus veniam postulet, teneris signa exhibere
amicitiæ. 7

Non teneris satisfactionem debitam pro iniuria re-
mittere. 8
Si offensor satisfactionem exhibeat, vel iniuria satis-
fieri non possit, adhuc potes accusationem insti-
tuere, & satisfactionem a iudice expostulare. 9
Cum duo se offendunt, quis teneatur prius pecuniam
petere. 10
Quando offendens proximum obligatus sit veniam
petere. 584.11
Aliquando teneris alloqui inimicum, si inde scias, ob
odio fore, ut desistat. 12
Charitas te obligat velle tibi potius gratiam, & ylla-
riam, quam reliquis omnibus. it id.1
Pro aliquo tempore licitum est tibi velle beatitudine
carere, ut saluti proximorum prouideas. 585.4
In bonis spiritualibus non obligatorius potes alios
tibi præferre. 5
Charitate obligaris pro bono reipubl. bona fortunæ,
imò & vitam expendere. ibid.1
In æquali tui, & alterius necessitate, non teneris
alium tibi præferre. 2
In bonis fortunæ potes proximum tibi præferre. 3
Proponuntur varæ sententiæ, affirmans, & negans
te constitutum in æquali necessitate bonorum,
quæ conseruare teneris, posse alium tibi præ-
ferre. 4
Conciliantur sententiæ, & sit satis rationibus oppo-
sitis. 586.5. & 6
Oppetere mortem, & exponere te periculo vitæ ob
conseruandam vitam proximi extranei, non est
mortale, si d. cauenda est cooperatio. 7
Charitate astringeris salutem spirituales cuiuslibet
proximi tuis bonis temporalibus fortunæ, & vitæ
præferre. ibid.2
Hæc obligatio vrget in extrema proximi necessi-
tate. 587.3
Si Petro dormienti, & in peccato mortali existenti
scires mortem euenturam, teneris cum periculo
vitæ impedire. 4
Idem est de infanti Christiani filio. 5
Homini peccatori in extremis non teneris semper
cum periculo vitæ pœnitentiæ sacramenta mini-
strare. 6
Te inuadentem bene potes occidere, tamen si in pec-
cato moriatur. 7
Extra casum extremum non teneris cum graui ia-
ctura succurrere proximo priuato in spirituali-
bus. 8. & 9
Proximo communi, scilicet reipubl. teneris cum pe-
riculo vitæ succurrere. 588.10
Cuiuslibet proximo grauem necessitatem spirituales
patientem teneris cum leui tuo detrimento succur-
rere. Si superior & pastor sis, teneris cum pericu-
lo vitæ graui necessitati spirituali proximi subue-
nire. 12
Non potes tempore pestis fugere. 13
Charitas te obligat vnum proximum præ alio diligere.
ibid.1. & 2
Obligatus es præferre eum, qui tibi cõiunctus est. 589.3
Comparisonem rei vnica est cõiunctio in specie, ta-
men si varij gradus: at comparisonem diligentis
multiplex est cõiunctio. 4
Proximus pati potest necessitatem in temporalibus,
vel spiritualibus bonis. 5
Necessitas proximi alia grauis, alia extrema, & quan-
do in vtroque proximo est grauis, potest esse in
vno grauior. 6
Cõiunctio naturalis præferenda est spirituali. 7
Consanguinei peccatores tum in spiritualibus, tum
in temporalibus præferendi sunt extraneis san-
ctoribus. 590.9
Amici

Index rerum.

Amici aliquando præferuntur consanguineis. 10
Frater amico, & benefactori in extrema necessitate
præferendus est. 11
Pater, vxor, filius, frater creditori sunt præferendi.
12
Coniuncti in eodem ordine qui sint aliis præferen-
di. 13
Non est mortale positum ordinem inuerrere. § 91. 14
Quod dicitur de consanguineis, dicendum est de re-
liquis. 15
Benefactor beneficiato præferendus est, iustus iniu-
sto, fidelis infideli. 16

Citatio.

Citatio semper reo facienda est. § 99. 1
Citari autem debet primò in crimine hæresis absque
causæ expressione, si non timeretur fuga. 2
Si citatus verbaliter non compareret, capiendus est, sin-
minus, citandus causæ expressione, & vnica cita-
tio sufficit: ex consuetudine tamen trina habe-
tur. 3
Citatio non solum ad contestandam litem, sed magis
ad sententiam requiritur. 4

Clausula.

Vt omnes defectus iuris, & facti suppleantur, æqui-
ualet clausulæ. Ex certa scientia. 217. 6
Quid operetur clausula, vt brachium sæculare inuo-
cari possit. 218. 7
An debeat iudex sæcularis certificari de iustificatio-
ne causæ, vt teneatur auxilium præstare. Negant
aliqui. Probabilius est ostendendam esse iustifi-
cationem per summariam informationem, vel
authenticam ostensionem litterarum. 8
Clausula, Ex certa scientia, in rescripto posita, ope-
ratur solum quoad vsus ibi expressos. 308. 9

Clerici.

Legibus Ecclesiasticam libertatem violantibus liga-
ri non possunt; secus legibus, quæ eorum statui
conueniunt. 169. 1
Iis legibus ita grauiter, ac laici obligantur clerici.
170. 2
Vnde hæc obligatio nascatur? Resoluitur ex potesta-
te legislatoris. 3. 4. & 6
A potestate coercitiua, & punitiua omnino clerici
sunt exempti. 171. 7
Qualiter teneantur eleemosynam facere. § 98. p. 5.
& seqq.
Vide verb. *Eleemosyna*.

Commendatitia litteræ.

Commendatitiæ alix sunt generales, alix speciales.
283. 1
Si ex commendatione generali res alicui commit-
tantur, non tenetur commendans de damno se-
quuto. 2
Excipe, nisi dolo fecerit. 3
ex Commendatione speciali, si contineat verum, obli-
gatio non nascitur, nisi verba denotent voluisse
commendantem obligationem subire. 4

Concilium.

Concilium triplex est, Generale, Prouinciale, & Epi-
scopale. 340. 1
Concilio non potest Pontifex delegare potestatem de-
finiendi infallibiliter res fidei. 341. 2
De fide est Concilium, Pontificæ confirmatum au-
thoritatis esse infallibilis. 3

Ante confirmationem nullam habet auctoritatem
infallibilem. 4
Idem dicendum est de vnanimi consensu Parrum,
& Doctorum, ac dicitur de Concilio. 342. §. 8.
per totum.

Condemnatus.

Condemnatus iudici resistere non potest. 177. 1
Et quid si sententia in falsa præsumptione funde-
tur. ibid. & seqq.

Confessarius.

Confessarius quando absolueri possit, vel teneatur pœ-
nitentem sequentem opinionem probabilem. 9. 1.
& seqq.
Confessarius sollicitans ad Venerem Inquisitoribus pu-
niendus subiicitur. § 57. 1, 2, 3, 4
An sola mulieris sollicitatio puniatur. § 58. 5
Item an sufficiat ante, vel post confessionem solici-
tauerit. 6
Cognitio huius criminis priuatim committitur In-
quisitoribus ex Bulla Clementis, secus ex Bulla
Gregorij. Qualiter denuntiandus sit. § 59. 1, 2
Sollicitans ad nefandum congressum denuntiandus
est. ibid. 1. & seqq.
Sollicitans ad actus solum venialiter inhonestos, si
de animo constet, non videtur sub graui culpa
denuntiandus. § 60. 1. & seqq.
Tribuens chartam pœnitenti postea legendam con-
tinentem sollicitationem, non videtur in confes-
sione sollicitasse. Contrarium tamen securius est.
ibid. p. 4
Si sceminam incitat, vt admittat alium in copulam,
denuntiandus est. § 61. 1
Item si sollicitet vt mediet. 2
Si scemina sollicitet ad Venerem, & Confessor tacti-
bus contentus sit, non videtur denuntiandus. 4
Sola sollicitatio ad Venerem, & in confessione facta
antè, vel post, venit Inquisitoribus denuntianda.
§ 62. p. 6
Et quæ censeatur sollicitatio facta antè, vel post im-
mediatè ad confessionem. ibid. p. 7
Quæ sollicitatio simulando confessionem debeat de-
nuntiari. § 63. p. 8
Confessarius sollicitans debet esse sacerdos: nam laicus
fingens se sacerdotem, non est ex hoc decreto de-
nuntiandus. § 64. p. 9
Cessat præceptum denuntiandi, si sacerdos emenda-
tus sit, neque periculum recidui sit. § 65. 1
Item si correctione fraterna emendandus speratur,
& spes sit certa. 2
Alij alias excusationes apponunt, sed non approban-
tur. 3. & seqq.
Quibus pœnis afficiatur Confessarius sollicitans.
ibid. p. 11

Confiscatio.

Confiscationis pœna est hæreticis iure ciuili, & cano-
nico imposita. 430. 1
In eius executione leges canonicæ præferendæ sunt.
431. 2
Omnia bona hæretici cadunt sub hac pœna. ibid. 1
Bona in potestate hæretici existentia, si illius non
sunt, non confiscantur. 2
Debent tamen actu esse, nec sufficit fuisse, nisi in
fraudem fisci alienata sint. 3
Ex quibus casibus fraus præsumatur. 4
Bona donata causa mortis, caduntne sub confisca-
tionem. ibid. p. 3
Donata sub conditione, cuius conditio purgatur
posito

Index rerum.

- posito delicto, sub confiscationem cadunt. 1
- Bona requisita post delictum, & latam sententiam non publicantur. 432.3
- Acquisita intermedio tempore inter delictum, & sententiam, plures censent publicari. 4
- Probabilius censeo oppositum. 5,6,& seqq.
- Bona sub conditione futura debita communis sententia defendit non publicari. 433.1
- Debita hæretico ex testamento non transeunt in fiscum. 2
- Debita ex contractu transeunt in fiscum, tamen si conditio post commissum delictum, & condemnationem impleatur. 3
- Iuris patronatus non datur propria confiscatio, sed illius extinctio. 434.1
- Intelligendum est, dummodo non sint alij comparati, vel alij ab instituto vocati. 2
- Si ius patronatus ad extraneos hæredes transire non potest, neque potest confiscationi subiici. 3
- Apponitur quædam limitatio de confiscatione perpetua, secus ad vitam, sed reicitur. 435.4
- Ius patronatus ad hæredes extraneos transmissibile publicatis omnibus bonis per iudicem Ecclesiasticum publicatur. 5
- Si iudex laicus sit, & reus laicus, & publicetur omnia bona, ius patronatus non manet directe publicatum, bene tamen indirecte. 6
- Quando censeatur ius patronatus directe, quando indirecte publicari. 7
- Iudice laico publicante delinquentium bona, vel illa vendente, ius patronatus publicari alij negant, alij affirmant. 8
- Sub distinctione responderetur: si annexum sit alicui villæ publicari; secus si personam comitetur. 9
- Limitant aliqui de confiscatione perpetua, secus de temporali, sed non admittitur limitatio. 10
- Confiscatis à iudice laico bonis, possitne iudex Ecclesiasticus ius patronatus confiscare? Alij affirmant, alij negant; media via tenenda est. 11
- Pensiones non comprehenduntur sub confiscatione à iudice laico, bene tamen Ecclesiastico, & quæ ratione. 436.12
- Bona fideicommissio subiecta, vel alienari prohibita, non cadunt sub confiscationem. ibid.1
- Intelligitur casu quo testator prohibuerit alienationem in fauorem alterius à delinquente. 437.2
- Item ut alienationis prohibitio perpetua sit, & non pro vita tantum delinquentis. 3
- Subintelligitur, nisi testator etiam alienationem pro vita prohibuerit. 4
- Delinquens potest fideicommissum retinere, quousque per sententiam declaratur. 5
- Ob crimen hæresis, læsæ maiestatis, & sodomiz aliqui existimant confiscari maiorum, sed repellitur eorum dictum, quando institutus est maioratus ex propriis bonis. 438.8
- Idem est si ex bonis à Rege donatis, & non sub titulo maiorum institutus sit. 9
- Si sub titulo maiorum à Rege donata sunt, sub confiscationem cadunt bona illa, ex quibus maioratus constitutus est, ut affirmant plures Doctores. 10
- Probabilius censeo oppositum. 439.11
- Si in facultate regia, qua fuit maioratus institutus, cauetur, ut transeat ad fiscum, si possessor crimen læsæ maiestatis commiserit, confiscatur maioratus. 440.12
- Secus si hæc clausula apposta non sit in concessione. 13
- In casu dubio, an maioratus ex regia facultate institutus sit, an ex iure communi præsumi debet, non ex regia facultate, sed ex iure communi institutus. 14
- Maioratus ex regia facultate institutus, qui ex dispositione iuris communis institui poterat, non cadit sub confiscationem. 15
- Maioratus ex regia facultate institutus ex omnibus bonis, qui tamen ex tertia, & quinta parte institui poterat, an confiscationi subiiciatur quoad tertium, & quintum? Negat Sanchez. 441.16
- Sed contrarium nobis probatur, saltem in duplici casu. 17
- Quod si protestetur se instituere maiorum tum ex regia facultate, tum ex legali, prout sibi, suisque hæredibus utilius sit, tunc confiscationi subiicitur illa in parte, in qua ex regia facultate, secus in alia. 18
- Quod dicitur de maioratu, dicendum est de regno. 19
- Quando maioratus in perpetuum publicatur, finitur maioratus, & fiunt bona libera. 20
- Maioratus dupliciter institui potest, testamento, & contractu tum reuocabili, tum irrevocabili. ibid.1
- Item institui potest ante commissum delictum, vel post illud. 442.2
- Delictum aliud est, cui est confiscatio ipso iure annexa: aliud, cui est imponenda. 3
- Si de bonis habitis tempore delicti, cui est confiscatio ipso iure annexa, instituas maiorum, nulla est institutio, & confiscationi non obest, si tu delinquas. 4
- Si bona non publicantur ipso iure, valet maioratus institutio, neque confiscatur per delictum instituentis, si contractu irrevocabili, vel reuocabili fuit institutum. Secus si ex testamento. 5.& 6
- Si ante delictum contractu irrevocabili instituat, non subiicitur confiscationi. 7
- Quid si delinquens reuocet maiorum? Probabilius est ad fiscum pertinere, non obstante distinctione assignata à Sanchez. 8.& 9
- Prædia, ex quibus census soluis, sub confiscationem cadunt. 443.3
- Emphyteusis ad extraneos hæredes transmissibilis non cedit sub confiscationem. 4
- Durante vita emphyteutæ non transeunt ad fiscum commoditates, sed ad dominum, secundum probabilem sententiam. 5
- Sed probabilius censeo transire ad fiscum. 444.6
- Emphyteusis ad extraneos hæredes transitoria ad fiscum transit. 8
- Non competit Ecclesiæ ius reuocandi emphyteusim in fiscum translatum. 9
- Admissa sententia probabili posse Ecclesiam intra biennium recuperare emphyteusim, poterit aduersus lapsum biennij restitui, in opinione Sanchez. 445.11
- Sed contrarium est dicendum. 12
- De melioramentis factis in prædio emphyteutico ad quem pertineant, an ad fiscum, an ad Ecclesiam reuocantem. 446.13,14
- Emphyteuta perdens emphyteusim ob non solutam pensionem, ad dominum pertinent melioramenta. 15
- Si dominus emphyteusis crimen committat, ob quod bona illius publicantur, publicatur emphyteusis quoad dominium directum. 16
- Feudum ad hæredes extraneos intransmissibile nequaquam in fiscum transit. 447.1
- Si publicatio feudi fiat ob delictum commissum aduersus dominum, domino pertinet, & ad ipsum deuoluitur. 3
- Idem est si feudum hæreditarium tibi concessum est: secus est, si concessum sit tibi, tuisque agnatis, in probabili sententia. 4.& 5
- Feudum

Index rerum.

- Feudum ad extraneos hæredes transitorium, ad fiscum transit. 6
- Confiscatio non comprehendit filij familias legitimam ob eius delictum. 449.5
- Neque ipsius bona profectitia. 6
- Neque peculium aduentitium. 8
- Quid intelligatur casu quo pater habeat vsumfructum. 450.10
- Sed non approbatur. 11
- Aliæ limitationes apponuntur, sed non approbantur. 12.& seqq.
- Neque publicantur bona castrensia, sed patri deferuntur. 452.20
- Ampliatur, doctrina, tamen si filius condemnatus filios habeat, adhuc non publicatur castrense. 22
- In crimine læsæ maiestatis datur publicatio. 23
- Confiscatio ob delictum parentis non comprehendit bona castrensia filij. 455.8
- Neque bona aduentitia quoad proprietatem: at quoad vsumfructum probabilius est publicari. 9
- Peculium profectitium an publicetur publicatis bonis parentis? Proponitur dubitandi ratio. 13
- Temperatur ut non procedat in delicto, per quod soluitur patria potestas. 456.14
- Probabilius est supradictum peculium publicari publicatis bonis parentis. 15
- Legitima & alimenta filio debita non publicantur. 457.17
- Excipe in bonis maternis ob matris delictum. 18
- Item non procedit in filiis conceptis post condemnationem. 19
- Neque item procedit in crimine hæresis. 20
- Neque in crimine læsæ maiestatis commisso contra Principem. 21
- Filiis feminis reseruat legitima de bonis maternis ob parentum delictum. 22
- Quid debeat ex bonis parentis. 23
- Non caret probabilitate reseruanda esse alimenta filiis parentum committentium crimen læsæ maiestatis. 24
- Possunt huiusmodi filij, quibus non reseruantur alimenta, abscondere sibi ad victum grauiter necessaria. 458.25
- Confiscatio ob delictum mariti non comprehendit bona vxoris. ibid.1
- Quapropter non comprehendit dotem. 2
- Neque bona paraphernalia, neque alio titulo vxori quæ sita. 3
- Potest vxor innocens publicatis bonis mariti sua bona propria autoritate capere. 459.4
- Qua ratione mulier debeat probare bona habere, ne fiscus usurpet. 5
- Quid teneatur fiscus facere, dum non soluit. 6
- Confiscatio bonorum mariti non solum comprehendit dotem, reliquaque bona vxoris quoad proprietatem, sed etiam quoad vsumfructum. 7
- Publicatis bonis mariti, non publicatur quarta pars illorum bonorum debita vxori inopi. 8
- Quod limitatur, ut non procedat, quando mulier bis nupsisset. 460.9
- Confiscatio ob vxoris delictum ad eius omnia bona extenditur, si vidua sit. 461.1
- Si constante matrimonio delinquat, non publicatur eius dos spectato iure communi, exceptis quinque casibus. 2
- Attento iure Castellæ dos publicari potest. 3
- Nunquam confiscatio extenditur vltra id quod vxoris est proprium. 4
- Quando publicatur dos, etiam vsumfructus publicatur. 5.6.& seqq.
- Quod si pactum esset inter virum & vxorem, ut committente aliquo illorum delictum confiscatione dignum, bona illius transirent ad alium? Affirmant plures non impediri confiscationem. 462.8
- Sed probabilius est impediri. 9
- Confiscatio ob clerici delictum non comprehendit bona Ecclesiæ. ibid.1
- Comprehendit tamen bona patrimonialia. 2
- Acquisita titulo beneficij probabilius est non publicari spectato iure communi, sed Ecclesiæ applicanda esse. 3
- In Hispania, vbi de his bonis testatur, & fiscus ea vsurpare potest. 4
- Confiscatio bonorum delinquentis existentium in alieno territorio à iudice confiscante, si fiat rigore iuris communis comprehenduntur. 463.1
- Secus si rigore statuti non vigenis illo in loco, vbi bona sita sunt. ibid.
- At si fiat confiscatio iure speciali vigente in territorio, vbi bona sita sunt, sub distinctione respondetur. 2
- Executio confiscationis nunquam fit, nisi per officiales illius loci, in quo bona sita sunt. 3
- Confiscatio ob hæresim extenditur ad omnes Christianos Rom. Pontifici subiectos. ibid.p.16
- Confiscatio imposita ipso iure ob crimen læsæ maiestatis, præcipue diuinæ, an priuet delinquentem dominio suorum bonorum. Arguitur pro, & contra, & conciliantur sententiæ. ibid.p.17.per totum.
- Confiscatio ipso iure delicto annexa non obligat delinquentem sua bona fisco tradere ante sententiam, tamen si alij contra sentiant. 465.1.& 2
- At sententia posita non potest delinquens bona occultare. 466.5
- Non tamen tenetur ea fisco offerre, secundum communem sententiam, quæ difficultatem habet. 6
- Si reus impediat malitiosè sententiam declaratoriam, aliqui existimant esse obligationem. Probabilius est oppositum. 7.& 8
- Quid dicendum de procuratore, iudice, aliisque ministris iustitiæ, an sint obligati satisfacere fisco, cum malitiosè confiscationem omittunt. 467.9
- Confiscatio ipso iure delicto annexa non impedit delinquentem, quin possit ante sententiam sua bona alienare, tamen si alij contra sentiant. ibid.2
- Sed non sunt alienationes ita validæ, quin fiscus eas reuocare possit. 4
- Excipe, nisi possessores præscripserint. 468.5
- Tempus ad præscriptionem in crimine hæresis quadragenarium est. 6
- Limitatur ab aliquibus, nisi fisco Regis sint applicata, quia tunc quinquennium sufficere dicunt. Non admittitur limitatio. 7
- Deinde limitant, ut præscriptio procedat post mortem delinquentis, secus in eius vita. Non videtur approbanda limitatio in rigore. 8
- Norandæ sunt aliquæ conditiones, quas præscribentes habere debent, ut illis faueat præscriptio. 9
- In aliis criminibus ab hæresi non præscribitur minori tempore, quàm vicelimo. 469.10
- Fiscus non potest petere bona à tertio possessore in ipsius fraudem alienata, nisi infra annum vtilem. 11
- Fisco non datur restitutio aduersus præscribentes bona, quæ illis comperebant. 12
- Alienationes factæ necessariò reuocari non possunt à fisco. 13
- & explicantur quæ sint alienationes necessariae. Item non reuocantur alienationes factæ à marito bonorum vxoris, quæ constante matrimonio acquisita sunt. 470.15
- Aliena

Index rerum.

- Alienationes gratuitæ horum bonorum reuocari possunt, utpote quæ præsumuntur in fraudem. 16
 Quid si maritus conscius fuit uxoris criminis? Verum est reuocari tunc posse. 17
 Quod si incidat in hæresim, & reconcilietur. 18
 Sola alienatio de bonis post delictum facta est reuocabilis. 19
 Non reuocantur alienationes factæ à reo per potestatem publicam absoluto. 471.20
 Licita est hæc alienatio. 21. & 22
 Teneris tamen vitium manifestare, quando adest periculum reuocationis, & inferuntur aliqua notabilia. 23
 Confiscatio bonorum delinquentis condemnati in contumaciam ob causam fidei, facienda est à tempore quo probationes signant delictum commissum esse, non à tempore latae sententiae. 477.p.22.per totum.
 Confiscata bona variè sunt à Pontificibus applicata. 479.1.& seqq.
 In Hispania fisco regio integrè applicantur. 480.5
 Quid in aliis regnis. ibid.
- Conscientia.*
- Conscientia quid sit, & quotuplex, & de conscientia practica, & speculatiua, & an inter se pugnent. 1.1
 Obligatio est obediendi conscientiae erranti, dum non deponitur. 2.1
 Procedit doctrina de conscientia errante inuincibiliter. 3
 Operans ex conscientia errante inuincibiliter, operatur in eadem specie virtutis, qua operaretur, si à Deo res esset præcepta. 6
 Aliquando est veniale, aliquando mortale conscientiae erranti non parere, & quando hæc contingant. 3.1
 Quid si tibi proponatur malum absque vlla distinctione an sit mortale, vel veniale. 2.& seqq.
 Probabilius est non esse peccatum agere contra conscientiam solum habitu errantem. ibid.3
 Quando conscientia errans proponit vtramque partem contradictionis esse malam, nullum est peccatum. 4.2
 Aliquando est grauius, aliquando leuius peccatum sequi conscientiam errantem vincibiliter, quàm illam non sequi. ibid.2
 Sitne obediendum conscientiae erranti, vel superiori contrarium præcipienti. 5.4
 Pro libito deponi non potest errans conscientia. 5
- Consuetudo.*
- Quid sit, & qua ratione differat ab usu, stylo, & præscriptione. 188.1.& seqq.
 Consuetudo alia est canonica, alia civilis, alia totius Ecclesiae, alia alicuius provinciae, seu diocesis. Alia secundum legem, alia præter legem, alia contra legem. 189.4
 Consuetudo rationabilis est, quæ est de se honesta, & utilis reipublicæ. 190.2
 Quando censetur bono communi expedire. 4
 In dubio præsumenda est bono communi expediens. 5
 Introducentes consuetudinem contra legem, an peccent. 6
 Consuetudo decennio sufficienter præscribitur. 191.5
 Nunquam debet interrumpi. 192.11
 Ad illius constitutionem exposulatur actuum frequentia, & quot hi sint. 193.1.& seqq.
 Debent decennio durare. 6
 Non est necesse in contradictorio iudicio approbari. 194.9
 At est necessarium esse liberos, & consequenter ut ex errore, aut ignorantia procedant. 11
 Item procedant ex intentione introducendi consuetudinem. 195.12.& 13
 Quomodo cognoscetur consuetudo inducta ex intentione liberali. ibid.
 Actus, quibus consuetudo introducitur, debent esse externi, uniformes, & pacifici. 14
 Consensus legislatoris requiritur. 196.1
 Sed hic sufficit consensus in lege, alius expressus non requiritur. 3
 Ab vna persona non potest consuetudo introduci. ibid.1
 A communitate perfecta introduci potest. 197.2
 Regnum & provincia superiorem recognoscens, neque habens auctoritatem condendi legem, potest consuetudinem introducere. 4
 Debet esse introducta à maiori parte communitatis. 5
 Consuetudinis effectus præcipuus est obligatio, quæ ad poenam, & non ad culpam extendi potest. ibid.1
 Consuetudo vnius ciuitatis aliam non obligat. 2
 Quando in vna ciuitate non est lex, neque consuetudo, recurrere debet iudex ad vicinas ciuitates, non ex obligatione, sed ex æquitate. 3
 Alius consuetudinis effectus est abrogare legem. 198.1
 Quod intelligitur de lege præcipiente, & poenali. 2
 Potest abrogare poenam legis, manente legis obligatione. 3
 Econtra potest abrogare legem, manente obligatione ad poenam. 4
 Item potest abrogare legem irritantem. 5
 Quid dicendum de lege prohibente consuetudinem contrariam. 199.6.& seqq.
 Lex improbens consuetudinem per generalia verba, non solum de consuetudine præterita, sed de futura intelligitur. 8
 Aduersus legem improbantem consuetudinem ut reipublicæ inconuenientem non potest consuetudo introduci, nisi res ita mutantur, ut prudenter possit legislator velle legi derogare. 10
 Potest præualere consuetudo aduersus legem verfantem circa sacramentalia. 200.11
 Item non caret probabilitate aduersus ius gentium præualere posse. 12.& 13
 Consuetudinis item effectus est interpretari legem. 201.1
 Sed hæc interpretatio potest esse authentica, vel probabilis, & quomodo differant. 2
 Authentica interpretatio requirit decennium, secus probabilis, seu coniecturalis. 3
 Hinc fit secundum consuetudinem receptam debere iudicem arbitrum iudicare, in quem est factum compromissum de iudicio ferendo secundum ius. 4
 Secundum consuetudinem sunt contractus regulandi. 5
 Iudicium externum, & internum iudicandum est secundum consuetudinem. 6
 Alius item consuetudinis effectus est irritatio actus, cui effectui plures limitationes apponuntur, sed non approbantur. ibid.5.4.per totum.
 Consuetudo per legem abrogatur, & qualiter hoc contingat. 202.5.1.per totum.
 Alia consuetudine abrogari consuetudo potest. 204.1
 Debet esse contraria consuetudo abrogans præexistenti abrogandæ, & quomodo contingat. 2
 Solo decennio abrogatur. 5
 Consuetudinem probare tenetur allegans. 205.1
 Excipitur consuetudo notoria. 2
 Idem de ordine procedendi in iudicio. 3
 Idem

Index rerum.

Idem est de stylo fori, & curiæ.	4
Excipitur item consuetudo, de qua est dubium, an sit rationabilis.	5
Consuetudo, quæ ab allegante probanda est, plenè probari debet.	6
An vnus testis semiplenè consuetudinem prober.	7
Duobus testibus plenè consuetudo probatur, debent tamen deponere de frequentia actuum, & diuturnitate temporis.	8
Doctore excellenti de consuetudine testanti credendum est præsumptiuè, non concludenter.	106.9
Testantes Doctores de consuetudine integrè illam probant.	10
Vni Doctore in foro conscientiæ, dum alij non contradicunt, integrè fides adhibenda est.	11

Contemptus.

Qua ratione legis contemptus contingat.	82.1
Si iungitur transgressioni legis, est duplex peccatum.	83.2
In qua specie peccati contemptus sit.	3
Circa præcepta & consilia versari potest.	4
Contemptus formalis semper est mortale peccatum.	6

Contentio.

Charitati contraria quæ sit.	636.4
Ex suo genere est graue peccatum.	5. & 6

Contractus.

Si fiant spe acquirendi præmium validi sunt.	46.3
--	------

Cooperatio.

His, qui non comprehenduntur sub præcepto, vel lege, poteris subministrare, & adiuuare in actione prohibita, secus qui excusantur.	158.10
Licet infidelibus, pueris, amentibus cibos vetitos subministrare: non tamen licet infideles, vel amentes in monasteria monialium introducere.	159.11
Neque licet ignorantibus esse diem ieiunij cibos vetitos ministrare, & ad comedendum inducere.	12
Pueros ante septennium bene potes ad monasteria monialium introducere, non tamen amentes.	13
Non licet tibi inuitare ad copulam amentes, ebrios, nec pueros rationis vsu carentes.	14

Correctio.

Correctio quid sit.	613.1
Alia est fraterna, alia iuridica.	2
Illius est præceptum.	3
Seruandæ tamen sunt aliquæ conditiones.	5
Oritur ex charitate hoc præceptum.	6
Impleri potest per actum elicitum à charitate, vel misericordia.	7
Satisfieri huic præcepto potest, esto ex prauo motu correctionem facias.	8
Proximo, qui peccatum commisit, & in periculo est committendi, debetur correctio.	614.2. & 3
Si proximus publicè peccat, corripiendus est, si est spes emendæ.	4
Peccatorem in peccato habituali existentem absque periculo peccatum actuale committendi, non est obligatio corripiendi.	6
Constitutus in actione peccati venialis corripiendus est, vt probabilis defenditur.	615.3. & seqq.
Si peccans venialiter subditus sit, & eius peccatis religiosa disciplina labefactetur, Prælatus mortaliter peccat non corrigens. Et idem est de alijs vicem Prælati gerentibus.	616.6

Ferd. de Castro Sum. Mor. Pars I.

Ex sola dissimulatione peccatorum venialium, si occulta sint, non peccat Prælatus grauiter.	7
Correctionis obligatio prærequirit cognitionem de peccato proximi moraliter certam.	ibid.1
Si proximus ex ignorantia peccat, corrigendus est.	2. & 3
Item requirit correctio spes fructus.	617.1
Sed sufficit de cursu temporis sperari.	2
& sperari sub probabilitate.	3
Quando est dubium, an correctio ob futura, vel profutura est, nulla est obligatio.	4
Secus si dubium sit de profectu, & securitas de damno.	5
In extrema necessitate in dubio de profectu, & de nocumento, adhibenda est correctio.	6
à Correctione excusaris extra casum necessitatis extremæ ob graue nocumentum honoris, vitæ, & fortunæ.	618.1. & seqq.
& quando hæc contingant.	ibid.
Si proximus ab alio, vel à te corripiendus est, non obligaris corrigere.	5
Si speras proximum alio tempore fructuosius esse emendandum, excusaris à correctione statim facienda.	6
Quod est verum, tamen si proximus intermedio tempore peccatum aliquod committat.	7
Corrigere proximum omnes obligantur.	619.1
Peccator publicus regulariter à correctione deobligatur: aliquando tamen tenetur.	2
Occultus peccator obligatur.	3
ob Correctionem non est obligatio poenitentiae, nisi in Prælato. Quid in extrema necessitate.	5. & 6
Concionator, & iudex delicta corrigens in peccatore non peccat mortaliter.	7
Prælati aliique superiores specialem habent obligationem, & ex qua virtute oriatur hæc obligatio.	8
Omnes tam infideles, quàm fideles corrigendi sunt.	620.9
Prælati à subditis corrigi possunt, humili tamen obsecratione.	10
Correctionis fraternæ ordo à Christo institutus.	ibid.1
Non constituit Christus speciale præceptum, sed materiale declarauit.	4
Vt tamen obliget, seruandæ sunt aliquot circumstantiæ.	3
Huic ordini, vt secum seruetur, cedere quis potest.	621.3
Neque licitum est talem cessionem impugnare.	
An ex cessione iuris manifestari possint delicta superiori alijs non manifestanda.	622.5. & 6
Societatis Iesv religiosi cedunt iuri in ordine ad correctionem fraternam non iudicalem.	7
Quoties Prælatus melius correcturus est, potes omissa secreta correctione ei secretum peccatum proximi manifestare.	623.1
Prælatus ex tali denuntiatione non potest iudicialiter procedere.	ibid.1
Potest tamen delinquentem moderata poena punire.	2
& subditum à loco, & officio remouere, si absque infamia fieri potest.	624.3
Debet tamen prudenter procedere.	4
Debet alicui, vel aliquibus delictum manifestare, si hoc necessarium est ad correctionem.	5
Rector collegij, qui poterat subditum emendare absque manifestatione prouinciali, peccat grauiter si manifestat.	6. & 7

M M m

Item

Index rerum.

Item subdito delinquenti potest socium designare fidelem, qui eius actiones exploret, & Prælato deferat. 8

An possit Prælatus significare designato se malè de subdito sentire, vt sic diligentius vigilet. 9

Potest Prælatus subditum delinquentem coram duobus, vel tribus testibus reprehendere. 625. 10

Si per denuntiationem paternam remedium non adhibeatur sufficiens, & delictum vergit in damnum communitatis, vel tertie personæ, tenetur denunciatus denuntiationem iudicalem facere. 11

Fratrem emendatum, neque habentem periculum relabendi, non debes denunciare. 626. 4

Stante periculo denunciandus est, & quod sit probabile periculum. 5

Quid cum est dubium, an delinquens emendatus sit. 6

D

Decisiones Rotæ.

Decisiones Rotæ non habent vim legis, tametsi magnæ sint autoritatis. 193. 7

Declarationes Cardinalium.

An vim legis habeant, & quam autoritatem fortiantur. 272. 3. & seqq.

Delectatio.

Quæ sit differentia inter delectationem, & desiderium. 89. 1

Delectatio de cogitatione obiecti mali, mala non est. 90. 2

Idem dicendum, si delecteris de modo aliquo mirabili, & artificioso. 3

Quomodo sit cognoscendum, procedat ne delectatio ex artificio, ex cogitatione, vel ex obiecto malo. 5

Semper est mala delectatio de obiecto formaliter malo. 6

Nulla delectatio deliberatè quæ sita de obiecto graui in personis solutis in materia luxuriæ, venialis est ex leuitate materiæ. 91. 4

Non est licitum delectari de copula sub conditione, si licita sit. 92. 6

Viduis nullo modo licet de copula habita tempore matrimonij delectari. 7. & seqq.

Delectari de pollutione naturaliter contingente non licet, tametsi liceat illam ob aliquem honestum finem desiderare, aut de ea sic contingente ob eundem finem honestum gaudere. 10

Idem est dicendum de aliis materiis. 93. 11

Quid de coniugibus ligatis voto castitatis. 12

Quid si ex alio impedimento extrinseco copula illicita sit. 13

Quid quando est dubium de valore matrimonij, ob quod dubium interdicta est debita petitio. 14. & 15.

Quid quando dubius coniux non est de valore matrimonij. 94. 17

Delectatio in coitu aliorum illicita est. 18

In aliis materiis à luxuria delectatio de opere bono licita est. 20

Si de opere ex aliqua circumstantia malo, quatenus malum est delecteris, peccas. 21

De obiecto iure positiuo prohibito, potest esse delectatio absque peccato. 22

Delectatio & desiderium obiecti mali sub conditione

auferente eius malitiam, si obiectum sit solo iure positiuo prohibitum, non est peccatum. 95. 2

Si sit prohibitum iure naturæ, probabilius est esse peccatum, probabile honestati posse. 3, 4, & sequentib.

Delectatio morosa non de turpi obiecto habeat ne omnes species malitiæ, quas haberet desiderium illius. 96. §. 4. per totum.

Delectatio appetitus sensitiui cum commotione corporis renuente voluntate non constituit peccatum. 97. 1

Si non refrænat illius voluntas, cum possit, peccat venialiter. 98. 6

Delegatio, Delegatus.

Delegatio si personalis est, expirat morte delegati, vel eius officio finito, secus realis. 241. 1

Si sub nomine proprio delegatio fiat, regulariter censenda est personalis. 2

et si sub nomine dignitatis realis, & ad successores transit. 3

Extenditur siue res integra sit, siue non. 4

Item esto sit consanguineus delegantis. 248. 6

Si in commissione exprimatur nomen proprium, & nomen dignitatis, censenda est commissio personalis. Apponitur limitatio. 7. & 8

Commissiones factæ Legato non transeunt ad successorem. 249. 2

Commissiones factæ Canonico transeunt ad successorem in Ecclesia, vbi est certus numerus Canonicozum. 3

Iudici synodali facta commissio ad successorem non transit. 4

Commissiones vicario Episcopi factæ de rigore iuris non debebant transire ad successores: at transeunt ex consuetudine. 5. & 6

Commissiones factæ vicario, seu officiali Episcopi, non possunt expediri ab Episcopo, etiam mortuo vicario, vel ab officio remoto. 7

Neque Nuntius, seu Legatus Apostolicus. 8

Neque Auditor Camere Apostolicæ. 9

Neque Officialis, seu vicarius Capituli sede vacante. 250. 10

Cum duo sunt officiales, principalior eligi debet, si æquè principales, in rescriptis gratiæ quilibet eligi potest. In contentiosis variant Doctores. Probabilius est recurrendum esse ad delegantem. 12

Electo vno officiali in rescriptis pro foro externo, non potest alius adiri, secus in foro pœnitentiæ. 13

Non potest Episcopus ab vno has commissiones auferre, & alteri committere, si in officio vicariatus illum retineat. 251. 14

Qui sub nomine vicarij, cui delegantur dispensationes, intelligantur. 15

Vicarij foranei non possunt commissiones factas diocesano expedire. 16

Delegatus, cui sunt commissæ rescripta Pontificia, si remoueatur à dignitate, non potest expedire litteras dispensationis, si commissio facta est ratione officij, secus si commissio sit rationalis, ibid. 1. 2. & 3

Excipe nisi delegatus priuatus fuerit in pœniam dignitate, vel transierit ad statum incompatibilem. 5. & 6

Denuntiatio.

Denuntiare teneris omnes apostatas à fide, etiam si tu solus noueris. 400. 2

Quomodo facienda est hæc denuntiatio. 401. 3

An

Index rerum.

- An excuseris ab hac obligatione, si speras correctione fraterna hæreticum emendandum? Affirmant aliqui. 4
- Opposita sententia, ut probabilior, & religioni favorabilior defenditur. 5
- Hæreticus emendatus an denunciandus sit. 6. & seqq.
- In casu dubio semper intelligitur iudex non ad vindictam, sed ad correctionem procedere. 402.8
- Quid si sub decreto acceperis. 9
- Ratione damni excusari aliquando potes à denuntiatione, sed prudentia opus est. 10
- Socios criminis regulariter non es obligatus manifestare. 11
- Propinquos, & sanguine iunctos hæreticos tenetur quis denunciare. 12
- Quid dicendum de filio respectu patris, aut econtrà? Negant aliqui. 13
- Probabilius est obligatum esse casu quo alia via non possit hæresim impedire. 14
- Filius in hoc casu à pœnis latis aduersus filios hæretici liberatur. 403.15
- Quid dicendum de vxore respectu mariti. 16
- Inquisitoribus non sunt denunciandi, qui eis non subduntur. 17
- Vnde Episcopi non sunt iis denunciandi, & qui nomine Episcopi comprehendantur. 18
- Item nec Nuntius, nec officialis Pontificis. 19
- Teneris tamen illos Inquisitoribus denunciare, si ad Pontificem non est recursus. 20
- Expenduntur pœnæ latæ aduersus omittentes denuntiationem, cum obligati sunt. 21
- Denuntiator in crimine non tenetur probare. At si probetur in crimine hæresis calumniosè denuntiasse, grauius puniatur. 508.1
- Denuntiationis forma, & stylus in ea seruandus. 2
- Denuntiatione facta Inquisitor procedit ex officio. 3
- ad Denuntiationem omnes admittuntur, tamen absentes; debent tamen litteras subscribere. 4
- Quando sit obligatio denunciandi Confessarium sollicitantem ad Venerem in confessione. 557. disp. 9. per tot.
- Denuntiar iudicialiter possunt peccata notoria, non permittit correctione fraterna. 627.3
- Obligatio huius denuntiationis est, cum adest præceptum superioris, vel cum proximus correctione fraterna non censetur emendandus. 4
- Peccata quæ à te, & ab alio sciuntur, denuncianda sunt iudicialiter, si in damnum tertij vergunt. 5
- Si delicta solum sunt in damnum delinquentis, præmittenda est secreta correctio, & inductio testium, antequam iudicialiter denuntietur, si probabiliter existimatur correctio, vel inductio testium profutura. 628.6
- Notatur quædam differentia in materia denuntiationis inter peccata, quæ in damnum tertij vergunt, & quæ solum peccanti nocent. 7
- Peccata omnino secreta, & quæ in damnum communicatis, vel tertij vergunt, si per secretam correctionem emendari possunt, non sunt iudicialiter denuncianda. 8
- Si est præsumptio non esse delinquentem corrigendum, adhuc plures censent non posse fieri denuntiationem iudicalem. 9
- Contrarium est tenendum. 629.10
- Cum Prælati præcipiunt delicta sibi denunciari absque communicatione cum aliqua persona, intelligitur præceptum de delictis, quæ tibi certò constat esse denuncianda. Secus de illis de quibus dubius es. 11
- Rarò in propriis iniuriis est obligatio corripiendi delinquentem. 12
- Denuntiandi non sunt delinquentes, quorum delicta non laborant infamia, & contat emendatos esse. ibid. 1. & ibi de hæresi.
- Quando præsumitur delinquens emendatus, ut cesset obligatio denuntiationis. 2
- Delictum à duobus, vel tribus notum, si iudex procedit ad punitionem, non est iudicialiter denunciandum. 3
- Neque etiam est denunciandum, si sub secreto delictum acceperis, modò delictum non cedat in damnum tertij. 4
- Accepta in recompensationem non sunt denuncianda ex præcepto lato de reuelandis furtis. 5
- Quid si præceptum sit de manifestando accepta, esto accepta sint in recompensationem. 6
- Si tibi graue damnum ex denuntiatione imminet, non teneris denunciare: vel si compellendus es probare, nec potes. 7
- Tandem excusaris à iuridica denuntiatione, si à fide dignis non acceperis. 8
- Tenetur iudex denuntiationem admittere, esto denuntians non probauerit correctionem fraternam præcessisse. 631. p. 16. per totum.
- Desperatio.*
- Desperatio quid sit, & in quo consistat. 572.1. & seqq.
- Semper est mortale peccatum. 573.5
- Quid dicendum de eo, cui Deus suam damnationem reuelare latè examinatur. 6. & seqq.
- Discordia.*
- Discordia quid sit. 636.1
- Est peccatum charitati contrarium. 2
- Ex suo genere mortale, aliquando esse potest veniale. 3
- Dispensatio.*
- Dispensatio quid sit. 284.1. & seqq.
- Differt ab absolutione, à peccatis, & censuris. 5
- A simplici licentia requisita per legem. 6
- A legis abrogatione, & derogatione. 285.7
- A priuilegio. 8
- Legis dispensatio multum differt à dispensatione voti, & iuramenti. 9
- Dispensatio in nullo iure naturali cadere potest. 286.5
- Expenditur quorum peccatorum naturalium possint Prælati facere dispensationem inductam. 287.7
- In iure diuino positiuo solus Deus dispensat. ibid. 1
- Sed non est credendum dispensare, nisi sic Ecclesia declarauerit. 2
- Regibus aliisque secularibus Pontificibus non est concessa potestas dispensandi in iure diuino positiuo. 3
- Imò neque Pontifici est data talis potestas. 4. & sequentib.
- Dispensandi potestas in propriis legibus, cuiuslibet legislatori competit. 289.1
- Pontifex in suis legibus, & in legibus Concilij, & in legibus aliorum Pontificum potest dispensare. 2
- Episcopus in legibus diocesanæ Synodi. 3
- Aliqui limitant, nisi iuramento sint constitutiones firmatæ. Sed non approbatur limitatio. 4
- Secundò limitant, nisi constitutiones transferint in contractum. Explicatur limitatio. 5

Index rerum.

- Tertio limitant**, nisi fuerint constitutiones à superiore confirmatae : sed intelligendum est de vera confirmatione. 6
- In legibus superioris inferiores non habent potestatem dispensandi**, nisi expresse, vel tacite eis fuerit concessum. 7, 8, & 9
- Episcopus in legibus Concilij provincialis non potest aliter dispensare**, quàm potest in legibus Pontificiis. 290. 10
- Idem dicendum est de Archiepiscopo**, qui tali Concilio præsuit. 11
- Cùm lex superioris dicit ut dispensari possit**, possunt inferiores dispensare. 291. 1
- Item cùm materia legis levis est.** 4
- Item si casus frequentes sint.** 291. 5
- Item quando leges sunt illius provinciae propriae**, non aliis communes. 6
- Item in extraordinario aliquo euentu.** 7
- & cùm dubium est esse necessariam dispensationem.** 10. & 11.
- Deinde si consuetudine sit præscriptum posse inferiores in lege superioris dispensare.** ibid.
- Hæc potestas ordinaria est.** 293. 12
- Neque pender à Capitulo.** 13
- Potestatem dispensandi in pœnis habet legislator**, & ante patratum delictum, & pòst. ibid. 1. 2
- Pœnas annexas delicto non possunt inferiores impedire.** 3
- Pœna à lege statuta**, & quæ executioni mandanda est per iudicem, augeri, aut minui non potest ab eo sine causa. 4
- Apponuntur aliquot limitationes.** 294. 5
- Post latam sententiam**, & pœnam inflictam, nullus iudex inconsulto Principe potest augere, vel minuire pœnam, spectato iure civili, secus iure canonico. 6
- Hæc potestas competit Capitulo sede vacante**, & omnibus illis, qui episcopali gaudent potestate. 7
- Quid de Prælati religionum.** 8
- Prælati non potest secum dispensare in pœna**, quæ illi per sententiam fuerit imposita. 10
- Item debet fieri dispensatio absque tertij præiudicio.** 11
- & in criminibus**, quæ non sunt adulterio maiora. 12
- Pœnam religiosi condemnati à Rectore**, non potest Prælati provincialis renuentē Rectore tollere. 295. 13
- Potestatem dispensandi secum in legibus, votis, & iuramentis quilibet superior habet non solum de dispensatione indirecta**, sed directa. ibid. 1. & 2
- Quod de Prælati religionum etiam intelligitur.** 296. 3
- In censuris non admittitur hæc potestas directa.** 4
- Probabile est posse in irregularitate, inhabilitate, & depositione ipso iure contractis.** 5
- Cùm vagis nullibi habentibus domicilium certum est posse superiorem illius loci**, in quo de præsentī resident, dispensare. ibid. 1
- Cum forensibus dubium est. placet nobis in lege municipali, & communi dispensare posse.** 297. 5
- In votis, iuramentis, aliisque impedimentis ex sola habitatione transeunte non videtur acquiri sufficiens titulus ad dispensandum.** 6
- Imò neque ex habitatione diuturna, si domiciliaris non sit.** 7
- Cum subditis suffraganeis expenditur**, quando possit Metropolitanus dispensare. 298. 1. & 2
- Cum religiosi exemptis potest suus Prælati dispensare.** ibid.
- Ab Episcopo non possunt hi religiosi dispensari absque suorum Prælatorum licentia.** 299. 3
- Si iniuste hæc licentia negatur**, potest religiosus Episcopum adire; secus si iuste negetur, & in casu dubio præsumendum est iuste negari. 4
- Si non potest Prælati religionum adiri**, poterit tunc Episcopus. 5
- Limitatur**, nisi religiosus possit adire intra religionem superiorem alium Prælatum. 6
- Quando nullus religionis Prælati cum religiosis dispensare potest**, potest religiosus de licentia sui Prælati Episcopum adire. 7
- Ex privilegiis religionum omnes possunt de licentia sui Prælati Episcopum adire pro dispensatione obtinenda**, tametsi iure communi eis prohibitum sit. 8
- Religiosi & sæculares subiecti Prælati ordinum militarium**, quibus non cōpetit potestas absolendi, & dispensandi in Trident. concessa, possunt de licentia suorum Prælatorum adire Episcopum. 9
- Dispensatio in lege propria ut valida sit**, nullam causam expostulat. 300. 1
- Sine causa concedens dispensationem peccat.** 2
- Aliquibus placet hoc peccatum mortale esse.** 4
- Probabilius est esse tantum veniale.** 5
- Quid dicendum de Principe sine causa dispensante.** 6
- Dispensatione utens sine causa concessa non peccat.** 301. 8
- Dispensatio in lege diuina, & naturali, sine causa data, inualida est.** ibid. 1
- Idem est de dispensatione inferioris in lege superioris.** 2
- Aliqui temperant**, nisi inferior habeat plenitudinem potestatis. Sed reicitur. 3
- Deinde limitant alij**, nisi in facultate dispensandi exprimentur nomina, quibus dispensatio est concedenda, & non exprimat causa cognitio. Sed non admittitur limitatio. 4
- Sicut neque admittitur**, esto bona fide p. v. 5
- Existimans adesse causam.** 7
- Inferior dispensans in lege superioris absque causa**, mortaliter peccat. 302. 6
- Non potest certa regula definiri**, quæ sit legitima causa dispensandi in legibus superioris. 7
- Dispensationem concedere an teneatur superior**, cùm adest eius concessionis legitima causa. 8
- Resolvitur aliquando posse dispensationem concedere**, aliquando esse obligatum. 9
- Quando hæc contingant.** 303. 10
- Quid dicendum de delegato**, an teneatur dispensare, cùm adest causa legitima. 12
- Dispensandi potestatem habentes possunt dispensaturis imponere aliquam multam pecuniariam**, si dispensent in votis, vel quoties ex onere imposto integratur causa dispensationis. ibid. 1
- In casibus tamen**, in quibus debetur dispensatio, non possunt multam imponere; secus in illis, in quibus denegare possunt. 3
- Inferior non potest sub onere aliquo, & pecuniaria multa dispensationem concedere**, ut probabilius defenditur. 3. 4. & 5
- Dispensandi potestatem se habere asserenti potest in foro conscientiae credi**, sed non est obligatio. ibid. 1. & 4.
- In foro externo nemini est credendum**, nisi instrumentum concessionis ostendat. 2
- Limitatur in iis**, quæ graue præiudicium causare possunt: secus in iis, quæ nullum, vel minimum. 3
- Creditur Episcopo non subditum ordinanti**, si dicat in titulo de licentia proprii Episcopi fuisse. 5
- Item**

Index rerum.

- Item de Pœnitentiario dicente viuz vocis oraculo
sibi concessam esse potestatem absoluendi à re-
fernatis. 6
- Dispensationis forma nulla est præscripta, sed illa suffi-
cit, quæ mentem dispensantis exprimit. 305. 1
- Ad valorem dispensationis cum absenti, mandatum
eius non requiritur. 2
- Non tamen habet effectum, quousque dispensando
innoscat. 3
- Gratia impetrata valet absque tuo mandato; secus
illius acceptatio. 4
- Dispensationem tacitam concedere quilibet in suis le-
gibus, & in legibus superioris potest. *ibid.* 1
- Cognoscitur tacita dispensatio, si tibi à Prælato
mandetur actus, qui sine dispensatione fieri non
potest. 306. 2
- Deinde si videat te disponi ad operandum contra le-
gem, & non impedit cum facile possit. 3
- Quando taciturnitas, & dissimulatio Prælati cen-
seatur sufficiens signum dispensationis. 4. & 5
- Rati habitio, & præsumptio excusans ab obligatione
non debet subsequi actum, sed antecedere. 307. 6
- Dispensationem præcedere debet causæ cognitio.
ibid. 1
- Si absq; illa legislator in propriis legibus dispen-
set, valida est dispensatio. 2
- Secus si inferior in lege superioris dispen-
set, tametsi causa existat. 3. & 4
- Cognitio causæ requisita ad dispensationem non est
necesse ut iudicialis sit. 308. 5. & 6
- Quomodo in foro externo probandum sit adfuisse
causam dispensationis. 7
- Si Prælati affirmet præcessisse causæ cognitionem
in foro conscientie, optime ei credi potest. *ibid.* 1
- In foro externo si in propria lege dispen-
set. At si causam ex facto alieno pendentem alleget ad di-
spensandum, tametsi præsumptionem faciat, da-
tur probatio in contrarium. 309. 2
- In dispensatione legis superioris credendum est asse-
renti habuisse causam ad dispensandum, donec
contrarium probetur. 3
- Debet tamen declarare saltem in genere causam,
alias probabilius est non esse credendum causam
adesse. 4
- Dispensationis expeditio non omnibus conceditur, sed
aliquibus, & seruatis quibusdam conditionibus,
& quæ hæc sint. *ibid.* p. 15
- Cum dispensatio pro foro conscientie conceditur,
committitur expedienda magistro in Theologia,
vel Doctori iuris canonici, & ab ordinario ap-
probato. 1
- Sacerdotes Societatis Iesv habent priuilegium has
dispensationes expediendi, quamuis non sint gra-
du Doctores, vel Magistri insigniti. 310. 2
- Potest dispensandus relicto vno dispensante alium
adire in dispensationibus concessis pro foro in-
terno, secus pro foro externo. 3
- Præmittere debet dispensans causæ cognitionem,
alias nulla est dispensatio. At dicto tametsi nõ iu-
rato dispensaturi creditur, & explicantur alie
conditiones. 4
- Non est necesse absolutionem sacramentalem præ-
mitteri. 6
- Qua ratione facienda sit commutatio in pia opera. 7
- An necessariò litteræ dilaniandæ sint. 311. 8
- Impedimentum dispensandum debet esse occultum. 9
- Neque ad contentiosum forum deductum. 10
- Quid si deductum fuit, & non fuit probatum inte-
grè, sed semiplenè. 11
- Quid si plenè probatum, & punitum. 12
- Qua ratione coniux impedimenti ignarus conscius
debet esse nullitatis prioris matrimonij. 13
- Quid de potestate legitimandi prolem in his dispen-
sationibus concessa. 312. 14
- Si pro foro externo dispensatio committitur expe-
dienda, explicantur qualitates delegati. *ibid.* 1
- Ex quibus causis, & quibus modis hæc dispensatio
concedenda sit. 2
- Possintne delegati hæc dispensationes? Proponitur
dubitandi ratio. 3
- Resoluitur examinationem testium, veritatis inda-
gationem delegari posse, non absolutionem, ne-
que dispensationem, neque proles legitimatio-
nem. 4
- Dispensatio per metum extorta, si causa legitima inter-
cedat, non est irrita. 313. 1
- Secus si non adest causa, nisi in propria lege dispen-
satio concedatur. 2
- Debet tamen dispensans absolutam voluntatem ha-
bere dispensandi. 3
- Dispensatio per errorem, vel ignorantiam, quæ tollat
voluntarium, nulla est. *ibid.* 1
- Non est necesse mentionem facere alio tempore ne-
garam esse dispensationem. 316. 1
- Sitne dispensatio nulla, ex eo quod taceas alium tibi
esse in ea materia concessam. 317. 2
- Resoluitur ut probabilius non esse. 3
- Limiratur, nisi prima dispensatio fuerit in præiudi-
cium tertij, quia tunc debet illius mentionem fa-
cere. 4
- Idem est, si est necessarium, ut Princeps qualitatem,
& quantitatem gratiæ intelligat, & explicatur
exemplis. 318. 5
- Item si necessarium est, ut impedimentum dispen-
sandi integrè cognoscatur. 319. 6
- Valet secunda dispensatio sine mentione primæ,
quories ad tollendos scrupulos, vel dubium
secunda impetratur. 7
- Sed quid si obtinens secundam dispensationem prio-
ri usus non fuerit? Affirmat Sanchez priorem eua-
nescere. 8
- Sed probabilius est secundam esse inuvalidam, casu
quo prima extincta non sit impedimento perpe-
tuo. 9
- Duplici impedimento ligatus, debeantne vtriusque
mentionem facere? Prima sententia negat. 10
- Secunda probabilior affirmat. 11
- Quid si habeas votum castitatis, & velis cum con-
sanguinea contrahere, an possis voti dispensatio-
nem impetrare, tacito impedimento consanguini-
tatis? Resoluitur posse in aliquo casu. 12
- Quid si habeas votum religionis, & castitatis. 13
- Si impedimenta irritatione tolli debent, non est ne-
cessariò facienda mentio illorum in impetratio-
ne dispensationis. 14
- Quid si impedimentum sit aliud publicum, aliud
occultum? 15
- Quid dicendum in dispensatione irregularitatis, &
aliarum pœnarum. 16
- Dispensatio sæpe vitiatur ex falsi expressione. 321. 1
- Si ex causa vera, & falsa integratur sufficiens causa
dispensationi, dispensatio corrumpitur. At si vera cau-
sa allegata sufficiens est, ex falsa superaddita non
vitiatur dispensatio, secundum communio-
rem sententiam. 2
- In casu dubio sitne falsa causa allegata finalis, vel
motiua, præsumitur motiua. 322. 3
- Quid si causa falsis testibus probetur. 4
- Subreptio commissa in vna parte rescripti non vitiatur
solum rescriptum, si per ignorantiam etiam cul-
pabilem, modò non sit crassa, subreptio commis-
sa sit.

Index rerum.

Viciat tamen, si ex fraude, & malitia procedatur. 6
Debet tamen vna pars cum alia coniunctionem habere. 7
& explicatur exemplis. 323.8. & seqq.
Non petit dispensatio per renuntiationem tacitam, nisi acceptetur à concedente. 254.11. & 12
Quare si obtinuisti dispensationem, vt duceres Mariam, & aliam duxisti, ea mortua potes priorem ducere. 13
Et si dispensatus ad beneficia ad nuptias transisti, non ob id cassatur dispensatio, sed mortua vxore illa vti poteris. 14
Dispensatione concessa ab inferiori in lege superioris, non potest illam reuocare, vt probabilius defenditur. 262.2. & 3
Quid dicendum de inferiore Prelato, an illius superior possit reuocare dispensationem ab illo factam. 5

Dispensandi potestas.

Latè est interpretanda, si detur personis non expressis. 129.2
Expressis personis strictè interpretanda est. 230.5
Concessa Episcopis in Trident. sess. 24. c.6. latè est interpretanda. 6
Idem est de potestate concessa per Iubilæum, & Bullam Cruciatæ. 7
Quid de potestate concessa alicui eligendi Confessorum, an sit intelligenda de peccatis commissis, vel committendis. Resoluitur de commissis tantum, si in bonum ipsius concessa sit potestas. 8
Potest Episcopus dispensandi potestatem committere vicario generali, & speciali personæ. 415.18

Disputatio.

Cum infidelibus & hæreticis de rebus fidei aliquando est licita, aliquando illicita. 372.1. & seqq.
Potest esse licita, vel illicita ex fine, & quando hæc contingat. 2
Ex parte disputantis licita est, si doctus sit, nullaque lege positua impediatur. 373.3
Laicus, tamen si doctus, prohibitus est dispensare. 4
Intelligitur prohibitio de disputatione formali. 5
Neque intelligitur prohibitio in casu necessitatis, vel grauis, vel euidentis vtilitatis. 6
Item intelligitur prohibitio de disputatione assumpta à laico propria auctoritate. 374.7
Neque extenditur ad terras, in quibus hæretici cum Catholicis passim permixti sunt. 8
Ex parte audientium licita est disputatio, si cum eorum fructu fiat, & quando hoc contingat. 9
Qui modus seruandus sit, vt licita sit disputatio. 10

Dubium.

Aliud est de iure, aliud de facto: aliud speculatiuum, aliud practicum, & quæ hæc sint. 22.2. & 3.
Cum dubio speculatiuo stat iudicium practicum de recta operatione. 4
Operari cum dubio practico, est intrinsecè malum. 5
Dubitans speculatiue de aliquo præcepto, si rationabiliter dubium non deponat, obligatus est parrem tutiorem eligere. 23.6
Quæ sit pars tutior. 7
Dubius, an sit res sua, si illam bona fide possidet, facta sufficienti diligentia, si vincere dubium non potest, eam potest retinere. ibid.4
Suborta dubitatione debet fieri diligentia ad inuestigandum verum dominum. 24.7

Si hanc diligentiam omittas, cum dominus comparere poterat, teneris ad restitutionem. 8
Si præmissa debita diligentia propius des magis rem alienam esse, aliqui affirmant te obligatum esse restituere, vel saltem diuidere. Probabilius est oppositum. 10. & 11
Si certum tibi constat debitum contraxisse, dubitas autem an solueris, teneris soluere. 14
Monere debes emptorem de dubio, si rem alienam contractu oneroso. 13
Si à possessore bonæ fidei rem furto accepisti, & dubitas an eius sit, teneris integram ei reddere. 25.1
Si titulo emptionis, vel donationis rem sub dubio furtiuam possederis, & facta diligentia dubium persistit, teneris diuidere inter eos, de quibus dubitas. 2
Tenearis ne de damno sequuto, cum dubitas, an illius fueris causa, consilij, mandati, adiutorij, &c. ibid.1. & seqq.

Dubius an sua culpa perierit res deposita, vel commodata, non tenetur ad restitutionem. 26.4
& quid in foro externo. ibid.
Si facta sufficienti diligentia dubius es de lege, vel præcepto, non teneris illo. 29.1
Idem est si dubites, an se extendat lex ad aliquem casum. 2
Quid si dubites an sit lex vsu recepta. 3. & 4
Si certus es de lege, dubius autem an ob aliquam causam eximaris, teneris. 30.5
Idem est, si dubites an satisfeceris. 7
Quid si dubites an sonuerit 12. hora noctis vt possis cenare, vel carnes comedere? sub distinctione respondetur. ibid.6
Dubitans an expleuerit 21. annum, ieiunio non tenetur. 31.7
Dubius an comederis, vel biberis post 12. horam noctis, communicare non potest, secundum probabiliorem sententiam. 9
Dubius an obligatus sit recitare ob tenuitatem beneficij, tenetur recitare. 11
Excusatus es à voto, promissione & iuramento, si dubius es an ea emisericis. 32.2. & 3
Si dubius fueris de intentione, non es excusatus. 33.4
Dubius, an cum ambiguitate iuraueris, eo quod metu extortum tibi sit iuramentum, non te obligat. 6
Dubius an expleueris septennium, non est certum te obligatum esse iudicare expleuisse. ibid.3
Dubius an fueris perfecte liber ad votum, iuramentum & promissionem, credere potes non fuisse. 34.7
Dubius de materia voti, iuramenti, aut promissionis, an licita sit, teneris si superior consuli potest. Secus si consuli non potest, & urgeat tempus promissionem exequendi. 35.1. & 2

Duellum.

Duellum quid sit, expendunturque causæ, ob quas honestari possit. 655.4
Ostentare vires, & voluptatem spectantibus causare insufficiens causa est. 5
Veritatem aliquam duello firmare non solum illicitum, sed superstitiosum est. 6
Vindicatio propriæ iniuriæ illicita est per duellum. 656.7
Defensio honoris proprii, quem videris amittere, si oblatum respuis, non est censenda sufficiens causa honestandi duellum. 8
Si

Index rerum.

Si aliquis tibi minatur mortem, vel gravem iacturam honoris, vel diuitiarum, nisi duellum acceptes, acceptare illud potes. 9
 Excipe, nisi cum aliquo innocente procuret, ut pugnes. 10
 Ad evitandam mortem, ad quam es condemnatus, an licetè possis duellum acceptare? tenent aliqui, & quibus defendant. 11
 Sed contrarium dicendum est. 12
 Si mineris de iniusta accusatione, nisi duellum acceptes cum accusatore, poteris acceptare. 657. 13
 In defensionem diuini honoris aliquando admitti potest duellum. 14
 Ob terminandum bellum licet admittere duellum ex parte iusti bellantis. 15
 Licitum est in hoc casu obligare milites, ne pugnantibus succurrant. 16
 Enumerantur pœnæ impositz duellantibus absque causa legitima. 17
 Non prohibetur sub censura quælibet pugna, sed pugna ex condicto loco, & tempore determinato. 18
 Excommunicatio, quam duellantes incurrunt, est reservata virtute Trident. Absolui potest ab Episcopo, si occultum sit duellum virtute Cruciatæ, etiam si publicum sit semel in vita, & semel in morte. 19
 Quæ causæ excusent Principem ab hac excommunicatione incurrenda, ex eo quod duellum permittat. 20
 Reliquæ pœnæ præter excommunicationem, suspensionem, & interdictum, indigent declaratione iudicis, ut incurrantur. 21

E

Ecclesia.

Ecclesia variis modis sumitur. 329.1
 Illius membra non sunt propriè catechumeni, bene tamen hæretici, excommunicati, & peccatores. 2
 Ecclesiæ proprietates sunt septem, & explicantur. 330.3
 Sola congregatio fidelium Romano Pontifici obediens est vera Ecclesia. 4
 In Ecclesia necessariò constituenda est regula infallibilis veritatis. 331.1
 Hæc regula non est sola sacra Scriptura. 2
 Hæc regula in nullo alio præter Romanum Pontificem residet. 4

Electio.

Electio an facta ex metu, si sit maioris mali, ut minus vitetur, cadat in virum constantem? 46.3
 Electio minoris mali comparatione maioris peccatum est non aduersus electionem, sed aduersus illam virtutem, qua cum pugnat malum electum. 101.4
 Qui maius malum eligeret relicto muneri, aduersus illam virtutem peccaret, aduersus quam est malum electum. 5
 Remanente vno Cardinali in conclavi aliis decedentibus, probabilius est non posse Pontificem ab eo eligi. 153.20

Eleemosyna.

Eleemosyna quid sit, & à qua virtute procedat. 592.1

Duplex est beneficentia, corporalis, & spiritualis, & utraque explicatur. 2
 Oligatio dandi eleemosynam est quando proximus patitur necessitatem alias non subleuandam. 593.4
 In extrema necessitate, ex necessariis statui, & superfluis naturæ teneris proximo subuenire. 5
 Satis est probabile ex necessariis statui non esse obligationem subueniendi proximo extremam necessitatem patienti. 6
 Non es obligatus magnas diuitias pro redimenda vita particularis proximi expendere. 7
 Pro salute proximi non es obligatus Medicos à longè vocare, & medicinas exquisitas afferre. 594.8
 Condemnato iustè ad mortem non teneris subuenire, tametsi facillè possis. 9
 Extra extremam necessitatem aliqui negant te esse obligatum eleemosynam facere. 10
 Sed non admittitur. 12. & seqq.
 In communi necessitate pauperum aliquando obligaris eleemosynam facere de superfluis. 595.15
 Eleemosyna in propellenda proximi necessitate, cuiusque miseria subleuanda sita est. 16
 In casibus in quibus obligatus eleemosynam facere, teneris solum ex charitate. 596.1
 Si proximus indiget non re, sed vsu, sufficit, si vsum dones, tametsi non rem. ibid. 1
 Si proximus indigens habeat alibi bona, satisfacis mutuando, vel vendendo. 2
 Extremè indigenti probabilius est te obligatum esse donare. 597.5
 Idem est dicendum de patiente gravem necessitatem. 6
 Cum obligaris mutuare, non potes lucrum cessans deducere in pactum. 7
 Omittens dare eleemosynam cum ex charitate tenetur, non tenetur ad damna. 598.8
 Si Ecclesiasticus es, in omnibus casibus, in quibus laicus obligatur, obligatus manes. ibid. 1. & seq.
 Ex bonis patrimonialibus, aut quasi, non alio titulo obligantur clerici eleemosynam facere, quàm laici. 3
 Clericus ex patrimonialibus bonis in sui sustentationem insumens, potest ex redditibus sui beneficii tantundem in vsu, quos voluerit expendere. 4
 Idem est, si parcè eruendo in sui sustentationem minus insumat, quàm insumere possit. 5
 Beneficiati tenentur ex redditibus beneficii, quæ sibi supersunt, in eleemosynam, vel pia opera expendere, sub obligatione peccati mortalis. 6
 Quæ sit gravis quantitas, quam expendere beneficiatus in vsu profanos, peccatum mortale constituat. 599.7
 Quæ reputentur debita cuilibet beneficiato pro congrua eius sustentatione. 8
 Pro qualitate beneficii maior, vel minor quantitas assignanda est beneficiato pro congrua eius sustentatione. 9
 Quo clericus est nobilior, & doctior, eo plus assignandum est pro congrua eius sustentatione: tametsi aliqui contrà sentiant. 600.10
 Non sunt facillè beneficiati condemnandi, si donent consanguineis. 11
 Beneficiatus non est obligatus ex iustitia expendere in eleemosynam quæ sibi supersunt, sed ex charitate. 601.4. & 5
 Idem est de clerico pensionario. 602. p.7. per totum.

Index rerum.

Qualiter religiosus obligetur eleemosynam facere, si beneficiatus, vel Episcopus sit. *ibid.* p. 8. per totum.

Eleemosyna facienda est ex propriis in casu grauis, & extremæ necessitatis, ex alienis quando patiens necessitatem habet ius surripiendi. 606.1

Quid dicendum de bonis à communitate possessis: qua ratione de illis facienda sit eleemosyna ab hominibus illius communitatis. 2

Quid de illicitè & turpiter acquisitis. 3

Eleemosynam non potest facere seruus mancipium, nisi ex consensu domini. 607.2

Censetur tamen dominus consentire, si ibi ex assignatis ad sustentationem subtrahat, ut expendat. 2. & 3

Idem dicitur de famulis. 4

Prodigus magnam eleemosynam facere non potest, bene paruam, & suo statui conuenientem. 5

Minor & pupillus similiter absque curatoris, vel tutoris consensu non possunt magnam eleemosynam facere. At si faciant, factum tenet, quousque repetatur. 6

Tutores & curatores ex bonis illorum, quorum habent curam, moderatas eleemosynas facere possunt. 7

Filius familias, etiam si puer sit, ex bonis profectitiis, aut aduentitiis non potest facere eleemosynam, nisi quatenus dominus, pater præsumitur consensurus: secus de bonis castrensibus. 608.8

Religiosus superior eleemosynam facere potest ex bonis quæ decenti sustentationi religiosorum superfluent. Alij verò religiosi solum ex præsumpto superioris consensu. 9

Vxor de bonis propriis eleemosynam facere potest. 10

Secus de dote, & de bonis communibus absque mariti consensu. 11

Sed non procedit in eleemosynis paruis, & quas alie feminae suæ qualitatibus facere solent. 12

Item cum maritus est amens, vel absens. 13

Deinde cum sit eleemosyna ad auerendum malum, vel impetrandum bonum, sed prudenter est concedendum. 14

Item cum maritus bona dissipat. 609.15

Tandem non procedit, cum parentes, vel filij ex prioris matrimonio indigeant. 16

Debet vxor computare in sua parte dissoluto matrimonio quæ sic dedit. 17

Succurrere indigenti eleemosyna consistente in actionibus necessariis quilibet potest. 18

De quibus bonis quilibet disponere possit, si habet ascendentes, vel descendentes. 19

Eleemosynas moderatas non tenetur quis computare in quinta, vel tertia parte bonorum, secus excedentes. 20

Eleemosyna facienda est indigenti, modò non foueat eius iniquitatem. *ibid.* 1

Vagabundis non est facienda, nisi grauiter indigeant. 2

Facto pauperi nulla est eleemosyna, sed recipiens tenetur vel domino, vel veris pauperibus reddere. 610.3. & seqq.

Quibus distribuenda sit eleemosyna, cum à testatore mandatum est in pauperes distribui, & quid de filio spurio testatoris. 8

Vni tantum non potest integra eleemosyna distribuenda in pauperes concedi. 9

Item neque aliis assignatis. *ibid.*

Executor potest suis consanguineis pauperibus eleemosynam in pauperes concedere fraude cessante. 611.10

Eleemosynarum quæstores qui sint, & quæ illis sint prohibita. *ibid.* 1

Religiosi mendicantes non possunt ab ordinariis impediri, ne pro suis conuentibus eleemosynam petant. 3

Si nulla mercede accepta, neque indulgentiis publicis eleemosynam petas in fauorem alicuius pii operis, non indiges licentia ordinarij. 4

Ipse ordinarius potest sibi hanc petitionem prohibere, quousque constet nullum periculum subesse. 612.5

Episcopus non potest licentiam postulandi concedere, si ex postulatione quæstum sibi quærat postulans, vel indulgentias postulat. Secus si probata vitæ sit, neque signa quæstoris gerit. 6

Quid in Lusitania, & Castellæ regno sancitum sit de his quæstoribus. 7

Episcopus in eleemosynarum quæstores, esto exemptos, animaduertere potest. 8

Emphyteusis.

Emphyteusis quid sit, & qua ratione amitti possit. 443. p. 8. per totum.

Emptor.

Emptor bonæ fidei diceris, cum nulla ratio conuincens se sibi offert, rem emptam esse furtiuam. 25.5

Si rem furtiuam emas, ut domino reddas, non peccas. 4

Epikeia.

Epikeia quid sit, & an detur in casu dubio. 30.1

Non licet uti Epikeia in casu dubio, si consuli potest superior. 2

Quando turpius consuli non potest, affirmant aliqui. 3

Seruanda tamen est lex. 4

Epikeia licet uti non solum in casu, in quo obseruantia legis iniqua esset, sed etiam iniqua esset difficultas. 274.3

Causa in hac interpretatione debet esse ad minus probabilis. 4

Excommunicatio.

Excommunicatio lata aduersus colloquentes cum monialibus ligat beneficiarios, tametsi monasteria extra diocesim existant. Defenditur ut probabile. 167.17

Excommunicans nulliter, non contrahit poenam suspensionis c. 1. de sent. excomm. in 6. 186.3

Excommunicatus extra causam fidei, si in excommunicatione per annum perseverat, habetur pro confessio, & potest condemnari. 410.2

Debet tamen annus computari non à die incurse excommunicationis, sed à die declarationis. Item debet esse continuus, & toto illo tempore cum potestate comparendi. 3

Potes nihilominus probare innocentiam. 4

Hic excommunicatus extra causam fidei sic persecrans est de hæresi suspectus. 5

Suspicio hæc esto levis sit, sufficit ad indicendam purificationem. 411.6

Excommunicati ob causam fidei, qui dicantur. 7

Supradictus si per annum in excommunicatione inforduerit, tanquam hæreticus est damnandus. 8

Iudicis arbitrio relinquitur, quanto tempore expectare debeat post annum, ut sic hæreticum condemnet. 9

Quid si elapso anno contumaciæ compareret? Explicatur in quo debeat condemnari. 10

Quid si ante anni lapsum. 11

Festum.

Index rerum.

F

Festum.

die **F**esto laborans pluries, tamen si singulis vicibus,
parum violare potest festum. 88.7
Non tamen si est causa, ut plures parum singuli la-
borent. 8

Feudum.

Feudum quid sit, & qua ratione amittatur. 446.p.9.
per totum.

Fideiussor.

Fideiussor delinquentis tenetur satisfacere creditori-
bus casu quo fiscus non satisfecerit. 484.16

Fidelis.

Non licet fideli cum infidelibus communicare in ri-
tibus, & superstitioso cultu. 383.1
Non licet Catholico infidelem admittere ad sacra-
mentorum receptionem. 2
Si infideli imminet peruersionis periculum, iure na-
turæ prohibita est communicatio. 3
Iure Ecclesiastico prohibitum est fideli admittere
non baptizatum ad sacrificium Missæ, bene ta-
men ad orationem. 4
Fidelis tenetur vitare hæreticum denunciatum in qua-
cumque communicatione non necessaria. 5
Enumerantur casus, in quibus videtur communica-
tio fidelis cum infideli prohibita. 384.6
Familiaritas cum Iudæis de se periculosa prohibe-
tur. 7
Alij casus solum prohibentur, cum iure naturæ
prohibitio accedit. Excipe vnum, vel alterum. 8
Ejus azymorum prohibetur, si fiat ritu Iudaico, &
non aliter. 9
Non licet Iudæum, vel Sarracenum ad medendum
vocare, nisi urgente causa. 10
Item neque medicinas ab ipso applicatas recipere. 11
Ingressus in balneum cum Iudæo, qua ratione prohi-
beatur. 12
Quid de conuiuiis. 13
Nutrire filios Iudæorum extra illorum domus non
videtur prohibitum. 385.14
Quid de famularu. 15
Non licet Christiano Iudæos hæredes, vel legata-
rios facere. 16
Quando sit peccatum mortale in supradictis casibus
communicatio. 386.17
Supradictæ prohibitiones de solis Iudæis intelli-
guntur, & ut probabilius defenditur. 18
Quis possit in supradictorum casuum communica-
tione dispensare. 19

Fides.

Fidei nomen multipliciter vsurpatur. 324.1
Declaratur propria fidei acceptio, eiusque definitio. 2
Fidei obiectum formale est Deus reuelans. 325.1
Propositio Ecclesiæ ad fidem requiritur. 3
Explicatur quid sit hæc propositio, & quomodo ad
obiectum formale fidei non pertineat, tamen si
conditio illius sit. 4
Reuelatio diuina omnimodam habet certitudinem. 326.1. & 3
Nunquam Deus potest alicui falsum manifestare. 2
Fidei obiectum materiale debet esse non visum. 327.1
Stante cognitione euidenti de aliquo obiecto plu-

res consent non posse illius dari fidem. 2
Probabilius est oppositum. 3
Est euidenter credibile. ibid.1
Non est necessarium ut quis fide diuina credat co-
gnoscere euidenter fidei credibilitatem. 328.3
Fidei obiectum nullum aliud est præter contentum in
Symbolo Apostolorum, sacris litteris, & Apostolicis
traditionibus. ibid.1
Nulla veritas credenda proponitur fidelibus neces-
saria ad salutem, quæ Apostolis incognita fuerit. 429.3
Fides refidet potentia intellectiua, & est habitus pra-
cticus, & speculatiuus. 343.1
Fides alia est perfecta, alia imperfecta; alia viua, alia
mortua. 2
ad Fidei assensum aliquis habitus in voluntate requiri-
tur. 3
In Angelis, & primis nostris parentibus refedit fides
Dei vnius, & trini. 4
In damnatis nulla est supernaturalis fides. 6
In beatis neque quoad actum, neque quoad habitum
fides refidet. 344.7
Secus in animabus Purgatorij. 8
In hæreticis non manet fides. 9
Fidei actus expostulat iudicium intellectus de eiden-
tia credibilitatis rerum fidei. ibid.1
Ex parte voluntatis prærequirit piam affectionem. 2
Explicatur ad quam virtutem supradicti actus perti-
neant. 3
Fidei actus non solum est supernaturalis quoad mo-
dum, sed etiam in sua substantia. 345.4
Si fiat a peccatore est meritorius de congruo, si ab
homine iusto, de condigno. 5
Fides initium est nostræ salutis. 6
Fides in habitu, siue in actu omnibus est necessaria ad
salutem, necessitate medij. ibid.2
Diuersimodè adultis, & paruulis est fides necessaria. 346.3
Proponitur obiectio de nutrito in alius, & sit illi sa-
tis. 4
Fidem actualem aliquorum mysteriorum debet quis
habere. ibid.1
Ante promulgationem Euangelij necessaria, & suffi-
ciens erat fides explicita de Deo, & implicita
Christi mediatoris. 2
In quo implicita Christi cognitio consistat. 347.3
Facta promulgatione Euangelij explicita notitia
Trinitatis, & Christi necessaria est ad salutem, ne-
cessitate præcepti, non tamen medij, ut probabi-
lius defenditur. 4. & seqq.
Quæ in Symbolo Apostolorum continentur, quili-
bet Christianus obligatus est ex præcepto expli-
citè credere. 348.1. & 3
Explicatur quæ notitia horum sufficiat. 349.5
Quid de sacramentis, de operibus misericordiæ, de
præceptis Decalogi, & Ecclesiæ. 350. & seqq.
Quæ scientia in Prælati & pastoribus debeat esse
horum mysteriorum fidei. 351.11
Fidei supradicta mysteria tenetur fidelis addiscere, cum
primum vsum rationis habet. ibid.1
Ab illo tempore tenentur parochi parentes, domini
sibi subditos docere. 2
Potest Episcopus obligare supradictos, ut suo mu-
neri satisfaciant, sub excommunicationis pœna. 352.3
Possitne dari ignorantia inuincibilis horum myste-
riorum. 4. & seqq.
Qualiter cum ignorante se debeat gerere Confessa-
rius. 7
Fidei actum obligatur quis aliquando exercere. 353.1.
& seqq.

In

Index rerum.

- In primis infideles obligantur, cum illis fides sufficienter proponitur. 354.4
- Fideles cum rationis usum attingunt, illisque sufficienter mysteria fidei proponuntur. 5
- Nullus infidelis tenetur præbere auditum cuilibet prædicanti. 7
- Neque tenetur ei assensum præbere, quousque probet fidem quam prædicat, esse euidenter credibilem. 355.8
- Quilibet infidelis, Maurus & hæreticus dubius, an secure procedat, tenetur inuestigare veritatem, alioquin culpæ reus est. 9
- Non omnibus fidelibus æqualis propositio sufficit ad credendum. 10
- Quæ propositio sufficiat infidelibus, & quæ fidelibus ad credendum. 11. & seqq.
- Fidei externæ confessionis duplex est præceptum, aliud negatiuum, aliud positium. 356.1
- Præceptum negatiuum semper obligat. 2
- Distinguitur duplex negatio, directa & indirecta. 3
- Sæpe negare te esse Christianum, clericum, religionum pro negatione nationis vsurpatur. 4
- Præceptum affirmatiuum fidei aliquando obligat. 5
- Obligat te infidelem, cum fides tibi sufficienter proponitur. 357.6
- Item obligat, cum talis confessio est necessaria ad defensionem fidei. 7
- Item cum necessaria est, ut aliqui in fidei confessione perseuerent. 8
- Extra supradictos casus non apparet, quando obliget confessionis fidei præceptum positium. 9
- Si generaliter de fide examineris, non teneris semper illam fateri, sed aliquando. ibid.2
- Si in particulari rogeris, non licet tibi negare, neque cum æquiuocatione respondere, ita ut appareas fidei negator. 358.3
- Secus si responsionem declinare potes, quin negator appareas. 4
- Non est negatio fidei fugere tyrannum. ibid. p.15. per totum.
- Nulla modo uti licet verbis, & factis, quæ spectatis circumstantiis nullam aliam significationem habent præter cultum falsæ religionis. 359.3
- Potes uti vestibus, & signis propriis infidelium, vel hæreticorum, ut fidem occultes, cum non vergit præceptum fidei consitendæ. 361.1
- Sed non licet uti vestibus, & signis institutis ad falsæ religionis professionem. 367.7,8
- Cibis vetitis transiens per terras infidelium uti potes: si absque graui iactura eos respuere non possis. 362.9
- Licet tibi templa Gentilium, vel hæreticorum ingredi, ob cuiusdam obsequij ciuilis exercitium. Secus in signum falsi cultus. 10. & 11
- Concionibus hæreticorum assistere licet, si causa urgeat, qualis non est sola curiositas. 363.12
- Vbi Princeps generaliter imperat omnes assistere in cultum falsæ sectæ, ut in Anglia, nequaquam licitum est. 13
- Non licet Eucharistiam de manu hæretici accipere, neque matrimonium coram illo ex præscripto Regis celebrare. 14
- Coniuijs nuptialibus licet assistere, & contrahentibus bone precari. 16
- Omittere signum ex præscripto Regis impositum ad significandum te fidelem esse licet tibi. ibid.2
- Fidei professionem facere obligat aliquos Trident. 364. p.19
- Obligat, inquam, præuisos de beneficiis curam animarum habentes. 365.3
- Item canonicos, & dignitates Ecclesiarum cathedralium. 4
- Item Prælatos regulares quorumcunque ordinum, tametsi ex consuetudine in aliquibus religionibus excusentur. 5
- Item docentes artes liberales. 6
- Si obtento canonicatu, vel beneficio professionem feceris, aliqui te excusant à professione faciendâ, si similem canonicatum, vel beneficium obtineas. Probabilius est oppositum. 7
- Vnica fidei professione pluribus titolis satisfacere potes. 8
- Qui modus seruandus sit in professione faciendâ. 366.9
- Fierine possit per procuratorem, affirmatur ut probabilius. 10
- Limitatur doctrina à Sanch. in Episcopis, sed non videtur approbanda. 11
- Asserenti se fidei professionem fecisse credendum est. 12
- Ex bulla Pij IV. & V. variæ sunt pœnæ impositæ omittentibus fidei professionem. Sed non videntur receptæ. 13
- Tridentinum imponit priuationem fructuum, & possessionem beneficij decernit non suffragari. 14
- Explicatur quid sit possessione non suffragari. 367.15
- Nulla expectata sententia tenetur sic omittens fructus restituere, secundum probabilem sententiam. Probabilius est requiri sententiam declaratoriam criminis. 16
- Intelligitur, si culpabiliter omiseris fidei professionem. 17
- Sub nomine fructuum in hac pœna non veniunt distributiones quotidianæ, neque annuaria. 18
- Quibus sit faciendâ fructuum restitutio. 19
- Filius.*
- Filius in casu dubio legitimus est reputandus. 26.1
- Præterens ordines, aut beneficium, reputandus est legitimus, dum de contrario non fuerit informatus. 4
- Filius viduæ, quæ à contracto matrimonio peperit, reputandus est esse filius mariti, qui actualiter in possessione matrimonij est. 27.7
- Ille est filius legitimus, qui nascitur ex vxore in domo mariti cohabitantibus simul. 8
- Ex tractatu parentum sumitur sufficiens signum ad reputandum filium legitimum. 9
- Qua ratione nominatio constituat sufficiens signum reputandi filium legitimum. 10
- Fama alijs coniecturis fulcita est signum legitimisationis. 11
- Institutio illius tanquam filij facta à patre significat esse eius filium. 12
- Si vna coniectura non præbet sufficientem probationem, alijs adiunctis probari potest. 13
- Quibus modis exeat filius à patria potestate. 448.4
- Filij & nepotes hæreticorum nulla pœna corporali ob delictum parentum afficiuntur. 498.1
- Non priuantur bonis propriis, neque potestate succedendi in maioratu. 2
- Non successionem aorum, aliorumque consanguineorum. 499.3
- Bonis parentis hæretici omnino priuantur. 4
- Excipe iure naturæ debita alimenta. 5
- Contrahunt irregularitatem. 6
- & inhabilitatem ad Ecclesiastica beneficia, & pensiones. 7
- Item ad officia publica. 8
- Extendunt aliqui hanc pœnam ad beneficia acquisita antequam pater declaratur hæreticus. Sed non admittitur extensio. 9
- Pœnam

Index rerum.

Pœnam infamiae non contrahunt, tamen si aliqui consentiant.	500.10
Filij hæretici in contumaciam damnati non contrahunt has pœnas.	12
Filij siue ante, siue post commissum delictum, contrahant ne pœnas illis proprias? Variè examinatur, & sub distinctione respondetur.	14. & seqq.
Filij parentis committentis crimen læsæ maiestatis humanæ priuantur successione parentis, & aliorum extraneorum.	503.1
Filiæ obtinent legitimam in bonis maternis.	504.2
Non priuantur filij donatione inter viuos.	3
Bene tamen donatione causa mortis.	4
Contrahunt infamiam filij, sed non filiæ.	5
Sub iis pœnis comprehenduntur filij emancipati, spuri post delictum parentum geniti, non antea.	6
Non comprehenduntur clerici, neque nepotes.	505.7
Filiæ status dubium est, an comprehendantur.	8
Plures Doctores censent supradictas pœnas consuetudine abrogatas esse.	9
Casu tamen quo contrahuntur, debet crimen esse aduersus Imperatorem, Regem, aut eius lateri assistentem.	10

Fiscus.

Fiscus vendicat rem cum augmento illi coniuncto, solutis expensis: secus cum augmento separato.	473.8
Quid de fructibus perceptis.	9
Quando censeatur possessor fructus mala fide consumere, ut possit fiscus eos vindicare.	10
Nullo modo potest fiscus vindicare fructus, qui ex re percipi potuerunt.	11
Excipe, nisi possessor in iusto titulo rem à delinquente accepisset.	474.12
Qualiter fiscus reuocet alienationes factas in sui fraudem.	ibid. p. 21. per totum.
Tenetur satisfacere omnia debita delinquentis contracta ante delictum, si publicet eius bona.	482.1
Si publicet partem, pro parte tenetur.	2
Fisco incumbit onus probandi debita contracta esse post delicta.	4
Satisfacere debet creditoribus, quos constat tales esse facta summaria informatione.	5
Debet satisfacere pro viribus bonorum confiscatorum, & non ultra, tamen si non confecerit inuentarium.	6
Item debet satisfacere ex bonis confiscatis, & incorporatis, non ex bonis postea confiscandis.	7
Item ex bonis sitis in illo territorio, vbi adsunt creditores.	8
Debet item satisfacere prius fiscus, quam fideiussor delinquentis.	9
Fiscus conueniri potest via executiua, si delinquens eadem conueniri poterat.	483.10
Fiscus prius creditoribus, quam sibi pro expensis factis satisfacere debet.	11

Forma.

Forma quid sit, & quoduplex. Alia est substantialis, alia accidentalis.	181.1
Quomodo cognoscatur, an sit substantialis, vel accidentalis.	2
Non est substantialis, cum datur potestas, & præcipitur apponi, quod de iure inest.	182.3
Hinc Episcopus excommunicatus non seruata forma præscripta cap. 1. de sent. excomm. in 6. validè,	

esto illicitè excommunicat.	4
Processus factus omisso iuramento valet.	5
Item habenti potestatem audiendi confessiones, si superior præcipiat, ne audiat sceminarum, valet confessio, esto illicitè faciat.	6
Quid cum committitur tibi facultas, ut facias actum ex consilio peritorum, & omittis consilium.	7
Quid si statutum mandet fieri actum certo loco, & tempore.	8
In casu dubio, sitne forma substantialis, vel accidentalis, substantialis debet præsumi.	9
Omissio levis formæ substantialis reddit actum nullum.	185.2
Ad vnguem est forma seruanda.	186.3

Fuga.

Fugere tyrannum in Christianos sæuientem, ne te de fide examinet, licitum est.	358.1
Aliquando licitum est non fugere, tamen si periculum vitæ imminet.	2
Regulariter obligaris te occultare, & dissimulare, & quando hoc contingat.	3
Pastor & Prælati fugere potest, si ouibus satis prouisum non sit. Secus si illius præsentia grauitè oues indigeant.	5

Furtum.

Furtum non committit extremam necessitatem patiens, & aliena furripens.	603.1. & seqq.
---	----------------

H

Hæresis, & Hæreticus.

Hæresis quid sit.	394.1
Qualibet ignorantia excusat ab hæresi, iure Ecclesiastico punita.	3. & 4
In foro externo allegans ignorantiam non creditur.	395.5
Si moneatur quis ab Episcopo, Inquisitore, aliòque viro docto de suo errore, reputandus est in foro externo, & interno hæreticus.	6
Qua ratione protestatio fidei excuset ab hæresi.	396.7
Dubitans in fide hæreticus est.	9. & 10
Circa obiectum fidei sufficienter propositum non potest esse opinio.	11
Hæreticus est dissentiens speciali reuelationi sufficienter propositæ.	397.14
Examinatur, an incidat in pœnas hæreticis positas.	15
Dissentiens à fide verbo, vel facto, sed mente illam retinens, non incidit in pœnas hæreticorum, neque est propriè hæreticus.	16
In foro externo alleganti hanc fictionem non creditur.	17
Negans propositionem theologicam hæreticus præsumitur.	398.19
Ad committendam hæresim non requiritur Baptismus, bene tamen ad hæresim ab Ecclesia punibilem.	20
Hæresis interiùs tantum consummata pœnis Ecclesiæ non subiicitur, ut probabilius defenditur.	ibid. 1
Quibus in casibus non est censendus quis hæreticus exterior.	399.4
Hæreticus alius est affirmatiuus, alius negatiuus.	5
Hæreticus credens qui reputetur.	404.1
An bis audiens concionem hæretici condemnandus sit, ut illi credas? distinctione resoluitur.	3
Item	

Index rerum.

- Item receptator, defensor. 405.4.& seqq.
- Omittens denunciare, vel capere hæreticum, cum ex officio non tenetur, non dicitur fautor. Secus si ex officio, vel mandato Inquisitorum teneatur. 7
- Non defunt qui existiment te fautorem hæretici non esse, esto foueas, si tamen non foueas animo fouendi hæresi. 406.8
- Contrarium est probabilius, modò auxilium cedat in hæresis fauorem. 9
- Quid si auxilium hæretico præstitisti, vt à iustitia liberares, & non obtinuisti? adhuc censendus es fautor hæretici in probabili sententia. 10
- Probabilius est oppositum. 11
- An sufficiat fauere hæretico præsumpto, vt fautor hæretici dicaris. 12
- Excusant à fautoria esse consanguineum, vel affinem hæreticum cui fauet. 13
- Hæreticorum fautores quibus pœnis afficiantur. 407.1
- An illas incurrant, antequam notati sint, & in excommunicatione per annum inforduerint. 2
- Fautor hæreticorum contrahit suspensionem hæresis pro qualitate fautoria. 3
- Arbitrio iudicis est puniendus. 4
- Episcopus negligens in puniendis hæreticis, vt fautor illorum est puniendus. 408.5
- Ciuitates Episcopali dignitate sunt priuandæ. 6
- Domini temporales requisiti, si per annum negligentes fuerint, priuantur dominio, & aliis committuntur. 7
- Hæretici afficiuntur excommunicationis pœna. ibid.1
- Hæc excommunicatio non constituit hæreticum, vitandum, quousque denunciatus sit. 2
- Quid si declarares aliquem esse hæreticum, an eo ipso vitandus sit? 3.& seqq.
- Hæreticus absolutus in foro conscientie non excusatur subire iudicium fori externi. 410.3
- Hæreticus priuatur officiis, & muneribus sacris. Item Ecclesiastica sepultura, si notorius sit. 426.1
- Non solum publicus hæreticus, sed occultus est irregularis. 427.2
- Ab hac irregularitate ex delicto occulto proueniente probabilius est Episcopum absolueri posse. 3
- Hæreticus item est infamis, si eius delictum notorium sit notorietate facti, vel iuris. 4
- Item hæreticus inhabilis est ad beneficia publica. ibid.1
- ab Hæresi absolutus, & Ecclesie reconciliatus, si publicum fuit delictum, nequit beneficia Ecclesiastica obtinere, nisi in irregularitate dispensetur. Si occultum fuit delictum, probabile est non fuisse impeditum. 2
- Beneficiis ritè obtentis plures Doctores affirmant non esse priuatum ipso iure, sed venite priuandum. 3
- Probabilius est oppositum. 428.4
- Requiritur tamen sententia declaratoria criminis. 5
- Huius priuationis expenditur multiplex effectus. 429.6
- Sed quid si ex toto corde hæreticus conuertatur? Proponuntur variz sententiz non esse beneficiis priuandum. 7
- Quid sentiendum sit. 430.8
- Priuatur hæreticus aliis officiis, & publicis muneribus. 9
- Qua ratione pœna confiscationis bonorum afficiatur hæreticus. ibid. tota disp. 5.
- Vide v. Confiscatio.
- Spectato iuris rigore nunquam hæreticus hanc pœnam vitare potest. 481.1
- Ex misericordia remitti potest, si antequam denunciatus, vel accusatus sit, pœniteat. 2
- Secus verò dicendum existimo, si post publicata dicta
- testium misericordiam expostuler. 3
- Facta confiscatione liberatur hæreticus à satisfatione exhibenda creditoribus, tamen si ad pinguio-rem fortunam deueniat. 483.12
- At si confiscatio non fuit omnium bonorum, sed partim, pro illa parte tenetur hæreticus satisfacere. 13
- Si ex gratia Principis reddita sunt bona delinquenti, tenetur satisfacere creditoribus. 484.15
- Hæreticis sunt aliz pœnz præter confiscationem impositæ. ibid. p. 16
- Est enim pœna imposita incapacitatis testandi, sed non est testamentum nullum, sed annullandum. 1
- Secundò priuatur hæreticus successione ex testamento, vel ab intestato. 485.2
- Hæreticus durante hæresi, restituere debet hæreditatem hæredibus ab intestato, ex communi sententia, quæ difficultatem habet. 5.& seqq.
- Hæreticus Ecclesie reconciliatus capax est hæreditatis, & legati. 486.7
- Bene potest hæreticus hæreditatem repudiare. 8
- Legato alimentorum capax est hæreticus, quia non publicatur. 9
- Communis sententia tenet eandem incapacitatem habere hæreticum respectu donationis, vt habet respectu legati. 10
- Spectato iuris rigore contrarium est probabilius. 487.11
- Tertiò punitur hæreticus, vt eius filij eximantur à patria potestate. 12
- Non potest filio impuberi pupillariter substituere. 13
- Neque obligatus est filius parenti hæretico alimenta præbere extra extremam necessitatem. 14
- Hæreticorum fautores hac pœna non afficiuntur. 15
- Quartò punitur hæreticus priuatione domini in seruos, sed non habet locum hæc pœna ante sententiam declaratoriam criminis. 16
- Quintò punitur amissione cuiuslibet iuris, & obligationis, sed requiritur sententia declaratoria criminis. 488.19.& 20
- Debitorum verò non eximuntur à debiti obligatione, sed transit in fiscum. 21
- Sextò hæretico seruanda non est fides, neque securitas promissa subintelligitur à priuata persona, non publica. 22
- Septimò destruitur eius domus, in qua conuenticula fecit, vel se occultauit. 489.23
- Rursus hæreticis pœna carceris imponitur. ibid.1
- Hanc pœnam potest Episcopus cum Inquisitoribus mitigare. 2
- Qualis debet esse carcer, ad quem hæreticus condemnatur. 3
- Post condemnationem mitigatio pœnz penes solum Inquisitorem generalem in Hispania residet. 490.4
- Hæreticis item imponi potest pœna mortis. ibid.2
- De facto imponitur hæreticis impœnitentibus, & pertinacibus. 3
- Item hæreticis negatiuis, hoc est, fictione iuris impœnitentibus. 4
- Item diminuto consenti. 491.5
- Item si in iudicio manifestet errores, & postea neget. 6
- Deinde si sit relapsus. 7
- Quis sit relapsus explicatur. 492.8
- Hæreticis relapsis danda sunt sacramenta. 493.14
- Hæresiarchæ tradendi sunt brachio sæculari, qui probent. 16
- Probabilius est spectato iuris rigore oppositum. 17
- Hæretici conuersi ante sententiam debent ad reconciliationem admitti. 494.18
- Si post sententiam conuertuntur, admittendi non sunt. 19
- Quid

Index rerum.

624

I

Quid de illo, qui iam in tabulatu sperans audire
sententiam conuertitur. 20
Hæreticis, item pœnitentibus, in signum delicti com-
missi, & pœnitentiæ acceptam sacculus benedictus
imponitur. ibid. 1
Hæreticus pœnitentiam implere omittens, non debet
ut relapsus condemnari. 3
Hæreticus si falsus sit hæresim, ex illa confessione con-
demnari potest. 550.1
Debet tamen confessio esse specialis, quæ specialem
hæresim declaret. 2
Si reuocet confessionem incontinenti, vel probet ex
errore falsum esse, valida est reuocatio. 3
Reuocatio non incontinenti facta, neque errore
probato, non excusat, esto alij contrā sentiant.
4
Hæreticus obligatus est veritatem fateri, cum à iudici-
bus fidei interrogatur. 551.1
Si testibus contestibus conuictus est, & ob hanc
causam morti damnatur, tenetur crimen fateri,
esto ex tali confessione mortem non euitet.
2
Crimen falsò impositum possitne fateri? Examina-
tur, & decisio Doctoribus remittitur. 3
An ob vitanda grauius tormenta possit quis crimen
fateri falsò impositum? Proponitur dubitandi
ratio. 4
Approbat, vnico casu excepto. 5
Hæreticus absens contumax qua ratione cauendus sit.
552.1
Ad huius defensionem admittitur excusator. 2
Quæ bona huius absentis sequestrantur. 3
De reo mortuo intra annum, neque eius delictum
plenè probatum, sistit iudicium, neque ulterius
ad condemnationem proceditur. 4
Hæreticus defunctus damnari potest. ibid. 1
Ut defunctus hæreticus damnetur, debent adesse
claræ, & dilucidæ probationes. 2
Quæ sint huius claræ probationes. 3
Pendente processu, si moriatur reus, memoria
non damnatur, nisi adsint claræ probationes.
4
Si in excommunicatione ob causam fidei per annum
infordescit, puniri potest. 553.5
Aduersus fautores hæreticorum non proceditur
post mortem. 6
Ad condemnationem defuncti hæretici citari debent
filij, & hæreses. 7
Non tenentur hi comparere per se, sufficit si per
procuratorem. 8
Quilibet volens defendere defunctum hæreticum
admittitur. 9
Facto processu reus absoluendus est, vel condem-
nandus, neque causa haberi potest in pendenti.
10
Possitne procedi aduersus hæreticum defunctum,
esto dilucidè non sit eius hæresis probata? Affir-
matiuè respondetur. 11
Dum causa agitur, bona non sunt sequestranda à
tertijs possessoribus. 12
Firmato processu, & hæresi plenè probata dam-
nandus est, & eius bona fisco applicanda.
13
Si tamen non probatur delictum, neque spera-
tur breui probandum, absoluendus est reus.
14
Si hæreticus in extremis pœnitentiam exposulauit,
nunquam est damnandus. 554.15
Quo tempore præscribatur, ne contra defunctum
procedi possit? Probabilius est quadriennio præ-
scribi. 16

Ferd. de Castro Sum. Mor. Pars I.

Iactantia.

Iactantia si sit de obiecto malo peccatum est. 99.1
Si de dexteris, aliisque circumstantiis peccati ex-
trinsecis iactatis, idque audientes intelligant,
excusari à graui peccato potes. 2
Si alius te de peccato laudet, & laudes acceptes, pec-
cas. 3
Idem est si tu alium laudas, vel quod non commise-
rit, exprobras. 4
In donis naturalibus immoderata iactantia per se
est veniale peccatum. 6
Aliquando est mortale, ut si in damnum tertij ver-
gar. 7
Querere ab hominibus æstimationem, & gloriam
ex virtute aliquando licet. 100.8
Humanas laudes propter se appetere illicitum est. 9
Quid dicendum, si ob gloriam humanam captan-
dam fingeres opera virtutis. 10

Ieiunium.

Comedens saepe die ieiunij, tamen singulis vicibus
parum, violare grauiter ieiunij præceptum potest.
88.5
Intemperanter sæpius comedens peruenire potest
ad mortale. 6
Qui causa est, ut plures die ieiunij modicum acci-
pian, non peccat mortaliter. 8
Non potes sumere ientaculum manè vbi ieiunium
obligat, tamen nocte peruenturus sis ad locum,
vbi ieiunium non obligat, esto contrā teneant
aliqui Doctores. 89.10
Cum manè deobligatus fuisti à ieiunio, non teneris
vespere illud seruare, defenditur ut probabilius.
11

Ignorantia.

Ignorantia quid sit. 64.1
Alia est vincibilis, alia inuincibilis, & qualiter diffe-
rant. 2
An detur ignorantia vincibilis, quæ non sit crassa &
supina. 65.3
Triplex ignorantia culpabilis distinguitur. 4
Quando dicatur vincibilis. 5
Quarum rerum censearis habere ignorantiam in-
uincibilem. 65.6
Parochianus ignorans festa, & ieiunia in hebdoma-
da occurrentia, quando censetur habere igno-
rantiam inuincibilem. 7
Ignorantia vincibilis non excusat culpam, illam tamen
minuit. ibid. 1. & 2
Possitne hæc ignorantia ex mortali veniale facere.
67.3
Ignorantia inuincibilis legis imponentis pœnam à pœ-
na excusat. ibid. 2
Idem est, si adest ignorantia facti. 68.3
Quid dicendum si solùm ignoras pœnam à lege im-
positam. 4
In censuris excusat. 5
& probabile est ad irregularitatem extendi. 6
Item ad alias pœnas delicti grauitatem secundum se
excedentes est probabile extendi. 7
Si lex perat scientiam, præsumptionem, aut temeri-
tatem ad incurrendam pœnam, ignorantia ab illa
excusat. 70.2
Allegari potest ignorantia excusans à legis trans-
gressione in foro externo. ibid. 2
Qualiter ignorantia probanda sit. 71.4

NN n

Index rerum.

Iuramentum non sufficit ad ignorantie probationem, si alia via ignorantia probari potest. Et quid specialiter in lege sufficienter promulgata. 5
Ignorantia facti sufficienter probatur iuramento. 7

Infidelitas, & Infidelis.

Quid sit infidelitas, & quotuplex. 368. 1. & seqq.
Probabilius est non distingui essentialiter Iudaismum, paganismum, & hæresim. 4
An satisfactas confessioni, si dicas te deferere fidem, quin declares paganismum, vel Iudaismum, vel hæresim fecisse. 369. 6
Comprehenditur sub his tribus omnis infidelitas. 8
Quid de apostasia dicendum est. 10
Hæresis est omnium grauior infidelitas, tamen paganismus magis extendatur. 370. 11
Infidelis habere potest ignorantiam inuisibilem mysteriorum, Trinitatis, & Incarnationis. ibid. 1
Circa quodlibet mysterium lumine naturæ notum potest esse ignorantia inuincibilis. 2
Cum hac ignorantia potest culpabiliter aliis erroribus inuolui. 3
Proponitur obiectio, an hic peccet contra fidem, & illam pereat. 4
Fit satis tali obiectio. 371. 5
Infidelis multa bona opera moralia præstare potest. ibid. 2
Infideles non subditi nequaquam compelli possunt ad audiendam fidem. 374. 3
Subditi infideles compelli possunt à Principe Christiano, non est improbable. 4
Probabilius est oppositum. 375. 5
Compelli possunt infideles, ne prædicatorem legis Euangelicæ impedian. 6
Quid si non fiat resistentia blasphemis, & irrisione, sed sola expulsionem prædicatoris? Proponitur dubitandi ratio. 7
Probabilius est posse compelli. 8
Licetum est Ecclesiæ mittere prædicatores militibus associatos, ne illis iniuria fiat. Canendum tamen ne sit aggressio, & violentia. 376. 9
Infidelis hæreticus tamen per iniuriam baptizatus, compelli potest ad recipiendam fidem. ibid. 1
Reliqui infideles cogi non possunt. 377. 3
Qua ratione indirectè possit Ecclesia, & Princeps sibi subditos ad fidem compellere. 4. & 5
Infidelem non subditum sola lege charitatis tenetur Princeps, & Ecclesia ab errore remouere, at subditum specialiter tenetur. 378. 1
Si errores infidelium non sunt contrarij rationi naturali, sed solum nostræ fidei, non possunt cogi à Principe, ut illos deferant. 379. 2
Non potest Princeps Christianus cogere infideles non subditos, ut errores contrarios rationi naturali deferant, & ob hanc causam eos oppugnare. 4
Excipiuntur peccata directè nociua nostræ fidei, & religioni. 380. 5
Infideles baptizati priuari possunt, & de facto priuantur dominio, & iurisdictione infideles. 381. 1
Infideles Christiano Principi subiecti non possunt in Christianos iurisdictionem habere. 2
Infidelis subditus Christiano Principi priuatur dominio serui eo ipso quo seruus ad fidem conuertatur. 3
Supradicti infideles subditi Christiano Principi priuantur famulatu fidelium. 4
Filius infidelis si baptizetur, liberatur à patria potestate. 5
Infidelis Princeps Christiano Principi non subiectus nequaquam priuatur potestate gubernatiua in fideles. 6
Excipe, nisi adsit periculum peruersionis. 382. 7

Quid dicendum de potestate dominatiua? Plures censent priuari infideles in seruos fideles. 8
Contrarium est dicendum. 9
Ratione periculi peruersionis, si proximum, & morale sit, eximi poterit seruus à seruitute. 11
Infidelis non baptizatus, si nostram fidem & religionem directè offendit, ludicibus fidei subditur puniendus. § 54. 1
Idem est si contra nostram fidem, & suam delinquat. § 55. 2
Qui communiter reputatur baptizatus, si aduersus nostram fidem delinquit, punitur. 3
Ab Inquisitore simul cum ordinario puniendus est. 4

Iniuria.

Quando teneatur quis eam remittere, & signa remissionis præbere? Et quando veniam expostulare. § 81. p. 6. per totum.
Vide verb. *Charitas.*

Inquisitio.

Inquisitio duplex est, generalis, & specialis. § 99. 1
Quid ad utrumque requiratur. 2. & 3
Ex leuibus indiciis non est capiendus reus. 4

Inquisitores.

Aduersus non exequentes pœnitentias procedere possunt. 494. 2
Accusari possunt, tamen multi contrarium sentiant. § 12. 1
Grauis causa ad hanc recusationem expostulatur. 2
Quis debeat cognoscere de causa recusationis. 3
Inquisitor est præcipuus iudex in causa hæresis, qui de ea cognoscit, & de illi annexis. § 23. 1
Est iudex delegatus, non ordinarius. 2
Electi Inquisitores ab aliis Inquisitoribus sunt Sedis Apostolicæ delegati, ut probabilius defenditur. 3. & 4
Inquisitoris potestas ad omnes extenditur. § 24. 5
Excipiuntur Episcopi, sed possunt dicta testium aduersus eos recipere, ut Pontificem consulant. 6
Excipiuntur Legati, Nuntij, aliique Sedis Apostolicæ officiales. § 25. 7
Excipiuntur ipsimet Inquisitores. 8
Alij excipiunt Regem, sed immeritò. 9
Inquisitores procedunt in causis suorum familiarium priuatiuè. 10
Pœnitentium causæ criminales, & ciuiles non subduntur Inquisitoribus, sed iudicibus propriis. § 26. 11
In regno Aragoniæ lata est Inquisitorum potestas. 11
Vices suas possunt Inquisitores aliis committere. § 27. 13
Commissarij ab Inquisitoribus electi non possunt alios subdelegare. 14
Plures Inquisitores pro vna prouincia electi, possunt simul & separatim procedere. 15
Excipe, nisi Pontifex aliquem pro speciali causa designasset. 16
Iurisdictione Inquisitoris morte delegantis etiam re integra non expirat. 17
Quod intelligitur, esto delegatio esset facta ad beneplacitum Pontificis. § 28. 18
A solo Pontifice iurisdictione Inquisitoris reuocari potest. 19
Quid dicendum de Inquisitoribus electis ab Inquisitore generali? Non possunt, inquam, absque legitima causa remoueri, aut aliò transferri. 20. & 21

Expen

Index rerum.

Expenduntur causæ, ex quibus hæc remotio, seu translatio fieri potest. § 29. 22. & 23
Explicatur quis possit tum seculares Inquisitores, tum religiosos punire. 24
Inquisitor attingere debet quadragesimum annum, in Hispania sufficit si attingat trigelimum. § 30. 25
Expenduntur aliæ qualitates Inquisitoribus acquisitæ. 26
Sufficit, si trigelimum annum attingant. 27

Invidia.

Invidia quid sit. 634. 1
De bono alterius dolere & tristari potes absque invidia. 2
Tristari de bono alterius, quia tibi bonum proprium diminuit, est invidia, & peccatum ex genere suo mortale. 3
Non deest qui sentiat invidiam solum esse mortale, cum ex illa moueris ad iniuste remouendum proximi bonum. 635. 4
Non admittitur. 5
Sæpe invidia est veniale peccatum. 6
Est vnum ex vitiis capitalibus. 7

Irritatio.

Irritatio actus sæpe inducitur non vt pœna, sed vt forma, & quando hæc contingat. 174. 2
Quæ sit irritatio? quod duplex, & an lex irritans dicatur pœnalis, vel fauorabilis. 179. p. 7. per tot.
Dupliciter irritatio contingit, vel ipso facto, vel expectata sententia. ibid. 2
Non irritatur actus eo solum quod sit prohibitus. 180. 2
Et quid dicendum in nostro regno. 181. 3
Si irritatio succedit actui iam facto ob omissionem formæ accidentalis, non habet effectum quouique à iudice declaratur. 182. 1
Quando irritatio comitatur actum, vel illum antecedit, & in odium transgredientis imponitur, probabile est non habere effectum ante sententiam. 2
Si irritatio ferenda sit à iudice omnibus illis modis impeditur, quibus impeditur sententia. 184. 1
Si iniquis mediis aduersus iudicium impediatis irritationis sententiam, non teneris contractum rescindere. Secus si aduersus emptorem. 4. & 5
Quid in casu beneficij. 185. 6
Irritatio in pœnam delicti commissi imposita ipso iure cessat, cessante delicto. 7
Secus si ob bonum publicum sit imposita, tunc enim nulla ratione cessat, etiam cessante delicto. 8
Si in fauorem priuatæ personæ feratur, illa renuntiante cessat. 9

Iudex.

Potest iuxta aliorum opinionem probabilem iudicare, relicta ea, quæ sibi probabilior apparet. 21. 7
Debet ferre sententiam secundum ea quæ allegata sunt, non quæ allegari possunt. 9
Iudex in causa fidei est Pontifex, Legatus à latere de iure, non ex consuetudine. § 21. 1
Episcopus ratione muneris est cōpetens iudex in sua diocesi, ordinarius respectu subditorum, delegatus comparatione exemptorum. § 22. 2
Episcopus debet seruare modum in procedendo, quem Inquisitores seruare tenentur. 3
Non potest inspectato iuris rigore procedere absque consilio Capituli, bene tamen ex consuetudine. Quod dicitur de Episcopo, dicendum est de Capitulo sede vacante quoad subditos. 5

Ferd. de Castro Sum. Mor. Pars I.

Quoad exemptos probabilius est non habere Capitulum iurisdictionem, tamen si alij contrarium sentiant. 6
Modus exercendi Capitulum hanc iurisdictionem non est per se, sed per vicarium specialiter deputatum. 7
Vicarius generalis Capituli, vel Episcopi non est competens iudex hæreticorum, nisi specialiter deputatur. 8
Item Inquisitores sunt iudices, & qua ratione. § 22. §. 2. per totum.

Index secularis.

In causa hæresis nulla ratione se intromittere potest. § 35. 2
Non potest Princeps secularis statuta condere, quibus hoc crimen puniatur, si aliqua ratione contraria sunt legibus Ecclesiasticis. 3
Bene tamen si augeant, & promoueant modum procedendi Ecclesiæ. 4
Non possunt iudices laici examinare causas, & processus illorum, qui sibi relaxantur à iudicibus fidei. 5
Tenentur morte afficere reos sibi puniendos traditos. 6
Sed quid si vnum falsò condemnatum agnoscat? Sub distinctione respondetur, si absque examinatione processus cognoscatur, quod ratio fieri potest, super sedere debeat, secus si indigent processus examinatione. 7
Iudex laicus si vocetur ab Inquisitore pro reis capiendis, tenetur auxilium præstare. § 37. 9
Iudex secularis veniens obedire, aut sententiam ab Inquisitore prolatam omittens exequi, cogendus est excommunicatione, aliisque pœnis. 10

Iudicium.

In causa fidei fieri potest simpliciter, & de plano. § 55. 1. & 2
Explicatur quid sit hic modus procedendi, & quæ in illo seruari debent. § 56. 3
Integra debent remanere quæ sunt iuris naturalis. 4
Omitti potest libellus, & litis contestatio. 5
Agitari, & sententiari potest diebus feriatis. 6
Amputatur dilationum materia. 7
Citatio requiritur, sed sufficit vna. § 57. 8
Iuramentum calumniæ præstari debet, quamuis si omittatur, non obinde processus vitabitur. 9
Conceduntur reo defensiones legitimæ, citantur partes ad audiendam sententiam, & sententia pronuntiatur in scriptis. 10
Citatus ab Inquisitore, & ab Episcopo pro eodem tempore, potest comparere coram quo maluerit, si exemptus sit: si tamen subditus Episcopi, communis sententia defendit coram Inquisitore. § 31. 3
Non caret probabilitate posse adiri quem maluerit. 4
Commissarij citatio præferenda ne sit citationi ordinarij? Sub distinctione respondetur. 5
In Hispania cessat hæc controuersia. § 32. 6
Si Inquisitor & Episcopus diuim procedant, debent sibi communicare processus. 7
Non potest Inquisitor sine ordinario, neque ordinarius sine Inquisitore reum tradere duro carceri. 8
Item neque tormentis subicere. 9
Neque potest Inquisitor sine Episcopo priuare reum beneficiis acquisitis. 10
Obligatur Episcopus requirere Inquisitorem, & Inquisitor Episcopum, quoties vnus sine alio procedere non potest. 11

NNn 2 Quid

Index rerum.

- Quid si inquisitus non comparet, vel non vult venire, &c. 533.12
- Quando hæc obligatio requirendi tum in Inquisitore, tum in Episcopo procedat. 13
- In Hispania nullus hæreticus relaxatur, nisi supremo senatusconsulto. 14
- Quid faciendum, cum Inquisitor, & Episcopus discordant. 15
- Suspectum de hæresi non potest Inquisitor sine Episcopo, aut econtra ad abiurationem cogere. 16
- Neque hæreticum poenitentem. 534.17
- Quod si de facto sic fuerit coactus abiurare, & de nudo in hæresim incidit, non contrahit pœnas relapsi. 18
- Sententiam absolutoriam tum diffinitiuam, tum interlocutoriam, in Hispania non potest Episcopus sine Inquisitore, aut econtra proferre. Idem censeo iure communi. 19
- Proponitur contraria sententia, & validissime probatur. 20
- Pœnitentiam iniunctam ab Inquisitore, & Episcopo, non potest vnus mutare, & quid in Hispania. 535.21
- Iurisdictio.*
- Delegati iurisdictio, quando expiret finita iurisdictione in delegante, latè examinatur. 243. 5.3
- Ius.*
- Ius gentium quid sit. 114.1
- Quomodo à iure naturali & ciuili distinguatur. ibid. & seq.
- Ius naturale quid sit. 185.1
- Alia dicuntur de iure naturali non præceptiuo, sed concessiuo. 2
- Ius præceptiuum mutari non potest, secus ius concessiuum. 3
- L*
- Lex.*
- L**egis contemptus qualiter contingat. Vide verbo *Contemptus*.
- Quid lex sit, & quomodo à consilio, petitione, & præcepto differat. 111.2. & 3
- Semper debet esse iusta, & rationabilis, & bono communi conueniens. 112.4
- Ab eo ferenda est, qui curam communis habet. debet esse promulgata. 9
- Aliæque conditiones legis breuiter apponuntur. 10
- Lex alia est diuina, alia naturalis, alia humana. 113.1
- Quæ sit lex diuina. 2
- Quæ naturalis. 3
- Quæ positua, & quotuplex. 4
- Quæ odiosa, quæ fauorabilis. 6
- Explicantur actus legis, & an inhabilitas, & irritatio actus legis sit. 115. p. 4. per tot.
- Legis materia debet esse honesta. ibid. 1. & 2
- Expenditur differentia legis canonicæ à ciuili. 3
- Ecclesiasticus quando vtatur lege ciuili. 4
- Lex nulla humana imperare potest directè actus inter-nos. 3
- Bene tamen indirectè. 4
- Lex vt obligationem inducat, scripturam non requirit. 119.2
- Item neque necessariò requirit consultationem. 4
- Lex est sententia declaratoria ipsius. ibid. 7
- Item sententia decisua litis, & qua ratione hoc intelligatur. 120.2. & seqq.
- Verba quæ legem constituunt, clara debent esse. 121.1
- & quæ hæc sint. ibid. per totum.
- Lex publicari debet, ea publicatione, quæ sufficiat, vt in notitiam communis deueniat. 122.1
- Non est necessarium cuilibet in particulari publicari. 3
- Publicanda sunt omnia quæ vim legis habent. 4
- Publicanda est lex reuocatoria. 5
- Quid dicendum de regulis cancellariæ. 6
- Leges ciuiles latæ pro vna prouincia, sufficit si in ciuitate metropoli publicentur. 123.2
- Si pro diuersis prouinciis fiant, in qualibet prouincia debent publicari solemniter, & tunc non nisi post duos menses à publicatione incipiunt obligare. 3
- Excipe, nisi aliud expresse constet à legislatoris voluntate. 4
- Quid si Princeps intendat statim à promulgatione ligare subditos, an maneant ligati, qui nouerint? 5. & seqq.
- Lex canonica vt obliget, sufficit Romæ publicari. 125.2
- Statim Romanos obligat. 3
- Quid dicendum de lege municipali, & qualibet constitutione Principis. ibid. 4
- & an ignorantes inde obligentur. 6
- Acceptatio populi ad legem canonicam non est adæquatè necessaria, sed potest Pontifex fideles contradicentes obligare. 126.1
- Si tempus instat obseruandæ legis, non potest eius obseruantia præteriri, sub prætextu non esse acceptatam à populo. 3
- Limitatur in legibus difficilis obseruationis. 127. 4
- Si à maiori parte populi lex non obseruatur tempore ad præscriptionem requisito, lex cessat obligare. 5
- Lex ciuilis, si de facto vsu recepta non est, cessat eius obligatio. 128.9
- Quid necessarium est ad non vsum inducendum. 10
- Dum lex vsu, vel desuetudine abrogata non est, obligat. 11
- Si maior pars populi resistit legi, & Princeps permittit, reliqui à lege excusantur. 12
- Facta supplicatione, vel appellatione ad Principem pro legis reuocatione lex durat. 129.14
- Si tacet Princeps, audita petitione, censetur legem reuocare. 15
- Lex ciuilis & canonica obligant in conscientia, & ad peccatum. 130.2
- Lex iniusta ex parte rei præceptæ, nullam inducit obligationem. 131.8
- Idem iuris est de legibus latis à carente potestate. 9
- Quid dicendum de legibus tyranni? 10
- Lex fundata in falsa præsumptione non obligat. 132. 12
- Intelligendum est de præsumptione facti, & delicti, non de præsumptione vera periculi. 133.13
- Quid de lege inæqualiter subditos grauante. 14
- Signa ex quibus obligatio legis colligitur, sunt excommunicatio maior legi appositæ, suspensio, interdictum, irregularitates, depositio, degradatio, priuatio beneficij. ibid. 1. & seqq.
- Temporalis pœna legi imposita non videtur sufficiens signum obligationis. 134.6. & seqq.
- Si legislator nolit ad pœnam obligare, tamen si verbis præceptis vtatur, non obligat. 135.9
- Si verba legis indifferentia sunt, probabilius est non obligare.

Index rerum.

- obligare. Excipe, nisi consuetudine aliter esset
introducendum. 10
- Ex grauissima poena temporalis non inducitur si-
gnum sufficiens obligationis, esto alij contrà sen-
tiant. 12
- Cum periculo vitæ potest lex humana obligare.
136.1
- Declaratur quando hæc potestas Principi data sit.
137.2.& 3
- Intentio faciendi rem præceptam est intentio satis-
faciendi præcepto, vel legi. ibid.2
- Si ita rem præceptam exequeris, vt velis non exequi,
si possis, peccas. 3
- Aliud est non violare præceptum, aliud illud imple-
re. 4
- Si coactus facias rem præceptam coactione non tol-
lente libertatem, præcepto satisfacis; secus si li-
bertatem tollas. 138.5
- Non est necessarium habere intentionem expressam
satisfaciendi præcepto, vt præcepto fiat, satis. 8
- Si rem præceptam facias, tamen si expressè dicas te
nolle præcepto satisfacere, verè præcepto satisfa-
cis. 139.12
- Opere bono ex se, vitata tamen aliqua circumstan-
tia, satisfieri legi posse. 141.2.& seqq.
- Pluribus obligationibus ex iustitia non potes vnico
actu satisfacere; secus si diuersarum sint virtu-
tum. 141.p.19
- Explicatur doctrina multiplici exēplo. 142.2.& seqq.
- Pluribus actibus eodem tempore factis, potes pluri-
bus præceptis facere satis. 143.1.& seqq.
- Lex naturalis obligat per se omnia impedimenta tol-
lere, secus præceptum positium. ibid.2
- Potestas leges ciuiles condendi est à republica. 145.2
- Qua ratione hæc potestas sit à Deo. 3
- Non habet Pontifex potestatem leges ciuiles con-
dendi obligantes totum orbem. ibid.1
- In terris sibi subiectis leges ciuiles condere potest.
146.3
- Item hanc potestatem habet Imperator compara-
tione regnorum, quæ sibi subduntur. 4
- Secus extra illa. 5
- Bene potest legem facere obligantes illis in regnis, in
quæ habet directum dominium, tamen si imme-
diatè non gubernet. 6
- Deficientibus legis propriis, ditionis Pontificiæ &
Lusitanæ leges imperatoris in causis deciden-
dis obligant, secus in Hispania, & Gallia. 147.7
- Iudices Hispani obligati sunt sequi ius ciuile, defi-
ciente proprio, vt probabilius defenditur. 9
- Ob transgressionem legum ciuiliū, si non proce-
dat aduersus ius naturale, nulla poena debetur.
11
- Quid sequendum est, cum ius ciuile contrarium est
Pontificio ciuili. 12
- Rex, & supremus Princeps leges ciuiles ferre potest.
148.1
- Aliquando illas ferre non potest independentè à
regno. 2
- Regina si domina est regni, & viro soluta, leges ferre
potest. 3
- Matrimonio adstrictam probabilius est etiam gau-
dere hac potestate. 6
- Qui subditos habent ratione dominij, & non iuris-
dictionis, leges ferre non possunt. 149.8
- In quo potestas dominij & iurisdictionis distinguan-
tur. 9
- Communitates perfectæ, seu supremam habentes
iurisdictionem, leges ferre possunt. 10
- Secus quæ in Principem potestatem transfulerunt,
nisi ex priuilegio, vel vsu contrarium constet. 11
- Ferd. de Castro Sum. Mor. Pars I.*
- Leges canonicas condendi Pontifex potestatem habet.
150.1
- Non pendet in hac potestate à Concilio. 2
- Neque à consilio, & consilio Cardinalium. 3
- Episcopus in suo episcopatu leges ferre potest, ex
potestate à Pontifice accepta. 4
- Hanc habet potestatem electus & confirmatus.
151.7
- In rebus grauioribus non potest inconsulto Pontifi-
ce, & quæ hæc res grauioribus sint. 8
- Quando Pontifex consuli non potest, potest dispen-
sare, non legem Pontificiam abrogare. 9
- Consensu clerici, aut Capituli non indiget Episco-
pus ad legem ferendam. 10
- Quid dicendum de Archiepiscopo, Patriarcha, qua
ratione leges ferre possunt. 11
- Legatus leges ferre potest. 152.12
- Sanctis Patribus non est data potestas leges ferendi. 13
- Concilium sine autoritate Pontificis congrega-
tum leges non potest ferre. 14
- Item neque congregatum eius autoritate, nisi fa-
cta à Pontifice approbatione. 15
- Quid de Concilio tempore schismatis, vel morte
Pontificis congregato. 16
- A Concilio ad Pontificem datur appellatio, non
econtra. 17
- Concilia prouincialia, nationalia, & diocesana,
quomodo leges ferant. 18
- Congregatio Cardinalium an ferat leges. 153.19
- Capitulum sede vacante leges ferre potest. 22
- Capitulum viuente Episcopo nullam videtur habere
potestatem condendi leges, etiam obligantes
iplos capitulares. 154.24
- Tenendum tamen est oppositum. 25
- Qua ratione Ecclesiæ collegiatæ, vniuersitates, col-
legia, confraternitates leges ferre possunt. 26
- Communitates religiosorum habent potestatem le-
ges ferendi. 27
- Quibus delegari à Pontifice possit potestas leges fe-
rendi pro tota Ecclesia. 29.& 30
- An sceminis delegari possit. 155.31
- Legibus propriis legislator solum tenetur ex directiua
obligatione. ibid.2
- Hæc non est grauis obligatio secluso scandalo. 4
- Respectu legum inferiorum non inest hæc Principi
obligatio. 5
- Ad poenam nullus legislator obligari potest. 156.8
- Vxor legislatoris beneficio ipsius exempta præsumi-
tur. 9
- Infideles nullis Ecclesiasticis legibus tenentur. 157.1
- Ebrii, amentes, & ignorantes inuincibiliter à lege
excusantur. 2
- Pueri ante rationis vsum, qui est regulariter se-
ptennio completo, legibus Ecclesiasticis non te-
nentur. 3
- Post vsum rationis obligantur. 5
- Quid dicendum de Eucharistiæ præcepto. 6.& 7
- Leges respicientes delictum in territorio commissum,
ligant subditum extra existentem. 166.13
- Hinc beneficiarius absens ligatur excommunicatione,
lata aduersus absentes, & fur existens extra
territorium ligatur excommunicatione lata ad-
uersus illum ob delictum in territorio commis-
sum. 167.14.& 15
- Lex irritans actum ob non seruatum formam, habeat
ne effectum in conscientia? Arguitur non habere,
probabilius est habere effectum. 183.5.& 7
- Lex irritans actum non prohibet illius executionem
formaliter. ibid.1
- Cum lege irritante sæpe prohibitina coniungitur.
184.4

Index rerum.

- Lex irritans non habet effectum ante tempus obligationis, nisi expresse declaratur.** 186.2
- Lex non censetur pœnam ipso iure imponere, si loquatur per verba indifferentia.** 187.1
- Apponuntur aliquot limitationes, sed repelluntur.** 1. & seqq.
- Si sub verbis de præsenti pœna imponitur, intelligitur ipso iure.** 5
- Si sub verbis imperatiuis directis in iudicem imponatur, non est pœna ipso iure; secus si sub verbis directis in rem.** 7
- Explicantur verba, quibus lex censetur annullare actum, aut pœnam imponere.** ibid. p. 17. per totum.
- Lex improbans consuetudinem, de qua consuetudine intelligatur.** 199.8
- Lex potest abrogare consuetudinem.** 201.1
- Debet tamen esse consuetudini contraria.** 2
- Quapropter lege vniuersali consuetudo vniuersalis abrogatur.** 203.3
- Non tamen lege vniuersali derogatur consuetudo alicuius loci, neque statutum.** 4
- Lege speciali facta à Principe pro aliqua prouincia, probabile est non derogari illius prouinciæ consuetudinem, nisi lex contineat clausulam derogatoriam.** 6
- Hæc tamen consuetudo, quæ per legem non derogatur, debet esse legitime præscripta. Defenditur vt probabilius.** 8
- Sub clausula generali reuocâte consuetudinem non venit immemorialis.** 204.10
- Lex per non vsum abrogatur, qualiter verum sit.** 205.6
- Lex cessat ex cessatione causæ finalis adæquatæ.** 266.4
- Si cessat adæquatus finis pro determinato tempore, vel in parte legis, pro illo tempore, & illa parte cessat lex, seu suspenditur.** 267.7
- Cessatio finis legis non debet tori communitati constare, vt singulares eximantur, sed sufficit vt cuilibet constet.** 8
- Si cesset finis legis in aliquo speciali casu, non cessat lex.** 9, 10, & 11
- Lex valida, & utilis abrogari potest.** 268.1
- Vt honestè fiat abrogatio, requiritur causa bono communi prospiciens.** 2
- Sine causa abrogatio legis ab eo, qui illam tulit, valida est, tametsi illicita.** 3
- Quæ publicatio in abrogatione requiratur.** 4, 5, & 6
- Lex posterior priorem abrogat, si in corpore iuris prior fuerit inserta.** 269.7
- Limitatur, nisi iuramento firmata fuerit.** 8
- Posterior abrogat priorem, dummodo illi contraria sit, neque patiat interpretatiorem.** 9
- Lex abroganda specialis, vel generalis extra corpus iuris non abrogatur, nisi illius fiat mentio saltem in genere.** 10
- Lex specialis pro aliquo loco, vel speciali materia, tametsi corpori iuris fuerit inserta, non abrogatur lege contraria, nisi illius fiat mentio saltem in genere.** 11
- Legem abrogare potest, qui illam tulit, vel eius successor.** 270.1
- Inferior non potest legem superioris abrogare.** 1
- Quid respectu sui territorij.** 3
- Quid de statutis confirmatis à superiore.** 271.7
- Leges, seu constitutiones factas in Synodo diocesana potest Episcopus abrogare.** 9. & 10.
- Legem interpretari authenticè, solus conditor legis, vel illius successor, aut illorum superior potest.** 272.1
- Hæc interpretatio publicanda est, sicut & lex.** 2
- Iudicibus inferioribus non licet legem authenticè declarare.** 273.7
- Quid de Cardinalibus declarantibus Tridentini Concilium.** 272.3. & seqq.
- Legem doctrinaliter interpretari cuilibet licet.** 274.1
- Pluribus placet non esse licitum à verbis legis deuare.** 2
- Vt licet episkeia non solum in casu, in quo obseruantia legis iniqua esset, sed etiam in quo esset difficilis.** 3
- Causa in hac interpretatione debet ad minus esse probabilis.** 4
- Quando prohibetur à lege eius interpretatio, solum censetur prohibita interpretatio friuola, & contra mentem legis.** 5. & 6
- Aliquando prohibetur interpretatio typis mandata, & ex professo.** 7
- In legis interpretatione quæ regulæ seruandæ sint.** 275.1
- Si de intentione legislatoris constet, illi standum est.** ibid.
- Seruanda est verborum proprietas.** 2
- Quod est verum, etiam si legislator extra legem dicat se aliter intelligere.** 3
- Limitant aliqui in lege correctoria, sed non probatur.** 4
- At limitandum est, nisi ex proprietate verborum sequeretur absurdum.** 5
- Item nisi reddatur lex inutilis.** 6
- Proprietas verborum naturalis est quæ seruari debet.** 476.7
- Quod est intelligendum de lege præceptiua, & finali, non de fauorabili: hæc enim ad civilem etiam significationem extenditur.** 8
- Quid si duplicem habet significationem.** 9
- Legislatoris intentio, & materia legis ex proœmio desumitur.** 10
- Interpretatio in lege fauorabili extendenda est, in pœnali limitanda.** 11
- Quoties de obligatione agitur, stricta interpretatio facienda est.** 12
- Correctio legis omnino est vitanda quoad fieri possit.** 13
- Lex noua debet secundum antiquam interpretari.** 14
- Legis extensio an fiat ad casum sub lata verborum forma non comprehensum, ob similitudinem vel identitatem rationis.** 277.1. & 2
- In legibus irritatoriis, & pœnalibus non datur extensio ad casum non comprehensum.** 278.3
- Neque in legibus correctoriis.** 4
- At corrigens vnum ex æquiparatis, aliud censetur corrigere.** 5
- In legibus exorbitantibus non datur extensio.** 6
- Neque etiam in fauorabilibus est admittenda extensio.** 7
- Excipe, nisi iniustitia, vel absurditas sequatur.** 279.8
- Dispositum in vno correlatiuo, censetur in alio dispositum.** 9
- Idem in æquiparatis.** 10
- Idem in connexis.** 11
- Idem in mensurante & mensurato.** 12
- Sæpe lex casum nominat specialem exempli, & demonstrationis causa.** 13
- Tametsi lex non extendatur ad casum similem. At iudex in iudicando pro illo debet sententiam ferre, si aliqua alia lege non fuerit decisum.** 14
- Legis extensio possitne fieri ad præterita? Præmittitur distinctio de lege declaratiua, & constitutiua, & deciditur declaratiuam legem propriè legem non esse.** 280.1

Index rerum.

Lex noui iuris constitutiua non trahitur ad præterita.	2
Neque quatenus præceptiua est.	3
Quatenus poenam imponit potest trahi ad præterita.	4
Lex irritans aliquando trahi potest ad præterita, raro tamen.	5
Lex declaratoria quatenus talis, futura, & præterita comprehendit.	6
Lex, statutum, constitutio non censetur extendi ad actum inchoatum ante illam legem si perfectus sit, secus si imperfectus.	181.7
Explicatur doctrina prima in lege dante formam testamentis, & contractibus.	8
Deinde in statuto determinante, vt vir lucretur tertiam partem dotis vxoris præcedētis, an, inquam, tale statutum comprehendat vxorem nuptam ante statutum.	9
Item declaratur in statuto prohibente extrahi merces, si eas extrahere incepisti?	10
Quid de statuto imponente poenam, an extendatur ad delicta ante statutum commissa.	182.11
Et quid de statuto concedente delinquentibus remissionem poenæ, an extendatur ad delinquentes solum præteritos, vel etiam ad futuros.	12
Loquens lex de præteritis, ad omnia extenditur.	13
Excipiuntur præterita iam decisa.	14
Item conclusa in causa.	15
Item decisa per sententiam, tamen si ab ea fuerit appellatum.	16
Quid in prima instantia.	17
Probabilius est non extendi ad præcedentia in iudicio.	183.18

Libertas.

Ex quibus causis dici possit,	33.1
Regulariter subita passio iracundiæ non tollit deliberationem requisitam ad votum, iuramentum & promissionem.	34.10
Non est argumentum firmum deesse libertatem, quod poeniteas rei iam factæ.	11

Librum.

Librum quid sit, & quod duplex, & qua ratione à voluntario distinguatur.	42.1. & 2
--	-----------

Libri.

Libri hæreticorum tantum in Bulla Cœnæ prohibentur.	386.1
Non comprehenditur liber Catholici, tamen si per ignorantiam erroribus mixtus sit.	387.2
Comprehenditur liber manuscriptus.	3
Comprehenditur epistola, concio, quæstio, aliæque breuis scriptura.	4
Non videtur contrarium improbabile.	5
Secundum expurgatorium Romanum omnia hæc prohibentur.	388.6
Sub prohibitione Bullæ solum comprehenduntur libri hæreticorum hæresim continentes, vel de religione tractantes.	7
Librorum horum lectio prohibetur, & quæ sit. ibid. 1. & 2	
An si alium audias legentem, vites censuram.	3.4. & 5
Examinatur, an excuseris à censura, & peccato mortali ob paruitatem materiæ, & quæ hæc sit.	389.6
Item prohibetur retentio horum librorum.	7
Quid si ad confutandos errores absque periculo	

peruersionis retineas.	8
Quid si breui tempore retineas.	10. & 11
Excusas censuram Bullæ, si comburis librum, sed non excusas censuram latam à Iulio III. & Paulo V.	390.12
Item prohibetur impressio horum librorum, & qui sub hac actione comprehendantur.	13
Item prohibetur defensio horum librorum.	14
Quid de transcriptione, venditione, asportatione horum librorum.	15
Libri ij omnibus prohibentur.	391.1
Ex speciali priuilegio Inquisitores eximuntur.	2
Extenditur facultas ad commissarios.	3
Limitatur doctrina in regno Hispaniæ.	4
Nullus præter Pontificem dare potest facultatem legendi libros hæreticorum.	5
Librorum horum prohibitio sub excommunicatione reseruata, illos legentes, aut retinentes, defraudantes, &c. sunt de hæresi suspecti, & tanquam hæreticorum fautores puniendi sunt.	ibid. 1
Componens scienter librum hæreticum, vt hæreticus puniendus est.	2
Transcribens suspicionem hæresis contrahit.	392.3
Imprimentes vltra excommunicationem poena ordinaria sunt afficiendi.	4
Retinens, vendens, asportans, suspectus est de hæresi.	5
Arbitrio iudicis relinquitur, an suspicio sit grauis, vehemens, vel leuis.	6
His poenis solum fideles baptizati afficiuntur.	7

Locus.

Qui sit locus exemptus.	169.30
-------------------------	--------

M

Matrimonium.

M atrimonium contrahentes clandestinum inualidum, non contrahunt poenas iure antiquo latas.	186.p.15.2
Nubens mulier scienter hæretico dotem perdit.	460.10
Negat Sanchez alia bona extra dotem amittere.	11
Probabilius est oppositum.	12
Quid si à principio ignoranter processit, non debent eius bona publicari? Quid si maritus ducat vxorem hæreticam, priuandus ne sit bonis, sicut de vxore hæretico nubente? Negat Sanchez.	15
Probabilius videtur oppositum.	16

Medicus.

Tenetur Medicus medicinam certam relicta probabili & dubia adhibere infirmo.	18.1
Quando nullum est medicamentum certum, tenetur Medicus applicare dubium.	ibid. 2
Experientiam facere medicamentorum, an sint salutaria, vel nociua, illicitum est.	3
Non licet medicinam infirmo desperato applicare, de qua æquè dubitatur, an nocitura, vel profutura sit.	5
Potest Medicus vti medicina quam minus probabiliter credit profuturam, si alij probabilius profuturam existiment.	19.9
Medicinas assignatas à Medico non debet infirmarius omittere ob causas, quæ sibi videntur.	10

Metus.

Metus quid sit, & quod duplex.	46.1. & 2
An causet inuoluntarium.	4

NNn 4

Quæ

Index rerum.

Quæ sint conditiones requiræ ad metum. 47.1
 Grauem metum quæ indicant ex communi sententia. 1
 Timor infamæ cedit in virum constantem, idem est de metu excommunicationis iniustæ. 4
 Reuerentialis timor nisi aliud adiungatur non videtur cadere in virum constantem. 48.6
 Quando preces importunæ inducant metum grauem. 49.7
 Oportet vt minans malum præsumatur illud executurus, & quando hoc præsumi potest. 9
 Ex ordine ad patientem metum grauitas metus desumitur. 10. & 11
 Sufficit si in persona filiorum, nepotum, &c. malum timeatur. 50.12
 Arbitrio prudentis grauitas metus desumitur. 13
 Metus iniuste incussus ad extorquendum contractum, non reddit contractum iure naturæ nullum, sed rescindendum. ibid. p.8
 Neque etiam iure positio, & quæ excipiantur. 51. 1. & 2
 Quid de contractu sponsalium? de promissione doris? de constitutione procuratoris? de iurisdictione data, vel prorogata? de sententia per metum lata? de renunciatione beneficij? de metu incusso ad contrahendum matrimonium cum aliqua indeterminata? 53.3. & seqq.
 Omnes contractus ex metu, cui tu causam dedisti, sunt validi. 55.1
 Quid dicendum de matrimonio, & professione? Probabilius est non irritari ex hoc metu. 56.3
 Valet matrimonium condemnati ad mortem, cui offertur libertas, si ducat filiam, aut consanguineam occisi. 57.1
 Quid dicendum de Medico nolente te mederi, nisi ducas eius filiam. 2
 Quid de iudice extorquente iuste matrimonium secundum allegata & probata, iniuste tamen secundum rem. 3
 Metus levis neque iure naturæ, neque positio irritat contractus. 58.1
 An officio prætoris, vel in foro conscientie rescindendi sint? 2
 Metu reuerentiali filius, vel mulier contrahens non tenetur implere contractum. 3
 Idem est de consentiente precibus importunis. 4
 Metus mortis, & cuiusvis damni minuit culpam. 59.2
 Non excusat culpam in his quæ sunt intrinsecè mala. 3
 Quid dicendum de homicidio? De comestione carnis humanæ? De tyranno minante mortem nisi illam comedat? De obseruatione præcepti diuini? De exercitio potestatis ecclesiasticæ? De obseruatione humani præcepti? 4. & seqq.
 Metum allegans probare debet. 62.1
 Probat is iis quæ inducunt grauem metum, metus probatur. 2
 Coniecturis probatur. 3
 Sufficiens coniectura est, si præcessit tractatus de te cogendo. 4
 Item si fuisti reclusus. 5
 Pœnitentia actus facti iudicat aliquantulum coactè actum fuisse. 63.6
 Iudicis arbitrio relinquitur qualis sit probatio metus. 7
 Sint ne duo testes deponentes de metu præferendi multis negantibus. 8
 Quando censeatur metus purgatus. 9

Missæ.

Si in tua parochia sit dies festiuss, & extra non:

non teneris Missam audire, dum ibi assistis, neque illam expectare. 165.6
 Si plures Missæ dicantur à mane vsque ad 12. non potes hora octaua exire Missa non audita, secundum satis probabilem sententiam. 7
 Probabilius est oppositum. 8

Motus proprius.

Testibus probari non potest, benè tamen scientia. 308.8

N

Necessitas extrema.

in **N**ecessitate extrema potes aliena surripere, eaque consumere, si alia via tibi succurrere non vales. 603.1
 An tenearis prius rogare diuites, vt tibi succurrant. 604.2
 Non potes per vim à domino impediri. 3
 In graui necessitate possunt aliena surripi. 4
 Excipe, nisi proximus eandem necessitatem patiat. 7
 Expenditur an tenearis reddere debitum Petro, eo indigente æqualiter. 8
 Si in supradicta necessitate rem alienam consumas, teneris restituere, si ad pinguiorem fortunam veneris, modò alienum habeas ex contractu transferente dominium. 605.2
 Si ex delicto alienum habeas, communior sententia docet te esse obligatum restituere. Contrarium est satis probabile. 3
 Si alienum retines ex contractu non teneris creditori simili necessitate laboranti restituere. ibid.1
 Si retines ex delicto, neque res existit in specie, non teneris restituere. 2
 Secus si res aliena propria existit in specie. 606.3
 Idem quod dicitur de tua necessitate, dicendum est de necessitate illorum qui tibi in primo gradu coniuncti sunt. 4

O

Obedientia.

Obedire quando subditus in casu dubio teneatur superiori præcipienti. Vide *Subdus*.

Odium.

Odium est charitati contrarium, est duplex, abominationis & inimicitie. 631.1. & 2
 Quodcunque ex iis odiis circa Deum est mortale, neque fieri potest veniale ex leuitate materie. 3
 Circa proximum aliquando esse potest veniale. 633.4
 Odium proximi differt specie ab odio Dei. 5
 In odio proximi sunt plures actus specie distincti. 6, & 7
 Qua ratione odium proximi ab ira, & indignatione, appetitūque vindictæ distinguatur. 8
 Numerantur plures casus, in quibus licitum est velle proximo malum. 9
 An optare mortem, vel de illa gaudere ob hereditatem habendam, sit graue peccatum. 634.11, & 12

Opinio.

Quæ sit probabilis? & an vnus Doctoris dictum constituat opinionem probabilem. 631. & seqq.
 Factum vnus Doctoris opinionem probabilem non constituit. 6.6
 Proba

Index rerum.

Probabilior opinio est, quæ ratione firmiori fulcitur, regulariter, quæ à pluribus approbatur. 8
 Opinio communis est, quæ communiter à Doctõibus rem ex professo tractantibus defenditur. 10
 Regulariter hæc opinio particulari est præferenda. 11
 Eligi potest opinio probabilis relicta probabiliori. 7.2
 In casu grauis necessitatis non solum potest, sed illius est obligatio. 8.5
 Ex hac opinione probabilis etiam in materia iustitiæ consilium dare potes. 8.1
 Docere opiniones improbables lethale peccatum est. 9.8. & 10
 Quid in materia Logicæ & Grammaticæ. 9
 Potest Confessarius ordinarius, & delegatus absolueri poenitentem sequentem opinionem probabilem. ibid. 1. & 2
 Incepta confessione non solum potest, sed tenetur. 10.3
 In administratione sacramentorum probabilius videtur licere vti opinione probabilis, relicta probabiliori, nisi in casibus, quibus ab Ecclesia per speciale præceptum, aut consuetudinem aliter cautum sit. 11.5. & in seqq. Explicantur casus prohibiti.

P

Peccatum.

Peccatum originale quid sit? varix sententiæ apponuntur. 72.2
 Resoluitur esse priuationem iustitiæ debiti. 3
 Priuat regno Dei. 73.1
 Causa est mortis, & rebellionis appetitus. 74.2
 Afficit omnes personas descendentes per seminalem propagationem, excepta sanctissima Maria Virgine. ibid. 1
 Non solum ab originali, sed etiam à debito illud contrahendi aliqui Doctores sanctissimam Virginem excipiunt. 2
 Probabilius est non debere ab hoc debito eximi. 3
 Peccatum definitur esse dictum, factum, vel concupitum contra legem Dei. ibid. p. 4. 1. & 2
 Comprehendit tam mortale, quàm veniale. 75.4
 Expenditur quid sit peccatum habituale. ibid.
 Expenditur differentia mortalis à veniali. 76.1
 & an pro aliquo determinato tempore priuet veniali gloria. 2
 Peccatum quod ex genere suo est mortale, aliquando potest esse veniale, & contra. 4
 Potest, inquam, mortale fieri veniale ex defectu plenæ deliberationis. 77.2
 Apponuntur signa perfectæ, vel imperfectæ libertatis. 5
 Quæ peccata non possint esse leuia ex paruitate materiæ. 78.1
 Grauitas, vel leuitas materiæ sumitur ex obiecto, quatenus fini intento à legiflatore conducit, vt exemplis explicatur. 4
 Non est verum affirmare grauem materiam esse, quæ est totius præcepti violatio, leuem quæ est pars illius. 79.7
 Ex intentione legiflatoris circa materiam leuem, non potest esse grauis obligatio. 80.2
 At circa materiam grauem bene potest esse leuis obligatio. 4
 Veniale peccatum fieri potest mortale ex fine. 81.1
 Si finis est venialis, & medium mortale, solum ex parte medij est mortale. 82. & 4

Veniale peccatum ex periculo incidendi in mortale esse potest mortale. 84.1
 & quod sit periculum proximum peccandi. 2
 Propositum omnia venialia committendi non est mortale. 4
 Ob causam iustam potest quis se periculo peccandi exponere, & qualiter contingat, pluresque casus explicantur. 85.7. & seqq.
 Veniale peccatum ex sola multiplicitate non potest fieri mortale. 87.1
 Hæc fallit in peccatis, quæ ex parte materiæ vniuntur. 88.4
 Peccata non multiplicantur ex multiplicitate præcipientium. 102.2
 Multiplicantur tamen ex distinctione formali, non materiali rei præceptæ. 4
 Vnde distinctio numerica in ordine ad confessionem adsumatur. 103. p. 2. per totum.
 & explicatur doctrina pluribus exemplis. 104. p. 3. per totum.
 Peccata sunt in grauitate inæqualia. 108.1
 Ex variis capitibus eius grauitas desumitur. 109.2
 Peccatum inferioris speciei superare potest aliud peccatum grauius ex obiecto. 3
 Peccatum actuale diminuit inclinationem virtutis. 109.1
 Priuat gratia, & virtutibus infusis. 2
 Destinat peccatorem ad poenam æternam. 3
 Venialis peccati non est proprius effectus poena æterna. 110.5
 Qua ratione vnum peccatum esse possit poena alterius peccati. 6
 Nota & infamia peccantis effectus est peccati. 7

Peregrinus.

Peregrinus, & forensis tenetur legibus loci illius quæ transit, si illuc accedit animo perpetuè manendi. 159.1
 Idem iuris est si intendat ibi maiori parte anni commorari. 2
 Quilibet peregrinus tenetur legibus statuentibus solemnitates in contractibus. 160.3. & 4
 Tenetur legibus loci, quæ transit, si eadem vigent in tuo territorio. 6
 Idem est de legibus iuris communis, tametsi in proprio territorio non vigeant ob consuetudinem contrariam. 9
 Idem de legibus bonum speciale ciuitatis respicientibus. 7
 Aliis legibus variant Doctores, probabilius est omnibus peregrinum teneri. 161.11
 & intelligitur hæc obligatio tam quoad culpam, quàm quoad poenam. 162.13
 Procedit resolutio, tametsi lex pro solis aduenis lata esset. 14
 Idem est de præcepto, ac sententia, ac de statuto, & lege. 15
 Delinquens in suo loco, si aliud accedat, non potest à indice illius loci puniri. 16
 Nullus peregrinus & forensis tenetur legibus suæ patriæ, cum extra illam existat. 165.1
 Quod verum habet, tametsi animo eximendi se ab obligatione patriam reliquerit. 4
 Si iam impleuit præceptum ieiunij, communionis, & festi in loco sui domicilij, non tenetur illud seruare, secluso scandalo, cum peruenit ad locum, vbi tunc viget. 166.12
 Si celsura imposita est alicui delicto, & illud inchoas in tuo territorio, perficis extra censura, non ligaris, tametsi alij contra sentiant. 168.14
 A quo

Index rerum.

A quo possint peregrini dispensari in legibus, votis, & iuramentis, aliisque censuris, & impedimentis. 296. §. 1. per totum.

Pœna.

Quæ officium iudicis requirit, extra territorium imponi non potest. 168. 1. §
Potest imponi à iudice in quo delictum consummatum est, & etiam ab eo in quo fuit inchoatum, si ibi habeat domicilium. 16
Item esto domicilium non habeat, communis sententia docet posse puniri delinquentem à iudice, in quo delictum fuit attentatum, sed ob delictum, quod alibi consummauit. 27
Pœna alia est priuatiua, alia positina, alia ipso iure lata, alia ferenda. 172. 1
Ad pœnam tam priuatam, quàm positinam potest legislator obligare ipso facto per legem. 173. 4
Subintelligitur doctrina de pœna moderata, non de ea in qua vita, fama, aut honor grauiter periclitatur. 5
Pœna excommunicationis, suspensionis, interdicti, & irregularitatis sæpè ipso facto incurritur. ibid. 1
Pœna conditionalis ante iudicis sententiam obligat. 174. 3
Pœnæ ad sui executionem postulantes actionem non contrahuntur ante sententiam saltem declaratoriam. 6
Pœnæ impediens ius quærendum ante sententiam contrahuntur. 175. 7
Fere nulla est pœna priuans iure quæsito, quæ ante sententiam declaratoriam contrahuntur. 8
Excipe pœnam qua coniuges incestuosi petitione debiti priuantur. 9
Pœna appositæ ex mutuo contrahentium consensu debetur ante sententiam iudicis, si expressè ad id se obligauerunt. 177. 1
Cum non est hæc expressa obligatio non debetur, quousque à iudice sic declaratum fuerit. 4
Huius pœnæ conuentionalis dari potest præscriptio. 5
Ad executionem pœnæ mortis, mutilationis, &c. nullus obligari potest. 178. 1
Quid dicendum de pœna verberationis, exilij, carceris, & pecuniæ? 3. & seqq.
Pœna debita potest legislator reum eximere causa intercedente, at absque illa peccat. ibid. 1
Iudex inferior tenetur exequi pœnam à lege præscriptam. 179. 2
Pro delicto alterius nullus pœnam subire potest. ibid. 1
Pœna imposita actui, qui non obstante prohibitione fieri validus potest, nõ efficit inualidum. 186. p. 1. §. 1
Pœna imposita actui inualido inualidum facit. 4
Debet tamen esse inualidum ex illa ratione, qua imponitur pœna. 5

Pontifex.

Errare non potest in articulis fidei proponendis. 331. 5. & seqq.
De fide est hunc numero Pontificem esse verum Pontificem. 333. 9. & seqq.
In sententia aliqua ferenda circa res gestas potest Pontifex ex ignorantia, vel malitia errare. 336. 1
Item errare potest secundum prudentiam in multiplicandis legibus circa res agendas. 2
Non potest statuere obseruandum ab vniuersali Ecclesia quod malum sit, & rationi dissonum. 3. & 4
Extenditur doctrina ad leges pro vna prouincia factas. 5

Pontifex errare non potest in canonizatione Sanctorum, probabilius est de fide esse. 337. 1
Soli Pontifici competit canonizatio Sanctorum, & de illius differentia à beatificatione. 338. 1. & seqq.

& quo modo in beatificatione errare non possit, & qua certitudine id tenendum sit. 4
Nequaquam Pontifex potest approbare religionem aliquam, vt consentaneam legi euangelicæ, quæ verè non sit. 340. 1
Neque in approbatione religionum secundum leges prudentiæ præsumendum est Pontificem errare. 4

Possessio.

In materia iustitiæ est sufficiens titulus deponendi dubiam conscientiam. 23. 1. & seqq.
Vt in aliis materiis à iustitia etiam est sufficiens titulus. 28. 1
Possessio est, pro qua est iuris præsumptio. 2
Si legitima sit, titulus est sufficiens non solum ad retentionem rei, sed ad illius alienationem. 24. 12

Potestas.

Dominij, & iurisdictionis potestas in quo distinguantur. 149. 9

Præsumptio.

Quotupliciter sumatur. 574. 1
Graue est peccatum. 2
Contraria spei quibus modis contingat. 3
Qua præsumptione amittatur spes. 4

Priuilegium.

Expenditur eius definitio. 106. 1
Qua ratione dicatur lex priuata. 107. 2
Non debent dici priuilegia leges pœnales. 4
Eius differentia à lege, dispensatione, gratia, & re-scripto apponitur. 5
Priuilegium aliud est personale, aliud reale, & qua ratione inter se distinguantur. 108. 1. & seqq.
Quid si dubium sit, an sit reale, vel personale. 109. 5. & 6
Si probabile tibi sit esse reale, esto probabilius sit esse personale, poteris reale iudicare. 7
Idem est si tibi possidenti vt reale suboritur dubium esse personale, poteris reale iudicare. 8
Aliud est priuilegium perpetuum, aliud temporale, & qualiter contingat. ibid. p. 2. per totum.
Item aliud est priuilegium gratiosum, aliud remuneratorium, aliud conuentionale aliud purum, & explicantur. 110. 1
Quodlibet ex his potest esse reale, & personale. 2
& quid in casu dubio censendum sit. 5
Aliud deinde est priuilegium affirmatiuum, & negatiuum, commune & singulare, fauorabile, & odiosum, & de illorum differentia. 311. p. 4. per totum.
Deinde aliud est priuilegium scriptum, & non scriptum pro foro conscientie, & externo. ibid. p. 5
Qualiter transumptio fides adhibenda sit. 112. 1
Consuetudine comparari potest priuilegium. 2
Priuilegium pro foro conscientie, neque pro foro pœnitentie non importat necessarium forum sacramentale. 5. & 6
Præterea aliud est priuilegium ad instantiam partis, aliud motu proprio concessum, & quæ hæc sint. 213. 1
Probari ne possit testibus, priuilegium esse motu proprio concessum. 2
Clausula motus proprii tollit vitium subreptionis.

Intelli

- Intelligitur, si nulla facta est à te supplicatio. 4
- Ex aliis capitibus potest tale priuilegium infirmari : tamen si careat vitio subreptionis. 5
- Si concedens priuilegium motu proprio exprimat in concessione falicitatem, nullum est. 6
- Si supplicationem facias diminutam, & concedens apponat clausulam, Ex motu proprio, probabilius cenſeo valere. 7
- Rurſus aliud est priuilegium abſolutum, aliud ſub conditione, aut modo conſeſſum, & qualiter hæc contingant. ibid. 1
- Quando omiſſio operis, ſub cuius onere priuilegium fuit conſeſſum, irritet eius uſum. 2
- Si detur tibi facultas diſpenſandi, abſoluendi cum conſilio alicuius, & omittas conſilium, nulla eſt diſpenſatio. 3
- Intelligitur doctrina de opere expoſtulado, quod de iure non ineſt. 4
- Item aliud eſt priuilegium, quod vocatur ad inſtar, & quale hoc ſit. 215.1
- Debet habere effectum priuilegium ad cuius ſimilitudinem eſt conſeſſum, aliàs non tenet conſeſſio. 2. & 3
- An ſub illa forma, Concedo tibi cathedram, canonicatum, ſicuti habuit tuus prædeceſſor, cenſeantur conſeſſæ facultates perſonales prædeceſſoris. 5
- Deinde aliud priuilegium ſolet per communicationem concedi, & quorupliciter contingat. 216.1
- Nunquam priuilegium vni religioni conſeſſum, cenſetur alteri communicari, ſi obſeruancia regularis inde diminuitur. 2
- Quid ſi in iſtis priuilegiis caueatur, vt non cenſeantur aliis communicata. 3
- Reſtrictio facta religioſis Societatis Ieſu, ne poſſint ſuis priuilegiis uti, niſi à Præpoſito generali fuerint ſua communicata, non communicatur aliis religioſis, tamen ſi priuilegia communicentur. 4
- Priuilegia, Iubilæa, & gratiæ conſeſſæ alicui religioni in honorem alicuius ſancti, proprii ad alias, tranſfertur in communicatione, proportionem ſeruata. 5
- Denique aliud eſt priuilegium conſeſſum in forma communi, vel ex certa ſcientia, & explicantur. 217.1. & 2
- Si ex certa ſcientia priuilegium confirmetur, renouat iam amiſſum. 3
- Non cenſetur confirmari, ſi ſubreptione fuit impetratum, aut Concilio generali derogatum. 4
- Si inferatur priuilegium confirmandum in confirmatione, tamen ſi nullum ſit, valet confirmatio. Defenditur vt probabilius. 5
- Clausula, vt omnes defectus iuris, & facti ſuppleantur, æquiualeat clauſulæ, Ex certa ſcientia. 6
- Ad priuilegij conſeſſionem non eſt opus ſcriptura. 218.1
- An locum habeat in beneficiis. 219.3
- An in facultate non reſidendi. 4
- An in facultate ingrediendi monaſteria monialiū. 5
- An in iudiciis à Romano Pontifice designatis. 6
- An in remiſſionibus delictorum in noſtro regno. 7
- An in gratia, quæ conſiſtit in iure ad agendum. 8
- Priuilegij promulgatio, ſeu illius notitia requiritur, vt alij priuilegiatum non impediunt, & quæ hæc debeat eſſe. ibid. 1
- Non cenſetur priuilegium conſeſſum, quouſque illius notitiam habeas. 210.3. & ſeqq.
- Non expoſtulat priuilegium notitiam illorum, in quorum damnum cedit. 211.7
- Excipe, niſi priuilegio tollatur alicuius quaſitum. 8
- Hæc ſcientia priuilegij requiritur in priuilegiato directè, ſecus in indirectè priuilegiato. 9
- Priuilegij acceptatio ſufficit, ſi facta ſit per procuratorem, nuntium, &c. 222.10
- Priuilegium nullus alius præter legiſſatorem concedere poteſt, neque alius, niſi ſubditis. 223.1. & 2
- Ad eius licitam conſeſſionem ſemper cauſa requiritur. ibid. p. 5.1
- Secus ad eius valorem. 2
- Neque ſine cauſa datum præſumitur. ibid.
- Priuilegium valet pro omni loco concedentis. 224.1
- Si pro aliquo loco limitatur à concedente, extra illum non poteſt extendi. 2
- Si priuilegium ſit diſpenſatio alicuius impedimenti, aut inhabilitatis, valet pro omni loco, ac ſi nullum fuiſſet impedimentum. 3
- Si uſus concedentis non eſt extra territorium concedentis prohibitus iure communi, aut ſpeciali conſtitutione illius loci poteris uti illo. 4
- Secus ſi obſtat legibus, & conſtitutionibus contrarium reſpicientibus. 5
- Expenditur uti ne poſſis priuilegio ab Epifcopo conſeſſo, ſi eius uſus obſtet legibus communibus, vel municipalibus illius loci qua tranſiſſit. Defenditur vt probabilius te uti non poſſe. Si uſus aduerſetur ſpeciali conſtitutioni illius loci, ſecus ſi communi. 6, 7. & 8
- Priuilegio proprio nullus tenetur uti. 225.1
- Excipe, niſi per priuilegium legi ſubiiciatur, cum antea ſubiectus non eſſet. 2. & 3
- Poſſitne priuilegiatus uti ſuo priuilegio aduerſus pariter priuilegiatum. 226. p. 8. per tot.
- Priuilegium verbis clariſ conſeſſum interpretatione non indiget, in dubio potius menti, quam verbis inhærendum eſt, & ex ſupplicatione colligenda conſeſſio. ibid. p. 9.1
- Derogans iuri communi, vel alteri nocens, ſecundum hanc partem odioſum eſt. Aliquando quando vni eſt odioſum, alteri eſt fauorabile, & tunc eſt mixtum. 2
- In priuilegij interpretatione ſeruanda eſt verborum proprietas, quæ deſumenda eſt ex uſu, & ſtylo concedentis. 3
- Non eſt facienda ita ſtriecta priuilegij interpretatio, vt reddat priuilegium inutile. 227.4
- & ibi extenditur priuilegium ad neceſſario connexa. Quæ ſit lata interpretatio, quæ ſtriecta. 5
- Priuilegium, quod in nullius præiudicium cedit, late eſt interpretandum. ibid. 1
- Derogans iuri communi, regulariter eſt ſtriecte interpretandum. 2
- & explicatur exemplis. 3
- An extendatur hæc doctrina ad priuilegium derogans ſtatuto, aut conſuetudini ſpeciali. 228.4
- Late interpretandum eſt, ſi cedat in fauorem religionis, vel piæ cauſæ. 5
- Item ſi ſit inſertum in iure communi. 6
- Item ſi ex certa ſcientia conſeſſum ſit. 7
- Priuilegium derogans alterius iuri ſtriecte interpretandum eſt. 8
- Quid de priuilegio ad lites, ad beneficia, &c. ibid.
- Non eſt neceſſe priuilegium derogans iuri communi, habere clauſulam derogatoriam expreſſe. 229.9
- Excipe, niſi ius commune priuilegio reſtituat. 10
- Derogans tamen iuri alterius, debet habere clauſulam derogatoriam. 11
- Priuilegium fauorabile non extenditur ad alias præter expreſſos, & qui hi ſint. 231.1. & 2
- Neque extenditur ad caſus alios, vel perſonas, in quibus eſt ſimilis, vel efficacior ratio. 232.1. & ſeqq.
- Quid de poteſtate legitimandi adulterinum, & inceſtuofum?

Index rerum.

- cestuosum? si utrunque vitium in eadem persona concurrat. 233.6.7.& 8
- Privilegium amittitur multipliciter.** 234.1
- Prolimitato tempore concessum illo transacto finitur. 2
- Idem est, quando deficit conditio privilegio inherens. 3
- Quando privilegium conceditur ad aliquid agendum, non finitur actu inualido. 4
- An unico actu finiatur, latè examinatur. 5. & seqq.
- Si privilegium nondum sit integrè concessum, cum cessat causa finalis, cessat privilegium. 236.1
- Causa hæc finalis verificanda est, cum Romæ privilegium conceditur, & cum ab ordinario expeditur. 2
- Privilegia non habentia tractum successuum, si tempore concessionis adest causa finalis, valent, tamen si postea cesset.** 3
- Quando privilegium, seu dispensatio ad effectum non est perducta, non cessat, etsi cesset causa. 237.5
- Privilegium & dispensatio de obligatione diuidua, & ob causam similiter diuiduam cessat cessante causa.** 6
- Si causa concessionis integrè existit, cum conceditur privilegium, vel dispensatio, non cessat, cessante causa successu temporis. 238.7
- Peccet ne utens privilegio, vel dispensatione cessante causa illius. 10
- Privilegium in bonum commune concessum renuntiari non potest.** 252.1
- Quocirca clericus renunciare non potest privilegio fori, & canonis. 2
- Renunciatio privilegij non est non usus illius. 253.4
- Ad renunciationem requiritur voluntas libera renunciantis. 5
- Electus renuens consentire electioni, mutata voluntate consentire potest. 8
- Debet renunciatio acceptari à concedente privilegium. 254.10
- Quæ sit renunciatio tacita. 11
- Nisi acceptetur à concedente, non habet effectum. 12
- Privilegia, quæ in aliorum grauamen non cedunt, non perduntur per non usum.** 255.3
- Quæ cedunt tunc amittuntur, quando grauati præscribunt. 4
- Excipe nisi in privilegio fuerit appositum, ut utaris illo tuo arbitratu. 5
- Decennium affirmat communis sententia sufficere, ut grauati præscribant aduersus privilegiatum privilegio non utentem. 256.6
- Resoluitur dari non posse regulam generalem, sed aliquando decennium, aliquando vicennium, & ultra est requisitum. 7
- Amittuntur tunc privilegia tam in foro conscientie, quam in externo. 8
- Privilegium si solum fauorem privilegiati respicit, non amittitur per actum contrarium.** ibid.1
- Amittitur tamen, si tractum successuum non habet. 257.2
- Quæ cedunt in aliorum grauamen non amittuntur, nisi ipsi præscribant. 3
- Quoad valorem actuum, quibus privilegio contradicis, cessat privilegium, tamen si alij non præscripserint. 4
- Si habes privilegium non soluendi vectigalia, & permittas te scribi in libro, ubi ceteri privilegiati scribuntur, non amittis privilegium. 5
- Idem si privilegium habeas ne eligaris ad munera publica, & permittis te eligi. 6
- Idem est de communitate exempta à decimis, si semel, vel iterum soluat. 7
- Quæ requirantur ad præscriptionem contra privilegiatum. 8
- Quid dicendum, si condemneris ante præscriptionem in amissione privilegij? 9
- Item privilegium amitti potest per illius abusum, & quibus modis abusus contingat. ibid.1
- Si loquamur de amissione per sententiam, dignus est illa, qui privilegio concessio abutitur quocunque modo. 258.2
- Ipsa facto propter abusum non priuatur quis privilegio, nisi ex verbis privilegij aliud constet. 3
- Explicatur supradicta doctrina discurrendo per abusus communiter contingentes. 4
- Privilegium datum ad aliquem usum validè reuocari potest absque causa, sed peccatum veniale committitur.** 259.1
- Transferens dominium in privilegiatum nequit à concedente, neque ab eius successione reuocari. 2
- Expenditur quæ causa sufficiat ad reuocandum privilegium acceptatum, cuius privilegiatus habet dominium. 4
- Princeps reuocans privilegium, quod sine causa reuocare non potest, tenetur probare causam à die reuocationis. 5
- An requiratur ad huius reuocationem ultra legitimam causam compensatio privilegij? Probabilius est non requiri. 260.6
- Privilegium onerosum, & remuneratorium non potest reuocari, nisi causa boni communis intercedat, & satisfactio reuocanti exhibeatur.** ibid.1
- Hinc dispensationes concessæ pro foro externo reuocari non possunt, nisi supradictæ conditiones intercedant. 2
- Privilegia concessa in bulla non reuocantur animo iubilæi.** 3
- Extenditur doctrina ad privilegium remuneratorium. 4
- Probabilitate non caret ad huius reuocationem requiri compensationem. 5
- Quid necessarium est, ut privilegium censeatur in remunerationem concessum. 6
- Censeantur ne probata merita, si concedens ad esse affirmet? 261.7
- Privilegia gratuita, onerosa, & remuneratoria, casu quo reuocabilia sunt, reuocare potest concedens, & eius in dignitate successor.** ibid.1
- Privilegia qualiter reuocanda sint.** 262.1
- Clausula generalis in reuocatione expressa sufficit. 2
- Excipiuntur privilegia concessa per modum contractus oneris, siue remunerationis. 3
- Item privilegia habentia clausulam, ut non possint derogari. 4
- Item privilegia inserta in corpore iuris. 5
- Quid si privilegia sint in Concilio generali, debet expressè illius mentio fieri. 6
- Sublimitanda hæc sunt, nisi aliter constet de voluntate derogantis. 263.7
- Derogatio tacita, quæ consistit in contrarietate posterioris privilegij cum antiquo, derogat antiquum, si concedatur ex scientia prioris privilegij. 8
- Quando præsumitur hæc scientia, distinguitur ad eius explicationem triplex derogationis modus. 9
- Si privilegium insertum sit in corpore iuris, lege vniuersali contraria derogatur, secus si extra corpus iuris sit.** 10
- Idem dicendum cum alio privilegio contrario derogatur, si in corpore iuris sit insertum. 11
- Extra corpus iuris privilegium non derogatur nisi illius

Index rerum.

Illius fiat mentio, aliqui docent. 264.13
 Probabilius est secundum priuilegium valere, non obstante generali priori. 14
 Per sententiam reuocatur priuilegium, si reus condemnatur in illius amissione. 17
 Priuilegij reuocatio si facienda est per legem, indiget ea publicatione, qua lex. 265.1
 Si priuatum sit, non habet effectum quousque priuilegiato innotescat. 2
 Debet innotescere per nuntium, vel epistolam, aut rescriptum ad id specialiter destinatum. 4

Probatio.

Ad condemnandum reum, ut hæreticum debet esse clara & manifesta. 517.1
 Ad condemnandum reum ut suspectum hæresis sufficiunt præsumptiones iuris. ibid.
 Hæresis probatur scriptura, verbis, & factis, & qualia hæc sint. 2
 Aduersus verba, & facta clara non admittitur probatio, nisi ad summum coniecturalis ex metu. 3
 Confitens facta hæreticalia, & negans intentionem, condemnandus est ut vehementer de hæresi suspectus, si compareret ante denuntiationem. 4
 Si citatus compareret, & negat intentionem, torquendus est, & in negatiua persistens tanquam suspectus vehementer est damnandus secundum plurimum sententiam. 5
 Probabilius censeo tanquam hæreticum negatiuum esse puniendum. 6
 Duæ probationes semiplenæ, non iunguntur ad vnâ integram efficiendam, tamen aliqui contra sentiant. 518.7
 Contra accusatores, & fiscum in fauorem rei sufficit semiplena probatio, ut in pœnam ordinariam condemnari non possit. 8

Propositio.

Propositio contraria fidei est hæresis. 393.1
 Propositio hæretica omnimodam contradictionem habet cum obiecto fidei. 3
 Propositio erronea contradicit obiecto fidei, non immediate, sed mediatè. 4
 Hæresim sapit propositio, quæ per consequentias moraliter certas obiecto fidei contradicit. 5
 Malesonans propositio duplicem sensum habet, Catholicum, & hæreticum, sed frequentius in malum accipitur sensum. 6
 Temeraria est, quæ sine regula rationis procedit. 394.7
 Scandalosa si occasio sit alteri errandi, vel malè de fide sentiendi. 8
 In qualificandis propositionibus etiam committi possunt supradicti defectus. 9

Pueri.

Pueri ante pubertatem non adstringuntur censuris ab homine latis. 150.8
 Imò neque videntur adstringi censuris à iure, excepta excommunicatione ob pensionem clerici. 9

R

Relapsus.

Relapsus hæreticus quis sit, & qua pœna afficiatur. 492.8. & seqq.

Religiosi.

Legibus ciuilibus eodem modo obligantur ac clerici. 172.10

Ferd. de Castro Sum. Mor. Pars I.

Constitutionibus Episcopalibus deobligantur, exceptis casibus à iure expressis. 11

A quo possint religiosi in legibus, votis, iuramentis, & aliis pœnis dispensari. 298. §. 4. per totum.

Qualiter possint eleemosynam facere, si beneficiati, aut Episcopi sint. 602. p. 8. per totum.

Repressalia.

Repressalia licita sunt seruatis aliquibus conditionibus. 650.12

Rescriptum.

in Rescriptis iustitiæ per solam citationem iuridicam sentiunt plures definire rem esse integram, & perpetuam iurisdictionem. 239.1

Probabilius est sufficere iudicem iurisdictione incepisse vti, tamen citationem non fecerit, sed quia commune est citationem requiri, illud est sequendum. 240.2

Citatio debet esse egressa à delegato, & parti intimata. 3. §. 4

Neque requiritur trina etiam in casibus, in quibus per edictum quis citari potest. 5

Non perpetuatur iurdictio eo quod delegatus subdelegauerit, tamen si fiat partibus præsentibus. 6

Per rescripti præsentationem non firmatur iurdictio. 241.7

An per vnâ citationem firmetur iurdictio rescripti plures causas continentis. 8

Quid si constituaris index delegatus ad vniuersitatem causarum, & citationem in vna causa facias? Affirmandum est iurisdictionem circa omnes firmatam esse. 9

Si causa commissa non indiget citatione prima muneris executione facta, firmatur iurdictio. 10

in Rescriptis gratiæ ex vocatione partis dicitur negotium coeptum. 11

Quando censeatur rescriptum continere gratiam factam, quando faciendam. 242. §. 2. per tot.

Non intelligitur gratia facta, quousque acceptata sit. ibid. 5

Rescriptum iustitiæ perit finita iurisdictione in delegante, si res delegata integra sit, secus si non sit integra. 243.1

Quod procedit tamen si delegatus ignoret iurisdictionem delegantis expirasse. ibid.

Quid si ignorantia populi committatur. 2

Extenditur doctrina etiam si sit delegatus à Principe, & etiam si dixerit delegans, quousque reuocauero, imò etiam si partes consentiant. 3

Quid si delegatus aliquem subdelegauit, probabilius est spirare iurisdictionem in subdelegato morte delegantis. 48.5

Quid si primus delegans moriatur, postquam subdelegatus vti incepit iurisdictione. 6. & 7

Rescriptum gratiæ finita iurisdictione concedentis, non spirat, si gratia facta sit; secus si sit facienda. ibid. 1.

Hinc licentia tibi data ad audiendas confessiones, non perit morte concedentis. 245.3

Quid si indultum sit de absolutione facienda ceteræ personæ? Communis sententia docet perire morte concedentis re integra. 4

Non videtur carere oppositum probabilitate, non est tamen consulendum. 5

Item non perit facultas tibi concessa eligendi Confessorem. 7

Idem de dispensationibus commissis ordinario, si preces veritate nitantur. 246.8

Quid de mandato, ut prouidearis in aliquo beneficio tunc vacante. 9. & 10

O O O

Facul

Index rerum.

Facultas & licentia testandi Episcopis concessa non expirat. 11
 Idem est de facultate à Rege concessa instituendi maiorum. 12
 Rescriptum gratiæ pro limitato tempore concessum non expirat morte concedentis, quousque tempus finiatur. ibid. 1
 Sed quid si concessum sit sub hac forma, ad annum, ad meum beneplacitum? Affirmant plures prorogari post annum, si Princeps viuit. 2
 Oppositum est probabilius. 3
 Gratia, dum fuerit nostra voluntas, ad beneplacitum nostrum, perit morte concedentis. 4
 Non caret probabilitate oppositum. 5
 Rescriptum gratiæ, & iustitiæ morte delegati, vel eius finito officio, quando expiret. ibid. §. 6. per tot.
 Rescriptum gratiæ per subreptionem obtentum ipso iure est nullum, rescriptum iustitiæ venit annullandum. 314.2
 Debet in rescripto attendi quod sit primo concessum, ut intelligatur quando est rescriptum gratiæ, quando iustitiæ. 3
 Taciturnitas veritatis, vel expressio falsitatis reddit supradicto modo rescriptum nullum, quamvis in causa non sis. 4
 Si deceptio committatur circa substantialia, vel circa personam, cui committitur rescriptum annullatum, & explicatur exemplis de substantialibus in materia rescripti. 5
 Explicatur de errore commisso circa personam. § 15.6
 Quid si ex errore concedens dispensationem intelligat esse alium ab eo, cui re vera concedit? Affirmat Sanchez valere dispensationem. 7
 Probabilius est oppositum. 8
 Rescriptum sæpe vitatur ex suppressione veritatis, vel expressione falsitatis circa causam finalem, quando hoc contingat, variant Doctores. ibid. 1. & 2
 Probabilius est ex sola taciturnitate veritatis, quæ iure debebat exprimi, & ex sola expressione falsitatis, quæ iure taceri debeat, reddi rescriptum subreptitium. § 16.3
 Expressio, & taciturnitas veri debet esse circa causam finalem. 4
 Nomine iuris intelligitur non solum ius scriptum, sed etiam stylus Principis concedentis. 5
 Subreptio commissa in vna parte rescripti non vitiat totum rescriptum, si per ignorantiam etiam culpabilem, modò non sit crassa subreptio commissa. 322.5
 Vitiat tamen, si ex malitia & fraude procedatur. 6
 Debet tamen vna pars cum alia coniunctionem habere, & ad eundem finem ordinari. 7
 Impetrans rescriptum ad primum beneficium vacaturum, tacito defectu legitime ætatis ad curatum, valet ad simplex. 323.8
 Impetrans dispensationem voti, & consanguinitatis ad matrimonium falsò allegata causa circa votum, rescriptum vitatur. 9
 Rescriptum hoc modo vitatum non habet effectum, quousque vitium commissum in illa parte rescripti declaretur. 10

Restitutio.

Obnoxia restitutioni non sunt extorta blanditiis. 46.4
 Quid si iuste malum mineris absque animo inferendi, retinere possis, quæ sic extorques. § 7.5

Reus.

Semper citandus est, & qua ratione fieri debeat citatio. § 99. p. 5. per totum.

Defensiones, exceptionesque legitime, & tempus aptum ad illarum probationem reo sunt concedendæ. § 10.1
 Dandæ sunt hæ defensiones reo, tamen si conuictus & confesso. 2
 Reo concedenda est indiciorum, & probationum aduersantium copia. 4
 Item dandus est reo Aduocatus. 5
 Reo inquisito minori 25. annis dandus est curator. 6
 Quid si minor habeat patrem, debeat ne pater curatoris officium subire. Probabilius est non posse. § 11.7
 Reus adorans demonem præter bonorum confiscationem alias poenas incurrit. § 34.1
 Ad huius capturam liquidiores probationes, quam in aliis delictis requiruntur. 2
 Si se detulit ad reconciliationem, secretum admittitur. 3
 Quando huius absolutio ad cautelam, & abiuratio commissariis remittatur. 4
 Reus officium inquisitionis impediens, examinari debet, qua ratione impediatur. § 55.1. & 2
 Qualiter hoc contingat, & quæ poenæ sint impediendis impositæ. 3
 Usurpans officium Inquisitoris ab Inquisitore, puniatur pro qualitate causæ. § 56.4
 Reus ducens secundam uxorem viuentem prima, iudicibus fidei puniendus subiicitur. ibid. 1
 Huius poena est arbitraria. 2
 Procedit tam in viro, quam in uxore. 3
 Religiosus ducens uxorem grauius punitur. 4
 Reus non sacerdos Missam celebrans, suspectus est de hæresi. ibid. §. 9.1
 Pluribus in locis poena mortis punitur, aliis verò, ut in Hispania, arbitraria. § 57.2
 Transmittens arma, equos, bellicæque instrumenta hostibus nostræ religionis, subiiciuntur puniendi Inquisitoribus. ibid. p. 10.1

S

Scandalum.

Scandalum quid sit. 658.1
 Duplex est, actiui, & passiuum. ibid.
 Non aduersatur passiuum speciali virtuti, sed per omnia vitia vagatur. 659.6
 Actiui si directe volitum sit, hoc est, ex affectu ut proximus ruat, speciale est peccatum. 7
 Si verbis, vel factis moueas aliquem ad peccatum, ea intentione, quia est malum illius, teneris in confessione exprimere. 8
 Inducere ad peccatum veniale, quia malum proximi est, esse potest veniale. 659. p. 2. per totum.
 Si iudices proximum, non quia malum illius est, sed quia tibi, vel alteri est utile, peccas ea specie peccati, qua proximus. 660.1
 & ibi expenditur qua ratione inductionem hanc renearis in confessione manifestare, & quibus in casibus. 2
 An verò sit speciale peccatum aduersus virtutem misericordiæ? Arguitur pro, & contra, & resoluitur apposta quadam speciali doctrina. 661.5
 Scandali generalem malitiam habet peccatum publicè factum. 663.2
 Tenerisque in confessione manifestare. 3
 Si scires (quod raro, vel nunquam fieri potest) neminem mouendum esse ad malum, non peccas tunc peccato scandali. 4
 Scandalum est permittere peccatum alterius, ut deprehensus in illo puniatur. ibid. p. 5. 2
 Permitte

Index rerum.

Permittere ut deprehensus corrigatur, licitum est.
 Debet tamen certò de correctione constare. 3
 Permittere peccatum, ut te indemnem serues, licet. 4
 Offerre occasionem peccandi ob prædictos fines non licet. 5
 Expenduntur aliquæ rationes contrariæ. 6
 Scandalum est, si recta via possis diuertere proximum à grauiori peccato, suadeas minus. 664.1
 Determinatum occidere Petrum non licet tibi ad vulnerationem Petri incitare. 2
 Quid si Paulus pro conseruanda vita Petri teneretur propriam exponere, vel diuitias exponere, posses ne consulere tunc hoc minus malum? Resoluitur te non posse. 3
 Determinatum vni ex pluribus iniuriam inferre, non licet tibi inclinare ad aliquem illorum, esto minus quàm alij patiatur damni. 4
 Determinato perpetrare graue malum licet tibi materiam minoris mali proponere. 665.5
 An id liceat persuadere? Arguitur pro & contra, & resoluitur sub distinctione. 6
 Quid si volenti surripere nummos pauperi roges ut à diuite surripiat, non determinando diuitem? Affirmant plures licitum esse. 666.11
 Sub distinctione responderetur. 12
 Teneris ratione huius consilij restituere, esto contra teneat Sanchez. 13
 Mulier sciens ab aliquo turpiter amari, non peccat mortaliter in sententia Nauarri eius conspectui se præsentans. ibid.2
 Debet tamen honesta causa duci. 3
 Si nulla honesta causa, sed solum vanitate ducatur, mortaliter peccat. 667.5
 Item si animo roborandi turpem amorem. 6
 Expenditur factum in die. 7
 Si vendas rem, quæ communiter in malum vsum destinatur, vel semper, vel occasione temporis, debet tibi constare moraliter cum cui vendis non esse illa malè vsurum. ibid.3
 Explicatur quomodo id tibi constare possit. 4
 Si res in bonum vsum communiter ordinentur, licet tibi vendere, vel subministrare, quoties non constat de abusu petentis. 5
 Si credas proximum iis indifferentibus malè vsurum, teneris si commodè possis ea illi non vendere. 6
 Contrarium aliqui defendunt, sed immeritò. 668.7
 Quæ causa sufficiat ad honestandam indifferentium administrationem non potest certa regula definiri. 8
 Ministrans indifferentia non excusatur à peccato, ex eo quòd proximus aliàs peccaturus esset. ibid.p.9. per tot.
 Item nec potes inuitare ad cœnam soluturo ieiunium. 669.2
 Potes tamen petere actionem, à qua alius separare potest malitiam. 4
 Sed hoc intelligitur causa iusta intercedente. 670.5
 Expenduntur causæ ob quas famuli filij possunt parentibus, & dominis in peccatis ministrare. ibid.p.11. per totum.
 Quæ sit subministratio proxima, quæ remota, & quæ causæ has subministraciones valeant honestare. ibid.
 Locare, vendere domos, vestes, alimenta peccatoribus, communis sententia tenet licere absque nulla speciali causa. 672.p.12
 Imò carius peccatoribus publicis, quamquam aliis honestis personis locari & vendi possunt. 2
 Si tua domus aptior est ad malam negotiationem, vel turpitudinem, non licet tibi si commodè

Ferd. de Castro Sum. Mor. Pars I.

potes illis concedere. 3
 Vfurariis alienigenis domus locari non possunt. 4
 Patroni meretricum, si contenti essent officio sibi à republica designato, sustineri possent: at ut ipsi se gerunt vix absolui possunt. 5
 Pingentes Adonidem, concubinam lenoni, idolum ethnico, an honestari possint. 6. & 7
 Deponens pecuniam apud vsurarium, quibus scis malè vsurum, peccas, si absque graui causa facias. 673.p.13.1
 Si tabernarius vendit vinum mixtum aqua, quod tu habes apud illum depositum, pro viribus debes venditionem impedire: si te ignorante facta non venditio, restituere debes, in quo factus sis locupletior. 2
 Vinum his simulatoribus vendere non potes, si commodè possis venditionem excusare. 3
 Vendens vinum inebriaturis causam grauem habere debet, ut excusetur. ibid.p.14.1
 In vendente cibaria soluturis ieiunium minor causa, sed grauis desideratur, qualis est diminutio emptorum ex denegata venditione, nunquam tamen est censenda sufficiens causa amissio lucri, quod ex cœna vendita prouenire potest. 2
 Possitne dari aliqua causa excusans præbentem munera concubinæ iudicis, ab illâque petentem, ut iudicem in negotio interpellat. 674.p.15.1. & 2
 ob Scandalum vitandum nulla sunt præcepta omittenda. ibid.p.16.1
 Consilij opera non sunt omittenda ob scandalum ex malitia, differenda tamen ob scandalum ex infirmitate. 675.6
 An fœmina teneatur abstinere à Missæ auditione ob turpem alicuius amorem. 7
 Ratò, vel nunquam obligatus es iacturam rerum temporalium facere, ne proximus peccet. ibid.17

Schisma.

Est diuisio ab Ecclesia, eiusque capite. 1
 Dupliciter contingit. 2
 A subiectione Pontificis separare potes directè, & indirectè, & quibus modis contingat. 3
 Pontifex ab vnitate Ecclesiæ se separare potest. 4
 Peccatum schismatis est grauissimum. 5
 Aliqui à communionem Ecclesiæ se separant, quin sint schismatici, & qui ij sint. 6
 Nolens exequi mandatum Pontificis, quia difficile, est schismaticus. 7
 Neque est schismaticus qui dominium Pontificis in aliquam ciuitatem non recognoscit. 638.8
 Item neque est qui non obedit Pontifici, quem probabiliter credit talem non esse. 9
 Peccans mortaliter non est schismaticus. 10
 Schismaticorum pœnæ plures sunt. ibid.1
 Prima est priuatio potestatis, ordinis, & iurisdictionis. ibid.
 Contingat ne hæc priuatio schismaticis non denuntiatis? Refertur quadruplex sententia, & approbatur occultum schismaticum priuari. 2. & 3
 Secunda pœna est excommunicatio ipso facto. 639.4
 Comprhendit non solum schismaticos hæreticos, sed eos, qui hæresis suspensionem habent. 5
 An quilibet inobediens Pontifici hanc excommunicationem contrahat. 6. & 7
 Schismaticorum fautores, & receptatores non ligantur hac excommunicatione Bullæ. 8
 Schismatici qui hæretici non sunt, absolui possunt semel in vita, & semel in morte virtute Cruciatæ, vel iubilæi concedentis casus Cœnæ. 9

O O O 2

Tertia

Index rerum.

- Tertia pœna est inhabilitas ad beneficia. 640.10
 Pœnitentibus schismaticis, & Ecclesiæ reconcilia-
 tis tollitur hæc inhabilitas secundum probabi-
 lem sententiam. 11
 Probabilius est dispensatione indigere. 12
 Quis possit dispensare, 13
 Probabile est occultum schismaticum dispensatione
 non indigere. 14
 Beneficiis ante schisma obtentis non priuatur schif-
 maticus, nisi hæreticus sit. 15
 Quarta pœna enumeratur ab aliquibus irregulari-
 tas, sed non approbatur. 16
 Quinta est suspensio ordinis à schismatico scienter
 recepti. 17
 Sexta ut collatio beneficiorum ab iis facta irritetur.
 18
 Septima est suspicio hæresis vehemens. 19
 Octaua est subiectio Ecclesiasticis iudicibus pro
 pœna sustinenda. 641.20
- Scriptura.*
 Qualiter ad legem requisita sit. 118.p.7.per tot.
 & qualiter ad privilegium. 218.1
- Scrupulus.*
 Scrupulus quid sit. 40.1
 Contra illam agere licitum est, & laudabile. 2
 Quomodo scrupulus cognoscendus sit. 41.1
 Si sit in rebus efficiendis, non debet scrupulosus se
 in earum examinatione detinere. 2
 De rebus præteritis non debet casum facere, nisi res
 clara sit. 3
 Confessiones non debent scrupulosi repetere. 4
 Neque illorum dubia Confessarius semper audire. 5
 Eorum dubitationes in mitiorem partem interpre-
 tandæ sunt. 6
- Sententia.*
 Sententia duplex est, condemnatoria, & absolutoria.
 518.1
 Vtrique in crimine hæresis ex iudicio peritorum
 pronuntiari debet, & qui ij sint. 519.2
 Debet iis integrè processus manifestari, tacitis no-
 minibus testium, tametsi qualitates illius omni-
 no debeant illis declarari. 3
 Si Inquisitores ad sententiam procedant, nullo peri-
 torum consilio requisito, probabilius est nullam
 esse sententiam. 4
 Horum tamen consilium sequi non obligantur In-
 quisitores, esto contra plures sentiant. 5
 Absolutoria, & condemnatoria sententia in scriptis
 debet proferri. 6
 Prolatio sententiæ non est necessariò facienda ab
 ipsomet Inquisitore, sufficit si per Notarium
 fiat. 510.7
 In absolutoria sententia non sunt proferendi spe-
 cialiter errores, de quibus reus fuit accusatus. 8
 Non debet reus in hac absolutoria sententia inno-
 cens proferri, sed ab instantia iudicij absolui. Ex-
 cipe casum quo manifestè fuit probatum testem,
 & accusatorem falsò dixisse. 9
 Reo absoluto, si nouæ probationes superueniant,
 poterit iterum examinari, & iudicari. 10
 Condemnatus pœna arbitraria, eo quòd delictum
 plenè probatum non fuit, si superueniant legiti-
 mæ probationes, & pœna arbitraria non sit exe-
 cutioni mandata, poterit reus in pœnam ordina-
 riam puniri, secus si mandata sit executioni. 11
 Plures censent nullam esse sententiam condemna-
 toriam hæretici impœnitentis, nisi fiat in præ-
 sentia iudicis sæcularis. 521.12
- Probabilius est oppositum. 13
 Quid de stylo seruando in sententiis. 14
- Seruus.*
 Seruus Christianus ob hæresim domini obtinet liberta-
 tem, paganus in seruitutem fisci transit. 487.18
- Solicitatio ad Venerem.*
 Si in confessione fiat, Inquisitoribus subiicitur, &
 qualiter denunciari debeat.
 Vide verb. *Confessarius.*
- Spes.*
 Spes quid sit, quod eius obiectum materiale. 567.1.
 & 2
 Deus visus est immediatum obiectum spei. 3
 Deus visus quatenus est nobis conueniens, est for-
 male obiectum spei. 568.6
 In quo spes à fide, & charitate distinguatur. 7
 Distinguitur ab his virtutibus distinctione reali. 8
 Spei duplex est actus, prosecutionis, & fugæ. ibid.1
 Desiderare beatitudinem alicui, potest esse actus
 spei, si illam ut tibi conuenientem desideret, si ut
 alteri conuenientem, erit actus charitatis. 2
 Ex gratia Dei, & ex nostris moribus speranda est
 beatitudo. 569.4
 Bonum temporale sperari potest virtute spei. 5
 Obseruare iustitiam ex timore gehennæ actus esse
 potest virtutis spei. 6
 Spei actus propriissimus non est in beatis, bene tamen
 habitus quoad substantiam. ibid.1
 Idem dicendum est de timore. Christus Dominus
 dum fuit in hac vita mortali habuit habitum
 spei. 570.4
 Animæ in Purgatorio habent propriissimum actum
 spei. 5
 Viatores iusti habent habitum spei, imò & peccato-
 res, quorum peccatum virtuti spei contrarium
 non sit. 571.7
 Spei præceptum negatiuum semper obligat, affirmati-
 uum aliquando. ibid.1
 Obligat, quoties necessaria est ad orationem, pœni-
 tentiam, vel tentationem vincendam. 1
 Pro directa obligatione nullum est tempus determi-
 natum, sed prudentis arbitrio. 4
 Rarè homines, nisi perditissimi, executionem huius
 præcepti omittunt. 572.7
- Statutum.*
 Statuto municipali obligari potest subditus absens ad
 id quod cedit in vtilitatem grauem municipij. 167.
 16
 Ratione rei sitæ ligari potest absens statuto munici-
 pali. 158.19
 Non ligantur absentes statuto municipali, quod spe-
 cialiter in damnum communitalis non cedit,
 tametsi contrarium sit satis probabile. 20. & seqq.
- Stylus curiæ.*
 Constituat ne legem. 193.8
- Subditus.*
 Contra propriam opinionem tenetur superiori præ-
 cipienti obedire, tametsi existimet probabilius
 præceptum illicitum esse. 13.4
 Contrarium non videtur improbabile. 14.5
 Si sub opinione probabili est superiorem non esse
 legitimum, probabilius est te non esse obligatum
 obedire. 7. & 8
 Dubitantem an res sibi præcepta licita sit, vel supe-
 rioris potestatem excedere, communis sententia
 defendit obligatum esse. 36.2
 Religio

Index rerum.

Religiosum dubitantem de honestate præcepti, non videtur improbable de obligatum esse. 37.8
 Probabilius est obligatum esse in casu dubio consilere viros doctos. 10
 Tenetur subditus obedire superiori præcipienti rem ex qua dubitat, an terminos suæ iurisdictionis excedat. 11
 Subintelligitur, si dubius sit post factam diligentiam, nam ante illam, si præcipiat, probabilius est non teneri subditum obedire. 38.13
 In supradicto casu dubio non tenetur subditus obedire, si damnum graue ei ex obedientia resulter. 16
 Idem est, si præceptum superioris sit nimis molestum, & durum. 39.18

Suspicio.

Suspicio hæresis quotuplex sit. 495.1
 Explicatur ibi magna, leuis, vehemens, violenta. 1. & 3
 Leuis suspicio non sufficit ad condemnationem. 296.4
 Sufficit ad interrogandum reum si oriatur ex delicto, cui à iure est talis suspicio annexa. 5. & seqq.
 Suspectus leuiter suspicione iuridica abiurat de leui. 497.8
 Pro crimine inducente suspensionem leuem, condemnari potest reus ad aliquam pœnam pecuniariam, vel carceris pro aliquo tempore. 9
 Suspectus vehementer ad quæ condemnari potest. 10
 Quid si suspicio ex fautoria hæresis oriatur. 11
 Suspectus violentem, vt hæreticus damnari potest. 498.12

T

Tactus.

Tactus in absentia coniugis absque periculo pollutionis licent. 93.16

Testamentum.

Si fiat à Principe, absque solemnitate valet, non tamen valet testamentum in fauorem Principis factum, nisi ipse prius dispensauerit. 156.8

Testis.

In causa hæresis omnes admittuntur. 537.1
 Excipiuntur capitales inimici. ibid.
 Quis sit inimicus? Intelligitur de inimico vero, & suspecto. 538.10
 Excluditur inimicus reconciliatus de recenti. 539.11
 Non debet esse inimicitia à parte procurata. 12
 Hi testes aliàs inhabiles ad solam probationem delicti, non ad alias circumstantias admittuntur. ibid.1
 Negant plures admitti, si via accusationis procedatur. 540.3
 Probabilius est oppositum. 4
 Communis sententia negat hos admittendos esse absque tortura. 5
 Contrarium est dicendum. 6
 Admittuntur tamen aliæ ad sint probationes. 7
 Admitti possunt tam contra reos, quàm pro ipsis. 541.8
 In fauorem rei consanguinei admitti possunt, sed non tanquam integri testes, sed tanquam diminuti. 9
 Testes in causa hæresis compelli possunt ad testandum, esto absint, & extra iurisdictionem Inquisitoris existant. ibid.1

Debent per litteras requisitorias statim, & vocari. 542.2
 Possunt examinari lite non contestata, & parte non citata. 3
 Testes examinati parte non citata, iterum examinandi sunt, si pars aliquid opponit. 5
 Testes cum ex prima instantia examinantur, examinari debent coram Notario, & duabus personis discretis, spectato iure: at vsus contrarium obtinuit. 6
 Facta testium depositio publicanda est reo suppressis nominibus testium. 543.7
 Testes non sunt cum reo confrontandi, nisi in duplici casu. 8
 Testes criminosi, & aliàs inhabiles, & singulares non integra probant. ibid.1
 Quis sit testis singularis. 544.2
 Quotuplex sit singularitas in testificando. 3
 Testes singulares singularitate obstativa, nihil probant. 4
 Testes singulares singularitate cumulata, vel diuersificatiua probant, vt reus subici possit quæstionibus, vel vt condemnentur in pœnam extraordinariam. 5
 In dubio an testes de diuersis, an de vno actu deponant, præsumendi sunt de vno actu deponere. 6
 Duo testes singulares omni exceptione maiores, sufficiunt ex plurium sententia ad reum condemnandum. 7
 Probabilius est oppositum. 8
 Testes deponentes de quodam actu hæreticali, variantes in loco, & tempore, affirmant aliqui esse contestes. 9
 Probabilius est esse singulares. 545.10
 At si vnus testis deponit de actu hæreticali tali loco & tempore, & alius de illo deponit, neque tempus designat, neque locum, contestes debent reputari. 12
 Testes deponentes de eadem hæresi, & verbis discordantes, contestes sunt. 13
 Ex depositione singulari trium, vel quatuor testium omni exceptione maiorem, affirmant plures reum condemnari posse in pœna ordinaria. 546.14
 Probabilius est oppositum. 15. & 16
 Duo testes contestes omni exceptione maiores ad probationem plenam huius delicti sufficiunt. ibid.1
 At in practica nunquam executioni mandatur, si reus probata vitæ sit. 547.2
 Testis in tribunali inquisitionis falsus qui sit. ibid.1
 Potest ab Inquisitore torqueri, & puniri. 2
 An possit Inquisitor sine Episcopo, vel econtrà hunc testem punire? Sub distinctione responderetur. 3
 Testis falsus in crimine hæresis pœna mortis afficiendus est, ex plurium sententia. 548.4
 At ex consuetudine receptum est pœna arbitraria puniri. 5
 Excipe, nisi ille contra quem deposuit, vt negatiuus fuerit morte affectus. 6
 Si testificatus punitus non est, testis non est in pœnam talionis condemnandus, etiam spectato iuris rigore. 7
 Nulla est differentia inter testem falsò deponentem hæresim nunquam damnato, vel iam de illa damnato. 549.8
 Pœna arbitraria puniendus est testis falsus pro defensione inquisiti. 9
 Contra huiusmodi testem, tanquam contra fautorem hæretici Inquisitor procedet. 11
 Non euitabit pœnas, tamen si nulla sit eius depositio. 12
 Quid si testis seipsum detulit, pœna est arbitraria puniendus, & mitius. 13

Index rerum.

Quæ dicuntur de testibus, extenduntur ad illos corruptentes, consulentes, &c. 14
Filius & nepos testis falsi condemnati nõ sunt infames, neque aliis pœnis subiiciuntur, quibus subiiciuntur hæreticorum filij. 550.15

Timor.

Qui sit in beatis. 570.2.& 3
Timoris tam filialis, quàm seruilis datur præceptum. 572.5
Sed non videtur esse præceptum de exercendis iis actibus formaliter. 6
Rarò homines nisi perditissimi executionem huius præcepti omittunt. 7

Tortura.

Tortura in crimine hæresis inferri potest, quando alia legitima probatio deficit. 513.1
Debent tamen præcedere legitima indicia, & sufficienter probata. 2
Vnus testis deponens non de delicto, sed de indiciis delicti, non sufficit ad torturam. 3
Si plures quàm duo testes singulares concurrerent ad probationem indiciorum, posset reus subiici torturæ. 4
Dictum vnius testis de corpore delicti sufficit ad subiiciendũ reum torturæ, tamen si alij contrarium sentiant. Intelligitur dummodo testis sit omni exceptione maior, & reus non sit probatæ virtutis. 5
Si eius criminis non præbet sufficiens indicium ad torturam. 514.6
Præbet tamen, si alio adminiculo adiuuetur. 7
Quid debeat index perpendere in depositione loci criminis. 8
Fama qua ratione præbeat indicium sufficiens ad torturam. 9
Confessio extraiudicialis est sufficiens indicium ad torturam. 10
Sola variatio, & vacillatio non præbet sufficiens indicium ad torturam, esto probabiliter alij contrarium defendant. 515.11
In crimine omnes aliàs exempti torquendi sunt. 12
Aliquibus placet hos leniter esse torquendos, sed eorum dictum non est in iure fundatum. 13
Minores, senes, & valetudinarij torqueri possunt pro qualitate virium, excepta muliere prægnante. 14
Reus in tormentis delictum falsus debet ratificare, aliàs ex eius confessione ibi facta condemnari non potest. 516.15
Facta ratificatione si pœnitentiam exposulet, admittendus est, nisi fuerit relapsus, si in errore persistit, debent adduci Doctores, qui illum convinçant. 8
Si accedente tempore ratificationis reus reuocet, subiiciendus torturæ illorum est. 17
Si tortus sufficienter sit, & in negatiua persistit, absolvendus est. 18
Reo convicto, & confessio potest tortura inferri pro habendis complicibus. 19
Quoties agitur, an reus subiiciendus sit torturæ, debet eius Aduocatas assistere. 20

Tyrannus.

Tyrannus an peccet condens leges. 132.11

V

Vagus.

Vagus qui sit. 164.1
Tenetur legibus loci, qua transit. 2
Potest puniri à iudice loci, in quo capitur, tamen si forensis, & peregrinus non possit. 4
Probabilius est remittendum esse ad locum delicti, si petatur à iudice illius. 5
Qui superior possit cum illo in lege, voto, & iuramento dispensare. 196.1

Vis, & violentia.

Hæc nunquam præsumuntur. 45.4

Voluntas.

Quando in virtute censetur permanere. 43.1
Non censetur permanere ex eo quod retractata non sit. 2
Euentus contingens quando euitari non potest, non addit malitiam causæ prius appositæ. 44.3
Non censetur voluntarius retractata voluntate. 4
Euentus ortus ex causa voluntaria, qui impediri non potest, non est peccatum, ex plurium sententia. Probabilius est peccatum esse. 5.& 6
Effectus ex praua causa voluntaria orti manifestandi sunt in confessione. 45.7
Quoad natiuam inclinationem voluntas nunquam patitur vim. ibid.1
Quoad appetitum elicited vim pati potest. 2
A multo agente creato necessitari potest. 3
Ira, concupiscentia, aliæve passio auget voluntarium, minuit liberum. ibid.2

Votum.

Omittens singulis diebus orationem Dominicam, quam tenetur ex voto recitare, quam culpam committat. 83.9
Violans plura leuia vota eodem die non peccat mortaliter. 89.11

Vsufuctus.

Vsufuctus finitur, quoties vsufuctuarius patitur maximam, aut mediam capitis diminutionem, & quæ hæc sint. 453.1
Sintne hæc correctæ per authent. Sed hodie. 2
Concluditur non esse correctæ. 454.3
Bene tamen in regno Castellæ. 4
Si delictum vsufuctuarij habet annexam maximam, aut mediam capitis diminutionem, non publicatur vsufuctus, sed finitur spectato iure communi. 5
In regno Castellæ negant aliqui publicari. 6
Probabilius est publicari. 7
An committente patre delictum, cuius ratione exit filius à patria potestate, extinguatur in patre vsufuctus bonorum, quæ filius ante delictum acquisiuit. 455.10.11.& 13

F I N I S.





3.9 F. 51

